






THE J. PAUL GETTY MUSEUM LIBRARY





THE SAURUS
ROMANARTUM
VANDERBILT

THE SAURUS
ANTIQUITATUM
ROMANARUM
ANTIQUITATUM.

THESEUS
ROMANUM
ANTIQUE

THESAURUS
ANTIQUITATUM
ROMANARUM.

IN QUO CONTINENTUR
LECTISSIMI QUIQUE SCRIPTORES,

Qui superiori aut nostro seculo Romanæ reipublicæ rationem,
disciplinam, leges, instituta, Sacra, Artesque togatas ac sagatas
explicarunt & illustrarunt,

CONGESTUS
A JOANNE GEORGIO GRÆVIO.

ACCESSERUNT
Variæ & accuratæ tabulæ æneæ.
VOLUMEN PRIMUM.
EDITIO ALTERA.

Scriptores hujus tomi post præmium ad lectorem inveniuntur.



VENETIIS,
Typis BARTHOLOMÆI JAVARINA.
M. DCC. XXXII.

SUPERIORUM PERMISSU, AC PRIVILEGIO EXCELLENTISS. SENATUS.

NOI REFORMATORI DELLO STUDIO DI PADOA.

HAvendo veduto per la Fede di revisione ;
& Approbatione del P. *Fr. Tomaso Maria Gennari Inquisitore* nel Libro intitolato : *The-
saurus Antiquitatum Romanarum, in Tomi dodici, Au-
tore Jo: Georgio Grævio*, non v' effer cos' alcuna con-
tro la Santa Fede Cattolica ; & parimente per At-
testato del Segretario Nostro, niente contro Prin-
cipi, & buoni costumi, concedemo Licenza a *Bor-
tolamio Giavarina Stampatore*, che possi effer stam-
pato, osservando gli ordini in materia di Stampe,
& presentando le solite copie alle Pubbliche Li-
brarie di Venetia, & di Padoa.

Dat. 16. Aprile 1732.

{

{ Alvise Pisani Kav. Proc. Ref.

{ Gio: Pietro Pasqualigo Ref.

Agostino Gadaldini Segr.

1732. 10. Maggio.

Registrato nel Magistrato Eccell. degli Esecutori
contro la Bestemia.

Angelo Legrenzi Segr.

PRÆFATIO.
LECTORI BENEVOLO

S. P. D.

JOANNES GEORGIUS GRÆVIUS.



Ab omni hominum memoria nullum floruit regnum, nulla respublica, quæ foris latius tot populis imperarit, domi vero sapientissimorum institutorum & optimorum exemplorum fuerit feracior, quam respublica Romana. Nusquam invenies, siue sapientium monita, siue gentium ceterarum omnium excuseris res gestas, unde documenta capias & plura, & magis salutaria, cum ad rempublicam prudenter administrandam, tum ad vitæ & morum probitatem excolendam, quam in iis monumentis, quæ ingenia decora de rebus Romanis immortalibus litteris consignarunt. Quantum Græci præceptis, tantum Romani valuerunt exemplis, quæ vera est Quintiliani sententia. Ad tantum enim humanæ potentiæ fastigium ex imis incrementis, & initiis tenuissimis crevit hæc respublica, non fortunæ munere, sed sapientia, pacis & virtute belli, ut nil ei sit par & secundum. Admirandus ille tam civilis quam militaris disciplinæ ordo, illæ leges, jura, sacra, religiones, magistratus, comitia, census, delectus, arma, castra, denique ille, qui reipublicæ huic fuit impositus, status, & illa quæ colebatur morum severitas & integritas hanc peperit firmitatem & magnitudinem imperii, ut multis egregie disputat sapientissimus historicorum Polybius lib. vi. Nisi sic morata, nisi sic constituta fuisset hæc civitas, nisi que tam moderate civium, magistratum, omniumque ordinum munera descripta fuissent ad omnes pacis bellicque functiones, nunquam potuisset inter tot gentes, quæ & viribus & duritie corporis, & animis ad mortem paratis, & numero hominum, & calliditate, & scientia rei militaris tam pedestris quam navalis longe Romanos anteibant, emergere. Igitur in hac istius reipublicæ tam pulchra temperatione & descriptione cognoscenda, quicumque civilis prudentiæ studio tenentur, semper temporis operæque plurimum posuerunt; sic enim sentiebant ex nullo fonte posse hauriri uberius sapientiæ civilis doctrinam, quam ex historiis rerum publicarum. Hac enim cognitione imbutos, non secus ac multorum annorum usu in ipsa rep. tractanda exercitos & eruditos, recte tam de scitis magistrorum politices, quam de ipsis rebus civilibus, ut se habeant, existimare posse. Nec id ignoravit summus Aristoteles, qui antequam de civili doctrina libros suos luci committebat, collegerat & ediderat centum & octoginta rerumpublicarum historias. Unde quantus ex Romanæ reipublicæ cognitione fructus capi possit, quæ tam prudenter & tam mirifice instituta erat, ut omnes ceteras, quas sol unquam adspexit, & rerum gestarum magnitudine, & temporis, quo floruit, longinquitate superaret, pulchre intelligebant. Verum illius notitia perobscura est, & perquam difficilis ejus pervestigatio, cum propter linguæ, quæ in longa illa ac sæcunda barbariei nocte obsolevit, tum propter scriptorum veterum penuriam,

P R Æ F A T I O.

Nullus enim , qui florente republica & imperio eam deformarit ad nos pervenit . Itaque genus omne scriptorum , quos de rebus Romanis ex illo naufragio rei litterariæ tanquam tabulas quasdam nobis propitium quoddam Numen servavit , historici , oratores , poetæ , philosophi , grammatici , Græci Latinique sunt evolvendi , & ex multis variisque locis & particulis tanquam ex longe lateque sparsis ruderibus & parietinis quibusdam collapsum ædificium veteris Romæ fuit redintegrandum . Non requirebatur tantum ad has tenebras dispellendas multa & assidua lectio , ingens industria , memoria firma fidaque rerum lectarum custos , attentio maxima , ne quid retrusum & abditum præteriretur , acris ingenii vis & perspicacitas ad occulta pervidenda & ex latibulis eruenda , iudicii que summa subtilitas & ad discernenda , quæ spectent hanc , quæ aliam reip. partem , & ad apte componenda lacera dissipataque membra , nodosque , qui passim occurrunt , difficillimos sollerter expediendos . Itali principes fuerunt , qui a renatis litteris aditum quasi aperuerunt ut ad ceterarum optimarum artium , sic & ad hujus doctrinæ intelligentiam . Inter eostres eminuerunt præcipue , fere æquales , Paullus Manutius , Carolus Sigonius , Onuphrius Panvinus . Nam qui ante hos in hac ornanda Sparta desudarunt , Blondus Flavius , Raphael Volaterranus , Julius Pomponius Lætus , alique nonnulli , non inutilem quidem , ut illis temporibus , rei Romænæ studiosis navarunt operam , & probabile est eorum studium & egregia voluntas bene de Romana & litteraria re merendi ; sed nondum satis politis erant , nec ea doctrinæ copia , nec iis subsidiis instructi , quæ hoc genus scribendi postulabat . Quæ præclare inchoata hi reliquerant , pulchre perfecerunt qui illos exceperunt . De civitate Romana primus quidem Onuphrius Panvinus Veronensis edidit commentarium Venetiis anno M. D. LVIII. ex officina Erasmi : nam Caroli Sigonii de civium Romanorum jure libri duo Venetiis primum vulgati sunt biennio post anno M. D. LX. Manutii vero de civitate liber diu post lucem adspexit , nimirum post ejus fata Romæ M. D. LXXXV. Quia tamen liber Manutii brevior est & multo elegantiae ac eruditionis sale perspersus , & quia præterea in paucis doctorum virorum bibliothecis reperitur , iussu illum ceteris omnibus tanquam *τιλαιγές πρόσωπον* , & omnibus elegantibus hominibus gratum oculiferum anteponi ; quamvis forte temporis quoque ratione , quo scriptus est , ante illos si non locari , certe illis non posthaberi debeat . Equidem illo tempore , quo suum Onuphrius typis commisit de civitate librum , hic quoque Manutii sic jam scriptus videtur fuisse , ut postea fuit editus a filio . Declarat hoc satis liquido epistola , quam præfixit libro de legibus , ad Hippolytum Estensem Cardinalem , qui publici juris est factus anno M. D. LXXI. Testatur ibi ex decem antiquitatum Romanarum libris , quos adornarit , se nunc librum de legibus edere casu potius , quam consilio , cum ceteri quoque tantum non consummati essent . Nam cum dixisset , se ante decem annos , auctoribus duobus eximiis viris , Petro Bembo , & Bernardino Masseio , se dedidisse ad res Romanas illas veteres observandas , & ex omnibus antiquorum monumentis omni studio colligendas , ut illam rempub. universam animo ac scientia comprehenderet , Latinis litteris explicaret , & posteris relinqueret ; addit accidisse iniquo quodam fato suo , ut cum horum utrumque , Bembum primum jam senem , deinde Masseium non atate minus , quam virtute florentem , in quo sui spes otii sita omnis fuerit ,

P R Æ F A T I O.

importuna morte ereptum amisisset, fractus & debilitatus animo institutum antiquitatum opus omiserit, & ad alia se converterit. Postea cum ab Hippolyto Estensi Cardinale honorifica imprimis conditione delata in ejus familiarium numerum fuerit adscitus, quod abjecisset opus rursus suscepisse, & ex decem quos exorsus esset libris, hunc de legibus potissimum, quem mitteret ad Mæcenatem suum delegisse, non quod ita postularet ordo, sextum enim in antiquitatum voluminibus locum obtinere, sed quod, cum omnium librorum materia non modo coacta jam in unum esset universa, verum etiam satis diligenter in partes distributa, casu acciderit, ut hic minus quam ceteri rudis, minus fuerit impolitus. Post editum hunc de legibus commentarium, Paullus variis jactatus casibus, morbis, & domesticis incommodis, ut modo Romam transferret sedem fortunarum suarum, modo Roma Venetias remigraret, quod nobis ex ejus epistolis & ex Musæo Joannis Imperialis constat, aliis præterea districtus occupationibus hanc in ceteris novem antiquitatum libris perpoliendis & emittendis in publicum curam ad tempus spe melioris otii seposuit. Post ejus diem fatalem filius Aldus non passus est hæc parentis sui monumenta, quæ invenit, in tenebris delitescere; sed tres alios ex illis decem, quos pater moliebatur, libris antiquitatum produxit in dias luminis auras, unum de civitate, alterum de senatu, tertium de comitiis. In *προσφωνήσεαι* diatribes de senatu ad Jacobum Boncompagnum narrat, eam quidem serius aliis ejusdem argumenti commentariis a viris doctis scriptis edi, (existimo Zamoscii de senatu Romano libros significari) longe tamen prius ab ipso scriptam esse, ne quis ea surripuisse aliis, in quibus cum iis conveniat, putet. Quæ sunt argumento istos libros postumos, quos filii curæ debemus, fuisse concinnatos, cum liber de legibus prodiret, & sic temporis quoque ratione primum ei locum in hoc primo tomo fuisse assignandum.

Sequuntur Caroli Sigonii, qui Mutinæ in patria, Venetiis, Patavii, Bononiæ docuit rectissima studia magno cum concursu & applausu, de antiquo jure civium Romanorum libri duo. Is Manutio fuit carissimus & longo annorum usu conjunctissimus; Sigonius vero colebat Manutium & observabat imprimis. Ei tribuit in his libris principatum ingenii & elegantiae; Manutius quanti Sigonium fecerit, tum aliis in locis, tum in epistola ad illum data, quæ est in lib. v. epistolarum, ostendit: *Vides, inquit, quo te in loco tua virtus, quanta omnium expectatione, constituerit. nihil mediocre præstandum est: nec ut cum aliis, quibus te jam doctrina industriaque antecelluisse omnes judicant, sed ut tecum ipse certes, teque ipsum, si licet, vincas, omnique laudis genere cumules, elaborandum.* Sigonius autem in hac tractatione de antiquo jure civium Romanorum, multo copiosius versatus est quam Manutius: hic enim agit præcipue de urbe & agro Romano, de tribubus, centuriis, classibus, ordinibus civium: ille non solum hæc executus est, sed & jus gentilitatis, sacrorum, conubiorum, legitimi dominii, testamentorum, tutelæ, tutorum & vectigalium; de sacerdotis, magistratibus, triumphis, senatoribus, publicanis, & multis aliis, sine quibus Romanæ reipublicæ disciplina intelligi non potest, accurate disputavit. Equidem hæc mea semper fuit sententia, hos Sigonii libros permagnum emolumentum afferre iis, qui vel Romanæ historiæ ac eloquentiæ, vel juri student; multis auctor fui, ut antequam elementa hujus scientiæ delibent ex

P R Æ F A T I O .

Justiniani Imperatoris institutionibus , istos libros pervolvant . Nulli non , qui meæ paruerant auctoritati , operæ pretium se tulisse sunt testati , mihiq;e gratias egerunt . Sine horum , quæ exponuntur hic a Sigonio , cognitione Latina veterum , præsertim Tullii & Livii , monumenta nec legi cum fructu , nec intelligi possunt . Iis accedunt Onuphrii Panvinii Veronensis , doctissimi hominis de eodem argumento , quod multis antiquis titulis illustravit , nimirum de civitate Romana libri duo , & tertius de Imperio Romano . Huic instituto maxime quoque serviunt Paulli Manutii unus , quem pauci viderunt , nihil enim illo rarius , & Nicolai Grucchii Rhotomagensis , viri exquisita doctrina , de comitiis Romanorum tres libri , eruditissime scripti . Nam sine trium illorum comitiorum , in quibus leges , pax , bellum , fœdera jubebantur , magistratus creabantur , de capite civis , deque libertate ac jure civitatis judicabatur a populo Romano , ratione , quæ tamen est intricatissima & cognitu difficillima , rempub. Romanam , cujus potissima vis in his comitiis erat sita , cognoscere & perspicere nemo potest , nec Livii , aliorumque scriptorum sententiam assequi . Grucchii tantum fuit nomen , ut non solum Lutetiæ , Burdigalæque , sed & in Lusitania , quo fuerat invitatus ad promittendas optimas artes , omnium laudem & admirationem fuerit promeritus . Sed cum de lege curiata magistratuum & imperatorum ab eo dissentiret Sigonius in his , quos modo laudavimus , commentariis , gravis exarsit inter hos duos viros eruditissimos contentio , civiliter tamen primo , certe variis libris agitata , quos hic quoque videbis . Illic res cognitione dignissimæ , sed spissis nebulis ante hanc controversiam motam obfessæ , clara luce fuerunt persusæ . Ab eruditorum senatu vero secundum Grucchium fuit datum , si credimus Scævola Samarthanio , id tradenti in Gallorum doctrina illustrium elogiis .

Jure civium , & comitiorum ratione explanata , senatus quoque , qui civitatis consilium erat , cujus auctoritate omnia gerebantur , historia fuit explicanda . nam ut homo ex anima & corpore , sic respub. Romana ex senatu & populo fuit constituta . Nec hic defuit nobis industria duorum insignium virorum , Paulli Manutii , cujus postumum commentarium de senatu Aldus filius nobiscum communicavit , & Joannis Sarii Zamoscii . Is fuit sui temporis maximus & incomparabilis heros , omnibus pacis bellicue artibus , si quisquam , ornatissimus , qui & scribenda omniumque seculorum memoria celebranda gessit , & omnium admiratione digna scripsit . Domo fuit Polonus , & illius regni magnus Cancellarius , nec non summus exercituum imperator ; ut erat ipse doctissimus , sic artes ingeniaque fovebat impense & mirifice . In Roxolanorum finibus condidit novam urbem splendidam Samoscium : in eaque Academiam excitavit , cui Hippeo nomen , quod viris doctis non plebeja doctrina , sed recondita , & elegantia ingenii præcellentibus , quorum spectator & existimator erat egregius , instruxit , magnique stipendiis conduxit , de quo hic plura dicere locus non fert . Ejus laudes decantant annales , & exstat in publico de magni viri vita rebusque disertissima Adami Burssi , qui Athenæi Samosciani singulare decus fuit , oratio Lugduni Batavorum anno hujus seculi duodecimo typis mandata , nec non Joannis Casellii summi hominis ad Thomam Zamoscium de parentis virtutibus epistola lectu dignissima , quæ in epistolarum centuria ad viros principes est septuagesima . Hos de senatu libros Zamoscii adornavit ,

P R Æ F A T I O .

& edidit in primo ætatis flore Patavii, cum ibi vix vicesimum secundum annum agens expoliendi ingenii causâ degeret. Unde nonnullis suspicionem movit, se non esse tam docti & pulchri libri, qui ab omnibus magno applausu excipiebatur, parentem, sed Sigonium, quo in primis Patavii utebatur, quod Thuanus in libris de vita sua prodidit. Sed qui sic suspicabantur, alius ingenium de suo spectabant. M. Antonii Majoragii libellus de senatu Romano in manibus hominum etiam est. Sed is, quamvis in aliis scriptis, quæ edidit plurima, viri illius eruditionem & eloquentiam faciam permagni, strigosior est, nihilque docet, quod non uberius & ornatus prosecuti sint Manutius & Zamoscus.

Hæc primus tomus complectitur. Præfixus tamen his omnibus est Octaviani Ferrarii, viri doctissimi, liber de origine Romanorum, quamvis ferius ad nos perlatum sit, cum jam plerique omnes, quos in hunc tomum conclusimus, essent editi. Utinam potuisset hanc lucubrationem vir eximius perficere; sed acerbis fatibus occupatus & exemptus rebus humanis fragmentum hoc reliquit, quod tamen ne periret dignissimum est & merito servatum ab ejus amicis. De hoc ipso Ferrario plura diximus in præmio, quod præmisimus ejus libris, de ritu concionum veteris ecclesiæ. Denique nec hoc prætereundum est, in libris Sigonii de jure civitatis Romanæ nos secutos esse editionem, quam in Germania in operibus Sigonii junctim editis expresserunt Francofurtenses. Postea incidimus in Parisiensem anni MD. LXXIII. indicio viri doctissimi Rutgeri Kemingii, cujus singulari curæ & studio hic thesaurus plurimum debet, quæ multis in locis fuit emendatior & auctior prior. Hanc secundam editionem, ab ipso Sigonio recensitam & elimatam nunquam ante, quod non diffitemur, videramus, persuasi Francofurtenses, qui post obitum Sigonii omnia ejus opera collegerant, optimas & recentissimas editiones in manibus habuisse. Sed cum hanc opinionem nos fefellisse intelleximus, quæ emendata sunt in illa Parisiensi editione, & quæ illi accesserunt non paucæ observationes, calci tomi primi subjecimus.

In his præclaris præstantissimorum virorum monumentis occurrunt quidem hinc inde, quæ miniatulis ceris notari merentur, quæve a posterioribus scriptoribus sunt rectius & dilucidius, ut dies diem docet, explicata: sed hoc nos ingenio sumus, ut ab opere censorio abhorreamus. Ut tamen aliorum magis serviamus voluntati & studio, quam nostro morem geramus animo, en tibi specimen.


In Ferrarii dissertatione de origine populi Romani pag. (6) ait Pelasgorum, qui coloniam in Italiam duxerint, patriam antiquiorem Argos Argolicum esse in Achaia, qui inde domo profecti Thessaliam occuparint, eamque in tres partes distribuerint, Phtiotin, Achaïam, & Pelasgiotin, quas ex nominibus Ducum suorum appellarint. Diversa sententia longe est vero similior. Nam Thessalia fuit parens cum ceterarum Græcarum gentium, tum & Pelasgorum, qui ex Thessalia profecti in Helladem & Peloponnesum se diffuderunt & in illas terras patriorum fluminum & urbium nomina detulerunt. Hellenes, Aeoles, Dores, Iones, Achæos esse Thessalos origine, & quidem Phtiotas ex Thucydidis præmio, Strabone & Apollodoro constat. Deucalionem antiquissimum Regem Thessaliæ fuisse nemo ignorat, nisi hospes in historia prisca. Hujus filius fuit Hellen, a quo Hellenes, qui antiqui & genuini incolæ sunt Phtiotidis, uti etiam soli appellabantur memoria belli Trojani, quo illorum Rex



P R Æ F A T I O.

erat Achilles, nondum communicato hoc nomine cum ceteris Græciæ populis, qui & post bellum Trojanum, ad differentiam verorum Hellenum Theſſallicorum, dicti sunt ab Heſiodo Panellenes, ut & Homero Iliados β. v. 331. si verſus illi genuini sunt, quos obelis ſuis jugularunt Græci veteres Critici, uti videndum apud Eufſtathium. Hellen ſuſtulit Achæum, a quo Achæi, qui tenuerunt itidem Phthiotin, & æque ac Hellenes parebant Iliaca tempeſtate Achilli, quod præter Homerum prodidit Strabo lib. viii. Ion, a quo Iones, Hellenis nepos fuit, Achæi frater. Iones etiam ex Theſſalia in Peloponneſum migrarunt, ac illi peninſulæ, quæ ante dicebatur Ægialia, nomen Ionæ dederunt, ut auctor eſt idem Strabo lib. viii. Ab Æolo Hellenis filio Æoles, a Doro Doreſ, qui & ipſi patria Theſſalia relicta ſedes tranſtulerunt cum in Heliadem, tum in Peloponneſum. Pelafgus, cui originem debent Pelafgi, aut pater fuit Æmonis, aut ſecundum alios avus. A Pelafgo Theſſalia dicta fuit Pelafgia, ſi Stephano fides, Θεσσαλία δὲ ἀπὸ Θεοσδάλει, ἡ πρότερον Πελασγία. *Theſſalia a Theſſalo, quæ prius Pelafgia dicta*; uti poſt ab Æmone Pelafgi nepote Æmonia fuit appellata, & a Theſſalo filio Æmonis Theſſalia, teſtante id eodem Stephano, quamvis in generis ſerie diſcrepent alii. Hi Pelafgi, uti ceteri Theſſaliæ priſci populi, ſedes tranſtulerunt in Peloponneſum. Ibi in memoriam antiquæ patriæ, quæ Ἄργος Πελασγικὸν dicebatur, more colonorum condiderunt urbem in Peloponneſo, quam nominarunt Ἄργος, ſed ad diſcrimen Theſſalici Argi Ἄργος Ἀχαικὸν, quamvis ab Achæis, & ipſis origine Theſſalis, illam urbem excitatam fuiſſe velint alii. Scio veteres auctores eſſe, qui tradunt duos eſſe Pelafgos, Peloponneſiacum, & Theſſalicum: ab illo ſanguinem ac nomen ducere Pelafgos Peloponneſiacos, ab altero Theſſalicos, a quibus pars Theſſaliæ dicta fuerit Pelafgiotis. Sed hæc diverſitas opinionum inde orta videtur eſſe, quod, cum in Theſſalia Pelafgos fuiſſe didiciſſent, & Pelafgos quoque in Peloponneſo olim conſediſſe accepiſſent, a quibus illa Chersonelus Pelafgiæ nomen acceperit, ante Danai & Pelopis in illam adventum, duos exiſtimarint fuiſſe Pelafgos, in quo ſæpe peccarunt Græci, cum unus tantum fuerit Theſſalicus antiquus, cujus poſteri Pelafgi in Græciam cum ſe contuliſſent, & Arcadiæ aliasque Peloponneſi terras occupaſſent, Arcades, qui in primis antiquitatis gloriam affectabant, unde ſe προσηλυτός eſſe prædicabant, invidentes Theſſalis originis ſuæ auctorem, Pelafgum apud ſe natum aliumque a Theſſalico eſſe jactabant. Quod explanatius poſſet explicari; non enim me fugit Pelafgis aliam tribui ab aliis originem, dictosque fuiſſe βαρβαροφώνους, ſi hujus inſtituti ratio ferret. Equidem non eſt credibile Pelafgos Peloponneſiacos ex Græcia in Theſſaliam contendiſſe & ibi Argos Pelafgicum condidiſſe, cum ceteri Græciæ populi orti in Theſſalia ex illa in Græciam venerint æque ut Pelafgi, & ibi conſederint.

Pag. 34. ubi agit de notariis & notis in Paulli loco ex Pandectes lib. xxxvii. qui ex Pedii ſententia ſcribit, notam non eſſe litteram, & propterea ſcriptas tabulas non valere, valde argutatur. Nec notæ illæ apud Ciceronem in lib. ii. de divinat. (nam ibi notæ ſunt ſigna, quibus aliquid præſignificatur) nec notæ turpitudinis, nec Threiciæ, quas Thraeces inurebant corporibus, huc quicquam faciunt, nec illæ notæ, quibus res ſecretas ſignificabant amicis, ſive illæ fuerint litteræ aliter ſcriptæ, ut ſi *b* pro *a*, *c* pro *b* ponatur ad exemplum Julii Cæſaris, ſive fuerint

P R Æ F A T I O.

certæ quædam litteræ figuræve voces denotantes, nihil faciunt ad Paulli notas. Is loquitur de his notis, quibus *ταχυγραφοι* utebantur, qui oratorum orationes excipiebant, quarum singulæ vocem significabant, vel etiam plures, quæ *siglæ* posterioribus temporibus appellabantur. Hæ notæ fuerunt duplices, ut in tabulis iudicum N. L. pro *non liquet*, A. *amplio*. SC. *senatusconsultum*, quæ in frequenti usu fuerunt ab antiquissimis temporibus, ut liquet ex priscis legibus, lapidibus, inscriptionibus, & aliis monumentis: aut figuræ quædam ut,  qua

fascis,  *Imperator Cæsar*,  *orbis terrarum totus* significabatur, de quibus extat liber a Grutero in lucem emissus, qui Tyronis & Senecæ nomen præ se fert, quæ sunt vocum compendia. Has notas intelligit Paullus, cum ait notam non esse litteram, & propterea testamentum notis scriptum esse irritum. De his notis accipienda est quoque lex *Lucius*. D. de test. mil. L. *Titius miles notario suo testamentum scribendum notis dicitavit, Et antequam litteris perscriberetur, vita defunctus est*: de qua vide Cujacium III. Observ. 3. Causa, præter alias rationes, cur testamentum pagani notis scriptum nollent valere JCI, erat, quod facile possent circumscribi heredes aut legatarii, quod Galbæ accidit apud Suetonium, qui HS quingenties cum præcipuum inter legatarios habuisset, quia notata, non perscripta erat summa, heres Tiberius legatum ad quinquaginta revocavit. Nimirum notatum erat IO HS, quod valebat quingenta sestertia, & quingenties sestertium, inter quas summas immane discrimen erat. Si litteris perscriptum fuisset *sestertium quingenties* non potuisset circumveniri Galba, nisi vi. Si L. HS. fuisset notatum in testamento, ut vult Casaubonus, quomodo hanc notam potuisset interpretari Tiberius quingenta, cum L non quingenta, sed quinquaginta sestertia denotaret? Poterat eadem nota IO HS quingentos sestertios significare. Non tamen inficior posse a Paulo litteras etiam illas singularias intelligi, quæ vocem integram denotant. Nam licet sint litteræ, non tamen vim litterarum obtinent, sed vocum, ut. S. V. V. B. E. E. V. in epistolis Tullii, quibus, ut notum, significatur, si vos valeatis, bene est, ego valeo. Has litteras non litterarum loco habet IC. sed vocum, ideo notæ dicuntur, quod essent notæ & signa integrarum vocum. Verum prior sententia mihi verior videtur esse. Istæ notæ, quibus litteræ singulariæ voces denotant, diu ante Ciceronem & Tyronem fuerunt adhibitæ in publicis privatisque monumentis & tabulis: harum vero, quibus utebantur notarii, artem dicitur condidisse Cicero, aut ejus libertus Tyro, quamvis de illarum ambigatur inventionem.

Paullus Manutius de Civitate Romana p. 33. ubi agit de divisione Populi Romani a Romulo facta, in tres ait partes eum fuisse divisum, quas vocarit tribus, & singulas rursus in denas, quibus nomen curiæ imposuerit, quod iis, ut Festus videatur ostendere, publicarum rerum cura commissæ sit. Sic non solus Manutius, sed Sigonius, Gruchius, Onuphrius, & quis non? Sed de veribervio *τῇ curiâ* Festus fallitur, & alios fefellit. Nam vocabulum *Curia* Romulus accepit a Græcis. Iis, præsertim Atheniensibus, dicebatur *κυρία ἐκκλησία*, & simpliciter *κυρία* tota populi concio legitime convocata ad vetandum jubendumve, quod e rep. censetur esse. Romulo non toti populo, sed parti ejus trigessimæ, quæ si cum ceteris viginti novem curiis legitime convenisset, jus habebat sci-

P R Æ F A T I O .

tres equitum centuriæ a Romulo lectæ, quæ legioni adjicerentur, quæque subinde crescente urbe creverunt, & a successoribus Romuli fuerunt auctæ, equites tantum fuerunt, qui in acie peditatui opponerentur, non qui in urbe ordinis equestris numero essent, senatuique opponerentur, unde quæso est ille ordo equestris? a quo, & ex quo genere hominum, & quando fuit is institutus? In Romuli rebus gestis nullorum equitum, quos delegerit, meminit quisquam, quam illarum trium centuriarum. Ait quidem Sigonius utriusque equitis divisionem institutam a Romulo fuisse; sed cum Tatienses, Ramnes, Luceres ab equestri ordine removet, nullam ostendit hujus ordinis originem. Fundamentum hujus sententiæ unicum est, equites alios fuisse, qui meruerint equo publico, hos equestris ordinis homines esse; alios, qui equo privato meruerint, qui in exercitu peditibus responderint, & qui diversi fuerint ab equestri ordine. Nihil in his est veri, si accipias, ut accepit Sigonius. Respublica Romana a Romuli tempore usque ad Marium nullos alios novit equites, qui peditibus legionariis in acie responderent, quam qui in Urbe senatui opponebantur, nimirum qui merebant equo publico, sive ordinis erant equestris viri. Tres illæ centuriæ Tatiensium, Rammnetum, & Lucerum a Romulo lectæ, fuerunt equestris ordinis origo; hi & illorum posterius fuerunt equites ex civibus Romanis, qui in castris peditatui Romano, in Urbe senatui opponebantur. Nullus in triginta turmis equestribus alius merebat civis, quam qui esset equestris ordinis, nisi forte temporibus iniquissimis, cum necessitas reip. non pateretur leges & instituta tueri. Reliqui omnes cives merebant pedibus in legione. Videamus nunc loca, quibus Sigonius, & qui ejus sectam sequuntur, suam putant firmari sententiam. Primus est Ciceronis ex III. de legibus: *Censores pecunias, auitates, ordines partiuuto: equitum peditumque prolem describunt*. Ordines cum dixit, inquit Sigonius, senatum, plebem, & equites equo publico intellexit, cum peditum equitumque prolem, qui privato equo, quique pedibus stipendia facerent, significavit. Quis mortalium hanc sententiam ex verbis istis Ciceronis colligat, nisi qui hanc opinionem imbiberit, quam sibi persuasit Sigonius? Nihil aliud illa præ se ferunt, quam censores cujuslibet patrimonium & ætatem descripsisse, & secundum facultates retulisse cives in classes & ordines, ut, qui censum equestrem haberet, si nihil aliud obstaret, in equestrem ordinem, qui senatorium censum haberet, in senatorium ordinem adscriberetur, utque præterea tam equestris ordinis, quam ceterorum civium liberi utriusque sexus, quot & qua essent ætate, in tabulas referrentur censorias. Si aliorum equitum fuit illa proles, quam equestris ordinis, cujus ordinis fuit proles peditum? Nam censores plebem quoque in suum ordinem descripserunt, hoc est, tertium. Alii ergo deberent esse pedites, quorum proles in censum referrebat, quam plebs Romana. Sed hæc absurda sunt. Sequitur apud Sigonium Livii locus, qui non stabilire sententiam ejus, sed evertere mihi videtur planissime. Est in libro v. cap. 7. ubi, cum narrasset de clade Veienti, & metu senatus hoc nuncio accepto, subjicit: *cum repente quibus census equester erat, equi publici non erant assignati, senatum ad-eunt, equis se suis stipendia facturos promittunt*. Hos cenfet Sigonius non fuisse equestris ordinis homines, sed qui dicti fuerint equites equo privato. Primo *equitum equo privato* quis meminit? Non, quia sunt *equites*

P R Æ F A T I O.

equo publico, consequitur fuisse quoque *equites equo privato*. Sane in nullo antiquo monumento, quod ad nos pervenit saluum ex illo rei literariæ naufragio, ullum vestigium lest aut memoria equitis equo privato. Dein est hic extraordinarius pane, & fortuitus quidam casus, cum extremis reipublicæ temporibus illi qui censum equestrem habebant, sed nondum a censoribus essent in equestrem ordinem relati, sponte suam offerrent operam, quam navaturi erant reipublicæ sine ære equestri, quod merebant equites equo publico, reliqua plebs horum exemplo commota, quæ non habebat censum equestrem, æque gratuitam reipublicæ operam deferebat, ac illi fecerant, qui dicuntur in epitome hujus libri *suis equis meruisse*, ut legendum quoque in ipso Livio, quia nondum equus publicus illis erat assignatus. Si fuisset talis ordo in reipublica, qui suis equis meruerit, cur hoc tanquam singulare quid notasset Livius, illo tempore fuisse, qui equestrem censum habebant, qui sine stipendio equis suis reip. volebant præsto esse? Cur ii tantum, qui equestrem censum habent, profitentur nomina? Nimirum quia et si nondum adscripti fuerant equestri ordini, spes tamen erat ut proximo lustro ei adscriberentur a censoribus: interea in turmis equestribus, quæ illa clade imminutæ erant, idem volebant reip. præstare officium suis equis, quod præstabant equites equo publico. Equidem si turmæ equestres, quæ in acie opponebantur militi legionario, non fuerunt equites equo publico, cur dicit hic Livius, eos *quibus census equester erat, equi publici non erant assignati, senatum adeunt, equis se suis stipendia facturos promittunt*? quia publicos nondum habebant. Si turmæ equestres potuissent suppleri hominibus, qui suo equo militarent, inepte scripsisset Livius, *quibus census equester erat, equi publici non erant assignati*. Suffecisset, quibus census equester erat, adeunt senatus, equis se stipendia facturos promittunt, scilicet gratis. Vides igitur hunc locum frangere sententiam Sigonii, non roborare. Nec plus præsidii est Sigonio in Ciceronis loco quem affert ex prima Philippica, quo conatur ostendere, non omnes, qui equo mererent, ex ordine fuisse equestri, quia Tullius in Philippica, cum in legem Antonii disputat, qua ex centurionibus novam, eamque tertiam judicum decuriam conficiebat, scripserit: *At quæ est illa decuria judicum? centurionum, inquit. Quid? isti ordini judicatus lege Julia, etiam ante Pompeja, Aurelia non patebat? Census præfinitur, inquit, non centurioni quidem solum, sed etiam equiti Romano. Itaque viri honestissimi, atque fortissimi, qui ordines duxerunt, res judicant & judicaverunt. Non quero, inquit, istos; quicumque ordinem duxit, judicet. Atque si ferretis, quicumque equo meruisset, quod est laudatius, nemini probaretis. In judice enim spectari & fortuna debet & dignitas. Ex his verbis putat Sigonius perspicuum esse, non quicumque equo meruisset, equestrem ordinem explevisse, sic loquitur, quia equester ordo alteram judicum obtinuerit decuriam, cui tertiam centurionum addere voluerit Antonius. Num omnes, qui equestris erant ordinis, quia secunda judicum decuria ex equite conscribebatur, in illam legebantur? Poterant legi, sicut omnes qui senatorium, omnes qui equestrem censum habebant, poterant in illos ordines adscisci, non tamen, nisi cum censoribus, probarentur, in illos legebantur; id quod multo magis observabatur in judicibus, quia, ut ipse Cicero hic liquido declarat, non tantum spectari debebat in judice legendo fortuna, sed &*

P R Æ F A T I O.

dignitas, hoc est, non tantum equestris ordo, sed in iudicibus ex eo legendis gravitas, iustitia, fides, quas virtutes in iudice requiri testatur in oratione pro Milone Cicero. Non omnes vero equestris ordinis fuisse iudices ex iudiciariis legibus nemini potest obscurum esse. Lex Gracchi trecentos fecit, omnes ex equestri ordine, lex Drusi trecentos equites, & totidem senatores, lex Plautii quingentes viginti quinque sanxit, ex singulis tribubus quindecim constituit, lex Cornelia trecentos senatores, sequentes vero numerum iudicum auxerunt, ut dudum viri docti ex antiquis monumentis docuerunt. vide inprimis Paulli Manutii caput xv. de legibus. Itaque apud Ciceronem *quicumque equo meruisset*, nihil aliud significare, quam quicumque equo publico meruisset, non tantum ex iis elucet, quæ attulimus, sed & inde, quod nulli iudices fuerint lecti unquam ex aliis equitibus, si vel fuissent equites equo privato, quos tamen nullos fuisse supra docuimus, quam ex equestris ordinis viris. Ex hoc loco Ciceronis igitur effici nullo modo potest in rep. Romana fuisse alios equites, qui fuerint equestris ordinis, alios, qui in acie oppositi fuerint pediti: multo minus ex loco Valerii Maximi, qui in libro 11. cap. 9. narrat, quadringentos equites bello Punico 11. a censoribus fuisse spoliatos equis publicis. Atqui, inquit Sigonius, illis temporibus innumeri erant, qui equo merebant. Quid inde? Cum singulis legionibus adderentur triginta turmæ legionariæ, ex legionibus duabus quadraginta turmas delectas ad rem illam, ad quam delegati erant, explicandam, quam cum male sua, credo, culpa gessissent, fuisse spoliatas equis publicis. Equidem ad Marii tempora semper hoc fuit observatum, ut turmæ xxx. quæ singulis legionibus apponebantur, non nisi essent equites equo publico, nisi forte cum summum reip. discrimen id exigeret, nonnunquam nonnulli suis mererent equis, qui censum habebant equestrem, quamvis nondum essent lecti in equestrem ordinem. Post Marium, sicut ab illo militaris res Romana tota fuit immutata, ut præclare docuit *ὁ πάλιν* Salmasius in fragmento de re militari Romana, sic etiam equestris magna facta fuit immutatio. Nam loco triginta turmarum, quæ ex Romanis equitibus ante Marii tempora conflabantur, post conscribebantur equites ex Italia & provinciis, qui addebantur legionibus loco pristinarum triginta turmarum. Dicebantur autem *ala*, nunquam *turmæ*. Plurimumque ala non erat tricenaria, ut xxx. turmæ legionariæ, sed vel quingenaria, vel sexcenaria, vel milliaria. Hinc in C. Cæsaris exercitu in Gallia bellantis pauci fuerunt equites Romani; qui erant, ii distinguebantur ab equitatu, quem ille habebat ex Gallis, & Germanis, aliisque gentibus. Equites enim Romani junguntur aut evocatis, aut tribunis, aut aliis præficiebantur administrationibus bellicis, sive quod bellis civilibus valde attritus esset equestris ordo, ut tot legionibus, quibus tum res gerebatur, non sufficeret; præcipue cum Romæ præessent alii iudiciis, alii vectigalia conducerent, aut quod illius ordinis dignitas ita crevisset, ut inter gregarios equites legionarios merere plerique gravarentur, quod princeps docuit vir maximus, Hermannus Rhabodus Schellius, Satrapa Transilvanus, qui & natalium splendore, & sapientia, & propositi sanctitate, & ingenii præstantia, copioseque variae doctrinæ summis, quos nostra tulit ætas, hominibus est annumerandus, in eruditissimis annotationibus ad Hyginum & Polybium de castris Romanorum, & in disputatione illi subiecta de stipendio militari, in qua difficillimum il-

P R Æ F A T I O.

lum locum Livii ex libro v. cap. 7. quem supra laudavimus, quique viros eruditissimos Lipsium, Salmasium, Puteanum misere torfit, dilucidavit felicissime & verissime. Ne ad alia progrediamur, politissimus Lipsius nos moratur, qui & ipse 1. de milit. cap. 3. duplices equites Romanos fuisse censet, non tamen Sigonii secutus rationem, ac si fuissent semper Romæ alii equites, qui peditibus in acie, alii, qui senatui opponerentur in urbe. Sed Lipsius sentit alios fuisse equites equo publico, alios sine eo. Illos fuisse vetustissimos, & prope solos equites dictos, eosque dici a Plinio militares, lib. xxxiii. cap. 1. *Annuli plane medium ordinem tertiumque plebi & patribus inferuere, & quod ante militares equi nomen dederant, hoc nunc pecuniæ judices tribuunt.* Equos publicos contendit Lipsius fuisse militares. Si soli equi publici dicti sunt militares, quomodo dicebantur illorum equi, qui merebant nonnunquam equis suis ut Vejente bello; nonne illorum equi fuerunt etiam equi militares? Verum hæc non est mens Plinii, qui cum hæc scriberet suam respiciebat ætatem, quæ equestris ordinis viri non merebant in turmis legionariis ut olim, quibus propterea equus publicus erat assignatus, & æs equestre ad illum alendum, & hic equus publicus, quem militem dicit, erat tum insigne ordinis equestris. Suo vero tempore non requiri ait Plinius equum publicum, sed tantum censum equestrem, quem qui habebat, donabatur annulo aureo, hoc est, adscribebatur equestri ordini. Pecuniæ tantum, sive censui equestri tribuebatur equestris ordinis dignitas, retinebantque hoc tantum equestris ordinis insigne equites Romani sui temporis annulum nimirum aureum, altero vero, equis militaribus, dudum carebant. Nam sub imperatoribus non legebantur turmæ triginta legionariæ, ut olim, ex equestri ordine, sed ex Italicis & provincialibus alæ, ut vidimus paullo ante. Qui quadrigena possidebat equestri ordini adscribebatur, quanquam nunquam militiæ nomen esset daturus, ut Ovidius, qui, ut ipse prodidit, habebat equum publicum, nunquam tamen militavit. Sic enim de se scripsit:

*Aspera militiæ juvenis certamina fugi,
Nec nisi lusura movimus arma manu.*

Nec aliter intelligendus Asconii locus in divinationem: *His decem annis victore Sulla spoliatus est populus Romanus judicandi jure, quod habuit per equites Romanos militares;* per equites, ex quibus olim xxx. turmæ, quæ singulæ legioni solebant addi, legebantur in delectu, quod suo tempore exoleverat, cum nullæ essent turmæ legionariæ, nec equites militares gregarii, ex equestri ordine lecti, aut valde rari. Hinc ipse Plinius in eodem loco, quem attulimus, statim prioribus subjicit: *Equitum nomen subsistebat in turmis equorum.* olim scilicet, non suo tempore, quo dudum nullæ turmæ fuerant equestris ordinis. Vidisse sententiam hujus loci Pliniani ex parte quoque Salmasium de re militari cap. 24. postea cognovi. Nec tamen in omnibus acu rem tetigit. Lipsius putat mutatum esse bello Vejenti, ut soli equites equo publico fuerint militares. Illo enim bello & deinceps fuisse in legionariis turmis multos, qui equis suis militarent. Cave credas. Quomodo locus ille Livii sit intelligendus, egregie ostendit ille Schelius de equestri stipendio, quem vide. Sed quinam fuerunt equites equo publico, quorum apud Tullium, & in inscriptionibus antiquis, imperatorum tempore scriptis, sæpe fit mentio? Erant equites

P R Æ F A T I O.

Romani, qui equum publicum habebant, ut olim, non ut militarent ut antiquis temporibus, cum nullus alius equitatus esset Romanus, quam ex equestri ordine conscriptus, sed ut esset tantum insigne honoris, & equestris ordinis. Equo publico donabantur multi a censoribus, aut imperatoribus, qui censorum personam sustinebant nonnunquam, cum lustrum conderent; hi in equitum transvectione recognoscabantur. Inprimis sub imperatoribus nonnulli sive milites, sive alii, sive quod rebus præclare gestis hunc honorem essent meriti, sive gratia imperatorum, eorumve, qui illos imperatoribus commendarant, donabantur equo publico ut alii ornamentis senatoriis. Sic imperator Adrianus M. Antonino, *honorem equi publici sexenni dedit*, teste Jul. Capitolino; & in inscriptione antiqua apud Gruterum honestatur equo publico puer septennis. Equus publicus tum erat tantum monumentum honoris, quo erant affecti, & insigne ordinis equestris, in quem erant allekti. Hominum ex equestri ordine, sive equitum equo publico tempore Ciceronis alii publicum conducebant, alii iudices legebantur, sed nulli in delectu, quem consules agebant, legionarii legebantur equites, ut priscis temporibus. Nullæ certe ex illis equitibus equo publico sub imperatoribus conscribebantur legionariæ turmæ, nec est credibile tum temporis tantæ dignitatis viros peregrini generis alis, quæ tum temporis loco turmarum legionibus adjiciebantur, fuisse admixtos. Præficiebantur vero Romani equites aut alis, aut cohortibus, aut tribuni legionibus præerant quæ *equestres militiæ* dicuntur Suetonio & Plinio in epistolis. erant autem curationes militares, quibus tum præficiebantur equites Romani, aut in Ægyptum aliasque Cæsareas provincias legati imperatorum mittebantur. Καὶ τὰτα μὲν δὴ τὰτα. Sub rep. virtutis præmium erat, cum equiti Romano equi publici alendi gratia fieret a censore; sed erat quoque ignavorum pœna publico equo spoliari a censore. Utriusque rei exempla non una sunt in Livio, quæ dudum collegerunt viri docti. Præmium, credo, fortium virorum erat, cum onere levabantur alendi equum publicum; nam cum levarentur hoc onere, levabantur simul munere merendi equo in turma. Hoc docet Livius lib. xxix. S. C. factum, ut tribuni pl. ferrent, ut P. Æbutio, cuius pater equo publico meruerat, emerita stipendia essent, ne invitus militaret, neve censor ei equum publicum assignaret. Vides fuisse beneficium, si equestris ordinis viro non assignaretur equus publicus, causam vero fuisse, ne invitus militaret. Quicumque enim illis temporibus equum publicum habebant, cogeantur decem stipendia facere. Insignis etiam de hac re locus est apud Plutarchum in vita Pompeii: Ἡδυσαν δὲ θεάματα τοῦ δήμου παρέχεν αὐτῷ ἑαυτὸν, πλὴν στρατείας παρατέμνων. ἔθος γὰρ ἐστὶ τοῖς Ῥωμαίοις τοῖς ἵππευσιν, ὅταν στρατεύσονται τὸν νόμιμον χρόνον, ἀγεῖν εἰς ἀγορὰν τὸν ἵππον ἐπὶ τοῖς δύο ἀνδράσιν, οἷς τιμητὰς καλοῦσιν ἢ καταειδυσαμένους τὰν στρατηγῶν ἢ ἀντίκρατόρων ἑκατὸν ὑφ' οἷς ἐσπαρτάσαντο, ἢ διδόντας ἀξιώσεως τῆς στρατείας ἀξιοῦσθαι. Gratissimum vero spectaculum populo se ipse (Pompeius) præbuit, cum militiæ vacationem postularet. Mos est equitibus Romanis, ubi legitimum tempus stipendiorum expleverunt, ut equum in forum ad censores adducant, enumeratisque singulis ducibus Ἐῖ imperatoribus, sub quibus meruerunt, ac reddita militiæ ratione, petant vacationem. Hoc fecisse videntur reddito equo publico. Nam hæc erat causâ, cur equum Pompeius ad censores in forum deducebat, ut ex sequentibus patet. Si cui ante confecta stipendia hæc vacatio daba-

P R Æ F A T I O.

tur, propter insigne aliquod meritum in remp. erat id utique beneficium, & jus quoddam præcipuum, quo liberabatur merendi necessitate. Poena vero equitum qui male rem gesserant, erat ademptio equi publici; quia cui adimebatur equus publicus, removebatur ex equestri ordine amittebatque illius ordinis dignitatem. Cognosces hoc, ut alia præteream, liquidissime ex Suetonii Caligula. Is inquit in cap. 17. *equites Romanos severe curioseque, nec sine moderatione recognovit: palam adempto equo quibus aut probri aliquid, aut ignominie inesset: eorum, qui minore culpa tenerentur, nominibus modo in recitatione præteritis*. Porro de incrementis equestris ordinis ut a prima ejus origine paulatim creverit & auctus fuerit, vide Joannem Fridericum Gronovium pulchre disputantem lib. III. Observ. c. 25.

P. 36. de Civitate Romana notat Manutius: *In rep. summus ordo promiscue cunctis, vel patricia vel plebeja familia natis datus est, nobilesque simul omnes, sive patricii, sive plebei generis, modo senatorii essent ordinis, appellati*. Hoc ego pernego. Senatoria dignitas non nobilitabat apud Romanos, sed jus prodendi imaginem. Jus vero hoc non habebant senatores, sed ii soli, qui curulem gesserant magistratum. Ideo qui primi ex sua familia ad has dignitates tollebantur a turba mobilium Quiritium, dicebantur *homines novi*, ut Cicero, non qui senatores tantum erant, & alius adscendere non poterant. Unde Cicero dicit in Verrina V. se ædilem designatum adeptum esse antiquiorem in senatu sententiæ dicendæ locum, sellam curulem, jus imaginis ad memoriam posteritatemque prodendæ. Mentionem quidem facit imaginum senatoriarum Suetonius in Augusto: *Balbus paterna stirpe Aricinus multis in familia senatoriis imaginibus*. Sed non proprie hac voce ibi usus est, sed quadam abusione vocis & ἀκυρολογία, qua nihil aliud significavit, quam multos illum habuisse in sua familia senatores, nullos vero ædiles curules, aut prætores, aut consules.

Quæ pag. eadem notavit, equestris ordinis tantum fuisse, qui jus annuli habuerint, ceteros quocunque censu equo suo militare potuisse. Hoc ex iis, quæ superius de equestri ordine disputavimus, recte potest intelligi. Nimirum si quando reip. tempus requirebat, aut etiam alicujus libido voluntasve ferebat, sive senator esset, sive censum haberet equestrem, ut suo equo quis vellet merere, is levabat tantum remp. illo stipendio, quod ex erario pendebatur equitibus equo publico, sed tamen merebat in illis turmis legionariis, quæ ex equitibus Romanis conscribebantur, nisi mallet in sociis copiis equestribus militare, quod, nullus civis Romanus ut faceret, facile in animum potuisset inducere. Peregrinitate illa contaminari genus Romanum existimabant.

Nec possum subscribere Manutio, cum pag. 39. scribit, Tarquinium Priscum tunica purpurea, & toga picta, sive trabea regum Romanorum usum esse, perinde ac trabea fuisset toga picta. Nam licet trabea fuerit, ut quidam volunt, toga, sed brevior, & minus laxa, non tamen fuit toga picta, quæ tota erat purpurea, aut picta filis aureis, quæ utebantur triumphantes, cum trabea esset coccinea, purpureo limbo prætexta, & clavis pupureis distincta, ut ex Dionysio Halicarnasæo certis argumentis declaravit Rubenius de Re Vestiaria, de lato clavo cap. 5. Hinc equites Romani, post regum tempora in transvectione, trabea dicuntur fuisse induti, non vero toga picta.

P R Æ F A T I O.

Pag. 46. male interpungitur in editis , quod posset lectori non doctissimo negotium facessere , quippe qui honestissimo vitæ genere , flagitiosi ac perdit , languoris expertes , victum sibi comparent , cum sit distinguendum , quippe qui honestissimo vitæ genere , flagitiosi ac perdit languoris expertes .

P. 51. Idem ait , quod & superius affirmavit , ingenuos , si rura possideant , in rustica tribu censeri . Hoc nullo idonei Romani aut Græci scriptoris testimonio comprobabit . Primis temporibus reip. cum census a Servio Tullio esset institutus , vero simile est obtinuisse , ut qui fundos possiderent , in tribus referrentur rusticas , ut secernerentur a *χερσωναί* , sed postea cum resp. crevisset , num , si quis eorum , qui sedentariis artibus se tuebantur , tantum pecuniæ quævisisset , ut agrum parasset , propterea ex tribu urbana referebatur in rusticam a censoribus ? Nemo veterum hoc tradit . Hoc vero credibile , omnes , qui in rusticis tribubus censebantur , habuisse rura , ut Plinius ait , sed nemo dixerit , omnes qui rura habebant , fuisse in tribum rusticam translatos , sicut non omnes equites , qui censum senatorium habebant , senatores creabantur , ut constat ex C. Nepotis Attico , & Suetonii Octaviano .

P. 54. Is fuit Catinensis sed est una cum reliquis Neapolitanis civis Romanus factus , decurioque Neapoli . Erat enim in id municipium adscriptus ante civitatem sociis Latinis datam . Hæc verba sunt iisdem litteris exarata , quibus Manlius est Sosus . Sunt enim Ciceronis , non Manutii verba .

P. 59. docet Manutius cives Romanos duorum generum fuisse . Alios qui domicilium intra pomeriū terminos habuerint , alios , qui in agro Romano , & deinceps in omnibus 35. tribubus , quousque protenderentur , fuerint . Hos cives Romanos , illos populum Romanum . Inter cives Romanos , & populum Romanum fuisse discrimen , est Manutii commentum nullius veteris scriptoris auctoritate subnixum . nec ejus opinionem quicquam adjuvat locus Suetonii , scribentis de Augusti testamento : *legavit populo Romano quadringenties , tribubus tricies quinquies H.S.* Pro quo Tacitus eandem rem designans dixit in annali : *legavit populo & plebi cccxxxv.* Quadringenties quod populo Romano legavit , voluit inferri populi Romani ærario , ut ad communem reip. usum in illo servaretur . Tricies vero quinquies , quod tribubus legavit , voluit viritim distribui plebi tenuiori per omnes 35. tribus sparsæ , sive illa Romæ habitaret , sive in agro Romano , cujus parti dabatur etiam frumentum menstruum ex publicis horreis . Sæpe tribus accipitur pro plebe viliori & pauperiore , quod multis exemplis probat magnus Casaubonus ad hunc Suetonii locum , quem vide . *Plebs* sæpe distinguitur a populo . Apud Ciceronem X. ad fam. epist. 35. **LEPIDUS IMPER. ITER. PONT. MAX. SENAT. POP. PL. Q. R. S. D.** Sunt & alia in iisdem epistolarum voluminibus exempla . Quid vero differat populus a plebe docet Gellius X. Noct. Att. 20. ad definitionem legis ab Atejo Capitone factam : *Lex est generale jussum populi aut plebis rogante magistratu . Plebem , inquit Gellius , Capito seorsum a populo divisit : quoniam in populo omnis pars civitatis omnesque ejus ordines contineantur . plebes vero ea dicitur , in qua gentes civium patriciæ non insunt . plebiscitum igitur est secundum eum Capitonem , lex , quam plebes , non populus accipit .* Sed ut redeam , quo sum digressus , tribus Suetonii , & plebs Taciti erant tenuiores cives , quibus viritim aliquid nummorum distribuebatur , sive intra Romæ pomeria degeret , sive in agro Romano . Non tamen inficior , cum tota Ita-

P R Æ F A T I O.

lia civitate donata esset, plebem Romæ habitantem liberalius habitam fuisse in talibus largitionibus, quam Italicam. Suetonius cum Julii Cæsaris liberalitates post partas victorias commemorat: *Annuam habitationem*, inquit, *Romæ usque ad bina millia nummum, in Italia non ultra quingenos sestertios remisit*, hoc est, pro plebe, quæ in conducto Romæ habitabat, solvit dominis ædium annuæ habitationis vectigal ab his mille HS. sed pro plebe, quæ extra Romam in conductis ædibus degebat, solvit tantum quingenos nummos. Ut hoc verum est, sic falsissimum, plebem intra urbem dictam esse populum Romanum, quæ extra urbem egerit, tribus.

P. 62. contendit Manutius, municipes, qui habebant jus civitatis & censabantur, non potuisse in legione merere, & paullo post idem ait, colonos locum quidem habuisse in legione, sed non fuisse Romæ censitos. Utrumque falsum. Si coloni in legione potuerunt merere, cur non municipes, qui plerique meliore jure cives erant Romani, quam coloni? Exempla quoque municipum in legiones adscriptorum præsto sunt. Non poterant autem in legionariorum esse numero, nisi Romæ in tabulas censorias essent relati. Quod nemo diffitebitur, qui norit, ut Romæ delectus fuerit habitus, de quo vide præcipue Lipsium de re militari Romanorum lib. 1. cap. 3. Conveniebant ergo Romæ dicta die cum delectus esset habendus tam municipes quam coloni, qui jus civitatis habebant, & in sua tribu & centuria respondebant.

P. 63. non capio Manutii argumentationem, in his verbis, ubi vult probare nobis, Romanos omnes censos fuisse, a quo nati erant, quod verum est, si, addit, *robustiores tantum censi essent*; *Ser. Tullio regnante, qui censum instituit, Romæ fuissent hominum CC. millia*. At hoc recta ejus adverteratur rationi. Nam si robustiores soli censi tantum numerum confererunt, quantus debuit numerus esse hominum, si iis accedant infantes & adolescentes intra XVII. annum, nec non mulieres? Atqui in sequentibus ex Livio docet octoginta tantum millia censa fuisse in primo Servii censu, quod tamen verum esse sibi persuadere non potest. Itaque Manutius scripsit, *Romæ non fuissent CC. millia*.

P. 64. scrupulum, quem injicit Manutius de numero civium tempore primi census acti evellit cum omnibus fibris Sigonius lib. 1. de antiquo jure civium Romanorum cap. 14. quem consule.

P. 65. notavit Paullus, censum in foro factum, lustrum vero in Campo Martio conditum fuisse. Hoc non omni tempore factum est. Primis temporibus census fiebat in foro, sed postea in villa publica, ut jam pridem docti viri observarunt: sed Romanorum equitum transvectio semper in foro instituebatur.

P. 66. cum scribit Manutius: *expletis tribubus non in centuriis, sed in sua quemque tribu censum fuisse crediderim*. Non ego. Nam in centuria sua quemvis civem fuisse censum, vel ex delectu militari, ne de aliis dicam, elucet. Is cum haberetur, vocabantur singulæ centuriæ, unde tribuni legebant, quos centuriaret. Unde vero hæ centuriæ, nisi ex censorum tabulis cognoscebantur? Vide Lipsium de re militari Romanorum, lib. 13. Patet id etiam ex centuriatis comitiis. Quis enim in centurias descripsisset cives Romanos, nisi censor? Non mirum autem Livium lib. XXIX. ubi agit de censura Salinatoris & Claudii Neronis, mentionem tantum facere tribuum, nullam vero classium. Tribus

P R Æ F A T I O.

enim singulæ pro fortunis distinctæ erant in quinque classēs . In tribubus nulla habebatur ratio facultatum , sed in singula tribu fuerunt omnium classium homines , qui pro divitiarum modo in centurias dividebantur . Cum comitia centuriata habebantur , conveniebant omnes tribus in campo Martio , sed distinctæ in suas centurias . Hinc toties fit mentio tribuum in centuriatis comitiis , cujus rationem non potuit perspicere Manutius , sed postea perspexit Gruchius , quem vide l. i. de comitiis c. 4. & Joann. Fridericum Gronovium Observationum l. iv. c. 1.

P. 70. affirmat duos census fuisse , unum civium Romanorum , quibus vel in urbe , vel in agro domicilium esset , alterum municipum . Quis veterum hoc dixit scripsitve ? Municipes censi sunt ut ceteri cives Romani in suis tribubus & centuriis . Quæ opponit huic sententiæ de numero civium tempore belli Gallici , quod gestum fuit an. V. C. 528. sexennio ante Punicum secundum , armatorum nominis Latini quadringenta millia inter socios populi Romani adversus Gallos pugnasse , postea vero Pompejo & Crasso Coss. qui fuerit annus V. C. 698. quo maximus census fuisset , censoribus CN. Gellio , & L. Lentulo , censâ tantum fuisse CDL. millia hominum , cum tamen tum temporis ipsi quoque municipes fuerint in censum relati , civitate post bellum sociale Italici , hoc est , Latinis data . Fieri itaque non potuisse , quin censorum omnium numerus quadrigentorum quinquaginta major fuerit . Unde conficit , duos census fuisse , unum civium Romanorum , alterum municipum . Verum hæc ratio nulla est . Manutius non satis attendit ad utriusque temporis , de quo agit , rationem . In bello Gallico Italia tota cum Romanis , metu Gallorum Italiam infestantium confurrexit & arma cepit , omnibusque viribus contendit , ne illa ferocissima gens denuo inundaret Italiam . Post bellum vero sociale non mirum est , censorum capitum non fuisse majorem numerum , cum hoc bellum amplius quam trecenta millia juvenutis Italici abstulisse testetur Vell. Paterc. ii. 15. Quin ita juventutem exhausit hoc bellum , ut libertinos sacramento adigere coacta fuerit respublica . Non igitur his exemplis uti Manutius potest ad duplicem censum , ab omni memoria inauditum , fingendum . Quod paullo ante ipse Manutius dixerat de censu a Julio Cæsare habito , in quo tantum CL. hominum censâ fuerint , ad tantam paucitatem redactam fuisse remp. bellis civilibus , id ei hic quoque cogitandum erat de bello sociali . Valeat itaque commentum duplicis census .

Vides in his duobus libellis quanta sit messis animadversionum , cum tamen uterque eorum auctor , Manutius præcipue , ingenio , doctrina , judicio valuerint plurimum , & nihil scripserint temere & inconsiderate , sed perpensis accurate veterum monumentis & testimoniis , ex quibus sollertia sua non pauca ignorata eruerunt . Sic si vellemus progredi in ceteris , præcipue in Onuphrio Panvinio , in quo fuerunt multæ litteræ , multa industria , sed tanta ingenii vis non erat , quanta in Manutio & Sigonio , quorum scripta longe sunt limatiora , volumen alterum nasceretur , forte pondere hac ipsa συγγραφή tot scriptorum , qui rei Romanæ ritus exposuerunt , non inferius .

Sigonius de antiquo jure civium Romanorum l. 14. notavit moris fuisse , primum ut in foro , deinde in villa publica , quæ erat in campo Martio , census ageretur , quem morem Cæsar labefactarit , qui , ut ostendit Suetonius , recensum populi nec more , nec loco solito , sed vicatim

P R Æ F A T I O.

per dominos insularum egerit . Sed verba Suetonii male intellexit Sigonius de censu lustrali totius populi Romani sive omnium ejus ordinum . Quomodo illum agere potuissent domini insularum ? Agit ibi Suetonius de recensu populi tenuioris frumentum menstruum gratuitum accipientis , ut observarunt docti , & ostendunt sequentia : *Ne qui novi cætus recensionis causa moveri quandoque possent , instituit quotannis in demortuorum locum ex his , qui recensiti non essent , subfortitio a prætore fieret .* Quis enim non videt , ad plebem pauperiorem hæc pertinere , quam pascebat frumentum publicum ? His elocatæ erant insulæ , quas possidebant homines pecuniosi . ideoque per illos , insularum nimirum dominos , facile poterant recenseri earum incolæ .

Libro II. cap. 3. scribit *celer* dictos equites vel a celeritatis officio ; vel a duce Romuli Celeri ; qui his tribus centuriis equitum præpositus fuerit . quod falsum . Est *celer* a Græco κέλεις , pro quo dixerunt Æoles κέλεις . Κέλεις vero dicebantur , qui in ludis equestribus certabant , non bigis aut quadrigis , sed equo singulari . Hinc equites singulares dicti κέλεις , *celer* Latine , ut docuit Salmasius in exercitationibus Plinianis & ante illum Angelus Caninius in Hellenismo .

In eodem capite cum scribit : *Quid autem fuerit equus publicus , parum compertum est . Varro in libris de Latina lingua equum publicum mile assarium vocat . quibus verbis stipendium fortasse aliquod vel alendi , vel emendi equi causa de publico constitutum significat .* Quid sit equus publicus , jam satis notum est , nimirum qui dabatur a cenfore ei , qui erat equestri loco natus , quique haberet censum equestrem , si censoribus placeret ut mereret in turmis legionariis Romanorum equitum , cuique ad alendum illum equum erat assignatum stipendium . Quantum fuerit illud , & quomodo hic locus Varronis cum Livio , qui videtur longe grandius stipendium equestri constituere , sit in concordia redigendus , contra Lipsii & Salmasii sententiam verissime docuit Schelius , in illa dissertatione de stipendio militari , quam superius laudavi . Verba curarem apponi , nisi totum librum constituiissem edere in illo tomo , in quo agetur de re militari Romanorum .

Lib. II. cap. 10. de mercatoribus & negotiatoribus ; ubi agit de conventu pag. 190. ait Sigonius , legi etiam consuevisse iudices a prætoribus in provinciis ex conventu civium Romanorum . idque probat in addendis locis aliquot ex Verrinis Tullii petitis , præcipue ex oratione de jurisdictione : *Ceterarum rerum selecti iudices ex civium Romanorum conventu poni solent .* Verum nulli fuerunt conventus civium Romanorum . In provinciis dicebantur oppida , in quibus qui Proprætor aut Proconsule præerant provinciæ , jus dicebant , *conventus* , quia in illa ad diem , quem Proprætor indixerat , ex agro vicino conveniebant omnes , qui lites habebant , quas volebant decidi . significabat etiam rem ipsam , quæ in conventu agebatur , nimirum jurisdictionem . Hinc *conventum agere* est jus dicere in conventu . Quin & sic dicebantur homines qui in conventu litium causa conveniebant , ut apud Horatium I. Sat. 7.

*Persius exponit causam , ridetur ab omni
Conventu .*

In his oppidis vero plerumque versabantur & habitabant etiam cives Roma-

P R Æ F A T I O.

ni, qui negotia habebant in provinciis. Ex his solebant prætores proponere iudices, quibus causas committebant decidendas, æque ut Romæ prætor, ut multis docuit J. Frid. Gronovius III. Observat. c. 22. ubi & hunc Ciceronis locum sic legendum censuit: *Cæterarum rerum selecti iudices civium Romanorum ex conventu proponi solent*. Selectos iudices civium Romanorum ostendit esse iudices ex civibus Romanis, ex conventu autem esse ex illo oppido, ubi conventus agebatur, ubi negociabantur & domicilium habebant cives Romani quidam. vide laudatum locum, ubi pluribus hæc exequitur vir magnus, multis erroribus Manutii, Hottomanni & aliorum castigatis.

Lib. II. c. 18. p. 213. male ex corrupto Suetonii loco, qui est in Octaviani vita cap. 32. colligit annum ad iudicandum legitimum fuisse trigessimum quintum. Sed hunc locum dudum emendavit Jctorum princeps Jacobus Cujacius, approbante Casaubono, observat. lib. XXI. c. 32. qui legendum ostendit: *iudices a vicesimo ætatis anno allegit, id est, quinquennio maturius quam solebant*. ut legitimus ad iudicis personam sustinendam Romæ fuerit annus vigesimus quintus. vide Casaubonum ad hunc locum. In fine ejusdem capituli in Ciceronis loco omissum est *me*, sine quo sententia non constat. *Me L. Cotta, homo censorius, in senatu juratus dixit, se si censor tum esset, cum ego aberam, me meo loco senatorem vocitaturum fuisse*. Sic lege.

En tibi quoque δῆγμα in Onuphrio animadversionum, ex magna messe paucas spicas. De civitate Romana cap. 8. ubi agit de legibus curiatis, quintam legem curiatam fuisse dicit, qua sacrorum detestationes fiebant. *Sacrorum detestationes* interpretatur consecrationes, quas publice in concione populi fieri oporteret. Quid *detestatio* esset non intellexit. Docet nos hoc Paulus in lib. 53. ad Edictum in Pandectæ in l. 39. de verb. significatione: *Detestari est absenti denunciare*, ut & Cajus lib. VI. ad legem 12. tabularum in eodem libro de verb. signif. leg. 238. *detestatum est testatione denunciatum*, quod fit cum denunciamus aliquid absenti adhibitis testibus. *Detestatio igitur sacrarum est*, cum denunciatur heredi, aut legatario calatis comitiis, ut ea suscipiat sacra, quæ testamenta, & hereditatem sequebantur. Notum est Romanas gentes habuisse sacra, quæ ad suæ tantum familiæ homines pertinebant, quæ heredibus erant oneri. Hinc Plauto *hereditas sine sacris* est magnum commodum sine ullo onere. Detestatio sacrorum est igitur, cum heredi aut legatario denunciatur sacra esse suscipienda. Hinc & Servius Sulpicius IC. librum scripsit de sacris detestandis, teste Gellio VI. Noct. Att. 12.

Cap. XVII. de auguribus affert locum Varronis, ubi de voce templi disputat, in quo loca veterum poetarum sunt corrupta, quæ sic sunt legenda:

*O magna templa celitum
Commista stellis splendidis.*

Cap. xxv. sequitur communem sententiam, ubi agit de Flaminibus; Floram fuisse meretricem, quæ heredem scripserit pecuniæ corpore quaesitæ populum Romanum, ex cujus annuo scœnore celebrati sint quotannis ludi Florales. Hanc omnes hauserunt ex Lactantii lib. I. c. 20. sed Floram non fuisse meretricem, nec ex ejus hereditate ludos celebrari,

P R Æ F A T I O.

sed fuisse Deam Sabinorum, cujus, ut nonnullorum aliorum deorum ac dearum, sicuti Fortis Fortunæ, Fidei, Larium, Titus Tatius cultum Romam attulerit; & jam temporibus Romuli ac Numæ sacra ejus ibi floruisse, licet ludi Florales demum instituti fuerint anno Urbis dxiii. non ex Floræ meretricis hereditate, sed ex eorum pecunia multatitia, qui peculatus damnati fuerant, quod publicum populi Romani agrum occupassent, ex Varronis libro iv. & vi. de L. L. ut & Ovidii v. Fastorum dudum præceperunt viri docti.

Cap. xxvi. de Flaminiibus in initio statim legitur inscriptio pulcherrima de P. Aelio Marcello & ejus honoribus. Inter alia habetur: FLAMINI LVCVLARI LAVREN. LAVINAL. Sed apud Gruterum ccclvii. 1. & apud Manutium Schol. in i. Cæsar. de bello civili legitur LAVREN. LAVINA. ut littera L. apud Onuphrium sit delenda, aut forte mutanda in T. significat enim *Flamini Laurenti Lavinati*. Laquentes Lavinates commemorantur in cccclxxxiv. 3. Et in inscriptione inedita elegantissima LUPERCO LAVRENTI LAVINATI FRETRIACO. Dicuntur aliter simpliciter Laquentes, ut apud Gruterum: SENATVS POPVLVSQVE LAVRENS. In eadem inscriptione Q. Q. LAVRENTIVM. LAVINATIVM. In alio epigrammate apud Reinesium dicuntur Laurentini. Oppidum Latii Laurentum, quod & Laurolavinium appellatur.

Cap. xxxi. agit de Saliis Palatinis, cap. 34. de Saliis, quos *Agonales* dicunt vel *Agonenses*, ut auctor est Varro, qui & *Collini* a colle Quirinali dicti, quos Tullus Hostilius instituit. Quin & Servius ad viii. *Æn.* tradidit *Collinos* & *Quirinales* a Numa institutos, ab Hostilio *Pavorios* & *Pallarios*. Sed de his, uti & magistro & præside Saliorum, nec non mansionibus eorum, quarum fit mentio in antiqua inscriptione apud Gruterum;

MANSIONES. SALIORVM. PALATINORVM
OB. ARMORVM. ANNALIVM. CVSTODIAM CONSTITVTAS
LONGA. AETATE. NEGLECTAS. PECVN. SVA. REPARAVERVNT
PONTIFICES. VESTAE. V. V. C. C. PRO. MAGISTERIO
PORTI. ACILLI. LVCILLI. VITRASI. PRAETESTATI
V. V. C. C.

vide viri amplissimi Gisberti Cuperi observat. lib. iv. c. 2. ubi docet mansiones fuisse domos in id positas ac dedicatas, ut in illis pernoctarent & epularentur Salii, cum festis Martii diebus circumferrent quotannis ancilia. Fuisse quoque in collegio Saliorum præter magistrum, ad quem non solum spectabat inaugurandi & exaugurandi potestas, ut censet Cl. Salmasius ad Julium Capitolinum, sed & partes instituendi in cantibus, saltationibus, & ritibus, quibus cum circumferrent ancilia, utendum erat, juniores Salios; etiam præsulem, qui & præfulator dicitur, quia præfultabat; ac vatem, quem *ἱεροφάνης* fuisse, ac reliquis præcecinisse, sicut præfules præsaltabant, credimus Salmasio hæc docenti ad illa Capitolini verba in M. Antonini Philosophi vita: *Fuit in eo sacerdotia*, (sive ut loquitur in versu præcedente *in Saliorum collegio*), *Et præsul*, *Et vates*, *Et magister*, *Et multos inauguravit atque exauguravit*, *ne mine præeunte, quod ipse carmina cuncta didicisset*.

Virgines Saliæ, quas facere sacrificium in Regia paludatas cum apicibus in

P R Æ F A T I O.

modum saliorum Festus tradit, erant paludamento indutæ, æque ut Salii, quamvis trabeatos Salios circumtulisse ancilia Dionysius Halicarnass. mentionat, de quo videndus Albertus Rubenius lib. i. de lato clavo; præterea capitibus gestarunt apices, qui erant pilei ex ovillis pellibus, quibus utebantur Pontifices alique sacerdotes, de quibus plura Philippus Rubenius II. Elektorum 25.

Cap. XLIV. de vespillonibus, locus Festi est contaminatissimus. Nullæ enim ibi *vespulae* commemorantur in editionibus emendatioribus. Sic enim in iis habetur: *Vespa* & *vespilones* dicuntur, &c. quia vespertino tempore eos efferunt, qui funebri pompa duci propter inopiam nequeunt. Martialis:

Qui fuerat medicus, nunc est vespilo Diaulus.

Verba quæ præcedunt Martialis locum, glossema esse vidit ante me Clarissimus Dacerius.

Cap. 55. Trabeam tribuit prætextam Consulibus. Trabea nec prætextata fuit, nec vestis Consularis, nisi posteriorum Imperatorum temporibus, ut superius ostendi. Paulo post scribit, cautum fuisse, ut alter Consul fasces XII. securibus alligatos, alter vero virgarum fasces tantum cum licioribus haberet. Quod falsissimum. Primum P. Valerius Poplicola secures avulsit fascibus, ut nunquam in posterum Consules in urbe securibus fuerint usi, sed tantum foris in bello, uti constat ex Dionys. Halicarnass. lib. iv. Deinde vicissim quot mensibus alter Consulium habebat fasces, alter tantum apparitorem, ut ex Suetonii Julio cap. 20. & aliis non ignotum est.

Cap. 56. recenset magistratus populi Romani, & inter illos duos Prætores Cereales. Mihi crede, nullos unquam Romæ fuisse Prætores Cereales, sed Aediles Cereales. Locum Pomponii de origine juris male intellexit, cum scribit: *Julius Cæsar duos Prætores, & duos Aediles, qui frumento præessent, & a Cerere Cereales constituit.* Sed Cereales non Prætores, sed tantum Aediles spectat. Jam pridem hæc explosa sunt a Viris doctis inprimis ab eruditissimo Ruperto ad hunc Pomponii locum, quem etiam vide de vario Prætorum numero sub Imperatoribus.

Cap. 69. docet tributis comitiis proconsules omnes, propratores, & proquæstres in provincias missos. Quod si generatim accipias falsissimum est. Nam Consules & Propratores simul ac magistratum inierant, aut fortiebantur provincias a senatu nominatas, aut comparabant inter se: sin vero cui provincia mandanda erat extra ordinem, non sortito, aut si cui imperium provinciale erat propagandum, id fiebat iussu populi in Comitiis tributis. Itaque Julius Cæsar Consul cum Galliam Cisalpinam cum Illyrico provinciam affectaret, effecit ut extra sortem illa ei daretur lege Vatinia Comitiis tributis a populo, contra morem majorum, secundum quem una provinciarum a senatu nominatarum, ubi sortitus esset aut comparasset illas cum collega, fuisset ei obeunda. Senatus veritus, ne plura per populum invitis patribus consequeretur, sponte ei quoque decrevit Comitam Galliam. Suet. Jul. 24. Merito igitur rejicitur hæc sententia Panvinii, Proconsules & Propratores omnes missos fuisse tributis Comitiis in provincias. Non loquor de antiquissimis temporibus, cum Coss. tempore sui consulatus mitterentur in provin-

P R Æ F A T I O.

cias, & sequente anno nonnunquam eis propagandum esset imperium, lege populi in tributis Comitibus lata. Sed hæc accurate persequitur Gruchius II. de Comitibus Romanorum cap. 2.

Onuphrius de imperio Romano c. 5. scribit exteras gentes in civitatem admissas varii generis fuisse, alias fuisse foederatas, alias stipendiarias, alias populos fundos. Sed populi fundi nulli fuerunt. Verum si quis ejurata quasi patria in aliam civitatem vellet adscisci, non poterat id fieri, nisi populus fundus esset factus, hoc est, auctor istius immutationis, ut & Sigonius, & alii viri docti disputant in dissertationibus, quas in secundum harum antiquitatum tomum inclusimus.

In eodem capite recte monet, nemini in legione militare fas fuisse, nisi civi Romano. Sed quod addit, non est nauci: *Ideoque soli cives ad ærarium in beneficiis deferri ab Imperatoribus, & beneficiarii milites fieri poterant.* In beneficiis ad ærarium deferebantur comites magistratuum ex cohorte prætoria, non ut beneficiarii milites crearentur, sed honoris & commendationis causa, ut is honor eis aliquando prodesset aut in honoribus consequendis, aut periculis declinandis, ut contra Scaligerum docuit J. Fr. Gronovius lib. III. de sestertiis. *Beneficiarii* autem milites dicebantur, qui gratia aut suffragatione ducis, legati, tribuni legionis, centurionis, provehebantur in locum honestum in castris, nulla habita illorum ratione, qui in beneficiis ad ærarium delati erant a Proconsulibus aut Proprætoribus. Apud Suetonium legimus in Tiberio, *per quosdam beneficii sui centuriones*, hoc est, qui illius gratia consecuti erant ordines, ejus beneficiarii.

Cap. XI. de coloniis, Colonia XIX. ex Vellejo Paterculo docet Sutrium coloniam ductam esse a. V. C. 371. sed Diodorus Siculus altero a capta Urbe a Gallis anno hanc coloniam deductam ait. Ut forte librariorum vitio perperam apud Vellejum exaratum sit *Sutrium*, pro *Satricum*, quo sexennio post a senatu deducta est colonia; quæ & Cluverii in Italia antiqua est sententia.

Colonia 33. *Carseoli*. Fuit Pelignorum oppidum Colonia Latina. In Saxo Romano, quod est in monte Aventino, cujus titulus nondum est editus, scribitur *Carseoli*, cujus

DIANAÆ. AVENT. SACRVM
L. CALLIDIVS. L. FIL.
CLAVD. FEROX. CARSAEOLANVS
V. S. L. M.

Sed a vulgata scriptura non est propter hunc lapidem recedendum. Ovid. IV. Fast.

Frigida Carseolis, nec olivis apta ferendis.

Et paullo post:

*Nam dicere certam
Nunc quoque lex vulpem Carseolana vetat.*

Dicebatur autem *Carseoli*, ut apud Livium, Vellejum & alios, & *Car-*

P R Æ F A T I O.

scolis, ut non tantum clare patet ex Ovidii loco modo laudato, sed & ex Frontino de coloniis. *Carseolis*. *Ager ejus, iter populo non debetur*. Colon. 74. *Auximum* Municipium appellat inscriptio inedita in collectaneis Marquardi Gudii:

L. VELIO. L. F. VEL.
LVCRIANI
III VIRO. MVN. AVXVM.
IVR. DIC. AGRI D.
ET. PROCVR. ANNONAE.
KARAE. FRVM.
DENARIO. MODIVM.
PRAESTITIT.
OPTIMO. ET. DIGNISSIMO.
S. P. Q. AVXIM.
D. D.

Auximi. & ibidem:

APOLLINI INVICTO.
SACRVM.
C. OPPIVS. C. F. VEL.
PATRON. COLON. AVXIM. &c.

Colonia Fanum Fortunæ p. 476. De hac colonia est quoque inter Gudianos vetus lapis rarus & elegans:

C. VIRGINIVS. Q. F. QVIR. GALLVS.
VI VIR. AVGVSTALIS. MAGISTER.
PAGI AVG. FANENS. FORTVNAE FANESTR
SVA. IMPENSA. D. D.

P. 478. Coloniam Asculum antiquus titulus, qui nondum lucem adspexit, vocat municipium. Est is quoque promptus ex Gudianorum corpore.

A. FANNIO. A. F. ARNEN. SERGIANO
EQ. PVBL. FLAMIN. AVGVSTAL.
PATRONO. COLON. IGVIN
ET. CVRAT. VIAR. PRAEPOSITO
ET. PROCVR. ANNONAE. FLAMINIAE
ET. PICEN. III. VIR. CAPITAL. MVNIC.
ASCVLAN. CVRATORI. MAXIMI. EXEMPLI
PVBLICE

L. D. D. D.

Iguvini.

Cap. XII. pag. 484. Municipium Trebula. Apud Frontinum de Colonis scribitur *Tribula municipium* corrupte pro *Tribula* aut *Tribula*. Nam sic quoque dicebatur. Hinc apud Ptolemæum legitur *Τριβύλα* ut & apud Dionysium, quod perperam Cluv. in Italia antiqua mutari velit in *Τριβύλα*. Veteres enim Tribulam etiam appellasse hanc urbem patet ex Frontino, & ex inscriptione antiqua in Gudian. Collect.

PRÆFATIO.

D. M. S.

M. AERVMNIO. M. F. CLAV
TORVO. TRIBVL. MVTVST
PRAEFECTO. PRAETORI
EX. COHORT. V. PRAET. SIBI
ET. SVIS. VIVENS. FECIT. IN. FR
PED. XI. IN. AGR. PED. XIII
ET. AERVMNIAE. NVMMO
NIAE. CONIVGI. SVAE. PIISSI
MAE. VIX. ANN. XXX. M. III
D. VIII. E. D. S. M. P.

Patet etiam ex D. Aldhelmo de laudibus virginitatis cap. 26. in quo *Tribulanum territorium*, & *Tribulanum mancipium* legitur. Præterea ex hac inscriptione discimus Trebulam esse Mutuscam, quod & Cluverius probat lib. II. Ital. antiquæ. In inscriptione autem, quam attuli, vocatur *Mutusta*, sicut & in alia, quæ in Gruteri opere legitur CCCCLXXXVII. 9.

Q. VIBIO. Q. F. AIMILIA
VETENIO. EQVO. &c.
PATRONO. AEQVICVLA
GEST. TR. IVVENT. TREBVL
MVTVSTAE. QVI. OBLATA &c.

Credo *Mutusta* scribi pro *Mutusca*, quia litteræ T, & C sæpe permutantur in antiquis lapidibus. vid. indices Gruteri & Reinesii.

Cap. XVI. In re militari Romana Onuphrius nondum multum profecerat. Hinc dicto cap. 14. scribit, *legioni addita est trecentorum equitum turma*. Imo triginta turmae legioni addebantur, singulae erant triginta virum. Dein turmam ait quoque dictam alam, quod equites alarum vice pedites tegerent. quod verum est de temporibus Cæsarum, non vero de antiqua illa tempestate. Alæ enim olim dicebantur tam pedestres quam equestres copiae ex sociis Romanis collectæ, quæ in prælio collocabantur ad utrumque aciei, quæ erat legionum, hoc est, civium Romanorum, latus: sed alæ sub Imperatoribus dicebantur equites, qui loco triginta turmarum equo publico legionibus addebantur, ut supra docui. Male ibidem dicit legionem quadratam dici. Agmen dicitur quadratum, quod & pilatum appellatur, nunquam legio, nec etiam acies quadrata commemoratur, ut multi alii existimant. Nec melioris est notæ, cum ait juniores vel tenuioris fortunæ homines dictos *pilanos*. Atqui *pilani* sunt veterani, qui aliter dicuntur *triarii*, unde *primipilus* primus pilanorum centurio. Nec potest laudari cum in eod. capite tradit ante Marium nullam cohortium fieri mentionem apud præcos scriptores. Nihil falsius. Post Marium acies non manipulatim, ut ante, sed per cohortes instruebatur. Cohortes vero fuerunt diu ante Marium, ut hæc in tomo, ubi agetur de re militari, docebuntur pluribus. Sic ineptum est, cum ait mox primam cohortem mille centum quinque peditum, & equitum loricatorum centum quadraginta duorum fuisse. Hæc nullus veteris rei militaris peritus intelligit. In cohorte legionaria tot centum erant viri, quot mille in legione. Conficiebatur ex tribus manipulis, manipulo hastatorum, principum, & triariorum. Equi-

P R Æ F A T I O.

tum nulla erat ratio in cohorte, quæ semper erat pedestris, sed in turmis tantum. Nam cohortium equitatarum apud Plinium in epistolis longe fuit alia ratio, ut tum ostendetur, cum hoc argumentum exequemur. Cohors prætoria quidem ceteris major erat, sed legionariæ erant æquales. Confundit cohortes veteris reip. legionarias, cum cohortibus, quæ sub Imperatoribus separatim sub vexillo nonnunquam habebantur, quibus adjuncti erant equites. Quæ in sequentibus de cohortibus scribit sunt nullius momenti. Longe absurdus est, legionem in decem cohortes, cohortem in quinquaginta manipulos, & manipulum in viginti quinque milites rursus divisum fuisse. Jam tyronibus notum est manipulum duas confecisse centurias: in legione fuisse sexaginta centurias: triginta manipulos, decem cohortes. Quæ mox ibidem leguntur, scatent erroribus: *Qui singulis legionibus præerant, legati legionis, qui cohorti tribunus, vel præfectus, qui centum militibus centurio, qui ducentis ducenarius, qui manipularius, vocabantur.* Sub rep. libera nulli fuerant legati legionum, sed legati procoss. & proprætorum, qui nonnunquam legioni, nonnunquam parti legionis, nonnunquam toti exercitui præerant, ut rerum exigebat ratio. Sub Imperatoribus fuerunt legati consulares & prætorii, quorum illi exercitui, hi legioni præerant. Nec cohortibus præerant tribuni. Sed toti legioni singuli. Horatius:

Cum mihi pareret legio Romana tribuno.

In legione decem erant cohortes, sed sex tantum tribuni. In acie mille viros sive decem centurias curavit tribunus, unde Græcis *χιλάρχη*. Præfecti erant cohortium socialium & auxiliarium, qui proprie præfecti appellabantur, in legione vero nullus erat præfectus, ut male hic Onuphrius. Nonnunquam tribuni dicuntur, sed hi nihil ad legionarias cohortes. Miror virum maximum hac nostra tempestate credidisse, tribunos fuisse cohortium legionariarum. Sed hæc alibi. Æque absurdum est, cum Onuphrius dicit, qui ducentis præfuerint, dictos *ducenarios*. Ignorat hos ducenarios in militia omnis antiquitas. Singulis centuriis centurio præerat. qui duas junctim regeret nullus erat. Et cur fuisset? cum singula centuria suum haberet rectorem? Hoc vero fidem excedit, cum addit *manipularium* dictum, qui manipulo præfuerit: cum manipularius sit miles gregarius, caligatus, qui in manipulo meret. Quid hoc? *Universi exercitus signum, vel vexillum ante Hadriani tempora imago Cæsaris, vel Augusti dicebatur, postea vero labarum vocari cœptum est.* Quis unquam audivit imaginem Cæsaris signum dictum esse? Imagines imperatorum in parvis orbibus adnectebantur hastis signorum, non ipsæ erant signa. *Præfectus castrorum* in veteri militia ante Imperatorum tempora ignorabatur: *Dendrophori* in castris nulli, sed ad urbana pertinent munera & collegia. Hinc in inscriptionibus conjunguntur toties dendrophori, centonarii, fabri. Alii dendrophori sunt, qui in sacris pinum circumferebant. Hoc non notassem, nisi veritus fuisset, ne tanti viri auctoritas minus versatis in prisce ævi doctrina militari esset fraudi.

Cap. XXI. de coloniis extra Italiam. In Aquitania commemorat Lugdunum sub Pyrenæo. Illa est Lugdunum Convenarum, hodie oppidum *S. Bertrandi*.

Ibid. In Galliæ Narbonensis coloniis corrige *Acusorum* pro *Ancusum*.

P R Æ F A T I O.

rum. Non ignorant docti appellari etiam alio nomine id oppidum *Cularonem*, posteaque dictum esse *Gratianopolim*.

Ibid. In insula Sardinia ponit coloniam, turres Libysonis. Sed in Plinii loco, quem laudat, vocatur: *Ad turrim Libysonis*. Antonino simpliciter *ad Turrim* dicitur, ut notavit eruditissimus Harduinus. Etiamnum hodie retinet vestigia veteris nominis; dicitur enim *Torre*, si fides Cluverio. In eadem insula scribit aliam commemorari coloniam a Ptolemæo, quæ dicitur *Vestipolis*. Sed nulla est urbs hujus nominis in Sardinia. verum ab illo nominatur ἑσπελίας πόλις καλώνια. *Vsellis Vrbs Colonia*. Et sic scribendum apud Onuphrium. Plinius tamen unam tantum in illa insula coloniam fuisse ait.

Ibid. In Norici coloniis recenset coloniam Solvensensem, sed Plinius in lib. III. 20. non in numerum coloniarum hoc oppidum refert, sed tantum in oppidis Norici esse tradit *Flavium Solvensense*, quod putant hodie *Solfeld* dici. In coloniis vero Daciæ nominat coloniam *Perendanesiorum*, quæ nulla est. *Prendavesiorum* populi in Dacia meminit Ptolemæus, sed nullius urbis, ac coloniæ, quam tenuerint. Πρενδανήσιοι ei dicuntur.

In Macedonia coloniam fuisse scribit, quæ Orestias sit dicta. Minime gentium. Orestias regio fuit Macedoniae confinis Epiro, non urbs cujus incolæ dicti sunt Orestæ. vide præter Plinium Stephani ἑσπελίας in Οἰπέσαι. Pro Orestiadem autem laudatur in illo tractu *colonia Diensis* quæ *Dium colonia* dicitur Plinio. vide ad Plinium eruditissimas Cl. Harduini notas.

In Græcia duas colonias commemorat, coloniam *Marcilaidam* apud Antoninum Pium in Itinerario, & coloniam *Megaram* in Attica. Sed in tota Græcia nulla fuit *Marcilais*. In Cappadocia fuit *Archelais*. In Itinerario Antonini: *Archelaida*.

Ozzola M. P. XXVII.

Nitazi M. P. XVIII.

Coloniam Archelaida. M. P. XXVII.

In corruptis libris legitur *Marcilaida*, in editione Aldi Manutii 1518. *Coloniam Arcilaidam*. sed *Archelaida* corrigendum esse vidit olim Josias Simlerus & Hieron. Surita, quem vide ad dictum Itinerarii locum. Mox recte *Archelaida* collocat inter Asiæ provincias. Non possum comminisci, unde in Græciam Marcilais irrepperit, nulli veterum cognita. Mox, cum agit de provinciis Achajæ dicit Corinthum coloniam ductam ab Augusto fuisse. perperam. a Julio Cæsare ducta fuit. vid. Suet. in Julio. Mox addit *Epiropiam* insulam in mari Aegæo fuisse coloniam, teste Plinio IV. 12. sed primo non vocatur *Epiropia*, sed *Aperopia*, dein Plinius non dicit fuisse coloniam, sed refert illam tantum inter insulas sinus Argolici.

In Syriæ coloniis numeratur Apulensis ex Ulpiano, sed illa non Syriæ fuit, sed Daciæ colonia ad fluvium Marisum, quæ & *Apulum* ac *Apulsum* dicebatur, cujus in inscriptionibus crebra mentio. Hunc errorem Onuphrii castigavit jam Ortelius in thesauro. Mox addit *Colonia Capitulum*, deducta a Tito Cæsare Imp. In Itinerario Antonini, & a Ptolemæo *Capitolias* dicitur: fuit Cœle Syriæ urbs. Potuit tamen Capitulum quoque dici, uti Hernicorum oppidum in Italia nominatum fuit *Capitolias* & *Capitulum* apud Plin. III. 5. & Strab. V. In inscriptione vetusta,

P R Æ F A T I O.

domo Capitoliadæ, & in alia, quam ante triginta quinque annos vidi effodi Grimlinghufæ, pagus est in ripa Rheni e regione Dusseldorpii, DOMO. CAMP. hoc est, *domo Capitulo*, ut recte Reinesius, ad quem istud epigramma miseram, exponit. M. enim sæpe in vetustis lapidibus interponitur. vide in classe VIII. 57. Non longe abhinc legitur apud Onuphrium: *Colonia Hel-nummus argenteus*. Est *Colonia Heliopolis*, quæ in nummis Severi, Caracallæ, Severi, Pertinacis, Philippi occurrit. Erat & ipsa Syriæ Cœles urbs. Vide Harduinum in nummis antiquis illustratis. Sequitur statim: *Colonia Julia Sert. Sac. Aug. Felix. Nummus*. Serdica fuit urbs mediterraneo Thraciæ, cujus meminit Ammianus XXI. & alii quæ Sardica est Ptolemæo, sed coloniam, aut in Syria fuisse, nemo tradit. Male detritis, puto, litteris hunc nummum lectum fuisse, cum legendum esset *Colonia Julia Germ. Sac. Aug. Felix*. eundemque fuisse nummum, qui proxime sequitur: *Colonia Julia Germanicia Sacra Augusta Felix*. quamquam nullus antiquariorum, qui excusserunt Regum, Principum, & aliorum φιλοκάλων cimelia, talem nummum se vidisse testetur. ut suspicer numisma id, quod vidit Onuphrius, fuisse Commodi, cujus hæc fuerit vera inscriptio: *Colonia Aug. F. German.* hoc est, Germanorum, ut interpretatur dignitate & ingenio illustris Spanhemius, de præstantia nummorum antiquorum; sed *Germe* non fuit Syriæ colonia, sed Galatiæ. Fuit & alia hujus nominis urbs Helleponti, ut ex nummis & priscorum scriptorum libris docuerunt viri docti. *Germanicia* fuit provinciæ Euphratesiæ urbs, si nummus talis reperitur, ut hic describitur ab Onuphrio, ad illam referendum eum esse censeo. Paulo post ex Ulpiano Syriæ coloniis accenset Onuphrius *Naconensem*. Verum in editionibus emendatis ex Florentino scribitur *Napocensis*, quod merito tuetur maximus Cujacius, pro *Napucensis*. *Napuca* est Daciæ urbs, ut ex Ptolemæo constat, cujus & mentio in inscriptionibus. Male igitur collocatur in Syria, ut & *Zarmizegetbusa*, quæ & *Sarmizegetbusa* vocatur, quæ est Daciæ urbs, postea *Colonia Ulpia Trajana* dicta, hodie *Varbel*. Hæc etiam non ignota lapidibus apud Gruterum & Reinesium. Male scribitur apud Onuphrium *Zarme Tigetusa*, licet sic quoque legatur in nonnullis editionibus Pandectarum. Statim apud Onuphrium: *Colonia Paraisensis deducta a Severo. Ulpianus*. Sed rectius in melioribus editionibus legitur *Patavissensium vicus*. Nec hic in Syria, sed in Dacia fuit. corrupte apud Ptolemæum Πατρούσσα legitur, pro Παρσούσα, quod observavit Cujacius. Dein *Melitene* apud Ptolemæum non est colonia Armeniæ majoris ut vult Onuphrius, sed est Armeniæ minoris regio, in qua colonia est *Sinis*. Post his additur *Indicia Cyrenensium*, legunt alii, *Zermensium*. Sed scædam maculam subsidio Basilicorum eluit Cujacius. In Dacia quoque *Zernensium*, aut potius *Zermensium colonia*. vide dictum Observationum librum.

Ad Africæ colonias cum transit, primo nescio quæ sit *provincia Cæsariensis*, cum paullo post sequatur *Mauritania Cæsariensis*. Duæ sunt Mauritaniæ, altera Cæsariensis, altera Tingitana. Hanc vero voluit significare, in cujus coloniis prima vocatur *Abilis*, ridiculo errore, cum in Ptolemæi Latina versione legatur *Alybe*, (corrupte, pro *Abyla*) *columna*, scilicet Herculis. Sic mons ille ad fretum Gaditanum appellatur, cui in Europa Calpe opponitur. Ex *columna* fecit Onuphrius *coloniam*. Ibid. *Colonia Tubil*, alias *Zili*. Nusquam *Tubil* occurrit, nisi in libris corruptis. sed verum ejus nomen *Julia Constantia Zilis*. Plin. v. 1. hodie *Arzilla*.

P R Æ F A T I O.

In Mauritaniæ Cæsariensis provinciis legitur *Colonia Gunugi Augusti cohorts Prætoria*. inepte. Apud Plinium enim sic distinguendum est lib. v. cap. 11. *Cartenna colonia Augusti legio 11.* hoc est, legionis secundæ colonia, ut recte Harduinus. Item *Colonia ejusdem, deducta cohorte Prætoria, Gunugi*. Ut significet unam cohortium prætoriarum, ab Augusto institutarum, deductam fuisse in hanc urbem. Ibidem pro *Colonia Igilgi* scribendum *Colonia Igilgeli* ex Plinio & Ptolemæo. Retinet hoc tempore vestigia prisca nominis, appellatur enim *Gigeri*. Dein *Oppidoneum* est *Οππιδόνειον*, quod Plinius vertit *oppidum novum*, de quo vide Harduinum. In municipiis illius provinciæ recensetur *Ionium*, cum id dicatur *Iomnium* Ptol. *Ἰόμνιον*, & in itinerario Antonini, in quibusdam vitiosis libris legitur *Ionium* notante Surita. Ibid. pro *Rusaxis* lege *Rusazis* Plinio *Rusazus*. Mox: *Municipium Tiganda*. *Tigava* emendavit recte Surita, Ptolemæo *Τίγαρα*. Plin. v. 2. *Tigava*.

In Numidiæ coloniis est *Simitu*. Sed scribendum *Simittu*, ut recte itinerarium, Ptolemæo *Σιμιττα* corrupte pro *Σιμιττα*, Plin. v. 4. *Oppidum Simittuense*. Ibidem: *Municipium Culli*. Scribendum erat *Cullu*. Sic enim Antoninus, Plinius, & Ptolemæus.

In Provincia Byzacena scribendum *Quina*, non ut in Onuphrio, *Cuina*. Deinde pro *Colonia Ocea*, quod librariorum vitium esse puto *Ocea*, incolæ Oeenses. Uxor Appuleii fuit *Oeensis*.

In Africa veteri legitur, *Admedera*, in itinerario Antonini verius *Ammedera*, Ptolemæo *Αμμεδαρά*.

In Africa nova collocatur *Tiba* ex Ptolemæo. Sed apud hunc nullam Tibam esse Ortelius olim notavit, qui & conjicit forte legendum *Tbigiba*. Dein *Colonia Tuburbis*. Dicitur etiam *Tuburbus*. vide quæ de hac urbe notat Cl. Norisius in animadversionibus in Garnerium. Mox pro *Utina* scribe *Uthina*, Ptolemæo *ουθιν*.

In capite sequenti xxii. *quinque millia myriades*. Latine linguæ ratio postulat, ut scribatur *quingies mille myriades*, aut *quinque millia myriadum*. In hac locutione sæpius offendit Onuphrius in hoc capite & alibi. In eodem capite cum notat festertium æquare bajocos tres & semis, fallitur. Aequat enim tantum bajocos duos & semissem, ut post a viris doctis est accuratius observatum. Quatuor festertii efficiunt decem bajocos, ut bajoci respondeant Romanorum assibus valore. Sed de omni pecuniæ veteris æstimatione præstat ut consulas Budæum de assē, & Gronovium de festertiis, & hunc in primis lib. 111. cap. 4. quod dedicavit sigillatim dispungendis calculis Onuphrii in Græca Romanaque pecunia æstimanda. Sic in illo capite ostendit *ὁ πέντε* talentum Ægyptium non esse Alexandrinum, ut censet Panvinus, sed teste Varrone & Plinio tertia parte minus, nostra pecunia, mille ducentorum scutatorum. Sic census Romani imperii tempore Hadriani Cæsaris, quem Appianus tradit fuisse *talentorum quatuor & septuaginta millium*, nostra pecunia est, octingenties octogies octies centena millia coronatorum, sive milliones octoginta octo cum dimidiato & insuper trecentis millibus.

Longe plura possent his adjici, in primis in illis capitibus, in quibus agit de Parthorum, Persarum, Saracenorum regibus, quæ longe accuratius sunt posterioribus temporibus ex antiquitatis tenebris eruta a Scaligero, Petavio, Ruperto, ex quibus Onuphriana possunt emendari.

In capite xxx. de Imperatoribus Romanis sæpius quoque hallucinatur.

PRÆFATIO.

Nunquam Tiberius, quamquam ab Augusto adoptatus, nec etiam Caligula, usi sunt nomine Julii, sed ille dictus fuit *Tiberius Cæsar Augustus*, Caligula vero *C. Cæsar Aug. Germanicus*. Dein Imp. Hostilianus male *Vibius* appellatur, cum in nummis & in lapidibus sit: *C. Valens Hostilianus Messius Quintus*. Inferius: *Imp. Cæsar Fl. Claudius Aug.* cum scribendum esset *Imp. Cæsar M. Aurelius Claudius*. Paullo post itidem corrupte scribitur *Imp. Cæsar Fl. Valerius Constans*, cum dicatur *Fl. Julius Constans* in nummis. Post: *Fl. Valerius Majorianus*. omissum est nomen *Julius*. dictus enim est *Fl. Julius Valerius Majorianus*. Deinde male quoque scribitur *Imp. Cæs. Fl. Vibius Severus* pro *Fl. Libius Severus*. In hac ferie Imperatorum nonnulli quoque sunt omissi, quos facile ex aliis repones. Plura nunc addere non libet, nisi Viri doctissimi Latini Latini animadversiones in Sigonii libros de antiquo jure civitatis, & provinciarum, nec non in Gruchii libros de comitiis. Vale lector & his fruire.



OBSERVATIONES
LATINI LATINII,
In Carolum Sigonium de antiquo Jure
Civium Romanorum.

In Agrum lib. 1. Et quoniam civis pars est *civitas*) Civitatis.

Lib. 1. cap. 3. Ramnenses Albani erant, qui ad tria millia peditum.
^A CCC) equites.

Cap. 3. Ut autem inter urbanas suburbanas primam sedem obtinuit)
At non ita habet vetus marmor anno 1563. effossum, & servatur penes
Rainutium Farnesium Cardinalem amplissimum, cujus fragmentum
est:

NVMERVS. TR.
QVIBVS LOCIS.
PSAL. HIIII. CLXXXXI.
SVC. HIIII. LVIII. IA
ESQ. HCC. DCLXXVII A.
COL. H. CCCCLVI.
ROM. H. LXVI.
VOL. H. LXXXX.

Similis inscriptio habetur penes Gruterum pag. 201. n. 10. Carolus
Macrus.

Quamquam scriptum nihil extat, possumus suspicari) Volsinienfes
quidem Terentinæ vicinos scribit Cicero pro Plancio.

Cap. 4. Qui centum millia professione detulissent) Vide quæ nota-
tata sunt in Gruchio lib. 1. de Com. Rom.

Qui minore summa, quam centum, & viginti millium censi essent)
Addo Gell. lib. 7. cap. 13. qui cxxv. M. æris scripsit. Sed Asconius, Festus,
Gell. non de censu ad classium distinctionem a Servio institutam; sed
ad appellationem classicorum, id est, opulentiorum referendi sunt;
quemadmodum etiam Plin. lib. 33. cap. 3. maximum censum Servio
Rege CX. M. fuisse cum scribit, non id voluit significare, ut primæ
classis cives tantum possiderent, sed neminem ea tempestate fuisse, qui
majorem summam in censum detulisset, id quod manifeste declarant
ea verba, *Illo Rege*.

Cap. 9. Ex quibus *rebus* illud intelligi potest) verbis.

Civi Romano ^A nisi cum cive fuisse connubium) non

Unde Catullus: *Flammeum cape*) Comitabatur etiam sponsam colus
compta, & fusus cum flamine, curque id institutum, & quando docet
Plinius cum scribit lib. 8. cap. 48. *Inde factum, ut nubentes Virgines comi-*
taretur colus compta, & fusus cum flamine. Plutarch. in Problem. Rom.

Quoniam tertiæ noctis *posterioris* sex horæ alterius anni essent) poste-
riores.

Ut aliarum rerum, sic etiam uxorum usucapionem fuisse) Conside-
randus Taciti locus lib. 13. ubi Poppææ ad Neronem verba refert: *Si*
ultra unam, alteramque noctem attineretur, nuptam esse se dictitans, nec posse
matrimonium amittere.

LATINI LATINII

Cap. 10. Tamen auctoribus pontificibus lex curiata ad populum a magistratu aliquo, ut a consule ferebatur) Sui videtur oblitus, qui auspici-
orum tantum causa curiata adumbrata comitia relinquit, nec quidquam
interesse putet inter comitia curiata, & legem curiatam. Vide infra no-
tata cap. 17.

Cap. 11. Et quoniam ex auctione illa *dominum* sibi iustum) dominium.
Hinc etiam auctoritas, in actione quaesitum dicitur) jus.

Quod aequabile, atque unum omnibus esse possit) Quod aequabile in-
ter omnes, atque unum omnibus esse possit.

Nam ut perveniat ad me fundus, testamento alicujus fieri potest, &
usucapio fundi) Nam ut perveniat ad me fundus, testamento alicujus fi-
eri potest, ut retineam, quod meum factum sit, sine jure civili non po-
test: fundus a patre relinqui potest, aut usucapio fundi.

Cap. 14. Et Cicero in *Planciana*: *Illud quero sint ne ista praedio*) pro
Flacco.

Duodecim *coloniam*, quod numquam antea factum erat) coloniarum.

Cap. 15. observatum est praeterea in legione ^A nisi ingenuos) non.

Ne quis ante *unum* decimum septimum ad militiam cogeretur) annum.

Qua juniorum aetatem annis triginta definivit) Triginta annorum tem-
pus esse, intra quod juniores appellantur, & militiae nomen dare debent,
certum quidem est; at non propterea triginta implere stipendia tenentur;
sed ea tantum, quae legitima esse placuit, quorum numerus qui sit ex 6.
fragmento Polybii, & ex Plut. in Gracchis, & Tacito in seditione Ger-
manica, & Pannonica plane constare poterit.

Tres secundos secundae, duos *obsequentes* tertiae) subsequentes.

Unde Juniores quatuor aetate, & corporis habitu similes exercerent)
Vide Polyb. nam hic ordo non enumeratur plane.

Quibus prodeuntibus, primum primae legionis *tribunum*) tribuni.

Diximus de *vocationibus* militum, nunc de praemiis) vacationibus.

An vero ille *ὀψώνιον* (hac enim voce utitur) pro integro stipendio ac-
cipiat, parum liquet) Quin liquet maxime *ὀψώνιον* integrum stipendium
esse Polybio; at non una ejus pars, quae singulis diebus duorum obolorum
esse scribitur, integrum stipendium est, neque item tritici modii quatu-
or, qui pediti in menses singulos dabantur, nec vestis, aut arma, si qui-
bus indigebant; sed haec simul omnia, quoad forte ad xxx. denarios per-
veniretur, qui integrum stipendium efficerent. *ὀψώνιον* autem stipendium
militare esse docet etiam Luc. cap. 3. ubi militibus vitae formulam praer-
scribit. Itemque Paul. ad Rom. cap. 6. & 1. Cor. 9.

Adjicit Polybius, frumentum, vestes, arma saepe militibus data) Saep-
pe non est apud Polybium, quin potius ex ejus verbis certum tritici mo-
dum peditibus equitibusque, & fociis praebere solitum intelligimus, cujus
pretium & vestimentorum, & armorum ex stipendio menstruo detrahe-
re Quaestorum munus erat.

Ut torques, armillae, ^A hastae purae) phialae. Nam peditibus eas, ut
equitibus phaleras Polybius donari solitas scripsit frag. 6.

Erant etiam, quae universis, ut pecunia ^A: de coronis notum est il-
lud Gellii) Ut singulis fisci aris. Plin. lib. 7. cap. 28.

Aut si lentius animadvertere voluissent, principi, sanguinem misum)
Aut si lenius animadvertere voluissent, in principiis sanguinem misum.

Quem sequutus credo Plinius lib. xxx. cap. 3. scripsit) xxxiii.

O B S E R V A T I O N E S.

Antias certe teste Livio , & eum sequutus Vellejus ducenties millies)
Antias certe teste Livio lib. 45. & eum sequutus Vellejus millies du-
centies .

Cap. 17. Ut enim curiæ, de quibus diximus; sic etiam comitia curia-
ta) Videtur sui oblitus; hic enim adumbrata curiata semper in omni-
bus rebus fuisse definit. supra vero cap. 10. clare in adoptione omnia
legitima servata contendit. Confundit autem fere ubique curiata comi-
tia, & legem curiatam, quod in binorum comitiorum quæstione omnia
adeo impedit, ut nullum exitum habere possint.

Nam ^A centuriata lex cenforibus ferebatur) cum. Ita legendus ex scri-
ptis, vetustisque codicibus.

Id quod eo gravius esse significat, quod cum majores) Uterque mea
sententia fallitur in eo, quod comitia, & legem confundunt. Magistra-
tuum creandorum comitia sunt, ubi populi suffragio mandatur magi-
stratus, qui tamen sine lege curiata, vel centuriata non geritur. In
prioribus comitiis designandorum magistratuum causa habitis, locum
habebant prærogativæ tum centuriæ, tum tribus. Nec ideo, quod bi-
na ejusmodi appellat comitia Sigonius; tamen ad jus, & imperium
mandandum non fuisse necessariam legem curiatam arbitror.

Quia Gellius scribit minoribus Magistratibus, comitiis tributis, ma-
gistratum dari, sed *justius* curiatis) Hic locus, ut puto, corruptus rem
obscuram obscuriorem facit; ego vero non *justius*, sed *jus* legendum
esse arbitror. Nam ut curiatis comitiis magistratus aliquando mandari
soliti sint, ita nunquam lege curiata magistratus; sed jus, facultatem,
& imperium dari reperiemus.

Ex tribus comitiorum generibus curiata ^A nisi primis temporibus) non.
Pontifici Numa sacra omnia ^A exsignataque attribuit) exscripta.

Quin etiam tribunis pl. in comitiis *auspiorum* usum concesserunt) au-
spiciorum.

Lib. 2. cap. 2. Nondum a Cenforibus in ordinem Senatorum *ele-
ctum*) adlectum. V. C.

Narrat etiam Suetonius, Augustum equites in Senatum legisse) Con-
siderandus locus Suetonii est; nam lubricus est, & non ita explicatus
a Sigonio, ut eam sententiam manifesto probet. latius autem attingen-
dus erat, ut ex ejus verbis certior sententia elici posset. Verba vero
Suetonii hæc sunt, quæ mihi videntur aliud velle, quam Sigonius: Co-
mitiis tribuniciis, si deessent candidati, Senatores ex equitibus Romanis creavit;
ita ut potestate transacta, in utro vellent ordine manerent. Vide Paulum
Manutium de legibus in explicatione Atinii plebisciti, ubi Suetonii,
& Gellii locum, qui est lib. 14. cap. ult. nititur declarare.

Cap. 18. De qua *item* Pedianus) idem.

Cap. 19. Nam ad eam diem indiscreti *ierant*) inibant.

OBSERVATIONES
LATINI LATINII,
In Libros de Comitii Romanorum Nicolai
Gruchii.

Notaram olim Gruchii lapsum in re mihi, nisi fallor, valde clara; quamquam eam ab ullo explicatam non videram, multique me viri eruditissimi non facile audiendum censebant. locus est in capti tabernaculi vitio, de quo M. T. lib. 2. de Nat. Deorum, item 2. de Divin. Epist. 2. ad Q. Frat. lib. 2. Livius lib. 4. Valer. Max. lib. 1. cap. 1. Plutarch. in Marcello, Varro initio lib. 6. in verbo *Templum*, Festus in verbo *Locus captus*. Tabernaculum capere, est locum, sedem, templum auguriis captandis certis terminis definire, ac designare. Nec aliquid hæc observatio commune habet cum tabernaculo castrensi, quod pro more procos. prætorib. & aliis magistratibus, legatisque in provinciam euntibus ex publico præberi solitum erat.

In eodem Gruchio, itemque in Sigonio notaram rem plane absurdissimam, ut neuter eorum nullum discrimen faceret inter comitia curiata, & legem curiatam. Quamquam curiata comitia, ut in Rullum scripsit Cicero, antiquæ tantum imaginis retinendæ gratia sic vocabantur, in iis tamen nulli suffragiis mandabantur magistratus: sed lex tantum de Imperio & jure magistratibus designatis mandando, vel moderando ferebatur. Hæc autem obscuritatis, difficultatisque originem ducunt a verbis Gellii lib. 13. cap. 14. ubi C. Tuditani verba refert: sic enim habent omnes, quot vidi adhuc codices; *Minoribus creandis magistratibus tributis comitiis magistratus; sed justius curiata datur lege*. Quis, obsecro, verba hæc mendum continere necessario non videt? Si enim magistratus minores tributis comitiis, ut omnes semper scripserunt, dari, vel mandari soliti erant; quid hic loci habere potuit adversativa particula, nisi aliud esset lex curiata, aliud tributa comitia. Sed diu inveteratus error, ex unico forte exemplari in omnes diffusus, difficultatem attulit. Est ergo detrahenda syllaba, quæ per negligentiam adhæserat, & locus legendus: *Sed jus curiata datur lege*. Quæ vera, & consentanea lectio censeri debet.

In Præfatione.

Sed partem aliquam adesse jubet, non comitia, sed concilium edicere jubet) debet. L.

Lib. 1. cap. 2. Sed *justius curiata datur lege*) jus

Nam centuriata lex Consulibus ferebatur) Num cum centuriata lex Centuribus ferebatur, cur curiata ceteris patriciis magistratibus, tum iterum de iisdem judicabatur, ut esset reprehendendi potestas, si populum beneficii sui pœniteret. Ita habent veteres scripti Codices. Error autem, ut puto, ex eo natus est, quod idem faciunt comitia, & legem, cum diversa sint. Cum lex fertur jam creati sunt magistratus, nisi quis lege prius de modo habendorum comitiorum caveri oportuisse intelligere velit. Comitii autem creati magistratus, nunquam vero lege observatum est, quod sciam.

O B S E R V A T I O N E S.

Tum si Senatui ita videretur, *videbatur*) jubebatur.

Dum collegam consuleret, moratus *permittere* eo nocte) permittente:

Quæ ut *disposita* expectatio est) destituta.

Ad unum omnes, non modo *centurio*; sed etiam homines) centuriæ.

Quæ pro Collegio Pontificum *habentur*) haberentur.

In ea tamen *ratione* iudices sedisse) oratione.

Paulo post velut enumerationem faciens eorum, qui *judice* federunt) Judices.

Tribuni pleb. iussissent populus) Tributim plebs iussisset populum:

Utrum populi iussu indiceretur bellum, an satis *esse*) esset.

Qui aliquem vocat ^a iudicium populi) in

Ac si actio *hujusmodi* esset, ut de jure potius) ejusmodi.

Ut *repundarum*, ambitus, majestatis, peculatus) repetundarum.

Verre Prætor urbano sortitionem, *ac sortitionem*, ac subfortitionem.) Dele.

Principem iudicum ^a fuisse a Prætoribus) alium.

Cap. 3. Sic enim locus restitui debet) At ego nihil mutandum censeo: nam verum est Prætoribus, qui magistratus major est, Prætoribus jure rogare non posse. Collega igitur ejusdem magistratus rogare collegam non potest, atque id est, quod ex Tuditano ad Messalæ confirmandam sententiam attulit Gellius. L.

Appellat, aut locationibus ^a censoribus factis) a.

Ex tamen apud Suetonium in Cæsare locus.) Est.

Antequam ^a tabellas suffragium ferri a populo) per.

Ut inquit Appianus ^a; sed agebat trigesimum quintum) In extremo lib. primo.

Quoniam per quinque annos Consulem fieri minime licebat) In codicem corruptum incidisti, ideo legendus locus est: *Quoniam per annos Consulem fieri non licebat*. atque ita emendavit Sig. Epist. 50.

Id ego ita *invenisse* existimo) evenisse.

T. Quintium *Flaminium* consulatum ex quaestura petere non patiebatur) Flaminium.

Epulum dat, & tres minas in singula civium capita) Mirandum est tam hunc, quam Gulielmum Budæum Plutarchi locum non vidisse, qui tamen, & ipso initio, & postea quoque, iisdem verbis repetitur: *Kai σίτον ἐμέτρουν εἰς τρίμηνον* *Trium mensium frumento in civium capita diviso*.

Propter has igitur receptas Romæ largitiones, *aut ministerium*) erat.

Acta mea illi *displice* quis nesciat?) displicere.

Quemadmodum fecisse Camillum, *Corionalum*, Servilium) Coriolanum.

Cap. 4. Et ex itinere *permitterit* edictum) præmitteret.

Ut Græcum verbum *Eispherein* ostendit *εἰσφέρειν*.

Quam Græci *manticim* appellant) *μαντικὴν*.

Tripudio autem augurium accipiebatur) Tripudium.

Consentibus cunctis diem indixit) Consentientibus.

Cæterosque Deos, *quod* præfides suæ coloniae fecerat) quos.

Aut agri certo carmine ab *auguro* lituo finiti) augure.

De dirarum obnuntiatione *erat* historia) extat.

Consul quasi ad usurpationem vetustatis extra pomœrium tabernaculum habere dicebatur die comitiorum, velut Dux exercitus) Vereor ne fallaris in tabernaculi hujus acceptione. Nam tabernaculum capere idem esse puto,

LATINI LATINII

quod locum capere; captus autem locus, inquit Festus, dicitur ad sacrificandum legitime constitutus. Quare nihil ad tabernaculum campestre, vel militare attinet id, de quo Cic. Plut. & Val. Max. scribunt in Augurum disciplina fuisse. Vide quæ scripsit M. Varro de Ling. Lat. lib. 6. in verbo *Templum*. Videndus etiam Dionys. initio lib. 2. ubi de auspiciis in Romulo Rege designato inaugurando actis loquitur; ibi enim sub dio confedisſe ex ſolemni more narrat. Quare tabernaculum nullum adhibitum.

Quod C. *Curvatus*, qui comitiis eorum præſuerat) Curtius.

Ergo primum auspicia conſulenda erant in capiendi tabernaculo) At tabernaculum extra pomerium in hortis Scipionis jam captum erat ex verbis Cic. vitio, ea de cauſa, quod augurari oblitus eſet, cum iterum pomerium ingreſſus rediſſet in priorem locum, ut Plutarchus in Marcello ſcribit. Cum enim priore capto loco non addicebant aves, locum inauſpicatum arbitantes, alium ſecundo deligendum eſſe ex augurum diſciplina conſtitutum fuiſſe oſtendit.

Et quoniam hæc duo genera *auſpicorum* reliqua erant) *auſpicio*rum.

Tripudio autem magis alibi uterentur) Tripudio non videntur uſi neque augures, neque magiſtratus ulli in urbanis negotiis intra Urbem ſed tantum magiſtratus in Provinciis, ut ex obſervatione veterum conſtare poterit.

Erant autem ſolemnia, & velut concepta verba obnunciantis *Alio die*)

ALIO DIE.

Hinc enim perſpicuum eſt Conſules, cum habituri eſſent comitia Centuriata, noluiſſe obnunciatione impediri) Non ſunt idem ſervare, & obnuntiare. Quare ex ediſti formula impeditur certe ſervatio; ſed modoſto verborum interdico. Obnunciatio autem non interdicitur; late enim vagata eſſet impietas, ſi huc ventum fuiſſet.

Tua quid intereſt, nulla auſpicia tuorum ſunt, cum ſis religioſus.) Si legamus, ut ex veteri Codice Baſilicæ S. Petri emendavit Faernus, videlicet: *Cum tua quid intereſt, nulla auſpicia ſunt, cum tuorum, tum ſis religioſus.* Et ſenſus erit clarus, & nulla coacta Gruchii expoſitione opus erit.

Qui fruſtra huiusmodi ediſta propoſuiſſent) Non verum eſt, ſi id, quod præcedit, negatur, conſequens etiam prohiberi, cum id non ſimplex eſt, ſed duplex, vel multiplex. Conſules ne comitia impedirentur (quod licebat) cavebant, ne vellent minores Magiſtratus de cælo ſervare; at contra religionem erat, non habita Deorum prohibentium comitia ratione, obnunciationi non parere; cum ſi nemo ſervafſet, nulla injecta Deorum prohibentium religione, comitia rite haberi poſſe viderentur, quæ alioqui niſi ſpeta religione (quam auſpicis contineri antiquitas jam pridem ſanxerat) haberi, ac perſci rite non poterant, ſi obnunciatio interceſſerat.

Nec curiæ de vobis ſuffragium fuerunt) ſerunt.

Scribit a Sp. *Licinio* Tribuno Pl. altero anno) *Icilio*.

Ac de interceſſione quidem hætenus: *Certa perſequamur.*) Cætera.

A Servio inſtitutæ nihil pertinere ab tribus) ad.

Ut abſque ulla diſtinctione ordinum, & cenſus ^A unam centuriam.) in.

Sic diſtinctas centurias ſors ducebatur, cui *omnem* obtingeret) omnium.

Deſcriptus enim populus cenſu, ordinibus, ætatibus plus ad ſuffragium *conſilii*) adhibet ad ſuffragium auxilii. O.

Sub Servio lege fuiſſe centum, ac decem millium æris) rege.

Sane niſi corrupti ſunt Plinii, Gelliique codices, nihil habeo, quod in

O B S E R V A T I O N E S.

tanta Auctorum diverſitate dicere poſſim) Addendus ad hunc locum Feſtus in verbo *Infra claſſem*, ubi cxx. mil. æris taxat cenſum, non primæ claſſis civibus; ſed iis, qui claſſici, vel opulentes erant. Aſconius item lib. 3. in Verrem centum millia feſtertiorum ait, fuiſſe eorum cenſum, qui more majorum cenſi dicebantur: ita ut idem non ſit cum taxatione claſſium Servii Tullii. Plinii locus non videtur adverſari Livio & Dionyſio; nam loquitur de Romanorum Civium opibus, quæ, Rege Servio, ſupra eam ſummam cx. mil. æris non fuit. Non enim hinc ſequitur Servium primam claſſem ad eam ſummam definiviſſe; ſed ne major c. m. eſſet. Ita etiam Gellius conciliari poteſt; nam cum Feſto, & Aſconio aliud ſpectat.

Tumque nominatim ſinguli appellabant, quem vellent) Eumque. Alias. In quo tabellam populo ^a dederat) non.

Atque omnes rumuſculos populari ratione *occupante*) aucupante.

Carbonis eſt tertia de jubendis, ac *legibus vetandis*) vetandis legibus.

T. Quintio *Flaminio* anno Urbis 631.) Flaminino.

His duobus in locis agitur de comitiis tributis, quæ in foro habebantur) Ponderandus locus M. Varronis de re ruſt. lib. 1. cap. 2. qui corruptus eſt, & ope conjectoris eget, ubi de Licinio Tribuno legem de VII. jugeribus ferente loquitur.

Porro autem ex eo Ciceronis loco ad ^a colligo) Atticum.

Nam in tributis *aliis* fuiſſe poſtea oſtendimus) aliud.

Nec omittendum eſt, quod vocatas jam Centurias revocare erat in poteſtate) Verum eſt poſtulate eo, de cujus ſuffragatione agebatur, id eſt, eo, qui ſuffragiis jam renunciabatur creatus Magiſtratus; nam ita ex prædictis colligitur. Eo autem tacente, vel repugnante non videtur licuiſſe Conſuli, qui comitia habebat, revocare Centurias, ſi rite omnia adhibita fuerant, & ſervata.

Contra vero legem ^a Centuria non accipi pronunciabatur) a.

Duumvirum navalem, *que* ut inauguraret Pontifex) quem.

Sed ſubinde alias, atque alias ^a, quarum, ut quæque introducta) Centurias.

His expletis, quærendum eſt, poſtquam renunciata erat alicujus Centuriæ ſententia, an eadem tabellæ rurfus darentur diribitoribus) In hac non admodum neceſſaria quæſtione utrumvis aſſeras, ferri non poteſt, nec video quid ex alterutra abſurditatis, aut incommodi oriri poſſit. Illud autem certum eſt: ſi tabellæ diribitoribus reddebantur, minorem earum numerum parari opus fuiſſe, cum eadem ſæpius diſtribui poſſent: Satis autem ſi alteri Centuriæ non erant, ſupplebatur earum numerus ex ciſta, ubi recentium tanta copia ſervabatur, quanta ſatis ſuperque futura erat ſuffragantium numero.

Si tantum educas de ciſta tabellas reddi diribitoribus oporteret) Non video quid prohibeat, quominus etiam novæ dentur, quoad Centuriæ copioſior numerus ſingulas tabellas habeat.

Quæ ſi aperte redderentur, quomodo ſuffragium cujuſque occultum eſſe potuit) Poterant tabellæ retentæ a ſingulis in ciſtas ad id paratas conjici, indeque a miniſtris ſumi, & diſcerni, & ad diribitores iterum referri. Neque hinc ſuffragia cujuſque indicabantur, cum confuſe & quod veriſimile eſt, nullo præſente cuſtode in ciſtam conjici poſſent.

Hinc rurfus perferenda erat ciſtella per omnem Centuriam: quæ

LATINI LATINII

omnia absurdissima sunt.) Post datam tabellam , id est , post suffragium , quæ erant reliquæ in manibus Centuriæ tabellæ , poterant in exitu pontis hinc , atque inde , id est , dextra & sinistra locari aliæ ci-stæ , in quas conjicerentur . Sed nimis anxie de rebus hujusmodi quæri-mus , & usus docet nos non ita fuisse difficile , quod Gruchius ob diffi-cultatem maxime repudiat . Retentas aliquas in manibus suffragantium tabellas post initum , latumque alicujus tribus suffragium constat ex Var. lib. 3. de re rust. cap. 2.

Quomodo in angustis pontibus tot homines constitisse probari pote-rit) In pontium longitudine ita poterant deinceps disponi , ut nihil pro-pterea impedirentur centuriæ suffragantes . Præterea non video cur dcc. numerum tanquam absurdum metuat , cum unicuique tribui viceni diri-bitores essent .

Ut duodecies multiplicetur numerus trium , aut ita) atque .

Verum illa in *gerere* dicta non nihil habent) genere .

Ad extremum examinandus est nobis locus Ciceronis ex 2. Philip.) Videndus locus in codice a Faerno emendato , ubi quæ Gruchio implica-tissimam quæstionem creant , planissima apparebunt .

Prima classis vocatur , renunciatur : *Deinde ut assolet , suffragia*) Dein-de , ita ut assolet , suffragatum secunda classis vocatur . Ita hunc locum restituit Antonius August. & Faernus .

Hoc erat populum necessitate obstringere , ut non *potet* , si vellet) posset .

Dum legem tot centuriæ ex hac classe *acceperint*) acciperent .

Cap. 5. In lucum Petelium extra portam *Furmentariam*) Flumenta-nam .

Cap. 6. Velut infausta appellatione *damnatur*) damnarunt .

Unde apud Livium sæpe reperitur mentio comitialium dierum , ut lib. 3. ^a) decad.

Nundinarum dies non inter ferias *reli*) retulit .

Lib. 2. cap. 1. Sic enim legitur in omnibus codicibus , recte ne , an secus , postea *videmus*) videbimus .

Palatinam , Suburranam , *collatinam* , Esquilinam) Collinam .

Jam vero , si eadem fuissent *Centuriata* , & Tributa comitia) Curiata .

Qui superiorem numerum reliquit ; *se* duabus tribubus addidit) sed .

Resque censumus fuisse Velinam , & Sapiiniam) Easque .

In illa vero opinione etiam Dionysium fuisse ex eo colligi) Vide Ca-rolum Sigonium lib. 1. de Antiquo Jure Civium Rom. cap. 3. ubi lon-gissima disputatione rem explicat .

Ut *intelligendi post* eo , quod scribit Livius in fine libri primi) intelligi potest ex eo .

Sed , ut idem Livius ait , vis suffragiorum penes primores erat) ubi .

Postrema ratio ducetur ex loco Ciceronis lib. 4. Epist. ad Attic.) At ex hoc ipso Ciceronis loco ad Att. videtur argumentum eodem modo summi posse . Si enim licebat Consuli in Campo Martio comitia habe-re , ergo Centuriata erant , non tributa . Et tamen non fuit in utrisque eadem ratio , ut videbis infra , ubi de loco tributorum agitur . Poterant enim tributa comitia in Campo Martio , quam alibi haberi .

At illa ædilium comitia habiturum se in comitio dicebat Metellus) Si postulabat Metellus , ut in foro postridie sibi obnunciaretur ; (se enim

O B S E R V A T I O N E S.

hora prima in comitio futurum pollicebatur) cur eam rationem fuisset ne in Campum descenderet comminiscemur , quæ nulli usui futura erat ? Cum æque facile posset in foro , & comitio obnunciari , atque in Campo , & inter eundem in eum ?

Una dicitur ex eo , quod Cicero in 2. orat. in Rullum dicit Patri-
tios) Vide supra ; nam aliter legitur ille Ciceronis locus , & necessario etiam intelligendus est , ex quo loco male intellecto , multa consequuntur implicata , & difficilia impedimenta tum ad Patri-
tios , & Plebejos Magistratus discernendos , tum ad bina comitia recte dilucidanda , & explicanda.

Nam centuriata lex Consulibus ferebatur , & cæteris Patriis) Patriitiis.

Verum singulatim *subiectæ probationes* fient apertiores) subjecta probatione.

Hinc apparet , quo Triumviri capitales primum creati) quod.

Qui quatuor primis legionibus præessent reperio ; legiones enim tandem sena millia continere cœperunt) Falsum reperisse te facile ex Polybio 6. fragmento constat. Ubi legiones quaternum millium , ac ducentorum numero definit & tamen Tribunos senos singulis assignat.

Cn. Pupius , & Cælo Quintius *Flammius* ædem) Flamininus .

Id quod propter *magnitudinem deligendi*) magnitudinem periculi , necessitatemque deligendi.

Ut eam desponsam , non decretam ^Δ videatur) habere .

Si nullum esset in Provincia bellum , quo ad naturandum vergeret) quod ad maturandum.

Cicero Proconsul missus est , & Bibulus in *Cyriam*) Syriam.

Ut præter eos , qui Magistratus gerebant , *aliquid* singulari virtute) aliquid.

Qui tunc lex Cornelia lata non erat) Quia .

Quia enim ^Δ Provinciam suam bellum gerere Magistratui non liceret) extra .

Quasdam provincias *Quæstores* tribuamus) Quæstoribus.

Cohorti Prætoris H. S. mille 635. millia) Rarus loquendi , & numerandi mos.

Lectisternio tunc primum in urbe facto ^Δ) Deos placavere.

Exitu anni & C. *Sertilius* Geminus Pont. Max. decessit) Servilius.

Atque *illum* facile erit demonstrare) illud.

Q. Martius Rex & *Catinius* Labeo Trib. Pl. ad plebem tulerunt) C. Antinius.

Omnes v. & xxx. tribus , uti *rogata* , jusserunt) rogas.

Cap. 3. A. *Aterinus* legem Centuriatam tulerant) Aterius.

Polybius in sexto de Rep. explicat his verbis) Non videtur Polybius ibi ita posse intelligi , nec ejus verba , quæ vulgo impressa habemus , possumus ad eum modum interpretari . Vide eundem locum Polyb. a Sigonio lib. 2. cap. 15. de Antiq. Iur. Civ. Rom.

Qui quatuor ordinariis legionibus præessent , singuli singulis millibus) Neque hoc eo tempore verum fuit , cum legio quaternum millium ducentorum peditum ccc. equitum erat , ut Polybius ibi scribit.

Candidatum ergo hujus Magistratus nemo se profiteri jure poterat , nisi qui legitima illa stipendia consecisset) Ex loco Polybii supra citato , quia manifestum est , aut mancum esse , aut mendosum , id asserere non puto viri religiosi esse : etsi alioqui res ipsa per se nequissima videri possit.

LATINI LATINII

Idcirco , ut posset in id *collegio* cooptari) collegium .

C. Valerius Tappo Trib. Pl. promulgavit , ut ii suffragii latio) iis .

Rogatio perlata est , ut ^Δ Æmylia tribu) in .

Quemadmodum de Campanis equitibus scribit Livius ^Δ) Dec. 1. lib. 8. & Dec. 3. lib. 3.

Ut docet A. Gellius lib. 16. cap. 13. & Afconius ^Δ) In divinat.

Alia erat , cujus meminit Appianus lib. 2. bell. civil.) 39.

Certum enim est ex Suetonio in Cæsare ^Δ post eam legem) cap. 3.

Nam lib. 8. dec. 1. legimus *Lanuvios* , *Aricinos* , *Nomentanos*) *Lanuvinos* .

In amicitiam adduxi concessa eis *ισοπολιτεία*) *ισοπολιτεία* .

Cap. 4. Hoc igitur Tributis etiam comitiis conveniebat , ut auspicia hætenus servanda essent) Abutitur auspiciorum nomine Gruchius : ideo rem impeditam implicationem multo reddit. Vide quæ notavi infra .

Unde sequitur his etiam comitiis *locum* obnunciationi parendum fuisse .)

Neque Cicero diceret Vatinius contra legem Æliam , & Fufiam fecisse) M. Cic. post red. in Senatu ita ait : *Quo inspectante , ac sedente legem Trib. pleb. tulit ; ne auspiciis obtemperaretur , ne obnunciare concilio , aut comitiis , ne legi intercedere liceret , ut lex Ælia , & Fusa , ne valerent , quæ nostri majores firmissima præsidia Reip. contra tribunicios furores esse voluerunt .*

Et Clodius initio sui tribunatus legem tulisse legitur , ne obnunciationi sibi parendum esset) Et hoc falsum omnino puto , ut Clodius legem tulerit obnunciationi sibi non parendum esse. Multo enim verius , prudentiusque scripsisset , Clodium legem tulisse , ne , cum ipse cum populo ageret , quisquam de cælo servaret , aut si servasset obnunciare ei liceret . Vide quæ notavi supra aliqua non contemnenda .

Quamquam autem tributa comitia hætenus auspicio haberi debeant) M. Cic. lib. 2. de divin. *Itaque in nostris commentariis scriptum habemus . Jove tonante , fulgurante , comitia populi habere nefas . Hoc fortasse reip. causa constitutum est ; comitiorum enim non habendorum causas esse voluerunt . Itaque comitiorum solum vitium est fulmen : quod idem omnibus rebus optimum auspiciū habemus , si sinistrum fuerit .*

Ex his Dionysii & T. Livii locis intelligi potest plebejos magistratus nulla ^Δ auspicia) habuisse .

Adhibitis auguribus , pullariisque , ut in magistratibus majoribus fieri solebat) Pullariis in auguriis necessario usos fuisse magistratus , qui cum imperio extra Urbem essent , sæpe legimus , in Urbe vero auspiciorum causa pullarios adhiberi solitos in re publica , non meminisse legere .

Attamen si quo die creati essent , aut fulgurassent , aut tonuisset) fulgurasset .

Illud vero ita demonstrari potest ex verbis Melsalæ apud Gellium lib. 13. cap. 14.) Melsala , ut nihil omitteret , non modo magistratus creandi tributis comitiis morem descripsit , sed etiam jus & imperium qua lege acciperent adjecit .

Sed *justius* Curiata datur lege) jus. Vide quæ supra notavi .

Si igitur etiam auspicia tribueremus tributis comitiis proinde ut curiatis , profecto multo justiora comitia fuissent tributa quam *centuriata*) Curiata . Fieri non potest , ut quod omnino falsum est & absurdum , ita feliciter , atque artificiose sustineri aut defendi possit , ut tandem falsitas , absurditasque se ipsam non prodat . Alioqui Melsalæ verba mi-

OBSERVATIONES.

hi necessario postulare videntur, ut cum præcesserit, tributis comitiis Magistratus minores dari; si quid erat additurus, quod adversaretur, comitia curiata, non legem opponere debuisset.

Qua ex parte omnia comitia erant auspicata: ratione tamen legis curiatæ) Hoc puto falsissimum esse.

Leges enim ex Senatus decreto ferri solitas) Vide supra, ubi citatur Livius lib. 8. dec. 4. Nam ibi videtur oppositum statui.

Aut vero, si ad eos spectemus, qui convenire ad ea comitia) At.

Qui primum *cuncti* utrum ne illum in campo per comitia) cunctati.

Si in ^A crimen est, quia suffragium tulit) eo.

Ex hanc igitur distinctionem per genera hominum in libertinos) Et.

Voluerunt igitur hi Censores in singulis tribubus distinctionem esse inter ^A ex causis) cives.

Quia tamen fiebat sententiarum renunciatio) non.

Pronunciati erant Diis ^A ad fungendum Sacerdotium) accepti.

Inaugurari ante competitores oportuisse, quam de *his* comitia haberentur) iis.

Cap. 5. Et leges fere in foro latæ dicantur, quæ in comitio latæ erant) Videndus locus Varronis 1. de re rust. cap. 2. de C. Licinio Tribuno pl. qui populum primus ad legem agrariam accipiendam e Comitio eduxit; in forum forte, nam locum puto mendo non vacare, primum in annorum calculo, deinde etiam in verbis *Jugera forensia*.

Inermem, atque imparatum Tribunum alii gladiis *oriuntur*) adoriuntur.

Quod vero *multa* in comitio dici solet, argumento esse possunt) multa.

Quod vero etiam hoc tempore crearentur Tribuni militum & secunda) ex.

Quibus Calend. Jan. *magistratibus* inibatur) magistratus.

Sed ^A tempore, omninoque de tributis comitiis satis superque dictum est) de.

Lib. 3. cap. 2. Jam vero Cornelius Tacitus scribit lib. 11.) Taciti gravissimum alioqui testimonium quanti sit faciendum, quivis mediocriter eruditus, qui annales legerit, facile judicare poterit. In eo enim loco antequam Quæstorem meminerit, ita scribit: *Ac ne atas quidem distinguebatur, quin prima juvenia consulatum ac dictaturas inirent*. Quod omnino falsum esse constat.

Tr. pl. etum curiata iterum de eisdem judicabatur) Tributa plebeiis. Tum.

Sed *justius* Curia datur lege) jus.

Præsertim cum secunda comitia *reprehendi* potestatem) reprehendendi.

Si ergo Curia comitia illa lege exclusæ erant) Legem Curiatam ferre, & comitia Curia habere magistratibus creandis non arbitror idem esse; atque hinc oriri maximam eorum errorum partem, qui in hanc comitiorum tractationem veniunt, supra etiam testatus sum.

Cæteros autem magistratus ita creari solitos, ut imperium his comitiis non daretur) Ergo non creandis magistratibus, sed jam creatis imperio, aut potestate ornandis curiata lex ferebatur. quod necessario etiam fatendum ante fuerat, aliaque ratio ineunda, quemadmodum M. Tullii verba in 2. Agraria intelligenda, & non corrumpenda essent, & qua etiam via modoque Gellii locus restitui posset, ut sententiam Mes-

LATINI LATINI I

salæ non repugnare cum veteri Rom. consuetudine intelligere possemus. Nam nulli dubium est Curiatis comitiis Messalæ ætate nullos magistratus mandari solitos, qui tamen populi suffragiis mandarentur, sed aut Centuriatis, aut tributis. Quare non *justius* legendum, sed *jus* opinor esse, ut idem dicat, quod Cicero, & alii, qui imperium curiata lege dari scribunt.

Legem curiatam Consuli *ferre* opus esse) ferri.

Adeo ut non satis esset lex curiata omnium magistratuum communis) Vide quam late serpat erroris exigua radix in principiis male intellectis. Nam hinc videre potes non bina, sed terna etiam comitia necessaria esse Gruchio.

Nec voluisse in singulos dies plusquam novem *numeros*) nummos.

Veluti cum *Ciceronis tre* Asiaticæ diœceses ad Ciliciam) Ciceronis tres.

Neceesse enim erat suo sumptu proficisci Appium) At Cicero de lege, non autem de sen. consulto mentionem facit.

Unde sequitur non fuisse curiata comitia, quibus *singulis* Curiones) singuli.

Patriciis negantibus C. *Manlii Atteli*, qui unus ex plebe) Manilii Vituli.

Tribuni appellati ad Senatum rejecerunt, Senatus *populus*) populo.

Cap. 2. Tum igitur ea ratio inventa est omnes cives admittendi, ut *illis*) illi.

Unde etiam Lælius apud Gellium ait, *Justius lege*) Unde M. Valerius Messala apud Gellium ait, *Jus lege*. Hinc ego ortam arbitror errorum omnium radicem, quod comitia, & legem eandem rem plerique esse tradiderunt; cum comitia creandis Magistratibus, lex vero facultati, & juri, & imperio mandando adhiberetur.

Ut Cicero in Rullum ostendit cum ait, majorum instituto, populum binis comitiis judicare de omnibus Magistratibus solitum) Bina quidem necessario comitia jubebantur, altera magistratibus suffragio populi creandis, altera quibus lex de eorum imperio, vel potestate ferretur.

Non tam in populi judicio hæc sacerdotia fuisse *dixi* posset) dici.

Hoc modo dicere possumus, *si quæ* adhuc essent justa comitia) si qua.

Præsertim cum lege Curiata justius magistratum acciperent, quam Tributa) Non video quid tibi ea ratione videatur colligi posse, quod ad rem faciat. Sæpe legis curiatæ nomine pro curiatis comitiis abuteris, Tributam vero, quod etiam legem nominas, id vere est absurdissimum.

Ut de jure *adoptionibus* cognoscerent) adoptionis.

Cap. 4. Ut post illud tempus nulli designarentur magistratus comitiis curiatis) At si hoc retines, in Gellii verbis mendum esse invitus, vel imprudens verius fateris; nam non justius curiata lege datur, sed *jus* curiata lege, cum magistratus comitiis tributis prius datus sit.

Quod Cicero ostendit cum probare ^A legem de adoptione) conatur.

Quæ mali ominis erat *quando erat*, quando legem curiatam.) dele.

Lex sane Cæcilia, & Didia ætate Ciceronis lata est anno Urbis 1556.)

656.

Cicero pro domo sua: Quod est Pontifices *jus adoptionibus*) adoptionis.

In quo certo quoddam erat juramentum a Pontificibus) certum.

Nisi forte ita quæsitum est, num *perturrari* Remp.) perturbari.

Tum populus ^A magistratu rogabatur, uti legem juberet) a.

OBSERVATIONES.

Cap. 5. Curiata comitia non fere poterant auspicio fieri, nisi intra pomerium) Vide quæso quam apte concludat ita fieri oportere cum centuriata comitia in Campo Martio auspicio haberentur; si ergo in curiatis auspicia adhibenda erant, cur non ibi quoque adhiberi, ut in centuriatis) poterant?

Ex verbis Camilli concludi potest non fere potuisse auspicio haberi, nisi in foro) Rem, ut puto, verissimam, ita rationem ita colligendi falsissimam existimo.

In ea fori parte, ^a qua erat comitium) in.

Cap. 6. Quod ^a comitiales dies *quando* a Numa instituti sunt) cum dele.




*Scriptores , qui in primo tomo Thesauri Antiquitatum
Romanarum inveniuntur.*

Ferrarius de Origine Romanorum .	Pag. 1
Paullus Manutius de Civitate Romana .	33
Carolus Sigonius de Antiquo Jure Civium Ro- manorum .	73
Onuphrius Panvinus de Civitate Romana .	267
— de Imperio Romano .	435
Paullus Manutius de Comitii Romanorum .	573
Nicolaus Gruchius de Comitii Romanorum .	629
— Responſio ejuſdem ad binas C. Sigonii repre- henſiones .	815
Caroli Sigonii poſterior cum Nicolao Gruchio di- ſputatio de binis Comitii & lege Curiata .	837
Nicolai Gruchii ad poſterioreſ C. Sigonii diſpu- tationem refutatio .	863
Carolus Sigonius de Lege Curiata Magiſtratum & Imperatorum , & eorum jure .	951
Paullus Manutius de Senatu Romano .	1005
Joannes Sarius Zamofcius de Senatu Romano .	1067

Accedunt hæ tabulæ .

<i>Urbis Romæ .</i>	<i>Pag. 1</i>
<i>Imperii Romani .</i>	435
<i>Imperatorum Romanorum .</i>	567





ANTIQUAE VERBS
ROMAE IMAGO AC
URBIS HETVITATIS
MONUMENTA EX VESTI
GIIS VIDE LICET ADHI
CIOB. MOENIVM
RVINIS FIDE NVMSMATVM
MONVMENTA ANTEPENONER
SAXIS. FIDELITISQ. COLLECTA
VETERE DENIQ. AC TIBERIS
QVOD INMATA IN HAC TIBERIS
RIVVITA ATQ. IN CIVITATE
APYRHO LIGORIO ROMANO
PER TIBERIS REGIONES IN QVAS
VRBEM DIVISIT IMPERATOR
AVGVSTVS



Petrus Monaco Fecit.

OCTAVIANI FERRARII
MEDIOL. PHILOSOPHI, ac MEDICI
DE ORIGINE ROMANORUM
LIBER.

AD REGIUM PROVINC. MEDIOL. MAGNUM
CANCELLARIUM,
DANESIUM FILIODONIUM,
BARTHOLOMÆI CAPRÆ
Jurisconsulti Mediolanensis,
IN OCTAVIANI FERRARII
LIBRUM
DE ORIGINE ROMANORUM
PRÆFATIO.



*E*X omnibus bonis humanis nullum majus, nec præstantius veritate, atque hominis magis proprium viri sapientes cum semper existimarent, in ea perquirenda suum omnes studium non modo posuerunt, sed quam aliquando maximis laboribus invenissent, eam litterarum etiam monumentis publici commodi causa mandarunt. Horum exemplum Octavianus Ferrarius, civis noster, philosophus, ac medicus, ad imitandum sibi proposuerat: Et eam vitæ rationem ab ineunte ætate susceperat, quæ tota deinde in maximo veritatis campo elaborata est: in quo ille sese exercendo tantos processus fecit, ut præter ceteros excelluisse, communi doctorum, atque intelligentium virorum judicio, fuerit existimatus. ac maximo quidem illum non solum investigandæ veritatis studio incensum fuisse, sed acerrimo etiam in ea judicanda ingenii acumine præstitisse, libri, quos ipse vivus edidit, planissime testificantur. sed multo plura hujusce rei argumenta nos haberemus, si, quæ jam exorsus scribendo fuerat, ad exitum perducere potuisset. quorum specimen sane non obscurum hic de Romanorum origine liber in primis dabit: quem ille, te primum admonente ac petente, propter excellentem tuam ad id ipsum veritatis studium propensionem, non solum aggressus fuit, sed ob tua maxima in eum beneficia etiam in tuo clarissimo nomine apparere voluit: ut antiquitatis studiosi fructum omnem, quem ex hoc libro capiemus, tibi viro amplissimo feramus acceptum: cujus maximam auctoritatem ego tanti facio, ut etiam pauculos versus, quos extremo operi visum est adjungere, lectoribus non omnino ingratos futuros esse confidam.

OCTAVIANI FERRARI

MEDIOL. PHILOSOPHI, ac MEDICI,

LIBER

DE

ORIGINE ROMANORUM.



Quia omnis maritima, quæ Tyr-
rheno mari ad occidentem,
Ionio ad orientem alluitur, a
tergo autem Iunatis Alpium ju-
gis inclusa cingitur, Italia di-
cta est a Græcis, simul & La-
tinis veteribus. De qua univer-
sa nihil equidem dicam hoc
tempore. tantum partem ejus
parvam ad id, quod mihi pro-
posui, pertinentem paucis omnino, ac summatim
attingam. Ea igitur, de qua facturus sum verba,
terminetur ab occidente Tiberi fluvio, ab oriente
Leucopetra, agri Rhegini promontorio. Intus au-
tem, & a tergo Appennino monte, in fretum Si-
culum excurrente, & qua litus a Tiberis ostio ad
Leucopetram usque in longitudinem patet; Tyrrho-
no, & Ionio mari, quod inferum, & superum vo-
cant Romani, terminis finiatur. In hac extrema est
cornu, ut Mela Pomponius, & Plinius appellant,
quod Siculum fretum propiciens, sinu duplici in
angustis fauces coarctatur; e quibus alter Scyllæus,
ab oppido Scyllæo, quod ibi etiam nunc nomen
retinet; alter autem Hipponiates Straboni, ab Hip-
ponio, quod post mutato nomine, in Vibonem abiit;
ex quo Vibonensis Plinio; Antiocho tamen Nape-
tinus; Aristoteli vero Lamecticus; his temporibus di-
va Euphemis sinus nuncupatur. Hæ fauces, & ter-
rarum angustie interius Bruttiorum continenti con-
junguntur. Bruttiorum regio ibi fuit olim, ubi nunc
est Calabria. Quapropter cornu totum, quod dixi-
mus, & priscis fœculis, & nostra item ætate, Ca-
labris, hoc est, Brutiis contribuitur. Porro cornu
hoc, terra est illa, quæ Italiæ nomen, in orbe ter-
rarum universo clarissimum, prima omnium in-
venit. Inde nomen idem in proximum Bruttiorum
agrum secundo migravit: cujus erant fines Meta-
pontum, urbs sita in litore sinus Tarentini; & ex
adverso, quæ spestat mare Siculum, Laus amnis,
qui non longe a Buxento decurrit. Nec dubium est,
quin Italiæ nomen a Brutiis ad proximos Lucanos
transierit, & ab iis ad Picentinos, tum ad Campa-
nos, inde item ad Latinos: ubi tanquam domi suæ,
aliis sedibus relicti, remanserit. Placet hoc loco,
quæ de Terra Italia expolui, a quo potissimum scri-
ptore petierim, paucis demonstrare. Antiochus, Xe-
nophanis filius, antiquissimus fere scriptor historia-
rum, fuit Syracusanus. Is & libros de rebus Siculis
novem conscripsit, quorum meminit libro duode-
cimo Diodorus, & de Italia separatim volumen uni-
cum; in quo eam Siculo fæto, & sinu Scyllæo, ac
Vibonensi circumscribit, ad hæc primos habitantes
una cum regibus illorum, leges latas, mores, bel-
la gesta ordine persequitur. Sumunt ex Antiochi li-
bro (qui utrum extet abditus alicubi in latebra, in-
certum est) Dionysius Halicarnassæus, antiquitatis
Romanæ diligentissimus investigator, & Strabo geo-
graphus, quæcunque de Italia, & illius incolis ve-
teribus in primo libro alter, alter in sexto nobis ex-
ponit. Multo ante hos etiam Aristoteles, de Italia,
& Rege Italo, ejusque legibus quæ narrat in septi-

mo de Republica, id quod res loquitur, indidem
ex libro Antiochi, unde alii duo post hauserunt,
veluti rivum e fonte uberi in domesticum fundum
deduxit. Ergo valde bonus auctor est Antiochus,
ut qui non solum antiquus sit, verum etiam certus,
& gravis: quodque pluris est, quam omnia, do-
ctis, & judicio præstantibus viris vehementer proba-
tus. Dixi de regione: deinceps, quæ gentes eam a
principio habuerint, explicabo. Tenuerunt igitur
Italiam diversis, ac disjunctis locis primi omnium
Siculi, barbara, & fera natio, nec tamen advena,
sed indigena. Ante Siculos utrum Italia celebris,
an deserta fuerit, firmè asseverare quempiam posse,
in initio Romanarum antiquitatum negavit Diony-
sius. incoluisse Italiam Siculos, planissime confirmat
Thucydides historiarum libro sexto; & hoc amplius;
has gentes ipsius ætate Italiam etiam tunc habita-
re. Diodorus quoque Siculus in quinto Bibliothecæ
libro sententiam hanc eandem confirmat: id quod
& libro sexto præter hos omnes facit Strabo ex hi-
storia Antiochi, de quo prius dictum est. Plinius
item libri tertii capite quinto Siculos in Latio semel,
iterum in Lucanis, collocat: ex quo apparet verum
esse id, quod ante ex Dionysio proposui, habuisse
Siculos in Italia sedes diversas, atque disjunctas. C.
Julius Solinus denique in octavo capite Polyhisto-
ris, Latii Siculos habitatores fuisse arbitrat. Nec
reticere debeo in præsentia, horum populorum tem-
poribus Italiam appellari Saturniam in sermonibus
consuevisse, a Saturno scilicet ducto nomine, cui
erat dedicata. Id quod ita se habere, ex Sibyllæ
versibus primo, dein ex Jovis Dodonæi oraculo, quo
scripti genere nullum opinor extare antiquius, appo-
site Dionysius, ut ejus mos est, confirmavit. Siculis
Italiam habitantibus, Græci Arcades ex medio Pelo-
ponneso magna classe ad illius littoris transvecti ap-
pulerunt. quorum duces Lycæonis filii duo fuerunt,
Oenotrus, & Peuceetius. Hic ubi primo stationem
habuerat, ultra promontorium Salentinum, expo-
sitis in terram popularibus, sedes ibi collocavit. ab
eo orti, dicti Peuceetii, & Peuceetia regio, alias A-
pulia. Oenotrus vero sinistrali ad occidentem cursum
tenens, in Tyrreni, hoc est, infri maris sinum
cum majore exercitu parte navigavit. in ejus ora
cum descendisset, indeque barbaros expulisset, in
agro ad pascua, & arationes idoneo, cum suis omni-
bus confedit. parvas urbes in montibus ædificavit,
pro ea, quæ tum erat, consuetudine. regionem,
quam tenuit, Oenotriam; populus, quibus impera-
bat, Oenotros nominari voluit. Testificatur Diony-
sius, primam omnium hanc fuisse classem, quæ Græ-
cos colonos & Græciæ solvers in Italiam transportave-
rit. In Arcadiis affirmat idem Pausanias, cujus ver-
ba subscribam: Oenotrus vero, inquit, liberorum Ly-
caonis minimus natus, a Nyctimo fratre pecunia, &
hominibus impetratis, in Italianis navibus trajecit. &
Oenotria regio nomen habuit ab Oenotro rege. prima
hec classis e Græciâ in colonias missa est. Enumeranti
autem summam curæ, ne ex barbaris quidem ulli prius,
quam Oenotrus, in externam regionem transferrent.
Quorum verberum sententia quin vera sit, nihil est,

quare quisquam dubitet; cum ab Antiocho quoque Syraculano, Strabone, aliisque gravibus, ac certis auctoribus ex antiquis: nostra vero memoria ab omnibus, qui rem Romanam curant, uno consensu ea comprobetur. Nec me fugit tamen novicios aliquot scriptores inveniri, qui nullo quidem teste freti paullo graviore, sed Viterbientem, ut videntur, tantum secuti, a superiore veterum auctorum historia discedant, quod quam intelligenter, ac perite faciant, postea video. nunc redeo unde abii. Oenotro mortuo, excepit imperium Italus. de quo quæ narret apud Dionysium Antiochus, rerum Italici scriptor ut admodum verus, ita valde bonus, malo te ex illius, quam ex meis verbis, cognoscere. Sic enim fere in primo Romanarum antiquitatum legimus: *Hunc autem Italum dicit Antiochus Syraculanus bonum, ac prudentem virum extitisse, & ex finitimis aliis oratione persuadendo, alios per vim cogendo, agrum sibi omnem subiecisse, quicunque intra duos sinus Napeatinum, & Scylletinum continetur: qui primus terra Italia ab Italo nominatus est; qua regione cum potius esset, & mortales multos haberet sub potestate, e vestigio proximos quoque appetivisse, & sue ditioni civitates multas adiecisse, illum autem fuisse Oenotrum genere. apparet ergo ex narratione Antiochiana, Italum esse hominem Græcum ex Arcadia: siquidem est Oenotrus, Oenotri vero ab Arcadia, quæ in media Peloponneso est, in Italiam profecti sunt; ut ex Antiocho, Dionysio, Pausania ante docui. id quod ex libro sexto Thucydidis verba hæc planissime confirmant: *Et sane adhuc extant in Italia Siculi, ipsaque regio ab Italo quodam, Arcadum rege, hoc habente nomen, sic est cognominata. Ergo Italum Arcadum regem hominum Græcorum, cum firma ratione, tum gravissimo etiam testimonio Thucydidis extitisse convincitur. Adde, quod in septimo de Republica tradit Aristoteles, regem hunc Oenotris præfuisse: quos ex suo nomine Italos nominari voluit. ita enim scribit: *Ajunt ex iis, qui illic habitant homines facundi. Italum quendam Oenotriæ regem fuisse: a quo, nomine mutato, Italos pro Oenotris esse appellatos. & paullo post: Hunc Italum ferunt, Oenotros, qui pastores erant, agricolas fecisse; & cum aliis eis leges tulisse, tum eum instituisse primum convivio publica. quare cum Oenotri essent Arcades, ut toties dictum est, ii vero etiam pastores, fit ut & vere narretur ab Aristotele, Italum eos a pastorica vita ad agriculturam traduxisse, & recte putetur, eundem Italum Arcadibus, Græcis videlicet hominibus, in Italia imperasse. Ac ne quem prætermittam de veteribus, qui Oenotros Arcadas fuisse testetur, producam testem historicum longe antiquissimum, Pherecydem, non illum Syrium, unum e septem sapientibus, sed antiquiorem alterum, qui origines Atticorum, & Arcadiæ regum pluribus libris complexus, inter Lycaonis filios, Oenotrum, & Peuceetium numerat; & de Oenotro, ut recitat Dionysius, privatim ista scribit: *Oenotrus a quo, qui sunt in Jonio sinu, Oenotri appellantur. omnia hæc igitur, Oenotros, atque Italos ex Arcadia Græcos fuisse, satis fidem faciunt. Italo autem admodum seni successit Morges. hic quoque ad superiorum exemplum eos, qui i. p. l. v. imperio parebant, de suo nomine nuncupavit. quare factum est, ut qui dicti erant Itali, iidem, appellatione immutata, Morgetes appellarentur. Dum regnaret autem Morges, accidit, ut quendam, Siculum nomine, domo, ut opinor, exulem, hospitio acciperet. Is principatum affectans, illum per ambitum sibi querere instituit. quæ res eo progressa est, ut gentem Morgetum duas in partes veluti per seditionem disjungeret. Qui relicto Morgete, Siculi sectam secuti sunt, iis impositum nomen Siculorum. Et hi quidem Oenotri, &****

advenæ, prorsus diversi generis fuerunt ab Siculis illis, quos barbaros, atque indigenas a primo in Italia supra demonstravi constituisse. quod ita contigisse Antiochi verba, quæ in Dionysii primo antiquitatum referuntur, plane omnino declarant. ex quibus, Siculorum genus istuc, de quo loquor in præsentia, esse Oenotrum, & e Græcia advectum, perspicue intelligitur. Nam ubi de Morgetis hospite Siculo, cujus opera Oenotri duas in partes abierant, fecisset verba, hæc adjecit: *Ita vero Siculi, & Morgetes facti sunt, qui sunt Oenotri. Patet igitur unam & eandem Græcam gentem, eosdem incolas Italiæ nomina quattuor habuisse: nam primo Oenotri, dein Itali, tertio Morgetes, postremo quadam ex parte Siculi ab eorum ducibus omnes dicti sunt. Probant hoc idem Plinii verba ex quinto capite libri tertii: ubi scribens de Bruttiorum regione, antiqua Italia scilicet: *Tenerunt eam, inquit, Pelasgi, Oenotri, Itali, Morgetes, Siculi, Græciæ maxime populi. certe locus hic ad id, quod proposui, facit vehementer; nihil enim dubitationis relinquit, cum in eo fateatur aperte Plinius, Græciæ populos esse maxime, qui Bruttiorum agrum, cui ante alios Italiæ nomen impositum est, primis temporibus coluerunt. atque ab his populis, tamquam a parentibus, habuerunt ortum Aborigines. quibus postea alii ex aliis Græci, quod infra narrabimus, accesserunt. postremo etiam Trojani Aboriginibus sociati, ædificaverunt urbem Romam, simul & Romanos procreaverunt: de quibus ex antiquorum monumentis, sumpto hinc initio, summatim pauca repetam. Aboriginum juvenis apud suos non solum frequens, & multa, sed abundans etiam, ac nimia, quod illorum temporum ferebat consuetudo, novas sibi sedes quaerens, Siculorum agrum, qui erat finitimus, ingressa, eum tentavit per vim occupare. qua injuria commoti Siculi, armis se, suaque tueri decreverunt. hæc causa præcipue inter Aborigines, & Siculos Italiæ indigenas, bellum excitavit grave, ac diuturnum; cuiusmodi antea nunquam acciderat. Dum autem gereretur, utrique populo casu intervenerunt Pelasgi. iis patria antiquior Argos Argolicum in Achaja. domo profecti, Thessaliæ occupaverant; eamque in tres partes distributam, Phthiotim, & Achajam, & Pelasgiotim, ex nominibus ducum suorum appellaverant. Ejecerunt armis eos e Thessalia Curetes, & Leleges, Etoli, & Locri, posterius nominati. Pelasgi fusi, ac fugati, alii alio dispersi iter intendere. pars eorum major ad Dodonæos in Epiro, quod & ejusdem generis essent, & ob summam illius oraculi religionem, ab omni bello tuti viderentur. apud quos aliquandiu commorati, cum popularibus suis propter victus inopiam se molestos, & graves esse sentirent: inde statuant proficisci, Dodonæi Jovis oraculo persuasi, quod Pelasgos, ut Siculorum terram Saturniam, & Aboriginum Cutiliam quaerere sibi sedem, admonebat. Oraculi versus, si quis requirat, apud Dionysium in primo antiquitatum inveniet, & apud Stephanum de urbibus in voce, *Aborigines*, item apud Macrobiū in capite septimo primi Saturnaliorum. Conscenderunt ergo naves Pelasgi, dique per Jonium, atque Hadriaticum mare navigantes, ad Padis ostium Spineticum advecti sunt. Ibi in terram expositi, stativa castra posuerunt. in eis turbam, quæ itineris laboribus, atque incommodis ferendis minime erat idonea, reliquerunt; & ut essent, qui classem ad incertos casus tuerentur, qui remanserant, post suorum discessum, castris muro circumdatis, Spinam urbem condiderunt. de cujus nobilitate, opibus, & copiis Plinius in tertio libro capite sexodecimo meminit; Strabo autem in quinto libro, & in primo Dionysius multo plura narrant. Barbari accolæ, Græcorum florenti fortu-**

nae invidentes, magno exercitu circumfederunt urbem, atque expugnarunt: nemini parcentes, qui in ea fuerant, Pelasgos ad unum omnes interfecerunt. Pelasgorum vero pars, quæ terra pedibus iter suscepit, in superato Apennino, in Umbriam descenderunt. inde ab Umbris pulsi, asciverunt eos finitimi Aborigines, tum quia erant ejusdem generis, tum vel maxime, quia in bello, quod contra Siculos tunc ardebat, Pelasgorum opera magno usus fore videbatur. Atque hoc loco Pelasgi terram Saturniam, Siculos, Aborigines, aliaque omnia, de quibus præmonuerat Dodonæus Juppiter, invenerunt. accessione harum copiarum meliores facti Aborigines, acris, quam antea, Siculos urgebant, qui cum viderent se pares hostibus esse non posse, cum liberis, & conjugibus, cumque iis, quæ cariora habebant, locis planis, ac parentibus relictis, sese in montes receperunt. per eos iter continuarunt tandiu, quoad in fines Italiæ, ubi fretum eam terminat, pervenerunt. Suppetente ibi materia, ex ea confectis raribus, iisque inter se colligatis, dum æstus maris minueretur, in objectam insulam transierunt universi. Ea tum Sicania ab Sicanis, qui ex Hispania depulsi Liguribus, occupaverant insulam ab incolis vacuum, nominabatur. Post autem inde fugatis Sicanis, Siculi ex se ipsis illi Siciliæ nomen dederunt. Res Pelasgorum cum brevi usque eo crevisset, ut maxime floreret, subito conversa, ut sunt humana, pæne ad nihilum recidit. nam ex eis maxima pars in Græciam, & Barbariam dispersa est, qui remanserant, alii fame, & morbo, alii a barbaris extincti sunt. pauci omnino incolumes Aboriginum cura servati superfuere. post autem aliquanto alia classis Græca ad has ipsas Italiæ regiones applicuit, ante Trojam captam annis circiter sexaginta, ut rationem ineunt Romani, profecta ex urbe Arcadia, Pallantio. duæ naves fuerunt, non ex communi sententia civitatis in Coloniæ emissæ; sed orta in populo seditione, quæ pars infirmior valentiori cesserat, impolita in naves Evandrum ducem secuta, in Italiam sua sponte venerat. Rex Aboriginum Faunus in ea tunc imperabat, homo fortis, & prudens; qui, Evandro amice & benevole accepto, assignavit ei, tantum ex agro suo, quantum ille sibi, & suis opus esse iudicabat. Arcades collem, qui non longe aberat a Tiberi flumine, delegerunt. vicum parvum, quidduarum navium socios navales caperet, ad ejus radices ædificant. vico hujus, Pallantium, ab Arcadiæ urbe ipsorum patria nomen imponunt. vulgus deinceps, duabus litteris extritis, pro Pallantio, Palladium usurpavit. ibidem postea, circa collem ducto aratro, urbem Romam condidit Romulus. Atque hæc gens Græca, quæ in Italiam post Pelasgos altera venerat, sociata cum Aboriginibus, in optima Romæ regione una cum illis habitavit, magno sane Aboriginum commodo. litteras enim Græcas, quarum notitiam domi paullo ante habuerant, omnium primi apportarunt. Sic enim traditis, quem hoc tempore sequimur, Dionysius. nam C. Plinius secundus, unaque cum eo C. Julius Solinus inventionem litterarum tribuunt Pelasgis. attulerunt Arcades etiam organa multa diversis generis, iis generibus inusitata, ut quæ pastoricia fistula tantummodo uterentur. ad hæc iidem leges quoque rogarunt, & vitam agrestem, ac feram ad humanam, & civilem cultum traduxerunt. artes item, & disciplinas prorsus in medium feruntur. quas ob res comiter eos acceperunt Aborigines, atque in primis caros habuerunt. paucis autem annis post Arcadas alia classis Græca, duce Hercule, in Italiam renavigavit. Victorem exercitum vir fortissimus ex ultimis terris domum, hoc est, Argos in Peloponnesum, subacta Hispania, aliisque gentibus, quæ sunt ad occasum, reportabat. Complures ex militibus il-

lius, alii diuturnæ peregrinationis odio, alii assidue laborum defatigati, ab duce impetrata missione, nacti collem idoneum, quem, qui tum vivebant homines, Saturnium, eorum posteri Capitolinum dixere; in eo sedem rerum omnium suarum collocarunt. Si maximam partem erant Pheneatæ, & Epæi ex Elide; qui, suis urbibus vastatis, ac direptis ab hostibus belli tempore, quod contra Herculem fecerant, (quod ut gestum sit, & quibus de causis, in primo Eliacorum narrat Pausanias) nullo redeundi domum desiderio tenebantur. quibus Trojani aliquot se aggregaverunt e numero eorum, quos, Ilio capto, cum ibi Laomedon regnaret, Hercules captivos in militiam abduxerat. habuerunt igitur collem Saturnium a principio soli, separatim a ceteris. non ita multo post autem, suis cum sacris, tum legibus, & victu cum Aboriginibus, quod idem Arcades, & antea Pelasgi fecerant, communicatis, in unum convenerunt, pacto sedere, ut cuncti eodem jure essent, & ejusdem civitatis populares conferentur. Scio, de rebus Herculis, permultos fuisse, qui scripserint. ex quibus alii commenticias, alii veras, vel certe veri simillimas memorie prodiderunt. hæc ego fabulas, etiam si ad meum institutum quadrarent, de industria silentio præteriti. quæ vero colorem, sic ut dicam, veritatis præ se ferebant, paucis complexus breviter transivi; præsertim cum certum sit optimis, ac diligentissimis quibuscumque antiquitatis Romanæ auctoribus eas admodum probari. Post Herculis discessum, una & altera hominum ætate decursa, hoc est, annis sexaginta, vel, ut rationem ineunt Romani, annis quinque & quinquaginta, Aboriginum rex erat Latinus, Fauni filius, vel potius Herculis, qui annos jam quinque ac triginta regnabat. hoc tempore ipso Trojani una cum Ænea, Ilio capto, qui profugerant, Laurentum in ora Tyrreni maris non longe ab ostio Tiberis tenuerunt. Concessu Aboriginum accepto ad habitationem loco, a mari modico intervallo remoto, quodam in colle ædificaverunt oppidum, cui Lavinii nomen indiderunt. Post autem spatio temporis brevi, vetere nomine immutato, simul cum Aboriginibus, ad eorum rege Latinum ceperunt nominari: & relicto Lavinio, conjuncti cum incolis, urbem ampliorem, Albam nomine, condiderunt. Inde profecti, ædificaverunt alias urbes multas, quæ præfatum Latinorum dicte sunt. Sexdecim vero ætatibus exactis, miserrunt coloniam in Pallantium: ubi relictis ab Hercule Peloponnesi, & Arcades primo confederant. Restabant etiam tunc antiqui generis reliquæ. Cinxerunt igitur vicum quadratæ figuræ mœnibus, ita ut tum primum urbis speciem haberet. Romam vocarunt ab Romulo, qui eo loci coloniam deduxerat; quemque septimum, ac decimum post Æneam regem præstantes in historia viri numerant. atque hi sunt populi, unde tanquam a parentibus liberi, initium ortus sui ducunt Romani. Non puto alienum hoc loco eorum commemorationem denuo iterare, ut in conspectu, & ante oculos positi, magis aperte perspicere queant, magisque firme comprehendi memoria. Primi omnium ergo sunt Aborigines, fugatis Siculis, Oenotrii ab rege suo dicti; qui eos ex Arcadia, quæ est in Peloponneso, in Italiam transportavit. Post hos secundo loco Pelasgi, ex Thessalia, quæ temporibus illis Hæmonia dicebatur. Tercio Arcades ex urbe Pallantio in Italiam Evandri ductu trajecerunt. Post hos Epæi, & Pheneatæ, quibus admixti erant ex Trojanis nonnulli, in Italia Herculis permisso remanserunt. Postremo Trojanos una cum Ænea, domo profugos, capto per dolum Ilio, Laurentum ad Tiberis ostia satis constanter apulisse. quod si Trojanos gentem fuisse Græcam Dionysio, qui hoc probat diligenter, profectam ex Peloponneso in Phrygiam, concedimus, Romanos prius a Gracis esse

procreatos oportet. Neque vero est, cur ista finxisset Dionysius suspiceretur quiquam eare, ut homo Græcus ad suos Romanorum gloriam transferret. nam multis sæculis ante hunc Romani complures in eadem fuere sententia, eamque monumentis litterarum consignatam posteris prodiderunt, quorum in numero est C. Sempronius Asellio, historiæ scriptor, & primus Porciæ gentis M. Cato censor: qui unum tria illa præstitit, quæ homines prima putant, ut optimus orator, optimus imperator optimus fenator haberetur. Is omnium Italiæ civitatum, in primis autem Romæ, origines accuratissime conquisitas, pluribus libris explicuit. Laudavit eximie origines Catonis ab eloquentia M. Tullius libro, qui Brutus inscribitur. De quibus, cum senectutem ornaret laudibus, ex ipsius Catonis persona dixit idem; *Sepimus mihi liber originum est in manibus. omnia antiquitatis monumenta colligo.* iis ergo in libris ab Achæis, hoc est, a Græcis, qui e Græcia in Italiam transierant, multis ante Trojanum bellum ætatibus, Romanos ortos esse homo Romanus memoriæ prodidit, Cato. Atque hæc quidem in primo libro Romanarum antiquitatum tradit Dionysius. Addit etiam C. Sempronium, quem memoravi prius, alios ex Romanis multos una mente, ac voce Catonis sententiam confirmasse. Hanc Romanos de sua ipsorum origine opinionem, inde usque a primis conditæ urbis temporibus, posteris a maioribus traditam per manus, non ab exteris gentibus acceptam, habuisse, ex eo manifeste apparet, quod etiam Romani scriptores Græcos Romani generis auctores fuisse narrent; qui rem tamen approbet, testem e Græcis idonem, a quo monumentis annalium hæc mandata sint, producant neminem. Et horum quidem utrumque, de quibus paullo ante dixi, etiam Græce scisse, nedum Latine, antiquæ fides historiæ facit, ut minime dubitemus. Nam certe Cato Censorius Græcas litteras admodum fenex didicit; & sua scripta Græcorum opinionibus, atque historiis, tamquam floribus, conspersit, quod præter M. Ciceronem in libro de senectute aureolo, etiam in illius vita refert Plutarchus particulam vero proœmii, ut opinor, ex libro primo rerum gestarum Sempronii Asellionis, quæ in quinto libro Atticarum noctium recitatur a Gellio, si quis legerit, is de Sempronio idem, quod proxime de Catone, dum quidem sit doctus, & intelligens existimator, iudicabit. Porro autem ne a Græcis quidem, qui ante hos de ea re scripserant, antiquitas Romana peti poterat. Et vero sane multi extiterunt; sed iis pene omnibus ista, quæ hoc tempore quærimus, erant ignota. Ex quo illa sunt a Dionysio scripta in primo libro: *Adhuc enim (ad ejus ætatem scilicet) a Græcis prope omnibus antiqua Romane civitatis historia ignoratur.* Et ab eodem loco non longe admodum de Græcis historicis, qui res Romanas conscripserunt, Hieronymo Cardiano, Timæo Tauromenio, Antigono rerum Italicarum scriptore, Polybio Megalopolitano, Sileno Calatiano, & sexcentis aliis: *Horum, inquit, singuli de Romana antiquitate pauca, & ea neque studiosè, neque diligenter, sed ex quacumque auditione, hoc est, communi fama, ac sermone collecta, litteris tradiderunt.* Atque hæc de Græcis suis Dionysius Halicarnassensis statuit; qui Romæ vixit, cum Augustus rerum potiretur; ubi totos annos viginti, quod ipse de se prædicat, in conquiritendis, & componendis rebus Romanis, ac Latina lingua perscrutando consumpsit. in quo officii munere ita se gessit, ut hoc in genere, quomodo quidem docti homines arbitrantur, tum superiores, tum æquales rerum dispositione, orationis elegantia, explicatione illustri sine controversia ulla vicerit. In eo igitur standum, quod hæctenus ex optimis auctoribus, iis quæ perantiquis, ac nobilibus docui, Romanos a Græcis ortum in primis habuisse: quod cum erudi-

Altiſſimi Romanorum, non hi duo solum, sed & complures alii probarint, hoc istuc ipsum nos quoque, si minus ut verum, at ut maxime verisimile, non gravate concedamus. Atque hæc quidem quamquam ita se habent; qui tamen contra sentiant, inveniri nonnullos non ignoro. Extat parvum opus Berosi Chaldæi nomine, patrum memoria editum. hoc in quinque libros est distributum, qui rerum capita potius, quam libri, videntur. In eis notata sunt admodum multa, quæ superioribus ex toto repugnant; eaque maximam partem ficta, & commenticia, ut qui libellum exilem illum confecit, id unum spectasse credi possit, ineundam sibi rationem qua vetus nuncia veritatis historia, vanitate fabularum novarum, oblivione perpetua obrueretur. Quæ res causam nobis, & gravem, & necessariam attulit, in extrema parte hujus commentarioli verba faciendi de istis, quantulicunque sint, annalibus, ut susceptum veritatis patrocinium, pro nostra consuetudine pristina, tueamur. Primum igitur de Beroso ipso, tum de illius opere, postremum de rebus indidem, veluti e fonte, haultis a scriptoribus novis dicemus. Berosus igitur fuit Babylonius, quomodo quidem ex Tatiani oratione ad Græcos aperte potest perspicui. Is Chaldæi honorem, ac dignitatem gelisse, ex Flavii Josephi auctoritate putatur ab eo, qui summam illius vitam attigit, Annio Viterbiensi. in quo partim recte, partim dicit perperam. nam eum in primo Judaicæ antiquitatis Josephus Chaldæum vocat præcise; at idem in primo contra Apionem plene, Berosus, inquit, Chaldæus genere; ut Chaldæi vocabulum non honorem, sed gentem ostendere videatur. Quod quidem verum esse, ex iis, quæ mox suggeram, satis patet. Genus est duplex eorum, qui Chaldæi vocantur, locorum, ac regionum, quas alii alias incolunt, distinctum varietate. nam qui terram habent, pertinentem ad sinus Persici initium, definitam Arabia illa, quam Pomponius Mela, & C. Plinius, sterilem, hoc tempore ad Græcorum imitationem desertam dicunt, ii a Chaldæa terra, ubi ætatem agunt, Chaldæi nominantur. Ad hæc Babylon est urbs, & ejus regio Babylonia; in qua vicus fuit, ad habitandum nationis, & gentis ejusdem philosophis assignatus; qui similiter, ut superiores, Chaldæi sunt nuncupati. atque hi quidem tempus omne, omnem operam in disciplinarum studiis, Astrologiæ præsertim, consumperunt. inter quos extiterunt nonnulli, qui quid cuique eventurum esset, ex natali die proficerentur se posse prædicere. Sed istos contra alii minime approbarunt. nam Chaldæorum, de quibus in præsentia loquimur, sectæ fuerunt complures, discretæ cum opinionum dissimilitudine, tum cognomento a suis urbibus tracto: quod alii Orcheni, ab Orcha; Boriippeni, a Boriippa; a Babylone, Babylonii dicerentur; de rebus iisdem dissidentes inter se, ac repugnantes, quam disensionem a Tito Lucratio Caro in quinto de rerum natura reddente causam, quid sit, cur lunæ lumen sæpius in mense varietur, significari puto his verbis:

Ut Babylonica Chaldæam doctrina refutans,

Astrologorum artem contra convincere tendit.

Non viderunt ista interpretes a Strabone explicari: unde & hæc, & alia, quæ supra posui, sumpta sunt. Male igitur Annius, qui, Chaldæum, honoris nomen esse comminiscitur. at Josephus bene; qui eodem verbo nationem designat eruditam. Sit ergo Berosus genere Chaldæus, idemque in Astrologia facile princeps. Quærat hic aliquis forsitan, cum Astrologorum sectam duplicem proposuerim; alteram, quæ natalitia prædicta improbet, alteram, quæ approbet; ex his duabus quænam sit, in qua Berosum censere oporteat. Equidem non dubito, quin prædicendi etiam scientia præstiterit. adducor, ut ita credam, M. Vitruvii verbis ex libro nono.

fic habentibus: *Cetera ex Astrologia, quos effectus babeant signa duodecim, stelle quinque, Sol, Luna, ad humane vite rationem, Chaldeorum rationationibus sit concedendum: quod propria est eorum genethalogie ratio, uti possint ante facta, & futura ex rationationibus astrorum explicare. Eorum autem inventiones, quas scriptis reliquerunt, qua sollertia, quibusque acuminibus: & quam magni fuerint, qui ab ipsa natione Chaldeorum profuxerunt, ostendunt. primumque Berofus in insula, & in civitate Coo confedit, ibique aperuit disciplinam.* Hac M. Vitruvii verba, Berofum prædicendi artificium tenuisse; idque Græcis, ejus rei incitiis primum omnium patefecisse, fidem faciunt. in quo excelluisse illum præter ceteros argumento sunt, quæ Plinius in libro septimo in hanc sententiam scribit: *Berofus, inquit, ob divinarum prædictiones Athenienses publice in gymnasio statuam inaurata lingua statuerunt.* honos hic statuae datus ab Atheniensibus Berofio, non est ob eam causam illi datus quia in Athenarum urbe docuerit, sed ob prædictionem divinam, hoc est, quia prædixit, & divinari fore aliquid, quod & eveniret, & prospere quidem eveniret. quapropter longe fallitur Annianus, qui ex hoc Plinii loco, Berofum Chaldaicas literas Athenis docuisse, falso narrat. Errorem cujus, si nihil aliud, M. quidem Vitruvii auctoritas, plane coarguit. qui non Athenis Berofum, sed in insula, & civitate Coo, Chaldeorum disciplinas demonstrat primum omnium Græcis tradidisse. Illud item, quod ait Annianus, etiam si verum sit, minime tamen necessarium videtur: *Si est, inquit, ut Berofus sit Chaldaeus, sequitur, ut idem quoque sit sacerdos.* confectio hæc non est, ut modo dixi, necessaria. neque enim omnis Chaldaeus est sacerdos. id ex eo quivis unus perspicue cognoscit licet. Babylon est urbs Chaldaee caput, auctore Plinio. in ea qui habitarent, Chaldaei fuerunt omnes, ut apud Stephanum Byzantium legimus. hic ergo, si Annium sequimur, sacerdos oportet fuisse Babylonis cives, atque incolae universos. neque vero hos solummodo, sed etiam Chaldaeos agricolas; & ex aliis Chaldaee urbibus Orchenos, & Bortippenos; aliosque innumerales. Sed verbi notio ea est, quæ Annio errorem tantum obicit. nam suo sibi jure sumpti, Chaldaei vocabulo honorem demonstrari, in quo falli cum ante docui. docuit etiam A. Gellius in Articiis noctibus libro primo: *Vulgus, inquit, mathematicos dicit, quos gentilitio vocabulo Chaldaeos dicere oportet.* Et multis annis ante hunc in primo de divinatione Cicero, cum de Assyriis loqueretur, hæc subjecit: *Qua in natione Chaldaei non ex artis, sed ex gentis vocabulo nominati, diuturna observatione syderum, scientiam putantur effecisse.* Ex quibus locis manifestum liquet, Chaldaum, nomen esse gentis, & nationis, non autem honoris. quamquam igitur Berofus sit Chaldaeus; hac re tamen sacerdotem illum fuisse, non inferitur necessario. Hic mihi Diodorus afferet Annianus, qui secundo Bibliothecæ libro Chaldaeos dicit; Diis colendis sacerdotes creatos ab Assyriis, exemplo sacerdotum Ægypti: itaque ut nomen Chaldaei honorem ostendat, confici. Sed & hoc totum nihil est, quamvis aliquid esse primo aspectu videatur. nam, si ita sit, etiam Ægyptius, quod nonien est nationis, esset idem, qui sacerdos: & Ægyptius omnis sacerdos haberetur. quod perspicue falsum est. quemadmodum igitur, etiam si quis sit Ægyptius, ob hoc non efficitur, ut idem sit sacerdos; ita, ne si Chaldaeus quidem fuerit aliquis, eum continuo sacerdotem esse oportet. At enim urgebit Annianus, Chaldaeus est sacerdos, auctore Diodoro: equidem contra minime tendam, neque verum quod est, iniipienter negabo. venit mihi tamen in mentem quiddam, quod præterire tacitus nequaquam debeo. Nam in sextodecimo de geographia libro, qua in parte Babylonem describit Strabo, Chaldeorum regionem,

Auribus, disciplinam, sectas summam quidem ille, verum tamen multo, quam Diodorus, persequitur & distinctius, & uberius. Atqui de eorum sacerdotio ibidem littera nulla est. Cujus quidem rei reticentia magnam mihi movet admirationem: ut qui Herodotum sciam, Diodoro, & Strabone antiquiorem, cujus libros Strabo minime omnium ignorabar, Beli sacerdotes fuisse Babylonis habitatores Chaldaeos, in primo libro historiarum memoria prodidisse. Sed, ut ut est, demus aliquando, Chaldaeos si non omnes, at certe Babylonios, fuisse sacerdotes; & hoc amplius, Berofum simul & Chaldaum, & Beli fuisse sacerdotem: præsertim cum istuc ipsum, quod ultimo loco posui, in extrema oratione ad Græcos Assyrius Tarianus planissime scripserit. Chaldaei porro vox duo significat: primo, gentem; deinde, prædictum scientia hominem ex observatione syderum futura prænoscenti. qui hanc tenent, vates, & divini a Romanis hominibus, qui pure, & eleganter scripserunt, Chaldaei sunt appellati. itaque M. Caro in libro rerum rusticarum villico præcipit, Chaldaum ne quem consulat. eisdem vulgus Romanum, eversa republica, mathematicos nominare maluit: quod verbum Tacitus, & Tranquillus frequentant. Lapis etiam vetus Romæ, ut ajunt, apud Attilium Delphinum extat, in quo incili versus hileguntur.

Nomine, quo genitor mihi dicitur, hoc ego vixi, Telephus est genitor, Telephus ipse fui. Augustina parenti, quarto me flebilis anno, Terdecimoque die perdidit orba satum. Non igitur lector lacrimas: decepit utroque Maxima mendacii fama mathematici.

Ergo igitur Berofus cum genere, tum scientia Chaldaeus, hoc est, Mathematicus, ut qui possit futura prædicere, ac prænunciare. Idem quoque sit sane Beli sacerdos. Ex qua re una Berofum & notarum, & scribam fuisse Annius constanter nimis asseverat. D quod quidem quale sit, paulum consideremus; quo rem involutam, paucis quidem cognitam, nos omnibus studiose magis explicatam communicemus. de primo igitur dicamus prius. Notarius, quod nemo non concedit, est a nota. Notam Gellius agebat litteram esse singularem sine syllabæ coagmentatione ulla, ut C. Caius. P. Publius. S. P. Q. R. Senatus, populusque Romanus. & ejusmodi sexcentæ, quas Probus, & Diaconus in duo volumina contulerunt. Sed in libro Digestorum trigelimo septimo, titulo de honorum possessionibus, ex Pedii sententia, Paulus notas litteras non esse, opinatur. Nam ibi hoc pacto scriptum est: *Notis scriptæ tabule non continentur edicto.* quia notas litteras non esse, Pedius libro vicesimoquinto ad edictum scribit. Et re vera notæ nomen videtur patere latus, quam litteræ, ut fulminis ictum, quo statua lactentis Romuli de cælo tacta est, notam in secundo de Divinatione vocat Cicero, cum inquit: *Hoc tamen callide Jupiter cogitavit, Romulus lactens fulmine ictus.* urbi igitur periculum ostenditur ei, quam ille condidit. quam scire per notas non certiores facit Jupiter. Quapropter, si fulminis ictus est nota, idemque ictus non est littera; ut nota non sit littera, oportet consequi. Eodem etiam pacto in oratione pro C. Rabirio P. Furium quandam, hominem omnibus iniquum turpitudinis notis esse dixit, & in secundo de officiis, Alexandri Pherezi fatellitem barbarum, compunctum notis Threiciis, (sic enim stigmatiam Latine vertit) ex historia fuisse narrat. plena est exemplorum antiquitas, quibus recitandis perfusedo, quod nimia eorum copia non procul abesse videtur ab ineptiis. Sed notarum etiam usus, quæ litteræ non sunt, inter principes viros hac hominum ætate utilissimus est. Notarii porro munus, & officium, tribus verbis varie junctis, significari maxime a veteribus invento. Dicunt enim: *scribere*

aliquid notis, ut in exemplo supra posito apparet. A Notis, inquit Jurisconsultus, scriptæ tabule non continentur edicto. item, scribere per notam, ut Digestorum libro vicelimo octavo, Titulo de hæredibus instituendis: *Siquis*, inquit Ulpianus libro quinto ad Sabinum, *pro centum ducenta per notam scripsisset, idem juris est*. Ad hæc, scribere per notas, ut ex Ciceronis secundo de Divinatione ante docui. postremo pro eodem verbum, *notare*, usurpavit Suetonius. quibus omnibus Latine loquendi modis singulare verbum contrarie opponitur, id vero est, *perscribere*, & quod idem valet, *litteris perscribere*. primi probatio ex Galba Suetonii, in quo hæc sunt: *Quia vero notata, non perscripta erat summa, ne hæc quidem accepit*. ubi notata, & perscripta, inter se opponi pæne repugnant, perspicue cernitur. Secundi vero ex Gellii loco libri decimi Atticarum noctium, qua in parte refertur, M. Ciceronem persuasisse Cn. Pompeio, ædem victoriæ dedicatur, ut in ejus gradibus, qui vice Theatri essent, neque tertium, neque tertio scriberetur, sed ad secundum usque t, feren litteræ, tert. ut verbo, inquit, non perscripto, res quidem demonstraretur, sed dictio tamen verbi lateret. Est & quæ ad hanc rem pertineat in libro vicelimo nono Digestorum titulo de testamento militis lex in hæc verba: *L. Titius miles notario suo testamentum scribendum notis distavit, & antequam litteris perscriberetur, vita defunctus est*. in qua licet videre, scribi notis, & litteris perscribi, velut ex altera parte alterum alteri respondere: & recte mea quidem sententia. sunt enim ex responsu Pauli verba, ejus, cui notam non esse litteram placuit. Sed ea etiam mendose scripta sunt: cum quidem in Pandectis Florentinis, præscriberetur, perperam pro eo, quod aliis in libris plane ac probe est, *perscriberetur*. Est ergo notarius proprie is, qui in scribendo notis ad celeritatem utitur. Eum M. Manilius in quarto Astronomicon paucioribus omnino verbis, quam Augustinus, non ineleganter tamen ita describit;

Hic & scriptor erit felix, cui littera verbum est; Quique notis linguam superet, cursumque loquentis;

Excipiet longas nova per compendia voces.

Exposui verbi originem; nunc vero etiam rei aperi- am. Anno post Romam conditam sexcentesimo nonagesimo exeunte propemodum M. Tullius Cicero consul, in ædem Concordiæ senatu advocato, ad eum retulit, quid de iis fieri placeret, qui cum Catilina conjurasse contra patriam deprehensi, custodis liberis, privatis afferrentur. Is antequam senatum consulere, scribas complures alibi alios dispersit; eosque notas prius edocuit, quibus quam quisque sententiam de animadversione in conjuratos dixisset, celeriter exciperent. Ab hoc igitur Ciceronis factò, quod Plutarchus in Catone Uticensi memorat, scribendi ratio per notas, quæ ad eam diem inutilata vulgo erat, ut in communi usu versaretur, Romæ tunc primum fecit initium. Sed M. Cicero etiam pridie ejus diei, quam de puniendis conjuratis ageretur, hoc est, quo die legatis Allobrogum, & Vulturcio in senatum introductis, eorum indicio patefacta est conjuratio, consimile hujus consilium cepit. Nam in ea oratione, quæ pro P. Sulla extat, se constituisse fenatores testatur, qui omnia judicium dicta, interrogata, responsa perscriberent, quos sciebat memoria, scientia, consuetudine, & celeritate scribendi facillime, quæ dicerentur, persequi posse. De scribis tamen, & notis illo quidem in loco nihil loquitur. Non desunt autem scriptores, qui hoc inventum aliis auctoribus assignent. Dio enim in libro quinquagesimo quinto Romanæ historiæ, Mæcenatem ait primum notas quasdam litterarum invenisse ad celeritatem, earumque doctrinam per libertum Aquilam

plurimis tradidisse. At Eusebius in Chronicis Tyroni, Ciceronis liberto, notarum tribuit inventionem. in quo uterque sine dubio fallitur. nam ante hos & M. Ciceronem & C. Cæsarem, eum, qui perpetuus fuit dictator, in epistolis ad amicos, & familiares notis multa scribere consueisse, certum habemus. De C. Cæsare, apud Suetonium in ejus vita hæc sunt. *Extant & ad Ciceronem epistolæ, item ad familiares domesticis de rebus, in quibus si quæ occultius perferenda erant, per notas scripsit, id est, sic structo litterarum ordine, ut nullum verbum posset effici*. De iis C. Julii notis Valerius Probus, antiquus grammaticus, librum scripserat, ut A. Gellius in libro decimo septimo prodidit, quem de occulta litterarum significatione epistolarum C. Cæsaris inscripserat. M. vero Ciceronem hoc scribendi genere usum, ex eo perspicui potest, quod in libro decimo tertio epistolarum ad Atticum ipse scribit hoc pacto: *Quod ad te de decem legatis scripsi, parum intellexi, credo quia dixi reuoluer* (hoc est, per notas) *scripseram*. Uti sunt ergo notis in scribendo C. Cæsar, & M. Cicero. quod cum ita sit, credere Mæcenatem, qui Cicerone, ac Cæsare mortuo floruit, & Tyronem, Ciceronis disciplinæ alumnus, primos invenisse notas, non fane verum est. Multo item minus vere dici potest, quod inconfidenter facit Annius Berosum hominem Babylonium fuisse notarium, ut qui annis minimum quinquaginta vixerit, nempe circa initia belli Punici primi, antequam Romæ rationem scribendi notis, Cicero magistratu abiens pervulgaret. Et erat scribendi genus ejusmodi Romanis hominibus ultimarum solummodo, Græcis vero, quorum lingua scribens utebatur Berosus, aut barbaris gentibus, quod quidem sciatur ex historia vetere atque antiqua, non item. Neque ego is sum, qui ignorem, extitisse nonnullos, qui epistolas notis aliquando conscripserint. nam in epitoma septimi libri historiæ Polybii litteras Ariani ad Achæum, ut earum sententia occultaretur, hoc modo scriptas fuisse legimus. Verum notas, quales essent, quibus ex composito illi utebantur, neque Polybius ipse, neque Suidas, qui Polybii locum interpretatur, nobis ita explicant, ut plane liceat intelligi. Sed qualescumque fuerunt, aliis quidem fuerunt inutilitæ, nec ullam ad exemplum illarum inde ortum est scribendi per notas genus. Berosus ergo non vere notarius ab Annio nominatur. Æque vero falsum est, scribam esse Berosum, quod idem eidem affingit Annius. quod quidem mendum, nisi si cognitum est prius, qui sint scribæ, quæque sit eorum conditio, vix opinor posse corrigi. Sextus igitur Pompeius, Latinitatis auctor vel optimus, scribarum duo facit genera: librarios primo, deinde poetas. *librarii sunt*, inquit, *qui rationes publicas scribunt in tabulis*. Sed ii Prisciano *a calculis*, Ulpiano autem, ac Modestino dicti sunt *calculatores* a subducendis calculis. Nam in Ciceronis Lælio hæc scripta sunt: *Hoc quidem est nimis exigue, & exiliter ad calculos revocare amicitiam, ut par sit ratio acceptorum, & datorum*. Scribæ sunt etiam tabularii, qui magistratibus, aut civitatibus in publicis, aut privatis negotiis cautiones, & acta, hoc est, gesta negotia referunt in tabulas, & faciunt instrumenta fide publica. idem etiam *Tabelliones* dicti. Scribæ erant item librarii, qui libros perscribebant, quorum in locum typographi hoc tempore successerunt. Adde huc eos, qui *ab epistolis* & *a secretis* vocantur, atque hos quidem scribas omnes, *servos publicos*, aut *privatos* appellarunt antiqui ob eam causam, reor, quod initio servitutem servierunt. abundant exemplis Romanorum historiæ. ex quibus hæc illustria maxime supponentur; Cn. Flavius, Cn. filius, hominis libertini, atque ordinis propemodum infimi, fuit Appii Cæci scriba. quem cum tribus

ædilem creassent, qui comitia ædilitia habebat. *Ædilis*, ejus nomen negavit se accipere, cum ob generis humilitatem, tum præcipue quia scriba esset. Id factum & T. Livius (ut Ciceronem, ac Plinium reticeam) in extremo libro nono ab urbe condita, & multo, quam ille, purius, ac jucundius in tertio annali L. Piso Frugi his verbis exposuit: *Cn. Flavius*, inquit, *patre libertino natus, scriptum faciebat*, isque in eo tempore *ædili curuli* apparebat, quo tempore *ædiles subrogantur*. eumque prima tribus *ædilem curulem renuntiaverunt*. *At ædilis, qui comitia habebat*, negat accipere, neque sibi placere, qui scriptum faceret, eum *ædilem fieri*. *Cn. Flavius Cn. filius* dicitur tabulas posuisse, scriptum sese abdicasse, isque *ædili curuli factus est*. Idem *Cn. Flavius Cn. filius* dicitur ad collegam venisse visere ægrotum. & in conclave postquam introiit, adolescentes ibi complures nobiles sedebant. *Si contentantes eum, assurgere ei nemo voluit*. *Cn. Flavius Cn. filius* id arripit. *sellam curulem iussit sibi afferri*. eam in limine apposuit; ne quis illorum exire posset, utique si omnes inviti viderent sese in sella curuli sedentem. hæc L. Piso ille Frugi in Annalibus suis scripta reliquerat. in quibus etiam ii *Cn. Flavius* scribam non appellet suo nomine; ex iis tamen, quæ de eo narrat, scribam omnino eum fuisse, haud obscure ostendit. Nam quod ait *Cn. Flavii* nomen, ab ædili non acceptum, ideo quod *Cn. Flavius* scriptum faceret; hoc perinde est, ac si dixisset, acta ædilis, cui *Flavius* apparebat, in tabulis ab eo referri, & in iis perscribi, quod ei officio ac muneri *Cn. Flavius* præficeret. Eos porro omnes, scribas esse: qui quia in sordido munere verarentur, non digni videbantur habenti comitia ædili, quorum nomina inter subrogatos ædiles reciperebantur. Valebit ergo scriptum facere idem, quod scriba fungi officio. quod antiquum dicendi genus, quasi si minime sit Latinum, in T. Livio Cardinalis Hadrianus reprehendit non fane intelligenter. Ut scribæ, qui magistratibus, vel civitatibus apparent, servi dicerentur publici, & haberentur pane fervorum loco, diu tenuit consuetudo. Sed eam Arcadius Imperator, constitutione edita, quæ extat, funditus tulit. Ex eo igitur scribarum ordo est honestior. & hæc quidem de *Cn. Flavio*: scribas vero privatos servivisse notius est, quam ut longa oratione probari debeat. quis enim paulo humanior Tullium Tyronem, & Tullium Lauream, M. Ciceronis libertos nescit? Extrat etiam Cornelii Nepotis in Attici vita locus, de illius familia memorabilis; quem, quia valde ad rem facit, recitabo. *Ufus est*, inquit, *familia, si utilitate judicandum est, optima; si forma, vix mediocri*. namque in ea erant pueri literatissimi, anagnostæ optimi, & plurimi librarii; ut ne pedisequus videretur, quisquam esset, qui non utrumque horum pulchre facere posset. Nunc restant poetæ; nam & hos Romani scribas vocabant. Livius Andronicus, tragicus simul & comicus poeta, bello captus. Romæ aliquandiu servivit. Eusebium in Chronicis hujus historiarum testem invenimus. in qua tamen mendum inest duplex. in tempore alterum, alterum in prænomine. In tempore, quod Plautum, ac Nævium antecire tradit, qui tamen ætate longo intervallo inferiores Livium subsequuntur. nam Cicero, & apud eum in Bruto Atticus, Varro etiam in libro de poetis primo, Gellius libro decimo septimo, & in Chronico Aurelius Cassiodorus, ita se rem habere docent. Errat item in prænomine Eusebius, quod Livium eundem poetam, Titum esse ait, quem A. Gellius capite septimo libri septimi, & libro decimo septimo capite vigeimo primo, & in Chronico Cassiodorus Lucium appellatur. res quidem videtur parva, in prænominis nota decipi. Verum ea parvitas tantum momenti habuit, ut doctissimo, & sanctissimo viro divo Thomæ Aquinati errorem magnum objec-

erit. Nam quod Eusebius de poeta Livio; tragicodiarum scriptore, literis mandat, hoc ipsum divus Thomas in secundo ejus operis, quod de regno effecit, in historiarum scriptorem Livium Patavinum confert. quod a vero perspicue alienum est. Nam L. Livius Andronicus poeta, qui Romæ primus fabulam dedit, C. Claudio Centhone, M. Sempronio Tuditano cons. annis amplius CC. vixit ante T. Livium Patavinum historicum; quem, Augusto, ac Tiberio regnantibus, ob excellentem eloquentiam, scimus omnes, maximo in honore viguisse. A principio igitur poetæ quoque fuerunt Romæ servi. poetica vero facultas ipsa spernebatur illis temporibus a nostris, ac pro nihilo ducebatur. Inde Ciceronis illud in prima Tusculana de poetis manavit, *Honorem*, inquit, *huic generi non fuisse declarat oratio Catonis, in qua objecit, ut probrum, Marco Nobiliori, quod is in provinciam potas duxisset. duxerat autem consul ille in Ætoliam, ut scimus, Ennium*. hanc autem Ciceronis sententiam in libro de moribus approbat Cato ipse, in quo, ut in libri decimi secundo capite recitat A. Gellius, erant hæc scripta: *Poetica arti bonus non erat: si quis in ea re studeret, aut sese ad convivium applicaret, grassator vocabatur*. Hoc modo scribarum generibus enumeratis, & simul eorum conditione patefacta; in eo, de quo queritur, æquid sit veri, non difficile est videre. Nam certe Berofum Beli sacerdotem fuisse, Annio concessimus, & probavimus; qui ergo minus convenit, quam iis honoribus hominem ornamentum contaminare, ac sacrum sacerdotem inquinare, impositum ei munere non modo vili, sed etiam servili? sunt ista quidem non verisimilia; & certe, quod res ipsa clamat, indecora. Habuerunt in Romana republica Pontifices scribas, quorum opera utebantur; habuerunt Ægyptii sacerdotes; habuerunt, opinor, etiam Chaldaei. ipsos vero Pontifices, & sacerdotes, scribarum sanctis officio putare, atque in eorum ordinem redigere, meo quidem animo, prorsus despere est. Sed Romæ Pontifices uti scribis solitos, quoniam quidem non satis notum iis videtur, qui de hoc ordine multa collegerunt, nos ex L. Cassii Hemina, scriptoris antiquissimi, annalium libro quarto notum faciamus. Loquitur autem de Vestalibus: *Scriba*, inquit, *Pontificius, qui cum eabus stuprum fecerat*. atque hæc ex Prisciani libro septimo sumimus. pari modo Ægyptiis sacerdotibus apparuisse scribas, in Bibliothecæ libro primo attestatur Diodorus. Inspecienti enim exta Ægyptio Regi, & litanti præsto aderat scriba sacrorum, (hierogrammatea vocat, quod munus gessisse Moïsen, in primo contra Apionem putat Charemon) qui clarorum virorum consilia, & res gestas ad Regis utilitatem ex libris factis recitaret. Quod si Chaldaeorum ordo Babylone, quod idem tradidit, ad similitudinem Ægypti sacerdotum institutus erat, atque ordinatus; Ægyptios autem sacerdotes scribis usos fuisse, pro certo habemus; profecto, ut eisdem Chaldaeis quoque ministris, ac servos præbeamus, rationi contentanum videretur. ergo si est ita, occurrit mihi Annii: *Chaldaei sacerdotes scribæ fuerunt*. ridiculum. cur non hoc modo herus, & servus; magistratus, & is, qui magistratui operas dat, minister, sit idem? longe distincta sunt hæc inter se, tum conditione, tum præcipue officio, ac munere: id quod nemo non videt. Ex quibus manifestum cernitur, neque notarium, neque scribam fuisse Berofum sacerdotem: contra quam Annii crediderit. Unum etiam superest, ut, & quando natus, & quando vixerit Berofus, dicatur. Nam, quæ hæc de re tradit Annii, uti quæ ex historia mendaci petita sint, levi admodum conjectura, qua nihil incertius, nituntur. qua tempestate igitur in Persas Magnus Alexander imperium tenuit, natus est Berofus. Is ad Antiochum usque, qui in Syria post

Alexan.

Alexandrum regnavit tertius, processit ætate. ad quem res gestas Assyriæ regum, in tria volumina distributas, misit munerī. quæ quidem ita se habere, Assyrii Tatiani, Berosi popularis scilicet, ex oratione ad Græcos, verba hæc aperte declarant: *Berosus*, inquit, *homo Babylonius*, *Beli apud eos sacerdos*, natus Alexandri tempore, Antiocho post illum tertio de rebus Chaldaicis historiam, digestam tribus libris, misit. & expositis regum gestis, de quodam eorum narrat, nomine Nabuchodonosor, qui Phœnicibus, & Judæis bellum intulit. Ex quibus Tatiani verbis, quæ de Græcis ipse verbum e verbo expressit, perspicue liquet, & natum Berosum, Alexandro in Persis dominante, & ad Antiochum usque regem, qui Alexandro tertius successit, vitam perduxisse. Quapropter ante dominatum Alexandri floruisse Berosum, non vere judicat Annii: siquidem natus est non ante dominatum, sed in ipso Alexandri dominatu. Ex quibus, Berosum pervenisse ad annos septuaginta, & eo amplius, licet conjici. Nam, si Berosus natus est, Alexandro dominante; Alexandri vero dominatus (in eo enim T. Livius libro octavo, & A. Gellius in decimo se primo una mente consentiunt) in annum urbis conditæ quadringentesimum tertium incurrit; Berosum esse natum iidem quoque temporibus profecto oportet. Ut autem hoc certum est, sic & illud minime dubium, ut ex Tatiano docui prius; Berosum eundem ætate Antiochi, ejus, qui & post Alexandrum in Syria tertius regnavit, & ad quem Chaldaicam historiam scripsit Berosus, vitam egisse. Atque Antiochus hic, de quo loquimur, Eusebio teste, olympiade centesima vicelima nona Syriæ imperavit. quo tempore ipso belli fuit initium primi contra Pœnos: idque Polybius, & Dionysius in primo historiæ libro comprobant. Belli autem primi contra Pœnos initium anno conditæ urbis quadringentesimo & nonagesimo factum est, ut inter omnes convenit. quapropter Berosum item quadringentesimo nonagesimo post Romam conditam anno vixisse, rationi consentaneum est. Ad hæc cum natus sit Berosus, urbis conditæ anno quadringentesimo decimo tertio, quemadmodum initio posui; ab hoc autem anno CDXIII. ad quadringentesimum nonagesimum numerentur anni septem & septuaginta; verisimile est Berosum ad annos circiter septem & septuaginta vitam perduxisse. in hoc enim sic est dicendum; quod diem Berosi natalem, & quando mortem obierit, certo nescimus. & in annorum numero scriptores inter se nonnihil variant, nec, si cura quanta maxima possis, annorum rationem in eas, quadrabit omnino summa. Sed de hoc alias: redeo ad Berosum. Is Babylonius fuit, natus Magno Alexandro Persarum imperio obtinente. Beli sacerdos idem, idem Astronomiæ peritissimus, & ex syderum observatione vates optimus, in insula, & civitate Coo Græcos disciplinam hujusmodi primus omnium publice docuit. libros de Astronomia, & Chaldaeorum philosophia, ut in primo contra Appionem Josephus est auctor, itemque de rebus gestis Assyriæ regum libros tres Græce scriptos edidit; de quibus non ita multo post dicam uberius. ad annos circiter septem & septuaginta vixit, in Syria regnante Antiocho, ab Alexandri Magni interitu, rege tertio, quem Græci Theon vocantur. Cumanam Sibyllam, sunt, qui Berosi hujus filiam fuisse existunt; in quo est Iulianus philosophus, & martyr Palæstinus in ea oratione, qua Græcos ad verum dei cultum cohortatur, quod idem in libro de Sibyllis Panvinio, homini antiquitatis bene perito, placere animadverti. Sed hoc, quantum video ipse, non est, ut fieri possit ullo pacto. Nam, si Babylonia Sibylla, quæ quia Cumis in Campania vaticinabatur, ea re Cumana est dicta,

illa est; ut Julius Solinus memoriæ prodidit, quæ L. Tarquinio (Prisco-ne, an Superbo regi, ad rem parum interest; alterutri certe dedit:) libros fatidicos vendidit; Cumanam Sibyllam oportet vixisse post Romam conditam anno vel centesimo quadragesimo, vel ducentesimo vicefimo, si M. Varonis annorum summam sequimur. At Berosus, historiæ Chaldaicæ conditor, post Romam conditam anno quadringentesimo tertio decimo natus est: qua ætate, exactis regibus, Romæ creabantur consules, ut docui antea. Convincit ergo veritas, Berosum, qui res gestas Assyriæ regum tribus libris complexus fuerat, annos amplius ducentos, post Cumanæ Sibyllæ mortem, ortum habuisse. quapropter non fieri potest, ut, qui Chaldaicam historiam scripsit Berosus, Cumanam Sibyllam produxerit. Errorem hunc tantum creat nominis similitudo. Nam certe Sibylla Babylonia ex patre nata est Beroso, ut & in collectaneis Suidas, & in Phocicis Pausanias tradidit. itaque quod Sibylla genita est Beroso Babylonia, Babylonius vero Berosus est historiæ scriptor, ideo ut Cumana Sibylla Berosi filia sit, ejus, qui scripsit historias, confici crediderunt. Sed falso mehercule. ex tali enim argumentatione nihil unquam necessario inferitur. cujus rei causam exponere, non est hujus loci. dicendum tamen omnes quotquot Babylone Berosi nomen rulerunt, neque vixisse una ætate, neque fuisse historicos. Sibyllæ quidem pater Berosus ante bellum Trojanum erat in vita, ut Suidas narrat. qui vero historias conscripsit Berosus, multis etiam sæculis, nedum annis, post id bellum, tot annis post Romam conditam, quot docui, natus in terris vitam egit. patria igitur fuit eadem. nomen idem, ætatis tempus, & studium in utroque Beroso dispar. Sed hac super re nimis. Ad libros enim, quorum gratia superior omnis oratio habita est, jam tandem ut abeam, res ipsa postulat. Eorum igitur inscriptionem primo, deinde numerum, post autem scribendi genus, postremo subjectam materiem, datis in res singulas testibus incorruptis ex antiquorum auctoritate, ac fide gravi & certa, considerabimus. quæ opera istos, qui Berosi nomine feruntur libri, illius non veros esse, sed subditicios, dilucide patefaciet. Omnium igitur prima sit inscriptio. Ea vero est ejusmodi. *De floratio Chaldaica*: quæ dimidia ex parte falsa est, & commenticia. Nulla est enim apud antiquos de floratio. Ex quibus qui Berosi meminerunt, quod hæcenus invenerim, ejus volumina historiæ Chaldaicæ, aut alio, quod idem valeat, nomine semper appellant. Iulianus martyr, atque philosophus, de vero dei cultu scribens ad Græcos, Sibyllam, quæ Cumis oracula olim edidit, Berosi filiam fuisse narrat, ejus, inquit, *qui Chaldaicam historiam conscripsit*. Item in primo antiquitatis Judaicæ Flavius Josephus in extremo capite quarto: *Berosus*, inquit, *qui Chaldaica collegit*. Græce sic habet, Βηροδος ὁ τὰ Χαλδαῖκα συναρτάων. hunc quoque locum emendat Annii, nihil verius in eo de floratio fieri mentionem comminisci. Assyrius etiam Tatianus ad Græcos scribens in extrema libri parte, *Berosus homo Babylonius*, inquit, *qui Chaldaeorum historiam scripsit*. & divus Hieronymus in commentario ad Danielem prophetam, de Sennacheribo rege Assyriorum hæc dicit, non eum esse Nabuchodonosoris filium, ut vulgo legentes arbitrantur, sed juxta Berosum, qui Chaldaicam scripsit historiam: & quæ post sequuntur. Athenæus postremo in libro quarto decimo Dipsosophistarum, *Berosus*, inquit, *in Babyloniaci*: quod nomen vim eandem habet. Chaldaei namque Babylonii, & Assyrii, aliis atque aliis vocibus, iidem populi sunt, ut supra memoravimus. Nova ergo est, & ficta inscriptio, quantum ex his, quæ modo dixi, liquet: ut quam

probat auctores, Beroli libros qui non ignorarunt, facti praefererint. Ne numerus quidem librorum Beroli, (numerum enim secundo loco posui) quem Annii protulit primus, cum eorum numero, quos scripserat antiquior Berofus, convenit. Nam subditicii hujus Beroli, qui extat, quinque sunt libri, ita breves, quinto excepto, ut indigni sint, qui librorum nomine ab erudito quopiam vocentur. At historiarum a Beroso scriptarum libros tres solummodo commemorat antiquitas: ut vel ex hoc uno maxime, quos nunc in manu vulgus tenet, a veteribus Beroli libris esse admodum diversos manifestum appareat, ac primi libri meminit in quarto decimo Athenaeus his verbis: *Berosus autem in primo, inquit, Babyloniarum.* Ex ejusdem libro tertio caput recitat Flavius Iosephus in primo adversus grammaticum Appionem, quod antequam adscribat, de Beroso haec loquitur: *Ita enim Berofus narrat in tertio.* Tres vero historiarum libros confecisse Berolum testatur in Protreptico Clemens Alexandrinus, qui de Persis, & Medis, & Magisignem, & aquam, ut Deos, colentibus quodam tempore, cum scriberet: *Multi tamen, inquit, postea decoris annorum curricula, eos imagine hominum formae similes coluisse ostendit Berofus in tertio Chaldaeorum.* Ejusdem numeri etiam Assyrius Tatianus, scriptor vetus, in oratione ad Graecos fidem facit. Ejus verba Latine conversa quamquam antea proposuerim; tamen ad probationis firmitatem, infra iterum subicere non gravabor: *Berosus, inquit, homo Babylonius, sacerdos apud eos Bels, Alexandri aetate natus, Antiocho, qui post illum regnavit tertius, Chaldaeorum historiam, in tres libros collatam, misit. hos eisdem longo intervallo post Iuba Mauritaniae Rex, quem in C. Caesaris vita Plutarchus inter doctissimos Graecorum numerat (Graece enim historias homo Afer tenuit) ad duo volumina redegit.* Cum igitur Beroli historiarum veri libri, ab antiquis, & bonis auctoribus laudati, tres sint tantummodo; qui autem tenentur hodie, sint quinque, non tres, necesse est, ut qui hoc tempore extant attributi Beroso libri, non ejus sint veri libri. Venio ad dicendum, de quo ex instituto nunc dicam. *Brevis est, ait Annii, narratio, cuiusmodi scriptores ad orientem uti conserunt.* qui sunt ergo scriptores ad orientem, quos cum edicere deberes, subdole reticisti? Non tibi veniunt in mentem Herodoti, non Dionysii, quae te certo scio lecitasse, historiarum volumina? Horum uterque est Halicarnassensis e Caria, hoc est Asiaticus. Uter tandem istorum narratione tua brevi utitur? neuter profecto. quin contra potius copiosissima, & ornatissima est utriusque oratio. quod idem de Theopompo Chio, & Ephoro Cumaeo verissime possumus affirmare. nam, & si eorum scripta, quod jamdiu non comparent, ideo perisse existimantur; tamen M. Cicero, Dionysius, M. Fabius testes locupletissimi sunt, atque certissimi, nuda & concisa brevitate repudiata, in conscribenda historia, ambos cum orationis nitore, & copia, tum omnibus dicendi ornamentis abundasse. Quo in numero etiam Syros repono, ut Iosephum Judaeum, Theophilum Antiochensem, Lucianum Samolatensem, Tatianum Assyrium; scripta quorum longe ab sunt ab hac inornata brevitate. Adde quod Berolis ipse, quantum video, genus hoc abjectum vitavit. nam ex illius Chaldaicis duo capita in primo adversus Appionem ponit Iosephus, cum Beroli hujus narratiunculis, rebus, & verbis tantam habentia dissimilitudinem, ut, qui utrumque opus inspexerit, ea ex alia atque alia exisse officina facillime internoscatur. In orientis ergo partibus nec Asiatici, nec Syri gehoc scribendi humile, ac jejenum frequentant. Nam brevis narratio, quam in Beroso suo probat Annii, non est historici propria, sed ei cum

Alatore, qui & ipse breviter, ac dilucide narrat, communis. nostrae igitur partes isto loco sunt querendi aliquid privatis: quod quidem satis commodum fiet, hinc sumpto initio. Cum enim tria numerent, qui Latina verba curant, historiam, annales, ephemeridem, libros Beroli Anniani in uno aliquo ex his tribus censeri necesse est. Atque hi quidem libri non sunt historiae: nam in historiis non modo res gesta exponitur, sed per quem, quo consilio, quo modo, ubi, quo tempore, non sine benefactorum laude, ac vituperatione malefactorum, quae si non omnia, maximam certe partem a Beroso praetermitti, vel Annii ipsius permitti, qui non historias, sed excerpta ex eis, tanquam ab eo, qui flosculos carperet, aequo animo agnoscimus. Restat ergo alterutrum, ut hi libri sint vel ephemerides, vel annales. In ephemeride per dies singulos res gestae scribuntur. Eam diarium in primo libro rerum gestarum Sempronius Afellio interpretatur. Cum vero per annos, quae gesta sunt, digeruntur; ejusmodi opus, annales vocant. Id autem duobus modis potest effici, aut ornate, quemadmodum in historiis; itaque etiam historiae erunt annales: aut inornate, hoc est, ut quid factum, & quo anno factum quidque sit, nullo ornatu demonstraretur, quo in genere Anniani Beroli libri sine controversia collocandi sunt. Tales descriptiones in libro de conscribenda historia nudo commentarios appellat Lucianus, quos gregarius miles, vel militis fuerit, vel lixa, quivis unus, modo in exercitu servit, queat conscribere. Et Sempronius Afellio, qui hanc scribendi rationem sequerentur, eos non historias scribere, sed pueris aejbat fabulas praedicare. atque haec quidem hadenus. Quale autem fuerit trium Beroli librorum argumentum, multa sunt, ex quibus potest perspicui. Primum omnium est inscriptio. Ea cum plena est, ut fere fieri solet, materiam universam, ut Ilias bellum ad Trojam gestum, vel ejus partem praecipuam, ut Aeneis Aeneas ducis personam notat, & designat. Cum igitur Beroli tres historiarum libri, Chaldaei, vel Chaldaici, & Babyloniaci inscriberentur; iique omnes, ut ante docui, sint Assyrii; cumque Assyrii regum imperio praeerint, Berolum tribus libris res gestas ab Assyriorum regibus complexum fuisse, maxime consentaneum est. Ad haec Tatanus Assyrius in Chaldaea historia Berolum testificatur, exposuisse quae ad reges pertinerent. Postremo, quae apud Iosephum Berolum loquitur in primo contra Appionem, ita te rem habere, ut dico, plane confirmant. nam tribus historiarum libris Berofus a Cataclysmo, quem *aquosam eladem, & inundationem terrarum*, Julius Solinus, alii, ut T. Lucretius *diluvium*, Vergilius *diluvium* vocant, Regum Assyriae historiam exorsus, ejus perpetuam narrationem ad usque Nabuchodonosorem, quem ipse nominat Abobassarum, ut Theophilus auctor est, deduxit. In Annii autem Beroso derobus Assyriorum pars est minima; de gentibus externis, & peregrinis multo maxima. Omitto dicere, quod ex Assyriae regibus sex & triginta, sexdecim tantummodo commemorat; qui reliqui erant viginti, silentio cunctos praeteriit. quod idem in regibus tredecim contigit; qui, amisso Media regno, Babylonii cepti sunt dici: de quibus in Annii Beroso litteram nullam reperias. horum tamen vitas summam, item ut eorum sexdecim, supra quos ostendi, qui sunt omnino tres & triginta, Berofus noster, ille antiquior, tribus libris narravit: quod ex Iosepho, referente Beroli ipsius verba, didicimus. De Beroli historia quae communiter dicerem, haec erant. Deinceps vero de libris ejusdem agam ligillatim. alia enim vetus, alia novus Annii Berofus narrat: cum tamen uterque in eodem versetur argumento. nam superior Berofus in primo libro Babylone dies festos quinque agi exposuit, Sa-

turnaliorum quadam ex parte similes, quæ Romanis celebrantur. Atque hoc ita fieri consuevisse, in quarto decimo libro his, quæ subscripti, verbis docuit Athenæus: *Berosus in primo de Babyloniæ, mensis Loi die sexto decimo, Babylone dies festos quinque, Saccas dictos, agi tradit. in quibus moris fuit, ut serui dominis imperarent, & in domum totam imperium teneret eorum unus, veste indutus regalis consimili, quem etiam Zogem appellabant. Diei huius festi etiam Ctesias in secundo de rebus Persicis meminit.* hæc Athenæus ex Beroso illo vetere; quæ a primo novi huius ita absumt, ut ne in ceteris quidem quattuor, diei istius festi apud Babylonios ulla prorsus fiat mentio. quod eo magis mirandum est, quod Cnidius Ctesias, Herodoto inferior ætate, vetere Beroso antiquior, ut qui, Cyro juniore acie victo, ejusque exercitu maxima ex parte cæso, in eo prælio captus, Parylatidi Artaxerxis, regis Persarum, matri operas dedit, medici functus munere: de rebus Persarum libros tres & viginti; in primis sex Medorum, & Assyriorum res gestas complexus, conscriptos posteris reliquit. Extant ex eis excerpta, Græce divulgata. Tanti hunc fecit Diodorus, ut in secundo Bibliotheca, de imperio Assyriorum scripturus, hunc quam Herodotum sequi maluerit. Quod autem festus dies Babyloniorum similis esset Saturnalibus Romanis, in Annalibus suis L. Attius poeta, simul & historicus, docuit his versibus.

*Maxima pars Grajum Saturno, & maxime Athenæ
Conficiunt sacra, quæ Cronia esse iterantur ab illis.
Cumque diem celebrant, per agros urbesque fere omnes,*

*Exercent epulis leti, famulosque procurant
Quisque suos, nostrique itidem: & mos traditus illinc*

Iste, ut cum dominis famuli tum epulentur ibidem.

Ad hæc veteris Berosi liber tertius, bellum magni Assyriorum regis, quem Nabuchodonosorem Judæi, Abobassarum vero sui vocant, illarum Phœnicibus, Syris, Ægyptiis, una cum illius victoriis, in quibus est Hierosolymorum expugnatio, & liberorum, ac nepotum successibus usque ad Nabonedum continebat. quem Cyrus prælio fudit, ejusque regnum ab Assyriis in Persas, quibus imperabat, primus omnium transtulit. Hæc a Beroso vetere in tertio narrabantur, ut in ejus primo adversus Apionem verba declarant. quæ in libris Anniani Berosi, ut eos milles legas, nulla tamen uspiam invenies, quæ vetus haberet Berosus, novus non haberet, hæcenus exposui: dehinc e contrario quæ novus iste habeat, vetus non habeat, eadem via explicabo. Igitur in huius libro quinto legimus, Nino Assyriorum rege mortuo, uxorem Semiramim in ejus locum successisse; eam rei militaris scientia longe excelluisse; gentes multas devicisse; divitiis abundavisse; Babylonem urbem maximam condidisse; opera denique alia complura magnificentissime extruxisse. Hæc, ut dixi, tradit in quinto tantum verissima, Annii Berosus. Atqui eadem ista antiquior Berosus in libro tertio, ut fista & commenticia, redarguit. quam opinionem Berosi testimonio etiam confirmare, librorum illius ope destitutus, non queo; verbis tamen Josephi, hominis in historia doctissimo cuique probati, ne labatur & cadat, firme fulciam. Is in primo adversus Apionem, de iis cum ageret, quæ Berosus in tertio tractaverat, pauca hæc adjecit: *Hæc iste Berosus de prædicto rege, & multa præterea de rebus Chaldeis narravit, ubi de scriptoribus Græcis conqueritur, ut frustra opinantibus ab Assyria Semiramide Babylonem conditam, & opera mirabilia, quæ in ea sunt, ab illa extructa fuisse, falso scribentibus.* Hæc ex Josepho, nam in hoc Beroso alios item consentire vi-

A deo. Babylonem enim Medi filium fuisse ferunt, virum summa sapientia: qui Babylonis urbem annis mille octingentis, ut ait interpres Dionysii Euthathius, aut duobus millibus, ut est in libro Stephani de urbibus, condiderit; antequam Semiramis rerum potiretur. itaque auctorem sententiæ istius qui Berosum veterem opinabitur, meo quidem animo, non is a vero longe abibit. quod si creditur, ut credi par est, certe novum Annii Berosum, ab illo vetere omnino alium fuisse fateri oportet. Quod autem Annii Berosus in eodem quinto scribit, Celtis imperavisse Lugdum, a quo provincia Lugdunensis, & homines Lugdovici, &, exempta littera, Ludovici nomen traxerint; id cujuscumque sit cum cura videamus. est enim res ejusmodi, quæ patet, hos Annianos quinque libros (qua de re agitur) nullo modo esse veteris Berosi, planissime, ac firmissime demonstrat. Occiso Cæsare in senatu a conjuratis anno insequenti in Gallia Cisalpina exortum est bellum inter Decimum Brutum proconsulem, & M. Antonium consulem. Mutinæ se tenebat Brutus. eam circumdebat cum exercitu Antonius. quapropter cum Bruto obfesso timeret senatus, eique opem ferre magnopere vellet, præter illius anni duos consules, C. Panfam, & A. Hirtium ad eum oblidione liberandum missos cum exercitu, etiam ex Transalpina Gallia M. Æmilium Lepidum, & L. Munatium Plancum, qui eam proconsul cum exercitu tenebant, ad opem D. Bruto ferendam per litteras evocavit. Sed, audita defectione M. Silani, qui præfectus M. Lepidi ad M. Antonium transierat, cum vereretur senatus, ne Lepidus ipse, unaque Plancus Silani perfidiam imitati scelus idem patrarent, seque cum Antonio conjungerent; ut in loco consisterent, nec se quoquam moverent, eis iterum mandaverat, de quo nihil ut suspicerentur, ex eoque aliquid mali facerent, iussit eos ab Allobrogibus Narbonensi Vienna ejectos cives, & inter Rhodanum, & Ararim, qua confluant, collocatos, ut in unam urbem cogerent. atque ita illi remorati, Lugdunum quidem tunc nominatum, nunc vero Lugdunum, condiderunt. Expressi hæc, postrema maxime ex Dionis libro historiarum sexto & quadragesimo, sic ut verbum verbo cum fide reddiderim. Sed Lugdunum a L. Planco ædificatum etiam in Chronico tradit Eusebius: *Munatius, inquit, Plancus, Ciceronis discipulus, orator habetur insignis: qui cum Galliam Comatam regeret, Lugdunum condidit.* Item vetus inscriptio in rotunda æde prope Cajetam, quæ, ut ajunt, extat istiusmodi, idem approbat:

L. MUNATIUS L. F. L. N. L. PRON.
PLANCUS. COS. IMP. ITER. VII. VIR
EPULON. TRIUMPH. EX RÆTIS. ÆDEM SA
TURNI
FECIT. DE. MANUBIIS. AGROS DIVISIT. IN
ITALIA
BENEVENTI. IN GALLIA. COLONIAS. DE
DUXIT
LUGDUNUM. ET. RAURICUM

Quod vero ad Lugdunum attinet, ne quis mendosum putet Dionem, sunt argentei nummi, in quorum parte altera est Leonis signum, cum hac voce, LUGUDUNI, quos Lugduni percussos a magistratibus Romanis existimo. Ut autem ita sentiam, facit in quarto de geographia Strabo, qui in parte causam reddit, quamobrem Lugdunum, excepto Narbone, omnium Galliarum urbium maxime sit frequens, ac celebre. *Utuntur enim, inquit, mercatu, & hic argenteos, simul & aureos nummos signant Romani magistratus.* Atque hæc quidem superiora, quis Lugdunum condiderit, & quo tempore condiderit, docent planissime. Galliam enim Plancus Comatam, & Lepidus Narbonensem anno septingentesimo decimo post Romam conditam, iis provinciis præfecti

C. Cæsare bellum in Parthos paranti, administabant: in quo historia omnes, omnia antiquitatis monumenta sine varietate ulla inter se consentiunt. Huic igitur integro, & inviolato initio, quem habituri sumus, de Lugdunensi provincia sermonem atrexamus. Gallia omnis dupliciter ab antiquis dividitur. primo namque alii, quos C. Cæsar sequitur, ejus tres partes faciunt, Aquitaniam, ab occasu quæ Pyrenæis montibus, ab ortu Garumna fluvio definitur; Celticam, quæ Romanis proprie Gallia est, & Garumna flumine, ac Rheno, itemque Oceano, & Alpibus, iis, unde Rhenus, & Rhodanus decurrit, continetur; & Belgicam ad Oceanum, & Rheni exitum sitam, in extrema Gallie ora, Germanis finitimam. atque hæc quidem Gallia tripartita divisio est antiquior. potius enim rerum deinceps Augustus de eadem re fecit alio modo: ut qui quattuor in partes Galliam disperserit. nam tribus superioribus Gallie partibus quartam Narbonensem adjecit, ei Celticæ quadam ex parte attributa. Celticæ autem reliqua assignavit Lugduno urbi, quam Celticæ partem, non ut ante Celticam, sed Lugdunensem ex urbis nomine dici voluit. Sunt autem hæc a Strabone philosopho in libro de geographia quarto sub ejus initium narrata his verbis: *Augustus vero Cæsar, inquit, divisit in quattuor partes Gallia, Celtas Narbonensis provincie fecit, Aquitanos eisdem, quos & pater illius, auctos tamen addidit decem populi, ex iis, qui inter Garumnam, & Ligerim fluvium incolunt. Reliquam Gallie partem bipartito divisam, unam usque ad superiores Rheni partes Lugduno, alteram Belgis assignavit. Et aliquanto infra hunc locum eodem in libro quarto loquens de Celticæ: Hujus, inquit, regionis partes superiores, quæ sunt ad Rheni, & Rhodani fontes, usque ad medios fere campos, Lugduno subjunctæ sunt. quapropter ob hæc, quæ Strabo narrat, a Stephano in libro de urbibus, Lugdunum urbem, & Lugdunensem, provinciam esse Celtogallie non male scribi arbitror. quæ quidem omnia, & quis ex Celticæ Gallia, Lugdunensem provinciam, & quando fecerit, ita patefacient luculenter, nihil ut fieri queat illustrius. profecto enim res gesta est ab imperatore Augusto Cæsare anno septingentesimo sexto post Romam conditam: id quod Dio in libro quinquagesimo tertio narrat uberius. Nunc, si tempora conditæ urbis Lugduni, potissimum autem provincie Lugdunensis constitutæ cum temporibus Berosi veteris conferantur, non fieri posse, ut ista Berosus noverit, perspicue probabitur. Cum enim Augustus Cæsar Imperii Romani provincias anno urbis conditæ septingentesimo vicesimo sexto ordinavit, ab hoc autem anno ad urbis conditæ annum quadragesimum nonagesimum, quo vixisse Berosum supra docuimus, anni ducenti triginta sex exierint, ordinatam fuisse ab Augusto provinciam Lugdunensem, annis post Beroli mortem ducentis triginta sex, necesse est. ita effici oportet, ut Colonia, ac provincie Lugdunensis Berosus ne appellationes quidem tanto ante mortuus audierit. De quibus cum Annii Berosus meminert, adulterinum eum, nedum mendosum esse, hoc uno quam maxime revincitur. De Ludovico autem, quod Annii una cum suo Beroso ait, nihilominus falsum est. nam ejus nominis quæ sit origo, sententia est duplex: quarum una conjectura probabilis, altera historiae fide nititur. Sunt qui Celticum, hoc est, Gallicum esse nomen putent; & eundem hodie Ludovicum, quem ipsorum lingua antiquitus Litavicum, Galli nominant. Credibilis est conjectura ob eam causam præferri, quod in commentariis belli Gallici libro septimo Litavicus Æduus, adolescens amplissima familia natus, a C. Cæsare celebratur. Alii a Francorum rege, Clodoveo, qui primo fuit Ludaveus, Ludovicum, declinant; quod*

verius videtur. Nam Theoderici, regis Italiae, in secundo & tertio Cassiodori variarum etiam nunc leguntur epistolæ, Clodoveo huic inscriptæ hoc modo: *Ludum*, vel, ut in libris vetustioribus inveniri ajunt, *Ludovico*. regi. *Francorum*. *Theodericus rex*. quod cum ita se habeat, ab Italis Ludovicum, quem Clodoveum Franci vocant, haud dubie dici apparet. est igitur nomen Germanicum, cum Franci sint ex Germania. in nominibus vero hujusmodi præter consuetudinem Latini sermonis, liquidæ afflatum præponebant. hoc pacto enim hæc ab illis scribebantur. *HLOTARIUS*. *HLUDUVEUS*. *HLUDUVICUS*. Ac de tribus his, quod in extremo est nomen, in marmorea grandi tabula, quæ Mediolani est in Divi Ambrosii, sicuti proposui, ita insculptum esse animadverti:

Hic cubat æterni Hluduvicus Cæsar honoris, Æquiparat cujus nulla Tbalia decus.

Quapropter putare Ludovici nomen deduci a Lugdo, quemadmodum fecit Annii, & a probabili conjectura discedere est, & ab historiae fide. nulum enim Lugdum in Gallia regnasse ullius certi auctoris testimonio comprobatur: quinimo Gallos constat, antequam a C. Cæsare subigerentur armis, res publicas, annuo magistratu creato, optimatum consilio in pace gubernasse: similiterque belli gerendi curam uni mandasse, quem plebs ad eam rem designasset. nam de Gallorum civitatibus hæc extant in Strabonis quarto: *Pleraque Respublicæ erant, inquit, optimatum. Unum vero duces creabant quoniam antiquitus. Eodem modo ad bellum unus dux a plebe creatur.* Nec multo secus mihi videtur Cæsar in sexto de bello Gallico sensisse de Gallorum moribus, cum dicit: *Cum bellum civitas aut illatum defendit, aut insert: Magistratus, qui ei bello præsent, ut vite, necisque potestatem habeant, deliguntur. in pace nullus communis est magistratus; sed principes regionum, atque pagorum inter suos jus dicunt, controversasque minuunt.* Optimates vero, de quibus loquitur Strabo, iidem sunt cum iis, quos Principes Cæsar nominat, illi videlicet, qui nobilitate, aut divitiis, aut potentia, & gratia, aut bellica virtute multitudinem superant. hæc sunt enim discrimina, quibus optimates a plebeis hominibus in quarto de rep. & alibi fecerint Aristoteles. quamobrem neque Berosus, neque illius interpretes Annii, ullo modo audiendi sunt, cum in Gallia regnasse Lugdum constringunt, quem in terris nusquam gentium vixisse testificantur. itaque has ob res, easque præterea, quæ de inscriptione, ac numero librorum, & scribendi genere, subjectæ denique materie communiter, & separatim de istis Anniani Berosi quinquæ libris dictæ sunt, non veros esse hos veteris Beroli libros, liquido potest perspicui. quo sermone perfecto, nunc ad id aggredior de tribus antea propositis quod mihi restat tertium. id vero erat, ut in suscepti hujus muneris parte ultima, de rebus ageremus, quas ex istis novi Beroli libris scriptores aliquot nostra, patrumque memoria ad Italicæ historiae claritatem obscurandam, sibi sumpturunt. Imperium in Italia tenuisse regem Italum in initio demonstravimus. hunc porro unus Annii Berosus narrat habuisse fratrem, Hesperum nomine, eventu prospero, simul & secunda Hispanorum voluntate in Hispania regnantem. ab eo etiam provincie nomen impolitum addit Annii, ut non Hispania, sed a rege, quem illius nationes unice diligenter, Hesperia diceretur. Vinci se a fratre opibus, & amplitudine imperii cum iniquo animo ferret Italus, ad eum in Hispaniam statuit proficisci. quo cum pervenisset, fractum calamitatibus, ac præliis Hesperum inde eiecit. quare fratri cessit Hesperus, venit in Italiam, in eaque biennium regnavit; quo confecto, discessit e vita.

Mortuo Hespero in Italiam iterum renavigasse Italiam, relicto, qui in Hispania regnaret, filio Sicoro, fingit Annii, quem sequitur is, qui ea, quæ de Italo, ac Sicoro, reliquique duobus & viginti regibus Hispaniæ commentus ante fuerat Annii, in historiam de rebus in Hispania gestis, Hispanæ conscriptam, de suo tamen quibusdam additis, tanquam mutuo sumpta transtulit. Appulsa primo ad Siciliam classe, & expositis militibus, qui, ut ajunt, Hispani erant, Italus quoque e navi egressus est. In insula commoratus aliquandiu, Hispanorum bonam partem ex iis, quos secum advexerat, militibus ibi reliquit: ipse cum exercitus parte reliqua in Italiam transtulit: in qua quod reliquum vitæ fuit sine ulla belli turba, in tranquillitate summa vixit otiosus: qui in insula Hispani remanserant, ii non parvam illius partem, alioqui desertam, coluerunt domiciliis, æque oppidis. alii vero, quos una cum Italo transtulisse in Italiam dictum est, procedente tempore, urbem Romam in Tiberis ripa, multo prius, quam Romulus nasceretur, omnium primi condiderunt. ex eo Romanos rerum dominos, spreis, contemptisque scriptoribus Latinis omnibus, Hispanos fuisse ab origine ultima asseverant. ista quidem Zamorensis Florianus a Viterbiensi Annio, Annii porro ab hoc Beroso, cujus est interpres, & æ, quantum video, auctor, hauriunt. Itaque ex Berosi fonte, cujus est aqua turbidior, fabulam erratis turpibus inquinatam, ambo derivant. quam talem esse, qualem dico, ut pateat, hinc capiam initium. Regnasse in Italia quondam Italum regem, inter antiquos omnes omnino convenit. At Hesperum illi fratrem aliquando fuisse, ex eis qui narret, est nemo. Unus tamen Annii Berosi Itali fratrem Hesperum esse vult. & eundem in Hispania obtinuisse regnum, Mamiti, & Mancalci, Assyriæ regum, temporibus. atqui neque Eusebius in Chronicis, neque illius interpres, & amplificator divus Hieronymus, cum Assyriæ reges ad unum omnes ex ordine notaverint, illorum cuiusquam ætate vixisse Italum, & Hesperum memorant. Satis autem constat ex nono de præparatione Evangelica, Eusebium, & ex commentario in Danielum divum Hieronymum Berosi libros diligenter evoluisse. Unde igitur Annii Berosi, quæ alii nesciant, solus ista didicit? Ex Hygino, respondet Annii. scite mehercule, ut alia omnia. Verumtamen, Anni noster, scire te oportet C. Julium Hyginum Augusti Cæsaris liberum fuisse. quapropter annis ducentis & triginta post Berosi mortem vixisse Hyginum, necesse est. tot enim a Berosi morte ad Augusti dominatum anni fluxerunt, ut supra ostendimus. Sed esto, dixerit hoc Hyginus. quoniam igitur in opere? multa enim conscripsit. hic satis scio conticesces. non enim ille, qui, ut ita responderes, te docuit, Hygini opus aliquod nominat. ille vero est commentarius Servii, mendis refertissimus. nam ex Æneidos primo, cum exponit illud: *Est locus, Hesperiam Graii cognomine dicunt*; totam hanc Anniani Berosi fabulam ex Hygino refert. etenim in his, quæ extant, Hygini fabulis, & in Apollodori bibliotheca, de Hespero, Ceycis ejus fratre, qui naufragio periit, fit sane mentio. sed ita ut nec regem, nec Itali, vel Atlantis fratrem illum fuisse neuter dicat. quod si quis etiam concedat ab Hygino dici, faciet inepte, & nisi quid me fallit, parum proficiet. Virgilianus enim versus vehementer eum refutabit. nimis enim aperte cum ait Virgilius, Hesperiam Graii cognomine dicunt, Italiæ regionem Hesperiam a Græcis ostendit appellari. quam Virgilius sententiam in primo Romanarum antiquitatum affirmat Dionysius. ante adventum enim Herculis in Italiam, eam regionem Hesperiam, & Ausoniam Græcos docet nuncupasse. hoc pacto namque Dionysius: *Temporibus vero superioribus, hoc*

*A*est, ante adventum Herculis, eam Græci Hesperiam, & Ausoniam vocabant: Indigenæ vero Saturniam: ut dixi prius. quibus cum ea, quæ Stephanus Byzantius in libro de urbibus prodidit, maxime congruunt. Inibi enim, quænam sit ejus significatio, cum declarat: *Hesperia, inquit, Occasus, & pars occidentalis. popularis, Hesperius, & Hesperiotæ, & Hesperites, qui est Occidentalis, ab Hespera, occasu.* Est igitur, ut Virgilio recte placuit, Hesperia vox Græca: cujus origo non ab Hispanis hominibus, ut Annii, alique illum secuti somniant: sed a Græcis, qui terrarum oras, qui in ipsorum comparatione occidentem solum spectant, hoc nomine signarunt, debet repeti. Nec ab istis Horatii interpres perantiquus (vixit enim multo ante Priscianum, & Charisium) longe discedit: Nam in primo carminum, ubi Horatius cecinit: *Qui nunc Hesperia sospes ab ultima*; ibi Helenius Acron subjecit, hæc Hispaniam dixit. *Hesperia autem ab Hespero dicta, quasi in Occidentali plaga.* Sed omiſſa regis Hesperii fabula, ad Italum denuo revertamur. Qui profectum ex Italia in Hispaniam Italum contendunt, ab his quærendum, eo ne duxerit, transporatitve exercitum, an iterit Dux sine exercitu. Nam, si nullum habuit, quomodo dimicavit cum hoste? quomodo eum fudit, fugavit, ex Hispania expulit? neque enim res tantas sine exercitu firmo, & florenti, credibile est, geri potuisse. qui si ex Italia exercitum pedibus duxit, aut classe portavit in Hispaniam, exercitum certe illum ex Italicis hominibus constituisse, necesse est. Itaque eundem si reduxit, aut reportavit, & Siciliam excutiam, & Romam conditam non ab Hispanis, sed ab Italis fuisse prorsus est verisimillimum: nisi quis dicat, statim ut Hispaniam perventum sit, milites Italos suam imaginem perdidisse, alienam cepisse, Hispanorum veneficiis, & cantionibus immutatos. Sed quid ego argumenter subtilius? Hesperus rex, fictus est, ludus est, ut ante docui: Itaque causæ nihil fuit, cur propter eum in Hispaniam proficeretur Italus: qui domi semper mansit, pedem quoniam non extulit, in Italia vixit, in eadem senex mortuus est. Narravit hæc Syracusanus Antiochus, scriptor omnium antiquissimus. Ab illo accepta iteravit eadem Aristoteles, Strabo, & Dionysius. quorum narrationi multo major haberi debet fides, quam unius Servii commentario. Sicorum autem ex Italo natum fuisse regem, quod scribit Annii, æque ac bellum in Hispania gestum ab Italo, a commenti suspitione non longe abesse putandum est, nullam enim ex antiquorum annalibus (Annii Berosi minime numero) Sicori ulius regis mentionem faciunt. Italum namque sine liberis decessisse idonei sunt auctores, iidem illi, quos modo supra nominavi. qua re una etiam si Annii mendacium manifesto potest coargui; videamus tamen unde istum terræ filium regem, silentio quidem ab antiquis, quorum maxima est auctoritas, præteritum eruat; & ad ejus usque tempora in recessu abditum producat in oras luminis, ut ait Ennius. Lingua Ægyptiorum sacra *hæ*, hoc est, *Hæc*, syllabam habuit, cujus aspirationem ad exemplum Græcarum, *hæ*, *hæc*, & *hæc*, *hæc*, in *hæc*, vel Annii ipse, vel nescio quis alius convertit, more Latinis usitato. hæc vero syllaba duo significat, vel Regem, vel Captivum, quemadmodum in Manethonis historia legisse se in primo adversus Apionem Josephus refert. Et quoniam in Sicori, Sicano, Siculo, syllabam Ægyptiæ similem animadvertit, quod simile erat quadam ex parte, id ex toto esse idem Annii voluit sane licenter. Itaque ideo Sycorum vel Sycorum, ut inusitate, ac barbare scribit Annii, regem Orum, Sicanium, regem Anum, Siculum, regem Ulum, historiæ veteri per jocum illudens, ludendus ipse interpreta-

tur. Ex eo Hispaniæ, Orum, Anum, Ulum alium^A ex alio regem præfecit. atque hic quidem est Hispaniæ regis Sicori, qui quærebatur, exortus. De quo pauca quæ dicam, habeo. Primum igitur cum ad Latinos transit aspiratio, non verum est eam in (s) mutari semper. ei rei argumento sunt, Hesperia, Hilarus, Hippolytus, Hymnus, alia sexcenta, in quibus Græcam aspirationem, nulla mutatione facta, conservant Latini. Quapropter in Ægyptia syllaba, *Hyc*, afflatum in (r) veri minime necessarium est. qui si maneat, sequitur, ut Ægyptia vox, in Sicori, Sicano, Siculo loci nihil habeat. Ad hæc Ægyptiam vocem per y tenue Græci scribunt. at Sicorim, Sicanum, Siculum per iota, quemadmodum Latini faciunt. quocirca in tribus his nominibus syllaba prior ab Ægyptia alia est iota, ut quæ ex duabus diversis omnino litterulis componatur. itaque horum nemo his de causis rex erit appellandus. postremo etiam si detur, his nominibus vocem inesse Ægyptiam, quod Annus suo sibi iure sumit, nec sic quidem ex his tribus unum aliquem fuisse regem necessario inferatur. nam duo sunt, quæ vox ostendit Ægyptia; primo Regem; deinde, quod Iosepho probabilius videtur, Captivum. Si quis in istis vocabulis syllabam priorem indicare, Captivum, concedat; ut Sicoris sit captivus Oris, Si canus capivus Anus, Siculus captivus Ulas, quibus argumentis contra pugnabimus? nullis proliis, ut opinor. certe enim nulla extat, quæ nobis opituletur, historia. Sed Annus in eo fuit totus, ut ex syllabis reges, ex præcisiis dictionibus homines procrearet. cum tamen hominem ex homine, equum ex equo, canem ex cane gigni appareat. Quod ajunt Italum una cum Siculis ex Hispania in Siciliam, inde in Italiam revectis Romam condidisse omnium primos, in eo longe admodum a vero aberrant. Falsam enim hanc opinionem, de Italo quæ supra dixi, apertissime refellunt. neque enim in Hispania fuisse Italum, neque in ea bellum gessisse, neque vero ex ea Siculos in Siciliam, & Italiam portasse, unquam auctor idoneus quicquam ex antiquioribus memorie prodidit. hæc quidem, ut modo monui, diximus antea. Nunc hoc amplius explicetur, non licuisse Italo cum suis militibus, undecunque illi tandem fuerint, ædificare urbem Romam in Latio. nam nec Latium, ubi est Roma, regnante Italo, erat in Italia, nec ejus regis imperio temporibus illis Tiberis accolæ parebant. Atque hæc ita se habere, quam apertissime potero, infra patefaciam. Verus Italia regio intra Isthmum continetur, quem duo sinus efficiunt, quorum alter est Scylleticus, alter autem Vibonensis. Ea vero ad frerum utque Siculum pertinet. Romanis temporibus habitatores Bruttios habuit, quos hodie Calabros vocamus. Ante hos longo sane intervallo, Oenotri primo, post Itali, aliis atque aliis nominibus eadem gentes, adeoque ipsa regio, Oenotria, & Italia, quemadmodum Oenotri, & Itali ab regibus Oenotro, & Italo nomen tulerunt. Definitam his terminis regionem Oenotriam esse & Italiam, ab Oenotris, atque Italis habitatam, in qua Italus regnavit, demonstramus, testimonio ejus, qui, ut ait Lucretius, *humanum genus ingenio superavit*. Est vero is Aristoteles, in cujus septimo de Republica, ex Antiochi libro assumpta hæc leguntur: *Ajunt enim disertii homines, qui illic habitant, Italum quandam fuisse, regem Oenotriæ; a quo, nomine mutato, Italos pro Oenotris esse appellatos: atque oram hanc Europe adeptam nomen Italia, quæcumque intra Sinum Scylleticum est, & Lameticum. distant enim bi sinus inter se dimidii diei itinere*. Ex his verbis Aristotilem manifeste cognoscimus, similiter atque ego feci paullo ante, & Italiam inter eosdem unus, Scylleticum, ac Vibonensem, quem Lameticum vocant, & eandem in ea gentes, Oenotros, atque Italos, collo-

casse; & regem illis præposuisse Italum: quæ si vera sunt, & Tiberim, & Romam, & Latium, fateri omnino necesse est, intra fines veteris hujus Italiae, in qua regnavit Italus, nullo modo contineri. Veteris Italiae terminos, quibus eam definivit Aristoteles, ab eo sumptos ex Antiochi libro fuisse, non sine causa dixi. Etenim Antiochum ipsum ita fuisse scriptum in sexto de geographia Strabo reliquit, qui Italiam hanc, de qua loquitur, verbis describit hujusmodi: *Ad hæc autem antiquitus Oenotros, simul & Italos solos ait dici eos, qui sunt intra Isthmum ad fretum Siculum pertinentes. Est autem Isthmus ipse centum sexaginta stadia, inter duos sinus, Scylleticum, & Vibonensem, quem Naperinum Antiochus nominavit*. Hæc, & alia item complura ex Antiochi libro de Italia singulari, Strabo recitat. in quibus Aristoteli perspicue consentit Antiochus. etenim eam regionem inter duos sinus reponit, quorum alter Scylleticus, alter est Naperinus, quem Vibonensem interpretatur Strabo. ab Antiocho tamen dissentiens Aristoteles sinum eundem Lameticum appellat. quorum utrumque bene habet, cum ab istius illius maritimis oppidis duo hæc nomina deducantur. argumento sunt incisa in antiquo lapide verba, quorum copiam Joannes Vincentius Pinelus, vir humanissimus, idemque longe doctissimus, mihi non ita pridem fecit. ea vero sunt hæc, quæ infra subscripsi;

EX AUCTORITATE

IMPERATORIS. CÆSARIS. DIVI. NERVÆ. FIL.
NERVÆ. TRAJANI. AUG. GERMA
NICI. DACICI. PARTHICI. PONTIFICI.
CIS. MAXIMI. TRIBUNIC. POTES. V.
COS. V. P. P. CURAT. VIARUM
L. LICINIUS C. F. SURA. IIII. VIR. IT
M. JULIUS. M. F. FRONTO. IIII. VIR.
T. LÆLIUS. Q. F. COCCEIANUS. IIII. VIR.
SEX. FLAVIUS. L. F. FALTO. IIII. VIR.
CIPP. TERM.
VIAM TRAJAN-- BRUTT
SALENTIN-- PUBL--
BRUTTIEI. SALENTINEI. OPPIDA--
NAPETINEI. HIPPONATIEI--
RHEGINEI. SCYLLAC--
LAOMETICEI. TERINAÆ. TEMSA
NEI. LOCREN-- THURIAT
CUR--MILL. P.--
CC--

Laometici, vel Lamefici, quod idem valere opinor, sine dubio nomen est oppidi, ut ex verbo, OPPI-DA, apparet, cujus postremam syllabam rerum edax tempus abstulit. Assentior enim Pyrrho Ligorio, omnis antiquitatis peritissimo, qui OPPIDATIM, inscriptum lapidi olim fuisse conjecit, hoc etiam oppidum a Stephano Lamecini dicitur: idque nomen a Lameto fluvio, quem etiam nunc Lamatum vocant accolæ, declinari tradit is in Antonini itinerario, fluvius Sabbatus, mendose, nisi me animus fallit, scribitur. Sinus ergo Lamecticus vel ab oppido, vel fluvio, vel ab utroque Aristoteli dictus est. Barrius, situm Calabria magna cum cura qui describit, ab urbe Lamecia sinum Lamecticum nomen habuisse censet, affirmat id, quod dicit, duorum testium fide; e quibus unus est Stephanus Byzantius, alter autem Lycophron poeta obscurior. in quo, si Græce scit, bona ejus venia dixerim, nos decipit; fin autem nescit, ipse decipitur; neque enim in Stephani verbis Lamecia urbis ulla est omnino mentio. scribit enim ille pauca hæc ad verbum expressa: *Lamecini, inquit, urbi a Lameto flumine, quod habitat prope Crotonem. Hecateus in Europa. A flumine autem Lameto, Lamecini. Civis, Lamecinus*. hæc Stephani sunt. in quibus neque Lamecia urbs,

neque Oenotri, aliter atque narrat Barrius, nominantur. apud Lycophronem vero Alexandra fore vaticinatur, ut Pelagi, ad Italiam littora eieci, supra Tyrrhenum vadum, hoc est, mare, in Lameciis vorticibus Lucanorum campos habitent. ad quem locum Græcus interpres Ifacius Lamecios vortices, hoc est, aquas fluminis in se contortas, & circumactas, id quod de Lameto flumine vere accipiendum erat, ex nescio cujus Philogenis sententia ad Lamecium urbem, quæ nulla est ulquam gentium, falso refert. in quo etiam peccat Ifacius, urbem tamen Lameciam, qui erat error alter, nullam agnoscit. quare teneamus illud, a Lameto, & Lameciis, vel Lamecinis, id est a flumine, & oppido, sinum Lamecticum nomen invenisse. Sed redeo ad institutum. quin autem sinum illum Antiochus Napetinum appellaverit, dubitari minime debet, cum eundem hoc ipso vocet nomine, in primo Romanarum antiquitatum Dionysii. ergo inter eodem sinus regionem locat Antiochus, intra quos & Aristoteles; & Isthmi intervallum tantum esse tradit, quantum viderit Aristoteli. stadia enim centum sexaginta, millia passuum viginti efficiunt; quæ sunt dimidiati unius diei iter, ut recte Aristoteles dimittit. Ipsum vero Isthmum octava pars est milliarii unius; quod in vita Gracchorum Plutarchus docet. Convenit etiam Aristoteli cum Antiocho, quod Oenotrios, & Italos in Italia sedes habuisse uterque narrat. Sed Antiochus tamen hoc amplius, quod & ad Siculum fretum producit Italiam, & Oenotrios, atque Italos solos, qui in ea regione confederunt, dicit appellari. quam certe sententiam non longe ab eo loco etiam Strabo approbat: *Oenotriam*; inquit, *usque ad ejus extremitatem transcurrimus; quam solam antiqui Italia nominabant.* quod idem facit in primo Dionysius, cum ait: *Morgete in Italia regnante, erat Italia tunc a Tarento Vibonem usque ora maritima.* quæ res non leve momentum habet ad ea, quæ dicebam paullo ante, confirmanda. Si est enim, ut Itali antiquitus, hoc est, Italio rege vivo, & successore illius Morgete, fuerint illi solummodo, qui intra Isthmum ab utroque latere clausum Vibonensi, & Syllectico sinu, sine dubio oportet Tiberis accolae omnes, nedum Romanos, extra veterem Italiam transferre. ex quo ne Italum quidem cum suis militibus ad Tiberis ripas potuisse Romam condere, non modo aperte, verum etiam necessario convincitur. Quod dicunt, Romam multo ante Romulum conditam, non sunt reprehendendi. quod addunt hanc eam esse Romam, septem quæ una sibi muro circumdedit arces, faciunt imperite. Nam de Roma duo queri solent: quorum alterum est in re, in tempore alterum. In re querunt quis condiderit; in tempore, quo anno sit condita. in utroque magna varietas est & dissensio. Sententias enim iis de rebus, octo Plutarchus, decem Sextus Pompejus, duodecim habet Dionysius. scriptorum tamen tum Latinorum, tum Græcorum pars maxima eo inclinatur, urbem Romam, cujus perillustis fuit dominatus, Romulum, Iliæ filium, condidisse. Neque vero in tanta scribentium vel turba, vel copia invenias, qui de ædificatoribus Romæ Hispanis litteram ullam scripserit. Atqui Annius, quem sequuntur alii quidam Historici, ante Romulum existisse Romam urbem, Antiocho, & Plutarcho auctoribus, asseveratione omni affirmat. potest ferri hoc, sed hac lege, ut Italum, ejusque milites Hispanos ædificavisse Romam, veterem istam Antiochi dico, ea re nequaquam consequatur. quæ res fufius enarranda est, quo possit plane intelligi. Nam multo ante dominam gentium Romuli Romam, ut in monumentis antiquorum reperimus, non una modo fuit Roma, sed una & item altera. Ex quibus unam Ascanii frater, filius Æneæ Romus condidit, vocatam Romam ex ipsius conditoris nomine. Hanc au-

tem per aliquot tempora desertam, inquit, Dionysius, rursus alius adventu coloniarum ab Albanis missæ, Romulo, & Remo ducibus, pristinum statum recuperasse. quapropter duas esse Romæ ædificationes, unam paullo post Trojanum bellum, alteram quindecim ætatibus posteriorem priorē. Atque hæc in primo Romanarum antiquitatum ab Historicis Romanis accepta, narravit Dionysius. quæ cum istorum nova, & commenticia fabula parum apte coherent. Nam hanc Romam Æneæ filius Romus condidit. non ergo Italus, aut Morges, ut falso gariunt. Si enim ante adventum Æneæ in Italiam, ut initio exposui, seculis pæne innumerabilibus diem suum obierant. Nec videre igitur hanc Romam, nec ejus nomen audire potuit Morges, aut Italus. Neque vero Roma hæc est ab Hispanis condita. Trojanos enim, atque Aborigines, uno verbo Latinos, qui sub jure, & imperio Æneæ paullo ante Romam fuerant, ædificasse illam oportet. Ita enim ad verbum Dionysius in primo: *Alii ajunt, Æneæ mortuo, Ascanium, omni accepto imperio, cum fratribus Romulo, ac Remo tum illud, tum regionem, & Latinorum vires tripartito divisisse. Ex his igitur tertiam partem regionis, & Latinorum habuisse Romam in sua potestate, quibus ad ædificationem Romæ uteretur, perspicue admodum constat.* Itaque Roma vetus non ab Hispanis, sed est a Latinis condita. Etiam illud, non minus quam hæc, leve est, & nugatorium. Ampliatam ferunt veterem Romam tantummodo, non constitutam a Romulo. quod totum Dionysii verbis, ut effutitum temere, validissime refellitur. *Hæc, inquit, quodam tempore deserta, iterum alius adventu coloniarum ab Albanis missæ, Romulo, & Remo ducibus, veterem statum recuperavit.* Nam certe, quod in hujus particule extremo ait Dionysius, *veterem statum recuperavit.* non idem valet, quod *amplavit*; Sed est pro eo, ac si dixisset, *renovavit, ac redintegravit*, hoc est, veteres muros, & ædes refecit, novisque civibus solitudinem illius frequentavit. Forsitan hoc loco existeret, qui dicat, Antiochi Romam debere accipit; ut quæ illa ipsa sit, quæ Itali, ac Morgetis temporibus steterit. Equidem ex Plutarcho, qui Antiochum non appellat, quod dicam ipse, nihil habeo. possum tamen ex Dionysio, qui adscriptis Antiochi verbis, expedite rem omnem explicat. Is vero præter secundam, & primam, de quibus dictum est, utraque antiquiorem quoque Romam dicit inveniri: constitutam ante, quam cum Trojanis Æneæ veniret in Italiam: *Atque hæc, inquit, non unus e multis, nec recens auctor narravit, sed Antiochus Syracusanus, de quo etiam antea meminimus. narrat autem, Morgete in Italia regnante, (erat autem tunc Italia a Tarento Vibonem usque ora maritima) venisse ad eum exulem Roma. Dicit autem hoc pacto: Italio senectute confecto, regnavit Morges. hujus tempore homo exul Roma venit, cui nomen Siculo.* Ista quidem sunt Antiochi verba, ex Dionysio. ex quibus fuisse Romam supra bellum Trojanum, manifeste tanquam oculis cernimus. Est enim Morges, quo regnante fuit Roma, Trojanis bello longe antiquior. Sed hæc Roma sitne, an non illa sit, quam instaurasse Romulum, eo deducta colonia Latinorum, probavimus, pro certo concedere nullo modo nobis licitum est. quid ita? quia utrum locus, an oppidum fuerit, quæ in regione sita, ignoratur. audiamus Dionysium, super hac Antiochi Roma loquentem: *Utrum autem, inquit, iidem in locis fuerit, in quibus est, quæ nunc habetur civitas, quod incertum reliquit ille, ego conjicere nequeo.* ubi locorum posita esset Antiochi Roma, negat se posse Dionysius perspicere, ob eam rem unam potissimum, quod Antiochus totum illud silentio præterierit. quapropter hanc Romam Antiochi ad Tiberis ripas locare, ab Hispanis conditam, & a Ro-

mulo inflauratam contendere, Antiocho, & Dionysio auctoribus, novi scriptores posse (-vere quidem) minime videntur. Ad hunc locum optimus, ac doctissimus Ferrarius noster scribendo cum pervenisset, graviore vi morbi, quem animi virtute maxima diu sustinuerat, oppressus, triste sui desiderium nobis reliquit; & inchoato operi pulcherrimo fastidium imponere non potuit, ut, quod Iliadem Homeri legentibus accidit, aut Platonis Atlanticum, nos etiam cupiditate reliquæ partis incredibili teneamur: & eo magis, quo major etiam de gentium domina instituta fuerat oratio. Ego vero etiam parem illius ingenio rerum, ac verborum facultatem afferre me non posse prorsus agnosco: voce tamen communis philosophiæ Romanorum civilis, a qua jam adolefens originis, qua de re agitur, veritatem didici, gratiam aliquam a me reposcentis, iustissime facturum me putavi, ut, cujus præcipuis præceptis institutus suum alii cuique tribuere, ac tueri didicissem, hujus ipsius, quantum in me situm erat, suam quoque tutarer originem. Callistratus igitur Jurisconsultus, cujus ex vigesimo septimi Digestorum libri titulo primo verba adscripsi, planissime docet, antiquissimus ipse, Iliensibus & propter inclytam nobilitatem civitatis, & propter conjunctionem originis Romanæ, jam antiquitus & Senatus consultis, & constitutionibus Principum plenissimam immunitatem tributam fuisse. quamquam autem aliis quoque tributam non negamus; hujus tamen ipsius originis Romanæ causa Iliensibus præcipue præter ceteros concessam Livius quoque indicat, cum scribit: *Decreto decem legatorum fœdere isto cum Antiocho, ex Senatus auctoritate Iliensibus immunitatem datam, & super immunitatem Rhæteum, & Gergetum additum, non tam ob recentia ulla merita, quam originum memoria, Iliensibus quidem in omni rerum, ac verborum honore ab se oriundos Romanos præferentibus, Romanis autem letis origine sua.* Possim equidem Strabonis, & Taciti, ac aliorum non paucorum testimonio Romanorum hanc originem confirmare; sed nunc verbis Tranquilli tantum in Claudio recitatis, ad legum auctoritatem redeundum mihi statuo. *Iliensibus, inquit, quasi Romanæ gentis auctoribus Cæsar Claudius tributa in perpetuum remisit, recitata veteri epistola Græca Senatus, populique R. quam quidem epistolam si temporum injuria nobis non eripuisset, in*

A pulcherrima sane, ut opinor, ac jucundissima Romanæ originis narratione licuisset conquiescere. Sed Imperatorem Justinianum, legislatorem illum maximum jam audiamus: cujus dicto propter majorem, quam alterius cuiusquam, auctoritatem etiam libenter audientes nos præbeamus. is igitur Novella constitutione quadragesima septima: *Si quis, inquit, ad antiquissimam Romanæ reip. tempora respexerit, Aeneas rex Troianus nobis reip. Romanæ princeps est, & ab illo Aeneade nos vocamur.* quo quidem nomine antiquissimos Romanos etiam ante Justinianum seipso appellasse facile fuisset exemplis non paucis ostendere: sed unicum ego illud proferre statui, quod hoc quidem tempore in quodam totius historiæ velut angulo latet; olim autem a T. Flaminio, cum Philippum, Macedonum regem, profligasset, Delphis in celeberrimo torus Græciæ, immo terrarum orbis umbilico, clypeis argenteis Apollini dicatis inscriptum fuerat. sed, quoniam veritatem omni ex parte sibi consentientem esse oportet, alterum quoque Justiniani locum ex Novella constitutione vigesima quinta addendum putavi. in quo antiquissimum illud Imperii Romani principium, quod etiam ætate Aeneæ longo tempore præcesserat, ab Lycæone, & Oenotri usque repetit, quemadmodum in prima hujus commentarii parte Ferrarius ex Halicarnassæi Dionysii scriptis pluribus verbis explicavit. Jam vero tandem totam hujus generis orationem sanctissimam, & doctissimam viri testimonio concludam: si quis enim pulcherrimos illos Augustini de Civitate libros perleget, perspicuum adeo hujus originis veritatem perspiciet, nullus ut debitationi locus relinqui videatur. Atque hæc ego pauca quidem e multis, præstantissime Magne Cancellari, pro mea summa erga te observantia in hunc locum contuli, & Ferrarii sermonem brevissima locorum juris civilis commemoratione subsecutus sum, ut antiquitatum Romanarum studiosi, quibus quidem, ut libros de jure civili pervolutarent, adhuc non obigit, hinc etiam intelligant; quantum tibi non historiarum modo, sed juris etiam universi peritissimo gratiam debeant, quo primum auctore, ac suo hujus historiæ memoriam prope senescentem Ferrarius hoc libro renovare fuerit aggressus: ut habeant ipsi, unde (absit invidia) suos commentarios augeant, & pleniores efficiant.

PAULLI MANUTII DE CIVITATE ROMANA.



SI quis principia primum, deinde etiam incrementa, civitatum animo velit, ac mente, perquirere, omnes aut a casu esse ortas, aut ex industria, consilioque, ædificatas animadvertet; crevisse autem omnes quidem tum fortuna, tum virtute, simili tamen haud omnes condicione; cum alias fortuna potius, quam virtus, alias virtus potius, quam fortuna, nonnullas etiam, quasi pari consensu, fortuna simul & virtus æque auxerint, ab humilique statu ad summum imperii fastigium extulerint. quo autem plus in consilio, quam in casu, positum est; eo facilius, ac celerius, eæ, quas industria, & voluntas certatione suscepta, procreavit, factæ de minimis maximæ, atque opulentissimæ sunt, ditionisque terminos in omnes partes longissime protulerunt. Si quidem, quæ primos illos urbium quali parentes ratio movit, ut loci opportunitatem in condendo sequerentur; eadem, urbe condita, illos adduxit, leges ut adjungerent, civitatemque quasi nascentem iis informarent institutis, ac ritibus, unde primum concordia, sine qua satis diu stare civitas nulla potest, deinde ex ipsa concordia manat incolumitas. quæ vero urbes non eo consilio, ut urbes essent, sed casu, ac temere, extructas, ut forte in unum, vel alicujus commodi spem secuta, vel necessitate aliqua compulsa multitudo confluerat, & suam sibi quisque domum fecerat; eæ sero admodum leges acceperunt: neque prius, æquitas, & ordo, quid posset, intellectum est, quam adversus multarum rerum monuit eventus. ita nec augeri facile numero civium, nec adversus vicinarum gentium incurtiones prædiis muniri, nec omnino quidquam, vel ad præsentis, vel ad futuri, temporis usum in commune consulere potuerunt. a quo genere, si ulla, maxime quidem omnium, meatentia, Romana Civitas distat: quam Romulus, primum rex, vix dum factis fundamentis, minimum fortunæ committendum ratus, habita divinarum simul humanarumque rerum ratione, sapientissime constituit, ac temperavit. Nam, cum Palatium, quam sibi, suisque, sedem ad habitandum delegerat, fossa, & aggere, munivisset; omniumque consensu, valdeque propensa voluntate, diis ante per auspicia consultis, qui deinde mos in publicis rebus perpetuo mansit, regnum accepisset; multitudinem omnem, quam minus tribus hominum millibus ac trecentis fuisse Dionysius significat, in tres partes distribuit, quas vocavit tribus; & eas rursus in decimas, quas appellari curias voluit, quod iis, ut Festus videtur ostendere, publicarum rerum cura committeretur; siquidem curiatis comitiis creati magistratus, leges latæ, bella decreta non modo Romulo regnante, verum etiam perpetua regum quattuor successione usque ad Servium regem, qui centuriatis comitiis instituitur, curiata non ille quidem plane sustulit, sed ita debilitavit, nihil ut iis majorum rerum mandaretur, speciem quidem aliquam comitorum retinerent, tota vero, si quid consulendum gravius, centuriatorum potestas esset. Ergo tres tribus, quibus in singulis mille pedum, centeni equites fuere, deinceps triginta curiæ, quæ centenos pedites, denos equites, haberent, postremo etiam

A decuriæ decem e singulis curiis a Romulo institutæ: ducesque singulis ordinibus, fortitudine excellentes viri, tribuni, curiones, decuriones, præpositi. curiis autem sua cuique loca, ubi immolaretur, assignavit: quibus omnibus in locis, aliquot post annis, societate cum Tatio, Sabinorum rege, inita, urbeque communicata, Junoni, quæ Curis dicta, mensas disposuit: quas perpetuo suam ad ætatem mansisse, Dionysius docet his verbis: *Ἐν ἀρχαῖς ταῖς κურίαις ἵστα τραπίζας ἕθετο, Κερίτις λεγομένη, ἃς ἕως τοῦδε χρόνου κείνται*. Festus autem sic: *Curiales mense, in quibus immolabatur Junoni, quæ Curis appellata*. Quibus autem in locis curiæ cum suis sacerdotibus epulabantur, ipsa quoque curias vocatus, & uique ad Augustum principem itetisse, cum ipse historiam composuit, Dionysius affirmat. postea, ubi senatus publicis de rebus consilium capiebat, curiæ quoque nominatæ: quas constat sacras edes fuisse, variis numinibus dicatas. primæ vero curiæ, a Romulo in Palatio factæ, non templa cum deorum simulacris, sed immolandi & epulandi loca, fuere. Divisionem hominum agri quoque patrio secuta est. in quo assentior Dionysio potius, quam Varroni. nam ille primum homines, deinde agrum, particitur: & recte: ager enim propter homines, non hi propter illum divisi sunt. Varro autem videtur significare, agri partibus posteriorem fuisse civium divisionem. Et, quod Dionysius, postquam tribus in curias dispergitus est, triginta curiis agrum, suam unicuique partem, dividit; hoc non tollit, quin ager prius in tres, quam in triginta partes divisus sit; quod ipsum Varro confirmat: sicuti & populus universus prius in tres tribus, quam in triginta curias, fuerat distributus. Alter fuit ordo, familiarum in duo genera distinctio, ut, qui nobilitate, virtute, opibus etiam, prout illa erant tempora, præstarent, patres dicerentur, reliqui plebei: unde patriciæ, plebeiæque familiæ. Rursus ita patricios partitus est, ut alii senatores, alii equites, alii neque senatores, neque equites, sed tantum patricii essent. qui tres ordines appellati. plebeias familias ordine senatorio omnes exclusit. quam consuetudinem, qui Romæ postea regnarunt, perpetuo retinuerunt. ejectis autem regibus, senatoria dignitas plebi communicata. & ille tertius ordo, qui constaret ex patriciis, & plebeiis, in quo neque senatores, neque equites, fuisse diximus, ab una tamen plebe nomen sumpsit, & de plebe, dictus est. Patriciis hæc a Romulo commissa, sacrorum administratio, magistratus, judicia, publicis de rebus in senatu deliberatio. Plebeiis mandatum, ut agros colerent, pecus alerent, quæstuiarias artes exercerent. Inde, cum ad urbem frequentandam animum convertisset, discrimen omne non modo personarum, sed morum quoque, sustulit; & omnibus æque, si ve ignominia, & scelerum infamia, notatis, si ve servitutem fervientibus, patere civitatem voluit; data etiam libertate, & agri parte divisa. quod ut facere honestius videretur, Asylum, inter duos colles, Palatium, & Capitolium, aperuit. ibi templum deo sacravit: quo si quis confugeret, cuiuscumque facinoris affinis esset, quasi deo sacrum, a pœna tutum esse iussit. qua de causa, etiam quotidie magis peregrinorum turba confluyente, usque adeo civitas aucta, ut, cum Romulus vita excessit, qui regnavit annos XXXVII. peditarum XLVI. millia, equitum mille, fuerint; cum

a principio tantum tria millia peditum, trecentos equites, habuerit. quo mirandum minus est, si, Ser. Tullio, qui censum instituit, regnante, annis post interitum Romuli nec *cl. cenla sunt civium R. xxx.* Duplex igitur civium R. divisio fuit; quarum altera ad alteram nihil pertinet. prior hæc: cives R. vel patricii, vel plebei: posterior, vel senatores, vel equites, vel de plebe. ita vel a genere, vel ab ordine, distinguuntur, & quemadmodum, regum ætate, omnes patricii aut senatores, aut equites, aut neutrum, soli tamen senatorii ordinis participes; sic, regibus pulsus, plebei homines, tum senatores, tum equites, de plebe reliqui, fuere: ut non modo ex patriciis, verum etiam ex ipsa plebe, tres ordines fuisse constet. quod si patricius nec in senatum alleclus, nec in equestrem ordinem adscitus esset; is patricius quidem & erat, & dicebatur, idem tamen de plebe & erat, & dicebatur. quandoquidem civis R. quicumque erat, is de tribus ordinibus unum haberet, senatorium, aut equestrem, aut qui de plebe dicebatur, necesse erat. senator non es: ergo eques, aut de plebe. neque senator, neque eques: ergo de plebe. ordo enim præterea nullus superest. At *ē. d.* qui est equestris census, aut *cc.* qui senatoris, possideo: sequitur igitur, ut eques ob *ē. d.* sim, aut senator ob *cc.* falsus. census enim dat, non ut eques, ut senator, necessarius sis, sed ut esse possis: neque propter opes honor datur, sed ob inopiam negatur. turpe enim, & indecorum, senator egens: malasque res non omnino malis mentibus interdum persuadet inopia. neque, cum dixit Cicero in epistola ad Quintum fratrem, *Catienus, homo equestri censu*, equitem Romanum significavit, sed, quam a dignitate non poterat, eam a re familiari commendationem summit: ut ei non esse censum impedimento ostenderet, quo minus equestrem ordinem obtinere posset. Erant ergo patriciorum tria genera, senatores, equites, de plebe. Sed oritur consideratio. Civis R. ex equite senator factus, amittit ne ordinis equestris insignia, anulum aureum, & equum? minime. auditus enim dignitate, tantum abest, ut de pristino jure quidquam amittat, ut etiam aliquid præterea consequatur. nam, præter anulum, & equum, quæ equitum erant, habebant senatores tunicam purpuream; ut ab equestri ordine aliqua omnino specie distinguerentur; sicuti equester ordo a plebe anulo aureo, & equo, distinguebatur. Rursus existit alia consideratio. civis R. non eques, sed de plebe, si ordinem senatorium adspiciatur, utitur ne in posterum simul cum tunica purpurea anulo aureo, & equo publico? De anulo crediderim: quo enim eques insignitur, id cur non habeat senator, qui honore antecellit? de equo publico non idem arbitror. non enim, ut anuli aurei insignis, item equi publici possessio & usus addit ornamentum, ac speciem senatori. neque vero conjectura solum, quæ a ratione manat, sed veterum etiam testimonio, adducor, ut ita existimem. video enim ita scriptum a Livio lib. xxix. de Nerone, & Salinatore censoribus: *Ambo forte censores equum publicum habebant.* quæ ego verba paullo accuratius, ut fere soleo, quæ ad antiquitatis notitiam loca pertinent, cum attenderem; multiplicem haurire, nec satis omnibus notam, atque apertam, scientiam mihi sum visus. tria enim simul intellexi. primum illud, quod paullo ante dixi, patricios nonnullos equites fuisse: liquidem Claudii, Neronis, & Pulchri, patricii erant; Marcelli vero, plebei. Deinde, quod ipsum quoque jam attigi; qui equites fuissent, eos, cum senatores esse cœpissent, cognovi ordinis quidem equestris esse deliisse, equitum tamen ornamenta non amisiisse: cum dicat Livius de Nerone non modo senatore, verum etiam censore; *Equum publicum habebat.* Tertium hoc, minime dubium, conjeci:

A multos in senatu fuisse, qui ante quam ordinem senatorium obtinerent, non equestris ordinis, sed de plebe homines fuissent. cum enim notet hoc Livius: *forte senatores equum publicum habuisse*: sequi videtur illud, non omnibus omnino senatoribus equum publicum fuisse, hoc est, non ex equestri ordine omnes, sed alios ex equestri, alios ex tertio illo ordine, quem de plebe vocatum jam diximus, in senatum esse lectos. illud est animadvertendum dignum: qui ex equestri ordine senatoria dignitatis ad gradum adscendissent, eos inter senatores quidem esse censos, ut, si quid ordine senatorio minus dignum admisissent, senatu moverentur; verum eisdem, cum deinde equitum centuriæ recognoscerentur, inter equites, quandoquidem ipsi quoque equum publicum haberent, citatos esse, ut, si flagitium ullum, quod in equite R. dedecret, fecissent, equum publicum amitterent. pater hoc duorum censorum, quos proxime nominavimus, exemplo: quorum alter alteri, cum census equitum ageretur, equum ademittit: quos tamen ante, cum senatorum census ageretur, in recitandis senatorum nominibus esse lectos, dubitari non potest. Atque ego, hujus generis cives, minime crediderim, sua manu, ut ceteros equestris ordinis, equum per forum transduxisse. proprius enim eorum census, non in equestri, sed in senatorio, erat ordine; nec equestris ordinis, sed senatorii, dicebantur: nec ideo, quia equestris essent ordinis, quem, adepti senatorium, amiserant, sed quia equum publicum haberent, inter equites citabantur. qui vero in senatum, etiam nondum a censoribus lecti, jure tamen magistratus, quem aut gererent, aut gessissent, aditum haberent; eos video, si equites essent, equum publicum inter ceteros equestris ordinis ante censores per forum transduxisse, nec inter senatores, cum tamen ierent in senatum, esse lectos. quod de Pompeio, qui postea cognomen *Magni* est adeptus, a Plutarcho traditum observavimus. is enim, eques adhuc, nondum inter senatores alleclus, consul, ob virtutem, ac singularia in reip. merita, ante legitimam ætatem creatus, (sollebantur enim legibus clari viri) equum publicum ipse ad censores adduxit: præclarumque fuit populo R. spectaculum, consulem sua manu equum publicum ducentem intuenti. Atque hæc de civibus R. & equestri ordine, & ex ipsa plebe in senatum lectis, ita tradimus, ut ad reip. tempora spectemus. nam regum ætate solis patricii curia patuit: cum tamen, quod ex Dionysii Halicarnasæi sumptum historia docuimus, non omnes patricii senatores essent, sed alii senatores, alii equites, alii neutrum. ut vere diceret: senator est, ergo patricius: non contra; patricius est, ergo senator. in rep. vero summus ordo promiscue cunctis, vel patricia, vel plebeia familia natis, datus est. nobilesque simul omnes, siue patricii, siue plebei generis, modo senatorii essent ordinis, appellati: quoniam quidem ob virtutem, quæ nos sola nobiles, sola patricios, sola reges, jure facit, dignitas illa mandaretur. Cives igitur R. si senatores erant, tunica purpurea utebantur, quam & latum clavum video nominatam: *cc.* possidebant: anulum aureum, vel, si equites antea non fuissent, habebant: sin equites, etiam equum publicum. quo censu ab initio fuerint, proditum non invenio: & omnino, dum regibus Roma paruit, exiguis usa opibus est: in rep. vero senatorium censum *cc.* fuisse, duplo scilicet majorem, quam equestrem, ex antiquorum libris compertum est. Qui vero senatores non erant, sed ordinis equestris, si anulum aureum habebant, equo publico utebantur, *ē. d.* possidebant. &, quia Latini scriptores hæc usurpant sæpe loquendi tria genera, eques, equestris ordinis, equestri loco natus; utrum idem significant, an differant, consideremus. Eques, & equestris ordinis, idem sunt: nam & eques qui

cumque est, & dicitur, idem equestris ordinis est, & dicitur: & contra. quod si eques patre natus est equite, qui numquam senator fuerit; is equestri loco natus esse dicitur. si patre natus est senator; eques quidem, sed non equestri loco natus. qui porro, cum eques fuisset, in senatum est adlectus; eques non amplius dicitur, sed assumptio nobilioris ordinis nomine, senator; ornamenta tamen, ut dixi, retinet equestris, annulum, & equum publicum. itaque M. Cicero, cum equite R. natus esset, numquam, postea quam in senatum pervenit, eques appellatur, sed senator. atque ipse suis in scriptis, cum de ordine senatorio loquitur, nostrum appellat; cum de equestri, non item. is igitur non eques, neque equestris ordinis, sed senator, & senatorii ordinis, jure dicebatur. Ac mihi venit in mentem, quod in quadam epistola scripsit M. Caelius ad Ciceronem. *Nostrum, inquit, equites, nisi acutius vidissent. Nostrum, ob eam causam, quia uterque patre equite R. natus erat. Potest igitur esse eques equestri loco natus, & eques non equestri loco natus. itemque potest esse senator equestri loco natus, & senator non equestri loco natus. cujus vero pater eques fuit, is, si senator factus est, desinit appellari eques, & equestris ordinis; eadem tamen retinet insignia, nisi si ea, ignominiae causa notatus a censoribus, amittit. sic aliud est, esse plebeium; aliud, esse de plebe. nam, esse plebeium, valet, esse plebei generis; & potest in eos convenire, qui, cum gentis plebeiae sint, in ordinem tamen senatorium pervenerunt. cujus generis cives plebei quidem, de plebe tamen neque fuerunt, neque dicebantur: ut multi Marcelli, Decii, Publii. de plebe veros erat, ut saepe jam iteratum est a nobis, qui neque equestris ordinem, neque senatorium, esset consecutus, quo de genere quia patricii quoque multi fuerunt, eos pariter de plebe dictos esse constat, ac si & plebei ordinis, & plebeiae gentis, essent. Pedianus tamen haec turbat. nam cives R. ita distinguit, senator, eques, plebeius: cum & equites, & senatores plebei, hoc est plebeiae gentis, multi essent. qui si de regum aetate loqueretur, cum soli patricii senatores, & equites, erant; recte scilicet, proprieque, loqueretur. verum, qui de reip. temporibus aperte intelligat, sermone magis proprio, si sic dixisset, usus esset: senator, eques, de plebe. aut dic, ad ordinem potius, quam ad gentem, spectasse Pedianum. sic enim ferri posset: cum tres essent ordines, senatorius, equester, de plebe. Quod autem, eques, & equestris ordinis, idem esse dixi; distinctionem addo; ut erroris tollatur occasio. loquor enim non de cunctis equitibus, sed de iis tantum, qui equo, non suo, sed publico, militabant: qui vere equites Romani appellabantur, & ex quibus constabat equester ordo, quo ex ordine a censoribus in senatum legebantur. ideo saepe mentionem equi publici in antiquis lapidibus videmus inscriptam: ut ea distinctione equestris ordinis dignitas internosceretur. & his solis, non omnibus pariter equitibus, quorum paene fuit numerus infinitus, anuli aurei jussu fuisse puto, censumque necessario cō. ceteri, quocumque censu, equo suo militare poterant. Redeo ad Romulum, id est ad urbis tamquam incunabula; unde, perpetuam rerum seriem, & connexionem quandam, secutus, in hunc locum deductus necessary sum. Prima divisio fuit hominum, & locorum: quas tribus appellavit. qua tota de ratione paullo mihi accuratius consideranti scrupulus inijicit sane difficilis. nam, si post facta statim urbis fundamenta tribus fecit Romulus: unde illa nomina, Ramnenses, Tatienenses, Luceres? quae plane significant, non in ipso urbis primordio, sed post receptos cum Tatiao regem Sabinos in civitatem, tribus esse constitutas. sin. tribuum nomina secuti, dicemus, eas non nisi post bellum Sabinum esse factas: adversabitur illa ratio.*

quod primi centum senatores, quod consilium Romulus a principio instituit, de singulis tribubus, curisque, terni lecti sunt. Qua in perturbatione illud occurrit, duplicem fortasse divisionem fuisse, unam ante raptum Sabinarum, alteram post bellum earum causa excitatum, Sabinis in civitatem receptis. ac de prima testem habeo Dionysium, qui etiam Varronem ait scripsisse, curias non a Sabinis mulieribus, quibus intercedentibus bellum sedatum est, verum aliquanto ante, in prima civium divisione, nomina accepisse. ut simul uterque idem sensu videatur. secundam vero partitionem Dionysius nusquam nominat: sed Varro eam aperte ostendit libro IV. de lingua Latina; quia de tribus tribubus Tatiensem unam nominat, a Tatiao Sabinorum rege. cui Livius accedit, cujus haec sunt libro primo: *Ex bello tam tristis, lata repente pax, cariores Sabinas viris, ac parentibus, & ante omnes Romulo ipsi fecit. itaque cum populum in curias triginta divideret, nomina earum curiis imposuit. Curias cum nominet; patet, simul tribus intelligi: quia tribuum partes curiae sunt. Plurarchi vero testimonio quid certius? non alteram divisionem verbis declarat apertissimis? Φυλαί δὲ τρεῖς, inquit in Romulo, κατασχόντες, ὀνόμασαν τὰς μὲν ἀπὸ Ρωμύλου Ρωμυλίας, τὰς δὲ ἀπὸ Τατίου Τατιύσας, τρεῖς δὲ Λυκεριύσας. ἡ δὲ ἅλσος, οἱ δὲ πολλοὶ καταφυγότις, ἀστυλίας δὲ δομένης, τὴν πολιτεύματος μετέχον. τα δ' ἅλσος Λυκεῖς ὀνόμαζον. ὅτι δ' ἦσαν αἱ φυλαὶ τσαῦται, πῶμα μαρτυρεῖ. Tribus tres, Ramnenses a Romulo, a Tatiao Tatienenses, Luceres a luco in quem multi cum confugissent, jure asylis dato in civitatem sunt recepti. Haec vero nomina lucos vocant. Fuisse vero tribus has nomen declarat. Idem Asconius, idem Festus, idem alii. Quorum sententiae si acquiescimus; (nec vero secus licet; si modo in opinionibus ratio dominatur) perturbatio sedatur omnis, & haec de principis Romanae civitatis suscepra narratio constituitur. Procedemus autem, quem ipse Romulus ordinem in agendo tenuit, eundem nos quoque retinentes in exponendo. ac primum totam hanc, quae ad tribus, curiasque, pertinet, jam institutam rationem absolvemus: deinde familiarum illa duo genera, patricias, & plebeias, considerabimus: postremo loco de tribus ordinibus agetur, senatorio, equestri, & eo, qui de plebe, dictus est. quibus partibus si qua cohaerebunt, si quid in iis memoria, scientiaque, dignum videbitur, eodem comprehensa ordine demonstrabimus: ne quid omnino, quantum in nobis est, patiamur desiderari. Ac de tribubus illud satis constat, cum a Romulo primum institutae sunt, domicilium earum in Palatio, id est intra pomerium, fuisse. nam Palatii radicibus pomerium primum terminabatur. Pace autem cum Sabinis facta, receptisque cum Tatiao rege in civitatem, pomerium Romulus protulit, ut praeter Palatium, tres colles complecteretur. Caelium, Capitolium, Quirinalem: quorum ipse Palatium cum suis Albanis, Caelium Caelius Vibennus, qui monti nomen dedisse traditur, dux Tuscorum, cum suis habitavit. libentius enim assentior Varroni, & Dionysio, quam Livio, qui Caelium urbi additum a Tullo Hostilio narrat, ut ibi sedem Albanis bello victis daret. convenit res hac ratione, ut Caelius mons a Romulo receptus intra pomerium sit, habitatus autem Hostilii jussu ab Albanis; quod, quo tempore sit iis civitas data, major ejus montis pars vacaret. nam, qui cum a principio, Caelio duce, coluerunt, orta de iis post Caelii obitum suspicione, quia nimis munita loca tenerent, in planum deducti: unde vicus Tuscus nomen accepit. quae leguntur apud M. Varronem, omnium, qui res Romanas litteris persecuti sunt, auctorem gravissimum, atque certissimum. Livius autem, cum illud scripserit: *Caelius additur urbi mons*: non ad pomerium, sed ad novos cives, in*

urbem ab Hostilio inductos, spectasse dicatur: ut ideo sit additus urbi Caelius, quia, vacuus antea, advenarum cultorum frequentia fuerit occupatus. Habitavit igitur cum Romanis Romulus Palatium, quaque inde maximum in circum itur: Tuscos, qui auxilio venerant, acerrimeque pro nova urbe contra Sabinos dimicaverant, partim in Caelio monte cum eorum duce Caelio, partim circa Asylum, qui fuit inter Palatium, & Capitolium, cum altero duce Lucumone, simulque reliquam advenarum turbam collocavit. Capitolium, & Quirinalem, Sabinis concessit. quo facto, rursus de dividenda in tres tribus civitate consilium cepit: suosque veteres cives de suo nomine Ramnenses, Sabinos a Tatio rege Tatienses, tertiam tribum, quod ex Etruscis fere tota constabat, a Lucumone duce, ut ego arbitror, non, ut quidam putarunt, a Lucumone, Luceres vocavit. nullo enim, quemadmodum priores duce a regibus nomen acceperunt, sic a duce tertiam esse nominatam. & Dionysius, quem unum maxime sequor, (unus enim sine dubio inter omnes excellit) congruere cum mea sententia videtur. ait enim libro V. quattuor tribus urbanas, quas Ser. Tullius rex constituit, a locis appellatas; cum tres illae veteres a gente suam nomen derivassent. nam ex Romuli, Tatii, Lucumonis nominibus tres gentes, quibus illi summo iure praefuerunt, Romanam, Sabinam, Etruscam, significat. Porro, ut ex tribus veteribus, sic ex novis tribus triginta curiae constitutae: erectumque Junoni Minervae templum, quo curiae omnes ad sacra facienda convenirent: ex agro autem sua cuique curiae, sicuti antea, pars attributa, duabus tantum partibus exceptis, una, quae tum in publicos usus, tum ipsi regi, sumptum subministraret. Illud scire dignum est, curiam, & civium partem, & simul templum fuisse, quo ad rem divinam iretur. ac videntur sacella quaedam fuisse, in prima tribuum divisione a Romulo, capitis auguriis, in Palatio constituta: quo in loco, religionis causa, perpetuo mansisse, Tacitus significat. Sex posteriorum regum, uno excepto Ser. Tullio, bellica multa, eaque praeciosa, civilia vero pauca, numerantur instituta. Nam Numa totus in eo fuit, ut religione, pietateque in deos, civium animos imbueret. quo studio tantum profecit, ut reliquae omnes leges de iure, & equo, minimum necessariae fuerint: cum optimam vitae rationem, qui deos pie colerent, non poenae metu, sed sua sponte, sequerentur. Hostilius urbem frequentavit, dispersis per tribus Albanis, quos, Alba solo aequata, Romam transduxit: hoc enim a Dionysio proditum est: a Livio, Caelium iis montem assignatum, sedemque ibi, quo frequentius habitaretur, a rege captam. Albanorum, qui patriciorum nobilitatem sunt assecuti, septem familiae nominantur, Julia, Servilia, Gegania, Metilia, Curiatia, Quinctilia, Claelia. Quartus rex Ancus Marcius bellica virtute excelluit, & cum Latinis, Fidenatibus, Sabinis, Veientibus, Volscis, prospere pugnavit. quattuor urbis collibus Aventinum adjunxit, muroque & fossa munivit, veritus, ne ab hostibus occuparetur. &, quamquam multis cum colle civibus, e captis urbibus Romam deductis, frequentavit: pomerium tamen non protulit, sed iisdem, quos Romulus constituerat, finibus observavit. Alterum ejusdem regis civile factum cum laude narratur, quod Ostiae portum in faucibus Tiberis, invendendis mercibus opportunum in primis, ac necessarium, exstruxit. Tarquinius Priscus de Latinis, Etruscis, Sabinis, triumphum egit aurea corona, curuli sella eburnea, tunica purpurea, toga picta, sive trabea regum Romanorum usus est. falces, & securae duodecim jam ante, si Livium sequimur, Romulus habuerat. quae putantur omnia veterum Etruscorum regum insignia fuisse. hic pomerium non

mutavit: cum ditionem tamen Romanam, multis Latinorum, aut aliorum populorum, captis oppidis, auxisset. urbem lapideo muro cinxit, cloacas, quibus eveherentur aquae, superioribus ex locis in Tiberim duxit, Capitolini Jovis templum instituit, loco fundamentis inuitate magnitudinis designato; quod postea nepos ejus Tarquinius Superbus rex, de Pontinis manubiis, quadraginta talentorum impensa, perfecit. circum etiam, cui posteritas, ut a reliquis circis distingueret, Maximi nomen dedit, inter Aventinum, & Palatium, fecit; & ubi singulae curiae ludicrum equorum, pugilumque, spectarent, loca distribuit. Tarquinio gener ejus Ser. Tullius successit: qui Etrusca de gente, viginti annorum bello fracta, atque perdomita, ter triumphavit: duos colles, Viminalem, & Esquilinum, intra urbem recepit, pomeriumque protulit. ita septem omnino colles erant, in quibus habitaretur, Palatium, Capitolium, Quirinalis, Caelius, Aventinus, Viminalis, Esquilinus: non tamen omnes intra pomerii terminos inclusi. nam Aventinum ii, qui pomerium protulerunt, extra effatos urbis fines, id est, extra pomerium ipsum, reliquerunt. cuius rei causam Gellius hanc affert ex libris Valerii Maximi: *quod in eo monte Remus, urbis condendae gratia, auspicaverit, avespique irritas habuerit, superatusque a Romulo in auspicio sit: ut quasi obscenis avibus omnis, exclusus esse videatur.* Quem tamen ut ex Elidii Grammatici commentario subiungit idem Gellius, Claudius imperator intra pomerii fines, religione vetere neglecta, recepit. itaque, cum ait Dionysius, a Ser. Tullio duos colles ad quinque veteres esse adiectos, non eos, qui erant intra pomerium, qui tantum quattuor erant, sed eos, qui habitabantur, intelligit. habitabant autem Palatium veteres Romani; Capitolium, & Quirinalis partem, Sabinis, quibus civitatem Romulus communicaverat; Caelium Albani, quos Tullus Hostilius, Alba diruta, Romanam transduxerat; Aventinum Latini, ab Anco Marcio, urbe eorum Politorio capta, in civitatem accepti. Quod autem duos colles, a Tullio additos, Dionysius Viminalem, & Esquilinum, nominat, Livius autem de Viminali, & Quirinali, praeterea de auctis Esquilis, mentionem facit: videtur esse, nec tamen est, inter eos controversia. nam Dionysius deo Quirinalem omittit, quia jam a Romulo, cum pomerium protulit, comprehensum erat: Esquilias vero nominat, quia, licet earum pars habitaretur, extra pomerium tamen ante Servium regem fuerant. contra Livius, cum Quirinalem una cum Viminali nominat, non sicuti Viminali, ita Quirinali quoque receptum intra pomerium, significat, quod a Romulo factum esse constat: sed universum cultoribus frequentari, jubente rege, ceptum esse. nam antea tantum illam partem, quae Capitolium contingebat, Sabinis tenebant. de auctis vero Esquilis cum subiecit; auctas simul & receptas intra pomerium, nihil obstat, quo minus intelligere poterit. non enim, quod omittitur, negatur. ita cum Dionysio contenciet, qui pomerii finibus inclusas, & cultoribus occupatas, plane narrat. urbe amplificata, conversus ad civitatem nomina tribuum mutavit, numerum auxit: censum praeterea, quod unum e cunctis ejus operibus maximum fuit, ac praestantissimum, instituit: ex quo, & quanti cujusque res esset, & omnium civium numerus, cognosci posset. quod de re prius quam aggrediamur dicere; postulat ordo, ut ea, quae ad tribus pertinent, persequamur. utraque enim satis longam orationem narratio postulat. Tribuum numerus fuit, qui minimus, tres; qui maximus, triginta quinque & omnes vel a regibus, vel a magistratibus in rep. constitutae: a regibus, Romulo, & Ser. Tullio: a magistratibus, consulibus, censoribus. omnes autem vel in urbe, vel extra urbem: in urbe, quat-

tuor: extra urbem, vel in agro Romano, vel extra: & quæ extra, vel in Latio, vel in Sabinis, vel in Etruria. Hac ordine sunt agenda: ut hæc tota res, quam vigesimo fere ab hinc anno primi, ut opinamur, paulo accuratius tractare cœpimus, hoc tempore, quatenus per ingenii nostri vires progredi licebit, absolvetur. Romulus tres fecerat, easque, ut diximus jam, & de solis Romanis, qui Palatium incolebant, & quod equidem opiner, sine nominibus: postea, data Sabinis civitate, rursus de universa multitudine, Romanorum, Sabinorum, Etruscorum, qui opem illi Sabino bello tulerant, tres constituit; quas appellavit, Ramnenses, Tatienfes, Luceres, primam de suo nomine, alteram a Tatio Sabinorum rege, tertiam ab Etruscorum duce Lucumone. Ramnensium sedes erat in duobus collibus, Palatio, & Cœlio; Tatienfium in Capitolio, & Quirinalis ripa; Lucerum in planicie, maxime circa Asylum. tres priores tribus ex mille peditibus, & una equitum centuria singulæ, constabant: qui erant omnino omnes tria peditum milia, equites trecenti, quot scilicet Alba Romulus ad novam coloniam deduxerat. in singulis posterioribus tribus duceni equites fuere. centenos postea Tullus Hostilius addidit: siquidem turmas decem scripsit ex Albanis: ita nongenti fuere. nam, si, quod ait Livius, a Tarquinio Prisco duplicatus numerus est, factique mille & octingenti, constat, neque pauciores antea nongenti, neque plures, esse potuisse. quod si ante Priscum nongenti: sequitur, ut Hostilius trecentos addiderit. tot enim fuit in decem turmis. ergo sexcenti, regnante Romulo, post receptos Sabinos fuere. quod si duplicatæ sunt equitum turmæ, duplum quoque peditibus accessisse, non est dubium: ut in tribus tribus peditum sex milia, equites sexcenti fuerint. quod & Plutarchus videtur comprobare. ait enim, legiones fuisse peditum sex millium, equitum sexcentorum. quamquam de legionibus ei minus assentior. potius enim, unam ex tribus tribus legionem, unumque peditum, equitumque univerforum e Romana, Sabina, Etrusca gente quasi corpus fuisse, crediderim. legiones autem e Sabinorum accessione plures esse factas, eo singulas numero, quem Plutarchus memorat, mihi quidem non sit verisimile. & meam opinionem confirmat argumentum illud paullo ante adductum de sexcentis equitibus in omnibus tribus. quod si verum est, refellit Plutarchus, qui sexcentos in singulis legionibus fuisse narrat: & in equitum numero si fallitur, in peditibus quoque mendacii necessario convincitur. debere enim peditum, equitumque numerum æqua proportione congruere, nemo negat. Fuere igitur in posterioribus Romuli tribus equites sexcenti. Hostilius, adjunctis decem Albanorum turmis, nongentos fecit. Tarquinius Priscus geminavit, & ex nongentis mille octingentos constituit: religionis tamen causa, ut Livius docet, neque nomina, quæ Romulus imposuerat, neque numerum centuriarum, mutavit. quem postea Servius rex in nominibus conservandis imitatus est, in numero non item. nam ex tribus centuriis sex fecit, iisdem tamen, quibus inauguratæ fuerant, nominibus appellavit: tantum ut inter noscerentur, hoc instituit, quod apud Festum scriptum est, ut tres veteres centuriæ primi Ramnenses, Tatienfes, Luceres; posteriores, quas ipse adjunxit, secundi vocarentur. Etiam Livius, *Nunc*, inquit, *quia geminatae sunt, sex centurias vocant*. ut, centurias equitum, a quattuor regibus, Romulo, Tullo Hostilio, Tarquinio Prisco, Ser. Tullo, auctas esse, constat: Sed a Romulo numero trium, quas ipse e centenis primum fecerat, conservato, novo nomine imposito; a Tullo, & Prisco, nulla neque numeri, neque nominis, mutatione facta; a Servio, numero mutato, nomine retento. fecit enim e tribus, de-

cem, & octo. Ac mihi totam hanc rationem examinant, & quasi per gradus, ut in cogitando fit, ex aliis ad alia procedenti, quiddam occurrit, ex quo Servium in equestri mutatione non admodum a Prisco dissensisse existimem. Nam, et si sex centurias ex tribus veteribus, prætereaque novas duodecim, instituit: tamen in centuriarum potius, quam in equitum, numero dissensit: siquidem in decem & octo centuriis haud plures, quam Priscus in tribus, equites habuit. centeni enim, ut ipsum centuriæ nomen proprie significat, in singulis Servii centuriis fuere; quos Priscus sexcentos, Hostilius trecentos, Romulus ducenos, habuerat. sexcentis autem in tribus centuriis, & centenis in deceni & octo, eandem confici summam, mille scilicet octingentos, facile colligitur. Dictum est de Romuli tribus, & simul de centuriis, quod ad tribus adnexæ videbantur. utraque usque ad Servium regem tres duntaxat fuere. ab eo centuriæ decem & octo, quod jam ostendimus, tribus autem urbanæ quattuor, rusticæ quindecim constitutæ: urbanæ, Suburana, Esquilina, Collina, Palatina, prima a pago, Succusa, ut Varro putat, nominata, vel, ut Junius, a Subura, quod fuerit sub antiqua urbe: Esquilina, & Palatina a duobus collibus, Esquilis, & Palatio: Collina non a proprio unius collis, sed a generali nomine, nuncupata. Nam, cum Servius rex quattuor tribus urbanis nomina vellet imponere, in Suburana, locum, in quo maxima civium esset frequentia, consideravit, & inde fumendum esse nomen jure duxit: qua in tribu tum Cœlii montis, qui est in ea regione, tum locorum continentium, incolæ inclusit: Esquilinæ nomen ad montis magnitudinem retulit; cui etiam ipse proprio domicilio dignitatem addidit. in Palatina, dedit antiquitati, quod loco fortasse denegasset. movit enim eum quasi religio quædam, quod a principio Romulus in eo colle, unaque Ramnenses, omnium tribuum antiquissima, habitaverant. in hac scripsit eos, qui Capitolium, quæque circa Asylum loca sunt, incolebant: ut omnes scilicet una tribu conjungeret, qui, olim in tres tribus dispersi, proxime tamen, & continuatis regionibus, habitaverant. reliqui erant Viminalis, & Quirinalis, unde quartam tribum appellare posset. in quo veritus, ne alterum alteri prætulisse putaretur, Collinam, ut æquam utriusque rationem duxisse videretur, vocandam putavit. Rusticæ quindecim fuerunt, prima sipe dubio Romilia, quod sub Roma esset, in agro a Romulo de Vejentibus capto, ut ex Festo cognoscitur: & Varro quintam numerat, nominatis jam quattuor urbanis. reliquæ, quibus nomina patriciæ familiæ dederunt, octo sunt, Horatia, Sergia, Æmilia, Papiria, Cornelia, Fabia, Menenia, Claudia. de quibus quid meæ sententiæ sit, ostendam. Nomina familiarum indita illis puto post exactos reges: veteres tamen fuisse tribus, & ex iis quindecim rusticis, quas Servius rex fecit, numquam dubitavi. quod exemplo Claudiæ cognoscitur: de qua sic Livius. *Ap. Clausus ab Regillo, magna clientium comitatus manu, Romam transfugit. his civitas data, agerque trans Anienem. vetus Claudia tribus, additis postea novis tribulibus, qui ex eo venirent agro, appellata. Appius inter patres lectus.* Idemque confirmat Dionysius. A Veis, oppido Etruriæ, Vejentina fuit: puto, quod agri partem, victis Vejentibus, Servius rex ademerat: incolæque civitate donatos, in unam tribum conjecerat: quam Vejentinam, ab agro capto, nominavit. Pupiniæ Pupinus ager, qui urbi proximus in Latio fuit, nomen dedit: Lemoniæ pagus, qui fuit, ut ait Festus, a porta Capena, via Latina. Tres supersunt, ut absolvantur quindecim rusticæ a Servio factæ. hæc sumantur de his quinque necesse est, Crustumina, Popillia, Galeria, Pollia. Voltinia: quando-

quidem, has fuisse antiquissimas, tum librorum, tum lapidum, testimonio constat. Crustumina primum rejicio. unde enim hoc nomen? nimirum a Crustumero capto. at id post obitum Servii regis annis triginta quinque accidit. Popilliam vero si recipimus, non a gente, sed a loco, ut ceteras omnes, dicemus appellatam. nam, a gente, nullo modo consentaneum est. primum enim dictas esse tribus omnes a locis Varro tradit: deinde, quæ nomina mutarunt, eæ a gentibus patriciis, non a plebeis, nomen accepere. verum Popilliam ideo rejiciendam puto, quia videtur eadem fuisse cum Publilia, quam esse additam a consulibus, Livii testimonio cognoscitur. ut igitur Publicola, & Poplicola idem sunt: sic Popillia, & Publilia, idem erunt. quod cum ita sit, necessario quindecim rusticarum numerum implebunt reliquæ tres, Galeria, Pollia, Voltinia. Atque ego quindecim potius, quam decem & septem, rusticas a Servio rege factas, ideo crediderim, quia, si decem & septem probamus, Crustumina locum dare necessario cogemur. quod fieri vix posse, historice ratio demonstrat. quod Livii quoque verba minime dubia confirmant. unam enim, & viginti factas a consulibus Claudio & Servilio, discrete narrat. cui nec Dionysius adversatur, qui, licet de tribus una & viginti in Coriolani iudicio meminerit; eas tamen non a Servio potius, quam post reges ejectos, a consulibus factas esse significat. Quare cum Livio etiam ideo libenter sentimus, quia non a Dionysio dissentimus. sexdecim post liberam remp. diversis temporibus factas. quarum primas duas Livius non nominat, additas tamen satis plane significat, cum ait, unam & viginti a Claudio, & Servilio cons. esse factas, reliquarum quattuordecim nomina suis locis exponit, quatuor simul uno anno, qui fuit ab urbe condita CCLXVII. Stellatina, Tromentina, Sabatina, Anienensis: anno CCCXVII. Pomptina, & Publilia; quam esse eandem cum Popillia, jam dixi: anno CDXXI. Mæcia, Scaptia: CDXXXV. Oufentina, Falerina: CDLIII. Anienis, & Terentina: DXI. Velina, & Quirina. Hæ sunt omnes xxxv. tribus, dispersæ numero semper auctæ, auspiciorum, opinor, causa, quod a Romulo tres primum institutæ: vel quod impar numerus melioris ominis putaretur: ex quo illud: *Numero Deus impare gaudet*. Nunc, quæ videntur quæri posse, consideremus. Videtur autem hoc primum: cum tres veteres tribus in decem curias divisæ fuerint, neque ulla de triginta curiis ad aliquam tribum non attinuerit: utrum eam rationem sit imitatus, an omnino totam in sua descriptione Servius omiserit. Altera quæstio est; omnes ne rustice tribus in agro Romano, an quædam extra quoque, fuerint. Tertium: cum urbem universam Servius quadrifariam divideret, & unamquamque quatuor urbanis tribubus attribuerit, eademque ratione totidem agri partes, quot rusticas tribus, fecerit: licuerit ne civi Romano, qui censeretur in rustica tribu, aliquam urbis regionem urbanis tribubus assignatam, puta Suburanam, aut Esquilinam, itemque urbano tribuli rusticam tribum incolere; an omnes potius in suarum quique tribuum locis, vel in urbe, vel in agro, domicilium habere coacti sint. Ad primum, occurrunt hæc: nulla fuisse post Servium regem, aut leviam omnino, & inania, fuisse comitia curiata. classium enim, & centuriarum ordine constituto, summam omnium rerum comitiis centuriatis potestatem permittit. curiarum habita nulla ratio est. triginta fuerant e principio: nunquam deinde neque plures, neque pauciores. contra, tribus a principio pauciores, quam curiæ, deinde plures. usurpabantur tamen, ut imperium rei militaris causa daretur, ad speciem quandam, & imaginem vetustatis, curiata comitia, non, ut olim factum erat, popu-

Allo per curias convocato; sed triginta modo lictoribus veteres triginta curias referentibus. quod in aggraria Cicero significat. aliud curiarum genus fuit, quo senatus, consilii capiendi causa, convenire solitus est. quo de genere sermo erit in libro de Senatu. nunc loquimur de curiis a Romulo factis: quæ fuere non modo tribuum partes, id est separata quædam, & distincta, civium multitudo, verum etiam loca sacra, rei divinæ, sacrorumque, causa, ut antea diximus, in Palatio constituta. ac poruit earum numerus cum tribus antiquis tribubus congruere, quia denæ a singulis deductæ æqua partitio est: ad quindecim vero Servii rusticas, aut etiam quatuor urbanas, qua ratione pertinere poterunt? In altera quæstione respondetur ita: Si de rusticis Servii loquimur, omnes in agro Romano fuisse: si de additis post reges exactos, omnes extra. in agro Romano Romilia, quod ipso patet nomine, quæque a familiis patriciis dictæ sunt. possit omnino Claudia in dubium vocari, quia, cum dicat Livius, *Appii clientibus civitas data, agerque trans Anienem*, videtur extra fines agri Romani fuisse; quandoquidem Anio fluvius in Sabinis esset. verumtamen, quia datus iis trans Anienem ager fit, propterea non sequitur, ut Claudia tribus trans Anienem fuerit. quin hoc nomen aliquanto post, quam Appius Roman venit, illa tribus accepit: & a Livio, cujus verba subscribemus, vetus appellatur, quia de quindecim a Servio factis una esset. *Vetus*, inquit lib. xi. *Claudia tribus, additis postea novis tribubus, qui ex eo venient agro, appellata*. Vejentina certe, captum de Vejentibus agrum, non Romanum, occupavit. Lemonia, cum a pago, qui non longe a porta Capena distabat, sit appellata, manifeste agri Romani pars est. Galeria, Menenia, Pollia, Voltinia, si sunt de quindecim rusticis, ut supra satis certa ratione videmur probasse; sequitur, ut a locis dictæ sint: a quibus primo tribus nomen accepisse, Varro significat. quod si a locis: nimirum ab iis potius, qui in agro Romano, quam qui extra essent. cur enim aliena nobilitatem, nostra negligamus? nam de iis, quæ a municipiis adscriptis, aut a victis gentibus, appellatæ postea sunt, acquiesco. factum eo consilio, ut in amicitia confirmarentur, aut allicerentur ad benevolentiam. Quod si quis arguat, appellatas a locis non esse omnes quindecim illas rusticas, ut, Varronis auctoritatem secuti, affirmavimus: siquidem aliquot a familiis denominatæ: aliquo is quidem niti videbitur argumento, nec tamen ita firmo, ut a nostra sententia discedendum puremus. potest enim fieri, & veri simillimum est, ut, quas a locis Servius vocaverat, eas, qui post reges proximi consules fuere, a patriciis familiis nominaverint: id quod exemplo Claudiæ probatur: cujus vetus nomen, novo indito, sublatum est. factum id autem a consulibus patriciis, id est primis reip. temporibus, ante quam consulatus plebeis hominibus impetiretur, ipsa patriciarum familiarum nomina declarant. de Popillia tantum ambigo; quia Popilliorum gens plebeia. sed potest aliunde nomen sumptisse. nec familie mentionem Festus facit, sed ait, *a progenitrice*. Ergo (ut res diffusa contrahatur) omnes Servii rustice tribus, præter unam Vejentinam, aut pleræque certe, intra terminos agri Romani continebantur. Tertiam quæstionem, si tempora distinguantur, persolvere, non est difficile. Nam, Ser. Tullio regnante, quicumque intra pomerium habitabant, quacumque fortuna essent, urbani tribules erant, & in solis quatuor urbanis tribubus suffragium ferebant. rustici vero tribules erant, qui agros colebant, & in agris habitabant. procedente tempore mutata res est: nec eadem perpetuo nominis causa fuit. tribules enim urbani appellati, non quicumque urbem incoherent, sed qui dumtaxat in

quattuor urbanis tribubus suffragium ferrent; rustici vero, non qui ruri habitarent, sed qui rura possiderent. quod infra, Plinii testimonio, probabitur. itaque nobilitas, ac dignitas, cives excellentes, Cornelii, Æmilii, Julii, Marcelli, Catones, cum in urbe viverent, rustici tamen erant tribules; & in rusticis tribubus suffragium ferebant. Quod si quis adhuc repugnet, ac velit omnino Servium regem & urbis quattuor, & agri quindecim, partes ideo fecisse, ut omnibus deinde civibus in sua cuique tribu perpetuum, atque immutabile, domicilium statueret; contra sic arguam. Qui sunt, quos in quattuor urbanis tribubus collocavit? universa ne civitas, an pars? si universa; infrequentes, ac desertæ, prorsus erant rustica tribus; quas idem Servius numero multo plures, quam urbanas, constituit. si pars: locupletes, an egentes? de locupletibus, non est, ut credi possit: qui si urbanis in tribubus, inopi plebe in rusticis rejecta, soli retinerentur, unde erit illa rusticarum tribuum nobilitas, de qua omnes historice loquuntur? succurrit etiam illud. Si pauperes amandantur; quis in urbe sedentarias artes exercebit? alia quoque, divitiis inhonesta, & indecora, munia quis obibit? Quod si locupletes in agros emitimus, egentes in urbe retinemus: species videlicet erit pulcherrima civitatis, multitudo pauperum, vestitus sordido, immunda facie, pædore, illuvieque horrida. præterea, quis collet agros, rustici tribules, an urbani? rustici, quia divites, laborem recubant; pauperes, quia longinqui, nimis incommode discurrunt. Promiscue igitur habitabant: neque, quod jam attigi, tribules urbani, aut rustici, dicebantur, quod in urbanis tribubus, aut in rusticis, domicilium haberent, sed ut ii, quibus agri nihil esset, ab iis, qui rura possiderent, distinguerentur: sicuti municipes, cum in suo municipio domicilium haberent, tribules tamen aliquos rusticæ tribus dicebantur, quod in ea scripti essent, muniaque obirent, ut in Papiria Tusculani, Arpinates in Cornelia. Confirmant nostram sententiam Cicero, & Plinius; cuius utriusque verba recitabimus. *Quæstus*, inquit Cicero secunda in Rul-
 um, quibus hominibus, & quemadmodum illum agrum esset divorsurus. respondit, a Romilia tribu se initium esse facturum. primum, quæ est ista superbia, & contumelia, ut populi pars amputetur, ordo tribuum negligatur; ante rusticis detur ager, qui habent, quam urbanis; quibus ista agri spes, & iucunditas, ostenditur? Plinius autem lib. xix. cap. 3. Rusticæ tribus laudatissimæ, eorum, qui rura habent: urbana vero, in quas transferri ignominie esset, desidia probro. Quod autem idem subiungit: Quattuor solæ erant a partibus urbis, in quibus habitabant, Suburana, Palatina, Collina, Esquilina: intellige de primis habitatoribus, & eo tempore, quo sunt urbanæ quattuor tribus institutæ. Erant igitur, qui agros non habebant, in urbanis tribubus; qui habebant, in rusticis: habitare autem & urbano tribuli, si vellet in rustica, & rustico in urbana, licebat. longe tamen plures in urbe rusticos tribules vixisse, quam in agris urbanos, credibile est: cum rustici, domestica re bene constituta, urbanam vitam agresti, illudrem scilicet, ac honorificam, obscuræ, atque ignobili, anteferebant; urbanis autem inutilis, ingrataque, esset in agris, ubi nihil possiderent, habitatio. Excipio libertinos, qui, licet agros haberent, in urbanis tamen tribubus adscribebantur: nec injuria: ut, quorum patres servitutem servissent, ab ingenuis civibus distinguerentur. ita, cum essent duo genera civium, ingenui, & libertini; in ingenuis, agro carentibus, fortuna, in libertinis, rura possidentibus, condicio notabatur: iis tamen exceptis, quibus filius quinquenni major esset: quos in rusticis tribubus esse centos, Livius, ut infra ostendemus, videtur

A significare. factum etiam a censoribus, ut aliquatur-
 pirudine notati, e tribu rustica in urbanam, igno-
 minia causa, transferrentur. Neque dum tamen
 constitui, utrum hæc quattuor tribus, quæ a parti-
 bus urbis nomen sumplerunt, jam ab illo tempore,
 quo sunt institutæ, an postea, dictæ sint urbanæ.
 equidem, postea, magis crederem, ex eo, quod apud
 Livium lib. ix. scriptum animadverti. *Omnem*, ait de Fabio censore, *forenses turbas, excretas*, in quattuor tribus conjecit; urbanasque eas appellavit. Dionysius urbanas multo ante vocat. verum, etsi loquitur de primis temporibus, recens nomen, civitati sermonis consuetudinem secutus, potuit usurpare. Urbana quidem plebs, in quattuor, illas tribus descripta, numquam fere non male audit: quia scilicet ad seditiones, aut ad ea, quæ venturum legibus, facile ob inopiam impelleretur. quod si per omnes tribus rusticas dispersi, suffragium de lege, magistrature, in foro, vel in campo Martio tulissent: gratis quidem neque data lex ulla, neque creatus magistratus esset: venalia cuncta: bonas malasque res, omniumque dignitatem, pecunia exæquasset. quo indignitatis, ac periculi, remp. deducere Ap. Claudius censor conatus est, de quo sic Livius. *Flavium, patre libertino, humili fortuna ortum, dixerat ædilem forensis factio, Ap. Claudii censura vires nata*. Quibus verbis, urbanam plebem (factiorem forensium appellat, & paulo post *forenses turbas*, quod fere genus illud civium, infimæ conditionis, & obscuræ fortunæ otiose tempus in foro terebant, quasi concionem aliquam seditioni tribuni pl. expectantes) tulisse suffragium, significat, non, ut antea, in quattuor tantum urbanis tribubus, sed, Appii censoris beneficio; æque omnibus in tribubus. idque idem Livius ibidem plane demonstrat. subiungit enim: *Senatum primum, libertinorum filii lectis, inquinaverat: & postea quam eam lectonem nemo ratam habuit, nec in curia adeptus erat, quas petierat, opes urbanas, humilibus per omnes tribus divisis, forum, & campum, corripuit*. Quos tamen postea Fabius censor in veteres quattuor urbanas reiecit. Et, quamquam plebs universa tribus modis æque consideratur; vel ut ordo; erant enim tres, senatorius, æqueller, & qui, de plebe, dicebatur; vel ut genus civium; omnes enim cives aut patricii, aut pl. beii; vel ut ignobilis; opponitur enim nobilitati; quibus conditionibus urbana plebs cum rustica exæquatur: tribu tamen, & domicilio, præterea vitæ instituto, differebant. nam urbana plebs in quattuor dumtaxat urbanis tribubus; rustica vero in rusticis, suffragium ferebat. neque obstat, quin coloni Romani, (ea enim plebs rustica fuit) licet infimi fuerint ordinis, locum habere in rusticis tribubus potuerint: ut nobilissimis, locupletissimisque, civibus, ordine, & dignitate, inferiores, pares tamen suffragio essent. agros enim qui possiderent, cuiuscunque essent ordinis, in rusticis tribubus adscribebantur. neque tamen negaverim, fuisse, qui mercenariam in agris operam præberent. quos ipsos rusticis tribubus assigno, quippe qui hoc honestissimo vitæ genere, flagitiosi, ac perditii, languoris expertes, victum sibi compararent. qui si ab agris, rejecto labore, licentia, ac nequitia, mala spe ducti, in urbem se recepissent, ubi, cum urbana plebe permixti, nulla satis laudabili ratione vitam traducerent: hic, non Júbuto, quin non jam in rustica, ut cum ruri vivebant, sed in urbana, tribu, cum reliqua urbana plebe censerentur. Sallustius enim, cum singulas urbanæ plebis partes persequitur, hos annumerat his verbis: *Præterea juvenes, quæ in agris, manuum mercede, inopiam toleraverat, privati, atque publicis, largitionibus excita, urbanum otium ingrato labori prætulerat*. Domicilio differebant, quia ruri rustici tribules, colendi agri gratia, in urbe vero urbani, quod iis negotii nihil in agris esset, habita-

bant. Vitæ instituto dissimiles erant, quia non eodem utrique studio tenerentur, nec eadem utrique sentirent; urbana plebs honestis consiliis ea, quæ speciem utilitatis haberent, præferente, ideoque magis ad res novas, ac seditionem, quam ad otium, aut concordiam, propensa; rustica vero nihil utile, quod idem honestum non esset, exultante. Licet etiam alteram ab altera sic distinguere. Plebs urbana opponitur nobilitati, & optimatibus; nobilitati, ut ignobilis; optimatibus, ut improba, rerumque novarum cupida. rustica vero opponitur quidem nobilitati, quia, tamquam plebs, ignobilis est; cum optimatibus vero, ut bene de rep. sentiens, & a seditionibus aliena, conjungitur. itaque eam Cicero in oratione pro Sextio inter optimates refert. *Quis inquit, iste optimas? de numero si queris, innumerabiles: neque enim aliter stare possemus. sunt principes consilii publici: sunt, qui eorum sectam sequuntur: sunt maximorum ordinum homines, quibus patet curia: sunt municipales, rusticique Romani: sunt negotia gerentes: sunt etiam libertini optimates.* Et in epistola quadam ad D. Brutum, *Ne homines, inquit, rusticos, sed fortissimos viros, civesque optimos, milites veteranos, dementes fuisse iudices.* Urbanam vero plebem numquam fere, nisi cum aliqua flagitiis, aut levitatis, aut miseriæ domesticæ, significatione video nominari. flagitiolam Cicero significat lib. ad Atticum xvi. quia distinguit eam a bonis viris. *Snassi, inquit de M. Bruto, ut Romanam pergeret. videtur enim mihi & plebeculam urbanam, & si fidem fecerit, etiam bonos viros secum habiturus.* Item lib. vi. ad eundem: *Hoc video, cum homine audacissimo, paratissimoque, negotium esse: omnes damnatos, omnes ignominia affectos, omnes damnatione, ignominiaque, dignos illas facere, omnem ferre juventutem, omnem illam urbanam, ac perditam plebem.* Vitio levitatis eam notat lib. xi. ad eundem, his verbis: *Portorii Italiæ sublati, agro Campano diviso, quod vestigal superest domesticum, præter vicefrinam? quæ mihi videtur una concinnacula, clamore pedisequorum nostrorum, esse peritura.* Pedisequos enim plebem urbanam dixit, quia, quorumcumque vel minima proposita mercede, vocaretur, facile sequi consuevit. De summa vero inopia, quæ sæpe rerum flagitiolarum causam, ac necessitatem, attulit, lib. i. sic: *Ille concionalis birudo errari, misera, & jejuna, plebecula, me ab hoc Magro unice diligi putat.* & Sallustius primum loquitur de universa plebe, tum rustica, tum urbana, cum ait: *Sed omnino cuncta plebi, novarum rerum studio, Catilinæ incepta probabat.* id adeo more suo videbatur facere. nam semper in civitate, quibus opes nullæ sunt, bonis invident, malos extollunt; vetera odere, nova exoptant; odio suarum rerum mutari omnia student; turba, atque seditionibus, sine cura, aluntur; quoniam egestas facile habetur sine damno. Hactenus de tota plebe sermonem fuisse, ipse declarat, cum subiungit proxime: *Sed urbana plebs ea vero præcepti erat multis do causis.* Quam deinde, in quinque genera divisam, describit his verbis: *Primum omnium, qui ubique probro, atque petulantia, maxime præstant; item alii, qui, per dedecora, patrimonii amissis; postremo omnes, quos flagitium, aut facinus, domo expulerat; hi Romani, sicuti in sentinam, confluxerant. deinde multi, memores Sullanæ victoriæ, quod ex gregariis militibus alios senatores videbant, alios ita dicentes, ut regio victu, atque cultu, ætatem agerent, sibi quisque, si victoria in armis foret, Italia sperabat. præterea, juvenes, quæ in agris, manuum mercede, inopiam toleraverat, privati, atque publici, largitionibus excitati, urbanum otium ingrato labori prætulera.* Plebis autem rusticæ nomine non ii modo, qui domicilium haberent in agro Romano, quæ fuerit quindecim illæ tribus a Servio rege constitutæ; sed ii etiam

iam comprehendebantur, qui extra terminos agri Romani habitabant; quæ fuerit sedecim illæ tribus, quas, ejectis regibus, additas esse, & numerum xxxv. explevisse, jam diximus. Quodque magis mirum sit, universa Italia, post acceptam, legis Juliæ beneficio, civitatem, id est multo post absolutum numerum xxx. tribuum, plebis rusticæ pars fuit; ideo scilicet, quia suffragium ferret in rusticis tribubus. nam ad illa Ciceronis verba in C. Verrem actione prima, *Cum hæc frequentia totius Italiæ Roma discesserit, subiungit Peditanus, Frequentiam dicit plebi rusticæ.* convenerat autem ex municipiis cuiuscumque modi multitudo, aut, propter comitia, suffragiorum causa; aut ludorum, votivorum, Romanorum, Victoriarum, plebeiorum; aut, ut censeretur. Porro, Italiam cum dico, loquor more Romano, cum eam ita definiebant, ab oriente, Rhegio, ad fretum, quæ Italia dirimitur a Sicilia; ab occidente, Luca colonia, ad inferum mare; a meridie, Antio, ad mare; a septentrione, Ariminum colonia, ad mare superum. nam, ultra Ariminum, & Lucam, incipiebat Gallia cisalpina: in qua ipsa partem rusticæ plebis posuimus existimare municipia, colonialque civium Romanorum. erant enim præterea Latina, Italicaque colonie: quæ participes non erant civitatis Romanæ, sed tantum jus Latii habebant, aut Italiæ: licet omnes æque constarent ex iis, qui, antequam in eas deducerentur, cives Romani fuerant. quibus vero jus datum erat civitatis Romanæ, hæc civium Romanorum colonie dicebantur, legesque Romanas, item ut præfecturæ, & provinciæ, observabant; licet in hoc ab utriusque differrent, quod non regebantur ab iis, qui ex urbe Roma mitterentur, sed a duumviris, ex ipsa colonia, &, opinor, ex ordine decurionum creatis. erant porro decuriones in coloniis, quales Romæ senatores. Municipia non statim omnia suffragii jus una cum civitate habuerunt. quibusdam enim cum suffragio, quibusdam sine suffragio, civitas data. &, quibus sine suffragio, si non ita proprie municipes dicti. nam, quia muneri partem caperent, inde constabat appellatos. at, quo munere, adempto suffragio, fruerentur? species esset aliqua in nomine Romanæ civitatis; fructus perexiguus, aut omnino nullus. nam, si suffragii ferendi, multo magis petendi magistratus admittitur facultas. nulum igitur beneficium. verum hoc perpetuum non fuit. quibus enim concessum jam erat jus civitatis, iidem postea suffragium quoque datum. Sed, quoniam nos complicata rerum doctrina, & ordo narrationis, huc deduxit, ut mentionem de Latini, Italique, jure faceremus; puto fore nec alienum prolixius a proposito nobis argumento, & iis fortasse gratissimum, quos antiquitatis cognitio delectat, si iura populorum distinguamus; quique status omnium, quæque condicio fuerit, breviter ostendamus. Primus igitur quasi gradus nobilitatis erat, jus Quiritium: quod summi beneficii loco dabatur. id autem erat, largiri civitatem Romanam. civium autem Romanorum absoluta definitio tribus partibus constat, ut censerentur, & suffragium ferant in aliqua xxxv. tribuum; ut regantur a Romanis magistratibus, & Romanis legibus vivant; ut de tribus ordinibus unum omnino obtineant, senatorium, aut equestrem, aut qui, de plebe, dicebatur; quorum potest pedestre munus in militia. harum partium erat aliqua communis esse civibus Romanis cum aliis quoque urbibus, & locis: simul vero omnes solis conveniunt civibus Romanis. nam, censi, & suffragium in tribu ferre, etiam ad municipes pertinet: duæ vero ab iis reliquæ partes absunt. at coloniarum Romanarum quiddam habent amplius, de tribus videlicet partibus unam & dimidiam: siquidem

dem non solum censetur, & suffragium ferunt; quod utrumque jure connectendum putavimus; (nemo enim censetur, qui non idem suffragii ferendi jus habeat; nec suffragium quisquam fert, qui census non sit) verum etiam Romanis legibus vivunt; minime tamen a Romanis magistratibus, sed a suis duumviris, reguntur. præfecturæ vero neque quod municipia, neque omnino quod Romanæ coloniæ, habebant, sed unum illud, ut a Romanis magistratibus administrarentur. ex quo necessario sequitur, ut leges Romanas observarent. focii vero Latini neque municipiis, neque coloniis, neque præfecturis, pares erant: nullam enim de tribus, quas nominavi, partibus habebant. Sed est hic non ignobilis ad considerandum locus: utrum, quemadmodum, jus Quiritium dare, dixi esse, civitatem Romanam largiri, eadem ratione, qui civitatem Romanam habent, jure Quiritium omnes fruuntur. Negatur. nam libertini ordinis homines civitatis participes sunt, nec tamen habent jus Quiritium: & nominandi quidem inter cives, habendi tamen inter Quirites, non sunt. itaque Romanorum civium libertisnumquam civitatem, (cum enim libertate donantur, eo ipso tempore cives fiunt, censurique incipiunt) Quiritium autem sæpe jus esse petitum, invenias. quod si assequebantur; tum licebat iis non modo rusticis in tribus censeri, verum etiam magistratibus obtinere. civitas igitur peregrinis vel libertis, vel ingenuis, jus Quiritium Romanis libertis dabatur. quæ distinctio dilucide patet e Plinii ad Trajanum epistolis. *Des*, inquit, *rogo, civitatem Romanam Harpocrati jatraptæ. est enim peregrine conditionis, manumissus a peregrina. matronam habet Thermitibin Theonis: quæ jam pridem defuncta est. Item rogo, des jus Quiritium libertis Antonie Maximille. quod a te, petente matrona, peto.* Petit Plinius civitatem Harpocrati, ut peregrino, quia manumissus a peregrina: recte: nam peregrini civitatem non habent. quod si a Romano, Romanave, manumissus esset; civitatem ei Romanam petere non oportuisset: simul enim cum libertate civitatem jam accepisset: addere vero ad civitatem jus Quiritium, id quidem erat, quod necessario petendum videretur. itaque idem Plinius, cum de manumissis non a peregrina, sed a Romana muliere, Antonia Maximilla, ibidem subjungit; civitatem non petit, quam habere eos jure manumissionis intelligebat, sed jus Quiritium; ut omni re, atque omni munere, cum ingenuis civibus æquarentur. Hoc igitur, ut dixi, recte, quod civitatem peregrino petit: at illud imperite, quod petit peregrino Ægyptio, qui Alexandrinus non esset. reliquis enim peregrinis, quocunque in loco nati essent, Ægyptiis autem, non nisi Alexandrinis, civitas patebat. quod cum postea Plinius esset edodus, denuo ita scripsit: *Agro gratias, domine, quod & jus Quiritium libertis necessariae mihi feminae, & civitatem Romanam Harpocrati jatraptæ meo, sine mora indulxisti. sed, cum annos ejus, & censum, sicut præceperas, ediderem, admonitus sum a peritioribus, debuisse me ante ei Alexandrinam civitatem impetrare, deinde Romanam, quoniam esset Ægyptius. Ego autem, quia inter Ægyptios, ceterosque peregrinos nihil interesse credebam, contentus fueram hoc solum scribere tibi, eum scilicet a peregrina manumissum, patronamque ejus jam pridem decessisse.* Quibus ex duabus epistolis oritur etiam, emergitque illa, minime in rebus Romanis contemnenda, notitia: non licuisse neque Romanis libertis jus Quiritium, neque peregrinis civitatem, nisi patronis aut concedentibus, aut mortuis, petere; quia scilicet, libertis aut civitatem, aut jus Quiritium adeptis, jura quædam in eos patronorum amittebantur. ac de Romanis testimonium afferunt ea verba: *Quod a te, peten-*

*Atte matrona, peto: de peregrinis illa: Matronam habet Thermitibin Theonis, quæ jam pridem defuncta est: & illa ejusdem iteratæ sententiæ: Contentus fueram hoc solum scribere tibi, eum scilicet a peregrina manumissum, patronamque ejus jam pridem decessisse. Alia quoque non longe a superioribus epistola sejuncta exemplum habet de civitate peregrinis hominibus, jure autem Quiritium Romanis libertis petito, necnon de jure patronorum in libertos. Rogo, inquit, ut civitatem des Chryssippo Mithridatis, uxoriq; Chryssippi Stratonice Epigoni; item liberis ejusdem, ita ut sint in potestate patris, utque iis in libertos servetur jus patronorum. Item rogo, indulgeas jus Quiritium L. Satrio Abascanto, & P. Casio Phosphoro, & Panchasie Soteridis. quod a te, volentibus patronis, peto. Romanos libertos esse hos duos posteriores, nomina eorum Romana, Satrius, & Cælius, declarant: Chryssippum vero, uxoremque ejus, peregrinos, & Græcos, ex adjunctis patronorum, Mithridatis, & Epigoni, nominibus liquet. Quod autem posui, peregrinis, sive libertis, sive ingenuis, civitatem dari solitam: queri potest, eodem ne jure, nulla ne inter ingenios, & libertos, distinctione? omnino satis beneficii fuit, civitate peregrinos libertos donari: nec verisimile videtur, ab ordine libertino, & peregrinitate, ad jus Quiritium transcendisse. sic enim pares fuissent, atque adeo superiores, libertis Romanis: qui a civitate ad jus Quiritium adscendebant: peregrini vero liberti, non a civitate, sed a peregrinitate, statim ad summum illud ingenuorum civium jus elati essent. nec apud Plinium in iis epistolis, aut apud alium, de concessio illis jure Quiritium ulla mentio. itaque puto eos, cum civitate essent adepti, eodem in urbe jure cum Romanis libertis fuisse; cives quidem ut essent, sed neque rusticis in tribubus locum, neque petendi magistratus facultatem haberent: & alia, fortasse non pauca, quibus libertinus ordo ab ingenuis civibus differebat: quæ nobis, & alia scitu digna, vel vetustas, vel hominum injuria, vel casus, eripuit. Cum vero impertita peregrinis ingenuis civitas appellatur, sine dubio jus Quiritium intelligitur; interdum etiam nominatur, ut a Suetonio in Claudio. *Negotiationis*, inquit, *certa lucra proposuit: naves mercaturæ causa fabricantibus magna commoda constituit, pro conditione cujusque, civi vacationem legis Papie Poppeæ. Latino jus Quiritium.* Quod autem in oratione pro Cæcina Cicero dixit: *Si semel civitas adimi potest, retineri libertas non potest. qui enim potest jure Quiritium liber esse is, qui in numero Quiritium non est?* Id non pertinet ad libertos, nec univèrse in omnes cives conferitur. nam liberti liberi sunt, nec tamen sunt in numero Quiritium: itaque petitur iis jus Quiritium. ad eos igitur tantum id spectat, quibus civitas admittitur. quo facto, interdicti eorum functione munere, quæ capere, ac tractare, ingenuis civibus Romanis licet, exempti Quiritium numero videntur. Et, quoniam libertinos civium Romanorum in numerum retulimus; cives autem Romanos censu maxime, ostendimus, ac suffragio, dignosci: necessariam video esse distinctionem, non modo libertinorum, & ingenuorum civium, verum etiam ipsorum inter ipsos. Differunt ab ingenuis, quod magistratus non gerunt, in senatum non leguntur, ordinem nullum obtinent: quia, præterquam quod aditum in curiam non habent, nec equites, nec pedites, sunt: etiam in illo, quod ingenui, si rura possident, in rustica tribu censentur; alioqui, in urbana; libertinis vero agrorum neque possessio, neque inopia, censum mutat. differunt inter ipsos, diversa ratione suffragii. sunt enim, qui suffragium in urbanis tribubus ferunt; quos esse plerosque constat: sunt, qui non in urbanis, sed in rusticis: sunt, qui nec in urbanis, nec in rusticis. nam, ut hoc, extremum quod posui, primum expo-*

nam: si quis libertinus prædium, prædia verustica, pluris HS xxx. millium non haberet, censu excluderetur. indecorum, credo, putarunt, cuius ad humilitatem generis accederet inopia, cum inter cives Romanos censeri. Quod autem secundo loco statui, de censu in rusticis tribubus, id ex Livii, ex quo totam hanc libertini ordinis distinctionem haurimus, non omnino apertis verbis, tamen licet colligere. nam, cum libertinos in tribus quatuor urbanas descriptos fuisse dicat, deinde excipiat eos, quibus filius quinquenni major esset; nimirum exceptio conditionem potius augeat, quam imminuat. quod si augeat; sine dubio tribus significationem significat; ut in rustica censeri incipiat, qui, ante quam ei filius quinquenni major esset, in urbana censebantur. quare re ipsa Livii verba recitare, operæ pretium est; non solum, ut id perspicui, atque cognosci, possit, neque omnino libertinos omnes esse censos, neque, qui censebantur, omnes in urbanis, sed, qui filium quinquenni majorem non haberent, in urbanis; qui haberent, in rusticis: verum etiam, ut hoc pateat, cupisse Ti. Sempronium Gracchum censorem universo libertinorum ordini suffragii lationem adimere, sed, Claudio collega obistente, id tantum esse consecutum, ut, qui antea libertini partim in urbanis quatuor, partim etiam in rusticis tribubus ferendi suffragii jus habebant, in unam urbanam omnes conjicerentur. Sic igitur Livius lib. XLV. *In quatuor urbanas tribus descripti erant libertini. præter eos, quibus filius quinquenni major esset. ex S. C. eos, ubi proximo lustro censi essent, censeri iusserunt. Et eos, qui prædium, prædiæ rusticæ, pluris sestertium xxx. millium haberent, censendi jus factum est. Hoc cum ita servatum esset; negabat Claudius suffragii lationem injussu populi censorem cuiquam homini, nedum ordini universo, adimere posse. neque enim, si tribu movere posset, quod sit nihil aliud, quam mutare jubere tribum, ideo omnibus v. & xxx. tribubus emovere posse, id est civitatem, libertatemque, eripere, non, ubi censetur, finire, sed censu excludere. Hæc inter ipsos disceptata. postremo eo descensum est, ut ex quatuor urbanis tribubus unam palam in atriis Libertatis sortirentur, in quam omnes, qui servitutem servissent, conjicerent. Esquilinæ sortem exiit. in ea, Ti. Gracchus pronuntiavit, libertinos omnes censeri placere. Atque hic non levis inter Livium, & Ciceronem, videtur esse dissensio: quod ille dicat, libertinos, cum antea quatuor in urbanas tribus descripti essent, in unam Esquilinam a Graccho censore conjectos; Cicero autem, tulisse eos suffragium ante Gracchi censuram non in urbanis, sed in rusticis, tribubus, nec in unam urbanam, sed in quatuor, esse translatos, videatur ostendere. his enim utitur verbis, lib. I. de oratore: *Censor Gracchus non accurata quadam orationis copia, sed nutu, atque verbo, libertinos in urbanas tribus transfudit. Neuter tamen, mea sententia, falsus: idque de tantis viris æquius est arbitrari. Cum Livio Dionysii Halicarnassæi testimonium congruit: qui jam inde a Ser. Tulio rege, a quo quatuor tribus urbanæ factæ sunt, locum ait libertinis ferendi suffragii proprium in urbanis tribubus esse constitutum. Et ipse Livius eadem de re lib. IX. ita scripsit: *Q. Fabius censor, simul concordie causa, simul ne humillimorum in manus comitia essent, omnem forensium turbam exeretam in quatuor tribus conjecit: urbanamque eas appellavit. In epitome autem lib. XX. idem comprobatur his verbis: *Libertini in quatuor tribus redacti sunt, cum antea dispersi fuissent, Esquilinam, Palatinam, Suburanam, Collinam. Cui sententia Cicero non repugnat. nam, et si libertinos in urbanas tribus ait esse translatos; non ideo tamen significat, urbanos eos in tribubus antea non fuisse; sed ad eam libertini ordinis partem spectavit, quam in rusticis tribubus tulisse suffragium jam ostendimus,****

A eam scilicet, quæ filios haberet, quinque annorum ætatem excedentes. Duo igitur sunt, quæ censor Gracchus de libertinorum suffragio nova instituit, unum, ut nemo in posterum suffragium ferret in rustica tribu; quod Cicero significat; alterum, ut omnes in una urbana tribu, non in quatuor, ut antea, censerentur, & suffragium ferrent; quod Livius discrete narrat. ita constat, quod in Cicerone, & Livio, diversum est, quia diversas res, uterque tamen veras, exponunt, contrarium non esse. Hæc de civibus Romanis. Venio nunc ad municipes: quibus deberi secundus videtur locus. primum enim suffragium habebant, munerisque erant, ut ait Gellius, honorarii participes, in quo pares erant civibus Romanis: deinde, quod optabile videtur, suis moribus, legibusque, vivebant, nulla necessitate, nullo populi Romani onere, nisi voluntario, pressi: in quo superiores erant coloniis: quibus jura, institutaque, omnia populi Romani servare necesse erat. Coloniarum autem, ut diximus, tria genera, Romanæ, Latinae, Italicae. non enim, quartum genus, militares habendæ sunt; sed tribus generibus, quæ nominavimus, communes esse possunt, quippe militares tum colonie dicebantur, cum in coloniis milites, vel ut bene meritis præmia solverentur, vel præsidii causa, deducebantur. itaque non minus Latinae, quam Romanæ, nec minus Italicae, quam Latinae, militares esse poterant. Romanæ vero Latini præstabant, quia constabant ex civibus Romanis: Latinae reliquis Italici, quia populi omnes Latini, ut proxime ostendimus, locum præstantiorem apud populum Romanum, quam reliqua Italia, obtinebant. ergo suffragii lationem Romanæ habebant: quo præstabant reliquis coloniis: sed eadem non fecus, atque ii, qui Romæ vivebant, civitatisque participes erant, Romanas observare leges, & omnia civium Romanorum onera sustinere, cogebantur. itaque potius, præstabiliremoreque, fuisse municipiorum conditionem, docet Gellius lib. XVI. Succedunt focii: qui & federati dicebantur. horum alii stipendiarii, ut in Africa, Sicilia, Sardinia, nonnulli; alii immunes, ut Latini, & aliquot in Sicilia, quos nominat Plinius in descriptione Siciliae, & alibi. atque hos plane Cicero in oratione pro Balbo distinguit his verbis: *In focios, & in eos, de quibus animus, foederatos injuriosum, & contumeliosum, est, iis præmia, & iis honoribus, exclusos esse fidelissimos, & conjunctissimos, focios, quæ pateant stipendiarii, pateant hostibus, pateant saepe servis. nam & stipendiarios ex Africa, Sicilia, Sardinia, cæteris provinciis, multis civitate donatos videmus, &c. Inter focios nobilissimos, qui jus habere Latii dicuntur. etenim hi reliquis omnibus, non modo exteris, verum & Italiciis, præstabant, sicut Itali, omnibus exteris; & inter externos focii provinciales excellabant. Latium autem, incolum rep. non ultra Circios extendebatur: imperatorum ætate ad Lirim flumen prolatum videtur: quod a Plinio scriptum est. Et jus Latii non ad Latinos tantum pertinet, sed in tria genera diducitur. convenit enim primum in ipsos populos, qui Latium incolebant; qui quatuor modis in historia nominantur, Socii Latini, Socii ac Latini, Socii Latinis nominis, Socii ac Latini nominis: deinde, colonias eas, quæ propterea Latinae dicebantur, quia jus habebant Latii: postremo, qui neque Latinae colonie, neque gens erant Latina, sed aliquo merito, aut populi Romani benignitate, eadem illa jura, quibus & Latium universum, & Latinae colonie fruebantur, erant consecuti. quo ex genere multos nominat Plinius in descriptione Siciliae, quod autem Pedianus in commentario Pisonianæ de Latinis coloniis utitur his verbis: *Id est, ut, petendi magistratus gratia civitatem Romanam adipiscerentur: id ego totum abun-**

dare puto : est enim omnino falsum . quia Latine colonie Latii quidem jus habebant . civitatis autem Romanæ participes non erant . & hæc universi plane Latii , omniumque præterea , quibus Latii jus datum est , perpetua condicio fuit , donec lege Julia non Latio solum , sed universæ Italiæ , civitas concessa . verum non hoc beneficium omnibus , qui ubique locorum jus Latii ; Italiæque haberent , sed omnibus Latii , Italiæque incolis datum est . itaque Latine colonie , quæ quidem essent extra Italiam , excluderentur . Quintum locum socii italici obinent . horum duo genera , qui Romanis magistratibus , ac legibus , & qui suis , uterentur ; Romanis , ut præfecturæ quæ dicebantur ; suis , ut reliquis . nam extra Italiam præfectura nulla , (erant enim illæ non præfecturæ , sed provincie , quo exhibant gesto magistratu) in Italia vero non omnes in omni regione , sed omnes extra Latium . hæc quoque in duo genera dividebantur : de quibus operæ pretium est ipsa Festi verba recitare ; ut inde certior doctrina fumatur . *Præfecturæ* , inquit , *appellantur in Italia , in quibus & jus dicebatur , & nundinæ agebantur , & erat quedam earum resp. neque tamen magistratus suos habebant ; in quas legibus præfecti mittebantur quotannis , qui jus dicerent . quarum generasse duo ; alterum , in quas solebant ire præfecti quattuor , populi suffragio creati , in hæc oppida , Capuam , Cumas , Casilinum , Vulturnum , Linternum , Puteolos , Acerris , Suessulam , Atellam , Calatiam : alterum , in quas prætor urbanus quotannis in queque loca miserat legibus , ut Fundos , Formias , Cære , Venasrum , Alicas , Privernum , Anagninam , Frusinonem , Reate , Saturniam , Nartham , aliaque complura .* Hæc Festus . a quo Fundos , Formias , Arpinum , inter præfecturas numerari , quæ Livius lib. xxxix. verulsa fuisse municipia ostendit , jure mirari aliquis possit . Capuam quoque a C. Cæsare consule , qui postea perpetuam dictataram invasit , coloniam esse factam , nemo fere paulo humanior ignorat . Sed ita mendacii suspicio diluatur , si Festum ad prima illa spectas resp. tempora dicemus , ante civitatem Fundanis , Formianis , Arpinatibus datam , nedum ante Cæsaris consulatam . Quod autem Romanos homines jus in præfecturis dixisse tradit : inde sequi videtur , ut in iis urbibus leges Romanæ servarentur . Neapolim autem , Præneste , Tibur , Baulos , Ravennam , quia legibus Romanis non uterentur , præfecturas fuisse , nullo modo crediderim . nam , si fuissent , minime Romanis exsulibus ibi licuisset commorari . habemus in epistola M. Cælii exemplum Q. Pompeii & T. Manutii Planci , Baulis , & Ravennæ , exsulantium ; cum uterque de vi , quod erat capitale crimen , condemnatus esset . Polybium autem , cives Romanos , legibus ejectos , Neapolim , Præneste , Tibur , petere solitos esse , ibique sedem ponere , uti liberis in locis , ostendit . neque inter præfecturas , & provincias , quidquam interfuisse puto , nisi quod provincie congregatæ , præfecturæ passim dispersæ . quod si præfecturas in unum cogeret , provincia esset . neque præfecturæ tamen ante legem Juliam , neque umquam provincie , licet Romanas leges tuerentur , e civibus Romanis constabant ; sed omnes & erant , & dicebantur socii . itaque , legem de repetundis , quæ maxime ad rectores provinciarum attingebat , sociorum causa latam , Cicero ait . Neapolim autem , Præneste , Tibur , quas Polybii testimonio præfecturas non fuisse , probatum est , idem Polybium federatas civitates appellat . post legem Juliam Neapolis municipium fuit ; quod Cicero significat in epistola ad Acilium , fam. lib. xxi. & ad Att. lib. x. ante inter socios Italicos ; item Tibur non ante legem Juliam municipium , sed inter socios Latini nominis . quod ex oratione pro Balbo colligitur . Præneste , colonia Latina ,

adeducta , ut opinor , a Sulla dictatore . agros enim militibus divisit , suitque Prænestinis infestissimus . nec ab eo paucas præterea deductas esse , constat . Ravennam Strabo lib. v. coloniam nominat : nihil de tempore . si ante scriptam a Cælio epistolam , de qua jam meminimus ; Latinam fuisse , necesse est ; siquidem exules reciperet . sin postea ; civium Romanorum potuit esse . nec tamen liquet , sicuti nec a quo deducta . suspicor tamen , ab Augusto , cum i. i. vir esset resp. constituendæ . multas enim consensu Antonii collegæ deduxit . Verum , lege Julia lata , quæ civitas universæ ad extremum Italiæ est imperita , eadem fuit omnium , intra Italiæ modo terminos , conditio , municipiorum , coloniarum , præfecturarum , sociorum , sive Latini , sive Italici nominis : non , quod omnium in omnibus rebus æquarentur jura : sed , ut in suffragii latione pares essent . nec enim dubito , quin , etsi civitatis Romanæ , lege Julia , jus haberent , iisdem tamen , quibus antea , legibus omnes vixerint . ex quo mihi , ut aliud ex alio , suspitionis quiddam exoritur , aliquid omnino inter eos , qui jus habent civitatis Romanæ , & eos qui cives Romani sunt , interesse . nam cives Romani non modo censentur , & suffragium ferunt , verum etiam , ut dictum est jam , Romanis legibus utuntur ; qui vero jus habent civitatis , censentur illi quidem , & suffragium omnes ferunt , non tamen simul illud contingit , ut legibus Romanis omnes vivant . quo de genere municipia esse , demonstratum jam est . ergo latius patet , habere jus civitatis , quam , civem Romanum esse : cum is , qui civis Romanus est , idem & jus habeat civitatis ; qui vero civitatis habet jus , non idem continuo civis Romanus sit : quandoquidem fieri potest , ut alii Romanis , quemadmodum colonie , alii aliis , ut municipia , legibus utantur . Hoc cum ita videatur , tamen exempla repugnant . Nam Cicero Neapolitanos , lege Julia , civitatis Romanæ jus adeptos , cives Romanos vocat : quos tamen iisdem , quibus ante legem Juliam , legibus vixisse , dubitandum non est . *Manlius* , inquit in epistola ad Acilium , *est Sosis* . is fuit Catinensis : sed est una cum reliquis Neapolitanis civis Romanus factus , decurioque Neapoli : erat enim in id municipium adscriptus ante civitatem sociis & Latinis datam . Nec desunt alia ejusdem generis testimonia . Extra Italiam , coloniis exceptis , quarum prima Carthago fuit , socii omnes dicebantur : sed parum proprie nonnulli . nam socii re vera sunt , pari libertate qui fruuntur . at provinciales , cum Romanis parerent , socii tamen , blanditiæ causa , vocabantur . Provincialium autem hæc propria fuere , ut Romanis regerentur magistratibus , Romanis legibus parerent , annum vectigal penderent ; Reliqui socii tribus e generibus constabant ; ex iis , qui numquam hostes ; ut Judæi , qui populorum orientalium primi , Romanam amicitiam appetierunt ; & Ptolemæus , Ægypti rex : qui socii immunes , omniumque expertes onerum , fuere : tum ex iis , qui hostes aliquando , postea , depositis armis , amicitiam cum populo Romano coiere : postremo loco , qui non sua sponte sese dederunt , sed , armis victi , cum everti , ac deleri , belli jure , possent , clementia tamen , & benignitate populi Romani , federe percusso , inter socios relati sunt . Atque his omnibus commune sociorum , aut federatorum nomen , varia tamen condicio fuit : cum alii stipendiarii , alii immunes essent . Sed redeo ad tribus : a quibus ad rusticam plebem , & inde huc , oratio divertit . Dictum est de nominibus earum , & de temporibus : reliqua persequamur : & primum de locis . Fuere omnes vel in urbe , vel extra : si in urbe , vel in agro Romano , vel extra : si extra , vel in Latio , vel in Campania , vel in Sabinis , vel in Etruria . ulterius enim non extendebantur . in Latio duæ , Pomptina , Scaptia , ab oppidis ; una præterea , Mæ-

cia, a quodam castro, ut ait Festus: quæ cum Scapria simul addita. In Campania, Oufentina, ab Oufente fluvio; Falerina, a Falerno agro, non a Faleriis, Etruriæ oppido. simul enim adjunctæ sunt eodem anno, regiones propinquæ, Oufentina, Falerina: neque fuit eo tempore negotii quidquam cum Etruriæ populis. in Sabinis quattuor fuere, Crustumina, Anienſis, Velina, Quirina. prima, ab oppido; secunda, a flumine; tertia, a lacu Velino; quarta, ab oppido Curibus. Terentina cur adjuſſenda videatur, infra dicemus. In Etruria quattuor, Stellatina, a Stellatibus populis, non a Stellate campo, qui est in Campania: Tromentina, a campo Tromento, ut ait Festus; Sabatina; a Sabate lacu; Arnienſis, ab Arno flumine, circa quem, qui recepti sunt in civitatem, habitabant. Nam Capenatibus, Faliscis, Vejentibus, qui Etrusco bello transiſſerunt ad Romanos, civitate data, agroque assignato, tribus quattuor, quas nominavimus, ex novis civibus factæ sunt. Tres reliquæ sunt, eſſe dicitur illis post liberam civitatem adjectis, Popillia, Publilia, Terentina: quarum difficilis explicatio est. obſcurus enim Popilliae locus, nec satis apertum nomen. Publilia fuit quidem ipsa nominis originem indicat, ut aliae a familiis deductæ; locum tamen quem habuerit, quamque regionem, plane latet. Terentinae neque locus, neque satis nomen, constat. Popillia videtur etymologiam Festus exponere; nec tamen affert, in quo acquiescas. dictam ait a progenitrice: quæ? familia, muliere, urbe, aliquo ejus nominis loco? non licet conſpicere. ipſe enim nihil addit. nec in antiquis lapidibus integra legitur, sed contracta sic, Pop. quibus ipsi litteris in eos. c. scripta est, quod M. Caelius ad Ciceronem miſit, lib. ix. epist. fam. accedit illud, quod, cum non nominetur a Livio inter ultimas quattuordecim, necessario sequitur, ut ante facta sit: quod si ante, aut statim post ejectos reges, aut ab ipſo rege Servio. utrum accipiamus, constabit, a familia non poſſe derivari. nam neque Servius a plebeia familia tribum nominasset: neque, pulvis regibus, conſules ad honorem plebis potius, quam patriciorum, fuiſſe propensos, verumile videtur; cum eo tempore jaceret omnino plebs, quæ non modo conſules de ſua gente, quod ei multis post annis datum est, verum nec tribunos pl. aut ædiles, aut ſacerdotes, aut omnino magiſtrum ullum, vel dignitatem, haberet. Publilia manifeſtum habet plebeiae familie nomen. quod ferri poſſet: jam enim creari conſules de plebe coepi erant. nam additam ostendit Livius Fabio Ambuſto, patriciae gentis, Plautio Proculo, plebeiae, coſſ. qui fuit annus, ſi lapides Capitolinos ſequamur, poſt urbem conditam cccxcv. & ante novem annos de altero plebeio conſule perlata rogatio erat. itaque jam in ſummam dignationem plebs, ad eptam conſulatum, pervenerat. Illud mirari ſatis non poſſum; ſi hoc honoris plebeio generi habendum fuit, cur non potius plebeiae familie conſulari, ut Sextiae, Genuciae, Liciniae, Porceliae, Popilliae, ipſi Plautiae, e qua ortus erat conſul ejus anni M. Plautius. nam Publilius ad eam diem conſul nemo fuerat. quare ſcrupuli omnino, & in huius tribus nomine, quiddam remanet. De loco, nihil affirmare licet. poſſit juxta Pontinam eſſe; ſiquidem additæ ſimul eodem anno ſunt. Pontina vero ſine dubio, ubi oppidum Pomeria fuerat. opinor autem, quæ ſimul adjunctæ ſunt, proxime conſtitutas; quia video, (ut afferam exempla minime dubia) & quæ additæ antea quattuor erant, Stellatinam, Tromentinam, Sabatinam, Arnienſem, & quæ adjectæ poſtea ſunt, Oufentinam, Falerinam, propinquas in regionibus fuiſſe. Terentina videri poſſet a Terento, campi Martii loco, nomen trahere: quæ tamen ex cauſa, non occurrit: & perobſcurus locus est, ab uno Feſto nominatus: qui tamen, ubi de

eo meminit, de tribu nihil addit. quod, niſi fallor, haudquaquam omiſſiſſe, ut qui tribum etymologiam aliis in locis perſequitur. Quis ei locus fuerit assignatus, æque obſcurum est: non longe tamen ab urbe, licet ſuſpicari; quia videtur prope Anienſem fuiſſe, cum qua eſt eodem anno adjuncta. Anienſis autem ab Aniene, agri Tiburtini flumine, procul ab urbe ſedecim omnino millibus paſſuum. quod ſi prope Anienſem Terentina; certe non in agro Romano, a veteribus illis quindecim ruſticis tribubus, quas Servius rex fecerat, multo ante occupato, imaximeque frequenti, ſed in Sabino, qui continens, adjuſſitque Romano fuit, locum plane videtur habuiſſe. Agrum autem Romanum (ne quis erret) cum voco, qui, Servio regnante, ad Romanam ditionem pertinuit, quindecimque ruſticis tribubus diſperſitus eſt: cujus noſſe terminos, haud ſacillimum videtur: anguſtos tamen fuiſſe, ſatis conſtat. cum Romulus quidem regnare coepit, non ultra quintum, & ſextum lapidem, ut ait Strabo, extendebatur; ab Etruſca parte nec integrum miliarium. finis enim agri erat Tiberis; qui a Palatii radicibus, id eſt a primæ urbis pomerio, paſſibus abeſt fortaſſe cd. neque, quidquid poſtea de finitimis hoſtibus captum, & occupatum eſt, agrum Romanum video nominatum. & Varro, cum de finibus, qui ætate ipſius obſervabantur, ſermonem habet, quinque ponit agrorum genera, Romanum, Gabinum, ab oppido Gabiis; peregrinum, a perſendo, id eſt progrediendo. eo enim ex agro Romano primum progrediebatur. nam in Gabino, & Romano, etſi diſjuncti eſſent, finibusque internſcerentur, uno tamen modo ferebantur auſpicia. adjuſſit hoſticum agrum, & incertum, illum ab hoſtibus dictum; hunc, quia, de his quattuor qui eſſent, ignoraretur. manſit igitur, everſis jam Gabiis, agrorum diſtinctio. Gabii autem ab urbe diſtabant circiter decem millibus paſſuum: quorum agrum a agro Romano adjuſſit fuiſſe, Varro docet. Nec me movet, quod ait Livius lib. xxvii. *Patres extra Romanum agrum (eum autem in Italia terminari) negabant dictatorem dici poſſe*. Nam omnino, ſi large accipias, ager eſt Romanus tota Italia: quo modo non ab agris diſtinguitur, ſed a provinciis. quod ſi velis cum ab aliis agris diſtinguere; alia ratio eſt. tunc enim agrum Romanum a Sabino, Campano, Hirpino, diſtinguimus: quodque ſingulis urbibus territorii adiacet, id earum urbium agrum vocamus. qua ratione dixit Cicero, *in agro Volaterrano*; Salluſtius, *in agrum Piſtorienſem*; Livius, *in agro Reatino*. exemplorum plena omnia. Hos maxime terminos augures ſpectabant, in auſpiciis: & ex eorum ſcientia Varro, quod ipſemet ſatetur, quinque fecit agrorum genera, quæ proxime nominavimus. Tenendum igitur illud primum, ad orientem ſolem, Latium verſus, agrum Romanum paruiſſe, qua Gabino terminabatur, paullo longius x. miliaris, itemque qua Tuſculanum agrum contingebat. Tuſculum autem ipſum quoque in Latio fuit, ſed aliquanto magis, quam Gabii, ad mare declinabat, meridiem verſus. & in Latio prima fuit, ratione loci, Mæcia, quia juxta Lanuvium fuit, a caſtro nuncupato: ſecunda, Scaptia; tertia, Pomptina. Finitimas præterea, qua continentem ſpectabat, duas Roma nationes habuit, Sabinam a ſeptentrione, Etruſcam occidentem verſus. In Sabina regione tribum primam Anienſem pono: & quod a Livio prima nominatur; & quia nullum in Sabinis oppidum propius urbem erat, quam Tibur. Anio autem, unde tribus nomen tulit, per Tiburtinum fluebat agrum. ex quo ſequitur, ut ager Romanus terminaretur agro Tiburtino. inde patet longitudo. nam, cum Tibur ad ſextumdecimum ab urbe lapidem fuiſſe conſtat; & aliquid præterea ſpatii quoquoqueverſus ager occupaverit: aperte

cognoscitur, angustos admodum agri Romani fines fuisse, qui nec ad sexdecim miliaria protenderetur. Ab Etruria finitimus erat Vejentinus ager: cuius partem Servius rex, bello ereptam, intra fines includerat agri Romani: unde nominatam tribum Vejentinam diximus. reliqua pars, victis, ac dirutis Veiiis a Camillo, vectigalis quidem populi Romani facta, minime tamen ad Romanum agrum pertinuit. ergo terminos ibi statuimus, ubi Vejentium ager incipiebat, qui non ab urbe longius distabat XIII. millibus passuum, ut a Plinio lib. III. traditum est. & in Etrusca regione primam tribum Livius nominat Stellatinam, ultimam Arniensem: qua nullam fuisse ab urbe remotiorem, videtur Cicero significare oratione II. in Rullum, his verbis: *A Suburanâ usque ad Arniensem nomina vestra proponat*. Id est, a prima urbana ad ultimam rusticam. ultimam autem non tempore, (nam, multas post eam tribus esse additas, Livius demonstrat; postremam autem omnium Quirinam, epitome Liviana) sed ordine, cum ad ferendum suffragium tribus citantur. una enim forte ducebatur: cui prærogativæ, quia prima rogaretur, nomen fuit: reliquæ dicebantur jure vocatæ; quod in his, sequente populo, ut sæpe contigit, prærogativarum voluntatem, jure omnia compleverunt. vocabantur autem, ut opinor, propinquiore quæque, usque ad ultimam: ut prima rustica vocaretur Romilia, quia sub Roma, ut ait Varro; ultima Arniensis, quia longissime omnium distabat. atque hunc ordinem servabat Rullus in divisione agri Campani. sunt enim hæc in II. agraria: *Quæstus ex eo Kalendis Jan. quibus hominibus, & quemadmodum, illum agrum esset distributurus. respondit, a Romilia tribu se initium esse facturum*. Arniensem porro fuisse ultimam in obeundo munere, ipse Cicero ostendit, cum subiungit in eo loco, *A Suburanâ usque ad Arniensem*. Et, quemadmodum hac de causâ inter rusticas Arniensis postremo statuitur loco; itidem, ut arbitror, Suburanam Varro, & fortasse cum secuti, Festus, & Plinius; urbanarum tribuum primam nominant. nec enim a Servio rege prælatam eam in ordine Palatinæ tribui, credibile est: cum Palatium sedes antiquissima trium primarum tribuum fuit, in quas Romulus, ante initam cum Sabina gente societatem, urbem divisit; eoque in monte Romulus ipse domicilium habuerit. nec tamen (ne temere videamur a Varrone, & aliis, dissentire: quamquam non est hoc dissentire, sed interpretari) nullo veterum testimonio nostra nititur conjectura. nam Dionysius Halicarnassus, qui urbis Romæ primordia, & omnem Romuli, tum in urbe condenda, tum in civitate instituenta, rationem accuratissimo, ac verissimo, ordine persequitur, primo loco Palatinam, deinde Suburanam, tertiam Collinam, quartam Esquilinam, statuit, ex partium scilicet vestustate: cum Varro primam faciat Suburanam, secundam Esquilinam, tertiam Collinam, Palatinam quartam. sed ita res commode temperabitur, ut Dionysius ordinem cum, quo factæ sunt, Varro cum, quo ad lationem suffragii vocabantur, spectaverit. Verum, cur ille Servii regis ordo neglectus in suffragio? opinor, quia, sicuti tribus urbanæ rusticis, ita inter ipsas urbanas aliæ essent aliis ignobiliores, prout vel infrequentes erant tribules, vel egestate perditæ, vel ignominia notatæ. quibus malis, duobus saltem postremis, puto laborasse Palatinam tribum: ideo in ultimam locum esse receptam. neque vero, quasi somniantes, ita putamus: sed monemur exemplis. operas enim illas Clodianas, ultimæ fortis homines, paratos ad omne facinus, quas Cicero sæpe exagitat, suffragium in Palatina video tulisse: de quo sic in oratione pro domo: *Amici illi tui, te uno amico testis, & beati, qui se populo commiserant, ita repellebantur, ut etiam Palatinam*

tuam perderent. Tuam, dicit, non quod in ea suffragium Clodius ferret, (natus enim patricia familia consulari, & opibus etiam abundans, censei potius in rustica, cum reliquis rura possidentibus, quam in urbana tribu debuit) sed quod in ea tribules haberet multos suæ libidini, audaciæque suffragantes. qua ipse de causâ in oratione pro Sextio, ubi Vatinius vexat, Tribum, ait, *suam non tulit; Palatinam denique, per quam omnes ille pestes vexare populum Romanum dicebantur, perdidit*. Est etiam illa de rusticis tribubus non ignobilis consideratio: censi ne sint in iis tribubus, quæ ipsorum in agro essent, populi finitimi, puta Latini, in Pomptina, aut Scaptia; Sabini, in Velina, aut Quirina; Etrusci, in Stellatina, aut Tromentina, an potius in qua quisque tribu voluerit. cum de censu loquor, suffragium simul intelligo. nec enim dubitatur, quin, qua quisque in tribu census esset, in ea suffragium quoque tulerit. Consentaneum omnino videtur, ut in agri sui tribubus censerentur: sed exempla interdum secus ostendunt. id tamen observatum, ut nec in tribubus iis censerentur, quæ in alienæ regionis agro essent; puta, ne Latini in Sabina tribu, aut Etrusca; ne Sabini in Etrusca, aut Latina; ne Etrusci in Latina, aut Sabina. in quibus igitur? in iis, quæ essent in agro Romano, quas Servius ex quindecim fecerat; nec tamen in his omnibus, sed in habentibus nomen patriciæ gentis: quas octo omnino fuisse, jam diximus. Proferamus exempla. Quis nescit, Formias, Fundos, Arpinum, in Latio fuisse? nec tamen Latinis in tribubus hæc municipia censebantur, sed in Emilia Formiani, & Fundani, in Cornelia Arpinates. id ex Livio constat; apud quem lib. XXXIX. scripta sunt hæc: *De Formianis, Fundanisque, municipibus, & Arpinatibus, C. Valerius Tappo tribunus pl. promulgavit, ut iis suffragii latio esset. huic rogationi quattuor tribuni pl. quia non ex auctoritate senatus ferretur, cum intercederent, dedisti, populi esse, non senatus, jus, suffragium, quibus velis, impertiri, desisterunt incepto. rogatio perlata est, ut in Emilia tribu Formiani, & Fundani, in Cornelia Arpinates, ferrent. atque in his tribubus tum primum ex Valerii plebiscito censi sunt*. Sabini ipsi, qui quattuordecim erant populi, cum in eorum agro tribus essent quattuor, ut ostendimus, Velina, Quirina, Anienlis, Terentina; tamen in harum nulla, sed in Sergia, una de quindecim Servianis rusticis, suffragium ferebant. testem habeo Cicronem, qui contra Vatinius hæc: *Ob hæc omnes res, scias, te severissimorum hominum, Sabinorum, fortissimorum virorum, Marjorum, & Pelignorum, tribulium tuorum, iudicio notatum; nec, post Romam conditam, præter te, tribulem quemquam tribum Sergiam perdidisse*. Nec vero, mutatam esse tribum cuiusque arbitrio, sed, hoc censorum potius in manu situm fuisse, existimaverim. Porro, sicuti non omnes populi in tribubus agri sui, sic non omnes cives in tribubus sui nominis. exempli gratia, non omnes Claudii in Claudia, neque omnes Cornelii in Cornelia, censebantur. id ex Livio cognoscitur: qui, C. Claudium Nerone, non in Claudia tribu, quæ fuit in agro Romano, sed in Arniensi, Etruscarum ultima, censei solitum, lib. XXIX. scriptum reliquit. quo in loco vulgati omnes libri macula deformati circumferuntur. legitur enim, *tribum Narniensem, pro Arniensem*: cum Narniensis mentio neque in lapidibus, neque in libris, ulla reperitur; Arniensem vero idem Livius lib. VI. & Cicero in agraria II. nominent. quodque firmius est, ipsi lapidem vidimus Vulliniis in templi parietibus, quo in lapide integrum, expressumque, tribus Arniensis nomen extat: ut alios lapides omittam. Tribum autem XXXV. nomina a nobis descripta sunt ad epistolam Cælii, Fam. lib. IIX. Ad quas XXXV. Tribus, qua-

rum numerus C. Lutatio, A. Postumio. *coff. anno* ab V. C. DCL. absolutus est, aliae postea sunt adjectae: nec tamen umquam in publicis monumentis, aut in libris, qui nostram ad aetatem pervenerunt, cum simul omnes nominantur, plures XXXV. sunt. additas stante rep. decem esse, ex Italicis populis lege Julia civitate donatis, declarat historia: qui fuit annus DCLXV. fed, cum se nullam fere vim, pro tribuum paucitate, in comitiis habere, omniaque veterum civium in manu esse, Itali sentirent; tentatum quidem a L. Cinna consule, ut in omnes XXXV. tribus distribuere: verum, exorto ob eam causam civili bello, quo Cinna, Octavio collega interfecto, summam remp. cum C. Mario injunctis imperiis oppressit, nullam deinde in rep. factam tribuum accessionem legimus. nomina tamen aliarum reperiuntur, quas constat esse additas imperatorum aetate. Omittamus vero iam nomina. rem agamus. Ferebant suffragium in XXXV. tribus quicumque censebantur. hi constabant ex diversis generibus. nam censebantur cives Romani, id est, qui Romanis magistratibus, legibus, sacris, utebantur. quorum erant duo genera, qui domicilium intra pomerii terminos habebant; qui populus Romanus dicebatur; & qui in agro Romano, ac deinceps in omnibus XXXV. tribus, quousque protendebantur, habitabant: qui cum essent cives Romani, tamen populi Romani nomine excludebantur. itaque Augustus in suo testamento distinguit populum Romanum a XXXV. tribus. Sic enim Suetonius in ejus vita: *Legavit populo Romano quadringentis, tribus tricies quinguis HIS.* Censebantur & municipes: qui neque partes tribuum, neque proprie cives Romani, erant, sed in tribus suffragium ferebant, & civitatis jus habebant. erant autem alii citra, alii extra terminos, qui tribus designabant: omnesque suis, non Romanis, magistratibus, legibus, sacris, utebantur. censebantur coloniae civium Romanorum, quibus eadem, qua populo Romano, leges, eadem sacra, erant, diversi tamen magistratus: nam ex ipsa colonia, ex ordine decurionum, XI. viri creabantur. Hos ego omnes Romae censoribus missum. me Ciceronis, & Pediani, testimonium adducit, ut omnino Romae censos existimem. ait enim Cicero in Verrem: *Cum haec frequentia totius Italiae Roma discesserit.* Et subiungit Pedianus: *Frequentiam dicit plebs rusticae, cui voluit iudicii exitu notam esse integritatem suam. convenerat autem ex municipiis cuiusvisque modi multitudo, aut propter comitia suffragiorum causa, aut ludorum votuorum, Romanorum, Victorie, plebeiorum, aut ut censeretur apud censores Gellium, & Lentulum.* Tabulas tamen eorum, qui censerentur, duplices fuisse crediderim: quarum unas Romae, alteras in eorum urbibus, aut oppidis, asservatas. Romae, quis dubitet? qui enim censerentur, eorum nomina censorias in tabulas relata, ita contentanum est, ut, probare testimoniis, putidae cuiusdam videatur esse diligentiae. exemplum autem earum tabularum ad unumquodque municipium, aut ad colonias civium Romanorum, esse missum, satis aperte locus Ciceronis in oratione pro Cluentio declarat. *Illum, inquit, publicas tabulas Larini censorias corrupisse, decuriones universi iudicaverunt.* Et infra, in eadem, *Dum, cum fuisse Oppianicum, constabit, qui tabulas publicas municipii sui corruptisse iudicatus sit.* Quemadmodum autem locum in tribu, hoc est potestatem ferendi suffragii, virtute, &

meritis in remp. peregrini homines consequabantur: sic ob turpem, ignominiosamque vitam, vel amittebatur tribus, vel mutabatur. & qui tribum amittebat, tum aetarius fieri, tum in aetarios, aut in Aetrium tabulas referri, dicebatur. quo quid significetur, docet Aiconius, his verbis: *Regendi moribus civitatis censores quinto quoque anno creari solebant: hi prorsus cives sic notabant, ut, qui senator esset, ejiceretur senatu; qui eques Romanus, equum publicum perderet; qui plebeius, in Aetrium tabulas referretur, & aetarius fieret, ac per hoc non esset in albo centuriae suae, sed ad hoc esset civis, tantummodo ut pro capite suo tributi nomine aera penderet.* Planius etiam apud Gellium, lib. XVI. cap. 13. *Primos, inquit, municipes sine suffragii jure Carites esse factos accepimus. concessumque illis, ut civitatis Romanae honorem quidem caperent, sed negotiis tamen, atque oneribus vacarent, pro sacris bello Gallico receptis, custoditisque. hinc tabulae Carites appellatae versavice, in quas censores referri jubebant quos, nota causa, suffragiis privabant.* Mutabat vero tribum, qui vel, poene loco, ex nobili in ignobilem, hoc est ex rustica in urbanam, aut etiam ex rustica in aliam rusticam ignobiliorem, vel contra, premii loco, ex urbana in rusticam, aut ex rustica in aliam nobiliorem rusticam, transferebatur. quod, moveri tribu, dicebatur. de quo sic Livius lib. XLV. *Regabat Claudius suffragii latationem injussu populi censorem cuiquam homini, sedum ordini universo, adimere posse. neque enim, si tribu movere posset, quod sit nihil aliud, quam, mutare jubere tribum, ideo omnibus V. & XXX. tribus emovere posse, id est civitatem, libertatemque eripere, non, ubi censeatur, finire, sed censu excludere.* est autem frequentius, rejici a nobili in ignobilem, quod censoria nota fieri consuevit, quam ab ignobili ad nobilem transduci: quod in oratione pro Balbo animadvertimus: in qua, Balbum, reo, quem accusaverat, de ambitu damnato, tribum Crustumipam legis praemio esse adeptum, constat. nec enim ante Balbum in urbana, fed in rustica, tribu suffragium tulisse, verisimile videtur. Et, quod dixi, aetarius fieri, & tribu moveri, diversa esse: id Cicero confirmat in oratione pro Cluentio, his verbis: *Ipsi inter se censores sua iudicia tanti esse arbitrantur, ut alter in aetarios referri, aut tribu moveri jubeat, alter vetet.* Livius quoque lib. XLII. *Omnes, quos senatu moverunt, quibusque equos ademerunt, aetarios fecerunt, & tribu moverunt.* Et lib. XXIV. *His, superioribusque illis, equi adempti, qui publicum equum habebant: tribuque moti aetarii omnes facti.* quod nunc diversa essent: neque Cicero ea particula, quae distinguendi vim habet, usus esset, neque Livius illud, *Aetarii omnes facti*, quod otiosum, atque inane, prorsus videretur, inculcasset. At, in quo diversa? quaeret aliquis. Non est facillima deliberatio. aggrediamur tamen, & conemur explicare, quod exploratum non habemus. fortasse enim in ipsa re tractanda, ut interdum solet accidere, veritas ipsa, aut saltem species aliqua veritatis, emerget. Primum igitur illud statuo; quod omnino fixum sit, necesse est: veterum enim auctoritate, minimeque dubio testimonio, confirmatur: aetarius fieri, cum dici, qui iura omnia civium Romanorum amitteret, unum illud retineret, ut pro capite suo, tributi nomine, aera penderet, id quod a Pediano plane satis explicatur. suffragium igitur adimebatur iis, qui aetarii a censoribus fierent. quod cum ita sit; necesse est, moveri tribu, aliud quippiam significare, atque etiam levius esse, quam aetarium fieri: quod ostendimus esse gravissimum: quandoquidem adiunguntur omnia commoda, omnesque dignitates, & honores; relinquuntur autem, quod nemini jucundum est, onus tributi. sequitur igitur, si, moveri tribu, tribus ademptio non est, certe, ut imutatio sit. quod, hic ne parum necessarii probe-

tur exemplis, ipso interprete Livio jam ostendimus. Refertur autem in tabulis *Ceritum*, non video, qui possit idem esse, quod, moveri tribum. non enim, qui tribu moveretur, suffragium amitteret, sed mutat locum, ut, non in qua antea, sed in aliqua minus nobili, tribu censetur, & suffragium ferat. at, refertur in tabulis *Ceritum*, qui omnino suffragium amitteret, is dicebatur. quod ex Gellio, & Strabone, liquet. idque puto significari, cum vel apud Livium, Ciceronem, Gellium, alibi, *ærarium fieri*, aut in *ærarios* refertur, legimus. nec *Pedianus*, cum dixit, *Qui plebeius erat, sic a cenfore notabatur, ut in Ceritum tabulas referretur, & ærarius fieret*; quasi duo diversa posuit, sed unum diversis verbis explicavit: quod veteres nonnumquam solebant: quo scilicet res fieret illustrior: multo enim utilitatis, ideoque aptius, id loquendi genus, *ærarium fieri*, quam, in *Ceritum tabulas referri*: & alterum in Livio sæpe, alterum, nisi me fallit memoria, numquam invenias. semel Gellius, sed ut rem doceret, cum de municipiorum ageret origine, non ut factum narraret, usurpavit. semel *Pedianus*, sed conjuncte: subjunxit enim, *Et ærarius fieret*, quasi parum plane locutus esset ad sententiam exponendam. Hic obicitur illud: mutila est igitur *Pediani* narratio, quæ unum modo genus ignominiae ponat, suffragii videlicet ademptionem; cum illud præterea sit, suffragii translatio a tribu ad tribum; eorum videlicet, qui tribu movebantur. Non est inepta dubitatio. nec tamen, quod respondeatur, in promptu non est. Concedo, duplicem fuisse plebeiorum ignominiam, *ærarium fieri*, & moveri tribu; neque tamen *Pediani* culpam, quia de duabus unam omiserit, agnosco. non est hoc, id, quod agitur, ignorare, sed ex iis, quæ scimus, summa decerpere, quod in tradenda doctrina vitio non ascribitur, laudatur etiam, & elegantis ingenii videtur esse. quid? an id, quod omittitur, simul idem negatur? notas censorias *Pedianus* in senatoribus, equitibus, plebeiis, non omnes, sed insignes maxime, persequitur: si quam prætermittit in plebeiis, facit idem in senatoribus, & equitibus. non enim senatores tantum senatu movebantur: sed *ærarii* quoque fiebant, censu etiam multiplicato: itidem equitibus non equus modo publicus, sed arma quoque, adimebantur. itaque non est, cur aut *Pedianus* in suspicionem incitæ, vel negligentiae, veniat; aut ejus verba nostram sententiam infirmare videantur.

Quemadmodum, cum de civibus Romanis intra fines agri Romani habitantibus loquerer, visa est ad cognitionem necessaria distinctio, ut alios senatores, alios equites, alios de plebe fuisse ostenderem; vel alio modo, alios patricii generis, alios plebei: ita, cum non de solis civibus Romanis, quibus aut in urbe, aut in agro Romano, domicilium esset, sed generatim de omnibus, qui cives Romani vocarentur, verba facio; operæ pretium videtur esse, ut ejusdem ne generis omnes essent, an aliqua re differrent, significem. Scire igitur oportet, non modo eos, quibus in urbe, aut in agro Romano, domicilium esset, sed omnes plane municipales, qui extra agrum Romanum suis in municipiis, aut in Latio, aut in reliquis Italiae partibus, aut etiam extra Italiam, habitabant, cives Romanos esse nominatos: quod ne minus veri simile videri possit, recitabo Ciceronis testimonium in oratione pro Cluentio. *Martiales quidam, inquit, Larini appellabantur, ministri publici Martis, atque ei deo veteribus instituti, religionibusque Larinatum consecrati, quorum cum satis magnus numerus esset; cumque item, ut in Sicilia permulti Veneris sunt, sic illi Larini in Martis familia numerarentur: repente Oppianicus, eos omnes liberos esse, civesque Romanos, cepit defendere. Dixit enim, Cives Romanos, hoc est, eodem jure, quo ceteri municipales erant. hoc autem*

eo patet illustrius, quod in epistola ad Acilium Neapolitanos cives Romanos idem Cicero appellat. *Mantius, inquit, fuit Catinensis; sed est una cum reliquis Neapolitanis civis Romanus factus, decurioque Neapoli. erat enim adscriptus in id municipium ante civitatem sociis, & Latinis datam. Erant igitur, & dicebantur, cives Romani, qui civitate cum suffragio donabantur: qui vero civitate sine suffragio, ii non cives Romani, sed tantummodo Romani, vocabantur: quod de Accranis a Livio proditum legimus: atque hi nomen tantum, & honorem Romanæ civitatis habebant: tributum pendebant: magistratus autem, aliave munera, aut curationes, capere non poterant. cujusmodi Carites fuerunt: quibus omnium primis civitas, sed sine suffragio, est data, pro sacris Gallico bello receptis. unde Ceritum in tabulas relati dicebantur ii, qui a censoribus omni civium Romanorum jure privabantur, uno excepto, ut æs tributum nomine penderent. Civitatem igitur cum suffragio consecuti, cum cives Romani essent, ac dicerentur, sociorum tamen nomen non amittebant, iique auxiliares in bellis appellabantur: quibus vero concessa quidem civitas, suffragii vero ferendi denegata potestas est, neque cives Romani, neque municipales, sed tantum cives, & focii, vocabantur. Jura porro civium Romanorum, qui ex municipiis non essent, hæc erant. Censebantur, suffragium ferebant, honores, magistratusque, capiebant, æs pro suo capite, tributum nomine pendebant, habebant locum in legionibus, utebantur legibus Romanis, sacra more Romano faciebant, Quirites, populisque Romanus, vocabantur. quæ illis non omnia cum municipibus erant communia. nam, cum essent ipsi quoque cives Romani, jura tamen illa, quæ nominavi, non omnia plane, sed quattuor, habebant, quattuor vero non habebant. censeri, suffragium ferre, munus omnium partem capere, unde Municipices dicti, tributum pendere, hæc habebant: locum vero habere in legionibus, uti legibus Romanis, sacra more Romana facere, Quiritum, populive Romani, nomine appellari, non habebant. A Colonis vero & magis, quam a municipibus, nec eodem modo, cives Romani differebant. nam coloni similes erant civibus Romanis tribus rebus, quia legibus Romanis vivebant; sacra Romano ritu peragebant, locum in legionibus habebant; dissimiles quinque, quia neque censebantur, neque suffragium ferebant, neque munus participes erant, neque tributum pendebant, neque Quirites, aut populus Romanus, dicebantur: ideoque nec cives Romani vocabantur, quamquam e civitate ipsa in colonias essent profecti. non enim, qui non censetur, suffragii jus habet, nec civis Romanus est. ideoque municipales, quia censentur, suffragium ferunt, civesque Romani appellantur. Est etiam, in quo cives Romani differant ab iis, qui præfecturas incolebant, considerandum. hi tantum una re civium Romanorum imaginem præ se ferebant, quia legibus Romanis utebantur; quandoquidem a Romanis magistratibus, ut Festus admonet, regebantur: ex quo sequitur, ut legibus Romanis viverent; cetera vero civium Romanorum jura non habebant, commodius igitur cum municipiis, quam cum coloniis, aut præfecturis, agebatur. siquidem coloniae, & præfecturae, cum plus oneris, tum vero minus habebant emolumenti, obstricti enim legibus Romanis tenebantur, neque tamen frui muneribus publicis poterant. Municipices vero, quodam modo frui libertate videbantur, cum a suis civibus regerentur, suisque moribus, ac legibus, viverent: & ubi vellent, Romam ire ad suffragium in tribubus ferendum, ipse capere magistratus æque poterant, ac si Romæ, aut in agro Romano, domicilium haberent. quod quanti esset, facile est iis animadvertere, qui, quantum Roma municipiis*

præstitit, quantoque fuerit optabilis florere honoribus in orbis terrarum urbe princeps, ac domina, quam in quovis oppido, quavis condicione, vitam agere, cum animo suo consideraverit. Recte igitur Prænестini, cum Tiberius imperator in eorum finibus, sub ipso oppido, capitali ex morbo convalesceret, ab eo petierunt, ut ex colonia in municipii statum redigerentur: idque illis Tiberius, ut quali gratiam pro recuperata valetudine referret, muneris loco tribuit. stulte autem Italicenses, unde ortum duxit Hadrianus imperator: qui, cum essent municipes, in jus coloniarum mutari maximopere cupierint, cujus opinionis errorem ab Hadriano ipso oratione admodum erudita patefactum in senatu, B Gellius tradit. Nunc, quæ commemoravimus civium Romanorum jura, faciendum videtur, ut lingua repetamus, & quo institutum ordine, quam libere diligenter, breviter tamen explicemus. Ac primum, quod ad censum attinet, hæc sunt querenda: quo ætatis anno conferentur: mares ne tantum, an mares pariter, & femina: ingenui ne tantum, an etiam libertini: ii ne tantum, quibus in urbe, hoc est intra pomerium, domicilium esset, an etiam qui extra urbem intra fines agri Romani, atque adeo qui in municipiis, quique etiam in coloniis, habitarent: an abentes conferentur: quoto anno census fieret, a quo magistratu, quo in loco: in centuriis, an in tribubus, & quo ordine, conferentur: quæ esset in cives Romanos animadversio censoria, eaque in perpetuum duraret, an vero tolli foret: quæ item censoribus essent animadvertendi causæ: an aliqua esset in censu poena: omnes ne censi eodem jure munerum omnium participes essent, an census differentia dissimilem in dignitate condicionem faceret: quoties census actus sit: qui censorum minimus numerus, & qui maximus, fuerit. quæ omnia antiquitatis ita docet observatio, ut significet potius, quam declaret. pauca sunt enim, quæ veteres illi, non eandem fortasse in Romanis institutis, ac moribus, quam in ceteris rebus humanis, mutationem veriti, plane, enucleateque, literis expressa reliquerint. Ita, nisi eandem librum sæpe legas; nisi loca locis conseras; nisi mentis aciem intendas; operamque des, ut ex unico nonnumquam verbo multa scitu digna elicias, ingeniumque, & conjecturam secutus, ad summam rei difficilis, & obscura, notitiam, quasi per quosdam scalarum gradus, adicendas; inanem laborem in hoc genere, studiumque suscipias minime fructuosum. Censebantur cives Romani, non ubi ad ætatem ferendis armis idoneam, hoc est ad annos XVII. pervenerant; quod video quosdam existimasse; sed a quo primum die nati erant. nam, si robustiores tantum censi essent, Ser. Tullio regnante, qui censum instituit, Romæ fuissent hominum CC. millia. Si quidem Livius XX. millia, Dionysius etiam plures in primo censu commemorat: ut necesse sit, eos, qui nondum per ætatem gestare arma possent, (omitto senes, affecta jam ætate, ob infirmitatem virum domi sedentes, aut in lectulis cubantes) haud fere pauciores XX. milibus fuisse. tantoque marium numero parem fuisse numerum feminarum, aque necessarium videtur, quod certe, ad æstimationem quidem judicii mei, vix est, ut credi possit. demus, id quod verum est, urbem Romam quinque regum virtute, ac sapientia, rebus omnibus vehementer esse auctam. annorum vero CLXXIII. spatio (in ipso enim regni principio Servius, sextus rex, censum instituit) incrementa fuisse tanta, ut capitum CC. millia, quam hodie multitudinem in una, aut altera, Europæ urbe vix, aut fortasse ne vix quidem, invenias, numerata sint, ita simile veri non est, ut monstrum simile videatur. Ipse etiam Livius lib. IV. cum ait, Q. Fabio, T. Quintio cons. censa civium

Alcapita CIV. & XX. millia, CCXIV. præter orbos, & basque, nullam ætatem, orbis exceptis, nullumque sexum censu exclusum, satis indicat. Idemque libro LIX. significat, cum inquit: Censa sunt capita CCCLXXIX. millia, DXXIII. præter orbos, & viduas. Dubia fortasse colligere videmur argumenta. sit ita. unum certissimum, cui fidem non habere nemo debeat, ex accurata Dionysii Halicarnassii sumptum historia, proferemus. is igitur lib. III. sic. Ταῖς καταστροφάμας ἐκίλευσεν ἅπαντες Ρωμαῖνς ἀπογράφειν τὸ ἐ τιμᾶσαι τὰς ἡσίας, ἀπὸς ἀρχαίων, ὁμοσάντας τὸ νόμιμον ὄρκον, ἢ μὴ τ' ἀληθῆ ἢ κατὰ πάντας τὸ βέλτερον τετιμῶναι, πατρὸς τε ὧν εἴσι γράφοντες, καὶ ἡλικίαν, καὶ ἔχουσι, διδύκτας, γυναικας; τε καὶ παῖδας οἰομαζόντας, καὶ ἐν τίνι κατοικῶσιν ἕκαστοι τὸ πόλεως τόπων, ἢ πάγῳ τὴ χώρας, ἀπογεγράφτας. καὶ δὲ μὴ τιμωσάμενοι τιμωρίαν ὥσπερ τὴ ἡσίας ἐτίμωσαι, καὶ αὐτὸν μαρτυροῦντες ἀπογράψαι. His ita institutis iussit omnes cives dare nomina, suaque bona censere, addito iurejurando legitimo, se vere illa & bona fide æstimasse, adscriptis etiam ætatis annis, & parentum nominibus, atque adeo conjugum etiam ac liberorum; ad hæc quam quisque urbis regionem, quemque agri Romani pagum incoleret; ei qui censum neglexisset, poena propoita, ut bonis in fiscum redactis, virginis cæsi sub hasta veniret. Quibus verbis, non modo quajque rem esse æstimatam, quod unum Livius, scriptor interdum parum diligens, tradidit, verum etiam ætates omnium, uxores, liberos, locum, ubi habitarent vel in urbe, vel in agro, publicis in tabulis notatum, planissime offenditur. Quod autem ad libertinos attinet; eos item una cum ingenuis esse censos, idem infra significat, his verbis: Ο δὲ Τύλλιος καὶ τοῖς ἐλευθέροις ὅσιν ἐπαρπόντων, ἐὰν μὴ θύλωσιν εἰς τὰς αὐτοῖς πόλιν ἀπέναι, μετέχουσιν τὴ ἰσοπολιτείας ἐκείλων. ἐπιτρέψας γὰρ αὐτὰ τοῖς ἄλλοις ἅπασιν ἐλευθέροις, καὶ τοῖς τιμωσάμεσι τὰς ἡσίας, εἰς φυλάς κατατάξας αὐτοὺς; τὰς ἡ πόλιν πέττας; υπαρχέσας, ἐν αἷς καὶ μέγιστον καὶ ἡμᾶς χρόνον πατρίοις διετέλουν. τὰ τὸ ἐλευθέρων οὐλοῖ, ὅσον ἂν ἦ, καὶ πάντων ἀπείδων τῶν κοινῶν αὐτὰς μετέχουσιν, ὧν καὶ τοῖς ἄλλοις δημοτικοῖς. Tullius etiam servis manumissi, nisi mallet redire in patriam, communicavit jus civium. iussit enim cum ingenuis bona in censum referre, in quattuor urbanis tribus distribuit, in quas & nostro tempore mos est referri quicquid est libertini generis: eosque omnium munium, quorum & ceteros plebeios, fecit participes. Utrum vero conferentur, qui extra pomerium, an soli qui intra pomerium habitabant, dubitare non licet: cum supra idem & de agro Romano mentionem fecerit, in eo, idem τίνι κατοικῶσιν ἕκαστοι τὸ πόλεως τόπων, ἢ πάγῳ τὴ χώρας. Et, ut de rusticis Romanis censis ex Dionysio, sic de municipibus, postea quam communicari cæpta civitas est, plane constat ex eo Pediani loco: Convenerat ex municipiis cuiuscunque modi multitudo, aut, propter comitia, suffragiorum causa, aut ludorum, aut ut conferetur. Nec tamen obscure idem significant illa verba pro Cluentio: Illud tabulas publicas Larini censorias corrupisse, decuriones universi judicaverunt. certe enim de tabulis is intelligit, in quas censores, cum civium Romanorum censum agerent, municipum nomina retulerant. Coloni non censebantur. nam, si censi essent, cives Romani fuissent. cives autem non fuisse, liquet ex eo, quod neminem umquam ex ulla colonia (& erant multæ prope urbem) suffragii ferendi causa ad urbem venisse, legimus: cum de municipibus & fieri mentionem aperte, & significari sæpe, videamus. Sed argumentum illud clarissimum, quod, multos ex coloniis cives Romanos esse factos, Cicero commemorat in oratione pro Cluentio. semel omnino colonias esse censas, bello scilicet Punico secundo, animadverti. sed id, non quia coloni civium numero haberentur, factum existimo, sed, ut, qui-

bus auxiliis uti populus Romanus in bello posset, e censu posset intelligi. id quidem antea nunquam factum, scribit Livius: postea, non exitimo: nec enim a veteribus, quod quidem ego legendo notaverim, traditum est. Livii verba, quae nostram sententiam confirmant, l. xxix. hæc sunt: *Duodecim coloniarum, quod nunquam antea factum erat, deferentibus censoribus, censum acceperunt: ut, quantum numero militum, quantum pecunia, valerent, in publicis tabulis monumenta exstarent.* Absentes, sive reip. sive sui causa absentes, tamen censebantur. sed melior erat præsentium, quam absentium, condicio. poterant enim ipsi rerum suarum rationem multo certius ad censores deferre: ut, pro suo deinde quisque censu, tributi nomine, æra penderet. utriusque generis exempla, unum ex Cicerone, alterum ex Livio, sumptum, afferemus. *Ne absens, ad Anticum scribit Cicero libro i. censere, curabo edicendum, & proponendum locis omnibus.* Aberat enim Atticus sui negotii causa. Livius autem l. xxix. *Censores, inquit, per provincias dimiserunt, ut civium Romanorum in exercitiis, quantus ubique esset, referretur numerus. censa cum iis cclxxv. hominum.* Censebantur quincto quoque anno, lustro scilicet confecto, quod integrum quattuor annorum spatium fuit. tamen, ultra quadriennii intervallum vel bello, vel domesticis discordiis, vel alio casu, sæpe productum esse censum, observavimus. Magistratus huic muneri præfuit, primum, qui summus in urbe fuit, reges duo postremi, Servius, & Superbus; æstique regibus, consules; deinde, cum consules bellis impedirentur, censores; qui ab re nomen acceperunt. Censui in foro fiebat: lustrum in campo Martio condebatur, cælis sue, ove, tauro: quod sacrificium & Solitaria, & Suovetaurilia, vocabant. De lustro Livius, Dionysius, omnes historiæ narrant. de censu, inde consilio, quod equites trabatos per medium forum idibus Quinctilibus ante censores sua manu equum tranduxisse, Livius, Valerius, Suetonius, Plutarchus, affirmant. qui in re significanda, verbum, *Transvehere*, veteres historiæ libenter usurparunt; Cicero, *Transducere*, dixit. quod si equites in foro censebantur: de ceteris, nihil obstat, quin idem putemus. A principio, e Servii regis instituto, in sua quisque classe, hoc est, ex suo quisque censu, quæ rei familiaris erat æstimatio, censebatur; qui c, eove amplius, possideret, in prima classe: qui infra c usque ad lxxv, in secunda; inde ad l, in tertia; vel alio casu, in quarta; ab eo ad xl, in quinta; infra vero, in sexta. ex quo sequitur, ut decuriones, equites, senatores omnes in prima classe censerentur: quandoquidem neque decurio poterat esse, qui c, non haberet; neque eques, qui cō; neque senator, qui cō. Cum vero in classibus cives esse censos dico, in centuriis intelligo. nam classes in centurias dividebantur. Post expletas vero xxxv. tribus non in centuriis, sed in sua quæque tribu, censum esse crediderim. senatores enim, clarissimos viros, summis honoribus functos, ipsos, inquam, censores, M. Livium Salinatorem, C. Claudium Neronem, in suis utrumque tribubus, nulla facta classium mentione, censum esse, Livius lib. xxix. perspicue demonstrat, his verbis. *Equitum deinde census agi coepit est. & ambo forte censores equum publicum habebant. cum ad tribum Polliam ventum est, in qua M. Livii nomen erat; & præco cunctaretur citare ipsum censorem: Cita, inquit Nero, M. Livium; & sive ex residua, & veteri similitate, sive intempestiva jactatione severitatis, inflatus, M. Livium, quia populi judicio esset condemnatus, equum vendere jussit. item M. Livius, cum ad tribum Arniensem, & nomen collegæ, ventum est, vendere equum C. Claudium jussit. Festus tamen videtur significare, post expletas etiam xxxv. tribus censos esse cives Romanos]*

A In centuriis. ait enim sic: *Niquis civit centuria est, quæ dicitur a Ser. Tullio rege constituta, in qua liceret ei suffragium ferre, qui non tulisset in sua; ne quis civis suffragii jure privaretur. nam, seiscito, significat, sententiam dicto, ac suffragium ferro: unde scita plebis. sed in ea centuria neque censetur quisquam, neque centuriæ præficitur, neque centuriæ potest esse: quia nemo certus est ejus centuriæ. est autem, Niquis civit, nisi quis scivit.* Pedianus etiam, cujusque civis nomen in albo suæ centuriæ scriptum fuisse, tradit; indeque exemptos, qui a censore ararii fierent. itaque hanc veterum quasi controversiam ita dirimemus, ut nominatas quidem, & recognitas, in censu singulas tribus, nomina tamen civium in sua cujusque centuria scripta, esse dicamus. Et, quoniam tria genera civium fuisse, senatores, equites, plebem, & plebi equites, equitibus senatores, dignitate præstitisse, jam dixi: ratio postulat, id quod etiam veterum exempla testantur, ut in censu primus ordinis senatorii locus, equitum secundus, plebis vero fuerit postremus. primum igitur recitabantur omnium senatorum nomina, erat autem inter ipsos senatores, primum recitari, perhonorificum: isque *princeps senatus* vocabatur. id in arbitrio censorum positum erat: a quibus tamen neminem, nisi de consularibus, principem senatus esse lectum, animadvertimus. eodem modo *princeps eques* primus ordinis dicebatur is, quem censores primo loco scripsissent in iis tabulis, quæ equitum nomina continebant. Post senatores censebantur equites hoc modo. Primum singularum tribuum, quæ erant omnes xxxv, nomina tantum legebantur. deinde equites omnes cujusque tribus, in unum collecti, recitabantur. ita & fiebat equitum census seorsum a plebeis, sicuti senatorum factus erat seorsum ab equitibus, pro cujusque scilicet ordinis honestate: nec tamen quisquam extra tribum censebatur. quod Livii locus de Nerone & Livio demonstrat. tribus enim Polliæ lectum esse nomen, deinde citatum M. Livium declarat; & post, recitato Arniensis tribus nomine, Claudium Neronem. quemadmodum enim omnes simul senatores censebantur, quod satis antiquorum scripta legentibus liquet: sic, omnes simul equites esse censos, ita verisimile est, ut dubitare, nisi qui, quod ajunt, nodum in scirpo querat, nemo possit. alioqui, ad recognoscendas equitum centurias, quam longi temporis fuisset opus, si dispersis per omnes tribus equitum nominibus, diversis in locis, permisti cum plebeis, legerentur. quæ porro in equitibus censendis ratio, eadem certe multo magis in ordinis senatorii censu servabatur. Peracto senatorum, & equitum, censu, tertius ordo, homines de plebe, in sua quisque tribu censebatur. Hanc mutationem censum, a classibus ad tribus, fortasse Livius l. i. significat, cum ait: *Nec mirari oportet hunc ordinem, qui nunc est, post expletas quinque & triginta tribus, duplicato earum numero, centuriis juniorum, seniorumque, ad institutam ab Servio Tullio summam non convenire. quadrifariam enim urbe divisa regionibus, collibusque, quæ habitabantur partes, tribus eas appellavit, ut ego arbitror, ab tributo. nam ejus quoque equaliter ex censu conferendi ab eodem initia ratio est. neque hæc tribus ad centuriarum distributionem, numerumque, quidquam pertinere.* Notatio, & animadvertio, censoria in improbos, aut parum civitate Romana dignos, cives non ejusdem ære generis: eaque cum utebatur censor, *facere censorem*, antiquo loquendi more dicebatur. senator senatu movebatur: eques equum publicum perdebat. plebeius in Cæritum tabulas referebatur, & ararii fiebat, hoc est, ferendi suffragii, & capiendi muneris publici, potestate omni privabatur, ut tantum ad æra pro suo capite, tributi nomine, pendenda civis esset. *Cærites enim*, inquit Gellius, pro

sacris bello Gallico receptis, custoditisque, *municipes sine suffragii jure facti*: concessumque illis, ut civitatis Romanæ honorem quidem caperent, negotiis tamen, atque oneribus, vacarent. hinc tabule Censitæ appellatæ, in quas censores referri jubebant, quos *noctæ causa suffragiū privabant*. adimebant igitur censores, quod cuique ordini summum erat; senatori, ne in senatu esset; equiti, ne equitis insignē, publicum equum, & anulum aureum, haberet; plebeio, ne suffragium ferret. quod enim præterea posset adimi, nihil erat. suffragii porro amissionem sequebatur amissio simul omnium munerum publicorum sicuti, suffragii jure concesso, scimus honorum simul, ac munerum, omnium partem esse datam. Erat ne civi Romano senatori, dicer aliquis, præter ordinis amissionem, alia poena? erat. nam interdictum non modo aditu curiæ prohibebatur, verum etiam tribu movebatur, in ærarioque referebatur. *moveri autem tribu*, est, in tribum ignobiliorem transferri, ut ex rustica in urbanam, vel in aliam rusticam minus honoratam. Æmilium quidem Mamercinum, quod censuræ tempus minuisse, a censoribus, & senatu ejectum, & tribu motum, ærariumque etiam, censu octuplicato, esse factum, Livius lib. xxix. scriptum reliquit. Eodemque modo cives Romanos ordinis equestris non modo equo publico privatos, verum etiam in ærarios relatos esse, ex Valerio Max. alii quæ didicimus. Dabant censores agendi potestatem, siquis aliquem ex iis, qui censebantur, accusare vellet. equitesque, dum transeherentur, ab accusatore detrahi solitos, apud Suetonium in Augusto notavimus. quod Augustus ipse fuit. ideo Censuram morum magistratram veteres appellaverunt. Eam tamen notam, atque ignominiam, ii, qui succedebant, censores plerumque solvebant. atque etiam, quod censor unus ita tueretur, id alter sæpe mutabat. præterea notatos a censoribus pristinum in locum restituere vel iudices, re cognita, & iudicata, suis sententiis, vel populus ipse suffragiis, & poterat, & solebat. quod si quis, e senatu ejectus, neque a censoribus sequentibus, neque a iudicibus, neque a populo, in integrum restitutus esset; unam habebat in senatum redeundi viam, si honores illos denuo populi suffragiis consequeretur, quos qui gesserant, iis, etiam si lecti in senatum a censoribus non essent, patere tamen curiam leges jubebant. atque hanc ordinis senatorii recuperandi rationem Lentulus ille, cui propter conjurationem cervicem in carcere fractæ sunt, secutus est. nam, cum a Gellio & Lentulo censoribus ejectus esset e senatu, præturam, quam antea gesserat, iterum petiit, camque adeptus, iure magistratus in senatum rediit. nec igitur perpetua, quæ censu inferebatur, poena erat; nec ejusmodi, ut honorum cursum impediret. quosdam enim, cum a censoribus in legendo senatu præteriti essent, postea comitiis populi Romani censores esse factos, historici commemorant. Causæ, quibus cives Romani a censoribus notarentur, multæ traduntur; ut, si quis conceptis verbis pejerasset; si, cum esset in provincia, socios diripuisset; si pecuniam accepisse ob rem iudicandam putaretur; si iudicium recusasset; si, propter æris magnitudinem, prædia mancipasset; si paullo esset insolentior in sumptu. quæ de re verba sunt hæc apud Gellium l. xv. *Cornelium Rufinum, bis consulatu, & dictatura, functum, censor Fabricius senatu movit ob luxuriam notam, quod decem pondo argenti facti haberet*. quo in loco, pro *facti haberet*, mendose legitur. *Factitaret*. nam idem Gellius l. xvii. C. Fabricius Luscinius, & Q. Æmilius Papus censores P. Cornelium Rufinum, qui bis consul, & dictator fuerat, senatu moverunt; causamque notæ subscribere, quod eum comperissent argenti facti cenæ gratia decem pondo habere. & quod Gellius *Argentum factum*, id Plutarchus

eadem de re loquens, *Argentum concavum* dixit. Εὐρόδω Πυρίνος inquit, ἀργύριον κοῖλον κατεκρυβένον ὑπὲρ δέκα λίτρας, τὸ νόμισμα τοῦ δίδόντος. ἐπὶ τούτῳ δὲ τῆς βουλῆς ἐξέπεσαν. Inveniebatur Rufinus argenti cavi possidere supra decem libras contra leges. propterea senator fuit motus. Argentum autem, sive factum dicas, sive concavum, nihil aliud est, quam, vasa argentea. quod plane Valerius l. xi. narrat his verbis: *Narravit omnis ætas, & deinceps narrabit, Cornelium Rufinum, duobus consulatibus, & dictatura, functum, quod decem pondo vasa argentea comparasset, perinde ac malo exemplo luxuriosum, in ordine senatorio retentum non esse*. Lucium etiam Antonium M. Valerius Maximus, & C. Junius Brutus Coss. quia, quam virginem in matrimonium duxerat, repudiasset, nullo amicorum in consilium adhibito, senatorum e numero sustulerunt. Equitibus, equos habentibus strigiores, equos publicos esse ademptos, proditum est. nota etiam dignum esse iudicatum, qui ante censores hiare esset ausus, quod sanctissimi magistratus rationem non habere visus esset, eumque vix ignominiam illam effugisse, cum in eo fe valedudinis causa peccasse fateretur. Omnium denique rerum nomine non bene audientes, pro furti, peculatus, captarum pecuniarum, pro facio, quorum criminum turpia iudicia vocabantur, a censoribus notabantur: ut tamen iidem illarum ipsarum rerum postea iudiciis absoluti, jus suum, censorum animadversione ademptum, sæpe recuperaverint. neque umquam iis, in quos animadvertissent censores, propterea vel magistratum capere, vel iudices legi, vel alterum accusare non licuit. Incensis poena fuit gravissima bonorum, & libertatis amissio: eamque significat quidem Livius, cum ait l. i. *Servius censum maturavit metu legis de incensis latae*: narrat autem aperte Dionysius. Τῷ δὲ inquit, κατὰ νόμον ἀνὰ τιμὰς ὁρίσας, τῆς τοῦ νόμου ἐξέδοται, καὶ αὐτὸν κατὰ νόμον παραβῆναι. Ei qui censum neglexisset poena proposita, ut bonis in fiscum redactis, virgines cæcis sub hasta venirent. Censuram non eadem ratio fuit. non enim quicumque censi sunt, publicorum munerum æque participes erant. libertini enim censebantur, neque tamen senatores, ac ne equites quidem esse poterant. & Servius rex, cum illos in censum recipi voluit, communionem iis omnium rerum publicarum non dedit, sed earum tantum, quibus homines de plebe fruerentur. idque Dionysius in eo declarat: Πάσαι ἀπέδωκε τῷ κοινῷ αὐτὸς μετέχον, ὡς καὶ τοῖς ἄλλοις δημοσίοις. Libertinum autem, aut libertini filium, nec equitem Romanum, nec senatorem, aut magistratum curulem, stante republica, quemquam inveni, uno excepto Cn. Flavio: quem, patre libertino natum, humili fortuna, populus tamen ædilem curulem creavit, beneficio captus, quia jus civile, repositum in penetralibus pontificum, Flavius divulgaverat, falsis circa forum in albo propositis, ut, quando lege agi posset, sciretur. legit omnino Ap. Claudius quem multos libertinorum filios in senatum: & post aliquot tempus, non lecti cum essent, bis omnino in curiam irreperunt: sed neque Appii lectionem illam ratam quisquam habuit: neque postea locum in senatu libertinis esse principes civitatis passi sunt. erat enim sive lex, sive mos, veritate confirmatus, ne cui, qui liberos patrem & avum citare non posset, aditus in senatum pateret. Quæ igitur libertinis tributa jura sunt, si neque equestris ordinis, neque senatoriæ dignitatis fieri participes licebat? hæc primum, ut accensili essent, ut scribæ; deinde, ut uno verbo dicam, omnia, quæ homines de plebe haberent. itaque, quo tempore lege Plotia, vel Aurelia, tres ordines iudicia administrant, senatus, equester ordo, plebs, ipsi etiam libertini, ut ceteri de plebe iudices fuerunt. atque, hoc cum ego suspicarer, Dionysii verbis, quæ supra recitavi, in hanc opinio-

nem adductus; postea, plane ita esse ut crederent, fecit locus ille in oratione pro Cluentio. *Si quem*, inquit, *Cn. Lentuli, aut L. Gellii, libertus furti condemnavit, iis, omnibus ornamentis amissis, numquam ullam honestatis suae partem recuperabit: quos autem ipse L. Gellius, & Cn. Lentulus, duo censori, clarissimi viri, sapientissimique homines, furti, & captarum pecuniarum, nomine notaverunt, si non modo in senatum redierunt, sed etiam illarum ipsarum rerum iudiciis absoluti sunt. Quod si, ut ait Dionysius, quae plebisciorum hominum, eadem libertinorum, condicio fuit: certe non modo iudices legi, verum etiam triumviratum nocturnum, aedilitatem pl. tribunatum, cupere poterunt. hi enim ordinis plebei, non patricii, honores fuerunt. itaque facile crediderim, quod a Macro Licinio traditum descript Livius, Flavium illum, libertini filium, de quo proxime dixi, functum esse, ante quam aedilitatem curulem, qui patricius erat magistratus, obtineret. de quo video Livium dubitasse: qui non idem a L. Pisone, quod a Macro, scriptum videret. ejus verba de Flavio sunt l. ix. *Invenio in quibusdam annalibus, cum appareret edilibus, fierique se pro tribu aedilem videret, neque ejus accipere nomen, quod scriptum faceret, tabulam posuisse, & jurasse se scriptum non facturum. quem aliquanto antea desisse scriptum facere, arguit Macer Licinius, tribunatu ante gesto, triumphatibusque, nocturno altero, altero colonie deducende. Annales autem illos, quos Licinius non nominat, L. Pisonis fuisse, ostendit Gellius l. vi. cap. 9. Dixi, libertini ab ingenuis in quo differrent. Nunc, quid inter ipsos ingenuos interesset, ostendam. Patebat omnibus aequo jure aditus ad honores, sed ita, si a re familiari parati satis viderentur. nam neque decurio, qui gradus in militia fuit, esse quisquam poterat, nisi c. millia possideret, neque eques, nisi cō. neque senator, nisi cccō. ita & virtute opus erat qua praediti magistratus publicum negotium gerere praestare possent, & fortunis, quae dignitatem augent, ipsamque quodammodo virtutem exornent. Erat etiam illa inter ingenuos differentia, quod, qui supra ∞ d. aris in cennum non detulisset, is in militiam legi non poterat. id adeo causse fuit, quod res familiaris obidius vice, pignorisque apud rempublicam videbatur. eorum hominum duo genera fuerunt, ii, qui ∞ d. aris conferentur; & ii, qui cccclxxv. primum genus proletarii dicti sunt, a munere, ut Gellii verba reticem, officioque proles edende; quod, cum re familiari parva minus possent remp. juvare, soboli tamen gignenda copia civitatem frequentarent. alterum genus capite censi vocati; quod aere aut nullo, aut perquam parvo, pene solo capite, conferentur; ordo proletarii & re, & nomine, inferior. ideoque minus saepe milites hoc de genere scribebantur. nec ante C. Marium capite censorum opera quemquam ex Romanis ducibus in bello esse usum, Sallustii testatur historia. Censum actum esse Romae usque ad Augusti singulare imperium invenio: id partim Capitolini lapides, partim historiarum monumenta, declarant. Censorum numerus minimus fuit in primo Servii regis censu xxc; aut, si Dionysium sequamur, paullo plures: maximus, Pompejo & Crasso cōf. cōl., cum Cn. Gellius, & L. Lentulus censuram conferrent. nam, qui post bellum civile deinde census fuit, quem Caesar dictator egit, is cōl. non excedit: ut quivem Romanorum ccc. civili bello consumpta videantur. Hic video posse quæri: Gellio, & Lentulo censoribus non ultra cōl. capitem censum fuit. hoc mirum est. nam, cum ipsi quoque municipes, ut jam ex Pediano probatum est, cum civibus Romanis conferentur, civitate post sociale bellum lege Julia, & S. C. Italici, hoc est, sociis, & Latinis, data: (Italiam enim veteres cum dicebant, non universam Italiam, sed socios, &**

Latinos, hoc est municipales, intelligebant: ideo in epistola ad Acilium, civitatem socii, & Latinis, datam Cicero ait, quod Livius, Italici populi, dixit: & ex Italia tota, dixit idem in oratione pro Sextio, quos in oratione post reditum in senatu municipales vocat: quorum alii in Latio, alii extra Latium, erant: quam ob causam non Latium solum, sed socii, & Latini, a Cicerone, aliisque, nominantur) qui fieri potest, ut censorum omnium numerus cōl. major non fuerit? at Gallico bello, quod ante Punicum secundum sexennio gestum est, cōl. armatorum nominis Latini inter socios populi R. adversus Gallos pugnaverunt, idque sine transpadanis, qui postea inter socios recepti. Jure dubitabitur. Sed ita dubitantibus licet occurrere. Duo census fuerunt, unus civium R. quibus vel in urbe, vel in agro Romano, domicilium esset: alter municipium: qui, ut opinor, & certe, nunquam comprehenduntur in eo numero, cum censorum capita numerantur. nam multo amplior fuisset sine dubio municipium numerus, quam civium Romanorum. id eo patet illustrius, quod postremo censu ante datam sociis, & Latinis civitatem censa sunt civium capita cccxciv cccxxxvi, post civitatem autem communicatam cōl. quod manifeste cum ratione pugnat. quid? an, receptis in censum sociis, & Latinis, censorum numerus ex cccxciv ad cōl. dumtaxat crevisset? tribus, ut minimum dicam, partibus major factus esset. Confirmor igitur in sententia de duobus censibus. Reliqua persequamur. Erat autem secundum de suffragio, quo quidem cives Romanos colonis praestitisse dixi, municipibus non item: qui & ipsi suffragii jus habebant. In curiis, in centuriis, in tribubus distincti suffragium cives Romani tulerunt, sed in folis curiis usque ad Servium regem. Servius, censu instituto, classes, & centurias, fecit: centuriatque comitiis, inde nominatis, agi maximis de rebus voluit. ex eo tempore centuriata comitia plus, quam curiata, dignitatis, ac potestatis, habuerunt. postremo, tribus pl. incumbentibus, inducta sunt tributa comitia. ita & in tribubus ferri suffragium ceptum est. suffragium autem plebei omnibus in comitiis ferebant: patricii vero non ferebant in tribubus, quae quidem a magistratu plebeo, qui nec patricios advocare, nec ad eos referre, poterat, haberentur. ideo, cum lex aliqua rogata est a tribuno pl. patricii suffragium non tulerunt; & consilium illud potius, quia populi tantum pars adesset, quam comitia; itemque plebiscitum potius, quam, lex appellatum est. postea tamen usi facta sunt communia: ut & plebiscitum lex, & consilium comitia dicerentur. sed in curiis non usque ad postrema reip. tempora suffragium tulit populus Romanus. tantum enim ad speciem, atque usurpationem, vetustatis, xxx. lictores, qui xxx. curias representarent, ad suffragium de lege ferendum convenisse, Cicero demonstrat oratione II. in Rullum. eaque Comitia vocat adumbrata; & auspiciorum dumtaxat causa remansisse dicit: cum apud majores in creandis patriciis magistratibus post centuriata locum habuissent. Verum hac tota de ratione pluribus verbis actum est a nobis in libro de Comitiis: & hanc ipsam partem de curiis neque ordine, neque scienter, satis esse tractatam ab iis, qui genus hoc antiquitatis, libro edito, attigerunt, ipsa teste antiquitate, probavimus. Suffragium tulerunt cives Romani in comitiis: quae tribus de causis habebantur, vel ut magistratus designarentur, vel ut lex ferretur, vel ut de reo iudicium fieret. si centuriatis comitiis ferri suffragium oporteret; nunquam nisi in campum Martium extra urbem populus conveniebat: si tri-

butis, modo in campum, modo in forum, modo in Capitolium, alio nonnumquam. Suffragium porro primum voce, deinde per tabellas, a populo latum est. ideo *leges tabellariæ* dictæ, Gabinia, Cassia, Papiria. Cœlia: quarum Gabinia tabellam populo dedit in mandandis magistratibus; Cassia in iudiciis, perduellione excepta; Papiria in iubendis, ac verandis, legibus; Cœlia in perduellionis etiam iudicio: quod unum Cassia exceperat. Et erant inscriptæ tabellæ, si magistratus crearetur, aut lex ferretur, duabus litteris, V. R. aut una, A. si de magistratu, aut lege, assentiretur, tabellam ferebant hanc, V. R. hoc est Uti rogas, quod rogas, id volo. adverse voluntatis signum erat tabella ut inscripta, A. valebat enim, Antiquo: hoc est novari nolo, quod rogas, non approbo. Honores, & magistratus, qui civibus Romanis darentur, duorum generum erant; vel militares, vel urbani. sed in militia honor, non magistratus, dicebatur: non enim tribunus militum, aut legatus, magistratus sunt, ac ne is quidem, qui cum imperio præsit

exercitui, qui appellatur imperator: in urbe vero & honores sunt, & magistratus. nam, judicare, honor est, non magistratus. nec omnino magistratus ullus est, quem populus comitiis non creaverit. neque vero, quoscunque populus creavit, magistratus sunt. creat enim tribunos militum eos, qui Comitiati nominantur: (alterum erat genus, Rufuli, quos imperatores legebant) qui tamen magistratus, ut diximus, non est. Castrenses civium Romanorum honores erant, vexillarius, aquilifer, præfectus tabularum, decurio, centurio, tribunus militum, legatus, imperator. In urbe honor erat, iudicem esse, triumvirum nocturnum, triumvirum auro, argento, ære flando feriundo: præterea, esse decurionem, augurem, flaminem, regem sacrorum, pontificem minorem, pontificem maximum. magistratus autem erat quaestura, ædilitas plebeia, ædilitas curulis, prætura, consulatus, censura, dictatura, interregnum. primi duo, plebei: sex reliqui, patricii, nec ordinarius dictatura, nec interregnum: nec populi comitiis dictator, sicuti nec interrex, creabatur.



CAROLI SIGONII
DE
ANTIQUO JURE CIVIUM
ROMANORUM.

Illustrissimo atque Excellentissimo

D. JACOBO BONCOMPAGNO,

Generali S. Romanæ Ecclesiæ Gubernatori.

CAROLUS SIGONIUS S.



PTIMI, ac prudentis officium esse parentis arbitor, JACOBE Princeps illustrissime, non usque adeo parvis liberis alendis, educandisque studere, ut eorum, qui jam grandiores sint, curam, si sit necesse, vestiendorum, ornandorumque abjiciat. Etenim, quanquam in teneris major aliquanto indulgentia, præsidique necessitas propter imbecillitatem elucet, ad gloriam tamen paternam magis pertinere videtur, ut qui robustiores sunt, ac laudem jam aliquam domesticam excitant, intentiore cura rebus ad tuendam dignitatem necessariis instruantur. Quod ipsum mihi hoc tempore, casu nescio quo, video contigisse. Nam cum primos ætatis meæ annos in rebus Populi Romani querendis, prodendisque memoriæ posuissem, proximos ita ad posteriora illustranda Italiæ tempora contuli, ut pro vehementi illius commentationis ardore Romanorum prope oblitus monumentorum viderer, a quibus nomen meum primum videbatur ad aliquam commendationem apud homines profluxisse. Qua re animadversa, continuo, Italico illo munere absoluto, animum ad illos libros adjeci, quos de jure populi Romani diversis temporibus scriptos edideram. Et, quod doctis non improbatos fuisse hominibus eos senseram, incredibili statim ardere cupiditate experiundi cœpi, num etiam gratiores, ac probatiores efficere illos nova navanda opera possem. Cujus rei spem non minimam afferebant præclaræ multa, quæ interim ex latissimo, atque uberrimo Romanæ disciplinæ quasi campo collegeram, ac privatæ memoriæ gratia seposueram. Quamobrem vetere industria, studique curriculo repetito cum multa necessaria ad doctrinam illam adjunxi, tum vero omnia, quæ hucusque dispersa fuerant, in unum corpus, quo commodius conspici possent, redegi. ac demum novis quoque Romanorum iudiciorum commentariis exornavi. Quo labore si Romanum hoc, ut ita dicam, ædificium ad summum fastigium non adduxi, at ad eam certe altitudinem sustuli, ut facile antiqua jam ab omnibus illius perspicui forma, ac dignitas possit. Ceterum Romanarum litterarum post veterem illam barbararum nationum illuviem misera adeo, atque afflictæ conditio fuit, ut non tam diligentis, atque accurati scriptoris, auxilium, quam potentis, atque amici alicujus viri præsidium implorarint. Anni enim ferme sunt quadringenti, cum, Italia una cum Ecclesiâ in libertatem, divina pontificum Romanorum virtute, atque constantia, vindicata, Italici homines memoriæ antiquæ gloriæ revocata ingenia sua ad vetera, quæ obsoleverant, studia rettulerunt. quo quidem tempore Latine litteræ paulatim oculos in urbe Roma primum attollere, ac sensim quasi lucem aspiceret ex diuturna cecitate cœperunt. verum ut quæ gravi, ac longa consuetudine valetudine fuerant, sero admodum vires suas, ac colorem pristinum receperunt. Extrema enim, ut mihi videtur, Romanæ instaurandæ antiquitatis cogitatio fuit. quæ, si prima

fuiſſet , multis proſeſſo majores noſtros , iſque ſædis erroribus exſolviſſet , ac maximis eos ad veteris repetendæ humanitatis laudem ſubſidiis inſtruxiſſet . Sed neſcio quo modo hoc ſtudium Romæ primum , deinde in Italia vebementius celebrari me puero cum cœpiſſet , brevi noſtrorum hominum aut occupatione , aut incuria , aut morte eſt diſſolutum . Ego vero ſic ſum hoc munere jam inde ab ineunte adoleſcentia delectatus , ut quem curſum viginti ante annos indiſtriæ , officiique ſuſceperam , in eo uſque ad hanc jam ingreſcentem ætatem compluribus editis commentariis manſerim , multo etiam plura , multoque meliora comparaturus , ſi , dum vigeſcit ad omnem laborem , ac vigilantiam ætas , eum , quem jam pridem expeti dixi , his fautorem , adiutoremque ſtudiis inveniſſem . Nunc vero , cum divino demum beneficio te , JACOBE Princeps Clariffime , ſim adeptus , equidem non modo non dimittam , ſed , niſi tibi fortaiſſe moleſtum erit , omnium etiam ſcriptorum meorum conſecratione devinciam . Etenim cum tu litteras , quas privatus eximio quodam doctrinæ incenſus amore complexus avidiſſime fueras , in celiſſimo nunc rerum faſtigio collocatus ita colere pergas , ut eas etiam non fucō , atque ambitione , ſed ſententia , atque judicio tuearis , quem tandem alium meorum laborum patronum , quam te ipſum adoptem ? Accedit præterea , quod cum is tu ſis , quem propter eximiam apud Gregorium Pontificem gratiam non tam neceſſitudine , quam modeſtia , & virtute conciliatam , tota Italia , ac Roma ipſa converſis prope in unum oculis admiretur , non minus me tibi Romanarum rerum lucubrationes debere , quam Italicarum exiſtimavi , quas proxime te potiſſimum auſpice divulgavi . Eſt enim hæc cognitio cum principi ſummo , & ad ſummam dignitatem , amplitudinemque nato aptiſſima , tum te potiſſimum principe , dominoque digniſſima , qui tantum ſtudiū , atque operis in optimis cognoscendis artibus poſuiſti , ut etiam ſine alieno præſidio ad ſummos honorum gradu nixu tuo facile fueris aſcenſurus . Hos igitur Romanos , ut ita dicam , libros magna ex parte renovatos , & auctos , clariffimo tuo quoque nomini , perinde , atque Italicos illos , inſcribo : teque etiam atque etiam rogo , ut hæc præcipue ſtudia , quibus Romæ , & Italia , quæ te virtutis cauſſa ſuſpiciunt , vetus dignitas , ac memoria celebratur , in fidem accipias . Cui laudi te non deſuturum cum ſpectata mihi virtus , ac prudentia tua ſpondet , tum vero , quod conſtanti hominum ſermone percrebuit , te veteris illius Scipionis exemplo inter gratiſſima armorum pro ſalute Italiæ capiendorum conſilia , atque adeo in mediis etiam ipſis rerum militarium ſtudiis , ejuſmodi tamen doctrinæ cognitionem non intermittere , ſed quotidie præclari aliquid ingenio , ſtudioque tuo aut meditari , aut exprimere . Ad eam præterea facultatem , quam ſumma tibi Dei benignitas tribuit , ut omnia , quæ juſta , & recta ſunt , poſſes , tu laudem illam ſplendiſſimam addidiſti , ut eadem quoque , quod omnibus adhuc in rebus docuiſti , avidiſſime cuperes . Quamobrem non dubito , quin quod præclariſſime ſentis , id etiam ſtudioſiſſime præſtiturus ſis . Quod ſi feceris , polliceor fore , ut non ſolum eruditorum omnium vocibus , ac litteris ad illuſtrem nominis , & gloriæ commendationem in perpetuum celebreris , ſed etiam ab omnibus hominibus Princeps non tam fortuna , quam virtute præſtantiſſimus merito judiceris . Vale . Bononiæ . Calend. Novembr. M. D. LXXIV.

C A R O L I S I G O N I I D E A N T I Q U O J U R E C I V I U M R O M A N O R U M .

Libri primi capita XXI.

- | | |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1 De cive Romano.
2 De urbe & agro Romano.
3 De tribubus, & curiis.
4 De classibus, & centuriis.
5 De iis, qui jus civium Romanorum constituerunt.
6 De jure libertatis.
7 De jure gentilitatis.
8 De jure sacrorum.
9 De jure connubiorum.
10 De jure patrio.</p> | <p>11 De jure legitimi dominii.
12 De jure testamentorum.
13 De jure tutelarum.
14 De jure census.
15 De jure militiae.
16 De jure tributorum, & vectigalium.
17 De jure suffragiorum.
18 De jure honorum.
19 De sacerdotiis.
20 De magistratibus.
21 De imperiis.</p> |
|-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

Ejusdem libri argumentum.

His libris consilium est de jure populi Rom. quod libera potissimum floruit repub. disputare. quod justriplex esse constituit, civium Romanorum, Italicorum, & Provincialium. Ceterum duobus his libris jura civium Romanorum ostendit. atque eorum uno definitionem civis Romani investigat, ac tradit, altero tripartitam civium Romanorum divisionem affert, ac persequitur. Et quoniam civis pars est civitatis, civitatis vero descriptio respub. dicitur, rerum pub. autem genera multa traduntur; propterea primum, quod genus Romanæ reipub. fuerit, quarit. ubi vero multas ejus formas ex creberrimis civitatis mutationibus invenit, cujus potissimum temporis rempub. & quem in primis civem ex tam multis se informaturum, ac descripturum esse profiteatur, ostendit. Unde civem Romanum, qui quidem optimo jure civis sit, definiendum esse confirmat; hominem liberum urbis, agrive Romani incolam, qui tribum cum honorum petitione sit consequutus, qua disputatione perfecta, partes, ipsius definitionis declarare aggreditur. Quo fit, ut primum, quid sit urbs Romana, & quot modis dicatur, quid ager Romanus, & quot modis accipiat, exponat, ac fines utriusque diligentissime investiget: deinde ad maximam tribuum quæstionem descendat. quo loco quid sit tribus, quot modis dicatur, a quo instituta, a quibus addita, quot in genera distributa fuerint, quæ jura obtinuerint, docet. & quoniam primarum tribuum partes fuerunt curiæ; classes vero ad tribuum, ut centuriæ ad classium divisionem pertinere; civis autem optimo jure nemo olim fuit, qui non tribum, curiam, classem, & centuriam obtinuerit, de curiis etiam, & classibus, & centuriis, eadem ratione disputandi servata, breviter differit. Ubi vero cives omnes intra hos tribuum, classiumque quasi cancellos includit, tum jura ipsa tribuum, & classium exorditur. ita tamen ut ante, quibus quasi e fontibus hæc jura manarint, aperiat. eaque regis legibus, XII. decemvirum tabulis, legibus, edictis, plebiscitis, senatusconsultis, more, & instituto majorum contineri probet, atque ex his reliquam omnem de jure civium Romanorum disciplinam hauriendam esse demonstrat. Jura autem hæc ita explicat, ut ea in duo genera digerat, unum quod privatam rationem attingit; alterum, quod publicam: privatam, ut jus libertatis, gentilitatis, sacrorum, connubiorum, patrium, legitimi dominii, testamentorum, tutelarum: publicam, ut census, militia, tributorum, & vectigalium, suffragiorum, & honorum. De libertate ita agit, ut non tam privatam libertatem, quam publicam, cujusmodi fuerit, ante oculos ponat. quinque enim Romanæ libertatis genera fuisse contendit, ut cives Romani in potestate domini non essent constituti, ut regio imperio nullo obstricta, ut adversus magistratum provocationem haberent, neque a creditoribus neci possent, ut occultorum suffragiorum potestatem obtinerent. ad primum genus libertatis pertinent hæc quæstiones, qui liberi fuerint, qui servi, qui ingenui, qui libertini: quæ jura manumittendi servi, quæ propria tuendæ libertatis extiterint. ex secundo intelligitur, ut Romani dominatu se regio liberarint, & quo studio semel partam libertatem defenderint. tertii sunt leges de provocatione ad populum, leges sacratæ de tribunicia potestate, leges de tergo, & capite civium Rom. quibus ne civem Rom. magistratui aut verberare liceret, aut necare cautum est. quarto leges continentur, ne quis æris alieni causa a creditore duci in carcerem, atque in ergastulo haberi posset. quintum leges tabellaræ complectuntur, quæ tegendo suffragio Rom. libertatem stabiliaverunt. De jure gentilitatis ita differit, ut doceat, quid sit gentem habere, quæ patricia gentes fuerint, quæ plebeia, quæ jura patriciis constituta sint, quæ plebeiis, & ut de jure suo partim retinendo, partim augendo, inter se patricii, ac plebei sæpe contenderint. Sacra alia publica, alia privata fuisse prodit. privata vero, quæ essent privatarum familiarum propria ostendit, atque quid sibi de eo jure compertum sit, aperit. Jam quoniam ad propagandam civitatem omnino profuerat est opus, ea vero sine legitima uxore parari jure civili non potest, deinceps primum universum jus uxorum, communicationem connubiorum, totamque caeremoniarum nuptialium rationem summam perstringit: tum de liberis, ut more Romano essent in potestate parentum, & ut deficientibus propriis filiis alieni adoptarentur, arrogarentur, quidque in eo genere juris proditum sit, narrat. His expeditis quot modis suarum quique fortunarum jure civili dominus esset, exquirat, eosque quia sex fuisse reperit, hereditatem, mancipium, usufructum, in jure cessionem, auctionem, & sub corona emptionem, quod jus eorum de singulis florente reipub. libertate, sancitum sit, planum facit. Postremo quoniam non solum quoad vivimus, domini esse rerum nostrarum volumus, sed post mortem eandem aliis etiam tradere auctoritatem cupimus, ut jure civili hoc factitatum sit, explicat. ubi de tribus antiquis testamentorum generibus scribit. atque hunc eundem ordinem servat etiam in tutelis, quoniam liberos nostros tutorum fi-

dei, a quibus eorum res qui ipsi per ætatem non possunt, procurentur, libenter morituri committimus, quæ ipse de rationes antiquarum tutelarum observaverit, in medium profert. atque ita totum jus Quiritum apud veteres tantopere celebratum, absolvit. Inde vero, de censu disputationem instituit. quo loco quid census esset, a quo institutus, quo modo celebratus, ostendit. & quoniam duas censuum opportunitates maximas reip. attulisse comperit, unam ad delectum militarem habendum, quod juniorum copiam indicavit, alteram ad tributum in bellum conferendum, quod divitiarum civilium magnitudinem patefecit, propterea constituta census quæstione, deinceps de jure militiæ scribit, ac quid legio fuerit, ex quot, & quibus civibus, & quomodo conscripta sit tradit. inde de sacramento militari, & ceteris rei militaris institutis ac legibus, in primisque de vacationibus, de præmiis, & animadvertionibus militaribus singulis agit. Eademque ratione civilium tributorum, & vectigalium genera exequitur, ut quando tributa imperata, quando remissa, quando vectigalia instituta, quando sublata sint, quærat, & plura propterea fuisse Romæ æraria annalium veterum auctoritate confirmet. Cumque nihil aliud restet, nisi, ut de suffragiis demum, atque honoribus agat, suffragiorum rationem ita proponit, ut brevier de tribus comitiorum generibus, & qui cives suffragiorum jura habuerint, qui non habuerint, & qua ratione, demonstret. honores vero civiles, in quibus optimum jus civitatis, vel Aristotele teste, ab initio posuit, in tres partes distribuit, sacerdotia, magistratus, imperia. ex quibus sacerdotia ita enumerat, ut ex ea oratione quæ patriciorum propria, quæ plebeiorum, quæ utriusque communia fuerint, & quomodo delata sint, facile appareat. magistratus primo vim aperit. qua disputatione absoluta, tum quemadmodum singulis magistratibus reip. opus fuerit, ac quos patricii plebeiis concesserint, quos sibi reservarint, ostendit. Inde quid Imperium fuerit, & ut magistratibus, ac privatis, & quibus, & quot comitiis mandatum sit, narrat.

Secundæ libri capita xxi.

- | | |
|---------------------------------------|----------------------------------------|
| 1 De ordinibus civium Romanorum. | 12 De opificibus, & artificibus. |
| 2 De senatoribus. | 13 De turba forensi. |
| 3 De equitibus Romanis. | 14 De libertinis. |
| 4 De publicanis. | 15 De apparitoribus magistratuum. |
| 5 De plebe Romana. | 16 De notis ordinum. |
| 6 De plebe rustica. | 17 De jure ordinum. |
| 7 De plebe urbana. | 18 De judiciis ordinum. |
| 8 De tribunis ærariis. | 19 De spectaculis ordinum. |
| 9 De scribis. | 20 De nobilibus, novis, & ignobilibus. |
| 10 De mercatoribus, & negotiatoribus. | 21 De optimatibus, & popularibus. |
| 11 De argentariis, & feneratoribus. | |

Ejusdem libri argumentum.

Hoc libro cives omnes, quos superiore definitione complexus erat, in tres partes distribuit. quarum in prima ordines collocat, in altera nobiles, & ignobiles, in tertia optimates, & populares. Ordines tres esse probat, senatorium, equestrem, & plebeium. De senatoribus, & equitibus ita agit, ut a quibus initia, atque incrementa acceperint, quam multi fuerint, in quot genera dispersi, ex quibus, & a quibus, & qua ratione lecti fuerint, quæ insignia gesserint, explicet. Et quoniam equites multi publicani fuerunt, id est ultro tributa, & vectigalia publica suo periculo a censoribus redemerunt, agit inde de publicanis, qui sint, & quomodo ultro tributa & vectigalia conduxerint, quemadmodum, & per quos exercuerint, quos motus in urbe hoc nomine aliquando excitarint, & ut a senatu equestrem ordinem abalienarint. Tertium inde ordinem, qui plebs Romana dicitur, in partes duas dividit, rusticam plebem, & urbanam. rusticam, quæ fuerit, & qualis, ubi exposuit, urbanæ partes exequitur, tribunos ærarios, scribas, mercatores, & negotiatores, & argentarios, & feneratores, opifices, & artifices, turbam forensensem, libertinos, magistratuum apparitores, atque de singulis, qui, quales, a quibus instituti, quo jure donati fuerint, tradit. His autem ordinum partibus constitutis, deinceps quemadmodum singuli ordines a censoribus, quorum notioni erant subiecti, infamia notarentur, ostendit. Inde jura ordinum aggreditur, quæ quoniam in judicandi, & spectandi potestate potissimum posita esse invenit, propterea utranque antiquitatem sibi explanandam suscipit. de judiciis autem quid fuerint, quot in genera partita fuerint, qui publica, qui privata exercuerint, ut judices a magistratibus dati, ex quo ordine lecti sint, quos Romæ motus propterea conciverint, docet. Quibus rebus constitutis, ad alteram civium divisionem descendit, nobilium, novorum, & ignobilium. atque quid more Romano nobilitas, quid novitas, quid ignobilitas fuerit, aperit. & quoniam nobilitatem ab imaginibus proficisci invenit, de usu etiam antiquo imaginum brevier differt. Extrema vero divisione cives omnes, qui propter partium in rep. studia fe aut optimates esse voluerunt, aut populares, complectitur: & quid utrique sint, & quomodo Remp. Rom. tandem perverterint, deleverintque ostendit. atque ita huic de jure civium Romanorum disputationi finem imponit.

ANTIQUO JURE CIVIUM
ROMANORUM.

LIBER PRIMUS.

Ad Pont. Max. Pium IV.



ERUM humanarum, BEATISSIME PATER, magna varietas est, incredibilis inconstantia. possumus hoc tum omnibus in artibus, hominum ingenio, industriaque partis, facile notare, cum oriantur aliae; aliae vero occidant, quaeque modo floruerint, nunc obsolescant: tum maxime in universa imperii, ac reipubl. ratione animadvertere. Quae enim homines ad hominum societatem conciliandam, perpetuoque tuendam excogitarunt, vix tamen ea satis non modo ad aeternitatem, verum etiam ad diuturnitatem firma adhuc inventa sunt. Etenim, ut corpora nostra cernimus alia externa ferri impulsione, ictuque perverti, alia intestina humorum dissensione interire, pauca quaedam naturali confecta senio contabescere: sic civitates partim hostilibus armis afflictae, partim domestico seditionis morbo, quasi occulto quodam veneno, ante senectutis maturitatem consumptas licet intueri. Quod aliarum rerumpub. non obscure, clarissime vero Atheniensium, et Romanorum, florentissimarum quondam civitatum, exempla testantur. quorum illis Philippi atque Alexandri; his Caesaris, atque Augusti inimica potentia: utriusque intestina perditæ cujusdam luxurie atque avaritiæ vis, ne diutius possessam per tot secula libertatem retinerent, impedimento fuerunt. Quod autem multo etiam miserabilius, atque acerbius est, non vetus modo Romani imperii jus, quod antiqua urbis, ac civitatis majestate continebatur: sed ejusdem etiam memoria nobilissimis annalium monumentis impressa, fere omnis intercidit, ita ut neque jura, neque leges, neque instituta, neque omnino ulla antiquæ reip. forma jam supersit. Accedit, quod diversa naturæ conditio per eosdem homines ea commode instaurari non permittit. Ut enim non ab eisdem imperium partum est, et imperii memoria litteris consecrata, sic nec per eosdem simul et vetera imperii jura commode restitui, et eorum cognitio litterarum ope revocari videtur posse. ad eam enim rem virtus, ac sapientia, ad hanc studii quædam assiduitas, perpetuæque opera, ac diligentia requiritur. Itaque qui obsoletam prope antiquitatum Romanarum notitiam hodie renovare conentur, fortasse multi; qui de vetere civitatis jure, atque imperio retinendo cogitent, præter eos, quibus hæc est honestissima cura ab immortalis Deo commissæ, nulli certe reperiuntur. Quod quidem ad munus cum vestra paulo ante Sanctitas summa cum omnium gentium ac populorum approbatione, Deique præcipue nutu delecta sit, incredibile est, quantum ego præter ceteros inde voluptatis acceperim. alios enim Christianæ religionis incolumitas, alios Italiæ, quæ ambæ summum in discrimen adductæ videbantur, sollicitos habebat: me vero et ea cum aliis gravissima cura tangebant, et litterarum præterea, quas jam pridem negligi, atque contemni in Italiæ cæptas esse constabat, non levis quædam cum paucis aliquot bonis viris cogitatio commovebat. Quamobrem cum Christianis omnibus, atque Italiæ universæ, tum iis præcipue, qui de antiqua litterarum laude solliciti sunt, etiam atque etiam gratulor: quod is, quem optabamus, ac votis a Deo perpetuis poscebamus, et salutis auctorem, et digni

tatis defensorem, & omnis antiquitatis instauratorem, nobis sit tandem singulari ejusdem Dei benignitate concessus. Atque hujus quidem reliquis præclari muneris partes vestre Sanctitati ita curæ & esse, & fore intelligo, ut cum ex iis fundamentis, quæ jacta jam audiuntur, opinionem superet omnium, eandem antiquorum etiam studiorum neglectum antea patrociniū suscepturam esse, facile sperare possimus. Id quod quanquam mihi in primis, in sapientiam ejus admirabilem inveniēti, plane persuasum sit, tantus tamen hujus erga optimas artes beneficii meus amor est, tantumque studium, ut admonitores quosdam, minime illos quidem necessarios, attamen, ut opinor, in tempore ad vestram Sanctitatem mittere ausus sim. Hi sunt libri duo, his mensibus a me de antiquo civium Rom. jure conscripti. nisi autem non, ut eam erudiant, (quid enim tantam latere sapientiam possit?) sed ut majoribus occupatam curis modeste interdum appellent, ut Latinis litteris, in quibus nunc unis vetusti Romani imperii sita majestas omnis est, amissam dignitatem restituat. quandoquidem honestissimarum actionum, & pulcherrimorum institutorum monumenta, quæ nobis non ad cognoscendum solum jucundissima, sed ad imitandum etiam utilissima videbantur, vel temporum injuria fregit, vel hominum inertia labefecit. Quæ quidem licet ea fortune conditione sint, vix ut ope humana refarciri videantur posse: fit tamen, nescio quo modo, ut sperem, cum Vestra non jam humana, sed plane divina auctoritas, quasi propitium numen aliquod, ad hanc se laudem penitus adjunxerit, fore, ut hæc brevi in antiquum statum, & splendorem cum summa urbis Romæ, ac totius Italiæ dignitate, restituta videamus. Quam fore Sanctitati vestræ, curam antiquissimam, cum graves, & illustres superioris ejus victæ actiones, tum hæc nova in maximo Ecclesiæ Dei sacerdotio insignia ad omnem laudem nuper inita consilia non dubie pollicentur. Quæ Deum Opt. Max. bonis omnibus consentientibus, precor, ut ad totius Christianæ reip. salutem, fortunare in perpetuum velit. Sed ad rem aggrediamur.

C A P. I.

DE CIVE ROMANO.



ORUM, qui jura a populo Romano victore eodem, ac libero acceperunt, quatuor, si diligenter attendimus, quasi gradus fuerunt; unus civium Romanorum, alter Latinorum, tertius Italicorum, provincialium quartus. ex quibus ut jure Latii civitas Romana, sic Italico Latinitas, & Italicum provinciali honestius & commodius fuit. Hæc autem jura quando ut cognitu pulcherrima, sic vetustatis injuria obscurissima hoc tempore sunt; visa res est digna, in qua illustranda omnem meam operam, atque indutriam collocarem: non solum, ut iis litteris, unde præclara hæc monumenta sumuntur; sed etiam, ut civili ipsi disciplinæ, ad quam hæc omnia, tanquam ad finem ultimum, referuntur, opis aliquid, atque adjumenti afferrem. Quamobrem veteribus omnibus & Latinis, & Græcis monumentis, quæ quidem potui, conquisitis, ac perlustratis, doctrinam hanc omnem diuturno a me studio collectam, veterumque testimoniis, quoad licuit in hoc impedito disputationis genere, comprobata, atque pro judicii mei ratione dispositam, in tres partes distribui: unam, in qua civium Romanorum; alteram, in qua Italiæ; tertiam, in qua provinciarum jura descripsi.

scilicet, ut quem illi ordinem ad jus imperii constituendum adhibuissent, ego in eodem instaurando servarem. Incipiamus igitur a civitate, ita ut primum, quid civis Romanus fuerit, & quibus, ac quot in rebus jus optimum civitatis Romanæ constiterit, exquiramus: deinde civium ipsorum divisiones inter se, quæ quidem excelluerint, persequamur.

Placet igitur Aristoteli auctori omnis gravissimæ quæstionis locupletissimo, omnem, quæ instituitur de cive, & civitate, disputationem, a rep. cujus illa est civitas, oportere deduci. scite ille quidem, & probe. Etenim, si civis est pars illius societatis, quæ civitas appellatur: civitatis autem descriptio quædam respublica existimatur: profecto cum omnis de cive oratio ad reip. quæstionem est referenda, tum vero reip. ejus, cujus potissimum civem quærimus, nobis ante est ratio cognoscenda. Qui autem præcepta nobis adhuc de republica reliquerunt, ii fere in eo universi consentiunt, ut tres rectas esse reip. statuant, & tres contra depravatas. In bonis regem numerant, optimates, & populum; in vitiosis tyrannum, paucorum factionem, & plebem. bonas autem vocant respublicas, cum five a rege, five ab optimatibus, five a populo bene, ac iuste, atque ad totius civitatis utilitatem accommodare res ipsa publica administratur: pravas vero, in quibus five ty-

ranni, five paucorum, five plebis libidine, atque utilitate omnia diriguntur. Itaque recte tyrannum regi, paucorum factionem optimatibus, plebem populo opposuerunt; quod unus nōi, pauci paucis, multi multis ita advenientur, ut ipsi inter se non de re levissima, sed de totius reip. sine diffentiant. Ut autem rectas illas, quas dixi, vocarunt, sic quæ ex illis rectes esse temperata, atque confusa, multi optimam esse arbitrati sunt. Cui opinioni Cicero etiam in libris de rep. est assensus, cum se veterem illam Romanam rep. quam propter temperationem optimam judicavit, legibus, & institutis informatum esse professus est. Quibus ex rebus satis intelligi potest, ut non unum perpetuo fuit Romanæ reip. genus, sic nec unam civium Rom. rationem extitisse. Etenim cum complector animo, unum; modo paucos; plerumque multos Romanæ reip. potitos: eosque modo publica, plerumque privata utilitate omnia esse meritos invenio. Primum enim reges tenuerunt, tum tyrannus: quo urbe pulso paucorum patriciorum invasit factio: qui cum in plebem omni honorum aditu interdicto, impotentius dominarentur; eandem eo deduxerunt, ut non ante seditionibus in urbe agendis conquieverit, quam & ipsa in partem magistratum, & totius reip. venerit. Tum vero inducta est illa, quam Scipio apud Ciceronem laudibus in cælum extulit, reip. temperatio. qua deinde per Gracchos tribunos pl. tentata, per reliquos omnino labefacta, ad plebem summa reip. recidit. cuius tandem opibus fretus C. Cæsar perditum unius dominatum invadere non dubitavit. Ex quo fit, ut varias reip. formas varia etiam civium genera sint consecuta. Etenim, quod scribit Aristoteles, in quibus subjectæ res ita differunt, ut hæc sit prima, illa secunda, alia tertia: in iis aut nihil omnino, quatenus tales sunt, aut certe vix aliquid reperiri commune potest. respublicas autem inter se differre, & perditas bonis esse posteriores videmus. Quoniam autem Rom. reip. status sæpe mutatus est, nunquam tamen nisi duas mihi formas ipsa habuisse civitas videtur: unam cum unius, aut paucorum; alteram, cum multorum in potestate res fuit. Ut enim regibus, & patriciis dominantibus, plebs honoribus caruit; sic iidem facile, rerum potiente populo, abundavit. Itaque ut in illis rebus publicis opifices, & sellarii civium e numero excluderentur; sic in his optimum etiam jus civitatis assequerentur. Quocirca nos, qui civem Rom. qui optimo jure civis sit, hoc loco quærimus, primam illam vel regum, vel patriciorum rep. in civis Rom. definitione investiganda relinquamus: ad eam vero, quæ æquatis cum plebe, maxime post bellum Tarentinum, honoribus est inducta; nec post, nisi imperatoribus omnia ex libidine administrantibus, commutata, omnem nostram hanc disputationem accommodabimus.

Quod igitur in libris suis de rep. præclare scripsit Aristoteles, civium alios aliqua ex parte; alios omnino civēs esse, id in rep. etiam Romanorum verissimum esse deprehenditur. Nam cum varia civium Rom. jura fuerint, qui omnia obtinuerunt, optima: qui aliquot, ii non optima lege cives Rom. fuerunt. Mihi vero in hanc quæstionem accuratius intruente, qui civis Rom. præclarum hoc nomen usurparunt, liberi homines videtur fuisse, qui urbem, agrumve Romanum inhabitarent. ex quibus is mihi demum optima lege civis Rom. videtur, qui domicilium, qui tribum, qui honorum potestatem sit adeptus. Nam qui civem Rom. domicilio tantum, aut tribu, aut honore definiant, quamquam alius alio magis, tamen nemo huic quæstioni cumulate satisfecit. is enim demum optima lege civis Rom. judicatur, qui non domicilium solum, sed tribum etiam, & honorum petitionem est consecutus. domicilium enim etiam inquilini, & tribum;

libertini obtinuerunt. quorum tamen illi nullum jus civitatis; hi vero non optimum habuerunt. libertinis enim quamquam tribus urbana, non tamen honores ullo tempore patuerunt. Qui autem e municipiis fuerunt, quamquam tribum, atque honorum petitionem sunt adepti; tamen quia domicilio caruerunt, non ingenui cives Rom. sic enim hos appellat in Bruto Cicero, sed municipēs, nisi si quando Romæ fortunarum suarum domicilium collocassent, nominati sunt. ut M. Porcius Cato Tusculanus, quandiu fuit Tusculi, municeps fuit, id est, non ingenuus civis Rom. sed civitate Rom. donatus; ubi vero Romam cum rebus suis commigravit, civis Romanus. Quod idem de avo M. Ciceronis est judicandum. ille enim municeps fuit Arpinas; hic civis Rom. quod ille in municipio vivere maluerit, quam Romæ: unde vox illa extitit Scauri consulis, cujus ipse Cicero in libris de legibus meminit: *Utinam M. Cicero isto animo, atque virtute in summa rep. nobiscum versari, quam in municipali maluisset*. Huic autem definitioni eo libentius assentimus, quod ab Aristotelis definitione civis tradita non longerecedit. Ut enim ille civem plenum, & perfectum honorum gerendorum potestate descripsit, sic nos eundem domicilio, tribu, & honoribus definimus. Ad civitatis autem optimum jus domicilium maxime pertinere, docuit omnis hujus juris auctor, & conditor Romulus, ac deinceps reliqui reges, atque exactis regibus populus Romanus: qui, quos cives fecerunt, omnes Romam transtulerunt, atque in tribus, & quod probabile conjectura est, in curias descriperunt. In eo vero jure communicando hanc rationem sequuti sunt, ut civitatem dederint, aut oppidanis singulis, aut univerſis. singulis, ut Hostio Hostilio Medullino Romulus, ut Lucumoni Tarquinio Tarquinienſi Ancus, ut Ser. Tullio Oriculano Priscus; qui omnes singulis hominibus, quibus voluerunt, jura civitatis impertiverunt. anno vero post reges exactos sexto Ap. Claudio Sabino, neque ita multo post Octavo Mamilio Tusculano consulum rogatione populus. Univerſis, ut Antemnatis, Camerinis, Crustuminis, Sabinis Romanis, quibus civitatem ita dedit, ut, quod scriptum apud Dionysium est, qui tum Romam ex oppidis suis commigrare vellent, ii omnes in tribus descripti civitatis Romanæ jura omnia possiderent; qui domi in patria remanerent, ii nullum jus Rom. civitatis haberent. atque hi quidem non municipes, sed cives Rom. dicti sunt. ex his autem populus Romanus populus erat confatus. siquidem Albanorum tria millia, aut certe paulo amplius Romulo ad urbem condendam affuisse tradit cum Plutarcho Dionysius, quos ille Ramnenses vocavit. reliqua omnis turba peregrinorum fuit, quos ille suscepit in civitatem, Tatienſium, & Lucerum: sed hi nunquam municipes, semper cives Rom. vocati sunt. De quibus locutum esse video in Balbi defensione Tullium: *Illud vero sine dubitatione maxime nostrum fundavit imperium, & populi Rom. nomen auxit, quod princeps ille creator urbis Romulus federe Sabino docuit, etiam hostibus recipiendis augeri hanc civitatem oportere. cujus auctoritate & exemplo nunquam est intermissa a majoribus nostris largitio, & communicatio civitatis*. Post urbem autem a Gallis captam alio modo externo universo populo communicari civitas crepta est. institutum est enim, ut, quotque essent alicujus oppidi cives, quotiescunque Romam venissent, quamquam Romæ domicilium nullum haberent, eodem, quo cives Rom. loco ducerentur. ii vero dum domi suæ manserunt, municipes; si quando Romam domicilium traduxerunt, cives Romani: hoc tamen, aut illo municipio oriundi vocati sunt, ut Porcii Tusculo, Cornucanii Camerio, Marii & Tullii Arpino. Sed de municipibus post in libris de jure Italici differemus. Hoc

vero idcirco in praesentia dictum est, ut intelligere-
A non tribum solum, & honorum petitionem,
sed domicilium etiam ad civem Rom. ingenuum,
cujus in his libris jura nobis quaerenda proposuimus,
pertinere. a quo domicilio cum multa alia commo-
da proficiscuntur, tum maxime sacrorum, liberta-
tis, dignitatis, urbis, fori, ludorum, festorumque
dierum. ad quae amplectenda & retinenda popu-
lum Rom. Cicero in agraria actione est cohortatus:
cum cum ab agris a Rullo tribuno pl. accipiendis
deterretet, ne in colonias deductus urbis Rom. do-
micilium, & tanta praeterea commoda posset haberet.
sic enim dixit: *Voi, Quirites, retinete istam possessionem gratiae, libertatis, suffragiorum, dignitatis, ur-
bis, fori, ludorum, festorum dierum, ceterorum omnium commodorum.* Si ergo civitatis Romanae
quasi fundamentum quoddam Romani domicilii
largitio fuit, id vero non nisi in urbe, aut agro
Romano patuit, profecto, si traditam civis Rom.
definitionem confirmare volumus, in qua domici-
lium, tribum, honoresque posuimus; primum de
urbis, agrive Rom. finibus: tum de tribuum Rom.
numero, & jure: postremo de honorum ratione no-
bis est differendum. qua distributione perfecta, tum
demum ad civium ipsorum genera distinguenda, &
C dissimilitudines demonstrandas descendemus. Qua-
re, quod nunc instat, de urbe, agroque Romano
agamus.

C A P. II.

De urbe, & agro Romano.

URBEM igitur appello tectorum, ut ait Cicero,
conjunctionem, locis, manique septam,
delubris, & spaciis communione distinctam,
in qua cunctus sit hominum, juris consensu, & uti-
litate communione sociatus. Romanam autem ur-
bem intelligo, quicquid regionum, & collium po-
merio, & moenibus Romanis includeretur. Po-
merium porro quod fuerit, quanquam ita est in
promptu, ut res expositione non egeat, tamen si
Varronis, & Livii verba protulero, planius etiam,
atque illustrius erit. Varro quidem scribit in libris
de lingua Latina hoc modo: *Oppida condebant in
Latino, Etrusco ritu, multa, id est, junctis bubus,
turo, & vacca, interiore aratro circumagebant
sulcum. hoc faciebant religionis causa die auspicio,
ut fossa, & muro essent munita. terram, unde ex-
calsperant, fossam vocabant, & introsum factum
murum. postea quod fiebat orbis, urbis: principium,
quod erat post murum, pomerium dictum ejusque
ambitu urbana auspicia finiuntur. cippi pomerii stant
circum Romam.* Livius autem ita libro primo: *Pome-
rium verbi vim solum intuentes postmerium interpre-
tantur esse. est autem magis circa murum locus, quem
in condendis urbibus quondam Etrusci, qua murum
ducturi erant, certis circumterminis inaugurato con-
secrabant, ut neque interiore parte aedificia moenibus
continuarentur, quae nunc vulgo etiam conjungunt,
& extrinsecus puri aliquid ab humano cultu pateret
soli. Hoc spacium, quod neque habitari, neque ara-
ri fas erat, non magis, quod post murum, quam
murus post id, pomerium Romani appellant. Hac
illi. Ego vero urbem Romanam idcirco pomerio,
& moenibus circumscripti, quia quanquam pome-
rium urbis terminus quidam fuerit, tamen urbem
ultra pomerium etiam processisse, accepi. Etenim,
quod est apud Tacitum libro tertio decimo, & Gel-
lium duodecimo, pomerii proferendi jus nemini da-
tum est, nisi qui agro de hostibus capto rem Ro-
manam auxisset. Quod decus pauci sibi admodum
vindicare, cum qui urbem muniverint, atque
variis comprehensis collibus dilataverint, complures*

A extiterint. Palatium enim Romulus, Tarpeium
montem, qui postea Capitolinus appellatus est, T.
Tatius, Coelium five Tullus, five Ancus, five Pri-
scus, (haec enim omnia feruntur,) Equilinum,
& Viminalen, & auctore etiam Livio, Quirina-
lem Ser. Tullius reges pomerio incluserunt. Nam
Tarpeium, & Coelium Romulus, & Janiculum,
atque Aventinum Ancus muro cinxerant illi qui-
dem, non tamen pomerio comprehenderant. Syl-
la autem, & Caesar dictatores, & Augustus Imper.
quos omnes pomerium protulisse, auctor est idem
cum Tacito Gellius, quas eo regiones amplexi sunt,
parum certa memoria est. Illud autem dubitationem
non habet, Aventinum, quem Ancus rex Latinis
habitandum concesserat, non nisi post multa saecula
a Claudio Imper. pomerio esse inclusum, cum
ante ab omnibus semper fuisset exclusus; nempe,
quod, ut tradit ex Messala sententia Gellius, in
eo Remus urbis condendae causa auspiciatus, avibus
irritis habitis, a fratre in auspicio fuerit superatus.
Ex quo efficitur, urbis terminos aliquanto latius
patuisse, quam pomerii. Quanquam non spaciū
illud solum, quod est aut pomerio, aut moenibus
circumscriptum, sed etiam suburbana ipsa continen-
tia cum muris urbis aedificia, uno Romae no-
mine videntur esse communi sermonis consuetudi-
ne appellata. Hoc autem tradit satis, ut mihi vi-
deatur, aperte Marcellus Jurisconsultus, his verbis:
C *Urbis Roma est, quae muro cingitur. Roma est etiam,
qua continentia aedificia sunt. nam Romam non muro
tenus existimari, ex consuetudine quotidiana potest
intelligi, cum dicamus, Romam nos ire, etiam si ex-
tra urbem habitemus.* Quod idem ante etiam sentit
Dionysius, cum de magnitudine urbis Romanae dif-
ferens ita scriptum reliquit: *Ser. Tullius regum ul-
timum urbis ambitum dilatavit, duobus ad quinque
collibus additis, auspicio, & re divina rite perfecta.
longius autem non processit, religionibus, ut fama est,
impeditus. ceterum omnia suburbana aedificia, quae
multa ac magna sunt, nullo vallo munita, hostium
incurSIONIBUS exposita sunt. quae si quis oculis lustrant,
magnitudinem inde urbis colligere velit, necessario
decipietur; neque certum habebit signum unde urbis
initium, finemque perspicere possit. adeo cum urbe con-
junctus ager est, ac speciem in infinitum progredien-
tis urbis intuentibus hominibus praebet. Agrum au-
tem Romanum proprie vocamus, quicquid montium,
camporumque extra urbem Romanam ex
omni parte sociorum fines attingeret. Ut autem non
iidem semper urbis Romanae termini fuerunt, sic
nec hujus agri eisdem fines extitisse statuendum est.
Eosdem vero reges, qui urbis; agri etiam fines pro-
tulisse, ego facile existimaverim. nam de eo post
Ser. Tullium regnantem, aucto, nihil comperti ha-
beo. Principio quidem angustissimus fuit, adeo ut
Fabius Pictor scriptum reliquerit, agrum Romanum
aetate Romuli arcus formam, cujus chorda esset Ti-
beris, reddidisse. egregie. Etenim ultra Tiberim in
Etruria nullus erat, nec Latium versus multum pa-
tebat. eundem tamen etiam Romulum trans Tibe-
rim Romanum agrum provexisse, inde apparet,
quod Vejentibus vidis, qui late trans Tiberim
imperabant, agrum, qui Septempagi dicebatur,
ademit. Quod idem ab Anco rege post factum in-
dicat Livius, cum scribit, *Anco rege non urbem tan-
tum crevisse, sed etiam agrum, finisque: sylvae Ma-
fia Vejentibus adempta usque ad mare imperium pro-
latum.* itemque Dionysius, cum ait, *Politorium,
& Ficanam, quae auctore Feito, via Ostiensis ad
duodecimum ab urbe milliarium fuit, praefectorum La-
tinorum oppida, Rome vicina, ab eodem esse deleta.*
Quin etiam de L. Tarquinio Prisco possumus ali-
quid suspicari, quem Apiolas, & Corniculum
propinqua oppida Latinorum incendisse, & reip.
fines propagasse, auctor est cum Dionysio Vale-*

rius, Eutropius certe scribit, *Priscum Sabinis ci-*
vis non parum agrorum urbis territorio adjunxisse.
is autem ager trans Anienem fuit, quem Livius cre-
do intellexit, cum scripsit, Collatiam, & quicquid
citra Collatiam agri, Sabinis fuisse ademptum. Qui
autem ex regibus ultimus pomerium terminavit,
eundem agro etiam modum imposuisse arbitror. si-
quidem Veientes, Cærites, & Tarquinienfes Etru-
scos finitimos agro ab eo multatos, atque eo novos
cives donatos, apud Dionysium invenio. Illud au-
tem sine dubitatione confirmaverim, agrum Rom.
in multas partes, quas pagos nominavit, Ser. Tul-
lium divisisse. Verum, siue Tullius, siue Romulus
siue quisvis regum alius agrum hunc circumscripse-
rit, satis constat, eum non late admodum patuisse.
Strabo quidem regnante Romulo intra quin-
tum, aut sextum lapidem a Latio, locum, Felstos,
nominè, tanquam terminum Romani, qui tum
erat, agri monstratum, ait; ac sacerdotès ibi, &
aliis plerisque in locis, ut in finibus eodem die sa-
crificium fecisse, quod Ambarvale diceretur. Qui si
postea ab ea parte accessiois aliquid accepit, certe
non ultra Tiburtinum, Gabinum, Tusculanum,
Lanuvium, Ardeatem, & Ostiensem agrum per-
tenuit. Nam trans Anienem Sabinos versus, Fide-
natem, Antemnatem & Collatium attigit; trans
Tiberim vero Veientem, & Cæritem ulque ad ma-
re. Eundem autem vel Romuli temporibus a mari
fuisse plurimum scribit Festus, cum ait: *Petuscum*
Palatii dicta est ea regio urbis, quam Romulus ob-
versam posuit ea parte, qua erat plurimum Romani
agri ad mare versus, & qua molissime adibat
urbi, cum Etruscorum agrum a Romano Tiberis dis-
cluderet, cetera vicine civitates colles aliquos habe-
rent oppositos. Proximus autem ager cis Anienem
fuit Tiburtinus, post Tiburtinum Gabinus. quan-
quam Gabii Tibure ab urbe Roma via dimidio
propius abfuerunt, nimirum citra Præneste, in via
ipsa Prænestina, procul ab urbe itadiis, ut inquit
Dionysius, centum. de quo loquutus est etiam Var-
ro, cum de generibus agrorum disputavit, his ver-
bis: *Ut nostri augures publici dixerunt, agrorum sunt*
genera quinque, Romanus, Gabinus, Peregrinus,
Hofiticus, Incertus. Romanus dictus, unde Roma,
ab Romulo: Gabinus autem ab oppido Gabii, Pere-
grinus ager pacatus, qui extra Romanum, & Gabi-
num, quod uno modo in his feruntur auspicia: di-
ctus peregrinus a peregrando, id est, progrediendo. eo
enim ex Romano agro primum progrediebantur. quo-
circa Gabinus, siue Peregrinus secundum hoc auspi-
cia habent singularia. ab reliquo discretus Hofiticus,
dictus ab hostibus. Incertus is ager, qui de his qua-
tuor qui sit, ignoratur. Ceterum Gabinum agrum
Romanus is videtur contigisse, qui Pupinia dictus
est, octo millia passuum ab urbe distans. quod o-
stendit Livius, cum Annibalem ex Gabino agro in
Pupiniam ait descendisse. Gabinum porro agrum
sequitur Tusculanus, Tusculanum Albanus, quos &
iplos Romano adhæsisse agro ostendit Strabo, cum
ait: Post Tusculana juga est mons Albanus, cui sub-
est planities. deinde campi sunt, qui partim Romam,
& ejus suburbia attingunt, partim ad mare perti-
nent. Albanus autem cum Romano conjungeba-
tur ad eum locum, qui Fossæ Clæliæ dicebatur, &
quinque millia passuum ab urbe: unde Albani bello
Albano, & Coriolanus bello Volscio in agrum
Romanum fecisse impressionem dicuntur. Roma-
num autem agrum haud ita multo latius patuisse,
inducant oppida, quæ ab ea parte suis etiam tem-
poribus urbi vicina Cicero nominat, ut in Agraria
Lavicos, Fidenas, Collatiam, Lanuvium, Ariciam,
Tusculum; in Planciana Gabios, Bovillas, & La-
vicos, quibus & municipiis vix, qui carnem Latinis
peterent, tum inventos fuisse ait. Quin etiam hoc
esse causâ puto, cur Latini, cum urbe exire a con-

sulibus jubebantur, quinque millia passuum ab ur-
be abesse juberentur, quod hoc minimum interval-
lo a Latino Romanus ager sejungeretur. Inde ve-
ro erat ager Solonium, Ardeas, Ostiensis, quorum
agrorum meminit Livius bello Latino secundo, cum
ait, *Antiates in agrum Ostiensem, Ardeatem, So-*
lonium incurssiones fecisse. Agrum autem Solonium
via Ostiensis ad XII. lapidem fuisse, narrat Festus.
nam Ostiam ad XVI. Ardeam ad XVIII. fuisse, in
Eutropii historia scriptum est. Jam vero trans Anie-
nem erant Sabini, ultra Tiberim Etrusci. In Sabi-
nis vicina oppida Fidenæ, Antemnæ, Collatia,
Crustumium. In Etruria Veiens ager procul a ma-
ri; ad mare vero Cære oppidum. Cum ergo postre-
mis etiam temporibus horum aut oppidorum, aut
agrorum fieri mentionem videamus, profecto ne-
que ultra hos agros Romanum agrum propagatum
fuisse, licet suspicari. Cum autem trans Anienem
Fidenæ quinque millia passuum ab urbe abfuerint,
certe nec ab ea parte Romanus ager fuit amplissi-
mus. Nam Cæritem cum Romano agrum conjun-
ctum fuisse, ex eo ducor ad suspicandum, quod
scribit Livius lib. VI. *Cognitum est, depopulatum a-*
grum circa Romanas salinas, prædeque partem in
Cæritem fines avectam,

An igitur cives Rom. urbem tantum tenuerunt,
atque hunc solum, quem circumscripti, agrum?
non, opinor. imo vero multos etiam in Latio, &
Italia agros coluerunt; vel publicos, vel privatos;
vel suos, vel alienos. Neque enim illud dubium
est, majorem Italicorum, Latinorumque partem a-
gris a Romanis esse multatam, eosque agros aut
plebi Rom. esse divisos, aut publicos factos aran-
dos civibus Romanos datos. Hujus enim rei testis
optimus est Livius, cum scribit, *bello Latino secun-*
do Tiburtes, Prænestinos, & totum fere Latium,
ac Privernum, Capuamque agro multatos; Lati-
num, Campanum, Falerum, & Privernatem a-
grum plebi R. divisum. unde non multo post Palz-
politano multa hostilia adversus Romanos, agrum
Campanum, & Falerum colentes, fecisse. & cum
lib. XLII. L. Postumium consulem ad agrum publi-
cum a privato dirimendum in Campaniam missum,
cujus ingentem modum possidere privatos, paula-
tim proterendo fines, constabat, prodit; & cum
lib. VIII. T. Quinctium patricium virum agrum in
agro Tusculano coluisse; & cum lib. XLII. Sp. Li-
gustinum civem R. in tribu Crustumina in Sabinis
habitasse, narrat. Neque vero Livius solum, sed
etiam Cicero, qui in agrariis dixit, Campanum a-
grum coli, & possideri a Romana plebe modesti-
sima aratorum, & militum. Nec Cicero tantum,
sed etiam Varro, qui in I. de re rustica inquit,
M. Catonem ita scripsisse in Originibus: *Ager Gal-*
licus Romanus vocatur, qui virum datus est ultra
agrum Picenum. Quibus ex locis omnibus nemo
est, qui non intelligere possit, cives R. etiam ex-
tra agri ejus, de quo diximus, terminos, alterum
agrum inhabitasse: quem, nescio, cur non Roma-
num etiam, præsertim cum a Romanis possideretur
& coleretur civibus, nominemus. siquidem a-
grum Hernicum a Livio videmus aliquando etiam
Romanum appellari. ut libro XXVII. *Frusinone na-*
tus Androgynus aruspices eum extorrem agro Roma-
no procul terræ contactu alto immergendum respon-
derunt. quo ex loco quis non videt, Frusinatem
agrum, qui fuit in Hernicis, pro Romano ab aru-
spicibus esse acceptum? Mitto, quod alio loco di-
ctatorem negat, nisi in agro Romano dici potuis-
se: agrum autem Romanum Italia terminari, in-
terpretatum esse. Quod igitur, ut ad rem redeam,
civem R. urbis, agrive R. incolam definivi, id non
habet eam vim, ut si extra hos fines negotii for-
tasse gerendi causa aliquando habitavit, cum jus i-
psum civitatis R. statim amissurum esse contigam:

fed ut illud intelligatur, si in aliam ille urbem profectus, ab ea in civium numerum recipi se permiserit, eum continuo civem R. esse delictum. *neque enim*, ut scribit Cicero pro Caccina, *iure Quiritium idem duarum civitatum civis esse potuit*. Unde illa sunt apud Nepotem de Attico, *factum esse, ut cum ei omnes honores, quos possent Athenienses publice haberent, civemque facere studerent, eo beneficio ille uti noluerit; quod nonnulli ita interpretarentur, amitti civitatem R. alia ascita*. At Roma, & Romano agro abesse, quamdiu cuique libuit, sicut; dummodo aut praesens, aut absens censetur: ne si census non esset, civium tum Romanorum in numero non fuisse iudicaretur. cuius generis controversiae multae forum olim Romanum exercebant, quemadmodum satis magno esse documentum est, quem modo nominavi, T. Pomponius Atticus, eques Rom. potest, qui cum Athenis habitaret, Romam tamen saepe, & ad comitia amicorum, & ad censum civium, juris retinendi gratia ventitavit.

CAP. III.

De tribubus, & Curiis.

URBE, agroque Romano constituto, deinceps sequitur, ut, quemadmodum polliciti sumus, de tribubus, & earum partibus disputemus. De tribubus autem ita scribemus, ut & quid tribus fuerit, & a quo instituta, quando quaque addita, unde nominata, in quot genera divisae fuerint, eum exquiramus, tum etiam, quantum ex veteribus intelligi monumentis possit, aperiamus. Tribus igitur nomen latius apud Romanos paruisse invenio. Etenim & locum, & homines, & ius eos hoc nomine comprehendisse, auctor est Gellius. Quare si de loco quaerimus, tribum partem quandam esse urbis Rom. dicemus: si homines, partem Roman. civitatis. siquidem Aristoteles etiam in 1. corum librorum, quos de rep. scripsit, civitatem perfectam esse societatem ex multis vicinis constantem; vicinitatem vero ex multis familiis junctam societatem definivit; si ius, tribum esse definitam ius, quo donati sunt ii, qui in eam partem civitatis a censoribus fuerint distributi. Quae de triplici ratione mihi intelligo deinceps esse dicendum. Primum enim video, tribus Romae ita usurpatae, ut partes essent urbis, agrique Romani; deinde vero non urbis, sed civitatis. Urbs enim primum a Romulo in tres partes distributa est, unde tribus dictae. quamquam alii a tributo, quod populus Romanus in tribus divisus conferre solitus fuerit, dictas esse existimant. Harum autem tam diversarum opinionum duos gravissimos viros Dionysium, & Livium auctores habemus: inter quos ne de tempore quidem, quo tribus nomen inventum fuerit, video convenire. Nam Dionysius, quem plerique sequuntur, Romulum; Livius unus Ser. Tullium regem tribuum profiteretur auctorem. Ac Dionysio quidem placet, Romulum, ubi primum ab agresti illa Albanorum, convenarumque multitudine rex declaratus est, omnem populum in tres tribus; tribus autem singulas in decem curias divisisse. agrum porro, excepta ea parte, quam publicis, & quam sacris muneribus obundis addidit, aequaliter ipsis triginta curiis partitum esse: post autem Annem, Camerinum, Fidenatem, Sabinum, & Veientem bello confecto, cum multis ex eis populus civitate donatos in tribus, atque in curias coniecisset, iidem agri etiam capti partem distribuisse. quibus autem nihil forte a Romulo fuerat assignatum, iis Numam Pompilius, qui Romulum consecutus est, satisfecisse. Livius autem non nisi

A Sabino confecto bello, atque confociato cum T. Tatio imperio, tres equitum centurias, ac xxx. curias a Romulo factas, easque a mulieribus Sabinis appellatas prodit. cuius, ut apertior sententia sit, verba etiam ipsa subicribam: *Romulus cum populum in curias xxx. divideret, nomina Sabinarum curiis imposuit. Id non traditur, cum haud dubie aliquanto numerus maior hoc mulierum fuerit, etate ne, an dignitatibus suis; virorum ne, an sorte lectae sunt, quae nomina curiis darent. ab eodem etiam centuriae equitum tres conscriptae sunt, Ramnenses ab Romulo: ab T. Tatienfenses appellati. Lucernum nominis & originis causa incerta est.* Quibus ex verbis apparet, quas Dionysius tribus nominavit, eas a Livio centurias equitum appellari. Plutarchus vero, qui utriusque historiarum videtur legisse, Dionysium sequutus scripsit, tribus tres, curias triginta a Romulo, verum non nisi post civitatem Sabinis datam, descriptas: atque illas quidem Ramnensem, Tatienfensem, & Lucernum; has vero non a Sabinis, ut multi putarint, mulieribus, sed a locis pleraque sumptisse nomen. Quae si vera sunt, profecto Dionysii sententia illa subvertitur, qui populum a Romulo, antequam rei bellicae quicquam attingeret, in tres tribus esse descriptum dixit. nisi forte tribus ipsas, & curias ante Sabinum bellum institutas illas quidem, verum non nisi post Sabinam pacem his nominibus fuisse insignitas velit. Etenim & Varro, quem auctorem in ea re ipse sequutum se inquit, cum rationem, cur ita nominatae tribus fuerint, in libris de lingua Latina reddit, eas Sabino demum confecto bello ita appellatas significat. quid enim aliud ea verba volunt? *Ager Romanus primum divisus in partes tres, a quo tribus appellatae, Tatienfium, Ramnensium, Lucernum: nominatae, ut ait Ennius, Tatienfenses a Tatio; Ramnenses a Romulo; Lucernae, ut ait Junius, a Lucumone.* Quamobrem ego facere non possum, quin Alconium Padianum, virum eum, quem alias in antiquitate demonstranda accuratissimum ipse soleo nominare, hoc loco ut in scitiae arguam, aut imprudentiae, qui haec verba in commentario Divinationis reliquerit: *Principio tribus tres fuerunt, Tatienfium a Tatio rege, Ramnensium altera ab Romulo, Lucernae altera ab Lucumone, sive Lucero, sive Luco, quem Asylum vocaverat Romulus.* egregie hoc quidem, at quod sequitur, absurde: *Post de nominibus Sabinarum plures fuere, quibus deprecantibus parentum bellum, maritorumque finitum est. ad extremum quinque & triginta factae, cur autem absurde? quia tribus, quod nemo prodidit, a Sabinis mulieribus nuncupatas tradit: nisi forte curias falso easdem esse, ac tribus, voluit.* Fuerunt ergo ab initio tres Romae tribus, eaque a generibus hominum, qui tum urbem tenebant, nominatae. Ramnenses Albani erant, qui ad tria millia peditum, equites CCC. cum Romulo Romam coloniam condiderunt. Tatienfenses Sabinii, qui haud ita multo post cum T. Tatio Sabinorum rege Romam commigrarunt. Lucernae sive Erudae erant, qui cum Lucumone Etrusco, sive Ardeate, qui cum Lucero, regnante Romulo, (nam & haec traduntur) fortunarum suarum Romae domicilium collocarunt, sive praeter Albanos, Sabinosque reliquos adventitius populus omnis, qui in urbem confluxerat, atque in lucum confugerat. Unde etiam Lucernae appellati, qui regionem, quae inter Palatium, & Capitolium sita est, ac deinceps, aucta urbe, reliquos colles omnes obtinuerunt. Nam quod Livius Lucernum nominis, & originis incertam causam esse tradiderit, id ita accipiendum esse arbitror, non quod nullam ipse tenuerit, sed quod incertam eam diversos fecisse auctores, existimarit. Quoniam autem ex singulis tribubus singulae equitum centuriae conscriptae sunt, hinc factum est, ut eadem nomina primarium tribuum fuerint, ac centuriarum equestrium. Id quod

Livio fortasse causam, ut, nulla facta tribuum mentione, tres a Romulo equitum centurias conscriptas libro primo tradiderit, easque postea libro decimo tres tribus appellavit. Has deinde five tribus, five centurias sub iisdem nominibus auxit L. Tarquinius Priscus, ac sex fecit, primos & secundos (ut ait cum Livio, & Dionysio Festus) Ramnenses; primos & secundos Tatienfes; itemque Luces. Neque enim per Attium Navium augurem, id quod optabat, suo insignes relinquere nomine potuit. Hic ergo five centuriarum, five tribuum numerus usque ad Ser. Tullium regem permanfit incolumis, a quo eodem tum, cum tribuum, ac centuriarum numerus auctus est, ipsæ inter se aperte distinctæ sunt. id quod his verbis non obscure fert Livius: *Servius pedestri exercitu ornato, distributoque equitum ex primoribus civitatis XII. conscripsit centurias. sex item alias centurias, tribus a Romulo institutis, sub iisdem, quibus inauguratæ erant, nominibus fecit. Quadrifariam autem urbe divisæ regionibus, collibusque, quæ habitabantur partes, tribus eas appellavit, ut ego arbitror, ab tributo. nam ejus quoque equaliter ex censu conferendi ab eodem initia ratio est. Quamobrem, si Livium attendamus, Servium regem, urbe in quatuor partes divisâ, primum tribus, ac tribus quatuor a collium, regionumque nominibus appellatas, instituisse dicemus, Palatinam, Suburanam, Collinam, & Esquilinam; si Dionysium, urbem, quam trium Romulorum tribuum fecerat, Servium in quatuor divisisse, non gentium, ut ille, quæ habitarent, sed locorum, in quibus habitarent, habita ratione. Id autem quemadmodum factum sit, quia non minimi momenti res est, verbis item Dionysianis allatis, exponam, Servius, inquit, cum pomerium protulisset, urbem in IV. regiones divisam quatuor tribuum fecit, easque a regionibus nominavit, Palatinam, Suburanam, Esquilinam, Collinam: cum eo usque trium tantum fuisset. qui autem singulas earum partium incolabant, eos alio commigrare, atque alibi censeri, aut tributum conferre vetuit, neque in posterum per tribus generales, ut ante, sed per quatuor locales (sic enim τριῶν & τοιῶν vertemus) a se institutas rem militarem administravit, ac singulis partibus præfides, qui, ubi quisque habitaret, cognoscere, præfecit. Quorum verborum satis plana sententia est: Romulum tres tribus τριῶν fecisse, cum universam populi multitudinem in tres quasi gentium partes divisisset; Servium quatuor τοιῶν, cum totam urbem in quatuor regiones distribuisset; atque ideo neminem e sua regione in alteram transire, ne tribus ipsæ forte perturbarentur, voluisse. Hunc autem, ut a Romuli ratione, atque instituto discederet, hæc, ut opinor, causa adduxit. Vidit Ramnenses, qui Palatium; & Tatienfes, qui Capitolium tenebant, a Lucibus novo, atque adventito populo longe numero superari. etenim quicumque in urbem quotidie confluebant, sese Lucibus adungebant. Igitur ut omnes inter se tribus æquaret, ac parem in omnibus multitudinem redderet, qui Palatium, & Capitolium, & quicquid inter eos colles spatii erat, habitarent, in unam omnes tribum conjecit, quam a nobiliori Palatii nomine, quod in eo primum urbs sita fuerit, appellavit; qui sub urbem veterem, quæ regio Subura dicebatur, in Suburanam; qui Esquilias, in Esquilinam; qui Quirinalem, Viminalemque collem, in Collinam, quam, ne alteri horum collium, qui dignitate pari erant, injuria fieret, non Quirinalem, aut Viminalem, sed Collinam nuncupavit. His rebus ita constitutis, sequitur, ut quoniam Servium omnia fere tribubus ornamenta dedisse, comperimus; quam multas ille tribus, & quot generum fecerit, queramus. Ac plures quidem, quam quatuor, ab eo institutas, atque has*

quidem, quas commemoravimus, urbanas, reliquas vero rusticas appellatas, auctor est Dionysius. scribit enim, eundem regem in multas item partes agrum Rom. esse partitum, quas tribus nominavit, easque urbanis ipsis quatuor adjunxisse. Verum ne ipse quidem toti huic quæstioni satisfacit. recitat enim parum inter se constantes aliorum sententias, ut Fabii, ut Vennonii, ut Catonis, qui de numero rusticarum tribuum scripserunt. quid autem ipse existimet, non adscribit. verba vero ejus si Latine reddantur, hæc sunt: *Divisit agrum etiam universum, ut Fabius inquit, in viginti sex partes, quas & ipsas tribus appellat. cumque ipsis urbanas quatuor addidisset, triginta ex utrisque fecit: (Cato quidem has regnante Tullio fuisse omnes narrat) ut autem Vennonius prodit, in unam, & triginta tribus. qui cum auctor sit melior, numerum tamen partium certum non ascribit. Quæ si Dionysii sententia fuit, (nam libri mendam verba ipsa Græca vulgata subindicant) profecto apparet, tribus ex eorum sententia a Ser. Tullio aut triginta, aut amplius esse factas. Qui opinioni nec Varro, nec Livius, nec Dionysius est assensus. Varro quidem, quia lib. de vita populi Rom. I. teste Nonio, ita scriptum reliquit: *Extra urbem in regiones viginti sex agros viritum liberis attribuit.* quod, ni mea me conjectura fallit, de Servio dictum est, ut ex his verbis intelligamus, agrum in partes illum quidem viginti sex divisum esse: sed regiones eas, non tribus appellatas; & numerum tribuum cum numero regionum non convenisse. siquidem Vaticanus ager non solum fuit Romanus, sed prope etiam suburbanus, at inde tamen tribus nulla nomen traxit. Nam Livium tribus a Servio plures quatuor, pauciores triginta institutas existimasse, multis argumentis doceri potest. sed maxime, quod tribum Claudiam, quæ rustica fuit, sexto post reges exactos anno, qui fuit ab v. C. CCXLIX. cum verus esset tribus, Claudiam appellatam scribit. deinde quod apud eundem scriptum est, anno demum CCLVIII. Claudio, Servilioque coff. Romæ unam & viginti tribus esse factas. Dionysium vero, quia in judicio Coriolani exponendo, quod quadriennio post, Sempronio, Minucioque coff. a plebe factum est, scribit, tribus unam, & viginti suffragium tulisse, ita ut novem eum absolverint, reliquæ condemnarent. Ergo, cum, id quod omnem hujus dubitationis scrupulum evellere poterat, Livius ita locutus sit, ut nec quot, nec quæ tribus addite sint, ne tum quidem, cum una & viginti factæ sunt, explicet; nec Dionysius hac de re quicquam adjiciat. unde pervenire in suspensionem aliquam veritatis possimus, fingamus nos duas opiniones extitisse, unam, ut dixi, Fabii, alteram Vennonii, quibus aut triginta, aut una & triginta tribus a Servio factæ dicantur; tertiam vero Varronis, Dionysii, & Livii statuamus. quorum postremos tam magnum numerum tribuum non approbare inde liquet, quod post reges exactos minorem multo ambo commemorent. Dicamus autem, exempli gratia, decem, & novem tribus a Servio esse factas. Hoc enim si constituerimus, a Dionysii non multum; a Livii certe nihil sententia recedemus, qui non nisi ducentesimo quinquagesimo octavo demum urbis anno, Claudio & Servilio coff. unam & viginti tribus factas, scriptum reliquit: & post exemplum demum triginta quinque tribuum numerum, duplicatum ipsarum esse numerum prodit. Harum autem decem, & novem nomina, ut putato, fuerunt: Urbanæ, quas commemoravimus, quatuor, Suburana, Palatina, Esquilina, Collina. reliquæ rusticæ, Romilia, Læmonia, Pupinia, Galleria, Pollia, Voltinia, Æmilia, Cornelia, Fabia, Horatia, Menenia, Papiria, Sergia, Veturia, &*

quæ post dicta est Claudia. Hæc igitur tribuum prima fuit a Servio instituta divisio, ut alteræ urbanæ essent, alteræ rusticæ. urbanæ a collibus & regionibus urbis, rusticæ ab ruris, id est, agri partibus nuncupatæ. Itaque scite Varro in libris de lingua Latina, ubi de locis egit, tribus omnes a locis nomen traxisse significat, cum ait: *Ab hoc quoque quatuor partes urbis dictæ, & ab locis, Suburana, Esquilina, Collina, Palatina, sic reliquæ extra ab his rebus, de quibus in tribuum libris scripti.* Quod autem a Varone traditum est, ratione etiam in plerisque earum confirmari potest. fuisse enim hæc nomina fere vel urbis, vel agri regionum satis constat. Ac de regionibus quidem urbis quatuor, quo locupletiore utar recte, quam eodemmet Varone, non habeo, qui eodem in loco ita scribit: *Reliqua urbis loca olim discretæ. e quæis prima est regio Suburana, secunda Esquilina, tertia Collina, quarta Palatina. In Suburane regionis parte princeps est Cælius mons: eidem regioni attributa Subura, quod sub muro terreo Carinarum. Suburam Junius scribit ab eo, quod fuerit sub antiqua urbe. cui testimonium potest esse, quod subest ei loco, qui terreus murus vocatur. Sed ego a pago potius Susfano dictam puto Susfam. nunc scribitur tertia littera C. non B. Pagus Susfanus, quod succurrit Carinis. Secundæ regionis Esquilinæ ab Esquilini, alii bas scripserunt ab excubiis regis dictas: alii ab eo, quod excolta a rege Tullio essent. Tertiæ regionis colles ab quinque deorum fanis appellati, e quæis nobiles duo colles, Viminalis a Jove Viminio, quod ibi ære sunt ejus, aut quod ibi vinineta fuerunt; collis Quirinalis, ubi Quirini fanum, qui a Curetibus, qui cum T. Tatius Curibus venerunt Romam, quod ibi habuerunt castra. Quartæ regionis Palatium, quo Palantei cum Evandro venerunt, aut quod Palatini, qui & Aborigines, ex agro Reatino, qui appellatur Palatium, ibi confederunt. Sed hoc alii a Palatia uxore Latini putarunt. eundem hunc locum a pecore dictum putant quidam. Itaque Nevius Balantium appellat. Hæcenus Varro. Suburanam ergo tribum ex urbanis primam fuisse, cum Plinius, Varro, & Festus, qui eam ceteris anteponunt, docent; tum maxime Cicero in Agraria, cum inquit: *A Suburana ad Arniensem nomina vestra proponat.* quod nihil aliud est, nisi a prima tribu usque ad extremam. Ut autem inter urbanas Suburana primam sedem obtinuit, sic inter rusticas Romilia. Hoc ostendit eodem in loco Cicero, cum Rullum reprehendit, qui se agrariæ divisionis initium a Romilia tribu facturum esse responderat; cum, ut ipse interpretatur, aut urbanas præteriret, aut certe, quod a rusticis inciperet, ordinem immutaret. quod idem non obscure tulit etiam Varro, cum Romiliam quintam tribum, quod sub Roma esset, & Festus, quod ex eo agro censerentur, quem Romulus ex Vejentibus ceperat, scripsit. Sequuntur deinceps tres Læmonia, Pupinia, Vejentina, quas omnes ab agri Rom. partibus nomina duxisse, quis ignorat? de iis enim sic Festus: *Læmonia tribus a pago Læmonio, qui est a porta Capena via Latina, dicta est: Pupinia ab agro Pupinio.* cuius nos ante, & sæpe etiam Livius alias, & Valerius meminerunt. Vejentinam, cujus meminit in Planciana Cicero ab agro Vejentum dictam existimarim, quem Vejentibus Ser. Tullius ipse ademit, & novis civibus, ut tradit Dionysius, dedit. Quod idem de Galeria, Pollia, Voltinia, quantum scriptum nihil extat, possumus suspicari. Voltinienes quidem Terentinæ vicinos scribit Cicero pro Plancio. Dicit aliquis: Quid ceteræ? a pagis ne, & locis; an potius a virorum, familiarumve nominibus appellatæ sunt? Ego quidem existimo, a locis omnes, ut scripsit Varro, a Ser. Tullio rege nominatas, verum vindicata post in libertatem civitate, multas earum veteri relicto nomine illustrium aliquot familiarum sibi nomina asci-*

visse. Hoc me docuit Claudia tribus, quæ, ut ait Livius, cum vetus esset tribus, eaque a pago ante forte aliquo appellata, adjectis postea novis tribubus, Claudia vocata est. Nam Papirium quidem, quid est, cur a Papirio duxisse nomen dubitemus, cum Festum auctorem habeamus? Neque vero hoc cuiquam mirabile debet videri, Papios, Cornelios, Emilios, Sergios, Fabios, Horatios, Menenios, Veturios, qui patricii remp. universam primis illis reip. temporibus in potestate habebant; quibus ipsi erant præditi opibus, nomina sua tribubus, quæ tum erant, diversis rerum causis, atque eventibus imposuisse. Inde duæ adjectæ sunt anno, ut dixi, CCLVIII. quarum altera Crustumina; altera Vejentina, ut opinor, est appellata. de quibus tribus una & viginti factæ; quatuor anno CCLXIX. Stellatina, Tromentina, Sabatina, Arniensis; duæ anno CCXCV. Pomptina, & Popilia, sive Popillia, sive Poblilia; duæ anno CCCXXI. Macia, & Scaptia; duæ anno CCCXXV. Ufentina, & Falerina; duæ anno CCCCLIII. Arniensis, & Terentina; duæ demum anno DXII. Velina, & Quirina. quibus numerus XXXV. tribuum est expletus, qui integer usque ad extrema reip. tempora penetravit. Omnium autem harum Livius auctor est; præter Crustumina & Vejentinam. quarum cum ego nomina celebrari parim in libris, partim in lapidibus veteribus viderem; neque tempus aliud, quo eas adjectas esse verisimile esset, reperirem, eo potissimum, quo dixi, anno additas arbitratus sum. Est autem Crustumina dicta ab oppido Crustumio, ut inquit Festus: Vejentina a Veis. est enim intelligendum, ut decem, & novem tribus quas Servius descripsit omnes aut in urbe, aut in agro Rom. fuerunt; sic reliquas sexdecim extra agrum, aut in Sabinis, aut in Etruria, aut in Latio, aut in Campania fuisse. Crustumina autem in Sabino agro politam, docet Livius, apud quem Sp. quidam Ligustinus se ex tribu Crustumina esse in Sabinis ait: ita fortasse appellatam, quod ex iis agris homines in civitatem asciti, in eaque tribus, ut de Ap. Claudio, & clientibus ejus e Sabinis venientibus paulo ante factum erat, conjecti sint. quod semel fieri cœptum inde sæpiissime celebratum est. neque enim quenquam negaturum esse arbitror, Stellatinæ, Tromentinæ, Sabatinæ, Arniensis nomina ab Etruscis locis esse impolita, qui hæc Livii verba consideraverit: *Eo anno in civitatem accepti, qui Vejentium, Capenatium, ac Faliscorum per ea bella transigerant ad Romanos, egerque iis novis civibus assignatis. tribus quatuor ex novis civibus addite Stellatina, Tromentina, Sabatina, Arniensis, eaque viginti quinque tribuum numerum explevere.* Quod si quis ex his verbis haud satis id, quod proposui, confirmari putaverit, tribus, inquam, has quatuor non ab agro eis assignato; sed ab eo, unde novi cives venerant, nominatas: his adjiciat Picitoris, & Catonis auctoritatem, qui Stellares populos, Sabate lacum, Arnium fluvium in Etruria posuerunt. Cato quidem in vulgatis Originum fragmentis ita: *Umbo in monte Sena colonia, Pistorium, Umbo annis, Stellates, Fluentini, qui & Arnienses.* Pictor vero sic: *In area inter colles sunt vicus Longus, vicus Arniensis, vicus Stellatinus, Sabatinus, Lartenianus, qui & Veiens, Faliscus, quorum cognomina a Tusci sunt commigrantibus in civitatem Romanam.* Judicet præterea, quam verisimile sit, si hi populi vicos aliquos urbis Romæ, quos obtinuerunt, suis nominibus decorarunt, eisdem tribus etiam, in quas relati sunt, suo insignes nomine relinquere potuisse. Nam Sabatinam quidem tribum a Sabate lacu dictam aperte scribit Festus. quem lacum non longe a Roma in Etruria collocat Strabo. Tromentinam autem cum a loco Cælii Etrusci ejus, qui cum Romulo vixit, nominatam Pictor auctor sit, profecto & hanc

ab Etruriæ, ut ait Festus, campo Tromento dictam licet suspicari. Nam Arniensem, sive Arnensem ab Arno flumine appellatam, nemo dubitare merito poterit. Quod cum ita sit, sane ratio apparet, cur in Agraria Cicero dixerit: *A Suburana ad Arniensem*, id est, ut supra admonui, a prima tribu ad ultimam. neque enim novissimam Arniensem intelligit, quæ ultimo loco addita sit, & quæ numerum triginta quinque tribuum expleverit, sed quæ longe ab urbe Roma abfuerit. Arniensem autem omnium remotissimam esse, facile quisque intellexerit; qui locorum intervalla, unde aliæ sunt appellatæ; notaverit. Jam Pomptinam a Pometia Latino oppido nomen fuisse scribit Postumus. Quod idem de Mæcia, & Scaptia suspicari possumus, de quibus hæc litteris prodidit Livius: *Lanuvini, Arniini, Nomentani, Pedani civitate donati. census ætæ, novi cives censu. tribus propter eos additæ Mæcia, & Scaptia.* Atqui Mæciam Festus a castro quodam, Scaptiam ab oppido dictam refert. Castrum autem est Mæcium non procul ab Lanuvio, ut auctor est Livius, libro sexto. Scaptiam autem in Latio oppidum numerat cum aliis Plinius. Quod autem de his, idem etiam de Ufentina, & Falerina licet judicare. quarum altera ab Ufente flumine, altera a Falerino agro (horum ille in Latio, hic in Campania est,) nomen traxit. Ufentinæ testimonium nobile est apud Festum: *Ufentina tribus*, inquit, *initio causa fuit nomen fluminis Ufentis, quod est in agro Privernate intra mare, & Tarracina.* Lucretius: *Priverno Ufentina venit, fluviogue Ufente.* postea deinde a censoribus aliisque diversarum civitatum eidem tribui sunt adscripti. Erat autem Privernatibus decem ante annis civitas, auctore Livio, a Romanis communicata. Eodem autem modo Campanos aliquot tum in civitatem ascitos, atque eorum causa Falerinam adjecitam possumus suspicari. Utriusque non tam Livius, quam Diodorus meminit. Sequuntur Anienis, & Terentina, atque extremæ Velina, & Quirina. de quibus, quod sciam, nihil aliud extat, quam quod est apud Festum de Quirina, quam a Curientibus Sabinorum populus ait esse vocatam. Aniensem porro ab Aniene flumine derivatam; Terentinam a Terento loco; Velinam a lacu Velino Sabinorum existimaverim, quippe quæ una cum Quirina, quæ & ipsa in Sabinis fuit, anno DXII. a censoribus G. Aurelio Corra, & N. Fabio Buteone, auctore in epitomis Livio, sit adjecta. an autem Terentina a Terento manarit, qui locus ad Tiberim in campo Martio fuit: quemadmodum ne de Probbia quidem, a loco ne, an a viro aliquo nominata sit, affirmare non auiam. Hactenus de triginta quinque tribuum nominibus, quæ mihi proxime ad veritatem accedere visa sunt, exposui. De ceteris autem, quæ præter has veteribus in monumentis leguntur, ut Papia, Camilla, ita, ut nunc quidem est, sentio, nomina esse tribuum xxxv. sed multas tribus duobus fuisse fortasse aliquando nominibus insignitas; altero, quod loci esset, altero quod familie: easque ab aliis hoc, ab aliis illo fuisse appellatas. siquidem constat, tres ex his alio post fuisse nomine vocitatas ab Augusto, Vespasiano, & Trajano, Juliam, Flavianam, & Ulpianam, qua tamen causa, aut quo tempore in prioribus hoc factum sit, cum ne divinatione quidem assequi me posse confidam, in aliorum suspitione malo relinquere, quam in oratione mea ponere.

Reliquum est, ut deinceps quid interurbanas tribus, & rusticas interfuerit, dicendum esse videatur. Quod igitur supra diximus, urbanis tribubus eos, qui urbem; rusticis, qui rus haberent, comprehensos, id verissimum fuisse Servio regnante, ac primis illis temporibus possumus affirmare. Hujus enim antiquitatis testem Dionysium habemus, qui Servium

facta urbis, agrique divisione in sua quæque urbis, agrique regione habitare voluisse scripsit: sic enim de utraque divisione loquitur: *Tullius muro uno septem colles complexus, urbem in quatuor partes divisam, quas Palatinam, Suburanam, Collinam, & Esquilinam vocavit, quatuor tribuum fecit, quæ usque trium fuerat. cavitque ne, qui in quacunque quatuor partium habitarent, aut aliud domicilium sumerent, aut uspiam alibi contribuerent, vel in delectu militari, vel in pecuniis in bellum aut alios usus, quos unumquemque reipub. præstare oporteret, confereendis. neque amplius per tribus generales, ut ante, sed per quatuor locales, quas ipse descripsit, rem militarem administravit. cum curatores uniuscujusque regionis creasset tribuum, atque vicorum principes, quos ubi quisque incoletet, cognoscere iussit. Divisit vero agrum etiam omnem, ut Fabius inquit, in partes sex, & viginti, quas & ipsas vocat tribus, & cum ipsis urbanas quatuor adjecisset, triginta affect ex utriusque. (Cato quidem hæc regnante Tullio fuisse omnes narrat.) ut autem Vennonius prodit, in unam, & triginta tribus. qui cum auctor sit melior, numerum tamen partium certum non adscribit. Cum igitur Tullius in quacunque velis partes agrum divisisset, in montanis, & furmissimis in primis collibus perfugia quedam disposuit, quæ Græce pagos nominavit; quo se agrestes ex agris per hostiles irruptiones reciperent, atque ibi pernoctarent: erant autem horum etiam curatores, quibus negotium datum erat, ut agricolarum in pagum contribuentium nomina, hæc prædia, quibus eorum vita sustentabatur, nota haberent; & ubi res postularet, eos ad arma excirent, ac tributa viritum exigerent. Ut autem eorum multitudo facilius inveniri, ac dirimi posset, aras ab eis iussit extruendi, quarum in fide pagus esset; atque eos communis sacrificio a convenientibus quotannis rusticis coli, die ad id festo, qui Paganalia dictus est, instituit, iussit: ac leges quasdam de sacris illis, quas in hanc etiam etatem Romani tenent, dedit. Ad hoc autem sacrificium omnes, qui ejusdem essent pagi, viritum numerum conferre, unum viros, alterum mulieres, tertium impuberes statuit; ex quorum numero facile a curatoribus pagorum subduci ratio, & generum, & etatum potuit. Adjicit Piso, eundem, cum vellet civium, qui urbem incolerent, numerum nosse, & qui nascerentur, & qui e vita decederent, & qui inter viros ascriberentur, constituisse: ut pro cuiusque ortu, cognati numerum in arcam Junonis Lucinæ inferrent; pro interitu, in Veneris Libitinæ; pro iis autem, qui togam virilem sumerent, in Juvencæ. ex quibus facile, quam multi quotannis, & qui ex his etate militari essent, cogniturus erat. His autem rebus ita constitutis, æstimare sua quæque bona, eamque estimationem juratum profiteri, ac sua, patrum, uxorum, liberorumque nomina, & qua in urbis regione, quoque in agri pago habitarent, deferre. qui secus fecisset, ipsum verberatum venire iussit. Hæc Dionysius. ex quibus perspicue liquet, urbanas tribus tum fuisse eorum, qui urbem; rusticas illorum, qui rura, & quidem colendi causa haberent. ita ut tribus nihil aliud, quam pars aliqua urbis, vel agri Romani esset, eaque habitationem sequeretur, & mutata habitatione mutaretur, quique in agris, siidem in aliqua tribu essent; siquidem tot fere rusticæ tribus, quot agri partes numerarentur. unde dixit Festus, *Viatores appellatos, qui magistratibus apparerent, eo quia initio omnium tribuum cum agri in propinquo erant urbis, atque assidue homines rusticabantur, crebrior opera eorum erat in via, quam in urbe. quod ex agris plerumque homines vocabantur a magistratibus.* Quo eodem etiam respexit A. Gellium arbitror, cum tributa comitia esse definivit, cum ex regionibus, & locis suffragium ferretur. Post autem mutata tota hæc tribuum ratio est, primum enim qui urbem inhabitabant, urbanas;*

qui agrum, rusticas obtinebant. deinde vero relictis urbanis optimis, ac præstantissimis quique in rusticis censerī voluit; ita ut tum tribus non urbis, sed civitatis partes haberi cœptæ sint. Mutationi autem huic duæ res causam, meo iudicio, attulerunt, ura vitæ rusticæ commendatio: altera censoria potestas, & notio. De utraque dicemus brevius. Ac magno quidem in honore vitam rusticam apud præcos illos Romanos fuisse, neminem esse puto, qui nesciat. Hoc Romuli vetus institutum probat, qui Dionysio auctore, scellularias, & fordidas artes omnes sēvis, ac peregrinis; militarem, ac rusticam liberis, & civibus tantummodo concessit: ita ut iidem rei bellicæ, ac rusticæ operam darent; ac pacato quidem tranquilloque civitatis statu in agris essent: nisi si quando eis in urbem veniendum esset, cui muneris nonum diem, qui Nundinæ dictus est, attribuit: ingruenti autem bello ad militiam nomina darent. unde factum est, ut Nundinas Macrobius paganismum, id est, rusticorum, fuisse ferias scripserit, qui conveniunt negotiis propriis, vel mercibus provisuri. Quin etiam alio loco Dionysius scribit, cives Rom. ita in agris fuisse, ut aut agros suos colerent, aut alienos, atque utrosque ad militiam ire coactos. mitto interea ex iis, qui urbem habitarent, quam multi, quanta cum laude, patricii etiam viri manibus suis agrum suum coluerint, atque ab agro ad honores vocati, ab honoribus ad agri culturam reverterint. Hinc ergo factum est, ut vita agrestium urbanorum vitæ anteposita sit, quod illa laboris, hæc deidiaz plena esset. id quod significari video a M. Varrone in secundo de re rustica his verbis: *Viri magni majores nostri non sine causa præponebant rusticos Romanos urbanis, ut ruri enim qui in villa vivunt, ignaviores, quam qui in agris versantur in aliquo opere faciendo: sic qui in oppido sederent, quam qui rura colerent, desidiores putabant. Itaque annum ita dividerunt, ut nonis modo diebus urbanas res usurparent; reliquis octo, ut rura colerent. & alibi: Non sine causa majores nostri ex urbe in agros redigebant cives suos, quod & in pace a rusticis Romanis alebantur, & in bello ab his tuebantur.* Ut ergo rustica vita honestior urbana haberi cœpta est; sic rustica tribus urbanis honoratior. itaque urbanis libertinorum ordini relictis in rusticis ab ingenuis commigratum est. Quod quidem Plinius, ubi laudes agriculturæ narrat, aperte demonstrat, cum ait: *Jam distinctio, bonosque civitatis ipsius non aliunde erat. Rusticæ tribus laudatissime eorum, qui rura haberent; urbanæ vero, in quas transferri ignominie esset, desidie probro.* Itaque quatuor sole erant a partibus urbis, in quæ habitabant, Suburana, Palatina, Collina, Esquilina. nundinis urbem revistabant. & ideo comitia nundinis haberi non licebat, ne plebi rustica advocaretur. Ergo cum tantum honoris rusticis tribubus accessisset, tum suspicor commutata tota Servii ratione eos etiam, qui urbem incolerent, nobiles homines in rusticis tribus transferri cœptos esse. quid enim? nonne Ap. Claudius, cui ex Sabinis in civitatem venienti pars urbis ad ædes construendas, & ager ad colendum datus est, in rusticam tribum, quæ postea a se Claudiaz nomen accepit, conjectus est? certe. sic enim de eo scriptum reliquit Dionysius: *Claudio, qui ex Regillo, Sabinorum oppido, Romam cum clientibus suis commigravit, urbis partem quantum voluit ad construendas ædes populus dedit, & agrum publicum inter Fidenas, & Picentiam, ut partem clientibus suis distribueret. Ex quibus tribus etiam facta est temporis intervallo ea, quæ Claudia nominatur, quæ in hunc usque diem nomen retinet.* Jam vero illi, quos supra commemoravimus, Etrusci, qui in civitatem accepti vicos multos urbis tenuerunt, quos etiam suo nomine decorant, nonne in quatuor tribus

rusticas distributi sunt? Neque vero novos solum cives in rusticis tribus honoris causa translatos esse; sed veteres etiam ex urbanis in rusticis transitum fecisse, existimare possumus. Nam si Julia gens Romam a Tullo Hostilio rege, Octavia a Tarquinio Prisco transducta est; id quod a Dionysio, & Suetonio accepimus: quid esse causæ potest, cur non utraque urbanas demum tribus obtinuerit, in quas, quicumque tum Romæ domicilium haberent, Ser. Tullius distribuerit? profecto, nisi quod ipsi procedente tempore ex urbanis in rusticas Fabiam, & Scaptiam transferrent. Nam Scaptientes, & Fabianos Augusti tribus prodit Suetonius; credo, quod alteram ille a Julia, alteram ab Octavia gente tribum acceperit. Etenim qui adoptatus erat, ut nomen, sic etiam tribum ejus qui se adoptaverat, assequeretur. Neque vero ego aliunde tribum Papiam, Corneliā, Æmiliā, Fabiam, Horatiā, Meneniam, Sergiam, & Veturiam appellatas existimaverim, quam quod in eas copiosissimæ hæ, ac nobilissimæ familiæ se coniecerint. nisi vero M. Livium Salinatorem, qui Polliam; & C. Claudium Neronem, qui Arniensem; Ser. Sulpicium Rufum, qui Læmoniam; C. Curionem, qui Polliliam; C. Verrem, qui Romiliam habuit: nobiles homines agros, non urbem, incoluisse: ac propterea rusticas, non urbanas tribus obtinuisse existimemus. Rusticarum vero tribuum honorem ex eo maxime tempore increbuisse crediderim, ex quo, tribus censorum arbitrio sunt permixtæ; ita ut ii & novas tribus addere, & novos cives in tribus conicere, & veteres tribu movere possent. quam eorum potissimum fuisse potestatem accepimus. inde enim eam quique tribum tenuit, quam sibi non urbis, aut agri habitatio, sed censorum arbitrium detulisset ostendit aperte id Festus, qui in Ufentinam tribum ex aliis post etiam civitatibus homines a censoribus, quam qui ex Ufentina regione venerant, ait esse translatos. docet Diodorus, qui Appium Cæcum censorem potestatem dedisse civibus, ut in, quam vellet, tribum distribuere; in qua vellet, censerentur, scripsit. Urbanas autem cum multis ante annis ignominiosas esse cœpisse putaverim, tum maxime post annum CCCXXIX. quo Q. Fabius censor humillimos homines ex omnibus tribubus, in quibus dispersi erant, excretos in quatuor urbanas coniecit. cujus rei auctor optimus est Livius, qui ita scribit: *Ap. Claudius censor humilibus per omnes tribus divisi forum, & campum corrupt: & ex eo tempore in duas partes discessit civitas. aliud integer populus sanctorum cultor honorum, aliud forensis factio tenebat. donec Q. Fabius, & P. Decius censores facti. & Fabius simul concordie causa, simul, ne humillimorum in manu essent comitia, omnem forensē turbam excretam in quatuor tribus coniecit, urbanaque eas appellavit. Adde quod libertini, sordidum hominum genus, jam inde a Ser. Tullio rege in quatuor urbanas tantum erant translati. ut ii urbanæ tribus libertinorum, atque humilium, forensiumque hominum fuerunt; intellegamus rusticas ingenuis, modestis, bonisque, sive urbem, sive rus incolentibus relictas.*

Hactenus, quod ad hunc locum attinet, sic dictum de tribubus. reliquum est, ut deinceps de curiis differamus. Est autem ut tribus, sic curia significatio triplex: nam & locum significat; & cætum quandam civium, qui inde curiales dicti sunt; & jus, quo curiales ipsi donati sunt. Curias autem idem, ut dixi, Romulus instituit, ut essent partes tribuum. singulas enim tribus in decem curias dispersit, unde triginta fuerunt. Docet hoc cum Dionysius, ut paulo ante admonui, tum M. Varro, & post Varro nem Sex. Pompeius. Varro quidem ita: *Curie duorum generum. nam & ubi curarent sacerdotes*

res divinas, ut curiæ veteres: & ubi senatus humanas, ut curia Hostilia, quam primus edificavit Hostilius rex ante nostra. Pompeius vero hoc modo: Curia locus est, ubi publicas curas gerebant. Curia etiam nominantur, in quibus unicuique partis populi Romani quid geritur, quales sunt eæ, in quas populum Romulus distribuit numero xxx. ita ut in sua quisque curia sacra publica faceret, feriasque observaret. Nominatas porro curias Livius a Sabinarum mulierum, quæ raptæ erant, nominibus scribit; & Livium fortasse sequutus Pompeius, ac Pedianus. quam opinionem ita auctore Varrone Dionysius, & post Dionysium Plutarchus refutavit, ut eas partim a locorum, partim a virorum nominibus appellatas esse tradiderint. Quoniam autem Romulus urbis pomerio Palatinum tantum montem comprehenderat, curiasque omnes intra urbem construxerat, hinc factum est, ut omnes triginta curiæ primis temporibus in Palatio fuerint. post autem, cum ad populi, qui jam creverat, frequentiam capiendam vix satis amplæ viderentur, novæ totidem ampliores aliæ edificatæ sunt, in quas ex veteribus sacra sunt evocata. quatuor autem fuerunt, ex quibus per religiones sacra evocari non potuerunt, Forensis, Velienis, Raptæ, & Velicia, quæ inde Veteres curiæ quatuor dictæ sunt. Quod ex Felto maxime cognoscitur, cum scribit: *Nova curiæ proxime compitum Fabricii edificatæ sunt, quod parum amplæ erant veteres a Romulo factæ: ubi in eæ populum, & sacra in partes distribuerat; ut in eis ea sacra curarent, quæ quando ex veteribus in novas evocarentur, quatuor curiarum per religiones evocari non potuerunt. Itaque Forensis, Raptæ, Velienis, Velicie res divine sunt in veteribus curiis.* Ceterum præter harum quatuor nomina tres etiam aliæ alibi inveniuntur, Sautia, Titia, Tifatæ. Sautia meminit Livius: *Atque ei legem curiatam de imperio ferenti triste omen diem diffudit, quod Sautia curiæ fuit principium, duabus insignis cladibus, capta urbis, & Caudine pacis.* Reliquarum Festus. Titiam enim curiam a Tito Tatío rege nuncupatam, Tifatam Romæ curiam fuisse, ait. Apparet autem ex his, antiquam illam Romuli divisionem aliqua ex parte retentam esse, aliqua etiam immutatam. Nam triginta curiarum numerus idem perpetuo mansit: curiæ vero trium partes non semper fuerunt. Nam aucto trium numero, curiarum tamen non est amplificatus. Præterea vero cum tribus quatuor factæ essent urbanæ; reliquæ vero rusticæ xxxi. a partibus agri nominatæ, tamen nullæ curiæ in agro sunt constitutæ. Itaque curiæ tantum in urbe aedes fuerunt, in quibus, qui urbem colerent, sigillatim in sua quisque sacra facerent. Ut enim post Ser. Tullius tribus urbanis sacra quædam, quæ Compitalia, & rusticæ alia, quæ Paganalia dicta sunt, assignavit; sic curiis singulis Romulus sua sacra constituerat, suis cuique divis, quos colere debent, demonstratis; & sacris faciendis certas pecunias ex ærario fumendas attribuerat: & ut rei divinæ curiales cum suis curionibus interessent, unaque feriis in curialibus tricliniis epularentur, instituerat. fuisse enim suas cuique curiæ aedes scribit Dionysius, in quibus communis veluti focus singulis curiis erat consecratus, quæ aedes curiarum, & ipsæ curiæ sua etiam ætate nominarentur. Quo reposit Cicero in primo de oratore, cum dixit: *tantam in Crasso humanitatem fuisse, ut, cum lauti accubassent, tolleretur omnis illa superioris tristitia sermonis; eaque esset in homine iucunditas, & tantus in jocando lepos, ut dies inter eos curiæ videretur, convivium Tusculanum.* Ergo cum curiæ precedente tempore nihil ad trium rationem pertinerent, factum est, ut multi tribus obtinerent, curiarum tamen expertes essent. inter quos maxime erant municipes, qui extra urbem

agrumque Rom. domicilium habuerunt. Qui si sacra eadem cum civibus Rom. non habebant, profecto neque iidem erant omnino, ac cives Romani. Quod & a principio hujus disputationis attigimus, & post in libris de antiquo Italiæ jure apertius ostendemus.

C A P. IV.

De Classibus & Centuriis.

Utrumque autem tribus, & curiæ a Romulo sunt institutæ: sic classes, & centuriæ a Ser. Tullio. omnem enim populum in sex classes distribuit, classes autem omnes in centum tres, ac nonaginta centurias. primæ enim classis octoginta peditum fecit centurias, quadraginta quidem juniorum, totidem vero seniorum, & decem atque octo equitum; secundæ ex senioribus, junioribusque viginti peditum, & duas fabrum; tertiæ item, eodem ætatis discrimine habito, peditum viginti; item deinceps duabus tubicinum additis quartæ; triginta inde peditum quintæ; postremo sextæ unam proletariorum, & capite censorum. ex quo factum est, ut omnes centurias centum tres, ac nonaginta reddiderit. Dionysium enim potius sequi placet, quam Livium; qui tres tubicinum prodit centurias, ut essent centum nonaginta tres. nam numerus impar in centuriis, ut etiam in tribubus queritur. In classibus autem, & centuriis describendis non regionem, aut sacrorum communionem sequorur est, sed censum; qui ut in quoque variatus est, sic varios ille fecit classium gradus. Nam in primam, qui centum millium æris, aut majorem censum haberent, conjecit. unde Asconius censos more majorum dictos prodit, qui centum millia professione derulissent. & infra classem dictos refert Pompeius, qui minore summa, quam centum, & viginti millium censi essent. Secunda intra centum utque ad quinque, & septuaginta millium censum instituta. tertiæ millium quinquaginta censum esse voluit; quartæ quinque & viginti millium; quinta undecim millibus censa; inde sexta proletariorum, & capite censorum effecta. Quanquam autem sex descriptæ classes sunt, tamen non nisi quinque sunt celebratæ: quoniam ultimæ non est habita ratio. Hoc ostendit apud Gellium Tubero, qui dixit, *Tullium classes quinque census faciendi causâ instituisse; & Livius cum ait, tribunos pl. decem creatos binos ex singulis classibus; & Asconius, qui in commentario Cornelianæ, quinque primum tribunos creatos prodit, singulos ex singulis classibus; & Sallustius ad Cæsarem, qui C. Gracchum promulgasse inquit, ut ex confusis quinque classibus forte centuriæ vocarentur.* Quod autem dixi, Servium discrimina ætatum fecisse, aliosque seniores, alios juniores appellasse, intelligendum est, id, me non solum ex Livii sententia, sed ejus etiam, quem modo nominavi, Tuberonis prodidisse: qui (ut est apud Gellium) scriptum reliquit, *Servium pueros existimasse, qui minores essent annis septemdecim. atque inde ab anno septimo decimo, quosdam jam esse reip. arbitraretur, milites scripsisse, eosque ad annum quadragesimum sextum juniores, supraque eum annum seniores appellasse.* Præterea vero non eisdem fuisse proletarios, & capite censos, quos sextam explevisse classem demonstravimus, docet idem Gellius ex Julii Pauli sententia. Nam qui in plebe, inquit, *Romana tenuissimi, pauperrimique erant, neque amplius, quam mille quingentum æris in censum deferabant, proletarii appellati sunt: qui vero nullo, aut perquam parvo ere censabantur, capite censi*

vocabantur. extremus autem census capite censorum
erit fuit CCCLXXV. Ut ergo tribus cum curiis omnem
civium multitudinem sunt complexæ, sic etiam a-
lia ratione classes cum centuriis. Quoniam autem
classes cum tribubus, & centuriæ cum curiis com-
mune nihil a principio habuerunt, tamen proce-
dente tempore institutum est, ut classes quodammodo
tribuum essent partes. Hoc autem factum esse
post expletas quinque & triginta tribus Livius igni-
ficat, cum addit: *Nec mirari oportet, hunc ordinem,*
qui nunc est, post expletas quinque & triginta tribus,
 duplicato earum numero, centuriis juniorum,
 seniorumque ad institutam ab Ser. Tulio summam non
convenire. quadrariam enim urbis divisæ regionibus;
 collibusque quæ habitabantur partes, tribus eas ap-
pellavit. neque hæc tribus ad centuriarum distributio-
 nem, numerumque quicquam pertinere. Cum ergo
 ait, tribus a Servio institutas nihil ad centuriarum
 distributionem valuisse; post autem tribus xxxv. ex-
 pletas pertinuisse, satis ostendit, Servii tempore po-
 pulum uno modo in tribus, curiasque, altero in clas-
 ses, centuriæque divisum: ita ut alteram divisionem
 altera non attingeret; post autem utranque in unum
 esse collatam. populum enim in tribus xxxv. sin-
 gulas autem tribus in quinque classes, easque in suas
 quantæ centurias esse descriptas. Hæc igitur, ut
 hunc locum aliquando concludamus, tribus, cu-
 riæ, classes, & centuriæ fuerunt, in quas universus
 Romani populus Rom. erat divisus; & quas omnes cives
 Romani necessario obtinebant. ex quibus satis in-
 telligi potest id, quod jam etiam a principio signi-
 ficavimus, lacissimum totius Rom. civitatis semina-
 rium fuisse tribum. nam qui tribum erat adeptus,
 is eodem etiam tempore & classem, & centuriam
 obtinuerat. Sed ad reliqua pergamus.

C A P. V.

De iis, qui jus civium Rom. constituerunt.

TRIBUBUS, & earum partibus expeditis, sane
relinquitur, ut de jure tribuum, sive civium
Rom. agamus; quo uno proposita civis Ro-
mani definitio continetur. Jus ergo civium Romanum
appello, universum jus, quo utebantur, qui opti-
ma lege cives Rom. erant: quod est aliud nihil,
quam qui tribus, & maxime rusticas obtinebant.
Hujus autem duæ potissimum partes feruntur: una,
quæ scripto constitit; altera, quæ sine scripto in con-
suetudinem venit. Ac scriptum quidem jus reges,
decemviri, Jurisconsulti, pontifices, consules, tri-
buni pl. senatus, & prætores constituerunt: non
scriptum vero mos majorum, & instituta in rem-
pub. invixerunt. dicamus autem primum de prio-
re ita, ut partes ejus nullas prætereamus, quæ fue-
runt regis leges, XII. tabulæ, jus civile, legis ac-
tiones, leges, plebiscita, senatusconsulta, & e-
dicta.

Regis leges eadem, quæ curiatarum fuerunt, a Ro-
mulo, & reliquis deinceps regibus partim ad impe-
rium stabilendum, partim ad religionem consti-
tuendam, & omnino ad universam fundandam
remp. comitiis curiatis perlatæ, quæ a Sex. Papirio,
qui Superbo regnante vixit, collectæ juris Papiria-
ni nomen adeptæ sunt. Exactis autem regibus hæc
omnes leges rogatione tribunicia abrogatas, Pom-
ponius tradit ille quidem: verum non omnes ta-
men sublatis cum intelligere existimo; sed L. Bruto
tribuno Celerum ferente eas, quæ ad regiam do-
minationem constituendam pertinerent, esse aboli-
tas. Neque enim, si quæ aut res humanas, aut di-
vinas continerent, quæ plurimæ, & eæ e rep. fue-
runt, sublatis esse crediderim. Tuctur autem con-

Ajecturam meam Dionysius, qui leges Ser. Tullii re-
gis de commerciorum, & contractuum ratione a
Superbo rege sublatis, a Bruto consule primo re-
positas prodit. confirmat etiam Livius, qui post in-
centam a Gallis urbem fœdera, & leges conqui-
stas ait, fuisse autem æreas XII. tabulas, & quas-
dam regias leges; & L. Valerius tribunus pl. qui
apud eundem in Oppia legis diffinitione ita agit:
Ex utro tandem genere ea lex est, quam abrogamus?
an v. ut regia lex simul cum urbe ipsa nata? an,
quod secundum est, a decemviris ad condenda jura
creatis in XII. tabulis scripta?

Anno autem post rempublicam recuperatam LIII.
post urbem autem conditam CCCII. decemviri duo-
decim legum tabulas conscripserunt, easque in foro
proposuerunt. Ejus rei causam attulit C. Terentius
Arfa tribunus plebis qui anno ante undecimo, L.
Lucretio, T. Virginio cons. cum nimium consilium
in plebem imperium esse, idque imminui oportere,
contenderet, legem promulgavit de quinqueviris,
qui leges consulari imperio conscriberent, creandis.
Quæ lex cum per sexennium a tribunis plebis fru-
stra jactata, tandem pro concessa sibi duplicando-
rum tribunorum plebis potestate deferbuit: post
tamen Romilio, Veturioque consulis in plebem
militiam decretantem impotens fuisse gerentibus,
placuit ea sententia, cujus auctor T. Romilius fuisse
dicitur; ut legumlatores crearentur, qui jura pa-
tribus, & plebi æqua scriberent, quæque ab iis es-
sent decreta, ea plebem, & patres tenerent. Ple-
be autem assentiente, missi sunt legati tres in Græ-
ciam, qui Atheniensium, & aliarum Græciæ civi-
tatum leges, instituta, moreque cognoscerent, ea-
que descripta Romam deferrent. Missi Tarpeio,
Aterioque consulis tertio anno, quo Menenius,
& Sestius consularum gerebant, cum legibus rever-
tuntur. Cum autem instarent tribuni, ut tandem
legum scribendarum initium fieret, jamque in alte-
rum annum designati consules essent App. Clau-
dus, & T. Genucius, tum in App. Claudii sen-
tentiam fatus consulatum factum est: ut reliquis
abrogatis magistratibus cum imperio consulari, ac
regio, sine provocatione decemviri crearentur; qui
ex patris moribus, & peregrinis legibus optimas se-
ligentes, & reipubl. maxime utiles, jura populi Ro-
mani constituerent; quæque ii scripserent, ea, si
senatus, populusque Romanus accepisset, in per-
petuum populum ipsum Romanum alstringerent.
Quo senatusconsulto a populo comprobato, consu-
les abdicarunt. in eorum locum decemviri consula-
res facti leges, quas commemoravi, ad populum
pertulerunt. de quibus hæc ad verbum Livius: *De-*
cemviri ingenti hominum expectatione prepositis de-
cem tabulis, populum ad concionem advocaverunt,
& quod bonum, fastum, felixque reipubl. ipsi, li-
berisque eorum esset, ire, & legere leges propositas
jussere. se, quantum decem hominum ingeniis provi-
deri potuerit, omnibus summis, infimisque jura æ-
quasse. plus pollere multorum ingenia, consiliaque
versarent in animis secum unamquamque rem: agerent
deinde sermonibus: atque in medium, quod in qua-
que re plus, minusve esset, conferrent. eas leges ha-
bitum um populum Rom. quas consensus omnium non
jussisse latas magis, quam tulisse videri posset. Cum ad
rumores hominum de unoquoque legum capite edito sa-
tis correctæ viderentur, centuriatis comitiis decem ta-
bularum leges perlatæ sunt; quæ nunc quoque, in hoc
immenso aliarum si per alias accrevit arum legum cumu-
lo, fons omnis publici, privati que est juris. Vulgatur
deinde rumor, duas deesse tabulas; quibus adjectis, ab-
solvi posse velut corpus omnis Romani juris. Postero anno
& hæc comitiis centuriatis sunt perlatæ. His autem le-
gibus quantum tributum auctoritatis sit, docet Cice-
ro in primo de oratore, apud quem Crassus loquitur in
hæc verba: Sive quem hæc aliena studia delectant, plu-

rima est in omni jure, & in pontificum libris, & in XII. tabulis antiquitatis effigies. quod & verborum prisca vetustas cognoscitur, & actionum genera quædam majorum consuetudinem, vitæque declarant. sive quis civilem scientiam contempletur, quam Scævola non putat oratoris esse propriam: sed cujusdam ex alio genere prudentiæ, totam hanc descriptis omnibus civitatis utilitatibus, ac partibus XII. tabulis contineri videbitis. sive quem ista præpotens, & gloriosa philosophia delectat, hosce habet fontes omnium disputationum suarum, qui jure civili, & legibus continentur. Fremant omnes licet, dicam quod sentio. bibliothecæ mehercule omnium philosophorum unus mihi videtur XII. tabularum libellus, si quis legum fontes, & capita viderit, & auctoritatis pondere, & utilitatis ubertate superare. Merito. his enim universi, quod proposui, juris divini humanique partes comprehensæ sunt. cujus rei cum alia testimonio fuit, tum tritus ille Autonii versus.

Jus triplex, tabulæ quod ter sanxere quaternæ;
Sacrum, privatum, & populi commune quod usquam est.

Quocirca factum est, ut propter juris præstantiam, cum quid in lege scriptum esse dicerent, XII. tabularum legem aliquam intelligerent; & legitimas hereditates, & legitimas tutelas appellarent, quæ legibus XII. tabularum continerentur; & legis actiones, quæ a XII. tabularum potissimum lege proficerentur.

Quoniam autem mirifica quædam eas implicabat obscuritas, propterea multi ingenio, & doctrina præstantes viri ad eas populo interpretandas se contulerunt. & inter se capita conferentes, fori disputationem inxerunt. quæ proprium Juris civilis nomen adepta est. Ac hujus quidem obscuritatis testem habemus Ciceronem, qui in II. de legibus ait: *Quid Lessum XII. tabulæ appellarent, veteres earum interpretes Sex. Atilius, & L. Aclius non satis intelligere se dixerunt: & Gellium, apud quem Phavorinus queritur, in iis legibus verba multa tam fuisse obscura, ut vix ea quisquam posset interpretari.* Jus autem inde novum emanasse, a Pomponio ipso cognovimus, qui in hunc modum subdit: *XII. legum tabulis latis venit, ut interpretatio desideraret prudentium auctoritatem, necessariamque disputationem fori: hæc disputatio, & hoc jus, quod sine scripto venit, compositum a prudentibus, propria parte aliqua non appellatur, ut cæteræ partes juris suis nominibus designantur; sed communi nomine jus civile appellatur.* Hoc autem jus civile, quod a jurisperitis est constitutum, intellexit etiam Cicero in III. de officiis, cum dixit: *De jure prædiorum sancitum est apud nos a jure civili, ut bis vendendis vitia etiam dicerentur, quæ nota essent venditori. nam cum ex XII. tabulis satis esset cautum, ea præstari, quæ essent lingua nuncupata; quæ qui inficiatus esset, dupli penam subiret: a Jurisconsultis etiam reticentiæ pena est constituta.* & paulo post: *Hoc propter depravationem consuetudinis neque more turpe habetur, neque aut lege sancitur, aut jure civili.* & Paulus lib. sententiarum IV. *Famine ad hæreditates legitimas ultra consanguineas successiones non admittuntur, idque jure civili, vel Voconia rogatione videtur effectum.* ceterum lex XII. tabularum nulla discretionis sexus cognatos admittit. Verum hæc juris pars privati tantum juris rationem videtur attigisse. pauca enim de jure privato leges post XII. tabulas latæ sunt; unde gloria Jurisconsultorum, qui jus civile condiderunt, & maxime Scævolarum, manavit.

Ut autem jus civile jurisperiti, sic Legis actiones pontifices intulerunt, quæ quales fuerint, in libris de judiciis commodius differemus.

Actionibus porro adjuncta sunt senatusconsulta, id est, quæ senatus consultibus maxime; aut magistratibus illis, per quos haberi senatus poterat, refe-

rentibus decrevit. quæ tanti semper in rep. ponderis, ac momenti fuerunt, ut merito partem magnam Rom. juris occuparint.

Cum senatusconsultis autem connexæ sunt leges, & plebiscita. Leges vocantur rogationes, quas populus universus, consulibus, vel alio patricio rogante magistratu, ut dictatore, atque interrege centuriatis aut curiatis comitiis, unde etiam centuriatæ & curiatæ dictæ sunt, jussit.

Plebiscita, quæ, ut ait Festus, plebs tributis comitiis, sine patribus, plebeio magistratu, nimirum tribuno pl. rogante accepit. quibus tantum accessit roboris, ut quæ plebs scivisset, ea omnes Quirites, maxime post legem a Q. Hortensio dictatore paulo ante Tarentini belli tempora laram, tenerint.

Neque vero prætereunda, atque ab hoc numero excludenda Edicta sunt, id est, quæ cum magistratibus ceteri, ut consules, ædiles, tribuni, tum potissimum prætores edixerunt. quos consulum loco ad jura in urbe reddenda creatos accepimus. Hi vero, auctore Pomponio, ut scirent cives, quod jus de quaque re quique dicturus esset, seque ad id præmunirent, edicta proponere soliti erant; quæ post tantæ fuerunt auctoritatis, ut inde juris honorarii nomen invenerint. Atque de jure quidem scripto, & iis, qui illud scripserunt, hæc satis.

Instituta autem, molque majorum (has enim non scripti juris partes summas fuisse diximus) tantam vim habuerunt, ut cum antequam in consuetudinem venirent, sine crimine præteriri possent; postquam tacita omnium assensione sunt comprobata, pro gravissimis legibus sanctissime custodita sunt. Unde scripsit in V. de republ. Cicero, ante suam memoriam & morem ipsam patrum præstantes viros adhibuisse, & veterum morem, ac majorum instituta excellentes viros retinuisse. & Dionysius testis, est Romulum rempublicam non legibus magis scriptis, quam non scriptis fundasse: Numam vero leges omnes, & instituta Romuli observasse. Ac si quæritis, quid institutum a more differat, non est difficile dictum. Nam qui primus egregii quicquam in republ. gessit, adeo ut ejus exemplum posterius ultro sint sequuti, is auctor instituti prædicatur. ubi vero consuetudo aliqua teneri ignorato exempli auctore cœpit, mos majorum appellatus est. quem alium quidem a lege fuisse, idem tamen, ac legem valuisse, ostendit Cicero in III. de legibus, cum ait: *Sæpe quæ leges forte a me hodie rogabuntur, quæ non sint in nostra republ. nec fuerint; tamen erant fere in more majorum, qui tum, ut lex, valebat.* Quod idem postea confirmavit etiam Ulpianus, cum diceret, *diuturnam consuetudinem pro jure, ac lege, in iis, quæ non ex scripto descendunt, observari solere:* & ratione comprobavit Julianus, cum adderet, *quod ipsæ leges nulla ex alia causa nos teneant, quam quod judicio populi receptæ sunt; merito & ea, quæ sine ullo scripto populus probavit, omnes tenere.* Si ergo institutum antiqua observatio est, cujus auctor aliquis celebratur, profecto nihil inauspicato agere, instituto agebatur; quia Romulus, & deinceps ceteri nihil non captatis ante auspiciis esset unquam aggressus. collegam in demortui collegæ locum sibi subrogare, instituto custodiebatur; quia Valerius mortuo Bruto id fecit: eumque posteritas omnis est imitata. divortium cum uxore liberorum querendorum causa, instituto tenebatur, quia C. Carvilio Ruga auctore factitatum ab omnibus est. More autem majorum cum alia fieri dicuntur, tum ea, quæ jam inde a majoribus instituta sine ulla interruptione consuetudinis, etiam usurpantur, ut petitores in toga candida, eosdemque distinctos petere; ut seniores a juvenibus domo in curiam deduci, atque inde reduci; ut prætores urbanum consulare imperium absentibus consulibus sustinere; ut ne quis fe inter consulem, & proximum licetorem, quamvis

officii causa una progredere, interponeret; ut questori prætor parentis loco esset. Leges autem opponi moribus, atque institutis, ut jus scriptum non scripto, ostendit Livius: *Tribuni plebis*, inquit, *appellati, negarunt, se in mora esse, quominus, quod ei more majorum permissum esset, seu legibus, seu moribus mallet, acquireret.* & Cicero in II. de legibus: *Hoc habemus in duodecim, reliqua sunt in more.* & in III. *Sunt posita deinceps quæ habemus in publicis institutis, atque legibus.* Quibus ex rebus illud intelligi potest, omnia civium Rom. jura ita nobis esse persequenda, ut ea non alibi, quam in his quasi latibulis indagemus. Neque enim aliud jus Romanis est, quam quod ab his, quos indicavi, fontibus est profectum.

CAP. VI.

De jure libertatis.

SEQUITUR, ut juris Romani auctoribus demonstratis, ipsius juris partes singulas, in quibus præcipua civis Romani ratio cernitur, persequamur. Sic igitur sentio, jus omne Romanum aut privatam rem attigisse, aut publicam. ad privatam rem pertinet, intelligere, ut sui quisque dominus sit, quo sanguine ortus, quæ sacra colat, quam potestatem in uxorem, quam in liberos habeat: ut de bonis, libertatis suis statuere queat. ad publicam ratio census, unde & militum ætas, & bonorum aestimatio cognoscitur, quibus bella geruntur. unde etiam honores in repub. suffragio aliis mandantur, ab aliis accipiuntur. Verum alia suo loco; nunc de libertate Romana dicamus. cujus varia jura, eaque non satis, ut opinor, comperta nostris fuerunt. Dico igitur libertatis Romanæ jus quinquepartitum fuisse. ita enim cives Romanos fuisse liberos, ut nec dominorum potestati; nec tyrannorum imperio; nec magistratuum potentie; nec creditorum libidini; nec civium suorum gratia essent obnoxii. Quibus rebus in singulis quæ vis posita sit, a prima exora consideremus.

Omnes homines, qui urbem, agrumque R. inhabitaverunt, liberi fuerunt, aut servi. Liberi vocati, qui naturale adepti, quid cuique liberer, facienti arbitrium erant; nisi quod aut vi, aut jure prohiberetur. Servi contra, qui in dominorum erant potestate constituti, quos quidem aut natos, aut factos accepimus: natos ex ancillis dominorum; factos aut jure civili, si quis ex precii habendi causa venire passus esset; aut jure gentium, si qui bello capti, aut ab imperatore donati, aut sub hasta venditi essent. quæ una iusta servitus a veteribus habita est. neque enim, si qui a prædonibus, aut latronibus capti venissent, servi judicabantur. Quin etiam servorum in numero illos habitos esse invenio, qui ex mulieribus essent nati, cum quibus connubium nullum esset. quod ex his Livii verbis ostenditur: *Ex militibus Romanis, & ex Hispani mulieribus, cum quibus connubium non esset, natos se memorantes supra quatuor milia hominum orabant, uti sibi oppidum, in quo habitarent, daretur.* Senatus decrevit, uti nomina sua apud L. Canuleium prætorem profiterentur. eorum si quos manumisset, eos Carteiam ad Oceanum deducipiacere. qui Carteiensium domi manere vellent, potestatem fore, uti numero colonorum essent, agro assignato. Latinam eam coloniam esse, Libertinorum appellari. Hos igitur quacunque ratione servos nullam unquam civitatis Rom. partem habuisse, nisi libertate donatos, satis constat. ex quo intelligitur, cives Rom. ut dicebam initio ita liberos fuisse, ut dominorum imperio nulli parerent. Liberatorum autem duo genera excelluerunt, ingenuorum, & Libertinorum. Ingenui erant, qui statim, ut nascebantur,

erant liberi; quique ex duobus ingenuis erant geniti. significat hoc App. Claudius, homo patricius apud Livium, cum inquit: *An hoc, si Claudie familie non sum, nec ex patricio sanguine ortus, sed unus Quiritius quilibet, qui modo me duobus ingenuis ortum, & vivere in libertate sciam, reticere possim?* & P. Decius plebeius cum ait: *An unquam sendo audistis, patricios primo esse factos, non de collo demissos, sed qui patrem clere possent, id est nihil ultra, quam ingenuos?* Neque vero aliud etiam voluit Cincius apud Festum, cum patricios eos, qui post ingenui dicti sunt, esse appellatos prodidit. In libris autem veterum Jurisconsultorum scriptum est, ingenuum esse non solum, qui ex duobus ingenuis natus sit, sed etiam qui ex duobus libertinis, sive altero libertino, altero ingenuo. Quod ipsum quale sit, nisi qui libertinus fuerit, exposuerimus, vix intelligi poterit. Libertinos ergo illi definiunt, qui ex iusta servitute erant manumissi. manumissionem vero, quali de manu dationem. nam quandiu aliquis in servitute erat, manui, & potestati suppositus erat: manumissus vero liberabatur potestate. Hanc porro manumissionem tribus modis celebratam, censu, vindicta, & testamento, docet Cicero in Topicis, cum ait: *Si neque censu, neque vindicta, neque testamento liber.* Quo in loco confirmat Severinus interpres, tribus modis manumitti servos consuevisse, aut si qui consentiente, vel jubente domino, nomen servi in censum detulisset; aut virga in caput servi a prætore imposita, quæ vindicta dicebatur, in libertatem vindicatus esset; aut a domino testamento liber relictus esset. Manumissionem per censum Ser. Tullius rex, ut opinor, instituit. is enim & census auctor fuit, & servus liberandis, ut post dicam, initium attulit. De ejusmodi autem libertate Cicero ita locutus est in primo de oratore: *Quid de libertate? quo judicio nullum gravius esse potest? non ne ex jure civili potest esse contentio, quum queritur is, qui domini voluntate census, si lustrum non sit conditum, sit ne liber?* Locutus est etiam Ulpianus, Servi, inquit, qui in peculio centum haberent, aut quibus eas facultates domini impartirent, si eos domini in censum civium a censoribus ascribi juberent, libertatem consequerentur. Vindictæ rationem intulisse fertur P. Valerius Poplicola anno post reges exactos, cum de præmiis Vindicis servi, qui conjunctionem indicaverat, ad populum tulisset. a quo etiam vindictæ nomen ductum existimant. inter quos est Livius, qui ita scribit: *Premium indici pecunia ex ærario, libertas, & civitas data. ille dicitur vindicta liberatus.* quidam vindictæ quoque nomen tractum ab illo putant, Vindicis ipsi nomen fuisse. post illum observatum, ut qui ita liberati essent, in civitatem accepti viderentur. Quæ verba cum, ut opinor, Plutarchus legisset, ea ita in Poplicola explanavit, ut scripserit, Valerium decrevisse, ut vindex primus libertinus civis Romanus fieret, & in qua vellet tribu, suffragium ferret. Itaque in libro etiam, quem de sera Dei vindicta reliquit, scripsit, *Romanos eorum corporibus, quos in libertatem assererent, tenuem festucam imposuisse.* Hæc autem potestas post a consule ad prætorem urbanum translata est, ut vindicta, id est, virga in caput impolita manumitteret. quam intellexit Perius in Satyra quinta:

Vindicta postquam meus a prætore recessi,

Cur mihi non liceat, iussit quodcumque voluntas?
Et Cicero in Rabiriana: *Servos nostros omnium suppliciorum metu dominorum benignitas una vindicta liberat.* Addit Iulidorus libro IX. Romanos, quos manumittebant, alapa percussos circumegisse, atque ita de manu misisse. Quod verum esse, Appianus in IV. Civilium libro comprobat, qui Laboneum ait, civem egregium, ne in manus Antonii victoris veniret, semet servo occidendum præbuisse, cum dex-

tra ejus apprehensa ipsum circumegisset, ut mos Romanus erat in manumittendo. quod voluit etiam sine dubio Perius, cum eodem in loco dixit:

*Quibus una Quiritem
Vertigo facit.*

& post:

*Verterit hunc dominus, momento temporis exit
Marcus Dama.*

Eorum qui testamento liberi a dominis relictis sunt, multa exempla sunt. nescio autem, an hoc originem a XII. tabulis duxerit in quibus cum esset: *UTI SUÆ REI QUISQUE LEGASSIT, ITA JUS ESTO*; interpretatur Pomponius, etiam ad manumissiones pertinere; ut quoque et suis quique servis liberos relinquere vellet, posset. His rebus ita constitutis, dico, qui aliquo pacto se ex servitute in libertatem vindicassent, libertinos vocatos esse: hoc enim etiam his verbis tradit Iustinianus in Institutionibus: *A primis Romæ cunabulis una, atque simplex libertas competebat, id est, eadem, quam habebat manumissor. nisi quod libertinus sit, qui manumittitur; licet qui manumittit, ingenuus sit.* Suetonius autem non hos, sed qui ex his procreati essent ingenui, libertinos primis temporibus dictos ostendit, de D. Claudio ita scribens: *Latum clavum libertini filio tradidit, cuius rei reprehensionem vereri, etiam Ap. Cæcum senensem generis sui proavertorem libertinorum filios in senatum allegasse docuit, ignarus temporibus Appii: & deinceps aliquandiu libertinos dictos non ipsos, qui manumitterentur; sed ingenuos ex his procreatos.* Cujus viri, & scriptoris auctoritati quamquam ego repugnare non audeo, tamen neque assentire satis possum. Nam si, ut illi placuit, libertinos manumissorum filios ingenuos homines esse statuerimus, efficitur, ut idem fuerit ingenuus, & libertinus. quod tamen qui fieri potest, cum ingenuo libertinus ita opponatur, ut liber servo? Quamobrem ego libertinos vocatos putaverim eos, qui ex servitute fuerant manumissi: qui autem ab iis generati fuerant, quod proprium nomen non habent, libertinorum filios nuncupatos, non libertinos. Quod ni ita sit, cur non Cicero dixerit, M. Antonium ex libertina liberos suscepisse potius, quam libertini filia, cum id ad Antonii contumeliam diceret? Quod si qui sunt manumissi, libertinorum nomine appellati non sunt, quo tandem alio sunt? non servorum, cum essent libertate donati; non ingenuorum, cum ex ingenuis non sint geniti; non libertorum, quod libertus patrono opponatur, non ingenuus; & libertus respectum significat ejus, a quo liberatus est, non hominis, de qua nunc agimus, conditionem. itaque eundem hominem dicimus libertum, & libertinum; sed libertum quidem ejus, a quo est liberatus; genere vero, & conditione libertinum, id est, ex iis unum, qui servitute, quam aliquando servierunt, liberati sunt. Unde Cicero in Verrem: *P. Trebonius fecit heredem libertum suum.* & post de eodem: *Equiti Romano libertinus homo sit heres?* cum enim dixit libertum, cum patronum habere; cum libertinum, quam generis conditione esset, notavit. Quamobrem statuerimus, ingenuos eos fuisse, qui vel ex duobus ingenuis, vel libertino altero procreati essent; libertinos autem, qui libertatem aut censu, aut vindicta, aut testamento receperunt. Libertinorum autem filios ingenuos fuisse, non libertinos, inde apparet, quod ingenuos libertinam ducere non poterat, libertini filiam poterat. si quidem, ut est apud Livium, *Hispanæ libertinæ s. C. concessum est, ut ob Bacchanalia indicata ingenuo nubere posset:* & M. Antonio consuli obijcit in maledictis Cicero, quod homo nobilis Q. Fadii libertini hominis filiam in matrimonio habuerit, atque ex ea liberos

accepit. Et libertini quidem ad honores nunquam, at libertinorum filii jam inde ab initio sunt admissi. Adde quod Macrobius ait, *Priscam pueris ingenuis bullam, & prætextam, tanquam ingenuitatis insignia permisisse; libertinorum filios, qui iustaduntaxat matrefamilias nati fuissent, togæ prætextæ, & lori in collo pro bullæ decore gestandi jus indulgisse; libertinis ipsi non aliter, quam peregrinis, utrumque interdixisse.* quamquam Alconius illis bullam auream, his scorteam concessam refert. Ex quo efficitur, tres civium fuisse condiciones: libertinorum, ex libertinis genitorum, & ingenuorum: ex quibus infima admodum fuit conditio libertinorum, commodissima ingenuorum, media mediorum. nam ingenui quidem fuerunt, sed tamen libertinæ conditionis aliquid retinuerunt; quia patronus in liberti quoque sui filium juris aliquid habebat. Sed de libertinorum honoribus post alio loco pluribus. Nunc quod instituiamus, peragamus. Adeo igitur proprium civium Romanorum libertatis hoc genus fuit, ut non modo servus nunquam; sed ne primis quidem temporibus libertinus quisquam civis fuerit: Romulus enim rex solos ingenuos, Ser. Tullius aliquot post annis etiam libertinos in civitatem assciotos in tribus reulit. servos nemo unquam civium Rom. nomine dignos existimavit. Ut autem priores reges peregrinis civitatem impetiverant; sic Servius, credo, ut libertinorum ordinem, unde ipsum oriundum esse, fama erat, efficeret, servos, & quos ipse, & quos alii manumississent, civitate donavit. Sed, ut dixi, libertatem per censum ille intulit. id enim non solum census ab eo institutus ostendit, sed etiam lex ab eo lata, ut liber, qui incensus esset, veniret, & libertatem amitteret. Post autem lege, ut dixi, Valeria institutum est, ut qui vindicta liberati essent, iidem & cum libertate civitatem adepti intelligerentur. Quam libertatem significavit in Cornelianæ Cicero, cum dixit; *Servos bene de repub. meritis per sepe libertate, id est, civitate publice donari vidimus:* itemque Iustinianus, cum in Institutionibus scripsit; *Iustum & majorem libertatem vocari, cum una & liberi fiebant, & cives Rom.* & Livius, cum scriptum reliquit, *Latino civitatis Rom. cupiditate flagrantem filios suos civibus Rom. sepe vendidisse; cum eo, ut manumitterentur, ac manumissi civitatem Rom. assequerentur* & alio loco, cum Romanos a Carthaginiensibus captos, capite diminutos, & jure civium abalienatos scribit, satis significavit, ut servi a cive Rom. liberati civitatem Rom. assequerentur; sic civem Rom. liberum in servitutem redactum jus ipsum civitatis amittere. Hujus autem libertatis jus ejusmodi fuit, ut qui libertatem, civitatemque semel esset adeptus, si ea, nisi ipse auctor factus esset, non posset amittere. cuius rei multa habemus, etque gravissima Ciceronis testimonia. sic enim ille in oratione pro domo: *Hoc juris a majoribus proditum est, ut nemo civis Rom. aut libertatem, aut civitatem possit amittere, nisi ipse auctor factus sit.* & infra: *Jus a majoribus nostris ita comparatum est, ut civis Rom. libertatem nemo posset invito amittere. quin etiam si decemviri sacramentum in libertatem injustam iudicassent, tamen quotiescunque vellet quis, hoc in genere se rem judicatam referre posse voluerunt.* & post: *Majores nostri de civitate, & libertate ea jura sanxerunt, quæ nec vis temporum, nec potentia magistratum, nec res tum judicata, nec denique universi populi potestas, quæ ceteris in rebus est maxima, labefactare possit.* & pro Balbo ita: *Jure nostro neque mutare civitatem quisquam, neque si velit, mutare non potest.* Item: *O jura præclara, atque divinitus jam inde a principio Romani nominis a majoribus nostris comparata, ne quis invito civitate mutetur, neve in civitate maneat invito.* hæc sunt enim fundamenta firmissima nostræ libertatis;

hui quæque iurii, & retinendi, & dimittendi esse dominum. & pro Cæcina: Primum illud concedi, non quicquid populus iusserit, ratum esse oportere. deinde nihil rationis affert, quamobrem, si libertas adimi nullo modo potest, retineri libertas non potest. qui enim potest iure Quiritium liber esse is, qui in numero Quiritium non est? Quid plura? persequitur multa tempora, quibus Romana civitas mutari, & libertas adimi posset: atque omnino nemine invito fieri id posse concludit. Itaque ita addit: Certe hoc queri solere me non preterit, quemadmodum si civitas adimi non possit, in colonias Latinas sepe cives nostri profecti sunt; aut sua voluntate, aut legis multa profecti sunt. quam multam si suffere voluissent, tamen manere in civitate potuissent. Quid quem pater patratus dedit, aut pater, populusve vendidit, quo iure amittit civitatem? ut religione civitas solvatur, civis Rom. traditur; qui cum est acceptus, est eorum, quibus est deditus; si non accipiant, ut Mancinum Numantini, retinet integram causam, & ius civitatis; si pater vendidit eum, quem in suam potestatem susceperat, ex sua potestate dimittit. Jam populus, cum eum vendit, qui miles factus non est, non admittit ei libertatem, sed iudicat non esse eum liberum, qui ut liber sit, adire periculum noluit. quum autem incensum vendidit, hoc iudicat; cum ii qui in servitute iusta fuerint, censu liberentur; eum, qui cum liber esset, censeri noluerit, ipsum sibi libertatem abjudicasse. Quod si maxime iſce rebus adimi libertas, aut civitas potest, non intelligunt, si per has rationes adimi majores posse voluerunt, alio modo noluisse. Nam ut hæc ex iure civili protulerunt, sic afferant velim, quibus lege aut Romana civitas, aut libertas crepta sit. nam quod ad exilium attinet, perspicue intelligi potest, quale sit. exilium enim non supplicium est, sed perſugium, portusque supplicii. nam qui nolunt ponam aliquo modo subterfugere, aut calamitatem, eo solum vertunt, hoc est, sedem, ac locum mutant. Itaque nulla in lege nostra reperietis, ut apud ceteras civitates, maleſcium ullum exilio esse multatum. sed cum homines vincula, necet, ignominiaque vident, quæ sunt legibus constitutæ, confugiunt quasi ad aram in exilium. qui si in civitate legis vim subire vellent, non prius civitatem, quam vitam, amitterent. quia nolunt, non admittit his civitas; sed ab his relinquitur, atque deponitur. nam cum ex iure nostro duarum civitatum nemo esse possit, tum amittitur hæc civitas denique, cum is, qui profugit, receptus est in exilium, hoc est, in aliam civitatem. hæc Cicero pro Cæcina. In eandem autem etiam sententiam locutus est idem iterum in oratione pro domo: Qui cives Rom. in colonias Latinas proficiscebantur, fieri non poterant Latini; qui non erant auctores facti, nomenque dederant. qui erant rerum capitalium damnati, non prius hanc civitatem amittebant, quam erant in eam recepti; quo vertendi, hoc est, mutandi soli causa venerant. id autem ut esset faciendum, non ademptione civitatis, sed testi, & aquæ, & ignis interdictione faciebant. Hoc quidem in orationibus Cicero ad causam illam, quam tum in manibus habebat, defendendam accommodat. at in primo de oratore aperte videtur negare, eum, qui deditus hostibus sit, civem remanere. sic enim inquit: Si C. Mancinum propter invidiam Numantini fœderis pater patratus Numantini dedisset, eumque illi non recepissent, posteaque Mancinus domum revenisset, neque in senatum ire dubitasset. P. Rutilius M. F. tribunus pl. de senatu iussu educi, quod eum civem negaret esse: quia memorie sic esset proditum, quem pater suus, aut populus vendidisset, aut pater patratus dedidisset, ei nullum esse possitimum. Itaque Pomponius quoque D. de legation. sic scriptum reliquit: Eum, qui legatum pulsasset, Q. Mucius do-

Alti hostibus, quorum erant legati, utilis esse solutus est respondere. quem hostes si non recepissent, quæſtum est; an civis Romanus remaneret? quibusdam existimantibus remanere, aliis contra. quia quem populus iussisset dedi, ex civitate expulſis videretur; sicut faceret, cum aqua, & igni interdiceret. in qua sententia videtur P. Mucius fuisse. id autem maxime quæſtum est in Hostilio Mancino, quem Numantini sibi deditum non recepissent. de quo tamen lex postea lata est, ut esset civis Rom. & præturam quoque gessisse dicitur. & Ulpianus: Maxima capitis minutio est, per quam & civitas, & libertas amittitur, veluti cum incensus aliquis venierit. Satis ergo apparet ex his, civitatem, atque libertatem invito fere nemini eripi licuisse. Proprium præterea fuit ejusmodi libertatis, immunem a privatorum verberibus esse. Itaque iudicium de libertate lege Fabia de plagiariis constitutum fuit, cum quis liber verberibus, ut servus, esset caſus. cuius meminit Afconius in argumento Cornelianæ, his verbis: Cum quandam civem Metellus servum esse contendens, vi arripisset, ac verberibus affecisset, Curio assertorem ei comparavit: deinde cum appareret, eum exitum illius iudicii futurum, ut liber si iudicaretur, quem Metellus verberibus affecitum esse negare non poterat, inter Metellum, & Curionem facta pæſtio est, ut neque arbitrium de libertate urgeret in Metellum Curio; neque Metellus perſtaret in accusatione Curionis. Item constitutum, ne liberi torquerentur. de qua re post in libris de iudiciis. Sed de primo, eoque proprio genere libertatis Romanæ hætenus, cuius præcipuum id ius extitit, ut non solum civitatem secum attulerit, sed ne adimi quidem invito fere, ut dixi, alicui poterit.

Alterum genus libertatis fuit, quo se Rom. cives a regum, & tyrannorum impotenti dominatione liberaverunt; & legibus se, ac magistratibus annuis obſtrinxerunt. Quæ libertas, L. Tarquinio Superbo rege cum filiis urbe pulſo, inita est. L. Bruto, & P. Valerio in primis auctoribus, tum cum populus a Bruto cof. iurejurando adactus est, se neminem regnare Romæ paſſurum: atque rogationem iussit, ut sacrum cum bonis caput ejus esset, qui regni occupandi conſilia inſeſſet. Itaque pro hac libertate tuenda incredibile est, quantas populus Romanus dimicationes, quanta bella ſuſceperit, quantum ſudoris, quantum sanguinis effuderit. Siquidem & cum Porſena rege, & cum Latinis populis Tarquinios exules reducentibus, & cum Pœnis, cum Cimbris, & Teutonicis, & aliis inſeſſimis exterarum gentium populis armis ſepe acerrime decertavit: Sp. vero Cassium, Sp. Mælium, M. Manlium, & Catilinæ ſocios cives Rom. extremo etiam ſupplicio affecit; cum Cassius agris dandis, Mælius annonæ largienda, Manlius are alieno plebem ſua pecunia eximendo, Catilina pernicioſa reip. conſilia agitando, in affectatæ regni ſuſpicionem incidissent. C. autem Cæſar privatorum etiam conſilio interſectus est, quod dictatoria poteſtate abusus, non ferendas in libera civitate opes ſibi comparaffet. Sed tamen hæc libertas dominante Sylla conſuſa, Cæſare vero regente labefaſta; Auguſto demum imperante funditus everſa est. quod fuit nihil aliud, niſi cum plus ille unus in civitate potuit, quam univerſa reſpubl. Pro qua libertate retinenda cum alias alii contenderunt, tum maxime contra Sullam Lepidus, & contra M. Antonium Cicero. cuius rei in primis pulcherrimas hæc voces teſtes reliquerunt. Lepidus quidem apud Salluſtium: Præſtata Brutorum, atque Amiliorum, & Lutatiorum proles; geniti ad ea, quæ majores virtute peperere, ſubvertenda. Nam quid a Pyrrho, Annibale, Philippoque & Antiocho deſenſum eſt aliud, quam li-

bertas

bertas: neu cui, nisi legibus, pareremus. que cuncta scævis iste Romulus quasi ab externis rapta tenet. Cicero vero in Philippicis: Res in extremum adducta est discrimen. de libertate decernitur. aut vincatis oportet, Quirites, quod profecto & pietate vestra, & tanta concordia consequemini, aut quidvis potius, quam serviat. aliæ nationes servitutem pati possunt; populi Romani est propria libertas.

Tertium huic libertatis genus consequens est, quo se Romani cives adversus nimium magistratum, & præsertim consulum imperium muniverunt. quod jus multis legibus esse video constitutum. quarum aliæ aliam vim habuerunt. Prima autem fuit Valeria a P. Valerio Publicola consule primo anno publicæ libertatis lata; Ut si quis magistratus civem Rom. necare, verberare, multare vellet, privatus eum ad populi judicium vocare posset. interea vero a magistratu damni nihil acciperet, nisi ubi populus statuisset. cujus legis Livius, Dionysius, & Plutarchus meminerunt. Inde vero haud ita multo post sacratæ leges consequutæ sunt, omnes pro civium Rom. libertate latæ. quas sacratas dictas esse censet Festus, aut quod eas plebs, cum a patribus secessisset, Cassio, Cominioque cons. anno ab V. C. CCLX. jurata in monte Sacro sciverit: aut quod in sanctum esset, ut si quis adversus eas fecisset, sacer alicui deorum esset. Homo autem sacer, eodem teste alio loco, is est, quem populus judicavit ob malefictum; neque fas est, eum immolari; sed, qui occiderit, parricidii non damnatur. cui opinionis assentitur Cicero, cum in Corneliana inquit, sanctiones sacrandas esse aut legis obestatio- ne, aut pœna, cum caput ejus, qui contra facit, consecratur. Fuerunt autem multæ, quarum tres pro plebis, reliquæ pro populi libertate sunt latæ. Primæ pro plebe fuerunt: una, Ut tribuni pleb. quotannis quinque de plebe crearentur, qui auxilio plebi adversus consules essent; altera, Ut idem tribuni sacrosancti essent; tertia, Ne is honor nisi plebei pateret. Quod cum ex II. Livii, tum ex VI. Dionysii libro colligitur. Primam legem asserit Gellius, apud quem scriptum est, tribunos plebis tantum prehensionem habuisse, vocationem vero nequaquam. quod antiquitus creati sint non juri dicundo, nec causis, querelisque de absentibus notificandis, sed intercessionibus faciendis, quibus præfentes fuissent; ut injuria, quæ coram fieret, acceretur. Unde Plutarchus in Catone Uticensi scripsit, Jus tribunicie potestatis magis ad impediendum valuisse, quam ad agendum, quippe cum ceteris omnibus collegis volentibus, unus, qui nolit, & intercedat, plus possit. Duplicatis inde post annum xxxvi. est numerus tribunorum, lege, ut inquit Livius, a Trebonio tribuno plebis lata; Ut qui plebem Roman. tribunos plebis rogaret, is usque eo rogaret, dum decem tribunos pleb. faceret. Secundam legem de sacrosanctis tribunis confirmat Festus, cum ait: Sacrosanctum est, quod jurejurando interposito institutum est, si quis id violasset, morte pœnas penderet. cujus generis tribunos plebis ædilesque ejusdem ordinis fuisse. Verba porro quibus sacrosanctos tribunos reddiderunt, hæc asserit Dionysius: Ne quis vi tribunum quasi privatum facere cogito, neve virgis cædito, neve cædi, occiditve jubeo, qui adversus ea fecerit, sacer esto, bonaque ejus Cerevi sacra fiant, eumque occidere jus, falsaque esto. cum Dionysio vero facit Livius, qui libro III. pulsus magistratu Decemviris tribuniciam potestatem restitutam cum scripsisset, ita subiunxit; Et cum plebem hinc provocatione, hinc tribunicio auxilio satis firmassent, ipsi quoque tribuni, ut sacrosancti viderentur, cujus rei jam prope memoria aboleverat, relictis quibusdam ex magno intervallo caeremoniis, renovarunt: & cum religione in-

violatos eos, tum lege etiam fecerunt, sanciendo, ut qui tribunis plebis, ædilibus, judicibus nocuisset, ejus caput Jovi sacrum esset; familia ad ædem Cerevi, Liberi, Liberæque venum iret. Tertia vero lex adeo cultodita est, ut tribunatum nunquam fere patricii ceperint; nisi ad plebem, vel adoptione, vel alia fortasse ratione, ut de Minucio Augurino tradit cum Plinio Livius, se contulerint. In his autem legibus plebis libertatem fuisse positam, indicat Cicero in III. de legibus, qui cum de tribunatu loqueretur, ita concludit: Quamobrem aut exigendi reges non fuerunt, aut plebi re, non verbo danda libertas. Quarta inde lex sacrata fuit: Ne de capite civis Rom. nisi centuriatis agi comitiis posset. Quinta: Ne privilegia irrogari liceret. Hæc vero eadem leges post in XII. tabulas sunt translatae, de quibus in oratione pro domo hoc modo video Ciceronem verba fecisse; Quo exemplo, quo more, quo jure legem nominatim de capite civis indemnati tulisti? vetant leges sacratae, vetant XII. tabulae, leges privatis hominibus irrogari, item: Hoc juris in hac civitate etiam tum, cum reges essent, dico fuisse, hoc nobis esse a majoribus traditum, hoc esse denique proprium liberæ civitatis, ut nihil de capite civis, aut de bonis sine judicio senatus, aut populi, aut eorum, qui de quaque re judices constituti sunt, detrahi possit. & in Sextiana: Cur cum de capite civis, & de bonis proscriptio ferretur, cum & sacratis legibus, & XII. tabulis sanctum esset, neque privilegium irrogari liceret, neque de capite nisi comitiis centuriatis rogari, nulla vox est audita consulum? & in III. de legibus: Tum leges præclarissime de XII. tabulis tralatae duæ. quarum altera privilegia tollit, altera de capite civis rogari, nisi maximo comitiatu, vetat. nondum inventis seditiosis tribunis pleb. admirandum, tantum majores in posterum providisse. in privato homines leges ferri noluerunt, id est enim privilegium. quo quid est injustius? cum legis hæc vis sit, scitum esse & iustum in omnes? ferri de singulis, nisi centuriatis comitiis noluerunt. descriptus enim populus censu, ordinibus, ætatibus solus adhibet ad suffragium consilii, quam fule in tribus convocatus. Atque his quidem legibus firmata in primis libertas civis Rom. putatur. quod caput ejus nec magistratum libidini, nec plebis arbitrio; sed totius populi Rom. judicio esset commissum. Hinc Livius bello Punico narrando ait, hoc observatum in Campanis, cum senatorem quendam Rom. ita loquentem facit: Per senatum agi de Campanis, qui cives Rom. sunt, injussu populi non video posse. idque apud majores nostros in Sarracanis factum est. At de capite tamen Ciceronis privatam legem tulit P. Clodius trib. pleb. comitiis tributus. quid mirum? si per vim, ac injuste. quod idem eodem in loco ipse admonuit, his verbis: Quo verius in causa nostra L. Cotta dicebat, nihil omnino actum esse de nobis. præter enim quam quod comitia illa essent armis gesta civilibus; preterea neque tributa capitis comitia rata esse posse, neque ulla privilegia. quocirca nihil nobis opus esse lege, de quibus nihil omnino actum esset legibus. & in Sextiana his: Principi rogatus sententiam L. Cotta, dixit, nihil de me actum esse jure, nihil more majorum, nihil legibus. Non posse quenquam de civitate tolli sine judicio: de capite non modo ferri, sed ne judicari quidem posse, nisi comitiis centuriatis. Inde lex altera Valeria lata est a L. Valerio, qui cum M. Horatio consul fuit, anno post urbem conditam cccxiii. Lata est autem de provocatione, & de tribunatu plebis, quæ a decemviris sublata fuerant, restituentis. De qua libet Liviana verba subjicere: Legem de provocatione, unicum præsidium libertatis, decemviri potestate everfam, consules non restituerunt modo, sed etiam in posterum muniunt, sanciendo nova le-

ge, ne quis illum magistratum sine provocatione crearet. qui creasset, eum ius, fasque esset occidere. necesse ea cedens capitalis noxe haberetur. & cum plebem hinc provocatione, hinc tribunicio auxilio satis firmasset, ipsi quoque tribunis, ut sacrosancti viderentur, cuius rei jam prope memoria aboleverat, relatis quibusdam ex magno intervallo ceremoniis, renovarunt: & cum religione inviolatos eos, tum lege etiam fecerunt, sciendo, ut qui tribunis plebis, edilibus, iudicibus nocuisset, ejus caput Jovi sacrum esset; familia ad eadem Cereris, Liberi, Liberæque venum inret. Eadem vero de provocatione lex post etiam relata est a M. Valerio Corvo consule. de qua item, quid idem ille scripserit, recitabo: Eodem anno (is fuit ab V. C. CCCLIII.) M. Valerius consul de provocatione legem tulit diligentius sanctam. tertium ea tum post reges exalio lata est, semper ab eadem familia. causam renovande sæpius haud aliam fuisse reor, quam quod plus paucorum opes, quam libertas plebis, poterant. ea qui provocasset, virgis caedi, securique percussu vetuit. si quis adversus ea fecisset, nihil aliud, quam improbe factum adiecit, id visum vinculum satis validum legi. Deinde lata est lex Porcia de provocatione. quam a Porcio Læca tribuno plebis latam esse, docet nummus argenteus, cujus ab altera parte scriptum est, Provoco, ab altera P. Porcius Læca. Hæc autem post Valerium tertiam lata, ut eodem in loco addit Livius, gravi pena, si quis magistratus verberasset, necassetve civem Romanum. sanxit; sed exilium irrogari ab eo permisit. Quæ duo capitula his, quæ sequuntur, testimoniis video confirmari; primum Ciceronis, qui cum Rabirium perduellionis reum consul defenderet, dixit, *plura sibi non esse dicenda de civibus Romanis contra legem Porciam verberatis, aut necatis: & post, Legem Porciam virgati ab omnium civium corpore amovisse, libertatem civium licitori eripuisse: deinde Sallustii, qui illud posuit in oratione Cæsaris: Quamobrem in sententiam non addidisti, uti prius verberibus animadverteretur in eos? an quia lex Porcia vetat? at alie leges item condemnatis civibus non animam eripi, sed exilium permitti jubent, & post: Majores nostri Græciæ morem imitati verberibus animadvertebant in cives. de condemnatis summum supplicium sumebant. postquam resp. adelevit, & multitudine civium factiones valere, circumveniri innocentes, alia hujusmodi fieri cœpere. tunc lex Porcia, alieque leges paratæ sunt, quibus legibus exilium damnatis permissum est. Hanc autem legem M. Porcius Cato, ille censorius pro scapulis appellavit. sic enim scribit Festus: Pro scapulis cum dicit M. Cato, significat pro injuria verberum. nam consulares leges erant in cives rogatæ, quibus sanciebatur pena verberum. is significabat prohibuisse multos cives in ea oratione, quæ est contra M. Cælium. Livius loco prolato, pro tergo latam ait. Plinius libro VII. de jure, ut opinor, virgarum vocavit, cum dixit, L. Cornelium Balbum Gaditanum accusatum, & de jure virgarum in eum in consilium missum. quibus verbis accusatum Balbum significat, quod falso civitatem Romanam usurparet, cum esset peregrinus. In peregrinum enim jus erat virgarum, non in civem. Unde M. Marcellus consul Novocomensem quandam virginis mulandum curavit in Cæsaris contumeliam, a quo erant Novocomenses civitate donati. Porciam inde legem Semproniam sunt consequutæ, a C. Sempronio Graccho, juris plebis retinentissimo, in tribunatu late: Una, Ne de capite civium Rom. injussum populi judicaretur; Altera, Ut, qui magistratus indicta causa in civem Rom. animadvertisset, de eo populi questio constitueretur; Tertia, Ne quis coiret, conveniret, quo quis judicio publico circumveniretur. Primæ legis meminit Cicero in oratione pro*

Rabirio, & pro domo; secundæ Plutarchus in vita ejus, camque, ut P. Popillium, a quo consule Tiberii fratris focii misere fuerant divexati, ulcisceretur, atque urbe, ut fecit, expelleret, esse latam adiecit; tertiæ Cicero in Cluentiana; quo loco eandem in senatores pro plebe esse latam adjungit. Quin etiam, si quo me conjectura trahit, eo inclinem, addiderim quartam Porciam: Ne magistratus civem Romanum virgis caderet, aut securi feriret, vetuitate jam fortasse obsolescentem, ab eodem esse relatum. me vero in hanc opinionem adducunt verba ejus, quæ citat Gellius ex oratione de legibus promulgatis; *Legebamus, inquit, orationem Gracchi de legibus promulgatis; in qua M. Marius, & quosdam ex municipiis Italicis honestos viros virgis per injuriam cæsos a magistratibus populi Rom. quanta maxima invidia potest conqueritur. Verba hæc sunt, quæ super ea re fecit: Nuper Teanum Sidicinum consul venit. uxorem dixit in balneis virilibus velle lavari. quaestori Sidicino M. Mario datum est negotium, uti balnei exigerentur, qui lavabantur. uxor renuntiavit viro, parum cito sibi balneas traditas esse, & parum lautas fuisse. Idcirco palus destitutus est in foro, eoque adductus sue civitatis nobilissimus homo M. Marius. vestimenta detracta sunt. virgis cæsus est. Caleni, ubi id audierunt, edixerunt; ne quis in balneis lavasse vellet; cum magistratus Roman. ibi esset. Erentini ob eandem causam prætor noster quaestores arripui jussit. alter se de muro deiecit, alter prebensus, & virgis cæsus est. Hæc ex Gellio. ex quibus quis non intelligit, Gracchum hæc tum in concione dixisse, cum leges a se de libertate civium Roman. quæ neglecta lege Porcia a magistratibus Rom. violabantur, promulgatas fuaderet? Unde Cicero in actionibus in Verrem, harum legum memor, ita exclamavit: *Cadebatur virgis in foro Messianæ civis Romanus. o nomen dulce libertatis. o jus eximium nostræ civitatis. o lex Porcia, legesque Sempronie.* His igitur five legibus, five institutis libertas Romana adversus magistratum patriciorum five libidinem, five potentiam fuit vallata. Illud enim sapienter ab illis provisum est, ne, cum ipsi se a libidine regia exolvissent, consulatum aut aliorum magistratuum intoleranda superbia opprimerentur. Quod adeo proprium fuit civium Rom. ut nomen civis Rom. in provinciis, & exteris regionibus multos a fummis sæpe cruciatibus corporis, & nec acerbissima a magistratibus olentata vindicaret. Hinc enim illa sunt in Verrem: *Cervices in carcere frangebantur indignissime civium Rom. ut etiam illa vox, & illa imploratio civis Roman. quæ sæpe multum in ultimis terris opem inter barbaros, & salutem tulit, ea mortem illis acerbiorum, & supplicium maturius ferret. Item: Nulla vox audiebatur, nisi hæc: Civis Roman. sum. & in epist. Alinii ad Ciceronem: cum illi misero querenti, civis Roman. sum; responderet; abi nunc, populi fidem implora. Ex his autem legibus Semproniam, Ne quis iudicio publico circumveniretur, qua lege senatores, & ii, qui magistratum gesserant, soli tenebantur, a Sylla dictatorum retentam ait in Cluentiana Cicero. Reliquas ille mihi victoria parta non solum labefactasse videtur, sed etiam funditus sustulisse, quibus munita plebis, populusque Romani libertas fuit. nam proscriptio civium Rom. novo exemplo proposita, cade eorum acerbissima facta, agris plebi creptis, iudiciis commutatis, tribunicia potestate debilitata, quid reliquum juris civibus Romanis fecit? Tulit autem, Ne tribunis plebis legum ferendarum jus esset; necesse in, qui tribunis plebis fuissent, alios postea magistratus capere liceret. ut scriptum est in Livii, & Appiani historia. Nam Cicero lib. III. de legibus, potestatem injurie faciende ademptam, auxilium ferendi relictam auctor est. quod**

expofuit Cæfar; cum jus interceffionis a Sulla tribuni relictum in primo civilium dixit. Tribunorum tamen jura poft reftituta funt partim a Cotta, partim a Pompeio, & Craffo confulibus. C. enim Cottam confulem non multis poft Sullæ mortem annis tuliffe prodit Pedianus, ut tribunis alios magiftratus capere liceret. Itaque C. Mæcer tribunus, apud Salluftium, per ea tempora hæc plebis juris detrimenta deplorans, ita in concione dixit: *An dubium habetis, ne officere quid vobis uno animo pergentibus poffit, quos languidos, fociordesque pertinuere? nifi forte C. Cotta ex factione media conful aliter, quam metu jura quedam tribunis plebis reftituit. & quamquam L. Cincius primus de poteftate tribunorum loqui aufus, miffantibus vobis, circumventus erat; tamen prius illi invidiam mettere, quam vos injuriæ perafum eft: quod ego nequeo fati mirari. Quirites, namfpem fruftra fuiſſe intellexiſtis, Sulla mortuo, qui ſeſſeſtum impoſuerat ſervitium, finem mali credebatis. ortus eſt longe ſevior Catulus. tumultus interceſſit Bruto, & Emilio Mamerco confulibus. Denique C. Cærio ad exitum uſque inſontis tribuni dominatus eſt. Lucullus ſuperiore anno quantis animis ierit in L. Quintium, vidiliſ: quantæ denique nunc mihi turbæ concitantur. quæ proſpecto in caſum agerentur, ſi prius, quam vos ſerviendi finem, illi dominationiſ facturi erant; præſertim cum civilibus armis dicta alia, ſed certatum utrinque de dominatione in vobis ſit. Itaque cetera ex licentia, aut odio, aut avaritia in tempus arſere, permanſit una res modo, quæ utrinque quaſita eſt, & erepta in poſterum, vii tribunicia, telum a majoribus libertati paratum. Neque vero haud ita multo poſt Cn. Pompeius, & M. Craſſus conſules priſtinum jus, quod ante Syllam habuerant, reſtituerunt. cujus rei brevis poſt Pompeium pœnituit, cum a P. Clodio tribuni pleb. vexari acerrime, ac ſine ullo dignitatis ſuæ reſpectu exagitari cepit auctor cum aliis Pedianus.*

Quartum genus libertatis fuit, qua ſe adverſus fœneratorum, & creditorum impotentiam non ferendam armarunt. Erat enim hoc jus jam inde a condita, ut opinor, urbe, vel lege vel more conſtitutum, ut liberi, qui pecuniam deberent, cum ſolvendo non eſſent, trahi a creditoribus, atque ad operas in ſervitute præſtandas cogi poſſent. qua licentia abuſi multi in terga etiam miſerorum crudeliſſime favierunt. unde plebis in montem Sacrum ſecefſio anno poſt R. E. XVI. nata eſt. de qua ita Livius: *Magno natu quidam in forum venit. Sabino bello ait ſe militantem, quia propter populationes agri non fructu modo caruerit; ſed villa incenſa fuerit, direpta omnia, pecora abacta, tributum iniquo ſuo tempore imperatum, æs alienum ſeciſſe. id cumulatam uſuris primo ſe agro paterno, avitoque exuiſſe: deinde fortunæ alii: poſtremo velut tabem perveniſſe ad corpus. ductum ſe ab creditore non in ſervitium, ſed in ergaſtulum, & carniſcinam eſſe. inde oſtentare tergum ſordidum recentibus veſtigiiſ verberum. ad hæc viſa, auditaque clamor ingens oritur. non jam foro ſe tumultus continet, ſed paſſim totam urbem pervadit. nexi, vincti, ſolutique ſe in publicum proripiunt.* Dionyſius item eundem hominem immanitatem & favitiam creditoris enarrantem inducit: ſe cum diobus filiis, quia æs alienum diſſolvere non potuerit, abductum a fœneratore; ac quia diſſicilia imperantis domini opera facere recuſarit, ab eodem verberibus affectum. Itaque ad hunc tumultum multos, qui in ſervitute operas dabant, catenas, & compedes trahentes nullo retinente, prodiſſe. Atque hæc fere ante, quam XII. tabulæ ſcriberentur. Poſt autem in eas hæc verba relata ſunt, teſte Gellio libro XX. *ÆRIS conſeſſi, rebusque judicatis XXX. dies juſti ſunto. poſt deinde manus injeſtio eſto. in juri ducto. ni judicatum faxit, aut qui pro eo in jure vindex ſit, ſecum ducto, vincito, aut*

in nervo, aut compede, XV. pondo ne minore, aut ſi volet, majore vincito. ſi volet. ſuo vivito; ni ſuo vivit, qui cum vinctum habebit, libras farri in dies dato. tertiis nundinis partes ſecanto. ſi plus, minusve ſecuerint, ſine fraude eſto. Hujus autem legis pars una tantum obſervata eſt, ut debitores addictos in vincula abducerent; altera more publico abrogata, ne ſecarent. Prius illud verba Livii indicant, qui poſtea, ubi de ſeditione M. Manlii levando plebis fœnore conſtata ſcribit, ita ait: *Acrioris quippe æris alieni ſtimulos eſſe, qui non egeſtatem modo, atque ignominiam minentur, ſed nervo, ac vinculo corpus liberum territent. & æris alieni magna vis, rei damnoſiſſima etiam divitibus, ædificando contracta. & paulo poſt de eadem re: Centurionem nobilem judicatum pecunie cum duci vidifſet M. Manlius, medio foro cum catervis ſua occurrat, & manum injeſcit, vociferatuſque de ſuperbia patrum, ac crudelitate fœneratorum, & miſeriis plebis; ego nequicquam, inquit, hac dextra Capitoliſium, arcemque ſervaverim, ſi cicioem, commilitonemque meum, tanquam Gallis victoribus, captum, in ſervitutem, ac vincula duci videam. & infra: An placere fœnore circumventam plebem, ni potius, quam ſortem, creditum ſolvat, corpus in nervum, ac ſupplicium dare? & gregatim quotidie de foro addictos duci? & repleti vinctis nobilium domos? & ubicunque patricius habitet, ibi carcerem privatum eſſe? Qui vero hoc modo ſerviebant, ii vero non ſervi, ſed addicti dicebantur. inter quos quid interſit, egregie demonſtravit Quintilianus his verbis: *Circa propria, ac differentiæ magna ſubtilitas. ut cum queritur, an addictus, quem lex ſervire, donec ſolverit, jubet, ſervus ſit. altera pars finit ita: Servus eſt, qui eſt jure in ſervitute: altera, qui in ſervitute eſt eo jure, quo ſervus; aut, ut antiqui dixerunt, qui ſervitutem ſervit. quæ definitio etiam ſi conſtat æquo, niſi tamen propriis, ac differentiis adjuvetur, inanis eſt. Dicit enim adverſarius, ſervire eum ſervitutem, aut eo jure quo ſervum. videamus ergo propria, differentiæque liberorum. Servus cum manumittitur, ſit liberinus: addictus recepta libertate eſt ingenuus. ſervus invito domino libertatem non conſequitur: addictus ſolvendo citra voluntatem domini conſequetur. ad ſervum nulla lex pertinet: addictus legem habet. propria liberi, quæ nemo habet, niſi liber, prænomen, nomen, cognomen, tribum; habet hæc addictus. Hoc autem jus obſervatum eſt uſque ad annum CDXXVII. quo conſules L. Papirius fuerunt, & C. Pœtelius Viſolus. quo anno, ut inquit Livius, plebi Romane velut aliud initium libertatis factum eſt, quod neſti deſerunt. mutatum autem jus ob unius fœneratoris ſimul libidinem, ſimul crudelitatem inginem. L. Papirius is fuit. cui cum ſe C. Publius ob æs alienum paternum nexum dediſſet, quem ætas, formaque ad miſericordiam elicere poterant, ad libidinem, & contumeliæ animum accenderunt. cujus libidini cum juvenis non cederet, laceratus ab eo ſe in publicum proripuit, libidinem, crudelitatemque conquerens fœneratoris. Ea cauſa excito in urbe tumultu conſules ex S. C. ad populum tulerunt, ne quis, niſi qui moxam meruiſſet, donec pœnam lueret, in compediſ, aut in nervo teneretur. pecunie creditæ bona debitoris, non corpus obnoxium eſſet. Itaque nexi ſoluti, cautumque in poſterum, ne necerentur. Atque hoc illud eſt, quod Varro intellexit, cum ſcripſit in libris de lingua Latina: *Liber, qui ſuas operas in ſervitute pro pecunia, quam debet, dum ſolveret, dat, nexus vocatur.* Hoc C. Pœtelio Viſolo rogante cautum, ne fieret, & omnes, qui bonam copiam ejurarant, ne eſſent nexi, diſſolvi. Tantum autem abuſuit, ut poſtea hoc nomine plebs detrimentum aliquod libertatis acceperit, ut ſæpe etiam de ære alieno ejus vel creditoribus iſtis**

initis relaxando agitata sit. quam legem Romani Novas tabulas appellarunt. quam ut nemo unquam nili perturbande reipub. cupidus promulgavit; sic optimus semper quique & oculi amantissimus repudiavit. Itaque de ea re sic Cicero in legibus: *Nunquam vehementius actum est, quam me consule, ne solveretur. armis, & castris tentata res est ab omni genere hominum, & ordine, quibus ita restiti, ut totum hoc malum de rep. tolleretur. nunquam nec majus rei alienum fuit, nec melius, aut facilius dissolutum est. fraudandi enim spe sublata, solvendi necessitas consecuta est.* Unde etiam querelæ illæ conjuratorum in temp. eodem anno sunt natæ, de quibus Sallustius: *Deos hominesque testamur, nos arma cepisse, uti corpora nostra ab injuria tuta forent, qui miseri, egentes, violentia, atque crudelitate feneratorum plerique patria, sed omnes fama, atque fortunis expertes sumus, neque cuiquam nostrum licuit, more majorum lege uti, neque amisso patrimonio, corpus liberum habere: tanta sævitia feneratorum, atque prætoris fuit.* De secandis autem debitoribus, quod nunquam usurpatum esse dixi; illud Cæcilius Juriconsuliti adductus auctoritate feci: cujus etiam verba subscribam; *Vinctis debitoribus jus erat paciscendi ac nisi pacti forent, habebantur in vinculis dies LX. inter eos dies trinis nundinis continui ad prætorum ad comitum producebantur. quantæque pecunie judicati essent, predicabatur. tertiis autem nundinis capite pænas dabant, aut trans Tiberim peregre venum ibant. sed eam capitis pænam sancientiæ fidei gratia, horrificam atrocitatis ostentu, novisque terroribus metuendam reddiderunt. Nam si plures forent, quibus reus esset judicatus, secare si vellet, atque partiri corpus addicti sibi homini permiserunt, & quidem verba ipsa legis dicam, ne existimes invdiam me istam forte formidare. Tertiis, inquit, nundinis partem sciant. si plus, minusve secuerunt, sine fraude esto. nihil profecto immitius, nihil immanius, nisi, ut re ipsa apparet, eo consilio tanta immanitas pæna denunciata est, ne ad rem unquam perveniretur. Addici namque nunc, & vinciri multos videmus, quia vinculorum pænam determini homines contemunt. dissectum esse antiqui neminem neque legi, neque audio, quoniam sævitia ipsa pæne contemni non quita est.* Idem notavit etiam Quintilianus, cum scripsit: *Sunt quædam non laudabilia natura, sed jure concessa, ut XII. tabulis debitoris corpus inter creditores dividi licuit. quam legem mos publicus repudiavit.*

Extremum genus libertatis attulerunt leges tabellariæ. quarum in universum ea vis fuit, ne suffragia polthac a populo voce, sed tabella: id est, ne palam, & aperte; sed clam, & occulte ferrentur. recte; Etenim si libertatis ratio in eo posita est, ut facias, quod velis; idque ipsum tabella præstat: profecto maxima a tabellaria lege pars libertatis profiscitur. id quod etiam non obscure tradidit Cicero in Planciana, cum dixit: *Populo grata est tabella, qua frontes aperit hominum, mentes tegit, datque eam libertatem, ut, quod velint, faciant.* Quint etiam Sallustius, ubi de constituenda rep. præcepta dat, tabellam is laudibus effert, ut dicat, eam obtentui fore, quo magis libero animo facere populus audeat. unde scite in II. Agraria Cicero tabellam vindicem tacite libertatis, & in Corneliana, legem Cassiam tabellariam principum iustissimæ libertatis appellavit. Leges autem tabellarias idem in XII. de legibus nominat multas: Gabiniam de mandandis magistratibus; Cassiam de populi judicio; Papiriam de jubendis legibus, & vetandis; Cæliam de perduellione, quem Cassius in sua lege exceperat. inde multas alias, Ne quis inspicere tabellam; Ne rogaret; Ne appellaret. Has autem leges omnes libertatis retinendæ gratia populum expetisse, illud est argumento, quod ait idem, legem tabellariam

a populo libero nunquam fuisse desideratam, ab eodem oppresso dominatu ac potentia principum flagitatam. Prima autem Gabinia Pisone, & Lænatæ cosl. lata est. siquidem, auctore eodem in loco Cicerone, biennio ante Cassiam lata est. ex quo intelligi potest, populum Rom. fero admodum vere se suffragiorum in libertatem vindicasse, in qua populo potestas honeste bonis gratificandi darur. nam ii consules in annum ab Urbe cond. DCXIV. in fastis consularibus referuntur. Cassia enim Lepido, & Mancino cosl. ut ait idem in Bruto, neque multis post annis Papiria, & Cælia lata est. Argue de civium quidem R. Libertate; & iis, quibus ea stabilita est, legibus hæcenus disputatum ne.

C A P. VII.

De jure Gentilitatis.

Jus libertatis nescio, an ullum aliud jus propius attingat, quam gentilitatis. neque id sine causa. sunt enim ab eodem ambo fonte deducta, id est, a Romulo, qui quos liberos in tribus, curiæve descripsit, id est, quos omnino civitate donavit, eosdem in duas gentes simul diviit; quarum unam patres, plebem alteram nominavit: patres quidem, ex Dionysii sententia, eos, qui in nova civitate ceteris genere, virtute, & copiis antecellerent; plebem vero, qui his omnibus rebus inferiores essent: patres autem vel ab ætate, quæ senes, vel quod soli filios haberent, vel denique Atheniensium exemplo, qui summo loco natos *πατριδας*, infimo *αποποις* nominarunt. neque vero patres eos solum, & plebem, sed patricios etiam, & plebeios, quali patrum, & plebis progeniem nuncupavit. quamquam patricios idem Dionysius, & præter Dionysium Plutarchus dictos afferunt, quod soli patres suos ciere, id est, nominare possent, id quod plebeis genti obcurisissimæ, & prope e terra natæ non liceret. Ex quo intelligi potest, patricios tum aliud nihil fuisse, quam ingenuos. id quod P. Decius etiam apud Livium significavit, cum dixit, *patricios primum esse factos, non de celo demissos, sed qui patrem ciere possent, id est, nihil ultra, quam ingenuos.* & apud Festum Cincius, qui aperte primis temporibus patricios eosdem fuisse cum ingenuis scribit. egregie. nam si ingenui sunt, qui ex duobus ingenuis orti sunt, profecto patricium neminem facere Romulus, nili ingenuum potuit, cum patricius ille tum fuerit, qui patrem ciere potuerit. Quod si ita est, satis liquet, patricios primum; deinde plebeios gentem habuisse. siquidem gentiles sunt, auctore, ut est apud Ciceronem, Sævola, qui inter se eodem nomine sunt, quorum nemo servitutem servivit, nec capite diminutus sit. de patriciis illud argumento est, quod ait P. Decius apud Livium, qui cum adversus patricios loqueretur, ita demum intulit: *Semper ista audita sunt eadem, vos solos gentem habere.* de plebeis id, quod Ap. Claudius vir patricius dixit: *An hoc si Claudie familie non sum, nec ex patricio sanguine ortus; sed unus Quiritium quilibet, qui modo me duobus ingenuis ortum sciam, reticere possim?* ex quibus verbis colligi licet, si qui se ab ingenuis ortum ostendere potest, is gentem habet, profecto plebeios, ubi patres indicare potuerunt, & ipsos gentem habere cæpisse.

His rebus expolitis, nunc duo illa intelligenda sunt, primum alia fuisse jura gentilitatum, atque agnationum, deinde alia gentium patriciarum, ac plebeiarum. Ego autem inter gentilitates, & agnationes illud interuisse opinor, quod inter gentis, & familie jura interesse alio libro admonui. quippe, quemadmodum familia nos propius attingit,

quam gens, sic agnati arctiore nobiscum, quam gentiles, necessitudine juncti sint. cujus rei argumento esse, quod lex XII. tabularum furiosorum tutelam primum agnatis, deinde gentilibus commisit: eademque patrisfamilias intestato mortui pecuniam primum ad agnatos, post ad gentiles voluit pervenire. Itaque cum Cicero homines archissimo cum diis ipsis necessitudinis quasi vinculo confictos esse in primo de legibus vellet ostendere, eos deorum agnatione, & gente teneri dixit. pro qua agnatione eundem in primo de oratore stirpem possuisse existimo, cum scripsit: *Quid? qua de re inter Marcellos, & Claudios patricios centumviri judicaverunt. cum Marcelli ab liberti filio stirpe, Claudii patricii ejusdem hominis hereditatem gente ad se reddidi dicent; nonne in eo causa fuit oratoribus de toto stirpis & gentilitatis jure duendum?*

Patriciarum autem, & plebeiarum gentium cum multa alia jura, eaque inter se longe diversa fuerunt, tum celebre illud exitit, quod plebis jura simul cum civitatis adeptione impetrabantur. (nam eodem tempore qui civium, idem etiam plebeiorum jure donabatur.) patricius autem fieri, nisi lege nominatim ad populum lata, nemo poterat. quod fuit aut regum, aut consulum, aut dictatorum amplissimum beneficium. Patricios enim Romulus bis, teste Dionysio, legit, primum ex Albanis, quos focos urbis condendae habuit; deinde ex Sabinis iis, quos cum eorum rege T. Tatius in civitatem advocavit. quo tempore Julii, Pinarii, Potitii, Æmilii, Nautii, Fabii, Antonii in patriciorum numerum esse videntur relati. quem morem deinceps sequuti ceteri, Numa ex Sabinis, Valerios, & Marcios; Tullus ex Albanis, Alba excisa, Julios iterum, & Servilios, Geganos, Attilios, Curios, Quinctilios, & Claelios; Ancus ex Etruria L. Tarquinius; Priscus ex Latio Ser. Tullium, & Octavius in patriciorum numerum acceperunt. Imminutis autem eade, exiliisque a Superbo patriciorum familiis, L. Brutus, qui primus exactis regibus consul fuit, legisse patricios dicitur: inde, sexto post liberatam remp. anno, Ap. Claudius ex Sabinis Romam commigrans, lege item consulari patricius factus est. postremo C. Caesar lege Cassia, & Divus Augustus lege Sænia patricios jam magna ex parte extinctos suppleverunt. Unde apud Livium Canuleius tribunus pleb. invidiose quondam in patres dixit, *Nobilitatem patricios plerisque ex Albanis, & Sabinis non genere, nec sanguine, sed cooptatione in patres habuisse aut regibus lectos, aut post reges exactos jussu populi.* de patriciis autem a Cesare, & ab Augusto adlectis scribit cum Dione Suetonius. de omnibus fere Tacitus in hunc modum; *D. Claudius in numerum patriciorum vetustissimum quemque e senatu asseruit, paucis jam reliquis familiarum, quas Romulus majorem, & L. Brutus minorum gentium appellaverant. exhaustis etiam, quas dictator Caesar lege Cassia, & princeps Augustus lege Sænia sublegere.*

Ad hæc vero fuit etiam illud a Romulo institutum, ut quoniam patricios extulerat, plebeios vero depresserat; ne aut illis horum invidia obesset, aut hi illorum potentia circumvenirentur, ambo inter se sanctissimo quodam necessitudinis vinculo alitringerentur. patricios enim patronos plebis, plebeios patrum clientes esse constituit. atque ambo in ea colenda necessitudine officia diligentissime demonstravit: patronorum, ut clientibus incongnita jura traderent, causam eorum in foro, re postulante, defenderent; clientum, ut patronos domo deducerent, domumque reducerent, eosque in collocandis filiabus, si ita opus esset, pecunia subleverent. neutris autem licere voluit, se inter se aut nomen deferendo, aut testimonium dicendo, aut suffragium ineundo, aut cum inimicis sentiendo

A sedere, alioquin cum lege a se de prodicione lata teneri, eumque sacrum Deo esse, id est, impune occidi licere. Quæ necessitudo usque ad Gracchorum ætatem sancte adeo, teste Dionysio, observata est, ut in multis, & magnis plebis, patrumque de rep. contentionibus nulla tamen unquam vis, nulla cedesset: quod clientes patronorum vel suadentium auctoritati, vel rogantium voluntari facile etiam juris sui cum aliqua diminutione obtemperaverint.

Jam vero neque illud est contemnendum, quod patricii soli ex Romuli instituto auspicia habuerunt. quod ex oratione P. Decii plebei adversus patricios apud Livium satis aperte cognoscitur; qui inquit: *Semper ista audita sunt eadem: penes vos auspicia esse; vos solos justum imperium domi, militique habere.* & ex oratione Claudii adversus plebeios, cum ait: *Penes quos sunt auspicia? nempe penes patres. nam plebeius quidem magistratus nullus auspicio creatur. nobis adeo propria sunt auspicia, ut non solum quos populus creat, patricios magistratus aliter, quam auspicio creet; sed nos quoque ipsi sine suffragio populi auspicio interregem prodamus, & privatum auspicio babeamus, quæ isti ne in magistratibus quidem habent. quid igitur aliud, quam tollit ex civitate auspicia, qui plebeios consules creando, a patribus, qui soli ea habere possunt, aufert?* Item ex eodem loco: *Interroganti tribuno, cur plebeium consulem fieri non oporteret, respondit; quod nemo plebeius auspicia haberet: idcirco decemviri consubium dimisissent, ne incerta prole auspicia turbarentur. plebs ad id maxime indignatione exarsit; quod auspiciari tanquam inivisi diis immortalibus negarentur posse.* Cum autem auspicia tria fuerint, avium inspectio, de cælo observatio, & tripudii animadversio: non est ignorandum, observationem de cælo ad omnia comitia esse adhibitam; avium inspectionem ad curiam, & centuriata tantum; tripudium rerum gerendarum fuisse proprium. Itaque cum plebei carere auspiciis dicuntur, avium volantium aut canentium observatione in comitiis, tripudio in rebus gerendis carere dicuntur. quæ soli patricii tenebant. quemadmodum etiam, cum nulli essent in rep. magistratus, senatores patricii soli auspicio interregem prodiderunt, qui rogandis magistratibus comitia haberet. Quorum duo priora jura procedente tempore interiisse; postremum vero perpetuum fuisse invenio. Nam ubi primum plebs in partem patriciorum magistratuum venit, ut consularum, tum vero ad plebeios ita translata auspicia sunt, ut & auspicio crearentur, & ipsi auspicio rem gererent. cuius rei confirmandæ gratia notissimum uno Livii loco ero contentus: *In expectatione erat civitas, quod Genucius primus de plebe consul bellum suis auspiciis gesturus esset. perinde ut eveniret res, ita communicatos honores probe, aut secus consulto habitura. Forte ita tulit casus, ut Genucius ad hostes magno conatu profectus, in insidias præcipitaretur; legionibus nec opinato pavore fuscis consul circumventus ab insidiis, quem interficerent, occideretur. quod ubi est Romam nuntiatum, nequaquam tantum publica calamitate moesti patres, quantum feroces infelici consulis plebei ductu, fremunt omnibus locis, irent, crearent consulem ex plebe; transferrent auspicia, quod nefas esset; potuisse patres plebiscito pelli bonorum suis, num etiam in deos immortales inauspicatam legem valuisse? vindicasse ipsos sum numen, sua auspicia, quæ ut primum contacta ab eo sint, a quo nec jus, nec fas fuerit, deletum cum duce exercitum documento fuisse, ne deinde turbato gentium jure auspicia turbarentur. Neque vero dubium est, si Genucius plebeius consul est factus, quin auspicio factus sit. nam centuriata comitia, quibus consules creabantur, auspiciata erant, ut tributa inauspicata. eademque ratione neque illud ullam habere du-*

bitationem debet, si Genucius consul rem gessit, quin captatis ante auspiciis gesserit. cum magistratus, ut inquit Cicero in 1. de divinatione, tripudii solitimo uteretur. quod idem de ceteris est iudicandum. Cur enim priore consulatu C. Flaminius e plebe inauspicato consule factum, posteriore sine auspiciis ad bellum profectum, quæ ne in externo quidem solo nova, atque integra concipere posset, atque eundem auspiciis neglectis cum hoste congressum, insimularent annales, nisi plebeiis post cum magistratibus patriciis essent auspicia ipsa patriciorum communicata? at quæ auspicia contempnit Flaminius? tripudium. sic enim ait Cicero in 1. de divinatione: *C. Flaminius, cum tripudium auspicaretur, pullarius diem prælii committendi differebat. tum Flaminius ex eo quæsit, si ne postea quidem pulli palcerentur, quid faciendum censeret; cum ille quiescendum respondisset: Flaminius, præclara verò auspicia, si esurientibus pullis res geri poterit, saturis nihil geretur. Itaque signa convelli, & se sequi iussit.* At vero perpetuum illud jus patricii dederunt, ut, nulli cum essent in rep. patricii magistratus, ad ipsos auspicia redirent. quod erat nihil aliud, nisi ut patricii senatores coirent, atque ex se auspicato, qui comitia rogandis consulibus haberet, interregem proderent. unde illa sunt Livii libro 14. *Patricii, cum sine curulibus magistratibus respub. esset, coire, & interregem creare.* & Ciceronis illud ad Brutum: *Dum unus erit patricius magistratus, auspicia ad patres redire non possunt.* & Pediani in Milonianam illud: *Cum mense Ianuario nulli dum neque consules, neque prætores essent, & Pompeius, ac T. Munatius tribunus pl. referri ad senatum de patriciis convocandis, qui interregem proderent, non essent passi.*

Postremo vero cum idem etiam Romulus patriciis solis senatum, sacerdotia, magistratus, judicia, ac totam denique remp. tradidisset: plebeiis agriculturam, & rem pecuariam, ac quæstuiarias artes, eodem Dionysio teste, commisisset, neque hoc institutum diu admodum est servatum. siquidem plebs interjecto tempore, & in senatum pervenit, & magistratus, ac sacerdotia cepit, & res iudicavit, & omnino remp. ipsam capeffivit. id quod quando, & quo pacto adepta sit, post suo loco aperietur.

Nunc vero illud tantum admonuisse satis sit, plebem, cum omnia fere patriciorum iura esset consecuta, illud tamen impetrare nunquam potuisse, ut interregem ex se, quemadmodum antea dixi, aut flamines maiores, Dialem, Martialem, & Quirinalem proderet, aut regem sacrificulum faceret, aut in Saliorum collegium cooptaretur: quos locos ut integros usque ad extrema tempora patricii possederunt, sic proprium illud usque ad extremum plebeiis reliquerunt; ut comitia tributa ab auspiciis, atque a patribus libera haberent, & tribunatum, atque ædilitatem plebs soli caperent. quibus fere de rebus omnibus ita Livius: *Patres contra non pro communicatis, sed pro amissis honoribus fremendo, negare, si ea ita sint, liberos tollendos esse, qui pulsi majorum loco, cernentesque alios in possessione dignitatis sue, salii, flaminesque nusquam alio, quam ad sacrificandum pro populo sine imperiis, ac potestatibus relinquuntur.* & Cicero pro domo sua, cum Clodium patricium a plebeio adoptatum reprehenderet: *Probat genus adoptionis, jam omnium sacra interviunt, quorum custodes vos esse debetis: jam patricius nemo relinquetur. cur enim quisquam vellet tribunum pl. se fieri non licere? angustior sibi esset petitionem consulatus? in sacerdotium cum possit venire; quia patricio non sit locus, non venire? ut cuique aliquid acciderit, quare commodius sit esse plebeium, simili ratione adoptabitur. Itaque populus Rom. brevi tempore neque regem sacrorum, neque flamini, neque salios habebit, nec ex parte dimidia*

reliquis sacerdotes, neque auctores centuriatorum, & curiatorum comitorum auspiciaque populi Rom. si magistratus patricii creati non sint, intereat necesse est; cum interrex nullus sit, quod & ipsum patricium esse, & a patricio prodi necesse est. Quomodo autem ab auspiciis plebeiis liberi fuerint, alio loco dicendum est.

Neque vero alienum est, ut duo patriciarum gentium genera fuerint, intelligere. siquidem satis constat patricos alios majorum gentium dictos, alios minorum. Sunt autem qui maiorum gentium appellatos putent, quos Romulus tantum prima lectione ex Albanis adlegit: reliquos inde, & quos ipse, & quos alii reges deinceps acceperunt, minorum. Livius quidem, quos Priscus rex; Tacitus, quos Brurus consul patricos fecit, eos minorum gentium nuncupaverunt. pervasisse autem hanc usque ad postrema etiam tempora differentiam, optimus testis est Cicero, qui in Epistola ad Papirium, Papirios aliquot patricos fuisse tradit, sed minorum gentium. neque vero aliud quicquam his credo vocibus exproferunt, quam patricos majores & minoris antiquitatis. nam ejusdem, ut puto, & hi, & illi juris fuerunt.

Neque vero illud etiam esse præmittendum videtur, familias multas easdem patricias fuisse & plebeas, ut Claudiam, Papiriam, Corneliã, & Octaviam. de Claudia enim scripsit præter ceteros Suetonius in Tiberio; de Papiria Cicero in epistola ad Pætum; de Cornelia idem in 11. de legibus, ubi Cornelios patricos ita nominat, ut plebeios etiam aliquos fuisse significet: de Octavia idem in Augusto Suetonius. Cujus rei causas exquirenti non erit difficile multas & quidem probabiles omnes invenire. Mihi vero hæc potissimum reddi videntur posse: Una, quod non ab eodem ambæ fonte fluxerint, ut de Tullia Longorum, & Ciceronum familia alio libro dixi, quarum patricia illa a Ser. Tullio rege, hæc plebeia a Tullio Atio Volturnorum rege, teste Plutarcho, ex aliquorum opinione traxit originem; Altera, quod cum patricii lecti sunt, non omnes unius gentis lecti sint, verum aliquot in patricos acceperint, reliqui plebeiorum iura tenuerint; Tertia, quod posteaquam patricii facti fuerint, nonnulli eo iure non contenti ad plebem se contulerint. fuisse enim a plebe ad patricos aditum, & ab iis ad plebem reditum, ostendit Suetonius, cum de Octavia gente ita loquitur: *Gens Octavia a Tarquinio Prisco inter Romanas gentes allecta, mox a Ser. Tullio in patricias transducta, procedente tempore ad plebem se contulit, ac rursus magna vi per D. Julium in patriciatum rediit.* Quod idem significavit etiam Cicero in Bruto cum dixit: *Transitiones a plebe sunt, cum homines humiliores in alienum ejusdem nominis infunduntur genus, ut si ego me a M. Tullio esse dicerem, qui patricius cum Ser. Sulpicio consul fuit.* & Plinius, cum L. Minucium Augurinum, hominem patricium ad plebem se contulisse, & tribunum pl. undecimum factum esse scribit. Hoc autem esse exitum, vel patriciorum iura repudiando, vel se in diversam gentem adoptando. quo pacto effectum est, ut aut plebeius in patricii familiam transliverit, ut Livius in Mamerci Lepidi, & Brutus in A. Albini; aut patricius in plebeii, ut P. Clodius in M. Fonteii, P. Dolabella in Livie transmigrarunt. qua una ratione patricii ad tribunatum pl. aspirarunt, id est, si patriciorum se ante iure abdicassent, ac plebis iura sumpsissent. sed de adoptione post alio loco pluribus. Postremo vero civitatis etiam largitionem hanc diversitatem intulisse opinor. nam qui civitatem beneficio alicuius patricii hominis obinebant, ii nomen ejus tantum, non gentem assequabantur; sed in plebe, cuius iura cum civitate adepti erant, remanebant.

Ex his autem fontibus primæ illæ in rep. feditiones

nes omnes emanarunt. Nam cum patricii, qui plebis patroni fuerant constituti, eam superbe, violentè vexarent, atque liberata rep. plebs, ut ante regibus, sic tunc consulibus, patriciisque serviret, conflatis seditionibus, cum se adversus eorum impotentiam instituto tribunatu munivit, tum eorum, ut dixi, jura fere omnia sibi ascivit. Hinc enim secessio in montem Sacrum ob libertatem suam adversus patricios creditores defendendam: hinc in Aventinum, ob conservandam ab patriciorum liden- pudicitiam extiterunt: hinc denique motus alii urbani excitati, de communicandis connubiis, quæ decemvrali lege dirempta fuerant, de consulatu vulgando, quem soli patricii obtinebant. quibus de rebus non proprie inter ordines, sed inter gentes est concertatum: cum alteram partem consules, tribuni pl. alteram tuerentur: illius in senatu, hujus in concione prædium omne esset constitutum. Sed jam ad alia pergamus.

C A P. VIII.

De jure sacrorum.

DEINCEPS sequitur, ut de jure sacrorum dicendum esse videatur, quod est cum libertatis, & gentilitatis jure conjunctum. Siquidem qui civitate R. donatur, is eodem tempore non omnia solum ad libertatis, aut gentilitatis jura adipiscitur; sed omnino sacrorum etiam, & caeremoniarum patriarum in partem vocatur. de quibus quoque nam res est cognita dignissima, quæ nos invenerimus, breviter, ut instituiamus, exponemus.

Primum igitur intelligendum est, sacra omnia aut publica fuisse, aut privata. Publica censet Sex. Pompeius ea, quæ publico sumptu pro populo fierent, quæque pro montibus, pagis, curiis, & sacellis; privata, quæ pro singulis hominibus, & familiis. Publicum focum totius urbis Vestales virginis sanctissime observarunt, publicos curiarum focos triginta cum suis curialibus curiones, pagorum vero ipsi singulorum pagorum sacerdotes; privatos autem familiarum singularum lares suos quisque domi paterfamilias coluit. Vestam alii a Romulo, alii (quæ, ut ait Dionysius, frequentior fama est) a Numa rege in foro consecratam putant. Penatibus, inter quos & Vestam quidam retulerunt, Lavinii quotannis a regibus, ac post reges exactos a consulibus rem divinam factam fati constat. Curiarum sacra Romulus instituit; Compitalia in urbe; & Paganalia in agris Ser. Tullius. Privata vero sacra Romulus jam tum videtur constituisse, cum uxorum focum mariti pecunie, sacrorumque teste Dionysio, statuit. Deos autem neque novos, neque alienigenas nisi publice a Romanis ascitos Cicero in legibus scribit. Ascivit autem publice eosdem fere, quos Græci, deos auctor ipse urbis Romulus, fabulis tamen, & probris, quæ de iis narrabantur a Græcis, ut Dionysius ait, repudiatis. Saturnum, Jovem, Junonem, Martem, Minervam, Mercurium, Apollinem, & Herculem. Itaque prima templa Jovi Feretrio, & Statori ab eo in Capitolio sunt dicata. Novos autem deos, & quasi Romanorum vernaculos Consuem idem consecravit, Cloacinam, ut apud Arnobium est, Tati; Quirinum, Terminum, & Fidem Pompilius; Pavorem, & Pallorem Hostilius. quid de Pico, Tiberino, Pilumno, Picumno, Larentia, Flora, ceterisque ejusmodi Græciæ inauditis diis differam, quos Romani alii aliis temporibus dedicaverunt? Æsculapium autem fero populus ex Epidaurum ad pestilentiam avertendam advexit, ac Cybelem ex Phrygia victoriciæ causa multo serius. quin eandem, ut etiam Cererem, coli eorum ritu, a quibus acceperant, voluit. ut illud de-

Amum intelligatur, neque omnes Græcorum deos ab initio esse cultos, neque eos, nisi publica auctoritate, esse consecratos.

Sacra vero quemadmodum, ac quo ritu essent peragenda, difficile esset in tanta præsertim rerum, & temporum vetustate exponere. quibus rebus tum rituales, & pontificales commentarii erant referti. hoc tantum ostendam, novos deos novosque colendorum deorum ritus a privatis illatos sæpe esse publica auctoritate damnatos. ostendam autem verbis ipsis Livii bello Veienti. Nec corpora, inquit, modo affecta tabe, sed animos quoque multiplex religio, & pleraque externa invasisse, novos ritus sacrificandi, vaticinando inferentibus in domos, quibus quæstus sunt capti superstitione animi, donec publicus jam pudor ad primores civitatis pervenit, cernentes in omnibus vicis, sacellisque peregrina, atque insolita placula pacis deum exposcendæ. datum inde negotium ædilibus, ut animadvertent, ne qui nisi Romani dii, neu, quo alio more, quam patrio colerentur. & postea bello Punico: Quo diutius traheretur bellum, & variabant secundæ, adversæque res, non fortunam magis, quam animos hominum, tanta religio, & ea magna ex parte externa civitatem incesisset, ut aut homines, aut dii repente alii viderentur facti. nec jam in secreto modo atque intra perietes, ac postes contemnebantur Romani ritus, sed in publico etiam, ac foro, Capitolioque mulierum turba erat nec sacrificantium, nec precantium deos patrio more. sacrificuli, ac vates ceperant hominum mentes. Incusati ab senatu graviter ædiles, triumvirque capitales; quod non prohiberent, cum commovere eam multitudinem e foro, ac diiicere apparatus sacrorum iconati essent, baud procul absiit, quin violarentur. ubi potentius jam esse id malum apparuit, quam ut per minores magistratus sedaretur, M. Atilio pretori urbano negotium ab senatu datum est, ut & his religionibus populum liberaret. Ii & in concione senatus consultum recitavit, & edixit, ut quicumque libros vaticinos, precationesque, aut artem sacrificandi conscriptam haberet, eos libros omnes literasque ad se deferret, neu quis in publico, sacrove loco, novo, aut externo ritu sacrificaret. Atque hæc quidem ille. ex quibus illud intelligi volo, sacra publica Romanos cives ab aliis omnibus separata habuisse, jusque sacrorum ad civis Romani definitionem pertinere. Quod conditor ipse & urbis, & civitatis Romulus indicavit. quem Sabinos ita in civitatem ascivisse Dionysius ait, ut eis tribus, & curias, & sacra ipsa Romana communicaret. ex quo facile intelligere possumus, domicilii communicatione sacra esse etiam impertita. Itaque principes post aliquot tempora, quanquam Romana civitate donabantur, non tamen optimo jure cives Romani esse judicabantur, quod sacra alia haberent, quam cives ii, qui urbem, agrumque obtinerent, nisi posteaquam Romam domicilium transulissent. Nam colonos, quanquam e civitate Romana erant, tamen alios dies festos, id est, alia sacra servasse, ostendit Cicero, cum in Agraria II. adhortans plebem Rom. ne se deduci in colonias patiatur, ait: Vos vero, Quirites, retinete istam possessionem gratiæ, libertatis, suffragiorum, dignitatis, urbis fori, ludorum, festorum dierum, ceterorum omnium commodorum. Hactenus de sacris publicis.

Privata vero fuerunt singularum familiarum, vel gentium propria. Itaque de his Macrobius ita scripsit: Sunt præterea feriæ propriæ familiarum, ut Claudiæ familiæ, vel Æmilie, seu Julie, seu Cornelie; & si quas ferias proprias quæque familia ex usu domesticæ celebritatis observat, sunt singularum, ut natalium fulgurumque susceptiones, item funerum, & expiatio. Et hæc eadem gentilitia sacra Cicero, & Livius nominavit; Cicero, cum de aruspicum responsis diceret, his verbis: Multi sunt et-

tiam in hoc ordine, qui sacrificia gentilia in illo ipso sacello, anniversaria faciliant. Livius libro quinto, apud quem ita loquitur instaurator ille urbis Camillus: *Quam par vestrum factum est, quod in obsidione nuper in egregio adolescente C. Fabio conspectum est, cum inter Gallica tela degressus ex arce solenne Fabie gentis in colle Quirinali obiit? an gentilia sacra ne in bello quidem intermitteri, publica sacra, & Romanos deos etiam in pace describatur?* Atqui paulo ante scriperat: *Sacrificium erat statum in Quirinali colle genti Fabie.* Quo eodem spectans, credo, Ti. Gracchus tribunus pl. apud Plutarchum, in concione dixit, imperatores Romanos frustra in castris cives ad dimicationem prosepulchris, & sacris suscipiendam hortari, quippe quibus nec arce patrie, nec avia sepulchra prae inopia rerum essent relicta. Hæc autem sacra patresfamilias pro arbitratu suo, privata religione, sibi constituebant. quare ut qui emancipabantur a patre, iidem a sacris etiam patris dimittebantur; sic qui adoptabantur; sacris iis, quæ pater adoptivus colebat, obstringebantur. quemadmodum priscorum in Jurisconsultorum commentariis scriptum est. unde Valerius dixit: *M. Ancilius in Suffenatii familiam, & sacra transferat.* Cicero quidem in 11. de legibus privata sacra ita pontificio jure constituta ait, ut ad quem pecunia, ad eundem etiam sacrorum obligatio perveniret. omnino enim diligentissime esse animadversum, ne privata sacra interirent, sed familiis deinceps proderentur. quod ipse etiam lege sanxit, cum dixit: *Sacra privata perpetua manent.* quam legem eum e XII. tabulis sumplisse apparet. Itaque Jurisconsultos multa eorum genera excogitasse addit, qui sacris obligarentur, ut heredes, ut qui tantundem cepissent, atque heredes, ut qui usu plurimum cepissent de bonis ejus, qui esset mortuus; ut ejusmodi alios, quos hoc loco non videtur necesse commemorare. Quin etiam idem pro domo, pontificum curam fuisse ait, ne quid per adoptiones de sacrorum religione minueretur, sed ut adoptionem sequerentur hereditates nominis, pecuniæ, sacrorum. erant enim sacra grave ipsius hereditatis onus, unde jure apud Plautum nescio quis letatur, *se hereditatem adeptum esse sine sacris opulentissimam.* Cum igitur hic locus nihil habeat dubitationis, quin sacra privata quædam fuerint; nunc vero an eadem patriciorum, plebeiorumque fuerint, merito ambigi poterit. Livius quidem diversa ea fuisse innuit, cum patricios de connubiorum communicatione secum indignantes hoc modo facit: *Quam aliam vim promiscua connubia habere, nisi ut ferarum prope ritu vulgentur concubitus plebis, patrumque? ut qui natus sit, ignoret, cujus sanguinis, quorum sacrorum sit, dimidiis patrum sit, dimidiis plebis.* itemque lib. x. cum Virginiam patriciam plebeio nuptam L. Volumnio consuli, a matronis, quod e patribus enupisset, a sacris, quæ in sacello Pudicitiae patriciae fiebant, prohibitam, ipsamque novam aram alio loco Pudicitiae plebeiae dicasse tradit. Quis tamen sacrorum patriciorum, plebeiorumque ritus fuerit, haud proclive dictu existimo.

Ad hunc autem etiam locum sepulchra pertinent, quæ non aliter quam sacra, sancte custodita a familiis sunt. ostendit Cicero in 1. de officiis, cum ait: *Magnum est eadem habere monumenta majorum, ipsam uti sacris, sepulchra habere communia.* Fuisse autem alia familiaria, alia hereditaria, atque illa quidem, quæ sibi, & familiæ; hæc, quæ sibi & hereditibus constituerentur, & Caius tradit, & ex veteribus sepulchrorum titulis cognoscitur. Cautum porro legibus vendendorum prædiorum veteres Jurisconsulti docent, ut fundo vendito jus sepulchri exceptum, & retentum intelligatur. alioqui sepulchrum habenti viam singulari jure dari. Itaque Cicero in Rosciana conqueritur, publicatis Sex. Roscii

bonis ne iter quidem ad sepulchrum patrum filio esse relictum. & in 11. de legibus addit: *Tanta religio est sepulchrorum, ut extra sacra, & gentem inferri fas negent esse; idque apud majores nostros A. Torquatus in gente Popillia judicavit.*

Quod autem supra scripsi, municipes, dum in municipio fuerunt, alia ab ingenuis civibus Rom. sacra observasse, ne quis ita intelligat, ut eos, si Romam commigrassent, municipalia deserturos fuisse sacra arbitretur. siquidem ea ne Romæ quidem reliquerunt. quod ostendit Festus, cum ait: *Municipalia sacra dicta sunt ea, quæ ab initio habebant ante civitatem Rom. acceptam, quæ observare eos voluerunt pontifices, & eo more facere, quo adfuissent antiquitus.* Unde de se, & Arpino municipio suo loquens Tullius in legibus merito ait: *Hic gens, hic sacra, hic majorum multa vestigia.*

C A P. IX.

De jure Connubiorum.

DIXI, ut sui quisque dominus esset, nunc dicam, ut fuerit aliorum. primum autem de potestate agam in uxores. neque enim idem civium Rom. juxta fuit, ac populorum aliorum. quod ego diuturna potius antiquitatis Rom. observatione, quam certa aliqua veterum scriptorum admonitione intellexi. Etenim neque cum omnibus mulieribus connubium habuisse, nec totius rei uxoriæ celebrandæ eadem cum ceteris usi esse ratione Romani videntur. Connubium vero ratio ea fuit, ut & nationis, & conditionis, & gentis, & sanguinis respectus haberetur. Nationis, ne Romanus nisi Romanam duceret, quemadmodum in Institutionibus Justiniani est scriptum. Quanquam, quos ille Romanos hoc in loco vocet, haud satis intelligo. ego enim cum omnibus fere Italici fuisse Romanis connubia, nisi si qua forte de causa nonnullis id juris esset ademptum, invenio. num enim melior antiquitatis auctor Justinianus, quam Strabo; accuratior, quam Dionysius? at ille Romanos, & Albanos summam inter se sacrorum, connubiorum, & sermonis necessitudine fuisse devinctos narrat; hic bello Latino, quod ad Lacum Regillum non ita multo post reges exactos gestum est, multas Romanas mulieres apud Latinos, & Latinas apud Romanos fuisse ait; factaque potestate, ut omnes relicti maritis ad parentes redirent, nullam Latinam a Romanis, pleræque Romanas a Latinis discessisse. idque pro omni futura victoriæ acceptum esse. Quid Festus, testis haud quam contemnendus? nonne Q. Fabium, eum, qui CCCVI. Fabiis ad Cremeram interfectis superavit, Otacilium Numerii Otacilii Maleventani filium in matrimonium duxisse refert, cum eo, ut qui primus filius nasceretur, Numerii avi materni prænomen ferret, unde postea Numerius in Fabia gente fuit celeberrimus? nam quid de Livio dicam, qui Canuleium tribunum pl. dum legem de patriciorum plebeiorumque communicatione connubii, quam ferebat, suaderet, ita loquentem facit? *Alteram lege connubium petimus quod finitimis, externisque dari solet.* Adde, quod hoc juris post permissum quoque esse Campanis videtur. siquidem bello Punico 11. idem Pacuvium Calaviæ, nobilem Campanum liberos ex Ap. Claudii viri consularis filia habuisse, & filiam Romæ nuptam M. Livio etiam triumphali viro dedisse affirmat. Post autem cum aperta defectione Campani hoc jure spoliati essent eodem confecto bello, M. Messala, & C. Salinator co. a senatu petiisse, ut sibi cives Romanas ducere uxores liceret, & si qui prius

prius duxissent, ut habere eas, & ante eam diem nati, ut iusti sibi liberi, heredesque essent; idque impetrasse. Postremo fuisse etiam civibus Rom. cum municipibus Latinis jus connubii, nonne Cicero satis idoneus esse in Philippicis testis potest? qui in M. Antonium ita agit: *Quæ amentia est, eum dicere aliquid de uxorum ignobilitate, cujus pater Numitoriam Fregellanam proditoris filiam habuerit uxorem, ipse ex libertini filia suscepit liberos? sed hoc clarissimi viri viderint, L. Philippus, qui habet Aricinam uxorem, C. Marcellus, qui Aricine filiam, quos certo scio dignitatis faminarum non pariter. Ex quibus rebus illud intelligi potest, civi Rom. nisi cum cive non fuisse connubium, nisi si qua rogatione hoc beneficii aliis etiam populis fuisset impertitum, unde dixit Cicero in Topicis: Si mulier cum fuisset nupta cum eo, cui connubii jus non esset, nuncium remisit, quoniam qui nati sunt, patrem non sequuntur, pro liberis manere nihil oportet. Qui vero ex mulieribus suscepti essent, cum quibus connubium non esset, eos ne liberos quidem, nedum cives fuisse, satis eorum, qui ex militibus Romanis, & Hispanis mulieribus nati erant, Liviano exemplo, de quo supra diximus, liquet.*

Conditionis autem ea ratio ducta est, ne ingenuus libertinam, aut libertinus ingenuum duceret. Quod declarat senatus consultum, de quo dixi: *quo Hispanicæ libertinæ permixtum est, ut enubere, id est, ab ingenuo duci, posset, neque ei, qui eam duxisset, id fraudi esset; itemque lex Papia Poppæa seculo admodum, nenipe Augusto jam omnia tenente, lata; Ut omnibus ingenuis præter senatores, eorumque liberos uxores libertinas habere liceret. id quod scriptum est in Taciti, & Dionis annalibus.*

Quod autem ad gentes attinet, narrat Dionysius decemviros in duas postremas legum tabulas hoc etiam contulisse: *Ne patriciis cum plebeis Romæ connubium esset. idque ab Ap. Claudio decemviro esse adjectum, ut in perpetuum patres a plebe divelleret. Quam legem quanto post non contraria rogatione abrogata fuisse, satis constat; quam tulit C. Canuleius tribunus pl. auctore Livio; apud quem idem Canuleius ita de hoc toto jure disserit: Hoc ipsum, ne connubium patribus cum plebe esset, non decemviri tulerunt paucis his annis pessimo exemplo publico, cum summa injuria plebis? an esse ulla major, aut insignior contumelia potest, quam partem civitatis, velut contaminatam, indignam connubio haberi? quid est aliud, quam exilium intra eadem moenia, quam relegationem pati? ne affinitatibus, ne propinquitatibus immisceamur, cavent; ne societur sanguis, cavent. Gradus porro sanguinis quosdam in ducenda uxore servatos, docent antiqui Jurisconsulti, quorum in libris, quæ duci, quæ non duci possit, explicatur. mihi quidem quæ sanguinis conjunctione, & necessitudine proxima duci per leges, aut mores posset, patui filia videtur fuisse, ut de Antonia C. Antonii filia, M. Antonii sorore, & uxore, Cicero in Philippicis, Frequentissimo senatu Kal. Jan. sedente patruo, hanc tibi esse cum Dolabella odii causam ausus es dicere, quod ab eo sorori, & uxori tue stuprum oblatum esse comperisses. nam Æmilium Probum germanam sororem duci fas fuisse negat. Atque de iis quidem, quibus cum connubii jus esset, hætenus.*

Jam ritus, ac solemnia multa ducendarum uxorum silentio non videntur esse prætereunda, neque enim aliena sunt ab eo jure connubiorum, quod quarimus, & cognitu sunt etiam jucundissima. Primum ergo auspices adhibebantur. sic enim Valerius, ubi antiqua instituta persequitur: *Nuptiis etiam auspices interponuntur, qui quamvis auspicia petere desierint, ipso tamen nomine veteris consuetudinis vestigia usurpantur.* unde notum illud Tullii.

pro Cluentio: *Nubit genero socrus, nullis auspiciis; nullis auctoribus, fœnestis omnibus omnium. & auspiciis nuptialium mentio est apud eundem in r. de divinatione. Refert præterea Plutarchus in Questionibus, virginem, cum duceretur, aquam, & ignem attigisse; ut id quasi generationis omen haberetur, quæ calore, atque humore perficitur: atque hunc morem expressit, credo, etiam M. Varro lib. de vita populi Rom. r. cum dixit, teste Nonio: Contra a novo marito cum item e foco in titione ex felici arbore, & in aquali aqua allata esset. Scitum est etiam illud Festi, novam nuptam dicis causa rapti solitam, aut e sinu matris, aut, si mater non esset, ex proxime necessaræ, boni item omnis causa, quod eares Romulo feliciter evenisset. Quo respectans dixit Catullus: *Quirapii teneram ad virum virginem.* Quin etiam eadem flammeo caput obnubebat, perpetui connubii ominandi ergo. quod flammeum assidue gereret flaminica, cui a flamine discedere divortii causa non liceret. unde Catullus: *Flammeum cape.* Deducebatur autem a prætextatis pueris tribus. quorum unus facem spineam præferebat, pastores, qui Sabinas rapuerant, imitatus, ut lib. xvi. testatur Plinius. ex quo illud Catullianum: *Manu spineam quate tædam.* facies autem adhibitas addit Plutarchus, quod non, nisi ubi contenebrasset, in mariti domum deduceretur. quas potissimum quinque usurpatas, ut numerum individui nuptiis convenientem scribit. reliqui vero duo novæ nuptæ brachia sustinebant. atque omnes, respondentibus vicissim pueris, puellisque, clara voce concinebant: *Hymen o hymenæe.* quod ostendit Catullus, iis verbis: *Ite concinnite in modum: Hymen o Hymenæe.* Ubi vero ad mariti limen pervenerat, tum postes olco perungebat, eisdemque laneis vittis exornabat. unde antiqui uxorem appellatam putarunt. Limen autem attingere religiosum habebatur; ne, ut Varro censet, a sacrilegio initium ducerent, si deposituræ virginitatem pedibus premerent curæ Vestæ numini castissimo sacrum. unde Catullus: *Transfer omine cum bono linen, Rasilemque subi forem.* Ingrediente porro illa Talassio magna voce clamabatur, quod in raptu Sabinarum ea vox celebrata virginem forma excellentem ab impetu aliorum defenderit. quod extat apud Livium. Ea vero in cubiculum deducta, ut ait Festus, prætextati ejus, qui prælux dicebatur, fax rapti erat solita ab utriusque amicis, ne aut uxor eam sub lecto viri ea nocte poneret, aut vir in sepulchro comburendam curaret. quo utroque mors propinqua alterutrius captari putabatur. Ipsa vero ingressa dicebat marito: *Ubi tu E* Caius, ego Caia. quali vero, ut ait Plutarchus, cum viro fortunarum, bonorumque communionem depacisceretur. Maritus autem spontæ comam haste cuspide distinguebat. cujus rei causas Plutarchus ad matrimonii item felicitatem traducit. Interea prætextati duo brachia ejus dimittebant; pronubæ vero eam in lecto collocabant. quod significat Catullus his versibus:*

Mitte brachiolum teres,
Prætextate, puella.
Jam cubile adeat viri.
Vos unis senibus bonæ
Cognitæ bene fœminæ
Collocate puellam.

Lectum autem ipsum, quod nuptiis sterneretur in honorem genii, genialem vocabant, auctore Festo. unde est illud in Cluentiana: *Lectum illum genialem, quem biennio ante filie sue nubenti straverat, in eadem domo sibi ornari, & sterni jubet.* Tum maritus pueris nuces spargebat, ut Jovis omine, quod scribit Varro, matrimonium celebraretur. quia nuces in Jovis tutela erant. Quocirca Virgilius: *Spargite marite nuces.* Inde cingulum virginem spontæ

solvebat. de quo Festus: *Cingulo nova nupta praecinge-
batur, quod vir in lecto solvebat, factum ex lana
ovis; ut sicut illa in glomus sublata conjuncta inter
se sit, sic vir suis secum cinctus, vinctusque esset.*
Hoc Herculano nodo vinctum vir solvit, omni gra-
tia, ut sic ille felix sit in suscipiendis liberis, ut fuit
Hercules, qui LXX. liberos reliquit. & alio loco: Cin-
xiae Junonis nomen sanctum habebatur in nuptiis, quod
initio conjugii solutio erat cinguli, quo nova nupta erat
cincta. Unde Catullus:

Quod zonam soluit diu ligatam.

item:

Tibi virgines zonula solvunt sinus:

Hos autem ritus facile possis etiam ex nuptiis Mar-
ciae, & Catonis colligere apud Lucanum libro II.
Atque hoc quidem pacto, quae sponsa fuerat, fie-
bat uxor.

Uxorum autem duo genera statuit Cicero in To-
piciis, unum quod proprie uxor dicebatur; alterum;
quod materfamilias: verba, quibus hoc docet, haec
sunt: *Si ita Fabie pecunia legata est a viro, si ea
in manum viri non convenerat, nihil debetur. genui
est enim uxor. ejus due formae. una matrumfami-
liae, haec sunt, quae in manum convenerunt; altera
earum, quae tantummodo uxores habebantur. Quem
locum his verbis exponit Boetius: Tribus modis uxor
habebatur, usu, farre, coemptione. sed confarreatio
soli pontificibus conveniebat. quae autem in manum
per coemptionem venerant, haec matrefamilias voca-
bantur; quae usu, vel farre minime. coemptio vero
certis solemnitatibus peragebatur. sese in coemendo
invicem interrogabant; vir ita: an sibi mulier ma-
terfamilias esse vellet: illa respondebat, velle. ita-
que mulier viri conveniebat in manum. & vocaban-
tur nuptiae per coemptionem, & erat mulier mater-
familias viro loco filiae. Haec ille. Quae tamen vera
non esse ostendit Cicero in oratione pro Flacco: *In
manum convenerat. quaro, utrum usu, an coem-
ptione? usu non potuit. nihil enim potest de tutela
legitima sine omnium tutorum auctoritate diminui.*
*coemptione? omnibus ergo auctoribus. nam usu etiam,
necum coemptione, uxores in manum convenisse
significat.**

Usu autem fieri matrimonium dicebatur, cum tu-
toribus auctoribus mulier in matrimonium conve-
niebat, & cum viro ita consuecebat, ut cum iusto
marito, adeo ut si usus ille intra annum non inter-
rumperetur, pro usufructu jam haberetur. qua de
re nonnihil scriptum fuisse in XII. tabulis, satis lo-
cus hic Gellii indicat: *Q. Mucium Jurisconsultum
dicere solitum legi, non esse usurpatam mulierem,
quae, cum Kalend. Januariis apud virum causa ma-
trimonii esse coepisset, ante diem IV. Kalend. Janua-
riarum sequentes usurpatum esset. Non posse impleri tri-
noctium, quod abesse a viro usurpandi causa ex XII.
tabulis deberet, quoniam tertiae noctis posteriores sex
horae alterius anni essent, qui inciperet ex Kalen-
dis.* Ex his enim verbis apparet, ut aliarum rerum,
sic etiam uxorum usufructum fuisse; & si uxor
per annum integrum nullo interrupto usu apud vi-
rum fuisset, in manum mariti venisset, & ex tuo-
rum potestate exisse. usum vero, si per tres noctes
ab eo abuisset, interruptum fuisse. hoc enim vete-
res usurpari dixerunt.

De confarreatione loquitur Dionysius in Romu-
lo, sacras nuptias scribens Farracia esse dicta, quod
eodem farre conjuges vescerentur, quo etiam victi-
mas respergerent. Itaque Ulpianus titulo IX. In-
stitutionum, *Farre*, inquit, convenitur in manum
certis verbis, & testibus decem praesentibus, & sole-
nni sacrificio facto, in quo panis quoque farreus ad-
bibetur. & Plinius lib. XVIII. *In sacris nihil religio-
sus confarreationis vinculo erat, novaeque nuptiae
farreum praeferebant.* & Tacitus lib. III. *Confar-*

reandi consuetudinem aut omisissam, aut inter pau-
cos retentam scribit. Hinc diffarreatio apud Festum
dissolutio matrimonii dicitur confarreatione contra-
cti.

Coemptionis porro haec ratio fuit. Veteri Roma-
norum lege, ut Varro tradit, nubentes mulieres tres
ad virum asses ferre solebant, atque unum quidem
quem in manu tenebant, tanquam emendi causa ma-
rito dare; alium, quem in pede habebant, in foco
larium familiarium ponere; tertium, in sacciperio
cum condidissent, compito vicinali solebant resignare.
hujus autem rei meminit etiam Cicero pro Mure-
na: *Putarunt, inquit, Jurisconsulti, omnes mulie-
res, quae coemptionem facerent, Cajas vocari.* & in
II. de oratore; *Mirandum non est, qui quibus ver-
bis coemptio fiat, nesciat, eundem ejus mulieris, quae
coemptionem fecerit, causam posse defendere.* ex
hoc ergo fiebat, ut mulier in manu, mancipioque
mariti esset, aut ejus, cujus in manu, mancipio-
que maritus erat, suaeque illi heres fieret. vir au-
tem non in manu, id est, potestate uxoris erat,
sed quod coemptus erat, id ei sui heredis jus tribue-
bat.

Gellius praeterea uxorum duo genera tradit, ma-
tronomam & matremfamilias. Matronam dictam scri-
bit proprie, quae in matrimonium cum viro conve-
niebat, quoad in eo matrimonio maneret, etiam si
libi liberi nondum nati forent; dictamque esse ita
a matris nomine non adeptam, sed cum spe, & o-
mine mox adipiscendi. unde ipsum quoque matri-
monium dicitur. matrem autem familias appella-
tam esse eam solam, quae in mariti manu, manci-
pioque aut in ejus, in cujus maritus manu, man-
cipioque esset. quoniam non in matrimonium tan-
tum, sed in familiam quoque mariti, & in sui he-
redis locum venisset. Festus autem matremfamilias
inquit non ante dictam, quam vir ejus paterfami-
lias dictus esset, nec posse hoc nomine plures in
una familia praeter unam appellari. sed nec viduum
hoc nomine, nec quae sine filiis esset, appellari pos-
se. Ceterum cum uxorem in manu mariti esse di-
cimus, eam in mariti potestate ita esse intelligimus,
ut sine eo auctore nec testari, nec contrahere pos-
set. Haec autem iura constituisse Romulus rex vide-
tur, si Dionysio credimus, sic enim de eo scriptum
reliquit: *Romulus mulierem nuptiam, quae ex sacris
legibus in manum mariti convenisset, omnium rerum,
ac sacrorum participem esse lege sanxit. nominabant
autem praesuli Romani sacras nuptias Farracia, quod
conjuges eodem farre vescerentur, quo victimas etiam
respergunt. Ita haec lex uxores, quod non haberent,
quo confugerent, cogebat se in unius mariti mores sin-
gere: vir autem sic habere uxores, ut rem necessa-
riam, & nullo tempore divellendam. uxor enim pu-
dica, & marito semper obsequens, aequae ac ille, do-
mus erat domina, & in ejus mariti bona succedebat
heredi, sicuti parentis filia, ex assae quidem, si is si-
ne liberis, ac intestato decederet; si prolem relinque-
ret, ex aequo cum liberis. unde manavit illud, ubi
tu Cajas, ego Cajas.*

Uxorum porro delicta duo, ut idem ait, gravis-
sima esse Romulus statuit; si pudicitiam violassent,
& vinum bibissent. utrumque autem damnavit, ra-
tus e stupro nasci insolentiam, stuprum e vinolen-
tia. earum vero, quae convictae essent, poenam ma-
riti arbitrio permittit, ubi causam cum propinquis
cognovisset. Itaque Gellius eandem rem in haec
verba est persecutus. *Qui de victu, atque cultu popu-
li Romani scripserunt, mulieres Romae, atque in
Latia abstinentias egisse, hoc est, vino semper, quod
temetum praesca lingua appellabatur, abstinuisse di-
cunt. insitutumque ut cognatis osculum ferrent, re-
prehendendi causa, ut eorum indicium faceret, si bibis-
sent. Bibere autem solitas ferunt loream, passum, muri-
nam, & quae id genus epotant, potu dulcia. Atque haec*

quidem in iis, quos dixi, libris perculgata sunt. Sed A
M. Cato non solum existimatas, sed multatas quo-
que a iudice mulieres refert, non minus si vinum bi-
bissent, quam si probum, & adulterium admisissent.
verba M. Catonis adscripti ex oratione, quæ inscribi-
tur de dote, in qua id quoque inscriptum est: in a-
dulterio uxores deprehenas jus fuisse maritis necare.
Vir, inquit, cum divortium fecit, mulieri iudex pro
censore est. imperium, quod videtur, habet. Si quid
perverse tetrequæ factum est a muliere, multatur. si
vinum bibit, si cum alieno viro probi quid facit,
condemnatur. De iure autem occidendi ita scriptum
est: In adulterio uxorem tuam si deprehendisses, si-
ne iudicio, impune necares; illa te, si adulteraret,
digito non auderet contingere, neque jus est. Eadem
vero etiam recitat Athenæus ex Polybio. Quo fa-
ctum est, ut Suetonius scripserit, Tiberium matro-
nas prostratæ pudicitia, quibus accusator publicus
desseet, ut propinqui maiorum more de communi
sententia coercerent, auctorem fuisse. Valerius, quo-
ritus inter virum, & uxorem aliquid iurgii interces-
serat, in sacellum deæ Viriplacæ, quod erat in Pa-
latio, venisse, & ibi invicem locutos quæ volue-
runt, contentione animorum deposita concordēs re-
versos scribit. inde nomen deam a placandis viris
affectam.

Illud memorabile, cum Dionysius, qui res Ro-
muli diligentissime litteris est perfectus, nihil de
divortio a Romulo instituto dicat; Plutarchum ta-
men legem ab eo de divortio latam prodidisse. Si-
quidem narrat inter alias leges Romuli illam fuisse
acerrimam, quæ uxori potestatem a viro disceden-
di ademittit: viro uxorem exigendi dedit; si eam aut
stuprum fecisse, aut venenum parasse, aut filios, aut
claves subiecisse comperisset. Itaque postea quoque
in XII. tabulis divortium esse permittum, ex eo licet
suspiciari, quod inquit Cicero in Philippicis de An-
tonio: *Frugi factus est. mimam illam suam suasu-
bires habere dixit ex XII. tabulis, claves ademittit, exe-
git.* Caius ad legem Juliam de adulteriis: *Si ex le-
ge repudium missum non sit, & idcirco mulier adhuc
nupta videatur, tamen si quis eam uxorem duxerit,
adulter non erit.* Quod autem inquit de repudio ex
lege missio, significat cum alia muliere, tum maxi-
me diversas repudiū, ac divortii formulas, atque so-
lemnem ipsam matrimonii renunciationem. Inter
repudium autem, & divortium illud interfuisse,
Paulo, & Modestino placuit, quod repudium spon-
sæ remitteretur, divortium cum uxore fieret. Itaque
repudiū formula fuit, *CONDITIONE tua non utor*;
divortii, *Res tuas tibi habeto*; vel, *Res tuas tibi
agito.* quod & Cicero loco citato significavit, & Cai-
us cap. 11. de divortiis tradidit. Renunciatio autem
matrimonii ejusmodi fuit, ut aut vir uxori, aut uxor
marito, vel præfenti, vel absentis nuncium remitte-
ret. unde illa sunt apud Ciceronem de Oratore:
*Cum paterfamilias uxorem pregnantem in provincia
reliquisset, Romæque alteram duxisset, neque nunc-
cium priori remisisset.* & in Topicis: *Si viri culpa
factum est divortium, & si mulier nuncium remisit,
pro liberis manere nihil oportet.* Quanquam autem
divortium lege concessum erat, nemo tamen ante
annum DXX. divortium cum uxore fecisse perhibe-
tur. qui autem primus fecit, is Sp. Carvilius Ruga
fuit; qui M. Pomponio, C. Papirio, vel, ut aliis
placet, M. Atilio, P. Valerio consulis uxori nunc-
cium nova de causâ remisit, neque quod eam steri-
lem esse diceret, seque querendorum liberorum causâ
uxorem habere iurasset, ut in Dionysii, Gellii,
& Valerii commentariis perscriptum videmus. A
quo tempore, ut inquit Gellius, rei uxoriæ cautiones
Romæ necessarie sunt visæ, cum ante nullæ fuissent.
Inde autem illa certe fluxerunt, quod solum hoc
modo matrimonio dotem reddi voluerunt: nisi quid
causæ incideret, cur retinenda esset. siquidem fori-

prum est apud Paulum de dotibus, si divortium sine
culpa mulieris fiat, dotem integram repeti; si con-
tra, in singulos liberos sextam partem dotis a mari-
to usque ad mediam ejus partem duntaxat retineri.
Quod vetus institutum fuisse apparet ex verbis Cice-
ronis, quæ sunt in Topicis: *Si viri culpa factum
est divortium, pro liberis manere nihil oportet.* Post
Carvilianum autem divortium vulgo ita dimitti uxores
coeperunt, ut etiam, sine magna admodum causâ
ab iis discesserint. Paulus quidem Æmilius cum Pa-
piriam dimitteret, mirantibus amicis, & causam
querentibus (erat enim non tam pulchra, quam
secunda) nullam certam attulit; sed se tamen ab
ea læsum significavit. Pudicitia vero vitium magnam
repudiandæ uxori attulisse causam, C. Cæsar, qui
postea dictator fuit, exemplo confirmari potest; qui
Pompeia nuncium remisit, quam Clodius adama-
bat; cum diceret, Cæsar uxorem non modo pec-
cato, sed peccati etiam suspitione vacare oportere.
erat autem suspicio, ne ei P. Clodius stuprum intu-
lisset, qui muliebri veste, domi Cæsar, tum Pon-
tificis Maximi, cum sacra Bonæ deæ pro populo fie-
rent, fuerat deprehensus, atque ancillarum manu
eductus. Quarum rerum si quis testimonia postula-
bit, ea fere in Dionysii, Valerii, & Plutarchi li-
bris reperiet.

C A P. X.

De jure patrio.

D IXIMUS de jure, quod cives Rom. in uxores
habuerunt, nunc dicamus de eo, quod in li-
beros. Id enim prope infinitum, & Quiritum
proprium fuit. Neque enim bona solum eorum,
quod tradit Dionysius lib. VIII. sed vita etiam & li-
bertas in potestate parentum fuit. Scriptum autem
hoc invenio cum in aliis veteribus libris Juriscon-
sultorum, tum maxime lib. I. Institutionum Justiniani
hoc modo: *Jus potestatis, quod habemus in liberos,
proprium est civium Rom. nulli enim sunt homines,
qui talem in liberos habeant potestatem, qualem nos
habemus.* Hanc autem potestatem non recentem fuisse,
sed jam inde a Romulo permissam, tradidit Dio-
nysius: *Romulus omnem parentibus in liberos potesta-
tem in perpetuum dedit coercendi, verberandi, rus-
fici in operibus habendi, ac demum etiam occiden-
di.* quamvis ipsi vel remp. administrarent, vel sum-
mos honores gessissent, atque ex iis maximam laudem
consequuti essent. quo factum est, ut illustres sepe
viri ex rostris, cum conciones haberent sonatus qui-
dem adversas, plebi vero secundas, a patribus per
vim abducti, atque ab iisdem eo, quo libuit, suppli-
cio affecti sint. quibus ne ullus quidem magistratus
auxilio fuit. mitto quam multi filios, quia imperata
sua neglexerant, necaverint: quod de Torquato,
aliisque multis accepimus. Neque vero hac licentia
contentus Romulus, potestatem etiam filiorum venden-
dorum patribus usque ad tertiam auctionem conce-
dit. quæ potestas multo major est, quam domini in
servum. nam servus a domino venundatus recepta li-
bertate liber est, filius iterum, atque iterum in po-
testatem patris revertitur. post tertiam vero vendi-
tionem, si se in libertatem vindicavit, e potestate pa-
tris egreditur. Addit deinceps, Numam Pompili-
um hanc ad legem Romuli exceptionem adjecisse, ne
pater filium, qui suo consensu uxorem duxisset,
vendendi jus haberet. hæque leges post a decemvi-
ris probatas, & in quartam tabulam ex XII. relatas.
Id quod apud Ulpianum etiam scriptum esse inve-
nio in titulis; *Liberi parentum potestate liberantur*

emancipatione, id est, si posteaquam emancipati fuerint, manumissi sunt. Sed filius quidem ter emancipatus, ter manumissus sui juris fit. Idem enim lex XII. tabularum jubet his verbis: SI PATER FILIUM TER VENUNDAVIT, FILIUS A PATRE LIBER ESTO. ceteri autem liberi, præter filium tam masculi, quam femine, una emancipatione manumissioneque sui juris fiunt. Quin etiam Iustinianus, tit. Quibus modis ius patriæ potestatis solvatur, cum emancipationem per antiquam legis observationem processisse ait, quæ per imaginarias venditiones, & intercedentes manumissiones celebraretur, observationem legis XII. tabularum intelligit. Priorem porro patriæ potestatis partem, quæ ius in filium pater habet vitæ, necisque, Cicero expressit; cum in Clodium pro domo sua ita egit: Credo te esse interrogatum, auctor ne esses, ut in te P. Fonteius vitæ, necisque potestatem haberet. posterio rem de tribus auctionibus, & de fiduciaria emancipatione declarat Caius lib. 1. institutionum, his verbis: Emancipatio, hoc est, manu traditio quedam similitudo venditionis est, quia & in emancipationibus præter certum patrem alius pater adhibetur; qui fiduciarius vocatur. ergo iste naturalis pater filium suum fiduciario patri mancipat, hoc est, manu tradit, a quo fiduciario patre naturalis pater unum aut duos nummos quasi in similitudinem precii accipit; & iterum cum acceptis nummis fiduciario patri tradit. hoc secundo, & tertio fit, cum fiduciario patri mancipat, ac tradit, & sic de patris potestate exit, tamen cum tertio mancipatus fuerit filius a patre naturali fiduciario patri, hoc agere debet naturalis pater, ut a fiduciario patre mancipetur, & a naturali patre manumittatur, ut si filius ille mortuus fuerit, ei in hereditate naturalis pater, non fiduciarius succedat.

Ad hunc autem locum pertinet etiam Adoptio, & Arrogatio filiorum. quæ quid essent, aut quemadmodum ferent, elegantissime docet Gellius: Cum in alienam familiam, inque liberorum locum extranei sumuntur, aut per prætorem fit, aut per populum. quod per prætorem fit, adoptio dicitur; quod per populum, arrogatio. adoptantur autem, cum a parente, in cuius potestate sunt, tertia emancipatione in iure ceduntur, atque ab eo, qui adoptat, apud eum apud quem legis actio est, vindicantur. arrogantur ii, qui cum sui juris sint, in alienam se potestatem tradunt, ejusque rei ipsi auctores fiunt. sed arrogationes non temere, nec inexplorate committuntur. nam comitia arbitris etiam pontificibus præbentur, quæ Curia appellatur. ætas quoque ejus, qui arrogare vult; an liberis potius gignendis idonea sit, bonaque ejus, qui arrogatur, ne infidiose appetita sint, consideratur. jusque jurandum a Q. Mutio Pont. Max. conceptum dicitur, quod in arrogando juraretur. sed arrogari non potest, nisi jam vesticeps. arrogatio autem dicta, quia genus hoc in alienam familiam transitus per populi rogationem fit. ejus rogationis verba hæc sunt, VELITIS, jubetis, uti L. Valerius L. Titio tam jure, legeque filius sibi fiet, quam si ex eo patre, matreque familias ejus natus esset; utique ei vitæ, necisque in eum potestas fiet, uti patri endo filio est. hoc ita, ut dixi, ita vos Quirites rogo. Neque pupillus autem, neque mulier, quæ in parentis potestate est, arrogari possunt. quoniam & cum feminis nulla comitorum communio est, & tutoribus in pupillos tantam esse auctoritatem, potestatemque sui non est, ut caput liberum fidei suæ commissum alienæ ditioni subiciant. libertinos vero ab ingenuis adoptari quidem jure posse, Massurius Sabinus scripsit. Sed id neque permitti dicit, neque permittendum esse unquam putat, ut homines libertini ordinis per adoptionem in iura ingenuorum invadant. alioqui si juris ista antiquis servetur, etiam servus a domino per prætorem dari in adoptionem potest. idque ait, plerisque juris veteris auctores posse fieri scripsisse. animadvertimus

A In oratione P. Scipionis, quam censor habuit ad populum de moribus, inter ea, quæ reprehendebat, quod contra majorum instituta fierent, id etiam cum culpavisse, quod filius adoptivus patri adoptatori inter premia patrum prodesset. verba ex ea oratione hæc sunt: In illatribus patrem, in alia filium suffragium ferre filium adoptivum tam procedere, quam si se natum habeat. Hactenus Gellius. ex quibus facile quæ jura adoptionis, quæque arrogationis essent, liquere opinor. Eadem adoptio significatur a Suetonio, cum inquit; Augustus Caium & Lucium adoptavit domi emptos per æs & libram. siquidem imaginariam emancipationem non aliter adhibitam innuit, quam in emancipatione. qualis autem emancipatio fuerit mox dicemus. Quanquam autem ille adoptionem apud prætorem, arrogationem apud populum factam asserit, tamen hanc nominum observationem sæpe esse neglectam, facile quisque intelligit; qui cum antiquorum Jurisconsultorum libros, tum etiam scriptorum veterum monumenta paulo attentius legerit. Ac primum quidem apud Cornelium Tacitum Galba Imper. ad Pisonem, quem arrogaturus erat, ita loquitur, ut adoptionem lege etiam curiata factam significet, cum inquit: Si te privatus, lege curiata apud pontifices (ut moris est) adoptarem. & Suetonius Augustum Agrippam, & Tiberium adoptasse in foro lege curiata scribit; & Cicero P. Clodium a P. Fonteio adoptatum ait, cum tamen vere fuerit arrogatus; siquidem & juris sui fuit, & legem curiatam adhibuit. Dum autem hanc Clodianam ille adoptionem infectatur, multa nobis veteris adoptionis jura patefecit, quæ in adoptando Clodio prætermissa esse, contendit. quæ ut omnibus nota sint, proferam verba ejus. Quod est, inquit, pontifices ius adoptionis? nempe, ut is adoptet, qui neque creare jam liberos possit, & cum potuerit, sit expertus. quæ deinde causa cuicunque sit adoptionis, quæ ratio generum, ac dignitatis, quæ sacrorum, queri a pontificum collegio solet. tum ne qua calumnia, ne qua fraus, ne quis dolus adhibeatur, ut hæc simulata adoptio filii quam maxime veritatem illam suscipiendorum liberorum imitatio esse videatur. Ex his autem apparet, causas ante legitimas adoptionis queri, de iisque pontificum collegium cognoscere oportuisse. quas si illi probassent, tum auctoribus pontificibus lex curiata ad populum a magistratu aliquo, ut a consule ferebatur. in qua ferenda omnia servari oportebat. quæ ceteris in legibus ferendis servari mos erat. id quod ex eodemmet Ciceronis loco post intelligitur. Adjicit etiam de ætate aliquid Modestinus, qui non tantum eum, qui adoptat, sed & eum, qui arrogat, majorem esse debere ait eo, quem tibi per adoptionem, vel per arrogationem filium facit, sed utique plena pubertate, id est, decem & octo annis eum præcedere debere. Nam ut qui adoptaretur, prænomen, nomen, & cognomen adoptatoris assumeret, satis multis exemplis in libro de nominibus demonstravimus. C. Octavius etiam a Patreulo, Eutropio, & Suetonio, Caesaris avunculi majoris testamento adoptatus dicitur. idem Romam ex Macedonia occisio Caesaris reverfus primum apud C. Antonium prætorem hæreditatem se accepisse professus est; deinde consulatum adeptus legem curiatam de sua adoptione tulit, Appiano, & Dione testibus. Quo in loco Appianus notat, moris fuisse, ut testibus prætoribus adoptiones fierent, & legem curiatam ferre moris fuisse iis, qui patre carebant, & quoniam adoptivi idem jura habebant, ac naturales filii, ut & propinquos, & liberos adoptantium assequerentur, & Caesaris cum aliæ res præclaræ, tum multi, sique locupletes liberti erant, propterea Octavianum priorem adoptionem testamento factam posteriore hac confirmasse.

De jure legitimi domini.

DIXI de potestate in uxores, & liberos, deinceps sequitur, ut quo jure bonorum fortunarumque suarum quisque dominus fuerit, videamus. quod jus tum multiplex, acvarium, tum civilem Rom. maxime proprium fuisse invenio. Hoc autem fex in rebus positum fuisse, hereditate, mancipatione, in jure cessione, usufructu, sub corona emptione, & auctione, docet Varro in XI. de re rustica. In emptionibus, inquit, sex fere res dominum legitimum perficiunt; si hereditatem justam adiit; si, ut debuit, ab eo accepit, a quo jure civili potuit; aut si in jure cessit, qui potuit cedere, & id ubi oportuit; aut si usu cepit; aut si e praeda sub corona emit; tumve cum in bonis, sectioneque ejus publice venit. Quibus verbis, Emptionem voce omnem domini acquirendi modum videtur intelligere; quod si quo horum modorum esset partum, nihil a libris fore periculi intellexit, neque a jure civili praestaretur. quod eo magis credo, quia docet etiam Pomponius lege de Statu-liberis, emptionis verbo legem XII. tabularum alienationem omnem esse complexam. dicamus autem sigillatim de omnibus.

Hereditatem in Topicis Cicero definivit pecuniam, quae morte alicujus ad quempiam pervenit jure, nec ea aut legata testamento, aut possessione retenta. quibus verbis res eum potius quam jus ipsum hereditarium esse complexum constat. Itaque assensior potius Juliano Juriconsulto, qui hereditatem inquit, successionem esse in universum jus, quod defunctus habuerit. Jus autem hereditarium est, quo quisque, quia heres relictus est, possidet. Justa autem hereditas, est legitima hereditas, ad solos cives Rom. jure civili pervenire potest. Etenim qui cives Rom. non erant, nec testamentum facere, nec testamentum testes interesse, neque ex testamento quicquam capere poterant. id quod in libris Juriconsultorum positum, gravissima etiam Ciceronis auctoritate video comprobatum. Is enim Archiam poetam civem Rom. fuisse eo argumento ostendit, quod hereditates adisset civium Rom. & Eburus negabat Cæcinam Volaterranum, ut idem in defensione Cæcinæ ait, heredem Cæseniæ esse posse, quod Volaterranis civitas a L. Sylla dictatore esset adempta. cui ille respondit, Syllam ita tulisse de civitate Volaterranorum, ut non tollerent hereditates. jussisse autem, ut essent eodem jure, quo Ariminenses, quos constaret a civibus Rom. hereditates capere potuisse. atque hoc est quod in oratione pro domo Quiritum legitimum jus hereditatem vocavit.

De mancipatione vero hæc invenimus. Sane quidquid per æs, & libram fiebat, nexus dicebatur. at præter cetera abalienatio, & obligatio fiebat, quarum illa mancipatio, hæc nexi datio dicebatur. ergo nomen nexus utrique commune fuit. atque hoc ex Varronis libris de lingua Latina cognoscitur, in quibus hæc verba sunt: Nexus Manilius scribit esse, quod per æs, & libram geratur. in quo sunt mancipia. Scævola; quæ per æs, & libram fiant, ut obligentur, præterque quæ mancipio dentur. hoc verius esse ipsum verbum ostendit. nam idem, quod obligatur, nec sum fit, inde nexum dictum. Ex quibus apparet, duo esse jura inter se diversa, jus mancipii, & jus nexi. Quod significavit Cicero, cum utrumque conjunxit ad Curium: Attici te proprium esse scribis mancipio, & nexu; meum autem usu, & fructu, & de responsis: Multe sunt in hac urbe, atque baud scio, an fere cuncte jure optimo, sed tamen jure privato, jure hereditario, jure auctoritatis, jure mancipii, jure nexi. Jus autem mancipii est jus domini emptione acquisiti, jus nexi jus domini oppignorazione aut alia obligatione ad-

Apti. Quid autem mancipatio fuerit, docet Cicero in Topicis. Abalienatio, inquit, est ejus rei, quæ mancipi est, aut traditio alteri nexu, aut in jure cessione, inter quos ea jure civili fieri possunt. Abalienatio enim genus est, cujus species est traditio nexu, id est, mancipatio, & in jure cessione. cum autem nexus sit, quod sit per æs, & libram, ergo mancipatio est traditio alteri per æs, & libram; nexum obligatio per æs, & libram. Hoc autem quo modo fieret in mancipatione, exponit ibi interpres Boetius: Jure civili aliquid fieri non inter alios, nisi cives Rom. potest, quorum est jus civile, quod XII. tabulis continetur. omnes res, quæ abalienari possunt, id est, a nostro ad alterius dominium transire, mancipi dicte sunt. Mancipi vero res veteres appellabant, quæ ita abalienabantur, ut ea abalienatio per quandam nexus solemnitatem fieret. Nexus vero est quædam juris solemnitas, quæ fiebat eo modo, quo in Institutionibus Cajus exponit. cujus hæc verba sunt; Mancipatio est imaginaria quædam venditio, quod ipsum jus Romanorum est civile, eaque res ita agitur, adhibitis non minus quinque testibus civibus Romanis puberibus, & præterea alio ejusdem conditionis, qui libram æneam teneat, qui appellatur libripens. is qui mancipium accipit, æs teneat ita dicit: Hunc ego hominem ex jure Quiritum meum esse aio; sique mihi emptus est hoc ære æneaque libra. deinde ære percussit libram; idque æs dat ei, a quo mancipium accipit, quasi pretii loco. quæcunque igitur res lege XII. tabularum aliter nisi per hanc solemnitatem abalienari non poterat. Idem vero ostendunt etiam Varro & Festus. Varronis quidem hæc verba sunt in libris de lingua Latina: Æs raudus dictum, ex eo in veteribus mancipiis scriptum, Raudusculo libram ferito. Festi vero hæc: Raudus vulgus in usu habuit non modo pro ære imperfecto, sed etiam pro signato, cum dicitur in mancipando: Raudusculo libram ferito, id est, æse tangito libram. Idem innuit Plinius lib. XXXIII. inquit: Quin & militum stipendiorum, hoc est, stipis ponderande pensatores, libripendes dicuntur. qua consuetudine in iis emptionibus, quæ mancipii sunt, etiam nunc libra interponitur. His adde, more fuisse receptum, ut auctor, id est, venditor nexu se dicis causis obligaret ad rem perpetuo mancipi, hoc est emptori præstendam. unde Cicero in Murenæ defensione dixit: Quod si in iis rebus repetendis, quæ mancipi sunt, is periculum judicii præstare debet, qui se nexu obligavit. Qui autem mancipio vendebat, eum evictionis periculum in se recepisse, Plautus in Persa ostendit, apud quem scriptum est:

*Ac suo periculo is emat, qui eam mercabitur
Mancipio, neque promittet, neque quisquam da-*

bit, & post:

Nihil mihi opus est litibus

Nisi mancipio accipio. quid eo mihi opus

Mercimonio? TOX. nihil periculi videtur, ne ma-

tius,

Ne quis vero ex Arabia penitissima persequatur

eam:

De nexu autem sic scribit Festus: Nexum est, ut ait Gallus, quodcumque per æs, & libram geritur, idque nexi dicitur. quo in genere sunt hæc, testamenti factio, nexi datio, nexi liberatio. Nexum æs dicebatur pecunia, quæ per nexum obligatur. Obligatio vero nexi de qua scribit, in hunc modum fiebat: manceps, id est is, cui res abalienabatur, stipulabatur ab altero: DARE spondes? & alter respondebat: Spondeo, simulque dicit causam spondentem alligabat, ac nectebat. Nexi liberationis hoc aptissimum, credo, erit exemplum. Livius de M. Manlio: Centurionem nobilem judicatum pecunie cum duci vidisset, manum iniecit. Inde rem creditori palam populo solvit, libraq. & ære liberatum emittit. Jus autem nexorum proprium civis Rom. fuisse, Cicero ostendit.

dit, cum ait pro Cæcina, L. Sullam ita ademisse civitatem Volaterranis, ut nexa reliquerit.

In jure cessio, auctore Ulpiano, communis alienatio est, & mancipi rerum, & nec mancipi, quæ fit per tres personas, in jure cedentis, vindicantis, addicentis. De ea vero ita scribit, credo, ex Cajo Boetius: *Ceteræ res que sui juris erant, nec mancipi vocabantur. eadem vero in jure etiam cedebantur.* Cessio vero tali fiebat modo: apud prætorem populi Rom. is, cui res in jure ceditur, rem tenens, ita vindicat: HUNC ego hominem ex jure Quiritium meum esse ajo. deinde postquam hic vindicaverit, prætor interrogat eum, qui cedit, an contra vindicet quo negante, aut tacente, tunc ei, qui vindicaverit, eam rem addicit. idque legis actio dicitur. Varro autem loco citato videndum ait, an cessio in jure, qui potuerit cedere, & ubi oportuerit, id est, apud eum, apud quem legis actio fit.

Ufucapio est acquisitio per usum legitimi temporis jure civili constituta. unde Ulpianus: *Ufucapio est adeptio domini per continuationem possessionis anni, vel biennii, rerum mobilium anni, immobilium biennii.* Hanc autem legem e XII. tabulis sumptam esse, multis argumentis demonstrari potest. uno, quod Cicero in oratione pro Cæcina ait: *Lex usum auctoritatem fundi jubet esse biennium.* & utimur eodem jure in ædibus, quæ in lege non appellantur. legem enim XII. tabularum intelligit. altero, quod idem in primo de officiis ait: *Hofis apud majores nostros dicebatur, quem nunc peregrinum dicimus.* Indicant XII. tabule: *ADVERSUM hostem æterna auctoritas esto.* Unde etiam intelligitur, jus ufucapionis civis tantum Romani esse, peregrinum rem alienam possidendo ufucapere, id est, usui sui auctoritatis acquirere non potuisse. tertio, quod in XII. tabulis rerum furtivarum ufucapio inhibita est. quod idem etiam lege Atinia cautum est. in qua ita scriptum fuit: *QUOD surreptum erit, ejus rei æterna auctoritas esto.* de qua Gellius lib. XVII. *Paulus legem Atiniam necessariam fuisse ait, ut caput, quod erat in XII. prætermisum adjungeretur. id autem fuit ejusmodi: FURTIVA res non ufucapitur, nisi in potestatem ejus, cui subrepta est, revertatur.* quarto, quod Cicero in secundo de legibus ait, lege XII. tabularum forum, id est, vestibulum sepulchri, ufucapi non licuisse. Adde quod idem in primo scribit, in controversia de finibus, XII. tabulas ufucapionem intra quinque pedes esse nullo die, de quibus post lex Mamilia lata est, quam a tribuno pl. C. Mamilio, qui propterea Limitanus est appellatus, bello Jugurthino latam opinor. Dux autem res hæc lex completitur ad ufucapionem necessarias, possessionem, & tempus. nam usum vocat possessionem. ut tamen ufucapio sit, oportet nullam esse usurpationem, id est, nullam possessionis interruptionem, sed continuam possessionem, & usum non interruptum fuisse.

Emptio sub corona quam vim habuerit, docet Gellius lib. VII. cuius verba recitabo: *Pileatos sercos venum ire solitos, quorum nomine venditor nihil præstaret.* Cælius Sabinus jurisperitus scriptum reliquit. *ejus rei causam esse ait, quod ejusmodi conditionis mancipia insignia esse in vendendo debent, ut emptores errare, & capi non possent. neque lex vendendi opperienda esset, sed oculis jam perciperent, quodnam esset mancipiorum genus. sicut, inquit, antiquitus mancipia jure belli capta coronis induta venibant, & ideoque dicebantur sub coronis venire.* Namque ut ea corona signum erat captivorum venalium, ita pileus impositus demonstrabat ejusmodi sercos venditari, quorum nomine emptori venditor nihil præstaret. Est autem alia rationis hujus opinio, cur dici solum sit, captivos sub corona venditari, quod milites custodiæ causa, captivorum venalium greges circumferant, eaque circumscriptio militum corona appellata sit. sed id

magis verum esse, quod supra dixi, Cato quoque in libro, quem composuit de re militari, docet. verba sunt hæc Catonis: *Ut populus sua opera potius ob rem bene gestam coronatus supplicatum eat, quam rem male gesta coronatus veneat.* Hæc ex Gellio. Hinc sæpe etiam Livius: *Oppidum captum. cives sub corona venierunt.* & Cæsar: *Omni senatu necato, reliquos sub corona vendidit.*

Jus auctionis earum rerum fuit, quæ publice per præconem sub hasta præsentæ, & addicente magistratu venderentur. in auctionibus enim ei, qui plurimum auget, res addicitur. & quoniam ex auctione illa dominium sibi iustum in eam rem comparant, hinc etiam auctoritas jus auctione quæritur dicitur, & auctor is appellatur, a quo quis auctoritatem, id est, jus domini in quampiam rem accepit. Cicero VII. in Verrem: *Tum illi intellexerunt, se id, quod a malo auctore emissent, duntaxat obtinere non posse, id est, ab eo, qui vendendi nullam potestatem habebat.* Inde enim auctoritas pro iusto domini jure postea usurpata est. quod ex iis, quæ ante recitavi, exemplis cognosci potest. Ceterum, ut inquit Festus in epitomis: *Hæc subjeciebantur ea, quæ publice vendebantur.* Unde Cicero dixit in XI. Philippica: *Hasta posita pro æde Jovis Statoris bona Cn. Pompeii Magni, voci acerbissimæ subiecta præconis.*

Hæc igitur omnia fiebant jure civili, quoniam autem jus civile non nisi inter cives Rom. esse potest, quorum est jus civile, propterea hæc eadem inter solos cives Rom. fiebant. Dicit aliquis: an igitur inter peregrinos nulla erat ratio possessionis, & domini? erat illa quidem, sed non jure civili, ut jam ostendimus. quid autem ex jure civili commodi accedebat? nimirum, ut optimo jure possiderent, ac litium periculis vacui essent. neque enim patris institutio liberabat litibus, sed iusta, & legitima hereditas, id est, quæ jure civili relicta esset. itemque in ceteris, quorum locum diligentissime in oratione pro Cæcina a Cicerone esse video perpolitum. cujus hæc verba sunt: *Nihil est in civitate tam diligenter, quam jus civile, retinendum. Etenim hoc sublato, nihil est, quare exploratum cuiquam possit esse, quid suum aut quid alienum sit: nihil est quod æquabile, atque unum omnibus esse possit. Itaque in ceteris controversiis, atque iudiciis, cum quaeritur aliquid factum ne sit, verum, an falsum proferatur, & factus testis subornari solet, & imponi falsæ tabule; nonnunquam bonesto, ac probabili nomine, bono viro iudici error obijci; improbo facultas dari, ut cum sciens perperam judicavit, testamentum, aut tabulas sequutus esse videatur. in jure nihil est ejusmodi, non tabule falsæ, non testis improbus, denique nimia ista, quæ dominatur in civitate, potentia in hoc solo genere quiescit. illud enim potest dici iudici ab aliquo non tam verecundo homine, quam gratioso. iudica hoc factum esse, aut nunquam esse factum, vel cogitatum. crede huic testi. Has comproba tabulas. hoc non potest, cui filius agnatus sit, ejus testamentum non esse ruptum iudica. quod mulier sine tutore auctore promiserit, deberi, non est additus ad bujuscemodios, neque potentia ejusquam, neque gratia. denique quo majus hoc, sanctiusque videatur, ne pretio quidem corrumpi iudex in ejusmodi causa potest. O rem præclaram, vobisque ob hoc retinendam Recuperatores. quod enim est jus civile? quod neque inflecti gratia, neque perfringi potentia, neque adulterari pecunia possit? quod si non modo oppressum, sed etiam desertum, aut negligentius ad servatum erit, nihil est, quod quisquam se habere certum, aut a patre accepturum, aut relicturum liberis arbitretur. quid enim refert, ades, aut fundum relictum a patre, aut aliqua ratione habere bene partum, si incertum sit, cum tua jure mancipii sint, ea possis ne retinere? si parum sit communium jus? si*

civili, ac publica lege contra alicujus gratiam teneri non potest? quid, inquam, prodest, fundum habere, si quæ decentissime descripta a maioribus jura finium, possessionum, aquarum, itinerumque sunt, hæc perturbari aliqua ratione, commutarique possunt? mihi credite, major hereditas venit unicuique vestrum in istis bonis a jure, & a legibus, quam ab iis, a quibus illa ipsa bona relicta sunt. nam ut perveniat ad me fundus, testamento alicujus fieri potest: at usucapio fundi, hoc est, finis solitudinis, ac periculi litium non a patre relinquatur, sed a legibus, aqueductus, haustus, iter, actus a patre; sed rata auctoritas harum rerum omnium a jure civili sumitur. Hæc pro Cæcina. Huc autem eodem spectans dixit etiam pro Flacco: Illud quero sint ne ista prædicationi censendo? habeant jus civile? sint nec ne sint mancipi? subsignari apud ararium, apud censorem possint? Jus aptem civile alio modo jus Quiritium dictum est, quod satis aperte, cum hunc locum tractaret, ostendit Ulpianus tit. primo, his verbis: In bonis tantum alicujus servus est, velut hoc modo si civis Romanus a cive Romano servum emerit, isque traditus ei sit, nec tamen mancipatus ei, neque in jure census; neque ab ipso anno possessus sit. nam quandiu bonum quid fiat, is servus in bonis quidem emptoris est, ex jure Quiritium autem venditoris est.

G A P. XII.

De jure testamentorum.

Quo jure cives Rom. viventes bona sua possiderent, exposui. nunc quo in morte de iis starent, perquiramus. neque enim jus proprium in auctoritate solum acquirenda, sed etiam in relinquenda usurparunt. Hoc autem universum jus testamentorum continet. quæ & ipsa ad civis Rom. jura pertinuisse, inde intelligi potest, quod neque testamentum facere legibus Rom. neque aliquid testamento a cive accipere, nisi civis Rom. potuit. Itaque Cicero cum Archiam in jure civium versatum esse contenderet, eam maxime ratione nihil est, quod cum testamentum legibus Romanis, iis præsertim temporibus, quæ acculator criminabatur, fecisse affirmaret. & in oratione pro domo, cum sui etiam in exilio, ut civis, habitam esse rationem, rogatione Clodia neglecta, offendere vellet, dixit: Quis meorum amicorum testamentum discipulo meo fecit, qui mihi non idem tribuerit, quod & si adesset? Hujus autem totius testamentarii juris rationem e XII. tabularum fonte manasse, satis constat. fuit enim lex in iis ejusmodi, quod in Rhetoricis ad Herennium, & de Inventionem, itemque apud Pomponium, Ulpianum & Justinianum invenitur, quam apud alios plenius, alios vero exilius, sed omnes fere in hunc modum: PATERFAMILIAS UTI LEGASSIT SUPER FAMILIA, TUTELAVE SUÆ REI, ITA JUS ESTO. Quibus in verbis illud primum attendendum est, non cuilibet legandi potestatem lege permitti, sed patrifamilias tantum; id est, civi Rom. qui e patris potestate exierit, hunc enim illi patremfamilias appellarunt. itaque filiosfamilias esse exclusos usque adeo ut Cicero etiam in Topicis, mulierem, quæ se capite non diminisset, id est, quæ emancipata non esset, testamentum fecisset, secundum eas tabulas possessionem ex edicto prætoris dari non posse, concludit. Quod autem UTI LEGASSIT scriptum est, legare sumptum videtur pro eo, quod Jurisconsulti dicunt Testari, cum de ultimis loquuntur voluntatibus. Quo fit, ut hac lege paterfamilias & heredem instituere, & legatum relinquere & libertatem dare, & tutorem instituere possit: imo vero hac lege latissimam potestatem dandi legata, & libertates tributam, Pomponius aperte interpre-

tatur; sed fuisse aliis postea legibus angustatam, & constrictam. Leges autem intelligit, Furiam de testamentis, cujus meminit Cicero in oratione pro Balbo, & in Prætura urbana; quam latam esse legis XII. tabularum coercendæ causa qua uti quisque legasset suæ rei, ita jus erat, idem Justinianus refert. ea vero fuit: Ne cui nisi manumissoris cognato, certisque aliis personis supra mille asses legare, mortisque causa donare liceret. quod si quis majorem summam sibi legatam accepisset, quadruplum ejus, quod plus, quam licebat, accepisset, redderet. intelligit etiam Voconiam quam Q. Voconius tribunus pl. anno DLXXXIV tulit, Cæpione, & Philippo coss: Ne quis consui virginem, neve mulierem supra quadrante suorum bonorum heredem institueret, pliusque cuiquam legaret, quam ad heredem, heredesve perveniret. cujus legis Dio lib. LVI. Gellius l. XVII. Livius lib. XLI. & Cicero sæpe meminerunt. intelligit etiam Falcidiam a P. Falcidio tribuno pl. anno DCCXIV. Domitio, & Asinio coss. latam, cujus hæc capita memorantur: QUI CIVES Rom. sunt, qui eorum post hanc legem rogatam testamentum facere volet, jus potestasque esto, ut hac lege licebit. Quicunque civis Rom. post hanc legem rogatam testamentum faciet, is quantam cuique civi Rom. pecuniam jure publico dare, legare volet, jus potestasque esto, dum ita detur, legetur, ut ne minus, quam quartam partem hereditatis ex eo testamento heredes capiant. eis, quibus ita datum, legatum erit, eam pecuniam sine fraude sua capere licet. isque heres, qui eam pecuniam dare jussus damnatusve erit, eam pecuniam debet dare, quam damnatus est. si quis aliter, quam hac lege liceat, pecuniam dederit, legaverit, heredi quartam partem ejus pecunie, quæ data, legata erit, ex eo testamento retinere licet. Hæc Paulus D. ad legem Falcidiam. Dio vero lib. XLVIII. cautum ait: Ut heres quartam partem bonorum sibi relictorum, si graviter oneratus sit legatis, accipiat, cetera legatariis relinquat. Postremo intelligit etiam Fuliam Caniniam de manumittendis servis Augusto item rerum potestate latam; Ut in testamento ex tribus servis non plures, quam duos manumitti liceat, si plures essent, certus alius modus servaretur, quam loco magis idoneo referemus. Quod autem ait, ITA JUS ESTO, eam vim habet, ut cum testamentum sit iusta sententia, sive constitutio de eo, quod post mortem nostram fieri velimus, ne hæc voluntas, tum cum possessione exierimus, infirmetur. quali enim hoc reip. interesset, supremas voluntates ratas esse lex voluit. unde Papinianus l. XI. de testamentis, juris publici esse testamenti factionem dixit. & Ulpianus de verborum significatione admonuit, non improprie nos dicere posse, lege obvenire hereditatem, quæ ex testamento deferretur, quia lege XII. tab. testamentaria hereditas confirmetur.

Iustam autem sententiam testamentum definiunt, quod certis juris solemnibus conficit. cujus rei ratio triplex ab antiquis usurpata fertur. Gellius enim ex Lælio Felice, tria genera testamentorum fuisse tradit, unum, quod calatis comitiis in concione populi ferretur; alterum in procinctu, cum viri ad prælium faciendum in aciem vocabantur; tertium per familie emancipationem, cui æs, & libra adhiberetur. De duobus prioribus sic Theophilus libro XI. Institutionum: Duo erant apud veteres testamentorum genera, unum, quod calatis comitiis fiebat, & dicebatur; alterum quod in procinctu. testamentum calatis comitiis tempore pacis fiebat, bis in anno, hoc modo: præco universam circumibat civitatem, populum convocans. tumque qui testamentum condere volebat, in concione populi, ipso teste populo testamentum scribebat. Ex quo etiam dictum est, calatis comitiis. nam calare est vocare. comitia vero populi congregatio. quoniam igitur vocati congregabantur, appellatum est

testamentum calatis comitiis. Secundi meminit Plutarchus in Coriolano, ex quo ipsum XII. tabulis antiquius fuisse apparet. Fuit autem, inquit, illis temporibus mos apud Romanos, ut in aciem prodeuntes, antequam scuta caperent, & togis se præingerent, tribus, aut quatuor audientibus, simul sine scriptis testamenta facerent, atque heredes nominarent. unde Velleius libro II. Facientibusque omnibus in procinctu testamenta, velut ad certam mortem eundum foret, Metellus non deteritus proposito, quem morituro miserat, victorem recepit. & Cicero lib. primo de oratore: Ac se tanquam in procinctu testamentum faceret, sine libra, atque tabulis populum Romanum tutorem instituere dixisset illorum orbitati. Ejusmodi vero testamenta suo tempore periisse, significavit idem libro II. de natura deorum, cum scripsit: Sed negligentia nobilitatis auguriorum disciplina omissa, veritas auspiciorum spreta est, species tantum retenta. itaque maxima reip. partes, in bella, quibus reip. salus continetur, nullis auspiciis administrantur, nulla perennia servantur, nulla ex acuminibus, nulli viri vocantur. ex quo in procinctu testamenta perierunt. In procinctu vero significat, auctore Festo, cum ex castris in praelium exitum est, procinctus, quasi præcinctus, atque expeditus. nam apud antiquos togis incincti pugnasse dicuntur. De tertio loquitur Festus, cum inquit scriptum fuisse in XII. tabulis: QUI NEXUM FACIET, MANCIPIUMQUE LINGUA NUNCUPASSIT, ITA JUS ESTO. Item: Nexum fuit quodcumque per aes, & libram gereretur, ut testamenti factio. Fuit autem testamentum per nexum, quod fiebat adhibito libripende, & eo, qui familiæ emptor dicebatur, cum quinque testibus. familiæ autem emptor imaginarius, live fiduciarius, adhibebatur, qui deinde heredi vero, tanquam legatario, hereditatem restituebat. Atque hoc ipsum etiam voluit Plutarchus, cum in libro de fera dei vindicta dixit, Romanos, cum testamenta conscribunt, alios heredes relinquere, alios vero patrium ipsum vendere. id quod cavere ratione videatur. Quo modo autem testamentum fiebat per aes, & libram, sic etiam solvebatur. quod his verbis ostendit Cicero, quæ sunt in II. de legibus. Hoc vero est e medio jure civili, ut per aes, & libram heredem testamenti solvant, & eodem loco restituit, quasi ea pecunia legata non esset. Formula vero testamenti nuncupandi hæc ab Ulpiano traditur Institutionum cap. XX. Tabulas testamenti testator tenens ita dicit: HÆC uti in his tabulis scripse scripta sunt, ita, do, ita lego, ita testor. Itaque vos Quirites testimonium præbetote.

C A P. XIII.

De jure Tutelarum.

QUONIAM autem, dum testamentorum jura persequeremur, tutelarum etiam juris fecimus mentionem, non videretur ab instituto nostro alienum, ut separatim aliquid hoc loco de tutelis etiam, & earum generibus exponamus. Tutelam ergo definiunt veteres Jurisconsulti, a quibus magis hujusce disputationis nostræ pars emanavit. Vnde, ac potestatem in caput liberi ad tuendum, qui propter ætatem suam sponte se defendere nequit, jure illi datam, ac permissam. Tutores autem, qui liberis impuberibus dantur, ut illorum res administrant, quoad pubertatem inierint. Hi vero nihil aliud sunt, quam qui vocantur pupilli. nimirum, qui cum impuberes sint, delierunt in patris potestate esse aut morte, aut emancipatione. Tutelam autem, tutoris in rem pupilli potestatem ita esse asserunt, ut ejus rationibus serviat. unde Cicero dixit in

primo de officiis, Ut tutelam, sic procuratorem reipub. ad utilitatem eorum, qui commissi sunt, non ad eorum quibus commissi est, esse gerendam.

Esse porro tutoris dandi jus, ut cetera, quæ supra collegimus, civis Roman. proprium, illud argumentum est, quod a lege XII. tabularum est protectum, & quod si tutores, aut pupilli cives Rom. esse desissent, tutela tolleretur. Neque tamen ita de tutelæ XII. tabulis cautum est, ut non multo etiam ante Romæ hoc jus observatum vel lege vel more sit. siquidem Ancum Marcium regem L. Tarquinius liberis suis tutorem reliquisset in Livii, & Dionysii annalibus legimus. In XII. autem de tutelæ scriptum extat ita, ut supra retulimus, PATERFAMILIAS UTI LEGASSIT SUPER PECUNIA, TUTELAVE REI SUÆ, ITA JUS ESTO. quem locum, credo, interpretans Caius, cap. primo de testament. tutelæ, Lege, inquit, XII. tabularum permissum est parentibus liberis suis, sive fœminis, sive maribus, si modo in potestate sint, tutores testamentum dare. Hoc autem idem tradit etiam Paulus cap. XX. Testamento, inquit, quemlibet possumus tutorem dare, sive si prætor, sive consul sit, quia lex XII. tabularum id confirmat. quin etiam sequenti capite addit, cum demum tutorem dari posse, cum quo testamenti factio est.

Quibus ex rebus perspicue intelligitur, tutoris dandi jus partim ex testamenti jure, partim ex patris potestatis jure pendere, ut quamvis pater privatus sit, tamen tutorem per legem ex testamento relinquere liberis suis possit. Quod si testamentum pater nullum forte tutorem dederit, tum lex dat eum, qui legitimus tutor vocatur. Etenim agnatum proximum, ut heredem, sic etiam tutorem esse jubet. Unde Ulpianus de legitima tutela, legitima tutela, inquit, lege XII. tabularum agnatis delata est, & consanguineis. Item: Legitimos tutores nemo dat, sed lex XII. tabularum fecit tutores. Quod si neque testamentarius, neque legitimus addit tutor, tum datur ab eo magistratur, cui tutoris dandi jus lege mandatum est, ut a prætore urbano & consulis. Unde nota vox illa est prætoris Verris apud Cicero: Pupillos, & pupillas certissimam esse prædam prætoribus. & illud Capitolini: M. Antonium Imper. primum fecisse prætorem tutelarem, ut diligentius de tutoribus tractaretur, cum antea tutores a consulis poscerentur.

Addo etiam, quod ad jura tutelarum maxime videtur pertinere, mulieres apud Romanos in perpetua tutela fuisse. Quod sentit Cicero, cum pro Murena dixit: Mulieres propter infirmitatem consilii majores in tutorum potestate esse voluerunt. & M. Cato apud Livium in concione de lege Oppia: Majores nostri nullam, ne privatam quidem rem agere fœminas sine auctore voluerunt. Narrat autem Ulpianus titulo XI. lege Atilia sancitum, ut mulieribus, & pupillis tutores non habentibus a prætore & majore parte tribunorum darentur. Quam legem latam ante Philippum, & Albinum Coss. anno DLXVII. inde concilio, quod in ejus anni historia referenda Livius de Hispala libertina ita scribit: Quin eo processerat consuetudine capta, ut post patris mortem, quia in nullis manerat, tutore a tribuni, & prætore petito, cum testamentum faceret, unum Abutium institueret heredem. Huic autem post, pro bacchanalium indicatorum præmio, S. C. concessum scribit Livius, ut tutoris optionem ita haberet, quasi ei vir testamento dedisset. sed de hac re, ubi de jure libertinorum agemus, pluribus differemus.

Hæc autem, quæ hæcenus diximus, ad jus ipsum Quiritium, quo maxime privata civium Rom. jura comprehensa sunt, breviter demonstrandum, satis, ut opinor, valebunt. quod a Plinio significatum

tum puto, cum dixit: *Cassius Hemina ex antiquis auctor est, primum e Medicis venisse Roman e Poloponneso Archagatum Lyfanie filium, L. Emilio, M. Livio coll. anno urbis DXXXV. eique jus Quiritium datum.*

C A P. XIV.

De jure census.

NUNC reliquum est, ut quemadmodum polliciti sumus, jura ea, quæ publicani potius rationem, quam privatam attingunt, exequamur: quæ quanquam multa sunt, tamen quia omnia fere a censu ducuntur, videtur faciendum, ut ante de censu, post de ceteris disputemus. Censum autem Ser. Tullius rex in remp. intulit, atque ut hoc modo ageretur, instituit. Populum universum jurejurando adactum fortunarum suarum estimationem apud se profiteri jussit. qua cognita eundem in sex classes, & centum tres ac nonaginta centurias ita distribuit, ut in primas centurias, qui maximo essent censu coniecisset, in reliquis vero deinceps qui minore, servato eo censu, & centuriarum gradu, quem supra in classibus, & centuriis exponendis, ostendi. Inde vero censendi mansit institutum, ut cives omnes in sua quisque tribu, classe, centuria, jurejurando dato, apud eum, penes quem jus censendi populi esset, nomina sua, uxorum, liberorum, libertorum, servorumque suorum profiterentur. præterea ætatem omnium, regionem, quam habitarent, & fortunarum suarum estimationem deferrent. Hoc autem jus primum regum; deinde consulum, & dictatorum; postremo proprio ad id magistratu creato, censorum fuit. Itaque Servius quater censum egit, quintum P. Valerius, & T. Lucretius consules anno post reges exactos secundo, sextum decennio post T. Lartius dictator. Cum autem consules post quater, interjectis temporibus, populum censuissent, neque continentibus bellis gerendis occupati per annos undecim ei muneri vacare potuissent, tum anno demum CCCX. ab urbe condita censores a populo creati L. Papirius, & L. Sempronius id negotii susceperunt, atque censum, lustrumque XI. condiderunt. Itaque post semper censoria cura fuit, ut, cum tribus recognoscere, singulorum in singulis tribubus censum perspicere. quod cum ex multis aliis locis, tum maxime ex censura Neronis, & Salinatoris cognoscere facile potest.

Hic autem census duas opportunitates reip. attulit omnium, meo judicio, maximas. nam & numerum eorum, qui arma ferre possent, ostendit, & pecuniarum magnitudinem, quibus bellorum sumptus sustinebantur, indicavit. Etenim quod ad capita censenda pertinet, non solum cives omnes censeri consuevisse, sed etiam, si quis, qui non esset civis, nomen suum clam in censorias tabulas referendum curasset, ea re civitatem adeptum esse comperio. Quocirca in Sextiana Cicero de Sex. Asilio Gaviano, qui in tabulas censorias nomen suum furtim intulerat, ita inquit; *Alter vero non ille Serranus ab aratro, sed ex deserto Gavii Olei borreo, calatis granis, in Calatinos Atilios instans, subito nominibus in tabulas relatis nomen suum de tabula sustulit.* Et idem, cum Gracchus propterea civem Romanum esse Archiam negaret, quod cum Romæ censum non inveniret, ad causam, quam ad veritatem aptius respondit, censum non jus civitatis confirmare, sed qui sit census, ita se jam tum gessisse pro cive, ostendere. quoniam etiam Livius per bellum Persicum, multos Latinos in civitatem Rom. per migrationem, & censum transisse ait. atque etiam servos, cum consensu domini defer-

Abant nomen in censum, una cum libertate civitatem consequutos esse, supra ostendimus. Profitebantur autem nomen suum in censu omnes, atque omnium, quos in potestate haberent. verum censores in summa civium subducenda eos tantum numerasse, qui ferre arma possent, Fabius Pictor prodidit. de quo ita Livius scribit in primo censu referendo, quem Ser. Tullius fecit: *Censa LXXX. millia civium dicuntur. adjicit scriptorum antiquissimus Fabius, eorum qui ferre arma possent, eum numerum fuisse. Quem numerum si quisquam, ut illis præsertim temporibus, immodicum judicaret, is tum denique opinor, acquiescet, cum Romulum morientem XLVI. millia peditum, & paulo minus, quam mille equites reliquisse, a Dionysio, & Plutarcho acceperit: & cum post aliquot annos, regnante Hostilio, Albæ urbis excidio Albanis omnibus in civitatem acceptis, duplicatas esse Romanorum vires intellexerit. Hos autem esse, qui puberes essent, Dionysius indicat, cum singulis in censibus primorum temporum referendis, puberum capita censa scribit. Nam censu quinto, qui factus est anno XI. ab exactis regibus, censa ait puberum (sic enim vertimus, quos ille vocat *ἐπὶ ἡβῆς*) ad centum triginta millia; & censu sexto centum quinquaginta millia, ac septingentos; & censu septimo, supra centum decem millia; & octavo, paulo plures, quam centum tria millia. Quin etiam quodam in loco ex hoc numero pueros aperte, & foeminas omnes, & servos, & mercatores, & opifices excludit. si quidem de censu septimo ita scribit: *Civium tum, qui puberes essent, supra centum decem millia erant, ut proximo censu compositum fuerat; mulierum autem, & puerorum, servorumque, & mercatorum, & sordidas artes exercerentium (si quidem Romanorum nemini cauponariam, aut operosam artem tractare licuit) triplo plus, quam turbæ civilis. & de octavo censu ait: Civium, qui se, & bona, & puberes filios in censum detulerunt, paulo plus, quam centum, & tria millia fuerunt.* Nomine autem puberum tam seniores, quam juniores esse comprehensos, idem ille ostendit, cum de quinto censu ita loquitur: *T. Lartius dictator censum egit. quo inventa sunt Romanorum, qui in pubertate essent constituti, amplius CL. millia, & septingenti.* Itaque cum eo qui militari ætate essent, & senioribus secrevisset, atque centuriasset, peditum & equitum quatuor partes fecit. Ætatem autem militarem a XVII. anno usque ad XLVI. ex Servii instituto, eosdemque etiam juniores, ut post eam ætatem seniores, appellaverunt. Hi vero non tam urbani erant, quam rustici, & ex rusticis non solum, qui agrum Romanum incolabant, sed etiam, qui extra agrum Romanum, vel publicum vel privatum agrum cives Romani in Latio, atque adeo in Italia possidebant, vel negotii gerendi causa extra Italiam habitabant. unde dixit Livius bello Persico, *multitudinem juniorum ingentem ex foris, & conciliabulis esse conscriptam.* Aliquando etiam Latini clam Romæ censi sunt, sed re patefacta, in suas civitates statim edicto redire jussi sunt. quod demonstrat Livius eodem in bello his verbis: *Lustrum conditum. censa sunt civium capita CCLXIX. millia. minor aliquanto numerus, quia L. Postumius consul edixerat, qui socium Latini nominis ex edicto C. Claudii cos. redire in civitates suas debuissent, ne quis eorum Romæ, sed omnes in suis civitatibus censerentur.* Præterea præterea censeri opus erat, nisi si censores etiam absentibus censendi facultatem permisissent, ut Nero, & Salinator, de quibus Livius: *Lustrum serius conditum est, quia per provincias dimiserunt censores, ut civium Romanorum in exercitiis, quantus ubique esset, referretur numerus.* P. etiam Scipionem Æmilianum censorem in oratione ad populum de moribus hæc*

posuisse, auctor est Gellius: *Absentis censeri jubere, ut ad censum nemini necesse sit venire.*

Census autem fortunarum eam habuit vim, ut singuli patresfamilias singula prædia, & urbana, & rustica in censu deferrent; pecuniæ summam, servorum, pecudumque numerum, fundorum instrumenta sigillatim profiterentur. Hoc enim veterum historiarum exempla declarant. Livius libro VII. *Quia solutio eris alicui multarum rerum mutaverat dominos, censum agi placuit.* & de Catone censore: *In censibus accipiendis aspera in omnes censura fuit. ornamenta & vestem muliebrem, & vebicula, quæ pluri, quam quindæcim millium eris essent, in censum referre viatores iussit. item mancipia minora annis XX. quæ post proximum lustrum X. millibus eris, aut eo pluri venissent, ut ea quoque decies pluri, quam quanti essent, æstimarentur.* & his omnibus terni in millia eris attribuerunt. & Cicero in Planciana: *Illud quero, sint ne ista prædia censui censendo? subsignari apud ærarium, apud censorem possint? in qua denique tribu ista prædia censuisti? census es præterea numeratæ pecuniæ centum triginta millia. census es mancipia Amyntæ.* & P. Scipio Æmilianus in oratione de multa contra Ti. Asellum, ex Gellio: *Tu in uno scorto maiorem pecuniam absumpsisti, quam quanti omne instrumentum fundi Sabini in censum dedicavisti.* Quin etiam Ulpianus Pandectarum titulo de censibus, non aliam fuisse censendi rationem demonstrat. *Forma censuali, inquit, cavetur, ut agri sic in censum referantur. nomen fundi cuiusque, & in qua civitate, & in quo pago sit. & quos duos vicinos proximos habeat. & arrium, quod in X. annos proximos satum erit. quot iugerum esse videatur. vinea quot vites habeat. olivetum quot iugerum, & quot arbores habeat. pratium quoque quod intra X. annos proximos sectum erit, quot iugerum pascua esse videantur. item sylva cædua. Omnia ipse, qui censet, æstimet. Illam enim æquitatem debet admittere censor, ut officio eius congruat, relevare eum, qui & in publicis tabulis, delato modo frui ex certis causis non possit. quare etsi agri portio casmate perierit, debet per censorem relevari.* Postremo Livius quoque ubi de censoribus Nerone, & Salinatore scribit, ita scribit: *Duodecim coloniarum, quod nunquam antea factum erat, deferentibus coloniarum censoribus censum receperunt, ut quantum numero militum, quantum pecunia valerent, in publicis tabulis monumenta extarent.* Quo factum est, ut Varro recte dixerit, censorem esse, ad cuius censuram, id est, arbitrium conferretur populus; & Festus, censores dictos, quod rem suam tanti quisque æstimare soliti sit, quantum illi censuerint. Etenim censores sæpe centum multiplicabant, ut ante de Catone Livius, & alio loco de iis, qui octuplicato censu M. Æmilius dictatorem ærarium reliquerunt.

Moris autem fuit, primum, ut in foro; deinde in villa publica, quæ erat in campo Martio, census ageretur. quem morem a Cæsare labefactum ostendit Suetonius, cum ait: *Recensum nec more, nec loco solito, sed vicatim per domos insularum egit: ac ne qui novi cætus recensitionis causa moveri, quandoque possent, instituit, quotannis in demortuorum locum in qui recensiti non essent, substitutio a prætor fieret.* Pena incensu maxima fuit. is enim publicatis bonis, lege Ser. Tullii, verberatus veniebat, ut inquit Dionysius. Quocirca Zonaras, qui se, aut bona sua in censum non detulissent, ipsos a consiliis, bona a censoribus venundata scribit. & Ulpianus maximam capitis minutionem esse, per quam civitas, & libertas amittitur, ait, ut cum incensus aliquis venerit.

CAP. XV.

De iure militiæ.

ERGO cum ex censu commoditates duæ præcipue pararentur, quibus bellorum prope quotidianorum rationes, & copiarum sustinerentur, unum delectus, alterumque tributorum; danda nobis opera est, ut primum de delectu, id est, de ipso iure militiæ disputemus; deinde quid de tributis in bellum conferendis invenerimus, exponamus.

Quoniam autem ius militiæ nihil est aliud, quam ius legionis, (in hac enim soli cives Romani, in auxiliis Latini focii meruerunt) primum quid, & quanta legio fuerit, ac quibus e civium generibus scripta sit, ostendamus; deinde ejus scribendæ rationem, ac summa conscriptorum civium iura patefaciamus. Univerſus Romanus exercitus in duas partes fuit diviſus, legiones, & auxilia. Legio certum peditem, equitumque manus fuit, Varrone, & Plutarcho auctoribus, a delectu fortissimum militum appellata. Ea vero jam inde a Romulo rege instituta est trium millium peditem, & trecentorum equitum. ex singulis enim tribubus mille conscripti sunt pedites, & centeni equites. Ut autem pedites in cohortes, equites in turmas distributi, sic cohortes in manipulos, turme in decurias, manipuli in centurias. Quoniam autem legionem a Romulo acceptis in civitatem Sabinis auctam scribit cum Dionysio Plutarchus, propterea eandem etiam a Romulo ad quatuor peditem millia redactam existimaverim, quæ inde Quadrata legio dicta est, auctore Felto. Subsequentibus vero temporibus pro usu reip. & senatus arriorio variatum, ut legio modo quatuor, modo quinque, modo sex millium peditem, itemque modo ducentorum, modo trecentorum equitum scriberetur, Livio potissimum testi credo. is enim Volſco bello, quatuor legiones quatuor millium scriptas prodiit; bello Gallico, non urbana tantum, sed etiam agreſti juventute decem legiones scriptas, quaternum millium & ducentorum peditem, equitumque trecentorum ait. bello Latino, per ea tempora scriptas quatuor fere legiones quinis millibus peditem, equitibus in singulas legiones trecentis, alterum tantum ex Latino delectu adſocii ſolium. bello Punico, Semppronio duas legiones datas, æa quaterna millia fuisset peditem, & trecentos equites. item exercitus civium sociorumque minui iussum, ut ex duabus legionibus una legio quinque millia peditem, & trecenti equites essent, dimissis, qui plurima stipendia haberent, & sociorum septem millia peditem, & trecenti equites relinquerentur. bello Perſico: *Lejones quatuor novas scribi placuisse, binas singulis consiliis.* Id præcipue provincie Macedonia datum, quod cum alterius consulis legionibus quina millia, & ducenti equites ex veteri instituto darentur in singulas legiones, in Macedonia sena millia peditem scribi iussa, equites trecenti æqualiter in singulas legiones: item: *In Macedonia peditem Romanorum sex millia, sociorum nominis Latini sex millia, equites Rom. CCL. socios CCC. veteres milites dimissos, ita ut in singulas Romanas legiones ne plus sena millia peditem, CCC. equites essent.* Alteri consuli nullum certum finitum numerum civium Romanorum, quem in supplementum legeret: id modo finitum, ut duas legiones scriberet, quæ quina millia peditem & ducentos haberent, equites trecentos. Peditem Latino- rum majorem, quam college decretum numerum, peditem X. millia, & DC. equites. quatuor præterea legiones scribi iussas, quæ, si quo opus esset, educerentur. In Hispaniam tria millium peditem Romanorum in supplementum, CCC. equites decretos. Fini- tum ibi quoque in legiones militum numerum, peditem

quinta millia, trecentos & xxx. equites : & post exercitum ad collegam primo quoque tempore mittere in Macedoniam consulem jussim, neque in ea provincia plus quam duas legiones esse, eas repleti, ut sena millia peditum, trecentos haberent etiam equites. Ex quibus locis satis intellectum puto, senum millium numerum adhuc nisi extra ordinem non esse decretum. Nam Polybius etiam, qui post bellum Pericum P. Æmyliano vixit, legiones conscribi memoria sua ex quinque millibus peditum, & trecentis equitibus retulit. & Festus C. Marium primum legionem sex millium conscripsisse testatur. quod non fenatus decreto, sed imperatoris consilio factum ostendit Sallustius, cum ait ; *Legitur Marius cum aliquanto majore numero, quam decretum erat, in Africam profectus*. Unde legio sex millium fuisse a multis traditur, quod hic maximus ejus numerus stante rep. fuerit. Atque de magnitudine quidem legionis hæc hæcenus.

Observatum est præterea, in legione nisi ingenuos, & ex ingenuis nisi juniores, & ex junioribus nisi qui in quinque classibus conferentur, & ludicæ artis expertes essent, ordine non esse centuriatos. ex quo sequitur servos, libertinos, pueros, seniores, capite censos, & hiltiones, si quando ad arma vocati sunt, non nisi cogente necessitate, in dubiis rebus reip. esse vocatos. Id quod ex annalibus Livii facile intelligitur ; ut bello Punico : *Q. Fulvius, Ap. Claudius consules, cum ægre delectum conficerent, quod inopia juniorum non facile in utrumque, ut & nocte urbanae legiones, & supplementum veteribus scriberetur, sufficiebat, senatus absistere eos incepto vetuit, & triumviros binos creare jussit, alteros, qui citra, alteros, qui ultra quinquagesimum lapidem in plateis, forisque, & in conciliabulis omnem copiam ingenuorum inspicerent, & si qui roboris satis ad ferenda arma habere viderentur, etiam si nondum ætate militari essent, facerent. Tribuni pl. si iis videretur, ad populum ferrent, ut qui minores septem, & decem annis sacramento dixissent, iis perinde stipendia procederent, ac si septem, & decem annorum, aut majores milites facti essent. ex hoc S. C. triumviri bini conscriptionem ingenuorum per agros habuerunt. & L. Valerius quartum, M. Camillo, M. Aemilio tribunis militum consulari potestate : Omnium primum tribunis militum datum fuit delectum haberi : nec juniores modo conscripti, sed seniores etiam coacti nomina dare, ut urbis custodiam agerent. & bello Samnitico, Etrusco ; Senatus jussitum indici, delectum omnis generis hominum haberi jussit, nec ingenuis modo, aut juniores sacramento adacti sunt, sed seniorum etiam cohortes factæ, libertinique centuriati. & Punico bello : Et aliam formam novi delectus inopia liberorum capitum, ac necessitas dedit. octo millia juvenum validiorum ex servis, prius scitantes singulos, vellet militare, emptæ publice armaverunt.*

Quoniam autem mos, ut opinor, increbuerat, ut minores annis septendecim aliquando scriberentur ; propterea C. Gracchus in tribunatu legem, teste Plutarcho, tulit, ne quis ante annum decimum septimum ad militiam cogeretur, quæ ætate qui conscribebantur, tirones ; ut contra, qui legitima omnia vel certe plurima stipendia confecerant, veterani dicebantur. Ut etiam ceteros extra ordinem militare coactos, sic etiam tenuissimum hominum genus, capite censos aliquando esse conscriptos animadvertimus. id autem a C. Mario factum est, de quo ita Sallustius : *Marius milites scribere non more majorum, neque ex classibus, sed uti cuiusque libido erat, capite censos plerosque. Id factum alii inopia bonorum, alii per ambitionem consulis memorabant, quod ab eo genere celebratus, auctusque erat ; & homini potentiam querenti egentissimus quisque opportunissimus. Quibus ex locis apparet, ingenuos tan-*

atque, eosque juniores ordine, reliquos vero extra ordinem militasse.

Nunc illud addo, neque ingenuos omnes fuisse conscriptos, siquidem hiltiones omnes præter Attellanos a stipendiis militaribus repulsi libro VII. tradidit Livius. Neque vero hi solum extra ordinem, sed qui emeritis etiam erant stipendiis, saepe ad arma vocati sunt. hos enim, scribit Sallustius, Marius ambiendo secum proficisci coegisse. Emeritis autem stipendiis dicebantur, qui legitima stipendia confecerant omnia. legitima vero stipendia equiti decem annorum fuerunt, pediti sex, aut, si honores petere vellent, decem, intra annum decimum sextum, & quadragesimum septimum ætatis ex lege necessario conficienda, quod Polybius aperte scribit, & lex Tullia indicat, quæ juniorum ætatem annis triginta definivit, quos militare coegit. Quo spectans Sallustius, Cæsarem dictatorem admonet, ut videat, ne uti adhuc militia injusta, aut inæqualis sit, cum alii triginta, pars nullum stipendium faciat. Qui vero emeritis stipendiis rursus militare cogebantur, ii, auctore Dione, Evocati dicebantur. Atque de eorum quidem, qui in legione militarent, generibus hæcenus disputatum sit. nunc de ipsa conscribenda legione dicamus.

Designatis consulibus, ut scribit Polybius, tribunos militum quatuor, & viginti legebat : quatuor quidem, ac decem ex iis, qui stipendia quinque haberent ; decem vero ad hos, qui decem. Creatis tribunis cum delectum habituri consules erant, diem edicebant, qua omnes militari ætate præditos convenire oporteret. quæ ubi adventi, omnes in Capitolium coibant. Tum juniores tribuni iusta populi, imperatorumve quatuor in partes distribuebantur. ac qui primi lecti erant, primæ legioni præficebantur ; tres qui deinceps, secundæ ; quatuor subsequentes tertiæ ; tres ultimi quartæ. ex iis autem, qui natu grandiores erant, duos primos præponebant, tres secundos secundæ, duos subsequentes tertiæ, tres ultimos quartæ. Hac divisione facta, singuli tribuni seorsum sedentes tribus singillatim fortiebantur, eamque quæ forte exierat, citabant. unde juniores quatuor ætate, & corporis habitu similes excernerent, quibus procedentibus, primum primæ legionis tribuni, deinde secundæ, inde tertiæ, postremo quartæ, atque ita deinceps cooprabant. Ubi vero certum numerum fecerant, (erat autem, ut dixi, modo quatuor millium ac ducentorum, modo quinque millium, si durior esset fortuna reipub.) tum equites designabant, quos olim post pedites, inde vero ante pedites legere cœperunt, quod ex censu a censoribus legerentur, ac trecentos singulis legionibus adscribebant. Hac descriptione perfecta, tribuni suos quisque in suas legiones vocantes, unum ex omnibus maxime idoneum lectum, jurejurando obstringebant, se, quoad posset, mandata ducum exsecuturum. inde reliqui omnes procedentes, singuli se omnia facturos in verba primi jurabant. Quo facto, indicto militibus ad conveniendum loco, eos dimittebant.

Hæc fere Polybius sua ætate observata refert. quæ cum ipsius auctoritate, quæ summa est, tum vero aliorum etiam scriptorum, quorum monumenta contemnere nec possumus, nec debemus, satis certo testimonio video supra illius ætatem etiam observata : Livius libro II. *Dimisso senatu consules in tribunal ascendunt, citant nominatim juniores. cum ad nomen nemo responderet.* libro IV. *Delectum haberi non ex toto passim populo placuit, decem tribus sorte ductæ. ex his scriptos juniores duo tribuni ad bellum duxere.* libro VII. *Acerbitas in delectu non damno modo civium, sed etiam laceratione corporum lata, partim virgis cæsi, qui ad nomina non respondissent, partim in vincula ducti,*

missa erat. libro XLII. Delectus consules multo intentiorem, quam alius, curam habebant. Licinius veteres quoque scribebat milites centurionesque, & multi voluntate nomina dabant, quia locupletes videbant, qui priore Macedonico bello, aut adversus Antiochum in Asia stipendia fecerant cum tribuni militum centuriones, sed primum quengue citabant, tres, & viginti centuriones; qui primos pilos duxerant citati tribunos plebis appellarunt. Minoris multae ratio in hoc genere fuit, ut inquit Varro apud Gellium: M. Terentio quando citatus neque respondit, neque excusatus est, ego ei ovem unam multam dico. Item, ut inquit Cato: Imperator, si quis extra ordinem depugnatum sit, ei multam facit; maioris hæc, de qua Valerius; M. Curius consul cum subito delectum edicere coactus esset, & juniorum nemo respondisset, conjecti in sortem omnibus, Pollia, quæ proxima exierat, primum nomen una extractum citari iussit, neque eo respondente bona adolescentis habita subiecit. Festus: In delectu primi vocabantur boni nominis, ut Salvius, Valerius, Statorius. Cicero de divinatione: In delectu consules observant, ut primus miles fiat bono nomine.

Atque hæc quidem de citandis, conferendisque militibus exempla satis sint. de militari vero sacramento hæc, ut opinor, erunt, quæ dicuntur. Cuius formulam animadvertimus apud Gellium hanc fuisse, ab eo ex libro Cincii de re militari quinto relatum: Cum delectus antiquitus fieret, & milites scriberentur, in iurandum eos tribunos militaris adgebant, hoc modo: In magistratu C. Lelii C. F. consulis, L. Cornelii P. F. consulis, in exercitu, decemque millia passuum prope furtum non facies dolo malo, solus, neque cum pluribus, plus nummi argentei in dies singulos, extra hastam, bastile, ligna, paululum, utrem, follem, faculam, si quid ibi invenieris, susulserisve, quod tuum non erit, quod plus nummi argentei erit, uti tu ad C. Lælium, C. F. Consulem, Luciumque Cornelium P. F. Consulem, fove ad quem eorum alter iusserit, perferas: aut proficere in triduo proximo, quicquid inveneris, susulserisve dolo malo, ut domino suo, cuius id censuris esse, reddes uti, quod recte factum esse voles. deinde ita concipiebatur iurandum, ut adessent, his additis exceptionibus, nisi harumve aliqua causa fuerit, funus familiare, ferie denicales, Kalendæque, quæ non ejus rei causa in eum diem collatae sint, quo is eo die minus ibi esset, morbus fonticus, auspiciumve, quod sine piaculo præterire non licet, sacrificiumve anniversarium, quod recte fieri non posset, nisi ipse eo die ibi sit, ius, hostisve, status, conditusve dies cum hoste. scui eorum harumve quæ causa erit, tum se postridie, quam per eas causas licebit, eo die venturum aditurumque cum qui eum pagum, vicum, oppidumve delegerit. Hæc apud Gellium. unde Livius libro VII. Dictator omnes juniores nullo detrectante militiam sacramento adiecit. & libro IX. Is prout rei magnitudo postulabat, omnes juniores sacramento adiecit. &: Romanque is metus manavit, adeo ut omnes juniores sacramento adiecerent. Quantum autem vis habuerit militare sacramento, & ut sine sacramento pugnari cum hoste more majorum haud licuerit, ostendit multis verbis Cicero in primo de officiis. cuius memorabile illud hoc loco non præteribo: P. Æmilius imperator tenebat provinciam, in cuius exercitu Catonis filius tiro militabat. Cum autem P. Æmilio videretur unam dimittere legionem, Catonis quoque filium, qui in eadem legione militabat, dimisit. sed cum amore pugnandi in exercitu remansisset, Cato ad P. Æmiliū scripsit, ut si eum pateretur in exercitu remanere, secundo eum obligaret militiæ sacramento. Quid quod tæpe novo etiam iurejurando milites esse adactos, docet Livius? ut bello Punico Paulo & Varrone. conf. Milites, inquit, tunc quod nunquam antea fa-

ctum erat, iurejurando a tribunis militum, iussu consulum conventuros, neque in iussu abituos. nam ad eam diem nihil præter sacramento fuerat. & ubi ad decuriam, aut centuriam convenissent, sua voluntate ipsi inter se equites decuriati, centuriati pedites conjurabant, sese fugæ atque formidinis ergo non abituos, neque ex ordine recessuros, nisi telis sumendi, aut petendi, aut hostis ferendi, aut civis servandi causa. id ex voluntario inter ipsos federe a tribunis ad legitimam iurijurandi adactionem translatum. Huc etiam line dubio referendum est, quod extat in commentario Serviano ad VIII. Æneidos, curia fuisse militiæ genera, sacramento, conjurationem, & evocationem. Sacramentum eorum, qui inguli jurabant, pro republica se esse facturos, nec discedebant, nisi confectis stipendiis; conjurationem, si esset tumultus, id est, bellum italicum vel Gallicum. quo tempore quia singulos interrogare non vacabat, qui fuerat ducturus exercitum ibat ad Capitolium, & exinde proferens duo vexilla, unum roscum, quo pedites evocabat, alterum cæculum, quo equites, dicebat: qui vult salvam remp. me sequatur, & qui convenisset, simul jurabant, unde dicebatur ista militia conjuratio; unde libro XLV. scripsit Livius: Senatusconsultum factum, ut consul, quos præter milites, sociisque navales conjuratos haberet, dimitteret. Evocationem, cum ad diversa loca diverſi propter cogendos mittebantur exercitus. Neque vero ab hoc loco aliena est lex sacra militaris C. Marcio, Q. Servilio coff. lata, cuius meminit Livius libro VII. Ne cuius militis scripti nomen nisi ipso volente deleatur.

De indicendo autem ad conveniendum die Livius: Inde de exercitibus ita decretum est, ut duabus legionibus urbanis Ti. Sempronius Consul Cales ad conveniendum ediceret. Item: His per magistrum equitum scriptis diem Tibur ad conveniendum edixit.

Ut autem conferendorum militum, sic etiam dimittendorum diligens observata ratio est. missio vero genera fuerunt duo, honesta & causaria. Honestæ fuit eorum, quibus iusta militiæ vacatio esset: causaria, quibus necessaria. Iusta est, cum quis aut legitima confectis stipendiis, aut major est annis quinquaginta. Necessaria cum aut morbo, aut imbecilla valetudine impeditus in castris esse non potest. Utriusque aptissima proferam exempla. Livius libro VII. Consul ducto in æstiva milite exercitum purgare missioibus turbulentorum hominum instituit: alius emerita dicendo stipendia esse, alios graves jam ætate, aut viribus parum validos. & lib. quadragesimo secundo, apud eundem ita veteranus miles loquitur, Sp. Ligustinus: Viginti duo stipendia annua in exercitu emerita habeo, & major annis sum quinquaginta. quod si mihi nec stipendia omnia emerita essent, nec dum ætas vacationem daret, tamen cum quatuor milites pro me uno dare possem, equum erat, me dimitti. & post: Senatum veteres centuriones quamplurimum ad id bellum scribere censuisse, nec ulli, qui non major annis quinquaginta esset, vacationem militiæ esse. & libro vigesimo quarto: Nomina omnium ex juniorum tabulis excerpta, qui quadriennio non militassent, quibus neque vacatio iusta militiæ, neque morbus causa fuisset. Præter has fuerunt alia quoque vacationes extra ordinem gratiæ causa, vel a senatu, vel ab imperatoribus data: a senatu, ut idem libro XXXIX. Senatusconsultum factum est, ut consul cum tribunis plebis ageret, ut P. Æbutio emerita stipendia essent; ne in iussu militaret, neve censor ei equum publicum assignaret. & lib. vicelimo tertio: Prænestinis militibus senatum duplex stipendium, & quinquennii vacationem decrevit. & Cicero de natura deorum: P. Vatinus agro a senatu, & vacatione donatus, ab imperatore. ut illud in epitoma Liviana LV. Tribuni plebis, quia non impetrarent, ut sibi denos, quos vellent,

milites eximere liceret, consules in carcerem ducere jufferunt. Mitto commentus, quos in caltris pro arbitratu imperatores, vel domus revivenda, vel negotii privati gerendi causa petentibus militibus concesserunt. quibus quoniam nihil in hoc genere potest esse vulgatus, de iis neminem puto expectare, dum scribam. Quin etiam senes, & sacerdotes perpetuam militiæ vacationem habuisse, excepto Gallico tumultu, memoriæ prodidit Appianus in secundo, & Plutarchus in Camillo. Qua ratione ductus Cicero in octava in Antonium, gravius esse tumultum, quam bellum, hinc intelligi posse conclusit, quod bello Gallico vacationes valerent, tumultu non valerent. Ut autem sacerdotum, & senum vacatio tumultu Gallico infirmata est, sic aliis etiam tumultibus aliæ. unde scripsit libro VII. Livius: *Quod per magnos tumultus fieri solitum erat, justitio indicto delectus sine vacationibus habitus est.* & libro octavo: *Mamercinus consul, cui Gallicum bellum evoenerat, scribere exercitum sine ulla vacationis venia jussus.* & libro quarto: *Cognitio vacationis militiæ munere post bellum differtur.* & libro sexto: *Tertius exercitus ex causariis, senioribusque scribitur.* Est autem memorabile illud, vacationes has a censoribus fuisse cognitatas. quod ostendit idem libro quadragesimo tertio, cum de censoribus verba faciens, ait: *In censu accipiendo populi milites ex Macedonico exercitu, qui quam multi abessent ab agnis, census docuit, in provinciam cogeant. causas stipendii missorum cognoscebant, & cujus nondum iusta missio visa esset, ita iurjurandum adhibebant: EX TUI ANIMI SENTENTIA, EX EDICTO C. CLAUDII, TI. SEMPRONII CENSORUM IN PROVINCIAM MACEDONIAM REDIBIS, QUOD SINE DOLO MALO FACERE POTERIS?*

Diximus de vacationibus militum, nunc de præmiis eorumdem dicamus. præmia autem voco munera militaria, cohortis prætoris communionem, stipendium, prædam, & dona imperatoria. Munera militaria appello, ut centuriatus, & præfectus, de quibus post commodius in libro de jure provinciarum. Quod autem ad cohortem attinet, intelligendum est, si legio nemini, nisi civi Romano, patuit, multo minus cohortem prætoriam nisi civi Romano fuisse permissam. ex qua qui fuisset, in beneficiis ab imperatore ad ætariam deferretur, quod pro certo civitatis argumento attulit Cicero pro Archia. *Is temporibus, inquit, quæ tu criminaris, ne ipsius quidem iudicio in civium Romanorum jure esse versatum, in beneficiis ad ætariam delatus est a L. Lucullo prætor, & consule.* Quocirca ad Verris contumeliam dixit idem in frumentaria, Verrem ipsum prætorē et cohortē suā Artemidorum medicum Cornelium, pictorem Tlepoleum, & ejusmodi recuperatores dedisse, quorum nemo civis Romanus erat. Stipendium neque ab initio urbis milites Romani meruerunt, neque eodem anno equites, quo pedites, acceperunt. peditibus enim datum est anno urbis trecentesimo quadragesimo septimo, Anxure Volcorum oppido capto, ac direpto, equitibus anno trecentesimo quinquagesimo, bello Veienti. De utroque instituto verba ipsa Livii recitabo. de peditibus: *Additum omnium maxime tempestivo principium in multitudinem munere, ut ante mentionem ullam plebi, tribunorumve decerneret senatus, ut stipendium miles de publico acciperet, cum ante id tempus de suo quisque functus eo munere esset.* de equitibus vero: *Clade ad Veios accepta, mæstis patribus, repente quibus census equester erat, equi publici non erant assignati, senatum adeunt. equis suis stipendia facturos promittunt. Inde ad curiam concursus fit plebis. pedestris ordinis se ajunt nunc esse, operamque reipubl. se extra ordinem polliceri. Gratiis a senatu actis placuit, omnibus voluntariam extra ordinem professi militiam æra procedere. & equiti certus numerus æris est assignatus. tum*

primum equis merere equites ceperunt. Itaque libro vicésimo tertio, Punico bello, ait, senatum decrevisse, ut eo anno duplex tributum imperaretur, simplex confestim exigeretur, ex quo stipendium præfens omnibus militibus daretur, præterquam qui milites ad Cannas fuissent. & libro vicésimo septimo, eodem bello illis omnibus equos ademptos, qui Cannensium legionum equites in Sicilia erant; addidisse acerbitati etiam tempus, ne præterita stipendia procederent iis, qui equo publico meruerant, sed dena stipendia equis privatis facerent. Stipendium porro militare quantum fuerit, haud proclive dictu existimo. Polybius enim diurnum peditis quantum obolos duos statuit, centurionis duplex, equitis drachmam, quæ eadem est fere apud Græcos, ac denarius apud Romanos. an vero ille *ὀβολός* (hac enim voce utitur) pro integro stipendio accipiat, parum liquet. Quod si postremorum temporum consuetudine, quæ sunt antiquissima, metiamur, diurnum peditis Romani stipendium fuisse denarium statuimus. Nam apud Tacitum libro primo post obitum Augusti ita miles quidam gregarius Percennius loquitur: *Enimvero militiam ipsam gravem, infructuosam, denis in diem assibus animam, & corpus æstimari. hinc vestem, arma, tentoria, hinc sævitiam centurionum, & vacationes munusculum redimi.* Denarius autem decem assibus æstimatus est. atque semper in militari stipendio pro decem assibus datus est, quamvis bello Punico secundo placuisset, ut sexdecim assibus permutaretur. quod scriptum est apud Plinium libro XXXIII. Illud autem non habuit dubitationem, quin centurionis stipendium fuerit duplex, equitis triplex. cujus rei cum Polybius testis est, eo, quem protuli, loco, tum etiam Livius. primum, qui anno urbis trecentesimo quinquagesimo quarto triplex stipendium equitibus a Cn. Cornelio tribuno militum consulari primum datum scribit, deinde qui postea id, ut jam vulgo factitatum, commemorat. *Æque impotens, inquit, postulatum fuit, ut de stipendio equitum (merebant autem triplex ea tempestate) æra demerentur, quod adversati conjurationi fuissent.* Adjicit Polybius, frumentum, vestes, arma sæpe militibus data, detracta tamen a quæstore ex diurna mercede rata pecuniæ summa. Quare adductus C. Gracchus tribunus pleb. homo inter ceteros plebis Romanæ studiosissimus, legem tulit, teste Plutarcho, ut testes militibus darentur, nec quicquam propterea de stipendio minueretur. Animadvertimus etiam, prædam ex hostibus captam, partim ab imperatore in publicum relatum, partim militibus donatam. quin etiam sæpenumero evenisse, ut imperatoribus ipsis ob eam aut maligne divisam, aut alio modo interceptam dies ad populum dicta sit. Dona vero militaria erant, quæ militibus singulis virtutis ergo ab imperatore triumphaturo dabantur, ut coronæ, quarum multa erant genera, civicæ, murales, obdionales, castrenses, aureæ, rostrate, ut torques, armillæ, hastæ puræ, phalæx, cornicula, & cetera generis ejusmodi. erant etiam, quæ universis, ut pecunia. de coronis notum est illud Gellii de Sicinio Dentato, qui vixit ante decemviros: *Il pugnasse in hostem dicitur centum, & viginti præliis. cicatricem aversam nullam, adversas quinque & quadraginta tulisse. coronis esse donatum aureis octo, obdionali una, muralibus tribus, civicis quatuordecim, torquibus tribus & octoginta, armillis plus centum sexaginta, hastis duodeviginti, phaleris item donatus est quinquies, viciesque.* quin etiam apud Livium scriptum est, L. Papirium consulem equites omnes ob egregiam in bello operam donasse corniculis, armillisque argenteis. & bello Perisco, Sp. Ligullinus apud populum gloriatur, se quater & vicies virtutis causa ab imperatoribus esse donatum, sex civicas coronas accepisse, viginti duo

stipendia in exercitu emerita habere. Adde quæ de Augusto retulit Suetonius: *Dona militaria aliquanto facilius phaleras, & torques, quicquid auro, argenteoque constaret, quam vallares, & murales coronas, quæ honore præcellerent, dedisse; hæc quam parcissime, & sine ambitione, & sepe etiam caligatis tribuisse.* M. Agrippam in Sicilia post navalem victoriam caruleo vexillo donasse. Sed de coronis militariibus quæ fuerint, ac quam ob causam singulæ datæ sint, cum satis Polybius libro sexto, Gellius libro quinto, Zonaras libro secundo traderint, ut in re satis eorum sermone nota, ac perurgata non consumam tempus exemplis. Imperatores autem ante triumphum pecuniam militibus consuevisse dividere, Livianis verbis confirmabo; libro vicelimo octavo: *Pecuniam in ærarium tulerunt sestertium tricies octoginta millia æris.* M. Livius militibus quinquagenos senos asses divisit. tantundem C. Claudius absentibus militibus suis est pollicitus, cum ad exercitum redisset. & sequenti libro: P. Scipio triumpho omnium clarissimo urbem est introitus. argenti tulit in ærarium pondo centum millia, militibus ex præda quadragenos divisit. & libro tricelimo quarto: *Milites sequuti currum frequentes. his ducenti quinquageni æris in pedes divisit; duplex centurioni, triplex equiti.* & libro tricelimo septimo: *Militibus quini viceni denarii dati, duplex centurioni, triplex equiti.* & stipendium militare, & frumentum duplex post triumphum datum. & libro quadragelimo secundo: *Militibus proconsules denarios quinos vicenos, duplex centurioni, triplex equiti dividerunt.*

Ut autem præmia, sic animadversiones etiam multæ in militem Romanum fuerunt. atque earum quidem aliæ leniores, aliæ acerbiores. Non enim ut in urbe lex Porcia cives Romanos a magistratuum virgis, & securibus, sic etiam in castris vindicavit. aliam enim disciplinam militare esse voluerunt, aliam urbanam; itemque alium ad parendum terrore exercitui, alium populo esse propositum. si quidem ab imperatoris imperio nulla erat provocatio. Lenis autem animadversio fuit, quæ ignominiam tantum iniecit, ut ignominiose dimitti, stipendium legitimum spoliari, hastam dare, tendendi locum mutare, extra oppidum hibernare; cibum stantem capere, fossam fodere, discinctum destitui, hordeo pasci, sanguinem mitti. Gravior, quæ detrimentum intulit, ut virgis cædi, venire, fuisse & securi percussu, decimari, in crucem tolli. quarum omnium exempla, quam maxime idonea poterimus, referemus. De ignominiosa dimissione exemplum est apud Hirtium, bello Africo: *Cæsar de suggestu convocatis omnium legionum tribunis centurionibusque, C. Avienus, inquit, quod in Italia milites populi Romani contra rempubl. instigasti, rapinasque per municipia fecisti, ignominie causa ab exercitu meo te removeo.* De fraudatione stipendii satis notum est. hinc enim ære diruti appellabantur, teste Nonio, milites, quibus propter ignominiam stipendium, id est, merces menstrualis, aut annua, quæ esset in nummis æris, subtrahebatur. Unde Varro de vita populi Romani: *Stipendium appellabatur, quod æs militi semestre, aut annuum dabatur; cui datum non sit propter ignominiam, ære dirutus esset.* & Livius libro XL. *Causa ignominie, uti semestre stipendium in eum annuum esset, ei legioni decretum.* Ære dirutum autem militem ab antiquis dictum tradit Festus, cui stipendium ignominie causa non erat datum, quod æs diruebatur in fiscum, non in militis sacculum. & idem alio loco: *Resignatum æs dicitur militi, cum ob delictum aliquod iussu tribuni militum, ne stipendium ei datur, in tabulas refertur.* De hasta danda idem in hunc modum: *Censio hastaria dicebatur, cum militi multa nomine ob delictum militare indiceba-*

tur, quod bastas daret. De mutando tentorii loco narrat Polybius, quos ignominia afficere voluerint, eos extra castra tendere iussos. unde apud Livium lib. XXV. *Cannenses milites queruntur ita: Nunc deteriore conditione sumus, quam apud patres nostros fuerunt captivi; quippe illis arma tantum, atque ordo militandi, loculusque in quo tenderent in castris, est mutatus, quæ tamen semel navata reip. opera, & uno felici prælio recuperaverunt.* De hibernis Livius libro vicelimo sexto: *Additum utrorumque ignominie, ne in oppidis hibernarent, neve hiberna propius ullam urbem decem millibus passuum edificarent.* De cibo libro vicelimo quarto: *Nomina eorum qui detrectate pugne memores secessionem paulo ante fecerunt, referri ad me iubebo: citatofque singulos iurejurando adigam, nisi quibus morbus causa erit, non aliter, quam stantes cibum, potumque, quoad stipendia facient, captivos esse.* De fodiendo auctor est Plutarchus in Lucullo, antiquum militaris ignominie genus fuisse, ut tunicis interioribus solutis, fossam fodere inspectante reliquo exercitu cogenterent. De reliquis Livius libro vicelimo septimo: *Cohortibus, quæ signa amiserant, bordeum dari iussit, centurionisque manipulorum, quorum signa amissa fuerant, districtis gladiis disinctos destituit.* Hordeum item pro tritico ignominie causa datum narrat Polybius. De mittendo autem sanguine sic Gellius: *Fuit hæc quoque antiquitus militaris animadversio, jubere ignominie causa militi cranio solvi, & sanguinem dimitti. cuius rei ratio in literis veteribus, quas equidem invenire potui, non extat. sed opinor hoc factum primitus in militibus stupentis animi, atque a naturali habitu declinantis, ut non tam pœna, quam medicina videretur. postea tamen ob pleraque alia delicta idem facitatum esse credo per consuetudinem, quasi minus sani viderentur omnes, qui delinquerent.* Quocirca scriptum est etiam apud Frontinum, M. Catonem memorie prodidisse, in furto deprehenis inter commilitones dextras esse præcitas, aut si lentius animadvertere voluissent, principi sanguinem missum. De graviore autem ceteris hæc erunt documento. Livius de Scipione disciplinam militarem ad Numantiam corrigente: *Quem militem extra ordinem deprehendit, si Romanus esset, viribus, si extraneus, fustibus cecidit.* & alibi: *P. Nasica, & D. Bruto cos. delictum habentibus, in conspectu tironum res saluberrimi exempli facta est.* Nam C. Marienus accusatus est apud tribunos plebis, quod exercitum in Hispania deseruisset, damnatusque sub furca duæ virgis cæsus est, & sestertio nummo venit. & Cicero tertia in Antonium: *Si consul ille, fustuarium meruerunt leviones, quæ consulem reliquerunt.* Fuisse autem cædebantur, auctore Polybio, hoc pacto: *Accepto fuisse tribunus vix tantum attingebat damnatum. quod ubi factum erat, omnes, qui in castris erant, cædentes fustibus, lapidibusque plerosque in ipsis castris conficiebant. at si qui evasisent, ne sic quidem servari poterant. quippe quibus neque in patriam redire liceret, neque a propinquis domum recipi possent.* Antiquissimum porro decimationis exemplum invenio apud Livium, ab Ap. Claudio consule, ferocissimi ingenii viro, nescio an primum editum, non multum post reges exactos annis. cuius etiam libet verba apponere: *App. Claudius consul advocata concione introitus haud falso in proditorem exercitum militaris discipline, desertorem ignorum, ubi signa, ubi arma essent singulos rogans, inermes milites, signo amisso signiferos, ad hoc centuriones, duplicariosque qui reliquerant ordines, virgis cæsos securi percussit, cetera multitudine, decimis quisque ad supplicium lecti.* Rationem autem hujus exequendi imperii cum Polybius libro VI. tum Livius exponit, ubi de Scipione pœnas de

seditionis exercitu apud Suonem repente scribit, & quidem ita: *Præconis audita vox citantis nomina damnatorum in consilio. nudi in medium protrahantur. & simul omnis apparatus supplicii expromebatur. delegati ad palum, virgisque cæsi, & securi percussi.* Cur autem decimatio instituta sit, rationem reddit nosse ille elegantissime in Cluentiana. *Statuerunt, inquit, ita majores nostri, ut si a multis esset flagitium rei militaris admissum, fortitione in quosdam animadverteretur, ut metus videretur ad omnes, pœna ad paucos perveniret. nam miles, qui locum non tenuit, qui hostium imperum, vimque pertimuit, potest idem postea & civis esse melior, & vir bonus, & civis utilis. quare ne in bello propter hostium metum delinqueret, amplior ei mortis, & supplicii metus est a majoribus constitutus. ne autem nimium multi pœnam capitis subirent, idcirco illa fortio comparata est.* De cruce Livius libro tricelimo: *De perfugis gravius, quam de fugitivis consultum. Nominis Latini qui erant, securi percussi, Romani in crucem sublatis sunt.* Atque hæc quidem militarium animadversionum genera sunt, quæ usque ad extrema etiam penetrasse reip. tempora, satis idoneis testis est Suetonius, cum inquit de Augusto: *Cohortes, si quæ cessissent loco, decimatas bordeo pavit. centuriones statione deserti itidem, ut manipulares capitali animadversione puniunt. pro cetero delictorum genere variis ignominiiis afficit, ut stare per totum diem juberet ante prætorium; interdum tunicatis, discinctisque nonnunquam cum decempedis, vel etiam cespitem portantes.* Sed de jure veteris Romanæ militiæ hæcenus.

C A P. XVI.

De jure tributorum, & vectigalium.

ALTERA census commoditas est tributum, quod ex censu a cive Rom. conferebatur. de quo mihi hoc loco, ut etiam de vectigalibus, intelligo nonnihil esse dicendum. Omnis pecunia, quæ a cive Romano publice pendebatur, fere aut tributi nomine pendebatur, aut vectigalis. Tributum, inquit Varro, erat pecunia populo imperata, quæ tributum a singulis pro portione census exigebatur. Vectigal ea pecunia, quæ alio quocunque nomine exigebatur.

Ceterum tributorum, ut ait Festus, tria genera fuerunt. unum, quod in capita; alterum, quod ex censu collatum est; tertium, quod extra ordinem imperatum, idque temerarium dictum. Ac ante Servium quidem regem tributum conferri in capita consuevit, adeo ut cum regi pecunia opus esset, æquo pauperes, ac divites onere tributi premeret; ut auctor est in Servio Dionysius. sed eam consuetudinem omnino immutavit Servius. Etenim qui censum instituit, idem etiam tributi æqualiter ex censu conferendi rationem inivit. id quod scriptum extat apud Livium: *Quadrifariam, inquit, urbe divisa, regionibus, collibusque, quæ habitabantur partes, tribus appellavit, ut ego arbitror, ab tributo. nam ejus quoque equaliter ex censu conferendi ab eodem inita ratio est.* Superbus autem rex antiquum institutum, Serviano neglecto, retulit, atque pro capite cujusque denarios decem, Dionysio teste, exegit. Superbo vero urbe excluso, tributorum collationem, quam Servius intulerat, una cum ceteris ejus institutis relata esse crediderim. me vero in hanc opinionem adducit Plutarchus, qui de Publicola consule, anno post reges exactos, ita scribit: *Quoniam cives ex bonis suis pecunias in bellum conferre oportebat, Publicola*

consul, quod eam curationem nec ipse attingere, nec amicis committere vellet, nec omnino in domum privati cujusquam pecunias publicas pervenire, in eade Saturni ærarium constituit, quæstoresque duos populo creando concessit. creati M. Minucius, P. Veturius. & pecuniarium magna vis exacta est. centum enim & triginta millia redegerunt, viduis, & pupillis collatione tributorum remissa. Adde, quod Livius II. anno ab exactis regibus plebem tributo exolutam ait, ut divites conferrent, qui oneri ferendo essent. & Dionysius tertio anno decrevit scribit, ut pauperes omnium vectigalium vacationem haberent, quæ regibus pendissent, neque in bellum quicquam conferrent. satis enim esse, si ipsi pro rep. militarent. Unde apud eum Appius consul, anno urbis ducentesimo quinquagesimo nono, in sententia dixit, plebem nimis multa postulare, postquam regiis tributis esset relaxata. Plebem autem hoc loco intelligamus oportet homines rei familiaris angustiis impeditos, quorum major pars e plebe erat. siquidem eodem anno de quodam plebeio tributum conferente ita loquitur Livius: *Magno natu quidam cum omnium majorum suorum insignibus se in forum projecit. obstita erat squallore vestis, fædior corporis habitus pallore, ac macie perempti. ad hoc proluxa barba & capilli effræverant speciem oris. noscitur tamen in tanta deformitate, & ordines duxisse æquebant; aliæque militiæ decora vulgo miserantes eum jactabant. ipse testes honestarum aliquot locis pugnarum cicatrices adverso pectore ostentabat. Sciscitantibus unde ille habitus, unde deformitas, cum circumfusa turba esset prope in concionis modum, Sabino bello, ait, se militantem, quia propter populationes agri non fructu modo caruerit, sed villa incensa fuerit, direpta omnia, pecora ablata, tributum iniquo suo tempore imperatum, & alienum fecisse. Hunc ergo hominem quantum e plebe tamen inter divites referre debemus.* Quod agrum habuerit, quodque tributum contulerit, ut eos etiam, de quibus loquitur Dionysius, K. Fabio, T. Virginio coll. anno CCLXXIV. cum ait, ærarium continuis bellis exinanitum, privatos tributo conferendo exhaustos fuisse. Hic autem rerum status, nimirum, ut urgente necessitate tributum imperaretur, civitatem obtinuisse usque ad annum, CCGXLIX. videtur. quo anno senatus consultum proflum est, ut plebi, quæ eousque suis sumptibus meruerat, stipendium quotannis de publico numeraretur. quo facto coacti omnes sunt tributum ex censu quotannis in stipendium militare conferre. Qua de re sic Livius libro quarto extremo: *Additum omnium maxime tempestive principum multitudinem munere, ut ante mentionem ullam plebis, tribunorumve decerneret senatus, ut stipendium miles de publico acciperet. cum ante id tempus de suo quisque functus eo munere esset.* & infra: *Igitur indicto tributo edixerunt tribuni, auxilio se futuros, si quis in militare stipendium tributum non contulisset. patres bene ceptam rem perseveranter tueri, conferre ipsi primi, & quia nondum argentum signatum erat, & grave plaustris quidam ad ærarium convehentes speciosam etiam collationem faciebant. cum senatus summa fide ex censu contulisset, primores plebis, nobilium amici ex composito conferre incipiunt. quos cum & a patribus collaudari, & a militari ætate, tanquam bonos cives conspici, vulgus hominum vidit, repente spreto tribunicio auxilio, certamen conferendi est ortum. Hinc ergo institutum opinor, ut ab omnibus tributum ex censu in bellum quotannis ex ordine exigereur. Quod tamen primis illis temporibus per tribunos plebis sæpe impediretur, ut etiam delectum, & comitia, liquer. quemadmodum triennio post apud eundem: *Romæ simul de delectu, simul de tributo conferendo laboratum est.* & infra: *Quantum augebatur civium**

numerus, tanto maiore pecunia in stipendium opus erat. eaque tributo conferebatur, inuitis conferentibus, qui domi remanebant. & post: Et cum tributum conferri per tribunos non posset, nec stipendium imperatoribus mitteretur, aerique militaria flagigaret miles, haud procul erat, quin castra quoque urbane seditionis contagione turbarentur. nec multo post: Tribuni plebis agrariam legem promulgant, tributumque conferri prohibent. cumque ut unus e plebe tribunus militum consulari potestate P. Licinius crearetur, obtinissent, quod maxime temp. impedi-
bat, de tributo remiserunt. collatum obedienter, mis-
sumque ad exercitum est. & anno CCCLXXXVIII. Con-
ditiones, inquit, impositae patribus, ne quis quoad
debellatum esset, tributum daret. & post: Tantum
absesset spes levandi fenoris, ut tributo novum fœnus
contraheretur in murum a censoribus locatum saxo
quadrato faciundum. Ut autem tributum saxe a tri-
bunus plebis impeditum, sic contra a fenatu aliquan-
do etiam est remissum. ut anno CCCLXI. quo Fali-
cis in stipendium militum ejus anni, ut populus
Romanus tributo vacaret, pecuniam narrat Livius
esse imperatam. Et ut idem saxe remissum, sic pro-
pter bellorum magnitudinem iusto gravius aliquan-
do imperatum, ut anno DXXXVIII. bello Punico,
quo fenatus decrevit, ut duplex stipendium præiens
omnibus militibus daretur. & sequenti anno, quo
consules edixerunt ex S. C. ut qui L. Emilio, C.
Flaminio censoribus millibus aris quinquaginta ipse,
aut pater ejus census fuisset, usque ad centum mil-
lia, aut cui postea res tanti esset facta, nautam u-
num daret cum sex mensium stipendio. qui supra
centum millia usque ad trecenta millia, tres nau-
tas cum stipendio annuo. qui supra trecenta millia
usque ad decies aris, quinque nautas. qui supra de-
cies, septem: senatores octo nautas cum annuo sti-
pendio darent. Unde illa apud eundem eodem in
loco: *Tributo sumptus suppeditari. verum cum ipsum
tributum conferentium numerum tantis exercituum
stragibus imminutum, tum, qui superessent, pauci,
si multiplico gravarentur stipendio, alia perituros pe-
sso.* Atque hoc quidem tributum ex censu dictum
est, cum æqualiter pro ratione census omnes con-
tulerunt.

Fuisse autem & tertium temerarium, Festus au-
ctor est. nimirum cum re cogente omnes quicquid
auri, atque argenti habuerunt sine discrimine in æ-
rarium contulerunt; sic enim scribit ille: *Est au-
tem quoddam tributum temerarium, ut post urbem a
Gallis captam collatum est. quia proximis quindecim
annis alius census non erat. item bello Punico secun-
do, Valerio Lavino, M. Claudio Marcello coll. cum
& senatus, & populus in ærarium quod habuit, de-
tulit.* Quibus verbis temerarium tributum definit,
cum temere, atque extra ordinem propter periculi
magnitudinem qui habent, quæcunque habent in
commune sine discrimine conferunt. Ego vero de
tributo post captam urbem collato nihil invenio.
de eo vero, quod Lavino, & Marcello coll. anno
DXLIII. collatum est, in hunc modum scripsisse Li-
vium video: *Tum Lavinus consul, Ut classem, in-
quit, habeat, quam ornare volumus, populus Rom-
anus privatos sine recusatone remiges dare nobismet
ipsis primum imperemus, aurum, argentum, æs si-
gnatum omnes senatores crastina die in publicum con-
feramus. ita ut annulos sibi quisque & conjugi,
& liberis, filio bullam, & quibus uxor filiaque sunt singu-
las uncias auri, pondo relinquunt argenti. qui curu-
li sella sederunt, equi ornamenta, & librus pondo,
ut salinum, patellamque deorum caussa habere possint.*
ceteri senatores libram argenti tantum, aris signati
quinta millia in singulos patresfamilias relinquamus.
Ceterum omne aurum, argentum, æs signatum ad
triumviros mensarios extemplo deferamus, nullo ante
senatusconsulto facto: ut voluntaria collatio, & cer-

Altamen adjuvande reipubl. excitet ad emulandum a-
nimos primum equestris ordinis; deim relique plebis.
In hac tanto animo consensum est, ut gratie ultro
consulibus agerentur. Senatu inde misso, pro se quis-
que aurum, argentum, & æs in publicum conferunt,
tanto certamine injecto, ut prima inter primos nomi-
na sua vellent in publicis tabulis esse. Hac Livius.
Quæ cum ita sint, profecto temerarium etiam tribu-
tum vocatum est, cum inatronæ aurum, & orna-
menta sua contulerunt, ut eæ, quæ Veis captis,
cum decimarum nomine, quas Camillus voverat,
aurum Apollini Delphico mitti oporteret, neque e-
mendi facultas esset, contulerunt, & quæ post in
capta urbe, ut mille pondo auri, quæ Gallis pro
obidione Capitolii dissolvenda debebantur, exple-
rent, in ærarium contulerunt. quorum Livius, &
Valerius testes sunt. Quin etiam temerarium illud
fuisse crediderim, cum pupillorum, & viduarum
pecuniæ sunt collata. quod Punico item bello, Fa-
bio & Marcello coll. factum memorie prodidit Li-
vius: *Cum hæc, inquit, inclinatio animorum plebis
ad sustinendam inopiam æarii fieret, pecunie quo-
que pupillares primo; deinde viduarum capte confer-
ri, nusquam eas tutius sanctiusque deponere creden-
tibus, qui deferebant, quam in fide publica.* Hujus
autem temerarii tributi vis ea fere fuit, ut post rep.
durissimo bello perfuncta, & locupletato ærario, pecu-
niæ suæ cuique redderetur, quod bello Punico
confecto tribus pensionibus factum esse animadverti-
mus. sed de temerario tributo satis.

Redeo ad annum, quod tandem aliquando im-
perari, aut exigi delitum esse comperio. Hoc au-
tem victoria L. Pauli Macedonica factum est, post
annum urbis DLXXXVI. etenim cum ærarium an-
nuis Italiae, & provinciarum Siciliae, Sardiniae,
Hispaniarum vectigalibus, ac quotidianis victoriis,
& imperatorum manubiis uberius esset factum, di-
vitiis autem L. etiam Pauli de rege Persæ victo-
ria cumalasset, finis tandem tributorum conferen-
dorum est factus. Hoc vero docet optimus antiqui-
tatis omnis auctor Cicero in libris de officiis ita:
*Omni Macedonum gazæ, quæ fuit maxima, potius
est Paulus, tantum in ærarium pecunie innoxii, ut
unius imperatoris præda finem attulerit tributorum.*
quem sequutus credo Plinius libro xxx. scripsit:
*Intulit & Emilius Paulus, Persæ rege Macedo-
nico devicto, prædam pondo trium millium. a quo
tempore populus Romanus tributum pendere desit.*
Antias certe, teste Livio, & cum sequatur Velle-
ius ducentes milles ab eo in ærarium tradidit esse
invectum. Nam quod narrat Plutarchus, tantam
pecuniam a Paulo esse illatam, ut populus Rom.
usque ad consulatum Hirtii, & Panse tributo con-
ferendo vacaret, ut verum esse possit, non video.
primum enim invenio apud Orolium, bello Marli-
co adeo exinanitum continentibus sumptibus æra-
rium fuisse, ut loca, quæ circum Capitolium pon-
tificibus, auguribus, decemviris, & flaminibus fru-
enda erant data, publicæ pecuniæ inopia venierint;
& modicam pecuniæ summam, qua ad tempus repub.
sublevaretur, esse redactam; deinde viri verifi-
cile puto ærarium ullum tam refertum, atque opu-
lentum esse potuisse, ut immoderatæ Cinnæ, aut
F. Marii, aut Sullæ dominantium, atque affiduis bel-
lis civilibus rempublicam perturbantium libidini,
avaritiæque sufficeret. Sylla certe mortuo exhau-
stum fuisse ærarium, indicat Afconius, cum in
commentario Corneliane ita scribit: *Quia defue-
rat superioribus temporibus in ærario pecunia publi-
ca, multa & sæpe ejus rei remedia erant quaesita,
in quibus hoc quoque, ut pecunie publicæ, quæ res-
duæ apud quæque essent, exigerentur. id autem
maxime pertinebat ad Cornelium Faustum Dictato-
ris filium. quia Sylla per multos annos, quibus exer-
citibus præfuerat, & rempubl. tenuerat, sumptu-
pecu-*

pecunias ex vectigalibus, & ex arario populi Romani, eaque res sepe erat agitata, sepe omissa, partim propter Syllanarum partium potentiam, partim quod iniquum videbatur, post tot annos, quam quisque pecuniam acceperat, ejus reddere rationem. Ex quibus apparet Pauli pecuniam in ararium illatam multo ante consulatum Hirtii, & Panfæ esse consumptam. Quin etiam ararium post a Pompeio bello civili apertum, a Cæsare refractum, pecuniamque depromptam, idque adeo ante Hirtium, & Panfam consules, constans omnium opinio est. Post eorum certe consulatum tributi collati magna mentio fit; siquidem eodem anno ad Cornificium ita scripsit Cicero: *De sumptu, quem in rem militarem facere, & fecisse scribit, nihil sane tibi possum opitulari, propterea quod & orbus senatus Hirtio, & Panfæ consulibus, & incredibiles angustias pecunia publicæ, quæ conquiruntur undique, ut optimo meritis militibus promissa solvantur, quod quidem fieri posse sine tributo non arbitror.* & eodem anno in Antonium: *Ubi est septies milles sestertium, quod in tabulis, quæ sunt ad Opes, patebat? funestæ illius quidem pecuniæ, sed tamen si iis, quorum erat, non redderetur, quæ nos a tributis posset vindicare.* & item ad M. Brutum: *Maximus nodus est in rep. rei pecuniariæ, obsurdæque enim magis quotidie boni viri ad vocem tributi, quod ex censurâ collatum impudenti censu locupletum in duarum legionum præmiis omne consumitur.* Itaque idem ille cum eodem tempore præcepta filio de officiis daret, de tributo ita scripsit: *Danda opera est, ne (quod apud majores nostros sepe fiebat) propter ararii tenuitatem, assiduamque bellorum tributum sit conferendum, idque ne eveniat multo ante erit providendum, si quia necessitas hujus muneris resp. eoverit, danda erit opera, ut omnes intelligant, si salvis esse velint, necessitati esse parendum.* Atque de tributis quidem satis hucusque sit disputatum.

Nunc, quod reliquum est, vectigalia persequamur. Quæ vero pecuniæ a civibus Roman. vectigalium nomine exigebantur, eæ vel portorii nomine, vel decumarum, & scripturæ, vel falis, vel vicefimaræ sunt exactæ.

Portoria pecuniæ erant, quæ portitoribus pendebantur, id est, iis, qui mercedes ex mercibus in portum devehendis exigebant. unde circumvectio nis quoque portorium celebratum est. Hæc autem portoria etiam a regibus fuisse exacta indicat Plutarchus, qui pauperes narrat a Publicola in primo consulatu civilibus vectigalibus; & Dionysius, qui scribit, tertio anno post reges exactos pauperes vectigalium omnium solvendorum, quæ regibus pendebant, & tributi in bellum conferendi esse onere liberatos. quod exponit Livius, iniquens, plebi portoria, & tributa esse remissa. Idem autem lib. XXXII. auctor est, Africanum, & Patum censores portoria venalium Capuæ, Puteolisque, item Caltorum portorium fruendum locasse. & Lepidum, ac Nobiliorem censores portoria, & vectigalia multa instituisse. Hæc tamen omnia Afranio deum, & Metello cos. id est, anno postquam Pompeius ingenti vi pecuniæ in ararium illata tertium ex Asia, & Ponto triumphavit, lege Q. Metelli Nepotis prætoris sublata esse opinor. siquidem Dionis hæc verba sunt: *Quoniam civitatem, & Italiam reliquam portoria offendeant, Q. Metellus Nepos prætor legem omnibus gratam tulit, ut ea tollerentur, Senatus autem Nepoti latiori iuratus nomen ejus lege eximere voluit, & alterum subscribere, nec tamen fecit, cum satis indicaret, se ne beneficio quidem a malis civibus affici velle.* Cui viro vix temere assentirem, nisi me excellens Ciceronis auctoritas cogeret, qui ad Atticum scribit: *Jam illa causa publicanorum quantam acerbiter affert sociis, intelleximus ex civibus, qui nuper in portoriis Italiæ tol-*

lendis non tam de portorio, quam de nonnullis injuriis portitorum querebantur. Itaque in eandem sententiam, alio loco: *Portorii Italiæ sublatis, agro Campano diviso, nullum vectigal superesse domesticum ait præter vicefimaræ.* Cæsarem postea peregrinarum mercium portoria instituisse Suetonius refert.

Decumæ autem exigebantur ab civibus Rom. vel Latini nominis sociis, qui in Italia aut extra Italiam publicum agrum arabant, cum eo ut frumenti decumas solverent. Scriptura vero erat vectigal, quod pendebatur ab iis, qui sylvis, & pascuis publicis fruebantur, ut in Italia sylva Scantia, & falicis ad Minturnas. Hæc vero vectigalia multis post modis aut omnino sublata sunt, aut aliqua certe ex parte imminuta. quod quemadmodum factum sit, narrat pluribus in primo Civium Appianus: nempe populum Romanum, quos agros bello, atque armis hostibus ademisset, eos fere, si culti essent, civibus divisisse; si inculti, Italicis hominibus: atque adeo etiam plebi Romanæ per censores fruendos locasse, ea tamen conditione, ut qui ararent, decimam frumenti, quintam ceterarum frugum persolverent. qui vero majora, aut minora pecora alerent, certum stipendium penderent. Cum autem evenisset, ut incredibili locupletum impudentia, atque libidine aratores antiquis puli possessionibus, quas divites aliis temporibus alias ementes continuarent, & populus Romanus vectigalibus annuis, & pauperes propriis alimentis essent spoliati, lex fuit necessaria, quam tulit C. Licinius Stolo tribunus plebis anno urbis CCCLXXVII. *Ne quis plus quingenta jugera agri, centum pecoris majoris capita, quingenta minoris possideret.* cujus legis Varro, Livius, atque omnes denique meminerunt. Quam legem cum negligi vulgo cum magno plebis Rom. detrimento postea Ti. Sempronius Gracchus tribunus plebis animadverteret, nova sibi muniendam lege duxit, P. Scævola, L. Pisonæ cos. anno DCXX. tulit enim primum, *Ne quis ex publico agro plus quingenta jugera possideret,* quod lege Licinia sanctum fuerat. deinde addidit illud, *Ut dimidium filii attribueretur, quod reliquum esset, id pauperibus, qui nihil haberent, divideretur.* Quod si quis agrum latius patefaceret, ut triumviri quotannis ad id creati judicarent, qua publicus ager, qua privatus esset. atque hæc eadem lex, credo, quod Tiberio occiso contemneretur, a fratre ejus C. Graccho post etiam in triumphatu defensa est. Quem cum pariter optimates commodis suis adversantem interfecissent, haud ita multo post legem parum plebis rationibus aptam intulerunt, quæ permissum est, ut ager a possessoribus, id quod Tiberii lex prohibuerat, venderetur. quo pacto rursus agri in divitum a pauperibus ementium potestatem redacti sunt. cui incommodo subvenire cupiens Sp. Thortius tribunus pleb. tulit. *Ne agri amplius dividerentur, sed possessores in iis relictis vectigalia pro iis penderent, eaque pecunia plebi divideretur.* Neque tamen hoc loco res stetit, sed longius lapsa libido est. Nam quod scribit Appianus, tribunus pleb. alius vectigal illud totum lege alia sustulit. quam legem Thortiam Cicero vocare videtur in Bruto, cum ita scribit: *Sp. Thortius satis valuit in populari genere dicendi, si qui agrum publicum vitiosa, & inutili lege, vectigali levavit.* Relinquerebatur adhuc in possessione populi Rom. ager Campanus, quem neque colonis distribui, neque a privatis locupletibus emi Gracchus fuerat passus. & hoc igitur etiam fructu, cum a Cæsare consule esset divisus, Respublica spoliata, atque nudata est. unde merito dixit Cicero, *Portorii Italiæ sublatis, agro Campano diviso, vectigal nullum superesse domesticum præter vicefimaræ.*

Dicit aliquis: quid de falis vectigali? sublatum iisdem Ciceronis verbis mihi jam pridem est persuasum.

sum. Salis autem meminit Livius libro secundo, cum ait, altero post reges exactos anno salis vendendi arbitrium, quia impenso precio venibat, in publicum omni sumptu ademptum privatis, id est, instituisse ut sal non a privatis venderetur, cum impenso precio veniret, sed minoris et publico acciperetur. bello autem Punico secundo vectigal novum a censoribus Nerone, & Salinatore institutum ex salaria annona scribit. Etenim cum sextante sal & Romæ, & per totam Italiam esset, Romæ eos precio eodem, pluris in foris & conciliabulis, & alio alibi precio præbendum locasse, ac precio salis tribus onerasse.

Neque vero cives Rom. portorium solum, quæ in Italia caperentur, immunes fuisse existimaverim, sed etiam eorum, quæ extra Italiam a sociis exigebantur. est enim formula fœderis cum Ambracien-sibus ista, cujus meminit Livius: *Ut Ambracien-ses portoria, quæ vellet, terra, marique caperent, dum eorum immunes Romani, ac socii nominis Latini essent.* ex quo idem in ceteris evenisse, consentaneum est.

Restat ergo vicesima, quam unam retentam esse, significat Cicero, credo, quod ea libertini tantum altringerentur. Est autem instituta anno urbis trecentesimo nonagesimo octavo, teste Livio, cujus hæc verba sunt: *Cn. Manlius consul legem novo exemplo ad Sutrium in castris tributum de vicesima eorum, qui manumittuntur, tulit. Patres, quia ea lege haud parvum vectigal inopi ærario additum esset, auctores fuerunt.*

Hæc autem vectigalia locabantur publicanis a censoribus exigenda. Unde Varro: *Lustrum nominatum tempus quinquennale a luendo, hoc est, solvendo, quod quinto quoque anno vectigalia per censores persolvebantur.* Quanta vero publicani pecuniæ summa vectigalia redemerant, tantam reip. repræsentare debebant. repræsentabant autem quæstoribus ærarii, penes quos tabulæ ærarii, atque adeo ærarium ipsum erat.

Cum ergo tributum ex ordine conferebatur a civibus, id in tribu conferebatur, & quoniam tributum quodammodo partes classes diximus, classium vero centurias, in classe etiam, & centuria. Unde Afconius de iis loquens, quos censores in ærarios notæ causa referebant, ait: *Censores ciyes sic notabant, ut qui plebeius esset, in Cæritum tabulas referretur, & ærarius fieret, ac per hoc non esset in albo centuriæ suæ, sed ad hoc esset civis, tantummodo ut pro capite suo tributum nomine æra penderet.* Nam ærarii etiam relictæ sunt a censoribus multi, tum cum populus conferendo tributo erat liberatus. si quidem P. Africanus censor Asellum ærarium reliquit, quem L. Mummius ex ærariis exemit. cum tamen tum propter ingentes ærarii copias nullum a civibus tributum penderetur.

C A P. XVII.

De jure suffragiorum.

SEQUITUR jus suffragii, in quo magnum momentum non Romanæ solum, sed omni etiam semper civitati positum fuit. quoniam autem suffragia nusquam, nisi in comitiis populus tulit; comitia vero a Romulo sunt instituta, propterea eundem Romulum suffragiorum auctorem jure optimo possumus nominare.

Comitia vero cæterus populi fuerunt, quem magistratus legitime convocasset, ut aliquid suffragio suo vel luteret, vel prohiberet. Eorum vero tria genera extiterunt. curiata, centuriata, & tributa. Curciata Romulus, centuriata Ser. Tullius, tributa tribuni pl. in temp. intulerunt. & curiata quidem di-

cta sunt, cum populus in curias; centuriata, cum in centurias; tributa, cum in tribus descriptis suffragium iniit. quæ autem curiæ, quæ centuriæ, quæ tribus fuerint, satis supra esse demonstratum existimo. Nunc autem illud tantum intelligi volo, quia civis nemo erat, qui non tribum, non curiam, non centuriam obtineret, neque civem fuisse quenquam, qui suffragii jure exclusus esset. quamquam alia in aliis comitiis civium ipsorum inter se potestas atque auctoritas esset. In curiatis enim et si omnes pariter advocati sunt, tamen prævalente pauperum multitudine, pauperum etiam opes excelluere. at vero in centuriatis contra. Quoniam enim ut maximo quique censu fuit, ita primus in suffragia missus est, eorumque plurimæ centuriæ fuerunt, propterea omnis centuriatorum auctoritas penes divites fuit. quorum octo, & nonaginta primæ classis centuriæ ita vocatæ sunt, ut, si quid variassent, reliquæ deinceps ex sequentibus classibus citarentur; si consensissent, non esset, cur aliæ introvocarentur, cum longe numero illis antecellerent. Tributa vero non vere comitia, sed plebis concilium dictum est. quod ad ea non universus populus vocaretur, sed plebs tantum, patriciis exemptis. unde illud est Livianum libro 11: *Insignem annum maxime tributa comitia efficiunt, res major victoria suscepti certaminis, quam usu, plus enim dignitatis comitiis ipsis detractum est, patribus ex concilio summovendis, quam virum; aut plebi additum, aut demptum patribus.* Ea præterea communis comitiorum omnium fuit ratio, ut qui plura puncta in singulis curiis, vel centuriis, vel tribubus tulisset, is eam curiam, vel centuriam, vel tribum tulisse judicaretur. quod autem a pluribus curiis, vel centuriis, vel tribubus esset scitum, id ab omnibus scitum existimaretur.

Curatiis porro comitiis reges omnes, & ceteri magistratus, ut quætores, tribuni plebis, ædilesque ejusdem generis primi creati, pariterque judicia de capite facta, & leges omnes usque ad Ser. Tullium regem sunt iustæ. postremis autem temporibus duæ tantum rogationes curiatis perlatæ, una de imperio, altera de adoptione. Ut enim curiæ, de quibus diximus, sic etiam comitia curiata diuturnitate temporis exolverunt. Centuriatis vero consules, decemviri, tribumque militum consulares, censores, & prætores designati. lexque de bello lata, & judicia perduellionis peracta sunt. Tributa primum usurpari coepit sunt A. Sempronio, M. Minucio cons. post Romam conditam an. CCLXIII. instituto Sp. Sicinii tribuni pleb. in judicio Coriolani, viri patricii, tum cum tribus una, & viginti erant. quibus comitiis damnatus ille exilii causa solum vertit. deinde Voleronis tribuni pleb. rogatione & tribuni ædileque plebis his comitiis declarari coepit, cum per aliquot ante annos curiati essent designati, atque inde magistratus minores, ut ædiles curules, quætores, III. viri capitales, nocturni, & monetales, & ejus generis reliqui. ac præter regem sacrorum omnes sacerdotes. quin etiam leges fere de pace, & civitate danda, latæ, judicique de multa perfecta sunt. Ut autem centuriata comitia non nisi a majoribus, sic tributa & a majoribus, & a minoribus magistratibus haberi licuit.

Si ergo, ex tribus comitiorum generibus curiata nisi primis temporibus observata non sunt, extremis autem auspicioium causa, ut inquit Cicero, paucas quasdam ad res adhibita sunt; sique tributa, & centuriata nisi citatis tribubus non sunt habita, profecto, qui tribum non habuit, is suffragio caruit. Ex hoc autem numero pueros, & senes sexagenarios, & ærarios excipio. pueros, quia consentaneum non videtur, qui ante XVII. annum in legione non meruerint, eos in tribu suffragium

pertulisse. sexagenarios autem, quia de iis ita proditum est a Varrone de vita populi Rom. teste Nonio: Cum in quintum gradum pervenerant, atque habebant sexaginta annos, tum denique erant a publicis negotiis liberi, atque expediti, & ociosi. ideo in proverbium quidam putant venisse: sexagenarios de ponte deijci oportere, id est, quod suffragium non ferant, quod per pontem ferebant. Idem autem ille quartum gradum ætatis fecit seniores usque ad annos LX. inde quintum, auctore Censorino, usque ad extremum ætatis senes. Festus autem hoc idem aliquanto apertius: Exploratissimum illud causæ est, quo tempore primum per pontem cæperunt comitiis suffragium ferre, juniores conclamaverunt, ut de ponte deicerentur sexagenarii, quia nullo publico munere fungerentur, ut ipsi potius sibi, quam illis deligerent imperium. cuius sententiæ est etiam Sinius Capito. Quo eodem alludens Cicero dixit pro Roscio Amerino: Habeo etiam dicere, quem contra morem majorum minorem annis LX. de ponte in Tiberim deiecerit. Quanquam autem alia etiam causæ affertur hujus moris, tamen hæc celebratio, ac vulgatio videtur, quam attingit quoque Ovidius in V. Fastorum, his verbis:

*Pars putat, ut ferrent juvenes suffragia soli,
Pontibus infirmos præcipitæ senes.*

Pontes autem in comitiis fuerunt ad tempus constructi, per quos populus suffragium laturus transiret. Accedit, quod Aristoteles pueros, & senes e numero removet germanorum civium: pueros, quod cives sint imperfecti; senes, quod effecti. Ætarios autem voco, qui a censoribus notæ causæ in ætariorum numerum erant relati. quibus, ut ait Africanus interpres, nullum munus erat relictum, nisi ut essent in albo centuriæ suæ tantummodo, ut tributum nomine eva penderent. quasi vero omnia alia jura civium Roman. præterquam tributum conferendi amississent.

Hoc autem suffragiorum jus imminuit aliquantum Cæsar dictaturam perpetuam consequutus. Ille enim (ut inquit Suetonius) comitia cum populo paritæ est, ut exceptis consulatus competitoribus de cetero numero candidatorum, pro parte dimidia, quos populus vellet, pronunciarentur; pro altera parte, quos ipse dedisset. & eadeb per libellos circum tribus missos scriptura brevis: Cæsar dictator illi tribuit. Commendo vobis illum, & illum, ut vestro suffragio suam dignitatem teneant. D. autem Augustus comitiorum pristinum jus restituit, ac multiplici pœna coercito ambitu Fabianis, & Scaptienibus tribulibus suis dei comitiorum, ne quid a quopiam candidato desiderarent, singula millia numerum dividebat.

CAP. XVIII.

De Jure Honorum.

TANDEM aliquando pervenimus ad id, quo uno optimum ipsum jus civitatis expletur. Hoc est autem, ut ab initio diximus, jus honorum, quod qui in urbe, agrove Rom. habuit, is quam plenissimum jus civitatis obtinuit. Itaque scite, ut omnia, Aristoteles, qui verum, ac germanum civem honorum adipiscendorum, ut dixi, potestate circumscripsit. Honores autem voco curationes omnes publicas civium suffragio, aut studio alteri civi delatas. quorum duo genera sunt; unum, quod in rebus divinis cernitur; alterum, quod in humanis. eo sacerdotia continentur; hoc magistratus, & imperia. Neque enim hæc decora, atque insignia dignitatis quicquam, nisi civis Rom. assequi potuit, usque adeo, ut qui furtim hoc essent adepti, ii re comperta honorum gradum cum toto civitatis ho-

nore Papia lege amiserint. id quod M. Perpernae contigisse notavit his verbis Valerius: Non parvus consulatus rubor M. Perperna, utpote, qui consul antequam civis, cum interim cujus vitæ triumphavit, mors Papia lege damnata est. Namque patrem ejus nihil ad se pertinentia civis Rom. jura complexum, Sabelli judicio petiit, redire in pristinas sedes cogerunt. Ita M. Perpernae nomen adumbratum, falsus consulatus, caliginis simile imperium, aliena in urbe improbe peregrinatus est. Quibus ex verbis satis liquet, Romæ honores nili civibus Rom. non pautuisse, & qui civitate privati erant, eosdem honorum etiam insignia perdidisse.

CAP. XIX.

De Sacerdotiis.

QUONIAM autem multa honorum genera proposuimus, relinquatur, ut quid ipsa inter se differant, ac quid singula sint, differamus. primum autem de sacerdotiis agamus. Sacerdotia omnes curationes vocamus eorum, qui res sacras, & divinas tractarent. Hos vero aut singulis diis operatos esse invenimus, aut singulas eorum res curasse, aut promiscue omnium deorum, & omnium cæremoniæ colendarum rationem tenuisse. Singulorum deorum sacra curarunt Luperici, qui Panis: Potitii, qui Herculis; Sodales Titii, qui Sabinorum deorum; Salii, qui Martis; Flamines, qui sigillatim Jovis, Martis, & Quirini; Vestales virginæ, quæ Vestæ sacra peregerunt, & pro populo sacrificium fecerunt. Singulis de rebus, ut Fratres Arvales, qui pro arborum frugibus; Curiones, qui pro curiis sacrificarunt; Augures, qui auspicio; Aruspices, qui extorum; Fetiales, qui belli, & pacis disciplinam tenuerunt; Duumviri Sibyllini, qui sacra librorum Sibyllinorum: Rex sacrificulus, qui sacra regia; Epulones, qui ludorum epulare sacrificium adornarunt. Quo factum est, ut Pontifices soli sacra omnia promiscue commendata haberint. Quod indicat Cicero in legibus, cum ita fert: Divisique alii alii sacerdotes, omnibus pontifices, singulis flamines sumo. & idem in exordio orationis pro domo sua ad pontifices, cum inquit: Cum multa divinitus Pontifices a majoribus nostris inventa, atque instituta sunt, tum nihil præclarior, quam quod vos eosdem & religionibus deorum immortalium, & summa reip. præesse voluerunt, ut amplissimi & clarissimi cives reip. bene gerendo, pontifices religionem sapienter interpretando reip. conservarent. Quod si ullo tempore magna causæ in sacerdotum populi Rom. judicio, ac potestate versata est, hæc profecto tanta est, ut omnis reip. dignitas, omnium civium salus, vita, libertas, ære, foci, dii penates, bona, fortune, domicilia vestræ sapientiæ, fidei, potestatique commissa & credita esse videantur. & paulo post ita Lentulum pontificem alloquitur: Te appello, Lentule, tui sacerdotii sunt ius, curricula, præcentio, ludi, libationes, epulæque deorum. Vosque pontifices, ad quos epulones Jovis optimi maximi, si quid est prætermisissum, aut commissum adferunt, quorum de sententia illa eadem revocata, atque instaurata celebrantur, qui sunt ludi minus diligenter facti? quanto, aut quo scelere polluti? respondebis & pro te, & pro collegiis tuis, & pro collegio pontificum; nihil cuiusquam aut negligentia contemptum, aut scelere esse pollutum. Dionysius quoque pontifices ait de omnibus causis ad sacra pertinentibus judicasse, novæque leges de sacris arbitrari suo condidisse, ac sacerdotes omnes, penes quos cæremoniæ fuerint, examinasse, & palam de religione, ac cultu deorum respondisse, adeo ut perinde ac sacri juris interpre-

tes, atque doctores extiterint. Itaque Livius de pontificis maximi jure merito ita disseruit: Pontifici Numa sacra omnia exscripta exsignataque attribuit, quibus hostiis, quibus diebus, ad quæ templa sacra fierent, atque unde in eos sumptus pecunia erogaretur. cetera quoque omnia publica privataque sacra pontificis scitis subiecit, ut esset, quo consultum plebi veniret. ne quid divini iuris, negligendo patrios ritus, peregrinosque asciscendo, turbaretur. nec cælestes modo ceremonias, sed iusta quoque funebria, placandosque manes ut idem pontifex edoceret. Ex his autem sacerdotibus antiquissimi fuerunt Luperi, itemque Potitii, jam inde ab Evandro ipso ante Æneam in Italiam adventum instituti. proximi ab his Fratres Arvales xxi. & tres Augures, totidemque Aruspices, & Curiones triginta a Romulo omnes illarii. Sodales enim Titios T. Tatiis Sabinorum rex Romuli socius dedit. Flamines tres, Diales, Martialem, & Quirinalern, & Vestales virgines quatuor cum Vestali maxima, Salios Palatinos xii. Feciales xx. cum patre patrato, Pontifices quatuor cum pontifice maximo Numa creavit. II. viros Sibyllinos Superbus rex, Regem sacrorum anno post exactos reges L. Brutus consul, III. viros epulones anno DLVIII. L. Purpureone, M. Marcello coss. T. Romilius tribunus pl. Ex his autem augurum, flaminum, pontificum, vestalium, III. virum, & epulonum numerus procedente tempore auctus est. augures enim novem lege Ogulnia, teste lib. x. Livio, creati cepti sunt anno CCCCLIV. Q. Panfa, M. Corvo coss. Ad tres Flamines adjecti sunt XIII. Volcanalis, Volturnal, Palatualis, Furinalis, Floralis, Falacer, Carmentalis, Portumnalis, Virbialis, Laurentialis, Lavinalis, Pomonalis. Vestalibus additæ duæ a Tarquinio Prisco, ut essent sex cum virgine Vestali maxima. Pontificum quatuor, ut essent octo cum pontifice maximo, eadem lege, qua augurum, numerus auctus est. post autem a Sulla dictatore, Livio in epitomis auctore, quindecim effecti. Duumviri sacrorum, anno urbis CCCCLXXXVIII. lege Sextia Licinia decem; Postremo, ut puto, Sullana quindecim redditi, quo modo epulones etiam a tribus ad septem ascenderunt.

Illud porro sacerdotum omnium proprium fuit, ut nec imperium, nec potestatem haberent, ut perpetui essent, ut tam ex plebeis, quam ex patriciis fierent, & ut a collegio cooptarentur. Potestate & imperio vacuos fuisse ostendit Livius lib. quarto, apud quem patricii conqueruntur, pontifices, auguresque plebi communicari, & grave putant esse, si salii flaminesque nusquam alio quam ad sacrificandum pro populo sine imperiis, ac potestatibus relinquantur. Perpetuitatem eorum indicat, quod sacerdos non nisi in demortui, aut abeuntis sacerdotis locum sufficiebatur. Quin etiam Fratrum Arvalium sacerdotum exules, captivosque esse comitarum lib. XVIII. prodit Plinius. Nam omnes quidem tam ex plebeis, quam patriciis creatos esse satis constat, præter regem sacrorum, & Flamines majores tres, & Salios Palatinos; quos memoria significat Cicero in oratione pro domo, cum ait: Itaque populus Rom. brevi tempore neque regem sacrorum, neque flamines, nec salios habebit, nec ex parte dimidia reliquos sacerdotes. nimirum si pro libidine omnibus licebit patriciis ad plebem transire. Pontifex autem maximus, & rex sacrificulus, & flamines a populo etiam creati, pontifex quidem tribuitis comitiis, rex centuriatis, flamines curiatis, tum cum reliqui sacerdotes a collegiis cooptarentur. quos omnes postea Cn. Domitius ad comitia populi tributa transfudit anno DCLI. Mario, & Oreste coss. quam legem post a Sylla sublatam, & iterum a T. Labieno tribuno plebis, Cicerone consule, relatum ite-

rum M. Antonius consul post Cæsaris dictatoris necem abrogavit. qua insequentis anno una cum ceteris Antonianis legibus S. C. sublata, res rursus ad populi comitia rediit.

C A P. XX.

De magistratibus.

HACTENUS de sacerdotiis, nunc de magistratibus. Voco autem magistratus potestates omnes eorum, qui res humanas, quæ quidem ad rempublicam pertinerent, publica auctoritate curarunt. Horum autem quatuor, ut video, iura fuerunt; unum positum in imperando, alterum in iure dicendo, tertium in referendo, quartum in auspiciando. Imperium tribus in rebus positum fuit, in edicendo, in vocando, in prehendendo. Edictorum porro duo genera fuerunt, unum, quo jurisdictionis suæ formulam initio magistratus proponebant; alterum, quo pro magistratus auctoritate, ut res tulisset, quæ visa essent, imperabant. Qui vocationem porro habuerunt, ii etiam ius prehensionis consecuti sunt, atque licitoribus, & viatoribus, & servis publicis uii sunt; qui prehensionem tantum, ii viatorem tantum cum servo publico adhibuerunt; qui neutrum, ii servis publicis duntaxat stipati sunt. Jurisdictio vero duas habuit partes, unam decretum, alteram iudicii dationem. Nam cum jus dicere nihil esset aliud, quam jus, quod in legibus, aut in edictis contineretur, ei, qui poposcisset, reddere, profecto tum jus reddebant, cum aut ipsi re sine consilio cognita decernebant, aut iudices, qui rem cognoscerent, dabant, atque eis iudicandi formulam prescribebant. Ac quæ quidem de edictis, & jurisdictione dixi, facile Ciceronis auctoritate confirmantur; qui scribit in secundo de finibus: Quid mereri velis jam, cum magistratum inieris, & in concionem ascenderis? (est enim tibi edicendum, quæ sis observaturus in iure dicendo.) quid merearis igitur, ut te dicas in eo magistratu omnia voluptatis causa facturum esse? & alibi de Antonio consule: Cum tot edicta proposuisset, edixit, ut adesset senatus frequens ante diem VIII. Kal. Decembris. eo die ipse non affuit. at quo modo edixit? hec sunt, opinor, verba in extremo: Si quis non affuerit, hunc omnes existimare poterunt & interitus mei, & perditissimorum consiliorum auctorem fuisse. De decretis autem interponendis, & iudicio dando docet idem, dum de Verre prætor urbano loquitur: An dubitabit quisquam, quin is venalem in Sicilia jurisdictionem habuerit, qui Rome totum edictum, atque omnia decreta vendiderit, & quin ab Sicilia ob decreta interponenda pecuniam acceperit, M. Octavius ob jus dicendum poposcerit. Item: Domo erat plena, nova jura, nova decreta, nova iudicia petebantur. mibi det possessionem, mibi ne adimat, in me iudicium ne det, mibi bona addicat. Quæ vero de prehensione, & vocatione dixi, ea ex Varronis sententia dixi; qui apud Gellium ita scribit: In magistratu habent alii vocationem, alii prehensionem, alii neutrum. vocationem ut consules, & ceteri, qui habent imperium; prehensionem, ut tribuni plebis & alii qui habent viatorem; neque vocationem, neque prehensionem, ut questores, & ceteri, qui neque licitorem habent, neque viatorem. qui vocationem habent, iidem prehendere, tenere, abducere possunt, & hæc omnia si adiunt, quos vocant, sive accersi jussissent. Tribuni plebis vocationem habent nullam, quod, ut ibi inquit Gellius, antiquitus creati videntur non juri dicendo, nec causis querelisque de absentibus noscendis, sed intercessionibus faciendis, quibus præsentibus fuissent, ut injuria, quæ coram fieret, arceretur, ac propterea jus ad se vocandi adem-

ptum, quoniam, ut vim fieri viderent, assidue eorum, & presentium oculis opus erat. item alio loco ex eodem Varone: Qui potestatem neque vocationis populi viritum habent, neque prebensionis, eos magistratus a privato in jus quoque vocari est potestas. M. Levinus ædilis curulis a privato ad prætorem in jus est eductus. Nunc stipati servis publicis non modo prebendi non possunt, sed etiam ultro summovent populum. Ut autem duo publica consilia fuerunt, senatus, ac populus, sic jus referendi, quod tertium magistratibus addidi, duplex fuit, alterum ad senatum, ad populum alterum. Neque enim ad senatum cuiquam referre præter magistratum de republica licuit; neque ad populum, aut cum populo egit quicquam, nisi aut magistratus, aut a magistratu productus egit autem ad populum qui verba de rep. fecit ad populum; egit cum populo, qui populum in suffragium ire iussit. id quod aut multa poenave iroganda, aut legibus, magistratibus rogandis consecuti sunt. Quod vero extremo loco scripti, magistratus jus in auspiciando quoque versatum esse, id auctore Cicerone scripti, qui in legibus ita fert: Magistratus omnes iudicium, & auspicium habent. Quod dictum neque de omnibus magistratibus, neque de omnibus auspiciis puto, verum de magistratibus urbanis, & de observatione de cælo duntaxat. Duo enim præter cætera maxime usurpata auspicia sunt, unum in urbe, & a magistratibus urbanis, alterum militiæ, & a magistratibus militariis, ut a consulibus, aut prætoribus, aut provinciis, aut bella administrantibus. In urbe, & ab urbanis magistratibus omnibus de cælo servatum est, foris tripodum pullorum adhibuit. Observatio vero de cælo ad comitia sive impedienda, sive vitanda pertinuit. atque hanc Cicero intellexit, cum omnibus magistratibus auspicium patere dixit. Siquidem legem suam interpretans addit, Ut multos inuitiles comitiatus probabiles impediant more. Sæpe enim populi impetum iniustum auspiciis dii immortales represserunt. Quod ipsum etiam declaravit Varro, ut est apud Nonium; *Eo die cui Tiberim redeundum est, quod de cælo auspiciari jus tibi nemini præter magistratum.* Observatione autem de cælo infirmata comitia esse, apparet ex edicto solemnium, cuius meminit Gellius. quo in comitiis centuriatis habendis consules cavebant, Ne magistratus ullus minor de cælo servasse vellet, quod etiam minores magistratus auspicium haberent, id est, inutilia comitia obnunciando impedire possent. Hanc autem auspiciorum potestatem tribunis pl. etiam concessam, M. Horatio, P. Valerio consulibus, anno urbis trecentesimo quarto, Zonaras scribit. *Quin etiam tribunis pl. inquit, in comitiis auspiciorum usum concesserunt. id quod eis verbo quidem bonorem ac dignitatem attulit (id enim jus patriciis antiquius fuit.) re autem vera impedimento fuit, ne facile tribuni plebis & plebs ipsa, quæcunque vellet, ageret, sed per causam auspiciorum aliquando impedirentur.* Servare autem de cælo erat non solum inspicere, si quid signi e cælo appareret, quod actionem impediret, sed etiam nunciare, quod magistratibus, & auguribus licuit. Quanquam augures nunctionem tantum habuerunt; magistratus & speculationem, & nunctionem. quod Cicero docet cum in Antonium agit. Nam cum Antonius augur, & consul dixisset, eo se sacerdotio præditum esse, ut comitia auspiciis vel impedire, vel vitare posset, idque se facturum asseverasset, respondit Cicero: *Incredibilem hominis stupiditatem cognoscite. quid enim? istuc, quod te sacerdotii iure facere posses dixisti, si augur non esses, & consul esses, minus facere potuisses? vide ne etiam facilius. nos enim augures nunctionem solum habemus; consules, & reliqui magistratus etiam speculationem.* Tripudium vero, id est, ex pullorum palu auspicium, ad res gerendas accommodatum est. eique consules, prætores,

dictatoresque paruerunt, qui foris rem gesserunt. meminit autem huius Cicero in primo de divinatione: *Nostri magistratus auspiciis utuntur coactis. necesse est enim offensa obiecta cadere frustum ex pulli ore, cum pascitur.* Sed de hoc post ea in libris de provinciis pluribus.

Magistratus autem varii in remp. hoc pacto illati sunt. primum cum resp. in potestate regum fuit, omnia regum arbitrio administrata sunt. penes enim eos summum jus vitæ, necisque, & omne gerendi belli imperium fuit. penes eosdem universa jurisdictio fuit. siquidem, quod est in annalibus Dionysii, Romulus rex alia iudicavit, alia aliorum iudicio permisit. Neque vero alius regibus magistratus fuit, quam Tribunus Celerum, qui rem militarem cum eo curaret; & quod multis placuit, etiam Quæstores, qui publicam pecuniam tractarent. ubi vero urbe abfuturus rex erat, Præfectus urbi cum potestate relinqui, & rege mortuo, interreges prodi soliti sunt, qui remp. interea dum rex alius crearetur, gubernarent. Exactis autem regibus Consules duo creati sunt in omnibus rebus pari cum regibus potestate, atque imperio, præterquam quod illi perpetui, hi annui, ille unus, hi duo erant; neque enim solum, quod in promptu est, bella gesserunt, sed etiam jus dixerunt. Itaque cum nimium eorum imperium videretur, multis modis undique diminutum est. primum enim lex de provocatione lata, qua a consulibus ad populum provocatio data est, cautumque, ne in caput civis Rom. consul animadvertere posset. deinde post annum xvi. Tribuni pl. creati multum de imperio consulum detraxerunt. siquidem ad plebem a consularibus injuriis prohibendam, & ad intercessionem faciendas, & consulum dissolvendum imperium instituti sunt. Eodemque anno creati Ædiles plebis ad ædes sacras, in quibus plebs servarentur, teste Pomponio, tuendas, unde etiam ædiles vocati sunt; aliquantum etiam de auctoritate consulum dimiuerunt. cum senatus mandavit, ut quod extat in tertio libro apud Livium, *senatus-consulta ad ædem Cereis ad ædiles plebis deferrentur, quæ ante pro arbitrio consulum suppresserentur.* Anno inde ab urbe condita cccx. cum consules perpetuis bellorum curis impediti censum in civitate peragere nequirent, Censores duo, qui quinto quoque anno censum, lustrumque facerent, instituti eam quoque curationis publicæ partem consulibus ademerunt. Quod idem post annos etiam octoginta Prætor, & Ædiles curules creati fecerunt. Prætor enim ad jus in urbe dicendum, cui rei vacare jam consules propter bellicas curas non poterant, est creatus. Ædiles vero ludorum Rom. curationem, quam primum reges, post consules habuerunt, ædiles autem plebis recusabant, susceperunt. quo facto, inde urbis, annonæ, aliarumque etiam sibi rerum curationem, & cognitionem vindicarunt. Et quoniam intellexerunt, tempora sæpe incidere, quibus opus esset reip. magistratu, qui summum imperii jus haberet, quale reges habuerant, instituerunt etiam, ut dubiis in rebus reip. Dictator diceretur, isque sibi Magistrum equitum diceret, qui dictatori esset idem, qui fuerat tribunus Celerum Regi. primum autem seditionis sedandæ, & rei gerendæ causa creatus est anno post reges exactos live sexto, sive, (non enim satis inter scriptores convenit) nono. Reliquos autem, qui regum tempore erant, magistratus tenuerunt, ut Quæstores, & Præfectum urbi, quem maxime, dum consules in monte Albano feriis Latinis operam darent, creare, ut cum nulli essent consules, aut alii patricii magistratus, Interreges prodere soliti sunt. Succrescentibus autem negotiis post minores alii magistratus etiam multi creati, ut Triumviri Nocturni, Monetales, Agrarii, Capitales, qui res diversas pro usu reip. curarent, & de iis jus dicerent. Quin etiam provinciis partis, atque

earum imperio constituto provinciales magistratus aliquot instituti sunt, prætores, & quæstores. quibus cum provinciam jurisdictionem, tum rei bellicæ administrationem commiserunt. Hi vero omnes aut proditi sunt, ut interrex a patriciis: aut dicti, ut dictator ab interrege, aut ab altero consule; & magister equitum a dictatore: aut creati, ut reliqui omnes a populo. Atque hæc quidem de magistratibus, quod ad hunc locum pertinere mihi visum est, hæcenus.

CAP. XXI.

De imperiis.

NUNC dicendum est de imperiis. est enim hoc ex propolis honorum generibus tertium. Imperium autem non iam majorem quandam prehendiendi, & coercendi potestatem, sed exercitum habendi, & belli gerendi facultatem appello, quo modo intellexit in Antonium Cicero, cum dixit: *Demus imperium Cæsari sine quo res militaris administrari, exercitus teneri, bellum geri non potest.* Quod ipsum quantum ab illo differat, inde intelligi potest, quod imperium illud in urbe, hoc nisi extra urbem non habetur, & magistratus quidem, qui illud habet, nullo alio honoris titulo, nisi, qui magistratus nomine continetur, ornatus est; hoc qui adeptus est, idem præterea Imperatoris quoque nomen usurpat. & illud quidem cum magistratu ipso mandatur, (est enim jus ipsum magistratus.) hoc alia ratione, atque aliis comitiis, quam ipse magistratus, deferatur. Quod autem dixi, imperium hoc bellicum non nisi extra urbem habitum esse, duo argumenta sunt: primum quod nec consules hoc juris habuerunt, nisi nobili illo senatusconsulto armati, quo decerni solebat: *viderent ne quid detrimenti respublica caperet.* de quo sic scribit Sallustius in Conjuratone: *Itaque quod plerumque in atroci negotio solet, senatus decrevit, darent operam consules, ne quid respublica detrimenti caperet.* Et potestas per senatum more Romano magistratui maxima permittitur, exercitum parare, bellum gerere, coercere modis omnibus socios, atque ci-
ves; domi, militæque summum imperium, ac iudicium summum habere. aliter sine populi jussu nullius earum rerum consuli jus est. deinde, quod neque triumphaturi in urbem triumphantes cum exercitu inire, nisi lata de eorum imperio lege potuerunt; ut Livius innuit, cum scripsit: *Tribuni plebis ex auctoritate senatus ad populum tulerunt, ut M. Marcello, quo die urbem occans iniret, imperium esset.* Quæ vero sequuntur, illam habent sententiam: Cum imperium unum civile esset, alterum militare; qui civile habebat, si consulare erat, consul, si prætorium, prætor, si dictatorium, dictator vocabatur, at si militare erat, præter illa etiam imperator, id est, dux belli auspiciis suis administrandi. Quin etiam consulare, prætoriumque imperium tum mandabatur, cum aliquis consul, prætorque a populo comitiis centuriatis creabatur. eademque ratione dictatorium imperium tum transmittebatur, cum aliquis a consule, aut ab interrege dictator dicebatur. & imperium militare omnibus his tum demum tribuebatur, cum eis curiata lex de imperio ferebatur. Indicat utriusque actionis formula. Etenim cum privati consules, aut prætores fiebant, populus centuriatim vocatus ita rogabatur: *Quos vultis consules fieri?* centuriæ vero respondebant aut voce, aut tabella, hunc, aut illum ex iis, qui se petere professi erant. cum autem magistratus imperator legebatur, populus curiatim vocatus sic rogabatur: *Vultis, jubetis ne, ut*

hic consul, aut prætor, aut dictator imperium in hac, aut illa provincia habeat? Curia respondabant: *Volimus, uti rogas.* Itaque Papirius dictator (ut inquit Livius libro IX.) ad bellum profecturus legem curiatam sibi de imperio tulit. cum autem privatus imperator declarabatur, populus tributim convocatus ita rogabatur: *Vultis, jubetis ne, ut hic privatus in hac, aut illa provincia imperium habeat, aut ibi proconsule, aut propretore rem gerat?* Tribus responderunt, *Volimus, uti rogas.* Itaque ille lege curiata, hic plebiscito imperium habuisse: magistratus autem non lege, sed comitiis centuriatis honorem adeptus esse dictus est. Lege enim delatum imperium tum dicebatur, cum nominatim alicui erat commissum. sic enim dixit Festus: *Cum imperio esse dicitur, cui nominatim est a populo mandatum imperium.* Jam vero consul, prætor, dictator cum magistratus quique suos inierunt, ii certo, ac solemini die, in Capitolio, sacrificio, facto, votisque publice nuncupatis, ac prætexta, & lictoribus sumptis id fecerunt. imperator vero cum imperium inivit, alio, atque alio, ut res tulit, die, in Capitolio, alio sacrificio facto, aliisque votis nuncupatis, & paludamento accepto, & lictoribus paludatis alcitis id fecit; atque illi quidem in urbe manserunt, hic statim ex urbe egressus est. Accedit, quod magistratus iisdem comitiis, nempe centuriatis est continuatus; imperium vero tributis, ac plebiscito est prorogatum. Livius libro VIII. *Actum cum tribus plebis est, ad populum ferrent, ut cum Pbilo consulatu abiisset, proconsule rem gereret.* Quoniam vero comitia curiata ad multas res adhiberi solita ad extremum in uno præcipue militari mandando imperio sunt retenta, factum est, ut Livius *comitia curiata rem militarem continere* dixerit, & Dio *legem curiatam legem militarem* vocarit, & Cicero *consules sine lege curiata rem militarem attingere posse*, negarit. causa vero est, quod quæ fiebant curiatis comitiis, auspiciato fiebant, quæ tributis, inauspicato. Itaque proconsules, & prætores, qui ex privatis provincias, & bella plebiscito obtinebant, carere auspiciis Cicero intellexit, in secundo de Divinatione, cum dixit: *Quam multi anni sunt, cum bella a prætoribus, & proconsulibus administrantur, qui auspicia non habent?* itaque nec annes transeunt auspiciato, nec tripudia auspiciantur.

Ne vero nos fallant varia, quæ in hoc genere comitia usurpantur, intelligendum est, aliud esse, jubere bellum, aliud imperatorem ad bellum deligere; sive alicui imperium belli gerendi causa committere. Bellum enim jubebatur comitiis tantum centuriatis; imperator, vel lege curiata declarabatur, si magistratus erat, vel plebiscito plerumque, si privatus. De bello jubendo Livius libro quarto: *Controversia fuit, utrum populi jussu indiceretur bellum, an satis esset, senatusconsulto. Pervicere tribuni denunciando, se impedituros delectum, ut Quintius de bello ad populum ferret. omnes centuriæ jussere.* & alibi: *Rogatio de bello Macedonico primis comitiis ab omnibus ferme centuriis antiquata est.* De imperatore deligendo, atque una de tota hac militaris imperii ratione post pluribus in libro de magistratibus, & imperatoribus differam. Cui scribendo occasionem attulit Nicolaus Gruchius; qui imperium militare cum imperio consulari, prætorio, dictatorioque consulum esse, ac legis hujus curiatae longe aliam vim esse putavit. nosque ab illo dissentientes ferre non potuit, ac duobus scriptis super hac re commentariis honestum ad certamen laudis, atque ingenii provocavit. Ac quis quidem civis Romanus fuerit, ac quibus in rebus jus ejus confiteretur, satis a nobis hæcenus quæsitum, & disputatum sit.

CAROLI SIGONII
DE
ANTIQUO JURE CIVIUM
ROMANORUM.
LIBER SECUNDUS.

C A P. I.

De ordinibus civium Romanorum.



UPERIORE libro civis Roma-
ni definitionem, quam initio
propofueram, ita confirmavi,
ut nihil fere, quod ad fum-
mum eorum jus illuftrandum
valeret, omiferim. hoc libro
tres eorum divisiones, unde
magna eorundem inter fe dif-
finitudo perfpici poffit, ex-
pediam. Earum vero unam

civitatís ordines intulerunt, alteram magistratuum
imagines, tertiam reipub. factiones. ita enim divi-
fi funt in ordines, ut omnes aliquem ex tribus ob-
tinuerint, aut fenatorium, aut equeſtrem, aut ple-
bis; ita imagines habuerunt, ut aut nobiles fuerint,
aut novi; ita factiones coluerunt, ut aut optimates
habiti ſint, aut populares: quæ divisiones non ſo-
lum univerſam civitatem amplexæ funt, ſed etiam
pro viribus nerviſque ſuis omnes prope feditiones,
quibus reſpublica laboravit, excitarunt: omneſque
publici ſtatus, communisq. vitæ perturbationes ſe-
cum traxerunt: ac demum rempublicam ipſam
florentiſſimam in perpetuum perdiderunt. Quod ita
plane, ac diſſerte offendam, ut re perſpecta plane
fit futurus nemo, qui dubitet.

Dicamus autem primum de ordinibus, & vetera
eorum, ut cœpiamus, jura literis perſequamur. Hos
tres fuiſſe, ſenatores, equites Romanos, & plebem
fatís conſtat. Teſtes enim ſunt omnes, ſed maxi-
me, ut ab antiquioribus ordinar, Cicero in oratione
in toga candida in Catilinam, cum inquit: *A quibus*
conſulatum petis? a ſenatoribus, qui te auctori-
tate ſua ſpoliatum ornamentis omnibus, vincitum pene
Africanis oratoribus tradiderunt? ab equeſtri ordi-
ne, quem trucidaviſti? a plebe, cui ſpectaculum ejus-
modi tua crudelitas præbuit, ut nemo ſine luctu a-
ſpicere, ſine gemitu recordari poſſet? & in oratione
pro domo: *Senatus decrevit, ut omnes, qui remp.*
ſalvæ eſſe vellent, ad me unum defendendum ve-
nirent: proximus eſt huic dignitate ordo equeſter,
omnes omnium publicanorum ſocietates de meo con-
ſulatu ampliffima decreta fecerunt, nullum eſt in hac
urbe collegium, nulli pagani, aut montani, (quo-
niam plebi quoque urbane majores noſtri conventicu-
la, & quaſi conſilia quædam eſſe voluerunt,) qui
non ampliffime de mea ſalute decreverint. & Livius
bello Punico: *Conſenſum ſenatus equeſter ordo eſt*
ſequutus, equeſtris ordinis plebi. & Valerius de fi-
ducia ſui: *Scipio ſenatum totum, & univerſum eque-*
ſtrem ordinem, & cunctam plebem comitem habuit.
& Paterculus lib. i. *Tum ſenatus, atque equeſtris or-*
dinis pari melior, & intacta pernicioſiſ conſilii plebi
in Græcchum irruere. Quid de Appiano dicam, qui
lib. i. equites inter ſenatum, & plebem interjectos
prodidit: aut de Aufonio, qui cecinit? *Martia Ro-*
ma triplex equitatu, plebe, ſenatu. aut de Plinio,

Alqui ſcripſit, annulos plane medium ordinem, ter-
tiumque plebi, & patribus inferuiſſe?

Horum autem trium ordinum cum ſummus ſe-
natorius fuerit, infimus plebs, medius equeſter, fa-
ctum eſt, ut quem ex ampliffimo ordine eſſe ſigni-
ficare vellent, eum ſenatorem, ſive ſenatorii ordi-
nis; quem e medio, equitem Romanum, ſive eque-
ſtris ordinis; quem ex infimo, e plebe hominem
ſive plebecium appellarent. ſic enim Cicero, qui in
Cluentiana dixit, *M. Bebrum ſenatorem, & L.*
Plætorium ſenatorem. & Alconius, qui in Milo-
niana: *Sex. Tedium ſenatorem, C. Vibienum ſena-*
tozem. & item in Bruto Cicero: *equitem Roma-*
num, C. Titium. & in Verrem: *C. Muſtium eque-*
tem Romanum. & iterum in Bruto: *noſtris ordinis*
Q. Sertorium, equeſtris C. Gorgonium. eademque ra-
tione pro Cluentio: *ſenatorii ordinis Fidiculanum.*
& pro Milone: *Eques Romanus unus, duo de plebe*
novi homines. & in Verrem: *P. Junii erat hominis*
de plebe Romana filius. & Suetonius in Claudio:
E plebe homo juxta cubiculum ejus cum pugione de-
prehenſus eſt, reperti & equeſtris ordinis duo. & in
Nerone: *Adoleſcentes equeſtris ordinis, & quinque*
millia e plebe. Poſtremo Alconius: *Senator a cen-*
ſore ſenatu movetur, eques Rom. equo ſpoliatur,
plebeius in ærarios reſertur.

Præterea vero, quorum majores ſenatores fue-
runt, ii ſenatorio; quorum equites, equeſtri loco,
atque familia orti dicebantur. Itaque & Cicero in
defenſione Murenæ, patrem Ser. Sulpicii, & in pri-
ma agraria, ſe conſulem equeſtri loco ortum pro-
fiteatur. & Suetonius, *Auguſtum ſe nihil amplius,*
quam equeſtri familia, in qua & primus ſenator pa-
ter ſuus fuerit, tradidiſſe ait. & Tacitus lib. v. *Vi-*
nicium patre, atque avo conſularibus, cetera eque-
ſtri familia fuiſſe prodiit; & in Verrem quarta Ci-
cero: *Lex ab homine non noſtri generis, non ex eque-*
ſtri loco, ſed nobiliſſimo promulgata.

Quando igitur tantum hi ordines auctoritatis ade-
pti ſunt, ut diverſas inter ſe familias reddiderint,
ſane videndum eſt, a quo, & quemadmodum ini-
tia, & incrementa acceperint, quid ad remp.
ponderis, quid ad civitatem Romanam momenti attu-
lerint. quæramus autem primum de ſenatoribus.

C A P. II.

De Senatoribus.

ORDINUM varietatem intuliſſe Romulus vide-
tur. idem enim ſenatum, idem equites inti-
tuit. ex quo intelligi poteſt, qui neque ſena-
tores, neque equites eſſent, eos ab eodem in tertio
plebis ordine relictos fuiſſe. Senatores autem no-
minavit, quos ad conſultationes de rep. advocavit.

quod senes fere, & majores natu acciverit, ad quos de summa reip. referret, atque ex eorum auctoritate omnia ageret, quæ publice sibi fuscipienda existimaret. Eisdem autem etiam patres appellavit, nempe a curæ similitudine, ut scripsit in Catilinæ conjuratione Sallustius: *Delecti*, inquit, *quibus corpus annis infirmum, ingenium sapientia validum erat, reipub. consultabant. hivel ætate, vel curæ similitudine patres appellabantur.* unde procedentibus temporibus patres conscripti nuncupati, qui in novum senatum erant lecti. quanvis postremo usus obtinuerit, ut omnes senatores uno patrum conscriptorum nomine vocarentur.

Senatorum vero lectio fuit varia. nam penes & reges, & consules, & censores legendi senatus aliis, atque aliis temporibus, arbitrium fuit. Dionysius Romulum senatores centum ita legisse scribit, ut ipse unum ex omnibus præstantissimum designarit, cui ipse ad bellum egrediens civitatis procuracionem committeret. reliquos autem singulis tribubus ternos prudentia, ac nobilitate claros, totidemque singulis curiis ex patriciis maxime idoneos cooptandos permiserit. Quam autem in legendo reges alii sequuti sint rationem, parum ex annalibus liquet. Quod si Festo auctori non contemnendo credimus, non solum reges, sed etiam consules, quos volebant, pro arbitrio sibi sublegisse dicemus. Eius autem verba sunt hæc: *Præteriti senatores quondam in opprobrio fuerunt, quod ut reges sibi legebant, sublegebantque, quos in consilio publico haberent, ita post exactos eor, consules quoque & tribuni militum consulari potestate conjunctissimos sibi quosque patriciorum, & deinde plebeiorum legebant, donec Omnia tribunicia intervenit, qua sancitum est, ut censores curiatim in senatum legerent.*

Neque vero numerus senatorum idem omnibus temporibus factitatus est. Dionysius, qui bis a Romulo senatum lectum scribit, primum ex Albanis, quos socios urbis condendæ habuit, lectos centum ait; deinde ex Sabinis, quos fœdere cum Sabinis icto in civitatem assumpsit, alteros centum, ut omnino essent ducenti; Priscum inde regem alios centum allegisse, factosque esse trecentos; postremo Brutum consulem primum, Valerii collegam, eum numerum a Tarquinio Superbo cedibus, & expulsionibus imminutum explevisse. Quare lectionum meminit etiam Livius. in eo tantum discrepat, quod centum a Romulo, ducentos a Prisco, trecentos a Bruto allectos tradit, cum quibus nec dissentit Festus, cum ait: *Qui patres, quique conscripti vocati sunt in curiam, quo tempore regibus urbe expulsi, P. Valerius consul propter inopiam patriciorum ex plebe allegit in numerum senatorum centum & sexaginta quatuor, ut expleret numerum trecentorum.* Quod autem scribit, cæptum tum dici, *Qui patres, quique conscripti*, idem confirmat etiam Livius, patres conscriptos esse vocatos asserens, qui a Bruto in novum senatum erant lecti, cum tamen alii, quos Romulus ex Sabinis, alii quos Priscus rex legit, conscriptos prodant. Constans ergo opinio est, senatores omnino post reges exactos fuisse trecentos: quem numerum permultos post annos esse invenio observatum. Sunt tamen qui a C. Graccho trib. pleb. allectis ex equestri ordine trecentis sexcentos lege primum factos scribant. quod & apud Plutarchum est, & in epitoma Liviana. quam ego legem aut a populo antiquatam, aut haud ita multo post abrogatam esse, inde ducor ad suspiciandum, quod eandem post a M. Livio Druso tribuno pl. relatum invenio apud Appianum. is enim, quod Gracchus ante tentasse dicitur, ut judicia inter senatores, equitesque communicaret, legem tulisse fertur, ut ad trecentos, qui tum erant, senatores trecenti ex equitibus adscribebantur, atque ex sexcentis, ex quibus univversus fe-

Alatus esset, judicum decuria legerentur. Verum & hanc etiam legem una cum ceteris Drusi legibus Philippo cons. referente, uno S. C. sublata, satis certum est. Inde vero duas senatus lectiones invenio, unam Sulla, & Rufo cons. factam, alteram Sulla dictatore. Utriusque meminit Appianus; prioris ita, ut in senatum tum maxime propter infrequentiam contemnendum trecentos ex optimatibus ipsos legisse consules dicat. quam tamen lectionem ego a censoribus, qui tum erant, Cæsare, & Crasso, non a consulibus factam esse existimo; posterioris ita, ut senatum exhaustum trecentis principibus equestri ordinis lectis dato tribubus de singulis suffragio ipsum dictatorem suppluisse subjiciat. Ex quo intelligi potest, senatorum numerum omnino esse a Sulla amplificatum. Quamquam autem certum Sullani senatus numerum asserere nullum possum, tamen supra quadringentos ab eo lectos, mihi non imbecilla nixus conjectura affirmare videor posse. siquidem Cicero in epistola quadam, quam ad Atticum Messala & Pilone cons. scripsit, inquit: *Hominet ad xv. Curioni nullum S. C. facienti assenserunt. facile ex altera parte cccc. affuerunt.* Auctum inde usque ad nongentos a Cæsare dictatore senatum, & post necem Cælaris a triumviris reipub. continendæ indignissima etiam turba repletum, & Dionis, & omnium prope loquuntur historiæ: ex quibus scitum, & elegans illud est Suetonii: *Augustum senatorum affluentem numerum deformi, & incondita turba, (erant enim, inquit, super mille, & quidam indignissimi, & post necem Cælaris per gratiam, & præmium allecti, quos orciuos vulgus vocabat) ad modum & splendorem pristinum redeisse.* Quoniam autem alius aliis temporibus numerus senatorum est celebratus, hinc observatum lege est, ut non omnibus temporibus idem senatorum numerus ad Senatufconsulta faciendâ requireretur. siquidem ante Sylve tempora centum, ante Cælaris, ducentis. Augusti ætate quadringentis opus fuit. Ac de centum quidem video elici posse ex Livio, apud quem scriptum est: *Senatufconsultum factum, ne quis sacrum Bacchanalium faceret, nisi ei permissum esset, cum in senatu centum, non minus, essent.* de ducentis argumento est lex Cornelia in consulatu Cottæ, & Torquati, teste Asconio, lata: *Ne quis legibus solveretur nisi ducenti assissent.* nam de quadringentis auctor est Dio, qui scribit, *Augustum legisse senatum, & cum videret non semper frequentes senatori convenire, Senatufconsulta ut etiam a paucioribus, quam quadringentis, fierent, cum hic ante numerus, ut rata essent, quaereretur, statuisse.* Ex quo moris illud manavit, de quo Festus: *Senatorem quemque consuli, ut numeraret senatum, præcepisse, cum impedimento esse volebat, quominus faceret S. C. si tot non essent senatores, quo numero liceret perscribi Senatufconsultum.*

In senatoribus porro legendis, generis, ordinis, census, ætatis & magistratus habitum esse rationem, reperio. Generis, ut ex iis familiis legerentur, quibus senatus pateret. patuit autem primum patriciis, post etiam plebeis. Romulus enim, & Priscus non nisi ex patriciis quencumque legisse a Dionysio traduntur, id est, ex iis, quos ante in patriciorum numerum retulissent. Quod ii Zonaram historicum audias, Ser. Tullium primum plebeios in senatum vocasse statuit. is enim plebeios ab eo rege in senatum lectos tradit, ut gratiam eis referret, quod rogationem de suo regno magno animorum consensu jussissent. si autem Festi verba attendas, anno primo libertatis hoc fieri cæptum existimabis, qui Publicolam consulem, Bruti collegam, primum in senatum plebeios patriciorum inopia allegisse scribit. quod nescio, an ita intelligendum sit, plebeios tum quidem esse in senatum actos, sed qui

fed qui antequam afcicerentur, patricii effent facti. nam id ita factum aperte prodit Dionyſius. Quod ſi Dionyſium ipſum ſequamur, aliquanto ſerius plebi ſenatum communicatum eſſe dicemus. is enim in exponenda patrum adverſus plebem pro Coroliano contentione, quæ in ſecundo Minucii & Sempronii conſulatu, anno ab urbe condita ducentiſimo ſexageſimo ſuſcepta eſt, ita loquitur, ut multo poſt eum annum id juris plebi impertitum eſſe ſignificet. nam ubi Coroliano, virum patricium, a plebe, tributis comitiis, novo exemplo, urbe pulſum narravit, ita ſubdit: *Atque hinc quidem plebis opes creverunt: optimates autem multas partes antiquæ dignitatis amiſerunt; cum & ſenatus, & magiſtratum, & ſacerdotiorum partem plebeiis feciſſent, & alia etiam ornamenta communicaveſſent, quæ propria patriciorum fuerant.* ſignificat autem ut aliquot poſt annos honores, ſic etiam ſenatum plebi eſſe permiſſum. Factum autem hoc eſſe ante annum trecentiſimum vigefimum inde apparet, quod Livius de Sp. Mælio, plebeio homine loquens in ſeditione ejus explicanda ait: *Quem ſenatorem vix concoqueret civitas poſſet, eum regem quo modo ferret?* Quod ſi conjecturæ locus dandus eſt, id ego decemvirum maxime conſularium tempore inſtitutum eſſe crediderim, ex quibus aliquot e plebe fuerunt; quos in ſenatum propter magiſtratus ipſius amplitudinem aſciſtos eſſe, atque eorum exemplo poſt alios etiam aſcriptos facile exiſtimaverim, præſertim vero poſtquam plebei de tribunatu militari, quæ erat par conſulatus potestas, capiendæ pervenerunt.

Ordinis autem ea fuit ratio, ut cum in ſenatum legendi eſſent, maxime ex equeſtri ordine, qui proximus dignitate erat, legerentur. Hoc Livius oſtendit, qui libro ſecundo, ſenatum ex primoribus equeſtris ordinis a Bruto conſule ſcribit eſſe ſuppletum. & libro XLIII. Perſeum Macedoniæ regem ita facit loquentem: *Equites Romanos principes juvenutis, equites ſeminarium ſenatus, inde lectos in patrum numerum conſules, inde imperatores creant.* indicat lex Druii, qua tulit, ut ſinguli ſenatores, qui tum vix erant recentis, viritum ſibi quiſque ſenatorem equitem Rom. legerent. demonſtrat lex Syllæ, quem ſenatum ex equeſtri ordine ſuppleviſſe in epitomis, atque in Appiani hiſtoria extat.

Cenſum præterea in legendo ſenatu ſpectatum, non eſt dubium. Declarat hoc Seneca declamatorium libro II. *Senatorium, inquit, gradum cenſus aſcendere facit. cenſus Romanum equitem a plebe diſcernit. cenſus in caſtris ordinem promovet. cenſus in foro judex legitur.* An vero hoc antiquum fuerit inſtitutum, in dubium revocare videtur Plinius lib. XIV. cum ait: *Poſterioris laxitas mundi, & rerum amplitudo damno fuit. poſtquam ſenator cenſu legi ceptus, peſſum ire vite præcia.* Laudatur autem cenſus in ſenatore, ne ſplendor ampliſſimi ordinis rei familiaris anguſtiis obſcuretur. Ceterum ante Auguſtum cenſum ſenatorum ſextertium octingenta millia fuiſſe, eumque ab Auguſto ampliaturum, tradit his verbis Suetonius: *Senatorium cenſum ampliavit, ac pro octingentorum millium ſumma duodecies H. S. taxavit, ſupplevitque non habentibus. qua de re Dio ita: Inde ſenatus lectus eſt. poſtquam enim iis cenſus primum centum millium præfixum erat, quod multis patrimonio bellis amiſiſſent: procedente autem tempore divitiis magni partis uſque ad CCL. millia perductus erat, nemo reperiebatur, qui legi vellet. immo vero & filii, & nepotes ſenatorum afflicta re familiari non ſolum ſenatoriam dignitatem non appetebant, ſed ea quoque ſe abdicabant.* ſciete. Non enim ſolum, ſi quis ſenatorium cenſum non haberet, ſenator legi non poterat, ſed ſi poſteaquam lectus eſſet, cenſum labefactaſſet, ordinem amittebat. unde

A præclara illa ſunt in epitola Ciceronis ad Q. Valerium: *C. Curtius habet in Volaterrano poſſeſſionem. hoc autem tempore Cæſar eum in ſenatum legiſt, quem ordinem iſte iſta poſſeſſione amiſſa vix tueri poſteſt.*

Quin etiam ætatem in legendo ſenatore certam eſſe obſervatam, inde ſuſpicari poſſumus, quod ſcribit Gellius lib. XIV. præfectum urbis ea ætate factum, quæ non eſſet ſenatoria. & ex eo, quod dixit Cicero de Pompeio in Maniliana: *Quid tam præter conſuetudinem, quam homini peradoleſcenti, cujus a ſenatorio gradu ætas longe abeſſet, imperium, atque exercitum dari?* At quæ tamen ætas hæc eſſet, nondum me pro certo inveniriſſe profiteor. Cum autem maxime, qui magiſtratus ceperint, legi in ſenatum conſueverint, quaſtura autem primus urbanus fuerit magiſtratus, ſit, ut ego ætatem quaſtoriam eandem prope ac ſenatoriam fuiſſe exiſtimem. legitimum autem capiendæ quaſturae annum fuiſſe viceſimum ſeptimum ætatis, factis ab aliis demonſtratum eſt. Tuetur autem conjecturam meam Valerius, cum ſcribit: *P. Craſſo Q. Fabius narravit, quod in curia erat actum, memor, cum triennio ante quaſtorem factum, ignarusque nondum a cenſoribus in ordinem ſenatorum electum.* ſuſtinet etiam Cicero in Philippiis, qui de Octaviani præmiis diſſerens ita cenſet; *C. Cæſarem C. F. pontificem propr. ſenatorem eſſe, ſententiamque loco prætorio dicere, ejusque rationem, quæcunque appetet, ita haberi prout haberi lege liceret, ſi anno ſuperiore quaſtor fuiſſet.* itemque in oratione pro domo, in qua P. Clodium nondum tribunum pl. ſed tantum, ut ſuſpicari licet, quaſtorium ſenatorem adoptatum ait.

Ex quibus verbis illud præterea intelligi poſteſt, ſenatorem legi ex ordine, niſi qui magiſtratum geſſiſſet, non fuiſſe ſolitum. cui mori congruenter Cicero fanxit in legibus ſuis, *e magiſtratus ſenatum eſſe oportere.* unde illud eſt in oratione de ſignis apud eundem, cum de ſenatorio loquitur ordine: *Populi Rom. beneficio noi in hunc ordinem venimus.* quod eſt aliud nihil, niſi per magiſtratum populi Romani. Itaque idem in ſenatu poſt reditum dixit, *ſe populi Rom. honoribus in ampliſſimo conſilio, & in altiſſimo gradu dignitatis, atque in iſta omnium terrarum arce collocatum.*

Eſt tamen illud animadvertendum, quanquam hæc omnia in aliquo conſtarent, non tamen iccirco neceſſario ſenatorem eum fuiſſe. opus enim fuit lectione cenſoris, uſque adeo, ut ne qui magiſtratus quidem geſſiſſent, niſi a cenſoribus lecti eſſent, ſenatores eſſe poſſent. quod loco ſupra citato aperte tradit Valerius, ſubjiciens; *Ignarusque nondum a cenſoribus in ordinem ſenatorum electum, quo uno modo etiam iis, qui jam honores geſſerant, additus in curiam dabatur.* Neque vero ſolum legendi ſenatoris arbitrium fuit cenſorium, ſed etiam prætereundi, & movendi; ita ut, quem in recitando ſenatu nominaveſſent, is lectus in ſenatum; quem præteriſſent, idem ſenatu motus putaretur. exemplorum autem plena eſt omnis hiſtoria.

F Atque hæc quidem legendi ſenatus ordinaria ratio fuit, ut & a cenſoribus, & eo, quo demonſtravi, modo legeretur. fuerunt autem extraordinariæ præterea multæ; ut Ap. Claudii Cæci cenſoris, qui libertinorum filios legit. quæ lectio a ſequentibus cenſoribus non eſt obſervata, de qua Livius libro IX. & altera Fabii Buteonis dictatoris ſenatus regendi cauſa dicti, bello Punico II. de qua idem ita: *Buteo dictator negavit, ſe quæquam e ſenatu moturum ex iis quos C. Flaminius, & L. Amilius cenſores in ſenatu legiſſent, & ita in demortuorum locum ſubſtitutum, ut ordo ordinis, non homo homini prælatuſ videretur.* Recitato ve-

teri senatu inde primum in demortuorum locum legit, qui post L. Æmiliū, C. Flaminium censores curulem magistratū cepissent, nec dum in senatū lecti erant, ut quisque eorum primus creatus erat. tum legit qui ædiles, tribuni pl. questoresque fuerunt, tum ex iis, qui spolia ex Romano hoste fixa domi haberent, aut civicam coronam accepissent. Ita centum septuaginta septem cum ingenti approbatione hominum in senatū lectis exemplo magistratu se abdicavit. quibus ex verbis apparet, qui curulem magistratū gesserant, iis prælatos, qui plebeium; hos vero iis, qui egregie se in bello gessissent. tertia fuit sive Gracchi, sive Drusi. quarta Syllæ dictatoris, qui senatū ex equitibus eo, quo dixi, modo suppleverunt. quinta Cæsaris dictatoris, qui, ut ait Suetonius, civitate donatos, & quosdam e semibarbaris Gallorum, ut Dio, milites, & libertinorum filios recepit in curiam. sexta triumvirum reip. constituendæ, qui L. Marcio, C. Sabino coiff. non socios solum, ac milites, & libertinorum filios, sed servos etiam ipsos, teste Dione, in senatū susceperunt. septima Augusti Cæsaris, de qua alibi dicendum.

Insigne autem senatorum fuit tunica lati clavi, qua ab equitibus sunt separati, cuius rei exemplis vetera abundant monumenta. Plinius lib. xxxiii. Annuli distinguere alterum ordinem a plebe, ut semel cæperunt esse celebres, sicut tunica ab annulis senatū tantum. Suetonius in Augusto: Summi virilem togam tunica lati clavi resuta ex utraque parte ad pedes decedit, fuerunt, qui interpretarentur, non aliud significare, quam quod in ordo, cuius insigne id esset, quandoque ei subiceretur, id est, ordo senatorius. & in Tiberio: Senatori latum clavum ademit, quum cognovisset sub K. Julii demigrasse in bortos, quo vilis post diem ædes in urbe conduceret. Latus vero clavus dictus est teste Fello, a latitudine clavorum; unde Varro de lingua Latina. Si quis tunicam in usu ita consuit, ut altera plagula sit angustius clavi, altera latius.

Quæritur porro omnem in senatore indecorum fuisse refert Livius, ubi anno urbis conditæ DXXXV. T. Sempronio, P. Cornelio coiff. legem a Q. Claudio tribuno pl. latam scribit. Ne quis senator, qui v. senatoris pater fuisset, maritimam navem, quæ plus, quam trecentarum amphorarum esset, haberet. Id satis visum ad fructus ex agris vestandos. quæstum omnem patribus indecorum esse, visum. Quo spectans Cicero in vii. in Verrem dixit: Noli metuere Hortensi, ne queram, qui licuerit navem ædificare senatori. antiquæ sunt istæ leges & mortuæ, quemadmodum tu solei dicere, quæ vetant: fuit ista respublica quondam, fuit ista severitas in iudiciis, ut istam rem accusator in magnis criminibus obijciendam putaret.

Senatores autem in petendis honoribus fuisse occupatos, unde multa ornamenta domi, forsique pepererint, indicat in Cluentiana Cicero, dum ita agit: Iniquum esse, eos, qui honorum ornamenta propter periculorum multitudinem prætermisissent, populi beneficiis esse privatos, iudiciorum novorum periculis non carere. Senatorem hoc queri non posse, propterea quod ea conditione proposita petere cepisset. quodque permulta essent ornamenta, quibus eam mitigare molestiam posset, locus, auctoritas, domi splendor, apud exterarum nationes nomen, & gratia, toga prætexta, sella curulis, insignia, fastes, exercitus, imperia, provinciæ. & pro Postumo: Delectat amplissimus civitatis gradus, sella curulis, fasces, imperia, triumphus, denique imago ipsa ad posteritatis memoriam prodita. Quæ quidem senatorum esse ornamenta dicimus, non ut in senatū veniant, sed ut honores receperunt, a quibus reliqui ordines abstinerunt.

Neque vero illud hoc loco prætereundum est,

A qui in senatū venirent, non omnes senatores fuisse, verum eos duntaxat senatores appellatos, qui a censoribus, aut ab iis, qui ius senatus legendi haberent, lecti essent; alios enim fuisse senatores, alios eo gradu, ut in senatū sententiæ dicendæ ius haberent. Hi vero erant, qui magistratibus functi in senatū venire, & sententiā dicere poterant, senatores tamen a censoribus lecti non erant. de quibus in hunc modum scribit ex Varonis sententiā Gellius: Varro in satyra Menippea equites quosdam dicit pedarios appellatos, videturque eos significare, qui nondum a censoribus in senatū lecti, senatores quidem non erant, sed quia honoribus populi usi quidem erant, in senatū veniebant, & sententiæ ius habebant. Nam & curulibus magistratibus functi, qui nondum a censoribus lecti erant, senatores non erant. & quia in postremis scriptis erant, non rogabantur sententiā, sed quas principes dixerant, in eas descendebant. Hoc significabat edictum, quo nunc quoque consules, cum senatores in curiam vocant, servandæ consuetudinis causa, translatione utuntur, verba edicti hæc sunt: Senatores quibusque in senatū sententiā dicere licet. Huius vero edicti meminit etiam Livius lib. xxxiii. Consules, inquit, edixerunt, quoties senatū vocassent, uti senatores, quibusque in senatū sententiā dicere liceret, ad portam Capenam convenirent. & alibi: P. Cornelius consul edixit, qui senatores essent, quibusque in senatū sententiā dicere liceret, ne quis eorum ab urbe abiret. Hunc autem, credo, etiam morem respexit, cum dixit de Salinatore: A censoribus coactum in senatū venire. sed tum aut verbo assentiebatur, aut pedibus in aliorum sententiā ibat. Quamquam Gellius eodem in loco pedarios senatores dictos ab aliis subijcit; qui non sententiā in senatū dicent, sed ab aliis dictam moventes se loco adprobarent; ab aliis, qui curules magistratus nondum gessissent, unde in curiam non currunt, ut ceteri veherentur, sed pedibus irent. Festus autem edicti solere ait, Ut senatores adsint, quibusque in senatū sententiā dicere licet. quia ii, qui post lustrum ex junioribus magistratū ceperunt, & in senatū sententiā dicunt, & non vocantur senatores, antequam in senioribus sunt censi. quos credo etiam intellexit Cicero in Cluentiana cum dixit: Cluentius eques Rom. causam dicit, qua lege senatores, & ii, qui magistratū habuerunt, soli tenentur.

Fuisse etiam tribunos plebis sine lectione censoria senatores post Atinium plebiscitum existimo, cuius meminit Gellius lib. xiv. ita ex Capitone: E Tribunis plebis senatus habendi ius erat, quamquam senatores non essent ante Atinium plebiscitum. Hunc vero C. Atinium Labeonem tribunum pl. opinor fuisse, qui cum timeret, ne a sequentibus censoribus in senatū legendo præteriretur, quod Q. Metellum Macedonicum censorem a quo præteritus fuerat, de saxo Tarpeio deijci iusserat, eam rogationem tulerit in tribunatu, ut vi ipsa gesti tribunatus, non censoris beneficio senator esset. Unde scribit Livius lib. XLV. Cn. Trebellium tribunum pl. petitioni censorum, quia lectus in senatū non fuerat, intercessisse.

F Hactenus de senatoribus. Senatus autem cognitionem, atque auctoritatem qui requirit, is quod libro vi. Polybius scribat, attendat. neque enim nos senatus nunc, sed senatorum, iura quærimus.

G A P. III.

De Equitibus Romanis.

U T autem senatores a Romulo, sic equites etiam instituti sunt. Docet hoc Dionysius, cum scribit: Romulus cum senatū ex viris

natu grandioribus centum constituisse, intelligeret-
que se armata juventute ad corporis custodiam, &
ad ea, quae instarent, opera indigere, trecentos
viros, quos ex clarissimis familiis robore praestanti-
simos selegit, eosque a curiis eodem modo, quo se-
natores, declarandos curavit, ex singulis curiis de-
nos circa se perpetuo habuit. Celeres autem dicti
sunt, vel a celeritatis officio, vel ut Antias prodi-
dit, a duce Romuli Celere, qui his tribus centuriis
praepositus est. In bellis autem saepe strenue se ge-
serunt, cum primi praelium inirent, ultimi confecto
praelio excederent, & modo equis, modo pedibus,
prout loci natura dabat, pugnarent. docet etiam,
sed aliquanto brevius Livius: Trecentos Romulus,
inquit, armatos ad custodiam corporis, quos Cele-
res nominavit, non in bello solum, sed etiam in pa-
ce habuit. Eisdem autem post a Numa, teste Plu-
tarcho, sublatos alii restituisse reges videntur, si-
quidem L. Brutus L. Superbo regi praefectus Cele-
rum fuisse traditur. Hos autem Flexumines pos-
tea, inde Trossulos, tum Equites dicuntur invenio
apud Festum, & Plinium. Verba Festi haec sunt:
Celeres antiqui dixerunt, quos nunc Equites dici-
mus, a Celere interfecitore Remi, qui initio a Ro-
mulo iis praepositus fuit, qui primitus electi fuerunt
ex singulis curiis deni, ideoque omnino trecenti fue-
re. & alio loco: Trossuli Equites dicti, quod op-
pidum Tuscorum Trossulum sine opera peditum cepe-
rint. Plinii vero lib. xxxiii. Equitum nomen sa-
epe variatum est in iis quoque, qui ad equitatum
traherentur. Celeres sub Romulo, regibusque ap-
pellati sunt, deinde Flexumines, postea Trossuli,
cum oppidum in Tusculi citra Volturni passuum no-
vem milia sine ullo peditum adiumento cepissent e-
jus vocabuli. idque derivavit ultra C. Gracchum,
Junius certe, qui ab amicitia ejus Gracchanus ap-
pellatus est, scriptum reliquit his verbis: Quod ad e-
questrum ordinem attinet, antea Trossulos vocabant,
nunc equites vocant, ideo quia non intelligunt Tros-
ulos nomen, quid valeat, multos pudet eo nomine
appellari, & causam, quae supra indicata est, ex-
ponit, invitosque etiamnum tamen Trossulos vocari.
Haec Plinius.

Haec ergo sunt ordinis equestris, qui senatorio
oppositus est, primordia, haec fundamenta. cujus
ab initio exiguae opes, ac copiae adeo postremo
creverunt, ut cum senatoribus, & cum plebe non
contenderint solum, sed acerbis etiam inimiciis
exercuerint. Rara autem eorum mentio est sub
regibus. Livius tantum Prisco regnante loca in
circo patribus, equitibusque divisa scribit. Zona-
ras Superbum plerisque patrum, atque equestris
ordinis fuisse prodit. Liberata autem regno rep.
huius ordinis memoriam usurpari a Livio video,
cum primores equestris ordinis a Bruto cos. in se-
natum lectos scribit. itemque a Dionysio, cum
in describenda conjuratione, quae Ser. Sulpicio,
M. Tullio cos. facta est, anno post reges exactos
decimo, senatoribus, & equitibus a consule nego-
tium custodiendarum urbis partium datum tradidit.
& iterum a Livio, M. Papirio, C. Nautio cos.
anno CCCLXII. cum scribit, non plus singulis se-
natoribus in legationes inventis coactos esse binos e-
quites adire. Inde equitum in bello crebra men-
tio, in civitate, nisi post Gracchorum tempora, rara.

De quibus antequam dicam, illud, quod huius
questionis caput est, proponendum videtur, Equi-
tes, & equestrum ordinem Romae duobus modis
esse acceptum. uno, quo, ut diximus, equites
senatoribus in civitate; altero, quo peditibus in a-
cie opponuntur. Utraque autem divisio a Romulo
in remp. illata est. Idem enim, cum legionem
constituisset ex tribus peditum millibus, legioni e-
quites trecentos adiecit, auctore Plutarcho. Hos
autem equites nihil aliud fuisse apparet, quam tres

illas equitum centurias ab eodem conscriptas Ra-
mennum, Tatiennum, & Lucerum, quas post
auctas sub iisdem nominibus a Prisco rege, & sex
factas Livius, Dionysius, & Festus prodidere. I-
taque huc intuens Valerius dixit, Priscum regem
senatum auxisse, & ordinem equestrum uberiorem re-
liquisse. quali vero Priscus equitum, qui senatui
opponuntur, non qui peditatui, numerum auxerit,
cum inter utrumque genus plurimum interfuerit.
Nam senator merere equo potuit: senator
autem eques esse Romanus, ubi in senatum e-
rat ascitus, desit. Neque tamen nego, quin &
hoc & illud equitum genus bella frequentarit, sed
hoc dico, longe alia decora illorum equitum,
quam horum & militiae, & domi fuisse. Unde au-
tem distinguerentur, nos in magna vetustatis ob-
scuritate quaeramus. Mihi quidem veterum, quos
post nominabo, auctoritate ita persuasum est, E-
quites alios equo publico meruisse, alios privato.
illos autem in civitate senatoribus, hos in exercitu
peditibus respondisse; utrosque autem, aut regum,
aut consulum, aut censorum, aut denique eorum,
qui censendi jus haberent, arbitrio fuisse subiectos,
ut ex censu, & aetate, quemadmodum pedites,
legerentur. Quod ipsum Ciceronem video docuisse,
cum in l. i. de legibus ita scribit: Censores pecu-
nias, auitates, ordines partiunt. equitum, peditumque
prolem describunt. ordines enim cum dixit,
senatum, plebem, & equites equo publico
intellexit; cum peditum, equitumque prolem, qui
privato equo, quique pedibus stipendia facerent,
significavit. De utroque autem genere praecare Li-
vius hoc modo: Clades ad Vejos accepta Romam
nunciata senatui curam, metumque iniecit, ne tum
vero sustineri, nec in urbe seditio, nec in castris
posset, cum repente quibus census equestris erat, e-
qui publici non erant assignati, senatum adunt, &
equis se sui stipendia facturos promittunt. quibus
cum amplissimis verbis gratiae essent actae, subito ad
curiam concursus fit plebis. pedestris ordinis se ajunt
nunc esse, operamque extra ordinem reip. polliceri;
patres laudare equites, laudare plebem, victam esse
fateri comitatem senatus. Gratiae peditibus, equiti-
busque actae. Placuit omnibus his voluntariam extra
ordinem militiam professi era procedere. & equiti
certus numerus eris assignatus. tum primum equis
merere equites coeperunt. Fuisse autem equites ali-
quot, qui equites equo publico dicerentur, testis est
Cicero in vi. Philip. Altera statua est, inquit, e-
quitum Rom. equo publico, qui item ascribunt: PA-
TRONO. quem unquam patronum iste ordo adopta-
vit? si quendam, me debuit. quibus verbis nos ad-
monet, ordinem illum equestrum, quem ipse in
consulatu suo in gratiam cum senatu reducerat, ex
iis equitibus fuisse, qui equo publico & fuerunt, &
dicti sunt. Quos equites Asconius in Divinationem
equites Romanos militares appellavit, cum dixit,
populum Rom. Sulla victore iudicandi jure spolia-
tum, quod habuit per equites Rom. militares.
unde Plinius equum publicum equum militarem
vocavit, cum de hoc ordine verba faceret. An-
nuli, inquit, plane medium ordinem, tertiumque
plebi, & patribus inservire. & quod antea mi-
litares equi nomen dederant, hoc nunc pecuniae ju-
dices tribuunt. Item: Equitum nomen substituit in
turmis equorum publicorum. intelligit enim equi-
tes primum ab equis publicis, post a censu Judi-
ces dictos. Non omnes autem, qui equo mere-
rent, ex hoc ordine fuisse, ostendit in prima Phi-
lipica Cicero, qui in legem Antonii, qua centu-
riones in tertium iudicum decuriam conjiciebat, ita
disputat, At quae est ista decuria iudicum? cen-
turionum, inquit, quid? isti ordini iudicatus lege
Julia, etiam ante Pompeia, Aurelia non patebat &
census praefinebatur: inquit, non centurioni quidem

solum, sed etiam equiti Rom. Itaque viri honestissimi, atque fortissimi, qui ordines duxerunt, res & iudicant, & iudicaverunt. non quero, inquit, istos. quicunque ordinem duxit, iudicet. Atquis ferretis, quicunque equo meruisset, quod est laudatius, nemini probaretis. in iudice enim spectari & fortuna debet, & dignitas. Hæc ille. quibus satis perspicue demonstrat, non quicunque equo mereret, equestrem ordinem explevisse. nam equester ordo alteram iudicium decuriam obtinebat. cui teriam centurionum cum addere Antonius vellet, inquit Cicero: Atqui si ferretis, ut quicunque equo meruisset, nemini probaretis. quod hercle non dixisset, si quicunque equo mereret, iudicia obtinuisset. ostendit idem Valerius, qui bello Punico II. quadringentos iuvenes equestri ordinis magnam partem equi publici spoliatis scribit, cum tamen qui equo mererent, iis temporibus inumeri essent. Erant igitur Equites Rom. de quibus nunc disputamus, non quicunque equo mererent, sed qui publico & militari. quem equum eis a censore assignatum invenio. sic enim Livius lib. xxxix. S. C. factum, ut tribuni pl. ferrent, ut P. Aebutio, cuius pater equo publico meruerat, emerita stipendia essent, ne inuitus militaret, neve censor ei equum publicum assignaret. Quid autem fuerit equus publicus, parum compertum est. Varro in libris de lingua Latina equum publicum mille asarium vocat. quibus verbis stipendium fortasse aliquid vel alendi, vel emendi equi causa de publico constitutum significat. Fuisse autem & hos in centurias divisos, ostendit Cicero in Philippica septima. qui cum in sexta dixisset, Triginta quinque tribus, equites Romanos equo publico, & tribunos militares L. Antonium patronum ascripisse, repetit ita in septima: Sed, ut video, dominabitur Lucius, est enim patronus xxxv. tribuum, patronus centuriarum equitum, patronus eorum, qui tribuni militares fuerunt. Atque his quidem puto satis intelligi posse, qui fuerint equites Romani illi, quos quarimus.

Ut autem senatores, sic etiam equites a censoribus lectos esse invenio, eosque ex utroque genere familiarum, patriciarum, & plebeiarum. primum enim C. Claudium Neronem patricium, & M. Livium Salinorem plebeium equum publicum habuisse, testis est in eorum censura Livius; deinde vera, quod multo certius est, Ser. Sulpicii Rufi patrem, virum patricium equestri loco natum scribit Cicero in de senectute Murenæ.

Præterea ut senatores ex censu legebantur, sic etiam equites. fuit autem equestri census, quantum ex veteribus monumentis suspicari licet, senatorio minor, nimirum sexcentium quadringentorum milium. Censum autem equestrem iam inde a primis etiam reip. temporibus celebratum, nemo est, qui revocare in dubium possit, qui Livium bello Venti scribentem meminerit: Repente quibus census equester erat, equi publici non erant assignati, senatum adisse, & equis se suis stipendia facturos dixisse. quod idem memoria sua factum Cicero in iuncto libro nono epistolarum, cum ait: Res familiaris alteri exigua est, alteri vix equestri. Quadringenta porro millia equites esse censos ante initium civile bellum Suetonius testis est, apud quem ita legitur de Cæsare ad Rubiconem exercitum alloquentem: Existimatur etiam equestres census pollicitus singulis, quod accidit opinione falsa. Nam cum in alloquendo, exhortandoque sæpius digitum leve manus ostentans affirmaret, se ad satisfaciendum omnibus, per quos dignitatem suam defensus esset, annulum quoque equo animo detracturum sibi, extrema concio, qui facilius erat videre concionantem, quam audire, pro dicto accepit, quod visu suspicabatur, promissumque jus annulorum cum milibus quadringentis dixit. Quod idem Augusto etiam im-

perante servatum Horatius in prima epistola indicat, qui fuit ejus æqualis, cum dixit.

Si quadringentis sex, septem millia desunt, Plebs eris.

Ad hæc vero ut per censum equestrem ordinem impetrabant equestrem, sic eisdem consumpto patrimonio equestri dignitatis in ignia perdidisse, licet suspicari. Huc autem, credo, respexit Cicero in Sextiana, cum dixit de quodam luxurioso: Equestri ordinis nomen retinet, ornamenta confecit. & Suetonius, cum in hunc modum scripsit: Cum plerique equitum attrito bellis civilibus patrimonio spectare ludos e. xiv. non auderent metu pæne theatralis, Augustus pronuntiavit, non teneri ea, quibus ipsi, parentibusque equester census unquam fuisset.

Jam vero ut senatores non nisi ex iis fere, qui magistratus gessissent, legebantur, sic contra equites magistratus non capiebant; ubi vero cepissent, equites esse, aut vocari debebant. Id quod, ut multa alia, egregie Cicero in Cluentiana ostendit his verbis: Convertite te nunc ad equestrem ordinem, atque in ceteros ordines. easdem vitæ conditiones, quas senatores, non perferent. putant enim minus multos sibi laqueos legum, & conditionum, ac iudiciorum propositos esse oportere, qui in summum locum civitatis aut non potuerunt ascendere, aut non petierunt. & de equitibus quibuscum paulo post: Cum palam dicerent, se potuisse iudicio populi Rom. in amplissimum locum pervenire, si sua studia ad honores petendos conferre voluissent, sese vidisse in vita senatoria, qualis splendor inisset, quantæ ornamenta, quæ dignitas, quæ se non contempsisset, sed ordine suo patriumque suorum contentos fuisse. & vitam illam tranquillam, & quietam, remotam a procellis invidiarum, & huiusmodi iudiciorum anfractu, sequi maluissent. aut sibi ad honores petendos etiam integram restitui oportere, ut, quoniam id non possent, eam conditionem vitæ, quam sequuti petitionem reliquissent, manere. iniquum esse, eos, qui honorum ornamenta propter periculorum multitudinem pretermisissent, populi beneficiis esse privatos, iudiciorum novorum periculis non carere. senatorem hoc queri non posse, propterea quod ea conditione proposita petere cepissent. quodque permulta essent ornamenta, quibus eam mitigare molestiam posset, locus, auctoritas, domi splendor, apud externas nationes nomen, & gratia, toga prætexta, sella curulis, insignia, fasces, exercitus, imperia, provincia. Hæc Cicero. Quam sententiam sequutus item Cornelius Nepos dixit de Attico: Is contemptis honoribus, quos facillime consequi potuisset, perpetuo acceptam a maioribus dignitatem equestrem obtinuit. & Suetonius de Octaviano: Duplex Octaviani familia. alii functi sunt summis honoribus; alii in equestri ordine consistere usque ad Augusti patrem. ipse Augustus se nihil amplius, quam equestri familia ortum scribit, in qua & primus senator pater suus fuerit. & de Sulpicio Cicero in oratione pro Murena: Tua nobilitas, Sulpici, hominibus litteratis notior, populo obscurior est. pater enim fuit equestri loco, avus nulla illustri laude celebratus. Quare ego te semper in nostrum numerum aggregare soleo, quod virtute, industriaque perfecisti, ut cum equitis Rom. ejus filius, summa tamen amplitudine dignus videretur. Hoc vero in genere fuit etiam Cicero. nam pater, & majores ejus equestri tantum dignitate contenti fuerunt, honores nullos ceperunt, ut ipse testatur. Quid plura? Hoc sensit Velleius, cum dixit, Vinicium Calibus ortum, patre, atque avo consularibus, cetera equestri familia fuisse. nimirum equestrem appellans familiam, in qua nulli honores existerant. Veterem autem equitem vocant, cuius majores equites fuerant. ut in Planciana: Cum sit Cn. Plancius eques Rom. ea primum vetustate equestri ordi-

nii, ut pater, ut avus, ut majores ejus omnes equites Rom. fuerint, deinde ut ipse in legionibus P. Craſſi imperatoris inter notatissimos homines equites Rom. summo splendore fuerit.

Quod autem dixi, magistratu capto equites esse deliſſe, id refelli exemplis multis videtur posse, sed maxime Neronis, & Salinatoris censorum, & Pompeii Magni consulis, quos in iis magistratibus equum publicum habuisse legimus. scribit enim ita Livius: *Equitum deinde census actus est, & forte ambo cenſores equum publicum habebant. Itaque Nero Livium, Livius Neronem equum vendere jussit, & Valerius de iisdem; Cum equitum centurias recognoscere, & ipsi propter robur aetatis etiamnum eorum & numero essent, alter alterum equum vendere jussit.* Pompeium autem narrat Plutarchus, cum primum consul esset, ad cenſores Lentulum, & Gellium equum manu ducentem venisse, atque ab iis ex ordine interrogatum, legitima a se omnia stipendia se imperatore conſecta, respondiſſe. Quae exempla ita interpretari videmur posse, ut dicamus, facile evenire potuisse, ut aut propter robur aetatis post captos magistratus equum publicum tenuerint, & tamen fenatores fuerint, si quidem invenio apud Suetonium, *Augustum reddendi equi gratiam ſciſſo eis, qui majores annorum quinque, & quadraginta eum retinere nolent.* aut, quod malim, in ſenatum illi quidem, sed jure magistratus, non leſione cenſoria venerint. nam Salinatorem diſſerte ſcribit Livius a cenſoribus L. Veturio, P. Licinio in ſenatum venire coactum, sed tum aut verbo aſſenſum, aut pedibus in alorum ſententiam eſſe proſectum. recte. neque enim legiſſe eum potuerunt, cum nullo ſenatu leſto abdicarint. Pompeium autem perſpicuum eſt conſulem factum, cum adhuc eques Rom. eſſet, id eſt, ut inquit Dio, *eum nondum ſenator eſſet.* neque vero, quanquam quaſtorem geſſerat, legi in ſenatum ante conſulatum potuit. cum per annos XVII. nulli cenſores fuiſſent, qui ſenatum legerent, neque aut dictatore Sylla legi propter aetatem potuiſſet. Fuiſſe autem hoc moris ſcribit Iſidorus, *ut quavis qui ſenatoria origine eſſet, tamen uſque ad legitimos annos eques Rom. eſſet, deinde ordinem ſenatorum iniret.* Itaque & Pompeius hic Magnus Pompeii Strabonis viri conſularis, ac triumphalis filius eques tamen Rom. fuit. atque equeſtris ordinis homines ſaepe ſenatorum filios apud Livium fuiſſe animadvertimus. & in Verrem Cicero Cn. Calidii equitis Rom. filium ſenatorem, & judicem nominat.

Postremo vero ut inſigne ſenatorum, quo ab equitibus Rom. diſtinguerentur, ſuit latus clavus, ſic equitum Rom. quo a ſenatu diſcernerentur, anguſtus clavus, a plebe, annulus aureus. De anguſto clavo Velleius loquens de Maecenae equite Romano: *Quippe vixit anguſto clavo pene contentus. nec majora conſequi non potuit, ſed non optavit.* De annulo Plinius teſtis eſt, qui ſcripſit: *annulos medium ordinem, tertiumque plebi inſeruiſſe, eoſdemque ubi celebres eſſe coperant, alterum ordinem a plebe diſtinxiſſe.* Idem primum veſtigium annulorum in urbe notavit P. Sempronius, P. Sulpitio coſſ. anno CCCCLIV. cum Cn. Flavio libertini filio aedili curuli creato ſenatus, veſt, ut alii prodiderunt, nobilitas annulos, & phaleras indignatione commota depoſuit, quorum alterum ſenatorum, alterum equitum inſigne fuerit, ſecundum notat bello Punico II. cum Annibal tres modios annulorum, quos clade Cannenſis collegerat, Carthaginem miſit. ex quo Plinius tum primum uſus annulos fuiſſe conſpicit, quod aliter ſumma illa annulorum conſici nequiverit. At Livius Magonem Poenum eos annulos in curia Carthaginenſium eſſe ſententem dixiſſe reſert, *neminem niſi equitem, atque eorum ipſorum primores aurei annuli ferre in-*

A ſigne. primores autem, credo, intellexit, qui equo publico militarent: hoc tamen glorioſe ab eo dictum judicat Plinius, qui annulos etiam ſenatoribus cum equitibus fuiſſe communes ſcribit, ita ut ſenatores ab equitibus tunica diſtinxerit, equites a plebe annulus aureus. quanquam neque ſenatores omnes Drusi tempore, id eſt, Marſico bello, annulos geſtaſſe addit. Extat etiam in Dionis hiſtoria XLVIII. nemini quondam Romanorum non libertino ſolum, ſed ne ingenuo quidem annulis uti aureis, praeterquam ſenatoribus, & equitibus fuiſſe permiſſum. Annulos autem equitum fuiſſe ornamentum poſſum etiam Liviano teſtimonio comprobare, qui lib. IX. ait: *Exemplo ſine ulla publica auctoritate conceſſum in omnem formam luſtus eſt. Lati clavi, annuli aurei poſiti.* & lib. XLIII. *Equites in conſpectu populi aurei annulis poſitis veſtem mutarunt.*

Cum ergo equeſtris dignitatis inſigne annulus aureus eſſet, hinc factum eſt, ut is vulgo a magistratibus datus ſit, non ut eos, quos donarent, equites Rom. facerent, quos a cenſoribus fieri equo publico attributo oſtendimus, ſed ut eos eo jure aſſicerent, quo quidem eſſent, ſi lecti equites a cenſoribus eſſent. quorum illud eſt praecipuum, ut lege Roſcia in XIV. gradibus conſiderent. Ad pacto L. Sullam dictatorem Q. Roſcium comedum, C. Verrem praetorem ſcribam ſuum, Caſarem dictatorem D. Laberium annulo aureo donariſſe accepimus. De Laberio autem placet Suetonii verba ſubſcribere: *Ludis D. Laberius mimum ſuum egit, donatusque quingentis H-S, & annulo aureo, ſeſſum in quatuordecim e ſcena per orcheſtram tranſiit.* & Macrobius: *Cum Laberius in fine ludorum annulo aureo honoratus a Caſare, e veſtigio in quatuordecim gradus ad ſpectandum tranſiſſet violato ordine, & cum detractus eſſet eques Romanus, & mimus remiſſus, ait Cicero praetereunſi Laberio ſedile quaerenti: Reciperem te, niſi anguſte ſederem.* Neque vero ſolum ingenui, ſed etiam libertini ſaepe aureo annulo ſunt donati, eo nimirum conſilio, ut eis non equeſtria modo ornamenta, ſed etiam ingenuorum jura ea largitione tribuerent. Unde ſcriptum reliquit Ulpianus, capite de jure annulorum aureorum, *qui tali jure affectus eſſet, eum tanquam ingenuum vivere, tanquam libertum mori. nimirum, quod patronus praeteritis adverſus ejus tabulas poſſeſſionem obtineret.* Quare cum dicat Dio, Menam Sex. Pompeii libertum poſt proditam patroni ſui claſſem annulo aureo ab Auguſto eſſe donatum, & in equitum cenſum aſcriptum, eo munere in ingenuitatem aſcitum interpretatur Suetonius, cum ſcribit, *Auguſtum neminem unquam libertinorum cunctis adhibuiſſe excepto Mena, ſed aſſerſo in ingenuitatem.* Quo de jure haec eodem in loco Dio adſicte; Nemini quondam Romanorum non libertino ſolum, ſed ne ingenuo quidem, annulos ferre aureos, praeterquam ſenatoribus, & equitibus licuiſſe. eaque de re libertinos, quos imperator voluerit, quanquam alia de cauſa aurum gerant, honoris tamen ergo, ut qui meliorem conditionem, quam quae libertinorum eſt, nanciscantur, & equites fieri poſſint, annulis aureis donari.

C A P. IV.

De Publicanis.

NEQUE vero alienum eſt, quoniam de equitibus Rom. dicere cepimus, de publicanis etiam, qui equites Rom. fuerunt, pauca ſubjungere. Sic igitur ſentio, publicanorum ordinem equitum Rom. ordine conſiſtiſſe, id eſt, publicanos nullos alios fere fuiſſe, quam equites Ro-

manos. Hoc vero cum aliorum multorum testimonio planum facere possum, tum maxime Plinii, qui scribit; *Judicium appellatone separari equestrem ordinem, primi omnium instituisse Gracchi, discordi popularitate in contumeliam senatus. mox ea debellata auctoritas nominis vario seditionum eventu circa publicanos substitit, & aliquando tertia vires publicani fuerunt.* M. Cicero domum stabilivit equestre nomen in consulatu suo, ei senatum concilians, ex eo ordine se profectum celebrans, & ejus vires peculiari popularitate quærens. & Ciceronis in Plan-
ciana, qui ait: Adjungam etiam, si vis, id quod tu etiam huic obesse putas, patrem publicanum. qui ordo quanto adjumento sit in honore, quis nescit? flos enim equitum Romanorum, ornamentum civitatis, firmamentum rei publicæ publicanorum ordine continetur. & pro Postumo: C. Curius princeps equestri ordini, fortissimus, & maximus publicanus. & pro domo: Proximus est equester ordo, omnes omnium publicanorum societates amplissima de me decreta fecerunt. & Livii libro XLIII. qui inquit: Censores Gracchus, & Claudius, cum equis adeptis equestrem ordinem offendissent, flammam invidiæ adjectere edicto, quo edixerunt, ne quis eorum, qui Q. Fulvio, A. Postumio censoribus publica vectigalia, aut ultro tributa conduxissent, ad bastam suam accederet, sociisque, aut affinis ejus conductionis esset. sæpe id querendo veteres publicanis, cum impetrare nequissent ab senatu, ut modum potestati censorie facerent, &c. Erant ergo publicani equites Romani fere, qui publica vectigalia populi Romani & ultro tributa, quæstus sui causa conducebant. ex quibus alii mancipes erant, alii prædes, alii focii, teste Polybio. Mancipem definit Festus, quisquis a populo aliquid emit, conducitve, quia sublata manu significat se auctorem emptionis esse. & Padianus mancipes principes publicanorum esse ait, qui quæstus sui causa exigenda a sociis suo periculo exigant, & reip. representent. Præi, teste Festo, est, qui populo se obligat, interrogatus a magistratu. & mancipes etiam præi est. quia tam debet populo præstare, quod promisit, quam is, qui pro eo præi factus est. focii erant, qui in partem quæstus, & jacturæ a mancibus, & prædibus vocabantur. Hi ergo omnes conducebant in foro a censoribus, quorum arbitrio hoc a senatu mandatum muneris erat, certa fe obligantes pecunia, quam quæstoribus urbanis representabant. unde dixit contra Rullum Cicero: Censoribus vectigalia locare, nisi in conspectu populi Romi. non licet, X. viris vendere vel in ultimis terris licet?

De ejusmodi vero conductione ex censura Catonis, & Flacci cognoscitur apud Livium: Censores vectigalia summis precibus, ultro tributa infimis locaverunt. quas locationes cum senatus precibus, & lacrimis publicanorum victus induci, & de integro locari iussisset, censores edicto summoti ab bastâ, qui iudicati priorem locationem erant, omnia eadem paululum imminutis precibus locaverunt. & ex censura Claudii, ac Sempronii, Edixerunt, ne quis eorum, qui Q. Fulvio, A. Postumio censoribus publica vectigalia, aut ultro tributa conduxissent, ad bastam suam accederet. contentione orta cum veteres publicani se ad tribunum contulissent, rogatio repente sub unius tribuni nomine promulgatur: Quæ publica vectigalia ultro tributa C. Claudius, & Ti. Sempronius locassent, ea rata locatio ne esset, de integro locarentur, & ut omnibus redimendi, & conducendi promissæ jus esset. In primis autem publicani in conducendis provinciarum vectigalibus erant occupati. quæ perinde ac Italica, ex agris, & pascuis, & portubus publicis exigebantur. In agris enim publicis homines quidam colendi causa collocati erant, qui aratores, atque agricolæ dicti decumam frumenti populo Rom. dabant, in pa-

A
 scuis alii, qui pastores appellati certum stipendium persolvebant, quod scripturam dicebant. publicani vero, qui decumas redimebant, decumani; qui pascua, pecuarii; qui portus, portitores; & vectigalia ipsa decumæ, scriptura, ac portorium vocabantur. Aratores autem, & pastores fere cives Romani erant, qui & ipsi quæstum sequuti agros publicos colebant, aut pecora alebant. Unde dixit Cicero in Verrem: *Siciliani cives Rom. partim cum quæstu, compendioque dimittere, partim retinere, ut arare, pascere, ut negotiari liceat: ut denique sedes, ac domicilium collocare: & in Fonteiana: Referta est Gallia negotiatorum, plena civium Rom. unum ex toto negotiatorum, colonorum, publicanorum, aratorum, pecuinariorum numero testem producant. item: Omnes illius provincie publicani, agricolæ, pecuarii, ceteri negotiatores Fontem defundunt.* & in Verrem: Pulsos aratores esse dico, agros vectigales vexatos, atque exinanitos a Verre. item: Magni, & navi aratores agros latoi & fertiles desererent, totasque arationes derelinquerent. De decumani vero, & pecuariis, & portitoribus, qui ab aratoribus, & pastoribus, & mercatoribus decumas, & scripturas, & portoria, quæ redemerant, exigebant, Alconius in Divinationem, Mancipes, inquit, sunt publicanorum principes, qui quæstus sui causa si decumas redimunt, decumani appellantur, si portum, portitores, si pascua publica, pecuarii, quorum ratio scriptura dicitur. & Cicero in Maniliania: *Asia tam fertilis est, ut ubertate agrorum, & varietate fructuum, & magnitudine pastionis, & multitudine earum rerum, quæ exportantur, facile omnibus terris antecellat.* & post: Cum hostium copie non longe absint, etiam si irruptio facta nulla sit, tamen pecora relinquantur, agricultura deseritur, mercatorum navigatio conquiescit. Ita neque ex portu, neque ex decumis, neque ex scriptura vectigal conservari potest. quare sæpe totius anni fructus uno rumore periculi, atque uno belli terrore amittitur. quo tandem animo esse existimatis, aut eos, qui vectigalia vobis prestant, aut eos, qui exercent, & exigunt: cum duo reges cum maximis copiis propè adsint, cum una excursio equitatus perbreui tempore totius anni vectigal auferre possit, cum publicani familias maximas, quas in sylvis habent, quas in agris, quas in portubus, atque custodiis, magno periculo se habere arbitrentur? & in Flacci defensione: Mirandum vero est homines eos, quibus odio sunt nostræ securæ, nomen acerbitati, scriptura, decuma, portorium, morti, libenter arripere facultatem ledendi. Adde, quod Festus scripturarium agrum definit, in quo ut pecora pascantur, certum est æs. quod publicani scribendo confect rationem cum pastore, nam proprie scripturam pecuinariorum rationem dici. De pascuis notum illud est Plinii: Etiam nunc in tabulis censorii pascua dicuntur omnia, ex quibus populus redditus haberet, quia diu hoc solum vectigal fuerat. unde Cicero contra Rullum de sylva Scantia: Utrum tandem hanc sylvam in relictis possessionibus, an in censorum pascuis, invenisti?

Neque vero solum publicani vectigalia hæc, quæ diximus, publica redimebant, sed alia quoque præterea multa, quæ ultro tributa dicta sunt. ut bello Punico II. quæ ad exercitum Hispaniensem opus essent, auctore Livio: Prodeundum in concionem Fulvio prætori esse, indicandasque populo publicas necessitates, exhortandosque, qui redempturis auxissent patrimonia, ut reip. ex qua crevissent, ad tempus commodarent, conducerebant ex lege præbenda, quæ ad exercitum Hispaniensem opus essent, ut cum pecunia in arario edixit, is primum solveretur. hæc prætor in concione edixit, quæ die vestimenta, frumentum, Hispaniensis exercitus præbenda, quæque alia opus essent navalibus focis, esset locaturus. ubi

ea dies venit, ad conducendum tres societates aderant A hominum undeviginti : quorum duo postulata fuere ; unum, ne alii eo triennio publicani essent, alterum ut que in naues imposuissent, ab hostium, tempestatisque vi tuta publico periculo essent. utroque impetrato conduxerunt. & alibi : Cethegum, & Tuditantum censores reficienda locasse, que circum forum incendio consumpta erant, VII. tabernas, macellum, atrium regium. & de Catone, & Flacco censoribus : Opera facienda ex pecunia in eam rem decreta, lacus sternendos lapide, detergendasque, qua opus esset, cloacas in Aventino, & aliis partibus qua nondum erant, faciendas locaverunt, & vestigalia summis precii, ultro tributa infimis locaverunt. Vocat autem ultro tributa sumptus operum publicorum, quorum locationem quinto quoque anno a censoribus factam Polybius, & Varro scriperunt. Quae vero Livius cum Varrone ultro tributa dixerunt, ea Plutarchus ἐποχὰς, id est, operum redempturas vocavit, ubi de censura Catonis, & Flacci scribit.

Quod autem mentio facta est societatum publicanorum, intelligendum est, publicanos in multis societates divisos conduxisse. Etenim, ut libro VI. narrat Polybius, alii conducebant, alii cum his societatem coibant, alii pro his bona fortunaeque suas resp. obligabant. Unde Tulliana illa sunt, ad Crassipudem : Volo te existimare, me cum universo ordini publicanorum multum semper liberalissime tribuerim, tum in primis amicum esse huic Bithynicae societati, quae societas ordine ipso hominum genere pars est maxima civitatis. constat enim ex ceteris societatibus. & casu permulti sunt in ea societate valde mihi familiares, inprimisque T. Rupilius P. F. Men qui est magister in ea societate. & in Planciana, de Cn. Plancio : Maximarum societatum auctor, plurimarum magister. & in Sextiana : Nulla erat Romae societas vestigalium, quae non honestissime decrevisset de mea salute. & pro Murena : Quid si omnes societates venerunt, quorum ex numero multi hic sedent iudices. & in Bruto : Familia, & liberi societatis ejus, quae picearias de censoribus redemisset. & in epistolis ad fratrem : Non desistunt nobis quotidie agere gratias honestissime, & maxime societates. Ex his autem sociis unus fuit, qui magister societatis dictus est, qui Romae societati ita praeerat, ut & socios, quasi senatum cogendi, & ad eos de societatis negotiis referendi potestatem haberet, curamque omnem gereret tabularum, & rationum, quae undique ab iis, qui publicanorum societati operas dabant, Romam mitterentur. Etenim, ut inquit Cicero in frumentaria, ea est ratio decumarum, ut sine plurimis literis confici non possit, singula enim nomina aratorum, & cum singulis portiones decumarum litteris persequi, & conficere necesse est. Hic porro quandam habuit pro magistro in provincia quasi suum vicarium, & societatis praefectum. unde Cicero Plancii patrem dixit maximarum societatum auctorem, plurimarum magistrum. & in epistolis, P. Rupilius magistrum in Bithynica societate, Cn. Pupium in operis societatis. & alio loco : P. Terentius Hispano operas in scriptura pro magistro dat. & de eodem ad Atticum : Terentius magnas operas in portu, & scriptura Asiae pro magistro dedit. & in Verrem : In scriptura Siciliae pro magistro est L. quidam Carpinatius. item : L. Vibius eques Romanus primarius, quem reperiebam magistrum fuisse eo ipso anno. & Valerius libro V. P. Rupilius non publicanum in Sicilia egis, sed operas publicanis dedit. idem ultimam inopiam suam auctorato sociis officio sustentavit. ab hoc postmodum consule leges universi Siculi acceperunt. & quem diurnas capturas exigentem animadverterunt, eundem jura dantem, classisque, & exercitus regentem viderunt. Cum ergo

publicani, quemadmodum ex his patet, equites ferre fuerint, non tamen equites omnes publicani fuerunt, cujus rei argumento est id, quod extat apud Nepotem de Attico equite Romano : Ad hanc publicam nunquam accessit, nullius rei neque praes, neque manceps factus est. & apud Varronem libro primo de re rustica : Offendi ibi C. Agrum equitem Romanum, & P. Agrivum publicanum.

Atque haec quidem de publicanis, & eorum operis. Factum est autem, ut summa publicanorum avaritia, & prope impudentia singulari non solum provinciae, in quibus vestigalia exercerent, sed etiam urbs ipsa, in qua ea conducere, turbaretur. Unde Paulus Aemilius in Macedonia ordinanda, metalli Macedonici, quod ingens vestigal erat, locationesque praediorum rusticorum tolli censuit, quod intelligeret, sine publicano ea exerceri non posse ; & ubi publicanus esset, ibi aut jus publicum vanum, aut libertatem sociis nullam esse. Præterea P. etiam Rutilium, virum innocentissimum ab equitibus, qui tum soli judicabant, condemnatum accepimus, quod legatus Q. Mucii procos. Aliam a publicanorum injuriis defenderat. & Cicero ad fratrem scribens, ait : Huic tuae voluntati, ac diligentiae difficultatem magnam afferunt publicani, quibus si adversamur, ordinem de nobis optime meritum, & per nos cum rep. conjunctum, & a nobis, & a repub. disjungimus. sin autem omnibus in rebus obsequimur, funditus eos perire patiemur. quorum non modo salutem, sed etiam commodis consulere debemus. & post : Hic ita te versari, ut & publicanis satisfacias, praesertim publicis male redemptis, & sociis perire non sinas, divinae cujusdam virtutis esse videtur. & post : Poteris etiam tu id facere, ut commemores, quanta sit in publicanis dignitas, quantum nos illi ordini debeamus ; ut remoto imperio, ac vi potestatis, & fascium, publicanos cum Graecis gratia, atque auctoritate conjungas. Atque haec eadem avaritiae vis causam postremo attulit, ut ipsi a senatu equites Rom. alienarentur. Nam cum publicani, qui Arianæ vestigalia Messala, & Pisonæ cos. a censoribus conduxerant, questi in senatu essent, auctore in epistolis ad Atticum missis Cicerone, se cupiditate prolapsos ea nimium magno conduxisse, atque, ut ea induceretur locatio, postulasent, neque id repugnante Catone assequi potuissent, a senatu disjuncti sunt, ægre ferente maxime, qui concordiam eorum ordinum consul reconciliarat, Cicerone, donec C. Cæsar consul eos remissionem petentes lege ad populum lata, tertia mercedum parte, testibus cum Suetonio, Dione & Appiano, relevavit. quam, credo, legem Cicero, cum pro Plancio diceret, intellexit, cum ita locutus est : Nam quod primus scivit legem de publicanis, tum cum vir amplissimus consul illi ordini per populum dedit, quod per senatum, si licuisset, dedisset, si in eo crimen est, quis suffragium non tulit, qui non tulit publicanus ? Atque de equitibus haecenus.

C A P. V.

De plebe Romana.

RESTAT tertius ordo eorum, qui de plebe Romana dicti sunt. quos nescio an commodius describere possimus, quam si, qui neque senatores, neque equites Romani essent, dicamus. Et sane ita est, ut si civium Rom. omnium multitudinem trium horum ordinum descriptio est complexa, quos priores duo non comprehenderunt, eos necessario constituisse in tertio concludamus. Tertius autem plebs est dictus, non quo modo plebem patriciis opponi supra docuimus, ut gentem

genti, sed quo modo senatoribus, & equitibus ad-
versatur, ut ordo ordini. itaque ut senatorium or-
dinem, & equestrem tam plebei, quam patricii
expleverunt, sic plebeium infimum non ex plebeis
solum, sed etiam patriciis aliquot constituisse, di-
cendum est; nempe eis, quos paupertatis causa ne-
que in senatum censores legerant, neque equo pu-
blico donaverant, nili forte aut L. Tarquitiū L.
Cincinnati dictatoris equitum magistrum, quem
pedibus stipendia propter paupertatem fecisse Livius
ait, aut M. Scauri patrem, quem propter tenuissi-
mas opes carbonariam fecisse in lib. de viris illu-
stribus scriptum est, ambos patricos viros, aut se-
natores, aut equites fuisse existimemus. quos gra-
dus qui assequi potuerunt si censores in utroque
legendo ordine censum, ut dixi, respexerunt?
Hunc autem ordinem in duas partes dividimus,
plebem rusticam, & plebem urbanam. Rusticam
vocamus, quæ agros, urbanam, quæ urbem inha-
bitet. de quibus rerum ordo postulat, ut sigillatim
dicamus.

C A P. VI.

De plebe Rustica.

AGAMUS autem ante de plebe rustica, quæ
ut simplicior, sic honestior, atque integrior
fuit. hinc enim scitum est illud Catonis in
principio librorum de re rust. *Ex agricolis, & vi-
ri fortissimi, & milites strenuissimi gignuntur, maxi-
meque pius questus, stabilissimisque consequitur, mi-
nimeque invidiosus. minimeque male cogitantes sunt,
qui in eo studio occupati sunt.* Rusticam autem,
ut dixi, voco plebem, quæ rura teneat, idque
agri colendi causa: colat autem vel suum agrum,
vel alienum, sive publicus is fuerit, sive privatus.
Neminem enim adeo rerum Romanarum rudem
esse, & imperitum opinor, qui ignoret, quanto
studio ab iis primis temporibus, res rustica culta
sit. Docet quippe hoc dilerte Dionysius, qui Ro-
mulum instituisse scribit, ut cives Romani artem
militarem, & rem rusticam tantum tractarent. de-
monstrat non obscure Plutarchus, qui Numam
summa diligentia populum Rom. ad agriculturam,
id est, ad pacis, & honestatis studium traduxisse
ait, adeo ut solertes etiam in ea re homines præ-
miis excitaret, ignavos autem ignominia metu de-
terruit. ostendit Livius, qui caritatem annonæ ex
incultis per secessionem plebis in montem Sacrum
agris civitatem invasisse tradit. probat iterum Dio-
nysius, qui M. Fabium, L. Valerium consules
non audientes dicto cives, qui fundos habebant,
pecunia multasse, & eorum agros vastasse, & do-
mos disturbasse; qui alienum agrum colerent, eo-
rum domesticam suppellectilem, & rustica ad co-
lendam terram instrumenta corrupisse, ait. Quin-
etiam idem L. Cincinnati, & T. Quinctii Clau-
di, hominum patriciorum, quos agrum manibus
suis coluisset, memorie proditum est, præclarissi-
mis, atque notissimis exemplis possumus confirma-
re. Nam quid Curium, Fabricium, Regulum,
Serranum, consulares, ac triumphales viros, Tar-
rentini, & Punicus belli æquales commemorem?
de quibus sic locus est Cicero in Rosciana: *Næ-
tu, Eruci, accusator esses ridiculus, si illis temporibus
natus esses, cum ab aratro accerserentur, qui con-
sules fierent: etenim qui præesse agro colendo fla-
gitium putes, profecto illum Atium, quem sua ma-
nu spargentem semen, qui missi erant, convenerunt,
hominem turpissimum, atque inhonestissimum judica-
res. at hercules majores nostri longe aliter & de il-
lo, & de ceteris talibus viris existimabant. Itaque
ex minima, tenuissimaque rep. maximam, & floren-*

*Alissimam nobis reliquerunt. suos enim agros studiose
colebant, non alienos cupide appetebant.* Hanc au-
tem plebem Livius intellexit, cum Sp. Postumum
consulem de bacchanalium sacerdotibus his verbis
populum Roman. alloquentem fecit: *Jam ubi vos
dilapsi domos, & in rura vestra eritis, illi coierint.*
& Appianus, cum scripsit, Ti. Gracchum rusticos
ad comitia advocasse, sed eos colligendis ætate fru-
stribus occupatos non affuisse. Ceterum hoc studium
ætate sua intermissum conqueritur M. Varro in li-
bris de re rustica. *Igitur, inquit; quod nunc intra
murum fere patres familie corripserunt, relictis fal-
ce, & aratro, & manus movere maluerunt in thea-
tro, ac circo, quam in segetibus, ac vinetis. fru-
mentum locamus, qui nobis advehat.* Hoc autem
ait, quia quos agros senatores, equestresque Roma-
ni, & multi urbana e plebe locupletes possidebant,
eos ipsi non per liberos homines, sed per servos fe-
re colebant. quorum familias magnas in eum usum
alebant, eo consilio, ut inquit Appianus, ne ali-
quo ingruenti bello, delectus causa, agri cultori-
bus defererentur, cum servi ad militiam non evo-
carentur. unde illud præclare apud Livium libro vi.
ubi de fecundissimo militum Volscio solo agit: *Si-
mile veri est, innumerabilem multitudinem liberorum
capitum in eis fuisse locis, quæ nunc vix seminario
militum relicto servitia Romana ab solitudine vindi-
cant.* Neque tamen ita novissimis temporibus agri
cultura servis erat commissa, ut non etiam liberi
multi in agris vel privati, vel publicis colendi cau-
sa versarentur. Id enim cum aliorum multorum do-
cemur exemplis, tum maxime P. Naticæ ejus, qui
cum Jugurtha bellum gessit. qui, ut a Valerio tra-
ditum est, cum ædilitatem curulem adolescens pete-
ret, manumque ejusdem rustico opere duratam, mo-
re candidatorum tenacius apprehendisset, Joci causa
interrogavit eum, num manibus solitus esset ambula-
re? quod dictum a circumstantibus exceptum ad po-
pulum manavit, & causam repulsæ Scipioni attulit.
omnes namque rusticæ tribus paupertatem sibi ab eo
exprobratam judicantes iram suam adversus contumeliosam ejus urbanitatem distinxerunt. Quo loco ru-
sticas tribus vocat plebem rusticam, quæ manibus
suis agros excoleret, ac maximas in tribus rusti-
cis opes haberet. quam eandem intellexit Livius,
cum apud eum milites Rom. ita loquuntur: *At
æquum esse, Campanos dediticios illa fertilitate, at-
que humanitate perfrui, se militando fessos in pesti-
lenti atque arido solo luctari?* & Cicero ad Brutum:
*Dicique homines rusticos, sed fortissimos, viros cives-
que optimos dementes fuisse. primum milites vetera-
nos, deinde legiones Martiam, & Quartam.* &
iterum Livius: *Numerum auxit rustica plebs ex in-
cultis diutino bello, infestisque agris egestate, & mo-
tu in urbem compulsâ.* Quocirca Marcus Cicero ora-
toris nostri filius per epistolam jocans cum liberto
Tirone, qui rusticum prædium emerat, ait: *Rusti-
cus Romanus factus es.* quasi vero cum agrum mo-
re majorum manibus suis esset Tiro culturus. Hi
autem agri plebi Romanæ vel a triumviris lege fue-
rant assignati, ut quondam Licinia lege de quin-
gentis jugeribus, post Semproniam; aut a censoribus
erant civibus Romanis pauperibus fruendi dati, ita
ut decumas frumenti annuus solverent, quos supra
aratores, & agricolas vocitatos diximus. Atque hoc
quidem id est, quod scripsit Plutarchus in Tiberio;
populum Rom. finitumorum agros bello partos alios
vendidisse, alios publicatos fruendos pauperibus ci-
vibus assignasse, non admodum magna mercede
reip. perloluta. Priores intellexit Livius, cum Sp.
Ligustinum ita loquentem fecit: *Sp. Ligustinus tri-
bus Crustumine ex Sabinis sum oriundus. pater mi-
hi agri jugerum reliquit, & parum tugurium, in
quo natus, educatusque sum, bodieque ibi habito.*
& Pedianus, cum in Divinationis commentario
ita

ita scriptum reliquit: *Plebs rustica partim agros, partim sui civitatis amissa, partim omnino proscripta est, victore Sylla, quod plebs Romana de Marianis partibus fuerat.* & Sallustius in Catilina: *Præterea juvenis, quæ in agris manu mercede inopiam toleraverat, privatis, & publicis largitionibus excita urbanum otium ingrato labori prætulera.* & Cicero in agraria secunda: *Quæ est ista contumelia, ut ager ante rusticis detur, qui habent, quam urbanis, quibus ista agri spes, & jucunditas ostenditur?* Posteriores idem intellexit, cum hoc modo subjecit: *Deinde in hac assignatione agrorum ne illud quidem dici potest, quod in ceteris, agros desertos a plebe, atque a cultura hominum liberorum esse non oportere, sic enim dico, si Campanus ager dividatur, ex-turbari, & expelli plebem ex agris, non constitui.* totus enim ager Campanus colitur, & possidetur a plebe, & plebe optima & modestissima. quod genus hominum optime moratorum, optimorum aratorum, & militum ab hoc pellicola tribuno funditus eicitur. & ad Atticum: *Multum necum municipales homines loquuntur, multum rustici, nihil prorsus aliud curant, nisi agros, nisi villas suas.* item: *Municipia, & rustici Romani Cæsarem metuunt.* Atque de rustica quidem plebe hæc satis.

C A P. VII.

De plebe urbana.

PLEBS autem urbana est, quæ intra urbem habitavit. Quam non eandem fuisse cum rustica, est satis ex iis, quæ dicta sunt, esse perpicuum potest, tamen exemplo etiam ex feditione Apuleiana petito planius faciam. de qua sic scriptum esse video apud Appianum: *Appuleius legi ferende diem edixit. atque eos, qui in agris versabantur advocavit. in enim maxime, quod Mario imperatore stipendia meruissent, confidebat. majores autem esse Italicorum operi populus ægre ferebat. ac die legis ferende, quicumque tribunorum legi intercedebant, ab Appuleio contumelia affecti se ex tribunali proticiebant. urbana vero turba clamorem sustulit, quasi tonitruum audisset. cum autem Apulicani vim facerent, urbani abjectis vestibus, atque arreptis lapidibus in rusticos se intulerunt. illi vero iterum ab Appuleio coacti, & ipsi cum fustibus in urbanos impetum fecerunt. ac per vim legem jussissent.* Hujus autem plebis partes fuerunt, Tribuni æarii, Scribæ, Mercatores & negotiatores, Argentarii & fœneratores, Artifices & opifices, Turba forensis, Libertini, & magistratuum apparitores, quas partes plebis urbanæ propterea voco, quoniam omnes fere, qui e plebe fuerint, in aliquo horum munerum occupatos fuisse comperio. Hujus autem præceptionis quem locupletiores, aut certiores possum producere testem, quam Ciceronem? Is autem in quarta in Catilinam, in senatu ita agit: *Omnes adjunt omnium ordinum homines, plenum est forum, pleni omnes aditus hujus loci, atque templi. quid ego hic equites Romanos commemorem? pari studio defendende reip. convenisse video tribunos æarios; scribas item universos. quos cum casu hic dies ad ærarium frequentasset, video ad expectationem sortis, ad communem salutem esse converfos. omnis ingenuorum ad est multitudo etiam tenuissimorum. opere præcium est, libertinorum hominum studia cognoscere, qui sua virtutem fortunam civitatis consequuti hanc vere suam patriam esse judicant. Quod si auditum est, lenonem quendam Lentuli concurrere circum tabernas, precio sperantem solitari posse animos egentium, atque imperitorum, est id quidem ceptum, atque tentatum; sed nulli sunt inventi tam aut fortuna miseri, aut*

*voluntate perdit, qui non ipsius illum selle, atque operis, & quæstus quotidiani locum, qui non cubile, lectulum suum, qui denique non cursum hunc otiosum vitæ saluum esse velint. multo vero maxima pars eorum, qui in tabernis sunt, immo vero genus hoc universum amantissimum est otii. etenim omne eorum instrumentum, omnis opera, ac quæstus frequentia civium sustinetur, alitur otio. quorum si quæstus clausis tabernis minui solet, quid tandem incensis futurum fuit? Loquitur ad senatum Cicero. omnium ordinum homines convenisse ait, primum equites Romanos, deinde tribunos æarios, scribas, libertinosque; opifices autem tentatos. Ergo tribuni æarii, scribæ, libertini, & opifices plebis ordinem obtinuerunt. Confirmat hoc idem in Rabiriana, cum ait: *Quid dicam de equitibus Rom. qui una cum senatu salutem reip. defenderunt; quid de tribunis æariis, ceterorumque ordinum hominibus?* confirmat etiam Q. Frater in libello de petitione: *Primum, inquit, id, quod ante oculos est, senatores, equitesque Romanos, ceterorum ordinum homines navos, & gratiosos complectere. multi homines urbani, & industrii, multi libertini gratiosi in foro nanque versantur. deinde autem oratores urbis totius, collegium omnium pagorum, vicinitatem. ex iis principes ad amicitiam tuam si adjunxeris, per eos reliquam multitudinem facile tenebis.* Pagorum autem collegium dixit, quoniam plebs urbana in pagos est a Ser. Tullio, teste Dionysio, distributa. unde illud est pro domo sua: *Nullum est collegium in hac urbe, nulli pagani, aut montani, (quoniam plebs quoque urbanæ majores nostri conventicula, & quasi consilia quædam esse voluerunt, & qui non amplissime de mea salute decreverint. Sed de singulis ordine dispuemus.**

C A P. VIII.

De Tribunis æariis.

TRIBUNOS æarios ordinem quendam apparatus fuisse eorum, quibus, ut ait Varro, attributa erat pecunia, ut militi redderent. Pecuniam autem attributam definit in tertiam Verriani Pedianus, quæ in stipendium militum de æario a tribunis æariis adnumerari quæstori solet. Quæstores porro æarii Varro dictos scribit, qui pecunias conquirerent publicas. Et certe in tabulas pecuniam publicam referendi quæstoris munus fuisse, multorum testimoniis planum fieri posset: ex quo intelligi licet, quæstores curasse pecuniam, quam in ærarium inferrent; tribunos æarios, quam ex æario sumptam quæstori proconsulis, atque exercitui maxime erogarent. unde Cicero procos. illud scripsit ad Caninium: *Pecuniam, quæ mihi attributa est, a quæstore curatur.* Fuit autem horum ordo sane antiquus, quippe quorum meminerit etiam Cato, (auctore Gellio lib. vii.) in primo epitolicarum quæstionum, his verbis: *Pignoriscapio ob eis militare: quod eis a tribuno æario miles accipere debebat.* Quamobrem satis constituitur non possum, quod sit eorum consilium, qui ex sententia Ciceronis tribunos æarios inter minores magistratus iccirco referunt, quod is in tertio de legibus ita scriptum reliquit: *Minores magistratus partim juris plures in plera sunt. militie quibus jussi erunt, imperant, eorumque tribuni sunt, domi pecuniam publicam custodiunt.* quid ita? quia intelligo, hoc loco non tribunos æarios, sed tribunos militum, & quæstores æarii esse descriptos. Tribunos autem æarios e plebe fuisse, non locus solum, quem ante protuli ex oratione Ciceronis in Catilinam, ostendit, sed etiam lex Aurelia, quæ communi-

cata iudicia feruntur inter tres ordines, senatores, equites Rom. & tribunos ærarios. quos, cum hunc explicaret, perspicue e plebe fuisse Dio in hitoria scribit. Videntur autem a Cotta in iudices e plebe illi relati, qui honestiore in plebe ordine, ac loco essent commodiore, ut cum senatoribus, & equi- bus apte conferrentur.

CAP. IX.

De Scribis.

TRIBUNORUM porro ærarii ordini honore proximus scribarum ordo fuit. Hos Festus definit librariorum, qui rationes publicas scribunt in tabulis. Apparuerunt autem singulis magistratibus eo nomine, ut rationes publicas in tabulas referrent, & leges, actaque omnia perscriberent. unde dixit in v. in Verrem Cicero, scribarum ordinem esse honestum, quod eorum hominum fidei tabule publicæ, periculaque magistratuum committantur. & pro domo: Scribe, qui nobiscum in rationibus, monumentisque publicis versantur, non obscurum de meis in reipub. beneficiis suum iudicium, decretumque esse voluerunt. & in Pisonem, Rationes ita sunt perscriptæ scite, & literate, ut scriba ad ærarium, quicæ retulit, perscriptis rationibus, secum ipse caput perscricans, commurmuratus sit. ratio quidem hercle apparet. argentum oïxeræ. Leges autem quodammodo in manibus scribas habuisse, & magistratibus jus suggessisse ostendit idem, cum in tertio de legibus extremo scribit: Animadverto quosque in magistratibus ignoratione juris sui tantum sapere, quantum apparitores velint. quod ipsum de scribis esse dictum, docet Plutarchus, ubi scribarum arrogantiam a M. Catone minore fractam, ac repressam esse narrat, in hæc verba: Cato cum quaesturam inisset, ministros, & scribas coercuit, qui publicas tabulas, legesque tractantes, cum adolescentes nati essent, quibus magistratibus apparerent, quod ii propter inscientiam magistris egerent, potestate non cederant, sed ipsi erant magistratus. Eos vero Cato apparitorum loco, ut erant, tractavit: cum alios fraudis, alios inscitie insinularet. cumque illi auxilio collegarum Catonis usi resisterent, Cato primum eorum damnatum de fraudata hereditate ab ærario expulit, alterum vero de inertia postulavit. qui cum gratia Catuli censoris fultus coassisset, eo nunquam usus est Cato. Adde illud, scribas fere a quaestoribus mercedem apparitionis accipere solitos. id quod ex fragmento veteris hujus tabulæ intelligitur:

Q. VRB. QVEI. ÆRARIVM. PROVINCIAM. OPTINENT. EAM. MERCEDEM. DEFERTO. QVÆSTOR QVE. QVEI. ÆRARIVM. PROVINCIAM OPTINEBIT. EAM. PECVNIAM. EL. SCRIBÆ. SCRIBEISQVE. HEREDIVE. EIVS. SOLVITO. IDQVE. EL. SINE. FRAVDE. SVA. FACERE. LICETO. QVOD SINE. MALO. PEQVLATV. FIAT. OLLEISQVE. HOMINIBVS. EAM. PECVNIAM. CAPERE. LICETO.

Omnium autem, ut scribit Festus, minimæ dignitatis fuit scriba navalis, quod periculis quoque ejus ministerium esset objectum.

Cum ergo multi essent scribæ in civitate, factum est, ut in decurias multas sint translati, quaestoriorum, ædiliciorum, prætoriorum, prout a quaestoribus, ædilibus, prætoribus essent lecti. nam hoc jus eorum magistratuum fuisse, non obscure innuit Cicero in Cluentiana: Nuper hominem tenuem scri-

Aham ædilicium D. Matrinium cum defendissem apud M. Junium, Q. Publicium prætores, & M. Pletorium, C. Flaminium ædiles curules, persuasi, ut scribam jurati legerent eum, quem, iidem isti censor ærarium reliquissent. & Livius libro XL. Q. Petillius prætor urbanus eos libros a L. Petillio scriba sumpsit. & erat familiaris usus, quod scribam eum, quaestor Q. Petillius in decuriam legerat. Sed tamen aliquot etiam decurias precio emptas fuisse, apparet ex oratione quinta in Verrem, in qua ille ita disserit: Ad eos me scribas revoca, si placet; noli hos colligere, qui numulis corrogati de nepotum bonis, ac de scenicorum corollariis, cum decuriam emerunt, ex primo ordine explosorum in secundum ordinem civitatis se venisse dicunt. eos scribas tecum disceptatores hujus criminis habeo, qui istos scribas esse molestos ferunt. tamen si cum in eo ordine videamus esse multos non idoneos, qui ordo industrie propositus est, & dignitati, mirabimur turpes aliquot in eo esse, quo cuius licet precio pervenire?

Non admodum autem gravem, atque honestum fuisse Romæ scribarum ordinem, duæ res indicio sunt: una quod Probus in Eumene, scribarum munus multo apud Græcos honorificentius fuisse, quam apud Romanos prodit. nam apud Romanos revera, sicut essent, mercenarios habitos, apud Græcos neminem, nisi honesto loco, & fide, & industria cognita admittimus. altera, quod Piso apud Gellium de Cn. Flavio scriba ita scribit: Cn. Flavius, patre libertino natus scriptum faciebat: isque in eo tempore ædilis curulis apparebat, pro tempore ædilis subrogantur. cumque primæ tribus ædilem curulem renuntiaverunt. atque ædilis, qui comitia habebat, negat accipere, neque sibi placere, qui scriptum faceret, eum ædilem fieri. Cn. Flavius dicitur tabulas posuisse, scriptu sese abdicasse. isque ædilis curulis factus est. Non tamen aditum omnino scribis ad majores honores fuisse interclusum, Cicereii, qui Scipionis Africani majoris scriba fuerat, exemplum ostendit, qui audore Valerio, cum in campum Africani filium candidatum prætoris comitiis deduxisset, seque omnibus centuriis Scipioni anteferri vidisset, e templo descendit. quin etiam Cicero in libris de officiis, quandam memorat, qui cum in Sullæ dictatura scriba fuisset, post in Cæsaris prætor urbanus fuit.

CAP. X.

De mercatoribus, & negotiatoribus.

SCRIBIS nescio an alios e plebe honestiores homines adjunxerim, quam mercatores. Mercatores autem appello, qui iis rebus quibus abundamus, exportandis, & iis, quibus egemus, invehendis quaestum faciunt. quem quaestum laudat Cicero in primo de officiis his verbis: Mercatura si tenuis est, sordida putanda est; si magna, & copiosa, multa undique apportans, multisque sine vanitate impartiens, non est admodum vituperanda. atque etiam, si satiata quaestu, vel contenta potius, ut sepe ex alto in portum, ex portu ipso se in agros, possessionesque contulerit, videtur jure optimo posse laudari. quid autem dixi Ciceronem? Cato ille senior tale de mercatoribus reliquit in principio librorum de re rustica testimonium: Est interdum, inquit, præstare populo, mercatorum rem quaerere, ni tam periculosum sit. neque ita multo post: Mercatorem strenuum, studiosumque rei quaerendæ existimo; verum, ut supra dixi, periculosum, & calamitosum. Quocirca Cicero etiam in Paradoxis, honestos quaestus eorum appellavit, qui mercaturam facerent, operas darent, publica sumerent.

Horum vero duo genera fuisse invenio, unum eorum, qui proprio nomine mercatores appellati sunt; alterum, qui negotiatores & negotia gerentes. inter quos illud potissimum, ni me conjectura fallit, interfuit, quod mercatores Romæ domicilium, familiamque habuerunt, quamquam interdum quaestus causa in provinciis per aliquot mensum spacium versarentur: negotiatores vero eundem sequuti quaestum in provinciis sedem, ac domicilium futurum suarum collocarunt; neque fere Romam, nisi censendi causa decesserunt. Itaque ut Romæ fuit mercatorum collegium, sic in provinciis conventus negotiatorum. Mercatorum vero collegium institutum esse anno CCLIX. post Romam conditam, Claudio, Servilioque coſſ. Livii testimonio cognitum est, qui inquit: *Certamen consulis incidere, uter dedicaret Mercurii ædem. senatus a se rem ad populum rejecit. utri eorum dedicatio jussu populi data esset, eum præesse annone, mercatorum collegium instituere, solemnia pro pontifice jussu suscipere.* Itaque Festus mercatorum diem festum Idus Maias appellat, quod eo die Mercurii ædes esset dedicata. eodem vero a Mercurio, quem coluerint, deo Mercuriales appellatos, juvat inspicari, de quibus Ovidius in Fastis, ubi de Mercurii aede consecrata loquitur, ita scribit:

*Te quicumque suas profitentur vendere merces,
Tibure dato, tribus ut sibi lucra, rogant.*

& Cicero in epistolis ad fratrem, ita: *M. Furium Flaccum, equitem Romanum, hominem nequam, Mercuriales, & Capitolini de collegio ejece- runt.* Nam Capitolinorum collegium a M. Camillo dictatore ludis Capitolinis, eodem teste Livio, constitutum satis constat. Fuisse tamen aliquot etiam equites Rom. in Mercurialium collegio, ex iisdem Ciceronis verbis apparet.

Negotiatorum porro crebra apud Ciceronem est mentio. in epistolis ad fratrem: *Constat Asia ex eo genere civium, qui aut quod publicani sunt, nos summa necessitudine attingunt, aut quod ita negotiantur, ut locupletes sint; nostri consulari beneficio, se incolumes fortunas habere arbitrentur.* in Maniliana: *Ac ne illud quidem negligendum est, quod ad multorum bona civium Rom. pertinet. nam & publicani suas rationes, & copias in illam provinciam contulerunt: deinde ceteris ex ordinibus homines navi, & industrii partim in Asia negotiantur, partim suas, suorumque in ea provincia pecunias magnas collocatas habent.* pro Fonteio: *A civibus Rom. qui negotiantur in Gallia, referta est Gallia negotiatorum, plena civium Rom. unum ex toto negotiatorum, colonorum, publicanorum, aratorum, pecuariorum testem producant.* Item: *Nemo est civis Romanus, qui sibi ulla excusatione utendum putet. omnes illius provinciae publicani, agricolae, pecuarii, ceteri negotiatores Fonteium defendunt.* Unde illa sunt etiam in Verrem de laudibus provinciae Siciliæ: *Quid, quod multis locupletioribus civibus utitur, quod habent propinquam fidem, fructuosamque provinciam, quo facile excurrant, ubi libenter negotium gerant, quos illa partim mercibus suppeditandis cum quaestu, compendioque dimittit, partim retinet, ut arare, pascere, ut negotiari libeat; ut denique sedes ac domicilium collocare. & alio loco: Vexasti negotiatores. inviti enim Romam, raroque decedunt. Fuisse autem aliquot etiam equites Romanos & negotiatoribus, non est cur sit dubitandum, praesertim cum dicat idem in Verrem: *L. Pretius splendidissimus eques Romanus, qui Panormi negotiatur, & Q. Minucius eques Rom. qui Syracusis.* Nam quod de censendo dixi, id scriptum est in epistolis ad Atticum, ubi adhortans eum, ut aliquando se revitat, concludit: *Sub lustrum autem censeri, germani negotiatoris est.**

Legi etiam consuevisse iudices a praetoribus in

provinciis ex conventu civium Rom. qui in provincia negotiarentur, significat saepe idem in Ver-
rinis.

Negotiatores autem in provinciis multo, quam mercatores, erant notiores. unde majora mercatoribus, quam negotiatoribus ad ea aduentibus loca pericula impendebant. Id quod Cicero his verbis contra Verrem conqueritur: *Haecine plebi Romanae te praetore est constituta conditio? hac negotii gerendi spes? hoc capitis vitaeque discrimen? parum ne multa mercatoribus sunt necessario pericula subeunda fortunæ, nisi etiam hæc formidines ab nostris magistratibus, atque in nostris provinciis impendebunt?* Item: *Homines tenues, obscuro loco nati navigant, adeunt ad ea loca, quæ nunquam antea viderunt. ubi neque nos esse vis; quo venerunt, neque semper cum cognitoribus esse possunt. hac una tamen fiducia civitatis non modo apud nostros magistratus, sed quocumque venerint, hanc sibi rem praesidio sperant futuram.*

Neque vero solum mercatores cives Romani fuerunt, sed etiam institores mercis: qualem fuisse C. Terentium Varronem, qui consul exercitum ad Cannas pulcherrimum amisit, prodit Livius. Insti-
torem vero quaestuarie negotiationis praefectum, ut procuratorem non quaestuarie appellarunt. quos ambos eorum numero comprehensos patet, quos Cicero dixit, operis dandi quaestum fecisse.

C A P. XI.

De Argentariis, & Feneratoribus.

JAM vero argentarios etiam fuisse, ac nummularios constat. Sunt, qui patrum, atque adeo nostra memoria litteris prodiderint, argentarios florentem repub. eosdem fuisse cum mensariis. ad quam opinionem unde illi, aut qua ratione venerint, satis constituere non possum. Ego enim inter illos, atque hos plurimum opinor interfuisse. id quod hoc loco non redarguendi alicujus studio ductus, sed rei illustrandæ cupiditate incensus, paucis ostendam. Res autem uno verbo patebit, si intellexerimus, mensarios publicam rationem conficisse, argentarios privatam; illos rei nummarie publicæ curatores fuisse, hos negotiationis privatæ. Itaque eos Romæ, ut res tulit, modo quinqueviros, modo triumviros esse creatos; hos, ut etiam reliquos mercatores, nullius lectione, judicio suo, quaestu tantum privato inductos, rem nummariam jam inde ab initio urbis exercuisse.

Mensariorum autem prima, ut opinor, mentio fit apud Livium P. Valerio Publicola, C. Marcio Rutilo coſſ. anno post urbem conditam quadringentesimo primo. eos vero ille creatos levandi fœneris causa tradit: idque his verbis: *Inclinatis semel in concordiam animis, novi consules senebrem quoque rem, quæ dislinere unanimes videbatur, levare aggressi, solutionem alieni æris in publicam curam verterunt, quinque viris creatis, quos mensarios ab dispensatione pecunie appellarunt: meriti equitate, curaque sunt, ut per omnium annuum monumenta celebres nominibus essent. fuere autem C. Duilius, P. Decius Mus, M. Papirius, Q. Publius, & Ti. Æmilius, qui rem difficillimam tractatu, & plerumque parti utrique, semper certe alteri gravem, cum alia moderatione, tum impendio magis publico, quam jactura sustinuerunt. tarda enim nomina, & impeditiora inertia debitorum, quam facultatibus, aut erarium mensis cum ære in foro positus dissolvit, ut populo prius caveretur; aut estimatio æquis rerum precii liberavit, ut non modo sine injuria, sed etiam sine querimoniis partis utriusque ex-*

hausta vii ingens æris alieni sit. Alterum monumentum eorum extat L. Postumio, Ti. Sempronio cons. anno urbis quingentesimo tricesimo octavo, bello Punico. quo anno idem ait, Romæ propter penuriam argenti triumviros mensarios rogatione Minucii tribuni pleb. factos. Quocirca quinquennio post, eodem bello, M. Valerius Lævinus cos. cum de conferendo in bellum promiscue omniauro, argento, atque ære in senatu ageret, dixit: Ceterum omne aurum, argentum, æs signatum ad triumviros mensarios extemplo deferamus. & post: Senatu misso pro se quisque aurum, argentum, æs in publicum conferunt, tanto certamine injecto, ut prima inter primos nomina sua vellent in tabulis publicis esse, ut nec triumviri accipiendo, nec scribere scribendo sufficerent. Quibus ex locis patet, mensarios nihil, nisi publicæ rationis attigisse. quod etiam in Græcia, atque Asia factitatum ostendit Cicero ab iis, quos illi *πραγματιστας* vocarent, ipse, cum de Asia diceret, mensarios Latino vocabulo appellavit in oratione pro Flacco: Cum civitate, inquit, mihi res est conficientissima litterarum. in qua nummus moveri nullus potest sine quinque prætoribus, tribus quæstoribus, quatuor mensariis, qui apud illos a populo creantur. & post: Si prætor dedit, ut scriptum est, a quæstore numeravit, quæstor a mensa publica, mensa aut ex vestigali, aut ex tributo. Cum autem inquit, mensarios apud Asianos a populo esse creatos, tacite Romæ aliter observatum esse, nos admonet.

Argentarii vero fuerunt, qui argentariam fecerunt. sic enim pro Cæcina, de quodam dixit: Romæ argentariam non ignobilem fecit. erant autem dices & copiosi homines, qui quæstum faciebant aut permutandis pecuniis, aut fœnerandis. permutatio pecuniæ, unde lucrum petebant, a Græcis collybus dicta est. quam vocem probavit in epistolis ad Atticum: De Cælio, inquit, vide quæso, ne qua lacuna sit in auro, sed certe est in collybo detrimentum. & in Verrem: Ex omni pecunia, quam avarioribus solvere debuisti, certis nominibus deductiones fieri solebant, primum pro spectatione, & collybo, deinde pro nescio quo cerario. hæc omnia Iudices non rerum certarum, sed furtorum improbitatium sunt vocabula. nam collybus esse qui potest, cum utantur omnes eodem genere nummorum?

Argentarios porro fœneratores intellexit Plautus in Curculione cum scripsit: Sub veteribus, ibi sunt, qui dant, quique accipiunt fœnore. Veteres enim intellexit argentarias tabernas, quod erant etiam novæ. Tabernas autem argentarias in foro construxit L. Tarquinius Priscus rex, teste Dionysio. ex quo intelligere possumus, jam tum negotiationem argentatorum nummariam Romæ esse factitatem. Earum vero tabernarum meminit post sæpe Livius; ut bello Samnitico: Ejus triumpho longe maximam speciem captiva arma præbuere. tantum magnificentie visum in iis, ut aurata scuta dominis argentariarum ad forum ornandum dividerentur. & bello Punico: Annibal vocato præcone tabernas argentarias, quæ circum forum tunc essent, iussit venire. Et post: Eodem tempore septem tabernæ, quæ postea, & quinque argentariæ, quæ nunc Novæ appellantur arserunt. Unde Varro de lingua Latina: Sub Novis dicta pars in foro edificiorum. In hos ergo argentarios, eisdem fœneratores respiciens Plautus iterum scripsit in Afinaria:

Quia triiduum hoc unum modo foro operam assiduam dederim,
Dum reperiam, qui queritet argentum in fœn-
nus.

& Cicero æs circumforaneum æs in foro fœnore sumptum vocavit, cum ad Atticum scriberet: Tusculanum, inquit, & Pompeianum valde me dele-

Ant, nisi quod me ipsum illum vindicem æris alieni ære non Corinthio, sed hoc circumforaneo obruerunt. & in Maniliana: Hæc ratio pecuniarum, quæ Romæ, quæ in foro versatur, implicita est cum pecuniis Asiaticis.

Ad argentatorum autem tabernas auctiones fieri solitas Ciceronis, & Quintiliani testimonio patet. ille enim in oratione pro Cæcina ita ait: Ebutio negotium datur. adeat ad tabulam, licetut Ebutius. deterrentur emptores multi, partim gratia Cæcine, partim precio. fundus addidit Ebutio. pecuniam argentario promittit Ebutius. hic vero Institutionum lib. xi. hoc modo: Et forsitan in hoc sunt adiuti, qui auctione dimissa, quod nunquam vendidissent, testibus argentatorum tabulis reddiderunt. Ex qua etiam consuetudine coactores profecti sunt, quippe ministri argentatorum in auctionibus. qualem patrem suum Horatius fuisse memorat in Sermonibus:

Nec timuit, sibi ne vitio quis verteret olim,
Si præco parvus, aut, ut fuit ipse, coactor
Mercedes sequeretur.

Quem locum interpretans Acro ait, præcones dictos, qui starent ad hactam, nunciarentque precia oblata. coactores autem mercenarios eorum fuisse, qui argentariam haberent, argentarios vero, qui haberent summam rerum venalium. dici enim, argentarium, qui habeat summam divitiarum, a quo accipiunt forani. coactorem, qui exigit nummos a circumforaneis. aliter coactores dici argentarios in auctionibus, qui pecunias cogunt. Eorundem autem coactorum meminit Cicero in Cluentiana, cum dixit: Quidam ex amicis Salsæ recordatus est, se nuper in auctione quadam vidisse in rebus minutis aduicam ex omni parte servilum, qua illud potuisse ita circumfœcari videretur. ne multa. perquiritur a coactoribus. invenitur ea servila ad Stratonem pervenisse.

Argentariam autem artem parum honestam apud Romanos cives habitam esse, inde exillimari potest, quod, ut ait Suetonius, a M. Antonio Cæsari Octaviano avus argentarius in maledictis obiectus est, & quod eundem Cassius Parmensis nummularii nepotem ad contumeliam appellavit. Cujus rei causam ego eam fuisse crediderim, quod argentariam iidem, iidem fœnerationem exercebant, quorum quæstus in odia hominum incurrisse, Cicero in libris de officiis tradidit. scire. tenebat enim memoria, majores suos, Romanos, adeo fœnerationes pecuniarum improbasse, ut usurarum licentiam multis legibus si non omnino frangerent, at certe valde reprimerent. quas leges nescio an brevius quisquam commemorare poterit, quam Tacitus analium quinto, in hunc modum: Sane vetus urbi fœnebre malum, & seditionum, discordiarumque creberrima causa. eoque cobibebatur antiquis quoque & minus corruptis moribus. nam primo duodecim tabulis sanctum, ne quis unciario fœnore amplius exerceret, cum ante ex libidine locupletum ageretur, dein rogatione tribunicia ad seminuas redacta, postremo vetita versura. multisque plebis suis

obviam itum frandibus est. Quæ verba placet fœnoris antiqui offendendi causa, pluribus explanare. Primum ergo inquit, ante xxi. tabulas fœnus pro libidine esse agitatum, idque fœditionibus causam præbuisse. egregie. probant enim hoc querela pauperis ejus, cujus oratione fœcessionem plebis in montem sacrum factam prodit Livius. Sabino enim bello quæstus est, se militantem, quia propter populationes agri non fructu modo caruisset, sed villa incensa fuisset, direpta omnia, pecora ablata, tributum iniquo suo tempore imperatum, æs alienum fecisse. id cumulatam usuris, primo se agro paterno, avito-

que exiisse, deinde fortunis aliis, postremo velut tabernam pervenisse ad corpus. ductum se ab creditore non in servitium, sed in ergastulum. Deinde addit, XII. tabulis cautum, Ne quis uncarius fenore amplius exerceretur. Unciariam autem usuram, si quis hoc fortasse requirit, dixerunt, respicientes centesimam; quam maximam usuram aestimarent. quæ est, cum pars fortis centesima singulis mensibus penditur, id est, cum quotannis duodeni pro centenis usuræ nomine numerantur. Hanc vero quasi usurarum assensum quandam esse voluerunt. unde aliæ minores usuræ, quasi assis partes, aut particule fluxerunt; semis, cum dimidia pars centesimæ in menses singulos solvitur; quadrans, cum quarta; quincunx, cum quinta; triens, cum tertia; unciaria, cum duodecima; semunciaria, cum vicesima quarta. Hac tamen lege non contenta plebs fuit. quin etiam C. Licinius, L. Sextius tribuni pleb. anno urbis CCLXXXVI. legem promulgarunt, eamque post decennium pertulerunt, auctore Livio, Ut deducto eo de capite, quod usuris pernumeratum esset, id quod superesset, triennio æquis portionibus persolveretur. Hanc tamen unciariam legem nefaria libidine fœneratorum, atque avaritia prævalente, post omnino obsolevisse, ex eo existimari licet, quod eadem anno urbis trecentesimo nonagesimo sexto relata est, C. Marcio, & Cn. Manlio coss. M. Duilio, & L. Mæzio tribuni pleb. eam ferentibus. Quod autem addit, versuram inde ab uncario fenore ad semunciariam redactam, legem intelligit T. Manlio Torquato, & C. Plautio coss. post decennium latam, quæ dicitur, eodem teste Livio, semunciariam ex uncario fœnus factum esse. Itaque cum Cato in principio librorum de re rustica scripsit, majores in legibus posuisse, fœneratorem quadrupli condemnari, ego ea verba in hanc sententiam accipio, ut putem, non omnino aut decemviro, aut tribuno pleb. legibus suis fœnerantes quadrupli condemnasse, sed cum ad junctionem, qui fœnus uncario, aut semunciario majus exercerent. me vero in hanc sententiam prope manu ducit Alconius, cum inquit, quadruplatores vocatos, qui gravioribus usuris fœnerantes accusabant, & pœna lege constituta in quadruplum condemnari curabant. Quod autem adjicit Tacitus, postremo veritatem esse versuram, legem fortasse Genucium notavit, quam se in quibudam annalibus invenisse narrat Livius, tulisse enim Q. Servilio, C. Marcio coss. anno urbis quadringentesimo primo L. Genucium tribunum pleb. ad populum, Ne fœnerare liceret. Itaque idem anno quadringentesimo quinquagesimo octavo, Fabio, & Decio coss. aliquot fœneratoribus ab ædilibus curulibus diem dictam, eosque multatos prodit; & anno DLXI. judicia in fœneratores multa severe accusantibus privatos ædilibus curulibus facta. Versuram autem hoc loco pro quocunque fœnerationis genere videtur Tacitus accepisse. eadem enim est re fœneratio, ac versura, ratione diversa. fœneratio enim, qui dat; versuram facit, qui accipit mutuo, teste Festo. Unde Cicero pro Fonteio: Ajunt hoc prætor oppressam esse ære alieno Galliam a quibus versuras tantarum pecuniarum factas esse dicunt? Quod autem idem concludit, multis plebiscitis obviam itum esse fraudibus, nimirum inter cetera Sempronium etiam plebiscitum significat, cuius est mentio apud Livium eodem loco, priore anno, L. Cornelio, Q. Minucio coss. hoc modo: Instabat tum, quod civitas fenore laborabat. & cum multis fœnebris legibus restricta avaritia esset, via fraudi inita erat, ut in socios, qui non tenebantur iis legibus, nomina transcriberent. ita libero fenore obruerant debitores. cuius cernendi curatio quæreretur, diem finiri placuit fœneralia, quæ proximè fuissent: ut qui post eam diem socii civibus Romanis credidissent pecunias, prospererentur. & ex ea die pecuniæ creditæ, quibus debitor vellet legibus, jus

creditori diceretur. deinde postquam professionibus detecta est magnitudo æris alieni per hanc fraudem contracti, M. Sempronius tribunus pleb. ex auctoritate patrum, plebem rogavit, plebesque scivit, ut cum sociis, ac nomine Latino pecuniæ creditæ jus idem, quod cum civibus Romanis, esset. Cum ergo multæ essent de fenore leges, atque aliis aut mitiores, aut acerbiores, fiebat, ut prætores urbani modo hanc, modo illam in dicendo jure observarent, prout vel creditoribus vel debitoribus æqui essent. Itaque anno urbis sexcentesimo sexagesimo quarto, Cn. Pompeio, L. Porcio coss. cum ære alieno oppressa esset civitas, prætor, quoniam secundum debitores jus dicebat, ab iis, qui fœnerabantur, in foro occisus est. Quod breviter scriptum in epitoma Livianorum septuagesima quarta, aliquanto magis libro primo Civilium Appianus dilatavit, in hanc sententiam: Eodem tempore, creditores in urbe seditionem fecerunt, cum creditas pecunias cum usuris exigerent, antiqua lege vetante, ne usuras creditarum pecuniarum acciperent, & illos qui ea conditione dedidissent, multante. Cum autem usuras longa consuetudo firmasset, creditores quidem eas ex consuetudine repetebant, debitores vero partim usuras negabant, partim multas etiam se ab iis, quod fœnerati essent, petiuros minabantur. Assello vero prætor, cuius hæc erat jurisdictio, dedit illis inter se judicia, legis, & consuetudinis difficultate ad iudices rejecta. fœneratores autem ægre ferentes, legem ab eo veterem renovatam, ipsam in foro sacra facientem interfecerunt. Postero vero anno P. Sulpicius in tribunatu legem tulit, teste Plutarcho in Sylla, Ne quis fœnator plus fœstertium duobus milibus deberet. Consules autem ipsi L. Sylla, & Q. Pompeius; Ut debitores decimam partem solverent. i modo recte apud Festum legitur ita: Unciaria lex dici cæpta est, quam L. Sylla, & Q. Pompeius tulerunt, qua sanctum, ut denitores decimam partem..... Biennio vero interfecto L. Valerius Flaccus consul alteram, quam appellat Velleius turpissimam, qua creditoribus quadrantem solvi iussit. post autem in consulatu Cicerois jus asperere dictum in debitores conjurati ipsi indicant, qui apud Salustium conqueuntur, sibi more majorum uti lege non licuisse, neque amisso patrimonio corpus liberum habere, tantam servitiam fœneratorum, & prætoris fuisse. Unde Dio tribunos plebis eodem anno de novis tabulis promulgasse scribit, eamque rogationem a se antiquatam addit Cicero in Legibus: Nunquam vehementius actum est, quam me consule ne solveretur. armis, & castris tentata res est ab omni genere hominum, & ordine, quibus ita restiti, ut totum hoc malum de republ. tolleretur. nunquam nec majus æs alienum fuit, nec melius, aut facilius dissolutum est, fraudandi enim spe sublata solvendi necessitas consecuta est. Quod idem postea dictator Cæsar videtur providisse, ne fieret, cum tulit, teste Suetonio, Ut disjecta novarum tabularum expectatione, quæ crebro movebatur, debitores creditoribus satisfacerent per estimationem possessionum, quanti quasque ante civile bellum comparassent; deducta summa æris alieni, si quid usuræ nomine numeratum, aut perscriptum fuisset, qua conditione quarta fere crediti deperibat. quam eandem rem idem ipse his verbis memoriæ mandavit in principio tertii libri de bello civili: Cum fides tota Italia esset angustior, neque creditæ pecuniæ solverentur, constituit, ut arbitri darentur. per eos fierent estimationes possessionum, & rerum, quanti quasque earum ante bellum fuissent, atque hæc creditoribus traderentur. Hoc & ad timorem novarum tabularum tollendum; minuendumque, qui fere bella & civiles dissensiones sequi consuevit, & ad debitorum tuendam existimationem aptissimum existimavit. Leges autem fœnebris labefactatas esse Cicerois ætate, inde facile intelli-

gitur, quod idem lib. VI. epistolarum ad Atticum ulturae trientis, & besis meminit; *Fœnus ex triente Idibus factum erat besibus*: & quod ad Sextium scribens, semissis, iniquis; *Omnino semissibus magna copia est*. & iterum ad Atticum libro primo, centesimæ, cum inquit; *a Cæcilio nummum moveri ne a propinquis quidem minore centesimis posse*. quamvis fœnus adeo majores improbassent, ut senex Cato interrogatus quondam, quid de fœneratione sentiret, responderet, idem esse fœnerari, atque hominem interficere. adeo mores sensum prava consuetudo, atque peccandi licentia ipsa corrumperat.

C A P. XII.

De opificibus, & artificibus.

MERCATORIBUS autem, & argentariis aliquanto indignioribus in civitate fuerunt opifices, artificesque. de quibus sequitur ut deinceps, quemadmodum proposui, differamus. Ut autem sordida & illiberales eorum artes habitæ sint, docet in primo de officiis Cicero; quem puto utile esse loquentem audire: *Illiberales & sordidi questus mercenariorum omnium, quorum opere, non quorum artes emuntur. est enim in illis ipsa merces auctoramentum servitutis. sordidi etiam putantur, qui mercantur a mercatoribus, ut statim vendant. opifices quoque omnes in sordida arte versantur. nec vero quicquam ingenuum potest habere officina. minimeque artes probandæ, quæ ministræ sunt voluptatum, ceteris, lenis, coqui, sartores, piscatores, ut ait Terentius. adde his, si placet, unguentarios, saltatores, totumque ludum talarium. Quibus verbis summa opificum, artificumque omnium genera perstrinxit, qui quin e plebe Romana, & maxime urbana fuerint, non est, cur in dubium adducatur. Hi vero ex antiquissimo instituto erant in multa collegia distributi. cuius instituti auctorem invenio, regem fuisse Numam. qui, quod est scriptum apud Plutarchum, ut differentiam illam tolleretur, qua civium Romanorum alii Quirites, alii Romani, alii a Tatio, alii a Romulo dicebantur, artium divisionem excogitavit tibicinum, aurificum, fabrum, tinctorum, sutorum, cerdonum, fabrum ararium, & figulorum. reliquis vero artes in unum redigens, unum ex his collegium constituit, quibus cum sodalitates, & conventus, & sacra unicuique generi apta tradidisset, nomen Romanorum, Sabinorumque delevit. Hanc autem Plutarchi orationem confirmat quoque Valerius, qui capite de institutis collegii, tibicinum meminit; tuetur Plinius, qui libro xxxiii. tertium fabrum ararium collegium, & libro xxxv. septimum figulorum a Numa constitutum prodit. Quanquam Florus Ser. Tullium potius, quam Numam Pompilium horum, ut videtur, collegiorum auctorem asserit, cum de eo ita scribit; *Ab hoc rege populus Rom. relatus in censum, digestus in classes, decuriis, atque collegiis distributus. summaque regis solertia ita ordinata est respub. ut omnia patri-monia, dignitates, ætatis, artium, officiorumque discrimina in tabulis referrentur, ac si maxima civitas minima domus diligentia contineretur. Atque hæc quidem fuit a Numa, sive a Servio instituta artificum, opificumque collegia fuerunt. de quibus intellexit sine dubio Caius, cum leges XII. tabularum interpretans ita scripsit: *Sodales sunt, qui ejusdem collegii sunt, quam Græci τράχιν vocant. his autem potestatem facit lex, pacemque, quam velint, sibi ferre, dum ne quid ex publica lege corrumpant. Inde vero facta alia multa sunt, sed ea fere, quia adversus remp. esse videbantur, sublata. quod his verbis prodit in Cornelianam Aconius: *Frequentem cætus factiosorum hominum sine publica auctoritate,****

*malis publico fiebant. propter quod postea collegia senatusconsultis, & legibus pluribus sunt sublata præter pauca, atque certa, quæ utilitas civitatis desiderasset, ut fabrum, fictorumque. Hoc autem quando potissimum factum sit, invenio scriptum apud eundem in commentario Pisonianæ. L. Cæcilio, inquit, Q. Martio consulibus senatusconsulto collegia sublata sunt, quæ adversus remp. videbantur esse. solebant autem magistri collegiorum ludos facere, sicut magistri vicorum faciebant compitalitios, prætextati. qui ludi sublatis collegiis discussi sunt. post novem deinde annos, quam sublata erant, P. Clodius tribunus pl. non solum lege lata restituit collegia (quod idem a Dione scriptum video libro XL.) sed etiam alia nova adiecit ex omni fere urbis, ac servitio, ut testis est Cicero in Pisoniana. Quæ porro restituta a Clodio fuerant, ea iterum a Cæsare dictatore sublata, facile intelligere ex Suetonio possumus, si eum loquentem attendamus. inquit enim, *Cæsarem cuncta collegia præter antiquitus constituta detraxisse. cuius lex cum in maximis reip. motibus postea ad nihilum recidisset, eandem ab Augusto repositam existimare debemus. siquidem idem Suetonius auctor est, cum plurime societates titulo tenuis collegii novi ad nullum non factoris societatem coirent, Augustum collegia præter antiqua, & legitima dissolvisse. Timebant scilicet sapientissimi homines factiosorum hominum cœtus, ne jure collegii ad res novandas, & remp. perturbandas abuterentur.**

Si ergo antiqua jam inde a Numa instituta artificum, opificumque collegia, in quæ ille populum plebemque conjecit, uique ad Augusti memoriam integra pervalerunt, quis est, qui negare, nisi plane rerum omnium rudis, possit, cives Romanos, maxime qui de plebe erant, artes operosas, sordidas, humilescque tractasse? At duobus in locis repugnat Dionysius, atque artes ejusmodi longe a civem Romano removeret. unus est, ubi de Romuli institutis disputat: *Romulus, inquit, civibus Romanis agriculturam, & artem militarem commisit, servis vero, & peregrinis artes sellularias, & sordidas, & turpium voluptatum ministras. quippe quæ non magis corpora, quam animos eorum, a quibus colebantur, lederent. ac diu hæc artificia infamia flagrant apud Romanos, neque illo indigena Romano sunt exculta. alter est, ubi de septimo lustro disserit, aliquot annis post reges exactos. Civium, inquit, hoc lustro, qui tum puberes essent, supra centum millia censa. mulierum autem, servorumque, & mercatorum, & sordidas artes exercentium, (siquidem Romanorum nemini cauponariam, aut operosam artem tractare licuit) triplo plus, quam turbe civilis. Repugnat ille certe, & questionem ponit ad explicandum difficilem. est tamen opera danda, ut veritatem in re non minimi momenti quam certissimis possumus veltigis persequamur. Ego igitur, qui artifices, atque opifices civium Rom. e numero fuisse censeo, Dionysio optimo in primis auctori ita occurrendum existimo. Primum Romuli, cuius ille meminit, institutum, aut Numæ, aut Servii instituto fuisse abrogatum. non enim servos, aut peregrinos illi in collegia digessisse dicuntur, sed cives Romanos. probo tamen primis temporibus ejusmodi artium ulum fuisse, atque inde factum, ut a veris civibus, & germanis scernerentur, non negaverim. quoniam ejusmodi operibus occupati homines neque ad militiam propter ignaviam vocabantur, nec fere tributis onere ullo propter tenues ipsorum opes premebantur, propterea ne in censuram quidem civium numerum a censoribus fuisse relatos, perinde atque ne puerorum quidem, mulierumque, crediderim. siquidem census ad juniorum copiam, qui ad bellum conscriberentur, & pecuniarum magnitudinem, quibus bellorum facultat-*

tes sustentarentur, dispiciendam, est celebratus. atque peregrinorum, atque servorum prope alterum Romæ populum esse observatum, qui his quælibet operam dederit, agriculturam vero & rem militarem civibus liberis solis reliquerit, vix mihi consentaneum videtur; præsertim vero cum peregrini civitate, servi libertate, & civitate facile donari possent. quam, quid erat, cur tantopere expeterent, si lucrum ex arte antiqua emissuri essent? opifices autem, & sellularios a militia esse repulsos non lege, sed consuetudine, quod parum bello idoneum genus illud hominum putaretur, ex verbis ipsi Livianis colligi mihi videtur posse, quæ sunt libro VIII. *Quin opificum quoque vulgus, & sellularii minime idoneum militiæ genus, exciti dicuntur, Veiofque ingens exercitus contractus, ut inde obviam Galhis iretur.* & his Sallustianis, ubi de C. Mario consule bello Jugurthino loquitur; *Plebs sic accensa est, ut opifices omnes, agrestesque quorum res, fidelesque in manibus sitæ sunt, relictis operibus frequentarent Marium.* Etenim quæro, an consules opificum turbam centuriassent, si servi, ac peregrini fuissent, quorum illi nunquam, hi non in legione, sed in auxiliis meruerunt? at raro hoc usurpatum est; fautor. neque enim ejusmodi hominum genus conscribi, qui non idonei militariis operibus viderentur, solebat, nisi aut aspersi in rebus, aut ab ambitioso consule, ut a Mario, qui etiam capite centurorum infimam plebem centuriasse fertur. Eosdem vero tributo conferendo vacasse, non quod civitatis, sed quod facultatis essent expertes, satis aperte demonstrat Plutarchus, qui scribit; *Publicolam cos. pauperes cives tributi conferendi onere exolutos alacriorum officia sua tractare iussisse.* Cur igitur a centuriis, teste Dionysio, sint præteriti, dubii jam nihil relinquitur. Quod si quis non optimo eos iure civitatis usos esse in prima illa sive republica, sive patriciorum republ. affirmari, non repugnabo. quid enim id mirum, in ea republ. quæ non esset legibus temperata, sed humilibus neglectis, tota in principum, & divitum esset potestate sita? At postquam plebi universa est communicata respublica tum & hanc plebis partem meliora jura, quam ante, sibi parasse, quis negare possit, nisi qui plane in tota antiquitate Romana peregrinetur? quæro enim; quod jus præstantius est suffragio? quod melius honore? At si postremis temporibus partem hanc civitatis ad tribus, & ad suffragia, & ad honores admissam doceo, nonne cives Romanos etiam fordibus in artibus occupatos fuisse, probaverim? De tribubus autem quid est, quod dubitemus, cum auctorem optimum T. Livium habeamus? is autem *centores Lepidum, & Nobiliorem mutasse suffragia, scribit, regionatimque generibus hominum, causis & quæstibus tribus descripsisse.* nimirum enim quæstus cum dixit, collegia plebis intellexit. Unde Cicero merito se collegiorum suffragiis in patriam revocatum gloriatur. *Nullum est, inquit, in hac urbe collegium, quod non amplissime non modo de salute mea, sed etiam de dignitate decreverit.* At vero cum idem pro domo ait de eadem re, *homines in campum non tabernis, sed municipiis clausis venisse,* nonne satis ostendit, opifices clausi tabernis in campum suffragii causa ventitare solitos esse? & cum Quintus frater in libro de petitione ait: *Habes equestrem ordinem, multa municipia, multos abs te defensos cuiusque ordinis homines, aliquot collegia,* nonne significat, ut equites Rom. & municipes, sic opificum collegia suis cum suffragiis consulem facere possent? Jam vero cur hæc pars populi a seditiosis hominibus tantopere colesceret, nisi ipsa ponderis aliquid ad comitia afferret? Audiamus, quid in oratione pro domo idem noster ille in Clodium loquatur: *An tu populum Rom. esse illum putas, qui constat ex iis, qui mercede conducuntur, qui impelluntur*

ut vim afferant magistratibus, ut obsideant senatum, optent quotidie cædem, incendia, rapinas? quem tu tamen populum nisi tabernis clausis frequentare non poteris. Itaque alio loco L. Sergium Clodii satellitem, *tabernariorum concitatore vocat.* & Peditianus in argumento Milonianæ scribit, *Plancum tribunum pleb. cohortatum esse populum, ut clausis tabernis postero die ad iudicium adesset, nec pateret elabi Milonem.* & in Lucullo inquit noster, *seditiosos tribunos claudi tabernas jubere solitos esse.* cur ita? nimirum, ut plebem infimam, quæ in tabernis est, quæque facile impelli ad quodcunque facinus potest, secum habeant. Unde illud est in Catilinam: *Quod si auditum est, lenonem quandam Lentuli concorsare circum tabernas, precio sperantem solitari posse animos egentium, atque imperitorum, est id quidem ceptum, atque tentatum: sed nulli sunt inventi tam aut fortuna miseri, aut voluntate perdit, qui non ipsum illum sellæ, atque operis, & quæstus quotidiani locum, qui non cubile, ac lectulum suum, qui denique non cursum hunc ocioforum vitæ saluum esse velint. multo vero maxima pars eorum, qui in tabernis sunt, immo vero genus hoc universum amantissimum est ocio. etenim omne eorum instrumentum, omnis opera, ac quæstus frequentia civium sustinetur, alitur ocio. quorum si quæstus oclusis tabernis minui solet, quid tandem incensis futurum sit? Atque hæc quidem dicta sunt de suffragio. Quid dicam de honoribus? nonne P. Rupilius ex operis publicanorum consulatum adeptus, imperium etiam in Sicilia gessit, idemque triumphavit? nonne Terentius Varro, qui cladem Cannensem cos. accepit, patrem lanium habuit, ipse vero inlitor mercis fuit? num vero hi minus cives fuerunt, quia in fordido quæstu versati sunt, quam unus quilibet e patriciis, cum etiam consulatum administrarint? quid M. Scaurus vir patricius, qui consul, & censor fuit, nonne patrem habuit, qui carbonariam propter paupertatem, & C. Octavius, qui postea Augustus appellatus est, avum, qui argentariam fecit? an igitur Scaurus patre, Octavius avo geniti sunt, non cive, sed peregrino? quid? in vero Fabius ille, qui quod pingeret, Pictor est appellatus, civis non fuit, cum fuerit etiam patricius? de quo Cicero in ita prima Tulliana: *An censemus, si Fabio nobilissimo homini laudi datum esset, quod pingeret, non multos etiam apud nos futuros Polycletos? At fuerunt hæc artes probro. non nego. plebs etiam universa reliquis ordinibus minus honesta fuit. & in plebe commodiore alii aliis in causa fuerunt. siquidem hiltiones omnes, præter Attellanos, tribu motos, & a stipendiis militariis repulsos fuisse ante diximus. unde Q. Roscium comædum Cicero dignum esse dixit, qui aut semper in scena esset, aut eo nunquam veniret.**

G A P. XIII.

De turba forensi.

HUIC autem plebi pars illa plebis adjuncta est, quam forensiæ turbam, & factionem Livius, Cicero peculiari nomine urbanam plebem solet vocare. in qua homines versati sunt non solum egentes, & rebus domesticis impediti, sed nocentes etiam, & furiosi. cuius de commodis lege sua agraria Ti. Gracchus tulit, cum diceret, *feras quidem, ac bestias lustrum, ac testum, quos recipere, in Italia habere; qui vero assidue pro libertate pugnarent, præter aerem, lucemque nihil in Italia possidere: sed sine lare, sine sede, cum liberis, conjugibusque vagari. mentiri autem imperatores Rom. cum milites hortarentur, ut pro aris, fo-*

esseque pugnarent. neque enim lares paternos, nec monumenta majorum eos tenere, sed pro aliena luxuria dimicare, atque orbis terrarum dominos verbo appellari, reuera autem ne glebam quidem terræ possidere. Quam eandem legem cum in tribunatu L. Philippus ferret, dixit, teste in 11. de officiis Cicerone, non esse duo millia hominum in civitate, qui rem haberent. Quin etiam hæc illa plebs fuit, cuius studio P. Clodius tribunus plebis Ciceronem ex urbe expulit, ac temp. direxavit. de qua sic ille pro domo: P. Clodius consulari homini adimere potuit civitatem concilio advocato, conductis operis non solum egentium, sed etiam servorum, Cedulio principe qui primis scivit. quod facile potuit propter inopiam recti in foro pernoctans. & pro Milone: Plebem, & infimam multitudinem, quæ P. Clodio duce fortunis vestris imminerebat, eam quo tutor esset vita vestra, se fecisse commemorat, ut non modo virtute flecteret, sed etiam tribus suis patrimoniis deliniret. Neque vero alia est ea, quam intellexit Sallustius, cum in Conjuratone ita scripsit: Plebs conjuratione patfacta, Catiline consilia execrari, Ciceronem ad cælum tollere. namque alla belli facinora præde magis, quam detrimento fore, incendium vero crudele, immoderatum, ac sibi maxime calamitosum putabat, quippe cui omnes copie in usu quotidiano, & cultu corporis erant. Hæc autem plebs urbana agrorum inops, atque inanis, cum agros ex lege aliqua accipiebat, tum in agros deduci, sive in agris constitui ab ipso latore legis dicebatur. Neque vero solum, quos paupertatis humilitas deprefferat, sed quos etiam flagitiosa, ac turpis vita lignaverat, plebs hæc, ut dixi, urbana complexa est. Quod idem Sallustius eodem in libro demonstrat, cum inquit: Sed urbana plebs præceptis erat multis de causis; primum omnium, qui ubique probro ac petulantia maxime præstabant; item alii, qui per dedecora patrimoniis amissi; postremo omnes, quos flagitium, aut facinus domo expulerat, hi Romam sicuti in sentinam confugerant. Quo factum est, ut Cicero epistolarum ad Atticum primo, bonis sordem, fecemque urbis opposuerit, cum dixit: Apud bonos iidem sumus, quos reliquisti, apud sordem, & fecem urbis multo melius, quam reliquisti. Ergo cum hanc plebem vel sentinam, vel sordem, vel fecem urbis vocarent, recte etiam cum de emittenda infima tenuissimorum hominum multitudine, atque in agros deducenda loquerentur, plebem exhaurire dicebant. unde notum illud Ciceronis est in Rullum: Et nimirum illud est, quod ab hoc tribuno pleb. dictum est in senatu, urbanam plebem nimium in rep. posse, exbau-riendam esse. hoc enim verbo est usus, quasi de aliqua sentina, ac non de optimorum civium genere loqueretur. Hanc autem forensē turbam vocavit Livius libro XI. credo, quod in foro ociosa, quasi agrariis & frumentariis largitionibus inhians versaretur, atque seditiosissimo cuique magistratui vel concione habenti, vel cum populo agenti, facillime se dederet, eamque in quatuor urbanas tribus conclusam ait. Q. Fabius censor, inquit, ne humillimorum in manu comitia essent, omnem forensē turbam excreatam in quatuor tribus coniecit, urbanasque has appellavit. Ego tamen ex urbanis tribubus quatuor eam exisse, atque in omnes diffusam esse, inde ducor ad opinandum, quod nec Gracchi, nec Clodius, nec ceteri furiosi, amentesque tribuni pleb. quicquam in rep. moliri huius plebis suffragiis, & studio potuissent, si quatuor tantum tribus in potestate habuissent; præsertim cum uni tribui unum suffragium concederetur, in quod majoris partis ex ipsa tribu sententiæ inclinassent. Neque vero ex alio etiam, quam ex hoc quali corpore proletarios, & capite censos fuisse existimarem, quos in sextam classē, ultimamque centuriam reiecit Ser. Tullius, de quibus supra satis disputavimus, cum de

A centuriam diximus. postremo vero & hunc esse populum illum, quem *tunicatum* in Satyris popellum appellavit Horatius, quod non toga, sed tunica fex ipsa civitatis uretetur, existimo. unde Tacitus in dialogo de oratoribus, vulgus imperitum *populum tunicatum* vocavit.

C A P. XIV.

De libertinis.

B SEQUITUR ordo libertinorum. quem in hunc locum iccirco rejeci, quod quæ hætenus dicta sunt, omnia ad ingenios pertinuerunt. libertinorum autem, ut supra dixi, jura multo, quam ingenuorum, fuerunt deteriora. Quod hoc etiam loco multo planius exponemus. Etenim cum priore libro, qui libertini vocarentur, docuerimus, in hoc quam civitatis, aut quam reip. partem habuerint, ac quot turbas juris sui amplificandi causa in rep. excitarint, demonstrabimus.

Satis igitur constat, qui cum libertate civitatem adepti essent, eos patroni quidem nomina, per quem erant liberati, esse affectuos, at jura non omnino eadem esse adeptos. Non solum enim qui a patricio erat manumissus, non patriciorum jus acquirebat, sed ne qui a plebeio quidem, proflus plebei hominis conditionem assequeretur. Erant enim omnes libertini plebei, & jure privato, id est, jure Quiritium eodem utebantur, ac illi, sed a tribubus rusticis, id est, ab optimo jure suffragiorum, & a stipendiis, & ab honoribus erant repuli. unde non admodum commoda eorum fuisse conditio intelligitur. quam ut meliorem redderent, sæpe, sed frustra, magistratum Romanorum optenturunt. In quatuor autem tribus urbanas pismis, qui libertinos etiam civitate donare instituit, Ser. Tullius coniecit. quæ cum propterea parum honoratæ haberi essent cæptæ, inde ab ingenuis, ut dixi, in rusticis frequenter est migratum, & rusticis eo nomine plurimum decoris, & ornamentum adjectum. Itaque libertini quorum jam numerus in repub. percrebuerat, cum se eo contemni nomine intelligerent, quod urbanas tribus ab ingenuis segregati tenerent, sæpius ut in omnes dividerentur, pugnarunt. primus autem App. Claudius in censura, quam gessit anno urbis conditæ ccccxlii. eos ex quatuor urbanis, in quas a Ser. Tullio translati fuerant; in omnes dispersisse, populari aura proventus existimatur; usque adeo, ut Plutarchus propterea in Publicola App. Claudium primum libertinorum ordini suffragium dedisse dicat. Cujus factum cum ingenui, & tota nobilitas iniquissimo animo ferret, visum est Q. Fabio Rulliano censori novem post annis eos excernere, atque iterum in quatuor urbanas redigere: quam rem adeo gratis animis acceptam esse a tota civitate inquit Livius, ut Maximi cognomen, quod tot victoris non pepererat, eo facto invenerit. Eos tamen post censorem, qui sequi sunt, vel temeritate, vel negligentia ex iis exiisse, inde conjici potest, quod L. Æmilius Papus, & C. Flaminius censores, anno urbis dxxxii. libertinos, qui in omnes tribus dispersi essent, in quatuor urbanas, teste Livio revocarint. Immutatam autem hanc etiam rationem esse postea invenio, ita, ut quibus filius quinquenni major esset, in rusticis censentur, qui prædium, prædiave rustica plaris festertium xxx. millium haberent, in quatuor urbanis, reliqui tribubus omnibus excluderentur. Itaque Ti. Gracchus, censor, anno post Romam conditam quingentesimo octogesimo quinto, cum omnes libertinos omnibus pellere tribubus veller, resistente C. Claudio collega, tandem eo descendit, ut in Elqui-

Esquilinam omnes referret. Hæc autem ex his Livii verbis elici mihi videntur posse: In quatuor urbanas tribus descripti erant libertini præter eos, quibus filius quinquenni major esset. ex S. C. eos, ubi proximo lustro censu essent, censeri iusserunt. & eos, qui prædium prædiave rustica pluris h-s triginta milium haberent, censendi jus factum est. Hoc cum ita servatum esset, negabat Claudius suffragii lationem injussu populi censorem adimere cuicumque homini, ne dum universo ordini posse. neque enim si tribu movere posset, quod sit nihil aliud, quam jubere mutare tribum, ideo omnibus quinque & triginta tribubus emovere posset, id est, civitatem, libertatemque eripere, non ubi censentur finire, sed censu excludere. Hæc inter ipsos disceptata. postremo eo descensum est, ut ex quatuor urbanis tribubus unam palam in atrio Libertatis sortirentur, in quam omnes, qui servitutem servissent, conjicerent. Esquilina fors exiit. in ea Ti. Gracchus pronuntiavit, libertinos omnes censeri placere. Itaque huc intuens Cicero in primo de oratore dixit: Ti. Gracchus Censor, Gracchorum pater, non accurata quadam orationis copia, sed nutu, atque verbo libertinos in urbanas tribus transfudit. quod nisi fecisset, rempublicam nunc vix teneremus, jam diu nullam haberemus. significat autem eos, qui in rusticis essent, in urbanas esse redactos. quam unam ex quatuor Esquilinam fuisse scribit Livius. Hoc autem decreto parum diu stetit eos, inde intelligo, quod M. Scaturum consulens anno DCXLV. legem de libertinorum suffragiis tulisse, id est, ut ego opinor, in IV. urbanas eos disperdissent, in libro de viris illustribus scriptum est. cur autem ita putem, hæc causa est, quod ni hoc ille tulisset, P. Sulpicio tribuno pleb. legem ferre anno DCXLV. necesse non fuisset, ut libertini in omnes tribus distribuerentur. id quod in epitoma Liviana, & apud Asconium scriptum invenitur. quam tamen legem eodem anno a L. Sulla consule, Mario, Sulpicio adversæ factionis ducibus urbe per arma pulsus, una cum ceteris ejus legibus abrogatam, cum docet Appianus, tum inde etiam patet, quod C. Carbone iterum consule, Sullæ inimico, triennio post libertini in omnes tribus descripti in epitoma Liviana traduntur. Verum & hanc legem hæc ita multo post a Sulla dictatore sublatam, ex eo suspicari libet, quod C. Manilius tribunus pleb. an. DCXXCVI. eandem legem tulisse dicitur, quæ quia postmodum, id est, Kal. Januariis senatusconsulto, Dione & Pediano testibus, est sublata, propterea P. Clodius ferre in tribunatu suo illo turbulentissimo proposuerat, ut libertini, qui non plusquam in urbanis tribubus suffragium ferebant, possent in rusticis quoque tribubus (sic enim loquitur Pedianus) quæ ingenuorum essent, ferre. Quibus ex rebus illud efficitur, libertinos in tribubus urbanis perpetuo fere esse censos, quod etiam memoria sua observatum prodit Dionysius, qui fuit Augusti æqualis.

Ut autem suffragiorum jure, sic etiam stipendiorum caruisse, ex eo suspicor, quod non ex ordine, sed difficillimis tantum reip. temporibus conscripti sunt. neque enim credendum est, si ex ordine meruissent, ita de iis Livium in bello Samnitico, & Etrusco exponendo scripturum fuisse: Senatus iussu indicti, deletum omnis generis haberi iussit. nec ingenuis modo, aut juniores sacramento adacti sunt, sed seniorum etiam cohortes factæ, libertinique centuriati. Quod cum ait, quippe illud significat, ut seniores, sic libertinos extra ordinem fuisse conscriptos. An vero idem bello Punico secundo scriptum reliquisset, Libertinos etiam, quibus liberi essent, & ætas militaris, in verba jurasse? unde scribit Macrobius Saturnalium primo, post cladem ad lacum Trasimenum acceptam libertinos quoque in sacramentum vocatos. aut bello Ligu-

stino, litteris prodidisset, rei navalis curam non omissem, duumviros in eam rem consules creare iussos, per quos viginti naves deducere navalibus socii civibus Roman. qui servitutem servissent, complerentur, ingenui tantum iis præessent? aut bello Perisco permissum tradidisset, ut supplementum legeretur in classem ex libertinis? Neque vero Appianus bello Maritico per libertinos oram a Cumis ad urbem esse custoditam, libertinis tum primum propter ingenuorum inopiam merere incipientibus, dixisset. quem locum attigit etiam, eodem, quem commemoravi, in loco Macrobius, cum addidit. Bello sociali cohortum XII. ex libertinis conscriptarum operam memorabilis virtutis apparuisse. Quibus ex locis quid aliud admonemur, quam libertinos, nisi extra ordinem, asperis reip. temporibus, non esse centuriatos?

At caruerunt suffragio, num vero honorum petitionem habuerunt? multo minus. hoc enim vix libertinorum filiis patuit. Docet hoc Livius, cum de Cn. Flavio loquitur: Eodem anno Cn. Flavius C. F. scriba, patre libertino, humili fortuna ortus, ceterum callidus vir, & facundus, ædilis curulis fuit, tribunatu ante gesto, triumviratque nocturno, altero colonie deducende. ceterum Flavium ædilem dixerat forensis factio App. Claudii censura vires nata, qui senatum primis libertinorum filiis lectis inquinaverat. quam lectionem nemo ratam habuit. docet Appianus, qui P. Furium, cum, qui tribunus pleb. Q. Metelli Numidici retributioni se opposuit, libertino patre natum prodit. docet Tacitus, apud quem D. Claudius ita loquitur: Libertinorum filii magistratus mandati, non ut plerique falluntur recens, sed priori populo factitatum est. demonstrat postremo diligens, atque assidua observatio antiquitatis, quæ constantissime libertinum ab honorum petitione repellit. nisi forte apparitiones magistratuum, in numero honorum habeamus, de quibus post dicemus.

Verum neque in senatum libertinos lectos esse inde apparet, quod ne libertinorum quidem filii lecti sunt. unde illud est in Cluentiana: Lentulus censor Popillium, quod erat libertini filius, non legit. locum quidem senatorium ludis, & cetera ornamenta reliquit.

Libertinorum autem numerum cum in omni tempore magnum fuisse invenio, tum Sullanis temporibus maximum. Etenim L. Sulla recuperata reip. omnes eorum, qui in bello ceciderant, servos, atque in primis robustissimum quenque manumisit, atque eis plebis jura dedit. qui omnes ab eo Cornelii, auctore Appiano, sunt appellati. unde Cicero in Cornelianam prima dixit, Cornelios tam multos esse, ut jam collegium esset constitutum. Itaque cum post eorum numerus ferri in urbe non posset, manumittendi modus ab Augusto imp. præscriptus est.

C A P. XV.

De apparitoribus magistratuum.

APPARITORES autem magistratuum dicebantur, qui magistratum imperio præsto erant, ut scribæ, accensi, interpretes, præcones, viatores, lictores, servi publici, carnifices. Hæc autem munera libertis ferre suis magistratus quisque more majorum mandavit. Quod cum ex aliis multis locis colligitur, tum maxime ex oratione senatoris cuiusdam, apud Tacitum, de libertinorum ordine ita differentis, lib. XIII. Hinc plerumque tribus, decurias, ministeria magistratibus, & sacerdotibus, cohortes

etiam in urbe conscriptas, & plurimis equitum, A
plerisque senatoribus non aliunde originem trahi.
Quibus verbis satis planum fecit, libertinis tribus
& decuriis, credo, scribarum, & praconum, &
viatorum, aliquando esse repletas. ex libertinis mi-
nistros esse magistratibus ac sacerdotibus datos. eod-
dem esse aliquando in cohortes ad bellum descri-
ptos, atque inde plurimos equites, multos senato-
res originem deduxisse.

De scribis autem ante diximus, eosque ex hoc
numero exemimus; non quod non apparitorum
numero fuerint, sed quod eorum ordinem ex in-
geniis potius, quam ex libertinis constituisse ani-
madvertimus. siquidem & antiquus ille scriba pon-
tificum Cn. Flavius non libertinus fuit, sed liberti-
ni filius, & Cicereius scriba Scipionis praetor legi
non potuisset, nisi ingenuus fuisset. neque etiam
stante rep. magistratus ulli libertinorum ordini pa-
tuerunt. Cicero tamen M. Tullio liberto suo scriba
usus est.

Accensus porro hoc loco intelligimus magistra-
tum ministros, qui accirent. sic enim Varro de
lingua Latina: *Consul loquitur ad exercitum: Im-
pero, quia convenite ad comitia centuriata. Quare
hic accenso, illic praconi dicit, hec est causa. in
aliquot rebus item ut praeco, accensus acciebat, a
quo accensus quoque dictus. Accensum solitum ciere
Brotia ostendit. Ubi primum accensus clamavit me-
ridiem. Livius de decemviris consularibus: Penes
praefectum juris duodecim falcetes erant, collegis no-
vum singuli accensi apparebant. & Cicero in episto-
la illa nobili ad fratrem: His rebus nuper C. Octa-
vius jucundissimus fuit. apud quem primus licitor
quievit, tacuit accensus. quoties quisque voluit,
dixit, & quam voluit, diu. Quo in loco cum de
accenso: Tacuit, dixit, significat, accensu officium
fuisse non solum, ut acciret ad praetorem, qui jus
poscerent, sed etiam ut molestis interpellatoribus
silentium imponeret. Libertis autem hoc munus
datum esse, idem ille in eadem ostendit: *Accensus
sit, inquit, eo etiam numero, quo cum majores no-
stri esse voluerint. qui hoc non in beneficii loco, sed
in laboris, & muneris, non temere nisi libertis suis
deferrebant. quibus illi quidem non multo secus, ac
servis imperabant. unde ad Appium cum scribit,
Paulianiam Lentuli libertum, accensum suum vocat.
Neque vero cum dixit in Verrem: Homo ordi-
nis sui frugalissimus, qui tum accensus C. Neroni
fuit, P. Tettius, alium ordinem, quam libertinoro-
rum, ut opinor, intellexit. in quibus ut in servis
frugalitas commendatur.**

Interpretes fuerunt, quos inter exteris gentes,
ad externorum populorum orationem interpretan-
dam adhibuerunt. quos ex apparitorum, & liberi-
torum numero fuisse, Ciceronis verba, quae se-
quuntur ostendunt. primum ad Thermum, in-
quit, se pro cos. in Sicilia in longa apparitione sin-
gularem, & prope incredibilem interpretis sui Mar-
cili fidem cognovisse; deinde in Cornelianam: C. Pu-
blicium Menandrum, libertinum hominem, apud
majores legatos in Graeciam proficiscentes interpretem
secum habere voluisse. Munus autem interpretis de-
clarat in frumentaria, cum ait: A. Valentinus est
in Sicilia interpres, quo iste interprete non ad lin-
guam Graecam, sed ad furta. & flagitia uti solebat.

Praconum in civitate usus fuit varius, ac mul-
tplex; in auctionibus, ut ad haec starent, &
precia oblata nunciarent, in concionibus, ut au-
dientiam facerent; in comitiis magistratuum, ut
tribus ad suffragia incunda citarent, & eos, qui de-
signati erant, renunciarent; in legibus ferendis ut
subiciente scriba leges populo recitarent; in judi-
ciis, & quaestionibus, ut iudices, reos, & accu-
satores, & testes citarent. quod unicuique planum
esse potest, qui non cursum, sed attente antiquo-

rum scripta perlegerit. Liberos autem fuisse praeco-
nes, exemplo sit Sex. ille Navius, contra quem
venit Cicero in Quinctiana defensione, cum dixit:
*Neque parum facetus scurras Sex. Navius, neque
inhumanus praeco est unquam existimatus. quid ergo
est? cum ei natura nihil melius, quam vocem dedis-
set, pater nihil praeter libertatem reliquisset, vocem
in quaestum contulit, libertate usus est, quo impuni-
us dicax esset, quibus verbis cum libertini filium
michi videtur subinnuere. Ut autem praecones a
consulibus ex civibus Romanis legerentur, & eo-
rum multa decuria essent, atque mercedem a ma-
gistratibus acciperent, post indicabo.*

Lictoribus usi sunt consules, praetores, interre-
ges, & dictatores, & si qui alii magistratus non
potestatem solum habuerunt, sed etiam imperium.
viatoribus illi, quorum potestas potius, quam impe-
rium extitit. Eorum munus erat, ut populum sum-
moverent, fontes virgis cederent, & securi feri-
rent. quae ex Livio eliciuntur: *Et summovere po-
pulum lictores jussi. unde alibi licitorem: aditus sum-
motorem vocavit. Asuetis, inquit, regio imperio for-
mam terribilem praebebat tribunal, summotor aditus,
praeco, accensus, infusa omnia. & alio loco: Li-
ctor apparuit. summovente eo incesserunt. virga, &
securis prelate. & alibi: Fulvius praconi impera-
vit, ut licitorem lege agere juberet. ita de iis quoque
qui Calibus erant, sumptum supplicium. inde: Mis-
sique lictores ad summendum supplicium, nudatos
virgis cedunt, securique percutiunt. Hos autem e
plebe Romana fuisse idem libro secundo ostendit,
apud quem nescio quis e plebe queritur, quatuor,
& viginti lictores apparere consulibus, & eos
ipsos plebis homines. Punico autem bello confe-
cto, qui magistratibus in provincia apparerent, eos
fere Brutios fuisse, unde Brutianos dictos, tradit
Gellius; qui causam exponens, cur quendam a
Brutianis verberatum Cato dixisset, ait: *Romanos
agere passos, Brutios populos totius Italiae ad Anni-
balem defecisse pulsos, victis plebis Penis, Brutios igno-
miniae causa nec milites scripsisse, nec pro sociis ha-
buisset, sed magistratibus in provinciam euntibus pa-
rere, & praemissis servorum vicem jussisse. quod
autem e Brutii essent, Brutianos appellatos.**

Viatores alios a lictoribus fuisse, argumento est
antiqua utrorumque origo. Lictor enim a ligando,
Viator a via, unde accerebant, est appellatus. Te-
stis est in Catone Cicero: *E via ad senatum acer-
sebantur Carius, & ceteri senes, ex quo qui eos ac-
cersebant, viatores nominati sunt.* Valgius tamen
eosdem fere viatores cum lictoribus existimavit, ut
est apud Gellium. Lictorem enim dicit a ligando
appellatum esse; quod cum magistratus populi Ro-
mani virgis quempiam verberari iussissent, crura
ejus, & manus ligari, vincirique a viatore solita
sint, sique qui ex collegio viatorum officium ligan-
di haberet, lictor sit appellatus, utiturque ad eam
rem testimonio M. Tullii, verbaque ejus refert ex
oratione, quae dicta est pro C. Rabirio. *Lictor, in-
quit, colliga manus.* Quod autem supra dixi, lictor-
em consulis fuisse, intelligendum est, ita fuisse,
ut etiam viatorem haberet; siquidem de consuli-
bus loquens Livius dixit: *Quibus in forum delatis,
& ad viginti matronis, apud quas deprehensa erat,
per viatorem acciti.* & alibi: *Consul viatorem mis-
sit, qui patri nunciaret, ut sine lictoribus ad con-
sulem veniret.* ex quibus tamen apparet, viatori-
bus eos usos vocandi, & nunciandi causa, non
ligandi. Viatorum porro, ut etiam ante praeco-
num, decurias fuisse, eaque a consulibus lectas,
& mercede affectas fuisse, testis est antiqua ea ta-
bula, cujus supra memini, cum de scribis dice-
rem, cujus reliquum, quod ad praecones, & via-
tores pertinet, quoniam res est memoria digna,
hic adscribam:

COS. QVEI. NVNC. SVNT. IEI. ANTE. K. DECEMBRIS. PRIMAS. DE. EIS. QVEI
 CIVES. ROMANEI. SVNT. VIATOREM. VNVM. LEGVNTO. QVEI. IN
 EA. DECVRIA. VIATOR. APPAREAT. QVAM. DECVRIAM. VIATORVM
 EX. NONEIS. DECEMBRIBVS. PRIMEIS. QVÆSTORIBVS. AD ÆRARIVM
 APPARERE. OPORTET. OPORTEBIT. EIDEM. COS. ANTE. K. DECEMBR
 PRIMAS. DE. EIS. QVEI. CIVES. ROMANEI. SVNT. PRÆCONEM. VNVM
 LEGUNTO. QVEI. IN. EA. DECVRIA. PRÆCO. APPAREAT. QVAM
 DECVRIAM. PRÆCONVM. EX. NONEIS. DECEMBRIBVS. PRIMEIS
 QVÆSTORIBVS. AD ÆRARIVM. APPARERE. OPORTET. OPORTEBIT
 DEINDE. EIDEM. CONSVL. ANTE. K. DECEMBREIS. PRIMAS. VIATOREM
 VNVM. LEGVNTO. QVEI. IN. EA. DECVRIA. VIATOR. APPAREAT. QVAM
 DECVRIAM. VIATORVM. EX. NONEIS. DECEMBRIBVS. SECVNDEIS
 QVÆSTORIBVS. AD ÆRARIVM. APPARERE. OPORTET. OPORTEBIT
 EIDEMQVE. COS. ANTE. K. DECEMBREIS. PRIMAS. PRÆCONEM
 VNVM. LEGVNTO. QVI. IN. EA. DECVRIA. PRÆCO. APPAREAT. QVAM
 DECVRIAM. PRÆCONVM. EX. NONEIS. DECEMBRIBVS. SECVNDEIS
 QVÆSTORIBVS. AD ÆRARIVM. APPARERE. OPORTET. OPORTEBIT
 DEINDE. EIDEM. COS. ANTE. K. DECEMBREIS. PRIMAS. VIATOREM
 VNVM. LEGVNTO. QVEI. IN. EA. DECVRIA. VIATOR. APPAREAT
 QVAM. DECVRIAM. VIATORVM. EX. NONEIS. DECEMBRIBVS. TERTIEIS
 QVÆSTORIBVS. AD ÆRARIVM. APPARERE. OPORTET. OPORTEBIT
 EIDEMQVE. COS. ANTE. K. DECEMBREIS. PRIMAS. PRÆCONEM
 VNVM. LEGVNTO. QVEI. IN. EA. DECVRIA. PRÆCO. APPAREAT. QVAM
 DECVRIAM. PRÆCONVM. EX. NONEIS. DECEMBRIBVS. TERTIEIS
 QVÆSTORIBVS. AD ÆRARIVM. APPARERE. OPORTET. OPORTEBIT
 EOSQVE. VIATORES. EOSQVE. PRÆCONES. OMNEIS. QVOS. EO
 ORDINE. DIGNOS. ARBITRABVNTVR. LEGVNTO. QVAM. IN. QVISQVE
 DECVRIAM. ITA. VIATOR. LECTVS. ERIT. IS. IN. EA. DECVRIA. VIATOR
 ESTO. ITEM. VT. EI. CETERI. EIVS. DECVRIÆ. VIATORES. ERVNT
 QVAMQVE. IN. QVISQVE. DECVRIAM. ITA. PRÆCO. LECTVS. ERIT
 IS. IN. EA. DECVRIA. PRÆCO. ESTO. ITA. VT. EI. CETEREI. EIVS. DECVRIÆ
 PRÆCONES. ERVNT. SIREMPSQVE. EIS. VIATORIBVS. DE. QVE
 EIS. VIATORIBVS. OMNIVM. RERV. IVVS. LEXQVE. ESTO. QVASEI
 SEI. EI. VIATORES. IN. EAM. DECVRIAM. IN. TRIBVS. VIATORIBVS
 ANTEA. LECTEI. SVBLECTEI. ESSENT. QVAM. IN. QVISQVE. DECVRIAM
 EORVM. EX. HAC. LEGE. VIATOR. LECTVS. ERIT. SIREMPSQVE. EIS
 PRÆCONIBVS. DE. QVE. EIS. PRÆCONIBVS. QVÆSTORI. OMNIVM
 RERV. IVVS. LEXQVE. ESTO. QVASEI. SEI. EI. PRÆCONES. IN. EAM
 DECVRIAM. IN. TRIBVS. PRÆCONIBVS. ANTEA. LECTEI. SVBLECTEI
 ESSENT. QVAM. IN. QVISQVE. DECVRIAM. EORVM. EX. HAC. LEGE
 PRÆCO. LECTVS. ERIT
 QVOS. QVOMQVE. QVÆSTORES. EX. LEGE. PLEBEIV. SCITO. VIATORES
 LEGERE. SVBLEGERE. OPORTEBIT. EI. QVÆSTORES. EO. IVRE. EA. LEGE
 VIATORES. III. LEGVNTO. SVBLEGVNTO. QVO. IVRE. QVA. LEGE
 QVEI. NVNC. SVNT. VIATORES. III. LEGERVNT. SVBLEGERVNT. QVOSQVE
 QVOMQVE. QVÆSTORES. EX. LEGE. PLEBEIV. SCITO. PRÆCONES
 SVBLEGERE. OPORTEBAT. EI. QVÆSTORES. EO. IVRE. EA. LEGE. PRÆCONES
 III. LEGVNTO. SVBLEGVNTO. QVO. IVRE. QVA. LEGE. QVÆSTORES. QVEI
 NVNC. SVNT. PRÆCONES. III. LEGERVNT. SVBLEGERVNT. DVM. NI. QVEM
 IN. EIS. VIATORIBVS. PRÆCONIBVS. LEGVNDEIS. SVBLEGVNDEIS. IN. EIVS
 VIATORIS. PRÆCONIS. LOCVM. VIATOREM. PRÆCONEM. LEGANT
 SVBLEGANT. QVOIVS. IN. LOCVM. PER. LEGES. PLEBEIV. SCITA. VIATOREM
 PRÆCONEM. LEGEI. SVBLEGEI. NON. LICEBIT. ITAQVE. DE. EIS. QVATTVOR
 VIATORIBVS. QVÆSTOR. QVEI. QVOMQVE. ERIT. VIATORES. SVMITO
 HABETO. VTEI. ANTE. HANC. LEGEM. ROGATAM. DE. TRIBVS. VIATORIBVS
 VIATORES. HABERE. SVMERE. SOLITEI. ITAQVE. DE. EIS. QVATTVOR
 PRÆCONIBVS. QVÆSTOR. QVEI. QVOMQVE. ERIT. PRÆCONES. SVMITO
 HABETO. VTEI. ANTE. HANC. LEGEM. ROGATAM. DE. TRIBVS. PRÆCONIBVS
 PRÆCONES. HABERE. SVMERE. SOLITEI. SVNT. ITEMQVE. EIS. VIATORIBVS
 PRÆCONIBVS. QVI. EX. HAC. LEGE. LECTEI. ERVNT. VICARIVM. DARE
 SVBDERE. IVS. ESTO. LICETO. QVE. VTI. CETEREIS. VIATORIBVS. PRÆCONIBVS
 QVA. IN. QVISQVE. DECVRIA. EST. VICARIVM. DARE. SVBDERE. IVVS. ERIT
 LICEBITQVE. ITEMQVE. QVÆSTORES. AB. IEIS. VICARIOS. ACCIPIVND
 VTEI. A. CETEREIS. VIATORIBVS. PRÆCONIBVS. VICARIOS. ACCIPEI. OPORTEBIT
 VIATORES. PRÆCONES. QVEI. EX. HAC. LEGE. LECTEI. SVBLECTEI. ERVNT
 EIS. VIATORIBVS. PRÆCONIBVS. MAGISTRATVS. PRO. VE. MAG
 MERCEDIS. ITEM. TANTVNDEM. DATO. QVANTVM. EI. VIATORI
 PRÆCONEI. DAREI. OPORTERET. SEI. IS. VIATOR. DE. TRIBVS
 VIATORIBVS. ISQVE. PRÆCO. DE. TRIBVS. PRÆCONIBVS. ESSET
 QVEI. ANTE. HANC. LEGEM. ROGATAM. VTEI. LEGERENTVR. INSTITVTEI. SVNT.
 QVAS. IN. DECVRIAS. VIATORVM. PRÆCONVM. CONSVL. EX. HAC
 LEGE. VIATORES. PRÆCONES. LEGERIT. QVORVM. VIATORVM
 PRÆCONVM. NOMINA. IN. EIS. DECVRIEIS. AD. ÆDEM. SATVRNI
 IN. PARIETE. INTRA. CAVEAS. PROXYME. ANTE. HANC. LEGEM.

Servos autem publicos alios fuisse a lictoribus ostendit senatusconsultum verus, quod ponitur a Frontino in libro de aqueductibus: *Placere Senatui, eos, qui equis publicis praeessent, cum ejus rei causa extra urbem essent, lictores binos, & servos publicos ternos, architectos singulos, & scribas, & librarios, accensos, praefonesque totidem habere, quot habent ii, per quos frumentum plebi datur.* Hi vero omnibus magistratibus apparuerunt. ut censoribus, de quibus Livius: *Censores signatis tabellis publicis, clausoque tabulario, & dimissis servis publicis negarunt se quidquam publici negotii gesturos;* & aedilibus, de quibus Varro: *Aediles stipati servis publicis non modo prehendi non possunt, sed ei ultro summovent populum.* & quaestoribus, quos idem scripsit neque habuisse, neque viatorem.

Unus fuit carnifex, qui non modo civis non fuit, sed ne domicilium quidem in urbe habuit, si teste M. Tullio stamus in Rabiriana illa de perduellione ita loquente: *Sed moretur prius acerbissima morte milites Gracchus; quam in ejus concione carnifex confisteret, quem non modo foro, sed etiam caelo hoc, ac spiritu censoriae leges, ac urbis domicilio carere voluerunt.* est autem fere carnifex is, per quem in crucem egerunt, ut lictor, per quem securi percussurunt.

C A P. XVI.

De notis ordinum.

HACTENUS de tribus civium ordinibus, qui fuerint, quas partes habuerint, quidque deinceps ad temp. momenti attulerint, disputatum sit. nunc de notis eorum, quod relinqui videtur, dicamus. Notas autem intelligo censorias. Etenim ut cives a censoribus in ordines honoris causa refererentur, sic ab iisdem ignominiae causa ex ordinibus pellebantur. Itaque ut tribu largienda plebeium equo publico assignando equitem Rom. senatu communicando fenatorem faciebant; ita tribu movendo plebeium, equo adimendo equitem, senatu ejiciendo fenatorem, cum essent magistri morum constituti, notabant. Neque vero equites, aut fenatores ea nota solum afficere poterant, ut aut equo spoliarent, aut senatu exigerent, sed illa praeterea etiam, ut tribu moverent. ut enim omnes cives, quod jam saepius admonui, erant in tribu, sic eandem amittere omnes, & quod gravius esse existimabatur, in Cæritum tabulas referri, & ærarii relinqui poterant. Senatu autem movere, erat in recitando senatu fenatorem veterem praeterire. equum adimere, equum vendere jubere, tradit hoc in Divinationem Pedianus. *Censores, inquit, quinto quoque anno creari solebant. hi prorsus cives sic notabant, ut qui senator esset, ejiceretur a senatu, qui eques Rom. equum publicum perderet, qui plebeius in Cæritum tabulas referretur.* ostendunt exempla multorum quibus referta est Liviana historia, ut Cethegi, & Tuditani censorum, qui senatum ita legerunt, ut octo praericerint; & Salinatoris, ac Neronis, qui septem senatu moverint, neminem, qui sella curuli sedisset; & Flaminini, ac Marcelli, qui quatuor, neminem curuli honore usum; & M. Catonis, qui septem, inter quos etiam L. Flamininus consularis, de nota vero equestri, Claudii, & Gracchi, quos ait idem in equis adimendis equestrem ordinem offendisse, & eorum, a quibus scribit Valerius, equestri ordinis magnam partem, quadringentos juvenes, quia ad munitionum opus explicandum ire iussi, non iiverant, equis publicis spoliatos. Neque vero equites soli, qui equo publico, sed etiam, qui privato merebant, a censoribus eo spoliabantur, si Liviano testimonio stetur; qui scribit: *In equestri-*

bus notis eadem servata causa. illi omnibus equi adempti, qui Cannensium legionum equites in Sicilia erant. addiderunt acerbitati etiam tempus, ne praeterita stipendia procederet iis, qui equo publico meruerant, sed dena stipendia equis privatis facerent. significat enim omnibus equitibus tam privato equo, quam publico equos ereptos: iis autem, qui publico stipendia fecerant, illud adjectum, ut privatis facerent. Nam eos, qui publicum equum haberant, eo aperte privatos fuisse cum Neronis, & Salinatoris exemplo patet, quorum alter alterum equum publicum, quem forte habebant, notæ causa, teste Livio, iussit vendere: tum ex eo perspicui potest, quod narrat idem de iis, qui defendendæ Italiae consilium ceperant, & qui nimis calidi exolvendi iurijurandi interpretes fuerant, quibus equos ademptos ait, qui equum publicum habebant. Qui vero tertii ordinis erant, ii tribu movebantur, in Cæritum tabulas transferebantur, & ærarii fiebant. Tribu movere erat ex una tribu in aliam notæ causa transferre. Hoc tradit Livius. *Negavi, inquit, Claudius censor suffragii lationem in iussu populi censuram cuiquam homini, nedum universo ordini adimere posse. neque enim si tribu movere posset, quod nihil sit aliud, quam jubere mutare tribum, ideo omnibus quinque & triginta tribubus movere posse.* Ex quo apparet, movere tribu esse, ex honestiore tribu in minus honestam transferre, ut ex rustica in urbanam, aut ex rustica in rusticam. unde dixit Plinius, in urbanas tribus transferri ignominiosum fuisse. Accedit, quod Cicero de republica quarto ait, majores Romanos, *Cum artem ludicram, scenamque totam in probo ducerent, genus id hominum non modo honore civium reliquorum carere, sed etiam tribu moveri censoris notatione voluisse.* quæ verba D. Augustinus enarrans, ait, *quisquis civium Romanorum esse scenicus elegisset, non solum nullum ei ad honorem additum datum, verumetiam censoris nota a tribu tenere propriam non permixtum.* & post: *Romani hominibus scenici nec plebeiam tribum, quanto minus fenatoriam curiam debonestari sunt.* In Cæritum porro tabulas referre, erat suffragio spoliare. Nam Cæritibus beneficii loco, ob sacra Gallico bello servata civitas sine suffragii latione fuerat data, ut apud Strabonem, & Gellium scriptum invenimus. *Ærarium vero facere erat, auctore Pediano, nullum aliud jus civitatis in centuria, atque adeo in tribu relinquere, quam ut pro capite suo tributi nomine era penderet, ita ut, qui ærarii factus esset, is non solum suffragio urbano, sed etiam stipendiis militaribus spoliatus esset.* Ut autem gravior erat nota in Cærites referri, quam tribu moveri, sic ærarium relinqui, quam inter Cærites conjici. Nam ærarii etiam inter Cærites relatus erat. quare in annalibus nullam aliam notam reperiemus, nisi tribu motum, & ærarium factum. Quod autem ærarii a militaribus stipendiis essent repulsi, ex Livii loco, qui est in principio septimi, cognoscitur, cum scribit, Attellanos hiltiones censoria nota vacuos fuisse, *quia neque tribu moverentur, neque a militaribus stipendiis repellerentur.* Ergo fenator non solum senatu ejici, eques equo exui, sed etiam tribu moveri, & in ærarios referri poterant. Quocirca est apud Livium, *M. Aemilium dictatorem ob diminutum censuræ tempus censores tribu movisse, octuplicatoque censu ærarium reliquisse.* Item: *Censores censum severius, quam ante habuisse, multis equos ademptos, qui equum publicum haberent, tribuque motos ærarios omnes factos. neque senatu modo, aut equestri ordine regendo curam censorum se tenuisse. nomina omnium ex juniorum tabulis excerptisse, qui quadriennio non militassent. quibus neque vacatio iusta militie, neque morbus causa fuisset, & ea supra duo millia nominum in ærarios relata, tribuque motos.* & alibi: *His equi a censoribus adempti,*

tribusque moti ararii omnes facti. atque etiam Cicero in Cluentiana scripsit: *Censores ipsi inter se tantum esse judicia arbitrantur, ut alter alterius judicium non modo reprehendat, sed etiam rescindat; ut alter de senatu movere velit, alter retineat, & ordine amplissimo dignum existimet, ut alter in ararios referri, aut tribu moveri jubeat, alter vetet.*

CAP. XVII.

De jure ordinum.

EXPOSITIS ordinibus tribus, reliquum est, ut de jure eorum differam. jura enim ordinum quærere, nihil aliud est, quam jura civium, quatenus in ordines distributi sunt, indagare. Hæc vero jura plura fortasse fuerunt, sed quæ maxime excellent, duo potissimum fuisse animadverto. quorum alterum judicia attingit, spectacula alterum. Etenim ut omnes civis sedes in theatro spectandorum ludorum causa habuerunt, sic omnes etiam & privatas, & publicas causas judicant, quibus autem legibus, & quando, & quo modo, & quibus reip. motibus illud obtinuerint, aperiendum videtur. Agamus autem primum de judiciis, deinde spectacula persequamur, atque, utraque ut inter hos ordines vel divisa, vel communicata fuerint, demonstreremus.

CAP. XVIII.

De Judiciis

JUDICIUM est potestas de rebus aut privatis, aut publicis ex jure & legibus Rom. judicandi. Judicia porro obierunt ii, qui Judices appellantur. quos a magistratibus fuisse diversos, non minime illa sunt argumento, quod magistratus judicium darent, judices causa cognita judicarent; illi judices cogenter, hi in judicium cogenter; illi populi suffragiis, hi a prætoribus; illi ex universo populo, hi ex certo plerumque ordine allegerentur; in iis, quid quicquid decerneret, observaretur, in his quid plerique statuerent, spectaretur. judices denique sententiam ferrent, magistratus judicium sententiam pronuntiarent. Quare in constituendo Romano cive non omnibus in partibus Aristotelicam definitionem civis traditam possumus sequi. Ille enim civem magistratibus, & judiciis circumscriptis, quod judicia & omnibus civibus committi, suffragio mandari æque ac magistratus ipsos posse censuit; nos aliam rationem in legendis judicibus, aliam in deferendis. Itaque si divem statuerimus eum, qui judicia habeat, gravi illo incommodo urgemur, ut usque ad sexcentiesimum tricesimum ab urbe condita annum senatores solos cives, quia soli judicant, fuisse concludamus. deinde vero una cum judiciis civitatem a senatoribus ad solos equites esse translatam dicemus. quo quid potest dici perverius? Quæ causa facit, ut ego ordines, & judicia ab honorum numero removerim. cum honores suffragio civium tradi viderem, ordines autem lectioni censoriarum, judicia prætoriarum esse commissam animadverterim.

Sint ergo judicia ab honoribus segregata, ordinibus autem adjuncta, & tanquam ordinum ornamenta. Eorum vero alia privata fuerunt, alia publica. Privata erant, in quibus jus suum privatus quisque persequeretur; publica, in quibus injuria, quæ reipublicæ facta erat, vindicabatur. Quæ vero essent injuriæ, quibus res publica, sive populus universus læderetur, in ipsius populi arbitrio erat positum.

Ut autem judicia alia privata, alia publica, sic ju-

dicēs alii rerum privatarum, alii publicarum fuerunt. ac privatarum quidem recuperatores, judices & centumviri, publicarum, qui proprie judices sunt appellati. Præterea vero ut in litibus privatis judices a magistratu penes quem jurisdictionis erat, dabantur, sic in causis publicis a magistratu, qui quæstioni præficeret, & quidem ex eo numero, qui selecti dicebantur.

Hi vero in decurias distributi feruntur fuisse, quas prætores urbani jurati confecerunt. quoniam autem ex ordinibus iis, apud quos judicia essent, seligebantur, selecti judices appellati sunt. Hoc autem voluit Cicero, cum dixit in Cluentiana, *prætores urbanos juratos optimum quenque in selectos judices referre*. Ex ordinibus autem iccirco dixi, quia non ex omni populo prætor urbanus, sed ex certis ordinibus judices in selectorum numerum referebat, id quod, altius hujus disputationis exordio repetito, cujusmodi fuerit, demonstreremus.

Satis igitur constat, judicia primum penes senatores fuisse, id est, judices, quorum esset consilium prætor advocaturus, ex senatoribus primum tantum fuisse. Hoc probat cum Dionysius, qui judicia patriciis a Romulo tributa esse dixit; tum Polybius, qui judicia senatorum in potestate fuisse aperte lib. VI. litteris prodidit. Probat etiam illud, quod equites ante legem C. Gracchi non judicasse satis perspicuum est: quod si non equites, multo minus plebs.

Ergo lex Sempronia initium hujus totius mutationis attulit. Placuit enim C. Graccho, ut remperum multis aliis legibus perturbare instituerat, hac etiam in parte vexaret, a senatu, quem parum integra fide judicare criminabatur, ad equestrem ordinem totam judiciorum rationem, consuetudinemque transferre, idque, lata ad populum lege, non admodum advertebat senatu obtinuit. restis est hujus historiarum Appianus, cujus verba subscribam: C. Gracchus iterum tribunus creatus, conciliata, atque adjuncta sibi plebe, de equitum etiam, qui mediis inter senatum, & plebem sunt interjecti, colligenda benevolentia cogitavit, hoc modo: *Judicia, quæ ob pecunias captas flagrabant infamia, ad equites a senatoribus transiit, cum eis proximam quodque judicium exprobraret, quod Aurelium Cottam, & Salinatorem, & MP. Aquilum, qui Asiam ceperat, captis aperte pecuniis absolvisset. qui etiam legati cum eo querelarum pleni per urbem vagabantur. Quæ senatus veritus, legi non est adversatus, ac plebs eam scivit. atque ita adequites a senatu judicia sunt translata. narrant autem accepta lege, Gracchum dixisse, se funditus nervos senatorii ordinis incidisse, idque vere ab eo usurpatum, rem ipsam postea comprobasse. Nam cum equitibus potestatem permisisset, ut de civibus Romanis, atque Italicis, & senatoribus ipsi judicarent, ac multa, ignominia, exilio damnarent, eos quasi dominos constituisse, senatores vero illi subiecisse visus est. Iaque cum equites facta cum tribunis pl. conspiratione in comitiis adessent, atque ab iis, quæ vellent, omnia obtinerent, maximum senatoribus ipsi terrorem incutebant: brevique apparebat fore, ut universa reip. ratio perverteretur, cum senatus dignitate sola, equester ordo potentia, opibusque præstaret. Eadem vero etiam Paterculus, eadem Pedianus, Gracchum a senatoribus ad equites judicia transiitisse. Eadem Varro, cujus hæc verba ex libro de vita populi Romani quarto profert Nonius: *Gracchus senatus iniquum, equestri ordini judicia tradidit, ac bicipitem civitatem fecit, discordiarum civilium fontem.**

Anno deinde post decimo septimo, Q. Servilius Cæpio consul ea inter utrumque ordinem communicavit. Scriptum est hoc apud Obsequentem, & Castodorum, qui Cæpione, & Serrano cons. judicia per Servilium Cæpionem consulem equitibus, & se-

natoribus communicata notant. Unde illa sunt etiam Ciceronis in Bruto: *L. Crassus Servilium legem suavit in consulibus, quibus nati sumus. & paulo infra: Mihi quidem a pueritia quasi magistra fuit illa Crassi in legem Cæpionis oratio, in qua auctoritas ornatur senatus, pro quo ordine illa dicuntur, & invidia concitatur in iudicium, & accusatorum factionem, contra quorum potentiam fuit populariter dicendum.* Hanc autem mutationem necessariam fuisse propter equitum in iudicando superbiam, atque avaritiam, indicat etiam Appianus, qui eodem in loco ita pergit: *Equites non satis iudiciorum principatu contenti, aperte in senatores etiam extra iudicia insultabant. atque muneribus capti ea turpiter, atque immoderate accipiebant. & accusatores adversus viros comparabant, & captarum ob iudicandum pecuniarum questionum facta inter se conspiratione, & vi omnino suffulerant, ita ut cum hæc iudicii forma desideraretur, seditionem alteram ob iudicarias leges baudquaquam priore leviores excitaret.*

Deinde lex altera Servilia lata est a C. Servilio Glauco, ut opinor, prætor. qua equitibus iudicia restituta sunt. de qua lege sic Cicero in Bruto: *C. Servilius Glauco in prætura consul factus esset, si rationem ejus haberi licere iudicatum esset. nam & plebem tenebat, & equestrem ordinem beneficio legi obstrinxerat.* & pro Scauro: *Reus factus est a C. Servilio Cæpione lege Servilia, cum iudicia penes equestrem ordinem essent, & P. Rutilio damnato nemini tam innocens videretur, ut non timeret illa.* Atque hoc intellexit in primo de oratore Antonius, cum ita loquutus est: *Et animos equitum Rom. apud quos tunc causa agebatur, ad C. Cæpionis odium, a quo erant ipsi propter iudicia alienati, revocabam.*

Serviliam inde legem consequuta est Livia. quam M. Drusus tribunus pl. tulit anno sexcentesimo sexagesimo secundo. de quo sic scribit Appianus: *Drusus senatorium & equestrem ordinem maxime tunc ob iudicia dissidentes communi lege inter se conciliare conatus est. Itaque cum aperte iudicia senatui reddere non posset, hac arte ea inter utroque communicavit. cum senatores propter superiorum temporum discordias vix ad CCC. essent, totidem ipsi ex ordine equestri, & optimam quæcumque ut cooptarent, auctor fuit. atque ex his omnibus in posterum iudices legi voluit. quia tamen lege neque senatoribus, qui secum tot equites admisceri, neque equitibus, qui iudicia hoc pacto ad solos senatores referri videbant, gratificatus, in utroque ordinis offensionem cum incidisset, in ipso magistratu est interfectus. Velleius autem ita: *Drusus cum senatui priscum restituere decus vellet, & iudicia ab equitibus ad eum transferre ordinem; (quippe eam potestatem nati equites Gracchanis legibus, cum in multis clarissimos atque innocentissimos viros fecissent, tum P. Rutilium virum non seculi sui, sed omnis ævi optimum interrogatum lege repetundarum maximo cum gemitu civitatis damnaverant.) in illis ipsi, quæ pro senatu moliebatur, senatum habuit adversarium. Quid quod in epitoma Liviana scriptum est? P. Rutilius, vir summæ innocentie, qui legatus Q. Mucii pro consule a publicanorum injuriis Asiam defenderet; in ius equestri ordini, penes quem iudicia erant, repetundarum damnatus in exilium missus est. Senatus cum impotentiam equestri ordini in iudiciis exercendis ferre nollet, omni vi niti cœpit, ut ad se iudicia transferrentur. M. Livius Drusus tribunus pl. legem tulit, ut æqua parte iudicia penes senatum, & equestrem ordinem essent. Hanc autem legem cum reliquis aliis Livii legibus, tanquam adversus auspicia latam, eodem anno Philippo cos. referente uno S. C. sublata, testis est Cicero lib. III. de legibus. qua lege adductum in eam opinionem Plutarchum puto, ut C. Gracchum de legendis in senatum equitibus, & communicandis ea ratione iudiciis in tribunatu tulisse scripserit.**

A Cum igitur nec Cæpionis, nec Drusi lege senatores in partem iudiciorum venire potuissent, tum M. Plautius Silvanus extitit, qui biennio post, Strabone, & Catone coss. in tribunatu senatui satisfecit. tulit enim, auctore Pediano, ut singulæ tribus e corpore suo quindecim, qui per annum iudicarent, legerent. unde dixit in oratione pro C. Cornelio Cicero: *Memoria teneo, cum primum senatores cum equitibus Rom. lege Plotia iudicarent, hominem diu, ac nobilitati perinvictum Cn. Pompeium causam dicere lege Varia de maiestate. quæ verba Pedianus interpretans ait, M. Plautium Silvanum tribunum pl. Cn. Pompeio Strabone, L. Porcio Catone coss. anno secundo belli Italici, cum equester ordo in iudiciis dominaretur, legem tulisse adjuvantibus nobilibus, eamque legem tam vim habuisse, quam Cicero significat. nam ex ea lege tribus singulas e suo numero quinos creasse, qui eo anno iudicarent. ex eo factum esse, ut senatores quoque in eo numero essent, & quidam etiam ex ipsa plebe. An vero hæc lex diu servata sit, parum certum est.*

Illud autem nullam habet dubitationem, septennio post L. Syllam dictatorem legem tulisse, ut soli senatores iudicarent. credo quod equitibus, & plebi esset infensus, quia adversus se pro Marianis partibus steterant. cuius legis Pedianus, & Cicero meminerunt.

Undecimo deinde post anno, Cn. Pompeio, & M. Crasso coss. cum multis jam ante annis Sylla decessisset, L. Aurelius Cotta prætor legem ad populum tulit, ut senatores jam diu male de iudiciis audientes cum equitibus, & tribunis ætariis iudicarent, id est, ut tres ordines ad iudicia advocarentur. siquidem tribuni ætarii ex plebe, ut dixi, fuerunt. de qua ita Pedianus: *L. Cotta lege sua iudicia inter tres ordines communicavit, senatum, equites, & tribunos ætarios. & Velleius: Cotta iudicandi munus, quod C. Gracchus creptum senatui ad equites, Sylla ab illis ad senatum transfulerant, & qualiter inter utrumque ordinem partitus esset.*

Inde lex Pompeia lata, quam Cn. Pompeius in secundo consulatu promulgavit, auctore in Pisonianam Alconio, nihil de tribus ordinibus immutavit.

Post Cæsar dictator iudicia ad duos solum ordines redegit, senatores, & equites. cuius rei causam Dio ita reddidit: *Iudicia senatoribus equitibusque commisit, ut purissima pars civitatis iudicaret. ante enim ex plebe quidam etiam una iudicia exercebant. quod de tribunis ætariis dictum esse ostendit Suetonius, cum scribit: Iudicia ad duo genera iudicium redegit, equestri ordini, & senatorii, tribunos ætarios, quod erat tertium, sustulit.*

Inde M. Antonius cos. Cæsare interfecto, legem tulit, *Ut ad duas decurias senatorum, & equitum tertia adjungeretur centurionum, & manipularium militum legionis Alaudæ, ut Cicero significat in prima Philippica, in qua hanc legem infestat, atque exagitat. Atque hæc quidem de ordinibus, unde iudices lecti sunt, hæcenus.*

Centum autem in iudice etiam legendo spectatum, non est dubium. id enim innuit Plinius libro XIII. in proœmio: *Posteris laxitas mundi, & rerum amplitudo damno fuit, postquam senator censu legi coactus, iudex fieri cœpit.* & Seneca: *Censu in foro iudex legitur.* & Cicero in Antonium: *In iudice spectari & fortuna debet, & dignitas.* An vero jam inde ab initio iudici census præfinitus sit, nihil habeo comperti. Lege quidem Aurelia, Pompeia, & Julia præfinitum, satis aperte docet Cicero in prima Philippica, his verbis: *At que est ista tertia decuria? centurionum, inquit. quid? isti ordini iudicatus lege Julia, etiam ante Pompeia, Aurelia non patebat? census præfinitus, inquit. non centurionum quidem solum, sed etiam equiti Romano. Habet*

autem dubitationem, an idem fuerit ordinum census, ac iudicium, ut quo censu quis senator, eodem etiam iudex legi poterit. quia de re quamquam certi nihil habeo, quod afferam, non reculabo tamen, quin, quo me conjectura ducat, exponam. Me igitur, ut diversos eos fuisse sentiam, verba Alconii de lege Pompeia adducunt. qua sancitum ait, *Ut ex amplissimo censu ex centuriis aliter, quam ante lecti iudices, æque tamen ex tribus ordinibus judicarent*. itemque Suetonii de lege Augusti, qua quartam decuriam additam ait *ex inferiore censu, quæ ducentariorum vocaretur, judicarentque de levioribus summis*. Ex quibus omnibus possumus suspicari, non eodem censu ordines, ac iudices esse cooptatos. quid enim legibus ullis equiti Romano census ad iudicatum præscribendus fuisset, si omnes quocunque censu equites legi iudices, concessum esset? aut cur demum Antonius leges eas immutare tentasset, nimirum, ut quocunque censu centurio iudicare posset, nisi certus census ante iudici centurioni constitutus fuisset? Atque hoc quidem ita fuisse, lex ipsa Pompeia ostendit, cum iudices ex amplissimo censu legi iubet. Significat enim, senatores legi potuisse, qui octingenta millia possiderent; equites, qui quadringenta. at iudices e senatorio ordine, aut equestri, nisi, qui amplissimo censu essent, id est, qui supra senatorium, aut equestrem censum possiderent, constitui non licuisse.

Postremo ætatis etiam ad iudicandum annum legitimum trigessimum quintum fuisse eodem in loco docet Suetonius, cum ita pergit: *Judices a tricesimo ætatis anno allegit, id est, quinquennio maturius, quam solebant*. Sed de iudicibus multo pluribus in libris de iudiciis differemus.

Pertinuisse autem hoc etiam ad jus civitatis, ex eo conjici potest, quod de re inquit Cicero: qui cum lege Clodia se civitatem omnium iudicio non amissile, multis argumentis contenderet, ita demum intulit: *Mæ L. Coita, homo censorius, in senatu juratus dixit, se, si censor tum esset, cum ego aberam, meo loco senatorem recitaturum fuisse. quis in meum locum iudicem subdidit? quis meorum amicorum testamentum discessu meo fecit, qui mihi non idem tribuerit, quod & si adesset?*

C A P. XIX.

De spectaculis ordinum.

UT autem in iudicando, sic etiam in spectando proprio quodam jure singuli ordines fuerunt.

Ceterum promiscuum spectandi in theatro senatui fuisse, & populo ab initio locum, inde senatum a populo, post equites a plebe discretos, in monumentis rerum Romanarum notatum videmus. Quæ quia sine eorum ordinum offensione, qui deteriori in caussa ponebantur, fieri nequiverit, quo pacto res universa ceciderit, verbis præcorum annalium recitatis ostendam. Livius ita scribit: *Sex. Ælius Pætus, & C. Cornelius Cetægus censores gratiam ingentem apud ordinem senatorium pepererunt, quod ludis Romanis ædilibus curvilibus imperarunt, ut loca senatoria scernerent a populo. nam antea in promiscuo spectabant*. & paulo post: *C. Atilii Servani, L. Scribonii Libonis ædilibus curvilibus ludis Rom. primum senatus a populo secretus spectavit præbuitque sermones (sicut omnis novitas solet) alii tandem, quod multo ante debuerit, tributum censuribus amplissimo ordini, alii deceptum ex dignitate populi, quicquid majestatis patrum adjectum esset, interpretantibus. & omnia discrimina talia, quibus ordines discernerebantur, & concordie, & libertatis æque minuenda esse. ad quingentesimum quinquagesimum sextum annum in promiscuo spectatum esse, quid*

repente factum, cur non immisceri sibi in cavea patres plebem vellent? cur divites pauperem confessorum fastidierit? novam, & superbam libidinem ab nullius ante gentis senatu neque desideratam, neque institutam. postremo ipsum quoque Africanum, quod consul auctor ejus rei fuisset, penitusisse ferunt. Adicit Valerius, quamquam ad hunc ulque annum promiscua subsellia fuerant, nunquam tamen quenquam ex plebe in theatro ante patres conscriptos spectare sustinuisse. De eodem autem etiam instituto Pedianus in Cornelianam, atque adeo ipse etiam Cicero ita in oratione: P. Africanus ille superior, ut dicitur, non solum a sapientissimis hominibus, qui tum erant, verum etiam a se ipso sepe accusatus est, quod, cum consul esset cum Ti. Longo, passus esset tum primum a populari confesso senatoria subsellia separari. Ut autem tum senatores ab equitibus, & plebe, sic postea equites a plebe secreti sunt: spectabant enim senatores in cavea, qui locus ad theatri radices scenæ proximuserat, inde proximi quatuordecim theatri gradus, ut commodiores, sic honestiores habebantur. in iis autem, & in ceteris altioribus plebs cum equitibus spectare solita erat.

Post autem lata lex est, ut iis equites utique considerent, consule tamen, Tacito auctore, cum plebe. Hanc autem legem tulit L. Roscius Orho tribu. pl. ut est apud Dionem, M. Glabrone, & C. Pisone coss. Alienavit autem a se plebem, equites sibi adjunxit hac lege Roscius. Quo factum est, ut cum quinquennio post consule Cicero, dum ludi ederentur, in theatrum veniret, a plebe maximo strepitu, ab equitibus ingenti plausu exceptus sit. cumque iterum plebs, & equites, ut quisque animo erat affectus, Roscium accepissent, paulatim ad verborum convicia descenderunt. atque theatrum perturbarunt. id quod cum Cicero consul accepisset, statim, advocata concione, populum castigavit. qui in theatrum reversus, & ipse cum equitibus de Roscii honoribus, Plutarcho auctore, contendit. Unde merito Plinius ita in laudes Cicero nis erupit: *Te suadente tribus Roscio theatrali auctori legis ignoverunt, notataque se discrimine sedis æquo animo tulerunt.*

Inde lex Julia ab Augusto lata est: Ut equitibus Rom. quibus ipsis, parentibusve equester census unquam fuisset, in quatuordecim ordinibus lege Roscia theatrali constitutis considerere liceret. cujus legis Suetonius testis est. attipulatur Plinius libro xxxiii. cum inquit, *a Tiberio imp. constitutum, ne cui jus annulorum esset, nisi cui ingenio ipsi, patri, avoque paterno HS cccc. census fuisset, & lege Julia theatrali in xiiii. ordinibus sedendi*. Post autem Imp. Nero equitum Rom. locos sedilibus plebis anteposuit, si Taciti auctoritate standum sit, qui libr. xv. ait: *Nam ad eam diem indiscreti ierant. quia lex Roscia nihil, nisi de quatuordecim ordinibus sanxerat.*

C A P. XX.

De nobilibus, novis, & ignobilibus.

HIS expositis sane quæ prima fuerit civium Rom. a nobis constituta divisio, ab omnibus intellectum existimo. nunc sequitur, ut de secunda, quemadmodum instituiamus, differamus; cujus ut partes sunt minores, sic disputatio aliquanto erit angustior. Ut autem illam divisionem ab ordinibus deduximus, sic hanc ab imaginibus derivamus. Nam qui majorum suorum habuerunt imagines, ii nobiles; qui suas tantum, ii novi; qui nec majorum, nec suas, illi demum ignobiles appellati sunt. Ex quo efficitur, jus imaginis nihil esse aliud, quam jus nobilitatis. Etenim ut imago a

magistratu proficiscitur, sic nobilitas ab imagine, unde etiam sæpe imagines pro nobilitate sunt positæ. Est autem imago, ut præclare libr. vi. Polybius, insignis alicujus viri simulacrum oris similitudinem artificiosè effectam coloribus, pigmentisque adumbratam referens, quod in insigniori, & celebriori domus parte positum ligneo armario includebant. Imaginem autem sui ponere non temere omnibus licuit, sed iis tantum, qui magistratus curules gessissent, quorum primus fuit ædilitas. unde Cicero dixit in Verrem, *se ædilem designatum, adeptum esse antiquiorem in senatu sententiæ dicende locum, togam prætextam, sellam curulem, jus imaginis ad memoriam, posteritatemque prodendam.* & pro Rabirio Postumo, ubi loquitur de iis, qui propter magistratus in senatu lecti sunt; *Delestat, inquit, imago ipsa ad posteritatis memoriam prodita.* Imago vero iociro valuit ad memoriam, posteritatemque prodendam, quia inde nobilitas familia ducta est; nobiles enim, ut dixi, fuerunt, qui majorem suorum imagines ostendere petuerunt. Hoc indicat Livius cum dixit, *Ancum Marcium nobilem una imagine Numæ.* item: *Ap. Claudium honoratissimæ imaginis ad posteror, legum latorem, conditoremque Romani juris.* & Cicero cum pro Plancio inquit; *Non dubitat, quin omnes, qui favent nobilitati, qui imaginibus, qui nominibus vestris ducuntur, te ædilem fecerint.* & cum in Pisonem: *Obrepisti ad honores commendatione fumosarum imaginum.* & Juvenalis, cum in nobilitatem majorem imaginibus partem ita Satyra octava est invecus:

*Stemmata quid faciunt? quid prodest, Pontice, longo
Sanguine censi, pictosque ostendere vultus
Majorum? & stantes in curribus Emilianos?
Et Curios jam dimidiis? namque minorem
Corvini, & Galbam auriculis, nasoque carentem?
Quis fructus generis tabula jactare capaci
Fumosos equitum cum dictatore magistros?*

Has autem imagines primi patricii posuerunt, quod iis primis curules magistratus, ut consularis, censoria, prætura, ædilitasque patuerunt, unde jus imaginis fuit. Itaque patricii etiam primi nobiles habiti sunt, unde aliquando etiam nobilitas pro patriciorum factione est usurpata. ut apud Livium libro vii. *Non patientibus tribunis, quod pro consule uno plebeio tres patricios magistratus curules sellis prætextatos, tanquam consules, sedentes nobilitas sibi sumpsisset.* & apud Sallustium libro de rep. ordinanda: *In duas partes ego civitatem divisam arbitror, in patres, & plebem. antea in patribus summa auctoritas erat, vis multo maxima in plebe. Itaque sæpius in civitate secessio fuit, semperque nobilitatis opes diminutæ sunt, & ius populi amplificatum.* & iterum apud Livium lib. xi. *Occupant tribuni templum, postero die consules, nobilitasque ad impediendam legem in concione consistunt.* Post autem ubi plebs eisdem patricios magistratus est facta, tum & ipsa imagines ponere, easque relinquere cum nobilitate posteris suis cepit, quod demonstrant apud Livium lib. vi. plebei, cum de communicando consulatu agentes dicunt, *ex illo in plebem ventura omnia, quibus patricii excellant, imperium, atque bonorem, gloriam belli, genus, nobilitatem, magna ipsi fruenda, majora liberis relinquenda.* Quocirca multis post vulgatos honores sæculis Aconius in commentario orationis in toga candida scriptum reliquit, sex competitores Ciceronem in consulatus petitione habuisse, duos patricos, quatuor plebeios, ex quibus plebeis duos nobiles, duos, qui tantum non primi ex suis familiis magistratum adepti essent, solum Ciceronem equestri loco natum fuisse.

Ut autem nobiles dixerunt, qui majorem imagines habuerunt, sic ignobiles, qui iis caruerunt. ut Suetonius in Vespasiano: *Flavia gens obscura, ac sine ullis imaginibus.* Jam vero qui primi ex familia sua magistratus curules ceperunt, ac imaginem sui prod-

derunt, eos novos homines; quasi generis, ac posteritatis suæ principes appellaverunt, ut M. Catonem illum censorium. nam pater ejus ignobilis, ipse novus, posterij ejus nobiles extiterunt. est enim novitas inter nobilitatem, & ignobilitatem interjecta. cuius rei admonemur a Cicerone pro Cluentio, cum ait: *Et jam querimus, sæpe hominibus novis non satis magnos in hac civitate esse fructus? nego usquam unquam fuisse majores. ubi si quis ignobili loco natus ita vivat, ut nobilitatis dignitatem virtute tueri posse videatur, usque eo pervenit, quoad cum industria cum innocentia profectus est. si quis autem hoc uno nititur, quod sit ignobilis, procedit sæpe longius, quam fidem ille sit cum iisdem suis vitis nobilissimus.* Itaque idem de se homine novo ita dixit in Rullum ad populum: *Me hominem novum consulem fecistis: item; Mibi apud vos de meis majoribus dicendi facultas non datur, non quod non tales fuerint quales nos illorum sanguine creatos, disciplinisque institutos videtis, sed quod laude populari, atque honoris vestri luce caruerunt.* Item: *Quemadmodum cum petebam, nulli me vobis auctores generis mei commendaverunt; sic si quid deliquero, nulle sunt imagines, quæ me a vobis deprecantur.* Quibus verbis significat, hominem novum cum esse, qui curuli magistratu parto aditum ad amplitudinem, & nobilitatem posteris suis patefaciat. quod etiam intellexit, cum ædilis curulis designatus dixit in Verrem, *jus se adeptum imaginis ad memoriam, posteritatemque prodendam.* & Plutarchus in Catone majore, cum scripsit, *Novos homines appellatos, qui non ex genere commendationem haberent, sed ex se cognosci inciperent.* Ex quo intelligi potest, cur Cicero in Catilinam dixerit, *se hominem esse per se cognitum, nulla commendatione majorem.* & pro Plancio: *Ego hic a me ortus, & per me nixus ascendi, istius egregia virtus adjuvabit commendatione majorem.*

Cum autem procedentibus temporibus multæ plebeie familie, prætorie, consulares, ac triumphales essent, factum est, ut plebs in duas quali partes abierit. quarum unam tuebatur nobilitas, quæ ex patriciis, & plebeis nobilibus familiis constabat, alteram plebs, quæ obscurissima, & nullarum imaginum erat. ex qua fuit C. Terentius Varro Iani filius, qui ad Cannas consul male pugnavit. Unde ille de se loquens apud Livium ait: *Romanos non habituros ante finem belli Punici, quam consulem vere plebeium, id est, hominem novum fecissent. nam plebeios nobiles iisdem initiatos esse sacris, & continere plebem, ex quo contemni deserviant a patribus.*

Atque hæc quidem de nobilitas: redeo ad imagines, unde nobilitas ipsa fluxit. Has ergo qui habuerunt, eas summo studio coluerunt, & conservarunt. Narrat enim eo, quem supra commemoravi, loco Polybius, festis eos diebus apertis armariis illas exornasse. cum vero ex domesticis quispiam esset mortuus, in funere extulisse, addito, ut magnitudine quam simillimæ apparerent, reliquo corporis truncato. vestibus autem exornatas, si consulares, aut cum imperio fuissent, prætextis; si censorii, purpureis; si triumphales, auro intextis; atque curru, fascibus, & securibus, aliisque magistratum insignibus prælatis in rostra esse perlatis. Hoc autem idem tradidit quoque Plinius libro xxxv. *Apud majores in atrijs imagines erant, quæ spectarentur, non signa externorum artificum, nec æra, aut marmora. expressi cera vultus singulis disponentur armariis, ut essent imagines, quæ comitarentur gentilibus funera, semperque defuncto aliquo totus aderat, familia ejus, qui unquam fuerat, populus. Stemmata vero lineis discurrebant ad imagines pictas, tabulina co-*

dicibus implebantur, & monumentis rerum gestarum, altæ foris, & circa limina animorum ingentium imagines erant, affixis hostium spoliis, quæ nec emptori relinquere liceret. triumphabantque etiam dominis mutatis ipse domus, & erat hæc stimulus in-

gens exprobrantibus testis quotidie, imbellem dominum intrare in alienum triumphum. Extat Messalle oratoris indignatio, qua prohibuit inferi genti suae Levynorum alienam imaginem. Similis causa Messalle seni expressit volumina illa, quae de familiis condidit, cum Scipionis Africani transisset atrium, vidissetque adoptione testamentaria Salutionis, (hoc enim ei fuerat cognomen) Africanorum dedecore notam inrepentem Scipionum nomini. sed pace Messallarum dixisse liceat, etiam mentiri clarorum imagines. erat aliquis virtutum amor, multoque honestus, quam mereri, nequis suas exspectet. Cum his autem Plinianis verbis illa quoque Valerii de Torquato Silani patre mire conveniunt: Videbat, se in eo atrio consedis, in quo illius Imperio Torquatus severitate conspicua imago posita erat. prudentissimoque viro succurrebat effigies majorum suorum cum titulis sui idcirco in prima eorum parte poni solere, ut eorum virtutes posteris non solum legerent, sed etiam imitarentur. Et illud Ciceronis in secundo de oratore: Cum casu funere effretur anus Junia, cum Crassus: Brute, quid sedes? quid illam anum patri nunciare vis tuo? quid illi omnibus, quorum imagines duci vides? & pro Sulla: Si queris, qui sint Romae regnum occupare conati, ex domesticis imaginibus invenies. intelligit enim M. Manlium Capitolinum, qui eo nomine de saxo deturbatus est. & pro Murena: Domum ne se vertes? ut eam imaginem clarissimi patris sui, quam pauci ante diebus laureatam in sua gratulatione conspexit, eandem deformatam ignominia, lugentemque videat? Adde etiam, idem intellexisse Martialem, idem Juvenalem: illum, cum dixit, Atria Pisonum stabant cum stemmate toto: hunc vero, cum cecinit;

Tota licet veteres exornent undique cera.

Atria, nobilitas sola est, atque unica virtus.

Hanc autem eandem sententiam de virtute adversus imagines protulit etiam in epistolis ad Hirtium Cicero: Cum nobilitas, inquit, nihil aliud sit, quam cognita virtus, quis in eo, quem veterascens videat ad gloriam, generis antiquitatem desiderat? sed haec quidem ex virtute ducta nobilitas tota philosophorum est, ut quae ex imaginibus, populi Romani est universa. unde illud est notum Horatii,

Contra Levinum Valeri genus, unde Superbus Tarquinius regno pulsus fuit, unius assis.

Non unquam precio pluri licuisse, noxante

Judice quem nosti, populo, qui stultus honores

Saepe dat indignis, & fame servit ineptus,

Qui stupet in titulis, & imaginibus.

Nobilitas autem ex virtute in novis solum populis locum habuit, in quibus nullae dum imagines parari potuerunt. quod significavit Livius de Tarquinio loquens: Romae est ad id potissimum visa. in novo populo, ubi omnis repentina, atque ex virtute nobilitas sit, futurum locum fore viro.

C A P. XXI.

De optimatibus, & popularibus.

RESTAT tertia civium divisio, quam, ut dixi, neque gentium diffidium, neque ordinum inter se de jure, & dignitate certantium dissimilitudo, sed prava ipsa, quae omni semper reip. nocuerunt, partium studia, in rempublicam intulerunt, ut alteri se optimates diceret, & esse vellent, alteri populares. Quid autem optimates Romae fuerint, adeo aperte docet Cicero in Sextiana, ut ex eorum descriptione, qui etiam populares fuerint, non difficile sit intelligere. Erit autem, ut opinor, non alienum, pulcherrimas ejus voces, quibus in optimatibus, & popularibus non tam subtiliter distinguendis, quam acute circumscribendis est usus, in medium proferre, ac diligenter considerare. Duo ge-

nera, inquit, in hac civitate semper fuerunt eorum, qui versari in republica, atque in ea se excellentius gerere studuerunt. quibus ex generibus alteri populares, alteri optimates & haberi, & esse voluerunt. qui ea, quae faciebant, quaeque dicebant, multitudini jucunda esse volebant, populares; qui autem ita se gerebant, ut sua consilia optimo cuique probarentur, optimates habebantur. Quanquam autem civilis haec dissensio, auctore Cicrone, semper in reip. est veritata, tamen ea maxime post Ap. Cæci censuram, id est, post annum urbis quadringentesimum quadagesimum primum videtur exaruisse. Is enim, ut inquit Livius, primus senatum libertinorum filius inquinavit. & posteaquam eam lectionem nemo ratam habuit, nec in curia adeptus erat, quas petierat, opes urbanas humilibus per omnes tribus divisit, forum, & campum corripit. quae forensis factio dicta est. quae cum Cn. Flavium patre libertino, humili fortuna ortum ad illam curulem dixisset, id adeo nobiles ægre tulerunt, ut plerique annulos aureos & phaleras deponerent. ex eo tempore in duas partes discessit civitas. aliud integer populus, fautor, & cultor bonorum; aliud forensis factio tenebat. donec Q. Fabius censor simul concordiae causa, simul ne humillimorum in manu comitia essent, omnem forenses turbam excretam in quatuor tribus conjecit, urbanasque eas appellavit. Hæc Livius. Redeo ad Ciceronem, qui optimates definiit, eos, qui ita se gerebant, ut quæ agerent, quæque dicerent, ea optimo cuique probari vellent. Quibus definiendis non longe ab Aristotelica, ut video, præceptione discessit, qui optimatum potestatem inde dictam tradidit, aut quia optimi in ea imperarent, aut quia ejus rei causa esset quæ maxime reip. expediret. Horum autem genera fuisse permulta, facile ex eodemmet Cicrone cognosci potest, qui in eadem oratione ita pergit: Quis ergo est iste optimas? quis? de numero si queris, innumerabiles, neque enim aliter stare possemus. sunt principes consilii publici. sunt, qui eorum sectam sequuntur. sunt maximorum ordinum homines, quibus patet curia, sunt municipales, rusticique Romani. sunt negotia gerentes. sunt etiam libertini optimates. Quibus verbis partes potius persequitur quam formas optimatum. Etenim quod inter optimates refert publici consilii principes, consules intelligit, qui ut tribuni concionis popularis, sic ipsi senatus sunt duces ac principes. Inter hos autem magna semper discordia, sed aliis temporibus alia fuit. primis enim temporibus tribunis plebis consules restiterunt, ut patricius magistratus plebeio. nam tunc nulla alia, nisi ex familiarum patriciarum potentia plebeiis ipsis intoleranda audita contentio est. post autem, ubi plebeiis etiam familiis consulatus, & ceteri patricii honores communicati sunt, non ita contendit consulatus cum tribunatu, tanquam patricius cum plebeio, sed tanquam optimatum princeps cum popularium principe, in quo controversiam fecit non generis dissimilitudo, sed voluntatum distractio. Atque hoc est, quod inquit idem in secunda agraria: Non natura, neque dissidio, neque odio penitus insito bellum nescio quod habet susceptum consulatus cum tribunatu, quia per sepe seditiosis atque improbis tribunis boni & fortes consules obstituerunt, quia vis potestatis nonnunquam libidini resistit consulari. non potestatis dissimilitudo, sed animorum disjunctio dissensionem facit. Neque vero solum principes consilii publici, sed etiam, qui sectam eorum sequuntur, optimates Cicero appellat. hi vero multi, sed maxime nobiles homines fuerunt. nobiles dico tam plebeios, quam patricos, quorum majores magistratus amplissimos administrabant, & ad eosdem posteris suis faciliorem aditum communissent. est enim æquum, ut qui reipublicæ partem maximam obtinent, ii gloriosam etiam, & incolumem esse rempublicam velint. Itaque pauci nobiles populares fuerunt. inter eos vero M. Æmilius Lepidum, cui Q. Lutatius Catulus resti-

tit, referre possumus, de quo L. Philippus in senatu dixit, apud Sallustium: *M. Aemilius omnium flagitiosorum postremus, qui peior, an ignavior sit, deliberari non potest, exercitum opprimende libertatis habet.* & post: *Hi tumultum ex tumultu, bellum ex bello Saturnini olim, post Sulpicii, dein Marci, Damaspique nunc Lepidi satellites.* præterea vero adungere licet etiam C. Cæsarem, cui Bibulus primum, post etiam duce Pompeio senatus, atque universa optimatum factio occurrerunt. Nam P. Clodius non numero, quia optimates non ante oppugnavit, quam se nobilitate avita abdicavit, & adoptione se Fonteium pro Claudio reddidit. Addit deinde Cicero, *optimates esse maximorum ordinum homines, quibus patet curia.* maximorum autem ordinum nomine senatorium, & equestrem complexi videtur. nam equites Romanos ipse senatus reconciliavit, atque cum optimatibus in consulatu conjunxit. equitibus autem patebat curia, quod ex eo ordine fere in senatum sublegerentur. Itaque senatores & equites pro optimatibus stetit innuit. Unde tertium, qui plebis est, ordinem innuens, addit *municipales, & rusticos Romanos, & negotiatores, & libertinos.* municipales quidem appellans, qui ex municipiis erant cives Romani. de quibus in libro de jure Italia disputabimus; rusticos autem eos, qui agros tenebant, aut colerent. quam rusticam plebem supra appellavimus; postremo etiam negotiatores, & libertinos, de quibus satis supra diximus. Atque hæc quidem de partibus optimatum. Formam vero vimque eorum si quis requirat, is quid ille deinceps subiciat, quæso diligenter attendat. Numerus, inquit, optimatum late, & varie diffusus est. sed genus universum (ut tollatur error) brevi circumscribi, & definiri potest. omnes optimates sunt, qui neque nocentes sunt, nec natura improbi, nec furiosi, nec malis domesticis impediti. horum qui voluntati, commodis, opinioni in gubernanda republica serviunt, defensores optimatum, ipsique optimates gravissimi, & clarissimi cives nominantur, & principes civitatis. Quibus verbis eos, quos commemoravit, omnes ita fuisse optimates adjungit, si neque nocentes essent, nec natura improbi, nec furiosi, nec malis domesticis impediti. quid ita? quia sæpe vel judicii declinandi causa, vel scelere, vel amentia, vel angustis rei familiaris impulsibus consules etiam, & senatores, & equites, & ex plebe rustici, & negotiatores, & libertini populares evaserunt, ac statum reip. pervertere tentarunt. Etenim Tiberium Gracchum accepimus nulla alia de causa, quam judicii de se futuri formidine ab optimatibus, quorum pater suus princeps, ac defensor perpetuo fuerat, defecisse. id quod video Ciceronem ipsum in oratione de aruspicum responsis scriptum reliquisse, his verbis: *Ti. Graccho invidia Numantini fœderis, cui feriendo quæstor C. Mancini consulis cum esset, interfuerat, & in eo fœdere improbando senatus severitas dolori, & timori fuit.* istaque res illum a gravitate patrum desciscere coegit. Ab optimatibus autem adeo improbitatem abesse debere Cicero intellexit, ut bonos sæpe pro optimatibus, cum de rep. loqueretur, usurparit. Hinc enim dixit in epistolis ad Lentulum: *Non offendere eundem bonorum sensum, Lentule, quem reliquisti, qui confirmatus consulatu nostro, nonnullam posseam interruptus, & afflictus ante te consulem, recreatus abs te totus est, nunc ab illi, a quibus tuendus erat, derelictus.* idque non solum fronte, atque vultu, quibus simulatio facillime sustinetur, si declarant, qui tum nostro illo statu optimates nominabantur, sed etiam sententia sæpe jam, tabellæque docuerunt. Furiosos etiam negat esse optimates posse. furorem autem definitivum in Tullianis mentis ad omnia cecitatem. quo verbo non

A solum vefanos, atque amentes complexi voluit, sed etiam qui reip. ob detrimentum, aut ignominiam acceptam essent irati. siquidem, ut inquit poeta nobilis, *ira brevis furor est.* quo furore percitos fuisse C. Gracchum, & L. Saturninum accepimus. Etenim scriptum est apud Ciceronem in eadem oratione de aruspicum responsis, *C. Gracchum morte fraterna, pietate, dolore, magnitudine animi ad expetendas domestici sanguinis poenas excitatum, Saturninum autem, quod in annonæ caritate quæstor a frumentaria procuratore a Senatu amotus esset, ei rei M. Scauro præfecto, dolore factum esse popularem.* Ex iis autem, qui cum propter ceteras causas, tum maxime propter magnitudinem æris alieni novarum rerum studiosi fuerunt, L. Sergius Catilina, vir patricius & nobilis una cum fociis ejus conjurationis fuit. de quo in hunc modum scribit Sallustius: *In tanta, tamque corrupta civitate, Catilina omnium flagitiosorum, atque facinorosorum circum se, tanquam stipulatorum catervas habebat. nam quicumque impudicus, adulter, ganeo, ventre, manu, pene bona patria dissipaverat; quique alienum æs grande constiterat, quo flagitium aut facinus redimeret; præterea omnes undique parricide, sacrilegi, convicii judicii, aut pro factis judiciis timentes; ad hoc quos manus, aut lingua perjurio, atque civili sanguine alebat; postremo omnes, quos flagitium, egestas, confusio animi exagitabat, bi Catiline proximi, familiaresque erant.* & post: *His amicis, sociisque confusus Catilina, simul quod æs alienum per omnes terras ingens erat, & quod plerique Sullanum milites largius suo usi, rapinarum, & victorie veteris memores civile bellum exoptabant, opprimende reipubl. consilium cepit.* Postremo, quod hujus disputationis est caput, de optimatibus ita concludit: *Quid est igitur propositum his reipubl. gubernatoribus, quod intueri, & quo cursum dirigere solum debeant, id quod est præstantissimum, maximeque optabile omnibus sanis, & bonis, & beatis? cum dignitate ocium.* Itaque in agraria altera, cum, quid populare esset, definiret, ita egit: *Dixi in senatu, in hoc magistratu popularem consulem futurum. quid est enim tam populare, quam pax, quam libertas, quam ocium? quod ita jucundum est, ut & vos, & majores vestri, & fortissimus quisque vir maximos labores suscipiendos putet, ut aliquando in ocio possit esse, præsertim in imperio, ac dignitate. neque enim illud populare debet videri, largitio aliqua promulgata, quæ verbis ostentari potest, revera fieri, nisi exhausto ærario, nullo pacto potest.* Quamobrem, si optimates hos esse perpicuum est, facile, qui his adversentur, populares esse, intelligi licet. ut tribunos pl. & qui eorum sectam sequuntur, id est, humiles & nullorum majorum homines, & turbam forentem, ceterosque ejusmodi, si nocentes, improbi, furiosi, egentes, atque ære alieno obstricti sunt. quibus in rep. propositum sit nihil aliud, quam vis, & seditio, quibus nihil turpius, nihil ad tranquillitatem reip. disturbandam potest esse accommodatius. Itaque animadvertere etiam possumus, bonis sæpe plebem opponi, cum pro plebe populares homines humilimos, ac tenuissimos accipiant, ut Cicero in Sextiana: *C. Gracchus frumentariam legem ferebat. res erat jucunda plebi. repugnabant boni, quod ab industria plebem ad desidiam avocari putabant, & ærarium exauriri videbant.* & in epistolis ad Atticum: *Quæ estimatio non modo vebementer ab optimo quoque, sed etiam a plebe reprehenditur.* & illo loco: *Apud bonos iidem sumus, quos reliquisti, apud fecem, & sordem urbis multo melius, quam reliquisti.* Et quoniam plebis numerus multo est, quam bonorum, uberior, hinc etiam multos bonis opposuit, ut in sexto de rep. cum dixit: *Et*

vero in dissensione civili, cum boni plus, quam multi valent, expendendos ab his, non numerandos puto. His ergo pravis, ut dixi, partium studiis, atque hac perniciosa optimatum, ac popularium factione, antiquæ, quæ post bellum Tarentinum prorsus extinctæ erant, exfuscitæ sunt in civitate seditiones. sic enim P. Mucius consul, Scipione Nasica auctore, cum Tib. Graccho tribuno plebis, quietum statum civitatis legibus agrariis convellente, atque tribuniciis rogationibus popularem auram aucupante adjuvantibus reliquis optimatibus decertavit; sic cum C. Graccho Tiberii fratre eadem modiente L. Opimius, cum L. Saturnino C. Marius, cum M. Druso L. Philippus, cum P. Sulpitio L. Sulla, cum Cinna Octavius, cum Carbone iterum Sulla, sic Q. Catulus consul cum collega suo M. Lepido, M. Cicero cum L. Catilina, M. Bibulus cum C. Cæsare popularem consulatum administrante contenderunt. neque vero ante finem civilium contentionum fecerunt, quam rempublicam unam omnium bello, paceque post hominum memoriam florentissimam iisdem armis, quæ ab ipsa pro sua salute, & dignitate defendenda acceperant, deleverunt. dum scilicet cum in duas partes distracta civitas, Cæsarem plebs tueretur, Pompeio optimates hærent. Cæsare autem, qui victor universa

ad se unum translata rep. tyrannidem exercere putabatur, per optimates interfecto, Antonio se, atque inde Octavio populus adjunxisset, Brutum, & ceteros patriæ liberatores curia cum bonis omnibus sectaretur.

Hæc habui, quæ de vetere civium Romanorum jure ex antiquissimis annalium monumentis magna diligentia conquiritæ, atque arbitrato meo digesta, litteris hoc tempore proderem: in quibus, quoniam non me præterit, quantas interea per rerum, & temporum tenebras penetraverim, quam crebro de recto pæne tramite, itineris ipsius cæcitate, deflexerim, sæpe me leviter offendere potuisse confiteor. neque vero eam industriam atque prudentiam mihi assumo, qua infinitas prope hujus laboris difficultates omnes superare, ut a principio dixi, possim: sed si æquos, quod maxime cupio, laboris hujus judices nactus fuero, non dubito, quin omnes hanc jacturam, quæcunque erit, facillime sint passuri, atque non gravissimo damno non levissimam utilitatem, quam ex rerum pulcherrimarum cognitione accipient, prælaturi. Reliquum est, ut civitate Romana explicata, Italiam ipsam, quod est opus, ut ipse meditans sentio, aliquanto jucundius, persequamur.



LECTORI BENEVOLO

Typographus Venetus.



UAE tomi hujus primi Antiquitatum Romanarum subiecta calci fuerunt a Clariss. Grævio Addenda & Mutanda in libris Sigonii de jure Civium Romanorum, eadem hoc loco, Lector humanissime, muneris mei esse intellexi, post eosdem immediate libros typis dare. Siquidem Grævius, qui primum Francofurtensem sequutus fuerat editionem, emendatiorem postea, ut ipse in Præfatione narrat, auctioremque nactus Parisiensem annis CIDIOLXXIII. cum ea sibi prætermittere fas non esse putaret quæ in ista reperit emendata & adjuncta, nonnisi integro primo tomo jam excusso subjicere potuit. Mihi vero aliud inire consilium libuit, ut meliori ordine collecta cuncta prodirent, Tibique in opere Sigonii lustrando utilius consulerem. Vale.

Sequuntur addenda & mutanda in Libris Sigonii de Jure civium Romanorum, quæ in editione Parisiensi anni M.D.LXXII. ab ipso auctore multis in locis aucta leguntur, in ceteris autem editionibus non extant.

Addenda & mutanda in Libro primo.

IN argumento ejus libri lin. 16. post vocem imperia adde & triumphos.

Lin. 20. post vocem narrat in fine adde: ut, cum triumphus solus ex honoribus, de quo disputet, relinquatur, exposita solemnium triumphantium pompa, jura ipsa triumphandi, atque ejus concedendi honoris instituta singula persequatur, ac definitionem civis Rom. ab initio propositam, ut jam satis confirmatam ac certant concludat.

Pag. 92. F. post relictas adde: Ut autem urbanis tribubus rusticæ digniores, sic ex rusticis aliæ aliis nobilitate videntur præstitisse. neque enim iis, qui de ambitu quenquam condemnassent, quasi præmium Crustumina tribus fuisset constitutum, idque L. Cornelio Balbo ab accusatoribus ejus, ut invidiosum objectum, si pari omnes honore fuissent ac dignitate, quod factum fuisse, inquit Cicero in defensione Balbi hoc modo: Objectum est etiam, quod in tribum Crustuminam pervenerit. quod hic affectus est legis de ambitu præmio, minus invidioso, quam qui legum præmiis prætoriam sententiam, & pretextatam rogam consequuntur. Legis autem præmio hoc videretur esse concessum, ut, qui de ambitu damnaretur, is tribu moveretur; qui cum damnaret, is eam assequeretur. Quod si Crustumina tribus invidiosa Balbo objecta est, certe id factum, quia multis aliis nobilitate excelluit. unde autem nobilitatis istius causa manarit, etiam atque etiam querendum existimo.

Pag. 97. F. post vocem intulerunt adde: Cum enim omnem a principio legum interpretationem pontifices publice suscepissent, legis actiones, quibus cives inter se disceptarent, composuerunt. quibus de rebus tandiu a populo sunt consulti, quoad Cn. Flavius scriba Ap. Claudii actiones in vulgus publicavit. cujus rei apud Livium lib. IX. fieri mentionem invenio hoc pacto: Cn. Flavium forensis factio edilem curulem creavit, quod jus civile in

penetralibus pontificum repositum vulgavit, & fastos circa forum in albo reposuit. & Valerium lib. II. ita: Jus civile per multa secula inter sacra, ceremoniasque deorum immortalium additum, solique pontificibus notum Cn. Flavius libertino patre natus vulgavit, & fastos pene toto foro exposuit. & apud Ciceronem lib. VI. ad Atticum hoc modo: Sex libros de republ. tibi valde probari gaudeo. e quibus unum isopixor requiris, de Cn. Flavio C. F. Ille vero ante Decemviros non fuit, quippe qui ædilis curulis fuerit, qui magistratus multis annis post decemviros institutus est. quid ergo proficit, quod protulit fastos? occultatam putant quodam tempore istam tabulam, ut dies agendi peterentur a paucis. Nec vero pauci sunt auctores, Cn. Flavium scribam fastos protulisse, actionesque composuisse. Hactenus ulti. At vero legis actiones dictæ sunt, quod earum rerum, de quibus lex XII. tabularum scripta erat, privatim agendarum formulam præscribebant. unde Cicero in defensione Murenæ adversus Sulpicium juriconsultum dixit: Gloria militaris vestris formulis atque actionibus anteposenda est. & de eodem Sulpicio in XI. Philippica: Neque consumere litium actiones malebat, quam controversias tollere. Ceterum, ut quod dicimus planius sit, & illustrius, verba ipsa etiam Pomponii, unde hæc omnis ducta disputatio est, subiungemus. Deinde ex his legibus, inquit, eodem fere tempore actiones compositiæ sunt quibus homines inter se disceptarent. quas actiones ne populus, prout vellet, institueret, & certas & solennes esse voluerunt. & appellatur hæc pars juris Legis actiones: & ita eodem pene tempore tria hæc jura nata sunt, leges XII. tabularum: ex his coepit fluere jus civile, ex istis legibus actiones compositiæ sunt. omnium tamen harum & interpretandi scientia, & actiones apud collegium pontificum erant, ex quibus constituebatur, quis quoque anno præesset, privati. & fere populus prope annis centum hac con-

suetudine usus est. postea cum Ap. Claudius proposuisset & ad formam redegerisset has actiones, Cn. Flavius scriba ejus, libertini filius, surreptum librum populo tradidit. & adeo gratum fuit id munus populo, ut tribunus pl. fieret, & senator, & edilis curulis. hinc liber qui actiones continet, appellatur Jus civile Flavianum. Augescente civitate & qui aderant, quaedam genera agendi composuerunt. nec post multum temporis spatium Sex. Aelius alias actiones composuit, & librum populo dedit, qui appellatur Jus Aelianum. Quibus e Pomponii verbis illud etiam tacite potest intelligi, quod in re non dubia ne testibus quidem debet non necessariis confirmari: actiones ipsas ita tum solemnes fuisse, ut qui agere lege vellent, ii & imperationis rationem habere, & formularum deberent. Imperationis autem ea vis fuit, ut nemini liceret iudicio experiri, nisi prius a pontificibus, aut quod postea factitatum est, a pratore agendi formulam impetrasset. unde inter illa tria Prætorum, est, *Judicium dabo*, aut *non dabo*. formularum vero, ut formulæ quædam adhiberentur, quarum ductu in iudiciis experirentur, ut qui uno verbo errasset, is tota causa cecidisse videretur. Hinc enim illud est Ciceronis in oratione pro Murena: *Posset agi lege nec ne, pauci quondam sciebant: fastos enim vulgo non habebant. erant in magna potentia qui consulebantur. a quibus etiam dies tanquam a Chaldeis petebantur. inventus est scriba quidam Cn. Flavius, qui cornicum oculos confixerit, & singulis diebus ediscendos fastos populo posuerit, & ab ipsis cautis jurisconsultis eorum sapientiam compilarit. Itaque irati illi, quod sunt veriti, ne dierum ratione perulgata & cognita sine sua opera lege posset agi, notas quasdam composuerunt, ut omnibus in rebus ipsi interessent. Actionum autem cum multa genera existerent, tum illa præcipua, quod alia in rem fuerunt, alia in personam, alia mixtæ. Actio in rem, quæ, auctore Ulpiano, vindicatio dicebatur, est per quam rem nostram, quæ ab alio possidetur, petimus. in personam, quæ conditio vocabatur, per quam cum eo agimus, qui obligatus est nobis, ut faciat, vel det. quarum illa ex jure possessionis, hæc ex obligatione dictorum factorumque emanat. prioris actionis hæc formula fuit, cujus pro Murena Cicero meminit: *FUNDUS, qui est in agro, qui Sabinus vocatur, meus est. eum ego ex jure Quiritium meum esse aio. inde ibi ego te ex jure manu consertum voco*. cui is, unde petebatur: *UNDE tu me ex jure manu consertum vocas, inde ibi ego te revoco*. Quibus prætor: *UTRISQUE superstitibus istam viam dico. inite viam. item: redite viam*. posterioris hæc, cujus mentionem facit Probus: *Mago te mihi dare, facere oportere*. Ad actiones autem in rem pertinent interdicta, quæ ut a veteribus jurisconsultis accepimus, nihil aliud erant, quam non perpetuæ, sed ad tempus interim dictæ sententiæ de possessionibus. quarum adjudicatio tantisper durabat, dum de jure proprietatis pronunciabatur. e victo enim dominio sequebatur possessio. Interdicti autem verba fuerunt: *UTI NUNC POSSIDETIS*. quorum meminit Festus hoc modo: *In legitimis actionibus, nemo ex iis, qui litigant, possessionem suam vocare audeat, sed ad interdictum venit, ut prætor his verbis utatur, UTI NUNC POSSIDETIS eum fundum, quo de agitur, quod nec vi, nec clam, nec precario alter ab altero possidetis, ita possideatis, adversus ea vim fieri veto*. Sed de actionibus quidem, quod ad hunc locum attinet, hæcenus.*

Pag. 98. B. post invenerint. adde: Eorum porro duo genera fuerunt, perpetuum, & peculiare. Perpetuum, quod inito magistratu proponebant, & quo civibus, quemadmodum jus anno suo de

A quaque re dicturi essent, denunciabant. Peculiare, quod ob certum negotium obortum proponebatur. Perpetui meminit Cicero in secundo de finibus, cum ait: *Quid enim mereri velis jam, cum magistratum inieris, & in concionem ascenderis. est enim tibi edicendum, quæ si observaturus in jure dicendo. & Asconius in Cornelianâ, cum scripsit, C. Cornelium in tribunatu tulisse, ut prætores ex edictis suis perpetui jus dicerent. eamque rem tum gratiam ambitiosis prætoribus, qui varie jus dicere assueverant, sustulisse. quibus verbis significat, prætorem, quod K. Januariis edictum proposuerat, id lege Cornelia observare in reliquum anni coactum fuisse. Peculiaria vero edicta ea sunt, de quibus Cicero scribit in quinta in Verrem: *Cur jam additis decumis, cum jam ad summam decumarum nihil, ad tuum quæstum multum posset accedere, subito atque ex tempore nova nascebantur edicta? Item: Q. Septicio affirmante, se plus decuma non daturum, exortur peculiare edictum repentinum: Nequis frumentum de area tolleret, antequam cum decumano pactus esset. de toto autem hoc prætorio jure post, ubi de magistratibus agemus, latius differemus.**

Pag. 99. A. post. parentis loco esset. adde: Itaque scite Varro, ut scriptum est apud Macrobi-um, morem in animi iudicio esse, eumque sequi debere consuetudinem dixit. non male etiam Festus, qui morem institutum patrium definivit, quod ad religionem & caerimonias pertineret.

Ibid. post atque legibus, adde: & Quintilianus: *Præterea, quæ legibus cautæ sunt, quæ persuasione etiam non omnium hominum, ejus tamen civitatis, aut gentis, in qua res agitur, in mores receptæ sunt. ut pleraque in jure non legibus, sed moribus constant. & Pomponius: Hoc jus moribus, non legibus introductum est.*

Pag. 104. C. post accusatione Curionis. adde: Eadem etiam ratione iudicium illud, quod *Vindicie secundum libertatem* dictum est, huc referendum est. Quod jus institutum esse a L. Bruto, primo consule, Valerii collega, prodit Pomponius, in persona Vindicis Vitelliorum ferveri, qui proditionis conjunctionem indicio suo detexerat, atque inde a x. viris in xii. tabulas esse transcriptum. Sed pace Pomponii dixerim, alias vindicias Brutus, alias x. viri instituerunt. Bruti enim vindiciis cautum est, ut servus vindicta liberatus, & dominorum potestate exiret, quod Vindicis servo parum tutum esset in dominorum, quos indicio suo læserat, potestate manere: at x. virum vindiciæ eam vim habuerunt, ut non modo liber, de cuius statu controversia esset, interea dum de libertate ejus disceptaretur, in sua libertate maneret, sed etiam ut servus, qui in libertatem ab aliquo iusto vindice affereretur, interea pro libero haberetur, & dominus libertatis assertori possessione cederet. Has autem vindicias scribit Dionysius libro xi. e jure gentium in xii. tabulas esse transcriptas, id est, ut cum corpus ex libertate in servitutem traheretur, non qui libertatem eriperet, sed qui conservaret, usque ad iudicium in potestate haberet. Quas vindicias cum injuste secundum servitutem in Virginiam ingenuam Ap. Claudius decemvir decreverit, seditionem plebis Romæ & in castris & alteram in montem Aventinum successione excitavit, qua decemvirum imperium abrogatum, & provocatio populi, tribunicia potestas plebi restituta est. Quin etiam xii. in tabulis legem fuisse facile abducatur ad suspicandum, qua de liberis quæstionem iudicii causa haberi vetaretur. Est certe antiquo more observatum, ut soli servi in iudicio torquerentur. Itaque qui aliquid, unde penam timerent, commiserant, continuo servos, quorum indicio & quæstione coargui possent, ma-

numittebant. & is, qui quæstionem exercebat, ne id fieret, suspicatus, dominis denunciare solebat, ut familiam ne manumitterent, aut, ut illi loquebantur, ut eam in potestate haberent. quod verba Livii ostendunt de Minucia Vestali libro VIII. quæ inimulata ab indice servo, cum decreto pontificis iussa esset sacris abstinere, familiamque in potestate habere, factio iudicio viva sub terram deossa est. quod idem de servis Milonis fecisse Pompeium, narrat Padianus. Neque vero de libertis solum quæstio haberi, sed ne de servis quidem in dominos potuit. Itaque Cicero in oratione pro Deiotaro sic quæritur: *Nam cum more majorum de servo in dominum ne tormentis quidem queri liceat, exortus est servus, qui quem in eculeo appellare non posset, cum accuset solutus, & in Miloniana; Sed tamen majores nostri in dominum de servo queri noluerunt, non quia non posset verum inveniri, sed quia videbatur indignum esse, & domini morte ipsa tristius. in reum de servis accusatoris cum queritur, verum inveniri potest? Neque vero ab hoc genere libertatis aliena lex Fabia fuit de plagiaris, quam ante Ciceronis tempora latam inde liquet, quod eius ipse in oratione Rabiriana meminit, cum dixit: An de servis alienis contra legem Fabiam retentis plura dicenda sunt?* Cujus tamen legis multiplicem fuisse vim ex veteribus Pandectarum libris intelligimus, quo loco de manumissis agitur, nempe, ut qui ingenuum, aut libertinum hominem sciens emisisset, vendidisset, invicem celavisset, vinctum habuisset, servum alienum retinuisset, vel perluasisset, ut a domino fugeret, iudicio poenæque damnaretur. ne servus, qui plagium admisisset, pro quo dominus poenam intulisset, intra decem annos manumitteretur.

Pag. 121. B. post hæcenus, addenda: Nunc antiquam sponsaliorum rationem & morem exquiramus. Sponsalia vero quæ fuerint, ex Ser. Sulpicii verbis appareat, quæ extant apud Gellium lib. XII. cap. IV. *Qui uxorem, inquit, ducturus erat, ab eo, unde ducenda erat, stipulabatur, eam in matrimonium ductum iri. qui daturus erat, itidem spondebat. Is contractus stipulationum, sponsionumque dicebatur sponsalia. Tunc quæ promissa erat, sponsa appellabatur; qui sponderat ducturum, sponsus. Sed si post eas stipulationes uxor non dabatur, aut non dicebatur, qui stipulabatur, ex sponsu agebat, iudices cognoscebant. Iudex, quam ob rem data, acceptave non esset uxor, querebat. si nihil iustæ causæ videbatur, litem pecuniæ aestimabat, quantique interfuerat, eam uxorem dari, aut accipi, eum, qui sponderat, aut qui stipulatus erat, condemnabat. Hoc jus sponsaliorum observatum est ad id tempus, quo civitas universo Latio lege Julia data est. Ex quibus verbis illud intelligi potest, sponsalia mutuum esse re promissionem futurarum nuptiarum recte atque ordine inter eos, quibus iure civili licet, factam. an vero quæ in Latio observatam esse ait sponsaliorum rationem Servius, eadem etiam Romæ sit custodita, merito revocari in dubium possit. equidem aliquid interfuisse, facile ex ultimis de lege Julia verbis crediderim, & Romano more actionem in eum datam, qui sponsalia etiam sine causâ remississet.*

Pag. 125. A. post nihil oportet. adde: Quo ex fonte manavit arbitrium rei uxoriæ ab eodem celebratum, in quo hæc verba excelluerunt: *Quid æquius & melius esset dari: cuius formulæ meminit in XII. de Off. & in Topicis. unde illa quæstio apud eundem lib. I. de Oratore tractata: Patresfamilias cum uxorem pregnantem in provincia reliquisset, Romæque alteram duxisset, neque nuncium priori remississet, mortuusque esset intestato,*

A. & ex utraque filius natus esset, mediocrisne res in controversiam adducta est? cum quæreretur de duorum civium capitibus, & de puero, qui ex posteriore natus erat, & de ejus matre, quæ, si iudicaretur certis quibusdam verbis, non novis nuptiis fieri cum superiore divortium, in concubina locum duceretur. unde multas alias etiam quæstiones extitisse verisimile est, præsertim vero cum post Carviliam &c.

Pag. 127. C. post succedat. addenda: Ex quibus rebus intelligitur, fiduciam esse contractam, quo fidem alterius sequuti rem ei aliquam dicis causâ mancipamus, ita dictum, quod nulla alia re quam fide ac probitate emptoris freti eam venditionem celebramus.

Pag. 128. D. post Ciceronis loco post intelligitur. addenda: Præterea vero aliquos etiam & adoptatos, & arrogatos fuisse accepimus, ut C. Octavianum, qui postea Imp. Cæsar Augustus dictus est. Hunc enim scribit Appianus, audita Cæsaris patris adoptivi nece, ex Macedonia Romam reversum, primum in foro apud C. Antonium prætorem urbanum se Cæsaris adoptionem accipere professum esse. fuisse enim morem, ut prætoribus testibus adoptiones fierent. post autem consulem cum Q. Pedio declaratum rursus se in patris Cæsaris nomen lege curiata adoptasse. quam legem ferri moris fuisse iis, qui patre carerent. Quoniam autem adoptivi idem jus habebant, ac naturales filii, ut & propinquos & libertos adoptatorum assequerentur, & C. Cæsari cum aliis res præclaræ, tum multi, iique locupletis liberti erant, propterea Octavianum, ut priorem adoptionem testamento factam posteriore hac confirmaret, esse adductum.

Ibid. E. post demonstravimus. adde: Quoniam autem mancipatio, ut post dicemus, ære & libra intersecta fiebat, in adoptiones vero quædam mancipationis imago incurtebat, quod pater adoptivus filium adoptivum dicis causâ a naturali patre emebat, propterea observatum est, ut adoptales etiam ære & libra celebrarentur. quem morem aperte significavit Suetonio. cum scriptum reliquit, Augustum Lucium & Caium adoptasse domi emptos per æs & libram a patre.

Ibid. E. quæ scripta sunt inde ab illis verbis, C. Octavianus etiam a Patreulo &c. usque ad finem capituli x. non leguntur in editione Parisiensis.

Pag. 130. F. post verba ac necessebat. addenda: Quæ causâ est, ut sæpe apud Latinos mancipium & nexus conjungantur. sic enim Cicero libro VII. ad Curium: *Attici te proprium esse scribis mancipio & nexu, meum autem usu & fructu.* & in oratione de Aruspicio respondis: *Multa sunt domus in hac urbe, atque haud scio an ferre cunctis jure optimo, sed tamen jure privato, jure hereditario, jure auctoritatis, jure mancipii, jure nexi.* & in Paradoxis: *Non enim ita dicunt, eos esse servos, ut mancipia, quæ sunt dominorum facta nexu, aut aliquo jure civili.*

Pag. 132. C. post præconis. adde: Inde hausta pro auctione, ut Nepos de Attico: *Ad bastiam nunquam accessit.* & Cicero de lege agraria: *Nunc obscurè videntur prope bastia præconis insectari Cn. Pompeii exercitum?*

Pag. 136. C. post factio est. adde: quo in genere Ulpianus Latinum Junianum excipit, qui testamenti factionem habet, & tamen tutor dari non possit.

Ibid. D. post fecit tutores, inferre: & Paulus cap. VI. *Intestato patre mortuo agnatis defuerit tutela.* & Caius cap. IX. *Si plures sint agnati, proximus tutelam nanciscitur, & si eodem gradu plures sint, omnes tutelam nanciscuntur.*

Pag. 139. E. post ararium reliquerunt. adde: Et

quoniam dixi, singulos solemnem a censoribus iurejurando adactos, illud quoque addo, novo aliquando, eoque iniuriato obstrictos. quod tradit Livius libro XLIII. in hunc modum: *Censores, ut delectum adjuvarent, ita in concione edixerunt: Legem censui censendo dicturos esse, ut præter commune omnium civium iurandum hæc adjuvarent: TU MINOR ANNIS SEX ET QUADRAGINTA ES. TUQUE EX EDICTO G. CLAUDII, TI. SEMPRONII CENSORUM AD DELECTUM PRODITO. ET QUOTIESCUNQUE DELECTUS ERIT, SI MILES FACTUS NON ERIS, IN DELECTU PRODIDIS.*

Pag. 140. B. post appellata: *lege sequentia hoc modo*: Ea vero jam inde a Romulo rege instituta est trium millium. ex singulis enim tribubus mille conscripti sunt pedes. unde tribuni, qui singula millia ducerent, nominati. Ut autem treis ille pedum legiones, sic idem treis turmas equitum scripsit. quas etiam treis centurias appellavit, ut singulis legionibus singulæ equitum centuriæ adderentur.

Ibid. C. post auctore Festo. *adde*: Neque enim Plutarcho legionem geminam, & sex millium a Romulo factam affirmanti assentior.

Pag. 142. C. post ad hos, qui decem. *adde*: Egregie. nam quod ille tribunos vicenos quaternos profectur, id ad ejus tempora referendum est, cum ante memoriam ejus tribunorum numerus variaverit. Nam primi tantum tres fuere, qui singulis millibus præessent, inde sex facti. hoc autem offendit Livius lib. VII. *Et quum eo, inquit, anno placuisset tribunos militum ad legiones suffragio fieri (nam & antea, sicut nunc, quos Rufulos vocant, imperatores ipsi faciebant) T. Manlius, qui postea Torquatus appellatus est, secundum in sex locis tenuit. id autem factum est anno Urbis cccxci. Q. Servilio iterum, L. Genucio iterum consulibus. Inde usque ad sexdecim auctus eorum numerus est, C. Bubulco tertium, Q. Barbulæ iterum cons. quod tradit idem libro IX. his verbis: Et duo imperia eo anno dari cepta per populum, utraque ad rem militarem pertinentia, unum, ut tribuni militum sexdecim in quatuor legiones a populo crearentur, quæ antea perquam paucis suffragio populi relictis locis, dictatorium & consulum ferme fuerant beneficia. tulere eam rogationem tribuni L. Atilius, & C. Marcius. alterum, ut duumviri navales idem populus haberet. at lib. XLII. P. Licinio, C. Cassio cons. In tribunis militum novatum eo anno propter Macedonicum bellum, quod consules ex S. C. ad populum tulerunt, ne tribuni militum eo anno suffragiis crearentur, sed consulum prætorumque in iis faciendis iudicium, arbitriumque esset. & sequenti anno: Tribunos militum non permissum, ut consules facerent, populus creavit. Hic autem numerus tandiu observatus est, quandiu legiones quatuor scribi ceptæ sunt, ex quaternis militum millibus singulæ. ubi vero legiones ex quinque millibus, & amplius scribi ceperunt, tum vero tribunorum ad viginti quatuor perductus est numerus. ut singulis legionibus seni tribuni præessent. ex quibus quatuordecim, ut ait Polybius, stipendia minus quinque, reliqui saltem decem fecissent.*

Pag. 144. C. post deleteretur. *adde*: Pertinet etiam huc, credo, lex ea: Ne quis loco ab imperatore assignato cederet, atque ordinem desereret. cui rei capitale pœnam propositam fuisse animadverto, cum A. Postumius dictator eo nomine de filio extremum supplicium sumpsit, ut Diodorus libro XII. tradit.

Pag. 148. D. post sustulsi cæcidit. *adde*. & lib. XI. Qui miles ad exercitum non redisset, eum ipsum, beneque ejus vendere consul jussit.

Pag. 149. F. post inita ratio est. *adde*: Varro ta-

men non a tributo tribus, sed tributum a tribubus dictum, ut dixi, existimat.

Pag. 154. A. verba illa, Cæsarem postea peregrinarum mercium portoria instituisse, Suetonius refert. non leguntur in Parisiensi editione.

Pag. ibid. F. post salis vectigali? *lege*: de eo non deest, quid opiner, sed quid pro certo affirmem. nam hoc vectigal, quamquam de eo nihil, quod quidem extet, memoriæ proditum sit.

Pag. 155. A. post tribus onerasse. *adde*: Sublatum autem esse eo magis puto, quod idem factum de vectigali macelli accepi; magnum nimirum illud Romæ fuisse, donec plebis incusantis apud omnes principes remissum est portorium mercis ejus. Macelli autem nomine res omnes, quæ ad victum hominum pertinerent, comprehenduntur.

Ibid. B. post hæc autem, *adde* tam tributa, quam. & mox post exigenda, *adice*: Livius de Catone & Flacco censoribus libro XXXIX. *Vectigalia summis pretiis, ultro tributa infinis locaverunt. quas locationes cum senatus precibus, & lacrymis publicanorum victus induci, & de integro locari jussisset, censores edicto summotis ab hasta, qui ludificati priorem locationem erant, omnia eadem paululum imminutis pretiis locaverunt. & libro XLIII. in censura Claudii, & Sempronii: Edixerunt, ne quis eorum, qui Q. Fulvio, A. Postumio censoribus publica vectigalia, aut ultro tributa condixissent, ad hastam suam accederet. Item: Contentione orta, cum veteres publicani se ad tribunum contulissent, rogatio repente sub unius tribuni nomine promulgatur: Quæ publica vectigalia, ultro tributa C. Claudius, & Ti. Sempronius locassent, ea rata locatio ne esset, de integro locarentur, & ut omnibus redimendi, & conducendi promissæ jussisset.*

Ibid. D. post ærarium ipsum erat. *addenda sunt*: Ærarium autem in ædē, ut supra apparuit, Saturni fuit. quod tamen non unum Romæ, sed tria fuisse comperio, cum diligentius veterum annalium verba confidero: unum, in quo civium tributa, ac sociorum vectigalia, & præda imperatorum asservabatur, quo sumptus bellorum ordinarii sustinebantur: alterum, sanctius ærarium appellatum. in quo aurum vicestimarium custodiebatur, cujus meminit Livius bello Punico II. anno DXLIV. Fabio quintum, & Flacco quartum consulibus. Cetera, inquit, expedientibus, quæ ad bellum opus erant, consulibus aurum vicestimarium, quod in sanctiore ærario ad ultimos casus servabatur, promi placuit. prompti ad quatuor millia pondi auri, tertium, in quo pecunia Gallici belli causa servabatur. quam Gallico bello collatam refert Appianus lib. secundo, cum execrationibus publicis, eam motum non iri, nisi bellum Gallicum impenderet. Secundum ærarium, quod sanctius dictum est, a Pompeio apertum tradit Cicero libro septimo epistolarum ad Atticum: Capuam, inquit, C. Cassius tribunus pl. venit. attulit mandata ad consules, ut Romam venirent, pecuniam de sanctiore ærario auferrent, statim exirent urbe relicta. & Cæsar libro primo belli civilis: Quibus rebus Romam nuntiatis tantus repente terror invasit, ut, cum Lentulus consul ad aperiendum ærarium venisset ad pecuniam Pompeio ex S. C. proferendam, protinus aperto sanctiore ærario ex urbe profugeret. Reliqua duo a Cæsare refracta sunt. nam Appianus inimulat eum ex Gallico ærario pecuniam abtulisse, quod diceret, nihil esse, quod amplius de Gallis metueretur, quos ipse funditus sustulisset. Dio vero, & Plutarchus ærarium in universum ab eo expilatum scribunt. id autem, in quo universa populi Rom. vectigalia recondere-

tur, fuisse, ostendit Lucanus his verbis, cum de Cæsare loquitur:

— Tunc conditus imo
Eruitur templo multis intactus ab annis
Romani census populi, quem Punica bella,
Quem dederat Perses, quem vieti præda Philippi,
Quod tibi, Roma, fuga Pyrrhus trepidante reliquit,
Quo te Fabricius regi non vendidit, auro,
Quicquid parcorum mores servasti avorum,
Quod ditos Asia populi misere tributum,
Victorique dedit Minoa Creta Metello,
Quod Cato longinqua vexit super æquora Cypri.
Tunc orientis spes, captorumque ultima regum
Quæ Pompeianis prælata est gaza triumphis,
Egeritur, tristi spoliatur templa ruina.

Plinius autem Cæsarem ex ærario protulisse ait laterum aureorum XXVI. millia, & in numerato pondoo CCC.

Sed de ærariis hæcenus. Redeo ad tributum.

Pag. 156. C. post existimaretur, adde: Sed de comitiis scriperunt alii luculente. nos vero quoniam iura suffragiorum, non rationem comitiorum exquirimus, pauca hæc dixisse satis habebimus. quorum auctoritatem si quis postulabit, ab iis quibus hæc indagare operæ fuit, repetere facile poterit.

Conferamus igitur rem in pauca, & quod alii iustis prope voluminibus sunt complexi. nos verbo tantum significemus.

Ibid. D. post exoleverunt, addi debent: adeo ut postremis temporibus non triginta, ut quondam, curiæ ad comitia convenirent, sed ad usurpandam iuris verultatem, triginta curiarum lictores, quemadmodum est in secunda Ciceronis agraria, suffragia, pro curiis ipsis inirent. quippe quæ auspicioium causa tantummodo sint retenta, cum centuriata jam & tributa auctoritate & fama florent.

Ibid. F. post illa verba, & a minoribus magistratibus haberi licuit, addenda sequentia: Quorum rerum rationem si quis requirat, Nicolai Gruchii pereruditio de comitiis commentarios perlegat.

Cui viro ut multis in rebus assentior, sic ab eo in binorum comitiorum ratione explicanda valde diversus sum. quod non gloriæ querendæ, sed antiquitatis illustrandæ causâ, cujusmodi sit, hoc loco pluribus mihi exponendum putavi. Est ergo quæstio huiusmodi: cum trina fuerint comitia, quid sit id, quod Cicero in secunda agraria, de binis comitiis, quibus magistratus singuli crearentur, scripsit his verbis: *Majores de omnibus magistratibus bis vos sententiam ferre voluerunt. nam centuriata lex censoribus ferebatur, cura curiata ceteris patriciis magistratibus. tum iterum de iisdem judicabatur, ut esset reprehendendi potestas, si populum beneficii sui pœniteret, nunc quia prima illa comitia tenetis, centuriata, & tributa, curiata tantum auspicioium causa remanserunt. hic autem tribunus pl. quia videbat, potestatem neminem injussu populi, aut plebis habere posse, curiatis eam comitiis, quæ vos non initis, confirmavit: tributa, quæ vestra erant, sustulit. ita cum majores binis comitiis voluerint vos de singulis magistratibus judicare, hic homo popularis ne unam quidem populi comitiorum potestatem reliquit.* Hæc Cicero. Hunc igitur locum dico obscurissimum esse, & quam ex eo sententiam Nicolaus Gruchius collegit, putare me ab ipsa consuetudine Romani moris, atque ab ipsa demum rei veritate abhorre. Quis autem ejus sensus sit, ex loci hujus lectione, quam ille ex ingenio, ut video, ac nulla antiqui libri sultus auctoritate, attulit, facile intel-

ligi potest. est autem hæc: *Nam centuriata lex consulis ferebatur, & ceteris patriciis magistratibus, tributa plebeiis. tum curiata iterum de iisdem judicabatur.* Qua ex lectione apparet, placere Gruchio, patricios quondam magistratus binis comitiis esse creatos, centuriatis, & curiatis, plebeios item binis, tributis & curiatis. post autem curiatis comitiis obsoletis magistratus omnes binis item comitiis declaratos, centuriatis & tributis. Quam sententiam si ille etiam alterius loci auctoritate firmaret, quod nec facit, nec facere potest, tamen quia eam multis interjectis ex ingenio verbis inducit, ego vix in re tanta probare possem. neque enim simile veri videretur, si singuli magistratus binis, iisque diversis fuissent comitiis declarandi, non aliquam aliquando annalium scriptores eorum inter se contentionem literis prodituros fuisse, si aut curiata, aut tributa comitia centuriatorum sententiam infirmassent. Quamobrem ego incolumi vulgata lectione ita hunc locum interpretor. Reprehendit Rullum tribunum pl. Cicero, qui x. viros creari jubebat tributis comitiis, ita ut non omnes XXXV. tribus vocarentur, sed XVII. tantum sorte ducerentur. deinde ut qui a novem tribubus esset designatus, lege curiata, id est, imperio ornaretur. reprehendit autem acute magis, ut solet in orationibus, quam vere, & quod tributa comitia imperfecta attulit, & quod curiata obsoleta rettulit. id quod eo gravius esse significat, quod cum majores binis quondam comitiis de omnibus magistratibus voluerint judicare, hic neutra afferat. quæ sint autem hæc comitia bina, exponit, centuriata & curiata. nam *consules* (sic enim cum Gruchio hic legendum puto, non *consentes*) centuriatis creabantur, quando ceteri patricii magistratus declarabantur curiatis. deinde iterum de iisdem magistratibus judicabatur, ut priora comitia reprehendere populus posset. Quod autem ait, consules centuriatis comitiis creatos, cum ceteri patricii magistratus curiatis, recte ait. siquidem constat, primos consules, atque inde reliquos a populo per centurias convocato declaratos. ceteros autem patricios magistratus intelligit quæstiores, quos iccirco patricos vocat, quia prius patriciis ea potestas patuit, quam plebeiis. Plurarchus enim Poplicolam consulem Bruti collegam quæstiores duos populo creando permississe ait, P. Minucium, & M. Veturium, quas gentes tum patricias constat fuisse, creatos autem esse curiatis comitiis patet, primum, quia nondum tributa instituta erant: deinde, quia Gellius scribit. minoribus magistratibus comitiis tributis magistratum dari, sed justius curiatis: postremo, quia Tacitus lib. XI. prodidit, quæstiores regibus imperantibus esse institutos. idque legem curiatam ostendere, a L. Bruto repetitam. Quod autem ait, bis judicatum esse de omnibus magistratibus, id non habet eam vim, ut significet, diversis comitiis esse judicatum, centuriatis, & curiatis. sed illud vult intelligi, qui magistratus centuriatis comitiis creati erant, ut consules, de his bis centuriatis comitiis esse judicatum; qui curiatis, bis curiatis. ut qui prioribus comitiis aliquem creassent, iidem posterioribus, si pœniteret, mutata sententia abrogare eundem possent. Deinde addit: Nunc vero quia magistratus creantur, non ut olim, alii centuriatis, alii curiatis, sed alii centuriatis, alii tributis, curiata obsoleverunt. nam ea propter auspicioium religionem tantum remanserunt.

Rullus autem curiata comitia, quæ non populus, sed pro populo triginta curiarum lictores in-eunt, revocavit, tributa imperfecta attulit. Ita cum majores binis comitiis voluerint de eadem re judicari, Rullus ne una quidem comitia populo reliquit, nam in utrisque peccavit.

Neque vero illam rationem perpetuo observatam esse existimandum est, quam apud majores ait fuisse, ut iisdem comitiis bis de eodem candidato judicaretur, sed effigiem tantum, ac similitudinem ejus retentam. Nam cum praerogativae centuriae suffragationem instituisent, eam pro unis comitiis habuerunt; reliquarum autem quae jure vocatae dictae sunt, pro alteris. sic enim celarius suffragia a populo iniri posse judicarunt, si eadem comitia partirentur, quam si eadem bis integra haberentur. Hoc autem intellexit, & docuit Alconius his verbis in secundam Verrinam: *Praerogativae tribus sunt, quae primae suffragium ferunt ante jure vocatas. mos enim fuerat, quo facilius in comitiis concordia populi firmaretur, bina omnino de iisdem candidatis comitia fieri, quorum tribus praerogativae dicebantur, quod primae rogarentur, quos vellent consules fieri; secundae jure vocatae, quod in his sequente populo, ut sepe contigit, praerogativarum voluntatem, jure omnia complerentur.* His enim verbis significat bina quidem comitia esse habita, sed non integra, verum speciem tantum binorum comitorum esse usurpatam. in tribus enim forte tribum, in centuriatis ex tribu forte centuriam eduxerunt, quae prima suffragium iniret. quae centuria, quoniam ante alias rogabatur, praerogativa dicta est, & tribus ea, unde sumpta est, praerogativa etiam appellata. praerogativae autem tribus, vel centuriae praerogativae sententiam pro unis comitiis habuerunt, reliquarum quae deinceps citabantur, & jure vocatae dicebantur, judicium, ut dixi, pro alteris. Plerumque autem fiebat, ut jure vocatae sententiam praerogativarum sequerentur, raro autem rescinderent. Unde illud est Ciceronis pro Murena, tantam comitiis centuriatis fuisse religionem, ut semper omen praerogativae valuerit. Harum vero centuriarum multi meminerunt, ut Livius libro decimo: *Cum primo vocatae Q. Fabium consulem omnes dicerent centuriae.* & post: *Q. Fabium & praerogativa, & primo vocatae omnes centuriae consulem cum L. Volumnio dicebant.* & libro XXVI. Fulvius Romam comitorum causa accersitus cum comitia consilibus rogandis haberet, praerogativa Veturia juniorum declaravit T. Manlius Torquatus, & T. Otacilius. & post: *Citatis Veturiae senioribus.* & de eadem: *Tum centuria auctoritate mota viri.* est enim Veturia tribus nomen, unde centuria praerogativa ducta est, ut Galeria: unde idem dixit libro XXVII. Galeria juniorum, quae forte praerogativa erat, Q. Fulvium, & Q. Fabium consules dixerat. & Cicero in Antonium: *Ecce Dolabella comitorum dies, sortitio praerogativae, quiescit. renunciat, tacet. prima classis vocatur.* deinde, ut asselet, suffragia. tum secunda classis. & in primo de Divinatione: *Praerogativam majores omen iustorum comitorum esse voluerunt.* Postremo meminit etiam praerogativarum Festus, cum scribit: *Praerogativae centuriae dicuntur, ut docet Varro, quod rusticus Romani, qui ignorarent petitores, facilius eos animadvertere possent.* Verrius probabilius iudicat esse, ut cum essent designati a praerogativis, in sermonem res veniret populi de dignis indignisque, & fierent ceteri diligentiores ad suffragia de his ferenda. Sed de binis comitiis haecenus. Neque vero assentiri iis, qui ad rationem binorum comitorum locum orationis pro Plancio transferunt. quanquam enim binorum ibi comitorum, quibus de aedilitate Plancii actum est, meminit, tamen non id, quod nunc agimus, intelligit. neque Plancium, ut illi putant, tribus & centuriatis comitiis factum aedilem curulem significat, sed tribus binis. priora autem subito extra ordinem a consule habita esse, nec aliqua de causa perfici potuisse ostendit.

unde ait: *Sed cur ego sic ago? quasi non comitiis jam superioribus sit Plancius designatus aedilis.* quae comitia primum habere cepit consul tum omnibus in rebus summa auctoritate, tum harum ipsarum legum ambitus auctor. deinde habere cepit subito, praeter opinionem omnium, ut ne si cogitasset quidem quispiam largiri, daretur spatium comparandi. vocatae tribus, latum suffragium, descriptae, renunciatae, longe plurimum valuit Plancius. nulla largitionis nec fuit, nec esse potuit suspicio. an tandem una centuria praerogativa tantum habet auctoritatis, ut nemo unquam prior eam tulisset, quin renunciatus sit, tu aut bis ipsis comitiis consularibus, aut certe in illum annum aedilem Plancium factum miraris, in quo non exigua pars populi, sed universus populus voluntatem suam declaravit? cujus in honore non unius tribus pari, sed comitia tota comitiis fuerint praerogata? quo quidem tempore, si id Laterensis facere voluisses, aut si gravitatis esse putasses tuae, quod multi nobiles saepe fecerunt, ut cum minus valuisse suffragium, quam putassent, postea prolatis comitiis prosternerent se, & populo Rom. fracto animo atque humilis supplicarent, non dubito, quin omnis ad te converisa se fuerit multitudo.

Nunc, quod queri potest, causam exponamus, cur centuriatis in comitiis, quibus populum in classes centuriasque distributum suffragia inire docuimus, tribus adhibeantur. unde quidam omnes fere magistratus integris binis comitiis designari existimarunt, tribus, & centuriatis. Quid est enim tam vulgare, tam omnibus notum, quam consulem, censorem, praetorem comitiis centuriatis declarari; & tamen eos a tribus aliquando declaratos videmus. Cicero enim de se consule in secunda agraria dixit: *Me non extrema tribus suffragiorum, sed primi illi vestri concursus consulem declararunt.* & in Miloniana de comitiis consularibus Milonis: *Clodius tota comitia suis humeris sustinebat, convocabat tribus, se interponebat.* & Livius lib. XXXIX. *Salinator praeter Maeciam tribum, quae se nec condemnasset, neque condemnatum aut consulem aut censorem fecisset, populum Rom. omnem, quatuor & triginta tribus aerarios reliquit. de praetura Plutarchus testis est: Ut prima, inquit, tribus vocata Catonem praetorem declaravit, statim Pompeius eminentius auspicio, comitia dimisit.* & tamen Cicero se ter praetorem primum comitiis centuriatis renunciatum gloriatur in Pompeiana, & praetores collegas esse consulum, iisdemque comitiis creatos scimus. Ut ergo hunc difficultatis scrupulum, siquis est, evellamus, repetenda nobis, aut apertius explicanda sunt ea, quae de centuriis & tribus supra diximus. Est ergo intelligendum ex Servii instituto, tribus nihil ad centuriata comitia pertinuisse: post expletas autem XXXV. tribus, cum omnis populi honos in iis consisteret, mutatam esse Servii rationem, & tribus ad centuriarum divisionem esse tractas. Ut autem ante populus in sex classes, & centum tres ac nonaginta centurias divisus vocabatur, sic postea in XXXV. tribus dispersus citari coepit est, ita tamen, ut singulae tribus suas classes, suasque centurias haberent. Quocirca supra diximus, ex XXXV. tribus unam esse forte eductam, atque ex ea, cum in unaquaque tribu aliquot essent e quinque classibus cives, omnium vero classium multae centuriae, unam esse ex omni centuriarum numero lectam centuriam, vel juniorum, vel seniorum, quae prima rogaretur, & praerogativa diceretur, cujus auctoritatem, quasi omen quoddam, reliquae sequerentur, unde dixit Cicero: *Ecce comitorum dies, sortitio praerogativae, quiescit. renunciat, tacet. prima classis vocatur.* Quibus verbis ostendit praerogativam

ante primam classē esse suffragatam . & in Planciana prærogativam centuriam unius tribus partem vocavit : *Vocata tribus , latum suffragium , descriptæ , renunciatae .* longe plurimum valuit Plancius , an tandem una centuria prærogativa tantum auctoritatis habet , ut nemo unquam prior eam tulerit , quin renunciatus sit , tu aut hii ipsi comitiis consularibus , aut certe in illum annum ædilem Plancium factum miraris , in quo non exigua pars populi , sed universus populus voluntatem suam declaraverit ? cujus in honore non unius tribus pars , sed comitia tota comitiis fuerint prærogata ? Inde etiam illa sunt apud Suetonium , Cæsarem dictatorem edidisse per libellos circum tribum missos scriptura brevi : *Cæsar dictator illi tribus : Commendo vobis illum & illum , ut suffragio vestro dignitatem suam teneat .* & illa apud Lucanum de simulatis comitiis ejusdem Cæsaris :

——— *Fingit solemnia campus ,
Et non admisse dirimit suffragia plebis ,
Decantantque tribus , & vana versat in
urna .*

Neque vero aliud est id , quod scriptum est apud Ciceronem in 111. de Legibus : *Censores populi partes in tribus distribuunt , & in pecunias , ævitates , ordines partiunt .* id est , primum in tribus , deinde in classis ex censu , & centurias ex ætate & ordine distinctas . Hanc enim legem scripsit Cicero apte ad eam rem . quam in suis libris finxerat , ad eam , inquam , quam P. Scipio , quem loquentem fecerat , & æquales ejus administrarunt post sexcentium ab urbe condita annum , tum cum tribuum nomen late in urbe patebat . Quamquam autem in centuriatis comitiis pariter , atque in tributis tribus citabantur , atque suffragia inibant , non eodem tamen modo inibant . nam in tributis cujusque tribus unum erat suffragium , in centuriatis tot observabantur suffragia , quam multæ tribuum ipsarum erant centuriæ .

Pag. 157. E. in fine capituli post dividebat . adde : Tiberius autem omnino comitia populi fultulit . quod scripsit Tacitus libro primo : *Tum primum e campo comitia ad patres translata sunt . nam ad eam diem etsi potissima arbitrio principis , quedam tamen studiis tribuum fiebant . neque populus ademptum jus questus est nisi inani rumore , & senatus largitionibus ac precibus sordidus exolutus libens tenuit , moderante Tiberio , ne plures quam quatuor candidatos commendaret , sine repulsa & ambitu designandos .*

Pag. 160. A. in fine capituli XIX. post rediit adde : Quam rem Manutius in libro suo de legibus elegantissime persecutus est .

Ibidem . Initium capituli xx. de Magistratibus & que sequuntur usque ad verba magistratus autem varii . &c. *pagin. 161. E. hoc pacto leguntur in Parisiensi editione :* Hactenus de sacerdotibus . nunc de magistratibus , quorum jus paucis , ut video , verbis in tertio de legibus Cicero est complexus , cum dixit : *Magistratus omnes judicium & auspiciū habent .* quod est aliud nihil , quam judicandi & auspiciandi potestatem habent . Judicium dicitur habere , qui potest & jus dicere , & edictum interponere . Jus vero dicere , in primis est iudicii dandi potestatem habere , atque ei formulam iudicandi præscribere . Quicunque enim jus reddere , audita facti serie , aut concedere actionem , aut negabat . Qua re in edictis prætoris hæc verba celebrabantur : *Judicium dabo , Judicium non dabo .* unde illud est Ciceronis in Verrem : *Si quis eum pulsasset , edixit , se iudicium injuriarum non daturum : quicquid ab eo peteretur , iudicem de sua coorte daturum : ipsi autem nullius rei actionem sese daturum .* Edictum autem interponebat , cum res longiorem disquisitionem non deiderabat . cujus generis est illud alterum apud Livium de Ap. Claudio

Al consulari decemviro : *Ut jam sciret , non id petulantia sua , sed Virginio absentis datum , jus eo die se non diciturum , neque edictum interpositurum .* & hoc Ciceronis de Antonio consule : *Cum tot edicta proposuisset , edixit , ut adesset senatus frequens a. d. VIII. Kalend. Decemb. eo die ipse non affuit . at quomodo edixit ? hæc sunt , opinor , verba in extremo : Siquis non affuerit , hunc omnes existimare poterunt , & interitus mei , & perditissimorum consiliorum auctorem fuisse .* Hoc autem jus qui magistratus habuerunt , si potestatem dicuntur habuisse , qui præter hoc aliquid etiam amplius , imperium . Etenim legitimus dictatoris , consulum , decemvirum , tribunorumque militum consularium , ac prætorum non potestatem solum , sed etiam imperium extitisse . censuram vero , & ædiliū , & quæstorum , & tribunorum pl. potestatem tantum . merito . dictator enim jus vite necisque sine provocacione habet . & eo dicto omnes alii abdicant . consules autem quamquam in civem animadvertere non possunt , itemque prætores , tamen prehensionem habuerunt , & vocationem ; tribuni vero pl. prehensionem tantum , itemque ædiles . Atque omnino qui magistratus lictores cum fascibus habuerunt , ut dictator , consules , prætores , & reliqui , qui cum potestate consulari fuerunt , amplius jus habuerunt , quam qui viatore tantum , ut censores , tribuni pl. & ædiles , aut qui neutro , ut quæstores . itaque ut dictatori consul , sic consuli , ut scribit libro sexto Polybius , reliqui magistratus paruerunt , præter tribunos plebis , non quia majore essent tribuni , quam consules potestate , sed quia ad eorum evitendam potestatem essent creati . Quæ autem de prehensione , & vocatione magistratum dixi , ea ex Varronis sententia dixi , qui apud Gellium ita scribit : *In magistratu habent alii vocationem , alii prehensionem , alii neutrum . vocationem , ut consules , & ceteri , qui habent imperium . prehensionem , ut tribuni pl. & alii , qui habent viatorem . neque vocationem , neque prehensionem , ut quæstores , & ceteri , qui neque licitorem habent , neque viatorem . qui vocationem habent , iidem prehendere , tenere , adducere possunt , & hæc omnia , siue adsunt , quos vocant , siue acciri jussuerunt . tribuni pl. vocationem habent nullam .* Cujus rei rationem reddit Gellius , quod antiquitus creati videntur , non juri dicundo , nec causis , querelisque de absentibus nescendis , sed intercessionibus faciendis , quibus præsentibus fuissent , ut injuria , quæ coram fieret , arceretur . ac propterea jus ad se vocandi ademptum , quoniam , ut vim fieri veraret , assiduitate eorum & præsentium oculis opus erat . & alio loco Varro : *Qui potestatem neque vocationis populi viritum habent , neque prehensionis , eos magistratus a privato in jus quoque vocari est potestas .* M. Leavinus edilis curulis a privato ad prætorem in jus est eductus . nunc stipati servis publicis non modo prehendi non possunt , sed etiam ultro summovent populum . Cur autem velit Cicero omnes magistratus habere auspicia , ipse declarat in legibus : *Ut multos , inquit , inutiles comitiatus probabiles impediunt more . sepe enim populi impetum injustum auspicii dii immortales represserunt .* Confirmat hoc idem M. Varro libro Rhetoricorum vicelimo , ut est apud Nonium . *Eo die , inquit , cū Tiberim redeundum est , quod de cælo auspicari jus sit nemini præter magistratum .* Ex quibus locis apparet , non omnia eum auspicia intelligere , sed tantum observationem de cælo . ea enim potissimum impedita , atque infirmata comitia sunt . unde edicto consulari in comitiis centuriatis habendis cavebatur , ne magistratus ullus minor de cælo servasse vellet . quod etiam minores magistratus , ut tribuni pl. auspiciū , id est , spectacionem , & nunciationem haberent , quibus iniuria comitia obnunciando facile possent impedire . quod lege Ælia , quæ obnunciacioni parere

coegit, erat provisum. Reliqua vero auspicia non omnes magistratus habuisse illud indicio est, quod plebei magistratus neque augures, neque pullarios adhibuerunt, ut tribuni, & aediles plebis. alioquin plebei auspicia habuissent. quod supra negavimus. Quocirca ego in eam adductus sum opinione, ut, cum inquit Zonaras libro annaliū secundo, tribunis pl. auspicia a patriciis esse concessa, de observatione de caelo esse accipiendum putem. Hoc autem factum scribit M. Horatio, & P. Valerio cons. abdicatis xviris, anno ccciv. his verbis: *Quin etiam tribunis pl. in comitiis auspiciorum usum concesserunt. id quod eis verbo quidem bonorem ac dignitatem attulit, (id enim jus ab antiquo solis patriciis fuit) re autem vera impedimento fuit, ne facile tribuni plebis, & plebs ipsa quaecunque vellet, ageret, sed per causam auspiciorum aliquando impederentur.* Tribunatum autem plebis Livius libro xi. & Plutarchus in quaestionibus magistratum esse negarunt. Quod si ita est, profecto ne proconsules quidem, & praetores magistratus fuerunt, quia auspiciis caruerunt. unde scitum est illud Ciceronis in secundo de divinatione: *Bellicam rem administrari majores nostri nisi auspiciato noluerunt. quam multi anni sunt, cum bella a propraetoribus, & proconsulibus administrantur, qui auspicia non habent. Itaque nec annes transeunt auspiciato, nec tripudio auspicantur.* atque illud in primo: *Magistratus Romanos auspiciis usos esse coactis.* coactum autem dictum esse auspiciū, tripudium solitum. Adeo vero magistratuum propria auspicia fuerunt, ut magistratus ipsos inter se distinxerint, ac segregarint. ut enim auspicia alia majora fuerunt, alia minora, sic magistratus partim majores, partim minores: majores, qui majora auspicia habuerunt, ut consules, praetores; minores vero, qui minora, ut reliqui. Majora autem dicuntur auspicia habere, quia eorum auspicia magis rata sunt, quam aliorum. quod ex libris Metellae, & Tuditani commentariis Gellius prodit libro xiii. pag. 162. C. post jus dixerunt, addit: *Inde enim scripsit libro xi. Livius: Appius consul quam asperime jus de creditis pecuniis dicere.*

Ibid. F. post jus dicerent, inferre sequentia: Quibus ex rebus illud intelligi potest, munera publica inter diversos magistratus ita fuisse partita, ut primae tamen partes consulum, praetorumque fuerint. quid autem inter utriusque jus differentiae intercesserit, paucis, ut institui, demonstrabo.

Major fuit imperii vis, atque auctoritas in consule, quam in praetore. Hoc & Livius libro XLIV. scriptum reliquit, & res ipsa declarat. consules enim duodecim fasces praeferebant, praetores urbani binos, provinciales senos. sic enim invenio apud Gensorinum: *M. Pletorius tribunus plebis scitum tulit, in quo scriptum est: Praetor urbanus, qui nunc est, quique posthac erit, duos lictores apud se habeto.* provincialem autem praetorem Polybius ἐπαυλιον solet vocare, quasi cui sex securae praeferebantur. iidem magistratibus omnibus intercedebant, iis solis non intercedebatur. ab omnibus magistratibus & comitiatum, & concionem advocare poterant: nullus ab eis poterat. vita tamen necisque jus non habebant, nisi nobili illo senatusconsulto armati, quo decerni solet, ut videant consules, nequid detrimenti resp. capiat. de quo sic scripsit Sallustius in Catilinae conjuratione: *Itaque quod plerumque in atroci negotio solet, senatus decrevit, darent operam consules, nequid resp. detrimenti caperet.* ea potestas per senatum more Romano magistratui maxima permittitur, exercitum parare, bellum gerere, coercere omnibus modis socios atque cives,

Admi militieque summum imperium ac judicium summum habere. aliter sine populi jussu nullius eorum rerum consuli jus est. Ad haec iidem, ut est apud Polybium libro vi., legationes in curiam introducebant; quae celeriter statuenda erant, statuebant; quae deliberationem desiderabant, ad senatum referebant; patrum decreta curabant; quae de rep. per populum transigenda erant, proponebant; conciones, quoties opus erat, advocabant; senatum habebant; senatusconsulta populo referebant; in re bellica summum imperium habebant? focis, quicquid visum fuerat, imperabant; tribunos mil. creabant; delectum habebant; de iis, qui sub suo imperio erant, in castris supplicium fuebant; comite quaestore publicae pecuniae, quantum res ipsa ferret, impendebant.

Praetorum autem propria jurisdictio fuit. ea vero fuit duplex, urbana una, peregrina altera. unde praetores duo instituti sunt, unus, qui urbanam exerceret jurisdictionem; alter, qui peregrinam. quorum ille urbanus dictus est, hic peregrinus. urbanus enim inter cives, peregrinus inter cives & peregrinos jus dicebat. unde Livius lib. xxii. *Roma juris dicendi urbana fori Pomponio, inter cives Romanos & peregrinos P. Furio coenit.* & lib. xxxi. *Praetores provincias sortiti, L. Aelius Fullo urbanam jurisdictionem, M. Aelius Glabrio inter cives & peregrinos. Inde alii creati quatuor, qui ad regendas provincias mitterentur.* Postremisque temporibus ita institutum est, ut praeter urbanum praetorem, & peregrinum, qui jus in urbe dicerent, sex alii essent praetores, qui de criminibus publicis quererent, postero anno provincias forte administrarent. omnium autem praetorum maxima semper auctoritas fuit praetoris urbani, adeo ut sint, qui putent, praetorem peregrinum ex edicto praetoris urbani jus dixisse. Cum autem praetoria munera duo fuerint, jurisdictio, & quaestio, visum est faciendum, ut hoc loco de jurisdictione dicerem, quaestionum autem exercendarum rationem ut in secundum librum, ubi de iudiciis ago, rejicerem. Sic igitur dico, omnem praetorum jurisdictionem his tribus verbis esse expressam, *do, dico, addico*, sed haec quidem in promptu. interiora illa: praetorem dedisse, ut bonorum possessionem, ut iudices, recuperatores, & arbitros. *dixisse*, ut viam in formulis, ut tutorem ex lege Atilia, ut cum interdicto cavebat, vel cum feriis indicebat. *addixisse*, ut dum in jure cessio fiebat. Unde Tulliana illa sunt de Verre praetore urbano: *Domus erat plena, nova jura, nova decreta, nova judicia petebantur. mibi det possessionem, mibi ne adimat. in me iudicium ne det, mibi bona addicat.* & illa: *Simul iure dicendo bonorum, possessionumque contra omnium instituta addictio, & condonatio.* Atque urbanus quidem, & peregrinus praetor privatas tantum controversias cognoverunt, & juris Quiritium custodes ac vindices, in quo uno jurisdictione posita fuit, fuerunt. sunt autem qui putent, urbanum tantum fuisse, apud quem lege agere liceret, ut filios emancipare, servos manumittere, in jure cedere, bonorum possessionem, & tutorem postulare, & cetera obire, quae jure Quiritium a nobis expolito continerentur.

Reliqui certe praetores in urbe publicorum criminum quaestiones singuli singulorum exercuerunt, de maiestate, de sicariis, de ambitu, de repetundis, de peculatu, de vi, & ceteris ejusmodi, de quibus post in judiciorum disputatione agemus. provinciales autem non solum jus dixerunt, sed de publicis etiam criminibus quaesiverunt, & cum consilio cognoverunt. Universam autem jurisdictionis suae formulam, ex qua de quacunque re in magistratu jus redditurus esset, praetor urbanus Kal. Jan. in foro proponere consuevit, id quod praetoris edictum est nominatum. quod, praetor Pompo-

nium, ostendit, ut supra dixi, Cicero in *II*. de finibus, cum scripfit: *Quid enim mereri velis jam, cum magistratum inieris, & in concionem ascenderis? est enim tibi edicendum, quæ sit observaturus in iure dicendo. quid merearis igitur, ut te dicas in eo magistratu omnia voluptatis causa facturum esse?* Ac primis quidem temporibus hæc edicta mutare prætoribus licuit, quod tamen probri loco Verri Cicero objecit, cum dixit, cum ne ex edicto quidem suo jus semper dixisse. post autem lege C. Cornelii tribuni plebis anno urbis DCLXXXVI. cautum est, Dione, & Padiano auctoribus, ut ex edictis suis perpetuis prætores jus dicerent. qua lege addit Padianus multum auctoritatis & gratiæ ademptum ambitionis prætoribus, qui jus varie dicere solerent. Quare quoniam edicta in annum tantum valuerunt, dixit id in Verrem Cicero: *Qui plurimum tribuunt edicto prætoris, edictum legem annuam dicunt esse. in dicto plus complecteris, quam in lege. si finem edicto prætoris afferunt Kal. Januariæ, cur non initium quoque edicti nascitur a Kal. Januariæ?* Forma porro perpetui edicti prætoris urbana, ut de flamine diali, & de sacerdote Vestæ, talis est apud Gellium libro *XI*. *Sacerdotem Vestalem, & flaminem dialem in omni mea jurisdictione jurare non cogam. & de fluminibus retandis illa: Qui flumina retanda publice redempta habent, si quis eorum ad meeductus fuerit, qui dicatur, quod cum ex lege locationis facere oportuerit, non fecisse. reliqua desiderantur. Quod præterea Romæ edixerant prætores urbani, id eisdem sine reprehensione mutare in provincia, si quam postea obtinuerint, non potuisse invenio. Quod ex actionibus in Verrem intelligitur, in quibus orator acutissimus ita agit: Cur ea capita in edictum provinciale transferre noluisse: utrum digniores homines existimasti eos, qui habitabant in provincia, quam nos, qui æquo jure uteremur? an aliud Romæ æquum est, aliud in Sicilia? non hoc potest hoc loco dici. multa esse in provinciis aliter edicenda, non de hereditatibus quidem possessionibus, non de mulierum hereditatibus. Formam autem provincialis edicti ille in epistolis ad Atticum expreßit, cum de se Ciliciæ prætor loqueretur in hunc modum: *Multa sum secutus Scævole: in his illud, ut Græci inter se disceptent suis legibus. brevis autem edictum est propter hanc meam diapsiam, quod duobus generibus edicendum putavi: quorum unum est provinciale, in quo est de rationibus civitatum, de ære alieno, de usura, de synagoga, in eodem omnia de publicanis. alterum, quod sine edicto satis commodè transigi non potest, de hereditatibus possessionibus, de bonis possidendis, magistris faciendis, vendendis, quæ ex edicto & postulari, & fieri solent. tertium de reliquo jure dicendo & prætoris reliqui. dixi me de eo genere mea decreta ad edicta urbana accommodaturum. Hactenus de jurisdictione prætorum. Reliqui vero magistratus de ceteris rebus, quæ ad ipsorum magistratum pertinerent, jus dixerunt. quorum etiam diversa edicta feruntur. Quod demonstrat Afconius, cum in commentario Divinationis ait: *Subsellia sunt tribunorum, triumvirorum, quaestorum, & hujusmodi minora judicia exercentium, qui non in sellis curulibus, sed in subselliis confidebant. itemque Plutarchus in quaestionibus, cum tribunos pl. negat magistratus esse, quia ex sella curuli, ut magistratus, jus non redderent. & in Catone majore, cum tribunos pl. ait in basilica Porcia jus dixisse. Aediles porro de annonæ ratione, de urbis, viarum, aquarum, ædificiorumque curatione, & rerum venditione cognovisse satis multa historiarum exempla demonstrant. unde illud Tullianum est in *IX*. Philippica: *Senatum censere aediles curules edictum, quod de funeribus habeant, Ser. Sulpicii funeri remittere. & in *III*. de officiis: In mancipiorum venditione fraus omnis excluditur. quod enim sciri debuit de sanitate, de fuga, de furtis,****

Al præstatur edicto ædilium. Nam quaestores crimina scribarum cognovisse testis est locupletissimus in Catone minore Plutarchus.

Ad finem capitis post vocem hactenus adde: Nam singulorum magistratum jus, atque auctoritatem persequi doctissimi viri Pauli Manutii est, qui se de magistratibus scripturum esse jam pridem pollicitus est.

Pag. 163. post verba, extra urbem non habetur. adde: Nili forte senatusconsulto summo illo, de quo dixi, muniti fuerint consules, ut provideant, ne quid resp. detrimenti accipiat, & magistratus quidem, qui illud habet, nullo alio honoris titulo, nisi, qui magistratus nomine continetur, ornatus est; hoc qui adeptus est, idem Imperatoris nomen usurpat.

Ibid. post defertur. adde sequentia: Mandatur autem aut magistratibus, aut privatis, illis ordine, ut prætoribus, consulibus, & dictatoribus, his extra ordinem, ut qui consulatu, aut prætura abierint, aut alio modo privati fuerint. Est autem operæ pretium intelligere, quemadmodum cum consulatus & prætura centuriatis comitiis, dictatura vero consulis appellacione deferatur, ipsorum tamen imperium curiata lege, non centuriata firmetur. Hoc docet Livius, qui libro quinto dixit, comitia curiata rem militarem continere: & Cicero, qui in secunda agraria, consuli, si legem curiatam non haberet, rem militarem attingere non licere: item, consulibus legem curiatam ferentibus a tribunis plebis sæpe intercessum esse: & iterum Livius libro nono, qui scriptum reliquit, dictatori Papirio legem curiatam de imperio ferenti triste omen dii diffidisse, quod Saucia curia principium fuerit. ex quo suspicari facile possumus, idem in prætoribus etiam evenisse. An vero hoc perpetuum in consulibus fuerit, ut imperium habere, id est, bellum gerere, nisi lata lege curiata, nequiverint, merito revocari in quaestionem possit. primum enim illud movet admirationem, quod ex infinita prope consulum multitudine, quos ad bella quotannis missos produunt historiæ, neminem præcipua hac curiata de imperio lege ornatum videmus. deinde extant verba Ciceronis, ex quibus apparet, legem curiatam consulis rebus aptam fuisse, necessariam non fuisse. sunt autem in epistola ad Lentulum: *Appius consul dicitur, sese, si licitum esset, legem curiatam ferre, sortitum cum collega provinciam; si curiata lex non esset, comparaturam cum collega, & tibi successurum. legem curiatam consuli ferre opus esse, necesse non esse. se, quoniam ex S. C. provinciam haberet, lege Cornelia imperium habiturum, quoad in urbem introisset. Sunt qui putent, te non posse decedere, quod sine lege curiata tibi succedatur. & libro *III*. ad fratrem: *Appius sine lege curiata confirmat, se Lentulo nostro successurum. & libro *III*. ad Atticum: Appius sine lege, suo sumptu in Ciliciam cogitat.* Quibus verbis significat, consuli fuisse utilem legem curiatam, verum non necessariam. nam etiam sine ea imperium obtinuisse. probe. Nam ante legem quidem Corneliam; qui provinciam habebat, si ultra annum eam obtinisset, prorogatione imperii eguit; legem autem Cornelia, donec in urbem reverfus esset, imperium, ut ille innuit, tenuit. Præterea vero qui legem curiatam non habebat, is ne senatus quidem consulto eo ornatus fuit, quo sumptus de publico suppeditabatur; qui autem habebat, viaticum a senatu obtinuit. Quocirca legem curiatam utilem quidem appellavit, quia sine ea viaticum obtineri non poterat; non necessariam vero, quia etiam sine ea haberi in provincia imperium poterat. Age vero magistratus sine lege curiata imperium habuerunt, num vero privati eam desiderarunt? multo, ut mea fert opinio, minus. Hoc cum mul-*

ta confirmant, tum maxime verba Ciceronis in secunda agraria, cum ait, inauditum, & plane novo more esse, uti curiata lege magistratus detur, cui nullis ante comitiis sit datus. id est, ut imperium privato lege curiata tribuatur. at qua lege privati imperium a populo acceperunt? nempe tributa. ut de continuando P. Scipioni imperio Livius: *Consules iussi cum tribunis plebis agere, ut, si iis videretur, populum rogarent, quem vellet in Africa bellum gerere. omnes tribus P. Scipionem iusserunt.* & de Lentulo ac Stertino: *Plebi Cornelio Lentulo & L. Stertino procos. imperium esse in Hispania iussit.* sic Cn. Pompeio Magno contra piratas lege Gabinia, adversus Mithridatem regem lege Manilia. Animadverto etiam imperium privato sæpe senatusconsulto mandatum, ut Cn. Pompeio procos. adversus Sertorium in Hispaniam, Cn. Pisoni, auctore Sallustio, pro prætore in eandem, C. Octaviano pro pr. ex sententia Ciceronis adversus M. Antonium Mutinam coloniam oppugnantem. Qui autem a senatu imperium acciperent, eos nomen tantum imperii sine ullo viatici subsidio affectos, nescio an ex Pompeii epistola conjici possit, quam ad senatum ex Hispania procos. misit, & stipendium petiit, quæ est apud Sallustium: *Equidem faveo me ad hoc bellum majore studio, quam consilio profectum, qui nomine modo imperii a vobis accepto diebus quadraginta exercitum paravi.* Cur autem privati lege curiata imperium accipere non potuerunt? credo, quia curiata comitia auspicata erant, proconsules autem & prætores, utpote qui, teste Cicerone, privati, & sine magistratu essent, auspicia non habebant; tributis autem comitiis recte accipiebant, quæ erant, ut dixit, inauspicata. nam P. Scipionis, quem privatum cunctis centuriis cum imperio in Hispaniam missum esse, inquit Livius, novum plane ac singulare exemplum est. Atque hæc quidem mea de imperio sententia est. Neque enim satis probare possum eruditio hominis in primis ac disertis Nicolai Gruchii opinionem, qui his duntaxat, quas proposui, auctoritatibus fretus, neminem omnino censet sine curiata lege imperium habuisse, cum tamen iisdem testimoniis privatos homines tributa lege imperium accepisse, facile revincatur. Neque vero in eo etiam illi assentior, quod ait, legem curiatam bis esse latam, primum magistratus mandandi causa, deinde imperii transmittendi, quod quoniam unius Ciceronis ex secunda in Rullum testimonio niscus affirmat, an is fuerit in ea re Ciceronis sensus, paulo diligentius, quod etiam supra, cum de suffragiis ageremus, fecimus, exquiramus. sic loquitur Cicero: *Primum lege curiata decemviro ornat. Jam hoc inauditum, & plane novo more, uti curiata lege magistratus detur, cui nullis comitiis ante sit datus.* Dico igitur, Ciceronem, ut sæpe alias solet, captiose agere, atque argute, aliisque, quam quæ erat, Rulli sententiam demonstrare. Rullus enim decemviro agrarios legi comitiis tributis volebat, curiatis autem imperio decorari. Sed quoniam non omnes ille tribus advocari jubebat, propterea ea comitia Cicero pro nullis esse habenda existimat, ac reprehendit, quod novo more imperium detur lege curiata ei, cui magistratus nullis ante comitiis datus sit. inde alteram affert captionem. perinde enim verba legis Serviliæ accipit, quasi Rullus magistratum decemviris binis comitiis mandari juberet, tributis & curiatis, non autem magistratum tributis mandaret, imperium curiatis, & vitio dat, quod tributa comitia imperfecta afferat, curiata absoleta referat. idque eo indignius esse ostendit, quod cum apud majores bina essent comitia, centuriata, quibus consules creabantur, & curiata, quibus reliqui magistratus, eaque bis haberentur, ut esset reprehendendi potestas, si populum beneficii sui pœni-

teret, hic tamen comitia bina adhibuerit ille quidem, sed aut manca, aut obsoleta. Ex quo intelligi potest, Ciceronem aptius ad causæ, quam ad veritatis rationem ita disputasse, idque cum, cum apud imperitam multitudinem ageret, facile efficere potuisse.

Ibid. quæcumque leguntur ab illis verbis: Quod autem dixi, usque ad illa, ne vero vos fallant varia, non extant in parisiensi editione. nec etiam ea quæ sequuntur pag. 164. D. post verba Livii antiquata est.

Pag. 164. D. in fine libri primi addendum est totum caput XXII. de triumphis, ut hic sequitur.

C A P. XXII.

De triumphis.

HACTENUS de imperio. deinceps de triumpho, qui ab imperio divelli vix potest, differendum est. Honorum, qui suffragio, aut studio civium deferrentur, omnium amplissimus fuit triumphus. Qui institutus a Romulo usque ad extrema non solum reip. sed etiam imperii tempora permanavit. Fuit autem genus honoris, qui haberi solitus est iis, qui imperium a populo acceptum summa cum virtute ac felicitate administrassent. nimirum, ut domum redeuntes magna cum celebritate & pompa in urbem inirent. pompa vero, quamquam alia aliis temporibus pro rerum ac victoriarum conditione fuit, tamen in hoc fere fuit semper eadem, ut senatus, qui ad portam obviam prodierat, anteciret. tum spolia de hostibus capta, & præda omnis auri atque argenti, & oppidorum captorum simulachra, & captivorum hostium duces vincti subsequerentur; imperator autem ipse auratis quadrigis, laurea coronatus, dextra laurum tenens, & toga triumphali indutus veheretur; currum vero legati & tribuni quidem in equis, & pedibus exercitus omnis victor laureatus cum cantu, & clamore asseclaretur. hanc vero pompam per urbem in Capitolium imperator duceret, ubi taurum immolaret, ac splendidum convivium appararet. Quem quidem pompæ ordinem tum Cicero demonstravit breviter in Pisionem, cum dixit: *Disseris de triumpho. quid tandem habet iste curus? quid vincti ante currum duces? quid simulachra oppidorum? quid aurum? quid argentum? quid legati, & tribuni in equis? quid clamor militum? quid tota illa pompa? quid vobis per urbem?* tum vero longo post Ciceronem intervallo Zonaras libro secundo annalium copiosissime descripsit, siquidem ita scriptum reliquit: *Re bene gesta, justaque victoria parta, dux statim a militibus Imperator appellabatur, & laureatos fascis per tabellarios victoriæ nuncios in urbem mittebat. Ipse vero domum regressus, senatu habitu triumphum postulabat, quem si a senatu & populo obtinisset, nomen Imperatoris confirmabat. Quod si adhuc in magistratu eo esset, quo victoriam peperisset, eo etiam in celebritate utebatur. sin tempus magistratus abierat, aliud nomen ei accommodatum assumebat. neque enim privato triumphare licebat. Triumphali vero habitu ornatus, armillis sumptis, laurea redimitus, & ramum dextra tenens, populum convocabat, & militibus suis aliis communibus, aliis propriis laudibus oneratis pecuniam & ornamenta dividebat, cum armillas aliis, aliis hastas puras, aliis coronas aureas, aliis argenteas, expressum viri nomen ac facinus ferentes, largiretur. Nam si quis murum primus ascenderat, muri; si castellum aliquod expugnavat, castelli speciem corona gerebat; si navali prælio vicerat, rostris corona exornabatur; si equestri, equestre quidquam præsequebatur. Qui*

autem civic in acie, aut in obsidione, aut in alio periculo conseruasset, cum summam laudem assequeretur, tum quænam coronam acciperet, cuius bonos argentei & aurei omnibus excellerebat. Neque vero hæc dona singulis tantum virtutis causa dabantur, sed & cohortibus & exercitibus universis. spoliis autem magna pars militibus distribuebatur. Quin etiam quidam universum populum donarunt, & sumptus in ludorum publicorum apparatus fecerunt, & si quid reliqui erat, in porticus, templa, aut alia ejusmodi opera publica consumpserunt. His rebus perfectis triumphans currum conscendebat. currus autem neque bellicarum, neque ludicarum quadrigarum, sed rursus rotundæ instar erat constructus. Quo non ipse solus vehebatur, sed si liberos, aut cognatos aliquos habebat, etiam illorum virgines & pueros ascebat, natu vero grandiores in equis jugalibus imponebat. Si autem plures erant, equis singularibus vestiti ipsam prosquebantur. reliquorum vero civium nemo vehebatur, sed laureati omnes pedibus ingrediebantur. Quin etiam ministri publici in ipso curru addebebatur, qui pone coronam auream, gemmis distinctam sustinent, admonerat eum, ut respiceret, id est, ut reliquum vite spacium provideret, nec eo honore elatus superbiat. Appensa quoque erat curri nola & flagellum, quibus notabatur, ipsum in eam calamitatem incidere posse, ut & flagris cederetur, & capite damneretur. Nam qui ob facinus supremo supplicio afficiebatur, nolas gestare solebant, ne quis inter eundem contactu illorum piaculo se obfringeret. Hoc autem ornatu urbem inibat, & tropæis, & simulacris castellarum, urbium, fluminum, montium, portuum, marium, & reliquorum omnium, quæ in ditionem redegerat, prælatis. Quod si dies unus ad hanc pompam transferendam non esset satis, secundus etiam, & tertius assumebatur. Illis autem præcedentibus triumphans in forum Romanum delatus, ac captivis inde aliquot in carcerem duci atque necari iussis, in Capitolium ascendebat, ibique nescio quo sacrificio facto, & donis consecratis, in iis porticibus cœnatus, ad vesperam domum, tibiis & fistulis præcinentibus, revertebat. Hæc Zonaras. Addit Plinius libro xxxiii. capite vii. ex Verrii auctoritate, quod idem etiam apud Iliorum inveni, triumphphantum corpora minio illini solita. sic Camillum triumphasse. Atque hæc quidem quamquam adeo certa sunt, ut confirmatione non egeant, placet tamen institui tenendi causa locis etiam aliquot Livii insignioribus comprobare. sic loquitur ille libro xxxiv. de T. Flaminii triumpho Macedonico: Triduum triumphavit. die primo arma, tela, signaque ærea & marmorea transtulit. secundo aurum argentumque factum, infectumque, & signatum. tertio die coronæ aureæ, dona civitatum, translatæ. CXIV. & hostiæ ductæ, & ante currum multi nobiles captivi, obsidesque inter quos Demetrius, regis Philippi filius fuit. ipse deinde Quinctius in urbem est introitus, milites secuti currum frequentes, ut ex omni provincia exercitu deportato. his ducenti quinquaginti æris in pedes divisi, duplex centurioni, triplex equiti. & libro xlv. in concione M. Servilii de triumpho L. Paulli Macedonici, qui antiquabatur: Militum quidem propria est causa, qui & ipsi laureati, & quisque donis, quibus donati sunt, insignes, triumphum nomine cient, suisque & imperatoris laudes canentes per urbem incedunt. & post: Et legiones ex Illyrico laureata urbem inibunt, & navales socii: Macedonica legiones suo abrogato triumpho alienos spectabunt? Quid deinde tam opime præde, tam opulente victorie spoliis fiet? quoniam abducentur illa tot millia armorum detracta corporibus hostium? an in Macedoniam remittuntur? quo signa aurea, marmorea, eburnea, tabulæ pictæ, textilia, tantum argenti calati, tan-

tum auri. tanta pecunia regia? an noctu tanquam furtiva in ærarium deportantur? quid illud spectaculum maximum, nobilissimum opulentissimisque rex captus, ubi victori populo ostenderetur? & infra: Pars non minima triumphi est victimæ præcedentes, ut appareat, diis grates agentem imperatorem ob rempublicam bene gestam redire. omnes illas victimas, quas tradendas in triumpho judicavit, alias alio cedente mactate. illas quidem epulas senatus, quæ nec privato loco, nec publico profano, sed in Capitolio eduntur, utrum hominum volaptatis causa, an deorum hominumque turbaturi essis? L. Paulli triumpho portæ clauduntur? rex Macedonum Perseus cum liberis, & turba alia captivorum, spolia Macedonum circa flumen relinquuntur? L. Paullus privatus tanquam rure rediens a porta domum ibit? & deinde ubi de pompa triumphi agitur: Ipse postremo Paullus in curra, magnam cum dignitate alia corpori, tum senectæ ipsa maiestatem præferens. Post currum inter alios illustres viros filii duo Q. maximus, & P. Scipio, deinde equites turmatim, & cohortes pedum suis quæque ordinibus. Pediti in singulos dati centeni, duplex centurioni, triplex equiti. Postremo quod scriptum est apud Zonaram de captivis necandis iussu Imperatoris in Capitolium ascendendis, idem est etiam apud Ciceronem in oratione de suppliciis contra Verrem: An etiam, inquit, qui triumphant, eoque diutius hostium duces seruant, ut his per triumphum ductis pulcherrimum spectaculum, fructumque victorie populus R. percipere possit, tamen cum de foro in Capitolium currum flectere incipiunt, illos duci in carcerem jubent, idemque dies & victoribus imperii, & victis vite finem facit.

Hic autem de quo dixi, honos fuit, ut ego quidem video, duplex, unus triumphus, alter ovatio dictus: major ille, hic minor: ille ob insignem victoriam, hic etiam ob levem concessus. Qui enim, auctore Gellio libro vi. bellum aut non rite indictum, aut non cum iustis hostibus, aut cum humilibus, aut non idoneis, ut servis & piratis, gessisset, aut deditione repente facta, incruenta victoria, negotium conficisset, aut, ut addit in Marcello Plutarchus, verbis, non armis rem peregrisset, aut, ut sæpe Livius, qui sine magistratu, aut alienis auspiciis, aut in aliena provincia rem gessisset, aut exercitum non deportasset, ei concedebatur, ut ovans urbem ingrederetur, quod erat nihil aliud, nisi ut non quadrigis, sed vel pedibus, vel, ut aliis placuit, equo vectus, non senatu, sed equitibus Romanis præcinentibus, non tubis, sed tibiis præcinentibus, non laurea, sed myrtæ corona redimitus iniret, neque taurum, sed ovem in Capitolio immolaret. quod ex Dionysio, Plutarcho, Gellio & Dione, quorum verba in fastorum consularium commentario recitavi, cognoscitur. unde Plinius lib. xv. cap. xxix. ait: Triumphans de Sabinis Postumius Tubertus in consulatu, qui primus omnium ovans urbem ingressus est, quod rem leviter sine cruore gessisset, myrto Veneris genitricis coronatus incescit. hæc postea ovantium fuit corona, excepto M. Crasso, qui de fugitivis & Spartaco laurea coronatus incescit. Triumphavit autem hic anno urbis ducentesimo quinquagesimo primo, quamquam Dionysius hunc ei leviorum honorem habitum esse ait, quia male ante rem gesserat, ac prope in fuga cum ceteris captus fuerat.

Ut autem imperium mandatum est consulibus, prætoribus, dictatoribus, & privatis hominibus, isque item omnibus prorogatum est, sic consulibus, dictatoribus, prætores primum, deinde etiam reliqui triumpharunt. primus consul prorogato imperio triumphavit Q. Publilius Philo de Palæpoltaneis. prætor primus Q. Valerius Falto de Siculis. P. Scipioni, qui privatus in Hispaniam cum

imperio fuerat missus, triumphus est negatus. at non multis post annis L. Lentulo, ut ovans in urbem rediret, permissum est. postremo vero major etiam triumphus iis, qui sine magistratu rem gessissent, tributus, ut Cn. Pompeio ex Africa, Hispania, & Asia. De P. Scipione sic Livius: *Ob res gestas magis est tentata triumphi spes, quam petita pertinaciter, quia neminem ad eam diem triumphasse, qui sine magistratus re gessisset, constabat.* de Lentulo vero ita: *Lentulus cum in senatu res ab se per multos annos fortiter feliciterque gestas exposuisset, postulassetque, ut triumphanti sibi urbem invehi liceret, res triumpho dignas esse censebat senatus, sed exemplum a majoribus non accepisse, ut qui neque dictator, neque consul, neque prætor res gessisset, triumpharet, pro consule illum provinciam Hispaniam, non consulem, aut prætorem obtinuisse. decurrebatur tamen eo, ut ovans urbem iniret, intercedente Ti. Sempronio Longo tribuno plebis qui nibilo magis id more majorum, aut ullo exemplo futurum dicebat. postremo victus consensu patrum tribunus cessit, ex S. C. Lentulus ovans urbem est introitus.* Ex iis, qui cum magistratu, atque adeo cum imperio summo fuerunt soli decemviri & tribuni militum consulares triumphum nullum egerunt.

Fuerunt etiam alia præclara & ad memorie æternitatem illustria triumphantium jura, de quibus scriptum extat apud Valerium. ut illud: Ne quis triumpharet, nisi quinque millia hostium una acie cecidisset. Unde lex extitit, quam L. Marius & M. Cato tribuni plebis tulerunt, qua penam imperatoribus minati sunt, qui aut hostium occisorum in prælio, aut amissorum civium falsum numerum ad senatum scripserunt, & iusserunt eos, quam primum ad urbem accessissent, apud quætores urbanos jurare, de utroque numero vere ad senatum scripserunt. item illud: Ne qui pro altero rem gessisset, sed is cuius auspiciis res gesta esset, triumpharet. quod exemplo Q. Valerii prætoris, & Q. Lutatii consulis, bello Punico primo confirmatur. & illud, quod more potius retentum, quam lege observatum videtur: Ne pro recuperato, sed pro aucto imperio triumpharetur: ut Q. Fulvio consuli de Capua recepta, & L. Opimio prætori de Fregellis in ditionem redactis, negatus est. item: Ut de externis hostibus, non de civibus triumphus ageretur. quo factum est, ut neque L. Sulla de inimicis suis, neque Q. Catulus consul de M. Lepido, neque C. Antonius de L. Catilina, quamquam illi adversus rempublicam iterant, atque arma tulerant, triumpharent.

Hic autem honos primum a senatu, post etiam repugnantem senatu a populo datus est. primum sine senatusconsulto, collega intercedente, triumphasse P. Servilium Priscum consulem de Volscis anno urbis CCLVIII. testis est Dionysius. Primi vero patribus invitis, jubente populo, de Sabinis M. Horatius, de Æquis L. Valerius anno CCLIV.

Quin etiam illud est observatum, ut aut ex terrestri victoria, aut ex navali, itemque aut in urbe, aut, cum id non daretur, in monte Albano triumpharetur. primus navalem triumphum egit C. Duilius bello Punico primo, in monte Albano triumphavit primus C. Papirius Mæso consul de Corsis. de quo ita Valerius: *Papirius Mæso, cum bene gesta republica triumphum a senatu non impetrasset, in Albano monte triumphandi & ipse initium fecit, & ceteris postea exemplum præbuit, proque laurea corona, quam alicui spectaculo interesset, myrtea usus est.* Cujus vestigia M. Marcellus bello secundo Punico persecutus de Syracusanis in monte Albano triumphavit. Quo-

niam autem sine magistratu, aut certe sine imperio triumphare nemo poterat, qui sine magistratu urbem triumphii causa iniret, eis legem de imperio ferre necesse erat, id est, ut eo die, quo in urbem inirent, cum imperio essent. quam legem tribus comitiis latam constat. unde Livius de Marcello: *Tribuni plebis & auctoritate senatus ad populum tulerunt, ut M. Marcello, quo die urbem ovans iniret, imperium esset.* & de L. Paulo: *L. Paulo, L. Anicio, & Cn. Octavio decretum est ab senatu triumphus, mandatumque Q. Cassio prætori, cum tribunis plebis ex auctoritate patrum ageret, rogationem ad plebem ferrent, ut iis, quo die triumphantes urbem inveherentur, imperium esset.* & de Pontinii triumpho Cicero ad Atticum: *Pontinius vult ante diem iv. Non. Novemb. triumphare. huic obvii Cato & Servilius prætores aperte, & Mucius tribunus plebis. negant enim latum de imperio, & est berce latum insulse recte. nam, ut est apud Dionem in historia, Galba prætor clam sub lucem quoddam in suffragium miserat, cum tamen ante primam horam nihil agi cum populo posset. Sed de honorum quidem Romanorum ratione & jure hæc a nobis breviter dicta sint.*

ADDENDA ET MUTANDA IN LIBRO II.

Pag. 168. E. post verba perferri Senatusconsultum, adde: Dio vero Augustum scribit senatum legisse, & cum videret non semper frequentes senatores convenire, senatusconsulta ut etiam a paucioribus quam quadringentis fierent, cum hic ante numerus, ut rata essent, quæreretur, statuisse.

Pag. 171. B. dele de qua alibi dicendum & lege ut hic sequitur: de qua ita, ut dixi, scripsit Suetonius: *Senatorum affluentem numerum deformi & incondita turba (erant enim super mille, & quidam indignissimi, & post necem Caesaris per gratiam & præmium allekti, quos orciuos vulgus vocabat) ad modum pristinum, & splendorem redegit duabus lectionibus, prima ipsorum arbitratu, quo vir virum legit, secunda suo & Agrippæ. Hoc autem factum P. & Cn. Lentulis consulibus narrat Dio.* In consulari vero Tiberii, & Quintilii rem ita actam scribit: *Inde senatus lectus est. cum enim amissis per bella patrimonii census centum millibus esset præfinitus, post autem magnis partis divitiis usque ad ducenta millia esset perductus, nemo jam reperiebatur, qui ultro senator esse vellet. quin etiam filii, & nepotes senatorum afflicta re familiari non solum senatoriam dignitatem non appetebant, sed ea etiam se abdicabant. peregrinante autem Augusto decretum factum est, ut xx. viri ex equitibus designarentur. Quare nemo eorum in senatum adscriptus est, qui non alium magistratum ex iis, per quos patet curia, adeptus esset. xx. viri autem sunt triumviri capitales, & triumviri monetales, & quatuorviri viarum curandarum, & decemviri litibus judicandis. & quoniam nemo amplius ultro tribunatum petebat, ut ex quæstoribus, & nondum annos XL. natis aliqui fierent, omnes ipse perquisivit, & qui supra XXXV. annos nati erant, præterit, qui vero infra eam ætatem erant, & censum habebant, senatores esse coegit, nisi si quis membris captus esset. Narrat etiam Suetonius, Augustum equites in senatum legisse, facta eis copia, ut transacta potestate, in utro vellet, ordine manerent.*

Ibid. C. post verba Suetonii in Tiberio adde: & in Claudio: *Latum clavum, quamvis initio affirmasset, non lecturum se senatorem, nisi civis Romani abnepotem, etiam libertini filio tribuit, sed sub*

conditione, si prius ab equite Rom. adoptatus esset. Hanc autem tunicam post palmatam dictam tradidit Festus, cum ita scribit: *Tunica palmata a latitudine clavorum dicebatur, quae nunc a genere picturae appellatur.* Clavis autem quali floribus quibundam variatam, ac distinctam fuisse ostendit Martialis, cum inquit de mapalibus:

Et lato variata mapalia clavo.

Pag. 172. F. deleantur verba in fine capituli. II. neque enim &c. adijci autem debent, quae sequuntur: Quo loco ait, aerarium ac vectigalia omnia in potestate senatus fuisse, atque omnes publicos sumptus ex ejus esse arbitrio factos. Jam vero maleficia ac crimina per Italiam commissa, de quibus publicum iudicium constitui oportebat, ut prodicionis, conjurationis, veneficii, caedis, atque insidiarum ad senatum relata, ejusque de his cognitionem fuisse. Quod si qua in Italia controversia dirimenda, si publice, vel privatim quispiam, vel civitas oburganda, si cui auxilium ferendum erat, de his omnibus senatum statuisse. eodemque modo si qua extra Italiam ad aliquem legatio erat mittenda, aut ad aliquid decidendum, aut ad foedus faciendum, aut ad cohortandum, aut ad imperandum, aut postremo ad res repetendas, & ad bellum indicendum, haec senatum curasse. praeterea quid de legatis exterarum gentium agendum, quid eis respondendum esset, decrevisse. postremo Dionysius omnem remp. in potestate senatus scribit fuisse, nisi quod neque magistratus ab eo crearentur, neque leges ferrentur, neque bellum, aut pax decerneretur.

Pag. 177. F. post mutarunt. adde: Ne autem temere omnes ferrent, video fero tandem, nimirum dominante Tiberio, esse provium. siquidem apud Plinium libro XXXIII. ita scriptum est: *Tiberii deum principatus nono anno in unitatem venit equester ordo, annulorumque auctoritatis forma constituta est, C. Asinio Pollione, C. Antistio vetere consilio, anno urbis conditae DCC. septuagesimo quinto, quod miremur, futili pene de causa, cum C. Sulpicius Galba, dum juvenalem famam apud principem popularium pernis aucupatur, questus esset in senatu, vulgo insistorum ejus culpe defendi annulis. hac de causa constitutum, ne cui jus id esset, nisi cui ingenuo ipsi, patri, avoque paterno H-S quadringenta census fuisset, & lege Julia theatri in XIV. ordinibus sedendi.*

Pag. 178. F. ad capituli finem post haecenus addenda: Ex quo intelligi potest, cum annulorum aureorum usus propterea increbuisse, merito Tiberium imp. constituisse, ut, quod apud Plinium est, ne cui id jus esset, nisi cui ingenuo, ipsi, patri, avoque paterno H-S quadringenta census fuisset, & lege Julia theatri in quatuordecim ordinibus sedendi. qua de lege post agam, ubi de ordinum spectaculis agam.

Pag. 179. E. post verba Ciceronis contra Rullum adde sequentia: De tributis & vectigalibus civilibus, atque adeo etiam Italicis supra diximus; nunc & de Italicis, & de provincialibus pauca relict ut adjungamus. horum autem duo genera fuerunt, unum certum, alterum incertum. certum pecuniae, incertum aliarum rerum. Quod voluit Cicero, cum dixit in v. in Verrem: *Inter Siciliam, ceterasque provincias in agrorum vectigalium rationibus hoc interest, quod ceteris aut impositum vectigal est certum, quod stipendiarium dicitur, ut Hispanis, & plerisque Paenorum, quasi victoriae premium, ac poena belli; aut censoria locatio constituta est, ut Aesiae lege Semproniana.* Quae vero incerta fuerunt, ea multarum rerum fuerunt, ut frumentorum, quorum decumae sunt exactae, portiorum, pascuorum, metallorum, & ejusmodi reliquorum, de quibus egregie Polybius libro VI. ubi de potestate senatus disputat. *Cum in Italia, inquit, multa sint vectigalium genera, quae censores in sumptus apparatusque publicos locare solent, ea vero non satis facile aliquis*

perceperit, ut flumina, portus, hortos, metalla, atque ut paucis comprehendam, quaecumque sub Romanorum ditione sunt, haec omnia populus exercere atque exigere, & ferme, ut ita dicam, totus in his conducendis & curandis occupatus atque implicatus esse consuevit. Adijcit Appianus libro primo, Romanos, quos bello cepissent, agros, si culti essent, colonis, quos eo deduxissent, divisisse, aut civibus Rom. vendidisse, aut locasse; si inculti, cujus generis erant multi, colendos iis, qui vellent, dedidisse, imposito annuo vectigali, decima quidem frumentorum, quinta vero frugum. quin etiam ab iis, qui majores & minores pecudes aluissent, certum vectigal exegisse, quod idem de Siciliensibus, Gallicis, & Asianis factum esse perspicuum est.

Pag. 180. E. post facultatem laedendi. adde: & libro II. ad Atticum: *Alia causa publicanorum quantam acerbitatem offerat sociis, intelleximus ex civibus, qui nuper in portorij Italiae tollendis non tam de portorio, quam de nonnullis injuriis portitorum querebantur.*

Ibid. F. post invenisti? adde: Ut autem publicani, qui decumas redimebant, decumani, qui pascua, pecuarii, sic ita a quibus decumas exigebant, aratores atque agricolae, cum quibus pascuorum rationem conficiebant, pastores appellati sunt. Unde illa sunt in Fonteiana: *Referta est Gallia negotiatorum, plena civium Romanorum. unum ex toto negotiatorum, colonorum, publicanorum, aratorum, pecuariorum numero testem producant. item: Omnes illius provinciae publicani, agricolae, pecuarii, ceteri negotiatores Fontem defendunt.* Aratores autem ferre, & pastores cives Romanos fuisse satis ex actionibus in Verrem patet, sed maxime ex IV. cum ait, Siciliam cives Romanos partim cum quaestu compendioque dimittere, partim retinere, ut arare, pascere, ut negotiari libeat, ut denique sedes ac domicilium collocare. Addit Alconius mancipi pro frumento ab aratoribus pecunias accipere non licuisse.

Pag. 187. F. post verba veteris tabulae capere liceret: adde: Quin etiam quaestorum fuisse scribas indicat in Cluentiana Cic. iniquens: *Quid sibi illi scribae, quid histores, quid ceteri, quos apparere huic quaestioni video, volunt?*

Pag. 190. A. post in Verrinis. adde: sed maxime in oratione de jurisdictione. Ceterarum, inquit, rerum selecti iudices ex civium Romanorum conventu proponi solent. & post: *Selecti conventu, aut propositi ex negotiatoribus iudices nulli.* & postea: *Haebat in consilio homines honestos & conventu Syracusano, qui Sacerdotis praetoris quoque in consilio fuerant, cum esset hic idem Sopater absolutus. item: M. Petilius equitem Romanum, quem habet in consilio, jubet operam dare, quod rei privatae iudex esset. & in frumentaria: Scandilius postulat de conventu recuperatores. Verres negat, se de existimatione sua cuiquam, nisi suis commissurum, & plus existimat apud levisimos senatores pecuniam, quam apud tres recuperatores metum valere.*

Neque vero solum ex negotiatoribus legi iudices soliti sunt, sed etiam patroni. quod exemplo Q. Minucii, equitis Romani, quem Syraculis negotiatorum scribit Cicero, potest confirmari, a quo eodem in loco Sopatrum Siculum apud Verrem praetorem defensum narrat.

Pag. 194. C. post verba Ciceronis in Manilianam, adde: Argentarii cuiusdam L. Fulvii bello Punico meminit Plinius libro XXI. cap. III. L. Fulvius argentarius, inquit, bello Punico secundo cum corona rosacea interdum e pergula sua in forum prospexisse dictus ex auctoritate senatus in caecrem adductus non ante finem bellum est.

Pag. 194. C. post verba Appiani addenda: Contra autem post in conjuratos, Catilinam socios, oblatum

vatum est. qui apud Sallustium queruntur, sibi more majorum uti lege non licuisse, neque amisso patrimonio corpus liberum habere. tanta severitas fœneratorum atque prætoris fuit.

Pag. 196. C. post abuterentur. adde: Quocirca Plinius ad Trajanum de instituendo Nicomedensium fabrum ad ignes arcendos collegio ita scripsit: *Tu, domine, dispice, an instituendum putes collegium fabrorum duntaxat hominum CCL. ego attendam, ne quis nisi faber recipiatur, neve jure concesso in aliud utatur. nec erit difficile custodire tam paucos.* Jura vero collegiorum horum a Cajo descripta sunt, XII. tabulas interpretante, cujus placet verba subjicere: *Neque societatem, inquit, neque collegium, neque hujusmodi corpus passim omnibus habere conceditur. nam & legibus, & senatusconsultis, & principalibus constitutionibus ea res coercetur. paucis admodum in causis concessa sunt hujusmodi corpora: ut ecce vêtigalium publicorum sociis permixtum est corpus habere, vel aurifodinarum, vel argentifodinarum, & salinarum. item collegia Romæ certa sunt, quorum corpus senatusconsultis atque constitutionibus principalibus confirmatum est, veluti pistorum, & quorundam aliorum, & naviculariorum, qui & in provinciis sunt. quibus autem permixtum est corpus habere collegii, societatis, sive cujuscumque alterius nomine, eorum proprium est, ad exemplum reip. habere res communes, arcem communem, & actorem, sive syndicum, per quem tanquam in rep. quod communiter agi ferique oporteat, agatur & fiat.* Hæc ille. Nunc illud addo, fodalitii, aut fodalitatis nomen varie esse apud veteres usurpatum. unde Cicero fodalitatum meminit in Catone, eaque Catone ipso quaestore institutas scripsit, factis Magnæ matris acceptis, & fodalitiorum in Planciana, quæ legem Liciniam coercuisse innuit. sed quoniam eæ ad facta pertinerunt, hæc ambitus crimen attingerunt, propterea nobis hoc loco videntur relinquenda.

Pag. 209. F. adde ad finem capituli sequentia: Etenim magni æstimant, ut est apud Suetonium, sincerum, atque ab omni collusione peregrini ac servilis sanguinis incorruptum servare populum, & civitatem R. parcissime dedit, & manumittendi modum terminavit, servos non contentus multis difficultatibus a libertate juxta removere, cum & de numero, & de conditione, ac differentia eorum, qui manumitterentur, curiosè cavisset, hoc quoque adjecit, ne vinctus unquam, tortusve quis ullo libertatis genere civitatem adipisceretur. Significavit autem res, ut opinor, leges de servorum manumissionibus Augusto imperante latas, unam Juliam, alteram Fuliam Caniniam, tertiam Æliam Sentiam. Juliam Augustus ipse tulisse existimatur, ut cum servum imperator manumittit, non vindictam imponit, sed simpliciter liberum esse jubet. quæ lege tam manumissoris, quam manumissi ætatem dehnavit, juraque, quibus patroni adversus libertos uterentur, constituit, cujus legis Paullus meminit lege XIV. de manumissionibus, Dio lib. LV. Furiam Caniniam, qui & quo anno tulerint, parum certum est. fuit autem, ut in testamento ex tribus servis non plures, quam duos manumittere liceret. usque ad decem, dimidiam partem. a decimo usque ad triginta, tertiam partem, ut tamen adhuc quinque manumittere liceat, æque ut ex priori numero, a triginta usque ad centum, quartam partem, æque ut decem ex priore numero liberari possint, a centum usque ad quingentos, partem quintam similiter, ut ex antecedenti numero vigintiquinque possint fieri liberi. eademque præcipit, ne plures numero, quam centum ex cujusquam testamento fœrent, & ut libertates servis testamento nominatim darentur. sic enim scriptum est apud Ulpianum, & Cajum in Instit. Paullum sentent. IV. Æliam Sentiam videntur tulisse Sex. Ælius, C. Sentius cōs. an. DCCLVI.

A Ut qui servi pœnæ causâ vindicta a domino, quibusve iniuste notæ fuerant, quive propter noxam torti, nocentesve inventi, quive traditi, ut ferro aut cum bestis depugnarent, quique in custodia fuissent, ii si manumitterentur, non cives Romani, sed dediticiorum numero essent. id est, ut neque connubium, neque commercium, neque testamenti factionem haberent. Ut minorem triginta annorum servum vindicta, aut testamento, nisi causâ apud consilium probata, manumittere non liceret. Ne dominus annis viginti minor servum, nisi causâ apud consilium probata, manumitteret. Ut servus ab eo domino, qui solvendo non esset, testamento liber esse iustus, & heres institutus, etsi minor esset triginta annis, vel in eâ causâ esset, ut dediticiis fieri deberet, civis Rom. & heres sit, si tamen alius ex eo testamento nemo heres sit. quod si duo, pluresque liberi heredesque iusti sint, primo loco scriptus liber & heres sit. Ut si patronus libertum inopem non aluerit, primum libertatis causâ impositis tam ipse, quam is, ad quem ea res pertinebit, mulctetur; dein ipsius hereditate, tum ipse, tum ipsius liberi priventur, nisi heres institutus sit. postremo a bonorum possessione remonentur, præterquam secundum tabulas. Ne dominus in manumittendo servo, servare legem ei de contrahendo matrimonio, quæ civis Rom. libertatem imminuat, imponat, si fecus faxit, ad ejus legitimam hereditatem ne admittatur. quæ omnia in Ulpiani, Juliani, & Pauli veterum jurisperitorum commentariis scripta reperiuntur. Atque hæc quidem imperante Augusto in libertinos constituta sunt. Inde Tiberio imperante lex Junia Norbana est lata a consulibus M. Junio Silano, & C. Norbano Flacco, qua media quædam libertinorum conditio introducta est, qui neque cives Romani essent, neque dediticii, id est, qui neque optima, neque deterrima conditio libertatis uterentur. Quo spectans Justinianus in Institutionibus, tripartitum libertinorum statum fuisse dixit: *Nam qui manumitterentur modo majorem & justam libertatem consequutos esse, & factos cives Rom. modo minorem, & Latinos ex lege Junia Norbana factos, modo inferiorem, & factos lege Ælia Sentia dediticios.* Qui locus ut certius intelligatur, non ignorandum est, aliud fuisse jus civium Rom. sive jus Quiritium, aliud Latinorum populorum. multas vero, magnasque inter utrumque differentias intercessisse, sed quæ ad hunc locum pertineant, eas esse, quæ a Cajo jurisconsulto in Institutionibus attinguntur. cujus non sententiam, sed verba ipsa libet ascribere. *Ingenuorum, inquit, omnium unus status est. Libertorum vero ideo non unus, quia tria sunt genera libertatum. quia liberti aut cives R. sunt, aut Latini, aut dediticii. Cives Romani sunt, qui his tribus modis aut testamento, aut in æde sacra, aut ante consulem fuerunt manumissi. Latini sunt, qui aut per epistolam, aut inter amicos, aut convivii adbibitione manumittuntur. dediticii vero, qui post admissa crimina supplicii subditi, & pro criminibus cæsi, aut in quorum facie vel corpore quæcumque indicia aut igne, aut ferro impressa sunt, & ita impressa, ut deleri non possint, hi si manumissi fuerint, dediticii appellantur.*

F Sed inter hæc tria genera libertatum ideo cives Romani meliorem statum habent, quia & testamenta facere possunt, & ex testamento quibuscumque personis succedere. nam Latini, & dediticii, nec testamenta condere, nec sibi ex testamento aliorum aliquid demissum possunt ullatenus vindicare. tamen Latini certis rebus privilegia civium Romanorum libertorum consequi possunt; dediticii vero nullaratione possunt ad civium Rom. libertorum privilegia pervenire. nam Latini patronorum beneficio, id est, si iterum ab ipsi testamento, aut in æde sacra, aut ante consulem manumittantur, civium Rom. privilegia conse-

quantur. Hæc ille. Quod autem ait, qui jus Quiritium habebant, heredes fieri potuisse cujusque, etiam Romani civis, intelligi oportet. unde Cicero in *III. in Verrem* dixit, P. Trebonium libertum suum heredem fecisse, nimirum quia iusta libertate liberatus erat. Quod vero addit, Latinos liberos testamentum facere non potuisse, legibus Romanis accipiendum est, in quibus jus Quiritium continetur. Ex his autem non est difficile intellectu, ut Latini quondam populi deterius jus civitatis Romæ habuerunt, quam cives Rom. sic libertinos Latinos incommodiore in causa fuisse, quam qui vindicta liberati cives Rom. erant facti. illi enim optimum jus civitatis habebant, hi imperfectum. præterea vero, ut Latini populi optimum jus civitatis Romanæ lege Julia adepti sunt, qua civitas Romana universo Latio, bello Marico, data est, sic libertinos Latinos tum optimum jus libertatis assecutos, cum nova concessione jus Quiritium obtinuerunt. unde Suetonius cum dixit, D. Claudium civi vacationem legis Papiæ Poppææ, Latino jus Quiritium dedisse, Latinum libertinum intellexit. & Plinius, cum Trajanum imp. in epistolis rogavit, ut daret civitatem Harpocrati, quod esset peregrinæ conditionis, manumissus a peregrina, & ut jus Quiritium largiretur liberis Antoniae Maximillæ, civitatem Chrylippo Michridatis, & ut indulgeret jus Quiritium L. Satrio Abacanto, & P. Cælio Phosphoro, idque fe voluntibus patronis petere addidit, satis significavit, peti civitatem peregrinis, jus Quiritium liberis Latinis: qua in re quia jus patronorum lædabatur, id est, si ex jure Quiritium liberis testandi potestas data esset, propterea addit, se voluntibus patronis, quorum res agebatur, id petere. Neque vero aliud quicquam Tacitus libro *XIII.* intellexit, cum in oratione cujusdam senatoris hæc verba posuit: *Manumittendi duas species a majoribus institutas, ut relinqueretur penitentiae, aut novo beneficio locus, quos vindicta patroni non liberavit, velut vinculo servitutis attingeri.* Nimirum enim voluit, qui vindicta liberati essent, eos servitute omnino exemptos, jus civitatis optinere retinere: qui non vindicta, ut Latinos, eos respectum aliquem patronorum habere. neque enim heredem ex testamento alium, quam patronum poterant instituere. itaque tales libertos patroni constituebant, ut esset penitentiae, aut novo beneficio locus, nempe novum beneficium juris Quiritium largitionem appellantes.

Addo hoc etiam, quod scriptum apud Isidorum invenio, nescio an satis in hac re auctorem idoneum, lib. *XLIX.* nullis libertinis præter Romanos, non modo in urbe, sed ne propius quidem urbem septem millia passuum commorari licuisse.

Pag. 209. F. post erat positum. adde: Itaque non modo majestatis, aut pecularis, aut repetundarum, aut similia crimina, quibus aperte resp. erat violata, publica, eorumque quaestiones causæ publicæ dicebantur, verum etiam, quibus privatorum res agebatur, ut furti, rapinae, damni dati, injuriæ, & omnia denique, quæ non sua sponte, sed prudentum interpretatione maleficia nominarentur. quod ex lege *Lætoria* perspicue intelligitur, quæ adversus eos lata est, qui minorem circumvenissent. siquidem ea lege causa, quæ privata semper antea fuerat, publica facta est; ut in *III. de nat. deo.* significat Cicero. *Inde judicium, inquit, publicum rei privatae, lege Lætoria.* rem enim privatam appellat, quæ semper antea privata fuerat. Ergo quoniam causa publica est, in qua quisvis e populo læsus est, propterea judicia publica Justinianus ea definivit, in quibus *civis e populo agere liceret.* Ut autem judicia alia privata, alia publica, sic iudices alii rerum privatarum, alii publicarum fuerunt. Privatarum, ut arbitri, centumviri, decem-

viri silitibus judicandis, & recuperatores. Publicarum, ut duumviri perduellionis, populus Romanus & decuriae iudicum. Hoc ergo observatum est, ut, si actio esset privata, videretur, de jure ne, an de facto, an de neutro controversia esset. si de jure, dabantur vel arbitri, vel centumviri, vel decemviri. si de facto, recuperatores. si de neutro, edictum interponebatur. Iudices autem hos primum dederunt reges, deinde consules, postremo prætores. siquidem iudices dare, est ejus magistratus penes quem jurisdictio est. jurisdictio vero a regibus ad consules, a consulibus ad prætores translata est.

Quoniam autem illi modo arbitros dederunt, modo iudices, hinc vocabula longe inter se diversa emanarunt, arbitrium, & judicium. Arbitrium, siue actio arbitraria est, in qua qui iudex datus est, non ad certam formulam ac summam, ut in iudicio, alitrigitur, sed ei permittitur, ex æquo & bono, secundum cujusque rei, de qua agitur, naturam, æstimare, quemadmodum actori satisfieri oporteat. Quid autem a iudicio differat, eleganter pro Q. Roscio Cicero docet, his verbis: *Aliud est iudicium, aliud est arbitrium. iudicium est pecunie certæ, arbitrium incertæ. ad iudicium hoc modo venimus, ut totam litem aut obtineamus, aut amittamus. ad arbitrium hoc animo adimus, ut neque nihil, neque tantum, quantum postulavimus, consequamur. ejus rei ipsa formulæ verba testimonio sunt. quid est in iudicio? asperum, directum, simplex. si PATERET H-S IDO dari oportere. hic nisi planum facit, H-S IDO ad libellam sibi deberi, causam perdit. quid est in arbitrio? mite, moderatum, quantum æquius & melius sit dari.* Ex quo apparet, arbitrium totius rei habere arbitrium & facultatem; iudicem certa prætoris formula esse astrictum. Arbitrorum porro duo sunt genera, unum eorum, in quos est a litigatoribus compromissum; alterum eorum, qui a prætore dati sunt. Illis parendum est propter compromissum, his propter prætoris imperium. Qui vero a prætore sunt dati, iidem etiam sæpe iudices appellati. unde vulgatum illud est Ciceronis in Murenæ defensione: *Tot homines per tot ætates nondum constituere potuerunt, utrum iudicem, an arbitrum dici oportet.* Hi vero erant iudices ii, quibus prætor liberam potestatem permittat de re controversa ex æquo & bono pro arbitratu judicandi. quæ judicia *bonæ fidei* actiones sunt appellata. quod ex Topicis Ciceronis liquet, in quibus est: *Omnibus iudiciis, in quibus EX BONA FIDE EST ADDITUM, primus eorum usus est.* & in *III. de Officiis:* *Q. Scævola summam vim esse dicebat in omnibus iis arbitriis, in quibus adderetur, EX FIDE BONA.* nimirum enim intelligebat, in quibus eæ voces non essent, non licuisse iudici, siue arbitro a præscripta prætoris formula discedere. Ut autem prætoris erat iudicem dare, sic rei accipere. quo in loco animadvertendum est, comprobatum more fuisse, ut actor, qui iudicem a prætore peteret, formulam ipsam, in quam iudicium peteret, certis conceptisque verbis proferret. exempli causa: *C. AQUILLIUS iudex esto. si paret, Septimium Octavio centum debere, tum Septimium damnare.* quod verba illa Quinctianæ declarant: *Judicium quin accipere in ea ipsa verba, quæ Nævius edebat, non recusare.* & in Verrem quinta: *Agyrinenses iudicium se passuros esse dicebant. quærebant, quæ in verba recuperatores daret.*

Venio nunc ad centumviros, atque decemviros, quorum non admodum antiquum originem esse suspicor. Etenim cum Festus centumviros dictos scribat, quod ex singulis xxxv. tribubus terni ad iudicandum legerentur, eosque quanquam centum & quinque essent, tamen, quo facilius appellarentur, centumviros nominatos, sane ostendit, eos non nisi post annum *DXII.* quo demum triginta quinque tri-

bus expletæ sunt, esse institutos. cui rei ne adversantur quidem verba Pomponii, qui post binos prætores urbanum peregrinunque institutos reip. centumviris opus fuisse tradit. prætor autem peregrinus eodem tempore creati coeptus est, quo XXXV. tribus sunt expletæ. verba vero Pomponiana hæc sunt: *Post aliquot annos non sufficiente prætore urbano, quod multa turba peregrinorum in civitatem veniret, creatus est & alius prætor, qui peregrinus appellatus est ab eo, quod plerunque inter peregrinos jus dicebat. deinde cum esset necessarius magistratus, qui hæc præfesset, centumviri litibus iudicandis constituti sunt. quanquam in aliis legitur decemviri. Sed & centumviri, & decemviri de causis privatis cognoverunt, de iure iudicaverunt, & hæc præfuerunt. unde poeta ille dixit:*

*Seu trepidos ad iura decem citat hasta virorum,
Et firmare iubet centeno iudice causas.*

& Suetonius de Augullo: *Auctor fuit, ut centumviralem hastam, quam quæstura functi consueverant cogere, decemviri cogerent.* & Valerius ubi de testamentis agit, centumvirale iudicium, *hastæ iudicium* vocat. Quibus autem de rebus centumviri iudicarent, ex his Ciceronis in primo de oratore verbis colligitur: *Volitare in foro, herere in iure, ac prætorum tribunalibus, iudicia privata magnarum rerum obire, in quibus sæpe non de facto, sed de æquitate & iure certetur, iactare se in causis centumviralibus, in quibus usucapionum, tutelarum, gentilitatum, agnationum, alivionum, circumlucionum, nexorum, mancipiorum, parietum, luminum, silicidiorum, testamentorum raptorum aut ratorum, ceterarumque rerum innumerabilia iura versentur, cum omnino quid suum, quid alienum, quare denique civis, an peregrinus, servus, an liber sit, ignorent, insignis est impudentiæ.* Testamentum vero cum dixit, hereditas videtur intellexisse. quas in oratione pro Cæcina expressit, inquiens: *L. Crassus iudicio centumviralis hanc sententiam defendit, M. Curium, qui heres institutus esset ita, mortuo posthumo filio, cum filius non modo non mortuus, sed ne natus quidem esset, heredem esse oportere.* Leves autem habitas esse has causas ætate Ciceronis offendit Tacitus in dialogo de oratore, cum ait: *Lege Pompeia omnia apud prætores gerebantur, apud quos quod majora olim negotia exerceri solita sunt, quod majus argumentum est, quam quod causæ centumvirales, que nunc primum obtinent locum, adeo splendore aliorum iudiciorum obruebantur, ut neque Ciceronis, neque Cæsaris, neque Bruti, neque Cælii, neque Calvi, non denique ullius magni oratoris liber apud centumviros dictus legatur, exceptis orationibus Asinii Pollionis.*

Decemviros porro iis iudiciis, quæ ad centumviros forte referebantur, præfuisse, Dio scriptum reliquit libro LIV. De libertate autem ab iis potissimum iudicatum animadvertit apud Ciceronem in defensione Cæcinæ. Cum Arretinæ, inquit, mulieris libertatem defenderem, & Cotta decemviris religionem iniecit, decemviri prima actione non judicaverunt. & pro domo: Si decemviri sacramentum in libertatem iniustum iudicassent, tamen quotiescunque vellet quis, hoc in genere se rem iudicam referre posse voluerunt.

Atque hæc quidem ita, ubi de iure erat controversia. Cum vero de facto lis incidaret, tum a prætore aut iudex unus dabatur, aut recuperatores minimum tres. Qui porro iudex unus erat datus, is unus, aut plures iudicii socios sibi solebat adungere, ut in causa P. Quintii videmus Quintium sponsonem fecisse, si bona sua ex edicto prætoris essent possessa. datum iudicem a prætore C. Aquilium tres jurisperitos L. Lucullum, P. Quintilium, M. Marcellum in consilium advocasse. ipsum fœdite juratum, alios injuratos. non enim

A iudicabant, sed consilium communicabant, quia non a magistratu potestatem acceperant. videmus etiam pro Q. Roscio egisse Ciceronem apud C. Pisonem iudicem a prætore datum, Pisoni vero M. Perpernam in consilio assuisse.

Recuperatores autem, ut ait Festus, primum dicti sunt, qui inter populum Roman. & civitates peregrinas de rebus privatis reddendis recipiendisque cognoscebant. ea enim recuperatio dicebatur. Antiquissimum porro recuperatorum monumentum extat apud Livium bello Punico secundo lib. XXVI. ubi ait, recuperatores a Scipione imperatore datos, uter, cum murum prior ascendisset, murali corona donandus esset. verba ejus hæc sunt: *Ea contentio cum prope seditionem veniret. Scipio tres recuperatores cum se daturum pronunciasset, qui cognita causa, testibusque auditis iudicarent, uter prior in oppidum transcendisset, C. Lælio, & M. Sempronio advocatis partis utriusque P. Cornelium Caudinum de medio adiecit, eosque tres recuperatores confidere, & causam cognoscere iussit.* mentio est etiam bello Perlico libro XLIII. quo loco scripsit ita: *Hispaniæ legati de magistratuum Romanorum avaritia superbiaque conquesti, nixi genibus ab senatu petierunt, ne se socios fœdus spoliari, vexarique, quam hostes patiantur. cum & alia indigna quererentur, manifestum autem esset pecunias captas, L. Canuleio prætori, qui Hispaniam sortitus erat, negotium datum est, ut in singulos, a quibus Hispani pecunias peterent, quinos recuperatores ex ordine senatorio daret, patronosque, quos vellent, sumendi potestatem facerent.* Quid plura? meminit etiam Gellius libro XX. cap. I. in hunc modum: *Prætores legem XII. tabularum, si injuria alteri faxit, XXV. aëris pœnæ sunt, abolere, & relinqui censuerunt, injuriisque astimandis recuperatores se daturus edixerunt.* Animadverto etiam Ciceronem pro A. Cæcina ad recuperatores egisse a

D P. Dolabella prætore urbano datos de vi publica. quæ quoniam a iure civili pendebat, ad recuperatores rejecta est: cum alias prætor cum consilio de vi, ut de crimine publico, cognoscere solet. Eisdem vero etiam recuperatores in provinciis a prætoribus, vel e conventu, vel e cohorte prætoris datos, Ciceronis ipsius testimonio patet, & in actionibus in Verrem, & in Flacci defensione. in Verrem tertia: *Iste recuperatores se de cohorte sua daturum minabatur: ingerebat Artemidorum medicum Cornelium, pictorem Tlepoleum, & ejusmodi recuperatores, quorum civis Rom. nemo erat. & post: Querebant, in que verba recuperatores daret. respondebat, Si pateret, adversus editum fecisse, que in iudicio dicturum esse dicebat. & alio loco: Quid prætor? jubet recuperatorum rejicere. Decurias scribamus. quas decurias? de cohorte mea rejicies, inquit. quid? ista cohors quorum hominum est? Volusii aruspicii, & Cornelii medici, & borum canum, quos tribunal meum vides lambere. nam de conventu nullum unquam iudicem, nec recuperatorem dedit. item: Quod esset iudicium, cum e Verri turpissimo flagitiosissimoque comitatu tres recuperatorum nomine assedisent, asseclæ istius, non a patre ei traditi, sed a meretricula commendati? item: Si ex omni copia conventus Syracusani splendidissimorum hominum, honestissimorumque faceres potestatem aratori non modo rejiciendi, sed etiam sumendi recuperatores, tamen genus injuriæ ferre nemo posset. pro Flacco autem: Inimicus M. Cælius, quod cum in re manifesta putasset, nefas esse, publicanum iudicare contra publicanum, sublati erat e numero recuperatorum. item: Hunc æstuantem, & tergiversantem iudicio ille persequitur. a recuperatoribus causa cognoscitur.*

Atque de privatis quidem iudiciis hæc hæcenus. Publicorum vero longe diversa ratio fuit. Antiquissi-

ma iudicia his de criminibus constituta esse invenio. majestate, paricidio, peculatu. nondum enim leges de ambitu, de repetundis, de vi, & ceteris ejus generis erant latae, quibus postea forum saepe Romanum incaluit, cum poenarum tria genera essent proposita, mors, exilium, multa.

Majestatis crimen esse constat, cum ea tolluntur, in quibus vel regis, vel magistratus, vel populi amplitudo versatur. Quoniam autem multis modis eorum ladi majestas potest, id, quo gravissime violari poterat, proprio nomine perduellionis vocarunt. cum autem perduellis sit hostis, perduellio crimen erit hostilitatis, id est, cum quis se adversus rempublicam hostili animo gerit. De majestate autem tulisse Romulum puto tum, cum de prodicione legem tulit, cujus meminit Dionysius.

Tulit autem idem etiam, teste Plutarcho, de paricidio, cum paricidium non parentis, sed cujusque hominis eadem appellaret. quam vocem usurpasse quoque Numam video, cum in lege de cæde hæc verba posuit, *Siquis hominem liberum dolo sciens morti duit, paricida esto.* paricidam nimirum vocans, auctore Festo, non qui parentem occidisset diceretur, sed qualemcumque hominem. unde parici etiam *quæstiores* dicti, qui creati solerent causa rerum capitalium quærendarum. Itaque primum iudicium, quod Romæ de capite fuit, paricidii fuit, tum cum M. Horatius, sorore interfecta, in iudicium est adductus. quem lege Numæ de paricidio interrogatum ajunt Feltus & Dionysius. unde in Miloniana dixit Cicero: *Romana civitas primum iudicium de capite vidit M. Horatii, qui nondum libera civitate, tamen populi Romani comitiis liberatus est, cum suam manu sororem interfectam esse fateretur.* Neque enim Livium laudo, qui iudicium illud perduellionis vocavit. nili forte perduellionem appellemus, non quod ille forem, id enim paricidium erat, sed quod hominem in conspectu vel regis, vel populi Rom. interfecerat. in quo majestatem civitatis diminuerat. de perduellione autem anquisitum esse crediderim in Junios, Vitellios, & Aquilios, qui de prodenda regibus patria nefaria & scelerata consilia habuerunt. quos Brutus primus consul supremo supplicio affecit. Nam non multis post annis Sp. Cassium Viscellinum, qui ter consul fuerat, cum in suspicionem tyrannidis affectata venisset, die dicta perduellionis ad populum, ejusdem iudicii condemnatum esse prodidit Livius.

De peculatu vero, id est furto publico latum a regibus opinor, aut certe a primis consulibus. nam Coriolanum de peculatu postulatam, qui primis floruit liberæ civitatis annis, proditum est. quanquam Plutarchus accusatum eum a tribunis verbo quidem, quod prædam in Antiati agro partam in publicum non redegit, re autem, quod plebis commodis, cum de frumento dividendo ageretur, obstitens, majestatem populi neglexisset. Itaque multa ab eo petita non est, ut in peculatu, sed ut in graviore crimine perpetuum exilium irrogatum est. damnati autem post de peculatu sunt T. Romilius, & C. Veturius, viri consulares, quia prædam propter inopiam ararii vendidissent, nec militi divitissent.

Atque hæc quidem ita. Horum vero iudiciorum exercendorum usque ad annum sexcentimum quartum ab Urbe condita, quo perpetuæ quæstiones institutæ sunt, hanc fuisse formam invenio. ut aut rex, aut duumviri, aut populus, aut quæstiores de criminibus, prout res incideret, quærerent, & cognoscerent. Reges rebus capitalibus cum consilio iudicium præfuisse, indicat Livius, qui ita de Superbo rege loquitur: *Metum ut incuteret, cognitiones capitalium rerum sine consiliis per se solus exercebat. propterque eam causam occidere, in exilium agere, bonis multare poterat.* Ex quibus verbis apparet, si hoc Superbus novo exemplo fecit, ut fo-

lus his iudicii operam daret, contra ab aliis ante regibus observatum esse.

Duumviri in iudicio perduellionis tantum factitati. creavit autem eos primum Tullus rex, his, ut ait Livius, verbis, in causa Horatii: *Duumviri, qui Horatio perduellionem judicent, facio. lex horrendi carminis erat: Duumviri perduellionem judicent. si a duumviris provocarit, provocatione certato. si vincet, caput obnubito. infelici arbori restitit suspendito. verberato vel intra pomerium vel extra pomerium.* Eorum vero post meminit etiam in iudicio M. Manlii de affectata tyrannide, cum ait: *Sunt qui duumviri, qui de perduellione anquirerent, creatos auctores sint.* Hos certe cum raro creatos, tum postremo vetustate evanuisse compertio, nili quod in consulatu Ciceronis C. & L. Cæsares creati sunt, idque non a populo, sed, ut tum mos erat, a prætore, (sic enim narrat Dio) ut C. Rabirio, qui Saturninum tribunum pl. sua manu necarat, perduellionem judicarent, a quibus damnatus, cum ad populum provocasset, nobili, quæ extat, oratione a Cicerone consule defensus est ac absolutus.

Populum sub regibus, nili de perduellione iudicasse, cum quis ad eum a duumviris provocasset, non invenio. anno autem post reges exactos idem publicorum iudiciorum dominus est constitutus. siquidem latum est, ut populus consulum decretum irritum posset facere, si quis a consulibus damnatus ad populum provocasset. Itaque Brutus eam potestatem in conjuratos anquirendi, & animadvertendi habuit, quia nondum lex hæc de provocatione erat lata, quam post eodem anno collega ejus P. Valerius Poplicola tulit. quanquam scribit Plutarchus, Brutum filios solos damnaße, de reliquorum supplicio suffragium populo permisisse. quali vero in filios ille jus potius patrium, quam consulare exercuerit. Anno autem post reges exactos XVI. populi iudicium confirmatum est. siquidem senatusconsultum in sententiam M. Valerii est factum, ut quemadmodum populo jus datum erat magistratuum creandorum, & judendarum atque antiquandarum legum, etiam iudiciorum potestas permitteretur, & maxime, si quis civitatem lætasse, aut seditione conflanda, aut tyrannide paranda, aut civitate hostibus prodenda, aut aliquo ejusmodi facinore patrandi, putaretur. Iudicium autem populi primum de Coriolano fuit, qui a plebe tributum tum primum suffragia ineunte in exilium pulsus est. ex quo, teste Dionysio, institutum est, ut qui peccasse viderentur, ad populi iudicium addicerentur, unde magnæ opes populi emanarunt. Cum autem sæpe ad populum rei fierent, observatum est, ut centuriatis comitiis de perduellione tantum judicaretur, de ceteris autem omnibus, tributis. Quare cum Sp. Cassium ad populum de perduellione postulatam a quæstoribus K. Fabio, & L. Valerio, damnatumque populi iudicio, scribat Livius, perduellionem autem tyrannidis crimen interpretetur Dionysius, facile mihi persuadeo, a populo centuriatim, non tributim convocato damnatum. neque enim tributis comitiis de supremo, quo Cassius affectus est, supplicio agebatur. M. Manlium certe tyrannidis affectata reum centuriatis comitiis a populo damnatum tradit Livius, cum ait: *In campo Martio cum centuriatim populus citaretur.* itaque subdit, fuisse, qui prodiderint, duumviri, qui de perduellione anquirerent, creatos. & hic autem, ut ante etiam Cassius, de saxo Tarpejo dejectus est. Quin etiam Rabirianum iudicium de perduellione centuriatis comitiis agitatum narrat Dio. Adde quod Gracchum & Neronem de perduellione postulatos, centuriatis comitiis iudicatos refert Livius libro XLIII. *Tribunus plebis, inquit, Tibertii Gracchi primum bona consecravit, quod in*

multa pignorisque ejus, qui tribunum appellasset, intercessioni non parendo, se in ordinem coegisset: C. Claudio diem dixit, quod concione a se advocasset, & utrique censori perduellionem se judicare pronuntiavit, disemque comitiis a C. Sulpicio prætoris urbano petiit. hæc perduellionis crimen docent. centuriata vero comitia illa, quæ sequuntur: Prior Claudius causam dixit. & cum ex duodecim centuriis equitum octo censorem condemnassent, multæque aliæ primæ classis. Quod autem ait, tribunal pl. diem comitiis a prætoris urbano petiisse, hoc causæ est, quod tribunus pl. centuriata comitia habere non potuit. Hoc tamen crimen majestatis quidem, non tamen perduellionis esse crediderim, itaque sine centuriatis agi comitiis potuisset. Cicero etiam in orat. pro domo, Cæsionem Quinctium & M. Camillum centuriatis comitiis damnatos in exilium ait profugisse. quod vix probare possum. primum, quod neque in eos de perduellione est anquisitum, deinde quod ne suprema quidem poena affecti sunt, postremo quod rem tributis potius comitiis confectam, quam centuriatis innuere videtur Livius. Verba Ciceronis sunt hæc: Cæso ille Quinctius, & M. Furius Camillus, & C. Servilius Abala, damnati comitiis centuriatis, cum in exilium profugissent, rursus ab eodem populo placato sunt in suam pristinam dignitatem restituti. Livii vero hæc: Cæson Quinctio, qui adversus tribuniciam rogationem contenderat, & tribunos plebis exagitaverat, & multis interfecisse insimulabatur. A. Virginii tribunus plebis diem capitis dixit. Virginii arripit jubet hominem, & in vincula duci: patricii vi contra vim resistunt. T. Quinctius clamat, cui res capitalis dies dicta sit, cum indemnatum indicta causa non debere violari. tribunus negat, supplicium sumpturum se de indemnato. servatum tamen in vinculis esse ad diem judicii, ut, qui hominem necaverit, de eo supplicii sumendi copia populo Rom. fiat. appellati tribunus medio decreto sui auxilium expediunt, in vincula conjici vetant. sibi reum, pecuniamque, nisi sistatur, populo promitti placere pronuntiant: summam pecunie, quantam equum esset promitti, veniebat in dubium. id ad senatum rejicitur. reus, dum consulerentur patres, retentus in publico est. vades dare placuit. unum vadem tribus millibus æris obligarunt. quot darentur, permissum tribunus est. decem finirent, tot vadibus accusator vadatus est reum. Hic primus vades publicos dedit. dimissus e foro nocte proxima iussu consulum in Tuscos in exilium abiit. judicii die cum excusaretur exiliis causis solum vertisse, nihilominus, Virginio comitia habente, collegæ appellati dimisere concilium pecunia a patre exacta crudeliter. Hæc de Cæsione. de Camillo vero ita: M. Camillus die dicta ab L. Apulejo tribuno pl. propter prædæ Vejentanæ cum accitis domum tribulibus & clientibus, quæ magna pars plebis erat, percontatus animos, cum responsum tulisset, se collaturus, quanti damnatus esset, absolvere eum non posse, in exilium abiit. absens quindecim millibus gravi æris damnatur. Ex quibus apparet, Camillum in exilium sponte abiisse, non damnatum. multa enim ei irrogata est, non exilium: petebatur autem multa ab iis, qui peculatus rei fiebant, ut Sp. Tarpeio, A. Aterio consulibus dies dicta est T. Romilio ab C. Claudio Cicerone tribuno pl. C. Veturio ab L. Haliæno ædili plebis, quod anno priore consules prædæ ob ararii inopiam venderant. uterque damnatus est, Romilius x. millibus æris, Veturius xv. millibus. anno etiam Punici belli secundi primo M. Livius Salinator ex invidia peculatus ab omnibus tribubus, ut est scriptum in libro de viris illustribus, est damnatus. multa autem ei fuisse irrogatam ex verbis hinc Livii colligo: M. Livius erat multis annis ante ex consulatu populi judicio damnatus. quam ignominiam adeo ægre tulerat, ut & rus migraret, & per

multos annos & urbe & omni cætu caveret hominum. quod idem judicandum est de judicio M. Postumii Pyrgenis publicani, de quo ita Livius: M. Postumio publicano, quod naufragia ementitus erat cum detrimento populi Romani, Sp. & L. Carvili tribunus pl. ducentum millium æris multam dixerunt. cujus certandæ cum dies venisset, conciliumque tam frequens plebis adesset, ut multitudinem aræ Capitolii vix caperet, concilium per publicanos vi disturbatum est. Itaque Carvili omnia multæ certatione rei capitalis diem Postumio dixerunt, ac, ni vades daret, prebendi a viatore atque in carcerem duci iusserunt. Postumius vadibus datis non affuit. tribuni vocaverunt plebem, plebesque scivit, si M. Postumius ante K. Majas non prodisset, citatusque eo die non respondisset, neque excusatus esset, videri eum in exilio esse, bona ejus venire, ipsi aqua & igni interdici. P. autem Scipioni Africano cum a Petiliis tribunis pl. de peculatu dies dicta ad populum esset, isque excusaretur morbi causa solum vertisse, remissa accusatio est, ut extrat apud Livium, libro xxxviii. Petebatur etiam ab iis multa, qui male pugnando majestatem populi Rom. diminuerant. ut M. Postumio, & T. Quinctio tribunis milium consulari potestate, quod opera eorum male pugnatum ad Vejoes esset, dies dicta ab tribunis pl. est. Postumius x. millibus gravi æris damnatus, alterum omnes tribus absolverunt. id actum est anno cccxxxii. C. Sempronio, Q. Fabio coff. Quin etiam sequenti anno, cum L. Hortensius tribunus pl. diem dixisset C. Sempronio prioris anni consuli, quod male in Volscos pugnavisset, accusationem remisit. Bello etiam Punico II. Claudia novo more, ut ait Suetonius in Tiberio, majestatis judicium subit ad populum, quod in conferta multitudine ægre procedente carpento palam optaverit, ut frater suus Pulcher revivisceret, atque iterum gladium amitteret, quo minor turba Roma foret. Gellius libro decimo ob id multam ei gravi æris xxv. millia dixisset C. Fundanium & Ti. Sempronium ædiles plebis scribit. Irrogatam etiam multam esse iis, qui focios spoliassent, docet Livius, cum scribit, A. Atilio, A. Hostilio coff. C. Lucretium, qui prætor provinciam spoliavit, ubi dies, quæ dicta erat, venit, tribuni pl. ad populum accusarunt, multamque decies centum millium æris dixerunt. comitiis habitis omnes quinque & triginta tribus eum condemnaverunt. Quibus ex locis intelligi illud prætere potest, nemini ad populum accusare nisi magistratui licuisse.

Atque judicia quidem populi usque ad annum sexcentimum quartum urbis hoc pacto celebrata sunt. Quæditorum vero creandorum ratio fuit talis. Cum usus postulabat, ex s. c. vel dictator, vel consul alter, ambove, vel prætorum aliquis de crimine publico querere jubebatur. qui iustus erat, is quæditor dicebatur. quos quæditores ante XII. tabularum leges latas creati cæptos significat Pomponius, cum inquit: Quoniam de capite civis Rom. iniussu populi Romani non erat permissum lege consulibus jus dicere, propterea quæstores constituuntur a populo, qui capitalibus rebus præsent, & appellabantur quæstores paricidii, quorum meminit lex XII. tabularum. Laudo, siquidem Felsus etiam scripsit, paricidii quæstores appellatos, qui solebant creati causa rerum capitalium querendarum. Nescio autem, an hæc judicia Cicero in Bruto intellexerit, cum scripsit, L. Brutum primum consulem civitatem perpetuo dominatu liberatam magistratibus annuis, legibus, judiciis obstrinxisse. Quæ interea judicia per quæditores facta sint, deinceps videretur exponendum, ut ex multorum judiciorum observatione facilius in hujus antiquitatis cognitionem & notitiam veniamus. primum A. Cornelio Cossio, Furio Medullino coff. senatus consultum factum prodit lib. iv. Livius, ut de quæstione Postumianæ credis tribuni primo quoque tempore ad ple-

bem ferrent; plebesque præferrent quæstioni, quem veller. a plebe consensu populi consilii negotium mandatum. Quin etiam de iudicio C. Licinii Stolonis nonnihil libet suspicari, quem a M. Popilio Lænatæ sua lege X. millibus æris damnatum anno CCCXVIII. idem scribit, quod mille jugerum agri cum filio suo possideret, emancipandoque filium fraudem legi fecisset. Quin etiam in hunc numerum illud referendum arbitror, de quo Livius anno CCCXLIII. *De beneficiis primum questum. CLXX. matrone, quæ venena coquerent, damnatæ.* & illud anno CDXXXIX. C. Sulpicio, M. Petilio cos, de quo idem ita: *Cum omnia infida Romanis essent, Capuæ quoque occultæ principum conjurationes factæ. de quibus cum ad senatum relatum esset, quæstiones decretæ, dictatoremque quæstionibus exercendis dici placuit. C. Menius dictus. Campanos, prius quam nominaretur, mors haud dubie ab ipsi conscripta iudicio subtraxit. deinde ut quæstioni Campanæ materia decessit, versa Romam interpretando res, non nominatim qui Romæ, sed in universum qui usquam coissent, conjurassentque adversus populum Ro. queri senatum iussisse. & coitiones bonorum adipiscendorum causâ factas adversus temp. esse. inde dictator abdicat. ea inde quæstio consilii ab senatu mandata. nobiles aliquot absolventur. Accedit huc etiam iudicium L. Scipionis Asiatici, quod ab eodem his verbis expressum est: Petillii tribuni pl. rogationem ad plebem ita tulerunt: Velitis, iubeatis, queratur, quæ pecunia, capta, ablata, coacta ab rege Antiocho est; quod æs publicum relatum non est, uti de eare Ser. Sulpicius prætor urbanus ad senatum referat, quem eam rem veli senatus querere de iis, qui prætores nunc sunt, omnes tribus, Uti rogassent, iusserunt. Ser. Sulpicio deinde referente, quem rogationem Petillii querere vellent, Q. Terentium Culleonem patres iusserunt. Ad hunc reus L. Scipio factus, & recepta nomina legatorum ejus A. & L. Hostiliorum, & C. Furrî quæstoris. & ut omnia contacta societate peculatus viderentur, scribere quoque duo, & accensus L. Hostilius. Et scribere, & accensus prius, quam de Scipione iudicium fieret, absoluti sunt. Scipio, & A. Hostilius legatus, & C. Furius damnati. Iudiciis a Q. Terentio prætoris perfectis Hostilius & Furius damnati eodem die prædes quæstoribus dederunt. In bona L. Scipionis possessum publice quæstoris prætor misit. neque in iis vestigium ullum comparuit pecunie regis, vertitque Scipionum invidiam in prætorem & consilium ejus & accusatores. Hoc actum anno quingentesimo sexagesimo sexto ab Urbe condita, M. Lepido, C. Flamini co. Poltero autem etiam anno quæstionem de bacchanalibus, sacrisque nocturnis, in quibus agi majestas reip. videbatur, senatus extra ordinem, ut scribit Livius, mandavit consilii Marcio Philippo & Postumio Albino. Inde pergit: *Adducti aliquot ad consulem, falsique de se, nullam moram iudicio fecerunt. Caterum tanta fuga ex urbe facta erat, ut quia multis actiones & res peribant, cogerentur prætores T. Menius, & M. Licinius, quorum ille inter cives, hic inter cives & peregrinos ius dicebat, per senatum rei in tricesimum diem differre, donec quæstiones a consilii perficerentur. Eadem solitudo, quia Romæ non respondebant, nec inveniebantur, quorum nomina delata erant, coegit consules circa fora proficisci, ibique querere, & iudicia exercere.**

Sp. Postumius quæstionibus cum summa fide curaque perfectis, comitia habuit. Eiusdem vero generis illa quoque, ut opinor, fuerunt, quæ anno sexcentesimo primo facta sunt. de quibus scriptum est ita in epitoma XLIX. *De beneficiis questum. Publicia, & Licinia nobiles femine, quæ viros suos necasse simulabantur, cognita causa, cum prætori prædes vadesque dedissent, cognatorum decreto necatæ sunt.*

Atque hoc quidem pacto publicæ quæstiones usque ad annum sexcentessimum quartum tractatæ sunt. Anno autem ipso sexcentesimo quarto, Censorino & Manilio co. perpetuæ quæstiones sunt institutæ. ex verbis his Ciceronis, quæ sunt in Bruto, colligitur: *Carbone forum tenente plura fieri iudicia ceperunt. nam & quæstiones perpetuæ hoc adolescente constitutæ sunt, quæ ante nullæ fuerant. L. enim Piso tribunus pl. legem primus de pecuniis repetundis Censorino, & Manilio co. tulit. hæc ille.* Quæstiones autem perpetuæ hanc vim habuerunt, ut cum eo tempore seni quotannis prætores crearentur, duo, qui ius de privatorum controversiis dicerent, quatuor qui in provinciis juris dicundi causa cum imperio mitterentur, post hac ratio converteretur, atque quatuor illi, qui sortiri provincias solerent, Romæ suas quique quæstiones fortiterent, ut majestatis, peculatus, inter ficiarios, ambitus, repetundarum. adeo ut si quo de horum criminum esset querendum, non novo quæstore, qui extra ordinem quereretur, opus esset, sed prætor ille, qui ei quæstioni præesset, adiretur, isque, ut ante, cum consilio de eo crimine cognosceret. Quamquam autem iudicia fere omnia hoc modo postea sunt facta, non est tamen omnino antiqua consuetudo intermissa. quin & multi extra ordinem ad populum rei facti, & multi ad quæstore extra ordinem a senatu decretos, sive a populo iussos sunt adducti. Ne autem, quod dico, temere videar affirmasse, primum asseram utriusque generis iudicia aliquot & populi & quæstorum, qui extra ordinem cognoscere iussu fuisset. deinde perpetuarum quæstionum, quæ a prætoribus ex ordine exercebantur, formam aperiam. quo loco de consilio etiam eorum, id est, de iudiciis, quorum causa hæc instituta oratio est, verba faciam. Quid igitur? non ne P. Scipio Æmilianus post secundum consulatum & censuram, id est, ut ego reor, anno sexcentesimo undecimo post Romanam conditam, L. Cottam consularem ad populum accusavit? anno vero DCXXII. non ne P. Popillius legem tulit, ut quæretur in eos, qui cum Ti. Graccho fuerant? idemque nono post anno lege C. Gracchi a populo urbe est pulsus? neque ita multo post L. Opimius rogatione Bestiæ tribuni pl. in urbem est restitutus? Nam quid C. Norbanum trib. pl. memorem, qui aliquot post annis incitatus in Q. Cæpionem, quod male pugnasset, populo, ei imperium abrogavit? aut C. Domitium, qui in tribunatu M. Scæuro diem dixit ad populum, & ei multam irrogavit, quod ejus opera sacra multa populi Romani esse diminuta diceret? aut Saturninum tribunum pl. qui de Q. Metello Numidico, quod in legem suam jurare noluisse, tulit, ut ei aqua & igni interdiceretur? aut C. Cornelium tribunum pl. qui P. Furium, eum, qui restitutioni Numidici obstiterat, in iudicium vocavit? aut M. Virgilium, qui in tribunatu L. Syllæ imperatori diem dixit? aut P. Clodium tribunum plebis, qui lege ad populum lata Ciceroni, quod ejus indicta causa damnasset, aqua & igni interdixit? Aut quid exemplorum copiam quæram, quibus popularium iudicio consuetudinem nunquam intermissam esse confirmem, cum lex ipsa Cassia tabellaria, quæ populo in iudiciis tabellam dedit, satis magno huius rei esse argumento possit? Iudicia vero, quæ a quæstoribus extra ordinem facta sunt, hæc fere fuerunt. narrat Cicerio in libris de finibus, anno sexcentesimo undecimo, P. Scævolam tribunum plebis tulisse ad plebem, vellent ne queri de L. Tubulo, qui prætor ob rem iudicandam pecunias ceperat; eoque plebiscito quæstionem consuli Cn. Cæpioni esse decretam. Anno vero sexcentesimo nono, (quod extat apud Afconium, & Ciceronem in Bruto, & in epitomis Livianis,) Sex. Peduceus criminatus est, L. Metellum pon-

tificem maximum, totumque collegium pontificum male iudicasse de incestu virginum Vestalium, quod unam modo Æmiliam damnaverat, absolverat duas Marciam & Liciniam. populus L. Cassium creavit, qui de eisdem virginibus quæreret, isque & duas & plerasque alias nimia usus asperitate damnavit. Quinquennio vero interjecto refert Sallustius, C. Mamilium Limitanum, tribunum pl. rogationem ad populum promulgasse, uti quæreretur in eos, quorum consilio Jugurtha fœnatus secreta neglexerat, quique ab eo in legationibus, aut imperiis pecunias accepissent, qui elephantos, quique perugas tradidissent, itemque qui de pace aut bello cum hostibus pactiones fecissent; eamque a plebe acceptam. Quid quod anno sexcentesimo sexagesimo tertio, (ut est apud Valerium,) Q. Varius tribunus pl. legem adversus collegiarum intercessionem perrogavit, qua jubebat quæri, quorum dolo malo focii ad arma ire coacti essent? Quo tempore, ut narrat Afconius, Q. Cæpio verus inimicus Scauri, sperans, se invenisse occasionem opprimendi ejus, egit, ut Q. Varius tribunus pl. belli concitati crimine adesse apud se Scaurum juberet, anno septuagesimo secundo, ille in forum venit, & accepto respondendi loco dixit: Q. Varius Hispanus M. Scaurum principem senatus fœcios in arma ait concitasse. M. Scaurus negat, testis est nemo. utri vos, Quirites, convenit credere? qua voce est ab ipso etiam tribuno dimissus. Quid opus est pluribus? perculgatum est iudicium Clodianum. at de eo scribit ita Cicero in epistolis ad Atticum: Credo te audisse, cum apud Cæsarem pro populo fieret, venisse eo muliebri vestitu virum; idque sacrificium cum virginibus instaurassent, mentionem a Q. Cornificio in senatu factam. postea rem ex S. C. ad virginibus & pontificibus relatum, idque ab iis nefas esse decretum. deinde ex S. C. consules rogationem promulgasse. in hac causa Piso consul amicitia P. Clodii ductus operam dat, ut ea rogatio quam ipse fert, & fert ex S. C. & de religione, antiquetur. Quod idem iudicandum est de causa Milonis, de qua Pædianus scribit, Cn. Pompeium consuluisset, ut quæreretur de cæde facta in via Appia, & quætor suffragio populi crearetur ex consularibus; creatum L. Domitium Ahenobarbum, eumque quæsitivisse.

Atque hæc quidem extraordinariarum questionum exempla sunt. Primæ autem perpetuæ questiones hæc videntur fuisse, majestatis, peculatus, ambitus, repetundarum. addo etiam inter sicarios. nam Cicero in libris de finibus L. Tubulum prætorum questionem inter sicarios exercuisse ait. quod haud ita multo post questiones perpetuas institutas factum est. Hæc vero postea a Sylla dictatore auctæ numerum etiam prætorum, & quætorum uberiorem desiderarunt. tulit autem ille, Pomponio teste, de falso, de parricidio, de sicariis, de injuriis, & quatuor prætores, qui de his quærerent, adjecit. unde Cicero in Cluentiana, quam multis post Syllam mortuum annis dixit, prætores, qui cognitiones rerum capitalium exercerent, nominat Q. Nafonem de veneficio, M. Platorum & C. Flamini inter sicarios, C. Orchinium peculatus, se ipsum de repetundis, C. Aquillium ambitus. alias vero alios etiam prætores questionibus exercuisse significat, ut de majestate, & de vi publica.

Fuit autem harum questionum hæc forma, ut aut a prætore, qui questionem sortitus esset, cum selectis iudicibus, aut a quæsitore editicio cum edictis iudicibus exercerentur. quorum illud in cæteris criminibus, hoc in ambitu & sodalitiis observatum est. Dicamus autem primum de priore, erat igitur ita in more positum, ut & prætor adesset, qui quæreret, & princeps iudicum, qui iudex questionis appellabatur, & iudices ipsi forte ex de-

A)curiis selectorum educti, quorum cæteris consilium vocabatur.

Prætor ipse dicebatur quærere, & questionem ac iudicium exercere, & questioni præesse, & quætor esse. testis est Cicero pro Rabirio Postumo, cum ait: *Accusavi de pecuniis repetundis, iudex sedis, prætor quætor.* & Afconius: *Judicium C. Cornelii de majestate exercuit Q. Gallius prætor.* iterum Cicero in prima in Verrem actione: *Duo igitur consules, & quætor erunt ex illius voluntate.* Item: *Subfortiemur in M. Metelli locum, quoniam is huic questionis præfuturus est.* & iterum Afconius: *Scaurus postulat est apud M. Catonem prætorem repetundarum.* & post: *M. Cato id iudicium exercebat.* & rursus Cicero de finibus: *L. Tubulus prætor questionem inter sicarios exercuit.* Quætoris autem quæ essent partes, docuit Afconius diligenter, qui exponens hos Virgilianos versus:

*Quætor Mino urnam movet ille silentum:
Conciliumque vocat, vitasque & crimina discit.*
ait Virgilium Minoem iudicem apud inferos, tanquam si prætor sit rerum capitalium, quæsitorem appellasse; dedisse fortitionem, cum urnam nominat; electionem iudicum, cum ait; *conciliumque vocat;* cognitionem facinorum, cum dicit, *vitasque & crimina discit.* Quod idem ex verbis etiam Ciceronis in Vatinius colligi potest his: *Quæro ex te, edixerit ne C. Memmius prætor, ut ex lege Licinia & Junia adesses die tricesimo? quæro ex te, num quis in hac civitate post urbem conditam tribunos appellavit, ne causam diceret? num quis reus in tribunal sui quætoris ascenderit, eumque vi deturbavit, subsellia dissipavit, urnas deleverit? scias ne tum fuisse Memmium? accusatores esse nos de tuis, tuorumque manibus ereptos, iudices questionum de proximis tribunalibus esse depulso.* & in Bruto: *Intelligens dicendi existimator videt oscitantem iudicem, loquentem cum altero, nonnunquam etiam circumstantem, mittentem ad boras, quæsitorem ut dimittat rogantem.* & in quinta Philippica: *Quæro, si Lyfades citatus iudex non responderit, accipiet ne excusationem is, qui questionis præerit?* & in Cluentiana: *Quid est, Q. Nafæ, quod tu isto loco sedas? quæ vis est, qua abs te bi iudices tali dignitate præditi coercerantur?* & in Rhetoricis ad Herennium: *Accusatoris officium est, inferre crimina; defensoris, diluere & propulsare; testis est, dicere, quæ scierit aut audierit; quætoris est, unumquemque eorum in officio suo continere.* Quibus ex locis intelligitur, quætoris fuisse, forci iudices, cogere, dimittere, & crimen cognoscere.

Judex autem questionis, quoniam a Cicerone & ab Afconio princeps iudicum appellatur, is fuisse iudicatur, qui primus iudicum sententiam ferret. Hominem certe fuisse privatum, ostendit Cicero in Bruto, cum ait: *C. Visellius cum post ædilitatem curulem iudex questionis est mortuus.* Alium vero a prætore fuisse, docet Quintilianus, cum scribit, prætorem impeditum fuisse in iis, quæ imperii erant; iudicem questionis in iis, quæ ad causæ cognitionem pertinebant. apparet etiam ex actione in Verrem, in qua M. Glabrio quætor fuit, Q. Curtius iudex questionis. de Glabrione notum. de Curtio, hæc verba sunt indicio: *Eiusdem modi subfortitionem homo amentissimus suorum quæque iudicium fore putavit per sodalem suum Q. Curtium iudicem questionis.* Iudicem tamen questionis pro quæsitore ipso poni video in Cluentiana, cum inquit: *Quid est, Q. Nafæ, cur tu isto loco sedas? & quæ sequuntur.* & post: *Jubet ea lex, qua lege hæc questio constituta est, iudicem questionis, hoc est, Q. Voconium cum iis iudicibus, qui ei obvenierint, quærere de veneno.* Idcirco enim Q. Voconium eundem esse cum Q. Nafone prætore puto,

quod neque iudices iudici obveniunt, sed prætor; nec iudex querit, sed iudicat. Itaque quoniam in iudicem questionis, & principem iudicum ea verba convenire non possunt, iudicem questionis pro quaestore dictum existimo. Quin etiam contra quaestorem pro iudice questionis positum esse a Pædiano invenio. satis enim patet, Junium iudicem questionis, id est, iudicem principem fuisse, prætor Verre. ostendit Cicero in Cluentiana: *Quintus tribunus plebis convivium C. Junio iudici questionis maximum fecit. item: Princeps illorum iudicum damnatus est C. Junius, quod diceretur alios supposuisse, qui reum damnarent, non eos, quos Verres prætor fuerat subfortitus. & alibi: Damnatus est C. Junius, qui ei questionis præfuerat. adde etiam illud, si placeat, tum est condemnatus, cum esset iudex questionis.* at in 11. Verrinam inquit Aconius: *Junius quaestor fuit in Cluentii causa, Verre prætor. Est enim aperte Junius iudex, non quaestor, vel quia Verres prætor adfit, vel quia ipse prætor non sit.*

Hoc loco occurrunt fortasse nonnulli arbitantes, iudicum fortitionem, quam ante quaestoris fuisse admonui, non quaestoris fuisse, sed prætoris urbanum, quod Cicero in causa Oppianici, Verrem prætoris urbanum fortitum esse dixerit. ut cum dixit: *Inventi sunt senatores, qui C. Verre prætoris urbano fortiente exirent in eum reum, quem incognita causa condemnarent:* Quibus ego respondeo, credere me, Verrem tum, non ut prætoris urbanum, sed ut quaestorem extra ordinem esse fortitum. Nam quanquam Verres prætor urbanus fuit, tamen iudicium etiam publicum contra consuetudinem exercuit. quod ni ita esset, cur hoc ei Cicero in tertia Verrina objecisset? quod his verbis facit: *Atque etiam iudicium in prætura publicum exercuit. non enim prætereundum est ne id quidem, petita multa est apud istum prætorem a Q. Opimio. qui adductus est in iudicium verbo, quod cum esset tribunus pl. intercessisset contra legem Corneliam.* Ut ergo huic Opimiano iudicio præfuit, cum esset publicum, sic etiam videtur Oppianici alterum exercuisse, in quo Junius iudex questionis fuit. Nam post hoc iudicium ita subdit: *Nam de subfortitione illa Juniana iudicium nihil dico. supra autem probavimus, Junium iudicem questionis fuisse, Verre prætoris. unde dixit idem: Quod C. Verres prætor Urbanus subfortitionem ejus in eo codice non habere.* & quoniam subiungit: *Ejusmodi fortitionem suorum quoque iudicium fore putavit per sodalem suum Q. Curtium iudicem questionis, apparet, si Junius iudex questionis responderet Q. Curtio, etiam Verrem prætoris respondere M. Glabroni. quod enim fuit Curtius in causa Verris rei, idem fuit Junius in causa Oppianici. ex quo efficitur, ut quod valuit Glabrio in causa Verris, idem valuerit Verres in causa Oppianici. ille autem quaesivit, ergo & hic quaesiverit, necesse est. quare si iudices fortitus est, non ut prætor urbanus, sed ut quaestor fortitus est.*

His de quaestore & iudice questionis expositis, restat ut de consilio iudicum differamus. Hi vero in decurias distributi feruntur fuisse, quas prætores urbani non forte, sed iudicio iurati confecerunt. quoniam autem ex ordinibus iis, apud quos iudicia essent, feligebantur, selecti iudices appellati sunt. Hoc autem voluit Cicero, cum dixit in Cluentiana, prætores urbanos iuratos optimum quenque in selectos iudices referre. innuit etiam Aconius in primam contra Verrem actionem, cum ita scriptum reliquit: *Cum multi iudices in consilio cum prætoris suo iudicaturi essent, qui quaestor fuisset in causa publica, necesse fuerat, eos primum de curia senatoria conscribi, cum senatus iudicaret; deinde in urnam sortitio mitti, ut de pluribus necessarius numerus confici posset; tertio permitti accusatori ac*

Arco, ut ex illo numero rejiciant, quos putaverint sibi aut inimicos, aut ex aliqua re incommodos fore. Significat enim ante vulgatas quaestoris, de qua dixi, fortitionem, decurias esse conscriptas. quam quidem quotannis a prætoris urbano iurato ex ordinibus conscribi solitam fuisse intelligere possumus.

Pag. 211. A. post dicendum. adde: & libro primo de oratore: *Et animos equitum Romanorum, apud quos tum, iudices, causa agebatur, ad Q. Cæpionis odium, a quo erant ipsi propter iudicia abalienati, revocabam.*

Ibid. B. illaque scripta sunt a verbis, Deinde lex altera Servilia &c. usque ad verba anno sexcentesimo sexagesimo secundo. ibid. C. hoc modo sunt legenda: Ego tamen hanc legem Serviliam aut non acceptam, aut non observatam, aut certe damnato Q. Cæpione latore abrogatam existimo. si quidem inquit apud Ciceronem Crassus: *Et animos equitum Rom. apud quos tum causa agebatur, ad Q. Cæpionis odium, a quo erant ipsi propter iudicia abalienati, revocabam.* significat enim seditionem a C. Norbano tribuno pl. excitatam, cum imperium Q. Cæpioni ob rem adversus Cimbro male gestam abrogaret, quæ anno post Cæpionis confusum exaruit. Itaque si causa Norbani apud equites solos acta est, profecto apparet, jam tum legem Cæpionis abrogatam fuisse. Hoc vero eo etiam magis ita esse periculum esse, quod ni iudicia ad solos equites, lege Servilia abrogata, redacta fuissent, nihil causa fuisset, ut M. Livius Drusus anno DCLXII. de ea reciperet. quemadmodum omnium veterum, quorum verba in medium proferam, testimonio comprobatur.

Pag. 212. F. post verba infectatur atque exagitat. adde: Postremo Augustus quartam addidit decenariorum, & Imp. Caligula quintam.

Pag. 213. B. post verba Suetonii adice: Cum ergo (ut eo redeam, unde digressus sum) hæc omnia constarent, cum prætor, ut dixi, urbanus, non ex cuncto populo, sed ex his ordinibus iuratus decurias selectorum in eum, ut puto, annum, quo ipse præturam gereret, conscribebat, ex quibus decuriis quaestor numerum legitimum questionis suæ quique fortiebatur, quemadmodum supra probatum est.

Editiciorum vero iudicum dissimilis multo ratio fuit. Editicii enim sunt, quos non quaestor fortitus est, sed acculator edidit, neque ex certis, sed ex omni populo sumpti. Quos Cicero in Planciana selectis sive delectis iudicibus videtur opposuisse, cum ait: *An vero nuper charissimi viri cives nomen editi iudicis non tulerunt, cum ex CXXV. iudicibus, principibus equestris ordinis quinque & septuaginta reus rejiceret, quinquaginta referret, omniaque potius permiscuerunt, quam ei legi, conditionique parerent. nos neque ex delectis iudicibus, sed ex omni populo, neque editos ad rejiciendum, sed ab accusatore constitutos ita feremus, ut neminem rejiciamus?* & quorum similitudinem quandam fuisse retentam in Sicilia videtur innuere, in oratione de jurisdictione, iniquis: *Ceterarum rerum selecti iudices ex civium Rom. conventu proponi solent, inter aratores, & decumanos lege frumentaria, quam Hieronicam appellant, iudicia sunt.* Permitteretur autem, ut in crimine ambitus, & sodalitorum, quæ ad ambitum pertinent, iudices ederentur. Itaque cum Murenæ & Plancium noster defenderet, editiciorum iudicum meminit. pro Murena ita, cum Sulpicium accusatorem alloqueretur: *idem editicios iudices esse voluisti. pro Plancio ita: Veniamus ad causam. in qua tu nomine legis Liciniae de sodalitiis omnes ambitus leges complexus es. neque enim aliud quicquam in hac lege nisi editicios iudices sequutus es. quod genus iudicio-*

rum si est æquum nulla in re, nisi in hac tribuaria, non intelligo quamobrem senatus hoc uno in genere tribus edi voluerit ab accusatore. neque eandem editionem transtulerit in ceteras causas. de ipso denique in ambitu, de rejectione iudicium fieri voluerit alternorum. ex quibus verbis (sunt enim obscura) nescio an intelligi possit, in sodalitiis ab accusatore tantum iudices editos esse, in cetero ambitu ab accusatore & reo. Reum certe non solum non iudices sed ne quæsitorem quidem edidisse, post ostendit, cum ait: Etenim si reus tribus ederet, Volturniam fortasse Plancius propter vicinitatem non edidisset; si quæsitore dandus esset, C. Alfium, quem habet, cui notissimus sit. tribulem suum edidisset. Accusatorem vero edidisse, cum addit: Tu deligas ex omni populo aut amicos tuos aut inimicos meos.

Alitem: Nos neque ex delectis iudicibus, sed ex omni populo, neque editos ad rejiciendum, sed ab accusatore constitutos, feremus, ut neminem rejiciamus? Atque hæc quidem de iudiciis, & iudicibus satis sint.

Pag. 220. C. post nullo pacto potest. adde: & in epistola ad Lentulum: Cum omnibus nobis in administranda rep. propositum esse debeat id, quod a me sæpius dictum est, cum dignitate ocium, non idem semper dicere, sed idem semper spectare debemus. & in procemio dialogi de oratore: Cogitanti mihi sæpe numero, & memoria vetera repetenti perbeati fuisse. Quinte frater, illi videri solent, qui in optima rep. cum & honoribus & rerum gestarum gloria florent, eum vite cursum tenere potuerunt, ut vel in negotio sine periculo, vel in ocio cum dignitate esse possent.



ONUPHRII PANVINII
CIVITAS ROMANA.
IMP. CÆSARI FERDINANDO
AUSTRIO. PIO. FELICI. PERPETUO. AUGUSTO
ONUPHRIUS PANVINIUS

Veronensis, Frater eremita Augustinianus.

S. P. D.



PRIMA totius instituti mei parte *, *Cæsar Auguste, defunctus, nunc longe dignissimum, & præstantissimum opus aggredior. Tanto enim quæ sequuntur, ea quæ antecesserunt, excellunt, quanto adificiorum moles res præstantissimorum hominum gestæ. Veterem enim Romanam maximamque illam Rempublicam dilucide sub omnium oculos, tanta brevitate, quanta fieri posse intelligo, subjicere institui. Quo ortu, & quibus incrementis orbem terrarum occuparit, quo ordine, qua ratione, quo consilio, & eventu singula præclara gesserit, demonstrare deinceps, commentarii potius, quam historiæ more conabor. A Romulo autem initium sumens, omnia usque ad Justiniani Magni Augusti imperium persequar, quæ præcipue cognitu digna animadverterim. Qua ratione Romulus primum, deinde ceteri reges Romanam rempublicam constituerint. Quis libertate parta, ejusdem status fuerit, quonam modo ex paucorum patriciorum imperio, quibus solis, plebe exclusa, principio respublica commissa fuerat, tenuiores, id est, plebs cum principibus civitatis in ea administranda, paulatim adequata, eos postremo superaverit, atque pulsus optimatibus, ad injustum populi dominatum respublica translata sit. L. Sullæ deinde, Marii & Cinna dominationem: Crassi & Pompeii arma, quæ in C. Cæsarem dictatorem, Antonii & Lepidi, quæ in Augustum cessere, exponam. Post Augustum, qui primus sub principis nomine singulare imperium a senatu obtinuit, quæ Romanæ civitatis conditio sub sequentibus imperatoribus fuerit, usque ad Justinianum imperatorem aperiam. Ad hæc sacra, sacerdotia, magistratus majores, minores, ordinarios, extra ordinem, urbanos, provinciales, comitia, tribus, curias, centurias, ordines, & omnia postremo ejus civitatis præclariora instituta, quantum potero, demonstrabo. Quæ omnia quum non solum cognitu dignissima, sed & lectu jucundissima sint, ea in publicum exire nullo alio munita præsidio convenientius esse existimaui, quam rerum Romanarum summi præsidis, imperatoris optimi, & Cæsaris Augustissimi. Cujus virtute, justitia, pietate, & religione universus terrarum orbis tanquam clarissimo jubare illustratur, cujus doctrina, eruditione, & liberalitate, prisca illa virtus, & literarum prope deplorata studia recreari, & in pristinum splendorem redigi cœperunt, quum susceptum abs te, optime Cæsar, literarum patrocinium ab omnibus fere nostræ ætatis principibus, etiam summis prope neglectum, undique fama ferat. Te enim Deus optimus maximus, quum ad Romani nominis gloriam renovandam, conservandamque, tum ad literarum studia retinenda & augenda, ad tantum imperii fastigium evexisse videtur. Sed ne diutius majestatem tuam verbis distineam, propositi mihi operis rationem explicandam aggrediar. Venetiis Kal. Augusti. M. D. LVIII.*

* Descriptione Urbis Romæ, quæ secundo in tomo legetur.



URBEM Romam reges ab initio tenuisse constat. Quorum imperio tantæ reipublicæ non solum utili, verum prope etiam necessario, annis CCXLIV. paruit. Quid enim futurum fuit, si illa pastorum convenarumque congregata multitudo, transfuga ex suis populis, sub tutela inviolati templi, aut libertatem, aut certe impunitatem adeptâ, soluta regio metu, agitari cœpta esset tribuniciis procellis, & in aliena urbe cum patribus civili contentione decertare, priusquam pignora conjugum, ac liberorum, charitasque ipsius soli, cui longo tempore assuescit, animos eorum consociasset? dissipatæ res nondum adultæ discordia forent, quas tranquillæ regii imperii moderatio fovit, eoque nutriendo postremo perduxit, ut bonam frugem libertatis, maturis jam viribus ferre possent. Primus autem Romæ regnasse, qui eandem etiam condidisse Romulus prodicit. Quo tempore tria millia peditum, & trecenti equites, ex loci indigenis, Græcis, & Latinis, Albanis, & pastoribus, per mille domos distributi Romæ collecti erant, a quibus quum Romulus fratre Remo cælo, auspiciato rex creatus esset, tunc primum illud institutum est, ne ullus deinceps in urbe magistratus, nisi ante capitis auspiciis crearetur: Ita Livius lib. I. Dionysius lib. II. & Plutarchus in Romulo.

CAP. II.

De primis tribubus, & curiis.

QUUM Romulus rex creatus, ad civitatis statum constituendum animum adiecisset, primo universum populum Romanum in tres partes, quas tribus appellavit, divisit. singulas vero tribus in decem partes, quas curias vocavit: curiasque in decurias distribuit. Tribubus tres tribuni, curiis XXX. curiones, decuriis decuriones, populi Romani suffragiis præpositi. Post hæc agrum Romanum in tres partes divisit, quarum alteram publicam, alteram sacerdotum, tertiam privatorum esse voluit. Partem vero agri quæ privatis obtigerat in triginta partes divisam, singulas curias fortiri voluit. Quæ ita a Dionysio in Romulo lib. II. traduntur: *divisa in tres partes omni multitudine, singulis partibus præfectum constituit eum, quem illusterrimum ac nobilissimum censebat. Tum singulas trium partium rursus in decem partes distribuit, totidemque singulis præfectos dedit, qui essent fortissimi, ac majores quidem tribus, minores curias appellavit. Et ii quidem qui tribuum præfecti erant, tribuni, curiarum vero curiones appellati. Divisæque rursus sunt curiæ in decurias, vocabaturque singulæ præfectus decurio. Postquam autem hoc modo omnes in tribus & curias descripti sunt, agrum Urbanum omnem in triginta æquales partes distribuit, exempta ex singulis tantilla portione, quæ sufficeret templis, delubrisque confirmandis, simulque parte aliqua publica relicta, &c.* Unde autem tribus, & curiæ dictæ, aut quæ eorum nomina fuerint, paulo post dicam.

CAP. III.

De patriciis, & plebe, senatu, equitibus & populo.

TERCIA populi divisio a Romulo facta, in patres, & plebem exemplo ab Atheniensibus sumpto, fuit: patrum progenies patricii,

A plebis plebei appellati. Romulus enim quum novam urbem viribus, & juvenum robore affatim ab se munitam cerneret, haud minoris momenti fore ratus, si eandem quoque consilii ope fulcisset. Quare populum Romanum tertia (ut dixi) divisione in duas partes primo distribuit, ex his illustriores genere, spectatæ virtutis, quique prudentia, modestia, probitate, vitæque sanctimonia præceteris pollerent, vel plures filios suscepissent, itemque ditiores, & opulentiores, ac postremo natu grandiores essent, patres, reliquam vero multitudine ut ignobiles, & pauperes, plebem appellavit. Patres autem dicti ob ætatem (nam ex populo seniores erant) vel ob curæ similitudinem, vel quia agrorum partem tribuebant tenuioribus, & eos suæ curæ commendatos, atque in clientelam susceptos, tanquam patres tuebantur. Patres ad concionem sigillatim per præconem convocabantur addito patris prænomine, plebs vero omnis simul cornu bubulo. Patribus & patriciis sacra facere, sacerdotia & magistratus gerere, jus dicere, atque cum rege publica negotia, quæ ad civitatis statum pertinebant, administrare injunctum est. Plebs his muneribus exclusa, quæstuaris artes exercebat, & agriculturæ pecorique alendo operam dabat. Ad quorum ordinum concordiam conservandam, clientum ac patronorum jus instituit. Nam tenuiores & plebem, in ditiorum, patriciorumque clientelam distribuit. Quod postea egregium reip. temperamentum Ti. Gracchus tribunus plebis dissolvit. Familiæ autem quæ ab his patribus, quos primos Romulus legit, descenderunt, patriciæ majorum gentium dictæ sunt, ut aliquod discrimen esset inter has, & illas quas posteriores reges in patricias cooptarunt, quæ minorum gentium sunt vocitæ. In his fuerunt cæteræ familiæ hæ:

Julia.	Fabia.	Tarpeia.
Hostilia.	Potitia.	Pinaria.
Gegania.	Quinctilia.	Romilia.

Ex quibus familiis, quæ majorum gentium dictæ sunt, centum hac ratione senatores, quorum consilio rempub. administraret, primo legit. Nam singulis tribubus edixit, ut tres omnium præstantissimos ex unaquaque earundem suis suffragiis crearent, atque ita novem facti: deinde eadem ratione tres a singulis curiis quæ XXX. erant ditiores, meliores, & natu grandiores renuntiari iussit, atque ita omnino nonaginta novem aucti, ipse vero suo arbitrio iis centesimum adjecit. Hi omnes ex patribus lecti sunt. Centum autem ideo tantum creavit, vel quia is numerus satis erat novæ & parvæ civitati, sive quia soli centum erant, qui creati senatores possent. Senatores autem propter senectutem, quum vetustissimi patriciorum essent, sive ab honore & virtute appellavit. Senatorum ordo senatus, reliqui omnes non senatores, populus appellati sunt. Hinc ortum, SENATUS. POPVLVS. QVE. ROMANVS. Ex reliquis porro qui senatores creati non fuerant, omnibusque tam patriciis quam plebeis familiis Romulus trecentos juvenes ad corpori cultodiam, decem ex singulis curiis legit, qui ab eorum primo duce Fabio Celere, celeres vocati sunt. Inde ille postea, & ii qui post eum fuerunt, tribuni celerum appellati. Quamquam eos quidam a corporis celeritate dictos opinentur. Quum autem trecenti essent, omnibus quidem tribunus vel præfectus celerum, singulis vero centenariis tres centuriones, singulis decuriis decuriones XXX. præerant. Hi equis merebant, a quibus ordo equester medius inter senatum & populum manavit, senatorum seminarium appellatus, reliqua deinceps multitudo

sub populi vel plebis nomine remansit. Diu autem post reges exactos, quum senatores quoque ex plebe fieri cœpti sunt, ex hac Romuli institutione civium Romanorum, qui ex duplici genere constabant patricio & plebeio, tres ordines facti sunt, senatores, equites, & de populo, duplexque Romanorum civium divisio orta, quarum altera ad alteram nihil pertinebat, prior autem fuit hæc a Romulo instituta. Omnes Romani cives, vel patricii sunt, vel plebei: posterior hæc, quum senatores e plebe fieri cœpti, orta. Cives Romani omnes, vel senatores sunt, vel equites, vel de populo, tamen si populi plebisque nomina apud Ciceronem & Livium aliquando confundantur. Verum propria populi appellatione omnes non senatores, vel ut alii, extra senatorum & equitum numerum intelligebantur: hinc illud notissimum elogium S. P. Q. R. vel illud: CONSENSV. SENATVS. ET. EQVESTRIS. ORDINIS. POPVLIVQVE. ROMANI. Ita ut vel a genere, vel ab ordine cives Romani distingui cœpti sint. Ut civis Romanus genere patricio natus, equestri tamen ordinis, si nondum in senatum lectus esset, sin autem senator esset factus, ordinis senatorii diceretur. Quod si patricius neque senator allectus esset, neque inter equites locum haberet, quia scilicet equestri censu non esset, hoc est H-S CD[∞] non possideret (minus enim qui habebat eques esse non poterat,) aut, si censum quidem equestrem habuisset, censor tamen illi ob flagitia equestri ordinis insignia equum, & annulum ademisset, is de populo erat. Si quis igitur patricius gentis, neque senator esset, neque eques, is patricius quidem erat, & dicebatur, idem tamen de populo erat. Quandoquidem civis Romanus quicumque erat, ut is de tribus ordinibus unum haberet, senatorium, aut equestrem, aut popularem necesse esset: Ita ut dici posset, senator non es, ergo eques, aut de populo: neque senator, neque eques, quamvis patricius, ergo de populo: ordo enim præterea nullus superest: Ita quoque de plebeio genere qui patricio opponeretur dicendum. Si civis Romanus plebeius minus haberet CD[∞] de populo erat, si CD[∞] haberet, equumque publicum obtinueret, annuloque uteretur, quamvis plebeius, erat tamen eques, & si ex equite in senatum a censoribus lectus, senator erat. Quod post reges exactos factum est. Erant ergo ita patriciorum tres ordines, sicut & civium plebeiorum: cives Romani patricii & plebei senatores, cives Romani patricii & plebei de populo vel de plebe. Post Ti. Gracchi seditiones, quibus egregium illud reipub. Romanæ temperamentum dissolutum est, altera orta est civium Romanorum divisio. Nam omnes qui reipub. conservationem studebant optimates, qui vero seditionis civibus res novas molientibus adharebant, plebs dicebantur, ita ut plebis nomine multa significari necesse sit. Plebs enim primum accipitur, ut distinguitur contra patricos. Plebs item pro populi voce usurpatur, ut omnes qui non sunt senatores, de plebe aliquando dicuntur a Livio & Cicerone, qua ratione patricius civis Romanus, non senator, neque eques, de plebe is dici poterit. Accipitur item plebs vox, ut se opponit optimatibus: nam civis Romanus sive patricius, sive senator, sive etiam in magistratu sit, quum reip. incommodus est, is de plebe dicitur, ut qui ejus commodis student, sive neque senatores, neque equites, neque patricii sint, optimates appellantur, ita ut hæc tertia civium Romanorum divisio a factionum studiis, hominumque moribus, & voluntate orta sit. Rursus plebs ut est ordo, & opponitur senatui, & ordini equestri, in duas partes distributa fuit, in collegia, & libertinos: servi enim in numero civium non erant. Quæ autem, & quot collegia, itemque libertinorum genera fuerint, alibi explicabo. Hæc autem populi Romani

divisiones rep. maxime stante fuerunt. Quum enim ad unius arbitrium constituta fuisset, omnibus his sublati, harum rerum tantum umbræ quædam per aliqua tempora remanserunt. Ceterum satis ab instituto digressi ad Romulum, senatorum, populi-que originem, & eorum munera revertamur. Regum enim munera erant, templorum primum & sacrificiorum omnium curam gerere: per eum deinde omnia quæ ad deorum cultum, & honorem pertinerent, agebantur, legum morumque patriæ regimen habebat, juris omnis quum naturalis, tum civilis cultus erat, injuriarum maximarum iudicium penes regem esse solebat, minorum enim cognitio senatui permissa fuerat. Senatui habere, populum ad concionem vocare, primum sententiam dicere, & quæ a pluribus decreta essent, exequi, munus regum erat. In bellis vero ejus suprema potestas semper fuit, postremo tanquam omnium princeps, & caput colebatur. Senatus autem munus erat cognoscere de omni re, de qua reges primum, deinde consules referre soliti essent, & quod majori parti placuisset, id demum perfici, hocque a regibus & senatu Lacedæmoniorum translatum, quibus omnis juris publici potestas penes senatum erat. Ex patriciis quoque five senatoribus sacerdotes, & magistratus tantum creabantur. Plebis autem five reliqui populi officia ei a Romulo concessa principio, hæc tantum fuerunt, magistratus omnes creare, leges sciscere vel condere, deque bello pace decernere, societatem cum aliquo contrahere ac dissolvere, fœderaque inire, quum rex vel consules retulissent. Neque tamen plebs potestas absoluta erat, nisi ea etiam senatus approbasset, quæ a plebe sancita erant. Ferebat autem populus suffragium non viritum, sed per triginta curias divisus, & quod pluribus visum esset curiis, ad senatum referebatur. Qui mos postea paulatim dilabi cœpit, & sensim eo res processit, ut suffragiorum jus converteretur. Neque enim de plebeicis senatus quidquam statuebat, sed senatusconsultum ratum non erat, nisi id populus approbasset. Fure enim sciscendarum legum, vi postremo, & secessionibus, populus tantam sibi potestatem exactis regibus vindicavit, ut maximam reip. Romanæ partem demum obtinuerit status popularis. Quanquam enim regie potestatis species quædam in consulum imperio, in senatus vero potestate optimatum principatus quodammodo agnosceretur, populi tamen tanta auctoritas supra omnes magistratus, & senatum fuit, ut non immerito dici possit, omne imperium, atque illius reipub. majestatem penes populum fuisse. Cui argumento esse potest ad populum provocatio, quæ non fuisset, nisi major esset populi quam magistratum potestas: quin etiam fœces submittendi mos, cum magistratus in concionem ascendebant, confessio erat populi, quam magistratum vim, majestatemque majorem fuisse. Jam vero de capite civis, omninoque de libertate, ac jure civitatis, nullius erat, nisi populi iudicium. Quæ si maximi sunt in omni reipub. momenti, populum sane, penes quem hæc omnia fuerunt, longe maximam reipub. Romanæ partem obtinuisse latendum est. Verum quibus rationibus, & temporibus, quo rerum auctu, vel a quibus singula hæc populus Romanus obtinuerit, sigillatim post dicam. Porro autem ex populo a Romulo in his tribus & xxx. curias divisio, quum exercitus ad bellum educaturus esset, rex quidem tribunos, illi curiones, curiones vero decuriones, quo militum numero opus esset, statim præscribebant, atque uno edicto, five omnes Romanæ copiæ, five pars ad arma vocarentur, in præscriptum sibi locum instructæ, statim die quamprimum aderant. Recte igitur bello paceve his institutis Romulus rep. famam constituit. Ex Dionysio lib. ii. Livio lib. i. Plutarcho in Romulo, & aliis.

De reliquis Romuli publicis institutis.

ROMULUS ad augendam urbis frequentiam, tria præcipue excogitavit: partus necare vetuit, asylum aperuit, hisqui ad eum confugerant omnium rerum impunitate promissa, hostes victos pro amicis, & civibus in civitatem recepit. Quum enim urbs in spem magis futuræ magnitudinis, quam ad id quod tum hominum erat, alia atque alia appetendo loca, aucta fuisset, ne urbis vana magnitudo esset, adjuvenda multitudinis causa, veteri consilio contentum urbes, qui obscuram atque humilem conciendo ad se multitudinem, natam et terra sibi prolem mentiebantur; locum quandam in Capitolio, qui inter duos lucos erat, asylum aperuit, inter arcem Capitoliumque. Eo ex finitimis populis turba omnis sine discrimine, liber, an servus esset, avida novarum rerum, vel quæ apud suos aliquam noxam contraxerat, per fugit, idque primum ad cœptam magnitudinem roboris fuit. Romanas quoque vires hoc momento valde auxit, finitimorumque minuit. Confugientibus autem ad asylum servis, sponso factus est sub religionis prætextu, eos nihil detrimenti ab inimicis passuros, si permanere apud se vellent, omnesque civitate donabat, agri parte quam bello acquisierat singulis tradita. Confluebant etiam undique domestica fugientes mala, nec amplius ex urbe discedebant comiter a Romulo suscepti. Ex urbibus vero bello victis & captis, quædam integras Romam transfudit, civitateque donavit. Quasdam vero colonias Romanas fecit, de quibus sequente libro accurate differam. Hisigitur & similibus institutis, brevi tempore urbem ex parva amplificam, & maximam reddidit. Nam qui, quum Romam condidit, tria tantum millia peditum, & CCC equites habuerat, idem moriens peditum sex & quadraginta millia, & mille equites reliquisse traditur. Cujus instituta ceteri reges, & post consules sequuti, urbem Romam omnium maximam, & populo referatissimam effecerunt. Ex Dionysio, Livio, Plutarcho, & aliis.

De re divina a Romulo instituta.

REBUS civilibus a Romulo recte constitutis, deorum deinde sacra, & cerimonias, quibus homines præcipue in officio continentur, & multa bona recte instituta civitatibus eveniunt, providentissime formavit. Sumpto a deorum cultu, Geniorumque veneratione initio, sacra, templa, aras, simulachrorum erectiones, formæque eorum, & signa, potestates, & beneficia, quibus humanum genus affecisse creditum est, descripsit. Dies quoque festos, deorum, & larium, & sacrificia, quibus gauderent ab hominibus honorari, serias, & nundinas, & a laboribus quietem populum docuit. Traditis de ipsis fabulis quibus maledicta insunt, atque deorum contemptus gignitur, omnes abolevit, assuefecitque homines, ut de iis optime loquerentur, & sentirent, nihil illis beata illa natura indignum attribuendo: sacra omnia peregrina rejecit, nulla eorum sine S. C. in urbem recipi voluit. Multos postea sacerdotes creavit, quos omnes enumerabo, quum de Numæ institutis verba faciam. Is enim sacrorum omnium, jurisque divini apud Romanos conditor creditus est. Quæ enim Romulus primum instituit, ille postea reformavit, multaque sacra & sacerdotia de novo adjunxit. Dionysius lib. II.

De Romuli domesticis institutis.

ROMULUS post politicam privatas leges, & mores, quæ ad æconomicam attinent, ordinavit: in quibus præcipua fuere uxorum ducendarum, & matrimonii leges, maritorum uxorumque conditiones; adulterii & aliorum criminum pœnam, patrumque in filios potestatem. Artes sordidas & sedentarias ingenuis prohibuit, servos enim & advenas eas exercere voluit, Romanis vero tantum res rusticam & militarem permisit: ob rusticorum commoditatem, ut singulo nono die Romam ad mercatum venient, nundinas instituit. Hoc autem brevissime libro I. Livius docet ita: *Rebus itaque divinis, & humanis vite peractis, vocata ad concionem multitudine, quæ coalescere in populi unius corpus, nullare præterquam legibus poterat, jura dedit, quæ ita sancta generi hominum agrestis fore ratus, si se ipse venerabilem insignibus imperii fecisset, quum cetero habitu se augustiorem, tum maxime licitoribus duodecim, cum fascibus & securibus sumptis fecit. Alii ab numero avium, quæ augurio regnum portenderant, eum sequutum numerum putant, alii ab Etruscis finitimis, unde sella curulis & toga prætexta sumpta est, numerum quoque ipsum ductum placet. Et ita habuisse Etruscos, quod ex duodecim populis communiter creato rege, singulos singuli populi lictores dederint.* Dionysius libro secundo.

De raptu Sabinarum, & primo bello Sabino.

QUUM Romulus & populus Romanus uxores non haberent, neque a finitimis gentibus filias impetrare possent, animi ægitudine dissimulata, ad spectaculum ludorum solemniū, Neptuno equestri de industria paratorum, quos Consules vocant, vicinos urbi populos invitavit, & præsertim Sabinos, quorum quum ludicro interfuissent, filias virgines medio spectaculo rapti a Romanis jussit, quas DCLXXXIII. fuisse Dionysius scribit, anno post urbem conditam IV. XIV. Kal. Septembris. Quare hi populi qui raptas amiserant, & alii quos vel ipsi lacrymis suis, vel exemplum ad multos pertinens movit, raptarum virginum injuriam vindicaturi, contra Romanos arma ceperunt. Primi omnium Cænenenses, in agrum Romanum impetum fecerunt, quibus effuse vastantibus, obvius factus cum exercitu Romulus, levi certamine eorum exercitum fudit, fugavit, urbemque primo impetu cepit. Post Cæninam in Antemnates copias eduxit, quam urbem captam cum Cæninâ colonias Romanas fecit, eorumque multitudinem Romam traducens, eam statim in tribus curiasque divisit, atque ad sex millia peditum populum Romanum auxit. Eadem ratione Crustumios profectus, cum eam quoque civitatem cepisset, coloniam fecit. Novissime vario & periculoso Marte, bellum cum Sabinis fuit, quorum Rex. T. Tatius erat, in quo a Tarpeia virgine arce Romana prodita, urbs admodum periclitata est. Demum triennio exacto raptarum precibus, Romani cum Sabinis amicitiam contraxere. Inde quum ad fedus faciendum duces prodissent, non pacem modo, sed civitatem unam ex duabus fecerunt, regnumque æquo jure confociantes, imperium omne Romam contulerunt. Ita geminata urbe, ut Sabinis tamen aliquid daretur, Roma quidem præscam appellationem retinuit, populus vero a Curibus T. Tatii patria Quirites appellati, T. que Tatius commune regnum cum Romulo in urbe tenuit annos V. quo postremo a Laurentibus cæso, Romulus solus regnum obtinuit. Quum autem bello Sabino adhuc vigente, plerique ex Etruria, & Latia in Romuli auxilium venissent, confecto bello, multi

ex iis, ejus beneficiis, gratia, & morum humanitate ducti, Romæ remanserunt, in his unus fuit princeps gentis Etruscæ Vibenna Cælius, a quo monti Cælio inditum nomen trahunt. Item alter nomine Lucumo, de cujus nomine, tertie Lucerum tribui appellationem factam quidam scribere.

C A P. VIII.

De tribuum & curiarum nominibus, & comitiis curiatis.

SABINORUM, Tuscorum, & aliorum advenarum in urbem adventu, quum urbs duplicata esse videretur, ornatus quoque civitatis auctus. Sabini enim omnes in unam tribum & decem curias, Etrusci vero & reliqui advenæ, in aliam tribum totidemque curias distributi sunt, tribubusque nomina indita. Prima enim Rammenium a Romulo, in qua veteres Romani omnes erant: Tatienium a Tatius, in qua Sabini; Lucerum tertia appellata fuit, in qua Tusci, Latini, & reliqui omnes, qui ad asylum confugerant, conjecti sunt, a luco asyli, ut Pedianus, & Plutarchus: vel a Lucumane Etrusco, ut Varro scripserunt, nominata. Hæc Livius equitum centurias vocat, quod ex singulis tribubus, singulæ equitum centuriæ conscriptæ essent. De tribubus autem latius in Ser. Tullio verba faciam. Ceterum de XXX. curiarum etymologia, & nominibus loquutus, M. Varro, & Sext. Pompeii verba præponam: Ille enim libro II. de vita populi Romani, Curiam a cura dictam scripsit: *Itaque propter curiam locum quoque quo suam quisque domum senator confert, curiam appellavit.* Sext. vero Pompeius: *Curia locus est (inquit) ubi publicas curas gerebant.* Varro etiam libro quarto de lingua Latina ita scribit: *Curie duorum generum, nam & ubi curarent sacerdotes res divinas, ut curie veteres, & ubi senatus humanas ut curia Hostilia, quam primus edificavit Hostilius rex, ante nostra, &c.* Adjicit Sext. Pompeius: *Curie etiam nominantur, in quibus uniuscujusque partis populi Romani quid geritur, quales sunt hæc, in quas populum Romulus distribuit, numero triginta, ita ut in sua quisque curia sacra publica faceret, feriasque observaret.* De quarum curiarum nominibus parum inter auctores convenit. Livius enim & quidam alii, eas a Sabinis mulieribus nomina accepisse scripserunt. Livii verba sunt hæc: *Itaque quum populum in triginta curias divideret, nomina earum curiis imposuit. Id non traditur, quum baud dubie aliquando numerus major hoc mulierum fuerit, ætate an dignitatibus suis virorumve, an forte lectæ sint, quæ nomina curiis darent.* Alii vero, inter quos est Varro, eas ante Sabinarum raptum nomina habuisse scripserunt, iis a Romulo in prima civitatis divisione imposita. Varonis sententiam Plutarchus confirmat, quum ait: *Curias quidam perhibent, a Sabinis mulieribus nomen traxisse, sed hoc mendacium esse deprehenditur, nam multis illarum a locis nomina imposita sunt.* Dionysius quoque libro II. de honoribus (inquit) habitis virginibus Sabinis Romani scriptores dissentiant. *Quidam enim scribunt inter alia id eis tributum, ut XXX. curie earum nominibus appellarentur, tot enim fuisse scribunt quæ legationem suscepissent.* Terentius autem Varro, cum his hac in re non consentit. dicit enim jam ante nomina curiis fuisse imposita a Romulo in prima divisione populi, partim a principibus viris, partim ex locis sumpta, nec vero XXX. tantum mulieres legationem suscepisse, sed DCCVII. Ceterum quum omnia fere curiarum nomina vetustate obliterata sint, paucaque admodum superint, quid de hac re ego sentiam, nihil certi habeo quod dicam. Varonis tamen sententiam ut approbem, facit, tum ipsius viri ingenium, diligentia & doctrina; tum Plutarchi, & Dionysii testimonia, postremoque ea quæ supersunt curiarum nomina, quæ ab

aliquo potius alio eventum, quam a mulierum nominibus deducta esse videntur. Ego enim ex XXX. curiis octo hæc tantum nomina inveni, quæ sunt: *Foriensis, Raptæ, Vellensis, Velitæ, Calabria, Titia, Tifata, & Sancia.* Quatuor primarum quæ & curiæ veteres dictæ sunt, atque in Palatio semper fuerunt, ita meminit Sext. Pompeius: *Novæ curiæ proximæ compitum Fabricii edificatæ sunt, quod parum ample erant veteres a Romulo factæ, ubi et populum & sacra in partes triginta distribuerat, ut in iis ea sacra curarent. Quæ quando ex veteribus in novas evocarentur, quatuor curiarum per religionem evocari non potuerunt. Ita quod Foriensis, Raptæ, Vellensis, Velitæ, res divine sunt in veteribus curiis.* Ex quo loco, & quatuor curiarum, quæ veteres a scriptoribus appellantur, semperque in Palatio fuerunt, nomina habemus, & reliquis curiis ex Palatio, ubi urbs Romuli fuit aucto urbis ambitu, per urbem dispersas esse. De curia Calabria, quæ in Capitolio erat, meminit Varro libro V. & libro I. Saturnalium Macrobius, & Sext. Pompeius: *Calabria curia dicebatur, ubi tantum ratio sacrorum gerebatur.* De curiis Titia & Tifata sic scribit Sext. Pompeius: *Titienfis tribus a prenomine Tatii regis appellata videtur, Titia quoque curia ab eodem rege est dicta. Item: Tifata, licet a. Romæ etiam Tifata curia. Tifata etiam locus juxta Capuam.* Curia vero *Faucae*, quæ in antiquis scriptis codicibus *Sancia* dicitur, sic meminit Livius libro IX. *Dictator Papirius, C. Junium Bubulum magistrum equi dixit, atque ei legem curiatam de imperio ferenti tristique omni diem diffudit, quod Faucae curiæ fuit principium, duabus insignis cladibus capte urbis, & Caudina pacis, quod utroque anno ejusdem curiæ fuerat principium.* Forte in his & curia Hostilia fuit in monte Cælio. De curiis ita scribit Dionysius libro II. *Sacra sua singulis curiis constituit, suis cuique divos, quos venerari semper deberent assignatis, & sacris faciendis, certos sumptos definiti, quos ex ærario suppeditari oporteret.* Porro autem una cum suis sacerdotibus sacris sibi solemnibus peragendis, curiales adesse oportebat, unaque epulabatur feriis, in curialibus tricliniis cœnaculisque, erant enim sue cuique curiæ cœnationes, in quibus communis veluti focus, singulis curiis consecratus erat. Hujusmodi autem edes curiarum etiam nominibus appellabantur, quæ nomina nostra adduc ætate retinent. Et alio loco: *Omnes curiis Junoni Quirine aræ posite sunt, quæ etiamnum hoc nostro tempore ponuntur.* Et eodem libro de Numa loquens, *Unum sacerdotum collegium fecit triginta curiarum, quorum (ut dixi) munus erat pro curialibus sacra facere.* Et paulo post: *His quidem de causis Romulus non fecerat commune totius urbis templum Vestæ, nec Vestales virgines instituerat, sed in unaquaque XXX. curiarum suam quandam Vestem statuerat, in qua epulabantur curiales, sacerdotes autem peragendis sacris non alios quam præfectos curiarum.* Sext. Pompeius: *Curie etiam nominantur, in quibus uniuscujusque partis populi Romani quid geritur, quales sunt hæc, in quas populum Romulus distribuit, numero XXX. ita ut in sua quisque curia, sacra publica faceret, feriasque observaret, iis quæ curiis singula nomina virginum imposita esse dicuntur, quas virgines quondam Romani de Sabinis rapuerant.* Idem alibi: *Hos curiones flamines vocatos scribit ita: Curiarum flamines, curiarum sacerdotes sunt.* Et Pomponius lege 2. de origine juris: *Postea aucta ad aliquem modum civitate, iis Romulus traditur populum in XXX. partes divisisse, quas partes curias appellavit, propterea quod tunc reip. curiam per sententias earum partium expediebat, & ita leges quasdam & ipsæ curiæ ad populum tulit.* Ex quibus locis manifestum est, curias Romæ fuisse populi tales quasdam partes, quales sunt nostro tempore in urbibus præciæ. Ut enim nostræ præciæ habent destinatas quasdam ædes, & domos, in certa quadam urbis parte sitas, quæ communia sacra, ipsam adem sacram communem, sacrorum commu-

nem ministrum, id est parvum habent, ita curiæ erant incolarum urbis partes, non modo loco, sed etiam sacris sibi peculiaribus distinctæ, quibus qui præerant, curiones vocabantur. In has ergo curias omnes, qui civitate donati in urbem migrabant, per curias dividebantur. Nam cives Romani, qui in coloniis, & municipiis erant, sua quædam in suis urbibus sacra habebant, non secus quam qui Romæ erant. Neque in Romanas curias erant distributi. A curiis sunt curiata comitia, in quibus populus curiatim suffragium dicebat, hoc est, in quibus populi per curias divisi sententia rogabatur, ut quod plures curiæ statuisent, id iussum populi esse diceretur. Quod his verbis docet Dionysius: *Populus ferebat suffragium, non universus consule, sed per curias vocatus. Quodque pluribus visum esset curiis, id ad patres referebatur, nunc vero mos mutatus est. Neque enim patres de iussu populi iudicant, sed contra sententiam patrum populus confirmat, &c.* Populus enim, postquam is, qui habiturus esset comitia, suam rogationem exposuisset, in suas quicunque curias discedebat, quæ deinde eo ordine suffragium dicerent, quo forte exhibant. Quæ autem prima exhibit, ea PRINCIPIMUM esse dicebatur. Quodque plures ex triginta curiis iusserant, id ratum habebatur. Ac si primo vocatæ consentirent, statim atque sexdecim ex illis suffragium dixerant, finis erat comitiarum. Quia tum certum esset a pluribus curiis, id iussum esse, quod sexdecim iussissent: sin dissentirent, eo usque vocabantur, dum sexdecim curiæ consensissent. Quod si XVI. curiæ rogationem non suscipiebant, ea omnino teneri non poterat. Hæc autem comitia auspiciato, non nisi auctoribus patriciis, intra pomerium, atque in foro, fiebant. Ideo foro locus proximus Comitium dicebatur, in quo hæc comitia, Livio, Dionysio, & Tranquillo auctoribus, fieri consueverant. Ceterum post curias a Romulo institutas, usque ad tempora Ser. Tullii VI. Romanorum regis, omnia quæ suffragiis populi a regibus committebantur, curiatis comitiis peragi necesse erat, quum adhuc nec centuriata, nec tributa comitia in usu essent. Itaque non modo reges, sed etiam ceteros magistratus curiatis comitiis creatos fuisse interpretandum est, quum apud auctores reperimus a populo eos creatos. Leges quoque omnes, & judicia, quæ ad illud usque tempus late sunt, vel acta, curiata fuerunt, ita ut omnia quæ populi suffragiis fierent, non nisi comitiis curiatis fierent. Verum post classes a Ser. Tullio institutas, tum duo cæperunt esse comitiarum genera, *curiata, & centuriata*, quibus duobus comitiarum generibus populus usus est, usque ad iudicium Coriolani, annumque urbis CCLXIII. quo primum anno cæperunt *tributa* comitia usurpari. Ut autem comitiis tribuit populus Romanus per tribus, centuriatis per centurias distinctus, suffragium ferebat, sic curiatis, per curias, nulla tribuum, census, ætatis, aut ordinis habitatione distinguebatur. Quod Gellius ex Lælio Felice docet, quum ait: *Curiatia comitia esse, cum ex generibus omnium suffragium fertur.* Nam qui in tribus descripti erant, locis ac regionibus erant distincti, qui in classes censu, ordinibus, ætatibusque: at qui in curiis continebantur, nulla habita istorum ratione, tantum sacrorum quadam distinctione, distinguebantur. Erant enim ex omnibus tribubus, qui urbem incolerent, ideoque in curias descripti. Unde fiebat, ut in curiis esset tribuum, & classium, quæ præcipue populi Romani partes erant, consilio. Ideo Lælius ait, curiata comitia esse, quando ex generibus omnium suffragium fertur. Postquam igitur curiatis centuriata, tributaque comitia accesserunt, tum minus frequentari cæperunt curiata, quum omnia fere quæ ante curiatis fiebant, post tribuitis & centuriatis fieri cæperint, & maxime postquam lex lata est de creandis plebeis magistratibus tribus comitiis, qui hæctenus curiatis creati fuerant. Post quæ tempora duobus potissimum rationibus curiata comitia haberi tantum cæperunt, una erat legum ferendarum, altera vero sacerdotum quorundam creandorum causa. Leges autem curiatae fuerunt quinque. Prima de impe-

rio, hoc est, rei militaris administrandæ facultate, magistratibus dando. Cicero oratione II. in Rullum. Hi autem erant dictatores, ut Livius libro IX. & XXIII. consules, pro consulibus, prætores, & pro prætoribus, ut Cicero in Rullum, epist. fam. libro I. & libro V. Livius, postremo proquestores, qui cum iure prætorio in provincias mittebantur, & idem Cicero II. Philippica tradiderunt. Ex quibus locis intelligitur rem militarem nemini attingere licuisse, nisi lege curiata id ei nominatim datum esset, atqui nemo cum imperio rem militarem gerere poterat, nisi consulari aut prætorio. Quicunque ergo in provinciam cum belli gerendi potestate mittebantur, legem curiatam ante habere debebant. Nam quum vel dictator rei gerendæ causa a consule dictus esset, vel reliqui magistratus comitiis centuriatis, aut tribuitis creati fuissent, quo imperium haberent, hoc est rei militaris administrandæ facultatem, lege curiata opus erat. Altera lex curiata fuit, qua Camillus ab exilio revocatus est, ut tradit lib. V. Livius. Tertia lex curiata erat, qua adoptiones fiebant, de qua Cicero pro domo. Tacitus libro XVII. & Gellius lib. V. cap. XIX. scribunt. Quarta quæ testamentis confirmandis ferri solebat. Gellius libro XV. cap. XXVII. Quintam postremo legem curiatam fuisse inveni, qua sacrorum detestationes fiebant, id est, omnes consecrationes quas publice in concione populi fieri oporteret. Gellius libro XV. cap. XXVII. Altera porro causa habendorum curiatorum comitiarum fuit, ad creandos sacerdotes quosdam. Hi autem fuerunt Flamines, & Curio maximus, cuius, ut tradit Sex. Pompeius, auctoritate, curiæ omnes, curionesque gerebantur: ut ex Dionysio libro II. & Lælio Felice apud Gellium libro XV. cap. XVII. intelligitur. Curiatas omnibus comitiis (ut dixi) commune erat, ut auspiciato intra pomerium haberetur, auctoribus patriciis. Ipsi enim jus tantum erat curiata comitia habendi, qui aut dictatores, consules, prætores, & interreges, aut si de rebus sacris tractandum esset, pontifices essent. Hæc comitia primo universi populi Romani, qui in urbe habitaret, per curias distincti suffragiis agebantur. Postea quum civitas integris urbibus data fuisset, & non omnes, qui cives Romani essent, sed hi tantum qui in curias descripti erant, quas eorum tantum fuisse constat, qui urbem habitabant, jus in hiis comitiis haberent, factum est, ut minus frequentari curiata comitia cæperint. Neque enim æquum videbatur hac suffragiorum parte eos privare, qui æquo iure cives essent, quique urbem non habitarent. Nam principio, quum omnia quæ suffragiis populi gererentur, curiatis comitiis gererentur, post centuriata comitia a Ser. Tullio rege inventa, majores magistratus centuriatis creati cæpti sunt, minores vero curiatis comitiis adhuc creati mos retentus est, usque ad legem Publiliam, qua cautum fuit, ut minores magistratus non curiatis amplius, sed tribuitis, quæ paulo ante inventa fuerant, crearentur. Tunc enim ea ratio inventa est, omnes cives comitiis admittendi, ut omnes magistratus, vel centuriatim, vel tribuitim, non curiatim amplius crearentur. Ex qua re factum est, ut successu temporis paulatim curiata comitia quasiabolita fuerint. nam quum de imperio magistratuum agendum erat, qui jam centuriatis, vel tribuitis comitiis rite facti fuerant, non XXX. curiæ amplius in suffragium vocarentur, sed pro XXX. curiis, triginta lictores suffragium inierint: ita ut legem curiatam de magistratuum imperio ferre, non esset populo curiatim convocato, legem iubendam amplius dare, sed ad usurpationem quandam vetustatis triginta lictorum suffragiis legem committere, quæ Cicero secunda in Rullum, suis temporibus ita fuisse docet his verbis: *Nunc quia prima illa comitia tenetis centuriata, & tributa, curiata tantum auspiciarum causa remanserunt. Hæc autem tribuitis plebis quia videbat potestatem neminem, in iussu populi aut plebis posse habere, curiatis comitiis, quæ vos non initiis, confirmavit, tributa quæ vestra erant sustulit.* Et paulo post: *Sunt igitur decemviri neque veri comitiis, hoc est populi*

suffragiis, neque illi ad speciem, atque ad usurpationem vetulati per triginta lictores, auspicioium causa edambratis. Ex his verbis perspicuum est, tempore Ciceronis curiatii comitiis de magistratuum imperio habendis, triginta tantum lictores suffragium iniisse, quum ante omnes cives, qui in curiis descripti erant, soliti essent suffragium dicere. Hi voce loco XXX. curiarum, quod rogati erant jubebant, eoque modo, quod hi jussissent ratum habebatur, perinde ac si curiarum suffragiis jussum esset. Quomodo factum sit, ut lictoribus potius, quam aut curionibus, aut aliis quibuldam gravioribus personis, curiata hæc comitia committerentur, locus est Lælii Felicis apud Gellium libro XV. cap. XXVII. unde id suspicari possumus. Scribit enim curiata comitia per lictorem curiatim calari. Ex eo enim credi potest factum esse, defueruntne quadam, & in curia populi, quum singule curiæ a singulis lictoribus vocata, non convenirent, ut ipsis lictoribus id committeretur, cuius causa curiæ essent vocata. Quum autem adoptionis aut sacerdotum creandorum causa, quæ populi beneficio dabantur, comitia curiata haberentur, non triginta lictores, sed populi curiatim convocabatur. Tuncque tabellis curiarum distributis, & comitia more ceterorum comitiorum peragebantur, & quod pluribus curiis visum fuisset, id demum more majorum exequi solitum fuisse. Nam quæ a Cicerone de triginta lictoribus scribuntur, non existimo ad omnia curiata comitia transferenda esse, sed ad ea tantum quæ de imperio magistratuum habebantur. Nam magistratibus iustis comitiis a populo jam ante designatis, rursus coire populus propter eorundem magistratuum imperium minus curabat. Itaque ne omnino deferta per infrequentiam populi viderentur, constitutum videtur, ut pro triginta curiis, triginta lictores convenirent. Verum ceteris in rebus retenta fuisse existimo comitia curiata, & legibus curiatis reliquis promulgandis, & sacerdotibus, quæ populi beneficia erant, creandis.

C A P. IX.

De patriciis minorum gentium, & novis senatoribus lectis, a quibus patrum conscriptorum appellatio manavit.

BELLO Sabino confecto, quum Sabinorum, Etruscorum, & multorum in dies ad alium confugientium adventu, urbs valde crevisset: postquam eos Romulus in civitatem æquo jure suscepisset, & in Lucerum, Tatientiumque tribus concessisset, Regibus quoque visum est, ut patriciorum numero duplicato, Senatorum quoque ordinem augerent. Igitur ex illustrioribus familiis viros centum curiarum suffragiis diligentes, eos in patres cooptatos, veteribus senatoribus adscripserunt, atque hac ratione senatorum numerus ad ducentos est auctus. Hinc patriciorum minorum gentium, & patrum conscriptorum originem manasse potius crediderim, quam quod Livius, Philarchus, & Tacitus tradunt. Quorum Livius patricios minorum gentium sub Tarquinio Prisco; Tacitus vero sub L. Bruto primo consule, (nam & is patricios legisse traditur) primum appellatos scribunt. Plutarchus vero patrum conscriptorum originem eidem Bruto attribuit. Nam eos tantum patricios, qui a Romulo primum lecti sunt, majorum gentium fuisse, vel sequentis lectionis patriciorum testimonio confirmari posset, qui eorum ratione habita, non nisi minorum gentium se ipsos esse profiterentur. Fuerunt equidem & hi majorum gentium, si is qui a sequentibus regibus lecti sunt conferantur, ita ut a Romulo lecti, ita sint majorum gentium, ut minorum esse non possint. Novissimi vero a Bruto creati, ita sint minorum, ut majorum appellationem obtinere nequeant: medii vero a regibus electi modo majorum, modo minorum dici possint, majorum quidem inferiorum, minorum vero superiorum patri-

Alciorum, habita ratione. De patribus vero conscriptis, eos primum conscriptos esse credendum, qui primo ordini jam instituto inserti sunt, & reliqui omnes qui variis temporibus in eum ordinem sunt collocati. Nam si conscriptum esse, idem est, quod electum, cur hi qui in ordinem jam institutum cooptati sunt, conscripti non sunt appellandi? Patrum igitur conscriptorum appellationem, ab hac secunda Romuli & Tatii senatorum lectione manasse credendum. Quo tempore inter reliquas familias in patricias, hæc præcipue lectæ sunt Valeria, Turannia, Curtia, Vertia, Martia, Aurelia, Camillia, Berennia, & pleraque aliæ, quæ ex Sabinis Romam cum T. Tatius commigraverant. Post Sabinos, Medullinos, Fidenates, Vejentes, Camerinos, & alios populos partim sponte, partim coactos in civitatem acceptos, integras quoque urbes victas, dum Romulus vixit, eadem ratione civitate donavit, hocque institutum perpetuo servandum posteris reliquit, quod reges & consules sequuti, eo præcipue factum est, ut urbs ipsa totius demum orbis terrarum imperio polita sit. Hæc autem sunt quæ de reipub. a Romulo constitutæ forma, quamque is moriens reliquit, ex Dionysio, Livio, Plutarcho, & aliis veteribus scriptoribus accurate collegi.

C A P. X.

De Numa Pompilio, secundo Rege.

VIR divini humanique juris consultissimus Numa Pompilius, qui rex post Romulum Romæ creatus est, nulla quidem bellica laude insignis fuit, sed non minus civitati in pace, quam Romulus in bello profuit. Urbem enim novam vi & armis conditam, jure, moribus, legibus, & religione de integro condidit, & renovavit. Inter cuius cetera præclara gesta, quæ a me in Fastis breviter commemorata sunt, sacerdotum ordo, distinctioque præcipua fuit. Universam enim sacerdotiorum rationem in octo partes distribuit. Curiones, flamines, tribunalium celerum, augures, virgines Vestales, falios Palatinos, feciales cum patre patrato, & postremo pontifices. Quorum quosdam ipse, quosdam vero Romulus instituerat. Cuius rei occasione commodum mihi hoc loco, & opportunum visum est, rem omnem sacram, quæ apud Romanos fuit breviter pertractare, atque de omnibus quæ apud eos unquam fuerint, sacerdotis differere, ab antiquissimis Lupercis incipiens, & ad novissime instituta usque perveniens. Sed ante omnia de prima apud Latinos religione differere necessarium esse videtur.

C A P. XI.

De prima Latinorum religione.

HOMINES priscos, agrestes, asperos, & more ferarum viventes, ad mitiorem cultum, vitamque, Saturnum & Janum, qui in Latio regnarunt, redeigisse fama est, quum eos agriorum cultum, & politiorum quandam vivendi rationem docuissent. Ipsi vero, qui hæcenus sine ulla religione fuerant, primus decorum cultum metumque iniecit Saturni filius Faunus, qui lucos sacrauit, templa constituit, & sacrificiorum jus ordinavit. A quo etiam ædes sacræ sana appellata sunt. Post Faunum quum Picus, Latinus, Evander, & alii qui in Latio regnaverunt, novas semper caerimonias commenti essent, novissime dæmonum cultum maxime in Latio auxit Aeneas Phrygius in Italiam transpositis. Cuius postea exemplum sequuti ceteri reges Albani primum, deinde Romani, multa & ipsi sacra addidere usque ad Numam, qui quum omnia in certum ordinem sacra direxisset, divini apud Romanos juris conditor creditus est. De cuius institutis quæ ad deorum caerimonias attinent loquuntur, prius de iis quæ ante eum instituta sunt sacerdotia, verba faciam.

NOMINA OMNIUM SACERDOTIORUM
POPULI ROMANI.

Luperci, Panos, Lycei, vel Inui sacerdotes.

LUPERCI, qui & Fabiani, & Quinctiliani appellabantur, auctore Sext. Pompeio, a Fabio, & Quinctilio prapofitis fuis, sacerdotes omnium vetuftiffimi fuerunt, ante urbem conditam ab Evandro Arcade Arcadam rege folemniter ex Arcadia translato, in Palatino monte inftituti. De quibus Dionyfius libro fecundo fic fcribit: *Arcades itaque in colle Palatino firmati, quum ædificia alia more patrio exornaffent, templa quoque conftituere, ac primum quidem Pani Lyceo admonente eos Carmenta (eft enim apud Arcadas Pan vetuftiffimus, plurimumque in honore habitus) loco congruo invento, quem Romani Lupercal vocant, Græci Lyceum dicunt. Erat enim antiquitus antrum magnum fub colle arbufco denfo contectum, & fontes fub petris profundis, adfervensque rupibus faltus crebris arboribus, & quidem magnis opacus, ubi ara deo conftituta, facrificia patria perficiebant, quæ Romani poftea mense Februario peragebant. Et libro fecundo. Quum præfentiffent homines Numitoris, peraturos juvenes Lupercalia, facrificium Arcadicum, quod Evander conftituit, tempus illud facrificii infidius delectum eft, quum oportebat juvenes Palantium incolentes, facris perfectis ex Lupercali circuire vicum curfus, nudos ipfos fuccinctos pudenda pellibus immolatorum paulo ante animantium. Hæc enim velut purgatio, fivæ luftratio quædam incolarum patria habebatur. Et Livius libro primo. Jam tum in Palatio monte Lupercal hoc fuiffe ludicrum ferunt, & a Palante urbe Arcadica Palantium, deinde Palatinum montem appellatum: ibi Evandrum, qui ex eo genere Arcadum, multis ante tempeftatibus ea tenuerat loca, folemne allatum ex Arcadia inftituiſſe, ut nudos juvenes Lyceum Pana venerantes, per lucum atque lævium current, quem Romani deinde vocarunt Inium. Et Juftinus libro XLIII. Sub Fauno Aboriginum rege, Evander ab Arcadiæ urbe Palanteo in Italiam cum mediocri turba popularium venit, cui Faunus & agros, & montem, quem ille poftea Palatinum appellavit, assignavit. In bujus radicibus templum Lyceo quem Græci Pana, Romani Lupercum appellant, conftituit, æſum dei simulacrum nudum caprina pelle amictum eſt, quo habitu nunc Romæ Lupercalibus decurritur. Varro libro III de lingua Latina: Luperci (inquit) dicti ſunt, quod Lupercalibus in Lupercali ſacra faciunt. & libro quinto. Ego magis arbitror Februarium, a die Februario dictum, quod tum februarur populus, id eſt Lupercis nudis luſtratur antiquum oppidum gregibus cinctum. & Sex. Pompeius: Februarius menſis dictus, quod tum, id eſt extremo menſe anni populus februaritur, id eſt luſtraretur, ac purgaretur; vel a Junone Februata, quam alii Februalem, Romani Februlum vocabant; quod ipſo menſe ſacra fiebant, ejuſque ferie erant Lupercalia, quo die mulieres februarantur a Lupercis amiculo Junonis, id eſt pelle caprina, quam ob cauſam is quoque dies februarus appellabatur. Lupercalia autem XV. Kal. Martii celebrabantur. Plutarchus in problematibus. Quid eſt (inquit) quod Luperci canem immolant? Luperci autem ſunt, qui Lupercalibus per læviam diſcurrunt, pellibus obvio cadunt. &c. Valerius Maximus libro II. cap. I: Equeſtris vero ordinis juvenus omnibus annis his urbem ſpectaculo ſui ſub magnis auctoribus celebrabat, id eſt Lupercalium, & equum probatione. Lupercalium enim mos Romæ a Romulo & Romæ inchoatus eſt, tunc quum lætitia exultantes, quod his avus Numitor rex Albanorum, eo loco ubi educati erant, urbem condere permiſerat ſub monte Palatino, hortatu Fauſtuli educatoris ſui, quem Evander Argivus conſecraverat, facti ſacriſicio, ceſſique capris, epularum hilaritate, ac vino largiore provecti, diſſiſa paſtorali turba, cincti*

A omnes pellibus immolatarum hoſtiarum, jocantes obvios petierunt, cujus hilaritatis memoria annuo circuiſu februarum repetitur. &c. Lupercalia igitur erant feſta, & ſacriſicia quibus ad expiandos manes, Pani Lyceo juvenes Romani nudi canem & capram immolabant. Deinde facie ſanguine fedata, ſe his pellibus cingebant, lorique e pelle factis currebant nudi, circa Palatium obvios quoſque coriſ illis verberantes, & præſertim mulieres gravidas, quæ ultro obviam occurrabant, facilem partum percuffione ſperantes. De qua re ita ſecundo Faſtorum meminit Ovidius:

*Monte ſub Eſquilio multis inciduis annis
Junonis magnæ nomine Lucus erat.
Huc ubi venerunt pariter nuptæque virique,
Suppliciter poſito procubuerunt genu.
Quum ſubito motæ tremuere cacumina ſilvæ:
Et dea per lucos mira loquuta ſuos,
Italides matres (inquit) ſacer birrus inito.
Obſtupuit dubio territa turba ſono.
Augur erat, nomen longis interdidit annis,
Nuper ab Etruſca venerat exul humo.
Ille caprum macſtat, juſſe ſua terga puellæ,
Pellibus exſectis percutienda dabant;
Luna reſumebat decimo nova cornua motu,
Virgæ pater ſubito, nuptæque mater erat.
Gratia Lucinæ dedit hæc tibi nomina lucus.
Aut quia principium tu dea lucis habes;
Parce precor gravidis facilis Lucina puellis.
Maturumque utero molliſter aufer onus.*

Et alibi de Lupercis loquens ſcribit:

*Menſis ab his dictus feſta qui pelle Luperci.
Omne ſolum luſtrant, idque piament habent.
De Lupercalibus autem, ita in Romulo ſcribit Plutarchus: Sed Lupercalia expiationis gratia inſtituta videntur. Celebrantur enim ea ſacra menſis Februarii atris diebus, quæ expiatio interpretari quis poſſet. Eam quoque diem Februatam veteres appellabant. Ac videtur id ſolemne pervetuiſſum, Evandrum ex Arcadia allatum inſtituiſſe. Hoc vulgatioſ fama tenet. Poſteſt etiam nomen ipſum a lupa dictum videri. Etenim videmus Lupercos inde curſum incipere, ubi Romulum expoſitum ferunt. Verum qui in his ſervaturo ſacriſicii mos, haud facile eum conſectura aſſequi poſſumus. Jugulant enim capras, tum duos ex genere adoleſcentes eo ſiſtunt, quorum frontes alii cultro ſanguine perſuſo pingunt, alii ſtatim lanam lacte madentem admoventes abſtergunt: oportet etiam abſterſos adoleſcentes videre. Deinde inciſis in corrigias caprarum pellibus, diſcurrunt in orbem, & ſi qui obſtant ſcuticis cedunt. Mulieres adultæ ætate ultro ſe ad verbera offerunt, ratæ eam rem ad ſecunditatem conducere. Proprium ac ſuum ejus celebritatis eſt, ut Luperci canem immolent.*

De Lupercis mentio eſt in hac antiqua inſcriptione:

L. AELIANO. L. F.
AN. PROVINCIALI
EQVO. P. ORNATO
LUPERCO. DESIG
HVIC. ORDO. DECVRION
STATVAM. DECREVIT
L. AELIANVS. VERECVNDVS
H. V. S. R. L. D. D. D

Hæc ſacra Romæ uſque ad Anaſtaſii imp. tempora perduraverunt, Theoderico Amalo Gothorum rege in Italia regnante; quibus auctore Gelaſio Papa circiter annum Chriſti CDXCV. reclamantibus ſuperſtitioſis quibuſdam Romanis, omnino abolita ſunt, ſerique amplius prohibita; ut ex antiquo S. R. regitro cognovi, cujus mihi copiam fecit, vir omni laude, & perpetua memoria dignus Marcellus Papa II. qui eo tempore Cardinalis S. Crucis erat.

C A P. XIII.

CERERIS. GRÆCA. SACERDOS

DIONYSIUS libro primo : *Arcades auctore Evandro, in Palatio Cerei etiam templum exerunt, eique sacrificia faciebant per feminas, quæ sine viro essent, ut lex est Græcis, quorum nihil mutavit sequens ætas. Livius sæpe Cereris Græcæ sacerdotis mentionem facit.*

C A P. XIV.

POTITI. ET. PINARI. HERCVLI
SACERDOTES

DIONYSIUS libro primo : *Evander, & Arcades caerimonias Græco ritu, ut ipsos Hercules docuerant, & sacra eidem Herculi instituerunt (qui cæso Geryone quum in Latium cum ejus armentis venissent, latronem Cacus occiderat) Et ut grata ei semper sacra facerent, familias duas illustres fuisse dicunt, qui caerimonias didicerint Græcæ, Potitios & Pinarios, penes quas familias multum tempus duravit cura sacrificii, ut ille instituerat. Potitius quidem sacrificii auctoribus, Pinariis autem extorum participatione prohibitis, atque in aliis omnibus quæcunque per utroque fieri oporteret, secundum honorem habentibus. Hanc autem ignominiam esse eis impositam dicunt tardioris adventus causa. Iussi enim summo mane adesse, adesset ipsi jam extis advenire. Nunc non amplius manet in his familiis hujus sacrificii solemne ministerium, sed empti pueri de publico id peragunt, &c. Livius lib. i. *Ibi tum primum bove eximia capta de grege, sacrum Herculi adhibitis ad ministerium dapemque Potitii, ac Pinarii, quæ tum familie maxime inclite ea loca incollebant, ab Evandro factum. Forte ita evenit, ut Potitii ad tempus præsto essent, utque exta apponerentur, Pinarii extis adesset, ad ceteram venirent dapem, inde institutum mansit, donec Pinarium genus fuit, ne extis solemnibus vescerentur. Potitii ab Evandro edocti, antistites sacri ejus per multas ætates fuerunt, donec tradito servis publicis solemni familia ministerio, genus omne Potitiorum interit. Quod quando factum fuerit libro IX. docet. & Valerius libro I. cap. II. Hercules quoque detractæ religionis suæ, & gravem, & manifestam poenam exegisse traditur. Nam quum Potitii sacrorum ejus ritum, quem pro dono genti eorum ab ipso assignatum velut hereditarium obtinuerant, Ap. Claudio censore auctore, ad humile servorum ministerium transfussissent, omnes qui erant numero supra triginta puberes intra annum extincti sunt. Nomenque Potitium in duodecim familias divisum prope interit. Appius vero luminibus captus est.**

C A P. XV.

REGES

REGES tam apud Græcos, quam apud Romanos sacerdotes fuisse manifestum est. Virgilius enim de rege Deli Anio loquens, ita ait.

Rex Anius, rex idem hominum, Phœbique sacerdos.

Et Livius in Numa libro I. *Tum sacerdotibus (inquit) creandis animum adjecit, quamquam ipse plurima sacra obibat, ea maxime quæ nunc ad Dialem flaminem pertinent. Et libro II. Rerum deinde divinarum habita cura, & quia quedam publica sacra per ipsos reges factitata erant, necubi regum desiderium esset, regem sacrificulorum creant, &c. Idem libris II. & V. Dionysius refert.*

C A P. XVI.

FRATRES. ARVALES. XII

MASSURIUS Sabinus, apud Gellium libro sexto, cap. septimo. *Accam Laurentiam Romuli nutricem duodecim filios suscepisse scripsit. Ex*

A quibus quum unum amisset, graviter dolere cepit. Quare quo ejus dolorem leniret, in filii demortui locum Romulus Accæ Laurentiæ sese filium dedit; seque & ceteros ejus filios fratres arvales appellavit. Ex eo tempore collegium mansit fratrum arvalium numero XII. cujus sacerdotii insignie erat spica corona, & albæ infusæ. Plinius lib. XVII. cap. secundo : *Arvorum sacerdotes Romulus in primis instituit, seque duodecimum fratrem appellavit inter illos, ab Acca Laurentia nutrice sua. Spica corona quæ vittæ albæ colligaretur sacerdotio ei pro religiosissimo insigni data, quæ prima apud Romanos fuit corona, bonos quoque is non nisi vittæ finitur, & exules etiam captoque comitatur. Et Varro libro quarto de lingua Latina, Fratres (inquit) Arvales dicti sunt, qui sacra publica faciunt propterea, ut fruges ferant arva, a ferendo & arveis fratres arvales dicti, quia fratriâ dixerunt.*

De hoc sacerdotio mentio est in antiquis epigrammatibus sic.

C. PORCIO. C. F. QVIR
PRISCO. LONGINO. C. V
X. VIRO. STILITIB. IVDICAND
ADLECTO. INTER. QVAESTOR
AB. ACTIS. SEN. AED. CVR
ADLECTO. INTER. PRAETOR.
PRO. COS. LYCIAE. PAMPHILÆ
COS. FRATRI. ARVALI

Item:

L. CAESONIUS. C. F. QVIRINA
LVCLIVS. MACER. RVFINIANVS
COS. FRATER. ARVALIS
PRAEF. VRBI. ELECTVS. AD
COGNOSCENDAS. VICE. CAESARIS
COGNITIONES. PROCOS. PROVINC
A F R I C A E

LX. PVBLICI. SACERDOTES

DIONYSIUS libro II. ex Varrone : *Deinde autem quia curiae quædam sine ratione, & inconsiderate magna ex parte electiones faciebant sacerdotum, quædam vero hunc honorem precio per præconem subiiciendum consuebant, quædam esse sorte partiendum existimabant: non vendita Romulus, neque forte partienda fecit sacerdotia, sed cuiusque curiae ipse binos creavit, supra annum quinquagesimum natos, genere excellentes, simul & virtute præstantes, neque inopes, aut corpore nulla ex parte truncos; hos autem non in præfinitum quoddam tempus, sed per omnem vitam potiri eo honore statuit, atque ob ætatem a militaribus officiis, ex lege vero a civilibus molestiis immunes esse voluit.*

C A P. XVII.

AVGV RV M. XV. COLLEGIVM

AUGURANDI ars antiquissima est, quæ a Chaldeis ad Græcos, a Græcisque ad Etruscos, & ab Etruscis ad Latinos devenit. Nam veteres Chaldaeos optimos augures fuisse memoriae proditum est. Amphiarus quoque, Mopsus, & Calchas peritissimi apud Græcos augures memorantur: in Tusculis vero hæc ars multum floruisse constat. Afcanium etiam apud Latinos augurasse legitimus, quum aciem contra Mezentium educeret. Et ubi micare sinistris fulgur aspexit, pugnavit, & cecidit. Dionysius vero, antiquam augurandi peritiam apud Aborigines etiam fuisse tradit. Romulus ipse summus augur fuit; & idcirco instituit magistratus cum auguriis creati. Et posteri non nisi augurato res gerebant. Tanta autem veneratio huic arti accessit, ut Romulus principio trium augurum collegium constituerit, singulos ex singulis tribubus, quæ tres erant, Rammenium, Tatienium, Lucernum. Quod his verbis libro secundo tradit Dionysius : *Ad hæc etiam vates statuit ex singulis tribubus singulos sacris interesse, quos augures vocavit. Quos per curias creati insi-*

ruit. Et in Numa! *Quartam* sacrorum partem tribuit interpretantibus signa a diis missa, & distinguuntibus quarum essent rerum indicia, privatæque & publicæ, quos equidem augures Romani vocant, totius rei divinæ peritissimos. Sex. Pompeius: *Augustus locus sanctus ab avium gestu, id est, quia ab avibus significatus est, sic dictus; sive ab avium gustatu, sive quia aves pastæ id ratum fecere.* Augur ab avibus gerendoque dictus, quia per eum avium gestus edicitur, sive ab avium garrunt, unde & augurium. Inde auspicius: ab ave aspicienda dictum. nam quod nos cum præpositione dicimus auspicio, apud veteres sine præpositione a, Spicio dicebatur. Augurandi modum libro i. discrete narrat Livius: *Accius Numa, sicut Romulus augurato in urbe condenda regnum adeptus est, de se quoque deos consuli iussit. Inde ab augure, cui deinde honoris gratia publicum id perpetuumque sacerdotium fuit, deductus in arcem, in lapide ad meridiem versus consedit. Augur ad levam ejus capite velato sedem cepit, dextra manu baculum sine nodo aduncum tenens, quem lituum appellaverunt. Inde ubi prospectu in urbem agrumque capto, deos precatus, regiones ab oriente ad occasum determinavit, dexteræ ad meridiem partes, levæque ad septentrionem esse iussit. Signum contra quod longissime conspectu oculi ferebant, animo finivit: tum lituo in levam manum translato, dextra in capite Numæ imposita, precatus est ita: Jupiter pater, si est fas hunc Numam Pompeium, cujus ego caput teneo, regem Romæ esse, uti tua signa nobis certa ac clara sint, inter eos fines quos feci. Tum peregit verbis auspicia, quæ mitti velle. Quibus missis declaratus rex Numa de templo descendit &c. Locus enim augurii templum vocabatur. Varro libro vi. de lingua Latina: *Templum tribus modis dicitur, ab natura, ab auspicio, ab similitudine; ab natura in celo, ab auspicio in terra, ab similitudine sub terra. In celo templum dicitur, ut in Hecuba.**

O magna templa cæli tum commixta stellis splendidi.

In terra, ut in Peribœa,

Scrupea laxa Bacchi templa prope aggreditur.

Sub terra, ut in Andromacha,

Acberusia templa altæ Orci salvete infera.

Quam quia initium erat oculi, a tuendo primo templum dictum, quo circa cælum qua tuemur templum dictum, sic:

Contremuit templum magni Jovis alitontanis:

Id est, ut ait Nævius in Hæmiphysio: *ubi terra cæruleo septem stat.* Ejus templi partes quatuor, sinistra ab oriente, dextra ab occasu, antica ad meridiem, postica ad septentrionem. In terre dictum templum locus augurii, aut auspicii causa quibuscumque conceptis verbis finitus. Concipitur verbis non iisdem usquequaque. In arce ita: *Tesqua a me ita sunt, quoad ego ea velim, quum nuncupavero: olla, terra, arbor, quisquis est, quam me sentio dixisse, templum te ætumque, ferto in sinistra.* Olla, terra, arbor, quisquis est, quod me sentio dixisse, templum te ætumque, ferto in dextrum &c. Ita igitur locatus augur, si signa læva fuerunt quia illa parte septentrio est, felicia pronuntiat. Nam pars illa orbis propter altitudinem dextra putatur. Si a dextra infelicia. Nam quia merides depressus est, infelix existimatur. Alites autem volatu auspicia facientes præcipue putabantur buteo, fanqualis, immulculus, aquila, vultur, ut tradit Sex. Pompeius. Quamquam autem maxima auguriis, auguribusque ex Romuli præscripto veneratio habita semper fuerit, nihilominus sub L. Tarquinio Prisco rege post Artii Navi miraculum, iis certe, sacerdotioque augurum tantus honos accessit, ut nihil belli, domique postea, nisi auspicio gereretur, concilia populi, exercitus vocati, summa rerum, ubi aves non admittissent, dirimerentur. Ser. Tullius rex postea, ut existimo, quum in quatuor tribus urbem divisisset, alterum augurem adjunxit. Nam anno urbis cdliv. ut tradit libro x. Livius, Q. Appuleio Panfa, & M. Valerio Corvo v. Coss. rogatione Ogulnia, quinque c. ple-

be additis, ad novem numerum aucti sunt, ut latius demonstravi in Faكتورum commentariis, ubi de pontificibus, & pontifice maximo verba feci. Primi c. plebe augures hi fuerunt, C. Genucius, P. Ælius Pætus, M. Minucius Fessius, C. Martius, T. Publius. Qui numerus usque ad dictaturam Sullæ Felicis manlit. Quo tempore, ut ex Livio Florus in epitoma libri xxix. tradit, Sulla augurum, pontificumque collegium ampliavit, ut essent xv. augures, totidemque pontifices. Qui numerus postea manlit. Ceterum quum ceteris fere omnibus sacerdotibus, simul ac in iudicio ducti & damnati essent, alium substitui mos fuisset, augures hæc lege immunes erant, dum enim viverent licet maximorum criminum convicti essent, sacerdotio tamen potiebantur, neque unquam privari poterant. Quum enim sacrorum arcana neminem qui augur non esset cognoscere vellent, ubi quis augur coopatus esset jurjurando adigebatur, augurum res nemini se dicturum, privatum vero cum postea factum, eo sacramento liberum esse volebant. Augurum autem in Romuli memoriam vultur prosperrima avis esse existimabatur. Quum autem veteri lege ac more augures ab auguribus, pontifices a pontificibus, reliqui sacerdotes a suis quique collegiis crearentur, unus tantum pontifex maximus a populo, primus Cn. Domitius Ahenobarbus tribunus plebis Neronis imperatoris avatus, pontificibus officiorum, quod alium quam se sui patris in locum coopassent, lege lata jus sacerdotum subrogandorum a collegiis ad populum transiit, anno urbis dcli. c.

Mario III. & L. Aurelio Oreste coss. Nec multo post ipse pontifex maximus populi suffragio creatus est. Huius legis Cicero II. agraria in Rullum meminit his verbis: *Hoc idem de ceteris sacerdotiis Cn. Domitius tribunus plebis vir clarissimus tulit, quod populus per religionem sacerdotia mandare non poterat, ut minor pars populi vocaretur, ab ea parte qui esset factus, is a collegio cooparetur.* Qua lege etiam permittum est, ut absentes possent petere sacerdotia, scribit enim Cicero;

C. Marium, quum in Cappadocia esset, lege Domitia augurem factum fuisse. Atque ita augures, pontifices, septem viri epulonum, xv. viri sacris faciendis, & festales, qui hæcenus a suis collegiis creati solebant, tribus comitiis renuntianti cæpti sunt. Postea L. Sullæ dictator, rerum potitus quum alia multa contra plebem, quæ Marianas partes foverat, tum hoc sanxit, ut sacerdotes iidem a collegiis crearentur, ut Pedianus in divinationis commentario sic tradit: *His decem annis a Sylla, bellis civilibus spoliatus est populus Romanus potestate tribunicia, iudicandi jure, arbitrio creatorum sacerdotum.* Sed quemadmodum legem Domitiam abrogavit Sulla, sic legem Sullæ aliquot annis post T. Attius Labienus tribunus plebis abrogavit, Domitiamque restituit, M. Tullio, & C. Antonio coss. Fecit autem hoc auctore C. Cæsare: qui si populus in mandando sacerdotio suffragium ferret, se, qui popularis admodum erat, pontificem maximum in demotui Metelli Pii locum creatum iri, non sine causa putabat. Quod & re comprobatur est, nam P. Servilio Isaurico, & Q. Lutatius Catulo, consularibus viris dejectis, ipse nondum prætorius in amplissimi sacerdotii gradum ascendit. Rursus a populo ad collegia lege Labienii abrogata, jus coopandorum sacerdotum restituit, post eadem Cæsar M. Antonius consul, eo consilio ut facilius ac certius M. Aimilius Lepidus, cujus filio filiam suam collocaverat, pontifex maximus in Cæsaris locum subrogaretur. Ceterum quum Antonii omnes leges anno sequenti Hirtio & Panfa coss. ex S. C. abrogatæ essent, quod ex M. Tullii oratione in ipsum XIII. & Dionis libro XLVIII. intelligitur, hæc quoque, quam de sacerdotiis tulerat, fracta est, lexque Domitia iterum restituta, sic enim eo anno scribit Cicero ad Brutum: *Pansa viro celeriora omnia putabamus, statim enim collegam sibi subrogasset, deinde ante prætorum, sacerdotum comitia fuissent.* Postea sub Augusto abrogata tertio Domitia lege, collegiorum primo, deinde

Romanorum principum arbitrio, pontifices, augures, & reliqui sacerdotes cooptari cepti. Augurum collegium Romæ usque ad Theodoli senionis imp. tempora viguit. Quibus religione Christi sanctissima omnia jam obtinente, verereque dæmonum cultu abrogato, uno edicto sacerdotiorum omnium reditus fisco publico applicati sunt. Quare postea plane augures, & alii sacerdotes fieri desierunt. ita Zosimus.

De auguribus præterea multa mentio est apud Ciceronem libro I. de divinatione, Ovidium quarto Fastorum, Valerium lib. II. Plutarchum in problematibus, & Statium Papinium libro quarto Thebaidos.

De augurum vero collegio has inscriptiones vidi:

IOVI O. M. SACR
COLLEG. AVGV. D. D.
CVR
T. IVNIVS. SELEV
CVS. CVM. VALER. FIL
IMMVN. PERPET

item
COLLEGIVM
AVGV. VM. AVCTORE
IMP. CÆS. TRAIANO
HADRIANO. AVG
TERMINOS. POMERII
RESTITVENDOS. CVR

C A P. XVIII.

Haruspices.

HARUSPICES a Romulo institutos fuisse, tradit libro secundo Dionysius. Hi a victimis in araspiciendis dicti sunt. is enim est haruspex, qui, postquam hostia immolata est, inspectis extis futura prædicat; qui & extispex dicitur. Hic sæpe per pecudum, & ceterarum hostiarum fibras, jecinora, & alia intestina, futura arte dæmonum divinabat.

De haruspibus mentio est in hac antiqua inscriptione

S O F R O N I A
S. L. T E R T I A
SIBI. ET. P. SEXTILIO
PRIMO. HARVSPICI
SEVIR. O. AQVINI
ET. SVIS. IN. FR
P. XII. IN. AGR. P. XII

C A P. XIX.

De Tribuno Celerum.

TERTIAM sacrorum administrandorum partem Numa tribuno celerum tribuit, quem Romulus equitum, quos celeres vocabant, præfectum constituit; sub cuius potestate pedestres, equestresque copiæ erant, corporisque regis ad custodiam creatus fuerat. Hic enim statuta quadam sacrificia peragebat. Ita Dionysius libro secundo. De tribuno celerum mentionem facit Pomponius libro primo, tit. de origine juris ita: Initio civitatis Romanæ, constat reges omnem potestatem habuisse. Isdem temporibus & tribunum celerum fuisse constat, is autem equitibus præerat, & voluit secundum locum a regibus obtinebat, quo in numero fuit L. Junius Brutus, qui auctor fuit regis ejiciendi. Et Dionysius in Romulo: Romulus trecentos viros ex præcipuis familiis, quos curia remuniarunt, eodem modo, quo antea senatores, delegit, eosque ad corporis custodiam circum se habuit, vocatque omnes sunt celeres, ut plures scribunt ab exequendi ministerii celeritate, prompti enim velocisque ad opera erant, quos Romani celeres vocant. Ut autem Valerius Antias dicit a primo

A corum duce Fabio Celere. Præerat namque dux ipse etiam clarissimus, cui tres suberant centuriones, & sub eis alii inferiores magistratus, qui per urbem sequentes eum cum telis minisri eorum quæ jubebantur erant. &c. Hujus tribuni celerum postea exactis regibus locum tenuit apud dictatorem magister equitum, & apud imperatores præfectus prætorio, ut tradit Pomponius.

C A P. XX.

Curiones XXX. Et Curio Maximus.

CURIONES erant qui curiis præsidebant a Romulo instituti, curiarumque suffragiis creati: de quibus libro secundo in Numa sic scribit Dionysius: Assumpta itaque Numa omnis divini cultus institutione, atque conscripta, eam in octo divisit partes, quot erant etiam sacrorum ordines, tradidit autem primam sacrorum constitutionem triginta curionibus, quas dixi hostias immolare publicas pro curiis. His omnibus unus præsidebat curio maximus dictus, cujus auctoritate (ut inquit Festus) ceteri curiones regebantur. Hujus frequens mentio est apud Livium. Hic curiatis comitiis semper creatus est.

C A P. XXI.

De Sodalicibus Titius, alias Titienisibus.

SODALES Titii (inquit M. Varro libro IV. de lingua Latina) dicti sunt a Titius avibus, quas in auguriis certis observare solent. Tacitus vero libro primo: Idem annus (inquit) novas caerimonias accepit, addito sodalium Augustalium sacerdotio, ut quondam T. Titius retinendis Sabinorum sacris sodales Titios instituerat. Sorte ducti e primoribus civitatis unus & viginti. De hoc sacerdotio mentionem facit Lucanus libro primo.

Septemvirque epulis festus, Titiique sodales

Hi sacerdotes extra urbem habitabant, & in tuguriis certa auguria fervebant, quoniam ad id deputati a pontificibus erant. De iis præterea nihil compertum habeo.

Horum quoque ut aliorum multorum meminere antiquæ inscriptiones ita:

P. CORNELIO
DOLABELLÆ
COS

VII. VIRO. EPVLONVM
SODALI. TITIENSI
LEG. PRO. PR. DIVI. AVGVSTI
ET. TI. CAESARIS. AVGVSTI
CIVITATES. SVPERIORES
PROVINCIAE. ILLYRICI

item

M. F. CL. P R I S C O
SACERDOTI. TITIALI
PR. INTER. CIVIS. ET
PEREGRINOS. TR. PL
QVAESTORI. PROC
AVG. XX. HERED

item

PONTIFICI. MAXIM. . . .
TRIBVNIC. POTESTAT. . . .
IMP. XVII. P. P
COS. VIII. DES. VIII. CENSORI
CONSERVATORI. CAEREMONIARVM
PVBLICARVM. ET
RESTITVTORI. AEDIVM. SACRARVM
SODALES. TITI

C A P. XXII.

FLAMINES XV.

SECUNDAM (inquit libro secundo Dionysius) sacrorum ministeriorum curam Numa rex iis tradidit, qui a gestatione pileorum & insularum flamines vocati sunt. De quorum institutione parum inter veteres scriptores convenit. Plutarchus enim in Numa ita scribit: Jovis Martisque sacerdotibus a Romulo constitutis, tertium ipse Romuli constituit, quem flaminem Quirinalem nominavit. Vocabans & sacerdotes antea constitutos flamines, a pileis quibus ad tegenda capita utebantur, quasi pilamines quidam essent. E contra Dionysius, & Livius flaminum omnium originem Numæ tribuunt. Ita enim scribit Livius: Tum sacerdotibus creandis animum adiecit, quamquam ipse plurima sacra obibat, ea maxime quæ nunc ad flaminem Dialem pertinent, sed quia in civitate bellicosa plures Romuli quam Numæ reges similes putabat fore, iturisque ipsos ad bella, ne sacra regie vicis desererentur, flaminem Jovi assiduam sacerdotem creavit, insignique cum veste, & curuli regia sella adornavit. Hinc duos flamines adiecit, Marti unum, alterum Quirino. Erat autem flamen sacerdotis nomen, qui alicui deo peculiariter consecratus, ei uni fingillatim sacra faciebat, a quo & nomen obtinebat, ut is qui Jovis sacra curabat, vel Martis, aut Quirini; is flamen Dialis, Martialis, & Quirinalis vocabatur. Hinc Cicero secundo de legibus: Divisique aliis sacerdotes, omnibus pontifices, singulis flamines sunt. Nominis autem ratio tracta est a filo, quo caput cinctum habebant, quod his verbis docet M. Varro libro III. de lingua Latina: Flamines (inquit) quod in Latio, capite velato erant semper, ac caput cinctum habebant filo, flamines dicti. Horum singuli cognomina habent ab eo deo, cui sacra faciunt, sed partim sunt aperta, partim obscura, &c. & Servius super Virgilium: Flamines (inquit) in capite habebant pileum, quod quum per æstus ferre non possent, filo tantum caput a religare coperunt. Nam nudis penitus caput incedere nefas erat, unde a filo, quo utebantur, flamines dicti quasi filamines. Plutarchus in Numa, eos a pileo pilamines primo, post flamines dictos putat, quod non placet; nam & pontifices, & alii sacerdotes pileos gerebant, & flamines tamen non sunt appellati. Apianus, flaminem Dialem semper velo, & galero festis profectisque diebus uti solere scribit. Sunt qui eos a sacris insulis flamines dictos putant, quas in capite gestabant; quæ ab antiquis flamæ dicebantur, sive a flameo, quod genus est tegminis capitis, quod potius mulierum est quam virorum. Sex. Pompeius: Flamen Dialis dictus quod filo assidue veletur, indeque appellatur flamen quasi flamen. Pileus autem sive galerus quo flamines utebantur, apex vocabatur, cuius formam ex lapideis marmoris, vetustisque nummis, ita aliquando descripsi. Nam quum apex fastigium sit & summum aliquid alicui additum rei, flaminis pileus qui ad modum galeæ militaris factus erat, in summo fastigio virgulam fixam habebat, circa quam filum flanzæ albæ religatum erat; a qua re (ut dixi) & ipsi flamines sunt vocati, & pileus ipse apex. Unde Valerius libro primo cap. 1. At Sulpicio inter sacrificandum apex prolapsum, eidem sacerdotum abstulit. Et Lucanus libro primo.

Et tollens apicem generoso vertice flamen.

Apice autem non nisi flaminibus uti permixtum erat, ut nunc mitra episcopis. Servius lib. XIII. Vocant apicem ab apendo quod est vincire, unde aptus & apiculum filum, quo flamines velatum caput gerunt. Sex. Pompeius: Apex, (inquit) qui est sacerdotum insigne, dictus est, ab eo quod comprehendere vinculo antiqui aperire dicebant, unde aptus is qui convenienter alicui junctus est. Virgilius lib. XIII.

Hinc exultantes Salios, nudosque Lupercos,

A Lanigerosque apices,
Apex igitur omnium flaminum insigne commune erat. Quum autem tres a Numa principio tantum instituti fuissent, Dialis, Martialis, & Quirinalis; postea processu temporis XII. alii Romæ additi sunt, & ad XV. numerum aucti. Sex. Pompeius: Maxime dignationis flamen Dialis est inter XV. flamines. Et quum ceteri discrimina majestatis suæ habeant, minimi habetur Pomonalis: Quod Pomona levissimo fructui agrorum præsidet, id est pomis. &c. Ceterum omnes flamines mox enumerabo. Post constitutos XII. flamines, orta est inter eos majorum, minorumque, vel patriciorum, & plebeiorum distinctio. Tres enim primi a Numa instituti majores, & patricii appellati sunt. XII. posteriores minores & plebei. Unde Sex. Pompeius: Majores flamines appellabantur patricii generis, minores vero plebei. Nam tres primi flamines semper ex patriciis cooptati sunt, ut docet Cicero in oratione pro domo; in qua regem facrorum, flamines, salios, interregem, & ex dimidia parte reliquos sacerdotes non nisi ex patribus creari posse tradit. Ceterum quamquam XV. flamines essent, qui nomine convenirent, collegæ tamen non erant, neque eorum quoddam collegium vocabatur. Siquidem flamen unius tantum Dei sacerdos erat, habebatque sua quisque sacra, quæ per se quisque procuraret, & ad alios nihil omnino attineret. Quod Cicero libro secundo de legibus satis indicat, quum legem ejusmodi ponit: Divisique aliis sacerdotes, omnibus pontifices, singulis flamines sunt. Flamines autem, (de majoribus præsertim loquens) tamen non essent pontifices, ita tamen erant adscripti in collegium pontificum, ut si quando de re aliqua apud pontifices ageretur, ipsi una iudices sedentes ejus rei, de qua ad collegium pontificum relatum esset. Quod potest ex oratione Ciceronis pro domo sua intelligi, quæ quum habita sit apud pontifices, ad quorum collegium rejectum erat de domo a C. Odio consecrata iudicium, in ea tamen oratione iudices sedisse regem sacrorum & flamines ostendit. Creabantur autem flamines a populo comitiis curiatis, ut ex Lælio Felice docet Gellius cap. XXVII. libri XV. Flamines vero a populo comitiis curiatis creati inaugurabantur a pontifice maximo, cujus dicto omnes fubeant. Quod ex his Livii testimoniis demonstrari potest. Livius lib. XXVII. Et flaminem Dialem invitum inaugurari cepit P. Licinius pont. max. C. Valerium Flaccum. Quod idem scribit Valerius Maximus libro VI. cap. IX. C. Valerius Flaccus secundi belli Punici temporibus luxu perditam adolescentiam inchoavit. Ceterum a P. Licinio pontifice maximo flamen factus, & C. L. Florus in epitoma libri XIX scribit: L. Cæcilius Metellus pontifex maximus A. Postumium consulem, quoniam idem & flamen Martialis erat, quum illi ad bellum gerendum proficisci vellet, in urbe tenuit, nec passus est a sacris recedere. Et idem Livius libro XXXVII. de Q. Fabio Picatore, quem dicit eo anno, quo creatus est prætor, inauguratum fuisse flaminem Quirinalem, ita scribit: Priusquam in provincias prætores irent, certamen inter P. Licinium pontificem maximum fuit, & Q. Fabium Picatorem flaminem Quirinalem, quale patrum memoria inter L. Metellum, & Postumium Albinum fuerat. Consulem illum cum C. Lutatius collega in Siciliam ad classem proficiscentem ad sacra retinuerat Metellus pontifex maximus. Prætozem hunc, ne in Sardiniam proficisceretur P. Licinius tenuit. Et in senatu & ad populum magnis contentionibus certatum est, & imperia inhibita utro citroque, & pignora capta, & multa dictæ, & tribuni appellati, & provocatum ad populum est. Religio ad postremum vicit, & dicto audiens esse flamen pontifici iussus. Quamobrem flamini Diali antiquitus nec magistratum petere, nec capere permixtum erat. In cuius rei gratiam ei lictore, & regia sella curuli uti permixtum est. Inde Cornelium Merulam flaminem Dialem consulem in locum Cinnæ urbe pulsi suffectum pœnas dedisse violati antiqui juris quidam crediderunt; in magistratu enim paulo post occisus est. Flaminium autem sa-

cerdotium ita perpetuum erat, ut tamen ob certas quasdam causas flamines etiam sacerdotio privari possent; dicebanturque flaminio abire, aliique subrogabantur. quod si nullis illarum causis coacti fuissent sacerdotium deponere, id dum vivebant retinere solebant. Unde Valerius Maximus libro 1. cap. 1. *Consimili ratione post P. Caelius, M. Cornelius Cethegus, & C. Claudius propter exta parum curiose adnotata a viris deorum immortalium, variis temporibus, bellisque diversis flaminio abire iussi sunt coactique etiam. At Sulpicio inter sacrificandum apex e capite prolapsus, eidem sacerdotium abstulit.* Aliæ quoque erant causæ ejus deponendi sacerdotii, quas paulo post afferam. Quum autem pontificum maximorum auctoritatem, super flamines, regem sacrorum, & ceteros pontifices fuisse aperte ex Livio ostenderim, miror cur Sex. Pompejus ita scripserit: *Ordo sacerdotum æstimatur deorum maximus quisque. Maximus videtur rex, deinde Dialis, post hunc Martialis, quarto loco Quirinalis, quinto pontifex maximus. Itaque in conviviis solus rex supra omnes accubabat: Sed Dialis, supra Martialem, & supra Quirinalem Martialis: ut supra pontificem maximum: Rex quia potentissimus: Dialis quia universi mundi sacerdos, qui appellatur Divus: Martialis, quod conditor ac urbis parens Mars: Quirinalis, socio Romani imperii adscito Quirino: pontifex maximus, quod iudex atque arbiter rerum divinarum humanarumque habetur, &c.* Nihil hoc intelligatur, in religiosis quibusdam epulis, & conviviis, quantum ad sessionem attinet, antiqui ritus ergo id observatum fuisse, ceterum potestate pont. max. omnes antecessisse. Flamines autem, quum populi suffragiis creati, a pontifice inaugurarentur, hoc est certis quibusdam, ac solennibus captratis auguriis crearentur; captos duci a partibus, velut ab hostibus mos fuit. Hinc flamines capti dicebantur. Flaminum uxores flaminicæ vocabantur, ut tradit Sex. Pompejus, quibus divortium facere non licebat. Flaminum ministri flaminii dicebantur, & ministre Flaminicæ. Sex. Pompejus: *Flaminus Canillus puer ingenuus patrinus & matrinus, qui flaminii Diali sacrificanti ministrabat, antiqui enim sacrorum ministros Canillos vocabant. Flaminia sacerdotula, quæ flaminicæ Diali preministrabat, eaque patrima & matrima erat, id est patrem, matremque adhuc vivos habebat. Flaminus licitor, qui flaminii Diali sacrorum causa præfatus est. Flaminia edes domus flaminii Diali. Præcie dicebantur, qui a flaminibus præmittabantur, ut denuntiarent officibus, ut manus abstergerent ab opere, ne si videret sacerdos facientem opus, sacra polluerentur. Hi ab aliis præclamitatores appellantur.* Hæc itaque sunt quæ omnibus flaminibus communia erant, nunc singillatim de iis disputemus.

C A P. XXIII.

DE FLAMINE DIALI.

ATQUE primo a flamine Diali, qui maximæ dignationis inter omnes erat, initium sumam. Hic, Dionysio, & Livio auctoribus, a Numa; vel ut Plutarchus tradit, a Romulo ipso Jovi institutus fuit. Nam ante flaminum munus, regum fuerat; qui pontificum regumque promiscue officia exercebant, ut de Priamo, & Ænea apud Virgilium videri potest. Item apud eundem de rege Deli Anio, & sacerdote Apollinis.

Rex Anius, rex idem hominum, Phœbique sacerdos.

Dicitur autem est Dialis *ἀνὸρ ὁ δῖος*, hoc est a Jove, qui *δῖος* dicitur quasi Jovialis, a quo vita dari putabatur hominibus. Cui flaminii cærimonias multas impositas fuisse liquet; quæ ex Fabio Pictore, Massurio Sabino, M. Varrone, Plutarcho in problematibus, Gellio lib. x. cap. xv. ceterisque libris qui de sacerdotibus publicis conscripti sunt, excerptæ sunt hæc: I. Equo Dialem flaminem vehi religio erat. II. Claf-

sem procinctam extra pomerium, id est exercitum armatum videre; idcirco rarerent flamen Dialis creatus consul esse, quum bella consulibus mandabantur. III. Item jurare Dialem fas nunquam erat. IV. Item annulo uti nihil pervio, callosque fas non erat. V. Ignem a flaminia, id est flaminis Dialis domo, nihil sacrum effertur fas non erat. VI. Vinculum si ædes ejus introisset, solvi necessum erat, & vincula per impluvium in tegulas subduci atque inde foras in viam demitti. VII. Nodum in apice, neque in cinctu, neque alia in parte ullum habebat. VIII. Si quis ad verberandum duceretur, si ad pedes ejus supplex accubuisset, eo die verberari piaculum erat. IX. Capillum Dialis, nihil qui liber homo erat, detondere non poterat. X. Capram & carnem incoctam, & ederam, & fabam, neque tangere Diali mos erat, neque nominare. XI. Propagines e vitibus altius præsentis non succidebat. XII. Pedes lecti, in quo cubabat, luto tenui circumfusi esse oportebat, & de lecto trinoctium continuum non decubabat, neque in eo lecto cubare alium fas erat. Neque apud ejus lecti fulcrum capsulam esse cum strue, atque ferro oportebat. XIII. Unguam Dialis & capilli segmina subter arborem felicem terra operiebantur. XIV. Dialis quotidie festabat erat. XV. Ac in apice sub divo esse licitum non erat, sub tecto uti libebat, & non pridem a pontificibus constitutum. XVI. Farinam fermento imbutam attingere ei fas non erat. XVII. Tunicam intinam nihil in locis tectis non exuebat, ne sub cælo tanquam sub oculis Jovis nudus esset. XVIII. Super flaminem Dialem in convivio, nihil Rex sacrificulus, haud quicquam alius accumbebat; quæ res Sex. Pompeji locum de sessione sacerdotum in solennibus conviviis aperit. XIX. Uxorem quum amittebat, flaminio decedere mos erat. XX. Flaminis matrimonium nihil morte dirimi non poterat. XXI. Locum, in quo bustum esset, nunquam ingrediebatur. XXII. Mortuum nunquam attingebat, funus tamen exequi religio non erat. XXIII. Unus omnium flamen Dialis galero albo utebatur, ut libro secundo rerum divinarum refert M. Varro, vel quod maximus esset, vel quod Jovi immolata hostia alba fieri oportuisset. XXIV. Ungi sub divo fas non erat Diali. XXV. Flamen Dialis antiquitus, nec magistratum petere, nec capere poterat, ne sacris avocaretur, & multa contra religionem facere cogere. XXVI. Præclamitatores habebat: qui ipsum præcedebant, clamantes, ut homines ab operibus desisterent, quia ei opus facientem videre religiosum erat. Massurius quoque Sabinus alia quadam fuisse scripsit, quæ remissa sunt, gratiamque aliquot cærimoniarum Diali factam fuisse tradit. Flaminis Dialis apex sive pileus albogalerus dicebatur, quod fieret ex hostia alba Jovi cæla, cui affigebatur apex virgula oleagina. Sex. Pompejus. Eadem ferme cærimonie sunt, quas flaminicæ sacerdotissæ Diales observabant. In quibus hæc. Quod bene nato operiretur. Et quod virrice furculum de arbore felici haberet, & quod scælas descendere ei plus tribus gradibus religiosum esset. Atque etiam, quum iret ad Argæos, neque caput comere, neque capillum depectere solebat.

Flaminicæ cujusdam mentio est in vetusta inscriptione sic:

Q. CAECILIO. Q. F. AN
OPTATIANO
PRÆF. COH. I AQVI
TANOR. EQVIT
PONTIA. T. F. SABI
NA. MATER
FLAMINICA
L. D. D. D

Adiicit in fine hujus capituli Gellius: Verba prætoris ex edicto perpetuo de flamine Diali, & de fa-

cerdote Vestæ sunt hæc: *Sacerdotem Vestalem, & flamenem Dialectem, in omni mea jurisdictione jurare non cogam.* A Numa usque ad Marii & Sullæ tempora, perpetua & continuata serie flamines Diales semper fuerunt, usque ad L. Cornelium Merulam, qui in seditione civili Cinnæ, & Octavii in magistratu occisus fuit. Post quem, quum Cæsar qui postea dictator fuit, id sacerdotium consequutus fuisset, non longe post a victore Sulla, & sacerdotio, & uxoris dote multatus est: ita ut nullus deinceps flamen Dialis inauguratus fuit, usque ad finem imperii Augusti Cæsaris. Sub quo anno plus minus centesimo postquam id sacerdotium vacaverat, flamen Dialis inauguratus est Ser. Cornelius Maluginensis, post quem perpetuo ordine flamines Diales multi fuerunt usque ad novissima imperii tempora, quibus cum reliquis sacerdotiis veteris superstitionis ab imp. Theodosio id sacerdotium omnino sublatum est. Arque hæc sunt quæ de flamine Diali apud veteres scriptores inveni-

M. Popilius quum consul esset, eodemque tempore sacrificium publicum cum lava faceret, quod erat flamen Carmentalis, plebis contra patres concitatione & seditione nuntiata, ut erat lena amictus, ita venit in concionem, seditionemque tum auctoritate tum oratione sedavit. Hos autem flamines plebejos fuisse testimonio est hic Lænas, qui ex plebe consul lectus fuerat, quum flamen Carmentalis esset.

De Floralibus flamine, qui a Flora dictus est, meminit Varro libro sexto de lingua Latina. Hanc deam floribus præesse veteres credebant. Quam metreticem fuisse ajunt, quæ quum magnas opes corporis quæstu quæzivisset, populum Romanum fecit heredem, certamque pecuniam reliquit, ex cujus annuo fœnore suus natalis dies celebraretur editione ludorum, quos Floralia, sive ludos Florales appellabant. Quod quia senatui flagitiosum tractu temporis visum est, ab ipso nomine argumentum sumi placuit, ut pudendæ rei quædam dignitas adderetur, deamque finxerunt esse, quæ floribus præsit, eamque oportere placari, ut fruges cum arboribus, aut vitibus bene prospereque florescerent; itaque Floram nuncupasse, & ludos ei dedicatos appellavisse Floralia. De quibus in antiquo nummo sic mentio est C. MEM. MIVS. FLORALIA. PRIMVS. FECIT. Celebrabantur autem hi ludi omni cum lascivia, convenientes memoriæ meretricis, in quibus præter verborum licentiam nudabantur, flagitante populo, meretrices, quæ mimarum functæ officio, in conspectu multitudinis ad satietatem usque impudicis motibus detinebantur. De hac dea, & ejus ludis multa scribit Ovidius libro quarto Fastorum.

Palatialis flamen, ut Varro libro sexto de lingua Latina, sive Palatilis, ut Sex. Pompejus scribunt, flamen constitutus fuit ad sacrificandum ei deæ, in cujus tutela Palatium erat, quam M. Varro Palatiam vocat, de quo nihil præterea memoria dignum inveni.

Flamen Falacer, ut libro quarto de lingua Latina scribit Varro, a divo patre Falacre dictus est. Quis autem is deus fuerit, nondum inveni.

Flaminum aliquot cognomina obscura sunt (inquit Varro libro quarto de lingua Latina) ut Dialis, & Furinalis. Quum Dialis a Jove sit, qui Divus est: Furinalis a Furina, cujus etiam in Fastis Furinales feriæ sunt. De eodem mentionem facit libro sexto de lingua Latina. Forte hæc dea est, cujus vetus hæc inscriptio meminit.

I. O. M. H. AVG
S A C R

GENIO. FORINARVM
ET. CVLTORIBVS. HVIVS
LOCI. TERENTIA. NICE
CVM. TERENTIO. DAMA
RIONE. FILIO. SACERDOTE

Flaminis Voltornalis solus quod sciam meminit M. Varro libro vi. de lingua Latina sic: Eundem Pompilium Numam ait fecisse flamines, qui cum omnes sint a singulis deis cognominati, in quibusdam apparent etyma, ut cur sit Martialis, Quirinalis. Sunt, in quibus flaminum cognominibus latent origines, ut qui sunt in versibus plerique, Voltornalis, Palatualis, Furinalis, Floralis, Falacer, Pomonalis; obscura est eorum origo. Voltornus, Palatua, Furina, Flora, Falacer, Pomona, pomorum patrona.

Flaminem Virbialem deo Virbio, id est Hippolyto consecratum, nullus quod sciam antiquus scriptor commemorat. Ejus ego mentionem extare vidi Romæ in antiqua inscriptione, quæ modo ad manus non est, quam vel in fine libri, vel alio loco postea ubi occasio sese obtulerit, afferam. Deus autem Virbius idem qui Hippolytus est, Thesei & Hippolytæ Amazonis filius, qui quum a Phædra noverca per calumniam apud patrem delatus esset, quod ipsi stuprum in-

C A P. XXIV.

DE FLAMINE MARTIALI.

SECUNDUS a Numa institutus flamen Martialis fuit, ut Dionysius & Livius tradunt; vel a Romulo, ut Plutarchus; quod Romuli urbis conditoris Mars pater creditus sit. Hic patricius, & major flamen erat. De quo M. Varro libro quarto de lingua Latina: *Flamines singuli cognomina habent ab eo deo, cui sacra faciunt, sed partim sunt aperta, partim obscura: aperta ut Martialis, Volcanalis, &c.* Idem refert libro sexto.

De flamine Martiali mentio extat in antiqua inscriptione sic:

P. CORNELIVS. P. F. F. DOLABELLA
C. IVNVS. C. F. SILANVS. FLAMEN. MARTIALIS
EX. S. C
FACIVND. CVRAVERVNT. IDEM. QVE
PROBAVERVNT

Hi consules, ut ex Fastis liquet, sub Augusti imperio fuerunt. Ne autem quis hac inscriptione in dubium verteret, quod de flaminibus majoribus dixi, ipsos semper ex patriciis lectos fuisse, animadvertione dignum, gentem Juniam plebejam quidem ante dictatorem Cæsarem fuisse, ideoque hoc sacerdotio exclusam. Verum post Cæsaris dictatoris tempora, a quo Junia gens cum plerisque aliis in patricias allecta est, ut Tranquillus & Dio tradunt, tam hoc sacerdotium, quam cetera quæ plebeiis antea prohibita erant, obtinere potuit, ut sub Augusto hunc Junium obtinuisse videmus.

C A P. XXV.

De Flamine Quirinali, Volcanali, Carmentali, Floralibus, Palatualibus, Falacro, Furinalibus, Voltornalibus, Virbialibus.

ET hic (fl. Quir.) flamen major, & patricius a Numa in Romuli honorem institutus est, quod Romulus Quirinus appellatus parens, & urbis conditor fuisset. De hoc flamine frequens mentio est apud Livium, Varronem, & Sex. Pompejum.

Flamen Volcanalis Volcano consecratus, & reliqui undecim flamines minores omnes, & plebei fuerunt, variis temporibus instituti. De flamine Volcanali sic scribit Varro lib. iiii. de lingua Latina: *Flaminum cognomina aperta sunt Martialis, & Volcanalis.*

Flamen Carmentalis Carmentæ Evandri Arcadis matris, cujus templum prope Capitolium fuit, sacra curabat; de quo Cicero in Bruto ita mentionem facit:

ferre voluisset, patris iram veritus curru consensol fugam arripuit, quumque iuxta maris litus pervenisset, incusso a Neptuno pavore, equi consertati implicatum habenis Hippolytum dilacerarunt. Cujus vicem miserata Diana ad vitam eum revocavit, & in Aricinio nemore collocatum, pro Hippolyto Virbium appellavit, quasi bis virum. Vide hæc latius apud Ovidium secundo metamorphoseos.

C A P. XXVI.

De flaminibus Laurentiali, Laviniali, Luculari, Pomonalis, & Divorum omnium.

NEQVE etiam horum (priorum) trium flaminum ullam mentionem apud veteres auctores extare unquam vidi. Eos autem ex antiquo hoc epigrammate concinnavi.

P. AELIO. P. F. PAPIR
MARCELLO. CENT
FRVM. SVB. PRINCIPE
PEREGRINOR. HASTATO
ET. PRINCIPI. ET. PRIMIPLO
LEG. VII. GEM. PIAE. FEL. ADLEC
TO. AD. MVNERA. PRAEFF
LEGG. VII. CLAVD. ET. PRIMAE
ADIVTRICIS. V. F. FLAMINI
LVCVLARI. LAVRENT. LAVINAL
PATRONO. ET. DECVRIONI
COLONIAE. APVLESIVM. PATRONO
CIVITATIS. FORO. FLAM. FVLGINIAE
ITEM. QVE. IGVVINORVM
SPLENDIDISSIMVS. ORDO
FORO. FLAM
CVIVS. DEDICAT. DECVRIONIBVS
ET. LIBERIS. EORVM. PANEM
ET. VINVM. SS. XXX. N. ITEM
MVNICIPIBVS. SS. IIII. N. DEDIT

Ex his Laurentialem Accæ Laurentiæ Romuli nutrici creatum fuisse crediderim, reliquorum vero obscura cognomina sunt.

Flaminis Pomonalis, quem inter xv. minimi habitum fuisse tradit Sex. Pompeius, Varro libro sexto de lingua Latina meminit, eumque a Pomona pomorum dea denominatum fuisse tradit. Et Sex. Pompeius: *Maxime* (inquit) *dignationis flamen Dialis est inter quindecim flamines, & quum ceteri discrimina majestatis suæ habeant, minimi habetur Pomonalis, quod Pomona levissimo fructus agrorum praefidet, id est pomis.* Hæc autem sunt quæ de xv. flaminibus invenire potui. Quorum uxores omnes flaminicæ dicebantur. Ceterum quo ad antiquitatum studiosis gratiam aliquam ineam, & alterius generis flaminum aliquot inscriptiones fuggeram, qui certe municipales flamines fuerunt.

Firmi in Piceno:

T. APPAEO. T. F. VEL
ALFINIO. SECVNDO
PROC. AVGVST. XX. HERED
PROC. ALPI. ATRECTIANAR
PRAEF. VEHICVL. SVB. PRAEF
CLASS. PRAET. RAVENN. PR
ALAE. I. AVG. THRAC. TRIB. COH
I. AELIAE BRITTON. PRAEF
COH. IIII. GALLOR. PATRON
COLON. FLAMINI. DIVOR
OMNIVM. AVGVRI
II. VIR. QVINQ. BIS
OB. MERITA. EIVS

ibidem

L. VOLCATIO. Q. F
VEL. PRIMO
II. VIR. II. QVINQ
FLAM. DIVOR. OMN
P. C. EX. TESTAMENTO
EIVS. POSITA
Q. LICINIO. CRISPINO
C. HERENNIO. MAXIMO
II. VIR

ibidem

L. VOLCATIO. Q. F
VEL. PRIMO
PRAEF. COH. I. NORICOR
IN. PANN. PRAEF. RIPAE
DANVVI. ET. CIVITATIVM
DVARVM. BOLOR. ET. AZALIOR
TRIB. MILIT. LEG. V.
MACEDONICAE. IN
MOESIA. PRAEF. ALAE. I
PANNONIOR. IN. AFRICA
II. VIRO. QVINQ
FLAMINI. DIVOR
OMNIVM. P. C
EX. TESTAMENTO. EIVS
POSITA
M. ACCIO. SENECA
... MANLIO. PLANTA
II. VIR. QVINQ

C A P. XXVII.

De reliquis imperatorum inter divos relatorum flaminibus, & primo de flamine divi Julii.

POST reip. casum quum Romanos imperatores & Augustas eorum uxores, vel filios, consecrandi mos irrepserit, plures quoque eorumdem flamines sunt facti. Mortuo enim & inter divos relato imperatori flamen, & sodales, qui ab eo nomen acciperent, addebantur, templumque, in quo ipsi huius in ejus honorem compositos canerent, extruebatur. Nam Julio Cæsari, a quo hic mos originem habuit, etiam adhuc viventi hæc decreta fuisse tradit his verbis Tranquillus: *Non enim honores modo nimio recepit, ut continuum consulatum, perpetuum dictatorem, praefecturamque morum, insuper praenomen imperatoris, cognomen patris patriæ, statuam inter reges, suggestum inter orchestra, sed & ampliora humano fastigio sibi decerni passus est, sedem auream in curia, & pro tribunali tensam, & ferculum circensium pompa, templa, aras, simulacra juxta deos, pulvinar, flaminem, inspercos, appellationem mensis e suo nomine.* &c. Post mortem quoque ei consecrato eadem omnia remanserunt: quod his verbis indicat idem Tranquillus: *Laudationis loco cos. Antonius per praenem pronuntiavit S. C. quo ei divina simul atque humana decreverat, item iurjurandum, quo se cuncti pro salute unius astrinxerant.* Qua ratione vero imperatores consecrari apud veteres Romanos solerent, quum post mortem inter divos referrentur, accurate exposui in commentariis libri secundum fastorum, ubi Severi Augusti obitum descripsi.

De flamine divi Julii mentio extat in antiquo hoc epigrammate.

M. PVBLCIO
M. F. SAB. SEXTIO
CALPVRNIANO
EQVO. PVBLCIO

FLAM. DIVI. IVLI
PRAEF. AEDIL. POT
QVAESTOR. AERAR
SACERD. IVVEN. BRIX
COLLEGIA
CENTON. ET. FABROR

item

L. ACVTIO
L. F
FAB. PRIMO
EQVO. PVB
II. VIR. I. D
AEDIL. Q. ALIM
FLAM. DIVI. IVLI

De flamine divi Augusti.

Augustum post mortem a Tiberio Caesare consecratum fuisse praeter Tranquillum docet etiam libro primo Tacitus ita : *Idem annus novas caerimonias accepit, addito sodalium Augustalium sacerdotio. Sorte ducti e primoribus civitatis unus & viginti, Tiberius, Drususque, Claudius, & Germanicus adiunguntur.*

De flamine divi Augusti mentio est in hisce vetustis inscriptionibus :

NERONI. CAESARI
GERMANICI. F
TI. AVGVSTI. N. DIVI. AVG
PRON. FLAMINI. AVGVSTALI
SODALI. AVGVSTALI

item

C. VALERIO. C. F. PAP
MARIANO
HONORES. OMNES
ADEPTO. TRIDENT
FLAMINI. ROM. ET. AVG
PRAEF. QVINQ. AVGV
ADLECTO. AN. NON. LEG. III
ITALIC. SODALI. SACROR
TVSCVLANOR. IVDICI
SELECTO. DECVR. TRID
DECVRIONI. BRIXIAE
CVRATORI. REIP. MANT
EQVO. PVBL. PRAEF. FABR
PATRONO. COLON
PVBLICE

item

M. ARTORIVS. M. F. PAL. PRISCVS. VICASIVS
SABIDIANVS. TRIB. COH. XV. VOLVNT. C. R. TR. LEG
VII. CLAVD. PIAE. FID. PRAEF. ALAEI. PANN
PRAEF
MONTIS. BERENICIDIS. FLAM. DIVI. AVG
PATR. COL
...RATEG. THEAD. EX. VOTO. D. D.

De sacerdote divae Augustae.

Augustarum vero consecratarum, non flamines sed sacerdotes vocabantur, quae illis praecipue sacra faciebant. Liviam autem Drusillam, quae & Julia Augusta, Augusti Caesaris uxorem post obitum, primam omnium Augustarum sub Divae Augustae vocabulo a Claudio imperatore consecratam tradit Tranquillus in Claudio cap. XI. *Aviae* (inquit) *Liviae divinos honores, & circensi pompa currum elephantorum, Augustae similem decernendum curavit.*

Ejus mentio est in hac vetusta basi ita :

DENTRIAE. L. F. POLLAE
SACERDOTI. DIVAE
AVGVSTAE
POST. MORTEM
D. D

A

De flamine divi Claudii.

Ti. Claudium Caesarem post obitum a Nerone imperii herede consecratum fuisse tradunt Tacitus lib. XII. Tranquillus cap. XLV. & Eutropius libro septimo.

De cujus flamine mentio est in hac vetusta inscriptione :

Q. PETRONIVS. C. F. PVB. MODESTVS
P. P. BIS
LEG. XII. FVLM. ET. LEG. I. ADIVTRIC
TRIB. MIL. COH. V. VIG.
TR. COH. XII. VRB. TR. COH. V. PR. PR...
DIVI. NERVAE. ET. IMP. CAES
NERVAE. TRAIANI. AVG. GERM. PROVINC
HISPANIAE. CITER. ASTVRIAE. ET
GALLAECIARVM. FLAMEN. DIVI. CLAVDI
DEDIT. IDEMQVE. DEDICAVIT

B

De flamine vero divi Vespasiani mentio est in antiquo hoc epigrammate ita :

M. BAEBIO. M. F. Q. N. ARN. SVETRIO
MARCELLO. EQVO. PVBLICO
AED. Q. III. VIR. I. D. III. QVINQ. II
PATRONO. MVNIC. FLAMINI. DIVI
VESPASIANI
M. BAEBIVS. SVETRIVS. MARCELLVS. ET
SVETRIA. RVFA. OPTVMO. HVIC. DECVR
IONES. FVNVS. PVBLICVM. STATVAM
EQVESTREM. CLYPEVM. ARGENTVVM
LOCVM. SEPVLTVRAE. DECREVERVNT
VRBANI. STATVAM. PEDESTREM

C

item

L. APPAEO. L. F
PVP
PVDENTI. P. P
TRIB. COH. XII
VRB. ET. X. PRAET
FLAMINI. FLAV
PATRONO

D

De sodalibus autem Flavialibus ;

IMP. CAESARI
DIVI. F. T. VESPAS
IANO. AVGVSTO
PONTIF. MAX. TRIB
POT. IMP. X. P. P
CENSORI. CONSER
VATORI. AEDIVM
PVBLICARVM. ET
RESTITVTORI. AEDIVM
SACRARVM
SODALES. FLAVII
P. MARTIVS. VERVS

E

De sacerdote divae Domitillae.

Divae Domitillae fororis Titi & Domitiani Imperatorum, Vespasiani Augusti filiae, a Domitiano imperatore consecratae, cujus meminit Statius libro Silvarum primo, hanc marmoream inscriptionem vidi.

F

C. ASCONIO. C. F.
FAB. SARDO
III. VIR. I. D
PRAEF. FABR
FRATRI
CVSINIAE. M. F
SARDI. MATRI
ET. SIBI
ASCONIA. C. F
AVGVRI
SACERDOS
DIVAE. DOMITILLAE
T. iij

De flamine Trajanali.

De flamine, & sodalibus divi Trajani, quem consecratum ab Hadriano fuisse omnes tradunt, has videret inscriptions.

P. CLODIO. P. F.
FAB. SVRAE
Q. FLAMINI. DIVI
TRAJANI. PONTIF
II. VIR. QVINQ. TRIB. LEG
II. ADIVTRIC. PIAE. FID
CV RAT. REIP. BERGOMEN
DAT. AB. IMP. TRAIANO
CV RAT. REIP. COMENS
DAT. AB. IMP. HADRIANO
COLLEGIA
FABROR. ET. CENT.

item

SEX. TITIO
SEX. F. PVP
MONTANO
CAESIO. SABINO
EQVO. PVBLICO
AED. PONTIFICI
FLAMINI. TRAIANAL
PATRONO. MVNIC
PLEBS. VRBAN
H. R. I. R. I

item

IOVI. CONSERVATORI. ET. IVNONI. SANCTAE
SACRVM
G. PLAETORIVS. C. F. STEL. PHOEBVS. VI. VIR
AVGVSTAL
SODAL. TRAIANAL. ET. HADRIANAL. III. VIR
QVINQVEN
PATR. IVVEN. TREBVL. MVTVST. VOT. SOL. LIB
MER

Sacerdotum divarum Plotinae, Marcianae, & Faustinae meminerunt haec vetustae inscriptiones.

AEMILIAE
C. F
SACERD. DIVAE
PLOTINAE
COLLEG. CENT
TITVLO. VSA
D. M
CETRAMIAE
P. F. SEVERINAE
SACERDOTI
DIVAE. MARCIANAE
T. BAEBIVS. GEMELLI
NVS. AVGVST
CONIVGI. SANCTISS

item

SAENIAE. CN. FIL
BALBILLAE
SACERDOTI. DIVAE
FAUSTINAE. DECVRI
ONES. AERE. COLLA
TO. OB. MERITA. EIVS

De flamine Hadrianali.

Hadrianum imperatorem vita functum, ab Antonino Augusto Pio consecratum fuisse his verbis docet Aelius Spartianus: *Hadrianus rogante Antonino divus a senatu appellatus est, qui templum ei pro sepulchro apud Puteolos constituit, & quinquennale certamen,*

A & flamen, & sodales, & multa alia, quae ad honorem quasi numinis pertinerent. Unde multi Antoninum Pium dictum putant.

De flamine Hadrianali meminit vetus hoc elogium ita:

L. FABIO M. F. GAL. CILONI
SEPTIMINO. COS. PRAEF. VRB
LEGG. AVGG. FR. PR. PANNON
SVPERDVCI. VEXILL. LEG. PRO
FR. PROVINCIAR. MOESIAE. SVPER
PONTI. ET. BITHYNIAE
COMITI. AVG. LEG. AVGG. PRO
FR. PROV. GALATIAE. PRAEF
AER. MILITARIS. PROV
COS. ITEM. Q. LEG. PROV. NAREONENS
LEG. LEG. XVI. FL. F. SAMOSATE
SODAL. HADRIANAL
PR. VRB. TRIB. PLEB. Q. PROV
CRETAE. TRIB. LEG. XI. CL
X. VIR. STLITIB. IVDICANDIS
MEDIOLANENSIS
PATRONO

Plerosque ex sequentibus imperatoribus inter divos relatos fuisse, docent Dio, Herodianus, Aelius Spartianus, Julius Capitolinus, Eutropius, & alii imperatorum vitarum scriptores, inter quos Marcum, L. Verum, Commodum, Pertinacem, & Severum fuisse ex iisdem constat, egoque paulo post ostendam, & antiqua haec proficitur inscriptio, quae eorundem sodalium meminit.

C. CAERELLIO. FVFDIO
ANNIO. RAVO. C. F. OV
POLLITIANO. SODALI
MARCIANO. AVRELIANO
COMMODO. HELVIANO
SEVERIANO. III. VIR. MONET
A.A.A. FF. TRIB. LATI CLAVIO
LEG. III. CYR. VI. VIR. EQVIT. ROM
TVRM. E. PRIM. E. QVAESTOR
CANDIDATO
IMP. CAESARIS. M. AVRELI
ANTONINI. PII. FELICIS. AVG
TRIB. PL. CANDID. PR. HASTAR. C. V
FVFDII. AMYCVS. ET
CHRESTINA. NVTRITORES

Ceterum si quis desiderio tenetur intelligere, quo ritu, & quibus caerimoniis veteres Romani imperatores inter divos referbantur, is commentarios nostros in secundum Fastorum librum petere poterit, ex quo omnia accurate & ut existimo, diligenter descripta, facile cognoscere poterit. Ego vero hoc loco omnes imperatores, & Augustas, qui apud veteres inter divos relati sunt, adiciam, ut quot flamines fuerint omnes demum intelligere possint, quot enim divi imperatores usque ad Constantinum, tot etiam flamines fuisse existimandum est.

CAP. XXVIII.

Imperatores Caesares & Augustae, qui inter divos ex f. c. relati sunt.

DIVOS JVLIVS.

A B Augusto Caesare. Nummi aerei. Lapid. Tranquillus cap. XXVIII. Dio lib. XLVI. *Divus Augustus Pater.*
a Ti. Caesare Augusto. Nummi aerei. Lapid. Tacitus lib. I. Tranquill. cap. G. Dio. lib. LVI. Eutropius lib. VII. Victor.

- Diva Augusta.*
a Claudio Imp. Nummus æreus. Tranq. in Claudio cap. XI.
- Diva Drusilla.*
a Caio Caligula Imp. fratre. Tranquill. in Caio cap. XXIII.
- Divus Claudius.*
a Nerone Imp. Nummus argenteus. Tacitus L. XII. Tranquill. cap. XLV. Eutropius libro VII.
- Diva Claudia Poppæa.*
a Nerone Imp. patre. Tacitus lib. XVI. & Tranquillus.
- Divus Augustus Vespasianus.*
a Tito filio. Nummi. Lapides. Tranquillus C. XXIII. Statius Lib. Silvarum. I. Eutropius libro VII.
- Divus Titus Augustus.*
a Domitiano fratre. Num. Lap. Tranquillus in Tito, & Domit. cap. II. Statius libro Silvarum I. Eutropius libro VII.
- Diva Domitilla.*
a fratre Domitiano. Statius libro Silvarum I. Lapides.
- Diva Julia Drusilla Filia.*
a patruo Domitiano Imp. Nummi argentei, & aurei. Statius libro Silvarum I.
- Divus Cæsar Imp. Domitiani Aug. F.*
alias.
Divus Cæsar Domitianus.
a patre Domitiano Imp. Nummi argenteus, & aureus.
- Divus Nerva.*
a Trajano Imp. Nummus arg. Lapides. Eutrop. L. VII.
- Diva Augusta Martiana.*
Trajani Imp. foror, a Trajano. Nummus arg. Lapides.
- Divus Trajanus Parthicus.*
ab Hadriano Imp. Nummus arg. Lap. Eutropius. L. VIII.
- Diva Plotina.*
Trajani Imp. uxor, ab Hadriano. Nummi arg. Lapides. Dio, & Spart. in Hadriano. Sex. Aurelius Victor.
- Divus Antoninus.*
ab Hadriano. Spartianus in Hadriano.
- Diva Sabina.*
Hadriani uxor, ab Hadriano. Nummi, & Lapides. Spartianus in Hadriano.
- Divus Hadrianus Augustus.*
a Pio Imp. Nummi arg. & Lapides. Spartianus, Capitolinus in Pio. Eutropius lib. VIII.
- Diva Augusta Faustina.*
Pii Imp. uxor, a Pio. Nummi argenteus, & æreus. Lapides. Capitolinus in Pio.
- Divus Antoninus Pius.*
a Marco Imp. Nummi arg. & ærei. Lapides. Capitolinus in Pio. Victor, & Eutropius lib. VIII.
- Divus Verus Parthicus.*
a Marco Imp. Nummi ærei. Capitolinus in Marco. Eutropius lib. VIII.
- Diva Faustina Pia.*
a marito Marco Imperatore. Nummi argentei, & ærei. Capitolinus in Marco.
- Divus M. Antoninus Pius.*
Germanicus Sarmaticus.
a Commodo Imperatore. Nummi, & Lapides. Capitolinus. Eutropius lib. VIII.
- Divus Commodus.*
a Severo Imperatore. Nummi, & Lapides. Lampri-
dus, & in Severo Spartianus.
- Divus Pertinax Pius Pater.*
a Severo Imperatore. Nummi ærei. Dio, Julius Ca-
pitolinus, & Sex. Vjctor.
- Divus Septimius Severus Pius.*
a Caracallo, & Geta imp. filii. Nummi, & Lapides.
Herodianus lib. IV. Spartianus, Eutropius lib. VIII.
- Divus Geta.*
a Caracallo Imp. fratre. Spartianus.
- Divus Antoninus.*
a Macrino Imperatore. Spartianus.

- Diva Julia Augusta.*
Severi Imperatoris uxor, ab Alagabalo. Nummus
æreus. Ex Herodiano.
- Diva Julia Mæsa.*
Avia Imp. Alexandri, ab ipso consecrata. Herodia-
nus lib. VI.
- Divus Alexander.*
a S. P. Q. R. Lamprius.
- Diva Julia Mammæa.*
Alexandri Imp. mater. a S. P. Q. R. Lamprid. in
Alexandro.
- Diva Paullina.*
Uxor Maximini, ab ipso. Nummus æreus.
- Divus Gordianus Africanus.*
a S. P. Q. R. Herodian. lib. VIII. Julius Capitoli-
nus.
- Divus Gordianus Augustus.*
a Philippo Imp. Julius Capitolinus. Eutropius lib. IX.
- Divus Philippus Senior.*
Divus Philippus Junior.
Divus Decius.
a S. P. Q. R. Eutropius libro IX.
- Divus Valerianus.*
a Gallieno filio Imp. Trebellius Pollio in Gallie-
no.
- Diva Mariniana.*
a Gallieno. Nummi argenteus, & æreus.
- Divus Cæsar Valerianus.*
a Gallieno patre. Nummus argenteus. ex Pollione.
- Divus Claudius.*
ab Aureliano Imp. Nummus æreus. Trebellius Pollio,
Eutrop. lib. IX. Victor.
- Divus Aurelianus.*
a Tacito Imp. Fl. Vopiscus Eutropius libro IX.
- Divus Carus.*
a filiis Carino & Numeriano Imp.
- Divus Numerianus.*
a Diocletiano Imp. Lapis antiquus.
- Divus Nigrinianus.*
D
Nummus æreus.
- Divus Constantius Pius Princeps.*
a Constantino Imp. filio. Nummus æreus, & Lapides,
Eutropius libro X.
- Divus Maximianus Sen. Fort. Imp.*
a Maxentio Imp. filio. Nummus æreus.
- Divus Romulus.*
a Patre Maxentio Imp. Nummus æreus.
- Divus Maximianus.*
a Licinio Aug. Nummus æreus.
- Divus Diocletianus.*
E
a Constantino, & Licinio Imp. Eutropius lib. IX.
- Diva Helena.*
a filio Constantino Imperatore.
- Divus Aug. Pius Constantinus Max.*
a filiis Constantino, Constantio, & Constante Au-
gustis. Nummus æreus. Eutrop. lib. X. Codex Theo-
dolianus.
- Divus Constantinus Jun.*
a fratribus Constantio, & Constante Augustis. Codex
Theodosianus.
- Divus Constans.*
a fratre Constantio. Eutropius lib. X. Symmachus lib. I.
Epist. XXXIX.
- Divus Constantius.*
F
a Juliano Imp. Eutropius lib. X. Symmachus ibidem.
Codex Theodosianus.
- Divus Julianus.*
a Joviano, Aug. Eutropius libro X. Symmachus ibid.
Codex Theodosianus.
- Divus Jovianus.*
a Valentiniano, & Valente Imp. Eutropius lib. X. Co-
dex Theodosianus.
- Divus Valentinianus Magnus.*
a Gratiano filio, & Valente fratre Imp. Marcellinus
Comes.

Divus Valens.

a Gratiano, & Valentiniano Juniore Imp. Codex Theodosianus.

Divus Gratianus.

a Theodosio, & Valentiniano Juniore Imp. Codex Theodosianus. Symmachus lib. I. Epist. xxxiii. & xxxix.

Divus Valentinianus Jun.

a Theodosio Imp. Codex Theodosianus.

Divus Theodosius.

a filiis Arcadio, & Honorio Imp. Codex Theodosianus.

Divus Arcadius.

a filio Theodosio Juniore Aug. Codex Theodosianus.

Divus Honorius.

a Valentiniano III. Aug. Codex Theodosianus.

Divus Theodosius Junior.

a Valentiniano III. Imperatore. ex Codice Justiniani.

Divus Placidius Valentinianus.

Ex Codice Justiniani.

C A P. XXIX.

VIRGINES VESTALES VI.

De Virginibus Vestalibus.

VIRGINUM Vestalium institutionem Dionysius libro secundo, Livius lib. primo, & in Romuli, & Numæ vitis Plutarchus, Numæ Pompilio, quemadmodum pleraque alia sacra tribuunt. Alii vero (ut tradit Plutarchus) inter quos Virgilius, vetustius id institutum putant; ipsum enim Ilio, & Troianis manasse scribunt, posteaquam Palladio potiti sunt. Easque ex Troianis ad Lavinios primum, deinde Albanos, postremo ad Romanos commigrasse. Virgilius II. *Æneidos.*

Sic ait, & manibus vitæ, Vestamque potentem, Eternumque adytis effert penetralibus ignem.

Vestæ enim ignis perpetuus dicatus erat, a sacris virginibus custoditus. Eam autem terram esse quidam credunt: alii vero Vestam nihil aliud quam purum ignem esse arbitrantur. Alii porro eandem, quæ & Opis, & Cybeles omnium eorum mater dicitur, esse opinati sunt. Cujus sacra, vigilem scilicet ignem, cum virginibus, penatibus, & Palladio Æneas ex Troia in Latium tulit, & condito Lavinio Vestæ ædem sacravit; in qua etiam hæc sacra condidit. Postea Alcanius condita Alba longa templum Vestæ ædificavit in montis Albani parte, cui suberat lucus, in quo Ilia sive Rhea Silvia Romuli mater compressa est. Vestæ enim ministræ perpetuam virginitatem servabant. Nam mos antiquus Latinis fuit, generosas & castas virgines legere in Vestæ ministerium; quod idem observasse Romulum quidam tradunt, qui castissimas sacrorum cærimonias, ut auctor est M. Varro, instituit, temploque Vestæ excitato, Vestales virgines legit. Quamquam alii (ut dixi) non Romulum, sed Numam Pompilium ejusmodi instituti auctorem ferant. Ego porro existimo Vestalium sacra antiquissima quidem, & longe ante ipsum Romulum fuisse. Nam Ilia, sive Rhea virgo Vestalis fuit, ipsorum scriptorum testimonio. Numam vero ipsum templum Vestæ condidisse, (quum id sacerdotium a Romulo neglectum fuisset, domesticæ calamitatis recordatione) præscriptum virginum numerum ordinasse, rationem, & tempus quibus capi deberent addidisse, honorem, delinquentium pœnam, & postremo omnes Vestalium cærimonias statuisse, quibus apud Romanos eas teneri mos fuit, quæ ante Numam nequaquam ita accurate observata fuisse crediderim. Nam is Vestæ templum circulari effigie in foro inter Palatium & Capitolium ex antiquorum Latinorum & Albanorum ritu ædificavit, & Vestæ sacra, ignemque perpetuum, certis quibusdam virginibus, a se lectis tradidit custodienda. Ignis porro perpetui sa-

cris Vestæ virginibus custodiam ideo veteres commisisse traditur, ut puram & incorruptam ignis substantiam, iniolatis item integrisque corporibus commendarent, sive quod sterile, & infecundum esset scitæ virginitati adjungerent. Ideo autem in Vestæ templo perpetuum ignem servari voluerunt, quod veteres nihil aliud Vestam esse existimaverint, quam purum ignem, vel quod Vestæ eadem esset quæ & tellus, quæ medium orbis locum obrinens, igneos globos ex se ipsa emittat. Itaque nihil aliud a sacris virginibus, quam inextinguibilem illum ignem custodiri quidam putant. Nonnulli vero præter hunc, alia quædam arcana in Vestæ templo servari tradidere, pontificibus ipsis, virginibusque Vestalibus etiam incognita, quod ea videre, aut audire fas non sit. Quidam duo dolia haud magna, alterum apertum, alterum clausum in Vestæ templo fuisse scribunt, in quibus quid repositum fuerit, incertum. Alii Palladium in eo templo custodiri etiam existimaverunt. Quoties autem ignis ille perpetuus quovis casu exstinguebatur, maximorum malorum imminetium prælagium erat, idque super omnia gravia Romani timebant, interitum urbis quamprimum adiuturum existimantes, ut Romæ, quum Mithridatici, tum civilis belli temporibus, quibus ignis in æde Vestæ extinctus fuit. Ignem autem amissum nequaquam decebat ex altero igne fumere, sed maximis precibus numen Vestæ placantes, multis sacrificiis novum ex Solis radiis eliciebant, pura & immaculata flamma, ex lagena aqua plena Solis splendori opposita, accensa. Primus autem Numa quatuor Vestales virgines legit omnes nobilissimas, & patricias, Geganiam, Berenniam, Canuleiam, & Tarpeiam. Quibus postea aucta civitate, propter multitudinem sacrorum, quæ perciebant, duas alias addidit Ser. Tullius rex, sexque virgines Vestales factæ sunt, qui numerus semper postea in posterum mansit donec id sacerdotium fuit. Quarum præfecta virgo Vestalis maxima appellabatur, quemadmodum ex his inscriptionibus liquet.

CLOELIAE. CLAUDIANAE

V. V. MAXIMAE

A. DIIS. ELECTAE. MERITO
QVAM. SIBI. TALEM. ANTISTITEM
NVMEN. VESTAE. RESERVARE. VOLVIT
COELIA. NERVIANA. SOROR
CVM. PIERIO. CONIVGE. AC. LIBERIS
SVIS. ORANTES. VT. PER. TOT. SAECVLA
FACERE. DII. PERMITTANT

item

FL. MANILIAE. V. V. MAX

CVIVS. EGREGIAM. SANGTIMO

NIAM. ET. VENERABILEM

MORVM. DISCIPLINAM

IN. DEOS. QVOQVE. PER. VIGILEM

ADMINISTRATIONEM

SENATVS. LAVDANDO

COMPROBAVIT

AEMILIVS. FRATER. ET

RVFINVS. FRATER. ET

FLAVII. SILVANVS. ET

EIRENEVS. SORORIS. FILII

A. MILITIIS. OB. EXIMIAM

ERGA. SE. PIETATEM

PRAESTANTIAM. QVE

L. Antistius Labeo, qui de Virgine Vestali capienda diligentissime scripsit, minorem quam annos sex, majorem quam annos decem natam capi fas esse negavit: item quæ non fuerit patrima, & matrima, hoc est cujus utrique parentes viverent, item quæ lingua debili, sensuve aurium diminuta, aliaque quavis corporis labe affecta sit: item quæ ipsa, aut cujus pater emancipatus sit, etiam si vivo patre in avi potestate sit. Item cujus parentes alter ambove servitutem servierint,

rint, aut in negociis sordidis diversati sint: sed eam, cuius soror ad id sacerdotium lecta sit, exultationem mereri aiunt: item cuius pater flamen, aut augur, aut XV. vir sacris faciendis, aut qui septem vir epulonum, aut salus etiam fuerit. Sponsæ quoque pontificis, & tibicinis sacrorum filia vacatio a sacerdotio isto tribui solet. Porro autem C. Attejus Capito XV. vir sacris faciendis scriptum reliquit, neque ejus legendam filiam, qui domicilium in Italiam non haberet, & exculandam ejus, qui liberos tres non tulisset. Virgo autem Vestalis simul atque capta, & in atrium Vestæ deducta, pontificibus tradita est, eo statim tempore sine emancipatione, ac sine capitis minutione, e patris potestate exiit, & jus testamenti faciendi adipiscitur. Virginitas Vestalibus triginta annorum castitas a rege Numa præscripta fuit, quibus castæ & incorrupte manerent, sacrificiaque & alias caerimonias Vestæ peragerent. Quod tempus in tres partes partitum erat; nam decem primis annis discabant, totidem ministræ erant, reliquis vero decem, alias juniores edocebant. Anno vero tricesimo exacto, dabatur eis nubendi potestas; quæ vitis & reliquis sacerdotii insignibus depositis, matrimonio jungi poterant. Hoc vero paucissimas admodum fecisse traditum est. Fertur quoque eis, quæ hanc nubendi licentiam amplexæ sunt, non tantum multa adversa omni tempore quo vixerunt contigisse, verum etiam poenitentia & mœrore reliquam vitam partem infelicitate transgisse. Vestæ injuriam, quæ sibi allata videbatur, ulciscente, pessimum postremo vitæ finem sortitæ sunt. Quare reliquæ his exemplis permotæ, usque ad mortem pudicæ & castæ in Vestæ ministerio permanserunt. In demortuæ autem locum ante triginta annorum spatium, aliam subrogare necesse erat. Interdum cum virginibus Vestalibus commorari omnibus licebat; noctu autem viris ad eas ingressus erat interdictus. Quas populus Romanus multis maximisque honoribus honestavit, quibus nuptiarum, aut filiorum desiderium leniri poterat. Sacrosanctæ enim & inviolabiles erant, licetore urbem, ampliore & digniore in circo & aliis spectaculis locum habebant: si casu quispian nocens ad mortem ductus, virginem Vestalem obviam habuisset, eum amplius interficere non licebat, verum jurare cogebatur, se non ultro, & de industria, aut dedita opera, sed casu obviam factam. Qui vero occurrebat, cum ipsæ feretro vehebantur ad necem, nihilominus moriebatur. Vestalium porro delinquentium poena hæc erat: Si petulanter egisset, aut rerum sacrarum perinde ac ignis custodiam suæ curæ creditam neglexisset, atque ob cetera ejusmodi peccata, nuda linteum obtensa, in editiore obscurioreque domus loco, flagris a pontifice maximo verberabatur, quemadmodum a P. Licinio pontifice maximo in eam, quæ parum diligenter sacrum ignem custodierat, animadversum fuisse, Valerius tradit. Si vero parum pudicæ se habuisset, castitateque amissa, incesti convicta fuisset, turpissima miserabilique morte, hac ratione afficiebatur. Sandapila vinctæ efferebatur per medium forum, ab ædibus Vestæ usque ad portam Collinam, tanquam mortua, cum luctu propinquorum, & necessariorum, sequentibus pontificibus, aliisque sacerdotibus in mœsto silentio. Juxta portam Collinam intra urbis muros, tumulus usque hodie impudicarum Vestalium supplicium finitæ cunctibus ad portam, imminet, ubi locus erat subterraneus, in quo per foramen scalis descendebatur. In eum virgo corrupta, vinculis soluta, capiteque velato, postquam pontifex maximus arcana quædam verba pronuntiasset, & cum ceteris sacerdotibus terga vertisset, sola a carnifice demittebatur, sublatisque scalis occidebatur locus undique, ubi ne fame videretur necata, panis, lactis, & olei aliquantulum ponebatur, lectulusque stratus, & ardens lucerna simul. Quibus perfectis dicebantur sacerdotes, atque eo die iustitium erat in urbe, & mœror, pavorque magnus, præsertim quod ingentes ci-

vitati, atque reipublicæ calamitates poena Vestalis virginis portendere credebatur. Nec sane civitas lugubriorem, aut mœstiorum diem agebat, quam eum, quo de virgine Vestali supplicium sumptum est. De more autem, ritique capiendæ virginis litteræ quidem antiquiores non extant, nisi quod capta fuisse fertur, quæ capta prima est a Numa rege. Ego autem (ut supra dixi) ante Numam ipsum captam primum fuisse Vestalem existimo, tum multis conjecturis, tum etiam ex testimonio libri primi Q. Fabii Pictoris, in eo loco ubi ea verba recitantur, quæ pontifex maximus fari solet, quum virginem Vestalem capit. Ea autem ejusmodi sunt: *Sacerdotem Vestalem, quæ sacra faciat, quæ jus fiet sacerdotem Vestalem facere pro populo Romano Quiritibus uti, quod optima lege fiat, ita te Amata capio.* Amata autem inter capiendum a pontifice maximo appellatur, quoniam quæ prima capta est, hoc fuisse nomine traditum est. Ceterum quum ex quatuor, quas primas a Numa captas refert Plutarchus, nulla sit quæ Amata vocatur, ante Numam quoque virginem Vestalem fuisse certum est. De capiendâ quoque virgine Vestali invenitur lex Papia, qua cautum fuit, ut pont. max. arbitratu, virginem e populo viginti legantur, sortitioque in concione ex eo numerus fiat. Sed ea sortitio ex lege Papia paulatim abrogata est. Nam si quis honesto loco natus, pontificem maximum adiiisset, atque obtulisset ad sacerdotium filiam suam, cujus duntaxat salvis religionum observationibus, ratio haberi posset, gratia Popiliæ legis per se ratum sit. Capi autem virgo propterea dicitur, quia pontificis maximi manu prehensâ, ab eo parente in cujus potestate est, veluti bello capta abducitur. Plerique autem capi virginem solum debere dici putant, sed flamines quoque Diales, pontifices, & augures capi dicebantur, ut auctor est L. Sulla rerum gestarum libro secundo. In commentariis autem Antistii Labeonis, quæ in XII. tabulis composuit, ita scriptum est: *Virgo Vestalis neque hæres est cuiquam intestato, neque intestatæ quisque, sed bona ejus in publicum redigi aiunt.* Vestales autem publicis sumptibus alebantur. Quod sacerdotium Romæ usque ad Theodosii senioris Augusti tempora perduravit; ipse enim quum Christianæ pietatis cultum ardentissime amplexus esset, gentiliumque antiquæ superstitioni præ omnibus Romanis imperatoribus adversaretur, eas tollendas censuit. Quæ res hac ratione transacta est. Victo & occiso Maximo tyranno, qui Gratianum imperatorem per insidias apud Lugdunum interfecerat, quum Romam venisset, triumphum de tyranno acturus imperator Theodosius Augustus, postquam triumphum egisset, filiumque suum Honorium imperatorem creasset, Romano fuisset senatus, qui religionem veterem retinere studebat, ut decepti, & induci in errores gentium, respicere, & Christianam religionem, in qua omnium scelus abolitio donaretur, amplecti vellent. Sed nemo motus omni oratione illius dicitur, quod negarent, se facere posse, ut majorum suorum instituta & tradita novitiis Christianorum inventis postponerent, quum illorum custodia urbs incolumis prope mille & ducentos annos conservata fuisset; quibus si alia potiora duxissent, ignorare se quæ sit fortuna consequutura. Institit tum pius princeps, & temp. sumptibus sacrorum gravari dixit, quos quum senatus ueri non posset, virginum Vestalium ante omnes, pontificum, augurum, XV. virum sacris faciendis, festalium, saliorum, VII. virum epulonum, & aliorum sacerdotum redditus publicos privatosque uno edicto sustulit: quare paulatim Christiana religione crescente, gentilium superstitiones aboleri, & antiquari cœptæ sunt, quum sumptus quibus sacerdotes aliac nutrirî possent, amplius eis a nullo suppeditarentur. Quo tempore senatus auctoritas admodum diminuta est. Legationem postremo pro antiquis caerimoniis,

& præsertim virginibus Vestalibus restituentis, Q. Aurelius Symmachus V. C. præfectus urbi ad imp. Theodosium & Valentinianum Juniorem suscepit, a quibus eum ejusdem postulata fulcepta non fuissent, nihil eorum quæ petierat obtinere potuit, divino Ambrosio Mediolanense episcopo soluta oratione, & Aurelio Prudentio heroicis verbis acriter reclamantibus, ejusque rationes singularis ingenii, & eruditionis plenius orationibus resistentibus. Porro autem tam Symmachi relationem, quam Divi Ambrosii responsionem hoc loco adicere placuit, tum quod ob rerum quibus refertæ sunt copiam, his commentariis intelligendis maximo usus erunt, tum ut quibus rationibus vana gentilitas ritus suos defendere solebat cognoscatur: quibusque rationibus divinus ille Ambrosius tela in nos a Symmacho jacta in eum ipsum retorserit. Fuit vero is Symmachus senatorii ordinis, & quod tum exitum habebatur in ipsis senatoribus, sicut & apud eorum majores, cærimoniarum veterum pontifex, item augur, & XV. vir sacris faciundis, ut ex ejus statutz elogio intelligi potest, & ideo parum æquus Christianis, ut sunt ingenia propensa ad privatum commodum, apud quos si potuisset eundem dignitatis locum tueri, fortasse lenisisset aliter. quo factum est, ut contradictores, & ut ita loquar antagonistas haberit insignes aliquot e nostris, in quibus ut dixi Prudentium, & D. Ambrosium, cum quibus etiam victo certasse fuit honorificum, quod ipsum excusaret causa deterior, non divitior facundia. De qua sic scribit Prudentius:

O linguam miro verborum fonte fluentem,
Romani decus eloqui, cui cedat & ipse
Tullius, has fundit diros facundia gemmas;
Os dignum eterno tinctum quod fulgeat auro.
Si mallet laudare Deum, cui sordida monstra
Prætulit, & liquidam temeravit crimine vocem.

Atque hæcenus de Symmacho: nunc vero ipsum pro veteri superstitione differentem audiamus.

DDD. NNN. VALENTINIANO THEODOSIO
ET ARCADIO AVGVSTIS SYMMACHVS V. C.
PRAEFECTVS VRBII.

U BI primum senatus amplissimus semperque vester, subiecta legibus vitia cognovit, & a principibus piis vidit purgari famam proximorum temporum, boni seculi auctoritatem secutus, evomuit diu pressum dolorem, atque iterum me querelaram suarum iussit esse legatum. Cui ideo divi principis denegata est ab improbis audientia, quia non erat iustitia defutura, DD. Imperatores Valentiniane, Theodosi, & Arcadi, inclyti victores & triumphatores semper Augg. Gemino igitur functus officio, & ut præfectus vester gesta publica prosequor, & ut legatus civium mandata commendo. Nulla est hic dissensio voluntatum, quia jam credere homines desierunt aulicorum se studio præstare, si discrepent. Amari, coli, diligi, majus imperio est. Quis ferat, obfuisse reipub. privata certamina? Merito illos senatus insequitur, qui potentiam suam famæ principis prætulere. Noster autem labor, pro clementia vestra ducit excubias. Cui enim magis commodat quod instituta majorum, quod patriæ jura & fata defendimus, quam temporum gloria? quæ tum est major, cum vobis contra morem parentum intelligentis nil licere. Repetimus igitur religionum statum, qui reip. diu profuit. Certe numerentur principes utriusque sectæ, utriusque sententiæ: proximus eorum cærimonias patrum coluit, recentior non removit. Si exemplum non facit religio veterum, faciat dissimulatio proximorum. Quis ita familiaris est barbaris, ut aram victoriæ non requirat? Cauti in posterum sumus, & talium rerum ostenta vitamus. Reddatur tamen saltem nomini bonorum, qui namini denegatus est. Multa victoriæ debet æternitas vestra, & adhuc plura debebit. Aversentur hanc potestatem, quibus nihil profuit, vos amicum

A triumphis patrocinium nolite deserere. Cunctis potentia ista votiva est. Nemo colendam neget, quam proficetur optandam. Quod sibi vobis numinis non esset iusta visitatio, ornamentis saltem curiæ decuit abstinere. Præstate oro vos, ut ea quæ pueri suscepimus, senes posteris relinquamus. Consuetudinis amor magnus est. Merito divi Constantii factum diu non stetit. Omnia vobis exempla vitanda sunt, quæ mox remota didicistis. Æternitatem curamus famæ & nominis vestri, ne quid futura ætas inveniat corrigendum. Ubi in leges vestras & verba jurabimus? qua religione mens falsa terrehitur, ne in testimoniis mentiat? Omnia quidem deo plena sunt, nec ullus perfidii tutus est locus. Sed plurimum valet ad metum delinquendi, etiam presentia religionis urgeri. Illa ara concordiam tenet omnium, illa ara fidem convenit singulorum, neque aliud magis auctoritatem facit sententiis nostris, quam quod omnia quasi juratus vobis decerni. Patebit ergo fides prophana perjurii, & hic inclyti principes mei probabile judicabunt, qui sacramento publico tuti sunt? Sed divus Constantinus idem fecisse dicitur. Cetera potius illius principis emulemur, qui nihil tale esset aggressus, si quis ante se alius deviasset. Corrigit enim sequentem lapsus prioris, & de reprehensione antecedentis exempli nascitur emendatio. Falsum fuit, ut parens ille clementie vestre, in re adhuc nova non caveret invidiam. Num potest etiam nobis eadem defensor non venire, si imitemur quod animus improbat? Accipiat æternitas vestra alia ejusdem principis facta, quæ in usum digni trabat. Nil ille decerpit sacrarum virginum privilegii, decrevit nobilibus sacerdotia, Romanis cærimonii non negavit impensas, & per omnes vias æternæ urbis letum secutus senatum, vidit placido ore delubra, legit inscripta fastigiis deum nomina, percontatus est templorum origines, miratus est conditores. Cumque alias religiones ipse sequeretur, has servavit imperio. Sui enim cuique mos, suis cuique ritus est. Varios custodes urbem cunctis mens divina distribuit. Ut animæ nascentibus, ita populis fatales genii dividuntur. Accedit utilitas, quæ maxime homini deos asserit. Nam cum ratio omnis in aperto sit, unde rectius quam de memoria atque documentis verum secundarum, cognitio venit nominum? Jam si longa ætas auctoritatem religionis faciat, servanda est tot seculis fides, & sequendi sunt nobis parentes, qui secuti sunt feliciter suos. Roman nunc putemus assistere, atque his vobiscum agere sermonibus. Optimi principes, patres patriæ, reveremini annos meos, in quos me pius ritus adduxit, ut utar cærimoniiis avitis; neque enim pœnitet. Vivam more meo, quia libera sum. Hic cultus in leges meas orbem redegit, hæc sacra Hannibalem a mœnibus, & Capitolio Senonas repulerunt. Ad hoc ergo servata sum, ut longæva reprehendar? Video quale sit quod instituendum putatur. Sera tamen & contumeliosa est emendatio senectutis. Ergo diis patriis, diis indigeat. pacem rogamus. Equum est, quicquid omnes colunt unum putari. Eadem spectamus astra, commune celum est, idem mundus involvit. Quid interest, qua quisque prudentia verum inquirat? Uno itinere non potest perveniri ad tam grande secretum. Sed hæc ocioforum disputatio est. Nunc preces, non certamina offerimus. Quanto commodò sacri æarii vestri, Vestalium virginum prerogativa detracta est: sub largissimis Imperatoribus denegatur, quod parcissimi præstiterunt. Honor solus est in illo velut stipendio castitatis. Ut vitæ earum capiti decus faciant, ita insigne ducitur sacrificii, vacare muneribus. Nudum quodammodo nomen immunitatis requirunt, quoniam paupertate a dispendio tutæ sunt. Itaque amplius laudi earum tribunt, qui aliquid rei detrahunt. Si quidem saluti publicæ dicata virginitas, crevit merito cum caret præmio. Absint ab æarii vestri puritate ista compendia. Filis honorum principum, non sacerdotum damnis, sed hostium spoliis augeatur. Ullum ne lucrum compenstat invidia? Atqui avaritia in vestros

mores non cadit. Hoc inferiores sunt, quibus subsidia vetera decepta sunt. Etenim sub Imperatoribus qui alieno abstinent, qui restant cupiditati, ad solam detrahunt amittentis injuriam, quod desiderium non movet auferentis. Agros etiam virginibus & ministris deficientium voluntate legatos, fiscus retentat. Oro vos iustitiae sacerdotes, ut urbis vestrae sacris reddatur privata successio. Dicent testamenta securi, & sciant sub principibus non avari stabile esse quod scripserunt. Deleat vos ista felicitas generis humani. Caput causae huius exemplum sollicitate morientes. Ergo Romanae religiones ad Romana jura non pertinent? Quod nomen accipit ablatio facultatum, quas nulla lex, nullus casus fecit caducas? Capiunt legata liberti, servus testamentorum iusta commoda non negantur. Tantum nobiles virginem, & fatalium sacrorum ministri, excluduntur praediis hereditate questis. Quid juvat saluti publica casum corpus dicare, & imperii eternitatem caelestibus fulcire praesidiis, armis vestris, aquilis vestris, amicis applicare virtutes, pro omnibus efficaciter vota suscipere, & jus cum omnibus non habere? Ita ne melior est servitus quae hominibus impenditur? Resp. ledimus, qui nunquam expedit ut ingrata sit. Nemo me putet solam causam religionum tueri. Ex huiusmodi facinoribus, orta sunt cuncta Romani generis incommoda. Honoraverat lex parentum Vestales virginem a ministris deorum, victu modico iussuque privilegii. Stetit numerus huius integritas usque ad degeneres trapezitas, qui ad mercedem vilium bajulorum sacre castitatis alimenta venterunt. Secuta est hoc factum famae publica, & spem provinciarum omnium nescis aegra decepti. Non sunt haec vitia terrarum. Nihil imputamus astris. Nec rubigo segetibus obsit, nec avena fruges necavit. Sacriligio annus exaruit. Necessse enim fuit perire omnibus, quod religionibus negabatur. Certe si est huius mali aliquod exemplum, imputemus tantam famem vicibus annorum. Gravis haec sterilitatem aura contraxit. Silvestris arbus vita producit, & rursus ad Dodoneas arbores plebis rusticae inopia convolvit. Quid tale provinciae pertulerunt, quum religionum ministris honor publicus pasceret? Quando in usus hominum concussa quereus? quando vultu sunt herbarum radices? quando alternos regionum defectus deseruit fecunditas mutua, quum populo & virginibus sacris communis esset annona? Commendabat enim terrarum proventus victus antistitum, & remedium magis quam largitas erat. An dubium est, semper pro copia omnium datum, quod nunc inopia omnium vendicavit? Dicit aliquis, sumptum publicum denegatum alienae religionis impendit. Absit a bonis principibus ista sententia, ut quod de communi quibusdam tributum est, in iure fisci esse videatur. Nam cum resp. de singulis constat, quod ab ea proficitur, fit rursus proprium singulorum. Omnia regitis, si suum cuique servatis, plusque apud vos iustitia quam licentia valet. Consultite certe munificentiam vestram, an haec publica velis existimari, quae in alios transfusistis. Semel honori urbis delata compendia, desinunt esse tribuentium, & quod a principio beneficium fuit, usu atque aetate fit debitum. Inanem igitur metum divini animo vestro tentat incutere, si quis asserit conscientiam vos habere praebentium, nisi detrahentium subvertitis invidiam. Favent clementiae vestrae sectarum omnium arcana praesidia, & haec maxime, quae majores vestros aliquando joverunt, vos defendant, a nobis colantur. Eum religionum statum petimus, qui divo parenti culminis vestri servavit imperium, qui fortunato principi legitimos suscepit heredes. Spectat senior ille divus ex arce sidera lacrimas sacerdotum, & se culpatum putat, more violato quem libenter ipse servavit. Praestite etiam divo fratri vestro alieni consilii correctionem, regite factum, quod senatus duplicasse nescivit. Si quidem constat ideo exclusam legationem, ne ad eum iudicium publicum per-

veniret. Pro aestimatione est temporum superiorum, ut non dubitetis abolere, quod probandum est principii non fuisse.

Nunc vero divinum Ambrosium futilibus ejus inanibusque rationibus respondentem attente auscultemus.

AMBROSII EPISCOPVS BEATISSIMO
PRINCIPI ET CHRISTIANISSIMO IMP
VALENTINIANO AVGVSTO

QUUM omnes homines qui sub ditione Romana sunt, vobis militent imperatoribus terrarum atque principibus, tum ipsi vos omnipotenti deo & sacrae fidei militatis. Aliter enim salus tua esse non poteris, nisi unusquisque deum verum, hoc est deum Christianorum, a quo cuncta reguntur, veraciter colat. Ipse enim solus verus est deus, qui intimamente veneretur. Dii enim gentium demonia, sicut scriptura dicit. Huic igitur deo vero quisquis militat, & qui intimo colendum recipit affectu, non dissimulationem, non conviventiam, sed fidei studium & devotionis impendit. Postremo si non ista, consensum saltem aliquem non debet colendis idolis & prophanis cerimonialium cultibus exhibere. Nemo enim deum fallit, cui omnia etiam cordis occulta manifesta sunt. Ergo cum a te imperator Christianissime fides deo vero sit exhibenda, cum ipsius fidei studium cautio atque devotio, miror quomodo aliquibus in spem venerit, quod debeas aras diis gentium tuo insinurare praepcepto, ad usus quoque sacrificiorum prophanorum praepere sumptum. Quod enim jamdudum vel fisco vel arce est vendicatum, de tuo magis conferre videre, quam de suo reddere. Et de dispendiis queruntur, qui nunquam nostro sanguini pepercerunt, qui ipsa ecclesiarum aedificia subruerunt. Petunt etiam ut illis privilegia deferat, qui loquendi & docendi nostris communem usum, Juliani lege proxima denegarunt, & privilegia illa quibus saepe decepti sunt etiam Christiani. Nonnullos enim illis privilegiis partim per imprudentiam, partim propter publicarum necessitatum molestias declinandas, irretire voluerunt: & quia non omnes fortes inveniuntur, etiam sub principibus Christianis plerique sunt lapsi. Sed haec si jam sublata non essent, auferenda tuo imperio comprobarem. At cum per totum fere orbem a pluribus retro principibus inhibita interdictione sint, Romae autem a fratre clementiae tuae augustae memoria Gratiano fidei verae ratione sublata sint, & datis antiquata rescriptis, ne queso vel fideliter statuta convellas, vel fraterna praepcepta rescindas. De negotiis civilibus si quid statuitur, nemo putat esse temerandum: & praepceptum de religione calcatur? Nullus obrepit juniori aetati tuae, siue ille gentilis est qui ista deposcit, non debet mentem tuam vinculi suae superstitionis innectere, sed proprio studio docere & admonere te debet, quemadmodum verae fidei studere debeas, quando ille tanto motu veri vana defendit. Deferendum meritis clarorum virorum & ego suadeo: sed deum certum est omnibus praefendum. Si de re militari est consulendum, debet exercitati in preliis viri expectari sententia, consilium comprobari. Quando de religione tractatus est, deum cogita. Nullius injuria est, cui deus omnipotens antefertur. Habet ille sententiam suam. Inuitum non cogitis colere quod noli, hoc idem vobis liceat imperator: & unusquisque patienter ferat, si non extorqueatur imperatori, quod moleste ferret si ei extorquere cuperet imperator. Ipsi gentilibus displicere consuevit praevicacitatis affectus. Libere enim debet defendere unusquisque fidei mentis suae & servare propositum. Quod si aliqui nomine Christiani tale aliquid decernendum putant, mentem tuam vocabula nuda non capiant, nomina cassa non fallant. Quisquis hoc suadet, sacrificat, & quisquis hoc statuit. Tolerabilis tamen est unius sacrificium, quam lapsus omnium. Totus hic Christianorum periclitatur senatus.

Si hodie gentilis aliquis imperator, quod abist, aram statueret simulacris, & eo convenire cogeret Christianos, ut sacrificantibus interesset, ut oppleret anbelius & ora fidelium civis ex ara, favilla de sacrilegio, fumus ex busto, & in ea curia sententiam diceret, ubi jurati ad aram simulacris in sententiam cogerentur: propterea enim interpretantur aram locatam, ut ejus sacramento, ut ipsi putant, unusquisque conventus confuleret in medium, cum curia majore jam Christianorum numero sit repleta: persecutionem esse crederet Christianus, qui cogeretur talioptione ad senatum venire: quod fit plerumque, nam etiam injuriis convenire coguntur. Te ergo imperatore Christiani in aram jurare cogentur? Quid est jurare, nisi ejus quem testare fidei tue praesulem, divinam potentiam confiteri? Te imperatore hoc petitur & postulatur, ut aram jubeas elevari, sumptum sacrificii prophanis dari. Sed hoc non potest sine sacrilegio decerni. Unde rogo te, ne id decernas, statuas, vel in ejusmodi decreta subscribas. Convenio fidem tuam Christi sacerdos. Omnes conveniremus episcopi, nisi incredibile hoc & repentinum ad aures pervenisset hominum, quod tale aliquid esset vel in consistorio suggestum tuo, vel a senatu petitum: sed abist ut hoc senatus petiisse dicatur. Pauci gentiles communi utuntur nomine. Nam & ante biennium ferme cum hoc petere tentarent, misit ad me sanctus Damasus Romanus ecclesiae sacerdos, iudicio dei electus, libellum quem Christiani senatores dederunt, & quidem innumeri, postulantes nihil se tale mandasse, non congruere gentiliū istiusmodi petitionibus, non praebere consensum. Quæsti etiam publice privatimque, se non conventuros ad curiam, si tale aliquid decerneretur. Dignum est temporibus vestris, hoc est Christianis temporibus, ut dignitas Christianis senatoribus abrogetur, quo gentilibus senatoribus prophanæ defertur voluntatis effectus? Hunc libellum ego fratri clementie vestre direxi. Unde constitit, non senatum aliquid de superstitionis impensu mandasse legatis. Sed fortasse dicatur: Cur dudum non interfuerunt senatori, cum ista peterentur? Satis loquuntur quid velint, qui non interfuerunt: satis locuti sunt, qui apud imperatorem locuti sunt. Et miramur tamen si privati resistendi Romæ eripiunt libertatem, qui nolunt esse liberi tibi non jubere quod non probas, non servari quod non sentis. Et ideo memor legationis proximæ mandata mihi, convenio iterum fidem tuam, convenio mentem tuam, ne vel respondendum secundum bujusmodi petitionem gentiliū censas, vel in ejusmodi responsa sacrilegium subscriptionis adjungas. Certe refer ad parentem pietatis tuæ principem Theodosium, quem super omnibus fere majoribus causis consulere consuevit. Nihil majus est religione, nihil sublimius fide. Si civilis causa esset, diversæ parti responso servaretur: causa religionis est, episcopus convenio. Datur mihi exemplum misse relationis, ut & ego plenius respondeam, & sic de omnibus consultus clementie tuæ parens respondere dignetur. Certe si aliud statuitur, episcopi hoc æquo animo pati & dissimulare non possumus: licet tibi ad ecclesiam convenire, sed illic non invenies sacerdotem, aut invenies resistentem. Quid respondebis sacerdoti dicenti tibi: Munera tua non querit ecclesia, quia templa gentiliū muneribus adornasti? Ara Christi dona tua respuit, quoniam aram simulacris fecisti. Vox enim tua, manus tua, & subscriptio tua, opus est tuum. Obsequium tuum dominus Jesus recusat & respuit, quoniam idolis obsecutus es. Dixit enim tibi: Non potestis duobus dominis servire. Privilegia tua sacratæ deo virginis non habent: & vendicant virginis Vestæ? Cur sacerdotes dei requiris, quibus petitiones prophanas gentiliū prætulisti? Alieni erroris societatem suscipere non possumus. Quid respondebis his verbis, puerum esse te lapsum? Omnis ætas perfecta Christo est. Omnis deo plena puericia fidei comprobatur. Parvuli etiam Christum intrepido adversus persecutores ore confessi sunt. Quid responde-

bis germano tuo? Nonne tibi dicit, victum me esse non credidi, quia te imperatorem reliqui: mori non dolui quia te heredem habebam; imperio me decedere non ingemui, quia imperia mea, praesertim de religione divina, omnibus seculis mansura credebam. Hos ego titulos pie virtutis exexeram, has de seculo manubias, hæc spolia de diabolo, has ego de adversario omnium exivias efferebam, in quibus æterna victoria est. Quid mihi plus potuit meus hostis auferre? Abrogasti decreta mea, quod adhuc ille qui contra me levavit arma, non fecit. Nunc gravius telum corpore recipio, quod a fratre meo statuta damnatur, meliore parte mei apud te periclitor. Illa enim mors corporis, ista virtutis est. Nunc mihi abrogatur imperium, & quod est gravius, abrogatur a tuis, abrogatur a meis: & id abrogatur, quod in me etiam mei adversarii prædicarunt. Si volens acquievisisti, damnasti fidem meam: si invitus cessisti, prodidisti tuam. Ergo quod gravius est, & in te periclitor. Quid respondebis etiam patri, qui te majore dolore convinct dicens: De me fili pessime iudicasti, qui putasti quod ego gentilibus conventum præstitissem. Nemo ad me detulit, aram esse in illa Romana curia: nunquam tantum nefas credidi, quod in communi illo Christianorum gentiliūque consilio sacrificarent gentiles presentibus Christianis, & invitati Christiani interesse sacrificiis cogerentur. Multa & diversa crimina me imperante commissa sunt, ultus sum quæcunque sunt deprebensa, si quis tunc latuit, debet ergo dicere, me probasse quod ad me nemo detulerat? De me pessime iudicasti, si mihi superstitio aliena, non fides mea servavit imperium. Unde cum advenit imperator, deo primum, deinde patri & fratri injurias irrogari, siquid tale decernas, peto ut id facias quod salutis tuæ apud deum intelligis profuturum.

AMBROSIIUS EPISCOPUS BEATISSIMO
PRINCIPI ET CLEMENTISSIMO IMP.
VALENTINIANO AUGUSTO.

Cum vir clarissimus præfectus urbis Symmachus ad clementiam tuam retulisset, ut ara quæ de urbis Romæ curia sublata fuerat, redderetur loco, & tu imperator licet adhuc in minoris ævi tyrocinio florentibus novus annis, fidei tamen virtute veteranus obsecrata gentiliū non probares, eodem quo comperi puncto libellum obtuli, quo licet comprehenderim quæ suggestioni necessaria viderentur, populi tamen exemplum mihi relationis dari. Itaque non fidei tuæ ambiguus, sed providus cautionis & pii certus examinis, hoc sermone relationis assertioni respondeo, hoc unum petens, ut non verborum elegantiam, sed vim rerum spectandam putes. Aurea enim (sicut scriptura divina docet) est lingua sapientium litteratorum, quæ phaleratis dotata sermonibus, & quodam splendentis eloqui, velut coloris preciosi corusco resutans, capit animorum oculos specie formosi, visuque perstringit. Sed aurum si diligenter manu tractes, foris precium, intus metallum est. Volve quæso atque excute sectam gentiliū, preciosa & grandia sonant, veri efforta descendunt. Deum loquuntur, simulacrum adorant. Tria igitur in relatione sua Vir clarissimus præfectus urbis proposuit, quæ valida putavit. Quod Roma veteres, ut ait, suos cultus requirat. Et quod sacerdotibus suis, virginibusque Vestalibus emolumenta tribuenda sint. Et quod emolumentis sacerdotum negatis fames secuta publica sit. In prima propositione, flebili Roma quæsti sermonis illachrymat, veteres, ut ait, cultus caerimoni arum requirunt. Hæc sacra, inquit, Hannibalem a moenibus, a Capitolio Senonas repulerunt. Itaque dum sacrorum potentia prædicatur, infirmitas proditur. Ergo Hannibal diu sacris insulavit Romanis, & diu contra se dimicantibus usque ad muros urbis vincendo pervenit. Cur se obsideri passi

sunt, pro quibus deorum suorum arma pugnabant? Nam de Senonibus quid loquar, quos Capitolii secreta penetrantes Romane reliquie non tulissent, nisi eos pavido anser strepitu prodidisset? En quales templa Romana praefules habent. Ubitunc erat Jupiter? An in anserem loquebatur? Verum quid negem sacrorum rituum militasse Romanis? Sed etiam Hannibal eisdem deos colebat. Utrum volunt igitur eligant. Si in Romanis vicerunt sacra, in Carthaginensibus ergo superata sunt: si in Carthaginensibus triumphata, nec Romanis utique profuerunt. Facessat igitur invidiosa illa populi Romani querela. Non haec Roma mandavit. Aliis illa cor interpellat vocibus. Quid me casto quotidie gregis innoxii sanguine cruentatis? Non in fibris pecudum, sed in viribus bellatorum trophaea victoriarum sunt. An ego disciplinis orbem subegi. Militabat Camillus, qui sublata Capitolio signa, caesi Tarpeiae rupis triumphatoribus reportavit: stravit virgines, quos religio non removit. Quid de Atilio loquar, qui militiam etiam mortis impendit? Africanus non inter Capitolii aras, sed inter Hannibalis acies triumphum invenit. Quid mihi veterum exempla profertis? Odi ritus Neronum. Quid dicam bimifres imperatores, & terminos regum cum exordiis copulatos? Aut forte illud est novum, barbaros suis excessisse finibus? Nunquid etiam illi Christiani fuerunt, quorum miserabili noceo exemplo alter captivus imperator, sub altero captivus orbis, fessellisse quae victoriam promittebant, suas caerimonias prodiderunt? Nunquid & tunc non erat ara Victoriae? Pervicit lapsus, & verusta canities pudendi sanguinis traxit ruborem. Non erubescit cum toto ore longeva converteri: verum certe est, quia nulla atas ad perdiscendum fera est. Erubescat senectus quae emendare se non potest. Non anorum canities est laudanda, sed morum: nullus pudor est ad meliora transire. Hoc solum habebam commune cum barbaris, quia deum antea nesciebam. Sacrificium vestrum, ritus est bestiarum cruore aspergi. Quid in mortuis pecudibus quaeritis dei voces? Venite & discite in terris caelestem militiam. Hic vivimus, & illic militamus. Caeli mysterium doceat me deus ipse qui condidit, non homo qui seipsum ignoravit. Cui magis deo, quam deo, credam? Quomodo possum vobis credere, qui fatemini vos ignorare quod colitis? Uno, inquit, itinere non potest perveniri ad tam grande secretum. Quod vos ignoratis, id nos dei voce cognovimus. Et quod vos suspicionibus quaeritis, nos ex ipsa sapientia dei & veritate compertum habemus. Non congruunt igitur vestra nobiscum. Vos pacem diis vestris ab imperatoribus obsecratis, nos ipsi imperatoribus a Christo pacem rogamus. Vos manuum vestrarum adoratis opera, nos injuriam dicimus, omne quod fieri potest, deum putari. Non vult se deus in lapidibus coli. Denique etiam ipsi philosophi vestri ista riserunt. Quod si vos ideo Christum deum negatis, quia illum mortuum esse non creditis: nescitis enim quod mors illa carnis fuerit, non divinitatis, quae fecit ut credentium jam nemo moriatur: quid vobis imprudentius, qui contumeliose colitis & honorifice derogatis? Vestrum enim deum lignum putatis: o contumeliosa reverentia. Christum mori potuisse non creditis: o honorifica pervicacia. Sed vetera (inquit) reddenda sunt altaria simulacris, ornamenta delubris. Reposcantur haec a consorte superstitionis: Christianus imperator aram solius Christi dicit honorare. Quid manus pias & ora fidelia ministerium suis coqueat sacrilegiis exhibere? Vox imperatoris nostri Christum refutet, & illum solum quem sentit, loquatur, quia cor regis in manu dei. Nunquid imperator gentilibus aram Christo levavit? Dum ea quae fuerunt reposcunt, exemplo sui admonent quantum Christiani imperatores religioni quam sequuntur debeant deferre reverentiam, quando gentiles superstitionibus suis omnia delulerunt. Dum cepimus, etiam sequamur. Nos sanguine gloriamur, illos dispendium movet. Nos haec victoriae loco ducimus, illi injuriam putant. Nun-

quam nobis amplius contulerunt, quam cum verberari Christianos atque proscrisbi ac necari juberent. Praemium fecit religio, quod perfidia putabat esse supplicium. Videte magnanimos: per injurias, per inopiam, per supplicium nos credimus: illi caerimonias suas sine quaestu manere posse non credunt. Habeant, inquit, Vestales virginibus immunitatem suam. Dicant hoc qui nesciunt credere, quod posset esse gratuita virginitas: provocent lucris, qui dissidunt virtutibus. Quos tamen illis virginibus premia promissa fecerunt? Vix septem Vestales capiuntur puellae. En totus numerus quem infule vittati capitis, purpuratarum vestium murices, pompa lecticae ministrorum circumfusa comitatu, privilegia maxima, lucra ingentia, praescripta denique pudicitiae tempora coegerunt. Attollant mentis & corporis oculos, videant plebem pudoris, populum integritatis, concilium virginitatis. Non vittae capitis decus, sed ignobile velamen, usui nobile castitatis: non exquisita, sed abdicata, lenocinia pulchritudinis: non illa purpurarum insignia, non luxur deliciarum, sed usus jejuniorum: non privilegia, non lucra: omnia postremo talia, ut revocari studia putes, dum exercentur officia. Sed dum exercetur officium, studium provocatur, suis castitas cumulat dispendiis. Non est virginum quae precio emitur, non virtutis studio possidetur. Non est integritas, quaecumque tanquam in auctione nummario ad tempus sollicitatur compendio. Prima castitatis victoria, est facultatum cupiditates vincere, quia lucris studium tentamentum pudoris est. Ponamus tamen subsidia largitatem conferenda virginibus, quae Christianis munera redundabunt, quod tantas operae sufficiat ararium? Aut si arbitrantur solis Vestalibus conferendum, non pudet ut qui totum sibi sub imperatoribus gentilibus vendicarunt, iidem sub principibus Christianis non putent nobis sortem debere esse communem? Sacerdotibus quoque suis & ministris querantur alimenta publica non praebere. Quantus hinc verborum tumultus increpuit? At contra nobis etiam privatae successioni emolumenta recentibus legibus denegantur, & nemo conqueritur. Non enim putamus injuriam, quia dispendium non dolemus. Si privilegium quaerat sacerdos ut onus curiale declinet, patria atque avita & omnium facultatum possessione cedendum est. Quomodo hanc gentiles, si haberent, ingravarent querelam, quod sacerdos ferias ministerii sui emat totius patrimonii sui damno, & privati universae commoditatis dispendio usum publici mercetur obsequii: pretendens communis salutis excubias, domesticae inopiae se mercede solatur, quia ministerium non vendidit, sed gratiam comparavit. Conferre causas. Vos excusare vultis decurionem, cum ecclesiae excusare non liceat sacerdotem. Scribuntur testamenta templorum ministris, nullus excipitur propbanus, nullus ultime conditionis, nullus prodigus verecundiae: soli ex omnibus clerico commune jus clauditur, a quo solo pro omnibus votum commune suscipitur, officium commune deferitur: nulla legata vel gravium viduarum, nulla donatio. Et ubi in moribus culpa non deprehenditur, tamen officio multa praescribitur. Quod sacerdotibus phari legaverit Christiana vidua, valet: quod ministris dei, non valet. Quod ego non querar, sed ut sciant quid non querar, comprehendit. Malo enim nos pecunia minores esse quam gratia. Sed referunt ea quae vel donata vel relicta sunt ecclesiae, non esse temerata. Dicant & ipsi, quis templis dona detraxerit, quod factum est Christianis. Quae si facta essent gentilibus, redderetur potius quam inferretur injuria. Nuncine demum iustitia pretenditur, aequitas postulatur? Ubi tunc erat ista sententia, cum directis Christianorum omnium facultatibus, ipsos vitales anhelitus spiritus inviderent, & nullis usquam negata defunctis inhiherent supreme commercia sepulturae? Quos gentiles praecipitaverunt, maria reddiderunt. Fidei ista victoria est, quod & ipsi jam facta majorum carpunt suorum, sed quae melioratio, ut eorum munera petant, quorum gesta con-

demnant? Nemo tamen donaria delubris, & legata baruspiscibus denegavit, sola sublata sunt prædia, quia non religiose utebantur iis quæ religionis jure defenderent. Qui nostro utuntur exemplo, cur non utebantur officio? Nihil ecclesia sibi nisi fidem possidet. Hos reditus præbet, hos fructus. Possessio ecclesie, sumptus est egenorum. Numerent quos redemerint templa captivos, quæ contulerint alimenta pauperibus, quibus exulibus vivendi subsidia ministraverint. Prædia igitur intercepta, non jura sunt. En quod factum, quod triste piare nefas, fames, ut aiunt, publica vindicavit: quia usui omnium proficere cepit, quod proficiebat commodis sacerdotum. Propterea ergo detrahit, ut aiunt, arbusita exuta corticibus succo miserabili deficientium ora lambebant. Propterea obsonia frugum glande mutant, rursus in pecudum pascuis, & ad infelicis victus alimenta revocati, concussa queruam famem in silvis miseram solabantur. Nova videlicet prodigia terrarum quæ nunquam ante acciderant, cum superstitione gentilis toto orbe ferperet. Revera quando ante vacui avenis seges salax, avari vota lussit agricolæ, & spem rusticæ plebis quæ sita sulcis frugis herba destituit. Et unde Græcis oracula habita suæ quercus, nisi quia remedium silvestris alimonie, celestis religionis donum putarunt? Talia enim suorum munera credunt deorum. Quis Dodonæas arbores nisi gentium populus adoravit, cum pabulum triste sacri memoris honore donaret? Non est verisimile, quod indignantes eorum diis id pro pœna intulerunt quod solebant placati conferre pro munere. Quæ autem æquitas, ut paucis sacerdotibus dolentes victum negatum, ipsi omnibus denegarent, cum inclementior esset vindicta quam culpa. Non est igitur idonea quæ tantam ægritudinem mundi fallentis causâ constrinxerit, ut viventibus segetibus subita spes anni adulta moreretur. Et certe ante plurimos annos templorum jura toto orbe sublata sunt. Modo ne demum diis gentilium venit in mentem suas iniurias ultum iri? Propterea nec assueto cursu Nilus intumuit, ut urborum sacerdotum dispendia vindicaret, qui non vindicavit suorum? Esto tamen si superiore anno deorum suorum iniurias vindicatis putant, cur presenti anno contemptui fuerit? Jam enim nec barbarum vulsus radicibus rusticana plebs pascitur, nec bacce silvestris explorat solatia, nec cibum de sentib. rapit, sed operum læta felicitum dum messes suas & ipsa miratur, explevit voti satietate jejunium, usurarios nobis reddidit terra proventus. Quis ergo tam novus humanis usus, ut vices stupeat annorum? & tamen etiam superiore anno pleraque novimus provincias redundasse frugibus. De Galliis quid loquar solito ditioribus? Frumentum Pannonie quod non severant vendiderunt. Et secunda Rhetia fertilitatis suæ novit invidiam. Nam quæ solebat tutior esse jejuniis, fecunditate hostem in se excitavit. Liguriam Venetiasque autumnus frumenta paverunt. Ergo nec ille sacrilegio annus exaruit, & iste fidei fructibus annus effloruit. Negent etiam quod largo sortu vineæ redundaverint. Itaque & messem sanerata recepimus, & liberalioris vindemie beneficia poscimus. Postremum superest & maximus locus, utrum ea quæ vobis profuerint imperatores, restituere subsidia debeatis. At enim, vos defendant, a nobis colantur. Hoc est fidelissimi principes quod ferre non possumus, quia exprobrant nobis vestro se nomine diis suis supplicare, & vobis non mandantibus sacrilegium immane committunt, dissimulationem pro consensu interpretantes. Sibi habeant præsidia sua, suos si possunt, illa defendant. Nam si iis a quibus coluntur, auxilio esse non possunt, quomodo possunt vos defendere, a quibus non coluntur? Sed majorum, inquit, servandus est ritus. Quid quod omnia postea in melius profecerunt? Mundus ipse qui vel primum coacti elementorum per inane seminibus tenero orbe concreverat, vel confuso adhuc indigesti operis caligabat errore, nunc postea distincto cæli, maris, terra-

rumque discrimine rerum formas quibus speciosus videtur, accepit? Excute bumentibus tenebris novum terræ stupere solem, dies in exordio non resurget, sed in processu temporis incremento luminis micat & calor exarsuat. Luna ipsa quæ prophetici oraculis species ecclesie figuratur, cum primum resurgens in menstruas reparatur ætates, tenebris noctis absconditur, paulatimque cornua sua complens vel e regione solis absolvens, clari splendoris fulgore irritat. Exercent in fructus terræ ante nesciebant, post ubi imperare arvis sollicitus cepit agricola & informe solum vestire vinetis, silvestres animos domesticis mollitæ cultibus exuerunt. Anni ipsius ætas prima quæ nos usu parvi coloravit, nutu gignentium sed in processu lapsuris floribus vernat, postremis adolescit fructibus. Nos quoque ævi rudes sensus habemus infantia, sed mutati in anni ingenii rudimenta deponimus. Dicant igitur, in suis omnia manere debuisse principis, mundum tenebris obductum quia splendore solis illuxerit, displicere. Et quanto gratius est animi tenebras depulisse quam corporis, fideique jubar emicuisse quam solis? Ergo & mundi sicut omnium rerum, primæcæ viam mutarunt, ut venerabilis canes fidei sequeretur senectus. Quos hoc movet, reprehendant messem, quia fœca fecunditas est: reprehendant vindemiam, quia in occasu anni est: reprehendant olivam, quia postremus est fructus. Ergo & messis nostra fides animarum est, ecclesie gratia meritorum, vindemia est, quæ ab ortu mundi virebat in sanctis, sed postrema ætate se diffudit in populos, ut adverterent omnes non rudibus animis irreperisset fidem Christi. Nulla enim sine adversario corona victoriæ: sed explosa ea opinione quæ ante convulsit, id quod erat verum jure prelatum. Si ritus veteres delectabant, cur in alieni ritus eadem Roma successit? Omitto absconditam precio bumum, & pastorales casas auro degeneri venientes. Quid (ut de ipso respondeam quod queruntur) captarum simulacra urbium victoriseque deos, & peregrinos ritus sacrorum, aliena superstitiones æmuli receperunt? Unde igitur exemplum quod curvus suos simulato Almonis in flumine lavat Cybele? Unde Phrygiæ vates, & semper invisa Romanis non æque Carthaginis numina? quam celestem Afri, Mithram Persiæ, plerique Venetiam colunt, pro diversitate nominis non pro numinis varietate. Sic deam esse, & Victoriæ crediderunt, quæ utique munus est non potestas, donatur non dominatur, legionum gratia non religionum potentia. Magna igitur dea quam militum multitudo sibi vendicat, vel prelorum donat eventus. Hujus aram sruvi in urbis Romæ curia petunt, hoc est, quo plures conveniunt Christiani. Omnibus in templis aræ, aræ etiam in templo Victoriarum, quando numero delectantur sacrificia sua ubique concelebrant. Quid est nisi insultare fidei, unius aræ sacrificium vendicare? Ferendum ne istud, ut gentilis sacrificet, & Christianus interstet? Hauriant omnes, inquit, hauriant vel involti sumum oculis, symphoniam auribus, cinerem faucibus, thur naribus, & adversantium licet ora excitata focis nostris favilla respergat. Non illis satis sunt lavacra, non porticus, non plateæ occupatæ simulacris. Etiam ne in communi illo consilio non erit communis conditio? Obstringetur pia senatus portio obtestantium vocibus adiutoria sacramentis? Si resutet, videbitur mendacium prode: si acquiescat, sacrilegium confiteri. Ubi, inquit, in leges vestras & verba jurabimus? Ergo mensuram quæ legibus tenetur inclusa, cerimoniam gentium suffragium colligit, fidem stringit, jam non solum præsentium sed absentium etiam? Et quod est amplius, imperatores fides vestra pulsatur? Vos enim cogitis si jubetis. Constantius Augusti memorie nondum sacris initiatus mysteriis contaminari se putavit, si aram illam videret. Iussit auferri, non iussit reponi. Illud auctoritatem facti habet, hoc præcepti non habet. Nemo sibi de absentia blanditur, præsentior est qui se animis infert, quam qui oculis protestat. Plus enim est mente connecti, quam corpore copulari.

Vos senatus cogendi consilii praesules habet, vobis coit, A vobis conscientiam suam non diis gentium praestat, vos liberis suis non tamen fidei suae praefert. Hæc est charitas expetenda, hæc est charitas major imperio, si fides tuta sit quæ servat imperium. Sed fortasse aliquem moveat, ita fidelissimum principem desitutum, proinde quasi meritorum precium caducis aestimetur praesentium. Quis enim sapiens non in orbe quodam atque circuitu locata humanarum rerum novit negocia, quia non eosdem semper successus habent, sed variant statum, & mutant vices? Quem beatiorum Cn. Pompeio Romana templa miserunt? At is cum tribus triumphis terrarum cinxisset orbem, pulsus acie, bello profugus, & sui terminis exul imperii, Canopei manu spadonis occubuit. Quem nobiliorem Cyro Persarum totius Orientis terræ regem dederunt? In quoque cum principes potentissimos adversantes vicisset, victos reservasset, muliebribus armis fusus interit. Et ille rex qui superatos etiam confessus honore donaverat, ex cæto capite & intra utrem plenum cruoris satiari iussus inclusio, famineis imperiis ludibrio fuit. Adeo in istius vitæ curriculum non paria paribus, sed longe diversa referuntur. Quem etiam magis sacrificiis deditum, quam Carthaginensium ducem Hamilcarem reperimus? qui cum toto prælii tempore inter acies postus dimicantes sacrificium faceret, ubi partem suorum victam esse cognovit, in ipsos quos adolebat se præcepit autem ignes, ut eos vel crure suo resingueret, quos sibi nihil profuisse cognoverat. Nam de Juliano quid loquar, qui cum responsi baruspicum male credulus esset, ademit sibi subsidia reverendi. Ergo in communi casu non est communis offensæ. Nominem etenim promissa nostra luserunt. Responsi laceffentibus tanquam non laceffitis. Refellendæ etenim relationis, non exponendæ superstitionis mihi studium fuit. Te tamen imperator, ipsa eorum relatio faciat cautiorum. Nam cum de superioribus principibus texuisset, quia prior eorum numerus caerimonias patrum coluit, recentior non removit, addidisset etiam se exemplum religio veterum non facit, faciat dissimulatio proximorum: evidenter docuit quod & fidei tuæ debeas, ut gentilitii ritus non sequaris exemplum, & pietati ut fratris statuta non violes. Si enim pro suis duntaxat partibus eorum dissimulationem principum prædicarunt, qui cum esset Christiani, decreta tamen gentilium minime removerunt: quanto magis amoris debent deferre fraterno ut qui dissimulare deberes, etiam si quid forsitan non probares, ne fraternis derogares statutis, & nunc teneas quod & fidei tuæ & germanitatis necessitudini iudicas convenire.

C A P. XXX.

De Palladio.

ATQUE hæc sunt quæ de virginibus Vestalibus apud veteres auctores extare didicim. Verum antequam ad reliqua sacerdotia explicanda veniam, haud ab re fore existimo, si paucis quid Palladium fuerit explicabo, præsertim quum id ab auctoribus negligatur. Palladium igitur erat Palladis simulachrum, quod una antiquorum superstitione poeticis fabulis edocta, olim ex coelo lapsum fuisse, Dardanique manibus exceptum credidit. Scutum id fuisse quidam existimaverunt, ut Romæ ancilia. Alii Diodorus, atque Dio sentiunt, qui Palladium signum fuisse ligneum tribulante coelo lapsum in Pessinunte urbem Phrygiæ, dextera tenens hastam, læva colum & fufum, & ad eum locum bove duce devenisse, ubi Dardanus erat, qui dum urbem Ilium condidisset, deos rogavit, ut aliquod signum darent temporis novæ urbis, statimque apparuisse Palladium, a quo quum exceptum esset, Apollinis oraculo admonitus est, tam diu manfuram urbem, donec in ea Palladium conservaretur. Alii,

ut M. Varro, Dionysius, Ovidius, Plutarchus & Servius, ex quibus hæc excerpti, dicunt: Chrysam Pallantis filiam, quum in Arcadia Dardano nupsisset, pro dote secum adduxisse Palladium, & magnorum decorum simulachra, scilicet Penates, quibus templa Dardanus in Samothracia construxit, quæ postea sacra sunt in Ilium nepotum tempore transvecta, & in templo Palladis, quod in arce Trojana erat, collocata: accepto oraculo manfuram urbem quamdiu intra mœnia Palladium conservaretur, quod circa intimam arcis templique partem additum fuit, quodam altero Palladio illi simillimo efficto, quod in publico neglectius asservabatur. Itaque tempore belli illius, quod communibus viribus Græcia tota adversus Trojanos gessit, quum Pyrrhus ex Heleno vate Priami filio didicisset, salvo in urbe Palladio, inexpugnabilem esse Trojam, idque Græcorum principes cognovissent, quum nulla spes potiundæ urbis esset, nisi prius sublato Palladio, datum est negotium Ulyxi & Diomedem, qui clam per cloacas in urbem ingressi, vique in custodes facta, ut Sterpichorus, & Euphorio tradidere, Palladium Antenor's opera, quod ejus uxori Theanæ, Palladis sacerdoti traditum fuerat custodiendum, subripientes, ad suos reveri sunt. Urbemque tutelari Palladis nomine spoliata, infirmam captique non admodum difficile reddiderunt. Unde Virgilius secundo Aeneidos:

..... cæsi summa custodibus arcis
Corripere sacram effigiem, manibusque cruentis,
Virgineas ausi divæ contingere vittas.

Quod tamen Palladium a Græcis captum imaginarium fuisse existimant, verumque Palladium capta jam urbe Sicam Aeneas tradidisse cum magnis diis, quos penates Trojani vocabant. Virgilius:

..... & manibus vittas Vestamque potentem,
Æternumque adytis offert penetralibus ignem.

Silius vero Italicus verum quidem Palladium raptum asseruit, idque Aeneas a Diomede redditum, quod Aeneas cum omnibus aliis Trojanorum sacris caerimoniisque in Italiam adduxit, Lavinique collocavit, quod deinde ab Africano Albam longam translatum putant, condito Vestæ templo. Palladium porro ex Alba longa sub rege Tullo Hostilio, postquam eam diruisset, sive ut Varro putat, ex Lavinio Romam translatum est, atque in æde Vestæ collocatum. Quid autem fuerit, multis verbis explicare Dionysius conatur, atque postremo ita concludit: Nemo tamen videre primum illud, certaque de eo tradere potuit. Itaque in ambiguo est, an Dardanus id Illuse suscepit, fueritne ligneum, an æneum signum, aut, ut quidam tradidere, scutum; remanisse postremo Ilii, an Romam advectum. Non desuerunt enim qui existimant, Aeneam relicto sociis Latinorum regno, in Phrygiam cum Palladio rediisse, quorum opinio a multis labefactata est. Frequentior enim fama est, Palladium Romæ remanisse in æde Vestæ locatum. Quæ cum incendio flagraret, L. Cecilius Metellus pontifex maximus, Palladium medio ex incendio a virginibus fugientibus neglectum rapuit, quare statim lumina, quod deos vidisse crederetur, amittit. ob quod factum magni sunt postea illi honores habiti, quod sub recentem primam Punicam pacem factum est. Quo tempore Palladium primo visum fuisse constat. Porro autem sub Commodio Marci filio Imperatore, quum Vestæ templum iterum conflagrasset, Palladium quoque iterum conspectum est: quod in primis Romani colebant, atque in arcano semper habebant. Quippe raptum id Vestales virginibus media sacra via in aulam imperatoris transfulerunt, templo vero restituto denuo loco suo repositum est. Id deinceps Alagabalus Imperator, quum templum deo suo Alagabalo, quem plebrique Solem existimant, sic Phœnicum lingua appellatum, in ea Palatii parte fecisset, ubi prius Orci ædes fuerat, cum matris magnæ typo, Vestæ igne, ancillis, & omnibus Romanis sacris in id templum transi-

lit, sedibusque propolis tertio movit, dictitans, Palladium dei sui conjugem esse debere. Hocque agebat, ne quis Romæ deus nisi Alagabalus fuus colebatur. Dicebat præterea Judæorum, & Samaritanorum religiones, & Christianam devotionem illuc transferri oportere, ut omnium culturarum secretum Alagabali sacerdotium teneret. Quæ post ejus cædem sedibus propriis restituta sunt. Quamquam multi existimant eum non Palladium, sed signum quoddam, quod Palladium esse credebatur, abstulisse, quum simulachrum effictum pro vero illi virgo Vestalis maxima ostendisset, quia plura Palladia similia facta esse dicebantur, ne quis verum unquam auferre posset. Palladium denum cum multis aliis Romanæ urbis ornamentis, Constantinus pius imperator gentilium inani superstitione abrogata, ex urbe Constantinopolim deportavit, & quo ab omnibus videri posset, medio foro super columnam marmoream collocari iussit. Idque statuerat æneam Palladis fuisse memorie proditum esse. Atque hæcenus de Palladio.

C A P. XXXI.

Salii Palatinis XII. & Virginibus Saliaribus.

SEXTAM sacrorum institutorum partem (ut inquit Dionysius) Numa rex Salii tribuit: quos ipse ex patriciis creavit, juvenes XII. spectatissimos, quum sacra in Palatio facerent, ubi eorum sacrum fuisse refertur a Sex. Rufo, & P. Victore, Salii Palatini vocati sunt. Dicti autem sunt Salii, ut inquit M. Varro, a saltando, quod facere in comitio in facere quotannis & solent & debent. Sext. Pompeius: Salios (inquit) a saltando & saltando dictos esse, quamvis dubitari non debeat, tamen Polémon quidam ait, Arcada quendam fuisse nomine Salium, quem Æneas a Mantinea in Italiam deduxerit, qui juvenes Italicos enoplum saltationem docuerit. At Critolaus Saonem ex Samothrace, cum Ænea deos penates, qui Lavinium transfulerit, saliare genus saltandi instituisse, a quo appellatos Salios: quibus per omnes dies ubicunque manerent, quia ample ponebantur cæne, si quæ aliæ magnæ cæne sunt, Saliaribus appellatur. Et Livius libro primo: Salios item duodecim Marti gradivo Numa legit, tunicæque pictæ insignie dedit, & super tunicam æneum pectori tegmen, celestiaque arma, quæ ancilia appellatur, ferre, ac per urbem ire canentes carmina, cum tripudiis, solemnique saltatu iussit. Plutarchus in Numa: Salii vocati sunt, non ut quidam fabulantur a viro Samothrace seu Mantinea, Salio nomine, qui saltationem quæ armata dicitur edocuerit, sed ab ipso potius tripudio saltatorio, quod vehementius robustisque per urbem euntes subsaltant, quum ad mensam Martium sacra scuta, quæ ancilia dicebantur susciperent, induti puniceis tunicis, æneis balteis latisque succincti, æneis in capite galeas portantes, & parvis gladiis arma pulsantes, reliquum vero saltationis pedum est opus. Moventur enim suaviter, conversiones, ac saltationes in celeri & crebro numero robuste & leviter reddentes. Dionysius vero libro Secundo: Hi autem Salii omnes saltatores quidem sunt, & laudatores armatorum deorum, quorum solemnitas est mensis Martio, quæ sumptu agit publico multis diebus, quibus ducunt choreas per urbem, & in forum, & Capitolium, & in multos alios privatos publicosque locos, tunicas varii coloris, æneis succincti balteis, togasque annexentes fibulis circum distinctas purpureas, sub tegmine puniceo, quas trabeas vocant: est enim gentilis ea vestis Romanis, & valde honorifica: & quos apices vocant capitibus imponentes, pileos altos in speciem coni eductos. Accincti autem omnes erant gladiis, ac dexteris lanceam, aut virgam, aut quid tale tenent, levia ancilia. Quæ autem ancilia fuerint paulo post dicam. Adjicit Dionysius; Ancile autem

est scuti cuneati species, ætiora habentis latera, qualia dicuntur ferre ii, qui apud Græcos Curetum sacra perficiunt, suntque Salii Græco nomine interpretati Curetes. illi quidem a Græcis ex ætate denominati, a Romanis vero a continuo motu Salii. Et ob eam causam omnes quoque alios, quibus multum inest saltatus & gestus, ducto a Saliis nomine saltatores vocant. Moventur autem ad tibiam ex modulo armatis motibus, quandoque simul ac vicissim, quandoque patria quedam canentes carmina cum tripudiis, solemnique saltatu simul cum choreis; choream autem & armigerum motum, & in scutis factum per gladios strepitum Curetes primi instituerunt. De carminibus Saliaribus frequens apud omnes veteres scriptores mentio est. Quorum quedam vocabantur axamenta, quæ erant in hominum memoriis composita, ut Mamurii, & Voluminæ. Nam in deos singulos versus ficti, a nominibus eorum appellabantur, ut Janualii, Junonii, Minervii. Is qui Saliis præerat vocabatur magister, eorum vero cætus collegium. Valerius Maximus libro primo, cap. primo: Obruitur etiam tot illustribus consularibus L. Furius Bibaculus, exemplique locum vix post Marcellum invenit. Sed pii simul ac religiosi animi fraudandus non est, qui prætor a patre suo collegii Saliarum magistro iussus, sex hiis libris precedentibus, arma ancilia tulit, quamvis vacationem huius officii honoris beneficio haberet. Omnia namque post religionem ponenda semper nostra civitas duxit, etiam in quibus summe maiestatis conspici decus voluit. Salii autem non a populo, sed a magistris collegii legi solebant patricii adolescentes, quorum uterque parens viveret, nec in magistratu esset. Lege quoque cautum erat, ut Salii liberi essent.

De Saliis & magistro collegii Saliarum mentio est in his vetustis inscriptionibus.

M. RVBRIO. L. F.
PROCVLO
PR. AED. Q.
PONT. SALIO
MVNIC. ET. IN. COL

Item:

L. ANTISTIVS. CN. F. HOR. SARCVLO
SALIVS. ALBANVS. IDEM. MAG. SALIORVM
ANTISTIAL. L. PLVTIAL. L. ANTHVS. RVFVS
L. IMAGINES. DE. SVO. FECER. VNT.
PATRONO. ET. PATRONÆ. PRO. MERITIS

Ceterum (ut sæpe dixi) Salii non nisi ex patriciis lecti sunt: quod Cicero in oratione pro domo refert. De Anciliis autem hæc produnt Dionysius & Plutarchus: Annum jam octavum regnante Numa, morbus urbem invaserat, cunctis vero morientibus, traditur scutum æneum a cælo delapsum, in Numæ manibus cecidisse. Quod in urbi salutem missum Egeriam sibi retulisse Numa tradidit, oportereque eum asseruari, aliis undecim ad illius figuram, magnitudinem, formamque effictis, quo dubium ob similitudinem esset celestis illius adipsiendi. Addiditque Numa, se a musis cognovisse eam urbem, in qua id ancile servaretur, omnium potentissimam futuram. Quo facto quum pestis cessasset, scutum autem ejus imperio quum effingere artifices certassent, dissidentibus ac desperantibus ceteris, Mamurium Veturium præstantissimum artis ejus opificem, usque adeo ejus similitudinem effinxisse, fruxissetque omnes similes, ut ne Numa quidem id cognosceret. Horum vero scutorum custodes Salii XII. legit, quot fuerant fabricata scuta, a quibus sacri anniversariis offerrentur per urbem. Id autem scutum quemadmodum ex numismate Antonini Pii cognovi, breve fuit, ideoque ancile appellatum, quod ex utroque latere effect recitum, & summum infimumque ejus latius medio pateret. Mamurium autem XII. anciliorum a se factorum præmii loco poposcit, ut suum nomen inter carmina Salii cantarent. Ideo Mamurii Veturii nomen in cantibus Salii Romani maxime frequentabant.

Virginum

Virginum Salarum sic meminit Sex. Pompeius: *Salieres virginis Cincius ait esse conducticias, quæ ad Salios coibant cum apicibus paludatas, quas Alius Stilo scriptis sacrificium facere in regia cum pontifice paludatas, cum apicibus in modum Salarum.* De eis præterea nihil inveni.

C A P. XXXII.

De Fetialibus & Patre Patrato.

SEPTIMAM sacrorum partem collegio Fetialium tribuit Numa. Hi erant ex optimis nobilibusque familiis electi, & per omnis vitæ tempus ei sacro destinati. *Fetiales dicti, ut scribit M. Varro libro quarto de lingua Latina, quod fidei publicæ inter populos præerant; nam per hos fiebat, ut iustum conciperetur bellum, & inde desitum, & ut fœdere fides pacis constitueretur. Ex his mittebant antequam bellum conciperetur, qui res repeterent, & per hos etiam nunc fit fœdus, quod fides scribit Ennius dictum.* Et libro secundo de vita populi Romani. *Itaque & bella, & tarde nec magna licentia suscipiebant, quod bellum nullum nisi pium putabant veri oportere, & priusquam indiceretur bellum, iis a quibus iniuriæ factæ sciebant, fetiales legatos, res repetitum mittebant quatuor, quos oratores vocabant.* Et libro tertio. *Si cuius legati violati essent, qui id fecissent, quamvis nobiles essent, ut dederunt civitati statuerunt, fetialesque viginti, qui de his rebus cognoscere, iudicare, statuerent, constituerunt.* Sex Pompeius: *Fetiales (inquit) a faciando dicti, apud hos enim belli pacisque faciende jus est.* Et Nonius Marcellus: *Fetiales apud veteres Romanos erant, qui sancto legatorum officio, ab iis qui adversum populum Romanum aut rapinis, aut iniuriis hostili mente commoverant, pignora factæ fœdere jure repeterant, nec bella indiciebantur, quæ tamen pia vocabant, prius quam fuisset quid fetialibus denuntiatum.* Plutarchus in Numa: *Fetiales pacis custodes sunt ab re ipsa nomen adepti; controversias enim verbis sedabant, quum non permitterent prius militare, quam omnis iudicii spes abscissa esset.* Etenim pacem Greci vocant, quando verbo non vi controversiæ tolluntur. *At Romani fetiales sæpe ad eos ibant, qui iniurias intulissent, illisque suadebant, ut se benevole & amice gererent; iis autem inimici sese & non pro voluntate gerentibus, deos testari, & multa gravia in eos eorumque patriam imprecari, nisi iuste rem aggrediantur; sic eis bellum indiciebant.* Fetialibus vero prohibentibus, aut minus comprobantibus, neque militare fas erat, neque arma movere. Sed ab his necesse erat initium belli pro jure duces acciperent, & tum demum communi commodo prospicerent. Fertur cladem Senonicam urbi accidisse ob hæc sacra violata. Jus Fetiale ab Æquiculis mutuum scribit Valerius libro decimo, cuius auctor fuit Sertorius Rellus Æquicolarum rex. Id jus (ut dixi) Numa primus Romanis constituit, sive ut Valerius scribit, ab Æquiculis, sive ut alii, ab Ardeatibus assumptum. Nam Romæ ante Numam collegium Fetialium non fuit. Id autem constituit, quum indicturus esset bellum Fidenatibus, ob latrocinia quedam & excursions in agros Romanos factas, scireque prius vellet utrum secum convenire sine bello vellent. Qui necessitate coacti pacem maluerunt. Fetialium autem præcipua munera erant (ut tradit Dionysius) custodire, ne Romani bellum fœderatæ civitati iniustum inferrent, in his autem qui fœdera rumpere cœpissent, ad eos legatos ire, & iusta primum ratione repeterent, atque si postulat, qui læserint non obtineperant, iis bellum indicare: si simili ratione, si læsos se esse a Romanis loci aliqui asseverantes æqua postularent, ea cognoscere, atque si aliquid præter fœdera perpessi sunt, videanturque vera obicere, comprehensos fontes, eos læsis deditionis tradere. Iniurias quoque legatis factas iudicare, & quæ pia sunt in fœderibus, custodire, pacem facere, atque

factam, si non ex legibus sacris facta videatur, irritam habere, imperatorum iniqua facta, quæcumque circa iusjurandum, & sponiones fierent, cognoscere, & expiare. Quum autem bellum indicare iustum & pium esse iudicarent, unus quidem Fetialium, quem reliquis suffragiis prætulerint, ornatus veste, & gestaminibus sacris, ut inter alios conspicuus manifestusque sit, ad eorum urbem qui læserint proficiscitur, & attingens fines, Jovem deosque alios invocatur, testans, quod ad repetendas poenas pro urbe Romana proficiscitur. Postea juratus quod ad urbem vadit quæ prius iniuste egerit, & execrationes maximas sibi ipsi ac Romæ imprecatur si mentiat, intra fines pergit, deinde cuicumque primum occurrit hunc obtestatur, sive civis is fuerit, sive rusticus, easdemque imprecationes apponens ad urbem vadit; deinde antequam urbem inear, janitorem ipsum sive alium, quem primum obvium in porta habuerit, eodem modo testatus in forum progreditur, illicque adstans qua causa venerit, cum primoribus disserit, iusjurandum ut prius, & imprecationes apponens. Si igitur iudicium illi subeant, trahentes fontes, urbe digreditur, eos viros abducens amicus jam ab amicis. Si vero tempus illi ad consultandum petant, decem eis dierum cum dederit, iterum redit, quousque petitionem eorum recipit. Elapsis vero triginta diebus, si iusta civitas non exhibeat, diis celestibus manibus invocatis abiit, hoc tantum dicto quod de eis consultabit per otium S. P. Q. R. Pronuntiat deinde in senatu cum aliis astans Fetialibus peractum esse ab ipsis, quantum fuerit ex legibus sacris pium, & si decernere bellum velint, eis amplius religione non prohiberi; antequam enim hac facta fuissent, neque senatus, neque populus bellum alicui decernere poterat. Cincius porro libro tertio de re militari, Fetialem populi Romani bellum indicentem hostibus, telumque in agrum eorum iacentem hinc verbis uti scripsit: *Quod populus Hermundulus, hominesque populi Hermunduli, adversus populum Romanum bellum fecere, deliquereque, quodque populus Romanus cum populo Hermundulo, hominibusque Hermundulis bellum iussit, ob eam rem ego populusque Romanus, populo Hermundulo, hominibusque Hermundulis bellum indico factoque.* Horum Fetialium unus pater patratus dicebatur, cuius munus erat, quum pax, aut fœdus faciunda essent, verba facere. Ejus rei exemplum ex Livii libro primo afferam. *Fœdus istum inter Romanos, & Albanos est his legibus, ut cuius populi cives eo certamine vicissent, is alteri populo cum bona pace imperitaret.* Fœdera alia aliis legibus, ceterum eodem modo omnia sunt. tum ita factum accepimus, nec ullius vetustior fœderis memoria est. Fetialis regem Tullum ita rogavit: *Subne me rex cum patre patrato populi Albani fœdus ferire? jubente rege: Sagmina (inquit) te rex posco.* Rex ait: *pura tollito.* Fetialis ex arce graminis herbam puram attulit, postea regem ita rogavit: *Rex facisne me tu regium nuntium populi Romani Quiritium? vasque comites meos?* Rex respondit, *quod sine fraude mea, populi que Romani Quiritium fiat, facio.* Fetialis erat M. Valerius. Is patrem patratum Sp. Furium fecit, verbera caput capillosque tangens (pater patratus ad iusjurandum patrandum, id est sancientiam fit) fœdus multisque id verbis, quæ longo effata carmine non opus est referre, peragit. Legibus deinde recitatis: *Audi (inquit) Jupiter, audi pater patratus populi Albani, audi populus Albanus, ut illa pax prima, postrema, ex illis tabulis ceræ recitata sunt, sine dolo malo, utique ea hic bodie rectissime intellecta sunt, illis legibus populus Romanus prior non deficiet; si prior defecerit, publico consilio dolo malo, tum me Diespiter populum Romanum sic ferito, ut ego hunc porcum bodie feriam, tantoque magis ferito, quanto magis potes pollesque: id ubi dixit, porcum siliæ percussit. Sua item carmina Albani, suumque iusjurandum per suum dictatorem, suosque sacerdotes peregerunt. Fœdere isto, &c.* Fetiales autem ut ceterorum collegio-

rum sacerdotes, a collegis subrogabantur. Post legem vero Domitiam de qua saepe dixi, eos populi suffragiis creatos fuisse, quemadmodum augures, pontifices, XV. viros sacris faciendis, & VII. viros epulonum, pro certo asserere non ausim, praesertim quum id nusquam me legisse meminerim. Eos tamen populi tributis comitiis creatos fuisse, ut credam potissimum adducor, quod penes collegium viginti fetialium erat publica religionis pars una non minus necessaria, quam quae erat penes augures, pontifices, XV. viros S. P. & VII. Viros epulonum. Unde fit ut pari ratione credam, ante legem Domitiam cooptari per collegas solitos fetiales, sicut illi cooptabantur, praesertim quum nusquam reperiamus, vel a pontificibus eos creatos, sicut flamines, vel a magistratibus, post primam eorum a Numa creationem. Quod si ante legem Domitiam cooptari a collegio concedamus, necesse est ut hac lege suffragiis populi creati ceperint. Fetiales vero habere partem religionis publicae, a reliquis sacerdotibus separatam, tum ex his quae dixi, tum ex legibus Cicéronis intelligi potest, apud quem seorsum de fetialibus libro secundo haec lex ponitur. *Fœderum, pacis, belli, induciarum, oratorum, fetiales iudices sunt. Bella disceptant.* Fuisse autem eorum collegium tum ex his quae etiam dixi, tum ex Livio cognosci potest, qui libro XXXVI. ita scribit: *Consul inde M. Atilius ex S. C. ad collegium fetialium retulit, ipsi ne utique regi Antiocho indiceret bellum.* Reliqua, quantum ad fetialium creationem attinet, quemadmodum de pontificibus, & auguribus dixi, intelligenda sunt. Atque haec sunt, quae de fetialibus, ex Cicéronem, M. Varrone, Dionysio lib. I. Livio lib. I. Gellio lib. XVI. cap. IV. Plutarcho, Sex. Pompeio, & Nonio Marcello collegi. De fetialibus mentio est in antiqua inscriptione ita:

P. CORNELIO. LENTVLO
SCIPIONI. COS. PRAEF.
AERARI. LEGATO. TI
CAESARIS. AVG. LEG. LEG
VIII. HISPAN. PONTIFICI
FETIALI. D. D.

C A P. XXXIII.

De Pontificibus.

OCTAVA & ultima divisio (inquit Dionysius libro secundo) sacrarum traditionum Nume fuit eorum sacrorum, quae pontifices sortiti sunt. Qui magnum apud Romanos sacerdotium, & potestatem habent. De quibus loquituro ea erant hoc loco mihi repetenda, quae in V. factorum commentario digesti, ne hac una sacerdotum praecipua parte praeterita, imperfectus hic liber exiret. Erat autem pontificatus sacer magistratus, a posse & facere, ut Scævula, vel a ponte, ut Varro scribunt, appellatus. Pontifices enim, ut apud Varronem Q. Scævula pontifex maximus dicebat, a posse & facere dicti sunt. Varro autem lib. IV. de lingua Latina, pontifices a ponte dictos arbitratur, nam ab eis pons Sublicius est factus primum, & restitutus saepe, quum ideo sacra & ultra & cis Tiberim non mediocriter fiant. & Dionysius libro secundo: *Novissima Nume institutorum pars continebat sacra maximi apud Romanos sacerdotii, & cuius potestas est amplissima. Hi ab uno suorum operum, videlicet sacriando ponte Sublicio vocabantur pontifices, summa auctoritate praediti, nam de omnibus causis ad sacra pertinentibus iudicant, tam inter magistratus sacros, quam inter privatos homines, novaeque leges de sacris arbitratus suo condunt, scilicet desuntur scriptis legibus: & magistratus, penes quos caerimoniae sunt ac sacrificia, sacerdotesque omnes examinant; ministros quoque sacrorum in officio continent, ne quid praeter solemnes ritus faciant; a profano etiam & imperito vulgo consuluntur de cultu deorum, ac genitorum, aliisque*

*religionibus: quod si quem animadvertant praescripta sua contemnere, eum mulctant pro delicti magnitudine. Ipsi nullius potestati sunt obnoxii, nec tenentur ad reddendum rationem vel senatus, vel populo. Id genus sacerdotes, sive sacri doctores, sive sacrarum legum consulti, sive sacrorum custodes recte dicendi sunt. Ego Hierophantas nostris appellari dixerim. In defuncti locum alius solet subrogari non populi suffragiis, sed qui collegio maxime videatur idoneus ex omni civium numero, nec nisi inauguratus ad sacerdotium admittitur, &c. Pontificum etiam muneris meminit diserte Cicero pro domo sua ad pontifices ita: *Quum multa divinitus, pontifices, a maioribus nostris inventa atque instituta sunt, tum nihil praclarius, quam quod vos eisdem & religionibus deorum immortalium, & summae reipublicae praesse voverunt, ut amplissimi, & clarissimi viros remp. bene gerendo, pontifices religionem sapienter administrando, rempublicam conferarent.* Quodsi nullo tempore magna causa in sacerdotum populi Romani iudicio, ac potestate versata est; haec profecto tanta est, ut omnis reipub. dignitas, omnium civium salus, vita, libertas, ars, foci, dii penates, bona, fortunae, domicilia, vestrae sapientiae, fidei potestatique commissa & credita esse videantur. Et non longe post ad Lentulum unum ex pontificibus loquens: *Te appello, inquit, Lentule, tui sacerdotii sunt tenses, curricula, praecentio, ludi, libationes, epulaeque deorum. Vosque pontifices, ad quos epulones Jovis optimi maximi, si quid est praetermissum, aut commissum adferunt; quorum de sententia illa eadem revocata, atque insinuat celebrantur; qui sunt ludi minus diligenter facti? quanto aut quo scelere polluti? respondebis & pro te, & pro collegiis tuis, & pro collegio pontificum, nihil cuiusque aut negligentia contemptum, aut scelere esse pollutum. Ceterum quatuor tantum a Numa pontifices instituti traduntur, qui omnes ex patriciis semper cooptati sunt, usque ad annum urbis CDLIV. in quo Q. Appuleio Pansa, & M. Valerio Corvo v. cos. ut libro decimo tradit Livius, ne undique tranquillae res essent, certamen injectum est inter primores civitatis patricios plebeiisque a tribuniis plebis Q. & Cn. Ogulnius. Qui undique criminandorum patrum apud plebem occasionebus quesiiti, postquam alia frustra tentata erant, eam actionem susceperunt, qua non infamam modo plebem accenderent, sed ipsa capita plebis consulares triumphalesque plebeos, quorum honoribus nihil praeter sacerdotia, quae nondum promiscua erant, deesset. Rogationem ergo promulgarunt ut quum quattuor augures, quattuor pontifices ea tempestate essent, placeretque augeri sacerdotum numerum, quattuor pontifices, quinque augures de plebe omnes allegerentur. Eam rem juxta aegre passi patres, quam quum consulatum vulgari viderent: simulabant ad deos id magis quam ad se pertinere, ipsos visuros ne sacra sua polluantur, id se optare tantum, ne qua in rempublicam clades veniat. Minus autem tendere, assueti iam tali genere certaminum vinci; & cernebant adversarios non id quod olim vix speraverint affectantes magnos honores, sed omnia iam, in quorum spem dubiam erat certatum, tamen adeptos multiplices consulatus, censurasque, & triumphos, &c. Et paulo post: *Vocare tribus exemplo populus jubeat, apparebat accipere legem, ille tamen dies est intercessione sublati; postera die deterritis tribuni ingenti consensu accepta est.* Pontifices creantur suorum legum P. Decius Mus, P. Sempronius Soppus, C. Marcus Rutilius, M. Livius Denton. Quinque augures item de plebe, C. Genucius, P. Aelius Paetus, M. Minucius Fessius, C. Marcus, T. Publilius. Ita octo pontificum, novem augurum numerus factus. Qui usque ad Sullae Felici dictaturam mansit. Ceterum quum L. Cornelius Sulla Felix, adversae partis factionibus caesis, dictator renuntiatus fuisset, inter multa quae abtrogavit, aut addidit, pontificum quoque & augurum collegium amplavit, ut essent quindecim pontifices, & quindecim augures. Ita ex Livio Florus in epitoma libri LXXXIX. Ex cuius Sullae facto, duplex factus est pontificum ordo, primi enim octo, & ii deinceps,**

qui in eorum locum cooptati sunt, pontifices majores appellati, reliqui vero septem minores pontifices dicti sunt. Majorum & minorum pontificum, tam apud veteres auctores, quam in antiquis lapideis epigrammatibus frequens mentio est. Majorum siquidem in his:

PETRONIVS. APOLLODORVS. V. C.
PONTIFEX. MAIOR. XV. VIR. SACR. FAC
PATER. SACR. DEI. INVICTI. MITHRAE
TAVROBOLIO. CRIOBOLIOQ. PERCEPTO
VNA. CVM. RVFLA. VOLVSIANA C. F. CON
IVGE. XV. KAL. IVLIAS. DD. NN
VALENTINIANO. ET. VALENTE. AVGG. III
COSS. ARAM. DICAVIT

Item:

M. MAECIO MEMMIO. FVRIO. BALBVRIO
CAECILIANO. PLACIDO. C. V
PONTIFICI. MAIORI. AVGVRI. PVBLICO
P. R

QVIRITIVM. XV. VIRO. SACRIS. FACIVNDIS

Item:

LVCIO. AVRELIO. AVIANIO. SYMMACHO
V. C
PONTIFICI. MAIORI. XV. VIRO. SACRIS
FACIVND

Pontificum vero minorum sic meminit M. Cicer. in oratione de haruspicum responsis: *At vero meam domum P. Lentulus consul & pontifex, P. Servilius, M. Lucullus, Q. Metellus, M. Glabrio, M. Messala, L. Lentulus, Flamen Martialis, P. Galba, Q. Scipio, C. Fannius, M. Lepidus, L. Claudius rex sacrorum, M. Scaurus, M. Crassus, C. Curio, Sex. Caesar, Flamen Quirinalis, Q. Cornelius. P. Albinovanus, Q. Terentius pontifices minores, causa cognita, duob. locis dicta, maxima frequentia amplissimorum ac maximorum civium adstante, omni religione una mente omnes liberaverunt.* Et Julius Capitolinus in Macrinum, *Senatus Macrinum quem scribam pontificum fecisset, quos hodie pontifices minores vocant, pontificem maximum appellavit.* Et in antiquis inscriptionibus:

T. FLAVIO. T. F. GERMANO
CVRATORI. TRIVMPHI. FELICISSIMI
GERMANICI. SECVNDI. IMP. CAESARIS
DIVI. F. DOMITIANI. AVGVSTI
EXORNATO
SACERDOTI. SPLENDIDIS. PONTIF.
MINOR

Item:

C. IVNIO. C. F. QVIR
FLAVIANO
LEG. LEG. VII. GEM
PONTIFICI. MINORI
CVRATORES. FRVMENTARI

Univerfus porro pontificum coetus collegium vocabatur, quemadmodum ex Cicerone in oratione ad pontifices pro domo, & de haruspicum responsis, itemque ex antiquis inscriptionibus liquet. Ceterum ut Dionysius libro secundo, & Cicero in Rullum scribunt, Pontifices a Numæ temporibus usque ad annum urbis circiter DCL. a collegio pontificum cooptari soliti fuerunt, non enim comitiis a populo creabantur: quo tempore Cn. Domitius Cn. filius Ahenobarbus trib. plebis pontificibus offensior, quod alium quam se in locum patris sui Cn. Domitii cooptassent, jus sacerdotum subrogandorum a collegiis ad populum transtulit. Ita Cicero in Rullum, & Tranquillus cap. secundo in Nerone. Atque ita pontifices, augures, VII. viri epulonum, quindecim viri sacris faciundis, & seculares, qui prius a suis collegiis subrogabantur, postea lege Domitii tribus comitiis per populum creati sunt. Hanc

A legem a Sulla dictatore plebi offensiore abrogatam, restituit Cicerone consul T. Labienus tribunus plebis, ut Dio libro xxxvii. auctor est. Postea sub Augusto iterum abrogata Domitia lege, collegiorum primo, deinde Romanorum principum arbitrio pontifices, & reliqui sacerdotes cooptari cæpti. Pontificum collegium usque ad Theodosii senioris Imperatoris tempora Romæ fuit. Quibus, religione Christiana omnia jam obtinente, imperatoribusque antiquæ superstitioni adversantibus, uno edicto sacerdotiorum omnium redditus fisco applicati sunt. Quare postea plane pontifices, augures, & reliqui sacerdotes fieri desierunt, quum redditibus omnibus mulctati essent. Ita Zosimus. Atque hæc sunt quæ breviter de pontificibus dicenda inveni. Nunc vero ut & de pontifice maximo, quorum seriem quanta potui diligentia collegi, verba faciam, reliquum est. Ut enim erant pontifices majores minoresque, sic supremus unus summusque omnium pontifex erat, qui maximus dicebatur a Numa institutus, quod, ut Dionysius tradit, maximarum rerum quæ ad sacra & religionem pertinent, iudex esset, & vindex contumaciæ privatorum & magistratuum. De ejus creatione sic scribit libro primo Livius: Minoribus pontificibus creatis, Numa pontificem deinde maximum Numam Martium M. F. ex patribus legit, eique sacra omnia exscripta exsignataque attribuit; quibus hostiis, quibus diebus, ad quæ templa sacra fierent, atque unde in eos sumptus pecunia erogaretur. Cetera quoque omnia publica privatæque sacra pontificis scitis subjecit, ut esset quo consultum plebi veniret, ne quid divini juris negligendo patriis ritus, peregrinorumque ascescendo, turbaretur. Nec celestes modo caerimonias, sed iusta quoque funebria, placandisque manes, ut idem pontifex edoceret, quæque prodigia fulminibus, aliæque quo viso missa susciperentur, atque curarentur, ad ea elicienda ex mentibus divinis, Jovi Elicio aram in Aentino dicavit, Deumque consuluit auguriis quæ suscipienda essent. Ita Livius. & Sex. Pompeius: Pontifex maximus, iudex atque arbiter rerum divinarum atque humanarum. Ceterum pontifex maximus ex collegio pontificum creabatur, non quidem collegiarum cooptatione, ut in ceteris sacerdotiis mos erat, sed populi tributis comitiis, ut ex omni Livii historia facile intelligi potest. Multo etiam tempore non nisi ex patribus creabatur, donec postremo omnibus honoribus plebi communicatis, pontifex quoque max. ex plebe primus creatus est Ti. Coruncanius. Post quem multi, tam patricii, quam plebei, pontifices maximi creati fuerunt, usque ad C. Julium Cæsarem. Quo mortuo in ejus locum pontificatum maximum per vim invalit Lepidus. Post cujus mortem id sacerdotium suscepit Augustus, quod Lepido vivo nunquam, quamquam oblatum, recipere sustinuerat, ut Tranquillus tradit. Decens autem vitum est eum, qui totius imperii possessionem adeptus esset, ipsum quoque supremam divinarum rerum auctoritatem, quæ hoc sacerdotio comprehendebatur, habere. Quare post Augustum omnes Romani principes, qui sub imperatoris nomine rei Romanæ præfuerunt, pontificatum maximum vel susceperunt, vel se pontifices maximos appellari passi sunt; ut Constantinus, Constantius, Valentinianus, Valens, & Gratianus Augusti. Qui Christianæ religioni addicti, quamquam a pontificis maximi munere abhorrent, id tamen nomen elogiis suis adscriptum non aspernati sunt, vel rejecerunt. Primus omnium Gratianus imp. edicto proposito (ut Zosimus docet) se pontificem maximum appellari vetuit, atque ita ea sacerdotii dignitas in Imperatoribus defecit. Quod quum adeo sublime, maximum, & præ ceteris sacerdotiis celeberrimum esset, ut omnes ejus dicto præsto essent, nam ceteri pontifices, flamines, rex, quindecim viri sacris faciundis, & reliqui omnes sacerdotes sub ejus potestate erant, ut ex Livio passim intelligitur, statui eorum seriem, quorum memoriam invenire poterim, hic quoque brevissime subijcere.

Numa Marcius M. F. pontifex maximus primus.

C. Papirius pontifex maximus.

Q. Furius Fufus alias

M. Papirius pontifex maximus.

A. Cornelius Cossus pontifex maximus.

Sp. Minucius Augurinus pontifex maximus.

M. Fabius Ambustus pontifex maximus.

P. Cornelius Scipio Scapula pontifex maximus.

P. Cornelius Scipio Barbatus pontifex maximus.

Ti. Coruncanus TI. F. TI. N. pont. max. primus e plebe factus.

L. Cæcilius L. F. C. N. Metellus pontifex maximus.

L. Cornelius L. F. TI. N. Lentulus Caudinus pont. max.

P. Licinius P. F. P. N. Craffius Dives pont. max.

C. Servilius C. F. C. N. Geminus pont. max.

M. Aemilius M. F. M. N. Lepidus pont. max.

P. Cornelius Cn. F. L. N. Scipio Nafica vir optimus C pont. max.

P. Cornelius P. F. P. N. Scipio Nafica Serapio pont. max.

P. Licinius P. F. P. N. Craffius Mucianus pont. max.

P. Mucius P. F. Q. N. Scævula pont. max.

L. Cæcilius L. F. Q. N. Metellus Calvus pont. max.

Q. Servilius Q. F. Cn. N. Cæpio pont. Max.

Cn. Domitius Cn. F. Cn. N. Ahenobarbus pont. max.

Q. Cæcilius Q. F. Q. N. Metellus Dalmaticus pont. max.

Q. Mucius P. F. Q. N. Scævula pont. max.

Q. Cæcilius Numidici F. L. N. Metellus Pius pont. max.

C. Julius C. F. C. N. Cæsar dictator pont. max.

M. Aemilius M. F. Q. N. Lepidus pont. max.

Imp. Cæsar Divi F. C. N. Augustus pont. max.

Ti. Julius Divi Augusti F. Divi N. Cæsar Augustus pont. max.

C. Julius Germanici F. TI. Augusti N. Divi Augusti pron. Cæsar Augustus Germanicus pont. max.

Ti. Claudius Drusi F. TI. N. Cæsar Augustus Germanicus pontifex maximus.

Imper. Nero Claudius Divi Claudii F. Cæsar Augustus Germanicus pontifex max.

Ser. Sulpicius C. F. Ser. N. Galba Imp. Cæsar Augustus pont. max.

Imp. M. Salvius L. F. M. N. Otho Cæsar Augustus pont. max.

A. Vitellius L. F. P. N. Germanicus Imp. Augustus pont. max.

Imp. Cæsar T. Flavius Vespasianus Augustus pon. max.

Reliqui deinceps omnes Romani imperatores pontifices maximi fuerunt.

C A P. XXXIV.

Saliu Collini XII.

SALI Agonales, qui a quibusdam Collini, quod eorum sacrarium in Quirinali colle esset, appellati, a Tullo Hostilio rege ex voto, quod bello Sabino nuncupaverat, instituti sunt. De quibus Dionysius libris II. & III. mentionem facit sic: *Committiturque prælium apud urbem Heretum cum Sabinis, in quo multi utrinque cecidere, pugnantisque eis diu ancipiti Marte, intendens manus ad caelum Tullius Hostilius rex,*

A' vovit diis, si vinceret ea die Sabinos, se Saturno, Rheæque instituturum publico sumptu ludos, quos agunt ad huc quotannis Romani, quum ex agris fructus omnes perceperint. Vovitque duplicem eorum, quos vocant Saliis, numerum. Sunt bi etiam ex parentibus generosis, armatis saltationibus incedentes ad tibiam certis temporibus, deorumque laudes quasdam patrias canentes. Et M. Varro lib. v. de lingua Latina: In libris Saliarum, quorum cognomen Agonenfium, forsitan hic dies ideo appellatur potius Agonia.

De Saliis Collinis mentio est in vetusta hac inscriptione.

P. COELIO. P. F. SER. BALBINO

V I B V L L I O. P I O
X. VIRO. STITIB. IVDIC
VI. VIRO. EQVIT. ROMAN
TVRM. EQVIT. TR. MIL. LEG
XXII. PRIMIG. P. F. ADLECTO
INTER. PATRIC. AB. IMP. CAES
TRAIANO. HADRIANO. AVG
SALIO. COLLINO. QVAEST
AVG. FLAMINI. VLPALII. PR. DE
FIDEL. COMMISS. COS
DESIGNATO

DECVRIONES. SVA. PECVNIA

C A P. XXXV.

De XV. Viris sacris faciundis.

POSTQUAM ab incognita anu (quam Sibyllam esse crediderunt) carmina Sibyllina Tarquinio Superbo vendita sunt, ut in libro de ludis secularibus disserui, rex ipse duos statim sacrorum librorum cultodes creavit ex illustribus civibus, servosque publico sumptu eis statuit. Quorum alterum M. Atilium visum iniuste agere, nec fidelem esse, & a quodam accusatum tamquam parcidam culeo insutum in mare projecit. Quod his verbis docet Valerius libro primo, cap. primo: *Tarquinius autem rex M. Atilium duumvirum, quod librum secretum a civilium sacrorum continentem custodie sue commissum, corruptus Petronio Sabino describendum dedisset, culeo insutum in mare abijci iussit, idque supplicii genus non multo post parcidis lege irrogatum est. Iustissime quidem, quia pari vindicta parentum ac deorum violatio expianda est. De duumviris sacris faciundis frequens mentio est per omnem Livii historiam, ante primum consulem plebecium creatum, libro tertio: Libri per duumviros sacrorum additi. Et libro quarto: Observatio itaque a populo II. viris praeuntibus est facta. Et paulo post: Multi a II. viris ex libris placandæ deum iræ, avertendæque a populo pestis causae fecere. Et libro quinto: Libri Sibyllini ex S. C. additi sunt, II. viri sacris faciundis lectisferio tum primum in urbe facto. De his ita libro quarto scribit Dionysius: Post ejectionem autem regum, assumens civitas oraculorum patrocinium, viros etiam illustrissimos custodes eis designavit, qui per omnem vitam eam curam haberent, militia & aliis urbanis muneribus immunes, publiceque apud eos libros deposuit, sine quibus non permittit oracula aspicere Sibyllina. Romani enim nihil ita custodiunt, neque sanctum, neque sacrum, quemadmodum Sibyllina divinitus oracula missa. Ea autem adeunt ex S. C. seditione civitatem tenente, aut calamitate magna aliqua bello incidente, aut prodigiis alijs, & larvis magnis, & cognitu difficillimis ipsi apparentibus, qualia sæpe evenire solent. Porro autem anno urbis CCCXXXVIII. lege lata a tribunis plebis C. Licinio, & L. Sextio ex II. viris X. viri facti sunt, simulque lege cautum, ut pars ex plebe, pars ex patribus fieret. Quam legem, decimo huius tribunatus anno, illi tribuni plebis pertrulerunt. Post quod tempus usque ad L. Sullæ Felicis dictaturam fuerunt X. viri S. F. de quib.*

tories mentio est apud Livium . A Sulla vero Dictatore XV. viri S. F. facti sunt . Quod hac ratione ostendi potest . Ciceronis ætate erant XV. viri sacris faciundis , qui adhuc erant decemviri eo anno , quo Capitolium arsit , paulo ante Sullæ Dictatoris tempus L. Scipione , & C. Norbano cos. anno urbis DCLXXI. Atque post eum annum in sacerdotum collegiis nūquam legitur quicquam esse mutatum , nisi in dictatura Sullæ . Relinquitur ergo ut hæc XV. virorum institutio a Sulla facta esse credatur , præsertim quum aliis sacerdotum collegiis legatur adiecisse aliquot sacerdotes , ut auguribus & pontificibus . Fuisse vero Ciceronis ætate XV. viros , ex quarta Cælii ad Ciceronem epistola intelligi potest , in qua ipse ad Ciceronem scribit , P. Dolabellam populi suffragiis factum XV. virum . Tranquillus quoque in Cæsare : Proximo autem senatu percrebuit fama , L. Cottam XV. virum sententiam dicturum , ut quoniam libris fatalibus contineretur , Paribos nisi a rege non posse vinci , Cæsar rex appellaretur . Quod vero decemviri sacrorum adhuc essent eo anno , quo Capitolium crematum est , ex verbis Dionysii libro quarto intelligitur , qui ait : Libros Sibyllinos , qui adhuc a decemviris servabantur , incendio Capitolii fuisse crematos , quod anno ante Sullæ dictaturam conflagravit . De XV. viris ita scribit libro II. Tacitus : Ludis secularibus Domitiani intentus affixi , sacerdotio XV. virali præditus , actum prætor , quod non ja-
 elantia refero , sed quia collegio XV. virum antiquitus ea cura , & magistratus potissimum exequiebantur officia cerimoniarum . Et Servius interpretans illud Virgilii :

..... lætosque sacrobo

Alma viros . ait sic :

Primo fuerunt duo librorum Sibyllinorum custodes , inde X. inde XV. usque ad tempora Syllana : post crevit numerus usque ad LX. Sed remansit XV. virum vocabulum . Post Sullam idem sacerdotium mansit usque ad Theodosii tempora , quibus cum ceteris veteris superstitionis sacris abrogatum est . Porro autem ex eo epistola Cælii loco , quem citavi , colligi potest , populi suffragiis sacerdotes hujus collegii aliquando creatos , idque per legem Domitianam . Nam quod a collegiis ante eam legem cooptarentur , passim in Livii historia legitur , ubi de suffectis in demortuorum locum sacerdotibus loquitur . Horum munus erat , libros Sibyllinos custodire , quum ex S. C. adeundi essent , adire , & quæ legissent senatui renuntiare , & ea S. C. decreta procurare , ludos sæculares celebrare , & postremo omnia peragere , quæ Sibyllinorum carminum jussu facienda erant . De his frequens mentio est in vetustis monumentis sic :

HERCVLI . INVICTO

M . CASSIVS

HORTENSIVS

PAVLLINVS . PR . VRB

XV . VIR . SACRIS

FACIVNDIS

DONVM . DEDIT

Item :

IVNIO . POSTVMIANO . V . C . P . P

DEI . SOLIS . INVICTI . MITHRAE

XV . VIRO . S . F . PONTIFICI

DEI . SOLIS . ORDO . SACER

DOTVM . MAGISTRO . SVO

CVRANTE . ET . DEDICANTE

FLAVIO . HERCVLEO . VIRO

RELIGIOSISSIMO

Item :

AVRELIO . VICTORI

XV . VIR . SACR . FAC

LEG . AVGG . PRO . PR

PROV . PANN . INF

PATRON . R . P . H . V

D . D

C A P . XXXVI.

De Rege sacrorum , alias sacrificulo primo .

DE hujus sacerdotii institutione , & munere ita scribit lib. II. Livius : Regibus exactis , & parta libertate , rerum deinde divinarum habita cura , & quia quedam publica sacra per ipsos reges factitata erant , necubi regum desiderium esset , regem sacrificulum creant . id sacerdotium pontifici subjecere , ne additus nomini bonos , aliquid libertati , cuius tunc prima erat cura , officeret . Et Dionysius initio libri quinti . Sed quandoquidem multorum magnorumque bonorum auctores fuisse reip. visi erant reges , custodire volentes nomen hujus imperii per omne tempus , donec urbs esset , jussere pontifices & augures unum eligere ex senioribus maxime idoneum , nullius ipsum alterius rei , præterquam eorum , quæ ad divinos cultus pertinent , præsentiam habiturum , & ab omni alio ministerio civili bellicoque liberum , regem sacrorum vocatum . Creatusque est rex sacrificulus primus M. Papirius , ex patriciis vir quietis studiosus . &c. Regis porro uxor appellabatur Regina , quæ & ipsa aliquot sacra facere solebat ; de qua Macrobius in libris Saturnalium mentionem facit . Creabatur autem rex sacrorum populi comitiis centuriatis , quemadmodum apud Gellium lib. XV. cap. XXVII. refert Lælius Felix . Quam diu autem vetus religio mansit , rex sacrorum semper ex patriciis creatus est , ut Cic. pro domo scribit . Manlit autem hoc sacerdotium usque ad Theodosii senioris tempora , quibus cum reliquis sacris abrogatum est .

C A P . XXXVII.

De Sacerdotibus feminis bonæ deæ .

BONA dea , quam alii Faunam , alii Fatuam appellant , terra a plerisque esse creditur , quod infantibus partu editi , non prius vocem edunt quam terram attigerint . Bonam vero deam vocant , quod omnium nobis ad vitam bonorum causa est terra . Faunam vero , quod omni usui animantium favet , a qua Fauni agrestes dii , quod e terra geniti sint . Dicitur etiam Ops , quod ipsius ope atque auxilio vita conlter ; & Damia , quia ei in operto sacrificabatur , unde & sacerdos ejus Damatris appellabatur , & sacrificium , quod ei fiebat , Damium , a contrario sensu , quod minime esset publicum . Hæc ab aliis & Sentia vocata est . Hanc Varro scripsit tantæ pudicitiae fuisse , ut nemo illam , dum vixit , præter virum suum , mas viderit , nec nomen ejus audierit , propter quod illi in operto mulieres sacrificabant , & Bonam deam nominabant . Hæc Romæ in Aventino ædem habuit . De cuius sacris a P. Clodio Ciceronis ætate pollutis frequens mentio est apud Ciceronem , & Alconium : qui quum C. Cæsaris pontificis maximi uxorem Muciam adamaret , muliebri habitu in operto Bonæ deæ inventus est ab Aurelia C. Cæsaris matre , quo non nisi mulieribus ingredi fas erat . Unde Cicero in P. Clodium acerrime invecus est , quod ausus fuisset ea sacra , quæ in operto pro salute populi Romani in pontificis maximi ædibus fiebant , sua præsentia polluere . Hujus Deæ meminit vetus hæc inscriptio , quæ Romæ in ædibus Gentilis Delphinii extat .

ANNIA . P . L . FLORA . EX

TESTAMENTO . BONAI . DEAI

SACRVM

SALVIA . SOROR

LIBERTA

SVA . PEGVNIA

FAC . CVRARVNT

X iij

C A P. XXXVIII.

De Gallis & Archigallo, Sacerdotibus
Dee Cybelis.

QUUM secundo Punico bello maxime vigente, ex carminibus Sibyllinis X. viri sacris faciendis ad senatum retulissent, hostem pelli Italia, vinctique posse, si mater Idæa Pessinunte Romam advecta esset, statim senatus legatos in Asiam ad regem Attalum misit. Is legatos comiter acceptos Pessinuntem in Phrygiam deduxit, sacrumque iis lapidem, quem matrem deum incolæ esse dicebant, tradidit, ac deportari Romam iussit. Qui Romæ a viro optimo Scipione Naticæ fuscus est: & in Edem Victoriæ, quæ est in Palatio, eum pertulere pridie Idus Aprilis, isque dies festus fuit. Populus frequens dona deæ in Palatium tulit, lesteriumque & ludi fuere, Megalesia appellata. Hæc etiam Cybeles, & mater magna, & dea Pessinuntia; ejus sacra Orgia; sacerdotibus vero Galli appellati sunt. Hi castrati omnes erant. Quod hinc evenisse fama est. Quum dea Cybeles puerum Phrygem formosissimum Attyon nomine suis sacris ea lege præficeret, ut perpetuo castitatem fervaret, haud longe post Sangaridem nympham compressit. Quare ab irata dea in furorem actus, quum Dyndima venisset, manusque sibi afferre conaretur, miseratione deæ furore liberatus a se interficiendo abstinuit, virilitatem tamen sibi amputavit; & ideo Cybeles castratos sacerdotes habere mavult. Galli autem dicuntur a Gallo Phrygiæ flumine, cujus aquam qui gustassent, reddebantur infani: testes vero Samia testa sibi prædicebant. Sex Pompeius: Galli qui vocantur matris magnæ comites, dicti sunt a flumine cui nomen est Gallo, quia qui ex eo biberint in hoc fure incipiunt, ut se privent virilitatis parte. Alii putant ideo eos sibi genitrici incidere, quia violaverint nomen patris matrisque, ne possint ipsi fieri parentes. Hi quotannis religionis causa Hilariis festis matris deum simulachrum, carpentum & leones Cybeles, quam & deam Berecynthiam vocabant, & cultros Phrygios magna pompa producebant ad Almonem rivum, ibique ad duorum annuum confluentem, veteri instituto omnia abluebant. Nam quo primum die ex Asia illuc est advecta, a sacerdote lota est: isque mos postea per singulos annos est servatus. Unde Ovidius quarto Fastorum.

*Est locus in Tiberim, quo lubricus infuit Almo,
Et nomen magno perdit ab æmne minor.
Illic pupuræ canus cum veste sacerdos
Almonis dominam, sacraque lavit aqua.*

Et Lucanus libro primo.

*Tunc qui fata deum, secretæque carmina servant,
Et lotam parvo revocant Almonæ Cybelem.*

Et D. Augustinus cap. quarto libri secundi de civitate Dei: Oblectabantur (inquit) cælesti virgini, & Berecynthiæ matri deorum omnium, ante cujus læticiam die solemnī lavationis ejus, talia per publicum cantitabantur a nequissimis scenicis, &c. De his sacerdotibus sic scribit Dionysius libro secundo: Romani fabulosam omnem rejiciunt superstitionem, sicut deæ Idææ sunt sacra; cui quum sacrificia quotannis, & ludos prætores agant Romanis legibus, sacra tamen ejus agunt vir & mulier Phryges, bi quæ ea per urbem circumdant congregantes matronas, ut mos est illis, figuræque annectentes pectoribus, carminaque, pulsantes tympana, decantant, varias stolas induti, bisque caerimoniis deam Phrygiam colebant. Et Herodianus libro primo: Veris initio, stato solemnique die pompam matri deum Romani celebrant in ea, quæ apud quemque sunt divitiarum præcipua, supellexque pleraque imperatoria materis aut artis spectanda, præferri ante deam solent. Pessimæque ludendi licentia permissa, sic ut personæ induant quæ cuique libitum, nullamque non magistratum quoque imaginem, prout cujusque studium

representent, sic ut non temere a falsis veros dignoscas. Quæ autem ratio sit cur huic deæ tantum honorem Romani habeant, non alienum videtur, quantum ex historia accipimus commemorare. Ipsum igitur simulachrum cælestis ut ajunt demissum, neque qua sit materia, neque a quo fabricatum artificis satis constat, neque plane hominum manibus creditur factum. Hoc igitur cælestis decidisse ferunt in quandam Phrygiæ agrum, cui nomen Pessinunte a casu ejus simulachri factum putant; ibi enim a principio comparuisse. In hoc Phryges olim Orgia colebant, ad ipsum fluvium Gallum, a quo etiam deæ sacerdotes cognominantur. Sed ubi res Romana crevit responso accepto mansurum imperium, atque ad summum auctum iri, si Pessinuntiam deam ad se transferrent, missi in Phrygiam legati sunt, petunt deæ simulachrum; quod facile concessum est, & Romam advectum. Ita Herodianus.

De dea Cybele, ejus sacris, & sacerdotibus Gallis mentio est in vetustis epigrammatibus ita:

M. D. M. ID. ET. ATTIDIS. MINOTAVRANI
ARAM. III. IDVS. MARTI
GRATIANO. IV. ET. MEROBAVDE. COSS

DEDICAVIT
ANTIQUA. GENEROSAE. DOMO. CUI
REGIA. VESTAE

PONTIFICI. FELIX. SACRATO. MILITAT
IGNE

IDEM. AVGV. TRIPPLICIS. CVLTOR
VENERANDÆ. DIANÆ

PERSIDICI. QVE. MITHRÆ. ANTISTES
BABELONÆ. TEMPLI

TAVROBOLIQVE. SIMVL. MAGNI. DVX
MYSTICE. SACRI

item

COSMVS. AEDITVVS. MATRIS. DEVM
ANTIOCHO. SACERDOTE. ANNIS. XII
EIVS. . . .

AB. IMP. AVG. GRATIS. MANVMISSVS. OB. . . .
SVpra. SVNT. H.S. N. L. DONATIONIS
CAVSSA

item

MANCIP. . . .

L. VETTIO. SYNTROPHO

RELIGIOSO

A. MATRE. MAGNA. CAPILLATO

VETTIA. AMOR. DE. SVO. FECIT

POSTERIS. QVE. EORVM

M. D. M. I. ET. ATTINIS

L. CORNELIVS. SCIPIO. ORFITVS

V. C. AVGV. TAVROBOLIVM

SIVE. CRIOBOLIVM. FECIT

DIE. III. KAL. MART

TVSCO. ET. ANVLINO. COS

item

C. CAMERIVS

CRESCENS

ARCHIGALLVS. MATRIS

DEVM. MAGNÆ. IDÆÆ. ET

ATTIS. POPVLI. ROMANI

VIVVS. SIBI. ET

C. CAMERIO. EVCRATIANO. LIB

SVO. CETERIS. AVTEM. LIBERTIS. VTRI

VSQVE. SEXVS. LOCA. SINGVLA

SEPVLTVRAE. CAVSSA. H. M. H. N. S

C A P. XXXIX.

De VII. Viris Epulonum.

UT fere omnes veterum sacerdotes, sic Epulones vario numero fuerunt. Quando enim primum instituti sunt, tres creati sunt, ut ait Livius lib.

XXXIII. qui ita scribit. *Anno urbis DLVIII. L. Furio Purpureone M. Claudio Marcello Cos. Romæ eo primum anno III. viri Epulones facti C. Licinius Lucullus, T. Romuleius, qui legem de creandis his tulerat, & P. Porcius Leca. His triumviris item ut pontifici lege datum togæ prætextæ habendæ ius.* De his III. viris Cicero III. de oratore ita scribit. *Sed ut pontifices veteres propter sacrificiorum multitudinem tres viros epulones esse voluerunt, quum essent ipsi a Numa, ut etiam illud ludorum epulare sacrificium facerent, instituti.* At posterioribus temporibus septemviros epulones fuisse ex antiquis veteribus tum scriptorum tum lapidum monumentis intelligi potest. Antistius enim Labeo apud Gellium libro primo cap. XII. ita scribit: *Item cujus pater flamen, aut augur, aut XV. vir S. F. aut qui septemvir epulonum, aut salus est.* Ut autem Ciceronis ætate eum numerum fuisse credam ex eo colligo, quod Lucanus libro primo hujus sacerdotii meminit illo versu.

Septemvirque epulis festus, Titique sodales.

Ut enim rationem temporis habeat Lucanus, necesse est initio belli civilis, cujus prodigia illic scribuntur fuisse VII. viros epulones, at si tempore belli civilis inter Cæsarem & Pompeium erant VII. viri epulonum, nemo autem legatur ad sacerdotum numerum centum & eo amplius annorum facio adijecisse, præter Sullam dictatorem, relinquitur ut Sullæ instituto VII. viri epulones esse cœperint, qui ad illud usque tempus fuerant III. viri; nam non multo tempore ante Sullæ dictaturam adhuc triumviros epulones fuisse ex Ciceronis libro tertio de oratore intelligi potest. L. enim Crassus illic loquitur de triumviris epulonibus, quem contat paulo ante Sullæ dictaturam obiisse. Et Livius libro XL. III. virorum epulonum meminit A. Postumio & C. Calpurnio cos. anno urbis DLXXIV. at post illos confules sacerdotum numerum nusquam legimus auctum, nisi a Sulla dictatore, quando is augurum, pontificum, & aliorum sacerdotum numerum auxit. Porro autem de eorum munere Cicero in oratione de haruspicum responsis ita loquitur: *Ludos minus diligenter factos, pollutosque. Quos ludos? Te appello, Lentule, tui sacerdotii sunt tense, curricula, præcentio, ludi, libationes, epuleque ludorum publicorum: Vosque pontifices, ad quos epulones Jovis optimi maximi, si quod est pretermisum, aut commissum adferunt, quorum de sententia, eadem renovata celebrantur. Ludi sunt minus diligenter facti? quanto aut quo scelere polluti? respondebis & pro te, & pro collegiis tuis, & pro collegio pontificum, nihil cuiusquam aut negligentia contempnim, aut scelere esse pollutum.* Ex quibus verbis intelligimus non modo quod esset munus epulonum, sed etiam fuisse eorum quoddam collegium. Et hi ut ceteri sacerdotes a collegiis subrogabantur ante legem Domitiam, quod ex rota Liviana historia liquet. Post legem vero Domitiam populi suffragiis is quoque honor mandari cœpit, &c. De VII. viris epulonum mentio est in antiquis epigrammatibus ita:

DIS. MANIBVS
M. SVLPICI. BASSI
AMICI. OPTVMI
L. NONIVS
ASPRENAS
VII. VIR. EPVLON

item
L. CORNELIO. P. F.
SVLLAE. COS
VII. VIR. EPVL
CLIENTES

item
L. MVNATIVS. L. F. L. N. L. PRON
PLANCVS. COS. IMP. ITER. VII. VIR
EPVLON. TRIVMPH. EX. ROETIS. AEDEM
SATVRNI

FEGIT. DE. MANVBIS. AGROS. DIVISIT
IN. ITALIA
BENEVENTI. IN. GALLIA. COLONIAS. DEDVXIT
LVGDVNVM. ET. RAVRICAM

C A P. XL.

De II. viris ædis locandæ, faciundæ, dedicandæ,
& de III. viris ædibus sacris, incendio consumptis restituendis, & sacris conqui-
rendis, donisque persequendis.

ILLORUM frequens mentio est apud Livium, & præfertim libris VII. & XXII. Quos quamquam sacerdotes necessario non fuisse sciam, eos tamen hoc loco adjunxi, quod qui hæc peragerent potissimum ex sacerdotibus legebantur. Nam ubi ædes aliquo casu vota erat, statim qui locarent, facerent, & dedicarent II. viri populi comitiis tributis, lege Papiria renuntiabantur, quod ex Gellio libro XV. cap. XVII. facile animadverti potest.

De his Livius libro XXV. ita scribit: *Comitia deinde a prætore urbano de senatus sententia, plebisque scito sunt habita, quibus creati sunt V. viri muris turribusque reficiendis, & III. viri vini, uni sacris conquiendis, donisque præsignandis, alteri reficiendis ædibus Fortune, & matri Matutæ intra portam Carmentalem, sed & Spei extra portam, quæ priore anno incendio consumptæ fuerant, &c.* Multos præterea ejusmodi sacros magistratus creatos fuisse didici; de quibus, quia neque necessario sacerdotes essent, neque ordinarii erant, nihil præterea differendum esse existimo. Atque hæc sunt omnium sacerdotiorum nomina, quæ tam apud veteres scriptores, quam in antiquis epigrammatibus invenire potui. Nunc de iis dicendum est, quos non nisi ex vetustis inscriptionibus observavi.

C A P. XLI.

De Pontificibus, & Sacerdotibus deorum
singulorum.

PRAETER eos, quos supra digessi, multi quoque erant in urbe sacerdotes publici, variis nominibus appellati, & recentioribus temporibus instituti, quorum memoria in vetustis tantum superest epigrammatibus, ex quibus quanta potui diligentia eos collegi, atque hac ratione hoc loco in antiquitatis studioforum gratiam accurate excerpta subjunxi.

M. AVR. AVG. LIB
AGILLO. SEPTEMTRIO
NI. PANTOMIMO. SVI
TEMPORIS. SACERDO
TI. SYNHODI. APOLLINIS. PA
RASITO. ALVMNO. FAVSTINAE
AVG. PRODVCTO. AB. IMP. M
AVREL. COMMODO. ANTONI
NO. PIO. FELICE. AVGVSTO
ORNAMENTIS. DECVRIONAT
DECRETO. ORDINIS. EXORNATO
ET. ALLECTO. INTER. IVVENES
S. P. Q. LANVINVS

item

LVNAE. ET. SOLI. AETER
ET. M. D. M. IDAEAE. ET
LIBERO. PATRI. SACRVM
M. VALERIVS. M. L. SYRVS
SACERD
VOTO. SVSCEPTO. M. L

item

M. AVRELIO. VICTORI
C. V
PRAEF. FERIAR
LATIN. SACERDOTI
DEI SOLIS
RELIGIOSISSIMO
P. OVINIVS. CALIDIANVS
CONDISCIPVL. PATRONO
DIGNISSIMO

item

SOLI. AETERNO
SACR
PRO. SAL. P. VALERI
CRISPI. SEPTEMTRION
SACERD. DEI. INVICTI
M. ANTONIVS. M. F. LIBER
MESOPYLVS
AEDITVVS. LOCAVIT

item

L. AVRELIO
APOLAVSTO. MEMPHIO
AVGG. LIB. HIERONICAE
CORONATO. ET. TON. DIAPAN
TON. APOLLINIS. SACERDOTI
SOLI. VITTATO. ARCHIEREI
SYNHODI. ET. AVGG
L. AVRELIVS. PANICVLVS
QVI. ET. SABANAS
PATRONO. OPTIMO

item

DIS. MANIBVS
L. RABONIO. L. F. OV
NOVELLIO
SACERD. DEI. SILVANI
VIX. ANN. LXV
RABONIA. IANVARIA
FILIO. SANCTISSIMO
FECIT

item

IOVI. IVNONI. HERCVLI
SACRVM
CN. DOMITIVS. CN. F. SERE
NVS. SACERDOS. ISIDIS. ET
DOMITIA. VXOR. V. S. L. M

item

DEO. SOLI. INVICTO
MITHRAE
F. L. SEPTIMIVS. ZOSIMVS
V. P. SACERDOS. DEI
BRONTONTIS
ET. AECATE. HOC. SPELEV
CONSTITVIT

item

VERATIO. A. F. PAL. SEVERIANO
EQ. ROM. CVR. REP. TEGIANENSIVM
ADLECTO
IN. ORDINEM. DECVRION. CIVI. AMANTISSIMO
QVI. CVM. PRIVILEGIO. SACERDOTI
CAENINENSIS
MVNITYS. POTVISSET. AB. HONORIB. ET
MVNERIBVS
FACILE. EXCVSARI. PRAEPOSITO. HONORE
PATRIAE
HONOREM. AEDILITATIS. LAVDABILITER
ADMINISTRAVIT

Item:

M. AVRELIVS. MENOPHILVS
ORNATVS. IVDICIO. EIVS
EQVO. PVBL. SACERDOS
TVSCVLAN. AEDIL. POLAE
CVM. MENOPHILO. PATRE
LIB. AVG. NN. EX. PROCVRAT
INDVLGENTISSIMO
L. D. D. D

item

DIS. MAN
C. NONI. C. F. VRSI
SACERDOTIS. CABESIS
MONTIS. ALBANI
CVRIONIS
C. NONIVS. IVSTINVS
ALVMNO. DVLGISSIMO
VIX. AN. II. M. XI. D. XIII

Pontifices

L. CALPVRNIO. L. F. PAPIR. A. ASELLIO
VI. VIR. AVCVSTAL. ET. PONTIFICI. MIN
DEI. LIBERI. INVICTI

item

T. AELIO. MALCO. LICTORI. EQ. PRAETORIAN
COH. III. PR. QVI. ET. VRB. ITEM. ANTISTITI
SACERD. TEMPL. MARTIS. CASTROR
PR
FECIT. BEN. MERENTI. CONIVGI. DVL. SVO
ROSCIA. SVCCESSA. CVM. QVO. VIX. AN. XL
DECESSIT. ANNOR. LXVI.

item

DIS. SECVRITATIS
Q. VIBIVS. HERMA
ANTISTES
SANCTI. SILVANI
ANNVM. AGENS
LXX. FECIT
SIBI. B. M

item

HONORI
MEMMIO. VITRASIO. ORFITO. V. G
NOBILITATE. ACTIBVS. QVE. AD. EXEM
PLVM. PRAECIPVO. PRAEFECTO. VRBI
ET. ITERVM. PRAEFECTO. VRBI. PRO. CON
SVLI. AFRICAE. AC. TERTIO. SACRARVM
COGNITIONVM. IVDICI. COMITI. IN
CONSISTORIO. PRIM. ORDINIS. LE
GATO. SECVNDO. DIFFICILLIMIS. TEM
PORIBVS. PETITV. SENATVS. ET. P. R
COMITI. ORDINIS. SECVNDI. EXPEDITION
BELLICAS. GVBERNANTI. CONSVLARI. SICIL
PONTIFICI. SOLIS. PONTIFICI. VESTAE
XV. VIRO. S. F. CONSVLI. PRAETORIO. K. OM
NIBVS. Q. PERFVNCTO. HONORIBVS. INTRA
AETATIS. PRIMORDIA. OB. PROVIDENTIAM
ET. STATVM. OPTIMVM. VRBI. ROM. E. A. BEO
REDDITVM. CORPVS. OMNIVM. MANCI
PVM. STATVAM. SVB. AERE. CONSTITVIT

item

COELIAE. PATERNAE
MATRI. SYNAGOGAE
BRIXIANORVM

item

MAMMIAE. C. F
IVSTAE
Q. TVLLIVS. Q. F. HORAT
CINCIVS. PRISCVS
PONTIFEX. SACRARIVS

IVNO.

IVNONIS
QVIRITIS . PATRONVS
MVNICIPI
TESTAMENTO. PONI. IVSSIT
item

DIS . MAGNIS
VLPIVS. EGNATIVS. FAVENTINVS
V. C. AVGV. P. V. B. P. R. Q.
PATER. ET. HIEROCERIX. D. S. M.
ARCHIBV. COLVS. DEI. LIBERI
HIEROFANTA . HECATAE . SA
CER DOS. ISIDIS. PERCEPTO
TAVROBOLIO. CRIOBOLIOQVE
IDIBVS. AVGVSTIS. DD. NN
VALENTE. AV. V. ET. VALEN
TINIANO. AV. G. CONSS. FELICITER
item

Q. COELIO. APOLLINARI
FANATICO. DE. AEDE
BELLONAE. PVLVIN
CVIVS. MONITV. HASTA
IN. AEDE. BELLONAE
IN. LVCO. DICATA. EST
FIRMIA. TYCHE
CONIVGI. SVO. BENEMERENTI
SIBI. POSTERIS. QVE. SVIS
FECIT
item

DIS . MAGNIS
MATRI. DEVM. ET. ATTIDI
SEXTILIVS. AGESILAVS. AEDESIVS
V. C. CAVSSARVM. NON. IGNOBILIS
AFRICANI. TRIBVNALIS. ORATOR
ET. IN. CONSISTORIO. PRINCIPVM
ITEM. MAGISTER. LIBELLORVM
ET. COGNITIONVM . SACRARVM
MAGISTER. EPISTVLARVM. MAGISTER
MEMORIAE. VICARIVS. PRAEFECTVRAE
PER. HISPANIAS. VICE. S. I. C
PATER. PATRV. DEI. SOLIS. INVICTI
MITRHAЕ. HIEROFANTA. HECATAE
DELLIBERI. ARCHIBV. COLVS. TAVROBOLIO
CRIOBOLIO. QVE. IN. AETERNVM. RENATVS
ARAM. SACRAVIT. DD. NN
VALENTE. V. ET. VALENTINIANO. IVN
AVGG. CONSS. IDIBVS. AVGVSTIS

C A P. XLII.

De Ministris sacerdotum populi Romani.

U T multa sacerdotum, sic & ministrorum apud
veteres genera erant, ex quibus praecipua,
ex antiquis lapidum, & librorum monu-
mentis haec fuisse animadverti.

Camilli & Camillae.

A Romulo instituti, de quibus Dionysius libro
secundo sic scribit: *Is autem quae sine liberis essent*
gratissimos sibi ex omnibus permisit eligere ex singulis
Curiis, singulos pueros & puellas, & hos quidem ad
pubertatem usque sacris ministrare, illas vero quoad
essent nubiles, more ex Graecia translato. sacris au-
tem ministrant coronis redimiti, Camillique a Roma-
nis vocantur. & Sex. Pompeius: Camillus puer in-
genus, qui sacris ministraret, dicebatur. Antiqui
enim Camillos ministros dicebant.

Flaminii & Flaminiae.

Flaminius Camillus puer dicebatur ingenuus patri-
mus & matrinus, qui Flaminii Diali ad sacrificia

A preministrabat. Antiqui enim ministros Camillos di-
cebant. Flaminia dicebatur sacerdotula, quae flami-
nicae Diali preministrabat, eaque patrima & matrima
erat, hoc est patrem & matrem adhuc vivos habe-
bat. ita Sex. Pompeius.

Aedituus, alias Aeditumus.

Gellius libro duodecimo, cap. sexto. Varo (inquit)
censet aeditum dici oportere non aeditum, quod
alterum sit recentis novitate fictum, alterum antiqua
origine incorruptum. Sed ipse Varo libro sexto de
lingua Latina, contradicere videtur; ait enim: *Alte-*
rum a curando, & tutela, ut quum dicimus, bellum
tueor, & tueri villam. A quo etiam quidam dicunt
illum, qui curat aedes sacras aeditum, non aeditu-
mum. Item libro septimo: Si ab aede & tuendo aedi-
tus est, cur ab atrio & tuendo non atrituus sit po-
tius quam atrienfis? Aeditui meminit vetus haec in-
scriptio.

D . M
T. FLAVIO. AV. G. LIB
LIBERALI. AEDITVO
MARTIS. VLTORIS
CLAVDIA. EXOCHE
CONIVGI
BENEMERENTI. ET
SIBI. FECIT
VIX. AN. LVII

item

COSMVS. AEDITVVS. MATRIS. DEVM

& cetera

De scribis pontificum, A commentariis XV. vi-
rum S. F. Adjutoribus Haruspicum, & Kalatoribus
ejusmodi epigrammata meminerunt.

D
AGRIAE. TRIPHOSAE. VES
TIFICAЕ. LIVIVS. THEONA. AB
EPISTVLIS. GRAEC. SCRIBA
A. LIB. PONTIFICALLIBVS
CONIVGI. SANCTISSIMAE
B.D.S.M

item

TI. CLAVDIVS
MARTIALIS
A. LIBRIS
PONTIFICALL

item

DIS . MANIBVS
MYRRHINI. DOMITIANI
PVBLICI. A. COMMEN
TARIIS. XV. VIR. S. F
ARRVNTIA. DOLICHE
FECIT. CONIVGI. CARIS
SIMO. ET. LIBERIS. LIBER
TABVS. QVE. SVIS. POSTERISQ
EORVM

item

D . M
CN. IVLI. CN. FIL
DONATI. PRISCI
EX. EQVO. PVBLIC
ADIVTORIS
HARVSPICVM
IMPERATORIS
PONTIFICIS
ALBANI
Y

F

E

item
Q. CAECILIO
FEROCI

KALATORI. SACERDOTII
TITIALIVM. FLAVIALIVM
STVDIOSO. ELOQVENTIÆ
VIXIT. ANNIS. XV
MENSE. I. DIEBUS. XXIII
FILIO. OPTIMO. AC
REVERENTISSIMO
M. GAVIVS. KARINVS

C A P. XLIII.

De Tibicinibus, & Tubicinibus.

TIBICINUM Romanorum frequens apud veteres auctores mentio est. Hi tibias concinentes sacris populi Romani interesse solebant. De his sic scribit M. Varro, lib. iv. de lingua Latina: *Quinquatrus minuscule dicte Junie Idus ab similitudine majorum, quod tibicines tum feriati per urbem vagantur, & conveniunt ad eadem Minervæ. Et Sex. Pompeius: Minuscule (inquit) quinquatrus appellantur Idus Junii, quod is dies festus est tibicinum, qui colunt Minervam, cujus deæ festus est propriæ dies quinquatrus mense Martio. Aliter minuscule quinquatrus appellantur Idus Juniae. Ovidius IV. Fastorum.*

*Et jam quinquatrus jubeor narrare minores;
Nunc adei o cæptis flava Minervæ meis.
Cur vagus incedit tota tibicen in urbe?
Quid sibi personæ, quid toga longa volunt?
Sic ego: sic posita Tritonia cuspide dixit,
Posses utinam doctæ verba referre deæ.
Temporibus veterum tibicinis usus avorum
Magnus, & in magno semper honore fuit.
Cantabat fanis, cantabat tibia ludis,
Cantabat mæstis tibia funeribus.
Dulcis erat mercede labor, tempusque sequutum est,
Quod subito gratæ frangeret artis operi.
Adde quod Adilis pompa, qui funeris irent,
Artifices solos jussu erat esse decem.
Exilio mutant urbem, Tiburque recedunt,
Exilium quodam tempore Tibur erat.
Queritur in scena cava tibia, queritur aris:
Ducit supremos nenia nulla choros.
Sævus erat quidam, quantolibet ordine dignus,
Tibure sed longo tempore liber erat.
Rure dapes parat ille suo, turbamque canoram
Convocat: ad festas convenit illa dapes.
Nox erat, & vinis oculique animique natabant,
Quum præcomposito nuntius ore venit.
Atque ita, quid cessas convivia solvere? dixit,
Auctor vindictæ jam venit ille suæ.
Nec mora convivæ valido titubantia vino
Membra movent dubii, stantque labantque pedes.
At dominus, discedite, ait, plaustrisque morantes
Sustulit, in plaustro scirpea lata fuit.
Alliciunt somnos tempus, motusque micrumque,
Potaque se Tibur turba redire putat.
Jamque per Esquilias Romanam intraverat urbem,
Et mane in medio plaustra fuere foro.
Claudius, ut possit specie numeroque senatum
Fallere, personis imperat ora tegi.
Admissetque alios, ut tunc tibicina cætum
Augeat, in longis vestibus ire jubet.
Sic reduces bene posse tegi, ne forte notentur
Contra collegæ iussa redisse sui.
Res placuit, cultuque novo licet Idibus uti,
Et canere ad veteres verba jocosa modos.
Hæc ubi perdocuit, superest mihi discere, dixi,
Cur sit quinquatrus illa vocata dies.
Martius, inquit, habet tali mea nomina festa,
Etque sub inventis hæc quoque turba meis.*

A Prima tenebrato per rara foramina buxo,
Ut daret effecti tibia longa sonos.
Vox placuit, faciem liquidis referentibus undis
Vidi & virgineas intumuisse genas.
Aris mea non tanti est, valeas mea tibia, dixi,
Excipit abjectam cespitem ripa suo.
Inventam Satyrus primum miratur, & asum
Nescit, & afflatam sensu habere sonum.
Et modo dimittit digitos, modo concipit auras,
Jamque inter nymphas arte superbus erat.
Provocat & Phæbum, Phæbo superante pendit,
Cæsa recesserunt a cute membra sua.
Sum tamen inventrix auctorque ego carminis bujus,
Hoc est cur nostros aris colit ista dies.
B Livius libro ix. Ejusdem (inquit) anni rem dictu parvam preterivem, nisi ad religionem visa esset pertinere: Tibicines prohibiti a proximis censoribus erant in eade Jovis vestii, quod traditum antiquitus erat. *Ægre passi Tibur uno agmine abierunt, adeo ut nemo in urbe esset, qui sacrificiis præcineret, ejus rei religio tenuit senatum, legatosque Tibur miserunt, ut darent operam, ut bi homines Romanis restituerentur. Tiburtini benigne polliciti, primum accitos eos in curiam hortati sunt, ut reverterentur Romam, postquam pelli nequibant, consilio haud abhorrente ab ingenii hominum eos aggrediuntur. Die festo alii alios per speciem celebrandarum cantu epularum causa invitant, & vino, cujus avidum genus est, oneratos sopiunt, atque ita in plaustra victos conjiciunt, ac Romam deportant, nec prius sensere, quam plaustris in foro relictis, plenos crapulae eos lux oppressit: tunc concursus populi factus, impetratoque ut manerent, datum ut triduum quotannis ornati cum cantu, atque hac, quæ nunc solemnis est, licentia per urbem vagarentur, restitutumque in eade descendendi jus iis, qui in sacris præcinerent. Valerius Maximus lib. ii. cap. de institutis antiquis: Tibicinum quoque collegium solebat in foro vulgi oculis in se convertere, quum inter publicas privatasque ferias, actiones, personis telto capite, varique veste velatis, concentusque edit. Inde tracta licentia. Quondam vetiti in eade Jovis vestii, quod prisco more factiaverant, Tibur iratis contulerunt: quorum ministerio senatus deserta sacra non æquo animo ferens, per legatos a Tiburtiniis petiit, ut eos gratia sua Romanis templis restituerent; quos illi in proposito perseverantes interposita festæ epulationis simulatione, mero somnoque sopitos plaustris in urbem debendos curaverunt, quibus & honori pristinus restitutus, & bujusce lusus jus est datum. Personarum usus pudorem circumveniente temulentie causam habet. Idem propemodum in problematibus a Plutarcho refertur. Tibicines quoque sacris publicis interesse consueisse refertur in hac antiqua & eleganti inscriptione, quæ adhuc extat in hortis reverendiss. Carpenfis.*

IMP. CAESARI
M. AVRELIO. ANTONINO
PIO. FELICI. AVGSTO
TIBICINES. ROMANI
QVI. SACRIS
PVBLIC. PRAEST. SVNT
item
D I A N A E
L V C I N A E
I N V I C T A E
C N. POMPEIVS
C N. L I B. BARB
V S. PROCVRAT
T V B I C I N. R O M
V O T O. SVSCEPTO
L. M

F DE Tibicinibus vero sic scribit Sex. Pompeius: Tibicines ii appellantur, qui sacerdotes viri speciosius publice sacra faciunt tubarum iustrandarum gratia, &c. Qui enim tubis caneant, Tibicines dicebantur.

De Pullario, Popa, Victimario, Præfica, designatore, Vespillone.

PULLARIUS erat, qui caveæ pullorum curam agebat, e quorum pascu auguria augures captare solebant; quæ quoties ossa quæ pullis dabatur, aliquo modo cadebat in solum, tripudia solistima dicebantur. Solebant autem in auspiciis apud veteres adhiberi non passim omnes, sed hi tantum, qui essent periti. Peritos enim oportebat esse eos, qui quid silentium foret intelligerent. Silentium id in auspiciis dicebatur, quod omni vitio careret: rogabat hinc augur an adhuc silentium esset, respondebat statim pullarius silentium sibi esse videri. Tum ille si aves pascerebantur petebat, aut ubi; non quod ad auspicia pertineret, utrum pascerebantur necne pulli, quos pullarius attulisset, sed quia quum pascerebantur necesse erat, aliquid ex ore decidere, & terram pavire, ex hoc terripavium primo, post terripudium, deinde tripudium est dictum. Quum igitur ossa jam ex ore pulli ceciderat, tum auspicianti tripudium solistimum nuntiabatur. Extabat decretum collegii augurum vetus, avem omnem tripudium facere posse. Hunc augurandi modum Claudius primo bello Punico, & secundo Flaminius derisere: ille enim pullos in mare mergi iussit, quoniam (inquit) esse nolunt, bibant, & classem amittit; hic, quum tripudio auspicaretur pullarius, diemque committendi prælii propterea differret, ex eo quæsit, si ne postea quidem pulli pascerebantur quid faciendum esset, quum ille quiescendum censeret. *Præclara vero (inquit Flaminius) auspicia, si esurientibus pulli res geri poterit, saturis nihil geretur.* Itaque signa convellit, pugnavit ad Trasimenum, & cum XV. Romanorum millibus ab Hannibale cæsus est. Livius lib. X. Pullarius auspiciis mentiri ausus tripudium solistimum nuntiaturus consuls. Et Cicero II. de divinatione. *Attulit in cavea pullos, qui ex eo nominatur pullarius.* Et in antiqua inscriptione.

M. POMPEIO. M. F. ANI. ASPRO
7. LEG. XV. APOLLINAR. 7. COH. III. PR.
PRIMOP. LEG. III. CYREN. PRAEF. CASTR.
LEG. XX. VICTR.
ATIMETVS. LIBERTVS. PULLARIVS
FECIT. ET. SIBI. ET

Popæ ministri sacrorum erant. Hi Hostias & victimas ligabant; & laureatis, succinctique, atque ad illa usque nudi, eas ante aras deductas seriebant. Unde Tranquillus in Caligula: *Admotæ altaribus victimæ, succinctus poparum habitu cultvarium mactavit.* Et Spartianus in vita Getæ: *Percussit hostiam popæ.* Et Propertius libro IV.

Succinctique calent ad nova sacra popæ.

Et hi (Victimarii) sacerdotum ministri erant, qui victimas ligabant, & cultrum, aquam, & molam parabant, & reliqua, quæ sacris erant necessaria. Valerius lib. primo cap. primo: *Libros Petilius prætor urbanus ex auctoritate senatus per victimarios facto igne in conspectu populi cremavit.* Livius lib. XL. *Libri in comitio igne a victimariis facto in conspectu populi cremati sunt.* Victor Romæ caltra victimariorum fuisse refert.

De licitoribus Flaminum, & virginum Vestalium; itemque præciis, alias præclamatoribus Flaminum abunde supra disputavi.

De Præfica M. Varro lib. VI. de lingua Latina. *Præfica, ut Aurelius scribit, mulier ab lætu, quæ conduceretur, quæ ante domum mortui laudes ejus caneret. Hoc factitatum Aristoteles scribit in libro, qui inscribitur nomina Barbarica, quibus testimonium est, quod fretum est Nevii.*

Hec quidem berce opinor præfica est, Nam mortuos collaudat.

A Claudius scribit: ea, quæ præficeretur ancillis, quemadmodum lamentarentur, præfica est dicta; utrumque ostendit a præfectione, præficam dictam. Plautus in Truculento.

Sine virtute argutum civem mihi habeam pro præfica:

Sex. Pompeius: *Præficæ dicuntur mulieres adlamentandum mortuum conductæ, quæ dant ceteris modum plangendi, quasi in hoc ipsum præfectæ. Notius Marcellus: Præficæ (inquit) dicebantur apud veteres, quæ adhiberi solent funeri mercede conductæ, ut & flierent, & fortia facta laudarent.* Plautus in Frivolaria:

Superboque omnes argutando præficas.

Idem in Truculento:

Præfica quæ alios collaudare, se vero non potest.

Lucillius XXII. *Mercede quæ conductæ sient alieno in funere præficæ, multo & capillos scindunt, & clamant magis.* Varro in libris de vita populi Romani: *Dein nenia cantari solitam, ad tibias & fides, eorumque ludibricas cursitassent.* Hæc mulier vocata olim præfica usque ad Punicum bellum.

Designatores dicebantur, qui constituende funebri pompæ præerant, unicuique incendendi locum ordinemque præscribentes; ita Sex. Pompeius. Cicero ad Atticum lib. IV. *Desertus a suis vix jam decimum designatorem retinet, &c.*

Vespillones vero cadaverum funeratores erant, ita dicti, quod vespertino tempore mortuos efferre solebant; unde & funera a funeralibus dici autumat Donatus, quia noctu efferebantur ob sacrorum celebrationem diurnam. Martialis lib. II.

Qui fuerat medicus, nunc est vespillo Diaulus.

Hi vespæ a Sex. Pompeio ita appellantur: *Vespæ dicuntur (inquit) qui funerandis corporibus officium gerunt, non a minutis illis volucris, sed quia vespertino tempore eos efferunt, qui funebri pompæ propter inopiam duci nequeunt.* Ceterum præficam, designatores, & vespillones inter sacrorum ministros adposui, quod & manes sua sacra habent, quorum hi potissimum ministri erant. Hæc autem sunt, quæ de sacerdotiis eorumque ministris, qui apud antiquos fuerint, invenire in vetustis lapidum & librorum monumentis potui. Quæ ut facilius, si opus erit, memoriter teneri possint, eorum omnium de more epilogum suggeram.

C A P. XXIX.

Epilogus omnium sacerdotiorum populi Romani eorumque ministrorum.

I. Luperi Panos Licæi.

vel

Inui sacerdotes.

OMNIUM vetustissimi ante urbem conditam ab Evandro Arcade Aboriginum rege, solemniter ex Arcadia translato, instituti, novissimi omnium Anastasio imperatore, & Theoderico Amalo Gothorum Rege in Italia regnante, a S. Gelasio Papa aboliti circiter annum Christi CDXCV. Varro lib. IV. de lingua Latina. Dionysius lib. I. Livius lib. I. Ovidius Fastorum lib. II. Valerius Maximus lib. II. cap. I. Plutarchus problemate LXVII. Justinus lib. XLIII. vetus registrum S. R. E.

II. Cereis Græca sacerdotes.

Quæ sine viro esset ab eodem Evandro creata. Dionysius lib. I. Sæpe Livius.

III. Potitii & Pinarii Herculis sacerdotes.

Ab eodem Evandro facti. Dionysius lib. I. Livius lib. I. & IX. Valerius Maximus lib. I. cap. secundo.

IV. Reges.

Sacerdotes erant. Dionysius libro secundo, & quinto. Livius libro primo & secundo.

Y ij

V. Fratres Arvales XII.

A Romulo facti. Varro libro iv. de lingua Latina, Plinius libro decimo octavo, cap. secundo. Gellius libro sexto, cap. septimo, ex Massurio Sabino. Macrobius libro primo Saturnalium.

VI. LX. Sacerdotes publici.

Bini ex singulis curiis, quæ triginta erant, qui sacris publicis præessent, quinquagenario majores a Romulo rege ordinati. Hi curiarum suffragiis legebantur. Dionysius lib. ii. ex Varrone.

VII. Augurum xv. collegium.

Hi primo tres tantum fuerunt, singuli ex singulis tribubus, quæ tres erant. Ramnensium, Tatiensium, & Lucerum, a Romulo creati. Deinde a Ser. Tulio rege quattuor (ut existimo) facti. Postea anno urbis CDLIV. Q. Appuleio Panfa, M. Valerio Corvo v. cos. rogatione Ogulnia, quinque e plebe additis ad novem numerum aucti. Postremo a Sulla dictatore xv. instituti. Novissime a Theodosio Imperatore circa annum Christi CCCXC. sublatis. Cicero primo lib. de Divinatione. Dionysius lib. secundo. Livius lib. decimo. Ovidius quarto Fastorum. Valerius lib. secundo, cap. I. Plutarchus problematibus LXXI. LXXVI. LXXVII. XCIII. XCIX. Statius Papinius lib. iii. Thebaidos.

VIII. Haruspices.

A Romulo instituti. Dionysius lib. ii.

IX. Tribunus celerum.

A Romulo institutus, a Numa sacerdos factus. Dionysius lib. ii.

X. Curiones xxx.

Qui totidem curiis præerant, quorum primus dicebatur

Curio Maximus.

Cujus auctoritate ceteri curiones regebantur. Sacerdotium a Romulo constitutum fuit. Dionysius lib. secundo. Sæpe Livius, Festus.

XI. Sodales Titii, alias Titenses.

Varro lib. iv. de lingua Latina, Tacitus lib. i. Lucanus libro i. & Macrobius libro i.

XII. Flamines quindecim.

Ex his tres erant, qui majores & patricii dicebantur, quod semper ex patriciis fuerint, a Numa instituti. Dionysius lib. ii. Livius lib. i. & alibi sæpe. Festus. Plutarchus in Numa, & alibi. Cic. pro domo.

Flamen Dialis.

Jovi.

Flamen Martialis.

Marti.

Flamen Quirinalis.

Romulo.

Varro libris quarto & sexto de lingua Latina. Cicero secundo de legibus. Dionysius libro secundo. Livius libro primo. Plutarchus in Numa, & problematibus, Appianus, Gellius libro decimo, cap. decimoquinto ex Fabio Pictore, & Massurio Sabino. Festus libro decimotertio. Augustinus de civitate Dei libro tertio.

Flamines minores qui & plebei XII.

Festus libro tertio decimo.

Flamen Volcanalis,

Volcano. Varro libro quarto de lingua Latina.

Flamen Carmentalis,

Carmentæ. Cicero in Bruto.

Flamen Floralis.

Deæ Floræ. Varro libro sexto de lingua Latina.

Flamen Palatualis,

Deæ Palatue. Varro libro sexto de lingua Latina.

Flamen Falacer,

Divo patri Falaci. Varro libro quarto, & sexto de ling. Lat.

Flamen Furinalis,

Deæ Furinæ. Varro libris iv. & vi. de ling. Lat.

Flamen Voltumnalis,

Deo Volturno. Varro lib. quinto de lingua Latina.

Flamen Virbialis,

A Deo Virbio, id est, Hippolyto.

Flamen Lævanticus,

Accæ Laurentiæ. ex antiquis inscriptionibus.

Flamen Lavinialis,

Flamen Ligularis, alias Lucullaris;

ex antiquis inscriptionibus.

Flamen Pomonalis,

Deæ Pomonæ, omnium postremus. Festus.

Flaminicæ quindecim,

Festus, Plutarchus, & Gellius.

Hoc sacerdotium a Theodosio imperatore sublatum est. Ex historia Theodoriti Cyrensis, & Zosimo.

XIII. Virgines Vestales V. Cum

Virgine Vestali maxima.

Quatuor a Numa rege factæ, duæ a Ser. Tulio rege additæ, & sex factæ, a Theodosio imperatore sublatae. Dionysius libro secundo. Livius libro primo. Plutarchus in Numa, Gellius ex Fabio Pictore, commentariis L. Sullæ dictatoris, & Antistio Labeone. Symmachus, Zosimus, Theodoritus Cyrensis, Prudentius, & D. Ambrosius.

XIV. Salii XII. cum Magistro collegii Saliorum.

Hi semper ex patriciis lecti sunt, a Numa ordinati, Martique sacra. Dionysius libro secundo. Ovidius tertio Fastorum. Valerius Maximus libro primo, cap. primo. Plutarchus in Numa. Acro in Horat. Servius super viii. librum Æneid. Cicero pro domo ad pontifices.

XV. Virgines Saliaræ,

Sex. Pompeius.

XVI. Fetialium XX. collegium & Pater Patratus,

A Numa instituti. Dionysius libro secundo. Livius libro primo. Plutarchus in Numa, & Problematibus. Gellius libro decimosexto, cap. quarto. Servius super Virgilium lib. nono Æneid. Hi Foederum, pacis, belli, induciarum, oratorum, judices erant. Cicero libro secundo de legibus. Nonius Marcellus ex libris ii. & iii. Varronis de vita populi Romani.

XVII. Collegium pontificum XV.

A Numa quattuor primo pontifices instituti sunt omnes patricii, post rogatione Ogulnia, Anno urbis CDLIV. Q. Appuleio Panfa M. Valerio Corvo v. cos. quattuor de plebe additis octo facti, qui majores dicti sunt. Deinde a Sulla Felice dictatore vii. præterea alii qui minores vocabantur, creati, eorumque numerus ad quindecim auctus. Novissime a Theodosio imp. cum reliquis vetustæ superstitionis sacris sublatis. Dionysius libro secundo. Livius libro decimo, & ex ipso Florus libro XXIX. Cicero pro domo ad pontifices, & de Haruspicium responsis, Theodoritus Cyrensis, Symmachus in relatione ad Theodosium imp. Horum unus populi Romani suffragiis ceteris prælatus dicebatur.

XVIII. Pontifex maximus.

A Numa institutus, a Gratiano Imperatore abolitus. In omnibus populi Romani sacris præerat, ejus maxima atque adeo in omnes sacerdotes suprema potestas erat. Dionysius lib. ii. Livius lib. i. Plutarchus in Numa, & Zosimus lib. iv.

XIX. Salii Agonenſes, alias Collini.

A Tullo Hostilio ordinati. Dionysius lib. secundo, & tertio.

XX. XV. Viri Sacris faciundis cum magistr.

Hi primo fuerunt ii. viri a Tarquinio superbo instituti, qui librorum Sibyllinorum curam gerebant. Post anno urbis CCCXXCVIII. anno ante primum consullem plebeium creatum lege Sextia Licinia x. facti, quinque patricii, totidem e plebe, postremo xv. viri a Sulla Dictatore aucti. Dionysius lib. iv. Livius lib. v. Genforinus de die natali, Lactantius lib. primo. Servius super Virgilium.

XXI. Rex sacrorum, alias Rex Sacrificulus.

Cujus uxor Regina sacrorum dicebatur. Macrobius libro primo. Sacerdotium anno primo partæ libertatis a populo Romano institutum L. Bruto, & L. Colla-

rino cos. Anno CCXLV. Dionysius lib. v. Livius lib. II. A
semper ex patriciis creatus. Cicero pro Domo.

XXII. *Sacerdotes Bonæ deæ Femine*,
Cicero sæpe, & Florus.

XXIII. *Galli sacerdotes deæ Cybelis cum Archigallo*.

Antiqui lapides. Livius lib. XXXVI. Ovidius IV. Fa-
storum. Festus. Tertullianus in Apologetico. D. Au-
gustinus lib. III. de civitate Dei.

XXIV. VII. *Viri Epulones*.

Hi primo III. viri creati fuerunt anno urbis DLVIII.
L. Furio Sp. F. Purpureone, M. Claudio M. F. Marcel-
lo cos. Post a Sulla Dictatore VII. facti. Cicero in ora-
tione de haruspicum responsis. Livius lib. XXXIII. Va-
lerius Maximus lib. II. Gellius lib. I. cap. XII. ex Anti-
stio Labeone. Augustinus lib. III. de civitate Dei.

XXV. II. *Viri ædis locandæ*.

Livius libro vigesimo secundo.

XXVI. II. *Viri ædis faciundæ*.

Livius libro septimo.

XXVII. II. *Viri ædis dedicandæ*.

Livius libro vigesimo secundo.

XXVIII. III. *Viri ædificandis ædibus sacris incendio
consumptis*.

Livius libro vigesimo quinto.

XXIX. III. *Viri sacris conquirendis, donisque
persequendis*,

Livius libro vigesimo quinto.

XXX. *Sacerdotes deorum singulorum*.

XXXI. *Antistites templorum singulorum*.

Ex vetustis inscriptionibus.

Nomina Ministrorum sacerdotum populi Romani.

Camilli, Camille.

Pueri & puellæ patrini & matrimi a Romulo insti-
tuti. Dionysius libro primo.

Flamini, Flaminie,

Flaminum flaminicarumque ministri. Festus.

Æditi, alias Æditi,

Varro lib. IV. de lingua Latina.

Scribe publici pontificum

A. Commentarii XV. virum sacr. fac.

Adjutores haruspicum,

Kalatores sacerdotiorum,

Tibicines qui sacris publicis præsto sunt,

Ex antiquis inscriptionibus.

Tibicines,

Sex. Pompeius.

Pullarii,

Cicero II. de Divinat. Livius lib. X. Lapides.

Popæ,

Tranq. in Caligula. Spartian. in Geta. Propert. lib. IV.

Viçtimarii,

Livius, Viçtor, Valerius.

Liçtor flaminii,

Festus.

Flaminis Dialis præcia, alias *Præclamitor*,

Gellius, Plutarchus, Sex. Pompeius.

Liçtores VI. virginum vestalium,

Tranquillus, Plutarchus, Gellius.

Præfica,

Sex. Pompeius, Varro, Nonius Marcellus.

Designator,

Sex. Pompeius, Cicero.

Vespa, alias *Vespillo*,

Sex. Pompeius.

Hæc itaque sunt omnium sacerdotiorum, eorun-
demque ministrorum nomina, quæ quanta potui di-
ligentia in vetustis monumentis collegi; quorum
maximam partem Numa rex instituit, vel ante insti-
tutam certis quibudam regulis additis reformavit.
Porro autem reliqua Numæ instituta omisi, tum
quod ex Livio, & Dionysio notissima sint, tum etiam
quod de iis abunde in commentariis factorum verba
fecî. Ceterum antequam ad ceterorum regum ge-

sta explicanda deveniam, rem utilem antiquitatum
studiosis me facturum esse arbitratus sum, si tracta-
tum divi ST. Cæcilii Cypriani huic de sacerdotiis
disputationi suggeram, quem ille de Idolorum va-
nitate scriptum reliquit, in quo idololatricæ origo,
causæ, & incrementa referuntur, multaque de diis
Romanis, oraculis, delubris, divinationibus, augu-
riis, & reliquis ejusmodi cognitu dignissima, a san-
ctiss. viro explicantur. In quo postremo, & antiquo-
rum superstitio, & Christianæ fidei puritas demon-
strantur; res quæ ad eorum quæ scripti intelligen-
tiam maxime conducunt, quum eorundem institu-
tionem aperiant.

DIVI. ST. CAECILII. CYPRIANI TRACTATUS. IIII. DE IDOLORVM VANITATE

QUOD idola dii non sint, & quod unus deus sit,
& quod credentibus datum sit deos non esse, quos
colit vulgus, hinc notum est. Reges olim fuerunt, qui
ob regalem memoriam coli apud suos postmodum etiam
in morte cœperunt. Inde illis instituta templa: inde
ad defunctorum vultus per imaginem detinendos ex-
pressa simulacra. Nam & immolabant hostias, &
dies festos dando honores celebrabant. Inde posteris sa-
cta sunt sacra, quæ primitus fuerant assumpta sola-
ria. Nam ut videamus an fiet hæc apud singulos ve-
ritas, Melicertes & Leucothea præcipitantur in ma-
ria, & sunt postmodum marii numina. Castor & Pol-
lux alternis moriuntur, ut vivant, Esculapius ut in
deum resurgat, fulminatur. Hercules, ut hominem
exuat, Oeteis ignibus concrematur, Apollo Admeti
pecora pavit. Laomedonti muros Neptunus instituit,
nec mercedem operis infelix structor accepit. Antrum
Jovis in Creta visitur, & sepulchrum ejus ostenditur,
& ab eo Saturnum fugatum esse manifestum est: inde
Latium de latebra ejus nomen accepit. Hic litteras
imprimere, hic signare nummos in Italia primus in-
stituit, unde ærarium Saturni vocatur. Nam &
rusticitatis hic cultor fuit, inde ferens falcem pingi-
tur: hunc fugatum hospitio Janus excepit, de cujus
nomine Janiculum dictum est, & mensis Januarius in-
stitutus est: ipse bifrons exprimitur, quod in medio
constitutus annum incipientem pariter & recedentem
spectare videatur. Mauri vero manifeste reges colunt,
nec ullo velamento hoc nomen obtexunt. Inde per
gentes & provincias singulas varia deorum religio mu-
tatur, dum non unus ab omnibus deus colitur, sed
propria cuique majorum suorum cultura servatur: hoc
ita esse Alexander Magnus insigni volumine ad ma-
trem suam scribit, metu suæ potestatis proditum sibi
a piis hominibus, a sacerdote secretum, quod majo-
rum regum memoria servata sit, inde colendi & sa-
crificandi ritus inoleverit. Si autem aliquando dii nati
sunt, cur non hodie quoque nascuntur? nisi forte
Juppiter senuit, aut partus in Junone defecit. Cur
vero deos putas pro Romanis posse, quos sæpius videas
nihil pro suis adversus eorum arma valuisse? Roma-
norum autem vernaculos deos novimus: Est Romulus
pejerante Proculo deus factus, & Picus, & Tiberi-
nus, & Pilumnus, & Consus, quem deum fraudis
velut consiliorum deum coli Romulus voluit, postquam
in raptum Sabinarum perfidia pervenit. Deam quoque
Clocinam Tatiæ adinvenit & coluit, Pavorem Ho-
stilius atque Pallorem, mox a nescio quo Febris de-
dicata, & Acca, & Flora meretrices: hi dii Roma-
ni. Ceterum Mars Thracius, & Juppiter Creticus,
& Juno vel Argiva, vel Samia, vel Pœna, & Dia-
na Taurica, & deorum mater Idea, & Egyptia
portenta non numina: quæ utique si quid potestatis ha-
buissent, sua ac suorum regna servassent. Plane sunt
apud Romanos & viçti penates, quos Eneas profugus
advexit. Est & Venus calva, multo hic turpius cal-
va, quam apud Homerum vulnerata. Regna autem

non merito accidunt, sed forte variantur. Ceterum imperium ante tenuerunt & Assyrii, & Persæ; & Græci, & Aegyptios regnasse cognovimus. Ita vicibus potestatum Romanis quoque ut & ceteris imperantibus tempus obvenit. Ceterum si ad originem redeas, erubescas. Populus de sceleratis & nocentibus congregatur, & alylo constituto facit numerum impunitas criminum. Nunc ut rex ipse principatum habeat ad crimina, fit Romulus parricida. Atque ut matrimonium faciat, rem concordie per discordiam auspiciatur. Rapiunt, ferociunt, fallunt ad copiam civitatis augendam. Nuptie sunt illis rupta hospitii fœdera, & cum soceris bella crudelia. Est & gradus summus in Romanis honoribus consulatus. Sic consulatum cepisse videmus ut regnum. Filios interfecit Brutus, ut crescat de suffragio sceleris commendatio dignitatis. Non ergo de religionibus sanctis, nec de auspiciis, aut auguriis Romana regnare creverunt, sed acceptum tempus certo sine custodiunt. Ceterum & Regulus auspiciis servavit, & captus est: & Mancinus religionem tenuit, & sub jugum missus est. Pullos edaces habuit Paullus, & tamen apud Cannas casus est. C. Cæsar ne ante humam in Africam navigia transmitteret, auguriis & auspiciis retinentibus, spreuit, eo facilius & navigavit, & vicit. Horum autem omnium ratio est illa quæ fallit & decipit, & præstigiis cecantibus veritatem stultum & prodigum vulgus inducit. Spiritus insincri & vagi, qui posteaquam terrenis vitis immeris sunt, & a vigore celestis terreno contagio recesserunt, non desinunt perditis perdere, & depravati erroris pravitatis infundere: hos & poetæ demonas norunt, & Socrates insinuat se & regi ad arbitrium demonis prædicabat, & magis inde est ad perniciofa vel ludicra potentatus, quorum tamen præcipuus Sôthenes formam veri dei negat conspici posse, & angelos veros sedi ejus dicit assistere. In quo Plato pariratione confutit, & unum deum servans, ceteros angelos vel demonas. Hermes quoque Trismegistus unum deum loquitur, eumque incomprehensibilem atque inestimabilem confutit. Hi ergo spiritus sub statuis atque imaginibus consecrati delitescunt. Hi afflatu suo vatium pectora gubernant, sortis regunt, oracula efficiunt, falsa veris semper involunt. Nam & falluntur, & fallunt, vitam turbant, somnos inquietant, irreperentes etiam spiritus corporibus ocula mentis terrent, membra distorquent, valetudinem frangunt, morbos lacerant, ut ad cultum sui cogant, ut nidore altarium & rogis pecorum saginati remissi quæ constrinxerant, curasse videantur. Hec est de illis medela, cum ipsorum cessat injuria, nec aliud his studium est quam a deo homines avocare, & ad superstitionem sui ab intellectu veræ religionis avertere, & cum sint ipsi penales, querere sibi ad penam comites, quos ad crimen suum fecerunt errore participes. Hi tamen adjuvati per Deum verum nobis statim cedunt & fatentur, & de obsessis corporibus exire coguntur. Videas illos nostra voce & oratione occulte flagellis cædi, igni torqueri, incremento pænæ propagentis extendi, ejulare, gemere, deprecari unde veniant, & quando discedant, ipsi etiam qui se colunt audientibus confiteri, & vel exiliunt statim, vel evanescent gradatim, prout fidei patientis adjuvat, aut gratia curantis aspirat. Hinc vulgus in odium nostri hominis cogunt, ut nos odisse incipient homines antequam nosse, ne cognitos aut imitari possint, aut damnare non possint. Unus igitur omnium dominus deus. Neque enim illa sublimitas potest habere consortem, cum sola omnem teneat potestatem. Ad divinum imperium etiam de terris mutuemur exemplum. Quando unquam regni societas aut cum fide cepit, aut sine errore desit? Sic Thebanorum germanitas rupta, & permanens rogis dissidentibus etiam in morte discordia, & Romani geminos unum non capit regnum, quos unum uteri cepit hospitium. Pompeius & Cæsar

Affinici fuerunt, nec tamen necessitudinis fœdus in amula potestate tenuerunt. Nec hic tu de homine mireris, cum in hoc omnis natura consentiat. Rex unus est apibus, & dux unus in gregibus, & in armentis rector unus, multo magis mundi unus est rector, qui universa quæcunque sunt verbo jubet, ratione dispersat, virtute consummat. Hic enim videri non potest, visu clarior est. Nec comprehendendi, tactu purior est. Nec æstimari, sensu major est. Et ideo sic deum digne cum æstimamus, dum inæstimabilem dicimus. Quod vero templum habere possit deus, cujus templum totus est mundus, & cum homo latius maneat intra unam ædiculam, vim tantæ majestatis includat? In nostra dedicandus est mente, in nostro consecrandus est pectore. Nec nomen dei quæras, deus nomen est illi, illic vocabulis opus est, ubi propriis appellationum insignibus multitudo dirimenda est. Deo qui solus est, dei vocabulum totum est. Ergo unus est, & ubique totus diffusus est. Nam & vulgus in multis deum naturaliter confitetur, cum mens & anima sui auctoris & principis admonetur. Dicit frequenter audimus, o deus, & deus videt, & deo commendo, & deus mihi reddet, & quod deus vult, & si deus dederit. Atque est hæc summa delicti, nolle agnoscere quem ignorare non possis? Quod vero, & Christus sit, & quomodo per ipsum nobis salus venerit, sic est ordo, sic ratio. Judæi primum erat apud deum gratia, sic olim iusti erant, sic majores eorum religionibus obediabant. Inde illis & regni sublimitas floruit, & generis magnitudo provenit. Sed illi negligentes discipline superbis postmodum facti, & fiducia patrum inflati, dum divina præcepta contemnunt, datam sibi gratiam perdidierunt. Quam fuerit illis profana vita, quæ contracta sit violatæ religionis offensa, ipsi quoque testantur, qui & si voce tacent, exitu confitentur. Dispersi & palabundi vagantur soli. Et cæli sui profugi per hospitia aliena jactantur. Necnon deus ante prædixerat fore, ut vergente seculo, & mundi fine jam proximo, ex omni gente & populo & loco cultores sibi eligeret deus multo fideiores, qui indulgentiam de divinis muneribus haurirent, quam acceptam Judæi contemptis religionibus perdidissent. Indulgentie igitur hujus & gratie arbitri & magister sermo & filius dei mittitur, qui per prophetas omnes illuminator & doctor humani generis prædicabatur. Hic est virtus dei, hic ratio, hic sapientia ejus, & gloria, hic in virginem illabitur, carnem spiritu sancto cooperante induitur. Deus semper cum homine miscetur, hic deus noster, hic CHRISTUS est, qui mediator duorum hominem induit, quem perducit ad patrem. Quod homo est, esse CHRISTUS voluit, ut & homo possit esse quod CHRISTUS est. Sciebant & Judæi CHRISTUM esse venturum. Nam hoc illis semper prophetis mentibus annuntiabatur. Sed significato duplici ejus adventu: unum, qui exercitio & exemplo hominis fungeretur: alterum, qui deum fateretur, non intelligendo primum adventum, qui in passione præcessit occultus, unum tantum credunt, qui erit in potestate manifestus. Quod autem hoc Judeorum populus intelligere non potuit, delictorum meritum fuit. Sic erant sapientie & intelligentie cecitate multati, ut qui vita indigni essent, haberent vitam ante oculos, nec viderent. Itaque cum CHRISTUS secundum a prophetis prædicta, verbo & vocis imperio demonia de hominibus excuteret, paralyticos restringeret, leprosos purgaret, illuminaret cæcos, claudis gressum daret, mortuos rursus animaret, cogeret sibi clementia famulari, servire ventos, maria obedire, inferos cedere, unum qui exercitio & exemplo hominis fungeretur, alterum qui dominum fateretur non intelligendo. Judæi qui illum crederant hominem tantum de humilitate carnis & corporis, existimabant magnum diligentia potestatis. Hunc magistri eorum atque primores, hoc est, quos & doctrina ille & sapientia revincebat, accensa ira, & indignatione provocata, postremo de-

zentum Pontio Pilato, qui tunc ex parte Romana Syriam procurabat, tradiderunt, crucem ejus & mortem suffragis violentis ac pertinacibus flagitantes. Hoc eos facturos & ipse prædixerat, & prophetarum omnium testimonium sic ante præcesserat, oportere illum pati, non ut sentiret mortem, sed ut vinceret: & cum passus esset, denuo ad superos regredi, ut vim divine majestatis ostenderet. Fidem itaque rerum cursum implevit. Nam & crucifixus, prævento carnificis officio, spiritum sponte dimisit, & die tertio rursus a mortuis sponte surrexit. Apparuit discipulis suis talis ut ante fuerat, & agnoscendum se videntibus præbuit, simul victus, & substantia corporalis firmitate conspicuus ad dies quadraginta remoratus est, ut de novo ad præcepta vitalia instrui possent, & discerent quæ docerent. Tunc in cælum circumfusa nube sublatus est, ut hominem quem dilexit, quem induit, quem a morte protexit, ad patrem victor imposteret: Jam venturus e cælo ad penam diaboli, & censuram generis humani, ultoris vigore & iudicii potestate: per orbem vero discipuli magistro & deo monente diffusi præcepta dei in salutem darent, ab errore tenebrarum ad viam lucis adducerent, cæcos & ignaros ad agnitionem veritatis ocularent. Ac ne esset probatio minus solida, & de Christo delicata confessio, per tormenta, per crucis, per multa pœnarum genera tentantur. Dolor qui veritatis testis est, admoventur, ut Christus dei filius, qui hominibus ad vitam datus creditur, non tantum præconio vocis, sed & passionis testimonio predicatur. Hunc igitur comitatur, hunc sequimur, hunc habemus itineris ducem, lucis principem, salutis auctorem, cælum pariter & patrem querentibus, & credentibus pollicentem. Quod est Christus, erimus Christiani, si Christum fuerimus secuti.

C A P. XLVI.

De Tullo Hostilio rege III. ceterisque ejus successoribus.

HIC, ut quidam tradidere, primus Romanorum regum fellam curulem, lictores, togamque pictam invenisse dicitur. Albam diruit, Albanosque omnes in urbem recepit, plebem quidem civitate donavit, primores Albanorum in patres legit, inter quos nobiles familiæ fuere Julia, alias Tullia, Servilia, Quinctia, Gegania, Curiatia, Clælia, Quinctilia, & Atilia. Reliqua hujus regis gesta conscripsi supra libro primo, item in Fastorum commentariis, & multa præterea libro tertio de eodem rege afferam. Hæc Dionysius, Livius, & reliqui.

Ancus Marcius rex IV.

Ancus Marcius Numæ ex filia nepos rex Romanus creatus, sacrorum caerimonias a Numa institutas, & paulatim abolitas renovavit. Fines imperii protulit, Salinarum vestigium instituit, carcerem medio foro ad terrorem crescentis audaciæ primus ædificavit, jus fetiale (ut quidam tradunt) ab Æquiculis acceptum ordinavit; quamquam multi sint, qui hoc institutum Numæ tradant. Multa præterea bella gessit, de quibus libro sequente mentionem faciam. Dionysius, Livius, Eutropius, & cetera.

L. Tarquinius Priscus rex V.

L. Tarquinius Priscus Damarati Corinthii exulis filius, quum regnum Romanum post Ancum suscepisset, republicæ augendæ studiosus, centum ex plebe patricios legit, qui, auctore Livio, patricii minorum gentium dicti sunt. Quamquam omnes ego minorum gentium patricios esse existimem, qui post centum primos a Romulo lectos facti sunt. Senatorum numerum ad CCC. auxit, circum maximum fecit, ludos magnos, sive Romanos instituit, equitum centurias duplicavit, & pleraque alia gessit, quæ in commentariis Fastorum retuli,

libroque tertio afferam. Ex Dionysio, & Livio &c.

Ser. Tullius rex VI.

Nullus mea sententia post Romulum salubrior rex urbi fuit, quam Ser. Tullius rex Romæ post focerum Tarquinium creatus; qui præter alia gesta, trib. Romanas primus in urbanas rusticæque divisit, censum instituit, lustrum condidit, primum comitia centuriata ordinavit, compitalitios ludos fecit, populo annonam, mensuras, & pondera invenit, æreum nummum percussit, multaque præterea vel bello, vel pace præclara gessit, de quibus in commentariis Fastorum disserui. Ceterum hoc loco de tribus potissimum ejus publicis institutis disputare mihi ipsi constituit, quæ cognitui non indigna, & hujus mei de civitate Romana libri præcipuæ partes sunt. Erit autem prima de tribubus disputatio, post de censu, deinde de comitiis centuriatis. Quibus institutis magna totius reip. Romanæ pars constituta fuit. Atque ante omnia de tribubus Romanis, quas ante instituit, primum disputare aggrediar.

C A P. XLVII.

De tribubus Romanis.

INTER præclara regis Ser. Tullii gesta, qui multas res saluberrimas tanto futuro imperio providentissime instituit, non postremum locum tenet tribuum urbanarum, rusticarumque distinctio, quam ab illo primum factam fuisse omnes veteres scriptores profitentur. Quum autem tribuum cognitio, res ut utilis & necessaria, ita difficilis & obscura hæcenus fuerit, mihi ipsi constitui hoc loco, quo Ser. Tullii gesta scribere aggressus sum, de eisdem differere, atque quantum rei difficultas permitteret, obscura quæque explanare, verumque XXXV. tribuum numerum, & nomina, atque quid de eis, quæ superflue videntur, sentiendum sit, aperire. Cujus rei tractationem, quo distinctius intelligi possit, a Romulo paulo altius repetam. Nam is primus tribus tres constituit.

Urbem Romam & agrum in tres partes, quas etiam tribus appellavit, & xxx. curias, primus Romulus divisit, ut M. Varro libro quarto de lingua Latina, & alii veteres scriptores tradunt: *Ager Romanus* (inquit Varro) primum divisus in partes tres, a quo tribus appellatæ Tatienfium, Ramnium, Lucerum nominatæ (ut ait Ennius) Tatienfes a Tatio, Ramnenses a Romulo, Luceres (ut ait Junius) a Lucumone; sed omnia hæc vocabula Tusca, ut Volumnii, qui tragœdias Tuscas scripsit, dicebat. Dionysius lib. secundo: *Divisa in tres partes omni multitudine singulis partibus præfectum constituit eum, quem illustrissimum ac nobilissimum censebat. Tum singulas trium partium rursus in decem partes distribuit, totidemque singulis præfectos dedit, qui essent fortissimi, ac majores quidem partes, tribus, minores, curias appellavit, ut etiam ad nostram usque ætatem vocantur. Qui tribubus, tribuni, qui curiis præerant, curiones vocati: divisæque sunt rursus curiæ in decurias, vocabaturque singularum præfectus decurio. Postquam autem hoc modo omnes in tribus & curias descripti sunt, agrum urbanum omnem in triginta æquales partes distribuit, ac singulis curiis suam partem attribuit.* Livius libro decimo: *Quum inter augures constet imparem numerum debere esse, ut tres antiquæ tribus, Ramnenses, Tatienfes, Luceres, suam quoque augurem habebat. Pedianus oratione III. in Verrem: Tribus principio tres fuerunt, Tatienfium una a Tatio rege, Ramnensium altera a Romulo, Luceres altera a Lucumone, sive Lucretino, sive a luo, quem lucum asylum vocaverat Romulus. Obtinuerunt autem nomen, aut a tributo dando, aut quia primo tres*

fuerunt, unde etiam tribuni dicti. Plutarchus in Romulo: Eodem tempore in tres tribus tota civitas divisit, Ramnenses a Romulo, a Tatio Tatienses appellatas, tertiae tribus homines Luceres dicti a luco Atyli, in quem multi fuga delati, civitate donati sunt. Tribus autem tres ipsas fuisse numero nomen ipsum indicat. Quibus qui praeerant, tribunos vocabant. Singula autem tribus decem continebat curias. Pomponius l. ii. iii. Dicti tribuni, quod olim in tres partes populus divisus erat, & ex singulis singuli creabantur, vel quia tribuum suffragio creabantur. Et Propertius libro iv. Eleg. i.

Prima Galeritis posuit praetoria Lygmon,

Magnaque pari Tatio rerum erat inter oves.

Hinc Titius, Ramnesque viri, Luceresque coloni,

Quattuor hinc albos Romulus egit equos:

Et Sex. Pompeius: Tatiensis tribus a praenome T. Tatii regis appellata videtur. Pediani & Plutarchi sententiam de Lucern appellacione, qui Luceres a luco atyli dictos fuisse scribunt, maxime probam, veram enim eam esse existimo. Nam hi, qui cum Romulo primo urbem condiderunt, ut pastores, Albani, aliquot Graecanici generis, qui tum Palatium & Capitolium habitabant, Ramnenses a Romulo nominati fuerunt, qui Palatium, & montem Caelium post conditam urbem coluerunt. Tatienses autem fuerunt Sabini, & quotquot ab ea regione, vel cum T. Tatio, vel postea venerunt: hi Capitolium & Quirinalem coluerunt. Ceteri adventitii, ut Etrusci & Latini, & per fugam omnes, qui ad Asylum confugerant, Luceres a luco Atyli denominati sunt. Hi loca inter Palatium & Capitolium plana, atque circum forum tenuere. Et quamquam auctores habeam, qui tertiam tribum Lucernum a Lucumone Etrusco, qui Romulo bello laboranti contra Sabinos praesto fuit, dictam velint, quemadmodum Caelium montem ab altero Tuscorum duce Vibenna Caelio appellatum fuisse scribunt; magis tamen Plutarchi & Pediani sententiam adducor ut probem, quod Lucernum a luco appellatio longe amplior sit, atque plus comprehendat, quam a Lucumone derivata. Livius libro primo has tribus centurias equitum vocat, quod ex singulis iis tribubus centum equites scripti essent. Eodem (inquit) tempore & centuriae tres equitum conscriptae sunt, Ramnenses a Romulo, ab T. Tatio Tatienses appellati, Lucernum nominis & originis causa incerta. Sex. Pompeius: Turmam equitum dictam esse ait Curiatius, quasi turmam, quod ter deni equites ex tribus tribubus, Tatiensem, Ramnum, Lucernum fiebant. Itaque primi singulorum decuriarum decuriones dicti, qui ex eo in singulis turmis sunt, etiam nunc terni. Et M. Varro libro iv. Tribuni militum dicti, quod terni tribus tribus Ramnensium, Lucernum, Tatiensium olim ad exercitum mittebantur. Porro autem haec tribus tres usque ad Tarquinii (ut opinor) Prisci tempora permanent. Nam quum sub Tullo Hostilio Albani in Ramnensium tribum adscripti, ceterique omnes populi, qui sub regibus Romam venerunt ad habitandum, praeter Sabinos, Lucernum tribui inclusi fuissent, urbeque multum aucta, haec tres tribus non sufficerent, L. Tarquinius Priscus sub iisdem, quibus inauguratae erant, nominibus eas duplicavit, primosque & secundos Tatienses, Ramnenses, & Luceres constituit, quod idem etiam de equitum centuriis Livio, & Dionysio auctoribus fecit. Cujus rei ita meminit Sex. Pompeius: Sex Vestae sacerdotes constitutae erant, ut populus pro sua quisque parte haberet ministrum sacrorum, quia civitas Romana in sex erat distributa partes, in primos secundosque Tatienses, Ramnes, & Luceres. Et Livius libro primo: Neque tum Tarquinius de equitum centuriis quicquam mutavit, numero tantum alterum adiecit, ut mille octingenti equites in tribus centuriis essent, posteriores modo sub iisdem nominibus, qui additi erant appellati sunt, quas nunc, quia geminatae sunt, sex vocant centurias. Ita autem haec tribus fuerunt ulque ad Ser. Tullium.

De tribubus Ser. Tullii Regis.

LUCERN multitudinem crescente, quum ea una adventitiorum tribus mirum in modum aucta esset, ita ut ea sola reliquas duas longe superaret, aucta quoque civitate, quum urbis moenia septem montibus occupatis ampliata fuissent, Ser. Tullius rex urbem denuo in quattuor, agrum vero Romanum in quindecim, vel ut aliis placet XVII. partes, quas Romuli exemplo tribus appellavit, divisit. Ex quibus quattuor, quae intra urbem erant, urbanas, reliquas vero, quae in agro, rusticas appellavit. Tribus autem urbanas quattuor, non (ut Romulus) ab auctore, vel gentis origine, sive calibus, sed a locis, quos colebant, Servius nominavit. In primam enim tribum vel regionem coniecit omnes, qui montem Caelium & finitima loca plana habitarent orientem versus, quam Suburanam appellavit, quod esset sub antiqua urbe, vel a pago Suculano, ut scribit Varro: secunda regio, vel tribus dicta est Esquilina, haec Esquilias continebat: tertia regio duos colles comprehendebat, Quirinalem, & Viminalem, a quibus Collina appellata: quarta regio sola complectebatur fere totum id spatium, quod antiquae tres sub Romulo; continebat enim Palatium, forum & Capitolium, dictaque Palatina a Palatio ipso tanquam primo colle, in quo urbs condita esset. Ab his igitur regionibus tribus quoque quattuor urbanas appellatae sunt. M. Varro: Ab hoc quoque (inquit) quattuor partes urbis tribus dictae: & ab locis, Suburana, Esquilina, Collina, Palatina. Sex. Pompeius: Urbanas tribus appellabant, in quas urbs erat dispartita a Ser. Tullio rege, id est, Suburana, Palatina, Esquilina, Collina. Et Livius libro primo: Quadrifariam urbe divisa ab Ser. Tullio, quae habitabantur partes, tribus eas appellavit. Et Dionysius libro quarto: Ser. igitur Tullius, ubi muro septem colles complexus est, in quattuor partes urbem divisit, & cognomina cuique parti imposuit ex collibus. Unam quidem vocant Palatinam, aliam Suburanam, tertiam Collinam, & quartam Esquilinam, quattuorque tribum fecit urbem, quae eo usque fuerat trium, neque amplius tres tribus generis sive originis, ut antea, sed quattuor a locis a se designatis dictas esse voluit; creavitque partibus singulis principes tribuum sive vicorum praefectos, quos scire iussit ubi quisque habitaret, statuitque homines, qui in unamquamque partem abituri essent, tanquam ejus loci incolae in nullam aliam transferri posse habitationem, nulloque alio loco, vel tribu, nomina in militia darent, vel tributum penderent, quam in ea, in qua coniecti & descripti fuerant, tribu. Haec autem sunt causae, & origo quattuor primarum tribuum, quas, quod intra urbem essent, urbanas appellavit. Quo tempore alius factus est tributum, alius vero curiarum ordo, nam tribus locis, curiae vero quibuscumque sacris tantum conveniebant. Subsequenti tempore nobiles omnes, qui in tribus urbanas coniecti fuerant a Ser. Tullio rege, paulatim in rusticas sese transtulerunt, atque urbanas tribus humiles admodum & non nisi tenuiorum hominum esse coeperunt: sed haec latius paulo post. Expeditis, quae ad tribus urbanas in universum pertinent, nunc de iis singillatim est modo disputandum.

De Tribubus Urbanis. Prima Suburana.

INTER quatuor tribus urbanas, in quas Ser. Tullius rex urbem divisit, M. Varro primam enumerat Suburanam, a Subura appellatam, sic: Reliqua urbis loca olim discreta, ut Argaeorum sacra-

ria, in septem & viginti partes urbis sunt disposita: A
 e quibus prima est scripta regio Suburana, secunda
 Esquilina, tertia Collina, quarta Palatina. Et pau-
 lo post: Eidem regioni attributa Subura, quod sub
 muro terreo Carinarum esset; vel, ut Junius scripsit,
 ab eo, quod fuerit sub antiqua urbe, cui testimonium
 potest esse, quod subest ei loco, qui terreus murus
 vocatur: sed ego a pago potius Sucusano dictam pu-
 to Sucusam. Nunc scribitur tertia littera B. non
 C. Pagus Sucusanus quod succurrit Carineis. Ita
 Varro lib. quarto de lingua Latina. Sex. Pompe-
 ius: Suburam Verrius alio libro a pago Sucusano di-
 ctam ait. Hoc vero maxime probat eorum auctori-
 tatem, qui ajunt ita appellatam & regionem urbis
 & tribum a flativo praedio, quod solitum sit suc-
 currere Esquilis infestantibus eam partem urbis Ga-
 binis, indicioque esse, quod adhuc ea tribus per C.
 litteram, non B. scribatur. Quinctilianus quoque li-
 bro primo, cap. XXII. Subura cum tribus notatur, C.
 tertium ostendit. Hæc (ut dixi) Coelium montem
 & circumadjacentia loca compledebatur. Hujus tri-
 bus in antiquis inscriptionibus ita mentio est:

Rome ante arcum Septimii Severi Aug.

PACI. AETERNAE
 DOMVS
 IMP. VESPASIANI
 CAESARIS. AVG
 LIBERORVM. QVE. EIVS. SACRVM
 TRIB. SVC. IVNIOR

Lavinii

C. ATTIO. T. F. SVB
 VITALIANO
 DOMO. CELEAE
 VETERANO. LEG. V
 AVG. MILITAVIT. ANN
 XXXVIII. VIX. AN. LVIII
 IN. FR. P. XL. IN. AGR. P. XVI

Rome in museo Card. Carpenfis.

L. AVFVSTI. L. F. SVBURA. RVFINI. CEN
 COHOR. VII. VIGIL. ROM. CANDIDAT
 T. I. CAESARIS. ET. AVFVSTIAE. SVPERANTIAE
 ET. AVFVSTI. ET. AVFVSTIAE. GEMEL. OLL. IIII
 L. AVFVSTIVS. L. F. SVB. FVSCVLVS. MAIOR
 L. AVFVSTIVS. L. F. PALATINA. SERENVS. M
 EX. CAVSSA. LEG. FACIVN. CVR

Tribus II. Esquilina.

Inter urbanas secunda tribus scribitur a Varrone
 Esquilina, quod in Esquilino monte esset, appella-
 ta. De Esquilis vero satis supra dixi. De hac tribu
 hoc extat epigramma Romæ in ædibus Gentilis Del-
 phinii Romanorum antiquitatum alyli.

DIS. MANIB

M. FABI. M. F. ESQ. REGILLI. ET. FABIAE.....
 FABIA. M. ET. C. LIB. ARETE. ARCHIM.....
 TEMPORIS. SVI. PRIMA. DIVRNA. FEC.....
 SIBI. ET. SVIS. QVIBVS. LEGAVIT. TESTA.....

Tribus III. Collina.

Tertia tribus Collina, ut tradit Varro, a collibus
 Quirinali & Viminali, in quibus sita erat, appella-
 ta est. De qua Josephus lib. XIII. cap. XVII. sic me-
 minit. L. Copenius L. F. Collina. Hujus quoque
 tribus in antiquis inscriptionibus mentio est ita:

Rome in Aventino in canobio S. Alexii.

C. VETTIO. C. F
 COL. NIGRO
 DOMO. ANTIOCHIA
 SYRIA
 VETERANO. LEG. XII
 FVLMINAT
 MILIT. ANN. XXVI
 VIXIT. ANN. LVII
 EX. TESTAMENTO

Auximi.

Q. PLOTIO. MAXIM
 COLLIN
 TREBELLIO. PELIDIANO
 EQ. PVB
 TRIB. LEG. II. TRAIAN. FORT
 TRIB. COH. XXXII. VOLVNT
 TRIB. LEG. VI. VICTRIC
 PROC. AVG
 PROMAGIST. XX. HERED
 PRAEF. VEHICVLOR
 QQ. PATR. COL. ET. SVO. PONT
 COL. FABR. AVXIM. OB
 EXIMIVM. INTER. MVNICIP
 SVOS. AMOREM
 L. D. D. D

Tibure.

Q. HORTENSIO
 Q. F. COL
 ADVOCATO. FIS
 CL. PRAEF. FABR
 PATRONO. MVNICIPI
 COLLEGIVM. FABRVM
 TIBVR TIVM. OB
 MERITA
 L. D. S. C

Tibure.

Inter urbanas quarta fuit tribus Palatina auctore
 Varrone, a Palatino monte denominata, quem cum
 foro & Capitolio obtinebat. De qua sic Cicero scri-
 bit oratione IV. in Verrem: C. Claudius C. F. Pala-
 tina. Et Alconius eo loco sic: Alibi ait L. Claudi-
 um Palatina. Infinita propemodum sunt vetusta mo-
 numenta, quæ hujus tribus mentionem faciunt, in
 quibus PAL. PALAT. PALATIN. PALATINA, & PA-
 LATEINA appellatur, quorum præcipua hæc sunt:

Anagnie.

L. COMINIO. L. F. L. N. PAL
 FIRMO. PR. Q. AER. ET. ALIM
 OPIAE. SEX. ET. C. L. EVNONEAE
 EXEMPLVM. PERIIT. CASTAE. LVGETE. PVLLAE
 OPIAE. IAM. NON. EST. BREITA. EST. OPIAE. FIRMO
 ACCIPITE. HANC. ANIMAM. NVMEROQVE. AVGETE. SACRORVM
 ARRIA. ROMANO. ET. TV. GRAIO. LAQVAMIA
 HVNC. TITVLVM. MERITIS. SERVAT. TIBI. FORMA. SVPERSTES
 SIBI. SVIS. POSTERIS. QVE. EORVM

Rome via Latina.

T. AVRELIO. T. F. PAL
 VERO
 M O P S V E S T I A
 MIL. COH. VIII. PR
 T. AVREL. T. F. PAL
 POMPONIVS
 VALERIANVS
 FRATRI. OPTIMO POS
 Z

Beneventi ante carceres.

M. GAVIVS. M. F. PALAT
SABINVS. SCRIBA. AEDIL
I. D. PRAEF. FAB
SIBI. ET
NASENNIAE. M. F
IVSTAE. VXORI. B. M

Romæ in hortulis Colotianis.

FORTVNAE. AVG
L. LICINIVS. L. F. PALA
TINA. SABINVS
VOT. DD
XIII. KAL. FEBR
M. IVNIO. SILANO. ET
L. NORBANO. COS

Hæ itaque sunt quattuor urbanae tribus, in quas quanquam ab initio nobiles omnes coniecti fuissent, paulatim tamen postea se subdixerunt, & in rusticæ relati sunt, quum forensi turbæ, & tenuioris fortunæ hominibus urbanas reliquissent. Unde Plinius lib. XVIII. cap. III. ita scripsit: *Rusticæ tribus laudatissime, eorum qui rura haberent, urbanae vero in quas transferri ignominia esset, desidia probo. Itaque quattuor solæ erant a partibus urbis in quibus habitabant: Suburana, Palatina, Collina, Esquilina.* Livius lib. IX. *Q. Fabius censor, ne humillimorum in manu comitia essent, omnem forenses turbam excreta, in quattuor tribus coniecit, urbanasque eas appellavit; inde Maximi cognomen adeptus est.* Florus ex Livio in ep. lib. XX. *Libertini in quattuor tribus redacti sunt, quum antea dispersi fuissent, Esquilinam, Palatinam, Suburanam, & Collinam.* Asconius in orat. pro Milone: *Libertini (inquit) in urbanis tribus suffragium ferebant. Quæ præcipua causa fuit, ut nobiles se ex urbanis subduxerint, & in rusticæ, quæ horum hominum colluvie carebant, transferrent.*

C A P. L.

De tribubus Rusticis.

DE tribuum rusticarum numero a Ser. Tullio instituto parum inter vetustissimos auctores convenit. Fabius enim Pictor tradidit, agrum Romanum in sex & viginti partes, quas tribus appellavit, Ser. Tullium divisisse; quibus quum quattuor urbanas addidisset, omnium numerum ad XXX. auxit. Venonius vero agrum omnem in unam & XXX. tribus ab eodem rege divisum scripsit; ita ut quattuor urbanis additis quinque & triginta tribuum numerum, qui posterioribus temporibus fuit, ipse expleverit. Caro autem longe omnium diligentissimus, certum earundem numerum non edidit. Dionysius XVII. rusticæ, & quattuor urbanas ab ipso rege factas fuisse innuere videtur, qui ubi iudicium Coriolani describit, unius & viginti tribuum numerum tantum tunc fuisse retulit. Livius vero haud longe post reges exactos, Ap. Claudio & P. Servilio cos. tribuum XXI. numerum factum tradit, ut XV. rusticis a Ser. Tullio institutis, tum duæ forte additæ sint, atque XVII. factæ. Quibus si quattuor urbanas addiderimus, omnes erunt XXI. Catonis in primis, post Dionysii sententiam sequentium, XIV. tribuum adiunctio, quæ a T. Livio accurate refertur confirmare videtur: præsertim quum Dionysius adeo rerum Romanarum scriptor diligens, nullam XXI. tribuum expletionis mentionem faciat post reges exactos, eas tantum Coriolani iudicio XXI. fuisse scriptas. Hæc omnia ut Dionysii, Catonis, & forte Livii sententias confirmant, ita Pictoris & Venonii refellunt. Pictor quidem multa præterea scripsisse traditur a

A vero haud parum abhorrentia, & a Polybio sæpe negligentia reprehenditur. Venonii vero opinionem omnino falsam fuisse non est quod demonstrum, quum liquido constet, quibus temporibus XIV. tribus antiquis XXI. singillatim additæ fuerint. Quam ob rem ego in tanta auctorum diversitate Dionysium in primis, & a quo parum abhorre Livius videtur, sequar, atque a Ser. Tullio XXI. tribus factas fuisse credam. Nam quod post reges exactos ad XXI. auditæ fuerint, quum id a Dionysio præteratur, a Livio vero ita concisè & obscure tradatur, ut ne eandem quidem, ut ejus consuetudo est, nomina afferat, non suscipiam. Hanc eandem sententiam accuratius alia ratione paulo infra confirmabo, quum de XIV. quæ veteribus XXI. additæ fuerint, verba faciam. Superest igitur ut a Ser. Tullio septemdecim rusticæ tribus, & quattuor urbanas factas fuisse dicamus, atque ab eo XXI. numerum auctum. Sugerit lib. IV. Dionysius. *Tullius igitur quum in totidem partes agrum omnem Romanum divisisset* (qui eo tempore ab oriente agris Gabino, & Tiburtino, ab occidente vero & septentrione paulo ultra Tiberim, & Anienem, a meridie autem mari terminabatur, neque ab ulla parte pluiquam XVIII. millia passuum se extendebat) *prope montes, rupe, specus, & per fugia colonis securitatem allatura preparavit, quæ pagos appellavit, quo se ex agris omnes recipiebant, quum hostium incursiones fierent, atque in eis sæpe pernoctabant.* Erant quoque & pagorum magistri, quibus nomina colonorum scire curæ erat, qui eisdem pago attributi erant, atque in ejus jurisdictione prædia haberent: & quum opus esset rusticos ad arma vocari, aut viritum tributa redimi, hi & homines adducebant, & pecunias exigere soliti erant. Ac ne eorum multitudo difficilis inventu esset, sed facile numerari & cognosci posset, aras eos erigere iussit diis pagi inspecturis & tutelariis, quos hostiis publicis magistris pagi cum omni paganorum multitudine singulis annis honorare constituit, & hoc solemnè inter cetera admodum honorabile instituit, quæ Paganalia vocantur. Ac leges eorundem sacrificiorum edidit, quas adhuc Romani observant. Iussit autem omnes qui conventui & sacris Paganaliis interessent, ut per capita singula nummum solverent, alium quidem viros, alium feminas, alium impuberes: ex quibus a pagi magistris numerati, cuiusvis sexus, & ætatis numerus manifestus erat.

Hæc autem sunt, quæ de tribubus rusticis universali quadam ratione inveni, nunc eas singulas describendas aggrediar.

E) *Tribus V. Romilia.*

Tribus omnes rusticæ, quemadmodum & urbanae, initio a locis, in quibus collocatæ fuerant, nomina acceperunt. nam quod a familiis quædam earum nomina habeant, id non sub Ser. Tullio, sed postea factum est, ut ex Livio demonstrabo. Quod autem a locis rusticæ tribus initio nomen habuerint, his verbis indicat M. Varro libro IV. de lingua Latina: *Ab hoc quoque quattuor partes urbis tribus dictæ; & ab locis Suburana, Esquilina, Collina, Palatina. Quinta, quod sub Roma, Romilia. Sic reliquæ extra ab in rebus, de quibus in tribuum libris scripsi.* Ex quibus verbis colligimus, & tribus a locis dictas fuisse, & tribum Romiliam, quam quintam appellat, quod sub Roma esset, vocatam. Hanc autem eam agri Romani partem obtinuisse crediderim, quæ in Tuscia prope urbis mœnia inchoans, secundum flumen, usque ad maris ostia trans Tiberim extendebatur. Quod ex Sex. Pompeio intelligitur, qui de hac tribu sic meminit: *Romilia tribus dicta, quod ex eo agro censetur, quem Romulus cepit ex Veientibus.* Eum porro agrum, quem Romulus de Veientibus cepit, trans Tiberim in Tuscia fuisse, atque ea parte a Janiculo, vel Vaticano usque ad mare se extendisse re-

ferunt Dionysius, & Strabo. Cicero Oratione secunda in Verrem: *Fortem amicum ex eadem familia Q. Verrem Romilia*. Alconius ibidem: *Romilia nomen est tribus ablativo casus, ut sit ex Romilia*. Cicero in Rullum: *A Romilia tribu se initium facturum, populi pars amputetur, ordo tamen negligatur, ante rusticis detur ager qui habent, quam urbanis*. De hac tribu octo vetusta vidi epigrammata, quorum unum est hoc via Gabina inventum.

DIS. MANIBVS

M. AVRELIO. M. F. ROM
VETVRIO
AVG. N. CARTOPHILA
AVRELIA. PROCVLA
VXOR. ET
AVRELIA. PROCVLIN
MAT. FILIO. PIISS
F. E. C

Romæ.

L. CASSIVS. L. F
ROM. NIGER
DOMO. ATESTE
MIL. COH. I. PR
MIL. ANN. XVII
VIX. ANN. XXXVII

Tribus VI. Clustumina.

Clustumina tribus, alias Crustumina (utroque enim modo in vetustis inscriptionibus extare animadverti) a Tuscorum urbe Clustumina, alias Crustumina dicta est. Ita Sex. Pompeius: *Crustumineam autem in Sabinis potius quam in Tuscis fuisse crediderim, haud procul ab urbe Anienem versus*. De qua tribu sic Livius lib. XLII. scribit: *Postquam consul quæ voluerat dixit, sp. Ligustinus ex eo numero, qui tribunos plebis appellaverant, a consule & a tribunis petiit, ut sibi paucis ad populum agere liceret. Permissu omnium ita locutus fertur: sp. Ligustinus trib. Crustumine ex Sabinis sum oriundus Quirites*. Hujus tribus Cic. pro Planco, & pro Balbo sic meminit: *In tribum Crustumineam pervenit L. Cornelius Balbus legis de ambitu premio*. Hujus tribus XIV. inscriptiones vidi, in quibus semel tantum CRV. semper vero vel CLV. vel CLVST. exaratum erat.

Curibus in Sabinis.

L. SVRREDI. L. F. CLV
FELICIS
PROCVRATORI. AB
SCAEN. THEAT. IMP
CAESAR. DOMITIAN
PRINCIPI
CORONATO. CONTRA
OMNES. SCAENICOS

Cavete.

TI. CLAVDIO. DIVI. AVG. F.
AVG. PONT. MAX. TRIB. POT. XX
L. PAVLLVS. L. F. CLV. ATTICVS
PRAEFACTVS. FABRVM. CAER
S. P. EIVS. C. C
Q. Q

Fors Semonii.

C. HEDIO. C. F. CLVST. VERO
EQVO. PVBL. PRAEF. EQVIT. ALAE
INDIANAE. P. F. TRIB. MILIT. IEG. II
TRAIAN. F. PRAEF. COH. II. LIG. EQ
II. VIR. II. VIR. QVINQ. VAESTORI
PATRONO. MVNICIPI. FLAMINI

Tribus VII. Lemonia.

Sex. Pompeius: *Lemonia (inquit) tribus a pago Lemonio appellata est, qui est a porta Capena via Latina*. Cicero in Antonium Ser. Sulpicii Q. F. Lemonia Rufi meminit. Idem pro Planco. *Quid Planco cum Lemonia?* De hac tribu plures vidi inscriptiones, inter quas hæ fuerunt:

Auximi.

L. PRAESENTIO. L. F
LEM. PAETO
L. ATTIO. SEVERO
PRAEF. COH. I. AFR
C.R.EQ.IVDICI. SELECTO. EX
V. DEC. PR. AVXIMI. PAT. COL
AEDILI. II. VIR. ANCONAE
VIBIA. L. F. MARCELLA
FLAMINIA. AVGVST
MARITO. OMNIBVS. EXEM
PLIS. DE. SE. BENE. MERITO
CENAM. COLON. ET. EPVL
POP. DEDIT

Romæ in colle Palatino.

IOVI. OPTVMO
SERVATORI
M. RVSPIVS. M. F
LEMONIA
VLPIANVS. MILES
VETERANVS
S. P
V. T. S

Tribus VIII. Pupinia.

Tribum Pupiniam in vetustis epigrammatibus PVP. POP. PVPINIAM. ET. POPINIAM exaratam fuisse notavi, magna enim recte Quintiliano inter O. & V. affinitas est. Sic Popillia, & Pupillia, Poblilia, & Publilia scribi animadverti. De hac ita scribit Sex. Pompeius: *Pupinia tribus ab agro Pupino*. Hic ager in Latio cis Tiberim ad mare vergens, haud longe ab urbe erat. Quod Livius libro vigesimo sexto, his verbis aperte docet: *Hannibal infestus perpopulato agro Fregellano propter intercisos pontes, per Frusinate Ferentinatempque, & Anagninum agrum in Labicanum venit*. Inde *Aligido Tusculum petiit, nec receptus manibus infra Tusculum dextrorsus Gabios descendit*. Inde in Pupiniam exercitu dimisso octo milia passuum a Roma posuit castra. Valerius Maximus lib. IV. cap. IV. *Ubi etiam praedivites, qui ab aratro accersiebantur, ut eos fierent, voluptatis causa sterile, atque aestuosissimum Pupiniae solum versabant*. Et paulo post: *Atilius consulibus scripsit villicum in agello, quem septem jugerum in Pupinia habebat, mortuum esse*. Cicero ep. fam. VIII. C. Lucretii C. F. Pup. Juri; & ad Q. fratrem libro primo, Cn. Nerii Pupinia meminit. De qua tribu has suggerere placet inscriptiones:

Saffinae.

L. APPAEO. L. F
PVP
PVDENTI. P. P
TRIB. COH. XII
VRB. ET. X. PRAET
FLAMINI. FLAV
PATRONO

Romæ in hortis Julii.

DIS. MANIBVS
L. TITIL. F. PVPINIA
MACRI. VI. VIRI
DECVRION
LAVDE. POMPEIA
VIXIT. ANNOS. XXX
Z ij

TITIA . RHODE
MATER. ET
SALVIVS. VICTOR
CONLOC. F

Tribus IX. Veientina.

De tribu Veientina Cicero pro Cn. Plancio meminit ita: *Quid Plancio cum Lemonia? quid cum Veientina?* Hæc autem ab agri Veientis parte appellata fuit; qui trans Tiberim in Tuscia supra urbem Vejovis versus erat, de Veientibus a Romulo captus. nam agrum a Vaticano mare versus tribus Romilia obtinebat.

De hac quoque vetera hæc vidi epigrammata:

Q. GAVIVS. Q. F.
VEIENTINA
APVSIVS

Item Rome in insula.

T. RVNCANIVS
T. F. VEIEN
ASTVRIVS

Tribus X. Galeria.

Quum animadverterim unam & viginti tribus a Scr. Tulio additas, omnes aut a locis, aut a nobilissimis familiis nominatas fuisse, in hanc deveni sententiam, ut Galeria, Pollia, & Voltinia, quæ in earum numero fuerunt, a locis quoque appellationem obtinuisse, quorum tamen apud nos memoria omnino intercidit; nam eas familias neque etiam plebeas, necdum patricias fuisse hac potissimum ratione suspicatus sum, quod nullam earundem mentionem unquam fieri cognovi, quemadmodum aliarum familiarum, quæ postea tribubus nomina reliquerunt, ut Aemiliæ, Corneliæ, Fabiæ, Horatiæ, Menenæ, Papiriæ, Sergiæ, & Veturiæ. Nam illud dici non posse existimo, eas quidem familias fuisse, verum prisca illis temporibus extinctas; quod non statim, ut tribus factæ sunt familiarum nomina, sed longo tempore post a nobilissimis familiis obtinuerint. Quod si hæc ignobiles vel deperditæ familiæ fuissent, nulla ratione credendum est, eas tribubus nomina sua indidisse. Tribus igitur Galeria & duæ sequentes a locis nomina sortitæ sunt, nobis modo incognita. Nihil eam a Galeo flumine dictam velimus Galeam, post Galeriam, cujus fluminis meminit Virgilius, qui in Tuscia erat; de qua Livius libro vigesimo septimo ita scribit: *Galeria juniorum, quæ sorte prærogativa erat, Q. Fulvium, & Q. Fabium consules dixerat, eodemque jure vocatæ inclinassent*, &c. Et Plinius libro septimo, cap. XLVIII. M. Mucium M. F. Galeria Felicem commemorat. In antiquis quoque lapideis monumentis, ita Galliæ tribus mentionem fieri inveni:

Rocæ juxta Neapolim.

N. PETTIO. N. F.
GAL. RVFO
II. VIRO. Q. ALIMENT
CVR. PEC. PVBLICAE
CVRATORI. FRUMENT
CVLTORES. IOVIS
OB. MERITA. EIVS
L. D. D. D

Compsæ.

M. MINDIVS. M. F. GAL
MAXIMVS
STATVAM. MERCVRII. OB. HO
NOREM. QVINQ. POSVIT
CVIVS. DEDICATIONE. DEDIT
POPVLO. VIRITIM. DENARIOS
SING. L. D. D. D

Rome.

C. ACILIVS. T. F
CAPITO. GALE
RIA. BILBILI
MIL. COH. X. PR
7. MART
VIX. ANN. XXV. MIL
ANN. IIII. T. P. I

Tribus XI. Pollia.

De tribu Pollia Livius libro VIII. ita meminit: *Tribus omnes præter Polliam antiquarunt legem in Tusculanos latam. Memoriamque ejus iræ, Tusculanis in pæne tam atrocis auctores mansisse ad patrum ætatem constat, nec quemquam ferme ex Pollia tribu candidatum Papirium ferre solitum.* Et lib. XXXIX. *Quum ad tribum Polliam ventum est, in qua M. Livii nomen erat, & præco cunctaretur citare ipsum censorem, cita, inquit Nero, M. Livium, &c. Utriusque rei meminit etiam Valerius lib. II. cap. IV. & lib. IX. cap. X. De hac tribu hæc antiqua monumenta mentionem faciunt:*

Rome ad SS. Cosmam & Damianum.

SEX. TRVTTEDIO. SEX. F
POL. MAXIMIANO
FVI. AD. SVPEROS. MENSES. VII
TRVTTEDIVS. CLEMENS
TRIB. COH. II. VRB
ET. MARINA. PROCVLA
FILIO. CARISSIMO

In domo Colorii.

M. BAL LONIO
M. F. POL. PAVLIO
MVTINA
MIL. COH. X. PR. 7
FRONTONIS. MIL
ANN. VIII. VIX. ANN
XXXVI. T. P. I

Tribus XII. Voltinia.

De hac tribu Cicero pro Plancio sæpe mentionem facit; ita enim ait: *Quas tribus edidisti? Terentinam credo, aut Voltiniam.* Et paulo post: *Voltinia tribus ab hoc corrupta, Terentinam habuerat venalem, quid diceret apud Voltinienfes, aut tribules suos judices?* Et alibi: *Plures te testes habere de Voltinia, quam quot in ea tribu puncta tuleris.* Multos hujus tribus lapides vidi, in quibus VOL. VOLT. VOLTIN. & VOLTINIA exaratum erat, ut hic:

Reate.

SEX. TADIVS. SEX. F. VOL. LVSIVS. NEPOS
PAVLLINVS
PRO. COS. SORTITVS. PROV. CRET. CYR
LEG. PRO. PR. PROV
AFRIC. PRAEF. FR. D. LEG. PROPR. PROV
ASIAE. LEG. PROPR. PROV
MAC. PRAET. CAND. AED. CVR. Q. PROV
PONT. ET. BIT. TR. MIL. LEG
IIII. F. F. X. VIR. STLTITIB. IVDIC. VIII. VIR. II
Q. Q
MVLVIA. C. F. PLACITA. MARITO. OPTIMO
ET. SIBI

Rome apud Gentilem Delphinium.

L. IVLIVS
M. F. VOLT
FVSCVS
AQVENSIS
OLEARIVS

In hortis Julii Romæ.

INNOCVVS. APER. ECCE. IACES. NON
VIRGINIS. IRA
NEG. MELEAGER. ATROX. PERFODIT
VISCERA. FERRO
MORS. TACITA. OBREPSIT. SVBITO
FECITQVE. RVINAM
QVAE. TIBI. CRESCENT. RAPVIT. IVVENILE
FIGVRAM
T. STATILIO. T. F. VOL. APRO. MENSORI
AEDIFICIOR. VIXIT. ANN. XXII. M. VIII
D. XV
T. STATIVS. VOLTINIA. PROCVLVS
ACCENSVS. VELATVS. ET. ARGENTARIA
EVTYCHIA. PARENTES. FILIO. OPTVMO. ET
ORCVIAE. ANTHIDI. V. XORI. EIVS. SIBI
QVE. ET. SVIS
LIBERIS. LIBERTABVS. POSTERIS. QVE
EORVM

Tribus XIII. Claudia.

Sequentes novem tribus, quæ familiarum nomina habent, a locis antea appellatas fuisse, præter Varro- nis auctoritatem, testimonio etiam esse potest tribus Claudia, quæ quum verus esset, aliudque nomen a loco procul dubio haberet, a gente Claudia in cam- relata novum nomen assumpsit. Quod his verbis do- cet libro II. Livius: P. Valerio III. T. Lucretio II. eos. seditio inter belli pacisque auctores orta in Sabinis, aliquantulum inde virum transfudit ad Roma- nos. Namque Aëtius Clausus, cui postea Ap. Claudio fuit Romæ nomen, quum pacis ipse auctor, a turba- toribus belli premeretur, nec par factioni esset, ab Regillo magna clientium comitatus manu Romam trans- fugit: his civitas data ægerque trans Anienem. Vetus Claudia tribus additis postea novis tribulibus, qui ex eo venerant agro, appellata. Appius inter patres lectus, haud ita multo post in principum dignationem pervenit. Idem tradit Dionysius lib. v. his verbis: Claudius opibus & amicis assumptis ex Sabinis Romam migravit. Quem S. P. Q. R. in patricios conscrip- sit, locumque in urbe pro domo construenda concessit. Agrum quoque ei publicum tradidit, qui inter Fidenas & Piculiam erat, quem posset suis dividere; a quibus tribus facta est Claudia vocata, quæ usque ad mea tempora manet, idemque nomen seruat. Et Virgil. lib. VII.

Claudia nunc a quo diffunditur & tribus & gens. Et Pedianus pro Scauro cuiusdam Servilii Claudia Glaucia meminit.

Romæ ad turrim Sabellam.

C. POETELIVS
C. F. C. L. A
P. A. V. L. V. S
EMONA
MIL. COH. III. PR
7. FECEN
MIL. ANN. VIII
VIX. AN. XXVII
T. F. I
In vinea Carpens.
M. AEMILIO. M. F
CL. NIGRO. ARA
MIL. FR. VM. LEG. XXX. V. V
F. C. H

Romæ.

M. SATVRNIVS
M. F. CLA
M. A. X. I. M. V. S
CELEIA. EQ
COH. X. PR. 7

A

APTI. MIL. ANN
XII. VIX. ANN
XXX. H. F. C

Tribus XIV. Aïmilia.

Claudia exemplum multæ præterea tribus sequen- tæ sunt: hæ antiquis nominibus quæ a locis acce- perant dimissis, nobilissimarum gentium, quæ in sin- gulas sese transfulerant, nomina acceperunt, ut Ai- milia, Cornelia, Fabia, Horatia, Menenia, Papiria, Sergia, & Veturia. Hæ enim familiæ circa tempo- ra partæ libertatis patriciæ & celeberrimæ in urbe erant. Nam eas primo in quattuor urbanas conjec- tas fuisse aperte indicat Dionysius, quandoquidem om- nes, qui urbem habitarent, ex instituto Ser. Tul- lii, principio unam ex his quattuor urbanis tribubus obtinere necesse esset, sicut qui agros, rusticas. Ve- rum quum ob forenses turbas in eas conjec- tas, viles haberi cœpissent, factum est, ut illustres fami- liæ in eas passim tribus nomina darent, seque trans- ferendas curarent, in quibus agros suos habuissent, eisque nova nomina tribuerent. Ita igitur gens Ae- milia, Cornelia, Fabia, & reliquæ omnes, Clau- dia forte exemplo, vetera nomina tribubus, in quas translatae erant immutarunt, novaque ab se tradide- runt. Qua re factum fuisse opinor, ut multæ tribus fuerint quæ plures haberent appellationes, quod ita fuisse etiam paulo post ostendam. Una igitur ex an- tiquis Ser. Tullii rusticis tribubus fuit, quæ postea Aïmilia appellata est ab Aïmilia gente, quæ Romæ fuit nobilissima; de qua tribu Livius lib. XXXVIII. sic meminit: Rogatio perlata est, ut in Aïmilia tri- bu Formiani ac Fundani, in Cornelia Arpinates fer- rent, atque in his tribubus tum primum ex Valerio plebiscito censi sunt. De eadem Cicero ad Atticum ep. lib. II. ita mentionem facit: Formianorum tri- bum Aïmilian.

C

D

Romæ in crypta S. Sebastiani.

L. ABERIO. L. F. AIM
COCCEIO. LEPIDO. PROC
RAET. TR. PL. QVAEST. LEG
ASIAE. LEG. PRO. PR. AFRICAE
MISSO. AD. PRINCIPEM. TRIB. MIL
LEG. XXII. PRIMIGENIAE
X. VIR. STLIT. IVD
APOLLONIVS. LIMENA
CYPRI

Romæ in domo Bubalorum.

D. M. S
T. AELIO. T. F. AEMI
MARCELLO. DOBI
RO. MIL. COH. III. PR
7. FELICIS. MIL. ANN
VI. VIX. ANN. XXV
T. FLAVIVS. PETRONI
ANVS. MIL. COH. II
PR. 7. CLEMENTIS
HERISEVS. MVNI
CIPI. SVO. B. N. M
FECIT

E

In Sabinis.

Q. VIBIO. Q. F. AIMILIA
VETENIO. EQVO. SEVERO
DVCENTANO. TRIB. SEMPR. PR
LEG. XXII. PRIM. AVG. P. F
SEMPRON. COH. II. CLASSIS. G
PATRONO. AEQVICVLA
GEST. TR. IVVENT. TREBVL
MVTVSTAE. QVI. OBLA
TA. SIBI. STATVA. AB
IIS. HONORE. CONTEN
TVS. IMPENSAM. REMISIT
Z iij

F

Tribus XV. Cornelia.

De tribu Cornelia, quæ & ipsa a nobilissima gente Cornelia nomen obtinuit, Livius lib. XXXVIII. ubi de Æmilia, & sequentes inscriptiones mentionem faciunt;

Romæ.

C. I V L I V S
C. F. C O R
P V D E N S
T H E S S A L O N I C A
M I L. C O H. V I I. P R
7. M A T V R I
M I L. A N N
X V I. V I X. A N N
X X X V. M E N S. V I
E X. T E S T A M E N
T O. F I E R I
I V S S I T. S I B I

Tibure.

D I S. M A N
L. A V T I O. L. F. C O R N E L
C A P I T O L I N O
M I L. C O H. V I. P R A E T O R
V I X. A N N. L X I I X.
L. A V T I V S. L. F. C O R N E L
L A T I N V S
F R A T R I. K A R
H. S. E

Tribus XVI. Fabia.

Et hæc tribus a Fabia gente, quæ in eam relata fuit, nomen obtinuit, de qua Tranquillus in Augusto cap. XL. Fabianis & Scaptienibus tribulibus suis die comitorum singula millia nummum a se dividebat. Et Horat. lib. I. Epist. VI.

Hic multum in Fabia valet, ille Velina.

Huius quoque tribus vetusta extant hæc epigrammata:

Brixie.

C. P O N T I O. C. F. F A B
P E L I G N O. T R I B. M I L
L E G. X. G E M. Q. C V R A T
L O C O R. P V B L I C
I T E R V M. A E D I L. C V R V L
L E G A T O. P R O. P R. I T E R V M
E X. S. C. E T. E X. A V C T O R I T A
T E. C A E S A R I S. D D

In Æquiculis.

T. P E T I D I O. T. F
F A B I A. C E S S I N O
V I I I. V I R O. A E D I L. P L E B
P O T E S T A T I S. V I I I. V I R. I I
F A N O R. V I I I. V I R. I I I. A E R A R I
A D L E C T O. S V P R A. N V M E R
S E V I R V M. A V G V S T A L I V M
P L E B I S. S. T R E B V L A N. M
O B. M E R I T A. E I V S
L. D. D. D

Tribus XVII. Horatia.

Horatiae tribus nullam apud veteres auctores mentionem adhuc fieri inveni, quanquam marmoreæ inscriptiones frequenter ejus meminerint. Quum autem aliquot tribuum nomina præter XXXV. in antiquis monumentis extare manifestum sit, ut Oericulanae, Cluentiae, Cluviae, Æliae, Papiae, & aliarum quarundam, quas omnes paulo post enumerabo, hanc potissimum multas ob causas præ ceteris elegi,

A quæ XXXV. numerum expleret. Primo quia nulla earum veterum scriptorum auctoritatem habet. Deinde quia (quamquam nec Horatiae nemo veterum scriptorum meminerit) ipsa a nobilissima gente nomen obtinuit, ut pleraque aliae. Quæ nisi præcis his temporibus denominata sit, non video quam ratione posterioribus sæculis tribus nomen obtinere poterit, quum ea gens circa quadragesimum ab urbe condita annum memorari desinat. Ceterarum enim extra XXXV. numerum origo aliqua ratione conjici potest, quod de Horatia dici omnino nequit, quæ omnia ex aliarum disputatione apertiora fient. Postremo, quod nullam invenerim tribum, B præter Horatiam, quæ si eam in XXXV. numerum constituamus, aliquid controversiæ non patiatur. Hæc autem ex ceterarum examinatione longe facilius demonstrari poterunt. Inter omnes enim tribus, quæ XXXV. superfluum, auctoresque non habent, sed ex lapidibus acceptæ sunt, una tantum Oericulana, quæ & ipsa scriptorum testimonio caret, Horatiae loco reponi posset. Sed eam inter XXI. priores nulla ratione constitui posse, quum de ea verba faciam, ostendam. De tribu porro Horatia inter multas quas vidi inscriptiones, hæ præcipuæ sunt:

C. Castellane.

M A M M I A E. C. F
I V S T A E
Q. T V L L I V S. Q. F
H O R A T
C I N C I V S. P R I S C V S

Civitatis Castellane.

Q. A L B I O. Q. F. H O R. I L L I C I
7. L E G. X X. V. V
C O R N I C V L A R I O. P R. P R
D O N I S. D O N A T O. A B. D I V O
T R A I A N O. A V G.
T O R Q V I B V S. A R M I L L I S
P H A L E R I S. B E L L O. P A R T H I C O. E T. A B
I M P. C A E S A R E. T R A I A N O
H A D R I A N O. A V G V S T O. H A S T A. P V R A
E T. C O R O N A. A V R E A
A V I L I A. S O T H E R I S. M A T E R
F I L I O. O P T I M O. P I E N T I S S I M O
L. D. D. D

Spoleti.

M. S E P T I M I O. M. F. H O R
S E P T I M I A N O
E Q V O. P V B L I I I. V I R. I D
P R A E F. F A B R. R O M A E
D E C. I I I I. S C A M I L L A R
O P E R A E. V E T E R E S
A S C A E N A. P A T R O N O. O B
M E R I T A. E I V S. L. D. D. D

Tribus XVIII. Menenia.

F Menenia tribus, quæ ex hoc corrupto Josephi loco antiquitatum libro XIII. L. Manlius L. F. Mentina, in Mentinam se transformaverat, nunc demum vetustæ inscriptionis auxilio, quæ Feltriae extat prope ecclesiam cathedrali, pristino splendore restituta est. Quamquam enim frequens de ea in antiquis epigrammatibus mentio esset, tamen quia nunquam, non nisi hac nota MEN. exarata fuerat; res dubia & anceps diu fuit, quum tam Mentina quam Menenia interpretari posset, Mentinamque Josephi testimonium confirmaret. Quod erratum esse, multis adducor rationibus ut credam; primum quia vox Mentina nullam habet significationem, deinde quia facilis lapsus fuit a MEN. vel etiam MENE- NIA in Mentinam, & præsertim in Græco scriptore, si tamen id vitium, quod vix credo, admisisset, librariique erratum non fuerit; ad hæc tribum

MEN. quæ frequens est, pro Menenia interpretari A
posse ex Feltria inscriptione didicimus. quod si Me-
nenia tribus fuit, procul dubio ob easdem rationes,
quas de Horatia attuli, ex antiquis XXI. fuit, quo
tempore gens Menenia, a qua tribus nomen accep-
tit, maxime florebat, cujus postea memoria (in-
credibile dictu) quam cito defecit. Postremo est hic
Ciceronis locus epist. familiarium libro XIII. sic scri-
ptus: *P. Rupilius P. F. Men.* qui in vetustis codici-
bus modo Menenius, modo Menius legitur, nun-
quam Mentinus; ita ut facilis lapsus fuerit ex Me-
nenia, Menenius. Lapidem autem qui de Menenia
mentionem faciunt inter plures, hi præcipui sunt:

*Apud Feltriam levia, cum cathedralem adem
ingredieris.*

C. FIRMIO. C. F.
MENEN. RVFINO
EQ. PVB. LAVREN
LAV. DEC. FLAMIN
PATRONO. COLLE
GIORVM. FAB. CENT
DENDR. FELTRIAE
ITEM. QVE. BER. VENS
COLLEG. FABR. ALTI
NATIVM. PATRONO

Vicetia.

V. F.
Q. IVLIVS. Q. F.
MEN. CATVLVS

III. VIR. MISSVS. HONES
TA. MISSIONE. EX. COH. VI
PR. SIBI. ET. COELIAE. SEVERAE
VXORI. SANCTISSIMAE. POST
OBITVM. ET. POMPELAE. MAN
SVETAE. SOCRVI. OPTIMAE
ET. HOSTILIAE. SERENAE
CONIVGI. CARISSIMAE
H. M. H. N. S.

Beneventi.

C. CATIO. G. F. MEN. BALBO
OPE. TREICIAE. C. F. PVLLAE
HOS. DECVRIONES. FVNERE
PVBLICO. DE. FOROETRIO. DIALE
EFFERENDOS. ET. HIC. HVMANDOS. CENS
FVFISIAE. A. L. VIOLAE
C. CATIVS. G. F. MEN. GALLVS
PARENTIVS. ET. VXORI

Tribus XIX. Papiria.

Et hæc tribus a gente Papiria nomen accepit. De
qua ita tradit Sex. Pompeius: *Papiria tribus a Papi-
rio vocata.* Livius libro VIII. Memoriamque ejus ire
Tusculanis mansisse ad patrum ætatem constat, nec
quemquam ferre ex Pollia tribu candidatum Papi-
riam ferre solitum. Hujus tribus inter multa vetera
hæc epigrammata suggeram:

Aletri.

L. CALPV RNIO. L. F. PAPIRIA. ASELLIO
VI. VIRO. AVGVSTAL. ET. PONTIFICI. MIN
DEI. LIBRI. INVICTI
CALPV RNIA. HILARA. MARITO
OPTIMO. SANCTISSIMO
BENE. MERENTI. FECIT

In Sabinis.

DEO. INVICT
SERAPI. ET
SERVATORI
DIVINVS. D. F. PAPIRIA
VAERGVLENVS
AENEATOR. LEG. VIII
CL. GEMIN. P. FIDEL
NVMINI. TVO. VOTO
SVSCEPTO. D. D

Fulginei.

P. AELIO. P. F. PAPIR
MARCELLO. CENT
FRVM. SVB. PRINCIPE
PEREGRINOR. ADSTATO
ET. PRINCIPI. ET. PRIMIPILLO
LEG. VII. GEM. PIAE. FEL

Tribus XX. Sergia.

De tribu Sergia, quæ & ipsa a gente ejusdem no-
minis appellationem obtinuit, Pedianus in Corne-
lianam ita meminit: *Sergia & Quirina damnave-
runt.* Et Frontinus lib. II. de Aquæductibus. *Verba
legis: T. Quinctius Crispinus cos. populum jure roga-
vit, populusque jure scivit in foro pro rostris ædis di-
vi Julii populi Romani, & Julii, tribus Sergia prin-
cipium fuit, pro tribus Sex. &c.* Hujus tribus hæc ve-
tusta saxa meminerunt.

Astii.

C. RASINIO. C. F. SER
TETTIANO
PRAEF. FABRV M. III. VIR
PRAEF. COH. PRAETOR
PATRONO. MVNICIPI

Brundisii.

A. GABINIVS. A. F. SERG
PONTIANVS
MILES. LEG. XX. CANDI
DATVS. TI. CAES. AVG
RELATVS. IN. PRAET
VIX. AN. LIIIX M. V
H. S. E.

Ameria.

D I S . M A N I B V S
OCTAVIVS. IVNVS. IVNIF
SERGIA. FAVSTINIANVS
AMERIA
VII. VIR. EPVLON. PROCV
RATOR. OPER. PVBLIC
H. S. P. D. V

Tribus XXI. Veturia.

A gente Veturia & hæc tribus nomen vetere re-
lictio mutuata est, ut pleræque alia; de qua Livius
libro XXXVI. ita scribit: *Fulvius Romam comitorum
caussa accersitus, quum comitia consulibus rogandis
haberet, prerogativa Veturia juniorum declaravit
T. Manlium Torquatum, & T. Otacilium.* Et pau-
lo post: *& redire in suffragium Veturiam juniorum
juberet.* Et item: *Tum Veturia & auctoritate mota
viri, & admirantium circa se fremitu, petiit a consu-
le ut Veturiam seniorum citaret, velle sese cum ma-
joribus natu colloqui, & ex auctoritate eorum consu-
les dicere.* Citatis Veturia senioribus datum secreto
in ovili cum his colloquendi tempus, seniores de tri-
bus consulendum esse dixerunt, &c.

Hujus quoque tribus hi lapides extant.

SEX. APVSIVS
SEX. F. VET
B A E B I V S
VOLSCIB. LATIN

Item:

C. CASSIVS. C. F. VET
MODESTINVS

Hispelli.

SEX. CALPV RNIVS
SEX. F. VETVRIA
QVINCTIANVS

Hæc porro sunt unius & viginti tribuum nomi-
na, quas a Ser. Tullio factas fuisse existimo. De
quibus libro VII. ubi de judicio Coriolani agitur, ita

scribit Dionysius: *Ubi vero tulere omnes tribus suffragium, dinumeratis calculis non magnum discrimen apparuit; una enim & viginti cum essent tribus, quibus calculi dati sunt, novem eum absoluerunt, ita ut si eis duæ aliæ tribus accessissent, ex suffragiorum æqua parte ex lege absolvi posset.* Quoddam vero, atque etiam me ipsum movent verba Livii lib. II. *Ap. Claudio, P. Servilio cos. Romæ tribus una & viginti factæ.* Quod si eo anno, non igitur a Ser. Tullio factæ sunt. Si autem Livii verborum rationem habere velimus (quamquam de ea re nihil apud Dionysium reperiatur) decem, & novem tribus a Servio factas dicemus, atque hoc anno duabus additis ad unam & viginti auctas. In his autem alteram esse Clustuminam suspicari ex eo possumus, quod quadriennio ante T. Ebutio & C. Vetulio Cos. Crustumeria capta ab eodem Livio referatur. Quæ vero altera esse poterit, ne divinando quidem consequi potui. Ceterum ego unius, & viginti tribuum institutionem integram Servio tribuere malim, quam has duas hoc tempore factas affirmare. Utcumque res sit, illud satis constat, unam, & viginti tribus hoc tempore Romæ fuisse: quæ omnes aut a locis in quibus erant, aut a nobilissimis Romanis gentibus nomina adeptæ sunt.

Tribus XXII. Stellatina.

Quattuordecim deinceps tribuum, quæ quinque & triginta numerum supplerunt, adjectio, & quæ quoque anno addita sit, aperte ex Livio deinceps intelligemus. Anno enim post urbem conditam CCCLXV. altero post eam a Gallis captam in civitatem accepti, qui Vejentium, Capenatiunque ac Faliscorum per ea bella transfugerant ad Romanos, ægerque iis novis civibus assignatus. Ita Livius lib. VI. Et biennio post lustro XVII. Tribus quattuor ex novis civibus a Censoribus additæ Stellatina, Tromentina, Sabatina, Arniensis. Eæque viginti quinque numerum explevere. Hæ vero tribus non ita necessærio (ut multi existimant) appellatæ sunt, quod ipsarum ager ad campum Stellatæ, & Tromentum vel lacum Sabatæ, aut prope Arnem esset, ea enim loca longe extra agrum Romanum erant, qui nunquam ad Arnem se extendit, sed quod ii qui ex illis regionibus Romam venerant, atque civitate, & agris donati fuerant, illis agri Romani partibus quas sortiti essent, nomina ea tribuerint, ab iis regionibus scilicet, unde ipsi commigraverant. Quod ita esse latius paulo post aperiam. Quam autem propter novos cives Tuscos, hæ tribus additæ sint, vero simile est, eas omnes in Tuscia fuisse. Ex quibus prima Stellatina, non in Campania, ubi erat campus qui Stellas appellabatur, sed in Etruria fuit; hoc enim tempore Romanorum imperium Capuam usque non extendebatur, nec ullum inter Romanos Campanosque socius adhuc intercefferat. In Etruria ergo fuit, quod ex Sex. Pompeii fragmento liquet sic: *Stellat eo, qui in Campania est, sed eo qui pena. Ex quo Tusci profecti in campum appellaverunt.* Quæ verba sic ego restituerem: *Stellatina tribus dicta non est a campo eo qui in Campania est, sed eo qui in Etruria, regione Capena, ex quo Tusci profecti, cum Stellatæ campum appellaverunt.* Hæc autem sic restitui, quod in Tuscia Capenates erant populi ad lucum Feroniæ, & inter Tuscos populos Stellas quoque enumerantur. De hac etiam tribu multas inscriptiones vidi, quarum præcipuæ hæ sunt:

Urbini.
F. FLAVIO. L. F
STE. CIMBRO
PONT. AED. BIS
IIII VIR. I. D. QVINQ
PRAEF. FABR
D. D

Galcate.

Q. VELCENNAE
L. F. STEL
P. R. O. C. V. L. O
D. E. C. V. R. I. O. N. I.
M. E. V. A. N. I. O. L. A. E.
C. C. M. M. PATRONO
HONORE. CONTENTVS
IMPENDIVM. REMISIT
ET. DEDICATIONE. STATVAE
NVMER. COLL. IPSORVM
SPORTVL. DEDIT
SINGVL. DENARIOS. BINOS
L. D. D. D

Romæ.

SOLI INVICTO
MITHRAE
T. ANTISTIVS
T. F. STELLA
TINA. SEVE
RIANVS. DE
DICAVIT

Tribus XXIII. Tromentina.

Tromentina tribus a campo Tromento dicta. Sex. Pompeius. Is campus in Tuscia fuit, ex quo quum aliquot Romam perfugissent, & civitate donati, in quattuordecim tribus coniecti, agri populi Rom. partem obtinissent, uni earum Tromentinæ nomen posuerunt. Tromentum autem campum in Tuscia esse incerti auctoris libro satis liquet. Hæc tribus cum Stellatina addita est anno urbis CCCLXVII. De qua hæ inscriptiones mentionem faciunt:

Perusii.

C. BETVO. C. F. TRO
CILONI. MINVCIANO
VALENTI. ANTONIO
CELERI. P. LIVVIANO
AEDILI. II. VIR. CVINO
SACERDOTI. III. LVCORVM. PR
VMBRIAE. XV. POPVLORVM
PATRONO. MVNICIPI
BETVRES. PECTILLA. FILIA
PATRI. PISSIMO. L. D. D. D

Perusii.

C. VIBIO. C. F. L. N. TRO
GALLO. PROCVLEIANO
PATRONO. PERVSINORVM
PATRONO. ET. CVRATORI. R. P. VET
TONENSIVM. IVDICI. DE. V. DEC. AEDI
LI. PATRONO. COLLEGI. CENTON
VIBIVS. VOLDVMIANVS
AVO. CARISSIMO. OB. CVIVS
DEDICATIONEM. DEDIT
DECVRIONIBVS. II. PLEBI. II
L. D. D. D

Tribus XXIV. Sabatina.

Sabatina tribus a lacu Sabate dicta. Ita Sex. Pompeius. Sabatis autem lacus in Tuscia fuit, atque nostra ætate appellatur Anguillaræ. Hæc cum duabus superioribus propter novos cives addita est. De qua ejusmodi extant inscriptiones:

Apud G. Delphinium.

C. RVTILIO. C. F.
SAB. HOMVN
CIONI. MANTVA
MIL. COH. VII. PR
7. VALLI. MIL
ANN. XIII. VIX
ANN. XXXII
H. B. M. F. C

Romæ via Latina.

L. IVNIO. L. F. SABATI
NA. POLIONI. AV
ROMATARIO. AVIC
PVBL. VIX. ANN
XLVII

Tribus XXV. Arniensis.

Hæc tribus in vetustis monumentis & Arnenfis, & Arniensis appellatur, quæ passim in Narniensem se transformaverat, quum Arniensem legendum sit. Dicta autem est ab Arno Tuscæ amne, cum tribus superioribus, Livio libro VI. auctore, propter novos ciues anno urbis CCCLXVIII. a censoribus addita. De hac tribu Cicero ita in Rullum meminit: *A Suburana usque ad Arniensem*; & Livius lib. XXIX. C. Claudius Nero Censor ex tribu Arniense. Idem Valerius libro II. cap. IV. tradit. Vetusta vero epigrammata sunt hæc:

Vulsiniis.

IN. ITALIA. VOLSINIENSIVM
PATRIAE. SVAE. ITEM. FERENT
ET. TIBVRIVM. ITEM. COLON
ITALICENSIVM. IN. PROV. BAETICA
PRAET. ETRVR. XV. POPVLOR
SACERDOTI. CAENIENSIVM
M. HELVIVS. M. F. CLEMENS. ARNEN
SIS. DOMO. CARTHAGINAE. PRAEF. EQ
ALAE. PRIMAE. CANNANEFATVM
PRAESIDI. SANCTISS. ET. KARISSIMO
CVRA. AGENTE. L. ACONIO. CALLISTO
TR. MIL. LEG. XIII. GEM. SEV

Item:

C. CVRTIVS. P. F. PAL. NERVA. IIII. VIR
P. SILVIUS. P. F. ARNIEN. PAETINVS. IIII. VIR
C. RVSTIVS. C. F. QVARTVS. VEL. IIII. VIR
T. FLAVIVS. T. F. ARN. SABINVS. IIII. VIR

Tabella.

M. CAESTIVS
C. F. ARN
CLEMENS

Tribus XXVI. Pomptina.

Post superiores tribus additas, ipso loco sequitur Livius. De agro Pomptino a L. Sicinio tribuno plebis actum ad frequentiore jam populum, mobilioremque ad cupiditatem agri, quam fuerat: cura majoris belli quod Etruria in armis erat, dilata res est, &c. Hic ager Anxur quæ nunc Terracinae sunt ann. CCCLXVIII. Volsicis ereptus fuerat. Suggestit Livius lib. VI. Anno urbis CCCLXXII. Hostes novi præter Volsicos, velut sorte quadam prope in æternum exercendo Romano militi datos, Circeosque, & Velitras colonias jam diu molientes defectionem, & suspectum Latium, Lanuvii etiam, quæ fidelissima urbs fuerat, subito exorti. Id patres rati contemptu accideret, quod Veliternis civibus suis tamdiu impunita defectio esset, decreverunt ut primo quoque tempore ad populum ferretur, de bello eis indicendo, ad quam militiam, quo paratior plebs esset, quinque viros Pomptino agro dividendo, & III. viros Nepet colonia deducende crea-

A verunt. Propter hanc causam, aliquot annis post C. Fabio Ambusto, & C. Plautio Proculo Cos. anno urbis CCCLXCVI. a Censoribus M. Fabio &.... duæ tribus additæ sunt, Pomptina, & Popilla, alias Popillia, in quas tum qui agrum Pomptinum sortiti erant, tum novi alii ciues, qui in dies civitate donabantur, coniecti sunt. Sex enim Pompeius, Pomptinam tribum a Pontia urbe dictam scribit, aqua & ager Pomptinus appellatus est. Hæc in Volsicis erat prope Terracinas. De hac tribu Cic. epist. IV. ad Atticum: Tribus habet Pomptinam, Velinam, & Meciam. & IX. epist. Fam. lib. L. Julius L. F. Pom. Annalis. Hæc in antiquis marmoribus & Pontina, & Pomptina exarata est, ita:

Præneste.

DIS. MANIBVS. S
T. FLAVIVS. T. F. PONT
SABINVS
VIX. ANN. LXVI. M. VII
D. VIII. HOR. VIII
H. S. E

Præneste.

DIS. MANIBVS
L. IVNIVS. L. F. PONT
TINA. ACVLNIVS
MIL. LEG. II. PARTH
MIL. AN. IX. VIX. ANN
XXXXVI
H. F. C

Romæ.

L. TARQVITIO
L. F. POMP
E. T. R. V. S. C. O
S. V. L. P. I. C. I. A. N. O
SCRIBAE. QVAESTORIO
EX. TESTAMENTO
DE. HS. XX

Romæ in domo Coritii.

M. LARGIVS. L. F.
POMPTINA
PVDENS. VETER
T. F. I. ARBITRIO
LARCIAE. FORTVNATAE
V. X. O. R. I. S
H. M. H. N. S

Tribus XXVII. Popilla, alias Popillia, alias Poblilia.

In Sex. Pompeii fragmento scriptum est: *Popillia tribus*..... buum, tot enim fu..... lici nomine a..... Pinaria a sorori..... mine. Paulus Pontifex ejus abbreviator, *Popilla tribus* (inquit) a progenitrice traxit vocabulum. His animadvertis in eam deveni sententiam, ut hæc tribus non a gente Popillia nomen acceperit, sed a loco, qui forte in Volsicis prope Pontinam erat. Neque enim ulla XIV. harum tribuum, quæ a Livio primis XXI. additæ referuntur, a familia nomen obtinuit, neque verimile est gentem Popilliam, quæ & plebeia fuit, & tantum hoc tempore cognita, tribui nomen dedisse. Illud adde, quod præter Papiriae, nullius tribus Festus mentionem facit, quæ a gente derivetur, tanquam quod eorum nomina manifesta sint. Hæc igitur tribus Popilla & Popillia primo appellata fuit, non a gente Popillia, sed a loco nomen adepta, cujus in antiquis marmoreis monumentis ita mentionem fieri inveni POP. POPIL. PVP. PVPIL. magna enim, Quindiliano auctore, inter O. & V. affinitas est, ut Publius, Publicus Pullius, & Pollius, Poblícola, & Publicula. De hac tribu ita scribit Valerius lib. IX. cap. X. *Quam ob causam Popillia tribus, in qua plurimum postea Tusculani in civitatem recepti, potuerunt, neminem unquam candidatum Pollie tribus fecit magistratum.* Hanc tribum Livius Publiliam vocat lib. VII. sic; Eodem

Aa

anno duæ tribus Pomptina & Publilia additæ. Hanc A
proculdubio eandem cum Popillia esse existimo; nam
processu temporis quum jam illud obrepisset, ut gen-
tes tribubus nomina darent, factum est propter li-
terarum affinitatem, ut Popilla vel Popillia tribus
in Pobliliam paulatim verfa sit, nomine a familia
Poblilia accepto, quæ posterioribus temporibus quam-
quam plebeia nobilis fuit. In antiquis enim monu-
mentis vidi PV. PVB. PVBL. PVBLIL. Item POB.
& POBL. Hæc tribus in vetustis monumentis omnium
frequentissima est, ita ut aliquando paulo minus
quam LX. inscriptiones, quæ ejus meminerint, ob-
servarim. Quarum quæ ad manus sunt exempla,
hic fuggeram:

Faventini.

C. IVLIO. C. F. PVB. RVFO
VETERANO. COH. VI. PR
7. AQVILLII. MAXIMI
PRAETORI. AED. IIII. VIRO. I. D
MVNICIPIO. ALETRI
C. IVLIVS. C. F. RVFINVS. FRATRI
BENE. MERENTI. ET. SIBI
POSTERIS. QVE. SVIS

Romæ.

M. APICIVS
M. F. PVB
PVDENS
VERONA
MIL. COH. XII. PR
MILIT. AN. XVI
VIX. ANN. XXXIIX.
H. S. E

Anagninæ.

L. VIBIO. B. L. POB. IVSTO
FILIO. PR. Q
L. VIBIO. L. LIB. SEVERO
VI. VIRO. AVG
VIBIA. EVROPA
FECIT

Romæ.

D. M
APOLAVSTVS. MODIAN....
PVBL. VILVIR. EPVLON. ITEM....
APOLAVSTVS. CLAVDIAN....
VII. VIRVM. EPVLON....
IVSTVS. GAVIANVS. PVBL. ET..
P. VOLVSIVS..... RENATVS
VOLVSIAE. IVSTAE. MATRI

Reliqua tribus Pupillia, & Poblilia epigrammata
ad manus hoc loco non sunt.

Tribus XXVIII. Mæcia.

Latinis & Campanis, qui rebellaverant, a T. Man-
lio consule in deditionem anno urbis CDXIV. reda-
ctis, res omnis ita a consule compolita est, ut tra-
dit libro octavo Livius: *Latini, Campanique agro
multati. Latinus ager Privernati addito agro, &
Falernus qui populi Campani fuerat, usque ad Vul-
turnum flumen plebi Romanae dividitur. Extra pæ-
nam fuere Latinorum Laurentes, Campanorumque
equites, quia non desciverant. Cum Laurentibus re-
novari fœdus iussum. Equitibus Campanis civitas da-
ta. Et paulo post, Anno urbis CDXVI. L. Furio &
C. Manio Cos. post Latinum bellum confectum, ad-
jicit Livius, Lanvinis civitas data. Aricini, Nomen-
tani, Pedani, eodem jure quo Lanvini in civitatem
accepti. Tusculanis civitas servata quam habebant.
Campanis equitibus honoris causa, quia cum Latinis
rebellare nolissent, Fundanis, & Formianis civitas*

*sine suffragio data. Et haud multo post suggerit Li-
vius, Anno CDXXII. A. Cornelio II. & Cn. Domitio
Cos. Eodem anno census actus, novique cives censu
tribus propter eos additæ Mæcia, & Scaptia. Censo-
res addiderunt. Q. Publilius Philo, Sp. Postumius.
Ita ut ex his Livii locis hoc scitu dignum animad-
vertere possimus. Dare civitatem jus populi Roma-
ni fuisse, quotiescunque illi libuisset, verum novos
cives in tribum conjicere, quod erat supremum ci-
vis Romani privilegium, ut in illa vel in illa suffra-
gium ferrent, hoc munus censorum esse, censuque
& lustris tempus expectari oportere, atque ob eam
causam legimus, aliquoties censores ante quinquen-
nii tempus creatos, ut in commentariis Factorum
animadverti. Ceterum propter novos (ut dixi) ci-
ves, Lanvinos, Aricinos, Nomentanos, & Pedanos,
quibus suffragii jus diu ante datum erat, hoc anno
a censoribus duæ tribus additæ sunt, Mæcia & Sca-
ptia. Ex quibus Mæcia tribus, auctore Sex. Pompeio,
a quodam castro sic appellata est. Hoc autem Mæ-
cium fuit, quod Latinorum erat. De hac tribu ita
scribit Cicero ad Atticum libro quarto: *Tribus ha-
bet Pomptinam, Velinam, & Mæciam. Et pro Plan-
cio: Quid Plancio cum Lemonia? Quid cum Veste-
tina? Quid cum Crustumina? Nam Mæciam, quæ
non judicaret, sed quæ rejiceretur, esse voluisti. Et
Livius libro XXIX. Deinde M. Livius in ærarium ve-
nit, & præter Mæciam tribum, quæ se neque con-
demnasset, neque condemnatum consulem aut censo-
rem fecisset, populum Romanum omnem, quattuor &
triginta tribus, ærarios reliquit, &c. Idem tradit Va-
lerius lib. secundo, cap. nono de censoria nota.**

De tribu Mæcia inter aliquot lapides hunc collegi:

Neapoli ad S. Paulum.

C. HERBACIO. MAEC
ROMANO. DE. MAR
..... II. VIRO. AL
..... LICIO. QVAEST
CVR. SACRAE. PECVN
CVR. II. FRVM. COMPAR
SE. VIVO. FECIT
QVI. OB. PROMISS. VENAT
PHETRIS. DIVISIT. QVI
NA. MIL. NVM

Tribus XXIX. Scaptia.

Tribus Scaptia eo anno, & eam ob causam qua
Mæcia, teste Livio, addita fuit. De qua Sex. Pom-
peius: *Scaptia tribus a nomine urbis Scaptiæ appella-
tur. Tranquillus in Augulto cap. XL. Fabianis & Sca-
ptienfibus tribubus suis, die comitorum singula millia
nummum a se dividebat. Duas enim tribus Augustus,
& c. plerique alii aliquando obtinebant, alteram quam
sibi nascendi fors dedisset, alteram vero vel jure ado-
ptionis, aut in accusationis de repetundis præmium,
aut emptam, ut quis majorem in distributionibus par-
tem haberet. Ita enim legi in antiquo lapide Brixia.*

Q. MINICIO. Q. F.
FAB. POB
MACRO

Item Augusti.

C. IVLIO. C. F
PAB. SCAPT
CAESARI
AVGVSTO

De hac tribu ejusmodi inter multas collegi in-
scriptiones:

Romæ.

C. AVILIVS
C. F. SCA
SEVERVS
FESVLIS

MIL. COH. III. PR.
7. PAVLINI
MIL. AN. V
VIX. AN. XXV.
H. A. C.

Neapoli.

C. GISPIVS. A. F. SCAPT
SEVERVS. FLORENTIA
MIL. COH. III. PR. VIX
ANN. XLIII. MILITAVIT
ANN. XVII

Neapoli.

L. APISIVS. C. F. SCAPTIA. CAPITOLINVS
EX. TESTAMENTO. FIERI. IVSSIT
MONVMEN
ARBITRATV. HEREDVM. MEORVM. ET
SIBI. ET. SVIS

Narnie.

D. M
C. NVMSIO. C. F. SCAP
NVMMEO
NAVILIANO
SENIORI
EQVO. ROMANO
OMNIBVS. HONORIBVS
IN. COL. NAR. PERFVNCTO
DONATO. ABIMP. CAESAR
T. VESP. AVG. TORQ. ET
ARMILLIS. II. ET. HAS
PVR. II. ET. COR. VAL. II
C. NVMSIVS. C. F. SEMPRONIVS
DECVR. IN. COL. NAR
D. D

Tribus XXX. Oufentina.

Crescente ob novos cives, qui in dies addeban-
tur, urbis frequentia, anno CDXXXV. L. Plautio
& M. Follio cos. duæ Romæ, Livio libro octavo
auctore, additæ tribus, Oufentina, & Falerina. Eas
addiderunt censores L. Papirius Crassius, & C. Mæ-
nius. Quod Livius omisit. Hi enim eo anno censo-
res relati sunt a Verrio Flacco in tabulis Capitolinis.
De Oufentina tribu sic scribit Sex. Pompeius: *Ouf-*
entina tribu initio causâ fuit, flumen Oufens, quod
est in agro Privernate inter mare, & Terracinas
Lucretius:

Priverno Oufentina venit, fluvioque Oufente.

Postea a censoribus alii quoque diversarum civita-
tum eidem tribui sunt adscripti. De hac tribu ejus-
modi vidi lapides:

Ponte Corvi.

C. MATIENI. C. F. OV
OVICVLAE
ANNORVM. XXVII
PRAECO. IDEM. DISSIGNATOR
TEMPVS. VICTVRO. MIHI. LONGVM
STAMINE. PARCA
AETATIS. NOSTRAE.....

Frusinone.

A. AGNEIVS. L. F. OV. NIGER. II. VIR
A. AGNEIVS. L. F. RVFVS.. F
A. AGNEIVS. L. F. OV. SARDVS
A. ALLIENVS. Q. L. CHRRESIMVS
AGNEIA. IOCVNDA. TESTAMENTO
SVO. FIERI. IVSSIT

Tribus XXXI. Falerina.

Falerina tribus eo anno, quo Oufentina, Livio
auctore, addita est, ab agro Falerno in Campania,
ut existimo, dicta; nam ea parte & Oufentina fuit.
De hac tribu Josephus lib. XIII. cap. XVI. antiquita-
tum meminit ita: *C. Sempronius C. F. Falerina.*
& hi vetusti lapides:

Albe.

L. CORNELIVS. A. F. FAL
PVPILLVS
PRAEFECTVS. FABR
FLAMEN. QVINQVENN
PATRONVS. CASTRI. NOEVESIVM
EX. TESTAMENTO
C. IVLIVS. SP. F. PAL. CARVS
L. CORNELIVS. L. F. FAL. ALBANVS
L. CORNELIVS. ATHICTVS
L. CORNELIVS. EVTYCHVS
FECERVNT. ET. SIBI. ET. SVIS

Item:

L. MAGIO. M. F. FAL
VETERANO. LEG. X
FREFENSIS
M A G I A. O. L
PATRONO. B. M. ET. SIBI

Tribus XXXII. Anienfis.

Ob eam qua superiores causam anno urbis CDLV.
M. Fulvio, & T. Manlio Cos. Livio libro X. aucto-
re, condito lustro a censoribus P. Sempronio Sopho,
& P. Sulpicio Saverione, tribus additæ duæ Anien-
lis ac Terentina. Ex his Anienfis ab Aniene amne
(ut puto) dicta est; in Sabinis enim fuit. De hac
tribu Cicero Ep. fam. lib. VIII. mentionem facit sic:
L. Ateius L. F. An. Capito; & pro Plancio ean-
dem commemorat. De qua tribu hæc vetera epi-
grammata collegi.

Rome in Quirinali.

C. TERENTIUS. CC. L. ANI. EROS
ALVMINARIUS. VIVOS. SIBI. ET
CC. TERENTIS. HILARO. ET
EPAPHRODITO. PATRONIS
CAECILIAE. C. L. CHELAE. VXORI
TERENTIAE. MVSÆ. LIBERTIS
CAECILIO. C. O. L. HILARO. MVSÆ
FRATRI

Sermoneta.

D I I S. M A N I B V S
M. ANTONIO. M. F. ANIENSI
MATRINIO. EVOK. AVG
VIX. ANN. XXXIIX. M. VIII
M. ANTONIVS. M. F. ANIEN
PRIMIGENIVS
MEDICVS. FACT. RVSSAT
FRATRI. SANCTISS. FEC

Tribus XXXIII. Terentina.

De tribu Terentina, quæ cum Anienfis addita est,
Cicero pro Plancio meminit sic: *Quas tribus edidi-*
sti? Terentinam credo. Et paulo post: *Prioribus*
comitiis Aniensem a Plotio, Terentinam a Plancio
tibi esse concessam. Et post: *Altinas præfectura, ex*
qua Cn. Plancius fuit ex tribu Terentina. Idem Ep.
Fam. libro VIII. *M. Oppius M. F. Terentina.* Hanc
a Terento (is locus in campo Martio erat) dictam
puto. De qua in his antiquis inscriptionibus men-
tionem ita fieri invenio:

Ad S. Germanum.

L. LVCCEIO. L. F. TER
HIBERO
II VIRO. ITER. QQ PATRONO
SACERDOTI. SACROR. SAVADIOR
CVR. R. P. INTERAMNAT. LIRIN
EORVND. ET. PATRONO
I V D I C I . S E L E C T O
CASSINATES. PVBL. OB. MERITA. EIVS
D. D

Item:

C. NAEVOLEIO. M. F. TER
R V F O . II. AED. Q
NAEVOLEIAE. C. F
PROCVLAE. LABEONIS

Tribus XXXIV. Velina.

Tribus Velina a lacu Velino dicta, Floro ex Livio in epitoma libri XIX. auctore, addita fuit cum Quirina, anno Urbis DXXII. A. Manlio II & Q. Lutatius Cos. Eas addiderunt censores C. Aurelius Cottus, & N. Fabius Buteo. Hæque XXXV. numerum expleverunt. De hac Cicero Epist. libro IV. ad Atticum sic scribit: *Tribus habet Pomptinam, Velinam, & Mæciam.* Idem in Bruto: *T. Annii Velina.* Et Horatius lib. I. Epist. VI.

Hic multum in Fabia valet, ille Velina.

Perfius quoque Satyra V.

*Libertate opus est, non hac ut quisque Velina
Publius emeruit scabiosum tessera far.*

Hæc, ut dixi, a lacu Velino potius dicta est, quam a Velia. Est enim is lacus in Sabinis, a quibus frequens quoque tribus appellata est. Velia vero urbs Lucaniae longe ab urbe distans. De hac tribu hæc vetusta monumenta meminerunt:

Sutri.

DIIS. MANIBVS
T. VALERIO. T. F
VEL. VICTORI
DECVRIONI. SVTRI
II. VIR. I. D. ITERVM
QVINQVENNALI
CVRATORI. PECVNIAE
PVBLICAE. PONTIFICI
PATVLCIA. EXOCHE
COIVNX

Recaneti in Piceno.

C. LVCILIVS. C. F. VEL. VINDEK. MIL. COH. VI. PRAET
VIXIT. ANN. XXX. MILITAVIT. ANNIS. XII. PRINCIPALIS.
BENEFICIARIVS. TRIBVNI. DEINDE. OPTIO
IN. CENTVRIA. HOC. TESTAMENTO. FIERI
IVSSIT. HONORIS. PIETATIS. QVE. CAVSSA
SIBI. ET. C. LVCILIO. SECVNDO. PATRI. ET
LVCILIAE. SVAE. AVIAE. EX. HS. ∞ ∞
PRAELEGATIS

Tribus XXXV. Quirina.

Tribus Quirina, quæ eo anno quo Velina addita est, a Curenibus Sabinis videtur appellationem traxisse. Sex. Pompeius. Cice. ep. Fam. lib. VIII. *C. Septimius T. F. Quirina.* Et pro Quinctio: *L. Albius Sex. F. Quirina.* Afconius in Cornelianam: *Due sole tribus, Sergia, & Quirina damnaverunt.* Iosephus antiquit. libro XIV. cap. XVII. Papirii Quirinæ meminit. Antiqua vero Epigrammata sic habent:

Romæ ad S. Marcum.

C. ANTONIVS
C. F. QVI
PRISCVS. OSCA

A

MIL. COH. VII. PR
7. CRITONI. VERI
MIL. ANN. XV. VIX
ANN. XXXIII
CIVLIVS. PROCVLVS
COMMANIPVLARIS
ET. H. B. M. F. C

Romæ in hortis Iulii.

L. AEMILIVS. L. F
QVIR. REBVRVVS
MIL. COH. X. PR. 7
MARI. VIX. AN. XXV
MIL. ANN. IIII. T. P. I.

B

Item:

L. CAESONIVS. C. F. QVIRINA
LVCILIVS. MACER. RVFINIANVS
COS. FRATER. ARVALIS. PRAEF
VRBI. ELECTVS. AD. COGNOSCENDAS
VICE. CAESARIS. COGNITIONES
& cetera.

C

Velina & Quirina tribus XXXV. numerum explevere. Post quas is numerus amplius mutatus non est, usque ad bellum Maricum, in quo quum Tuscis, Umbris, Gallis, & reliquis Cispadanis populis lege Julia civitas data esset, octo novæ tribus, ut Paterculus, vel decem, ut Appianus tradit, in quas novi cives conjicerentur, a censoribus P. Licinio Craffo, & L. Julio Cæsare additæ sunt, anno urbis DCLXV. Cn. Pompeio Strabone, & M. Porcio Catone Cos. In eisdem bello Marisco confecto reliqui Italici civitate donati, præter Lucanos, & Samnites relati sunt. Quamquam & hi paulo post eandem sunt consecuti. Atque XLIII. vel XLV. tribuum numerus factus fuerat, qui quum annos prope quattuor mansisset, postremo D. novis civibus in XXXV. tribus a censoribus L. Marcio Philippo, & M. Perperna, auctore L. Cinna consule distributis, denuo XXXV. numerus restitutus est. Qui idem Ciceronis tempore, ut ex ejus orationibus in Rullum, in Verrem, in Antonium, & aliis locis liquet, fuit. Triginta quinque tribuum etiam extat mentio in duabus Trajani imp. inscriptionibus eodem argumento exaratis, ita:

D

IMP. CAESARI
DIVI. NERVAE. F
NERVAE. TRAIANO
AVG. GERMANICO
DACICO. PONTIFICI
MAXIMO. TRIBVNIC
POT. VII. IMP. IIII. COS. V
P. P

E

TRIBVS. XXXV
QVOD. LIBERALITATE
OPTIMI. PRINCIPIS
COMMODA. EARVM. ETIAM
LOCORVM. ADIECTIONE
AMPLIATA. SINT

F

Hæ itaque sunt XXXV. tribus, in quas universus populus Romanus dispartitus erat, quarum aliquam, ut ait Afconius, necesse erat ut cuiuscunque esset ordinis civis Romanus obtineret. Qui enim pleno jure cives Romani erant, id est, cum jure suffragii, quod erat supremum civis Romani jus, is in una harum XXXV. tribuum ut esset necesse erat; quam si antiquus civis, hereditate; si novus, a populo civitate donatus, a censoribus obtinebat, in qua suffragium ferret. Ex quib. quattuor, ut dixi, Urbanae, in quas transferri ignominiae esset, reliquæ omnes rusticæ laudatissimæ eorum qui rura haberent, quæ propriæ ingenuorum erant, quum

Urbanæ forensis turbæ, ut proletariorum, capite censorum, & libertinorum essent, ut auctores sunt Cicero I. de Oratore, Valerius, Asconius, Plinius, & Florus.

C A P. LI.

De iis, quæ superfluum, tribuum nominibus.

MULTARUM tribuum nomina, quæ in vetustis epigrammatibus, & sotte apud antiquos auctores, præter XXXV. reperiuntur, multam & magnam dubitandi occasionem attulerunt. Nam præter relatas in antiquis inscriptionibus, Camillæ, Cluentiæ, Cluviae, Dumiae, Minuciae, Oriculanæ, Papiæ, Vot... Celtiæ, Taur... Juliæ, Flaviæ, Ulpiae, Eliæ, apud Livium Sapiniae, & Festum Pinariæ mentionem quoque fieri inveni. De quibus quid existimem probabiliter disputaturus, nihil enim certi quod afferam habeo, primum rationem reddam, cur nullam earum in XXXV. numerum collocarim, deinde quam ratione constitutæ esse potuerint. Etenim in XXXV. primis tribubus digerendis illud præcipue observavi, ut eas tribus in eorum numerum collocarem, quæ tam veterum auctorum, quam lapidum testimonia haberent. Quod etiam in omnibus præter unam tantum Horatiam præstiti; nam & auctores, & lapides, quibus earum numerum confirmarem, citavi. Horatiam autem potius, quæ una ex his est, quæ scriptorum testimoniis caret, quam ullam aliarum paulo ante recitarum tribuum interserui, tum ob eas quas dixi rationes, quum de ea disputavi, tum quod nullæ etiam harum testimonium ullum antiquum habeant, præter unam Oriculanam, quæ una tantum sine controversia, quando Horatia delenda esset e numero XXXV. ejus locum obtinere posset, tum quod multos lapides etiam ipsa habeat, tum quod, quamquam mendose, de ea M. Cicero in orat. II. in Rulm mentionem faciat sic: *Ab Oriculana ad Arniensem*. Nam in antiquis scriptis codicibus *Ufuranæ* legitur, ut sit *Suburana*; deinde si *Oriculanam*, & non *Suburanam* legere voluerimus, Ciceronis sententiam labefactabimus, qui illarum duarum tribuum enumeratione universas tribus comprehendere voluit a prima ad novissimam, a Suburana scilicet, quæ inter urbanas prima est, ad novissimam Arniensem: quomodo novissimam? non quidem ratione temporis, nam XXV. fuit, sed loci, omnium enim remotissima ab urbe erat. Quæ quum ita sint, relinquitur, ut Ciceronis locus corruptus sit, & pro *Oriculana Suburana* legendum. Eft & alius Ciceronis locus in oratione pro Q. Roscio, ita: *Q. Læfius Ocrea senator*; in quo cognomen id *Ocrea Oric.* id est, *Oriculanæ*, pro tribu interpretari posset: sed quum res & obicura & incerta sit, visum est potius Horatiam, quam Oriculanam tribum in XXXV. numerum referre, præsertim quum si Oriculana una ex XXXV. tribubus esset, (hoc autem maxime me argumentum movit) ut ex XXI. his, quas Ser. Tullius fecit fuisset, necesse est, præsertim quum XIV. sequentium numerus manifestus sit. Ceterum nulla ratione fieri potest, ut ex primis XXI. tribubus sit, quum hæ omnes ab agri Romani locis a Servio denominatæ fuerint: Oriculum autem, a quo hanc tribum dictam fuisse crediderim, longe ab agro Romano situm erat. Quod si quispiam eam non ab oppido Oriculo, sed ab ocriculis, id est, montibus appellatam assereret, ut Collina a collibus, una quidem ex XXI. esse posset; verum quum evidentiora argumenta non habeam, Horatiam excludere Oriculanæ causâ nolui, quandoquidem si Horatia tribus fuit, ut omnino fuisse

A credo, non nisi iis temporibus addita esse potuerit, quum CP. anno post urbem conditam ea gens, quæ sub regibus, & post reges exactos primis reip. temporibus quam maxime in urbe floruit, vix amplius ab historicis nominetur.

Tribus extra numerum Oriculana.

Quid ergo eam esse dicemus? Ego igitur eam quidem unam ex XXXV. tribubus procul dubio fuisse existimo, sed quænam ex supra relatis fuerit incertum. Quandoquidem unam tribum plura nomina habere potuisse, immo habuisse satis demonstraverim. Una enim ex antiquis Ser. Tullii tribubus, sive a gente, sive a loco appellata fuerit, esse potuit, in quam Oriculani in civitatem recepti, a censoribus relati fuerint. A quibus ea tribus vel antiquo nomine mutato novum Oriculanæ assumpserit, vel utraque simul retinuerit. Nam eam tribum fuisse, in dubium venire non potest, cum pleraque saxa vetusta viderim, quæ ejus mentionem faciebant sic: OCR. OCRIC. ex quibus hæc ad manum nunc sunt:

Morlupi.

V. VITELIVS. A. F. OCR
CRESCENTIVS. II. VIR. CAP
Q. VALERIVS. Q. F. OCR
PACATVS. II. VIR. CAP
CVM. CONS. RESTITVE
RVNT

Via Flaminia.

G E N I O
IOVI. STYGIO. SANCTO
S A C R V M
SEX. POMPEIVS. SEX. FIL
OCRIC. CIVICA
MIL. COH. VIII. PRAET

Tribus extra numerum Pinaria.

Hæc si tribus fuit (ejus enim tanquam tribus meminit Sex. Pompeius sic: *Popillia tr... buum*, tot enim fu... licæ nomine a... Pinaria a forori mine.) proculdubio una ex XXI. a Ser. Tullio factis fuit; puta Clustumina, Lemonia, Pupinia, aut Vejentina. Cui gens Pinaria patricia majorum gentium, & urbe vetustior nomen suum novum imposuit, ut de Emilia, Fabia, Cornelia, & Papiria factum fuisse scripsi. Sed hanc tribum merito illud suspectam facit, quod saxorum proflus eget testimonio.

Tribus extra numerum Sappinia.

Hujus quoque tribus nullum unquam epigramma vidi, neque qui vidisset agnovi, quamobrem dubium esse potest an Romana fuerit, quamquam de ea diserte his, terve Liv. in libris de bello Macedonico mentionem faciat, ut lib. tricesimo primo sic: *Eodem tempore P. Aelius Consul C. Oppium præfectum socium, hac tumultuaria manu per Umbriam, quam tribum Sappiniam vocant, agrum Bojorum invadere jussit*. Et lib. XXXIII. *Sub hæc tam varia fortuna gestis, L. Furius Purpureo alter consul per tribum Sappiniam in Bojos venit*. & cetera.

Reliquæ Tribus incertæ.

Reliquarum novem vel decem tribuum nomina, si modo vel tribus fuerint, vel error fabrilis non sit (omnium enim in vetustis marmoris inscriptionibus mentionem extare didici) diu multumque me torserunt. Ut Camilla, Cluentia, Cluvia, Dumia, Minucia, Papiæ, Vot... Celtia, & Taur... nam etiam facile concederem quædam ex iis errore fabrilis sortas esse potuisse, ut MIN. pro MEN. VOT. pro VET.

vel VOLT. & similes, id tamen de omnibus dici nulla ratione posse existimo, & præsertim Papæ, cuius supra XII. inscriptiones extare vidi sic exaratas: PAP. PAPIA. Cluentiam quoque & Cluviam ex Clustumina errore fabrilis ortas existimarem, nisi eas integras sic, CLVENTIA, & CLVVIA exaratas fuisse inflexissem. Cuius rei occasione CAM. Camillam, DVM. Dumiam, MIN. Minuciam, CES. Cestiam, quæ concisæ in lapidibus scalpæ erant, interpretatus sum. VOT. enim & TAUR. si tribuum nomina fuere, interpretari me nescire fateor, nisi Votivam & Tauriam dicamus. quod si error fabrilis fuit, & VOT. pro VET. vel Voturiam pro Veturia interpretari vulerimus, quo modo Voturios pro Veturios dictos apud Solipatrum legimus, non erit, quod in ejus alia interpretatione laboremus. Porro autem quum quidam ex his tribubus omnino fuisse mihi persuasissem, & in his Cluentiam, Cluviam, & Papiam, suspicatus sum hæc nomina aliquot earum octo, vel decem tribuum fuisse, quæ bello Marisco, quum Italis civitas data est, a Licinio & Julio censoribus additæ sunt. Quod ut existimarem duabus potissimum rationibus adductus sum. Primum, quod eas aliquas ex antiquis XXXV. tribubus esse non posse semper existimarem. Non enim verisimile videtur, ut antiquis illarum nominibus mutatis, Cluviz, Papæ, & Cluentiæ, quæ familiarum plebeiarum & novarum nomina sunt, assumpserint. Deinde quia animadverterim ab Appiano lib.I. de bello civili, inter præcipuos duces Italicos, qui contra populum Rom. bello Marisco arma sumperunt, Papium Mutilum, & L. Cluentium nominari. Quæ familie postea in civitatem receptæ nobiles evaserunt, fumosque honores Romæ adeptæ sunt, ut præturam & consulatum. In Fastis enim consularibus Papii Mutili mentio est. Cluvia quoque est oppidi in Samnio nomen, a quo quando cum ceteris Italici populis Samnites civitate donati sunt, tribus Cluvia facile appellari potuit. Quod de his tribus dixi, idem de Camilla, aut Camillia, Dumia, Minucia, Cestia, Taur. ... & Vot. Si Veturiam interpretari vulerimus, & forte Ælia suspicari poterit. Nam Juliam, Flavianam, & Ulpianam, in Augusti, Vespasiani, & Trajani memoriam additas, vel ex veteribus ita appellatas fuisse, ex Dione libro XLIV. intelligi potest. Nec me movet, quod novis civibus ex illis octo aut decem detractis, in XXXV. postea tribus distributi sint, atque tempore M. Tullii tantum XXXV. nominentur. Nam posteaquam cives ex iis excepti sunt, republica stante eas nihil fuisse existimo, verum post Augusti tempora, quum integris provinciis extra Italiam etiam civitas dari cœpisset, eas sub iisdem, quibus institutæ fuerant, nominibus ab aliquo imperatore restitutas fuisse putat, atque ad XLIII. vel XLV. numerum iterum auctas. Quæ nihilominus ob antiqui numeri religionem semper XXXV. appellatæ fuerunt, quamquam XLIII. aut XLV. essent, ut centuriis & tribubus Romuli sub rege Tarquinio Prisco, centumviris, qui centum quinque, Sex. Pompeio, & quindecim viris sacris faciundis, qui LX. Servio auctoribus, fuerunt, accidit. Nec ulla difficultas fuit, quæ novas tribus addere sub imperatoribus prohiberet, præsertim quum cives Romani in eas non distribuerentur amplius, ut suffragium ferrent, vel aliquid comitiis agerent, quæ omnia in principis unius potestate erant, sed tantum in eas tribus civitate donati referbantur, ut id signum quoddam esset, eos esse cives Romanos, omnibusque privilegiis potiri posse, quæ libertate oppressa sub Cæsaris imperio cives Romani potiri ex legibus consueverant. De quibus alio loco disputabo.

De VIII. alias decem, Tribubus bello sociali additis.

Anno ab urbe cond. DCLXIV. L. Julio Cæsare,

A & P. Rutilio Lupo eos. bello Marisco maxime vigente, (omnis enim Italia auctoribus Picentibus, Tuscis, Umbris, & Gallis exceptis, arma contra Romanos ob non adeptum jus civitatis assumpserat) quum iidem Tusci, Umbri, ob eandem causam defectionem molirentur, veritus senatus, ne hostibus omni ex parte orientibus, urbem minus tueri posset, mare omne a Cumis ad urbem usque libertis communiavit, eis tunc primum ad militiam ob virorum inopiam accitis. Italos vero omnes adhuc in fide permanentes, (lege ab altero consulum, quæ Julia appellata (quod maxime exoptabant, civitate donavit, inter quos Tusci, Umbri, & Galli fuere. Hac igitur liberalitate usus senatus, ex amicis longe amiciores fecit, & qui dubii erant, in fide confirmavit. Novos vero hoc cives Romani baud statim eorum tribubus, quæ XXXV. numero fuere, miscuerunt, verum decem alias tribus addidit, in quibus ipsi suffragium novissimi ferrent, & plerumque eorum suffragium nullius fere erat momenti, quum quinque & triginta in primis vocarentur, quæ supra dimidium reliquas excederent, quod a principio effragitantibus Itali eos latuit. Quum vero res cognita fuisset, alterius seditionis occasionem præbuit; ut auctor est Appianus lib.I. Bell. Civ. Et paulo post: Et hæc quidem per Italiam sociali bello gesta sunt, quod quum in majus augeretur, Italia omni civitate donata, Lucanis & Samnitibus eo tempore exceptis, quievit. Nam & hi eandem paulo post assequuti sunt, & inter tribus quemadmodum superiores separatim lecti, ne si antiquis civibus miscerentur, eos in comitiis superarent, quum essent numero longe plures. Hoc est quod ex Livio scribit Florus in Epitoma libri LXXX. Italici populi a senatu civitas data. Et libro XXXIV. Novis civibus ex S. C. suffragium datum. Patet autem lib.II. hanc rem aliter tradere videtur; non enim novas tribus additas fuisse scribit, sed octo ex veteribus acceptas, in quibus Italici suffragium ferrent. D Ait enim: Non erat Mario & Sulpicio Cinna temporator. Itaque quum ita civitas Italia data esset, ut in octo tribus contribuerentur novi cives, ne potentia eorum, & multitudo veterum civium dignitatem frangeret, plures possent recepti in beneficium, quam auctores beneficii, Cinna in omnibus tribubus se eos distributurum pollicitus est, quo nomine ingentem totius Italie frequentiam in urbem acciverat, e qua pulsus college optimatiumque viribus, quum in Campaniam tenderet, consulatus ei abrogatus est, suffragiumque in ejus locum L. Cornelius Merula flamen Dialii. Ita Velleius. Appiani autem sententiam magis ut appropem duo faciunt; primum est antiquorum exemplum, qui propter novos cives, novas etiam tribus addere solebant; nunc enim tota Italia civitate donata, verisimile etiam visum est, ut eas decem tribus adderent. Alterum est octo, aut decem tribuum, quas mox referam, nomina, quæ proculdubio veræ tribus aliquando, & non ex XXXV. numero fuerunt. Hoc quidem anno censoribus Julio & Licinio propter novos cives additæ, & quadriennio post a Marcio & Perperna censoribus, quum in XXXV. tribus Italici omnes distributi essent, dissolutæ, & postremo post Augusti tempora, quum integris extra Italiam provinciis civitas dari cœpisset, & forte a Claudio imperatore in censuram quum cum L. Vitellio anno urbis DCCC. gessit, denuo additæ, quod innuere videtur hæc inscriptio cujusdam ab ipso civitate donati:

TI. CLAUDIVS. TI. F
CAMIL
SOTERICVS

Porro autem inter ipsas novas tribus has fuisse existimo;

Hujus tribus mentionem fieri in quinque antiquis inscriptionibus animadverti sic: CAM. CAMIL. Quorum aliquot sunt in libro epigrammatum antiquae urbis exaratae ita:

L. VICIDIVS. L. F.
CAM. PRAESENS

Item:

Q. MANLIVS. Q. F. CAM
SEVERVS
ALBA. POMPEIA

Item:

M. VADIVS. M. F.
CAM. ASPRENAS

Item:

L. LVCCEIO. C. F.
CAMIL. APRILI
AVG. BAD

Item:

TI. CLAVDIO. TI. F.
CAMIL
SOTERICO

Ceterum verbum CAMIL. pro Camilla, Camilia & Camillina interpretari potest. Causa autem, cur neque hujus, neque novem sequentium nemo meminit, est, quod paulo postquam instituta sunt, fracta fuerunt; post Claudii vero imperatoris temporis haud multos integros historicos habeamus.

Hoc epigramma Mutinae in vetusto faxo exaratum:

P. VETTIO. P. F. CAM
SABINO. EQ. P.
III. VIR. AED. POT
ET. MAG. MAN. RAVEN
CORNELIA. MAXIMA
MARITO. INCOMPARAB
ET. SIBI. VIVA. POSVIT

Tribus Cestia.

Tribum CES. quam in aliquot lapidibus se vidisse vir fide dignus mihi retulit, pro Cestia ego interpretor, gente post legem Juliam Romae nobili, & consulari: C. Cestii enim consulis sub Tiberio Caesare cum Gn. Servilio mentio est apud Tacitum, & in fastis consularibus, ejusdemque ut puto VII. viri epulonum in vetusta pyramide prope portam Ostiensem sic:

C. CESTIVS. L. F. POB. EPVLO
PR. TR. PL. VII. VIR. EPVLONVM

Tribus Cluentia.

L. Cluentii bello Italico contra Romanos ducis Appianus meminit. Gentem etiam Cluentiam Romae nobilem Augusti tempore fuisse, eamque a Trojanis & Cloantho comite Aeneae descendisse, tradit Virgil. lib. v. sic:

.....genus unde tibi Romane Cluenti.

Ab hac facile fieri posset, ut tribus Cluentia nomen obtinuerit, de qua mentio est in hac vetusta Subla- centii inscriptione:

DIS. MANIBVS
SEX. IVNIVS. SEX. F. CLVENT
FRONTINVS
VET. LEG. I. ITAL. VOLVNT
VIX. ANN. LXIIX. M. IIX
H. S. E

Hac tribus a Cluvia Samnitium urbe, de qua meminit Livius, nomen obtinere potuit, in qua Samnites in civitatem recepti, conjeti fuerint; de ea enim mentionem fieri animadverti in vetusto hoc Praenestino epigrammate:

DIS. MANIBVS
D. ANTISTIVS. D. F. CLVVIA
AETERIVS
MIL. COH. V. PRAET. 7. AELI
ASPRI. VIX. ANN. XXXXII
M. IIX. D. XXII.
T. F. I
IN. FRON. PEDES. XXIII
IN. AGRO. PEDES. XXIII

Tribus Dumia.

Tribum; quae in tribus vetustis lapidibus DVM. notatur, ego Dumiam interpretor, de qua praeterea nihil, quod afferam, habeo.

Roma.

Q. FLAVIVS. DVM. Q. L. HILARVS
FECIT. MONVMENTVM. SIBI. ET
Q. FLAVIO. HERMEROTI. FRATRI. ET
Q. FLAVIO. GAMO. COGNATO. ET. SVIS
LIBERTIS. LIBERTABVSQVE
QVOS. MANVMISI. ET. QVOS. MANV
MISERO

POSTERIS. QVE. EORVM

Via Cassia.

CLAVDIAE. VENERIAE
A. GELLIVS. A. F. DVM
SECVNDVS
B O N O N I A
F E C I T. E T. S I B I
IN. F. P. VI. IN. AGR. P. IX

Fani.

Q. PERCERNIVS
Q. F. DVM
MASCVLINVS

Tribus Minucia.

Minuciam gentem Romae nobilissimam & vetustissimam fuisse satis constat. Hac quum praefcis temporibus a patribus ad plebem transisset, paulo ante bellum Maricum adhuc florebat, quo tempore duos consulares, & alterum ex iis triumphalem Minucios habuit. Ab hac gente haud absurdum esset tribum Minuciam derivatam esse dicere, de qua in antiquo hoc lapide mentio est ita:

Praeneste.

A. MVNIO. A. F.
M I N. E V A R I S T O
S P L. E Q. R. P A T. C O L
O M N I B V S. H O N O R
N I T I D E. F V N C T O. O B
I N S I G N E M. E I V S. E D I T I O N E M
M V N E R I S. B I D V I. P O P V L O
P O S T V L A N T E. B I G A M
P L A C V I T. E Q V E S T. S T A T V M
D E C R E T O. O R D I N I S. E V M
O R N A R I
L. D. D. D

Tribus Papia.

Frequentissima mentio est hujus tribus in vetustis marmoreis monumentis; ita ut hac una fidem reliquis facere queat, plures quam XXXV. tribus fuisse.

Hæc forte a gente Papiæ dicta est Italicarum nobilissima. Nam inter primos belli socialis duces a Patriculo, & Appiano Papius Mutilus refertur, cujus gens postea in civitatem accepta consularis fuit. Papiorum enim Mutili & Secundini consulum sub Augusto in fastis mentio est. Item legis Papiæ & Poppæ. T. quoque Annii Milo oratione Ciceronis celebratus e gente Papiæ fuit. A qua proculdubio hæc tribus nomen accepit, de qua hi lapides meminerunt:

Sutrii.

M. A N T E I O
M. F. PAP. RESTI
TVTO. PR. IVV
AEDILI. AVG. VRI
CVR. R. P. DECVR
AVGVST. ET. POP
AERE. CONLATO

Romæ in domo Lælii Lalli.

Q. CAECILIUS. Q. L. PAPIA
SIBI. ET. LIBERTIS. ET. LIBERTABVS. QVI
SVNT. COMMVNES. CVM
CAECILIA. Q. L. DIONYSIA. ET. POSTERIS
LIBERTORVM. ET. LIBERTARVM. EORVM
CAECILIA. Q. L. DIONYSIA
SIBI. ET. LIBERTIS. ET. LIBERTABVS. QVI
SVNT. COMMVNES. COM. Q. CAECILIO
Q. L. PAPIA. ET. POSTERIS. LIBERTORVM
ET. LIBERTARVM. EORVM

Neapoli.

C. MARCIUS. C. F
PAPIA
SIBI. ET. SVIS. LIBERTIS
ET. LIBERTAE
HOC. MONVMENTVM
SIVE. SEPVLCHRVM. EST
H. N. S.

Tribus Taur....

Tribus Taur. neque ego unquam vidi, neque qua ratione interpretari possit, nisi Tauria dicamus, scio. Vir tamen doctus, & fide plenus se hanc in antiquis tabulis marmoris vidisse pro certo affirmavit.

Tribus Vot....

Hujus tribus in duabus omni ex parte absolutis elegantissimisque inscriptionibus mentionem extare vidi ita:

Romæ apud G. Delphinium.

L. NEVIUS. L. F. VOT
POLLIO
L. NEVIO. L. L
DIOMEDI

Romæ ad S. Mariam in via lata.

CN. SERGIO. CN. F. VOT
PRISCO. FILIO. SVO
PRAETORI
SACRIS. VOLCANI. EX. DD
AEDILI. ADLECTO

Placentie in æde D. Paulli.

V. F
L. BETVCIVS. L. F
VOT. TENAX
L. BETVCIO. L. F
RVFO. PATRI
CINTVLLIAE. L. F
MAXIMAE. MATRI
C. BETVCIO. L. F
SALVIO. PATRVO
L. BETVCIO. L. F
A V O

Hæc autem (si error fabrilis est, quod minime existimo) tam pro Veturia, quam pro Voltinia interpretari possunt. Quamquam apud Sospitum Veturios pro Veturios aliquando dictum legimus. Ita ut Veturia dicendum sit. Quod si neque error fabrilis sit, neque Veturia legendum, quid plane dici possit ignoro, nisi Votiva vel Votinia interpretemur, quorum neutrum tamen placet.

Tribus Ælia.

Postremam omnium Æliam tribum, quæ decem numerum explet, fuggesti, quod parum comperit habeam, an a gente antiqua Ælia nobili, quamquam plebeia, an ab Hadriano Imperatore, qui ex gente Ælia fuit, dicta sit, quemadmodum Julia, Flavia, & Ulpia, quæ ab Augusto, Vespasiano, & Trajano nomen adeptæ sunt. Hujus tribus lapidem nullum adhuc vidi, sed se vidisse vir quidam doctus, & cui facile credo, mihi retulit. Hæc autem si omnia tribuum nomina sunt a XXXV. diversa, facile ipsarum decem tribuum bello Marico additarum esse poterunt. De quibus præterea quid afferam non habeo.

Tribus Julia.

Tribus Juliam scribit Dio libro XLIV. in Augusti honorem a senatu appellatam fuisse, unam ex veteribus, non de novo additam. Quæ autem ea fuerit incertum. De hac tribu duas inscriptiones extare vidi ita:

Fani.

Q. TITIENVS. Q. F
IVLIA. QVADRATVS

Inter Ariciam & Bovillas.

D I S . M A N I B V S
Q. IVNIUS. Q. F. IVLIA
VALENS
MIL. LEG. V. ALAVD
VIX. ANN. XLIX
D. XX. H. IIX. VIVVS
FECIT. SIBI. ET. SVIS
IN. FR. P. I. T. I. N. A. P. I. I. I.

Tribus Flavia.

Et hæc tribus aut a Vespasiano, aut ab altero filiorum Tito vel Domitiano nominata fuit; quandoquidem hi ex gente Flavia fuerunt. De qua tribu hanc vidi inscriptionem Romæ.

C. VALERIUS. C. F
FLAVIA. SPECTATVS
SISICIA. MIL. COH.
VIII. PR. 7. VOCONI
MIL. ANN. VI. VIX
ANN. XXIII. H. F. C

Tribus Ulpia.

Hæc in Trajani Imper. memoriam denominata est, de qua antiquum epigramma ego aliquando vidi, quod modo ad manus non est. Atque hæc sunt omnium tribuum nomina, quæ ego unquam extare in antiquis tam librorum quam lapidum monumentis didici. Quas ego hac ratione digessi, atque de iis ita disputavi, ut probabiliter potius, & disputandi more disseruerim, quam sic omnino fuisse mihi persuadeam. Quæ ego attuli, harum rerum studiosi accurate examinant: si quod mihi proposui, consequutum me esse existimabunt, non parum mihi in lucro tulisse videbor; sin autem, liberum erit cuique, quæ de rebus adeo nostra ætate, & forte antiquorum etiam obscuris tractavi, ad suam ipsorum

rum sententiam, dum meliora & certiora afferant, omnino revolvere, & ea distinctiora & illustriora reddere; quod enim potui præstare, neque quidquam laboris, quæ omnia clarissima facerem, reliqui.

A tribubus comitia tributa fiunt, quemadmodum a curiis curiata, & centuriis centuriata. Ea erant, auctore Gellio, quæ ex regionibus, & locis, id est, per tribus suffragium ferebatur. Erant enim tribus populi Romani partes distinctæ, locis in urbe diversis, & regionibus undique circum urbem per Italiam dispersis. Ceterum de comitiis curiatis haud multo post, quum ad eorum primam institutionem deveniam, disputabo. Atque hæcenus de tribubus Romanis.

C A P. LII.

De Censu primo, & lustris instituto.

Post disputationem de tribubus, quæ de censu pollicius sum, nunc exponere rei ipsius ordo requirit. Ser. itaque Tullius rex, post urbanas rusticæque tribus institutas, Tuscorum exercitu fuso, Romam (ut inquit Livius) reversus, longe maximum pacis opus aggressus est: ut quemadmodum Numa divini auctor juris fuisset, ita Servium conditorem omnis in civitate discriminis, ordinumque, quibus inter gradus dignitatis fortunæque aliquod interlucet, posterifama ferrent. Censum enim instituit rem saluberrimam tanto futuro imperio, ex quo belli pacisque munia non viritum, ut ante, sed pro habitu pecuniarum fierent: nam classes, centuriæque, & hunc ordinem ex censu descripsit, vel paci decorum, vel bello. Tum igitur cives omnes bona sua æstimare rex iussit, atque eorum æstimationem iurejurando obstrictos ad se deferre; præterea patrem, nomina, & ætatem uxorum, liberorum, libertorum, servorumque profiteri, quaque urbis in regione, aut quo suburbii pago habitarent, indicare; qui secus fecisset, bona ejus publicari, ipsum verberatum venire, & civitatem amittere voluit. Ex iis autem verbis, quæ Dionysii sunt, colligimus: Cives Romanos, non ubi ad ætatem ferendis armis idoneam, hoc est ad annos XVII. pervenerant, ut quidam existimant, sed a quo primum die nati erant, census fuisse. Quo in loco Dionysius ipse libertinos quoque, & servos una cum ingenuis fuisse censos significat. Quum autem, ut ex eodem liquet, rustici Romani censu fuissent, non est dubium, quin, posteaquam communicari civitas cæpta est, municipia & coloniarum in censum recepta fuerint. De municipiis autem ita scribit Peditanus: Convenerat ex municipiis cujusqueque modi multitudo, aut propter comitia suffragiorum causa, aut ludorum, aut ut conferrentur. Idem quoque significant verba Ciceronis in oratione pro Cluentio, quum scribit: Tabulas publicas Larini censorias corrupisse, decuriones universi judicaverunt. Certe enim de tabulis iis intelligit, in quas Censores, quum civium Romanorum censum agerent, municipum nomina retulerant. Coloni vero bello Punico secundo censeri cæpti. Ita enim scribit Livius libro XXIX. Duodecim coloniarum, quod nunquam antea factum erat, deferendis censoribus, censum acceperunt: ut quantum numero militum, quantum pecunia valerent, in publicis tabulis monumenta extarent. Orbos autem & orbas, itemque viduas censu exclusas aliquando fuisse refert Livius. Libro enim III. Q. Fabius (inquit) T. Quintio eos, censu sunt civium capita CCXIII. CCXIV. præter orbos, orbaque. Et libro LIX. ait: Censu civium capita CCCLXIII. DXIII. præter orbos & viduas. Nulla igitur (his exceptis) hominum conditio censu a Ser. Tullio exclusa fuit, ut ex Dionysio satis constet. Qui professione perfecta tabulas perlegit, quibus & civium numerum, & uniuscujusque opes co-

gnovit. Prout autem varius erat cujusque census, ita etiam sex descripsit civium classes, quæ in centuriis dispartitæ erant; ita ut in primam ditissimum quemque, in sextam tenuissimum conjiceret. Ex his enim, quorum maximus erat census, id est, qui centum millia æris eove amplius possiderent, primam classem fecit octuaginta centuriarum, quadraginta quidem seniorum, & totidem juniorum. Erant autem seniores post annum ætatis XLV. juniores autem a XVII. ad XLV. seniores ad urbis custodiam ut præsto essent, juvenes ut foris bella gererent. Arma his imperata, galea, clypeus, ocreæ, lorica, omnia ex ære, hæc ut tegumenta corporis essent, tela in hostem, hastæque, & gladius. Additæ huic classi, ut Livius scribit: duæ fabrum centuriæ, quæ sine armis stipendia facerent, datum munus ut machinas in bello ferrent. Has duas centurias non primæ, sed secundæ classi adjectas fuisse prodit Dionysius, earumque unam centurias seniorum, alteram vero juniorum sequi iussit. Secunda classis intra centum, usque ad quinque & septuaginta millium censum viginti centuriarum instituta, decem seniorum, & decem juniorum, his arma imperata, scutum pro clypeo, & præter lorica omnia eadem. Tertiæ classis quinquaginta millium censum esse voluit, viginti quoque centuriarum, ex quibus decem juniorum, totidem seniorum. quibus de armis nihil quidquam mutatum, præter ocreas tantum, quas eis ademit. In quarta classe census quinque, & viginti millium, ut Livius, vel viginti tantum millium, ut Dionysius; totidem centuriæ, eodemque discrimine ætatum factæ; arma his immutata nihil præter hastam, & verutum datum. Quinta classis aucta, centuriæ XXX. factæ, XV. seniorum, XV. juniorum, XI. millibus hæc classis censabatur. fundas lapidesque missiles hi secum gerebant. In his, ut Livius scribit, accensi, tibicines, cornicinesque in tres centurias distributi. Dionysius vero duas tibicinum tantum centurias factas fuisse refert, easque quartæ classi adjunctas, quarum una erat seniorum, altera juniorum. Censum autem undecim millium minor, reliquam civium multitudinem habuit, quæ erat major civium multitudo, quam in unam centuriam redegit militiæ ac tributum immuncem: & hæc fuit sexta classis. In hac autem centuria proletarii, & capite censi erant. Proletarii autem erant, qui C. asses vel plus minus in censum deferrebant, qui soli in urbe procreandæ proli, & nulli alii videbantur vacare publico muneri, unde a prole proletarii nuncupati. Capite censi vero tenuiores erant, qui CCCLXXV. asses haberent in censum, qui quoniam pecunia non viderentur censi, capite suo censabantur, civium numerum augentes: quibus non ideo vacatio a militia data, quod arma his quoque non committi possent, sed quia bellicos sumptus facere nequirent. Eis enim temporibus milites se de suo alebant. Proletarii longo tempore post militare cæperunt. Capite vero censis primus bello Jugurthino arma dedit C. Marius, ut scribunt Salustius, & Valerius Maximus. Ceterum Ser. Tullius ita pedestri exercitu ornato distributoque, equitum ex primoribus civitatis qui maximo censu essent, XII. scripsit centurias. Sex item alias centurias, tribus a Romulo institutis, sub iisdem quibus inauguratæ erant nominibus fecit, atque ad XVIII. numerum auxit, quas cum octuaginta primæ classis centuriis conjunxit; eisque ad equos emendos, dena millia æris ex publico data, & quibus equos alerent viduæ attributæ, quæ bina millia æris in annos singulos penderent. Ex qua divisione sequitur, ut decuriones, equites, senatores omnes in prima classe conferrentur, quandoquidem neque decurio poterat esse, qui centum millia non haberet, neque eques, qui XI. ∞. neque senator, qui octingenta millia. Summa autem centuriarum, quæ omnibus classibus continebatur, erat CCXIII. vel, ut Livius, CCXIII. Qui unam tibicinum, cornicinum, & accensuum centuriam adjungit.

Ex his octo & xc. erant primæ classis, si numerentur centuriæ XVIII. equitum, vel centum centuriæ erant primæ classis, si duas fabrum addiderimus, quas Livius primæ, Dionysius vero secundæ classibus adjunxere. Populo ita distributo militum descriptionem per centuriarum divisionem faciebat, ac tributum ex censu per easdem centurias imperabat. Nam si quando ei opus esset militum decem millibus, aut viginti, divisa in centum nonaginta tres centurias civitate, per centurias imperabatur quantum dare militum quemque oporteret. Tum inita ratione pecuniarum, quæ exercitui ducendo opus esset, populus in centum nonaginta tres centurias dividebatur, & quid quamque centuriam conferre oporteret, imperabat. Qua ratione fiebat, ut qui maximo censu erant, quum & pauciores essent, & in plures divisi centurias, sæpius ac fere continenter ferrent onus militiæ, & de suis facultatibus plus in commune conferrent, atque ut ait Livius: *In dites a pauperibus inclinata onera*. Qui enim medio censu erant, quia plures erant, & in pauciores centurias distributi, nec ita sæpe militabant, nec magno tributo gravabantur; qui vero infimo censu erant, omni onere immunes fuerunt. Atque illo quidem periculorum & impensarum onere divitibus imposito, ut ne id graviter ferrent, optimam rationem leniendæ indignationis commentus est. Effecit enim ut hi vere Reip. domini essent, & in pauperibus nulla prope modum vis esset, idque ita fecit, ut se excludi plebs non sentiret. Fuit autem illa quam divitibus dedit, dominatio in comitiis, quibus res maximæ a populo scilicetabantur. Nam ex veteri lege tria erant in populi potestate, magistratus omnes creare, leges condere, aut abrogare, bellum indicere, aut pacem facere. Hæc vero a populo adhuc ita peragi solita erant, ut per curias divitis suffragium ferret; erantque tunc pauperes divitibus ferendo suffragio pares. Quin etiam, quia multo pauciores erant divites pauperibus, ita fiebat, ut vis suffragiorum esset penes pauperes. Quo a Ser. Tullio animadverso in divites transfuit potestatem suffragiorum; quando enim volebat vel magistratus creare, aut leges ferre, aut bellum indicere, centuriata comitia pro curiatis vocabat, ac primum quidem ad suffragium ineundum vocabat centurias maximi census, in quibus erant XVIII. centuriæ equitum, & peditum XX. Hæ octo & nonaginta centuriæ, quæ reliquam multitudinem tribus centuriis superabant, si convenissent, reliquis vincebant, omninoque quod statuisset obtineri oportebat. At si omnes illæ non convenissent, tunc vocabat secundæ classis XX. vel XXII. centurias; quod si harum rursus diversæ fuissent sententiæ, vocabantur centuriæ viginti classis tertię, mox quartæ XX. vel XXII. idque eousque faciebat, donec XCVII. centuriæ convenirent: quod si vocata etiam quarta classe id nondum ita accidisset, sed suffragiorum multitudine pares essent CXCII. centuriarum sententiæ, tum ultimam centuriam sextæ classis vocabat, quæ cui parti se addidisset ea vincebat. Id quod raro aut nunquam usu venit; fere enim a prima classe omnia transigebantur, raro ad quartam perventum. Quinta vero classis, ac postrema nullius fere momenti erant. Atque illo quidem ordine instituyendo, quo tantum auctoritatis dabatur ditioribus, ut pene exacti Reip. administratione pauperes viderentur, tantum adhibuit calliditatis, ut plebi infimæ fraus non appareret. Omnes enim se æqualiter gere remp. censebant, quod viritum rogabantur in suis singuli centuriis. At decipiebantur, partim quod universæ centuriæ unum esset suffragium, sive plurimos, sive paucos cives complecteretur, partim quod primæ suffragium ferrent ex centuriæ, quæ erant maximi census, quæ & plures erant numero reliquis omnibus, & pauciores tamen homines singulæ continebant. Erat vero & pars fraudis non minima in eo, quod capite cenli quamquam longe plures essent, uni-

cum tantum suffragium omnes faciebant, ac postremi vocabantur. Qua ratione efficiebatur, ut divites, quorum erant maximæ in rep. impensæ, quique continenter munera reip. sustinerent, minus id gravate ferrent, propter eam quam obtinebant in rebus maximis auctoritatem; quam cum iis non communicari videbant, quibus in capeffenda rep. non tantum oneris incumberet: pauperes contra, quibus oneris publici minimum imponebatur, æquo animo ferrent, se pro sua immunitate tributorum ac militiæ inferiores iis esse, in quos ista incumberent. Hæc ratio reip. gerendæ per multas ætates a Romanis servata est. Qua ratione autem posterioribus temporibus mutata fuerit, tribuum numero aucto, centuriisque duplicatis, alibi explicabo. Censu autem a rege Ser. Tullio perfecto, quem maturaverat metu legis de incensis latæ (nam vinculorum minis, mortificis edicto caverat, ne quis incensus remaneret) lustrum hac ratione primo condidit. Edixit ut omnes cives Romani, equites, peditisque in suis quique centuriis, in campo Martio prima luce adessent; ibi instructum exercitum omnem sue, ove, & tauro, sacrificio facto lustravit. quas hostias quum eas prius circumduci ter circum exercitum iussisset, immolavit; idque conditum lustrum appellatum, quia in censendo finis factus est. Id autem sacrificii genus Solitaurilia, & Sueovetaurilia vocabant. Primo autem lustrum censu fuisse octuaginta civium millia traduntur, quem numerum eorum tantum fuisse Q. Pictor scripsit, qui arma ferre poterant. Dionysius vero eos octuaginta quattuor millia fuisse prodit, idque ex tabulis censoriis se accepisse scribit: cum Dionysio sentit Eutropius. Quum vero institutum fuerit, ut quinto quoque anno exacto census feret, lustrumve conderetur, hinc lustrum pro quinquenniali spatium sumptum esse constat. Idque a luendo dictum scribit Varro libro quinto de lingua Latina, quod quinto quoque anno vestigalia, & alia tributa per censes perolverentur: tamen ultra quinquennium tempus vel bello, vel domesticis discordiis, vel alio casu sæpe productum in septem, decem, & aliquando septemdecim annos fuisse lustrum ex Fastis constat. Magistratus autem huic muneri præfuit primum, qui summus in urbe fuit, reges, ejectis regibus consules, deinde, quum consules bellis impediuntur, censes, qui ab re nomen acceperunt. Censum autem in foro primum, deinde Villa publica (locus is erat in campo Martio) fieri institutum; lustrum vero semper in campo Martio conditum. Hæc autem ex Dionysio, Livio, Plinio, Salustio, Valerio, Eutropio, Censorino, Sex. Pompeio, L. Floro, & ceteris, qui Ser. Tullii regis acta scripserunt, decerpit.

C A P. LIII.

De comitiis centuriatis.

DE comitiis autem centuriatis disputaturus, quæ præcipua populi Romani comitia erant, ante omnia, quid comitiorum vocabulo significetur, interpretandum est. Comitia a coeundo, vel potius, ut veteres dicebant, a comeundo dicta sunt, quod populus coire his & in unum locum convenire solet, a quo etiam verbo locus in foro Romano Comitum dicebatur, & conciones quasi comitiones vocabantur. Erant autem comitia, quum generaliter verbum accipitur, conventus populi totius, aut partis ad ferendum de aliqua re suffragium. Alio modo, & quum proprie vocabulum accipitur, universi populi convocatio ad aliquid suis suffragiis sciendum. Nam si plebs tantum, quæ pars populi erat, a magistratu vocata fuisset, ea non proprie comitia dicebantur, sed concilia: quod Gellius libro XV. cap. XXVII. ex Lælio Felice, Cicero II. de legibus, & post reditum in senatu, docent.

Quamquam Livius hanc differentiam non agnovisse videatur, qui & sæpe comitiorum & concilii nomine abque ullo discrimine in eadem re utitur, & concilium pro quavis populi congregatione usurpat. Ceteræ porro populi congregationes, & cœtus, qui non ferendi suffragii causa, sed ludorum, aut census fiebant, non comitia dicta. Non erant enim comitia, nisi essent populi tales conventus, qui indicti essent ad ferendam de aliqua re per suffragia sententiam. Tria autem erant comitiorum genera; curiata a Romulo instituta, de quibus supra verba feci; centuriata a Ser. Tulio inventa, de quibus nunc disputare institui; & tributa, de quibus post dicam. Calata enim comitia non faciebant aliud genus comitiorum, sed ejusmodi erant vel curiata, vel centuriata, a calo verbo, quod est convocatio, dicta, unde & Romæ in Capitolio curia Calabra, in qua calata, hoc est convocata plebs, pontifex dies pronuntiare solebat. Centuriata igitur comitia erant, quibus populus per classium centurias divisus suffragium ferebat, ita ut centuriatum suffragia colligerentur, & quod plures centuriæ iussissent, id ratum haberetur. Ex his autem, quæ supra ex Livio, & Dionysio de Ser. Tulio differni, quales, & a quo primum, & quo modo institutæ, suffragium ferrent ejusmodi centuriæ, unde nomen habuerunt centuriata comitia, facile intelligi potest. Tribus porro potissimum de causis comitia centuriata haberi solebant. Una erat creandorum magistratuum, altera legum ferendarum, tertia iudicii exercendi causa: quod etiam Cicero II. de divinatione docet. Quod quidem institutum reipublicæ causa est, ut comitiorum vel in iudiciis populi, vel in iure legum, vel in creandis magistratibus principes civitatis essent interpretes. His autem comitiis creabantur primo omnes majores magistratus ordinarii, & extraordinarii præter dictatorem, qui noctu ab altero consulum, ex S. C. quotiescunque opus esset dicebatur; magistrum equitum, qui a dictatore cooprabatur, & interregem, quem comitiorum habendorum causa, non nisi patricium, & a patriciis prodi solum Cicero, Alconius, & Livius testantur. Erant autem majores magistratus, qui comitiis centuriatis creabantur; consules, quod ex Cicrone, & T. Livio manifestissimum est; prætores, ut ex omni Liviana historia liquet; & postremo censes, ut A. Gellius lib. XIII. cap. XIII. ex Messalla scribit. Qui Consules, censes, & prætores majores magistratus vocat, eosque comitiis centuriatis aperte creatos refert. Dictatorem autem ab altero consulum creati mos erat, ut supra dixi, qui ex S. C. quem vellet ex omnium consularium numero dictatorem, quoties opus erat, dicebat. Illud tamen scitu dignum, aliquando populi iussu actum fuisse, ut consul non pro arbitrio, sed quem populus iussisset, dictatorem diceret, ut dictus est Q. Fulvius Flaccus a M. Marcello consule bello Punico secundo: ex quo etiam plebiscito a Q. Fulvio dictatore P. Licinius Crassus pontifex max. mag. eq. dictus est. Est etiam per absentiam consulum aliquando prodicatore a populo creatus, quemadmodum de Q. Fabio Maximo testatur Livius libro XXII. Interrex autem, quem sine curuli magistratu resp. esset, comitiorum causa patricius a patriciis coeuntibus proponebatur; quam rem sæpe Livius commemorat. Illud quoque animadvertendum, pro consulibus interdum centuriatis comitiis creatos, ut de P. Scipione Africano proconsule in Hispaniam misso tradit lib. XXVI. Livius. Quamquam rationem hanc decernendam provinciarum nec perpetuam, nec ordinariam fuisse post ostendam. Comitii postremo centuriatis creabatur Rex sacrorum, alias rex sacriculus, ut ex Lælio Felice docet Gellius lib. XXVI. cap. XV. nam de quibus sacerdotibus lex Domitia fuit, supra demonstravi. Comitii etiam centuriatis X. viri legum scribendarum, & tribuni militum consulari potestate

creati sunt. Hi igitur sunt omnes magistratus, quos centuriatis comitiis creatos fuisse inveniri. Alteram porro comitiorum centuriatorum causam fuisse dixi legum ferendarum. Leges autem hæc fuerunt omnes, quæ a magistratibus iisdem promulgatæ sunt, qui vel majores essent, vel comitiis centuriatis crearentur. Quare omnes fere leges a dictatoribus, consulibus, & prætoribus auctoritate senatus latæ, centuriatis comitiis latæ sunt; ut de bello indicendo, Valeriæ de provocatione, duodecim tabularum, Æmilia de censura, & similes. Dixi autem fere ita factitatum, quia id perpetuum non fuit, ut quas leges ferrent majores magistratus, has centuriatis comitiis ferrent. Nam aliquando leges curiatis majoribus magistratibus, ut a consule in comitio latas legimus, ut fuit rogatio M. Pisonis consulis ad populum de religione a P. Clodio contempta in comitio, auctore Cicrone, lata. Bellum postremo iisdem comitiis indici solum aperte ex omni Livii historia intelligitur. Pax enim tributis comitiis, ut ostendam, fiebat. Tertia postremo comitiorum centuriatorum ratio fuit iudiciorum exercendorum causa. Iudicia autem populi his comitiis habita, ad unum tantum crimen capitale perduellionis spectabant. Nam reliqua iudicia, vel a triumviris capitalibus, vel ab aedilibus, vel a C. viris, vel a prætoribus, vel a quæstoribus ad id a populo creatis, aut quæstoribus partidii transgebantur. Unum tantum perduellionis crimen ad iudicium populi pertinebat, quod centuriatis comitiis terminabatur. Erat autem crimen perduellionis, hostili animo se in remp. gerere: nam quos nos hostes appellamus, veteres perduelles vocabant. Hinc factum est, ut reus perduellionis diceretur, qui se quoquo modo hostili animo in rempublicam esse declarasset, quasi diceret reum hostilitatis. Discrimen autem erat inter id crimen, & crimen majestatis, auctore Cicrone lib. III. in Verrem. Nam majestatis crimen erat duces hostium pecunia liberasse, aut privatum hominem domi suæ hostium duces servasse incolumes, legionem sollicitasse, seditionem in exercitu excitasse, magistratui pro suo imperio quidquam agenti restitisse, ut idem Cicero pro Cluentio, & pro C. Cornelio ostendit; atque hoc crimen suum prætorum habebat, qui de eo quæreret. Crimen vero perduellionis erat civem Romanum contra jus libertatis sibi legibus Porcia maxime, & Semproniam concessæ in crucem tollere, aut securi percutere, aut in latumias conjicere, aut verberare. Quum enim lege Porcia cautum esset, ne civem Romanum virgis cedere, aut ullo servili supplicio afficere liceret, lege vero Semproniam, ne de capite civis Romani injussu populi judicaretur, quicumque contra jus suæ libertatis civem Romanum, quasi peregrinum tractasset, tanquam oppugnatorem libertatis Romanæ reus perduellionis ad populum fiebat. Jus enim civitatis totum erat penes populum, ideoque iudicio populi merito subiciebatur, qui contra leges de jure civitatis, ac libertatis populi quicumque fecerat. Itaque C. Rabirius perduellionis reus factus est, quod Saturninum tribunum plebis, quamvis seditionis, & reip. perturbatorem, injussu populi Romani occidisse diceretur. Qui magistratus, quod ad defensionem libertatis populi institutus fuerat, idcirco legibus sacrosanctus esse jubebatur: quod nihil aliud erat, quam sacrum caput ejus esse, qui tribuno plebis no-cuisset, quod idem erat atque cum pro hoste haberi. In hoc itaque crimine populus comitiis centuriatis judicabat, ut ex oratione III. in Verrem, & pro domo, & Valerio lib. VI. cap. V. liquet. Duumviri aliquando qui de hoc crimine quærerent creati sunt, sub regibus de Horatio perduellionis reo. Iudicia etiam perduellionis centuriatis comitiis agi solita refert lex XII. tabularum, quam Cicero lib. III. de legibus ponit ita: *Privilegia ne irroganto: De capite civis nisi per maximum comitiatum, Ollosque, quos censes in partibus*

populi locassint, ne ferunt. Perduellionis autem iudicium capitale esse nemo ambigit. Quapropter P. Clodius, quum reum perduellionis Cicronem fecit, ob id iudicatus est non jure fecisse, quod tributa habuit comitia de capite civis Romani, qui centuriata habere debuisset. Quod etiam Cicero lib. III. de legibus refert.

Commune autem erat omnibus centuriatis comitiis, cuiusvis causa haberentur, eos non nisi a majoribus magistratibus haberi posse. Quum enim agendum cum populo jus cuiquam non esset præterquam magistratui (nisi de sacris agendum esset) siquidem rogare quid populum, quod suffragiis suis quid jubeat, aut vetet, quod est cum populo agere, nemo absque imperio posset: minores sane magistratus, quorum erant minora auspicia, quibusque minus erat imperii, jus habere non poterant vocandi centuriata comitia, quibus & auspiciis majoribus, & maximo imperio opus esset. Habere igitur centuriata comitia poterant consules, prætores, censores, dictatores, & interreges, quos omnes majores magistratus fuisse liquet. Ac magistratum majorum, quos solos his comitiis creari dixi, comitia consules semper ac soli habebant, nisi aut res ad interregnum rediisset, aut absentibus consulibus senatus visum esset, dictatorem comitiorum causa creandum esse: tunc enim consules ab interrege, aut dictatore creabantur. Prætorum comitia non nisi consules habere poterant; prætori enim neque consulum, neque prætorum comitia habere jus erat, ut ostendit Cicero lib. IX. ad Atticum. Censores quoque non nisi a consulibus creabantur, ut ex omni Liviana historia liquet. Atque creandis magistratibus non nisi consules, dictatores, interrex comitia habere poterant. Legibus vero ferendis, aut iudiciorum causis, jus erat consulibus, dictatori, & prætoribus tantum, ut ex omni Livii historia didici; censores enim aut interregem, vel magistrum equitum comitia nunquam exercendi iudicii, aut legum ferendarum causa habuisse, constat. Censores tamen jus habuisse populi vocandi ex lustris condendi ratione manifestum est. Legibus quoque inter arma silentibus L. Valerius Flaccus interrex de perpetua Sullæ dictatura legem tulit, quam legem legum omnium iniquissimam, dissimillimamque legis Cicero appellat. Jus etiam vocandi populi magistrum equi habuisse indicant Pomponii verba quum ait. *Hoc fuisse dictatorem magistrum equitum, quod erant sub regibus tribuni celerum.* At ex Dionysio constat tribunum celerum jus agendi cum populo habuisse. Ex his igitur apparet, ex magistratibus quibus jus esset habendi centuriata comitia. Consules enim tantum, dictatores, & interreges magistratibus creandis comitia habere solebant: censores vero, prætores, & magistri equitum minime. Legum autem, ac iudiciorum, consules tantum, dictatores, & prætores: non interreges, censores, & magistri equitum. Jus vero convocandæ concionis omnes habuisse constat. Ex his porro qui magistratus non essent, solos pontifices jus habuisse agendi cum populo invenio: idque in comitiis centuriatis, tributis, & curiatis. In centuriatis quidem tantum in creatione regis sacrificuli, qui centuriatis fieri solebat; in reliquis eorundem comitiorum causis nihil illis juris erat. His autem comitiis omnes quotquot adesse volebant pleno jure cives Romani interesse poterant, id est, qui jus suffragii ferendi haberent, quibusque civitas cum suffragio data fuisset: nam erant & cives sine suffragio; vel quod his datum a populo non esset quum cives facti sunt, vel quod eos censores ignominie causa suffragii latatione privassent, quos in Cæritum tabulas referri dicebant. Hi primi omnium municipes cives Romani facti sunt, sine suffragii tamen jure, pro sacris Romanis bello Gallico custoditis. Afconius: *Qui plebeus erat in Cæritum tabulas referebatur, & ara-*

Alius fiebat, ac per hoc non erat in albo centuriæ suæ, ad hoc ut civis esset, sed tantummodo ut pro capite suo tributi nomine ara penderet. Vide Gellium lib. XVI. cap. XII. Erant enim essent plura civium Romanorum genera, quæ variis jurebus, & privilegiis distincta essent, hi pleno jure cives Romani erant, quibus suffragii ferendi jus datum fuerat, vel non ablatum: reliqua enim omnia quæ habebant privilegia cum aliis civibus imperfecti juris communia erant. Non virgis cædi, vel securi percuti legibus Porcia & Sempronia, commune etiam erat his, qui sine suffragio cives essent. Militare in legione Romana, hereditatem civis Romani capere posse, testamentum jure Quiritium facere, iisdem civibus communia erant. Jus connubiorum cum Latinis communicabant, & alia quædam similia. In comitiis ergo centuriatis jus ferendi suffragii habebant omnes cum pleno jure cives Romani. In quo numero ante legem Juliam comprehendebantur omnes cives Romani, qui in urbe, agroque habitarent, atque in XXX. curias, XXXV. tribus, & sex classes distributi essent. Item municipia aliquot, quibus civitas cum suffragio data fuerat, ut Tuscilani, Lanvini, Aricini, Nomentani, Pedani, Forniiani, Fundani, & Arpinates. Et postremo colonie aliquot civium Romanorum, quibus civitas cum suffragio data fuerat, civiumque Romanorum ob id dictæ, quum hæc quæ suffragium non haberent colonie Latine dicerentur. Duo enim coloniarum genera fuisse tradit in Pisonianam Afconius; quædam Latine, & quædam civium Romanorum, de quibus frequens apud Livium mentio est. Post legem vero Juliam Italia omnis, cui ea lege civitas cum suffragio data est, jus in comitiis hisce habere cepit. Atque ita colonie omnes, municipia, & præfecturæ, & alia Italiae oppida, vel sociæ civitates Romæ suffragari cœperunt. In omnibus porro comitiis centuriatis erant diribitores, qui tabellis populo per centurias ministrabant: non enim eas populus domo ferebat, ut aperte tradit Cicero epistolarum libro I. ad Atticum. Diribitorum, qui a diribendis hoc est distributis tabellis dicebantur, meminist Cicero in Pisonem, & alibi sæpe. Erant & rogatores: erant qui civitas deferabant, in quas tabellas suffragii populus conjiciebat; de quibus sæpe Cicero. Itemque custodes, qui præter id quod observabant, ne quid fraudis committeretur in fortitionibus, & suffragiis dicendis, describebant etiam cuiuscunque centuriæeducta & cista suffragia, ut apparet quæ esset illius centuriæ sententia, quam sententiam tum per præcones magna voce pronuntiabant, & postremo quem omnes centuriæ, vel tribus magistratum pronuntiassent, populo alta voce declarabant. De iis custodibus, & præconibus Cicero in Rullum, & alibi sæpe, & Plutarchus in Catone meminerunt. Præcones etiam centurias, & classes ad ferendum suffragium vocabant. Erat vero & hoc præterea custodum munus, ut post lata suffragia in quibusdam tabulis numerum sententiarum punctis notarent, quod ex Cicero in oratione post reditum in senatu liquet; singulorum enim sententiæ puncta, universæ centuriæ suffragia vocabantur. Iidem diribitores, rogatores, custodes, & præcones in reliquis centuriatis comitiis legum vel iudiciorum erant. Hoc differt, quod in tabellis magistratum notata erant nomina candidatorum. In iudiciis: in altera *Abolito*, in altera *Condemno*, in altera *Non liquet*. In legibus: *Uti rogas*, in altera, *Antiquetur*. Nunc de iis qui magistratus petebant, quos candidatos vocabant, dicam. Erant autem candidati qui magistratum aliquem petebant, sic dicti a toga candida, quam gestabant, qui se magistratum petere professi essent. Hujus rei exemplorum omnes libri pleni sunt. Causam cur in toga candida magistratus ambientes apparent, refert Plutarchus in problematibus. Ex candidatis

quidam petitionem suam biennio, quidam anno antequam inirent inchoabant. Erant quoque petendis magistratibus præscripti, & certi quidam anni, ante quos magistratum nemo petere poterat, nisi legibus solveretur, de quibus satis dixi in commentariis Faſtorum in tractatu de conſulatu. Ediſtis vero comitiis, tum qui petere volebant, ſe proſiteri candidatos oportebat: alioqui niſi intra legitimos dies ſe petere proſeſſi eſſent, ratio eorum haberi comitiis non poterat. Petitionem tamen diu ante per amicos candidati adornabant. Poſt ediſta vero comitia concione ab aliquo magiſtrato impetrata populo ſe petere proſtebantur: hoc eſt, quandam publicam voluntatis ſuæ declarationem populo faciabant, de aliquo magiſtrato, ſi populus ita vellet, obtinendo; magiſtratus enim populi mera beneficia erant. Candida autem toga petitionis ſignum erat, ut a populo dignoſcerentur, qui ambirent magiſtratus. Quam diu enim retinebatur, toga candida, tam diu perſiſtare in petitione; ea depoſita & petendi voluntatem depoſuiſſe candidati cenſebantur. Quod ex hiſtoria Ciceri ſcribæ apud Valerium legitur. Ceterum non ſemper ratio habebatur eorum qui proſeſſi eſſent, in qua re magiſtratum, & ſenatus cognitio locum habebat. Ne enim populus magiſtratus aliquid mandaret indigno, aut contra leges; publice intererat conſiderari candidatorum cauſas a magiſtratibus & conſilio publico, quæ deinde ad populum allegatæ efficebant, ut eorum tantum qui digni eſſent rationem comitiis habere vellet, ac ſæpe etiam contra populi ſtudia maniſeſta, magiſtratus iudicio, aut ſenatus decreto excluderentur ſuffragiis populi nonnulli candidati, ut paſſim ex omni hiſtoria liquet. Ita ut omnes petere poſſent magiſtratus, ſi legitima ætate, nominaque populo publice proſeſſi eſſent, ſi magiſtratus, vel ſenatus eorum rationem haberi cenſuiſſent. Tum eorum nomen conſul etiam recipiebat, id eſt, populi ſuffragio permittebat, ut ex iis deſignaret quos vellet. Adeoque tum conſulem nomen candidatorum recipere oportebat, ut omnino ſuffragio populi exclusus eſſet is, cujus nomen non recepiſſet: ac ſi quem populus deſignaveſſet, cujus nomen accipere nollet, nihil eo deſignando populus perſicere poſſet, quando ei liberum eſſet populi concionem dimittere, quum vellet. Huius rei multa apud Livium, & Valerium Maximum de M. Palicano exempla extant. Poſt comitia ediſta trinundinum expectari mos erat ante diem comitorum, id eſt dies XXI. partim ut ad eam diem populus commode undique convenire poſſet, partim ut candidati populo frequentiori, & non modo urbanæ, ſed etiam ruſticane multitudini ſupplicare poſſent. Cauſæ autem cur candidatorum ratio haberi non poterat, multæ erant, ut defectus ætatis, quia lex lata erat a L. Villio Annale trib. plebis, A. Poſtumo & C. Piſone Cos. qua certi quidam anni conſtituti erant, ante quos non liceret magiſtratatum capere. Item erat & lex Cornelia quæ jubebat, ut ordinatim magiſtratus caperentur, id eſt, primo quaſtura, anno XXVII. deinde tribunatus plebis, anno XXX. poſt Ædilitas, anno XXXVII. poſt prætura, anno XXXIX. & poſtremo conſulatus, anno XLIII. & qui minores magiſtratus non obtinuſſent, majores adipiſci non poſſent. Fuit & lex alia Cornelia, cujus cauſa candidatorum ratio haberi non poſſet, quæ vetabat eundem magiſtratatum bis intra decennium iniri poſſe. Erat & alia lex, qua vetabatur ne in magiſtratum comitiis abſentium ratio haberetur. De qua Tranquillus in Cæſare. Poſtremo ſi qui turpi iudicio damnati eſſent, in perpetuum omni honore ac dignitate mulctati erant, ut ſcribit Cicero pro Cluentio. Tum etiam ſi quis publico iudicio damnatus, cujus poena exilium non eſſet, ſed ignominia tantum, mulctave, ei magiſtratatum petere non licebat. Item ambitus damnati ante legem Tulliam honoribus excluſi erant. Multæ

poſtremo fuerunt cauſæ, quibus candidatorum ratio haberi non poſſet, quæ paſſim in hiſtoriis leguntur. De ratione petendi candidatorum ita Cicero in libro de petitione conſulatus ad Q. fratrem ſcribit, ut nihil deſiderari poſſit. Hæc tamen obſervavi. Candidatorum mos erat in forum convenire, ut populo & plebi etiam ruſticæ ſupplicarent, ſingulorum quos obvios habebant manus preſtare, prehenſos dextra obvios cives benigne orare, nundinis quibus ruſtici in urbem conveniebant, in comitium venire, in colle hortulorum campo Martio imminente conſiſtere, ut ab univerſis videri poſſent, ſecum alios adducere populo gratiſos, qui ſuo nomine etiam peterent. Nomenclatores ſervos habebant, qui eis ſingulorum nomina quos ſalutarent, & obſecrarent, ſuggerebant. Quidam etiam diviſores habebant, per quos nummos viritim per tribus, & centurias dividerent, quibus earundem ſuffragia emebant; quod lex ambitus prohibebat. Quidam quo populo gratiſi fierent, congiaria, munera, epulum, & alias largitiones publice populo præbeant. Eadem fere ratio eſt de comitiis centuriatis, quæ legum ferendarum, & iudiciorum cauſa fiebant. Niſi quod legibus ferendis, antequam lex promulgaretur, recitari ſolebat a præconibus ſuggerentibus ſcribis populo, ut ante ſciſcit & intelligeret legem, quam ſuffragium ferret. In comitiis vero centuriatis iudiciorum cauſa niſi accuſator is eſſet qui comitia haberet, præter eas perſonas, quas omnibus centuriatis convenire neceſſe erat, intervenire eum primum oportebat, qui diem perduellionis ad populum dixiſſet, tum vero deſenſorem qui pro reo diceret, poſtremo & ipſum reum ſordidatum cum amicis qui populo ſupplicarent, priuſquam in ſuffragium mitteretur. Quod vero comitiis adeſſe has perſonas dixi, ita accipiendum eſt, niſi exilii cauſa ſolum ante iudicii diem rei vertiſſent; quemadmodum ſciſſe Camillum, Coriolanum, K. Quinctium, & Ciceronem ipſum in hiſtoriis legimus. Porro ante comitia centuriata edictum præmitti neceſſe erat, ut ad quam diem convenire populus deberet multo ante intelligeret. Unde fit ut in omni hiſtoria ita ſæpe reperiantur conſules comitia edixiſſe. Illud vero dubium eſt, ita ne comitia edici ſolerent, ut præcones per vicos dimiſſi diem prædicerent, an, quod magis credo, potius ſcriptum eſſet, quod publice proponeretur, eodem modo quo prætorum ediſta. Sane ſcriptum in tabella proponi publice ſolitum quo edicebatur, quis dies comitiis centuriatis futurus eſſet, idque forma perpetua tradit Gellius libro XIII. cap. XIII. Et quoniam comitiis etiam adeſſe ex agris homines oportebat, qui in urbem fere non niſi nono quoque die, id eſt, nundinis veniebant, propterea edictum illud per plures dies publice extare neceſſe erat, ut populo univerſo notum eſſet. Unde poſt edictum promulgatum ante comitorum diem trinundinum interjici ſolebat etiam in magiſtratum comitiis: nam in reliquis ita fieri oportuiſſe ſatis maniſeſtum eſt. Quod vero tantum tempus interjici debere dixi, ita accipi debet, ſi modo nil accidiſſet, quod impedimento eſſet, quo minus comitia ſuo tempore haberentur. Nam ſi res ad interregnum rediſſet, a ſecundo interrege comitia haberi poterant, quorum imperium non erat niſi quinque dierum. Hinc trinundino legem promulgare, erat legem, quam quis ferre propoſuerat, tribus diebus nundinarum advocata concione ita recitare, ut de ſingulis capitibus populus & doceretur, & doceri aliis adhibitis ſuaſoribus fieret: data etiam facultate, ut qui vellet, legem improbare diſſuadereque poſſet. Erant autem nundinæ feriæ ruſticorum, quibus in urbem conveniebant negotiis domeſticis proviſuri, quemadmodum nunc mercatus. Fiebant autem nono quoque die, unde etiam nomen habuerunt. Qui autem leges ferre volebant, ſolebant ſibi unum aliquem magna auctoritate prædium concii

liare, & adjungere: is auctor legis a Cicerone appellari solet. In judiciis quoque trinundini lex observabatur. Quare ea lex communis erat omnibus centuriatis comitiis. Est etiam illud observatione dignum, in omnibus centuriatis comitiis senatus auctoritate opus fuisse, quod Dionysius indicat libro nono. Quod in tributis non erat. Patres enim auctores fieri solebant omnium, quae centuriatis comitiis transigebantur. Haec porro comitia non nisi auspiciato haberi poterant. Auspicia autem capere, erat ex avibus ceterisque auguralis disciplinae signis Jovis voluntatem interpretari. Hoc autem duobus praecipue modis fiebat, aut per exta hostiarum, & hoc erat haruspicum munus, aut ex avibus, quod augures facere solebant, ut Cicero secundo de divinatione, & secundo de legibus scribit. Auguralis vero disciplina ex quattuor potissimum generibus constabat; ex avibus, ex caelo, ex terrenis quibusdam animalibus, & ex diris. Ex avibus signa observabantur tripliciter; ex volatu, ex occentu, ex tripudio. E caelo, quod fervare de caelo dicebatur, erat attentius circumspiciendo observare, num qua parte caeli aliquid se ostenderet, unde divinationem accipere posset, ut fulgura, & tonitrua, ut Cicero secundo de divinatione tradit. Jove enim tonante (inquit) aut fulgurante comitia populi haberi nefas. De terrenis animalibus, scribit Plinius libro octavo, cap. LVII. item, ut ex morbo Herculeo, alias comitiali. De diris Cicero primo de divinatione: *Etenim dira sicut & cetera auspicia ut omnia, aut signa, non causas afferunt, cur quid eveniat, sed nuntiant eventura nisi provideris*. Ex his omnibus augures auspicia captabant, cujus disciplinae, auctore Dionysio, veteres Romani observantissimi erant. Ante igitur comitia centuriata auspiciari mos erat, & quamquam nihil apparuisset, mala signa obnuntiando afferre, vel falsa nuntiare, ut comitia haberi possent. Intra pomerium autem auspiciari mos erat in arce, vel in Palatio, ubi locus erat, quod a P. Victore auguratorum vocatur. Quod si quis vel non recte auguratus esset, & comitia habuisset, ubi id cognitum esset, tota illa actio vitiosa erat; hinc aliquoties magistratus ob eam causam abdicasse legimus. Quod si quis comitia prohibere voluisset, is obnuntiabat. Obnuntiare autem, erat magistratui servatum esse de caelo renuntiare, ideoque ne eo die Jove prohibente, comitia haberet, vetare. Cautum autem legibus erat, ut obnuntiationi pareretur. Auspicia autem penes magistratus erant; augures enim nihil pro officio agebant nisi a magistratibus jussi essent. Id autem est quod ait Cicero: *Magistratus tantum habuisse speculationem auspiorum*. Auspicia autem & majora, & minora vocabantur, majora erant consulum, praetorum, censorum; minora reliquorum magistratuum. Praeter auspicia, quae omnino a magistratibus ante ejusmodi comitia servanda erant, sacra quoque quaedam legitima fieri & hostiarum immolationes oportebat, de quibus Dionysius libro septimo. Edicto itaque populo, reque in trinundinum ante promulgata, senatus auctoritate interveniente, sacris factis, auspiciis addicentibus, nullaue obnuntiatione, vel aliorum magistratuum intercessione interjecta, quum centuriata comitia major magistratus habere vellet, die suffragii populus in campo Martio conveniebat, ubi priusquam in tribus & centurias distribueretur, concionem ad populum habebat, qua rogabat, ut id de quo ageretur juberet, aut vetare vellet; ac si magistratuum essent comitia, rogabat populum, ut ex iis candidatis quorum haberi rationem oporteret, quos tum omnes nominatim appellabat, crearet populus quos vellet consules, praetores, censores, vel quos ipse recitasset, vel quosdam ex omnibus civibus, si modo ii essent, quorum ratio haberi ex legibus posset. Deinde in centurias distributus initis comitiis suffragia ferre incipiebat. Comitia vero inchoata, multas

A ob causas, vel impedita, vel renovata fuisse constata, ut intercessione, & vitio magistratuum. Tribunorum autem plebis summum jus in intercessionibus erat, quod verbo uno solemniter VETO continebatur. Si autem nulla causa esset, qua comitia prohiberentur, postquam populum magistratus in suas centurias discedere jusserat ad suffragium ferendum, tum omnes qui aderant cives, quibus suffragii jus erat, discedebant in suas quique centurias, ut quo ordine rogerentur suffragium dicerent. Tum centuria, quae prima forte exiisset ea prerogativa vocabatur, in quantum momenti erat, ut fere inquam partem inclinasset prerogativa, eam reliquae centuriae sequerentur. Primo autem voce suffragium ferre solebant, post legem vero tabellariam, populus in mandandis magistratibus reliquique actionibus tabellis utebatur, in quibus in judiciis *Absolevo*, *Condemno*, *Non liquet*, exaratum fuerat; in comitiis legum *Antiquo*, *Uti rogas*; in magistratibus tot digebantur tabellae quot candidati, in quibus nomina candidatorum scripta erant per primas litteras. Is igitur candidatus qui plura per singulas centurias puncta tulisset, singillatim per praconem nuntiabatur, qui plura centuriarum suffragia, magistratus itidem a pracone populo referebat. Tabella vero accepta, tum ex uno septorum (duo enim in campo Martio septa erant, in quibus comitia habebantur) per quosdam ponticulos omnes tribus singillatim in aliud septum ibant, atque in cistas, quae in illis pontibus a rogatoribus tenebantur, tabellas mittebant. Locus autem, in quo centuriae ad suffragium vocabantur, erat prope tribunal ejus qui comitia habebat. Quum autem, ut dixi, major pars centuriarum aliquid scivisset, tum ea comitia rite habita dicebantur. Iste (si magistratuum erant) qui plura suffragia tulisset, a pracone populo renuntiabatur, ut satis ex Dionysio supra vidimus. Primum autem renuntiarum perphonoricum erat. Locus, ut dixi, comitiorum centuriarum erat campus Martius, in quo erant duo septa, in quibus populus Romanus suffragium ferebat; de quibus apud Livium & Tranquillum frequens mentio est. Ea autem intra pomerium haberi non poterant: habebantur autem in loco augurato, id est, ab auguribus ad eam rem dicato, & consecrato. Haec autem comitia non poterant, nisi diebus comitialibus haberi. Dierum enim anni, ut ex marmoreis fastis, & Macrobio liquet, quidam erant festi, quidam profesti, quidam interdicti. *Festi dii dicati sunt. Profesti hominibus ad administrandam rem privatam, publicamque. Interdicti deorum hominumque communes. Festis insunt sacrificia, epulae, ludi, feriae. Profestis fasti, comitiales, comperendini, statii, praeliares. Interdicti in se non in alia dividuntur. Nam quum hostia ceditur fari nefas est, inter caesa, & porrecta fari licet rursus, quum adoletur non licet*. Ex his verbis Macrobius liquet quosdam dies fuisse comitiales, qui in Fastis littera C notabantur a Numa instituti, quibus solis cum populo agi fas esset. Tempus quo consules creabantur varium fuit, ut etiam varius fuit dies quo inire magistratum solerent. Verum postquam ineundo consulari dies status est Kal. Januarii, comitia consularia haberi solebant mense Julio, vel Augusto, ut ex Cicerone liquet. Paulo post consularia praetoria comitia habebantur. Censoria vero circa Kal. Julii haberi solebant, quod ex Ciceronis epist. ad Appium lib. III. manifestum est, qui statim ut designati erant inibant, nec tempus statum Kal. Januarii expectabant, ut consules, & praetores. Perdurarunt autem haec comitia libera usque ad C. Caesaris dictaturam, quo tempore, ut scribit Tranquillus, *Comitia cum populo partitus est, ut exceptis consulatus competitoribus, de cetero numero candidatorum pro parte dimidia, quos populus vellet, pronuntiarentur: pro altera parte quos ipse dedisset*. & in Augusto: *Comitiorum quoque pristinum jus re-*

duxit, ac multiplici poena coercito ambitu. Post Augusti vero obitum omnino a Tiberio antiquata sunt; quod his verbis docet Tacitus libro primo. *Tum primum e campo comitia ad patres translata sunt. nam ad eam diem & si potissima praeceptis arbitrio, quaedam tamen studiis tribuum fiebant, neque populus ademptum jus questus est, nisi inani rumore.* Et Modestinus in lege unica ad legem Juliam de ambitu: *Hæc lex (inquit) in urbe hodie cessat, quia ad curiam principis magistratuum creatio pertinet, non ad populi favorem.* Ex quibus verbis manifestum est, sub Cæsare, & Augusto adhuc fuisse comitia, verum sub Cæsare adeo non fuisse libera, sub Augusto vero paulo quidem liberiora, sed tamen quæ maxima ex parte principis arbitrio, non populi favore, fierent. Ac post imperium a Tiberio initum adeo desierunt fieri hæc comitia, ut nunquam postea a frequentibus imperatoribus populo restituta sint, sed primum penes senatum Tiberii instituto manserunt, postea plane in principis potestate fuerunt, quemadmodum ex Plinii epistolis manifestum est. Atque hæcenus de comitiis centuriatis.

C A P. LIV.

L. Tarquinius Superbus rex VII.

OCCISO Servio regnum Romanum vi invasit L. Tarquinius, qui a morum acerbitate Superbus cognominatus est. Is primores patrum, quos Servii rebus favisse arbitrabatur, occidit. Volscis bellum primus intulit, ex quorum manubiis templum Jovi in Capitolio maximum condidit, ferias Latinas primus instituit, cloacam maximam fecit, multaque præterea bello, pacæque præclara gessit. Quæ tamen omnia inaudita sævitia, tyrannideque, qua multis annis urbem oppressit, deformavit. Postremo vero quum impotenter se gerendo omnes in odium sui adduxisset, novissime propter expugnatam nocturna vi a Sexto ejus filio Lucretiæ pudicitiam Bruti opera præcipue, regno cum uxore, & filiis exactus est, quum annos XXV. regnasset, perpetuum exilium cum omni prole sua multatus est. Qui quum Tuscorum & Latinorum ope sæpe in regnum restitui frustra tentasset, demum Cumas concessit, ubi summa cum ignominia reliquum vitæ tempus apud Aristodemum tyrannum transegit. Fuit igitur urbs regum fuit imperio tantæ reip. ortui, & incrementis admodum necessario annos CCXLIV. Quorum aliquot iusti, fortes, prudentes, rerum humanarum peritissimi, & publicæ utilitatis studiosissimi extiterunt; qui iis legibus, institutisque Romanam rep. fundarunt, ut ab iis primordiis ad certissimum exterrarum omnium gentium, ac populorum bello paceque principatum eam pervenire non difficile fuerit. Sed quum aliqui eorum aut patricios, quorum ipsi e corpore erant, vehementius extulissent, plebemve depressissent; aliqui regnum per vim partum imperiosius quam decebat administrassent, demum propter immoderatam quandam eorum in cives libidinem, atque audaciam urbe atque imperio dejecti sunt, populisque Romanus L. Bruto præcipue auctore libertatem adeptus est. De cuius origine, causis, incrementis, & statu nunc differere institui.

C A P. LV.

Libertas populi Romani.

HÆC est (ut inquit Florus) secunda populi Romani ætas, in qua liber vivere cepit, primæque reip. mutatio, qua sub rege exacto, libertateque parta, imperium duobus viris annum mandatum est, qui prætores primum, deinde iudices, po-

stremo consules appellati sunt. Hi summus erant apud Romanos ordinarius magistratus, qui pulvis regibus ab interrege, sive urbis præfecto Sp. Lucretio Tricipitino comitiis centuriatis, ex commentariis Ser. Tullii, pro rege creati sunt. Hi fuerunt Brutus, & Collatinus; quibus præterquam quod annuum tantum imperium datum est, nihil aliud ex regia potestate immutatum: itaque omnia regum jura, lictores cum fascibus, trabeam prætextam, sellam curulem regiam, ceteraque regum insignia primi consules habuere. Id tantum cautum est, ne si ambo fasces cum securibus haberent, duplicatus terror, duoque reges pro uno facti viderentur, ut alter consul fasces XII. securibus alligatas, alter vero virgarum fasces tantum cum lictoribus haberet, idque alternatim singulis mensibus, donec annuum eorum imperium expleretur, facerent. Brutus prioris mense concedente collega fasces cum securibus habuit. Hac igitur ratione quum duorum regum metum civibus ademissent, potestatis invidiam minuerunt. Duo autem consules ideo creati sunt, ut si unus improbus esse maluisset, alter eandem habens potestatem, collegam coereret. Placuit quoque ne imperium consulare longius quam annuum esset, ne propter magistratus diuturnitatem insolentiores superbioresque essent, sed civiles se semper redderent, qui se post annum scirent magistratu abituos. Penes primos vero consules post reges exactos, omnis regia potestas erat. Totius enim imperii summa per eos administrabatur: nam S. P. Q. R. per accensos, & præcones cogeant, exercitum parabant, ab eis provocatio non erat, domini pacis bellique erant, inconsulto senatu vel populo in caput cujusunque civis animadvertere poterant. Postremo penes eos (ut inquit Pomponius) summum jus uti esset lege cautum est. Ceterum mortuo Bruto, ne per omnia regiam sibi potestatem vendicarent, legibus a P. Valerio consule, quo plebi gratificaretur, latis, quare etiam Poplicola appellatus est, consulum auctoritas eo ipso primo libertatis partæ anno valde imminuta est, regiarque potestati longe inferior facta. Institutum enim Valerii duabus legibus est; primum ut magistratum nemo caperet, nisi qui a populo imperium acciperet, si quis aliter fecisset, capitali poena puniretur, qui eum occidisset, ei impune esset; deinde ut provocatio a consulibus ad populum esset, neve possent in caput civis Romani animadvertere injussu populi, relicto eis tantum, ut coercere possent, & in vincula publica duci juberent. In atrocibus vero casibus maximisque reip. periculis, vel necessitatibus, consulibus aliquando summum jus, & regia prorsus potestas ad tempus per senatum iis verbis concedebantur: *Ut consules darent operam, ne quid reip. detrimenti caperet.* Ea potestas more Romano magistratui maxima permittebatur, exercitum parare, bellum gerere, coercere omnibus modis socios, atque cives, domi, militæque imperium atque iudicium summum habere; aliter sine populi jussu nulli earum rerum consulibus jus fuisse tradit Salustius. Hoc autem factum fuisse constat Gracchanis, & Saturnini tribunorum plebis seditionibus, conjuratione Catilinæ, tertio Pompeii consulatu, & novissimo reip. contra Cæsarem anno. Multa præterea de consulibus, & omnibus fere Romanis dignitatibus, quæ præcipue erant, differui in commentariis Fastorum: quæ quamquam reip. civitatisque Romanæ nobilissimæ partes erant, hoc tamen loco denuo eas repetere nolui; quod si quem earum desiderio teneri contigerit, is factos ipsos adire poterit, in quibus de iis fere omnibus abunde disputavi. Hoc tamen loco quum ad libertatis initium devenirem, illud agam, ut omnium Romanorum magistratum brevem quandam indicem, vel epilogum suggeram, ut uno aspectu, quæ ego in commentariis Fastorum, & alij diffuse admodum tractavimus, intelligi possint:

quum vero de iis ita disputaverim, ut majores tantum magistratus, vel digniores & notiores exposuerim, reliquos vero paulo obscuriores præterierim, huic deinde magistratum Romanorum epilogo brevem adjungam earum dignitatum interpretationem, quam in fastorum commentariis non fecerim, atque ita omnia scire tradi poterunt, & absque inani repetitione nihil non disputatum transmitti.

C A P. LVI.

Nomina omnium magistratum populi Romani ab urbe condita usque ad Constantinum imperatorem.

MAGISTRATUS URBANI.

Magistratus Majores Ordinarii.

R E X

QUORUM primus fuit Romulus, novissimus Tarquinius Superbus. Dionysius, Livius, Plutarchus, Pomponius. Ego in Fastorum commentariis.

Præfectus, vel *Tribunus celerum*
A Romulo institutus, quorum primus Fabius Celer, novissimus L. Brutus, qui primus Consul creatus fuit. Dionysius, Pomponius. Ego in Fastorum commentariis.

Consules duo

Primum creati anno urbis CCXLV.
Dionysius, Livius, Plutarchus, Gellius, Messalla, & Pomponius. Ego in commentariis.

Censores duo

Primum creati anno urbis CCCXI.
Dionysius, Livius, Pomponius, sæpe Plutarchus. Ego in commentariis.

Prætores XV.

Hi primo fuerunt,

Prætor unus urbanus,

Creatus anno urbis CCCXXVIII.

Livius, Plutarchus, Pomponius. Post duo,

Prætor urbanus, &

Prætor peregrinus,

Creatus anno urbis DXII.
Livius, & Pomponius. Post duobus aliis additis, quatuor facti, id est,

Prætor urbanus,

Prætor peregrinus,

Prætor Siciliae,

Prætor Sardiniae, & Corsicae,

Creatus anno urbis DXXVII.

Livius, & Pomponius, ac Solinus. Post duobus aliis additis sex facti, id est,

Prætor urbanus,

Prætor peregrinus,

Prætor Siciliae,

Prætor Sardiniae, & Corsicae,

Prætor Hispaniae citerioris,

Creatus anno urbis DLVII.

Livius, & Pomponius. Post quaestionibus publicis inventis, earumque numero a Sulla Felice dictatore aucto, duo prætores veteribus additi, eorumque numerus ad octo auctus, omnesque in urbe anno præturæ retenti, post annum vero præturæ, pro prætoribus in provincias missi. Fuerunt autem,

I. Prætor urbanus,

II. Prætor peregrinus,

III. Prætor de maiestate,

IV. Prætor de vi,

V. Prætor de repetundis, vel de Peculatu,

VI. Prætor de crimine inter sicarios,

VII. Prætor de ambitu,

VIII. Prætor de beneficio, vel de falso.

Cicero sæpe. Pomponius, Tacitus, & alii.

IX. Prætor cerealis,

X. Prætor cerealis,

A Cæsare dictatore additi. Tranquillus, Dio, Pomponius:

XI. Prætor,

XII. Prætor,

Prætores alii duo ab Augusto additi. Tacitus, Tranquillus, Dio, Pomponius.

XIII. Prætor,

XIV. Prætor,

Qui de fideicommissio jus dicerent, a Claudio Imp. additi.

Quorum unum detraxit Titus, restituit Nerva, qui inter fiscum & privatos jus diceret. Pomponius.

XV. Prætor tutelarii,

A Marco Imp. factus. Julius Capitolinus.

Imperatores Cæsares Augusti.

Quorum primus Cæsar Augustus. Dio, In commentariis.

Donati tribunicia potestate.

Tacitus, Tranquillus, Dio, In commentariis.

Nobilissimi Cæsares, vel Principes juventutis,

Tacitus, Dio. Ego in commentariis.

Præfectus urbis,

Ab Augusto institutus. Tacitus, Dio, Tranquillus.

Magistratus majores extra ordinem.

Præfectus urbis absente ordinario magistratu,
A Romulo institutus, quorum primus Denter Romilius. Tacitus, Pomponius.

Interrex,

Post Romuli mortem factus. Dionysius, Livius, Plutarchus, In commentariis.

Dictator, &

Magister equitum,

Primum creati anno urbis CCLVI.

Dionysius, Livius, Plutarchus, Pomponius, In commentariis.

X. Viri legibus scribendis consulari potestate,

In commentariis.

Creatus anno urbis CCCIII. Dionysius, Livius, Pomponius.

Tribuni militum consulari potestate,

Primum tres, post quatuor, deinde sex. Creati anno urbis CCCX. Dionysius, Livius, Pomponius, In commentariis.

III. Viri R. P. C.

Creatus anno urbis CCCIX. Dio, Appianus, Tranquillus, In commentariis.

C A P. LVII.

Magistratus minores ordinarii.

Quæstores urbani duo, alias Quæstores ævari.

PLUTARCHUS, Pomponius, Tacitus, In commentariis. Creati, vel sub regibus, vel a primo cos. Poplicola Anno CCXLV.

Tribuni plebis X.

Hi primo duo fuerunt creati anno CCLXI. post v. postremo x. facti. Dionysius, Livius, Pædianus, Pomponius, In commentariis.

Ædiles plebis II.

Eodem anno quo primi tribuni plebis creati. Dionysius, Livius, Pomponius, In commentariis.

Ædiles curules II.

Creatus anno CCCXXVIII. Livius, Pomponius, In commentariis.

Ædiles cereales,

Creatus a Cæsare dictatore. Tranquillus, Pomponius, In commentariis.

Curatores omnium trium,

Varro libro quinto de lingua Latina.

III. Viri capitales,

Varro

Varro libro quarto, Cicero pro Cluent. de orat. Livius libris XXV. & XXXIX. Tacitus libro v. Pomponius. Creati circa annum urbis CDLXV. In commentariis.

III. Viri nocturni,
Livius libro nono, Tacitus libro v.

III. Viri valetudinis,
Numus argenteus.

III. Viri monetales A. A. A. F. F
Cicero ep. fam. libro sexto. Pomponius.

IV. Viri viarum curandarum,
Dio, Pomponius, Vetustæ inscriptiones. Ego libro primo.

V. Viri cū & uls Tiberim,
Livius, Pomponius.

X. Viri silitibus judicandis,
Cicero sæpe. In lapidibus.

C. Viri litibus judicandis,
Pomponius, Festus.

Præfecti ærari,
Tacitus sæpe. In lapidibus.

Curatores operum publicorum,
ab Augusto instituti. Tranquillus.

Curatores alvei Tiberis, & cloacarum,
ab Augusto creati. Tranquillus, Lapidēs.

Curatores viarum singularum extra urbem,
Plutarchus in Gracchis, Cicero ad Atticum, Tacitus, Tranquillus. Ego supra libro primo.

Præfectus prætorio,
ab Augusto lectus. Tacitus, Tranquillus.

Præfectus frumenti populo dividendi,
ab Augusto institutus. Tranquillus cap. XXXVI.

Præfectus vigilum,
Tacitus, Pomponius.

Curatores regionum,
Denuntiatores regionum,

Magistri vicorum urbis regionum,
xiii.

ab Augusto instituti. Tranquillus, Victor. Ego supra lib. i.

Advocatus fisci,
Julius Capitolinus in Macrino.

Magistratus minores extra ordinem.

II. Viri perduellionis,
a Tullio Hostilio rege primum creati. Varro, Dionysius, Cicero de oratore, Livius lib. i. & vi. In commentariis.

Quæstores parricidii, vel rerum capitalium,
Pomponius. In commentariis.

Præfectus annonæ,
Livius sæpe.

V. Viri mensari,
Primum creati anno urbis CDII. Livius libro sexto.

III. Viri mensari,
Livius libro vigesimo tertio.

II. Viri navales,
Livius libris IX. X. & XII.

III. Viri, qui conquiverent juvenes idoneos ad arma ferenda, militesque facerent,
Livius libro vigesimo quinto.

V. Viri turribus, murisque reficiendis,
Livius libro vigesimo quinto.

X. Viri, qui judicant super sacramento, & libertate,
Cicero.

X. Viri distribuendorum donativorum,
Livius.

III. Viri legendi senatus,
III. Viri recognoscendi turmas eq. Rom.

a Cæsare Augusto excogitati. Tranquillus cap. XXXVI.

Magistratus populi Romani extra urbem, vel Provinciales.

Proconsulibus,
Cicero, Livius. In commentariis.

Proprætoribus,
Cicero, Livius. In commentariis.

Legati proconsulum,
Cicero, Livius. In commentariis.

Legati proprætorum,
Cicero. In commentariis.

Quæstores provinciales XVIII.

B In Commentariis.
Primum II. deinde sex, postremo XVIII. a Sulla facti. Tacitus.

Proquæstoribus,
Cicero. In commentariis.

Præfectus Ægypti,
Dio, Tranquillus.

Præfecti præfecturarum,
Festus.

Consulares quattuor, qui per Italiam jus dicere, ab Hadriano imp. creati. Spartianus.

Juridici Italie,
C a Marco creati. Capitolinus.

III. Viri vel,
v. Viri vel,

VII. Viri vel,
X. Viri,

Coloniæ deducendæ. Sæpe Livius.

v. Viri vel,
VII. Viri vel,

XX. Viri
Agris dandis adtribuendis. Sæpe Cicero, & alii.

v. Viri vel,
XV. Viri

Agrorum metiendorum, dividendorumque. Livius.

III. Viri vel,
v. Viri,

ad inspiciendos fines, litisque dirimendas. Livius libro tertio & alibi.

Nomina ministrorum magistratum P. R.

Scribe,
Cicero, Lapidēs.

Accensus, vel Adcensus,
Varro libro quinto de lingua Latina.

E Præcones,
Cicero in Verrem VII. in Rullum, pro Milone, Gellius libro XII. cap. octavo.

Lictores,
Festus, Gellius.

Viatores,
Festus, Gellius.

Carnifices,
Tacitus, Plinius.

Diribitores,
Cicero pro Plancio, ad Q. Fratrem libro tertio, & secundo de natura deorum.

F Rogatores,
Cicero post reditum in senatu, & secundo de divinatione.

Custodes,
Cicero secunda in Rullum.

Nomenclatores,
Lapidēs, Cicero pro Muræna.

Divisores,
Cicero secunda in Verrem, Asconius, hi

Magistri curiarum
dicuntur a Plauto in Aulularia.

C A P. LVII.

*Commentarius in eos Magistratus, quos in
commentariis Fastorum præterii.*

Præfectus urbis

PRÆFECTUS urbis extraordinarius magistratus erat, qui creabatur quoties consules bellis ex urbe advocabantur, ne respublica sine magistratu esset. Hunc magistratum Romulum instituisse tradit Tacitus libro v. *Sed præcipua ex eo Pisoni gloria, quod præfectus urbi recens, continuam potestatem, & insolentia parendi graviolem, mire temperavit. Namque antea præfectis domo regibus, ac mox magistratibus ne urbs sine imperio foret, in tempus deligebatur, qui jus redderet, ac subiti mederetur. Feruntque a Romulo Dentrem Romulum, post a Tullo Hostilio Numam Martium, ab Superbo Tarquinio Sp. Lucretium impositos. Dein consules mandabant: duratque simulacrum quoties ob ferias Latinas præficiunt, qui consulare munus usurpet. Ceterum Augustus bellis civilibus Cilnium Metellum equesstris ordinis cunctis apud Romam, atque Italiam præposuit. Mox rerum potitus ob magnitudinem populi, ac tarda legum auxilia, sumpsit e consularibus, qui coerceret servitia, & quod civium audacia turbidum nisi vim metuat. Primus Messalla Corvinus eam potestatem, & paucos intra dies finem accepit, quasi nescius exercendi. Tum Taurus Statilius quamquam proclata ætate, egregie toleravit. Dein Piso viginti per annos pariter probatus publico funere ex decreto senatus celebratus est. Ex iis Taciti verbis manifestum est, præfectos urbis illos veteres a Romulo institutos fuisse, atque non a populo, sed a regibus, vel consulibus creari solitos. Unde etiam id colligi potest, multo magis observatum fuisse in adumbrato illo præfecto Latinarum feriarum causa creato. Præfectis enim urbe consulibus, summum imperium erat penes prætorem urbanum, nisi quum ob Latinas ferias urbe exibant singulis annis consules. Tum enim ad usurpationem vetustatis, præfectus in urbe relinquendus erat a consulibus, penes quem, non penes prætorem imperium esset in urbe, ne scilicet populus se religione obstrictum putaret, si quid in Latinis feriis omisum esset, quod a veteribus usurpatum fuisset. De hoc præfecto urbi Latinarum causa scribit Gellius lib. xiv. cap. ultimo: *Præfectum urbi Latinarum causa relictum senatum habere posse negat Mucius, quoniam ne senator quidem sit, neque jus habeat sententiae dicende, quum ex ea ætate præfectus fiat que non sit senatoria. M. autem Varro in iv. epistolarum questionum, & Ateius Capito in conspectuorum cclix. jus esse præfecto habendi senatus dicunt. Deque ea re assensum esse Capitonem Tuberoni contra sententiam Mucii refert. Namque & tribunis (inquit) plebis senatus habendi jus erat, quamquam senatores non essent ante Atilium plebiscitum. Sunt etiam Pomponii hæc verba lege ii. de origine juris: *Quoties autem proficiscuntur, unus relinquitur, qui jus dicat, isque vocatur præfectus urbis; qui præfectus ita olim constituebatur, postea vero Latinarum feriarum causa introductus est, & quotannis observatur. Quamdiu igitur non erant in urbe prætores, quibus summum imperium esset per absentiam summi magistratus, tam diu penes præfectos urbis fuit potestas non modo vocandi consulendique senatum, sed etiam agendi cum populo; unde fit, ut centuriata comitia habendi jus etiam esset præfecto urbis, ut intelligi potest ex eo, quod scribit Livius in fine libri primi: *Duo consules inde comitiis centuriatis a præfecto urbis, ex commentariis Sc. Tullii creati sunt. Eum tamen ante interregem factum fuisse, quam hæc comitia haberet, refert Dionysius. Verum post institutam dictatorem****

A subrogandis magistratibus dictator potius creabatur, si ad interregnum res non rediisset, quam ut ea comitia haberet præfectus. Quin tamen vel legibus ferendis, vel iudicio exercendo, præfectus urbis jus haberet centuriatis comitiis agendi cum populo, negari non potest. At post introductum Romæ prætorum magistratum desit præfectus urbis fieri, nisi quod Latinarum causa præfectis urbe consulibus relinquendus erat præfectus urbis, idque (ut dixi) religionis causa potius, quam quod eo magistratu magnopere opus esset. Et quoniam feriis agi cum populo non licebat, idcirco planum est huic præfecto urbis, cui imperium erat nisi tempore Latinarum, jus non fuisse agendi cum populo, tamen vocandi senatus (si quid interim accidisset, cur extra ordinem vocandus videretur) jus habebat, ut ex Gellio vidimus. Reliquo vero anni tempore quamquam abessent consules, nullus locus reliquus erat huic magistratui, sed summa potestas erat penes prætorem urbanum, ut tradit Cicero lib. x. epist. fam. his verbis: *Placuit nobis ut statim ad Cornutum prætorem urbis litteras deferremus, qui quod consules aberant, consulare munus sustinebat, more majorum.* Hæc autem, quæ dicit, intelligi debent de tempore, quo civitas libera fuit; nam sub imperatoribus jam inde ab Augusto, ut tradit Tacitus lib. v. cæpit ordinaria & continua esse potestas præfecti urbis. Et Tranquillus in Augusto cap. xxxvi. ipsum scribit pleraque nova officia excogitasse, in quibus præfecturam urbis. De præfecto urbis mentio est apud juris consultos in titulo de præfecto urbis. Hic (ut dixi) ab Augusto institutus usque ad nostra sæcula perdurat. Tamen præter hunc urbis præfectum ordinarium & continuum, alius Latinarum causa præfectus urbis creari solebat, ut apparet ex libris iv. & v. Cornelii Taciti, qui Latinarum modo tempore consulare munus obibat. De hoc præfecto urbis frequentissima in omnibus lapidum, & librorum monumentis mentio est.

DEO. HERCVLI
INVICTO
CIVL. POMPONIVS
PVDENS
SEVERIANVS
V.C. PRAEF. VRBI

item

HERCVLI. INVICTO
T. FLAVIVS. IVLIVS
QVADRATIANVS. V. C
PR. VRBI. XV. VIR. S. F.
DONVM. DEDIT

item

D. N. VALENTI
MAXIM. PRINCIPI
SEMPER. AVGVST
L. VOCONTIVS. VICASIVS. V. C.
PRAEF. VRBI. ITER. PRAEF
LEG. VI. PRAEF. PR. PROV
GAL. PROC. XX. HER. EIVSDEM
I. S. C. D. N. M. Q. E. D. D

C A P. LVIII.

*De curatoribus trium, & aliis quibusdam
magistratibus ut & nonnullis minoribus
extra ordinem.*

DE curatoribus omnium trium sic scribit M. Varro lib. v. de lingua Latina: *Omnes Quirites pedes, armatos, privatosque, curatores omnium trium, si quis pro se, si altero dari rationem volet, voca incipit hic ad me.* Curatores trium erant perinde

ac in vicis vicorum magistri, qui trium commoda procurarent.

Multorum præterea magistratuum mentio est tam in vetustis inscriptionibus, quam apud Tacitum, quos Romæ post Augusti tempora creatos fuisse ab imperatoribus constat, ut procuratoris a rationibus, operum publicorum, Cæsaris, XX. hereditarium, præfecti alimentorum, frumenti, vehiculorum, curatorum annonæ, tabulariorum publicorum, muneris publici, & multorum præterea similium, quos, quia haud multum ad rem faciunt, prætereo.

Extraordinarios magistratus urbanos, hoc est quibus etiam in urbe imperium esset, multos ac diversi generis in historiis passim inveni. Nam ut quæque negotia occurrerant, quæ extraordinariam curationem requirere videbantur, ita alii atque alii magistratus creabantur. In hoc genere erant præfecti annonæ, qualem fuisse legimus L. Minucium apud Livium lib. IV. Pompejus quoque hunc magistratum gessit creatus eo anno, quo Cicero revocatus est ab exilio, ut constat ex oratione pro domo. Hunc ordinarium Augustum fecisse tradit Tranquillus, qui eum curatorem frumenti populo dividendi vocat, & in antiquis inscriptionibus curator, & præfectus annonæ dicitur sic.

CARPVS. AVG. LIB
PALLANTIANVS
ADIVTOR. CLAVDI
ATHENODORI. PRAEF
ANNONAE. FECIT. SIBI
ET. CLAVDIAE. CALE
CONIVGI. PISSIMAE. ET
TI. CLAVDIO. ROMANO
VERNAE. ET. LIBERTIS
LIBERTABVS. POSTERISQVE
E O R

item

M. MAECIO. MEMMIO
FVRIO. BALBVRIO
CAECILIANO. PLACIDIO. C. V
PRAEFECTO. ANNONAE
VRBI. SACRAE. CVM
IVRE. GLADII

item

T. FLAVIVS. INGENVVS
CVRATOR. ANNONAE
SVA. PECVNIA
COMPAR
SIBI. ET. POSTERISQVE
S V I S

Magistratus quoque extra ordinem fuerunt v. viri mensarii P. Valerio & C. Martio II. cos. creati, ad liberandum aere alieno populum, de quibus Livius lib. VI. Item III. viri mensarii alii, tempore secundij belli Punici facti sunt, de quibus idem Livius lib. XXIII. ita scribit. Et Roma quoque propter penuriam argenti triumviri mensarii rogatione Minutij trib. pl. facti sunt.

In hoc genere erant & II. viri navales, de quibus Livius lib. X. Et duo imperia eo anno dari coepit per populum, utraque ad rem militarem pertinentia, unum, ut tribuni militum, & alterum ut II. viros classis orandæ reficiendæque causa idem populus haberet. Lator hujus plebisciti fuit M. Decius tribunus plebis. Hunc vero non fuisse ordinarium magistratum inde potest intelligi, quod Livius lib. XL. & XLI. quum rursus hujus magistratus meminit, certam causam creationis assignat, nec simul creati faciunt cum ordinariis magistratibus, sed prout necessitas requirebat. Quum enim ita scribit: II. viri navales creati C. Matienus, & C. Lucretius; verba antecedentia ostendunt subito eos creatos, postquam nuntiatum esset a Liguribus obsideri L. Æmilium.

A At si ordinarius magistratus esset, non ita pro necessitate subito creatus fuisset, sed jam superiore anno cum reliquis magistratibus ordinariis creatum oportuisset. Et lib. XLI. Quia fecerat mentionem C. Furii II. viri navalis, propterea ut causam hujus magistratus redderet, statim subjicit: *Adversus Illyriorum classem creati II. viri navales erant, qui tuendam XX. navibus mari superiore Anconam velut cardinem haberent.* Quia vero illic duumvirum navalem appellat L. Cornelium Dolabellam, qui biennio ante in eo magistratu etiamnum erat, hinc profecto clarum argumentum haberi potest, non fuisse eum ordinarium magistratum, cujus imperium esset plusquam annuum.

B His etiam addendi sunt III. viri, qui juvenibus ad Militiam conquirendis tempore secundij belli Punici creati sunt, de quibus scribit Livius lib. XXV. *Consules quum egre delectum conficerent, quod inopia juniorum non facile in utrumque, ut & novæ urbanae legiones, & supplementum veteribus scriberetur, sufficiebat; Senatus abstinere eos incepto vetuit, & III. viros binos creari jussit, alteros qui citra, alteros qui ultra quinquagesimum lapidem, in plateis, forisque, & in conciliabulis, omnem copiam ingenuorum inspiceret: & si qui roboris satii ad ferenda arma habere viderentur, etiam si nondum militari ætate essent, milites facerent.*

C Reperio etiam in horum numero fuisse V. viros muris, turribusque reficiendis creatos, de quibus Livius libro XXV. *Comitia deinde (inquit) a prætor urbano de senatus sententia, plebisque scito sunt habita, quibus creati sunt V. viri turribus murisque reficiendis.*

D De X. viris, qui judicarent super sacramento & libertate, Cicero. De X. viris vero distribuendorum donativorum Livius. III. virorum legendi Senatus, & recognoscendi turmas equitum Romanorum, quotiescunque opus esset, Tranquillus in Augusto (ut dixi) mentionem faciunt. Fuit præter hos, & judex questionum, de quibus in antiqua inscriptione mentio est. Atque hæc sunt magistratuum minorum extra ordinem nomina, quæ adhuc ego extare viderim; qui omnes tributis comitiis quotiescunque eos fieri opus esset, repub. stante, creabantur, nam postea imperatorum beneficia, ut alia omnia, esse coeperunt.

C A P. LIX.

De III. viris nocturnis, & præf. vigilum.

E PAULUS jureconsultus lege I. de officio præfecti vigillum digest. lib. primo, de III. viris nocturnis sic scribit: *Apud vetustiores incendiis arcendis III. viri præerant, qui ab eo, quod excubias agebant, etiam nocturni dicti sunt.* Et Livius libro IX. ubi de Cn. Flavio loquitur, ita scribit: *Quem aliquando ante defuisse scriptum facere, arguit Macer Licinius tribunatus ante gesto, triumphatibusque, nocturno altero, altero colonie deducende.* Et Tacitus: *Triumviri nocturni, quod ad incendium in sacra via ortum tarde venerant, a tribuno plebis die dicta damnati sunt.* Ex quibus verbis apparet eum fuisse ordinarium magistratum, cujus esset annua potestas. Horum locum postea aliquot vigilum cohortes cum eorum præfecto ab Augusto institutæ tenuerunt, quæ prohibendis nocturnis incendiis per urbem excubabant. De præfecto vigilum meminit vetus hæc inscriptio.

PAVLLINAE. VALERIANAE
RARISSIMAE. SANCTISSIMAE
FEMINAE. PATRONAE. F
L. PAVLLINVS. VOLVSIVS
V. C. PRAEF. VIGIL. ROM

item

LVNAE. AETER. SACR
Cc ij

PRO. SALVTE
IMP. CAES. L. SEPTIMI
SEV. PIL. INVIC. PRIN
PONT. MAX. P. P
IVLIVS. BALBILLVS
ANVLLINVS
PRAEF. VIGIL. V. S. L. M

C A P. LX.

De III. viris valetudinis.

Hujus magistratus nulla apud veteres auctores, quod sciam, mentio est, in antiquo vero argenteo nummo sic scriptum est: M. ACILIVS. III. VIR. VALETIVS. Hi nostra aetate pestis caussa creari solent, atque Domini sanitatis vocantur, quibus temporibus de morbo suspectis, magna potestas concedi solet. Nummi vero verba sic ego interpretor: M. Acilius III. vir valetudinis tuendae.

C A P. LXI.

*De III. viris monetalibus A. A. A. F. F.
III. viris capitalibus, V. viris cis
& uls Tiberim, & de X. viris
flitibus judicandis.*

POMPONIUS lege II. de origine juris: Constituti sunt eodem tempore, & IV. viri qui curam viarum agerent, & III. viri monetales aëris, argenti, auriflatores, & III. viri capitales, qui carceris custodiam haberent, ut quum animadverſi oporteret interventu eorum fieret. De III. viris monetalibus, & capitalibus mentio est apud Ciceronem epist. fam. lib. VII. & in antiquis nummis, lapideisque epigrammatibus sic.

L. ANNIO. FABIANO
III. VIRO. CAPITAL
TRIB. LEG. II. AVG

item

D. M
RELIIQVIAE
CORPORIS. M
TARQVINI. CRISPI
FRONTONIS. C. L
III. VIRI. CAP

item

TI. PLAUVTIO. M. F. M. N
SILVANO. AELIANO
PONTIF. SODALI. AVGVSTALI
III. VIR. A. A. A. F. F. Q. TI. CAESARIS
LEG. LEG. V. IN. GERMANIA

De V. viris cis, & uls Tiberim Pomponius leg. II. de origine juris: *Et quia*, inquit, magistratibus vespertinis temporibus in publicum esse inconveniens erat, quinque viri constituti sunt cis Tiberim & uls Tiberim, qui possent pro magistratibus fungi. De iisdem meminit Livius.

Decemviriurum flitibus judicandis Cicero, & Plinius in epistolis meminerunt. In lapidibus quoque, & iis praefertim, quos passim in hoc libro citavi, frequentissima mentio est. Admonet Quintilianus verbum flitibus idem significare quod superlites.

C. MAESIO. G. F
PLACATIANO
X. VIRO. STLITIB. IVD
TRIB. MIL. LEG. ITALIC
Q. PROV. AFRIC

ALLECT. INTER. TRIBVN
AB. IMPERATORE
HADRIANO. ANTONINO
AVG. PIO
PRAETORI. PATRONO
D. D

item

P. STATIO. P. F
FAB. PAVLLO
POSTVMIO. IVNIORI
X. VIRO. STLITIB. IVDIC
TRIB. MIL. LEG. VII
GEM. FELIC
VI. VIRO. EQVIT. ROMANOR
Q. PROVINC. AFRIC. TRIB. PLEB
PRAETOR. LEG. PR. PR
PONT. ET. BITHYN. PRO. COS
PROVINC. BAETICAE
TITVLO. VSVS
D. D

C A P. LXII.

De C. viris.

POMPONIUS, deinde (inquit) quum esset necessarius magistratus, qui basta praesesset, centumviris litibus judicandis constituti sunt. Et Festus: Centumviralia judicia acentumviris sunt dicta; nam quum essent Romae XXXV. tribus, terni ex singulis tribubus sunt electi ad judicandum, qui centumviri appellati sunt: Et licet quinque amplius, quam centum fuerint, tamen quo facilius nominarentur centumviri sunt dicti. De centumviris primo de oratore meminit Cicero. Ad quorum munus intelligendum illud est animadversione dignum: Judicia omnia, quae ad cives Romanos pertinebant, aut privata, aut publica fuisse. Privatis judiciis praerant duo praetores, urbanus, qui inter cives jus dicebat, & peregrinus, qui inter peregrinos. Si autem actio privata hujusmodi esset, ut de jure potius, quam de facto querendum esset, praetor ad centumviros suum velut consilium remittebat; si de facto querendum esset, praetor judices dabat; si nihil esset cur de jure, aut facto querendum esset, praetor ipse decretum interponebat. Publicis quaestionibus, post institutas quaestiones perpetuas praerant reliqui praetores quattuor.

C A P. LXIII.

De quaestoribus, praefectis, & VIII. viris aëri Saturni, & aliquot officiis publicis ab Augusto excogitatis.

QUAESTORUM, & praefectorum aëri saepissime mentio est apud Tacitum, & in vetustis epigrammatibus. Hi aëri populi Romani, quod in templo Saturni erat, cum VIII. viris curam habebant, atque tabularum relati & expensi custodes erant, de quibus in antiquis his inscriptionibus ita mentionem extare vidi:

P. CORNELIO. LENTVLO
SCIPIONI. COS. PRAEFECTO
AERARI. LEGATO. &c.

item

L. CALPVRNIVS. PISO

M. SALVIVS
PR. AERARI &c.

item

C. POPILIO. C. F. QVIR. CARO
PEDONI. COS. VII. VIRO
EPVLONI. PRAEF. AERARI
SATVRNI &c.

item

T. PETIDIO. T. F
FABIA. CASSINO
VIII. VIRO. III. AERARI. &c.

item

M. PVBLICIO
M. F. FAB. SEXTIO
CALPVRNIANO
QVAESTOR. AERAR

Hæc autem epigrammata idcirco hic mutila exaravi, quod supra integra describerim. Erant & curatores pecuniæ publicæ, item sacræ pecuniæ, quorum inscriptiones supra attuli; quos municipales potius quam urbanos fuisse crediderim.

De aliquot officiis publicis ab Augusto excogitatis.

Tranquillus in Augusto cap. XXXVII. Quoque plures (inquit) partem administrandæ reip. caperent, nova officia excogitavit, curam operum publicorum, viarum, & aquarum, alvei Tiberis, frumenti populo dividendi, præfecturam urbis, triumviratum legendi senatus, & alterum recognoscendi turmas equitum, quotiescunque opus esset. Hos quoque magistratus memorant hæc vetustæ inscriptiones.

C. PONTIO. C. F. FAB
PELIGNO. TRIB. MIL
LEG. X. GEM. Q. CVRAT
LOCORVM. PVBLIC
ITERVM. AEDILI. CVRVL
LEGATO. PRO. PR. ITERVM
EX. S. C. ET. EX. AVCTORI
TATE. CAESARIS. D. D

item

C. CALPETANVS. STATIVS
SEX. METRORIVS
M. PERPENNA. LVRCO
T. SARTIVS. DECIVSVS
CVRATORES. TABVLARIOR
PVBLICORVM. FAC. CVR

item

C. POPILLIO. C. F. QVIR
CARO. PEDONI
COS. VII. VIRO. EPVLON
CVRATORI. OPERVM
PVBLICOR. PRAEF
AERARI. SATVRNI
CVRATORI. VIARVM. &c.

item

C. CALPETANVS. RANTIVS
QVIRINALIS. VAL. CESTIVS
CVRATOR. RIPARVM. ET
ALVEL. TIBERIS. TERMINAVIT

item

TI. IVLIVS. FEROX. CVRATOR
ALVEL. ET. RIPARVM. TIBERIS
ET. CLOACARVM. VR. BIS. TERMI
NAVIT. RIPAM. R. P. PROXIMO
CIPPO. P. CCCLXXXI. S

A

item

C. VIBIVS. C. F. RVFVS
SEX. SOTIDIVS. SEX. F
STRABO. LIBVSCID
C. CALPETANVS. C. F
STATIVS. RVFVS
M. CLAVDIVS. M. F. MARCELLVS
L. VISELLIVS. C. F. VARRO
CVRATOR. RIPARVM. ET
ALVEL. TIBERIS
EX. S. C. TERMIN

B

C A P. LXIV.

De præfecto prætório, & advocato fisci.

EUNDEM dignitatis gradum, quem apud reges tribuni celerum, apud dictatores magistrum equitum, habuerunt apud Imperatores præfecti prætório: cuius munus ab Augusto excogitatum, a Tiberio Cæsare stabilitum est. Hi cohortibus prætorianis in urbe ad corporis Romanorum principum custodiam ab Augusto Cæsare institutis præerant, atque ex equitibus Romanis legebantur; diu enim senatorum præfectum prætório fieri non posse mos fuit. Postea quum ex præfectis prætório imperatores quoque creati cepti sunt, quorum primus Macrinus fuit, nec dum senatoribus postea, sed etiam consularibus ea dignitas patuit. Horum maxima auctoritas semper fuit, quippe qui valentissimis & fortissimis cohortibus præerant. Legebantur autem ex mero principis arbitrio. Sæpe etiam duo, interdum tres præfectos prætório una creatos fuisse legi, idque pro principum voluntate; sed frequentior usus erat, ut unus tantum esset prætório præfectus. Perduravit autem Romæ hic magistratus usque ad Constantini imperium, in quo quum prætoriani pro Maxentio contra Constantinum steterissent, post victum & occisum tyrannum, castris prætório diruto a Constantino, cohortes prætorianæ exauctoratæ sunt, atque ita præfectorum prætório dignitas hac ratione sublata est. In quorum locum quum ipse imperator novam quandam orbis Romani divisionem commentus esset, ut um in quattuor præcipuas partes, sive dioceses divideret, quattuor quoque præcipuos viros creavit, qui singulis præessent. Quorum unus præfectus prætório Galliarum dicebatur: is Galliis, Hispaniæ, Britannia, & Germaniæ præerat. Alter præfectus prætório Italiae, cuius administrationi & Africa addita erat. Tertius porro præfectus prætório Illyrici fuit, cui Græcia omnis, Thracia, Noricum, Pannonia, Mœsia, Dalmatia, & reliquæ ejus tractus provinciæ adjudicatæ. Quartus vero præfectus prætório orientis erat: is Orientem, id est, omnes transmarinas provincias, suprema potestate regebat. ita Zosimus. De utriusque præfectis prætório tam ante, quam post Constantini imperium mentio est in vetustis his inscriptionibus.

D

E

L. FVRIO. L. F
PAL. VICTORI
PRAEF. PRAET
IMPERAT. OMNIVM. &c.

F

item

SEX. PETRONIO. PROBO. V. C
ANICIANAE. DOMVS. CVLMINI
PROCONSULI. AFRICAE
PRAEFECTO. PRAETORIO
QVATER. ITALIAE. ILLYRICI
AFRICAE. GALLIARVM
CONSULI. ORDINARIO
PATRI. CONSVLVM &c.

Cc iij

Advocatum fisci Hadrianus imperator instituit (nil fallor) de quo Capitolinus in Macrino, & vetus hæc inscriptio meminerunt.

Q. HORTENSIO
Q. F. COL
F A V S T I N O
ADVOCATO. FIS
CI. PRAEF. FABR. &c.

C A P. LXV.

De magistratibus populi Romani provincialibus, præfecto Egypti, præfectis præfecturarum, & Consularibus Italia.

PROVINCIALES dicuntur omnes magistratus, quibus erat imperium curatiove extra urbem tantum: in hoc numero erant proconsules, prætores, legati proconsulum, & prætorum, quæstores provinciales & proquæstoribus cum jure prætorio, de quibus in Fastorum commentariis abunde scripsi: item præfectus Egypti, juridicus Alexandriae, præfecti præfecturarum, consulares, & juridici Italiae, censitores civium Romanorum coloniarum; item III. V. VII. X. viri coloniarum deducendæ, V. VII. XX. viri agris dandis attribuendis; item V. & XV. viri agris metiendis dividendis; & postremo III. vel VI. viri ad inspiciendos fines, litæque dirimendas, de quibus nunc brevissime verba faciam; nam magistratus extra urbem militares, ut legatos consulares, vel pro prætoribus, provinciarum Cæsaris, procuratores provinciarum Augusti, legatos consulares legionum, præfectos castrorum, tribunos militum, præfectos fabrum, præfectos alarum, ducennarios, centuriones, cornicularios, tesserarios, & alia ejusmodi militaria munera tertio libro describam.

Antonio & Cleopatra victis, quum Augustus Cæsar Egyptum in provinciam formam redegeret, eam equitibus Romanis administrandam reliquit, veritus ne, si violentiores senatores præsidēs nacta esset, occasionem rerum novandarum afferret: primus igitur qui ei præfuit præfecti sub nomine Cornelius Gallus fuit, a quo deinceps omnes, qui ei provinciam præfuerunt, præfecti nomine appellati sunt. Is etiam Egypti juridicus appellabatur. De utriusque mentio est in hisce vetustis inscriptionibus:

PRO. SALVTE
TI. CLAUDI. CAESARIS
AVG. GERMANICI
EX. VOTO. SVSCEPTO
D. IVLIVS. SEX. F. COR
P O S T V M V S
PRAEF. AEGYPTI
EX. AVRI. P. XVI

Item:

L. BAEBIVS. L. F
GAL. IVNIANVS
IVRIDICVS. AEGYPTI

De præfectis præfecturarum Sex. Pompeius: *Præfecturae* (inquit) *hæc* appellantur in Italia, in quibus & jus dicebatur, & nundinae agebantur, & erant quædam earum respublica, neque tamen magistratus suos habebant: in quas legibus præfecti mittebantur quotannis, qui jus dicerent. quarum genera fuere duo, alterum, in quas solebant ire præfecti populi suffragio creati, ut in hæc oppida, Capuam, Cumas, Castrinum, Vulturum, Linternum, Puteolos, Ageras, Fesulas, Atellam, Calatiam. Alterum, in quas prætor urbanus quotannis præfectos mittebat, ut Fundos, Formias, Cære, Venustum, Allifas, Privernum, &c.

Anum, Anagninam, Frusinnonem, Reate, Saturniam, Nursiam, Arpinum, aliaque complura, &c.

De quattuor consularibus, qui per Italiam jus dicerent, ab Hadriano institutis, Appianus libro I. bellorum civilium, & Julius Capitolinus in Marco: de juridicis vero Italiae idem Capitolinus in Pio mentionem faciunt; de quibus latius sequente libro disputabo.

De III. V. VII. X. XV. & XX. viris, aut quotquot omnino creari placuerat, coloniarum deducendarum, agris dandis, attribuendis, metiendisque, ad inspiciendos fines, litæque dirimendas, tam frequens in omnibus historiis mentio est, ut de iis aliquid scribere supervacaneum esse arbitror, quum omnia, quæ de iis dici possent, aperta sint & manifesta. De dignitatibus vero, & officiis extra urbem militaribus sequente lib. disputabo, ubi legiones populi Romani describam.

C A P. XLVI.

De ministris magistratuum.

DE ministris vero magistratuum quamquam fastis supra dixerim, ubi ipsorum seriem digestam, non alienum tamen erit breviter ex instituto etiam hoc loco aliquid scribere. Inter quos primum locum obtinebant scribæ, quorum munus erat litteras vel acta, aliudve cujusvis magistratus scribere. Erant autem, ut ex antiquis lapidibus didici, scribæ consulum, prætorum, ædilium, quæstorum, & aliorum magistratuum, ut sic:

L. TARQVITIO
L. F. POM
ETRVS CO
SVLPICIANO
SCRIBAE QVAESTORI
EX. TESTAMENTO
DE. H.S. XX

De accenso sic scribit M. Varro lib. V. de lingua Latina: *Deinde consul loquitur ad exercitum: Impero, quia convenit ad comitia centuriata. Quare hic accenso, ille præconi dicit: Hæc est causa. In aliquot rebus idem ut præco accensus acciebat, a quo accensus quoque dictus. Accensum solitum cire Boeotia ostendit, quam comædiam Allii esse dicunt hoc versu:*

Ubi primum accensus clamavit meridiem.

Hoc idem Cosconius in actionibus scribit, prætorem accensum solitum tum esse jubere, ubi ei videbatur horam esse tertiam, & inclamare horam esse tertiam, itemque meridiem, & horam nonam. Marcellus vero scribit accensus genus militiae esse administrantibus proximum, dictos quod ad necessarias res sæpius accirentur, veluti accerliti. Sex. vero Pompeius: *Accensi* (inquit) *dicebantur, qui in locum mortuorum militum subrogabantur, & ad censum adiciebantur.* Idem libro I. *Adscripticii* veluti quidam scripti dicebantur, qui supplendis legionibus adscribebantur, hos & accensos dicebant. Sed Varro rectius, qui docet accensos administratores fuisse magistratuum ab acciendo dictos, id est vocando; nam accensus instar præconis acciebat jussu consulis Quirites ad concionem. Plinius libro VII. *Adfectus est & meridies accenso consulum id pronuntians.* Erant singulis præsidibus provinciarum accensi, quod munus nemini nisi libertis deferrebat, ut scribit Cic. ad Q. Fratrem. Aconius autem sic: *Accensus est nomen ordinis & promotionis in militia, & nunc dicitur princeps, vel commentariensis, aut cornicularius.* De accensibus mentio est in vetustis epigrammatibus sic:

SECVRITATI
COGNATIONIS. SVAE
FORTVNATVS. AVG. L
VERNA. PATRONIS
AB. EPISTVLIS
ACCENSVS. PATRON
DIVO. AVG. VESPASIANO
LICTOR. CVRIAT
VIAT. HONOR. DEC. COS. ET. PR
ET. SIBI. ET
EPAPHRODITO. AVG. L
AB. EPISTVLIS. FRATRI. SVO

Item :

L. VARRONIO. L. F
PAL. CAPITONI
SCRIBAE. AEDILIC
ACCENSO. VELATO
II. VIRO. QVINQVENN
CVRATORI. VIARVM
PATRONO. COLONIAE
ORDO. REGALIVM
QVORVM. HONORE
CONTENTVS. SVA. PECVN
POSVIT. L. D. D. D

Item :

T. TETTIENVS. FELIXAVGVSTALIS
SCRIBA. LIBROR. AEDIL. CVRVL
VIATOR. AEDIL. PLEBIS. ACCENSVS
CONSVLI. HS. L. M. N. LEGAVIT
ADEXORNANDAM. AED. POMONIS
EXQVA. SVMMA. FACTVM. EST. FASTIGIVM
INAVRATVM. PODIVM. PAVIMENTA
MARMOREA. OPVS. TECTORIVM.

Præcones quoque inter magistratuum ministros erant. Hi in iudiciis erant, senatusconsulta prædicabant, posteaquam decreta erant, iudices, candidatos, tribunal & curiarum suffragia suis nominibus appellabant, scribis subijcientibus edicta populo pronuntiabant, litteras in senatu, & ad populum publice legebant, bona quæ proscibebantur publicæ auctioni proponebant, ac proclamabant, & prætia (ut inquit Cicero) conficiebant. De his Plautus in Poenulo : *Exurge præco, fac populo audientiam*. Præconum tam apud omnes auctores, & præsertim Ciceronem, quam in antiquis inscriptionibus frequens mentio est.

G. MATIENI. C. F. OV
OVICVLAE
ANNORVM XXVII
PRAECO. IDEM. DISSIGNATOR

Lictores ministri erant regum primo, deinde consulum, proconsulum, prætorum, & proprætorum, & dictatorum ; sed dictatoris & consulis duodeni lictores erant, ceterorum seni tantum. Hi virgarum fasciculos cum securibus ligatos portabant, magistratibus præbant, ac quoties iussi erant, fasciculos virgarum solventes, primo virgis cædebant damnatum, mox securi feriebat. Livius : *Misque lictores ad sumendum supplicium, nudatos virgis cædunt, securique ferunt*. Hos primus instituit Romulus, ut Livius & Plutarchus auctores sunt. Dicti autem lictores sunt a ligando, eo quod magistratus populi Romani, priusquam quempiam verberari iussisset, manus a ministris illi iubebat ligari. Viatores porro dicebantur, qui magistratibus parebant, eo quod plerumque evocabantur ex agris homines ad magistratus, & frequens eorum ab agris ad urbem via erat. Columella in præfatione libri primi : *Illis tem-*

poribus procures in agris morabantur, & quum consilium publicum desiderabatur, a villis arcessebant in senatum, ex quo qui eos arcessebant, viatores nominati sunt. Postea viatorum nomen ad tribunorum & ædilium plebis ministros translatum est, qui illorum iussu quemlibet prehendebant : nam consulum, ut dixi, proconsulum, prætorum ministri lictores dicebantur. Livius lib. II. ab urbe condita : *Ardens itaque ira tribunus, viatorem misit ad consulem, consul lictorem ad tribunum*. Gellius lib. XIII. cap. XII. ex libro XXI. rerum humanarum Varronis : *In magistratu (inquit) habent alii vocationem, alii prebensionem, alii neutrum. Vocationem ut consules, & alii qui habent imperium ; prebensionem ut tribuni plebis, & alii qui habent viatorem ; neque prebensionem, neque vocationem, ut quaestores & ceteri, qui neque lictorem habent, neque viatorem*. Hi omnes, ut scribae ; accensi, præcones, lictores, viatores, uno nomine apparitores vocabantur sive futores, quod apparerent & præsto essent ad obsequium magistratuum : confundi tamen omnia hæc nomina ex his antiquis inscriptionibus animadverti :

T. STABERIVS. EPIGONVS
VIATOR. CONSVLARIS
SIBI. ET. SVIS. ITEM
LIBERTABVS. POSTERISQVE. EORVM
VIXIT. ANNIS. LXXXII.
MENS. II. DIEBVS. XX

Item :

M. SVTORIVS. M. L
PAMPHILVS
LICTOR. CVRIATVS
QVI. SACRIS. PVBLICIS
P. R. QVIRITIVM
VIATOR. QVL. COS. ET. PR
APPARET
DECVRIO. COLLEGI. FABRVM
FERRARIVM

Item :

M. SVTORIVS. M. L
BARNAES
CONLIB. FAMPHILI
VIATOR. QVI. COS
ET. PR. APPARET

Item :

T. STABERIO
SECVND. COACTORI
ARGENTARIO
VIATOR. CONSVLARI
ET. PRAET. SIBI. ET
CLAVDIAE. STRATONICAE
VXORI

Item :

Q. LVCRETIO. Q. L. GEMELLO
VIATORI. QVAESTOR. AB. AERAR
Q. LVCRETIVS. Q. L. CHRESTVS
VIATOR. QVAESTOR. AB. AERAR
PATRONO. FECIT

Item :

M. SERVILIUS. M. L. RVFVS
LICTOR. SE. VIVO. FECIT
SIBI. ET. PETIAE. C. L. PRIMAE
VXORI

Item:

D. M.
TI. CLAUDIO
ONESIMO
VIATORI
COLLEGI. MAGNI
CLAUDIA. ZMIRNA
COIVX

Item:

DEO. SOLI. MITHRAE
C. IVNIVS. C. F. TROM
NENINIANVS
VIR. CLAR
VIATOR. QVAESTOR

Item:

D. M.
M. ANTONIVS
HEVTVCAS
ANTONIO. FOR
TVNATO. STA
TORI. AVGVSTO
RVM. ALVMNO
BENEMERENTI
FECIT

Item:

M. COELIO
DIONYSIO. LICTORI
PATRI. OPTIMO
C. COELIVS. SECVNDOVS

Item:

D. M.
L. POMPEIO. AVG. LIB.
FORTVNATO
NOMENCLATORI
ACCENSVI. LICTORI
AVG. III. DECVRAR
POMPEIA. PIA
VXOR. VIRO
KARISSIMO. FECIT

Item:

M. VALERIVS
ACHILLEVS. LI
CTOR. PROXIMVS
LAVRENS. LAVINAS
AGENS. ANNVM. AETA
TIS. LXV. VIVVS. MIHI
COMPARAVI. ET. POSVI

Carnificis mentionem facit Tacitus lib. v. ubi sup-
plicium Sejani filiorumque enarrat; item Plinius in
epistolis in describenda poena virginis Vestalis maxi-
mæ Cornelie.

Diribitorum, rogatorum, custodum, nomencla-
torum, & diviforum, qui potius privatorum quam
magistratum ministri erant, supra mentionem feci,
quum de comitis centuriatis verba feci. De quibus
Cicero in oratione post reditum in senatu ita scribit:
*Quando illa dignitate rogatores, diribitores, custode-
que vidistis? Cicero pro Muræna: Quid quod habes
nomenclatorem? In eo quidem fallis, & decipis.* Et o-
ratione secunda in Verrem. *Divisores omnium tri-
buum noctu ad ipsum vocatos, &c.* De nomenclato-
ribus, quos magistratum ministros etiam fuisse ap-
paret, sic mentionem faciunt hæ vetustæ inscriptio-
nes.

A

M. AEMILIO
LEPIDI. LIB
FELICI
NOMENCLATORI
VIRO. PRIORI
DECIMIA. L. L
LIBERALIS

Item:

L. VOLVSI
VRBANO
NOMENCLATORI
CENSORIO

B

Item:

DIIS. MANIBVS
TI. CLAUDI. AVG. LIB
THALETIS. VINICIANI
NOMENCLATORIS
A. CENSIBVS
THALLVS. ET. IANVARIA
LIB. DE. SVO. POSVERVNT
LOCO. LEGATO. AB
IVLIO. ALCIDE. COLL. EIVS
CVIVS. HERES. FVIT

C

Item:

IOVI. OPTVMO. MAX
L. VRBANVS. V. C
NOMENCLATOR
CENSORIVS
D. D. D

D

De magistris curiarum satis alibi disputavi. Fue-
runt & ministri magistratum militarium, ut Be-
nificarii, Cornicularii, Tesserarii, Buccinatores,
de quibus lib. sequente verba faciam.

C A P. LXVII.

Quæ libertate parta civitatis conditio fuerit.

E XACTIS (ut dixi) Tarquiniis regibus, Bruto-
que & Collatino consulibus creatis, ut primum
magistratum inierunt, statim Brutus plures ad
populum utilissimasque leges tulit, quo reipub. sta-
tum confirmaret, regiam vero tyrannidem omnino
convelleret ac labefactaret; inter quas concione vo-
cata, iurejurando universum populum Romanum
adegit, neminem Romæ se regnare passuros. Non
longe post filios suos Titum Tiberiumque, M. quo-
que, & M. Vitellius uxoris suæ fratres, fororisque
Collatini collegæ duos alios filios L. & M. Aquillios,
compluresque alios adolescentes nobiles, qui de reci-
piendo in urbe rege Tarquinio, cælis consulibus,
conjuraverant, virgis cælos securi coram omnibus
percutit. Tarquinium Collatinum collegam suum,
magistratu abdicare coactum, urbe eiecit, quod fon-
tium poenam impedire voluisset, eique P. Valerium
Volusum F. Volsum, qui postea Poplicola appellatus
est, suffecit. Cujus præcipue opera in expellendis
regibus usus fuerat. Bona deinde regum diripi jus-
sit, agrum eorum Marti consecravit, qui postea cam-
pus Martius nominatus est. Patriciorum ac senato-
rum ordines, cedibus regis diminutos, supplevit, &
ex equestri ordine ad CCC. numerum senatum resti-
tuit. Quum adversus reges, qui contractis Veien-
tium & Tarquinienfium copiis bellum urbi intule-
rant, exercitum eduxisset, in acie cum Arunte Su-
perbi

perbi filio commortuus est: quem matronæ annum luxerunt. P. Valerius alter consul in urbem reversus, comitiis centuriatis Sp. Lucretium Bruto, & eidem paulo post mortuo M. Horatium suffecit. Quum autem post reges exactos universa respub. in paucorum patriciorum potestate atque imperio esset, plebs omni prorsus reip. munere exclusa erat. Patricii enim soli consulatum, id est, regium imperium, sacra omnia, comitia, atque omnem postremo in plebem & vitæ & necis potestatem habebant. Plebs vero non modo omnis expers honoris optimatibus obediebat, sed diremptis connubiis vitæ etiam ipsius prope communione privata, maxima cum indignitate serviebat. Quam rem tanquam indignam quum Valerius consul animadvertisset, ut aliqua, quæ nulla in ea repub. tunc erat, moderatio induceretur, atque tenuiores cum principibus æquarentur, & plebs pari cum patriciis in civitate jure uteretur, libertatis plebis Romanæ ille primus initia jecit, ut collega Brutus univeris reip. jecerat. Duas enim eas leges humanissimas, & maxime populares tulit, de imperio a populo accipiendo, & de provocationibus a magistratibus ad populum, & ne cuiquam injussu populi, civem Romanum aut verberare aut necare fas esset. Quum etiam in concionem ascenderet, fasces in populi concionem submiserat. Quare in hoc magistratu Poplicola primo vocatus est, quod plebs studiosius, populum nimis coluisset, ut auctor est Dionysius. Atque hic anno primo partæ libertatis urbis status erat.

C A P. LXVIII.

De tribunis plebis primum creatis.

QUARTO decimo anno post reges exactos, Ap. Claudio, P. Servilio cos. prima seditio plebis ex nobilium fœneratorum impotentia, qui plebem ære alieno obstrictam in vinctulis habebant, exaruit. Quæ per Servilium consulem sedata est, quum edixisset, ne quis civem Romanum vinctum, aut clausum teneret, quominus ei nominis edendi apud consules, qui tum in Volscos bellum parabant, potestas fieret.

Anno sequenti A. Virginio, & T. Veturio cos. quum Æqui, Volsci, & Sabini una omnes movissent, ac plebs ad bellum nomina profiteri nollet, jamque seditio anno priore nexorum causâ commota vehementius in dies glisceret, visum est patribus ad dictatorem confugere, cujus metu plebs sine dubio quiescere esset; itaque M. Valerius Volusus Poplicolæ frater dictator dictus, is Q. Servilium sibi magistrum equitum cooptavit. Hic plebem convocata concione, gratissima oratione repressit, pollicitus ubi primum confecto bello domum redisset, sibi curæ fore, ut ad senatum de nexis referretur. Eam autem promissis mitigatam in hostes eduxit, ac quum victoria parta per senatum promissa præstare non posset, dictatura se abdicavit. Paulo post, quum plebs per causam renovati ab Æquis belli ex urbeeducta esset, auctore Sicinio quodam patribus irata a consulibus discessit, & trans Anienem amnem collem quandam occupavit, qui facer est appellatus, neque eo anno revocari in urbem potuit. Anno sequenti, qui erat urbis conditæ CCCLXII. Sp. Cassio II. Postumo Cominio II. Cos. legis decem a senatu ad plebem de conciliatione missis, unius Agrippæ Menenii oratione commota, decreta a senatu levatione debitorum, & nexorum propter æs alienum reddiit. Ceterum verita ne solum cœtu, vel promissis non staretur, vel ut digressi essent, alius ob alias causas comprehendi, poenas darent, hac lege, quæ sacratæ nomen accepit, cum patribus in gratiam reddiit, ut magistratum & ipsa sibi ex suo corpore

contra patriciorum potentiam, ac vim creare posset, quoque auxilii latio adversus eos esset. II tribuni plebis dicti sunt, qui primo duo, vel, ut aliis placet, quinque, postremo decem facti sunt. Hujus rei Cicero pro Cornelio meminit: *Tanta igitur in illis virtus fuit, ut anno XVI. post reges exactos, propter nimiam dominationem potentium, leges sacratas ipsi sibi constituerent, duos tribunos crearent, montem illum trans Anienem, qui hodie mons sacer nominatur, in quo armati confederant, æternæ memoriæ causâ consecrarent.* Hæc ille. Lex autem sacrata ea fuisse videtur, quam in sacro monte plebs tulit, ut liceret magistrum ex suo corpore creare, qui plebem ab omni injuria prohiberet, ut nemini patricio hunc magistrum capere liceret, ut hic magistratus sacrosanctus esset, id est, ne quis tribunum plebis, aut manu, aut verbo violaret: qui secus fecisset, ipsum impune posse occidi, ac sacrum esse videri. Hoc igitur sacrosancto magistratu plebi a patribus concessio, ipsa tanquam acerrimo quodam telo, non solum contra optimatum potentiam atque libidinem, se, libertatem ac pudicitiam suam tutata est atque defendit, verum etiam quum tantum principio tribunis auxilii latio concessa fuisset, ne patricii adversus plebem insolentius, aut arrogantius agerent; tum jure sacrosancti magistratus, quum inviolabiles essent, longe majora moliti, magnas in republica turbas & seditiones sæpe concitarunt: neque enim gravius poenæ metu iis, qui eos lædebant, irrogare, quicquam eis repugnare, aut vi adversari audebat. Ceteros enim omnes magistratus sacrosanctâ potestate superabant: primo enim quenvis, a quo imploratum eorum auxilium esset, asserabant, supplicem tuebantur, non contra privatos dumtaxat, sed etiam adversus ipsos magistratus, dictatoribus tantum exceptis. Quod si quis ad eos, vel etiam absentes provocasset, is statim liberatus ab eo, a quo comprehensus fuerat, vel in concionem adducebatur, vel absolvebatur. Ad hæc si quod eis decretum, sive a magistratu, sive a privato, sive a plebe, sive a senatu factum displicebat, intercedere poterant. Quod si senatus aliquid agere, vel decernere instituisset, atque unus tribunus plebis intercessisset, id decretum promulgari non poterat. Processu temporis illa etiam sibi vendicantur, ut & senatum congregarent, dicto non audientes punirent, haruspicesque & augures consulenter. Multa demum, quæ non licebant, invictis illis intercessionibus consequantur, rogationes ferebant, quibus lege Hortensia omnes Quirites obstringebantur. Quum enim legum sciendarum populus dominus esset, plebsque non minima pars populi haberetur, quia eis cum populo agere jus non erat, sed tantum cum plebe, effecerunt, ut plebscitâ omnes Quirites tenerent. Postremo eorum audacia, & potestas ita crevit, ut aliquando consules in carcerem conjecerint, & quodam indicta causâ necarint, neque enim quisquam eis adversari audebat, alioqui ipse sacer & devotus erat. Hac igitur sacrosanctâ potestate comitia tributa in primis invenerunt, quibus minores magistratus creare voluerunt, qui ad eam diem curiatis facti fuerant, tribunorum plebis numerum auxerunt, connubiorum communionem, quæstores, tribunos militum consulari potestate, & decem viros sacris faciundis, ex plebe creati obtinuerunt, qui hæctenus ex patriciis tantum fieri solebant. Post hæc quum plebs ad summos honores aspirare cœpisset, tribunorum plebis auctoritate consulatum etiam, quæ firmissima semper prope arx potentia patriciorum fuerat, præterea dictaturam, censuram, imperium, sacra, sacerdotia, quæ unius ante nobilitatis fuerant, non sine magnis reipub. motibus, intestinisque seditionibus sibi vendicavit. Jamque nihil aliud deerat, ad jus totius reip. plebemque patriciis adæquandam, quam ut plebscitâ quibus tum sola plebs tenebatur, omnes Quirites adstringerent; tum denique

hoc etiam secessione in Janiculum facta, lege Horatienſia conſequuta eſt. Poſt quæ tempora, quæ civitatis Romanæ leges, inſtituta, & conditio fuerit, poſt exponam. Nunc illud accurate demonſtrandum eſt, quam ratione, & quo tempore tribunorum plebis auctoritate plebs ſingula adepta ſit, quæ ſupra ſingillatim commemoravi. Quorum primum poſt eam poteſtatem creatam fuit tribunorum comitiorum inſtitutio, quæ ob ejuſmodi cauſam inſtituta a Dionyſio traduntur.

C A P. LXIX.

De comitiis tributis.

T RIBUNIS plebis primum creatis nihil aliud a ſenatu conſeſſum eſſe videbatur, præterquam auxilii latio plebeis, ſiquis vim inferret, atque ob eam rem ſacroſancti erant. Ceterum neque agere cum populo, neque aliud quid pro ea poteſtate facere juſ ullum erat. Quapropter ut hæc libertatis Romanæ plebis facta fundamenta ſtabilirent, illud primum tribuni procurarunt, ut juſ illis cum populo agere eſſet, occasione hujus rei quaſita, quod Sp. Sicinius unus ex primis tribunis plebis concionari ad populum de commodis plebis a conſulibus prohibitus eſſet. Quare ſequenti die, ſummo mane plebeiorum non parva manu comparata, deſcendit in forum tribuni, & occupata æde Volcani, ubi concionari tribuni ſolebant, plebem ad concionem vocat, atque repleto foro Sicinius legerat ad plebem tulit ejuſmodi: *Concionanti ad populum tribuno, nemo aliquid in contrarium dicit, nec dicentem interpellat; ſiquis contra hæc fecerit, datis verbis poenam ſolvat, quantum tribunis viſum erit. Qui vades non dederit necetur: bonaque ejus ſacra ſunto, contentionumque de penis ipſis judicia penes populum ſunto.* Hac lege promulgata, & a plebe ſciva, magna incredibilique, quamquam non ſtatim cognita, tribunorum poteſtas facta eſt. Atque ejus legiſ ſubſidio omnia poſtea obtinuerunt, de quibus ſupra diſſerui. Hoc autem factum eſt, auctore Dionyſio, anno ſequenti poſteaquam tribunorum plebis magiſtratus inſtitutus erat, T. Geganio, & P. Minucio coſ. Anno vero ſequenti A. Sempronio & M. Minucio coſ. qui erat urbis condita CCLXIII. comitia tributa ob hanc cauſam a tribunis plebis primum inventa ſunt. Quum in ſumma annonæ caritate, ne frumentum ex Sicilia advectum plebi divideretur, C. Marcius Coriolanus ſumma ope contendit, ab iratis tribunis plebis dies illi ad populum dicta eſt, ut violatæ plebis Romanæ libertatis cauſam diceret. Die igitur judici in trinundinum edicto, quum dies inſtaret, plebs ex agris quanta nunquam antea in urbem venit, forumque prima luce complevit. Tum tribuni advocata concione, non curiatim quidem, ut vetus mos erat, ſed per tribus diſtinctam ſuffragium ferre voluerunt. Eam enim in foro ipſo tributum diſerunt, ut unusquisque in tribu, in qua cenſebatur, ſuffragium ferret; atque hoc anno primum comitia tributa facta ſunt iudicio Coriolani, acriter adverſantibus patriciis, centuriatæque fieri more majorum poſtulantibus. Quum enim de aliqua re ex S. C. comitia haberi eſſent ſolita, ea centuriata in campo Marcio habebantur. Si enim centuriata comitia habita eſſent, quæ in ditiorum (ut dixi) manibus & opulentiorum erant, octo & nonaginta primis centuriis, quæ dimidio plus erant diſtributorum, proculdubio abſolvi Marcius poterat: tribuni vero hoc ipſum timentes, tributa ea fieri voluerunt, ne pauperes fierent ditioribus inferiores, ubi de re ad publicam ſalutem pertinente agendum eſſet, atque paupere plebe in noviffimas centurias abjecta, ſuffragiis, quæ æqua eſſe deberent,

excluderetur. Sed æqua ſorte ferendis ſuffragiis omnes facti, per tribus diſtincti ſententias ſuas afferrent, iudicaturi de eo, qui rem communem violaffe videbatur. Quod ubi illis a patribus conſeſſum eſt, ſuffragia per tribus populum ferre juſſerunt, poenam præſcribentes ei exilii perpetui. Ubi omnes tribus ſuffragatæ ſunt, quum una & viginti tunc eſſet, tredecim damnaverunt, novem vero cum abſolverunt; atque hac ratione tribunorum comitiorum origo fuit, ut libro VII. abunde enarrat Dionyſius. De quibus tractatur ab eorundem ſinitione initium ſumam. *Tributa igitur comitia erant*, ut ex Gellio lib. XV. cap. XXVI. intelligitur, *quum ex regionibus & locis ſuffragium ferebatur.* Quibus verbis nihil aliud intelligi voluit, quam quum per tribus ſuffragium ferebatur, ut quod tribus plures juſſiſſent, id ratum haberetur. Erant enim tribus populi Romani partes diſtinctæ locis in urbe diverſis, & regionibus undique circum urbem per Latium, Tuſcos, & Sabinos diſperſis, quarum nomina ſupra accurate retuli, quum de iis diſputarem. Ab iis tributa comitia dicta, ut a curiis curiata, & centuriis centuriata, quod ſcilicet non modo tributum diviſus populus ſuffragium ferret, ſed etiam quid plures tribus juberent, aut varent, ſpectaretur. Hæc comitia poſt Coriolani iudicium, eorumque primam inſtitutionem Romæ frequentari cœpta ſunt, & præſertim poſt legem Publiliam, qua minores magiſtratus hiſce comitiis creari jubebantur, quum ante curiatis fierent. Atque deinceps cauſæ habendorum horum comitiorum generales quattuor factæ ſunt. Prima ad creandos minores magiſtratus; altera ad ſacerdotes cooptandos; tertia ad leges ferendas; quarta iudiciorum cauſa. Magiſtratus autem, qui hiſ comitiis creabantur, partim provinciales, partim urbani, partim ordinarii, partim extra ordinem erant. Erant autem urbani ordinarii magiſtratus, qui iſ comitiis creabantur, omnes minores magiſtratus, qui ſingulis annis ad ſuum ordinarium in urbe munus obeundum a populo creabantur. In quo genere erant ædiles curules, ut M. Meſſalla apud Gellium libro XIII. cap. XIV. & L. Piſo in tertio annali, apud eundem libro ſexto, cap. nono, & Cicero libro quarto epiſt. ad Atticum; tribuni, & ædiles plebis, ut Dionyſius libro nono, & Livius libro ſecundo; quæſtores, ut Livius lib. IV. & Tacitus libro ſecundo; III. viri capiteales, ut Cic. pro Cluentio; III. viri nocturni, ut Livius libro nono; tribuni militum comitiales, ut Livius lib. ſeptimo & nono; III. viri monetales auro argento, ære ſtando ſervando, ut iidem omnes auctores ſunt. Ex quibus magiſtratibus quæſtores, ædiles, & tribuni plebis ante legem Publiliam curiatis comitiis creabantur. Poſt eam, & annum urbis CCXXXII. tributis creati cœpti. Magiſtratus vero minores urbani extraordinarii tributis comitiis fieri ſoliti, erant præfecti annonæ, ut Livius libro quarto tradit; duumviri navales, alias claſſis ornandæ, reſciendæque, de quibus idem Livius libris decimo, quadrageſimo, & quadrageſimo primo mentionem facit; quæſtores patricii, qui & quæſtores, & II. viri perduellionis dicebantur, de quibus Alconius; IV. viri viarum, de quibus Pomponius; II. viri, vel plures, ſacrarum ædium locandarum, ædificandarum, conſecrandarum, vel reſtituendarum, quos populus ex lege Papiria designare ſolebat, de quibus Cicero pro domo ſua, & ſepiſſime Livius; III. viri reſciendis ædibus ſacris, de quibus Livius, Q. Catulus ad dedicandum Capitolium a populo præiectus, ut Plutarchus; v. viri turribus murique reſciendis, de quibus libro vigefimo quinto Livius; III. viri, & v. viri menſarii, de quibus idem Livius libro ſexto, & vigefimo tertio; III. viri ſacris conſiderendis, & III. viri donis perſequendis, de quibus idem Livius libro vigefimo quinto; & poſtremo omnes ſive curatores, ſive magiſtratus extraordinarii, id eſt, qui non

ut ordinarii annuam potestatem continuatam habebant, sed tandiu in ea erant, dum curationem, cui præfecti erant, absolvisent, comitiis tributis creabantur. Provinciales vero magistratus (provinciales autem voco, quibus erat imperium curatione ire tantum extra urbem) qui hisce comitiis creabantur, erant III. viri, V. viri, VII. viri, X. viri, XV. viri, XX. viri, aut quotquot omnino creari placuerat, ad colonias deducendas, aut redigendos colonos in suas quemque colonias, aut agros dividendos, de quibus frequentissima est in omni historia mentio, curatores viarum extra urbem, de quibus Cicero : III. viri juvenibus ad militiam conquirendis, de quibus Livius libro XXIII. Item proconsules omnes, prætores, & proquaestores iidem comitiis in provinciis mittebantur, ut Livius libro tertio, & alibi sæpe in historia sua, & sæpissime Cicero commemorant, quamquam unum P. Cornelium Scipionem proconsulem Hispaniæ centuriatis comitiis semel tantum creatum fuisse tradat Livius. Tributorum porro comitiorum secunda causa fuit ad sacerdotes creandos, ex quibus ante legem Domitiam unus tantum fuit pontifex maximus, ut ex Livio sæpe intelligi potest; post legem vero Domitiam, qua sacerdotum subrogandum jus a collegiis ad populum translatum est, pontifices, augures, fœciales, VII. viri epulonum, XV. viri sacris faciundis, tributis comitiis creati sunt, ut satis supra dixi; ex reliquis enim sacerdotibus, rex sacrificulcus centuriatis, flamines, & curio maximus curiatis, Vestales a pontifice maximo, salii a magistro collegii, Iuperci, fratres arvales, fœdalis Titii, sacerdotes Galli, & reliqui a suis collegiis vel magistris cooptati sunt. Ceterum ea tributa comitia, quibus tam pontifex maximus primum, quam deinde reliqui sacerdotes creabantur, non omnium tribuum erant, sicut magistratum, sed tantum septemdecim tribuum, quibus id forte obtigisset. Quod cur factum fuerit, his verbis docet Cicero in Rullum, quum ait: *Item eodemque modo ut comitiis pontificis maximi: ne hoc quidem vidit, majores nostros tam fuisse populares, ut quod per populum creari fas non erat propter religionem sacrorum, in eo tamen propter amplitudinem sacerdotis voluerint populo supplicari, atque hoc idem de ceteris sacerdotibus Cn. Domitius tribunus plebis vir clarissimus tulit, quod populus per religionem sacerdotia mandare non poterat, ut minor pars populi vocaretur, ab ea parte qui esset factus, si a collegio cooptaretur.* Tertia vero tributorum comitiorum habendorum causa legum ferendarum erat. Hæc autem erant plebiscita omnia. Quo verbo legis etiam comprehendendo rogationes, quibus de pace ad populum ferebatur. Bellum enim lege centuriata indici solebat, pax autem tributis comitiis iniri consueverat, ut libro XXX. docet Livius. Hic etiam eas rogationes comprehendendo, quibus legibus aliquis quavis causa solvebatur. Huc postremo illas etiam rogationes rejicio, quibus a populo imperium triumphaturis ducibus, vel quacunque id ratione fieret, intra urbem haberi permittebatur. His comitiis publice quaestiones constitutæ, & civitas data sæpe a Livio refertur. Quarta porro horum comitiorum causa judiciorum exercendorum erat. In qua illud animadvertione dignum, judicia quidem capitis a populo comitiis centuriatis perfici : si si magistratus aliquem reum ad populum faceret, nec capitis cum accerferet, sed multam indiceret, tum omnia hæc judicia, quæ de multa dicebantur, tributis comitiis fiebant. Hoc autem summum dici potest, judicia omnia populi, quæ de multa erant a magistratu, aut pontifice indicta, his comitiis perfici solita. Hoc vero ex omni historia Liviana liquet. Exilium præterea tributis comitiis decerni solebat, si quis capitis condemnatus, ad populi judicium venire recusaret, ut tradit Livius. Atque hæc comitiorum tributorum præcipuæ causæ sunt. Jus autem tributorum comitiorum habendorum penes

maiores & minores magistratus erat. Ex majoribus dictator, consules, & tribuni militum cons. potestate; ex minoribus tribuni plebis erant. Consules enim omnes minores magistratus creabant, tribuni plebis, & ædilibus plebis exceptis, quos tribuni plebis his comitiis renuntiabant; tribunos enim & ædiles plebis tribuni ipsi creabant, ut ex Livio, & Dionysio constat. Reliquos (ut dixi) minores magistratus consules, aut dictatores, si quando comitiorum habendorum causa creabantur, aut tribuni militum consulari potestate creabant. Ab his enim quaestores, & ædiles curules, & ceteri minores ordinarii magistratus, Livio auctore, fiebant. Ad creandos vero minores extraordinarios magistratus, jus fuit consulibus, prætoribus, & tribunis plebis. Sacerdotum vero comitia tributa consules tantum habere solebant, ut ex Cicerone in epistola ad M. Brutum liquet. Sacerdotes autem erant post legem Domitiam pontifices, augures, XV. viri s. f. VII. viri epulonum, & fœciales : ante legem vero Domitiam solus his comitiis pontifex maximus creabatur, isque Livio auctore ab uno pontificum subrogabatur; nam post legem Domitiam cum cum reliquis quoque sacerdotibus a consulibus factum fuisse existimo. De legum vero judiciorumque comitiis tributis facile est intelligere, iis magistratibus licuisse habere ea comitia, quibus jus erat cum populo agendi. In historiis autem legimus interdum consules, interdum prætores, sæpe tribunos plebis ad populum de his rebus rogationes tulisse. Plebeios porro magistratus petendi jus erat plebeiis tantum hominibus, binosque ex singulis classibus tribunos esse oportebat. Reliquos magistratus his comitiis fieri solitos, omnibus servatis legibus, petere jus erat. Ex sacerdotibus, qui his comitiis creabantur, pontificum collegium dimidium ex patribus, dimidium ex plebe creari oportebat. Duo ex eadem gente sacerdotes ejus collegii esse non poterant, absentium ratio haberi solebat. Adolescentes admodum post XVII. annum inaugurari poterant, pontifex maximus non nisi ex numero pontificum fiebat. Iis omnibus quibus in centuriatis, in tributis quoque comitiis jus erat, id est civibus Romanis, quibus cum suffragio civitas a populo data esset, ipsique in tribus a censoribus relati fuissent. Nam quod Latinos aliquando suffragatos fuisse legimus apud Livium, non repugnat iis, quæ dixi; quum id non jure civitatis, aut tribus adeptæ facerent, quam non habebant, sed iis datum sit antiquo Cassiano fœdere, atque a magistratibus & accerfiri, & prohiberi possent, ut latius paulo post exponam. Jure igitur non nisi civibus Rom. pleno jure comitiis suffragium ferre jus erat, ex magistratuum vero indulgentia Latinis etiam. Commune autem omnibus comitiis erat, ut Jove fulgente, aut tonante, ea haberi non possent. Quare hoc & tributis comitiis conveniebat, ut auspicia hætenus servanda essent, ne haberentur quo die servatum esset de cælo. Unde sequitur his etiam comitiis obnuntiationi parendum fuisse. Quamquam autem tributa comitia hætenus auspiciato haberi debebant, in reliquo tamen genere auspiciorum nulla fere religione astringebantur; quod Dionysius lib. IX. ostendit sic : *Hoc erat discriminis inter tributa comitia & curiata, quod curiata oportebat ex senatus auctoritate haberi, & populus curiatim suffragium diceret, & ut auspiciato fierent. Tributa vero non consilio senatus, non adhibitis sacerdotibus, auguribusque, & diviso per tribus populo perficiebantur; plebei enim magistratus auspicia non habebant.* Ante comitiorum tributorum diem triundino opus erat, quemadmodum de centuriatis dixi. Die comitiorum, antequam haberentur, concionem is qui ea habebat, populo facere solebat; fortiones aliquot fiebant, ut de prærogativa tribu, in qua tribu Latini suffragium ferrent, si adfuissent. In sacerdotum quoque creatione XVII. tribuum sortitio fiebat; quos

non nisi a populi parte creari jus erat. In iisdem comitiis erant diribitores, custodes, & præcones. Nam rogatorum munere is, qui comitia habebat, fungebatur. Unius autem tribus, ut unius centuriæ, unum suffragium erat, nam singulorum hominum vota, puncta dicebantur. In creandis autem magistratibus tot dabantur tabellæ, quot candidati essent, quorum nomen receptum esset: & quoniam XXXV. tribus erant, oportebat XVIII. tribus ferre quemque candidatum, ut a majore populi parte creatus diceretur, ut autem quisque prior eum numerum tribuum tulerat, ita prior renuntiabatur. Quumque tot creati erant, quot ex lege in eo magistratu esse oportebat, tum comitiis finis fiebat. Eadem propemodum ratio erat judiciorum, & legum, quæ etiam in comitiis centuriatis servabatur. Tribus autem comitiis non unus erat destinatus locus, quemadmodum centuriatis, quia religio non erat, extra ne, an intra pomerium haberentur. Ac magistratuum quidem comitia tributa fere in campo Martio habebantur; aliquando etiam in foro, & Capitolio habita fuisse legi. Legum vero & judiciorum comitia plurimum in comitio haberi solita, aliquando etiam in Capitolio habita apud Livium legimus. Horum comitiorum tempus erat, quotiescunque dies comitalis esset, nisi nominatim, ut aliis etiam diebus cum populo agere sibi liceret, quicquam legem tulisset, quod fecisse P. Clodium in tribunatu suo docet Cic. pro Sextio. Ante primam quoque diei horam cum populo agere non licebat. Sacerdotum comitia eo tempore quo quis moriebatur habebantur, minorum vero & ordinariorum magistratuum circa Kal. Augusti, ut prima ad Atticum docet Cicero. Tribuni & ædiles plebis magistratu inire solebant ad IV. Idus Decembris, quo die primi tribuni plebis creati sunt. Quomodo autem, & quando hæc comitia fieri desierint, superius exposui, quum de centuriatis verba feci; eadem enim utrorumque comitorum ratio est. Atque hæcenus de comitiis tributis.

C A P. LXX.

Quot reipub. mutationum causa fuerit tribunorum plebis sacrosanctus magistratus.

PLEBS Romana sacrosancto tribunatus plebis magistratu e patrum manibus extorto, longe majora adversus fenatus & optimatum potentiam moliri cepit. Nam post legem latam, ut tribuno plebis jus cum populo agere esset, itemque post tributa comitia occasione judicii C. Marci Coriolani instituta, aliquot annis post multas ob agrariam legem seditiones excitavit, quum agrum publicum, vel de hostibus captum sibi ipsi patribus repugnantibus dividere veller. Ea enim lex nunquam sine maximis rerum moribus agitata est. Ap. vero Claudio Ap. F. & T. Quintio Capitolino Cos. Volero Publilius tribunus plebis, auctore M. Lætorio altero tribuno rogationem ad populum tulit, ut plebei magistratus tributis comitiis fierent, qui hæcenus curiatis creati erant. Haud parva res sub titulo prima specie minime feroci ferebatur, sed quæ patriciis omnem potestatem per clientum suffragia creandi quos vellent tribunos auferret. Huic actioni plebi gratissimæ, quum summa vi patres resistissent, postremo victis patribus, lex lata est. Tuncque primum tributis comitiis tribuni, & ædiles plebis creati cæpi an. urbis CCXXIII. Res post hæc in urbe quiescebat, usque ad annum urbis CCXCII. In quo victis, & ad interuersionem fere Volsis cælis, secundæ bellis res urbanus motus, qui mutationi reipub. causam attulere, excitarunt. C. enim Terentius Arsa tribunus plebis legem ad populum tulit, de quinque

viris creandis, qui leges de imperio consulari scriberent, quod populus in se jus dederit eo consules ufuros, non ipsos libidinem, ac licentiam suam pro lege habituros. Querebatur enim plebs, nimium esse consulare imperium, atque intolerabile liberæ civitati, idque imminui, & moderatius fieri postulabat. Quæ lex quum sex annos a tribunis frustra jactata, tandem pro concessa sibi duplicandorum tribunorum potestate penitus refraxisset, tamen Romilio, Veturioque consulibus, in plebem militiam detrectantem impotentius se gerentibus, acrius etiam quam ante relata est; igitur incertis quid agerent patribus, placuit ea sententia, cujus princeps T. Romilius fuisse scribitur, ut legum latores crearentur, qui jura patribus plebique scriberent, quæque ab iis essent decreta, ea plebem & patres tenerent. Plebe autem assentiente mittuntur legati tres in Græciam, qui Athenienium, & aliarum Græciæ civitatum instituta, mores, & jura noscerent, eaque Romam deferrent Sp. Posthumius Albus, A. Manlius Vulsus, Ser. Sulpicius Camerinus. Missi autem Tarpeio, Aterioque Cos. tertio anno post, quo Menenius & Seltius consulatum gerebant, cum legibus reversi sunt. Quum autem instarent tribuni, ut tandem legum scribendam initium fieret, jamque in annum sequentem designati consules essent Ap. Claudius, & T. Genucius, tum in Ap. Claudii sententiam S. C. factum est, ut reliquis abrogatis magistratibus decemviri crearentur, cum imperio consulari, ac regio sine provocacione, qui ex patris moribus, & peregrinis legibus optima seligentes, & reipublicæ maxime utilia jura populi Romani constituerent, quæque ii scripsissent, si S. P. Q. R. probassent, ea in perpetuum populum ipsum Romanum tenerent. Quo S. C. a plebe comprobato Cos. abdicarunt, in eorum locum decemviri consules facti sunt, Ap. Claudius, T. Genucius, Sp. Postumius, Ser. Sulpicius, A. Manlius, T. Romilius, C. Julius, P. Sestius, P. Curiatius, & Sp. Veturius. Anno igitur CCCIII. quam condita urbs erat, iterum mutata est forma civitatis a consulibus ad decemviros, quemadmodum a regibus ante ad consules venerat. Hi decimo die jus populo singuli reddebant, eo die penes præfectum juris sacres duodecim erant, collegis vero reliquis singuli accessi apparebant. Ceterum propositis decem legum tabulis a decemviris, rumor inde vulgatur, duas deesse tabulas, quibus adjectis absolvi possit velut corpus totius Romani juris. Ea expectatio, quum dies comitorum instaret, desiderium decemviros iterum creandi fecit. Plebs etiam præterquam quod consulum nomen haud secus, quam regum perosa erat, ne tribuniciū quidem auxilium cedentibus invicem appellatione decemviris, querebat. Creati igitur in alterum annum magno patrum plebique studio iterum decemviri sunt Ap. Claudius II. M. Cornelius, M. Sergius, L. Minucius, Q. Fabius, T. Antonius, M. Rabuleius, Q. Petillius, K. Duilius, & Sp. Oppius. Quum igitur major pars hujus anni processisset, & duabus tabulis ad decem adjectis nihil superesset, si hæc quoque tabulæ centuriatis comitiis perlatæ essent, cur decemviris reipublicæ opus esset, expectaretque populum quam mox consulibus creandis comitia indicerentur. Tum decemviris nulla comitorum mentione facta, juvenum catervis stipatos superbus, atque impotentius se in unumquemque gessisse, & Idibus Mais advenientibus, qui dies tum solemnus in eundem consulatu erat, nullis magistratibus subrogatis, eosdem qui priore anno fuerant, decemviratum cum magna totius populi indignatione continuasse, Livius & Dionysius auctores sunt. Eos tamen haud multo post abdicasse hanc ob causam præcipue constat. Ap. Claudius, quum alii collegæ in Æquos, alii in Sabinos exercitum duxissent, urbis præsidio relictus, Virginiam plebeam virginem, quam amabat,

pretio pellicere adortus, quum frustra se laborare animadvertisset, in servitutem per clientem suum M. Claudium afferere eam conatus, patrem ejus eo compulsi, ut ipsam filiam manu sua sibi potius occidendam putaret, quam Ap. Claudii libidini dederetur. Ea res, ut erat atrox, in utraque castra perlata seditionem maximam plebis excitavit. Quæ relictis castris quum primum in Aventinum, post in montem sacrum secessisset, paulo post placata, se redituram esse professæ est, si tribuni plebis sibi ipsi restituerentur, & decemviris abdicatis, consularis potestas revocaretur. Quibus conditionibus a senatu acceptis, ipsa in urbem rediit. Tum abdicantibus decemviris comitia tribunorum a M. Papirio pont. max. facta sunt, quibus decem creati. Tribunum inito L. Icilius extemplo plebem rogavit, & plebs scivit ne cui fraudi esset secessio ab decemviris facta. Confestim de consulibus creandis cum provocatione M. Duilius rogationem pertulit. Per interregem deinde consules creati, qui extemplo magistratum occuperunt; L. Valerius, & M. Horatius. Hi libertatis plebis Romanæ studiosi, quemadmodum & parentes avique eorum fuerant, omnium primum quum veluti in controverso jure esset, tenerentur ne patres plebiscitis, legem centuriatis comitiis habuere, ut quod tributum plebs jussisset populum teneret, qua lege tribuniciis rogationibus telum acerrimum datum est. Aliam deinde consulari legem de provocatione unicui præsidium libertatis, decemvirali potestate universam non restituerunt modo, sed etiam in posterum munierunt, sanciendo nova lege, ne quis ullum magistratum sine provocatione crearet; qui creasset eum jus fasque esset occidi, neve ea cadēs capitalis noxæ haberetur. Et quum plebem hinc provocatione, hinc tribunicio auxilio satis firmassent, ipsis quoque tribunis, ut sacrosancti viderentur, cuius rei prope jam memoria aboleverat, relatis quibuscum ex magno intervallo cærimonis, renovarunt, & quum religione inviolatos eos, tum lege etiam fecerunt, sanciendo ut qui tribunis plebis, ædilibus, iudicibus nocuisset, ejus caput Jovi sacrum esset, familia veniunt iret. Institutum etiam ab iisdem cos. ut S.C. in ædem Cereris ad ædiles plebis defereretur, quæ ante arbitrio consulum supprimebantur vitabantur. M. Duilius deinde tribunis plebis legem tulit, qui plebem sine tribunis reliquisset, quique magistratum sine provocatione creasset, tergo ac capite puniretur. Atque hac ratione fundata & stabilita tribunicia potestate, ac plebis libertate, tribuni longe majora aggressi sunt. Nam quum mos fuisset aliquot tantum tribunos plebis creari, ii vero qui creati essent, cooptatione sibi collegas ad numerum decem substituerant, altero anno L. Trebonius tribunus plebis inestus patribus, quod se ab iis in cooptandis tribunis fraude captum, proditumque a collegis aiebat, rogationem tulit, ut qui plebem Romanam tribunus plebis rogaret, si usque eo rogaret, dum x. tribunos plebis faceret. Post aliquot annis res quietæ domi fuere, usque ad annum urbis cccix. In quo M. Genucio & C. Curtio cos. domi forisque res infestæ fuere. Anni enim principio C. Canuleius tribunus plebis, rogationem promulgavit de communicandis plebi patriciorum connubiis, quæ decemviri ante diremerant, qua contaminari sanguinem suum patres confundique jura gentium rebantur. Lex multis contentionibus agitata est, nec ante finis controversiarum fuit, quum & tribunum acerrimum auctorem plebs facta esset, & ipsa cum eo pertinacia certaret, quam victi tandem patres, ut de connubio ferretur, concessere. Eodem anno ab eodem Canuleio tribuno plebis primo mentio sensim illata, ut alterum ex plebe consulem liceret fieri, eo processit deinde, ut rogationem novam reliqui tribuni promulgarent, ut po-

pulo potestas esset, seu de plebe, seu de patribus vellet, consules faciendi. Id vero si fieret, non vulgari modo cum infimis, sed prorsus auferri a primoribus ad plebem summum imperium credebant. Quum res multis contentionibus acta esset, tribuni que in proposito peristerent, veriti patres, ne lex se invito perferretur, in eam sententiam ierunt, cujus auctor fuisse C. Claudius dicitur, ut pro consulibus crearentur tres tribuni militum ex patriciis, totidemque ex plebe, iique consulari potestate tempore regerent. Eorum autem finito imperio rursus senatus & plebs consuleretur, consulesne an tribunos mallent; qui vero placuissent, fierent: quod etiam multo tempore observatum est. His rebus decretis in magno plebeiorum, & patriciorum potentium studio, tres ex patriciis tantum creati sunt, A. Sempronius, L. Atilius, & T. Clælius: plebs eo contenta fuit, quod sui ratio in comitiis habita fuisset; ita Livius, & Dionysius. Adiciit Livius, fuisse qui propter adjuncum æquorum, Volscorumque bello, & Ardeatium defectioni, Veniens bellum, quia consules obire tot simul bella nequirent, tribunos militum tres creatos dicerent, sine mentione promulgatæ legis de consulibus ex plebe creandis, & imperio & insignibus consularibus effectus. Ut ut illud fuerit, satis inter omnes convenit, anno cccx. quam urbs condita erat, primum tribunos militum pro consulibus magistratum inisse. Hi postea sæpe creati presentaneum remedium multis annis fuerunt tribunicis seditionibus mitigandis, quæ de consule e plebe creando sæpe deinde exortæ sunt: verum multo tempore post, quum plebs postremo obtinuisse, ut consul alter e plebe, alter e patribus fieret, creati desierunt. Sed hæc omnia latius suo loco enarrabo. Anno autem sequenti, urbis vero conditæ cccxi. Censuræ initium fuit, rei a parva origine ortæ, quæ deinde tanto incremento aucta est, ut morum disciplinæque Romanæ penes eam regimen, senatus equitumque centuriæ, decoris dedecorique discrimen, sub ditione ejus magistratus publicorum ius, privatorumque locorum, & vestigia populi Romani sub nutu atque arbitrio essent. De censura plura dixi in commentariis Fastorum. Post hæc tempora res quietæ domi multis annis fuere, donec anno urbis cccxxxiii. N. Fabio Vibulano T. Quinctio Capitolino cos. discordia inter patres plebemque de publicando quæstorum numero, iisque tam de plebe quam de patribus creandis, exortæ sunt. Nam quum ut præter duos urbanos quæstors, duo consules ad ministeria belli præsto essent a consulibus relatum esset, patresque summa ope approbassent, consulibus tribuni plebis certamen intulerunt, ut pars quæstorum (nam ad id tempus patricii creati erant) ex plebe fieret: adversus quam actionem primo consules & patres summa ope annixi sunt, concedendo deinde, ut quemadmodum in tribunis militum consulari potestate creandis usi sunt, adæque in quæstoribus liberum esset arbitrium populi, quum parum proficerent, totam rem de augendo quæstorum numero omittunt, excipiunt omniam tribuni, & postremo res eo devenit, ut nihil prohiberet quo minus quattuor quæstors promiscue de plebe, ac patribus, libero suffragio populi fierent. Qui tamen non nisi decimo anno post primum e plebe creati capti sunt. C. N. enim Cornelio Cossio, & L. Furio Medullino ii. cos. cum N. Fabio Ambusto Patricio tres e plebe primum quæstors facti sunt Q. Silius, P. Ælius, P. Pipius. Atque hac ratione patefactum ad consulatum, & triumphos locus novis hominibus visus est. Nam nunquam quieverunt, donec aliquot annis post, non sine magnis reip. perturbationibus, etiam consulatum hac ratione adepti sunt. C. Licinius & L. Sextius tribuni plebis anno urbis cccclxxvii. creati, quum tres leges auctore M. Fabio Ambusto patricio,

& primario homine, adversus patriciorum opes pro commodis plebis promulgassent, unam de ære alieno minuendo, alteram de modo agrorum, ne quis plus quam quingenta jugera agri haberet, tertiam ne tribunorum militum amplius comitia fierent, sed consulum, utique alter ex plebe crearetur; neque eas ferre per collegarum intercessionem, quos de industria patres comparaverant, potuissent; tum irati comitia nulla haberi præter ædilium tribunorumque plebis, nullos curules magistratus creati passi sunt; eaque magistratum solitudo, & plebe resciente duos tribunos, & his perpetua intercessione comitia tribunorum militum tollentibus, per quinquennium urbem tenuit: ita Livius. Atque ita quintum mutata est reipub. Romanæ species, quum a tribunis militum consulari potestate, ad tribunos plebis administratio reip. reciderit. Quinquennio exacto, tribunisque plebis iisdem intercessionem remittentibus, per tres annos tribuni militum creati sunt. Principio anni noni ad ultimam dimicationem de legibus a Licinio, & Sextio promulgatis ventum est. Et quum tribus vocarentur, nec intercessio collegarum latoribus obstitet, trepidi patres ad duo ultima auxilia summum imperium, summumque virum decurrerunt; Dictatorque dictus est M. Furius Camillus, qui L. Æmilium magistrum equitum sibi cooptavit. Quum vero plebis duces acrius contra Camillum de legibus ferendis agerent, percitus ira Camillus lictores, qui de medio plebem amoverent, misit, & addidit minas sacramento omnes adacturum, exercitumque extemplo ex urbe deducturum. Re autem neutro inclinata, se abdicavit, seu quia vitio creatus erat, ut tradidere quidam, seu quia tribuni plebis tulerunt ad plebem, plebique scivit, ut si M. Furius pro dictatore quid egisset, quingentum milium æris ei multa esset. Camillus vero quum exilium, secundamque damnationem fenex timeret, plebemque se superaturum diffideret, domum se contulit, ac simulata valetudine, dictatura se abdicavit. Cui extemplo P. Manlius suffectus est. Qui rem in causam plebis inclinavit, C. Licinio, qui tribunus militum fuerat, magistro equitum de plebe dicto. Id ægre passos patres constat. Dictatorem propinqua cognatione Licinii se apud patres excusare solitum, simul negantis magistrum equitum majus, quam tribuni consularis imperium esse. Anno sequenti idem tribuni resecti pro aucto II. virum S. F. numero, atque quinque ex his de plebe creatis, tribunorum militum consulari potestate comitia fieri permisit: postremo anno urbis CCCXXCVIII. quum iidem tribuni decimum resecti acrius de legibus ferendis pugnarent, dictatorem tandem & senatum vicerunt, ac comitia consulum adversa nobilitate, ut fierent obtinuerunt, quibus L. Sextius de plebe primus consul factus est. Quum autem patricii se auctores futuros negarent, ac prope ad secessionem plebis res spectaret, per dictatorem Camillum sedata discordia sunt. Concessum a nobilitate plebi, de consule plebeio, a plebe nobilitati de prætoribus uno, qui jus in urbe diceret de patribus creando. Iidem etiam ædiles curules duos ex patribus, ut fierent, obtinuerunt. Plebs L. Sextio consulatum, cuius lege partus erat, dedit; ei collega ex patribus datus est L. Æmilius.

C A P. LXXI.

Quo civitatis conditio fuerit communicato plebi altero consulatu.

PLEBS igitur consulatum adeptæ, quæ firmissima ad eam diem arx potentie patriciorum fuerat, paulo post nullo negotio imperium, dictatu-

ram, censuram, proconsulatum, præturam, sacra, sacerdotia, quæ tantum patriciorum fuerant, postremo obtinuit. Ex quibus anno CCCXXIX. C. Marcius Rutilius dictator, idem anno CDIII. censor, Q. Publius Philo an. CCCXVII. prætor, idem an. CDXXXIX. proconsul, primi de plebe creati sunt. C. etiam Pætelius Libo Visolus primus plebeius consul triumphavit anno CCCXCIV. Demum anno CDLIV. quum plebis honoribus nihil præter sacerdotia, quæ nondum promiscua erant, deesset, rogationibus Ogulniis, & sacerdotum numerus auctus est, & pontifices, auguresque de plebe facti sunt. Aliquot postremo annis post, etiam pontifex maximus de plebe factus est primus Ti. Coruncanius. Nihil igitur ad jus totius reip. adæquandum deerat, nisi ut plebiscita, quibus tum sola plebs tenebatur, omnes Quirites astringerent. Tum denique hoc etiam secessione in Janiculum facta lege Hortensia concessa est. Ita æquissimæ legibus reipub. temperata, atque plebe omnium rerum in focietate adscita, eodem fere tempore omnis Italia, Pyrrho rege superato, atque fugato, in deditionem accepta est. Ex quo tempore præclara, atque ad omnis posteritatis memoriam illustria abstinentiæ, modestiæ, justitiæ, fortitudinis, civilis denique concordia, utque ad tertium bellum Punicum exempla edita sunt. Tum enim Curii, Fabricii, Coruncanii, Metelli, Fabii, Scipiones, Paulli, Lepidi, Flamini, Nobiliores floruerunt. Quorum quum eximiam in bello animi magnitudinem, constantiam, & prudentiam, tum incredibilem in pace justitiam, gravitatem, probitatem, fidem, ac moderationem merito admiraretis & coleres. Nulla certe ætas virtutibus edendis feracior fuit, quæ centum annorum intervallum, a primo ad tertium bellum Punicum, quo tempore rei militaris gloria, in qua cum virtute multum, tum disciplina plurimum valuerunt, magnam orbis terrarum partem suo imperio adjunxerunt.

De cassis excidii reipub. Romanæ.

Post bellum Punicum tertium, remoto Carthaginis metu, sublataque imperii æmula, non gradu, sed præcipiti cursu a virtute descitum, ad vitia transcursum, vetus disciplina deserta, nova inducta, in somnum ab vigiliis, ab armis ad voluptates, a negotiis ad otium conversa civitas. Tum vetere labante disciplina, quum totius civitatis mores inclinare, & ad levitatem jam nimiam, atque ambitionem incumbere cœpissent, præsertim vero luxuria per Asiaticas delicias, in civitatem inducta; atque exterarum gentium metu amoto, a quibus Pœnis duobus asperis bellis devictis, tertio etiam funditus deletis, Philippo, Perse, Antiocho, regibus potentissimis superatis, Sicilia, Sardinia, Hispania, Illyrico, Macedonia, Græcia, provinciis in ditionem populi Romani reductis, iustam principatus orbis terrarum, atque imperii confessionem extorserant, qui ulque eo vere optimus reipublicæ status fuerat, is primum sensim ac leviter tentatus, deinde aperte translata jam ad injustum populi dominatum reipub. funditus labefactus atque everlus est. Neglectaque civili disciplina, populus Romanus relictum a majoribus libertatem, atque imperium amisit. Hunc vero pessimum reip. statum duo Gracchi, Drusus, Saturninus, tribuni pleb. furiosi, atque amentes specie quidam plebis tuendæ, re autem dominationem sibi quærentes partim agrariis, & judiciariis legibus ferendis, & lege Licinia, quæ vetabat quemquam civem plus quingentis jugeribus habere, restituenda, quib. rebus optatum potentiam frangerent, plebis confirmarent; quum aut eorum agros plebi inopi divisissent, aut antiquam judiciorum auctoritatem a senatoribus ad equites transfussissent, partim civitate sociis, & Italæ omni danda, eaque ulque ad Alpes extendenda, ut suffragiorum plebeiorum

multitudine, facilius nobilitatis opes in comitiis comminuerent, partim frumento largiendo, quo ad omnia, quæ in temp. molirentur, plebem eo devinctam munere paratorem haberent, summa imis miscentes intulerunt, ac præstantissimum illum optimæ reip. consensum, tot annorum spatio, tot laboribus majorum partum, brevi tempore perturbant, ac penitus convulserunt. Inerat omnibus species æquitatis. Quid enim tam iustum quam recipere plebem jus suum a patribus? ne populus gentium victor, orbisque possessor extorris aris, ac focus ageret. Quid tam æquum, quam inopem populum vivere ex ærario suo? Quid ad jus libertatis æquandæ magis efficax, quam ut senatu regente provincias, ordinis equestris auctoritas saltem judiciorum regno niteretur. Sed hæc ipsa in perniciem redibant, & misera resp. in exitium suum marcebat, & a senatu in equites translata judiciorum potestas, vectigalia, id est, imperii patrimonium supprimebat, & emptio frumenti ipsos resp. nervos exhauriebat ærarium. Reduci plebs in agros unde poterat, sine possidentium eversione, qui sibi pars populi erant, & tamen relicta sibi a majoribus sedes ætate, quali jure hæreditario possidebant. Ab Gracchorum igitur tempore majores in republica plebs, quam optimatum opes existerent, quippe quæ omnium jam honorum, quos soli ante patricii obtinebant, particeps facta, præterea tribunatum, ac tributa comitia, quibus omnino patriciis interdictum erat, adepta, ad hæc agris, judiciis, frumento, sociorum suffragiis aucta, atque locupletata, universam temp. ut in potestate haberet, sic ex libidine administraret, nobilissimi optimatum oppressi, veteres cives agris spoliati, civitatis honor parce ante dari solitis integris provinciis concessus. Hunc injustum iniquumque plebs dominatum, quum is terminis impotentiz suæ non faceret, L. Sulla dictator postea sustulit, qui imperio quod a senatu accepterat lege tribunicia Sulpicii a C. Mario spoliatus, extorta armis ex inimicorum manibus republica, tribunorum plebis potestate admodum imminuta (quum tribunales honores interdixit, eumque concionari vetuerit) plebe agris pulsâ, ac ad internecionem fere cæsa, judicis senatui redditus, rursus optimatum temp. stabilitur, popularemque convellit. At hic status non admodum diuturnus fuit. Nam paucis annis post Cn. Pompeius in primo consulatu, antiqua tribunis plebis potestate, ac dignitate restituta, plebe ad judicia cum senatoribus & equitibus lege Aurelia advocata, vetus aliud optimæ reipub. qualisq. temperamentum visus est, quod mutatis, immo corruptis penitus totius civitatis moribus, atque avaritia jam & ambitione latissime grassante, assequi nulla ratione potuit. Ita perturbato sæpe reipub. statu, crebro a paucis de universa occupanda repub. cogitatum est: tum enim Piso, tum Crassus, tum Catilina, cum aliis ejusdem furoris sociis, adversus temp. conspirarunt. Tum Crassus, denuo Crassus, & ipse forte mutata mente Pompeius inita societate, extraordinarias opes, quæ liberæ civitati jure formidabiles essent, sibi quæsierunt. Qua brevi di-remp-ta civilis repente discordia, ac totius reipub. perturbatio consequuta est, quum Cæsaris potentiam senatus, Pompeii (nam Crassus paulo ante occiderat) populus ferre non posset. Victo autem fatali reipub. Pharsalico prælio Pompeio, atque optimatum factione afflictâ, rursus ad injustum unius Cæsaris dominatum respublica recidit, atque aliquot annis oppressa fuit. Quo, ab iis qui libertati studebant intersecto, quum reviviscere præca patrum gravitas, atque ad spem auctoritatis pristinæ quodammodo respirare videretur, haud ita multo post in ipsorum recuperandæ reipub. apparuit, a populo, cui Antonius, ac post etiam Octavius, qui Cæsaris partes ambo susceperant vindicandas, servie-

Arunt, sublata funditus, atque oppressa est, quum inauditus ante triumviratum in temp. intulissent, ac nefariam optimatum, atque inimicorum suorum proscriptionem fecissent. Bruto porro & Cassio adversæ factionis ducibus cæsis, oppresso in Sicilia Sex. Pompeio, Lepido potestate exuto, & M. Antonio occiso, quum nulla amplius essent publica arma, & Julianarum partium dux solus Octavius reliquus fuisset, cunctis discordiis civilibus fessis, tanquam bellorum civilium, quæ ipse confecerat, præmium, totius reip. jus, potestatem, atque imperium, quod ab initio regum, post magistratum, senatus, ac populi fuerat, in perpetuum principis sub nomine transtulit. Qui posito triumviri nomine, consulem se ferens, & ad tuendam plebem tribunicio jure contentum, ubi militem donis, populum annona, cunctos dulcedine otii pellexit, insurgere paulatim, munia senatus, magistratum, legum in se trahere, nullo adversante; quum ferocissimi per acies, aut proscriptione cecidissent, ceteris nobilior quanto quis servitio promptior, opibus & honoribus extolleretur, ac novis & rebus aucti, tuta & præsentia, quam vetera & periculosa mallent. Neque provinciæ illum rerum statum abnuebant, suspecto senatus populique imperio ob certamina potentium, & avaritiam magistratum, in invalido legum auxilio, quæ vi, ambitu, postremo pecunia turbabantur. Tribuniciam vero potestatem accepit, quod summi fastigii vocabulum, ne regis, aut dictatoris nomen assumeret, ac tamen appellatione aliqua cetera imperia præmineret, invenit. M. deinde Agrippam socium ejus potestatis, quo defuncto Ti. Neronem delegit, ne successor in incerto foret: sic cohiberi pravas aliorum spes rebatur, simul modestæ Neronis, & suæ magnitudini fidens. Ita Tacitus. Ceterum quomodo Cæsar Augustus imperium singulare confirmaverit, & ordinaverit, & de titulis, quibus legitima imperatorum potestas expressa est, satis disputavi in commentariis libri II. Fattorum. Quæ ratione vero Cæsar Augustus imperii heredem reliquerit Ti. Cæsarem, & is C. Caligulam, sequentiumque imperatorum seriem, usque ad Constantinum, & quomodo is primus Romano imperio divisio urbem Constantinopolim condiderit, accurate exaravi in libro quem de comitiis imperii scripsi. Nunc quantum ad hoc argumentum attinet, breviter differam. Augustus igitur ad unius arbitrium constitutam temp. decedens Ti. Cæsari reliquit, is nepoti C. Caligulæ; a quo tempore usque ad Neronis mortem hic populi Romani status fuit: sub Augusto, quamquam omnia ad ejus arbitrium fierent, in eis tamen studiorum populi, & senatus auctoritatis rationem semper habuit; nihil enim unquam egit, quod non alterutrius auctoritate fieri vellent, quem admodum supra, quum de comitiis differerem dixi. Tiberius populum plebemque omni reipub. administratione exclusit, senatum maxime veneratus est. Caius & Nero quamvis tyrannice imperium egerint, senatus tamen auctoritatem non neglexerunt. Claudius eam magnificavit. Sub Galba bello civili inter Othonem & Vitellium, & hunc & Vespasianum senatus potestas ita corruit, ut eum annum reip. supremum vocet Cornel. Tacit. Nam deinceps Romani principes diuturnitate potestatis insolentiores facti, omnia ad arbitrium, senatus potestate neglecta, agere cæperunt. Verum in his quidam meliores & temperiores, ut Trajanus, Hadrianus, Pius, Marcus, & Alexander; quidam insolentiores magisque impotentes fuerunt, ut Domitianus, Commodus, Severus, Caracallus, & reliqui fere omnes qui imperium Rom. in regni formam venterunt, usque ad Constantinum, qui, ut sæpe alibi dixi, imperium adeptus tamquam patrimonium esset, illud divilit, mutavit, omnia miscuit, antiquam superpositionem abolevit, alteram imperii formam, lon-

ge a priore constituit. Atque inter cetera urbem Constantinopolim condidit, cujus descriptionem, quemadmodum de urbe Roma feci, hoc loco subijcere, finemque cum ea huic libro facere commodum visum est. Quæ enim de urbe Roma, vel imperio Romano, post Constantiniani tempora dicenda sunt, ea libro tertio aperiam.

Descriptio urbis Constantinopolis.

Regio Prima.

Regio prima, continet in se domum Placidie Augustæ. Domum nobilissimæ Marinæ. Thermas Arcadianas. Vicos, sive angiportus viginti novem. Domos centum decem & octo. Porticus perpetuas duas. Balneas privatas quindecim. Pistrina publica quattuor. Pistrina privata quindecim. Gradus IV. Curatorem unum, qui totius regionis sollicitudinem gerat. Vernaculum unum, velut servum in omnibus & interauntium regionis. Collegiatis XXV. qui e diversis corporibus ordinati, incendiorum solent casibus subvenire. Vicomagistros V. quibus per noctem tuendæ urbis cura mandata est.

Regio secunda, ab initio theatri minoris per æqualitatem sui latenter molli sublevata clivo, mox ad mare præcipitiis abrupta descendit. Continet in se Ecclesiam magnam, Ecclesiam antiquam. Senatum. Tribunal purpureis gradibus extructum. Thermas Xeuippi. Theatrum. Amphitheatrum. Vicos, sive Angiportus triginta quattuor. Domos XCIV. Porticus magnas IV. Balneas privatas XIII. Pistrina privata IV. Gradus IV. Curatorem I. Vernaculum unum. Collegiatis XXXV. Vicomagistros V.

Regio tertia, plana quidem in superiore parte, utpote in ea Circi spatio largius explicato, sed ab ejus extrema parte nimis prono clivo, mare usque descendit. Continet in se eundem Circum maximum. Domum Pulcheriæ Augustæ. Portum novum. Porticum semitotundam, quæ ex similitudine fabricæ Sigma Græco vocabulo nuncupatur. Tribunal fori Constantiniani. Vicos VII. Domos XCIV. Porticus magnas IV. Balneas privatas XI. Pistrina privata IX. Curatorem unum. Vernaculum unum. Collegiatis XXI. Vicomagistros quinque.

Regio quarta, a Miliario aureo collibus dextra lævaque surgentibus, ad planiciem usque valle ducente perducitur. Continet in se idem Miliarium aureum Augusteum. Basilicam. Nymphæum. Porticum Fanionis. Liburnam marmoream, navalis victoriæ monumentum. Ecclesiam, sive martyrium sancti Mennæ. Stadium. Scalam Timalii. Vicos XXXII. Domus CCCLXXV. Porticus magnas IV. Balneas privatas VII. Pistrina privata V. Gradus VII. Curatorem unum. Vernaculum I. Collegiatis XL. Vicomagistros V.

Regio quinta. Regionis quintæ non modica pars, in obliquioribus posita locis, planicie excipiente producit, in qua necessaria civitatis ædificia continentur. Continet in se Thermas Honorianas. Cisternam Theodosianam. Prytaneum. Thermas Eudocianas. Strategium, in quo est forum Theodosiacum, & Obeliscus Thebeus quadrus. Horrea holeraria. Nymphæum. Horrea Troadenia. Horrea Valentiana. Horrea Constantiaca. Portum habet prosforianum. Scalam Chalcedonensem. Vicos viginti tres. Domos centum octoginta quattuor. Porticus magnas VII. Balneas privatas XI. Pistrina publica VII. Pistrina privata II. Gradus IX. Macellos II. Curatorem I. Vernaculum I. Collegiatis XL. Vicomagistros V.

Regio sexta, brevi peracta planicie, reliqua in devexo consistit, a foro namque Constantiniani Scalam usque, sive trajectum Syccenum, porrigitur spatiis suis. Continet in se Columnam purpuream Constantiniani. Senatum ejusdem loci. Neorium portum. Scalam Syccenam. Vicos XXII. Domos quadringentas octoginta quattuor. Porticum magnam I. Bal-

neas privatas IX. Pistrinum publicum I. Pistrina privata XVII. Gradus XVII. Curatorem unum. Vernaculum I. Collegiatis XLIX. Vicomagistros V.

Regio septima, in comparisonem superiori planior, quamvis & ipsa circa lateris sui extremitatem habeatur in mare declivior. Hæc a parte dextra Columnæ Constantiniani, usque ad forum Theodosii, continuis extensa porticibus, & de latere aliis quoque pari ratione porrectis, usque ad mare velut se ipsam inclinat, & ita deducitur. Habet autem in se Ecclesias tres, hoc est, Irenen, Anastasiam, & S. Paulli. Columnam Theodosii, intrinsecus usque ad summum gradibus perviam. Equites magnos duos. Partem ejusdem fori. Thermas Carolianas. Vicos octoginta quinque. Domos septingentas undecim. Porticus magnas VI. Balneas privatas XII. Gradus XVI. Curatorem unum. Vernaculum I. Collegiatis LXXX. Vicomagistros V.

Regio Octava, ex parte Tauri, nulla maris vicinitate contermina, angustior magis quam lata, spatia sua in longitudinem producta compensat. Continet in se partem fori Constantiniani. Porticum sinistram Taurum, usque Basilicam Theodosianam. Capitolium. Vicos XXI. Domus centum octo. Porticus majores quinque. Balneas privatas decem. Pistrina privata quinque. Gradus V. Macellos duos. Curatorem unum. Vernaculum I. Collegiatis XVII. Vicomagistros V.

Regio nona, prona omnis, & in Norum deflexa, extensi maris litoribus terminatur. Continet in se Ecclesias duas. Cænopolim, & Homoneam. Horrea Alexandrina. Domum nobilissimæ Arcadiæ. Thermas Anastasianas. Horreum Theodosianum. Vicos XVI. Domos CXVI. Porticus majores duas. Balneas privatas XV. Pistrina privata XV. Pistrina publica quattuor. Gradus quattuor. Curatorem unum. Vernaculum unum. Collegiatis triginta octo. Vicomagistros V.

Regio decima, in aliud civitatis latus a nona regione, platea magna velut fluvio interveniente dividitur. Est vero tractu planior, nec ulquam præter maritima loca inæqualis, longitudini ejus latitudine non cedente. Continet in se Ecclesiam sive Martyrium sancti Acacii. Thermas Constantinianas. Domum Augustæ Placidie. Domum Augustæ Eudociæ. Domum nobilissimæ Arcadiæ. Nymphæum majus. Vicos viginti. Domos sexcentas XXXVI. Porticus majores sex. Balneas privatas. Pistrina publica duo. Pistrina privata sexdecim. Gradus duodecim. Curatorem unum. Vernaculum unum. Collegiatis nonaginta. Vicomagistros quinque.

Regio undecima, spatio diffusa liberior, nulla parte mari sociata est. Verum ejus extensio, tam plana, quam etiam collibus inæqualis. Continet in se Martyrium Apostolorum. Palatium Faccillianum. Domum Augustæ Pulcheriæ. Bovem æreum. Cisternam Arcadiacam. Cisternam Modestiacam. Vicos octo. Domos quingentas tres. Porticus majores quattuor. Balneas privatas quattuordecim. Pistrinum publicum unum. Pistrina privata tria. Gradus VII. Curatorem I. Vernaculum unum. Collegiatis triginta septem. Vicomagistros V.

Regio duodecima, Portam a civitate petentibus in longum plana omnis consistit, sed latere sinistro mollioribus clivis deducta maris confinio terminatur, quam mœnium sublimior decorat ornatus. Continet in se portam auream. Porticus Troadenfes. Forum Theodosiacum. Columnam iridem intra se gradibus perviam. Moneta. Portum Theodosiacum. Vicos undecim. Domos trecentas sexaginta tres. Porticus majores tres. Balneas privatas quinque. Pistrina privata quinque. Gradus IX. Curatorem unum. Vernaculum I. Collegiatis XVII. Vicomagistros V.

Regio XIII. Tertiadecima regio, Syæna est, quæ sinu maris angusto divisa, societatem urbis navigiis frequentibus promeretur, tota lateri montis affixa, præter unius plateæ tractum, quam subjacentium eidem monti littorum tantum præstat æqualitas. Continet in se Ecclesiam. Thermas Honorianas. Forum Honorianum. Theatrum. Navalia. Domos quadringentas XXXI. Porticum majorem unam. Balneas privatas quinque. Pistrinum publicum unum. Pistrina privata quatuor. Gradus octo. Curatorem I. Vernaculum I. Collegiatos XXXIV. Vicomagistros v.

Regio XIV. Regio sane licet in urbis quartadecima numeretur parte, tamen quia spacio interjecto divisum est muro proprio vallatum, alterius quodammodo speciem civitatis ostendit. Est vero progressis a porta modicum, situ planum, dextero autem latere in clivum surgente usque ad medium fere plateæ spaci-um, nimis pronum: unde mare usque mediocris, hæcque civitatis continet partem, explicatur æqualitas. Continet in se Ecclesiam. Palatium. Nymphæum. Thermas. Theatrum Lusorium. Pontem sublicium sive ligneum. Vicos XI. Domos centum sexaginta septem. Porticus majores II. Balneas privatas V. Pistrinum publicum I. Pistrinum privatum I. Gradus v.

Collectio Civitatis.

COGNITA urbe per partes, fas est etiam situm conclusæ jam universitatis aperire, ut magnificentie

unicum decus non solum videatur opere & manu confectum, sed etiam conspirantibus elementis, nature felicitate munitum. Providentia ergo divina tot futurorum hominum domiciliis consulente longo tractu, in promontorii qualitatem spatiofior terra faucibus Pontici maris opposita, sinuosis portuo-sa lateribus, angustior latitudine, circumflui maris tutela vallatur. Hoc quoque spaci-um, quod solum apertum maris circulus derelinquit, duplici muro acies turrium extensa custodit: intra quas septa ci-vitas continet in se omnia singillatim memorata, quæ nunc ad firmioris memorie qualitatem summa-riam collecta referemus. Habet ergo urbs Constanti-nopolitana, Palatia quinque. Ecclesias quatuorde-cim. Domos Augustarum VI. Domos nobilissimas III. Thermas VIII. Basilicas duas. Fora quatuor. Sena-tus II. Horrea V. Theatra II. Lusoria II. Portus III. Circum I. Cisternas III. Nymphæa III. Vicos CCCXXII. Domus III. ∞ CCCXXVIII. Porticus LII. Balneas privatas CLIII. Pistrina publica XX. Pistrina priva-ta CXX. Gradus CXVII. Macellos v. Curatores XIII. Vernaculos XIV. Collegiatos DLX. Vicomagistros LXV. Columnam purpuream. Columnas intra se pervias duas. Colossum unum. Tetrapylum aureum unum Augusteum. Capitolium. Monetam. Scalas maritimas III. Habet sane longitudo urbis, a por-ta aurea usque ad litus maris directâ linea, pe-dum XIV. ∞ LXXV. Latitudo autem, pedum VI. ∞ CL.



ONUPHRII PANVINII IMPERIUM ROMANUM.

IMP. CÆSARI FERDINANDO

AUSTRIO, PIO, FELICI, PERPETUO AUGUSTO

ONUPHRIUS PANVINIUS

Veronensis, Frater Eremita Augustinianus

S. P. D.



ANTA fuit Romani imperii, Cæsar Auguste, majestas, & magnitudo, rerumque gestarum populi Rom. gloria, ut quamquam prope infiniti præclaris ingeniis præditi viri, tam nostra & avorum, quam prisca illa ætate fuerint, qui vel omnes ejus res gestas, vel earum partem monumentis litterarum consignare studuerint; pleraque tamen leviter perstrinxerint, aut omnino præterierint. Unde mirari omnes desinant, si hoc sæculo, quo post antiquorum memoriam nullum bonis artibus edendis feracius fuit, multi in omni doctrinarum genere excellentes, de iis ipsis rebus sibi scribendum proponant. Quare & ego, quem cum his, vel propter rerum ignorance, vel exiguam in dicendo facultatem, nulla ratione comparandum esse existimo, eorum ipsorum hominum exemplo, ejusque imperii præclaris institutis accensus, mihi ipsi constitui commentarii more, brevissime totum ejus reipub. corpus perstringere: & quibus ego discendis quattuordecim annos insudavi, aliis nullo negotio intelligenda aperire. Atque quum in priore libro civitatem tuis auspiciis jam divulgaverim, posteriore hoc libro populi Romani imperium, hoc est, ejus extra urbem per Italiam, & reliquas provincias gestu describere decrevi. In quo quanta brevitate fieri posse intelligam, Romanum illud imperium toto terrarum orbe celebratum exponam, quo tempore, quibus ducibus, & bellis, quibusque bellorum caussis Italia omnis primum, deinde reliquæ orbis terrarum provincia, & regna in ejus ditionem venerint, & unum quasi corpus constituerint; quibus magistratibus administrarentur, quot municipia, quot colonie, quæ præcipua ejus imperii præsidia fuere, quæ tam intra quam extra Italiam deductæ sunt; quo tempore, & quibus occasionibus Italia omnis, & reliquus orbis Romanus civitate donatus sit, atque ex orbe urbs una facta fuerit, ut Rutilius bis versibus elegantissime scribit:

Fecisti patriam diversis gentibus unam,

Profuit injustis te dominante capi.

Dumque offers victis proprii confortia juris,

Urbem fecisti, quod prius orbis erat.

Postremo, quo etiam tempore, a quibus barbaris, & quas ob causas præstantissimus ille orbis terrarum consensus, in unum quasi corpus diu ante coalitus, iterum in plura membra, tanto imperio exciso redactus fuerit, aperiam. Quæ omnia non minus his, quæ supra dixi, cognitu digna sunt. Hunc vero librum ceterorum exemplo, in cujus potissimum nomine dignius publicare possem, quam Majestatis tue, neminem inveni, quæ Cæsaris, & Augusti tanti imperii auctorum successor est, & probitate, doctrina, animi magnitudine, excellentique in omni genere virtute reliquos omnes Romanos principes longe post se reliquit. Venetiis, Kalend. Augustis, ∞ DLVIII.





Qua ratione imperium Romanum ab exilibus principis ortum, omnium maximum evaserit.



IONYSIUS Halicarnassensis gra-
vis in primis, certissimisque
historiae Romanae scriptor, inter
reliqua praecleara Romuli
instituta, quibus Romana resp.
fundata, ei ad certissimum
exterarum omnium gentium,
ac populorum bello, paceque
principatum pervenire non
difficile fuit, omnium praef-

A incolumes. Hec sunt quae in hoc viro admiror, atque
insuper quae mox dicturus sum, &c. Eadem propemodum
refert Ti. Claudius Caesar Romanus princeps in
oratione, quam, quum censuram gereret, in senatu
habuit, de admitrendis ad honores urbanos Gallis tran-
salpinis, quae a Tacito lib. XI. historiae Augustae refer-
tur. Qui ita scribit: A. Vitellio, L. Vispanio cos. quum
de supplendo senatu ageretur, primoresque Galliae,
quae Comata appellatur, foedera & civitatem Romanam
pridem assequuti, jus adipiscendorum in urbe honorum
exspectarent, multus ea super re variisque rumor, &
studii diversis apud principem certabatur, asseveran-
tium: Non adeo egram Italiam, ut senatum suppedita-
re urbi suae nequiret: sufficisse olim indigenas consanguineis
populis, nec poenitere veteris reip. Quin adhuc me-
morari exempla, quae priscis moribus ad virtutem & glo-
riam Romana indoles prodiderit. An parum quod Ve-
neti, & Insubres curiam intruperint, nisi ceteris alienigenarum
velut captivitas inferatur? Quem ultra bonorem
residui nobilium, aut si quis pauper Latio senator foret?
oppleturos omnia divites illos, quorum avi provoque
hostilium nationum duces exercitus nostros ferro ignique
cecidissent, divum Julium apud Alexiam obsederint. Re-
centia haec, quid si memoria eorum inoriretur, qui Ca-
pitolo & ara Romana, manibus eorumdem prostratis,
fruerentur sane vocabulo civitatis: insignia patrum, de-
cora magistratuum ne vulgarent. His atque talibus
baud permotus princeps, etiam statim contra disseruit,
& vocato senatu ita exorsus est: Majores mei, quorum
antiquissimus Clausus origine Sabina simul in civitatem
Romanam, & in familias patriciorum adscitus est, bor-
tantur uti paribus consiliis remp. capeßsam, transferendo
huc quod usquam egregium fuerit. Neque enim ignoro
Julios Alba, Coruncanios Camerio, Porcios Tusculo, &
ne vetera scrutemur, Etruria Lucaniaque, & omni Ita-
lia in senatum accitis, postremo ipsam ad Alpes promo-
tam, ut non modo singuli viritum, sed terrae gentisque in
nomen nostrum coalescerent. Tunc solida domi quies, &
adversus externa florimus, quum Transpadani in civi-
tatem recepti, quum specie deductarum per orbem ter-
ra legionum, additis provincialium validissimis, fesso
impero subventum est. Num poenitet Balbos ex Hispa-
nia, nec minus insignes viros ex Gallia Narbonensi tran-
sisisse? Manent posteris eorum, nec amore in banc pa-
triam nobis concedunt. Quid aliud exitio Lacedaemo-
nii, & Atheniensibus fuit, quamquam armis polle-
rent, nisi quod victos pro alienigenis arcebant? At
conditor nostri Romulus tantum sapientia valuit, ut
plerosque populos eodem die hostes, dein cives habue-
rit. Advenit in nos regnaverunt, libertinorum filii
magistratus mandati, non, ut plerique falluntur,
reverti, sed priori populo facitatum est. At cum Se-
nonibus pugnavimus. Scilicet Volsci & Aequi nunquam
adversam nobis aciem instruxere. Capti a Gallis su-
mus, sed & Tusci obsides dedimus, & Samnitium
jugum subivimus. Attamen si cuncta bella recenscas,
nullum breviori spatio, quam adversus Gallos confe-
ctum. Continua inde ac fida pax. Jam moribus, arti-
bus, affinitatibus nostris mixti, aurum & opes suas in-
ferunt potius, quam separati habeant. Omnia P. C.
quae nunc vetustissima creduntur, nova fuisse: plebes
magistratus post patricios, Latini post plebeios, cetera-
rum Italiae gentium post Latinos. Inventa est hoc quo-
que, & quod hodie exempli tuemur, inter exempla erit.
Orationem principis sequuto patrum consulto, primi
Aedui senatorum in urbe jus adepti sunt: datum id fo-
deri antiquo, & quia soli Gallorum fraternitatis nomen
cum populo Romano usurpant. Iisdem diebus in nume-
rum patriciorum adscivit Caesar vetustissimum quae-
que & senatu, aut quibus clari parentes fuerant, paucis

jam reliquit familiarum, quas Romulus majorum, & L. Brutus minorum gentium appellaverant, exhaustis etiam, quas dictator Cæsar lege Cassia, & principi Augustus lege Senia sublegere, &c. Ex his igitur Dionysii & Taciti testimoniis reip. Romanæ consuetudo, & qualia ejus instituta fuerint intelligere possumus, quibus nixa totius orbis terrarum imperio potita est. Quod quemadmodum acciderit singillatim demonstraturus, ante omnia qua ratione Italiam omnem quingentorum annorum intervallo nimium admodum reluctantem imperata facere coegerit aperiā, deinde quot colonias, municipia, & præfecturas, & quo tempore in ea fecerit, quas singulorum jura, & leges fuerint; ad hæc quomodo ceteras provincias bello acquirerit, atque quot in eas colonias deduxerit, legionesque constituerit; postremo quo tempore, & a quibus barbaris tantum imperium excisum fuerit ostendam: ita enim hunc librum recte constitui posse judicavi.

C A P. II.

Quod Romanum imperium sub VII. regibus fuerit. Romulus rex.

Cujus rei initium a Romulo rege primo, & tantum imperii auctore sumendum est. Is enim urbe condita, parum agri Albani in Latio ab avo Numitore rege, qui primo populo Romano sufficeret, impetravit. Transiberim enim in Tuscia, secundum Tiberim a monte Vaticano usque ad mare omnia sub Tuscorum Veientium ditioe erant. Romulus ager in Latio, ut Strabo lib. v. docet, vix sex millibus passuum ab urbe, qua longissime aberat, se extendebat. Nam ab occidente Tiberi terminabatur, a septentrione Aniēne amne, urbibusque Fidenis, Crustumeria, Antemnis, & Cæcina; ab Oriente Pedano, Tiburtino, Gabino, & Prænestino agris; a meridie mare versus Tellenis, Politorio, Ficanæque, earumque agris finem habebat. Cujus rei ita Strabo meminit: *Intra quintum igitur & sextum lapidem*, (sic enim milliaria designabantur,) *locus erat Festi appellatus, ubi Romani tunc terminus monstrabatur agri. Sacerdotes & hic, & alii in locis perinde ac in finibus eadem die sacrificium absolunt, quod Ambarvale vocant.* Ficanam in Latio via Ostiensis ad lapidem xi. olim fuisse sic tradit Sex. Pompeius: *Rudia sexa esse ad portum, qui sit secundum Tiberim, ait Fabius Picior, quem locum putat Labeo dici, ubi fuerit Ficana, via Ostiensis ad lapidem undecimum.* Romulus vero agrum Vaticanum usque ad mare de Veientibus cepisse paulo post ex Dionysio ostendam. Is igitur primus fuit Romuli ager. Quem bello primo Sabino, Cæcina, Antemnis, & Crustumeria, & post bello Latino Cameria, & Fidenis captis, atque in colonias Romanas deductis, agrique parte multatis, quam suis divisit, in Latio auxit, ut Dionysius tradit. *Ceterum quum Veientes, nobilissimi hi erant & potentissimi Etruriæ populi, tertium bellum contra Romanos pro Fidenatium clade vindicanda præpararent, legatis missis, postulabant, ut Romani Fidenis præsidium abducerent, & agrum ademptum restituerent antiquis dominis: quo non impetrato validum in agrum Romanum educunt exercitum. Qui a Romulo victi & fugati & magna clade affecti, pacem a Romulo petierunt. Qui illam eis his conditionibus concessit: Ut agrum Tiberi contiguum, qui vocatur Septem pagi, Romanis traderent, utque salinis abstinerent, quæ sunt circa fluminis ostia. Et ad tollendam renovandi belli suspicionem, quinquaginta obfides adducerent. Quas cum accepissent, in columnam inscriptis conditiones istas cum eis fœderis, &c. Ex Dionysii itaque auctoritate Romulum cognovimus veterem agrum Romanum Transiberim, Anienem*

prope, & in Latio Cameriam versus propagasse. Illud scitu dignum, fere semper, ubi triumphos actos reperimus, ab eo quoque duce imperium auctum. Nam Romulum ter triumphasse constat, de Sabinis, Fidenatibus, & Veientibus. Quos omnes populos agri parte spoliatis didicimus.

Tullus Hostilius rex.

Sic Tullus Hostilius Alba eversa, Albanisque in civitatem adscitis Albanum agrum Romano adjecit. Fidenates & Sabinos iterum rebellantes domuit, atque de iis triumphavit. Idem rex bellum cum omnibus Latinis suscepit, qui xxx. urbium conventu regebantur, in cujus apparatu moriens Ancum regni & belli Latini heredem reliquit.

Ancus Marcius rex.

Hic Politorium, Tellenas, Ficanam præcorum Latinorum urbes cepit, & diruit, homines Romam transfudit, eorum agros Romano adjecit; Medulliam, quæ a Romulo capta Romana colonia facta fuerat, atque ad Latinos defecerat, denuo cepit. Fidenates, & Sabinos, qui rebellaverant, bis vicit, de iisque triumphavit. Nec urbs tantum sub Marcio rege crevit, sed etiam ager finisque, silva Mætia Veientibus, qui bellum moverant, victis adempta, tamen Tuscia, quam in Latio, Ficana diruta, imperium prolatum, & in ore Tiberis Ostia urbs condita, & salina circa factæ. Bellum Volscis Veliternis primo indiditum.

L. Tarquinius Priscus rex.

L. Tarquinius Priscus bellum primum cum Latinis gessit, & oppidum ibi Appiolas vi cepit, diruit, & incendit, ejus agrum Romano adjunxit. Crustumeriam, Medulliam, Fidenas & Cameriam Romanas colonias a Romulo factas, quæ rebellaverant; Nomentum, Collatium, Ficulneam veterem, Corniculum, Scaptiam, a qua tribus nomen accepit, Pitulum, Tifata, Ameriolam Latinorum, & Sabinorum urbes vicit, agrum Collatinum Sabinis ademit, universum postremo Latium ingentibus præliis superatum domuit, urbibusque omnibus nominis Latini in dedicationem acceptis, fœderique cum iis facto, eas suis legibus vivere permittit. Sabinos, & Etruscos, qui Latinis auxilio venerant, præliis aliquot victos fugavit, deque iis duos triumphos egit. Cum plerisque Tuscis civitatibus fœdus fecit.

Ser. Tullius rex.

Ser. Tullius regnum adeptus bellum viginti annorum cum Etruscis, qui Veientibus, Tarquinienibus, & Cæretanis auctoribus arma Romanis intulerant, gessit, ter de iis triumphavit. Novissime cum XII. Etruriæ populis pace facta belli auctores Veientes, Tarquinienfes, & Cæretanos agri parte multavit, iisque, qui Romam ad habitandum venerant, distribuit. Hic universum agrum Romanum, qui a Romulo usque ad sua tempora a ceteris regibus, Sabinis, Latinis, & Tuscis ademptus fuerat, in XVII. partes, quas tribus appellavit, divisit; is ager Romanus postea appellatus est, de quo satis supra disputavi.

L. Tarquinius Superbus rex.

L. Tarquinius Superbus post Tullium rex Sabinos vicit, de iis triumphavit. Cum Latinis fœdus renovavit. Justum bellum primum Volscis intulit. Sueffamque Pometiam de iis vi cepit, ac diruit. Gabios dolo Sexti filii in dedicationem accepit. In agro Volscorum, quos devicerat, colonias deduxit Signiam & Circeios. Ardeam obsedit, in cujus obidione regno Brutii opera, cum filiis exactus est. Sub regibus igitur VII. annorum CCXLIV. intervallo ita Romanum propagatum imperium est, quod primorum consilium anno non amplius quam ad XVIII. ab urbe lapidem, ut auctor est Sex. Rufus, quem finitimæ circum civitates premerent, se extendit. Cujus termini ab oriente quidem Tibur, Præneste, agerque Albanus erat; a meridie Ostia & mare, ob occidentem ager Vaticanus Transiberim, qui olim Veientum fuerat, Septempagi appellatus; a septentrione vero Fidenæ, Crustu-

meria, & Anio amnis. Nam reliquæ Latii, Tusciae, & Sabinorum urbes, quas a Romanis regibus victas animadvertimus, vel intra hujus agri terminos fuerunt, vel liberæ suis legibus amicitia tantum & fœderibus populo Romano conjunctæ vivebant, præter Signiam Circeiosque Romanas colonias, quæ longissime ab urbe aberant. Atque hoc erat Romanorum, quando reges pulsi sunt, imperium. Nunc reliquum est ut differam quo tempore post reges exactos libertateque parta, & quibus bellis, ducibusque urbes primo, deinde integræ provincie, & populi, & postremo Italia omnis in populi Romani ditionem redacta sint.

C A P. III.

Qua ratione Italia omnis in populi Romani potestatem venerit.

POST reges exactos sub consulibus, inter quos nonnunquam & dictatores fuerunt, per trecentos propemodum annos populus Romanus cum finitimis, Sabinis primum, Latinis, Volscis, Hernicis, Tuscis, deinde Campanis, Gallis, Samnitibus, Umbris, Tarentineis, Lucaneis, Brutiis, Salernitineis, Messapiis, Picentibus, & reliquis Italiæ populis bella continua gessit. Quibus victis centum posterioribus annis cum Siculis, Pœnis, Sardis, Coris, Gallis cispadanis, & transpadanis, Boiis scilicet & Cœnomaneis, Insubribus, Liguribus quoque, Istris, & Japudibus, & Salasis, gentibusque Alpibus bellatum est. Qui omnes populi postea Italiæ sub nomine redacti sunt: quum Italia primo annibus Arno & Rubicone terminaretur. Post reliquo terrarum orbi arma illata, ut singillatim exponam. Quorum bellorum tempora, & causas nunc brevissime aperiam.

Aurunci, & Fidenates domiti.

Primi post reges exactos Aurunci bello domiti in ditionem populi Romani venerunt anno urbis CCLII. a Sp. Cassio & Opiterno Virginio cos. Livio libro II. auctore, Pometia eorum urbe capta, & funditus excisa, debellati. Hi autem vetustissimi Latii populi erant, ut Plinius lib. III. cap. V. tradit.

Fidenates Romanam coloniam a Romulo deductam sæpe victos, postremo Mam. Æmilium Mamerčinus dictator III. anno urbis CCCXXVIII. delevit. De qua re ita scribit Livius: *Uni Fidenatium populo rebellare placuit, & tanquam nisi ab scelere bellum ordini nefas esset, sicut legatorum antea, ita tunc novorum colonorum cæde imbutis armis, Veientibus sese conjungunt.* Quum ergo Fidenates iterum rebellassent, seque Veientibus qui in armis erant conjunxissent, Fidenæ sedes belli capta est, in eos dictator exercitu abducto, castra urbemque eorum cepit, atque diripuit, quumque exercitum victorem opulentumque præda triumphans Romam reduxisset, die xv. fe abdica-vit.

Veientes victi.

Post diuturnum, varium, & multiplex inter Romanos Veientesque bellum, Mam. Æmilius Mamerčinus dictator III. anno CCCXXVIII. Veientium opes ita afflixerat, ut postero anno inducias in xx. annos petierint. Anno autem CCCXLVII. quum (ut inquit Livius) induciarum tempus exisset, Veientes a fenatu impetrarunt, quia ipsi discordia intestina laborarent, ne res ab fe repetirentur. In sequenti ergo anno bellum Veiens motum ob superbum responsum Veientis fenatus, legatis Romanis res repetentibus datum. Id patres ægre passi, decrevere ut primo quoque tempore tribuni militum de bello Veientibus indicendo ad populum ferrent. Ac cum primum stipendio de publico militibus decreto, latum est. Ita in fe-

quenti anno qui fuit urbis conditæ CCCXLIX. circumfessi primum Veii sunt, atque inde per novem annos vario eventu a tribunis militum res cum Veientibus gesta est, donec anno CCCLVIII. Furius Camillus dictator dictus, magistrum equitum P. Scipionem cooptavit. Is Faliscis primum, ac Capenatibus fufis, & castris exutis, ad Veios profectus, cuniculo in arcem hostium acto, urbem ipsam decimo ejus belli anno cepit, ac maxima præda potitus, Junonis etiam signum, Romam delatum in Aventino, extructo ibi templo, locavit; quum clarissimum de Veientibus in urbem triumphum equis albis vecto curru, invexisset. Atque ita urbs Veii, quæ CCL. annis Romanis negotium fecerat, capta est. Livius, Plutarchus, Diodorus, Valerius, & alii plerique auctores.

Latini, & Campani in deditionem accepti.

Quum Prænestini Latini populi bellum Romanis intulissent, T. Quinctius Cincinnatus dictator, & A. Sempronius Atratinus magister equitum adversus eos creati, ipsis ad Alliam fuis fugatisque, & Præneste capta, triumphum de iis dictator nobilissimum egit. Oppidum fœderatum fuit, & ei fuis legibus vivere concessum anno urbis CCCLXXIV.

Galli Senones qui urbem incenderant, postquam a Camillo cæsi sunt, reparatis viribus multa cum Romanis vario eventu bella gessere. Ceterum quum Tiburtes Gallis se conjunxissent, aliquoties victi, & triumphati sunt. Postremo anno urbis CD. cum Tiburtibus a M. Fabio Ambusto III. cos. ad deditionem pugnatum, Salsula ex his urbs capta, & gens universa politis armis in fidem consulis venit, qui etiam de his, auctore Livio, triumphavit. Tiburtes ut Prænestini fuis legibus vivere permitti, fœdusque cum his ictum. Porro autem quum XV. anno post, adjunctis Pedanis a Romanis rebellassent, L. Furius Camillus cos. ad Pedum cum iisdem maxime valido exercitu, majore mole, quamquam æque prospero eventu pugnavit. Præ id iis inde dispolitus per recepta Oppida, Romam ad destinatum omnium consensu triumphum deceffit. Ita Livius.

Anno urbis CDXI. M. Valerio Corvo III. & A. Cornelio Cosso cos. Quum Campani bello a Samnitibus urgerentur, auxilio adversus eos a fenatu petito, quum id non impetrarent, urbem atque agros populo Romano dederunt, ob quam causam ea que populi Romani facta essent, defendi bello adversus Samnites placuit. Campani post rebellionem Latinorum, de qua mox dicam, diu in fide populi Romani permanferunt. Bello vero Punico secundo post acceptam cladem Cannensem, quum ad Hannibalem defecissent, quinquennio post a Q. Fulvio proconsule Capua recepta est, atque in Campanos acriter sevitum. Servitia deinde Romanorum fuere Campani.

Anno urbis CDXIV. T. Manlio Torquato & P. Decio Mure cos. omne Latinum nomen hac ratione domitum est. Latini post L. Tarquinii Superbi regnum, a quo ingentibus præliis afflicti pacis conditiones, & fœdera Romana petere coacti fuerant, in fide Romanæ usque ad annum urbis CCLXIII. permanferunt. (Præsertim quum a Tarquinio Superbo arctioribus amicitia vinculis, sanctioribusque fœderibus populo Romano conjuncti fuissent.) Quo anno Octavio Mamilio Tusciano Tarquinii Superbi regno Romano exacti genero duce, arma Romanis intulerunt. Quibus ab A. Postumio Albo dictatore ad lacum Regillum victis, fœdus & societas antiqua a Romanis reddita est. Qui in amicitia, & fide populi Romani annos amplius CL. permanferunt. Verum quum Campanis, Sidicineis, & Auruncibus adjunctis bellum Samnitibus fœderatis populi Romani movissent, atque a fenatu Romani evocati, arma ponere juberentur, feroci responso, quo alterum consulem e Latio fieri petierunt, bellum Romanum in se convertere. Quos prælio ad Vesperim fluvium commissio victos T. Manlius consul in deditionem accepit, atque de Latinis, Ec iij

Campaneis, Sidicineis, Aurunceisque triumphavit. Nam ejus collega P. Decius eo prælio se pro legionibus Romanis devoverat. Post hoc bellum Latium omne biennii intervallo a Q. Publilio Philone dictatore, L. Furio Camillo, & C. Mænio cos. domitum, deinceps perpetua atque egregia in Romanos fide semper fuit. In quo aliquot coloniae deductæ, aliquot municipia etiam partim cum suffragii jure, partim sine suffragio facta sunt, ut infra aperiam. Paulo post bellum Latinum, & Campanum confectum, Aufones, qui adhuc in armis erant, Calibus eorum urbe a M. Valerio Corvo capta, domiti, in populi Romani ditionem venerunt. Livius.

Volsci, Opici, Hernici, & Aequi subacti.

Volsci, qui bellum cum Romanis sub L. Tarquinio Superbo inchoatum per ducentos prope annos incredibili pertinacia & continuis motibus protraxerant, de quibus supra XII. triumphus acti fuerunt, postremo anno urbis CDXXV. diuturno bello fessi, Priverno capto, a consulibus L. Emilio Mamercino II. & C. Plautio Deciano domiti, & subacti in ditionem populi Romani venerunt. Livius.

Q. Publius Philo primus proconsul anno urbis CDXXVIII. Palæpoli capta, Opicos subegit. Hi populi loca, ubi Cumæ, Baia, Puteoli, & Neapolis sunt, colerunt. Livius.

Hernicos, cum quibus populus Romanus T. Sincinio, & C. Aquillio cos. bellare cœpit, varieque cum iis fortuna pugnavit, tandem anno urbis CDXLVIII. Q. Marcius Tremulus cos. Anagnia capta, debellavit. Livius.

Aequi quoque, qui adjunctis Volscis multa bella cum populo Romano post reges exactos gesserunt, anno urbis CDLII. a C. Junio Bubulco Bruto dictatore non solum victi & subacti sunt, sed eorum etiam nomen ad internectionem usque prope deletum est. Livius.

Sabini victi.

Imperio populi Romani Campanam versus rogato, Sabini, & Tusci finitimi in deditionem redigendi supererant, quum huic rei fors occasionem præbuit. Nam P. Cornelio Rufino, & M. Curio Dentato cos. anno urbis CDLXIII. Populus Romanus post Latinos, gentem Sabinorum aggressus est; qui immemores factæ sub T. Tatío affinitatis, populum Romanum sub regibus, deinde eis exactis sæpe laceraverant, triumphatique potius quam victi fuerant, & postremo quodam contagio belli se Latinis adjunxerant. Eos M. Curius Dentatus cos. intra eum tractum qua Nar ambit, fontisque Velini Hadriatico tenus mari igne ferroque vastavit. Quæ victoria tantum hominum, tantum agrorum redactum in potestatem, ut in utro plus esset ne ipse posset existimare qui vicerat. Et Orosius: *Cum Sabinis Curio Conf. bellum gestum est, ubi quot milia hominum interfecta, quot capta sint, ipse consuli ostendit, qui quum in senatu magnitudinem acquisiti agri Sabini, & multitudinem capti populi referre vellet, numerum explicare non potuit.* Et Frontinus libro I. *M. Curius adversus Sabinos, qui ingenti exercitu conscripto reliquis finibus suis nostros occupaverant, occultis itineribus manum misit, quæ desolatos agros eorum, vicisque per diversa incendit. Sabini ad arcedandam domesticam vastitatem recesserunt: Curio comitig, & vacuos infestare hostium fines, & exercitum sine prælio averre, sparsumque cadere.* Ex quibus verbis intelligimus Sabinos hoc anno omnino debellatos fuisse. Quod innuere videtur Patreulius, qui hoc anno Sabinis civitatem datam sine suffragio scribit. Quare hoc anno in magistratu M. Curium ter triumphasse omnes auctores sunt, de Samnitibus, Sabinis, & de Lucanis: iis aliquot annis post civitatem cum suffragio datam scribit Velleius.

Galli Senones, & Picenum in deditionem accepti.

Multas Gallorum manus, ut Infubres, Canoma-

nos, Boios, Gessatas, & novissime Senonas, dulcedine frugum, maximeque vini nova tum voluptate captos, Alpes transiisse, agroque ab Etruscis antea cultos possedisse, & eam Italiae partem tenuisse, quæ postea Gallia Cisalpina appellata est, accurate a Livio lib. primo refertur. Ex quibus Infubres & Canomani Transpadum; Boii, Gessatæ, & Senones Cispadum loca obtinuerunt. In his Senones advenarum recentissimi eam partem Italiae Tusci & Umbris antiquis incolis eriperunt, quæ inter amnes Rubiconem, & Æsim sita est, quorum præcipua civitas Sena fuit. Hi & urbem Romam captam incenderunt, & multa post id tempus adjunctis Tuscis, Umbris, Latinis, & Samnitibus bella vario Marte, & periculosa gesserunt. De his victis post Camillum dictatorem T. Quinctius, C. Sulpicius, C. Ptercius, M. Popillius, Q. Fabius consules, & plerique alii Romanorum duces triumpharunt. Postremo anno urbis CDLXXI. omnes eorum reliquias in Etruria ad locum Vadimonis P. Cornelius Dolabella delevit (quem ob eam potissimum causam Maximi cognomen invenisse opinor) ne quis exaret in ea gente, qui incensam a se Romam urbem gloriaretur. Ita ut hodie nulla Senonum vestigia supersint. Hæc Florus. Senonibus cæcis eorum provincia in ditionem Romanam venit, quæ mari, Tuscia & Umbria, amnibusque Rubicone & Æsi includebatur. Quo tempore etiam Italia quæ Æsim fluvium non excedebat, ad Rubiconem usque extenta est, Senonumque regio, ut inquit Strabo, Umbris attributa.

Tusci debellati.

Post Senones Tusci, cum quibus jam inde a Romuli tempore populus Romanus bellum gerere cœperat, perpetuoque temporum tractu gesserat, anno urbis CDLXXIV. Vulturniensibus & Vulcentibus Etruscorum florentissimis populis victis, per Ti. Coruncanium consulem Romano imperio adjecti sunt, atque ea parte imperium ad Arnun usque propagatum. Neque enim post id tempus cum Tuscis justum bellum ullum gestum fuisse memoratur. Nam Vulturni a servis oppressi xv. anno post a M. Fulvio Flacco cos. in libertatem vindicati sunt. Justum enim id bellum dici non potest, quod cum servis, & non pro acquirendo, sed recuperando imperio gestum est.

Samnites, Tarentini, Bruttii, & Lucani subacti.

Cum Samnitibus Campanorum causa populus Romanus primo bellum suscepit, quod triumphorum amplius xxx. materies annis LXX. perduravit. Samnitico bello vigente, iis contra Romanos Tarentini se conjunxerunt: unde bellum Tarentinum dictum. Quod unum quidem titulo & nomine, sed victoria multiplex fuit. Hoc enim Lucanos, Apulos, Bruttios, Picentes, Salentinis, & caput belli Tarentinos, idem totam Italiam, & cum istis omnibus Pyrrhum clarissimum Græciæ regem una veluti ruina pariter involuit, ut uno tempore & Italiam consummarer, & transmarinos triumphos aspiceretur. Hoc bellum paucis verbis refert Florus in epitoma lib. XII. Quum a Tarentinis classis Romana direpta esset, II. viro qui præerat classi occiso, legati ad eos a senatu, ut de iis injuriis quererentur, missi, pullati sunt; ob id bellum iis indictum est. Samnites defecerunt. Adversus eos & Lucanos, & Bruttios aliquot præliis a C. Fabricio, Q. Marcio, Ti. Coruncanio, & L. Emilio, C. Junio, Q. Gurgite, M. Curio, L. Cornelio, & C. Canina bene pugnatum est. Pyrrhus Epirotarum rex, ut auxilium ferret Tarentinis, in Italiam venit. Curius Dentatus eos Pyrrhum vicit, & Italia expulit. Postremo Tarentinis, Lucanis, Samnitibus, Brutiisque a L. Papirio Cursore II. & Sp. Carvilio Maximo II. cos. victis, pax data est. Quo anno bellum Samniticum & Tarentinum confectum est. Scribit

enim Livius lib. XXIV. Papirium & Carvilium consules adversus Samnites, Brutiosque & Lucanum cum Tarentino populum declaratos esse. De Tarento a Papirio Cursore capto mentionem facit Frontinus lib. III. Papirium & Carvilium consulem de iis populis triumphasse fragmenta triumphalia Capitolina docent. Hac victoria omnis fere Italia in populi Romani potestatem redacta est, victis praesertim Tarentinis, Samnitibus, Bruttiis, Lucanis, & paulo ante quoque Etruscis, & Umbri subigendi supererant. De triumpho M. Curii de Pyrrho bello Tarentino adeo sic scribit Florus: *Nec enim ullus pulchrior in urbem, aut speciosior triumphus intravit, quam ante hunc diem, nihil nisi pecora Volscorum, greges Sabino- rum, carpenta Gallorum, fracta Samnitium arma vidisset. Tum si captivos aspiceret, Molossi, Thessali, Macedones, Brutius, Apulus, atque Lucanus. Si pompas, aurum, signa, tabule, Tarentinaeque delicias. Sed nihil libentius populus Romanus aspexit, quam illas belluas, quas timerat cum turribus suis, quas non sine sensu captivitatis submissis cervicibus victores equos sequebantur.*

Picentes, Sallentini, & Umbri domiti.
Omnis Italia pacem habebat; quis enim domitis Tarentinis quid moliri ausus esset? nisi quod ultro perfecti focios hostium placuit. Domiti deinde Picentes, qui cum reliquis Italicis rebellaverant, & caput gentis Aculum a consulibus P. Sempronio, & Ap. Claudio.

Sallentini Picentibus additi caputque regionis Brundulium inclyto portu celebre a M. Atilio & L. Julio cos. vexatum. Quos anno sequenti D. Junius, & N. Fabius in potestatem redegerunt.

Soli omnium Italicorum Umbri relicti fuerunt, ad quos arma Romana non pertinuerant: qui quum rebellassent, ab iisdem consulibus, a quibus Sallentini, Saffina capta, domiti sunt. Atque demum anno urbis CDXXCVIII. Italia omnis a freto Siculo ad Rubiconem, & Arnun, Tuscosque extremos Liguribus confines, in populi Romani ditionem devenit. Quae omnis fere foederata sine magistratu Romano suis legibus libere vivere permissa est. Quae quamquam omnis foederata esset, variis tamen conditionibus foedera adepti sunt. Quidam enim municipia cum suffragii jure facti, quibusdam civitas sine suffragio data, Latini jus quoddam quod civitati proximum fuit permiffum, in aliquibus coloniae Latinae, vel civium Romanorum deductae, quidam stipendiarii, quidam vedigales, quidam omnino liberi relicti fuerunt. Quae omnia accuratius paulo infra aperiam.

Ceterum quum a Rubicone amne Polam Istriae usque, item a flumine Arno ad Varum amnem Italia postea per alpium radices prolata fuerit, quae ante provinciae Ligures, Gallia, Veneti, Carni, Japudes, & Istri fuerant, & omnes quae in ea, quae postea Italia appellata fuit, colonias, municipia, & praefecturae enumerare constituerim, conveniens esse existimavi ante singillatim demonstrare, quam ratione in potestatem populi Romani hae gentes venerint, atque in provinciarum formam redactae, postea Italiae attributae fuerint, deinde eas, quae in singulis coloniis fuerunt, digerere.

C A P. IV.

Quo tempore Gallia Cisalpina provincia facta fuerit.

BELLUM igitur Gallicum Cisalpinum initum est anno urbis DXXIX. C. Atilio, & L. Aemilio cos. Hoc lex C. Flamini tribuni plebis excitavit, quam ille vel octavo, ut ait Polybius, ante anno M.

Lepido, & M. Publio cos. vel quinto, ut Cicero, Q. Fabio Maximo fil. & Sp. Carvilio cos. de agro Piceno, & Gallico, unde pulsi Senones a Dolabella fuerant, viritim dividendo tulit. Nam quum reliqui Galli, ac maxime finitimi Boii Senonum casu percussis rebus suis timerent, inita cum Infubribus societate, Gallos eos, qui trans Alpes ad Rhodanum accollunt, atque a mercede, qua ducti militant, Gessatae dicuntur, advocarunt. Itaque quum reges eorum Congolitanus, & Anercestus magnis inducti pecuniis cum ingentibus copiis, Alpes in Italiam trajecissent, ac se cum Boiis & Infubribus conjunxissent, (Veneti enim ac Cænomanii a Romanis per legatos sollicitati quieverant) peditum ad quinquaginta millia, equitum ad viginti adducetes in Etruriam irruerunt, octavo, ut scribit Polybius, post agri Piceni divisionem anno, L. Aemilio, C. Atilio cos. in quem etiam annum bellum Gallicum Cisalpinum a M. Verrio Flacco in tabulis Capitolinis collatum est. Romani autem Gallorum tumultu nuntiato maximas, si quando unquam alias, copias compararunt. Tota etiam tum Italia enixe pro imperio Romano laboravit. Summa peditum Romanorum, ac fociorum fuit supra quingenta millia, equitum supra sexaginta, auctore Polybio. Itaque Plinius libro tertio L. Aemilio Paulo & C. Atilio Regulo cos. inquit: *Italia nuntiata Gallico tumultu sola sine externis ullis auxiliis, atque etiam tunc sine Transpadanis equitum LXXX. millia, peditum DCC. armavit.* Cænomanos autem & Venetos transpadanos intelligit, qui ex Gallis soli pro Romanis stabant. Cum harum igitur copiarum parte L. Aemilius consul Ariminum, ut Gallorum transitum impediret, contendit, alteram praetor in Etruriam, quod C. Atilius cos. alter jam in Sardiniam navigaret, adduxit. Jam Clisium Galli pervenerant, praetor ad Fefulas collatis signis fugatus in collem editum se receperat; cujus quum obsidionem Galli pararent, Aemilius consul Apennino superato improvviso advenit. Is igitur Gallos cum praeda abeuntes ab una parte, ab altera Atilius jam ex Sardinia revocatus adorti, ita pugnarunt, ut Gallorum quadraginta millia ceciderint, decem millia ceperint. Atilius in praelio, & rex Congolitanus occisus est. Anercestus semetipsum in fuga occidit. Aemilius vastato Boiorum agro Romam triumphans rediit, ac Capitolium armis & torquibus Gallorum exornavit. Ita Polybius, Florus, & Eutropius. Anno sequenti ex re bene gesta Romani in spem adducti Gallos Italia expellendi non quieverunt.

Q. enim Fulvium & T. Manlium consules in Galliam cum legionibus miserunt, qui provinciam ingressi Boiorum gente devicta, quum ad reliquos Gallos bellum transferrent, imbrum vi, ac pestilentiae magnitudine deterriti sunt. Ita Polybius. Hos primum transpadum legiones Romanas duxisse tradit Orosius. Altero anno C. Flaminius & P. Furius consules Infubres transpadum insigni victoria devicerunt. Quarto ejus belli anno Infubres accitis opibus suis pacem petentes M. Claudius Marcellus, & Cn. Cornelius consules eductis repente adversus eos copiis, ad arma capienda invitos compulerunt. Marcellus Gallorum Gessatarum exercitum rege illorum Virдумaro interfecto fudit, fugavit, & cepit, Acerras Gallorum oppidum occupavit. Ambo consules Mediolanum, quod Infubrum caput erat, Gallis supremo praelio victis, expugnarunt: quo facto Infubres, desperatis rebus suis, se Romanis dederunt, atque ita bellum confectum est. Marcellus in urbem reverfus de Gallis Infubribus triumphavit, spolia optima regis interfecti tertius retulit. Ita Polybius, Plutarchus, & Eutropius. Hoc bello confecto Cisalpinam Galliam provinciam primum factam fuisse a Marcello ex eo liquet, quod coloniae plures annis proximis eo deductae sint, & Romanis consulibus Gallia deinceps provincia in annum decerni solita. Hoc ipso tempore Veneti, & Cænomanii a legatis per Romanos sollicitati quieverunt,

nam ille vel octavo, ut ait Polybius, ante anno M.

eisque sociis, & federatis Galli oppressi sunt. Bello Punico secundo confecto cum Intubribus, Comensibus, & Boiis rebellantes Cœnomanos, aliquot duces Romani magnis cladibus affectos eos tandem in deditionem acceperunt, Galliamque omnem cisalpinam quietam habuerunt. Insubres Cœnomanos, & Comenses Gallos transpadanos cum cispadanis sæpe rebellantes L. Furius Purpureo prætor, & C. Cornelius Cethegus cos. vicerunt, & postremo M. Marcellus cos. ejus, qui primo Galliam provinciam fecerat filius, castellis duodeviginti in deditionem acceptis, eos debellavit anno urbis DLVIII. Boios, hi Galli cispadani sunt, qui sæpissime cum transpadanis jam victis rebellaverant, iidem duces ceciderunt, eosque demum magnis cladibus afflictos P. Cornelius Scipio Nalica cos. domuit, anno DLXIII. deique iis in magistratu triumphavit. Veneti diu in fide populi Romani permanerunt. Cum Carnis, Japudibus, & Istris C. Claudius Pulcher consul anno urbis DLXXVII. bellum primo suscepit, quod ætollis contra Romanos subsidia tulerant. Cum iis vario Marte pugnatum, eos postremo domuit & in populi Romani ditionem C. Sempronius Tuditanus cos. ut auctor est Plinius, redegit, anno DCXXV. de iisque triumphavit.

Quo tempore Ligures domiti fuerint.

Bello Punico primo vix finito, statim Ligures, Galli, & Illyrii ad exercendam Romanam virtutem novi hostes surrexerunt. L. Cornelio, & Q. Fulvio, anno urbis DXVII. Liguribus primum arma illata sunt; quod bellum intra Italiam latrocinia Ligurum excitarunt. De quibus sic scribit Florus: *Ligures imis alpium jugis adhaerentes inter Varum & Macram flumen implicitos dumis silvestribus, major aliquando labor erat invenire, quam vincere. Tutum locis & fuga durum atque velox genus, ex occasione magis latrocinia quam bella faciebat, itaque quum diu multumque eluderent saltu, viis, latebris Salvi, Deceates, Oxybii transalpini, citra vero Vagienni, Statyelli, Calmonates, Eburates, Veleates, Jagauni, tandem Fulvius latebras eorum igni sepsit.* Significat autem Florus victoriam, quam Q. Fulvius Flaccus ex his retulit. Victi autem hoc primum anno a consulibus sunt, eorumque XXIV. millia interfecta, V. millia capta, & de iis triumphatum. Eos deinde sæpissime rebellantes plures Romani duces magnis cladibus per XXX. annos, ut Strabo, vel ut ego observavi per CXXII. affecerunt, triumphi de iis & finitimis populis Vocontis, Contrubeis, & Gaticis supra XVIII. acti. Quos demum M. Æmilius Scaurus cos. anno DCXXXIX. in deditionem accepit, latrocinia eorum coarctuit, effecitque postremo ut publice permeantibus via ad stadiorum XII. latitudinem laxaretur. Ac ut Strabo scribit, universis fractis, terrore incusso gubernandi formulas iis Scaurus imposuit. Hic est ille Scaurus, qui consul, censor, & princeps senatus fuit, atque de Liguribus & Gaticis postremus omnium triumphavit, quique per Piſas & Lunam usque Sabatios, domitis Liguribus, viam itavit Æmiliam, & hinc per Derthonam. Salassios & gentes alpinas Ap. Claudius Pulcher cos. anno DCXI. bello vicit. Augustus postea Cæsar ipsos non quiescentes deletit.

Italia ad Alpes producta & in XI. regiones divisa.

Atque hac ratione universa quæ nunc appellatur Italia sexcentorum annorum intervallo Romanum jugum suscepit. Quæ quum ante a superno mari Adri ab infero vero Macra fluminibus terminaretur, victis & deletis Gallis Senonibus, usque ad Rubiconem processit; is enim posterior terminus Italiae fuit. Postremo triumviri R. P. C. ne proconsul utilis cum exercitu intra Alpes esset, Galliam omnem Cisalpinam Italiae adjunxerunt, eamque usque ad alpium radices protulere. Ejusque termini a mari supere Istri, oppidum Pola, fluviusque Arſia, ab in-

Aſero, omnis Varus, qui a Liguribus Galliam Narbonensem dividit, facti. In mediterraneis vero alpium radices ejus fines esse voluerunt. Quam Cæsar Augustus rerum potitus, Romani imperii novam formam constitueret, in undecim regiones, ut libro tertio tradit Plinius, distribuit. Quarum prima Latium vetus novumque, & Campania fuit, II. Picentes, III. Lucani, Bruttii, Sallentini, Apuli, IV. Frentani, Marrucini, Peligni, Marſi, Veltini, Samnites, & Sabini. V. Picenum. VI. Umbri. VII. Etruria. VIII. Gallia cispadana. IX. Ligures. X. Venetia, Carni, Japudes, Iſtrique. XI. Gallia transpadana. In quibus regionibus quot coloniarum, municipia, & præfecturæ fuerint explicaturus, ut apertius singularum jura, leges, & discrimina cognoscantur, ex antiquitatis observatione pauca ante subijcere placet de civitatis Romanæ, Latii, & Italiae jure.

C A P. V.

De jure civitatis Romanæ.

PRÆSTANTISSIMUM Romuli institutum, omnes, ut principio vidimus, auctores fuisse referunt, quod victas gentes, non ut Athenienses olim & Lacedæmones pro alienigenis arcuissent, sed eas in populi Romani amicitiam, & civitatem ipsam etiam adsciverit, vel Colonias Romanas deduxerit. Quod a sequentibus regibus, & consulibus studiosissime observatum, tanti imperii præcipua causa fuit. Porro autem quemadmodum externæ gentes vel victæ, vel sponte in Romani populi amicitiam, aut fœdera, & ditionem admixtæ, varii generis, ac conditionis pro earundem erga remp. meritis, vel demeritis erant, ut aliæ omnino liberæ, aliæ fœderatæ, aliæ stipendiariæ, aliæ fundi populi, aliæ Latiniæ, aliæ civitatem Romanam adeptæ fuisse reperiuntur, ita varii generis fuisse cives Romanos observavi; ita ut alii essent cives Romani pleno jure, id est, cum jure suffragii, alii sine suffragio, alii municipes, alii coloni, alii ex præfecturis, alii vero sine civitatis jure nonnulli habuerint civitatis Romanæ privilegia.

De quibus omnibus verba facturus a primo civis Romani perfecto jure exordium fumam. Nam qui ex nullo municipio, ex nulla colonia, præfecturæ, vel ex alia fœderata civitate erant, sed vel in urbe, agrove urbi suburbano nati, vel ex servis Romanorum libertate, aut ex aliiis gentibus externis speciali privilegio in urbem vocati, & civitate donati essent, primum genus civis Romani constituebant. Ex his fuerunt, primi urbis cultores, eorum filii, & nepotes, post eos Sabini, qui sub T. Tatſio, Tusci & Latini, qui sub Romulo, Albani & reliqui Latini, qui sub ceteris regibus, gens Claudia, & perique alii populi, qui quum sub consulibus Roman commigrassent, & postremo omnium eorum servi, qui quum manumissi essent, civitatem Romanam cum suffragii jure adepti sunt. Hic autem civis Romanus, qui perfecto jure civis Romanus dicebatur, erat homo liber, servi enim cives esse non poterant, qui comitiis curiatis in curia, centuriatis in centuria, & tributis in una XXXV. tribuum suffragium ferre posset. Inter multa enim horum civium Romanorum privilegia illud supremum erat, ut essent in tribu, & centuria a censoribus relati, in qua & suffragium ferrent, & iidem suffragiis ad magistratus publicos ceteras administrationes ac dignitates pervenirent; quod in Verrinas docet Afconius. Ceterum quum jus civitatis non una quadam in re consisteret, sed multis ac diversis velut prærogativis constaret, non omnibus omnia jura concedebantur, unde efficiebantur variae conditionis cives Romani. Ex his qui suffragii jus habebant, omnia etiam cetera privilegia quæ hæc erant, habebant. Ac

primum quidem civibus Romanis post suffragii lationem, jus erat per leges Porcii & Semproniam, ut nec virgis cædi, nec vinculis coerceri, nec omnino capite plecti, nisi populi ipsius iudicio possent. Idcirco Cicero in Verrem, qui P. Gavium municipem Conslanum virgis cæderat, exclamat, quum ait: *Cædebatur virgii in medio foro Messanæ civis Romanus: o lex Porcia, legesque Sempronie*, &c. De iis enim qui cives non essent nihil horum cautum erat, poterantque a magistratibus non solum peregrini sed Latini etiam ipsi, quorum privilegia maxime ad civitatem Romanam accedebant, non consulto populo servili supplicio affici. Nam Salustius in Jugurthino, quemdam T. Turpilius Silanum commemorat, qui quum socium præfectus esset, tribunusque, & centuriones sub se haberet, condemnatus tamen, verberatusque capite poenas solvit. *Nam is* (inquit) *civis ex Latio erat*. Ceterum hoc privilegium civibus omnibus Romanis, tam his qui cum suffragio civitatem habebant, quam his qui sine eo erant, commune fuisse ex eo mihi persuadeo, quod & municipes sine suffragio in legione, ut tradit Festus, merebant; qui autem in legione militabant, virgis cædi non poterant. Tertium civium Romanorum privilegium erat, quod solis civibus Romanis in legione Romana militare jus erat. Ideoque soli cives ad ærarium in beneficiis deferri ab Imperatoribus, & beneficiarii milites fieri poterant. Nam hoc fuisse proprium civium Romanorum eodem illo loco Cicero pro Archia ostendit. Horum beneficiorum meminit etiam in epist. xx. lib. vi. epist. fam. Liberos porro in potestate habere proprium erat jus civis Romani, ut ait Justinianus I. Inst. tit. de patria potestate. Erat postremo jus adoptionum, gentilitatis, & togæ ferendæ, quod proprium civium Romanorum erat. Atque hæc omnia privilegia non nisi civibus Romanis communia erant, tam iis qui urbem incolerent, quam municipibus, & coloniis civium Romanorum. Municipia vero quibus sine suffragio data civitas fuisset, illo uno suffragii jure privabantur, in reliquis conveniebant. Sextum autem jus quod omnibus Romanis civibus commune fuit, erat ut soli testamento civis Romani hereditatem capere possent; neque enim ullus peregrinus poterat hereditatem civis Romani adire, & testamenta fiebant Romanis civibus presentibus. Quod Cicero ostendit pro Archia poeta, ubi probat Archiam se pro cive gessisse hoc argumento, quod sæpe adisset hereditates civium Romanorum. Et pro Cæcinnæ, Æbutius Cæcinnæ adversarius negat posse heredem Cæcinnæ esse Cæcinnam Volaterranum, quod civitas Volaterranis adempta esset a L. Sullâ dictatore, ideoque civis Romanus non esset Cæcinnæ. Quum pro argumento accipiat Archiam se pro cive gessisse, quia sæpe testamenta legibus Romanis fecisset. Hujus juris partem Romani cives cum Latinis communicabant. Nam quamquam Latini omnino heredes esse non possent, legati tamen institui ex hereditate poterant, ut paulo post ostendamus. Jus etiam alienandi per nexum proprium fuisse civium Romanorum ex eo intelligi potest, quod omnes, inter quos juris hujus solemnitas transigebatur, cives esse oportebat, ut ait Boetius in commentariis Topicorum. Hoc privilegium etiam Latinis cum civibus Romanis commune erat. Utrunque rem Cicero pro Cæcinnâ refert. Nam quum Æbutius Cæcinnæ adversarius negaret Cæcinnam Volaterranum, civitate iis adempta a L. Sullâ, civem Romanum esse, & propterea hereditatem Cæcinnæ capere non potuisse, ei ita respondet Cicero: *Sullâ ipse ita tulit de civitate, ut non sustulerit eorum nexa, atque hereditates. Jubeat enim eodem jure esse quo fuerint Arimenses, quos quis ignorat XII. coloniarum fuisse, atque (non a populo Romano, ut in vulgatis codicibus, sed a C. R. ut in antiquis manuscriptis, id est, a civibus Romanis*

hereditates capere potuisse? Quum autem ex XXX. coloniis quædam Latinæ, quædam civium Romanorum vocentur, Livius lib. XXIX. XII. colonias inobedientes Latinas appellat. Ex quibus verbis illud intelligi potest, Latinos aliqua ratione civium Romanorum heredes esse potuisse, & commercia cum civibus Romanis per nexum habuisse. Quod idem referre videtur Ulpianus titulo XIX. Inst. quum ait: Mancipatio locum habet inter cives Romanos, & Latinos colonianos, Latinosque Junianos, eosque peregrinos, quibus commercium datum est. Commercium est emendi vendendique invicem jus. Sub hoc privilegio continentur omnia commerciorum genera, ut nexa, stipulationes, mancipationes, sacramenti contentiones, in jure cessiones & alia, quibus perfecto jure possessio rei acquirebatur, vel quibus jure civium Romanorum dominus fiebat. Jus igitur commercii, quod olim inter cives Romanos tantum erat, Latinis quoque communicatum erat. Unde Livius lib. VIII. Ceteris Latinis populis connubia commerciaque & consilia inter se adempta. Erat postremo jus connubiorum olim civibus Romanis proprium, quia tantum cives cum civibus matrimonium contrahere poterant, ita ut si pater aut mater peregrini essent, non legitimæ erant nuptiæ. Lex enim erat ut nuptiæ tantum essent inter cives Romanos, inter quos solos connubii jus erat. Filii ex eo matrimonio nati soli iusti sunt, & in potestate parentum, & hi succedunt parentibus. Hoc jus Latinis, & Campanis communicatum olim fuisse refert Livius. Atque hæc erant omnia civibus Romanis qui urbem, agrumve colebant privilegia, quorum quædam iis tantum erant propria, quædam cum municipiis & Latinis communia, ut abunde demonstravi.

C A P. VI.

De jure municipum cum suffragio.

PArum vel nihil ab iis civibus Romanis, qui urbem agrumve incolerent, differebat civium Romanorum alterum genus, qui in municipiis, quibus cum suffragii latione civitas data erat, commorabantur. Hi enim omnibus civium Romanorum privilegiis potiebantur, uno, ut existimo, excepto, quod in curiis Romanas descripti non erant, atque ob eam causam Curiatii comitiis, in quibus tamen parum momenti erat, excluderantur. Curiæ enim tantum eorum, qui urbem incolerent, erant. Nam qui in municipiis vel coloniis cives Romani habitabant, sua quædam in suis urbibus sacra habebant, quæ municipalia dicebantur, erantque iis perinde ac Romanis curiæ. Quod vel inde apparet, quod Milo legitur ad prodendum flaminem Lanuvium profectus fuisse, pridie quam Clodium occidit. Nec erat necesse sua sacra eos relinquere, qui civitate donabantur, nisi in urbem migrarent. Nam quos sub regibus migrasse Romam reperimus, ut Sabinos, Tuscos, Catinos, & Albanos, eos simul per curias Romanas descriptos fuisse ex Dionysio aperte intelligitur. Qui vero ad urbem non migrabant, suis sacris vacare opus erat, quæ (ut dixi) municipalia vocantur. De quibus sic scribit Festus: *Municipalia sacra vocantur, quæ ab initio habuerunt ante civitatem Romanam acceptam, quæ observare eos voluerunt pontifices, & eo more facere quo fecissent antiquitus*. Ceterum quum civium Romanorum, qui extra urbem habitarent, duo genera fuerint, id est, municipes, & coloni, quid utrumque fuerit, ex Gellio demonstrare non alienum ab hoc instituto erit. Is enim, libro XVII. cap. XIII. sic ait: *Municipes sunt cives Romani ex municipiis suo jure, & legibus suis utentes, muneris tantum cum populo Romano honorarii participes, a quo munere capeffendo appellati videntur, nullis aliis necessitatibus, neque ulla populi Romani lege adstricti, quum nunquam populus eorum fundus factus esset. Sed coloniarum alia necessitudo est. Non enim veniunt extrinsecus in civitatem, nec suis radicibus nituntur*

tur, ut municipia, sed ex civitate quasi propagata sunt, & jura institutaque omnia populi Romani, non sui arbitris habent. Hæc Gellius. Ita ut municipia cum civitatibus quidem Romanæ privilegiis & jure, suas leges, suos magistratus, & sua tam publica quam privata instituta retinerent, ut cuique municipio antiquitus mos erat. Coloniarum vero alia ratione, ut post ostendam, remp. gerebant.

C A P. VII.

De municipiis sine suffragio.

MUNICIPIORUM autem duo erant genera, quædam quæ omnia civitatis privilegia habebant præter suffragii lationem, quædam quæ civitatem ipsam cum suffragio obtinuerant. Primi omnium qui municipii facti sunt, sine suffragii latione fuerunt. Hi fuerunt Cærites. Hoc illis (inquit Gellius) concessum, ut civitatis Romanæ honorem quidem caperent, sed negotiis tamen atque oneribus vacarent, pro sacris bello Gallico receptis, custoditisque. Hinc tabule Cærites appellatæ versa vice, in quas censores referri jubebant, quos notæ causæ suffragio privabant. Idem tradit Aconius. De his municipiis loquens Sex. Pompeius ita scribit: Municipiis erant, qui quum ex aliis civitatibus Romam venissent (hoc est, ut ego interpretor, civitate donati essent) eis non licebat magistratum capere, sed tantum muneris partem. At Servius aiebat initio fuisse qui ea conditione cives Romani fuissent, ut semper remp. separatim a populo Romano haberent, qui æque cives Romani erant, & in legione merebant, sed dignitates non capiebant. Municipium id genus hominum dicitur, qui quum Romam venissent, neque cives Romani essent, participes tamen fuerunt omnium rerum ad munus fungendum una cum Romanis civibus, præterquam de suffragio ferendo, aut magistratu capiendo. Quæ autem ejusmodi municipia fuerint, paulo post exponam. Hi omnia civitatis privilegia præter suffragii lationem, & magistratus capessendi potestatem habebant. Municipiis vero cum suffragii jure omnia privilegia civium Romanorum urbem incolentium habebant præter curias, in quas, quemadmodum qui Romæ habitabant, distributi non erant, ac per hoc curiatis comitiis exclusi. De municipiis sic scribit Ulpianus libro II. Municipiis aut nativitas facit, aut manumissio, aut adoptio, & proprie quidem municipiis appellantur muneris participes, recepti in civitatem, ut munera nobiscum facerent. Ceterum omnium municipiorum cum jure suffragii primum fuit Tusculum. Quæ reliqua fuerint post aperiam.

C A P. VIII.

De jure coloniarum.

QUÆ autem coloniarum fuerint ex Gellio vidimus, quarum, ut idem inquit, conditio, quum majoris quam municipiorum obnoxia, & minus libera esset, potior tamen & præstabilior existimabatur, propter amplitudinem majestatemque populi Romani, cujus coloniarum quasi effigies parvæ erant; & simul quia obscura obliterataque erant municipiorum jura, quibus uti per ignorantiam nequibant. Deducendarum vero coloniarum mos a Romulo institutus frequentissimus apud Romanos fuit. Nam hostibus læscentibus victis, agrique & regionis parte multatis, in agris de eis captis, quo imperium Romanum stabilirent, vel novas urbes condebant, vel in antiquis conditas, veteribus incolis ex iis pulsas, novos ex urbe cives per III. viros ad id creatos eo deducebant, quotquot agro capto colendo sufficere possent, quem novis colonis dividebant. Hi statim in coloniam deducti novam administrandæ reip. rationem Romano more constituiebant. Nam ut Romæ erat populus &

senatus, sic hi novos colonos in decuriones & plebem dividebant; decuriones senatus, plebs populi Romani imaginem reſerebant: ex decurionibus lingulis annis duo vel quattuor viri creabantur juxta coloniarum magnitudinem vel parvitatem, qui II. viri vel IV. I.D. id est, juri dicundo vocabantur. Hi consulum Romanorum speciem repræsentabant. Creabantur insuper Aediles, qui viarum, ædificiorum publicorum, annonæ, & locandorum reddituum publicorum, item quæstor, qui ærarii publici curam habebat, atque hi erant præcipui coloniarum magistratus: in ceteris omnibus more, legibus, & institutis Romanis vivebant. Quorum coloniarum duo genera erant ut tradit Aconius, quædam civium Romanorum, & quædam Latinarum. Coloniarum civium Romanorum præter sacra omnia jura habebant quæ cives Romani obtinebant, quemadmodum & municipiis cum suffragii jure. Coloniarum vero Latinarum erant quæ jus Latii haberent. Quid autem jus Latii fuerit nunc exponam.

C A P. IX.

De jure Latii.

POPULUS Romanus sociis nominis Latini, quod a Tiberis ostiis Circeios usque se extendebat, antiquæ cognationis jure multa tribuit privilegia, quibus jus Latii contrinebatur: quorum antiquissimum fuit ut eo jure quod Latini a populo Romano habuissent, coloniarum omnes uterentur, quæ idcirco Latinarum dictæ sunt, quum colonias civium Romanorum deducere adhuc mos non esset; ad quarum postea discrimen quæ deduci cæptæ sunt, reliquæ tam antiquæ quam recentiores coloniarum, quæ civium Romanorum non essent, Latinarum dictæ sunt. Latii enim jus proxime ad civitatem Romanam accedebat; quod ut dixi multiplex fuit. Primo enim solis Latinis post cives Romanos in comitiis, ferendis suffragiis ii ab uno magistratu invitati essent, nec ab alio prohibiti, potestas erat. Qui quum in nulla tribu essent, sortitione opus erat, ut appareret in qua tribu suffragium ferrent. Hoc illis concessum fuisse in fœdere, quod cum iis idem fuisse Cicero pro Balbo scribit Sp. Cassio & Postumo Cominio eos. anno urbis CCLXI. liquet. De quo fœdere Dionysius libro VIII. ita loquentem Sp. Cassium introducit: Latinos Romanorum consanguineos, urbis tamen Romæ dominationem & gloriam iniquo semper animo ferentes in amicitiam adduxi, concessa eis civitatis administrandæ parte, ut jam non adversam sibi Romam vocent sed patriam. Et paulo post: Sp. Cassius quam plurimos potuit Latinorum & Hernicorum evocavit ad suffragium ferendum, qui frequentes conveniunt, ut propemodum plena peregrinis esset civitas; quo a Virginio animadverso, jussit per compita proclamari, ut omnes peregrini Roma exirent, dato ad id perexiguo tempore. Tum Cassius contra edicto jussit eos omnes in urbe manere, quibus concessa erat civitatis administrandæ pars, id est, suffragii ferendi jus, donec lex perlatæ esset. Ex quibus Dionysii verbis intelligi potest, fœdere concessam Latinis communem & parem cum Romanis reip. gerendæ curam. Ex Dionysii, & Livii libro XXV. verbis: Testibus datis tribuni populum summoceverunt; stellasque allata est, ut sortirentur ubi Latini suffragium ferrent: primum colligo, Latinos cum Romanis ferendi suffragii potestatem habuisse; neque enim fortitandum esset, ubi Latini suffragium ferrent, si omnino suffragio exclusi fuissent. Deinde id illis beneficio tantum, permissu & liberalitate eorum magistratum qui haberent comitia, licuisse. Quod ex C. Gracchi historia confirmatur, in qua legimus locos Latinos, urbe exire jussos, ne tum Romæ essent, quando legibus Gracchi ferendis tribus in suffragium vocarentur. Quo pertinet illud Ciceronis pro Sextio: Nihil acerbius sociis Latini ferre soliti sunt, quam id

quod perraro accidit, ex urbe exire a consulis juberi. Neque enim edicto consules tollere poterant, quod legibus contra cautum esset. Itaque si per leges Latini jus habuissent suffragii, nec consules suis edictis illos suffragio privare potuissent, nec Latinos legum praesidio munitis suo jure cedere passus esset C. Gracchus, ut contra quam legibus licitum esset suffragio privarentur focii, quos ipse evocasset. Si ergo id contra leges factum non est, a C. Fannio consule ut edicto juberet Latinos urbe exire, ne legibus Gracchi ferendis adessent, necessario efficitur Latinos in comitiis non habuisse jus suffragii, qui tamen Romanorum magistratuum benignitate admitti solebant, id tributum societati antiquae, & consanguinitati Latinorum, qui tum forte Romae essent, quum haberent comicia. Eos autem omnibus comitiorum generibus admitti solere, quum beneficii hoc esset, non juris, quod Latini admitterentur ad suffragium, nulla videtur causa, cur ceteris comitiis ea benignitas adstricta esset, praeterim quum Latinorum suffragium hoc modo in unam quandam tribum forte contractum nullius prope momenti futurum esset, quum interim magno honori id ducerent, quod suffragium cum civibus dicerent. Quamquam vero non conferrentur Romae Latini, sed in suis civitatibus, poterant tamen ad centurias se adjungere unius cujusdam tribus cui forte obtingissent, ut Latini in ea suffragium dicerent, ut cum primae classis centuriis hi suffragium ferrent, qui erant primi census apud Latinos, cum centuriis secundae classis, qui erant apud eos secundi census, & ita deinceps, aut vero in unam centuriam forte ductam omnes Latini nulla habita ratione census conjici, quomodo in tribus comitiis in unam tribum conjiciebantur. Sed quoniam haec probabiles potius conjecturae sunt, quam necessariae rationes, de his finem scribendi faciam. Antiquissimum igitur Latinorum jus erat, ut cum civibus Romanis ad suffragium ferendum admitterentur; qui quoniam in nulla certa tribu erant, antequam ad suffragium tribus vocarentur sortitio fiebat, in qua tribu suffragium dicturi essent. Alterum porro Latinorum jus erat, quod cives Romani viritum etiam fieri poterant; civitas enim eo jure aliis populis non patebat. Eam autem multis rationibus consequi poterant. Prima est cujus meminit Appianus libro II. bellorum civilium, ubi ait, Latinitatis jus hoc fuisse, ut cives Romani fierent, qui in Latinis coloniis magistratuum gessissent. Quamquam ergo Romani cives amitterent civitatem, si in Latinam coloniam nomina dedissent, ut docet Cicero pro Caelina, & pro domo sua, hoc tamen jure poterant in civitatem redire, si magistratuum in ea colonia Latina gessissent. Adjicit Cicero ibidem, quod qui cives Romani in colonias Latinas proficiscebantur fieri non poterant Latini, qui non erant auctores facti, nomenque dederant. Alia ratio erat de qua mentionem facit Livius lib. XLI. Lex focii nominis Latini qui stirpem ex se domi reliquissent, ac Romam ad habitandum venissent, dabat ut cives Romani fierent. Verba Livii sunt haec: *Moverunt senatum & legationes socium nominis Latini, quae & censores & priores consules fatigaverant, tandem in senatum introductae. Summa querelarum erat, cives suos Romae censos plerosque Romanos commigrasse, quod si permittitur, perpauca lustris futurum, ut deserta oppida, deserti agri, nullum militum dare possent. Genera autem fraudis duo mutande viritum civitatis inducenda erant. Lex socii nominis Latini qui stirpem ex se domi relinquerent, dabat ut cives Romani fierent. Ea lege male utendo, alii socii, alii populo Romano injuriam faciebant. Nam & ne stirpem domi relinquerent, liberos suos aliquibus Romanis in eam conditionem ut manumitterentur, mancipio dabant, libertinique cives essent; & quibus stirps deesset, quam relinquerent, cives Romani fiebant. Postea his quoque*

*imaginibus juris spretis promiscue sine lege, sine stirpe in civitatem Romanam per migrationem, & censum transibant. Haec ne postea fierent petebant legati, & ut redire in civitates juberent socios. Deinde ut lege caverent, ne quis quem civitatis mutande causa servum faceret, neve alienaret, & si quis ita civis Romanus factus esset, civis non esset: haec impetrata a senatu. Tertia item ratio fuit per legem Servilium, qua Latinis jus erat civitatem assequi in locum ejus quem accusando damnassent repetundarum. Hanc legem tulerat C. Servilius Glaucia ut docet Asconius pro Scauro. Hac lege duo Latini Tiburtes apud Ciceronem pro Balbo civitatem adepti sunt, quum duos senatores Caesium, & Maionem accusassent, & damnassent repetundarum. Quod vero ea lege Latini assequerentur civitatem his verbis eo loco ostendit Cicero: *An accusatori majores nostri majora premia, quam bellatori esse voluerunt? Quod si acerbissima lege Servilia principes viri ac gravissimi & sapientissimi cives hanc Latinis id est federatis viam ad civitatem populi jussu patere passi sunt* &c. Alias vero etiam leges fuisse, quibus Latinis praemii loco civitas propolita esset, paulo post idem Cicero indicat iis verbis: *Nam fundos igitur factos populos arbitramur, aut Servilia lege, aut ceteris quibus Latinis hominibus erat propositum aliqua ex re premium civitatis?**

Refertur ab Ulpiano in titulo III. quoddam libertorum genus, qui Latini Juniani appellabantur Latii jus lege Junia Norbana sub Augusto adepti, quos civitatem Romanam, & jus Quiritium multis modis adipisci posse scribit. In his erant, beneficio principis, liberis, iteratione, militia, nave, aedificio, pistrino, & si ter mulier enixa fuerit. Hi dum viverent, quamquam se quasi pro civibus gererent, tamen jus testamenti faciendi non habebant, & dominus eorum morientium haereditatem capiebat, nisi prius jus civitatis vel Quiritium adepti essent. Jus autem Quiritium idem fere quod jus civium Romanorum esse existimo, ab Augusto excogitatum, quo antiquos cives Romanos & nobiles a novis civibus libertinis & peregrinis discerneret, qui civitate donati, jus quidem civitatis Romanae habebant, sed non jus Quiritium, quod erat paulo excellentius; puta, tanto tributo non gravi, eadem privilegia habere, quae vetustissimi cives urbem incolentes haberent. Nam post legem Juliam qua Italiae omni civitas data est, & omnibus aequata suffragia, ut cives Romani novi & inferioris gradus a vetustissimis privilegiis, & dignitate discernerentur, his vocibus jure Quiritium, & civitate Romana, ab aliquo imperatorum distincti sunt. Jus ergo Quiritium erat aliquid dignius quam civitas Romana; nam quibusdam libertis civitatem Romanam apud Plinium in epistolis, a Trajano concedi legimus, jus vero Quiritium non. Item quibusdam civibus Romanis jam factis jus Quiritium addi. Quae tamen differentia ante Caesaris dictaturam non inveniri opinor, quum civis Romanus cum suffragio factus perfectio & optimo jure civis esset. Ceterum post Augusti tempora de his rebus verba facere haud operae pretium esse existimo, quum ea omnia, ut reliqua urbis Romae instituta corrupta fuerint, & deformata. Atque haec sunt quae de jure Latii, populis & coloniis Latinis qui eodem jure utebantur inveniri.

C A P. X.
De Praefecturis.

ERAT & aliud civium genus, qui in Italiae praefecturis manebant, deteriori quam municipia & coloniae jure utentium, quorum discrimen a reliquis intelligitur, si quid essent praefecturae explicavero. Erant igitur praefecturae, oppida Italiae, in quibus qui habitabant, nec suis legibus, ut municipes vivebant, nec ullos de suo corpore magistratus creare poterant, ut coloni, sed a magistratibus Romanis missis regebantur.

iis legibus quas Romanus magistratus dixisset, quibus quoniam præfectus vocabatur, idcirco præfecturæ dicebantur. Hujus generis erat Capua post bellum Punicum secundum, ante coloniam eo a Cæsare deductam, ut constat ex II. oratione in Rullum, & ex Livio lib. xxvi. ubi ita de Capua scribit: *De urbe agroque reliqua consultiatio fuit, quibusdam delendam censentibus urbem prævalidam, propinquam, inimicam. Ceterum præsens utilitas vicit. Nam propter agrum, quem omni fertilitate terræ satis constabat primum in Italia esse, urbi servata est, ut esset aliqua aratorum sedes. Urbi frequentanda multitudo incolarum libertinorumque, & infirmorum opificumque retenta. Ager omnis & tellus publica populi Romani facta. Ceterum habitari tantum, tanquam urbem Capuam, frequentarique placuit, nullum corpus civitatis, nec senatus, nec plebis concilium, nec magistratus esse. Sine consilio publico, sine imperio, multitudinem nullius rei inter se sociam ad consensum inhabilem fore. Præfectum ad jura reddenda Roma quotannis missuros. Quibus igitur oppidis Italiæ hujus generis præfecti Roma missi jus reddebant, præfecturæ dicebantur. De præfecturis sic scribit Sex. Pompejus: Præfecturæ hæc appellantur in Italia, in quibus & jus dicebatur, & mundine agebantur, & erat quedam earum res publica, neque tamen magistratus suos habebant. In quas legibus præfecti mittebantur quotannis qui jus dicerent. Quarum genera fuere duo, alterum in quas solebant ire præfecti decem populi suffragio creati, & erant hæc oppida: Capua, Cumæ, Casilinum, Vulturnum, Linternum, Pitucoli, Acerræ, Suessula, Atella, Calatia. Alterum in quas prætor urbanus quotannis in eas præfectos ex legibus mittebat, ut Fundi, Formiæ, Cere, Vespertinum, Allifæ, Privernum, Anagnina, Freges, Reate, Saturnia, Nursia, Arpinum, & alia complura. Præfecturæ igitur deteriore quam coloniarum conditione erant. Quæ vero neque municipia, neque colonie, neque præfecturæ erant oppida, hæc federatæ civitates vocabantur, ut Tibur, & Præneste in Latio, Neapolis, & pleraque aliæ, quæ suis legibus, & magistratibus vivebant, diversique fuerant aut sponione, aut patrone vario jure amicitiam cum populo Romano contraxerant. Aliquæ enim erant omnino liberæ, aliquæ veditæ, aliquæ stipendiariæ, aut plus vel minus gravatæ, ut populo Romano visum fuisset. Atque Italia omnis in horum civium & oppidorum genera ante legem Juliam, & bellum Maricum divisa fuit, nullum enim præterea supererat civium vel oppidorum genus, quorum quædam dicebantur fundi populi. Quod quidem nomen discriminis non est, quemadmodum liberorum & stipendiariorum, sed hi fundi populi dicebantur, auctore Cicerone, qui quotiescunque Romæ lex aliqua fieret, quæ de jure publico non esset, sed de rebus privatis, ut de testamentis, vel de mancipiis, eam susceperant tanquam propriam susceperit; hoc idem de municipiis dicit Cælius. Adhuc Cicero pro Balbo, quod qui fundi populi facti non essent, civitatem non haberent, in qua magna contentio Heraclensium, & Metapontinorum fuit. Hæc igitur omnia quæ de Italiæ municipiis, coloniis, præfecturis, & oppidis federatis, itemque varii generis & juris civibus Romanis dixi, tantum ante bellum Maricum, & legem Juliam locum habent, quæ quum Italiæ omni civitas data fuisset, omnes pari jure in civitatem accepti sunt. Hoc autem ex eo liquet, quod omnes in comitiis centuriatis jus tempore Ciceronis habent. Quod ipse ostendit in oratione post reditum ad Quirites, ubi de comitiis centuriatis quibus ab exilio revocatus est loquens, ita scribit: Nullus in eorum reditu motus municipiorum, & coloniarum factus, at me in patriam ter suis decretis Italia cuncta revocavit. Et pro Sex-*

Alto: Nullum erat Italiæ municipium, nulla colonia, nulla præfectura, nulla Romæ societas, nullum collegium, aut concilium, aut aliquod omnino commune consilium, quod tum non honorificentissime de mea salute decrevisset. Quod idem ex multis aliis ejus locis pro Muræna, pro Sulla, & pro Plancio intelligi potest. Nam quod Tranquillus in Cæsare scribit, ipsum quæstura finita colonias Latinas de civitate petenda agitantibus adfuisse, de Transpadanis intelligi debet, quibus bello Marico, quum Italiæ omni usque ad Rubiconem & Arnun, item Galliæ Cispadanæ civitas lege Julia data esset, a Pompeio Strabone, ut in officio continerentur, jus Latii datum fuerat. Quibus postea Cæsar dictator factus addidit, ut existimo, Insulubris, Liguribus, Venetis & Carnis, id est, universæ Galliæ Transpadanæ civitatem Romanam dedit. Quum vero a III. viris Italia ad Varum, & Arriam fluvios Liguriæ & Istriæ promota fuisset, iis omnibus jus civitatis etiam datum est. Quamquam porro municipia, coloniarum, & præfecturæ omnes æquo jure civitatem adeptæ essent, sæpeque deinde omnia hæc nomina confunduntur, quum quæ fuerant coloniarum, & præfecturæ a Cicerone præsertim, & aliis illorum temporum scriptoribus municipia appellantur, retinuerunt tamen vetustatis memoria antiqua nomina: & veterem reip. rationem non mutarunt. Hæc itaque sunt, quæ brevissime de jure civitatis Romanæ in vetustis auctoribus collegi.

C A P. XI.

De coloniis.

QUUM abunde supra, quot coloniarum genera, quæ earundem jura, atque quod inter eas, municipia, & præfecturas discrimen fuerit demonstraverim, nunc quo imperium Romanum, quod hoc libro describendum suscepimus, illustrius quantum in me est & clarius reddam, res ipsa postulare videtur, ut coloniarum omnium seriem, quæ a Romulo rege usque ad Imperatorem Cæsarem Vespasianum Augustum intra Italiam, ex S. C. vel populi jussu deductæ fuerint digeram: ita enim quod mihi ipsi constitui facile consequi potero.

I. Colonia Cæcina Aboriginum.

Prima omnium colonia a Romulo facta est bello primo Sabino Cæcina Græci generis non ignobilis urbs. Trecenti eo deducti cives coloni fuerunt, anno ab urbe condita IIII. Dionysius lib. II.

II. Colonia Antennæ Aboriginum.

Hæc eodem anno quo Cæcina bello primo Sabino finito colonia a Romulo deducta fuit. Urbs fuerat Græcorum Aboriginum, qui Siculos expulerant, quemadmodum Cæcina. Trecenti eo etiam cives coloni deducti anno urbis conditæ IIII. Dionysius lib. II.

III. Colonia Crustumium Albanorum.

Crustumium, quæ antea colonia Albanorum fuerat eodem bello victa a Romulo Romana colonia facta fuit anno urbis IIII. Dionysius lib. II. & III.

III. Colonia Medullia Latinorum.

Medullia aliæque urbes Latine auditæ Romuli virtute se ipse ei tradiderunt, suntque hæc colonie Romanæ factæ anno urbis V. Dionysius lib. II. & lib. III. Medullia olim colonia a Romulo deducta ad suos defecit sub Tullo Hostilio rege.

V. Colonia.

Ex Dionysio. Cum Medullia deducta anno urbis V.

VI. Colonia Cameria Albanorum.

Romulus & Tatiæ reges quum bello Camerinorum vicissent, Cameriam, quæ colonia Albanorum fuerat, coloniam Romanam deduxerunt, anno urbis conditæ V.

VII. Colonia Fidenæ Albanorum.

Romulus Fidenatibus insigni prelio superatis, urbeque eorum capta, Fidenas coloniam Romanam fecit Idibus Aprilis anno urbis XIII. duobus millibus & quingentis colonis eo deductis. Hæc urbs olim Albanorum colonia fuerat, deducta a maximo natu ex tribus fratribus Albanis, quorum alter Crustumerium, alter Nomentum colonias fecerant. Dionysius lib. II. & Plutarchus. Livius vero lib. III. A. Cornelio Cosso, T. Quinctio Penno cos. anno urbis CCCXXVI. Fidenis colonorum additus numerus, agerque iis bello interemptorum assignatus. Biennio vero post, novi coloni a Fidenatibus occisi urbi excidium attulerunt.

VIII. Colonia Ostia.

Anco Marcio rege silva Mensia Veientibus adempta, usque ad mare imperium prolatum, & in ore Tiberis Ostia colonia condita, Dionysius libris I. & III. Livius libro I. Item lib. XXVII. Ea die hi populi in senatum venerunt, Ostiensis, Alsensis, Antias, Anxuræ, Minturnensis, Sinuessanus, & a supero mari Senensis. Quum vacationes suas quisque populus recitaret, nullius, quum in Italia hostis esset, præzer Antiatem Ostiensisque vacatio observata est. Et earum Coloniarum juniores jure jurando adacti, supra quadraginta non pernoctaturos se esse extra mœnia sue colonie, donec hostis in Italia esset. Idem libro XXXVI. Senatus decrevit vacationem rei navalis his colonis non esse. Ostia & Fregene, & Castrum novum, & Pyrgi, Antium, Tarracina, Minturnæ, & Sinuessæ fuerunt. Florus ex Livio LXXIX. Ostiam colonia Marius expugnavit, & crudeliter diripuit. De hac quoque colonia mentionem faciunt Eutropius lib. I. Plinius libro III. cap. V. & antiquus lapis ita.

DECVRIONI. SPLENDIDISSIMAE COLONIAE. OST

IX. Colonia Latina Signia.

Superbus Tarquinius colonias deduxit Signiam, & Circeios. Illam casu, dum milites castris hybernis retinet; Circeios ductus loci opportunitate. In qua Titum, in illa Sextum filios præfecit. Dionysius libro III. Et Livius libro I. Tarquinius Superbus rex Signiam, Circeiosque colonos misit præfida urbi futura, terra marique. Et libro II. Ap. Claudio, & P. Servilio cos. anno urbis CCLVIII. Signia colonia, quam rex Tarquinius deduxerat, suppleto numero colonorum iterum deducta est. Sex. Julius Frontinus in libro de coloniis: Signia muro ducta colonia a militibus & III. viris munita. Iter populo non debetur. Ager ejus militibus Augusteis in nominibus est assignatus. Hæc una ex XIII. coloniis bello Punico secundo populo Romano fidelibus fuit. Quam enim XXX. tum essent colonie populi Romani, XII. ex his negaverunt esse, unde milites pecuniamque darent. XIX. vero colonie milites ex formula paratos esse, & si pluribus opus esset plures daturus, & quicquid aliud imperaret velletque populus Romanus, enixe facturos pollicita sunt. Ne nunc quidem post tot secula fideantur, fraudulenturve laude sua, Signiani fuere, & Norbani, Saticulani, Brundusini, Fregellani, Lucerini, Venufiani, Adriani, Firmiani, & Ariminenses; & ab altero mari Pontiani, Paestani, & Cosiani; & mediterranei Beneventani, Ælernini, Spoletani, Placentini, & Cremonenses. Harum coloniarum subsidio tum imperium populi Romani fletit: ita Livius lib. XXVII. De hac colonia Strabo lib. V. & vetus hæc inscriptio meminerunt.

L. VOLVMNIO. L. F. POMP. IVLIANO SEVERO. IIII VIRO. COL. SIGN PATRONO. COLONIAE. SVAE SENATVS. POPVLVSQ. SIGNINVS

X. Colonia Latina Circei.

Hujus colonie præter supra citata auctorum loca meminerunt Cicero libro III. de natura deorum: Circei (inquit) coloni nostri Circeienses religione colunt. Dionysius lib. VIII. ubi Coriolani exulis Romani facta contra Romanos describit. item Livius libris II. XXVII. & XXIX. & Plutarchus in Coriolano. Hæc autem sunt sub regibus deductæ colonie.

XI. Colonia Ecetræ.

Ap. Claudio & P. Servilio cos. anno urbis CCLIX. Volscis a Servilio victis in agrum de iis captum Ecetras colonos missos fuisse tradit lib. VI. Dionysius, quos quum Aurunci pellere voluissent, bellum Romanum in se converterunt.

XII. Colonia Velitræ.

Bello Volco anno sequenti, postquam Ecetræ colonia facta fuerat, A. Virginio, T. Vetulio cos. Volsci devictis Veliternus ager est ademptus, Velitras coloni ab urbe missi, & colonia deducta. Ita Livius libro II. Idem: T. Geganio & P. Minucio cos. Velitris auxere numerum colonorum Romani. Et Dionysius lib. VII. Idem cos. iterum coloni missi III. viris creatis Velitras Volcorum urbem. Frontinus de coloniis. Velitræ oppidum lege Sempronia fuerat deductum, postea Claudius Cæsar agrum ejus limitibus Augusteis censum militibus assignari jussit.

XIII. Colonia Norba.

T. Geganio P. Minucio cos. anno urbis CCLXII. Norbam in montes novam coloniam, quæ arx in Pomptino esset, miserunt. Dionysius lib. VII. Norbam deducta colonia Latinorum urbem non incelebrem. & Livius lib. VII. Privernates etiam Norbam atque Setiam finitimas colonias Romanas incursione subita depopulati sunt. Idem de ea lib. XXVII. scribit.

XIII. Colonia civium Romanorum Antium.

D Livius lib. III. Ti. Emilio II. & Q. Fabio cos. anno urbis CCXXCVI. Antium coloniam deduxere III. viri T. Quinctius, A. Virginius, & P. Furius. Idem: A. CCXC. A. Postumio Albo, Sp. Furio cos. colonia Antium suspecta ad Æquos transisse. Et libro VIII. L. Furio Camillo, C. Menio cos. anno CDXVI. Antium nova colonia missa, cum eo ut Antiatis permitteretur, si & ipsi adscribi coloni vellent. Naves inde longe abactæ, interdictionemque mari Antiatis populo est, & civitas data. Hæc omnium prima ex Latina, civium Romanorum colonia facta est. Frontinus: Antium populus deduxit, iter populo non debetur. Ager ejus in lacinis est assignatus. Tranquillus in Nerone cap. IX. Antium coloniam deduxit adscripti veteranis e prætorio, additisque per domicilii translationem ditissimis primipilarum, ubi & portum operis sumptuosissimi fecit. Hoc anno urbis DCCCIII. Nerone III. & Cosso Cornelio cos. factum fuisse tradit libro XV. Tacitus, ubi ita eo anno ait: Veterani Terentum, & Antium adscripti. Plinius lib. III. cap. III. In Latia (inquit) quondam Approdisum, nunc Antium colonia. Florus ex Livio in epitoma libri XX. C. Marius Antium, Ariciam, & Lavinium colonias devastavit. De ipsa colonia Livius libris XXVI. & XXXVI. meminit.

Colonia XV. Vitellia.

Quo potissimum anno colonia in Æquos deducta fuerit Vitellia ab auctoribus non traditur. Ego eam domitis Æquis prædij causa circa annum urbis CCXCV. factam fuisse opinor, quo tempore, aliquot de victis Æquis triumphum primum acti sunt. Hujus colonie Livius libro V. L. Lucretio Flavio, & Ser. Sulpicio Camerino anno urbis CCCLXI. ita meminit: Vitelliam coloniam Romanam in suo agro Æqui expugnant. Vitelliam etiam coloniam Tranquillus in Vitellio capite primo commemorat.

Colonia XVI. Latina Ardea.

M. Fabio Vibulano, Postumo Æbutio Cornicene cos. anno urbis CCCXII. S. C. factum, ut quoniam civitas Ardeatino tumultu redacta ad paucos esset, coloni eo prædij causâ adversus Volcos scriberentur. Hoc palam relatum in tabulas, ut plebem tribunisque falleret, iudicii rescindendi consilium initum. Conferantur autem, ut multo maiore parte Rutulorum colonorum, quam Romanorum scripta, nec ager ullus divideretur, nisi is qui interceptus iudicio infami erat, nec ulli prius Romano ibi, quam omnibus Rutulis divisus esset, gleba ulla agri assignaretur. Sic ager ad Ardeates rediit. Triumviri ad coloniam Ardeam deducendam creati Agrippa Menenius, T. Clælius Siculus, M. Æbutius Elva. ita Livius lib. III. Frontinus de coloniis: *Ardea oppidum Imp. Hadrianus censuit. Iter populo non debetur, ager ejus in lacineis est assignatus.* Livius libro XXVII. Q. Fabio Maximo V. Q. Fulvio Flacco III. cos. XXX. (inquit) tum colonie populi Romani erant. Ex his XII. quum omnium legationes Romæ essent, negaverunt consulibus esse unde milites pecuniæque darent. Hæ fuerunt Ardea, Nepes, Sutrium, Circeii, Alba, Carsoli, Suessa, Sora, Setia, Cales, Narnia, Interamna. Eisdem lib. XXX. Livius colonias Latinas vocat, quas ob id punitas refert acerbioris defectu, & censu, tributoque stipendij nomine indicto.

Colonia XVII. Lavici.

Livius lib. IV. Anno urbis CCCXXXVI. senatus frequens censuit, coloniam Lavicos deducendam, coloni ab urbe mille & quingenti missi, bina jugera acceperunt. Lavici oppidum in Latio Præneste versus erat, a quo via Lavicana, quod Cicero pro Plancio municipium vocat. Hæ vero sunt colonie omnes populi Romani deductæ post reges exactos ante urbem a Gallis Senonibus captam CXX. annorum intervallo, quas, ut opinor, Sex. Pompeius præfatus Latinas colonias vocat, ut distinguerentur a novis, quæ postea a populo deductæ sunt.

Colonia XVIII. Satricum. C. R.

Livius libro VI. Anno urbis CCLXX. Largitor voluntarius repente senatus factus Satricum coloniam duo millia civium Romanorum deduci iussit, bina jugera, & semisses agri assignati. Hæc colonia in Latio fuit, ut idem Livius tradit.

Colonia XIX. Latina Sutrium, alias Julia Sutrina.

Paterculus libro I. Post septem annos quam Galli urbem ceperunt (is fuit annus urbis CCLXXI.) Sutrium deducta colonia est, & post annum Setia. Festus Sutrium municipium sui juris vocat. Frontinus: *Colonia Sutrium ab oppidanis est deducta ante limites, &c. Plinius libro III. cap. V. in regione VII. Tuscia colonie Ruscellana, Senensis, Sutrina.* De hac colonia Livius libris XVII. & XXIX. & vetusta hæc epigrammata meminerunt.

PONTIFICES. A. COLONIA
CONIVNC. IVLIA. SVTRINA
item
Q. FLAVIVS. Q. F. POLLINVS
PONT. COL. SVTRINAE

Colonia XX. Latina Setia, alias Sætina.

Hæc Vellejo auctore anno post Sutrium colonia facta est. Frontinus: *Setia muro ducta colonia, triumphali lege est munita, iter populo debetur P. XXXV. Ager ejus in absoluto ex occupatione a militibus tenebatur.* De hac Livius libris VII. XXVII. & XXIX. mentionem facit.

Colonia XXI. Latina Nepes.

Paterculus lib. I. Post septem annos quam Galli urbem ceperunt, Sutrium deducta colonia est, & post annum Sætina, novemque interjectis annis Nepes; igitur fuit annus urbis CCCXXCI. Frontinus de colo-

niis: *Colonia Nepensis, alias Nepi, eadem lege servatur, qua & ager Faliscorum.* Nepes autem legendum esse ex Prisciano liquet. Hanc coloniam Livius libris XXV. & XXIX. commemorat, & Festus municipium sui juris fuisse refert.

Colonia XXII. Latina Cales Ausonum.

Livius lib. VII. M. Valerio Corvo IV. & M. Atilio Regulo cos. anno urbis CDXX. Ti. Veturius, Sp. Postumius cos. designati, retulerunt de colonia Cales deducenda. Factoque S. C. ut duo millia quingenti homines eo scriberentur III. viros colonie deducende, agroque dividendo creaverunt K. Duilium, T. Quintium, & M. Fabium. Paterculus lib. I. Sp. Postumio, Veturio Calvino cos. Cales deducta colonia. De ea Livius libris XXVII. & XXIX. scribit. Hanc coloniam Cicero in Rullum municipium vocat.

Colonia XXIII. Anxur Tarracina.

Livius lib. VIII. L. Æmilio Mamercino, C. Plautio Deciano cos. anno urbis conditæ CDXXV. Anxur trecenti in coloniam missi sunt bina jugera agri acceperunt. Paterculus libro I. Insequentibus consulibus Sp. Postumio, & Philone Publicio censoribus Aceranis data civitas: & post triennium Tarracinas deducta colonia. De eadem Livius libris XXVII. & XXXVI. & vetustæ hæc inscriptiones mentionem faciunt.

ROMAE. ET. AVGVSTO. CAESARI
DIVI. F. COLONIA. ANXVR

Item

TI. IVLIO. TI. F. STEL. PAETINO
BASSIANO. PATRONO. COLON

Colonia XXIV. Fregelle Volscorum.

Livius libro VIII. P. Plautio Proculo, P. Cornelio Scapula cos. anno urbis CDXXVI. Fregellas, Signorinum is ager, deinde Volscorum fuerat, colonia deducta. De eadem libris XXVII. & XXIX. meminist.

Colonia XXV. Luceria Samnitium.

Livius lib. IX. M. Pætelio Libone, C. Sulpicio Longo III. cos. Luceriam colonia deducta, duo millia & quingenti coloni missi; erat annus urbis CCCXLI. Paterculus lib. I. eam decennio ante deductam fuisse scribit sic: *Post triennium Tarracinas deducta colonia, interposito quadriennio Luceria; fuit is annus urbis CDXXIX. Plinius lib. III. cap. II. Dauniorum præter supradicta colonie Luceria, Venusia. Polybius lib. III. Bello Punico secundo Hannibal Dauniam populatur, & in ea coloniam Romanam Luceriam.* De eadem Livius libris XXVII. & XXIX.

Colonia XXVI. Latina Suessa Aurunca.

Livius libro IX. L. Papirio Cursore V. C. Junio Bubulco II. Cos. anno CDXLI. Suessa & Pontia colonie deductæ sunt. Suessa Auruncorum fuerat. Paterculus libro I. Ac deinde interjecto triennio Suessa Aurunca, & Saticula. Frontinus. Suessa, quæ & Aurunca dicitur, muro ducta, lege Sempronia est deducta. Iter populo non debetur, ager ejus pro parte limitibus intercessit, & in lacineis est assignatus. Plinius lib. III. cap. I. In regione prima Italia ex descriptione Augusti colonie Capua, Aquinum, Suessa, Venafrum. Hanc coloniam Cicero in Rullum municipium vocat. De hac Livius libris XXVII. & XXIX. & vetusta hæc epigrammata meminerunt.

IN. COLONIA. SVESSA
ET. ORDO. DECVRIONVM
ET. AVGVSTALIVM. ET
PLEBS. VNIVERSA

Colonia XXVII. Saticula.

Paterculus lib. I. Interposito quadriennio Luceria, ac deinde interjecto triennio Suessa Aurunca, & Saticula. Anno urbis DDXLI. Sex. Pompejus; in Sati....

in Samnio captum est, quo (postea coloniam) eam deduxerunt III. viri M. Valerius Corvus, Junius Scaeva, P. Fulvius Longus ex S. C. Kal. Januariis L. Papirio Cursore, C. Junio II. cos. De eadem Livius lib. XXVII. & XXIX.

Colonia XXVIII. Pontia.

Hæc eodem anno, quo Sueffa, auctore Livio, colonia deducta est. Qui ita ait: Sueffa & Pontia colonie deductæ sunt. Volsci Pontias insulam sitam in conspectu littoris sui incoluerant. De eadem meminit libro XXVII.

Colonia XXIX. Latina Interamna.

Paterculus lib. I. Interjecto triennio, Sueffa Aurunca, & Saticula, Interamnaque post biennium. Livius libro X. Interamnæ & Cassinum, ut deducerentur colonie S. C. factum est. Sed triumviros creare, ac misere colonorum quattuor millia insequentes consules M. Valerius, P. Decius: anno urbis CDXLII. Idem libro X. L. Postumio Megello, M. Atilio Regulo cos. Samnites Interamnæ coloniam Romanam, que via Latina est, occupare conati. Fuit enim & aliud oppidum Interamna in Umbria. De eadem Livius libris XXVII. & XXIX. & vetus hæc inscriptio meminerunt.

P. TVRCIO. P. F. STEL. SEVERO
II. VIRO. CVRAT. REIP. INTERAMNAT
LIRIN. EORVMDEM. PATRONO. COL
CASSINATES

Colonia XXX. Cassinum.

Eodem anno, quo Interamna, deducta colonia fuit Cassinum, ut tradit Livius; quam Cicero pro Plancio municipium vocat. De qua in vetustis hisce inscriptionibus mentio est.

CVRATORI. REIPVBL
COL. CASSINATIVM

item

L. LVCCEIO. L. F. PAL. VMMDIO
SECVNDO. DECVR. PATRONO. COL

Colonia XXXI. L. Sora.

Livius libro X. L. Genucio, Ser. Cornelio cos. anno urbis CDLI. Soram atque Albam colonie deductæ. Sora agri Volsci fuerat, sed possederant Samnites: eo quattuor millia hominum missa. Paterculus lib. I. Decem deinde hoc munere anni vacaverunt. Tunc Sora atque Alba deductæ colonie. Frontinus de coloniis: Sora muro ducta colonia, deducta jussu Cæsaris Augusti, iter populo debetur pedum XV. Ager ejus limitibus Augustis veteranis est assignatus. Plinius lib. III. cap. V. Regio ea a Tiberi prima Italiæ servatur ex inscriptione Augusti. Intus colonia, Capua, Aquinum, Sueffa, Venafrum, Sora, Tbeanum. De eadem Livius libris XXVII. & XXIX. Soram Cicero pro Plancio municipium nominat.

Colonia XXXII. L. Alba.

Livius libro X. Soram & Albam colonie deductæ. Albe in Aequos sex millia colonorum scripta. Florus ex Livio in epitoma libri LXXII. Afernia & Alba colonie ab Italicis obsessæ sunt. De eadem Livius libris XXVII. & XXIX.

Colonia XXXIII. L. Carsoli.

Livius lib. X. M. Livio Dentre, C. Aemilio cos. anno urbis CDLII. Marforum agrum vi tueri, in quem colonia Carsoli deducta erat, quattuor millibus hominum scriptis. Velleius libro I. Sora atque Alba deductæ colonie, & Carsoli post biennium. De eadem Livius libris XXVII. & XXIX.

Colonia XXXIV. L. Narnia Nequinum.

Livius lib. X. M. Fulvio Petino, T. Manlio Torquato cos. anno urbis CDLV. Nequinum in dedicationem populi Romani venit, colonia eo adversus Umbros missa, a flumine Narnia appellata. Plutarchus in T. Quinctio: Colonias deduxit ante consulatum Narniam, & Consam. De eadem libris XXVII. & XXIX.

Colonia XXXV. Sinuessæ.

Livius lib. X. Tum de presidio regionis depopulatæ a Samnitibus agitari ceptum. Itaque placuit, ut duæ colonie circa Vestinum, & Falernum agrum deducerentur. Una ad ostium Liris fluvii, quæ Minturnæ appellata, altera in saltu Vestino, Falernum contingente agrum, ubi Synope dicitur Græca urbs fuisse; Sinuessæ deinde ab colonis Romanis appellata. Tribunis plebis negotium datum est, ut plebsiito juberetur P. Sempronius prætor triumviros in ea loca colonis deducendis creare. Nec qui nomina darent facile inveniebantur, quia in stationem se prope perpetuam infestæ regionis non in agros mitti rebantur. Hoc autem Ap. Claudio II. & L. Volumnio II. cos. factum est anno urbis CDLVIII. Eas vero non nisi anno sequenti deductas his verbis refert Velleius. At Fabio V. & Decio Mure IV. cos. quo anno Pyrrhus regnare cepit Sinuessam, Minturnæque missi coloni. De colonia Sinuessæ Livius lib. XXVII. & XXXVI.

Colonia XXXVI. Minturnæ.

Hæc, Livio & Velleio auctoribus, eodem anno quo Sinuessæ colonia deducta est. De qua sic scribit Frontinus: Minturnæ muro ducta colonia, deducta a C. Cæsare. Iter populo non debetur, ejus ager pro parte in jugeribus est designatus, ceterum in absoluto est relictus. Plinius lib. III. Colonia Minturnæ Liri amne divisa, Glanico appellato, Oppidum Sinuessæ extremum in adjecto Latio. De hac colonia Cicero pro Plancio. Dionysius lib. I. Livius libris XXVII. & XXXVI. & Ptolomæus mentionem faciunt.

Colonia XXXVII. Venusia.

Paterculus lib. I. Sinuessam Minturnasque coloni missi. Post quadriennium Venusiam. Anno urbis CDLXIII. Livius lib. XXXI. P. Sulpicio Galba II. C. Aurelio Cotta cos. Anno urbis DLIV.) III. Viri creati ad supplendum Venusinis colonorum numerum, quod bello Hannibalis attenuatæ vires ejus colonie essent; C. Terentius Varro, T. Quinctius Flaminius, P. Cornelius Cn. F. Scipio. Hi colonos Venusiam adscripserunt. Plinius lib. III. cap. XI. Dauniorum præter supradictas colonia Venusia. De eadem Livius lib. XXVII.

Colonia XXXVIII. Sena.

Florus ex Livio: Colonie deductæ sunt Castrum, Sena, Hadria anno CDLXV. Hoc ego magis factum fuisse puto anno urbis CDLXXI. quo Senonibus a P. Dolabella ad internecionem caelis, hæ in eorundem agris colonie deductæ sunt. Hanc autem in Senonum agro supero mari adjacentem deductam fuisse, sic ex Livio lib. XXVII. intelligitur: C. Claudio Nerone, M. Livio Salinatore II. cos. Colonos maritimos, qui sacrosanctam vacationem dicebantur habere, dare milites cogebant nullius observata. Ostiensis, Alifensis, Antias, Anxuræ, Minturnensis, Sinuessanus, & a supero mari Senensis. De colonia Senensis mentionem facit Tacitus lib. XXI.

Colonia XXXIX. Hadria.

Hæc eodem anno quo Sena deducta colonia fuit, auctore Livio, de qua idem etiam meminit libro XXVII.

Colonia XL. Cossa, alias Consa.

Paterculus lib. I. Cossam & Pæstum Fabio Dorso, & Claudio Canina anno urbis CDXXXI. colonia deductæ. Florus ex Livio in epitoma libri XIV. colonia deducta sunt Possidonia & Consa. Plinius

libro III. cap. V. In regione VII. Etruriae ab eo tractu Umbria, portusque Telamon, Cossa Volcentium a populo Romano deducta. Victi enim aliquot annis antea fuerant Volcienes & Vulturnenses a Ti. Coruncanio, de quibus etiam triumphavit. Livius lib. XXXIII. L. Furio Purpureone, M. Claudio Marcello eos. Cossanis postulanti ut sibi colonorum numerus augeretur, mille adscribi iussit, dum ne quis in eorum numero esset, qui post L. Cornelium, & Ti. Sempronium eos hostis fuisset. Plutarchus in T. Quinctio refert, eum adulescentem & Narniam & Cossam colonias deduxisse. Cossam Cicero in Verrem municipium vocat. De eadem Livius lib. XXVII. Hæc nostra ætate Orbetellum dicitur.

Colonia XLI. Pæstus, alias Possidonia.

Pæstus, quæ & Possidonia dicta est, eodem anno quo Cossa colonia deducta fuit, ut ex Velleio & Livio vidimus. De ea etiam ita scribit Livius lib. XXVII. Et ab altero mari Pontiani, Pæstani, & Cossani. Strabo lib. V. Picentes ex Hadria Romani coloni in Possidoniæ finem deduxerunt. Urbs Possidonia in Possidoniæ finem collocata ab Sybaritibus, quos Lucani, Lucanos Romani expulserunt. Insalubris urbs ob annem in paludes diffusum.

Colonia XLII. Ariminum.

Florus ex Livio libro XV. Colonia deducta Ariminum in Piceno, Beneventum in Samnio, Paterculus lib. I. P. Sempronio Sopho & Appio Cæci F. cor. anno CDXXCL Ariminum & Beneventum coloni missi. Strabo lib. V. Ariminum Umbriorum colonia, ut Ravenna, utraque Romanos habet inquilinos. Plinius lib. III. cap. XV. Octava regio determinatur Arimino, Pado, Apennino. In ora fluvius Crustumium, Ariminum colonia, cum annibus Arimino, & Aprusa. Fluvius hinc Rubicon quondam finis Italie. Eutropius lib. II. P. Sempronio Sopho, & Ap. Claudio cor. condita a Romanis civitatibus, Ariminum in Gallia, Beneventum in Samnio. De eadem colonia Cicero pro Cæcinnâ, Livius libro XXVII. & XXIX. & vetus hæc inscriptio meminerunt:

PATRONO. COL. AVG. ARIMIN

Colonia XLIII. Beneventum Concordia.

Hæc colonia eo anno quo Ariminum, Livio, Velleio, & Eutropio auctoribus, deducta est. De qua sic scribit Frontinus in libro de coloniis: Beneventum muro ducta colonia, Concordia dicta, deduxit Nero Claudius Cæsar, iter populo non debetur, ager ejus lege III. virali veteranis est assignatus. Caudium alias Caudium oppidum muro ductum, iter populo debetur pedum L. a Cæsare Augusto colonia Beneventane, cum territorio suo est adjudicatum. Ager ejus veteranis fuerat assignatus, postea mensuratus limitibus, & censitus. Sex. Pompeius: Beneventum (inquit) colonia quæm deduceretur, appellari captum est melioris ominis causa, namque eam urbem antea Græci incolentes, Maleventum appellaverunt. Et Plinius libro tertio, cap. XI. Cetera intus in secunda regione Hirpinorum: colonia una Beneventum auspiciis mutato nomine, quæ quondam appellata Maleventum. Polybius libro tertio: Hannibal Beneventum coloniam diripuit. De eadem Livius libro XXVII. & vetusta hæc epigrammata meminerunt:

IMP. CAESARI. AVGVSTO
ET. COLONIAI. BENEVENTANAI

Item:

PATRONO. COLONIAE. BENEVENTANE

Colonia XLIV. Firmum.

Hoc eodem anno quo Castrum, Velleio auctore, initio primi belli Punici deducta colonia est. De qua Livius libro vigesimo septimo, & vetus hæc inscriptio meminerunt:

T. APPATIO. T. F. VEL. ALFINIO
PATRONO. COLONIAE

Colonia XLV. Castrum novum.

Florus ex Livio in epitoma libri XI. Coloniae deductæ sunt Castrum, Sena, Hadria. Hoc autem factum est anno urbis CDLXV. Paterculus libro primo longe post deductam scribit; ait enim: Initio primi belli Punici Firmum & Castrum colonis occupata. Is annus urbis fuit CDXXCIX. Livius libro tricesimo sexto, Senatus decrevit vacationem rei navalis non esse colonis maritimis. Ostia, Fregene, Castrum novum, Pyrgi. Velleii ut approbrem sententiam potius quam Livii, facit quod Tulci nondum victi erant, ut in his coloniæ adhuc deducerentur.

Colonia XLVI. Æsernia.

Velleius libro primo: Initio primi belli Punici Firmum & Castrum colonis occupata. & post annum Æsernia. ergo anno urbis CDXCI. Florus ex Livio libro decimo sexto: Colonia Æsernia deducta est. Frontinus de coloniis: Æsernia colonia deducta lege Julia. Iter populo debetur pedum decem, ager ejus limitibus Augusteis est assignatus. Florus in epitoma libri septuagesimi secundi: Æsernia, & Alba coloniæ ab Italicis obesse sunt. Idem libro septuagesimo tertio: Æsernia colonia cum M. Marcello in potestatem Samnitium venit. De eadem Livius libro XXVII.

Colonia XLVII. Alifum.

Paterculus libro I. Post XXII. annos Æsulum, & Alifum colonis occupata sunt. Livius libro vigesimo septimo: Colonis maritimis vacatio observata non est. Ostiensis, Alifensis, Antias, Anxuræ, Minturnensis, Sinuessanus, & Senensis.

Colonia XLVIII. Æsulum.

Hæc, auctore Velleio, eodem anno quo Alifum colonia deducta est. Fuit is annus urbis cond. DVII.

Colonia XLIX. Fregene.

Florus ex Livio in epitoma libri decimi noni: Coloniae deductæ sunt Fregene in agro Sallentino Brundisium. Paterculus libro primo: Fregenas post biennium colonia deducta est. Livius libro XXXVI. Senatus decrevit colonias maritimas vacationem rei navalis non habere. Ostia, Fregene, Castrum novum, Pyrgi, &c.

Colonia L. Brundisium.

Paterculus: Fregene post biennium, proximoque anno Torquato Sempronioque cor. Brundisium. Anno urbis DX. Florus: Coloniae deductæ sunt Fregene, & in agro Sallentino Brundisium. De eadem Livius libris XXVII. & XXIX.

Colonia LI. Latina Spoletium.

Florus in epitoma libri XX. Umbris victis, Spoletium colonia deducta est. Paterculus lib. I. Brundisium, & post triennium Spoletium colonie deductæ sunt. Quo anno Floratium ludorum factum est initium. Livius lib. XXII. Hannibal interim recto itinere per Umbriam, usque ad Spoletium venit, inde repulsus, conjectans ex unius colonie viribus, quanta moles Romanæ urbis esset. Et Cic. pro Balbo: Spoletium T. Marcius unus ex his, quos C. Marcius civitate donasset, dixit causam ex colonia Latina, in primis firma & illustri. Et paulo post: Sed quæ lege Apuleia colonie non essent deductæ, quæ lege Saturninus C. Mario tulerat, ut in singulas colonias ternos cives Romanos facere possit. De eadem Livius lib. XXVII. & hæc inscriptio meminerunt:

M. IVNIUS. M. F. HOR. FLAVUS
PATRONO. COL. L. D. D. D

Colonia LII. Vibo Valentia.

Paterc. Torquato, Sempronioque cor. Brundisium, & post triennium Spoletium, postque biennium deducta Valentia.

lentia. Anno urbis DXV. Livius libro XXXV. de ejusdem colonie restitutione (ut puto) loquens ita ait: L. Quintilius, Cn. Domitius cos. anno urbis DLVII. Vibonem colonia deducta est ex S. C. plebique scito, tria milia & septingenti pedes iterunt, CCC. equites, III. viri deduxerunt eos Q. Nævius, M. Minucius, M. Furius Crassipes, quinadena jugera agri data in singulos pedes sunt, duplex equitibus. Bruttiorum proxime fuerat ager, Bruttii ceperant de Græciis. Strabo libro VI. Post Cosentiam Hipponium est Lorcorum ædificium, quod Bruttii eripere Romani, & Vibonem Valentiam appellaverunt.

Colonia LIII. Latina Placentia.

Q. Alconius Pedianus in Pisonianam: In annalibus eorum, qui Punicum bellum secundum scripserunt, tradit videtur Placentiam coloniam deductam prid. Kal. Januarii, Ti. Sempronio Longo, & P. Cornelio Scipione patre Africani cos. primo anno ejus belli, urbis DXXXVI. Sex milia hominum novi coloni deducti sunt, in quibus equites; deducendi fuit causa; ut opponeretur Gallis, qui eam partem Italiæ tenebant. Deduxerunt triumviri P. Cornelius Asina, P. Papirius Mælo, & Cn. Pompeius, alias Cn. Cornelius Scipio. EAMQUE COLONIAM LIII. DEDUCTAM ESSE INVENIMUS. Deducta est autem LATINA. Florus libro vigesimo in epitoma: Coloniae deductæ sunt in agro de Gallis capto Placentia, & Cremona. Paterculus lib. I. Sub adventu in Italiam Hannibalis Cremona atque Placentia deductæ colonie. Polybius lib. III. sic scribit: P. Scipione, Ti. Sempronio cos. Cremonam trans Padum, & Placentiam citra Padum deduxere C. Lutatius vir consularis, alique duo prætorii III. viri, quos Boii fugaverunt, & Mutinam compulerunt: deducta sunt sex milia civium intra trigessimum diem adesse iussa. Plutar. in Hannibale: Romani Placentiam Cremonamque colonos deduxere. Plinius lib. tertio, cap. XV. In octava regione Italiæ, colonie Parma & Placentia. De eadem Livius libro XXXI. & Tacitus lib. XVIII. mentionem faciunt. Hanc Cicero in Pisonem municipium, & Festus municipium sui juris vocant.

Colonia LIV. Latina Cremona.

Hæc eodem anno quo Placentia, Polybius, Livio, Velleio, & Plutarcho auctoribus, deducta est. De qua sic scribit Cornelius Tacitus libro XIX. Hic exitus Cremonam habuit anno CCXXCVI. a primordio sui. Conditæ erat Ti. Sempronio & Cornelio cos. ingruente in Italiam Hannibale, propugnaculum adversus Gallos Transpadum agentes, & si qua alia vis per alpes irrueret. Igitor numero colonorum, oportunitate fluminum, ubere agri annexu, connubiisque gentium adolevit, floruitque; bellis externis intacta, civilibus infelix. Livius lib. XXXI. Galli Placentiam invaserant, & direpta urbe, trajecto Pado ad Cremonam diripiendam pergunt. Vicinæ urbis audita cladis spatium colonis dedit ad claudendas portas. Duarum coloniarum alteram captam, alteram oppugnari. Idem lib. XXXIII. Cremonensium, & Placentinorum colonorum turba, qui pileatis squirebantur Cornelium Cethegum consulem triumphantem de Gallis Insubribus, & Cænonensibus. Et lib. XXXVII. Cremona & Placentia colonis auctæ. Plinius lib. III. cap. XIX. In mediterraneo regionis X. colonie Cremona, Brixia Cænonanorum agro, Venetorum Ateste. Ptolemæus libro 3. C. I. Cænonanorum qui sub Venetiâ sunt, civitates Cremona colonia.

Colonia LV. Puteoli civium Romanorum.

Livius libro XXXIV. P. Africano majore II. & Ti. Sempronio cos. anno DLX. Coloniae civium Romanorum deductæ sunt Puteolos, Vulturum, Linternum. Triceni homines in singulas. Paterculus libro primo. Eodem temporum tractu, quamquam apud quosdam ambigitur, Puteolos, Salernumque, atque Buxentum missi coloni. Rursum Livius libro XXXIV. Puteolos, Salernumque, & Buxentum adscripti coloni, qui no-

mina dederant, quum ob id se pro civibus Romanis ferrent, senatus judicavit, non esse eos civis Romanos. Frontinus: Puteoli colonia Augusta, Augustus deduxit, iter uno latere populo debetur P. XXX. Ager ejus in jugeribus veteranis, & tribunis legionariis est assignatus. Festus Puteolos unam ex his præfecturis aliquando fuisse dicit, in quas præfecti populi Romani suffragiis creati mittebantur. Tacitus lib. XIV. Vetus oppidum Puteoli jui colonie, & cognomentum a Nerone adipiscitur. Strabo lib. V. Puteoli Cumanorum emporium bello Hannibalis a Romanis incolis ætatum, nomen accepit a puteis vel a putore, antea Dyacærcbia dicebatur. Hujus colonie hæc vetusta epigrammata meminerunt:

AB. COLONIA. DEDUCTA. ANNO. XC
N.FV.FIDIO. N.F.M.PVLLIO. DVO. VIR
P. RVTILIO. CN. MALLIO. COS
OPERV. M. LEX. II

Item:

AEDIL. COLON. PVTEOLANORVM

Item:

DEO. MAGNO. GENIO. COLONIAE
PVTEOLANORVM

Colonia LVI. Salernum civium Romanorum.

Livius lib. XXXIV. P. Cornelio Scipione Africano II. Ti. Sempronio Longo cos. anno DLX. Coloniae civium Romanorum deductæ sunt Puteolos, Vulturum, Linternum, triceni homines in singulas. Item Salernum, Buxentumque colonia civium Romanorum deductæ sunt: deduxere triumviri Ti. Sempronius Longus, qui tum cos. erat, M. Servilius, C. Minucius Therminus; ager divisus est, qui Campanorum fuerat. Eadem Paterculus libro primo. Strabo libro V. Romani Salernum custodiæ gratia munierunt. De ea & Apianus libro primo bellorum civilium.

Colonia LVII. Buxentum C. R.

Eodem anno quo Puteolos Salernumque, & Buxentum colonia deducta, ut Livius, & Paterculus tradunt. De eadem Livius libro tricelimo nono, Sp. Postumio Albino, Q. Marcio Philippo cos. anno urbis DLXVIII. Triumviri ad colonos scribendos Sipontum mari supere, Buxentum infero desertas colonias ab T. Menio Pr. urbis creati sunt L. Scribonius, M. Tuccius, Cn. Babius Tampbilus.

Colonia LVIII. Vulturum C. R.

Hæc cum tribus supra scriptis colonia deducta est. De qua Frontinus sic scribit: Vulturum muro ducta colonia, iussu imp. Cesaris est deducta, iter populo debetur pedum XX. ager ejus in nominibus villarum, & possessorum est assignatus. Varro lib. IV. de lingua Latina: Nam & colonia nostra Vulturum, & deus Tiberinus. Hæc colonia inter eas præfecturas a Festo refertur, in quas præfecti a populo Rom. creati mittebantur.

Colonia LIX. Linternum C. R.

Et hæc cum Vulturum & tribus reliquis eodem anno colonia facta. De qua ita scribit Frontinus: Linternum muro ductum, colonia ab Augusto deducta, iter populo debetur P. CXX. Ager ejus in jugeribus veteranis est assignatus. Hæc eodem jure præfectura aliquando fuisse a Festo refertur, quo Vulturum.

Colonia LX. Sipontum C. R.

Livius libro XXXIV. Scipione Africano II. & Sempronio Longo cos. Sipontum in agrum, qui Hirpinorum fuerat, coloniam civium Romanorum III. viri D. Junius Brutus, M. Babius Tampbilus, & M. Helvius deduxerunt. Hæc, eodem Livio auctore, deserta colonia cum Buxento restituta est.

Colonia LXI. Tempa C. R.

Livius: Eodem anno quo Sipontum Tempa item Crotonem civium Romanorum colonie deductæ sunt. Tempianus ager de Brutiis captus erat. Bruttii Græcos ex-

pulerant. Tempfam L. Cornelius Merula, & C. A. Salinius deduxerunt.

Colonia LXII. Croton C. R.

Livius libro XXXIV. *Africano II. & Longo* cos. anno DLX. Tempfam & Crotonem civium Romanorum colonia deducta. Crotonem Graeci habebant triumviri Cn. Octavius, L. Emilius Paullus, C. Platorius Crotonem deduxerunt.

Colonia LXIII. Pyrgi.

Hæc eodem anno colonia deducta est quo superiores, de qua sic scribit lib. XXXVI. Livius: P. Scipione Nasica, M. Atilio Glabrione cos. senatus decrevit colonias maritimas vacationem rei navalis non habere. Ostia, Fregene, Castrum novum, Pyrgi, Antium, Tarracina, Minturnæ, Sinuessaque.

Colonia LXIV. Latina Bononia.

Livius libro XXXVII. M. Fulvio Nobiliore, & Cn. Manlio Vulfone cos. anno DLXV. ante diem III. Kalend. Januariæ, Bononiam Latina colonia, ex S. C. L. Valerius Flaccus, M. Atilius Serranus, L. Valerius Tappo, triumviri deduxerunt. Triamillia hominum sunt deducta, equitibus septuagena jugera, ceteris colonis quinquagena sunt data. Ager captus de Gallis Boiis fuerat; Galli Tuscos expulerant. Paterculus lib. I. Cn. Manlio Vulfone, M. Fulvio Nobiliore cos. Bononia deducta colonia. Festus Bononiam municipium sui juris appellat. Plinius lib. III. cap. XV. In regione VIII. que determinatur Arimino, Pado, Apennino; intus colonia, Bononia Felisina vocitata, quoniam princeps Etruriæ esset, Brixillum, Mutina, Parma, Placentia. Pomponius Mela lib. II. cap. II. Urbium, que procul a mari habitantur, opulentissime sunt, ad sinistram Patavium Antonoris, Mutina, & Bononia Romane colonie.

Colonia LXV. Pifaurum.

Livius libro XXXIX. P. Claudio Pulchro, L. Porcio Licino cos. anno DLXX. colonia: due Pollentia in Picenum, Pifaurum in Gallicum agrum deducta sunt: sena jugera in singulos data, dividerunt agros, colonisque deduxerunt idem triumviri: Q. Fabius Labco, M. & Q. Fulvii Flaccus, & Nobilior. Paterculus lib. primo: Quadriennium post Bononiam Pifaurum, ac Pollentia colonie deducte. Plutarchus in Antonio: Prodigia ante bellum Actiacum fuisse. Pifaurum urbem non longe ab Hadria, in qua Antonius colonos deduxerat, biatu terræ absorptum perisse.

Colonia LXVI. Potentia alias Pollentia.

Hoc eodem anno cum Pifauo colonia deducta est, ut Livius & Velleius tradunt.

Colonia LXVII. Mutina C. R.

Livius libro XXXIX. Q. Fabio Labcone, M. Claudio Marcello cos. anno DLXXI. Mutina & Parma colonie Romanorum civium sunt deducte. Bina millia hominum in agro, qui proxime Boiorum, ante Tuscorum fuerat. Octogena jugera Parme, quina Mutinae acceperunt. Deduxerunt triumviri M. Emilius Lepidus, T. Aebutius Caius, L. Quinctius Crispinus. De hac colonia Polybius lib. III. Cicero Philip. VII. Plinius lib. III. cap. XV. & Pomponius Mela libro II. cap. II. mentionem faciunt.

Colonia LXVIII. Parma C. R.

Hæc eodem anno quo Mutina colonia facta est, ut paulo ante vidimus.

Colonia LXIX. Saturnia C. R.

Livius libro XXXIX. Q. Labeone, & M. Marcello cos. Saturnia colonia civium Romanorum in agrum Caletranum est deducta: deduxerunt triumviri Q. Fabius Labco, C. Afranius Stello, Ti. Sempronius Gracchus. Ptolemæus libro III. cap. I. Tuscorum mediterraneæ Saturnia colonia. Hanc coloniam inter-

cas præfecturas Festus enumerat; in quas præfecti quotannis a prætore urbis mitti solebant.

Colonia LXX. Latina Aquileia.

Livius libro XXXIX. Q. Labeone, & M. Marcello cos. illud agitabant in senatu, uti colonia Aquileia deduceretur; nec satis constabat, utrum Latinam an civium Romanorum deduci placeret. Postremo Latinam potius coloniam deducendam patres censuerunt. Triumviri creati sunt P. Scipio Nasica, C. Flaminius, L. Manlius Acidinus. Et lib. XL. P. Cornelio Cethego, M. Babio Tampbilo cos. anno urbis DLXXIII. Aquileia colonia Latina in agro Gallorum est deducta. Tria millia peditum, quinquagena jugera, Centuriones centena, centena quadragena equites acceperunt. Triumviri deduxerunt, qui supra. Velleius: Interfectoque triennio Aquileia, & Gravisca. Plinius libro III. cap. XVIII. In X. regione Italiae Venetia Natiso cum Turro præsentibus Aquileiam coloniam, XII. millia passuum a mari sitam: Carnorum hæc regio. Strabo lib. V. & Ptolemæus lib. III. cap. I. ejus coloniz meminere.

Colonia LXXI. Gravisca.

Livius libro XL. P. Cornelio Cethego, M. Babio Tampbilo cos. Colonia Gravisca deducta est in agrum Etruscum de Tarquinienfibus quondam captum: quina jugera agri data. III. viri deduxerunt C. Calpurnius Piso, P. Claudius Pulcher, & C. Terentius Mter. Eisdem meminit Velleius, & Frontinus sic: Colonia Gravisca ab Augusto deduci iussa est, nam ager in absoluto tenebatur, postea Imperator Ti. Cæsar jugerationis modum servandi causa lapidibus immensis reip. loca assignavit.

Colonia LXXII. Latina Pise.

Livius libro XL. A. Postumio Albino, C. Calpurnio Pifone cos. anno DLXXIV. Pisanis agrum pollicentibus, quo Latina colonia deduceretur, gratia ab senatu actæ. III. viri creati ad eam rem Q. Fabius Buteo, M. & P. Popillii Lanates. Ptolemæus lib. III. ejus coloniz meminit. Festus Pisas municipium sui juris fuisse scribit.

Colonia LXXIII. Luca C. R.

Livius lib. XLI. C. Claudio Pulchro, Ti. Sempronio Graccho cos. anno urbis DLXXVII. Lucam colonia, 8000 civium Romanorum sunt deducta. Triumviri deduxerunt P. Aelius, L. Aegilius, Cn. Sicinius. Quinquagena & singula jugera & semisses agri in singulos dati sunt. De Ligure captus is ager erat, Etruscorum antequam Ligurum fuerat. Paterculus: Et post quadriennium Luca colonia deducta. Plinius libro tertio, cap. V. In regione septima, primum Etruriæ oppidum Luna portu nobile, colonia Luca a mari recedens. Hanc Festus municipium sui juris vocat.

Colonia LXXIV. Auximum.

Paterculus lib. I. Auximum missi coloni in Picenum ante triennium, quam Cassius censor a Lupericali in Palatium versus Theatrum facere instituit, cui in demoliendo eximia civitatis severitas, & cos. capio resistere. Fuit is annus urbis DXCVII. Sex. Julio Cæsare, L. Aurelio Orestes cos. Hujus coloniz multæ antiquæ inscriptiones meminere sic:

III. VIR. IN. COL. AVXIM. BIS

Item:

M. OPPIO. CAPITONI
PATRONO. COL. AVXIM

Colonia LXXV. Fabrateria.

Paterculus lib. I. Cassio Longino, & Sextio Calvino cos. anno urbis DCXXX. Fabrateria colonia deducta est. Frontinus de colonis: Fabrateria muro deducta. Iter populo non debetur. Ager ejus jure ordinario est divisus.

Colonia LXXXVI. Scylatium.

Paterculus libro I. *Cassio Longino & Sextio Calvino* cos. (anno DCXXX.) *Frabateria deducta colonia est. Et post annum Scylatium, Minervium, Tarentum, Neptunia, Carthagoque in Africa prima extra Italiam colonia condita est. De Dertona ambigitur.*

Colonia LXXXVII. Minervium.

Eodem anno quo Scylatium, auctore Velleio, deducta colonia anno urbis DCXXXI. Q. Cæcilio Metello Balearico, T. Quinctio Flaminio cos.

Colonia LXXXVIII. Tarentum.

Et hæc cum Scylatio, & Minervio colonia, ut tradit Velleius, deducta est, de qua Plutarchus in Gracchis ita scribit: C. Gracchus tribunus pleb. legem promulgavit ut Tarentum, & Capua colonie deducerentur: Drusus vero ejus collega ut XII. fierent, quod senatus probavit. Tacitus libro IV. Nerone IV. & Cossio Cornelio cos. veterani Tarentum, & Antium adscripti. Non enim ut olim universæ legiones deducebantur cum tribunis & centurionibus, & suis cujusque ordinis militibus. Strabo lib. VI. Tarentum (inquit) Romanorum colonia.

Colonia LXXXIX. Neptunia.

Cum Scylatio, Minervio, & Tarento colonia, auctore Velleio, deducta, anno urbis DCXXXI.

Colonia LXXX. Julia Dertona.

Et hæc circa hæc tempora, ut tradit Paterculus, colonia facta est, de qua Plinius lib. III. cap. V. *Ab altero Apennini latere, ad Padum amnem Italie distans, omnia nobilibus oppidis nitent. Liburna, Dertona colonia, Iria. Hæc regio ex descriptione Augusti IX. est. Vetus lapis.*

ORIVNDO. EX. ITALIA. IVL. DERTONA.

Colonia LXXXI. Nola.

Anno urbis DCXXXI. Q. Balearico & T. Quinctio Flaminio cos. quo C. Gracchus primum tribunatum gessit, XII. ut ait Plutarchus, vel x. ut Appianus, lege Drusi tribuni plebis colonie factæ, in quarum singulas tria millia civium deducta, quibus deducendis ipse præfesse noluit, sed alios præfecit. Adicit Florus ex Livio in epitoma libri LX. C. Gracchus tribunus plebis, continuato in alterum annum tribunatu, legibus agrariis latis effecit, ut complures colonie in Italia deducerentur, & una in solo dirute Carthaginis, quo idem ipse triumphum creatus coloniam deduxit. Idem refert Appianus lib. I. bellorum civilium. Quæ autem fuerint, ab auctoribus non produntur. Ego has fuisse opinor Scylatium, Minervium, Tarentum, Neptuniam, Dertonam, quas Velleius scribit hoc anno deductas fuisse: item Nola, Ariciam, Lavinium, Abellinum, Ferentinum, Tarquinium, & extra Italiam Carthaginem. Nam has omnes urbes paulo post colonias fuisse legimus, nec quando deductæ fuerint apparet. Quæ quum ante hæc tempora factæ non sint, reliquum est ut eas hoc anno legibus Semproniam, & Livia deductas dicamus, quarum una fuit Nola, de qua scribit ex Livio Florus in epitoma libri LXXIII. L. Cæsar consul male adversus Samnites pugnavit. Nola colonia in potestatem Samnitium cum L. Postumio pr. venit, qui interemptus est. Fessum Nola municipium sui juris fuisse tradit. Frontinus de coloniis: *Nola muro ducta colonia Augusta, Vespasianus Augustus deduxit, iter populo debetur P. CXX. ager ejus militibus Sullanus fuerat assignatus, postea intercisivis mensuris colonis ut familie est assignatus.* Plinius lib. III. cap. V. *Regio ea a Tiberi prima Italie servatur ex descriptione Augusti: intus colonia Capua, Aquinum, Suessa, Venusarum, Soræ, Thebanum, Nola.* Antiquus lapis:

T. TETTIENVS. T. F. FELIX
PATRON. COL. NOLANAE

Item:

L. SICINIO. L. F. SER. VALENTI
PATRONO. MVNICIPI. CVRAT
REIP. NOLANORVM. S. P. Q. NOLANVS
D. P.

Colonia LXXXII. Aricia C. R.

Florus ex Livio in epitoma libri tricissimi: *Marius Antium, Ariciam, Lavinium colonias devastavit. Aricia autem ex antiquo municipio colonia facta fuerat.*

Colonia LXXXIII. Lavinium.

Hæc (ut puto) una ex XII. coloniis hoc anno deductis fuit, de qua bello Marico meminit ex Livio Florus libro XXX.

Colonia LXXXIV. Abellinum.

Abellinum (inquit Frontinus) muro ducta colonia lege Semproniam. Iter populo non debetur, ager ejus veteranis est assignatus. Velleius libro II. de C. Sempronio Graccho loquens: C. Gracchus tribunatum ingressus longe majora & acriora repetenti, dabat civitatem omnibus Italici, extendebat eam pene usque ad alpes, dividere agros, vetabat quemquam civem plus quingentis jugeribus habere, nova constituebat portoria, novis coloniis replebat provincias, judicium a senatu transferrebat ad equites, frumentum dare instituebat. Ex quibus verbis intelligo Abellinum & reliquas colonias, quas Frontinus lege Semproniam deductas scribit, ex his XII. fuisse, quæ hoc anno ab ipso, & Druso tribunis plebis deductæ sunt.

Colonia LXXXV. Ferentinum.

Frontinus in libro de coloniis: *Ferentinensis colonia lege Semproniam est assignata, sed quod ante limitibus centuriatis fuerat assignata, postea deficientibus veteranis juxta fidem possessionis est recensita, numeris uncialibus termini sunt constituti.* Livius libro XXXIV. Novum jus eo anno a Ferentinatibus tentatum, ut Latini, qui in coloniam Romanam nomina dedissent, cives Rom. essent. Sed hic de populis loquitur, non de hac colonia.

Colonia LXXXVI. Tarquinii.

Tarquinii colonia lege Semproniam est assignata, cujus agri mensuram in trigono, variis locis est contestata; ita Frontinus de coloniis. Hanc coloniam Cicero pro Cæcinnâ municipium appellat.

Colonia LXXXVII. Eporædia.

Paterculus libro I. *Narbo Marcius in Gallia M. Porcio, & Q. Marcio cos. (anno urbis DCXXXVI.) deducta colonia est. Post XXIII. annos in Baciensis Eporædia Mario VI. Valerioque Flacco cos. (anno urbis DCLIV.) Neque facile memorie mandaverim, quæ nisi militaris colonia post hoc tempus deducta sit.* Plinius libro III. cap. XVII. in regione XI. *Transpadana Augusta Pretoria juxta geminas Alpium fauces Graias & Pœninas, bi Pœnos, Grati Herculem transisse memorant. Oppidum Eporædia Sibyllinis libris a populo Rom. condita jussu.* Eporædias Galli bonorum equorum domitores vocant.

Colonia LXXXVIII. Alba Pompeia.

Anno ab urbe condita DCLXIV. L. Julio Cæsare, P. Rutilio cos. qui primus belli Marici fuit, quum lege Julia Latinis, Tufcis, & Umbris primum eo ipso anno, deinde anno sequenti Cn. Pompeio Strabone, & L. Porcio Catone cos. Gallis Cispadanis civitas data fuisset, Transpadani indignati eorum rationem in jure civitatis Romanæ habitam non fuisse, tumultuari ceperunt. Quibus tumultibus sedandis a senatu cura data est Pompeio consuli. Is Gallis quidem Cispadanis civitate

donata, ut Transpadanos quietaret, eos jure Latii honoravit, aliquotque tam citra, quam ultra Padum colonias deduxit. Citra Padum quidem colonias Romanas, ultra vero Latinas eas fecit. In his quæ cis Padum fuerunt, Alba Pompeia ut opinor colonia fuit ab ipso vocata, ut Laus Pompeia uls Padum; neque enim ullus præterea Pompeius in hisce regionibus quid gessisse legitur. An colonias vero cis Padum deduxerit, ut verisimile, ita obcurum est.

Colonia LXXXIX. Augusta Verona.

Pedianus in Pisonianam ita scribit, ubi de Placentia loquitur: *Neque illud dici potest sic eam coloniam esse deductam, quemadmodum post plures etates Cn. Pompeius Strabo, pater Cn. Pompeii magni Transpadanas colonias deduxerat. Pompeius enim non novis colonias eas constituit, sed veteribus incolis manentibus jus dedit Latii, ut possent habere jus, quod ceteræ Latine colonie, id est, ut gerendi magistratus gratia civitatem Romanam adipiscerentur. Porro duo genera earum coloniarum, quæ a populo Rom. deductæ sunt, fuerunt * itaque aliæ Latinorum essent * de se autem, &c. Hic locus mutilus est, ut apparet, quem ego sic restituerem: ut aliæ civium Romanorum, aliæ Latinorum essent. Ex his Pediani verbis illud, quod dixi, colligimus, deductis aliquot coloniis, ipsum Transpadanis jus Latii civitati Romanæ proximum dedisse, postquam civitas reliquis Italicis populis (quos enumeravi) data esset a superioribus consulis Julio, & Rutilio. Porro autem inter Transpadanas Latinas colonias a Pompeio deductas fuisse opinor (nullus enim de his aperte quod sciam scriptor tradit) Veronam & Ateste Venetorum, Brixiam, & Comum Cænonanorum, Laudem Pompeii Infubrum. Nam Veneti, quamquam eos nunquam legamus a Romanis victos, vel iubaatos, aut triumphatos; ex quo enim in amicitiam & fœdus Romanum, bello Gallico Cispalino, auctore Strabone, venerunt, diu in populi Rom. amicitia libere egere, postea tamen in consuetudinem parendi Romanis clementer provocantibus, & ipsi venerunt, omnibus præsertim circum finitinis nationibus, & gentibus, ut Infubribus, Cænonanis, Carnis, Iapudibus, Istris, & Boiis multis præliis bello superatis, ac in ditionem populi Romani redactis. De his coloniis Transpadanis meminit Tranquillus in Cæsare, ubi eas colonias Latinas vocat sic: *Decedens ergo ante tempus colonias Latinas de petenda civitate agitantes adiit. Et ad audiendum aliquid concitasset, nisi consules conscriptas in Ciliciam legiones paulisper ob id ipsum retinuisent. Veronam vero unam ex his coloniis Latinis Transpadanis, a Pompeio Strabone deductis fuisse refert incertus auctor in Panegyrico ad Constantinum Imperatorem sic: Pugnacissimo præfecto, ut quam coloniam Cn. Pompeius aliquando deduxerat, Pompeianus everteret, o miserabilem Veronensium calamitatem, &c. Tacitus libro XIX. *Quæsitum inde quæ sedes bello legeretur, Verona potior visa patentibus circum campi ad pugnam equestrem, qua prævalebant, simul coloniam copius validam auferre Vitellio in remfamamque videbatur. Antiqua hæc inscriptio Veronæ eam coloniam Augustam vocat ita:***

COLONIA. AVGVSTA. VERONA. NOVA. GAL
LIENIANA. VALERIANO. II. ET. LVCILLO
COS. MYRI. VERONENSIVM. FABRICATI
EX. DIE. III. NONARVM. APRILIVM. DEDI
CATI. PRID. NON. DECEMBRIS. IVBENTE
SANCTISSIMO. GALLIENO. AVGVSTO. N. IN
SISTENTE. AVRELIO. MARCELLINO. V. P
DVC. DVC. CVRANTE. IVLIO. MARCELLINO

Deducta igitur fuit Latina colonia Verona cum reliquis Transpadanis Cn. Pompeio Strabone, & M. Porcio Catone cos. anno urbis cond. DCLXV. Cui

postea, & reliquis coloniis Transpadanis C. Cæsare dictator creatus, civitatem Romanam donavit. Non piguit autem in patriæ descriptione diutius immorari.

Colonia XC. Ateste Venetorum.

Hæc proculdubio una ex Transpadanis coloniis fuit a Cn. Pompeio cum Verona & reliquis deducta, de qua scribit Plinius libro III. cap. XIX. *In mediterraneo regionis X. colonie, Cremona, Brixia Cænonanorum agro, Venetorum autem Ateste.*

Colonia XCI. Brixia Cænonanorum.

Hæc & ipsa ab eodem Cn. Pompeio Strabone Latina colonia deducta est, atque postea cum reliquis coloniis Transpadanis a C. Cæsare dictatore civitate donata. De cuius magistratibus Quæstore, Ædili, IV. viris juri dicundo, IV. viris quinquennialibus, VI. viris augustalibus multa mentio est in antiquis ejus urbis epigrammatibus, haud multo tempore ante effosus.

Colonia XCII. Comum alias Novocomum.

Strabo lib. V. *Comum medicis colonia erat, sed Pompeius Strabo Magni pater colonos restituit; eam Rheti vastaverant. C. Scipio tria millia hominum addidit, Cæsar quinque millia, ex quibus quingenti Greci civitate donati. Hi novum Comum vocaverunt. Appianus lib. II. Bellorum civilium Cæsar novum Comum condidit in Alpibus, & qui illic magistratum gessissent, cives Rom. esse voluit.*

Colonia XCIII. Laus Pompeia.

Hujus colonie, quamquam nullus quod sciam vetustus auctor mentionem faciat, proculdubio tamen a Cn. Strabone Latina colonia & ipsa trans Padum deducta est, a quo & cognomen accepit.

Colonia XCIV. Arretium.

Hæc colonia ante Ciceronis tempora, & forte a Sulla militaris deducta fuit, de qua idem Cicero pro L. Muræna sic scribit: *Catilinam circumfluente colonorum Arretinorum & Fesulanorum exercitu alacrem incedere. L. Florus libro LXXVII. L. Sulla civitatis statum ordinavit: exinde colonias deduxit. Frontinus. Arretium muro ducta colonia lege III. virali iter populo non debetur, ager ejus limitibus est assignatus. Et alibi: Colonia Arretina lege Augusta censita limitibus Gracchanis, qui resturas maritimas & montanas spectabant, postea per cardines decimano & duodecimano est assignata, & numerus centuriarum manet, &c. Hæc colonia in veteri inscriptione municipium dicitur sic:*

L. AVSIMVS. L. F. PVB. FARRIANVS
C. C. MVNICIP. ARRETIN

Colonia XCV. Fesula.

Et hæc ut exilimo a L. Sulla dictatore colonia deducta est, de qua Cicero pro Muræna meminit. Quandoquidem ex Livio Florus eum in consulatu colonias deduxisse scribit.

Colonia XCVI. Bovilla.

Bovilla oppidum lege Sullana est circumdatum. Iter populo non debetur, agrum ejus ex occupatione militis veterani tenuerunt in sortem. Frontinus. Hanc Cicero Philip. II. appellat municipium.

Colonia XCVII. Sueffula.

Oppidum muro ductum, lege Sullana est deducta. Iter populo non debetur, ager ejus veterani militibus Sullanis in jugeribus est assignatus. Frontinus. Hæc vetus præfectura, & municipium sine suffragii jure fuit.

Colonia XCVIII. Pompeii.

De hac colonia Cicero pro Sulla sic mentionem facit: *Diriunxit Pompeianos a colonis, ut hoc dissidio ac discessione facta, oppidum in sua potestate esset, & Pompeianos haberet, quem ab hoc illa colonia deducta sit, & quum commoda colonorum a fortunis Pompeianorum P. R. fortuna diviserit, ita carus utriqueque est. Has*

autem quinque colonias a Sulla deductas fuisse opinor, quod in multis colonias militares fecisse tradatur, atque hæc ante Ciceronis ætatem jam coloniz factæ fuerint. Florus libro LXXVII. L. Sulla Cos. colonias deduxit. Et libro XXXIX. Sulla Nolam in Samio recepit. XLVII. legiones in agros captos deduxit, & eos in divisit, multisque municipiis, ut tradit Cicero pro Cæcinnâ, civitatem ademit.

Colonia XCIIX. Capua Julia Felix.

Paterculus : Cæsar in consulatu (iscum gessit anno urbis DCXGV. cum M. Bibulo) legem tulit, ut ager Campanus plebi divideretur, suafore legis Pompeio. Ita circiter viginti milia civium eo deducta, & jus his restitutum post annos circiter CLII. quam bello Punico a Romanis Capua in formam præfecturæ redacta erat. Frontinus de coloniis. Capua muro ducta colonia Julia Felix jussu imper. Cæsaris a XX. viris est deducta. Iter populo debetur P. C. Ager ejus lege Sullana fuerat assignatus, postea Cæsar Augustus in jugeribus militi pro merito dividi jussit. Calatia oppidum muro ducta, iter populo debetur P. LX. Coloniz Capuensi cum territorio suo a Sulla Felice adjudicata olim ob hostium pagnam. Cicero in Rullum II. Neque te P. Rulle omnia illa M. Bruti auspicia a simili furore deterrent; nam & ipse qui deduxit, & qui magistratum Capuæ ceperunt, & qui aliquam partem illius deductionis, honoris, muneris attingerunt, omnes acerbissimas impiorum penas pertulerunt. Idem : Quam venissim Capuam coloniam deductam L. Confidio, & Sex. Satio, quemadmodum ipsi loquebantur, prætoribus, namque ceteris in coloniis duumviri appellentur, sed se prætores appellari volebant. Et paulo post : Huc isti decemviri quum numerum colonorum ex lege Rulli deduxerunt, centum decuriones, decem augures, sex pontifices constituerunt : quos illorum animos, quos impetus, quam ferociam esse putatis? Idem Philip. II. Consulisti me per literas de Capua tu quidem, sed idem de Casilino respondissem, possesne ubi colonia esset, eo coloniam novam inde ducere? negavi in ea coloniam, quæ est auspicio deducta, dum esset incolumis, coloniam novam jure deduci, colonos novos adscribi posse rescripsi. Plinius lib. III. cap. V. Regio ea a Tiberi prima Italiæ servatur ex descriptione Augusti. Intus coloniz Capua, a Capi dicta, Aquinum, &c.

Colonia Bovianum vetus.

Et hæc a Cæsare, ut puto, jam dictatore deducta est (nullus enim deinceps ita in eis digerendis temporis ordo accuratus servari poterit.) De qua sic scribit Frontinus : Bovianum oppidum lege Julia milites deduxerunt sine colonis, iter populo amplius non debetur quam P. X. Ager ejus per centurias & scamna est assignatus. Plinius lib. III. cap. XII. In regione IV. Italiæ Samnitium, quos Sabellos, & Græci Saunitas dixerunt, colonia Bovianum vetus, & alterum cognomine Undecimanorum.

Colonia Veii.

Veii colonia priusquam oppugnaretur, ager ejus militibus est assignatus ex lege Julia. Postea deficientibus bis ad urbanam civitatem adsciendos censuerat divus Augustus, nam variis temporibus, & a divi Imperatoribus agri sunt assignati. Frontinus in lib. de coloniis.

Colonia Ausidena.

Ausidena muro ducta colonia, iter populo debetur P. X. milites eam lege Julia sine colonis deduxerunt. Idem.

Colonia Casilinum.

Cicero Philippica secunda in M. Antonium. Deduxisti coloniam Casilinum, quod Cæsar ante deduxerat, omni aspiciorum jure turbato, Casilinum coloniam deduxisti, quo erat paucis annis ante deducta, ut vexillum videres, & aratrum circumduceres, cuius quidem nomine portam Capuæ pene perfrinxisti, ut Florentis coloniz territorium minueretur. Hæc auctore Festo vetus præfectura fuit.

Arat, omni aspiciorum jure turbato, Casilinum coloniam deduxisti, quo erat paucis annis ante deducta, ut vexillum videres, & aratrum circumduceres, cuius quidem nomine portam Capuæ pene perfrinxisti, ut Florentis coloniz territorium minueretur. Hæc auctore Festo vetus præfectura fuit.

Colonia Calatia.

Et hæc a C. Cæsare deducta fuit, ut ex his Vellectii verbis intelligitur libro II. ubi de Augusto loquitur sic : Primumque a Calatia, mox Casilino veteranos excivit paternos, quorum exemplum sequenti alii brevi in formam iusti coiere exercitus.

Colonia Lanuvium.

Lanuvium colonia ex municipio vetere facta est a C. Cæsare dictatore, ut tradit Frontinus sic : Lanuvium muro ductum, colonia deducta a divo Julio. Ager ejus in limitibus Augustei pro parte est assignatus militibus veteranis, & pro parte virginum Vestalium lege Augustiana fuit assignatus. Sed postea Imp. Hadrianus colonis suis agrum assignari jussit.

Colonia Forum Julii.

Hæc, ut existimo, a Cæsare etiam deducta fuit, quod nomen ipsum declarat, de qua Ptolomeus lib. tertio, cap. I. sic meminit : Carnorum mediterraneæ coloniz, Forum Julii, &c.

Colonia Julia Hispella.

Hanc quoque a Cæsare deductam nomen ipsum indicat. Cujus vetus hæc inscriptio meminit :

C. ALFIVS. C. F. LEM. RVFVS
II. VIR. QVIN. COL. IVL. HISPELL

Hæc etiam municipium dicitur, ut hic :

GENIO. MVNICIPI. HISPEL. SACR.

Colonia Pola, alias Pietas Julia.

Et hanc ex nomine a Cæsare deductam opinor; de qua sic scribit Plinius libro tertio, cap. XIX. In decima regione oppida Istriæ civium Romanorum Egidæ, Parentium, colonia Pola, quæ nunc Pietas Julia, quondam a Colchis condita, abest a Tergeste centum millia passuum, mox oppidum Nesæum. Hæc autem sunt omnes coloniz militares, quas a Cæsare dictatore deductas, vel invenerim, vel conjectura consequi poterim.

Colonia Aquinum.

Nunc eas colonias adjiciam, quas a triumviris R. P. C. Lepido, Antonio, & Cæsare deductas fuisse invenerim. Quarum prima ordine alphabetico est Aquinum, de qua ita scribit Frontinus : Aquinum muro ducta Colonia, lege triumvirali deducta, iter populo debetur p. XXX. Ager ejus perennius militibus est assignatus. Plinius libro tertio cap. quinto : In regione prima Italiæ coloniz Capua, Aquinum, Sueffa, &c. Tacitus libro decimo septimo : Sub Othone sepelitus per eos dies Cornelius Dolabella in coloniam Aquinatem. Hæc colonia municipium vocatur a Cicerone in oratione pro Plancio; nam ante coloniam a triumviris deductam, municipium lege (ut opinor) Julia factum fuerat.

Colonia Junonia Falisca Etruscorum.

Frontinus : Colonia Junonia, quæ appellatur Falisca, a triumviris est assignata, & modus jugerationis est datus, in qua limites intercisivi sunt, directi lege agraria. Plinius libro tertio cap. quinto : In regione septima Tuscia, intus coloniz Falisca Argi ora, ut auctor est Cato, quæ cognominatur Etruscorum, Lucus Feroniæ, &c.

Colonia Florentia.

Frontinus : Florentina colonia deducta a triumviris ; assignata lege Julia centuriis Cæsariana jugera CC. per cardines, & decumanos. Hujus coloniae meminit Tacitus.

Colonia Fœdaturæ.

Colonia Fœdaturæ, ea lege qua ager Florentinus, in centuriis singulis jugera CC. termini lapidei, alii fœdales, alii molares. Frontinus.

Colonia Formiæ.

Frontinus : Formiæ oppidum triumviri sine colonis deduxerunt. Iter populo non debetur. Ager ejus in absoluto resedit, pro parte in lacineis est assignatus. Finitur terminis siliceis, & Tiburtinis. Hæc ante vetus municipium, & præfectura fuit.

Colonia Telesia.

Telesia muro ducta colonia, a triumviris deducta. Iter populo debetur P. triginta. Ager ejus limitibus Augusteis in nominibus est assignatus. Frontinus.

Colonia Tudæ Fida.

Tudæ Fida colonia ea lege, qua & ager Florentinus in centuriis singulis jugera CC. Termini lapidei, alii saxei, alii molares. Frontinus. Et vetus lapis:

PRO. SALVTE. COLONIAE
ET. ORDINIS. DECVRIONVM
ET. POPVLI. TVDERTIS

Colonia Venafrum.

Frontinus : Venafrum (inquit) oppidum triumviri deduxerunt sine colonis. Iter populo debetur P. XX. Ager ejus in lacineis limitibus intercessit est assignatus, sed summa montium jure templi deæ ab Augusto sunt concessa. Plinius libro tertio cap. V. In regione prima Italiae, intus coloniae, Capua, Aquinum, Suessa, Venafrum, Sora, &c. Venafrum vero una ex his antiquis præfecturis a Festo fuisse refertur, in quas præfectos quotannis prætor mittere solebat.

Colonia Volaterræ.

Volaterræ colonia lege III. virali est assignata in centurias singulas jugera ducenta, decimanis cardinibus est assignata, quam omnes veterani, in portionibus divisam pro parte habuerunt. Frontinus.

Colonia Ulubra.

Ulubra oppidum a triumviris erat deductum, postea a Druso Cæsare extructum, ager ejus in omnibus est assignatus. Iter populo non debetur. Frontinus.

Colonia Rhegium.

Nunc colonias quas Augustus Cæsar deduxit exponam, quarum forte prima fuit Rhegium, de qua Strabo libro quinto sic scribit: Cæsar Augustus, fugato ex Sicilia Sex. Pompeio, quum desertam urbem Rhegium reperiisset, permultos ex classe ejus ibidem fecit colonos. Hæc in vetusta hac inscriptione municipium appellatur:

TI. EFR. VENVS. T. I. F. SABINVS. TESTAMENTO
LEGAVIT. MVNICIPIBVS. RHEGINIS

Colonia Aceræ.

Aceræ muro ducta colonia; divus Augustus deducti iussit. Iter populo debetur P. LXXX. Ager ejus in jugeribus est assignatus; Frontinus. Hæc colonia vetus municipium, & præfectura fuit.

Colonia Alatrum.

Alatrum muro ducta colonia, Augustus deduxit, iter populo non debetur, ager ejus per centurias & frigas est assignatus; Frontinus. Hæc etiam municipium in antiquis inscriptionibus appellatur sic:

C. IVLIO. AVG. L. HELENO. EX. DECRETO
DECVR. MVNICIPI. ALETRINATIS. ET
POLLICITATIONE. SEVIR. ET. MVNICIPVM
ET. INCOL. OB. MERITA. EIVS

Colonia Atella.

Frontinus : Atella muro ducta colonia, deducta ab Augusto. Iter populo debetur P. CXX. Ager ejus in jugeribus est assignatus. Atella vetus ante tum municipium, tum præfectura fuit.

Colonia Augusta Taurinorum.

Hanc cum Augusta prætorialia Salassorum ab Augusto Cæsare deductam existimo, quando ipse, auctore Strabone, egregia contra Salassos victoria potitus eorum prope nomen deleverit; de quibus sic lib. III. cap. XVII. scribit Plinius: In Transpadana regione XI. coloniae ab Alpium radicibus Augusta Taurinorum antiqua Ligurum stirps, inde navigabili Pado, dein Salassorum Augusta prætorialia, juxta geminas Alpium fauces Graias, atque Péninas.

Colonia Augusta Prætorialia Salassorum.

De hac præter Plinium meminit Ptolom. lib. III. cap. I. sic: Salassorum qui sub Insucribus sunt civitates, Augusta prætorialia colonia.

Colonia Bovianum Undecumanorum.

Huc undecimam legionem post bella civilia, ab Augusto deductam coloniam fuisse innuere videtur Plinius lib. III. cap. III.

Colonia Copiæ, alias Thurii.

Strabo libro VI. Thurios Tarentini eversere, Romanis colonos paucos deduxere, Copiasque coloniam appellaverunt. Hanc ab Augusto deductam opinor post bellum Siculum.

Colonia Cortona.

Dionysius, qui sub Augusto vixit: Croton colonia Romanorum, Cortona nuper appellata est. Hæc in Tuscia erat.

Colonia Cumæ.

Cumæ muro ducta colonia, ab Augusto deducta, iter populo debetur pedes LXXX. Ager ejus in jugeribus veteranis pro merito est assignatus, jussu Claudii Cæsaris; Frontinus. Vetus aliquando municipium, aliquando præfectura, hæc colonia fuit, Festo & Livio auctoribus.

Colonia Fanum Fortunæ, alias Julia Fanestris.

Hanc ab Augusto deductam nomen declarat, quando is, Tranquillo auctore, duodetriginta colonias deduxerit. Plinius lib. III. cap. XIV. In regione VI. colonia Fanum Fortunæ, Pisaurum. Pomponius Mela libro II. cap. II. A Pado ad Anconam transiit Ravennam, Ariminum, Pisaurum, Fanestris colonia, flumen Metaurus, atque Æsis. Vetus lapis:

L. OPIVS. SEX. F. L. N. BARBATVS
PROC. COL. FAN

Item:

II. VIR. Q. Q. CORP. DENDROPHOROR
COLON. FANESTRIS. D. D

Item:

Q. DIVINVS. Q. F. APPIO
TABVLARIVS. CORP. DENDROPHOR
COL. IVL. FANESTRIS

Colonia Nuceria.

Frontinus: Nuceria Constantina muro ducta colonia. Deducta jussu imp. Augusti. Iter populo debetur P. LX. Ager ejus limitibus Juliani lege Augustana militibus est assignatus, & alibi in absoluto resedit. Livius libro XXVII. Nucerninos querentes ubi habitarent Nuceria deleta, Atellam, quia id maluerant, Atellanis Calatiam migrare jussu, transducti M. Marcello, & M. Levino cos. Ptolomæus lib. III. cap. I. Umbrosum qui sunt supra Tuscos Nuceria colonia, postea Picentinorum Nuceria colonia.

Colonia Orientium.

Orientium colonia lege Augusti censita est limitibus Græcanis, qui recturas maritimas, & montanas spectant, postea per cardines decumanos, & duodecumanos assignata est. Frontinus.

Colonia Privernum.

Privernum oppidum muro ductum coloniam militibus deduxit imp. Cæsar sine colonis. Iter populo debetur P. XXX. Ager ejus pro parte cultus jugeribus est assignatus. Ceterum in lacineis vel in absoluto remansit. Frontinus. Privernum vetus municipium & præfectura ante fuit, auctore Festo.

Colonia Ravenna.

Strabo lib. V. Ariminum Umbrosum colonia, ut Ravenna, sed utraque Romanos habet inquilinos. Hæc ab Augusto instituta est, quum classem in ejus portu instruxit, quæ Hadriatico sinu tuendo excubaret.

Colonia Tergeste.

Hæc, ut ex hac antiqua Tergestina inscriptione liquet:

IMP. CAESAR. COS. DESIG. TERT. III. VIR
P. P. C. ITER. MVRVM. TVRRESQVE. FECIT

ab Augusto deducta est. De qua Plinius lib. III. cap. XVIII. In X regione Italiae Tergestinus sinus, colonia Tergeste XXXIII. mille passuum ab Aquileia. Ptolomæus libro tertio, cap. primo: Istriæ post flexum intimi Hadriatici sinus Tergeste colonia.

Colonia Theanum Sidicinum.

Frontinus: Theanum, quod & Sidicinum, colonia deducta a Cæsare Augusto. Iter populo debetur P. XXXV. Ager ejus limitibus metricis omnibus est assignatus. Plinius lib. III. cap. V. In regione prima Italiae coloniae Capua, Aquinum, Suessa, Venafrum, Sora, Theanum Sidicinum, & Nola. Hæ autem sunt coloniae, quas pro constanti Augustum Cæsarem deduxisse inveni. Sequuntur hæc tres præterea coloniae a Nerone Claudio fratre, & Druso Cæsare filio Tiberii Imperatoris factæ, de quibus scribit Frontinus.

Colonia Atina.

Atina muro ducta colonia, deduxit Nero Claudius, iter populo non debetur; ager ejus pro parte in lacineis & strigis est assignatus. Frontinus.

Colonia Anagnia.

Hæc ex municipio a Druso Cæsare deducta colonia est. De qua ita scribit Frontinus: Anagnia muro ducta colonia Drusi Cæsaris, populus dederat. Iter populo non debetur, ager ejus per strigas est assignatus. Hæc colonia municipium vetus, & præfectura ante fuerat.

Colonia Calagna.

Calagna muro ducta colonia jussu Drusi Cæsaris populus deduxit. Iter populo non debetur, ager ejus veteranis est assignatus. Frontinus de coloniis.

Coloniae incerto tempore deductæ.

Colonia Abella.

Abella municipium coloniae, vel familiae imp. Cæsaris Vespasiani jussu acceperunt, postea in lacineis ager ejus in jugeribus militi est assignatus. Iter populo debetur. Frontinus.

Colonia Æfis.

Hujus coloniae non nisi in vetustis his epigrammatibus mentionem extare didici sic:

PATRONO. COL. AESIS

Item:
PATRONO. COL. AVXIM
ET. COL. AESIS
ET. MVNIC. NVMANAT

Item:
PLEBS. COLON. AESIS

Colonia Ancon, alias Ancona.

Plinius lib. III. cap. XIII. Quarta regione Piceni Numana a Siculis condita. Ab eisdem colonia Ancon apposta, promontorio Cumero in ipso stentis se ore cubito. Vetus inscriptio:

DECVRIONES. ET. PLEBS
COLONIAE. ANCONITANORVM

Colonia Apulesum.

Hujus coloniae tantum vetus hic lapis meminit:

P. AELIO. P. F. PAPIR. MARCELLO
PATRONO. ET. DECVRIONI
COLONIAE. APVLESIVM

Colonia Asculum.

Plinius lib. XIII. cap. XIII. In quinta regione Piceni Cupra oppidum, castellum Firmanorum, & supra id colonia, Asculum Piceni nobilissima. Asculum Cicero pro Sulla municipium vocat. Vetus epigramma:

DECVRIONES. ET. PLEBS
COLONIAE. ASCVLANORVM

Colonia Asta.

Ptolomeus lib. III. cap. I. In Liguria Asta colonia.

Colonia Brixillum.

Plinius libro XIII. cap. XV. In octava regione colonie Bononia, Brixillum, Mutina. De hoc oppido plura scribit Tacitus libris Hist. II. & III. clade Orthoinis inigne.

Colonia Cædicia.

Vetus epigramma tantum, quod sciam, hanc coloniam commemorat ita:

DVOVIR. MVLSVM. ET. CRVSTVM
COLONIS. SENVISSANIS. ET. CAEDICIANIS

Colonia Capis.

Capis coloniae pro aestimo ubertatis, & naturæ locorum sunt agri assignati, nam termini in variis locis sunt positi. Frontinus.

Colonia Concordia.

Plinius libro tertio, cap. XIX. In decima regione Venetia, colonia concordia. Ptolomeus lib. III. cap. I. Carnorum mediterraneæ coloniae, Forum Julii, concordia, Aquileia.

Colonia Gabii.

Lapis vetus extat Zagaroli, quod oppidum olim Gabios fuisse creditur sic exaratus: Hanc Cic. Philip. II. municipium vocat.

CN. ARRIO. CN. F. PVB. AXIMIO
PATRONO. ORDIN. ET. COLON

Colonia Istonium.

Hujus coloniae mentio est in vetusta quadam, quam
supra retuli, inscriptione.

Colonia Laurolavinium.

*Laurolavinium lege & consecratione veteri manet.
Ager ejus ab Imperatoribus, Vespasiano, Trajano, &
Hadriano in lacus est assignatus, iter populo non
debetur.* Frontinus de coloniis.

Colonia Lucus Feroniae.

Plinius lib. III. cap. V. *In regione VII. intus coloniae
Faliscæ Etruscorum, Lucus Feroniae, Ruscellana, Sen-
ensis, Sutrina.*

Colonia Lupia.

Vetus inscriptio:

PATRONO. COLLVPIENSIVM
PATRONO. MVNICIPI

Colonia Neapolis.

Vetusta epigrammata:

PATRONO. COLONIAE. NEAPOLITANAE

item:

GENIO. COLONIAE. NEAP

item:

ORDO. ET. POPVLVS. NEAPOLITANVS
S. P. Q. NEAPOLITANVS. D D
L. BAEBIO. L. F. GAL. COMINIO
PATRONO. COLONIAE

Colonia Pampia.

Vetus inscriptio:

CENAM. COLONIS
SENVISSANIS. ET. PAMPIIS

Colonia Praeneste.

A. Gellius libro XVI. cap. XIII. *D. Hadrianus in
oratione, quam de Italicis, unde ipse ortus fuit,
in senatu habuit, Praenestinos refert maximopere a
Tiberio Imp. petiisse, crasseque ut ex colonia in mu-
nicipii statum redigerentur, idque illis Tiborium pro
referenda gratia tribuisse, quod in eorum finibus sub
ipso oppido, ex capitali m. rbo reuoluisse. Festus Prae-
neste municipium sui juris vocat.* Vetus inscriptio:

PATRONO. COLONIAE
PRAENESTINORVM

Colonia Regium Lepidi.

Prolemaeus lib. III. cap. I. *In Gallia Togata Regium
Lepidi colonia.*

Colonia Ruscellana.

Plinius lib. III. cap. V. *hujus coloniae in Tuscia
mentionem facit.*

Colonia Sepinum.

*Sepinum oppidum muro ductum, colonia ab imp.
Nerone Claudio est deducta, iter populo debetur P.
L. ager ejus in Augusteis centuriis est assignatus.*
Frontinus.

Colonia Salpis.

Hujus coloniae meminit Frontinus in libro de co-
loniis: *Salpis muro ducta colonia, &c.*

Colonia Sena.

Plinius lib. III. cap. V. *In regione VII. Etruriae co-
lonia Faliscæ, Lucus Feroniae, Ruscellana, Senensis,
Sutrina.*

Colonia Senuisa.

Antiqua inscriptio:
DVOVIR. MVLSVM. ET. CRVSTVM
COLONIS. SENVISSANIS.
ET. CAEDICIANIS

Item:

CAENAM. COLONIS
SENVISSANIS. ET. PAMPIIS

Colonia Tolentinum.

Tolentini vetus inscriptio hæc adhuc extat:

MAVORTI. ET. GENIO. COLONIAE

Item:

T. FLAMINIO
PONTIFICI. TOLENTIN

Tolentinatum in Piceno meminit Plinius lib. III.

Colonia Verule.

*Verule oppidum muro ductum, ager ejus limitibus
Gracchanis in nominibus est assignatus: ab Imper.
Nerva colonis est redditus.* Frontinus in libro de co-
loniis.

Atque hæc sunt omnium coloniarum civium Ro-
manorum, Latinarum, & militarium nomina, quas
a Romulo usque ad imperii excidium deductas fuisse
intra Italiam apud veteres auctores, vel inscriptio-
nes invenerim. Quarum pars major, ordine tempo-
rum servato, digesta est. Has vero posteriores, qua-
rum tempora invenire non potui, una ordine al-
phabetico subjunxi. Nunc quæ antiqua municipia,
vel præfecturæ fuerint ante legem Juliam, exponam.

C A P. XII.

D: Municipiis.

MUNICIPIORUM (ut dixi) duo genera fuerunt,
alterum quod jus civitatis sine suffragio ha-
bebat, alterum vero, cui cum suffragii latio-
ne civitas data est. Primi omnium municipes, &
sine suffragii jure facti fuerunt Cærites, quibus pro
sacris Romanis bello Gallico receptis custodiisque
concessum est, ut civitatis Romanæ honorem qui-
dem caperent, sed negotiis tamen atque oneribus
vacarent, ut tradit Gellius lib. XVI. cap. XII. Hinc
tabulae Cærites appellatae, in quas censores referri
jubebant, quos notæ causæ suffragiis privabant, ut
Asconius in Verinis prodidit. Cære autem munici-
pium haud longe post urbem a Gallis captam, an-
tiquae urbis CCCLXIII. factum est.

Municipium Cære.

Cærites primos municipes & eos sine suffragii ju-
re fuisse, supra ex Asconio & Gellio demonstravi.
Hoc municipium inter eas præfecturas refert Festus,
in quas prætor urbanus præfectos creare solebat.
Huic municipio ante legem Juliam civitatem cum
suffragio datam fuisse Festus aperte innuere videtur,
quum illud eo jure, quo Aricini fuerant, donatum
scribat, & Aricinos ex Livio cives Romanos fuisse
constit cum suffragii latio. Vetus lapis:

IMP. CAESARI. DIVI. F. AVGVSTO
PONTIF. MAXIM. S. P. Q. CAERES

Item:

L. VILLONIO. ASELO. AVGVRI
CENS. MVNICIPES. ET. INCOL

Item:

SOLI. SANCTISSIMO. C. AEMILIVS
C. F. SCAPT. PROCVLEIANVS
SECVNDVS. DECVRIO. MVNICIP. CAER

Munic-

Municipium Tusculum.

Primum omnium municipium cum suffragii latio-
ne fuit Tusculum, cui quum (ut inquit Sex. Pompeius) primo sine suffragio civitas data esset, post aliquot annos pleno jure cives Romani Tusculani facti sunt. Ejus rei ita meminit lib. VI. Livius: *Tantum fere verborum a Tusculanis in senatu factum. Pacem in presentia, nec ita multo post, civitatem impetraverunt. Ab Tusculo legiones deduxit.* Hoc autem factum est anno urbis CCCLXXXIII. Civitatem vero Romanam (ut opinor) sine suffragii jure eos adeptos fuisse quadriennio post refert idem Livius. *Incessos Latinos ea rabie impetus Tusculum tulit, ob iram quod deserto communi concilio Latinorum, non in societatem modo Romanam, sed etiam in civitatem se dedissent.* Hoc factum est anno urbis CCC-LXXVII. Tusculanos vero suffragii jure haud longe post primum consulere e plebe creatum, ex his Imp. Claudii verbis apud Tacitum intelligo. *Plebei (inquit) magistratus post patricios, Latini post plebeios, ceterarum Italiae gentium post Latinos. Neque enim eorum videbatur plebem Romanam magistratibus capiendis exclusam, alienigenas vero admissos fuisse.* Eos vero suffragii jure a populo donatos, in tribum Papiriam, ut Livius lib. VIII. vel Popiliam, ut Valerius libro IX. cap. X. tradunt, a censoribus relatos fuisse constat. Adji- cit libro octavo Livius post bellum Latinum, quo Latium omne domitum est, anno urbis CDXVI. L. Furio, C. Mænio cos. *Tusculani civitas servata quam habebant, criminesque rebellium a publica fraude in paucos auctores versum.* Ex Tusculo celebres familiae, quæ Romæ summos honores adeptæ sunt, prodierunt, Porcii, & Cornucanii, ut Cicero & Tacitus tradunt; quamquam Tacitus Cornucanos non Tusculo, sed Cameria oriundos scribat. De municipio Tusculo meminit Cic. pro Plancio.

Municipium Lanuvium.

Anno urbis conditæ CDXVI. L. Furio Camillo, C. Mænio cos. reliquis omnibus belli Latini extinctis, Latique omni ab his cos. in dedicationem populi Romani accepto, Camillus de Latinis populis ad senatum retulit, patresque hortatus est, ut hostes victos more majorem pro civibus haberent, eosque in civitatem, quo illos in perpetuum fideles haberent, acciperent. *Principes senatus (inquit Livius) relationem consulis de summa rerum laudare, sed quum aliorum alia causa esset, ita expediri posse consilium dicere, ut pro merito cujusque statueretur, si de singulis nominatim referrent populi. Relatum igitur de singulis, decretumque. Lanuvini civitas data, sacraque sua reddita, cum eo ut ædes lucisque Sospitæ Junonis communis Lanuvini municipibus cum populo Rom. esset.* Sex. Pompeius: *Servius filius aiebat, Municipis initio fuisse, qui ea conditione cives Romani fuissent, ut semper reimp. separatim a populo Rom. haberent (id est qui suis legibus viverent) Cumani videlicet, Aterranos, Atellanos, qui eque cives Rom. erant, & in legione merebant.* Municipium id genus hominum dicitur, qui quum Romam venissent, neque cives Romani essent, participes tamen fuerunt omnium rerum ad munus fungendum una cum Romanis civibus, præterquam de suffragio ferendo, aut magistratu capiendi, sicut fuerunt quondam Fundani, Formiani, Cumani, Atervani, Lanuvini, Tusculani, qui post aliquot annos cives Rom. effecti sunt. De Lanuvini municipio mentionem facit Cic. pro Muræna, quod postea a Cæsare dictatore ex municipio colonia facta est.

Municipium Aricia.

Suggerit Livius lib. VIII. *Aricini, Nomentani-que, & Pedani, eodem jure quo Lanuvini in civitatem accepti.* Et Velleius libro I. *Deinde interpositis duobus & triginta annis Aricini in civitatem recepti.*

A Sex. Pompeius: *Alio modo municipium dicitur, quum id genus hominum definitur, quorum civitas universa in civitatem Romanam venerit, ut Aricini, Ceriter, Anagnini.* Aricia postmodum ex municipio colonia facta est exolecentibus (ut scribit Gellius) municipiorum juribus, & privilegiis. Eam enim Florus ex Livio in epitoma libri LXXX. coloniam vocat. Ceterum quum tam de municipiorum numero, quam de iis qui cum suffragio civitatem adepti sunt, inter Livium, Velleium, & Festum controversia sit, ego hic Livium sequi decrevi, qui, mea sententia, accuratius hanc rem tractavit. Ne vero Velleius & Festus, a Livio dissentiant, quæ a me fieri poterit, operam dabo, atque eorum repugnantiam, si quæ ulla tamen sit, tollere curabo. Quamquam non ignorem Festi locum, ubi de municipiis loquitur, corruptum esse, aliquotque verba Festi ipsius, aliquot vero Epitomistæ esse, quæ invicem inserta rem ipsam valde obscuram reddunt. Ego tamen ex Festo non nisi municipiorum nomina excipere volui; nam triplicem, quam eorum distinctionem facit, me satis non intelligere fateor. Ex Livio enim & Gellio aperte colligitur, duo potissimum municipiorum genera, quemadmodum ego initio dixi, tantum fuisse.

Municipium Nomentum.

Aricini (inquit Liv. lib. VIII.) Nomentani, Pedani eodem jure quo Lanuvini in civitatem accepti, anno urbis CDXVI. L. Furio, C. Mænio cos.

Municipium Pedum.

Pedani cum Nomentanis, & Aricinis, eodem jure quo Lanuvini, cives Romani facti. Pedum autem Latii oppidum haud procul a Tibure fuit. Ceterum Lanuvinos, Aricinos, Nomentanos, & Pedanos municipes hoc anno cum colonis Antiatibus civitate a populo Rom. ex S. C. donatos, censores, qui proxime creati sunt, Q. Publius Philo, & Sp. Postumius in duas novas tribus propter eos additas censuerunt Mæciam & Scaptiam. Quarum Mæcia a castro Latii Mæcio dicta est, de quo sic scribit lib. VI. Livius: *Tertiam partem dictator Camillus ad Volcos duxit, nec procul ab Lanuvio, ad Mæcium (is locus dicitur) castra oppugnare est adortus.* Scaptia vero a Latii urbe Scaptia dicta est, de qua Plinius libro III. cap. quinto meminit.

Municipium Fundi.

Eodem anno post bellum Latinum, L. Furio, & C. Mænio cos. Fundanis Formanisque, quod per fines eorum tuta pacataque fuisset via, civitas sine suffragio data. Ita libro VIII. Livius. *Paterculus vero: Interjecto triennio Fundani & Formiani in civitatem recepti, eo ipso anno quo Alexandria condita est. Addit idem Livius libro XXXIX. M. Valerius Messalla, & C. Livio Salinatore cos. anno urbis DLXV. De Fundanis Formanisque municipibus, & Arpinatibus C. Valerius Tappo tribunus plebis promulgavit, ut iis suffragii latio, (nam antea sine suffragio habuerant civitatem) esset. Huic rogationi quattuor tribuni plebis, quia non ex auctoritate senatus ferretur, quum intercederent, edocti populi esse, non senatus jus, suffragium quibus vellet impartiri, destiterunt incepto. Rogatio perlata est ut in similibus tribu Fundani, & Formiani, in Cornelia Arpinates ferrent; atque in his tribubus tum primum ex Valerii plebiscito, a censoribus qui eo anno erant, T. Quintilio Flaminio, & M. Claudio Marcello, censi sunt.*

Municipium Formiæ.

Idem jus, quod municipes Fundani, habuerunt etiam iis vicini Formiani. Longo tempore post Formiæ a triumviris ex municipio colonia facta est. Municipia Fundos & Formias inter præfecturas eas refert Festus, in quas prætor urbanus singulis annis præfectos ab urbe mittebat.

Municipium Cume.

Livius libro VIII. L. Furio, C. Mænio cos. *Campanis* equitibus honoris causa, quia cum Latinis rebellare nolissent, civitas sine suffragio data, *Cumanos* Sueffulanosque ejusdem juris conditionisque, cujus Capuam esse placuit. Et libro XXIII. De CCC. equitibus. *Campanis*, qui in Sicilia cum fide stipendiis emeritis Romam venerant, delatum ad populum, ut cives Rom. essent, item uti *municipes Cumani* essent pridie, quam populus Campanus a populo Rom. defecisset. Idem lib. XL. *Cumani* petentibus permissum, ut publice Latine loquerentur, & præconibus Latine vendendi jus esset. Hoc municipium a Festo inter ea refertur, quibus postea civitas cum suffragio data est. Inter eas quoque præfecturas illud enumerat, in quas præfecti a populo mittebantur, quod postea Augustus Cæsar coloniam militarem fecit. Cumis vetus lapis:

PILVMNO. SANCTISSIMO
GENIO, MVNICIPI. SACRVM
P. IVBENTIVS. ANCHARIVS. II. VIR

Municipium Acerræ.

Livius libro VIII. Anno urbis CDXXII. A. Cornelio II. & Cn. Domitio cos. *Census actus*, novique *cives* *censi*: tribus propter eos additæ *Mecia*, & *Scaptia*. addiderunt censores Q. Publius Philo, Sp. Postumius. *Romani facti Acerrani*, lege ab L. Papirio prætoris lata, qua civitas sine suffragio data. Et Velleius: Insequentibusque consulibus a Sp. Postumio, & Philone Publilio censoribus, *Acerranis* data civitas. Hoc municipium a Festo inter ea refertur, quibus primo sine suffragio, post cum suffragii jure civitas data est. De qua re nihil Livius scribit. Hanc Festus inter eas præfecturas etiam enumerat, in quas a populo præfecti mittebantur. Quam vel ex præfectura, vel ex antiquo municipio Augustus postea coloniam deduxit.

Municipium Privernum.

Victis Privernatibus, ex auctoritate patrum Iatum ad populum est, ut Privernatibus civitas daretur. Hoc factum est auctore Livio lib. VIII. ann. urbis CDXXV. L. Emilio Mamercino II. C. Plautio Deciano cos. Hoc municipium inter eas præfecturas refert Festus, in quas prætor urbanus quotannis præfectos mittebat. Hæc postea colonia facta est:

Vetus lapis.

C. ARRIO. C. F. COR. CLEMENTI
CVRATORI. MVNIC. PRIVERNATIS

Item:

PATRONO. MVNICIPI. CVRATORI
REIP. DECVRIONES. ET. VI. VIRI. AVG.
MVNICIP. PRIVERN. DD

Municipium Anagnina.

Livius libro IX. anno urbis conditæ CDXLVIII. Q. Marcio Tremulo, P. Cornelio Arvina cos. *Hernicorum* tribus populis, *Alatrinati*, *Verulano*, *Ferentinati*, quia maluerunt, quam civitatem, sue leges reddite, connubiumque inter ipsos quod aliquandiu soli *Hernicorum* habuerunt, permissum. *Anagninis*, quique arma Romanis intulerant, civitas sine suffragio latrone data, concilia connubiaque adempta, & magistratibus, præterquam sacrorum curatione, interdictum. De municipio Anagnino meminit Cicero pro domo. An vero huic municipio civitas cum suffragio unquam data fuerit, ante legem Juliam, incognitum. Festus quum inquit: *Alio modo municipium definitur id genus boninum esse, quorum civitas universa in civitatem Romanam venit, ut Aricini, Cæræ, Anagnini*, aperte significare vide-

atur, Cære, & Anagniam suffragii jus quemadmodum Aricinos habuisse. Qui etiam Anagniam inter præfecturas enumerat, in quas prætoris urbani auctoritate præfecti ibant. Frontinus vero eam a Druso Cæsare coloniam deductam fuisse tradit. Vetus lapis:

M. RVBRIO. L. F. PROCVLO
PR. AED. Q. PONT. SALIO
MVNIC. ET. IN. COL

Municipium Arpinum.

Livius libro X. L. Genucio, Ser. Cornelio cos. anno urbis CDLI. *Arpinatibus Trebulanisque* civitas data. Ut autem sine suffragio intelligi debeat, idem facit, qui libro XXXVIII. refert Arpinatibus civitatem cum suffragio datam fuisse. De municipio Arpino meminit Cicero pro Plancio, & de claris oratoribus. Festus Arpinum inter eas præfecturas enumerat, in quas prætor urbanus singulis annis præfectos mittebat. Itemque inter ea municipia, quæ sui juris erant. Atque hæc sunt omnia municipia, quibus civitatem cum suffragio datam fuisse apud Livium inveni. Adjicit Velleius libro I. M. Curio, & Cornelio Rufino cos. (anno urbis CDLXIV.) *Sabinis* sine suffragio data civitas. Sempronio vero Sopho & Appio Cæci filio cos. (anno urbis CDXXCVI.) *suffragii forendi juri Sabinis datum*. Quod si hoc verum est, Sabinii primi fuerunt, quibus integra provinciae civitas data sit, quod tamen creditu difficile est. Nam iis post legem Juliam cum Latinis, Umbriis, Tuscis, & Gallis Cispadanis datam fuisse existimo.

Municipium Atella.

Hoc municipium etiam a Festo refertur inter ea, quibus civitas postea cum suffragii jure data est. Et in libro XIV. id unum ex his præfecturis scribit, in quæ præfecti, populi suffragiis creati, mittebantur. Utrumque enim esse potest, ut primo municipium, post bello Punico secundo, cum reliquis, quas supra enumeravi, præfectura facta sit. Illud Augustus, ut pleraque alia, coloniam deduxit.

Equites Campani.

Livius libro VIII. *Equitibus Campanis* honoris causa, quia cum Latinis rebellare nolissent, civitas sine suffragio data. Monumentoque ut esset, æneam tabulam in æde Castoris Romam fixerunt. Velleius: Sp. Postumio, Veturio Calvino cos. *Campanis* data est civitas, partique Samnitium sine suffragio.

Municipium Sueffula.

Sueffulam & Trebulam, quanquam vetusta municipia, post omnia tamen collocavi, quod iis ante legem Juliam civitatem cum suffragio datam fuisse non inveni: quod eo honore illa, quæ supra rettuli, affecta, vel aperte intelligatur, vel ex scriptorum verbis eliciatur. De municipio porro Sueffula Livius lib. VIII. Bello Latino finito, *Cumanos Sueffulanosque* ejusdem juris, conditionisque cujus Capuam esse placuit. Hanc præfecturam refert Festus ex his, in quas populus Romanus præfectos quotannis mittebat. Quod Sulla coloniam, ut supra vidimus, militarem deduxit.

Municipium Trebula.

L. Genucio, Ser. Cornelio cos. *Arpinatibus, Trebulanisque* civitas data, ita Livius libro X. Eam autem sine suffragio iis concessam fuisse, ex eo patet, quod multo tempore post Livius refert Arpinates cum suffragio civitatem adeptos fuisse: de Trebulanis vero nullam mentionem facit.

Alia quedam municipia.

Festus libro XI. *Tertio municipium definitur, quum*

id genus hominum, qui ad civitatem Romanam ita venerunt, ut municipia essent, ut sua cuiusque civitatis, & colonie jura essent, ut Tiburtes, Prænestini, Pisanæ, Arpinates, Nolani, Bononienses, Placentini, Nepesini, Sutrii, Lucenses. Ex his Tibur & Præneste, quæ civitates federatæ Latine erant, & Arpinum municipium suis legibus relicta sunt, Pise, Nola, Bononia, Placentia, Nepes, Sutrium, Luca colonia deductæ.

Memorantur a Cicerone municipia aliquot præter ea, quæ dixi, quæ haud dubie post legem Juliam facta sunt, ut Asculum in orat. pro Sulla; Aquinum, Labici, Gabii, Bovillæ, in II. Philip. Larium in orat. pro Cluentio; Ameria, pro Sex. Roscio; Tarquinii pro Cæcinnæ, & quædam alia.

Tacitus quoque lib. XVII. municipia Transpadana, Mediolanum, Novariam, Vercellas, & Eporcediam nominat.

In verustis epigrammatibus municipiorum Italico- rum Segusini, Interamnatis, Nabartis, Casuentino- rum, Vindematium, Oricolani, Surrentini, Rhe- gini, Tiburtis, Hidruntini, Sæpinatis, Sueffani, Fori Sempronii, Corani, Nolani, Aletrinati, Al- lufani, Amerini, Blerani, Arretini, Clusini, Tifer- natis, Mævania, & Mævaniole, Capænat, Ur- bini, Sassinatis, Cassinati, Hispellii, Fori Flaminii, Numanatis, Atilianis, & aliorum multorumque fre- quens mentio est. Atque hæcenus de municipiis.

C A P. XIII.

De Præfecturis.

QUÆ & quot genera præfecturarum essent, su- pra docui. Illud tantum scitu dignum ex præ- fecturis quasdam fuisse, quæ jura civitatis, & ferendi suffragii haberent, quasdam non; quemad- modum de municipiis, & coloniis dixi. Sex. Pom- peius libro XIV. duas & viginti præfecturas enume- rat, in his decem fuisse scribit, in quas præfecti populi suffragiis creati mittebantur, ut hæ, Capua, Cumæ, Cassinum, Vulturum, Linternum, Pute- oli, Aceræ, Sueffula, Atellæ, & Calatia; duo- decim vero, in quas urbanus prætor pro suo arbitrio præfectos mittebat. Hæ fuerunt Fundi, Formiæ, Cære, Venafrum, Allife, Privernum, Anagnia, Frusino, Reate, Saturnia, Nursia, & Arpinum. Quæ fere omnes, aut ex coloniis, & municipiis præfecturæ factæ sunt, aut ex præfecturis in colo- nias, & municipia redactæ. Ex his Capua præfe- ctura fuit a bello Punico secundo ad consulatum C. Cæsaris, a quo colonia deducta est. Cumæ, Acer- æ, Sueffula, Atella, Formiæ, Privernum, & Ana- gnia, tum municipia, tum colonie: Fundi vero, Cære, & Arpinum municipia tantum aliquando fue- re; Cassinum, Vulturum, Linternum, Puteo- li, & Saturnia colonie. Calatia vero, Vena- frum, Allife, Frusino, Reate, & Nursia præfectu- ræ, dum libertas populi Romani stetit, semper fue- re. Nam quum post legem Juliam æquatis omnium suffragiis civitas Italiæ omni data fuisset, municipio- rum, coloniæ, & præfecturarum jura oblitera- ta sunt, nominæque hæc confundi coepit, ut & colo- nia pro municipio, & municipium pro colonia, & præfectura, aliquando accepta sunt. Cicero enim Placentiam in L. Pisonem: Soram, & Cassinum pro Plancio: Calenum in Rullum: Sueffam in epist. ad Atticum: Cossam in Verrem municipia vocat, quas colonias deductas fuisse ostendit. Ad hæc præfecturæ ipsæ, & municipia, itemque veteres colo- niae, deductis militibus, colonie omnes denuo a Sulla primum, deinde Cæsare, triumviris, & Augu- sto factæ sunt, ut latius supra demonstravi. Præter eas præfecturas, quas ex Festo digesti, Coræ præfe-

cturæ Strabo libro quinto, Claudii Plinius libro ter- tio, cap. quinto. Atinatis Cicero pro Plancio, Rea- tinæ idem de natura deorum mentionem faciunt.

Cetera omnia (ut dixi) Italiæ oppida, quæ colo- niæ, municipia, & præfecturæ non erant, fede- ratæ civitates vocabantur, ut Tibur, Præneste, Nea- polis, & pleraque alia; hoc autem ante legem Ju- liam, & bellum Maricum intelligo: nam post ea tempora omnes Italiæ civitates, quibus jus suffragii datum erat, municipia appellari poterant. Atque hæcenus de præfecturis.

C A P. XIV.

Provinciae populi Romani extra Italiam.

ITALIA omni accurate descripta, atque ejusdem co- loniis, municipiis & præfecturis enumeratis, nunc idem de aliis provinciis faciendum esse videtur, quas populus Rom. post Italiam in fidem acceptam, ejus præcipue auxilio subjugavit. Quorum omnium Sicilia prima provincia populi Rom. statim post con- fectum bellum Punicum primum, hac ratione facta est.

Provincia Sicilia.

Pro defensione Siculorum primum cum Pœnis bel- lum susceptum est anno urbis CDXC. Ap. Claudio, & Q. Fulvio cos. Quod vario eventu per annos tres & viginti perductum est. Postremo A. Postumio, C. Lutatio cos. anno urbis DXII. Romani reparata classe, quam aliquot annis ante naufragio amiserant, C. Lutatium consulem adversus Pœnos miserunt. Qui cum classe CCC. navium in Siciliam transvectus est. Huic, quum jam Drepani portum, ceterasque, quæ circa Lilybæum sunt, stationes in potestate rede- gisset, Hanno classis præfectus ad Hamilcarem Pœnorum ducem navigans, cum CCC. & ipse na- vibus occurrit, summo commisso proelio ad Ægates insulam, res Romana superior fuit. Hanno victus navem avertit, & dux fugæ primus fuit. Aliquan- ta cum eo pars exercitus sui Africam petuit, alii Lilybæum confugere. Naves Pœnorum submersæ quinquaginta, captæ LXX. reliquæ Hieroniscum re- fugerunt. Viri capti amplius decem millia hominum. Vel (ut Orolius tradit) Punicæ naves captæ sunt I. XIII. CXXV. demersæ, XXII. millia hominum capta, cæsa tredecim millia, Romanorum autem tredecim naves demersæ sunt. Lutatius deinde ad Erycinam civitatem, quam Pœni tenebant, venit, ibique duo millia Carthaginensium conferta pugna interfecit. Ita Polybius, Livius, Florus, Eutropius, & Oro- sius. Anno vero sequenti Q. Lutatio, & A. Manlio cos. victis ad Ægates insulam Carthaginensibus, pax his conditionibus data est: Pœni Sicilia, & omni- bus insulis, quæ inter Italiam & Africam sunt, ex- cedunt. Duo millia, & CC. talenta in annos XX. pendunt, in præsens mille. Captivos Romanos sine pretio reddunt. Utriusque populi focii apud utrum- que populum tuti sunt. Alterius socios neuter in amicitiam recipito. Neuter in alieno imperio im- perato, neve milites conducito. Graves has leges impolitas Carthaginensibus Hamilcar Pœnorum im- perator moerens accepit. Quare Pœni Sicilia & Sardinia excessere, & se vestigales ac stipendiarios fieri passi sunt, anno ejus belli vigesimo quarto, in quo C. Lutatius pro consule, & Q. Valerius Falto pro prætore celeberrimos de Pœnis egerunt triumphos. Eodemque anno bello Punico primo confecto, Siciliam primam provinciam populi Ro- mani, regno Hieronis Syracusani excepto, fecit magna ex parte C. Catulus. Quod Cicero IV. in Verrem refert, qui Siciliam, quod omnium exte- rarum nationum principem se ad amicitiam, fi- demque populi Romani applicuisset, eam primam

omnium provinciam appellatam esse prodit. Aliquot vero annis post captis Syraculis universam in populi Romani potestatem redactam M. Claudius Marcellus bello Punico secundo, aut certe qui ei successit M. Valerius Lævinus provinciam fecit. Nam de Marcello Velleius ita tradit: *Primus in Siciliam trajecit exercitum cos. Claudius, & provinciam eam post annos ferme LII. captis Syraculis fecit Claudius Marcellus.* Quamobrem is Papirii Mafonis exemplum sequutus, in monte Albano triumphum de Siculis egit, urbemque ovans ingressus est, anno urbis DXLIII. Debellatum vero in Sicilia a Lævino consule potius, quam a Marcello, & Cicero in Verrem, & Livius significant. Is anno urbis DXLIV. cum M. Marcello cos. creatus, occupatis in Sicilia Agrigento, & aliis Siciliae oppidis, Pœnisque expulsis, omnino Siciliam debellavit. Itaque Cicero in Verrem, trium Siculorum bellorum confectores nominans ait: *Qui M. Lævino, aut P. Rupilio, aut M. Aquillio prætoribus in eam provinciam successerunt.* Unde Sex. Rufus, *prima provinciarum* (inquit) *facta est Sicilia.* Hæc a prætoribus primo recta est, quorum primus fuit C. Flaminius creatus anno urbis DXXVII. P. Valerio, M. Atilio cos. ut scribit Solinus. Postea ab Augusto (ut opinor) est commissa prædiditibus, demum a consularibus administrata est, quos Constantinus Imperator constituit. Sæpe enim in antiquis monumentis consularis Siciliae mentio est. Siculis jus Latii Cæsar dictator, civitatem vero M. Antonius consul donavit, ut auctor est Cicero libro decimo quarto epistol. ad Atticum. Hæc in Imperatoris occidentalis primum, deinde Gothorum regum, post Imperatoris orientalis possessione, usque ad Caroli magni tempora perduravit, in quibus a Sarracenis occupata est. Quod qua ratione factum fuerit post exponam.

Provinciae Sardinia & Corsica.

T. Manlio Torquato, C. Atilio Bulbo cos. anno urbis DXIX. bellum cum Sardinia initum. Carthaginenses enim, quum bellum reparare tentarent, Sarcos qui ex conditione pacis Romanis parere debebant, ad bellum impulerunt. Quare quum auctoribus Pœnis rebellassent, missus contra eos T. Manlius cos. ipsos devicit, de iisque triumphavit: ita Eutropius & Orosius. Quod Livius libro vigesimo primo sic commemorat: *Sardinia inter motum Africæ fraudis Romanorum stipendio etiam superimposito intercepta.* Et Velleius: *Sardinia inter primum & secundum bellum Punicum ductu T. Manlii cos. certum recepit imperii jugum.* Eam tamen non omnino a T. Manlio subactam fuisse indicant sequentes triumphus. Nam anno sequenti Sp. Carvilius Maximus, & biennio post M. Pomponius Matho consules de Sardis triumpharunt, ut ex tabulis Capitolinis constat. Quum autem M. Pomponii ultimus actus sit de Sardis hoc tempore triumphus, profecto Sardi ipsi a Pomponio consule pacati videntur anno urbis DXXI. Hanc vero primam populi Rom. provinciam hoc tempore factam esse missis ad eam componendam decem legatis, quod in faciendis provinciis postea observatum est, quidam opinantur; nam Sicilia quamquam ante victa fuerit, tamen non nisi Syraculis a Marcello captis in provinciam formam tota redacta est. Biennio post C. Papirio, & M. Pomponio cos. bellum cum Corsis gestum est, ut ex verbis epitomæ libri XX. & triumpho C. Papirii Mafonis consulis apparet, quem de Corsis primus in monte Albano, Verrio Flacco, Plinio, Valerio, & Festo auctoribus egit. Corsicum igitur vicit, & provinciam fecit C. Papirius Maf consulis, qui quum bene gesta rep. in Corsica, triumphum a senatu non impetrasset, ipse de sua sententia in monte Albano triumphavit primus anno urbis DXXIII. Hujus provinciae & Sardiniae administratio primum juncta fuit. Utraque

Alenim insulas semper unus rexit prætor, quorum primus fuit M. Valerius. Nam Florus & Pomponius auctores sunt, anno urbis DXXVII. quattuor primum prætores factos fuisse, ut duo ex his urbanos & peregrinos in urbe manerent, duos vero, ut in Siciliam, Sardiniamque novas provincias mitterentur. Hos vero fuisse M. Valerium, & C. Flaminius ostendit Solinus capite de Sicilia, quum inquit: *Sardinia & Sicilia utraque insula in Romanam potestatem redacta, iisdem temporibus provincia facta est: cum eodem anno Sardiniam M. Valerius, alteram C. Flaminius prætores sortiti sunt.* Sardiniae porro & Corsicæ administrationem junctam, atque eidem prætori traditam fuisse ex Rufo ostendi. Post Augusti temporibus earundem administratione divisa singula a prædiditibus recta sunt. Sardi quum rebellassent a Ti. Graccho perdomiti sunt, torque captivorum ab eo ducti, ut proverbium fuerit celebratum, Sardi venales. Quum iterum Sardi rebellassent, postremo a M. Metello domiti sunt, atque ab eo de eis triumphatum. Corsi quoque quum rebellassent a C. Cicero prætor subacti sunt. Qui quum triumphum non impetrasset, in monte Albano triumphavit anno urbis DXXCII. Eas Sarraceni Romanis Imperatoribus eripuerunt, ab Hispanis nunc possidentur.

Hispania duæ Provinciae citerior & ulterior.

In Hispaniam primi omnium duxere exercitus contra Afros Cn. & P. Scipiones belli Punici secundi initio, qui octavo ejus belli anno a Pœnis cæsi sunt. Post eos eo P. Cornelius Scipio Africanus major missus, multa prospere gessit, primumque ibidem provinciam fecit, L. Veturio, Q. Cæcilio cos. an. urbis DXLVIII. Qui Adrubale & Magone acie ad Bæculam urbem iugatis, atque inde ex tota Hispania pulsis, vindicatique armis Hispaniis, in Africam profectus, amicitium cum Syphace Massylorum rege icto foedere firmavit. Paulo post rebellantes Hispaniae populos ad deditionem compulsi, foedereque cum Masinissa Massylorum rege, & Gaditanis facto, provincia L. Lentulo, & L. Manlio Acidino tradita, Romam reverts est. Hinc Marcellinus libro XXV. Hispaniam primam continentis provinciam factam esse scribit. Factam autem hac victoria Scipionis Livius, & Rufus, & alii prodiderunt. Quæ tamen non hoc anno, sed anno DLVII. ordinata postea fuit, tum quum prætores duo, qui in eam quotannis mitterentur, primum creati, atque ipse terminatæ Hispaniæ sunt, auctore Livio. Post Scipionem eam L. Cornelius Lentulus pro cos. obtinuit, qui rebus fortiter feliciterque gestis, ovans urbem ingressus est, anno urbis DLVI. Triennio post, C. Cornelio Cethego, Q. Minucio cos. Hispaniæ tum primum terminatæ sunt, atque in eas primum duo novi prætores, qui ad quattuor additi fuerant, missi, C. Sempronius Tuditanus in citeriorem, & M. Helvius Blatio in ulteriorem. Blatio provincia decedens ob res bene in Hispania cum Celtiberis gestas urbem ovans inivit. Verum quum tantum gliceret in Hispania bellum, ut jam consulari, & duce, & exercitu opus esset, placuit patribus consules Hispaniam citeriorem fortiri. M. Cato consul fortissimus est, qui bello, quod ab Emporis orsus est, totam citeriorem Hispaniam, quæ rebellaverat, pacavit, atque pro consule ex ea triumphavit anno DLX. Post Catonis victoriam Hispaniæ varie possessæ, & ut ait Velleius, sæpe amissæ partibus, ita ut supra XXX. triumphis postea ex his relati memorentur. Certa ac itabilis esse populi Romani possessio, stipendiumque pendere non prius quam Augusto principe coeperunt. Qui quum Hispaniam omnem pacasset, eam constituit, atque in tres provincias, Bæticam, Lulitaniam, & Tarraconensem, ut post ostendam, divisit. Unde ita scribit Sex. Rufus: *Hispani primum auxilium*

adversus Afros per Scipionem tulimus. Rebellantes Lusitanos in Hispania per D. Brutum, qui Callaicus appellatus est, obtinimus, & usque ad Gades & Oceanum pervenimus. De his Brutus anno urbis DCXVIII. pro cos. triumphavit. Post ad Hispanos tumultuantes D. Silanus missus, eos vicit anno urbis DCLIV. Celtiberi in Hispania sepe rebellabant, sed misso minore Scipione cum excidio Numantie subacti sunt. Omnes pene Hispaniæ occasione belli Sertoriani per Q. Metellum Pium, & Cn. Pompejum in deditionem acceptæ sunt, de iisque hi duces triumpharunt: postea prorogato imperio in quinquennium a Porpicio perdomiti sunt. Ad extremum quoque a Cæsare Augusto Cantabri, & Astures, qui freti montibus resistebant, deleti sunt. Livius libro XXVIII. de Hispania loquens: *Itaque (inquit) Romanis prima inita provinciarum, quæ quidem continentis sunt, postrema omnium nostra demum ætate, ductu auspicioque Cæsaris Augusti perdomita est.* Et Velleius libro secundo: *Hispaniæ nunc ipsum Augusti provincia, nunc Agrippæ, quem usque in tertium consulatum, & mox collegium tribuniciæ potestatis amicitia principis exexerat, multo varioque Marte pacatæ. In quas provincias, quum initio Scipione & Sempronio Longo cos. primo anno secundi belli Punici, Romani exercitus missi essent, ducibus P. & Cn. Scipionibus Africanis patre & patruo, per annos CC. in his multo, mutuoque ita certatum est sanguine, ut amissis prætorii, imperatorisque exercitiis, sepe contumelia etiam nonnunquam periculum Romano inferretur imperio. Ille enim provincie Scipiones consumpserunt, ille contumelioso viginti annorum bello duce Viriati majores nostros exercuerunt, ille terrore Numantini belli populum Romanum conculcaverunt. In illis turpe Q. Pompeii fœdus, turpiusque Mancini senatus cum ignominia dediti Imperatoris rescidit. Illa tot consulari, tot prætorii absumpsit duces, patrumque ætate in tantum Sertorium armis extulit, ut per quinquennium dijudicari non potuerit, Hispanis Romanis ne in armis plus esset roboris, & uter populus alteri pariturus foret. Has igitur provincias tam diffusas, tam frequentes, tam feras ad eam pacem perduxit Cæsar Augustus, ut quæ maximis bellis nunquam vacaverunt, eæ sub C. Antipio, ac deinde P. Silo legato, ceterisque postea etiam latrocinii vacarent, &c. Quum eam omnem (ut tradit Plutarchus in Scipione) Augustus in provincie formam redegit. Universe Hispaniæ (ut refert Plinius libro tertio, cap. tertio) Imperator Vespasianus Augustus jactatus procillis reipub. Latii sui tribuit, civitatem vero Antoninus Caracallus Severi Augusti filius dedit.*

Provincia Asia.

L. Quindtio, & Cn. Domitio cos. anno urbis DLXII. Antiochus magnus Syriæ rex bellum Romanis intulit: regem movere partim Thoas Ætolie princeps, qui Ætolos populi Romani focios haud satis dignis præmiis bello Macedonico confecto a Romanis affectos querebatur, partim Hannibal Pœnus, qui in Africa victus, & profugus, & pacis impatiens hostem populo Romano toto orbe quærebat. Intulit autem nimia opum suarum fiducia adductus, specie Lyfimachie repetendæ, quam a majoribus suis in Thracia conditam Romani possidebant, statimque Græciam ac insulas ejus occupavit. Primus adversus eum missus est M. Acilius Glabrio cos. Duravit hoc bellum annos tres. Primo anno M. Glabrio cos. Antiochum bello victum apud Thermopylas Græcia expulit, atque Ætolos devicit. Altero anno L. Scipio Africani frater, quum in consultiu Asiae & bellum contra Antiochum regem obtinisset, eo cum Africano fratre legato profectus, regem ipsum, Eumene Pergami rege adju-

vante, apud Sipylum montem ad Magnesiæ acie vicit, ac bellum confecit, Asiaticusque appellatus est. Antiocho pacem petenti his conditionibus data est, ut Europa abstineret, Asiæque omni, quæ cis Taurum est, decederet, pro impensis in bellum factis xv. millia talentorum Euboicorum traderet, mille talentum per xii. annos penderet, Eumeni cccc. talenta redderet. Cum Asiaticis autem ita pactum, ut cis Taurum montem, quæ intra regni Antiochi fines fuissent, Eumeni attribuerentur præter Lyciam Cariamque usque ad Mæandrum amnem, ea Rhodiorum essent. Liberæ omnes civitates, quæ Attali stipendiariæ fuissent, eadem Eumeni vectigal penderent, quæ vectigales Antiochi fuissent, eæ liberæ atque imunes essent, Eumeni Phrygia utraque, & Mysia restituta. Triumphavit L. Scipio ex Asia, & rege Antiocho, an. urbis DLXV. Post Eumenem, eam beneficio S. P. Q. R. possedit Attalus ejus filius. Is anno urbis DCXXI. sine liberis moriens, populum Romanum regni reliquit heredem. Verum Ariftonicus Eumenis filius non justo matrimonio ex pellice natus, post mortem Attali velut paternum regnum invalit Asiam, Crassum Mucianum consulem adversus se missum cepit, & occidit. Quam rem ita tradit Florus in epitoma libri LIX. Ariftonicus regis Eumenis filius Asiam occupavit, quum testamento Attali regis legata populo Romano libera esse deberet, adversus eum P. Licinius Crassus cos. profectus, prælio victus, & interemptus est. Crasso in Asiam consul Perperna successit. Qui Ariftonico acie victo, captoque bellum confecit. Ante tamen mortuus quam Romam rediret, triumphare non potuit. Perperna M. Aquilius consul successore fuit, qui Asiatici belli reliquias finivit. Cujus belli occasione Lydian fedem antiquam regnorum, Cariam, Joniam, Mysiam, Hellepontum, ac Phrygiæ partem in potestatem populi Rom. deditione venisse, Rufus & Jornandes produnt. Phrygiam vero ab Aquillio Mithradati regi Pontico pecunia accepta concessam, ipsum eo nomine Romæ postularum, senatum Phrygiam liberam esse jussisse tradit Appian. lib. I. bellorum civilium. Iulstinus adjicit libro XXXVII. Phrygiam Mithradati patri, Ariarathis Cappadociæ regis, qui in hoc bello ceciderat, filiis, Lycaoniam & Ciliciam datas. Ceterum more majorum in constituenda Asia, eaque in provincie formam redigenda, cum M. Aquillio cos. decem legati missi sunt. Ita Strabo. Triumphavit post ex Asia M. Aquilius anno urbis DCXXVIII. Hanc rem brevissime ita tradit Velleius: *Asiam L. Scipio Africani frater eripuit Antiocho, sed beneficio S. P. Q. R. mox ab Attali possessam regibus M. Perperna capto Ariftonico fecit tributariam. Et Sex. Rufus: Asia societate Attali regis nota Romanis est. Eamque Attali testamento relictam hereditario jure possidemus. Ne quid tamen populus Rom. non viribus partum haberet, armis per nos ab Antiocho rege Syrorum maxime est vindicata. Eademque occasione, Lydia sedes antiqua regnorum, Caria, Hellepontus, ac Phrygia in potestatem populi Romani juncta deditione venerunt. Et Plinius libro XXXII. Asia (inquit) primum devicta, luxuriam misit in Italiam. Siquidem L. Scipio transtulit in triumpho argentei celati pondo millia CCCL. vaforum aureorum pondo millia centum, anno urbis DLXV. Eadem Asia domita multo etiam gravius affixit mores, inutiliorque victoria illa hereditas Attalo rege mortuo fuit. Tum enim hæc emendi Romæ in Asiaticis regibus verecundia exempta est, urbis an. DCXXVI. mediis LVI. annis erudita civitate amare etiam, non solum admirari opulentiam externam, immenso & Acbaicæ victoriæ momento ad interpellendos mores, quæ & ipsa hoc intervallo anno urbis DCVIII. Parthica signa, & tabulas pictas invexit. Quam vero Asiæ dispositionem fecerit Augustus, quum im-*

perium constitueret, infra aperiam. Hæc provincia modo a pro consulibus, modo a pro prætoribus administrata est.

Provincia Aetolia.

Quum Aetoli ab amicitia populi Romani defecissent, se Antiocho regi Syriæ conjunxerunt, qui bello Græciæ illato plures urbes occupaverat. Itaque adversus eum M. Acilius Glabrio consul, rege Philippo Macedonum adjuvante, apud Thermopylas prospere pugnavit, eumque victum Græcia expulit, atque Aetolos devicit. Eos postremo non quiescentes M. Fulvius Nobilior consul, Ambracia Aetolorum urbe nobilissima capta, ad pacis condiciones petendas compulit. Pacis condiciones fuerunt hæc teste Livio: *Imperium maiestatemque populi Romani gens Aetolorum sine dolo malo conservato. Ne quem exercitum, qui adversus socios amicosque eorum ducetur, per fines suos transire sinito, neve ulla ope juvato. Hostes eosdem habeto, quos populus Romanus, armaque in eos ferro, bellumque pariter gerito, obsides XL arbitratu consulis Romani dato, Cephallenia extra pacis leges esto. De pecunie summa, quam penderent, pensionibusque ejus nihil ex eo, quod cum consule convenerat, mutatum.* Fulvius postea Cephalleniam transgressus, omnes civitates in deditionem sine prælio ullo accepit. Samii soli obsidione in potestatem venerunt. Romam Nobilior reverfus, nobilissimum de Aetolis & Cephallenia triumphum egit ano DLXVII.

Galli Asiatici victi.

Eodem anno Cn. Manlius M. Nobilioris collega, ad ordinandam Scipionis Asiatici provinciam, & fœdus cum Antiocho scribendum missus, quum Ephesum in Asiam trajecisset, bellum Gallis Asiaticis, quod eos Antiochum auxiliis juvisse diceret, movit: atque ad singula eorum oppida, Attalo rege ducente, arma circumtulit, Pitidæque, Gallogracos, Tolistobogios, Tectosagas, & Trocinos, qui Breno duce in Asiam transierant, quum soli citra Taurum montem non parerent, adortus, bello sine S. C. aut jussu populi suscepto, in potestatem adduxit, & de iis triumphavit. Rufus: *Gallogræciam (inquit) id est, Galatiam, sunt enim, ut nomen resonat, ex Gallis Galatæ, quod Antiocho contra Romanos auxilium præbuisse, Cn. Manlius invasi. Mummius pro consule Galatas persequutus est, & confugientes partim in Olympum, partim in Megaram, de arduis eos in plana destruxit, & victos in perpetuam pacem redegit.* Postea Galatiam Deiotarus tetrarches Romanis permittentibus tenuit: ad extremum sub Cæsare Augusto, Galatia in formam provincie redacta est, eam primus M. Lollius pro prætore administravit.

Macedonia Provincia.

P. Sulpicio Galba, C. Aurelio Cotta cos. paucis post secundam pacem Carthaginensibus datam mensibus, cum Philippo Macedonum rege bellum initum, quod Philippicum sive Macedonicum primum dictum est. Vacuos enim pace Punica jam Romanos, & insensos Philippo, quum ob insidiam adversus Etoios, aliosque regionis ejusdem socios pacem, rum ob auxilia cum pecunia nuper in Africam missa, Hannibali Pœnique preces Atheniensium, quos agro pervalsato in urbem Philippus compulerat, excitaverunt ad renovandum Philippo bellum, quod decem ferme ante annis inceptum, triennio prius depositum erat, quum Aetoli & belli, & pacis causæ fuissent. Ut ergo cum Pœnis pro Mamertinis sociis primum, deinde pro Saguntinis secundum bellum susceptum est, sic cum Philippo pro Atheniensibus. Hoc bellum a P. Sulpicio cos. inchoatum annos quattuor perduravit. Nam T. Quinctius Flaminius consul adversus Philippum missus, cum eo ad Cinoscephalas acie victo debellavit. Quo tempore L. Quinctius frater ejus Acarnanes, Leucade urbe, quæ

caput est Acarnaniæ, expugnata, in deditionem accepit. Legati a rege Philippo interim venerunt, qui quæcunque senatus censuisset, id regem facturum esse dixerunt. Decem legati more majorum, quorum ex consilio T. Quinctius imperator leges pacis Philippo daret, decreti. Qui anno urbis conditæ DLVIII. ex decem legatorum sententia pacem Philippo, Græciæ omni libertatem dedit. Atque ita primum Macedonicum bellum confectum est. Porro autem quum Philippus ægre ferens se jussu Romanorum fœdus ac pacem habere, Bastarnas sedibus suis excivisset, eorum auxiliis fretus, secundum bellum Romanis clam comparaverat, in cuius belli apparatu mortuus est. Id a patre jam meditatum, ac comparatum Perſes ejus filius suscepit, quod Perſicum & Macedonicum secundum vocatum est. Perſes enim quum regnum suscepisset, quasi hereditario sibi a patre relicto adversus Romanos bello, ingenti pecunia comparata, multa præter fœdera gessit. Quare bellum ei a S. P. Q. R. indictum est, quod adversus fœdus cum Philippo patre idum, & secum post mortem ejus renovatum, sociis populi Romani arma intulisset, quodque belli parandi adversus populum Romanum consilia iniisset, & arma, milites, classemque ejus rei causa comparasset. Hoc bellum P. Licinio Crasso, C. Cassio Longino inchoatum, quadriennio post L. Æmilius Paulus II. consul creatus III. Nonas Septemb. collatis apud Pindam signis confect. Perſem enim XX. millibus peditum occisis, equitatu cum ipso rege integro fugiente, vicit, castris exiit, atque omnes Macedoniæ urbes in deditionem XL. diebus accepit. Rex ab amicis desertus, postea apud templum Samothracum a Cn. Octavio classis præfecto captus est. Paulus Macedoniam tunc provinciam non fecit, sed tum ex sententia X. legatorum, quos ad componendam Macedoniam fœnatus de more milit. Macedonas omnes liberos esse jussit, & ut suis legibus viverent, suas urbes & agros haberent, magistratus annuos crearent, permisit; veteris etiam stipendii, quod regibus pependerant, dimidia parte relevavit, alteram dimidiam populo Romano pendere jussit; leges Macedoniæ dedit tanta cum cura, ut non hostibus victis, sed sociis bene meritis dare videretur. Inde in Epirum cum trajecisset, oppidorum, quæ Perſen juverant, circa LXX. muros diruit, prædam vendidit, atque de ea summa militi numeravit. Inde Romam veniens, per triduum ex Macedonia de rege Perſe triumphavit, anno urbis conditæ DXXCVII. Ceterum postremo hanc ob causam Q. Metellus Macedonicus Macedoniam anno urbis DCVII. provinciam fecit. L. Marcio & M. Manilio cos. Andriſcus, qui Philippi nomine sumpto se Perſis Macedoniæ regis filium ingenti asseveratione mentiebatur, contracto exercitu totam Macedoniam, aut voluntate incolectum, aut armis occupavit. Thessalia, quum & illam invadere armis atque occupare veller, per Romanos legatos auxiliis Achæorum defensa est. Adversus eum Q. Cæcilius Metellus prætor missus, XXV. millibus hominum occisis eum vicit, & in potestatem redegit, Macedoniam recepit, unde & Macedonicus dictus est. Hoc bellum Macedonicum tertium vocatum est, quo confecto Macedonia in provinciam formam redacta est, ut tradit Florus.

Illyricum & Dalmatia.

Illyrii & Liburni, qui sub extremis Alpium radicibus inter Ariam Lyncumque flumina agunt, longissimeque per totum maris Adriatici litus effusi sunt, muliere Teuta regnante, populationibus non contenti & rapinis, quas in mari agebant, alterum quoque ex legatis Romanis, qui missi fuerant de acceptis injuriis conqueſtum, occiderunt. Quare bellum iis, L. Postumio, & Cn. Fulvio cos. primum indictum est. Quos brevi cos. Apollonia capta debellarunt. Atque cum

regina Teuta his conditionibus pax facta est, ut Teuta quotannis tributum penderet, ac omni fere Illyrio excederet, neque ei extra Lissum, nisi cum duobus iisque inermibus lembis navigare liceret. Quieverunt Illyrii usque ad bellum Periticum, vel Macedonicum secundum. In quo quum Perſeus ultimo belli discrimine a Romanis urgeretur, gentium Illyriorum regem ad belli societatem magnæ pactione pecuniæ per legatos attraxit. Adversus quem L. Anicius Gallus prætor a Romanis missus, Illyricum omne, gentis capite Scodra capta, intra triginta dies subegit, ac Gentium ipsum regem cepit; Illyriumque, & Dalmatiam eodem anno, quo Macedoniam Paulus, idem L. Anicius debellavit, & unam provinciam fecit: triumphavitque post Paulum aliquot diebus, rege Illyriorum Gentio, cum fratre, conjugē, & liberis ante curram ducto. Quod bellum (ut inquit Florus) ante finitum est, quam geri Romæ nuntiaretur. Adversus Dalmatas aliquot annis post rebellantes C. Marcius cos. primum parum prospere, postea feliciter pugnavit. Eandem vero gentem P. Scipio Nafica Corculum cos. anno DCCIX. Delminio urbe expugnata domuit, & de iis triumphavit. Postremo eos etiam tumultuantes L. Cæcilius Metellus Dalmaticus omnino subegit.

Africa Provincia.

In Africam pro defensione Siculorum Mamertinorum Romana primum transmissa sunt signa, primumque Punicum bellum XXIV. annorum intervallo gestum. Iterum cum Pœnis per Saguntinorum defensione bellum XVII. annorum susceptum, quod a Pœnis Hannibalis ductu gestum; eo victo a Scipione Africano confectum est, paxque a P. Scipione his conditionibus Carthagenensibus concessa est. Ut liberi sui legibus viverent, quas urbes, quosque agros, quibusque finibus ante bellum tenuissent, tenerent. Perſugas, & fugitivos, & captivos omnes, & naves rostratas præter decem triremes traderent, elephantesque quos haberent domitos, neque domarent alios. Bellum neque in Africa, neque extra Africam iniussu populi Rom. gererent. Massinissæ res redderent, fœdusque cum eo facerent. Decem millia talentum argenti descripta, pensionibus æquis in annos L. solverent, obsides centum arbitratu Scipionis darent. Ita Livius, Appianus, & alii. Atque hac ratione secunda pax Punica fuit. Quæ annis prope quinquaginta duobus perduravit. Nam anno urbis DCV. L. Marcio, & M. Manilio cos. bellum tertium non solum Pœnis indictum, sed etiam initum est, quod post intra quadriennium Carthaginis ipsius excidio a P. Scipione Africano minore est terminatum. Belli causæ erant, quod contra fœdus naves haberent, & extra fines exercitum duxissent, quodque socio populi Romani & amico Massinissæ arma intulissent, & quod filium ejus Gulusam, qui cum legatis Romanis erat, in oppidum non recepissent. Bellum per quadriennium gestum est. Quod postremo Carthagine a P. Scipione expugnata DCC. anno quam erat condita, confectum est; urbem per decem & septem dies arsisse omnes commemorant. Carthagine excisa Scipio victoriæ nuntium Romam misit, sacrificia & ludos fecit, transfugas omnes bellis objecit, & prædam militibus omnem, præter aurum, argentumque, & insignes statuas, dispersit. Romæ Scipionis victoriæ cognita gaudium ingens ortum, sacrificia, supplicationes, & ludi diis facti. Decem legati ex more in Africam missi, qui cum Scipione Africam provinciam constituerent. His mandatum est, ut si quid supereſſet urbis disturbarent, quæ civitates rebus Pœnorum studuissent, eorum oppida diruerent, quæ pro Romanis stetitissent, præmiis agrisque donarent. Quibus rebus perfectis, Scipio Romam rediens, nobilissimum triumphum egit, argenti quater millia quadringenta, & septua-

Aginta millia pondo tulisse, tradit Plinius libro tricesimo tertio. Ita Carthagine, Africaque in potestatem redacta, Africani cognomen sibi, ut avus ejus etiam fecerat, vendicavit. Hac victoriæ Africae tributum impositum, & ut quotannis eo prætor mitteretur, tradit Appianus. Vellejus etiam, & Strabo ultimo Carthagenensium regionem tum in provinciæ formam redactam tradunt. Rufus: *Ter Africa rebellavit, ad extremum deleta per Africanum Scipionem Carthagine, provincia facta est.* Africam autem provinciam intelligo regionem universam, quam Carthagenenses possederant. Nam Numidia, & ipsa pars Africae non nisi Jugurtha victo, item Mauritania mortuo Ptolemæo a C. Caligula, & Cyrenaica, quæ liberæ gentes in Africa erant, ab Augusto provinciæ factæ sunt. Africa provincia a prætoribus primum, deinde anno DCCXXXVI. a consulis, post Augusti tempora a proconsulibus, postremo a consularibus administrata est.

Provincia Achaia & Græcia.

Scipione Africano minore, C. Livio Druso cos. anno urbis DCI. bellum in Achaia excitatum est: causam hujus belli tradit in epitoma Florus, *quod legati populi Romani ab Achaëis pulsati sunt. Corinthum missi erant, ut eas civitates, quæ sub ditione Philippii fuerant, ab Achaëo concilio secernerent.* Qua de re plenius Justinus libro XXXIV. sic tradit: *Quærentibus (inquit) Romanis causas belli adversus Achaëos, tunc solos ex universa Græcia nimis potentes, tempestive fortuna querelas Spartanorum obtulit, quorum agros Achaëi propter mutuum odium populabantur. Spartanis a senatu responsum est, legatos se ad inspicendas res sociorum, & ad injuriam demendam in Græciam missuros; sed legatis occultæ mandata data sunt, ut corpus Achaëorum dissolverent, singulasque urbes proprii juris facerent. Igitur legatis omnibus civitatis principibus evocatis Corinthum, decretum senatus recitant, quid consilii habeant aperiant: expedire omnibus dicunt, ut singule civitates leges suas, & sua jura habeant, quod ubi omnibus innotuit, veluti in furorem versi, universum peregrinum populum trucidant; legatos quoque ipsos Romanos violassent, nisi audito tumultu trepidi fugissent.* Florus Critolaum Achaëorum ducem, dubium an manu, oratione certe legatos Romanos violasse ait. Pausanias Critolaum ducem ab iis lectum, bellum contra Romanos fuasisse scribit. Pythiam item, qui Thebis magistratum gerebat, Boeotos ad arma, quod a Metello prætore Macedoniæ magna pecunia mulctati fuerant, concitasse. Quibus rebus Romam nuntiatis, Romanos Achaëis bellum indixisse. Quod a Q. Metello Macedoniæ prætore inchoatum, anno sequenti L. Mummius consul, qui Metello successerat, cum Corinthi excidio confecit. Florus: *Cum Achaëi, qui in auxilium Boeotos & Chalcidenses habebant, Q. Cæcilius Metellus ad Thermopylas bello conflixit. Quibus victis eorum dux Critolaus veneno sibi mortem conscivit. In cujus locum Diæus Achaëi motus primus auctor, ab Achaëis dux creatus, a L. Mummio consule victus est, qui omni Achaia in ditionem accepta, Corinthum ex S. C. diruit, quia ibi Romani legati violati essent. Thebæ quoque & Chalcis dirutæ. Ipse abstinentissimus egit triumphum.* Ita Florus. Corintho excisa, L. Mummius omnibus Græciæ arma ademitt, & ex decem legatorum, quos senatus miserat, sententia provincia constituta est, tributum Græciæ impositum, concilia sublata, institutumque, ut eo quotannis prætor mitteretur, qui non Græciæ, sed Achaïæ præfectus appellaretur, quod Græciam Romani per Achaëos tum Græciæ principes subegerunt. Hoc etiam bello Epirotas cum Achivis, & Theſſalis, & Macedonibus, in provinciæ formam redactos produunt Jornandes, & Rufus ita: *Græcis in nostram fidem confugientibus, ad Achaïam accessimus. Athenienses adversus Philippum*

Macedonum regem auxilium nostrum petierunt. Libera diu sub amicis nostris Achaia fuit, ad extremum legatis Romanorum apud Corinthum violatis, per L. Mummius consulem capta Corintho, Achaia omnis obtenta est. Epirotæ, qui aliquando cum rege Pyrrho in Italiam venire præsumperant, victi, atque T. bethali simul cum Achivorum, & Macedonum regionibus nobis accesserunt. Atque ita eodem anno Macedonia, Africa, & Achaia tres provinciæ factæ. Provinciam tamen Macedoniam postea cum Achaia conjunxit, eque duabus unam fecit rogatione perlata P. Clodius tribunus plebis, & utramque L. Pisoni, quali præmium, quod in Cicerone ejiciendo consensisset, dedit administrandam.

Provincia Gallia Narbonensis.

M. Plautio Hypsæo, & M. Fulvio Flacco cos. anno urbis DCXXVIII. primum cum Gallis trans Alpes dimicatum est. Salyes populi hujus auctores belli fuerunt, quum Massiliensium sociorum populi Romani fines invasisent. Salybes accesserunt Arverni, Ruteni, & Allobroges, quibus quadriennii spatio subactis bellum finitum est, quod ab iis Allobrogicum est appellatum. Res adversus eos prospere imperatores Romani gesserunt. M. Fulvius Flaccus anno urbis DCXXIX. C. Sexorius Calvinus anno DCXXX. & DCXXXI. Cn. Domitius Ahenobarbus anno DCXXXII. & Q. Fabius Maximus Aemilianus filius, qui postea Allobrogicus dictus est, anno DCXXXIII. Florus: *Prima trans Alpes arma nostra sensere Salyes, quum de incursionibus eorum fidissima atque amicissima civitas quereretur Massilia. Allobroges deinde, & Arverni, quum adversus eos similes Aduurum querele, opem & auxilium nostri flagitarent.* Et in epitoma I.X. Fulvius Flaccus primus omnium transalpinis Ligures bello domuit, missus in auxilium Massiliensibus adversus Salyos Gallos, qui fines Massiliensium populabantur. Marcellinus libro decimo quinto: *Gallorum regiones præcipue, quæ Italicis confines, primo tentate per Fulvium, quassate per Sextium, ad ultimum per Fabium Maximum domitæ.* Fulvio igitur Sextius, qui Salyos delevit, succcessit. Sextio Ahenobarbus, qui Allobroges, & Arvernos vicit, & de iis triumphavit. Huic Q. Fabius Allobrogicus, qui, Gallis Arvernus, Rutenis & Allobrogibus ingenti prælio superatis, & hostium rege Bituito capto, bellum confecit, ut his verbis tradit Florus: *Q. Fabius Maximus consul Pauli nepos adversus Allobroges & Bituitum Arvernorum regem feliciter pugnavit. Ex Bituiti exercitu caesa millia hominum CXX. Allobroges in deditonem accepti.* Eadem referunt Strabo libro quarto, Orofius, Plinius libro septimo, Appianus, Velleius, & Marcellinus. Addit Cæsar libro de bello Gallico: *Arvernos, & Rutenos a Fabio maximo superatos, iisque P. R. ignovisse, neque in provinciam redeigisse, neque stipendium imposuisse.* Galliam vero Narbonensem hoc bello in provinciam formam redactam, atque, ut quotannis in eam prætores mitterentur, institutum, & Pomponius de origine juris referre videtur, & ex sequentium annorum historia patet, tum maxime ex Critognati Arverni apud Cæsarem orat. lib. vii. quum ait: *Quod si ea, quæ in longinquis regionibus geruntur, ignoratis, respicite finitimam Galliam, quæ in provinciam redacta, jure, & legibus commutatis, securibus subiecta, perpetua premitur servitute.* Post Allobrogicum aliquot Romani duces de iisdem Gallis, & præsertim Alpinis tumultuantibus, & victis triumpharunt. Postremo eam C. Marius ab impetu Cimbrorum egregie defendit, atque Cimbris caelis, pacem & quietem ejus conservavit. C. Pontinius Allobroges tumultuantes compescuit. Quam postremo provinciam quum C. Cæsar obrinuisset, universam Galliam novem annorum intervallo in P. R. ditionem redegit.

Insula Baleares victæ.

Q. Cæcilio, & T. Quinctio cos. dum res cum Allobrogibus geruntur, bellum Balaricum exortum est. Cujus hanc causam exponit Florus: *Baleares* (inquit)

A insula piratica rabie corruperant maria, ascendere etiam inconditis rates, & præternavigantes subinde inopinato metu terrere. Sed quum venientem ab alto Romanam classem profpexissent, prædam putantes ausi etiam occurrere, & primo impetu ingenti lapidum saxorumque nimbo classem operuere, sed non diu: nam postquam cominus ventum est, expertique rostra & pila venientia, pecudum in morem clamore sublato petierunt litora fuga, dilapsique in proximis tumulis querendi fuerunt, ut vincerentur. Metelli Macedonici filii auspicio res gesta, Balearici ei cognomen imposuit. Strabo libro tertio decimo. Quum ex Balearibus pauci quidam improbi, cum maris prædonibus conspirassent, universos criminalis Metellus cognomento Balearicus invasisit, idemque colonias condidit. De his victis & subactis triumphavit.

Provincia Thracia.

M. Acilio Balbo, C. Catone cos. anno urbis DCXL. bellum cum Thracibus Macedonia finitimis gestum est, quod non in proximam modo provinciam Macedoniam incurreret, sed Thessaliam, atque Dalmatiam, usque ad Hadriaticum mare prædando pervenisset. Contra quos primus consul missus est C. Cato cum prætor T. Didio. Consul male adversus Thracas, prætor bene pugnavit, & de iis triumphavit. Hoc bellum multis annis continuatum est, de quo sic scribit Rufus: *In Thracias Macedonici belli occasione transcursum est: severissimi omnium gentium Thracæ fuerunt. In Thracum regionibus Scordisci habitaverunt pariter crudele & callidum genus. Sæpe per eos casus esse Romanis exercitus. T. Didius vagantes Thracas repressit, M. Livius Drusus intra fines proprios continuit, M. Minucius Rufus in Hebrum fluminis glacie vastavit, L. Sulla dictator Dardanos, atque alios Thracum populos Macedonia incursantes prælio profugavit. Cn. Dolabella post Sullam contra Thracas res prospere gessit. Per Ap. Claudium proconsulem bi, qui Rhodopen & Caucasum incolunt, victi sunt. Europæ maritimas urbes ante Romanam classem obtinuit. Dardanos & Mæros Curio proconsul subegit, & primus Romanorum ducum ad Danubium usque pervenit. M. Lucullus per Thracias cum Bessis primus pugnavit, ipsamque caput gentium Thraciam vicit. Hemimontanos vicinos subegit, Olympiadam, quæ nunc Philippopolis, & Mædædoniam, quæ modo Hadrianopolis dicitur, in ditionem nostram redegit, Caubilem cepit, supra Pontum positas civitates occupavit, Apolloniam, Galatiam, Partenopolim, Tomos, Istrum, ad Danubium usque perveniens Romana Scythiæ arma monstravit. Triumphavit vero procos. de Thracibus, Dardanis, & Bessis Macedonia.*

Provincia Numidia.

Anno urbis DCXLIII. P. Scipione, L. Bestia cos. bellum contra Jugurtham Numidarum regem a populo Romano susceptum est, quod fratres Hiempsalem & Adherbalem, agitatæ regni cupiditate, contra senatus denuntiationem occidisset. Primus in Numidiam cum exercitu missus L. Calpurnius Bestia, qui captus regis pecunia, pacem cum eo flagitiosam fecit, quæ a senatu improbatæ est: post Bestiam Sp. Postumius rex in Africa male gessit. Deinde Q. Metellus consul adversus Jugurtham missus, exercitu ad pristinam disciplinam redacto, duobus præliis Jugurtham fudit, Thalam oppidum diripuit, universam Numidiam vastavit, ac regem ipsum per Mauros & Gerulos fugientem insequutus, re pene confecta, successore accepit C. Marium consulem. Ipse Romam triumphans ingressus est, Numidici cognomine ductus. C. Marius consul transportatis in Africam copiis, Jugurtham, qui bellum reparaverat, aliquot levibus præliis primo fudit, fugavit, & armis exiit. Eum postremo cum Boccho Mauritaniæ rege, quem bello socium adficerat, vicit. Bocchus in desperationem versus Jugurtham vivum Romanis prodidit. A quibus captus, & in triumphum

a C. Mario ductus, occisus est. Numidia, quæ ejus regnum fuerat, a C. Mario pro cos. anno DCXLIX. ex decem legatorum sententia provinciæ formam accepit, atque in Africa duæ provinciæ factæ sunt, Africa, ubi erat Carthago, & Numidia. Hanc rem Sex. Rufus ita tradit: *Numidia ab amicis regibus tenebatur, sed Jugurtha ob necatos Adherbalem & Hiempsalem, Micipsæ regis filios, bellum inditum est. Quo per Metellum consulem attrito, perque C. Marium capto, in potestatem populi Romani Numidia venit.*

Provincia Cyrenica.

Anno urbis DCLX. C. Cælio & L. Domitio cos. Ptolemæus Cyrenarum rex, cui cognomen Appioni fuit, mortuus heredem populum Romanum reliquit, & ejus regni civitates senatus liberas esse jussit. Cyrene autem Africæ regio est Ægypto contermina. De hac re ita scribit Rufus: *Cyrenas cum ceteris civitatibus Libyæ Pentapolis Ptolemæi antiquioris liberalitate suscepimus. Libyam supremo Appionis regis arbitrio sumus assequuti.* Libera hæc regio diu fuit; postremo eam in provinciæ formam redegit Augustus, Cretæque administrationi conjunxit, ut Dio & Strabo auctores sunt.

Provincia Cilicia.

Adversus Cilices & Isauros, qui se piratis & maritimis prædonibus junxerant, mareque omne, quod inter Cretam, atque Cyrenas, Piraum, & Achaiam, sinumque Maliacum est, latrocinii vexabant, P. Servilius Vatia proconsul missus, eos Phaselide, Coryco, Olympo, Isauroque ipsa Ciliciæ arce captis, subegit, atque Isauricus appellatus est. Hoc bello P. Servilius Pamphylia, Lyciam, Icariam, Isauriam, Phrygiæ, & Ciliciæ partem in provinciæ formam redegit, (nam Cilicia post Mithridatis bello tota fere a Pompeio in potestatem redacta est) primulque omnium Romanorum ducum, per Taurum duxit exercitum, ac litem itineris fecit. Unde Rufus ita scribit: *Cilices, & Isauros, qui se piratis & prædonibus maritimis junxerant, Servilius proconsul ad prædonum bellum missus subegit, & viam per Taurum montem primus instituit. Pamphylia, Phrygiam, Icariam idem obtinuit, ipsæ de Ciliciis & Isauris triumphavit, atque Isauricus cognominatus est.* Triumphavit autem anno urbis DCXXX. De hoc bello multa Eutropius, Orosius, Florus ex Livio, & Marcellinus libro XIV. qui sic loquitur: *Cilicia & Isauria provinciæ bello quondam piratico catero mixtæ prædonum, a Servilio procos. sub jugum missæ, factæ sunt vctigales.* Iulianus libro XL. *Creta Ciliciæque piratico bello perdomitæ in formam provinciæ rediguntur.* Et Jornandes: *Servilius proconsul bello piratico obtinuit Pamphylia, Ciliciam; Pisidiam devicit, fecitque provincias.*

Provincia Bithynia.

Bithyniæ rex Eumenes Romanorum socius, qui bello Macedonico secundo Romanis contra regem Persem subsidia tulit, filium Prusiam reliquit. Hic filium Nicomedem successorem regni habuit. Post quem alius Nicomedes Bithyniæ rex fuit, amicitia Cæsaris dictatoris notus, cognomine Philopator. Hic eodem tempore, quo P. Servilius Isauros & Cilices domuit, sine liberis moriens, ut antea Attalus Asiam, sic ipse Bithyniam populo Romano testamento reliquit. Cujus regnum in provinciæ formam redactum est, quæ paulo post una cum Ponti parte, in qua Mithridatis regnavit, eo mortuo, una provincia facta est, Bithyniæque nomine appellata: utramque vero in provinciæ formam redegit Cn. Pompeius Magnus pro consule, Ponti rege Mithridate victo, atque occiso. Altera porro Ponti pars Bosporum versus Pharnacis Mithridatis filio regi cessit. Bithynis & Ponticis Pompeius leges, & jura constituit; de quibus Plinius meminit ad Traianum.

Provincia Creta.

Primus in Cretam insulam bello Antiocheno Romanum exercitum deportavit Q. Fabius Labeo prætor, rebusque in ea prospere gestis navalem triumphum egit. Longo tempore post, quum Cretenses prædonibus piratibus se adjunxissent, atque Mithridati studuisse a P. R. infimulati essent, adversus eos primo missus est M. Antonius III. viri pater, qui Creta, ubi parum prospere pugnaverant, mortuus est. Post quem iterum adversus Cretenses missus est Q. Metellus consul, qui totam insulam igni ferroque vastavit. Gnosum, Lyctum, Eleuthrum, Lappam & Cydoniam urbes cepit, sæpe in captivos animadvertit, postremo victis Lathene, & Panare Cydoniæ ducibus victor rediit, nec quidquam amplius de tam famosa victoria quam Cretici cognomen reportavit. Domitis igitur Cretensibus, liberæ in id tempus insulæ leges dedit. Nam anno sequenti decem legatis a senatu missis, Creta in provinciæ formam redacta est. Unde Velleius: *Creta Metelli ductu longissimæ libertatis fine multata est.* Et Rufus: *Creta post Metellum consulem provinciæ facta est.* Iulianus quoque libro XL. *Creta & Cilicia bello piratico perdomitæ in provinciæ formam redactæ sunt.* Cretam postea cum Cyrenica unam provinciam fecit Augustus.

Provincia Pontus.

Ponti pars major per Pompeium Magnum, victo Mithridate rege Ponti, provinciæ formam accepit. Nam altera pars sub Nerone, Polemone Ponti rege mortuo, eandem fortunam est consecuta. Paphlagoniam Ponto finitimam provinciam Pylamenes rex amicus populi Romani vi tenuit; sæpe a Mithridate pulsus ex regno, a Romanis est restitutus: deo mortuo postea Paphlagonis provincia facta. Bello hoc Mithridatis ea Ciliciæ pars, quæ nondum imperio Rom. subiecta erat, item Asia quæ ad Pergamum est, Pontus, Bithynia, Phrygia, finitima Mylia, Lycaonia, Pamphylia, Galatia, Lydia, Caria, Jonia, Hellepontus, Lycia, Icaria, Pisidia, Armenia minor, atque ipsa Græcia partim recuperatæ, partim tunc primum in potestatem populi Romani redactæ, ut tradit Appianus. Quarum provinciarum dispositionem paulo post referam.

Provincia Syria.

Syria Pompeii Magni virtute ultimo bello Mithridatico victa leges accepit, provinciarumque populi Romani numerum auxit. Cn. enim Pompeius adversus Mithridatem Ponti regem, qui diuturno bello populum Romanum Sulla & Lucullo ducibus fatigaverat, quamquam ante a Lucullo fractum, missus ipsum sæpe vicit, & in ultimas & incognitas terras fugavit. Aliquot præliis Tigranem Armeniorum regem, quod Mithridati auxilia contra Romanos præstitisset, victum in deditionem accepit, eique Cappadociam, Ciliciæ partem, Armeniam minorem, & Mesopotamiam, ac Syriam cum Phœnicæ & Sophenæ, quas, regum Syriæ stirpe deficiente, vi interceptat, usque ad Euphratem ademit, pecuniam ingentem imperavit, regnumque Armeniæ majoris ei tantum concessit. Albanorum, Colchorum, & Iberiæ reges prelio victos, obfidibus acceptis, dimisit liberos. Novissime Mithridatem sæpe devictum veneno sibi mortem aspicere coegit. Qui deinde in Syriam transgressus, Aretam Arabum regem, qui Syros populatus erat, in deditionem accepit: in Palæstinam profectus Judæos debellavit, urbem Hierosolymam cepit, atque Hyrcano rege constituto, in Pontum reversus est: ubi urbibus in fidem acceptis, in Asiam trajecit, quum Orientem omnem usque ad Euphratem debellasset. Ex regionibus victis Pontum,

Bithyniam, & Phrygiam: Asiam cum Lydia, Caria, Ionia, Hellefponto, & Mylia; item Ciliciam: Syriam quoque ac Mesopotamiam, provincias populi Rom. quatuor, vel de novo fecit, vel restituit. Regibus amicis & foederatis, ut Tigrani Armeniam majorem, Pharnaci Mithridatis filio Bosphorum, Ariobarzani Cappadociam, Antiocho Comageno Seleuciam, Deiotaro atque aliis tetrarchis cum Armenia minore Galatiam, & Lycaoniam, Pylameni Paphlagoniam, Aristarcho Colchidem, Palæstinam Hyrcano permittit: Rhodios, Pisidiam, & Lyciam suis legibus liberas reliquit. Deinde in urbem reversus, ex Asia, Ponto, Cilicia, Paphlagonia, Cappadocia, Syria, Scythia, Judæa, Albanis, Iberia, insula Creta, Bæternis, Armenia, pirateis, & regibus Mithridate atque Tigrane nobilissimum triumphum per biduum III. & prid. kal. Octob. egit, anno urbis DCXCIII. cuius triumphus titulus hic fuit: *Cn. Pompeius Magnus bello triginta annorum confecto, fufis, fugatis, occisis, in deditionem acceptis hominum vicies semelcentenis, LXXXIII. ∞. depressis ∞ captis navibus DCCCLXVI. oppidis ∞, castellis ∞ DXXXVIII. in fidem acceptis, terris a Meotis lacu ad Rubrum mare subactis, votum merito Minervæ.*

Provincia Cyprus.

Insula Cyprus ultima stante rep. in provinciæ formam more majorum est redacta, missa in eam M. Catone quaestore, cum jure prætorio, lege P. Clodii tribuni plebis, Cn. Lentulo & L. Philippo cos. ut rege Ptolemæo pulso, insulam provinciam faceret, ac bona regis publicaret. Is in insulam quum navigasset, per Canidium quem præmiserat regi, qui tibi vim inferri non est passus, persuasit, ut sponte Cypro cederet: cuius morte percepta, quam rex veneno hausto ipse tibi Rhodi conciverat, in Cyprum profectus, insula constituta regiam fuscellilem omnem, quæ preciosissima erat, Romam cum magna senatus ac magistratuum occurrentium voluptate ac plausu, per Tiberim devexit. Qua de causa senatus ei præturam citra comitia decrevit, quem ille honorem repudiavit. Hanc rem ita memorat Rufus: *Cyprus famosa divitiis, paupertatem populi Rom. ut occuparet, sollicitavit. Eam rex foederatus Ptolemæus regebat, sed tanta fuit penuria aerarii Romani, & tam ingens fama opum Cypriarum, ut lege lata per P. Clodium, tribunum plebis, Cyprus confiscari juberetur, quo accepto nuntio rex Cyprum venenum jussit, quo vitam potius quam divitiis amitteret. Cato Cyprias opes navibus devexit, ita ut jus ejus insule avarius magis quam justius Romani sint assequuti.* Et Velleius: *Cyprus S. C. ministerio Catonis, regis morte facta provincia est.* Hæc postea simul cum Cilicia tanquam una provincia S. C. tradita est P. Lentulo proconsuli; quod hæc verba Ciceronis ad ipsum significant: *Te posse perspicere, qui Ciliciam Cyprumque teneas, quid efficere, quid consequi possis.* Postea quaestores in eam missi cum jure prætorio, quod ab eodem Cicero didicimus, qui ad C. Sex. Iulium Rufum sic scribit: *Tue laudi conducere arbitror, quum primus in eam insulam quaestor veneris, ea instruere que sequantur alii.*

Provincia Gallia Transalpina.

Bellum Gallicum Transalpinum, quod Cæsar per novem annos gessit L. Pisonem, A. Gabinio cos. susceptum est, non Gallorum magis culpa quam Cæsaris, qui gloriæ cupidus omnem belli occasionem arripuit. Is enim in consulatu, quem anno ante gesserat, Crasso & Pompeio & L. Pisonem cos. suffragantibus, Illyricum, ac Galliam citeriorem cum tribus legionibus a populo, ulteriorem cum legione una in quinquennium a senatu obtinuerat. Qui in provinciam profectus, essetis & fortissimis gentibus laceratis, novem annis, quibus in imperio fuit, omnem Galliam quæ a saltu Pyrenæo Alpibusque, & in

monte Gebenna, fluminibus Rheno, ac Rhodano continetur, paterque circuitu ad bis & trices centum millia passuum, præter socias, ac benemeritas civitates in provinciæ formam redegit, eique in singulos annos stipendii nomen imposuit. Germanos qui trans Rhenum incolunt, primus Romanorum fabricato ponte aggressus, maximis affectu cladibus. Aggressus est Britannos, ignotos antea, superatque pecunias, & obides imperavit. Velleius: *Gallias primum Domitio, & Fabio nepote Pauli, qui Allobrogicus appellatus est, intratas cum exercitu, magna mox clade nostra sepe & adfectavimus, & amissimus: sed fulgentissimum C. Cæsaris opus in his conspicitur, quippe ejus ductu auspiciisque infra hæc pene, idem quod totus terrarum orbis ignavum conferunt stipendium.* Et Rufus: *Ceterum Cæsar cum X. legionibus Gallias per annos IX. subegit, cum Gallis ultra Rhenum postis confixit, ab Alpibus Britanniam usque transiit, decimo anno Gallias, & Britannias tributarias fecit.*

Hæc itaque sunt regiones omnes, populi, regna, & gentes, quæ ab urbe condita usque ad annum ejusdem urbis DCCV. consulatumque L. Lentuli, & M. Marcelli, in quo Cæsar dictator primum creatus libertatem oppressit, in ditionem populi Romani venerunt. Quarum triplex conditio fuit. Etenim aut liberi populi suis legibus vivere permitti; aut regna amicis & foederatis regibus concessa; aut provinciæ populi Romani fuerunt, in quas quotannis vel proconsules, vel prætores mitterentur. Provinciarum enim quædam consulares, quædam prætoriaræ erant, id est, quædam a proconsulibus, quædam a prætoribus regebantur. Verum, ne quis erret, neutrum perpetuum fuit: non enim hæc aut illa provincia semper aut consularis, aut prætoriaræ; sed ita nomen mutabat, ut varie modo a consularibus, modo a prætoribus administrabatur. Quam potestatem non populus sed senatus habebat, ut quos vellet, in quas vellet, mitteret administratione annua: quod lege Sempronia a C. Graccho tribuno plebis sancitum erat. Quam legem C. Cæsar non observavit, qui provinciæ per quinquennium decretæ sunt. Erat igitur eadem provincia ex voluntate senatus modo consularis, modo prætoriaræ. Ut (exempli gratia) Macedonia, quam Cn. Dolabella, C. Curio, M. Lucullus, L. Torquatus, C. Antonius, omnes consulares administrarunt, tum C. Octavius prætorius Augusti naturalis pater, rursus consularis L. Piso, & Pisonem revocato Q. Ancharius prætorius, idemque patet in ceteris. Novissimis autem reipublicæ temporibus, paulo ante Pharalicam pugnam, qua libertas populi Romani concidit, provinciarum populi Romani administratio in quindecim dioceses divisa erat, septem consulares, & octo prætorias; quod ex Cælii epistola ad Ciceronem eo tempore scripta apparet, ubi sic scribit: *Senatus placere in Ciliciam provinciam, inque octo reliquis prætorias mitti.* Regebantur porro octo provinciæ, quæ in eo S. C. prætoriaræ vocantur, a magistratibus octo prætoribus, Cypro excepta, quam quaestor, ut supra ostendi, cum jure prætorio administrabat. Verum postea inter prætorias numerata fuit. Provinciæ autem populi Romani, quas quindecim fuisse ex ea Cælii epistola liquet, tum consulares, tum prætoriaræ, hæc erant.

Sardinia & Corica provinciæ factæ inter primum & secundum bellum Punicum a T. Manlio Torquato, & C. Papirio Mafone.

Sicilia, cuius partem provinciam fecit bello Punico primo C. Lutatius Catulus, totam vero bello Punico secundo M. Valerius Lævinus.

Gallia Cisalpina provincia facta a M. Claudio Marcello v. consule.

Gallia Transalpina a Q. Fabio Maximo Allobrogico. Hispania citerior } Scipionis Africani victoria pro-
Hispania ulterior } vincia factæ.

Illyricum, Dalmatia, Istri, & Liburni in provinciæ formam redacti victoria L. Anicii Galli.

Africa & Numidia provinciæ factæ a Scipione Africano minore, & C. Mario VII. cos.

Macedonia, Achaia, Thracia, Græcia, Ætolia, Thessalia, Bœotia, Acarnania, Epirus provinciæ factæ Q. Metelli Macedonici, L. Mummii Achaici, M. Terentii Luculli, & M. Fulvii Nobilioris victoriis; omnes enim hæ provinciæ lege P. Clodii ab eo, qui Macedonia præerat, regebantur.

Asia, Lydia, Ionia, Caria, Hellepontus, Myfia, & Phrygiæ pars, provinciæ factæ M. Perpernæ & M. Aquilii victoriis.

Pontus, & Bithynia, & Propontidis pars, a Cn. Pompeio Magno provinciæ factæ.

Cilicia, Pamphylia, Lycæonia, & Phrygiæ pars, victoriis P. Servilii Isaurici, & Cn. Pompeii Magni. Phrygiam in duas jurisdictiones dispartitam fuisse, ut una pars Ciliciæ, altera tribueretur Asiæ, itemque Pamphylia, & Lycæonia partem sub regibus, partem sub Ciliciæ pro cos. fuisse, Cicero & Dio auctores sunt.

Suria omnis usque ad Euphratem, & Mesopotamiæ pars in provinciam a Cn. Pompeio Magno redactæ.

Creta insula Q. Metelli Cretici victoria provincia facta.

Cyprus insula a M. Catone in provinciæ formam composita.

Quod autem esset annum vestigal, quod populus Romanus ex his omnibus provinciis, tam ante, quam post bellum Mithridaticum capiebat, quantumque id Cn. Pompeius primum, deinde libertate sublata frequentes Romani imperatores auxerint, usque ad Traiani Augusti principatum, sub quo imperium Romanum, ad summum quod pervenire potuerit, auctum, sensim deinceps labare cœpit, haud multo post commodius ex instituto exponam.

Harum Provinciarum hæ consulares hoc tempore erant.

Hispania citerior	} a Cn. Pompeio pro cos. per legatos administratæ.
Hispania ulterior	
Gallia Cisalpina	} quas unus Cæsar pro cos. obtinebat.
Gallia Transalpina	
Illyricum & Dalmatia	
Cilicia &c. a M. Cicrone pro cos.	} administratæ.
Suria &c. a M. Bibulo pro cos.	

Hæ vero VIII. prætoriae provinciæ erant.

Sicilia
Sardinia, & Corsica
Africa, & Numidia
Macedonia, Achaia, Græcia, &c.
Asia, Lydia, Caria, Ionia, Myfia, &c.
Pontus, & Bithynia
Creta insula
Cyprus insula.

Hoc tempore socii, vel fœderati reges erant.

Ptolemæus Ægypti
Juba Mauritanie
Pharnaces Bospori, & Ponti
Ariobarzanes Cappadociæ
Tigranes Armeniæ majoris
Antiochus Comagenæ
Deiotarus, & tres alii Armeniæ minoris, Galatiæ, & Pamphylia
Pylæmenes Paphlagoniæ
Aristarchus Colchidis
Hircanus Judææ Palestinæ

Ex Dione Cicrone, Rufo, & Strabone.

Liberi vero populi erant.

Rhodi. Tranquillus in Vespasiano.
Cyrenici in Africa. Livius, & Dio.
Pliidæ & in Asia. Cicero in epistolis ad Lycii Atticum.

Hæc porro est Romanæ ditionis provinciarum ab

Hispania ulteriore extrema ad occidentem provincia, usque ad Euphratem, qui terminus ad orientem imperii fuit, descriptio. Quod populi Romani extremo libertatis tempore imperium erat. In quas omnes provincias ibant, vel consulares cum duodecim fascibus, vel prætorii cum sex, totidem utrique quot in urbe habebant: interdum etiam prætorios cum jure consulari, & duodecim fascibus senatus in provincias mittebat, ut Q. Cicronem in Asiam. De quo Tranquillus in Augusto: *Extant (inquit) Ciceronis epistolæ, quibus Quintum fratrem parum secunda fama proconsulatum Asiæ administrantem hortatur & monet, imitetur in promerendis sociis vicinum suum*

Octavianum, ubi proconsulatum vocat hominis prætorii administrationem. Eadem ratione titulus est Q. Metello Celeris pro cos. in duabus epistolis; qui tamen consulatum non gesserat, sed ex prætura in Galliam Cisalpinam profectus erat. Item alibi: *Cum provinciam Asiam proconsulari imperio obtineres, &c.* de homine prætorio loquitur. Primis temporibus quum provinciæ tuendæ armis essent, & in discrimine verarentur, exibant in eas inito statim magistratu consules, & prætores; vel ut quæque cuique sorte obtigerat, vel etiam quandoque consulibus inter ipsos comparantibus: sic enim loquebantur,

quum inter eos de duabus consularibus provinciis convenisset; nam inter prætores comparandi consuetudinem non fuisse opinor, quod si bellum produceretur, imperium in iisdem provinciis proconsulibus, aut proprætoribus a senatu prorogabatur in annum, & aliquando in biennium. Donec C. Gracchus tribunus plebis Tiberii frater legem tulit, ut consulares provinciæ quotannis per senatum decernerentur, & imperium consulare, non nisi annum esset. Post constitutas vero quæstiones perpetuas, quod Cicero anno urbis DCV. factum fuisse tradit L. Marcio Censorino, M. Manilio cos. præturæ jurisdictionis forma paulo etiam mutata est.

Nam quum sex prætores essent, duo tantum urbanus & peregrinus in urbe manebant, reliqui quattuor inito magistratu statim in provincias, quas singulis fors dederat, ibant, in quibus annum præturæ explebant; post constitutas vero quæstiones perpetuas omnes deinceps sex prætores toto magistratus sui tempore in urbe retenti. Ex his duo more veteri jus dicebant urbanus, & peregrinus, reliqui quattuor publica judicia exercebant, de quibus non videbatur extra ordinem querendum esse, ut repetundarum, ambitus, majestatis, & peculatus. Postremo L. Sulla dictator aucto perpetuarum quæstionum numero, ut de falso, de perjurio, & de injuriis, & quattuor tantum prætores publicis judiciis præfessent, duos alios prætores adjecit, ut ex Cicrone intelligitur, atque ita cœperunt octo prætores Romæ esse, quorum duo urbanus & peregrinus privatis potissimum judiciis, reliqui publicis quæstionibus præerant; annua præturæ in urbe administratione finita, tum pro prætoribus in provincias, quas senatus prætorias esse decreverat, exibant. Quorum administratio Cornelia lege tantum annua erat. L. enim Sulla dictator lege cavit, ne quis plus anno provinciæ præfesset, qui viderat, opinor, in rep. diuturnis imperiis assuescere tutum non esse. Itaque Galliarum decennis illa Cæsaris administratio libertatis exitum fuit. Hujus legis meminuit Cicero in epistola ad Appium. Post Sullam Cæsar dictator legem tulit, ne prætoriae provinciæ plusquam annum, nec plusquam biennium consulares obtinerentur; tulit autem hanc legem victo Pompeio, quum ipse jam per decem annos Galliam contra C. Gracchi, & L. Sullæ leges obtinuisset, consequutus id quod nemo ante, & S. C. & lege. Leges vero, quæ rectoribus provinciarum imperium dabant, duæ fuerunt. Curiata dabat imperium populus, ut Livius indicat libro nono, Cornelia senatus. Nam quum S. C. factum esset, ut provin-

cias magistratus fortirentur, aut compararent inter se, tum si ii vel sine lege curiata in provincias proficiscerentur, imperium habere dicebantur, donec in urbem revertissent; quod in epistola Ciceronis ad Lentulum intelligi potest. Quod autem in agraria II. scriptum est, rem militarem sine curiata lege attingere non licere, id intelligi debet de iis magistratibus, qui sumptu publico ibant in provincias, quibus publica pecunia opus esset alendis militibus, belloque gerendo; his enim imperium dabatur lege curiata, quo rem militarem attingere possent: verum quum bellum gerendum non esset, neque milites in provinciam iam pacatam educendi, id solo S. C. fieri, & sine lege curiata in provinciam ire poterant. Hic autem status reip. & administrandam provinciarum ratio libertatis tempore, ante remp. a Cæsare occupatam fuit. Nam ab Augusto Cæsare post bella civilia confecta, reip. longe diversa forma, ut mox referam, constituta est.

G A P. XV.

Provincia a Cæsare dictatore facta.

BELLO civili ad Pharsalum gesto, in quo cæsa optimatum factione, Cæsar qui victoriam obtinuerat, rerum potius est, ipse postea fugientem Pompeium Alexandriam est persequutus. Quem ut occisumprehendit, cum Ptolemæo Ægypti rege, a quo sibi quoque insidias tendi videbat, bellum difficillimum gessit. Regnum Ægypti victor Cleopatraz fratrique ejus minori permittit, veritus provinciam facere, ne quandoque violentiorem præsidem nacta, novarum rerum materia esset. Ab Alexandria in Syriam, & inde in Pontum transit, urgentibus de Pharnace nuntiis. Hic enim Mithridatis magni filius, quum a Pompeio bello Mithridatico Bospori Cimmerii rex constitutus esset, caprato tempore quo Romani inter se armis contendebant, patrii recuperandi regni cupidus, Colchida & Armeniam, Cappadociæ, & Ponti partem occupavit, Cn. Domitium Calvinum a Cæsare ad ejus opprimendos conatus missum, prosligavit; qua victoria ferocis expugnata Amiso reliquam Ponti partem invasit. Hunc Cæsar intra quintum quam adfuerat diem, quattuor quibus in conspectum venit horis, ad Zeliam una prosligavit acie; qui cum in Bosporum profugeret, ab Alandro Bosporani tumultus auctore occisus est: quo factum est, ut merito Cæsar gloriatus sit, se ita cum Pharnace pugnasse, ut eadem hora venerit, viderit, & vicerit. Atque hac victoria Bosporus, Ponti & Bithyniæ provinciis adjunctus est.

Mauritania Provincia.

Mauritanias duas Sittensensem & Cæsariensem Bocchus rex & populi Romani amicus, quo auctore Jugurtha Numidarum rex in potestatem Romanam venerat, diu obtinuit. Boccho successit Juba, qui bello civili quum se Pompeianis partibus addidisset, prælio a Cæsare in Africa victus, se ipse interfecit. Itaque subacta omni Africa, Mauritaniaz quoque a Cæsare provinciaz factæ sunt. Jubæ filius Juba alter admodum puer Romam a Cæsare in triumphum est ductus. Is fuit qui postea scripsit historiam, quam sæpe Plinius citat, singulari ingenio & doctrina præditus, & Augusti liberalitate demum ad regnum paternum remissus. Is successorem Ptolemæum ex Antonii & Cleopatraz filia natum habuit, quo a Caligula interfecto, Mauritania in duas est provincias redacta, ut infra aperiam.

Provincia Pannonia, Mæsia & cet.

L. Sempronius & L. Scribonio cos. anno urbis DCCXX. victo in Sicilia Sex. Pompeio, Lepido III. vi-

ali potestate exuto, quum M. Antonius in Ægypto cum Cleopatra luxuriaretur, Cæsar Octavianus, qui occidentem tenebat, bellum in Illyrico, quod Dalmaticum a Tranquillo, Illyricum in Fastis municipalibus Petri Appiani appellatur, adhuc adulescens gerere cepit, quod multis annis cum Noricis, Pannoniis, Rhætiis, Illyriis, Dalmatis, Japygibus, Liburnis, Tauriscis, Mætiis, Thracibus, Vindeliciis, Getis, Bastarnis, Germanis, & ceteris, quæ ad Danubium & Rhenum erant gentibus, partim suo, partim Agrippæ, Vibii, Alinii Pollionis, M. Crassii, L. Pisonis, L. Lentuli, Neronis, Drusi, & Ti. Cæsaris ductu gessit. Harum gentium pleræque bellorum civilium tempore in Romanas provincias incuriones fecerant. Quo bello domuit partim ductu, partim auspiciis suis Pannoniam, Dalmatiam, cum Illyrico omni, item Rhætiis, & Vindeliciis, Mæsis, ac Thracas. Coercuit Dacorum & Sarmatarum incuriones, tribus eorum ducibus cum magnis copiis cælis, Germanos citra Albim fluvium submovit, ex quibus Ubios & Sicambros dedentes se transduxit in Galliam, atque in proximis Rheno agris collocavit. Alias item nationes male quietas ad obsequium redegit, nec ulli genti sine iustis & necessariis causis bellum intulit: Ita Tranquillus. Florus libro CXXXII. C. Cæsar in Illyrico Dalmatas domuit. Rufus vero: *Alpes Rætiae, Noricum, Pannoniae, Mæsie, & omnis ora Danubii, Pontus omnis, Armenia minor ab Augusto in provinciam redactæ sunt.* Item alibi: *Dardanio & Mæsi Curio pro cos. subegit, & primus Romanorum ducum ad Danubium usque pervenit: sub Julio & Octaviano Cæsaribus per Alpes Julius iter factum est. Alpibus omnibus victis, Noricorum provinciae accesserunt. Bathone Pannoniorum rege subactis, in ditionem Romanorum Pannoniae venerunt. Amantinis inter Savum & Dravum prostratis, regio Savensis, ac secundorum loca Pannoniorum obtenta sunt. Marcomani & Quadi de locis Valeriae, quæ sunt inter Danubium & Dravum, pulsati sunt, & limites inter barbaros & Romanos ab Augusto per Vindeliciam, Noricum, Pannoniam & Mæsiam est constitutus.*

Provincia Ægyptus.

Antonio & Cleopatra Ægyptiorum regina ad Actium prælio victis & interemptis, Ægyptum, quam ad id tempus focii & foederati reges tenebant, Cæsar Augustus in provinciam formam redegit, quam ut feracior em habilioremque annonæ urbis redderet, Svetonio auctore, fossas omnes in quas Nilus exsiliat oblitas longa occultitate, militari opera detexit. & Velleius: *Augustus præter Hispanias aliasque gentes, quarum titulus forum ejus prænet, pene idem, Ægypto stipendiaria facta, quantum pater ejus ex Gallia in ærarium redditus contulit. Et Rufus: Ægyptus omnis sub amicis regibus fuerat, sed victa cum Antonio Cleopatra provincie formam Cæsaris Augusti temporibus accepit, & primus apud Alexandrinum Cornelius Gallus administravit. Eam Cæsar equitibus Romanis non senatoribus regendam tradidit, cujus præses præfectus, & Juridicus Ægypti appellabatur.*

Provincia Hispaniæ, & Alpes.

Post bellum Actiacum Antonio devicto, Cæsar Augustus Cantabricum bellum gessit, in quo partim ductu, partim auspiciis suis Cantabriam, Asturiam, Aquitaniam, Salassos gentem Alpinam, Alpes maritimas a Liguriis Comatis culas, multis ferisque nationibus frequentes domuit, & provincias Romanas fecit; unde Rufus: *In Hispania ad extremum a Cæsare Augusto Cantabri & Astures, qui freti montibus imperii immunes adhuc ressebant, deleti sunt. Quo tempore quum ille conventum Narbonæ ageret, census a tribus Gallis, Aquitania, Lugdunensi, & Belgica, quas pater Cæsar dictator subegerat, actus. Velleius: Post bella civilia Dalmatiare-*

multis ferisque nationibus celebres perdomitæ, Hispaniæ nunc ipsius præsentia, nunc Agrippæ multo varioque Marte pacatæ.

Africa domita.

Hæc in Europa a Cæsare gesta. In Africa autem tumultuatum magis quam bellatum. Cæsar enim Musulamos, atque Getulas accolæ Syrtium, Cossæ duce compescuit, unde illi Getulici cognomen. Marmaridas atque Gavamantas Furnio subigendos dedit: Ita Florus. Bellatum autem diu hoc tempore in Africa fuisse, indicant T. Statilii Tauri, L. Autronii, L. Sempronii Atratinii, L. Cornelii Balbi ex Africa triumphii in tabulis Capitolinis exarati.

Provinciæ in Oriente factæ.

Tanta virtutis & moderationis Augusti Cæsaris fama fuit, ut is Indos etiam ac Scythas auditum modo cognitos pellexerit ad amicitiam suam, populique Romani ultro per legatos petendam. Parthi quoque & Armeniam vendicanti facile cesserunt, & signa militaria, quæ M. Crasso, & M. Antonio ademerant repolcenti reddiderunt, obsequique insuper obtulerunt, denique pluribus quondam de regno concertantibus non nisi ab ipso electum comprobaverunt. Velleius: Divus Augustus præter Hispanias, aliasque gentes, quarum titulus forum ejus prænitit, pæne idem, facta Egypto stipendiaria, quantum pater ejus ex Gallia in ærarium reditus contulit. At Cæsar, quam certam Hispanis parendi confessionem extorserat, tam parem Illyriis, Dalmatisque extorsit: Rhetiam autem, ac Vindelicos, & Noricos, Pannoniamque, & Scordiscos novæ imperio Romano subjunxit provincias, & ut hæc armis, ita auctoritate Cappadociam fecit stipendiariam, &c. Idem Augustus Pylænen rege Paphlagoniam, item Aminta rege mortuis Galatiam, & Lycaoniam, Pamphiliamque ditionis regie ad id tempus, item Piliadas quoque & Lycios libera gentes in provinciæ formam redegit, ut auctor est Dio. Cyrenem, quæ antea libera fuerat, cum Creta provincia conjunxit. His tot tantisque rebus gestis, imperio constituto, pace terra marique parata, Janum geminum hic ante clausum ipse tertius clausit. Rebus itaque sic compositis, omnibusque provinciis in certam formam redactis, Augustus cognominatus est, & mensis Sextilis in honorem ejus Augustus etiam est appellatus.

Provinciæ ab Augusto additæ.

Astures, & Cantabri in Hispania provinciæ Hispaniæ additi.
Aquitania Galliis provincia addita.
Pannonia, Noricum, Vindelicia, Rhetia provincia una.
Mœsia, Thracia, & Dardani provincia una.
Pamphilia, Lycaonia, Galatia, Piliidia, Lycia provincia una.
Armenia minor usque ad Euphratem Suria addita.
Egyptus, & Arabia pars provincia una.
Cyreneia Cretæ provinciæ addita.
Paphlagonia Bithyniæ addita.
Illyrici, & Dalmatiæ pars Danubium versus una provincia facta.
Getuli, & Garamantes Africa additi.
Salassi, Alpes Maritimæ, & gentes Alpinae provinciae una.

Hæc autem sunt gentes, quæ ab Augusto victæ, vel regibus mortuis, populi Romani provinciæ factæ fuerunt, quibus ceteris, quæ reip. tempore factæ fuerant, additis, in duas partes eas omnes divisit, ut aliæ essent senatus populique Romani, aliæ Cæsaris: quod cur fecerit, & quæ senatus, vel Cæsaris provinciæ fuerint, nunc exponam.

Provinciæ S. P. Q. R. & Imp. Cæsaris Aug.

Anno urbis conditæ DCCXXVII. imp. Cæsare Augusto VII. & M. Agrippa III. Cos. quum Cæsar Augustus ex S. P. Q. R. voluntate imperium singulare, quod minus ante legitimum videbatur, sibi uni stabilisset, ut ipse popularis videretur, tyrannidique suspicionem a se amoveret, nequaquam totius imperii curam sibi uni depoposcit, sed provinciarum omnium populi Romani, quas supra retuli, administrationem una cum senatu & populo communicavit. Quæ enim pacatæ erant & imbelles, atque a terminis Romani imperii longe aberant, militumque prædiis non indigebant, populo tradidit. Eas vero provincias, quæ militaribus copiis instructæ essent, ut exercitus omnes in potestate sua haberet, sibi retinuit administrandas, tanquam eas quoque pacaturus, pacatasque populo redditurus. Provinciæ autem, quas senatui populoque Romano tradidit administrandas, hæc fuerunt, sic nova divisione, & administratione in XII. dioceses ab ipso distinctæ.

Africa, Numidia, & Lybia proconsularis.
Asia cis Halim & montem Taurum, in qua Lydia, Jonia, Caria, Mylia, Phrygia, & Hellepontus proconsularis.

Hispania Bætica prætorial.
Gallia Narbonensis prætorial.
Sicilia prætorial.
Sardinia & Corfica prætorial.
Illyricum, & Epiri pars prætorial.
Macedonia, & Græciæ pars prætorial.
Achaia, Thessalia, Bœotia, Acarnania, Epeiriæque pars prætorial.
Creta, Cyreneica, & Lybiæ pars prætorial.
Cyprus prætorial.
Bithynia, Paphlagonia, Propontidis, & Pontus pars prætorial.

Hæc porro fuerunt XII. provinciæ, in quas S. P. Q. R. more veteri suos rectores mittebat, quorum qui Africæ & Asiæ præerant, hi semper proconsules appellati sunt, quamquam consulum non gefissent; qui reliquis decem, prætores. Cæsar vero suas provincias ita divisit, ut in quasdam mitteret legatos pro prætoribus, hi proconsulum locum obtinebant, atque legionibus præerant, in quasdam vero procuratores, qui pro prætoria dignitate eas provincias, in quibus tantum momenti non erat, administrarent. Ceterum omnes uno communi vocabulo rectores appellabantur. Cæsaris autem provinciæ in XIV. dioceses distinctæ fuerunt hæc.

Hispania Lusitania.
Hispania Tarraconensis.
Gallia Aquitania.
Gallia Lugdunensis, alias Celtica.
Gallia Belgica, & Germania.
Pannonia, Noricum, Vindelicia, & Rhetia.
Mæsia, in qua Dardani, Thracæ, & Daci.
Dalmatia, & Illyrici pars.
Alpes Maritimæ.
Cilicia, Isauria, & Lycaonia.
Galatia, Pamphylia, & Piliidia, Lycios enim liberos reliquit.
Suria, Armenia minor, Mesopotamia, & oriens omnis usque ad Euphratem.
Egyptus, & Arabia pars.
Italia omnis a freto Siculo ad Alpes.

Reges omnes socii & fœderati, in his erant præcipui.

Juba Mauritaniz.
..... Iberiæ.
..... Albanorum.
Rhæmetales Thracum.
Herodes Palestinæ.
Aretas Arabum.

Antiochus Comagenæ.
Archelaus Cappadociæ.
Philopator Cilicum, & alii multi.

Has omnes provincias validissimis legionibus, quarum seriem mox enumerabo, munivit, atque in eas legatos suos, procuratoresque mittebat. Ut autem omnem de se monarchiæ fuspicionem eximeret, potestatem reip. constituendæ, & harum provinciarum ordinandarum in decennium tantum assumpsit: hoc enim temporis spatium se reip. constitutum affirmavit, addens, si citius res composuisset, citius etiam imperium redditurum. Decennio transacto, quum adhuc res compositz non essent, tum in quinquennium, ac deinde in alterum quinquennium, post in decennium, post etiam in tertium decennium, & petiit & impetravit. Ita ut successione quinquenniorum & decenniorum perpetuo imperium administraverit.

C A P. XVI.

De legionibus populi Romani.

QUAMDIU libera urbs Roma egit, atque a Senatu P. Q. R. belli duces eligebantur, fuere in armis semper Italiæ populi, quibus, Græcis & barbaris subactis, terræ sibi marisque imperium pepererunt. Neque enim ulla orbis terrarum pars, aut cæli tractus fuit, quo non vires suas Romano arma protulerint. Postea vero quam Cæsar Augustus bellis civilibus confectis, rerum potitus est, & laborem Italicis omnibus ademit, & arma detraxit. Militum vero legiones multas legit, easque certis auctoramentis habuit mercenarias, quæ Romanum a barbaris tuerentur imperium: tum fluviorum magnitudine atque fossarum, montibusque asperis, desertisque locis atque imperviis circumseptos imperii limites communivit. Ex his præcipuum robur Rhenum juxta commune in Germanos, Gallosque subsidium octo legiones erant, in duos exercitus superiore inferiorisque distinctæ. Hispaniæ recens perdomitæ tribus habebantur, Africa per unam legionem, Ægyptus per duas tenebantur. Dehinc initio a Suria, usque ad flumen Euphratem, quantum ingenti terrarum sinuambitur, quattuor legionibus coercitum. Thraciam, ripamque Danubii legiones septem, tres in Panonia, duæ in Mæsia, totidemque in Dalmatia locatæ tuebantur: quæ positu regionis a tergo illis, ac si repentinum auxilium Italia posceret, haud procul accirentur, quamquam inluderet urbem proprius miles; tres urbanæ, tres vigiliæ, novem prætoriarum cohortes, Etruria ferme, Umbriaque delectæ, aut vetere Latio, & colonis antiquitus Romanis. Italiam utroque mari duæ classes Misenum apud & Ravennam, proximumque Galliæ litus rostratæ naves præsidebant, quas Adriaci victoria captas Augustus in oppidum Forojulienſe miserat valido cum remige. At apud idonea provinciarum sociæ triremes, alæque & auxilia cohortum, ita Tacitus libro quarto. Quibus verbis, quæ fuerit imperii Romani forma ab Augusto constituta intelligi potest. Porro autem quum Romanas legiones, quæ imperio tuendo ab Augusto, & ceteris imperatoribus institutæ sunt, earundemque stationes enumerare decreverim, non alienum ab hac tractatione erit, pauca quædam de legione, ejus partibus, institutione, & varietate disputare. Legio igitur erat certorum militum manus, in quas populi Romani exercitus dividi solebant, Varrone libro quarto de lingua Latina auctore, a delectu militum dicta, quod legerentur milites in delectu, id est, milites legionis victim eligi solerent. Nonius Marcellus: *Legionum*, inquit, *propriam a delectu militum, Varro de vita populi Romani libro tertio dictam interpretatur.*

A Tum appellatus est delectus, & ab electione legio. Hanc primus omnium trium millium militum fecit Romulus, quod singulæ tribus Tatienſium, Ramnium, & Lucerum millia singula militum mittebant. Qui omnibus præerat, rex; qui singulis millibus, militum tribuni. Varro enim: *Tribuni* (inquit) *militum dicti, quod terni ex tribus tribubus olim ad exercitum mittebantur.* Legioni addita est trecentorum equitum turma, quæ olim terma dicebatur, verum E in V abiit, quod ter centum equites ex tribus tribubus fiebant: Turmæ decuriones præerant, ut legionis tribuni. Hæc etiam ala dicebatur, quod equites alarum vice pedites tegerent: nam in equitum ordinibus circum legiones, dextra, sinistraq. tanquam alæ in avium corporibus locabantur, dicebatur is, qui alæ præerat, præfectus. Romuli igitur prima legio non nisi trecentorum equitum, & trium millium peditum fuit. Adjicit Plutarchus, ipsum post Sabinos in civitatem acceptos legionem duplicasse, atque eam sex mille peditum, & sexcentorum equitum fecisse. In qua re ipsum lapsum fuisse opinor; longo enim tempore post Romulum, C. Marius primus omnium legionem fecit sex millium peditum: ante enim non nisi quattuor, vel quinque millium fieri solere tradit Polybius. Romulum crediderim ego legionem ad quattuor millium hominum numerum auxisse, unde & quadrata dicta est, cujus usus fere semper usque ad C. Marium Romæ fuit, auctore Sex. Pompeio. Ceterum quum Romulus ipse, deinde ceteri reges, postremo consules legionum numerum auxissent, posterioribus tamen temporibus non plures quam quattuor legiones fieri solebant, quarum binas singuli consules, ad bellum profecturi fortiebantur. Hæ singulæ modo quattuordecim millium, & ducentorum peditum, modo quinque millium, si quando majus aliquod videbatur periculum imminere, trecentique equites in singulas legiones describebantur. Unde Livius libro tricesimo septimo: *Romana acies unius prope forme fuit, & hominum, & armorum genere. Due legiones Romanæ, duæ socium, & Latini nominis erant, quina millia, & quadragenos singula habebant, &c.* Merce autem in legione nemo poterat, qui civis Romanus non esset, atque in unam quinque classium a censoribus relatus: nam socii nominis Latini extra legionem militabant, quorum subsidia auxilia vocabantur, capite censu vero, & reliqui tenuioris fortunæ homines, militia immunes erant. Singulis legionibus sex tribuni militum præerant populi suffragiis creati. Quod quando acciderit, nunc aperiam. Quum enim ab initio exercitus populi Romani non nisi tria millia peditum haberet, tres tantum tribuni militum sufficiebant; post auctis Romani imperii opibus, tribuni sex primum, & postea plures quam sex, & diverſi generis esse cœperunt. Nam (ut tradit Pedianus actione II. in Verrem:) *Tribunorum militum duo erant genera, primum eorum, qui Rufulos dicebantur, hi in exercitu creati solebant; & comitiatorum, qui Romæ comitibus designabantur.* De utriusque Livius libro septimo sic scribit: *Et quum eo anno primum placuisset tribunos militum ad legiones suffragio fieri, (nam & antea, sicut nunc, quos Rufulos vocant, imperatores ipsi faciebant) T. Manlius, qui postea Torquatus appellatus est, secundum in fex locis tenuit.* Ex quibus verbis apparet Q. Servilio II. & L. Genucio II. Cos. anno urbis CCCXCII. tribunos militum, qui ad sex aucti fuerant, populi suffragiis creati ad legiones cœptos. Deinde plura tribunorum militum genera fuisse, & eos non omnes populi suffragiis creatos, & hi qui creabantur, eo primum anno fieri cœptos. Post tribunorum militum numerus auctus, XVI que facti, C. Junio Bubulco III. Q. Æmilio Barbula II. Cos. Quam rem Livius libro nono ita tradit: *Et duo imperia eo anno dari cœpta per populum, utraq. ad rem militarem pertinentia; unum, ut tribuni mili-*

tum XVI. in quattuor legiones a populo crearentur, quæ antea, perquam paucis suffragio populi relictis locis, dictatorem & consulum ferme fuerant beneficia; tulere eam rogationem tribuni L. Atilius & C. Marcius: alterum, ut duumvros navales idem populus juberet. Tribuni autem militum populi suffragiis creati singuli mille viris præerant, quum tum exercitus Romanus ex quattuor tantum legionibus, legio vero non nisi quattuor millium peditum esset. Post quum legiones ipsæ ad quinque millia, & amplius militum augeri cæpissent, viginti quattuor tribuni a populo creati cæpti, sexque per singulas legiones distributi. Ex quibus quattuordecim annua stipendia ad minus quinque; reliqui decem saltem decem fecissent. Hic tribunorum militum numerus usque ad C. Marii tempus permanfit. Legiones porro ipsæ (ut dixi) non nisi ex civibus Romanis legebantur, qui ætate militari essent: ea erat a XVII. ad XLVII. annum. Hi XX. annua stipendia merere solebant, equites vero decem. Omnibus autem, qui ad honores evehi volebant, militare ante opus erat. Urbanum namque magistratum nemini capere fas erat, priusquam decem annua stipendia perfecisset. Militum porro legionariorum quattuor genera erant. Juniores enim vel tenuiores fortunæ homines, pilanos; his adulescentes hastatos; ætate vero ac robore præstantes, principes; natu maximos triarios vocabant. De quibus Varro libro IV. sic scribit: *Hastati dicti, qui primi hastis pugnabant; pilani, qui pili; principes, qui a principio gladii; triarii, quod in acie tertio ordine extremis subsidio deponebantur.* In unaquaque autem legione triarii DC. principes ∞ CC. totidem hastati, reliqui pilani velitesque erant numero mille. Quod si majore numero constaret legio, proportionem divisionem faciebant, triarii exceptis, quorum idem semper erat numerus. Horum, ut varii ordinis erant, ita etiam varia armorum genera. In ipsis porro legionibus singula militum genera velitesque exceptis in tot centurias divisa erant, singulis vero centuriis primarii centuriones præerant. Hæ in triariis appellabantur primum pilum, secundum pilum, tertium pilum, &c. sic deinceps. In principibus primus princeps, secundus princeps, &c. in hastatis primus hastatus, secundus hastatus; ut in aliis. Duces vero centuriarum appellabantur primi pili centurio, primi principis centurio, & primi hastati centurio. Velites vero in has centurias pro rata parte distribuebantur. Hæ centuriæ erant plus, vel minus, quantum erat legionis numerus. Hinc in antiquis lapidibus sæpe centurionum primi pili mentio est. Item Cicero ad Brutum: *Nasennius* (inquit) *octavum principem*, (id est, octavam centuriam principum) *duxit, Metello Imperatore.* Signa legionum erant, auctore Plinio, aquilæ, lupi, minotauri, equi, aprique, quorum simulachra longis hastis a signiferis portata lingulos ordines anteabant. Paucis ante C. Marium annis sola aquila in aciem portari cæpta erat, reliqua in castris relinquebantur: C. Marius secundo consulatu suo, reliquis signis in totum abdicatis, aquilam legionibus proprie dicavit. Idem Marius (ut tradit Sex. Pompeius) sex millium & ducentorum hominum primus conscripsit legionem, quum ante quattuor millium fuisset, unde etiam appellabatur quadrata. Quo tempore tunc primum novam legionum divisionem, quæ postea in usu fuit, factam fuisse existimo, quam tradit Vegetius. Legio enim in decem cohortes divisa est: cohors autem erat proprie peditum manus, ut turma equitum, a cohortando dicta, quod tribunos eam, ut sequatur, cohortari solet, seu quod ipsa se mutuo frequenter ad pugnam hortaretur. Varro libro quarto de lingua Latina: *Cohors dicta, quod ut in villa ex pluribus testis conjungitur, ac quiddam sit unum, sic hæc ex manipulis copulatur cohors, quæ in villa dicta, quod circa ea loca pecus coerceretur.* Legio

vero in decem cohortes divisa est a C. Mario primum, ut opinor; neque enim ante Marii tempora ulla cohortium in legione, neque apud Polybium, neque apud alios mentio est. Harum prima reliquas & numero militum & dignitate antecedeat. Viros requirebat genere, litteris, animi magnitudine præstantes; huic tribunus præerat robore, moribus, & rei militaris scientia præditus. Nam & reliquæ cohortes, prout imperatori placebat, a tribunis, si ve præfectis regebantur. Prima cohors mille centum quinque peditibus, & equitibus loricatis centum quadraginta duobus constabat, ideoque cohors millitaria appellabatur. A prima cohorte auspicari aciem mos erat. Hæc aquilam præcipuum legionis signum, imperatorumque imagines custodiebat. Secunda cohors DLV. pedites, equites vero LXVI. Tertia pedites, & equites totidem. Quarta cohors eundem peditum, & equitum numerum habebat, sed in tertia cohorte validiores milites constituebantur, quia in media acie consistebat. Quinta eodem numero strenuos milites desiderabat, quia sicut prima in dextro, ita quinta in sinistro cornu constituebatur. Quippe cohortes quinque primam aciem instruebant. Reliquæ quinque cohortes eundem militum numerum habebant, quem secunda; sed robustiores etiam in sexta collocabantur, quia in secunda acie post aquilam locum fortiebatur. Octava in secunda acie medium locum tenebat, decima in sinistro cornu consistebat: sic legio decem cohortibus firmabatur, habebatque peditum sex millia ducentos, & equitum septingentos triginta. Ut autem legio in decem cohortes, sic cohors in quinquaginta manipulos, & manipulus rursus in vigintiquinque milites dividebatur. Hunc autem fuisse ordinem earum legionum, quæ ad tutelam Romani imperii ab Augusto institutæ sunt, ex Tacito aperte intelligitur. Quo tempore is, qui pluribus legionibus præerat, legatus consularis sæpiissime a Tacito, in antiquis vero epigrammatibus legatus proprætor ejus provincie, in qua legiones erant, exempli causa, Mæsiæ, Dalmatiæ, vel Germaniæ, appellatur. Qui singulis legionibus præerant, legati legionis; qui cohorti tribunus, vel præfectus; qui centum militibus centurio; qui ducentis ducentarius, qui manipulis manipularius vocabantur. Universi exercitus signum, vel vexillum ante Hadriani tempora imago Cæsaris, vel Augusti dicebatur, postea vero Labarum vocitari ceptum est, legionis aquila, cohortium signa speciali quodam significato, manipulorum vexillum. Is, qui locandis castris curam habebat, præfectus castrorum vocabatur, hi vero, qui cædendorum lignorum ad palos faciendos & ferramentorum curam habebant, præfecti dendrophorum, & fabrum talis legionis dicebantur. Erant in unaquaque legione præter hos, tubicines, evocatores, medici, & alii ejusmodi ministri, quorum vocabulorum frequentissima mentio est in antiquis epigrammatibus, & in omni Taciti historia. Instituti, exauctorandi, locandi, mutantique legiones, arbitrium, summumque jus penes Romanum principem tantum erat. Is eas ex una provincia in aliam, prout necessitas exigebat, migrare jubebat, exauctorabat, ex duobus unam conjungebat, earumdem rectores ipse unus constituebant. Hæ legiones & nomina, & plura cognomina a variis eventibus indita habuerunt. Ab ordine, quo unaquæque earum in aliquo loco primo constituta fuerat, nomina sumebant, ut prima, secunda, tertia, decima, & vicefima; sic milites primi, secundani, tertiani, decimani, & vicefimani appellabantur. Et quoniam plerumque usu venit, ut duæ vel tres variis in locis constitutæ omnes primæ, vel secundæ, vel tertiæ appellatæ fuerint, (una quidem prima in Germania, ex octo, quas supra dixi, altera vero prima ex septem in Pannonia, alia autem prima ex quattuor in Suria erat) cognomini-

bus inter sese distingui coeperunt, ut una quidem esset prima Adjutrix, alia prima Minervia, alia vero prima Parthica: nam hæc cognomina ad imperatorum arbitrium plerumque sumere solebant; vel ab eorumdem nominibus, qui eas instituerunt, ut Augusta, Claudiana, Galbiana, Flavia, Ulpia, Traiana, Antoniniana; vel a provinciis devictis, ut Parthica, Scythica, Gallica, Arabica, Macedonica, Hispaniensis; vel a locis, in quibus primo institutæ manerunt, ut Italica, Fretensis, Cyreneica; aut a nominibus Deorum, quibus imperatores earundem auctores addicti erant, ut Minervia, Apollinaris, Veneria; aut postremo ab aliis eventibus, ut Geminatrix, Alauda, Rapax, Primigenia, & alia ejusmodi. Illud vero animadvertendum dignum, propter crebras & frequentes legionum mutationes sæpe earundem nomina confusa videri, atque in eodem imperii limite aliquando duas, vel tres legiones esse, quæ primæ, aut secundæ vocentur. Nam quum primum institutæ fuerint, non nisi una prima, vel secunda, vel tertia, eodem in loco erat; ut vero eodem in loco plures primæ, vel secundæ legiones essent, frequens earundem migratio causa fuit. Primum autem omnium (ut dixi) Augustus Cæsar, pace populo Romano terra marique parta, imperii limites versus barbaras nationes statuit flumina, aut montes, quæ validissimis legionibus, quibus incurssiones barbarorum in Romanas provincias prohiberet, munivit. Horum præcipui amnes Rhenus, Danubius, & prærupti asperrimique montes a Septentrione, Euphrates ab oriente, Arabum & Africæ solitudines ab occidente, & meridie fuerunt. Quæ autem, aut quot legiones, & quibus limitibus, ab Augusto primum factæ, deinde aucto imperio a ceteris Romanis principibus additæ fuerint, atque quibus nominibus cognominibusque ornatae essent, ex Tacito potissimum, & Dione, multique antiquis epigrammatibus exceptas exponam. Ab Augusto autem, qui primum ejusmodi legiones instituit, initium sumam.

Legiones XXV. a Cæsare Augusto per Romanum orbem constitutæ.

In Hispania legiones III.

- Legio III. Gallica.
- Legio VI. Ferrata R.F.C.
- Legio X. Fretensis.

In Germania inferiore legiones IV.

- Legio prima.....
- Legio V. Macedonica.
- Legio XIX.....
- Legio XX. Valeria victrix.

In Germania superiore legiones IV.

- Legio II. Augusta.
- Legio XIII. Gemina pia fidelis.
- Legio XIV. Gemina Martia victrix.
- Legio XVI.....

In Dalmatia legiones II.

- Legio II. Adjutrix pia fidelis.
- Legio VII. Gemina pia felix.

In Pannonia legiones III.

- Legio VIII. Augusta.
- Legio IX. Hispaniensis.
- Legio XV. Apollinaris.

In Mæsia legiones II.

- Legio VII.....
- Legio XI.....

In Syria legiones IV.

- Legio IV. Scythica.
- Legio VI. Victrix.
- Legio X. Gemina pia fidelis.
- Legio XII. Fulminatrix.

In Aegypto legiones II.

- Legio III. Cyreneica.
- Legio XXII. Primigenia pia fidelis.

In Africa legio una.

- Legio III. Augusta.

Mari supero.

- Classis Ravennas.

Mari infero.

- Classis Misenas.

- Classis Astiaca in Gallia Narbonensi, apud Forum Julii.

Romæ.

- Cohortes urbanae III.
- Cohortes vigilum III.
- Cohortes prætorie IX.

C A P. XVII.

Provincia Cappadocia.

DUÆ tantum sub Ti. Cæsare provinciæ Romanæ factæ sunt, Cappadocia Archelao in urbe, & Comagene Antiocho regibus mortuis. De Cappadocia sic scribit Tranquillus cap. XXXVII. *Reges infestis suspectisque comminationibus magis & querelis, quam vi repressit. Quosdam per blanditias atque per promissa extractos ad se non remisit, ut Marabodum Germanum, Rhascypolum Tbracem, & Archelaum Cappadocem, cuius etiam regnum in provinciæ formam redegit. Rufus: Cappadoces primo societatem nostram sub Ariarathe rege per legatos petierunt, cujus deficiente stirpe lætus Ariobarzanes rex Cappadocem, qui a Mithridate pulsus Romanorum armis est restitutus. Semper in auxilium Romanum fuere Cappadoces. Postremo iterum tertia deficiente prole sub imp. Cæsare Augusto Archelaus favente Antonio rex factus est, quem Tiberius imperio potitus Romam blande quum evocasset, non remisit, ibique diu detentus occubuit. Cuius regnum in provinciæ formam redactum est. Tacitus libro II. C. Cælio, L. Pomponio Cos. Rex Archelaus quinquagesimum annum Cappadocia potiebat inuissus Tiberio, quod eum Rhodi agentem nullo officio coluisset. Nec id Archelaus per superbiam omiserat, sed ab intimis Augusti monitus, quia florente C. Cæsare, missoque ad res orientis, intuta Tiberii amicitia credebatur. Ut versa Cæsarum sobole imperium adeptus est, elicit Archelaum matris litteris, quæ non dissimulatis filii offensionibus clementiam offerebat, si ad precandum veniret. Ille ignarus doli, vel si intelligere crederetur, vim metuens, in urbem properat, exceptusque immitti a principe, & mox accusatus in senatu, non ob crimina, quæ fingebantur, sed angore, simul festus senio, & quia regibus equa, ne dum infima insolita sunt, finem vite sponte an fato implevit. Regnum in provinciam redactum est, fructibusque ejus levare posse centesimæ vestigal professus Cæsar, ducentesimam in posterum statuit. Idem paulo post: Ti. Cæsare III. Germanico II. Cos. Cappadoces in formam provinciæ redacti, Q. Veranium legatum accipere, & quædam ex regis tributis diminuta, quomitus Romanum imperium speraretur. Postea Vespasianus imperio potitus Cappadociæ propter affduos barbarorum incursum legiones addidit, consularemque redorem imposuit per equite Romano. Tranquillus.*

Provincia Comagene.

C. Cælio, L. Pomponio Cos. Antiocho Comagenorum, & Philopatore Cilicium regionibus defunctis, turbabantur nationes, plerisque Romanum, aliis imperium regium cupientibus, ut Tacitus auctor est. Idem paulo post: Tiberio III. Germanico Cæsare II. cos. Comagenis Q. Servæus præponitur tum primum ad

513
ius pretoris translatis. Comagenem autem non omnem provinciam a Tiberio factam, vel a sequentibus aliquo principum ditioni regie restitutam indicat Tranquillus in Vespasiano, quum ait: *Trasbeam, Ciliciam, & Comagenem ditionis regie usque ad id tempus, in provinciarum formam redegit.*

Provincia Mauritanie due, Tingitana & Casariensis.
 Quum C. Caligula Ptolemaum regis Juba filium consobrinum suum (erat enim & is M. Antonii e Selene filia nepos) interfecisset, Mauritaniam, quæ regnum ejus fuerat, in provincie formam redegit, atque in duas provincias divisit, Tingitanam, & Casariensem, ut auctores sunt Tacitus, Plinius libro v. cap. i. Dio libro LVIII. & in Caligula Tranquillus. Claudius postea imp. primus Romanorum principum Mauritanis per Svetonium Paulinum bellum intulit, omnibusque iis regionibus usque ad Africa solitudines subactis, multas in iis colonias, quas mox referam, deduxit.

Provincia Britannia.
 Ti. Claudius Cesar Augustus rerum potitus, quum expeditionem unam, eamque modicam in Mauritania suscepisset, decretis sibi a senatu ornamentis triumphalibus, levio rem majestate principis titulum ratum, velletque justis triumphis decus, unde acquireret Britanniam potissimum elegit, neque tentatam ulli post Julium Cæsarem, & tunc tumultuantem ob non redditos transfugas. Pedestri vero itinere Gessoriacum usque confectio, inde transiit, ac sine ullo proelio, aut sanguine, inter paucissimos dies parte insule in ditionem accepta, sexto quam profectus erat mense, Romam rediit, triumphavitque magno apparatu. Tranquillus. In qua, quum eam in provincie formam redegeret, aliquotque eo colonias militares deduxisset, tres legiones addidit propter barbarorum in extrema insula parte commorantium incurfiones. Ex Plinio, & Dione libro LVIII. Tacitus vero in vita Julii Agricola: *Primus omnium Romanorum (inquit) D. Julius cum exercitu Britanniam ingressus, quamquam prospera pugna terruerit incolas, ac littore potius sit, potest videri ostendisse posteris, non tradidisse.* Claudius auctor operis, transactis legionibus auxiliisque, & assumpto in partem rerum Vespasiano, domitæ gentes, capti reges, & monstratus satis Vespasianus. Consularium primus A. Plantius præpositus, ac subinde Ostorius Scapula, uterque bello egregius, redeatque paulatim in formam provincie proxima pari Britannie, addidit insuper veteranorum colonie. Quædam civitates Cogiduno regi donatæ. It ad nostram usque memoriam fidelissimus mansit, vetere ac jam pridem recepta populi Romani consuetudine, ut haberet instrumenta servitutis & reges.

Provincia Pontus.
 Nero Imperator, augendi propagandique imperii neque voluntate ulla, neque spe motus unquam, etiam ex Britannia deducere exercitum cogitavit, nec nisi verecundia, ne obtrectare parentis gloriæ videretur, desistit. Ponti modo regnum concedente Polemone, item Alpium defuncto Cottio, in provincie formam redegit. Tranquillus.

Provincia Alpes Cottie.
 Eutropius libro VII. cap. VI. Duo tantum regna sub Nerone provincie facta sunt, Pontus Polemoniæ concedente rege Polemone, & Alpes Cottie rege defuncto. Idem in Aureliani vita tradit Fl. Vopiscus. Alpius iis & maritimis jus Latii dedit idem Nero, ut tradit Tacitus lib. XIII.

Hæ sunt provincie additæ inter Augusti & Vespasiani principatum. Quibus explicatis, nunc quæ aut quot legiones Ser. Galba Augusto II. & T. Vinio cos. primo imperii Vespasiani anno erant, exponam, multæ enim & frequentes legionum mutationes: post Augusti excessum ad hæc usque tempora in Romano imperio factæ fuerant. Quas brevissime ante ex Tacito potissimum exceptas aperiam.

Mutationes legionum ab excessu Augusti ad initium imperii Imperatoris Caesaris Vespasiani Augusti.

LEGIONIS I.... quæ in Germania inferiore erat, pars in Italiam venit bello civili Vitelliano contra Othonem primum, deinde Vespasianum; a quo quum victa esset, per Illyricum dispersa est. Reliqua ejus pars sub legionis I.... nomine ex Galliis a Vitellio suppleta remansit in Germania, in castris apud Bonam. Ex Cornelio Tacito libris I. XVII. & sequentibus.

Legio II. Adjutrix, quæ in Germania erat, in SURIAM a Nerone (ut opinor) translata est. De hac meminit Spartianus in Hadriano ita: *Quare a Trajano abductus a patria, & pro filio habitus, nec multo post decemviri stitibus judicandis datus, atque inde tribunus secundæ Adjutricis legionis creatus.*

Vetus inscriptio Romæ ad S. Sebastianum.

D. M.
 P. AELIO. MVCIANO
 SPEC. LEG. II
 ADIVT
 VITALIANVS. ET. VITALIS
 AVVNCVLI

Legio II. Augusta, quæ in Germania superiore ab Augusto constituta fuerat, in Britanniam a Claudio translata est. Ejus vexillarii bello civili Vitellio adhererunt. Qui a Vespasiano victi, per Illyricum dispersi sunt. Hujus Dio meminit lib. LV. ubi legiones ab Augusto institutas commemorat. Cujus, & multarum præterea, quas enumerabo, legionum mentio est in vetustis marmoreis inscriptionibus ita:

L. ANNIO. FABIANO. III. VIRO. CAPITALI
 TRIB. MIL. LEG. II. AVG. QVAEST. VRBAN

Legio III. Augusta in Africa Numidia ab Augusto collocata, exauctorata a Galba, a Vitellio restituta. De hac Dio libro LV. & Claudianus de bello Gildonico ita meminit.

Diciturque ab Augusto legio &c.

Romæ in museo Carpenfi vetus inscriptio.

C. SALLIO. MATERN. BVCINATORI. LEG. V
 ALAVDAE. C. SALLIO. ARCINIO. CAESAR. N
 TVBIC
 C. SALLIO. SVESSVLA. N. PARIMION
 CORNICVLAR
 LEG. III. AVG. C. SALLIO. CAPONIO. CORNIC

Legio III. Cyreneica in Ægypto, quæ est Arabiam versus, ab Augusto addita, post in Judæam bello Judaico a Vespasiano primo principatus anno transducta. De hac Dio mentionem facit.

Tibure ad S. Paullum vetus lapis.

C. POPILLIO. C. F. QVIR. CARO. PEDONI
 COS. VII. VIRO. EPVLON. SODALI. HADRIANALI
 TRIB. LATICLAVIO. LEG. III. CYRENEICAE

Legio III. Gallica, quæ sub M. Antonio Parthos debellaverat, in Hispania ab Augusto locata est, post in Germaniam sub Claudio, deinde in Syriam a Nerone, postea in Armeniam ab eodem traducta, quo tempore Armenos duce Corbulone vicit; item in SURIAM ab eodem, postea in Mæsiam a Galba migrare iussa, quo tempore Sarmatas contudit; postremo in

Italiam contra Vitellium pro Vespasiano bello civili venit, quo victo Capuæ hyemandi gratia locata, Vespasiano II. & Tito cos. ineunte vere sequentis anni in Syriam remissa. De hac Dio lib. LV.

Rome in hortis Carpensibus vetus inscriptio.

DIS . MANIB
C. FICTORIO. VASCVLARIO
FICTORIA. EPITVSA. MATRI
C. FICTORIO. C. F. ATTICO
Σ. LEG. III. GALLICAE
FRATRI. VIX. ANN. XXV
FICTORIA. C. F. ATTICILLA
PARENTIBVS. SVIS. FECIT

Legio IV. Scythica, alias Macedonica ab Augusto in Syria lecta, in Germaniam superiorem a Claudio transportata, cujus pars quum in Italiam bello civili pro Vitellio contra Othonem, & Vespasianum venisset, eandem fortunam habuit, quam prima.... Reliqua porro pars ex Gallis suppleta in eadem Germania superiori relicta fuit. Hanc Spartianus in vita Severi imp. commemorat.

Vetus epigramma Tiferni in Tuscia.

C. ANNIVS. C. F. POM. GALLVS
DOMO. ARRETIO. Σ. LEG. III. SCYTH
MILITAVIT. IN. PR. ANN. XVII
EVOC. AN. II.
Σ. IN. LEG. III. SCYTH. AN. XVIII
VIXIT. AN. LX. MER. V. AN. XXXVIII
H. S. PATIMETVS. L. EX. TEST. F. C.

Legio quinta Macedonica in Germania inferiore in castris apud Vetera ab Augusto instituta, quæ bello civili Vitelliano I.... & IV. Scythicæ fortunam sequuta est. Ex Gallis suppleta, in iisdem Veteribus remansit. Tacitus, & Dio libro LV.

Firmi in Piceno vetus inscriptio.

L. VOLCATIO. Q. F. VEL. PRIMO
TRIB. MIL. LEG. V. MACEDONICAE
IN. MOESIA. PRAEF. ALAE. I. PANNONIOR

Legio VI. Ferrata R. F. C. in Hispania Galbam contra Neronem imperatorem fecit. Ex Hispania a Domitiano Caesare, & Muciano primo imperii Vespasiani anno contra Germanos rebellantes in Germaniam traducta. Tacitus, & Dio. De legione Ferrata aliquando veterem inscriptionem vidi, quæ ad manus modo non est, in qua ita exaratum erat.

TRIB. MIL. LEG. VI. FER. R. F. C

Legio VI. Victrix in Syria primum ab Augusto locata, hæc sub Nerone in Armeniam, deinde iterum in Syriam, demum bello civili Vitelliano a Muciano in Italiam contra Vitellium ducta, quo caelo in Germaniam missa, Batavos & Germanos, qui rebellaverant, oppressit duce Domitiano.

Auximi vetus inscriptio.

Q. PLOTIO. MAXIMO. COL. TREBELLIO
PELIDIANO. EQVO. P. TRIB. LEG. II. TRAIAN
FORT. TRIB. COH. XXXII. VOLVNT
TRIB. LEG. VI. VICTRICIS. PROC. AVG
PRO. MAGISTRO. XX. HEREDITATIVM
PRAEF. VEHICVLOR. QQ. ET. SVO. PONT
COLLEG. CENT. AVXIMAT. OB. EXIMIVM
IN. MVNICIPES. SVOS. AMOREM. L. D. D. D

Legio VII. postea a Claudio imp. Claudiana pia felix & fidelis vocata ex Moesia, ubi eam Augustus locaverat, a Vespasiani ducibus contra Vitellium adducta, eo occiso ad sua hyberna remissa. Dio lib. LV.

Via Ardeatina in antiqua basi.

DIS . MANIBVS
C. ANTONI. C. F. OV. AGRILLI. MIL. LEG
VII. CLAVDIAE. PIAE. FELIC. ET. FIDELIS
VIX. ANN. XXXIIX. M. VII. D. VIII
MAEGRILLIVS. FRATR. IDVL. CISSIMO. F. C.

Legio VII. Gemina pia felix, ex Dalmatia a Nerone in Syriam traducta. Tacitus.

Vetus inscriptio Brixiae.

P. STATIO. P. F. FAB. PAVLLO. POSTVMIO
IVNIORI. X. VIRO. STLITIB. IVDIC. TRIB
MILIT. LEG. VII. GEM. FELIC. VI. VIRO. EQVIT
ROMANOR. Q. PROVINC. AFRIC. TRIB. PLEB
PRAETOR. LEG. PRO. PR. PONT. ET. BITHYN
PRO. COS. PROVINC. BAETICAE. TITVL. VSVS. D. D.

Item Fulginei vetus lapis.

P. AELIO. P. F. PAPIR. MARCELLO. CENT
FRVM. SVB. PRINCIPE. PEREGRINOR
ADSTATO. ET. PRINCIPLET. PRIMIPILLO
LEG. VII. GEM. PIAE. FEL. ADLECTO &c.

Legio VIII. Augusta ex Pannonia in Moesiam a Claudio, deinde in Italiam bello civili contra Vitellium ducta, quo victo ad sua hyberna remissa. De hac Dio, & Sæpini in Sannio vetus inscriptio sic meminit:

L. NERATIO. C. F. VOL. PROCVLO. X. VIR
STLITIBVS. IVDICAN. TRIB. MILITVM. LEGION
VII. GEMINAE. FELIC. ET. LEG. VIII. AVG
QVAEST. AEDIL. PLEB. CEREAL. PRAEF. LEG
LEG. XVI. FLAVIAE. FIDEL. ITEM. MISSO. AB
IMP. ANTONINO. AVGVSTO. PIO. AD
DEDVCENDAS. VEXILLATIONES. IN
SYRIAM. OB. BELLVM. PARTHICVM. PRAEF
AERARI. MILITARIS. COS. MVNICIPES
SAEGINATES

Legio IX. Hispaniensis ex Pannonia, ubi eam Augustus locaverat, a Tiberio in Africam bello Numidico migrari iussa, quo confecto ad sua castra remissa, a Claudio vero in Britanniam transportata. Cujus vexillarii bello civili Vitelliano a Vespasiani ducibus victi, per Illyricum dispersi sunt. Tacitus. Hujus legionis mentionem fieri in vetusto epigrammate sic vidi.

P. CORNELIO. LENTVLO
SCIPIONI. COS. PRAEF
AERARI. LEGATO. TI
CAESARIS. AVG. LEG. LEG
VIII. HISPAN. PONTIFICI
FETIALI. D. D

Legio X. Fretensis ex Hispania primo imperii Vespasiani anno in Germaniam contra rebelles Batavos traducta. Hujus meminit Marcellinus in fine libri XVIII.

Rome in vinea Carpensii vetus lapis.

A. ATINIO. A. F. PAL. PATERNO
SCRIB. AEDIL. CVR. HON. VSVS. AB
IMPEQVO. PVBL. HONOR. FRAEF. COH
II. BRACAR. AVGVSTAN. TRIB. MIL
LEG. X. FRETENS. A. DIVO. TRAIANO
IN. EXPEDITION. PARTHICA. DONIS
DONAT. PRAEF. ALAE. VII. PHRYG.
CVR. KAL. FABRATERNOR. NOVOR
ATINIA. A. F. FAVSTINA. PATRI
OPTIMO. FECIT

Legio X. Gemina pia fidelis ex Syria sub Nerone in Armeniam, iterumque in Syriam transportata, demum bello Judaico in Judæam. Hanc Dio ideo Geminam appellatam scribit, quod ex duabus legionibus una facta fuerit.

Vetus lapis Brixie.

C. PONTIO. C. F. FAB. PELIGNO. TRIB. MIL.
LEG. X. GEM. Q. CVRAT. LOCORVM. PVBLIC
ITERVM. AEDILI. CVRVL. LEGATO. PRO. PR
ITERVM. EX. S. C. ET. AVCTORITATE
CAESARIS. D. D

*Item in antiquae inscriptionis fragmento Romæ apud
Gentilem Delphinium.*

TRIB. MIL. LEG. I. ADIVTR. P. F
ET. LEG. X. GEM. P.

Item Pisauri alia vetus inscriptio.

C. LVXILIO. C. F. POMPT. SABINO. EGNATIO
PROCVLO. CVR. RER. PISAVR. ET. FANESTR
LEG. LEG. X. GEM. GORDIAN. CVR. REG
TRANSPAD. CVR. &c.

Legio XI. postea Claudiana pia fidelis dicta, ex
Moesia in Dalmatiam sub Claudio, & ex Dalmatia
bello civili Vitelliano pro Othone in Italiam contra
Vitellium transducta. Othone victo suis castris red-
dita, occiso Vitellio iterum in Italiam venit, &
paulo post ad sua hyberna remissa. Hujus legionis
meminit vetus hic lapis sic.

GENIO. CENT
A. SERGIVS. A. F
SVLPICIVS. MIL. LEG
XI. CLAVD. PIAE. FIDEL

Hæc, auctore Dione, una cum VII. legione Clau-
dia ideo appellata est, quod Camillum Scribonia-
num, qui bellum civile Claudio Imperatori intule-
rat, primæ deseruerint.

Legio XII. Fulminatrix ab Augusto in Syria lecta,
post bello Judaico in Judæam a Vespasiano principe
transducta. Dio.

Romæ ad S. Alexium in Aventino.

C. VETTIO. C. F. COL. NIGRO
DOMO. ANTIOCHIA. SYRIA
VETERANO. LEG. XII. FVLMINAT
MILIT. ANN. XXVI. VIX. AN. LVII

Legio XIII. Gemina pia fidelis ex Germania supe-
riore in Pannoniam, exinde bello civili Vitelliano
in Italiam pro Othone contra Vitellium profecta,
Othone victo, quum suis hybernis reddita esset, ite-
rum pro Vespasiano contra ipsum Vitellium in Ita-
liam venit, quo occiso Poetovionem ad sua castra
remissa. De hac Dio mentionem facit libro LV.

*In vetusto fragmento Romæ apud Gentilem
Delphinium.*

LEG. LEG. XIII. G. P. F. LEG. LEG.

Item Romæ:

HERCVLI. CONSERVATORI. PRO. SALVTE
L. RAGONII. L. F. PAP. VRINATHI. LARTI
QVINTIAN. VIRI. CONS. SODAL. HADRIAN
LEG. LEG. XIII. GEM. DONAT. DONIS. MILIT

Legio XIV. Gemina Martia victrix ex Germania
superiore a Claudio in Britanniam transducta (quum
is Britanniam provinciam fecit) ejus præcipue ope-
ra Britanniam in potestatem populi Romani rede-
gerat. Quæ quum a Nerone in Dalmatiam adducta
esset, pro Othone in Italiam venit, quo occiso a
Vitellio in Britanniam remissa est. Postremo a Do-
mitiano & Muciano ex Britannia evocata, Batavos
& Germanos rebelles domuit, quibus victis in Ger-
mania superiori locata. Tacitus, & Dio.

In eodem fragmento apud Gentilem Delphinium.

LEG. LEG. XIII. GEM
MARTIAE. VICTRICIS
SACERDOTI. TITIALI

Legio XV. Apollinaris ex Pannonia a Nerone in
Syriam transducta, haud multo post ad bellum Judai-
cum missa. Tacitus, Josephus, & Dio.

Vetus inscriptio Foro Sempronii.

L. MAESIO. L. F. POL. RVFO. PROC. AVG
TRIB. MIL. LEG. XV. APOLLINARIS
TRIB. COH. MIL. ITAL. VOLVNT
QVAEST. IN. SYRIA. PRAEF. FABRVM

Legio XVI. ex Germania superiore in inferio-
rem a Claudio transducta, bello civili pro Vitellio con-
tra Othone & Vespasianum stetit. Vitellio occiso
primæ: IV. Scythicæ, & V. Macedonicæ fortu-
nam sequuta est, ut Tacitus libris XIIX. & XIX. tradit.

Legio XIX. ex Germania inferiore in superio-
rem a Claudio migrare iussa, iterum paulo post in
inferiorem rediens castris veteribus locata est. Vi-
detur & ipsa in Italiam pro Vitellio venisse, atque
superioris legionis fortunam sequuta esse, ut refert
Tacitus ibidem.

Legio XX. Valeria victrix ex Germania inferiore
a Claudio in Britanniam transportata, cujus vexil-
larii bello civili victi, a Vespasiano per Illyricum dis-
persi sunt. Tacitus.

Romæ in domo Caesia vetus inscriptio.

M. POMPEIO. M. F. ANI. ASPRO. 7. LEG
XV. APOLLINAR. COH. III. PR
PRIMOP. LEG. III. CYR. PRAEF. CASTR
LEG. XX. VICTR. ATIMETVS. LIBERTVS
PVLLARIVS. FECIT. SIBI. ET. &c.

Item in civitate Castellana vetus lapis.

Q. ALBIO. Q. F. HOR. ILLICI
7. LEG. XX. V. V
CORNICVLARIO. PR. PR
DONIS. DONATO. AB. DIVO
TRAIANO. AVGVSTO
TORQVIBVS. ARMILLIS
PHALERIS. BELLO. PARTHICO

Legio XXII. Primigenia Augusta pia fidelis in Æ-
gypto ab Augusto constituta, quam postea Augustus
Vespasianus in Judæam bello Judaico migrare iussit.
De hac Spartianus in Juliano, & Tacitus mentio-
nem faciunt.

In Æquiculis vetus epigramma.

C. VIBIO. Q. F. AIMILIA. VETENTIO. EQVO
SEVERO. TRIB. SEMPR. PR. LEG
XXII. PRIM. AVG. P. F. SEMPRON

Item Romæ in domo Caesia.

P. COELIO. P. F. BALBINO. VIBVLLIO. PIO
X. VIRO. STLTIBVS. IVDIC. VI. VIRO. EQVIT
ROMAN. TVRM. QVINT. TR. MIL. LEG
XXII. PRIMIG. P. F. ADLECTO &c.

*Legiones inter Augusti obitum & Vespasiani princi-
patum ab imperatoribus additæ, & earundem
migrationes.*

Legiones IV. additæ a Claudio imp.

Primus omnium post Augustum Claudius imp. Bri-
tannia victa, eaque in provincie formam redacta, IV.
novas legiones veteribus addidit, quum ob barbaro-
rum incuriones Britanniam Romanam provinciam
trium legionum praesidio muniri necesse fuisset.

KK ij

Haruni prima fuit legio v. Claudia, quam in Mesia locavit, hæc postea a Nerone in Syriam, demum bello Judaico in Judæam traducta est.

Fulginei vetus inscriptio.

CN. DOMITIO. SEX. F. AFRO. TITIO
MARCELLO. CVRINO. LVCANO
MIL. LEG. V. CLAVD. III. VIR. VIARVM
CVRNDARVM. PATRONO

Legionem quoque xv.... in Germania Claudius imp. constituit: quæ quum in Italiam contra Othone & Vespasianum pro Vitellio venisset, occiso Vitellio primæ.... conditionem sequuta est. Pars enim per Illyricum dispersa, pars in Germania remansit, ex Gallis suppleta. Tacitus.

Legio xix. Victrix in Germania superiore a Claudio lecta, quum & ipsa contra Vespasianum pro Vitellio bello civili pugnasset, necato imperatore suo, victa suis hybernis ob tumultuantes Batavos redita est. Tacitus.

Legio xxi. Rapax. Hæc in Germania superiore ab eodem Claudio instituta est, quæ bello civili Vitelliano, in Italiam quum venisset, post Vitellii cædem a Muciano, & Domitiano ob Baravorum rebellionem ad sua castra remissa est. Ex Tacito libris xvii. xviii. & xix. Hujus legionis mentionem extare vidi in vetusto epigrammate, quod modo ad manus non est.

Legiones III. additæ a Nerone imp.

Legio i. Italica a Nerone imp. Dione auctore, facta est, atque in Galliis prope Lugdunum locata. Quæ bello civili a Vitellio in Italiam ducta, quum victa fuisset a Vespasiano, per Illyricum dispersa est; videtur tamen a posterioribus principibus Romanis restructa.

Vetus elogium Brixie.

C. MAESIO. C. F. PLACATIANO
X. VIRO. STLTIB. IVDIC
TRIB. MIL. LEG. I. ITALIC
Q. PROV. AFRIC. ALLECT. INTER
TRIBVN. AB IMPERATORE
HADRIANO. ANTONINO. AVG. P
PRAETORI. PATRONO. D. D

Legio i. Classica Romæ a Nerone instituta, bello civili ab Othone in Galliam Narbonensem missa, postea victo Vitellio in urbem revocata, Vespasiani legionibus se conjunxit. Tacitus lib. xvii. Hist. & vetus inscriptio.

Legio Hispana a Nerone Romæ facta, & a Galba exauctorata. Tacitus libro decimoseptimo.

Legiones a Galba imp. factæ.

Legio i. Adjutrix victrix pia fidelis a Galba, Tacito & Dione auctoribus, instituta, Romæ pro Othone contra Vitellium iterit, Othone victo a Vitellio in Hispaniam missa, inde bello Germanico contra Batavos in Germaniam a Domitiano & Muciano accita.

Romæ apud Gentilem Delphinium in fragmento.

TRIB. MIL. LEG. I. ADIVTR. P. F.

Item Fulginei in vetere elogio.

P. AELIO. P. F. PAPIR. MARCELLO
ADLEGTO. AD. MVNERA. PRAEF
LEG. VII. CLAVD. ET. PRIMAE
ADIVTRICIS. V. F. FLAMINI

Legio septima Galbiana in Pannonia a Galba constituta, quæ quum in Italiam bello civili pro Othone venisset, eo mortuo suis hybernis a Vitellio est reddita; iterum contra Vitellium in Italia pro Vespasiano pugnavit, & eo occiso iterum in Pannoniam est remissa. De hac præter Tacitum libris xvii. xix. & xix. meminit vetus inscriptio.

Vespasianus etiam imperator primo imperii anno legionem unam fecit, quam ii. (ut opinor) Flaviam vocavit, eamque in Germaniam contra Batavos rebelles misit. Tacitus libro xx.

Legiones XXXIII. populi Romani per orbem Romanum Ser. Galba imp. Cesare Aug. II., & T. V. vio cor. locatæ.

In Germania legiones duæ.

Legio vi. Ferrata R. F. C.

Legio x. Fretensis.

In Germania inferiore legiones III.

Legio prima....

Legio v. Claudiana.

Legio xv....

Legio xvi....

In Germania superiore legiones III.

Legio iv. Scythica, alias Macedonica.

Legio xix. Victrix.

Legio xix.

Legio xxi. Rapax.

In Dalmatia legiones duæ.

Legio xi. Claudiana pia fidelis.

Legio xiv. Gemina Martia victrix.

In Pannonia legiones duæ.

Legio vii. Galbiana.

Legio xiii. Gemina pia fidelis.

In Mesia legiones tres.

Legio iii. Gallica.

Legio vii. Claudiana pia fidelis.

Legio viii. Augusta.

In Syria legiones quattuor.

Legio ii. Adjutrix pia fidelis.

Legio vi. Victrix.

Legio vii. Gemina pia fidelis.

Legio xii. Fulminatrix.

In Judea legiones tres.

Legio v. Macedonica.

Legio x. Gemina pia fidelis.

Legio xv. Apollinaris.

In Ægypto legiones duæ.

Legio iii. Cyreneica, alias Cureneica.

Legio xxii. Primigenia pia fidelis.

In Africa legio una.

Legio iii. Augusta.

In Britannia legiones tres.

Legio ii. Augusta.

Legio ix. Hispaniensis.

Legio xx. Valeria victrix.

In Gallia legio una.

Legio i. Italica.

In urbe legiones duæ.

Legio i. Classica.

Legio i. Adjutrix pia fidelis.

Quibus a Vespasiano addita est.

Legio ii. Flavia in Germania.

In urbe.

Cohortes vigillum tres.

Cohortes urbanae iv.

Cohortes prætoriae xii.

C A P. XVIII.

Provincia facta ab imp. Caf. Vefpafiano Augufto.

IMP. Vefpafianus principatum adeptus, bello Judaico confecto, more præcedentium Cæfarum, imperii Romani jura augere ftudens, Achaïam, Lyciam, Rhodum infulam, Byzantium civitatem, nobiliffimam in angufto Propontidis freto in Europa fitam, infulam Samum, quæ ad hæc ufque tempora legibus fuis vixerant, libertate adempta; item Tracheam, Ciliciam, & Comagenem ditionis regiæ ufque ad id tempus in provinciarum formam redegit. Ita Tranquillus cap. octavo. Comagenem autem a Ti. Cæfare provinciam factam regi Antiocho reddiderat C. Cæfar Caligula imp. auctore Svetonio. De Rhodo ita fcribit Sex. Rufus: *Rhodiis, & infularum populis, primum infeftiffimis, poft fideliffimis Romani ufi funt. Ita Rhodus & infule primum libere agebant, poftea in confuetudinem parendi Romanis clementer provocantibus pervenerunt. Et fub Vefpafiano imperatore provincia facta eft.*

Legiones in Cappadocia additæ.

Imp. Vefpafianus propter affiduos barbarorum incurfus Cappadociæ cafta, & legiones duas addidit xii. Fulminatricem, & xv. Apollinarem, ut tradit Dio, confularemq; rectorem impofuit pro equite Romano. Tranquillus ita. Atque hac ratione limitum Romani imperii numerus auctus, decemque facti, id eft, Germaniæ fuperioris & inferioris fuper Rhenum; Dalmatiæ, Pannoniæ, & Mæfiæ fuper Danubium; Britanniæ, Cappadociæ, Suriæ, Ægypti, & Africæ.

C A P. XIX.

Provincia facta a Trajano Imperatore.

NULLUS Romanorum principum poft Auguftum, imperii Romani terminos magis propagavit quam Trajanus, fub quo ingentia terrarum fpatia imperio addita, maximæ provinciæ factæ, imperii veteres limites prolati, novæ legiones conftitutæ, populi Romani veftigal auctum. Quum enim veteres Romani imperii limites ab Augufto inftituti, neque a reliquis imperatoribus mutari, a Septentrione quidem effent Danubius, ab oriente vero Euphrates, ipfe trans Danubium Daciam, trans Euphratem vero Armeniam, Mefopotamiam, & Affyriam provincias Romanas fecit, Tigridem Romanæ imperii & Perfærum limitem effe voluit: quæ omnia quo tempore, & ordine fecerit nunc exponam.

Provincia Transdanubiana Dacia.

Daci, qui trans Iftrum funt, ingentibus cladibus populum Romanum fub eorum rege Decebalò Domitiani principatu affecerant, Oppio Sabino confulari, & Cornelio Fulco præfecto cohortium prætorianarum, quibus bellum Domitianum commiferat, oppreffis. Quare Decebalus rex metu & ignominia Domitiani ferocior factus, Romanas provincias finitimas Mæfiam & Pannoniam Iftro trajecto acriter vexare cepit. Interim occifo Domitiano, Trajanus rei militaris peritiffimus dux, imperii fuffeffor a fene Nerva, qui Domitianum fuffefferat, Cæfæque appellatus eft. Is poft patris mortem imperium adeptus, Daciæ ignominia abolendæ cupidus, bellum ex S. C. Dacis & regi Decebalò indixit. Quos multis præliis attritos ad extremum rege Decebalò occifo omnino debellavit, Daciamque ejus

A regnum trans Danubium in folo barbarico primus omnium Romanorum provinciam fecit, quæ in circuitu habuit decies centena millia paffuum. Daci autem Getis contermini populi funt montani, qui Daciam Pannoniæ vicinam, quam hodie Valachiam appellamus, incolunt. De his Florus libro iiii. *Daci (inquit) montibus inherant, Cotifonis regis imperio, quoties concretus in gelu Danubius junxerat ripas, in Pannoniam & Mæfiam decurrere solebant, & vicina populari. Vifum eft Cæfari Augufto gentem aditu difficillimam fubmovere. Miffo igitur Cornelio Lentulo tres eorum duces cum magnis copiis delevit, ultra ulteriorem repulit ripam, citra præfidia conftituit, fatis victoriæ putans poffe illos prohibere; fic hinc Dacia non victa, fed fummota, atque dilata eft. Trajanus inde Decebalum vicit, ejus legatis fervilem iummodum introductis pax duris conditionibus data. Iterum eum rebellantem oppreffit, quo occifo Daciam provinciam fecit, thefauros regio fubter vada Sargetiæ fluminis invenit; pontem lapideum viginti pilarum fuper Danubium miri operis maximeque memorabilis fecit, legiones duas novæ provinciæ præfidio addidit, colonias aliquot in ea deduxit, imperii limites abrupta montium Sarmatas verfus conftituit. Hæc omnia accurate referuntur a Dione in vita Trajani imperatoris, qui ita concludit: *At Decebalus, quum captæ regia, vicina omnis regio in poteftatem populi Romani veniffet, ufque ad captivitatem periclitatus mortem fibi conficiat, cujus caput deinde Romam delatum eft: ita Dacia juri & ditionis Romanæ facta eft. Quam mox Trajanus in provinciam redegit, urbes condidit, & colonos deduxit. Legiones autem duæ in Dacia provincialium præfidio additæ funt v. Macedonica & xiii. Gemina. Victoriæ Trajani Daciæ mentio eft in ejuſdem nummis ita: DACIA. CAPTA. item: PROVINCIA. DACIA. AVGVSTI. item: GERMANIA. VICTA. item: GERMANIA. SVBACTA. item trophæa quadam cum infcriptione. DE SARMATIS. ET. DE GERMANIS.**

Provincia trans Euphratem.

Provinciae Armeniæ duæ, Mefopotamia, & Affyria.

E Per confinia Armeniarum primum fub L. Lucullo Romana trans Taurum ligna tranſmiſſa funt. Idem Lucullus Mithridatem regno Ponti exutum ad Armeniam persequutus eft, Tigranem Armeniorum regem cum feptem millibus clypeatorum, & centum viginti millibus ſagittariorum, ipſe cum decem & octo millibus Romanorum vicit, Tigranocertam maximam Armeniæ civitatem expugnavit, Madenam optimam Armeniorum regionem obtinuit. Per Melethenam ad Mefopotamiam deſcendit. Niſibin cum fratre regis cepit: tendere in Parthos paratus ſuccefforem accepit Cn. Pompeium. Qui ad Mithridaticum bellum miſſus, Mithridatem in Armenia minore nocte aggreſſus prælio ſuperavit, caſis duobus & quadraginta millibus hoſtium, caſtra ejus invaſit. Mithridates in Boſporum fugiens ſumma rerum deſperatione ſe ipſe interfecit. Pompejus auxiliatorem Mithridatis Tigranem Armeniorum regem perſequutus eft, ille ſe oblato diademate apud Artaxata dedit, receptæ funt ab eo Mefopotamia, Syria, & aliquanta pars Phœnicis, atque intra Armeniam regnare permiſſus eft. Idem Pompejus Boſporanis, & Colchis Ariſtarchum regem impoſuit, cum Albanis confligit, Orchodo Albanorum regi ter victo pacem dedit; Hiberiam cum Arſace rege in deditio-nem accepit, Sarracenos, & Arabes vicit, Judæa capta Hieroſolyma obtinuit, cum Parthis fedus fecit. Poſt Tigranem diu ſub regibus Armenia fuit, ex quibus Tigranis ſucceffor Artavaſdes ab Antonio occiſus eft. Poſt quem Artaxias, Tigranes alius, Artavaſdes alius, Ariobarzanes, Vono Parthus, & Ze-

no Ponticus ab Augusto & Tiberio Caesaribus reges Armeniis impositi sunt; Armeniæque diu sub amicis regibus in Romanorum fide permansit. Nero, quem turpissimum imperatorem Romana resp. passa est, amittit Armenias duas, rege iis Tyridate a Parthis imposito. Ac sub regibus iterum Armenia usque ad Trajani tempora fuit. Qui Dacia victa expeditionem in Armenios, Parthos, Orientemque paravit, belli prætextum faciens, quod Armeniorum rex diadema & cetera regni insignia, atque jura non ab se, sed a Parthorum rege, velut illi obnoxius sumptisset, re autem vera cupidine magis gloriæ impulsus est. Qui simul ac Armeniæ fines ingressus est, Armeniæ regem & satrapas regionis obvios habuit, cum muneribus equum ducentes ita edoctum, ut Trajanum, anterioribus pedibus in modum supplicantis flexis, adoraret. Tum causa cognita Parthamasi Armeniæ regi sublati diademate regnum adem. Quam imposito legato consulari Romanam provinciam fecit: limitem orientalis imperii ab Euphrate ad Tigrim amnem transtulit. Hiberos post hæc, Sauromatas, Bosporanos, & Colchos in fidem Romanæ ditionis accepit, Osroenorum loca occupavit, Carduenos, & Marcomedos obtinuit, Albanis regem dedit; omni deinceps belli mole in Parthos versa, Nisibin & Ecbatanas cepit, Parthicusque ob id a senatu appellatus est. Euphrate trajecto Adiabenos subegit, Arbela & Gaugamela, in quorum campis olim Alexander debellaverat Darium, vi cepit; Antemulium optimam Perlidis regionem, Seleuciamque, & Ctesiphontem, Edessam ac Babylonem occupavit, & tenuit. Usque ad Indiæ fines primus post Alexandrum accessit, in mari rubro classem instituit, qua Indiæ fines vastaret. Armeniam omnem, Mesopotamiam, & Assyriam, quæ inter Tigridem & Euphratem sitæ irriguis annibis instar Ægypti fecundantur, cum his gentibus quæ Madenam attingunt, tres Romanas provincias fecit. Atque inter Romanos & Parthos imperii limitem fluvium Tigrim esse voluit. Parthis jam victis defectionemque molientibus, apud Ctesiphontem parentibus campis, coram Romanorum & Parthorum procerum multitudine, regem diademate imposito designavit Parthensapatem, atque ita rebus orientalibus compositis in Arabiam profectus est. Ex Dione, Rufo, Eutropio, & Oratio. Harum omnium rerum mentionem in Trajani nummis aureis, argenteis, æneisque mentionem fieri animadverti. Nam de Armenia & Mesopotamia provinciis factis extat nummus sic inscriptus: ARMENIAE. ET. MESOPOTAMIA. IN. P. P. R. REDACTAE. item in alio: ARMENIA. SVBACTA. IMP. VI. COS. VI. De regibus a Trajano variis nationibus datis alius nummus sic meminit: REGNA. ADSIGNATA. De rege vero Parthis dato, & triumpho Parthico hos præterea nummos Trajani sic inscriptos vidi: REX. PARTHIS. DATVS. item: TRIVMPHVS. PARTHICVS. Quæ autem regiones, aut quo in loco hæc fuerint, quas Trajanus provincias Romanas fecit, aperte libro I. de bello Persico indicat Procopius: *Regio (inquit) quæ est Samosatis, juxta Euphratem est, jam dudum Comagene, nunc autem ex fluvii nomine Euphrantia vocata est. Quæ autem intra utrumque fluvium existit, Mesopotamia ex argumento nominis dicitur. Cujus pars non solum hac appellatione, sed aliis quibusdam dicitur nominibus, ut ea quæ ad Antidam pertinet civitatem, Armenia a nonnullis vocatur, Edessa vero cum ipsius circa loci Osroene. Mesopotamia igitur ea regio est, quæ inter Euphratem & Tigrim amnes est sita, cujus præsidio cum eam in provinciam formam Trajanus primus redegit, duas legiones addidit, duosque novos imperii limites fecit Dacicum, & super Tigrim.*

Provincia Arabia.

Bello Parthico confecto, Trajanus in Arabiam re-

gressus, Agarenos rebellantes obtrivit, quumque magnam ejus regionis partem occupasset, eam provinciam Romanam, ut tradit Sex. Rufus, fecit. Ita enim ait: *Sub imperatoribus Romano imperio accesserunt Pontus omnis, Armenia minor, oriens totus cum Mesopotamia; Assyriaque, & Arabia, cum Ægypto sub Romani imperii jura transiit. Item alibi: Agareni, & Judei in Palestina a Cn. Pompeio victi sunt. Ad extremum sub Trajano principe regi majoris Armeniæ diadema sublatum est, & per Trajanum Armenia, Mesopotamia, Assyria, & Arabia provincie factæ sunt, ac limes orientalis supra ripam Tigridis fluminis institutus. Arabiæ provinciæ a Trajano factæ mentio est in ejusdem vetusto nummo sic: ARABIA ADQVISITA. Eutropius vero: Arabiam (inquit) Trajanus in provinciam formam redegit. Eam provinciam postea novis gentibus victis, & imperio Romano adjunctis novam provinciam fecit Severus imperator, bello Parthico confecto, quo Parthos, & Adiabenos, Arabesque interiores gravibus præliis, & cladibus afflixit, ut tradunt Eutropius & Rufus.*

De provinciis orientalibus a Trajano imp. adquisitis.
Hadrianus, qui post Trajanum imperium Romanum adeptus est, quum ut aliis multis, ita gloriæ Trajani invideret, tres illas nobilissimas provincias Armeniam, Mesopotamiam & Assyriam, illico nulla ductus necessitate, sed sponte sua Perlis reddidit, quas Romano imperio, ut ostendi, Trajanus adjunxerat, revocatisque legionibus, inter Romanos & Persas veterem imperii limitem Euphratem amnem esse voluit. Idem de Dacia facere conatum amici deterruerunt, ne multi cives Romani barbaris traderentur, propterea quod Trajanus victa Dacia ex toto orbe Romano infinitas eo copias hominum transtulerat ad agros & urbes colendas. Dacia enim diuturno bello Deccebalis fuerat exhausta. Quidam hujus rei hanc potissimum causam fuisse suspicati sunt, quod antiquis vatium responsis ferebatur, insaufum fore, ac infelix imperatori populi Romani, qui exercitus armatos trans Euphratem amnem urbemque Ctesiphontem promovisset: exitium hoc fuisse M. Licinio Crasso, ipsumque Trajanum proxime in Italiam cum Parthica victoria non rediisse, Valerianum captum, Carum ictu fulminis absumptum, Julianum postremo occisum. Ex quibus provinciis Assyria & Armenia recuperatæ sunt a L. Vero, Seleucia urbe nobilissima cum D. millibus hominum, & Artaxatis harum provinciarum primariis urbibus captis, Capitolino, Eutropio, Rufo, & Iornande auctoribus. Mesopotamia vero quater amissa est, & quater recuperata, ut ait Rufus. Eam enim primo ab Hadriano relictam recepit cum Assyria, & Armenia L. Verus. Commodus iterum perdidit, recuperavit Severus; tertio a Perlis Valeriano imperatore capto cum Armenia occupatam, tertius Romano imperio restituit Odenatus decurio Palmyrenus, Gallieni apiciis. Quarto sub Caro deperditam, Diocletiani temporibus victis prima congressione Romanis, secundo vero conflictu profligatis Perlis superatoque rege Narseo, & uxore ejus, ac filiabus captis, pace facta, Galerius Maximianus imperio restituit, Armeniæque omni etiam recepta, super ripam Tigris imperii limes olim a Trajano constitutus, & ab Hadriano translatus, iterum est reformatus. Ad hæc quinque trans Tigrim a Galerio Romano provinciæ factæ Azarlavena, Mozena, Zabdicena, Rhennemena, & Carduena. Quas provincias postea ignominioso quidem sed necessario federe, adjuncta Singarena, Nisibi, & Mesopotamiæ superioris parte, Jo-
vianus Perlis reddidit, ut paulo post exponam, & ita termini imperii occidentem versus quarto mutati sunt.

Hac autem sunt omnium provinciarum nomina, quæ a populo Romano ab urbe condita usque ad imperii excidium in potestatem redactæ sunt. Quas

quanta potui diligentia ex antiquis scriptoribus collegi, quibus accurate digestis, nunc reliquum est ut earum legionum seriem, institutionem, & mutationes ex vetustis lapidibus, & Dione lib. LV. potissimum referam, quæ post Vespasiani imperium, vel institutæ sunt, vel in imperii limitibus locatæ, atque ab ipso Vespasiano imperatore incipiens, quæ ab aliis quoque Augustis additæ sunt, persequar.

C A P. XX.

Legiones populi Romani inter Vespasiani & Alexandri Augustorum imperia additæ.

Legiones additæ ab imp. Cesare Vespasiano Augusto.

LEGIO II... in Germania. Tacitus lib. IV. & V. Hist.

Legio IV. Flavia felix fidelis in Syria.

Hujus legionis mentio est in hisce vetustis inscriptionibus. Romæ in hortis Carpensibus.

D. M.

C. ANNIO. VALENTI
VET. EX. NVM. FRVM
LEG. IIII. FL.

C. ANNIVS. HERACLA
FECIT. PATRONO. B. M.

Item Pisauri.

C. LVXILIO. C. F. POMPT. SABINO
EGNATIO. PROCVLO. CVR. RER.
PISAVR. ET. FANESTR. TRIB
LATIOL. LEG. IIII. FLAV. PATRONO
COLONIARVM. PISAVR. ET. FANESTR

Paulo extra urbem Reatinam.

SEX. TADIVS. SEX. F. VOL. LVSIVS
NEPOS. PAVLLINVS. TR. MIL. LEG
IIII. F. F. X. VIR. STLIT. IVDIC

Item Auximi in Piceno.

C. OPIIO. C. F. VEL. BASSO. P. P. P. C
PR. I. D. AVX. 7. LEG. IIII. FL. FEL
ET. LEG. II. TR. FORT. EVOK. AVG.

Hanc legionem Dio libro LV. commemorat.

Legio XVI. Flavia fidelis in

De hac legione mentionem extare vidi in hac vetusta inscriptione, Sapini in Samnio.

L. NERATIO. C. F. VOL. PROCVLO
X. VIRO. STLITIBVS. IVDICANDIS
TRIB. MILIT. LEGION. VII. GEMINAE
FELIC. ET. LEG. VIII. AVG. QVAEST. AEDIL
PLEB. CEREAL. PRAEF. LEG. LEG. XVI
FLAVIAE. FIDEL. ITEM. MISSE. AB. IMP
ANTONINO. AVG. PIO. AD. DEDVCEN
DAS. VEXILLATIONES. IN. SYRIAM. OB
BELLVM. PARTHICVM. PRAEF. AERARI
MILITARIS. COS. MVNICIPES. SAEPINATES

Legio I. Minervia pia fidelis in Germania inferiore, addita a Domitiano Augusto.

Hanc legionem Spartianus in Hadriano, & vetus hæc

Beneventana inscriptio commemorat:

M. MARIO. M. F. STEL. TITIO
RVFINO. COS. LEG. LEG. I
MINER. P. F. CVR. COL
CLAVD. AVG. ARIPPENSIVM
PRO. COS. PROV. SICILIAE. CVR
AMITERNOR. PRAEF. TR. PL. Q.
PROV. MACED. SEVIR. TVRMAR
EQ. ROM. TRIB. LATIOL. LEG. I
ADI. P. F. III. VIRO. STLITIB. IVDIC

Legiones additæ a Trajano Imperatore.
Legio II. Trajana fortis in Ægypto.

Hujus legionis Dio libro LV. & vetustæ hæ inscriptiones Auximates meminerunt.

Q. PLOTIO. MAXIMO. COLLIN
TREBELLIO. PELLIDIAN. EQ. PVB
TRIB. LEG. II. TRAIAN. FORT
TRIB. COHORT. XXXII. VOLVNT
TRIB. LEG. VI. VICTRIC. &c

Item ibidem:

C. OPIIO. C. F. VEL. BASSO
OMNIBVS. OFFICIIS. IN. CALIGA
FVNCTO. CENTVRIONES. LEG
II. TRAIANAE. FORTIS. OPTIMO
ET. DIGNISSIMO

Legio XXX. Ulpia victrix in Germania.

Hujus legionis Marcellinus libro XIX. Dio libro LV. & vetustæ hæ inscriptiones mentionem faciunt Romæ in vinea Reverendiss. Card. Carpensibus.

D. M.

T. FL. IOCVNDO. ER. LEG
XXX. VLP. FLAVI. FRVCT.
SET. VIC. ER. LEG. EIVSDEM
HERED. F. C.

Romæ apud Gentilem Delphinium.

M. AEMILIO. M. F. NIGRO
ARA. MIL. FRVM. LEG. XXX. V. V.

Legiones additæ a M. Antonino Augusto.

Legio II. Italica Divit. in Norico.

De hac legione Dio libro LV. & vetusta hæc epigrammata meminerunt.

D. M.

FLORIO. BAVDIONI. VIRO. DVCENARIO
PROTECTORI. EX. ORDINARIO. LEG. II
ITAL. DIVIT. VIX. AN. XL. MIL. AN. XXV. VAL
VARIO. OPTIO. LEG. II. ITALICAE. DIVIT
PARENTI. KARISSIMO. M. F. C.

Romæ in ædibus Colotianis.

AVR. SATVRNINO. EQ. COH. VIII. P. 7
VERISSIMI. QVI. MILITAVIT. IN. LEG. SE
CVNDA. ITALICA. TESSERARIVS. AN. VI
QVI. VIXIT. AN. XXVIII. AVR. OPTATIANVS
EQ. FRATRI. BENEMERENTI. POSVIT

Legio III. Italica in Rhetia.

Hujus meminerunt Dio, & vetustum hoc epigramma:

CN. LAVDIVS. CN. F. FAL. THALLVS
MIL. COH. X. PR. 7. LIM
ITEM. TESSERARIVS. IN. LEG. III
ITALICA. AN. VI. TRAEICTVS. IN
COH. XI. PR. 7. P. SATRI. Q. MIL
ANN. IIX. VIX. AN. LXII. H. F. S. C. A

Legiones additæ a Severo imperatore.

Legio I. Parthica in Melopotamia.

Hanc Dio libro LV. & Marcellinus libro XX. commemorant.

Legio II. Parthica in Italia.

Hanc præter Dionem libro LV. vetus quoque hæc

Prænestina inscriptio profertur:

DIIS. MANIBVS

L. IVNIVS. L. F. PONTINA. OCVLNIVS
MIL. LEG. II. PARTH. ANN. IIX
VIX. AN. XXXXVI. H. F. C

Legio III. Parthica in Mesopotamia.

*Ut tradit libro LV. Dio, de qua vetus etiam hic lapis
Romæ via Ardeatina mentionem facit.*

L. AVRELIO. L. F. PAP. FAVORI
VETERAN. LEG. III. PARTHIC. P. F.
ET. A. LOCIS. AEGRI. CVST
LEG. EIVSDEM.

*Nomina legionum, quæ ex superioribus desunt, vel sunt
eadem cum his, mutatis nominibus, inter Ve-
spasianum, & Alexandrum Impp.*

Legio I. ab Augusto
Legio I. Classica a Nerone
Legio II. a Vespasiano
Legio V. Claudiana a Claudio
Legio VII. Galbiana a Galba
Legio IX. Hispaniensis ab Aug.
Legio XV. a Claudio
Legio XVI. ab Augusto
Legio XVIII. Victrix a Claudio
Legio XIX. ab Augusto
Legio XXI. Rapax a Claudio

additæ.

*Nomina XXXIII. legionum populi Rom. sub imp. Cesare
M. Aurelio Alexandro Augusto XIII.
limitibus dispositarum.*

In Italia legio I.

Legio II. Parthica.

In Britannia legiones III.

Legio II. Augusta in Britannia superiore.

Legio VI. Victrix in Britannia inferiore.

Legio XX. Valeria victrix in Britannia superiore.

In Germania inferiore legiones IV.

Legio I. Minervia pia fidelis.

Legio II. Adjutrix pia fidelis.

Legio VII. Gemina pia fidelis.

Legio XVI. Flavia fidelis.

In Germania superiore legiones IV.

Legio X. Frentelis.

Legio VIII. Augusta.

Legio XXII. Primigenia pia fidelis.

Legio XXX. Ulpia victrix.

In Rætia legio I.

Legio III. Italica.

In Norico legio I.

Legio II. Italica.

In Pannonia legiones III.

Legio I. Adjutrix pia fidelis in Pannonia inferiore.

Legio X. Gemina Gordiana pia fidelis in Pannon.
super.

Legio XIV. Gemina Martia victrix.

In Mœsia legiones III.

Legio I. Italica in Mœsia inferiore.

Legio VII. Claudiana pia fidelis in Mœsia super.

Legio XI. Claudiana pia fidelis in Mœsia inferiore.

In Dacia legiones II.

Legio V. Macedonica.

Legio XIII. Gemina pia fidelis.

In Cappadocia legiones II.

Legio XII. Fulminatrix.

Legio XV. Apollinaris.

In Mesopotamia legiones II.

Legio I. Parthica.

Legio III. Parthica.

In Suria legiones IV.

Legio III. Gallica in Phœnicæ.

Legio IV. Scythica.

Legio IV. Flavia felix fidelis.

Legio VI. Ferrata R. F. C. in Judæa.

In Ægypto legiones II.
Legio II. Trajana fortis.
Legio III. Cyrenica in Arabia.
In Africa legio I.
Legio III. Augusta in Numidia.
In urbe.
Cohortes vigilum VII.
Cohortes urbanae XIV.
Cohortes prætorizæ XII.

Cohortium vigilum primæ, secundæ, &c. usque
ad VII. Item prætorianarum usque ad XII. & urba-
narum usque ad XIV. in his antiquis epigrammati-
bus mentionem sic fieri animadverti:

In museo Carpenfi Romæ.

L. AVFVSTI. L. F. SVBVRA. RVFINI
GEN. COH. VII. VIGIL. ROM. &c.

Item Romæ in æd. D. Pudentianæ.

C. ACILIO. C. F. VOL. MARTIALI
VASIONE. VETER. EX. COH. XII. PR.
MILITAVIT. ANNIS. XVII. VIXIT
ANNIS. LV. M. I. Q. DOMITIVS
ADIVTOR. HERES. CONSORTI. SVO
BENE. MER. FECIT. ET. SIBI

Romæ in ædibus Bubalorum.

M. ANTONI. M. F. FAB. PHOEBI
MIL. COH. XIV. VRBANÆ. 7. PERENNI
STIPENDIORVM. IIII. SECVTOR. TRIB
VIX. ANN. XX. M. V. D. XX. H. III
EPICTETVS. ET. PHOEBE. PARENTES
INFELICISSIMI. FECERVNT

D.
Classis Prætoria Misenas.
Classis Prætoria Ravennas.
In his classibus aliquot cohortes conscriptæ erant,
de quibus etiam vultzæ inscriptiones mentionem fa-
ciunt:

Romæ in Quirinali in hortis Reverendissimi Carpenfis.

D. M.
MAGIA. IANVARIA. TATAE. SVO
BENEMERENTI. FECIT
C. ANTONIO. ANTARINO
MILITI. EX. CLASSE. PRAE
TORIA. MISENATIVM. VIX
AN. XL. MIL. XXIV

Item Romæ in ædibus Laur. Velleii.

T. FLAVI. VALENTIS. MIL
CLASS. PR. MISENIESIS
AGRADIESIS. VIX. ANN. XXVII.
MIL. ANN. VI

*De classe vero prætoria Ravennate Firmi in Piceno
ejusmodi extat inscriptio:*

T. APPAEIO. T. F. VEL. ALFINIO
SECVNDO. PROC. AVG. XX. HERED
PROC. ALP. ATRECTIANAR. PRAEF
VEHICVL. SVB. PRAEF. CLASS
PRAET. RAVENN. PR. ALAE. I
AVG. THRAC. TRIB. COH. I. AELIAE
BRITTON. PRAEF. COH. IIII. GALLOR.
PATRONO. COL

Hæ erant omnes populi Romani legiones & co-
hortes suis limitibus imperio mendo, ita ut exposui,
sub Alexandro imp. distinctæ, ut ex Dione, & vetu-
stis epigrammatibus accurate examinatis collegi. Qua-
rum omnium nomina eo ordine quem subijciam, in
fragmento columnæ sub Palatii radicibus, versustem-
plum

plum Pacis aliquot annis ante repertæ, ita exarata erant.

NOMINA. LEG

II. AVG	II. ADIVT	III. SCYTH
VI. VICTR	III. FLAV	XVI. FLAV
XX. VICTR	VII. CLAVD	VI. FERRA
VIII. AVG	I. ITALIC	X. FRETE
XXII. PRIM	V. MACED	III. CYREN
I. MINER	XI. CLAVD	II. TRAIAN
XXX. VLP	XIII. GEM	III. AVG
I. ADIVT	XII. FVLM	VII. GEM
X. GEM	XV. APOL	II. ITALIC
XIV. GEM	III. GALLIC	III. ITALIC
I. PARTHIC	II. PARTHIC	III. PARTHIC

Dio, qui sub Alexandro Imp. vixit, lib. LV. historiarum, omnium fere harum populi Romani legionum, quæ etiam suo tempore erant, nomina, auctores, limitæque, in quibus commemorantur, accurate enumerat. Ex quo præcipue eas ego quoque concinnavi. Is quum neget post Severum imperatorem, qui tres ultimas legiones Parthicas instituit, alias additas usque ad sua tempora fuisse, in eam ego deveni sententiam, ut hæ omnes legiones sub Alexandri potissimum imperio, sub quo ipse historiam suam conscripsit, fuerint. Post cuius tempora, pleraque harum vel exaudoratas, vel nomina mutasse, pleraque etiam vetera nomina retinuisse, quædam in plures legiones distinctas fuisse, atque omnino harum seriem immutatam fuisse, satis ex eo libro patet, cui notitia utriusque imperii nomen inditum est. In quo diligenter inter cetera omnes illæ legiones enumerantur, quæ post Alexandri tempora institutæ a sequentibus imperatoribus fuerunt, de quibus ob eam potissimum causam amplius differere supervacaneum esse existimavi. Nam in eo libro ita accurate omnes traduntur, ut nihil diligentius fieri posse existimem. Ego porro, ne quid eorum, quæ huius libri constituendi causa collegi, omitterem, earum omnium legionum nomina hic fuggeram, quas ex vetustis tantum inscriptionibus collegi; quarum nulla præterea aut ab auctoribus, aut a me supra facta mentio fuit, quum earum auctores, tempora, & limites ignorarem. Sunt autem hæ:

Legio II.
Legio III. Felix.
Legio III.
Legio IV. Gallica.

Huius legionis mentio est in vetusto fragmento Romæ apud Gentilem Delphinium.

... T. LEG. III. GALLICAE
PRAEF. COH. III. LINGONVM
Legio IV. Italica.

Alia etiam vetus inscriptio hanc legionem sic commemorat:

TI. CLAUDIO. QVIR. FRONTINO
NICERATO. CL. FRONTINI. COS. F
X. VIR. STLIT. IVD. TRIB. LATICLAVIO
LEG. III. ITALICAE. QVAESTORI. PRO. PR
PROVINCIAE. ACHIAE

Legio V.

Legio V. B.

Legio V. Alauda pia felix. Hæc a Cæsare dictatore instituta est, auctore Tranquillo, de qua vetustum hoc epigramma Romæ via Cassia situm meminit:

DIIS. MANIBVS. SACRVM
VLPIAE. PYRALLIDI. CONIVGI
ET. SIBI. HILARVS. AVG. LIB
TIBICIN. LEG. V. ALAVD
P. FEL. VIVVS. FECIT

Legio V. Augusta.

Et huius legionis meminit hic lapis:

ISIDI. SACRVM
SEX. POMPEIVS. SEX. L. SYRVS
MIL. LEG. V. AVG. V. S. L. M

Legio VII.

Legio VIII.

Legio VIII. Antoniniana.

Et de hac legione in antiqua hac inscriptione mentionem extare vidi:

GENIO. SANCTO
M. AVR. CL. POMPEIANVS
MIL. LEG. VIII. ANTONINIANAE
AVG. B. F. COS. K. IANVAR

Legio X. Augusta.

De hac legione mentionem facit vetus hic lapis:

IOVI. VICTORI
K. AIMILIVS. K. F. QVIR
ARRINVS. MIL. LEG. X. AVG
S. P. P. D. D

Legio X. Vener.

Legio XI.

Legio XIII.

Legio XIV.

Legio XVI.

Legio XVII. Mil.

Legio XIX.

Legio XX. Hered.

Legio XXII. Deiotariana.

Hanc etiam legionem vetusta inscriptio sic profertur.

L. BAEBIVS. L. F. GAL. IVNIANVS
PRAEF. FABR. PRAEF. COH. III
RHETORVM. TRIB. MIL. LEG
X XII. DEIOTARIANAE
PRAEF. ALAE. ASTYRVM
PRAEF. VEHICVLORVM
IVRIDICVS. AEGYPTI

De quibusdam præterea aliis, & cohortibus, quarum in vetustis inscriptionibus mentio est.

Post legiones, multæ præterea militum cohortes ab imperatoribus institutæ sunt ex variis gentibus, quæ vel una cum legionibus limitibus Romani imperii tuendis incubabant, vel variis in locis collocatæ in prædiis erant. Harum præcipuæ, ex antiquis inscriptionibus a me collectæ, hæ erant:

Cohors I. Ælia Brittonum.
Cohors I. Aquitanorum.
Cohors I. Noricorum.
Cohors II. Africanorum.
Cohors II. Aquitanorum.
Cohors II. Bracar.
Cohors II. Clasi.
Cohors II. Pannoniorum.
Cohors II. Thracum.
Cohors II. Thracum Syriaca Claudiana pia fidelis.
Cohors III. Alpin.
Cohors III. Aug. Thracum.
Cohors III. Illyriorum.
Cohors IV. Gallorum.
Cohors IV. Lingonum.
Cohors IV. Rhetorum.
Cohors VI. Thracum.
Cohors VII. Thracum.
Cohors VIII. Voluntariorum.
Cohors XV. Voluntariorum.

Cohors XXXII. Voluntariorum.
Erat & præfectus ripæ Danubii.
Alarum quoque in vetustis monumentis multa
mentio est. Alæ autem equitum manus erant legio-
num præsidio constitutæ, ut supra ostendi; in his
præcipuas fuisse animadverti:
Ala Astryum.
Ala I. Aug. Thracum.
Ala Flaviana.
Ala Indiana.
Ala I. Pannoniorum.
Ala VII. Phrygum.

C A P. XXI.

De coloniis extra Italiam.

PROVINCIS omnibus populi Romani, legioni-
busque per eas constitutis expositis, nunc supe-
rest, ut quo liber omni ex parte perfectus sit,
eas etiam colonias brevissime referam, quæ per o-
mnes orbis Romani provincias extra Italiam deductæ
sunt. Quarum seriem commodius tradere posse exi-
stimavi provinciarum ordine servato. Nam quum
multæ ex iis incertos habuerint deductores, tempo-
ris rationem, quemadmodum supra feci in his, quæ
intra Italiam factæ fuerant, habere non potui. Pro-
vinciarum igitur ordinem sequar, quarum in hac
mea digestionem Britanniam primam statui.

*Coloniæ populi Romani extra Italiam.**In Britannia coloniæ v.*

Colonia Camalodunum, de qua meminit Tacitus
lib. XII.
Colonia Divana legio XX. Victrix, cujus meminit
Ptolemæus.
Colonia Eboracum legio VI. Victrix, de qua Ptole-
mæus.
Colonia Londinum, de qua Tacitus libro XIV.
Colonia Victricensis; cujus mentio est in vetusta in-
scriptione.

In Hispania Lusitania coloniæ v.

Colonia Augusta Emerita, hodie appellatur Merida,
cujus & quattuor sequentium meminit Plinius li-
bro IV. cap. XXII. De ea vero tantum Tacitus li-
bro XVII. & Paullus in digestis mentionem faciunt.
Colonia Metallinensis, hodie Medelin. Plinius ibidem.
Colonia Norbensis Cæsariana, alias Norba Cæsarea,
hodie Alcantara. Plinius ibidem.
Colonia Pacensis, alias Pax Julia, hodie Badaioz.
Paullus in digest. L. XV. VIII.
Colonia Scalabis, five Præsidium Julium, hodie Tru-
gillo. Plinius, Ptolemæus. In eadem provincia
erat municipium.

Olissipo, alias Felicitas Julia. Plinius ibid.

In Hispania Bætica coloniæ VIII.

Colonia Asta regia, cujus & septem sequentium me-
minit Plinius libro historiz naturalis III. cap. I.
Colonia Astigitana, five Augusta firma, hodie Ezila.
Colonia Atubi, five claritas Julia. Plinius ibid.
Colonia Corduba Patricia, hodie Cordova.
Colonia Hispalis Romulensis, hodie Sevigilia. Tacit-
us libro XVIII.
Colonia immunis Ituci, five Virtus Julia. Plinius.
Colonia immunis Tucci, five Augusta Gemella.
Colonia immunis Urlo, five Gemina urbanorum.
Plinius. In eadem provincia erant municipia octo.
Plinius ibid.

In Hispania Tarracoenfis coloniæ XII.

Colonia Acci, five Accitana, hodie Guadix, cujus
& XI. sequentium meminit Plinius hist. nat. libro
III. cap. III.

A Colonia Asturia, hodie Astorga.
Colonia Barcino, olim Faventia, hodie Barcellona.
Paullus.
Colonia Cæsarea Augusta immunis, olim Salduba,
hodie Sarragozza. Plinius ibidem.
Colonia Carthago nova, hodie Cartagena.
Colonia Celsa, hodie Xelša.
Colonia Clunia, hodie Grana. Ptolemæus.
Colonia immunis Ilce, hodie Elche. Paullus.
Colonia Julia Obrica Flavia. Plinius.
Colonia Salariensis. Plinius ibid.
Colonia Tarraco, hodie Tarragona. Tacitus lib. I.
Colonia Valentia, hodie Valenza. Paulus, Florus lib. IV.
In eadem provincia erant municipia XIII. Plinius.

Coloniæ in Hispania extra harum numerum.

Colonia Emporia, hodie Empurias. Ex Livio.
Colonia Gracchuris. Ex Livio.
Colonia Italica. Ex Gellio libro XVI. cap. XIII.
Colonia Marcia, hodie Marchena. Ex antiqua basi.

In Aquitania coloniæ II.

Colonia Lugdunum sub Pyrenæo. Ptolemæus.
Colonia Rulcino sub Pyrenæo. Tacitus.

In Gallia Belgica coloniæ VII.

C Colonia Agrippina Ubiorum. Vetus lapis. Plinius
libro IV. cap. XVII. Tacitus libro XII. Paullus libro
digestorum quinquagesimo. XV. VIII. Antoninus
Pius in Itinerario.
Colonia Augusta Rauracorum, hodie Basilea. Vetus
lapis. Plinius ibid.
Colonia Augusta Trevirorum. Vetus lapis.
Colonia Augusta Ulpia Trajana. Ptolemæus, &
Antoninus.
Colonia Equestris. Plinius lib. IV. cap. XVII.
Colonia Juhonum. Vetus lapis. Tacitus libro XIII.
Colonia Lutarburgium Tarbelliorum. Vetus lapis.

In Gallia Lugdunensis coloniæ II.

D Colonia Lugdunum. Vetus lapis. Plinius lib. IV. cap.
XVIII. Tacitus.
Colonia Vienna. Tacitus. Paullus L. XV. XVIII.

In Gallia Narbonensis coloniæ XIV.

Colonia Aculianorum. Ptolemæus.
Colonia Aquæ Sextiæ Salyorum. Paternulus. Plinius
lib. III. cap. IV. Florus libro LXI. Ptolemæus.
Colonia Arausio Secundanorum. Plinius ibid.
Colonia Arelate Sextanorum. Plinius ibid. Ptolemæus.
Colonia maritima Avantiorum. Ptolemæus.
Colonia Avenio. Ptolemæus.
Colonia Biteræ Septumanorum. Plinius lib. III. cap. IV.
Colonia Cabellio. Ptolemæus.
Colonia Narbo Martius Decumanorum. Cicero pro
Fonteio. Idem in Bruto. Cæsar in commentariis.
Paternulus libro secundo. Plinius libro III. cap. IV.
Ptolemæus.

Colonia Nemausum Arecomitorum. Strabo libro
quarto. Ptolemæus. antiquus Nummus.
Colonia Pacensis classica Forum Julii Octavanorum.
Plinius libro III. cap. IV. Tacitus libris II. & IV.
Hist.

F Colonia Tolosa. Ptolemæus.
Colonia Valentia. Ptolemæus,
Colonia Vienna Allobrogum. Tacitus.

In Corsica, quæ & Cyrenus, insula coloniæ II.
Colonia Mariana deducta a C. Mario. Plinius lib. 3.
cap. VI.
Colonia Aleria deducta a Sulla dictatore. ibid.

In Sardinia insula coloniæ II.
Colonia Turres Libyonicis. Plinius lib. tertio, cap.
septimo.
Colonia Vestipolis. Ptolemæus.

In Sicilia insula colonie v.

Colonia Catina. Huius & quattuor sequentium meminit Plinius lib. III. cap. VIII. De ea vero item Ptolemæus.

Colonia Syracusæ. Plinius, Ptolemæus.

Colonia Taurominium, ante Naxos dicta. Ptolemæus.

Colonia Thermæ. Plinius.

Colonia Tyndaris. Plinius ibid.

In Rhetia colonie v.

Colonia Augusta Quintanorum. Vetus lapis.

Colonia Augusta Tiberii, hodie Reginob. Vetus lapis.

Colonia Augusta Rhetorum. Vetus lapis.

Colonia Constantia. Vetus lapis.

Colonia Curia. Vetus lapis.

In Vindelicia colonie i.

Colonia Augusta Vindelicorum. Vetus lapis.

In Norico colonie vi.

Colonia Aureliana Laureacensis.

Colonia Carnutum.

Colonia Celeia.

Colonia Ovilabis Aurelia Antoniana.

Colonia Sabaria deducta a Claudio imp. Plinius.

Colonia Soluensis. Plinius libro

tertio, cap. XXIV.

In Pannonia colonie v.

Colonia Emona. Plinius libro III. cap. XXV.

Colonia Murtia. Ptolemæus.

Colonia Petovio. Tacitus lib. III. Hist. Vetus lapis.

Colonia Siscia. Plinius lib. III. cap. XXV.

Colonia Sirmium. Vetus lapis.

In Dacia colonie iv.

Colonia Apulum, hodie Alba Julia. Vetus lapis.

Colonia Aquæ vivæ. Vetus lapis.

Colonia Perendaneiorum. Ptolemæus.

Colonia Ulpia Trajana Augusta Dacica Zarmis. Dio

in Trajano, Vetus lapis.

In Thracia colonie iv.

Colonia Apros. Plinius libro III. cap. XI. Ptolemæus.

Colonia Develtus. Ptolemæus.

Colonia Flaviopolis. Plinius lib. IV. cap. XI.

Colonia Philippi. Plinius ibid. Ulpianus, Celsus

Digest. lib. I. XV. VI.

In Illyrico colonie i.

Colonia Jadera. Ptolemæus.

In Liburnis colonie quattuor.

Colonia Æquum. Ptolemæus.

Colonia Epidaurum. Plinius lib. IV. cap. IX.

Colonia Narona, ibid. Plinius.

Colonia Salona deducta a Claudio imp. Ptolemæus.

In Epeiro colonie due.

Colonia Butthrotum. Plinius lib. IV. cap. I.

Colonia Nicopolis ad Actium ab Augusto deducta.

Plinius lib. IV. cap. I. Tacitus & nummus argenteus.

In Macedonia provincia colonie sex.

Colonia Bullis. Ptolemæus.

Colonia Cassandria. Plinius lib. IV. cap. X. Ulpianus.

Colonia Epidamnus, alias Dyrrhachium. Plinius

lib. III. cap. XXXIII. Ulpianus.

Colonia Orestias. Plinius lib. IV. cap. X.

Colonia Pella. Plinius ibid.

In Græcia colonie due.

Colonia Marcella. Antoninus Pius in Itinerario.

Colonia Megara in Attica, Plinius lib. IV. cap. VII.

In Acbaia colonie tres.

Colonia Julia Corinthus deducta ab Augusto, Festus, Nummus, Plinius libro IV. cap. IV.

Colonia Dyme. Plinius lib. IV. cap. V.

Colonia Augusta Patrensis, deducta ab Augusto.

Nummus, Plinius ibid.

Colonia Epiropia insula in mari Ægeo. Plinius lib.

IV. cap. XII.

In Asia colonie Romanæ xi.

Colonia Sinope in Ponto. Plinius lib. VI. cap. II. Ulpianus.

Colonia Apamena in Bithynia. Plinius lib. V. cap. XXXII. Ulpianus.

Colonia Ancyra in Galatia. Plinius lib. V. cap. XXXII.

Colonia Germa. Ptolemæus.

Colonia Cæsarea Antiochia in Pisidia. Plinius lib. V. cap. XXVII. Ulpianus.

Colonia Gremna in Pamphylia. Ptolemæus.

Colonia Troas Antigonía Alexandria in Phrygia.

Plinius libro quinto, cap. XXX. Ulpianus.

Colonia Parium, alias Pariana in Asia. Plinius lib.

V. cap. XXXII. Ulpianus.

Colonia Adramyttium Æolum in Asia. Plinius lib. V. cap. XXX.

Colonia Selinus, alias Trajanopolis in Cilicia. Ulpianus.

Colonia Archelais Cæsarea in Cappadocia, deducta a Claudio imp. Plinius lib. sexto, cap. III.

In Suria colonie xx.

Colonia Antiochia ad Orontem Suria Metropolis deducta ab Antonino Caracalla imp. Ulpianus Digest. lib. I. tit. XV.

Colonia Emefena in Phœnice ded. a Caracalla. Ulpianus.

Colonia Ælia Capitolina in Judæa Palæstina deducta ab Hadriano imperatore. Ulpianus ibid.

Colonia Apulensis. Ulpianus ibid.

Colonia Augusta Berythus Felix Julia in Cœlesuria; Plinius lib. V. cap. XX. Ulpianus L. XV. I. Nummus argenteus.

Colonia Turrus Stratonis, alias Felix Augusta Cæsarea Flavia prima deducta a Vespasiano imp. Plinius lib. V. cap. XIII. Ulpianus.

Colonia Capitolum deducta a Tito Cæsare imp. Ulpianus.

Colonia Damascus Metropolis. Nummus argenteus.

Colonia Hel. Nummus argenteus.

Colonia Jul. Sert. Sac. Aug. Felix. Nummus.

Colonia Julia Germanicia sacra Augusta Felix. Nummus.

Colonia Laodicia. Ulpianus.

Colonia Mifena ab Antonino Caracalla deducta. Ulpianus.

Colonia Naconensis. Ulpianus.

Colonia Palmyra a Caracalla imp. deducta. Ulpianus.

Colonia Paraniensis deducta a Severo imp. Ulpianus.

Colonia Ptolemais Phœnica in Palæstina deducta ab imp. Claudio. Plinius lib. V. cap. XIX. Ulpianus.

Colonia Sebastena deducta a Severo imp. Ulpianus.

Colonia Sidon in Phœnice deducta a Caracalla. Ulpianus.

Colonia Tyrus in Phœnice deducta a Severo. Ulpianus.

Colonia Zarme Tigetufa. Ulpianus L. XV. I.

Colonia Melitene in Armenia maiore. Ptolemæus.

Colonia Nisibis juxta Euphratem. Marcellin. lib. XXV.

Colonia Sinis juxta Euphratem. Ptolemæus.

Colonia Heliopolis in Ægypto a Severo deducta. Ulpianus.

Colonia Pharus Cæsaris dictatoris in Ægypto. Plinius.

Colonia Boftra in Arabia. Nummus.

Colonia Indicia Cyrenensium deducta a Trajano. Ulpianus.

*In Africa coloniae LVII.**In provincia Caesariensi coloniae IX.*

Colonia Abilis. Ptolemæus.
 Colonia Babba Augusta Julia campestris. Plinius libro quinto, cap. primo, & Antoninus.
 Colonia Banasa Valentia. Plinius ibid.
 Colonia Lixos a Claudio imp. deducta. Plinius ibid.
 Colonia Rufardir. Antoninus in Itinerario.
 Colonia Silda. Ptolemæus.
 Colonia Tingi, alias traducta Julia, deducta a Claudio imp. Plinius ibid.
 Colonia Volubilis Antoninus, & Ptolemæus.
 Colonia Tubil, alias Zili Augusta Constantia, Plinius ibidem, Antoninus & Ptolemæus.

In Mauritiana Caesariensi coloniae XIX.

Colonia aquæ calidæ. Ptolemæus.
 Colonia Arsenaria. Ptolemæus.
 Colonia Bida. Ptolemæus.
 Colonia Carcenna Augusta legio II. Plinius libro v. cap. II. Antoninus & Ptolemæus.
 Colonia Gilua. Antoninus in Itinerario.
 Colonia Gunugi Augusti cohors prætoria. Plinius ibid.
 Colonia Icosio deducta a Vespasiano. Antoninus, & Ptolemæus.
 Colonia Igilgi. Antoninus. Ptolemæus.
 Colonia Jol Cæsarea, Jubæ regia a Claudio imp. deducta. Plinius ibidem, & Antoninus.
 Colonia Oppidoneum. Ptolemæus.
 Colonia Quiza appellatur a Ptolemæo, ab Antonino vero municipium.
 Colonia Rufazus Augusti. Plinius ibid. Antoninus.
 Colonia Rufconia Augusti. Plinius lib. IV. cap. secundo. Antoninus in Itinerario, Ptolemæus.
 Colonia Rufcurium deducta a Claudio imperatore. Plinius ibidem, Antoninus & Ptolemæus.
 Colonia Saldis Augusti, Plinius ibid. Antoninus, & Ptolemæus.
 Colonia Siga appellatur a Ptolemæo, ab Antonino vero municipium.
 Colonia Sirifi. Ptolemæus, & Antoninus.
 Colonia Succabar Augusta. Plinius ibid.
 Colonia Tipasa. Antoninus, Ptolemæus.

In eadem provincia municipia VII. ex Antonino.

Munic. Bidil. Munic. Gili. Munic. Coba.
 Munic. Jonium. Munic. Rufaxis. Munic. Sava.
 Municipium Tegauda.

In Numidia coloniae VII.

Colonia Afrodisiium. Ptolemæus.
 Colonia Cyrrha Sittianorum, Plinius libro v. cap. III. Antoninus in Itinerario.
 Colonia Hipporegius. Antoninus in Itinerario.
 Colonia Rulcade. Ptolemæus.
 Colonia Sica. Plinius ibidem.
 Colonia Simitu. Antoninus.
 Colonia Tabracha. Ptolemæus.
 Municipium Culli. Antoninus in Itinerario.

In provincia Valeria Byzacena coloniae IX.

Colonia Quina. Ptolemæus.
 Colonia Hadrumetum. Ptolemæus, Antoninus.
 Colonia Lares. Antoninus, & Ptolemæus.
 Colonia Ocea. Antoninus.
 Colonia Sabrata. Ptolemæus, Antoninus.
 Colonia Tacape. Ptolemæus, Antoninus.
 Colonia Ælia Augusta Mercurialis Thænitis, alias Thænæ. Antoninus. Vetus inscriptio.
 Colonia Thebette. Ptolemæus.
 Colonia Ælia Hadriana Augusta Zama regia. Plinius libro v. cap. IV. Ptolemæus. Vetus tabula ænea.
 Municipia Giti, & Pontezita. Antoninus.

In Africa veteri coloniae V.

Colonia Admedera. Antoninus.
 Colonia Carthago prima extra Italiam deducta. Plinius lib. v. cap. v. Ulpianus, Paternulus, Florus, Appianus, & alii.
 Colonia Maxula. Plinius ibid.
 Colonia Neapolis. Plinius ibid. Ptolemæus.
 Colonia Utica. Gellius lib. XVI. cap. XIII.

In Africa nova coloniae VIII.

Colonia Culcua. Ptolemæus.
 Colonia Leptis magna. Ptolemæus, Antoninus, Ulpianus.
 Colonia Thufdrum. Antoninus.
 Colonia Tiba. Ptolemæus.
 Colonia Tuburnica. Ptolemæus.
 Colonia Tuburbis. Ptolemæus.
 Colonia Tynidrum. Ptolemæus.
 Colonia Utina. Ptolemæus.

G A P. XXII.

De Vectigalibus populi Romani

PROVINCII, coloniis, & legionibus omnibus populi Rom. expeditis, locus hic me admonet, ut quod paulo ante de vectigalibus imperii Romani me scripturum pollicitus sum, nunc afferam. Ante bellum igitur Mithridaticum, quod Cn. Pompejus gessit, in quo Romano imperio tres novas provincias, Bithyniam, Ciliciam omnem, & Syriam adjunxit, tributis & vectigalibus populum Romanum ex annuis earum quas commemoravi provinciarum, quinque millia myriades drachmarum Atticarum cepisse, in Pompeii vita auctor est Plutarchus. Nam ante ea tempora quod annum vectigal reip. Romanæ fuerit, incompertum est. Post bellum vero Mithridaticum iis provinciis per Cn. Pompeium Romano imperio adjunctis, annui reditus aucti tribus millibus & quingentis myriadibus, atque omnino factæ octo millia & quingentæ myriades drachmarum Atticarum. Quam summam quo ad nostri temporis pecuniæ usum facilius redigam, pauca quædam de antiquorum tam apud Romanos, quam apud Græcos nummorum ratione disputabo, eaque in hac re tradenda afferam, quæ ego Romæ apud Gentilem Delphinium & ipse vidi, & manibus attrectavi. Ac primum quidem de Romanorum pecunia, post Græcorum, quantum ad rem propositam explicandam attinet, differam. Apud Romanos tria erant præcipua nummorum argenteorum genera, id est, denarius, quinarius, & sesterius. Denarius ab uno latere urbis Romæ galeatum caput cum numeri nota x. habebat: Ita dictus, quod pro decem assibus in solutionem cedebat, quoad perpetuis bellis exhausto ærario, placuit denarium sexdecim assibus permutari, quod contigit quum Hannibal perpetuos sexdecim annos totam Italiam crudelissime vexabat. Qui quamquam ex decem in sexdecim asses permutatus esset, antiquum tamen denarii nomen & notam x. retinuit. Qui quod ab alio latere bigas & quadrigas circensium excusas haberet, bigatus & quadrigatus dictus est. Pendebat autem argenti siliquas XIII. sex denarii unciam conficiebant, ut tradit Priscianus, & ego ipse expertus sum. Denarii dimidium quinarium appellabant, nota v. insignitum, qui quum victoriæ, quæ in circo erat, signum excusum haberet, etiam victoriatius appellatus. Quinarii autem dimidium sesterium vocabant; valebat enim sesterius quartam denarii partem, qui alio nomine nummus dicebatur. Interdum utrumque conjungentes nummum sesterium dicebant; dictus est autem sesterius, quasi semis tertius, eo quod in se continebat asses duos, & tertium

dimidiatum : notabaturque apud veteres per geminum II. & litteram S. quæ prima est in dictione semis, interveniente linea transversa, qua tres hæ litteræ conjungerentur ad hunc modum H-S. Veteris consuetudinis fuit, ut semis in compositione ante poneretur, ut semis quartus, semis quintus, semis tertius, unde sublatis duabus litteris dictus est sestertius. Ut autem sestertium nummum ad nostratæ pecuniæ æstimationem reducam, dicam quod ego ipse mensurando veteres sestertios, quinarios, & denarios observavi. Diligentissime itaque collegi sestertium tantundem valere, quantum apud Venetos valet id nummi genus, quod grossum appellant, id est, quadrantes XII. monetæ Venetæ, ita ut quinarius ejusdem monetæ XXIV. quadrantibus, denarius vero octo & quadraginta æstimabitur. Monetæ vero Romanæ haud ita facile æquari potest, sed quum res ad paulo grandiorum summam redigitur, pecunia Romana cum Veneta omnino convenit. Romæ sestertium tantundem valere ego diligentissima trutina examinavi, quantum quadrantes fere quattuordecim, id est, ut vocant, baiocos tres & semis, ita ut quattuordecim fere baiocis denarius antiquus æstimari possit. Ideo autem fere dixi, quia non omnino ad XIV. baiocorum summam denarius ascendit, sed unus quadrans, vel paulo plus exigendum esset. Quod tamen quum ad paulo grandiorum summam perveniretis, parum officit: quæ omnia ut facilius ab omnibus intelligantur, totius rei brevem hanc descriptionem subijciam.

Monetæ Romanæ.

Sestertii quattuor	valent	baioc. XIV.
H-S octo	valent	baioc. XXVIII.
H-S decem	valent	baioc. XXXIII.
H-S viginti	valent	baioc. LXVI.
H-S triginta	valent	baioc. centum.
H-SXXXIII	valent	baioc. CX.
Sestertii C.	valent	scutos aureos coronatos 3
H-S 200	Δ	6
H-S 300	Δ	9
H-S 400	Δ	12
H-S 500	Δ	15
H-S 600	Δ	18
H-S 700	Δ	21
H-S 800	Δ	24
H-S 900	valent Δ	27
H-S mille	valent Δ	30
2000		60
3000		90
4000		120
5000		150
H-S decem millia	valent Δ	300
20 millia		600
30 millia		900
40 millia		1200
H-S 50 millia	valent Δ	1500
H-S 100 millia	valent Δ	3000
H-S 200 millia	valent Δ	6000
300 millia		9000
400 millia		12 millia
500 millia		15 millia
H-S decies centena millia	Δ	30 millia
H-S vices		60 millia
H-S tricies		90 millia
quadragies		120 millia
quinquages		150 millia
H-S centies decies centena mil.	Δ	300 millia
ducenties		600 millia
tricies		900 millia
quadringenties		12 centena millia
H-S quingenties	Δ	15 centena millia
H-S millies decies centena millia,	valent	tricies cen-

rena millia scutorum aureorum, id est, ut nunc dicitur, tres auri milliones.

H-S bis millies	6	milliones
H-S ter millies	9	milliones
H-S millies decies		
centena millia	30	milliones
H-S vices millies	60	milliones
H-S tricies millies	90	milliones
H-S quinquages millies	150	milliones.

Sestertiis igitur in masculino genere omnem, quamquam magnam, summam veteres expediebant. Erat enim & sestertium in neutro genere, & in plurali numero sestertia, quæ singula valebant mille nummos sestertios. Habetque sestertium in neutro genere eandem proportionem ad libram Romanam, quæ & mina, & pondo dicitur, quam habet nummus sestertius ad assem, hoc est, ad libram æris gravis: continent enim singula sestertia in se libram Romanam, & semissem; singula autem libra drachmas, vel denarios centum, hoc est, sestertios quadringentos, id est, duodecim aureos nostratis monetæ. Duæ itaque libræ, & dimidia, ut clarum est, valebant sestertios nummos mille, idque uno nomine sestertium dicebant in neutro genere; decem ergo sestertia valebant decem millia nummorum sestertiorum: quod si hunc numerum per adverbium extuleris ad hunc modum decies sestertium, jam reddideris hanc summam centuplo majorem: idem enim est dicere decies sestertium, quod decies centena millia nummorum sestertiorum, ut in exemplo a me relato intelligi potest, ex quo tanquam fonte omnes veterum nummorum summæ hauriri possunt, easque nostrati pecuniæ commodari.

De drachma vero illud est ante omnia animadvertione dignum, Græcos scriptores, quotiescunque drachmarum mentionem faciunt, semper drachmas Atticas intelligere, quas quidem quum de rebus Romanis loquuntur, denariorum loco accipere solent, non quod drachma Attica tantum idem omnino valeret quod denarius, sed quia nullum nummi genus Græci habuere, quod denario Romano magis convenire posset. Nam quum denarius Romanus penderet argenti siliquas XXIV. duodeviginti siliquæ drachmam conficiebant: tres itaque denarii pendebant drachmas quattuor, octo drachmæ unciam conficiebant, uncia sex denariis constat, auctore Prisciano. Si igitur denarius Romanus valebat, ut dixi, XLVIII. quadrantes Venetos, drachma Attica non nisi XLII. æstimabitur. Budæus vero in libro de Asse ostendit drachmam Atticam, & denarium Romanum ejusdem fuisse ponderis, & pretii. Quod & ipsum non

obscure indicare videtur Plinius libro XXI. cap. ultimo: *Drachma* (inquit) *Attica denarii argentei habet pondus, eademque sex obolos pendere efficit, &c.* Ut ut autem id sit, illud satis manifestum est, Græcos scriptores & præsertim Plutarchum, ubi de rebus Romanis loquuntur, pro drachma Attica Romanum denarium intelligere. Si Romanus vero denarius tantundem valet ac XLVIII. quadrantes Veneti, vel quattuordecim baioci Romanæ monetæ, una drachmarum, id est, denariorum myrias, colligit quadraginta millia nummum, hoc est, ut ex mea summa intelligi potest, mille ducentos aureos coronatos. Decem vero myriades valebunt duodecim millia coronatos aureos. Centum myriades cxxx. millia aureos: mille myriades duodecies centena millia aureorum, id est, ut vocant, auri millionem unum, & ducenta millia aureorum. Quinque igitur millia myriades, quæ summa vectigalium Romanorum erat ante bellum Mithridaticum a Cn. Pompeio confectum, ut auctor est Plutar. sex auri milliones erant. Bello Mithridatico confecto, vectigalia populi Romani tribus millibus & quingentis myriadibus, ut idem Plutarchus refert, Cn. Pompeius auxit, id est, quattuor auri millionibus, &

ducentis millibus aureorum. Quæ summa priori addita decem milliones & ducenta millia aureorum reddet. Hæc summa erat vectigalium & redituum populi Romani ante tres Gallias a Cæsare domitas, & prælium Pharalicum, hoc est, extremo libertatis tempore; quo vectigalia ipsa non nisi quinque ex centum reddebant. Novissima igitur redituum & vectigalium populi Romani annua summa ante libertatem oppressam, ex XV. quas supra commemoravi, provinciis excerpta, erat decem millionum & ducentorum millium aureorum ad computationem nostratris monetæ redacta.

Ceterum post bella civilia, Ægypto stipendiaria facta, censu a tribus Galliis exacto, multis provinciis, ut supra exposui, Romano imperio ab Augusto additis, aliquot populis liberis vectigalibus factis, ad XV. ut opinor, auri milliones annui populi Romani reditus aucti: quod quamquam nusquam, quod sciam, aperte intelligatur, id tamen aliquot conjecturis ex scriptorum verbis elici. Scribit Paternulus tantundem pene redituum redegissee Augustum ex Ægypto capta, quantum Cæsar dictator ex tribus Galliis. Ex Ægypto autem duos auri milliones cum saltem exegisse, ex eo exitimo, quod tantundem Syriæ impositum est. Ex his omnibus Ti. Cæsar principatus sui tempore H-S vicies septies milles, id est, XXCI. auri milliones præter ordinarios sumptus collectos, moriens reliquit; cuius rei ita meminit Tranquillus in Caligula: *Ac ne singula enumerem, immensas opes, totumque illud Ti. Cæsaris vicies septies milles sestertium non toto vertente anno absumpsit.* Vespasianus quoque, ut idem Tranquillus tradit, quum non contentus omnia sub Galba vectigalia revocasse, nova & gravia addidisse, auxisse tributa provinciis, nonnullis autem duplicasse, negotiationes quoque vel privato pudendas exercebat, professus est initio statim principatus, quadringentis milles H-S opus esse, ut resp. itare posset, id est, millionum auri centum viginti. Appianus quoque in præmio libri primi bellorum civilium Romani imperii, quæ suo tempore erant, (vixit autem Romæ sub Hadriano imperatore) potentiam & copias describens ita ait: *Nostris autem temporibus, & quidem solis Romanis copie ingentes adiunt, peditum ducenta, equitum quadraginta millia, elephantorum bellicorum trecentorum numerus. Curruum præterea ad prælia instructorum duo millia, ac armorum in supplementum trecenta millia. Et hæc quidem terrestribus copiis. Maritimis vero minorum navium duo millia, triremium a sexcuplis in quinque milia mille quingentarum classis, instrumentorum quoque navalium numerus his totidem. Ad hæc naues partim auro proras, partim puppes exornatæ, quas thalamegos appellant, ad belli pompam, quibus iidem imperatores vebi consuevere, octuaginta. Pecuniarum præterea in thesauris Ægyptiorum talentorum quattuor & septuaginta millia. Tanti apparatus ac rei militaris summam ab ipsis in unum cumulatam atque relictam, ex ipsis imperii breviori cognosci facile potest.* Ita Appianus Alexandrinus. In quibus verbis cum omnia clara & manifesta sint, præter talentorum Ægyptiorum summam, eam nunc explicabo, & ad nostratis pecuniæ rationem redigam. Sex. Pompeius: *Talentorum non unum genus; (inquit) Atticum est sex millium denarium. Rhodium & cypriorum quattuor millium quingentorum. Alexandrinum (quod idem cum Ægypto est) XII. millium. Neapolitanum sex millium, Syracusanum trium millium denarium. Rheginum victoriatum.* Si igitur talentum Ægyptium est XII. millium denarium Romanorum, octo & quadraginta millia nummum sestertiorum, id est, nostratis pecuniæ mille quadringentis quadraginta aureis, talentum Ægyptium æstimabitur, ita ut quinque talenta Ægyptia, septem millibus, & ducentis; decem, quattuordecim mil-

libus, & quadringentis; centum talenta, centum quadraginta quattuor millibus aureorum: mille vero, unum auri millionem, quadringentos, & quadraginta millia aureos valebunt. Septuaginta autem quattuor millia talenta Ægyptia erunt unus & nonaginta auri milliones, centum & sexaginta millia aurei coronati: qui thesaurus erat imperii tempore Hadriani imp. sub quo Appianus ipse Alexandrinus historiam Romanam conscripsit.

C A P. XXXII.

Romani imperii divisio ab Hadriano imperatore facta.

QUATTUOR omnino in universo Romano imperio fuisse novæ reip. formæ auctores. Quorum primus Romulus, secundus Augustus, tertius Hadrianus, & quartus Constantinus imperator fuit. Quam portorèmpublicam Romulus & Augustus contriverint, satis supra demonstravi. Hadrianus primus post Augustum novam reip. formam fecit. Quod brevissime his verbis Sex. Aurelius Victor tetigit: *Officia sane publica, & Palatina, nec non militiæ, in eam formam Hadrianus statuit, quæ paucis per Constantinum immutatis hodie perseverant.* Eam autem demonstraturus, operæ pretium visum est ante totius imperii Romani brevissimam descriptionem suggerere, quam in præmio librorum bellorum civilium Appianus Alexandrinus, qui sub eo vixit, affert. Ita enim ait: *Romanam historiam scribere institui, necessarium mihi in primis existimavi terminos ponere, quibus nationibus imperent Romani.* Ab Herculis igitur columnis in id mare, quod ad illas denno circumque navigatur, insule, littora, populi omnes Romano parent imperio. *Horum primi in dextra Maurusii quicunque circa mare, omnisque altera Lybcorum natio usque ad Carthaginem. His superiores Nomadæ, quos Romani Numidas appellant, & regionem Numidiam. Altera autem Lybica natio, quæ Syrtis ac Cyrenem usque incolit, & Cyrene ipsa, & Marmaride, Hammonique, & qui paludem Mariam tenent: Alexandria, Ægyptus universa ad Æthiopes orientales usque a Romanis reguntur. Per Nilum autem naviganti ad Pelasium usque per mare, vertentique navigationem, & coluistranti littora Syriaca, occurrit Palestina, & supra ipsam pars Arabum, finitimique Palestinis Phœnices supra mare, & Phœnicibus posteriores Cælesyrii ad Euphratem usque fluvium pertinentes. A mari superius Palmyreni sunt, eorumque barenæ supra Euphratem. Cilices Syrii propinqui, & Cappadoces Cilicium finitimi, Armeniorumque pars, quam Armeniam minorem vocant. Apud Euxinum Pontum omnia maritima Romanis parent. Syri quidem & Cilices ad mare prospectant, Armeni autem & Cappadoces inter Ponticæ gentes habitant. Per mediterranea vero ad Armeniam majorem Romani non imperant ex tributo admodum, verum ipsorum regum auctores sunt. A Cappadocia & Cilicia in Joniam descendenti, magna adeest Cherronneseus, cuius a dextra Euxinus Pontus, Propontis, & Hellepontus, Ægeumque mare, a læva Pamphylium & Ægyptium pelagus. Ambo enim maria Cherronneseum faciunt. Infunt & Ægyptium mare prospectantes Pamphylii & Lycii, & post ipsos Caræ usque ad Joniam. Qui autem super Euxinum Pontum, Propontidem, & Hellepontum, Galatæ, Bithyni, Mysi, Phrygesque, in mediterraneis Pisidæ, & Lycii, quibus omnibus imperant Romani. Ulietius vero transeuntes alius circa pontum imperant gentibus, & Mæsi qui in Europa sunt, ac Thraciis quicunque circa Euxinum incolunt loca. Ab Jonia autem est maris Ægei & Jonii*

sinus, ac Siculum Tuscumque pelagus, usque ad Herculeas columnas. Haec longitudo ab Jonia ad Oceanum. Et in hac iterum navigatione tot Romanis subactae nationes, Graecia omnis, Thessalia, Macedoniae, Thraciae, Illyrii, Pannonii, & ipsa Italia omnium gentium domina, quae ab Jonio & Tusco mari circumdata ad Gallos usque extenditur. Omnis etiam Gallorum gens, quorum pars ad mare, pars ad Oceanum Septentrionalem respicit, & pars prope annum Rhenum incolit. Hispania omnis super Hesperium & Borealem Oceanum ad Herculeas finiens columnas. Atque haec sunt gentes, quae mari alluuntur, a Romanis possessae: nunc mediterraneas eorum juris regiones, imperij terminos exponam. Maurusium pars est, quae ad Aethiopes occidentales spectat, ac calidiorem ferisque horrentem Lybiam usque ad orientales Aethiopes pertinet, qui Romani imperij in Africa terminus est. In Asia autem Euphrate fluvius, & Caucasus mons, majorisque Armeniae principium, Colchis ad Euxinum Pontum habitantes, buxusque maris reliqua fines sunt Romanae ditionis. In Europa fluvii duo, Rhenus & Danubius, Romanis fines imponunt. Quorum Rhenus in Oceanum Germanicum septentrionalem, Danubius in Euxinum Pontum influit. Ultra progressi nonnullis Gallorum, qui supra Rhenum habitant, gentibus, & iis, qui trans Danubium sunt, quos Dacos vocant, Romani imperant. Omnes praeterea insulae, quae in mediterraneo sunt, ut Cyprus, Creta, Rhodus, Lesbos, Euboea, Sicilia, Sardinia, Corsica, & aliae omnes Romanae ditionis sunt. In Oceano praeterea Septentrionali Britanniae insulae maximam partem Romanam provinciam fecerunt; nam altera parte non indigent, quum nec utilis iis esse possit, & infrugifera sit. Harum tantarum innumerarumque nationum quum tanta sit magnitudo, Italiam tamen magno labore, ac vix quingentis annis stabilem sibi reddidere, quum medio interim tempore regibus usi, per reliquum bis exactis, nullos deinceps reges admittere voluerunt, sed libertate sibi vendicata, praeter quingentos illos quos dixi annos, ducentis praeterea sub annis imperiis fuerunt, quo tempore rerum principatum adepti externam omnem oppressere potentiam, quum universas sibi nationes subegissent. C. Caesar optimatibus bello victis, imperio suscepto, vesp. quidem nomen servavit, re autem ipsa principem & rerum dominum se omnibus praestitit. Estque in hac usque aetate eadem potestas sub uno principe, quos imperatores non reges vocant, vetere iurejurando adstricti, se neminem Rome regnare passuros, sed eos imperatores veterem ducum nomine vocaverunt, qui re ipsa vere reges sunt. A quo ad aetatem usque meam anni ducenti acti sunt, quo tempore potissimum Romana res floruit, progressusque ad majora videtur adaugeri, omnibus populis in pace constitutis, amplissima summamque felicitate. Ac nonnullas ex prioribus nationibus idem imperatores in principatu subegere, deficientesque restituere, integritate consilii, terrae marique dominantes, potiusque augere dignitatem cupiunt, quam inter barbaros propagare imperium, gentem inopem, & minime utilitatis. Quorum ego nonnullos Rome vidi ob id missos, quo se suaeque Romanis dederent, neque imperatorem admittentem, quos ut inutiles sponte recusabat. Plurimis etiam nationibus, quarum infinita pene est multitudo, Romani reges statuunt, quum nihil iis ad imperium indigeant. Ex nonnullis praeterea, qui eorum imperio parent, plus detrimenti capiunt quam utilitatis, Quos quamquam inutiles quum rejicere pudeat, imperium omne magnis legionum copiis praesidiisque circumquaque vallantes, tantum terrae, tantumque maris, quasi fundum quandam servant ac continent. Nullum quippe in praesentem diem tam parvo tempore in tantum crevit ac surrexit imperium. Nam neque Assyriorum, aut Medorum, neque Persarum, vel Macedonum, aut Græcorum

imperia cum eo comparanda sunt. Eorum enim imperiorum magnitudo nec ad dimidium Romanae potentiae, ut opinor, attingit. Qui imperii terminos orientem occidentemque sibi fecerunt, marique imperant universo. Quorum magnitudo ac felicitas, maturitate consilii temporisque diuturnitate adaucta, virtute, patientia, & tolerantia eos super omnes gentes extulere. Non enim prosperis rebus intumuerunt, quoad stabilem victoriam sunt adepti, nec adversis unquam animo fracti sunt, quum una die in proelio militum aliquando XX. aliquando XL. aliquando etiam L. milia amiserunt. Urbe etiam eodem tempore bello, peste, & fame, seditioneque intestina vexata, nunquam ab animi magnitudine constantiaque desistere, donec per LXX. annos variis bellis, periculis, & seditionibus confictati, ad eam postremo imperii maiestatem saluberrimis consiliis evecti sunt, quam nunc tenent. Haec autem Appiani propemodum verba sunt. Cujus imperii descriptio in Hadriani potissimum principatum incidit. Qui omnium, quas enumeravi, nationum ac provinciarum novam quandam divisionem fecit, imperiumque disposuit longe diversa ratione ab ea, quam Augustus constituerat. Quam provinciarum divisionem, novamque imperii constitutionem ex Sex. praecipue Rufo, hoc loco suggeram, atque ante omnia ab Italia rerum domina initium sumam. Quae in XVII. dioeceses, sive administrationes distincta est. Quibus qui praerant, aliqui consulares, aliqui correctores, aliqui praesides vocabantur. Consulares VIII. correctores II. praesides vero VII. fuerunt. Qui vero hi fuerint, paulo post exponam.

Notitia imperii populi Romani divisio, Provinciarumque omnium in plures dioeceses distinctio, ab Imp. Caesare Hadriano Augusto facta.

Provinciae vel dioeceses in Italia, & tribus ejus insulis XVII.

- | | |
|---------------------------|-------------------------------------------|
| I. Venetia & Histria | } Hæ octo dioeceses habebant consulares. |
| II. Aemilia | |
| III. Liguria | |
| IV. Flaminia, & Picenum | |
| V. Tuscia, & Umbria | |
| VI. Picenum suburbicarium | |
| VII. Campania | |
| VIII. Sicilia insula | |
| I. Apuleia, & Calabria | } Hæ duæ habebant correctores. |
| II. Samnium, & Bruttii | |
| I. Alpes Cottiae | } Hæ septem dioeceses habebant praesides. |
| II. Rhætia prima | |
| III. Rhætia secunda | |
| IV. Samnium | |
| V. Valeria | |
| VI. Insula Sardinia | |
| VII. Insula Corfica | |

In Hispania provinciae VI.

- | |
|---------------------------------------------------------------------------------------------|
| I. Provincia Tarraconensis praesidialis. |
| II. Provincia Carthaginensis praesidialis. |
| III. Provincia Lusitania consularis. |
| IV. Provincia Gallæcia praesidialis. |
| V. Provincia Bætica consularis. |
| VI. Provincia Transfretensis in Africa, quæ Tingitania Mauritania appellatur, praesidialis. |

In Gallis, Aquitania, & Britannia provinciae XVIII.

- | |
|------------------------------------------------------------|
| I. Provincia Alpes maritimæ. |
| II. Provincia Massiliensis, cujus metropolis est Massilia. |
| III. Provincia Ambianensis, cujus metropolis est Ambianum. |

- IV. Provincia Viennensis, cujus metropolis est A
Vienna.
- V. Provincia Narbonensis, cujus metropolis est
Narbo Martius.
- VI. Provincia Novempopulonia.
- VII. Provincia Aquitania prima, cujus metropolis
est Biturigum.
- VIII. Provincia Aquitania secunda, cujus metropo-
lis est Burdegala.
- IX. Provincia Alpes Cottiae.
- X. Provincia Maxima Sequanorum.
- XI. Provincia Germania prima.
- XII. Provincia Germania secunda.
- XIII. Provincia Belgica prima, cujus metropolis B
est Treveris.
- XIV. Provincia Belgica secunda, cujus metropolis
est urbs Remorum.
- XV. Provincia Lugdunensis prima, cujus metro-
polis est Lugdunum.
- XVI. Provincia Lugdunensis secunda, cujus metro-
polis est Rothomagus.
- XVII. Provincia Britannia prima maxima Caesariensis.
- XVIII. Provincia Britannia secunda.
- In Illyrico provinciae XVII.*
- I. Provincia Noricum prima.
- II. Provincia Noricum secunda.
- III. Provincia Pannonia prima.
- IV. Provincia Pannonia secunda.
- V. Provincia Valeria.
- VI. Provincia Savia.
- VII. Provincia Dalmatia.
- VIII. Provincia Moesia.
- IX. Provincia Dacia prima.
- X. Provincia Dacia secunda.
- XI. Provincia Macedonia.
- XII. Provincia Thessalia.
- XIII. Provincia Achaia.
- XIV. Provincia Epeirus prima.
- XV. Provincia Epeirus secunda.
- XVI. Provincia Pravalitana.
- XVII. Provincia Creta insula.

Provinciae VII.
in ditione Ma-
cedonica.

In Thracia provinciae VI.

- I. Provincia Thracia.
- II. Provincia Haemimontium.
- III. Provincia Moesia inferior.
- IV. Provincia Scythia.
- V. Provincia Rhodope.
- VI. Provincia Byzantium.

In Africa provinciae VI.

- Provincia Africa, cujus metropolis est Carthago pro-
consularis.
- Provincia Numidia consularis.
- Provincia Byzacium consularis.
- Provincia Tripolitana praefidialis.
- Provincia Mauritania Sitifensis praefidialis.
- Provincia Mauritania Caesariensis praefidialis.
- Asia divisio deest.*

C A P. XXIV.

*Omnium recentissima Romani imperii divisio,
ab imp. Caesare Fl. Constantino Max.
Augusto facta.*

NOVISSIMUS omnium Romanorum principum
imperii formam, administrandi rationem, ju-
ra, & statum mutavit imp. Constantinus,
quod & Zosimus secundo historiarum libro tradit,
& ex omni historia patet, egoque accurate in libro
de comitiis imperii demonstravi. Totum enim orbem
Romanum denuo divisit, novas dioeceseum,
vel provinciarum distinctiones fecit, novos magistra-

tus excogitavit, novam urbem Romae aemulam con-
didit Constantinopolim, quam orientalis imperii ca-
put esse voluit, ut Romam occidentalis. Nam imperium
omne Romanum supra divisione in duas
partes secuit, Orientale & Occidentale. Provinciae
omnes transmarinae orientales ab angulo Propontidis
fretum ad Nilum usque ostia & Aegyptum, quae Africae
continua est, Illyricum quoque Epeirus, Achaia,
Graecia, Thessalia, Macedonia, Thracia, Creta,
Cyprus, Dacia omnis, & Moesia, ceteraque
ejus tractus provinciae imperio orientali, urbiue Constantinopoli
in plures dioeceses distinctae, attributae.
Hispania, Britannia, Galliae, & Noricum, Pannonia,
& ceterae Germaniae provinciae, Dalmatia,
Africa omnis, & Italia urbis Romae, & occidentalis
imperii ditioni relictae. Ut autem urbem a se con-
ditam in omnibus antiquae Romae aequalem redderet,
duos alter minus imperatores esse procuravit, quorum
alter in occidente, alter in oriente rerum potiretur;
senatum quoque divisit. Quum enim universi
orbi Romano civitas diu ante ab Antonino Caracalla
imp. data fuisset, senatores omnes lecti ex occidentalis
imperii provinciis Romae remanserunt, ex orientalis
vero Constantinopoli. Eadem etiam de consularibus
ratio fuit, quorum alterum Constantinopoli designari
mos erat. Urbis deinde praefectus ut Romae, ita etiam
Constantinopoli factus est. Nul- lum postremo privilegium,
seu dignitas, aut immunitas Roma habuit, quae non
eadem ratione Constantinopoli etiam communicata non
fuerit. Atque haec de Constantinopoli, nunc de magistratibus
novis dicamus. Post exauctoratos milites praetorianos,
& castrum praetorium Romae excisum, Constantinus
imperator universum orbem Romanum in quatuor
dioeceses sive administrationes divisit, id est Italiam,
Gallias, Illyricum, & Orientem; atque his omnibus
provinciis quatuor rectores dedit, quos praefectos
praetorio, vetere quidem & usitato vocabulo, sed
nova administrandi ratione vocavit. Quorum
primus praefectus praetorio Italiae dicebatur, hic
Italiam omnem, & Africam, cum Illyrici parte
regebat: alter vero praefectus praetorio Galliarum
appellatus, Hispaniam, Gallias, Britanniam, &
Germaniam sub sui juris administratione habebat.
Atque hi duo praefecti praetorio occidentalis imperii
erant, atque imperatori occidentis, post quem
primi erant, parebant. In orientali vero imperio
praefectus praetorio Illyrici reliquas omnes Europae
provincias Romani juris administrabat: praefectus
praetorio orientis Asiae omni eadem auctoritate praerat.
Atque hi duo primum post imperatorem in oriente
locum obtinebant in suis unusquisque administrationibus.
Sub his quatuor praefectis praetorio omnes
magistratus Romani erant, variis nominibus appellati,
dignitatibusque & administrationibus distincti, qui
tam provinciis, quam rei militari praerant. Quae
omnia nunc accurate describam, initio ab occidentalis
imperii magistratibus, dignitatibusque, tam civilibus
quam militaribus factis.

*Magistratum & Provinciarum imperii occidentalis
descriptio.*

- Imperator Caesar Augustus.
- Consul occidentalis.
- Praefectus praetorio Italiae.
- Praefectus praetorio Galliarum.
- Praefectus urbis Romae.

Magister pedum in praesenti. Sub hujus dispositione
erant sex comites rei militaris. Duces militum
duodecim. Regiones Palatinae XII. Auxilia Palatina
LXV. Legiones comitatenses XVIII. omnes classes,
id est Venetae, Ravennae, Comensis, Misenae,
Viennensis, Bracara, Massiliensis, Ararica, Andretiana
cum earum praefectis; tribuni omnes cohortium,
& militum praefecti per occidentem.

Magister equitum in praesenti. Sub hujus dispositione

tione erant vexillationes Palatinæ, & comitatenses
omnes in occidente.
Magister equitum per Gallias.
Præpositus sacri cubiculi.
Magister officiorum.
Quæstor sacri palatii.
Comes sacrarum largitionum.
Comes rerum privatarum.
Comes domesticorum equitum.
Comes domesticorum peditum.
Primicerius sacri cubiculi.
Primicerius notariorum.
Cæstrensis sacri palatii.
Magister scriniorum.
Magistri memoriæ, epistolæ, & libellorum.
Proconsul Africæ, cujus vicarii sex:
Vicarius urbis Romæ. Italia.
Africæ. Hispaniarum.
Septem provinciarum. Britanniarum.

Comites rei militaris sex.
Comes Italiæ. Africæ. Tingitanæ.
Tractus Argenteratensis. Britanniarum.
Littoris Saxonici per Britannias.

Duces limitum duodecim.

Dux limitis Mauritanie Cæsariensis.
Dux limitis Tripolitani.
Pannoniæ primæ, & Norici ripensis.
Pannoniæ secundæ, & Valeriæ ripensis.
Rhetiæ primæ, & secundæ.
Dux Sequanice.
Dux Tractus Armoricani.
Dux Tractus Nervicani.
Dux Belgicæ secundæ.
Dux Germaniæ primæ.
Dux Britannie.
Dux Moguntiacensis.

Consulares xx.

Consularis Pannoniæ
Consularis Venetiæ, & Histrie.
Consularis Æmiliæ
Consularis Liguriæ
Consularis Flaminie, & Piceni annonarii
Consularis Tusciæ, & Umbræ
Consularis Piceni suburbicarii
Consularis Campaniæ
Consularis Siciliæ insulæ
Consularis Byzacii
Consularis Numidiæ
Consularis Bæticæ
Consularis Lusitanie
Consularis Callæciæ
Consularis Viennensis
Consularis Lugdunensis primæ
Consularis Germaniæ primæ
Consularis Germaniæ secundæ
Consularis Belgicæ primæ
Consularis Belgicæ secundæ

Correctores III.

Corrector Apuliæ, & Calabriæ.
Corrector Lucaniæ, & Bruttiorum.
Corrector Saviæ in Pannonia.

Præsides xxxi.

Præses Dalmatiarum
Præses Pannoniæ primæ
Præses Norici mediterranei
Præses Norici ripensis
Præses Alpium Cottiarum
Præses Rhetiæ primæ
Præses Rhetiæ secundæ

A Præses Samnii
Præses Valeriæ
Præses insulæ Sardinie
Præses insulæ Corsicæ
Præses Mauritanie Sitifensis
Præses Tripolitane
Præses Tarracensis
Præses Carthagenensis
Præses Tingitanæ
Præses insularum Balearum
Præses Alpium maritimarum
Præses Alpium Pœninarum, & Graiarum
Præses Maximæ Sequanorum
B Præses Aquitanie primæ
Præses Aquitanie secundæ
Præses Novempopulane
Præses Narbonensis primæ
Præses Narbonensis secundæ
Præses Lugdunensis tertiæ
Præses Lugdunensis Senonicæ
Præses Britannie primæ
Præses Britannie secundæ
Præses Britannie Flaviæ Cæsariensis

In Italia vii.

In Africa ii.

In Hispania iv.

In Gallis xi.

In Britannia iii.

Provinciæ, quæ erant sub dispositione præfecti prætorio Italiæ.

Italia, Illyricum, Africa, & earundem tam civiles, quam militares magistratus.

In Italia provinciæ octo.

Provincia Venetiæ, & Histria
Provincia Æmilia
Provincia Liguria
Provincia Flaminia, & Picenum annonarium.
Provincia Tuscia, & Umbria
Provincia Picenum suburbicarium
Provincia Campaniæ
Provincia Siciliæ
Provincia Apuliæ & Calabriæ
Provincia Lucaniæ, & Bruttiorum.
Provincia Alpium Cottiarum
Provincia Rhetiæ prima
Provincia Rhetiæ secunda
Provincia Samnium
Provincia Valeria
Provincia Sardinia
Provincia Corsica

Consulares sub Vicario Italiæ.

Consulares sub Vicario urbis Romæ.

Correctoriales sub Vicario Urbis Romæ.

Præsidiales sub Vicario Italiæ.

Præsidiales sub Vicario urbis.

In Illyrico provinciæ sex.

Provincia Pannoniæ secundæ consularis.
Provincia Saviæ correctoriales.
Provincia Dalmatiarum præsidialis.
Provincia Pannoniæ primæ præsidialis.
Provincia Norici mediterranei præsidialis.
Provincia Norici ripensis præsidialis.

In Africa provinciæ sex.

F Africa, ubi erat Carthago, proconsularis
Provincia Byzacena consularis
Provincia Mauritania Sitifensis præsid.
Provincia Mauritania Cæsariensis præf.
Provincia Tripolitana præsidialis

Sub Vicario Africæ.

Provinciæ, quæ erant sub dispositione præfecti prætorio Galliarum.

Hispania, Gallia, Britannia, & ipsarum tam civiles, quam militares magistratus.

In Hispania provinciae septem.

Provincia Bætica consularis	Sub Vicario.
Provincia Lusitania consularis	
Provincia Gallætia consularis	
Provincia Tarracoenſis præſidialis	
Provincia Carthagenſis præſidialis	
Provincia Tingitania præſidialis	
Provincia Balcares inſulæ præſidialis.)	

In Gallis provincie XVII.

Provincia Viennensis consularis	Sub diſpoſitione Vicarii ſeptem provinciarum.
Provincia Lugdunenſis prima conſularis	
Provincia Germania prima conſularis	
Provincia Germania ſecunda conſularis	
Provincia Belgica prima conſularis	
Provincia Belgica ſecunda conſularis	Reliquæ XI. præſidiales.
Provincia Alpes maritimæ	
Provincia Alpes Pœninæ & Graiæ	
Provincia Maxima Sequanorum	
Provincia Aquitania prima	
Provincia Aquitania ſecunda	
Provincia Novempopulana	
Provincia Narbonenſis prima	
Provincia Narbonenſis ſecunda	
Provincia Lugdunenſis ſecunda	
Provincia Lugdunenſis Turonica	
Provincia Lugdunenſis Senonica	

In Britannia provincie V.

Provincia Maxima Cæſarienſis conſularis	Sub Vicario Britanniarum.
Provincia Valentia conſularis	
Provincia Britannia prima præſidialis	
Provincia Britannia ſecunda præſidialis	
Provincia Flavia Cæſarienſis præſidialis	

Sub diſpoſitione præfecti urbis Romæ erant

Præfectus annonæ.
 Præfectus Vigiliſ.
 Comes formarum.
 Comes riparum alvei Tiberis, & cloacarum urbis.
 Comes portus.
 Magiſter cenſus.
 Rationalis vinorum.
 Tribunus fori Suarii.
 Conſularis aquarum.
 Curator operum maximorum.
 Curator operum publicorum.
 Curator ſtatuarum.
 Curator horreorum Galbianoꝝ.
 Centenarius Portus.
 Tribunus rerum nitentium.
 Tribunus voluptatum.

Magiſtratum & provinciarum Imperii orientalis deſcriptio.

Imp. Cæſar Auguſtus.
 Conſul orientalis.
 Præfectus prætorio orientis.
 Præfectus prætorio Illyrici.
 Præfectus urbis Conſtantinopolis.
 Magiſter militum in præſenti. Sub cujus diſpoſitione erant vexillationes Palatinæ v. Comitatenſes vii. Legiones Palatinæ vi. Auxilia Palatina xviii.
 Magiſter equitum in præſenti. Sub cujus diſpoſitione erant vexillationes Palatinæ vi. Comitatenſes vi. Legiones Palatinæ vi. Auxilia Palatina xvi.
 Magiſter equitum & peditum per orientem. Sub quo erant vexillationes Comitatenſes decem, Legiones Comitatenſe ix. & pſeudocomitatenſes x.
 Magiſter equitum & peditum per Thracias. Sub quo erant vexillationes Palatinæ tres, Comitatenſes quatuor, & legionem Comitatenſes xxi.
 Magiſter equitum & peditum per Illyricum. Sub quo erant vexillationes Comitatenſes xi. Legio Palatina i. Auxilia Palatina vi. Legionem Comitatenſes octo, Pſeudocomitatenſes novem.

A Præpoſitus ſacri cubiculi.
 Magiſter officiorum.
 Quæſtor ſacri palatii.
 Comes ſacrarum largitionum.
 Comes rerum privatarum divini domus.
 Comes domeſticorum peditum.
 Comes domeſticorum equitum.
 Primicerius ſacri cubiculi.
 Primicerius notariorum.
 Callentis ſacri palatii.
 Magiſtri ſcriniorum, memoriæ, epiſtolarum, & libellorum Græcorum.
 Proconſul Aſiæ.
 Proconſul Achaïæ.
 Comes orientis.
 Præfectus Auguſtalis.
 Vicarius diœceſeos Aſianæ.
 Vicarius diœceſeos Ponticæ.
 Vicarius diœceſeos Thraciarum.
 Vicarius diœceſeos Macedoniæ.
 Comes rei militaris Ægypti.
 Comes rei militaris Iſauriæ.

Duces limitum XIII.

C Dux Libyæ	} per Ægyptum.
Dux Thebaidos	
Dux Phœnicæ	
Dux Euphratenſis	} per Orientem vi.
Dux Suriæ Paleſtinæ	
Dux Oſrohenæ	
Dux Meſopotamiæ	} per Thracias.
Dux Arabiæ	
Dux Armeniæ	
Dux Meſiæ ſecundæ	} per Illyricum.
Dux Scythiæ	
Dux Daciæ ripenſis	
Dux Meſiæ primæ	

Conſulares XV.

Conſularis Palæſtinæ	} per Orientem v.
Conſularis Phœnicæ	
Conſularis Suriæ	
Conſularis Ciliciæ	} per diœceſim Aſianam xii.
Conſularis Cypri	
Conſularis Pamphylæ	
Conſularis Helleſponti	} per Ponticam ii.
Conſularis Lydiæ	
Conſularis Galatiæ	
Conſularis Bithyniæ	} per Thracias ii.
Conſularis Europæ	
Conſularis Thraciæ	
Conſularis Cretæ	} per Illyricum iii.
Conſularis Macedoniæ	
Conſularis Daciæ mediterraneæ	

Præſides provinciarum XL.

Præſes Lybiæ ſuperioris	} per Ægyptum v.
Præſes Lybiæ inferioris	
Præſes Thebaidos	
Præſes Ægypti	} per Orientem octo.
Præſes Arcadiæ	
Præſes Palæſtinæ Salutaris	
Præſes Palæſtinæ ſecundæ	} per Aſianam diœceſim
Præſes Phœnicæ Libani	
Præſes Euphratenſis	
Præſes Syriæ Salutaris	} per Ponticam ii.
Præſes Oſrohenæ	
Præſes Meſopotamiæ	
Præſes Ciliciæ ſecundæ	} per Thracias ii.
Præſes Piſidiæ	
Præſes Lycæoniæ	
Præſes Phrygiæ Pacatianæ	} per Illyricum iii.
Præſes Phrygiæ Salutaris	

Præfes Lyciæ	} septem .	A
Præfes Cariæ		
Præfes infularum		
Præfes Honoratiados		
Præfes Cappadociæ primæ		
Præfes Cappadociæ secundæ	} per Ponticam octo .	B
Præfes Helleſponti		
Præfes Ponti Polemoniacy		
Præfes Armeniæ primæ		
Præfes Armeniæ secundæ		
Præfes Armeniæ Salutaris	} per Thracias IV.	B
Præfes Hæmi montis		
Præfes Rhodopes		
Præfes Mœtiæ secundæ		
Præfes Scythiæ		
Præfes Theſſaliæ	} per Illyricum VIII.	C
Præfes Epeiri veteris		
Præfes Epeiri novæ		
Præfes Daciæ ripenſis		
Præfes Mœtiæ primæ		
Præfes Prævalitanæ		
Præfes Dardaniæ		
Præfes Macedoniæ Salutaris		
Corrector Auguſtanicæ		
Corrector Paphlagoniæ		

Provinciæ , quæ erant ſub diſpoſitione præfecti prætorio orientis .

Dioceſes Oriens , Ægyptus , Aſiana , Pontica , Thracia cum ſuis magiſtratibus civilibus & militariſibus .

In oriente provinciæ XV.

Provincia Palæſtina conſularis	} Sub comite Orientis .	D
Provincia Phœnice conſularis		
Provincia Syria conſularis		
Provincia Cilicia conſularis		
Provincia Cyprus conſularis		
Provincia Arabia ſub duce	} Sub comite Orientis .	E
Provincia Iſauria, & reliquæ præſidiales		
Provincia Palæſtina Salutaris		
Provincia Palæſtina ſecunda		
Provincia Phœnix Libani		
Provincia Euphratenſis	} Sub comite Orientis .	F
Provincia Suria Salutaris		
Provincia Oſiohena		
Provincia Meſopotamia		
Provincia Cilicia ſecunda		

In Ægypto provinciæ VI.

Provincia Lybia ſuperior	} quinque præſidiales ſub præfecto Auguſtali .	E
Provincia Lybia inferior		
Provincia Thebais		
Provincia Ægyptus		
Provincia Arcadia		
Provincia Auguſtanicæ correctorialis		

In Aſia provinciæ X.

Provincia Pamphylia conſularis	} Sub preconſule duce , Vicario vero Aſiæ reliquæ octo .	F
Provincia Helleſpontus conſ. ſub procos		
Provincia Lydia conſularis		
Provincia Piſidia , & reliquæ præſidial.		
Provincia Lycaonia		
Provincia Phrygia Pacatiana		
Provincia Phrygia Salutaris		
Provincia Lycia		
Provincia Caria		
Provincia Rhodus, & inſule ſub procos.		

In Ponto provinciæ XI.

Provincia Paphlagonia correctorialis	} Sub Vicario Ponticæ .	
Provincia Galatia conſularis		
Provincia Bithynia conſularis		
Prov. Honorias , & reliquæ præſidiales		
Provincia Cappadocia prima		

Provincia Cappadocia ſecunda	} Sub Vicario Ponticæ .	
Provincia Pontus Polemoniacy		
Provincia Hellenopontus		
Provincia Armenia prima		
Provincia Armenia ſecunda		
Provincia Galatia Salutaris		

In Thracia provinciæ VI.

Provincia Europa conſularis	} Sub Vicario Thraciarum .	
Provincia Thracia conſularis		
Provincia Hæmus mons , & reliquæ præſidiales		
Provincia Rhodopes		
Provincia Mœſia ſecunda		
Provincia Scythia		

Provinciæ , quæ erant ſub diſpoſitione præfecti prætorio Illyrici .

Dioceſes Macedonia & Dacia , cum earundem magiſtratibus , tam civilibus quam militariſibus .

In Macedonia provinciæ VI.

Provincia Achaia preconſularis	} Sub preconſule .	
Provincia Macedonia conſularis		
Provincia Creta conſularis		
Provincia Theſſalia & reliquæ præſidiales		
Provincia Epeirus nova		
Provincia Macedonia Salutaris pars		

In Dacia provinciæ V.

Provincia Dacia mediterranea conſularis	} Sub Vicario Macedoniae.
Provincia Dacia ripenſis præſidialis	
Provincia Mœſia prima præſidialis	
Provincia Dardania præſidialis	
Provinciae Prævalitana, & pars Macedoniae Salutaris præſidialis.	

Hæc eſt noviffima imperii, & magiſtratuum Romanorum diſtinctio ab imp. Conſtantino facta. Cui poſtea quum ſequentes principes aliquid addidiſſent, vel detraxiſſent, eam paulo variarunt, quamquam totius rei ſumma in hanc rationem conſervata ſit, ut quæ ad obitum Theodoſii imperatoris, & imperii excidium, quod qua ratione, quo tempore, & a quibus barbaris factum fuerit, paulo poſt accurate exponam.

C A P. XXV.

De Parthorum imperio .

QUUM ſoli omnium orientalium Parthi Romanam vim non timerint ſolum , ſed ſæpe fregerint etiam , undique ab omni Romanorum ſubjectione ſuum per multa ſæcula imperium integrum conſervarint , nunc Romani imperii rebus expeditis , quinam ipſi , vel quod eorum imperium fuerit , exponere potiſſimum conſtitui , quod iis reges aliquando a Romanis imperatoribus dati , inter præcipua imperii geſta celebrentur , qui aliquando interſtinis diſcordiis & domeſticis ſeditionibus attriti , a Romanis pæne debellati , parum abſuit quin cum oriente toto in Romanorum venerint diſtinctionem . Poſt Parthos Perſarum , qui iis ſuccederunt , imperium , & poſtremo Sarracénorum vim , qui Perſarum imperio fracto , rerum in oriente potiſſimi ſunt , exponam : ita enim totius orbis terrarum geſta breviffime deſcripta cognosci poterunt , liberque omni ex parte abſolutus in publicum prodibit . Parthi igitur , penes quos velut diſtinctione orbis cum Romanis facta orientis imperium erat eo tempore , quo Romani toto occidente potiſſimi cum iis de ſumma rerum decertabant , Scytharum exules fuere . Hoc etiam ipſorum vocabulo manifeſtatur ; nam Scythico ſermone

Parthi exules dicuntur. Hi Assyriorum & Medorum temporibus, qui primi Asiæ imperio potiti sunt, inter orientales populos obscurissimi fiere. Postea quoque cum imperium orientis a Medis ad Persas translatum est, veluti vulgus sine nomine præda victorum fuisse. Postremo Macedonibus triumphato oriente servierunt, ut cuius mirum videatur, ad tantam eos felicitatem per virtutem provectos, ut imperent gentibus, sub quarum imperio veluti servile vulgus fuisse. Post mortem Alexandri magni, quum inter successores ejus orientis regna dividerentur, nullo Macedonum dignante Parthorum imperium Satagori externo socio traditur. Hi postea seductis Macedonibus in bellum civile cum ceteris superioris Asiæ populi Eumenem sequuti sunt, quo victo ad Antigonum transire, post hunc a Seleuco Nicanore, ac mox ab Antiocho & successibus ejus possessi, ab Antiochi pronepote Seleuco primum defecere, primo Punico bello, C. Atilio Regulo II. L. Manlio Vulstone Longo II. cos. anno urbis conditæ DIV. Cujus defectionis impunitatem illis duorum fratrum regum Seleuci & Antiochi discordia dedit, qui dum sibi invicem eripere regnum volunt, persequi defectores omiserunt. Defectionis auctor fuit ARSACES quidam, vir sicut incertæ originis, ita virtutis expertæ: hic solitus latrocinii & rapto vivere, accepta opinione Seleucum in Asia victum, solutus regis metu cum prædonum manu Parthos ingressus, præfectum eorum Andragoram oppressit, sublatoque eo imperium gentis invasit. Non magno deinde tempore post Hyrcanorum etiam regnum occupavit, cum Theodoto mille urbium Bactrianorum rege fœdus ac pacem fecit, Seleucum regem contra defectores venientem prælio vicit & fugavit. Quem diem Parthi veluti solemnem & initium libertatis observabant. Revocato in Asiam Seleuco, regnum Parthicum formavit, milites legit, castella munivit, civitates firmavit, urbemque maximam Claram nomine in monte Thabroteno condidit. Sic Arsaces, quæsito simul constitutoque regno, non minus memorabilis Parthis, quam Peris Cyrus, Macedonibus Alexander, Romanis Romulus, matura senectute decessit. Cujus memoriæ hunc honorem Parthi tribuerunt, ut omnes exinde reges suos Arsaces nomine nuncuparent, sicut Romani Cæsares Augustosque principes suos cognominarunt. Hujus filius, & successor regni ARSACES & ipse nomine adversus Antiochum Seleuci filium, centum millibus pedum, & XX. millibus equitum instructum mira virtute pugnavit. Ad postremum in societatem ejus assumptus est. Tertius Parthis rex PAMPACIUS fuit ARSACIS & ipse cognomine ornatus, qui quum XII. imperii anno decessisset, duos filios Mithridatem atque Pharnacem reliquit. Quorum major PHARNAGES, more gentis heres regni, Mardos validam gentem bello domuit. Post quem quintus Parthorum rex fuit frater MITHRIDATES, testamento a Pharnace relictus. Hic Medos & Elimos subegit, imperiumque Parthorum a monte Caucaſo, multis populis in ditionem redactis, usque ad flumen Euphratem protulit. Post cuius mortem sextus Parthorum rex PHRAHARTES ejus filius constitutus est. Hic primus regum Parthorum amicitiam Romanam per legatos a L. Sulla Felice pro cos. tum bellum Mithridaticum in Asia gerente, petiit, & impetravit. Quo in bello cum Scythis gesto occiso, ARTABANUS patruus ejus rex VII. substitutus est. Cui MITHRIDATES filius successit, a rerum gestarum magnitudine Magnus cognominatus. Multa enim bella cum finitimis magna virtute gessit, multosque populos Parthico regno addidit, sed & cum Scythis aliquoties prospere dimicavit, ultorque parentum injuriæ fuit. Bellum Armenis intulit, post quod propter crudelitatem a senatu Parthico regno pulsus, frater ejus ORODES imperio potitus est. Hic bella cum Ro-

manis gessit, Crassumque imperatorem cum filio & omni fere Romano exercitu delevit. Hujus filius Pacorus missus ad persequendas Romani belli reliquias, magnis rebus in Syria gestis in patriam patri suspectus revocatus, quo absente exercitus Parthorum in Syria relictus, a C. Cassio quaestore Crassi cum omnibus ducibus cæsus est. Bellis civilibus Romanis Parthi Pompeio contra Cæsarem, item Bruto & Cassio adversus Augustum & Antonium auxilia misere. Post belli finem rursum Pacoro ducere, & Labieno, qui Pompeianarum partium fuerat, & bello victus ad Parthos transfugerat, Syriam irruerunt, ac totam occupare provinciam. Quos P. Ventidius Bassus Romanus dux prælio commisso ad internecionem usque Pacoro & Labieno occisis cecidit, nec ullo bello Parthi majus unquam vulnus acceperunt. Illud cognitu dignum, Pacorum Orodis regis filium eo potissimum die interfectum fuisse, quo antea Crassus victus fuerat, ne aliquando Romani ducis mors insulta relinqueretur. Non longe post id prælium, quo Parthorum vires concidere, Orodēs rex a filio Phraharte per summum scelus occisus est, regnum ejus vi invasit PHRAHARTES. Huic M. Antonius III. vir propter auxilium adversus se & Cæsarem latum bellum cum XVI. validissimis legionibus intulit, sed graviter multis præliis, fame, petilentia, tempestatibusque vexatus, ex Parthia magna exercitus parte amissa refugit. Hac victoria Phrahartes insolentior factus, quum multa crudeliter ageret, in exilium a Parthis pellitur, regnumque ejus Tyridati cuidam traditur. Phrahartes Scytharum præsidio adjutus, Tyridate fugato regnum recuperavit. Cui quum Augustus Cæsar, bello Hispano confecto, metum iniecerit, se bellum Parthis inferre velle, tunc tota Parthia captivi ex Crassiano, sive Antonii exercitu collecti, signaque cum his militaria crepta, Augusto remissa, sed & filii nepotesque Phrahartis obides Augusto dati, pluraque Cæsar magnitudine nominis sui fecit, quam armis alius imperator facere potuisset. Post Phrahartem XII. Parthorum rex fuit ejus filius PHRAHARTES appellatus, post quem ORODES rex fuit. Quo occiso, legati Parthorum in urbem properant, qui Vononem vetustissimum liberorum Phrahartis ad regnum paternum accirent, quem olim Phrahartes pater Augusto obidem dederat. Is a Ti. Cæsare rerum potente missus, haud multo post regno vi exactus, Artabanum successorem accepit. Vononi victo Armenia rege tunc vacua profugium fuit. ARTABANUS autem regno potitus multas popularium insidias passus est. Quum enim bellum cum Romanis suscepisset, his potissimum adjuvantibus, auctore Vitellio Suriæ legato a Tyridate regii Arsacidarum sanguinis bello petitus, regno pulsus est. TYRIDATES XVI. Parthorum rex factus, haud multo post ab Artabano Hyrcanorum & Caramanorum præliis adjuto, regno multatus, in Suriam ad Romanos fugit, Artabanus regnum Parthicum recepit; quod quum Sinnacis proditione iterum perdidisset, tertio etiam paulo post cæso Sinnace recuperavit. Ad extremum multis fortunæ procellis exagitatus, cum uxore & filio a fratre Gotharze interfectus est. GOTHARZES XVIII. Parthicum imperium tenuit. Hunc etiam more gentis fratris Bardanis insidiæ fatigaverunt, a quo regno exactus, paulo post Baidane interfecto restitutus est. Hic cum Meherdate a Claudio imp. ad Parthicum regnum obtinendum missus pugnavit, quem prælio victum, captumque, auribus præciis incolumem servavit. Quo deinde morbo decedente, in regnum accitus est XX. VONONES Medis tum præsidens. Nulla huic prospera aut adversa fuisse, brevi & inglorio imperio perfunctus, regnum Parthorum filio VOLOGESI reliquit, qui rerum gestarum magnitudine in Romanis annalibus notissimus est. Hic enim diuturnum ad-

versus populum Romanum bellum gessit, & non solum par, verum etiam aliquando victor fuit. Ipse Armeniam Romanis Nerone imperante ademit, duas Romanas legiones sub jugum militi extremo Romani nominis dedecore. Ejus gesta Cornelius Tacitus libris XIII. XIV. & XV. accurate describit. Postremo rerum gestarum gloria illustris jam senex decessit, Vologese filio regni Parthici successore relicto. Cujus regis gesta apud omnes annalium memorias intercederunt. Post eum rex Parthorum XXI. CHOSROES fuit. Cui quum Trajanus imperator bellum intulisset, Armeniam primum, deinde Mesopotamiam omnem, & Assyriam ademit: ipsum vero prælio victum fugavit, atque sine summo regis imperio Parthi aliquot annis fuerunt. Verum Parthis ad defectionem spectantibus, Trajanus regem XXV. constituit Parthenaspatem, quo pulso, Chosroes avirum recepit imperium. Post quem Vologeses filius regnum Parthicum diu tenuit. Cum hoc Marcus & L. Verus Romani principes multa bella gessere, eique Assyriam & Armeniam ab Hadriano relictas eripuerunt. Post Vologesem novissimus omnium Arsacidarum Parthorum imperium tenuit ARTABANUS, qui cum Romanis, Severo, Antonino Caracalla, & Macrino imperantibus, multa bella vario Marte gessit. Quem postremo Alexandro Romanis imperante Artaxerxes Persa triplici prælio victum, non solum Parthorum regno, sed vitam etiam privavit, imperique orientis summam a Persis iterum ad Persas transtulit, anno a primo Arsace CCCCLXXXIII. Artaxerxes orientis regno potitus, se regem Magni primus appellavit, duplicique diademate utens, orientis imperium Persis restituit. Tunc Parthi Persarum, ut paulo ante Persæ Parthorum, mancipia fuere. Quare deinceps non amplius in antiquis historicis legitur, Romanos cum Parthis, sed cum Persis bella gessisse.

C A P. XXVI.

De imperio Persico.

Persæ orientis populi nobilissimi fuere, Cyro & Cambyse regibus celebrati, qui a Macedonibus Alexandro rege orientis imperio dejecti, sub ejus successorum primum, deinde Parthorum imperio diu fuere. Postremo anno urbis C^o LXXVII. Alexandro Romanis imperante, Artaxerxes quidam Persa, quamquam obscuro loco inter ipsos natus, ingentis tamen animi & spiritus vir, veterem Persarum gloriam instauraturus, Persarum gentibus ad rebellionem sollicitatis, a magno Parthorum rege Artabano defecit. Artabanum ad seditionem sedandam ingentibus copiis, instructum venientem, triplici prælio victum regno & vita exuit, Orontisque imperio Persas iterum imposuit. Quibus rerum successibus clatus, subigere vicinos barbaros, qui imperium ejus detrectabant, incredibili virtute & celeritate, ac sibi vestigales facere cepit; omnibus orientis populis, qui sub Parthorum imperio quondam fuerant, in dedicationem acceptis, neque jam amplius intra fluvium Tigrim tenere sese, sed superatis ripis ac Romani finibus imperii, excurrere per Mesopotamiam, Syriæque militari, omnemque Europæ oppositam continentem, quæ mari Ægeo fretoque Propontidis terminatur, Asiæque nomen habet, ceu veterem Persarum possessionem sibi vindicare: quod jam inde a Cyro, qui primus imperium a Medis in Persas transtulit, ad Darium usque extremum Persarum regem, a Persarum Satrapis Asia omnis gubernaretur. Quare sui muneris esse curare tunc jactabat, ut vetus atque integrum imperium Persis restitueretur. Ut igitur Arsaces Parthorum, ita hic Persarum regnum instauravit. Qui multis rebus bel-

lo præclare gessit, initi regni anno XV. decessens, imperium pacatum filio Saporis reliquit. Hic Romanis pene exitialis fuit. Quibus in Mesopotamia ingenti prælio profligatis, & Mesopotamiam eis eripuit, & imperatorem ipsorum Valerianum vivum cepit. Post Saporem Ormisdas annum I. & Vararanes II. annos XVI. & Vararanes III. cognomine Seganefna menses quatuor Persarum imperium tenuere. Post hos annis octo Persarum rex VII. regnavit NARSES, quo a Galerio prælio victo, Mesopotamia, Armenia, & quinque Transfligim provinciæ bello receptæ sunt. Post Narsen Muidates annis VIII. & Sapores II. annis LXX. in Peris regnarunt. Cum hoc Sapore Constantinus Magnus, Constantius, & Julianus imperatores Romani continua bella gesserunt. Cum hoc, reddita Nilibi & Mesopotamiaz parte, turpe fœdus fecit Jovianus Augustus imperii quam gloriæ cupidior. Post longævum Saporem, Artaxerxes II. annis IV. Sapor III. annis V. Vararanes IV. cognomente Germalat annis undecim, Idigerdes annis XXI. in Peris regnarunt. Idigerdes Persarum regem moriens Arcadius imp. tutorem infantis filii Theodosii junioris testamentum reliquit. Post eum XIV. Persarum rex fuit Vararanes V. qui annis viginti, item Vararanes VI. qui annis XVII. post Perozes, qui annis viginti tres, Valens deinde, qui annis quattuor, & Cavades Perozis filius, qui annis XLI regnavit. Hunc Cavadem quum Zambases quidam regno ejecisset, ipsique annos quattuor regnasset, a Cavade regno & vita privatus est. Cum Cavade Persarum rege ea bella auspiciis Justiniani imperatoris gessit Belisarius, quæ a Procopio in libris de bello Persico describuntur. Post Cavadem Persarum XX. rex fuit Chosroes, qui annos XLVIII. regnavit. Chosroi successit filius Ormisdas, cui anno imperii decimo mortuo successit est filius Cavades junior. Hic regni initio Vararanes insidiis regno exactus, Tiberii Mauricii Romani imperatoris ope, cæso Tyranno Vararane, regnum paternum recuperavit, annisque XXXVIII. regnavit. Qui quum Mauricii imperatoris amicusissimus esset, eo a Phoca occiso, bellum Romanis intulit, iisque Syriam omnem ademit. Phoca occiso Heraclius contra Persas profectus bello septem annorum eos vicit, Syriam recepit, veteres imperii limites super Euphratem restituit, Chosroem captum occidit, dominicæ crucis partem, quam Chosroes Hierosolymis expugnatis subitulerat, reportavit, unde exaltationis S. Crucis dies festus institutus est. Occiso Chosroë, & rebus Persicis compositis, ex auctoritate Heraclii Persarum XXIV. factus est filius ejus Syrrhoes, cum quo Romanus imperator pacem & fœdus fecit. Extincto intra annum Syrrhoi successit Adesir, qui regnavit mensibus VII. post quem Sarabazas mensibus II. deinde XXVII. Vararanes mensibus VII. post quem novissimus Persarum rex fuit Ormisdas, quo anno regni nono a Sarracenis duce Haomaro regno pulso, regnum Persarum in oriente defecit, anno a primo Artaxerse CCCIV. Christiani vero natalis DCXXXIX. Quo tempore rerum orientalium summa penes Sarracenos esse cepit. Quorum Mahometh Arabs primus rex & propheta fuit, secundus Eubocaras, tertius Haomar, quo rege Sarraceni Arabia egressi, Ægyptum, Syriam omnem usque ad Antiochiam, & Euphratem Romanis primum ademerunt; post bello in Persas converso, eos bello Romano attritos devicerunt, Persarumque toto oriente celebratum imperium sibi ipsis religione mutata vendicarunt. Quod ad nostra usque tempora insigni rerum gestarum gloria adhuc sub eorum rege Sophi possident.

Parthorum regum Epilogus.

I Arsaces primus Parthorum rex, creatus anno urbis conditæ DIV. regnavit annos XXXVIII. M m iij

- II. Arfaces II. regnavit annos XXXVI.
 III. Pampacius Arfaces regnavit annos XL.
 IV. Phrahartes Arfaces regnavit annos XVII.
 V. Mithridates Arfaces regnavit annos XXXII.
 VI. Phrahartes II. regnavit annos XXVIII.
 VII. Artabanus regnavit annum I.
 VIII. Mithridates II. regnavit annos IV.
 IX. Orodes regnavit annos XVIII.
 X. Phrahartes III. regnavit annos XI.
 XI. Tyridates regnavit annum I.
 Phrahartes III. iterum regnavit annos XXX.
 XII. Phrahartes IV. regnavit annos II.
 XIII. Orodes II. regnavit annos II.
 XIV. Vonones regnavit annos V.
 XV. Artabanus regnavit annos XIX.
 XVI. Tyridates II. regnavit annum I.
 Artabanus iterum regnavit annos VIII.
 XVII. Sinnaces regnavit annum I.
 Artabanus tertio regnavit annum I.
 XVIII. Gotarzes & Bardanes una regnarunt annum I.
 XIX. Bardanes solus regnavit menses IV.
 Gotarzes solus regnavit annos II.
 XX. Vonones II. regnavit annum I.
 XXI. Vologeses regnavit annos XXXIV.
 XXII. Vologeses II. regnavit annos XXII.
 XXIII. Chofroes regnavit annos V.
 XXIV. Imp. Cæsar Trajanus Augustus regnavit annos III.
 XXV. Parthenaspates regnavit annos IV.
 Chofroes iterum regnavit annos XXXIV.
 XXVI. Vologeses III. regnavit annos XL.
 XXVII. Artabanus II. regnavit annos XXXIV.

Regum Persarum Epilogus.

Artabano ab Artaxerſe Perſa caſo, Parthorum regnum in oriente finitum eſt anno urbis condite Coo LXXV. III. Chriſti vero CCXXVI. Quo anno primus in Perſis regnare cepit.

Anni Chriſti

226. I. Artaxerſes magnus, qui regnavit annos XIII. menses X.
 240. II. Sapoſes regnavit annos XXXI.
 272. III. Ormiſda regnavit annum I. dies X.
 273. IV. Vararanes regnavit annos V.
 278. V. Vararanes II. regnavit annos XVI.
 294. VI. Vararanes III. Seganeſina regnavit menses IV.
 294. VII. Narſes regnavit annos VII. menses IX.
 302. VIII. Miſdates regnavit annos VII. menses IX.
 310. IX. Sapoſes II. regnavit annos LXX.
 380. X. Artaxerſes II. regnavit annos IV.
 384. XI. Sapoſes III. regnavit annos V.
 399. XII. Vararanes IV. Cernaſat regnavit annos XI.
 400. XIII. Iſdigerdes regnavit annos XXI.
 421. XIV. Vararanes V. regnavit annos XX.
 441. XV. Vararanes VI. regnavit annos XVII. menses IV.
 458. XVI. Perozes regnavit annos XXIII.
 428. XVII. Valens regnavit annos IV.
 486. XVIII. Cavades Perozis F. regnavit annos XI.
 497. XIX. Zambafes regnavit annos IV.
 501. Cavades iterum regnavit annos XXX.
 531. XX. Chofroes Cavadis filius regnavit annos XLVIII.
 579. XXI. Ormiſda II. regnavit annos X.
 589. XXII. Chofroes II. regnavit menses III.
 589. XXIII. Vararanes VII. regnavit annum I.
 590. Chofroes II. iterum regnavit annos XXXVIII.
 628. XXIV. Syrrhoes regnavit annum I.
 629. XXV. Adeſir regnavit menses VII.

- A 629. XXVI. Sarabarzas regnavit menses II.
 630. XXVII. Vararanes VIII. regnavit menses VII.
 631. XXVIII. Ormiſda III. regnavit annos IX.

Anno Domini DCXXXIX. exacto Perſarum rege Ormiſda ab Haomaro tertio Saracenorum Amyra, orientis regnum ad Saracenos tranſlatum eſt. Quorum primus fuit Mabometh.

Reges Saracenorum Arabum.

Anno Domini DCXXI.

- B 621. I. Mahomet Abdalla F. Abdalmutaliſ nepos Arabs pſeudopropheta Saracenis leges dedit, a quo anni Arabum computantur. Is regnavit annos XI.
 632. II. Eubokara Abdalla F. Odmen N. regnavit annos II. menses VI. dies XII.
 634. III. Haomar Alhata F. Alphail N. regnavit annos XI. menses VI. Hic Ægyptum, Suriam, & Meſopotamiam cum Armenia Romanis ademitt, Perſarum regnum excidit, orientisque imperium ad Saracenos tranſtulit, quorum ipſe primus rex fuit.
 C 646. IV. Huthman Alpnen filius, Alaci N. regnavit annos X.
 Poſt Huthman ſchiſma fuit in Arabum imperio; in Perſide enim & Arabia regnavit.
 656. V. Halim filius Abitaliſ, annos IV. menses IX.
 656. VI. Moaxias vero Cephan F. regnavit in Ægypto & Suria an. XXIV.
 660. VII. Alhateh Halim filius regnavit in Perſide menses V. dies XXII.
 661. Quo mortuo Moaxias omnia obtinuit, quem annum Saraceni Alema, id eſt, congregationis vocant.
 D 680. VIII. Hirid F. Moaxiaz regnavit annos III.
 683. IX. Muthar regnavit annos VI. in Perſide.
 683. X. Abdellaſ regnavit in Ægypto & Arabia annos II.
 683. XI. Murhuam F. Moaxiaz regnavit in Suria menses IX.
 684. XII. Abimelech F. Murhuam regnavit in Suria annos XXI. menses VI.
 690. Abimelech ſolus tyrannis occiſis regnavit annos XV. menses VI.
 705. XIII. Uhalid F. Abimelech regnavit annos IX.
 714. XIV. Sulchimam F. Uhalid regnavit annos III.
 717. XV. Ahomar II. F. Uhalid regnavit annos III.
 E 720. XVI. Hirid II. F. Haomari regnavit annos IV.
 724. XVII. Hiſam F. Haomari regnavit annos XVIII.
 743. XVIII. Uhalid II. F. Hiſam regnavit annos II.
 745. XIX. Murhuam II. F. Hiſam regnavit annos VI.
 750. XX. Mahometh II. Abubalaſ F. Echin regnavit annos V.
 755. XXI. Abdellaſ F. Echin regnavit annos XXI.
 776. XXII. Abdellaſ II. Mahometh Madi F. Abdellaſ regnavit annos IX.
 785. XXIII. Moſes Madi F. regnavit annum I.
 786. XXIV. Aaron Madi F. regnavit annos XXIII.
 809. XXV. Mahometh III. Aaron filius regnavit annos IV.
 F 813. XXVI. Abdellaſ III. filius Aaron regnavit annos VII.
 820. Poſt Abdellam III. in quattuor tetrarchas imperium Arabum Saracenorum diviſum eſt: nam in Perſide, Meſopotamia, Suria, & Ægypto quattuor reges per vim creati, eam monarchiam, quæ annos prope ducentos perduraverat, convulſerunt. Ex Theophane ſauro, Anaſtaſio Bibliothecario, & Sieberto excepta.

Qua ratione Romanum imperium excisum sit Dacia provincia amissa.

ROMANAM potentiam usque ad Trajani principatum semper auctam, ejusque imperii terminos sub ipso principe longissime propagatos fuisse, supra demonstravi. Post quem imperii Romani limites ab Hadriano mutatos, a sequentibus vero Augustis restitutos etiam vidimus. Nec unquam provincia ulla vel vi, vel sponte amissa, quæ non magno etiam cum fœnore recuperata fuerit. Primum omnium sub Gallieno, quem ignavissimum & perditissimum imperatorem Romana respublica passâ est, provinciæ non amplius receptæ, amissæ sunt. Nam eo imperante Dacia Transdanubiana a Scythis occupata est, Romanoque imperio erepta, quam quum pene recuperasset, qui ei succcessit Aurelianus, desperans teneri posse, omnem Daciam trans Danubium, sublato exercitu, provincialibus reliquit, abductoque ex ea populos in Mœsia collocavit, appellavitque suam Daciam, quæ duas Mœsias divideret: ita Vopiscus in Aureliano. Prima autem & secunda Dacia dictæ, quod a duobus præsidibus regerentur; qua ratione Mœsia, Armenia, Germania, Belgica, Lugdunensis, & omnes fere provinciæ divisæ erant. Unde Jordanes in annalibus: *Aurelianus (inquit) imperator, evocatis ex Dacia legionibus, in Mœsia collocavit, ibique aliquam partem Daciam mediterraneam Daciamque ripensem constituit, & Dardaniam juxxit.* Et Rufus: *Sub Gallieno imperatore Dacia amissa est, & per Aurelianium, translatis exinde Romanis, due Daciæ in regionibus Mæsiæ, & Dardaniæ factæ sunt.*

Provincia trans Tigrim, Nisibis & Mesopotamia, amissa.

Constantio imperatore Magni Constantini filio mortuo, Julianus, qui ex Cæsare Augustus in Galliis ab exercitu appellatus fuerat, redacta ad se unum orbis terrarum administratione, gloriæ nimis cupidus, in Persas expeditionem paravit. Persarum fines Euphrate trajecto ingressus, Assyriam populatus est, multa oppida partim vi, partim deditione cepit, apud Ctesiphontem castra stativa aliquandiu habuit. Hanc adeptus victoriam, a militibus de reditu admonitus, non obtemperavit, sed exultis navibus, a transfuga quodam in insidias deductus, quum eum hinc inde Persæ urgerent, e castris jam politis arrepto tantum clypeo, inconsultus procurrit. Ubi dum nititur ordines ad prælium componere ab ignoto hostium equite conto per ilia trajectus est. Inter effusionem nimii sanguinis, quum suorum ordines, quamquam saucius instaurasset, labore & vulnere debilitatus, medio sequentis noctis defecit. Eo mortuo Julianus primicerius domesticorum, genitus patre Varroniano, incolæ agri Singidonienis, e provincia Pannonia, qui tunc modestius militabat, ad obtinendum imperium consensu exercitus, prælio quidem superioris, sed morte imperatoris confusi, electus est, commendatione patris quam sua notior. Quum comœatu deficiente exercitus inopia laboraret, & via in reditu prolixior immineret, res omnes turbatæ essent, Persæque crebris excurtibus, nunc a fronte, nunc a tergo, mediorumque latera incurstantes, agmina morarentur, consumptis aliquot diebus, & uno atque altero prælio victus, tanta reverentia Romani nominis fuit, ut a Persis jam victoribus de pace primus sermo haberetur, conditionibus (quod nunquam antea acciderat) Romano imperio duris impolitis. Cupidior enim imperii, quam gloriæ Jovianus, & imperio adhuc rudis, pacem cum Sapore Persarum rege necessariam quidem, sed ignobilem in xxx. annos fecit, redditis quinque

A Transgitanis provinciis, quas Galerius Persarum victor fecerat, cum castellis quindecim cis Tigrim, Nisibis & Singara urbibus, & parte Mesopotamiæ. Quod ante eum, ex quo Romanum imperium conditum erat, nunquam acciderat. Hanc rem ita tradit Agathias libro IV. *Nisibis civitas, quæ Romanorum fuit, in Persarum ditionem pervenit, Joviano imperatore eam tradente. Is namque in ipsis mediterraneis Persarum locis, eorumdem ditionis & juris Juliano repente deperdito, per milites imperator mox declaratus est. Et quoniam sibi nuper delatum imperium fuerat, perturbatis, ut par erat, jam rebus, & in hostili præcipue, baudquaquam in præsentia poterat lentius ut decuisset, res ipsas disponere, præsertim abscedere cupidus, ne in alienis moram diutius traheret, sed ad sua, imperii æmulum verens, quam primum rediret, ignominiose & turpiter cum Persis pacem fecit iis conditionibus, quibus in id tempus salutem non mediocrem Romana respublica fecit; & novis quibusdam terminis Romanum retraxit imperium, idque, quum porrectius esset, & ultra fuisset antea propagatum, stolidè nimis interdidit.* Hanc eandem rem Rufus, Eutropius, Orosius, Jordanes, & omnium accuratissime Marcellinus lib. XXV. qui ei bello interluerat, referunt. Tunc autem imperii termini ab oriente super Euphratem iterum reformati sunt. Quos ipsos D. Augustinus lib. IV. de civitate Dei suo tempore fuisse, sexaginta pene annis post scriptum reliquit. Orientalis imperii limites, a Joviano ignominiose fœdere statuti, diu permanserunt; non enim ante Phocæ imperatoris tempora mutati sunt, quum egregie orientis imperatores Romani imperii Persas versus fines semper tutati sint. In occidente vero longe diversam, & acerbiorum fortunam Romanum imperium, quam nunc exponam, passum est.

Occidentalis Imperii excidium.

SÆPE exposui præcipuam imperii casus causam fuisse novam illam, quam Constantinus imperator fecit, imperii constitutionem, qua, auctore Zosimo, Rhæni & Danubii ripas XV. legionum præsidio spoliavit, & quod unum firmissimum ac stabile erat, quum in duo divisisset, infirmum & imbecille reddidit. Quamvis non inficias eam, imperium ipsum malis institutis in præcepse labens, eorum, qui post Theodosium fuerunt, imperatorum fatali ignavia & fœcordia omnino corruisse, ut non minus in eo perdendo laborasse videantur, quam veteres illi duces in ejus magnitudine asserenda. Quid enim Romano imperio perniciosius accidere potuit Honorio, & Valentiniano III. imperatoribus? Sub quorum principatibus vix quinquaginta annorum intervallo, id concidit & eversum est, in quo acquirendo mille fere annorum præstantissimorum ducum labores & vigiliæ consumptæ erant. Omnium malorum & ruinæ ab ejus regionis populi initium ortum est, qui Rheno, & Danubio Romani imperii claustris olim firmissimis claudebantur. Hi fuerunt Getæ, id est, Gothi in Visigothos & Ostrogothos distincti, Hunni, Alani, Vandali, Franci, Burgundiones, Heruli, Longobardi, & multi alii, qui regiones frigidas & incultas obtinentes in eam aliquando exercebant multitudinem, ut natale solum sæpe relinquere coacti, ad novas quendas sedes, flumina Danubium, & Rhenum transierint. Hinc Cimbri, Teutones, Ambrones, Daci, Getæ, Scythæ quum sæpe exissent, Romanum imperium etiam ante Constantini tempora acriter vexaverunt. Quorum vim quum Augustus providentissimus princeps præfensisset, eam validissimis legionibus super tamnum ripas collocatis reprimere posse existimavit.

Cujus institutis a sequentibus Romanis principibus conservatis & auctis, imperium Romanum integrum atque a barbarorum furore illæsum custoditum est. Verum legionibus a fluminibus tanquam foribus a portis remotis, quum legionum timore amoto barbari in Romanas provincias irruere cœpissent, iis acriter Romani aliquot imperatores restiterunt. Quorum novissimus Theodosius imperator fuit. Hic barbaros Valentis imperatoris cæde, & magna Romano nomini clade illata audaciores factos, ingentibus præliis obtinuit, atque intra suos terminos coercuit. Quo mortuo quum filios Arcadium & Honorium pueros adhuc tanti imperii successores, tresque his tutores Gildonem, Rufinum, & Stiliconem præstantissimos rei militaris duces reliquisset, haud ita multo post ob eas, quas referam, causas imperium, quod ad ea tempora integrum perductum fuerat, corrumpere cœpit, barbaris non prohibitis solum, sed ultro etiam dolis, & proditione aut evocatis, aut in Romanas provincias irrudentibus non compressis.

Urbs Roma a Gothis primum capta.

Septentrionalis regio quanto magis ab æstu solis remota est & magnis frigoribus vexata, tanto salubrior corporibus hominum, & propagandis conservandisque gentibus est commodior, perinde ac e contra, meridies omnis, quo solis est fervori propinquior, eo morbis & infirmitatibus est magis obnoxius, & hominibus educandis minus aptus. Hinc factum est, ut tot gentium manus iis in regionibus ortæ sint, quæ Rheno & Danubio fluminibus continentur. Ex quibus multæ & innumerabiles gentes sæpe egressæ, quæ non solum Asiam, sed Europam & Africam afflixeræ, præsertim quum terras asperas, incultas, & infrugiferas colerent; quare iis sæpe necesse erat divisione facta patrias regiones relinquere, & ad novas quarendas sedes commigrare. Hinc hi barbari egressi, qui Romanum imperium exciderunt. Quorum præcipui fuere antiquis temporibus Scythæ & Getæ, recentioribus vero Gothi appellati, quorum qui orientales regiones tenebant Ostrogothi, qui occidentales Visigothi vocati. Præter eos tuerunt omnium ferissimos Hunni, Vandali, Alani, Franci, Burgundiones, Gepidæ, Heruli, & Longobardi. Primi omnium Gothi, quos cum aliis barbaris flumina transire aulos Constantinus imperator primum, dein Julianus Cæsar, tum Valentinianus magnus affecerant cladibus, atque intra suos fines continuerant. Sub Valente bellum cum Romanis diu intermissum hanc ob causam repararunt. Haud multo tempore ante Valentis imperatoris obitum, Gothi trans litrum constituti, bello civili ob agrorum fines exorto, inter se conflictabantur. Eorum parti alteri Fritigernus Arrianæ religionis, alteri vero Athanaricus adhuc gentilis præerat. Quum Athanarici factio prævaluisset, Fritigernus auxilia ab imp. Valente petiit. Valens statim Thraciarum ducebus imperavit, ut Fritigerno contra Athanaricum præsto essent, qui a Romanis cum sua Gothorum factione victus, his postremo conditionibus ex Imperatoris Valentis auctoritate pacem cum Fritigerno fecit, ut uterque eas regiones obtinerent, ipseque orientalem partem, Fritigernus vero occidentalem agrorum, quos trans litrum habebant, possiderent: hinc Ostrogothorum & Visigothorum, hoc est orientalium & occidentalium Gothorum nomen ortum. Visigothi post hæc a bello quieti, pacem cum Romanis habebant. Haud multo post civiles Gothorum seditiones sedatas, Hunni diu in propriis & inaccessis clausi montibus, repentina rabie & furore perciti, palude Mæotide egressi, relicto patrio solo, Gothi bellum intulerunt, in quo Ostrogothis vestigibus factis, Visigothorum, quos aliquot præliis vicerant, & patriis sedibus agrisque ejecerant, Trans-

danubianas regiones sibi ipsi vindicare. Visigothi natali solo ab Hunnis pulsæ, Danubio trajecto a Valente sine ulla fœderis pactione & armorum depositione intra imperii Romani limites suscepti sunt. Qui eis Thraciæ partem ad habitandum concessit, arbitratus se eorum opera in reliquis barbaris oppugnandis usurum. Gothi per avaritiam Maximi Thraciarum ducis fame ad rebellandum coacti, Thraciæ finibus non contenti, ut erant animo & moribus immittes, vicinas sibi regiones & urbes populari cæperunt: qui a Valente admoniti, quum nec a rapinis quiescere vellent, nec de his, quæ contra imperatorem gesserant, satisfacere, bellum iis Valens indixit. Superatis autem prima congressione Romanis, Gothi per omnem Thraciam diffusi sunt. Imp. Valens exercitu adversus eos ducto lacrymabile in Thracia bellum gessit, in quo ad primum Gothorum impetum perturbatis Romanorum equitum alis, Romanæ legiones equitum præsidio denudatæ, & a Gothis circum, usque ad internicionem cæse sunt. Valens imp. quum sagitta faucibus fugeret, & ob dolorem nimium sæpe equo laberetur, ad cuspidad villulæ casam deportatus est. Ubi supervenientibus Gothi, domo incensa, vivus quoque crematus est anno imperii XIV. vitæ I. Contigit hæc clades, qua nulla post Cannensem Romano nomini exitabilior fuit, VI. Idus Augusti, an. Christi CCCLXXXVII. Valente VI. & Valentiniano juniore II. Aug. co. Occiso Valente Theodosius dux rei militaris peritissimus, a Gratiano occidentali imperatore Augustus appellatus, atque orientali imperio præpositus est. Gothi interim, Valentis cæde superbiores facti, omnem Thraciam igni ferroque vastarunt, Constantinopolim aggressi, eam aliquot mensibus obsederunt. Hunni quoque, qui Visigothos expulerant, & cum iis Ostrogothi, & Alani, audita Romanorum clade, trajecto litro Pannoniam, Mæsiam, & Daciam devallabant. Theodosius imperio orientali suscepto, summa felicitate, multis atque ingentibus præliis Gothos vicit, & e Thracia ejecit. Alanos & Hunnos bello aggressus fregit, eisque trans litrum effugatis, Romanas provincias omnes liberavit. Postremo ne parvam Romani exercitus manum assiduis bellis consummeret, pacem cum Athanarico rege Visigothorum fecit, eumque Constantinopolim evocavit, ubi quum XV. die postquam advenerat obiisset, Gothorum universa gens, rege defuncto, Theodosio ipsi, Romanoque imperio se dederunt, quorum opera duobus asperis bellis civilibus Maximi & Eugenii, item in multis externis usus est. Theodosio mortuo, cujus metu omnes Barbaræ nationes intra suos quæque fines quieverant, Visigothi, qui quindecim fere annis sine rege Romanis servierant, puerorum imperatorum ætatem negligentes, contra fœdus regem sibi elegerunt Alaricum, qui strenue sub Theodosio inter Gothos militaverat. Injuriæ imperio factam dissimulare coactus est imperator Honorius, nam Hunni, & Alani, audita Theodosii morte, litro iterum trajecto Pannoniam, Mæsiam, & finitimas regiones occupaverant. Pace enim cum Alarico rege facta, magister militiæ ab imperatore creatus est, atque contra Hunnos missus. Quibus a Gothi intra Pannoniæ fines compulsi, quum in Italiam victor reversus esset, sedes sibi agroque ab imperatore petiit, tot pro Romani imperii dignitate tuenda laborum præmium. Honorius timore Gothorum perterritus Gallias his concessit, quos paulo ante Vandali, Suevi & Alani clam a Stilicone invitati, occupaverant. Qui quum in Gallias ire pergerent, & ad portanda itineris necessaria apud Pollentiam refedissent, Stilico in perniciem Romani nominis Gothi nihil suspicantibus, die sancto Paschali bellum intulit, non ut extingueret, quod in manu ejus erat, sed ut lacefferet, quibus tumultuantibus rerum novandarum materiam haberet. Sed antequam cœpta perficeret, Honorii jussu, quum ejus insidias cognovisset, occisus est. Gothi vero Stilico-

Iconis perfidia exagitati, ceptum in Gallias iter deferentes, Romam citato gressu contendunt, urbem IX. Kal. Septem. capiunt, incendunt, & populantur, Varrone & Tertullo cos. Anno Christi CDXII. imperatorem per ludibrium Atallum quendam senatorem creant. Urbe egressi Campaniam, Lucanos, Brutios, & magnam Græciam ferro, incendiis, & rapinis acerbè vexarunt. Mortuo vero apud Consentiam Alarico, Athaulphus rex in ejus locum constitutus, in urbem reversus, quæ superfuert locustarum more Gothi abradunt, Galliam Placidiam fororem imp. Honorii urbe abductam Athaulphus uxorem duxit. Atque in Gallias Alarico olim destinatas ab Honorio sedes profectus est. Quæ vero bella in Galliis primum, deinde in Hispaniis Visigothi contra Vandalos, & Alanos gesserint, & quomodo postremo Franci & Burgundiones Gallias, Visigothi Hispanias, Vandali Africam, & Ostrogothi Italiam occupaverint, paulo post exponam.

Pannonia, Noricum, Rhetia, Moesia, Thraciarum & Illyrici pars ab Hunnis occupata.

Theodosio imp. mortuo, ejusque virtutis metu amoto, Romanum imperium undique partim vi, partim ducum Romanorum perfidia vexatum, & attritum ducit. Tunc enim gens omnium sævisima Hunnorum, quam Theodosius per Pannoniam se diffundentem devicerat, & trans Danubium ejecerat, iterum illo trajecto Pannoniam omnem, Daciam, Moesiam, Noricum, Rhetias, Illyrici & Thraciae partem eorum sub ejus rege Balamber occupavit, quas provincias diu ante a Cæsare Augusto Romano imperio adjuncas, quum eas Hunni invasisent, diu possederunt. Hujus gentis reges fuerunt Supthar, Rufila, Bleda, & gentium orbisq. flagellum Atila, qui Romano imperio sub Valentiniano tertio ingentes intulit calamitates, urbes excidit, provincias devastavit, & omnia igni ferroque consumpsit, Thracias & Illyricum fœvissima populatione vexavit, omnia præter Perinthum & Hadrianopolim cepit. Macedoniam post hæc, Moesiam, Achaiam, Græciam omnem populatus est. Non contentus his provinciis, quas majores sui Romano imperio eripuerant, fortissimam gentium, quas debellaverat, præsidio fretus, animum ad occupandum totum occidentis imperium intendit. In Gallias primo transgressus, memorabili prælio in campis Catalaunicis ab Ætio patricio, adjuvantibus Meroveo Francorum & Theoderico Visigothorum regibus, victus, in Pannoniam redire coactus est: reparatis viribus, quum expeditionem in Italiam edixisset, & Aquileia capta & diruta Venetiam omnem devastasset, dum ultra progredi pararet, obvium habuit Leonem papam pro pace a Valentiniano imperatore missum, cujus precibus exoratus, relicta Italia in Pannoniam reversus est. Ubi, dum iterum in Italiam redire pararet, morte repentina decessit. Post cujus obitum Hunnorum imperium, quod toti orbi formidabile erat, paulatim labefactari cepit, quum Ostrogothi, Gepidæ, Heruli, Marcomani, Toringi, Suevi, Quadi, Rugi, & Septentrionales alii populi ab eo defecissent. Quibus rerum tumultibus Hunni ab Ostrogothis videnti Pannonia & finitimis regionibus, quas Romanis antiquitus ereptas longo tempore tenebant, ejeti sunt, & in Scythiam fugati. Pannoniam & Hunnorum regiones Ostrogothi primum, mox Longobardi, deinde Hunni a Longobardis vocati, iterum usque ad Caroli magni tempora tenebant: quibus, quum ab Ungaris Septentrionalibus populis bello petiti essent, omnes fere ad nihilum redacti sunt, Pannoniaque & antiquæ Hunnorum sedes ab Ungaris sunt occupatæ. Qui rege sibi creato ad nostra usque tempora Pannoniam possederunt, in quibus a Turcis ejus majori parte spoliati sunt.

Gallie amissæ.

Theodosio imperatore vita functo, a quo tempore

imperii Rom. exitium inchoatum, veluti rapidissimo torrente in præceps tractum est, quum ejus filii adhuc pueri essent, barbari a Theodosio domiti undique lacefferent, dissensiones civiles derepente ad omnium miseriarum cumulum exortæ sunt. Certamen enim inter tres tutores de rerum administratione ortum, eo tandem processit, ut Gildoni & Rufino proditiōis & secretorum cum barbaris fœderum, quæ contra imperium inierant, reis occisis, solus superfuert omnium pessimus, & callidissimus, Romanique imperii exitio natus Stilico. Qui contra affinitatis & amicitia jus (erat enim Honorii imp. fœcer) quum Honorio genero insidias struere, filioque suo imperium parare studeret, Romanis copiis & fidei diffidens, Hunnos ante omnes, Vandalos, Suevos, Alanos, Burgundiones, & alios immanes barbaros in Romanas provincias clam evocavit, evocatos fovit, & quum eos delere posset, conservavit: quorum beneficio & præsidio, Honorio occiso, imperium filio compararet. Ipse post Theodosii mortem Hunnos in Pannoniam evocavit, ipse Gothis rebellare, & ut Alaricum regem crearent persuasit, eum sæpe conclusum incolumem dimiit, illum ut contra Honorium insurgeret impulsit, & postea nihil tale suspicantem, quum ad Gallias ab Honorio sibi destinatas pergeret, ultro lacepsivit, unde irati barbari Romam populati sunt. Ipse Rhadagaisum Scytham cum ducentis millibus hominum in Italiam accivit, qui postea in montibus Fesulanis conclusus, victus & occisus est. Ipse postremo Vandalos, Suevos, Alanos, & Burgundiones immanissimos Barbaros ut Gallias invaderent, clam sollicitavit. Qui cum ingenti multitudine Arcadio VI. & Probo cos. anno Christi cccovi. Rheno trajecto prid. Kal. Januariæ Gallias Croco duce ingressi essent, omnia ferro, flammis, vi, & rapinis subverterunt, episcopos plurimos & alios sacerdotes occiderunt, & nihil relictum est, quod non impietate defœderant. Dum hæc in Galliis geruntur, Alaricus Gothorum rex ab expeditione Hunnica reversus, Gallias Vandalorum furori expolitas ab imperatore Honorio obtinuit; verum injuriis Stiliconis lacepsitus, Galliarum expeditione omissa, Italiam omnem urbe capta vastavit. Hujus successor Athaulphus Gallicanam militiam aggressus, Vandalos & Suevos magnis præliis victos ex Galliis eiecit. Qui in Hispaniam migrantes, eam omnem obtinuerunt. Post Athaulphum Visigothorum rex in Galliis fuit Sigericus, post quem Vallia: hic pace cum Honorio imperatore facta, Galliam omnem Romanis restituit, Aquitania tantum, in qua Gothi habitarent, obtemperant. Rebus Galliarum ita compositis, haud multo post Hunni Atila rege, qui occidentis imperium affedat, Gallias hostiliter ingressi, omnia devastabant. Galliarum præsidio Ætius missus, adjuvante Theoderico Visigothorum, & Meroveo Francorum regibus, Atilam memorabili prælio in campis Catalaunicis vicit, atque eo fugato Gallias omnes liberavit. Non longe post Ætius patricius, cujus virtute occidentis imperium hæctenus conservatum fuerat, a Valentiniano imperatore occisus est, cum cujus morte etiam imperium concidit. Nam ejus cæde cognita barbari, qui ejus virtutem veriti intra suos fines quieverant, undique excitari cœperunt. Siquidem Hunni reparatis viribus Italiam invaserunt, Franci & Burgundiones Gallias, quæ Rhenum versus sunt, Gothi eas Galliarum partes, quæ Aquitaniæ propinquæ erant, occuparunt; atque ita Romanorum brevi in Galliis defecit imperium. Mortuo Valentiniano, quum Romani imperii dignitas ita defecisset, ut omnia in barbarorum potestate jam essent, Gothi & Franci cum Burgundionibus bello inter se decertare cœperunt. Gothi a Francis ex Gallia exacti Hispanias occuparunt. Vandali qui a Gothis ex Hispania ejeti in Africam transierant, Carthagine capta, Africam Romanis eripuerunt.

Franci & Burgundiones Gallias in deditionem redactas dividerunt, ut Burgundiones propinquas Rheno regiones tenerent, Franci vero interiorum Galliam, quam barbarorum novissimi ad nostra usque tempora possident. Obtinuerunt vero Gallias omnes pacifice Franci sub eorum regibus Childerico & Clodoveo, circa annum Christi CDLXXX.

Hispania a Vandalis, Suevis, & Gothis occupata.

Vandali, Suevo, & Alani, a Stilicone in Gallias evocati, Rheno trajecto, eas pene omnes occupaverunt; in quibus dum more immanium Barbarorum debaccharentur, a Gothis, Ataulpho & Vallia regibus ab Honorio imperatore ad liberandas Gallias missis, Gallis exacti, transito Pirenaeo, Honorio VIII. & Theodosio III. Augg. cos. anno Christi CDX. Hispaniam Romanis ereptam multis annis obtinuerunt. Quum Gothi, qui Galliam incolebant, a Francis bello urgerentur, Gothi in Vandalos versa vice bellum movent, Franci Gothos ex Gallis, Gothi Vandalos, & Alanos ex Hispania eiecerunt, Suevos vero ad internicionem cecidere. Quo tempore Vandali, & Alani a Bonifacio, qui pro imperatore Africæ præerat, in Africam evocati, Hispanias Gothis possidendas reliquerunt; Gothi Hispaniam Romanis præsidis omnino expulsi, quum sui juris fecissent, ea sub ipsorum regibus longo tempore potiti sunt. A Sarracenis Arabibus, qui Africam occupaverant, ingenti bello profligati, rege Roderico occiso, Hispaniam fere omnem, quam Arabes occupaverunt, amiserunt. Gothi, qui bello superfuissent, quum in Asturum, Cantabrorum, & Gallæcorum montibus sese munissent, paulatim amissas regiones, urbes, & castella recuperare ceperunt, & postremo quum Sarracenorum res in Bætica Hispania se contraxissent, omnemque Hispaniam Gothi recuperassent, iis etiam a Catholico Ferdinando rege victis atque omni Hispania expulsi, universa regio antiquis dominis est restituta.

Africa a Vandalis occupata.

Valentiniano imperante, Africam Bonifacius pro Romano imperatore obtinebat, qui inimicorum calumniis apud imperatorem exagitatus, quum ejus iram vereretur, vitæque suæ partim aperta vi, partim prodicione insidiari cognovisset, Vandalos & Alanos, qui tunc in Hispaniis cum Gothis bello decertabant, uno aut altero prælio victos, ex Hispaniis in Africam vocavit, ut eam provinciam pacifice & sine repugnantia obtinerent. Barbari a Bonifacio invitati sub eorum regibus Guntharico & Genserico mediterraneo freto trajecto, Hierio, & Ardarurio cos. anno Christi CDXXVII. Africæ partem primum, cum imperatoris consensu, deinde Carthagine capta, omnem invaserunt, atque Romano imperio eripere. Africæ occupatione non contenti piraticam in mari exercentes, Siciliam, Sardiniam, Corlicam, & Italiam ipsam latrociniiis & prædis vexarunt, urbemque ipsam captam omnibus ornamentis, quæ XIV. dierum intervallo auferre potuerunt, expoliavere. Africam Vandali annos plus minus LXXVII. obtinuerunt usque ad Justiniani imperatoris tempora, a quo quum Vandalis bellum illatum esset, capto rege eorum Gilimere, & Vandalis ad internicionem cæsis, Africa omnis imperio orientali restituta est, fuitque Africa sub imperatorum orientis jure usque ad Leontii imperium, quo tempore ab Arabibus Sarracenis Romano imperio erepta, ab eis ad nostra usque tempora in plures regulos distincta possessa est.

Britannia amissa.

Post Theodosii imperatoris mortem, quum occi-

dens omnis bellis barbaricis quateretur, multi in Britannia ex Romana ipsa militia tyrannidem arripuerunt, atque bellis potius intestinis, quam externis insula conflictata est usque ad Ætii obitum, cujus præsidio Romano imperio adhuc conservata fuerat. Eo occiso, quum occidentis imperium a variis barbarorum gentibus hinc inde vexatum esset, communium malorum Britannii expertes esse non potuerunt. Nam ipsa Romana provincia, quæ in ea insula erat, a Pictis, Scotis, Anglis, & Saxonibus populis, qui littora Germanici Oceani incolebant, occupata est ipsius Valentiniani imperatoris principatu. Fuitque primo fuit quattuor vel quinque regibus Britannia; quot enim gentes fuerunt, quæ eam diripere, tot etiam reges erant. Processu temporis in duo redacta est regna insula omnis. Nam is, qui antiquæ Romanorum provincie præest, Anglorum rex; qui antiquis barbaris, Scotorum appellatur.

Italia a Barbaris Gothis occupata.

Valentiniano imperatore occiso, quum Alani & Vandali Africam, Visigothi Hispaniam, Franci & Burgundiones Gallias, Hunni reliquas occidentalis imperii provincias obtinerent, sola in Romanorum principum potestate reliqua erat Italia. In qua, in rerum confusione & tumultu intra XX. annorum intervallum, decem imperatores fuerunt, variis & ipsi bellis, & seditionibus conflictati, & a barbaris occisi. Quo tempore Hunnorum & Atilæ universæ Italiæ rabie imminente, Romani Scythas, Alanos, & Gothicas quasdam nationes in Italiam sui præsidio evocatas, in societatem adsciverant. Unde ab Alarico, Antalage Gothorum tunc ducebus ingentia sunt mala perpeffi, barbarorum præsertim floribus in Italia rebus. Nam Romanorum adeo principum ea tempestate defecerat dignitas, ut sub decem societatibus, & fœderis nomine, a peregrinis & barbaris vim passi, ita violarentur, ut impudenter ac nefarie ad pleraque cogerentur inviti, & non obtemperantes a barbaris necarentur, quum illi æquum jam ducerent omnibus Italiæ agris, ut sibi concederetur, quorum tertiam antea partem Augustuli tunc imperantis patrem Orestem jusserant impetiri. Nam Valentiniano imperatore occiso Maximus, Avitus, Majorianus, Severus, Anthemius, Olybrius, Glicerius, Nepos, & post hunc Augustus occidentis imperium tenere. Augustum Romani idcirco Augustulum vocabant, quia puer admodum imperium suscepit, quod utique Orestes pater, vir quidem sapientissimus gubernabat. Quum Orestes tertiæ agrorum partis, quam Gothi poscebant, concessionem se facturum esse omnino negasset, a Gothis interfectus est. Quo tempore Odoacer quidam natione Herulus inter Italicos milites Orestis quondam armiger erat, qui Gothis omnia pro eorum arbitrio se executurum obtulit, si Romanorum principem se constituerent. Hac ratione quum sibi tyrannidem comparasset, Augustulo ipso imperatore sine offensione alia ulla permissa, in privati hominis morem vitam ut duceret, ac tertia Italici agri parte barbaris contributa, ad decimum annum tyrannidem stabilivit.

Per idem tempus Ostrogothi, qui paulo ante post Atilæ mortem, cui servierant, litro trajecto imperatoris permissu Thraciam incolebant, adversus Romanos orientales Theoderico duce, viro tunc quidem Zenonis Byzantii imperantis beneficio patricio & consulari, arma sustulerant. Imperator Zeno, qui optime disponere præsentia percellat, Theodericum potius ut Italiam peteret monet, & Odoacre tyranno ejecto, Italiæ principatum sibi Ostrogothisque pararet; illi id longe plurimum conducturum affirmans, præstanti ac senatorio viro, ut Tyranno devicto, Romanis & Italicis ceteris imperitaret, quam secum ut imperatore inconsideratius velit armis decernere, ac tantum inire dubiæ belli fortunæ discrimen. Theodericus impera-

toris persuasione, & consilio delectatus, e Thracia Italiam versus iter cum universo Ostrogothorum populo suscepit. Quum in Italiam venisset, Odoacrem triplici proelio victum, postremo interfecit. Tum omnibus sibi conciliatis, Gothorum solus & Italicorum imperium tenuit, Romani tamen imperatoris nec inignia quidem, nec nomen sibi desumpserunt, sed quoad vixit rex appellatus est. Qui quum XXXIV. annis regnasset, vitam finivit, Athalarico nepote regni Italici herede relicto. Quo mortuo res Gothorum in Italia ad Theodahatum redacta est. Qui regno potitus Amalasuntham Theoderici filiam, a qua rex factus fuerat, interfecit. Cum hoc bellum suscepit Justinianus Augustus, quod Gothicum Italicum vocatum est, annis XVIII. continuatum, a Belisario & Narse praestantissimis ducibus gestum. Bello confecto, & Gothi Italia omni exactis, ipsa cum insulis Sicilia, Sardinia, & Corsica imperio orientali attributa est, atque in victoriæ præmium Naris ab imperatore administranda concessa. Qui Romanorum procerum invidia exagitatus, a quibus apud Justinum imperatorem accusatus fuerat, quum ex Italia revocatus esset, contumeliis Sophiæ Augustæ irritatus, Longobardos, qui tunc cum Hunnis Pannoniam incolebant, quorum præcipue auxilio Gothos Italia expulerat, in Italiam evocavit, & non longe post mortuus est. Longobardi Italiam ingressi, eam fere omnem occuparunt, Græci imperatoris prædiis pulsus. Urbs sola supererat Roma in dedicationem a Longobardis redigenda, quo toti Italiæ imperarent, quam quum acriter urgerent, nec ab orientis imperatoribus præsidium aliquod speraretur, Romani pontifices ad Francorum longe lateque per rotam Europam patentes opes confugere, qui Carolo Magno rege Italiam ingressi, Longobardis proelio victis, & eorum rege Desiderio capto, Longobardorum regnum exciderunt, quo tempore Italia fere omnis in Francorum ditionem pervenit. Quæ vero post ea tempora Italiæ condicio fuerit, ex meo de comitis imperii libro cognosci poterit. Sicilia, Sardinia, & Corsica insule, quæ adhuc in orientalis imperatoris ditione permanerant, haud multo post a Sarracenis totum orbem vexantibus, Africa omni ab iis in potestatem redacta, occupatae sunt. Siciliam ex eorum manu Nortmanni, Sardiniam & Corsicam Hispani eriperunt. Quæ omnia ex multis nostrorum temporum historiis facile intelligi possunt. Atque hoc est totius occidentalis imperii excidium: nunc idem de orientali demonstrare conabor.

C A P. XXIX.

Orientis imperii casus.

Mesopotamia, Armenia, Syria, & Ægyptus amisse.

RES Romana in oriente usque ad Tiberii Mauricii imperium incolumis mansit. Is quum Chosroen Persarum regem seditionibus intestinis regno exactum restituisset, firmissimam cum Persis pacem fecit. Mauricio a Phoca occiso, Persarum rex ejus cædem ulturus, fracto fœdere in Romanas provincias excursions fecit, Euphrateque transgresso Mesopotamiæ reliquum, Armeniam minorem, & Suriam Romanis ademitt. Interim occiso tyranno Phoca, quum Heraclius, qui ei successerat, bellum adversus Persas suscepisset, illis multis proeliis bello VII. annorum victis, Romanas omnes provincias, quas Persæ invaserant, recepit. Persarum fines ingressus, multa oppida & urbes occupavit, Persas omnino attrivit, regem Chosroem interfecto, filio ejus Adhegrem regnum sub certis conditionibus concessit. Hoc bello ita Romanorum & Persarum vires attrita sunt, ut utriusque imperii ruina

haud longe post sequuta sit. Nam statim pace inter Romanos & Persas facta, Sarraceni Arabia populi duce Mahometh pseudo-propheta, quum tumultuari cœpissent, quidquid Romani in Arabia possidebant, eis ademerunt, Bosraque colonia devallata, in Syriam & Ægyptum prædas agere, & finitimas regiones, quæ Romanis parebant, vexare cœperunt. Post Mahometh Eubokaras, qui ei successit, brevitate imperii haud multa egisse memoratur, in ipso belli initio quod Romanis inferre paraverat, occisus est. Tertius Arabum princeps Haomar fuit, qui bellum ab Eubokara comparatum suscipiens, cum infinita Arabum multitudine Ægyptum primo intravit, quam Alexandria capta Romanis ademitt; mox Syriam omnem & Palæstinam pervagatus Hierosolymis, Damasco, & magna Antiochia in potestatem redactis, Romanis aliquot præliis fuis, omnes Romanas provincias in dedicationem accepit, quæ ab Ægypto & Nili ostiis ad Antiochiam usque Syria, proximamque Ciliciam terminantur: in his Palæstina & Phœnice fuere. In interioribus vero regionibus ad Euphratem usque, ut Armeniam, Mesopotamiam, ceteraque omnia, quæ tunc eo Romani possidebant, Edeffa metropoli capta, vi eis eripuit, quum Romanorum vires recentissimo Persico bello attenuatae, Sarracenorum potentia impares essent. Romano imperio ita aliquot provinciis truncato, Sarraceni bellum Perlis intulerunt, quorum tunc rex erat Ormisda, quo ab his aliquot præliis victo, Persarum omne imperium occupare, orientemque omnem, quem Assyrii primum, deinde Medi, post Persæ, ad hæc Macedones, mox Parthi, iterum Persæ occupaverant, novissime his imperio multatis Sarraceni duce Haomaro obtinuerunt. Memorabilis admodum apud Arabes Haomar fuit, ab iis non minus celebratus, quam a Romanis Cæsar, a Macedonibus Alexander, & a Peris Cyrus. Tanti enim imperii conditor fuit, infinitas gentes bello domuit, duo potentissima imperia laceravit, alterum ex iis funditus excidit, alterum magna imperii parte privavit, quæ omnia hoc uno magis admirabilia redduntur, quod intra sex annorum spatium tot tantaque gessit, quæ cujusvis præterea præstantissimi dum vitam omnem fatigare potuissent. Ægyptus autem & Suria a Sarracenis occupatae sunt annis Christi DCXXXV. DCXXXVI. & DCXXXVIII. Heraclio Romanis imperante. Imperium orientis penes Sarracenos annos pene CCCXX. fuit. Nam circa annum Christi ∞ LXX. a Turcis bello victi, his conditionibus ipsi imperii summam reliquerunt, ut Mahometh sectani relicta idololatria susciperent, Sarracenorumque sacris initiarentur: quod a gente barbara & dominandi avidissima haud diffucile intratum est. Atque ita quum Turcæ Sarracenorum superstitionem suscepissent, eis cedentibus Orientis imperium ad se postremo transulerunt.

Cyprus, Rhodus, & Creta Insule a Sarracenis occupatae.

Post Haomarum dux Arabum fuit Othmen, quo rege Sarraceni Africæ Cyreneicæ partem, quæ Ægypto contermina est, invasere; mox ingenti classe comparata, duce Mahuia Cyprum insulam Romanis ademerunt anno Christi DCXLVIII. Ab iisdem haud multo tempore post Creta & Rhodus occupatae. Ex quibus Cyprum ab imperatoribus Græcis recuperatam reges Hierosolymorum Latini a Salhadino Palæstina pulsi, sub regni nomine eam multis annis tenuerunt, donec mortuo sine mactula prole novissimo eorum rege, insula Venetis cecit. Cretam item a Basilio Græco imperatore receptam Veneti forte obtinuerunt, quum ipsi cum Francis orientis imperium Comnenis imperatoribus exactis sibi vendicavere. Rhodum milites Hospitalarii ceperunt, multisque annis summa cum reum gestarum gloria & felicitate obtinuerunt. Qui

quum Turcis infinita inferrent damna, a Solimano Turcarum imp. bello cum ingenti apparatu periti, prodicione magis quam vi imperio insulæ exacti sunt, eaque a Turcis hæcenus possidentur.

Asia minor amissa.

Post Suræ, Phœnicis, Palæstinæ, Ægypti, Mesopotamiæ, & Armeniæ amissionem, Sarraceni proximæ Ciliciæ, Cappadociæ, & reliquis minoris Asiæ provinciis inhiare cœperunt. Quamquam autem variis bellis multæ Græcorum civitates eorum provinciis finitimæ amissæ, multæ etiam recuperatæ, Arabum tamen vis superior semper visa est. Hi paulatim serpendo, latiusque eorum virus diffundendo, sensim Cappadociam, Ciliciam, & Galatiam Græcis imperatoribus longo tempore ademerunt. Eorum vero vis in dies semper aucta est, donec imperium orientis penes Arabes Sarracenos fuit. Quibus a Turcis bello superatis & in servitutem redactis, ut ad nova imperia fere semper usu venit, quæ qui obtinent, initio sibi famam, & gloriam comparare student, Turcæ sub eorum primo rege Selduch bellum Græcis intulerunt. Constantinopoli tum imperium obtinebat Romanus cognomine Diogenes. Qui ingenti comparato exercitu in Asia Turcis occurrit. Proelio commissio Græcorum exercitus a Turcis ad internicionem fere cæsus est, Imperator captus, & tunc Asia omnis, id est, Pontus, & Bithynia, Phrygia, Lydia, Caria, Lycia, Pamphylia, Lycæonia, Pisidia, & reliquæ omnes transmarinæ provinciæ, quæ sub Græcorum imperio adhuc reliquæ fuerant, a Turcis occupatæ. Contigit Christiano nomini funestissima clades VIII. Kal. Octobris, anno Christi ∞ LXXXI. Asiæ maiorem partem a Turcis possessam aliquot annis post sacra militia, quæ toto occidente collecta in Palæstinam profecta est, recuperavit, eamque ex fœdere usque ad Antiochiam Syriæ Constantinopolitano imperatori restituit, circa annum Christi ∞ c. Quam Græcis iterum Turcæ sub Othomano, Orcane, Amurate, Paizete, Mahomete, & ceteris Othomanicæ gentis regibus cum omni imperio orientis eripuerunt.

Reliquæ Europæ Provinciæ deperditæ.

Istrian, Dalmatiam, Illyricum, & Epeirum, quæ mari alluuntur, Veneti Græcis imperatoribus paulatim, harum vero regionum partem Venetis Turcæ postea ademerunt. Ipsarum autem regionum mediterranea versus Dravum & Savum Istrumque flumina Hunni primum, mox receptas Hungari invaserunt, Mæliam & Thraciæ partem Pannoniam versus Bulgari & Turcæ sub imperatoribus Comnenis occupavere. Macedonia, Achaja, Græcia, & reliqua Thraciæ pars, in qua Constantinopolis sita est, cum orientis imperio concidere, quamquam eas provincias & sæpe amiserint, & sæpe etiam Græci imperatores recuperaverint. Orientis imperium, quod a magno Constantino Augusto fundatum, insigni rerum gestarum gloria mille & amplius annos perduraverat, Constantinopoli IV. Kal. Junii, anni ∞ CCCLIII. capta, occiso Constantino XV. Palæologo imperatore, Mahometes Turcarum rex vi occupavit. Hic præter Constantinopolim, Trapezantem in Ponto cepit, XII. regna Christianis ademit, CC. urbes occupavit, Chalcim armis, Scodram deditione Venetis abstulit, bello maritimo Capham expugnavit, Italiæ Hidrunte capta arma intulit, Peloponnesum & alias orientalis imperii in Europa provincias obtinuit, & si quid veteris illius Romani imperii reliquum fuerat, omnino extinxit. Cuius vestigia successores ejus Bajazetes, Selymus, & Solimanus sequuti, maximas Christianis clades intulerunt. Ita igitur, quanta maxime brevitate potui, imperii Romani excidium, provinciarumque omnium amissionem singulatim exposui: quæ omnia quo facilius memoriæ mandentur, brevem omnium, quæ dixi, epilogum suggeram.

A) *Imperii Romani Provinciæ quoque tempore amissæ.*
Italia ab Ostrogothis occupata, iis exactis a Longobardis primum, deinde a Francis sub rege Carolo magno.

Sicilia, Sardinia, & Corfica ab Ostrogothis, ab imp. orientalibus receptæ, a Sarracenis obtentæ.

Quibus Sicilianis Nortmanni,

Corlicam & Sardiniam Hispani eripuerunt.

Britanniam Scoti, Picti, Angli, & Saxones invaserunt.

Hispaniam Vandali & Alani, iis pulsus Visigothi primum, deinde Sarraceni, mox Sarracenis exactis, iterum Visigothi obtinuerunt.

B) Gallias Vandali & Alani primum, iis eiectione Visigothi, post quos Franci & Burgundiones.

Dacia trans Danubium ab Aureliano imperatore relicta fuit.

Pannonia, Mæsia, Noricum, & Rhetia ab Hunnis, Ostrogothis, Longobardis, & Hungaris occupatæ.

Illyricum & Dalmatia ab Hunnis, receptæ ab imp. post a Venetis, Hungaris, & Turcis.

Thracia a Gothis, Hunnis, Bulgaribus, & Turcis. Macedonia, Græcia, &c. a Turcis cum imperii excidio.

C) Africa ab Alanis & Vandalis, recuperata ab imperatore, a Sarracenis occupata.

Insula Cyprus a Sarracenis, recepta ab imp. a regibus, deinde a Venetis obtenta.

Insula Creta a Sarracenis, recuperata ab imp. a Venetis occupata.

Insula Rhodus a Sarracenis, recuperata a militibus Hospitalariis, a Turcis per vim occupata.

Provinciæ Transigritanæ, & Mesopotamiæ pars a Persis.

Ægyptus, Syria, Phœnicis, Palæstina, Armenia, Mesopotamiæ reliqua pars a Sarracenis primum, deinde a Turcis.

D) Asia minor omnis a Turcis obtenta, recuperata a Gallis, iterum a Turcis occupata.

Reliquæ maris mediterranei insulæ fere omnes a Sarracenis occupatæ fuerant, multæ ex his a Christianis receptæ, denuo a Turcis obtentæ sunt.

C A P. XXX.

Imperatores Romani.

QUUM ego sæpe multorum Romanorum principum in hisce meis commentariis mentionem fecerim, qui vel novas provincias acquirerint, vel amiserint, aut amissas recuperaverint, res postremo desiderare videtur, ut quemadmodum de regibus Parthorum, Persarum, & Sarracenorum feci, ita etiam Romanorum principum seriem hic subijciam, ut quo tempore unusquisque eorum, vel quo ordine res ab ipsis gestæ fuerint, facilius intelligatur.

Anni C. Julius Cæsar dictator imperavit annis IV.

Xp7 Imp. Cæsar Augustus imperavit annis LVI.

15. Ti. Julius Cæsar Augustus imperavit annis XXIII.

38. C. Julius Cæsar Augustus Caligula annis IV.

42. Ti. Claudius Cæsar Augustus annis XIV.

55. Nero Claudius Cæsar Augustus annis XVI.

F 69. Ser. Sulpicius Galba imp. Cæsar Aug. mens. VII.

70. Imp. M. Salvius Otho Cæsar Aug. mens. III.

70. A. Vitellius imp. Aug. imperavit mens. VIII.

70. Imp. Cæsar Vespasianus Augustus annis X.

80. Imp. T. Cæsar Vespasianus Augustus annis II.

82. Imp. Cæsar Fl. Domitianus Augustus annis XV.

97. Imp. Nerva Cæsar Augustus annos II.

99. Imp. Cæsar Nerva Trajanus Augustus annos XX.

118. Imp. Cæsar Trajanus Hadrianus Aug. an. XXI.

139. Imp. Cæsar T. Ailius Hadrianus Antoninus Pius Aug. imperavit annos XXIII.



569

- 162 Imp. Cæsar M. Aurelius Antoninus Aug. an. XIX.
162 Imp. Cæsar L. Aurelius Verus Augustus annos IX.
181 Imp. Cæsar M. Aurelius Commodus Aug. an. XIII.
194 Imp. Cæsar P. Helvius Pertinax Aug. mens. III.
194 Imp. Cæsar M. Didius Julianus Aug. mens. II.
194 Imp. Cæsar L. Septimius Severus Aug. an. XVIII.
212 Imp. Cæsar M. Aurelius Antoninus Caracalla Augustus imperavit annos VI.
218 Imp. Cæsar M. Opellius Macrinus Aug. annum I.
219 Imp. Cæsar M. Aurelius Antoninus Alagabalus Augustus imperavit an. III.
223 Imp. Cæsar M. Aurelius Alexander Aug. an. XIII.
236 Imp. Cæsar C. Julius Maximinus Aug. an. III.
254 Imp. Cæsar D. Cælius Balbinus Aug. annum I.
238 Imp. Cæsar M. Clodius Maximus Pupienus Augustus an. I.
239 Imp. Cæsar M. Antonius Gordianus Aug. an. VI.
245 Imp. Cæsar M. Julius Philippus Augustus an. V.
250 Imp. Cæsar Cn. Messius Decius Aug. an. II.
252 Imp. Cæsar A. Vibius Trebonianus Gallus Augustus an. II.
252 Imp. Cæsar A. Vibius Hostilianus Aug. an. II.
354 Imp. Cæsar P. Licinius Valerianus Aug. an. VI.
254 Imp. Cæsar P. Licinius Gallienus Aug. an. XV.
269 Imp. Cæsar Fl. Claudius Aug. an. II.
271 Imp. Cæsar L. Domitius Aurelianus Aug. an. V.
276 Imp. Cæsar M. Flavius Tacitus Aug. mens. VI.
277 Imp. Cæsar M. Aurelius Probus Aug. an. V.
282 Imp. Cæsar M. Aurelius Carus Aug. an. II.
283 Imp. Cæsar M. Aurelius Carinus Aug. an. II.
283 Imp. Cæsar M. Aurelius Numerianus Aug. an. I.
284 Imp. Cæsar C. Valerius Diocletianus Aug. an. XX.
286 Imp. Cæsar M. Aurelius Maximianus Aug. an. XVIII.
304 Imp. Cæsar Fl. Valerius Constantius Aug. an. II.
304 Imp. Cæsar C. Galerius Maximianus Aug. an. VIII.
306 Imp. Cæsar Fl. Valerius Constantinus Maximus Aug. imperavit an. XXXI.
337 Imp. Cæsar Fl. Julius Constantius Aug. an. XXV.
337 Imp. Cæsar Fl. Valerius Constantius Aug. an. XIII.
361 Imp. Cæsar Fl. Claudius Julianus Aug. an. II.
362 Imp. Cæsar Fl. Jovianus Aug. mens. VIII.

Imp. Romani Occidentales.

- 364 Imp. Cæsar Fl. Valentinianus Aug. an. XII.
375 Imp. Cæsar Fl. Gratianus Aug. an. VIII.
383 Imp. Cæsar Fl. Valentinianus Junior Aug. an. IX.
392 Imp. Cæsar Fl. Theodosius Aug. an. II.
395 Imp. Cæsar Fl. Honorius Aug. an. XXIX.
424 Imp. Cæsar Fl. Joannes Aug. an. I.
425 Imp. Cæsar Fl. Placidius Valentinianus Aug. an. XXX.
455 Imp. Cæsar Fl. Maximus Aug. mens. III.
456 Imp. Cæsar Fl. Avitus Aug. mens. X.
457 Imp. Cæsar Fl. Valerius Majorianus Aug. an. IV.
461 Imp. Cæsar Fl. Vibius Severus Aug. an. IV.
467 Imp. Cæsar Fl. Anthemius Aug. an. V.

- A 473 Imp. Cæsar Fl. Anicius Olybrius Aug. mens. IV.
474 Imp. Cæsar Fl. Glycerius Aug. an. I.
474 Imp. Cæsar Fl. Julius Nepos Aug. an. I.
475 Imp. Cæsar Fl. Momyllus Aug. mens. X.
476 Hoc, quum ab Odoacre coactus esset, abdicante, imperium occidentale populi Romani defecit, Gothis Italiam & urbem sub regio nomine obtinentibus. Fuitque in occidente interregnum annorum CCCXXV. usque ad Caroli Magni Francorum regis imperium.
Post Augustum Momyllum cognomine Augustulum, Italiæ reges fuerunt Odoacer, Theodericus, Athalaricus, Theodahatus, Vitiges, Araricus, Hildebrandus, Totilas, & Theias. Quo bello victo, & Gothis pulsus, Italia imperio orientis attributa est. Quam quum Longobardi occupassent, Francorum armis ducentesimo anno post in libertatem vindicata est.

Imp. Romani Orientales.

- 364 Imp. Cæsar Fl. Valens Aug. an. XIV.
379 Imp. Cæsar Fl. Theodosius Aug. an. XVI.
395 Imp. Cæsar Fl. Arcadius Aug. an. XIII.
408 Imp. Cæsar Fl. Theodosius Junior Aug. an. XLII.
450 Imp. Cæsar Fl. Marcianus Aug. an. VI.
457 Imp. Cæsar Fl. Leo Aug. an. XVII.
474 Imp. Cæsar Fl. Zeno Aug. an. XVII.
491 Imp. Cæsar Fl. Anastasius Aug. an. XXVII.
518 Imp. Cæsar Fl. Justinus Aug. an. IX.
527 Imp. Cæsar Fl. Justinianus Magnus Aug. an. XXXIX.
565 Imp. Cæsar Fl. Justinus Junior Aug. an. XI.
576 Imp. Cæsar Fl. Tiberius Constantinus Aug. an. VII.
583 Imp. Cæsar Fl. Mauricius Aug. an. XX.
603 Imp. Cæsar Fl. Phocas Aug. an. VIII.
611 Imp. Cæsar Fl. Heraclius Aug. an. XXX.
641 Imp. Cæsar Fl. Constantius Junior Aug. an. XXVII.
669 Imp. Cæsar Fl. Constantinus Augustus an. XVII.
D 686 Imp. Cæsar Fl. Justinianus Junior Aug. an. X.
696 Imp. Cæsar Fl. Leontius Aug. an. III.
699 Imp. Cæsar Fl. Tiberius Ablimarus Aug. an. VII.
706 Imp. Cæsar Fl. Justinianus Junior Augustus iterum an. VI.
712 Imp. Cæsar Fl. Philippicus Bardanes Aug. an. III.
715 Imp. Cæsar Fl. Artemius Anastasius Aug. an. I.
716 Imp. Cæsar Fl. Theodosius Adramytenus Augustus mens. VII.
717 Imp. Cæsar Fl. Leo Cono Aug. an. XXIV.
741 Imp. Cæsar Fl. Constantinus Copronymus Augustus an. XXXV.
E 775 Imp. Cæsar Fl. Leo IV. Aug. an. V.
780 Imp. Cæsar Fl. Constantinus Porphyrogenitus Augustus an. X.

Ceteros orientis imperatores ideo omissi, quod ad eorum quæ scripti cognitionem hæc ipsorum series sufficiat: quod si quis reliquos cognoscere voluerit, qui tam in oriente quam in occidente usque ad nostra tempora fuerunt, is fastos nostros, eorumque commentarium consulat.

De iis, quorum præcipue opera in his commentariis scribendis usus sum.

NON sum ignarus, quin hæc omnia, quæ his commentariorum libris complexus sum, potuerint multo elegantiore dicendi ratione pro eorum dignitate tractari: ego enim exiguum meam in dicendo facultatem satis perspicio, quippe qui nullum unquam in hac arte, quæ universam hominis ætatem occupare potest, me tempus posuisse sciam. Illud autem omnes intelligant velim, me in indaganda rerum veritate, eaque hominibus demonstranda, quantum in me fuit, elaborasse; qua in re nulli me animi, aut corporis labori pepercisse profiteor, quod idcirco scripsi, quia intelligo nonnullos fortasse futuros, qui ea, quæ ego diuturno studio undique conquisivi, atque sine ullis verborum ornamentis tradidi, sibi ipsis meo nomine suppresso vendicabunt, cum ea pro sua dicendi facultate se ornatus, aut illustrius tractaturos esse non diffidant: quod si unquam venerit, diligentem Lectorem oratum velim, ut ab utro res, ab utro verba effluerint, accuratius consideret, atque meritis utrique sui laboris gratias habeat. Antiquitatis enim & cæterarum disciplinarum cognitio, non verborum splendore, sed rerum gestarum veritate continetur; quod si quis ad res ipsas a se inventas orationis etiam elegantiam adjicere poterit, is nimirum singularis, ac prope divinus homo judicandus erit. Ego quam potui in hoc opere fidem ac diligentiam præstiti, in quo conficiendo multis antiquarum inscriptionum, multis omnium veterum scriptorum testimoniis usus sum, quorum præcipui, præter Varronem, Ciceronem, Dionysium, Livium, Valerium, Paterculum, Solinum, Strabonem, Plinium, Plutarchum, Tacitum, Tranquillum, Appianum, Dionem, Festum, Ovidium, Zosimum, Eutropium, Prosperum, & Procopium, ob argumenti similitudinem fuerunt L. Annæus Florus T. Livii abbreviator, Sex. Rufus, P. Victor, & incerti auctoris liber, cui utriusque imperii notitia nomen est.

Ex recentioribus vero ANTONII AUGUSTINI EPISCOPI ALLIFANI in primis opera & consilio cum in toto opere, tum præcipue in secundo & tertio libro, ubi de tribubus, coloniis, municipiis, & eorundem jure disputavi, multum adjutus sum: nihil enim pene de his rebus scripsi, quod non cum eo contulerim; qui incredibili humanitate de his omnibus rebus, de quibus dubitabam, & acutissime respondit, & gravissime disputavit, ita ut illi uni non minus quam mihi hunc laborem acceptum referre antiquitatis studiosi debeant.

Post eum CAROLUS SIGONIUS MUTINENSIS, cujus de laudibus alio loco pluribus scripsi, maxima mihi ad secundum etiam & tertium librum adjumenta subministravit; hunc enim unum ut ingenio singulari & in tota Romana antiquitate, scientia, ac judicio prope incredibili præditum, sic eximia humanitate ornatum ex iis, qui non Romæ habitent, esse cognovi. Is igitur cum forte eodem tempore, quo ego hunc librum Veneriis excudebam, vetera civium Romanorum atque præscorum Italicorum jura in iis libris, quos de antiquo civium Romanorum & Italiæ jure inscripsit, literis ac memorie commendaret, præclara mihi sæpe sua consilia communicavit, quibus ut nihil ad veterem illustrandam Italiam aptius esse judicavi, sic ea sæpe ad has institutiones meas Romani imperii conscribendas adhibui.

NICOLAI GRUCHII ROTOMAGENSIS GALLI, viri doctissimi & Romæ antiquitatis peritissimi, libro quoque de comitiis usus sum; in quo universam veterum comitiorum rationem accuratissime explicuit. Ei multum Galliam, quæ est natale solum, sed plus Italiam, & urbem Romam debere existimo, a quo elegantibus & eruditione plenis commentariis, hoc nostro tempore multum decoris & in rebus obscurissimis splendoris acceperunt.

Quum ad propositi mihi operis finem tandem pervenerim, Cæsar Auguste, quod, dum honestissimo ocio, ab optimo & gravissimo viro ALEXANDRO FARNESIO Cardinale amplissimo patrono meo mihi liberalissime concessio fruor, absolvi: nunc reliquum est, ut quod initio precatus sum, iterum Majestati tuæ suggeram, ut laborem hunc meum Augusto nomine suo comprobet, meque inter eorum numerum esse intelligat, qui eam, ejusque incredibiles virtutes observant, colunt, & venerantur.

PAULLUS MANUTIUS

D E

COMITIIS ROMANORUM.



*U*n in plenis corporibus, in quibus ex magna copia distensio, & ex distensione corruptio generatur, facile exoriuntur morbi: sic in magnis civitatibus, ubi ex dispari fortuna dissimiles esse civium voluntates necesse est, graves discordia, periculosaeque seditiones existunt. Qui sunt cum omnium pene Rerumpublicarum communes morbi, tum ita difficiles, ut paucae convalescant. Tunc enim periculose corpus aegrotat, cum sanari, nisi membrum amputes, non videtur posse. At corruptum membrum, unde corpus afficitur, ita saepe vitale est, ita cum reliquis membris colligatum, ut, si amputes, vis reliqui corporis universa dissolvatur. Eadem est in civitatibus ratio. Cum ab optimatibus dissentit plebs, nihil mali non timetur, nisi plebem aut corrigas, aut tamquam vitiosum membrum a civitatis corpore semoveas. Corrigere multitudinem, cum semel a recto desciverit, non facile licet. Quia, quemadmodum mentis vitio peccat, sic eodem vitio peccare se non intelligit, & monere volentibus irascitur. Ergo adversus desipientem non habet, ut quidem videtur, ratio praesidii satis. Consideremus vim. Vi cum plebe si ages, sive vincaris, sive vincas, utrumque civitatis exitium est. Nam si vinceris, consequuntur iniquissima, optimatum bona diripiuntur, caedes committuntur, nihil jure geritur, nihil more, pro legibus libido, pro ratione temeritas dominatur. Quod si contigerit, ut vincas, caesa plebe, aut ejecta, tu quidem otio & tranquillitati consulueris; sed civitas deinde languet, quasi corpus a sanguine destitutum. Vires enim in plebe, consilium in optimatibus est. Et quemadmodum sine consilio vires non modo non utiles, verum etiam perniciosae sunt: sic sine viribus consilium, non illud quidem perniciosum, sed inutile tamen est. Quare, qui alterum ab altero sejungit, periculose facit. Utraque si coierint, & in Reip. salute consenserint, nihil firminus, nihil ad perpetuitatem praestabilius est. Sed mihi hoc toto de genere consideranti, & ea, quae legi, aut accepi, memoria colligenti, vix ulla Civitas videtur in omnibus saeculis fuisse, quae fortem ac pugnacem in bellis populum, eundemque in urbe sedatum, ac rerum novarum minime cupidum habuerit. Id adeo ex humani ingenii quadam intemperie fit. Nam fere omnes homines, ubi, quod habent, eo plus se posse consequi confidunt, avide appetunt atque exposcunt. Populus Romanus (hic est enim, quo nostra spectat oratio) perpetuas belli gerendi causas partim habuit a fortuna, partim etiam ipse consulto quasivit. Multos Reges perdomuit, innumerabiles populos debellavit, sua virtute effecit, ut Romanum Imperium iisdem fere, quibus orbis terrarum, terminis definiretur. Et hic ipse populus, qui foris utilissimus fuit, & Remp. ab externo metu plane tutam tranquillamque reddidit, idem domi quantas tempestates excitavit? Senatum primo superiorem non tulit, deinde ne parem quidem: donec omnia publica jura optimatibus erepta ad se transtulit. Utrum igitur praestet, strenuum esse populum in civitate, & bellica virtute praestantem, qualis Romae fuit, eundemque seditiosum, & semper nova quarentem; an vero imbellem, qui legibus libenter pareat, qui otio gaudeat, qui tutam condicionem turbulentis conatibus anteponat; ego quidem non facile dijudicaverim. Summum enim utrimque discrimen occurrit. Bellicosus populus libertatem seditionibus perdet, imbellis oppugnatam ab hoste civitatem non tuebitur. Hic video, quam praeclearum esset, quae in utramque

partem in hoc genere disputari possunt, colligere. Sunt enim sane plurima: neque me revocat animus; qui etiam invitat: sed neque fert instituta narratio tam longi sermonis argumentum, & ad examinandam hujusmodi questionem, qua nescio an ulla gravior, difficiliusve sit, aptior, ut puto, locus erit in eo libro, quem de tribus Rebus publicis conscribere in animo est. Hic tantum illud dicam, quod ad susceptam rem attinet, plebi potestatem nunquam tuto committi, sed in Regno minus periculose, quam in Rep. non enim ibi facile seditiones excitantur, ubi absolutum unius imperium timetur, & minor est plebis in unum invidia, quam in multos. Itaque, si prima Urbis Romæ repetamus initia, peccasse quidem in eo Romulus videtur, cum plebi Comititia commisit; sed multo magis Senatus, cum, ejectis Regibus, leges ad augendam plebis potestatem a Consulibus ferri passus est. Sed nihil magis publicam libertatem quam tribunicia potestas evertit. Illa civilium malorum tanquam fons & origo fuit. De quo quid sentiam, in libro de Senatu, quam brevissime potui, satis tamen, ut puto, significanter exposui. Nunc agemus de Comititiis, difficili & impedita materia: in qua colligenda atque examinanda cum studiose admodum & perattente sum versatus, factum tamen est, ut nulla mearum Antiquitatum in parte minus ipse mihi satisfecerim. Tentandum tamen duximus; neque committendum, ut, si minus ea, quæ summa sunt, quæ fortasse alii præstabunt, consequi non licet; ea, quæ posita sunt in nobis, quæ utinam mediocria sint, non exsequamur.

C A P U T I.

De populi Romani potestate.



AGNAM in Comititiis atque adeo summam Populi Romani potestatem ab ipso fere Urbis initio fuisse inde constat, quod post interitum Romuli Senatus decrevit, ut is Romæ regnaret, quem Populus Romanus iussisset. Quod in Regibus creandis institutum, mox & in magistratibus servatum est. Omnes enim, præter Interregem, & Dictatorem, qui extra ordinem creabantur, Comititiis in Campo Martio Populus jubeat. Verum quia Populus, modo in Tribus, modo in Curias, modo in Centurias distributus, suffragium tulit, unde Tributa, Curjata, Centuriata comitia nomen acceperunt; operæ pretium videtur esse, priusquam ad ipsa Comititia veniamus, in Tribubus, Curiis, Centuriis paulisper consistere: ne, cum illa tractabimus, quæ satis ipsa sunt obscura, rei difficultatem etiam nominis augeat ignoratio.

C A P. II.

De Tribubus.

PRINCIPIO tres tantum Tribus fuisse, quas Romulus instituit, Ramneses, quos & Ramnes Varro, Horatius, Festusque nominant; Titientes, Luceres; & Plutarchus in Romulo, & Pedianus in Verrinarum commentario, & Varro libro IV. & Livius etiam libro X. scriptum reliquit. Nam libro I. idem Livius, ubi mentionem de Tribubus ordo historię postulat, silentio præterit. Tantum ait, centurias tres equitum conscriptas, Ramneses a Romulo; Titientes a Tito Tatío Sabinorum Rege; Luceres, cujus nominis & originis incertam esse

causam dicit. Sed Pedianus hoc nomen a Lucumone, quem ex Etruria opem Romulo tulisse Sabinorum bello Dionysius scribit; sive a Lucretino, sive a luco, quem lucum asylum nominaverat Romulus, derivatum tradit. Junius Gracchus, quem sæpe Varro nominat, a Lucumone putat. Plutarchus a luco asyli. Cujus mihi ad veritatem propensior opinio videtur: ut ex tribus hominum generibus, Romanis, Sabinis, advenis, tres tribus factæ sint: sicuti & ad habitandum tria loca erant, Palatinus mons Romanis; Capitolium Sabinis; asylum advenis. Festus a Lucero, Ardeæ Rege, qui Romulo, adversus Tatium bellanti, auxilium tulit. De Lucretino, qui consentiat, invenio neminem, nisi quod eisdem & Lucenses & Luceres appellatos in Festo legimus. Titientem etiam potius, quam Tatientem, idem Festus nominatum significat, a Tatii Regis prænomine: a quo & curiam Titiam dictam ait. Quod autem scribit Livius de centuriis, accipiendum est, ex tribus tribubus centurias esse delectas, & a sua quaque tribu denominatam. Cujus in sententiam eo libentius inclino, quod & eam tribum, quam a se ipso Romulus Ramnes nominavit, non a nomine, sed a prænomine deductam video. Nam Romulus prænomen fuit; nomen autem Silvius, a matre Silvia, cum ignoraretur pater. Sic & Amulius & Numitor, qui Albæ regnarunt, e gente Silvia: quos a prænominibus antiqui nominarunt. Ideo Numitoris filia, quæ Romulum & Remum peperit, Silvia dicta est. Quæ Romam translata consuetudo viguit in feminarum nominibus; omnes enim a familia nuncupabantur. Prænomena igitur, Amulius, Numitor, Romulus, Remus, Numa, Ancus, Tullus, Lucumo, quæ tamen posterioribus temporibus omissa sunt, puto, quia Regis prænomine in Rep. nominari odiosum videretur. Quare quod Festus litteris tradidit, facile verum existimam; a prænominibus duorum Regum Ramnes & Titientes esse dictos; cum & M. Varro modo Ta-

tientes,

tientes, modo Titienſes appellet. Crederem & Luceres a prænomine Lucumone: niſi me illa ratio, quam Plutarcho aſſentientiſ proxime expoſui, commoveret. De tempore, quo ſunt inſtituta, utrum Dionyſius vere ſcripſerit, dubitari poteſt. Ait enim, ab ipſo ſtatim Urbis initio factas eſſe. Cui ſententiæ ipſarum nomina repugnant. Nam, ſi Titienſes & Luceres dictæ duæ ſunt, certe non Urbis initio, ſed poſt receptos in Urbem Sabinos & Tuſcos inſtitutæ eſſe, conſtat. Quod & Plutarchus aperte narrat. Quod ſi Dionyſium ab errore placet vindicare, tempora diſtinguemus, & diſiſum quidem in tres partes a Romulo populum ſtatim poſt Urbem conditam fatebimur: ſed eas partes ante Sabinum bel-

litam nomina ſumpliſſe negabimus. Idque nec Dionyſium fortaſſe latuit: qui, cum de tribuum diſiſione meminit, earum nomina non ponit: quali, cum inſtitutæ ſunt, nominatas continuo non eſſe ſignificet. Quod ſi cui verſimilius videtur, eas partes eodem tempore & factas eſſe & nominatas: huic ego quoque opponam, verſimilius videri, curias xxx. quæ de publicis rebus ſuffragium ferrent, ante receptos Sabinos, quam poſt, eſſe factas; alioqui nullam Romulus in Urbe inſtituenda publici juris adminiſtrandi rationem habuiſſet. Quod ſi de curiis concedimus, de tribubus negari non poterit: nihil enim aliud curiæ, quam diſiſæ tribus ſunt. Si ergo curiæ ſimul & tribus ab Urbis initio fuerunt, ut & Dionyſius tradit, & ipſa ratio demonſtrat, nominari tribus eodem tempore, quo factæ ſunt, non potuiſſe, maniſeſtum eſt: cum non Urbis initio Titienſis (ut Lucerum dubiam etymologiam omittam) nomen acceperit, ſed, conſecto Sabino bello, ab ipſo Sabinorum Rege Tito Tatius: quod inter omnes conſtat. Tucamur igitur Dionyſium, diſiſtione temporum; Plutarchum autem, qui poſt receptos Sabinos tribus ait eſſe factas, opinione falli, eo minus miror, quod eundem aliis in locis non ſatis certum eſſe antiquitatis auctorem animadverti.

Hac de trium tribuum tempore dubitatione explicata, aut certe, ut ab aliis explicetur, plane demonſtrata, pergemus in re; & ruſus, tamquam ab alio principio ordientes, aggrediemur.

Tres Romanorum Reges populum univerſum diſiſtis temporibus in partes diſtribuerunt, Romulus, Tarquinius Priſcus, Ser. Tullius: Romulus in tres, quas propterea tribus nominavit, Ramnenſes, Titienſes, Luceres; Tarquinius in ſex, quas vocavit primos & ſecundos Ramnenſes, Titienſes, Luceres; Servius in triginta. De Romuli & Servii diſiſtione ſatis plane libri loquuntur. De Tarquinio qui ſcripſerit invenio neminem. Tantum conjecturis ducor ad ſuſpicandum; nam, cum Feſtus Pompeius ſex Veſtæ Sacerdotes ideo conſtitutas eſſe dicat, ut populus pro ſua quique parte haberet miniſtram ſacerorum, quia civitas Romana in ſex eſſet diſtributa partes, in primos ſecundoque Titienſes, Ramnenſes, Luceres. Et cum in Dionyſio legam, Tarquinius ad quatuor Veſtales duas addidiſſe, ut omnino ſex eſſent, creſcentibus ſacrificiis pro Urbe faciendis, quibus Veſtæ Sacerdotes intereſſe opus erat: ex Feſti & Dionyſii verbis elici videtur hoc poſſe; & in ſex tribus civitatem a Tarquinio diſtributam, trium veterum tribuum nominibus non mutatis; & pro numero tribuum ſex item Veſtales eſſe factas. Quod eo magis exiſtimo, quia ſcriptum apud Livium animadverti, Tarquinius, cum centuriarum numerum, quas Romulus ſcripſerat, augere velle, ut in bellis abæquitatur eſſet firmior, de nominibus nihil mutare, numero tantum alterum addeciſe, ut mille & trecenti equites in tribus centuriis eſſent; eaſque deinde, quia geminatæ ſint, ſex centurias eſſe dictas. Eſt quidem Livius in hac parte, dum ad Auguſti tempora feſtinat, paulo negligentior. Nam ego ita ſtatuo; cum tres centurias,

ſingulas ex ſingulis tribubus, Romulus ſcripſiſſet, Tarquinius primum Urbem in ſex partes ita diſtribuiſſe, ut tres tamen veteri nomine tribus appellarentur; deinde, ad Romuli exemplum, ex ſingulis partibus centuriæ quoque geminarentur: quæ tamen non ſex, ſed, ut antea, tres centuriæ dictæ ſint: ſicuti & ſex Urbis partes trium tribuum nomine ſunt appellatæ. Quod lib. X. Livius oſtendit, his verbis: *Inter augures conſtat, imparem numerum augurum debere eſſe; ut tres antiquæ tribus, Ramnenſes, Titienſes, Luceres, ſuum quæque augurem habeant; aut, ſi pluribus ſit opus, pari inter ſe numero ſacerdotes multiplicent; ſicut multiplicati ſunt, cum ad quatuor addeſſi quinque, ut terni in ſingulis eſſent, expleverunt.* Maniſeſte veteres tribus, non modo poſt Ser. Tullii diſiſtione, ſed etiam poſt triginta quinque tribus jam factas, tres dumtaxat fuiſſe dicit: non quod verus illa Romuli, aut Tarquini diſiſtione perpetua fuerit: totam enim Servius Rex mutavit, novis tribubus novo nomine conſtitutis: ſed quod ejus tamen in augurum creatione habita perpetuo ratio ſit; veneratione quadam antiquitatis, & vetuſti in numero Augurum inſtituti: ſicuti & triginta curiarum numerus manſit ad rationem trium veterum tribuum; quas in denas curias diſtributas eſſe a Romulo, jam diximus. Poſt Romuli in tres & Tarquini in ſex partes diſiſtione, Ser. Tullius, aucta civium multitudine, urbanam & agreſtem multitudinem ita diſtribuit, ut Urbis incolæ in quatuor tribubus eſſent; quas a partibus Urbis, Exquilinam, Collinam, Palatinam, Suburanam, cognominavit; ſtatuique; in unaquaque qui habitarent, & ut in ſua quique tribu, ſive in militia, ſive in tributum, nomen daret: agreſtem autem multitudinem utrum in tribus viginti ſex, an in triginta & unam diſiſerit, Dionyſius lib. iv. non declarat; tantum dicit, in hiſtoria Fabii Picſtoris ſcriptum eſſe, viginti ſex tribus ex agreſti populo factas eſſe, ut omnino triginta fuerint: ſed Q. Vennonium & ipſum in ſua hiſtoria tradere, ad quatuor urbanas tribus unam & triginta agreſtes eſſe addectas: ut expletus ſit numerus xxxv. qui auctus poſtea non ſit.

Ego ſequor Fabii potius, quam Vennonii teſtimonium: & quatuor tribus ex Urbe, viginti ſex e regione, factas eſſe puto. In quo Livius etiam conſentit, qui libro II. tribus ait unam & triginta Romæ factas eſſe: & libro vi. quatuor tribus, quæ xxxv. numerum explevere, additas eſſe narrat, Tromentinam, Sabatinam, Stellatinam, Arnienſem. Nec diſſentire videtur ipſe Dionyſius libro v. qui, Claudiam tribum Reip. temporibus addectam eſſe, teſtis eſt. Scribit enim ſic: *Ἀπὸ δὲ τῆς βουλῆς ὁ δῆμος εἰς τὰς πατρικίας αὐτὸν ἐνέγραψε, καὶ τὸ πλῆθος μοῖραν ἔασεν ὅσῃ ἐβούλετο, εἰς κατασκευὴν οἰκῶν: χώραν δὲ αὐτῷ προσέθηκεν ἐκτὴς δημοσίας ἢ μετὰ τὸ φιδίνης, καὶ Πικεντίας, ὡς ἔχοι δανείμει κλήρους ἅπασιν τοῖς περὶ αὐτὸν, ἀφ' ὧν καὶ φυλὰς τις ἐγένετο σὺν χρόνῳ, Κλαυδία καλεμένη, καὶ μέχρις ἐμὲ διέμενε τὸ αὐτὸ φυλάττωσα ὄνομα.* Quod ipſum & in Livio legimus libro II. Quo perſpicuum ſit, triginta ſolum fuiſſe Servio regnante, deinde, additis quinque, Claudia, Tromentina, Sabatina, Stellatina, Arnienſi, xxxv. factas eſſe. Illud explicare non poſſum, cur in Marcii Coriolani iudicio xxi. tantum tribus affuiſſe Dionyſius libro vii. dicat; cum idem libro iv. univerſam civium multitudinem in xxx. tribus (ut minimam diſiſtione ponam) diſtributam eſſe dixerit; turpis hæc ſane eſſet inſtantia, præſertim in re tanta. Sed librarii, qui librum deſcripſit, malo culpam eſſe, quam Dionyſii. Ego enim, quo tempore Coriolanus eſt accuſatus, tribus xxi. fuiſſe puto, xxx. videlicet illas, in quas Urbem & regionem Servius Rex diſiſit, & præterea Claudiam, quæ, poſt ejectiones Reges, P. Valerio Poplicola quartum, T. Lucretio iterum conſulibus addita eſt; non enim, cum Coriolanus damnatus eſt, xxxv. tribuum numerus erat abſolutus, cum Tromentina, Sabatina,

Stellatina, Arniensis ad veteres tribus adjectæ nondum essent: sed, addita jam Claudia, xxxi. erant. Quod autem infert idem Dionysius, ix. tribus abfolvisse Coriolanum; quibus duæ si accessissent, omnino esset abfolutus: hanc supputationem cum mendoso illo xxi. tribuum numero convenire, manifestum est. Quæ si xxxi. fuerunt, abfolutus esse Coriolanum non a ix. sed a xiv. tribus, necesse est: ad quas duæ si accessissent, abfolutus omnino reus esset, abfolventium tribuum numero condemnantium numerum una tribu superante. Condemnatus autem est a tribus tribus abfolventium tribuum numerum superantibus: quod etiam Plutarchus in ejus vita scriptum reliquit. Quod si quis Dionysii librum vacare mendo contenderit, solæque xxi. tribus in eo judicio suffragium tulisse dixerit, non quia plures tribus Romæ tum non fuerint, sed quia non universus populus, verum major populi pars ad judicium illud citata sit, id est, de xxxi. tribus (ut Fabii sententiam sequar) xxi. cum hoc non magnopere pugnabo; mirabor tamen, hoc de genere iudicii, quod ita rarum fuit, ut exemplum ego quidem præterea nullum invenerim, nullam omnino in eo loco neque ab ipso Dionysio, neque a Plutarcho, mentionem esse factam; nec satis æquo animo latuisse eam populi partem crediderim, quæ iudicandi potestate privaretur, præsertim in eo judicio, in quo plebs, ira, & odio in Coriolanum accensa, ulcisci acceptas injurias magnopere vellet. Torquet me non leviter & illud in eisdem Dionysii historiarum libro vii. quod curiata comitia non distinguit a tribus; nam in judicio Coriolani, de quo proxime mentionem fecimus, in quo tribus suffragium tulisse, & ipse, & Plutarchus tradunt; curias tamen, & curiatam concionem nominat: credo, quod, curias nihil aliud esse, quam tribus divisas, judicaret: cum tres tribus in xxx. curias Romulus ab initio divisisset; verum, cum in abfolutione, & condemnatione reorum non curiarum, sed tribuum numerum nominari videam; cumque in eodem judicio suffragium a tribus esset latum, idem Dionysius cum Plutarcho dicat: quæ ratione curias admisceat, non intelligo; aliud enim esse populum curiatim, aliud tributim citare, tum ex Gellio, tum ex aliis, notum est. Quod si curias, & tribus eisdem putavit esse, fœdus error: in quo tamen Festum Pompeium, bonum aliqui antiquitatis auctorem, socium videtur habuisse: qui xxx. curias, in quas Romulus populum distribuit, quinque postea additas esse testatur; non enim curiæ, sed tribus xxxv. fuere. Curias vero numquam plures, quam xxx. fuisse, eo scilicet, qui a Romulo constitutus est, numero, cum, universa multitudo in tres tribus divisa, singulas tribus in denas curias distribuit; patet e Cicerone in Agraria II. & pro domo sua. Aut igitur erravit Festus, quod equidem de homine Romano, eoque antiquitatis perito, vix putarim: aut Paullus ille antistes, qui Festi volumina decurtavit, locum ipse per inscitiam corripuit. Equidem nec Florum satis recte sensisse exiltimaverim; cum in epitome libri xix. duas tribus, multis post exactos Reges annis, adjectas esse dixit, Velinam, & Esquilinam; quod falsum esse pater; quia Esquilina ex quattuor tribubus una fuit, in quas Servius Rex Urbem diviserat: sed Florus fortasse excusandus; qui de historiarum veritate non iudicat; tantum id agit, ut, quæ fœdus a Livio dicta sunt, summam collecta, facilius cognoscantur; at Livium, cui lex historiarum non permittit, ut a veritate discedat, velim equidem a culpa vindicare: sed, unde possim, minime video; scribit enim libro vi. sic: *Tribus quattuor ex novis civibus redditæ, Stellatina, Tromentina, Sabatina, Arniensis, eæque xxxv. numerum explevere*. Libro autem vii. duas tribus ait additas esse, Pomptinam, & Publiliam; & duas libro

ix. Oufentinam, & Falerinam; duasque item libro x. Aniensem, & Terentinam; ut videatur a se ipso dissentire: nam, si libro vi. abfolutus expletusque est omnium tribuum numerus, qui sit, ut alia insuper addantur? Aut igitur Livius inconstanter locutus aut, si talem virum omnino tueri placet, *additas* five *adjectas*, pro *additis* accipiamus. Quod si ille ita sensit, quam proprie sit locutus, alii viderint.

Tres igitur (ut ea, quæ pluribus verbis jam exposuimus, nunc paucis colligamus) ab initio fuere tribus: quæ deinde a Ser. Tulio Rege xxx. factæ sunt, urbanæ quattuor, rusticæ viginti sex. Regibus ejectis, consulibus App. Claudio, P. Servilio, ut ait Livius lib. ii. una & xxx. factæ, Claudia ad eas addita, quas, ut dixi, Servius Rex instituerat; postremo, quattuor adjectis, ad numerum xxxv. ut ait idem Livius lib. vi. quo plures numquam fuere, pervenerunt. Sed oritur dubitatio. Cum nomina tribuum plura, quam xxxv. reperiantur, utrum tribus quoque plures, quam xxxv. fuerint. Ego de nominibus assentior: de numero, id, quod dixi, confirmo, plures quam xxxv. numquam fuisse; nam neque obscurum est, postremis Reip. temporibus xxxv. tantum tribus Romæ fuisse, quæ statum æqualem inauratam L. Antonio, M. Antonii fratri, cum hac inscriptione posuerunt: ut ait Cicero Phil. lib. vi. *QVINQUE. ET. TRIGINTA. TRIBVS. PATRONO. POPVLI. R. Et imperante Trajano totidem fuisse constat; quod indicat antiqua columna, quæ Romæ inter præclara antiquitatis monumenta vilitur, in qua incisæ leguntur hæ litteræ:*

I M P . C A E S A R I
D I V I . N E R V A E . F
N E R V A E . T R A I A N O
A V G . G E R M A N I C O
D A C I C O . P O N T I F I C I
M A X I M O . T R I B V N I C I
P O T . V I I . I M P . I I I . C O S . V
P . P .
T R I B V S . X X X V
Q V O D . L I B E R A L I T A T E
O P T I M I . P R I N C I P I S
C O M M O D A . E A R U M . E T I A M
L O C O R V M . A D I E C T I O N E
A M P L I A T A . S I N T

Cum igitur & Reipublicæ & Imperatorum tempora de xxxv. numero consentiant; neque de veteribus aut Latine quicquam, aut Græce contrascripserit, ratione victi xxxv. tribus fuisse concedamus: necesse est; nomina vero quibuscumque tribubus esse immutata, ex quo numerus earum in dubium venit, facile possumus exiltimare. Id autem Imperatorum ætate factum esse crediderim; nam Camillæ, Horatiæ, Votiniæ, Cluentiæ, Cluviz, Dumiz, Flaviz, Juliæ, Minuciz, Papiæ, Oriculanæ, Ulpiz, quarum nullam in Rep. fuisse quicquam scripsit, in antiquis lapidibus, Juliæ etiam in Dione mentionem invenimus. Nec dubito quin Juliæ Flavizque nomina ab adulatione in C. Julium Cæsarem, & Flavium Vespasianum deducta sint, Scaptia tribu, e qua fuit Cæsar, in Juliam mutata; Suburana, e qua Vespasianus, in Flaviam; similique, nobis ignota, ratio reliquis tribubus mutandi nominis causam attulit; ut Ulpiz, quam de Trajani nomine appellatam esse non dubito: cujus antiquum nomen invenire non licuit. Nec vero xxxv. tribuum antiqua nomina fecernere a novis minimi negotii fuit: quod tamen conati aliquando sumus, utrum consecuti, alii iudicabunt.

Earum nomina primi olim nos in Scholiis ad Epistolas Ciceronis ad Familiares scripsimus. Quæ si quis volet, inde petat.

Nunc, unde nomen accepit, exponamus. Di-
ctæ sunt alia a familiis, ut, Emilia, Claudia, Cor-
nelia, Fabia, Papiria, Sergia, Poblilia, Pollia.
Aliæ ab urbis partibus, ut urbanæ quattuor, Col-
lina, Esquilina, Palatina, Suburana, & una rusti-
cæ, Terentina. Aliæ ab urbibus, quæ vel bello vi-
ctæ, vel ex fœdere, aut amicitia in civitatem rece-
ptæ sunt, ut a Crustumera Clustumina, a Pontia
Pomptina, a Curibus Quirina, a Scaptia Scaptia,
a Faleriis Falerina, a Velia Velina, a Veis Vejen-
tina. Aliæ a fluviis, ut ab Aniene Anienfis, ab Ouf-
fente Oufentina, ab Arno Arnienfis. Aliæ ab agris,
ut a Stellate Stellatina, a Pupino Pupinia, (est
Roma potius dictam Varro putat, quod esset sub
Roma) a campo Tromento Tromentina, a castro
Mæcio Mæcia, a pago Lemonio Lemonia, a lacu
Sabate Sabatina. Galeria, & Voltinia obscuram
nominis originem habent. Sane, cur Padiano vene-
rit in mentem de nominibus Sabinarum plures
tribus esse factas existimare, non equidem satis mi-
rari possum: cum, non modo Romulo regnante,
sed usque ad Ser. Tullii Regis tempora res tantum
tribus Romæ fuisse, satis constat; qui, si non tribus,
sed curias, quæ XXX. fuere, a Sabinis mulieribus
denominatas diceret, propius ad veritatem accede-
ret, cumque Livio & Festo Pompeio consentiret,
quamquam nec Livii hac in re, aut Festi, omnino
probat auctoritas; quibus etsi, ut debeo, multum
sane tribuo; facit tamen Plutarchus, ut assensum
fustineam: qui in Romulo contra Livium, & alios
cum Livio sentientes, ita scribit: *Εκείνη δὲ φύλη
δύο φρατρίδας εἶχεν, ἃς ἔνιοι, λέγουσι ἑκατόμους, εἶναι
ἐκείνων τὴν γυναικῶν. τὴν δὲ δοκεῖ φῦδος εἶναι. πολ-
λαὶ γὰρ ἔχουσιν ἀπὸ χωρίων τὰς προσηγορίας.*

Satis igitur, opinor, de temporibus, deque nu-
mero tribuum demonstratum est. De nominibus
lectorem rejicimus ad commentarium nostrum in
epistolas ad familiares. De locis ante omnia dicen-
dum videbatur, si ordinis rationem paullo subtilius
examinamus: sed, quia planius quiddam ad intel-
ligentiam esse duxi, visum est, ut in hunc locum
referavem. Tribus primis tribubus locum Romulus
assignavit, & in urbe, ut esset ubi quisque habitare-
t; & in agro, ut cultura victum quaerent. Lo-
cum in urbe omnibus in Palatio dedit, antequam
cum Tatío Sabino regnum communicaret; hunc
enim collem a principio Romulus unum habuit.
Sabinis receptis, suum cuique tribui locum tradidit,
palatium Ramnensibus, hoc est, Romanis; capito-
lium Titienfisibus, hoc est, Sabinis; lucum asyli Lu-
ceribus, hoc est, & Tuscis, qui cum Lucumone
venerant, & omnibus præterea, qui, domo profu-
gi, cuiuscumque criminis affines essent, ad asylum,
ubi tutam sedem Romulus fore promiserat, diversis
e regionibus confluxerant. Et quamquam de hac ur-
bani spatii distributione nihil neque Dionysius, ne-
que Livius, neque Varro, neque alii, quod scire po-
tuerim, litteris tradiderunt: tamen veri mihi simi-
le videtur, cum ager Romanus in tres partes divi-
sus sit, eandem urbis quoque divisionem esse fa-
ctam; nam si ager, ut separatim habetur, tribus
hominum generibus dividitur, Romanis, Sabinis,
Tuscis, & advenis; quod Varro plane significat:
cur non item urbs, ut separatim habetur, iisdem
hominum generibus trisariam dividatur? Neque ve-
ro mihi obstat illud, quod multitudinem hominum
in tres tribus a Romulo discretam Dionysius ait,
de urbe divisa verbum nullum facit; jam enim de
illa divisione, quam ante bellum Sabinum Romulus
fecit, significare Dionysium offendimus; cum unus
Palatinum collis habitabatur; Tribubus nondum ne-
que generibus hominum, (soli enim adhuc erant
si, qui cum Romulo venerant) neque nomine di-
stinctis: ego autem de tribus illis tribubus intelligo,
quæ, receptis in Urbem cum Tatío Rege Sabinis,

cum Lucumone duce Tuscis, e triplici hominum
genere constabant; nam, nisi duas divisiones in tres
partes a Romulo factas esse credamus, unam sine
nomine, ante raptas Sabinas, alteram cum nomi-
ne, pace cum Sabinis facta, difficilem in nodum
incidemus: si enim unam divisionem probabis;
utrum eam ante receptos Sabinos, an post, esse fa-
ctam velis, interrogabo; si ante dixeris, unde Ti-
tienes nomen? sin post, controversia tibi erit non
modo cum Dionysio, qui tribuum divisionem ante
bellum Sabinum in ipso urbis primordio constituit;
verum etiam cum ipsa ratione, quæ apud me haud
paullo plus, quam Dionysius, habet ponderis. Cum
enim Romulus, sive Numitoris avi consilio edo-
ctus, sive ipse sublimi quadam atque excellenti
mente præditus, optimis institutis ac legibus urbem
sibi temperandam statuisset; quod sine certa ratione
& ordine nihil satis esse firmum intelligeret: non
usque ad illud tempus, quo cum Sabinis urbem
communicavit, partiri populum in tribus, & tri-
bus in curias, neglexisset; quarum suffragiis & leges
essent rogatæ, ipso, ut opinor, Rege referente, &
magistratus mandati, & bella iussa essent. Una pri-
mo urbis anno facta; quod Dionysius significat, &
ratio confirmat: altera post Sabinum bellum; quod
ipsa tribuum nomina declarant. Quo posito, sequi-
tur illud, agrum quoque bis iisdem, quibus urbs &
populus, temporibus in partes esse distributum, non
modo in tres pro numero tribuum, sed etiam in
triginta pro numero curiarum: ut quemadmodum
singulæ tribus in denas curias, sic primo in tres par-
tes ager, deinde singulæ partes in denas divise
sint. Dionysius quidem, triginta curiis singulas agri
partes esse distributas, aperte narrat: de tribus par-
tibus mentionem nullam facit. At Varro tribus no-
minat, de triginta nihil scribit. Ita, quod alter o-
mittit, ab altero fumimus: & ex utroque perfectæ
notitiæ ratio colligitur; non enim in eo, quod o-
mittunt, alter alteri repugnat: sed Varro de triginta
partibus nihil prodidit, una generali divisione con-
tentus; quandoquidem non de curiis, sed de tribu-
bus, in eo loco loquebatur: & Dionysius trium agri
partium divisionem tacuit; vel quod notius id esset,
quam de triginta partibus; vel quod intelligeret,
cum de triginta scripsisset, de tribus obscurum esse
non posse; nam sicuti triginta curiæ tres tribus, unde
factæ sunt, significant; sic triginta agri partes trigin-
ta curiis dispertitæ, sectionem trium partium, trium
tribuum numero respondentem, demonstrant. Sed
quaeritur, cum tres agri partes, una Ramnensibus
colonis, altera Titienfisibus, tertia Luceribus, factæ
sint; tres item urbis, ut singuli separatim habita-
rent, Ramnenses in Palatio, Titienfes in Capito-
lio, Tusci in asyli luco; utrum in iis ipsis locis,
ubi habitant, suas quoque denas curias singuli sacro-
rum caussa haberent. Quod consentaneum videtur;
cur enim in aliena loca, ubi divinam rem facere vel-
lent, distraherentur? verum, quod verisimile videtur
falsum esse, Cornelii Taciti testimonio cognoscitur; is
enim curias non denas tribus in locis, sed omnes trigin-
ta in Palatio, ubi solis Romanis domicilium fuit,
fuisse demonstrat. Quæ res opinionem meam, quam
proxime exposui de duabus divisionibus, confirmat.
Nam cum in Palatio Romulus triginta facella, quas
curias nominavit, ab urbis initio fecisset; quo populus
in triginta partes divisus, suam quisque ad curiam, rei
divinæ caussa, coiret: mox, receptis Sabinis, & Tu-
scis, ratio postulabat, ut denæ cuique populo separatim
curiæ darentur; sed religione deterritus, quia loca sa-
cra profana rursus facere non licet, curiarum par-
tem de Palatio tollere, aliove transferre ausus non est:
sed omnes eodem in loco perpetuo manere, eoque ci-
ves universos, cuiuscumque tribus essent, ad divinum
cultum convenire voluit. Quod si post Sabinum bel-
lum curias fecisset, non in eo Romanorum magis,

quam Sabinorum, & Tuscorum, rationem habuisset; neque omnes in Palatio, sed denas singulis in locis, ubi singulae tribus habitabant, condidisset. Quod quia factum non esse ex Tacito constat, sequitur, ut ante bellum Sabinum curiae fuerint; & si curiae, tribus quoque. Ergo & de prima divisione Dionysius vere scripsit; & de secunda, ne nos falso suspicari videamur, ipsum Titientis maxime tribus nomen facit: quod a Sabinorum Rege declinatum esse inter omnes constat. Addam & illud, ipsum quoque Dionysium de secunda divisione non dissentire; nam cum libro II. tres tribus esse factas dicat; & de divisione, quae Sabinum bellum antecessit, manifeste sentiat: idem libro IV. quattuor Ser. Tullii Regis urbanas tribus certa urbis fuisse spatia, tres vero illas veteres a generibus esse deductas tradit. Quod ego de tribus hominum generibus, Romanis, Sabinis, Tuscis, dictum esse non dubito; neque vero loquitur pugnantia; sed sicuti priorem legem abrogat posterior, sic divisionem diviso tollit; propterea non de prima divisione, cujus nulla ratio habebatur, (si tamen, ut proxime ostendi, curias excipias) sed de secunda, quae primam sustulit, ipsaque usque ad Servium Regem permansit, videtur existimare.

Hæc ego de tribus antiquis tribubus, ut mea sententia ferebat, ita exposui. Sed quia, ut ajebat Democritus, veritas in fundo latet; diversa sentientes libenter audiam, & melioribus acquiescam.

Post Romulum, sextus Romanorum Rex Ser. Tullius nova ratione urbem divisit; non enim, ut Romulus, hominum genera segregavit, ne quid in una civitate discriminis inter cives esse videretur; sed, cum urbi Viminalem collem & Esquilias addidisset, quattuor totius urbani spatii partes fecit, vocavitque a locorum nominibus, primam Suburanam, secundam Esquilinam, tertiam Collinam, quartam Palatinam. Ab hoc ordine dissentit Dionysius: qui, opinor, ex partium veritate primam omnium Palatinam facit, alteram Suburanam, tertiam Collinam, quartam Esquilinam. Sed ego in Romanis rebus, & Romanum hominem, & omnium diligentissimum, M. Varro nem sequi malo, quam Dionysium; qui fuit ille quidem, ut homo Græcus, satis diligens; sed, quomodo ego existimo, nihil ad Varro nem: ad quem unum, quali certissimum ad oraculum, Cicero nem ipsum, Ser. Sulpicium, alios, si qui de antiquitate quid ambigerent, veritatis cognoscenda causa, convenisse proditum est. Nec ab eo in quattuor partium urbanarum dispositione dissentire Cicero videtur in agraria II. nam, cum omnium plane tribuum homines significare velit, ait: *A Suburana usque ad Arniensem nomina vestra proponat.* hoc est: Si quis vos omnes numerare velit, & a primæ tribus urbanæ tribulibus ad ultimæ rusticæ tribules nominando perveniet; ita multos esse cognoscet, ut non modo dena jugera singulis distribui, sed ne constipari quidem tantum hominum numerum posse in agrum Campanum intelligat. Hæc est, ut opinor, vera & germana ejus loci sententia: quam adhuc mendum obsecravit; habent enim omnes impressi libri, *Ab Oericulana*, non, ut ex antiquis libris corrigendum est, *A Suburana*. quam correctionem vel ipsa sententia, si quis mentem Ciceronis accurate perpendat, potuit indicare. Esse autem primam urbanam tribum Suburanam, ex Varro ne constat; esse ultimam rusticam Arniensem, ex Livio cognoscitur: qui quattuor tribuum, quæ postremo rusticis adscriptæ sunt, & numerum XXXV. expleverunt, hanc libro VI. ultimam nominat. Redeo ad Servium. Divisa urbe, agrum quoque divisit. Urbis partes, appellavit urbanas, quod omnes in urbe; agri, rusticas, a rure; omnes autem, etsi plures quam tres essent, vetere tamen nomine tribus dixit. In urbanas

A conscripsit eos, qui rura non habent, & præterea libertinos omnes: in rusticas eos, qui rura habent, si modo essent ingenui; nam si libertino rus esset, is perinde ac si agri nihil possideret, in urbana tribu censetur; ut major naturæ, quam fortunæ ratio duceretur, quod ad urbis dignitatem pertinere videbatur. Ob hæc causas urbanæ tribus semper ignobiliores rusticis habitæ sunt; & rustica in urbanam transferri erat ignominia: rustica in agro Romano omnes erant, unicuique tribui regione divisa; homines ipsi, etsi rusticis in tribubus censentur, tamen, utrobique mallent, vel in urbe, vel in agro, habitabant; suffragium enim in tribu Rustica non habitatio, sed possessio, dabat; quod si quis, exempli gratia, de Romilia tribu fundum suum cum alio, qui in Sergia tribu censetur, permutasset, possessionum permutationem tribuum permutatio non sequebatur; sed, qua in tribu antea cens fuerant, in eadem permanebant; neque vero, si quis ex aliquo oppido, extra Romani agri terminos constituto, Romæ in aliqua tribu suffragium ferebat, ad illud usque oppidum, in quo domicilium habebat, tribum pertinuisse, credendum est. Romanus enim ager, in sex & viginti partes a Servio Rege divisus, sex & viginti tribubus distributus est. Postea, cum civitas annuo consulum imperio regeretur, quinque tribus rusticis adjectis, agri terminos, ut hæc quoque tribus suas regiones haberent, paulum propagatas existimo; harum omnium, quæ XXXI. fuerunt, (de rusticis loquor) aucti quidem tribules numero sunt, jure suffragii multis oppidis ac municipiis concessio, ut Tusculanis in Popillia tribu; Arpinatibus in Cornelia; Formianis & Fundanis in Æmilia: ager tamen ipse, post expletas v. & xxx. tribus, auctus nunquam est; sed isdem, quibus olim fuerat, finibus manit; non enim aut Arpinum, aut Tusculum, in agro Romano dicebantur esse, sed suum agrum, suosque terminos habebant; cum tamen essent in ditio ne populi Romani. Atque hoc in loco mihi venit in mentem ita cogitare. Homo Arpinas in agro Romano jus non habet: iccirco ne tribu Cornelia, quæ rustica est, extrudatur, & in aliquam urbanam adscribatur? quandoquidem rusticas tribus eorum fuisse, qui rura habent, supra dictum est. Distinguo: ut dubitantibus hic omnino scrupulus extimar: & aliam rationem fuisse dico eorum, qui domicilium Romæ habent; aliam eorum, qui e municipiis ad comitia veniunt. Qui Romæ domicilium habebant, in his, utrum rura possiderent, nec ne, spectabatur: & in rustica tribu, qui rus haberet; qui non haberet, in urbana censetur; hi & cives Romani erant, & vere dicebantur; nam qui Romæ domicilium habebat, hic non modo suffragium ferebat, verum etiam & in tribu censetur, & Romanis legibus vivebat. Municipiorum dissimilis erat causa; ferebant enim suffragia, in tribu tamen non censentur; neque Romanis legibus, sed suis, utebantur. Itaque si quis aliquis e municipio rus in agro Romano haberet, si non haberet; is, si Romæ non habitaret, & in suo municipio patris legibus viveret, in ea tribu suffragium ferebat, in qua totum municipium a principio populi jussu suffragii lationem habuerat. Eademque fuit coloniarum condicio; nam, cum extra Romanum agrum rura possiderent, tamen si quis ex aliqua colonia Romam veniret, ferre suffragium poterat in ea tribu, in qua & ipse, antequam in coloniam emitteretur, & majores sui suffragium tulerant. Nam, si municipibus hoc licuit, hoc inquam, ut in rustica tribu suffragium ferrent, etiam nullam agri Romani partem tenebant; licuisse autem, Tusculanorum, Arpinatum, Formianorum, & Fundanorum exemplo jam ostendimus: cur non colonis idem liceat? cum præsertim eo melior colonorum esse debeat condicio, quam municipum; quia municipes,

cum suffragii jure fruuntur, Romanis tamen legibus non utuntur: coloni autem, cum & ipsi suffragii jus habeant, in eo tamen municipibus nobiliores videntur, quia Romanis legibus vivunt: sicuti & colonis in eo cives Romani præstant, quia censentur in sua quisque tribu. Unam enim quasi partem urbis Romæ municipales habent, quia suffragium ferunt; duas coloni, quia & suffragium ferunt, & Romanis legibus utuntur; tres cives, quia non modo suffragium ferunt, Romanasque leges servant, in quo municipibus superiores, colonis pares sunt; verum etiam in tribubus censentur; non enim, ut quicumque censetur, is & suffragium fert; sic, quicumque suffragium fert, is eadem ratione censetur. Censentur, & suffragium ferunt omnes, qui Romæ domicilium habent; suffragium ferunt, nec tamen censentur, municipales; nisi si domicilium in urbe habeant, ut Cato ille Major, & Cicero noster: quorum alter, cum natus esset Tusculi, alter Arpini; quia tamen habitabant Romæ, in ea ipsa tribu, ut opinor, censebantur, in qua municipes eorum, Tusculani, & Arpinates suffragium ferebant; hoc est, Cato in Popilia, Cicero in Cornelia; illam enim Tusculanorum fuisse tribum, didicimus a Valerio Maximo; hanc Arpinatum, a Livio. Neque vero, civem esse, & jus civitatis habere, idem est. Nam municipales jus civitatis habent, cives tamen vere non sunt: cum omnes cives, ut dixi, & suffragii latorem habeant; & ea, quæ Romæ legibus sancita sunt, observent; & in tribu censentur: municipales autem suffragii quidem ferendi jus habeant, verum tamen neque censentur, neque Romanis legibus pareant; quamquam ne hoc ipsum quidem, ut suffragium ferrent, commune omnium municipiorum fuit; quibusdam enim municipiis jus civitatis sine suffragio fuisse legimus, ut Cæritibus pro sacris bello Gallico receptis custoditisque; & Formianos, Fundanos, Arpinates, scribit Livius primo civitatem habuisse sine suffragio; deinde M. Valerium Tappone, Tribunum plebis, rogationem promulgasse, & pertulisse, ut iis suffragii latio esset; suffragiumque postea tulisse Formianos, & Fundanos in Emilia tribu, Arpinates in Cornelia, Colonis vero numquam ferendi suffragii jus non fuit; non enim extrinsecus in civitatem veniebant, ut municipia; sed e civitate ipsa quasi propagatæ, jura, institutaque populi Romani omnia servabant: cum municipia honorum quidem & munerum cum populo Romano partem capere possent; interea tamen suo jure, suisque legibus uterentur: quare non quicumque jus habuit civitatis, pari conditione cum iis fuisse, qui cives Romani erant, existimandus; præstant igitur municipibus coloni, colonis cives, civibus ipsi cives, hoc est, iis, qui urbanam tribum habebant, ii, qui in rustica censebantur. Ecce alia de tribubus dubitatio. Civis ingenuus, quia rus non habet, in urbana tribu censetur: mutat fortunam, ditescit, vel mercatura, vel bello, vel etiam, quia non a rebus humanis excluditur casus, invento thesauro. Quid hoc homine faciemus? in vetere tribu, hoc est in urbana, an, quia rus habere cœpit, in rustica censetur? in rustica, ut opinor; nam, si, ut in urbana censetur, quod ignominiosum fuit, causam habuit egestatem: cur, sublata causa, permanet ignominia? suadet ratio, ut, hunc mutasse tribum, & ex urbana in rusticam transisse, existimemus. At in quam rusticam? vel in eam, in qua majores illius censui fuerant, si modo rus umquam habuerant; vel in eam, cujus in agro rus emisset; vel ubi censori, qui censum haberet, videretur, de civibus ingenuis ita sentio; de libertinis, ut jam dixi, aliter existimo. nam, donec essent libertini, hoc est donec patrem, avumque liberos citare non possent, sive aliquam agri Romani partem haberent, sive nullam, in urbana tribu censaban-

Atque cum vero libertini esse desiderant: tum, si rus haberent, non dubito, quin eorum census esset in ea tribu, in qua patroni eorum censui fuerant: si non haberent, in urbana, sicut antea: ut in ea, non tamquam libertini, sed tamquam inopes ingenui, permanerent; quod si majores eorum non a viro, sed a femina, libertatem acceperant, quod sæpe contigit; cum feminae tribum non haberent, verisimile mihi sit, eos pari cum ingenuis civibus conditione fuisse, hoc est, tribum habuisse rusticam, vel ratione loci, ubi emissent; vel arbitratu censoris ejus, cui, civitatem ut censeret forte contigisset. Ex his XXXV. tribubus aliquam, quicumque civis Romanus erat, cujuscumque esset ordinis, obtinebat, in eaque quinto quoque anno a cenfore confectatur: nisi si quis ita turpiter vixisset, ut nota dignus videretur: hunc enim, si senator erat, e senatu censor ejiciebat; si eques, equo publico privabat; si plebeius, vel tribu movebat, hoc est, e rustica nobili in aliam rusticam minus nobilem, aut e rustica in urbanam referebat; quod erat ignominia: vel ærarii faciebat; hoc est omnium in rep. munerum atque honorum expertem jubebat esse; cum hoc tantum ei relinqueret, ut æs pro suo capite tributum nomine conferret; habebant igitur, qui ærarii fiebant, id, quod erat odiosum & grave, ut tributum æque atque alii cives penderent: quod autem jucundum & honorificum, ut honores eos, quorum cives reliqui participes erant, capere possent, eo carebant; quo in statu quia Cærites a principio fuerant; quibus civitatem sine suffragio datam esse, paulo ante diximus: propterea qui ærarii fiebant, in Cæritum tabulas referebantur. Animadverti etiam, non una illa senatores ignominia notatos, ut senatu ejicerentur, sed interdum, si simul equestri loco essent, equo publico privatos, atque etiam ærarios esse factos. Quo de genere exemplum habemus apud Livium; nam lib. IV. ita scriptum reliquit: *Mamercum Æmilium, quod in Dictatura Censuræ tempus, lege lata, minuisse, a Censoribus, Furio, & Gegonio, tribu motum, obmultiplicato censu ærarium esse factum*: lib. autem XXIX. Salinatorem, & Neronem censores alterum alteri publicum equum admississe, vicissimque se ærarios fecisse; subscripta de more causa, cur id uterque censeret. Nec dubium est, & Mamercum, & quos nominavi censores ordinis senatorii fuisse. Mutandæ vero tribus duæ causæ erant: altera cum ignominia; altera cum honore: cum, ignominia, ut in iis, quos, ut dixi, ob vitæ flagitia censores notabant; cum honore, ut si quis alterum certis quibusdam criminibus accusasset, & condemnasset. Tribum enim damnati, si ea nobilior esset quam sua, consequebatur accusator. Neque vero unum hoc optabile erat, ex urbana tribu in rusticam transire; quia rusticae urbanis honore præstarent; sed illud etiam, rusticam cum rustica permutare; quod inter has ipsas in nobilitate dissimile quiddam esse videbatur; credo, propter eorum, qui suffragia ferrent, vel frequentiam, vel dignitatem. Cujus rei conjecturam facio e Ciceronis verbis in oratione pro Balbo. Ait enim, Balbo, quod in Crustumina tribu pervenisset, obiectum esse: idque illi præmium lege de ambitu datum esse, defendit. Ex quo, damnatum esse aliquem crimine ambitus, accusante Cornelio, satis plane significat; necesse igitur est, ut, si Crustumina in tribum legis beneficio pervenit Balbus, antea videlicet in aliqua tribu, vel urbana, vel rustica, fuerit. In urbana esse non potuit: quia nemo, nisi qui aut libertinus erat, aut rus non habebat, in urbana tribu censebatur. Quo in genere, certe non est, ut Balbum numeremus: qui neque libertinus fuit; quem, anteaquam civitate Romana donaretur, civem Gaditanum fuisse, constat: & ab egestate tantum abfuit, ut etiam divitiis usque ad invidiam abundaverit. Fuit igitur

in tribu rustica, e qua cum in aliam rusticam transierit: (erat enim rustica Crustumina) sequitur, ut ea, quam omisit, Crustumina, quam appetiit, de dignitate concesserit. Mutabant igitur tribum & volentes, & inviti: volentes, qui legis præmio ex aliqua accusatione nobilem consequerentur; inviti, qui, ob aliquod insigne vitium, censoria poena in ignobilem trudebantur; qui vero antea in tribu aliqua urbana suffragium tulerant, hos, cum a censore notarentur, ærarios puto omnes esse factos: cum enim ad ignobiliores tribus descendere non possent; restabat, ut eam ipsam, quam habebant, amitterent, nullamque in ulla tribu ferendi suffragii facultatem haberent; qua conditione qui erant, ærarii dicebantur. Quod si quis putat, ærarium fieri & tribu moveri, idem esse: quosdam enim ita sentire in sermone sensi: hic, non dubito, quin opinione fallatur. Primum locum habeo Ciceronis, meæ sententiæ quasi subscribentem, in Oratione pro Cluentio, his verbis: *Ipsi inter se censores sua iudicia tanti esse arbitrantur, ut alter alterius iudicium non modo reprehendat, sed etiam rescindat; ut alter de senatu movere velit, alter retineat, & ordine amplissimo dignissimum iudicet, ut alter in ærarios referri, aut tribu moveri jubeat, alter vetet*. Manifeste ab ærariis tribu motos distinxit. Deinde, *moveri tribu*, idem esse, quod *mutare tribum*, Livius lib. XLV. declarat. Ait enim sic: *Negabat Claudius suffragii lationem injussu populi, censorem cuiquam homini, ne dum ordini universo, adimere posse. Neque enim, si tribu movere posset, quod sit nihil aliud, quam mutare juberet tribum, ideo omnibus V. & XXX. tribubus emovere posse, id est, civitatem, libertatemque eripere; non ubi censetur finire, sed censu excludere*. Poterant igitur ii, qui neque senatores, neque equites essent, tribu moveri, nec tamen in ærarios referri; poterant rursus in ærarios referri, tum scilicet, cum vel in urbana tribu suffragium ferre soliti essent, unde ad ignobiliorem tribum transitus non dabatur; vel a superiore vita invidiosi ac turpes usque adeo essent, ut non a tribu in tribum transferendi, sed omni plane tribu excludendi viderentur. Patere jam existimo, & quibus temporibus constitutæ tribus sint, & quo numero, & quibus nominibus, & quibus in locis. Quiddam etiam, ad earum distinctionem, de nobilitate diximus; eandemque non fuisse dignitatem non modo omnium, sed nec rusticarum ipsarum inter ipsas, demonstravimus. Unum illud addam, pari conditione aliquando rusticas & urbanas fuisse, tum scilicet cum libertini homines, quos Servius Rex, serva natus, publicæ rei participes esse voluerat, & in quattuor urbanas tribus digesserat, multis post annis contra vetus institutum a censore Ap. Claudio Cæco rusticis omnibus tribubus admisti sunt. Quo factum est, ut in duas partes civitas discesserit: cum aliud integer populus, fautor, & cultor bonorum, (recitabo enim ipsa Livii verba) aliud forensis factio teneret: donec Q. Fabius Rulianus, & P. Decius censores facti sunt: & Fabius simul concordie causa, simul ne humillimorum in manu comitia essent, omnem forenses turbam, hoc est, libertos, & libertinos, exeretam in quattuor urbanas tribus conjecit: adeoque eam rem acceptam gratis animis ferunt, ut Maximus cognomen, quod tot victoriis non pepererat, hac ordinum temperatione pareret. Aliquot deinde post annis, cum rusticas tribus rursus occupassent, a Ti. Sempronio Graccho Censore, Tiberii, Caique patre, in quattuor urbanas esse redactos, legimus in Plinio Novocomensi. Quod & Cicero lib. I. de Oratore narrat. Tiberius, inquit, Sempronius homo prudens & gravis haudquaquam eloquens, & sepe alias, & maxime censor, salutis Reipublicæ fuit; atque is non accurat a quadam orationis copia, sed nutu atque verbo, libertinos in urbanas tribus transtulit; quod nisi fecisset, Remp.

Alquam nunc vix tenemus, jamdum nullam haberemus. Ipsi autem Ciceronis ætate eandem ordinem & comitiorum permissionem a duobus tribus plebis esse tentatam, primum a P. Sulpicio, deinde a Cn. Manilio, tradit Pædianus in Cornelianæ, & Milonianæ commentariis. Idemque mox a P. Clodio cogitatum, significant illa verba in oratione pro Milone: *Incidebantur jam domi leges, quæ nos nostris servis addicerent*. Quem locum sic interpretatur Pædianus: *Fuit inter leges P. Clodii, quas fere proposuerat, ea quoque, ut Libertini, qui non plus, quam in Urbanis tribubus, suffragium ferebant, possent in rusticis quoque, quæ propriæ ingenuorum sunt, ferre*. Hactenus de tribubus.

C A P. III.

De Curiis.

DE curiis autem minus multa. Jam enim, ex Romuli divisione XXX. fuisse, diximus: cum ille populum universum in tres tribus, & singulas tribus in denas curias, distribuit; neque postea pro numero tribuum, quæ XXXV. factæ sunt, multiplicatas invenio. Atque etiam, ut in vetere numero permanis, hoc est, nunquam plus, quam XXX. fuisse, existimem, adducor his Ciceronis verbis, quæ sunt Oratione II. in Rullum. *Sunt igitur decem viri neque veris comitiis, hoc est, populi suffragiis, neque illis ad speciem atque usurpationem vestustatis per XXX. lictores auspiciores causa adumbratis constituti*. Nam XXX. lictores intelligit, qui comitiis curiatis, ut curias XXX. referrent, apparebant. Quo de numero & in oratione pro domo sua aperte scriptum legimus. Quare, cum de XXX. curiis constet, locum Sex. Pompeii, ubi de curiis XXXV. scribit, de quo supra locuti sumus, mendosum esse necesse erit: non quod ipsum Pompeium errasse dicam; quem etiam in aliorum erratis animadvertentes diligentem video fuisse: sed fuit, ut indicat epistola quædam, Paullus nescio quis, qui illius scripta mutilavit: qui quam male & de ipso Pompeio & de nobis nertus sit, significavit pater meus in epistola illa, quæ ante Pompeii libros impressa legitur: in qua vir probus & religiosus abstinere minime potuit, quin ipsum in mutilatorem, & hujusmodi homines, antiquitatis inimicos, gravissima, & tamen iustissima, maledicta conjiceret. Curias duorum generum ponit M. Varro; nam, & ubi curarent sacerdotes res divinas, curiæ veteres dicebantur; & ubi senatus humanas, ut curia Hostilia; quam primus ædificavit Hostilius Rex sub veteribus; nobis autem, non de his, in quibus senatus habebatur, sermo est, sed de illis, quæ sacrarum rerum causa sunt institutæ, ut in sua quique curia sacra publica faceret, feriæque observaret: quas in Palatino colle fuisse, Tacitus significat. Unde nomen acceperint, non satis mihi constat: & inter scriptores controversia est; cum Livius & Festus a nominibus Sabinarum mulierum, quibus deprecantibus inter Sabinos & Romanos ictum sædus est, appellatas dicant; Plutarchus autem hanc opinionem ut inanem & falsam rejiciat.

C A P. IV.

De Centuriis.

CENTURIAE supersunt, quarum duplex est consideratio; nam & centuriæ tres equitum ab initio fuere, quas Romulus instituit, Priscus Tarquinius geminavit, trium tamen veteri numero servato: & centuriæ CXXIII. quas deinde Ser. Tullius, inducto censu, fecit. De utriusque igitur separatim agemus. Tres centurias equitum, militiæ causa,

Romulus fecit, ut pedestrem exercitum equestri robore firmaret: has de nominibus tribuum, Ramnenses, Titienſes, Luceres, vocavit. Nec dubito, quin ab initio singulis in centuriis centeni tantum equites fuerint: ut ipsum centuriæ nomen significat; sed, aucto civium numero, auctus simul est eorum numerus, qui equo militarent: quos in centurias receptos esse, ne cum peditibus equites admiscerentur, certum est; inde factum, ut trium dumtaxat centuriarum numerus maneret, cum tamen equites, ut in Dionysio legimus, quo tempore Romulus e vita excessit, haud fere pauciores, quam mille, fuerint: qui, cum urbs condita est, nec trecenti fuerant. Id probatur & Livii testimonio: qui, Tarquinii Prisci ætate, tres dumtaxat centurias nominat, eas scilicet, quas Romulus instituit; & tamen in iis centuriis mille equitum significat. Cujus verba, quia non satis apertam sententiam habent, explanare non alienum est. Sunt autem hæc lib. 1. *Neque tum Tarquinus de equitum centuriis quidquam mutavit: numero tantum alterum adiecit; ut mille & trecenti equites in tribus centuriis essent. Nihil mutavit, inquit; quia, cum ad eas, quas Romulus scriperat, alias addere centurias constitisset, easque suo insignes nomine relinquere, ut ipse Livius paulo ante posuit, miraculo cotis, ab Attio Augure discessit, commotus, neque numerum centuriarum auxit, cum tamen equites adderet, neque nomina mutavit: sed omnium equitum tres dumtaxat centurias, easque iisdem, quibus antea, nominibus esse voluit, ut Ramnenses, Titienſes, Luceres, perpetuo vocarentur. Cum vero dixit Livius, numero tantum alterum adiecit, quid significat? non ad tres Romuli centurias tres item a Tarquinio esse adiectas, sed ad trecentos trium veterum centuriarum equites totidem esse additos; respexit enim non ad centuriarum, sed ad equitum numerum: quod indicant proxima illa verba: *ut mille & trecenti equites in tribus centuriis essent*. At si ad trecentos trium veterum centuriarum equites item trecentos addidit Tarquinus: cur non dixit Livius, ut sexcenti equites in tribus centuriis essent? quo modo, cum ad trecentos trecenti addantur, fiunt mille trecenti? quia numerum quidem equitum duplicavit Tarquinus, cum respiceret non ad omnes equites, qui tum in centuriis militabant, qui mille erant, sed ad trecentos illos, quos primum in tres centurias Romulus scripsit: verum, cum in tribus veteribus centuriis auctus jam ita numerus equitum esset, ut omnino mille essent, trecentis a Tarquinio adiectis facti sunt mille trecenti, cum tamen centuriæ non plures, quam tres, fuerint, quas ætate sua Livius sex appellatas esse significat, his verbis: *Quas nunc, quia geminatae sunt, sex vocant centurias*. Quod ego ita interpreto: non, cum Livius Romanam historiam scripsit, habitam esse rationem ullam veterum Romuli, aut Tarquinii, centuriarum: tunc enim equites multis partibus plures ad bellum exibant; & post Tarquinium Servium Rex, populo in classes descripto, universam veteris militiæ rationem mutavit; ut absurdum sit credere, sex centurias, servato Romuli & Tarquinii instituto, tot sæculis interjectis, ad bellum exisse. Dixit igitur potius ad hanc sententiam, sex vocant centurias; cum earum mentio sit; cum de iis inter homines sermo incidit; & quia tribus a Tarquinio geminatis, ut supra ostendimus; primi, secundique Ramnenses, Titienſes, Luceres, dicebantur: licet opinor & centurias Livii ætate, cum sex vocarentur, primos, secundosque Ramnenses, Titienſes, Luceres, esse nominatas: quandoquidem Romuli centuriis eadem, quæ tribus, nomina fuisse, ex Livio patet; nam Dionysius non modo harum centuriarum, sed nec tribuum nomina non ponit: quin de ipsis centuriis nullam omnino mentionem facit: tantum ait, tre-*

centos a Romulo ad custodiam corporis robustissimos juvenes esse electos, qui pedestrem, equestremque militiam, ubi res ferret, pariter exercerent. Sed ego ab his diversas fuisse centurias puto, quod ex Livio quoque satis patet: qui separatim de tribus centuriis, & de trecentis satellitibus meminit, quos non in bello solum, sed etiam in pace, Romulus habuit. Præterea, non iisdem temporibus & trecenti illi custodes lecti sunt, & centuriæ institutæ. Nam in ipso Dionysio video, ante raptum Sabinarum, trecentos ad custodiam corporis a Romulo esse electos; at in Livio, tres equitum centurias tum esse factas, animadverto, cum, Sabinis & Romanis jam conciliatis, regnoque confociato, ex duabus civitatibus una facta esset; quam ob causam & uni centuriæ a Tito Tatío, Sabinorum Rege, nomen Titienſi est inditum. Sequuntur Servii Regis centuriæ, tum comitorum, tum militiæ causa, ex equitibus peditibusque constitutæ: quarum numerus ex Dionysio facile colligitur. Nam, cum Ser. Tullius Rex universum populum in sex classes distribuisset, in prima classe centurias II. quæ suffragium ferrent, delegit, peditum XX. equitum XIII. quorum res censæ C. minis, aut supra, erat: In secunda XXII. quorum census erat LXXV. minis, & supra: In tertia XX. censu non minus L. minarum: In quarta XXII. censu XXV. minarum, & supra: In quinta XXX. censu intra XXV. minas ad XII. & semis: In sexta unam tantum, hominum minimo censu, id est, minarum infra XII. & semis: qui vacationem habebant militiæ, erantque omnium tributorum immunes, ideoque in comitiis minime omnium honorati. Atque hic universus est numerus CXCIII. cum Livius una centuria minorem numerum faciat. Sed Dionysii summa probabilior est. Nam si, ut in Livio scriptum est, pari numero centuriæ ad comitia convenissent, evenire poterat, ut æqualitate suffragiorum nihil omnino transigeretur, cum centuriis IV. probantibus totidem improbantibus centuriæ resisterent; & ideo, totum numerum centuriarum CXCIII. fuisse, credibile est; ut omnino major numerus ex altera parte, cum quid statueretur, esset; raro autem in comitiis ad sextam classem, id est, ultimam, in qua erat una centuria, deventum est: cum raro contingere solet, ut ex utraque parte suffragiorum contra pugnarium numerus esset XCVI. Quod si quando acciderat; tum unum extremum suffragium sextæ classis, in alterutram partem inclinans, victoriam dabat. Dissert etiam in hoc a Livio Dionysius: quod etsi parvi refert, notandum tamen duximus; nam Dionysius duas fabrum centurias, & opificum, quas Livius in prima classe numerat, quartæ classi adscribit; itemque tibicinum, cornicinum, accensorum, duas centurias Dionysius quartæ classi, Livius quintæ attribuit: & eas idem Livius tres, Dionysius duas facit. Illud addo centurias non ita accipiendas, ut ex centenis civibus unaquæque constaret. Nam cum omnes centuriæ sint CXCIII. si ad ipsas centurias spectaremus, totus universorum civium numerus esset $\bar{x}ix$. & CCC. quod falsum esse, inde constat, quia Livius lib. 1. censæ fuisse ait a Ser. Tullio civium capita $\bar{x}ix$. Quam summam, ut idem scribit, aliquot historici tradidere fuisse eorum tantum, qui arma ferre possent. Hic obijciatur, si prima classis, exempli causa, centurias habet II. & tamen cives in ea censentur plures, quam ex his centuriis confici videntur: qua ratione in II. centurias distribuuntur? Respondendum: quamlibet magnum civium numerum ad centuriarum numerum esse redigendum, ut, etiam si in prima classe fuerint, puta XX. millia hominum, non tamen CC. centuriæ pro ratione hominum fuerint, sed tantum II. ut sive pauciores, sive plures, quam centum, in singulis centuriis ad comitia coirent, integra tamen, & una, utrolibet numero, haberetur

centuria. Rursus, si in una centuria quingenti civis ad comitia coirent; in alia autem quinquaginta: æque tamen in suffragio valet ea, quæ est infrequentior, atque ea, quæ plenior: & utriusque vis eadem est. Quid autem causæ fuerint, ut in una centuria plures, in alia rauciores, fuerint, ex veterum libris cognoscere non licet. Sed ego, quod excogitare per me potui, id, quale quale est, libere exponam. Cum centuriæ primæ classis ex iis hominibus constarent, quorum census esset centum millibus assium, eove amplius: non omnium idem erat census in eadem classe: & cum censu differrent, centuriis quoque distinguebantur: ut, qui centum millibus assium censerentur, in una centuria suffragium ferrent; qui centum decem, in alia; qui centum viginti, item in alia; inde fiebat, ut non eodem numero centuriæ omnes essent. Est autem verisimile, eo fuisse infrequentiores centurias, quo ditiores in iis suffragium ferrent; eo pleniores, quo tenuiores; nam in civitate, quo minor est census, eo maior civium numerus est; quo major, eo minor. Præerat autem singulis centuriis civis unus, dignitate præstans: qui, ne quid per fraudem committeretur, curaret; cumque ab ipsa centuria viritum suffragia lata essent, suffragiorum numerum in utramque partem dignosceret, quod diribere vocabant; & ex majore numero voluntatem centuriæ pronunciaret. Exemplum habemus in ille de Oratore, cum M. Scipio Maluginensis e centuria sua consulem L. Manlium renunciavit. Et, quemadmodum is, qui centuriæ præerat, ex majore suffragiorum numero sententiam centuriæ significabat: sic is, qui comitiis præerat, ex majore numero iudicium populi pronunciabat; hunc autem comitiorum ordinem ideo Servius Rex instituit, ut eam potestatem, quam in comitiis pauperes habebant, ad divites transferret; ante enim in pauperum manu comitia erant: ipsi magistratus dabant, leges scisciebant, bella decernebant: non quod divites comitiis excluderentur: sed quod pauperes numero præstarent; cum e Romuli, aliorumque Regum, instituto suffragia viritum populus ferret universus: quod Servius Rex non sustulit: sed callido consilio effecit, ut neque suffragio exclusus aliquis videretur, neque suffragium tamen, nisi rarissime, omnes ferrent. Nam, cum universa civium multitudo in sex classes distributa, pro suo quisque censu; classes vero in certum centuriarum numerum; cumque, quod a pluribus centuriis juberetur, id ratum esset: plerumque usu veniebat, ut non ad sextam classem deveniretur, sed priores classes ad rem faciendam satis essent: cum in una prima classe ita multæ centuriæ essent, ut, si in suffragio ferendo consentirent, ad inferiores classes descendere necesse non esset. Divites igitur auxit potestate rerum maximarum: quos comitiorum dominos constituit, si centuriarum numerum spectemus, quæ plures erant non modo in quinque primis, quam in una reliqua, in qua plebs egena censebatur, sed etiam in una prima, quam in quinque reliquis omnibus. Pauperes autem, id est, sextam classem, ne suffragiorum amissionem acerbius ferrent, militiæ, tributorumque vacatione lenivit. Sed est inter veteres de censu primæ classis controversia. Nam Dionysius fuisse tradit, centum minis; Livius, centum millibus assium; Plinius, centum & decem millibus assium; Pædianus, centum millibus sestertium. Centum minæ, ad nostratis pecuniæ rationem redactæ, scutati sunt aurei mille, & quinquaginta; centum millia assium uncialium, (unciales enim Livii ætate fuerunt; cum, qui primi a Ser. Tullio Rege percussi sunt, librales fuissent; deinde, primo Punico bello, sextantarii) scutati aurei septingenti quinquaginta; centum & decem millia assium, scutati octingenti viginti quinque; centum millia sestertium, scutorum tria millia. In hac sententiarum varietate, et-

iam si mihi de veritate non satis liquet, quiddam tamen asseram de meo sensu, non ut affirmem, sed ut aliorum opinionones eliciam; quod enim ego explicare unus minime possum; in eo si versentur multi, facilius expediri posse, certum est. Ser. Tullius, ut e censu universam civitatem in sex classes distribueret, cuiusque civis rem assibus æstimavit, quod is nummus perfectam ponderis rationem haberet; libralis enim erat: ut ex Varrone & Plinio cognovimus. Et quemadmodum bona civium nummo perfecti ponderis æstimavit, id est, asse: sic eam æstimationem perfectam nummorum numero definivit, hoc est, centum millibus assium; ut, si quis hoc tempore aliquam civitatem in partes distribueret, & civis censu distingueret Servii Regis exemplo nimium & cuiusque bona scutatis aureis æstimaret, & censum illius partis, in qua ditiores futuri essent, ad absolutam numeri rationem redigeret, puta ad mille scutorum: aut, si maximum censum infra mille veller descendere, certe centenarium, ut ita dicam, numerum sequeretur, ut in maximum censum eos potius referret, quorum res quingentis (exempli gratia ita pono) censeretur, quam eos, quorum bona non plane centenarium scutorum numero, sed minore æstimarentur, puta quadringentis quadraginta, aut quinquaginta. Cum igitur verisimile sit, maximum censum absolutum assium numero fuisse, ut in prima classe censerentur ii, quorum res non minoris esset, quam absolutus ille numerus definiret: utrum a vero aberrasse credibile est, Dionysium, an Livium? Ego Dionysium puto. Nam Livio nullam video fuisse causam, cur in maximo censu explicando non plane id ipsum exprefferit, quod a Servio institutum in antiquis annalibus legebat. Assibus, ut dixi, Servius bona civium æstimaverat: & assium mentionem faciebant ii, qui ante Livium scripserant: itaque nihil immutare Livio necesse fuit, cum eodem vocabulo, & eodem numero, ad maximi census significationem, uti posset; tantidem enim ætate Livii fuit assis, quanti Ser. Tullio regnante; tamen pondere non idem, ut ex Plinio cognoscitur. Ergo, ut in antiquis monumentis traditum Livius videbat, ita in suas historias transtulit, assisque, & centum millia, veterum fidem secutus, nominavit. Dionysius autem, qui Græce scriberet, non Romani nummi vocabulo, sed minis, Græca consuetudine, maximum censum explicavit. Satis de curiis, centuriis, & tribubus.

C A P. V.

De Comitibus.

NUNC aggrediemur ad ipsa comitia: &, ut eum, quem institimus, ordinem servemus, a curiatis primum ordiemur. Sed quoniam M. Varro, ille Romanorum omnium doctissimus, in libris suis de rebus humanis, & item in iis, quos de rebus divinis conscripsit, hunc ordinem instituit, ut sex primis libris de hominibus ageret; secundis sex de locis; sex tertiis de temporibus; sex quartis, iisdemque postremis, de rebus; unum singulare, qui communiter de omnibus narraret, ante omnes locaret: hunc ordinem ipsi quoque in hoc de comitiis libro statuiimus imitari. Itaque primum generalia quædam de comitiis præponemus; deinde quattuor illa capita, de hominibus, de locis, de temporibus, de rebus, in singulis comitiorum generibus accurate persequemur; ut, a quibus habita sint comitia, quibus locis, quibus temporibus, quibus de causis, intelligatur. Sed ut a generibus ordiamur, sicuti & Varronem fecisse diximus: si & a quibus habita sunt comitia, & ubi, & quando, & cur, considerabimus, in magna differentia communia tamen omnium comitiorum multa reperiemus.

Comitia a quibus habita.

P RIMUM numquam nisi a magistratu habita sunt, aut certe ab eo, qui honore ceteros cives antecederet, ut a Pontifice Maximo. Deinde, si magistratus crearentur, nunquam, nisi in campo Martio: tum, non nisi comitialibus diebus: postremo, legum & magistratuum causa. Hæc omnium comitorum communia fuerunt. Quæ etiam singula perpendemus. Comitia dicebantur, cum vel ad creandum Magistratum, vel ad sciendam legem, vel quovis alio nomine, modo plebs, modo populus coibat. Plebs nomine non omnes omnino cives, sed omnes, exceptis patriciis, intelliguntur. Populus universam civitatem significat. Sive igitur plebs, sive populus, in unum locum ad ferenda suffragia convocaretur; magistratus iussu, aut, si magistratus nullus esset, Interregis, vel etiam, quod semel accidisse legimus, Pontificis Maximi edicto citabatur. Et quando hic ea, quæ generaliter ad omnia comitia pertinent, exponimus, Interregem, aut Pontificem nominare, huius loci non est. Neque enim omnibus comitiis præfuisse Interregem, aut Pontificem legimus, sed centuriatis tantum, Interregem; Pontificem, tributis, & curiatis. Recte igitur inter generalia ponemus, habita esse a magistratu comitia: siquidem neque ab Interge, aut a Pontifice, omnia habebantur: & ut ab iis aliqua haberentur, extraordinarium fuit. Utrum autem ab uno magistratu, an a pluribus simul haberentur comitia, si queratur; ab uno, dicam; de quo exempla in Livio, atque in aliis, multa notavi; sed in Livio duo satis perspicua, lib. III. alterum, de M. Duillio, Tribuno pl. alterum de Ap. Claudio, Decemviro: quorum ille tribunicii comitiis, hic decemviralibus præfuit. Munere omnino fungebatur honorifico, siquis comitiis præerat: habebatque & accipiendi, & rejiciendi perentium nomina potestatem, sed ipse se creare non poterat. Quod autem Ap. Claudium Decemvirum nemo unquam præter tribunos pl. fecit: ut a Livio traditum lib. III. legimus. Quod si etiam queratur, utrum is, qui comitiis præerat, forte præesset, an consensu sine sorte: modo forte dicam, modo consensu, ut ab historia didici. De sorte exemplum habemus in Livio lib. III. his verbis: *Sorte quadam utriusque ut comitiis præesset potissimum, M. Duillio forte evenit, viro prudenti*: Loquitur de tribunicii comitiis, hoc est, tributis. At lib. XXXV. de consularibus, & ut opinor, prætoriis, quæ utraque centuriata erant, ita scripsit: *Eodem fere tempore duorum consulum litteræ allatæ sunt, L. Cornelii, ad Mutinam de prælio cum Boiis facti; & Q. Minucii a Pisis: comitia sue sortis esse, ceterum adeo suspensa omnia in Liguriis se habere, ut abscedi inde sine pernicie sociorum & damno Reip. non possit: si ita videretur patribus, mitterent ad collegam, ut si, qui profugatum bellum haberet, ad comitia Romam rediret: si id facere gravaretur, quod non sue sortis id negotium esset, se quidem facturum, quod senatus consuisset*. Loquitur, ut puto, non tam de consularibus, quam de prætoriis comitiis: non modo, quia subiungit paulo post, *nunciarent senatum, nisi ad magistratus subrogandos Romam veniret, potius quam Q. Minucius a bello integro avocaretur, Interregem iniri passurum*: (non enim dixisset, ad magistratus subrogandos, si de solis consularibus significaret) & infra, *post consularia comitia, die proximo habita esse prætoria*, dixit: verum etiam, quia libro XXXIX. cum de prætore in locum C. Decimii mortui subrogando ageretur, iis comitiis L. Porcium Consullem præesse significat: postremo, quia prætorem a prætore creari non posse, lib. I. de auspiciis M. Metella augur aperte narrat. Redeo ad sortem. Est aliud exemplum apud eundem Livium lib. XXXIX. his verbis: *Jam consularium comi-*

*tiorum appetebat tempus; quibus quia M. Emilius, cujus sortis ea cura erat, occurrere non poterat, C. Flaminius Romam venit. Nec defuit ejusdem alia de sorte exempla. Nunc de consensu agamus. Lib. 3. sic ait idem: Comitorum illi habendorum, quando minimus natus sit, consensu injungunt. Ars ea hæc erat, ne semetipso creare posset; quod præter tribunos pl. & id ipsum pessimo exemplo nemo unquam fecisset. Loquimur de decemviro comitiis, hoc est, centuriatis: quando summus magistratus, atque etiam solus, & sine provocatione, erant decemviri. Libro etiam XXXV. curam comitorum consensu mandari solitam significat. Ait enim sic: *Consulibus ambobus Italia provincia decreta est; ita ut inter se compararent, sortirenturque, uter comitiis ejus anni præesset*. Utitur enim Livius verbo *comparare*, pro *pacisci*. Ut lib. quoque XL. *Inter se*, inquit, *consules compararunt, ut Cn. Bebius ad comitia iret, quia M. Bebius frater ejus consulatum petebat*. Et libro XLI. *sedato tandem Africo tumultu, senatusconsultum factum est, ut consules inter se compararent, uter eorum ad comitia habenda Romam rediret*. Et alibi. Hæc de eo, quod primum proposui, a quibus haberentur comitia, factis sunt. Ostendi enim habita esse a magistratu; ab uno, forte, consensu.*

C A P. VII.

Comitia quibus locis habita sint.

Q UOD autem secundo loco posui, omnia comitia, si magistratuum causa haberentur, in campo Martio esse habita: necessario distinximus, quia legum causa non in campo, sed in foro tributa habita esse constat: cum centuriata, & legum & magistratuum causa, in campo semper habita sint. Quare, quoniam id, quod omnium comitorum generale sit, querimus: omnia comitia, quæ magistratuum causa haberentur, in campo Martio esse habita, recte diximus.

C A P. VIII.

Comitia quibus temporibus habita sint.

T ERTIUS locus est de diebus comitialibus. In eo non est necessaria distinctio; numquam enim, nisi comitialibus diebus, agere cum populo licebat. Comitiales autem non dico fuisse omnes dies, præter festos; sed ita dico, diem nullum fuisse comitalem, qui festus esset. Festi vero erant ii, ut Macrobius docet, quibus inerant sacrificia, epulæ, ludi, feræ. Profecti dicebantur omnes, præter festos: qui dividebantur in dies fastos, comitiales, comperendinos, statos, præliares; quorum non eadem ratio fuit. Non enim, quicumque fasti dies erant, aut comperendini, aut statati, aut præliares, iidem erant comitiales; sed qui comitiales erant, eos aut fastos, aut comperendinos, aut statos, aut præliares esse, nihil vetabat. Et quemadmodum non omnes fasti comitiales erant; sed omnes comitiales erant fasti; quod ex Macrobiis verbis elici videtur; qui ait, *Fastis diebus lege agere licuisse; Comitibus & lege agi & cum populo agi potuisse*: sic non omnes fasti erant comperendini, aut statati, aut præliares; sed ut ego judico, omnes, aut comperendini, aut statati, aut præliares, iidem erant fasti. Hic in memoriam incurro cujusdam loci in oratione pro Sextio, quem puto minus emendatum esse. Nam ubi scriptum est, *latam esse legem, ut omnibus festis diebus legem ferri liceret*; non dubito quin *fastis* pro *festis*, reponendum sit. Nam cum fasti dies non comitiales essent omnes, sed aliquot dumtaxat: lege sanxit P. Clodius, ut omnibus fastis diebus legem ferri liceret. Id & in Oratione de provinciis conf.

Cicero declarat his verbis: *Aut vobis statuendum est, legem Aeliam manere, legem Fufam non esse abrogatam, non omnibus fastis legem ferri licere, &c.* festi vero nulli comitiales erant; & omnes festos lege Clodia factos esse comitiales, absurdum est credere. Sed, ut reliqua persequamur, notat Gellius, & Macrobius, Gellium secutus; omnes dies, postridie Kalendas, Nonas, Idus, neque praeliars, neque pueros, neque comitiales fuisse; & ut nonnulli putarunt, IV. Kalendas, Nonas, Idus, nundinas fuisse inter ferias, & feriis haberi comitia non licuisse, Macrobius narrat. Quod autem Rutillium scripsisse idem Macrobius ait, *Romanos instituisse nundinas, ut octo quidem diebus in agris rustici opus facerent, nono autem die intermisso rure, ad mercatum legesque accipiendas Romam venirent*; quod ipsum & Dionysius lib. XI. significat: id falsum esse, ipse Macrobius ostendit, cum inter ferias, Cæsar & Labæonis auctoritate commotus, nundinas numeravit. Nam, si nundina feria fuerunt, leges ferri nundinis non licuit: quia feriis, ut in augurum libris Varro tradidit, viros vocare non oportuit: si vocavit, piaculum fuit. Ferias autem nundinas fuisse, præter Cæsaem & Labæonem, etiam Festus Pompeius significat, his verbis: *Ferias antiqui festas vocabant; & alie erant sine die festo, ut nundinae; alie cum festo, ut Saturnalia*. Qui vero nundinas ferias fuisse negarant, eam rationem secuti sunt, quia feriis jus dicere prætori non licebat; nundinis autem lege Hortensia licebat. Sanxit enim lege Hortensius, is, opinor, qui & alias pro plebe leges dictator tulit, non ut nundinae, feria-ve essent, sed ut a ceteris feriis una re differrent, hac inquam, ut per eas jus diceretur; uti rustici, qui nundinandi causa in urbem veniebant, lites componerent. Quod cum apud Granium Licinianum, tum apud Trebatium scriptum esse Macrobius significat. Erant igitur inter ferias nundinae, non modo quia Jovi aries omnibus nundinis immolabatur, ex quo Jovis ferias fuisse constat: verum etiam quia neque concionem advocari, neque haberi comitia licebat. Quod cum C. Julius Cæsar lib. Auspicio- rum XVI. scripserit, ut Macrobius testimonio cognoscitur: tum Cicero libro ad Atticum IV. idem videtur significare. Ait enim, *per biduum, quo nundinae fuerunt, id est, X. & IX. Kal. Decemb., neque concionem fuisse ullam, neque de habendis ædiliis cur. comitiis actum esse: nundinis conspectis, IX. Kal. Decemb. Milonem in Campum ivisse, ut consuli Metello, ædilia comitia habere cupienti, obnunciaret*. Qui in sententia videtur & Plinius fuisse, libro Naturalis Historiæ XIII. cap. 3. Scripsit enim hæc de rusticis tribubus: *Nundinis urbem revisitabant; & ideo comitia nundinis haberi non licebat, ne plebs rustica avocaretur*. Etiam Hermolaus Barbarus, homo eruditus & diligens, in scripto libro aliter legi testis est, sic videlicet: *Comitia, nisi nundinis, haberi non licebat*. Nec tamen, ultra verior sit lectio, judicet. Sed Gulielmus Budæus, vir Græce Latineque doctissimus, quod Hermolaus se non displicere significat, id se videre & scire profitetur; ait enim sic in altera editione in Pandectas: *Quamquam Hermolaus de ea lectione statuere nihil ausus sit, nos tamen eam confirmare ex Macrobio non magnopere verebimur, qui lib. I. Saturn. sic inquit: Rutillius scribit, Romanos instituisse nundinas, ut octo diebus in agris rustici opus facerent, nono autem die intermisso rure, ad mercatum legesque accipiendas Romam venirent, & ut scita atque consulta frequentiore populo referrentur; quæ, trinundino die propostæ, a singulis atque universis facile noscebantur*. Hæc recitat Budæus. Quæ fere & Dionysius, cujus libros non admodum Budæo familiares video fuisse, lib. VII. tradidit. Ego tamen non idem, quod Budæus, existimo. Rusticos enim venisse quidem ad urbem puto, ut suffragium ferrent, quod cum Rutillio Dionysius significat, non tamen, ut ipso nundinarum die, sed ut

perfectis nundinis comitiis interessent. Vix enim verisimile videtur, his tribus rebus eodem die rusticam plebem occupatam fuisse; primum, ut nundinarentur; deinde, ut lites componerent; quod eis lege Hortensia permixtum, in Grani lib. II. Macrobius notavit; postremo, ut comitiis suffragium ferrent. Præterea (ut omitam Cæsar & Labæonis auctoritatem, qui nundinas inter ferias, teste Macrobio, referunt) si tantum nundinis, id est, nono quoque die, comitia fierent, ut Budæus censet: cur, ut apud Ciceronem scriptum esse jam diximus, & XII. & XI. & IX. Kalendas aut Metellus consul ædilia comitia habere conatus est, aut Milo Tribunus pl. obnunciatione prohibuit. Cur prohiberet Milo, quod, prohibente nemine, fieri non liceret? cur autem (ut ὅστις πρότερον, ὁμολογῶν; agamus) de comitiis Metellus cogitaret iis diebus, quibus nundinae non essent, quæ fuerunt X. IX. Kalendas? Huc addamus & Festi verba, quæ nostram sententiam confirmant, & ab Hermolai scripto libro dissentiant. *Nundinas, inquit, feriarum diem esse voluerunt antiqui, quo rustici mercandi vendendique causa, in urbem convenirent; eumque nefastum; ne, si liceret cum populo agi, interpellarentur nundinatores*. In quo non de omnibus nundinis, sed, ut opinor, de iis significavit, quæ fuerunt ante legem Hortensiam. Nam post legem Hortensiam nundinas non inter nefastos dies, sed inter fastos fuisse, jam ostendimus. Illud non dubio Festus significat, nundinis haberi comitia non licuisse; nimirum igitur non, quæcumque sunt in scriptis libris, vera omnia sunt: sicuti in nostris conjecturis falsa plurima. Itaque ego, neque illos, neque has, temere soleo sequi; cum sæpe me res ipsa docuerit, quam & illi mendosi, & hæc fallaces incerta-ve sint. Correctio tum placet, primum, cum neque a veterum librorum scriptura recedit; deinde, cum aliqua simili sententia, aliquo-ve antiquitatis exemplo confirmatur. Quæ, nisi utraque conveniunt, non aggredior ad corrigendum; sed aut, quod in præsentia non successit, in aliud tempus denuo considerandum rejicio; aut, mihi ipse meoque ingenio profusus diffidens, aliis, quorum sit felicius industria, remitto. Erant præter eos, quos posui, dies, etiam si, a comitiis alieni, quibus mundus patebat. Quam rotundam in comitio fossam fuisse, quæ rerum omnium primitiæ & ejus soli, unde quisque profectus erat, particula conjuncta sunt, Plutarchus in Romulo tradit. Hæc ubi patuit, magna fuit per eos dies in urbe religio. De quo Varro sic: *Mundus cum patet, deorum tristitium acque inferum quasi janua patet*. Propterea, non modo prælium committi, verum etiam delectum rei militaris causâ habere, ac militem proficisci, navem solvere, uxorem liberum querendorum causâ ducere, religiosum est. Omisit Varro, de comitiis: sed, quod hic omiit, invenimus apud Festum. Is de Mundo sic: *Mundum gentiles (dictio, gentiles, non Festi Pompeii, sed, ut opinor, antistitis illius fuit, qui Festi liberos mutilavit, qui Romanos vocavit gentiles, quia nostram religionem nondum nossent, quo modo & alii scriptores sacri locuti sunt: Mundum, inquit, gentiles ter in anno patere putabant, his diebus, postridie Vulcanalia, ante diem III. Nonas Octobris, ante diem VI. Idus; quos dies etiam religiosos judicaverunt*. Itaque per hos dies non cum hoste manus conferebatur, non exercitus scribebatur, non comitia habebantur, non aliud quidquam in rep. nisi quod ultimum exegisset necessitas, administrabatur. Nec vero alienum est, ea, quæ in libro de Senatu exposuimus, huc afferre, ut, qui non comitiales dies, qui item comitiales fuerint, cognoscamus. Non enim, quia non omnes comitiales scire licet, ideo, quos licet, scire nolle debemus. Erant igitur, ut in eo libro docuimus, non comitiales, Kalendæ, Nonæ, Idus,

IV. Nonas Januarii, IX. Idus Januarii, VII. Idus Januarii, XIX. & XIX. Kalendas Februarii, omnes IV. Kalendas, Nonas, Idus: comitiales autem, III. Nonas Januarii, II. Nonas Januarii, omnes dies post XIX. Kalendas Februarii: Item non comitiales, V. Idus Januarii, XVI. & IX. Kal. Februarii: quia, cum primæ anni nundinæ fuerint primo Januarii die, apparet, in diem V. Idus Januarii secundas incidisse; tertias in XVI. Kalendas; quartas in IX. Kalendas. De quo in libro de legibus plura verba fecimus. Quibus autem diebus essent nundinæ, per eos haberi comitia non licuisse, proxime ostendimus. Ergo non comitiales, V. Idus Januarii, XVI. & IX. Kal. Februarii: at Comitiales IX. Kal. Februarii: quia, Q. Fabricium eo die ad ferendam rogationem venisse, in ea pro Sexrio Cicero significat. Livius, cum de Numa rege sic ait: *Idem nefastos dies fastosque fecit; quia aliquando nihil cum populo agi utile futurum erat; videtur significare, fastis diebus agi cum populo licuisse*. Nam si nefastos fecit, ut aliquando cum populo nihil agi posset, sequi videtur, iis, qui fasti essent, semper licuisse. Quod tamen fecus est. Nam et si nefastis diebus numquam agi cum populo licuit; & fasti nefastis opponuntur, sed tantum ad eam partem, quæ ad jus dicendum pertinet: quia, sicuti fasti dicebantur omnes dies, per quos legitima illa fari verba prætori licebat, do, dico, addico; sic omnes nefasti, per quos fari prætori non licebat. Ergo ad hanc partem fasti & nefasti omnino contrarie opponuntur. Quod autem ad populi rationem attinet, opponuntur quidem, sed non omnino opponuntur; quia fastis diebus agere cum populo licuit; nefastis non licuit: Non opponuntur, quia nefastis numquam licuit; fastis autem neque semper licuit, neque numquam non licuit. Licuit iis fastis, qui comitiales erant; non licuit iis, qui non erant. Nam neque omnes fasti comitiales erant, neque nulli. Quod & Macrobius lib. I. Sat. & Cicero in ea de provinciis, cuius paulo ante verba recitavi, plane significat. Quod autem ibi Macrobius profectos dies, ait, in fastos, comitiales, comprehendinos, statos, præliares dividi: in eo mihi non admodum satisfacit. Nam quemadmodum omnes festi dicuntur nefasti, ut & ipse confirmat: sic omnes profectos, qui festis opponuntur, fastos esse vocandos ratio demonstrat, præsertim cum nefastos fastis esse contrarios, & ipse dicat, & Livius significet, cum ait de Numa: *Idem nefastos dies fastosque fecit*. Nam fasti nefasti sunt, qui festi & profesti dicuntur. Itaque & Macrobius, cum Livio de Numa consentiens, sic ait: *Numa dies omnes aut festos, aut profestos, aut intercos, vocavit*. Quos enim Livius nefastos, hic festos, nominavit; quos ille fastos, hic profestos. Cum igitur profesti & fasti iidem sint: considerandum est, fatine recte Macrobius fecerit, qui profectos divisit in fastos, comitiales, comprehendinos, statos, præliares: cum fastos & profectos primum eisdem facere debuerit, sicuti re vera iidem sunt; deinde eos in comitiales, comprehendinos, statos, præliares distribuire. Nam, si comitiales, comprehendini, stati, præliares, ut inter se differunt, ita profesti omnes sunt: necessario sequitur, ut iidem omnes fasti sint: quando fastos & profectos eisdem esse jam ostendimus. Quod si sunt omnes fasti, cur, tamquam non sint, in quinque partes distribuuntur profesti, & pro una parte fasti ponuntur, alii pro reliquis? Verum de scriptoribus antiquis timide & verecunde loquimur. Non enim, si quid in eorum libris deprehendimus, quod ipsi minime probemus, statim erumpendum est ad illud, Macrobius errat, Quintilianus ignorat, male sentit Cicero. Illos ego fateor in litteris fuisse viros, & excellentes viros. Nos pueri fumus, & juvenili quodam impetu prolabimur; ambitione peccamus; & videri malumus, quam esse. Itaque si quis aliquam antiquæ notitiæ partem primis tantum, quod ajunt,

labris degustaverit, statim, quasi omnem scientiam exhausserit, ita cupit effundere. Quo mirari minus licet, si, cum ea, quæ a nostris ingenii immaturo atque ante diem eduntur, æternam vitam vivere cupiamus; contra tamen sit, ut, nobis viventibus, extincta luceamus.

Diximus, agi cum populo, nisi comitilibus diebus, non licuisse. Non satis est hominibus curiosis. Quæritur, ipsis comitilibus agi-ne semper cum populo liceret. Aliud enim est, nullis diebus, nisi comitilibus, agi cum populo licere; aliud comitilibus agi semper licere. Certum est, comitiales dies a comitiis esse dictos; quod iis tantum haberi comitia iiceret. Verum, quod licet, non idem etiam necesse est. Potest enim fieri, ut, quod licet, non tamen fieri necesse sit; quod autem necesse est, id ut ne fiat, fieri non potest. Licuit igitur, comitilibus diebus cum populo agi: sed, quia non simul necesse fuit, ideo sæpe actum non est. Quid igitur obstitit, cur, agi cum liceret, non ageretur? Religio: cuius Romani maximam semper rationem habuerunt: non tam, credo, ut pietatem colerent; (tamen hoc ego illis primum fuisse non negaverim) quam quod intelligebant, optimum id esse, atque arctissimum in Rep. vinculum incolumitatis. Nisi enim deorum metu civium animi contineantur, ad contemptum religionis paulatim sequitur etiam contemptus legum. Leges porro ubi contemnuntur, nihil cuiusquam proprium, nihil in rep. diuturnum esse potest. Fuit igitur Populus Romanus, & jure fuit, in colenda religione plurimus: nec a rebus divinis ob humanas, sed ab humanis ob divinas cessavit. Itaque festis diebus numquam habita comitia sunt: at comitilibus honor sæpe diis immortalibus habitus est, & comitia dilata. Cum enim aut supplicationes, aut conceptivæ feriæ, aut imperativæ indicerentur; tunc, si in dies comitiales inciderent, agi cum populo non licebat. Itaque Consul Cn. Cornelius Lentulus Marcellinus, cum impedire vellet, quo minus a tribunis pl. leges iniquissimæ ferrentur, indixit, ut Latine feriæ, quæ inter conceptivas a Macrobio numerantur, instaurarentur, & supplicationes haberentur. De quo sic ad Q. Fratrem Cicero lib. II. epistola, *Placitum est. Consul est egregius Lentulus, non impediens collega, sic inquam bonus, ut meliorem non viderim; dies comitiales exemit omnes; nam etiam Latine instaurantur; nec tamen deerant supplicationes; sic legibus perniciosissimis obstitit, maxime Catoni*. Et apud Dionem lib. XXXIX. legimus, Bibulum Consullem, ne ullam omnino legem ejus collega Cæsar ferre posset, supplicationes in reliquos omnes anni dies indixisse. Et M. Varro, non licuisse comitilibus diebus cum populo agi propter ferias conceptas, libro V. de lingua Latina significat, his verbis: *Comitiales dicti, quod tum, ut esset populus ad suffragium ferendum, constitutum est, nisi si quæ feriæ conceptæ essent, propter quas non liceret, ut Comitiales, Latine*. Idem puto de feriis imperativis: quas, ut ait Macrobius, Consules, vel Prætores, arbitrio imperativæ feriæ pendebant: quis dubitet, sæpe ab iis, vel hanc unam ob causam, esse imperatas, ut comitiales tollerentur, hoc est, ut improbis ac seditiosis tribunis agere cum populo non liceret? non enim puto a Consule, aut Prætoris conceptas imperativæ feriæ esse, ut comitia magistratuum, sed ut comitia legum impedirent: at quarum legum? non omnium, sed earum, quas tribuni pl. ferre conarentur; quas Reip. perniciosas sæpe fuisse, constat. Consul autem, ut Consuli leges ferenti, esset impedimento, raro, ut opinor, contigit. Unum fere Cæsaris & Bibuli exemplum historiæ produnt: quorum consulatus perpetuis contentionebus transductus est. Tollebantur igitur comitiales dies supplicationibus & feriis, aut conceptis, aut imperatis. Erant aliæ quoque causæ, quibus agi cum populo diebus comitilibus non liceret; ut, cum

de cœlo servabatur; cum obnunciabatur; cum Jupiter tonabat; cum eo morbo, qui imputatur, aliquis corruerat; cum Senatus consultum vetabatur. Sed primæ duæ causæ hoc habent differentiæ: quod ad impedienda comitia satis erat servare de cœlo, etiam si non obnunciaretur; at obnunciare nemo poterat, nisi prius de cœlo servasset. Quid enim obnunciaretur? nempe adversum aliquod signum, quod servanti de cœlo apparuisset. Hanc differentiam, ex Pædiani verbis, quæ sunt in commentario orationis in Pisonem, licet cognoscere. Sunt enim hæc: *Legem P. Clodius tulit, ne quis per eos dies, quibus cum populo agi liceret, de cœlo servaret.* Ex his verbis constat, opinor, ei, qui servaret de cœlo, non necesse fuisse, ut etiam obnunciaret; At vero, neminem obnunciare, nisi jam de cœlo servasset, inde patet, quod, sublato Clodii lege vetusto more servandi de cœlo, simul obnunciandi mos ejusdem legis sententia sublatus est. Id ejusdem Pædiani, eodem in loco, proxima verba declarant. Nam cum dixisset, *Legem tulit Clodius, ne quis per eos dies, quibus cum populo agi liceret, de cœlo servaret;* intulit: *Propter quam rogationem Legem Fusiam & Æliam, propugnacula & muros tranquillitatis atque otii, everfam esse.* Obnunciatio enim, qua perniciosius legibus obliuiscatur, quam Ælia lex confirmaverat, erat sublata. Utra igitur, inquit aliquis, erat certior ac validior impediendi ratio; cum servaretur de cœlo, nec obnunciaretur; an cum obnunciaretur, postquam de cœlo servatum esset? Dicam quod sentio. Utraque ratio satis valuit ad impediendum. Sed, cum prior simplex sit; hoc enim unum consideramus, servare de cœlo: posterior autem duplex; non est enim obnunciare, nisi prius fuit, servare de cœlo: plus in posteriore fuisse ponderis existimaverim. Non enim dubito, quin majore se religione obstringi populus Romanus putaret, si malum signum ab eo, qui de cœlo servasset, nunciaretur, quam si servaret quidem aliquis de cœlo, nihil tamen nunciaret. Potest enim aliquis servare de cœlo; nec tamen, quod mali omnis sit, signum ullum videre. Quod si servare de cœlo tantum fuisset, quantum obnunciare, quorsum obnunciaretur? quod sapissime factum esse legimus. Cur non id unum, quod satis esset, ageretur? cur, quod necessarium non esset, adderetur? Age, quoniam hæc, quia sunt a conjectura, fortasse paullo minus putantur certa: videamus, an conjecturam confirmare liceat exemplo. Q. Metellus Nepos, Consul, cum habere comitia cuperet adilibus cur. creandis; & Marcellinus, qui erat augur & consul designatus, proscripsisset, se per omnes dies comitiales de cœlo servaturum; comitia tamen habere conatus est; & habuisset, nisi T. Annius Milo tribunus pl. obnunciasset. Servante igitur de cœlo Marcellino, Metellus comitiis non abstinuit; obnunciante Milone, abstinuit. Hoc enim libro IV. ad Articum, Epitola, *Avere*, scriptum est. Quo in loco jure aliquis dubitaverit, cur Marcellinus, cum impediendis comitiis de cœlo servaret, non idem obnunciavit: quam esse certiorum impediendi rationem non ignorabat. Cur ipse de cœlo servavit, Milo autem obnunciavit? Non unus Marcellinus utrumque potuit? Respondetur dubitanti. Servavit de cœlo Marcellinus; quia licebat, ut auguri; non obnunciavit, quia magistratum non gerebat. Nam auguri servare de cœlo licuit; obnunciare non licuit; magistratibus utrumque licuit. Alterum igitur Marcellinus fecit, quia erat augur; alterum non fecit, quia magistratum non gerebat. Milo autem, cum esset in magistratu, (erat enim, ut dixi, tribunus pl.) & servavit de cœlo, & obnunciavit. Sed exempla requiruntur, ut ea, quæ dicimus, librorum testimonio confirmetur. Satisfaciam. Primum igitur Felti Pompeii verba recitabo: quæ auguribus spectationem fuisse sine nuntiatione significant. *Specere enim,*

unde spectio est, antiqui dicebant, pro servare de cœlo. Sic igitur Festus: *auguribus spectio duntaxat, quorum consilio rem gererent magistratus, non ut possent impedire nuntiando, quæ tum vidissent: sed in spectio sine nuntiatione data est, ut ipsi auspicio rem gererent, non ut alios impedirent nuntiando.* Auguribus igitur hoc unum licuit, specere, hoc est, servare de cœlo; Magistratibus autem, ut plus, quam auguribus, fuisse constet, hoc est, & servare de cœlo, & obnunciare; Ciceronis verba recitemus in II. Philippica. *Hic, inquit, bonus augur eo se sacerdotio prædum esse dixit, ut comitia auspicii vel impedire, vel vitare posset: idque se facturum esse asseveravit.* In quo primum incredibilem stupiditatem hominis cognoscite. Quid enim? istuc, quod te sacerdotis jure facere posse dixisti, si augur non esses, & consul esses, minus facere potuisses? & vide, ne etiam facilius. Disputat cum Antonio augure, & consule: & ait, facilius cum, jure consularis, quam jure auguratus, impedire, aut vitare comitia potuisses. Cur facilius? nimirum, quia, cum esset consul, & servare de cœlo posset, & obnunciare, vel si augur non esset: quod si augur tantum esset, servare quidem ei de cœlo liceret; obnunciare autem non liceret. Stupidum igitur vocat, qui hoc non intellexerit. Proxima vero, quæ sequuntur, Ciceronis verba, non dubito, quin præpostero sint ordine collocata. Nam cum sit in omnibus, quos viderim, impressis libris, *Nos enim nuntiationem solum habemus, consules, & reliqui magistratus etiam spectationem:* postulare videtur sententia, ut, duabus dictionibus loco motis, & altera in alterius locum translata, ita legatur: *Nos enim spectationem solum habemus, consules, & reliqui magistratus etiam nuntiationem.* Nos enim, dixit, pro augures: quia Cicero erat augur; quod nemo, qui ejus scripta legerit, ignorat. Quoniam igitur augures spectationem solum; consules, & reliqui magistratus etiam nuntiationem habebant, ideo facilius Antonius, quia consul, quam quia augur, impedire comitia potuisset. Sequitur de Jove Tonante. *Tonare enim Jovem, antiqui dicebant, cum tonitrua exaudiebantur.* Quod si, dum populus in comitiis erat, contingerat; statim, quasi Jupiter adversa minaretur, comitia dissolvebantur. Hinc illud, Philippica V. *Jove Tonante, cum populo agi non esse fas, quis ignorat?* Et apud Plutarchum in Catone Uticensis legimus, Magnum Pompeium, cum a prima tribu prætorem Catonem esse factum videret; nec dubitaret, quin prærogative judicium reliquæ tribus sequerentur; tonitrua se audivisse mentiris, comitia dissolvit. His de causis, præsertim duabus postremis, scire factum est, ut, suffragiis omnibus jam perlatis, nihil tamen sterneretur, sed in alium diem tota res aliaque comitia rejicerentur. Quod in prætoris Ciceronis comitiis accidisse legimus in oratione pro lege Manilia. Sic enim in ea scriptum est: *Cum propter dilationem comitiarum ter prætor primus centuriis cunctis renunciatus sum, facile intellexi, Quiritis, & quid de me judicaretis; & quid aliis prescriberetis.* De morbo, qui imputatur, qui est idem; & major; & quia comitia prohibebat, comitiales dictus; exemplum habemus in Felto Pompeio, qui etiam Catonis ex oratione locum recitat: *Prohibere, inquit, comitia, dicitur vitare diem morbo, qui vulgo quidem major, ceterum ob id ipsum comitiales appellatur.* Cato in Oratione, quam scripsit de sacrilegio commissio: *Domum cum auspiciamus, honorem me deum immortalium velim habuisse. Servi, ancillæ, si quis eorum sub centone crepuerit, quod ego non sensi, nullum mihi vitium facit. Si cui ibidem servo, aut ancillæ dormienti eoverit, quod comitia prohibere solet, ne id quidem mihi vitium facit.* Animadverti & senatus consulto factum esse, ne die comitiales comitia jam indicta haberentur, ut Cicerone, Antonio Consulibus. Nam cum L. Sergium Catilinam nova moliri, &

perniciosa Reipubl. cogitare percubisset : Consul Cicero ad senatum retulit, senatusque decrevit, ne postero die comitia, quibus consulatum Catilina petiturus erat, haberentur; ut iis de rebus, quæ in Catilinam conferebantur, in senatu posset agi. Credo, ob eam causam; quia speraret Cicero, senatum esse decretum, ut ne petentis Consulatum Catilinæ proximis comitiis ratio haberetur. Quod tamen decretum non esse, in ea pro Murena significat, his verbis: *Congemuit senatus frequens; neque tamen satis severe, pro rei indignitate, decrevit.* Octo causis, quibus agi cum populo comitialibus diebus non liceret, expoliimus, supplicationem, ferias conceptivas, ferias imperativas, specionem, obnunciationem, tonitrua, morbum comitalem, senatus consultum. Omnes, postrema excepta, ad religionem referuntur; diversa tamen ratione. Nam ut supplicationibus & feriis omitterentur comitia, honorque diis immortalibus haberetur, pietatis erat: specionis autem, obnunciationis, tonitruum, morbi comitalis, causa, ut a comitiis abstinere, metu magis, quam pietate, fiebat. Nihil enim e Reip. fieri putabatur, nisi prius, id a diis probari, signis intelligeretur. Senatus consultum non a religione, sed a Reip. periculo pendeat. Satis de diebus comitialibus.

CAP. IX.

Comitia quibus de causis habita sint.

POSTREMUM illud fuit, legum & magistratuum causa comitia esse facta; non enim tantummodo lex ea dicitur, quæ aut de jure civili, aut de criminibus fertur: sed cum aut de bello indicendo, aut de provincia mandanda, aut de imperio abrogando, aut de cive judicando, aut aliis de rebus, (sunt enim hujus generis multe) populus consultitur, tum quoque lex ferri dicitur. Quæ cum liceat exemplis singula confirmare; superfluo tamen: non ut hanc partem omnino omittam, sed ut in eum locum referrem, ubi de tributorum comitiorum causis ageretur. Quemadmodum igitur, cum dicimus legum magistratuumque causa comitia esse facta, communiter omnibus de comitiis loquimur: sic omnium comitiorum communis videtur condicio fuisse; ut, antequam suffragium populus iniret, in incertum comitiorum eventum patres auctores fierent; hoc est, quod populus iussurus esset, id patres ante comprobarent; ait enim Livius lib. I. sic: *Decreverunt, ut, cum populus Regem jussisset, id sic ratum esset, si patres auctores fierent.* Hodie quoque in legibus magistratibusque rogandis usurpatur idem jus, ut ademptum: priusquam populus suffragium inerat, in incertum comitiorum eventum patres auctores fiunt. His verbis, ut dixi, videtur hoc significati, omnibus comitiis patres auctores fieri; siquidem omnibus comitiis & leges & magistratus rogantur: verum aliter res habet; non enim iis comitiis, quæ plebeius magistratus habebat, quæ tributa dicebantur; sed iis, quæ patricius, hoc est, centuriatis & curiatis, patres auctores fiebant. Qui enim credibile est, auctoritate patrum comitia tributa confirmari oportuisse; cum patres, ut lib. II. Livius docet, iis comitiis, quibus plebeii magistratus crearentur, Voletonis Tribuni plebis lege summo fiant? Vero igitur similis est, non de omnibus comitiis, sed tantum de centuriatis & curiatis, quibus adeste patriciis licebat, Livium intellexisse. Sed, quoniam potest esse aliquid verisimile, nec tamen verum, recitabo Livii verba lib. VI. ut hoc, de centuriatis & curiatis comitiis, verum esse potius, quam verisimile, videatur. Sic igitur lib. VI. *Non leger auspicio ferantur; non Magistratus creentur; nec centuriatis, nec curia-*

tis comitiis patres auctores fiant. Quod si quis uno Livii exemplo contentus non est, audiat Ciceronis vocem, in oratione pro domo sua. *Populus, inquit, Romanus brevi tempore neque Regem sacrorum, neque Flamines, neque Salios habebit, nec ex parte dimidia reliquos sacerdotes, neque auctores centuriatorum & curiatorum comitiorum.* Patet igitur, opinor, quibus de comitiis lib. I. Livius intellexerit. Illud animadvertendum, quam valde sit imminuta senatus potestas: qui, cum in creandis Regibus populi iudicium infirmare posset, (quod enim populus iusserat, id ratum non erat, nisi deinde patres auctores fierent) mutata consuetudine, factum est, ut non post lata suffragia, sicuti per multos annos servatum erat, sed priusquam suffragium iniretur, patres auctores fierent, & quidquid omnino populus iussurus esset, ante confirmaret. Quod ætate sua fieri Livius ait: quanto autem ante fieri cœperit, non indicat. Sed Cicero, non paucis ante annis institutum esse, in oratione pro Plancio significat, his verbis: *Nam, si ita esset, quod patres apud majores nostros tenere non potuerant, ut reprehensores essent comitiorum; id haberent iudices, vel quod multo etiam minus est faciendum; tum enim magistratus non gerebat is, qui cœperat, si patres auctores non erant facti: nunc postulat a vobis, ut ejus exsilio, qui creatus sit, iudicium populi Romani reprehendatis.* Non significat, patres delisse prius auctores fieri; ut neque ante inita suffragia, neque post aut approbarent, aut improbarent comitia: sed delisse auctores fieri post habita jam comitia: quod Livii verba declarant. Ita quod Livio deest, a Cicerone sumitur; quod in Cicerone paullo obscurius est, ex Livio patet. Est-ne aliquid præterea, quod omnium comitiorum commune fuerit? est. Nam post legem Hortensiam, de qua in libro de legibus mentio facta est, quibuscumque comitiis lex ferretur, omnes Quirites tenebantur: cum antea rogationibus, quæ tributis comitiis lata essent, patricii non tenerentur. Centuriatis igitur, quorum summa semper fuit potestas, Q. Hortensii Dictatoris lege tributa comitia sunt æquata. Opinor & illud inter comitiorum generalia fuisse, ne cujus absentis in petitione Magistratus ratio haberetur. Quod tamen non per omnia Reip. tempora servatum; (nam, multis absentibus, atque etiam non petentibus consulatum esse delatum, historici loquuntur) sed postremis annis usitatum atque legitimum video fuisse; quia, ut absenti Cæsari consulatum petere liceret, Pompeio consule ferente, populus iussit. Sic enim a Cicerone & ab aliis traditum est. Quod si, ut Cæsari liceret, populus iussit: certe, antequam juberet, non licebat; non enim iussisset, si licuisset. Quod autem in petitione consulatus non licuisset, Cæsaris exemplum demonstrat: id nec in ceteris magistratibus, qui aut centuriatis, aut tributis comitiis peterent, licuisse, credendum est. Dicerem & illud omnibus comitiis convenisse, ut nihil, nisi auspicio, ageretur: de quo Livius lib. III. sic: *Augures iussos adesse ad Regillum lacum fama exierat; locumque inaugurari, ubi auspicio cum populo posset agi; ut, quidquid Romæ vi tribunicia rogatum esset, id comitiis ibi abrogaretur.* Verum, ne hoc ita existimem, facit Dionysius lib. IX. qui inter centuriata & tributa comitia cum alia quædam diversa scribit fuisse, tum hoc maxime, ut centuriata semper auspicio, tributa sine auspiciis sineque omni religione fierent. Quod cum ita sit, aut de comitiis centuriatis intellexit Livius lib. III. cum dixit, *ubi auspicio cum populo posset agi; quibus leges tribunicias Consul L. Quintilius Cincinnatus abrogare velle videretur:* aut distingue, & dic, tributa comitia, si a plebeis magistratibus, hoc est, a tribuno plebis & ædile plebis facta sint, sine auspiciis, ut ait Dionysius, esse facta; sin a patriciis magistratibus, cum auspiciis. Erant enim auspicia pa-

trictorum; ut ex Cicerone & Livio est videre. Por-
tuit igitur auspicio tribuitis comitiis Consul Cincin-
natus cum populo agere, quia consulatus patricius
erat magistratus; Tribunus autem plebis aut ædilis
plebis auspicio agere nemo potuit; de quibus tan-
tum & ipse Dionysius videtur significare; nam, cum
illam centuriarum & tributorum comitiorum dif-
ferentiam posuisset, eodem libro, non ita multo
post, subiunxit, ab eo tempore usque ad hanc diem,
ad tribunorum ædiliarumque comitia sine auspiciis si-
neque omni religione tribuitis conciones suffragia fe-
runt. Patricios autem magistratus auspicio creatos
esse, minime dubitaverim; quia lib. II. de Natura
Deorum, & in ea pro Murena, consules significat.
Quare sic fortasse vere statueretur, omnia comitia,
sive tributa, sive centuriata, tum auspicio esse ha-
bita, cum a patricio magistratu haberentur. Fuit
etiam omnium comitiorum commune, cum quidem
legum causa haberentur; ut primum privati, dein-
de magistratus eam legem, quæ rogabatur, suade-
rent, aut dissuaderent. De quo quia pluribus verbis
egimus in libro de legibus, ubi de iis, qui legem
suaderent, aut dissuaderent, mentio fit, hic mone-
re tantum satis fuit, reliqua inde petantur.

C A P. X.

Comitiorum curiatorum origo.

CURIATA comitia centuriatis antiquiora fuisse,
ea, quæ supra diximus, declarant. Nam a
Romulo ad Ser. Tullium, qui Romæ sextus
regnavit, populum curiatim ad suffragia coisse, ex
Dionysio cognoscitur. Ita, sive roganda lex esset,
sive magistratus aliquis, aut etiam Rex ipse crean-
dus, aut omnino aliquid, quod alicujus esset pon-
deris, statuendum, curiatis comitiis peragebatur;
& ut scripsit Lælius Felix, cujus verba Gellius re-
citavit, quemadmodum qui ejusdem erant census &
ætatis, in suis centuriis, separati ab aliis, suffragium
ferebant; qui ejusdem regionis & loci, in sua quis-
que tribu: sic, cum curiata comitia haberentur, pro
generibus omnium curiæ distinguebantur: ut, qui
essent e genere senatorum, in decem senatoriis cu-
riis suffragium ferrent; qui e genere equitum, in
equestribus; qui peditem, in pedestribus. Numerum
autem curiarum in unoquoque genere neque apud
Gellium, neque omnino apud quemquam legimus.
Sed, ut cum ad aliquid probandum ratio deest,
confugimus ad exemplum: sic, ubi exemplo care-
mus, confugere ad rationem necesse est; postulat
igitur ratio, ut in comitiis non plus pedites possint,
quam aut senatores, aut etiam equites; sed pari con-
dizione, cum omnes æque cives sint, in suffragiis
utantur. Sequitur igitur, ut denæ cujusque ordinis
curiæ fuerint; quod si, quo in ordine plures ho-
mines erant, ibi plures curiæ fuissent, semper ad
peditem voluntatem, qui numero præstabant, co-
mitiorum exitus consecutus esset: quo quid iniquius,
aut quid imprudentius fieri potuit in ea civitate,
quam tum primum nascentem nihil magis alere,
quam aequalia jura, parque omnium condicio pos-
set? Post Servii Regis censum omnia curiis jura sunt
erepta, & ad centurias translata: ut tamen jus illud
dandi magistratibus imperii, quod ab initio curiæ
habuerant, perpetuum illis manserit; quod Cicero
Liviusque significant. Itaque non modo consules,
qui de patribus primo creabantur, sed & tribunos
plebis centuriatis comitiis esse factos, ex Livii lib. II.
& Dionysii lib. IX. plane constat; tamen tribuno-
rum creationem post annos XVII. a centuriatis ad
tributa Voleronis lege esse translata, iidem Livius
& Dionysius narrant; quod autem factum est in
tribunis creandis Ap. Claudio, T. Quinctio cos.

idem annis jam ante XIII. factum erat in civibus
judicandis, ut de capite civis, non, ut ante, cen-
turiatis, sed tribuitis ageretur; quod in Cn. Marcii
Coriolani causa institutum est, M. Minucio, A.
Sempronio cos. Ita primum in judiciis capitalibus,
deinde plebeis in magistratibus centuriata comitia
sunt immutata; tributaque eorum loco restituta.

C A P. XI.

Comitia tributa a quibus haberentur.

TRIBUTA comitia primo, aut a Regibus, aut,
si creandus Rex esset, ab Interregibus habe-
bantur. Reges ipsi non tribuitis comitiis omnes,
neque eodem modo creati sunt. Romulus, urbis
conditor, insignibus imperii sumptis, trabea, & li-
ctoribus duodecim, quot Regibus Etruscis apparere
consequerant, ipse se Regem suo populo constituit.
Numam, si Livio credimus, senatus creavit; cum
populus eam potestatem, a patribus acceptam, ad
eosdem, a quibus acceperat, transtulisset. Sed Plu-
tarchus, Sabinis, quos in urbem Romulus recepe-
rat, & Romanis de Rege creando dissidentibus,
ait ita convenisse, ut altera pars ex altera Regem
crearet: ita Sabinum hominem Numam Pompi-
lium, qui tum Curibus habitabat, a Romanis crea-
tum: qui, per legatos accitus, cum Romam venis-
set, prolatum a Sp. Vettio senatus consulto, suffra-
gium omnes cives ulisse, quod de Numa decretum
erat, omnes confirmasse. Uterque prius a senatu
Regem Numam esse lectum videtur consentire; de
populo dissentiri; mihi in rebus Romanis certior
auctor Livius est. Itaque illum sequar potius, quam
Plutarchum. Tullum Hostilium, Interrege comitia
habente, primum tribuitis comitiis Regem populus
jussit. Patres auctores facti; sic enim post obitum
Romuli senatum decrevisse Livius ait, cum de Re-
ge creando potestatem populo permisit; adjecta con-
dizione, ut, cum populus Regem jussisset, id ita
ratum esset, si patres auctores fierent; eademque in
Anco Marcio Rege creando servata ratio est. Nec
alio jure Priscus Tarquinius regnum accepit. Ser-
vilius, injussu populi, voluntate patrum, primus
regnavit: qui tamen post aliquot annos, cum ma-
xime omnium, qui Romæ regnarunt, rem Roma-
nam præclaris factis institutisque & legibus saluber-
rimis locupletasset & constituisset; ipse ad populum
tulit, vellent juberent ne se regnare; tantoque con-
sensu, quanto haud quisquam alius ante, Rex est
declaratus. Nec dubium est, quin centuriatis comi-
tiis, quæ ipse instituerat, non, ut tres ante illum
proximi Reges, tribuitis creatus sit. L. Tarquinius,
cui Superbo cognomen a factis fuit, unus neque po-
puli jussu, neque patribus auctoribus regnavit. Re-
gno sublato, & republica constituta, a minoribus
magistratibus tributa comitia habita sunt: quos tri-
butis comitiis creatos, ex libro M. Messallæ de au-
spiciis primo Gellius lib. XIII. docet; nec tamen ab
omnibus plane minoribus habebantur, sed ab iis,
quorum inter minores potestas major erat, id est,
a quaestore, a tribuno plebis, ab ædili plebeo, at-
que etiam a curuli. Nam Cn. Flavius ædilem cu-
rulem tribuitis comitiis creatum, ædili comitia ha-
bente, patet ex historia L. Phionis, quam lib. VI.
idem Gellius recitat. Nam quod tribuitis comitiis,
quæ creandis quaestoribus habebantur, unus ex qua-
tuor tribunis mil. consulari potestate A. Sempronius
Atratinus præfuerit: (sic enim scribit Livius lib. IV.)
id factum est, quia quaestores, anno peracto, ma-
gistratu exierant; cum propter plebis patrumque con-
tentiones, comitiis omnibus dilatis, ad interregnum
deducta res esset; primum enim ab interrege tribu-
ni mil. consulari potestate, qui summus erat magi-

stratus, creati sunt: deinde, cum, qui comitia quaestoribus creandis haberent, quaestores non essent, habuit unus ex ipsis tribus Sempronius Atratinus: sed hoc extra ordinem casuque ita ferente factum est; illud ex ordine & consuetudine quod, cum & de singulis magistratibus & de iisdem candidatis bina comitia habita sint, ut in oratione II. in Rullum, & in ea pro Plancio, & in Padiano legimus, priora tributa de minore magistratu a Consulibus habita sunt: quod cum e Ciceronis epistola ad Atticum lib. IV. conjici videtur posse, in qua Miloni tribuni plebis obnuntiatio factum esse scribit, ne Metellus Consul ædiliū curulium comitia potuerit habere, tum hæc in oratione pro Plancio verba declarat, *Sed cur ego sic ago? quasi non comitiis jam superioribus sit Plancius designatus edilis; quæ comitia primum habere cepit Consul, tum omnibus in rebus summa auctoritate, tum harum ipsarum legum ambitus auctor: deinde habere cepit subito, præter opinionem omnium, ut, ne si cogitasset quidem quispiam largiri, daretur spatium comparandi; vocatæ tribus, latum suffragium, descriptæ, renuntiatae, longe plurimum valuit Plancius.* Quibus verbis, cum bina fuisset tributa comitia de minore magistratu, tum a Consule priora esse habita, manifestum est. Posteriora vero, quin a minore magistratu habita sint, cum exempla existent permulta, dubitare non licet, ædilia scilicet ab ædili; tribunicia a tribuno; quaestoria a quaestore. De binis autem comitiis ego ita statuo: neminem gessisse magistratum, nisi quem populus, bis suffragiis latis, magistratu dignum judicasset. Quod si priora comitia posterioribus comprobarentur, magistratum habebat is, qui utriusque comitiis probatus esset; sin a prioribus posteriora dissentirent, jacebat candidatus is, in quem prioribus comitiis populi voluntas inclinaverat; rursumque de alio candidato suffragia ferebantur eadem, qua dixi ratione, ut omnino binis de eodem candidato comitiis judicium populi cognosceretur: sed opinor admodum raro factum esse, ut, quod prioribus comitiis populus voluerat, id posterioribus reprehenderetur. Factum tamen aliquando esse, videtur illa verba significare, quæ sunt in oratione pro Plancio. *Quo quidem tempore, si id, Laterensium, facere voluisset; aut si gravitatis esse putasset tue; quod multi nobiles sepe fecerunt; ut, cum minus valuissent suffragiis, quam putassent, postea, prolatis comitiis, prosternerent se, & populo Romano fracto animo atque humili supplicarent, non dubito, quin omnis ad te conversura se fuerit multitudo; numquam enim nobilitas, integra præsertim atque innocens, populo Romano supplex, repudiata fuit.* Padianus autem, cum de binis comitiis meminit, cur dixerit in utrisque rogatas esse tribus, quos vellent Consules fieri; valde mirarer, nisi corruptum esse locum existimarem: vix enim credibile est, Padianum ignorasse, quod in omnibus veterum libris scriptum videmus, Consules a centuriis creatos esse; quare peritum antiquitatis hominem tam pueriliter errasse, mihi quidem persuaderi non potest; mendum subesse, & aliquid fortasse desiderari facile crediderim, cujusmodi & alia in illius commentariis loca animadvertimus. Erant igitur, ut dixi, de minore magistratu bina tributa comitia; priora a Consule; posteriora a minore magistratu habita: priora infirma, nisi posterioribus comprobarentur; posteriora potestatis absoluta; utraque sine senatus consulto; dicere & utraque sine auspiciis, non hostiis immolatis, non sacris perfectis; quæ omnia præiisse centuriatis comitiis, duobus libris IX. & X. Dionysius significat. Sed perturbor Messallæ auguris auctoritate, cujus hæc sunt verba libro I. de auspiciis, quæ lib. XIII. Gellius recitat: *Patriciorum auspiciis in duas sunt potestates divisa; maxima sunt consulum, prætorum, censorum; reliquorum magistratum minora sunt*

auspicia; ideo illi minores, hi majores magistratus appellantur. Ex his verbis minores quoque magistratus auspiciato creatos esse constat; qui cum tributis comitiis creati sint, sequitur, ut in tributis comitiis, contra quam sentire Dionysius videtur, auspicia ferrentur. Aut igitur Messalla, aut Dionysius erraverit necesse est. Ita videtur. Sed cum iisdem temporibus uterque fuerit, & uterque non solum de more majorum, sed etiam de sui temporis consuetudine loquatur: nos, qui ab illorum ætate tam longe distamus, de tantis viris sententiam ferre impudentiæ est. Ego quidem, quod ad me attinet, tantum abest, ut alterutrum damnum, ut me potius hebetem esse ad intelligendum, quam illos imperitos, aut mendaces in scribendo confitear. Sed quoniam est instituti mei, primum dubitationibus eorum ingenia, qui hæc nostra legerint, acueratque exercitare; deinde aliquid asserere, quod ad tollendam dubitationem ita valeat, ut ea valere solent, quæ probabilia videntur: alterum cum jam fecerim, alterum aggrediar; objectamque dubitationem ut de medio tollam, pro viribus enitar. Magistratus erant Romæ, tum patricii, tum plebei: patricii dicebantur, qui primo de patribus creati; plebei, qui de plebe. Ex his minores erant, quaestor, ædilis plebis, tribunus plebis, ædilis curulis; Majores, prætor, consul, censor: minorum, alii patricii, alii plebei, majores, patricii omnes. De minoribus erant patricii, quaestor, & ædilis curulis; plebei, ædilis plebis, tribunus plebis. De quaestoribus testem habeo Livium lib. IV. cum ait: *Consulibus tribuni plebis certamen intulerunt, ut pars quaestorum (nam ad id tempus patricii creati erant) ex plebe fieret.* De curulibus idem Livius lib. VI. in extremo, & libro VII. in principio scriptum reliquit. Cum igitur ait Dionysius lib. IX. *tributa comitia sine auspiciis fuisse*, intelligit ea comitia, quæ plebeis magistratibus creandis haberentur: qui enim Voletonis lex, de qua tunc Dionysius agit, ad omnes minores magistratus, tam patricos, quam plebeios, pertinuit, id est, ad quaestorem, ædilem plebis, tribunum plebis, ædilem curulem; cum eo tempore non a populo, sed a consulibus quaestores fierent; curules autem ædiles nondum essent instituti? Nam, quaestores creati a populo ceptos esse anno post urbem conditam LXXXI. id est, multis post latam a Volerone legem annis, legimus in historia Taciti lib. XI. hunc enim potius sequor, quam Junium Gracchanum, quem nominat Ulpianus, contra sentientem. Fuit igitur Voletonis lex de plebeis tantum magistratibus, id est, de ædili plebis & tribuno plebis; quod tum a Livio lib. II. significatur, his verbis: *Rogationem Volero tulit, ut plebei magistratus tributis comitiis fierent:* tum ab ipso Dionysio confirmatur lib. X. cum ait: *Ab eo tempore ad hanc diem in tribunorum ædiliūque comitiis, sine auspiciis, sine ulla religione, populus tribunicia suffragia fert.* Consentit igitur cum Livio Dionysius: quia de minoribus magistratibus plebeios tantum nominat, omisissis quaestore & ædili curuli, qui post Voletonis legem a populo creati sunt. Quod si plebei tantum magistratus ex Voletonis lege & tributis comitiis & sine auspiciis creati sunt: sequitur, ut minores reliqui magistratus, qui erant patricii, auspiciato creati videantur, de quibus intellexit Messalla, cum dixit: *Reliquorum magistratum minora sunt auspicia;* dixit enim non de cunctis minoribus, sed de minoribus patriciis: Dionysius autem nec ipse de minoribus cunctis, qui deinde in republica fuerunt, sed de cunctis, qui, cum Volero legem tulit, minores erant: quos fuisse patricos diximus. Nam, si de cunctis minoribus intellexisset, non, in tribunorum ædiliūque comitiis, dixisset, sed, in minorum magistratum comitiis. Cum igitur de minoribus magistratibus solos plebeios nominaverit: satis arguit, eorum, quos non

nominat, diversam conditionem fuisse. Ergo, ut de tributorum comitionum auspiciis concludamus, tributa comitia dicemus, si minores plebei magistratus crearentur, sine auspiciis habita esse, & sine senatus consulto; quod Dionysius ait: si minores patricii, semper quidem sine senatus consulto, nunquam tamen sine auspiciis: quorum alterum Dionysius aperte narrat, alterum Messalla non obscure significat. Pergo ad reliqua. Dixi, tributa comitia in minore magistratu creando etiam a consule esse habita; nunc illud addo, quod mirandum magis videri possit, in maiore magistratu creando habita esse Livium significare; qui lib. v. ita scripsit: *Omnes ex collegio ejusdem anni refici apparebat, L. Titinium, P. Menenium, Cn. Genucium, L. Atilium; qui priusquam renunciarentur jure vocatis tribubus, permisso Interregis P. Licinius Calvus ita verba fecit. Cur in tribunis militum consulari potestate creandis, qui major erat magistratus, cum proconsule essent, tribus nominat? cum majores omnes magistratus non a tribubus, sed a centuriis fieri solitos esse, quam plurimis doceamur exemplis. Ego lic existimo: cum singuli magistratus, sive majores, sive minores, binis comitiis fierent, (quod jam probatum est) in minore magistratu creando utraque fuisset tributa comitia; in maiore neque utraque tributa, neque utraque centuriata, sed priora tributa, posteriora centuriata fuisset. Quod autem, opinor, facile veterum testimonio comprobatur; nam de binis tribubus, in minore magistratu, significant illa, quae jam ex Oratione pro Plancio recitavimus; de tributis autem, & centuriatis, in maiore, vel hic ipse Livii locus declarat; nominat enim tribus, cum priora comitia intelligit; centurias autem etiam non nominat, eas tamen suffragium in posterioribus comitiis tulisse dubium non est; qui enim centuriatis comitiis creari majores magistratus dicerentur, si neque in prioribus, neque in posterioribus comitiis centuriarum suffragium ferrent? Hæc ipsa de maiore magistratu bina comitia, tributa, & centuriata, videtur Cicero in II. Agraria significare, cum ait: *Me non extrema tribus suffragiorum, sed primi illi vestri concursus, neque singula voces præconum, sed una voce universus populus Romanus consulem declaravit.* Nam, cum ait, *extrema tribus suffragiorum*, significat nonnullos ita consules esse factos, ut a repulsa minimam abfuerint: cum ex XXXV. tribubus consularum detulissent XVII. & item XVII. negassent, una vero, quæ suffragium extrema tulit, trigesima quinta ad suffragantes XVII. tribus inclinans, legitimum numerum confecerit. In meis, inquit, comitiis non ea tribus, quæ suffragium extrema fert, me consulem fecit, sed magno concursu primæ singulæ tribus, ita non varie, ut extremæ tribus suffragia expectare, necesse non fuerit. Significat etiam Livius lib. IX. M. Livium Salinatorem & consulem & censores, a tribubus esse factum; ait enim sic: *M. Livius in ararium venit; & præter Mæciam tribum, quæ se nec condemnasset, neque condemnatum, aut consulem, aut censores fecisset, populum Romanum omnem, quattuor & triginta tribus ærarios reliquit; quod & innocentem se condemnasset, & condemnatum consulem & censores fecissent, neque infirmari possent, aut judicio semel, aut comitiis bis, ab se peccatum esse.* Notavimus & in oratione pro Milone locum; quo ex loco planum fit, non centurias modo, verum etiam tribus in consularibus comitiis suffragia tulisse. Occurrebat, inquit de P. Clodio, *maneam ac debilem præturam suam futuram consule Milone; cum porro summo consensu populi Romani consulem fieri videbat; contulit se ad ejus competitores, sed ita, totam ut petitionem ipse solus etiam invitatis illis gubernaret; tota ut comitia suis, ut deditabat, humeris sustineret; convocabat tribus, se interponebat; coloniam noxam, delectum perditissimum**

scribebat civium. Convocabat enim Clodius tribus, ut Scipioni potius & Hypsæo, quam Miloni & Scipioni, aut Miloni & Hypsæo consularum demandaret, prioribus scilicet comitiis; nam, posteriora omnino fuisse centuriata, necesse est. Hoc ipsum, de binis comitiis in maiore magistratu creando, significat & Plutarchus in Catone Uticensi; ait enim, *cum prima tribus Catonem prætorem declarasset, Pompeium, tonitrua se audivisse mentium, comitia dissoluisse.* Præturam igitur, qui major erat magistratus, tributis comitiis datam satis liquet: cum tamen & centuriata deinde esse habita jam dixerim. Sæpe autem contigit, ut, comitiis utriusque perfectis, produceretur tamen res, antequam renunciatus esset is, cui magistratum populus detulisset; id significant illa verba pro Milone: *Ubi vidit homo, ad omne facinus paratissimus, fortissimum virum, inimicissimum suum, certissimum consulem; idque intellexit non solum sermonibus, sed etiam suffragii populi Romani esse declaratum; palam agere cepit, & aperte dicere, occidendum Milonem.* Quibus in comitiis populus Milonem consulem declaravit? nempe consularibus: quibus & Milo ipse, & Scipio, & Hypsæus perebant; quæ cum sæpe essent instituta, aut etiam habita; nunquam tamen perfecta res est: vel, ut Pædianus ait, *ob contentiones candidatorum; cum aut instituta comitia, in quibus populi Romani studium erga Milonem ex ipsis suffragiis appareret, perfici non sinerent; aut, jam perfectis, consulem Milonem a consule comitia habente renunciari tumultu excitato non paterentur; vel, quod sæpe usu venit, ob religionem ab aliquo augure obiectam.* Comitia enim jam habita rescindi solet augere renunciantem, significat his verbis Cicero lib. II. de Legibus: *Quid majus est, si de jure querimus, quam posse a summis imperiis & summis potestatibus comitiis & conciliis vel instituta dimittere, vel habita rescindere? Quid gravius, quam rem susceptam dirimi, si augur, alio die, dixerit? Malo enim ita legere, ex Oratione II. in Antonium, quam, ut impressi libri habent, *Aliter dixerit.* Ob hanc ipsam causam ter dilata esse, cum iam suffragia populus universus tulisset, prætoriam Ciceronis comitia existimo. Qua de re sic in iustione Manilii rogationis. *Cum propter dilationem comitionum ter prætor primus centuriis cunctis renunciatus sum; facile intellexi, Quirites, & quid de me iudicaretis; & quid alii prescriberetis.* Habebantur & a pontifice tributa comitia pontifici maximo furrogando. Cujus rei notitia ex una parte a Livio, ex altera a Svetonio & Plutarcho colligitur. Nam, præfuisse pontificem iis comitiis, quibus pontifex maximus crearetur, indicat Livius lib. XXV. his verbis: *Comitia inde pontifici maximo creando sunt habita; ea comitia novus pontifex M. Cornelius Cethegus habuit.* Hæc vero, quibus pontifex maximus crearetur, tributa fuisse comitia, Svetonii verba declarant, quæ sunt hæc in C. Cæsarivita: *Pontificatum maximum petiit, non sine profundissima largitione: potentissimosque duos competitores, multum & ætate & dignitate antecedentes, superavit: ut plura ipse in eorum tribubus suffragia, quam uterque in omnibus, tulcrit.* Idem & Plutarchus significat: qui etiam duos illos Cæsaris competitores, quos Svetonius non appellat, ipse nominat. Ait enim alterum fuisse P. Servilium Hauricum, alterum Q. Lutatium Catulum: quorum utrumque consulem eo tempore fuisse, Servilium etiam triumphalem, ex annalibus constat. Quod si Paullulus mihi licet, meo more, dubitare, libenter queram, Cethegus ille, a quo pontifex comitia habita Livius ait, utrum pontifex pari cum multis dignitate, an vero pontifex & ipse maximus fuerit. Pontificem fuisse maximum non est ut credi possit; nam, si maximus ipse pontifex est, cur pontifici maximo creando haber comitia? an, ut essent eodem tempore duo pontifices Maximi? hoc quidem absurdum magnopere est; sin, non fuisse maximum pontificem*

tificem Cethegum, sed unum de collegio pontificum, dicemus, a Livio dissentimus: qui aliquanto ante illa verba, quæ jam recipimus, eodem libro sic ait: *Aliquot publici sacerdotes mortui eo anno sunt, L. Cornelius Lentulus pontifex maximus, & C. Papirius C. F. Masso pontifex, & C. Furius Philus augur, & C. Papirius L. F. Masso decemvir Sacrorum; in Lentuli locum C. Cornelius Cethegus, in Papirii Cn. Servilius Cæpio, pontifices successi sunt.* Et deinde reliqua. Non obscure significat, factum esse Cethegum pontificem maximum: siquidem in locum Lentuli, qui pontifex maximus fuerat, successus est. Tollitur dubitatio sic. Duo pontifices erant, qui maximi dicebantur, impari tamen dignitate: alter, qui sacerdotibus omnibus sacrificæ præerat, qui tributis comitiis creabatur; alter, qui non a dignitate, sed a sacerdotii vetustate maximus appellabatur, quod in collegium minorum pontificum primus venisset; quo mortuo, non dicebatur maximus is, qui surrogatus esset, sed tantummodo pontifex: quia, quod cognomen vetustas sacerdotii dabat, id in eum, qui postremus esset cooptatus, conferri simul cum sacerdotio non poterat; & hoc est causæ, cur Livius, cum L. Cornelium Lentulum pontificem maximum nominaverit, non subiungit de Cethego pontifice maximo in Lentuli locum successo; sed tantum ait, eum pontificem esse factum; ejusque & Cn. Servilii Cæpionis dignitatem adæquat; quia pontifices simul nominantur, sine ulla distinctione cognominis, quod Lentulus vetusti jure sacerdotii habuerat. De quo, ne quis hæc me per somnii phantasmata putet invenisse, Festi verba recitabimus. Is igitur hæc de duobus maximis pontificibus: *maximus pontifex, quod maximus rerum, quæ ad sacra & religiones pertinent, iudex sit, vindexque contumaciæ privatorum magistratuumque. Minorum pontificum maximus dicitur, qui primus in id collegium venit; item minimus, qui novissimus.* Semel etiam tribunorum plebis comitiis, quæ tributa fuisse diximus, pontificem maximum præfuisse, legimus in Livio lib. III. cum enim ad sedandas discordias inter senatum plebemque convenisset, ut decem tribuni plebis crearentur: censuit senatus, ut Q. Furius pontifex maximus, quod magistratus nullus erat, tribuni plebis crearet: quod, præter Livium, scripsit etiam Cicero in oratione pro C. Cornelio; & interpres Pædianus pontificem maximum, cujus nomen Cicero non ponit, ait fuisse M. Papirium: cum Livius Q. Fulvium appellet. Jam igitur ostendimus, a quaestore, ab ædili plebis, a tribuno plebis, ab ædili curuli, qui minores magistratus erant, item a consule, a pontifice tributa comitia esse habita. Reliquum est, an a prætore haberentur, ut consideremus. Tributa comitia prætoribus creandis prætor non habebat: non solum ob eam causam, quia prætura, quæ minores inter magistratus erat, non tributis, sed centuriatis comitiis dabatur: verum etiam, quia non a prætore, sed a consule prætorica comitia habebantur; quod cum Messala docet in libro de Auspiciis apud Gellium, tum Livius exemplo confirmat in lib. XXXIX. Ob has igitur causas minoribus creandis magistratibus tributa comitia prætor non habebat. Descendamus ad minores. Ædilis curulis, qui fuit magistratus inter minores honoratissimus, quia sella curuli solus sedit, & ordine petitionis ultimus erat, non a prætore, sed ab ædili curuli creabatur; quod exemplo Cn. Flavii e Pisonis historia jam ostendimus. Tribuni plebis & ipse non a prætore, sed a tribuno plebis creabatur. Cujus rei cum argumenta ac testimonia veteris historiæ multa sunt, tum apud Livium lib. III. expressa de Duillio tribuno plebis tribunicia comitia habentio mentio est. Ædilem plebis, cum ante præturam ædilitas plebis multis annis Romæ fuerit, numquam a prætore creatum crediderim, sed ab eo magistratu,

a quo creatus ab initio est; nec vero dubitaverim, quin is fuerit tribunus plebis, quandoquidem & petentibus tribunis plebis iis, qui primi facti sunt, tamquam eorum administratos, creatos esse ædiles plebis Dionysius lib. VI. prodidit: & plebeium magistratum a plebeio potius, quam a patricio creatum esse facile crediderim. Plebeius autem, qui ædiliū plebis comitiis præficeret, excepto tribuno plebis, magistratus erat nullus. Nam ut ipsi ædiles infrequentis anni ædiles crearent, minus verisimile est, quam si de tribunis plebis opinemur; quos enim creati suæ potestatis administratos voluerunt, ut ex Dionysio jam ostendimus, eorum comitia cur ipsi habere noluerint, non video. Quæstorum comitia ne ipsa quidem a prætore, qui multis annis post quæstores creatos institutus est, sed aut a consule, aut a quaestore ipso, habita crediderim. Nam a tribuno plebis, aut ab ædili plebis, hoc est, magistratu plebeio, patricium magistratum esse factum, (erat enim inter magistratus patricos quaestura) verisimile non videtur; infra quaesturam erant alii minores magistratus, triumviri capitales, triumviri mensarii, triumviri monetales, quos nominabimus in libro de magistratibus; hi, si conjecturæ locus est, a prætore tributis comitiis omnes creati sunt. Duco autem conjecturam a simili. Nam apud Livium lib. XXV. scriptum video, prætorem urbanum iis comitiis præfuisse, quibus creati sunt quinqueviri muris turribusque reficiendis, & triumviri bini, uni sacris conquirendis, donisque persignandis, alteri reficiendis ædibus Fortunæ & Matris Marutæ & Spei; & Festus Pompeius ex Lege L. Papirii tribuni plebis verba recitat; quæ treviros capitales a prætore urbano comitiis creatos significant. Quod cum ita sit, de ceteris infra quaesturam minoribus magistratibus non absurde, ut opinor, idem existimabitur. Invenio tamen, & ab interrege habita tributa comitia tribunis militum consulari potestate creandis; & a prætore urbano, cum triumviros capitales, aut præfectos oppidorum designari vellet.

C A P. XII.

Comitia tributa quibus locis habita sint.

QUEMADMODUM tributa comitia, modo magistratum, modo legum causæ; sic modo in foro, modo in campo Martio, habebantur: in foro, cum leges ferebantur; in campo, cum magistratus creabantur. Legimus & in Capitolium ad accipiendas leges populum tributum convenisse; sed, Capitolium intra fori terminos fuisse, ex P. Victoris libello, de regionibus urbis Romæ, perspicuum sit. Ac, de legibus in foro latis, populo tributum convocato, ita crebra est in antiquorum libris mentio, ut exempla recitare supervacaneum videatur; quas enim rogationes tribuni plebis tulerunt, omnes tum tributis comitiis, tum in foro latis esse animadvertimus. De tributis autem comitiis in campo Martio habitis, exstant hæc Ciceronis verba in I. ad Atticum epistola: *In campo comitiis tribuniciis ad XVI. Kal. Sext. competitor, qui certi esse videbantur, Galba, & Antonius, & Q. Cornificius.* Tribunicia enim fuisse tributa, ex Gellio patet: qui, præter prætorem, consulem, censorem, reliquos ait & fuisse minores magistratus, & tributis comitiis creatos. Alterum exemplum est item ad Atticum lib. IV. his verbis: *In campo Martio septa tributis comitiis marmorea sumus & testa facturi.*

C A P. XIII.

Comitia tributa quo tempore haberentur.

CUM ineundis magistratibus non eundem diem per omnia Reip. tempora servatum esse videam: sequitur, ut nec eundem mensem habendis comitiis legitimum fuisse existimem; quo autem mense majores magistratus centuriatis comitiis designati sunt, eo minores quoque tributis esse designatos facile aliquis possit conjicere. Ego autem hoc non omnino per omnia reip. tempora servatum existimo, sed tantum per ea tempora, cum Kalendis Januarii consules magistratum inierunt; cum enim consulatus capiendi legitimus dies fuit Kalendæ Sextilis, aut Idus Maii, aut Idus Decembris, aut Kalendæ Octobris, aut Idus Martii; (his enim diebus consules, aut tribunos mil. consulari potestate magistratum inivisse, in libro de magistratibus ostendimus) tunc, eodem mense omnia omnium magistratuum comitia esse habita, credibile non est. Assenserim fortasse de minoribus magistratibus, qui patricii essent, id est, de quaestore & ædili curuli: sed in designandis minoribus plebeis diversam putationem fuisse; verbi causa, ineunt magistratum consules Idibus Martiis: quod diu servatum est; ergo ante Idus Martias designati sunt. Tribuni plebis non Idibus Martiis, sed IV. Idus Decembris magistratum inierunt; quod, ab initio tribunicia potestatis institutum, numquam deinde est immutatum. An ante Idus Martias ipsos quoque designatos esse dicemus? verisimile non videtur; novem enim mensibus ante diem ineundi magistratus designati fuissent, eoque etiam amplius, quo longius ab ineundi magistratus die majorum magistratuum comitia distabant; non enim statim post designationem magistratum consules, aut alii majores magistratus inibant; idque jam tum usuratum fuisse, cum decemviri creati sunt, significat libro III. Livius his verbis: *Decemviri creati Ap. Claudius, T. Genucius, P. Sestius, L. Veturius, C. Julius, A. Manlius, P. Sulpicius, P. Curiatius, T. Romulus, Sp. Postumius, Claudio & Genucio, quia designati consules in eum annum fuerant, pro honore honor redditus*. Distinguendum igitur, & ita statuendum; tributa comitia, si patricii minores magistratus designarentur, eodem tempore, quo centuriata, esse habita; sin plebei, multo post; idque tam diu servatum fuisse crediderim, quamdiu majores magistratus aliquot mensibus ante minores magistratum inierunt; nam, cum aut Idibus Decembris, aut Kalendis Januariis, aut etiam fortasse Kalendis Octobribus consulatus initium fuit: tunc, eodem mense omnes magistratus esse designatos, siue majores essent, siue minores, consentaneum est. Postremis quidem reipublicæ temporibus, Quinctilem designandis cunctis magistratibus legitimum fuisse mensem, ex epistola I. Ciceronis ad Att. satis constat: quæ ipsa epistola tribunorum plebis comitia ante consularia esse habita significat: credo, propter eam causam, quia quemadmodum tribuni plebis magistratum ante consules inibant, sic ante consules designari æquum fuit: inibant autem consules, Ciceronis ætate, magistratum Kalendis Januarii, quod studiosi norunt omnes: Tribuni vero IV. Idus Decembris; quod Livius indicat libro XXXIX. his verbis: *Antiatem auctorem refellit tribunus plebis M. Nævius: adversus quem oratio inscripta P. Africani est*. Nævius hic magistratum non inivit P. Claudio, L. Porcio consulibus, sed inivit Ap. Claudio, M. Sempronio consulibus ad IV. Idus Decembris; inde tres menses ad Idus Martias sunt, quibus P. Claudius, L. Porcius consulatus inierunt. Cujus loci auctoritate videtur Dionysii locus posse corrigi; nam libro VI. de primis

tribunis plebis sic ait: *Δημαρχικῶν ἐξουσιᾶν πρῶτοι παρέλαβον οἱ πέντε ἄνδρες ἡμέρα τετάρτη πρὸ τελῶν εἰδὼν Δεκεμβρίαν, ὡς περ ἔμελλε τὴ κατ' ἡμᾶς χρόνῳ γίνεσθαι*. Scripsit, opinor, Dionysius, *πρὸ τῶν εἰδῶν*, non, ut impressum est in vulgatis libris, *πρὸ τελῶν εἰδῶν*. Quis enim umquam sic locutus est, aut quid omnino significat, *ἡμέρα τετάρτη πρὸ τῶν εἰδῶν*? At vero, si legas, *ἡμέρα τετάρτη πρὸ τῆς εἰδῶν*, aperta, & Latinis etiam hominibus ulitata locutio erit; nam, die quarto ante Idus, &, ante diem IV. Idus, & ad IV. Idus, & IV. Idus, cum dicimus, veterem loquendi consuetudinem imitatur, & eundem diem significamus. Neque vero Pædiani verba vacare mendo existimaverim, ubi explanat illud secundæ Orationis in Verrem: *P. Sulpicius magistratum ineat necesse est Nonis Decembris*; ait enim, *Sulpicius eo die tribunum plebis futurum*. Quod certe si ita scripsit Pædianus, imperite scripsit: sed culpam in librariorum potius conferamus, qui libros mendosissime scribere consueverunt; non enim ignotum Pædiano potuit esse, tribunos plebis magistratum inivisse IV. Idus Decembris: præsertim cum id perpetuo servatum sit, jam ab eo tempore, quo tribunicia potestas Romæ est instituta. Itaque dixit Dionysius, *ὡς περ ἔμελλε τὴ κατ' ἡμᾶς χρόνῳ γίνεσθαι*. Aut igitur ex ipsa consuetudine, quæ nunquam immutata est, aut ex Livio ac Dionysio facile fuit Pædiano cognoscere, non Nonas Decembris, sed IV. Idus Decembris legitimum ineundi magistratus diem tribunis plebis fuisse. Præterea, cur de mendo suspicer, etiam illud facit, quod, si tribunus plebis designatus fuisset Sulpicius, nominasset illum Cicero cum Manlio & Cornificio; non enim partite dixisset, sicuti dixit, *Q. Manlium & Q. Cornificium, duos severissimos atque integerrimos iudices, quod tribuni plebis tum erunt, iudices non habebimus*; P. Sulpicius, iudex tristis & integer, magistratum ineat necesse est Nonis Decembris. Non, inquam, a duobus tribunis plebis, Manlio & Cornificio, Sulpicius, si & ipse tribunus plebis esset designatus, ieiunxisset, sed una omnes nominasset. Nec leve etiam illud est argumentum, ad indicandum, Pædiani dicam, an librariorum, culpam; quod Sulpicius, qui fuit e gente patricia, tribunus plebis esse non potuit: cum tribunatus plebis solis plebeis daretur.

C A P. XIV.

Comitia tributa quibus de causis haberentur.

TRIBUTA comitia tum ad magistratus creandos, tum ad leges sciendas habita esse, exempla declarant; dicerem, & ad bella jubenda; nisi legis nomen ita late patere cognovissem, ut etiam actiones de bello indicendo comprehenderet; quid enim comitiis ageretur, de eo populus rogabatur: & rogantis aucto rogatio dicebatur. Rogationem autem legis nomine appellaram esse, sicuti & legem rogationis, ex Gellii libro X. & ex ipso veterum testimonio, notum est. Magistratus non omnino omnes tributis comitiis creabantur, sed ii dumtaxat, qui minores dicebantur: qui erant, ut etiam dicemus in libro de magistratibus, quaestura, ædilitas plebis, tribunatus plebis (etiam magistratum fuisse, Plutarchus negat: sed magistratum tamen & Cicero, & historici nominant) ædilitas curulis: præterea centumviri litibus judicandis, triumviri capitales, triumviri nocturni, triumviri monetæ eundem, quaestores parricidii, tribuni ærarii, tribuni militum comitiati, & alii, opinor;

quos omnes illa verba significant, quæ sunt apud Ciceronem libro III. de Legibus: *minores magistratus partiti juris plures in plera sunt*. Quem locum, si ita legatur, non esse mendosum, ut nonnullis visum est, ostendimus in libro de magistratibus: qui erit ad III. librum Ciceronis de Legibus quasi commentarius. Prefectos etiam oppidorum, non omnes tamen, sed aliquot, in hunc ordinem refero; quia creatos a populo legimus in Feslo. Nec dubitandum est, quin & ea tributa fuerint comitia; quibus triumviros deducendis coloniis in Capitolio creatos esse scripsit Livius libro XXXIV. qui, etsi tributa non nominat, quia tamen habita in Capitolio dicit, satis aperte declarat tributa fuisse; nam centuriata non in Capitolio, sed extra urbem in campo Martio habita esse, ex Dionysio, Livio, Cicerone, Gellio facit liquet. Ut omitam, quod in Gellio legimus, centuriatis comitiis tantum eos magistratus, qui majores dicebantur, esse designatos. Quod cum ita sit: sequitur, ut reliquos omnes tribus comitiis populus creaverit. Pontificem quoque maximum, qui tamen non magistratus, sed honor fuit, cum in Livii libro XXXV. comitiis creatum legerem, de tribus accipiendum putavi: quia Cæsarem tribus comitiis maximum pontificem esse factum, e Sveronio, Plutarcho, Dione cognovimus. Sed de pontificis maximi, ac reliquorum sacerdotum creatione in duobus libris, de legibus, & de religione, haud paulo fufius agemus. Nunc, quando propositis tributorum comitorum causis, eam, quæ ad magistratus attinebat, explicavimus; alteram, quæ superest, de legibus, aggrediamur. Legum causa tributa comitia habebantur; si ve de jure civili lex ferretur, si ve de criminibus vindicandis, si ve de bello indicendo, si ve de provincia mandanda, si ve de pace faciendi, si ve de civitate danda, si ve de imperio abrogando, si ve de capite civis. Legis enim nomine continebatur, quicquid horum cum populo ageretur. Neque vero id, quod dixi, generale, est, ut iis omnibus de rebus, quas nominavi, leges omnes tribus comitiis ferrentur. Nam, ut incipiam a jure civili, & a criminibus; quæ utraque privati juris sunt; ut in libro de legibus ostendimus: Leges XII. tabularum, in quibus dubium non est de jure privato fuisse multas, centuriatis comitiis latas esse legimus; de bello autem indicendo quod dixi, ita recte dictum affirmo, si sic accipiat, tribus non sæpe esse actum, centuriatis sæpissime: ut, cum Veientibus indictum bellum est, consulibus A. Cornelio Cossio, T. Quinctio Pæno iterum; & Philippo Macedonum Regi, Ser. Sulpicio Galba, C. Aurelio Consulis; & Persico Philippi filio, P. Licinio, C. Cassio Consulis. Quæ Livii tribus libris, IV. XXXI. XLII. notavimus. Tribus autem comitiis adverbis Veliternos bellum esse justum, idem Livius libro VI. tradidit; sed, si ve tribus, si ve centuriatis comitiis de bello actum est; semper prius senatum esse consultum, deinde ad populum latum, idem, quo tam sæpe utimur teste, Livius dixit libro XLII. De provincia mandanda neque semper tribus, neque semper centuriatis comitiis actum est. Tribus actum esse, cum Q. Fabio Maximo Etruria provincia decreta est, libro X. Livius ostendit; Centuriatis, cum P. Scipionem, cum, qui Africanus postea dictus est, proconsulem in Hispania esse populus iussit, idem Livius libro XXVI. tradidit. Sequuntur tria capita, de pace faciendi, fœdere percutiendo, imperio abrogando. In his exceptioni locus non est. Leges enim omnes, quæ ad hæc spectarent, tribus comitiis latas esse, historiæ demonstrant. Tanrum illud quæstione dignum videri potest; cur, cum de bello, adversus Philippum Macedonum Regem inferendo centuriatis comitiis esset actum; quod apud Livium libro XXXI. scriptum est: mox de pace cum

eadem faciendi tribus comitiis actum sit; quod libro XXXIII. apud eundem Livium observavimus; mihi hoc videtur fuisse causæ; quod, cum centuriata comitia tribus dignitate præstarent; inque iis majores magistratus creati mos fuerit; Senatus, si quid gravius agendum esset, centuriatis potius, quam tribus committebat; graviorem autem fuisse actionem de bello, quam de pace, nemo dubitat; tunc enim agebatur de bello suscipiendo; cum aut, nisi susciperetur, aditura periculum resp. videretur; aut injurias alicujus ulcisci ad populi R. dignitatem pertineret: at de pace tunc agebatur; cum, sublati periculi metu, jam in tuto res esset; finis autem belli non ad vitandam calamitatem, sed commodi causâ quæreretur; numquam enim populus Romanus sine aliqua utili condicione pacem fecit. Quanto igitur pluri est, periculum repellere, aut dignitatem tueri, quam emolumentum aliquod parere: tanto magis ad centuriata comitia, quam ad tributa belli actio pertinuit. Quod cum ita sit, semel tamen, quod meminimus, tribus comitiis actum de bello legimus, sed eo bello, in quo periculi nihil esset, adversus Veliternos colonos, qui defecerant: ut ad sumendam potius de Veliternis pœnam, quam ad bellum gerendum, exercitus ire videretur; non enim dubito, quin, si majoris momenti res fuisset, bellum a centuriis potius, quam a tribus, justum esset: sicuti paucis ante annis factum animadverto, cum Veientibus bellum est indictum, consulibus, ut jam dixi, A. Cornelio Cossio, T. Quinctio Pæno iterum. De civitate danda, quod populi jus fuisse patet ex oratione pro Balbo, semper comitiis actum est, sed, ut opinor, centuriatis, ante legem Hortensii dictatoris; post legem Hortensiam, tribus; non enim dubito, quin Ap. Claudio Sabino, quem non modo ante legem Hortensiam, sed etiam ante Coriolani damnationem, ab Regillo Roman transfugisse, Livius & Dionysius tradiderunt, centuriatis comitiis civitas data sit. Nam, si ante quam de Coriolano judicium fieret, Appius civitate donatus est, qui postumus de tribus comitiis existimare, cum ante Coriolani judicium nunquam populum, nisi per centurias convocatum suffragia tulisse, libro VII. Dionysius affirmet? Præterea, a quo magistratu haberentur tributa comitia, cum, quo tempore Ap. Claudius civitate donatus est, tribuni plebis creati nondum essent? Dicit aliquis, a consule. Negatur. Nam, ut omitam, quod ab ætate Servii regis, qui centuriata comitia instituit, ad usque creationem tribunorum plebis nullam tributorum comitorum mentionem invenio, credibile non est, ea de re consulem tribus comitiis usum esse potius, quam centuriatis, quæ senatui non minus, quam populo probarentur. Tributa enim voluntatem tantummodo plebis, centuriata universæ civitatis significabant: quodque jus a tribus sancitum esset, eo jure plebem dumtaxat obstrictam fuisse, a Lælio Felice acceptum Gellius narrat. Quam ob causam Q. Hortensius dictator legem tulit, ut, quod plebs iussisset, eo Quirites omnes tenerentur. De quo fufior erit in libro de Legibus tractatio. Cur igitur consul ad tribus potius, quam ad centurias, ferret de Ap. Claudio cive adiscendo; cum Appium, magna clientum comitatum manu, ut Livii verbis utar, *Romam advenientem non minus libenter senatus, quam populus, excepit*? quod ex Dionysii libro V. & Livii libro II. colligitur. Centuriatis igitur, non dubito, quin actum & de Appio sit, & de L. Manilio Tusciano; cui civitatem, approbantibus cunctis, esse datam, Livius libro III. tradidit, & si quis præterea ante legem Hortensiam in civitatem receptus est; post eam vero legem, cum tributa centuriatis essent æquata, tribus potius, quam centuriatis, de danda civitate actum est. Itaque rogationem a tribuno plebis ad plebem esse

latam, ut Mutines civis Romanus fieret, apud Livium libro XXVII. notavimus; quod tributis comitiis esse factum satis patet; quia rogationes tribunorum plebis centuriatis, ut jam diximus, non ferebantur. Post Hortensii vero dictatoris legem, de civitate Mutini danda actum esse, facile est ex annalibus populi Romani cognoscere. Extremum caput erat de capite civis. Quo ipso in capite considerando, ab urbe condita ad ultima reip. tempora percurreremus, sic enim necesse est. Romulus suam civitatem, quasi tenerum ac rude corpus, legibus confirmavit; ipse de maximis rebus, ut Dionysius libro II. significat, judicabat: ut tamen a Rege condemnatis ad populum provocatio esset; quod cum Livius in M. Horatii causa libro I. tum Seneca libro epistolarum XIX. scriptum reliquit; idque ius a P. Valerio Poplicola post ejectos reges confirmatum renovatumque est; tulit enim legem in conspectu de provocatione adversus magistratus ad populum; itaque anno ab urbe condita CCXXC. consulis Emilio & Virginio, audita vox est Voletonis, de plebe hominis, adversus consules ad populum provocantis: & anno CDXXVIII. consulis L. Furio Camillo II., D. Junio Bruto Scæva, adversus L. Papirium dictatorem M. Fabius pro filii capite provocat, cum tamen adversus dictatorem infirmam inanemque provocationem esse constaret. Sed & in causis, quæ capitales non essent, provocationem ad populum video fuisse. Nam, ut apud Livium libro XL. legimus, cum C. Servilius Pontifex Maximus L. Cornelio Dolabellæ duumviro navali multam dixisset, provocavit Dolabella, certatumque ad populum est. Judicavit igitur populus jam inde a regibus ex provocatione; utrum autem tributis, an curiatis, an centuriatis comitiis judicaret, servato temporum ordine, quam breviter licebit, explicabo. Ante Servium Regem centuriata comitia non fuisse, ex Dionysio & Livio satis constat. Restat igitur, tributa-ne, an curiata fuerint, ut consideremus. Quod etsi dijudicare difficile est, quæ tamen legendò notavimus, in medium afferimus, ut, quibus argumentis nostra nitatur opinio, cognoscatur. Livius ante Servium Regem neque tributa comitia, neque curiata nominat; tantum ait libro I. eos, qui ante Servium regnaverant, hoc ab Romulo traditum servasse, ut viritum suffragium eadem vi, eodemque jure, promiscue omnibus daretur. Tribus vero, aut curias, aut tributa, & curiata comitia non nominat; itaque, quod ad Livium attinet, in dubio res est. Quid Dionysius? ne hic quidem ait tributa, aut curiata comitia nominat; de curiis tamen libro II. mentionem facit his verbis: *Plebi deinde Romulus hæc tria permisit, magistratus creare, leges sciscere, de bello discernere, cum Rex vellet, ita tamen, ut horum absoluta potestas non esset, nisi senatus approbasset; ferebat autem populus suffragium, non viritum, sed per curias convocatus: quodque pluribus visum erat curiis, ad senatum referebatur.* Idemque libro IV. confirmat. Quo, nisi fallor, satis liquet, ante Servium Regem utraque comitia fuerint, curiata, an tributa; quibus enim in comitiis curiæ suffragium tulerunt, nimirum illa curiata potius, quam tributa, dicemus. Quod autem ait Livius *viritum suffragium esse datum*; Dionysius autem, *populum tulisse suffragium, non viritum, sed per curias convocatum*, non videtur inter eos convenire; cum tamen, ut ostendam, controversiæ nihil sit, non enim populum suffragia viritum tulisse Dionysius negat, (nam, si negaret, manifeste a Livio dissentiret) sed ait, populum ad ferenda suffragia convocatum esse non viritum; quod fuisse infinitum, sed per curias: quæ cum XXX. essent, nominatim unaquæque citabatur, suffragiis tamen, ut ait Livius, viritum datis; ita nec de suffragiis viritum datis Dionysius negat, nec Livius de

A populo per curias convocato: sed, quod habet Livius, id Dionysio deest; quod Dionysius, id Livio; utrumque autem ex utroque colligitur; populum per curias esse convocatum; convocato suffragia viritum data; nec vero latis suffragiis ex majore suffragiorum numero deliberatum statutumque esse aut de lege, aut de magistratu, aut de bello crediderim: sed potius curiarum habitam esse rationem existimo; ut quod pluribus visum esset curiis, sicuti & Dionysii verba proxime recitata significant, id, tamquam a populo iustum, ratum ac firmum haberetur, si modo & senatus deinde comprobasset. Atque hoc, de curiatis comitiis ante Servium Regem, eo mihi certius est, quam de tributis, non modo ob eam causam, quod curias tum tulisse suffragium Dionysius ait, tribus autem nemo ex iis, qui de rebus Romanis aut Latine, aut Græce scripserint: verum etiam, quia tantam populi multitudinem, quanta in forum ad ferenda suffragia conveniebat, vero similis est in XXX. potius curias, quam in tres tantum tribus, ordinis causa, discretam in comitiis assuisse. Est etiam apud Varronem locus libro IV. de lingua Latina, qui me in hac opinione valde confirmat. *Comitum enim, qui locus in foro fuit, ait propterea dictum esse, quod eo cohabit comitiis curiatis, & litium causa.* Quod si quis objiciat, non ideo probari, sola fuisse curiata, sed potuisse bina comitia ante Servium esse, curiata, & tributa; ut curiata in comitio, quod ait Varro, tributa vero alibi facta sint: ego adversus hunc Festi Pompeii testimonium recitabo, qui curiata tantum comitia a principio fuisse significat. *Comitiales*, inquit, *dies appellabant, cum in comitum conveniebant*; qui locus a coeundo, id est, simul veniendo, est dictus. Si comitiales dies ii fuerint, quibus in Comitium populus conveniebat: ergo extra comitum comitia fuisse nulla, quod si extra comitum comitia nulla, & ea, quæ in comitio facta sunt, curiata Varro appellat; cuius coitionis causa comitio nomen inditum esse dicit; certe ante Servium Regem curiata dumtaxat comitia fuerunt. Verum, unde concisus, dicit aliquis, Varronem & Festum de temporibus ante Servium Regem significare; qui probas, de temporibus reip. significari non posse, quibus & tributa, & curiata, & centuriata comitia sunt habita? Facile responderetur. Neuter de temporibus post Servium Regem potuit significare. Primum, quia loquuntur de illo tempore, cum comitio nomen est inditum: quod multis ante Servium annis, regnante Romulo fuisse, Plutarchus in Romulo tradit; deinde, cum dicat Festus, comitiales dies eos fuisse, quibus in comitum conveniebant, necesse est, ut de consuetudine, quæ fuit ante Servium, intelligat; nam, post Servium, qui centuriata comitia instituit, in campum Martium, qui erat extra urbem, potius quam in comitum, quod in foro erat, comitialibus diebus populus conveniebat. Classibus enim & centuriis, a Servio inventis, per aliquot annos in campo Martio dumtaxat populus centuriatim suffragia tulit, sive de lege, sive de magistratu, sive de bello rogaretur; mox in Cn. Marcii Coriolani iudicio suffragium ferre tribus ceperunt: aliquotque post annis, ut idem in plebeis magistratibus rogandis servaretur, Voletonis tribuni plebis lege factum est; sed, neque dum sola centuriata fuerunt, neque posteaquam tributa sunt instituta, in comitio tantum suffragia esse lata licet opinari: cum non modo centuriata, ut dixi, in campo Martio semper habita sint, verum & ipsa tributa, quoties creandorum causa magistratuum haberetur; ergo necesse est, ad ea tempora Festus respexerit, quæ fuerant ante Servium Regem; cum populus comitorum causa ex urbe non exibat, sed in comitum, hoc est, in forum, quacumque de re consulendum es-

set, coire solitus erat: quando, post Servium coivisse in campum Martium, liquido probatur. Curiatibus igitur comitiis, a Tullo Hostilio Rege usque ad Servium Regem, iudicatum esse existimo: non quod & ante Hostilium provocato ad populum non fuerit: hoc enim jus, non dubito, quin ex lege a Romulo lata populus acceperit, sed quod iudicium de capite civis ante Hostilii tempora Romæ nullum fuit; quæ de re Ciceronis verba in oratione pro Milone sunt hæc: *In qua tandem urbe hoc homines stultissimi disputant? nempe in ea, quæ primum iudicium de capite vidit M. Horatii, fortissimi viri: qui, nondum libera civitate, tamen populi Romani comitiis liberatus est, cum sua manu sororem esse interfecisset.* Habemus igitur a Cicerone, primum in causa capitali M. Horatium esse iudicatum; regnante autem Hostilio iudicatum esse, habemus a Livio; ergo, cum ab Hostilio ad Servium curiatis comitiis de capite civis iudicatum dico, non respicio ad illud tempus, quo lex de provocatione ad populum lata est, sed ad illud, quo primum de capite civis iudicium fuit; nam, ante Hostilium, legem de provocatione fuisse, videtur Livius libro I. significare, cum ait: *Rex, concilio populi advocato, duumviros, inquit, qui Horatia perduellionem iudicent secundum legem, facio.* Lex horrendi carminis erat. *Duumviri perduellionem iudicent: si a duumviris provocarit, provocatione certato.* Quod si ante Hostilium provocatio fuit; datam a Romulo potius, quem populo gratissimum fuisse Livius tradit, quam a Numa, cuius in colenda religione studium omne fuit, existimaverim. Ut ut fuerit, iudicavit populus curiatis comitiis usque ad Servium Regem; Servius curiata sustulit, & centuriata induxit: Populusque deinde, non, ut antea, per curias, sed per centurias convocatus, non modo de civium capite iudicavit; sed & bella iussit, & magistratus creavit, & omnino omnia transegit. Iudicandi autem per centurias consuetudo ad eum annum perduravit, quo Cn. Marcius Coriolanus damnatus est; nam, cum inter patricios & plebeos, acerrima contentio fuisset; quia patricii Marcium iudicari, ut mos erat, centuriatis comitiis vellent, in quibus multo plures patriciorum, quam plebis erant centuriæ; Plebei autem tribus, in quibus, universo populo suffragia viritum ferente, plebs patriciis numero preestabat: ad extremum, concedentibus patriciis, populus non curiatis comitiis, ut ante Servium Regem fieri solebat, neque centuriatis, ut post Servium servatum est, sed tribus de Coriolano iudicavit; mansitque ea consuetudo usque ad Decemviros: qui rursus eam potestatem a tribus ad centurias transferunt: scriptaque sunt ab iis hæc verba, ut huiusmodi, in XII. Tabulis: ut etiam in ea pro Sextio notavimus: *De capite civis nisi per maximum comitiatum non ferunt.* Maximum autem comitiatum interpretatur Cicero centuriata comitia, libro III. de Legibus; cum hæc verba, de XII. Tabulis translata, sed suis ab ipso legibus inserta, explanat; quo loco illud addit: *Descriptus populus census, ordinibus, ætatibus, plus adhibet ad suffragium consilii, quam fuisse in tribus convocatus.* Quam ob causam, cum P. Clodius tribunus plebis populo per tribus convocato legem tulisset, ut Ciceroni, quia cives Romanos indicta causa condemnasset, aqua & igni interdicere, inique factum, quia non tribus, sed centuriatis comitiis de capite civis iudicari XII. Tabulæ iuberent, in libro III. de legibus Cicero disputat. *Lucius, inquit, Cotta dicebat, nihil omnino actum esse de nobis: præter enim quam quod comitia illa essent armis gesta servilibus; præterea neque tributis capitibus comitiarata esse posse, neque ulla privilegii: quo circa nihil nobis opus esse lege, de quibus nihil omnino actum esset legibus.* Hæc Cicero: qui suam causam XII. Tabularum auctoritate ac jure tuetur; sed ante Ciceronis ætatem clari-

rum virorum exempla non defunt, quorum de capite comitiis tribus actum est; multos enim video tribuniciis rogationibus post XLI. Tabulas in exilium esse missos, ut P. Popillium, de quo tulit C. Gracchus; Q. Metellum Numidicum, de quo L. Saturninus; alios præterea, quos tribus comitiis esse damnatos ob eam causam existimo, quia centuriata tribus plebis habere non licebat; in centuriatis enim simul cum plebeis suffragia ferebant; at patricios advocare, tribus plebis jus non erat; de quo hæc Gellius, ex Lælii Felicis libro, verba recitat: *Tribuni neque advocant patricios, neque ad eos referre de re ulla possunt.* Quare, ut dicam, quod opinio mea fert, suspicor de mendo apud Ciceronem in Oratione pro domo sua, cum ait: *Censor ille Quinctius, & M. Furius Camillus, & M. Servilius, cum essent optime de rep. meriti, tamen populi incitati vim iracundiamque subierunt; damnatique comitiis centuriatis, cum in exilium profugissent, rursus ab eodem populo placati sunt in suam pristinam dignitatem restituti.* Hæc, ut scripti, ita in omnibus libris impressa sunt, nulla mendi appolita nota, qui solet alteriscus esse; mihi tamen, singula verba examinanti, & ad historiam ac veterem consuetudinem referenti, ita non vacare mendo locus hic visus est, ut tres in eo vitiosus opinari esse dictiones; aut, si me fallit opinio, refellat aliquis vel voce, vel scripto; sed scripto potius, quam voce. Nam apud imperitos adolescentes occulte nugari, & aliorum scripta, iis, qui scripserunt, absentibus, carpere, malitiose invidiæ videtur esse. Ego meas opiniones edo: edant suas, qui contra sentiunt; nam, si recte senserint, ultro gratias habebō; & me in ea re, quæ studiosis utilitatem pariat, redargui lætabor. Sin autem non a me potius, quam a veritate, disenserint: ipsi quoque, si boni viri sunt, & communi commodo consultum volunt, se a me corrigi æquo animo patiantur. Sed locum examinemus. *Censor ille Quinctius, & M. Furius Camillus, & M. Servilius.* Non dubium est, quin ordinem temporum in his nominibus Cicero servaverit. Itaque ante Camilli exilium, quo de hic agit Cicero, evolvi diligenter omnes historias, ut de Quinctio censore damnato mentionem aliquam invenirem: nec tamen censorem ullum non modo ante Camillum, sed ne post quidem in magistratu damnatum a populo comperi. Quod eo magis miratus sum, quia Cicero, ut de homine notissimo, loquitur, cum ait, *censor ille Quinctius;* sicut alibi, *Metellus ille Numidicus, Alexander ille Macedo.* Suspiciatur igitur de mendo, correctionem in litterarum similitudine quæsi: & pro *censor*, *Kæso* legendum conjeci, conjectura non ab historia minus, quam ab ingenio, ducta; nam Kæsonem Quinctium, ab A. Virginio tribuno plebis accusatum, in exilium profugisse, apud Livium lib. III. & Dionysium libro X. scriptum est. Quod sequitur de M. Servilio; nihil de M. Servilio damnato vetustatis monumenta loquuntur; mihi venit in mentem, C. Servilius, reponi posse: ut C. Servilius Ahala significetur; quia, cum loquatur Cicero de iis, quos optime meritis populus damnavit, utrumque invenimus, & optime meritum C. Servilium, & a populo damnatum. Optime meritum nemo, opinor, qui paullo sit humanior, ignorat; cum ejus manu Sp. Melium, regnum appetentem, esse interfectum, Livius libro IV. & Cicero in Catone majore tradiderint; damnatum a populo, unus quod sciam, significat Valerius Maximus: cuius hæc sunt verba, libro V. *Ahala vero, cum magister equitum Sp. Melium, regnum affectantem, occidisset, custoditæ libertatis civium exsilio suo poenas pendit.* Tercium mendum opinor esse in dictione, centuriatis. Cum enim Kæsonem Quinctium, accusante A. Virginio tribuno plebis, damnatum sciamus, & accusante item tribuno plebis L. Appuleio M. Camillum;

nec vero de C. Servilio fecus opinemur: (nam optime meritis diem dicere non conules, sed tribuni plebis solebant) non video, centuriatis comitiis qui locus esse poterit: quæ, ut paullo ante ostendi, tribuno plebis habere non licebat. Movet etiam illa ratio, quod, cum ante XII. Tabulas Kæso Quinctius damnatus sit, aliquot annis post Coriolani damnationem, non est, ut centuriæ de illo suffragium ferre potuerint: siquidem a Coriolani damnatione tribus de capite civis suffragium ferre cœpisse, jam ex Dionysio ostendimus: Centurias autem XII. Tabularum jussu revocatas esse, ea, quæ supra recitavimus, ex ipsis XII. Tabulis verba declarant. Quare confirmor in sententia; & centuriatis, vitiosa esse dictionem puto. Quod utinam, ut ille ait, tam facile vera reperire possem, quam falsa convincere. Vitium equidem, nisi fallor, ostendi: sed, ut, quod vitiosum est, sanetur, opportuna me remedia deficiunt: non quod omnino, quo me conjectura ducat, non habeam; sed, quod cum in hac emendandi ratione, in qua jam inde a prima adolescentia sum versatus, hoc maxime solem sequi, ut interendum & correctionem sit quasi quædam affinitas litterarum, quæ mendi occasionem dedisse videatur; si qua mihi oritur conjectura, ab impressa scriptura paullo alienior, abjicio; neque, quod ipsi mihi displicet, aliis placere cupio. Apparet omnino, si ea, quæ dixi, considerentur, pro centuriatis, reponi posse, *tributis*; quod a *tribunis* plebis non centuriata, sed tributa comitia habeantur; & quod Kæso Quinctius damnari centuriatis non potuit, quæ aliquanto post, XII. Tabularum jussu, revocata sunt; sed, quia inter has dictiones, centuriatis, & tributis, minimum esse video similitudinis, vix opinor, quod ipsa ratio proponit, verum esse possit. Quod si cum ratione liber etiam aliquis scriptus consenserit, jam ego non suspensus habebō, sed in eam, quo suadet ratio, sententiam totum me dabo. Quod si quis objiciat, nec *tributis*, reponi posse, nec *centuriatis*, mendosum esse, propter eam causam, quia post XII. Tabulas, quæ de capite civis non nisi centuriatis comitiis judicari voluerunt, Camillus & Servilius damnati sunt: hic sane probabiliter objiciet, & argumento niti videbitur satis firmo: verum ego huic ita objicienti respondebo: cur post XII. Tabulas tributis tamen comitiis & de P. Popillio C. Gracchus, & de Q. Metello L. Saturninus tulit? quemadmodum enim in Popillio & Metello, sic in Camillo & Servilio, nullam XII. Tabularum rationem ab improbis tribunis plebis habitam esse dico. Nonne, quod supra diximus, id ipsum in Cicerone contingit, ut, contra quam XII. Tabulæ caverant, tributis comitiis damnatus in exsilium abierit? sæpe contra leges a tribunis plebis iniquissime actum esse legimus, cum senatus, qui ab incitato populo graviora metueret, eorum libidini cedendum putaret. Quare etiam post XII. Tabulas nihil obstat, quo minus tributis comitiis multi rerum capitalium condemnati sint. Illud tamen perpetuo servatum post XII. tabulas existimo, ut, quicumque perduellionis accusaretur, quod erat ex capitalibus criminibus maximum, de eo, siue tribunus plebis, siue major magistratus ageret, non tributis comitiis, sed centuriatis populus judicaret; nam, et si in centuriis & patricii suffragium ferebant, quos advocare tribunus plebis non licuisse diximus: tamen, cum eo de crimine ageretur, quod ad salutem Reip. pertineret, precebat tribunus plebis a majore magistratu, ut sibi populum per centurias convocatum, ejus judicii causa, certo die præberet, cum ipse centuriata comitia habere non posset; id cognovimus ex Gellio, vel potius a Valerio Antiate: cujus ex historia locum recitat Gellius libro VII. cap. 9. quem nos quoque recitabimus. *Peposci*, inquit, non *Poposci*, Valerius Antias libro *Annalium*

XLV. *scriptum reliquit*. Denique Licinius tribunus plebis perduellionis ei diem dixit, & comitiis diem a Q. Marcio Prætoris peposci. Livius quoque libro XXVI. eandem consuetudinem ostendit. Sempronius, inquit, perduellionis se judicare Cn. Fulvio dixit, diemque comitiis ab C. Calpurnio prætoris urbis petiit. Cur tribunus plebis, Licinius & Sempronius, diem a prætoris comitiis petierunt? an sine prætoris tribunus plebis tributum populum ad judicium convocare non poterat? non video, cur non poterit: idque sæpe esse factum legimus. Petiit igitur centuriarum causa, non tribuum; quia in ejusmodi crimine, quod ad communem salutem pertineret, centuriata comitia, in quibus civitas universa suffragium ferre posset, habenda viderentur: cum in tributis non universa civitas, sed, ut sæpe jam dixi, soli plebei suffragium ferrent. Ut autem clarius appareat, in crimine perduellionis non tribus, sed centurias suffragium tulisse; alium Livii locum ex libro VI. recitemus. In campo Martio, inquit, cum centuriatim populus citaretur; & res, ad Capitolium manus tendens, ab hominibus ad deos manus avertisset: apparuit tribunus, nisi oculis quoque hominum liberasset a tanti memoria decoris, nunquam fore in præoccupatis beneficio animi vero crimini locum. Loquitur de M. Manlio Capitolino, perduellionis reo; cujus ad judicium centuriæ vocata sunt: quia, cum senatusconsultum factum jam esset, ut viderent magistratus, ne quid ex pernicioso consilio M. Manlii resp. detrimenti caperet, simul cum tribunis plebis, qui accusabant, tribuni militum consulari potestate consenserunt: ab hisque tribunus plebis & petierunt centuriata comitia, & acceperunt, sicuti Licinius & Sempronius tribunus plebis, de quibus Antias & Livius mentionem fecerunt, a prætoris petierant. Semper igitur tribunus plebis in crimine perduellionis, quod fuisse omnium maximum ostendimus in libro de Judiciis, XII. Tabulis præterunt; in reliquis criminibus, non item. Quod si non tribunus plebis, sed consul, aut major aliquis magistratus de capite civis ad populum ferret, tum quidem XII. Tabularum jussu esse observaretur, & centuriatis comitiis semper judicatum esse, minime dubitaverim. Quæ de re exemplum unum recitabo, quandoquidem multa non licet, quod de L. Sulla in oratione pro domo sua a Cicerone traditum est. *Populus Romanus*, inquit, L. Sulla dictatore ferente, comitiis centuriatis municipii civitatem ademit. Tunc enim agitur de capite, damnati aut civitate, aut libertate, aut vita privantur. Quo de genere, & in quo capitis deminutio a causis capitalibus differat, disputabitur in libro de Judiciis. Quod si populus in causis capitalibus, excepto perduellionis crimine, tributis comitiis sæpe judicavit: certe in iis causis, quæ capitales non essent, tributis item comitiis judicasse verisimile est; de quo exemplum libro XI. apud Livium observavimus; ait enim, *tributis comitiis inter C. Servilium, Pontificem Maximum, & L. Cornelium Dolabellam, duumvirum navalem, certatum ad populum esse, ob multam, quam Dolabella, nisi magistratu se abdicaret, Servilius dixerat*. Et idem lib. IV. *M. Postumium decem milibus æris gravi damnatum a tribubus significat*. Judicantur igitur, ut superiora colligam, de capite civis primum curiæ, a Tullo Rege ad Servium Regem; cum eam potestatem lege Romuli, ut opinor, accepisset: deinde centuriæ, a Servio Rege ad Coriolani damnationem: tum tribus, a Coriolano ad decemvros, qui XII. tabulas conscripserunt: postremo, si tribunus plebis rogationem ferrent, modo centuriæ, modo tribus; centuriæ in perduellione; tribus in reliquis capitalibus criminibus; & centuriæ, ex XII. tabulis; tribus contra XII. tabulas; sin autem major magistratus accusaret, tum centuriæ semper ex XII. Tabulis de reo judicantur.

CAP. XV.

De pecunia, quæ dividebatur populo & comitiis.

SI creandus esset magistratus, populus ejus magistratus iussu, qui comitia habebat, in campum Martium coibat. Eo de collibus, in quibus habitabant, descendebant ibi, qui magistratum petebant, propinquorum, amicorum, clientium frequentia stipati, honoris & commendationis causa. Tum ad concilianda populi studia, quam blandissime poterat, pro se quisque populum, apprehensis manibus, rogabat; unde presare verbum. Et Scipio Nafica, cum ædilitatem curulem petens, rustici hominis apprehensa manu, asperitatem ac duritiam sensit, eique, joci causa, num tu manibus ambulas, dixisset, ob eam causam repulsam tulisse fertur; rusticis tribubus, ad quas Nafica dictum emanaverat, paupertatem sibi exprobratam judicantibus. Prestabant autem competitors omnes, candida toga induti; ut eo colore, qui purissimus atque aper-
tissimus est, simplicem animum in petendo honore nullaque labe suffusum significarent. Prestabant & sine tunica, ut apud Plutarchum ἐν τῇ τῶν Προβλημάτων βιβλίῳ scriptum est: vel ne argentum sinu ferentes, & tunica, quæ corpus prima tegit, celantes, comitia corrumperent, vel ut cicatrices, adverso corpore in bello exceptæ, meritum in patriam indices ac testes, populo paterent; vel ut, pectore denudato, supplices, quasi fe iis, quos rogabant, summittentes ac toros dedentes, eorum studia magis allicerent. Quo ipso Plutarchi testimonio monemur, non esse ipso comitiarum die nummos a candidatis inter prestandum populo divisos; nam, dividi solitos, lege permittebat, dubium non est; neque solum ab iis, qui divisores dicebantur, verum etiam a candidatis; de divisoribus auctorem habeo Pædianum in II. Verrinæ commentario: de candidatis Ciceronem ipsum; qui, in quadam ad Atticum epistola, ita scribit: *Scaurus domi suæ tributum populo satisfecerat.* Quibus verbis, & licuisse dividi populo nummos a candidatis, & ante comitiarum diem divisos esse, facile conjicimus. At cur tributum, id est, cuiusque tribus hominibus, in ea epistola dixit Cicerone; cum Scaurus consulatum peteret, & consulatus non tributis, sed centuriatis comitiis daretur? quia in unaquaque tribu homines erant a pecunia inopes; qui centuriatis comitiis vel in quinta classe, quæ XXX. centurias habebat, vel in sexta, quæ unam tantum, suffragium ferrent. Ita, qui tributum nummos dividebant, suffragia XXX. centuriarum quintæ classis, & unius & sextæ, quæ ultima erat, aucupabantur. Nam quartæ classis homines, quorum census xxv. minis ad L. fuisse, ex Dionysio & Livio docuimus, inopia laborasse, & ad capiendos nummos ivisse minus verumile est. Dividebant igitur nummos tributum candidati consulares; non solum, ne repulsam ferrent; cum sæpe paucarum centuriarum suffragiis vel ante honor sit, vel ereptus; quod L. Turio contigisse, scribit Cicero in Bruto: verum etiam ut centuriis quam plurimis crearentur: quod cum speciosum in primis maximeque honorificum semper fuit; itaque fe cunctis centuriarum prætorum esse factum, Cicero noster, in Oratione pro Lege Manilia, suo more gloriatur: tum interdum etiam necessarium; cum multi competitors populo probarentur, ac magistratu digni viderentur; nam, si plures, quam quot magistratum gerere possent, populi suffragiis designati essent, & ut loquitur Livius, centurias, aut tribus expleissent, tum, non qui centurias, aut tribus expleverat, sed omnino qui plures aut centurias, aut tribus tulerat, de iis ipsis, qui expleverant, ad gerendum magi-

stratum legebatur. Dividebantur igitur populo nummi, lege permittebat; verum, quia tum candidati, tum ii maxime, qui candidatorum nomine dividebant, quos divisores appellat Cicero in orationibus, sæpe plus, quam quantum lege licebat, dividere soliti sunt: iccirco multas de coercendo ambitu leges, & posterioribus quasque duriores, e S. C. latas esse legimus. Hic, quando, ut de candidatis diceremus, ipse narrationis ordo nos adduxit, addamus & illud: Omnes quidem, qui peterent, candidatos fuisse; non omnes tamen, qui crearentur, numero candidatorum fuisse. Cur? quia creabantur interdum, qui non petebant, atque etiam nonnulli, quorum animus a magistratu abhorrebat, ut T. Manlius Torquatus; qui consulatum renuit, oculorum valetudine excusata; & quemadmodum non omnes, qui creabantur, de genere candidatorum erant: sic ex ipsis candidatis creari nemo poterat, nisi cujus nomen recepisset magistratus is, qui comitiis præerat; propterea, cum Cn. Flavius, Cn. filius, scriba, libertino patre natus, curulem ædilitatem peteret; ædilis, qui comitia habebat, negavit se nomen ejus accipere, quia scriptum faceret. Tum Flavius, tabula posita, juravit se scriptum non esse facturum; & ædilis creatus est. Q. etiam Fabius Maximus consul, cum haberet comitia consulibus creandis, rogatus ab omni nobilitate, ut Appii Claudii, qui cum ipso Fabio consul fieri vellet, rationem haberet; facturum se fuisse dixit, ut duorum patriciorum nomina reciperet, si alium, quam fe, consulem fieri videret: nunc se sui rationem comitiis, cum contra legem futurum sit, pessimo exemplo non habiturum; ita L. Volumnius de plebe cum Appio Claudio consul factus est. Cum prestaverant candidati, quos non suis dumtaxat comitiis, sed anno etiam antecedente, aliorum comitiis prestare solitos, epistola ad Atticum prima declarat; omnes XXXV. tribus, aut centuriæ non promiscue in campo versabantur, sed intra quædam septa singulæ fe recipiebant. Quæ & Ovilia a similitudine dicta Servius, ubi illud in prima Ecloga interpretatur,

Quamvis multa meis exiret victima sepiis,
declarat his verbis: *Septa, proprie sunt loca in campo Martio, tabulatis inclusa: in quibus stans populus Romanus suffragia ferre consueverat. Sed, quoniam hæc septa similia sunt ovilibus, duo hæc invicem pro se ponuntur, ut hic septa pro ovilibus posuit:* Lucanus e contra,

Et misere maculavit ovilia Romæ: & Juvenalis,
Antiquo quæ proxima surgit ovili.

Hæc Servius. Qui quod de populo Romano dixit; non dubito, quin ad omnem populi conventum referri possit, si ve is esset tributis comitiis, si ve centuriatis: non, ut omnis populus unico septo concluderetur; sed ut tribus & centuriæ in campo Martio suffragia laturæ, suis singulæ septis discluderentur; nam & loca tabulatis inclusa dicit fuisse, numero multitudinis: & cum ovilibus adeo similia fuerint, ut inde sumpto nomine interdum ovilia sint appellata; non dubium est, quin de pluribus septis in campo Martio ita sit accipiendum, ut in ovili stabulario plura septa scimus esse, alia ad lactentes hædos cum matribus continendos, alia ad prægnantes oves, alia ad reliquas cum arietibus. Segregatas vero hujusmodi sepiis non tribus modo, verum etiam centurias, cognoscitur ab exemplis; nam & Livius de centuriarum septis aperte loquitur libro XXVI. cum ait: *Datum in ovili secreto colloquendi tempus.* Et idem, cum libro X. centurias primo, deinde aliquanto post tribus, ad suffragium ait intro vocatas; quo modo & Cicero simili de re locutus est pro C. Cornelio; tam tributum, quam centuriarum septa per verbum, *introvocari*, videtur significare; quo enim introvocarentur in campo Martio? nimirum, intra septa, ut separatim

singule suffragium ferrent. Nec magis de centuriarum, quam de tribuum septis accepisse videtur Ovidius, in illo versu Factorum libro I.

Est quoque, quo populum jus est includere septis.

In oratione etiam pro Milone huiusmodi septa nominat: quo sepe Clodius, ut comitia turbaret, iruebat. Eademque hæc Martii campi septa significat Svetonius, in Augusto, cum ait: *Ludos facit nonnumquam vicatim, ac pluribus scenis, per omnium linguarum histriones, non in foro modo, nec in amphitheatro, sed in circo, & in septis.* Et paulo post: *Publicavit Rhinocerotem apud septa, Tigrim in scena.* Hic occurrit illud. Si tam tribus, quam centuriæ septis invicem disjungebantur, cur in epistola ad Atticum libro IV. dixit Cicero: *In campo Martio septa tribuniciis comitiis marmorea sumus & testæ facturi?* cur non potius, comitiis, quam tribuniciis comitiis? Nam si comitiis dixisset, de omni populi conventu, id est, tam de tribubus, quam de centuriis, septo marmoreo discludendis, acciperetur. Cum vero tribuniciis comitiis dixerit, non de centuriarum, sed de tribuum septis videtur intelligere; non enim centuriatis, sed tributis comitiis tribuni pl. creabantur. Itaque iure dubitatur. Ego autem, ut rollatur dubitatio, primum, pro tribuniciis lego *tributis*: sicuti in Bessarionis antiquo libro scriptum est. Nam, ut tantummodo eorum comitorum causa, quæ ad unum magistratum designandum haberentur, septa marmorea fierent, absurdum est opinari. Tributis vero comitiis non soli tribuni pl. sed minores omnes magistratus designabantur. Itaque septa marmorea Cæsaris nomine Cicero & Oppius in campo Martio facere cogitabant, ut populum, quotiescumque tributum in campum conveniret, commode & honorifice reciperent. Primum igitur locum ita corripo. Deinde, cum quaeritur, cur comitiis generali vocabulo non dixerit, respondeo, quia necesse non fuit; quandoquidem, quæ septa sunt tributis recipiendarum causa, ea centuriarum causa fieri non dubium est. Nam, quo recipiuntur tribus, multo facilius recipiuntur centuriæ; frequentior enim in tribubus, quam in centuriis, populus fuit. Dixit igitur, *tributis comitiis*; cum hoc significaret, ad eam frequentiam populi recipiendam, quæ summa est. Tributis autem comitiis summam esse non ignorabat, ideo nominavit *frequentissima comitia*: sic enim amplitudinem factorum Attico significabat. Quod si quis plura septa centuriis, quam tribubus, necessaria fuisse objiciat, cum plures essent centuriæ, quam tribus, nihil agat; nam XXXV. septa, numerum tribuum æquantia, omnibus CXXCIII. centuriis recipiendis facile sufficerent: cum in uno unius tribus septo multa centuriæ separatim locum capere possent. Ita non plura septa, quam XXXV. quot scilicet tribus erant, existimo fuisse. Erant etiam pontes huiusmodi septis superimpositi; non solum, ut iis, qui calculorum, aut tabellarum cistas deferrent, facilis, & expeditus, a centuria ad centuriam, vel a tribu ad tribum transitus esset; verum etiam, ut calculi, sive tabellæ, commodius populo de loco superiore viritim distribuerentur; non enim his de pontibus suffragium ferebatur; sed calculi, sive tabellæ suffragium lauris ministrabantur. Patet ex Ciceronis epistola ad Atticum libro I. in qua hæc sunt verba: *Operæ Clodiana pontes occupant: tabellæ ministrabantur, ita ut nulla daretur, Uti rogas.* Occupant enim ideo pontes operæ Clodianæ, ut ne quis, præter ipsos, ministrare tabellas posset iis, qui de lege contra Clodium lata suffragium lauri erant. Ipsi enim tantum eas ministrabant, quæ legem antiquarent; nullam, quæ juberet: ut populus, veller, nollet, antiquare cogere; cum sine tabella, *Uti rogas*, de qua jam dicemus, jubere non posset. Legimus etiam in Svetonio, eum, qui comitia haberet, his de pontibus populum ad suffra-

gia vocasse; scripsit enim in Julio sic: *Primum cunctati, utrumne illum in campo per comitia tribus ad suffragia vocantem, partibus divisis e ponte deicerent, atque exceptum trucidarent.* Nam de ponte, qui fluminis, aut omnino fossæ alicujus transitum conjungeret, absurdum est opinari: cum perpetuum & continentem fuisse campum Martium, nulla interfluente, aut interjacente aqua disjunctum, nemo nesciat. Illud de pontium angustis, quod lege Maria sancitum contra ambitiosos scribit Cicero libro de Legibus III. quo modo sit accipiendum, non plane dispicio; nisi si propterea sancitum intelligas, ut adfensu prohiberentur ii, qui, ambitiosis civibus gratificantes, tabellas ex illorum voluntate ministrarent; cum unicuique binas, alteram, quæ antiquaret, alteram, quæ juberet, ministrari & æquum & utilem esset. Quod autem & de calculis, & de tabellis, populo distributis, paulo ante dixi; id eo dixi, quia neque semper calculus in ferendo suffragio, neque semper tabellis populus est usus, sed solis calculis ante leges tabellarias, post autem semper tabellis. Leges autem tabellarias intelligo eas, de quibus mentionem facit Cicero, libro III. de legibus, Gabiniam, Cassiam, Papiriam, Cœliam. Nam calculis populum in comitiis esse usum nemo, qui Dionysium legerit, ignorat. Nec vero dubium est, quin, quemadmodum post leges tabellarias, duas quisque comitiis tabellas accepit, diverse inscriptas, ad distinguendam voluntatem: sic, ante eas leges, duos quisque calculos, diverse coloratos, acceperit; album ut approbare; nigrum e contrario; excellit enim inter colores albus; ideoque Deo esse præcipue decorum, tum in ceteris, tum maxime in textili, auctor est Plato; quem locum vertit Cicero libro II. de Legibus. Itaque, prosperam voluntatem albo lapillo significatam in ferendo suffragio, adversam nigro, facile conjicimus: cum etiam dies feliciter, aut infeliciter traductos albo aut atro lapillo signatos legimus. Athenienses quoque albis calculis in absolviendo, nigris in condemnando usos esse, non solum is, qui Demosthenis orationem, quæ inscribitur *κατὰ Τυπογράφου* explanat, verum etiam Julius Pollux libro II. satis aperte declarat. Calculi igitur colore, tabellæ inscriptione distinguebantur; altera enim duas litteras habebat insculptas, V. R. id est *uti rogas*; altera unam, A. id est, *antiquo*. Approbandi nota erat, V. R. improbandi, A. nam cum utebatur aliquis ea tabella, ubi, V. R. erat inscriptum; significabat, velle se, & jubere id, quo de ab eo, qui habebat comitia, rogabatur; rogabat enim populum his verbis magistratus: *Vultis, jubetis ne, ut Consul creetur Tullius Cicero?* vel, ut *Mithridati Regi bellum inferatur?* vel, ut *M. Tullio Ciceroni provincia Cilicia mandetur?* vel, ut *M. Tullio Ciceroni aqua & igni interdicator?* Quattuor enim de causis, ut diximus jam, comitia habebantur, vel magistratus, vel legis, vel provinciæ, vel iudicii causa. His igitur verbis magistratus cum rogasset; qui de populo probabant & assentiebantur, ferebant tabellam duabus litteris, V. R. signatam: cum per suam quisque tabellam, voluntatis & mentis nunciam atque interpretem, hoc exponeret; *Uti rogas ita volo & jubeo.* Hinc rogatio pro lege, quia rogante magistratu ferebatur, & comitia consulis rogandis, in quibus populus de consulis creandis rogaretur; qui vero id, quo de rogabantur, improbant; una littera A. inscriptam tabellam ferebant: ut hoc significarent, antiquo, id est, in antiquo statu rem esse jubeo, nihil innovari volo, nihil ferri; itaque, cum de legibus modo antiquitatis, modo abrogatis legimus; non eodem sensu dictum accipiamus; sed antiquam legem intelligamus eam, quæ, cum antea non fuisset, latam a magistratu populus respuebat; abrogatam eam, quæ, cum antea fuisset, in posterum non esse

esse populus jubebat. Novam igitur antiquabat, veterem abrogabat: inquam, novam, cum delatam rejiciebat; abrogabat veterem, cum susceptam abjiciebat. Et quamquam utrumque verbum, tum *antiquare*, tum *abrogare*, a lege voluntatem populi significat: tamen non eadem tabella utrumque fieri solum existimo; sed in antiquando latam esse tabellam A, in abrogando tabellam V.R. quia magistratus, ut in ferenda lege rogabat his verbis, Vultis, jubetis-ne, ut lex de ambitu perferatur; sic, ut opinor, in abroganda, Vultis, jubetis-ne, ut lex de ambitu abrogetur. Et populus, sive in nova lege perferenda, sive in veteri abroganda assentiretur, per tabellam respondebat, Uti rogas. Hujusmodi tabellæ (ut etiam minuta quæque persequamur) citis in campum deferbantur. Unde illud libro I. ad Herennium Cum L. Saturninus legem frumentariam de semisibus & tridentibus laturus esset; Q. Cæpio, qui per id temporis questor urbanus erat, docuit senatum, ararium non posse pati largitionem tantam. Senatus decrevit, si eam legem ad populum ferat, adversus remp. videri eum facere. Saturninus ferre cepit, collegæ intercedere, ille nihilominus cistellam deferre. Cæpio, ut illum contra senatus consultum, intercedentibus collegis, adversus remp. videt ferre, cum viri bonis impetum facit, pontes disturbat, cistas dejicit, impedimento est, quo secus feratur lex. Neque vero iis assentior, qui cistæ & stellæ eundem usum in comitiis esse putant; cum utramque pro vase interpretantur, quo tabellæ suffragiorum continentur. Nam stellæ nomina tribuum, aut centuriarum, continebat: quibus forte eductis, suum quæque locum tribus, aut centuriæ in ferendo suffragio noverat, quæ scilicet prima esset, quæ secunda, quæ tertia, usque ad extremam ordine servato, qui forte contigisset. Quod ut ita esse credam, facit Cicero, qui primam centuriam forte eductam, quæ prærogativa dicebatur, testatur Philippica II. quod ipsum libro XXIV. & XXXVII. Livius comprobatur. Ipsas autem formas in stellæ fuisse iidem significant. Noster quidem in oratione pro C. Cornelio, quæ integra non existat, his verbis: *Est utique jus vetandis, cum lex fertur, dum privati dicunt, dum stellæ deferuntur, dum æquantur sortes, dum sortitio fit*. Quo loco de tribubus forte eductis, ex Afconii commentario cognoscitur. Livius autem sic libro XXV. *Tribuni populum summovertunt, stellasque allata est, ut sortirentur*. Itaque sic statuo atque concludo, stellam fuisse, unde tribuum, sive centuriarum, nomina forte educerentur, ut suum quæque locum in suffragio ferendo servaret; non unde sumptæ tabellæ, suffragiorum notis inscriptæ, distribuerebantur. Cistæ vero continebat eas tabellas, quæ sine sorte viritum tribubus, aut centuriis, suffragiorum causa, ministrabantur. Et, ut dicam, quod sentio, quem locum ex libro ad Herennium recitavimus, in eo loco *stellam* potius, quam *cistellam*, legendum crediderim. Nam & Cicero, non de *cistella*, sed de *stellæ* delata his mentionem facit in ea pro C. Cornelio oratione, deque Natura Deorum libro I. & Livius eodem fere modo loquitur loco a nobis recitato. Ut illam quoque rationem omittam, quod ad continentendas eas tabellas, quæ viritum populo distribuerebantur, non una cistella, sed pluribus citis opus esset; sortibus autem, sive tribuum, sive centuriarum, una stellæ sufficeret. Distribuitis tabellis, decineps omnes tribus eo, quem sortitæ fuerant, ordine ad suffragium vocabantur; prima, quia cui mandari magistratum vellet, ante alias rogaretur, prærogativam esse appellatam Pædianus tradit; reliquæ jure vocatæ dicebantur; quod in his, sequente populo, ut sæpe contigit, prærogativarum voluntatem, jure omnia complerentur. Lato suffragio, ex unaquaque tribu numerus tabellarum punctis no-

tabatur; quod ex oratione pro Murena, & ea pro Plancio patet; tabellarum, inquam, & earum, quæ approbandi notas habebant, & earum, quæ antiquandi. Ad quem morem spectavit Horatius in illo artis poetice,

Omne tulit punctum, qui miscuit utile dulci.

&c., quemadmodum e numero punctorum voluntas cuiusque tribus, sic e numero tribuum populi judicium cognoscebatur. Nam, si e XXXV. tribubus XVII. candidatus tulisset; is, nisi si quis plures tribus tulisset, magistratus creabatur. Quod si plures candidati tot tribus tulissent, quot ad creationem satis essent: tum, si locus in magistratu non omnibus esse poterat, creabantur & pronunciabantur a magistratu comitia habente dumtaxat ii, qui plures tribus, quam reliqui, tulissent; qui vero plures, quam omnes reliqui, tulisset, is primo loco creatus dicebatur: quod quibus contigit, gloriosum fuit. Semel omnino, quod quidem legendo cognoverim, accidit, L. Valerio, M. Horatio consulibus, ut ex omnibus candidatis legitimus & magistratu necessarius numerus creatus non sit. Tribunis enim plebis quinque creatis, alii candidati tribus non explerunt: & Duillius, qui comitia habebat, (hoc enim ei munus forte contigerat) concilium dimisit, nec deinde comitorum causam habuit: cum satisfactum legi diceret: quæ, numero nulloquam præfinito tribunis, modo, ut relinquerentur, fanciret, & ab iis, qui creati essent, cooptari collegas juberet. Scribit Suetonius, etiam pontificem maximum tribus comitiis creatum; quod cum eo, quod diximus, de minoribus tantum magistratibus tributis creatis, non pugnat. Non enim pontificatus erat magistratus, sed honor & dignitas: sicuti nec tribuni militum comitiati magistratus erat: quos tamen utroque tribus comitiis designatos ex Festo & Pædiano cognovimus. Cur autem magistratus non esset, suo loco, id est, proximo libro, qui de magistratibus erit, exponemus. Ex quattuor tributorum comitorum causis, quas posuimus, primam, ut opinor, satis copiose explicavimus, de magistratu creando: sequitur, de lege jubenda. Jubebat populus eas tribus comitiis leges, quas minores magistratus sine S. C. ferebant; nam, quæ e S. C. ferebantur, non tribus, sed centuriatis comitiis, neque a minoribus magistratibus, sed a majoribus ferri, mos fuit. Hinc illa Ciceronis, & in epistolis, & in orationibus, sæpe usurpata prædicatione; cum se centuriatis comitiis in patriam restitutum gloriatur; qui tribus fuisse ejectionis. Nam tribunus pl. P. Clodius de ejiciendo Ciceroe tribus comitiis tulit, non modo senatu non approbante, sed etiam invito & dissentiente: proximo autem insequenti anno de eodem revocando consul P. Cornelius Lentulus centuriatis comitiis ex eo senatus consulto tulit, quod, ipso & Metello collega referentibus, factum erat. Quo fuit Ciceronis reditus illustrior, quam aut P. Popillii, aut Q. Metelli, aut C. Marii: qui, rogationibus tribunicis, non auctoritate Senatus, neque centuriatis comitiis, reducti sunt. Quod ipse, in oratione post reditum ad Quirites, & pro domo sua, testatur.

LEGEAM a rogatione differre, veteres nonnulli existimant. Qua de re Festi verba recitabimus. *Rogatio*, inquit, est, cum populus consulitur de uno, pluribus-ve hominibus, quod non ad omnes pertineat; & de una, pluribus-ve rebus, de quibus non omnibus sancitur. Quod ipsum & Atcius Capitonem existimasse, Gellius libro X. cap. 20. significat, his verbis: *Lex*, inquit *Atcius Capito*, est generale jussum populi, aut plebis, rogante magistratu; deinde hæc ipse Gellius subscribit: *Ea definitio si probe facta est, neque de imperio Cn. Pompeii, neque de reditu M. Ciceronis, neque de cæde P. Clodii, quæstio*,

neque alia id genus populi, plebisve, iussa leges vocari possunt. Non sunt enim generalia iussa, neque de universis civibus, sed de singulis, concepta. Quocirca privilegia potius vocari debent: quia veteres priva dixerunt, quæ nos singula dicimus. Plebem autem Capito in eadem definitione seorsum a populo divisit: quoniam in populo omnis pari civitatis, omnesque ejus ordines contineantur: Plebs vero ea dicitur, in qua gentes civium patriciæ non insunt. Plebiscitum igitur est, secundum eum, lex, quam plebs, non populus, accipit. Sed totius hujus rei, jurisque, sive cum populus, sive cum plebs, rogatur, sive quod ad universos, sive quod ad unum, pertinet, caput ipsum, & origo, & quasi fons, rogatio est. Ista enim omnia vocabula consentur, continenturque, rogationis principali genere, & nomine. Nam, nisi populus, aut plebs, rogetur; nullum plebis, aut populi, jussum fieri potest. Sed, quamquam hæc ita sunt: in veteribus tamen scriptis non magnam istorum vocabulorum differentiam esse animadvertimus. Nam & plebiscita, & privilegia, translato nomine, leges appellaverunt:

A eademque omnia confuso & indistincto vocabulo rogationes dixere. Sallustius quoque, proprietatum in verbis retinentissimus, consuetudini concessit; & privilegium, quod de Cn. Pompeii reditu ferebatur, legem appellavit. Verba ex secunda ejus historia hæc sunt: Nam Sullam consulem, de reditu ejus legem ferentem, ex composito tribunus pl. C. Herennius prohibuerat. Nos quoque Gellii sententiæ subscribimus. Idque veterum exempla multa, satis plana, fatisque perspicua, abunde confirmant. Lex omnis, sive ad unum, pluresve homines, sive populus, sive plebs, rogaretur, non nisi a magistratibus ferebatur. Et, quamquam de iis dumtaxat legibus, quæ a minore magistratu ferrentur, hoc loco scribere propositum nobis fuit: tamen ne, disjuncta narratione, lectoris animus distrahatur; de omnibus plane legibus, tum a minore, tum a majore magistratu, perlatis, ea, quæ tractandis veterum litteris, consecuti sumus, omnia conjuncte exponere satius putamus. Itaque faciemus: idque, more nostro, quam planissime, & quam brevissime fieri poterit.

F I N I S.



NICOLAI GRUCHII

ROTOMAGENSIS,

D E

COMITIIS ROMANORUM

LIBRI TRES.

IN LIBROS DE COMITIIS

P R Æ F A T I O.



ESPUBLICA Romanorum quandiu fuit libera, ex tribus illa quidem Reip. generibus (quemadmodum docet Polybius) constabat, βασιλεία, ἀριστοκρατία, δημοκρατία: sed multo tamen maximam partem obtinuisse mihi videtur δημοκρατία. Quanquam enim regie potestatis species quædam in Consulum imperio, in Senatus vero potestate optimatum principatus quodam modo agnosceretur: populi tamen tanta erat auctoritas supra omnes

magistratus, & Senatum, ut non immerito dici possit omne imperium, omnem maiestatem illius Reipublicæ penes populum fuisse. Cui rei argumento esse potest ad populum provocatio, quæ non fuisset, nisi major esset populi quam magistratum potestas. Quin etiam fasces summittendi mos, cum magistratus in concionem ascendeant, confessio erat, populi, quam magistratum, maiestatem vique maiorem esse. Jam vero de capite civis, omninoque de libertate ac jure civitatis, nullius erat nisi populi iudicium. Leges jubere, bellum pacemque decernere, societatem cum aliquo contrahere aut dissolvere, fœdera inire, in populi tantum erant potestate. Quodque maximum est virtutis in Repub. premium, magistratus, & honores, cum omnibus paterent, nemo poterat nisi per populum assequi. Quæ si maximi sunt in omni Repub. momenti, populum sane, penes quem hæc erant omnia, longe maximam Reip. Romanæ partem obtinuisse fatendum est. Hæc a me eo dicuntur, ut ostendam Reip. Romanæ cognitionem multo magis in eo positam esse, ut populi potestas quæ qualisque esset intelligatur: quam in magistratum ac Senatus potestate percipienda. Porro autem populi potestas decretis suis maxime continebatur. Quæ quoniam comitiis peragebantur, idcirco necesse est ad populi potestatem, adeoque universam prope Romanam Rempublicam plane intelligendam, comitiorum omnem rationem (quoad ejus fieri potest) cognitam ac perspectam habere. Cum autem pernecessaria sit non modo ad eam rem, sed etiam ad scriptorum Romanorum ac præsertim Ciceronis libros intelligendos comitiorum cognitio: tum vero non adeo facilis est, ut non permulta adhuc quæri possint, præter ea, quæ de his breviter scripta sunt a gravissimis auctoribus, Budeo, Alexandro Beroaldo, Blondo, aliisque qui hunc locum in suis commentariis attigerunt verius quam perpurgarunt. Quibus tamen fortasse etiam contenti esse possemus, nisi in eorum scriptis multa essent, in quibus (quod pace eorum dixerim) a vero non modo discesserunt, sed etiam multos (ut fit) sua auctoritate in varios errores induxerunt. Itaque ego cum huic de comitiis disputationi adhuc primis lineis, & his non veris multis, adumbratæ verius quam depictæ, lucem aliquam verosque colores addere instituissem: eo

mibi difficiliorem locum relictum esse intelligebam, quo doctiores erant omnium iudicio pictores, qui primam illam delineationem nobis reliquerant. Qua tamen difficultate deterri non potui, quominus vel cum eorum reprehensione studiosos Romanorum scriptorum hac ex parte, si qua possem, juvare contenderem: in ea præsertim re, in qua eorum auctoritas veritatem magis labefactaret. Neque enim ignoro omnes, qui veritatis studio ad scribendum inducuntur, tanto æquiore animo ferre aliorum reprehensionem debere, quanto certiore fieri ex refutatione rerum cognitionem intelligunt. Ac si auctore Aristotele, ἐπὶ σωτηρίᾳ τῆς ἀληθείας καὶ τὰ οὐκ αἰσχροῦ ἀναρῶν δέ, ego profecto ex meo animo ceteros iudicans, gratiam quæ mihi deberetur ab illis demortuis auctoribus, quorum opinionem veritatis studio potius non sum secutus quam refutavi, a posteris tanto cumulatus expecto, quanto quisque erit cum illorum auctorum admiratione rerum Romanarum studiosior: tantum abest ut id mihi vitio verti debere existimem. Nam & quæ a me de Comitibus scribuntur, ea non adeo pro oraculis habenda esse sentio, ut non maximam habiturus sim doctis hominibus gratiam, qui non modo nostra refutarint, sed etiam veriora in vulgus ediderint: ut & literarum studiosis bene consulant, & nos tandem nostræ ignorationis coarguant. Hanc de Comitibus disputationem in tres libros partitus sum. Primus est de comitiis centuriatis: Secundus est de Tributis: Tertius est de Curiatis. Singulorum generum disputatio tota continetur sex capitibus. Primum enim docetur quid essent singula illa comitia: Tum quæ & quot essent causæ habendorum comitiorum: Mox per quas personas peragerentur: Deinde quis esset singulorum comitiorum proprius modus: Post hæc de loco, ubi comitia fierent, agitur: Postremo de tempore habendorum comitiorum. Nam si in singulis generibus intelligatur quid essent ipsa comitia, quibus de causis haberentur, quarum personarum intervntu fierent, quo modo peragerentur, quo loco & quo tempore, nil omnino videbitur desiderari posse ad eam comitiorum cognitionem, quæ, ut de re tantopere ob antiquitatem remota, expeti debet. Ac ne quis forte plus a nobis quam pro instituto nostro requirat: eam modo persequemur comitiorum rationem, quæ ante occupatam ab imperatoribus Rempub. observabatur: potissimumque omnia referemus ad tempora Ciceronis. Nam ut lucem aliquam ejus scriptis, quibus nulla magis passim in scholis leguntur, adferremus, hanc de comitiis tractationem maxime suscepimus. Ex hac tamen nostra disputatione non erit difficile intelligere, quandiu sub Imperatoribus fuerunt comitia, quæ esset eorum ratio, ut quæ, eo dempto, quod minus libera essent cæteris in rebus, eodem quo prius modo fiebant. Tiberius Cæsar initio sui imperii populo jus comitiorum ademittit, ut docet Cornelius Tacitus lib. 1. his verbis: Tum primum e campo comitia ad patres translata sunt. Nam ad eam diem etsi potissima principis arbitrio, quædam tamen studiis tribuum fiebant: neque populus ademptum jus questus est, nisi inani rumore. Ex eo loco apparet, sub Cæsaribus non fuisse comitia, nisi sub Augusto, & sub Julio Cæsare, quandiu solus Rempub. obtinuit: quæ tamen (ut dixi) sub his libera non erant. Suetonius de Cæsare ita scribit: Comitibus cum populo partitus est: ut exceptis Consulatus competitoribus, de cætero numero candidatorum pro parte dimidia, quos populus vellet, pronunciarentur: pro altera parte, quos ipse dedisset. De Augusto vero hæc sunt ejus verba: Comitiorum quoque pristinum jus reduxit: ac multiplici pœna coercito ambitu Fabianis & Scaptiensibus tribulibus suis die comitiorum singula millia nummum a se dividebat. Ex his cum Taciti loco collatis, intelligi potest, sub Cæsare & Augusto adhuc fuisse comitia: verum sub Cæsare adeo non fuisse libera, ut non posset populus, nisi pro dimidia parte, creare quos vellet magistratus: sub Augusto vero paulo quidem liberiora; sed quæ tamen maxima ex parte (ut ait Tacitus) principis arbitrio, non populi fierent. At post imperium a Tiberio ini-

tum, adeo deserunt fieri comitia, ut nunquam postea a sequentibus Imperatoribus populo restituta sint: sed vel penes Senatum Tiberii instituto manserint, vel plane in principis potestate fuerint: quemadmodum ex Plinii epistolis recte docet Budeus in posterioribus annotationibus in Pandect. Et Modestinus in lege unica ad legem Juliam de ambitu, Digest. libro 48. Hæc lex (inquit) in urbe hodie cessat: quia ad curam principis magistratuum creatio pertinet, non ad populi favorem: Sed hæc satis. De ipsis comitiis communia quædam præfari necesse est, priusquam ad singula genera veniamus. Comitia a coeundo; vel potius (ut veteres) comeundo, dicta sunt: quod populus coire bis, & unum in locum convenire solet. A quo etiam verbo locus in foro Romano Comitium appellabatur: & contiones quasi comitiones vocabantur. Erant autem comitia, cum generaliter verbum accipitur, &, ut vulgo a Latinis scriptoribus usurpatur, conventus populi totius aut partis ad ferendum de aliqua re suffragium. Alio modo, & cum proprie verbum sumitur, universi populi convocatio ad aliquid sciendum. Nam si plebs tantum, quæ pars modo populi erat, a magistratu vocata fuisset, ea non proprie comitia dicebantur, sed concilia. Id quod A. Gellius lib. 15. cap. 27. ex Lælio Felice ostendit. Is, inquit, qui non universum populum, sed partem aliquam adesse jubet, non comitia, sed concilium edicere jubet. Hoc discrimen comitorum & concilii videtur Cicero observare, cum ita scribit secundo de legibus: Quid enim majus est si de jure quærimus, quam posse a summis imperiis & summis potestatibus comitiatus, & concilia vel instituta dimittere, vel habita rescindere? Et post reditum in Senatu: Legem Tribunus plebis tulit, ne obnunciare concilio aut comitiis liceret. Livius tamen non videtur hanc differentiam agnovisse, ut qui sæpe comitorum & concilii nomine absque ullo discrimine in eadem re utitur; libro tertio, primæ Decad. ubi de judicio Cæsonis Quintii loquitur: Judici die cum excusaretur solum vertisse exilii causa, nihilominus Virginio comitia habente, collegæ appellati dimisere concilium. Et alio loco, ubi loquitur de comitiis habitis ob judicium populi de agro ambiguo inter Arcinos & Andeates, ita scribit. Cum ad causam orandam venissent concilio populi a magistratibus dato. Item alio loco, ubi agit de judicio Manlii: In lucum Petilinum concilium populi indictum est. Et tamen ea fuisse centuriata comitia ipse auctor est: quæ erant maxime justa, ac populi universi comitia. Item libro 5. Decad. 3. de multa agens, quæ M. Posthumio publicano a Carviliis pl. dicta erat, ita scribit: Multæ certandæ cum dies advenisset, conciliumque tam frequens plebis adesset, ut multitudinem area Capitolii vix caperet. Et paulo post comitia vocat, quod ante concilium plebis appellarat. Et comitia (inquit) quæ vi atque armis prohibitorum erat. Hi omnes loci aperte ostendunt, T. Livium non anxie observasse illam comitorum & concilii differentiam, quæ a Lælio Felice ponitur. Et Cicero tertio de legibus, uno nomine concilii complectitur omnes cum populo actiones, adeoque omnia comitia. Quod vero, inquit, actoris jubeo esse fraudem, id totum ex Crassi sapientissimi hominis sententia dixi: quem est Senatus secutus, cum decrevisset, C. Claudio Consule de C. Carbonis seditione referente, invito eo qui cum populo ageret, seditionem non posse fieri: quippe cui liceat simulatque intercessum turbæque cœptum sit, concilium dimittere. Est igitur in verbo concilii sicut in nomine comitorum multiplicitas, quæ istam apud Latinos scriptores diversitatem peperit. Interdum enim communi nomine significat, omnes populi totius partisve cœtus & conventiones. Unde apud T. Livium libro secundo Decad. primæ, concilia appellantur nocturni cœtus, quos plebs per seditionem facitabat in diversis urbis partibus. Et cum initio ejusdem libri loquitur de concione a Publicola Consule advocata, concilii nomine in ea re utitur. Verba ejus hæc sunt: Hæc dicta vulgo

creditaque, cum indignitate angerent Consul's animum, vocato ad concilium populo, summissis fascibus in concionem ascendit.

Ex his perspicuum est, nomen concilii, cum generaliter accipitur, latius patere, quam comitia. Neque enim comitia unquam latius patent, quam ut omnes cum populo aut plebe actiones significant. At concilium præterea etiam usurpatur in concionibus appellandis, & aliis cujusque generis hominum conventibus. Interdum autem ejus verbi vis astringitur ad id modo significandum quod ait Lælius: ut proprie concilia appellentur partis populi conventus ad aliquid jubendum. Cujus generis erant, quæ a Tribunis plebis habebantur comitia. Habebant enim jus vocandæ plebis, non etiam universi populi, Tribuni plebis. Itaque verius concilia edicere quam comitia dicebantur.

Quanquam autem nomen comitiorum hanc, quam dixi, distinctionem admittit, in hac tamen nostra de comitiis disputatione nobis ea utendum esse non censemus: quandoquidem a Latinis scriptoribus vix, ac ne vix quidem, observari demonstravimus. Itaque eo contenti quod obiter admonuimus, hanc distinctionem a quibusdam poni, comitia (ut sæpius apud auctores sumuntur) definimus, populi qualescunque conventus ad aliquid suffragiis suis decernendum. Nam & ludorum & census causa vel populus universus convenire solebat, nec tamen illa erant comitia: quod non ad ferendum de aliqua re suffragium populus ita convenisset.

Quod vero populus frequens ex Italia universa Romam convenire soleret ludorum & census causa, Cicero indicat libro secundo in Verrem. Non committam, inquit, ut tum res judicetur, cum hæc frequentia totius Italiæ Roma discesserit: quæ convenit uno tempore undique comitiorum, ludorum, censendique causa. Et T. Livius lustris condendi causa populum universum in campo Martio convenisse primo lib. scribit his verbis: Censu perfecto edixit ut omnes cives Romani equites peditesque in suis quisque centuriis in campo Martio prima luce adessent. Ibi instructum exercitum omnem sue, ove, taurilibus lustravit: idque conditum lustrum appellatum. Hunc vero morem lustris ita condendi ad sua usque tempora observari solitum scribit Dionysius Halicarnassæus lib. 4. Et in concionibus certe quibusdam, præsertim nundinarum diebus, frequentior populus conveniebat, quam quibusdam comitiis: nec tamen hujusmodi conventus proprie comitia appellari potuissent. Non igitur erant comitia, nisi essent populi tales conventus, qui indicti essent ad ferendam de aliqua re per suffragia sententiam. Genera comitiorum inter se diversa, erant tria: Centuriata, Tributa, & Curiata. Nam quæ legimus apud Aulum Gellium lib. xv. cap. xxvi. calata comitia, & in Institutionibus, titulo de testamentis ordinandis, ea non faciunt aliud genus comitiorum: sed hujusmodi calata comitia erant vel centuriata vel curiata, ut idem Gellius ostendit his verbis: In libro Lælii Felicis ad Q. Mutium primo scriptum est Labeonem scribere, calata comitia esse quæ pro collegio pontificum habentur, aut regis sacrorum aut flaminum inaugurandorum causa. Eorum autem alia esse curiata, alia centuriata: Curjata per licitorem curiatim calari, id est, convocari: Centuriata per cornicinem. De his nos postea amplius dicemus. Nunc illud modo ascribemus quod est apud Theophilum lib. secundo Institutionum. Duo, inquit, erant apud veteres testamentorum genera: unum, quod calatis comitiis fiebat & dicebatur: alterum, quod in procinctu. Testamentum calatis comitiis, tempore pacis fiebat, bis in anno, hoc modo: Præco universam circumibat civitatem populum convocans: tumque qui testamentum condere volebat, in concione populi ipso teste populo testamentum scribebat. Ex quo etiam dictum est calatis comitiis. Nam calare est vocare: Comititia vero

populi, congregatio. Quoniam igitur vocati congregabantur, appellatum est testamentum calatis comitiis. *Quæ Theophili verba ideo adscripsi, ut quoniam de his comitiis, quæ testamentorum condendorum causa fiebant, nil mihi postea dicendum est, ut quæ non diu in urbe manserunt: hoc loco obiter haberent studiosi antiquitatis, quid sibi vellent facta huiusmodi calatis comitiis testamenta, omninoque unde hoc nomen calatorum comitiorum ortum esset. Est enim Græcum calandi verbum, cujus erat frequens usus veteribus Romanis: at postea in paucis quibusdam velut antiquitatis causa retentum est, Scribit Macrob. lib. 1. Saturn. c. xv. Præcis temporibus antequam fasti a Cn. Flavio scriba invitis patribus in omnium notitiam proderentur, pontifici minori hæc provincia delegabatur, ut novæ Lunæ primum observaret aspectum, visamque regi sacrificulo nunciaret. Itaque sacrificio a rege & minore pontifice celebrato, idem pontifex calata, id est, vocata in Capitolium plebe, juxta curiam Calabram, quæ casæ Romuli proxima est, quot numero dies a calendis ad nonas superessent, pronuntiabat, & quintanas quidem quinquies dicto verbo, καλῶ, septimanas repetito septies prædicabat. Verbum autem calo Græcum est, id est, voco, & hunc diem qui ex his diebus qui calarentur primus esset, placuit calendas vocari. Hinc & ipsi curiæ, ad quam vocabantur, Calabræ nomen datum est, & classi, quod omnis in eam populus vocaretur. Quoniam autem primis illis temporibus adeo usitatum erat calandi verbum, hinc ego opinor omnia comitia veteribus calata fuisse. Sed postea cum in usu hoc verbum esse desit, retentum esse nomen calatorum comitiorum in his tantum, quæ pro collegio pontificum habebantur: idque religionis cujusdam & antiquitatis causa. Atque hæc de calatis comitiis sufficient, si ostenderitimus hæc etiam calata comitia testamentorum causa, fuisse curiata, ac non aliud quoddam genus comitiorum propterea ponendum esse. Id vero inde perspicere potest, quod primis Reip. Romanæ temporibus tantum hæc in usu fuerit testamentorum condendorum ratio, quibus temporibus non alia erant comitia quæ in urbe fierent, quam curiata. Nunc finem præfationis faciamus, ut ad centuriata comitia veniamus.*

LIBER PRIMUS.

C A P. I.

Quid essent Centuriata Comitia.



CENTURIATA Comitia erant, quibus populus per classium centurias suffragium ferebat. Quod ut apertius intelligatur, verba T. Livii ex libro primo subscribam: Tum classes centuriasque, & hunc ordinem ex censu descripsit: vel paci decorum vel bello. Ex iis qui centum millium ævis aut majorem censum haberent, octoginta confecit centurias: quarum dragenas seniorum, ac juniorum. Prima classis omnes appellati. Seniores ad urbem custodiam ut præsto essent, juniores ut foris bella gererent. Additæ huic classi duæ fabrum centuriæ, quæ sine armis stipendium facerent. Datum munus ut machinas in bello ferrent. Secunda classis intra centum usque ad quinque & septuaginta millium censum instituta. Et ex iis senioribus junioribusque viginti conscriptæ centuriæ. Tertiæ classis quinquaginta millium censum esse voluit, totidemque centuriæ, & eæ eodem discrimine ætatum factæ. In quarta classe census quinque & viginti millium: totidem centuriæ factæ. Quinta clas-

sis aucta, centuriæ triginta factæ. In his accensi, cornicines, tibicinesque in tres centurias distributi. Undecim millibus hæc classis censebatur. Hoc minor census reliquam multitudinem habuit: Inde una centuria facta est immunis militia. Ita pedestri exercitu ornato distributoque, equitum ex primoribus civitatis duodecim scripsit centurias. Sex item alias centurias, tribus a Romulo institutis, sub iisdem, quibus inauguratæ erant, nominibus fecit. Hæc Livius de classibus & centuriis. Dionysius vero Halicarn. libro quarto eadem hæc pluribus explicat. Servius, inquit, Tullius iussit omnes Romanos æstimatas suas facultates publice profiteri, præstito legitimo juramento veram a se professionem factam esse: simulque ut profiterentur patrem, ætatem, uxoris nomen & liberorum: quo in loco urbis, aut quo in pago ruris habitarent. In censu autem parva indicta erat, ut bona eorum publicarentur, ac virgines cæsi tanquam mancipia venirent; quæ lex diu apud Romanos mansit. Professione perfectâ tabulas perlegit, quibus & multitudinem civium, & census cujusque magnitudinem cognovit: tumque hanc sapientissimam Reipub. regendæ rationem instituit. Ex his quorum erat maximus census, nec minor centum minis, primam classem fecit octoginta centuriarum: quadraginta quidem seniorum, ac totidem juniorum. Erant autem seniores post annum ætatis quintum & quadragessimum, juniores post ætatem militarem usque ad

quadragesimum quintum annum. Ex iis quorum census erat intra decem millia drachmarum, nec minor tamen quinque, septuaginta minis, secundam classem viginti centuriarum: decem seniorum, decem juniorum. Ex his qui censum habebant minorem septem millibus & quingentis drachmis, at non minorem quinquaginta minis, tertiam classem viginti etiam centuriarum: decem seniorum, totidemque juniorum. Ex iis qui censum habebant minorem quinque millibus drachmarum, non minorem tamen viginti minis, quartam classem viginti item centuriarum: decem seniorum, totidem juniorum. Quinta classis fuit ex iis, qui censum habebant viginti quinque minarum usque ad duodecim cum dimidia: quæ triginta centuriarum fuit, quindecim seniorum, ac totidem juniorum. Quatuor porro centurias, quæ sine armis essent, iussit eas sequi quæ armatæ stipendia facerent. Earum duæ erant fabrorum, duæ tibicinum. Ac fabrorum quidem duæ centuriæ additæ sunt secundæ classis, ac per etatem divise. Una enim centuria seniorum sequebatur. Altera vero juniorum centuriis adscripta erat. Tibicines vero quartæ classis adscribebantur. Atque harum item una erat seniorum, altera juniorum. Ita pedestri exercitu diviso, equitum multitudinem selegit, qui maximo censu erant & genere maxime illustres, quos in octodecim centurias divisit: easque cum octoginta primæ classis centuriis coniungi voluit. Reliquam civium multitudinem, quorum census erat minor duodecim minis cum dimidia, quæ erat multo maxima civium multitudo, in unam centuriam redegit, omnis militiæ ac tributum immunitem: quæ fuit sexta classis. Summa autem centuriarum, quæ omnibus classibus continebantur, erat centum nonaginta tres centuriæ, quarum octo & nonaginta erant primæ classis, si connumerentur in ea equitum octodecim centuriæ. Populo ita distributo, militum descriptionem per centuriarum divisionem faciebant, ac tributum ex censu per easdem centurias imperabat. Nam si quando ei opus esset militum decem millibus aut viginti, divisa in centum nonaginta tres centurias multitudine, per centurias imperabat, quantum dare quaque militum oporteret. Tum inita ratione pecuniarum quæ opus essent exercitui alendo, vestiendo, aut alia ratione ducendo; hic rursus populus dividebatur in centum nonaginta tres centurias, & quid quaque centuriam conferre oporteret, imperabat. Qua ratione fiebat, ut qui maximo censu erant, cum & pauciores essent, & in plures divisi centurias, sæpius ac fere continenter ferrent onus militiæ: & de suis facultatibus plus in commune conferrent. Qui medio censu erant, quia plures erant, & in pauciores centurias distributi, nec tam sæpe militabant, nec magno tributo gravabantur: qui vero infimo censu erant, omni onere immunes erant. Atque illo quidem periculum, & impensarum onere divitibus imposito, ut ne id graviter ferrent, optimam rationem leniende indignationis commentus est. Effecit enim ut hi vere Reip. domini essent, & in pauperibus nulla propemodum vis esset: idque ita perfecit, ut se excludi plebs non sentiret. Fuit autem illa, quam divitibus dedit, dominatio in comitiis, quibus res maxime a populo scisciebantur. Nam ex veteri lege tria erant in potestate populi, magistratus creare, tam eos qui in urbe essent, quam eos qui foris bella gererent; leges jubere aut abrogare; de bello indicendo aut finiando decernere. Hæc vero a populo adhuc ita peragi solita erant, ut per curias divisus suffragium ferret. Erantque tum pauperes divitibus ferendo suffragio pares. Quinetiam quia multo pauciores erant (ut credere par est) divites pauperibus, ita fiebat ut vis suffragiorum esset penes pauperes. Quo a Ser. Tulio animadverso, in divites transtulit potestatem suffragiorum. Quando enim volebat aut magistratus creare, aut leges ferre, aut bellum indicere, Centu-

ariata comitia pro Curiatis convocabat. Ac primum quidem suffragium incedum vocabat centurias maximi census, in quibus erant octodecim equitum centuriæ, & peditum octoginta. Hæ octo & nonaginta centuriæ, quæ reliquam multitudinem tribus centuriis superabant, si convenissent, reliquas vincebant, omninoque quod statuisent, obtinere oportebat. At si omnes ille non convenissent, tum vocabat secundæ classis duas, & viginti centurias. Quod si hic rursus diversæ essent sententiæ, vocabantur centuriæ tertie classis viginti. Mox quartæ viginti duæ, idque eo usque faciebant, dum nonaginta septem centuriæ convenirent. Quod si vocata etiam quinta classe id nondum ita accidisset, sed suffragiorum multitudine pares essent centuriæ nonaginta duarum centuriarum sententiæ, tum ultimam centuriam sextæ classis vocabat: Cuique parti se addidisset, ea vincebat. Id quod raro aut nunquam succeniebat: Fere enim a prima classe res peragebatur, raro ad quartam classem perveniebatur. Quinta vero classis, ac postrema nullus prope momenti erant. Atque illo quidem ordine instituyendo, quo tantum auctoritatis dabatur ditioribus ut pene exacti Reip. administratione pauperes viderentur, tantum adhibuit calliditatis, ut plebi infime fraus non appareret. Omnes enim se æquabiliter gerere Rempub. censabant, quod viritum rogabantur in suis singulis centuriis. At decipiebantur, partim quod universæ centuriæ unum esset suffragium, sive plurimos, sive paucos viros complecteretur: partim quod primæ suffragium ferrent & centuriæ, quæ erant maximi census: quæ & plures erant numero reliquis omnibus & pauciores tamen homines singule continebant. Erat vero & pars fraudis non minima in eo, quod capite censi, quanquam longe plures, unicum tamen suffragium omnes faciebant, ac postremi vocabantur. Qua ratione efficiebatur, ut divites, quorum erant maxime in Remp. impense, quique continenter onera Reip. sustinerent, minus id gravate ferrent, propter eam quam obtinebant in rebus maximis auctoritatem: quam cum iis non communicari videbant, quibus in capessenda Rep. non tantum oneris incumberet: pauperes contra, quibus minimum oneris publici imponebatur, æquo animo ferrent se pro sua immunitate tributorum ac militiæ, inferiores iis esse, in quos ista incumberent. Hæc ratio Reip. gerende per multas ætates a Romanis servata est: sed nostro tempore per vim maiorem mutata erat in magis popularem: non quod sublata sint centuriæ, sed quod iudicium earum non retinet veterem auctoritatem, ut ipse, cum sepe comitiis eorum interesset, animadverti. Hæc ex Dionysio fere ad verbum traducta, quæ omnia ideo subscripsi, partim ut intelligerentur, quæ obscure a T. Livio de classium suffragiis scribuntur, ubi ita inquit: Hæc omnia in divites a pauperibus inclinata onera. Deinde est bonos additus. Non enim ut ab Romulo traditum ceteri servaverant reges, viritum suffragium eadem vi, eodemque jure promiscue omnibus datum est, sed gradus facti, ut neque exclusus quisquam suffragio videretur, & vis omnis penes primores civitatis esset. Equites enim vocabantur primi: octoginta inde primæ classis centuriæ peditum vocabantur. Ibi si variaret, quod raro incidebat, ut secundæ classis vocarentur, nec fere unquam infra ita descendere ut ad infimos pervenirent. Partim ut omnem rationem Centuriatorum comitiorum, quæ a Ser. Tulio rege instituta est, ob oculos ponerem. Erant igitur Centuriata comitia, quibus populus per classium centurias divisus suffragium ferebat, ita ut suffragia colligerentur centuriarum, & quod plures centuriæ iussissent, id ratum haberetur. Ex his autem, quæ ex Livio, & Dionysio adscripti, quales, & a quo primum, & quomodo instituta huiusmodi centuriæ, unde nomen habuerunt Centuriata comitia, intelligere facile est.

Itaque illa sufficient de primo capite , in quo quidam essent Centuriata comitia, explicare volumus.

C A P. II.

De causis Centuriatorum comitorum.

TRES erant (ut generatim dicam) habendorum Centuriatorum comitorum cause. Una erat creandorum magistratuum: altera legum ferendarum: tertia iudicii exercendi causa. Nam & Cicero lib. secundo de Divinatione, his tribus contineri comitia indicat his verbis: Fulmen sinistrum, auspiciis optimum habemus ad omnes res præter quam ad comitia. Quod quidem institutum Reipub. causa est, ut comitorum, vel in iudiciis populi, vel in iure legum, vel in creandis magistratibus principes civitatis essent interpretes. Ac magistratus quidem his comitiis creabantur omnes, qui & maiores magistratus & patricii vocabantur præter Dictatorem, Magistrum equitum, & Interregem. Erant autem illi maiores magistratus, non omnes quibus sella curuli vehi ac publice federe jus erat, unde Curules magistratus vocabantur: erant enim Aediles Curules in hoc numero, & tamen in minoribus magistratibus erant, ut postea docebimus, sed iidem erant maiores magistratus, penes quos erant majora Reipub. auspicia, ut ex Messala docet Gallus libro decimotertio, capite decimoquarto. Ubi etiam scribitur majores magistratus Centuriatis comitiis creati. Illud tamen apertius fiet, si de magistratibus singulatim dicamus. Ac primum Consules Centuriatis comitiis creatos fuisse tam apertum est, ut supervacuum mihi videatur probationem huius rei subijcere. Nam & T. Livius de primis Consulibus ita scribit: Duo Consules inde comitiis Centuriatis a præfeto urbis ex commentariis Ser. Tullii creati sunt. Et Cicero initio orationis pro Muræna: Quæ deprecatus a diis immortalibus sum, iudices, more institutoque majorum illo die, quo auspiciato, comitiis Centuriatis, M. Murænam Consulem renunciavi. Et lib. septimo epistolarum, in epistola cujus initium, Ego vero jam ze nec horror, ita scribit: Ille autem qui comitiis tributus esset auspiciatus, Centuriata habuit. Consulem hora septima renunciavit. Prætores etiam his comitiis creati æque apertum est ex historia Livianæ progressu. Quod ex eo intelligi potest, quod Prætores collegæ essent Consulibus: iidemque auspiciis crearentur. Quod Livius initio libri septimi primæ Decad. ita scribit: Cum de industria omnia, ne quid per plebem Consulem ageretur, proferrentur, silentium omnium verum ac iustitio simile otium fuit: nisi quod non patientibus tacitum Tribunis, quod pro uno Consule plebeio tres patricios magistratus curulibus sellis prætextatis tanquam Consules sedentes, nobilitas sibi sumpsisset: prætorem quidem etiam iura reddentem, & collegam Consulibus atque iisdem auspiciis creatum. Quod idem Cicero lib. nono ad Atticum dicit in epistola, cujus initium, Tres epistolæ: Et A. Gellius lib. 13. c. 14. ex M. Messala lib. 1. de auspiciis ita scribit: Patriorum auspicia in duas sunt potestates divisa. Maxima sunt Consulum, Prætorum, Censorum: neque tamen eorum omnium inter se eadem aut ejusdem potestatis. Ideo & collegæ non sunt Censores Consulum aut Prætorum: Prætores Consulum sunt. Et paulo post: Reliquorum magistratuum minor a sunt auspicia. Ideo illi minores, hi majores magistratus appellantur. Minoribus creandis magistratibus Tribus comitiis magistratus, sed iustus Curia datur lege, Majores Centuriatis comitiis fiunt. Ex his omnibus Messalæ verbis manifestum fit, & qui magistratus minores sint, & quamobrem minores appellantur, sed & collegam esse Prætorem Consulibus docet, quod eodem auspicio creatur. Prætores ergo, ut ex iis planum est, Centuriatis comitiis creabantur. Quod etiam Cicero aperte dicit initio orationis pro lege Manilia, ubi ait: Nam cum propter

dilationem comitorum, ter Prætor primis centuriis cunctis renunciatus sum. Censores vero Centuriatis comitiis creati solitos ex his perspicuum est, quæ modo ex A. Gellio citavimus. Nam & inter majores magistratus numerantur Censores & Centuriatis comitiis creati majores magistratus Messala ait. Tum vero ex Ciceronis loco in secunda oratione in Rulhum, ubi ait: Majores de omnibus magistratibus his vos sententiam ferre voluerunt. Nam centuriata lex Consulibus ferebatur, & cæteris patriciis magistratibus, tributa plebeiis. Tum curiata iterum de iisdem judicabatur. Sic enim locus ille debet legi, alioqui in omnibus fere codicibus corruptus. Excepi autem supra Dictatorem, magistrum equitum, & interregem, quod quanquam illi majores magistratus essent, tamen non comitiis a populo, sed alia ratione creabantur. Nam si aut belli externi seditionisve domesticæ, vis quædam major incidisset, quæ videretur majori imperio, quam consulari indigere: aut si adesse comitiis non possent Consules, nec vellet Senatus rem ad interregnum redire: aut si fingendus esset clavus religionis causa: aut ludi primum instituendi (has enim fere causas creandi Dictatoris fuisse reperio) tum si Senatui ita videretur, videbatur Consul Dictatorem dicere, hoc est quem vellet (modo ex consularibus aliquem) nominare qui Dictator esset: tum Consul captatis auspiciis, oriente nocte, silentio Dictatorem dicebat, qui deinde magistrum equitum, quem vellet, dicebat. Quæ omnia ex his, quæ sequuntur perspicui possunt. Livius lib. quarto primæ Dec. T. Quintius Consules immerito increpari ait, qui conscripsi legibus de provocatione ad dissolvendum imperium latis, nequaquam tantum virum in magistratu ad eam rem pro atrocitate vindicandam, quantum animi haberent. Opus esse non fortis solum viro, sed etiam libero exultoque legum vinculis. Itaque se Dictatorem L. Quintium dicturum. Approbantibus cunctis primo Quintius adnuere &c. Dictator a Consule dicitur: ipse deinde C. Servilius Halam magistrum equitum dicit. Et paulo post. Et Senatus, ut in trepidis rebus Dictatorem dici Mamercum Aemilium iussit. Is magistrum equitum L. Quintium Cincinatum dixit. Et eodem libro paulo post: A Virginio Senatus in æde Quirini consulitur. Dictatorem dici A. Servilium placet. Virginus dum collegam consulere moratus, permittente eo, nocte Dictatorem dixit. Is sibi magistrum equitum Posthumium Ebutium dicit. Et alio loco ejusdem libri. Senatui Dictatorem dici placuit. Sors, ut Dictatorem diceret (nam ne id quidem inter collegas convenerat) T. Quintio evenit. Is A. Posthumium Tiberium socerum suum, severissimi imperii virum, Dictatorem dixit. Ab eo L. Julius magister equitum est dictus. Et alio loco ejusdem libri: Mæstia civitas fuit vinci insueta: odisse Tribunos: poscere Dictatorem: & cum ibi quoque religio obstaret, ne non posset nisi ab Consule dici Dictator, Augures consulti eam religionem exemere. A. Cornelius Dictatorem Aemilium dixit: & ipse ab eo magister equitum est dictus. Et libro septimo primæ Decad. Terror inde vanus belli Hetrusci, cum conjurasse duodecim populos fama esset, Dictatorem dici coegit. Dictus in casibus (eo enim ad Consules missum senatusconsultum est) C. Julius. Et eodem libro paulo post. Moram triumpho vulnus Consulis attulit: eademque causa Dictatoris desiderium Senatus fecit: ut esset qui ægris Consulibus comitia haberet. Et libro octavo ejusdem Decad. Consul ex S. C. triumphavit. Et ne Attilius expers gloriæ esset, iussit ambo Cossi, adversus Sidicinos ducere exercitum: Dictatorem ante ex S. C. comitorum habendorum causa dixerunt. Et alio loco ejusdem libri: Itaque cum & comitorum dies instaret, & Publius imminet hostium muris advocari a spe capiende in dies urbis baud e Rep. esset, L. Cornelio (quia ne cum quidem in Samnium jam ingressum vocari ab impetu belli placebat) sibi

sa. Eorum autem alia esse Curiata; alia Centuriata. Nam si verum est, quod apud Ciceronem scriptum est 2. orat. in Rullum, ante legem Domitiam latam sacerdotia præter pontificatum maximum a populo non data fuisse, sed tantum a collegiis cooptari solitos, qui sacerdotes fierent, quænam ista sunt centuriata comitia, quæ pro collegio pontificum haberi dicit Lælius ex Tiberone? nec Pontifex Max. (ut eodem illo loco ait Cicero) creabatur centuriatis comitiis, sed a minore parte populi. Illa sane quaestio est inquisitione digna: de qua suum cuique relinquam iudicium; mea vero hæc est sententia: quæ a Tiberone scribuntur, sic esse accipienda, ut bina designentur comitia calata, quæ pro collegio pontificum haberentur: alia quibus rex sacrorum crearetur, alia quibus flamines. Atque illa quidem, quibus rex sacrorum fieret, centuriata fuisse: quibus flamines, curiata. Ut autem illa credam, potissimum his duor argumentis. Rex sacrorum & flamines, tamen si non essent pontifices, ita tamen erant adscripti in collegium pontificum, ut, si quando de re aliqua apud pontifices ageretur, ipsi una iudices federent ejus rei, de qua ad collegium pontificum relatum esset. Quod potest ex oratione Ciceronis pro domo sua intelligi: quæ cum habita sit apud pontifices, ad quorum collegium rejectum erat de domo a Clodio consecrata iudicium: in ea tamen oratione iudices sedisse, regem sacrorum, & flamines ostendit, cum ait: *Discite orationem pontifices, & vos flamines, etiam tu Rex, disce ab homine gentili tuo, quamquam ille gentem istam reliquit.* Et de Aruspicum reponis, postquam dixit Senatus decreto de ædium suarum religione ad pontificum collegium relatum esse, paulo post velut enumerationem faciens eorum, qui iudices federunt, ita scribit: *At vero meam domum P. Lentulus Consul & pontifex, P. Servilius, M. Lucullus, Q. Metellus, M. Glabrio, M. Messalla, L. Lentulus flamen Martialis, P. Galba, Q. Scipio, C. Fannius, M. Lepidus, L. Claudius Rex sacrorum, M. Scaurus, M. Crassus, C. Curio, Sex. Cæsar flamen Quirinalis, Q. Cornelius, P. Albino-vanus, Q. Terentius Pontifices minores, causa cognita duobus locis dicta, maxima frequentia amplissimum ac sapientissimorum civium afflante, omni religione una mente omnes liberaverunt.* Deinde vero T. Livius initio lib. 2. 1. Decad. diserte affert, Regis sacrificuli sacerdotum Pontifici subiectum. Quod etiam intelligi potest ex eo, quod apud eundem scriptum est lib. 10. 4. Decad. *De rege sacrifici sufficiens in locum C. Cornelii Dolabellæ contentio inter C. Servilium pont. max. fuit, & L. Cornelium Dolabellam Duumvirum navalem: quem ut inauguraret pontifex, magistratu sese abdicare volebat: recusantique id facere, ob eam rem multa Duumviro dicta a pontifice, deque ea cum provocasset, certatum ad populum. Cum plures jam tribus introvocata dicto esse audientem pontifici Duumvirum suberent, multamque remitti, si magistratu se abdicasset: altimum de collo, quod comitia turbaret, intervenit. Religio inde fuit pontificibus inaugurandi Dolabellæ. P. Clodium Siculum inaugurarunt, qui secundo loco inauguratus erat. Ex his T. Livii verbis colligi potest non modo pontifici maximo subiectum esse Regem sacrorum: sed etiam ad pontifices pertinuisse inaugurationem ejus, adeoque pontificis maximi fuisse, inaugurare regem sacrificum. Quod idem de flaminibus dicendum esse ex eo demonstrari potest, quod scribit idem Livius lib. 7. Decad. 3. *Et flaminem Dialem invitum inaugurari cogit Pub. Licinius pontif. maxim. C. Valerium Flaccum: Quod idem scribit Valerius Maxim. lib. 6. cap. 9. C. Valerius Flaccus secundi belli Punici temporibus, luxu perditam adolescentiam inchoavit. Cæterum a P. Licinio pontif. maxim. flamen factus, &c.* Et L. Florus in Epitome libri 29. scribit: *L. Cæcilius Metellus pontif. ma-**

xim. A. Postumium Consulem, quoniam idem & flamen Martialis erat, cum ille ad bellum gerendum proficisci vellet, in urbe tenuit, nec passus est a sacris recedere. Et T. Livius lib. 7. Decad. 4. de Q. Fabio Picatore, quem dicit eo anno, quo creatus est Prætor, inauguratum fuisse flaminem Quirinalem, ita scribit: *Præterquam in provinciis Prætores irent, certamen inter P. Licinium pontif. maxim. fuit, & Q. Fabium Picatorem flaminem Quirinalem. Quale patrum memoria inter L. Metellum, & Postumium Albinum fuerat. Consulem illum cum C. Lucatius collega in Siciliam ad classem proficiscentem, ad sacra retinuerat Metellus pontif. maxim. Præterem hunc ne in Sardiniam proficisceretur P. Licinius tenuit. Et in Senatu, & ad populum magnis contentionebus certatum est, & Imperia inhibita ultro citroque, & pignora capta, & multa dicta, & Tribuni appellati, & provocatum ad populum est. Religio ad postremum vicit: & dicto audient esse flamen pontifici iussus. Ex his locis perspicuum est flamines & regem sacrorum, non modo attributos fuisse collegio pontificum, sed etiam ita pontifici maximo subiectos, ut ab eo inaugurarentur: hoc est, certis quibuscumque ac solennibus captatis auguriis crearentur. Et quoniam ita erant attributi collegio pontificum, ideo recte a Tiberone dictum esse illa comitia, quæ habebantur regis sacrorum, & flaminum inaugurandorum causa, pro collegio pontificum haberi. Nec facio partem disjunctionis illud, quod ait pro collegio pontificum Calata comitia haberi, ut terna hic ponantur Calata comitia: prima pro collegio pontificum, secunda regis sacrorum inaugurandi causa, tertia flaminum inaugurandorum. Pontifices enim non comitiis a populo creabantur, sed a collegio cooptabantur, ut & Cicero aperte indicat in ea, quam citavimus, oratione in Rullum: & Svetonius in Nerone cap. 2. & Dionysius Halicarn. his verbis scribit: *Defuncto uno pontifice, alius sufficitur non a populo creatus, sed ab illis ipsis pontificibus, is qui illi sacerdotio maxime idoneus videtur.* Et pontifex maxim. quamquam a populo, aut potius a parte populi crearetur, non tamen illis comitiis Centuriatis, aut Curiatis, quæ a Tiberone illic subiiciuntur, creatur: sed alia ratione, quam postea, cum de tribus comitiis agemus, latius explicabimus. Sunt igitur ita accipienda Tiberonis verba, uti diximus: & quod ait Calata comitia haberi pro collegio pontificum, non ita interpretandum est, ut significant de collegio pontificum haberi comitia, sed potius a collegio: & apud collegium, quemadmodum illud, pro, sæpe apud Latinos scriptores accipitur. Ut apud Livium lib. 8. Decad. 4. *Supplicatio in triduum pro collegio Decemviorum imperata fuit.* Cum igitur certum sit comitiis Calatis regem sacrorum, & flamines creati solitos, ex iisque alia Centuriata, alia Curiata faciat Lælius Felix ex Tiberone, illud modo restat, ut explicem cur Centuriata ad regem sacrorum, Curiata vero ad flamines referenda existimem. In quo si non adferam satis evidentes probationes, verisimilibus contentos nos esse oportebit. Ac primum flamines jam inde a Numa Rege instituti sunt, quo tempore non alia erant Romæ comitia, quam Curiata: Rex vero sacrorum eo anno, quo primum Consules Romæ fuerant, creatus est: quo tempore Centuriata comitia jam a Servii regis temporibus erant. Non poterunt igitur aliis comitiis creati primum flamines; quam Curiatis: neque vero ulla usquam mentio est in omni historia, aliquid posterioribus temporibus mutatum fuisse ex iis, quæ primum a Numa fuissent instituta de flaminibus. Quod si Curiata flaminibus tribuamus, relinquatur, ut regi sacrorum Centuriata tribuenda sint. Deinde vero regis sacrorum sacerdotium majus multo illustriusque erat quam flaminum: ut qui in regis locum (quod quidem ad sacra attinet) successerat:*

ideoque ei & nomen regis, & ornatus regius reli-
 ctus erat. Magnitudo igitur sacerdotii efficit, ut cre-
 damus, quoniam a populo conferretur, iis potius co-
 mitiis, quibus maximas quasque dignitates dare sole-
 bat, quæ erant Centuriatæ, creari solitum hunc sa-
 cerdotem, quam Curiatis. Atque illa quidem mea est
 sententia de illo A. Gelli loco. Cui nihil illud repu-
 gnat, quod ex Cicerone citavi, ante legem Domi-
 tiam omnes sacerdotes præter pontificem maxim. nil
 consulto populo a collegis cooptari solitos. Ego enim
 ad eos modo sacerdotes, quorum erat suum quoddam
 collegium, ea verba esse referenda censeo: præsertim
 cum lex Domitia ad illos tantum sacerdotes perti-
 neret. Scribit enim Paternus eam fuisse legem Do-
 mitiam, ut omnes sacerdotes, qui ante a collegis
 sufficiebantur, suffragiis minoris partis populi crea-
 rentur. Et apud Alconium extant verba ex oratio-
 ne Ciceronis pro C. Cornelio, quibus a Cn. Domi-
 tio dicit potentissimorum hominum collegis creptam
 fuisse potestatem cooptandorum sacerdotum. Et Sve-
 tonius in Nerone: *C. Domitius in Tribunatu ponti-*
ficibus offensior, quod alium quam se in patris sui lo-
co cooptasset, sui sacerdotum subrogandorum a col-
legis ad populum transtulit. Quod si ad sacerdotia
 collegiorum tantum lex Domitia pertineret, nil re-
 pugnabunt, quæ a Cicerone dicuntur de ratione
 creandorum sacerdotum ante legem Domitiam, iis
 quæ a nobis dicta sunt de rege sacrorum & flami-
 nibus. Quanquam enim attributi essent collegio ponti-
 ficum, non tamen ipsi ex pontificum numero
 erant, nec fuisse de collegio pontificum proprie di-
 ci possunt. Nam regi sacrorum suum erat proprium
 sacerdotium, habebatque sua quædam sacra cura-
 nda, quæ ad nullum alium sacerdotem pertinebant.
 Et flamines, quanquam multi essent, qui nomine
 convenient, collegæ tamen non erant: siquidem
 flamen unius Dei sacerdos erat, habebatque sua quis-
 que sacra, quæ & per se quisque procuraret, & ad
 alios nil omnino attinerent. Quod Cicero lib. 2. de
 Legibus satis indicat, cum legem huiusmodi ponit:
Droisique alii sacerdotes, omnibus pontifices, singulis
flamines sunt. Ex iis perspicuum est, ad illas tres
 causas generales habendorum comitiorum Centuria-
 torum, quas supra posuimus, adjiciendam esse hanc
 regis sacrificuli creandi causam. Quam Cicero, ut
 opinor, eo loco, quem ex 2. de Divin. citavi, vo-
 luit comprehendere in ea parte, in qua magistratu-
 um comitia appellat: non quod rex sacrorum magistra-
 tus esset, sed quod dignitas quædam tantum esset,
 quæ a populo non alia ratione quam magistratus
 daretur. Neque vero oportuit Ciceronem illic tam
 anxie enumerare omnes rationes habendorum co-
 mitiorum. Atque illa quidem sufficiant de prima
 causa Centuriatorum comitiorum, quam simplicem
 prius cum Cicerone fecimus: nunc quo explicatio-
 res sit, geminam facimus, ut sit prima causa ma-
 gistratu-um, & regis sacrorum creandi causa. Nam de
 Decemviris, qui legibus ferendis creati sunt, & de
 Tribunis militaribus Consulari potestate, quos ex
 historia certum est comitiis Centuriatis creatos, pro-
 pterea nil dixi, quod iandudum illi magistratus Ro-
 mæ creari deberant. Sequitur illa causa, legum scilicet
 ferendarum: in qua explicanda illud primum
 animadvertendum est, legis nomen hoc loco etiam
 rogationem complecti, qua bellum iuberetur a po-
 pulo. Quod apud Livium frequens est, ut populus
 lege iussisset bellum dicatur. Hæc tamen apud Dio-
 nys. & Polybium distinguuntur, cum aiunt, tria,
 in quibus maximum Reip. gerendæ momentum es-
 set, in populi Rom. potestate fuisse, magistratus crea-
 re, leges condere, bellum aut pacem iubere. Quod
 vero comitiis Centuriatis leges ferri dicimus, non
 ita accipi debet, quasi velimus omnes leges iis co-
 mitiis ferri solitas, sed id modo ad eas referendum
 est, quas & per distinctionem plebiscitorum leges

A appellari apud Iustinianum primo Institutionum,
 & A. Gellium lib. 10. cap. 21. reperimus: & apud
 Ciceronem Centuriatas & Consulares leges vocari vi-
 demus. A Centuriatis enim comitiis, quibus profe-
 rebantur Centuriatæ leges, appellantur. Ut lex quæ
 lata est de ejus redivit ab exilio, de qua ita scribit in
 oratione post reditum in Senatu: *Quo die nos comi-*
tis Centuriatis, quæ maxime majores iusta dici ha-
berique voluerunt, accessit in patriam, ut eadem
Centuriæ, quæ me Consulem fecerant, Consulatum
meum comprobarent. Et lib. 1. Epistolarum in epist.
 cuius initium est, *Perjucunde: Me universa Resp.*
duce Senatu, comitante Italia, promulgantibus om-
nibus, referente Consule, comitiis Centuriatis, cum
illis ordinibus hominibusque incumbentibus, recupera-
vit. Ut vero Centuriatas leges non persequar singu-
 las, sed uno velut signo cognoscendas exhibeam,
 quæ leges ferebantur a majoribus magistratibus, hæ-
 bere Centuriatis comitiis ferebantur: præsertim si au-
 thoritate Senatus ferrentur, ac de re quapiam majoris
 momenti essent. Hinc leges Valeriæ a P. Vale-
 rio Publicola Consule latæ de pronuntiatione, Centu-
 riatæ fuerunt: ut est apud Valerium Max. lib. 4.
 cap. 1. *Legem etiam comitiis Centuriatis tulit, ne*
quis magistratus civem Rom. &c. Et leges duodecim
tabularum Centuriatis comitiis perlatæ sunt, inquit
 T. Livius lib. 3. i. Dec. Et eodem libro de L. Vale-
 rio, & M. Horatio loquens, ita scribit: *Omnium*
primum cum veluti in controverso iure esset, tene-
renturque patres plebscitis, legem Centuriatis comitiis
tulere, ut quod Tribuni plebs iussissent, populus te-
neret. Quod vero ipse idem scribit lib. 8. i. Dec. a
 Dictatore P. Philone legem latam fuisse, ut legum,
 quæ comitiis Centuriatis ferrentur, ante initium suf-
 fragium patres auctores fierent: argumento esse po-
 test, leges, quæ per distinctionem plebiscitorum ap-
 pellarentur, quales erant, quæ a magistratibus ma-
 joribus ferebantur, comitiis Centuriatis ferri solitas.
 Dixi autem fere ita facilitatum fuisse, quia id per-
 petuum non esset, ut quales leges ferrent majores
 magistratus, eas Centuriatis comitiis ferrent. Scri-
 bit enim Cicero i. lib. ad Att. a M. Pisonæ Consu-
 lationem latam ad populum, de religione a
 P. Clodio contempta: eamque in comitio latam
 fuisse perspicuum est ex contextu epistolæ nonæ,
 cuius initium est, *Vereor ne putidum.* Unde appa-
 ret non fuisse huius legis comitia Centuriata, ut
 quæ intra pomerium haberi non possent. Ex his,
 quæ adhuc diximus, id perspicuum est, legibus qui-
 busdam ferendis habita fuisse comitia Centuriata:
 quibus ad ostendendum id, quod hoc loco volumus,
 contenti erimus, si probaverimus bellum iisdem his
 comitiis dici solitum. Scribit T. Livius lib. 4. i.
 Decad. *Controversia inde fuit, utrum populi iussu*
indiceretur bellum, an satis esset S. C. Perocire Tri-
buni, denunciando impedituros se delectum, ut Quintus
Col. de bello ad populum ferret. Omnes Centu-
 riatæ iussere. Et lib. 1. Decad. 4. *Ser. Sulpitio Pro-*
vincia Macedonia sorte evenit: iisque rogationem pro-
mulgavit, vellent iuberent Philippo Regi Macedoni-
busque bellum indici. Rogatio de bello Macedonico
 primis comitiis ab omnibus fere Centuriis antiquata
 est. Et paulo post. *Consul in campo Martio comitiis*
habitis, priusquam Centurias in suffragium mitteret.
 Et lib. 2. Decad. 5. *Patres, quod faustum foretque*
populo Rom. esset, Centuriatis comitiis primo quoque
die ferre ad populum Consules iusserunt, ut cum Perso
bellum intraret. Ex iis locis perspicuum est,
 Centuriatis comitiis legem de bello indicendo ferri
 solitam. Nec repugnare putandum est, id quod est
 apud Livium lib. 6. primæ Decad. *Tum ut bellum*
iuberent, latum ad populum est, & nequiquam dis-
suadentibus Tribunis Plebs omnes tribus bellum iusse-
rent. Nam quod ait omnes tribus bellum iussisse,
 nil aliud significat, quam universum populum id

scivisse: quemadmodum Cicero libro in Verrem tertio loquitur: *Credent omnes quinque & triginta tribus homini gravissimo*. Ubi tamen Cicero loquitur de iudicio Perduellionis, ad quod se vocaturum Verrem minatur: quod iudicium non Tributis, sed Centuriatis comitiis exercebatur, ut mox demonstrabimus. Adde quod in Centuriatis comitiis prerogativa tribus, & iurevocata frequenter in historia Livii appellantur: quo etiam referri potest, quod ait omnes tribus bellum iussisse. Porro autem hoc loco, ut ne quis fallatur, id quod ex historia observavi, obiter subijciam: non iidem comitiis pacem juberi solitam, quibus bellum indiceretur, sed Tributis: ut postea demonstrabimus. Haecenus de secunda causa comitiarum Centuriarum. Restat tertia, quae tamen videretur potuisse comprehendere sub secunda, cum etiam legem ferre dicatur is, qui aliquem vocat in iudicium populi, ut ex multis T. Livii locis manifestum est: & Cicero pro Sestio, cum comitia bipartito tantum dividit, in magistratum ac legum comitia, hoc sensisse videretur: attamen quo explicatio fit hae de comitiis tractatio, malui illam in tres partes divisionem ex libro de Divinatione sequi. Ac iudiciorum quidem causa haberi comitia Centuriata, ad unum modo iudicium Perduellionis pertinere intelligendum est. Quod ut aperius intelligatur, paulo altius repetenda mihi videtur universa ratio iudiciorum, quae Romae potissimum aetate Ciceronis observabatur. Praeter ea iudicia, quae a Triumviris capitalibus in servos, & reliquos extremæ fortis homines: & ab Aedilibus de ratione annonæ, de urbis, viarum ædificiorumque curatione, de rerum venditionibus exercebantur: reliqua in urbe (nam militaris iurisdicção ad Imperatores Tribunosque militares pertinebat) iurisdicção erat fere tota penes Prætores. Iudicia autem, aut privata erant, aut publica. Privatis iudiciis prærant duo prætores, unus urbanus, alter peregrinus. Ille civibus inter se jus dicebat: hic inter cives & peregrinos. Ac si actio privata huiusmodi esset, ut de iure potius, quam de factò querendum esset, Prætor ad Centumviris suum velut consilium remittebat, ut ex primo de Oratore intelligi potest: sin de factò querendum esset, iudicem dabat, aut iudices quos recuperatores appellari sæpe legimus: alioquin si nihil esset cur de iure, aut factò querendum esset, Prætor ipse decretum interponebat. Publicis iudiciis ante constitutas quaestiones perpetuas, solebant hi præstare, quos populus creasset quaestores, velut Pomponius leg. sec. de origine juris, vocat quaestores parricidii, ut quodque crimen publica animadversione dignum incideret: aut vero ab aliquo magistratu ad populum vocabatur is, quocum iudicio publico agendum esse videbatur. At post constitutas quaestiones perpetuas (quod Cicero in Bruto ait factum esse Censorino & Manilio Coss. qui est annus urbis sexcentelimus quintus in Chronologia Clareani) ad Sylla usque tempora ex iis sex prætoribus, qui jam inde a temporibus secundi belli Punici creati solebant, quatuor publica iudicia exercebant ea, de quibus non videbatur extraordinem querendum esse: ut repetundarum, ambitus, maiestatis, peculatus. Nam propterea quaestiones perpetuæ dicebantur tum, quod lege erat præscripta quædam forma perpetua iudicii de his rebus exercendi, ut nova semper lege opus non esset: tum vero, quod annuum provinciam in his quaestionibus exercendis illi prætores peragerent: non quemadmodum ante fieri solebat, cum ita casus tulisset ut querendum videretur, tum crearetur qui quaereret, statimque hoc absoluto iudicio potestatem de eadem re querendi non haberet. Quod si tum quoque aliquid accidisset, de quo extraordinem primo quoque tempore propter criminis gravitatem aut novitatem querendum videretur, ad populum fere-

batur, ut quem vellet de ea re primo quoque tempore quaerere, juberet. Tumque veteri more creabatur quaestor parricidii: quemadmodum factum est lege Varia, ut quaereretur adversus eos, quorum ope socii adversus Remp. arma sumpsissent: & lege Manilia, ut quaereretur in eos, quorum opera Jugurtha Senatus decreta neglexisset, tres quaestores creati sunt, inquit Sallust. Aut vero nulla decreta nova & ad tempus quaestione, ad populum ab aliquo magistratu dies dicebatur. Ut Cn. Domitius Tribunus plebis M. Scauro diem dixit ad populum, quod diceret ab eo facta multa populi Rom. diminuta esse. L. vero Cornelius Sylla Dictator, cum videret non satis esse, aucto a se perpetuarum quaestionum numero, ut quatuor modo Prætores publicis iudiciis præstent, adjecit quatuor Prætores, ut vult Pomponius: atque ita cæperunt decem prætores Romæ esse, quorum duo urbanus & peregrinus privatis potissimum iudiciis prærant, reliqui octo quaestionibus publicis. Erant autem, si Pomponium sequamur, illi octo Prætores, quos ex Cicerone colligere posse videmur, duo qui inter sicarios jus dicerent, unus qui de repetundis quaereret, alius qui de peculatu, alius qui de ambitu, alius qui de falso, alius qui de maiestate, alius qui de vi. Scribit enim Cicero in oratione pro Cluentio: *Quid est Q. Naso, cur tu in isto loco sedes? quæ vis est, qua abs te hi iudices tali dignitate præditi coercantur? Vos autem, iudices, quamobrem ex tam magna multitudine civium, tam pauci de hominum fortunis sententiam fertis? Quid sibi autem illi scribæ, quid lictores, quid ceteri, quos apparere huic quaestioni video, volunt? opinor hæc omnia lege fieri, totumque hoc iudicium quasi quadam mente regi legis & administrari. Quid ergo est? Hæc quaestio sola ita gubernatur? Quid M. Pletorii & C. Flamini inter sicarios? Quid C. Orbinii peculatus? Quid mea de pecuniis repetundis? Quid C. Aquilii, apud quem nunc de ambitu causa dicitur? Quid reliquæ quaestiones? Ex hoc Ciceronis loco colligimus sex diversos Prætores, qui quaestiones publicas exercebant: duos qui inter sicarios quaerent unum peculatus, alium repetundarum, alium ambitus, & alium qui ex lege Cornelia de veneno ac de corruptis iudiciis præstare. Nam postquam illos duos Prætores, qui inter sicarios jus dicerent, appellavit, subijcit hæc verba: *Jubet lex ea, quæ lege hæc quaestio constituta est, iudicem quaestioni, hoc est Q. Voconium, cum iis iudicibus qui ei oboverint, vos appellat iudices, quaerere de veneno*. Ac paulo post subijcit ejusdem legis aliud caput de corruptis iudiciis, quod ex eadem lege ad eandem quaestionem pertinere, tum ex hoc loco, tum ex initio orationis intelligi potest. Et quoniam quaestionem de falso institutam a Sylla fuisse aud Pomponium leg. sec. de origine juris scriptum est: cumque qui iudicium corruperit, corrumpebundumve curarit, lege Cornelia de falso teneri, ait Maritanus lege prima, Digest. ad legem Corneliæ de falso: propterea ego in eam opinionem adductus sum, ut hunc Prætozem, cui Cicero hoc loco tribuit quaestionem diversam a reliquis quinque, appellarem communi nomine Prætozem quaestionis de falso: cujus iurisdictioni omnis dolus malus, in quo crimen publico iudicio persequendum inesset, subijceretur. Complectebatur enim lex Cornelia omnem falsitatem, quæ in testamentis, numis, instrumentis publicis, iudiciis committeretur; mihiq; fit verisimile, qui malum venenum haberet, venderet, faceret, eadem*

lege de falso ætate Ciceronis accusari solitum. Porro autem Cicero enumeratis sex illis questionibus, alias præterea fuisse ostendit, cum ait: *Quid reliquæ questiones?* Has questiones, duas potissimum fuisse ex aliis ejus locis colligi posse videtur, majestatis & de vi. Nam ante quidem erat questio majestatis ex lege Apuleia, ut facile est intelligere ex libro secundo de Oratore, ubi Cicero de causa Norbani loquitur, quem majestatis lege Apuleia postulat defendit Antonius. Post vero fuit lex Cornelia majestatis, cujus meminit Cicero in Pisonem. Quod vero esset suum quoddam de majestate iudicium proprium, Afconius Pædianus in argumento orationis pro C. Cornelio apertissime demonstrat. *Sequenti anno M. Lepido, L. Volcatio Consulibus, quo anno prætor Cicero fuit, reum Cornelium duo fratres Cominii lege Cornelia de majestate fecerunt: & cum P. Cassius Prætor decimo die.* Ex his verbis apparet lege Cornelia de majestate qualivisse Prætorum P. Cassium eo ipso anno, quo Cicero Prætor dixit pro Cluentio. Unde necessario efficitur, præter eas questiones, quas in ea oratione nominatim appellat, fuisse & questionem majestatis, quam P. Cassius Prætor exerceret. Atque ita jam septem Prætores, qui iudicia publica exercerent, habemus. Quibus si addas Prætorum, qui de vi lege Plotia querebat, octo illos Prætores conficies, quos supra diximus iudiciis publicis auctore Pomponio ex Syllæ instituto præfuisse. Quod vero esset una quædam ordinaria questio de vi, ex his intelligi potest. Primum Cicero scribit pro Milone: *Illi erat, ut odisset: primum defensorem salutis meæ, deinde vexatorem furoris, domitorem armorum suorum, postremo etiam accusatorem suum.* Reus enim Milonis lege Plotia fuit Clodius quoad vixit: Deinde libro 8. Epist. Cælius ad Ciceronem ita scribit: *M. Tuccium accusatorem suum post ludos Romanos reum lege Plotia de vi fecit.* Præterea oratio pro Sestio, & pro Cælio ostendunt fuisse in questionibus ordinariis questionem de vi. Accusabatur enim uterque de vi, ut ex ipsis orationibus manifestum est: & Salustius in Catilinæ conjuratione: *At Catilinæ crudelis animus eadem illa movebat, tametsi præsidia parabantur, & ipse Plautia lege interrogatus erat a L. Paulto.* Et Cicero lib. 2. ad Att. in epistola, cujus initium est, *Quas Numestio literas,* ita scribit: *Nunc reus erat apud Crassum divitem Vectius de vi.* Hi loci ostendunt perpetuam ordinariamque fuisse questionem de vi: ut quæ legis Plautiæ præscripto exerceretur, non fecus quam aliæ questiones ex Corneliis & aliis hujus generis legibus. Et quoniam questio de Sicariis ex lege Cornelia exercebatur, hæc vero de vi lege Plotia, quæ ante leges Cornelias lata erat a M. Plautio Syllano Tribuno plebis, Gn. Pompeio Strabone, L. Portio Catone Coss. idcirco videtur has questiones diversas fuisse, ob idque diversos questitores habuisse. Nec moveri debemus ex eo quod scriptum est lib. 8. Ep. in Cælii ad Ciceronem epistola octava: *M. Tuccium accusatorem suum post ludos Romanos reum lege Plotia de vi fecit: hoc consilio, quod videbat, si extraordinarius reus nemo accessisset, sibi hoc anno causam esse dicendam.* Ex hoc enim loco apparet extra ordinem de vi questionem exerceri solitam; unde videretur falsum esse, quod supra de hac questione diximus. Intelligendum igitur illud extra ordinem varie accipi: ut interdum significet, id quod modo diximus, nova quadam lege ob id data de aliquo crimine quæri: interdum ordine iudiciorum aliqua ex parte commutato iudicium exerceri: quo modo accipi debet, cum dicimus de vi extra ordinem quæri. Nos enim ex Ciceronis oratione pro Cælio intelligimus legem a Q. Lutatius Catulo Consule, anno urbis DCVII. latam, ut de seditionis confederatisque civibus quotidie, hoc est etiam diebus festis ludisque publicis

quæreretur: qua lege apparet iudicium hoc de vi factum esse hac ex parte extraordinarium, cum in hoc nulla haberetur ratio temporis, sicuti in aliis iudiciis habebatur. Adde quod in hoc iudicio non servabatur ordo in vocandis reis, qui in aliis iudiciis. Nam ut quisque reus prius vocatus erat, ita prior causam dicebat in aliis iudiciis: in hoc vero necesse erat primo quoque tempore reum causam dicere: ut apparet ex illo Cælii loco, quem citavi.

Nam si cum jam accusatus esset Q. Pompeius Rufus a M. Tuccio, hac ratione quod de vi accusatorem suum postulavit, effecit ut causam ipse Tuccius ante diceret, necessario efficitur, in hac de vi actione ordinariam reorum vocationem non fuisse observatam. Ex quo consequens est non minus hanc fuisse inter perpetuas questiones, etiam si de vi hoc modo extra ordinem per legem Lutatiam quæreretur. Erant igitur octo Prætores qui iudicia publica exercebant, illi quos diximus, quibus si addas unum urbanum & alterum peregrinum, decem illos conficies, quos Romæ post Syllæ dictaturam jus dixisse scribit Pomponius, usque ad tempora Reip. a Cæsare occupate, a quo duobus adjectis duodecim Prætores facti sunt, ut ait idem Pomponius. Verumenimvero locus est in oratione pro Milone, unde videtur colligi octo tantum fuisse Romæ Prætores. Ait enim septem Prætores de reitu ejus, ut lex ferretur, consensisse: at idem ipse ait in Pisonem & pro Sestio, omnes Prætores præter unum legem illam promulgasse, unde sequitur omnes Prætores octo fuisse. Et sane in oratione post reditum in Senatu, in appellandis Prætoribus qui de suo reitu promulgaverant, septem tantum nominat: unde numerum in oratione pro Milone corruptum esse dici non potest. Ego vero quid ad eum locum respondeatur non video, nisi dicatur, eo forte anno non plures quam octo Prætores fuisse, cum id perpetuum non esset. Nam decem Prætores fuisse, locus ille Pomponii quem citavi ostendit, utque plures quam octo fuisse quis credat eo anno, quo Cicero fuit Prætor, hac ratione duci posset. Ex oratione pro Cluentio sex Prætores colligimus, M. Tullium Ciceronem repetundarum, C. Aquilium Gallum ambitus, C. Orchinium peculatus, Q. Nasonem de falso, aut si malis, de veneno; M. Plethorium & C. Flaminium inter sicarios: Tum vero ex Afconio in orat. pro Cornelio colligimus P. Cassium Prætorum majestatis: ita jam septem Prætores conficimus, qui questionibus publicis præessent. Quibus si Urbanum, & peregrinum adjicias, novem conficies: unde efficitur plures quam octo fuisse. Nam & præter illos quos nominavi, alium Prætorum eo anno reperio C. Antonium, ut est apud Afconium in orat. contra Anton. & Catilin. competitores, & in libro Q. Fratris de petitione Consulatus. Quod si plures quam octo Prætores fuisse probatum est, relinquatur, ut ex Pomponio decem fuisse Syllæ instituto concludamus. Cur vero illo anno, quo Cicero revocatus est ab exilio, octo tantum fuisse reperiantur, etiam atque etiam considerandum. An incertus erat Prætorum numerus, & ex populi ac Senatus voluntate pendebat, quot Prætores crearentur? Id sane videtur Cicero indicare lib. 3. de Legibus, cum de Prætoribus hanc legem ponit: *Hinc potestate pari quotcumque Senatus creaverit populusve jussit, tot sunt.* An sic, ut superioribus temporibus, cum sex fere Prætores creari solebant, interdum tamen ex lege Bebia, quatuor tantum creabantur: quæ lex, ut ait Livius libro decimo Decad. 4. jubebat, ut alternis quaterni Prætores crearentur: ita hoc tempore quatuor adjectis a Sylla Prætoribus interdum octo, interdum decem fiebant? Sane si adhuc illius legis Bebiæ ratio habebatur, ita fieri oportuit, ut quemadmodum prius modo quaterni, modo seni creabantur, ita tunc

modo octoni, modo deni fierent. Plane si & locum Ciceronis integrum & Pomponii concedamus, ita omnino dicendum est: aut vero cum decem instituisse Sylla, octonis postea Prætoribus contentum fuisse populum Ro. Sin Pomponio aut minus fidem habere velimus, aut vitiosum esse codicem illo loco quod ad numerum Prætorum attinet, existimemus: adeoque Cornelio Tacito magis credamus, qui primo lib. Annal. de Tiberio loquens ita scribit: *Candidatos præture duodecim nominavit, numerum ab Augusto traditum. Et hortante Senatu ut augetet, iurjurando obstrinxit se non excessurum.* Ex quo loco apparet duodecim ab Augusto prætores institutos, non sedecim ut ait Pomponius. Nam de Cæsaris candidatis ea verba non posse intelligi frequentia paulo post verba indicant: *Moderante Tiberio ne plures quam quatuor candidatos commendaret sine repulsa & ambitu designandos.* Et quoniam ex Suetonio constat, ab Augusto auctum fuisse numerum a Cæsare Dictatore relictum: itemque Cæsarem numerum Prætorum auxisse, relinquatur ut decem a Cæsare factos dicamus, quemadmodum etiam Dion. lib. 42. testatur: idque præter morem ab eo factum scribit: Atque ita octo tantum ante ejus Dictaturam fuisse, & Syllam non quatuor, sed duos tantum adjecisse: aut (quod mihi probabilius est) cum quatuor adjecisset, duos tantum retentos fuisse. Nam & Dion. lib. 43. dicit Cæsarem, qui decem ante fecerat Prætores, post sedecim creasse, totque fuisse Prætores scribit, quo anno Cæsar cum Antonio Consul fuit: qui tamen numerus post non est retentus. Tum vero nobis dicendum erit illum Q. Nasonem, quem Prætozem de veneno cognoscere ex oratione pro Cluentio ostendimus fuisse Prætozem urbanum. Nam ut prætori urbano hanc de veneficii questionem attributam fuisse existimem, faciunt loci Ciceronis duo: unus in fine orationis tertie in Verrem, alius in oratione pro Cluentio: in quibus ostendit a C. Verre Prætoze urbano fortitionem ac subfortitionem judicium factam esse, qui de veneficio Oppianici, Scamandri, & C. Fabritii iudicaturi erant: in quibus iudicis C. Junius quaestor erat ex lege Cornelia, ut ait Cicero pro Cluentio. Si enim ex lege Cornelia Prætor urbanus tum iudices dedit, qui de veneno cognoscere: unde apparet huic quaestioni suum quandam Prætozem non fuisse attributum: non video cur idem non factum sit eo anno, quo Cicero erat Prætor: præsertim cum nulla sit mentio apud Ciceronem quod extra ordinem aliquid factum sit, cum Verres Prætor urbanus de veneno iudices daret. Quod si Prætori urbano questionem de veneno & de falso tribuamus: questionem autem de vi alteri ex Prætoribus, qui inter ficiarios jus dicebant: quod ex eo intelligi potest, quod Alconius in commentario oration. in Catilinam & Antonium, dicit Catilinam a L. Paulo factum inter ficiarios, & Salustius de eadem re loquens, lege Plotia de vi fuisse interrogatum dicit: tum sane relinquuntur octo tantum Prætores, eo anno, quo Cicero fuit Prætor, sicut eo anno quo ab exilio revocatus est Q. Naso urbanus, C. Antonius peregrinus, M. Tullius Cicero de repetundis, C. Orchinius de peculatu, C. Aquilius Gallus de ambitu, M. Pletorius & C. Flaminius inter ficiarios, P. Cassius de maiestate. Nam quod necesse non sit singulis quaestionibus, quas a Sylla institutas Pomponius scribit, singulos Prætores tribuere, vel ex eo demonstrari potest, quod quaestio de injuriis illic ponitur: quam tamen ad Prætozem urbanum pertinuisse certum est. Privata enim erat, ut constat ex libro Ciceronis de Invent. secundo; & ut Paulus ait Digest. de Procuratoribus, *Licet in popularibus, paragrafo, Ad actionem injuriarum.* Cui non repugnat (ut etiam hoc obiter dicam) quod Pomponius inter publicas quaestiones hanc actionem enu-

merat. Publica enim quaestio apud Pomponium aliquanto latius patet, quam quomodo proprie sumitur, ut significet omnem quaestionem, quæ pro publica utilitate exercetur, licet privata esse possit. Hujus autem generis fuisse hanc de injuriis actionem ex lege Cornelia Paulus illo eodem loco ait: *Ad actionem injuriarum ex lege Cornelia procuratori dari potest.* Nam etsi pro publica utilitate exercetur, privata tamen est. Erat etiam quaestio publica ex lege Papia, qua de peregrinitate quaerebatur, ut Cicero pro Archia & pro Balbo ostendit; nec tamen suum quandam ac proprium Prætozem habebat. Verum de numero Prætorum satis disputatum est: illud quod magis ad rem pertinet, nunc persequendum. De quaestionibus igitur publicis, quarum ex aliqua lege perpetua jurisdictionio constituta erat, ita cognoscebant illi sive octo sive decem Prætores, ut eorum munus tantum esset iudices cogere, eorumque fortitionem ac subfortitionem facere ex iis decuriis, quibus judicandi tum munus incumbebat. Reliqua quæ ad causæ cognitionem pertinebant, iudex quaestionis absolvebat. Nam præter eum Prætozem cujus jurisdictionio erat, forte creabatur ex numero judicum unus, qui & quaestor & iudex quaestionis a Cicerone, & princeps judicum ab Alconio vocatur. Ut in judicio Oppianici Prætor erat C. Verres, quaestor autem sive iudex quaestionis C. Junius (nam utroque nomine eum appellat Cicero pro Cluent.) & in judicio Cluentii Prætor erat Q. Naso, iudex quaestionis Q. Voconius, & in judicio Verris de repetundis Prætor erat M. Glabrio: fuisse autem & alium iudicem quaestionis, Cicero ipse indicat in extrema oratione tertia in Verrem, ubi iudicem quaestionis appellat Q. Curtium: in quem locum scribens Alconius aperte ostendit principem judicium * fuisse a Prætoze, non autem eundem: quemadmodum existimavit doctissimus Budæus. Ac Prætor quidem in tribunali sedebat, ac pro imperio iudices cogebat, ut constat ex oratione pro Cluentio & pro Roscio Amerino: iudex quaestionis in subselliis cum cæteris iudicibus erat, ejusque munus erat quaerere de crimine: *Prætor in iis, quæ imperii sunt fere impediebatur*, ut ait Quint. lib. 3. Iudex quaestionis in iis, quæ ad causæ cognitionem pertinebant: eodem prope modo, quo in privatis actionibus iudex a Prætoze datus: tum causa cognita iudices sententiam ferebant. Ac de ratione quidem reliqua judicandi si quis amplius desideret, consulat Budæum in posterioribus Annot. in Pandect. mihi hoc loco satis erit dixisse de iis criminibus, quorum erat perpetua quaestio ex aliqua lege constituta, Romæ Prætores cognovisse, nisi si quando ita magnitudinem criminis æstimasset Senatus, ut decerneret nova lege lata extra ordinem de illo crimine quaeri, ut de cæde P. Clodii Senatus decrevit nova lege quaerendum esse, idque propter seditiosas conciones Tribunorum plebis quibus magnitudinem criminis exacerbabant, & propter alia varii generis crimina multorum, quæ cum hac cæde conjuncta erant, ut constat ex Alconio in argumento orationis pro Milone. At si quod crimen incidisset aut novum aut gravitate insignem, tum duas reperio rationes observari solitas. Una erat, ut nova lege lata de crimine quaereretur, tumque veteri more a populo designabatur, qui primo quoque tempore quaereret, aut unus quidam ex iis, qui magistratum gerebant, aut alius quem nominatim populus quaerere iussisset. Quod factum esse reperio adversus P. Clodium, cum sacra Bonæ deæ polluisse a Pontificibus iudicatus est. Novum enim crimen erat, ideoque nova quaestione opus erat, cum adhuc nulla lege quaestio de eo crimine constituta fuisset. Atque hæc erat ordinaria ac legitima ratio animadvertendi in crimina, de quibus aut non erat aliqua lege

* f. alium fuisse.

decreta quæstio; aut quibus puniendis veteres leges non viderentur sufficere. Altera erat extraordinaria minime legitima ratio, ideoque raro usurpata, & non nisi in tam gravi & tam late patente scelere, ut res dilationem pari non videretur, ut scilicet comperto crimine Senatus iudicium ferret non consulto populo. Quod usu venit in conjuratione Carilinæ, qua a Cicerone detecta, statim a Senatu condemnati sunt omnes qui deprehensi erant. Fuisse autem hanc iudicandi rationem extraordinariam ac minus legitimam hinc perspicuum est, quod, tametsi decuriam iudicium, quibus iudicandi munus incumberebat, ex Senatoribus tantum interdum fuerint scriptæ, tamen in curia Senatus iudicia non exercebat, ut recte docet Budeus: & Cicero eo nomine postea a P. Clodio reus ad populum factus est, quod contra leges non consulto populo in cives Romanos animadvertisset. Restant populi iudicia, quæ erant cum aliquis magistratus aut multam irrogabat, cuius certatio suffragiis populi permittebatur, aut reum capitis ad populum faciebat. Ac de multæ quidem certatione postea dicemus, cum de Tributis comitis agemus, quibus de multâ populus suffragium ferebat: nunc de capitali iudicio populi dicendum. Capitale iudicium populi unum fuisse reperio perduellionis. Erat autem crimen perduellionis, hostili animo se in Remp. gerere: nam ut ait Caius Digest. de verborum significat. quos nos hostes appellamus, eos veteres perduelles appellabant. Hinc factum est, ut reus perduellionis diceretur, qui se quoquo modo in Remp. hostili esse animo declarasset: quâ dices reum hostilitatis. Et quamquam apud nostros jurisconsultos a crimine maiestatis partim nil distinguitur crimen perduellionis, partim maiestati ut species generi subijciatur, tamen apud Ciceronem longe diversa fuisse demonstrare eo magis conabor, quo plures video ex iis, qui commentaria in orationes Ciceronis scripserunt, in hac antiquitatis observatione errasse. Scribit lib. 3. in Verrem: Emergerit ex peculatus etiam iudicio: meditetur de ducibus hostium, quos accepta pecunia liberavit: videat quid de illis respondeat, quos in eorum locum subditos domi sue reservavit, quærat etiam quo pacto sue confessioni possit mederi, meminerit se priori actione clamore populi Romani infesto atque inimico excitatum, confesum esse ducem prædonum a se securi non esse percussos: se jam tum veritum, ne sibi crimini daretur eos ab se pecunia liberatos: fateatur id quod negari non potest, se privatum hominem prædonum duci vivos atque incolumes domi sue, posteaquam Romam redierit, usque dum per me licuerit, tenuisse. Hoc in illo maiestatis iudicio si licuisse sibi ostenderit, ego oportuisse concedam. Ex hoc quoque evaserit, proficiat eo quo me jam pridem vocat populus Roman. de iure enim libertatis & civitatis suum putat esse iudicium, & recte putat. Confringat iste sane vi sua consilia Senatoria, quæstiones omnium perrumpat, evolet ex vestra severitate: mihi credite, auctoribus apud populum Rom. laqueis tenebitur. Credit iis equitibus Rom. populus Romanus qui ad vos ante producti testes ipsi inspectantibus, ab isto civem Roman. qui cognitores homines honestos daret, sublatum esse in crucem dixerunt. Credent omnes quinque & triginta tribus hominibus gravissimo atque ornatissimo M. Annio, qui se presente civem Romanum securi percussum esse dixit. Audietur a populo Romano vir primarius Eques Romanus L. Flavius, qui suum familiarem Herennium negotiatorem ex Africa, cum eum Syracusis amplius centum cives Romani cognoscerent, lacrymantemque defenderent, pro testimonio dixit, securi esse percussum. Probabit fidem, & auctoritatem, & religionem suam L. Suetius homo omnibus ornamentis præditus: qui juratus apud vos dixit, multos cives Romanos in Latumius istius

A imperio crudelissime per vim morte esse multatos. Hanc ego causam cum agam beneficio populi Romani de loco superiore, non vereor, ne aut istum vii ulla ex populi Romani suffragiis eripere, aut a me ullum munus Adilitatis amplius, aut gratius populo Romano esse posse. Ex hoc Ciceronis loco apertum est, crimen maiestatis fuisse, duces hostium pecunia liberare, aut privatum hominem domi sue hostium duces servare incolumes: Perduellionis vero, civem Romanum contra jus libertatis sibi legibus, Porcia maxime & Semproniam, concessæ, in crucem tollere, aut securi percutere, aut in latumias conjicere. Cum enim lege Porcia cautum esset, ne civem Romanum virgis cedere, aut ullo servili supplicio afficere liceret: lege vero Semproniam, ne de capite civis Romani iniussu populi iudicaretur, quicumque contra jus sue libertatis civem Romanum quasi peregrinum tractasset, tanquam oppugnator libertatis Romanæ reus perduellionis ad populum fiebat. Jus enim civitatis, totum erat penes populum: ideoque iudicio populi merito subijciebatur, qui contra leges de iure civitatis ac libertatis populi quicumque fecerat. Itaque C. Rabirius perduellionis reus factus est, quod Saturninum Tribunum plebis quamvis seditionis & Reipub. perturbatorem iniussu populi Romani occidisse diceretur. Quia enim Tribunatus magistratus erat ad defensionem libertatis populi institutus, ideoque leges sacrosanctas esse Tribunos plebis jubeant, quod nihil aliud erat, quam sacrum caput ejus esse, qui eis nocuisset, quod idem erat atque pro hoste haberi, qui eis nocuisset. Maiestatis crimen erat, legionem sollicitasse, seditionem in exercitu excitasse, ut Cicero indicat pro Cluentio. Cum Balbum & Stalenum maiestatis damnatos ait, quod ista fecissent. Item magistratui quippiam pro suo imperio agenti resistere, ut C. Cornelius maiestatis reus factus est, quod intercessionem collegarum non cessisset. Perduellionis vero crimen in eum cadebat, qui ad regnum affectasset, aut omnino per prodicionem, & hostili animo quicumque commisisset, quod in Reip. incommodum cederet. Hinc apud Livium libro 6. Decad. 3. Sempronius Tribunus plebis Cn. Fulvio perduellionis se iudicare dixit, quod multi jurati dixerant fugæ favoris initium a Fulvio Prætoris ortum. Cum enim ante videretur temeritate atque incitita male Remp. gessisse Fulvius, pecunia tantum anquilium est: at postquam auditum est illorum testimonium, per quod suspicio esse cepit, prodicionem potius quam imperitiam rei militaris causam male gessit Reipub. fuisse, tum vero Sempronius capite anquirendum censuit, ac Fulvium perduellionis accusavit. Ac crimen quidem maiestatis suum Prætorum habebat, qui hanc quæstionem exercebat, ut supra ostendimus: erantque iudices, quos Prætor ex decuriis eorum, penes quos erant iudicia, sortito selegisset, non populum. In crimine vero perduellionis, populus iudicabat: quemadmodum locus ille, quem ex 3. in Verrem citavimus, aperte demonstrat. Atque illa quidem erat ordinaria de perduellione iudicandi ratio, quam T. Labienus accusator Rabirii non observavit, sed veterem illum sub regibus morem revocarat, & Duumviros huius criminis a Prætoris sortiendis curat C. Cæsarem, ut ait Svet. in Cæsare, & L. Cæsarem, ut ait Dion. lib. 37. a quibus condemnatus, provocavit ad populum, ad quem Cicero habuit illam orationem, quæ extat pro Rabirio perduellionis reo: ex qua oratione satis apparet, id quod diximus, Labienum contra legitimum iudiciorum morem, reduxisse Duumviros perduellionis, qui eo modo iudicarent, quo legimus de Horatio tempore Tullii Hostilii regis factum esse iudicium. Et quoniam satis ostendimus iudicium perduellionis, vel hoc nomine longe diversum esse a iudicio maiestatis, quod apud populum non apud Prætores ageretur, nunc superest, ut probemus

bemus Centuriatis comitiis hoc iudicium absolvi solitum . Valerius lib. 6. cap. 5. scribit : Cum Tiberius Gracchus , & C. Claudius ob nimis severe gestam Censuram maiorem partem civitatis exasperassent , diem bis M. Pomptilius Tribunus plebis perduellionis ad populum dixit . Quo in iudicio primæ classis permulta Centurie Claudium aperte damnabant . Et T. Livius de iudicio Manlii loquens : In campo Martio cum centuriatum populus citaretur . Et Cicero pro domo sua dicit , Cælonem Quintium (sic enim legendum est , ubi male legitur Censor ille Quintius) M. Furium Camillum , & C. Servilium Halam a populo Centuriatis comitiis damnatos in exilium profugisse . Ex iis locis perspicuum est , populum Centuriatis comitiis de perduellione iudicasse . Unde intelligi potest , cur lib. 6. Dec. 3. & lib. 3. Dec. 5. dicat Livius Trib. plebis Sempronium & Rutilium , postquam se perduellionis iudicare reis pronunciaverunt , diem comitiis a Prætoribus urbano petiisse . Nam cum hoc differret populus a plebe , quod in populo omnis pars civitatis omnesque ejus ordines contineretur , plebs vero ea diceretur , in qua gentes civium patriæ non essent : Trib. plebis jus habebant plebis vocandæ , non etiam populi . Siquidem , ut scribit ex Lælio Felice A. Gellius lib. 15. cap. 27. Tribuni neque advocant patritios , neque ad eos referre de ulla re possunt ; unde fit , ut Trib. plebis jus non haberent vocandi comitia Centuriata , quæ populi universi erant , non modo plebis . Quapropter petendus erat dies comitiis Centuriatis a maiore magistratu , qualis erat per absentiam Consulum Prætor urbanus . Verum quid opus est illis locis ex historia conquisitis , quando legibus , ut centuriatis comitiis de perduellione iudicaretur , cautum fuisse ostendi potest ? Scribit enim Cicero pro Sestio : Cum & sacra in legibus & duodecim tabulis sanctum esset , ut neque privilegium irrogari liceret , neque de capite civis , nisi comitiis Centuriatis rogari . Hanc legem duodecim tabularum Cicero 3. de Legibus , his verbis ponit : Privilegia ne irroganto . De capite civis , nisi per maximum comitiatum , ollosque quos Censores in partibus populi locassint ne ferunt . Erat igitur legibus cautum jam inde ex quo duodecim tabulæ fuerunt , ut Centuriatis comitiis populum iudicaret . Capitis autem fuisse perduellionis iudicium , nemo ambigit . Quapropter Pub. Clodius cum reum perduellionis Ciceronem fecit , ob id iudicatus est non iure fecisse , quod Tribuna habuit comitia de capite civis Rom. Quod Cicero 3. de Legibus ostendit iis verbis : Quo verius in causa nostra vir magni ingenii summaque prudentia L. Cotta dicebat , nihil omnino actum esse de nobis . Præter enim quam quod comitia illa essent armis gesta civilibus , præterea neque Tributa capitis comitia rata esse posse , neque ulla privilegia . Quocirca nihil nobis opus esse lege , de quibus nihil omnino actum esset legibus . Ac de tertio quidem causa habendorum comitiorum Centuriatorum hæctenus : quod etiam in loco secundi capitis finem facimus .

C A P. III.

De personis , quarum interuentu Centuriata comitia peragebantur .

IN personis explicandis primum de iis dicendum est , qui habendi hæc comitia jus habebant . Commune igitur erat omnibus Centuriatis sive magistratum , sive legum , sive iudiciorum comitiis , ut non possent , nisi a maioribus magistratibus haberi . Cum enim agendi cum populo ius cuiquam non esset præterquam magistratui (nisi de facris esset agendum , de quibus paulo post dicemus) siquidem rogare quid populum , quod suffragiis suis jubeat , aut vetet ; quod est cum populo agere , ut ait Gellius libro decimo ter-

Atio capite decimo quarto , nemo absque imperio posset : minores sane magistratus , quorum erant minora auspicia , quibuscumque minus erat imperii , jus habere non poterant vocandi Centuriata comitia , quibus & auspiciis maioribus , & maximo imperio opus esset . Habere igitur Centuriata comitia poterant Consules , Prætores , Censores , Dictatores , & Interreges , quos omnes fuisse maiores magistratus constat . De Præfecto urbis postea dicemus . Ac magistratum maiorum , quos solos his comitiis creari supra ostendimus , comitia Consules semper ac soli habebant , nisi aut res ad Interregnum redisset , aut Consulibus absentibus Senatui visum esset Dictatorem comitorum causa creandum esse . Consules a Consulibus creari tam est ex omni historia perspicuum , ut probationem subicere sit supervacaneum . Prætores vero a Consulibus ita creari oportebat , ut a Prætoribus non possent omnino Prætores creari . Quod Cicero lib. 9. ad Att. ostendit in epist. cujus initium est , Tres epistolas : Iste omnium turpissimus & sordidissimus , qui Consularia comitia a Prætoribus haberi posse : nam permagni ejus interest , rem ad Interregnum non venire . Id assequitur , si per Prætores Consules crearentur . Nos autem in libris habemus non modo Consules , sed ne Prætores quidem a Prætoribus creari jus esse : idque factum esse nusquam . Consules eo non esse ius , quod majus imperium a minore rogari non sit ius : Prætores autem cum ita rogentur , ut collega Consulum sint , quorum est majus imperium . Quod idem ex M. Messalæ de auspiciis lib. 1. citat A. Gellius lib. 13. cap. 14. Prætor , etsi collega Consulis est , neque Prætorum , neque Consulum jure rogare potest . ut quidem nos a superioribus accepimus , & ante hæc tempora servatum est , & ut in commentario 13. C. Tuditanus patet : quia imperium minus Prætor , majus habet Consul : & a minore imperio majus , aut majoris collega (sic enim locus restitui debet) rogari jure non potest . Nos his temporibus Prætores , Prætor creante , veterum auctoritatem sumus secuti : neque his comitiis in auspicio fuimus . Ex iis locis apparet , a Prætoribus comitia Prætorum haberi non potuisse , sed a Consulibus habebantur , ut ex perpetua Livii historia planum est , & undecima epistola libri epistolarum ad Brutum diserte scribitur . M. enim Brutus ad Ciceronem ita scribit : Statim vero rediturum ad nos confirmavit , legatione suscepta , nisi Prætorum comitia habituri essent Consules . Porro autem forte id alteri eveniebat Consulium , ut apparet ex Livio lib. 5. Decad. 4. Eodem fere tempore duorum Consulum literæ allatæ sunt , L. Cornelii de prelio ad Mutinam cum Boiis facto , & Q. Minutii a Pisis : comitia sue sortis esse : cæterum adeo suspensa omnia . Et paulo post : Si ita videretur patribus , mitterent ad collegam ; ut is ad comitia Romam rediret : si id facere gravaretur , quod non sue sortis id negotium esset , se facturum quod Senatus censuisset . Et alio loco ejusdem libri : Consulibus ambobus Italia provincia decreta est , ita ut inter se compararent sortirentur uter comitiis ejus anni præseset . Et libro nono ejusdem Decad. Jam Consularium comitorum appetebat tempus , quibus quia M. Æmilius , cujus sortis ea cura erat , occurrere non poterat , C. Flaminius Romam venit . Et alio loco : Prior tamen Claudius quam Sempronius , cui sortis comitia habendi obtigerat , Romam venit . Nisi ergo de ea re comparassent inter se Consules , forte decernebatur , uter esset comitia habiturus . Consulum vero comitia quod Consules haberent , ex his locis perspicuum fiet . Scribit T. Livius lib. 7. Decad. 1. Cæterum cum Censoribus creandis indicta comitia essent , professus se petere Censuram C. Martius Rutilius , qui primus Dictator de plebe fuerat , concordiam ordinem turbavit . Quod videbatur quidem alieno tempore fecisse : quia ambo tum forte patritii Consules erant , qui rationem ejus se habituros negabant . Et lib. 4. Decad. 3. Decretumque omnium primum , ut Consules sortirentur compararentve inter se , uter

Censoribus creandis comitia haberet. Et paulo post: Q. Fabius comitia Censoribus creandis habuit. Et lib. 7. ejusdem Decad. Per eos dies & Censoribus creandis Q. Fulvius Cos. comitia habuit. Et lib. 2. Decad. 4. Dum hæc in Macedonia geruntur, Consul alter Lucius Lentulus, qui Romæ subsisterat, comitia Censoribus creandis habuit. Et Cicero lib. 4. ad Attic. Ego me Pompeio legari ita sum passus, ut nulla re impedire, quin, si vellem, mihi esset integrum, si comitia Censorum proximi Consules haberent, petere possem.

Ex iis locis, opinor, satis apparet, Consules habere comitia censoria solitos. Nec tamen negare auisim, quin Prætori jus esset ea habendi comitia, tamet si in universa historia non reperiam aliquando id factum esse. At si non de jure queratur, sed de more, planum est, a Consulibus haberi solita comitia censoria. Sane Censura magistratus erat tantæ auctoritatis, ut vix credam, Prætoribus jus fuisse rogandi Censores. Verum ut res habeat, ex iis, quæ diximus, apertum est, Centuriata comitia, quæ magistratibus creandis habebantur, a Consulibus haberi solita, si quidem iis comitiis majores modo magistratus fiebant, qui erant Consules, Prætores, & Censores, ut supra ostendimus. Horum autem comitia non alii habebant quam Consules, nisi quid extra ordinem accidisset, cur aut Dictator magistratus subrogaret, aut Interrex. Ac de Dictatore quidem habendorum comitiorum causa supra diximus, & de Interrege. Illud modo hic adjiciamus; cum vel contentione ordinum, aut magistratum, vel candidatorum ambitu, vel alia ratione perfici ante anni exitum comitia novis magistratibus creandis non potuissent, tum patritios convenire oportebat ad prodendum ex suo numero Interregem, qui dies quinque imperaret, quo alius deinde creabatur, eodemque modo alii atque alii singulis quinque diebus creabantur, donec subrogati essent ab alio ex iis Consules, qui statim inirent magistratum. Illud vero animadvertendum est, quod scribit Africanus Pædianus pro Milone, non fuisse moris, ut ab eo, qui primus Interrex proditus erat, comitia haberentur. Hinc fit, ut apud Livium, quoties de Interrege habita comitia, sed interdum a secundo, ut lib. 9. 1. Dec. *Et quia tædebat populum omnium magistratum ejus anni, rei ad interregnum rediit. Interreges Q. Fabius Maximus, M. Valerius Corvinus. Is Consules creavit. Et lib. 10. ejusdem Dec. Eo anno (nec traditur causa) interregnum initum. Interreges fuere Ap. Claudius; dein P. Sulpitius. Is comitia Consularia habuit. Interdum a tertio, ut lib. 5. 1. Dec. Interreges tres deinceps fuere L. Valerius, Q. Servilius Fidenas, M. Furius Camillus. Et alio loco ejusdem libri: Interrex creatur M. Furius Camillus; qui P. Cornelium Scipionem: is deinde L. Valerium Potitum. Ab eo creati sex Tribuni militum Consulari potestate. Interdum a pluribus, ut ad undecimum etiam Interregem aliquando perventum sit, ut scribit Livius lib. 7. 1. Dec. *In festam inde patribus plebem Interreges cum accepissent ad undecimum Interregem seditionibus certatum est.* Centuriata igitur comitia magistratibus creandis illi habebant, quos diximus. Legum vero ac judiciorum, Centuriata comitia habere solebant, nec omnes tamen majores magistratus. Quod ex his, quæ sequuntur, fiet manifestum. Primum leges Consulares, quæ passim reperiuntur apud auctores, satis ostendunt, legibus ferendis Consules comitia Centuriata habere, & in judicio Manlii Consules comitia habuerunt: & lex Hortensia, quam tulit Dictator Q. Hortensius, ut plebiscita omnes tenerent, & Emilia, quam tulit Æmilius Mamercus, ut Censura seliquiannua esset, & omnes Cornelie L. Syllæ argumento sunt, Dictatores legibus ferendis comitia habuisse: Et Dictator L. Quintius judicium, ad quod maxime creatus erat, exercebat, cum Sp. Melius a Magistro equitum C. Servilio Hala interfectus est.*

Deinde a Prætoribus diem comitiis Centuriatis petere Tribunos pl. ad exercendum judicium, paulo ante citavimus: & Prætorem L. Juventium legem tulisse de bello Rhodiis indicendo scribit lib. 5. Dec. 5. Ut omit- tam, quod si in urbe Consules non essent, Prætorum, ac præsertim urbani (& si enim omnes Prætores dignitate pares essent, fuit tamen semper urbani major auctoritas, ut & ex omni historia constat, & Plutarchus in Bruto diserte asserit) summum imperium erat. Unde sequitur, five legum, five judiciorum comitia Centuriata habenda fuissent, Prætorum fuisse cum populo agere. Nam cum in urbe erant Consules, eis primum agendi cum populo munus incumbebat: adeo ut non posset Prætor vetante Consule comitia habere. Livius lib. 7. Dec. 3. *Cum Consul se populum rogaturum negasset, quod sue potestatis esset, Prætorumque vetuisset rogare, Tribuni pleb. rogarunt.* Et Messala apud Gellium libro decimo tertio capite decimo quarto. *Consul ab omnibus magistratibus, & comitiatum, & concionem advocare potest: Prætor & comitiatum & concionem usquequaque advocare potest, nisi a Consule. Censores Centuriatis comitiis legem tulisse nusquam legimus, & cum leges Censorias apud auctores reperimus, pro Censorum subscriptionibus, ut Cicero pro Cluentio appellat, aut locationibus Censoribus factis, ut 7. in Verrem, accipi debent.* Jus autem habuisse populi vocandi, ex iis, quæ de lustris condendi ratione supra ex Livio citavimus, ostendi potest. Interreges vero legum aut judiciorum comitia habuisse nusquam legitur, nisi quod legibus inter arma silentibus L. Valerius Flaccus de perpetua Syllæ Dictatura legem tulit, quam legem omnium legum iniquissimam dissimilamque legis Cicero appellat tertia oratione in Rullum. Sed nec Interregibus ea comitia habere licevit, argumento esse potest Imperii brevitatis, quæ promulgari perferrique leges pati non poterat: tum vero quod in Interregno nihil prius agere cum populo licebat, quam subrogati essent magistratus ordinarii. Reitat ex majoribus magistratibus equitum Magister, a quo nusquam legimus habita fuisse comitia: hac, ut opinor, ratione, quod Dictatorem sequi, eique parere magistrum equitum oportere. Ubi vero major erat potestas, vix licebat minori, cum populo agere. Jus tamen vocandi populi habuisse cum imperii magnitudo indicat, tum ex eo colligi potest, quod est apud Pomponium lege 2. de origine juris, hoc fuisse sub Dictatoribus Magistris Magistrum equitum, quod erant sub regibus Tribuni celerum. Ex Dionysii vero historię lib. 4. constat agendi cum populo jus fuisse Tribuno celerum. Unde etiam apud Pomponium legimus, lege Tribunitia reges ejectos, quod lege curiata a L. Aruto Tribuno celerum lata ejecti essent. Ex iis, quæ diximus, apparet, ex magistratibus, quibus jus esset habendi Centuriata comitia, Consules tantum, Dictatores, & Interreges magistratibus creandis comitia habere solere, non etiam Censores, Prætores, & Magistrum equitum: legum autem ac judiciorum, Consules, Dictatores, & Prætores, non etiam Interreges, Censores, & Magistrum equitum. Ex his vero, qui magistratus non essent, solos pontifices jus habuisse cum populo agendi reperio: quam ob causam supra exceptione usus sum, nisi de sacris agendum esset. Ac de aliis quidem comitiis, quæ a pontificibus habebantur, postea dicemus: nunc de Centuriatis agendum. Disputavimus supra de regis sacrificii creatione, ostendimusque Centuriatis comitiis creari solitum. Cur vero credam a Pont. max. siquidem in urbe esset, sin minus ab uno quodam pontificum, illa comitia haberi, cum ex Dionysii historia colligo, in qua de primis Consulibus ita scribitur: *Cum vellent nomen regum servare, jusserunt Pontificibus & Auguribus creare ex senioribus eum, qui maxime idoneus ad id sacerdotium videretur:* tum vero hac ratione adducor, quod inter Galata comitia errant

hæc Centuriata regis sacrorum inaugurandi causa. Calata autem comitia a pontificibus haberi jus erat: siquidem populi calandi, hoc est vocandi, jus habebant, ut intelligi potest ex iis, quæ supra ex Macrobio citavimus. Quin etiam agendi cum populo jus habuisse demonstrari potest ex eo, quod apud Livium lib. 3. Dec. 1. legimus, Q. Furium Pontif. max. comitia habuisse, quibus Trib. plebis creati sunt, quia postquam decemviri se magistratu abdicassent, nulli tamen essent magistratus. Neque enim id factum esset, nisi jus habuisset Pontifex agendi cum populo. Alius est apud Livium locus lib. 5. Dec. 3. ubi ita scribit: *Comitia inde Pont. max. creando sunt habita. Ea comitia novus pontifex M. Cornelius Cethegus habuit*. Inde ego colligo Pontificibus jus fuisse agendi cum populo. Neque enim ullum magistratum eo anno gerebat Cethegus, ut ex eodem ipso Livio intelligi potest, & tamen comitia habuit. Sane ut cæteris in rebus summa erat potestas magistratum, ita in sacris curandis maxima erat pontificum potestas: ideoque de sacris cum populo agendi jus pro sua dignitate habuisse credendum est. Porro autem Pontifices comitia Centuriata cur non possent sicut alia habere: cum æque in universum populum adeoque in magistratus, quod quidem ad sacra attinet tantum juris esset, ut etiam multæ dicende potestatem haberent? quemadmodum apud Liv. lib. 10. Dec. 4. legitur C. Servilius pont. max. multam dixisse Lucio Cornelio Dolabella Duumviro navali: & apud Val. lib. 1. c. 1. Metellus pont. max. Posthumio Consuli, eisdemque flaminii Martiali. Nec moveri oportet, quod exercitum imperari comitiis Centuriatis oportuit, ut ait Gell. lib. 15. c. 17. Pontificibus autem exercitum imperandi jus non fuisse. Neque enim ab eo, qui comitia habebat, dicit Gellius, imperari exercitum oportuisse, sed hoc tantum dicit, imperari exercitum præsidii causa solum, quoniam populus esset in suffragiis ferendis occupatus. Potuit igitur præsidii causa imperari exercitus aut Consulis, aut a Prætoribus, aut a Tribunis militum, ut potius existimo: atque interim a Pontificibus comitia haberi. Sed ut ex Calatis comitiis nulla legimus Centuriata fuisse, præter ea, quibus rex sacrorum creabatur: ita nunquam a Pontificibus habita fuisse Centuriata comitia, nisi regis sacrorum inaugurandi causa, concludendum est. Ac de personis quidem, quibus jus erat habendi comitia Centuriata, hæc tenus dictum sit. Deinceps sequitur, ut de iis dicamus qui comitiis Centuriatis suffragium ferebant. Diximus supra Centuriata comitia esse appellata a Centuriis Classium, in quas universus populus Romanus descriptus erat. Unde effici videtur, omnes qui in Centuriis relati essent, jus habuisse suffragii ferendi. Ego vero existimo ipsas quidem Centurias omnes suffragii jus habuisse, non tamen omnes cives qui singulis Centuriis continerentur. Quos enim Censores ignominie causa in Cæritum tabulas referebant, eos privabant jure suffragii, ut scribit A. Gellius lib. 16. cap. 13. his verbis: *Primos municipales sine suffragii jure Cærites esse factos accepimus, concessumque illis, ut civitatis Romanæ bonorem quidem caperent, sed negotiis tamen atque oneribus vacarent, pro sacris bello Gallico receptis custoditisque. Hinc tabule Cærites appellatæ, versa vice, in quas referri jubebant quos nota causa suffragii privabant*. Atqui adhuc illi cives erant: quoniamque ærarii fiebant, necesse erat, ut adhuc in tabulis Censorum essent, in quibus quo quisque censu esset, continebatur. Quare in cuiusdam classis aliam Centuriam relatos esse oportebat: id quod aperte demonstrat Asconius in Divinat. Qui plebeius erat in Cæritum tabulas referebatur, & ærarius fiebat: ac per hoc non erat in albo Centuriæ sue: scilicet ad hoc, ut civis esset, sed tantummodo ut pro capite suo tributi nomine æra penderet. Si igitur aliis quidem in rebus cives erant, quos Censores in Cæritum

tabulas retulissent: ut vel hinc demonstrari potest, quod adeptam semel civitatem nemo invitius amittere queat, quandoquidem nec populo quidem jubente adimi posset, ut Cicero pro Cæcinnâ ostendit, tantum abest, ut a Censoribus adimi posset: jure autem suffragii privati erant: efficitur, non omnes, quos Censores in Centurias retulissent, jus habuisse ferendi suffragii. Unde fit, ut vere dici non possit, omnes cives Romanos, aut omnem populum Rom. comitiis adesse ad suffragium ferendum potuisse: nisi cum exceptione intelligatur de omnibus civibus, quibus erat data civitas cum suffragio, nec postea aut adempta, aut ex hac parte diminuta: qui profecto soli erant vere, & omni ex parte cives Romani. Quod ut apertius intelligatur, ex antiquitatis observatione pauca subjiciamus de jure civitatis Romanæ. Sicut externæ gentes in Romani populi amicitiam aut ditionem admittæ variis generis ac conditionis erant, ut aliæ liberæ, aliæ fœderatæ, aliæ stipendiariæ, aliæ Latinæ fuisse reperiuntur, quemadmodum recte docet Budæus in posterioribus Annot. in Pandectas, & Alciatus primo Parer. cap. 14. ita varii generis fuisse cives Romanos reperio, ut alii essent coloni, alii municipes, alii ex præfectura aliqua, alii cives modo Romani. Nam qui ex nullo municipio, ex nulla colonia præfecturæ Romanorum erant, sed vel in urbe agrove fuisse suburbano nati, vel ex servis & illis gentibus externis libertate, vel speciali privilegio civitate donati, quartum quoddam genus civium constituiebant. Ut vero quid essent municipes, quid coloni intelligatur, verba A. Gellii citabo ex lib. 16. cap. 13. *Municipes sunt cives Romani ex municipiis suo jure, & legibus utentes: muneris tantum cum populo Rom. honorarii participes, a quo munere capessendo appellati videntur: nullis aliis necessitatibus, neque ulla populi Romani lege adstricti, cum nunquam populus eorum fundus factus esset*. Sed coloniarum alia necessitudo est. Non enim veniunt extrinsecus in civitatem, nec suis radicibus nituntur, sed ex civitate quasi propagatæ sunt: & jura institutaque omnia populi Rom. non sui arbitrii habent. Erant autem & alii cives ex præfecturis Italiæ, quorum discrimen a reliquis intelligitur, si explicaverimus quid essent præfecturæ. Erant igitur præfecturæ oppida Italiæ, in quibus qui habitabant, nec suis legibus, ut municipes vivebant, nec ullos de suo corpore magistratus creare poterant, sicut coloni: sed a magistratibus Roma missis regebantur iis legibus, quas Romanus magistratus dixerat: qui quoniam præfectus vocabatur, idcirco præfecturæ appellabantur. Hujus generis erat Capua ante coloniam eo a Cæsare Consule missam, ut constat ex secunda orat. in Rullum & ex T. Livii lib. 6. Dec. 3. ubi ita de Capua scribitur: *De urbe agroque reliqua consulatione fuit: quibusdam delendam consentibus urbem prævalidam, propinquam, inimicam. Cæterum præfensi utilitas vicii. Nam propter agrum, quem omni fertilitate terre satis constabat primum in Italia esse, urbi servata est, ut esset aliqua aratorum sedes. Urbi frequentandæ multitudo incolarum libertinorumque & institutorum opificumque retenta. Ager omnis & tellus publica populi Romani facta. Cæterum habitari tantum tanquam urbem, Capuam, frequentarique placuit: nullum corpus civitatis, nec Senatus, nec plebis concilium, nec magistratus esse. Sine consilio publico, sine imperio, multitudinem nullius rei inter se sociam ad consensum inhabilem fore. Præfectum ad jura reddenda Roma quotannis missuros. Quibus igitur oppidis Italiæ hujus generis præfecti Roma missi, jus reddebant, præfecturæ dicebantur. Quanquam autem omnes illi, quos quatuor generibus comprehendimus, cives Romani essent, non erant tamen omnes eadem conditione. Cum enim jus civitatis non una quadam in re consisteret, sed multis ac diversis velut prærogativis constaret, non omnibus omnia jura concedebantur: unde efficiebantur variae conditionis cives Romani. Ac primum quidem ci-*

vibus Rom. jus erat per leges Porciam & Semproniam, ut nec virgīs cædi, nec vinculis coerceri, nec omnino capite plecti, nisi populi ipsius iudicio, possent: de iis qui cives non essent, nil horum cautum erat, poterantque a magistratibus peregrini non consulto, populo fervili supplicio affici. Alterum jus erat civium Rom. ut soli testamento civis Romani hæreditatem capere possent. Neque enim ullus peregrinus poterat hæreditatem adire civis Rom. Quod Cicero ostendit pro Archia poeta, ubi probat Archiam se pro cive gessisse, hoc argumento, quod sæpe adiisset hæreditas civium Ro. Et pro Cecinna Ebutius Cecinnæ adversarius, negat posse hæredem Celeniæ esse Cecinnam, quod civitas Volaterranis adempta esset a L. Sylla, ideoque civis Rom. non esset Cecinna. Solis etiam civibus Rom. jus fuisse repetitio, testamentum jure Quiritium facere. Quod Cicero demonstrat, cum pro argumento accipit Archiam se pro cive gessisse, quia sæpe testamenta legibus Romanis fecisset. Erat & jus connubiorum civibus Rom. proprium: quia tantum cum civibus matrimonium contrahere poterant, adeo ut si aut pater aut mater peregrini essent, non legitimæ essent nuptiæ. Militare etiam in legione Romana, non aliis quam civibus licebat: ideoque soli cives ad ærarium in beneficiis deferri ab imperatoribus & beneficiarii milites fieri poterant. Nam hoc fuisse proprium civium Rom. eodem illo loco Cicero pro Archia ostendit. Horum beneficiorum meminit etiam in epist. 20. lib. 6. Epist. Fam. Tum liberos in potestate habere proprium erat jus Quiritium, ut ait Justinianus primo Inst. tit. de patria potest. Jus etiam alienandi per nexum, proprium fuisse civium Rom. cum ex eo intelligi potest, quod omnes, inter quos hujus juris solennitas transigebatur, cives esse oportebat, ut ait Boetius in comment. Topicorum; tum vero ex oratione Ciceronis pro Cecinna: ubi inter jura civium Rom. enumerat nexa atque hæreditates. Erat etiam jus suffragii, quod eo pertinebat, ut in comitiis suffragium ferre possent cives Rom. iidemque suffragiis ad magistratus publicasque ceteras administrationes ac dignitates pervenire. Erat postremo jus adoptionum, gentilitatis, togæ ferendæ, & ut semel omnia complectar, omnium legum Romanarum beneficium uti; quod beneficium in eos modo conferrebat, qui civitate donabantur. Hæc vero tam multa, & tam varia civitatis Romanæ jura non omnibus civibus omnia concedebantur. Multis enim reperimus datam fuisse civitatem absque suffragio: ut apud T. Livium lib. 8. Dec. 1. Campanis equitibus honoris causa, quia cum Latinis rebellare nolissent, Fundanisque & Formianis, quod per fines eorum turba pacataque fuisset via, civitas sine suffragio data. Et paulo post: Romani facti Acerrani lege a L. Papyrio Prætoris lata, qua civitas sine suffragio data. Et libro decimo ejusdem Dec. Anagninis, quique arma Romanis intulerant, civitas sine suffragii latrone data. Et lib. 8. Decad. 4. De Formianis Fundanisque municipibus, & Arpinatibus C. Valerius Tappo Tribunus plebis promulgavit, ut iis suffragii latro (nam ante sine suffragio habuerant civitatem) esset. Nec dici potest id modo ita fuisse superioribus illis temporibus, quibus adhuc pauca Italix oppida recepta erant in civitatem: sed etiam ætate Ciceronis, quia omnes Latini & focii Italix civitate donati erant, ut ipse ait in oratione pro Balbo, non erant omnes cives eadem conditione. Locus enim est apud Ciceronem pro Cecinna, ubi ita scribit: Sylla ipse ita tulit de civitate, ut non sustulerit bonum nexa atque hæreditates. Jubet enim eodem jure esse quo fuerint Ariminenses, quos quis ignorat duodecim coloniarum fuisse, & a populo Romano hæreditates capere potuisse? Ex eo loco colligo, cum Sylla Dictator leges tulit de adimenda civitate Volaterranis, fuisse duodecim colonias, quæ non pleno jure civitatem Ro-

manam haberent. Ex quo efficitur defuisse iis jus suffragii: nam quibus jus etiam suffragii datum erat, pleno jure cives Romani erant. Atqui multis annis Dictator fuit Sylla, post legem Juliam a L. Julio Cæsare Consule tempore belli socialis latam, qua focii Italix & Latinis data est civitas. Erant igitur etiam ætate Ciceronis aliqui cives Rom. qui tamen jus suffragii non haberent. Quare exceptione utendum esse recte supra diximus, omnes cives Romanos, si modo pleno jure cives essent, jus habuisse ferendi suffragii comitiis Centuriatis. In hoc porro numero quod comprehenderentur municipia, coloniae, & præfectura Italix, Cicero aperte ostendit in oratione post reditum ad Quirites, ubi de comitiis Centuriatis, quibus ab exilio revocatus est, loquens, ita scribit: *Nullus in eorum reditu motus municipiorum & coloniarum factus: at me in patriam ter suis decretis Italia cuncta revocavit.* Et pro Sestio: *Nullum erat Italix municipium, nulla colonia, nulla præfectura, nulla Romæ societas, nullum collegium aut concilium, aut omnino aliquid commune consilium, quod tum non honorificentissime de mea salute decrevisset.* Quod idem ex multis aliis ejus locis pro Muræna, pro Sylla, & pro Plancio, intelligi potest. Atque illa quidem sufficiant de personis jus habentibus ferendi suffragii comitiis Centuriatis: nunc reliquas personas persequar, quæ omnibus comitiis Centuriatis adesse reperiuntur: tum de iis agemus, si quæ sunt quæ proprie comitiis magistratum, legum, & judiciorum conveniunt. In omnibus igitur Centuriatis comitiis reperio fuisse diribitores, rogatores, custodes & præcones. Erant autem Diribitores, qui tabellas populo per Centurias ministrabant: Rogatores qui ciitiam deferrebant, in quam tabellas suffragii populus conjiciebat: Custodes, qui præter id quod observabant, ne quid fraudis committeretur in sortitionibus & suffragiis dicendis, describebant etiam cuiusque Centuriæ educta & ciita suffragia, ut inde appareret, quæ esset illius Centuriæ sententia: quam sententiam tum præcones magna voce pronuntiabant. Ac fuisse quidem in comitiis, qui tabellas populo darent, non autem ipsum populum domo adferre ad comitia solitum, ex Cicerone intelligi potest, apud quem lib. 1. ad Att. in epist. cujus initium est, *Vereor ne putidum*, ita scribitur: *Piso autem Cons. lator rotationis, idem erat dissuasor: operæ Clodiane pontes occupant: tabellæ ministrantur: ita ut nulla daretur, uti rogas.* Et his verbis satis apparet fuisse quosdam, qui tabellas populo ministrarent. Extat tamen apud Svetonium in Cæsare locus, ubi ait: *Reperita sunt proximis comitiis plura suffragia Consules declarantem Cæsetium & Marullum, quos Cæsar Tribunatu removerat.* Ex quo loco intelligi potest, quosdam interdum alias tabellas in ciitiam conjicere solitos, quam quæ ministrabantur: quas necesse erat domo secum adferre. Verum id in Cæsaris invidiam factum constat. Et ut earum tabellarum ratio non habebatur, ita raro eveniebat. Hi diribitores a diribendis, hoc est, distribuendis tabellis, diribitores appellabantur. Unde etiam in iudiciis reperimus diribitas tabellas, cum singulis iudicibus datæ erant tabellæ. Ut in Pisonem: *An ego expellem, dum de te quinque & septuaginta tabellæ diribeantur?* Et lib. 3. Epistolarum ad Q. Fratrem in epistola, cujus initium est, *Gabinus: Cato diribitis tabellis de circulo se subduxit.* Qui igitur populo tabellas diribebant in comitiis, diribitores appellabantur. Horum meminit Cicero post reditum in Senatu. *Quando illa dignitate rogatores, diribitores, custodesque vidistis?* Et in Pisonem, diribitores vocat quos illic diribitores. *Hoc certe video, quod indicant tabellæ publicæ, vos rogatores, vos distributores, vos custodes fuisse.* Illud etiam apud eum in oratione pro Plancio scribitur: *Nam si quotiescunque præteritus*

erit is, qui non debuerit præteriri, toties oportebit eum, qui factus erit, condemnari, nihil jam est, quod populo supplicetur, nihil quod diribitur, (sic enim legi debet, non direptio) nihil quod supplicatio magistratum, renunciatio suffragiorum expectetur. Porro fuisse præter eum, qui habebat comitia, alios rogatores, qui id agerent quod diximus, cum ex iis locis, quos modo citavimus ex orationibus post reditum in Senatu & in Pisonem intelligi potest: siquidem præter Pub. Lentulum, a quo habebantur comitia, fuisse alios rogatores ex Senatu principes viros, diserte scribitur: tum vero ex secundo de Divinatione, ubi Cic. ita scribit: *At aruspices divini, quos cum Tib. Gracchus propter mortem repentinam ejus, qui in prærogativa referenda subito occidisset, in Senatu introduxisset, non iustum rogatores comitiorum fuisse dixerunt. Primum vide ne in eum dixerint, qui rogator Centuriæ fuisset: is enim erat mortuus.* Ex eo loco planum est, præter Tib. Gracchum, a quo illa comitia habebantur, fuisse & alium quandam Centuriæ rogatores, quem primum rogatorum appellat secundo de Nat. deor. Ac si tempus insipias, quod illud factum est, videbis multo tempore id fuisse, antequam tabellis suffragium ferri a populo cæptum esset: quo tempore diribitoribus non opus erat, sed eo solum, qui rogaret suæ Centuriæ sententias, quas postea referret. De hoc rogatore intelligi debet locus Ciceronis libro secundo de Orat. ubi ait: *Ex eodem hoc vetus illud est, quod aiunt Maluginensem illum M. Scipionem cum ex Centuria sua renunciaret Acidinum Consulem.* Qui igitur colligebant centuriarum suffragia prius voce, postea tabellis, ii rogatores appellabantur. Qui vero habebat comitia, universum populum rogabat antequam in suffragium mitteret, & rogator comitiorum dicebatur: Custodes vero eo munere fungi solitos quod diximus, & fuisse a diribitoribus rogatoribusque diversos, ex iisdem illis locis quos citavimus demonstrari potest: & ipsius verbi vis ostendit, eo custodes appellatos, quod in comitiis velut observatores adhiberentur, ne quid fraudis admitteretur. Cujus rei exemplum extat apud Plutarchum in vita Catonis Uticensis, ubi ait Catonem in petitione Edilitatis M. Favonii, cum adesset comitiis, animadvertisse tabellas omnes, quæ ministrabantur populo, una manu esse scriptas: ex quo fraudem intellexit ad deiciendum Favonium factam, ideoque Tribunus appellasse, a quibus direpta sunt comitia. Et Cicero secunda oratione in Rullum: *Quis tribus, quos voluit, vocavit, nullo custode sortitus?* Ex quo loco intelligitur, id quoque in munere custodum fuisse, ut viderent ne quid magistratus etiam ipsi in fortiendo fraudis admitterent. Erat vero & hoc præterea munus custodum, ut post lata suffragia, in quibusdam tabulis, numerum sententiarum punctis notarent: id quod ego Cicrone auctore affirmo. Scribit enim post reditum in Senatu, de Pisonem loquens: *Tu misericors me affinem tuum, quem comitiis prærogative primum custodem præfeceras, quem Calend. Jan. tertio loco sententiam rogaras, restrictum inimicis Reipub. tradidisti.* Et in Pisonem: *Erat non solum domus mea, sed totum palatium Senatu, equitibus Romanis, civitate omni, Italia cuncta refertum: cum tu non modo ad eum Cicronem (mitto enim domestica quæ negari non possunt, hæc commemoro quæ sunt palam) non modo inquam, ad eum, cui primam comitiis tuis dederas tabulam prærogative, quem in Senatu sententiam rogabas tertium, nunquam aspirasti: sed omnibus consiliis, quæ ad me oppugnandum parabantur, non interfuisti solum, sed etiam crudelissime præfuisti.* Ex horum locorum collatione hoc primum intelligi potest, quem uno loco appellavit primum custodem prærogative, alio loco interpretari eum cum prima data esset tabula prærogativæ. Tum illud inde apparet, tabulam hanc a Pisonem candidato Ciceroni datam fuisse. Unde perspicuum est, non posse illo loco intelligi tabulam suffragii,

Aquam in cistam conjiceret Cicero. Nam præter id, quod diribitorum erat tabellas ministrare, non candidatorum, quomodo potuit Piso scire Cicronem in prærogativa Centuria suffragium dicturum? præsertim cum sorte fieret prærogativa, nec posset nisi in una quadam sua centuria quisquam suffragium ferre. Quam ergo tabulam Ciceroni Piso dederat, ea ad alium usum data erat: nempe ut in ea colligeret quot sententias a prærogativa Consul renunciatus esset. Et quoniam tantum intererat a prærogativa renunciari, ut fere semper prærogativam reliquæ Centuriæ sequerentur: ideoque ut ne hic fraus ulla fieret, solebant candidati custodem præficere suum quandam amicum, & virum gravem. Nam cur aliis candidatis non liceret idem facere quod Pisoni licuit, nulla ratio adferri potest. Itaque existimo a singulis candidatis dari solitas singulas tabulas quibusdam suis amicis: qui notarent in sua quisque tabula numerum suffragiorum, quibus sui candidati creati essent. Numerus autem ille punctis notabatur: unde fit, ut reperiamus sæpe apud Cicronem puncta pro suffragiis, ut pro Plancio: *An, inquit, una fieri potuerunt, si una tribus non tulissent: cum nonnullas punctis pene totidem?* Et paulo post: *Nam quod questus es plures te testes habere de Volitinia, quam quot in ea tribu puncta tuleris.* Et pro Muræna: *Admonitus re ipsa recordor, quantum hæc quæstiones in Senatu habitæ punctorum nobis, Servi, detraxerint.* Et apud Asconium in orat. pro Scauro: *Scaurus absolutus est, sed ita, ut a tribu tribus damnaretur, a triginta duabus absolveretur, & in eis pauca puncta inter damnationem & absolutionem interessent.* Ut vero prærogativæ Centuriæ præficeretur a candidato primus custos, ita aliis Centuriis alii præficerentur custodes. Quod vel ex iisdem illis verbis intelligi potest. Neque enim Cicero primum custodem, primam tabulam diceret, nisi alii quoque custodes, aliæ tabulæ fuissent. Et quanquam in comitiis legum custodes erant, sicut in comitiis magistratum, ut ex eo apparet, quod comitia illa, in quibus Cicero ait Senatores fuisse rogatores, diribitores & custodes, habebantur ad legem de redivit ejus ferendam: atramen hoc diversum fuisse existimo, quod in comitiis legum, in una Centuria duo modo custodes esse possent: quorum unus notaret, quot suffragiis lex antiquaretur, alter quot juberent: nisi ab uno custode utrunque fieri dicamus. Quod tamen, ut secus existimen, facit, quod si uni custodi tabulæ committerentur, facile ei fuisset ementiri numerum suffragiorum, ut qui solus ea numeraret, si in alterutram potius partem inclinasset. Ut omittam verisimilius esse, sicut in comitiis magistratum uni custodi una tabula dabatur, in qua unius nominis suffragia colligeret, non autem in unam tabulam omnium candidatorum suffragia conjiceret: ita in comitiis legum dati solitam cuique custodi unam tabulam, in quam alterius modo partis suffragia colligeret. At in comitiis magistratum unius Centuriæ suffragiis describendis tot custodes erant, quot candidati, quemadmodum supra demonstravimus. Postremo illud considerandum est, quod Cicero in Pisonem ita scribit: *Hoc certe video, quod indicant tabule publicæ, vos rogatores, vos diributores, vos custodes fuisse tabularum: & quod in bonoribus vestrorum propinquorum non facitis vel ætatis excusatione, vel bonoris, id in salute mea nullo rogante vos vestra sponte fecistis.* Ex eo enim loco intelligitur non fuisse id perpetuum, ut Senatores primarii in comitiis rogatorum, diribitorum, & custodum munere fungerentur: sed si quando vellent comitia omni non modo fraude carere, sed etiam suo ministerio coherentari, vel quia res magna ageretur, vel quia id honoris alicujus tribuerent. Cum autem ætatis & honoris excusationem allegari dicit, significat juvenum fere hæc munera, eorumque, qui adhuc honoribus sancti non erant, fuisse. Ac magistratum quidem comitiis custodes ab ipsis candidatis præficerentur, ut

ex iis, quæ supra diximus, apparet. Rogatores vero ante tabellas quidem populo datas, ex ipsis defumebantur Centuriis aliqui viri graves, non ab ipsis candidatis præficiantur. Nam ex eo loco secundi de oratore, quem citavi, apparet M. Scipionem, qui rogator erat iis comitiis, quibus L. Manlius Acidinus designatus est Consul, fuisse ex illa ipsa Centuria, cuius sententiam renunciabat. Scribit enim Cicero: *Cum ex centuria sua renunciaret Acidinum Consulem: At post tabellarias leges latis, rogati, opinor, ab eo qui comitia habiturus erat, operam suam publice in ea re præstabant ii homines, quos bona fide suffragia collecturos, existimasset: vel sua sponte id honori amicorum tribuebant aliqui viri graves.* Quod idem ut de diribitoribus sentiam, eo adducor; quod non quemadmodum præconum erat ordo quidam ac velut collegium fodalitatis, quibus hoc erat munus proprium, ut præconium facerent, ita diribitorum ordo cui hoc modo incumbere, ut tabellas populo diriberent: sed ipsi interdum Senatores hoc munus suscipiebant, ut ex iis, quæ diximus, planum est. Quod vero ait Cicero, sua sponte nullo rogante Senatores id suscepisse, argumento est, liberum voluntariumque id munus, non certum ac necessarium quibuldam hominibus fuisse. Quod tamen postea videtur ab Augusto certis quibusdam hominibus ex equestri ordine attributum. Scribit enim Plinius lib. 33. cap. 2. de decuriis equitum ab Augusto institutis: *Decurie quoque ipse pluribus discrete nominibus fuisse. Tribunorum æris, & selectorum, & iudicum: præter hos etiam nongenti vocabantur ex omnibus selecti ad custodiendas cistas suffragiorum in comitiis.* Tum vero ex iisdem illis Ciceronis verbis colligo, non fortè id relictum fuisse, ut quibus forte obtigisset, hi operam suam in ea re præstarent; sed voluntari relictum fuisse: ita ut existimem, omnibus comitiis rogatores, & diribitores fuisse, quos ipsi magistratus ac potissimum, qui erat habiturus comitia sibi notos homines ex omnibus ordinibus, sed maxime ex Senatu defumptos, rogasset ad id munus centuriarum fungendum; nisi si quando id honori alicuius tribuissent principes Senatus viri, ut peragere ista vellent: sicut factum ait Cicero iis comitiis, quibus lex de ejus reditu lata est. De custodibus vero, qui in comitiis legum essent, idem quod de rogatoribus & diribitoribus fieri sentio: ut nisi sua sponte viri aliqui gravitate insignes id muneris suscepissent, rogarentur ab eo, qui haberet comitia, aut alio magistratu, qui, ut lex acciperetur vel antiquaretur, laboraret, qui custodes in iis comitiis essent. In iis ego fortasse falli possem, sed tamen vel conjecturis uti malo, quam non attingere id, quod requiri a me posset: ut alios excitem ad inquirendam certioribus argumentis veritatem. Præcones restant, quos perspicuum est Romæ certos quosdam homines fuisse, qui faciendo præconio quæstum facerent. Hos ego comitiis reperio ad fuisse, primum ut classes vocarent. Scribit enim Dionysius libro decimo: *Postquam dies comitorum venit, & præco primam classem vocavit.* Deinde post descripta singularum Centuriarum suffragia, ut magna voce pronuntiarent, quæ esset illarum sententia. Cicero lib. 7. in Verr. *Tu cum Prætor renunciatus es quomodo (mitto enim & prætereo quid tum actum sit) sed cum esses renunciatus, ut dixi, non ipsa præconis voce excitatus es, qui te toties seniorum juniorumque Centuriis illo honore affici pronuntiavit.* Et in sec. orat. in Rull. *Itaque me non extreme tribus suffragiorum, sed primi illi vestri concursus, neque singula voces præconum, sed una voce universus populus Rom. Consulem declaravit.* Et pro Milone: *Meminit etiam sibi vocem præconis modo defuisse, quam minime desideravit: populi vero cunctis suffragiis, quod unum cupierit, se Consulem declaratum.* Et apud A. Gellium libro 12. cap. 8. de censura Æmilii Lepidi, & Fulvii Flacci ita scribitur: *Postea populus Roman. eos simul Censores facit. Atque illi ubi voce præconii renunciati sunt, ibidem in*

Al campo nondum dimissa concione, ultro uterque, & pari voluntate conjuncti complexique sunt. Ex quo A. Gellii loco, & superiore Ciceronis ex Orat. pro Milone concludi potest, non modo singularum Centuriarum, ut quæque suffragium dixisset, sententiam a præconibus pronuntiari solitam, quemadmodum ex superioribus locis intelligitur, sed etiam post lata omnia suffragia, rursum quid populus universus iussisset, voce præconis declarari. Sequitur nunc, ut de personis agamus, quæ magistratuum modo comitiis conveniunt, non etiam legum ac iudiciorum. Id quod ad candidatos pertinet. Erant autem candidati, qui magistratum aliquem petebant: sic dicti a toga candida, quam gestabant, qui se magistratum petere professi essent. Cuius rei si probatio requiratur, extat apud Valerium Maximum libro 4. cap. 5. ubi mentio fit de Cn. Scipione Africani superioris filio, & Cicero scriba competitoribus Præturæ. *Cæterum crimen ejus in suam laudem Cicereus convertit. Nam ut vidit omnibus se centuriis Scipionis anteferri, templo descendit, abiecitque candida toga competitoris sui suffragatorem agere cepit.* Et Plinius libro 7. cap. 34. *Scipio Nasica in toga candida bis repulsa notatus a populo.* Et T. Livius libro 7. Decad. 3. de M. Livio Salinatore ita scribit. *Unui eam rem in civitate is cui deferrebat ut bonos, abnuebat: levitatem civitatis accusans.* Sordidati rei non miserosi, candidam togam invito offerre. Et libro 7. Decad. 4. de Catone Censuram petente scribit: *M. Cato ante alios testes conspiciebatur, cujus auctoritatem perpetuo tenore vite partem, toga candida elevabat.* Et libro nono ejusdem Dec. *Q. Fulvius Flaccus quia Ædilis Curulis designatus erat sine toga candida, sed maxima omnium contentione petebat.* Ex iis, opinor, locis satis apparet, inde appellatos candidatos, qui magistratus ambabant, quod candidam togam induti pererent. Verum ex eo Livii loco, quem postremum citavi, apparet, inde excipi eos, qui jam designati essent: qui si alium magistratum peterent, sine toga candida petebant. Est autem & illud observandum, quod scribit Plutarchus in vita Coriolani, & in Probl. Catonem scriptum reliquisse, fuisse in more ut candidati sine tunica venient ad supplicandum populo, illa sola toga candida, eaque relictæ, induti. Cuius rei Plutarchus dicit fuisse causas: vel ne in sinu gestarent numos, quos populo dividerent, itaque per corruptionem magistratum assumerentur: vel potius, ut dignos magistratu non genere, non opibus, non gloria, sed vulneribus & cicatricibus populus iudicaret: quæ ut ab iis conspicerentur, quos ambiendo prestantabant, sine tunica ad petendum descendebant: vel ut perinde hujusmodi nuditate supplicum habitum ostenderent; atque se prestantando, rogando, salutando populo summitterent. Ex quibus verbis intelligimus, candidas illas togas a candidatis ita gestari solitas, ut populo conspicua esse possent partium corporis vulnera, cicatriceve. Nec moveri eo debemus, quod est apud T. Livium lib. 4. 1. Decad. a Tr. pl. legem esse perlatam, ne cui album investimentum (sic enim legendum esse ex manuscriptis codicibus affirmat Beatus Rhenanus) addere petitionis causa liceret. Hac enim lege aliud nihil cautum fuisse intelligo, quam ne liceret cum toga candida aliam vestem induere: ad vitandam scilicet omnem ex geminis vestibus suspitionem ambitus. Neque enim hac lege vetari exitimo, ut candidati togam albam non induerent, sed ne vestire albam vestem liceret, hoc est, supra alias vestes candidum indumentum adicere. Atque ita lex hæc jubere id videbitur, quod nos ex Plutarcho citavimus: ut scilicet candidati unicam ac simplicem togam candidam, cum ad supplicandum populo venirent, induerent. Aut si hac lege prohibitum esse velimus, ne omnino ullam vestem candidam induerent petitionis causa, postea aut abrogatam fuisse eam legem, aut neglectam a candidatis exolevisse, nobis dicendum erit.

Hi candidati suam quidem petitionem, vel biennio ante incipiebant, quam magistratum inire possent: ut apparet ex eo capite legis Tulliae a Cicerone Consule latae, quod citatur in orat. pro Sestio & in Vatinium: quo capite vetabatur ne gladiatores eo biennio, quos quis petierit aut petiturus sit dare liceret: tum vero in 1. epist. ad Att. Cicero ostendit se petere Consulatam incepisse iis comitiis, quibus non ipsi fuisse competitoris designandi essent, sed alii qui essent magistratus proximo anno, quo sua haberentur comitia. Unde apparet inter initium petitionis & designationem unum modo annum interjectum fuisse, sed quia in alios Consules petitionis principium, in alios designationem incurreret, propterea biennium dici. Nam & ex oratione 2. in Rullum intelligimus lege id cautum fuisse, ne liceret postquam unum magistratum gesseris, alium nisi interjecto biennio gerere. Illic enim suo ac legitimo anno dicit Cicero se factum Consulem, quod biennio postquam Praetor fuerat, Consul fuerit. Quod idem ipse in Bruto ait, & libro decimo epist. quae familiares inscribuntur, ad Furnum ita scribit: *Quod eo facilius nobis est, quod non est annus hic tibi destinatus, aut si Aedilis fuisset, post biennium tuus annus esset.* Quamquam autem petitionem suam tanto tempore ante adornarent, tamen non est existimandum jam tum indutos candida toga supplicasse populo, sed eo tantum anno vere candidati erant, quo aut designari, aut repelli suffragiis populi oportebat: & is proprie annus petitionis dicebatur, ut Cicero in eadem epistola quam modo citavimus, ostendit. Nam & pro Caelio mentionem facit duorum annorum, qui inter Praeturam suam & Consulatam fuerunt, sed tamen posteriori tantum suam petitionem Consulatus attribuit. Verum nec toto illo anno, nec longo tempore ante sua comitia existimo candidam togam gestasse, sed post edita modo comitia. Iis enim indictis qui petere vellent, profiteri se candidatos oportebat: alioquin nisi intra legitimos dies professi essent se petere, ratio eorum haberi comitiis non poterat. Quae ne fingere videamur, auctores laudabimus, ex quibus haec ita esse fiet manifestum. Sallustius in conjuratione Catilinae: *Post paulo Catilina pecuniarum repetundarum reus prohibitus erat Consulatam petere, quod intra legitimis dies profiteri nequiverit.* Et T. Livius libro quarto primae Dec. Comitia Tribuni Consulari potestate tribus creandis indicuntur: quibus indictis, extemplo quicunque aliquid seditiose dixerat aut fecerat, quam maxime Tribunitii & prebentare homines, & concursare toto foro candidati coepere. Et lib. 7. ejusdem Dec. Ceterum cum Censoribus creandis indicta comitia essent, professus se petere Censuram C. Martius Rutilius, concordiam ordinem turbavit. Ex iis locis inter se collatis apparet post indicta comitia, ita se petere profiteri solitos, si togam candidam induti ad supplicandum populo venissent. Quod de praesentibus intelligi volo. Nam etiam absentes poterant, tamen eorum ratio haberi non posset, se petere profiteri, ut indicat Cicero 2. in Rullum, cum ita inquit: *Praesentem tantum profiteri jubet, quod nulla alia in lege unquam fuit, ne iis quidem magistratibus quorum certus ordo est.* Illam vero absentem professionem intelligo, eorum in concione populi nominationem, & magistratus deinde per amicos ad populum supplicationem, ut de Caesare factum scribit Appianus libro secundo bell. civil. Ut vero credam huiusmodi professionem in candida toga fieri solitam, postquam edita essent comitia, non modo ex his quae paulo ante citavimus adducor, sed etiam ex eo, quod in historia reperio, eos, qui in provinciis erant, ad petitionem Consulatus si venire vellent, satis habuisse, si post edita comitia venissent. Ut Caesar cum ex Hispania ad petendum Consulatam venit, edictis jam comitiis urbem ingressus est, ad

petendum ut scribit Sveton. Et Marius ad primi Consulatus petitionem ex Africa decessit, cum duodecim dies superessent ante comitia, si Plutarcho credimus: & in itinere septem (ut idem ipse ait) diebus consumptis, petitione quinque dierum Consulatam obtinuit. Adornabant igitur suam petitionem multo ante tempore qui magistratus petebant: idque aut per se, aut per amicos: sed professos petitionem suam ante edita comitia nusquam reperimus. Quae professio quoniam induta toga candida fiebat, idcirco in eam opinionem venimus, tamen candidati *μεταπορεῖν* vocarentur, qui quocunque tempore magistratum ambirent, proprie tamen post edita comitia fuisse candidatos. Neque vero in professione existimo satis fuisse, candidam togam induere, sed etiam solenni ad populum nominatione, quae in concione ab aliquo magistratu data fieret. Nam si praesens Q. Fulvius Flaccus professus est se petere Praeturam absque toga candida, quia praetextam ferre Aedilem eum oportebat, relinquitur profiteri aliud fuisse, quam candida toga accepta petere magistratum. Ut omittam, quod absentes profiteri poterant, quae sine toga candida professio necessario fiebat. Nominis autem editione opus fuisse hinc colligo, quod T. Livius libro 6. Decad. 3. de Proconsule in Hispaniam mittendo, ita scribit: *Diem comitiis Consules edixerunt: primo expectaverant, ut qui se tanto imperio dignos crederent, nomina profiterentur.* Quia enim Livius illic nomen profiteri dicit, quod alibi simpliciter verbo profiteri, dicere solet, argumento est, in petitione sua profutenda, nominis sui datione opus fuisse. Quod si hanc nominis editionem ostendamus non fuisse apud magistratus actum publica nominis dationem; reliquum erit apud populum fieri solitam huiusmodi nominationem. Et quoniam ad populum verba facere privatus non poterat, nisi potestate dicendi a magistratu facta, restat ut dicamus, solennem illam candidatorum professionem ad populum fieri, data ab aliquo magistratu concione. Cur vero existimem, professionem non fuisse sui nominis apud Consules dationem, ea causa est, quod saepe in historia reperimus, Consules absentes comitia dixisse, nec in urbem venisse, nisi aut quo die erant habituri comitia, aut paulo ante. Unde lib. 4. Decad. 3. de Q. Fabio Consule ita scribitur: *Inde Romam comitiorum causa veniens, in eum diem, quem primum comitiale habuit, comitia edixit: atque ex itinere praeter urbem in campum descendit.* Et libro quinto Decad. quartae. *M. Fulvius Praetor litteras mittit ad Consulem, senatui placere Romam reverti, & ex itinere praemittere edictum, quo comitia Consulibus creandis ediceret: parvis his literis Consul, & praemisso edicto Romam venit.* Si igitur ejus fuisset, cui comitia habendi fors obtigerat, nomen eorum recipere qui se candidatos profitebantur: id autem non posset apud absentem Consulem fieri: necesse est, ut dicamus, statim edictis comitiis non potuisse illos candidatos petitionem profiteri; imo, non ante diem comitiorum in ipso campo professionem fuisse. Quod si absurdum est, relinquitur ad profutendam petitionem non fuisse opus a Consulibus nomina candidatorum recipi. Jam vero si professos reperiamus multos, quorum tamen nomen se accepturum negabat Consul, nonne apertum est in professione non fuisse opus nomen a magistratu recipi? Et si nihilominus professi dicantur, quorum rationem habendam non esse judicatum est, nonne apparet ut professus quis dicatur, non oportuisse nomen ejus actis publicis receptum esse? Cujus enim nomen receptum erat, ejus rationem haberi oportebat. Scribit Asconius Catilinam ex Africa reversum, professum fuisse Consulatam se petere: & tamen rationem ejus haberi non posse judicatum esse. Et C. Martium Rutilium scribit T. Livius Censuram petere professum, & tamen subjicit Consules negare se rationem ejus habituros. Apud Valer. Max. libro tertio.

cap. ultimo scribitur, M. Palicanum petitionem Consulatus professum fuisse: Cajum tamen Pisonem Coss. in concione populi negasse rationem ejus se habiturum. Ut ergo quis professus diceretur, non erat opus nomen ejus receptum esse a magistratu, sed satis erat apud populum per se aut per amicos oratione declarare, velle se magistratum populi beneficio obtinere. Merito enim fiebat, ut quoniam magistratus beneficia mera populi erant, apud populum petitionis professio ferret: quæ nihil aliud erat, quam publica ac solennis voluntatis suæ declaratio de magistratu, si populus ita vellet, obtinendo. Candida autem toga petitionis signum erat, ut a populo dignoscerentur qui ambirent magistratus. Quamdiu enim retinebatur toga candida, tandiu perstare in petitione: ea deposita & petendi voluntatem deposuisse candidati censebantur. Idque ex historia Ciceri scribæ, quam sup. ex Val. Max. citavi, intelligi potest. Abjecta enim candida toga, cum jam prope designatus esset Prætor, a petitione se desistere declaravit. Ex iis, quæ diximus, apparet, proferri in candida toga petitionem nemini prohibitum fuisse: quandoquidem populo in candida veste supplicare cuivis liberum erat, qui se a populo obtinere posse sperabat: sed tamen non semper habebatur ratio eorum qui professi essent. In quo magistratuum ac Senatus jam cognitio locum habebat. Ne enim populus magistratum alicui mandaret indigno, aut contra leges, publice intererat considerari candidatorum causas a magistratibus, & consilio publico: quæ deinde ad populum allegata, efficiebant, ut eorum tantum, qui digni essent, rationem comitiis habere vellent.

Ac sæpe etiam contra populi studia manifesta, magistratus judicio, aut Senatus decreto excluderentur suffragii populi nonnulli candidati. Horum omnium exempla passim in historia reperiuntur. Afconius scribit L. Volcatium Consulem advocasse consilium publicum, an Catilinæ, qui petitionem Consulatus professus erat, rationem habere deberet: ac Senatum decrevisse rationem ejus haberi non posse: unde apud Salustium de eadem re scribitur, Catilinam reum repetundarum prohibitum esse Consulatum perire. Quod vero scribit Salustius Catilinam proferri nequivisse, non pugnat cum eo, quod dicit Afconius Catilinam professum; quod apud Salustium sumatur cum effectu proferri, quod dicit Catilinam proferri nequivisse. Cujus enim ratio non est habita, tantumdem efficit proferendo, ac si professus non esset. Itaque professus est Catilina, ut ait Afconius, sed non est professus cum effectu, ut significat Salustius. Cicero in Bruto scribit de C. Servilio Glauco judicatum esse, rationem ejus habere comitiis Consularibus non licere. Et T. Livius lib. 9. Decad. 4. scribit L. Porcium Coss. ad Senatum retulisse, an habere deberet rationem Q. Fulvii petentis Præturam. Et apud Val. Max. legimus contra studia Tribunorum pleb. ac populi C. Pisonem Coss. perseveranter negasse, & in concione populi palam prædixisse, rationem se M. Palicani seditionis ac turbulentis hominis comitiis Consularibus non habiturum. Et Consules apud Livium lib. 7. Dec. 1. negant se rationem habituros C. Martii comitiis Censoris. Et lib. 5. Dec. 3. negant Tr. pl. propter ætatem habendam esse rationem P. Scipionis petentis Ædilitatem. Et lib. 2. Dec. 4. scribit Livius, Tribunos pl. impedire comitia, quod nolent rationem haberi T. Quintii Flamini, Consulatum ex Quæstura petentis, remque ad Senatum esse rejectam: qui populo permisit in ea re libera suffragia. Quod vero supra negavimus a Consule, qui habiturus esset comitia, nomen candidatorum non recipi, ad id tempus non pertinet, quo in campo habebat comitia, sed ad initium petitionis in candida veste, & ad simplicem professionem. Nam qui ex candidatis digni

A videbantur, quorum ratio haberetur, eorum nomen Consul recipiebat, hoc est, populi suffragio permittiebatur, ut ex iis designaret, quos vellet: adeoque eum nomen candidatorum recipere oportebat, ut omnino suffragio populi excluderetur, cujus nomen non recipisset: ac si quem populus designasset, cujus nomen accipere nollet, nihil eo designando populus perficere posset, quando ei liberum esset populi consilium dimittere cum vellet. Unde apud Valerium legimus C. Pisonem Consulem a Tribunis pro rostris interrogatum, an, si M. Palicanus suffragiis populi Consul crearetur, eum renunciaturus esset, libere respondisse, non renuntiabo: eoque responso factum esse, ut Palicano consulatus eriperetur. Et apud Livium lib. 10. Dec. 1. Q. Fabius cum a populo Consul fieret, quia negavit se surratorem habiturum, Consul factus non est. Et lib. 4. Dec. 3. Q. Fabio Max. comitia habente T. Ostacilius & M. Regulus Consulatu dejecti sunt, quia nomen eorum ante recipere noluerit, quam orationem ad populum habuisset, qua persuasit ut alios meliores belli duces crearet. Et lib. 9. Decad. 4. de Q. Fulvio ita scribitur. Hæc vero tam obstinata vox tantum ei favoris accendit, ut baud dubius Prætor esset, si Consul accipere nomen vellent. Sane post latas leges tabellarias, quia de publico suppeditabantur tabellæ suffragii: nam ante comitia, candidatorum nomina publice recepta esse oportebat, ut nomen eorum publica auctoritate in tabellis scriptum populo daretur. Sunt etiam hic notandi duo loci, quorum unus est T. Livii, alter Ciceronis. Lib. 3. Dec. 1. Livius scribit: Postquam comitia Decemviris creandis in trinundinum indicta sunt. Cicero in epist. ad Tyronem undecima de Cæsare scribit: Ad Consulatus petitionem se venturum: nec se jam velle absente se rationem haberi sui: se præsentem trinundinum petiturum. Ex iis enim locis intelligitur ordinarium fuisse, ut post edicta comitia trinundini spatium relinqueretur ante diem comitionum: partim ut ad eam diem populus undique ex Italia convenire posset, partim ut candidati populo frequentiori, & non modo urbana, sed etiam rusticanae multitudinis supplicare possent. Atque ego de illo trinundini spacio intelligo illos legitimos dies, intra quos proferri non potuisset Catilinam scribit Salustius. Quia enim reus erat Catilina, nec poterat intra trinundini spatium judicium ejus perfectum esse, propterea intra legitimos dies proferri non poterat. Quomodo enim candida toga ei convenisset, quem judicii tempore sordidatum esse oportebat? Ex his consequens est, quoniam candidati post edictum candidam togam fumebant, quam post comitia deponerent, si modo ad diem præstitutum comitia fierent, ordinarium fuisse, ut non multo plus quam trinundini spacio vere candidati essent, hoc est, candida toga induti. Causas, cur candidatorum interdum ratio non haberetur, multas fuisse reperio. Una erat in ætate. Quia enim lex erat, qua certi quidam anni constituti erant, ante quos non liceret magistratum capere: ea erat legitima causa cur ratio alicujus non haberetur, si ante annos lege constitutos ad petendum magistratum descenderet.

Ea lex lata est primum Consulibus A. Posthumio Albino, C. Calpurnio Pione anno urbis D. LXXIII. a L. Julio Tribuno plebis; de qua T. Livius libro decimo, Decad. 4. ita scribit: *Eo anno rogatio primum lata est a L. Julio Tribuno plebis, quot annos nati magistratum peterent caperentque: inde cognomen familie inditum, ut Annales appellarentur.* At enim Livius, qui anni essent cuique magistratui destinati, non dicit: nos ex observatione antiquitatis erueret id conabimur. Hoc primum ex fragmento Polybii, quod extat de ejus libro sexto de Republica, constat nulli civium Romanorum licuisse ullum magistratum urbanum gerere, qui decem annos non militasset. Erant autem adolefcentes Romani in toga prætexta usque ad 17. annum; quo anno togam

togam puram eandemque virilem accipiebant, ut apparet ex Svetonio in Augusto. Itaque in viros recepti militaris ætatis tum esse incipiebant. Nam & T. Livius lib. 5. Decad. 3. offendit anno septimo & decimo fuisse ætatem militarem. Etenim inopia Juniorum dicit creatos Triumviros, qui undique ingenuorum copiam conquirerent, eosque, etsi nondum militari ætate essent, milites facerent, si modo satis roboris ad ferenda arma habere viderentur. Tum paulo post, quos vocarat nondum militari ætate, appellat minores septem & decem annis. Unde necessario efficitur, militarem ætatem fuisse anno 17. ex qua etiam ætate Juniores in classibus vocabantur. Quare ut decem annua stipendia omnibus civibus Roman. necessaria, ut etiam docet Plutarch. in vita C. Gracchi, numeremus, relinquatur ante septimum & vigesimum annum magistratum urbanum gerere non licuisse, nisi quis legibus solveretur: quemadmodum de Pompeio, Octaviano, Africano, aliisque permultis factum fuisse legimus. Porro autem legibus annalibus ætas Consulis erat quadragesimus tertius ætatis annus, ut ex Ciceronis quinta Philippica demonstrari potest. Scribit enim hoc modo: *Quid Alexander Macedo, cum ab ineunte ætate res maximas gerere cepisset, nonne tertio & trigésimo anno mortem obiit? quæ est ætas nostris legibus decem annis minor quam Consularis.* Erat igitur ætas Consularis, ut hinc perspicuum est, anno ætatis quadragesimo tertio. Id quod ego sic accipiendum existimo, ut sit ille annus, quo primum per leges Consulatum gerere liceret. Unde fit, ut Consulatum petere liceret anno ætatis quadragesimo secundo, ut gereretur anno quadragesimo tertio. In quo etiam animadvertendum est, non oportuisse eos annos, quos hic designamus, peractos fuisse; sed incipiente etiam anno quadragesimo secundo erat petitio legitima, ut satis esset intra annum sui Consulatus, vel quinto aut sexto mense incipere agere annum quadragesimum tertium. Hoc ego ex historia observatione colligo. C. Cæsar auctore Macrobio natus est quarto Idus Quint. occisus autem est Idib. Martiis, cum esset natus, ut ait Plutarchus, quinquaginta sex annos. Hæc Plutarchi verba sic accipienda sunt, ut annos tantum eum numerasse intelligamus quos habebat Cæsar, absque accessione aliquot mensium, quos præterea habebat: cum enim occisus sit Idibus Martiis, verum non esset, cum tum natum fuisse annos quinquaginta sex, cui quatuor prope menses desissent, ut plenos haberet quinquaginta sex annos. Agebat ergo septimum & quinquagesimum annum Cæsar, cum occisus est jam inde a quarto Idus Julii superioris anni. Verum hunc annum non peregit: ob idque Plutarchus ait cum tantum quinquaginta sex annos natum fuisse, cum occisus est. Multum enim interest, utrum dicas vixisse aliquem quinquaginta annos, aut natum aliquem tot annos, mortem obisse: an vero anno quinquagesimo obisse. Id quod nisi observetur, sæpe videbuntur historici inter se dissentire, qui maxime consentiunt. Veluti de Catone Uticensi Plutarch. scribit vixisse quadraginta octo annos, Florus in Epitome Livii anno quadragesimo nono expirasse. Utrunque verum est, quia Cato quadraginta octo annos integros tantum vixit, & cum ageret annum quadragesimum nonum, sibi mortem conscivit: & quia jam accedebat ad principium quinquagesimi, propterea Appianus non male dicit, cum ad annum quinquagesimum accederet, obisse. Eadem diversitas in ætate Ciceronis reperitur. Plutarch. ait, cum illi esset annus ætatis sexagesimus quartus, Ciceronem occisum. T. Livius, & Aufidius Bassus apud Senecam, scribunt vixisse tres & sexaginta annos. Omnes verum dicunt. Cum enim Cicero interfectus est, agebat sexagesimum quartum, sed tres menses defuerunt ad annum integrum. Nam Septembri mense interfectus

est: natalis autem dies ejus erat tertio Nonas Jan. non autem tertio Cal. Jan. quemadmodum interpretes Plutarchi male vertit. Sed hæc obiter dicta sint: ad Cæsarem redeamus. Agebat Cæsar quinquagesimum septimum annum cum occisus est. Si igitur retro numeremus annos usque ad primum ejus Consulatum, reperiemus eum, quo anno erat Consul, agere incepisse annum quadragesimum tertium, ad quartum Idus Quint. quæ eo anno fuerunt. Unde sequitur, cum superiore anno designatus est, non ita diu cepisse agere annum quadragesimum secundum. Neque vero dici potest, legibus cum solum fuisse. Nam Svetonio & Plutarcho auctoribus ei petenti Senatus quantum poterat resistebat: qui si legitimam hanc occasionem prohibendi ne peteret habuisset, non erat eam prætermittendus: tantum abest, ut legibus cum solvere veller. Ex his perspicuum est quæ a Cicerone dicuntur de ætate Consulari, ita esse accipienda, uti diximus quadragesimum tertium ætatis annum esse ætatem Consulare, quia Consul nemo esse posset antequam ad id ætatis pervenisset, ut annum quadragesimum tertium ageret, quo anno esset Consul. Quoniam autem lege annali definebatur anni, citra quos non liceret magistratum petere, ut etiam Ovidius significat in Fastis:

*Jura dabat populo senior, finitaque certis
Legibus est ætas, unde petatur bonos.*

Ex iis quæ diximus concludi potest lege annali cautum fuisse, ut Consulatum nemini petere capereque liceret, antequam ageret annum ætatis 42. Quocirca cum Cicero in Rul. um dicit anno suo se factum consulem, & se petiisse cum primum licitum sit, ad annos ætatis non tam referri debet, quam ad Præturam, quam biennio ante gesserat. Agebat enim Cicero annum 43. quando designatus est. Itaque si ætatis tantum ratio habeatur, potuisset uno ante anno Consul fieri. Sed quia Præturam non gesserat, nisi anno 41. ætatis suæ, lege autem cautum erat, ne uno gesto magistratu Curuli liceret alium gerere nisi biennio interjecto: idcirco recte dicit, se petiisse, & factum esse Consulem, cum primum per leges licuit. Ut omittam, non fuisse opus tam subtiliter annos numerare Ciceroni: præsertim qui magnitudinem beneficii populi augere veller. Nam qui uno tantum anno tardius, quam per ætatem liceret, factus erat, novus homo, non immerito ad populum oratorie dixit se factum esse cum primum licuit. Quod ad alios magistratus attinet, eruenda nobis est aliunde veritas, inprimisque ex Cicerone, apud quem ita pro lege Manilia de Pompeio scriptum est: *Quid tam singulare, quam ut ex S. C. legibus solutus Consul ante fieret, quam ullum alium magistratum per leges capere licuisset?* Pompeius cum designatus est primo Consul, habebat 34. annos, ut inquit Appianus, sed agebat trigessimum quintum, ut apparet ex supputatione annorum post Atilium Serranum & Servilium Cæpionem Consules, quibus Consulibus natus erat Pompeius prid. Cal. Octob. auctore Paterculo. Quod vero dicit Cicero, non licuisse Pompeio ullum magistratum capere, id ad Curules magistratus necessario referendum est. Neque enim verum esset in Quæstura aut Tribunatu: siquidem Pompeius vel ante 27. ætatis annum decem annua stipendia jam habebat, post quam ætatem licebat Quæsturam petere. Ut omittam, quod alios reperiimus minus gratiosos ante hanc ætatem, cujus erat Pompeius, gessisse Quæsturam & Tribunatum. Cato enim trigésimo tertio anno Tribunus pl. fuit, Quæstor trigésimo. Cicero Quæsturam gessit anno 31. Necessè igitur est, ut verba Ciceronis ad Curules magistratus pertineat. Ex quo concludendum est, Curulium magistratum ætatem legitimam fuisse post annum ætatis 35.

Quoniam autem videmus inter duos magistratus

Curules biennium interjici debuiffe, neceffario efficitur, fi petitiō Confulatus primum erat anno 42. & Præturæ petitionem fuiffe anno 39. ut geri Prætura non poffet, nifi eo anno, in quem incurreret annus ætatis 40. Quare retroactis duobus annis, efficitur legitimam ædilitatis petitionem non ante annum ætatis 36. ut gereretur an. 37. Itaque Cicero recte dicit Pompeium qua erat ætate, cum factus eft Conful, non potuiffe ullum Curulem magistratum capere: fiquidem ei non fatis annorum effer, ut vel Ædilitatem capere poffet. Neque tamen negaverim, non modo Ciceronem ad ætatem Pompeii, & leges annales refpexiffe, fed etiam ad legem Corneliam, qua vetabatur majores magistratus petere qui Quæftor non fuiffet. Pompeius autem quæftor non fuerat: ut vel inde apparet, quod Senator in fecundo triumpho non effer, fed, ut Cicero ait, eques Romiterum triumphavit. In illa vero de ætate opinione magis eo confirmor, quod Cæfar Ædilitatem petiit cum ageret 36. annum ætatis, cumque magistratum gerens cepit ad quartum Id. Julii agere annum 37. biennio autem poft fuit Prætor. Neque enim exiftimo tam egregie ambitiofum hominem hos magistratus ante petiturum non fuiffe, fi per leges ei licuiffet. Et Cato Uticensis poftquam fuerat Tribunus pl. anno 33. omiffa Ædilitate, quæ inter neceffarios magistratus lege Cornelia non erat, non ante Præturam petiit quam ageret annum 39. Et Cicero cum Quæftor fuiffet anno 31. Ædilitatem non petiit nifi anno 37. Huc etiam pertinere poteft hiftoria Africani minoris, qui fcribitur cum Ædilitatem peteret, quam legibus capere poterat, Confulatum quem capere non poffet a populo legibus folutum obtiniffe. Cum enim ex hiftoria conftet, eum mortem obiiffe C. Sempromio Tuditano & M. Aquilio Cof. cum ageret annum ætatis sextum & quinquagelimum, fi retro numeros annos ufque ad primum ejus Confulatum, comperies 37. annum egiffe cum designatus eft primo Cof. Unde efficitur, hanc ætatem fuiffe legitimam ad Ædilitatis petitionem. In quo obiter animadvertendum eft, apud Florum in Epitome Liviana mendum effer in numero, cum dicit decem annis minorem fuiffe Africanum, quam ut Conful fieri poffet. Legendum eft enim, *Quoniam per 5. annos Confulem fieri minime licebat*. Non quemadmodum legitur, *Quoniam per decem annos Confulem fieri minime licebat*. Id quod vel inde intelliges, quod cum pater Scipionis L. Paulus triumphavit de rege Perfa, ipfe Scipio majoris ætatis erat, quam duo ejus fratres, qui eo anno mortui funt: quorum tamen unus erat decem annorum, ut ait Plutar. Quoniam autem Scipio & Q. Fabius Maxim. ex priori uxore filii erant L. Pauli, probabile eft, Scipionem fupra feptendecim annos habuiffe in triumpho patris. Atqui fi octavum & decimum tantum ei tribuas, & numeros annos a triumpho L. Pauli ufque ad primum Africani Confulatum, reperies Scipionem agere annum 38. eo anno, quo primum Conful fuit: qui eft idem ille numerus, quem invenimus retro a morte ejus numerando. Non igitur Scipioni deerant plures quam quinque anni ad ætatem Confularem: unde fit, ut fic omnino apud Florum legendum fit. Ex iis, quæ diximus, peripicuū eft, legibus annalibus Ædilitatem fuiffe anno 37. Prætoriam, anno 40. Confularem, anno 43. adeo ut petere Ædilitatem non liceret ante annum ætatis 36. Præturam ante annum 39. Confulatum ante 42. Quoniam autem magistratum petere licebat, decem peractis ftependiis, primus autem magistratus urbanus erat Quæftura: hinc fit, ut Quæftoria ætas effer primum 27. ætatis anno, iis, qui id ætatis legitima ftependia feciffent. Hac ætate uterque Gracchus Quæftor fuit: iidemque trigefimo anno ætatis Tribuni pleb. fuerunt. Ex quo etiam colligo, Tribunitiam ætatem fuiffe anno trigefimo. Quod vero multos in hiftoria

A reperimus Quæftores non tam cito fuiffe (ut Cæfar, qui a Svetonio fcribitur, cum Quæftor in Hifpania effer, ejus ætatis fuiffe, qua erat Alexander Magnus, cum orbem terrarum fubegiffet: ex quo fequitur annos circiter triginta tres natum fuiffe Cæfarem, cum in Hifpania Quæftor effer, Cato 30. anno Quæftor fuit, Cicero 31.) id ego ita eveniffe exiftimo, vel quod legitima ftependia non tam cito fecerant quam per ætatem potuiffent; vel quod non prius petere voluiffent, quo magis continenter populi favorem femel adeptum retinerent, ac non ratione ætatis cogenterur majorum magistratuum petitionem diu intermittere, fi minores magistratus petere præcipitaffent, & cum primum licitum effer, obtinuiffent. Nam cum Cæfar Patricius effer, ideoque non poffet Plebeios magistratus obtinere, fi 27. ftatim anno Quæftor fuiffet, neceffario interrompenda ei fuiffet fua ambitio octo annis, poft quos demum licuiffet ei Ædilitatem petere. Neque enim poft emerita ftependia Patricii toto illo fpatio poterant alios magistratus capere, quam Tribunatum militum & Quæfturam. Qui vero plebei erant factis legitimis ftependiis, magis continenter poterant ambitioni vacare: ut qui veteres Tribuni militares, Quæftores, Tribuni Ædilefque plebis fieri poterant, interim dum per leges liceret Curules magistratus petere. Ut Cato legitur Tribunus militum, Quæftor & Tribunus plebis fuiffe intra annum ætatis trigefimum tertium. Verum de ætate legibus annalibus conflructa fatis dictum fit. Illud nunc certum eft de quo agebamus, fi quis in toga candida magistratum petiffet, antequam legibus annalibus liceret, aut non interjecto biennio inter duos magistratus Curules, eam fuiffe unam caufam, cur ratio ejus non haberetur. Altera caufa erat in ordine petendi magistratus. Scribit enim Appianus libro primo Bell. civil. inter leges Cornelias a L. Sylla perlatas hanc unam fuiffe, ne cui Præturam petere liceret, nifi qui Quæftor fuiffet: neque Confulatum, nifi qui Prætor fuiffet. Ego tantum hac lege, aut veterem legem relata, aut receptum morem confirmatum exiftimo. Nam & ante Syllæ Dictaturam reperio cautum fuiffe, ut ordine peterentur magistratus. Unde Cicero in Bruto appellat extraordinariam C. Julii Confulatus petitionem: quia cum Ædilis fuiffet, volebat omiffa Præturæ petitione Conful fieri: ut docet Afconius in com. orat. pro Scauro. Quintetiam apud Livium lib. 2. Dec. 4. extat contentio Tribunorum plebis impediendum comitia, quod T. Quintium Flaminium Confulatum ex Quæftura petere non patiebantur. Legem tamen de ea re tum nullam fuiffe, vel ex eo intelligi poteft, quod Senatus cenfuit, qui honorem, quem fibi capere per leges liceret, in eo populo creandi quem vellet, potestatem fieri æquum effer. At poft legem latam fi quis extra ordinem magistratum petiffet, ejus nomen non recipiebatur. Et ante legem Corneliam, qua vetabatur qui Tribunatum plebis gelfiffet, alium poftea magistratum petere, a C. Aurelio Cotta Confule abrogata, hæc fuit alia caufa legitima, cur ratio candidati non haberetur. Tum fi quis ad petendum magistratum veniret, quem ante gelfiffet, nifi interjectum effer decennium, ejus ratio haberi legibus non poterat. Nam & hanc inter Cornelias leges enumerat Appianus. Et T. Livius multo tempore ante eam latam fuiffe oftendit: fcribit enim ad finem lib. 7. Dec. 1. *Præter hæc invenio apud quosdam L. Genutium Trib. pleb. tuliffe ad populum, ne feneraret liceret. Item alius plebifcitis cautum, ne quis eundem magistratum intra decem annos caperet, ne duos magistratus uno anno gereret*. Solvi ergo legibus oportebat, qui eundem magistratum non interjecto decennio gereret: quemadmodum de Mario factum eft, ut docet Plutarchus. Erat porro & alia lex, qua vetabatur, ne in magistratum

comitiis absentum ratio haberetur, ut docent Svet. & Plutar. in vita Cæsaris. Quare legibus solutos fuisse intelligendum est omnes, quos absentes creatos reperimus. De Cæsare enim ita scribit Svet. *Sed cum edictis jam comitiis ratio ejus haberi non posset, nisi privatus urbem introisset, & ambient, ut legibus solveretur, multi contradicerent, coactus est triumphum, ne Consulatu excluderetur, dimittere.* Ergo legibus soluti sunt L. Lucullus cum Ædilis, & C. Marius cum Consul, absentes creati in historia repertiuntur. Postremo si qui turpi judicio damnati essent, in perpetuum omni honore ac dignitate privati erant, ut inquit Cicero pro Cluentio. Tum etiam si quis publico judicio, cuius poena exilium non esset, sed ignominia tantum multaret, damnatus esset, ei magistratum petere non licebat. Ut ambitus damnati ante legem Tulliam a Cicerone Consule latam, privabantur omnis honoris petitione. Nam P. Antronius & P. Sylla, quos reperimus apud Salust. & Aconium lege Calphurnia ambitus damnatos, hac ignominia affecti sunt, ut ex Ciceronis oratione pro Sylla intelligi potest. Scribit enim a L. Cæcilio Tr. pl. eodemque fratre P. Syllæ rogationem promulgatam de levanda calamitate fratris sui: quam rogationem Dion. lib. 37. dicit fuisse, ut P. Antronio & P. Syllæ liceret in Senatu esse, & magistratum capere. Ex quibus apparet, poena ambitus lege Calphurnia fuisse illam, quam diximus ignominiam. Post legem vero Tulliam, poena ambitus fuit decem annorum exilium. Scribit enim Dion. ea lege cautum fuisse, ut eadem poena tenerentur qui de ambitu damnati essent, qua ii qui reperiuntur: ut scilicet decem annorum exilio plecterentur. Unde etiam videtur ad Senatorium ordinem tantum hanc exilii poenam pertinuisse: sicut poena legis repetundarum ad eum modo ordinem pertinebat, ut docet Cicero pro Cluentio & pro Rabirio Posthumo. Quinimo Cicero ipse pro Muræna dicit id de sua lege asserit his verbis: *Pœna graviter in plebem tua voce efflagitata est: commoti animi tenuiorum. Exilium in nostrum ordinem concessit Senatus postulationi tue.* Si quis igitur ignominia notatus ad petendum venisset, ejus nomen recipi non poterat. Atque id de judiciaria ignominia intelligi debet, non etiam de Censoria. Cicero enim pro Cluent. offendit notam Censoriam non potuisse impedire, quo minus alicujus ratio haberetur in petendis magistratibus. Et multos in historia legimus, quibus Censoria nota impedimento non fuit, quo minus magistratus assequerentur. Ut ætate Ciceronis C. Antonius, postquam a Censoribus senatus motus notæ causa fuerat, postea & Prætor & Consul cum Cicerone fuit. Ac de causis quidem, ob quas nomina candidatorum interdum non reciperentur, hæc genus. Rationem autem petendi candidatorum, si quis latissime explicatam habere velit, legendus est liber Q. Fratri de petitione Consulatus: in quo universa petendi magistratus ratio particulatim ita describitur, ut nihil desiderari possit. Ego hoc loco pauca, quæ ex historia observavi, subjiciam. Est apud Valer. Maxim. lib. 4. cap. 5. historia de L. Craſſo: *Ac ne protinus comitiis abeamus, Consulatum petens L. Craſſus, cum omnium candidatorum more circum forum supplex populo ire cogeretur.* Ex ea historia colligi potest, convenire in forum solitos candidatos, ut populo supplicarent. Quod etiam apud Plutarchum in vita L. Pauli scribitur. Neque id de urbana tantum multitudine intelligendum, sed etiam de rusticana, quæ nundinis in urbem convenire solebat. Id quod ex alia historia Valer. Maxim. colligit. Scribit enim de P. Scipione Nafica, Serapionis filio libri 7. cap. 5. *Cum Ædilitatem Curulem adulescens peteret, manumque cujusdam rustico opere duram more candidatorum tenacius apprehendisset, joci gratia interrogavit eum, num manibus solitus esset ambulare.* Quod dictum a circumstantibus exceptum, ad populum manavit: causamque repulſæ Scipioni attulit. Omnes namque rusticæ tribus sibi pauperiem ab eo improbatam judicantes, iram suam adversus contumeliosam ejus urbanitatem distrinxerunt. Ex eo Valerii loco apparet, candidatos non solum urbanæ multitudini supplicare solitos, sed etiam rusticana. Illud quoque ex Valerii historia intelligi potest, solitos fuisse candidatos, singulorum manus, quos rogabant, apprehendere. Unde effectum est, ut prestare pro eo quod est ambire magistratum, tam sæpe accipi reperitur. Quod idem Plutarchus in Coriolano ita scribit: *Mos erat magistratum petentibus prebentis dextra cives benigne orare.* Huc etiam pertinet quod Macrobius lib. 1. Satur. cap. 16. scribit, candidatis usum fuisse olim in comitium nundinis venire, & in colle consistere, unde coram posset ab universis videri. Candidatos præterea reperio solitos secum adducere non modo in forum, sed etiam in campum, virum aliquem gratiosum apud populum, qui suo nomine peteret. Ut Metellus Pius Consul pro Q. Callidio prætorio candidato supplicare non dubitavit, inquit Valer. Maxim. lib. 5. cap. 2. Et C. Gracchus pro C. Fannio Consulatus candidato in campo Martio populo supplicavit, & obtinuit: ut scribit Plutar. Et pro M. Lepido Cn. Pompeius, ut idem Plutar. in vita Syllæ scribit. Et apud Livium libro 5. Decad. 4. P. Scipio Nafica & L. Flaminius candidati, circumducunt fratres suos: hic germanum T. Flamini: ille patrualem Africanum majorem. Et lib. 9. Decad. 4. *Claudius Cos. cum fratre P. Claudio sine licentia toto foro volitat.* Jam vero ex eo quod Plutar. in Catone minore ita scribit: *In petitione Tribunatus militaris, legem, quæ candidatis nomenclatores adesse vetabat, solus Cato servavit, per seipsum appellans populum, atque alloquens.* Ex eo, inquam, loco colligi potest legem fuisse quæ vetaret, ne servos nomenclatores candidati circumducerent, qui dominis suis nomina singulorum, ut quisque obvis fiebat, suggerere soliti erant. Eam tamen legem candidati non servabant, ne ipse quidem Cato, ut scribit Cicero pro Muræna, his verbis: *Quid quod habes nomenclatorem? in eo quidem fallis & decipis. Nam si nomine appellari ab te cives tuos honestum est, turpe est eos notiores esse seruo tuo quam tibi.* Tum vero fuisse hoc in laboribus candidatorum intelligimus, ut salutarerent, nominatimque benigne appellarent singulos cives, ut quisque se eis offerbat. Postremo illud silentio prætereundum non est, quod Plutarch. in Mario scribit, ipsum Marium Ædilitate Curuli repulsum, statim eodem ipso loco Ædilitatem Plebis petere cepisse. Hinc enim apparet, non fuisse necesse, ut, si quis candidatus magistratum, quem petierat, non obtinisset, deponeret vestem candidam, sed ad alium petendum venire potuisset. Nam in ipso etiam campo die comitiorum candidatos populo supplicare solitos, tam est ex omni historia perspicuum, ut ejus rei probationem subjicere supervacaneum sit. Illud tamen ante faciendum erat, quam missæ in suffragium tribus essent ab eo qui comitia haberet. Cur enim ambitus accusatus fuisset, eo argumento Marius Prætor designatus, quod sui amici Cassii Sabaconi servus intra cancellos se immisisset, dum populus suffragium ferret, si liberum fuisset tribus in suffragium missas circumire? Atque illæ quidem petendi rationes rogando, appellando, prestando, legibus non erant prohibita: reliquæ autem, in quibus subesse videbatur suffragiorum aut per largitionem aut per vim corruptio, legibus ambitus prohibebantur. Ex permixtis autem corruptendorum suffragiorum rationibus, prima erat, tributum aut centuriatum numos populo dare: hoc est, certam quandam pecuniæ summam dividere in tribus, aut centurias, quas quis veller corrumpere. Svet. in Cæsare: *E duobus Consulatus competitoribus L. Lucio, Mar-*

coque Bibulo, Luceium sibi adiunxit, pactus ut is, quoniam inferior gratia esset, pecuniaque polleret, nummo de suo communi nomine per centurias pronuntiaret. Qua cognita re, optimates quos metus ceperat, nihil non ausurum eum in summo magistratu concordis & consentiente collega, auctores Bibulo fuerunt tantundem pollicendi: ac plerique pecunias contulerunt, ne Catone quidem abnuente eam largitionem e Repub. fieri. Et Plut. in vita Pompeii, & in vita Catonis Utic. Divisit Pompeius per centurias pecuniam ad emendum Afranio Consulatum. Ad corruptenda autem hac largitione suffragia, comparari solebant certi homines huiusce operis velut redemptores, quos divisores appellabant. Hi certo quodam precio accepto a candidatis, aut vero ab amicis, qui se sequentes interpretetque in eorum causa interponebant, corruptenda plebis suffragia suscipiebant, quorum frequens est apud Ciceronem mentio, sed apertissime eorum ministerium describitur 2. orat. in Verr. his verbis: Unum illud ex hominibus certis, ex quibus omnia comperi, reperiebam: fiscos complures cum pecunia Siciliensi a quodam Senatore ad Equitem Roman. esse translatos: ex his quasi decem fiscos, ad Senatorem illum relictos esse, comitorium meorum nomine. Divisores omnium Tribuum noctu ad istum vocatos, ex quibus quidam, qui se omnia mea causa debere arbitrabatur, eadem illa nocte ad me venit: demonstrat qua oratione iste usus esset: commemorasse istum, quam liberaliter eos tractasset, etiam antea cum ipse Praetura petisset, & proximis Consularibus Praetoribusque comitis: deinde esse pollicitum, quantum vellent pecuniae, si me Aedilitate decessissent. Hoc alios negasse audire, alios respondisse, non putare id perfici posse: inventum tamen esse fortem amicum ex eadem familia Q. Verrem, Romilia, ex optima divisorum disciplina, patris istius discipulum atque amicum, qui Sextium quingentis millibus decessisset, id se perfecturum polliceretur. In eum locum scribens Asconius, dicit suos quosdam fuisse singulis Tribubus ac legitimos divisores, quos Plautus in Ollularia magistris curiarum vocet, potius quam ut criminis nomen fuisse dicatur. Ego ex veterum auctorum lectione colligo, quanquam divisor criminis nomen esset, ut recte asserit Asconius, tamen pro fido ac vili ministerio semper habitum fuisse. Ut enim Romae argentarii & praecones, qui publicis actionibus serviebant, parum honesto loco censebantur, ut qui in fido quaestu versari viderentur: ita divisores, tamen ministerio fungerentur Reip. necessario; quia tamen venalem suam operam habebant, non aliter quam praecones argentarii, idcirco vile ac foddidum munus eorum censebatur. Unde fit, ut sicut repetitum ignobilitatem familiae obijci Pisoni, quia avus ejus maternus praeconium fecisset, & Octaviano, quia avus ejus argentarius fuisset: ita probri loco saepe obijci videmus, si ejus majores divisores fuissent. Nam id Svetonius ait obijci Octaviano: Octavius pater a principio etatis & re & estimatione magna fuit, ut equidem mirer hunc quoque a nonnullis argentarium, atque etiam inter divisores, operasque campestres proditum. Et Cicero eo loco, quem supra citavi ex secunda in Verr. exprobat Verri patrem divisoorem. Et libro 1. ad Atticum in epistola, cujus initium est, Nihil mihi: C. Herennio Tribuno pl. probri loco obijciatur pater divisor. Quod autem dixi necessario Reip. munere fungi divisores, ex eo intelligi potest, quod largitiones populo fieri legibus non prohibitas, tam frequens ultimumque erat, ut necesse fuerit, esse certos homines, qui operam suam hac in re populo praestarent. Imperatores enim cum victores ad triumphum redibant, quam saepe reperitur congiarium populo dedisse. Hinc apud Livium lib. 7. Dec. 4. de M. Acilio Glabrione ita scribitur: In hunc maxime, quod multa congiaria habuerat, quibus magnam partem hominum obligarat, fa-

vor populi se inclinavit. Et apud Sveton. in Caesare: Populo praeter frumenti denos modios ac totidem olei libras, tricenos quoque numos, quos pollicitus erat, viritum divisit: & hoc amplius centenos pro mora. Jam vero testamento a divitibus quam saepe populo aliquid legabatur? Unde apud Svet. de testamento Caesaris sic scribitur: Populo hortos citra Tiberim publice, & viritum tricenos sestertio legavit. Tum vero in funeribus magnificis populo fieri largitio solebat. Denique ob alias multas causas ab iis, qui populi favorem captabant, largitiones populo factas reperimus. Hinc tria a Milone consumpta patrimonium: hinc apud Plutarch. M. Crassus populo Rom. epulum dat, & tres minas in singula civium capita: hinc apud Svet. Augustus Fabianus, & Scaptienibus tribulibus suis, die comitorum, ne quid a quocumque candidato desideraret, singula millia numum a se dividebat. Propter has igitur receptas Romae largitiones, erat ministerium divisorum publice necessarium. Neque enim exilitandum est, omnem numerum per tribus divisionem fuisse legibus ambitus prohibitum: aliqui legitimos non habuissent divisores singulae tribus, ut asserit Asconius. Nec Cicero ad Attic. de Herennio ita scriberet: Caius Herennius quidam Tr. plebis, quem tu foreasse ne nosti quidem, tamen si potes nosse: tribulis enim tuus est, & Sextus pater ejus, numos vobis dividere solebat. Neque enim ita scripturum ad Att. fuisse exilitum, si numos contra leges ille divisisset. At illud magis ambiguum est, iidem essent hi divisores cum illis diribitoribus, de quibus supra meminimus, an ab eis diveri. Ego ut cum Budaeo diversos fuisse existimem, eo argumento adducor, quod magistris curiarum, quorum meminit Plautus, iidem erant divisores, ut ait Asconius: unde apparet, multo ante fuisse divisores quam lex tabellaria lata esset, post quam legem coeperunt esse diribitores. Cumque vile ac foddidum munus esset divisorum, non fit mihi verisimile, gravissimos Senatores interdum hoc munus fungi voluisse; & tamen ex iis, quae supra dicta sunt, constat interdum Senatores diribitorum munus gerere solitos. Ut omitram, infimae conditionis hominibus, quales erant divisores, tabellas suffragiorum committere neque tutum neque aequum fuisse: praeterea cum illi ipsi essent, qui corruptenda suffragia suscipiebant: ut & paulo ante ostendimus, & ex aliis Ciceronis locis aperte demonstrari potest. Scribit pro Plancio: Quam tibi commodum est, unam tribum dilige tu: doce id quod docet, per quem sequeferem, quo diviso corrupta sit. Et paulo post: Illud vero crimen de numis, quos in circo Flaminio deprehensos esse dixisti, caluit re recentis, nunc in causa refrigit. Neque enim qui illi numi fuerint, nec quae tribus, nec qui divisor ostendit. Et lib. 1. ad Attic. in epist. cujus principium est, Quavis ex me: Nunc expectatio est comitorum, in qua omnibus innotis tradit noster Magnus Auli filium, atque in eo neque auctoritate, neque gratia pugnat: sed quibus Philippus omnia castra expugnari posse dicebat, in qua modo asellus onustus auro posset ascendere. Consul autem ille deterioris hispanis similis suscepisse negotium dicitur, & domi divisores habere. Erat igitur haec una ratio corruptendorum largitione suffragiorum, numis populo per divisores datis: quam largitionem fuisse legibus prohibitam adeo perpicuum est, ut probatione opus non sit. Aliae rationes legibus prohibita a Cicerone ostenduntur variis in locis. Ut pro Muræna: Dixisti S. C. me referente esse factum, si mercede conducti obviam candidatis iissent, si conducti selarentur, si gladiatoribus vulgo locus tributus, & item prandia si vulgo essent data, contra legem Calpurniam factum videri. Et pro Sestio: Acta mea illi displicere quis nescit? qui legem eam contemnat, quae dilucide vetat gladiatores biennio,

quo quis petierit aut petiturus sit, dare. Et in Vatinium: Cum mea lex dilucide vetet, biennio, quo quis petat petiturus sit, gladiatorum dare nisi ex testamento præstituta die. Et pro Plancio: Decuriatio tribulium, descriptio populi, suffragia largitione deservata, severitatem Senatus, & bonorum omnium vim ac dolorem excitarunt. Hæc doce, hæc profer, huc incumbere Lateranensis, decuriasse Plancium, conscripsisse, sequestrem fuisse, pronunciasse, divisisse. Et paulo ante: Sed aliquando veniamus ad causam, in qua tu nomine legis Liciniae, quæ est de sodalitiis, omnes ambitus leges complexus es. Huc etiam pertinet lex Fabia de numero sæctatorum, cuius meminit pro Muræna: & leges Senatusconsultum de tollendis collegiis, quorum Cicero in Pisonem & Aconius in eum scribens meminerunt. Atque illa quidem sufficiunt de candidatis.

Nunc personas comitorum, quæ habentur aut legibus ferendis aut iudiciorum causis, prosequamur. Ac legibus quidem ferendis non alia personæ interveniebant, quam quæ communes erant aliis Centuriatis comitiis. Unum hoc proprium videtur, quod quoniam legem ante recitari oporteret, quam populus suffragium diceret, ad eam rem scribas intervenire oportebat. Subjicente enim scriba legem recitabat præco, ut Aconius scribit in argumento orationis pro C. Cornelio. Tum vero audiri eos oportebat, quid de lege ad populum dicere volebant, aut suadendi aut dissuadendi causa. Verum de iis plura paulo post dicemus, cum de modo legum ferendam agemus. In comitiis vero Centuriatis iudiciorum causa, nisi accusatoris esset qui Centuriata comitia habere posset, præter eas personas, quas omnibus Centuriatis comitiis adesse offendimus, intervenire primum eum oportebat, qui diem perduellionis ad populum dixisset: tum vero defensorem, qui pro reo diceret: postremo & ipsum reum fordidatum cum amicis, qui populo supplicarent, priusquam in suffragium mitteretur. Quæ omnia exemplis subjectis manifesta fient. Reus perduellionis erat Rabinus, accusabat T. Labienus Trib. plebis, Cicero Consul defendebat. Patres omnes pro Coriolano populo supplicarunt, ut ait Livius lib. 2. i. Decad. & Plutarchus in vita ejus. Et lib. 6. ejusdem Decad. Approbantibus cunctis diem Manlio dicunt. Quod ubi factum est, primo commota plebs est, utique postquam fordidatum reum viderunt: nec cum eo non modo patrium quemquam, sed ne cognatos quidem aut affines, postremo ne fratres quidem Aulum & Titum Manlios, quod ad eum diem nunquam usquevisset, ut in tanto discrimine non & proximi vestimentarent. Et pro T. Menenio Agrippæ filio, Patres (inquit Livius) haud minus quam pro Coriolano innixi sunt. Et de Cæsone Quintio capitis reo ita scribit lib. 3. i. Dec. Jam aderat iudicio dies, apparebatque vulgo homines in damnatione Cæsionis libertatem agi credere. Tum demum coactus cum multa indignitate prebensabat singulos: sequebantur necessarij principes civitatis. Quod vero comitiis adesse has personas dixi, accipiendum est cum exceptione, nisi exili causa solum ante diem iudicii vertisset reus: quemadmodum fecisse Camillum, Coriolanum, Servilium Halam, Cæsionem, Quintium, & Ciceronem ipsum in historiis legimus. Ac de personis quidem hæcenus.

C A P. IV.

De modo comitorum Centuriatorum.

IN modo explicando primum docendum est, quid, ut iusta haberentur Centuriata comitia, fieri ante ipsa comitia soleret: deinde quid modus in ipsis comitiis fervaretur: postremo quid post dicta suffragia fieri soleret. Ante comitia Centuriata edictum præmitti necesse erat, ut ad quam diem

convenire populus deberet, multo ante intelligeret. Unde fit, ut in omni historia tam sæpe reperiantur Consules comitia edixisse. Illud magis dubium est, itane comitia edici solerent, ut præcones per vicus dimissi diem prædicerent: quo modo vocari ad concionem populus solebat, ut ex Livio lib. 4. Decad. i. intelligitur, cum ita scribit: Tum trepidam civitatem, præconibus per vicus dimissi, Dictator ad concionem advocatam increpuit, an potius scriptum esset, quod publice proponeretur, eodem modo quo Prætorum edictum. Sane scriptum in tabella proponi publice solebat hoc edictum: ut ex verbis A. Gellii planum est, cum ita scribit libro 13. cap. 14. In edicto Consulium, quo edicunt quis dies comitiis centuriatis futurus sit, scribitur ex vetere forma perpetua, ne quis magistratus minor de cælo servasse velit. Ex hoc enim loco apparet, in eo edicto plura capita fuisse scripta. Unde sequitur publice fuisse proponendum, ut populo notum esset. Et quoniam comitiis etiam adesse ex agris homines oportebat, qui in urbem fere nisi nundinis, hoc est, nono quoque die non veniebant, propterea edictum illud per plures dies publice extare necesse erat, ut populo universo notum esset. Quare etiam nos paulo ante offendimus, trinundinum interjici solitum post edictum promulgatum, ante diem comitorum, etiam in magistratuum comitiis; nam in reliquis ita fieri oportuisse facile erit offendere. Quod vero tantum tempus interjici debuisset inter edictum & diem comitorum dixi, ita accipi debet; si modo nil accidisset, quod impedimento esset, ne legitimo tempore haberentur comitia. Nam si quando res ad Interregnum redisset, post præmissum ab Interrege edictum, non poterat tantum temporis interjici. Erat enim Interregis imperium quinque tantum dierum: poterat autem secundus Interrex comitia habere, ut supra offendimus. Jam vero superioribus, quibus consules bellis urgentibus in urbe esse non solebant, sæpe accidebat ut in exitu annus prope esset, nec dum tamen subrogati essent magistratus. Eo tempore interdum reperimus propter necessitatem subrogandorum magistratuum, paucis post edictum diebus, habita fuisse comitia. Quod enim T. Livius libro 4. Decad. 3. scribit Q. Fabium, in eum quem primum comitiale diem habuit comitia edixisse, satis ostendit post edictum non fuisse interjectum trinundinum. Neque enim tot dies continui, quot sunt in trinundino, esse poterant, quin aliqui ex iis essent comitiales. At temporibus ætati Ciceronis proximis Consules totum fere annum sui Consulatus agebant in urbe, nec ad exercitus, aut in provincias, nisi ad finem anni proficiscebantur. Unde fiebat, ut legitimo tempore comitia magistratuum edicerentur: & nisi ad diem edicto præstitutum haberentur; id eo accidebat, quod dies diffunderetur, vel auspiciis, vel magistratuum intercessionibus. At si tum eveniret, ut tandiu ducerentur comitia, ut ad Interregnum res rediret, merito eveniebat, ut primo quoque tempore, ac non post trinundinum haberentur comitia, tanto ante tempore indicta, ut nemo conqueri posset suffragio se privari, siquidem dilata tantum comitia esse nemo non sciret, si quid evenisset cur die præstituta non essent habita. Neque enim novum edictum proponebatur; si ad diem edicti non essent habita, sed in proximum diem comitiale differabantur. Unde illud apud Livium lib. 7. Decad. 1. Aliquoties frustra in campum descensum cum esset, multique per seditiones acti comitiales dies. Verum ut illud sæpe usquevisset superioribus temporibus concedamus, ut paucis diebus post edictum non interposito trinundino haberentur comitia; ætate tamen Ciceronis non æque id fieri absque incommodo poterat. Superioribus enim temporibus pauci Italiæ populi & hi urbis vicini, in magistratuum comitiis jus habebant suffragii. Quare ut ad diem edicti convenire possent, longo tempore opus non erat. At Ci-

ceronis ætate, qua omnes Italiae socii civitate donati erant, si post edictum multi dies non fuissent interpositi, quid aliud fuisset, quam privare eives suffragio? Ego igitur sic sentio ordinarium fuisse, ut post præmissum edictum ante diem comitiorum interjiceretur spatium trinundini, partim ut liceret omni ex Italia Romam ad creandos magistratus venire, partim ut eo temporis spatio in candida toga supplicare populo liceret. Porro edictum hujusmodi proponendi iis modo jus erat, quibus habendi comitia fors obtigisset. Qui enim erat habiturus comitia, is diem præstarebat edicto: quod interdum ab eo absente permittebatur, interdum die a Consule dicta a Prætoris urbis proponebatur. Scribit T. Livius lib. 2. Decad. 3. *Ab eodem Prætoris ex S. C. litteris ad Consules missis, ut si iis videretur, alter eorum ad Consules creandos Romam veniret: se in eam diem quam iussissent, comitia edicturum.* Et lib. 5. Decad. 4. *Prætor M. Fulvius litteras ad Consulem mittit, Senatui placere, ut Romam reverteretur, & ex itinere præmitteret edictum, quo comitia Consulibus creandis ediceret.* Nec sane Consul edicto faciebat dies comitiales, ut vult Budæus, sed contra, ut in diem comitalem dies edicto præstituta incidere, Consuli providendum erat: alioqui agi cum populo fas non fuisset: quod nos postea apertius ostendemus, cum de tempore comitiorum agemus. Neque vero præmissum edicto tantum opus erat in magistratuum, sed etiam in legum iudiciorumque comitiis; verumtamen in his edictum non ut in magistratibus, in tabella quæ hoc tantum contineret, scriptum proponebatur: sed simul lege per trinundinum promulganda dies a magistratu prædicebatur, qua haberentur comitia, nec alio opus erat edicto. Atque ante legum quidem comitia hic modus erat servandus, ut primum qui legem ferre vellet, eam publice propositam haberet, quo testis fieret populo cognoscendi otiose: & ut inde liceret librariis describere, si qui vellent legem apud se habere. Qui autem legem publice proposuerat, promulgasse dicebatur, tamen ad populum nondum eam ferre cœpisset. Quæ omnia demonstrari possunt ex Cicrone. Quæ enim secunda oratione in Rullum: *Incunt tandem magistratum Tribuni pleb. concio expectata P. Rulli, quod & princeps erat Agrarie legis, & truculentius se gerbat quam ceteri. Legem hominis concionemque expectabam: lex initio nulla proponitur: concionem imprimis advocari jubet: summa cum expectatione concurrunt: explicat orationem sane longam, & verbis valde bonis: unum erat quod mihi vitiosum videatur, quod ex tanta frequentia inveniri nemo potuit, qui intelligere posset quid diceret. Hoc ille utrum infidiarum causa fecerit, an hoc genere eloquentie delictum, nescio. Tamen si qui acutiores in concione steterant, de lege Agraria nescio quid voluisse eum dicere suspicabantur. Aliquando tamen me designato lex in publicum proponitur: concurrunt jussu meo plures uno tempore librarii: descriptam legem ad me adferunt. Et in oratione pro Sylla de lege L. Cæcilius ita scribit: *Lex dies suis proposita paucos, ferri cæpta nunquam: posita est in Senatu, populum Romanum latuit.* At qui paulo ante scripserat a Cæcilio eam rogationem fuisse promulgatam: unde apparet, qui legem modo in publicum proposuit, & si ad populum adhuc non tulerit, legem tamen promulgasse. Neque tamen negaverim, quin dicatur etiam legem promulgare, qui trinundino ad populum de sua lege dicit. Nam & Cicero in quinta Philipp. ita loquitur: *Ubi lex Cæcilia & Didia? ubi promulgatio trinundinum?* Et tertio de Legibus legem ponit, in qua facit diversa promulgare & proponere. *Promulgata, proposita, in ærario cognita aguntur.* Itaque ego sic sentio, verbum promulgandi significasse omnem rationem edendæ in vulgus rei, sive verbo sive scripto: non autem pro altero tan-*

atim accipi. Ergo quomodocunque lex in vulgus edebatur, promulgari dicebatur: cum vero scripta publice exhibebatur, proponi dicebatur. In quo obiter id observandum est, solitos eos, qui legem ita proponerent, nomen suum adscribere. Cicero libro 7. in Verrem: *Nempe ea lege de iudiciis iudicibusque nobis promulgata, quam non iis promulgavit, cuius nomine proscriptam videtis.* Atque hujusmodi proscriptio ante fiebat, quam legem quis ferre inciperet, ut ex iis quæ diximus apparet. Nam etsi fere concionem habere solitos reperimus legum rogatores, priusquam legem proponerent, in qua concione populo necessitas & utilitatem legis proponende ostenderent, quod & Rullum fecisse ex iis quæ diximus apparet, & Tib. Gracchum, scribit Appianus: at tamen legem ferre adhuc non dicebantur, sed præterea necessarium erat trinundinum ad legem promulgandam. Id quod ex Dionys. Halicarn. libro decimo intelligi potest, ubi ita scribit: *Tribuni pleb. advocata concione pollicebantur plebi se legem laturos de iis rebus quas postulabat. Quam orationem postquam plebs collaudavit, sublata omni mora, legem quam paratam habebant, recitavit. Ac proposita ea lege, datum est trinundini spatium, quo fieret potestas legis improbande omnibus qui vellent.* Et Livius libro 3. Decad. 1. de legibus a Decemviris conscriptis ita scribit: *Ingenti hominum expectatione, propositis decem tabulis populum ad concionem advocarunt: & quod bonum, fastum, felixque Reip. ipsis liberisque eorum esset, ire & legere leges propositas iussere. Se quantum decem hominum ingenii provideri poterit, omnibus summis infimisque iura æquasse. Plus polere multorum ingenia consiliaque: versarent in animis secum inamquamque rem, agitent deinde sermonibus, atque in medium, quid in quaque re plus minusque esset, conferrent. Cum adrumores hominum de unoquoque legum capite edito satis correcte viderentur, centuriatis comitiis perlatæ sunt.* Post hanc igitur legis propositionem, trinundino etiam promulganda erat. In quo duo potissimum, quæ ambigua videntur, nobis explicanda sunt. Primum, quid esset illud trinundino promulgare: alterum, diceretur ne lex tum ferri cum ita promulgabatur, an vero die modo comitiorum ferri legem dicere oporteat. Trinundino promulgare, est legem quam proposueris tribus diebus nundinarum advocata concione ita recitare, ut de singulis capitibus populum & doceas, & doceri adhibitis aliis suavoribus facias: data interim facultate, ut qui volet, legem improbare dissuadereque possit. Erant autem nundinæ, ut ait Macrobius libro 1. Satur. cap. 16. feriæ paganorum, id est rusticorum, quibus conveniunt negotiis propriis, vel mercibus proviviri. Fiebant autem non quoque die, unde etiam nomen habuerunt; ut scribit Plutarch. in Coriolano, & Dionys. libro 2. Illis ergo nundinarum diebus, quia frequentior solebat esse populi multitudo propter rusticorum in urbem conventum, propterea institutum erat, ut illis potissimum diebus leges promulgarentur. Id quod docet eodem illo loco Macrobius his verbis: *Rutilius scribit Romanos instituisse nundinas, ut octo quidem diebus in agris rustici opus facerent, non autem die intermisso rure ad mercatum legesque accipiendas Romam venirent: & fuit scita atque consultata frequentiore populi referrentur: quæ trinundino die proposita a singulis atque universis facile noscebantur. Unde etiam mos tractus, ut leges trinundino die promulgarentur.* Atque ego quidem primis temporibus lege cautum non fuisse existimo, ut trinundino leges promulgarentur, ut ex eo colligi potest, quod scribit T. Livius lib. 4. Decad. 1. Mamercum Æmiliam Dictatorem advocata concione dixisse, legem se laturum, ne plusquam annua ac semeltris esset Censura: quam legem consensu ingenti populi postero die pertulit. Et quoniam multo tempore hæc lex Æmilia lata est post leges duodecim tabula-

rum, inde planum est, legibus duodecim tabularum id minime cautum fuisse: alioqui hæc lex jure lata non fuisset, quæ trinundino promulgata non esset. Nec sane reperitur lex de eare fuisse ante legem Cæcilii Metelli Nepote, & T. Didio, anno urbis DCLVI. Quod autem de legibus trinundinum promulgandis uno capite hujus legis cautum esset, Cicero ostendit, cum ita scribit pro domo sua: *Si quod in cæteris legibus trinundinum esse oportet, id in adoptione satis est trium esse borarum, nil reprehendo. Sin eadem observanda sunt, decrevit Senatus M. Drusilegibus, quæ contra legem Cæcilii & Didii lata essent, populum non teneri.* Idem hoc diligentius, pœna etiam adjecta postea cautum fuit lege Licinia & Junia, lata a Licinio Muræna & D. Junio Syllano Consulibus, eo anno qui secutus est Ciceronis Consulatum. Cicero quinta Philip. *Ubi lex Cæcilia & Didia? ubi promulgatio trinundinum? ubi pœna recenti lege Junia & Licinia?* Sigitur ante eas leges observaretur trinundini promulgatio, quemadmodum passim in historia Dionysii legitur, consuetudine id potius quam legis necessitate observatum fuisse existimo. Quod vero iis tribus nundinarum diebus recitari legem oporteret, ac populum doceri, ex eo apparet quod scribit Dionys. libro decimo. Tribunos plebis lege proposita trinundini spatium dedisse, ut interim suadendi ac dissuadendi potestas esset. Unde apud Ciceronem libro tertio de Legibus ponitur lex hujusmodi: *Rem populum docento: doceri a magistratibus privatisque patiuntur.* Quam legem paulo post dicit Romæ observari solitam. Quo fit, ut lege proposita non modo a magistratibus doceri populum oporteret, sed etiam a privatis data eis concione a magistratu. Neque enim privato licebat ex rostris verba ad populum facere, nisi a magistratu quis produceretur: uti Cicero in Vatinium satis ostendit cum ita scribit: *Cum L. Vellium, qui in Senatu confessus esset se cum telo fuisse, mortem Cneo Pompeio, summo & clarissimo civi suis manibus adferre voluisse, in concionem produxeris: indicem in solis, in illo, inquam, augurato templo ac loco collocaris, quo auctoritatis exquirendæ causâ ceteri Tribuni pl. principes civitatis producere consueverunt.* Et Livius libro 5. Decad. 5. *Cum ita traditum esset, ne quis prius intercederet legi, quam privatis suadendi dissuadendique legem potestas facta esset.* Exempla hujus rei frequentia sunt in historia. Legem Manilianam suavit Cicero, dissuadebant Catulus & Hortensius; legem Agrarianam Rullus dissuasit Cicero, Legem Cælaris in primo Consulatu suaserunt Pompeius & Crassus. Solebant enim qui legem ferre volebant, sibi virum aliquem magna auctoritate præditum conciliare & adungere, qui populo fuaderet, ut legem acciperet, qui legis auctor appellari solet. Cicero tertio de Legib. *Itaque isti rationi, neque lator quisquam est inventus, nec auctor unquam bonus.* Et paulo post. *Nam Cassie legis culpam Scipio tuus sustinet, quo auctore lata esse dicitur.* Qui igitur primas partes suadendæ legis habebat, is auctor dicebatur: qualis fuit Pompeius in lege P. Lentuli Consulis, qua revocatus est ab exilio Cicero: ut apparet ex oratione post red. ad Quirites. In qua etiam oratione continetur summa orationis, quam habuit Pompeius ad populum. Ex quo intelligimus, in lege promulganda non recitari modo legem, sed etiam docendi populi causa orationem addi solitam. Tum vero Cicero pro Flacco scribit, more institutoque majorem, populi suffragiis legem non committi, nisi auditis ante auctoribus, re per multos dies promulgata & cognita. Ex quo id colligi potest, quo modo diximus, legum promulgationem non fuisse nudam recitationem, sed etiam oportuisse populum oratione doceri: idque toties quoties promulgabatur. In quo etiam illud observandum, quod ait Cicero in orat. post red. in Senatu, decrevisse Senatui ut agerentur gratiæ iis, qui ex municipiis

venissent primo die promulgationis: simulque ut rogarentur, ut pari studio convenirent reliquis diebus, cum lex eadem rursus ad populum referenda esset. In superiore autem oratione, quam habuit ad Quirites, dicit ter convenisse Italiam eundem nomine suo, & se in patriam ter decretis Italicæ cunctæ revocatum. Ex iis enim locis intelligi potest, cum lex ita trinundino promulgabatur, solitum fuisse populum significationem dare acclamationibus legem sibi acceptam esse aut non esse, antequam dies suffragii veniret. Hoc enim est, quod ait Cicero decretis Italicæ ter se revocatum. Neque enim de suffragiis intelligi potest: præsertim cum tot comitiis eandem legem juberet absurdum sit, & nundinis comitia habere fas non esset, ut nos amplius postea ostendimus, cum de tempore Comitiorum disputabimus. Recitabatur ergo tribus nundinarum diebus lex in concione, simulque docebatur singulatim populus, & rogabatur, ut legem accipere vellet: proditaque die qua comitia haberentur, legis ferendæ causâ, ut ad illam diem frequens adesset, rogabatur. An vero qui trinundino ita promulgabat legem, ferre eam diceretur, an ea solum die qua populus erat suffragium dicturus, ego de eare sic sentio; vere quidem ac proprie ferri legem, cum populi suffragiis committitur: ideoque cum apud auctores reperimus diem ferendæ legis, de die comitiorum intelligimus; quin tamen legem etiam ferre diceretur, qui in trinundino promulgabat, negari non potest. Neque enim aliud significat legem aut rogationem ferre, ut Græcum verbum *εὐροπείν* ostendit, quam in medium adferre. Quoties igitur concionem quis vocabat, ut suam legem populo exhiberet, toties ferre legem dicebatur. Quia tamen illo trinundino magis cognitionis causâ lex populo exhibebatur, quam ut ejus suffragiis tum committeretur, propterea illa verius promulgatio legis quam latio vocabatur. Cicero pro Sylla de rogatione L. Cæciliæ loquens, negat eam ferri ceptam; quia et si proposita esset, & de ea actum in Senatu, populo tamen in concione exhibitâ non esset: unde efficitur eum ferre legem incipere, qui nundinis promulgat. Ac de legum quidem promulgatione hæcenus. Nunc in judiciis quid ante diem comitiorum fieri oporteret, pauca dicamus. Cicero pro domo sua: *Moderata populi judicia sunt a majoribus constituta: primum, ut ne pœna capitis cum pecunia conjungatur: deinde, ne nisi prædictâ die quis accusetur: ut ter ante magistratus accuset intermissâ die, quam multam irroget aut judicet: quarta sit accusatio, trinundinum prodita die, qua die judicium futurum sit.* Ex hoc loco perspicuum est, ante comitia judiciorum oportuisse trinundino prodi diem quo haberentur comitia. Et quoniam privilegium, quo perduellionis crimen judicabatur, lex erat Centuriata, ut supra demonstravimus: propterea omnibus Centuriatis legibus commune esse dicimus, ut trinundino proderetur dies comitiorum. Quod vero ait Cicero trinundino prodi diem, qua judicium futurum esset; non ita accipi debet, quali nihil aliud fieret illo trinundino, quam ut proderetur dies: sed quia lege lata judicium hoc peragebatur, tribus illis nundinarum diebus lex in concione recitabatur, cæteraque peragebantur, quæ in legum promulgatione observari dicimus. Hoc igitur omnibus Centuriatis comitiis magistratuum, legum, & judiciorum conveniebat, ut eo quo dixi modo, dies comitiorum ediceretur, & trinundini tempus relinqueretur inter edictum & diem comitiorum. Ex quo consequens est, Centuriata illa comitia, quæ apud Gellium lib. 15. cap. 27. scribuntur ex Lælio Felice, per cornicinem calari, non pertinere ad alia Centuriata comitia, quam quæ regis sacrorum inaugurandi causâ habebantur: in quibus pro edicto erat hujusmodi per cornicines populi convocatio. Erat autem & illud communiter observandum in omnibus, ut Senatus auctoritate haberentur comitia Centuriata.

Quod Dionysius offendit libro nono, cum ait, hoc A
discrimen fuisse inter Tributa comitia & alia, quod
Tributis Senatus auctoritate opus non erat, in reli-
quis necesse erat Senatus auctoritatem accedere. Por-
ro illud animadvertendum est, primis quidem tem-
poribus post habita comitia patres auctores fieri soli-
tos. Unde apud Livium lib. 1. *Quirites regem create,*
ita patribus visum. Patres deinde, si dignum qui se-
cundus a Romulo numeretur crearetis, auctores fierent.
Et paulo post de Tullo Hostilio: *Regem populus iussit:*
patres auctores facti. Quod idem de Anco Marcio
scribit, & multis aliis in locis. At postea patres ante
comitia auctores fieri oportebat. Illud enim est quod
T. Livius libro primo scribit: *Decreverunt, ut cum*
populus regem iussisset, id sic ratum esset, si patres au-
ctores fierent. Hodieque in legibus magistratibusque ro-
gandis usurpatur idem jus ut adeptum: priusquam po-
pulus suffragium ineat, in incertum comitiorum even-
tum patres auctores fiunt. Et in fine lib. 6. 1. Dec.
extat concio Appii, in qua scribitur Centuriatis & Cu-
riatis comitiis patres auctores fieri. Quod idem Cice-
ro dicit pro domo sua. Quod vero Livius lib. 8. 1.
Decad. scribit a Dictatore P. Philone legem latam,
ut legum, quae comitiis Centuriatis ferrentur ante
initium suffragium, patres auctores fierent: illud,
inquam, aperte offendit, ad illud usque tempus
post comitia patres auctores fieri solitos: sed post hanc
legem, ut patres ante auctores fierent, fuisse neces-
se. Scribit etiam Appianus libro 1. bell. civil. a Syl-
la legem latam, ut nihil referretur ad populum, quod
ante a Senatu decretum confirmatumque non esset:
ut veteri, inquit, lege cavebatur. Quod ad plebi-
scita non pertinere hinc colligi potest, quod Tribu-
nis pleb. potestatem agendi cum populo Sylla fastu-
lerat. Et Cicero pro Plancio: *Nam si ita esset, quod*
patres apud maiores nostros tenere non potuerunt, ut
reprehensores essent comitiorum, id haberent iudices:
vel quod multo etiam minus est ferendum. Tum enim
magistratum non gerebat is qui ceperat, si patres au-
ctores non erant facti. Ex iis omnibus apparet, in
omnibus Centuriatis comitiis fuisse necessariam Sena-
tus auctoritatem. Unde fit, ut passim in historia Li-
vii, ubi mentio est comitiorum magistratibus crean-
dis indictorum, senatusconsultum praecessisse repe-
riamus. Et Cicero libro quarto ad Atticum in epi-
stola cuius initium est, *Occupationem: Comititia di-*
lata ex senatusconsulto. Et paulo post: *Senatus de-*
creverat, ne prius comitia haberentur, quam lex lata
esset. Si quis intercessisset, re integra referretur. Co-
pro ferri leviter: intercessum, non in votis. Res ad
Senatum. De ea re ita consueverunt: comitia primo quo-
que tempore haberi censere. Ex quo Cicero in loco
perspicuum est, in magistratu comitiis auctorita-
tem Senatus usque adeo fuisse necessariam, ut non
modo iubendi, sed etiam differendi & impediendi
comitia in Senatu potestas esset. In legibus vero fe-
rendis necessariam Senatus auctoritatem fuisse lex il-
la Cornelia, quam ex Appiano citavimus, offendit.
Ex eo autem quod legimus in oratione pro Sylla,
factum esse in lege L. Caelii, colligimus legitimam
hanc fuisse rationem legis ferendae, ut ea proposita
ad Senatum referretur, priusquam ad populum fer-
re quis inciperet: nili lex de ea re esset, quae ante
in Senatu agitata esset, factumque S. C. ut ad popu-
lum ferretur. De edicto quod ante comitia Centu-
riata praemittebatur, & de Senatus auctoritate, ha-
ctenus. Sequitur nunc ut de auspiciis agamus. Ne-
que enim haberi comitia Centuriata ulla iure pote-
rant, nili captis ante auspiciis. Captare autem aus-
picia, erat ex avibus, ceterisque signis auguralis di-
sciplinae propriis, Jovis voluntatem interpretari. Er-
rant enim Romani jam inde ab Romuli ac Numae
instituto religionis observantissimi: ut fere nec publi-
ce, nec privatim quicquam aggredierentur, diis in-
consultis. Fere autem duobus generibus consulendi

Deos, priusquam aliquid inciperent, utebantur.
Unum erat per exta hostiarum, quas immolare sole-
bant: ad quam divinandi rationem adhiberi solebant
aruspices, ut frequentissime in historiis occurrit, &
multis verbis explicatur a Cicerone, secundo de Divi-
natione. Alterum erat ex avibus & ceteris signis,
unde Jovis sententiam divinare solebant, ad quam
rationem divinandi augures adhibebantur. Cic. enim
2. de legibus appellat augures Jovis Opt. Max. inter-
pretes: & lib. 3. Jovis consiliarios & administratos:
quod cum Jupiter auspicia mittere & signa credere-
tur, ipsi sua quadam disciplina, quae auguralibus li-
bris continebatur, de illis iudicabant, faulta ne, an
in faulta essent: quodque ipsorum collegium decrevis-
set, id ratum omnino ut haberetur, cautum erat.
Dixi autem ex avibus & signis cum Cicerone, secun-
do de Legibus, ubi ita scribit: *Divinationem, quam*
Graeci parvulus appellant, esse censeo, & huius hanc
ipsam partem, quae est in avibus ceterisque signis di-
sciplinae nostrae. Hac autem duo eo pertinent, ut ne
quis existimet ex avibus tantum augures futurorum
praedictiones accepisse. Nam & auspicia, quae sunt
quali avispicia, quamquam proprie significarent ex a-
vibus sumptas divinationes, tamen ulu effectum est,
ut multo latius pateret verbum auspiciorum, & com-
plecteretur etiam signa alia ad augurum disciplinam
pertinentia. Ego autem quatuor fere generibus conti-
neri omnia signa auguralis disciplinae reperio. Pri-
mum ex avibus: Alterum ex caelo. Tertium ex terre-
nis quibusdam animalibus: Quartum ex diris. Ex
avibus signa observantur tripliciter: ex volatu, ex oc-
centu, ex tripudio. Ac volatu quidem avium capta-
ri augurium offendit, cum historia Romuli & Remi,
tum id quod Cicero scribit lib. 1. Divin. auguralibus li-
bris contineri, Corvum a dextra volantem, Corni-
cem a sinistra ratum facere. Et lib. 2. de Divin. ita
scribit: *Quae est igitur natura, quae volucres huc & illuc*
passim vagantes efficiat, ut significant aliquid, & tum
volent agere, tum jubeant aut cantu aut volatu? Ex
quo loco apparet, non modo volatu, sed etiam oc-
centu augurium accipi. Et lib. 1. de Divin. eademque
efficit in avibus divina mens, ut tum huc tum illuc vo-
lent alites: tum in hac, tum in illa parte se occultent:
tum a dextra, tum a sinistra parte canant oscines. Et
T. Livius lib. 10. 1. Dec. Ante Consulem haec dicen-
tem, Corvus voce clara occinuit. Quo laetus augurio
Consul. Et Virgilius:

Saepe sinistra cava praedixit ab illic cornix.

Quo etiam pertinet id, quod est apud Aulum Gel-
lium libro 6. cap. 6. de avibus praepetibus & inferis.
Tripudio autem augurium accipiebatur, ex pullis mo-
do gallinaceis, quos in cavea inclusos asserabant pul-
larii: quibus & cavea educitis, passus objiciebatur,
tumque ex pascendi ratione, ceteroque gestu pullo-
rum, augurium accipiebatur pullarius, quod deinde
ad magistratum referebatur, a quo iussus esset captare
auspicium. Cujus rei exemplum est illusterrimum a-
pud T. Livium lib. 10. 1. Dec. Tertia vigilia noctis
jam relatis literis a collega, Papyrius silentio surgit,
& pullarium in auspicium mittit: nullum erat genus
hominum in castris intantum cupiditate pugnae: summi
infimique eque intenterant: dux militum, miles ducis
ardorem spectabat. Is ardor omnium etiam ad eos, qui
auspicio intererant, pervenit. Nam cum pulli non pa-
scentur, pullarius auspicium mentiri ausus, tripu-
dium solissimum Consuli nunciavit. Consul laetus aus-
picium egregium esse, & deis auctoribus rem gesturos
pronunciat, signumque pugnae proponit. Et paulo post:
Altercatio inter pullarios orta de auspicio ejus diei, ex-
auditaque ab Equitibus Roman. Qui rem baud spernen-
dam rati Sp. Papyrio fratris filio Consulis ambigui de aus-
picio pronuntiaverunt. Juvenis ante doctrinam deos
spernentem natus, rem inquisitum, ne quid incomper-
tum deferret, ad Consulem detulit. Cui ille: Tu qui-
dem maeste virtute diligentia esto. Ceterum qui
auspicio

auspicio adest, si quid falsi nunciat, in semetipsum religionem recipit. Mihi quidem tripudium nunciatum populo Romano exercituique egregium auspiciū est. Aliud exemplum memorabile est apud Valerium Maximum libro primo cap. quarto: Pub. Claudius bello Punico primo, cum praelium navale committere vellet, auspiciāque more majorum petiisset, & pullarius non exire pullos cavea nunciasset, abjici eos in mare iussit, dicens: quia esse nolunt, bibant. Est & aliud exemplum C. Hostilii, cui malum auspiciū nunciatum est, quod pulli cavea educti, in proximam sylvam fugissent, summaque diligentia quaesiti, reperi nequivissent. Cicero 1. de Divin. Ille mihi videtur igitur vere augurari. Nam nostri quidem magistratus auspiciis utuntur coacti. Necesse enim est offa obiecta cadere frustum ex pulli ore cum pascitur. Quod autem scriptum habetis tripudium fieri, si ex ea quid in solidum ceciderit, hoc quoque, quod dixi, coactum tripudium solistimum dicitur. Et libro secundo de Divinat. Tum ille, dicitio si pascuntur: Pascuntur. Quae aves, aut ubi? Attulit, inquit, in cavea pullos is, qui ex eo ipso nominatur pullarius. Haec sunt igitur aves internuntiae Jovis: quae pascantur, necne, quid refert? Nihil ad auspicia. Sed quia cum pascuntur, necesse est aliquid ex ore cadere, & terram pavire, terripavium primo, post terripudium dictum est: hoc quidem jam tripudium dicitur. Cum igitur offa ceciderit ex ore pulli, tum auspiciant tripudium solistimum nunciatur. Ergo hoc auspiciū divini quicquam habere potest, quod tam sit coactum & expressum? Quo antiquissimos augures non esse usos argumento est, quod decretum collegii vetus habemus, omnem avem tripudium facere posse. Tum igitur esset auspiciū, si modo esset ei liberum se ostendisse: tum avis illa videri posset interpretis & satellites Jovis. Nunc vero inclusa in cavea, & fame enecta, si in offam pulsus inoadit, & si aliquid ex ejus ore ceciderit, hoc tu auspiciū, aut hoc modo Romulum auspicari solistimum putas?

Secundum genus auspiciorum erat in servando de caelo. Erat autem servare de caelo, attentius circumspiciendo observare, num qua parte caeli aliquid se ostenderet, unde divinationem accipere posset. Hujus exemplum est apud Dionysium libro secundo, ubi ita scribit: *Ad ea Romulus gratum sibi esse respondit, quod hominum iudicio dignus habitus esset, qui Romae rex esset: eum tamen bonorem se non ante recepturum, quam deorum numini idem placere faustis auspiciis demonstratum esset. Conscientibus cunctis diem indixit, qua captaret auspicia. Quae ubi venit, prima luce domo exiens, in loco puro sub dio stetit, factoque legitimo sacrificio precatus est Jovem regem, ceterosque deos, quos praesides suae coloniae fecerat, ut si regem esse vellent, prospera de caelo signa darent. Finita oratione fulgur se ostendit a sinistra ad dextram procedens. Erat autem Romanus fulgur sinistrum in optimis auspiciis. Haecenus Dionysius. Aliud exemplum est apud Livium libro primo de Numa. Accitus, sicut Romulus augurato in urbe condenda, regnum adeptus est, de se quoque consuli iussit. Inde ab augure, cui deinde bonoris gratia, publicum id, perpetuumque sacerdotium fuit, deductus in arcem, in lapide ad meridiem versus confedit. Augur ad levam ejus capite velato sedem cepit, dextra manu baculum sine nodo aduncum tenens, quem lituum appellaverunt. Inde ubi prospectu in urbem agrumque capto deos precatus, regiones ab oriente ad occasum determinavit: dextra ad meridiem partes, levaeque ad septentrionem esse dixit: signum contra quoad longissime conspectum oculi ferebant, animo finivit: tum lituo in levam manum translato, dextra in capite Numae imposita, precatus est ita: Jupiter pater, se estis hunc Numam Pompiliū, cujus ego caput teneo, regem Romae esse, ut tua signa nobis certa ac clara sint inter eos fines quos feci. Tum peregit verbis auspicia quae mitti vellet. Quibus missis declaratus rex Numa de templo descendit. Haecenus Livius. Ego vero*

Alex observatione antiquitatis collegi, non modo in urbe, sed etiam in agris augures templa finire potuisse ad auspicandum. Erant enim templa auguribus regiones, aut agri certo carmine ab augure lituo finiti & notati consecratique, unde in omnes caeli partes ad augurium captandum liber erat aspectus: adeoque liberum quoquo versus aspectum esse oportebat, ut interdum augures ea, quorum altitudo auspiciis officeret, demoliri juberent. Unde in historiis reperitur, C. Marium aedem Honoris summiffoem aliis fecisse, ne si forte obesset auspiciis publicis, augures eam demoliri juberent. Dividebantur autem partes caeli ab auguribus aliter quam ab Hetruscis. Nam ut Cicero 2. de Divin. scribit, Hetrusci in sedecim partes caelum dividerunt: augures in quatuor. Et hi quidem, ut ex hoc loco Livii appareat, dextras ad meridiem, sinistras ad septentrionem faciebant. Quare necesse, ut antica pars iis esset ad orientem, postica ad occidentem: quemadmodum etiam testatur Dionysius libro secundo, ubi ait augures spectare orientem solitos dum auspicabantur: & Plutarchus in Probl. Nec repugnat quod ait Livius, Numam ita sedem cepisse, ut ad meridiem versus spectaret. Neque enim oportet, ut augur eam caeli partem spectet quam is cui in auspicio erat: neque eandem immotamque sedem tribuit auguri sicut Numae. Hetrusci vero singulas harum quatuor regionum in quatuor dividebant: itaque sedecim partes efficiebant: anticās ab exortu quatuor, posticas ab occasu totidem: dextras ad meridiem quatuor, sinistras ad septentrionem quatuor. Est autem & illud obiter animadvertendum, ad Hetruscos, qui erant aruspices, ea signa de caelo pertinuisse, quae prodigiosum aliquid ostentololumque habere viderentur, ut si quae aedes caelo percussae, si repente & inopinato quispiam fulmine ictus concidisset, aut si qua alia signa inulstrata in caelo apparuissent. Augures vero ita de caelo servabant, ut si intonuisset, si fulgurasset, neque in iis simul aliquid inulstratum accidisset, spectarent. Itaque signa modo usitata, & nil prodigii habentia ad collegium augurum pertinebant. Nec alia fuisse signa, unde divinationem acciperent augures servando de caelo, reperio, quam si tonuisset aut fulgurasset. Cicero secundo de Divin. Itaque in nostris commentariis scriptum habemus, Jove tonante fulgurante comitia populi habere nefas. Hoc fortasse Reip. causa constitutum est. Comitiorum enim non habendorum causas esse voluerunt. Itaque comitiorum solum vitium est fulmen, quod idem in omnibus rebus optimum auspiciū habemus, si sinistrum fuit. Unde apud Ciceronem 1. de Divin.

Partibus intonuisti caeli pater ipse sinistris. & lib. 2. Cum tonuit laevum bene tempestate serena.

Ergo qui augurium captabant de caelo, omnibus quidem in rebus praeter quam in comitiis, si fulgurasset, aut tonuisset a laeva, bonum auspiciū interpretabantur. Unde fit, ut sinistrum auspiciū dicerent Romani pro bono auspicio: ut Cicero inquit 2. de Divin. *Quamquam haud ignoro quae bona sint, sinistra nos dicere, etiam si dextra sint.* Cujus rei rationem reddere conatur Plutarch. in Probl. dicens sinistrum a sinendo dictum esse: quae ergo auspicia sinerent rem peragi, ob quam dii consulebantur, ea sinistra quali sinentia appellata esse. At si a dextra alterum horum evenisset, infaustum semper auspiciū interpretabantur. Tertium genus auspiciorum erat ex terrenis animalibus. Scribit Plin. libri octavi cap. quinquagesimo septimo, *Soricum octucentu dirimi auspicia annales referunt habemus.* Et Valerius Maximus libri primi cap. primo: *Occentus soricis auditus Fabio Maxim. dictaturam, C. Flamini magisterium equitum deponendi causam prebuit.* Ex quibus apparet, auspiciū ex foricibus capi. Verum ego existimo, haec ex quadrupedibus auspicia potius capi, quam captari solita. Quod idem

etiam existimo dicendum de iis auspiciis, quæ ex variis casibus hominum capiebantur: qualia sunt quæ Tib. Graccho & Cæsari accidisse leguntur, antequam occiderentur. Unum erat proprie ad comitia perti-
nens, ex homine sumptum auspiciū, quo dirimen-
dis tantum auspiciis utebantur. Nam si ipsi comitiis morbo Herculeo correptus quiquam repente concidisset, dissolvenda erant comitia, nec iusta eo die haberi poterant: unde etiam illi morbo nomen est comitia-
lis, ut docet Serenus his verbis:

*Est subiti species morbi, cui nomen ab illo,
Quod fieri nobis suffragia iusta recusat.
Sepe etenim membris acri languore caducis,
Concilium populi labe horrenda diremit.*

Quartum genus auspicioꝝ erat ex diris. Nam diras fuisse inter auspicia Cicero primo de Divin. ostendit his verbis: *Etenim diræ sicut & cetera auspicia ut omnia, ut signa, non causas afferunt cur quid eveniat, sed nuntiant eventura nisi provideris.* De dirarum obnuntiatione erat historia M. Crassi adversus Parthos proficiscentis apud Appianum & Plutarchum. Propterea enim iudicatum est, Crassum bellum adversus Parthos inauspiciis auspicis gessisse, quod Ateio Tribun. pleb. diras obnuntianti parere noluit. Ac de generibus quidem auspicioꝝ satis superque dictum est. Nunc ea, quæ propius attingunt comitia, tractemus. In quo illud primum animadvertendum est, quod scribit Dionysius libro secundo: *Exinde mos invaluit apud posteros, ut regnum aliumve magistratum nemo acciperet diis inconsultis.* Ac per multas quidem ætates diligenter observata est a Romanis legitima ratio auspicioꝝ, non modo sub regibus, sed etiam in Consulibus, Prætoribus, aliorumque magistratuum creatione. At nostra ætate desit observari: nisi quod ejus modo speciei quedam & similitudo superest, ne pars hæc religionis plane neglecta videatur. Qui enim magistratum accepturi sunt, prima luce loco aperto expositi diis supplicant. Tum ex auguribus publicis qui adsunt, nonnulli nuntiant illi fulgur sinistrum, quod omnino non factum sit. Illi augurium ex voce accipientes abeunt magistratum accepturi: alii quidem satis esse existimantes nulla sibi adversa auspicia fuisse: alii vero etiam repugnantibus diis. Hæc Dionysius fere ad verbum: ex quibus apparet, posterioribus temporibus Romanos religionis auspicioꝝ parum fuisse observantes. Quod Cicero etiam libro de Legibus secundo scribit: *Sed dubium non est, quin hæc disciplina & ars augurum evanuerit jam & vetustate & negligentia. Ita neque illi assentior, qui hanc scientiam negat nunquam in nostro collegio fuisse, neque illi qui etiam nunc putat.* Et libro 2. de Divinat. Errabat multis in rebus antiquitas quam vel usu jam, vel doctrina, vel vetustate immutatam videmus. Retinetur autem, & ad opinionem vulgi, & ad magnas utilitates Reipublice mos, religio, disciplina, jus augurum, collegii auctoritas. Et paulo post: *Etenim ut sin. auspicia, quæ nulla sunt, hæc certe, quibus utimur sive tripudio, sive de celo, simulacra sunt auspicioꝝ, auspicia nullo modo.* Q. Fabi te mihi in auspicio esse volo: respondet, audioi. Hic apud majores adhibebatur peritus, nunc quilibet. Peritum autem esse necesse est eum, qui silentium quid sit, intelligat. Id enim silentium diximus in auspiciis, quod omni vitio caret. Hoc intelligere perfecti augurii est. Illi autem, qui in auspiciū adhibetur, cum ita imperavit is, qui auspicatur: dicto, silentium esse videtur, nec suspicet nec circumspicit: statim respondet silentium esse videri. Ex iis Dionysii ac Ciceronis locis intelligi potest, ad usurpationem modo vetustatis, auspicia Romæ posterioribus temporibus retenta fuisse. Qui igitur comitia Centuriata erat habiturus, ut auspiciato habere comitia videretur, priusquam in campum veniret, in arce aut alio quodam, sed intra pomerium, loco auspicabatur, ibique augurem, quem sibi in auspicio esse iusserat, non tam consulere Deos jubeat, quam bona esse auspicia pro-

nunciare. Itaque ex voce auguris verius quam ex ullo signo ex avibus, aut ex caelo sumpto auspicabantur. Quod autem dixi intra pomerium primum auspicari solitos magistratus, ostendi posse videtur ex eo, quod legitur Tib. Gracchus iterum Consul tabernaculum vitio cepisse, quod oblitus esset auspicari priusquam pomerium transgressus esset. Ea historia sic narratur a Cicerone secundo de Nat. Deor. *Tyberius e provincia literas ad collegium misit, sc. cum legeret libros, recordatum esse vitio sibi tabernaculum captum fuisse in hortos Scipionis, quod cum pomerium postea intrasset habendi Senatui causa, in redeundo cum idem pomerium transiret, auspicari esset oblitus.* Ac tabernaculi quidem hic mentio est, quia Centuriatis comitiis habendis imperari exercitum oportebat, quem intra urbem imperari fas non erat. Ac primis quidem temporibus omnes cives armatos sub signis in suis quemque Centuriis convenire oportebat, ut multis in locis scribit Dionysius. Post vero non omnes cives armati in campum veniebant, ut vel inde apparet, quod probabile non est, undique ex Italia armis onustos tempore pacis cives Romam ad comitia venire: sed tantum præsidii causa, ut ait Gellius, paucorum hominum exercitus imperabatur. Nihilominus tamen semper Consul, quasi ad usurpationem vetustatis, extra pomerium tabernaculum habere dicebatur, die comitiorum, velut dux exercitus. In quo capiendū tabernaculo vitium committebatur, si priusquam pomerium transgredere, auspicia aut non consulisset, aut adversa apparuissent: tantumque tribuebatur his auspiciis tabernaculi capiendi, ut li hic peccatum esset, tota actio vitiosa & inauspicata censeretur. Unde Livius lib. 4. 1. Dec. *Tertio mense quam magistratum inierant, augurum decreto perinde ac vitio creati bonore abire: quod C. Curiatius, qui comitiis eorum præfuerat, parum recte tabernaculum cepisset.* Et Consules P. Scipio & C. Figulus e provincia revocati magistratum deposuerunt: quia iudicati sunt vitio creati a Tib. Graccho. Ergo primum auspicia consulenda erant in capiendū tabernaculo: idque antequam quis pomerium egressus esset. Quin vero etiam extra pomerium, priusquam comitia habere inciperent, rursum auspicarentur, negari non potest, ut ego ex eo colligo, quod scribit Livius lib. 4. Dec. 4. Q. Fabium ex itinere præter urbem in campum descendisse, & comitia habuisse. Nisi enim extra pomerium auspicatum fuisse Q. Fabium dicamus, oportebit hæc comitia nullis captatis auspiciis habita fuisse: quandoquidem ingressus pomerium non sit Fabius. Et Plut. in vita Marcelli scribit, ideo solitos magistratus capere tabernaculum, ut in eo sederent, pro captandis auspiciis. Ac si nondum ratis auspiciis aliqua eos causa in urbem retraheret, primum tabernaculum relinquere oportebat, & alterum capere, ex quo denuo caperentur auspicia. Porro autem hujusmodi auspicia prima luce captari solebant, quemadmodum intelligi potest ex eo, quod paulo ante citavi ex Dionysio: tum vero ex eo, quod scribunt Macrobi. lib. 1. Satur. cap. 3. & A. Gell. lib. 3. cap. 2. *Nam magistratus, quando uno die iis auspicandum, & id agendum, super quo processit auspiciū, post mediam noctem auspicantur, & post solem exortum agunt.* Ex iis etiam, quæ ex Ciceronis 2. de Divinat. paulo ante adscripsi, perspicitur illa sua ætate duo genera auspicioꝝ ultata fuisse, tripudio, & de celo. Ac tripudio quidem ita utebantur, quemadmodum supra exposui. Unde lib. 10. epit. Fam. ad L. Plancum ita scribit: *Recitatis literis, oblata religio Cornuto est pullariorum admonitio, non satis diligenter eum auspiciis operam dedisse: id quod a nostro collegio comprobatum est.* Hæc autem auspicia Cornutus Prætor consuluerat Senatui habiturus. De celo autem servando a veteri ratione discesserant, ut Cicero 2. de Div. ostendit his verbis: *Jam de celo servare non*

ipsos censes solitos qui auspicabantur? Nunc imperant A
pullario, ille renunciat. Vetus igitur ratio servandi
 de cœlo erat, ut magistratus adhibito augure serva-
 ret ipse de cœlo, non omnia alteri crederet. At Ci-
 ceronis ætate pullario omnia credebatur ipse, non au-
 spicabatur. Et quoniam hæc duo genera auspicio-
 rum reliqua erant, tripudium autem magis alibi ute-
 rendum quam in comitiis: restat ut comitiorum ha-
 bendorum auspicia tota pene fuerint in servando de
 cœlo. Itaque in hoc auspicio genere explicando
 paulo diutius immorandum est. In quo illud primum
 animadvertendum est, quod apud Ciceronem, & in
 omni historia frequenter reperitur, Jove fulgurante,
 tonante, agi cum populo fas non esse, quo est, quo
 die aut fulgur apparuerit, aut tonitru auditum sit,
 nefas esse populi comitia habere. Neque vero satis e-
 rat eum ipsum, qui comitia erat habiturus, nil tale
 aut vidisse aut audivisse, sed etiam il qui alius, qui
 aut magistratus esset, aut augur servasset de cœlo, id-
 que ei renunciasset qui vocare populum vellet, ne-
 fas erat comitia habere. Itaque non modo auspiciis
 parere, sed etiam obnuntiationi magistratum oport-
 rebat. Hoc enim erat obnuntiare, magistratui ser-
 vatum esse de cœlo renunciare: ideoque ne eo die Jove
 prohibente comitia haberet, vetare. Ut autem
 pareretur obnuntiationi, legibus cautum erat jam
 inde ab anno urbis 618. quo anno consules Sex. Æ-
 lius & P. Furius legem de ea re tulerunt. Æliam &
 Furium vel Fusium, de qua tam frequens est mentio
 apud Ciceronem. Hoc etiam loco alcribendum est,
 quod scribit Cicero 2. Philipp. *Sed cum Cæsar ita di-*
xisset, tum hic bonus augur eo se sacerdotio præditi-
um esse dixit, ut comitia auspiciis vel impedire vel vitare
posset: idque se facturum esse asseveravit. In quo pri-
 mum incredibilem stupiditatem hominis cognoscite.
Quid enim istuc, quod te sacerdotii iure facere posse
dixisti, si augur non esses, & Consul esses, minus fa-
cere potuisses? Vide etiam ne facilius. Nos enim nun-
 tiationem solum habemus: Consules & reliqui magistra-
 tus etiam speculationem. Esto hoc imperite, nec enim
 ab homine nunquam sobrio postulanda prudentia. Sed
 videte impudentiam. Multis ante mensibus in Senatu
 dixit Dolabella comitia aut prohibitorum auspiciis,
 aut id facturum quod fecit. *Quisquam ne divinare po-*
test, quid vitii in auspiciis futurum sit, nisi qui de
cœlo servare constituit? quod neque licet comitiis per le-
ges: & si quis servavit non habitis comitiis, sed prius-
quam habeantur, debet nuntiare. In iis Ciceronis
 verbis multa possunt ad id, quod agimus, pertinencia
 observari. Primum enim ex eo quod illa duo con-
 junxit, vel impedire vel vitare auspiciis comitia, in-
 telligimus si non haberentur comitia, quia obnuntia-
 tum esset, hoc fuisse impedire auspiciis comitia, &
 prohibere ne haberentur. Sin haberetur, obnuntia-
 tione ipsa dicebantur vitari, quasi contra auspicia ha-
 bita, ut ratum esse nil posset, quod iis comitiis actum
 esset. In sequentibus paulo post verbis dicit augures
 nuntiationem auspicioium tantum habuisse, magis-
 tratus vero & speculationem, & nuntiationem. Un-
 de intelligi potest, penes magistratus fuisse auspicia,
 ita ut ne auguribus quidem esset consulere auspi-
 cia, nisi a magistratibus iusti essent. Id enim est quod
 ait Cicero, magistratus tantum, non etiam augu-
 res, habuisse speculationem auspicioium. Nec repugnat
 id quod est apud Ciceronem 2. de Leg. & apud Livium
 lib. 6. Dec. 1. auspicia penes patricos fuisse: id enim
 sic intelligi debet, cum in Rep. nullus erat patricius
 magistratus, tum ad patricos redire auspicia. Cice-
 ro in epist. 5. ad Brutum ita scribit: *Nunc per auspi-*
cia longam moram video. Dum enim unus erit patri-
cus magistratus, auspicia ad patres redire non possunt.
 Ex eo, opinor, loco satis apparet quod diximus, non
 aliter fuisse penes patricos auspicia, quam si nullus es-
 set magistratus patricius, ut Interrex prodendus esset,
 vel quia exitu anni subrogati non essent novi magi-

stratus, vel quia a Senatu judicatum esset renovanda
 esse auspicia. Livius lib. 5. r. Dec. Consulibus morbo
 implicitis placuit per Interregnum renovari auspicia.
 Itaque cum ex S. C. Consules magistratus se abdicassent,
 Interrex creatur M. Furius Camillus. Erant igitur ad-
 eo penes magistratus auspicia, ut rebus publicis agen-
 dis nemo auspicari posset, nisi qui magistratum gere-
 ret: (Pontifices excipio, qui Calatis comitiis habendis
 jus habebant auspicioium.) postquam autem de
 cœlo servatum erat, obnuntiandi jus erat non modo
 magistratui, sed etiam auguri, ut ex eodem illo Ci-
 ceronis loco apparet. Erant autem solennia & velut
 concepta verba obnuntiantis: *Alio die:* quibus signifi-
 ficabat in alium diem differri debere comitia. Cicero
 secunda Philip. *Confesso negotio, bonus augur (Læ-*
lius diceret) Alio die, inquit. Et paulo post: *Si ni-*
hil est cum augur his verbis nuntiat, quibus nuntiasti:
confitere te, cum, Alio die, dixeris, sobrium non fuisse.
 Et libro 2. de Legib. Maximum autem & præstan-
 tissimum in Rep. jus est augurum, & cum auctoritate
 conjunctum. Neque vero, quia sum ipse augur, ita
 sentio, sed quia sic existimare nos est necesse. Quid-
 enim majus est, si de jure querimus, quam posse a sum-
 mis imperiis, & summis potestatibus comitiatus, & con-
 cilia vel instituta dimittere, vel habita rescindere?
 Quid gravius quam rem susceptam dirimi, si unus au-
 gur, Alio die, dixerit? Ex postremis item illis Cice-
 ronis verbis, hæc duo intelligimus; Servare de cœlo
 dum haberentur ipsa comitia non licuisse per leges,
 sed ante comitia incepta id fieri debuisse: tum vero si
 quis servasset, ante perata comitia obnuntiare debuisse,
 non post ea peracta. Neque tamen negari potest,
 quin coeptis comitiis si supervenisset tonitru, dirime-
 rentur comitia. Unde Pompeius, cum Prætoris co-
 mitiis videret Catonem Prætorem fieri, finxit se toni-
 tru audivisse, eaque ratione dirempta sunt eo die co-
 mitia. Et Livius libro decimo Decad. quartæ: *Præ-*
torum tribus creatis, comitia tempestas diremit. Illud
 quoque hoc loco observandum est de obnuntiatione,
 licet augur aut magistratus obnuntians ementitus
 fuisset auspicia, hoc est, renunciasset se aliquid ser-
 vando de cœlo vidisse aut audivisse, quod nec vidisset
 nec audivisset. nihilominus tamen parendum fuisse:
 aliqui obstrictum religione se existimabant populus
 Rom. Id quod ex Philippicis Ciceronis apparet. Nam
 ementitum auspicia dicit Antonium, cum obnuntia-
 vit comitiis Dolabellæ: & tamen ob illam obnuntia-
 tionem dicit populum Roman. religione obstrictum,
 vitiosumque Consulem appellat Dolabellam. Verba
 ejus ex 5. Phil. hæc sunt: *Quid, quod cum eo*
collega tulit, quem ipse fecit sua nuntiatione vitiosum?
nihil ne ad auspicia bonus augur arbitratur pertinere?
 Id autem ut ita fieret, legibus cautum erat: ea ratio-
 ne, quod, ut ait Cicer. secundo de Legib. auspicia
 magis reventa erant, ut ad Reip. tempus accommoda-
 rentur, quam quod quicquam ad agendi consilium
 pertinerent. Itaque ut multos inutiles comitiatus proba-
 biles impedirent moræ, legibus ac publicis institutis
 cavebatur, ut auspicia fervarentur, auguri pare-
 retur. Unde fit, ut Antonius multo ante prædixerit
 se auspiciis impediturum comitia Dolabellæ. Et Ci-
 cero libro 1. epist. ad Lentulum, scribit provifum satis
 esse, ut ne quid per populum agi posset de reductione
 regis Ptolemæi falsis auspiciis: quod scilicet provi-
 sum erat, ut esset, qui obnuntiaret, si quid ad po-
 pulum de ea referretur. Ex quibus perspicitur, eo
 tempore verius sibi finxisse auspicia, quam observasse:
 parendum tamen erat vel ementitis auspiciis, aliqui
 vitiosa actio censebatur. Illud etiam excutiendum
 nobis est, quod ex Messia scribit A. Gell. li. 13. c.
 14. *Patritiorum auspicia in duas sunt potestates divi-*
sa. Maxima sunt Consulum, Prætorum, Censorum,
reliquorum magistratuum minora sunt auspicia. Majora
autem auspicia dicuntur habere, quia eorum auspicia
magis rata sunt, quam aliorum. Ex iis verbis apparet,
 X x ij

auspicia in maiora & minora divisa fuisse: ac maiora quidem maiorum magistratuum, minora minorum fuisse. Quibus verbis intelligere oportet, fuisse Romanis magistratibus maioribus & minoribus auspicandi potestatem, sed tamen non æque firma & rata omnibus fuisse auspicia: sed penes maiores magistratus fuisse magis rata & firma auspicia, penes minores minus rata: ita ut quæ auspiciis maiorum magistratuum fierent, ut erant ea, quæ maximi in Rep. momenti erant, magis iusta ac legitima censerentur, quam quæ minorum auspiciis gererentur. Porro autem comitia Centuriata habere maiorum tantum magistratuum erat: quo fit, ut auspicia maiora iis comitiis accommodata essent: ideoque comitiis Centuriatis ferri solebat, si quid maxime firmum ac sanctum esse Romani vellent. Itaque Centuriata comitia cum habere vellent aliquis ex maioribus magistratibus, ad ea impedienda, non aliis de cælo servandi ius erat, quam maioribus item magistratibus. Id quod ex eo colligo, quod eodem loco scribit Messala: *Ideo neque Consules aut Praetores Censoribus, neque Censores Consulibus aut Praetoribus turbant aut retinent auspicia. At Censores inter se, rursus Praetores Consulibusque inter se, & vitiant & obtinent.* Ex iis verbis apertum est, turbandi vitandive auspicia maiora maioribus tantum magistratibus ius fuisse: neque id omnibus, sed collegis tantum inter se. Turbare autem aut vitare auspicia est, cum de cælo servaveris obnunciatione efficere, ne possit auspicio peragere quod statuerat magistratus, cui obnunciatur. Ergo ad impediendas Censoris actiones per auspicia collega solus auspicandi ius habebat. Nec locum habebat alterius cuiusque obnunciari in eare, quam vel Censoris, vel auguris, qui ei in auspicio fuerit. Qui enim augur adest magistratui auspicanti, ei dicitur in auspicio esse. Cicero 2. de Div. *Q. Fabi te mihi in auspicio esse volo.* Et Messala augur apud Gellium: *Nos bis temporibus Praetores, Praetore creante, veterum auctoritatem sumus secuti; neque tui comitiis in auspicio sumus.* Ad impediendas vero Consulibus actiones, servandi de cælo ius erat, non modo alteri Consuli, sed etiam omnibus Praetoribus. Nam & Praetores Collegæ erant Consulibus. Itaque Praetorum obnunciatio tantumdem efficiebat atque Consulibus. At Censoribus, quanvis maiores essent magistratus, vitare Consulibus aut Praetorum auspicia non licebat, quia inquit Gellius, Collegæ non sunt Censores Consulibus aut Praetorum. Hinc fit, ut impediendis actionibus Cæsar in primo Consulatu, reperiamus M. Bibulum collegam quotidie de cælo servare: sed quoniam eorum obnunciare non audebat, per edicta obnunciabat, inquit Svet. in Cæsare. Quod vero dixi maiores modo magistratus servandi de cælo ius habuisse ad impediendas actiones maiorum magistratuum, ex eo etiam apertius intelligi potest, quod Gellius eodem illo loco scribit: *In edicto Consulibus, quo edicunt, quis dies comitiis Centuriatis futurus sit, scriptum fuisse, ne quis magistratus minor de cælo servasse velit.* Hinc enim perspicuum est, Consules cum habituri erant comitia Centuriata, noluisse obnunciatione impediri minorum magistratuum: quin tamen maiorum magistratuum obnunciatione impedirentur, non vetuisse suo edicto. Neque tamen ignoro, interdum contra edictum minores magistratus de cælo servare solitos. Scribit enim Cicero secunda Philipp. Antonium Censoria comitia non habuisse, quia Tribunus pl. fulmen sinistrum nuntiasset. Attamen Centuriata comitia erant Censoria. Sed etiam aliis multis in rebus reperio Consulibus actiones impediendas obnunciatione Tribunorum. Cicero lib. 4. ad Attic. in epist. cuius initium est: *Avete te certo;* scribit Q. Metellum Consulibus habiturum fuisse comitia Edilium, nisi Milo obnuntiasset. Et alio rursus die obnunciatione Milonis impeditum ne haberet comitia, paulo post scribitur. Et in oratio-

ne pro Sestio, dicit Sestium venisse in templum Castoris, & Consul Q. Metello obnunciasset. Verum ego de iis rebus ita sentio, Consules cum tributa comitia habere vellent, vetare non potuisse, quominus de cælo servaret qui vellent: quia ea comitia non modo maiorum magistratuum erant, sed etiam minorum: ut opus non esset, iis habendis comitiis maioribus auspiciis. At centuriatis habendis maioribus auspiciis opus erat: ideoque edicto vetare solebant Consules, ne minores magistratus de cælo servarent: ut scilicet maiora auspicia non vitarentur minoribus auspiciis. Quod si contra edictum minores magistratus de cælo servassent, non existimo Consuli parendum fuisse illi obnunciationi; ut ex eo apparet, quod Plinius lib. 28. cap. 2. scribit: *In augurum certe disciplina constat, neque diras, neque illa auspicia pertinere ad eos, qui quando rem ingredientes, observare se ea negaverint.* Itaque quoties impedita obnunciatione Tribuni comitia Centuriata reperio, ego interpretor, vel eundem Tribunalium augurum fuisse, cui etiam privato obnunciandi parendum esse leges iubebant: vel sua sponte illi obnunciationi paruisse Consulibus, cum parere non cogeretur. Nam & Cicero dicit, non fuisse necesse Antonium parere obnunciationi Tribuni plebis, quominus haberet illa Censoria comitia quæ edixerat. Tamen ipsi aliam causam adferat, quam rationem edicti ab Antonio propositi: nempe quod Antonius religiosus esset. *Tua quid interest: nulla auspicia thorum sunt, cum sis religiosus.* Hoc est, cum sis obstrictus religione auspicio, nulla tibi sunt auspicia: itaque obnunciatione nil moveri debuit. Nam & in omni parte religionis qui semel se religione obstricterant, donec ea exolutus esset religione, nil poterat in eo genere amplius iustum ac legitimum peragere. Cum igitur Antonius emittendis auspiciis se, populumque Roman. religione auspicio obstrictis, nil poterat auspicio peragere, nec tenebatur auspiciis, priusquam ea esset exoluta religio. Ut igitur ceteris in rebus parerent maiores magistratus minorum obnunciationi, certe in habendis Centuriatis comitiis non erat necesse parere, alioqui frustra huiusmodi edicta proposuissent, quibus vetarent minores magistratus de cælo servare. Ac de obnunciatione quidem satis dictum sit, omninoque de auspicio ratione, quod quidem attinet ad Centuriata comitia. Præter auspicia erant sacra quædam legitima, quæ fieri a magistratu ante comitia Centuriata oportebat. Dionysius lib. 7. *Superioribus temporibus, quando populus erat de aliqua re, auctore Senatu, suffragium laturus, comitia Centuriata advocabant Consules, sacris ante factis, quæ lege statuta erant, quorum adhuc nonnulla nostra etate sunt.* Et libro 10. *Patres adversus Tribunos plebis his verbis utuntur: Neque vos Senatus auctoritas ad magistratus vocat, nec curie de vobis suffragium ferunt, nec sacra facitis ante comitia, quæ lege fieri oportebat.* Et alio loco eiusdem libri: *Post hæc pontificibus presentibus, & auguribus, & sacrificiis duobus, & factis legitimis sacris & precationibus, Centuriatis comitiis lex perlatæ est.* Hæc sacra hostiarum immolationes erant, quibus in omnibus actionibus publicis pariter uti solebant. In quo finem facio tractandi de iis, quæ ante comitia spectanda esse diximus. Nam si edicto ante proposito, neque per multos dies ante promulgata, senatus auctoritate, sacris factis, auspiciis addicentibus, nulla obnunciatione interjecta, Centuriata comitia maior magistratus habere vellent, nil omiserat eorum, quæ ad legitimum modum comitorum ante ipsa comitia requirebantur. Deinceps sequitur, ut de iis agamus, quæ in ipsis comitiis observabantur. Populus Romanus, cui quidem ius erat suffragii, ad diem edicti conveniebat in cam-

po Martio: atque ibi priusquam in Centuriis distribueretur, habebat magistratus concionem ad populum, qua rogabatur, ut id, quo de ageretur, jubere aut vetare veller. Ac si magistratum quidem essent comitia, solebat ita, qui habebat comitia, rogare populum, ut ex iis candidatis, quorum haberi rationem oporteret, quos tum omnes nominatim appellabat, crearet populus quos vellet Consules, Prætores, Censoresve. Neque tamen, cum voce quidem suffragium ferebatur, necessitas ea oratione populo imponebatur, ut non posset alios quam candidatos facere: sed libera suffragia relinquebantur, ut ex omnibus civibus crearet quos vellet, si modo ii essent, quorum ratio haberi legibus posset. Quin etiam legibus solutos sæpe reperimus multos, ut creari possent, vel ante legitimam ætatem, vel abentes, vel decennio nondum interposito inter eundem magistratum. Et multos, qui non peterent, creatos invenimus. Verum illi evenire non solebant, nisi ea tempora essent, in quibus magna virtus aliquis Reip. necessaria videbatur: quæ in petentibus tanta non erat populo cognita. Ordinarium autem ac legitimum erat, ut ex candidatis crearentur magistratus. Post leges tabellarias hi modo creari poterant, quorum rationem haberi debere ante iudicatum esset, ut tabellis nomen corum scriberetur. Quod autem in magistratibus dixi, idem debet in comitiis regis sacrorum intelligi. Neque vero huiusmodi conciones, ante quam populus in suffragium mitteretur, habitas tantum reperio, sed interrupta interdum comitia, ad emendanda populi suffragia. Ut apud Livium lib. 3. 1. Decad. cum C. Claudius Consul haberet comitia Consularia, & se rescis Consulem videret L. Quintius ejus collega interrupit comitia, orationemque ad populum habuit, cujus exitus fuit, ut communiter ab amobus Consulibus ediceretur, ne quis L. Quintium Consulem faceret: si quis fecisset, se id suffragium non observaturos. Et lib. 4. Dec. 3. Q. Fabius Cos. postquam vidit prærogativam dixisse Consulibus T. Octacilium & M. Emilium Regulam, silentio facto, eam concionem habuit; quæ extat illo loco apud Livium. Sin legum comitia essent, antequam populus in suffragium mitteretur, primum lex recitabatur a præcone, subiciente scriba: tum oratione docebatur populus: denique rogabatur, ut eam legem accipere & suffragiis suis jubere veller. Quod Cic. li. 3. de Leg. significat, cum ita scribit: *Lex recitata est: disce rem, & tabellam jubebo dari.* Illic enim Cicero se fingit legislatorem: & quasi legum rogationes imitaretur, illa verba adscripsit. Quod vero a præcone, subiciente scriba recitaretur, scribit Afcionius in argumento orationis pro C. Cornelio: & Appian. lib. 1. Bell. Civil. & Plutarch. in vita Catonis Uticen. Ex quibus etiam auctoribus intelligi potest, post trinundini promulgationem oportuisse, ut etiam die comitorum rursum recitaretur lex, haberenturque orationes suadendi & dissuadendi causa. Extat etiam apud Livium 1. lib. Decad. 4. concio Ser. Sulpitii, priusquam centurias in suffragium mitteret ad bellum Macedonibus indicendum. At si iudicii causa comitia haberentur, idem fiebat, quod in legibus ferendis. Iudicium enim populi lege lata fiebat: quæ si acciperetur a populo, condemnatus erat reus: si antequaretur, absolvebatur: quemadmodum supra nobis ostensum est. Erat autem omnium actionum cum populo commune principium: *Vestris, jubeatis, Quirites*; ut ex Cicerone pro domo sua, & multis locis Livianæ historiæ intelligi potest. Ex qua dicendi formula nomen ortum est rogationis omnibus cum populo actionibus commune. His peractis jubebat magistratus populum in suas centurias discedere ad suffragium ferendum: idque populus ita faciebat, nisi hic obnuntiatio esset, aut ab aliquo magistratu intercessum. De obnuntiatione satis multa supra dicta sunt: de

intercessione nunc pauca dicenda. Intercessio tametsi pene tota Tribunorum plebis esset, ut qui, quemadmodum scribit Gellius lib. 13. cap. 12. creati antiquitus viderentur, non juri dicundo, nec causis querelisque de absentibus noscendis, sed intercessionibus faciendis: tamen aliis etiam magistratibus pro suo imperio conveniebat. Unde in legibus Ciceronis scribitur: *Par majorve potestas plus valet.* Qua lege significatur, parendum esse intercessioni paris aut majoris potestatis: unde efficitur intercedendi jus fuisse collegis inter se & majoribus potestatibus. Quare Consules inter se, Prætoresque & Tribuni intercedebant. Et consules cæteris magistratibus non modo intercedere poterant, sed etiam jus habebant ab omnibus magistratibus & comitiatum & concionem avocandi, ut docet Messala apud Gellium lib. 13. cap. 14. In quo tamen excipiendi sunt Tribuni plebis, quorum actionibus intercessione impediendis soli collegæ jus habebant. Dionysius lib. 10. ita scribit: *Nihil enim eorum quæ a Tribuni plebis sunt, vetari aut impediri potest ab ullo alio, quam ab uno ex collegis.* Et apud eundem Dionysium lib. 7. verba L. Bruti Aedilis plebis ad Consules hæc sunt: *Nunquid meministis in pacanda seditione, per vos id nobis concessum esse, quando Tribuni plebis concilium plebis advocarint de re quavis, non adfuerint patritios nec concilium obturbaturos?* Quin etiam Dionysius lib. 7. scribit a Sp. Licinio Tribuno plebis altero anno post primos Tribunus plebis legem perlatam hujusmodi: *Tribuno cum plebe agente nemo contradicat, nemo sermonem interrumpat. Qui contra fecerit, Tribunis vades dato multæ quam hi dixerint solvende. Qui vades non dederit, extremo supplicio plectitur: ejusque sacra esto omnis pecunia.* Tribuni autem omnibus magistratibus intercedere licebat; quia intercedendo major iis potestas erat, quam reliquis omnibus magistratibus in agendo. Quo fit, ut cessantibus omnibus imperiis, creato Dictatore, adhuc intercedendi potestas Tribunis plebis relinqueretur, ut scribit Plutarchus in Probl. Quo etiam in loco scribit propter illam intercedendi potestatem, Tribunos plebis verius imperii solutionem habuisse, quam imperium: ut qui in impediendo plurimum possent, in imperando parum. Et Sylla Dictator, quanquam Tribunitiam potestatem valde minuisse, detracta potestate agendi cum populo, gerendique postea alterius magistratus, intercessionem tamen reliquit, ut Cicero scribit tertio de Legibus. Erat autem intercedere, id, quod vulgo dicimus, se opponere. In quo verbum solenne erat: *Veto*: ut offendit Livius lib. 6. 1. Decad. his verbis, quæ sunt Sextii Trib. plebis: *Bene habet, quandoquidem tantum intercessionem pollere placet, isto ipso telo tutamur plebem. Agite dum, comitia indicite patres Tribunis militum creandis. Faxo ne juvet vox ista, Veto, qua nunc concinentes collegas nostros tam leti auditis.* Ac cæteris quidem in rebus quæ vel a Senatu, vel a magistratibus publice fiebant, intercessionem locum habuisse nemo ignorat: in comitiis vero centuriatis an locum habuerit & quando interponi solerent, magis dubium est. Itaque in eo explicando aliquandiu immorabimur. In magistratum Centuriatis comitiis locum habuisse intercessionem Tribunorum plebis indicat Livius lib. 7. 1. Decad. In secundo interregno orta contentio est, quod duo Patrii Consules creabantur: intercedentibusque Tribunis, Interrex Fabius agebat in 12. tabulis legem esse, ut quodcumque postremum populus jussisset, id jus ratumque esset. Jussu populi & suffragia esse. Cum intercedendo Tribuni nihil aliud, quam ut differrent comitia, valuisent. Et Dionysius ad finem libri 8. Quando vocabant Consules populum, ut Consules crearent, Tribuni plebis quibus impediendi erat potestas, intercedebant: itaque comitia dirimebantur. Et Florus in Epit. T. Livii lib. 105. Cum C. Catonis

Tribuni pl. intercessionibus comitia tollerentur, Senatus vestem mutavit. Hoc vero efficiebat intercessio Tribunorum, non ut populum vocare non posset Consul, quod nemo ei vetare poterat, sed ne quid his comitiis suffragiis populi peragi posset. In legum vero comitiis tam certum est intercessionem locum fuisse, ut ejus rei probationem subjicere supervacaneum videatur. Illud, quod magis dubium est, potius explicandum: intercedere solitos magistratus, non cum lex promulgabatur trinundino, sed eo die quo ferebatur. Neque enim Tribuni verare poterant, ne quicquam concionem haberet promulgandæ suæ legis causa: sed ne populus acciperet legem, quæ inutilis aut perniciofa videretur. Itaque quandiu promulgabatur, licebat oratione dissuadere legem: cum vero ferebatur, intercessio interponenda erat, ne a populo acciperetur. Hinc apud Liv. lib. 5. Dec. 5. scribitur Tribunos plebis ante tempus intercessisse rogatione de bello Rhodiis inferendo, quod non expectassent diem legis ferendæ, sed dum promulgabatur, intercedebant. Verba Livii sunt: *Cum ita traditum esset, ne quis prius intercederet legi, quam privatis suadendi dissuadendique legem potestas facta esset: eoque persepe evenisset, ut qui non professesent, se intercessuros animadversis vitis legis ex oratione dissuadentium, intercederent: & qui ad intercedendum venissent, desisterent vitis auctoritatibus suadentium legem.* Poterant igitur Tribuni, cum adhuc promulgabatur lex, profiteri se intercessuros, si quis eam ferre vellet, at non ante diem lationis intercedebant. Ideoque Cicero pro Sylla scribit, L. Cæcilius Tribunum plebis non quidem intercessisse legi Agrariæ Rulli, quæ promulgata & non lata est, sed professum fuisse intercessorem se futurum. Ex illo tempore L. Cæcilius multa de Reipub. egit: Agrariæ legi, quæ tota a me reprobenda & abolenda est, intercessorem fore professus est. Ergo die legis ferendæ intercedebatur; idque interdum maxima contentione fiebat, ut exemplis etiam apertum est. M. Octavius collega Tib. Gracchi scribam subjicere & præconem recitare vetabat: idque quo die legem suam ferebat Gracchus, ut ex historia apparet. P. Globulus legi, quam ferre volebat C. Cornelius, eodem modo intercesse. De qua contentione ita scribit Afconius: *Publ. Servilius Globulus Tribunus plebis inventus erat, qui C. Cornelio offerret. In ubi dies legis ferendæ venit, & præco subjiciente scriba verba legis recitare populo cepit; & scribam subjicere & præconem pronunciare passus non est. Tum Cornelius ipse codicem recitavit.* Similem contentionem legimus inter Metellum Nepotem & M. Catonem apud Plutarchum in vita Catonis Utic. Ex iis quæ dicta sunt apparet, Tribunitiam intercessionem non modo ante inita suffragia interponi solitam, sed etiam cæptis interdum suffragiis: verum ea interruptio suffragiorum potissimum accidebat in comitiis magistratuum: quia nisi initis jam suffragiis, vix appareret in hujusmodi comitiis quicquam contra leges fieri: quæ erat causa maxima, cur se Tribuni interponerent ad impedienda comitia quæ ita fierent. Ac de intercessione quidem hætenus: cetera persequamur. Si magistratus nec obnuntiatione nec intercessione impeditur, postquam populum in suas Centurias discedere jusserat ad suffragium dicendum: tum omnes qui aderant cives, quibus suffragii jus erat, discedebant in suas quique Centurias, ut quo ordine rogabantur, suffragium dicerent. Hic ordo multus verbis supra a nobis est explicatus ex Dionysio Halicarn. quantum satis erat ad intelligendum quid essent Centuriata comitia. Hic tamen ubi de modo comitorum agimus, subtilius & magis accommodatè ad posteriora Reipubl. tempora de eadem illa re dicendum est. Nam quæ a Dionysio dicuntur, veterem modo suffragiorum rationem aperiant, quæ multifariam postea immutata est. Neque enim de

prærogativa Centuria ulla est apud eum mentio: in qua tamen posterioribus temporibus tantum erat momenti, ut fere in quam partem inclinasset prærogativa, in eam reliquæ Centuriæ traherentur. De qua priusquam dicamus, verba T. Livii ex libr. 1. Decad. 1. subjiciemus. *Nec mirari oportet hunc ordinem, qui nunc est post expletas quinque & triginta tribus, duplicato earum numero, Centuriis juniorum seniorumque ad institutam ab Servio Tulio summam non convenire. Quadrifariam enim urbe divisa regionibus collibusque, quæ habitabantur partes, tribus eas appellavit, ut ego arbitror, ab tributo. Nam ejus quoque æqualiter ex censu conferendi ab eodem inita ratio est. Neque hæc tribus ad Centuriarum distributionem numerumque quicquam pertinere. Hæc verba Livii quamquam obscura sint, tamen attentius perpendenti ostendere videntur, a Servio Tulio universam multitudinem Romanorum divisam fuisse in quatuor tantum tribus: ideoque non esse mirandum, si non tam multas Centurias fecisset ex illa quatuor tribuum multitudine, quam multæ postea fuerunt, cum usque eo auctus est numerus tribuum, ut trigintaquinque factæ sint. Ego igitur eo auctore sic sentio, postquam triginta quinque tribus Romæ fuerunt, hætenus servatum fuisse Servii institutum, quod sex classes semper relicte sunt: sed hoc mutatum est: quod in classibus auctus est numerus Centuriarum ab eo institutus: & cum Centuriæ a Servio institutæ nihil pertinerent ad tribus, factum est postea, ut per trigintaquinque tribus describerentur Centuriæ, ut ut in quaque tribu ratione census Centuriæ continerentur suæ cuiusque classis. Quæ ne fingere videamur, singulatim a nobis demonstrabuntur. Ac primum quod dixi tribus Romanas in suas quasdam Centurias divisas fuisse, demonstrari potest ex multis T. Livii locis, in quibus juniorum & seniorum Centurias prærogativæ tribus appellat. Neque enim id esse potuit, nisi quæque tribus suas quasdam juniorum & seniorum Centurias haberet: præsertim cum æque omnibus tribubus obtingere poterat, ut prærogativæ esset. Tum vero ex eo, quod passim reperitur, Censores ita solitos censum facere, ut singulas tribus persequerentur: in quibus quoque censu, qua ætate, quo ordine esset, describeretur. Quod & Cicero videtur lib. 3. de Legibus indicare, cum hanc legem ponit de Censoribus: *Populique partes in tribus distribuunt: exim pecunias, ævitates, ordines partiunt.* Unde etiam fit ut reperimus in hac vel illa tribu quæpiam censum fuisse aut censeri debere potius, quam in hac vel illa classe. Quod si censum, ætatem, ordinemque per singulas tribus Censores describebant, relinquunt, ut in singulis tribubus fuisse dicamus Centurias quasdam, in quas pro censu, ætate, ordineque, qui ex eadem tribu essent, distribuenterur. Præterea Cicero pro Plancio Centuriam prærogativam appellat partem unius tribus: ex quo plures Centurias in quaque tribu fuisse consequitur. Auctum autem fuisse numerum Centuriarum ex verbis Titi Livii apparet, cum ait: *Duplicato earum numero.* Quæ verba non sic accipienda esse, quasi verum ac certum numerum multiplicationis Centuriarum definire voluerit, paulo post ostendemus. De prærogativa hoc primum constat, eam fuisse unam quandam Centuriam ex una quadam tribu desumptam, cui forte obtigisset, ut prima suffragium diceret. Neque enim tribus prærogativa eo appellatur, quod ea tota suffragium diceret: sed quia illius tribus cuidam Centuriæ obtigisset, ut prima vocaretur. Quod Cicero pro Plancio satis ostendit, cum Centuriam prærogativam appellat, eamque unius tribus partem fuisse dicat. Et apud T. Livium frequens est mentio Centuriæ prærogativæ. Ut libro septimo Decad. tertiz: *Galeria juniorum, quæ forte prærogativa erat Q. Fulvium, & Q. Fabium Consules dixerat, eodemque jure vo-**

cate reliquæ inclinasset, ni Tribuni plebis se interposuissent. In iis verbis Galeria nomen est tribus, ex qua erat ea juniorum Centuria, quæ fuit prærogativa. Sorte autem prærogativam Centuriam fieri verba Ciceronis in secunda Philippica ostendunt: *Ecce Dolabella comitorum dies. Sortitio prærogativæ quiescit.* Et apud Titum Livium libro quarto Decad. tertia: *Eo die cum fors prærogativæ ante juniorum existet.* Ex quibus etiam verbis colligi potest, eo genere fortis in hac re usos fuisse Romanos, ut in cistam quandam fortes conicerent: cujus autem Centuriæ fors prima exisset, ea prærogativa erat. Quod si prærogativa erat una quædam Centuria ex quadam tribu forte desumpta, necesse est, ut prima sortitio fieret inter tribus, deinde altera inter Centurias ejusdem tribus. Ac tribus quidem quæ prima exisset, ea erat, unde desumenda esset Centuria prærogativa: sed quoniam multæ erant in ea tribu Centuriæ, necesse erat ut rursus inter Centurias sortitio fieret. Verum hic jam locus est dubitationi, an Centuriæ ejusdem tribus tantum duæ essent ætate modo distinctæ, ut una juniorum esset, altera seniorum absque ulla distinctione ordinis aut census: an vero plures ordinibus, censu, ætateque distinctæ, ut et essent quædam equitum, quædam peditum Centuriæ, & rursus quædam primæ, quædam secundæ classis, & ita deinceps reliquarum, & rursus singularum classium aliarum juniorum, aliarum seniorum. Ac prior quidem hujus questionis pars videtur confirmari posse ex eo, quod passim apud Livium reperitur in prærogativa tribu Centuria juniorum & seniorum, quasi opponat tantum unam juniorum uni seniorum. Ut libro 6. Decad. 3. *prærogativa Centuria juniorum T. Manlium Torquatum Consullem dicit. Torquatus Consulatum respuit, rogatque Consullem, ut jubeat Centuriam juniorum in suffragium redire. Tum Centuria, inquit Livius, & auctoritate mota viri, & admirantium circa fremitu, petit a Consule, ut Centuriam seniorum citaret, velle sese cum majoribus natu colloqui.* Ex iis verbis nonne videtur posse colligi, in tribu prærogativa duas modo fuisse Centurias, unam juniorum, alteram seniorum, inter quas fors duceretur utra prior suffragium diceret? Verum ne ita esse credamus, multa efficiunt. Primum, quod nusquam legitimus Romanos ita per Centurias distinctos fuisse, ut absque ulla distinctione ordinum & census una Centuria describerentur, facta tantum ætatum distinctione. Neque enim id consentaneum est prudentiæ Romanorum, propter prærogativæ tantum auctoritatem, factam fuisse hujusmodi in duas Centurias singularum tribuum divisionem, quæ ad nulum alium usum valere posset. Nam tributo conferendo conscribendisque militibus, opus erat illa Centuriarum descriptione, quæ ordinibus, censu, ætateque distinctæ erant, ut satis apparet ex iis, quæ supra diximus de classium institutione. Itaque ad eum modo usum hæc divisio tribuum in binas Centurias inventa est, ut in comitiis Centuriatis jure prærogativæ esset quidem tribuum vis aliqua: ne tamen videretur ex aliqua parte non esse Centuriata, idcirco has binas ætatis modo distinctione Centurias factas fuisse in singulis tribubus. Quasi vero non æque posset prærogativæ jus per Centurias classium conservari, ut inter eas sortitio fieret, quæ prima roganda esset neglecto jure ordinum, census & ætatis. Deinde vero si propter jus prærogativæ hanc singularum tribuum in duas Centurias divisionem ponamus, postquam prærogativa suffragium dixerat, necesse erat populum, qui expectanda sorte prærogativa in binas has Centurias se dividerat, omnem ordinem mutare, ut discederet in classium Centurias censu, ordine, ætateque distinctas. Post prærogativam enim prima classis vocabatur, ut ait Cicero 2. Philip.

Unde efficiebatur non modo tumultus confusioque repentina discedentium in suas Centurias: sed etiam,

ut illi qui in prærogativa Centuria suffragium dixerant, vel iterum in Centuriis classium suffragium dicerent, vel sublata dimidia tribus parte non modo reliquæ Centuriæ ejus tribus infrequentes redderentur, verum etiam ut ætate minime distinctæ essent: quandoquidem in prærogativa Centuria jam omnes juniores illius tribus, aut omnes seniores, prout fors tulisset, suffragium dixissent. Postremo non verum esset, quod ait Livius, seniorum ac juniorum Centurias, postquam expletæ sunt trigintaquinque tribus, duplicatas fuisse. Ut enim singulis tribubus binas hujusmodi Centurias tribuamus, fierent tantum septuaginta Centuriæ: qui numerus decem Centuriis minor est numero Centuriarum primæ classis: tantum abest, ut universo Centuriarum numero adjectus, duplicatum numerum faciat. Est igitur posteriori parti questionis potius assentiendum, ut dicamus in singulis tribubus non duas tantum Centurias, sed plures fuisse: easque non modo ætate, sed etiam censu ordineque distinctas. Sed hic rursus ambigitur: utrum inter primæ classis Centurias tantum fors prærogativæ fieret, an etiam aliarum classium Centuriæ beneficio fortis uterentur. Budæus sane & alii doctrina excellentes viri in ea sententia fuerunt, ut crederent sortitionem prærogativæ inter Centurias primæ tantum classis fieri solitam. Quod ut credam, vix ac ne vix quidem adduci possum. Nam reliquas classes beneficio fortis excludi iniquum fuisset: præsertim cum eo fors prærogativæ inventa fuisse videatur, ne quisquam eo jure exclusus videretur, quod in auctoritate prærogativæ Romani esse voluerunt. Id vero jus primæ tantum classi tribuere quorsum attinebat? quando vel absque sorte pro suo jure semper prima vocaretur. At dices, ante institutam sortitionem prærogativæ, primam quidem classem primo loco vocari solitam: sed tum hanc rationem observari, ut equites primi vocarentur, tum seniorum Centuriæ, postremo juniorum. At instituta sorte prærogativæ factum esse, ut ex Centuriis equitum seniorum & juniorum ea prima suffragium diceret, cui sorte obtigisset: postquam autem prærogativa dixerat, tum reliqua comitia jure non forte peragebantur. In hoc resutando considerandum est, quod ubique apud auctores reperitur, prærogativæ sortitionem inter tribus primum fieri solitam: quare si nulla tribus excluderetur beneficio fortis, oportebat centurias equitum, seniorum & juniorum primæ classis in singulis tribubus fuisse: ita ut in quaque tribu una minimum esset equitum Centuria, & plures seniorum ac juniorum. Nam auctum fuisse numerum Centuriarum equitum, non etiam peditum, haud verisimile est. Porro autem auxisse numerum Centuriarum primæ classis, non etiam cæterarum, quid aliud fuisset, quam multo magis in primores vim omnem suffragiorum derivare? Quod sane per iniquum fuisset, nec unquam plebs id passa esset. Oportuit igitur & cæterarum classium fuisse quasdam Centurias in singulis tribubus. Itaque non potest hæc ratio esse, cur beneficio fortis excluderentur reliquæ classes, quod non essent in singulis tribubus earum classium quædam Centuriæ, sicut primæ classis. Cur igitur excludi se patiebantur? An ut justum retineret prima classis supra cæteras, idcirco hujus fortis beneficio sola utebatur? At enim si ita esset, pari ratione oportuit equitum Centurias excludere primæ classis peditum Centurias. Jure enim suo tam vocari debebant ante peditum Centurias, quam primæ classis Centuriæ ante cæterarum classium Centurias. Quare prærogativæ sortitio tantum Centuriis equitum tribuenda fuisset. Atqui ex iis, quæ supra diximus, planum est, seniorum juniorumque Centurias beneficio prærogativæ usas fuisse. Quinetiam seniorum Centuriæ exclusissent, ista quidem ratione, juniorum Centurias: quandoquidem tam jure suo priores erant, quam prima classis supra cæteras.

Verius igitur est, non modo primæ classis Centurias beneficio fortis uti, sed etiam aliarum classium. Unde sequitur, quod ait Livius, duplicatum numerum Centuriarum fuisse, pro iusto numero non esse accipiendum. Nam si classium Centuriarum per tribus distributæ erant, ut probatum est: ac secundæ classis, verbi gratia, Centuriarum non excluderentur beneficio fortis: oportebat in singulis tribubus minimum duas esse secundæ classis Centurias, unam juniorum, alteram seniorum, ut esset inter ejus classis Centurias distinctio. Quare in trigintaquinque tribubus essent septuaginta Centuriarum secundæ classis: quæ erant tantum viginti ex instituto regis Servii. Unde apparet non duplicatum modo numerum, sed triplicatum, & eo amplius fuisse. Quod vero dixi in secundæ classe, idem in tertiâ, quartâ & quintâ intelligendum est. Neque enim iusta ulla ratio reddi potest, cur potius in singulis tribubus dicamus fuisse secundæ classis quasdam Centurias, quam tertiæ, quartæ aut quintæ. Nunc vero si simul jungas secundæ, tertiæ, quartæ & quintæ classis Centurias, quæ erant per trigintaquinque tribus distributæ, efficiuntur minimum quater septuaginta, hoc est, ducentæ octoginta Centuriarum. His vero ducentis octoginta Centuriis opponendæ sunt plures numero Centuriarum primæ classis conjunctæ cum Centuriis equitum: alioqui non fuisset relicta vis suffragiorum penes primores, nisi numero Centuriarum vincerent cæterarum classium Centurias. Quare primæ classis una cum Centuriis equitum oportebat plures esse Centurias quam bis centum octoginta: quæ erant instituto Servii nonaginta octo: peditum quidem primæ classis octoginta Centuriarum, equitum vero octodecim. Ex iis perspicuum est quod ait T. Livius, duplicatum numerum Centuriarum, non posse accipi pro iusto numero, sed speciem pro genere positam esse. Illud igitur jam certum est, populum Romanum sic in tribus fuisse divisum, ut in singulis tribubus distinctæ essent Centuriarum per classes: inter quas ejusdem tribus sic distinctas Centurias fors ducebatur, ut cui omen obtingeret prima suffragium diceret. Cui autem obtigisset, sive equitum sive peditum, sive primæ, sive secundæ, tertiæ, quartæ aut quintæ classis, sive seniorum sive juniorum esset; ea prærogativa dicebatur. Sane, ut certo definiamus quot essent cujusque classis centuriarum in quaque tribu, fieri non potest. Id modo ex iis, quæ dicta sunt, affirmare possumus, minimum duas fuisse in quaque tribu Centurias secundæ, tertiæ, quartæ & quintæ classis, ut una esset juniorum, una seniorum. Unde etiam apud Livium in eo quem citavimus loco, cum opponitur una juniorum uni seniorum, interpretor de binis secundæ, tertiæ, quartæ, aut quintæ classis Centuriis, quæ in Galeria tribu erant: quarum alteri fors prærogativæ obtigisset. Id quoque pro certo accipiendum, nunquam ita auctum fuisse numerum Centuriarum in inferioribus classibus, quin simul auctus sit numerus Centuriarum primæ classis: alioqui vis suffragiorum primoribus detracta fuisset. At enim quot omnino in quaque tribu Centuriarum primæ classis essent, definire non possumus. Fortasse non erat par in omnibus numerus: sed in frequentioribus tribubus plures, in minus frequentibus pauciores.

Verum utcunque sit, attendendum semper fuit, ut universis earum numerus conjunctus cum equitum Centuriis, non esset minor reliquo numero Centuriarum. De numero etiam Centuriarum equitum incertum est, an in quaque tribu una esset Centuria an plures: in quibusdam pauciores. Sane, ut peditum Centuriarum per tribus describerentur; ita in censu per singulas tribus habendo, equitum qui essent in singulis tribubus numerus inibat. Neque verisimile est plus duplo auctum esse numerum Centuriarum peditum; quin simul auctus sit numerus

Centuriarum equitum. Nam etiam Centurias equitum per tribus fuisse descriptas ex eo potest intelligi, quod beneficio fortis prærogativæ non excluderentur equitum Centuriarum: fortitio autem inter tribus fiebat. Itaque ut in equites cadere posset fors prærogativæ, necesse erat in singulis tribubus fuisse quasdam equitum Centurias. Unde fit, ut non integer mihi videatur locus apud T. Livium libro 3. Decad. 5. qui ita habet: *Prior Claudius causam dixit: & cum ex duodecim Centuriis equitum octo Centuriarum condempnasset, multæque aliæ primæ classis.* Quod enim illic duodecim facit equitum Centurias, quæ in suffragium missæ sunt, quomodo verum esse potest? Nam Servii instituto octodecim Centuriarum equitum erant, ut docet idem Livius lib. 1. & Dionysius lib. 4. Ut ergo nihil etiam dicamus additum fuisse ad numerum a Servio rege relictum, tamen non posset verum esse, illis Centuriatis comitiis, de quibus agit Livius, duodecim tantum equitum Centurias in suffragium missas. Quare necesse est, in illo numero Centuriarum equitum, mendum esse. Itaque locus ille non sufficere mihi videtur ad refutandum id quod diximus, simul cum peditum Centuriis auctum fuisse numerum Centuriarum equitum. Quod ego tamen non tam pertinaciter affirmo, ut non facile mutem sententiam, si quis aliquid certius adferat. At enim quæri potest, cur sextæ classis in hac Centuriarum descriptione nulquam mentionem fecerim? Hujus rei hæc ratio reddi potest, sextam classem, quæ Servii instituto una modo Centuria continebatur, ut nullius pene momenti erat, ita nunquam numero Centuriarum auctam fuisse, ut ejus Centuriæ per singulas tribus distribuerentur.

Quod autem nullo fere loco haberetur illa classis, argumento est, quod fere ubi apud auctores fit mentio classium, quinque classes appellantur, sexta relinquitur. T. Livius libro tertio Decad. primæ scribit: *Tricesimo sexto anno a primis tribuni decem creati sunt, bini ex singulis classibus.* Et Asconius in oratione pro Cornelio. *Cæterum quidam non duos Tribunos plebis, ut Cicero dicit, sed quinque tradunt creatos esse singulos ex singulis classibus.* Ex his locis nonne apertum est, nullo prope numero habitos fuisse homines sextæ classis? ut qui in enumeratione classium, quasi nulli essent, omittantur. Sane non immerito fiebat, ut qui minimo censu erant, omnibusque oneribus publicis immunes, non essent pares in Reip. capefendæ auctoritate cum iis, in quos onera Reip. incumberent. Salustius in orat. de Rep. ordinanda ad Cæsarem scribit, C. Gracchum in Tribunatu legem promulgasse, ut ex consulis quinque classibus forte Centuriarum vocarentur. Hæc lex tamen perlatâ non sit, tamen ex eo loco apparet, si C. Gracchus homo maxime omnium popularis, qua lege vellet humilium cum primoribus in suffragiis auctoritatem æquare, sextæ classis nullam rationem habuit, eam classem nullius tum momenti fuisse. Itaque in tribubus singulis Centurias quinque classium tantum posuimus: ita ut sextam classem ex infima plebe omnium trium confusam dicamus: ex quo vel una, veteri Servii instituto Centuria fieret, vel summum duæ, una quidem proletariorum, altera capite censorum. Nam inter hos discrimen fuisse census munerisque offendit A. Gellius lib. 16. cap. 10. *Qui in plebe Romana tenuissimi pauperrimique erant, neque amplius quam mille quingentum æris in censum deferrebant, proletarii appellati sunt.* Qui vero nullo aut perquam parvo ere censabantur, capite censi vocabantur. Extremus autem census capite censorum æris fuit 375. Sed quoniam res pecuniæque familiaris obfidis vice pignorisque esse apud Rempublicam videbatur, amorisque in patriam fides quadam in ea firmamentumque erat, neque proletarii, neque capite censi milites, nisi in tumultu maximo, scribebantur: quia

quia familia aut tenuis aut nulla esset. Proletariorum tamen ordo honestior aliquanto & re & nomine, quam capite censorum fuit. Nam asperis Republicæ temporibus, cum juventutis inopia esset, in militum tumultuariam legebantur, armaque iis sumptu publico præbebantur: & non capitis censione, sed prosperiore vocabulo, a munere officioque prolis edende appellati sunt, quod cum re familiari parva minus possent Rempub. juvare, sobolis tamen gignende copia, civitatem frequentarent. Capite censori autem primus C. Marius milites scripsisse traditur, cum id factum ante nulla memoria extaret. Ex iis verbis intelligi potest, fuisse in tabulis Censoris scorum descriptos proletarios a capite censu, quali ordinis diversi essent, ut sæpe alii in militiam legerentur, cum alii relinquerentur. Sed tamen ex hac diversitate ne factas fuisse duas Centurias credam, eo adducor, quod ætatis distinctione video reliquarum prolium Centurias factas, non hujusmodi quadam diversitate, qualis erat inter capite censos & proletarios. Ego itaque potius existimo una modo Centuria semper contentam fuisse sextam classem: quæ tamen, ut supra ostendimus, nullo propemodum numero haberetur. His ita positis, facile erit cætera de prærogativa persequi. Cicero pro Muræna, & lib. de Divin. i. scribit majores voluisse prærogativam omnem esse iustorum comitiorum: tantamque comitiis Centuriatis religionem fuisse, ut fere semper valuerit omen prærogativum. Ex quibus perspicui potest Romanos plurimum momenti tribuisse prærogativæ. Quæ fuit causa, ut forti committeretur: ne scilicet id in quo tantum erat in suffragiis momenti, ut fere reliquis Centuriis præscribere videretur quod sequeretur, semper esset penes eosdem: sed id jus usurparet, cui fides dedisset. Itaque detractum est de jure equitum, quorum Centuriæ primæ, instituto Servii, vocandæ erant, ut omni populo communicaretur, beneficio fortis: eaque ratione plebs minus mollescebat primorum in suffragiis vim ac potestatem, quæ Servii instituto eis attributa fuerat. Quoniam autem prima fors prærogativæ inter tribus fiebat, secunda inter Centurias ejusdem tribus, beneficioque fortis utebantur tam equitum quam peditum Centuriæ, propterea interdum usvenire poterat, ut fors cum jure conveniret: ut scilicet equitum Centuria prærogativa esset. Quæ postquam suffragium dixerat, reliquæ equitum Centuriæ vocabantur, & deinde classes suo quæque ordine. In quo omnia fiebant jure, eo modo, quo erant a Servio instituta. Interdum contra usveniebat, ut fors in quandam Centuriam peditum, eamque ex quinta vel quarta, vel alia classe, vel juniorum vel seniorum. Atque illa postquam suffragium dixerat, tum vocabantur equites, ac postremo classes suo quæque ordine. Ac prius quidem quam expletæ essent triginta quinque tribus in comitiis Centuriatis habendis, nulla tribuum habita ratione, populus per classes se dividebat, singulasque classes per Centurias. At postquam Tribus triginta quinque fuerunt præsertimque cum civium ingenti multitudine frequentes fuerunt, ut erant postremis Reip. temporibus, quibus omnes Italici socii in tribus Romanas recepti erant, populus suffragium initurus, in tribus discedebat, haud secus quam in Tributis comitiis. Verum id diversum erat, quod ejusdem tribus homines rursus se in suas quæque Centurias dividebant, ut centuriatim suffragium dicerent: cum in Tributis comitiis nulla fieret hujusmodi Centuriarum distinctio, sed confuse omnes ejusdem tribus suffragium dicerent. Unde fiebat, ut in Centuriatis comitiis, non tota tribus simul suffragium diceret, sed illæ modo Centuriæ, quæ ejus classis essent, cujus esset suffragium inire. Veluti cum equites vocabantur, ea modo Centuria, quæ equitum esset, ex tribu desumebatur ad suffragium dicendum, reliquæ

A vero ejusdem tribus Centuriæ post pro ordine classium vocabantur. At in Tributis tota tribus semel suffragium suum ferebat. Quod vero dixi, comitiis Centuriatis populum in tribus divisum fuisse, ut ex eo probari potest, quod passim apud auctores reperimus vocatas ad suffragium tribus, cum tamen de comitiis Centuriatis loquantur. Cicero pro Plancio de comitiis loquens, habitis a M. Crasso Cos. scribit vocatas fuisse tribus latumque ita suffragium. Atqui paulo post ostendit ea comitia fuisse Centuriata. Eadem in oratione scribit legem a Crasso latam, qua cavebatur, ut ex iis tribus acculator eaderet iudices, quos per corruptionem tulisse reus diceretur. Quod si hæc lex communis (ut erat) omnibus magistratuum comitiis fuisse, concedatur, necesse est, ut etiam Centuriatis comitiis dicatur quis, has vel illas tribus tulisse. Quod aliter accipi non potest, quam hujus vel illius tribus Centurias quempiam tulisse: id quod perspicui non potuisset, nisi diviso per tribus populo. Argumentum etiam hujus rei duci potest ex eo, quod scribit Suetonius de Cæsare, solum cum circum tribus libellos mittere ad commendandos candidatos, quibus favere veller. Nam si per tribus divisus non fuisset populus, quomodo circum tribus mitteret libellos in comitiis? Certissimum vero argumentum ex eo duci potest, quod apud Livium & Asconium legimus prærogativam tribum & jure vocatas, ubi de comitiis Centuriatis agitur. Nam quomodo prærogativam tribum intelligere possis, nisi populum facias in tribus distinctum, inter quas fors duceretur, ut ea cui obigisset, prima suffragium iniret? Et quomodo jure vocatas in tribus comitiis Centuriatis locum habuisse concipies, nisi populum in tribus divisum concedas? Verum, ut prærogativa tribus, quæ prima dicit suffragium, non tota confuse suffragium dicit, sed centuriatim: ita reliquæ tribus quoniam ita vocabantur, ut ex lingulis Centuriæ, ut quæque maximi census erant, vocarentur, propterea jure vocatæ dicuntur. Unde etiam apud Ciceronem in secunda oratione in Rullum, extreme tribus suffragiorum appellantur pro extremis tribuum suffragiis, jure tamen & per Centurias vocatarum. Nam illic mentio est de comitiis Centuriatis, quibus ipse Consul creatus erat. Divisus igitur erat Centuriatis comitiis populus in tribus, sed suffragia inibantur centuriatim. Atque ita post prærogativam prima classis vocabatur, quemadmodum scribit Cicero 2. Philipp. hoc est, per singulas tribus Centuriæ, quæ primæ classis erant, suffragium inibant. In quo obiter animadvertendum est, cum Cicero illic primam classem post prærogativam suffragium dixisse scribit, simul appellatione primæ classis comprehendisse equitum Centurias, quemadmodum usitatum erat, ut ex Dionysio supra ostendimus. Perpendenda etiam nobis hoc loco sunt verba Ciceronis lib. 3. de Leg. ubi de comitiis Centuriatis loquitur: *Descriptus enim populus censu, ordinibus, ætatibus, plus ad suffragium consilii, quam fuisse in tribus convocatus.* Quod enim ait censu descriptum populum, id pertinet ad classes, quæ censu inter se distinctæ erant eo modo quo supra diximus. Quod ait ordinibus, id ad equitum Centurias pertinet & peditum. Quod denique ait ætatibus, ad seniorum juniorumque Centurias referendum est. Quæ ut apertius intelligantur, paulo altius de multiplici civium inter se distinctione dicendum. Primam divisionem universi populi in duas partes fuisse reperio, in Patricios, & Plebeios: in quo erat generis distinctio tantum. Nam Patricii erant, qui genere erant nobilissimi, cujuscunque census ordinisve essent: Plebei vero reliqui cives genere non adeo illustres. Quod vero dixi, cujuscunque census ordinisve essent, eo pertinet, ut intelligamus nihilominus Patricios divisos fuisse per classes pro census cujusque: & quosdam in Senatorio, quosdam

in equestri ordine, quosdam etiam inter pedites nihilominus fuisse. Nam quosdam Patricios fuisse ordinis equestris Cicero pro Muræna ostendit, cum ait patrem Ser. Sulpitii equestri loco fuisse: quem tamen eadem oratione dicit Patricium fuisse. Quosdam vero pedites fuisse docet Livius libro 3. Dec. 1. cum ita scribit: *Magistrum equitum dicit L. Tarquinium Patricie gentis, sed qui stipendia pedibus propter paupertatem fecisset.* Unde fit, ut hæc per genera distinctio nihil ad comitia Centuriata pertineret: sed alium usum habebat in Republica. Veluti ad interregem prodendum, quem Patricium esse, & a Patriciis prodi oportebat: ad sacerdotes cooptandos, quorum alios oportebat esse Patricios, alios dimidia ex parte Plebeios & Patricios, ut Cicero scribit pro domo sua, denique ad quosdam magistratus faciendos. Nam Patriciis non licebat ullum magistratum Plebeium gerere, ut Tribunatum & Aedilitatem plebis. Alia fuit per ordines variis divisio. Atque una quidem fuit bipartita divisio, omnes cives complexa in equites & pedites: quæ proprie ad comitia pertinebat. Centuriatis enim comitiis populus distinguebatur in Centurias equitum & peditum. Et quanquam esset alia ordinum distinctio, ut alii essent ex Senatorio ordine, alii ex equestri, alii ex ordine Tribunorum ærarii, alii ex ordine scribarum, alii ex ordine Libertinorum: ad alios tamen usus pertinuisse hanc ordinum distinctionem existimo, quam ad comitia Centuriata. Itaque Centuriatis comitiis populus cæteris ordinibus neglectis, illa modo ordinum distinctione utebatur, ut equitum aliz essent Centuriæ, aliz peditum. Nam si comitia Centuriata per Centurias ita absolventur, ut unaquæque unum suffragium faceret, necesse est, si illorum etiam ordinum his comitiis habitam rationem dicamus, ut simul concedamus Centurias quasdam fuisse Senatorum, Scribarum, Tribunorum ærarii & similibus, easque distinctas a Centuriis equitum & peditum: quod tamen falsum est. Nam horum ordinum quasdam fuisse decurias legimus, Centurias nullam. Jam vero demonstratum est, Centuriatis comitiis populum in tribus discedere solitum. Oportebat igitur, si illorum ordinum ratio haberetur, in singulis tribubus fuisse quasdam Centurias illorum ordinum. Quare Tribunorum ærarii faciendæ erant trigintaquinque Centuriæ, totidemque Senatorum & scribarum: quod & falsum & ineptissimum est. Quis enim concedat Tribunos ærarii fuisse plusquam ter mille & quingentos? Quis tot Senatores scribasque? Aut quis admittat præter Centurias classium fuisse alias plusquam centum Centurias, in quibus non esset ætatis & census ulla distinctio? Erat igitur ad alios usus Reipub. necessarios hæc ordinum distinctio inventa: & ad rationem comitorum nihil attinebat. Dicendum ergo est, fuisse quidem in singulis tribubus quosdam qui ex illis ordinibus erant, sed cum suffragium dicere vellent, in suas Centurias discedebant, vel equitum vel peditum, ac pro ætate in juniorum vel seniorum Centurias. Sane diebus comitialibus Senatum habere, non alia ratione vetabatur, quam ut ne ullus civium avocaretur a suffragio. Itaque Senatores etiam comitiis, si vellent, intererant, non modo ut administrati essent comitorium, sicut in comitiis, quibus ab exilio revocatus est Cicero, sed etiam ut suffragium dicerent: quod aperte locus Varronis ex lib. 3. cap. 4. de re Rust. demonstrat, qui ita habet: *Comitiis Aedilitatis cum sole calido, ego atque Appius Senator Tribulus suffragium tulissimus.* Verum eos in Centurias vel equitum vel peditum discedere oportebat eodem modo, quo cæteros cives. Equitum enim Centurias ex primoribus civitatis, Servii instituo conscribi oportebat: nec vetabar quengquam Senatorem esse, & in his tamen Centuriis numerari, quæ belli causa institutæ fuerant. Onere enim belli Senatores nemo di-

cere audeat immunes fuisse. Et prius quidem quam Senatores ex censu maximo esse cœperunt, quod postremis temporibus factum dicit Plinius in præmio libri 14. ego a Cæsare Dictatore primum factum ex historia confirmo: Senatores erant multi, qui non valde magnum censum habebant: quemadmodum intelligi potest ex eo, quod ex quinque classibus Tribunos plebis factos Livius scribit. Nam qui Tribuni plebis fuerant, non modo in Senatum legebantur post Atinium plebiscitum, ut ait A. Gell. lib. 14. cap. ultimo, sed etiam ad magistratus majores postea pervenire poterant: & tamen vel quintæ tantum classis censum habebant. Ergo qui censu quintæ classis, verbi gratia, erant, nonne vel seniorum vel juniorum Centuriis continebantur? Et quia minimi census erant, necessario oportebat, suffragium si ferre vellent, in quinta classe suffragium dicere. Verissimum igitur est, quod diximus, qui ordinis Senatorii erant, non minus si suffragium ferre vellent, equitum vel peditum Centuriis adscribi oportuisse. Quare quod ad comitia Centuriata attinet, ordinum nulla distinctio faciendâ, nisi in equites & pedites. Cumque Cicero dicit descriptum ordinibus populum, non alii ordines intelligendi sunt quam equitum & peditum. Alia divisio erat per censum, hoc est, civium in classes, pro ratione census cuiusque: de qua divisione satis multa sup. dicta sunt. Unum modo est, quod de censu primæ classis ambigi potest. Plinius enim lib. 33. cap. 3. dicit primæ classis censum sub Servio Rege fuisse centum ac decem mill. æris. Gellius libro 7. cap. 13. dicit 100. & 25. millium æris classiscentum censum fuisse. Livius vero & Dionysius centum millium: tantum faciunt censum primæ classis. Sane, nili corrupti sunt Plinii Gellique codices, nihil habeo quod in tanta auctorum diversitate dicere possim: nisi inter Romanæ historiae scriptores veteres, unde hi desumpserunt, non bene convenisse in ea re, ut in multis aliis, dicamus. Alia per ætates divisio erat inter peditum tantum Centurias: quarum aliz erant seniorum, aliz juniorum, idque in unaquaque classe. In quo A. Gellii verba adscribam ex libro 10. cap. 28. *Tubero in historiæ primo scripsit, Servium Tullium regem populi Romani, cum illas quinque classes census faciendi gratia institueret, pueros esse existimasse, qui minores essent annis septendecim. Atque inde ab anno septimo & decimo, quos idoneos jam esse Reipub. arbitraretur, milites scripsisse, eosque ad annum quadragimum sextum juniores, supraque eum annum seniores appellasse.* Ex his Tuberonis verbis planum est, quæ juniorum Centuriæ seniorumque & qua ætate dicerentur. Omnis igitur civium distinctio Centuriatis comitiis erat per Centurias: easque vel ordinibus distinctas, quod aliz equitum essent, aliz peditum: vel censu, quod aliz primæ, aliz secundæ, tertiæ, quartæ & quintæ classis essent, vel ætatibus, quod aliz essent seniorum, aliz juniorum. Et quoniam post prærogativam equitum Centuriæ prius vocabantur quam peditum, & primæ classis Centuriæ ante aliarum classium Centurias, in omnibusque classibus seniorum Centuriæ ante juniorum Centurias, propterea apud auctores reperimus, comitiis Centuriatis haberi rationem dignitatis cuiusque: quod scilicet ordinum, census ætatique ratio haberetur. Ac de prærogativa quidem & reliquo modo rogandorum suffragiorum hætenus. Nunc de reliquo modo suffragiorum dicendum. Ante leges tabellarias latas, populus voce ferebat suffragium: at postea cœpit tabella suffragium ferre. Ac voce quidem cum dicebatur suffragium, erant in singulis Centuriis rogatores, qui singulorum rogabant sententias, quas palam singuli proferebant: in quam autem partem plures eisdem Centuriæ homines inclinassent, ea totius Centuriæ sententia censebatur: quam deinde rogator

per præconem pronunciari jubebat. Ac si magistratum quidem comitia essent, rogabantur singuli quem vellent magistratum esse: tumque nominatim singuli appellabant, quem vellent magistratum creari. Quod idem in comitiis regis sacrorum dicendum. Sin legum comitia essent, cum populus legem accipere vellet, solebat uti his verbis solennibus, ac velut conceptis, *Uti rogas*: quibus significabat velle se, ut ita fieret quemadmodum legis rogator fieri vellet. Cum vero legem accipere volebat, utebatur solenni verbo, *Antiquo*, quo significabat se quod rogaretur antiquare, hoc est, ne omnino fieret, vetare. Quorum omnium si quis probationem desideret, ita habeto. Ac primum nominatim appellari solitos a populo, quos vellet magistratum habere, ex omni historia Livii perspicuum est. In legibus autem ferendis illa verba solennia fuisse ex his locis apparebit. Scribit Livius libro 6. Decad. 1. *Cum primæ tribus, uti rogassent, dicerent*: quibus verbis significat, quia ejus legis plures erant rogatores, populum dixisse: *Uti rogastis*. Idem T. Livius lib. 9. Decad. 1. *Tribus omnes præter Polliam antiquarunt legem*. Et lib. 10. *Ego hanc legem, quod bonum, fastum solisque sit nobis ac Reip. uti rogastis jubendam censeo*. Et libro 8. Decad. 4. *Remittentibus ergo his intercessionem, omnes tribus, uti rogassent, jussurunt*. Et libro 5. Decad. 1. *Legem una plures tribus antiquarunt, quam jusserunt*. Et libro decimo, Decad. 3. *De pace uti rogassent, omnes tribus jussurunt*. Et libro 1. Decad. 4. *Rogatio de bello Macedonico, primis comitiis ab omnibus ferme Centuriis antiquata est*. Et paulo post: *Ac hac oratione in suffragium missi, uti rogaret, bellum jussurunt*. Cicero 2. de Legib. *Suade igitur si placet, istam ipsam legem, ut ego, uti rogas, dicere possim*. Et libro tertio: *Vos quidem, uti video, legem antiquastis sine tabella*. Ex iis, opinor, locis satis apparet, iis verbis velut conceptis, legem juberi aut vetari solitam. Hæc ratio ferendi per vocem suffragii usque ad annum urbis 615. perduravit. Eo vero anno, quo erant Coss. C. Calpurnius Piso, & M. Popilius Lenas, Tribunus plebis fuit Gabinus quidam, a quo primum lata est lex, ut populus in mandandis magistratibus tabella uteretur. Biennio post Consulibus M. Emilio Lepido, C. Hostilio Mancino, L. Cassius Tribunus plebis legem tabellariam de judiciis tulit: ut scilicet judices, qui adhuc voce sententiam dicebant tabella sententiam ferrent. Nominæ autem judicum etiam populus intelligendus est, quoties ipse judicabat, excepto judicio perduellionis: in quo tabellam populo dederat Cassius: in aliis de multa, non de capite, judiciis, tabellam populo dederat. Verum in judicio perduellionis data est postea populo tabella a Cælio quodam Tribuno plebis. In legibus vero ferendis, voce usus est populus usque ad Tribunatum C. Carbonis, qui fuit anno urbis 625. Consulibus C. Sempronio Tuditano, & M. Aquilio: quo anno C. Papyrius Carbo legem tulit de legibus tabella jubendis ac vetandis. Quæ omnia possunt ex Cicerone confirmari, cum ita scribit tertio de Legibus: *Sunt enim quatuor leges tabellariæ, quarum prima de magistratibus mandandis: ea est Gabinia, lata ab homine ignoto ac fordido. Secuta biennio post Cassia de populi judicio: ea a nobili homine lata L. Cassio, sed (pace familiæ dixerim) dissidente a bonis, atque omnes rursusculos populari ratione occupante. Carbonis est tertia de jubendis ac legibus vetandis, seditiosius atque improbi civis: cui ne reditus quidem ad bonum, salutem a bonis potuit asserere. Uno in genere relinquî videbatur vocis suffragium, quod ipse Cassius exceperat perduellionis. Dedit huic quoque judicio Cælius tabellam: docuitque quoad vixit, se ut opprimeret. C. Popilius, novissime etiam Reipub. Hæc Ciceronis verba satis aperta sunt, ut quæ de legibus tabellariis diximus, vera esse demonstrari possint. Quod autem de*

A tempore earum legum latarum dixi, partim ex Cicerone, partim ex historia colligi potest. Cicero in Bruto dicit legem Cassiam latam Lepido & Mancino Coss. Idemque lib. de Leg. 3. & lib. de Amicitia, dicit Gabiniam latam fuisse biennio ante Cassiam: unde facile est videre, quibus Coss. lata sit Gabinia. De tempore autem legis Papyriæ constat primum ex historia C. Carbonem eo anno Tribunum plebis fuisse, quo mortuus est Africanus minor. Atqui Cicero lib. 2. de Nat. deor. ait mortuum Africanum Tuditano & Aquilio Coss. ex quo consequitur, legem tabellariam Carbonis eo anno latam fuisse. Tempus etiam legis Cæliæ eodem modo intelligi potest. Cicero enim significat eo anno latam legem a Cælio, quo C. Popilius in exilium abiit. Atqui ex historia Plutarchi constat exilium Popilii fuisse in primo Tribunatu C. Gracchi. Quare necesse est, Cælium eodem anno fuisse Tribunum plebis. Erat autem C. Gracchus Tribunus primum Coss. Q. Cæcilio Metello Balearico, T. Quintio Flaminio, anno urbis 631. Ex iis quæ dicta sunt, perspicuum est, usque ad legem Gabiniam perlatam populum magistratibus creandis voce usum fuisse. Postquam autem tabella ei data est, oportuit tabellam munere vocis fungi. Quare tabellis oportuit nomina candidatorum inscribi, ut daretur iis tabella magistratus, sicut prius nominatim iis appellandis creabantur. Quod ergo erant candidati, quorum rationem haberi oportere judicatum esset, tot tabellæ unicuique de populo dabantur. Ac brevitatibus quidem causa tabellis non integra candidatorum nomina scribebantur, sed primæ tantum literæ nominis cujusque. Id quod ex verbis Ciceronis colligo, cum ita scribit pro domo sua: *Ipse ita quam intellexit posse se interversa ædilitate a L. Pisonæ Consule Prætores renunciari, si modo eadem prima litera competitorum habuisset aliquem*. Neque enim potuit ista fraus quam significat Cicero, fieri, si primis literis convenientibus integra nomina tabellis inscripta fuissent. Sicut ergo judicibus quæ dabantur tabellæ, non integra verba continebant, sed prima tantum elementa verborum *Abolvo, Condemno, Non liquet*, A. C. N. L. ita magistratibus creandis tabellæ, quæ dabantur populo, prima tantum elementa nominum candidatorum habebant inscripta. Quod idem in sacerdotum creatione intelligendum est. In comitiis autem legum tabellæ dabantur duæ: una in qua scriptum erat, *Uti rogas*, duobus, uti opinor, elementis, V. R. altera in qua scriptum erat, *Antiquo*, una etiam litera A. Cicero lib. 1. ad Atticum epist. 9. *Operæ Clodianæ pontes occupant, tabellæ ministrabantur, ita ut nulla daretur, Uti rogas*. Porro autem tabellæ illæ non modo afferebantur a populo, sed erant, qui eas ministrarent populo suffragium inituro, quos diribitores appellabant: de quibus supra satis multa diximus. Hoc tantum nunc dicemus, justum magistratus expectare oportuisse diribitores: ut ex Cicerone apparet, cum ita scribit 3. de Leg. *Lex recitata est: disce rem, & tabellam jubebo dari*. Diribitis tabellis succedebant rogatores, qui cistam deferrebant, in quam populus tabellam suffragii conjiciebat. Postquam autem totius Centuriæ tabellæ collectæ erant, tum educendis suffragiis adhibebantur custodes: quorum munus erat describere suffragia, ut ea Centuriæ sententia renunciaretur, in quam plures inclinasse conspicerentur. Verum de his tribus supra, cum de personis egimus, satis dictum est. Illud magis huic loco est accommodatum, ut Ciceronis verba ex 3. de Leg. examinemus: *Sed ego, etsi satis dixit pro se in illis libris Scipio, tamen libertatem istam largior populo, ut & auctoritate valeant, & utantur bonis. Sic enim a me recitata lex est de suffragiis, Optimatibus nota, plebi libera sunt. Quæ lex hanc sententiam continet, ut omnes leges tollat quæ postea latæ sunt,*

quæ tegunt omni ratione suffragium. Ne quis inspicat tabellam, ne roget, ne appellet: pontes etiam lex Maria fecit angustos: quæ si opposita sunt ambizioso, ut sunt fere, non reprehendo. Ex iis Ciceronis verbis apparet, post eas leges tabellarias, quas paulo ante posuimus, alias multas latas fuisse. Verum illæ, ne quis tabellam quam in cistam conjiceret, quisque de populo inspiceret, ut scilicet magis occultum esset ea ratione suffragium: tum ut ne quis esset, qui dum suffragium dicit populus, quemquam rogaret, ut cuiuspiam suffragaretur aut ea de re alia ratione conveniret, benignè appellaret: illæ, inquam, leges quando latæ sunt & a quibus certo nil definiri potest. At lex illa de pontibus, quoniam a Cicerone Maria vocatur, a C. Mario Trib. plebis lata fuisse intelligitur. Fuit autem Tribunus plebis C. Marius anno urbis 635. Coss. L. Cælio Metello & L. Aurelio Cotta, ut ex historia Plutarchi intelligi potest. Scribit enim in vita Marii C. Marius Tribunum plebis repugnante Cotta Consule, & plerique nobilitate legem de suffragiis tulisse. Hanc vero legem de pontibus angustis eo Marius tulisse videtur, ne quis illic præter eum qui suffragium ferret, consistere posset ad appellandum rogandumque. His autem pontibus utebantur non modo in Centuriatis comitiis, sed etiam in tributis, ut apparet ex locis Ciceronis, in quibus de ea re mentio est. Ad Heren. lib. 1. Cum L. Saturninus legem frumentariam de semissibus, & trientibus laturus esset, Q. Cæpio, qui per id temporis Questor urbanus erat, accitit Senatui, ætatem patris non posse tantam largitionem. Senatus decrevit, si eam legem ad populum ferat, adversus Remp. videri eum facere. Saturninus ferre cepit: collegæ ejus intercedere: ille nihilominus cistellam detulit. Cæpio ut illum contra S. C. intercedentibus collegis adversus Remp. vidit ferre, cum bonis viris impetum facit, pontes disturbat, cistam dejicit, impedimento est, quo secus lex feratur. Alius locus est, quem sæpe jam citavimus ex primo ad Att. Opere Clodiane pontes occupant, tabellæ ministrantur. His duobus in locis agitur de comitiis Tributis, quæ in foro haberentur. Unde sequitur, pontibus viros fuisse Romanos etiam in comitiis Tributis. Tum vero multos hujusmodi ponticulos fuisse, ex verborum contextu plane intelligi potest. Et quoniam video æque in foro atque in campo fuisse, aliosque in locis, ubi tributa comitia habebantur, propterea colligo opere subitatio ponticulos illos ad eum usum fieri solitos, aut sane non admodum firmos, & stabili opere factos: quos Cæpio non confregisse, sed disturbasse dicitur. Porro autem ex eo Ciceronis loco id colligo, populo tabellas ministrari solitas, ut quisque ad pontes accedebat: quæ ratione fiebat, ut tabella accepta per angustiam pontium omnes, qui rogare aut tabellam inspicere vellent, excluderentur. Sed unde venirent, & quo per illos pontes abscederent, non ita facile est explicare. Conandum tamen est vel conjecturis veritatem eruere. Ante leges tabellarias cum voce suffragium ferebatur, priusquam ad suffragium tribus vocarentur, seorsum erant divisæ suis quæque locis triginta quinque tribus, ut nos supra ostendimus. Cum ergo ad suffragium vocabantur, vel ex suis locis in alium locum migrabant, vel ibi manentibus in suis quæque locis per ipsas tribus circummeundum erat ad colligenda suffragia. Atqui ex eo, quod vocari Centurias, adeoque introvocari passim reperimus, intelligi potest de suis locis migrasse. Quomodo enim intelligere possumus introvocatas ordine Centurias, nisi locus quidam esset quo introirent, ut quæque a magistratu vocabatur? T. Livius lib. 10. 1. Decadis: Populus nihilominus suffragia inibat: & ut quæque introvocata erat Centuria, Consulem haud dubio Fabium dicebat. Et paulo post: Cum primovocatae Q. Fabium Consulem dicebant omnes Centuriæ. Et alio loco ejusdem lib. Appetebat

A tempus comitiorum, quorum causa L. Volturnus Cos. Romam revocatus. Qui priusquam ad suffragium Centuriæ vocaret in concionem advocato populo, multa de magnitudine belli Hetrusci disseruit. Et paulo post: Fabium & prærogativa, & primovocata omnes Centuriæ Consulem cum L. Volturno dicebant. Ex iis locis apparet a magistratu habente comitia Centurias non modo vocari solitas, sed etiam introvocari. Est vero & alius apud eum locus, ex quo res omnis aperitissime demonstrari potest. Verba ejus ex lib. 6. Deca. 3. hæc sunt: Fulvius Romam comitiorum causa accersitus, cum comitia rogandis Consulibus haberet, prærogativa Centuria juniorum declaravit T. Manlium Torquatum, & T. Clacilium. Manlius qui presens erat, gratulandi causa cum turba coiret, nec dubius esset populi consensus, magna circumfusis turba ad tribunal Consulis venit, petique ut pauca sua verba audiret, centuriamque que tulisset suffragium, revocari juberet. Erechthis omnibus expectatione quidnam postulaturus esset, oculorum valeudinem excusavit. Impudentem & gubernatorem & imperatorem esse, qui, cum alienis oculis ei omnia agenda sint, posules sibi aliorum capita fortunæque committi: proinde si videretur, & redire in suffragium Centuria juniorum juberet, & meminisset in Consulibus creandis, belli quod in Italia sit, temporumque Reipublicæ. Vix dum requiescere aures a strepitu & tumultu hostili, quo paucos ante menses assederint prope mœnia Romana. Post hæc cum Centuria frequens succellisset nihil se mutare sententiæ, eosdemque Consules dicturos esse; tum Torquatus: Neque ego vestros, inquit, mores Consul ferre potero, neque vos imperium meum. Redite in suffragium, & cogitate bellum Punicum in Italia, & hostium duces Annibalem esse. Tum Centuria & auctoritate mota viri, & admirantium circa fremitu petit a Consule, ut Centuriam seniorum citaret: velle sese cum majoribus natu colloqui, & ex auctoritate eorum Consules dicere. Citatis Centuria senioribus, datum secreto in oculis cum iis colloquendi tempus. Seniores de tribus consulendum dixerunt esse: duobus jam plenius honorum Q. Fabio & M. Marcello: & sicutique novum adversus Pœnos Consulem creari vellent, M. Valerium Levinum, egregie adversus Philippum regem terra marique res gessisse. Ita de tribus consultatione data, senioribus dimissi, juniores suffragium incurrentes, M. Marcellum fulgentem tum Sicilia domita, & M. Valerium absentes Consules dixerunt. Auctoritatem prærogativæ omnes Centuriæ secute sunt. Hactenus Livius. Quæ verba si quis diligentius considerare velit, multa reperiet ad rationem comitiorum pertinentia: primum quod Centuriæ prærogativæ sententia statim renunciabatur, non post collecta reliquarum Centuriarum suffragia. Quod etiam Cicero 2. Philip. ostendit, cum ait: Ecce Doblæ comitiorum dies. Sortitio prærogativæ, quiescit: Renunciatur, tacet. Tum vero quanta esset auctoritas prærogativæ observari inde potest, quod gratulandi causa turba coiret, quasi jam certo Consul declaratus esset, qui prærogativam tulerat. Illud etiam observatione dignum, quod Centuriæ a Consule vocabantur in suffragium, cum interim ipse esset in tribunali. Ex quo apparet, locum quo vocabantur ad suffragium Centuriæ, prope tribunal fuisse: itemque non ipsum Consulem rogandorum suffragiorum causa per Centurias discurrere solitum: sed quamquam ipse sortes faceret inter tribus Centuriarumque, & vocaretur ab eo per præconem quæ prima exierat, in tribunali tamen manebat, aliusque ut diximus, erat rogator Centuriæ. Quod idem ex alio etiam T. Livii loco intelligi potest. Scribit enim lib. 10. 1. Dec. de Fabio Consule habente comitia, cum jam a primo vocatis Centuriis renunciatus esset: Fabius primo de se eadem fere quæ priore anno dicendo abnere. Circumstare sellam omni nobilitate, orare ut ex cæno plebeio Consulatum extraheret. Sedebat igitur (ut hinc apparet) in sella Curuli Con-

ful dum habebat comitia, idque in tribunali, quem admodum locus superior offendit. Hoc vero tribunal est comitale, quod in campo Martio fuisse docet Capitolinus in vita Aureliani. In hoc etiam tribunali alius Consul, si adesset comitiis, sedere solebat, ut ostendit Livius lib. 9. Deca. 4. ubi de Claudio Consule ita loquitur Sempronius ejus collega, qui habebat comitia. *Quin ille sedens pro tribunali, aut arbitrum aut comitorum tacitum spectatorem se praeberet.* Quae ego de comitiis Centuriatis intellexi volo: nam in Tributis alium fuisse postea ostendemus. Observandum etiam est quomodo privatus a magistratu petiti potestatem habenda concionis, alioqui in suggestum ascendere non aursus. Nec omittendum est, quod vocatas jam Centurias revocare erat in ejus potestate, qui haberet comitia: ut interim non censerentur hujusmodi interruptionibus vitata comitia, tamen revocatae Centuriae mutarent sententiam. At reliqua quae sequuntur, magis ad id, quod volumus, pertinent. Nam locus in quo Centuria praerogativa erat, nominatim appellatur ovile: in quem locum Centuriae seniorum ingredi non licebat, nisi potestate facta a Consule. Sed id quoque observatione dignum, quod dimissos seniores dicit, priusquam Centuria juniorum rediret in suffragium. Ex iis enim colligi potest Centurias, ut quaeque vocabantur a Consule, ex suis locis migrare solitas, ut propius ad tribunal Consulis accederent in unum quandam locum cancellis undique clausum, quod ovile propter similitudinem appellaretur: in quo loco cum essent, suffragium dicebant, ita ut interim non liceret aliis eo in loco esse: propterea quod dimissi sunt extra ovile seniores illi, qui iussu Consulis eo introducti erant. Hujus etiam loci meminuit Dionys. lib. 10. ubi de comitiis L. Quintii loquitur, & Lucanus cum ita scribit:

— *Et misere maculavit ovilia Romae.*

Quod vero tum fiebat, cum voce suffragium ferebatur, id postea fuisse immutatum, nec verumile est, nec usquam scriptum reperitur. Quinetiam contra reperimus, post leges tabellarias locum in campo Martio cancellis clausum, in quo essent qui suffragium dicebant: quo aliis interim ingredi non liceret. Plutarchus enim in vita Marci scribit, Marium in petitione praeturae ambitus suffragionem dedisse, quod sui cujusdam amici servus intra cancellos visus fuisset, dum populus suffragium dicebat. *Quos vero tu illic cancellos intelligas, nisi hujusmodi ovilis cujus meminimus? praesertim cum videas in his cancellis perinde non licuisse alicui praeter suffragatores & ministros comitorum consistere, sicut in illo ovili non licebat.* Nam quandiu adhuc populus in campo per tribus distributus erat, nec dum tamen in suffragium vocatus, circum tribus licebat non modo candidatis, sed etiam aliis discurre, ut ex omni historia apparet. Non igitur de cancellis quibusdam id potest intelligi, in quibus essent omnes tribus, priusquam in suffragium vocarentur. Relinquitur ergo, ut de hoc ovili intelligatur. Et Cicero lib. 4. ad Att. in epistola cujus initium est, *O expectatas mihi tuas literas:* ostendit in campo Martio septa fuisse, quae comitiis usui essent: quae septa Caesar cum in Gallia esset, cogitabat marniore facere, eaque excelsa porticum cingere mille passuum spacio. Haec ergo septa intelligo de hoc ovili, de quo agimus. Nam septis inclusum populum, nisi cum suffragium diceret, non legimus. Et Servius scribit, septa in campo Martio inclusa tabulatis, in quibus stans populus suffragium ferret. Ovid. 1. fast.

Est quoque quo populum fas est includere septis.

Et Lucanus:

Septorumque nefas, & clausi praemia campi.

Quodque Caesar rursus vellet ea septa porticum cingere, mihi argumento est, ea angustiora septa ad alium usum fuisse, quam ut universum populum simul con-

A tinerent, antequam ad ineundum suffragium ordine vocaretur. Et in orat. pro Milone. *Quid? comitiis in campo quoties potestas fuit, cum ille in septa irruisset?* Quod si post leges tabellarias vocatae Centuriae a Consule in ovile quoddam ex suis locis migrasse concedantur, non erit difficile omnem pontium rationem explicare. Nam tabellae populo in hac septa ingredienti ministrabantur. Sed quoniam Marius viderat, ne tabellis quidem datis, quibus omni ratione leges vellent occultum esse suffragium, satis repressum esse ambitum: hujusmodi pontes instituit in ingressu septorum, eosque angustos, ut praeter suffragatores aliis illic consistendi locus non esset.

B Qua ratione exclusi sunt omnes, qui tum maxime ad supplicandum populo veniebant, cum ei erat in manu tabella suffragii. Solet enim recentior postulationis memoria magis movere. Ac populo quidem supplicandi causa omnes candidati, circum tribus die ipso comitorum cursare poterant, quandiu divisus per tribus populus nondum erat ad suffragium vocatus. Quinetiam jam quibusdam vocatis reperimus reliquis Centuriis quosdam candidatos supplicasse: ut apud Livium libro 10. Deca. 1. Appius Claudius candidatus Consularis populo supplicat, postquam jam primo vocatae Centuriae Q. Fabium Consulem dixissent. At ingredi in ovile non licebat. Sed nec ingre-

C denti in septa Centuriae seorsum supplicari voluit Marius: quo scilicet magis libere populus suffragium ferret, data sine ulla cujusquam postulatione tabella. Suum ergo quaeque tribus locum in campo primum occupabant: ex quo loco cum suffragium dicendum erat, Centuriae ut quaeque citabantur migrabant: cumque in ingressu ovilis erant, illic pontes reperiebant, in quibus diribitores erant, qui tabellas ministrabant: quibus acceptis statim ingredientibus in ovile rogatores cistam proponebant in quam conjicerent eam quam vellent tabellam. Nam ita potius fieri, quam expectari dum tota Centuria in septa esset ingressa, ut postea colligerentur suffragia, hac ratione adducor, quod longum admodum fuisset expectare, dum tota Centuria per angustos illos pontes in ovile ingressa esset, antequam colligere suffragia rogator inciperet. At Cicero 2. Philip. dicit quam citissime ista fieri. De comitiis enim Centuriatis, quibus Dolabella Consul factus est, scribit omnia citius facta esse quam dixit. Quae sane ut vera sint, necesse est, ea ratione Centurias suffragium dixisse, quae quam brevissima esset. Atqui id multo brevius est, singulos simul dum per pontes introeunt in septa, tabellam in cistam conjicere, quam expectare dum omnes ejusdem Centuriae ingressi sint, ut rursus omnem Centuriam percurras ad colligenda singulorum suffragia. Porro autem multos pontes ideo fuisse existimamus, ut esset in ea septa ingressus ex diversis undique partibus, quas seorsum singulae tribus extra septa obtinebant. Quem enim tu usum pontium fuisse existimes, si de loco non moveri populum dicas in dicendis suffragiis? Aut quomodo proverbium, *Sexagenarios de ponte*, ad suffragia pertinere poterit, nisi suffragia per pontem ferri solita intelligas? Quid vero est per pontem ferre suffragium, nisi pontem viam esse, qua alicunde in alium locum migraret, qui suffragium dicebat? Non igitur ita colligebantur suffragia, ut manentibus tribubus in suis quibusque locis, rogatores circumirent ipsas tribus: sed ut diribitores tabellas dabant, cum ad pontes populus veniebat, ita rogatores transeuntis populi tabellas colligebant. Et, si conjecturis duci oportet, quinque & triginta pontes fuisse existimaverim, sicut erant triginta quinque tribus, quae ex diversis partibus centuriatim in ovile venirent. Ac de pontibus quidem satis: nunc de renunciatione suffragiorum agendum est. Ex iis, quae supra de custodiendis dicta sunt, intelligi potest, describi solita a custodibus suffragia in tabellis sibi ad idipsum datis. Hoc

autem erat describere suffragia, tot puncta in tabella notare, quot tabellæ similes reperirentur: ut initio tandem numero ea Centuriæ sententia renunciaretur, quæ plures habere similes tabellas ex numero punctorum perpiceretur. In legibus quidem ferendis si plures reperirentur tabellæ, in quibus scriptum esset, *Uti rogas*, pauciores, in quibus scriptum esset, *Antiquo*, tum ab ea Centuria legem juberi renunciabatur. Contra vero legem a Centuria non accipi pronuntiabatur, si plures scriptum haberent, *Antiquo*. At si forte pares numero tabellæ in utramque partem reperirentur, ejus Centuriæ nulla renunciabatur sententia, nisi lex esset, quæ de perduellione ferretur. In favorem enim reorum, absolvisse censetur Centuria quæ non condemnarat. Itaque si pares essent reliquæ Centuriæ accipientium legem & vetantium, hæc accessione ad vetantes Centurias legem antiquabat, adeo ut reus absolveretur. Scribit enim Dionysius libro 7. lege cautum fuisse, ut æqualitate suffragiorum reus absolutus judicaretur. In magistratu vero creatione numerus inibat tabellarum, quæ idem nomen continerent. Cujus enim candidati nomen plures tabellæ comperiebantur continere, is ab ea Centuria Consul, Prætor Censorve factus renunciabatur. Sin paria suffragia tulisse omnes candidati reperirentur, nullus renunciabatur: expectandaque erant reliquarum Centuriarum suffragia. Quod vero dixi de Centuriatis magistratuum comitiis, idem in comitiis regis sacrorum intelligi debet. Hic enim pro candidatis erant duo tresve quos inaugurasset Pontifex Max. ut ex iis postea populus suffragiis suis crearet quem vellet esse regem sacrorum. Quæ ne fingere videamur, citabo locum T. Livii, unde id peripici poterit. Scribit lib. 10. Decad. 4. *De rege sacrisso succedendo in locum C. Cornelii Dolabellæ, contentio inter C. Servilium Pont. Max. fuit, & L. cornelium Dolabellam Duumvirum navalem: quæ ut inauguraret Pontifex, magistratu sese abdicare jubebat. Recusantique id facere, ob eam rem multâ Duumviro dicta a Pontifice. Deque ea cum provocasset, certatum ad populum. Cum plures jam tribus introvocatæ, dicto esse audientem Pontifici Duumvirum jubere, multamque remitti si magistratu sese abdicasset: ultimum de celo quod comitia turbaret intervenit. Religio inde Pontificibus fuit inaugurandi Dolabellæ. P. Clodius Siculum inauguravit, qui secundo loco inauguratus erat. Quod dicit Livius Siculum, qui secundo loco inauguratus erat, factum regem sacrorum, nonne manifeste demonstrat duos minimum a Pontifice inaugurari solitos? Atqui non est existimandum, satis fuisse inaugurationem Pontificis ad creationem regis sacrorum: alioqui necesse est, ut duos facias reges sacrorum. Populi ergo accedere delectum oportebat, ut perinde atque in magistratu comitiis, qui numero suffragiorum vinceret, rex sacrorum esset. Atque ut id magis credam, facit similitudo creationis flaminis Dialis. Tacitus enim libro quarto scribit veterem rationem creandi flaminis Dialis fuisse, ut patricii confatreas parentibus genitres simul nominarentur, ex quibus unus postea legeretur. Illud vero in renunciatione suffragiorum præterea considerandum est, quod sicut Centuriæ prærogative sententia ante vocationem aliarum renunciabatur, ita reliquarum deinceps Centuriarum, ut quæque suffragium dixerat: ac non expectabatur dum tota prima classis suffragium dixisset, ut tum demum renunciantur suffragia. Nam ante leges tabellarias itas ita fieri, facile est ex Livio ostendere, cum scribit: *Ut quæque introvocata erat Centuria, Consullem dicebat Fabium*. Et alio loco: *Fabium & prærogatæ, & primo vocatæ omnes Centuriæ Consulem dicebant*. Ex iis enim verbis apparet, non simul vocari totam primam classem, sed subinde alias atque alias: quarum ut quæque introductæ erant, nisi palam renunciaretur suffragium, quomodo intellexit-*

A fect se Consulem fieri Fabius ab illis primo vocatis Centuriis? Verum post tabellas populo datas idem ut fieri credam, ex eo adducor, quod necesse erat tum multo magis subinde alias ex aliis Centuriis primæ classis vocari, non autem totam simul primam classem. Cum enim essent tam multæ numero Centuriæ primæ classis, ut supra ostendimus: si simul omnes suffragium ferrent, cum ostensum sit per pontes suffragium ferri, necesse est pontes tot fuisse dicat, quot erant Centuriæ. Hic vero descriptis suffragiis quomodo renunciatio fiebat? An ut omnes simul tulerant suffragium, ita omnium simul renunciabatur sententia? Id vero quomodo absque tumultu & confusione fieri potuit? aut quomodo numerus Centuriarum iniri, ut, in quam partes plures inclinasset, appareret? At si non simul omnium fiebat renunciatio, quorsum attinebat simul omnes vocare? Omitto quod ista ratione efficitur, ut inter Centurias ordinis & ætatis ratio non habeatur. Juniorum enim Centuriæ simul cum equitum & seniorum Centuriis vocari dicuntur. Nec sane ulla iusta ratio reddi potest, cur data populo tabella, vetus ratio vocandarum deinceps Centuriarum mutata esset. Est vero locus apud Ciceronem in septima orat. in Verr. ubi ita scribit: *Tu cum Prætor renunciatus esset, non ipsa præconis voce excitatus es, qui totiens seniorum juniorumque Centuriis illo honore affici pronuntiavit*. Ex quo loco apertissimum est, non simul, sed deinceps seniorum juniorumque Centurias suffragium dixisse: præconemque non totius simul classis, sed singularem cuiusque Centuriæ sententiam pronuntiare solitum. Cum ergo apud Ciceronem 2. Philipp. scribitur de comitiis Dolabellæ: *Prima classis vocatur, renunciatur*: non ita accipienda sunt illius verba, quasi velit primam classem totam simul vocatam renunciassse Dolabellam Consulem: sed primam classem dicit pro Centuriis primæ classis, ordine tamen vocatis. Neque enim totius classis ratio habebatur in suffragiorum sententia elicienda, sed Centuriarum: & numerus Centuriarum vincebat, non numerus classis. His explicatis querendum est, postquam renunciata erat alicujus Centuriæ sententia, an eadem tabellæ rursus darentur diribitoribus, ut sequenti Centuriæ distribuere eisdem, an novæ semper tabellæ, ut quæque Centuria introvocatur, diriberetur populo. Sane, ut semper novas tabellas dari potius credam, eo adducor, quod cum omnes Centuriæ non essent æquales numero, sed aliæ aliis frequentiores, eadem tabellæ, quæ priori Centuriæ datæ erant, satis magno numero non erant futuræ, ut frequentiori post Centuriæ ministrarentur. Cumque certum sit, in legem quidem comitiis unicuique de populo binas dari solitas, quarum unam modo in cistam conjiceret: in magistratu vero comitiis tot tabellas, quot essent candidati; quarum tamen in cistam non plures conjiceret quique, quam pro numero magistratu creandorum: veluti in Consulibus Censoribusque creandis duas, in Prætoribus sex, octo decemve, pro numero scilicet Prætorum, quem creari oporteret. sane, si tantum eductas de cista tabellas reddi diribitoribus oporteret, non totidem tabellæ sequentibus Centuriis datæ fuissent, quot primæ: ideoque libertate suffragiorum sublatam non aliam poruissent sententiam dicere, quam quæ a priori Centuria dicta esset. At quomodo reliquis tabellas rogatores reddere possent, quas singuli sibi retinuisse? An rursus post renunciationem percurrenda erat tota Centuria ad recipiendas reliquas tabellas? Quæ si aperte redderetur, quomodo suffragium cuiusque oculum esse potuit? Ex iis enim, quas quique redderet, facile apparuisset, quas in cistam conjecisset: ut si redderet tabellam, *Antiquo*, facile erat videre sententiam dixisse, *Uti rogas*. Sin occulte, hic rursus perferenda erat cistella per omnem Centuriam: quæ omnia absurdissima sunt. Verius

igitur est, utique Centuriæ ut introvocabatur, novas tabellas præsto fuisse. Et quoniam ministrabantur populo, ut quique ad pontes accedebat, propterea exiitimo, jam ante diribitores ad pontes fuisse cum tabellis ad eam rem publice paratis, ea multitudine quam quæque comitia requirere viderentur. In comitiis enim legum binas tantum cuique tabellas dari oportebat: in comitiis vero magistratuum interdum plures, interdum pauciores pro numero candidatorum. Quare multo pauciores tabellas dari oportebat in comitiis legum, quam in comitiis magistratuum. Et quoniam Prætorum comitiis sex, octo decemve creandi erant Prætores, necesse erat, ut minimum, tot esse competitores. Quapropter comitiis Prætoris minimum oportebat singulis tot dari tabellas. Unde efficitur magnam admodum multitudinem tabellarum iis comitiis parari debuisse. Hic ergo considerandum est, primum scribendis tabellis ad publicos illos usus accommodatis publicum etiam ministerium accommodatum fuisse. Ex quo colligo, in scribarum publicis muneribus hoc quoque fuisse, ut suffragiorum tabellas scriberent. Ac legum quidem comitiis futuris, scribere eas tabellas jubebantur, quæ illis comitiis usui futuræ erant. Sin magistratuum futura erant comitia, jubebantur scribere tabellas eorum nominibus inscriptas, quorum habendam esse rationem publice iudicatum esset. Hæ tabellæ ita scriptæ, die comitiorum committebantur diribitoribus. Verum hic considerandus etiam est numerus diribitorum. Neque enim adduci possum, ut tot diribitores faciam, quot tabellæ singulis ministrabantur, ita ut quique sui generis tabellam populo daret. In Prætorum enim comitiis, verbi gratia, accedere poterat, ut vel viginti esset competitores. Hic ergo si vicenos diribitores facias, totidem competitorum tabellis ministrandis, quomodo in angustiis pontibus tot homines constituisse probari poterit? præsertim cum angustia pontium manifeste ostendat, ad paucos capiendos institutos fuisse. His accedit, quod si in singulis pontibus vicenos diribitores ponas, concedatque trigintaquinque pontes fuisse pro numero totidem trium, efficiatur, ut diribitorum omnis numerus septingentorum minimum esset: quod sane non est verisimile. Præstat ergo ut dicamus, ad singulos pontes unum fuisse diribitorem, qui populo Centuriatim ex suis tribubus advenienti tabellas vel plures, vel pauciores, pro numero candidatorum divideret. Sed quoniam unicuique de populo dandæ erant tot tabellæ, quot erant candidati, necesse est, ut non alias pro aliis daret diribitor in tam magna multitudine tabellarum, rationem aliquam inventam fuisse, qua in diribendis tabellis hac in parte nihil peccaretur. Atqui si divisas haberet diribitor tabellas, quas cui daret, præter id quod longum fuisset in tam magno cumulo seligere, difficile etiam fuisset non peccari. Verius igitur est, ut dicamus omnes tabellas, quas singulis daret, adhuc iunctas fuisse cum diribitor eas dabat: qui autem suffragium erat latus, postea sibi ex ea charta in qua scriptæ erant, scindebat quas vellet in cistam mittere. Neque enim ulla commodior ratio inveniri potest ad diribendas cito & absque ullo peccato tabellas. Hæc si ita sint, sequitur non plures fuisse diribitores constituendos, quam quot erant pontes: qui si cum tribuum numero convenirent, uti diximus, tot erant omnino diribitores, quot tribus. Hac enim ratione sufficeret suis cuique tribui diribitor. Ad quod munus seligebantur ab iis, qui comitia erant habitori, boni alique viri, in quibus nulla esset fraudis suspicio. Fuisse autem delectum ejus, qui haberet comitia, vel inde potest intelligi, quod reperimus, in diribendis tabellis fraudem factam, si quando is, qui haberet comitia, noller populo libera committere suffragia. Veluti Piso Consul nolebat legem, quæ adversus Clodium ferebatur, a populo juberi: in diribendis

tabellis fraus admissa est. Nullam enim diribitores dabant tabellam, *Uti rogas*. Porro autem sicut triginta quinque diribitores satis fuisse dixi, ita rogatores totidem satis fuisse exiitimo. Nam post lætas leges tabellarias non amplius ex Centuriis, ut quæque vocata erat, unus defumebatur, qui suæ Centuriæ sententiam renunciaret: sed sicut certi quidam homines ad pontes jam ante stabant, quam venirent ad suffragium Centuriæ ad ministrandas tabellas, ita oportet fuisse certos homines, qui ad eisdem pontes cistas ante haberent, quam Centuriæ venirent ad suffragium dicendum: alioqui suam cistam secum adferre quamque Centuriam dicendum erit. Quod mihi non fit verisimile: præsertim cum diribitores, rogatores & custodes, non suffragatores essent, sed ministri suffragantium. Qui sane certo constitui non poterunt, si ad Centurias singulas accommodandi fuissent. Semper enim propter incertas populi voluntates, incertum erat, quousque erant vocandæ Centuriæ ad legitimum numerum conficiendum. Quid vero magis ridiculum, quam tabellas diribitoribus, cistas rogatoribus dedisse, quæ nullo usui futuræ erant? Quod tamen evenisset, si non vocatæ essent Centuriæ, ad quarum suffragia constituti essent. Custodum numerus cum tabellarum numero, quæ singulis committebantur, fere convenisse mihi videtur. Veluti in legibus ferendis duæ tantum dabantur tabellæ populi: itaque describendo numero suffragiorum binis tantum custodibus opus erat. In magistratuum comitiis tot dabantur tabellæ quot erant candidati: describendis ergo suffragiis, non multo pluribus erat custodibus opus; quam quot erant candidati, ut suis cuique candidato cultos esset. Sane ex iis, quæ supra dicta sunt, intelligi potest, prærogativæ Centuriæ alium custodem dari solitum, quam aliis jurevocatis Centuriis. Neque enim diceret Cicero, se primum custodem fuisse in comitiis L. Pisonis, si solus cultos fuisset a Pifone rogatus: nec primam tabulam sibi datam affirmaret, si solus ipse in tabula unica descripturus erat omnia suffragia, quæ Consulem crearent Pisonem. Itaque ego exiitimo, singulos candidatos unum custodem habuisse, quem prærogativæ præficerent: cumque virum aliquem gravem ac sibi amicissimum: ob id scilicet, quod in prærogativa plurimum erat momenti. Præter custodem autem prærogativæ, reliquarum Centuriarum describendis suffragiis alium custodem præfecisse: adeo, ut totis comitiis quisque candidatus duos modo custodes præficeret. Nam, ut numerum custodum non faciamus cum numero trium convenientem, sicut rogatores & diribitores, hinc adducor, quod custodes a candidatis præfiebantur, ut supra probavimus: quare si quando accidisset, ut essent duodecim, verbi gratia, competitores, necesse erit ut duodecies multiplicetur numerus trium, aut ita quadringentos & viginti faceres custodes: idque præter eos qui prærogativæ custodes essent. Nam prærogativæ qui præferti erant, hoc munus totis comitiis non præstabant, sed aliis Centuriis alii custodes addebantur, ut demonstravimus. Multo minus verisimile est, omnibus Centuriis alios semper atque alios custodes attributos. Cum enim oporteat tot esse custodes, quot erant tabellæ diversæ, quarum numerus describendus erat, si singulis Centuriis novi semper custodes attribuerentur, tanto major fieret numerus custodum, quanto major erat numerus Centuriarum quam trium. Quæ si minus probabilis sint, nostra potius standum est sententiæ, ex qua nihilominus absurditatis consequi vel eo intelligi potest, quod gravissimos Senatores interdum diribitores, rogatores, custodesque fuisse reperimus. Neque enim tam magno numero erant Senatores gravitate in-

signes, ut sufficere possent iis præstandis muneribus, si Centuriis omnibus novos semper attributos dicas diribitores, rogatores & custodes. Deinceps sequitur, ut explicemus, quis tandem finis esset vocandi Centurias: an, inquam, omnibus Centuriatis comitiis omnes Centuriarum suffragium dicerent, an potius nihil esset necesse omnes vocari. Huic questioni T. Livius & Dionysius satisfaciunt in iis, quæ initio libri a nobis adscripta sunt ex illius auctoribus. Verum illa in genere dicta nonnihil habent obscuritatis: quæ si particulatim subtiliusque explicentur, fient apertiora. Centuriatis igitur comitiis sententiæ ex numero Centuriarum exquirebantur: ita ut ea populi sententia semper pronunciaretur, in quam ex omni numero Centuriarum plures consensisse conspicerentur. Itaque si lex ferretur, eousque fiebat Centuriarum vocatio, dum appareret tot jam Centurias vel iussisse vel antiquasse legem, ut numero reliquas omnes vincerent. Quod si post prærogativam Centuriarum equitum & primæ classis idem cum ea sensissent, nil jam opus erat reliquas Centurias vocare. Cum enim numero plures essent hæ, quam reliquæ omnes, jam tum poterat decerni, non vocatis aliis, plures Centurias id scivisse. At si non idem cum prærogativa sensissent, sed alia legem accepissent, alia antiquassent; vocandæ erant secundæ classis Centuriæ, ut cum altera parte se conjungerent. Ac si cum prærogativa omnes primæ Classis Centuriarum legem accepissent præter duas trefve, ita ut una modo deesset Centuria, quo minus decerni posset, maiorem partem omnium Centuriarum legem accepisse: tum si vocata ex secunda classe prima Centuria legem acciperet, reliquæ ejus classis non vocabantur: quandoquidem hujus unius accessione jam apparuit, maiorem partem Centuriarum legem accepisse. Quod idem judicandum est, si secundo, tertio aut quarto loco vocata secundæ classis Centuria legem acciperet; post hanc enim reliquæ non vocabantur. Sin nulla secundæ classis centuria legem acciperet, tertiæ classis Centuriæ vocandæ erant. Ac si primo vocata legem acciperet, hic finis fiebat vocandi Centurias, eodem quo in secunda diximus modo. Atque ut summatim dicam, semper eousque fiebat Centuriarum vocatio per ordines classium, dum plures ex omni numero Centuriarum consensisse constaret: simul ac autem id constare cœperat, illic comitiorum finis erat. Ex iis, quæ diximus, apparet, primæ classis omnes Centurias semper suffragium dixisse: at reliquarum classium Centuriarum non vocabantur, nisi per disensionem Centuriarum primæ classis. Ac ne tum quidem omnes vocabantur, quæ ejusdem classis erant, sed eæ modo, quæ ad efficiendum numerum maiorem Centuriarum idem jubentium, necessariæ essent. Quod si in lege ferenda accidisset, ut cum pares numero essent Centuriæ, quæ acciperent, & quæ veterarent, ita divisa esset reliquarum sententia, quarum accessione major numerus Centuriarum in alteram partem colligi deberet, ut nulla earum sententia elici posset: quia sc. pars dimidia Centuriarum acciperet, altera veteraret (nam ista tamen raro evenirent, poterant tamen accidere) tum sane legem non accipi pronunciabatur. Quam enim legem populus non iussisset, ea teneri non poterat. Necesse igitur est, ut tum idem judicaretur, ac si pluribus antiquassent Centuriis. In magistratuum vero comitiis, eadem hæc singularim melius considerabuntur. Ponamus quatuor consularum competitores: ex iis duo tantum creati Consules possunt: si scilicet in quos plures Centuriæ consenserint. Quod si prærogativa sic dixerit suffragium, ut paria suffragia tulisse omnes competitores reperiantur, tum nullus renunciatur Consul. Quod idem in aliis Centuriis dicendum: adeo ut totis comitiis nihil factum esse judicaretur, si quando id evenisset. Verum raro admo-

dum evenire poterat, ut omnes candidati in omnibus Centuriis pares haberent suffragantium voluntates. Sin unus candidatus plura suffragia tulisset in prærogativa, reliqui autem pares essent suffragiis, tum unus modo Consul renunciabatur. Ac si in reliquis Centuriis idem evenisset, totis comitiis non plusquam unus creatus Consul judicabatur. At si plura suffragia duo tulissent in prærogativa quam reliqui duo, tum Consules duo renunciabantur: si idem cæteræ Centuriæ fecissent quod prærogativa. Quod autem dixi de suffragiis unius Centuriæ, idem intelligi potest in toto numero Centuriarum. Nam si quatuor candidati ita pariter Centurias tulissent, ut vel una modo Centuria singulis deesset ad numerum, quem qui primus tulisset, Consul a pluribus Centuriis factus judicari deberet, hic, si accidisset, ut in reliquo numero Centuriarum paria suffragia haberent omnes, tum sane nullus Consul renunciari poterat: sin unus plures Centurias tulisset, reliqui tres pares essent numero Centuriarum, tum unus modo Consul factus dicebatur: at si duo plures tulissent Centurias, Consules duo renunciabantur. Ut autem in legibus ferendis dixi eousque vocationem fieri Centuriarum dum constaret plures in alteram partem Centurias consensisse: ita hic tum finis erat comitiorum, quando in duos Consules plures consensisse Centuriæ perspicerentur. Nam si in duos consensissent prærogativa & omnes primæ classis Centuriæ, non erant vocandæ reliquarum classium Centuriæ: sin vel alteri vel utrique horum una modo deesset Centuria, quia aliquas primæ classis Centurias alii competitores tulissent: tum si primovocata ex secunda classe Centuria, ad maiorem illum numerum se addidisset, hic non vocatis aliis postea Centuriis finis fiebat comitiorum. Ex iis apparet, comitia Consulum vel plus vel minus durare solita pro favore primorum in candidatos: Aequalis enim favor æqualitatem suffragiorum adiebat: suffragiorum vero æqualitas effiebat, ut non statim appareret, in quos candidatos plures Centuriæ inclinassent: proptereaque alia atque alia semper vocandæ erant Centuriæ, donec legitimus numerus factus esset. Hujus relexemplum videmus in Ciceronis comitiis. Habebat enim sex competitores: sed quia in eum maxime favor inclinabat, propterea statim legitimum numerum Centuriarum contexit: quia scilicet in primovocatis Centuriis plura semper suffragia ferret quam reliqui. Ex ejus autem sex competitoribus Antonius & Catilina erant maxime gratiosi, propterea plures tulerunt Centurias quam reliqui quatuor. Antonius tamen pauculis Centuriis tandem superavit Catilinam, ait Alconius. Ex iis facile est interpretari verba Ciceronis in oratione secunda in Rullum: *Itaque me non extremæ tribus suffragiorum, sed primi illi vestri concursus Consulem declaravit.* Opponit enim extremas tribus suffragiorum primis concursibus: primi autem concursus hic sunt ex singulis tribubus primovocatae Centuriæ: quare extremæ tribus suffragiorum hic significabunt eas Centurias, quæ extremæ ex singulis tribubus vocabantur: quæ erant quintæ classis Centuriæ. Vult ergo in suis comitiis non fuisse deveniendum usque ad extrema suffragia tribuum: id est, usque ad Centurias quintæ classis, quæ ex singulis tribubus postremæ vocabantur, sed a Centuriis primæ classis statim absque varietate Consulem factum. Gloriosum enim erat Ciceroni tantum valuisse gratia apud populum, ut plura semper suffragia tulerit in omnibus primovocatis Centuriis, quam sex ejus competitores. Quando vero non conveniebant primæ Centuriæ, sed alia alium Consulem dicebant, id argumento erat, non inclinare populi favorem præcipue in unum, sed quosdam uni, quosdam alteri favere. Quare si idem favor in sequentibus Centuriis esset, ad legitimum numerum uni tandem consi-

ciendum

ciendum vel ad extremas usque Centurias deveniendum erat. Ac si unus quidem Consul creandus fuisset Cicero, statim postquam prima classis suffragium dixisset, exitus fuisset comitorum. At collega ei unus addendus erat ex sex competitoribus: quorum nullus primas Centurias absque variatione sicut Cicero tulerat: itaque necesse erat, aliarum classium vocari Centurias. Illud etiam potest ex iis, quæ dicta sunt, intelligi, quid apud Livium significet *Centurias non expleri*. Ut lib.7. Dec.4. *Fulvius Consul unus creatur, cum ceteri Centurias non expleant*. Habebat Fulvius tres competitores, quorum nullus legitimum numerum Centuriarum conficere potuit: vel quia in singulis Centuriis pares numero suffragatores habuerant, vel quia ita alias alii Centurias tulerant, ut pares numero Centuriarum reperti sint post vocatas omnes omnium classium Centurias. His enim duobus modis poterant Centurias non expleri candidati: hoc est, non conficere eum numerum Centuriarum, quo unus tandem plures tulisse judicaretur quam alius. Id vero cum accidebat, tum ille, qui unus designatus erat, postea alio die collegam sibi, ut subrogaret, lege jubebatur: ac non idem Consul, qui comitia habuerat, rursus habere poterat. Quod Livius eodem illo loco ostendit: *Fulvius unus Consul creatur, cum ceteri Centurias non expleant*. Itaque postero die *Cn. Manlius Lepido dejecto (nam Messala tacuit) collegam dixit*. Comitia hæc habuit C. Lælius Cos. sed subrogando collega non idem Lælius sed Fulvius comitia habuit. Neque intelligendum est jam iniisse magistratum; quandoquidem scribit Livius postero die id factum esse, cum necdum creati essent Prætores. Quod si is dies fuisset, quo magistratum inierat Fulvius, non fuisset comitialis. Quo enim die magistratus inibantur, is festus erat. Jam vero T. Livius ostendit ea comitia habita ordinario tempore habendorum comitorum: unde sequitur multis diebus hanc magistratum subrogationem fuisse ante Idus Martias, quæ tum solennes erant ineundi magistratibus. Quod autem de comitiis Consularibus dixi, idem in Censoriis intelligi debet. Perinde enim duo Censores creabantur, ut duo Consules. Unum tamen hie erat diversum, quod si Censoriis comitiis duo non confecerant legitima suffragia, nil omnino actum erat comitiis. Itaque uno creato si ex ceteris candidatis nullus expleisset Centurias, ne is quidem, qui creatus erat, magistratum retinebat: sed omnino in aliud tempus comitia differebantur. Livius lib.9. Dec.1. in concione P. Sempronii Tr. pl. ita scribit: *Cum ita a majoribus comparatum sit, ut, comitiis Censoriis nisi duo confecerint legitima suffragia, non renunciato altero, comitia differantur: non ego te, qui solus Censor creari non possis, solum Censuram gerere patiar*. Hoc quoque proprium erat Censorum, ut in demortui locum alius non subrogaretur, sed uno mortuo alius se statim magistratu abdicare cogeretur. Id quod eodem illo loco dicit Livius: *An collegam subrogabis, quem te in demortui quidem locum subrogarissas est?* Et lib.6. Dec.1. *Creari Censores C. Sulpitius Camerinus, Sp. Posthumius Regillensis: coraque jam res morte Posthumii (quia collegam Censori sufficere religio erat) interpellata est*. Igitur cum Sulpitius abdicasset se magistratu, Censores alii vicio creati non gesserunt magistratum. Tercius creari velut diis non accipientibus in eum annum Censuram religionis fuit. In prætorum autem comitiis multitudinem candidatorum fere efficiebat, ut diutius durarent comitia: præsertim cum sex, octo, decemve creandi erant Prætores. Vix enim fieri poterat, ut paritæstantia iidem candidati plura in primis Centuriis suffragia ferrent, ut non esset ad postremas descendendum. Si tamen id accidisset, ut ex omnibus candidatis, quos prærogativa Prætores fecisset, eos-

dem primæ classis Centuriæ facerent, tum sane nihil opus erat, cæteras Centurias vocare. Sin vararent, necessario ad numerum legitimum Centuriarum conficiendum eouque vocandæ erant, dum sex, octo, decemve creati essent Prætores. At si quatuor sexve jam declaratis, ex reliquo numero candidatorum nullus expleisset Centurias, tum nisi iudicatum esset a Senatu satis Prætorum esse, oportebat Consulem alia comitia habere ad collegas ad numerum legitimum subrogandos. Nam ut Prætores jam designatos id non potuisse facere credam, facit quod supra diximus, Prætoribus jus non fuisse Prætores rogandi. Ex iis, quæ diximus, intelligi potest, cum omnia comitia hoc haberent commune, ut tempestatis intervntu dirimerentur, habuisse tamen id diversum Censoria comitia a Prætoris & Consularibus, quod in Censoriis comitiis si post unum jam renunciatum Censorem, aliquid de cælo accidisset, antequam ex reliquo candidatorum numero alter quoque renunciatus esset, tum ita dirimebantur comitia, ut vitiosus etiam censereetur is, qui jam creatus erat Censor: si quidem iure non posset unus creari Censor, ut paulo ante demonstravimus. At in Consularibus & Prætoris tempestatis intervntu non reddebantur vitiosi, qui jam creati erant. De Prætoris comitiis ita scribit Livius lib.10. Dec.4. in fine: *Secundum triumphum comitia edixit, quibus creati Consules sunt M. Junius Brutus, A. Manlius Volso. Prætorum inde tribus creatis, comitia tempestas diremit. Postero die reliqui tres facti*. His verbis Livius aperte ostendit, tempestatem quidem direpta fuisse comitia, id tamen ad eos magistratus, qui jam illis comitiis creati erant, nihil pertinuisse. In Consulibus vero idem fuisse eo exitimo, partim quod eisdem auspiciis crearentur Consules & Prætores; ex quo sequitur, quæ ex parte non vitabantur Prætoria, & Consularia non vitatum iri, partim quod comitiis Consularibus nil vetabat unum Consulem absque collega creati, ut paulo ante diximus: itaque vitium interveniens post unius renunciationem, ad eum nihil pertinere poterat. Quoniam autem ad agendum de interruptione comitorum hoc loco devenimus, adscribam & locum Dionis ex libro 37. ubi ita scribit de Rabirio perduellionis reo: *Rabirius a Duumviris damnatus provocavit: sed tamen apud populum etiam damnatus fuisset, nisi Metellus Celer Augur & Prætor rem impedisset. Nam cum multitudo nec eum audiret, nec quod contra morem patriæ legesque iudicium factum esset, vellet attendere, prope Janiculum petit, priusquam quicquam suffragio populus scisceretur: signumque militare detrahit ut nihil jam ei discernere liceret. Sic detracto vexillo, concio soluta est*. Ex iis Dionis verbis apparet, comitiis Centuriatis imperatum exercitum non modo in Janiculo esse debuisse, sed etiam dirimendorum comitorum eam fuisse unam rationem, si detracto signo militari inde abduceretur exercitus. Rationem autem ejus rei simul eodem loco aperit Dion. His explicatis non erit difficile docere quid essent, & quomodo fierent gradus in renunciatione magistraturum. Gradus autem appello, primo loco, secundo, tertio aut quarto renunciari. Honorificum enim erat priore loco renunciari, parum honorificum in postremis renunciari. Id quod intelligi potest ex Cicerone, qui de suis magistratibus loquens, nunquam omittit, quo loco sit renunciatus. Pro lege Manilia: *Nam cum propter dilationem comitorum ter Prætor primus Centuriis cunctis renunciatus sum, facile intellexi, Quirites, & quid de me judicaretis, & quid aliis prescriberetis*. Et in Pisonem: *Me cum Questorem in primis, Aedilem priorem, Prætorem primum cunctis suffragiis populus Romanus faciebat*. Et paulo post: *Me cuncta Italia, me omnes ordines, me universa civitas non prius tabella quam*

voce priorem Consulem declaravit. Et pro Muræna: *Quæsturam una petiit, & sum ego factus prior. Non est respondendum ad omnia. Neque enim quenuquam vestrum fugit, cum multi pares dignitate fiant, unus autem primus obtinere possit, non eundem esse ordinem dignitatis & renunciationis, propterea quod renunciatio gradus habet, dignitas autem sit persepe eadem omnium.* Et paulo post: *At enim in Præture petitione prior renunciatus est Servius. Pergitisne vos tanquam ex syngrapha agere cum populo, ut quem locum semel honoris cupiam dederit, eundem reliquis honoribus debeat?* Et A. Gellius libro 10. cap. 1. ita scribit: *Verba M. Varronis ex libro disciplinarum quinto hæc sunt: Aliud est quarto Prætozem fieri, & quartum; quod quarto locum adsignificat actres ante factos: quartum tempus adsignificat & ter ante factum.* Ex iis locis apparet, non modo in renunciatione gradus fuisse, sed etiam priores locos eo magis honorificos censer, quod apud populum magis gratiosi existimarentur, quibus eos attribueret. Porro autem, ut explicemus quomodo ferebant illi gradus, animadvertendum est, cuique de populo simul dari tot tabellas, quot erant candidati: ex iis autem tabellis tot quisque in cistam coniciebat, quot erant creandi magistratus: veluti in Consulum Censorumque creatione duas, in Prætorum sex, octo decemque, pro numero Prætorum creandorum. Ac simul quidem omnes illas coniciebat, alioqui toties revocari Centurias oporteret, quot essent magistratus creandi: unde fieret, ut si variarent in omnium creatione Centuriarum, adeoque universi populi vocatio fieret: itaque in Prætorum creatione pro unis comitiis octo comitia fierent. Ut omittam, cum voce creabantur Consules, semper duos simul nominari solitos ab unaquaque Centuria, non autem semel unum post alterum: ut ex omni historia Livii apparet. Id vero data post tabella cur mutatum esset? Non igitur intelligendum est, in gradibus faciendis populum rogari solitum, ut cui vellet primum locum dare, eum primo crearet, tum deinde cui secundum locum esse vellet, secundo, cui tertium, tertio, cui quartum, quarto, & ita deinceps: sed omnium simul unaque vocatione tabellis in cistam coniectis. Invenienda est ex iis, quæ diximus, alia ratio graduum faciendorum. Ponamus ergo quatuor Consulatus competidores. Ex iis sane quatuor, qui primus legitimum numerum Centuriarum confecisset per suffragiorum descriptionem comperietur, prior renunciabitur: deinde ex reliquis candidatis, qui primus legitimum numerum explebit, posterior Consul renunciabitur. Ut autem, cum duo creandi sunt, pari dignitate illud eveniat, ut unus legitimum numerum conficiat ante alios, necesse est, favorem populi præcipue in eum inclinare: si quidem id accidere non posset, nisi in omnibus primovocatis Centuriis certo designaretur, cum in reliquis varient sententiæ. Quod si duobus pariter faveret populus, adeo ut in omnibus primovocatis Centuriis pares suffragiis essent, eaque æqualitas eorum permaneret, dum legitimum numerum Centuriarum uterque simul conchiceret: tum profecto in renunciatione gradus esse non poterant, sed simul ambo renunciabantur. Quod idem etiam iudicandum est, si in omnibus Centuriis suffragia aliqua ferebant quatuor candidati, ita tamen inæquali numero, ut duo quidem superarent alios, eo tamen rursus inter se discrimine, ut semper numero suffragiorum unus alterum vinceret. Tum enim accidebat, ut illi duo non modo Centurias omnes simul ferrent, sed etiam simul legitimum numerum Centuriarum tandem conficerent: itaque necesse erat ut simul renunciarentur. Nam gradus renunciationis non potuisset id facere, quod numero suffragiorum in singulis Centuriis alter superior esset, hinc demonstrari potest, quod evenire poterat, ut qui in

omnibus Centuriis usque ad unam, quæ ad legitimum numerum perficiendum ambobus restaret, inferior numero suffragiorum fuerat, in hac postrema vel renunciaretur, cum alter, qui superior semper fuerat, ab ea centuria præteritus esset, vel plura suffragia forte ferret quam alter. Quæ ratione fiebat, ut qui semper posterior fuerat, nihilominus prior renunciandus esset, propter hanc unam Centuriam, quæ ab aliis variasset. Erat igitur hæc una ratio graduum faciendorum per numerum legitimum Centuriarum. Sed quoniam raro accidebat, ut ex numero competitorum duo ita pares essent, ut simul explerent Centurias, propterea vix fiebat, ut non essent in renunciatione gradus. Quin tamen accidere posset, ut nulli gradus essent, negari non potest. Verum in Consulum Censorumque renunciatione duo tantum gradus erant: in Prætorum vero creatione tot esse poterant, quot Prætores creandi. Ac primus quidem Prætor renunciabatur eodem modo, quo prior Consul is, qui primus omnium candidatorum legitimum numerum Centuriarum confecisset reperiebatur. Verbi gratia: in prærogativa, & omnibus primæ classis Centuriis constantissime Cicero inter eos perpertus est, quos illæ Centuriæ Prætores facerent: nullus autem competitorum ejus tanta constantia omnes tulit, sed alii atque alii creati sunt in illis Centuriis. Sane, postquam ultima primæ classis Centuria suffragium dixerat, solus adhuc Cicero omnium competitorum legitimum numerum confecerat. Quare necessario primus omnium Prætor renunciandus erat. Pone nunc Aquilium, verbi gratia, pari constantia tulisse omnes primæ classis Centurias præter unam atque alteram, cum reliqui competitores magna varietate alii alias tulerint. Hic profecto unus erat Aquilius, cui una modo deesset Centuria ad legitimum numerum. Si igitur ex secunda classe vocata Centuria prima Aquilium creasset, necesse erat Prætozem cum renunciari secundo loco: quia primus omnium post Ciceronem legitima suffragia confecisset. Idemque in cæteris deinceps intelligendum. Quod si alius quidam unus vel plures prærogativam cum Cicerone tulissent, omnesque primæ classis Centurias, tamen numero suffragiorum in singulis Centuriis semper esset superior Cicero, nihilominus simul renunciabatur, quia simul expleverant Centurias: nec potuisset dici Ciceronem esse primum Prætozem. Ac si evenisset, ut non modo Centuriarum numero, sed etiam suffragiorum in ipsis Centuriis, vel omnes cum Cicerone pares fuissent, vel unus aut alter: tum multo magis inter eos non fecisse gradus populus iudicabatur. Itaque vel simul renunciandi erant, ut nullus se priorem diceret: quod verius esse existimo: vel in gradibus faciendis ratio habenda erat ordinis, generis, ætatis: aut vero forti commitebatur. Verum ego tanti hoc non interfuisse existimo, ut in gradibus faciendis aliud spectandum esset præter populi suffragia. Nusquam vero reperitur alia inter Prætores sortitio, quam provinciarum; quæ tamen sola commode poni in eare potest. Sæpe enim evenire poterat, ut multi competitores pares essent ordine, ætate ac genere: vel ut quidam essent genere superiores, cum ordine ac ætate vincerentur, aut contra. Tum vero quid poterat controversiam omnem tollere præter sortem? Si igitur forti nullus hac in re locus erat, relinquatur verus esse, si quando pares essent aliqui a populo facti, tum inter eos gradus renunciationis non fuisse: ut ne eventus suffragiorum populi ulla ex parte mutaretur. His expolitis, examinanda nobis sunt verba Ciceronis, ex oratione adversus Antonium & Catilinam. Verba Ciceronis hæc sunt. *Nescis me Prætozem Primum esse factum: te concessione competitorum & collatione Centuriarum, & meo maxime beneficio & postremo in tertium locum esse subvectum?* Est & alius locus paulo post: *An*

oblatus es, te ex me, cum praetura peteremus, petiisse, ut tibi primum locum concederem? Ex iis sane verbis apertum est, concessione competitorum in renunciatione gradus potuisse mutari. At illud valde obscurum, quomodo huiusmodi concessio fieri potuit. Nam quomodo tu possis alteri concedere, quod non est in tua, sed in populi potestate? Aut quomodo efficere possim; ut cum nondum legitima suffragia confeceris, tu locum meum obtineas, qui iam renunciatus sum confecto statim legitimo suffragiorum numero? Conandum tamen veritatem eruere. Ac primum illud certum est mutam suffragationem competitorum, modo corruptione careret, non fuisse prohibitam. In hac suffragatione alii aliis eas, quas sibi conciliarant Centurias, concedebant, ut apparet ex oratione pro Plancio. Quod non ita accipi debet, quasi ea concessione necessitate obstringeretur populus: sed rogando conciliabat suas Centurias unus alteri, ut vicissim ille suas ei conciliaret. Porro autem in concedendis iam mutuo Centuriis, non erat difficile competitoribus iudicare, eos certiorum spem habere obtinendi magistratus, quibus plures viderent esse certos suffragatores. Et si quis ergo omnium vel per se, vel per amicos videretur sibi plures Centurias conciliasse, jam tum spes propemodum certa erat eum potissimum primum locum obtenturum. Quare quali de certa spe transigi aliquid inter competitors poterat de primo loco. Antonius igitur cum videret favorem populi maxime in Ciceronem inclinare, rogabat eum, ut sibi primum locum cedere vellet: hoc est, ut tibi de suis Centuriis eum numerum concederet, per quem primum locum obtinere posset. Ac Cicero de suo jure tantum cedere noluit, sed id modo fecit, ut qui eas modo Centurias habebat, per quas ultimo loco Praetor renunciandus esset, eas totque ei conciliaret, quot satis essent, vel ad tertium locum obtinendum. Efecit autem id Cicero, partim concedendo de suis Centuriis, partim rogando competitors, ut Antonio de suis quoque Centuriis darent. Atque illud est quod ait, concessione competitorum & collatione Centuriarum suo maxime beneficio ex ultimo loco in tertium esse subvectum. Finge, Antonium paucas habuisse de primis Centuriis, at de postremis satis multas, ut exclusis nonnullis suis competitoribus fieri posset Praetor: contra vero Ciceronem, & reliquos magis certa spe competitors permultas de primis habuisse, ut postremis nihil fere eis opus esset. Sane Antonius, qui de primis paucas habebat, non poterat renunciari, nisi post eos, quibus primus favisset. Quod si Cicero, & reliqui competitors nonnullas de suis primis Centuriis Antonio concessissent, quarum loco vicissim Antonius de postremis Ciceroni & reliquis competitoribus nonnullas conciliasset: profecto, qui de numero sibi detraxerant, non tam cito renunciari poterant, quam renunciati fuissent. Contra Antonius per primarum, quas sibi addiderat suffragium, multo citius renunciabatur quam renunciatus esset. Quando enim Antonius unam de primis ferebat, quam alius competitor tulisset, necesse erat ad legitimum numerum Centuriarum conficiendum, ex posterioribus Centuriis aliam subitici. Tantisper ergo dum subitueretur, differebatur ejus renunciatio: idque propter eam Centuriam, quam sibi detraxerat, ut Antonio concederet. Quoque magis ista concessione Centuriarum differebatur aliorum renunciatio, eo magis accelerabatur Antonii renunciatio. Et quia de primis tantum ei concessum erat, ut legitimum numerum tertio loco potuerit conficere, propterea collatione Centuriarum, concessioneque competitorum tertium locum obtinuisse dicebatur. Huius vero suffragationis quia auctor fuisset Cicero, idcirco suo beneficio dixit ex ultimo in tertium locum fuisse subvectum. At quomodo id Cicero persuadere po-

terat competitoribus, ut tantum de jure suo cederent? An quod Ciceroni potissimum negare non possent: Idque propter favorem populi, quem maxime in eum inclinare videbant: ne scilicet suffragia, quae per amicitiam Ciceronis sibi conciliarent, amitterent: praesertim, cum de jure suo ita cedendo non minus certi essent de magistratu obtinendo: locus autem quem cedebant, non ita honorificus esset, ut magnopere contendendum esset contra ejus voluntatem, qui apud populum maxime esset gratosus, ob idque vel juvare, vel nocere plurimum posset. Non igitur concedatur quod nullo modo in tua potestate esset. Erant enim Centuriae, quas certas habebant candidati, quodam modo in eorum potestate: quibus alii concedendis si effectum esset, ut multo prius renunciaretur quam renunciatus esset, non immerito sua concessione dicebatur gradus mutasse. Ut vero huiusmodi locorum concessionem ante comitia fieri illo, quo dixi, modo existimem, non in ipsis comitiis, hinc adducor, quod nulla ratio inveniri possit, qua id commodum fieri posset in ipsis comitiis. Quia enim, ut quique a pluribus Centuriis creatus erat, voce praconis renunciandus erat, quomodo poterat ipsis comitiis non esse primus qui primo renunciatus erat? Aut quomodo aliis jam suo loco renunciatis qui tandem postremus erat in alium locum subvehi posset? sane nulla erat ratio gradus mutandi inter eos, qui pares numero Centurias non tulissent: liquidem semper ante renunciandus esset, qui prior plures Centurias tulisset. Quomodo ergo pacto inter competitors fieri potuit de gradibus renunciationis ceden-
dis, nisi de Centuriis suffragium dicturis jam ante conflictisset? Ut ergo certa posset esse concessio, ita intelligendum est pactum futurum inter Ciceronem & Antonium; liquidem Cicero voluisset ei ipsis comitiis locum primum cedere, si legitimum numerum Centuriarum primarum pariter cum Cicerone confecisset Antonius, Ciceronem velle, idque Antonio concedere, ut prior renunciatur. At enim quid hoc modo de jure suo cessisset Cicero? Aut quid contendendum de ea re Antonio, si spes erat parem se cum Cicerone suffragiis futurum? Nam, quid causa esset, cur potius hoc vellet a Cicerone obtinere Antonius, quam Cicero ab Antonio? Neque vero inter eos gradus esse renunciationis poterant, qui simul expleverant Centurias: nec pactum ergo inter competitors de locis cedendis in hunc eventum intercedere poterat. Haecenus de gradibus renunciationis: illud nunc animadvertendum est, quod Cicero scribit 2. Orat. in Rullum: *Sed tamen magnificentius atque ornatus esse illo nil potest, quod meo comitiis non tabellam indicem tacite libertatis, sed vivam vocem praevobis indicem vestrarum erga me voluntatum ac studiorum tulistis.* Ex eo enim loco intelligi potest, tabellam quidem populo datam ad occultanda suffragia, ut etiam idem Cicero scribit pro Plancio: *Etenim si populo grata est tabella, quae frontes aperit hominum, mentes regit, datque eam libertatem, ut quod velint, faciant, promittant autem, quod rogentur.* Interdum tamen populum Romanum adeo noluisse beneficio tabellae uti, ut voce magistratus declararet, quo magis apertum esset suum suffragium. Non quod tabella non uteretur, sed simul cum tabella vocem adderet, ut Cicero in Pisonem offendit, cum ait: *Me universa civitas non prius tabella quam voce priorem Consulem declaravit.* Illud quoque observandum, quod Cicero tertio de leg. scribit: *Itaque ut omitterem largitione corrupta suffragia, non vides, si quando ambitus sileat, quere in suffragiis, quid optimi viri sentiant.* His enim verbis Cicero significat, tamen suffragium tabella ferretur ad occultandum omni ratione suffragium: interdum tamen comitiis, rogatorem comitorum viros optimos ro-

gare solitum, ut palam de candidatis suam sententiam dicerent: si ambitus lileret, hoc est, si non plus contenderent candidati, quam æquum esset: adeo ut non viderentur moleste latari, si optimatum iudicio aliis alii præferrentur. Cujus rei exemplum est apud Ciceronem 2. de Oratore: *Ex eodem hoc vetus illud est, quod aiunt Maluginensem illum M. Scipionem, cum ex Centuria sua renunciaret Acidinum Consulem, præcoque dixisset, Dic de L. Manlio: Virum bonum, inquit, egregiumque civem esse arbitror. cum enim hic Scipio Acidinum cognomento renunciaret, præco volebat, ut proprio nomine L. Manlium appellaret. Scipio vero in aliam sententiam translatis verbis præconis, cepit laudare Manlium, quasi iustus esset id, pro more, facere.* Ad extremum examinandus est nobis locus Ciceronis ex secunda Philippi. ubi ita scribitur: *Ecce Dolabellæ comitiorum dies. Sortitio prærogativæ, quiescit: renunciatur, tacet. Prima classis vocatur, renunciatur. Deinde, ut assolet, suffragia. Tum secunda classis vocatur.* Hic duo sunt quæstione digna. Unum, quomodo hæc Dolabellæ comitia facta sint nullo competitore. Nam, si una modo tabella populo dabatur, quæ nomen Dolabellæ contineret, hoc erat populum necessitate obstringere, ut non posset, si vellet, Consulem Dolabellam non creare. Dicendum igitur est, his comitiis legem latam, quæ Cæsar rogabat populum, ut Dolabellam suo loco Consulem esse juberet. Itaque date sunt duæ tabellæ populo, ut in lege ferenda, non autem una, quæ nomen Dolabellæ contineret. Et cum renunciatum Dolabellam a prærogativa dicit, sic accipi debet, ut significet, legem a prærogativa acceptam, quæ juberetur esse Consul Dolabellæ. Alterum est, quid illa verba significant, *Deinde, ut assolet, suffragia.* Nam, si his verbis significetur descriptio suffragiorum, hæc verba præpostere posita sunt. Neque enim renunciatio ante fiebat quam suffragiorum descriptio. Itaque locus corruptus esset, legendumque esset: *Prima classis vocatur, deinde, ut assolet, suffragia renunciatur. Tum secunda classis.* Neque vero his verbis cives aliqui intelligi possunt, qui extra classes suffragium dicerent post primam classem, & ante secundam. Quinquam enim apud Appianum reperiamus, cum socii Italiæ primum donati sunt civitate, coniectos in alias quasdam novas tribus a Romanis trigintaquinque tribubus diversas, quæ postremæ suffragium dicerent: attamen ex historia ejusdem constat, postea a Cinna Consule legem latam, ut in tribus Romanas reciperentur: sicut revera recepti sunt, ut ex Velleii Patreculi historia constat, & ex Ciceronis oratione pro Muræna, ubi ait, municipia Umbriæ in tribus Romanorum fuisse. Constat autem ex historia, Umbros ex his Italiæ populis fuisse, qui in Romanos arma ceperunt. Si igitur omnes cives Romani in tribus trigintaquinque descripti erant, omnes autem qui tribubus continebantur, in classem Centurias; post primam classem necessario sequebatur secunda, nec aliqui cives erant, qui inter illas duas classes suffragium dicerent. Atenim in tanta omnium exemplarium concordia, quæ potest esse suspicio, locum illum corruptum esse? Restat igitur ut his verbis intelligamus, postquam primæ classis Centuriæ suffragium dixerant, iniri solitam rationem numeri Centuriarum, ut apparetur an legitimus numerus Centuriarum confectus esset, necne. Diximus enim primæ classis Centurias, connumeratis quidem in ea equitum Centuriis & prærogativa, numero superasse reliquas omnium classem Centurias. Itaque satis erat ad legitimum numerum Centuriarum conficiendum, omnes primæ classis Centurias idem sensisse: nec prius poterat, quæ sententia populi esset, decerni, quam tota prima classis suffragium dixisset: quia tum deum verum esset majorem partem Centuriarum vocatam fuisse. Ut ergo constare possit, an hic finis fa-

ciendus esset comitiis, an præter primæ classis Centurias aliæ vocandæ, necesse erat numerari suffragia: scilicet ut sciri posset, an consensu Centuriarum legitimus numerus jam confectus esset, aut si nondum confectus esset, quot requirerentur Centuriæ. Erat igitur duplex suffragiorum descriptio. Una, ad describendum singularum Centuriarum suffragia, ut eliceretur cuiusque Centuriæ sententia. Altera, ad ineundum numerum Centuriarum, ut tandem de populi sententia constare posset. Illa descriptio a custodibus fiebat seorsim in sua cuiusque tabella. Hæc a rogatore comitiorum simul colligente omnes Centurias, quarum jam descriptum esset suffragium. Ex illa descriptioe nascebatur singularum Centuriarum adhuc incerta renunciatio. Ex hac, si quidem legitimus numerus Centuriarum confectus esset, certa renunciatio: si nondum confectus, cognitio numeri Centuriarum, quæ in omnes partes requirerentur ad legitimum suffragiorum numerum perficiendum. Cum ergo ait Cicero: *Deinde, ut assolet, suffragia:* significat more solito suffragiorum initium esse rationem, quæ ex omni prima classe Dolabellam Consulem fecissent. Et quoniam subiungit, vocatam fuisse secundam classem, ex eo colligo, primæ classis Centurias non omnes renunciassse Dolabellam Consulem, sed a quibusdam Centuriis legem antiquam. Nam si post initium suffragiorum rationem comperisset Cæsar omnes primæ classis Centurias cum prærogativa consensisse, quorum vocanda erat secunda classis, legitimo jam numero confecto? Profecto nūi dicamus post auctum numerum Centuriarum a Servio institutum, non amplius pene primores vim suffragiorum fuisse, illud concedamus necesse est. Nam T. Livius & Dionysius interpretantur vim istam penes primores, penes equitum & primæ classis Centurias fuisse: in quibus si nihil variasset, reliquarum clasium suffragio nil opus erat. Mihi vero non fit verisimile, cum auctus est numerus Centuriarum, passuros fuisse primores, ut vincerentur numero a Centuriis inferiorum clasium: sed proportionem quadam ita auctum esse utrumque numerum, ut semper majore numero fuerint primæ classis Centuriæ, connumeratis in ea equitibus, quam reliquarum omnium clasium. Quod ergo ait Cicero renunciatum Dolabellam a prima classe, non sic accipi debet, quæ omnes primæ classis Centuriæ absque variatione in eo consensissent: sed quod major pars renunciasset. Nam si totam primam classem renunciasset accipias absque ulla varietate, quorum opus erat Centuriarum hic inire rationem? præsertim cum certum esset, vel consensu totius primæ classis legitimum numerum nondum esse confectum. Qui enim nullam primæ classis Centuriam viderat legem antiquasse, quomodo incertus esse posset, quot præterea requirerentur ad legitimum numerum? At qui id jam sciebat, quorsum ineundo numerum suffragiorum tempus consumpisset? Est igitur verius id, quod diximus, legitimum numerum suffragiorum fuisse in primæ classis Centuriis: ob idque post dicta primæ classis suffragia, ac non prius, ineundam fuisse rationem numeri legitimi: præsertim si aliquas dissen- sisse in singulis renunciandis compertum esset. Nam si ad legitimum numerum Centuriarum conficiendum præter primam classem opus fuisset dimidia parte (verbi gratia) Centuriarum secundæ classis, hic sane & non prius ratio ineunda fuit legitimi Centuriarum numeri. Itaque in his Dolabellæ comitiis legem Centuriæ aliquæ non acceperant: propterea ex secunda classe vocandæ fuerunt eousque Centuriæ, dum legem tot Centuriæ ex hac classe acceperint, quot in prima classe ad legitimum numerum requirebantur. Et quoniam his comitiis in secunda classe legitimus numerus confectus est, propterea tertie classis nulla sit apud Ciceronem mentio. Ac de his quidem, quæ ipsis comitiis fierent, satis. Sequitur ut pauca

de iis, quæ post dicta suffragia fieri solebant, dicamus. In legum comitiis nihil reperio, quod proprie ad comitia pertineret, fieri solitum post suffragia; nisi quod legitimo Centuriarum numero confecto, legem aut acceptam, aut antiquatam magistratus pronuntiabat, populumque dimittebat. In magistratuum vero comitiis, solebat is, qui habebat comitia, priusquam populum dimitteret, eos renunciare, quos jam sæpe a præconibus pronuntiatos populus creasset, adjecta solenni precatone. Id quod ex Cicerone constare potest, cum ita scribit pro Muræna: *Quæ deprecatus a diis immortalibus sum, Iudices, more institutoque majorum illo die, quo auspicio comitiis Centuriatis L. Murenæ Consulem renuntiavi: ut ea res mihi magistratuique meo, populo plebique Romanæ bene ac feliciter eveniret.* Illud quoque ex Cicerone confirmare possumus, eos, qui Consules designati essent, domum e campo deduci solitos a magna multitudine populi, ac præsertim propinquorum & necessariorum. Verba Ciceronis 2. in Verr. hæc sunt: *Nam ut Hortensius Cof. designatus domum reducebatur e campo cum maxima frequentia & multitudine.* Et paulo post: *Propinquus necessariusque ejus, qui tum aderant, verbum nullum facit.* Ac de modo quidem comitorum Centuriarum satis: nunc de loco agendum.

C A P. V.

De loco Centuriarum comitorum.

COMITIA nulla poterant haberi, nisi in loco inaugurato, hoc est, ab auguribus ad eam rem dicto & consecrato, ut ex T. Livio apparet, cujus verba sunt lib. 3. Dec. 1. *Igitur Tribuni ut impediendæ rei nulla spes erat, de proferendo exercitu agere, eo magis, quod & augures jussos adesse ad Regillum lacum fama exierat, locumque inaugurari, ubi auspicio cum populo agi posset: ut quicquid Romæ vi Tribunitia rogatum esset, id comitiis ibi abrogaretur.* Centuriata vero comitia intra pomerium haberi non poterant: quia, inquit Gellius lib. 15. c. 27. *exercitum extra urbem imperari oporteat, intra urbem imperari jus non sit.* Acqui Centuriata comitia nisi imperato exercitu haberi non poterant: idque prædicii causa, ut idem Gellius ait, quoniam populus esset in suffragiis ferendis occupatus. Quoniam autem hæc maxime iusta erant comitia & universi populi, cum Tributa magis plebis essent, idcirco non perinde imperato exercitu prædicii causa Tributis opus erat, ut Centuriatis: quando non æque populus universus erat in suffragiis ferendis occupatus. Rationem autem edicendi exercitus indicat Livius lib. 9. Dec. 4. his verbis, quæ sunt Sp. Posthumii Cof. *Majores vestri, ne vos quidem, nisi cum aut vexillo in arce posito comitorum causa exercitus edictus esset, aut plebi concilium Tribuni edixissent, aut aliqui ex magistratibus ad concionem vocasset, forte temere coire voluerunt.* Locus igitur Centuriatis comitiis destinatus erat campus Martius, de quo Livius ita scribit: *Ager Tarquiniarum, qui inter urbem ac Tyberim fuit, consecratus Marti, Martius deinde campus fuit.* Hunc campum reperio apud Gellium lib. 6. cap. 7. Accæ Larentiæ fuisse, darumque testamentum populo Romano, vel, ut alii volunt, Romulo. Eum sibi Tarquinius usurpaverant: quibus ejectis populo restitutus est adjecta consecratione. In hoc campo Martio Centuriata comitia semper habita reperio: nisi quod iudicium Manlii e campo Martio translatus est in Lucum Petelinum extra portam Frumentariam: ut a conspectu Capitolii oculi populi averterentur, quo liberius de conservatore Capitolii iudicaret: ut scribit Livius lib. 6.

1. Dec. Hunc campum Cicero quarta oratione in Catilinam, Consularibus auspiciis consecratum appellat: quia imperii Consularis auspiciis omnia fere peragebantur, quæ publice in eo campo fieri solebant. De septis, quæ in campo erant, & de Tribunali comiciali supra satis diximus. Itaque nihil jam superest, quod de loco Centuriarum comitorum dicamus. Restat ut de tempore pauca agamus.

C A P. VI.

De tempore Centuriarum comitorum.

COMITIA non poterant nisi comicialibus diebus haberi. Ut autem, quid essent dies comiciales, intelligatur, verba Macrobii citabo ex 1. Satur. cap. 16. *Numa ut in menses annum, ita in dies mensem quemque distribuit: diesque omnes aut festos, aut profestos, aut intercessos vocavit. Festi diis dicati sunt: profesti hominibus ad administrandam rem privatam publicamque concessi: intercessi deorum hominumque communes sunt. Festis insunt sacrificia, epule, ludi, ferie: profesti fasti, comiciales, comperendini, stati, præliares: intercessi in se, non in alia dividuntur. Nam cum hostia ceditur, fari nefas est: inter cæsa & porrecta fari licet: rursus cum adoletur, non licet. Sacra celebrata est, vel cum sacrificia diis offeruntur, vel cum dies divinis epulationibus celebratur, vel cum ludi in honorem aguntur deorum, vel cum ferie observantur. Feriarum autem publicarum genera sunt quatuor. Aut enim stativæ sunt, aut conceptivæ, aut imperativæ, aut nundinæ. Et sunt stativæ universi populi communes certis & constitutis diebus ac mensibus, & in fastis statis observationibus annotatæ: in quibus præcipue servantur Atonalia, Carmentalia, Lupercalia. Conceptivæ sunt, quæ a magistratibus vel sacerdotibus concipiuntur in dies vel certos vel etiam incertos: ut sunt Latine, Paganalia, Sementine, Compitalia. Imperativæ sunt, quas Consules, vel Prætores pro arbitrio potestatis indicunt. Nundinæ sunt paganorum, id est, rusticorum, quibus conveniunt negotiis propriis, vel mercibus provivuri. Fasti sunt quibus licet fari Prætoribus tria verba solennia Do, Dico, Addico. His contrarii sunt nefasti. Comitiales sunt, quibus cum populo agi licet. Et fasti quidem lege agi potest, cum populo non potest: comicialibus utrumque potest. Comperendini, quibus vadimonium licet dicere. Stati, qui iudicii causa cum peregrino instituuntur. Præliares ab iustis non segregaverim: siquidem iusti sunt continui triginta dies, quibus exercitu imperato vexillum rufi coloris in arce positum est: præliares autem omnes, quibus fas est res repetere, vel hostem laceßere. Dies autem postriduanos ad omnia majores nostri cavendos putarunt: quos etiam atros vel infausta appellacione damnavunt. Pontifices statuerunt postridue omnes Calendas, Nonas, Idus, atros dies habendos: ut bi dies neque præliares, neque puri, neque comiciales essent. Ante diem quoque quartum Calendas, vel Nonas, vel Idus, tanquam inominalem diem plerique vitant. Ad rem sane militarem nil attinere notat Varro, utrum fastus vel nefastus dies sit: sed ad solas has actiones respicere privatas. Hæc ad verbum ex Macrobio adscripta sunt. Ex quibus hoc primum constat dies comiciales non eos fuisse, in quos pro arbitrio comitia magistratus edicerent, sed certos quosdam eos dies fuisse jam inde a Numæ instituto, quibus solis cum populo agi posset. Tum vero ex eo, quod inter profestos dies enumerantur comiciales, intelligi potest, comitia haberi non potuisse ullis diebus ludorum, sacrificiorum ac feriarum. Et quoniam multa genera diversa profestorum dierum facit, apparet tunc omnibus quidem profestis diebus comitia haberi fas fuisse. Neque enim fastis diebus haberi poterant.*

nec nefastis. Plautus enim, cum in *Paenulo* ita scribit: *Nam istorum nullus nefastus est, comitiales sunt meri*: per allusionem dierum nefastorum & comitialium, opponit inter se nefastos & comitiales homines. Et si dies comitiales iisdem potuissent esse nefasti, non verum esset, quod ait Macrobius, Comitilibus diebus & cum populo & lege agi potuisse. Id quod ego sic intelligo, peractis comitiis nil vetare, si tempus pateretur, quominus apud Prætorē agi posset. Nam avocari iudiciis populum, dum haberentur comitia, fas non fuisse existimo. Quo fit, ut eadem ratione existimem, comitiales dies a comprehendendis statisque diebus fuisse diversos. Sed nec præliis comitia haberi potuisse, vel hinc ostendi potest, quod iustitio indicto certum est, nihil publice agi potuisse, nisi quod ad exercitum parandum pertineret. Præliares autem a iustis non distinguit Macrobius. Et quoniam nono quoque die erant nundinæ, quas inter ferias numeravimus, perspicuum est e numero comitialium nonum quemque diem esse detrahendum. At si præterea inde auferas omnes festos, itemque omnes fastos nefastosque, comprehendinos, statos, præliares, omnes denique atros dies; necessario efficietur, toto anno non ita multos dies fuisse comitiales. Unde fit, ut non possent magistratus, cum vellent, agere cum populo: sed providendum eis erat, ut comitiales dies esset, in quem comitia edicerent. Unde apud Livium tam sæpe reperitur mentio comitialium dierum. Ut lib. 3. 1. Dec. *Sic patres in lege, quæ per omnes comitiales dies ferebatur, impedienda se gerant*. Et lib. 7. *Aliquoties frustra in campum descensum cum esset, multique per seditiones acti comitiales dies*. Et lib. 4. Decad. 3. *Fabius in eum, quem primum comitiale diem habuit, comitia edixit*. Erant igitur comitiales dies, illi dies in fastis populi Romani descripti, quibus comitia haberi possent. Hoc enim idem est, atque cum populo agere. Nam rogari populi suffragia nisi comitiis non possunt. Porro autem ut de nundinis amplius disputemus, facit locus apud Dion. lib. 7. & Plutarchum in *Coriolano*. Uterque enim auctor est Martio Coriolano post accusationem trinundinum ita datum, ut tertius nundinis iudicium de eo futurum esset. Unde sequitur, eos velle, nundinis haberi potuisse comitia. Quod tamen ne eis credam, verba Macrobii efficiunt, cum ita scribit: *Quod autem nundinas ferias dixi, potest argui: quia Titus de feriis scribens, nundinarum dies non inter ferias retulit, sed tantum solennes vocavit*. Et quod Julius Modestus asseruit, *Messala augure consulente pontifices, an nundinarum Romanarum nonarumque dies feriis tenerentur, respondisse eos, nundinas sibi ferias non videri*. Et quod Trebatius in lib. 1. religionum ait, *nundinis magistratum posse manumittere, iudiciique adicere*. Sed contra Julius decimosexto auspicio lib. negat nundinis concionem advocari posse, id est, cum populo agi: ideoque nundinis Romanorum haberi comitia non posse. Cornelius etiam Labeo primo *Fastorum* lib. nundinis ferias esse pronunciat: *Causam vero huius varietatis apud C. Licinianum libro 2. diligens lector inveniet*. Ait enim nundinas Jovis ferias esse: siquidem Flaminica omnibus nundinis in regia Jovi arietem solebat immolare, sed lege Hortensia effectum ut faste essent: uti rustici, qui nundinandi causa in urbem veniebant, lites componerent. Nefasto enim die Prætori fieri non licebat. Ergo qui ferias dicunt, a mendacio vindicantur patrocinio vetustatis: qui contra sentiunt, æstimati ætatis quæ legem secuta est, vera depromunt. Ex his Macrobii verbis perspicuum est nundinis comitia haberi non potuisse. Quod etiam Plinius lib. 18. cap. 3. ita scribit: *Nundinis urbem revisitabant, & ideo comitia nundinis haberi non licebat, ne plebs rustica avocaretur*. Itaque ego de Plutarcho & Dionysio sic sentio; aut in hac an-

tiqutatis observatione parum fuisse diligentes, aut, si non est error in eorum codicibus, iudicium hoc Martii certis quibuldam de causis in diem nundinarum indictum fuisse, quamvis jure id non liceret. Utur sit, illud certum est, nundinis non modo concionem ad populum haberi potuisse, ut vel ex eo appareat, quod trinis nundinis leges promulgari oporteret: sed etiam apud Prætorē lege agi: idque jam inde post leges duodecim tabularum latas: ut ex primo cap. lib. 20. A. Gellii intelligi potest. Legem enim interpretans, in qua scriptum erat: *Aris confessi, rebusque jure iudicati triginta dies iusti sunt*: ita scribit: *Erat autem jus interea paciscendi. Ac nisi pacti forent, habebantur in vinctulis dies sexaginta*. Inter eos dies trinis nundinis continuis ad Prætorē in comitium producebantur, quantæque pecunie iudicati essent, prædicabatur. Ex his planum est, nundinis apud Prætorē lege agi potuisse, etiam ante abrogatam illam legem duodecim tabularum de nexis: de qua illic est mentio. Unde colligo, hanc legem Hortensiam per quam nundinæ fastæ effectæ sunt, veterem admodum fuisse, ac non eandem esse cum illa Hortensia, de qua est mentio lib. 1. Digestorum leg. 2. de orig. juris & lib. 1. Instit. qua cautum est, ut plebsita omnes Quirites tenerent. Quamquam autem nundinis esset apud Prætorē legis actio, concionemque a magistratibus haberi liceret, tamen comitia, ut ex his, quæ diximus, appareat, haberi non poterant. Illud etiam de comitilibus diebus observandum est, quod apud Ciceronem scriptum est in epistola ad Q. Fratrem, cuius initium est: *Risi nivem atram: Comitilibus diebus, qui Quirinalia sequuntur, Appius interpretatur non impediri se lege Pupia, quo minus habeat Senatū: eo quod Gabinia sanctum sit, etiam cogi, ex Calendis Febr. usque ad Calend. Martias legati quotidie Senatū dari*. Ex iis enim verbis appareat, legem fuisse Pupiam, per quam vetabatur, ne diebus comitilibus Senatū habere liceret. Id quod in alia etiam epistola ad Q. Fratrem ita scribit: *Consecuti sunt dies comitiales, per quos Senatū haberi non poterat*. Unde etiam in epistola ad Lentulum quarta sic scriptum est: *Senatū haberi ante Cal. Febr. per legem Pupiam (id quod scis) non potest*. Ex quo etiam loco cum superioribus epistolis collato intelligi potest, mense Ianuario nullos fuisse dies comitiales ante 14. Cal. Febr. siquidem usque ad eam diem vel ferie erant, vel habitum fuisse Senatū ostendit. Et quoniam reliquo toto mense dicit per legem Pupiam haberi Senatū non posse, colligi potest, reliquos mensis illius dies comitiales fuisse: nisi ferie aliquæ in eos dies incidissent, ut nundinæ. Nundinarum enim interveniunt duos dies de numero comitialium demebat, ut ostendit Cic. lib. 4. ad Att. in epistola. *Accipe te certo scio*. Postquam enim 12. & 11. Cal. Dec. in comitilibus diebus numeravit, de decimo & nono die ita subiicit: *Ante diem 10. Cal. nundinæ. Concio biduo nulla*. Quibus verbis significat de comitiis P. Clodii nihil actum esse illis duobus diebus, propter interventum nundinarum. Nam concio illic pro comitiis accipi debet, ut præcedentia & consequentia ostendunt. Nec sane verum esset, nundinis verba ad populum fieri non potuisse. Tum vero de 8. Cal. rusticus subiicit: *Ante diem 8. Cal. hæc ego scribebam hora noctis nona. Milo campum jam tenebat*. Quæ verba significant rursum, hunc diem 8. Calend. comitiale fuisse. Mense Febr. erant post Quirinalia dies aliquot comitiales, ut ait Cicero in epistola ad Q. Frat. 15. *Comitilibus diebus, qui Quirinalia sequuntur*. Erant autem Quirinalia 13. Calend. Mart. In cæteris quoque mensibus fuisse comitiales quoddam dies, non difficile erit ex veterum scriptorum libris colligere. Quamquam autem lege cavebatur, ne comitilibus diebus Senatū haberetur; interdum tamen Se-

natufconfulto magiftratus legibus folvebantur, ut illis diebus Senatū habere liceret: ut offendi poteft ex 8. epift. Cælii ad Ciceronem. Illic enim verba Senatusconfulti hæc funt: *Quod M. Marcellus Conf. verba fecit de provinciis Confularibus, de ea re ita cenfuerunt: uti C. Marcellus, L. Paulus Confules cum magiftratum iniffent, ex Cal. Mart. quæ in fuo magiftratu futura efferent, de Confularibus provinciis ad Senatū referrent: neve quid prius ex Calend. Martiis ad Senatū referrent, neve quid conjunctim de ea re referretur a Confulibus: Utique ejus rei caufa per dies comitiales Senatū haberent, Senatusque Confultum facerent.* Illud igitur de tempore comitiū habendorum pro certo jam accipi poteft, quæcunque quis effer habiturus comitia, non fuiffet nifi comitiales die haberi. Quod fi propius etiam de magiftratum creationis tempore quærat, ex hiftoria fiet perfpicuum, ficut diverfis temporibus magiftratum iniffent comperiantur Romani magiftratus, ita ordinariam creationem in alia atque alia tempora incidiffe. Liv. lib. 3. Dec. 1. fcribit L. Ebutium & P. Serviliū Cal. Sext. ut tunc principium (inquā) anni agebatur, Confulatū iniviffe. Paulo poft cum de decemviris loquitur, ita fcribit: *Idus tū Maia folennes erant ineundis magiftratibus.* At tempore belli Punici fecundi, Confules Idibus Martiis Confulatū inibant, ut paffim in hiftoria T. Livii legi poteft. Idque ita obfervatum efferque ad annum Urbis 601. quo anno Q. Fulvius Nobilior, & T. Annius Lufcus Confules primi Cal. Jan. magiftratum inierunt: poft quod tempus idem deinceps a fequentibus Confulibus factum effer. Ac toto quidem illo tempore, quo magiftratum inibant Idib. Mart. comitia haberi folebant Januario & Februario mēfe, dimiffis fcil. in byberna exercitiis. At poftquam Cal. Jan. magiftratum inire cæperunt, ordinaria magiftratum creatio fuit ad finem mēfis Julii & principium Augufti; ut ex multis Ciceronis locis conflare poteft. Ut 2. oratione in Ver. indicat: 6. Cal. Sext. comitia Confularia facta quibus Hortenfius designatus effer. Et lib. 1. ad Att. in epift. *Queris ex me: dicit: comitia Confularia quibus Afranius Conf. designatus effer, edita ad 6. Cal. Sextiles.* Et lib. 8. epiftolarum, Cælius ad Ciceronem fcribens oftendit comitia Confularia, quibus C. Marcellus & L. Paulus Confules designati funt, ante Cal. Sextil. habita fuiffe: idque poft 11. Cal. Sextil. Quod fi ultra ducerentur comitia, id eveniebat propter interceffiones aut obnunciationes per quas differrentur. Ut comitia Muræne poft 5. Cal. Novemb. habita funt, quemadmodum ex oratione pro Muræna conflare poteft. Porro autem Confularia comitia ante Prætoria haberi folebant: interdum quidem eodem die, ut ex Livio conflat, cujus hæc verba,

A funt lib. 10. Dec. 1. *His agendis dies confumptus effer.* Poftidie ad præfcriptum Co. ful's & Confularia & Prætoria comitia habita. Interdum poftero die, interdum tertio aut alio quodam poft die, ut ex lectione Livii intelligi poteft. Cenforibus creandis comitia fuperioribus temporibus haberi folebant paulo poft initum a Confulibus magiftratum, priufquam in provincias proficifcerentur, ætate Ciceronis ad finem mēfis Junii, ut conflare poteft ex epiftolis ad Appium lib. 3. epiftol. Fam. collatis cum epiftolis libri fexti ad Atticum, ex quibus colligi poteft, Appium Cenforem factum eo, quo dixi tempore. Idque quinto quoque anno, ut ex hiftoria conflare poteft. Verum hoc diverfum erat, quod Cenfores itatim designati magiftratum inibant. Unde fit, ut apud Livium 10. Dec. 4. reperiamus, Cenfores designatos itatim in Capitolium deductos ad capiendā magiftratus infignia, jurandumque in leges. Confules vero Prætoresque, nifi interregno aut in locum demortui creati efferent, non itatim designati inibant magiftratum. Ut cum Cal. Jan. magiftratum inibant & designabantur ad finem Julii, quinque mēfes poft designationem erant, quibus privati manebant, antequam inirent magiftratum. Quo temporis fpatio fere de ambitu in designatos inquirebatur per competitores aut alios quovis. Erat enim hoc accusationis præmium, ut fi designatum competitorem ambitus damnaffet competitor, pro eo fubstitueretur, ut ex oratione pro Sylla intelligi poteft. Unde etiam damnatis Antonio & Sylla, qui jam Confules designati efferent, fubrogati funt eorum competitores L. Torquatus & L. Aurelius Cotta. Erat etiam lex qua jubebatur, ut tribum ejus affequeretur, quem quis de ambitu accuaffet, & damnaffet. Cicero pro Balbo: *Objeftum effer etiam quod in tribum Crustumina pervenerit: quod hic affecutus effer legis de ambitu præmio minus invidiofo, quam qui legem præmiis prætoriam fententiam & prætextam togam confequuntur.* Erat & alia lex, ut fi quis de ambitu damnatus alium quempiam ambitus accuaffet & damnaffet, in integrum reftitueretur. Quod Cicero pro Cluentio indicat his verbis: *Quapropter hoc Balli judicium non plus obefse huic caufæ debet, quam illa, quæ commemorata funt ab accufatore, duo judicia P. Popli & T. Gutte, qui caufam de ambitu dixerunt: qui accufati funt ab iis, qui erant ipfi ambitus condemnati: quos ego non idcirco effer arbitror in integrum reftitutos, quod planum fecerint, illos ob rem judicatam pecuniam accepiffe: fed quod iudicibus probarint, quod in eodem genere, in quo ipfi offendifsent, alios reprehendifsent: fed ad præmia legis venire oportere.* Atque in effer fimul hujus digreffionis finis, & hujus de comitiis Centuriatis libri.

DOCTISSIMI VIRI
D. NICOLAI GRUCHII
ROTOMAGENSIS,
DE
COMITIIS ROMANORUM
LIBER SECUNDUS.

C A P. I.

Quid essent Tributa Comititia.



TRIBUTA comitia perinde a tribus nomen habuerunt, ut a Centuriis Centuriata: quod scilicet non modo tributum divisus populus suffragium ferret; sed etiam quid plures tribus juberent aut vetarent, spectaretur. Et quoniam gravissimis auctoribus visum est, tributum comitia a Curiatis non

fuisse diversa, propterea in hujus opinionis refutatione diutius nobis immorandum est. Ac primum si ostenderimus tribus a curiis semper diversas fuisse, necessario relinquetur semper diversa fuisse comitia Tributa a Curiatis. Nam si Romuli tempora spectentur, quoscunque tu auctores sequaris, diversarum fuerunt curiae a tribubus. Dionysius scribit lib. 2. divisa esse a Romulo omnem multitudinem in tres partes: ac trium rursus partium singulas in decem partes: vocataeque majores partes tribus, minores curias. Varro lib. 4. de lingua Latina scribit, agrum Romanum in tres partes a Romulo divisum; unde tribus appellatae sint. Plutarchus in Romulo scribit in tres tribus divisam omnem civitatem, Ramnenses, Tatienses, Luceres: tum singulas ex iis rursus in decem partes divisas. T. Livius Centurias equitum dicit tres conscriptas, Rammentium, Tatiensium & Lucerum; populum autem divisum in triginta curias. Sive ergo factas tribus a Romulo dicamus, easque aut diversas ab equitum Centuriis, aut easdem cum illis tribus equitum Centuriis, ut ait Plutarchus: sive nullas tribus (quod cum Livio verius esse puto) ab eo factas dicamus, quae omnem multitudinem continerent: sed tres modo equitum Centurias ex omni multitudine selectas, quae a suo numero interdum tribus etiam vocarentur: quomodo etiam Livius eas appellat lib. 10. 1. Dec. ubi tres antiquas tribus appellat Ramnenses, Tatienses, & Luceres: contentum autem fuisse divisione populi in triginta curias, quibus etiam trium Centuriarum equites continerentur. Sane, quoscunque auctores sequamur, semper a curiis diversas fuisse tribus sub Romulo, efficitur: sin sequentia tempora spectemus, videbimus auctore Livio primum factas tribus quatuor a Servio Tullio partibus urbis distinctas. Hujus haec verba sunt: *Quadrifariam urbe divisa regionibus collibusque, quae habitabantur partes, tribus eas appellavit, ut ego arbitror, ab tributo. Nam ejus quoque equaliter ex censu conferendi ab eodem inita ratio est.* Post haec lib. 2. ostendit Ap. Claudio & P. Servilio Coss. factas Romae unam & triginta tribus (sic enim legitur in omnibus codicibus, recte ne an fecus, postea videbimus) tum lib. 6. Dec. 1. dicit additis quatuor tribubus ex-

Apletum esse numerum triginta quinque tribuum, tertio anno post urbem a Gallis captam. Dionysius vero lib. 4. scribit, Servium Tullium divisisse omnem urbem in quatuor tribus, Palatinam, Suburanam, Collatinam, Esquilinam: atque ita quatuor tribuum urbem fecisse, quae ad hoc tempus trium fuerat tribuum. Quo etiam in loco ait Servium Regem de fuisse habere rationem veterum illarum tribuum generalium, ut suarum localium rationem haberet. Tum subicit Fabium scriptum reliquisse, agrum praeterea universum in viginti sex partes divisum fuisse, quas etiam idem Fabius tribus appellat: quas rursus tribus, si cum quatuor urbanis conjungas, triginta tribus fient, quas sub Servio Tullio fuisse, ac non plures, asserit. Venonium tamen memoriae mandasse, unam & triginta tribus sub hoc Rege fuisse. Quem probabiliora dicere cur affirmet illo loco Dionysius, non video. Verum hos locos postea diligentius examinabimus. Sive ergo Livium sequi malis, sive Fabium, sive Venonium, nonne etiam tum diversas a curiis tribus fuisse relinquetur? Nam si jam inde ab Romulo fuerunt triginta curiae suis quaque nominibus appellatae, ut omnes auctores in eo consentiunt: tribus autem vel sub Servio, vel etiam post reges ejectos triginta demum fuerunt: qui deinde numerus ad quinque & triginta tribus excrevit; quomodo poterunt eadem esse tribus & curiae? Jam vero si eadem fuissent Centuriata & Tributa comitia, quomodo verum esse posset, quod scribit Dionysius libro 7. primum habita fuisse comitia Tributa in judicio Coriolani? Neque enim dici potest, ad hoc usque tempus non fuisse habita curiata comitia. Praeterea, si eadem curiata cum Tributis, quorum legem tulisset P. Volero, ut plebei magistratus Tributis comitiis crearentur, qui curiatis ante creabantur? ut ait idem Dionysius lib. 9. Quin etiam ex multis locis Ciceronis ostendi potest sua etiam aetate diversa fuisse curiata comitia & Tributa. In oratione pro domo sua, curias non plus quam triginta fuisse his verbis indicat: *Quero, si aut negassetis aut tacissetis, si tamen id triginta curiae fuisset, num id iustum esset ratum?* At cum tribuum meminit, passim dicit quinque & triginta fuisse. Quomodo ergo eadem erunt tribus & curiae? Jam vero in oratione 2. in Rullum prima comitia magistratibus creandis fuisse dicit centuriata aut Tributa, secunda autem curiata, quae tantum auspicio- rum causa remanserant. Quae profecto vera esse non possent, nisi diversa essent a curiatis Tributa. Ac de curiatis quidem libro tertio dicemus: nunc de Tributis, ut, quid essent, aptius intelligatur, verba A. Gellii ex lib. 13. cap. 27. subijciam: *Tributa comitia erant, cum ex regionibus & locis suffragium ferebatur.* Quibus verbis nihil aliud vult, quam Tributa comitia fuisse, cum per tribus suffragium ferebatur. Erant enim tribus populi Romani partes distinctae locis in urbe diversis, & regionibus undique circum urbem per Italiam dispersis. Quorum

rum nomina diligentia Pauli Manutii in Annot. libri octavi epistolarum famil. collecta infra scriptum, & scriptores aliquot, qui de iis meminerunt, apposuiimus; ut inde facilius earum ac certior unicuique cognitio sit. I. *Æmilia*, de qua Cicer. ad Atticum 62. T. Livius lib. 38. Antiq. 75. II. *Anienfis*. Cic. pro Plan. Fam. epist. 225. Livius lib. 10. Antiq. 175. & 190. III. *Cornelia*. Livius lib. 38. Antiq. 151. IV. *Claudia*. Livius lib. 2. Virg. lib. 7. *Æn.* Dionys. Halic. lib. 5. Antiq. 75. & 114. V. *Collina*. Varro lib. 4. de lin. Lat. Plinius libro 18. cap. 3. Sext. Pom. Antiq. 27. & Dionys. libro 4. & Florus in epit. Livii lib. 20. VI. *Cruſtumina* five *Cluſtumina* (nam in antiquis & lapideis & libris sæpiſſime per I scripta legitur) Cic. pro Plan. & pro Balbo. Antiq. 134. VII. *Elquilina*. Var. lib. 4. de lin. Lat. Plin. lib. 18. cap. 3. Sext. Pom. in littera V. Dionys. lib. 4. & Florus in epit. Livii lib. 20. VIII. *Falerina*. Livius lib. 9. Antiq. 120. IX. *Fabina*. Horat. epist. 6. lib. 1. Svet. in Augusto. Antiq. 61. & 343. X. *Galeria*. Livius libro 27. Plin. lib. 7. cap. 49. Antiq. 89. & 142. XI. *Lemonia*. Cic. pro Plan. & Philip. 9. Sext. Pom. Antiq. 91. & 151. XII. *Metia*. Cic. ad Att. 126. Livius lib. 8. & 29. Val. Max. Sext. Pomp. XIII. *Narnienſis*. Cic. in Rull. Liv. lib. 6. ubi corrupte legitur *Arniensis*, & lib. 29. XIV. *Orculanana*. Cic. in Rull. ubi mendose legitur *Orculanana*. XV. *Ufentina*. Liv. lib. 9. Sext. Pomp. in littera V. Antiq. 29. bis, & 62. XVI. *Palatina*. Cic. Verr. 4. Afcon. Var. lib. 4. de lin. Lat. Plin. lib. 18. cap. 3. Liv. lib. 20. Sext. Pomp. in littera V. Dionys. lib. 4. Antiq. 29. bis & 62. XVII. *Papyria*. Sext. Pomp. Liv. lib. 9. Antiq. 62. & 135. XVIII. *Politia*. Liv. lib. 9. Valer. Max. Antiq. 116. & 113. & 147. XIX. *Popilia*. Valer. Max. Fam. epist. 226. Sext. Pomp. Antiq. 197. XX. *Pontina* five *Pomptina*. (utroque enim modo scribitur) Cic. ad Att. 126. Livius lib. 7. Sext. Pomp. Antiq. 176. XXI. *Publicia*. Liv. lib. 6. Antiq. 66. & 81. interdum etiam scribitur *Publicia*. XXII. *Pupinia*. Cic. ad Q. Fr. 605. Fam. epist. 225. Liv. Decad. 3. lib. 6. Festus. XXIII. *Quirina*. Afcon. Cic. pro Quintio, ubi antea mendose legebatur *Quirina*. Fam. epist. 226. Sext. Pomp. Antiq. 15. & 44. XXIV. *Romulia*. Sext. Pomp. Cic. in Ver. & in Rull. Afcon. Var. lib. 4. de lin. Lat. Ant. 165. XXV. *Sergia*. Afcon. Antiq. 61. & 63. XXVI. *Suburrana*. Plin. lib. 18. cap. 3. Var. lib. 4. de lin. Lat. Sext. Pom. in litteris S. & V. Dionys. lib. 4. Florus lib. 20. XXVII. *Sapinia*. Livius lib. 31. & 33. XXVIII. *Scaptia*. Svet. in Augusto. Sext. Pomp. Liv. lib. 8. Ant. 476. XXIX. *Stellatina*. Livius lib. 6. Antiq. 110 & 150. XXX. *Sabatina*. Livius lib. 6. Sext. Pomp. XXXI. *Terentina*. Cic. pro Plan. Livius lib. 6. Fam. epist. 226. Antiq. 140. & 336. XXXII. *Tromentina*. Sext. Pomp. Livius lib. 6. ubi corrupte legitur, *Promentina*. Antiq. 107. & in lapide, qui Cajetæ est, in quo scriptum legitur, *L. Atilio L. F. Tromen.* XXXIII. *Velina*. Cic. ad Att. epist. 86. & in Bruto. Horat. epist. 6. lib. 1. Persius. Antiq. 19. Florus in epit. lib. 19. XXXIV. *Volitina*. Cic. pro Plan. Antiq. 75. & in lapide, qui Venetiis est in turris sancti Vitalis, in quo ita scriptum est, *Cn. Numerius, Cn. F. Vol. Fronto.* XXXV. *Veientina*. Cic. pro Plancio.

Hæ sunt triginta quinque tribus, in quas populus Rom. dispersitus erat: quarum aliquam (ut ait Afconius) necesse erat, cuiuscumque esset ordinis, civis Romanus obtineret. Ex hoc autem numero quatuor tantum urbanæ fuerunt; *Palatina*, *Elquilina*, *Collina*, *Suburrana*: in quas, ut inquit Plinius, transferri ignominia esset: dictæ a paribus urbis, in quibus habitabant. Reliquæ omnes rusticæ laudatissimæ eorum, qui rura haberent: quæ proprie ingenuorum erant, cum urbanæ libertinorum essent, ut auctor est Afcon. & L. Florus in

epit. lib. 20. & Cic. 1. de Orat. Ubi autem scriptum, Antiq. librum, qui Romæ olim est impressus, cui titulus est, *Antiquæ urbis epigrammata*, significavimus. Chartarum autem ejusdem libri numerum subjecimus, ut facilius, quæ volumus, reperiri possint. At enim illud hoc loco de numero tribuum dubitari potest, ex iis quæ in Flori epitome scripta reperiuntur. Scribit enim libro decimo nono, duas tribus adjectas *Velinam* & *Elquilinam* multis annis post reges exactos: cum tamen certum sit, *Elquilinam* ex quatuor tribubus unam fuisse, in quas Servius Tullius urbem diviserat. Præterea Livius libro sexto Decad. primæ ita scribit: *Tribus quatuor ex novis civibus additæ, Stellatina, Tromentina, Sabatina, Narniensis; cæque triginta quinque numerum explevere*. Post autem libro septimo, duas tribus additas esse dicit, *Pontinam* & *Publiciam*. Et duas libro 8. *Metiam* & *Scaptiam*. Et duas item libro 9. *Ufentinam* & *Falerinam*. Et duas item libro 10. *Anienſem* & *Terentinam*. Ex quo videretur aut Livius non sibi constare, aut codex mendosus esse in numero triginta quinque tribuum. Paulus Manutius communem ad omnia solutionem ponit, ut verbum illud *additæ* pro *auctæ* accipiat: quasi velit Livius numero civium auctas eas tribus, quas additas fuisse scribit. Verum ut non plane ita esse credam, eo potissimum adducor, quod parum commoda videtur interpretatio, ut additas vel adjectas tribus fumamus pro auctis numero civium. Nam si eisdem verbis utatur Livius libro sexto Decad. primæ, cum ex novis civibus dicit additas quatuor tribus, & libro 8. cum ita scribit: *Eodem anno census auctus, novique cives censi. Tribus propter eos additæ Metia & Scaptia*. Si, inquam, eisdem verbis utroque loco utatur, quis ferre eam interpretationem poterit, ut uno loco significet auctas tribus numero civium, alio loco proprie fumatur? Sane, cum dicimus additas duas tribus, nemo potest aliud iis verbis intelligere, quam ad superiorem numerum tribuum duas accessisse. Neque enim addidit duas tribus, qui superiorem numerum reliquit: sed duabus tribubus addidit, qui eas auxit numero civium. Quis ergo existimabit, Livium toties absum verbo addendi, quoties additas tribus dicit, & *Florum* verbo adjiciendi? Itaque verius mihi videtur, ut mendosos Livii codices dicamus tam libro secundo quam sexto. Ubi enim libro secundo scribitur factas Romæ unam & triginta tribus, legendum est unam & viginti tribus. Ubi vero libro sexto scribitur: *Tribus quatuor ex novis civibus additæ, Stellatina, Tromentina, Sabatina, Narniensis; cæque triginta quinque tribuum numerum explevere*: legendum est, cæque viginti quinque tribuum numerum explevere. Quod vero libro secundo legendum sit viginti una tribus, ex Dionysio ostendi potest: apud quem libro 7. ita scriptum reperimus de judicio Coriolani: *Cum enim una & viginti tum tribus Romæ essent, quæ missæ sunt in suffragium, novem habuit Martius, a quibus absolutus est. Itaque si due modo accessissent, absolutus fuisset*. Si enim in judicio Coriolani non essent Romæ plura quam una & viginti tribus, certum autem sit ex historia judicium Coriolani fuisse anno urbis 203. Coss. A. Sempronio Atracino iterum, & M. Minutio Augurino iterum, qui fuerunt quarti Consules post Ap. Claudium & P. Servilium, quibus Consulibus Livius scribit factas Romæ unam & triginta tribus: profecto necesse erit, ut eo anno non plus quam triginta unam tribus factas Romæ dicamus. Neque enim mihi videtur facile fuisse, locum Dionysii corrumpere propter duos numeros illic positos, Græca scriptura maxime distantes a numeris, quos esse oporteret, si una & triginta tribus legeretur. Ubi enim novem hic ponuntur tri-

bus, scribendæ essent quatuordecim: inter quos numeros nulla est affinitas, per quam a libariis vel imperitissimis corrumpi potuissent. Jam vero si apud Livium illo loco legatur triginta una tribus, fatendum erit jam tum anno urbis 259. omnes tribus Romanas fuisse præter eas quatuor, quas postea libro 6. ponit, Stellatinam, Tromentinam, Sabatinam, Narniensem. Erant ergo jam tum Romanæ tribus Pontina, Ufentina, Publicia, Falerina, Terentina, Anienis, Metia, Scaptia, Sapia & Velina. Atqui ex historia constare potest, nondum eo tempore tam late patuisse fines imperii Romani, ut omnes has tribus contineret. Scribit enim Sextus Rufus in libello de historia Romanorum sub septem regibus non crevisse imperium Romanum ultra decimum octavum milliariam a portis urbis Romæ. At enim post reges exactos annus tantum quintus & decimus est, quo Ap. Claudius & P. Servilius Consules fuerunt. His porro annis quindecim nulla ex parte auctum imperium, nisi ea pugna, qua Latini ad Regillum lacum debellati sunt. Atqui ne ea quidem accessione tantum auctum est imperium, ut dici possit, illas omnes tribus tum Romæ fuisse. Etenim Sapia tribus Umbriam continebat, ut scribit Livius libro primo Decad. 4. *Appium præfatum socium hac tumultuaria manus per Umbriam, quam tribum Sapiam vocant, agrum Bojorum invadere iussit.* Et libro tertio ejusdem Decad. *L. Furius Purpurio alter Consul per tribum Sapiam in Bojos venit.* Si igitur nihil dum ditionis Romæ erat eo tempore in Umbria, quomodo potuit tum esse Sapia tribus, quæ a Sapi (ut opinor) Umbriæ fluvio nomen habuit?

Sed nec ad Ufentem usque fluvium eo tempore imperium Romanum propagatum erat. Quomodo ergo tribum Ufentinam facere poterunt, quæ nomen ex eo acciperet, quod in eorum ditione non esset? Nec sane Pomptinus ager Pontinæ paludes in ditione Romana tum erant, unde nomen Pontina, vel Pomptina tribus acciperet. Neque ex parte Hetruriæ tam longe extendebatur eorum imperium, ut Falerio usque perveniret: unde Falerinam tribum appellarent. Nec Sabinorum regio usque adeo in Romanorum ditionem venerat, ut Velinam tribum a Velino lacu, quem accolebant Sabini, vocarent. Dicit igitur non potest, eas in numero trium Romanarum fuisse. Unde sequitur, non fuisse unam & triginta. Porro autem lib. 6. legendum esse viginti quinque tribus vel inde colligi potest, quod in sequentibus libris, ex iis decem, quæ supersunt ad explendum numerum triginta quinque trium, octo reperiantur. Nam lib. 7. duas scribit additas tribus, Pontinam & Publiciam. Et lib. 8. duas, Metiam & Scaptiam. Et lib. 9. duas, Ufentinam & Falerinam. Et lib. 10. duas, Aniensem & Terentinam. Itaque duæ tantum restabant, quas ex L. Flori epitome lib. 19. supplere poterimus: ubi scribit duas adjectas tribus, Velinam & Esquilinam: si pro Esquilina aliam ponamus. Nam male legi Esquilinam, ex eo intelligi potest, quod certum est, unam ex urbanis tribus fuisse Esquilinam: quæ adici non potuit, si proprie sumatur verbum adiciendi. Nec sane, ut adjicere significet augere numero civium, absurditate vacabit interpretatio. Nam quid commune erat Velinæ, quæ rustica tribus erat, cum Esquilina, ut simul adscriptos iis cives aliquos faciamus, tam diversis generis, quam erant urbanarum & rusticarum trium cives? Aut cur unam ex urbanis tribus auctam dicamus, quin simul reliquæ auctæ sint? Nam, cum turba forensis a Q. Fabio, qui primus Maximi cognomen inde meruit, in urbanas tribus relecta est, simul quatuor tribus auctæ sunt. Et cum libertini in urbanas tribus relecti sunt, in quatuor simul tribus facta est libertinorum descriptio. Ac mihi quidem pro Esqui-

lina legendum videretur Sapia: hac maxime ratione, quod cum ea sit ex iis tribus, quæ postremæ fuerunt additæ, nusquam in iis nominatur, quas Livius adjectas fuisse scribit. Si igitur Livium auctorem sequi velimus, quatuor tribus tantum sub Servio rege dicemus fuisse, Palatinam, Suburbanam, Collinam, Esquilinam, ita ut trium nomina nondum haberent agri partes, in quas divisus erat ager Romanus: sed Appio demum Claudio & P. Servilio Coss. factas esse unam & viginti tribus, quæ erant præter illas quatuor hæ: Romulia, Pupinia, Crustumina, Quirina, Papyria, Popilia, Fabia, Cornelia, Æmilia, Pollia, Galeria, Lemonia, Sergia, Ocriculana, Volitina, Vejentina, Claudia. Atque ille quidem numerus fuit usque ad annum Urbis 368. quo anno adjectæ sunt quatuor tribus, Sellatina, Tromentina, Sabatina, Narniensis. Tum anno Urbis 397. Fabio & Plautio Coss. additæ sunt duæ Pomptina & Publicia. Post anno Urbis 422. L. Cornelio iterum & Cn. Domitio Coss. additæ rusticæ duæ, Metia & Scaptia. Mox anno Urbis 436. M. Follio & L. Plautio iterum Coss. adjectæ aliæ duæ, Ufentina & Falerina. Tum anno Urbis 454. Coss. T. Manlio & M. Fulvio duæ, Anienis & Terentina. Quæ omnes conjunctæ efficiunt numerum trium & triginta trium. Itaque duæ restabant, quas ad finem primi belli Punici additas ex L. Floro judicare possumus: et quæ censum fuisse Velinam & Sapiam. In illa vero opinione etiam Dionysium fuisse, ex eo colligi posse videtur, quod tempore iudicii Coriolani asserit, unam & viginti tribus tantum Romæ fuisse. Ac si locum illum non esse corruptum censuimus, necesse est, ut dicamus Dionysium libro 4. Fobium & Venonium auctores non eo citasse, quod cum iis consentiret: quandoquidem hic unam & triginta tribus sub Servio fuisse dicit, ille triginta: aut sane in numeris eo locum mendum esse. Ut legatur Fabium scribere agrum divisum esse in sex & decem partes, ubi legitur sex & viginti partes, quæ sedecim partes adjectæ quatuor urbanis viginti efficiunt tribus, non triginta, quemadmodum illic legitur: Venonium autem memorie mandasse sub hoc rege unam & viginti tribus fuisse, ubi legitur unam & triginta. Sane locus ille apud Dionysium integer non est, nec sensum perfectum ullum habet: id quod mihi cum magis suspectum reddit, ut etiam in numeris mendum esse suspicer. At si ita emendaretur, ut dixi, facilius esset in tanta auctorum diversitate consensum aliquem invenire. Nam Fabii eam faciemus sententiam, Servium Tullium præter quatuor urbanas tribus fecisse sedecim rusticas, ita ut viginti essent omnes tribus sub eo rege. Post reges autem exactos tum demum factas esse unam & viginti, cum Claudia tribus addita est, propter eos cives, qui ex Sabinis cum App. Claudio Romam migraverunt. In quo non multum a Fabio dissentiret Livius, si ita interpretaremur locum apud eum lib. 2. *Romæ tribus una & viginti factæ.* Ut significaret accessione Claudiæ tribus, quæ eo demum anno facta sit, unam & viginti tribus factas esse. Fabius sane & Livius in hoc dissentiant, quod agri partes, quæ civibus assignatæ erant, nomine trium a Fabio statim appellantur. At Livius sub Servio agros civibus assignatos non negat: quin potius ex eo, quod scribit agrum trans Anienem statim assignatum iis civibus, qui ex Sabinis cum App. Claudio Romam migraverunt, argumentum accipi potest, pariter reliquis civibus suos fuisse quosdam agros in certa quadam regione assignatos: at sub hoc rege nomen trium non eis attribuit Livius: sed quatuor tantum tribus omnium civium fuisse existimat usque ad Consulatum App. Claudii & P. Servilii. Quo anno cives omnes, qui quatuor tribus continebantur, divisi sunt in tribus

unam & viginti : ita ut perinde agri partibus suas essent tribuum nomina, sicut adhuc fuerant quatuor urbis partibus. Unde colligi potest, veritatem inde sententiarum ortam, quod jam inde a Servio Tullio agri partes assignatae erant, quibus nomina tribuum respondere perspiciebantur. Hinc inde factum est, ut Fabius crederet, eas tribus jam sub hoc rege fuisse : quia jam tum essent distinctae partes agri, quibus nomina multarum tribuum sua etiamnum etate respondere videbat. Ac Livius rusticas tribus non fuisse existimat ante annum Consulatus App. Claudii & P. Servilii. Venonius certe mihi omnino in numero tribuum falsus videtur. Nam sive viginti unam sive triginta unam tribus legas, oportebit, si eas species quas in historia post additas reperimus, ut in eo numero Claudia comprehendatur : quam tamen constat non fuisse, nisi post reges exactos, ut vel nomen indicat ab App. Claudio desumptum, qui Romae non fuit, nisi aliquot annis post reges expulsi. Ex quo etiam mihi redditur magis suspectus ille Dionysii locus, apud quem scribitur, Venonio magis credendum quam Fabio. Nam si ei magis credendum est dicenti, unam & triginta tribus sub Servio rege fuisse, necesse erit, cum postea scribit Dionysius Claudiam tribum additam, factas tum esse triginta duas tribus. Quomodo ergo vera erunt, quae post ab eo scribuntur de iudicio Coriolani ? Et quomodo post factas triginta duas tribus, quatuor adiectas tertio anno post urbem a Gallis captam apud Livium verum erit ? Sic enim triginta sex tribus efficiuntur. Atqui Livius initio libri sexti, se clariora exinde certioraque scribere praefatur : unde apparet minus dubitandum esse de veritate eorum, quae ab eo scribuntur. Non potuit igitur probabilior esse Venonii sententia, ut dicit Dionysius, quam Fabii. Atque ista quidem de tribuum numero satis disputata sunt. Quae omnia potius eo a me subiecta sunt, ut occasione quaerendae veritatis doctioribus praerberem, quam ut eam a me inventam certo affirmarem. Haec tributa comitia in duo genera dividi possunt : ut alia essent omnium tribuum, alia in quibus pars modo tribuum suffragium diceret. Illius generis erant legum magistratuumque comitia ; hujus, sacerdotum comitia : quae nos postea amplius docebimus. Ac multo quidem tempore ante Romae fuerunt tribus, quam Tributa comitia. Scribit enim Dionysius lib. 7. Tributa comitia primum habita fuisse a Scinio Trib. plebis & collegis ad iudicium de Cn. Martio Coriolano ferendum. Id quod fuit anno Urbis 263. Tribus autem jam inde sub Servio rege erant aliquae, ut ex omnium historicorum communi consensu constat. Verum ista sufficiant de primo capite : in quo quid essent Tributa comitia, explicandum erat.

C A P. II.

De causis Tributorum comitiarum.

CAUSAS habendorum comitiarum Tributorum generales quatuor fuisse reperio. Primam, ad creandos minores magistratus : Alteram ad sacerdotes collegiorum cooptandos : Tertiam ad leges ferendas : Quartam, iudiciorum causa. Magistratus iis comitiis creabantur partim provinciales, partim urbani : & partim ordinarii, partim extraordinarii. Erant autem ordinarii magistratus, qui iis comitiis creabantur, omnes minores magistratus, qui singulis annis ad suum munus ordinarium in urbe obeundum, a populo creabantur. In quo genere erant Aediles Cures, Tribuni plebis, Aediles plebis, Triumviri Capiales, & Triumviri nocturni, & Triumviri auro, ari, argento flando feriendo praefecti, Quaestores, Tribuni militum. Neque enim plu-

res ordinarios magistratus minores in urbe fuerunt, usque ad Remp. a Caesare Dictatore occupatam : a quo Aediles Cerales factos testatur Pomponius leg. 2. de origine juris, Digest. lib. 1. Tribuni certe aerarii magistratus non erant ; sed ordinis nomen erat, ut ex lege Aurelia apparet : quae iudicia ad tres ordines, Senatorum, Equitum & Tribunorum aerarii translata sunt, quae ante erant penes duos ordines, Senatorum atque Equitum. Nec sane iudicum tertius ordo totus ex magistratibus esse potuit ; nec tot in eodem magistratu collegas fuisse verisimile est, quot erant Tribuni aerarii. Ut ergo in Senatorum ordinem atque Equitum non suffragiis populi perveniebatur, sed vel legibus Censorumque adscriptione, vel generis successione : ita in ordinem Tribunorum aerarii non suffragiis populi, sed altero ex iis modo perveniebatur. Erat autem penes hunc ordinem custodia pecuniae attributa. Unde apud Varr. ita scriptum reperimus : *Ab eo quoque, quibus erat attributa pecunia, ut militi darent, Tribuni aerarii dicti. Erat autem pecunia attributa, inquit Alconius, quae in stipendium militum de aerario a Tribunis aerarii adnumerari Quaestori solet.* Neque vero Centumviri magistratus erant, sed delectu Praetorum facti rerum privatarum iudices : nec Decemviri litibus iudicandis, quos ex numero Centumvirorum sorte deligii solitos existimo potius, quam suffragiis populi creatos. Nec praefectus urbis Latinarum causa a populo creabatur, sed a Consulibus. Id quod ex Cornelio Tacito intelligi potest, apud quem ita scribitur lib. 5. *Sed praecipua ex eo gloria, quod praefectus urbi recens, continuam potestatem & insolentiam parendi graviorem, mire temperavit. Namque antea praefectis domo regibus, ac mox magistratibus, ne urbi sine imperio foret, in tempus deligebatur, qui ius redderet, ac subitis mederetur.* Feruntque a Romulo Denfrem Romulum, post a Tullo Hostilio Numam Marcium, & ab Tarquinio Superbo Sp. Lucretium impositos. Dein Consules mandabant, simul Consilium, quoties obferias Latinas praeficeretur, qui Consulare munus usurpet. Ex iis Taciti verbis apparet, praefectos illos urbis veteres creati solitos non a populo, sed vel a regibus vel a Consulibus. Unde colligi potest, multo magis adumbratum illum praefectum urbis Latinarum causa, munus Consulum fuisse, non populi. Praefectis urbe Consulibus summum imperium erat penes Praetorem urbanum, nisi cum ob Latinas ferias urbe exibant singulis annis Consules. Tum enim ad usurpationem vetustatis, praefectus in urbe relinquendus erat a Consulibus : penes quem, non penes Praetorem, imperium esset in urbe : ne scilicet populus se religione obstrictum putaret, si quid in Latinis feriis omisum esset, quod a veteribus usurpatum esset. De hoc praefecto urbi Latinarum causa, ita scribit A. Gellius lib. 14. cap. ultimo : *Praefectum urbi Latinarum causa relictum Senatui habere posse negat Mutius, quoniam ne Senator quidem sit, neque ius habeat sententiae dicendae : cum ex ea etate praefectus fiat, quae non sit Senatoria.* M. autem Varro in 4. epistolarum questionum, & Attejus Capito in Conjectaneorum 259. ius esse praefecto Senatus habendi dicunt. Deque ea re assensum esse Capitonem Tuberoni contra sententiam Mutii refert. Namque & Tribunis, inquit, plebis Senatus habendi ius erat, quamquam Senatores non essent, ante Atinium plebiscitum. Sunt etiam Pomponii haec verba leg. 2. de orig. Jur. *Quoties autem praefectus, unus relinquitur, qui ius dicat : ilque vocatur praefectus urbis.* Qui praefectus ita olim constituebatur : postea vero Latinarum feriarum causa introductus est, & quotannis observatur. Quandiu igitur non erant in urbe Praetores, quibus summum imperium esset, per absentiam summi magistratus, tandiu penes praefectos urbis fuit potestas non

modo vocandi consulendique Senatum, sed etiam agendi cum populo. Unde fit, ut Centuriata etiam comitia habendi jus esset præfecto urbis: ut intelligi potest ex eo, quod scribit Livius in fine libri primi: *Duo Consules inde comitiis Centuriatis a præfecto urbis, ex commentariis Servii Tullii creati sunt.* Interregem tamen fuisse ante factum hunc præfectum urbis Sp. Lucretium, quam hæc comitia haberet, Dionysius scribit. Verum post institutam Dictaturam, subrogandis magistratibus Dictator potius creabatur, si ad Interregnum res non rediisset, quam ut ea comitia haberet præfectus. Quin tamen vel legibus ferendis, vel iudicio exercendo, præfectus urbis juxta haberet Centuriatis comitiis agendi cum populo, negari non potest. At post introductum Romæ Præture magistratum desit præfectus urbis fieri, nisi quod Latinarum causa, profectis urbe consulibus relinquendus erat præfectus urbis, idque (ut dixi) religionis causa potius, quam quod eo magistratu magnopere opus esset. Et quoniam feriis agere cum populo non licebat, idcirco planum est, huic præfecto urbis, cui imperium non erat, nisi tempore Latinarum, jus non fuisse agendi cum populo: tamen vocandi Senatus (si quid interim accidisset, cur extra ordinem vocandus videretur) jus habebat, ut paulo ante ex A. Gellio demonstravi. Reliquo anni tempore, quamquam abessent Cossuli, nullus erat locus huic magistratui, sed summa potestas erat penes Prætorem urbanum, ut Cicero ostendit lib. 10. epist. Fam. epist. 12. his verbis: *Placuit nobis, ut statim ad Cornutum Prætorem urb. litteras deferremus: qui quod Consules aberant, Consulare munus sustinebat more majorum.* Quæ intellecta volo de tempore, quo in Consulatum potestate fuit Resp. Nam sub Imperatoribus jam inde ab Augusto, ut docet Tacitus eodem lib. 5. cæpit ordinaria, & continua esse potestas præfecti urbis: de quo etiam mentio est apud Jurisconsultos in tit. de præfecto urbis: tamen præter illum urbis præfectum alius Latinarum causa præfectus urbis creari soletur (ut apparet lib. 4. & 5. Cornelii Taciti) qui Latinarum modo tempore consulare munus obibat. Verum de præfecto urbis satis superque dictum est: ad Ediles Curules nobis veniendum est, ut probemus, Tributis comitiis, non Centuriatis (ut a quibusdam asseritur) creati solitos. Scribit A. Gellius lib. 13. cap. 14. ex M. Messala majores magistratus fuisse Consules, Prætores & Censores: reliquos omnes fuisse minores: eodemque loco scribit majores Centuriatis, minores Tributis comitiis creati. Unde necessario efficitur Ediles Curules Tributis comitiis creati. Deinde idem A. Gellius lib. 6. cap. 9. citat hæc verba ex L. Pisonis tertio annali: *Cn. Flavius patre Libertino natus scriptum faciebat. Ilque eo tempore Edili Curuli apparebat, quo tempore Ediles subrogabantur. Eumque prime tribus Edilem Curulem renunciaverunt. At Edilis, qui comitia habebat, negat accipere.* Hic duo sunt, quibus adducor, ut credam comitiis Tributis Ediles Curules creati. Primum, cum ait a primis tribubus Edilem renunciatum: Alterum, cum ait illa comitia ab Edile habita (si quidem mendo careat ille locus: quod nos postea videbimus.) Neque enim comitia Centuriata habere poterant Ediles: præsertim cum nec vocationem nec prehensionem haberent, ut ex Varrone docet Gell. lib. 13. cap. 12. & 13. Unde perspicuum est, minimum imperii Ediles habuisse. Centuriatis vero comitiis habendis maximo semper imperio opus fuit. Jam vero T. Livius ad finem lib. 9. Decad. I. scribit Cn. Flavius a factione forensi Edilem factum: adeoque ab humilibus per omnes tribus ab Appio Censore divisus. Ex quo loco demonstrari potest, non fuisse Centuriata comitia. Neque enim potuit forensis factio in comitiis Centuriatis prævalere: sed ut idem Livius ait, *vis suffragiorum penes primores*

Aerat. Ut omittam, illam divisionem humilium per omnes tribus, nihil aut perparum potuisse, nisi tributum suffragia ferret populus. Nam si humiles erant, qui censu minor erant, non poterant ad suffragium vocari humiles isti, nisi in postremis classibus: in quibus si priores consentissent, nulla vis suffragiorum esse poterat. Postrema ratio ducitur ex loco Ciceronis lib. 4. epist. ad Att. in epist. *Avere te certo scio.* Illic enim de comitiis loquens, quibus Edilis fieri volebat Clodius, dicit Q. Metellum Nepotem Consulem habiturum comitia Edilium in campo Martio, nisi obnunciatione Milonis impeditus esset. Cui obnunciationi ut occurreret, dixit se postero die in comitio habiturum. Unde colligo non fuisse Centuriata Edilium comitia. Nam Centuriata intra pomerium haberi non poterant, ut supra ex Gellio docuimus. At illa Edilium comitia habiturum se in comitio dicebat Metellus, ne semper ei obnunciaretur priusquam in campum venisset. Si ergo licebat Metello intra urbem comitia Edilitia habere, relinquitur non fuisse Centuriata. Occurrendum tamen est duabus potissimum rationibus, quibus videtur suaderi posse, Centuriata fuisse Edilium comitia. Una ducitur ex eo, quod Cicero in 2. orat. in Rullum dicit patritios magistratus Centuriatis comitiis creati. Aeditatem vero Curulem patritium magistratum fuisse scribit Livius initio libri 7. 1. Dec. Altera ducitur ex eo, quod Cicero pro Plancio in comitiis Aedilium dicit Lateranensem tulisse Centuriam prærogativam. Si enim iis Aedilium comitiis, qui primi de populo vocati sunt, centuriatum vocati sunt, non est verisimile alio modo quam centuriatum, reliquos fuisse vocatos. Unde sequitur, Centuriata fuisse ea comitia. Priori rationi ut occurramus, dicendum est, patritios magistratus & plebeios varie accipi: interdum enim patritii magistratus dicuntur, qui solis patebant patritiis: interdum pro omnibus majoribus magistratibus sumuntur, tamen plebeiis hominibus in iis magistratibus locus esset. Sic plebei interdum significant eos modo magistratus, quos plebei tantum homines gerere poterant. Interdum latius patet nomen plebeiorum magistratuum, ut significet omnes minores magistratus, etiam patricii homines iis non excluderentur. Cum igitur apud Livium Aedilitas Curulis vocatur patritius magistratus, eo pertinet, quod a principio Aediles ex patritiis tantum creabantur. Sed postea promiscuum fuit ex patribus & ex plebe creare: quemadmodum eodem illo loco scribit Livius. Ut autem quaestores a principio ex patribus tantum creabantur teste Livio lib. 4. Dec. 1. nec minus tamen Tributis comitiis postea promiscue ex plebe & patribus creati cæperunt: ita nihil vetat Aediles, quamquam a principio patricii essent, Tributis comitiis creati: idque promiscue ex plebe & patribus. Cum vero Cicero in Rullum patritios magistratus appellat, majores magistratus intelligit, penes quos solos essent majora auspicia, quæ propria erant patriciorum, ut nos supra ostendimus. Nam, si priore modo patricii magistratus acciperentur, illo loco Ciceronem nihil dicere faceremus, quandoquidem nulli jamdudum essent magistratus ex iis, qui a populo dabantur, qui solis paterent patriciis. Sumi autem pro majoribus magistratibus vel inde intelligi possunt, quod plebei magistratus, quos opponit illo loco, pro minoribus magistratibus sumuntur. Nam, si plebeios intelligeremus eos modo, ad quos plebei tantum homines admitterentur, Tribuni tantum plebis & Aediles plebei intelligendi essent. Erant enim illi soli magistratus plebis proprii: reliqui omnes plebis & patrum communes erant. Reliqui ergo omnes minores magistratus in patriciorum nomine essent comprehendendi, quos tamen falsum est Centuriatis comitiis creati: quod de patritiis Cicero illo loco

asserit. Locus enim ita habet: *Maiores de omnibus magistratibus hic vos sententiam ferre voluerunt. Nam Centuriata lex Consulibus ferebatur, & ceteris patritiis magistratibus, Tributa plebei: tum Curia iterum de isdem judicabatur.* Relinquitur ergo, ut nomine patritiorum omnes majores intelligantur, ut nomine plebeiorum minores intelligantur. Si igitur *Ædiles Curules* non erant majores magistratus, nomine patritiorum a Cicerone illic non comprehenduntur, sed potius nomine plebeiorum. Posteriori rationi occurretur, si dicamus, id, quod Cicero illo loco facit mentionem Centuriæ prærogativæ, referendum esse ad illa priora comitia, quæ a M. Crasso Consule novo more habita sunt, ut ex eadem oratione apertum est. Simul enim cum Consularibus comitiis reliquorum magistratum habuit comitia, subito & præter opinionem omnium, idque ad reprimendum ambitum: quæ priora comitia fuerunt haud dubie Centuriata. Nihilominus tamen postea habita sunt & alia comitia *Ædilium*, ut ex eadem oratione perspicuum est. Ac de *Ædiliis* quidem Curulium comitiis satis dictum sit. Quod vero ad ceteros magistratus, quos enumeravimus, attinet; communis una ratio sufficere posset ad probandum, Tributis comitiis creati: ducta ex locis A. Gelli & Ciceronis, quos paulo ante citavi. Nam, si omnes illi magistratus minores essent, Tributis autem comitiis crearentur omnes minores magistratus, necessario efficeret, omnes illos Tributis comitiis creati solitos. Verum singularem subjectæ probationes fieri aptiores. Ac primum Tribunos *Ædilesque* plebis Tributis comitiis creati, ex Livio ostendi potest; apud quem lib. 2. legimus, P. Voletonem Tribunum pleb. Coss. P. Furio, L. Plinatio legem promulgasse, ut plebei magistratus Tributis comitiis fierent: quam legem sequenti anno relictus Tribunus plebis idem Voleto, cum collega Lætorio, qui se addidit auctorem legis, tandem petulit. Eam historiam paulo aliter narrat Dionys. lib. 9. Scribit enim Voletonem primum promulgasse de Tribunorum plebis comitiis, ut ex Curia, quæ adhuc fuerant, Tributa fierent. Quam legem eo anno perferre non potuit: obidque sequenti anno legem relata, hoc addito, ut etiam *Ædiles* eisdem comitiis Tributis fierent: adeoque omnia, quæ plebis suffragiis peragi oporteret, eamque legem perlatam esse, ac propterea ex eo tempore Tribunos & *Ædiles* plebis comitia ad suam usque ætatem Tributa ut essent observatum esse. Triumviros capitales populi suffragio creati ostendit Cicero pro Cluentio, de Q. Manilio loquens iis verbis: *Manilius plerique noratis: non ille honorem a pueritia, non studia virtutis, non ullam estimationis bonæ fructum unquam cogitavit: sed ex petulanti atque improbo furra, in discordiis civitatis ad eam columnam, ad quam multorum sæpe convitiis perductus erat, tum suffragiis populi pervenerat.* Erant autem Triumviri capitales, qui ad columnam Meniam de eorum scelere cognoscebant, qui cum cives Romani non essent, in urbe habitabant, & custodes carceris erant; & eorum interventu in eos animadverbebatur, qui extremo supplicio damnati essent. Unde facile est intelligere, inter minores magistratus fuisse, quemadmodum etiam nominatim appellantur a Livio initio libri 5. Decis. 3. Itaque comitiis Tributis Triumviros capitales creati, necessario relinquitur, Triumviri etiam nocturni populi suffragio creabantur, ut ex Livio intelligi potest ad finem lib. 9. I. Decad. De Cn. enim Flavio loquens ita scribit: *Quem aliquando antea dedisse scriptum facere, arguit Macer Lucinius, Tribunatu ante gesto Triumviratibusque nocturno altero, altero colonie deducende.* De his nocturnis Triumviris ita scribit Paulus Jurisconsultus leg. 1. De officio præfecti vigil. Digest. lib. 1. *Apud vetu-*

stores incendiis arcendis Triumviri præerant: qui ab eo, quod excubias agebant etiam nocturni dicti sunt. Ex Livii verbis apparet, eum fuisse magistratum, cujus non esset continua potestas, sed tantum annua. Unde sequitur, populi suffragiis opus fuisse ad mandandum eum magistratum. Quia autem in minoribus magistratibus erat, ideo efficitur, Tributis comitiis eum magistratum creati. Fuisse autem hos nocturnos Triumviros a capitalibus diversos hinc apparet, quod Triumviri capitales primum creati scribuntur a Floro in epitom. libri undecimi: ex quo sequitur multo tempore ante fuisse nocturnos quam capitales. Idem de Triumviris monetilibus, quod de his dicendum est: de quibus mentio est apud Pomponium leg. 2. de orig. juris, & apud Ciceronem libro septimo epistol. Famil. De Quæstoribus scribit hoc modo Cornelius Tacitus libro undecimo: *Sed Quæstores regibus etiam tum imperantibus instituti sunt: quod lex Curia ostendit a L. Bruto repetita. Mansitque Consulibus potestas deligendi, donec eum quoque bonorem populus mandaret: creatique primum Valerius Posthumius, Amylius Mamercus 63. anno post Tarquinios exactos, ut rem militarem comitarentur. Dein gliscitibus negotiis duo additi, qui Romæ curarent. Mox duplicatus numerus stipendiaria jam Italia, & accedentibus provinciarum veltigalibus. Post leg. Syllana viginti creati, supplendo Senatui, cui iudicia tradiderat. Ulpianus vero in lege unica de officio Quæstoris, Digest. libro 1. ita scribit: *Origo Quæstorii creandi antiquissima est, & pene ante omnes magistratus.* Gracchanus denique Junius libro 7. de potestatibus, etiam ipsum Romulum & Numam Pompilium binos Quæstores habuisse, quos ipsi non sua voce, sed populi suffragio crearent, refert. Sed sicuti dubium est, an Romulo & Numa Pompilio regnantibus Quæstor fuerit: ita a Tullo Hostilio rege Quæstores fuisse certum est. Et sane crebrior apud veteres opinio est, Tullum Hostilium primum in Rempublicam induxisse Quæstores. Et a genere querendi Quæstores initio dictos, & Junius, & Trebatius, & Fenestella scribunt. Plutarchus in vita Publicolæ scribit: *In quæstoria etiam lege ferenda maximam est laudem consecutus. Ubi enim opus erat ad bellum pecunias pro censu cives conferre, cum neque ipse id munus obire vellet, & ab eo obeundo amicos detereretur: nec omnino publicas pecunias in privatam domum inferri equum duceret, ararium Saturni ædem constituit: itaque hodie manet. Concessit autem populo, ut Quæstores duos creare posset, creatique sunt primi P. Veturius, & M. Minutius.* Apud Livium non est mentio Quæstorum ante Consulatum T. Quintii Capitolini, & Agrippæ Furii anno Urbis 309. Eo autem anno fuisse Quæstores, qui arario præfecti essent ostendit iis verbis, quæ ad finem libri tertii scribuntur: *Hæc omnia adeo mature perfecta accepimus, ut signa eo ipso die a Quæstoribus ex arario prompta delataque in campum, quarta diei hora mota ex campo sint.* Post vero libro quarto de Quæstoribus ita scribit: *Quemadmodum bellum minore quam timebant dimicatione erat perfectum: sic in urbe ex tranquillo nec opinata moles discordiarum inter plebem ac patres exorta est: cæpta ab duplicando Quæstorum numero. Quam rem, ut præter duos urbanos Quæstores, duo Consulibus ad ministeria belli præfessent, a Consulibus relata, cum & patres summa ope approbassent: Consulibus Tribun. plebis certamen intulerunt, ut pari Quæstorum (nam ad id tempus patritii creati erant) ex plebe fieret. Paulo post subicit, suffragiis populi Quæstores quatuor creatos. Id quod incidit in an. urbis 335. quo anno erant Tribuni militum Consulari potestate L. Quintius, Sex. Furius, M. Manlius, A. Sempronius. Magna profecto est inter hos auctores sententiarum di-**

veritas, quod ad originem hujus magistratus attinet. In hoc tamen omnes conveniunt, tandem populi suffragiis creatos fuisse Quæstores. Sane antequam frequentari cœperunt Tributa comitia, existimo Curiatis comitiis Quæstores eodem modo, quo Tribunos Aedilesque plebis ante legem Voleronis, creati solitos. At postquam Curiata comitia cœperunt velut auspiciorum tantum causa in urbe retineri, ut scribit Cicero in Rullum, Tributis comitiis creati cœperunt. A principio enim cives Romani non alii erant, quam qui vel in urbe vel in agro Romano habitabant. Unde semper in urbem migrasse eos legimus, quos tum civitate donatos reperimus. Quod si in urbem migrarent, per curias etiam triginta distributos fuisse necesse est, quemadmodum etiam diserte affirmat Dionysius. Quare primis illis temporibus, Curiatis comitiis habendis nulli cives excluderentur suffragio. At postquam admitti in civitatem cœperunt municipia, quia in curiis, quæ urbis tantum partes erant, municipes locum non habebant, cum tamen in tribubus essent, necessario efficiebatur, ut Tributis comitiis (si modo civitatem cum jure suffragii obtinuissent) suffragio non excluderentur, Curiatis vero excluderentur. Id quod ne fieret, propterea cœperunt Tributa frequentari; Curiata vero certis tantum de causis retineri; de quibus nos postea disputabimus. Porro autem Quæstores ætate Ciceronis Tributis comitiis creati solitos, ipse indicat lib. 7. epist. Fam. in epist. ad Curium, cujus initium est, *Ego vero: In campo certe non fuisti, cum hora secunda comitiis quæstorii institutis, sella Q. Maximi, quem illi Consulem esse dicebant, posita esset. Quo mortuo nuntio sella sublata est. Ille autem, qui comitiis Tributis esset auspicatus, Centuriata habuit.* Quod enim Cicero dicit, Cæsarem Tributis comitiis auspicatum, cum vellet quæstoria comitia habere, aperte demonstrat quæstoria comitia fuisse Tributa. Sequuntur ex ordinariis magistratibus Tribuni militum: de quibus scribit Afconius duobus generibus contineri, ut alii essent Rufuli, qui in exercitu creati solerent: alii Comitii, qui Romæ comitiis designarentur. De iis utriusque Livius lib. 7. Dec. 1. ita scribit: *Et cum eo anno primum placuisset Tribunos militum ad legiones suffragio fieri (nam & antea sicut nunc quoque Rufulos vocant, Imperatores ipsi faciebant) secundum in sex locis tenuit.* Ex iis locis apparet, non omnes Tribunos militum populi suffragio creati, & qui creabantur, primum creati cœpisse Coss. Q. Servilio iterum, & L. Genutio iterum anno urbis 393. De eisdem Tribunis militum ita scribit Livius lib. 9. Dec. 1. *Et duo imperia eo anno dari cepta per populum, utraque ad rem militarem pertinentia. Unum, ut Tribuni militum seni deni in quatuor legiones a populo crearentur: quæ antea, perquam paucis suffragio populi relictis locis, Dictatorum & Consulum ferme fuerant beneficia. Tulerunt eam rogationem Tribuni plebis L. Attilius, C. Marcius.* Ex quo loco intelligi potest, jam inde a Coss. Q. Emilio iterum, & C. Junio Bruto iterum anno Urbis 444. populi suffragiis sedecim Tribunos militum, qui legionibus quaternum milium præfessent, creati cœpisse. Post viginti quatuor creatos a populo Tribunos militum, qui quatuor primis legionibus præfessent, reperio: legiones enim tandem sena millia continere cœperunt: ex quo sequitur, sex Tribunos in singulis legionibus fuisse. Id quod postea semper observatum est, nisi nominatim latum esset ad populum, ut suo jure cederet. Quod factum fuisse scribit Livius lib. 2. Decad. 5. iis verbis: *In Tribunis militum novatum eo anno propter Macedonicum bellum, quod Consules ex S. C. ad populum tulerunt, ne Tribuni militum eo anno suffragiis crearentur, sed Consulum Prætorumque in iis faciendis iudicium arbitriumque esset.* Unde apud

A Svetonium in Cæsare ita scriptum reperimus: *Tribunus militum, qui primus Romam reverso per suffragia populi honor obtigit, auctores restituenda Tribunitie potestatis enixissime juvit.* Et apud Plutarchum in vita Catonis Uticensis: *In petitione Tribunatus militaris legem, quæ candidato nomenclatores adesse vetabat, solus Cato servavit, per se ipsum appellans populum.* Ex quibus locis apparet, populi suffragiis etiamnum ætate Ciceronis Tribunos militum creati solitos. Tributis vero comitiis creati, cum ex eo intelligi potest, quod minores magistratus essent, tum vero ex eo, quod scribit Salustius in bello Jugurthino, de Mario loquens: *Ergo ubi primum Tribunatum militarem a populo petit, plebisque faciem ejus ignorantibus, facile notus per omnes tribus declaratur.* Neque enim moveri ex eo oportet, quod apud Livium scriptum est in concione Camilli ad finem libri quinti: *Quid alia, quæ auspicio agimus, omnia fere intra pomerium, cui oblivioni aut cui negligentie damus? comitia Curiata, quæ rem militarem continent: comitia Centuriata, quibus Consules Tribunosque militares creatis.* Illic enim Tribuni militares Consulari potestate intelliguntur, non Tribuni militum ad legiones, qui nondum tempore Camilli populi suffragio creabantur. Extraordinarios magistratus urbanos, hoc est, quibus etiam in urbe imperium esset, multos ac diversi generis in historia reperire licet. Nam, ut quæque negotia occurrebant, quæ extraordinariam curationem requirere videbantur, ita alii atque alii magistratus creabantur. In hoc genere erant præfecti annonæ, qualem fuisse legimus L. Minutium apud Livium lib. 4. ubi etiam a plebe creatum eum asserit: unde sequitur, non fuisse ea Centuriata comitia, sed Tributa. Pompeius quoque hunc magistratum gessit, creatus eo anno, quo Cicero revocatus est ab exilio, ut constat ex orat. pro domo sua. In hoc etiam genere erant Duumviri navales, de quibus Livius lib. 9. Decad. 1. ita scribit: *Et duo imperia eo anno dari cepta per populum, utraque ad rem militarem pertinentia. Unum, ut Tribuni militum &c. Alterum, ut Duumviros classis ornanda reficiendæque causa idem populus juberet.* Lator hujus plebisciti fuit M. Decius Tribunus plebis. Hunc vero non fuisse ordinarium magistratum, inde potest intelligi, quod Livius lib. 10. Decad. 4. & lib. 1. Decad. 5. cum rursus hujus magistratus meminit, certam causam creationis assignat: nec simul creati facit cum ordinariis magistratibus, sed prout necessitas requirebat. Cum enim ita scribit ad finem lib. 10. *Duumviri navales creati C. Marius & C. Lucretius.* Verba antecedentia ostendunt subito eos creatos, postquam nunciatum est a Liguribus obsideri L. Æmylium. At si ordinarius magistratus fuisset, non ita pro necessitate subito crearetur, sed jam superiore anno creatum cum reliquis magistratibus ordinariis oportuisset. Et initio lib. 1. Dec. 5. quia fecerat mentionem C. Furii Duumviri navalis, propterea, ut causam hujus magistratus reddat, statim subjicit: *Adversus Illyriorum classem creati Duumviri navales erant, qui tuendam viginti navibus mari superiore Anconam velut cardinem haberent.* Quia vero illic Duumvirum navalem appellat L. Cornelium Dollabellam, eo anno quo erant Coss. M. Manlius & M. Junius Brutus: qui etiam biennio ante, Coss. A. Posthumio, & C. Calpurnio, in eo magistratu erat, ut idem Livius ait ad finem lib. 10. Dec. 4. hinc profecto argumentum duci potest, non fuisse eum ordinarium magistratum, cujus imperium esset pluriquam annum. Quod autem Tributis comitiis crearentur, ex communi illa ratione ostendi potest, quod inter minores magistratus hi essent. Ex hoc etiam numero erant Quæstores parricidii, quos etiam quæstiores appellatos

videmus : de quibus supra diximus , cum de Prætoribus agebamus . Hos vero comitiis Tributis creari , vel inde intelligi potest , quod sæpe habentibus comitia Tribunis plebis quaesitores creabantur : quibus jus non erat habendi comitia Centuriata . Hinc lex Mamilla apud Salustium , lex Varia apud Alconium , quibus decernebantur certis quibuldam criminibus quaestiones : ad quas exercendas ipsi legumlatores simul populum rogabant , ut Quaesitores designaret . Jam vero minores hos magistratus fuisse nemo negat : unde Tributis comitiis creari consequitur . Erant etiam in hoc numero ii , quos populus designare solebat ad aedes sacras dedicandas . Scribit enim Cicero pro domo sua , *Q. Papyrium Tribunum plebis legem tulisse , quæ veteret , iniustus plebis aliquid consecrare . Unde Cicero colligit , nemini licuisse aedem , aliudve quid consecrare , nisi qui a populo ei rei præfectus esset . Item ii , quos populus designabat locandarum aedium sacrarum causa . Ut apud Livium lib. 2. D. 3. In religionem etiam venit , aedem Concordiæ , quam per seditionem militarem biennio ante L. Manlius vovisset , locatam ad id tempus non esse . Itaque Duumviri ad eam rem creati ab Amylio Prætoris urbis Cn. Pupius & Caeso Quintius Flaminius aedem in arce faciendam locaverunt . Et lib. 3. ejusdem Decad. Exitu anni Q. Fabius Max. a Senatu postulat , ut aedem Veneris Erycinæ , quam Dictator vovisset , dedicari liceret . Senatus decrevit , ut Tib. Sempronius Consul designatus , cum primum Consulatum inisset , ad populum ferret , ut Duumvros esse juberet , aedis dedicande causa . Et lib. 3. Dec. 3. Et Duumviri creati M. & C. Attilii , aedem Concordiæ dedicaverunt . Reficiendis etiam aedibus creari magistratus , aut potius curatores solebant , ut lib. 5. Dec. 3. Triumviri creantur reficiendis aedibus Fortunæ , & matris Matutæ intra portam Capmentalem , & Spei extra portam : quæ priore anno incendio consumptæ fuerant . Et Q. Catulus ad reficiendum Capitolium temporibus belli socialis igne consumptum a populo præfectus erat . Reperio etiam Quinquavros muris turribusque reficiendis . Ut lib. 5. Dec. 3. Comitia deinde a Prætoris urbano de Senatus sententia , plebisque scito jure habita , quibus creati sunt Quinquavri muris turribusque reficiendis . Alios item Quinquavros mensarios Consulibus P. Valerio & C. Martio iterum , ad liberandum ære alieno populum . Triumviri etiam mensarii temporibus secundi belli Punici facti sunt . De iis ita scribit Livius lib. 3. Dec. 3. Et Romæ quoque propter penuriam argenti Triumviri mensarii rogatione M. Minutii Tribuni plebis facti sunt . Triumvros etiam sacris conquirendis aliquando factos legimus . Ut lib. 5. Decad. 3. Et Triumviri bini creati sunt . Uni sacris conquirendis , donisque persequendis . Atque omnes quidem illi , sive curatores sive magistratus extraordinarii , non perinde ut ordinarii annum potestatem habebant : sed tandiu in imperio erant , dum curationem , cui præfecti erant , absolvissent . Quia autem in minoribus magistratibus omnes numerantur , idcirco necesse est , ut dicamus Tributis comitiis creari solitos . Ac de urbanis quidem satis . Sequitur , ut de provincialibus dicamus . Provinciales autem appello omnes magistratus , quibus erat imperium curativo extra urbem tantum . In hoc numero erant Triumviri , Quinquavri , Decemviri , Viginiviri , aut quotquot omnino creari placuerat , ad colonias deducendas aut redigendos colonos in suas quasque colonias . De quibus tam frequens est in historia mentio , ut de iis aliquald adscribere supervacaneum futurum sit . In hoc etiam numero complector Curatores viarum extra urbem ; qualem fuisse Q. Thermum apud Ciceronem in prima epist. ad Att. legimus , quem dicit Curatorem viæ Flaminiae . Qualem etiam C. Gracchum fuisse in historia*

Plutarchi & Appiani legimus . His etiam addendi sunt Triumviri , quos juvenibus ad militiam conquirendis tempore secundi belli Punici creatos reperimus . Livius lib. 5. Decad. 2. *Consules cum egre delectum conficerent , quod inopia juniorum non facile in utrumque , ut & novæ urbanae legiones , & supplementum veteribus scriberetur , sufficiebat : Senatus abstinere eos incepto vetuit , & Triumvros binos creari iussit . Alteros , qui citra : alteros , qui ultra quinquagesimum lapidem in plateis forisque , & in conciliabulis omnem copiam ingenuorum inspicerent : & si qui roboris satis ad ferenda arma habere viderentur , etiam si nondum militari ætate essent , milites facerent . Hujusmodi omnes provinciales magistratus extraordinarii erant . Tributis vero comitiis fieri vel inde potest ostendi , quod habentibus comitia Tribunis fere creabantur . Alii erant provinciales magistratus , qui vel Proconsoles , vel Prætores , vel Proquaestores in provincias mittebantur : de quibus ut dicamus , paulo altius de omni ratione administrandarum provinciarum repetemus . Vetus administrandarum provinciarum ratio jam inde ante tempora secundi belli Punici fuit , ut Consules Prætoresque statim inito magistratu fortirentur , aut inter se compararent provincias , quas Senatus nominasset . Ut autem forte evenerant provinciae , ita in suas quilibet provincias proficisciebantur , in quibus annum sui magistratus peragebant . Eoque anno finito , anni sequentis magistratus succedebant . Qua ratione fiebat , ut provincialibus magistratibus creandis non opus esset comitiis : si ista ordinaria ratio observari semper potuisset . Verum bellis undique urgentibus ordinaria ista ratio sæpe sufficere non videbatur . Unde fiebat , ut extra ordinem mandari provinciam oporteret : ob idque ad populum ferri , ut eum designaret quem vellet in provinciam mitti . Porro autem multis modis evenire poterat , ut extra ordinem hic aliquid eveniret . Uno modo , si annuo finito imperio continuandus magistratus videretur . Quæ causa fuit creandi primi Proconsulis anno Urbis 290. quo anno Livius lib. 3. Dec. 1. scribit T. Quintium Proconsulem adversus Æquos factum : itemque secundi , anno Urbis 427. Coss. L. Cornelio Lentulo & P. Philone , ut ostendit Livius lib. 8. Decad. 1. iis verbis : *Jam Publius inter Palepolim Neapolimque loco opportune capto diremerat hostibus societatem auxilii mutui . Itaque cum & comitorum dies instaret , & Publium imminenti hostium muris advocari a spe capiende in dies urbis haud e Rep. esset , actum cum Tribunis est , ad populum ferrent , ut cum P. Philo Consulatu abiisset , Proconsul rem gereret , quoad de bellatum cum Græcis esset . Ex eo vero Livii loco simul intelligi potest , Tributis comitiis creatum hunc Proconsulem . Nam si Tribunorum plebis rogatione factum est , Centuriata comitia esse non potuerunt . Quam eandem rationem postea ad multam ætatem observatam fuisse in prorogando provincialibus magistratibus imperio , ex Livii historia intelligi potest : apud quem passim reperitur de prorogando imperio ad populum latum esse . Quod autem id Tributis comitiis fieret , ex Livio demonstrari potest , apud quem lib. 9. Dec. 3. ita scriptum est : *De Hispania imperio , quod in eam provinciam duos Proconsoles mitti placeret , latum ad populum est . Omnes tribus eisdem L. Cornelium Lentulum & L. Manlium Acidinium Proconsoles , sicut priore anno tenuissent obtinere eas provincias iusserunt . Et lib. 10. Consules iussu cum Tribunis plebis agere , ut si iis videretur , populum rogarent quem vellet in Africa bellum agere . Omnes tribus P. Scipionem iusserunt . Et lib. 2. Decad. 4. Et de altero Edile plebis factum est factum rogantibus Tribunis , quos duos in Hispaniam cum imperio ad exercitus ire juberent , ut L. Cornelius Edilis ad magistratum gerendum***

veniret : L. Manlius Acidinus decederet de provin-
cia . Multos post annos plebs Cornelio Lentulo &
L. Terentio Proconsulibus imperium esse in Hispa-
nia iussit . Ex iis locis perspicuum est , Tributis co-
mitiis Proconsoles , Prætoresque jam tum creati so-
litos . Semel tamen reperimus P. Scipionem comi-
tiis Centuriatis factum Proconsulem , ut supra di-
ximus . Id quod propter magnitudinem deligendi ,
tum extraordinaria cura Imperatoris a Senatu de-
cretum potius existimo , quam quod iis comitiis o-
pus esset . Alio modo extra ordinem fieri aliquid
dicebatur , si extra sortem nominatim provincia a-
liqua cuiquam decerneretur . Tum enim si collega
pari nollet beneficio fortis se excludi , populus ro-
gari solebat , ut designaret quem vellet eam pro-
vinciam obtinere . Quia enim legitima ordinaria-
que ratio erat decernendi provincias , ut de iis pro-
vinciis , quas Senatus pro necessitate Reip. nomi-
nasset , sortes mitterent , eamque obtineret quisque
quam fors ei dedisset ; idcirco necesse erat , si ex-
tra sortem provincia alicui daretur , populum , cu-
jus summa erat potestas , de ea re consuli . T. Li-
vius lib. 10. Dec. 1. ita scribit : *Q. Fabius inde
quintum , & P. Decius quantum Consulatam ineunt ,
tribus Consulibus censuræque collegæ ; nec gloria
magis rerum , quæ ingens erat , quam concordia in-
ter se clari . Quæ ne perpetua esset , ordinum ma-
gis quam ipsorum inter se certamen intervenisse reor ;
patritiis tendentibus , ut Fabius Hetruriam extraor-
dinem provinciam haberet , plebeis auctoribus De-
cio , ut ad sortem revocaret . Fuit certe contentio in
Senatu : & postquam ibi Fabius plus poterat , revo-
cata rei ad populum est . Et paulo post : Fabius ni-
hil aliud precatus populum , quam ut , priusquam in-
trovocarentur ad suffragium tribus , App. Claudii Præ-
toris adlatas ex Hetruria literas audirent , comitio
abiit . Nec minore populi consensu quam Senatus pro-
vincia Hetruriæ extra sortem Fabio decreta est . Ex
hoc Livii loco , cum ea , quæ diximus , manifesta
sunt ; tum vero ex eo , quod dicit hæc comitia ha-
bita fuisse in comitio , necessario efficitur , non fuisse
Centuriata comitia . Quia vero tribus introvo-
catas dicit , consequitur , non Curiate etiam , sed Tri-
buta fuisse comitia . Ego autem illam exceptionem
adjeci , nisi concedente collega ; eo quod nil opus
esset populum consuli , si collegæ inter se comparas-
sent provincias , ut sorte opus non esset . Unde apud
Livium lib. 8. Dec. 3. ita scribitur : *Nominatæ Con-
sulis provincie sunt . Sicilia Scipioni extra sortem
concedente collega , quia sacrorum cura Pontificem
max. in Italia retinebat , obtigit .* Quod vero de
provinciis comparare inter se liceret , ex iis intelli-
gi potest , quæ lib. 3. Dec. 5. ita scribuntur : *Prin-
cipio insequentis anni cum Consules novi de provinciis
retulissent , primo quoque tempore aut comparare eos
inter se Italianam & Macedoniam , aut sortiri pla-
cuit .* Et libro quinto : *Moniti deinde Consules a
patribus , ut , quoniam alterum ex iis succedere C. Li-
cinius , qui legatus nominatus erat in Galliam , oporteret ,
primo quoque tempore provincias aut compararent
inter se , aut sortirentur .* Postremis temporibus
adeoque ætate Ciceronis hanc fuisse rationem
decernendarum provinciarum reperio . Consulares
erant quedam provinciæ , quedam Prætoris . Erant
autem Consulares , quæ singulorum annorum
Consulibus assignabantur , & in quas missi magi-
stratus Proconsoles erant . Prætoris vero , quæ sin-
gulorum annorum Prætoribus decernebantur , & in
quas missi magistratus Proprætores erant . Et quan-
quam summum esset utriusque imperium in pro-
vincia , major tamen erat Proconsulium dignitas
quam Prætorum . Quod vel inde apparet , quod
non modo majorem exercitum , plures fauces ha-
bebant Proconsoles , sed etiam reliqua omnia Con-
sularia ornamenta . Proprætores vero minorem ex-*

A'ercitum habebant , & fauces pauciores , Præto-
rumque tantum insignia præ se ferebant . In quas
ergo provincias cum imperio Consulari mittendos
magistratus Senatus decrevisset , hæc erant Con-
sulares provinciæ . De quibus erat lex Sempronia a
Graccho Tribuno plebis lata , cujus meminit Cicero
pro domo sua iis verbis : *Itane vero tu provinciæ
Consulares quas C. Gracchus , qui unus maxime po-
pularis fuit , non modo non abstulit a Senatu , sed
etiam , ut necesse esset quotannis constitui per Sen-
atum , decreta lege sanxit ; eas lege Sempronia
per Senatum decretas rescidisti , extra ordinem sine
sorte nominatim dedisti ?* Ex iis autem , quæ scri-
buntur in oratione de provinciis Consularibus , in-
telligi potest , singulis annis duas provincias decernendas
fuisse iis Consulibus , qui adhuc designandi
essent . Quibus post designatis nominatæ a Senatu
provinciæ in sortem mittebantur . Verba Cicero
hæc sunt : *Decernende nobis sunt lege Sempronia
duæ .* Et alio loco : *Alter belli Gallici rationem
habet : fungitur officio boni Senatoris . Legem , quam
non putat , eam quoque servat . Præfinit enim suc-
cessori diem . Qui mihi nihil videtur minus a digni-
tate disciplinæque majorum dissidere , quam ut qui
Consul Calendis Januarius habere provinciam debet ,
sit ut eam desponsam , non decretam habere videatur .*
Fuerit toto in Consulatū sine provincia , cui
fuerit , antequam designatus esset , decreta provin-
cia . Sortiretur an non ? Nam & non sortiri absur-
dum est , & quod sortitus sis , non habere . Pro-
fiscetur paludatus ? quo ? quo pervenire ante certam
diem non licebit . Januario , Februario , provinciam
non habebis . Calendis ei denique Martius nascetur
repente provincia . Erat igitur jam inde post legem
Semproniam ordinaria ratio decernendi provin-
cias Consulares , ut ante comitia Consularia Senatus
designandis Consulibus provincias decerneret ,
quæ deinde fortirentur inter se . In quo a
veteri ratione , ut apparet , nihil aut parum dis-
cessum erat . Nam & prius Senatus provincias
nominabat , quæ deinde fortirentur inter se Con-
sules . Id tamen lege Sempronia diversitatis ad-
jectum est , quod ante designatos Consules id fieri
oporteret lege Sempronia : prius autem post eos
designatos plurimum , sæpe etiam post initum ma-
gistratum fiebat : ut ex historia T. Livii constare
potest . Deinde , prius valebat communis interce-
dendi Senatūconsultis ratio : ita ut intercedenti-
bus Tribunis non posset ratum esse decretum Senatus
de provinciis . At lege Sempronia effectum
est , ut decreto Senatus de provinciis Consularibus
intercedi non posset : quemadmodum Cicero ostendit
in orat. de Pro. Cons. his verbis : *Faciām ,
inquit , illas Prætorias , ut Pisoni & Gabioni suc-
cedatur statim . Si hic finat . Tum enim Tribunus
intercedere poterit : nunc non potest . Itaque ego i-
dem , qui nunc Consulibus , qui designati erunt
Syriam Macedoniamque decerno , decernam easdem
Prætorias , ut & Prætores annuas provincias ha-
beant , & eos quam primum videamus , quos ani-
mo æquo videre non possumus . Sed mihi credite ,
nunquam succedet illis , nisi cum ea lege referetur ,
qua intercedi de provinciis non licebit .* Ex iis
Ciceronis verbis apparet , intercedi non potuisse
decreto Senatus , de provinciis decernendis po-
tuisse intercedi . Tum illud intelligi potest , Con-
sulares provincias non fuisse certas quasdam ex Ro-
manis provinciis , quæ non possent nisi Consula-
res esse : sed pro Senatus voluntate Consulares fie-
bant , in quas cum imperio Consulari mitteban-
tur : Prætoris , in quas cum imperio Prætoris ;
ita ut vicissim , quæ Consulares fuerant , Prætoris
fierent ; & quæ Prætoris ante fuerant , Con-
sulares fierent . Adeo autem in arbitrio Senatus
hoc erat , ut interdum ignobiles admodum provin-
ciae

vinciæ Consulares fierent. Sver. in Cæsare: *Eandem ob causam opera optimatibus data est, ut provinciæ futuris Consulibus minimi negotii, id est, sylvarum calleque decernerentur.* Porro autem solebant postremis illis temporibus Consules fere totum annum sui Consulatus in urbe consumere, nec fere in provincias proficiscebantur, nisi ad finem anni, præsertim si nullum esset in provincia bellum, quod ad maturandum urgeret. Quæ ratione fiebat, ut cum anno Consulatus continuarent & alterum annum Proconsulatus. Nec sicut prioribus temporibus terminato anno Consulatus, rogandus erat populus de prorogando imperio, sed absque ulla rogatione, propter decretum Senatus habebant in provincia imperium, finito etiam anno sui Consulatus. Erat autem hoc commune omnibus provincialium magistratibus, ut tandiu obtinerent imperium, quandiu successores non mitteretur, siquidem ipsi in provincia esse vellent peracto tempore Senatusconsulti: nec singulis annis ferendum erat ad populum de prorogando imperio, sicut prioribus temporibus fieri solebat: sed semel obtentum imperium eo usque retinebatur, dum successores mitteretur. Id vero, ut nihil, lege Cornelia cavebatur. Cuius meminit Cicero in epistola 9. ad Lentulum libro primo Epistolarum. Eam legem Cicero indicat fuisse, ut quam primum urbe egressus esset is, cui provincia decreta esset, imperium habere, quoad in urbem repedasset. Ex quibus perspicuum est, per legem Corneliam effectum esse, ut quod superioribus temporibus extraordinarium erat, ob idque populi auctoritatem intervenire desiderabat, ordinarium fieret, ut jam rogatione de prorogando imperio opus non esset, si successores non mitteretur. Nec repugnat iis, quæ diximus, rogatio Trebonia, qua latum est ad populum, ut Cæsari imperium in Gallia in aliud quinquennium prorogaretur. Hac enim lege volebat Trebonius Pompeio & Crasso auctoribus Senatui potestatem de ea provincia decernendi tollere, ut ne liceret ante quinquennium successorem mittere. Nam, si successorem misisset Senatus, omnino ei decedendum fuisset. Lege enim Cornelia triginta tantum dies concedebantur magistratui ad decedendum, postquam successorem in provinciam ingressum fiebat, ut docet Cic. in epistola ad App. sexta libro tertio Epistolarum. Erat igitur ordinaria ratio decernendarum Consularium provincialium illa, quam exposui. In qua ad creando magistratibus provinciales populi suffragiis opus non erat, sicut nec prius, cum nihil extra ordinem fieri contigisset. Illud sane non negaverim, lege Curiata, & adumbratis quibusdam comitiis Centuriatis opus fuisse provincialibus magistratibus, ut nos postea ostendemus. Verum Tribus comitiis aut Centuriatis nihil opus fuisse affirmo in illa ordinaria provincialium decernendarum ratione. At si provincia decerneretur extra ordinem, tum vero populi suffragiis opus erat ad creando magistratibus, præsertim post legem Corneliam a C. Cornelio Tribuno plebis perlatam: qua lege, ut scribit Dion. lib. 36. cavebatur, ut esset quidem in Senatus potestate imperia extra ordinem dare, omninoque legibus solvere, sed ita, ut post rogatio ad populum veteri more de eare ferretur: quam rogationem omnino a populo juberi necesse esset. Hoc enim idem est cum eo, quod Afconius de hac lege Cornelia scribit: *Cautum, inquam, fuisse, ne quis in Senatu legibus solveretur, nisi discenti adfuissent: neve quis intercederet, cum ea de re ad populum ferretur.* Hac lex lata est Q. Calpurnio Pisonè & M. Acilio Glabione Coss. anno Urbis 687. Ac Senatus quidem præter jus antiquum eam sibi auctoritatem jamdudum usurpaverat, ut legibus solveret, quos vellet, non consulto populo; cum antiquo

jure cautum esset, ut nemo legibus solveretur, nisi per populum. Cum ergo certum sit, extra ordinem provinciam dare nil aliud esse, quam præter morem legibus receptum imperium alicui decernere, dubium esse non potest, provinciam neminem extra ordinem obtinere potuisse, nisi legibus solutus esset. Ex quibus perspicuum est, quandiu non licuit quinquam legibus nisi per populum solvi, tandiu non potuisse omnino provincias extra ordinem obtineri absque rogatione populi. At postquam id juris totum ad se transtulit Senatus, tum vero extraordinaria imperia decernendi adeo Senatus potestas fuit, ut fere non aliter a populo ea obtinerentur, nisi præter Senatus voluntatem rogatione alicujus magistratus a populo decernerentur. Postquam autem C. Cornelius eam, quam dixi, legem pertulit, tum vero planum est, nullam provinciam extra ordinem obtineri potuisse absque rogatione populi. Unde fit, ut post eam legem extraordinariis imperiis obtinendis semper advocatis comitiis opus fuerit, si Senatus decreto obtinerentur, si a populo præter Senatus decretum. Extra ordinem autem aliquid fieri dicebatur, quocunque modo ab illa ordinaria ratione discedebatur. Ac primum cum oporteret Consulares provincias dari iis, qui Consulatum gerent, si quando iis decernerentur, qui in magistratu non erant, extra ordinem fieri aliquid dicebatur. Hoc autem evenire poterat multis de causis. Nam si Consules ipsi in provincias ire nollent, ut Hortensius in provinciam profectus non est, teste Cicerone in Bruto, & Bibulus post Consulatum in urbe mansit, & Cicero ipse Galliam provinciam sibi decretam in concione deposuit, & Pompeius & Crassus post primum Consulatum in urbe manserunt; tum si ex iis, qui magistratum non gerebant, aliquis in provinciam cum imperio Consulari mitteretur, extra ordinem provinciam is obtinere dicebatur. Veluti dicebatur cum in Ciliciam multo tempore post Consulatum Cicero Proconsul missus est, & Bibulus in Syriam, L. Domitius in Galliam. Neque enim privati homines, tametsi Consulares essent, provinciam obtinere poterant, priusquam ex privatis facti essent magistratus. Quod vero Cicero eam provinciam habuerit, non modo a Senatu, sed etiam a populo, verba ejus indicant, quæ ad C. Cassium scribuntur lib. 15. epist. Fam. *De me autem idem tecum bis agoliteris, quod superioribus egi, ut omnes tuos nervos in eo contendas, ne quid mihi ad hanc provinciam, quam & Senatus & populus annuum esse voluit, temporibus prorogetur.* Quod enim Cicero facit mentionem populi, ad rogationem pertinet, quæ de ejus imperio lata est. Neque enim populi jussu hac in re intervenisse, aliter intelligere possumus. Alio modo privatis extra ordinem provincia decernebatur, si quando Reip. tempora requirere viderentur, ut præter eos qui magistratus gerebant, aliquis singulari virtute Imperator feligeretur, qui in provinciam mitteretur. Quæ ratione Pompeius provinciam obtinuit, cum adversus piratas Proconsul est missus. In quo multa extra ordinem facta sunt. Primum, quod uni ex privatis provincia Italia dabatur; deinde, quod triennium Proconsul esse jubebatur; tum, quod imperium ei adversus omnes absque provocatione; postremo, quod imperium ei tanta amplitudine dabatur, ut non modo totius maris interni imperium ei cederet, sed etiam in omnibus omnium provinciis ad quinquagesimum usque stadium: qua ratione fiebat, ut novo more omnes fere Romanæ provinciæ simul ejus imperio, quod aoram maritimam attinet, subicerentur. Hanc provinciam Pompeius lege Gabinia habuit præter Senatus voluntatem. Unde sequitur, comitia, quibus hoc tantum imperium Pompeio datum est, Tributa fuisse, ut quæ ab A. Gabinio Tribuno plebis habitata sint. Hac eadem ratione Pompeius, cum rei

frumentariæ præfectus est, provinciam obtinuit. In quo hæc omnia fuerunt extra ordinem: quod nominatum Pompeio data est; quod privato: quod procuratio frumentaria Sex. Clodio, quam lege P. Clodii superiore anno habuerat, detrahebatur: quod imperium ei multo majus dabatur, quam quod solebat esse præfecti annonæ, nempe Proconsulis non modo in Italia, sed etiam in omnibus Romanorum provinciis, ut ait Dion. lib. 39. quod in quinquennium ea provincia dabatur. Hanc provinciam a Senatu obtinuisse Pompeium scribit Cic. in oratione pro domo sua. Quod tamen rogatione etiam populi Senatus decretum confirmatum sit, vel hinc intelligi potest, quod non potuit lex Clodia nisi lege abrogari. Poterant etiam provinciæ extra ordinem dari his qui in magistratu erant: tam iis, qui in urbe erant, quam iis, qui extra urbem imperium habebant. Quando in Hispaniam adversus Sertorium missus est Pompeius, erat cum imperio ad urbem non dimisso adhuc exercitu, quo Lepidum oppugnaverat, ut ait Plutar. in Pompeio. Fuerunt autem omnia hæc extra ordinem: quod nominatum ei, quem privatum esse absoluta provincia priore oportebat: quod adolescenti, qui nondum magistratum in urbe gessisset: quod imperium consulare ei dabatur: quod jam sæpe imperium in provincia habuisset. Quod etiam lege Manilia data est Pompeio provincia, extra ordinem hæc fuerunt, quod ei, qui jam toties in provinciis missus esset, & qui adhuc in imperio esset ejus provinciæ, quam superiore anno lege Gabinia habuerat, decerneretur alia provincia: quod imperium ei dabatur in Bithynia, quam Proconsul administrabat M. Glabrio, & in Cilicia, quam Q. Martius Rex Proconsul obtinebat: quod nominatum & extra sortem Pompeio dabatur. Hæc autem comitia, quæ a Manilio Tribuno plebis habita sunt, Centuriata esse non potuerunt. Unde error interpretis apud Plutarchum manifeste deprehenditur: qui cum vertere debuisset, perlatam esse legem omnium tribuum suffragio, vertit, promulgatam omnibus Centuriis. Ipsi etiam Consulibus extra ordinem dari poterant provinciæ: veluti cum lege Vatinia Cæsari Gallia provincia data est, quia nominatum & extra sortem, præter Senatus decretum, in quinquennium ea provincia data est, idcirco extraordinaria dicitur. Et lege Clodia Pisoni & Gabinio provinciæ Syria & Macedonia datæ sunt extra ordinem: quia cum alias provincias Senatus his decrevisset, nominatum & extra sortem eas provinciæ eis datæ sunt. Et lege Trebonia Pompeio & Crasso iterum Consulibus Syria & Hispania provinciæ extra ordinem datæ sunt, quia nominatum & in quinquennium datæ sunt. Et Mario in primo Consulatu provincia Numidia rogatione L. Manlii Tribuni plebis data est, cum eam Senatus paulo ante Metello decrevisset. At L. Lucullo provincia extra ordinem data est Mithridatici belli; quia jam sortitus erat Galliam Cisalpinam: qua provincia dimissa nominatum ei data est Cilicia in locum demortui L. Octavii; simulque injunctum, ut adversus Mithridatem bellum gereret, cum esset Proconsul Bithyniæ M. Cotta ipsius collega. Hæc vero a Senatu tantum circa ullam populi rogationem obtinuisse Lucullus legitur apud Plutarch. & Cic. initio lib. Academ. questionum, qui Lucullus inscribitur: quia tum lex Cornelia lata non erat, ideoque Senatus legibus solvere Lucullum licebat absque rogatione populi. Ut ergo summam de provinciis Consularibus dicam, suffragiis populi ad creando Proconsules nunquam opus fuit, nisi extra ordinem aliquid fieret. Cum vero extra ordinem aliquid fiebat, ante legem quidem Corneliam interdum a populo, sæpe a Senatu absque ulla populi rogatione imperia extraordinaria dabantur: post legem vero Corneliam, necessario populi rogatione, sed inter-

dum ex Senatus etiam decreto sæpe præter Senatus voluntatem Proconsules creati oportebat. Id vero Tributis comitiis fieri, exempla, quæ a nobis proposita sunt, manifesto indicant. De provinciis vero Prætoris eadem aut non multum diversa dici possunt. Nam, ut ex iis, quæ citavimus ex oratione de provinciis Consularibus, intelligi potest, Prætoris etiam provinciæ a Senatu decernebantur. Quas vero Senatus nominaverat, eas deinde fortiebantur inter se Prætores. Sed hoc diversum a provinciis Consularibus erat, quod Consulares in incertum decerni solebant a Senatu, antequam designati essent Consules, ut paulo ante demonstravimus: at Prætoris decernebantur ipsis Prætoribus, cum magistratum gerebant. Hujus autem diversitatis causa erat, ut opinor, ratio, quod omnibus Prætoribus suæ erant in urbe provinciæ in jure dicendo, quas necessario debebant toto anno suæ Præturæ administrare. Alius enim urbanam jurisdictionem habebat, alius inter peregrinos, alius de majestate, alius de ambitu, alii inter ficiarios, alii denique alias questiones publicas exercebant, ut superiore libro pluribus ostendimus. Itaque statim designati Prætores fortiebantur inter se urbanas istas provincias sibi per leges jamdudum decretas, ut novo Senatus decreto in ea re opus esset. Id quod Cic. 2. oratione in Verr. ostendit his verbis: *Ecce autem, illi ipsi diebus cum Prætores designati sortirentur, & M. Metello obtigisset, ut si de pecuniis repetundis quaereret.* Quia igitur duas simul provincias eisdem Prætoribus decernere non licebat, idcirco provincias extra urbem Prætoribus decernere non poterat Senatus, nisi eo anno, quo Præturam gerebant. Sic autem decernebantur, ut nisi exacto anno Præturæ in provincias non prodicerentur. In quo illorum temporum a superioribus differentia observari potest. Superioribus enim temporibus Prætores inito statim magistratu fortiebantur provincias, in quas etiam statim proficiscebantur ii, quibus extra urbem obtigissent provinciæ, annum suæ Præturæ in provincia gesturi: quibus si successor non mitteretur, de prorogando imperio ad populum ferebatur. Quæ omnia ex lectione 3. & 4. Dec. T. Livii aperta sunt. At Ciceronis ætate Prætores juri dicendo in urbe retinebantur toto anno suæ Præturæ: nisi quid accideret tumultus, cujus causa omnia jurisdictione urbe exeundum esset: quomodo accidit in conjuratione Catiline. Ipso autem anno suæ Præturæ fortiebantur eas provincias, quas Senatus Prætorias decrevisset, in quas profecti tandiu imperium habebant, quamdiu successor non mitteretur: idque per legem Corneliam, uti diximus. Unde apud Svetonium ita scribitur de Cæsare: *Ex Prætura ulteriorem sortitus Hispaniam.* Et de Octavio patre Augusti: *Ex Prætura Macedoniam sortitus.* Et apud Ciceronem: *Verres ex Prætura urbana sortitus Siciliam.* Et L. Muræna ex Prætura Galliam sortitus est. Illa vero lege Cornelia Verres triennio fuit Prætor Sicilia, & Q. Tullius frater Ciceronis tres annos Asiam provinciam Prætor administravit. Neque his prorogatum imperium ab alio legimus, quam a Senatu. Atque illa quidem erat Prætoriarum provinciarum ordinaria administratio: ad quas nullis opus erat comitiis, quibus provinciales magistratus crearentur. Sin extra ordinem decernerentur, idem hic dicendum est, quod paulo ante in Consularibus diximus. Ante legem C. Cornelii, qua legibus solvendi potestas inconsulto populo Senatui detracta est, fere Prætorias provincias extra ordinem Senatus sine ulla rogatione populi decernebat. Post legem vero Corneliam perlatam, omnino creandis extra ordinem Prætoribus, necesse erat haberi comitia, si ve decreto Senatus, si ve a populo præter Senatus sententiam provinciæ darentur. Extra ordinem autem decerni dicebantur eisdem de causis, quibus

Consulares. Nam, si nollent in provinciam proficisci aliqui Prætores, id eis liberum erat: ut Cicerone pro Muræna ostendit, Ser. Sulpitium alloquens his verbis: *Postremo tu in provinciam ire noluisti. Non possum id in te reprehendere, quod in meipso & Prætor. & Consul probavi.* Tum vero respuentibus provinciam Prætoribus sæpe accidebat, ut reliqui non responderent ad numerum provinciarum, quas Senatus Prætorias decrevisset: ideoque necesse erat alios substitui. Quemadmodum autem Consularibus viris, qui in provinciis non fuissent, Consulares provincie, quas Consules respuissent, demandari solebant: nisi quod interdum Prætorum sortitioni a Senatu relinquebantur Consulares huiusmodi provincie, maxime si nulli essent Consulares, qui in provincias ire aut possent aut vellent: quomodo Gallia provincia, quam Cicerone Conf. deposuerat, Q. Metello Celeri Prætori sortito obigit, ut ait Cicerone in epist. 2. lib. 5. Ep. Fam. Ut, inquam, in Consularibus provinciis fiebat, ita solebant potissimum substitui ex proximo Prætorum collegio, si qui essent, qui cum imperio in provincia non fuissent, & nunc provinciam acceptare vellent. Id quod perspicui potest ex verbis Senatusconsulti, quod est in octava epist. lib. 8. Ep. Fam. Verba S. C. hæc sunt: *Item Senatus placere in Ciliciam provinciam, in octo reliquis provinciis, quas Prætorii pro Præatore obtinerent, eos qui Prætores fuerunt, neque in provincia cum imperio fuerunt, quos eorum ex S. C. cum imperio in provincias pro Præatore mitti oporteret, eos sortito in provincias mitti placere. Si ex eo numero, quos ex S. C. in provincias ire oporteret, ad numerum non essent, qui in eas provincias proficiscerentur, tum uti quodque collegium primum, Prætorum fuisset, neque in provinciis profecti essent, ita sorte in provinciis proficiscerentur. Si ii ad numerum non essent, tunc deinceps proximi cuiusque collegii, qui Prætores fuissent, neque in provinciis profecti essent, in sortem conjicerentur. Quoad si numerus effectus esset, quem ad numerum in provincias mitti oporteret.* At enim privatus nemo poterat provinciam cum imperio Prætorio habere, antequam ex privato factus esset magistratus. Post legem ergo Corneliam, ad faciendos huiusmodi ex privatis hominibus provinciales magistratus, Tribus comitiis populum rogari oportebat. Jam vero si nominati & extra sortem, aut præter Senatus decretum provincia daretur, extra ordinem dari dicebatur, non modo si privato, sed etiam si ei, qui in magistratu aliquo esset, daretur. Ut cum Cato missus est Propætor in Cyprum rogatione P. Clodii Tribuni plebis, Cato privatus erat ac Tribunitius tantum, non Prætorius, cui nominati ac præter Senatus voluntatem data est ea provincia. Svetonius etiam extraordinarium imperium appellat, quod Cæsar desiderabat sibi Ægyptum provinciam dari, quia sibi Ædilitio tantum, non Prætorio nominati eam provinciam dari volebat. Idem Svetonius scribit in Cæsare de Cn. Pisone: *Idem Curio; sed & M. Atilius N. is auctor sunt, conspirasse eum etiam cum Cn. Pisone adolescente, cui ob suspicionem conjurationis urbanae provincia Hispania ultro extra ordinem data sit.* Quod vero ait Svetonius extra ordinem hanc provinciam Cn. Pisoni datam, ex Salustii verbis, quomodo accipiendum sit, intelligi potest: *Postea Piso in citeriorem Hispaniam Quæstor pro Præatore missus est, adveniente Crasso.* Hoc igitur extra ordinem erat, quod tamen magistratus daretur provincia, id tamen legitimum non erat, ut Quæstor in provincia esset pro Præatore, hoc est, cum imperio prætorio ac dignitate prætoria. Quod si tam extraordinarium esset, Prætozem pro Consule esse, quam Quæstoem pro Præatore, dubium profecto esse non potest, quin Galliam provinciam tam extra ordinem obtinuerit Proconsul Q. Metellus Celer ex Prætura, quam Cn.

A Piso Hispaniam Propætor ex Quæstura. Quamquam ergo utriusque his decretas a Senatu has provincias reperimus, (de Pisonis enim provincia ita scribit Salustius: *Neque tamen Senatus eam provinciam inivit dederat: quippe sædum hominem a Republica procul esse volebat.* De Metelli vero provincia hoc idem testatur Cic. epist. 2. lib. 5. Epist. Fam. quæ ad Q. Metellum Proconsulem scripta est) quia tamen jam tum temporis lata erat lex Cornelia, necesse est, ut concedamus, præter Senatus decretum accessisse & jussu populi, ut solvi legibus possent. Quod idem judicandum est de extraordinario imperio, quod per Senatum obtinuit Cæsar Octavianus. Verba Ciceronis ex Philip. 5. quæ in Senatu habentur, hæc sunt: *Demus igitur imperium Cæsari, sine quo res militaris administrari, teneri exercitus, bellum geri non potest, & ut sit Propætor eo jure, quo qui optimo.* Adolescenti privato, qui nullum magistratum adhuc gessisset, Prætoris imperium dari ex legibus non poterat. Non potuit igitur Octavianus hoc imperium habere, quin ad Senatus decretum populi rogationem accessisse fateamur: si modo non abrogatam fuisset tum legem Corneliam dicamus. Cicerone pro domo sua scribit: *Cui quidem cum Ciliciam dedisset, mutasti passionem, & Ciliciam ad Prætozem item extra ordinem transulisti.* Quia enim Clodius præter Senatus decretum nominati eam provinciam, quam fecerat Consulare, Prætori dederat: propterea extra ordinem data provincia scribitur. Sit igitur de postremi temporis Proconsulibus & Propætoribus in summa hoc constitutum. Si extra ordinem in decernendis provinciis nihil factum esset, provinciales magistratus absque ullis populi comitiis ex Senatusconsulto creabantur. Sin extra ordinem decernerentur, alio tempore alia ratio observabatur. Postquam enim legibus solvendi potestatem ad se totam Senatus transulerat, extraordinaria imperia fere omnia Senatus dabat absque ulla rogatione populi, quemadmodum ea verba indicant, quæ ex Dione paulo ante citavimus, ubi de lege Cornelia agit. Ac maxima quidem Senatus potestas, ut in aliis rebus, ita in decernendis provinciis fuit post Syllæ Dictaturam, ut ex omni historia appareat. Præter id enim quod jamdudum Senatus legibus solvendi potestatem omnem usurpaverat, Sylla plebeiis magistratibus jus agendi cum populo detraxerat. Unde consequitur post illud tempus plebeiiorum magistratum rogatione nullam provinciam præter Senatus decretum dari potuisse: quemadmodum post restitutam Tribunitiam potestatem a Pompeio in primo Consulatu sæpe factitatum legimus a Tribunis plebis Gabinio, Manilio, Vatinius, Clodio, Trebonio. Unde efficitur, illo potissimum tempore extraordinaria imperia a Senatu data fuisse absque ulla rogatione populi. At post eam legem, quam diximus a C. Cornelio Tribuno plebis perlatam, necesse fuit, extraordinariis imperiis dandis populum consuli, si ve Senatus decreto obtinerentur, si ve præter Senatus voluntatem alicujus Tribuni plebis rogatione. Hæc vero comitia, quibus provinciales huiusmodi magistratus creabantur, non Centuriata, sed Tributaria esse solebant, ut exempla a nobis proposita manifeste demonstrant. Quod tamen omnibus his magistratibus, si ve ordine si ve extra ordinem creati essent, lex Curia, quæ comitiis Curiatibus ferretur, necessaria esset, libro tertio docebitur. Hic vero obiter animadvertendum est, tamen dicamus, post legem Corneliam non potuisse Senatum solum dare imperium extraordinarium: ex eo tamen negari non posse, quin Senatus pro suo jure antiquo posset inconsulto populo provinciali magistratui negocium aliquod extra ordinem dare. Svetonius in Augusto scribit de Octavio patre Augusti: *Ex Prætura Macedoniam sortitus, fugitivos residuam Spar-*

tati & Catiline manum, Thurinum agrum tenentes, in itinere deleuit; negotio sibi in Senatu extra ordinem dato. Quia enim, provinciam suam bellum gerere magistratus non liceret, propterea dicit extra ordinem datum hoc negotium Octavio. Hoc vero non erat imperium extraordinarium dare, sed ei, qui in imperio esset, extraordinarium negotium imponere. Quod vero supra Proquestorum memini in enumerandis provincialibus magistratibus, ad eos pertinet, qui in provinciis erant cum imperio Quaestorio, post finitum etiam annum suae Quaesturae. Cum enim Sylla instituto viginti essent Quaestores, ne otiosam faciamus Quaesturam, necesse est, ut suum quoddam munus omnibus attributum dicamus. Neque vero omnibus suum munus in urbe esse poterat. Quare necesse fuit, ut partim in urbe; partim extra urbem suas quasdam provincias Quaestoribus tribuamus. Sortiebantur ergo Quaestores ex Senatusconsulto provincias, ut eam quisque administraret, quam a Senatu decretam fors ei dedisset. Et quibus quidem urbanae duae Quaesturae obtigissent, hi Quaestores urbani erant aetario praefecti. Quibus vero Consulares duae provinciae obtigerant, ii Consulibus ut praesto essent, unaque in provincias irent, provinciam habebant. Sic enim Cicero loquitur 3. in Verr. *Quaestor ex S. C. provinciam sortitus est: obtigit tibi Consularis, ut cum Consule Cn. Carbonem esset, eamque provinciam obtineres.* Similiter & quotquot erant provinciae Romanae, quae Proconsulum aut Proprætorum imperio administrabantur, hæc, quas quidem Senatus quaestorias decrevisset, in sortem mittebantur. Veluti in Sicilia duae erant sub uno Proprætoris provinciae Quaestoriae, Lilybetana & Syraculana, auctore Alconio. In Hispania, quæ duas provincias, citeriorem & ulteriorem, habebat, duae. In Sardinia, Africa, Bithynia, Asia, Achaia, Cilicia, Gallia utraque, erant etiam suæ quædam sub Proconsulibus, aut Proprætoribus provinciae Quaestorum. Ut Ciceroni Quaestori altera ex Siculis Quaesturis, Lilybetana, obtigit: Cæsari ulterior Hispania: Cn. Plancio Macedonia: L. Lucullo Asia. Sed quoniam vel illæ provinciae satis magno numero non erant, ut Quaestorum numero respondere possent, vel non omnes a Senatu decernebantur: hinc fit, ut alias præterea per Italianas proprias Quaestorum provincias reperiamus. Cicero pro Muræna: *Sed Quaestura utriusque propemodum pari momento sortis fuit. Habuit hic lege Titia provinciam tacitam & quietam. Tu illam, cui cum Quaestores sortiebantur, etiam reclamari solet, Hostiensensem, non tam gratiosam & illustrem, quam negotiosam & molestam.* His verbis Cicero duas ponit Quaestorias provincias. Unam, lege Titia, quam ego exilimo ex Agraria lege Titii natam fuisse, ad colligendum scilicet vectigal agris publice assignatis impositum. Nam Sex. Titius Tribunus plebis legem Agrariam tulisse legitur M. Antonio & A. Polthumio Albino Coss. auctore Valerio lib. 8. cap. 1. & Cicerone lib. 2. de Oratore. Alteram, Hostiensensem: quæ frumentariam procuracionem habebat, ut Cicero indicat in oratio. pro Sestio: *Nec mihi erat res cum Saturnino, qui, quod a se Quaestore Hostiensis perignominiam ad principem & Senatui & civitatis M. Scaurum rem frumentariam translatam sciebat, dolorem suum magna contentione animi persequabatur.* Et de Arulph. responsis: *Saturninum, quod in caritate annonæ Quaestorem a sua frumentaria procuracione Senatus emovit, eique rei M. Scaurum praefecit, scimus dolore factum esse popularem.* Erat & alia provincia aquaria, cuius meminit Cicero in Vatinium, de Quaestura ejus loquens, his verbis: *In eo magistratu cum tibi magno clamore aquaria provincia sorte obtigisset, missusne sis a me Consule Puteolus, ut inde aurum exportari argentumque prohiberet.* Cum autem suæ hoc modo darentur omnibus,

A Quaestoribus provinciæ, attamen provincialiarum diversitas efficiebat, ut alii possent statim inito magistratu factaque fortitione suum munus exercere: alii non possent. Nam, quibus aut in urbe, aut in locis per Italianas vicinis provinciæ obtigerant, poterant statim suas provincias gerere. Quibus vero obtigerant externæ provinciae, hi tantisper otiosam habebant Quaesturam, dum in provincias pervenissent. Atque illi quidem, qui urbanas aut vicinas urbi provincias habebant, in fine anni deponebant imperium. Qui vero externas populi Romani provincias habebant, tandiu in provincia imperium retinebant, donec successores mitteretur, si modo post annum in provincia imperium manere vellent. Numerabatur autem annus provinciae ex eo die, quo primum attingissent provinciam: non autem ex Cal. Januarii, quibus Quaesturam primum inissent. Unde fiebat, ut fere Quaestores isti provinciales post finitum annum suæ Quaesturae adhuc retinerent imperium in provincia, donec provinciali munere perfectio in urbem redissent. Quoniam autem Consules in suas provincias fere non proficiscebantur nisi ad finem anni, ideo necesse erat, ut & Quaestores, qui eis obtigerant, non possent in provincia imperium obtinere, priusquam eas provincias administrare Consules cepissent: itaque fiebat, ut fere cum anno Quaestura continuarent & alterum annum provinciae. Ut P. Sestius, qui C. Antonii collega Cicerois Quaestor erat, in Macedonia Quaestor non fuit, nisi perfectio bello Catilinario, quod initio anni sequentis auctore Dione demum profligatum est. Et Quaestor Cæsaris non fuit in Gallia toto anno Consulatus Cæsaris: sed tertio demum aut quarto mense anni proximi eo cum Cæsare pervenit. Quod idem in aliis Quaestoribus provincialibus dicendum, si vel negotiis privatis aut publicis, aut morbo impediti non potuissent in provincias ire, cum primum eis licitum esset: vel si nondum eis in provincia esse liceret, quia tempus succedendi Senatusconsulto definitum nondum venisset. Neque enim una cum Prætoribus Quaestores semper in provincias ibant: nec semper cum eis decedebant, sed accidere poterat, ut unius Prætoris annus duos haberet Quaestores: & contra, ut unus Quaestor duorum esset Prætorum. Cicero enim 4. orat. in Verr. ostendit duos Quaestores, qui postremi fuerant, Verris Quaestores adhuc in Sicilia cum imperio fuisse, quando ipse ad inquirendum in eum profectus esset in Siciliam. Verba ejus hæc sunt: *Quaestores utriusque provinciae, qui isto Prætoris fuerant, cum fascibus mihi praesto fuere.* Quod enim ait Cicero, cum fascibus, argumento est, cum imperio hos Quaestores fuisse. Atqui jamdudum Verres decesserat de provincia, cum Cicero ad inquirendum in eum eo profectus esset, & jam ei L. Metellus successerat. Ex iis ergo consequens est, Quætores Verris non simul imperium cum eo deposuisse, sed Metello etiam Prætoris Quætores fuisse. Quod vero continuo subjicit Cicero, eos Quætores, qui illis successerant, non minus acres contra se fuisse, argumento est, interim dum in Sicilia erat, hos successores venisse. Erat autem in Sicilia Cicero mensibus Maio & Junio. Ex quo apparet, cum ad principium anni Prætor Verres decessisset, Quætores non nisi quinto aut sexto mense decessisse. Illud quoque animadvertendum hoc loco est, adeo fuisse diversas Quaesturam ac Prætorum provincias, ut sæpe non mitteretur a Senatu successor Prætoribus, cum interim Quaestoribus illæ provinciae decernerentur. Veluti Verres triennio Siciliam Prætor obtinuit: attamen singulis annis alios atque alios Quætores habuit, ut docet Alconius. Et Ciceroni Proconsuli in Cilicia successor non est missus, & tamen Quaestor eo missus est C. Cælius, ut ipse docet ultima epist. lib. 2. Ep. Fam. Quo etiam in loco & aliis epist. ad Att. lib. 7. Cicero ostendit C. Cælium in

provinciam non venisse, nisi paulo ante diem tertiam Cal. Sext. quo die terminato annuo imperio, Cicero de provincia decessit. Unde sequitur, C. Cælium, qui Quæsturam Cal. Jan. inierat, in provinciam demum septimo mense pervenisse. Ex quo apparet verum esse illud, quod diximus, post finitum annum Quæsturæ, in provincia Quæstores imperium habuisse. Quod si successor non mitteretur Quæstoribus, tum vero accidebat, ut multo diutius imperium retineret. C. Graccho Quæstori successor non est missus: ideoque triennium Quæstorio imperio fuit in Sardinia, ut ait Plutarchus. Et L. Lucullus in Asiam Quæstor profectus, ibi per multos annos provinciam præfuit, inquit Cicero in principio Luculli: nec cum Sylla, cuius erat Quæstor, decessit, sed etiam sub imperio Murræ, quem legatum suum provincie Sylla præfecerat, Quæstor fuit. Et Cic. lib. 13. Epist. Fam. in epistola ad L. Plancum, *Non dubito*, ita scribit: *Huius propinquus fuit T. Antistius, qui cum forte Quæstori Macedonia obtineret, neque ei successum esset, Pompeius in eam provinciam cum exercitu venit.* Et P. Sestius Quæstor C. Antonii in Macedonia terminato imperio annuo, non decessit de provincia, ut apparet ex 6. epist. lib. 5. Epist. Fam. Quibus ergo successor non mitteretur, hi imperium retinebant, si aut sua sponte in provincia esse vellent, aut Senatus, ut in provincia manerent, prorogato iis imperio, decrevisset. Idem enim hic de Quæstoribus provinciis, ac de Consularibus & Prætoribus, dicendum est. Cum enim oporteret singulis annis ad Senatum de his omnibus provinciis referri, interdum eveniebat, ut per intercessionem aut per alias magis necessarias occupationes, nihil posset Senatus de provinciis perficere. Quo casu qui in provinciis erant, decedere de provincia poterant si vellent: quia Senatusconsulti aut legis tempus si peractum esset. Quomodo Cicero de provincia Cilicia decessit: cum nihil posuisset in Senatu confici de provinciis Consularibus & Prætoribus per contentiones Cæsarianorum & Pompeianorum. Aut vero manere in provincia cum eodem imperio, tamen tempus Senatusconsulti expirasset. Quando vero pro suo iure & more Senatus de provinciis decreverat, vel omnibus, vel unius tantum aut alterius generis horum (seorsum enim de Consularibus, Prætoribus, & Quæstoribus referebatur ad Senatum: interdumque Quæstoribus decernebantur, cum de aliis nihil peragi posset, quemadmodum factum est eo ipso anno, quo in provincia erat Cicero) tum vero suo decreto ad Reip. necessitatem accommodato, vel omnibus magistratibus provinciarum illius generis, de quo agebatur, successores decernebat: vel quibusdam successores dabat, quibusdam prorogabat imperium. Si omnibus provinciis dedisset successores, hi que, quibus sortito obtigissent, in eas provincias ire voluissent; tum necessario decedendum erat omnibus provinciis. Sin decreto succedere alicui provincie, in provinciam tamen non ivisset is, cui ea obigerat, eorursus modo liberum erat ei, qui in provincia erat, aut decedere aut manere in provincia. Ut C. Verri Arrius successor obtigerat primo anno Præturæ Siciliensis. Quia tamen in eam provinciam ire aut non potuit aut neglexit Arrius, in provincia Verres cum eodem imperio mansit. Quibus vero Senatus decernendis provinciis imperium prorogabat, his necessario in provincia manendum erat. Nam cur toties Cicero ad Att. lib. 5. & 6. ad M. Cælium lib. 2. epist. Fam. alioque permultos scriberet, ut omnibus modis procuraret, ne Senatus ei in provincia prorogaret imperium, si nihilominus decedere ei liberum fuisset? Aut quomodo propter Senatus decretum Q. Tullio fratri Ciceronis manendum in Asia fuit tertio anno, non modo præter suam voluntatem, sed etiam adversus amicorum

contentionem, qui, ut ei successor decerneretur, contendebant, si liberum fuisset præter Senatus decretum decedere? Illud igitur certum est, non fuisse liberum iis decedere de provincia, quibus Senatus imperium prorogasset: sed iis modo, de quorum provincia aut nihil Senatus egisset, aut successorem decrevisset. His vero Proconsulibus & Proprætoribus, qui non expectato successore de provincia decebebant, id providendum erat, ut aliquem relinquerent, qui provincie interim præficeret, dum Senatus aut populus de ea provincia aliter statuisset. Cicero ad Att. lib. 6. in epist. *Tarsum venimus: Mibi difficilis ratio administrandi, quod paucos dies habebam reliquos annui muneris: illud autem difficillimum. Relinquendus erat ex S. C. qui præficeret.* Solebat autem fere cum imperio relinqui unus ex legatis: interdum & Quæstor præficebatur. Nam & Cicero eodem illo loco ostendit, liberum sibi fuisse vel Quæstorem suum Mescinium præficere, vel Q. fratrem, qui unus ex suis quatuor legatis erat. Tandem tamen neutrum præfecit provincie: sed C. Cælium Quæstorem successore Mescinii. Ex quo apparet, si Quæstorem Mescinium provincie præficeret Cicero, deponendum illi fuisse imperium Quæstorium, ut tantum suæ præfecturæ imperium retineret: imperium vero Quæstorium penes Cælium esset. Habebant enim, qui ita præfecti erant provinciis, imperium idem, quod ii, a quibus præfecti erant, siue jurisdictionem species, siue rem militarem, sed tamen id absque ornamentis imperii habebant. Quod vero imperium haberent, Cicero ostendit in eadem epist. ad Att. cum ait: *Rectissimum videbatur, fratrem cum imperio relinquere.* Ex quo planum est, hunc C. Cælium, qui Cilicie provincie a Cicerone præfectus erat, Quæstorii tantum sui imperii ornamenta habuisse, cum tamen in cætera administratione provincie Proconsulari esset imperio. Unde etiam fit, ut Sallustius in Jugur. Proconsulem vocet A. Posthumium, quem Africæ provincie præfecerat Sp. Posthumius Consul, Romam propter comitia revocatus. Sed & eundem A. Posthumium vocat pro prætore: quia cum Prætor communi nomine appellaretur omnis magistratus, cui pareret exercitus, non iniuria dicitur pro prætore in exercitu esse, qui locum ejus obtinet, qui ejus exercitus prætor esset. Verum ea (ut dixi) verius nomina sunt muneris & administrationis, quam magistratus & imperii: ideoque illi proprætorum nomine vocari tantum conspiciuntur, non etiam prætorum: quemadmodum illi, qui a Senatu & populo in provincias mittebantur, quos passim prætores provinciarum appellari videmus. Et cum Pompeius per suos legatos Hispaniam provinciam administrabat, ornamenta imperii adeoque ipse magistratus penes Pompeium erant, administratio penes legatos. Quod si Quæstores non expectato successore de provincia decederent, non erat eorum suæ provincie aliquem præficere: sed ejus, penes quem summum erat provincie imperium, proconsulis aut proprætoris. Is vero, qui muneri Quæstorio ita præficebatur, non Quæstor, sed pro quæstore vocabatur. Jam vero si in provincia moretetur Quæstor, proconsulatum erat aut proprætorum, alium sufficere, qui pro quæstore esset. Cujus rei exemplum est apud Ciceronem 3. in Verrem, ubi ait C. Verrem legatum Cnei Dolabellæ proconsulis in Cilicia in locum demortui C. Malleoli sui Quæstoris a Dolabella Quæstorio muneri præfectum fuisse. Verba ejus hæc sunt: *Itaque idem ille, quem Cn. Dolabella postea Malleolo occiso pro quæstore habuit.* Et alio loco 3. C. Malleolo Quæstore Cn. Dolabellæ occiso, duas sibi hereditates venisse arbitratus est: *Unam, Quæstorie procuratoris: nam a Dolabella statim pro quæstore jusus est esse.* Ego vero, & alios quosdam proquæstros in Con-

fulari exercitu fuisse præter eum, qui suffragiis populi creatus revera Quæstor esset Consul, ex his intelligi posse existimo, quæ ex rationibus a Verre Quæstor relatis citantur a Cicerone 3. in Verr. Ita enim erat in rationibus Verris: *Dedi stipendio, frumento, legatis proquæstoribus, cohorti prætorie HS. mille sexcenta triginta quinque milia*. Ex his enim verbis apparet, fuisse in eo Cn. Carbonis Consulis exercitu quosdam proquæstres, quibus perinde, ut legatis, de publico daretur pecunia ab eo, qui revera Quæstor esset. Verres enim Quæstor erat, qui data erat attributa pecunia: ex qua se dicit Verres hanc summam numerasse. Verum ut neque hi, neque illi proquæstres a populo creabantur, sed vel a magistratibus tantum deligebantur, vel a Senatu in ornandis Consulum provinciis, quo magistratum delectu comites dabantur, ut quod erant legati in proconsulari & prætorio munere, hoc essent in Quæstoria procuratione hi proquæstres: ita procuratione tantum, & munere Quæstres erant; magistratus vero & ornamenta imperii penes eos tantum, qui a populo Quæstres creati essent. Ex quibus perspicuum est, cum varii generis proquæstres esse in provinciis possent, eos modo magistratus vere appellandos, qui a populo creati Quæstres, provincias deinde obtinissent. Hoc sane diversum in his proquæstoribus fuit atque in Proconsulibus & Prætoribus, quod non perinde extra ordinem Quæstoribus decretam a populo provinciam reperimus, ut Consulibus & Prætoribus, hac opinor ratione, quod cum Quæstura non esset is magistratus, cui summum esset imperium, quale regendis Romanorum provinciis requirebatur: tum vero tantæ dignitatis non erat, ut imperium Quæstorium in provincia obtinere a populo præter Senatus decretum, magnopere contendendum esset. Unde fit, ut nusquam reperiamus habita comitia ad creandum Quæstorem, qui nominatim & extra ordinem in aliquam provinciam mitteretur. Verum, de omni ratione provinciarum satis superque, quod quidem ad nostrum institutum pertinet, dictum est. Ac de prima quidem causa habendorum comitorum Tributorum hæc tenet. Sequitur altera causa ad sacerdotes collegiorum creandos. In qua explicanda primum animadvertendum est, Romæ multos ac diversi generis sacerdotes fuisse. Erant enim Pontifices, Augures, Aruspices, Curiones, Vestales, Flamines, Epulones, Sibyllini sacerdotes, Fœciales, Salii, Luperi, Fratres arvales, Sacerdotes Galli, Rex sacrorum, Cereis Græca sacerdos, & Sodales Titii. Dionysius etiam Celerum præfectos adjicit: sed eos sub regibus tantum fuisse opinor. Ex hoc autem omni numero hi soli suffragiis populi creabantur, qui publicæ religionis administris assidui erant, ac non fungebantur sacerdotio, quod semel tantum atque iterum roto anno usui essent. Unde fit, ut omittendi nobis sint Salii, Luperi, Fratres arvales, Sacerdotes Galli, & sodales Titii. Neque enim eorum sacerdotium publice semper usui esse poterat, sed semel tantum in anno sacris quibusdam peragendis vacabant: Salii ad sacra Martis peragenda mense tantum Martio adhibebantur: Luperi ad Lupercalia mense Februario peragenda: eodemque modo alii alio tempore. Quæ causa erat, ut quantum eorum esset quoddam collegium, suffragiis tamen populi nunquam creatos credamus. Salii enim a magistris collegii legi solebant, patricii adulescentes, quorum uterque parens viveret, nec in magistratu essent. Id quod ex lib. 1. Valerii Max. colligo, cum ita scribit: *Obruitur etiam tot illustribus Consularibus L. Furius Bibaculus, exemplique locum vix post Marcellum invenit. Sed pii simul ac religiosi animi laude fraudandus non est, qui Prætor a patre suo collegii Saliorum magistro jussus, sex*

*Alitioribus præcedentibus, arma ancylia tulit, quamvis vacationem hujus officii honoris beneficio haberet. Deligebantur ergo ex patriciis juvenibus a magistris collegii Salii sacerdotes, non populi suffragiis creabantur. Quod idem de Lupercis, & hujus generis aliis sodalibus dicendum esse existimo. Neque enim tanti erant hæc sacerdotia, ut magnopere contendendum esset de his assequendis. Ego vero Potitios, & Pinarios in superiori sacerdotum enumeratione omitti; quia jam inde temporibus Appii Cæci ad servos publicos id genus sacrificii transferat: ut testantur Val. Max. lib. 1. cap. 2. & T. Livius lib. 9. Decad. 1. Restant igitur nobis spectandi reliqui sacerdotes. Ac primum Vestales ita fiebant, ut Pontificis maximi arbitratu virgines caperentur, ut scribit Gellius lib. 1. cap. 12. quo etiam in loco de Vestalibus permulta dicuntur, quæ ad institutum nostrum minus faciunt. Id modo nobis affirmandum est, non suffragiis populi creati, sed delectu Pontificis maximi Vestales capi solitas. Aruspices etiam populi suffragiis non creabantur, ut qui vel Hetrusci erant, & ex Hetruria acciri solebant, si quando opus esset prodigiorum interpretibus, ut Cicero ostendit in oratione de Aruspicum responsis: & Livius lib. 5. Decad. 1. *Prodigia interim multa nunciari: quorum pleraque, & quia singuli auctores erant, parum credita sperantur, & quia hostibus Hetrusci, per quos ea procurarent, Aruspices non erant. Vel Romani cives ab Hetruscis edocti.* Unde Cicero 1. de Divin. *Hetruria autem de celo tacta scientissime animadvertit, eademque interpretatur, quid quibusque ostendat monstris atque portentis. Quocirca bene apud majores nostros Senatus tum, cum florebat imperium, decrevit, ut de principum filii sex singulis Hetruriae populis in disciplinam traderentur.* Valerius tamen Max. lib. 1. decem principum filios miti solitos in Hetruriam scribit. Et Cicero lib. 2. de Legibus: *Prodigia, portenta ad Hetruscos & Aruspices, si Senatus jussit, deferunt: Hetrurique principes disciplinam doceto.* Relinquuntur ergo ex omni numero sacerdotum considerandi Pontifices, Augures, Epulones, Fœciales, Sibyllini sacerdotes, Curiones, Flamines, & Rex Sacrorum. Ac de Rege quidem sacrorum, supra ostendimus Centuriatis comitiis creati, non autem ea ratione qua reliqui sacerdotes ex lege Domitia. Quæ lex quia nominatim de collegiis mentionem faciebat, propterea diximus, eam legem ad Flamines nihil attinuisse: quorum non erat suum quoddam collegium. Porro autem lex Domitia eo pertinebat, ut tolleretur collegii jus cooptandi sacerdotes, ut Svetonius in Nerone, & Asconius ostendunt. Unde sequitur, nihil per eam legem mutatum esse in collegiis, in quibus sacerdotes antea non creabantur per collegiarum cooptationem. Nihil igitur ad Curiones ea lex pertinebat. Nam quod attinet ad singularem Curiarum Curiones, jam inde a Romulo singularum Curiarum suffragio creabantur, ut ait Dionys. lib. 2. non autem ab aliis Curionibus cooptabantur. Quod vero ad Curionem maximum attinet, ii comitiis a populo creabatur, ut docet Livius lib. 7. Decad. 3. quem locum nos postea, cum de Curiatu comitiis agemus, pluribus tractabimus. Non potuit igitur lex Domitia pertinere ad alios, quam ad Pontifices, Augures, Epulones, Sibyllinos sacerdotes & Fœciales. Ac Fœciales quidem hac lege suffragiis populi creandos fuisse, pro certo asserere non ausim: quia locum non habeam, ubi suffragiis populi creatos nominatim Fœciales scribatur. Cur tamen in hanc potius partem inclinem, eo potissimum adducor, quod penes collegium Fœcialium erat publicæ religionis pars una non minus necessaria, quam quæ erat penes Augures aut Sibyllinos sacerdotes. Unde fit, ut pari ratione colligam, ante legem Domitiam cooptari per collegas*

solitos Fœciales, sicut illi cooptabantur: præsertim cum nusquam reperiamus vel a Pontificibus eos creatos sicut Flamines, vel a magistratibus, post primam, inquam, creationem a Numa. Quod si ante legem Domitiam cooptari a collegio concedamus, necesse est, ut hac lege suffragiis populi creati cœperint. Fœciales vero habere partem religionis publicæ a reliquis sacerdotibus separatam, ex legibus Ciceronis intelligi potest, apud quem scorsum de Fœcialib. lib. 2. hæc lex ponitur: *Fœderum, pacis, belli, induciarum, oratorum, fœciales iudices sunt. Bella disceptant.* Fuisse autem eorum collegium T. Livius lib. 6. Dec. 4. indicat hic his verbis: *Consul inde M. Acilius ex S. C. ad collegium fœcialium revulit, ipsi ne utique regi Antiocho indiceretur bellum.* Epulones vario numero fuisse reperio. Quando enim primum instituti sunt Coss. L. Furio Purpurione, & M. Claudio Marcello, anno Urbis 558. tres creati sunt, ut testatur Liv. lib. 3. Dec. 4. *Roma eo primum anno Duumviri epulones facti C. Licinius Lucullus, T. Romuleius, qui legem de creandis his zulerat, & P. Porcius Lecca.* His Triumviri item, ut Pontifici, lege datum togæ prætextæ habendæ jus. De his Triumviris Cicero 3. de orat. ita scribit: *Sed ut Pontifices veteres propter sacrificiorum multitudinem tres viros epulones esse voluerunt, cum essent ipsi a Numa, ut etiam illud ludorum epulare sacrificium facerent, instituti.* Ad posterioribus temporibus Septemviri epulones fuisse, ex verbis Antistii Labeonis constat, quæ sunt apud Gellium lib. 1. c. 12. *Item cuius pater Flamen & Augur, aut Quindecimviri sacris faciundis, aut Septemviri epulonum, aut Salus est.* Ut autem Ciceronis ætate eum numerum fuisse credam, ex eo colligo, quod Lucanus lib. 1. huius sacerdotii facit mentionem illo versu:

Septemviriq; epulis festus, Titique sodales.

Ut enim rationem temporis habeat Lucanus, necesse est initio belli civilis, cuius prodigia illic scribuntur, fuisse Septemviri epulones. At si tempore belli civilis inter Cæsarem, & Pompeium erant Septemviri epulones, nemo autem legatur ad sacerdotum numerum centum, & eo amplius annorum spacio adiecisse præter Syllam Dictatorem, relinquatur ut Syllæ instituto Septemviri epulones esse cœperint, qui ad illud usque tempus fuerant Triumviri. Nam non ita multo tempore ante Syllæ Dictaturam adhuc Triumviri epulones fuisse, ex eo Ciceronis loco, quem ex 3. de orat. citavi, intelligi potest. Lucius enim Crassus illic loquitur de Triumviris epulonibus, quem constat non multo ante Syllæ Dictaturam mortem obiisse. Et T. Livius lib. 10. Dec. 4. Triumviri epulonum facit mentionem in Consulatu A. Posthumii, & C. Calpurnii, anno urbis 574. At post illos Consules nusquam legimus auctum numerum sacerdotum, nisi a Dictatore Syllæ. Nec moveri debemus, quod in epitome L. Flori lib. 89. fit tantum mentio Pontificum, & Augurum, quorum collegium dicit ampliatum. Nam & Quindecimviri Sibyllinos ex Decemviris a Syllæ factos postea ostendimus, quorum tamen illic nulla fit mentio. Idem vero de Triumviris epulonibus Syllam fecisse, hæc sunt probabiles conjecturæ, quas posuimus: quod scilicet ætate Ciceronis essent Septemviri epulones, qui paulo ante Syllæ Dictaturam adhuc erant Triumviri. Porro autem de eorum munere Cicero in oratione de Arusp. Resp. ita loquitur: *Ludos minus diligenter factos pollitque: quos ludo? Te appello, Lentule: tui sacerdotii sunt thesauri, curricula, præcentio, ludi, libationes, epulæque ludorum publicorum: Vosque Pontifices, ad quos epulones Jovis optimi max. si quid est prætermisum aut commissum, asserunt, quorum de sententia, illa eadem revocata atque insaurata celebrantur. Qui ludi sunt minus diligenter facti? quanto aut quo scelere polluti? respondebunt & pro te, & pro collegiis*

tuis, & pro collegio Pontificum, nihil cuiusquam aut negligentia contemptum, aut scelere esse pollutum. Ex his Ciceronis verbis, non modo quod esset munus epulonum intelligi potest, sed etiam fuisse eorum quoddam collegium. Quod si ante legem Domitiam ostendamus huius collegii sacerdotes per cooptationem collegarum creati solitos, necesse erit huiusmodi sacerdotes in eorum numero fuisse, quos populi suffragiis creati per legem Domitiam oportere. Illud autem ex T. Livio non erit difficile demonstrare, apud quem lib. 10. Dec. 4. ita scribitur: *P. Manlius, qui nuper ex ulteriore Hispania redierat, Triumvir epulo mortuus: Q. Fulvius, M. F. in locum ejus Triumvir cooptatus.* De Pontificibus, auguribus, & Sibyllinis sacerdotibus superest ut dicamus. Sibyllinos sacerdotes a principio duos fuisse reperio, qui Duumviri sacrorum appellabantur. Horum sæpe meminit Livius. Ut lib. 3. Dec. 1. *Libri per Duumviros sacrorum aditi.* Et lib. 4. *Obscratio itaque a populo Duumviris præcuntibus est facta.* Et paulo post: *Multa Duumviri ex libris placandæ deum ire, avertendæque a populo pestis causa fecere.* Et libri 5. *Libri Sibyllini ex S. C. aditi sunt.* Duumviri sacris faciendis lætissimè tunc primum in urbe facti per dies octo Apollinem &c. stratis lætissimè placaverunt. Hi postea lege lata a Tribunis plebis C. Licinio Stolone & L. Sextio facti sunt Decemviri: simulque lege cautum, ut pars ex plebe, pars ex patribus fieret. Eam legem pertulerunt illi Tribuni plebis in decimo suo Tribunatu, anno Urbis 388. post quod tempus usque ad Syllæ Dictaturam fuerunt Decemviri sacrorum: de quibus toties mentio est apud Livium. Post Syllæ Dictaturam Quindecimviri Sibyllini facti sunt. Id quod hac ratione funderi potest. Ciceronis ætate erant Quindecimviri Sibyllini, qui adhuc erant Decemviri eo anno, quo Tib. Gracchus interfectus est. Atqui post eum annum in sacerdotum collegiis nusquam legitur quicquam esse mutatum, nisi in Dictatura Syllæ. Relinquitur ergo, ut ea Quindecimviri institutio a Syllæ facta esse credatur: præsertim cum aliis sacerdotum collegiis legatur adiecisse aliquot sacerdotes. Fuisse vero Ciceronis ætate Quindecimviri, cum ex quarta Cælii ad Ciceronem epistola intelligi potest, in qua ad Ciceronem scribit Cælius, P. Dolabellam populi suffragiis factum Quindecimvirum: tum vero ex loco Svetonii in vita Cæsaris, ubi ita scribitur: *Proximo autem Senatu percrebuit fama, L. Cottam Quindecimvirum sententiam dicturum, ut quoniam libris fatalibus contineretur, Partibus, nisi a rege, non posse vinci, Cæsar rex appellaretur.* Ex hoc Svetonii loco apertissimum est, jam ea ætate Quindecimviri Sibyllinos fuisse, quæ Cæsar Dictator erat. Neque id ejus institutio attribui potest: siquidem nemo omnium historicorum in horum sacerdotum numero aliquid novasse Cæsarem scribit, nisi quod Dion lib. 42. & 43. dicit unum modo sacerdotem a Cæsare adjectum collegio Quindecimviri: unde apparet jam fuisse collegium Quindecimviri ante Cæsarem Dictatorem. Ut omittam locum illum ex epistola Cælii de aliis Quindecimviris intelligi non posse. Unde sequitur, instituto Cæsaris id attribui non posse. Quod autem adhuc essent Decemviri sacrorum, quo anno occisus est Tib. Gracchus, ex verbis Ciceronis intelligi potest lib. 6. in Verr. *Itaque apud patres nostros atroci ac difficili tempore cum Tib. Graccho occiso magnorum periculorum metu ex ostentis portenderetur, P. Mutio, L. Calpurnio Coss. aditum est ad libros Sibyllinos, in quibus inventum est, Cererem antiquissimam placari oportere. Tum ex amplissimo collegio Decemvirali sacerdotes populi Rom. Enniam profecti sunt.* Porro autem ex eo epistola Cælii loco, quem citavi, colligi potest populi suffragiis sacerdotes huius collegii creati solitos: idque per legem Domitiam. Nam, quod a

collegis ante legem cooptarentur, passim in historia T. Livii percipi potest: ubi de suffectis in demortuorum locum sacerdotibus loquitur. De auguribus & pontificibus minus dubium est, quod lege Domitia comprehenderentur. Nam, si ea fuit causa, cur legem Cn. Domitius Tribunus plebis ferret, quod in locum patris sui pontifex cooptatus non esset, ut ex historia compertum est, necessario relinquatur, ad collegium Pontificum eam legem pertinuisse. Augures vero hac lege comprehendi cum ex epist. Ciceronis ad M. Brutum §. intelligi potest, ubi ita scribitur: *C. Marius cum in Cappadocia esset, lege Domitia factus est augur*: tum vero ex eo, quod initio 2. Philip. tribuum suffragia in augurum creatione appellat. Deinde vero in epist. ad Brutum §. cum sacerdotum comitia appellantur creandis collegiorum sacerdotibus, manifestum est ex eadem epistola, & sequentibus, in eo numero augures & pontifices contineri. Unde sequitur, suffragiis populi creati solitos hos sacerdotes. Illud mihi magis dubium videtur, quæ esset ratio augurum creandorum ante legem Domitiam. An, inquam, collegii cooptatione semper creati sint, an vero aliquando etiam populi suffragiis. Huius vero dubitationis occasio sumpta est ex eo, quod apud Livium scribitur lib. 9. Dec. 4. his verbis: *Extremo prioris anni comitia auguris creandi habita erant. In demortui Cn. Cornelii Lentuli locum creatus erat Sp. Posthumius Albinus*. Sane, nisi dicamus certa quadam de causa, veluti per contentionem competitorum, aut collegiarum inter se dissensionem, per quam effectum tandem sit, ut populi iudicio res committeretur, præter morem habita ea comitia; plane concedendum erit, ante legem Domitiam augures a populo creatos. Quod tamen secus esse ostendi potest ex eo, quod Cicero in Rullum ait, per religionem sacerdotia, de quibus legem tulit Domitius, a populo mandari non potuisse. Ut omittam, quod idem Livius passim aliis in locis, vel a collegio cooptatos augures scribit, vel lectos, vel in auguratos, vel suffectos dicit, nusquam facta mentione comitorum. Ut libro decimo Decad. 4. *Et augur Sp. Posthumius Albinus decessit. In locum ejus P. Scipionem filium Africani augures cooptarunt*. Et in fine lib. 5. Decad. 5. *Augur eo anno mortuus est C. Claudius. In ejus locum augures legerunt Titum Quintium Flaminium*. Illa ergo comitia auguris creandi, quæ uno illo loco a Livio ponuntur, extra ordinem & præter morem habita fuisse, concedendum est. Hæc igitur erat altera causa habendorum comitorum Tributorum ad creandos Pontifices, Augures, Sibyllinos sacerdotes, epulones & fœciales. Nam, quod Tributis comitiis crearentur, facile est ex lege Domitia demonstrare: quia cautum erat, ut non ab universo populo, sed a parte populi minore, hoc est, a septemdecim tribubus sacerdotes crearentur. Ea vero comitia, quibus tributum suffragium ferebatur, Tributa fuisse negari non potest. Quod autem supra dixi de collegio Pontificum, ante legem Domitiam cooptatione collegii creati solitos, cum ex verbis Dionysii lib. 2. ubi ita scribit de Pontificibus: *Uno autem eorum vita functo, alius in locum ejus sufficitur, non a populo creatus, sed ab ipsis Pontificibus cooptatus*: tum vero ex ipsa lege Domitia intelligi potest. Attamen illud non aliter accipiendum est, quam ut Pontifex max. inde excludatur. Neque enim cooptatione collegii etiam ante legem Domitiam Pontifex max. fiebat, sed populi suffragiis. Id quod Cicero in Rullum aperte demonstrat, cum ait, Cn. Domitium sua lege effecisse, ut quod ante in Pontifice max. fiebat, idem in cæteris sacerdotiis fieret. Verba ejus hæc sunt: *Item (inquit capite altero) eodemque modo, ut comitiis Pontificis max. ne hoc quidem vidit, majores nostros tam fuisse populares, ut quod per populum*

A creari fas non erat propter religionem sacrorum, in eo tamen propter amplitudinem sacerdotii voluerint populo supplicari. Atque hoc idem de cæteris sacerdotiis Cn. Domitius Tribunus plebis vir clarissimus tulit: quod populus per religionem sacerdotia mandare non poterat, ut minor pars populi vocaretur, ab ea parte qui esset factus, in collegio cooptaretur. Ex iis Ciceronis verbis perspicuum est illud quod diximus, ante legem Domitiam Pontificem max. populi suffragiis creati, cum interim Pontifices reliqui præter maximum a collegio tantum cooptarentur. Unde apud Livium lib. 5. Dec. 4. ita scribitur: *Comitia inde Pontifici max. creandi sunt habita*; cum paulo ante ita scripserat: *Et aliquot publici sacerdotes mortui eo anno sunt, L. Cornelius Lentulus pont. max. & C. Papyrius, & C. F. Masso pontifex. In Lentuli locum M. Cornelius Cethegus, in Papyrii Cn. Servilius Capio pontifices suffecti sunt*. Et lib. 10. Dec. 4. *Exitu anni, & C. Servilius Geminus pont. max. decessit. Idem Decemviri sacrorum fuit. Pontifex in locum ejus a collegio cooptatus Q. Fulvius Flaccus. In Pontificem max. Aenilius Lepidus, cum multi clari viri petissent*. Et lib. 9. ejusdem Decad. *Hujus principio anni P. Licinius Crassus pontifex max. mortuus est, in cuius locum M. Sempronius Tuditanus pontifex est cooptatus*. Pontifex max. est creatus C. Servilius Geminus. Ex quibus Livii locis apparet, non modo pontifices a collegio cooptari solitos, sed etiam mortuo pontifice max. a collegio alium quandam cooptari solitum, qui pontifex tantum fieret, non etiam maximus pontifex: tum deinde suffragiis populi pontifex max. creabatur. Quod vero ex collegio pontificum cum esse oporteret, qui pontifex max. crearetur, postea demonstrabimus, cum de personis agemus. Hoc loco satis erit probare id, quod supra diximus, non modo tribuum suffragio creati solitos sacerdotes, sed etiam per septemdecim tribus tantum. Verba Suetonii in Cæsare, cum loquitur de ejus pontificatu maximo, satis ostendunt, comitia, quibus pontifex maximus creatus est, fuisse Tributa: *Atque ita potentissimos duos competitors, & ætate & dignitate antecedentes superavit, ut plura ipse in eorum tribubus suffragia, quam uterque in omnibus, tulerit*. Porro autem ex iis, quæ paulo ante diximus, perspicuum est; eo modo, quo pontifex maximus ante creabatur, lege Domitia cautum esse, ut cæteri sacerdotes crearentur: Pontifex vero maximus a minore parte populi, ut idem ille locus ostendit, creabatur. Si igitur ostenderimus per minorem partem populi, decem & septem tribus intelligi: necessario relinquatur, sacerdotum comitia Tributa non omnium tribuum fuisse sicut magistratum, sed tantum septemdecim tribuum, quibus forte id obtigisset. Atqui illud facile erit demonstrare, si antecedentia Ciceronis verba cum sequentibus conferantur. *Primo enim capite Rullus ferebat, ut ait Cicero, ut Decemviri agrarii per tribus septemdecim crearentur, quibus forte id evenisset: subieciatque in secundo capite legis, id se ita fieri velle, ut in iis Decemviris idem eodemque modo fieret, ut comitiis pontificis maximi*. Ex quo sequitur, in comitiis pontificis maximi septemdecim tribus forte delectas suffragium dixisse. Illud sane hoc loco non est ignorandum, abrogatam a Sylla Dictatore legem Domitiam fuisse, nec fuisse relatum nisi eo anno, quo erat Consul Cicero, a T. Labieno Tribuno plebis, auctore Dione lib. 37. Unde efficitur post Syllæ Dictaturam non fuisse locum legi Domitiæ in creandis sacerdotibus collegiorum, octodecim fere annorum spacio: sed ex veteri more cooptatione creatos fuisse. Post Labienum autem legem rursus lege Domitia creati sunt. Hactenus de altera causa habendorum comitorum Tributorum. Deinceps sequitur, ut tertiam persequamur. Ac legum

gum quidem ferendarum causa haberi comitia Tributa nomen ipsum plebiscitorum satis offendere potest, ut alia probatione ad eam rem non sit opus. Si enim plebiscitum est, (ut ait Justinianus) quod plebs plebeo magistratu rogante constituebat: facile est intelligere, Tributis comitiis, non Centuriatis, ut quæ a plebeis magistratibus vocari non poterant, plebiscita fieri solita. Illud potius dicendum est, nomine legum non modo a nobis comprehendendi generalia jussa, perpetuaque velut constitutiones populi: sed omnes omnino rogationes, quibus jubendis comitia Tributa vocari solebant: excepta judiciorum causa, de qua seorsum paulo post agemus. Hoc igitur verbo legis comprehendimus rogationes, quibus de pace ad populum ferebatur. Bellum enim lege Centuriata indici solebat, ut superiore libro diximus: paci autem inunde Tributa comitia vocari solebant. Id quod ex Livii historia intelligi potest, apud quem lib. 10. Dec. 3. ita scribitur: *Inclinatis omnium ad pacem animis, Cn. Lentulus Consul, cui classis provinciae erat, Senatus-consulto intercessit. Tum M. Atilius & Q. Minucius Tribuni plebis ad populum tulerunt, Vellent jubere ne Senatum decerneret, ut cum Carthaginiensibus pax fieret, & quem eam pacem dare, quemque ex Africa exercitum deportare juberent. De pace uti rogasent, omnes tribus jussunt.* Et libro tertio Decad. quartæ: *Q. Martius rex & Catinius Labeo Tribuni plebis ad plebem tulerunt, Vellent jubere ne cum rege Philippo pacem esse. Ea rogatio in Capitolio ad plebem lata est. Omnes V. & XXX. tribus uti rogasent jussunt.* Hic etiam eas rogationes comprehendimus, quibus superioribus temporibus legibus aliquis solvebatur, quacunque id ratione fieret. Dixi autem superioribus temporibus, quia ætate Ciceronis Senatus eam sibi auctoritatem usurpaverat: quemadmodum constat ex verbis Asconii in argumento orationis pro C. Cornelio: *C. Cornelius legem promulgavit, quæ auctoritatem Senatus minuebat, ne quis nisi per populum legibus solveretur: quod antiquo quoque jure erat centum. Itaque in omnibus Senatusconsultis, quibus aliquem legibus solvi placebat, adjici erat solitum, ut de ea re ad populum ferretur. Sed paulatim ferri erat desitum: resque jam in eam consuetudinem venerat, ut postremo ne adjiceretur quidem in S. C. de rogatione ad populum ferenda.* Huc denique referimus omnes rogationes, quibus per populum triumphum decretum, publicas quaestiones constitutas, civitatem datam sæpe in historia Livii legimus. Superest, ut quartam causam persequamur: In qua explicanda repetendum est, quod supra diximus, judicia capitis, quæ fiebant per populum, Centuriatis comitiis fieri debuisse. At si magistratus aliquis faceret aliquem reum ad populum, nec capitis eum accerferet sed multam indiceret, tum vero Tributis comitiis id judicium fieri solebat. Hoc ergo summam dicere possumus, judicia populi, quæ de multa erant, a magistratu aut Pontifice indicta, Tributis comitiis fieri solita. Cujus rei probationes invenire in historia Livii facile est. Lib. 4. Dec. 1. scribit, M. Posthumio & T. Quintio ab Tribunis plebis diem dictam, quod ad Veios eorum opera male pugnatum esset. Deinde paulo post hæc verba subjicit: *Mæstæ civitati ab re male gesta, & irata duobus M. Posthumius reus obiectus decem millibus æris gravis damnatur. T. Quintium collegam ejus omnes tribus absolvent.* Et lib. 5. Dec. 3. statim initio proponit judicium M. Posthumii publicani, his verbis: *Excitati tandem duo Tribuni plebis Sp. & L. Carvili ducentum millium æris multam M. Posthumio dixerunt. Cujus certandæ cum dies advenisset, conciliumque tam frequens plebs adesset, ut multitudinem a rea Capitolii vix caperet. Et paulo post: Hæc cum ab optimo quoque pro atrocitate rei acta essent, vim-*

que eam contra Rempublicam pernicioso exemplo factam Senatus decerneret, confestim Carvili Tribuni plebis, omnia multa certatione, rei capitalis diem Posthumio dixerunt. Et lib. 7. Decad. 4. scribit M. Acilium Glabionem a Tribunis plebis reum factum ad populum. Ubi hæc sunt ejus verba: *Centum millium multa irrogata erat. Bis de ea re certatum est. Tertio cum de petitione desitisset reus, nec populus de multa suffragium ferre voluit, & Tribuni eo negotio desitiverunt.* Et lib. 3. Decad. 5. C. Lucretium, ubi dies, quæ dicta erat, venit, Tribuni ad populum accusarunt, multamque decies centum millium æris dixerunt. Comitiis habitis omnes V. & XXX. tribus eum condemnarunt. Alius est locus initio lib. 6. Dec. 3. ubi de judicio Gn. Fulvii, cui dies dicta erat a C. Sempronio Blaeso, ita scribitur: *Bis est accusatus, pecuniaque anquistum. Tertio testibus datis, cum, præterquam quod omnibus probis onerabatur, jurati permulti dicerent, fugæ pavoreque initium a Prætoris ortum, ab eo desertos milites, cum baud vanum timorem duci crederent, terga dedisse, tanta ira accensa est, ut capite inquirendum concio succlamaret. Deque eo novum certamen ortum. Nam cum Tribunus bis pecunia anquisset, tertio capitis se anquirere diceret, Tribuni plebis appellati. Cum college negarent se in mora esse, quo minus, quod ei more majorum permillum esset, seu legibus seu moribus mallet, anquireret, quod vel capitis vel pecunie judicasset privato: tum Sempronius perduellionis se judicare C. Fulvio dixit, dique comitis a C. Calpurnio Prætoris urbis peti. Præquam dies comitorum aderat, Cn. Fulvius exulatum Tarquinio abiit. Id ei justum exilium esse scivit plebs.* Et lib. 10. Dec. 4. *De rege sacrificio sufficiens contentio inter C. Servilium pontificem maximum fuit & L. Cornelium Dolabellam Duumvirum navalem: quem ut inauguraret Pontifex, magistratu sese abdicare volebat: recusantique id facere, ob eam rem multa Duumviro dicta a pontifice: deque ea re cum provocasset, certatum ad populum. Cum plures jam tribus introvocate dicto esse audientem pontificis Duumvirum jubere.* Ex his T. Livii locis apparet, Tributis comitiis judicia populi fieri solita, si non capitis, sed tantum pecunie anquireretur, cum a magistratu aut pontifice multa dicta esset. Neque vero hæc judicandi ratio illis temporibus tantum observata est, sed etiam temporibus Ciceronis, & paulo ante, postquam perpetuæ quaestiones institutæ sunt. Semper enim Romæ id observatum est, ut esset judicium ordo quidam, penes quem essent judicia. Id quod vel ex lege C. Gracchi intelligi potest, qua lege dicitur judicia, quæ adhuc fuerant Senatorum, cum equitibus communicasse. Hinc enim planum est, ante tempora Gracchi non omnia judicia publica populi fuisse, sed penes Senatorium ordinem fuisse judicandi potestatem. Quod non ita accipi debet, quasi in Curia per Senatum de reis judicium fieret: sed quoties quaestione publica decreta de reis judicandum erat, non alii erant, qui iudices sedebant, quam qui erant Senatorii ordinis. Lege autem Sempronia effectum est, ut cum Senatoribus judicarent Equites. Quod servatum est, usque ad tempora Syllæ Dictatoris, a quo revocata sunt ad solos Senatores judicia. Post lege Aurelia decimo anno post legem Corneliam lata Coss. Pompeio & Crasso, ad tres ordines Senatorum, Equitum & Tribunorum æarii judicia pervenerunt. Idque ita fuit usque ad Cæsaris Dictaturam, a quo judicia redacta sunt ad duo genera judicium, Equitibus ordinis ac Senatorii. Quod si semper judicium fuit ordo quidam, necesse est non omnia publica judicia populi fuisse: sed ordinarii judicium decuriis multo maxima pars judiciorum relinquerebatur. Consequens igitur est, ut ea modo ju-

dicia populi fuisse dicamus, quæ fiebant de reis, quibus dies dicta erat ad populum. Atenim vocandi ad populum soli magistratus jus habebant. Ea ergo sola erant populi judicia, quæ ex magistratuum accusatione ad populum nascebantur. Ac post publicas quidem questiones perpetuas factas, minus frequentari cœperunt ea populi judicia, præsertimque post Syllæ tempora, a quo numerus Prætorum, & questionum publicarum auctus est. Tum enim eveniebat, ut fere omnia crimina publica animadversione digna, in aliquam ex questionibus ordinariis incurrerent. Quin tamen sæpe his ipsis temporibus ea judicia fierent, negari non potest: præsertim si quid accideret, quod extra ordinem videretur magistratibus primo quoque tempore puniendum. Exemplum esse potest Marci Scauri iudicium, quo a Cn. Domitio Tribuno plebis ad populum accusatus est, quod ejus opera sacra multa populi Romani diminuta essent. Item Marci Syllani, cui a Cn. etiam Domitio Tribuno plebis dies dicta est ad populum, quod cum Cimbris injussu populi bellum gessisset. Atque illa quidem judicia per tribus fuisse peracta Asconius, appellatis tribubus, a quibus damnati sunt, & a quibus absoluti, aperte demonstrat. Exemplo etiam esse potest iudicium Junii, de quo mentio est in oratione pro Cluentio: ubi Cicero ostendit a L. Quintio Tribuno plebis reum ad populum factum Junium, multamque petitam, quod pecuniam ob rem judicandam accepisset, cum quæstor in iudicio Oppianici fuisset. Huc quoque pertinere potest, quod scribit Svetonius, L. Antistium Tribunum plebis Cæsari diem dixisse ob res ab eo in Consulatu gestas. Ex quibus apparet, non modo superioribus temporibus haberi solita comitia Tributa ad judicandum de reis, sed etiam postremis adeoque ætate Ciceronis. Quia vero supra ostendimus, de capite populum per leges duodecim tabularum, nisi comitiis Centuriatis, judicare non potuisse; necessario sequitur, populi judicia, quæ Tributis comitiis fierent, ea modo fuisse, quibus de multa ab eo indicta, cui pro sua potestate id liceret, certabatur. Illud tamen non est ignorandum, si capitis die dicta in exilium abiisset reus antequam dies advenisset, tum ad decernendum ei id exilium satis fuisse comitia Tributa vocare, nec fuisse ad eam rem opus Centuriatis comitiis. Id quod ex his verbis T. Livii, quæ paulo ante citavi ex lib. 6. Dec. 3. planum est: *Id ei justum exilium esse scivit plebs*. Quod enim Livius dicit plebem id scivisse, argumento est, plebiscito id factum, non lege Centuriata. Et lib. 5. Dec. 3. scribit: *Posthumius vadibus datis non affuit. Tribuni vocaverunt plebem, quæ ita scivit: Si M. Posthumius ante Calendas Maias non prodisset, citatusque eo die non respondisset, neque excusatus esset, videri cum in exilio esse, bonaque ejus venire, ipsi aqua & igni placere interdicti*. Atqui ex iis, quæ paulo ante dixerat, apertum est, diem ei perduellionis dictam fuisse. Ad exilium ergo alicui decernendum, satis erat plebiscito uti: ex quo sequitur, Tributis comitiis, non Centuriatis id fieri solere: etiam si capitis iudicium non posset (si reus adesset) nisi Centuriatis comitiis peragi. Ac de causis quidem comitorum Tributorum hæcenus dictum sit.

C A P. III.

De personis, quarum interventu peragebantur comitia Tributa.

IN hoc capite eædem personæ spectandæ sunt, quas in comitiis Centuriatis spectavimus. Ac primum de iis, quibus jus erat habendi comitia Tributa, dicendum. Ordinarios magistratus minores tantum Tribuni plebis, partim Consules crea-

bant. Plebeios enim magistratus, ad quos patricii non admittebantur, Tribuni plebis creabant. Hujus generis erant Tribuni plebis, & Aediles plebis. Nam quod Tribunitia comitia haberent Tribuni plebis, ex verbis T. Livii lib. 3. Decad. 1. intelligi potest. Forte quadam utili ad tempus, ut comitiis præficeret, potissimum M. Duillio sorte evenit, viro prudenti & ex continuatione magistratus invidiam imminuentem cernenti. Qui cum ex veteribus Tribunis negaret se ullius rationem habiturum, pugnarentque collegæ, ut liberis tribus in suffragium mitteret, aut concederet sortem comitorum collegis habituris e lege potius comitia, quam ex voluntate patrum. Alio loco ejusdem libri ita scribit: *Comitorum habendorum munus Appio, consensu injungunt. At ea, ne semet ipsi creare possent: quod præter Tribunos plebis, & id ipsum pessimo exemplo nemo unquam fecisset*. Ex quo item loco apparet, Tribunorum comitia Tribunos habuisse: aliqui se ipsi creare non possissent. Neque dici potest id primis temporibus tantum ita fuisse. Nam & Tib. Gracchi Tribuni plebis temporibus idem facitari solitum ostendit Appianus, cum scribit collegam Gracchi Rubrium comitiis præfuisse, quibus iterum Tribunos plebis designari volebat. Quod vero Aedilium plebis comitia haberent Tribuni, ex Dionysio intelligi potest: cujus hæc verba sunt ex lib. 6. *Hæc postquam assensu sunt Tribuni plebis, rogantur insuper Senatam, ut sibi permitteret ex plebeis hominibus duos singulis annis creare, qui Tribunorum plebis ministri essent, quibus in rebus opus esset: & qui de iis rebus judicarent, quas ipsi eorum iudicio committere vellent: qui denique sacrorum publicorumque locorum, & forensis annonæ curam gererent. Eo quoque a Senatu eis concessio, duos crearent, quos Tribunorum ministros, & collegas, & judices vocabant. Nunc sane lingua Romana ab uno, quo funguntur, officio Aediles, quasi sacrorum ædium curatores, appellantur. Retinentque adhuc eam ipsam aliorum ministrum potestatem. Verum ipsi multa & magna concessa sunt: simileque propemodum sunt his, quos Græci vocant ἀπορρογους*. Ex iis Dionysii verbis apparet, Tribunis plebis jus fuisse creandi Aediles plebis quasi suos quosdam administratos. Jam vero hi magistratus proprii erant plebis: unde facile est intelligere, horum creationem ad magistratus tantum plebeios attinuisse. Semel tantum a Pontifice maximo creatos reperimus Tribunos plebis: quia tum nulli essent Tribuni, propter Decemviri imperium, in quo instituendo cesserant omnes alii magistratus: nec posset ipsi ab Interrege patricio magistratus creari.

E Quod vero scribit Livius lib. 6. Decad. 1. eo quinquennio, quo in urbe fuit magistratuum solitudo, Tribunos plebis nihilominus Aedilesque fuisse, argumento est, nihil reliquos magistratus potuisse in creatione istorum. Verba Livii hæc sunt: *Haud irrita cecidere mine. Comitia præter Aedilium Tribunorumque plebis nulla sunt habita. Lucinius Sextiusque Tribuni plebis reselecti, nullos Curules magistratus creari passi sunt. Eaque solitudo magistratuum, & plebe resciente duos Tribunos, & his comitia Tribunorum militum tollentibus, per quinquennium urbem tenuit*. Reliquos ordinarios magistratus minores Consules creabant aut Dictatores, si quando comitorum habendorum causa creabantur, aut Tribuni militum Consulari potestate. De Quæstoribus sane minime id dubium esse potest. Livius lib. 4. Decad. 1. de A. Sempronio Tribuno militum Consulari potestate ita scribit: *Hoc Tribuno comitia Quæstorum habente*. Cicero in Vatinius: *Quæsturam petisti cum P. Sestio. Quæro abhi te, teneasne memoria, cum P. Sestius Quæstor sit cunctis suffragiis factus, tunc te vix invitis omnibus non populi beneficio, sed Consul extremum adhevisse*. Ex eo loco perspicuum est, Quæstorum comitia Con-

sulem habuisse. Quod etiam Cicero in epistola ad Curium 7. libro epistol. offendit, ubi de Cæsare Dictatore sic loquitur: *In campo certe non fuisti, cum hora secunda comitiis Quæstorius institutus sella Q. Maximi, quem illi Consulem esse dicebant, posita esset: quo mortuo nunciato sella sublata est. Ille autem, qui comitiis Tributis esset auspicatus, Centuriata habuit.* De Ædilibus Curulibus potest ambigi, ex eo quod A. Gellius lib. 6. cap. 9. citat ex Pisonis tertio annali: *Piso enim scriptum reliquit, comitia ab Ædile habita, quibus creatus est Ædilis Cn. Flavius.* Ex quo sequi videtur, non esse verum, quod diximus, a Consulibus creari reliquos minores magistratus propter Ædiles Tribunosque plebis. Sane, si verum scribit Pilo, nec locus mendosus sit, concedendum erit, primis illis temporibus jus fuisse Ædilibus Curulibus Ædiles creandi. Livius certe Pisonem falsum dicere coarguit: unde fit, ut minus certum inde argumentum duci possit. Ac nescio an non, ubi legitur, *At Ædili, qui comitia habebat, melius veriusque legeretur, At ille, qui comitia habebat.* Ut Consul, non Ædilis, quemadmodum legitur, intelligatur. Primos profecto Ædiles a Dictatore creatos scribit Livius ad finem lib. 6. & sequentibus temporibus Consules habuisse comitia Ædiliū Curulium, ex historia constare potest. Cicero quoque pro Plancio Crassum Consulē Ædiliū comitia habuisse scribit. Et lib. 4. ad Atticum in epist. cuius initium est, *Avere te certe scio,* scribit, *Q. Metellum Nepotem Consulem comitia habere, quibus Ædilis crearetur P. Clodius.* Ego igitur sic sentio; non tantum imperii fuisse Ædilibus Curulibus, ut agendi cum populo jus haberent, adeoque vocandi comitia: tamen habendæ concionis jus haberent, ut Cicero testatur 3. in Ver. cum ait, pro suo iure se, quia Ædilis designatus esset, ex rostris ad populum sequenti anno verba facturum ad accusandum perduellionis Verrem. Illud vero ex eo colligo, quod nusquam in historia legimus, ullam rogationem ab Ædilibus latam: quodque in Senatusconsultis nunquam Ædiles appellatur inter eos magistratus, quos agere cum populo Senatus iubeat, sed Consules tantum, Prætores, & Tribuni plebis. Ut in Senatusconsulto, quo Dictatorem a populo juberi Senatus decrevit libro septimo Decad. tert. & in Senatusconsulto, quod est in 8. epist. Cælii ad Ciceronem. Unde etiam commune argumentum erui potest, ex minoribus magistratibus solos fuisse Tribunos plebis, quibus jus esset agendi cum populo. Livius enim ita scribit, Senatum decrevisse, ut Consul ad populum ferret, quem vellet Dictatorem dici: si Consul noluisse, Prætor urbanus populum rogaret: si ne is quidem vellet, tum Tribuni ad plebem ferrent. Quod si aliis quoque magistratibus, ut Quæstoribus aut Ædilibus, jus fuisset rogandi populi, hoc profecto Senatusconsulto, ut plenum perfectumque esset, comprehensi essent. Quando igitur apud Livium toties reperitur Ædiles Curules, & plebei quosdam ad populum vocasse, multamque dixisse, vel dicendum est, comitia de multæ certatione a Tribunis plebis habita, non ab iis, qui multam dixerant: aut sane ab iis, quæ diximus, ea comitia excipienda sunt, quæ de multæ certatione habebantur, ita ut in hac tantum re potestatem haberent agendi cum populo, cum de multæ, quam pro suo imperio alicui dixissent, ad populum certandum erat. Id quod ego verius puto. Jam enim ab anno Urbis 300. Consules Sp. Tarpeius, & A. Aternius legem Centuriatam tulerant, qua omnibus magistratibus multæ dicendæ potestas facta est, auctore Dionysio lib. 10. Atque ea est lex Aternina, cuius meminit Gellius lib. 11. cap. 1. Et sane, si Ædilibus Ædiles creare licuisset, cum ad interregnum res redibat, potuisset evenire, ut non creatis Consulibus & Prætoribus summa Reip. rediret in Ædiliū Curulium, qui jam creati ab Ædi-

libus essent, potestatem. Neque enim tum verum esse potuisset, Remp. absque ullo Curuli magistratu esse. Atqui si reliquis minoribus magistratibus jus non erat agendi cum populo, necesse est, ut comitia habendi nulla his esset potestas. Consequens igitur est, ut Tribunos militares, & Triumviros tam capitales quam nocturnos & monetales dicamus creati ab aliquo majore magistratu. Siquidem plebeis tantum rogarent Tribuni plebis. Porro autem ordinarios magistratus subrogandi munus proprium erat Consulū, neque id Prætores unquam leguntur facitasse Consulibus præsentibus. Consules ergo illa comitia habere solitos necessario concedendum erit. Quod autem ad extraordinarios magistratus attinet, ex his, quæ modo diximus, statui potest, Consulibus, Prætoribus, & Tribunis plebis tantum jus fuisse eos creandi. Ex historiæ autem lectione perspicui potest, modo Prætores, modo Tribunos plebis, interdum etiam Consules habuisse comitia ad creandos extraordinarios magistratus. Sacerdotum comitia Tributa Consules habere debuissent ex 5. Ciceronis epist. ad Brutum colligi potest. Illic enim ait mortuis Hirtio & Pansa Cons. comitia sacerdotum necessario deferenda esse, donec res ad Interregnum rediisset, ut Consules auspicato ab Interrege subrogarentur. Atqui tum & Prætores & Tribuni plebis erant Romæ: quibus si jus fuisset ea comitia habendi, sacerdotum comitia non fuissent eo usque differenda, dum Consules subrogati essent. Verba Ciceronis hæc sunt: *Omnino Pansa vivo celeriora omnia putabamus. Statim enim collegam sibi subrogasset. Deinde ante Prætoriam sacerdotum comitia fuissent. Nunc per auspicia longam moram video. Dum enim unus erit patricius magistratus, auspicia ad patres redire non possunt.* His postremis verbis Cicero vult, ideo moram futuram comitiis sacerdotum, quia auspicia ad patres redire non poterant, quamdiu erat unus patricius magistratus. Consulibus enim demortuis comitia subrogandis Consulibus habere non poterat Prætor. Quia tamen patricius magistratus erat, ideo non poterant patricii coire quamdiu erat Prætor, ad prodendum Interregem: quæ sola tum erat ratio subrogandi Consules. Necessè igitur erat, ad finem usque anni expectare, quo tempore nullus patricius magistratus impedimento erat, quominus ad patricos auspicia redirent. Quod si, ut hinc apparet, habendis sacerdotum comitiis expectandum erat, dum Consules creati essent, necessario efficitur, solis Consulibus jus fuisse habendi comitia sacerdotum, quæ ex lege Domitia habebantur. Ante legem Domitiam comitia Tributa, quæ Pont. max. creando habebantur, ab uno quodam Pontifice haberi solebant. Id quod ex T. Livio colligi potest. Scribit enim initio libri 5. Decad. 3. comitia Pontifici max. creando habuisse Marcum Cornelium Cethegum Pontificem. Atqui Consules Prætoresque tum Romæ erant, ut ex eodem auctore constat. Unde efficitur, Pontificibus etiam jus fuisse habendi comitia Tributa. Post legem sane Domitiam eo existimo Consules habuisse comitia Pontificis max. quod certum sit, sacerdotes collegiorum a Consulibus creati. Non est autem probabile, Pontificem max. non potuisse habere comitia Pontificibus sufficiens, cum interim unus de collegio Pontificum posset habere comitia Pontificis max. In quo si me fallit conjectura, in reliquis certe collegiorum sacerdotibus verissimum est, quod diximus. De legum iudiciorumque comitiis Tributis facile est intelligere, iis magistratibus licuisse habere ea comitia, quibus jus erat cum populo agendi. In historia autem legimus, interdum Consules, interdum Prætores, sæpe Tribunos plebis ad populum de his rebus rogationes tulisse. Ætate Ciceronis rogatio de religione a P. Clodio polluta, a M. Pisonē Consule lata est: lex Aurelia de tribus ordinibus iudicum ab Aurelio

Cotta Prætor lata est: lex Gabinia, Manilia, Vatinia, a Tribunis plebis latae. Ac de personis quidem, quibus jus esset habendi comitia Tributa, haftenus. De persona candidatorum pauca dicenda sunt. Plebeios magistratus petendi jus erat plebeis tantum hominibus, binisque ex singulis classibus Tribunos esse oportebat. Livius libr. 4. Decad. 1. Multum providisse majores nostros, qui caverint, ne cui patricio plebeii magistratus paterent. Quæ sane causa fuit, ut Clodius se plebeio adoptandum daret, ut Tribunus plebis fieri posset. Et lib. 3. Dec. 1. Trigesimo sexto anno a primis Trib. plebis decem creati sunt, bini ex singulis classibus. Itaque cautum est, ut postea crearentur. Illud etiam reperio apud Livium cautum fuisse de Tribunorum Adiliumque plebis persona, ut eos magistratus gerere iis non liceret, quorum pater, qui sella Curuli sedisset, viveret. Verba Livii sunt ex lib. 7. Dec. 3. *Adiles plebeii erant Cn. Servilius & Q. Cecilius Metellus. Servilium negabant jure aut Tribunum plebis fuisse aut Adilem esse, quod patrem ejus, quem Triumvirum agrarium occisum a Boiis circa Mutinam esse opinio per decem annos fuerat, vivere atque in hostium potestate esse, satis constabat.* Et lib. 10. ejusdem Dec. Latum ad populum est, ne Cn. Servilio fraudi esset, quod pater, qui sella Curuli sedisset, vivo, cum id ignoraret, Tribunus plebis atque Adilis plebis fuisset: contra quam sancitum legis erat. Candidati Quæsturæ tam patricii quam plebeii esse poterant: tantumque in iis providendum erat post legem annalem, ut ætatem haberent lege definitam: & ut, emeritis decem annuis stipendiis, nullo infami judicio a petitione rejicerentur. De quibus supra satis dictum est. In Tribunatus militum candidatis quid observandum esset, Polybius in sexto de Rep. explicat his verbis: *Designatis Consulibus, postea Tribunos militum creant. Et quatuordecim quidem ex iis faciunt Tribunos; qui habent annua quinque stipendia. His deinde adjiciunt decem, quos creant ex iis, qui supra quinque usque ad decem habent annua stipendia. Equites quidem, qui decem omnino habent stipendia, pedites autem, qui sex, & eo amplius habent annua stipendia.* Ex iis apparet, non temere quovis Tribunos militum fieri potuisse: sed cum 24. Tribuni militum a populo crearentur, qui quatuor ordinarii urbanis legionibus præessent, singuli singulis millibus: nemo ad id deligebatur, qui non gessisset minimum quina stipendia. Erantque alii veteres Tribuni militares numero decem, alii juniores numero quatuordecim. In quo etiam observabatur, ut nemo, qui equo meruisset, Tribunus militum fieri posset, nisi qui decem stipendia haberet: cum interim satis esset pedibus vel sex annos meruisse, ut inter veteres Tribunos militares locum habere posset. Horum veterum Tribunorum militarium meminit Cicero 2. in Verr. M. Creperius ex acerrima illa equestri familia, & disciplina: *L. Cassius ex familia tum ad ceteras res, tum ad judicandum severissima: Cn. Tremellius homo summa religione & diligentia: tres hi homines, veteres Tribuni militares sunt designati.* Candidatum ergo hujus magistratus nemo se profiteri jure poterat, nisi qui legitima illa stipendia consecisset: pedibus quidem quinque aut sex minimum annos, equo autem decem. Quod ad magistratus extraordinarios attinet, hoc unum lege fuisse cautum de candidatis reperio, quod scribit Cicero in Rullum his verbis: *Quos tandem igitur Decemviros creari vult? Se primum? Si licet? leges enim sunt veteres, neque ex Consulares, si quid interesse arbitramini; sed Tribunitia, vobis majoribusque vestris vehementer grata atque jucunda. Licinia est lex, atque altera Ebutia, quæ non modo eum, qui tulerit de aliqua curatione ac potestate, sed etiam collegas ejus, cognatos, affines excipit, ne*

eis ea potestas curatione mandetur. De sacerdotum competitoribus hoc primum annotandum est, quod scribit Cicero pro domo sua, sacerdotes horum, de quibus agimus, collegiorum dimidia ex parte patricios, ex altera plebeios esse debuisse. Verba Cicero nis hæc sunt: *Itaque populus Rom. brevi tempore neque Regem sacrorum, neque Flamines, nec Salios habebit, nec ex parte dimidia reliquos sacerdotes.* Ex iis consequens est, non temere quibusvis licuisse ea sacerdotia petere. Frustra enim plebeius petisset, si in locum demortui patricii sufficiendus esset sacerdos: & contra patricio locus esse non poterat, si pro demortuo plebeio substitutus esset alius plebeius. Adscribendum etiam est hoc loco id quod Cicero epist. 5. ad M. Brutum scribit: *Ciceronem nostrum in vestrum collegium cooptari volo. Existimo omnino absentium rationem sacerdotum comitiis posse haberi.* Nam etiam factum est antea: C. enim Marius, cum in Cappadocia esset, lege Domitia factus est augur. Nec quominus id postea liceret, ulla lex sanxit. Est etiam in lege Julia, quæ lex est de sacerdotiis proxima, his verbis: *Qui petit, cujusque ratio habebitur.* Aperte indicat, posse rationem haberi non petentis. Dion quoque scribit, legibus cautum fuisse, ne ex eadem gente duo in eodem collegio sacerdotes essent. Et quoniam in collegio augurum erat ex gente Cornelia Fautus Sylla, idcirco ut posset in id collegium cooptari Lentuli Spintheris filius, datus est a patre adoptandus Manlio Torquato. Hoc etiam loco animadvertendum est, non perinde definitam legibus ætatem fuisse petendi sacerdotia, sicut erat in petendis magistratibus. Nam præter id, quod legimus apud Svetonium, Cæsarem septimo & decimo ætatis anno factum fuisse Flaminem Dilem, ex eo, quod Cicero dicit, se velle, ut Cicero filius in collegium Pontificum cooptetur, intelligi potest admodum adolescentes in collegia sacerdotum cooptari potuisse. Si enim Cicero filius natus erat L. Cæsare & C. Martio Coss. quemadmodum Cicero ad Att. 1. epist. scribit: vix dum poterat 21. annos Cicero filius natus esse Hirtio & Pansa Coss. quo anno illa ad Brutum epistola scripta est. Ex quo efficitur, licuisse admodum adolescentibus ad sacerdotium pervenire. Nec tamen ante annum 17. quo anno virilem togam accipiebant juvenes Romani, id licuisse existimo: quandoquidem ad eam usque ætatem pueri censerentur, nec ullam Reip. gerendæ potestatem haberent. In Pontifice maximo creando id proprie servandum erat, ut non posset, nisi ex iis, qui Pontifices essent, Pontifex maximus fieri. Id quod hac ratione doceri potest. Ex iis locis, quos supra ex Livio citavimus, apparet, mortuo Pontifice maximo a collegio, ante legem quidem Domitiam, alium cooptari solitum, qui Pontifex tantum fieret: tum deinde Pontificis maximi comitia habebantur. Si igitur aliunde poterant defirmi Pontifices maximi quam ex numero Pontificum, necesse erat semper uno augeri numerum Pontificum, quoties Pontifex maximus moriebatur. Pone enim nunc octo Pontifices, qui erat numerus veteri lege definitus: si Pontifex maximus moriatur, substituto pro eo alio Pontifice, restabit numerus octo Pontificum. Quando ergo Pontifex præterea maximo populi suffragiis fuerit adjectus, nisi ex numero Pontificum sumptus sit, collegium Pontificum novem constabit Pontificibus. Quod si rursus Pontifex maximus moriatur superstitibus reliquis Pontificibus, necesse erit decem Pontificibus constare collegium, uno adjecto Pontifice, & alio Pontifice maximo creato: eodemque modo semper auctum fuisset collegium, ita ut certo numero nunquam definitum esset: quod tamen absurdissimum est. Ex numero ergo Pontificum populus creabat Pontificem maximum, nec se Pontificatus maximi candidatum profiteri quisquam poterat, qui Pontifex non esset. Quod vero sæpe in hi-

istoria Livii reperimus, eundem hominem duo sacerdotia gessisse, argumento est, non perinde atque in magistratibus vetitum fuisse, ut duo quis sacerdotia gereret. Sane, postquam lege Domitia a populo dari coeperunt, minus id facitatum reperitur, quia socii comitiis ratio potius haberetur ejus, qui nullo fungeretur sacerdotio, quam ejus qui aliquid jam sacerdotium haberet. Ac de personis quidem, propter quas habebantur comitia Tributa, satis. Deinceps sequitur, ut de personis jus suffragii habentibus dicamus. Omnibus civibus Romanis, quibus data erat civitas cum jure suffragii, licebat comitiis Tributis suam dicere sententiam. Simul enim cum pleno jure civitatis tribum accipiebant, in qua suffragium ferrent. Livius lib. 8. Decad. 4. *De Formianis Fundanisque municipibus & Arpinatibus* C. Valerius Tappo Tribunus plebis promulgavit, ut in suffragii latio (nam ante sine suffragio habuerant civitatem) esset. Huic rogationi quatuor Tribuni plebis quia non ex auctoritate Senatus ferretur, cum intercederent: edo-cti, populi esse, non Senatus jus, suffragium quibus velis, imperiari, desisterunt incepto. Rogatio perla-ta est, ut in Aemilia tribu Formiani & Fundani, in Cornelia Arpinates ferrent. Atque in iis Tribu-bus tum primum ex Valerii plebiscito censi sunt. In hoc Livii loco multa sunt observatione digna. Pri-mum, populi proprium jus fuisse, dare civitatem, ut in ea re nil opus esset auctoritate Senatus. Unde fit, ut nulquam reperimus civitatem datam, nisi ro-gatione ad populum lata. Quarum rogationum exem-pla multa extant in orationibus pro Archia poeta, & pro Balbo. Deinde iis demum civibus suas tribus fuisse, qui pleno jure cives essent, hoc est, cum jure suf-fragii. Unde fit, ut quoties datam civitatem reperi-mus absque jure suffragii, nullam reperiamus men-tionem tribuum. Contra autem quoties tribuum mentionem factam videmus, propter aliquos novos cives, simul intelligere possumus, eos pleno jure ci-ves factos. Postremo civis tantum eos censeri soli-tos, qui suas quasdam haberent tribus. Nam qui jus suffragii non habebant, honoris potius causa ci-ves erant, quemadmodum de Campanis equitibus scribit Livius, & de Ceritibus A. Gellius lib. 16. cap. 13. quam ut onus aliquod civitatis ferrent. Merito igitur fiebat, ut nihil ad eos census attineret: qui potissimum ad onera Reip. aequabiliter sustinenda in-stitutus erat. Illud ergo certum est, omnes cives, qui in tribus Romanas descripti erant, jus habuisse suffragii ferendi: etiam si tribu moti essent, factique aerarii a Censoribus aut publico judicio; modo ne simul notæ causa in Ceritum tabulas relati essent. Tribu enim movere nihil aliud erat, quam tribum mutare jure, ut docet Liv. lib. 5. Dec. 5. At qui in tabulas Ceritum referebantur, jure suffragii privaban-tur, ut docet A. Gell. lib. 16. c. 13. & Aicon. Verum, an hi soli jus haberent suffragii, valde dubium est. Latini enim in tribubus Romanis non erant ante legem Juliam, qua Latinis & sociis Italiae populis ci-vitas data est: & tamen jus habuisse suffragii in co-mitiis Tributis videntur. Livius enim lib. 5. Decad. 3. ita scribit: *Testulis* (vel ut Valla legit, *Testib.*) *dati* Tribuni populum summoerunt: sitellagae adlata est, ut sortirentur ubi Latini suffragium ferrent. Quæ verba indicant, non modo Latinos tum descriptos in tribus Romanas non fuisse: alioqui nihil sortitio-ne opus fuisset, ut in qua tribu suffragium dicturi erant, constare posset: sed etiam suffragium habuisse. Unde videtur sequi, non solis civibus Romanis jus fuisse suffragii. Ea sane quaestio difficultate non caret: nos tamen conabimur aliquid lucis adferre: sed ita, ut suum cuique relinquamus judicium, ut si minus probent quod dicemus, aliud sequantur quod verius judicabunt. Latini omnes cives Romani non fuerunt nisi post legem Juliam, ut docet Cicero pro Balbo: quæ lex lata est initio belli socialis. Multas

tamen reperio eos rationes habuisse viritum perve-niendi ad civitatem, quæ aliis populis non pare-rent. Una ratio erat per legem, cujus meminit T. Livius lib. 1. Dec. 5. *Lex sociis ac nominis Latini, qui stirpem ex sese domi reliquerent, dabat, ut cives Romani fierent.* Alia erat, cujus meminit Appia-nus lib. 2. bell. civilium, ubi ait Latinitatis hoc jus fuisse, ut cives Romani fierent, qui in Latinis co-loniis magistratum gessissent. Quanquam ergo Ro-mani cives amitterent civitatem, si in Latinam co-loniam nomina dedissent, ut docet Cicero pro Cæ-cinna, & pro domo sua: hoc tamen jure poterant in civitatem redire, si magistratum in ea colonia Latina gessissent. Alia item ratio fuit per legem Ser-vilium, qua Latinis jus erat civitatem assequi in lo-cum ejus, quem accusando damnassent reperunda-rum. Hanc legem tulerat C. Servilius Glaucia, ut docet Aicon. pro Scauro. Quod autem ea lege Latini assequerentur civitatem, Cic. pro Balbo ostendit his verbis: *An accusatori majores nostri majora præmia quam bellatori esse voluerunt? Quod si acerbissima lege Servilia principes viri ac gravissimi & sapientissi-mi cives hanc Latinis, id est, federatis, viam ad civitatem populi jussu patere passi sunt.* Alias vero etiam leges fuisse, quibus Latinis præmii loco ci-vitas propolita esset, paulo post idem Cicero indicat his verbis: *Num fundos igitur factos populos Latini arbitramur aut Servilia lege aut ceteris, quibus Latinis hominibus erat appositum aliqua ex re præ-mium civitatis.* Porro autem quod dixi Latinis da-tam civitatem lege Julia, de iis accipi debet, qui in Italia erant populi Latini nominis. Certum enim est ex Svetonio in Cæsare post eam legem adhuc fuisse multas Latinas colonias, quæ tamen civium Romanorum non erant: sed eo jure quo socii no-minis Latini erant ante civitatem univerſo Latio lege Julia datam. Verba Svetonii hæc sunt: *De-cedens ergo ante tempus colonias Latinas de peten-da civitate agitantes adiit.* Ut etiam excipiantur hi, quos primis temporibus in civitatem receptos legimus. Quod si tam multas rationes haberent Latini adipiscendæ civitatis Romanæ, accidere po-terat, ut quinquennii spatio, quod erat tempus in-ter censuras interjectum, multi Latini civitatem assequerentur, qui tamen adhuc nec censi essent, nec in tribus Romanas adscripti. Nam & lib. 8. Decad. 1. legimus Lanuvios, Aricinos, Nomenta-nos, & Pedanos, qui omnes Latini erant, civitate donatos, post quinquennium demum censos fuisse, & in duas tribus Metiam & Scaptiam descri-ptos, quæ tribus tum primum propter eos additæ sunt. At enim si pleno jure hi cives essent, jus ha-bebant suffragii. Verum qui tribum adhuc non ha-bebant, quomodo ad suffragium vocari poterant? An forte id decernendum erat? Ut qui certa adhuc tribu non essent, in ea suffragium ferrent, cui forte id obtrigisset. Hæc profecto esset tollerabilis inter-pretatio loci T. Livii, ut de iis Latinis intelligere-tur, qui cives quidem jam essent facti per eas leges, quæ tum erant, sed nondum in tribus descripti: si verum esset, pleno jure quenquam civem esse non potuisse, adeoque suffragii jus habuisse, qui nec cen-sus esset, nec tribum haberet. Id vero nequaquam admittendum esse vel hinc videri potest, quod Cen-turiatis comitiis nemo suffragium ferre poterat, qui censum suum professus non esset. Describentur enim ex censu centuriæ. Et novi ergo illi cives, si censi non essent, Centuriatis comitiis ferre suffra-gium non poterant. Porro autem dicere cives jus suffragii habuisse in unius generis comitiis, qui in alterius generis non haberent, ineptum est, & ab omni ratione alienum. Verius ergo est, quod pau-lo ante annotavimus, neminem civium Romano-rum jus suffragii habuisse, priusquam census esset, & in aliquam tribum adscriptus: tamen ceteris in

rebus pro cive se gerere posset. Jam vero, si nemo potest jure Romano duarum esse civitatum, ut ait Cicero pro Cæcinnæ & pro Balbo, nec sane iidem poterant esse Latini & cives Romani. Titum ergo Livium de novis quibusdam civibus non intellexisse, vel hinc argumentum accipi potest, quod Latinos appellat. Neque enim vera esset appellatio, eos, qui cives jam essent Romani, Latinorum nomine appellare: præsertim cum Latinorum appellatione semper socii Latini nominis intelligantur, a civibus Romanis adeo diverſi, ut ne ii quidem Latini, qui in coloniam Romanam nomina dedissent, cives Romani essent, quemadmodum T. Livius lib. 4. Decad. 4. a Senatu judicatum esse dicit in causa Puteolanorum, Salernitanorum, & Buxentinorum. Neque vero dici potest de iis Latii municipiis eum locum intelligi, quæ civitate donata erant, ut de Tusculanis, Lanuvinis, Aricinis, Nomentanis, aliisque hujus generis. Habebant enim jamdudum illa municipia suas tribus. Quapropter sortitione opus non erat, ut appareret in qua tribu suffragium ferrent. Aliud ergo nobis inveniendum est, unde illius loci explicationem eruere possimus. Fædus cum Latinis idem esse Cicero pro Balbo scribit Sp. Cassio & Posthumio Cominio Coss. anno Urb. 261. De hoc fœdere Dionys. lib. 8. ita loquentem Sp. Cassium introducit: *Latinos Romanorum consanguineos, urbis tamen Romæ dominationem & gloriam iniquo semper animo ferentes, in amicitiam adduxi, concessa eis isopoliteia, ut jam non adversariam sibi Romam vocent, sed patriam.* Et paulo post: *Sp. Cassius quamplurimos potuit Latinorum & Hernicorum, evocavit ad suffragium ferendum. Qui frequentes convenerunt, ut propemodum plena peregrini esset civitas. Quo a Virginio animadverso, jussit per compita proclamari, ut omnes peregrini Romæ exirent, dato ad id perexiguo tempore. Tum Cassius contra edicto jussit omnes in urbe manere, quibus concessa erat isopoliteia, donec lex perlata esset.* Ex iis Dionysii verbis intelligi potest, fœdere concessam Latinis isopoliteiam, hoc est, communem & parem cum Romanis Reip. gerendæ curam. Tum illud, evocatos ἐπι τῶν ἱσοπολιτειῶν Latinos, quos Cassius urbe exire noluerit, ante legem perlata. Ex quibus cum T. Livii verbis collatis colligo, Latinos cum Romanis suffragii ferendi potestatem habuisse. Neque enim fortitendum fuisset, ubi Latini suffragium ferrent, si omnino suffragio exclusi fuissent. Illud nunc querendum est: Utrum beneficio tantum, & permisso eorum magistratum, qui haberent comitia, Latini ad suffragium dicendum admitterentur, an vero pro suo jure ac per legem sui cum Romanis fœderis jus haberent suffragii. Ego, ut potius credam, liberalitate Romanorum magistratum Latinos ad suffragium admitti, quam suffragii jus habuisse, hac potissimum ratione adducor, quod in historia C. Gracchi legimus, socios Latinos urbe exire jussos, ne tum Romæ essent, quando legibus Gracchi ferendis tribus in suffragium vocarentur. Quo pertinet illud Ciceronis pro Sestio: *Nihil acerbius socii Latini ferre soliti sunt, quam id, quod perraro accidit, ex urbe exire a Consulibus juberi.* Neque enim edicto Consules tollere poterant, quod legibus contra cautum esset. Itaque si per leges Latini jus habuissent suffragii, nec Consules suis edictis privare suffragium illos potuissent, nec Latinos legum præsidio munitos suo jure cedere passus esset C. Gracchus, ut contra quam legibus licitum esset, suffragio privarentur socii, quos ipse evocasset. Si ergo id contra leges factum non est a C. Fannio Consule, ut edicto juberet Latinos urbe exire, ne legibus Gracchi ferendis adessent, necessarius efficitur, Latinos comitiis legum non habuisse jus suffragii. Restat igitur, ut, quod admissos ad suffragium Latinos reperimus, beneficio potius &

benignitati Romanorum magistratum id tribuentium societati & consanguinitati Latinorum, qui tum forte Romæ essent, cum haberent comitia, quam juris ac legum necessitati attribuiamus. Alia nunc quaestio est, omnibusne comitorum generibus admitti solerent, an uno quodam aut altero genere tantum. Sane, quia beneficii hoc erat, non juris, quod Latini admitterentur ad suffragium, nullam video causam, cur certis comitiis ea benignitas adstricta esset: præsertim cum Latinorum suffragium hoc modo in unam quandam tribum forte contractum nullius prope momenti semper futurum esset: cum interim magno honori id ducerent, quod suffragium cum civibus dicerent. Illud profecto observandum est, quod illic, ubi Livius suffragii Latinorum facit mentionem, agitur de judicio civis Romani, cui multa dicta erat a Tribunis plebis. Quid vero causæ esse potest, cur Latini in judicio de multa suffragium dicerent, in judicio capitis non dicerent? Quod si concedamus perinde eos suffragium dicturos fuisse in comitiis, quibus de perduellione judicaturus erat populus, atque in his comitiis, quibus de multa eidem reo Posthumio dicta agebatur: consequens est, ut fateamur, non modo Tributis comitiis Latinos suffragium dixisse, sed etiam Centuriatis. Erant enim Centuriata perduellionis comitia. Quoniam autem Romæ non censentur Latini, sed in suis civitatibus, poterant tamen ita se adungere ad Centurias unius cujuslibet tribus, cui forte obtigisset, ut Latini in ea suffragium dicerent, ut cum primæ classis centuriis hi suffragium ferrent, qui erant primi census apud Latinos: cum Centuriis secundæ classis, qui erant apud eos secundi census; & ita deinceps: aut vero in unam Centuriam forte ductam omnes Latini nulla habita ratione census conjici: quo modo in Tributis comitiis in unam tribum conjiciebantur. Sed quoniam hæc, quæ de Centuriatis comitiis dicimus, verius probabiles conjecturæ sunt, quam necessariae rationes, pro certo ea asserere non auiam: præsertim cum nusquam legamus, vocatos ad suffragium Latinos Centuriatis comitiis. Quia vero nominatim T. Livius ait his comitiis, quæ Tributa erant, Latinos suffragium habituros, nisi interpellata essent, pro certo hoc affirmare possumus, Tributis comitiis Latinos ad suffragium admitti solitos. Unde sequitur, si de jure queratur, solos cives jus habuisse suffragii: sin jure omnifermo suffragiorum spectemus, verum erit, etiam Latinos cum civibus ad suffragium dicendum admitti solitos. Sed quoniam nulla certa tribu erant Latini, idcirco antequam tribus ad suffragium vocarentur, sortitio fiebat, in qua tribu suffragium dicturi essent. Ac nostra quidem illa est de Livii loco sententia, quam tamen mutare non gravabor, si quis probabiliorē adferat interpretationem. De diribitoribus, custodibus, rogatoribus & præconibus paulo post dicemus, cum modum comitorum Tributorum explicabimus. Nunc de personis agendi finem hic faciamus.

CAP. IV.

De modo comitorum Tributorum.

Deinceps consequens est, ut de modo agamus. In quo hoc primum animadvertendum est, commune omnibus omnium generum comitiis fuisse, ut haberi non possent Jove fulgente aut tonante. Cicero in Vatinius scribit, jam inde a Romulo decretum fuisse ab auguribus, Jove fulgente cum populo agi nefas esse. Omnibus autem omnium generum comitiis cum populo agebatur. Hoc igitur Tributis etiam comitiis conveniebat, ut auspicia hæcenus servanda essent, ne haberentur, quo die fer-

vatum esset de cœlo. Unde sequitur, his etiam comitiis obnunciationi parendum fuisse. Neque enim Cicero diceret Vatinius contra legem Æmiliam & Fuliam fecisse, nisi tributis etiam comitiis habendis obnunciationi parendum esset. Interdum tamen ad legem aliquam ferendam, quam omnino vellet Senatus pro temporis necessitate perferri, ut nulla ratione impediretur, lator illius legis solvebatur his legibus: ut de M. Aufidio Lurcone legimus libr. i. ad Att. *Lurco Tribunus plebis, qui magistratum simul cum lege Ælia iniit, solutus est & Ælia & Fufia, ut legem de ambitu ferret, quam bono auspicio claudus homo promulgavit.* Et Clodius initio sui Tribunatus legem tulisse legitur, ne obnunciationi sibi parendum esset. Quamquam autem Tributa comitia hæcenus auspicio haberi debebant, in reliquo tamen genere auspiorum nulla fere religione altringebantur. Id quod Dionys. lib. 9. ostendit his verbis: *Hoc erat discriminis inter Tributa comitia & Curiata, quod Curiata oportebat ex Senatus auctoritate haberi, & populum curiatim suffragium dicere: & preterea necesse erat, ut auspicio fierent, deos ante consuli: alioqui iusta haberi non poterant.* Tributa vero non consulto Senatu, non adhibitis sacerdotibus auguribus uno die, diviso per tribus populo perficiebantur. Et libro decimo hæc sunt verba patriciorum ad Tribunos plebis: *Neque enim vos Senatus auctoritate ad magistratum vocat, nec Curia de vobis suffragium dicunt, nec sacra facitis ante comitia, quæ lege fieri oportebat, nec omnino quicquam quod ad religionem deorum pertineat.* Et T. Livius lib. 6. Decad. i. *Penes quos igitur sunt auspicia more majorum? nempe penes patres.* Nam plebeius quidem magistratus nullus auspicio creatur: nobis adeo propria sunt auspicia, ut non solum quos populus creat patricios magistratus, non aliter quam auspicio creet: sed nos quoque ipsi sine suffragio populi auspicio Interregem prodamus, & privatim auspicia habeamus, quæ ipsi ne in magistratibus quidem habent. Ex his Dionysii & T. Livii locis intelligi potest, plebeios magistratus nulla habuisse auspicia. Unde efficitur, non potuisse ea comitia, quæ habentur, auspicio haberi. Sive ergo legum, sive magistratum comitia essent, quæ a Tribunis plebis habebantur, ea non auspicio habebantur: nisi quatenus obnunciationi parendum erat, ut diximus. Ex quo etiam elici potest interpretatio duorum locorum Livii, qui alioqui difficiles admodum essent. Unus est ad finem libri decimi Decad. i. *Exaëto jam anno novi Tribuni plebis magistratum inierant: iisque ipsi, quia vitio creati erant, quinque post dies alii successi.* Alius locus est lib. 10. Dec. 3. *P. Ælius Tubero & L. Læstorius Ediles plebis vitio creati, magistratu se abdicaverunt.* Ex his enim locis queri posset, quomodo plebei illi magistratus vitio creati possent. Vitio enim creati, erat contra auspicia creati. Si igitur plebei magistratus auspicio non creabantur, quodnam vitium intervenire poterat? Dicendum igitur est, ad creandos plebeios magistratus nihil opus fuisse captare auspicia adhibitis auguribus pullariive, ut in magistratibus maioribus fieri solebat: idque esse quod auspicio creati negantur. Attamen si, quo die creati essent, aut fulgurasset, aut tonuisset, vitio creati dicebantur: quia contra commune augurum decretum cum populo aut plebe actum esset, quo die servatum erat de cœlo. Nam si hoc solum vitium comitiis plebeiorum magistratum obvenire poterat, de hoc necesse est verba Livii intelligi. Id quod nos postea pluribus ostendemus, cum de Curiatis comitiis agemus: ubi demonstrare conabimur, his plebeis magistratibus non fuisse opus Curiata lege, sicut cæteris minoribus magistratibus. Nunc illud potius querendum est, quomodo verum esse possit, quod diximus, plebeios magistratus auspicia non habere. Cicero enim 3. de Legibus legem ponit huiusmodi: *Omnes magi-*

stratus auspiciis iudiciumque habento. Ex quo sequitur etiam Tribunos plebis auspicia habuisse. Eam enim legem Romanis legibus consentaneam fuisse, tum ipse Cicero paulo post indicat, tum vero ex eo facile est intelligere, quod passim Tribunos plebis reperimus jus obnunciandi habuisse: quod alioqui eis privatis non licuisset: unde sequitur, ratione sui magistratus potestatem habuisse servandi de cœlo. Sane hæcenus concedendum est, non modo Tribunos plebis, sed etiam reliquos magistratus minores auspicia habuisse, ut de cœlo servare possent. Id quod vel ex edicto Consulium, quo edicebant, quis dies futurus esset comitiis Centuriatis, perspicitur potest. In eo enim vetabatur, ne ullus magistratus minor de cœlo servasse vellet. Itaque possumus uno modo cum Cicerone dicere, omnes magistratus auspicia habuisse: alio modo cum T. Livio negare, plebeios magistratus auspicia habuisse: quia in suis actionibus instituendis augures pullariove non adhiberent: quæ erant vera auspicia. Quod vero dixi Tributa comitia a plebeis magistratibus auspicio non haberi, idem ad omnia Tributa comitia, quæ etiam a patriciis habebantur, transferri debet: ut satis ostendunt verba Dionysii, quæ generaliter de omnibus comitiis Tributis pronunciantur. Jam vero T. Livius ad finem lib. 5. Dec. i. in concione Camilli, per enumerationem colligens ea, quæ auspicio sunt, inter auspiciata comitia ponit tantum Centuriata & Curiata, Tributorum nulla facta mentione. Verba ejus hæc sunt: *Quid alia quæ auspicio agimus, omnia fere intra pomerium, cui oblationi aut cui negligentia damus? Comitia Curiata, quæ rem militarem continent: comitia Centuriata, quibus Consules Tribunosque militares creatis, ubi auspicio, nisi ubi a solemnibus fieri possunt?* Quod si quis certius etiam huius rei argumentum requirat, ita habeto: Si probatum fuerit, minorum magistratum comitia Tributa auspicio non haberi, multo magis in legum comitiis id verum esse fatendum erit. Illud vero ita demonstrari potest ex verbis Messalæ apud Gellium lib. 13. c. 14. *Minoribus magistratibus creandis Tributis comitiis magistratus, sed iustius Curiata datur lege.* Cum enim de auspiciis illic agatur, si Tributis horum magistratum comitiis augures adhiberentur, cur iustius Curiata lege magistratus eis dari dicitur, quam Tributis? Si enim illud iustius ad auspicia pertinet, quemadmodum ex ipso contextu apparet, necesse est ut propter iusta auspicia, quæ unis comitiis adhibebantur, aliis vero minime, ea verba Messalæ interpretemur. Nam quo tempore scripsit Messala, Tributis comitiis populus suffragium ferebat, Curiatis vero non populus, sed triginta tantum lictores: idque ita retentum erat auspicio causa, ut inquit Cicero in Rullum. Si igitur etiam auspicia tribueremus Tributis comitiis, perinde ut Curiatis, profecto multo iustiora comitia fuissent Tributa, quam Centuriata, contra quam asserit Messala. Illud ergo fatendum est, Tributa horum magistratum comitia non fuisse auspiciata, nisi quatenus obnunciationi parendum erat: quæ ex parte omnia comitia erant auspiciata: ratione tamen legis Curiatæ, quæ post de his ferebatur, auspicio creati dicendum est. Minora enim patriciorum auspicia erant horum magistratum minorum. Quod si penes hos erant minora auspicia, necesse est, ut auspicio creentur. Hoc enim argumento Livius utitur, penes plebem auspicia non esse, quia auspicio plebei magistratus non creantur. Unde generalis locus desumi potest, penes eos auspicia esse non posse, qui magistratum auspicio non acciperent. Cum ergo dicat Messala, minora patriciorum auspicia penes minores magistratus fuisse, necesse est, ut auspiciatis quibuscumque comitiis, quorum patres auctores essent, creantur: cujus generis erant Curiata. Nam Centuriatorum & Curiatorum tantum comitorum patres auctores fuisse dicun-

tur a Cicerone pro domo sua, & a T. Livio lib. 6. Decad. 1. non etiam Tributorum. Verum de Curiatis comitiis postea agemus. Illud nunc querendum est, an sacerdotum comitia auspiciato haberentur. Qui in collegia sacerdotum cooptabantur, ante a quibusdam collegii sacerdotibus inaugurari solebant: ut Cicero in Bruto, se ab Hortensio dicit inauguratum, cum in collegium augurum cooptatus est. At enim inaugurari erat auguribus ad deos consulendos adhibitis inter eos nominari, qui sacerdotio digni essent, ut locus inaugurari dicebatur, cum dii ab auguribus consulebantur, placeret-ne eis ad aliud agendum ille locus. Hoc ergo affirmari potest, ante sacerdotum comitia Tributa auspiciis hac saltem ex parte opus fuisse, quatenus inauguratos esse oportebat eos, de quibus comitia habebantur. Consules vero comitia deinde habituros his auspiciis contentos fuisse existimo, ut eis opus non esset de novo auspicia, priusquam comitia haberent, capere. Erat igitur hoc diversum in comitiis Tributis & Centuriatis, quod his habendis auspicia ante ab eo captanda erant, qui erat ea habiturus: illis vero minime. Hoc etiam (ut docet Dionysius) erat diversum, quod Tributis comitiis patres auctores fieri non oportebat, sicut Centuriatis. Id quod ad magistratum comitia potius pertinet quam legum. Leges enim ex Senatus decreto ferri solitas argumento vel hoc unum esse potest, quod in historia sæpe videmus rogationibus Trib. plebis intercessum a collegis, quia non ex auctoritate Senatus ferrentur. Quia tamen multa legimus plebiscita non modo absque Senatus auctoritate, sed etiam contra Senatus decretum perlati, idcirco existimo, quod in Centuriatis & Curiatis legibus necessarium erat, in Tributis consentaneum potius fuisse, quam necessarium, & decuisse magis quam oportuisse. Illud etiam erat discriminis, quod non sacra fieri ante hæc comitia oporteret, quemadmodum ante Centuriata. Cetera quæ diximus Centuriatis convenire ante ipsa comitia, cum Tributis communia sunt. Nam & his comitiis præmissis edicto opus erat: unde apud Livium libr. 4. Dec. 1. *Cum Tributorum plebis creandorum indicta comitia essent: & promulgari trinundino leges, quas Tributis comitiis perferre quis vellet*. Si enim quæ supra diximus, de legum promulgatione, ad plebiscita etiam pertinent, perspicuum est ad leges, quæ Tributis comitiis ferrentur, eam trinundini promulgationem fuisse necessariam. Atqui legibus etiam, quæ a Tributis plebis ferebantur, omnia accommodari, quæ de promulgatione diximus, certum est. Ac de iis quidem, quæ ante comitia Tributa fieri solita erant, hæc enus. Deinceps de ipsorum comitiorum modo dicendum. In quo primum consideranda sunt verba A. Gellii ex libr. 15. cap. 17. *Tribuni neque advocant patricios, neque ad eos referre de ulla re possunt*. Ex iis enim verbis apparet comitia, quæ a Tributis plebis habebantur, plebis tantum fuisse. Quod non ita accipiendum est, quasi non liceret patriciis adesse illis comitiis, sed quia jus non esset plebeiis magistratibus eos vocandi. Cum enim plebis essent magistratus, merito fiebat, ut pro jure sui magistratus non possent nisi cum plebe agere. Itaque præmissum ab iis edictum ad plebem tantum pertinebat, cum interim liberum esset patriciis adesse, vel non adesse. Quæ vero comitia Tributa a patriciis magistratibus habebantur, quod ad edicti quidem vim attingit, universi populi erant: sed tamen, quia his comitiis nulla habebatur ratio census, ordinis, ætatis, propterea primores civitatis fere his comitiis adesse non solebant: quia cum numero longe superior esset reliqua multitudo, spes nulla erat suum suffragium vim ullam habiturum contra plebis voluntatem. Unde eveniebat, ut omnia Tributa comitia fere peragerentur ab humilibus, ut vix unquam primo-

res populi adessent. Ex iis invenire causam possumus, cur, cum de Tributis comitiis agitur, modo plebis, modo populi fieri mentionem sæpe eodem in loco reperiamus. Quod enim ad jus suffragii attinet, omnia comitia erant populi: quia nemo civis suffragio excludi poterat, si comitiis adesse vellet. Quod vero ad potestatem & jus vocandi attinet ejus magistratus, a quo comitia edicta sunt: aut vero si ad eos spectemus, qui convenire ad ea comitia solebant, non immerito plebis tantum fuisse ea comitia dicuntur. Erat autem hoc commune his comitiis cum Centuriatis, quod priusquam in suffragium mitteretur populus, concio a magistratu habebatur, quæ de magistratibus aut sacerdotibus creandis, vel de legibus ferendis verba eodem modo fiebant, quod supra diximus in Centuriatis comitiis. Hac peracta concione populus in suas quisque tribus discedebat. Tum sortitiones fiebant a magistratu: quæ diversi generis erant. Una erat ac prima omnium ad sortiendum, in qua tribu Latini suffragium ferrent: de qua re supra multa diximus. Altera erat in magistratibus quidem creandis, & legibus ferendis, ad sortiendum quo ordine tribus quæque suffragium ferret. Ad quam sortem peragendam omnium tribuum nomina in cistellam quandam conjiciebantur: tum ut quæque prior exierat, ita prior suffragium ferebat, ut ex historia Tib. Gracchi apud Appianum intelligi potest. In sacerdotum vero creatione, quia septendecim tantum tribus suffragium ferre ex lege poterant, idcirco sortiendæ tantum erant hæc tribus septendecim quæ erant suffragium latuæ. Id quod Cicero in Rullum indicat, cum ita scribit: *Subet Tribunum plebis qui eam legem tulit, creare Decemviros per tribus septendecim: ut quem novem tribus fecerint, is Decemvir sit*. Et paulo post: *Hoc Tribuno plebis potissimum venit in mentem populum Romanum universum privare suffragiis: paucas tribus non certa conditione juris, sed sortis beneficio fortuito ad usurpandam libertatem vocare*. Et paulo post: *Universo populo neque ipse committit, neque illi horum consiliorum auctores committi velle putant posse*. Sortitur tribus idem Rullus homo felix, educet quæ volet tribus: quos novem tribus decemviros fecerint, ab eodem Rullo educite, hos omnium rerum dominos habebimus. Ex his Ciceronis verbis omnis ratio intelligi potest, quæ Decemviros creari volebat Rullus. Erat autem hæc eadem cum ea, quæ ex lege Domitia in sacerdotum creatione observabatur: ut nos ex eodem Cicerone supra ostendimus. Consequens igitur est, ut in sacerdotum creatione dicamus septendecim tribus ita deligi, ut 35. tribubus in cistam conjecis septendecim ex eo numero educerentur, quarum suffragio staretur. Verum illud hoc loco ambigi potest, an suffragium dicerent illæ tribus, ut quæque educeretur, an vero non ante ferrent suffragium, quam iis selectis, quarum suffragio standum erat, rursus in cistam hæc conjecis essent, ut suffragium deinde eo ordine dicerent, quo quæque educeretur. Ego existimo gemina sortitione, & gemina ex cista educatione nil opus fuisse: siquidem sortitione unica non minus ex lege suffragium a minore parte populi ferri posset. Si enim ultra septimam & decimam tribum non sis progressus, ut quæque suffragium dicat, simul atque educta ex omnium tribuum cumulo erant, tam hoc modo minor pars populi suffragium tulisse diceretur, quam si gemina illa educatione usus esses. Quod si brevior, nec minus iusta esset illa ratio quam hæc, prudentiæ Romanorum consentaneum est, illa potius unica sortitione contentos fuisse, quam hac gemina. Ex his, quæ dicta sunt, apparet, in Tributis comitiis pro prærogativa fuisse eam tribum, cui sorte obtingisset, ut prima exiret e cistella. Verum id diversum erat a Centuriatis, quod sortitione prærogativæ Centuriæ facta reliqua comitia absque sorte pro-

cenſu, ordine, atque ætate peragebantur. At comitiis Tributis forte utendum erat ad finem uſque comitiſſimum, ad vocandas ordine tribus. Quod vero ſupra diximus de tabella ſuffragii, & de pontibus, per quos ſuffragium ferebatur, id commune erat Tributis comitiis cum Centuriatis: quemadmodum ex verbis, quæ citata a nobis ſunt, perſpici poteſt. Verum hoc erat proprium Tributorum, quod rogatores in iis non adhiberi ſolebant, ſed cuſtodum, diribitorum & præconum miniſterio tantum peragebantur. Vocandis enim ad ſuffragium tribubus, ut quæque ſortiente magiſtratu exierat, præconum opera erat neceſſaria: tum vero & renunciandis ſingularum tribuum ſententiis, poſtquam dixerant ſuffragium. Quia vero his quoque comitiis diximus tabellas populo miniſtrari ſolitas, cum ad pontes venerat, idcirco neceſſe eſt, ut ad hoc miniſterium diribitores adhibitos dicamus. Sed & qui fraudem animadverterent, quæ vel diribendis tabellis, vel in colligendis ſuffragiis committi poterat, & qui ſententiarum numerum pro candidatis inirent, certos quodam homines fuiſſe neceſſe eſt. Hi autem erant, qui cuſtodes appellabantur. Nam quomodo Cato fraudem animadvertere potuit, quæ comitiis Ædilitiis ad deſciendum M. Favonium fiebat, niſi pro amico Favonio Cato cuſtos fuiſſet? Aut quomodo collegæ C. Gracchi multa ſuffragia maligne occultare poterunt ad deſciendum Tribunatu Gracchum, niſi præter rogatorem comitiſſimum alii eſſent, qui ſe interponerent numerandis ſententiis? His ergo comitiis, præſertim quibus magiſtratus creabantur, erant certi quidam homines, qui vel amicitie cauſa, vel pro ſuo magiſtratu comitiis ita ſe interponebant, ut cuſtodum munere fungerentur. Quod vero de rogatoribus dixi, præter rogatorem comitiſſimum non fuiſſe alios Tribuum rogatores, ſicut erant Centuriarum rogatores quidam in Centuriatis comitiis, hac ratione confirmari poteſt. Qui ciſtam deſerebat colligendis per tribus ſuffragiis, rogator dicebatur. Atqui ex multis locis apertum eſt, ciſtam deſerre ſolitum eum ipſum, qui habebat Tributa comitia. Cicero de Saturnino legem ferente ita ſcribit lib. 1. ad Heren. Saturninus ferre cepit, Collegæ ejus intercedere. Ille nihilominus ciſtella detulit. Et primo de nat. Deo. Ut igitur Tiberium Gracchum, quem video concionantem in Capitolio videre de M. Octavio ſtellam deſerentem. Et apud Aſconium hæc ſunt Ciceronis verba ex oratione pro C. Cornelio: Neque enim majus eſt legere codicem cum intercedatur, quam ſtellam ipſam cum ipſo interceſſore deſerre. Hi locis ſatis offendunt, rogatorem comitiſſimum eundem fuiſſe, qui per ſingulas tribus tabellas ſuffragii colligeret. Unde etiam colligo interpretationem loci apud Svet. in Cæſare, ubi ita ſcriptum eſt: Qui primum cunctati, utrumne illud in campo per comitia tribus ad ſuffragia vocantem partibus diviſis e ponte deſcenderent. Nam eum locum de Tributis comitiis intelligi vel hinc perſpici poteſt, quod ſupra oſtendimus in Tribunali manere ſolitum magiſtratum, qui Centuriata comitia habebat: hic vero cum dicit e ponte Cæſarem deſcendere conjuratos excogitaſſe, maniſeſto demonſtrat, vocandis tribubus in ponte ac non in Tribunali Cæſarem ſtare ſolitum. Ex quo conſequitur, Tributis comitiis eum, qui habebat comitia, non in Tribunali conſeſſiſſe, ſed in ponte conſiſtere ſolitum, ubi vocatarum tribuum tabellas colligeret. Quod ſi ita ſit, neceſſario ſequitur, his comitiis non alium fuiſſe rogatorem, quam eum ipſum magiſtratum, a quo habebantur comitia. Jam autem in certum quandam locum vocari ſingulas tribus his comitiis ſicut in Centuriatis, hinc oſtendi poteſt, quod cum mentio eſt horum comitiſſimum, non modo vocari tribus, ſed etiam introvocari reperi-mus. T. Livius lib. 10. Dec. 4. ita ſcribit de comi-

tiis loquens, quibus multa certabatur dicta Duum-viro a Pontifice maximo: Et plures jam tribus introvocata dicto eſſe audientem Pontifici Duum-virum jubere. Et lib. 5. Dec. 4. ubi de rogatione loquitur, quam ferebat T. Sempronius Tribunus plebis de triumpho L. Pauli: Introvocata prima tribus cum antiquarent. Et apud Aſc. verba Ciceronis pro C. Cornelio hæc ſunt: Nec criminoſus tribus ad legem accipiendam, quam ad collegam reddendum privatum introvocare. Si igitur, ut hi loci offendunt, introvocabantur his comitiis tribus, neceſſe eſt, ubicunque haberentur, ſeorſum diviſas ſuis locis fuiſſe ſingulas tribus priuſquam vocarentur; ex quibus deinde locis migrarent, ut per pontes in alium quandam locum introducerentur: quod nos ſupra ovile & ſepta appellari diximus. Ad quam rem faciunt verba Dionyſ. lib. 2. Tertiis nundinis cum populis frequenter conveniſſet in forum, Tribuni plebis ad comitia Tributa populum vocarunt, deſignatis in foro ſuis cuique tribus locis, in quibus ſeorſum conſiſterent. Ut autem omnes, qui ex eadem erant Centuria, viritim rogabantur, ut poſt numerum iniretur eorum, qui plures fuiſſe in eadem ſententia comparentur, ita viritim omnes, qui ex eadem tribu erant, rogabantur: ac poſtquam tota tribus ſuffragium dixerat, ſententiæ numerabantur, ut eadem ſententia tribus renunciaretur, in quam plures conſenſiſſe perſpicerentur: adeo ut omnia, quæ de renunciatione ſupra diximus, ad hæc comitia accommodari poſſint, ſi tantum pro Centuriis Tribus ponas: niſi quod quædam erant proprie obſervanda in comitiis Tributis legum, alia quædam in magiſtratarum, alia in ſacerdotum: de quibus mox dicemus, poſtquam duos locos, unum Ciceronis, alterum T. Livii, conſideraverimus. Locus Ciceronis eſt pro Plancio: Nam quod primus ſciuit legem de publicanis, tum, cum vir ampliffimus Conſul id illi ordini per populum dedit, quod per Senatū, ſi licuiſſet, dedidiſſet: ſi id crimen eſt, quia ſuffragium tulit, quis non tulit publicanus? Si, quia primum ſciuit, utrum id ſortis eſſe viſ, an ejus qui illam legem ferebat? Si ſortis, nullum crimen eſt in caſu: ſi Conſulis ſplendor etiam Plancii, hunc a ſummo viro principem ordinis judicatum. Ex hoc enim Ciceronis loco intelligi poteſt, eum qui primus ſuffragium ferebat, partim ſorte deligi ſolitum, partim voluntate rogatoris. Haſtenus enim fors in ea re locum habebat, quatenus Tribum Centuriarum offendebat, quæ prima roganda eſſet: reliquum vero erat in voluntate rogatoris, ut ex ea Tribu Centuriarum prærogativa aliquem deligeret, quem primum rogaret. Neque enim ita locus Ciceronis eſt interpretandus, ut ſortitionem fieri dicamus inter ejuſdem Tribus Centuriarum homines, qui primus rogandus eſſet. Nam præter id, quod tot ſortitiones ponere ineptum eſt, id vero multo eſt abſurdius, omnes ejuſdem tribus homines in ciſtam conjici ad id modo ſortiendum, quis primus eſſet rogandus: præſertim cum in eo, utrum primus an poſtremus ſuffragium diceret, nihil intereſſe poſſet, quod ad ſuffragii vim attinet. Hic etiam locus valet ad confirmandum id, quod paulo ante diximus, Tributis comitiis non alium fuiſſe rogatorem tribuum, præter ipſum magiſtratum, a quo habebantur comitia. Hoc enim loco diſerte ponitur ipſum Conſulem Cæſarem fuiſſe rogatorem ſuffragiorum iis comitiis, quibus lex lata eſt de remittenda publicanis tertia parte vectigalium. Atqui ſuperiore lib. oſtendimus, prærogativæ etiam Centuriarum rogatorem fuiſſe alium a rogatore comitiſſimum. Locus T. Livii eſt ad finem lib. 10. Dec. 4. ubi loquitur de Cenſoribus M. Emilio Lepido & M. Fulvio Nobiliore: Mutarunt ſuffragia, regionatimque generibus hominum cauſisque & quaſtibus tribus deſcripſerunt. Ac primum quidem quod ait Livius mutata ab his Cenſoribus ſuffragia, Ddd

non potest ad Centuriata comitia pertinere. Perpicuum enim est ex omni historia, census, ordinis & ætatis semper habitam rationem Centuriatis comitiis post hos Censores usque ad ætatem Ciceronis. Unde efficiebatur, semper in eadem tribu simul suffragium tulisse qui eodem censu erat. Atqui certum est, non omnes cives, qui eodem quæstu erant in eadem Tribu, eodem censu fuisse. In suffragiis ergo centuriatim ferendis non poterat servari hæc descriptio per quæstus: quia non potuisset una quædam Centuria ex hominibus eundem quæstum facientibus confici. Quandoquidem necesse erat, ejusdem Centuriæ homines eodem censu esse: cum tamen fieri non posset, ut qui eodem quæstu erant, eodem etiam censu essent. Deinde vero quomodo potuisset ætatis ratio haberi? Nam si in eadem tribu varias descriptioes factas intelligamus, prout diversos quæstus facere homines ejusdem tribus compeiebantur, easque descriptioes Centurias quasdam fuisse dicamus: necesse erit, ut vel dicamus tot Centurias fuisse, quot erant in quaque tribu diversa quæstum genera, absque ulla ætatis juniorum & seniorum distinctione: vel pro uno quoque genere quæstus duas fuisse Centurias in quaque tribu: unam juniorum, alteram seniorum. Veluti si sex differentias quæstus in una tribu admittas, ratione ætatis necesse fuisset ponere duodecim Centurias. Quoniam autem census quoque distinctio admittenda perinde esset ut ætatis, necessario efficitur, ut pro numero quinque classium quinque duodecim Centuriæ statuere. Qua ratione ferent in una tribu sexaginta peditum Centuriæ. Quæ si in omnes partes absurda sunt, relinquatur illam tribuum descriptionem, cujus meminit illo loco T. Livius, nihil mutasse in Centuriarum descriptione, quæ semper Servii instituto facta est ex ordinibus, censu, & ætate: sed ita accipienda sunt verba Livii, ut dicamus eos Censores non contentos illa, quæ jampridem post expletum triginta quinque tribuum numerum facta erat, Centuriarum per tribus descriptionem, voluisse etiam tribus alia quadam ratione distingui, nempe generibus, causis & quæstibus: quæ hominum descriptio servaretur etiam tum, cum tributum populus suffragium ferret. Mutarunt igitur isti Censores suffragia, quatenus Tributis comitiis voluerunt distinctionem esse inter homines ejusdem tribus, per genera, causas & quæstus: cum ante illos Censores nulla hujusmodi distinctio observaretur. Verum explicemus quid ista tria significant: tum propius ad modum comitorum veniemus. Genera hominum distinguebantur in eo, quod alii patricii, alii plebei erant: & ex plebeis alii ingenui, alii libertini: omninoque alii nobiliores, alii ignobiliores. Generibus ergo hominum descripsisse tribus isti Censores dicuntur, quod in singulis tribubus voluerunt quandam esse distinctionem inter patricos & plebeios, tum inter ingenuos & eos qui libertini generis essent. Quamquam enim in quatuor urbanas tribus descripti essent libertini, ut docet T. Livius lib. 5. Dec. 5. & Cicero 1. de or. attamen ex iis, quorum majores servitutem servivissent, nonnullos reperimus per rusticas tribus diffusos. Id quod ex verbis Livii lib. 5. Dec. 5. apparet: *In quatuor urbanas tribus descripti erant libertini, præter eos, quibus filius quinquenni major ex S. C. esset.* Hæc verba satis ostendunt, libertinos, quorum filius esset quinquenni major, in urbanas tribus descriptos non fuisse. Ex hac igitur distinctione per genera hominum in libertinos & ingenuos poterant singule tribus admittere. Hanc porro generum descriptionem Centuriis accommodare non possis. Nam si servata census, ordinis, ætatisque descriptione, hanc præterea inter ejusdem tribus homines ponas generum distinctionem, oportebit patriciorum in quaque tribu quasdam esse Centurias primi census,

Al quasdam secundi, & ita deinceps: & rursus quasdam equitum, quasdam peditum, & juniorum seniorumque. Quod sane absurdissimum est, præsertim cum Romæ vix tot essent omnes simul patricii, quot in una tribu ita ratione ponerentur. At si patriciorum unam Centuriam factam dicas in una tribu, in aliud majus incommodum recidas necesse est: nempe census, ordinis, ætatisque omissionem ab his Censoribus distinctionem in Centuriarum sua descriptione. Ista igitur hominum per genera in singulis tribubus descriptio nihil ad Centurias pertinebat. Quare cum ait Livius mutata suffragia, id non potest ita accipi, ut rationem suffragiorum Centuriatis comitiis mutatam intelligamus. Restat igitur, in hac descriptione dicamus mutata fuisse suffragia Tributis comitiis. Quod non potest aliter accipi, quam ut dicamus hos Censores instituisse ferendis tributum suffragiis non genera hominum confundi, ut prius: sed distinctis eorum generibus nobiles seorsum ab ignobilibus suffragium ferre. Qua ratione fiebat, ut dignitatis quidem nobiliorum hominum ratio haberetur, quando non in cætera turba suffragium dicebant, sed seorsum ac per se: interim tamen quod ad vim suffragiorum attinet, non esset major eorum potestas quam prius. Quandoquidem tribus ea tandem renunciaretur sententia, in quam plures cujusque generis inclinassent: ac numeri, non dignitatis suffragantium hac in re habebatur ratio. Causarum & quæstum distinctionem in eoponendam esse existimo; quod ex plebeis adeoque ingenuis hominibus ejusdem tribus alii essent, qui suo quodam quæstu viverent exercendis quibusdam artibus, unde quæstum facerent: alii nobiliores essent, & suo quodam ordine censerentur: cujus generis erant Senatores, Publicani, Scribæ, Tribuni æarii, Agricoltæ: quorum ordo erat ea dignitate, ut in causis potius distingui quam quæstu dicerentur. Senatores publico consilio prærant. Nomine autem Senatorum comprehenduntur Decuriones coloniarum & municipiorum. Publicani redemptores publicorum vectigalium erant, Scribæ in actis publicis scribendis versabantur. Tribuni æarii in procuratione attributæ pecuniæ. Quia ergo publica negocia gerent inter se diversa, ideo causis, hoc est, negociis, distingui dicuntur. Lictores, præcones, fabri, tibicines, argentarii, nummularii, alique qui artes exercebant inter cives Romanos receptas, quæstibus distingui dicebantur. Dixi autem artes receptas, quia, ut testatur Dion. lib. 2. & 9. Romanis civibus non licebat artes fellularias, & quas vocant manuaras, exercere. Voluerunt igitur hi Censores in singulis tribubus distinctionem esse inter eas ex causis & quæstibus, hoc est, pro ratione negotiorum, quibus gerendis occupati essent, & pro ratione quæstus, quem ex sua quadam arte facerent. Itaque seorsum voluerunt descriptos esse in quaque tribu Senatores, Publicanos, Scribas, Agricolas, Tribunos æarii, in quibus causarum distinctionem pono. Itemque separatim descriperunt reliquos cives pro ratione quæstus, quem singuli facerent. Ac distinctionem quidem hanc etiamnum ætate Ciceronis observari solitam hinc intelligi potest, quod ordinis publicanorum, scribarum, agricolarumque sæpe meminit, quali de distinctis ordine civibus. Tum vero etiam Tributis comitiis quandam hujusmodi distinctionem observari solitam ex Cælii ep. 4. ad Ciceronem colligi potest. Cum enim Cælius illic mentionem faciat de comitiis Tributis, quibus Dolabella factus est Quindecimvir, de equitum suffragio ita scribit: *Et hercules, nisi nosiri equites acutius vidissent, pene concedente adversario superasset.* Hoc est, ut ego interpretor, nisi equitum favor in Dolabellam inclinasset, Lentulus competitor, vel ipsius Dolabellæ concessione, superasset. At enim his comitiis quomodo

equitum suffragium distingui potuit a reliquorum suffragiis, nisi in singulis tribubus, quæ vocatæ sunt ad dandum Dolabellæ hoc sacerdotium, seorsum equites suffragium dicebant? Atqui ea Ciceronis ætate equitum ordo in publicanis consiliebat, ut docet Plin. lib. 33. cap. 2. *Judicium autem appellatione separari eum ordinem primi omnium instituisse Gracchi, discordi popularitate in contumeliam Senatus. Mox ea debellata auctoritas nominis, vario seditio-nis eventu circa publicanos substitit, & aliquandiu tertie vires publicani fuisse. M. Cicero demum stabiliit equestre nomen in Consulatu suo, ei Senatuum concilians, ex eo se ordine profectum esse celebrans, & ejus vires peculiari popularitate querens.* Et Cicero pro Plan. ita scribit: *Adjungam etiam, si vis, id quod tu etiam huic obesse putas, patrem publicanum. Qui ordo quanto adjumento sit in honore quis nescit? Flor enim equitum Romanorum, ornamentum civitatis, firmamentum Reipubl. publicanorum ordine continetur.* Ego igitur post illos Censores ita existimo, Tributis comitiis suffragium ferri solitum, ut distinctio esset generum, caulorum, & quæstuum: ut seorsum quidem cum tribus vocata erat, suffragium dicerent patricii quotquot in ea tribu erant, qui voluissent comitiis interesse, tum Senatores, deinde Publicani, mox Tribuni ærarii, deinde Scribæ, post Agricolæ, eodemque modo in quæstuum distinctione. Id quod, quemadmodum supra significavi, eo institutum erat, ut dignitatis ratio quædam haberetur distinctis hoc modo ejusdem tribus hominibus: quod effectum esset, ut pares cum paribus conjungerentur, ac non ita consule abique ullo discrimine suffragium dicerent: non autem, ut vis suffragiorum penes alios esset quam prius. Nam etiam tum una tribus unum suffragium habebat, ac non tot suffragia, quot erant hominum distinctiones in quaque tribu: multo secus, quam in Centuriatis, in quibus tot habebat quæque tribus suffragia, quot erant in quaque Centuria. Huc pertinet, quod scribit Dio. 38. libro, de Q. Fulvio Caleno Prætoris eo anno, quo Cæsar primum Consul fuit, loquens his verbis: *Cum animadvertisset Q. Fulvius Calenus confundi omnium simul suffragia, atque inde fieri, ut de suffragiorum eventu singula genera inter se contenderent, ut quod recte statutum esset, id suo suffragio factum dicerent: quod vero male, in alios suffragiorum absurditatem rejicerent: legem Prætor tulit, ut seorsum singuli suffragium dicerent, quo tandem dignosci possent sententiæ, non singulorum quidem hominum, (quod occulte semper fiebat) sed certe singulorum generum.* Ex iis Dionis verbum apertum est, etiam ante hanc legem Fulvium fuisse in singulis tribubus distincta quædam hominum genera, quos ego ordines quosdam, & quædam distinctiones, quæ eadem essent, aut non valde absumiles iis, quas a Censoribus illis factas scripsimus, interpretor. Ac voce quidem cum suffragium ferebatur, quia seorsum singulæ illæ distinctiones suffragium dicebant, non poterat esse ignotum, quid singulæ sentirent. At legibus tabellariis perlatis, tamen adhuc distincti essent eodem modo homines ejusdem tribus, quia tamen non fiebat sententiarum renunciatio, nisi conjectis in cistam totius tribus tabellis, propterea fiebat, ut ordinum sententia Tributis comitiis ignota esset: unde oriebatur inter ordines contentio, quam sua lege sustulit Calenus. Constituit enim, ut singulorum ordinum suffragia seorsum renunciarentur, ut ita, quæ esset sententia singulorum, dignosci posset. Nec minus tamen eo modo erat una tribus sententia: siquidem ad extremum non spectaretur quid plures ordines sensissent, sed quid plures omnino homines ejusdem tribus jussissent. Ac de his quidem satis: nunc propria singulorum generum persequamur. In magistratuum comitiis Tributis tot dabantur tabellæ, quot erant candidati, quorum nomen receptum ef-

set, & quoniam triginta quinque tantum tribus erant, oportebat decem & octo tribus ferre quenque candidatum, ut a majore parte populi creatus diceretur. Ut autem quisque prior eum numerum tribuum tulerat, ita prior renunciabatur. Cumque tot creati erant, quot ex lege in eo magistratu esse oportebat, tum finis fiebat comitiis. Veluti Ædilitiis comitiis, quia duo tantum creandi erant, statim ubi ex omni candidatorum numero duo ab octodecim tribubus facti Ædiles erant, finis fiebat vocandarum tribuum. Ac si consensissent in eo ille octodecim tribus, quæ primæ forte exierant ad suffragium ferendum, reliquæ tribus non vocabantur: sin variassent octodecim illæ tribus, quia alios candidatos aliæ tribus fecissent, tum eouque vocandæ erant tribus, dum legitima suffragia duo confecissent, hoc est, donec duo ab octodecim tribubus creati Ædiles essent. Quod autem in duobus Ædilibus dixi, idem in decem Tribunis plebis, & viginti Quæstoribus, & viginti quatuor Tribunis militaribus, & aliis, quotquot creandi essent, ordinariis extraordinariisve magistratibus, dicendum est. Verumenimvero in Tribunorum plebis renunciatione primis quidem temporibus id proprium erat, ut si evenisset ex numero candidatorum decem non confecisse legitima suffragia, tum ab iis, qui legitima suffragia confecerant, cooptabantur abique suffragio populi, quot erant necessarij ad perficiendum numerum decem Tribunorum. Id quod ex Livio demonstrari potest, cujus hæc verba sunt lib. 3. Decad. 1. *M. Duillius comitia habuit. Et quinque Tribuni plebis creati, cum præ studiis aperte petentium novem Tribunorum alij candidati tribus non explerent, concilium dimisit, nec deinde comitorum causa habuit. Satisfactum legi agebat, quæ numero nusquam præfinito Tribuni modo ut relinqueretur, sanciret: & ab iis, qui creati essent, cooptari collegas juberet. Recitabatque rogationis carmen: Si Tribunos plebis decem rogabo, si qui vos minus hodie decem Tribunos plebis fecerint, hi tum utique, quos sibi collegas cooptassent; ut illi legitimi eadem lege Tribuni plebis sint, ut illi, quos hodie Tribunos plebis fecerint.* Ex iis Livii verbis apparet, primis temporibus eam fuisse rationem Tribunos plebis creandi, quam diximus. Verum ea ratio lege a L. Trebonio Tribuno plebis lata, anno proximo postquam hæc, quæ de M. Duillio diximus, gesta erant, mutata est: ut idem T. Livius paulo post scribit: *L. Trebonius Tribunos plebis rogationem tulit, ut qui plebem Romanam Tribunos plebis rogaret, is usque eo rogaret, dum decem Tribunos plebis faceret.* Hac lege cooptationem sublata esse apertum est. Unde apparet post eam legem si accidisset Tribunos plebis ad numerum legitimum factos non esse, revocandas fuisse tribus ad suffragium, eouque dum decem Tribuni plebis creati essent. Et Appianus lib. 1. bell. civil. scribit, C. Gracchum secundum Tribunatum obtinuisse per legem quandam, qua cavebatur, ut si quis ex candidatis legitima suffragia non confecisset, tum liberum esset plebi, quem vellet Tribunum plebis nominare. Unde intelligi potest, illis comitiis accidisse, ut unus quidam ex candidatis tribus non expleret: idque occasionem plebi dedisse, ut omnis candidatis C. Gracchum non petentem, ut aserit Plutarchus, cuique ex lege non liceret eundem magistratum continuare, nihilominus Tribunum plebis crearet. Porro autem Tribus non exple eodem modo interpretandum est, quo supra interpretati sumus Centurias non exple: Quando enim ita varie in candidatos favor inclinabat tribuum, ut omnes candidati tribus quædam ferrent, sed quæ tamen ad eum numerum in quibusdam candidatis non pervenirent, ut plures tulisse hi dicerentur quam illi: tum non expleis tribus dicebantur. Quæ omnia apertiora fient exemplo subjecto. Ponnimus duodecim Tribunatus competitors. Si in no-

vem candidatis conveniant octodecim tribus, ut illi semper plura suffragia habeant quam reliqui tres: in reliquis vero tribus ita variæ sint, ut singuli senas tribus ferant: post suffragium octavæ & decimæ tribus renunciatum, jam certum erit, novem creatos Tribunos plebis, quia octodecim tribus major pars tribuum sint. Ex quo sequitur, novem candidatos jam confecisse legitima suffragia. Restabit igitur creandus ex reliquis tribus candidatis decimus Tribunus plebis. Quod si vocandis reliquis septendecim tribubus accidat ita rursus variare tribus, ut suas quasdam tribus singuli ferant, hic rursus considerandus est numerus tribuum, quas quisque feret. Nam si unus ad sex, quas habebat tribus, adjiciat majorem numerum quam reliqui duo, veluti si septem unus ferat, cum reliqui duo singuli quinas tantum tulerint: tum sane is, qui tredecim tribus tulit, renunciabitur Tribunus: quia verum sit plures tribus hunc tulisse quam reliqui duo, qui singuli undecim tantum tulerunt. In quo obiter animadvertendum est, hoc quidem modo Tribunum fieri, qui non octodecim tribus tulit, sed qui comparatione tantum aliorum candidatorum plura habuit suffragia. Sin accideret, ut duo rursus senas tribus singuli ferrent, tertius vero quinque tantum, quia pares erant suffragiis illi duo, qui plures tribus tulerant, neuter poterat Tribunus declarari: quo casu dicebantur illi tribus non explere. Itaque revocandæ erant tribus ad creandum decimum Tribunum plebis. Ad hujus exempli similitudinem multa alia fingi possunt. Veluti si in septem candidatis ita variasse tribus ponas, ut singuli quinas habeant tribus; tum nemo eorum renunciari poterit. Neque vero hac tantum tribuum paritate id accidere poterat, sed etiam si accidisset, ut paria haberent in tribubus suffragia duo, tresve, aut etiam plures candidati: quia in qua tribu paria habent suffragia candidati, eam nemo eorum tulisse dicitur. Quibus ergo calibus non confecerant candidati Tribunitii legitima suffragia, his per legem Treboniam revocandæ erant ad suffragium tribus. Quod idem in comitiis Edilium non fiebat. Nam si quando accidisset pares suffragiis esse candidatos, non revocabantur tribus, sed forte decernebatur, cui cederet magistratus. Id quod ex Cicerone demonstrari potest, cujus hæc verba sunt pro Plancio: *Neque enim unquam majores nostri sortitionem constituissent Edilitiam, nisi viderent accidere posse, ut competitores pares suffragiis essent.* Porro autem, quod Cicero in paritate suffragiorum nominatim Edilitiam sortitionem ponit, argumento esse videtur, non fuisse eandem in cæteris magistratibus rationem. Itaque in Quæstoris comitiis hoc idem facitari solitum existimo, quod in Tribunitiis, ut revocarentur potius tribus, quam ut forti res committeretur. In Tribunorum vero militarium comitiis, si ad legitimum numerum non pervenerant, qui creati erant, Consul, ut opinor, hac in re judicio stabatur. Erat enim is magistratus, quem Consul creare posset. Nam, qui Rufuli appellabantur, omnes ab imperatoribus, non a populo creabantur. In extraordinariis vero magistratibus idem quod in Tribunis plebis sentiendum est. Id enim totum sui iudicii esse populus volebat, ut Cicero indicat in 2. orat. in Rull. *Etenim cum omnes potestates, imperia, curationes ab universo populo Romano proficisci convenit, tum ea profecto maxime, quæ constituuntur ad populi fructum aliquem & commodum.* In legum comitiis Tributis idem modus omnino, qui Centuriatis, servabatur. Quod vero attinet ad comitia iudiciorum, eam Cicero pro domo sua docet fuisse rationem, ut nemo nisi prædicta die accusaretur: tum ut magistratus ter reum ante accusaret, quam multam irrogaret: hac vero irrogata trinundino prodenda erat dies, qua ad populum multa certanda

Allet: quæ dies cum advenisset, quarta accusatio fiebat a magistratu. Cætera, quæ ad modum iudiciorum attinent, possunt ex T. Livio colligi: ubi de iudicio P. Africanus scribit lib. 8. Dec. 4. & ex aliis Ciceronis locis. Cum dies dicenda causæ advenerat, atratus reus, & ut ait Cicero, fordidatus, barba & capillo promisso, (hic enim reorum habitus esse solebat) a magno amicorum item atratorum comitatu in forum deduci solebat. Magistratus interim in rostris sedebant, reus sub rostris stabat, populus ante rostra in comitio erat. Plutarchus enim in vita Gracchorum ostendit, sic rostra fuisse ædificata, ut qui inde conciones haberent, comitium & curiam spectarent: sed ita tamen, ut etiam liceret in forum se convertere: sicut facitasse Caium Gracchum memorizæ mandavit. Quia igitur comitium foro junctum erat, propterea fori nomine sæpe etiam comitium, ut ejus pars quædam, comprehendebatur. Sed hæc obiter dicta sunt. Præco interim, cum magistratus jussisset, ex rostris reum citabat. Qui si vellet pro se dicere, in rostra ascendebat, ut inde orationem haberet ad populum. Sin per alium se vellet defendere, is item jussu magistratus in rostra ascendebat, reumque defendebat. Quod si orationibus tempus usque eo consumeretur, ut non satis videretur restare temporis, quo ante noctem peragi comitia possent, dies producebatur: hoc est, in alium comitalem diem differrebat populi iudicium. Qui dies cum venisset, idem quod priori die peragebatur: nisi quod spatium dicendi fere magistratus constituebant. Cum dicendi finem utrinque fecissent, populus in suffragium mittebatur. In quo non eadem dabantur tabellæ, quæ iudicibus, condemnandi, absolviendi & ampliandi; sed quales in legibus ferendis, *Uti rogas*, & *Antiquo*: lege enim lata multa dicebatur, quæ lex si a populo acciperetur, tantæ pecuniæ damnatus erat reus, quanta erat multa, quam dixerat magistratus: si populus anteaquaret, absolvebatur. Neque vero ex eo, quod supra rostra comitumque appellavimus in iudicio populi describendo, existimandum est, eo tantum in loco comitia de multa haberi. Nam aliis quoque in locis haberi postea demonstrabimus: sed quia eo in loco sæpius id usu veniebat, propterea cum locum potissimum accepimus: sed ita, ut de aliis locis idem vellemus, quod de hoc, intelligi. Ad modum etiam horum comitorum pertinet quod Cicero ita scribit pro domo sua: *Denique si qua res illum diem aut auspiciis aut excusatione sustulit, tota causa iudiciumque sublatum est.* Ex hoc enim loco apparet, in reorum favorem proprie institutas fuisse hæc duas rationes effugiendi iudicii: quarum una erat in auspiciis, quæ si diem iudicii diffunderent, totum iudicium sublatum erat, benigna scilicet voluntatis deorum interpretatione, quasi nollent omnino de hoc reo damnando cum populo agi, quando bona auspicia non dedissent. Altera causa erat in excusatione legitima: quæ si die iudicii obtendi poterat, tota causa (inquit Cicero) tollebatur: ita ut reus non posset hoc nomine causam dicere, nisi renovato de integro toto iudicio, perinde ac si nihil priore actum esset. Erant autem excusationes legitimæ, morbus: quomodo excusatum dicit fuisse P. Africanum T. Livius: exilium voluntarium, quomodo Cæso Quintius excusatus est. De quo Livius lib. 3. Decad. i. ita scribit: *Judicii die cum excusaretur solum verisæ exilii causa, nihilominus Virginio comitia habente, collegæ appellati dimisere concilium.* Item funeris familiaris procuratio; aliaque hujus generis, quæ ex jure civili colligi possunt. Quod vero attinet ad sacerdotum comitia, in his id jam diximus proprium fuisse, quod septendecim tantum tribuum suffragio staretur, earum, quibus id forte obtingisset. Itaque propter incertum fortis beneficium omnes tribus con-

veniebant, ut nulla se exclusam conqueri posset: sed in fortem tantum id rejicere poterant, quæ in suffragium vocata non erant. Statim ergo ut unus competitorum novem tribus tulerat, sacerdos renunciabatur. Aut si ita variassent tribus, ut nullus competitorum novem ferret tribus, tum qui plures tulerat, reliquos superabat. Sin suffragiis pares essent, tum revocari tribus oportuisse existimo: nisi potius hac in re collegii judicio staretur, ut is sacerdos esset, quem potissimum cooptassent. Neque vero hoc loco est omitendus Ciceronis locus in 2. Philip. in quo ita scribitur: *Quo enim tempore me augurem a toto collegio expetitur Cn. Pompeius & Q. Hortensius nominaverunt, (neque enim licebat a pluribus nominari) nec tu solvendo eras, nec te ullo modo nisi eversa Repub. fore incolumem putabas.* Alius est locus in principio Bruti, ubi de Q. Hortensio defuncto ita loquitur: *Et interitu talis auguris dignitatem nostri collegii diminutam dolebam. Qua in cogitatione & cooptatum me ab eo in collegium recordabar, in quo juratus iudicium dignitatis mea fecerat: & inauguratum ab eodem, ex quo augurum institutus in parentis eum loco colere debebam.* In his duobus locis multa observari possunt, quæ ad modum creandorum sacerdotum pertinent. Primum, quod nominatio erat necessaria iis, qui petitionem sacerdotii profiteri volebant. Id quod ex ep. M. Bruti ad Ciceronem, cujus initium est, *Bibulum*, confirmari potest. Rogat enim Brutus Ciceronem, quoniam in locum Panfæ demortui auguratum petere constituerat Bibulum, ut nominationem ei concederet. Verba Bruti hæc sunt: *In Panfæ locum petere constituit. Eam nominationem a te petimus. Neque conjunctiori dare beneficium, quam nos tibi sumus, neque digniorem nominare potes quam Bibulum.* Eodem pertinet, quod primo ad Herennium ita scribitur: *Altera lex jubet augurem in demortui locum in concione nominare.* Ex his perspicuum est, petitionem sacerdotii neminem profiteri potuisse, qui non sibi aliquem ex collegio conciliasset, a quo in concione nominaretur. Tum illud animadvertendum est, quod ait non licuisse, ut quis a pluribus quam duobus & collegio nominaretur. Porro autem ex verborum contextu colligo, satis quidem fuisse ab uno nominari, sed non licuisse, ut a pluribus quam duobus nominaretur. Nam, quod unus Cicero a Bruto rogatur ad nominandum Bibulum, quodque Cic. id quasi singulare aliquid adscribit, quod a duobus nominatus est, argumento esse potest, satis quidem fuisse ab uno nominari, sed lege cautum fuisse, ut ne a pluribus, quam duobus quis nominari posset. Illud quoque notandum, quod ait juratum Hortensium suæ dignitatis iudicium fecisse: ex quo colligi potest, oportuisse eum, qui aliquem nominaret, publice jurare, dignum esse eum, quem nominaret, eo sacerdotio, de quo ageretur. Quod ego juramentum eo institutum fuisse puto, ne quem suffragiis suis populus indignum sacerdotio crearet. Postremo, illud non est omitendum, quod ait Cicero, se ab Hortensio inauguratum. Hanc vero inaugurandi rationem communem fuisse omnibus sacerdotiis ex Livio intelligi potest: apud quem passim inaugurandi verbum reperitur, ubi de sacerdotum in locum demortuorum suffocatione mentio est: sumiturque fere apud eum pro eodem, creare sacerdotes, & inaugurare sacerdotes. Inaugurati autem proprie dicebantur sacerdotēs, quando adhibitis ad deos consulendos auguribus pronunciati erant diis ad sugendum sacerdotium. Atque ante legem quidem Domitiam omnino cooptabatur in collegium, qui inauguratus erat. At post legem Domitiam omnes competitorēs inauguratos esse oportebat, sed is solum cooptabatur, quem populus creasset. Nam, si in quibus sacerdotiis ante legem Domitiam populi suffragio opus erat, in iis post competitorum inaugu-

rationem populi habebantur comitia, quemadmodum nos supra offendimus in Regis sacrorum ac flaminum creatione: pari profecto ratione dicendum est in his creandis sacerdotibus, qui lege Domitia suffragiis populi fieri cœperunt, inaugurari ante competitorēs oportuisse, quam de his comitia haberentur. Si enim post comitia iis inaugurandis auspicia captanda fuissent, illis non addicentibus cooptari non potuisset, quem populus creasset, nec fuisset necesse hac in re stare populi iudicio. Ac si forte evenisset, ut post comitia in uno qui creatus esset, auspicia non addixissent, rursus ad creandum alterum habenda fuissent comitia. In quo si rursus evenisset auspicia non bona esse, iterum vocanda fuissent comitia. Idemque dici potest in tertio & quarto competitorē, si (ut usu venire poterat) tot esse accidisset. Hac igitur ratione efficiebatur, ut bis, ter, quaterve frustra populus in suffragium mitteretur ad unum sacerdotem creandum. Quod sane est absurdissimum. Itaque dicendum est, inaugurationem quidem fieri antequam populus in suffragium mitteretur, sed quia non alios populus creabat, quam qui ab aliis sacerdotibus inaugurati essent, ita ut iudicium sacerdotum populus confirmare tantum videretur; ideoque factum est, ut apud Latinos auctores hoc creandorum sacerdotum negotium verbo inaugurandi contineretur: ita ut inauguratum fuisse aliquem sacerdotem dicant, cum factum fuisse sacerdotem dicere volunt. Post dicta suffragia, in magistratuum creatione eadem fere, quæ post Centuriata, fiebant. Postquam enim a præcone & a magistratu renunciati erant, quos populus crearet, domum a frequenti amicorum comitatu deducebantur. Post legum comitia, id modo restabat, ut publicarentur. Id quod æneis tabulis per fora & templa fixis fieri solebat. Tacitus lib. 11. *Aspiciuntur etiam nunc in ere publicandis plebiscitis per fora ac templa fixo.* In iudiciorum vero comitiis si damnatus erat reus, ilico prædes dare solvendæ multæ cogebatur: alioqui in vincula duci jubebatur a magistratu. Id quod ex historia L. Scipionis Asiatici intelligi potest, apud A. Gellium lib. 7. c. 19. & T. Livium lib. 8. Decad. 4. Atque illa quidem de modo comitiarum sufficient. De loco pauca dicamus.

C A P. V.

De loco Tributorum comitiarum.

TRIBUTIS comitiis vocandis non erat unus destinatus locus, quemadmodum Centuriatis: quia religio non erat, extrane an intra pomerium haberentur. Ac magistratum quidem omnia Tributa fere in campo Martio habebantur. Cicero ad Attic. 1. epist. *In campo comitiis Tributiis ad 16. Cal. Sext.* Et lib. 4. epist. ad Attic. in epist. de Eutychide, cum de ambitu candidatorum Consularium & Tribunitiorum scribere ad Atticum incipit, his verbis utitur: *Sequere nunc me in campum.* De Questorum vero comitiis idem Cicero ad Curium scribens lib. 7. Epist. Fam. *In campo certe non fuisti, cum hora secunda comitiis Questorii institutis.* Aedilium autem comitia, quod in campo haberentur, ex epist. ad Attic. lib. 4. cujus initium est, *Avete te certo scio*, intelligi potest. Illic enim Cicero loquens de comitiis, quibus Aedilis fieri volebat Clodius, ita scribit: *Nisi Milo in campum obnuntiasset, comitia futura erant ante diem duodecimum Calen. Decemb. Milo ante mediam noctem cum magnam manu in campum venit. Clodius cum haberet fugitivorum delectas copias, in campum ire non est ausus.* Quin tamen alibi etiam hæc comitia haberi possent, negari non potest. Nam, post ejectionem Decemviro-

Ddd iij

cum Tribunorum plebis habuit comitia Q. Furius Pontifex maximus, ea habita fuisse in pratis Flaminii, qui post fuit circus Flaminius, T. Livius lib. 3. Dec. 1. scribit. In Capitolio habebantur comitia, quibus iterum Tribunus plebis creari volebat Tib. Gracchus, auctoribus Appiano & Plurarcho. Sed & comitia Aedilium, quod in foro, adeoque in comitio haberi possent, verba Ciceronis ex eadem epist. lib. 4. ad Attic. ostendunt: *Metellus tamen postulat, ut sibi postero die in foro obnunciaretur. Nihil esse quod in campum nocte veniretur: se hora prima in comitio fore. Itaque ante diem undecimum Cal. in comitium Milo de nocte venit.* Quod vero extraordinarii magistratus alibi quam in campo creari possent, argumento esse potest, quod in Capitolio creati sunt Triumviri agrarii ex lege Tiberii Gracchi. Cicero enim lib. 1. de Nat. deorum scribit, M. Octavium Tribunum privatum a Graccho fuisse in Capitolio. Et Appianus Plutarchum eodem ipso loco statim creatos fuisse Triumviros scribit. Legum comitia plurimum in comitio haberi solita vel hinc intelligi potest, quod Cicero in orat. pro Rabirio Posthumo indicat, ex Rostris leges ferri solitas. Verba ejus ad equites Rom. hæc sunt: *Si jam vobis nunciaretur in Senatu sententias dici, ut his legibus teneremini, concurrendum ad Curiam putaretis: si lex ferretur, convolaretis ad Rostra.* Erant autem Rostra, tribunal aut suggestus, unde conciones fere habebantur: sic dicta a rostris navium, quæ huic erant præfixa. Plinius lib. 16. cap. 11. *Antea rostra navium tribunali præfixa foro decus erant: veluti populo Romano ipsi corona imposita.* Et Livius lib. 8. Decad. 1. *Naves Antiatum partim in navalia Romæ subductæ, partim incensæ: rostrisque earum suggestum in foro extructum adornari placuit: Rostraque id templum appellatum.* Erant autem Rostra, ut ait Asconius, ad Comitium, prope juncta Curia. Itaque cum ex Rostris conciones habebantur, populus in comitio stabat, ut ante diximus: a quo etiam populi in eum locum conventu nomen habuit: vocaturque a Græcis auctoribus *ἐκκλησιάζειον*. Quanquam autem hæc pars fori quædam esset, concionibus populi proprie destinata: unde etiam fit, ut Plinius & Livius in foro Rostra ponant, & leges fere in foro late dicantur, quæ in comitio late erant; attamen cum proprie forum accipiebatur, diversum erat a comitio, ut ex multis locis Ciceronis & aliorum ostendi potest. Ad Heren. lib. 2. *In comitio aut in foro ante meridiem causam conficito.* Pro Sestio: *Cum forum, comitium, curiamque multa de nocte armatis hominibus occupavissent.* Et paulo post de Q. Fratre loquitur hoc modo: *Pulsus e Rostris in comitio jacuit.* Svet. in Cæsare: *Ædilis præter comitium ac forum, Basilicasque, etiam Capitolium ornavit.* Quod vero dixi, comitium locum fuisse proprie destinatum concionibus populi, non ita accipi debet, quasi velimus eo populum non convenire solitum, nisi ut verba ad eum ex Rostris fierent. Cicero enim in Bruto minora quædam judicia apud unum judicem in comitio exerceri solita, ostendit his verbis: *Quare si anguste & exiliter dicere est Atticorum, sint sane Attici: sed in comitum veniant, adstantem judicem dicant: subsellia grandiorum & pleniorum vocem desiderant.* His verbis Cicero demonstrat, judices quodam a Prætoribus datos, in comitio stantes judicare solitos. Unde etiam (ut id *παράπρος* dicam) pedaneos judices primum appellatos credo, delegatos minorum causarum judices, quod judicando pedibus starent, ac non in subsellis sederent. Quinetiam Prætorum urbanum in comitio jus dixisse, Plaut. in Pænulo indicat his verbis:

Nam isforum nullus nefastus est, comitiales sunt meri. Ibi habitant ibi eos conspicias quam Prætorum sepius.
Et A. Gellius lib. 20. cap. 1. *Inter eos dies trinis nundinis continuis ad Prætorum in comitium produci-*

abantur: quantæque pecunie judicati essent, prædicabatur. Hi loci manifeste indicant, Prætorum urbanum in comitio jus reddidisse, & litium etiam causa in comitium convenire populum. Veruntamen, quia Prætori urbano suum quoddam tribunal erat in quo sedendi multis cum Prætoribus locus esset, ut Cicero 1. de orat. ostendit, apud quem Crassus ita loquitur: *Quid his paucis diebus, nonne vobis in Tribunali Q. Pompeii Prætoris urbani familiaris nostri sedentibus?* In quo Tribunali sella Curulis Prætoris statuebatur, in qua sedens jus reddebat. Propterea hoc Prætoris Tribunal ita ad comitium ædificatum fuisse existimo, ut longe a Rostris disjunctum esset: alioqui simul ex Rostris conciones haberi, & jus a Prætoribus reddi ex suo Tribunali non potuisset: quod tamen secus esse cum per se manifestum est, tum vero ostendi potest ex his verbis Ciceronis pro Flacco: *Hic in gravissima, & moderatissima civitate, cum est forum plenum judiciorum, plenum magistratum, plenum optimorum virorum & civium, cum specularum atque obfide Rostra vindex temeritatis, & moderatrix officii Curia; tamen quantos fluctus excitari concionum videtis?* Quoniam ergo una ex parte Rostra comitium spectaret, ex altera parte Prætoris urbani Tribunal, idcirco pari ratione utraque in comitio fuisse non male dici possunt. Verum redeamus unde digressi sumus. Erat igitur comitium, ea pars fori quæ potissimum concionibus & comitiis populi destinata erat. His porro habendis comitiis septa quædam fuisse, quo introvocarentur tribus, cum suffragium inibant, cum ipsum introvocandi verbum argumento esse potest, tum vero quod lege Maria per pontes suffragium ferri his etiam comitiis, quæ in foro habebantur, conveniebat: ut nos supra ostendimus, cum de pontibus disputavimus. Neque enim pontes intelligere possumus viam fuisse, qua suffragatores introvocarentur, nisi in ingressu septorum quorundam hos pontes fuisse institutos concipiamus. Neque enim aliud erant hujusmodi pontes, quam angustæ quædam substructiones ex tabulatis, gradibus & solo sublata, ad id institutæ, ut per eas suffragium ferretur absque omni fraude ac confusione. Quod vero pontes hujusmodi in ea parte fori essent, quæ erat comitium, ex eo loco Ciceronis ostendi potest, qui habetur 1. lib. ad Att. Illic enim Cicero ostendit concilium illud populi ad Rostra fuisse: unde habuit concionem ad populum Cato, & alii optimates, a quibus dirempta sunt comitia: *Operæ Clodiane pontes occupant, tabellæ ministrabantur ita, ut nulla daretur, Uri rogæ.* Hic vibi Rostra adpolat Cato: convitium Pisoni Consulatu mirisum facit: si id est convitium vox plena gravitatis, plena auctoritatis, plena denique salutis. Accedit eodem etiam noster Hortensius, multipræterea boni: insignis vero opera Favonii fuit. Hoc concursu optimatum comitia dimittuntur. Ex iis ergo locis apparet, sicut erant in campo Martio septa quædam, ita in comitio fuisse, quo introvocari dicebantur qui suffragium inibant. Septorum sane quorundam, quæ in foro essent, meminit Cicero pro Sestio: *Venit in templum Castoris, obnunciavit Consuli: cum subito manus illa Clodiana in eade civium sepe jam victrix exclamat, incitatur, invadit. Inermem atque imparatum Tribunal alii gladiis adiungunt, alii fragmentis septorum & sustibus.* Neque vero in comitio tantum legum habebantur comitia, sed etiam interdum in Capitolio, ut lex agraria Tib. Gracchi in Capitolio perlata est, rogatio de triumpho L. Pauli in Capitolio lata est, ut scribunt Plutarchus in vita Pauli & T. Livius lib. 5. Dec. 5. Optimus de abrogandis C. Gracchi legibus in Capitolium comitia edixit, ut ait Plutarchus in vita Gracchorum. Nonnunquam etiam in circo Flaminio comitia habebantur. Rogatio enim, quam ferebat Bibulus Tribunus plebis de abrogando Marcello imperio, in circo Fla-

797
minio antiquata est, ut scribunt Plutarchus in Marcello & T. Livius lib. 7. Decad. 3. In iudiciorum autem comitiis idem quod de legum comitiis dicendum: neque enim in comitio tantum habebantur, sed etiam in Capitolio. Livius enim lib. 5. Dec. 3. de comitiis agens, quibus de multa M. Posthumio Publicano irrogata populus iudicabat, in Capitolio ea haberi scribit. Quod vero multa in comitio dici solet, argumento esse possunt verba A. Gellii lib. 11. cap. 1. *Cum autem usus & mos sermonum is sit, & ita tunc loquamur, ut plerique veterum locuti sunt, multam dixit, & multa est, non ab eo putavi notare, quod M. Cato aliter dixit. Nam in 4. Originum verba hæc sunt: Imperator noster, si quis extra ordinem depugnatum vult, ei multam facit. Potest autem videri consulta elegantia vitasse verbum: cum in castris, & in exercitu multa fieret, non in comitio nec ad populum diceretur.* Ac de comitiis quidem Tributorum loco hæctenus dictum sit. Restat ut de tempore pauca dicamus.

C A P. VI.

De tempore comitiis Tributorum.

COMMUNE omnibus comitiis erat, ut nisi comitiali die, non possent haberi, ut nos supra docuimus. Id quod cum hac exceptione intellectum volo, nisi nominatim, ut aliis etiam diebus cum populo agere sibi liceret, quicumque legem tulisset. Quod fecisse P. Clodium in Tribunatu scribit Cicero pro Sestio: legem enim inter alias tulit, ut omnibus factis diebus legem ferre liceret. Erat etiam hoc omnibus comitiis commune, ut cum populo agi non liceret ante primam horam diei. Ita enim legibus cautum fuisse scribit Dion. lib. 39. ubi dicit, Prætorum Ser. Galbam de triumpho C. Pompeini rogationem male tulisse, quod summo mane ante primam horam diei comitia habuisset. Quo pertinent verba Ciceronis lib. 4. ad Att. *Pomptinus vult ad quartum non. Novemb. triumphare.* Huic obviat Cato & Servilius Prætores, & Q. Mutius Tribunus plebis. *Negant enim latum de imperio. Et est latum hercule insulso.* Cum enim lex de triumpho Prætoris & Proconsulis id continere deberet, ut liceret ei, qui triumpharet, cum imperio esse eo die, quo urbem ingrederetur, ideo Cicero eam legem appellat de imperio: quæ lex insulse lata dicitur, quia occulte ante primam horam diei lata esset. Porro autem, ut propius tempus comitiis definiamus, id non potest, nisi in ordinariis magistratibus, fieri. Nam legum iudiciorumque & extraordinariorum magistratuum comitia certum tempus habere non poterant: quandoquidem pro publica necessitate ac voluntate magistratuum variis anni temporibus haberentur. Sacerdotum comitia, cum erat in demortui locum succiendus alius, non alias, habebantur: nisi aut novi instituerentur sacerdotes, aut numerus in collegiis augeretur. Ordinarii vero magistratus fere ad finem mensis Julii, & principium Augusti creabantur. Ac Tribunorum quidem Aediliumque plebis comitia prima erant: cæterorum magistratuum prima erant Consularia, tum Prætorum, mox Aedilitia, post Quæstoria, postrema Tribunorum militum. Ac Tribunitia quidem comitia eo, quo dixi, tempore prima haberi Cicero in prima epist. ad Atticum indicat: *In campo comitiis Tribunitiis ad xvi. Calend. Sextil.* Nam quod paulo post facit mentionem candidatorum Consularium illius anni, satis indicat nondum fuisse Consules creatos.

Athenim Cicero 2. in Verr. & in eum scribens Alconius, ostendunt, Prætorum Aedilitiaque comitia post Consularia fuisse. Et Cælius ad Ciceronem scribens, indicat Tribunos Aedilesque plebis jam creatos, cum adhuc sua comitia, quibus fieri Aedilis Curulis volebat, non essent habita: ubi ostendit Calend. Sextil. jam fuisse creatos Tribunos plebis, Consules, & Prætores, cum adhuc Aediles Curules creati non essent. Quod vero etiam hoc tempore crearentur Tribuni militares, ex 2. orat. in Verrem intelligi potest. Cum enim nonis Augusti illa oratio haberetur, ut ipse Cicero testatur, in ea oratione jam designatus in annum sequentem magistratus fuisse ostendit: inter quos etiam Tribunos militares eo loco enumerat. Quod autem Quæstores & Tribunos militares postremos feci, præter id quod Dion. lib. 39. diserte asserit Aediles ante Quæstores designari oportuisse, hac etiam ratione adducor, quod non possent minores magistratus rogari, nisi creatis maioribus. Nam quorum minores, qui erant majorum veluti administri, creaveris, non creatis maioribus? Aut, si accidisset creatis minoribus majorum impediri comitia, quomodo summa Reip. poterat in minorum magistratuum potestatem devenire? Hoc igitur, quo dixi, ordine, & eo tempore creati magistratus solebant, nisi aut obnunciationibus aut intercessionibus differrentur comitia. Verum ista de his temporibus intelligi debent, quibus Cal. Jan. magistratus inibatur. Nam superioribus ætatibus creatio magistratuum (præter Tribunos Aedilesque plebis) eo tempore fiebat, quod superiore libro diximus Consules tum creati solitos. Ego vero propterea Tribunos Aedilesque plebis excepi, quia non eodem tempore inibant magistratum, quo cæteri magistratus. Nam postquam primum creati sunt Tribuni plebis, semper mense Decembri magistratum inierunt: ut ex verbis Dionysii lib. 6. apparet, ubi de primis Tribunis plebis ita scribit: *Tribunitiam potestatem primi inierunt illi quinque ad quartum idus Decembres, quemadmodum etiam ad nostram usque ætatem fit.* Et T. Livius ad finem libri 9. Dec. 4. *Antiatem auctorem refellit Tribuni plebis M. Nevius, adversus quem oratio inscripta P. Africani est. Nevius hic magistratum non inivit Tribunatus plebis P. Claudio L. Porcio Coss. sed inivit Tribunatum App. Claudio M. Sempronio Coss. ad quartum idus Decembres. Inde tres menses ad idus Martias sunt, quibus P. Claudius, L. Porcius Consulatum inierunt.* Alconius vero scribens in eum Ciceronis locum ex 2. orat. in Verr. *P. Sulpitius iudex tristis, & integer magistratum ineat necesse est nonis Decembres.* Dicit Tribunos plebis eo die nonarum Decembris magistratum inire solitos. Tres igitur illi auctores in hoc conveniunt, quod mense Decembri magistratum inirent Tribuni plebis, verum in die dissentiunt. Quam ego controversiam si dirimi posse existimo: si dicamus ætate Ciceronis diem ineundi Tribunatus fuisse nonas Decembris: at superiori ætate fuisse ad quartum idus Decembris. Quod vero Dionysius scribit, ad suam usque ætatem idem fieri solitum, ita accipiendum est, quasi propter quatuor dierum spatium, quo postremis temporibus dies ineundi Tribunatus solennis mutata est, noluerit subtilem computationem facere. Ex his perspicuum est, non potuisse superioribus illis temporibus comitia Tribunorum Aediliumque plebis eodem tempore haberi, quo cæterorum magistratuum. Nam Decembri mense inire magistratum oportebat Tribunos, cum fere magistratibus aliis succiendi comitia ante Ianuarii mensis non haberentur. Sed de tempore, omnino de Tribunitis comitiis satis superque dictum est.

DOCTISSIMI VIRI
D. NICOLAI GRUCHII
ROTOMAGENSIS,
DE
COMITIIS ROMANORUM
LIBER TERTIUS.

CAP. I.

Quid essent Curiata Comitia.



URIATA comitia a Curiis perinde nomen habuerunt, ut tributa a Tribubus, & Centuriata a Centuriis. Ac Romuli quidem instituto Curiis numero triginta fuisse: eumque numerum ad extrema usque Reip. tempora perdurasse, superiore lib. demonstravimus, cum a Tribubus Curiarum, cum a Tribubus Curiarum semper fuisse diversas ostendimus. De earum nomine parum inter auctores convenit. T. Livius Sabinarum virginum nomen habuisse scribit. Verba ejus hæc sunt: Itaque cum populum in triginta Curiarum divideret, nomina earum Curiis imposuit. Id non traditur, cum haud dubie aliquanto numerus major hoc mulierum fuerit, etate an dignitatibus suis virorumve, an sorte lecte sint, quæ nomina Curiis darent. Plutarchus contra ita scribit: Curiarum quidam perhibent a Sabinis mulieribus nomen traxisse: sed hoc mendacium esse deprehenditur. Nam multis illarum a locis nomina posita sunt. Et Dionys. lib. 2. De honoribus habitis virginibus Sabinis dissentient Romani scriptores. Quidam enim scribunt inter alia id eis tributum, ut triginta Curiarum earum nominibus appellarentur: tot enim fuisse, quæ legationem suscepissent. Terentius autem Varro cum iis hæc in re non consentit. Dicit enim jam ante nomina Curiis fuisse posita a Romulo in prima divisione populi, partim a principibus viris, partim ex locis sumpta. Nec vero 30. tantum mulieres legationem suscepisse, sed quingentas & viginti septem. Verum minus nobis de nomine laborandum est, id potius prosequendum, ut quid qualeque essent hæ Curiæ, doceamus. Dion. lib. 2. ita scribit de Romulo: Divisa in tres partes omni multitudo, singulis partibus præfectum constituit eum, quem illustrissimum ac nobilissimum censebat. Tum singulas trium partium rursus in decem partes distribuit: totidemque singulis præfectos dedit, qui essent fortissimi. Ac majores quidem partes Tribus, minores Curiarum appellavit, ut etiam ad nostram usque etatem vocantur. Quæ verba sic Græce reddere possumus, ut Tribus sit πόλις & ἑρριός: Curia autem οὐραία & λῆρος. Et si quidem, qui Tribuum præfecti erant, οὐραρχοὶ & ἑρριάρχοι, quos Romani vocant Tribunos. Curiarum vero, οὐραίαρχοι & λῆραρχοι, quos illi Curiones appellant. Divisa autem rursus sunt Curie in Decurias: vocabaturque singularum præfectus, Decurio. Postquam autem hoc modo omnes in Tribus & Curiarum descripti sunt, solum urbanum universum in triginta æquales partes distribuit, ac singulis partibus suam Curiam attribuit, exempta ex singulis tantilla portione, quæ sufficeret templis delubrisque construendis: simulque parte aliqua in commune relicta. Et alio loco ejusdem libri de eodem Romu-

lo: Sacra sua singulis Curiis constituit, suis cuique divitiis, quos venerari semper deberent, assignatis. Et sacris faciendis certos sumptus definit, quos ex ærario suppeditari oporteret. Porro autem una cum suis sacerdotibus, sacris sibi solennibus peragendis Curiarum adesse oportebat: unaque epulabantur feriis in curialibus tricliniis convalescentibus. Erant enim sue cuique Curie cœnationes, in quibus communis velutifocus singulis Curiis consecratus erat: haud secus quam apud Græcos in οὐρατειοῖς. Hujusmodi autem ædes Curiarum nomine etiam Curie appellabantur: quod nomen nostra adhuc etate retinent. Et alio loco ejusdem libri: In omnibus Curiis Junoni Quirine ara posite sunt: quod etiamnum hoc nostro tempore ponuntur. Et eodem libro de Numa loquens: Unum sacerdotum collegium fecit triginta Curionum: quorum (ut dixi) munus erat, pro Curialibus sacra facere. Et paulo post: His quidem de causis Romulus non fecerat commune totius urbis templum Vestæ, nec Vestales virginis instituerat: sed in unaquaque triginta Curiarum suam quandam Vestiam statuerat, in qua epulabantur: sacerdotes autem peragendis sacris non alios, quam præfectos Curiarum. Et Pomp. in leg. 2. de orig. juris: Postea aucta ad aliquem modum civitate, ipse Romulus tradidit populum in triginta partes divisisse: quas partes Curiarum appellavit, propterea quod tunc Reip. curam per sententias earum partium expediebat. Et ita leges quasdam & ipse Curiarum ad populum tulit. Ex iis locis apparet, Curiarum Romæ fuisse populi tales quasdam partes, quales sunt nostræ in urbibus parœciæ: ut recte admonuit Budæus in posterioribus annot. in Pand. Ut enim nostræ parœciæ habent destinatas quasdam domos, in certa quadam urbis parte sitas, quæ communia sacra, ædem sacram communem, sacrorum communem administrum habent: ita Curiæ erant incolarum urbis partes, non modo loco, sed etiam sacris sibi peculiaribus distinctæ. Quod vero dixi incolarum urbis tantum fuisse Curiarum, cum ex Dionysii verbis paulo ante citatis intelligi potest, tum vero ex eo, quod qui in municipiis & coloniis cives Romani habitabant, sua quædam in suis urbibus sacra habebant, non secus quam qui Romæ erant: ut vel inde apparet, quod Milo legitur ad prodendum Flaminem Lanuvium præfectus pridie quam Clodium occidit: nec erat necesse sua sacra eos relinquere, qui civitate donabantur, nisi in urbem migrarent. Nam, quos migrasse Romam reperimus, eos simul per Curiarum Romanas descriptos fuisse ex eo intelligi potest, quod de Sabinis nominatim scribit Dionys. lib. 2. eos, qui in civitatem recepti sunt cum rege Tatius, per Tribus Curiarumque fuisse descriptos. Quod idem de aliis etiam populis, qui Romam migrare evertis eorum urbibus coacti sunt, multis in locis scribit. Erant igitur Curiata comitia, in quibus populus curiatim suffragium dicebat: hoc est, in quibus populi per Curiarum diviti sententia rogabatur, ut quod plures Curiæ statuissent, id iussu populi esse diceretur.

C A P. II.

De causis Curiatorum comitorum.

CAUSÆ horum comitorum diversæ pro diversis Reip. temporibus fuerunt. Nam post Curias a Romulo institutas usque ad tempora Servii Tullii sexti Romanorum regis omnia, quæ suffragiis populi a regibus mittebantur, Curiatas comitiis peragebantur, ut ex eo intelligi potest, quod nec dum Centuriæ, nec Tribus erant, quæ suffragium dicere possent. Itaque non modo reges, sed etiam ceteros magistratus Curiatas comitiis creatos fuisse interpretandum est, cum apud auctores reperimus a populo eos creatos; & leges omnes, quæ ad illud usque tempus latæ sunt, Curiatas fuisse: & iudicium Horatii a populo Curiatas comitiis peractum est. At post classes a Servio rege institutas, tum duo cœperunt esse comitorum genera, Curiatæ & Centuriatæ. Atque illis duobus tantum generibus usus est populus usque ad iudicium Coriolani, anno urbis 263. quo primum anno cœperunt Tributa comitia. Ac fuisse quidem in usu Curiatæ comitia etiam post classes a Servio institutas, ex eo ostendi potest, quod leges a L. Bruto latæ, cum reges eieci sunt, omnes Curiatas fuerunt, ut scribit Dionysius ad finem libri 4. Verba Bruti ad populum hæc sunt: *Visum est nobis Tarquinius & universum eorum genus, non modo civitate Romana, sed omni regione, quæ sub Romano imperio est, ejicere, ut omnino nemini liceat de Tarquiniiis posthac agere, aut loqui: ac si quis secus faxit, ut morte plectatur. Quod si idem vobis quoque videtur, Quirites, discedite in Curias, & suffragium iuite. Omnes Curias, uti rogarat Brutus, exilium Tarquiniiis iusserunt. Hac lege perlata rursus ad populum Brutus: Quando, inquit, tam bonum principium res habet, reliqua accipite, quæ de Rep. a nobis excogitata sunt. Nobis considerantibus cui magistratus summam Reip. committamus, reges posthac non creare certum est, sed duos singulis annis esse creandos regia potestate, quos Centuriatis comitiis creabitur. Quæ si ita vobis videtur, iuite suffragium. Hæc quoque lex ab omnibus Curias accepta est. Jam vero Cornelius Tacitus scribit lib. 17. Sed Quæstores regibus etiam tum imperantibus instituti sunt: quod lex Curiatæ ostendit a L. Bruto repetita. Horum Taciti verborum ea (meo quidem iudicio) sententia est, ut legem Curiatam Brutus repetivisse dicatur, qua regibus permissum erat deligere sibi Quæstores, qua regibus permissum erat deligere sibi Quæstores, ut Consulibus pariter potestas esset Quæstores deligendi, sicut ante regibus fuerat. Verba enim sequentia ostendunt, penes Consules multis annis eam potestatem fuisse. Manifestum Consulis potestas deligendi, donec eum quoque bonorum populus mandaret. Unde fit, ut eum locum sic potius interpretandum existimem, quam quomodo alii interpretantur Curiatas comitiis Quæstores Bruto creasse, sicut reges ante creare eos solebant. Quamquam enim id de regibus Junius Gracchanus asserat apud Ulpianum, lege unica de officio Quæstoris, cum eo tamen Cornelius Tacitus non consentit hac in re. Creandis etiam magistratibus Curiatæ comitia in usu fuisse demonstrant Tribuni plebis, quos ad legem usque Voleronis perlatam Curiatas comitiis creari perpicuum est. Et ante Coriolani iudicium multa judicia populi in historia leguntur habita in foro, ubi Centuriata esse non poterant: unde relinquitur Curiatæ fuisse. Postquam vero ad illa duo comitorum genera accessit tertium genus Tributorum comitorum, tum minus frequentari cœperunt Curiatæ, & maxime postquam lex lata est, de plebeis magistratibus creandis Tribus comitiis. Ego tamen adhuc post illud tempus reperio duas generales causas fuisse horum comitorum habendorum: unam legibus ferendis: alteram, sacerdotibus creandis. Ac legum quidem causa toties habebantur, quoties legibus Curiatas opus fuisse legimus. Unum genus earum*

A legum erat, quas de magistratuum imperio ferre oportebat: ut Cic. 2. orat. in Rull. ostendit his verbis: *Primum lege Curiatæ decemviri ornat. Jam hoc inaudium, & plane novo more, uti Curiatæ lege magistratus datur, cui nullis comitiis ante sit datus. Atque hinc perspicuum est, quid a maioribus acceperitis, quid ab hoc Tribuno plebis vobis relinquatur. Majores de omnibus magistratibus bis vos sententiam ferre voluerunt. Nam Centuriatæ lex Consulibus ferebatur & ceteris patriciis magistratibus, Tribuni plebis tum Curiatæ iterum de eisdem judicabatur, ut esset reprehendendi potestas, si populum beneficii sui pœniteret. Et paulo post: Itaque majores binis comitiis voluerint vos de singulis magistratibus judicare, hic homo popularis ne unam quidem populo comitorum potestatem reliquit. Et paulo post: Vide hominis religionem & diligentiam. Vidit & perspexit sine Curiatæ lege Decemviri habere potestatem non posse, quoniam per novem tribus essent constituti. Est & locus apud A. Gell. lib. 13. c. 14. Reliquorum (inquit apud eum Messala) magistratuum minoræ sunt auspicia. Ideo illi minores, hi majores magistratus appellantur. Minoribus creandis magistratibus Tribus comitiis magistratus, sed justius Curiatæ datur lege. Ad horum Ciceronis & Gellii locorum planiorem interpretationem querendum est, an omnibus magistratibus opus esset lege Curiatæ, quemadmodum hi loci significare videntur. Sane, plebeis magistratibus, hoc est, Tribunis & Aedilibus plebis Curiatæ lege opus non fuisse, his rationibus adducor. Apud Dionysium verba patriciorum ad Tribunos plebis superiore libro a nobis recitata sunt, a Curias suffragium de iis non ferri. Ex quo sequitur, unis comitiis Tribus fuisse contentos: alioqui fallum dixisset patricii, si post Tributa opus etiam fuisset Curiatas. Deinde vero lex a Volerone lata erat, ut pro Curiatas comitiis Tributa fierent creandis plebeis magistratibus, non autem, ut præter Curiatæ fierent & Tributa. Ut omittam, si etiam Curiatas comitiis eis opus fuisset, non fuisse consecutos ea lege Tribunos plebis, ut se a patriciorum potestate liberarent, quemadmodum Livius lib. 2. Dec. 1. scribit his verbis: *Haud parvæ sub titulo prima specie minime atroci ferebatur: sed quæ patriciis omnem potestatem per clientum suffragia creandi, quos vellet, Tribunos auferret. Quomodo vero ea lege perlata Tribunorum creatio non æque fuisset in patriciorum potestate, ut prius, si eis creandis opus adhuc fuisset Curiatas comitiis? præsertim cum secunda comitia reprehendendi potestatem populo darent, si beneficii sui pœniteret, ut Cicero ait. Jam vero Dionysius ait, ad sua usque tempora ex illius legis præscripto plebeios magistratus creari. Si ergo Curiatæ comitia illa lege exclusæ erant, necessario relinquuntur, plebeis magistratibus nihil opus fuisse, ne postremis quidem temporibus, Curiatæ lege. Postremo legem Curiatam ferre magistratibus quidem creandis (nam Pontifices sacrorum causa comitia Curiatæ habere poterant) nemo poterat, nisi qui patricius magistratus esset, ut nos postea demonstrabimus. Atqui leguntur plebei magistratus imperium gessisse, cum nullus esset in urbe patricius magistratus, a quo lex Curiatæ ferri posset. Quod si his rationibus convincamur, ut plebeis magistratibus negemus Curiatæ lege opus fuisse, restat ut verba Ciceronis sic interpretemur, ut inde excipiantur Tribuni Aedilesque plebis. Cum ergo ait de omnibus magistratibus bis populum judicare, semel Centuriatis aut Tribus, iterum Curiatas: de omnibus magistratibus, qui essent universi populi, intelligi debet, non etiam de iis, qui plebis proprii essent. Cumque plebeios magistratus appellat, non proprie debet accipi pro magistratibus plebis, sed pro minoribus magistratibus, ut nos supra demonstravimus; sed ita tamen minores magistratus intelligendi sunt, ut illi excludantur, qui, ut ait Plutarch. in Probl.**

potius imperii solutionem habebant, quam imperium: & potius ad restringendam magistratuum potestatem creati erant, quam ut ipsi magistratus essent. Itemque cum Messala apud Gell. scribit minoribus magistratibus Tributis comitiis dari magistratum, sed iustius Curiata lege: in numero minorum magistratum illic Tribunos & Aediles plebis comprehendendi non debent: sed hi tantum qui habebant alteram partem auspiciorum, quam patriciorum esse paulo ante dixerat: in quo numero hos plebeios magistratus non contineri perspicuum est. Nam, si patriciorum erant maiora & minora auspicia, (ut ipse ait) quomodo eadem plebis esse potuissent? Verum enimvero quia dici poterat, non habere minores magistratus auspicia, siquidem auspicio non crearentur; nam Tributis comitiis, quibus hi creabantur, habendis auspicia non desiderabantur: ut illi objectioni occurreret Messala, idcirco subiecit, Tributis quidem comitiis magistratum iis dari, verius tamen ac iustius lege Curiata id fieri: quia hanc legem auspicio ferri oportebat, adhibitis scilicet auguribus, qui se in auspicio fuisse dicerent, ut nos postea docebitur. Unde fit, ut non immerito auspicia habere dicantur, qui veris auspicis, qualia erant ea, quae penes solos patricos erant, creati essent. Ex huius questionis explicatione cum his locis Ciceronis & A. Gell. collata perspicuum est, exceptis plebeis magistratibus, Curiatis comitiis ceteros omnes magistratus ita creati solitos, ut imperium his comitiis non daretur, nisi qui aliis jam comitiis Centuriatis aut Tributis creati essent. Id quod in iis sane magistratibus verum est, qui populi suffragiis creabantur: verum in Dictatore, quem Consul dicebat, non populus designabat, idem dici non potest. Nam Curiata lex de ejus imperio ferebatur, cum tamen nullis comitiis designatus esset. Livius lib. 9. Dec. 1. de L. Papyrio Dictatore ita scribit: *Atque ei legem Curiatam de imperio ferenti, triste omen diem dissidit: quod Faucia Curia fuit principium, duabus insignis cladibus, captae urbis, & Caudinae pacis, quod utroque anno ejusdem fuerat principium. Maecr Licinius tertiam etiam cladem, quae ad Cremeram accepta est, abominandam eam Curiam facit. Dictator postero die auspicio repetitis pertulit legem.* Et lib. 3. Dec. 3. de M. Junio Dictatore ita scribit: *Dictator M. Junius rebus divinis perfectis, latoque (ut solet) ad populum, ut equum ascendere liceret.* Ex his Livii locis non modo intelligi potest vera esse quae de Dictatoris lege Curiata diximus, sed etiam in ea lege nominatum id fuisse ferendum ad populum, uti equum ascendere liceret. Id quod Plut. in vita Fabii ostendit, primum fuisse a Fabio Dictatore institutum. Propterea autem id nominatim ferendum erat, quia contra primam Dictatoris institutionem erat, ut petitum dux equo veheretur. Neque vero ordinariis magistratibus tantum ea lege Curiata opus erat, sed etiam extraordinariis. Quod vel inde intelligi potest, quod Cicero occasione Decemvirorum, quibus legem Curiatam dabat Rullus, haec verba, quae citavi, generaliter in omnibus magistratibus pronunciat. Sane in Proconsulibus & Praetoribus cum imperio mittendis Curiata lege opus fuisse, ex his Livii & Cic. locis perspicui potest. Livius lib. 5. Dec. 1. in Camilli concione ita scribit: *Quid alia, quae auspicio agimus omnia fere intra pomerium, cui obligationi aut negligentiae damus? Curiata comitia, quae rem militarem continent, &c.* Cic. in Rullum: *Consuli, si legem Curiatam non habet, attingere rem militarem non licet.* Hi loci ostendunt, rem militarem nemini attingere licuisse, nisi lege Curiata id ei nominatim datum esset. Atqui nemo cum imperio rem militarem gerere poterat, nisi Consulari aut Praetorio. Quicunque ergo in provinciam cum belli gerendi potestate mittebatur, legem Curiatam ante habere debebant. Atenim neminem Praetorio aut Con-

sulari imperio in provincia fuisse, qui belli gerendi potestatem non haberet, dubitari non potest. Unde etiam apud Cic. de Appio Consule in Ciliciam provinciam profecturo ita legimus lib. 1. Epist. Fam. *Appius in sermonibus antea dicebat: posse dixit etiam in Senatu palam, sese, si licitum esset, legem Curiatam ferre, sortitum esse cum collega provinciam: si Curiata lex non esset, se paraturum cum collega, ubique successurum. Legem Curiatam Consuli ferre opus esse, necesse non esse. Se, quoniam ex S. C. provinciam haberet, lege Cornelia imperium habiturum, quoad in urbem introisset.* Ego quid ad te tuorum quisque necessariorum scribat nescio: varias opiniones esse intelligo. Sunt qui putant posse te non decedere, quod sine lege Curiata tibi succedatur. Sunt etiam qui si discedas, a te relinquis posse, qui provincia praestit. Mibi non tam de jure certum est (quanquam ne id quidem valde dubium est) quam illud ad tuam summam amplitudinem, dignitatem, liberalitatem pertinere, te sine ulla mora provinciam successorum concedere. Et lib. 3. Epist. ad Q. frat. *Appius sine lege Curiata confirmat se Lentulo nostro successurum.* Et lib. 4. ad Att. *Appius sine lege, suo sumptu in Ciliciam cogitat.* Et alio loco ejusdem libri: *Consules flagrant infamia, quod C. Memmius candidatus praetorem in Senatu recitavit, quam ipse & suus competitor Domitius cum Consulibus fecisset: uti ambo sesterterium quadragesima Consulibus darent, si essent ipsi Consules facti, nisi tui angustiae dedissent, qui se assuisset dicerent, cum lex Curiata ferretur, quae lata non esset; & duos Consules, qui se dicerent in ordinandis provinciis Consularibus scribendo assuisset, cum omnino ne Senatus quidem fuisset.* Ex his Ciceronis locis apparet, magistratibus in provinciis profecturis lege Curiata opus fuisse, sine qua non poterat legitimum esse cuiusquam imperium, adeo ut non satis esset lex Curiata omnium magistratuum communis, ut paulo ante ex Cic. & Gell. docui, quae lata erat priusquam magistratum in urbe inire possent; sed rursus ferenda erat alia Curiata ad continuandum eis in provincia imperium. Hanc vero legem Curiatam etiam ad quaestores pertinuisse, qui in provincias mittebantur, verba Ciceronis indicant, cum ita scribit 2. Phil. *Quaestores et factus: deinde continuo sine S. C. sine sorte, sine lege ad Caesarem cucurristi.* Sed & hoc obiter attendi debet in iis, quos citavi, locis, tum fortitionem fieri provinciarum, quas jam ante Senatus decreverat, solitam, cum lex Curiata de eorum imperio ferebatur, qui designati erant provinciales magistratus. Id quod verba Appi ostendunt, cum dicebat se sortitum cum collega, si legem Curiatam ferre cum nemo impediret: sin secus, comparaturum cum eo. Illud quoque non est omitendum, quod provincialibus magistratibus praeter legem Curiatam opus erat Senatusconsulto, quo decretae provinciae ornarentur. Ornari autem provinciae magistratuum dicebantur, quando a Senatu decernebatur, quo sumptu, quo comitatu instructi de publico magistratus in provincias proficiscerentur. Nam, quo id Senatus liberalius fecerat, eo ornatiores dicebantur esse provinciae. Quae autem ea erant, quibus fere ornari solebant Praetorum provinciae, Cicero in Rullum ostendit his verbis: *Deinde ornat apparitoribus, scribis, librariis, architectis: praeterea multis, tabernaculis, tentoriis, suppellectilibus. Sumptum haurit ex aërio, suppeditat a sociis. Finitores ex equestri loco ducentos in annos singulos, stipatores corporis constituit, eosdem ministros & satellites potestatis.* Et Capitolinus in vita Alexandri Imperatoris: *Alexander exemplo veterum, & argento, & necessariis, magistratus, quos in provincias mittebat, instruebat: ita ut praesides provinciarum acciperent argenti pondo vicena, praefecti senas, mulos binos, equos binos, vestes forenses binas, domesticas singulas, balnearios singulas, aureos centenos, cocos singulos.* Et si uxores non haberent,

*singulas concubinas, quod sine iis esse non possent, reddi-
diuri deposita administratione mulas, mulos, equos,
muliones & cocos: cetera sibi habituri, si bene egis-
sent, in quadruplum reddiduri, si male.* Jam vero in
ordinandis provinciis Prætorum, & Consulum, ma-
ximi momenti erat legatorum numerus, & multi-
tudo exercitus, qui decernebatur. Nam, quo mayo-
ri numero hæc decrevisset omnia Senatus, eo pro-
vinciam ornatiorem reddiderat. Quo pertinet id,
quod est apud Plutarchum in vita Gracchorum, Se-
natum in ordinanda Tib. Gracchi triumphali provin-
cia noluisse ei tentorium decernere: nec voluisse
in singulos dies plusquam novem numos in sumptum
ei decernere. Erat etiam in provinciæ ornamentis
amplitudo provinciæ. Veluti cum Ciceroni tres Asi-
aticæ diæceses ad Ciliciam provinciam adjectæ sunt,
quas Appius non habebat, eo data est Ciceroni or-
natio provincia quam Appio. Ex iis non est diffi-
cile intelligere, quid sibi velit Cicero, cum ait Ap-
pium sine lege suo sumptu proficisci Appium;
Necesse enim erat suo sumptu proficisci Appium;
quando sine hoc de ornandis provinciis S. C. pro-
fecturus erat: cui locus esse non poterat, nisi post
legem Curiatam. Ac de magistratuum quidem lege
Curiata satis dictum est. Legem Curiatam alterius ge-
neris reperio eam, qua revocatus est ab exilio Cam-
illus. T. Livius lib. 5. Dec. 1. *Accepto Senatus de-
creto, ut & comitiis Curiatis revocatus de exilio iussu
populi Camillus, Dictator exemplo diceretur.* Et paulo
post: *Lex Curiata lata est, Dictatorque absens
dictus.* Fuit etiam & alia verus lex Curiata, quæ
ferri olim solebat testamentis confirmandis, quo tem-
pore Calatis comitiis in concione fiebant: de qua lege
plura diximus lib. 1. Erat & alia lex Curiata, qua
adoptiones fiebant. Gell. lib. 5. c. 19. *Cum in alienam
familiam, inque liberorum locum extranei sumuntur,
aut per Prætores fit, aut per populum. Quod per
Prætores fit, adoptio dicitur: quod per populum,
arrogatio. Adoptantur autem, cum a parente, in
cujus potestate sunt tercia mancipatio in jure co-
duntur, atque ab eo qui adoptat, apud eum, apud
quem legis actio est, vindicantur. Arrogantur ii,
qui sui juris cum sint, in alienam sese potestatem tra-
dunt, ejusque rei ipsi auctores sunt. Sed arrogatio-
nes non temere, nec inexplorate committuntur. Nam
comitia arbitris etiam Pontificibus præbentur, quæ Cu-
riata appellantur: Hujus Curiatæ legis meminit Cic-
pro dom. sua: Quo die de te lex Curiata lata esse dic-
tatur, audes negare de celo esse servatum? Et de
Arusp. responsis: Tum leges Julias contra auspicia
latas, & hic & in concionibus dicere: in quibus le-
gibus inerat Curiata illa lex, quæ totum ejus Tribu-
natum continebat. Et de provinciis cons. Obliti ne
erant tum, cum ille, qui id egerat, plebeius est lege
Curiata factus, dici de celo esse servatum? Unde
etiam apud Corn. Tacitum lib. 17. Galbæ imperato-
ris ad Pisonem, quem adoptare volebat, hæc verba
sunt: Si te privatus lege Curiata apud Pontifices (ut
moris est) adoptarem. Aliam denique legem Curi-
tam reperio fuisse, qua sacrorum detestaciones fie-
bant. Id quod ego ex A. Gell. lib. 15. c. 27. colligo:
*Isdem comitiis, quæ Calatæ appellari diximus, & sa-
crorum detestatio, & testamenta fieri solebant.* Ego
autem detestaciones sacrorum intelligi omnes conse-
craciones, quas publice in concione populi fieri oport-
ebat: Atque ego illas primis temporibus a Pontifi-
cibus factas Calatis comitiis (ut Gell. scribit) existi-
mo, quæ comitia erant Curiata. At post latam legem
Papyriam, quæ vetabat ædes, terram, aram conse-
crare injussu plebis, magistratibus plebeis cœpi pot-
estas esse hujusmodi consecraciones faciendi: quas
Tributis comitiis peragerent. In quo satis erat, col-
legio Pontificum, ut adesset, denunciare: ad quod
etiam pro imperio Tribuni cogere poterant Pontifi-
ces, ut Cic. scribit pro domo sua. Unde fit, ut duo*

genera Calatorum comitorum, quæ illic ponuntur
a Labeone, existimem jamdudum in usu esse desisse.
Quæ causa fuit, ut seorsum illa quasi exolata po-
suerit in explicandis Calatorum comitorum generi-
bus. Neque enim Labeonis ætate in usu erant testa-
menta Calatis comitiis. Itaque usus est verbo tempo-
ris imperfecti *solebant*, ut intelligas olim ista fieri so-
lita. Altera causa habendorum comitorum Curiato-
rum erat ad creandos sacerdotes. Id quod ad flami-
nes tantum & maximum Curionem pertinet. Ac fla-
mines quidem Curiatis comitiis creari, ex verbis Læ-
lii Felicis, quæ a Gell. recitantur lib. 15. c. 27. supra
demonstravimus. Lælius enim scribit Calatæ comitia
haberi flaminum inaugurandorum causa. Hæc vero
Calatæ vel Centuriatæ erant vel Curiatæ eodem Lælio
auctore. Flaminibus autem non Centuriatæ conve-
nire, sed regi sacrorum ostendimus. Ex quo conse-
quitur Curiatis eos comitiis creari. Quod vero ad Cu-
riones attinet Dionys. scribit lib. 2. quos sacerdotes
crearat Romulus, instituisse, ut Curiarum suffra-
gio crearentur. Ac singulos quidem Curiones suæ
curiæ creabant, ac non a collegis cooprabantur,
ut idem ipse scribit. Unde sequitur, non fuisse Cu-
riatæ comitia, quibus singulis Curiones creabantur:
quando ab unius tantum Curie curialibus designa-
bantur. At Curio maximus comitiis creabatur, ut ex
T. Livio ostendi potest, lib. 7. Dec. 3. *Inter majorum
rerum curas, comitia maximi Curionis, cum in locum
M. Æmilius sacerdos creatur, vetus excitaverunt cer-
tamen: patricii negantibus C. Manlius Attellius, qui
unus ex plebe petebat, habendam rationem esse: quia
nemo ante eum, nisi ex patribus id sacerdotium ha-
buisset, Tribuni appellati ad Senatum rejecerunt.
Senatus populo potestatem fecit. Ita primus ex plebe
creatus maximus Curio C. Manlius Attellius.* Erat
autem maximus Curio, Festo auctore, cujus auctori-
tate, Curie omnesque Curiones regebantur. Unde
ego potissimum colligo, Curiarum suffragio creari
fuisse ejus comitia Curiata. Par enim est, ut quem-
admodum singulos Curiones singulæ Curie creabant,
ita Curionem maximum omnes Curie: ut omittam,
cum hoc sacerdotium institutum est, non alia fuisse
in usu comitia, quam Curiata.

C A P. III.

De personis comitorum Curiatorum.

DEINCEPS sequitur, de personis ut pauca dicamus.
His comitiis jus habebant suffragii non omnes,
qui cives Romani erant, sed hi tantum, qui
in Curiis descripti erant, quas nos supra ostendimus
eorum tantum fuisse, qui urbem habitabant. Quæ
causa fuit, ut postquam Italiæ municipia civitate do-
nari cœperunt, minus frequentarentur hæc comi-
tia. Nam, quod ad magistratus attinet, ego omnes
minores a principio existimo Curiatis comitiis crea-
ri solitos non aliter quam Tribuni Ædilesque ple-
bis usque ad legem a Volerone perlatam, idque eo
usque durasse, donec ex municipiis Italiæ cives in
horum minorum magistratuum suffragiis admitti
voluerunt, sicut in majorum comitiis Centuriatis.
Neque enim æquum videbatur, hac suffragiorum
parte eos privari, qui æquo jure cives essent. Tum
igitur ea ratio inventa est omnes cives admittendi,
ut illis magistratus tributum, non curiatim crearen-
tur: sed ita tamen, ut post de eisdem illis magistra-
tibus, lex curiata ferretur: idque auspiciorum causa,
id est, nec in eorum magistratuum creatione negligi
viderentur auspicia. Tributa enim auspicio non ha-
bebantur, nec patres auctores fiebant. His ergo ma-
gistratibus ut sua essent auspicia, lex Curiata ut de iis,
qui designati essent Tributis comitiis, ferretur, cau-
Ecc ij

tum est. Unde etiam Lælius apud Gellium ait, iustus lege Curiata magistratus dari, quam Tributis comitiis. Atque illa quidem lex a principio iustis comitiis Curiatis ferebatur: ut Cicero in Rullum offendit, cum ait majorum instituto populum binis comitiis judicare de omnibus magistratibus solitum. Ut etiam T. Livii locum, quem supra citavi de Dictatore L. Papyrio legem Curiatam de suo imperio ferente: ubi aperte demonstratur, totas tum Curias in suffragium mitti solitas. At successu tandem temporis factum est, ut non triginta Curiæ in suffragium vocarentur, sed pro triginta Curiis triginta lictores suffragium inirent: adeo ut legem Curiatam magistratibus ferre, non esset populo curiatim convocato legem jubendam dare, sed ad usurpationem quandam vetustatis triginta licitorum suffragio legem committere. Hæc Cicero suis temporibus ita fuisse demonstrat 2. orat. in Rullum: *Nunc, quia prima illa comitia tenetis Centuriata & Tributa, Curiata tantum auspicioium causa remanserunt. Hic autem Tribunus plebis quia videbat potestatem neminem injussu populi aut plebis posse habere, Curiatis ea comitiis, quæ vos non initiis, confirmavit: Tributa, quæ vestra erant, sustulit. Et paulo post: Sint igitur Decemviri neque veris comitiis, hoc est, populi suffragiis, neque illis ad speciem atque ad usurpationem vetustatis per triginta lictores auspicioium causa adumbratis.* Ex his periculum est, tempore Ciceronis Curiatis comitiis de magistratum imperio habendis, triginta tantum lictores suffragium inivisse: cum ante omnes cives, qui in Curiis descripti erant, soliti essent suffragium dicere. Quanquam autem Ciceronis ætate hoc modo lex Curiata ferretur per lictores, de magistratum imperio; ego tamen dubito, an idem fuerit in cæteris Curiatis comitiis, quæ adoptionis aut sacerdotum causa habebantur. Nam, si Flamini & Curio maximus non aliis comitiis creabantur quam Curiatis, si per triginta tantum lictores fierent, non jam in populi judicio hæc sacerdotia fuisse dici posset, nec amplius beneficio populi dabantur: quæ tamen Lælii apud A. Gellium verba resutare videntur, cum ait Calata comitia, partim Centuriata, partim Curiata fuisse: & Curiata per lictores curiatim calari. Neque enim comitiis nomine triginta licitorum conventum proprie appellasset: nec populum per Curias calari dixisset. Neque enim dici potest ætate Ciceronis non fuisse Curias quasdam populi Romani: id quod nos supra demonstravimus. Quin ergo posset ea ætate Curiæ in suffragium mitti, negari non potest: præsertim si id ageretur, quod iudicio populi aliter comitti non posset, nisi eo curiatim convocato. Sane adoptionibus peragendis triginta Curias suffragium dixisse, Cicero pro domo sua ostendit his verbis: *Credo enim, quamquam in illa adoptione legitime factum est nihil, tamen te esse interrogatum, auctorem esses, ut in te P. Fonteius vitæ necisque potestatem haberet, ut in filio. Quæro si aut negasses aut tacuisses, sitamen id triginta Curiæ iussissent, num id iussum esset ratum?* Et A. Gellius lib. 5. cap. 9. *Nam comitia arbitris etiam Pontificibus præbentur, quæ Curiata appellantur.* Neque enim vere comitia Gellius appellaret triginta licitorum conventum. Sed nec per populum arrogationem fieri verum esset, ut ipse dicit. Et legem certe Curiatam trinundino promulgari vanum fuisset, si populi suffragiis non committeretur. Atqui promulgandam fuisse paulo post ostendimus. Jam vero si postremis illis temporibus nulla erant Curiata comitia, nisi hæc, quæ per triginta tantum lictores peragebantur: quo pertinent verba Lælii Felicis, cum ait: *Cum ex generibus omnium suffragium fertur, Curiata comitia esse?* Quomodo enim verum erit, ex generibus omnium ferri suffragium, si triginta tantum lictores suffragium ferrent? Neque vero cum populo agere recte diceretur, qui

A legem Curiatam ferret de adoptione, si triginta tantum lictores in suffragium mitterentur. Atqui Cicero pro domo sua de lege Curiata, qua adoptatus est Clodius, ita scribit: *Negant fas esse agi cum populo, cum de cælo servatum sit. Quo die de te lex Curiata lata esse dicatur, audeas negare de cælo esse servatum?* Ego itaque his rationibus adducor, ut, quæ a Cicerone de triginta licitoribus scribuntur, non existimem ad omnia Curiata comitia transferenda esse: sed ad ea tantum, quæ de imperio magistratum habebantur. Nam magistratibus creandis tantum auspicioium causa retenta erant hæc adumbrata comitia: siquidem eos populus jam ante iustis comitiis designasset. Unde nebat, ut rursus coire populus propter eosdem magistratus minus curaret. Itaque ne omnino deserta per infrequentiam populi viderentur, constitutum videtur, ut pro 30. Curiis 30. lictores convenirent. At cæteris in rebus retinenda videntur fuisse Curiata comitia: quando nullis aliis comitiis de iis iudicium esset populi. Ego tamen hæc in re nihil pro certo affirmare aulim. Hoc modo dicere possumus, si quæ adhuc essent iusta comitia Curiata ætate Ciceronis, in iis suffragiis jus habuissent omnes cives, qui Curiarum descriptione continebantur. Sin nulla erant iusta comitia, in iis omnibus triginta tantum lictores in suffragium mitti solitos. Comitia Curiata habendi jus erat patriciis tantum magistratibus & Pontificibus. Illis quidem legibus Curiatis ferendis: his vero sacrorum causa. Ac patricios magistratus solos id juris habuisse, ex eo intelligi potest, quod scribit Livius lib. 6. Decad. 1. Curiata comitia auspicio, & patribus auctoribus haberi. Unde fit, ut, quoniam Tribuno plebis non licebat legem Curiatam ferre, Rullus uñ capite suæ legis juberet Prætores eam ferre. Nam, si tam poterat legem Curiatam ferre Rullus, quam Tributam, cur Prætori id munus dedisset? At si plebei magistratus id non possent, restat, ut solis patriciis hoc jus concedamus. Neque vero Ædiles Cures aut Quæstores hæc comitia habere poterant, quando ne Tributis quidem comitiis agendi cum populo jus haberent, ut nos supra ostendimus: nisi forte uno casu; ad multum, inquam, alicui dicendam. Restat igitur, ut ordinariis quidem magistratuum solis Consulibus & Prætoribus id tribuamus: extraordinariis autem Dictatoribus & Interregibus. Sane non est verisimile, eos, qui a Consulibus creabantur, ut Ædiles, Quæstores, & Tribuni militum, potuisse Curiatam legem de suo imperio ferre: præsertim cum lege Curiata iustus magistratus acciperet, quam Tributa: ut omit- tam, auspicio eos, nisi per legem Curiatam, non habuisse. Pontifices vero sacrorum causa jus habuisse vocandi comitia Curiata ex eo intelligi potest, quod supra ostendimus, Centuriata comitia habendi jus habuisse. Nam si illa habere poterant, & hæc certe multo potius vocare in eorum erat potestate. Et Calata comitia propria erant Pontificum: flamines autem Calatis comitiis creabantur. Quoniam autem non modo a Pontifice maximo inaugurari flamines repetiuntur passim in historia Livii, sed etiam nusquam in eorum creatione ulli intervenire magistratus comperiuntur, ideo a Pontifice maximo haberi comitia creandis flaminibus existimo absque ullo interveniente magistratu: præsertim cum ei pro sui sacerdotii auctoritate jus esset agendi cum populo, ut nos supra demonstravimus. Itaque ego verba Lælii apud Gellium sic interpretatus sum, Calata comitia esse, quæ habentur pro collegio Pontificum, hoc est, apud ipsos Pontifices, adeoque ab ipsis Pontificibus, aut regis sacrorum, aut flaminum inaugurandorum causa, id est, ad creandos illos sacerdotes. Comitia maximi Curionis Pontifices non habuisse hinc colligo, quod ad collegium Pontificum nil pertineret Curio maximus: quodque Læ-

lius in Calatis comitiis hæc non enumeravit : quæ omiffurus non videbatur, fi inter Calata comitia fuiffent Curionis maximi comitia. Itaque ego potius alii magiftratum majorum Curionis maximi creationem attribuendam cenfeo, quam Pontificibus. Quod vero attinet ad comitia legis Curiatæ de adoptione ferendæ; eadem hæc ratio, quod inter Calata comitia non enumerantur a Lælio, argumento effe poteft ab aliquo potius magiftratu ea haberi, quam a Pontificibus. Neque enim verifimile eft eum qui obfoleta jamdudum comitia Calata teftamentorum caufa appofuit in enumerandis Calatis comitiis, non futurum fuiffe mentionem adoptionum, fi Calatis quoque comitiis fieri folerent. Sane A. Gellius lib. 7. c. 19. non a Pontificibus dicit comitia haberi de arrogatione alicujus, fed arbitris Pontificibus; id quod Cornelius Tacitus dicit apud Pontifices legem Curiam ferri. Neque vero legis ferendæ jus alicui erat, nifi magiftrati. Unde perfpicuum eft, legem quidem Curiatam ab aliquo ferri debuiffe majorum magiftratum: fed hæc in re intervenire Pontifices debuiffe, ut de jure adoptionis cognofcerent: ne fc. populus legem juberet contra, quam jura adoptionis poftularent. Exemplum in hiftoria habemus adoptionem Clodii: cujus legem Curiatam tulit Cæfar Conful. Sed tamen, quia idem Cæfar erat Pontifex maximus pro certo argumento id accipi non poteft. Illa nobis ratio fufficere debet, quod legem ferre nemini unquam in Rep. Romana licuit, nifi qui magiftratus effet: tameti cæteris in rebus privatis Pontificibus cum populo agere liceret. Adoptiones autem lege lata fiebant. Id quoque ad jus perfonarum pertinet, quod non poffent nifi patricii effe flamines, ut docet Cicero pro domo fua. Curiones autem maxime effe poterant tam plebei, quam patricii: ut ex eo loco T. Livii, quem paulo ante citavi, intelligi poteft. Ac de perfonis quidem fati dictum fit.

C A P. IV.

De modo comitiarum Curiatorum.

MODUS horum comitiarum diverfus fuit diverfis Reip. temporibus. Nam, donec Tributis comitiis creari minores magiftratus coeperunt, comitia Curia, quod ad magiftratus quidem attinebat, habebantur ad designandos magiftratus ex candidatis aliisve, quos populus veller. Ad poftea retenta funt ad legem Curiatam de imperio magiftratum ferendam, perinde ut ante ferri folebat de imperio majorum magiftratum: adeo ut poft illud tempus nulli designarentur magiftratus comitiis Curiatis, fed tantum de eorum imperio, quos jam populus designaffet, lex ferretur. Ob idque duas tantum caufas poſuimus habendorum comitiarum Curiatorum, ad leges fc. ferendas, & ad facerдotes creandos. Curiatas omnibus comitiis commune erat, ut aufpicato haberentur, & patriciis auctoribus, ut nos fupra ex Cicerone pro domo fua, & T. Livii lib. 6. Dec. 1. citavimus. Sic autem aufpicato haberi debebant hæc comitia, ut non modo obnunciationi parendum effet, fi de cælo fervatum effet: quod Cicero oftendit, cum probaret legem de adoptione Clodii nullam effe, quia lata effet, quo die fervatum erat de cælo: fed etiam ut adeffe augures oporteret, qui latori legis in aufpicio effent. Unde apud Cic. in epil. ad Att. reperimus, Pompeium in aufpicio fuiffe Cæſari, quando lex lata eft de adoptione Clodii. Lib. 2. hæc funt Ciceronis verba: *Negant illi Publium plebeium factum effe? Hoc vero regnum effe, ferri nullo pacto poteft. Emittere ad me Publium, qui obſcuret: jurabo Cneum noſtrum, Collegam Balbi Antii mihi narraſſe in aufpicio fuiſſe.* Unde etiam apud eundem eodem lib. de Cæſare & Pompeio hæc ver-

ba intelligi debent: *Acueram me ad exagitandam hanc ejus legationem: quam ſi ille contemnit, & ſi (ut ſcribit) bilem id commovet, & latoribus aufpicibus legis Curiatæ ſpectaculum egregium.* His enim verbis Cæſarem latorem legis intelligit, & Pompeium aufpicem, hoc eft, qui magiftratu aufpicanti fuit in aufpicio. Eft & alius locus lib. 4. ad Att. C. *Memmius candidatus pactionem in Senatu recitavit, quam ipſe & ſuus competitor Domitius cum Conſulibus feciſſent, uti ambo HS. quadragena Conſulibus darent, ſi eſſent ipſi Conſules facti, niſi tres augures dediſſent, qui ſe aſſuiſſe dicerent cum lex Curia transferretur, quæ lata non eſſet.* Neque vero illis rationibus tantum aufpicia ſervanda erant, fed etiam ut boni ominis eſſet prærogativa Curia. Unde apud Livium lib. 9. Dec. 1. ſcribitur Dictatorem L. Papyrium aufpicia poſtero die repetiſſe, quia prima exierat Curia Fautia, quæ mali ominis erat, quando legem Curiatam de ſuo imperio ferre voluit. Patrum autem auctoritas quomodo varie pro diverſis temporibus expectanda fuerit, docet Dionyſ. lib. 2. his verbis: *Populus ferebat ſuffragium non univerſus conſuſe, ſed per Curias vocatus. Quodque pluribus viſum eſſet Curii, id ad patres referebatur: nunc vero mos mutatus eſt. Neque enim patres de juſſis populi poſt judicant, ſed contra ſententiam patrum confirmat deinde populus.* Interceſſionis etiam jus, quod in aliis duobus comitiarum generibus locum habuiſſe diximus, in his quoque Curiatis comitiis valuiſſe oftendit Cicero in Rullum, cum eum ideo reprehendit quod ſuſtulerat jus intercedendi, cum ferretur lex Curia de imperio Decemvitorum: *At videte quam diligenter retineat jus Tribunitiæ poteſtatis. Conſulibus legem Curiatam ferentibus a Tribuniſ plebis ſepe eſt interceſſum, neque tamen nos id querimus, eſſe hanc Tribunorum plebis poteſtatem, tantummodo ſi quis ea poteſtate temere eſt uſus exiſtimamus. Hic Tribun. plebis lege Curia, quam Prætor deferat, adimit intercedendi poteſtatem.* Atque illis quidem communibus explicatis ad propria ſingularum veniamus. Legibus Curiatis ferendis adoptione, trinundino promulgatione opus fuiſſe Cicero pro domo ſua oftendit his verbis: *Hora forteſſe diei ſexta queſtus ſum in judicio, cum C. Antonium collegam meum defenderem, quedam de Repub. quæ mihi viſa ſunt ad illius miſeri cauſam pertinere. Hæc homines improbi ad quosdam viros fortes longe aliter, atque a me dicta erant, detulerunt. Hora nona illo ipſo die tu es adoptatus. Si, quod in cæteris legibus trinundinum eſſe oportet, id in adoptione ſatis eſt trium eſſe horarum, nihil reprehendo. Sin eadem obſervanda ſunt, decrevit Senatus M. Druiſ legibus, quæ contra legem Cæciliam & Didiam late eſſent, populum non teneri.* Ex his apparet, leges Curiatas trinundino promulgandas fuiſſe, priuſquam ad diem, quam magiftratus indixiſſet, comitia haberi poſſent: idque per legem Cæciliam & Didiam. An vero legibus de imperio magiftratum ferendis eodem trinundino opus eſſet, eo dubitari poteſt, quod Dictatores in hiftoria leguntur ſtatim magiftratum iniſſe, poſtquam a Conſulibus dicti erant: ex quo ſequitur, non poſt trinundinum legem de eorum imperio latam, ſed primo quoque die. Quinetiam aliqui leguntur ab aratro vocati: re bene geſta ad aratrum rediſſe, antequam ſpatium trinundini præteritum eſſet. Cumque Dictator fere non crearetur, niſi ſubitis Reip. caſibus, non eſt verifimile imperium ei demum poſt trinundini ſpatium concedi. At dicet ne tum quidem, cum Dictatores creabantur, legem Cæciliam & Didiam fuiſſe, qua cautum erat, ut leges trinundinum promulgarentur. Lex ſane Cæcilia & Didia ætate Ciceronis lata eſt anno urbis 656. Dictatores vero multo ante tempore creati delierant: niſi quod poſt eam certe legem, & Sylla, & Cæſar Dictatores facti ſunt. Verum ut

hæc de Dictatore ratio eludatur, alia est ratio, quæ non fuisse opus trinundino ad legem de imperio magistratuum ferendam, etiam post latam legem Cæciliam & Didiam, aperte demonstrari potest. Constat enim magistratus, qui per Interregnum creabantur, statim magistratum inire solitos. Atqui imperium habere non poterant, nisi lata lege Curia-
ta. Non ergo post trinundinum ea lex ferebatur: alioqui magistratum eis inire, nisi post trinundinum quam designati essent, non licuisset. Itaque ego sic sentio, legem Curiatam de imperio magistratuum primo quoque die comitali ferri solitam: nec trinundini promulgatione opus fuisse, sicut in lege Curia-
ta de adoptione: quia non perinde novi aliquid ad populum referebatur in lege Curia-
ta de adoptione. Causa vero promulgationis per trinundinum erat, ut populus ante rem cognosceret, quam in suffragium mitteretur. Indictis ergo comitiis tantum opus erat, non etiam legis promulgatione. At in lege adoptionis trinundini promulgatione opus erat, ut esset examinanda legis spatium. Multa enim erant, quæ in adoptione legitima providenda erant: quorum cognitio ad collegium Pontificum pertinebat. Cicero pro domo sua: *Quod est, Pontifices, ius adoptionis? Nempe ut is adoptet, qui neque procreare jam liberos possit, & cum potuerit, sit expertus. Quæ deinde causa sit adoptionis, quæ ratio generum ac dignitatis, quæ sacrorum, quæri a Pontificum collegio solet.* Et paulo post: *Dico apud Pontifices: nego istam adoptionem Pontificio iure factam.* Primum, quod hæc vestra sunt ætates, ut is, qui te adoptavit, vel filii tibi loco per ætatem esse potuerit. Deinde, quod causa quæri solet adoptandi, ut is adoptet, qui quod natura jam assueque non potest, legitimo & Pontificio iure querat: & ita adoptet, ut ne quid aut de dignitate generum, aut de sacrorum religione minuatur. Illud imprimis, ne qua calumnia, ne qua fraus, ne quis dolus adhibeatur: ut hæc simulata adoptio filii quam maxime veritatem illam suscipiendorum liberorum imitata esse videatur. Hoc igitur ad modum legis de adoptione proprium pertinet, ut præter latorem legis, eosque, inter quos arrogatio fiebat, adessent Pontifices: qui de causis & omni iure arrogandi cognoscerent. In quo certo quoddam erat iuramentum a Pontificibus conceptum, quod hi jurare debebant, inter quos fiebat arrogatio. Id quod A. Gellius offendit libro 5. cap. 19. *Ætas ejus, qui arrogare vult, an liberis potius gignendis idonea sit: bonaque ejus qui arrogatur ne infidiose appetita sint, consideratur: jusque jurandum a Q. Mutio Pontifice maximo conceptum dicitur, quod in arrogando juraretur.* Porro autem his Pontificum interrogationibus postquam jurati responderant, inter quos fiebat adoptio, tum Pontifices approbarent causas adoptionis necne, publice proficiebantur: ut ex Ciceronis verbis colligi potest, cum ita scribit pro domo suo: *Nisi forte ex te ita questum est, num perturbare Rempublicam seditionibus velles, & ob eam causam adoptari, non ut filius esses, sed ut Tribunus plebis fieres, & funditus everteres civitatem.* Respondisti, credo, ita velle. Pontificibus bona causa visa est, approbaverunt. Quod si omnia se probare Pontifices palam professi essent, tum populum magistratu rogabatur, uti legem juberet. Cujus formulam ponit A. Gellius his verbis: *Arrogatio autem dicta est, quia genus hoc in alienam familiam transitus per populi rogationem fit.* Ejus rogationis verba hæc sunt: *Velitis, jubeatis, uti L. Valerius L. Titio tam iure legeque filius sibi fiet, quam si ex eo patre matreque familias ejus natus esset: utique ei vitæ necisque in cum potestas sit, uti pariendo filio est.* Hoc ita ut dixi, ita vos Quirites rogo. Ac prius quidem quam in suffragium mitteretur populus ad eam rogationem accipiendam, ante is, qui

arrogabatur, rogari solebat, auctorne fieret, ut in alterius potestatem illo modo transiret. Cicero pro domo sua: *Sed cum hoc iuris a majoribus proditum sit, ut nemo civis Romanus aut libertatem aut civitatem amittere possit, nisi ipse auctor factus sit.* Quod tu ipse potuisti in tua causa dicere. Credo enim quamquam in illa adoptione legitime factum est, nihil tamen te esse interrogatum auctorne esses, ut in te P. Fonteius vitæ necisque potestatem haberet, ut in filio. Quod vero attinet ad comitia Curia-
ta sacerdotum, id Cornelius Tacitus lib. 4. docet proprie fuisse observandum in creatione flaminis Dialis, ut tres patricii confarreati nati parentibus nominarentur, ex quibus deinde natus legeretur. Verba ejus hæc sunt: *Sub idem tempus de flamine Diali in locum Servii Maluginensis defuncti legendo, simul roganda nova lege, discessit Cæsar.* Nam patricios confarreati parentibus genitos tres simul nominari, ex quibus unus legeretur, vetusto more. Hunc Taciti locum si conferas cum aliis T. Livii & A. Gellii locis, in quibus flamines non modo a Pontificibus inaugurari, sed etiam Calata comitia ob eam rem haberi scribitur, planum erit tres patricios a Pontificibus nominari, adeoque inaugurari solitos: ex quibus deinde populus legeret, hoc est, suffragiis suis designaret, quem veller esse flaminem Dialem. Neque vero flamen Dialis tantum inaugurabatur a Pontifice maximo, sed ut omnes flamines attributi erant collegio Pontificum, ita eos omnes inaugurandi potestas erat penes collegium Pontificum. Id quod Lelii apud Gellium verba satis demonstrant, quando, nullis designatis certis flaminibus, dicit flaminum inaugurandum causa haberi Calata comitia. Et Cicero pro domo sua dicit, omnes flamines patricios esse debuisse. Quod igitur ad cæteros omnes flamines attinet, id pro certo asserere possumus, comitiis Calatis eos creati per populum, quos ex patriciis Pontifices inaugurassent. Verum tres ne confarreati parentibus geniti nominandi essent, sicut in flamine Diali, id vero nec affirmamus, nec negamus. Certe multo majore dignitate erat flamen Dialis quam cæteri: unde videri posset in eo creando quædam non immerito observari, quæ in cæteris negligenter erant. Quod vero ad Curionem maximum attinet, ex iis, qui peterent, creabatur, non secus quam in magistratibus; aut quomodo post legem Domitiam in collegiorum sacerdotibus fieri solebat. Ac de iis quidem, quæ ante suffragia spectanda videbantur, satis hoc in ipsis Comitiis Curia-
tis, quæ iusta ac non adumbrata erant, populus, postquam magistratus aut Pontifex expulserat suam rogationem, in suas jusque Curias discedebat: quæ deinde eo ordine suffragium dicerent, quo sorte exibant. Quæ autem prima exierat, ea principium esse dicebatur. Sic enim Livius loquitur: *Faucia Curia principium fuit.* Hoc est, prima ad suffragium dicendum vocata est. Quodque plures ex triginta Curii iusserant, id ratum habebatur. Ac si primo vocatæ consentirent, statim atque sedecim ex illis suffragium dixerant, finis fiebat comitiis: quia tum certum esset, a pluribus Curii id iustum esse, quod sedecim Curie iussissent. Sin dissentirent, eo utique vocabantur, dum sedecim Curie consentissent. Sed quoniam ista pos-
sunt facile ex his, quæ de Tributis comitiis a nobis dicta sunt, intelligi; de his plura non dicemus, ut ad interpretationem ejus loci veniamus, quem Gellius ex Lælio citat: Curia-
ta comitia esse, cum ex generibus omnium suffragium ferret. Qui in tribus descripti erant, locis ac regionibus erant distincti: qui in classes, censu, ordinibus, ætatibusque: at qui curiis continebantur, nulla habita istorum ratione, tantum sacrorum quadam distinctione distinguebantur. Erant enim ex omnibus tribubus qui urbem incolerent, ideoque in Curias descripti erant. Unde sit, ut in Curiiis esset tribuum & classium confusio:

quæ tribus classèque, quoniam erant populi Rom. partes præcipuæ, ut ex eo constat, quod Censores in partibus populi describendis tribuum modo & classium rationem habuisse leguntur, idcirco cum curiatim suffragium ferebatur, confuse, & absque ulla verarum populi partium distinctione, suffragium ferri dicebatur. Idque est quod Lælius ait, quando ex generibus omnium ferri suffragium scribit: hoc est, per Curias, in quibus cuiusque generis cives magna confusione continebantur. Illud etiam hoc loco querendum est, pertineret ne lex tabellaria ad hæc etiam comitia Curjata, an non? Cui questionari ut satisfiat, dicendum mihi videtur, his comitiis Curjatis, quibus populus suffragium dicebat, post leges tabellarias latas, tabellis populum usum fuisse: siquidem leges generatim de suffragiis populi late erant, non autem nominatim de quibuldam comitiis: tantumque intererat his comitiis occultari populi suffragium quam aliis. His vero comitiis, quibus non populus suffragium dicebat, sed triginta tantum lictores, nil opus erat tabellis. Neque enim adumbratis istis comitiis quicquam opus erat occultato suffragio: quandoquidem libera non essent horum licitorum suffragia, ut qui magistratum ministri essent, a quorum imperio discedere non poterant. Si igitur adhuc ætate Ciceronis erant iusta aliqua comitia Curjata, quemadmodum probabilius esse ostendimus sacerdotum adoptionumque causa, ea tabellis curiatim diribitis fiebant, haud secus quam quomodo in Tributis fieri diximus. Sin omnia huiusmodi erant, qualia Cicero fuisse dicit, quæ ad legem de imperio magistratuum ferendam habebantur, non tabella, sed voce triginta lictores loco triginta Curiarum, quod rogati erant, jubebant: eoque modo, quod hi jussissent, ratum habebatur, perinde ac si Curiarum suffragio jussum esset. Quomodo vero effectum sit, ut licitoribus potius, quam aut Curionibus, aut aliis quibusdam gravioribus personis hæc comitia Curjata committerentur, locus est Lælii apud Gellium libro 15. cap. 27. unde id suspicari possumus. Scribibile enim Curjata comitia per licitorem curiatim calari. Ex eo enim opinor factum esse desuetudine quadam & incuria populi, cum singulæ Curiæ a singulis licitoribus vocatæ non convenirent, ut ipsis licitoribus id committeretur, cujus causa Curiæ essent vocatæ. Veluti si in Univerſitate Parisiensi aliquid apparitorum (quos bidellos vocant) conventu perageretur, quod olim aut nationum aut facultatum comitiis fiebat. Hæc enim essent adumbrata per apparitores comitia illis plane similia. Ac de modo quidem Curiatorum comitorum hæctenus. De loco deinceps dicendum est.

C A P. V.

De loco Curjatis comitiis destinato.

CURIATA comitia non fere poterant auspicato fieri, nisi intra pomerium, idque in foro, adeoque in comitio. Camillus apud Livium lib. 5. 1. Decad. ita ad populum verba facit: *Quid alia, quæ auspicato agimus omnia fere intra pomerium, cui oblivioni aut cui negligentie damus? Comitia Curjata, quæ rem militarem continent, comitia Centuriata, quibus Consules Tribunosque militares creatis, ubi auspicato, nisi ubi aſolent, fieri possunt?* Ut in campo Martio Centuriata fieri solita erant, ita in foro Curjata comitia fieri reperimus passim in historia Livii & Dionysii. Nam ante iudicium Coriolani, quo primum tempore habita sunt Tributa comitia, quoties in foro habita populi comitia reperimus? Hæc vero non poterant alia esse, quam Curjata. Et Dionysius nominatim ait, leges Curjatas, quas Brutus Tribunus celerum tulit, in foro latas fuisse. Unde etiam apud Sveronium in Augusto ita scriptum est: *Tertium nepotem Agrippam, simulque privignum Tyberium adoptavit in foro lege Curjata.* Si igitur in foro Curjata comitia haberi solita erant, ex verbis Camilli concludi potest, non fere potuisse auspicato haberi, nisi in foro. Porro quæ comitia habebantur in foro, in ea fore parte, qua erat comitium, ea haberi supra docuimus. Consequens igitur est, ut comitium dicamus locum fuisse destinatum Curjatis comitiis. Quod & Varronis verba significant, cum ait comitium inde primum nomen habuisse, quod comitiis Curjatis populus illuc conveniret. Urbe tamen a Gallis capta lex Curjata, qua revocatus est ab exilio Camillus, Veis lata est, ut ostendit T. Livius lib. 5. Decad. 1. Hæctenus de loco.

C A P. VI.

De tempore comitorum Curiatorum.

SUPEREST de tempore dicere. In quo nihil certo constitui potest, nisi quod non possent nisi diebus comitialibus haberi comitia Curjata. Quod vel inde perspici potest, quod comitiales dies quando a Numa instituti sunt, nulla erant comitia præter Curjata. Et sane cum populo agi, nisi comitialibus diebus, fas non erat.

DOCTISSIMI VIRI
 NICOLAI GRUCHII
 RESPONSIO AD BINAS
 CAROLI SIGONII
 REPREHENSIONES:

Unam, de binis magistratuum comitiis: Alteram,
 de Lege Curiata.

AMPLISSIMO VIRO
 HENRICO MEMMIO,
 Supplicum libellorum in Regia Magistro
 NICOLAUS GRUCHIUS S. D.



ANTA est tua erga omnes literarum studiosos benevolentia (clarissime Memmi) quantum ego perspicio ex iis libris, qui a doctis hominibus in dies aut sub tuo nomine, aut non sine honorifica mentione tui nominis, in vulgus eduntur: ut mihi nullum inter literatos locum tenere posse visus sim, nisi aliquid etiam a me profectum sub tuo nomine appareret. Quo & mea erga te voluntatis atque observantiae significationem darem: & ingrati animi notam effugerem, si tuorum erga literarum studia meritum magnitudinem minus agnoscerem. Ego igitur (clarissime Memmi) meam ad reprehensiones Caroli Sigonii responsum ad te mitto: simulque rogo, ut tantisper a gravioribus tuis studiis ac negotiis animum relaxes, dum hunc libellum tibi perlegere liceat: ut pro ea eruditione, qua in antiquitatis Romanae observatione plurimum excellis, gravissimum ac certissimum tuum iudicium in hac nostra controversia interponas. Tanti enim mihi erit tuum in hac re iudicium, ut cuius tu sententiam probaveris, eam & verissimam esse & omnibus sequendam, sim existimaturus. Vale. Ex rustico praedio nostro, Cal. Junii. 1565.



UAMQUAM mihi ea nec omni ex parte probantur, quae a Carolo Sigonio de comitiis scripta sunt: nec veriora iis videntur, quae a me sunt tradita: maximas tamen ei gratias merito habendas duobus nominibus existimo. Primum, quod antiquitatis Romanae studiosos, ut in reliquo omni jure Romanorum late & ingeniose explicando, ita in hac comitiarum ratione breviter ac diserte tradenda, juvare voluit. Deinde, quod ea modestia usus est in me reprehendendo, ut cum honorifica laudis meae praefatione, nec gloriae nec contentionis studio ductus, sed veritatis tantum a-

more, ad hanc diffensionem verius, quam reprehensionem pertractus videatur. In quo cum perpolitum humanitatis studii ingenii specimen dedit, tum vero mihi, in hac mea responsione quid sequendum esset, praescripsit. Itaque ego non modo extra omnem contumeliam, sed etiam absque ullo asperiore dicto, si majorem non possum, at parum certe modestiam referre contendam. Ac primum, ut quid sit, in quo a me dissentiat, & quibus rationibus me reprehendat, intelligatur, totum illum locum ex ejus libro de antiquo jure Romanorum huc transcribam, qui ita habet: Ut autem centuriata comitia nisi a majoribus, sic tributa & a majoribus & a minoribus magistratibus haberi licuit. Quarum rerum rationem si quis requirat, Nicolai Gruchii pereruditio de comitiis comen-

mentarios perlegat. Cui viro ut multis in rebus assentior, sic in binorum comitiorum ratione explicanda valde diversus sum. Quod non gloria querendae, sed antiquitatis illustrandae causa cuiusmodi sit, hoc loco pluribus mihi exponendum putavi. Est ergo questio huiusmodi. Cum trina fuerint comitia, quid sit quod Cicero in 2. Agraria de binis comitiis, quibus magistratus singuli crearentur, scripsit his verbis: (Majores de omnibus magistratibus bis vos sententiam ferre voluerunt. Nam centuriata lex censoribus ferebatur, cum curiata ceteris patriciis magistratibus, cum iterum de eisdem judicabatur; ut esset reprensibiles potestas, si populum beneficii sui peniteret. Nunc, quia prima illa comitia tenetis centuriata & tributa, curiata tantum auspicioium causa remanserunt: hic tribunus plebis quia videbatur potestatem neminem in iussu populi aut plebis habere posse, curiatis eam comitiis, quae vos non initi, confirmavit; tributa, quae vestra erant, sustulit. Ita cum majores binis comitiis voluerint vos de singulis magistratibus judicare, hic homo popularis ne unam quidem populo comitiorum potestatem reliquit.) Haec Cicero. Hunc igitur locum dico obscurissimum esse, & quam ex eo sententiam Nicolaus Gruchius collegit, putare me ab ipsa consuetudine Romani moris, atque ab ipsa demum rei veritate abhorere. Quis autem ejus sensus sit, ex loci huius lectione, quam ille ex ingenio, ut video, ac nulla antiqui libri fultus auctoritate attulit, facile intelligi potest. Est autem haec: Nam centuriata lex consulis ferebatur, & ceteris patriciis magistratibus, tributa plebeis; tum curiata iterum de eisdem judicabatur. Quae ex lectione apparet placere Gruchio, patricios quondam magistratus binis comitiis esse creatos, centuriatis & curiatis; plebeios item binis, tributis & curiatis: post autem curiatis comitiis obsoletis, magistratus omnes binis item comitiis declaratos, centuriatis & tributis. Quam sententiam si ille etiam alterius loci auctoritate firmaret, quod nec facit, nec facere potest; tamen, quia eam multis interiectis ex ingenio verbis inducit, ego vix in re tanta probare possem. Neque enim simile veri videtur, si singuli magistratus binis, iisque diversis fuissent comitiis declarandi, non aliquam aliquando annuum scriptores eorum inter se contentione licet proditoris fuisse, si aut curiata aut tributa centuriatorum sententiam infirmassent. Quamobrem ego incolumi vulgata lectione ita hunc locum interpretor. Reprehendit Rullum tribunum plebis Cicero, qui Decemviri creati jubebat tributis comitiis, ita ut non omnes xxxv. tribus vocarentur, sed xviii. tantum sorte ducerentur: deinde, ut qui novem tribus esset designatus, lege curiata, id est, imperio ornaretur. Reprehendit autem acutè magis ut solet in orationibus, quam vere; & quod tributa comitia imperfecta attulit, & quod curiata obsoleta retulit. Id quod eo gravius esse significat, quod cum majores binis quondam comitiis de omnibus magistratibus voluerint judicari, hic neutra offerat. Quae sint autem haec comitia bina, exponit centuriata & curiata. Nam consules (sic enim cum Gruchio legendum puto, non censores) centuriatis comitiis creabantur, quando ceteri patricii magistratus declarabantur curiatis. Deinde iterum de eisdem magistratibus judicabatur, ut priora comitia reprehendere populus posset. Quod autem ait, consules centuriatis comitiis creatos, cum ceteri patricii magistratus curiatis, rectè ait. Significandum constat, primos consules atque inde reliquos a populo per centurias convocato declaratos. Ceteros autem patricios magistratus intelligit quæstores: quos idcirco patricios vocat, quia prius patriciis ea potestas patuit, quam plebeis. Plutarchus enim Publicolam consulem Bruti collegam Quæstores duos populo creandos permisisse ait, P. Mnitum & M. Veturium, quas gentes tum patricias constat fuisse. Creatos autem esse curiatis comitiis patet primum, quia

non dum tributa instituta erant: deinde, quia Gellius scribit, minoribus magistratibus comitiis tributis magistratum dari, sed justius curiatis: postremo, quia Tacitus lib. xi. prodidit, quæstores regibus imperantibus esse institutos, idque legem curiatam offendere a L. Bruto repetitam. Quod autem ait bis judicatum esse de omnibus magistratibus, id non habet eam vim, ut significet, diversis comitiis esse judicatum, centuriatis & curiatis: sed illud vult intelligi, qui magistratus centuriatis comitiis creati erant, ut consules, de his bis centuriatis comitiis esse judicatum: qui curiatis, bis curiatis, ut qui prioribus comitiis aliquem creassent, idem posterioribus, si peniteret mutata sententia, abrogare eundem possent. Deinde addit: Nunc vero, quia magistratus creantur, ut non ut olim alii centuriatis, alii curiatis; sed alii centuriatis, alii tributis: curiata obsoleverunt: Nam ea propter auspicioium religionem tantum remanserunt: Rullus autem curiata comitia, quae non populus, sed pro populo triginta curiarum lictores incunt, revocavit: tributa imperfecta attulit. Ita cum majores binis comitiis voluerint de eadem re judicari, Rullus ne una quidem comitia populo reliquit, nam in utrisque peccavit. Neque vero illam rationem perpetuo observatam esse, existimandum est, quam apud majores ait fuisse: ut isdem comitiis bis de eodem candidato judicaretur, sed effigiem tantum ac similitudinem ejus retentam. Nam, cum prerogative centuriæ suffragationem instituissem, eam pro unis comitiis habuerunt: reliquarum autem quae jure vocatae dicta sunt pro alteris. Sic enim celerius suffragia a populo iniiri posse judicant, si eadem comitia partirentur, quam si eadem bis integra haberentur. Hoc autem intellexit & docuit Alconius bis verbis in secundam Verrinam: (Prerogative tribus sunt, quae prima suffragium ferunt ante jure vocatas. Mos enim fuerat, quo facilis in comitiis concordia populi firmaretur, bina omnino de eisdem candidatis comitia fieri: quorum tribus prerogative dicebantur, quod prima rogarentur, his vellent consules fieri: secunde jure vocatae, quod in iis sequente populo, ut saepe contingit, prerogativarum voluntatem jure omnia complerentur.) His enim verbis significat, bina quidem comitia esse habita, sed non integra: verum speciem tantum binorum comitiorum esse usurpatam. In tributis enim sorte tribum, in centuriatis ex tribu sorte centuriam eduxerunt, quae prima suffragium iniret. Quae centuria quoniam ante alias rogabatur, prerogativa dicta est; & tribus, unde sumpta est, prerogativa etiam appellata. Prerogative autem tribus vel centuriae prerogative sententiam pro unis comitiis habuerunt, reliquarum quae deinceps citabantur, & jure vocatae dicebantur, judicium, ut dixi, pro alteris: plerumque autem fiebat, ut jure vocatae sententiam prerogativarum sequerentur, raro autem rescinderent. Unde illud est Ciceronis pro Muræna, tantam comitiis centuriatis fuisse religionem, ut semper omen prerogativae valuerit. Haecenus Sigonius.

Hanc Caroli Sigonii reprehensionem, video duobus potissimum capitibus contineri. Uno rejicit ac refutat meam de binis comitiis sententiam: Altero suam ex Alconio interpretationem confirmare nititur. Ad utrumque caput mea scorum conferetur responsio: primum enim nostram tuebimur, atque amplius confirmabimus sententiam: deinde ad ejus sententiam, quae Alconio loco tantum niti videtur, accedemus. Ego igitur bina illa comitia, de quibus scribit in 2. Agraria Cicero, affirmo fuisse in majoribus magistratibus centuriata & curiata: in minoribus, tributa & curiata: neque ego id pro meo agnosco, quod mihi placere scribit Sigonius, curiatis comitiis obsoletis, magistratus omnes binis item comitiis declaratos, centu-

riatis & tributis: sed cum adhuc iusta erant curiata comitia, ea in usu fuisse cum centuriatis aut tributis existimo: cum vero adumbrata illa per triginta lictores superfuerunt curiata, illa ipsa dico ad centuriata etiam aut tributa accessisse. Eam vero esse Ciceronis illo in loco sententiam facile convincam, si locum illum ita esse restituendum, ut a me est restitutus, docuero. Ac primum consideranda est ratio, cur hæc de binis comitiis verba a Cicerone subiecta sunt. Perspicuum est enim, quia Rullus uno capite suæ legis volebat præter tributa comitia, tamen non integra, quibus decemviri crearentur, ferri legem curiatam: propterea Ciceronem ad hanc comparisonem juris a maioribus instituti, & iniquitatis legis Serviliæ, devenisse. Et cum videretur Rullus suâ lege morem majorum, quod tam in usu erat, sequi velle, in eo, quod decemviris magistratuum dabat tributis comitiis, quibus etiam curiatam legem adungebat; contra Cicero id totum Rullo argutissime detrahit, ac docet, tamen videatur majorem instituto id velle facere; eum tamen plane a more majorum discedere. Quo ut perveniat, morem majorum subijcit in toto genere magistratuum: quem hic tribunus plebis in decemvirorum magistratu observare præ se ferebat. Ex quo apparet, ut erant bina comitia, quæ fieri vellet in his decemviris Rullus, tributa & curiata: ita in omnibus magistratibus bina comitia fuisse, aut centuriata & curiata, aut tributa & curiata. Jam vero si propius considerentur illa Ciceronis verba: *Jam hoc inauditum & plane novo more, uti curiata lege magistratus datur, cui nullis comitiis ante sit datus*. Ex iis, inquam, verbis facile erit ex contrario concludere, usitati moris fuisse; cui ante datus fuisset magistratus veris quibusdam comitiis, lege curiata magistratus daretur. Unde efficitur, si iusta comitia, quibus magistratus daretur, erant centuriata & tributa, & usitatum fuisse, ut ad illa iusta comitia accederent curiata. Atque ut ad meam illius loci Ciceronis restitutionem veniam, ejus me auctorem habere ipsum Ciceronem, confirmo: quo minus requirenda est antiquorum librorum auctoritas. Verba illius ita habebant: *Majores de omnibus magistratibus his vos sententiam ferre voluerunt: nam centuriata lex censoribus ferebatur, cum curiata ceteris patriciis magistratibus: tum iterum de iisdem judicabatur, ut esset reprehendendi potestas, si populum beneficii sui pœniteret*. Nunc, quia prima illa comitia tenetis, centuriata & tributa, curiata autem auspiciorum causa remanserunt: hic tribunus plebis quia videbat potestatem neminem injussu populi aut plebis posse habere, curiatis eam comitiis quæ vos non initiis, confirmavit; tributa, quæ vestra erant, sustulit. Ita cum majores binis comitiis voluerunt vos de singulis magistratibus judicare, hic homo popularis ne unam quidem populo comitiarum potestatem reliquit. Illa verba corrupta esse nemo dubitat: verum si cum prioribus verbis sequentia recte conferantur, nullo negotio pauca verba, quæ desunt, adjiciuntur: & quod interturbatum erat, suo loco reponitur. Ac primum pro illo censoribus legendum esse consilium, etiam mecum consentit Sigonius. In his vero verbis: *nam centuriata lex consilium ferebatur, cum curiata ceteris patriciis magistratibus*, faciendum fuisse mentionem tributorum comitiarum, indicant verba paulo post sequentia: *nunc, quia prima illa comitia tenetis centuriata & tributa*. Cum enim Cicero in designandis illis binis omnium magistratuum comitiis, prima dicat fuisse centuriata & tributa, necesse est, secunda ex iis binis fuisse curiata, quod ipse satis indicat, cum subijcit: *curiata autem tantum auspiciorum causa remanserunt*. Unde efficitur, in superioribus illis verbis *tum iterum de iisdem* curiatarum mentionem fuisse faciendam, ita ut legendum esset, *tum curiata iterum*. Hæc enim verba sunt, quibus

secunda comitia ex binis designare voluit. Illud quoque necessario consequens est, ut in priore membro prima illa, quæ paulo post nominantur comitia, suum locum habeant, non modo factam esse mentionem centuriarum, sed etiam tributorum comitiarum. Et quoniam centuriata patriciis magistratibus tribuuntur, plebeiis tributa esse tribuenda. Patriciis enim magistratibus plebeios opponi, nemo nescit. Ex quibus sequitur, sic omnino legendum esse: *Nam centuriata lex consilium ferebatur, & ceteris patriciis magistratibus, tributa plebeiis: tum curiata iterum de iisdem judicabatur*. Atque ego hunc errorem ex librorum imperitia ortum esse suspicor, qui tributam legem non posse dici existimabant: ut etiam nunc sunt, qui dubitant, an lex tributa tam Latine dici possit, quam lex centuriata aut curiata. Ego igitur meæ restitutionis rationem breviter sic concludo. Verba illa *nunc quia prima illa comitia tenetis, centuriata & tributa*, ostendunt, Ciceronem in assumptione suæ argumentationis ita bina comitia, de quibus mentionem fecerat, distribuere, ut prima appelletur centuriata & tributa: ex quo consequens est, secunda esse curiata. Necesse igitur est, in propositione ac ratione propositionis factam fuisse mentionem centuriarum & tributorum comitiarum, ut primum: curiatarum vero comitiarum, ut secundorum. Aperte autem centuriata attribuit patriciis magistratibus: quibus plebeios opponi magistratus, nemo dubitat, consequens igitur est, ut tributa plebeiis magistratibus tribuantur. Et quoniam hanc meam sententiam alterius loci auctoritate firmari postulat Sigonius, ego & me ita fecisse, & facere posse contra quam ipse scribit, demonstrabo. Nam cur dissimulat locum illum Messalæ a me ex Gellio citatum ex lib. 13. c. 14. nullam causam video. Verba Messalæ hæc sunt: *Reliquorum magistratuum minora sunt auspicia: Ideo illi minores, bi majores magistratus appellantur*. Minoribus creandis magistratibus tributis comitiis magistratus; sed iustius curiata datur lege. An non locus ille satis aperte demonstrat, ad minorum magistratuum tributa comitia accessisse legem curiatam, qua etiam iustius magistratus daretur, quam ipsis tributis comitiis? Cumque adhuc erant iusta comitia curiata, ac non illa tantum adumbrata per triginta lictores, cui dubium est, quin de minoribus illis magistratibus bis judicaret populus Romanus? quin haberentur de eodem magistratu comitia? Quod si minoribus magistratibus id verum esse ex illo loco perspicuum est, cur dubitabimus cum Cicerone ad omnes magistratus transferre? ac non ad eos tantum, qui tale imperium haberent, quale iis modo magistratibus, qui exercitum ducerent, tribuit Sigonius? De quo tamen imperio quam valde ab illo dissentiam, in secunda illius reprehensione videbimus. Quod vero scribit Sigonius, non esse verisimile, si singuli magistratus binis, iisque diversis fuissent comitiis declarandi, non aliquam aliquando annalium scriptores eorum inter se contentionem literis proditoris fuisse, si aut curiata aut tributa comitia centuriarum sententiam infirmassent; illa profecto ratio non modo infirma est, sed etiam tam valere potest ad infirmandam suam de binis comitiis sententiam, quam meam. Nusquam enim annalium scriptores bina centuriata, aut bina curiata de eodem magistratu habita fuisse scribunt: neque usquam reperitur iudicium priorum centuriarum a posterioribus esse infirmatum: aut priorum centuriarum sententiam a posterioribus esse abrogatam. Id sane mihi non mirum videtur, si in historia non reperiamus, quod universus populus centuriarum aut tributum iudicasset, a parte populi, quæ curiis continebatur, aliquando fuisse infirmatum, præsertim in magistratuum creatione. Quin tamen hoc pro suo jure populus posset legi non dubito. Ac si ius ac potestas populi quæ-

ratur, non quid aliquando ab eo factum sit; perspicuum est, vera esse Ciceronis verba, cum dicit populo reprehendendi potestatem fuisse, si cum sui beneficii pœnituisse. Nec mirum videri debet, Ciceronem ad populum verba habentem, ita populariter de causa curiatorum comitiorum locutum esse, ut, tamen ob alias etiam causas, quam ut iterum judicaret populus de iis magistratibus, quos designasset magistratus, ornarentur lege curiata; illum tamen ulum potissimum, qui populi potestatem maxime respiceret, accommodare ad suam causam acciperet. Atque ut tandem meam de binis comitiis sententiam confirmandi finem faciam, rursus totam Ciceronis argumentationem adversus Rullum proprius inspiciamus. Decemviri Rullus ornabat lege curiata, hoc est, prætera illa, per tribus septendecim comitia tributa, volebat de eorum imperio, quod prætorium esse volebat Rullus, ferri legem curiatam. In eo Cicero docere vult, tribunalum plebis quod tantopere popularis hominis nomen accipitur, tantum abesse ab eo, ut popularis sit, ut, quod jus a maioribus in magistratuum creatione constitutum erat, in quo populi potestas maxime constaret, hic tribunalum plebis de eo jure nihil in his suis decemviris reliquerit. Nam majores bis de eodem magistratu judicandi potestatem populo faciebant, hic ne semel quidem judicandi de decemviris populo dat potestatem. Quæ enim tributa comitia de his haberi vult, ea pro nullis habenda sunt, quandoquidem major pars populi suffragio privatur: quæ adjungit curiata, ea jamdudum in usu esse desierunt, nec populus iis comitiis suffragium fert, sed triginta tantum lictores: nulla igitur Rullus sua lege populo relinquit comitia. Quod quid aliud est, quam populum jure suo privare? Cum ergo ea lex sit Rulli, qua optimo suo jure populus privetur, necesse est, & legem, & ipsum latorem legis nullo modo populares esse. Hanc argumentationem quis non videri deo adversus Rullum valere, quia cum vetustate obsolescent curiata comitia, tributa, quæ populo in usu erant, sua lege manca, & mutila populo dabat Rullus? Quod si integra reliquisset Rullus tributa comitia, & adhuc in usu fuissent curiata, plane in decemviris creandis morem majorem secutus fuisset: nec ullus fuisset locus huic Ciceronis argumento. Unde efficitur, eum fuisse morem majorem, quem dixi; ut scilicet ad iusta comitia curiata aut tributa in omnium magistratuum creatione adjungerent curiata: olim quidem & ad multam usque ætatem per triginta curias, posterioribus vero temporibus per triginta lictores: idque adeo, quod posterioribus temporibus de lege curiata tantum propter auspicia decis causa retentum erat, olim iustis comitiis peragi solitum fuisse. Concludatur ergo primum caput hac firmissima, opinor, ratione. Nihil obsolevisse recte dici potest, quod non aliquando in usu fuerit. Atqui ut de magistratibus lex curiata iustis comitiis ferretur, id obsolevisse dicit Cicero, & tantum ad usurpationem vetustatis auspiciorum causa retentum esse: cum interim adhuc retinerentur prima illa comitia curiata & tributa; prima, inquam, ex iis binis, quibus de singulis magistratibus apud majores populus judicabat. Necesse igitur est, ut id aliquando in usu fuerit in magistratuum creatione. Et si postremis temporibus obsolevisse dicatur, prioribus temporibus, adeoque apud majores, in usu fuisse necessario fatendum est. Nunc venio ad alterum caput: in quo demonstrare conabor, nec veram esse Sigonii de binis comitiis sententiam, nec loco Ciceronis accommodatam, nec illo, quem citat, Afconii loco ulla ex parte juvari. Quod scribit Cicero majores voluisse, ut de omnibus magistratibus binis comitiis populus judicaret, id Sigonius ita interpretatur, ut velit, qui magistratus centuriatis comitiis creabantur, binis

centuriatis; qui curiatis, bis curiatis creatos esse. Qua interpretatione cogitur, morem illum majorem ad illa modo Reipubl. tempora referre, quibus consules tantum & quætores Romæ creabantur, nec ulli alii præterea magistratus. Itaque cum ait Cicero, *nam centuriata lex consulis ferebatur, cum curiata ceteris patriciis magistratibus*, illud, *ceteris patriciis magistratibus*, de quætoribus interpretatur. Quæ interpretatio ut vera esse possit, necesse est, huic majorem instituto ad id usque tempus locum fuisse, quo ex patriciis tantum & consules & quætores fiebant. Hic ego doctorum omnium iudicium appello, an verisimile sit, Ciceronem ita locutum, *maiores de omnibus magistratibus bis vos sententiam ferre voluerunt*, si ad duos tantum magistratus consules & quætores id pertinuisse, aut quam sit accommodatum hoc genus loquendi, cum *curiata ceteris patriciis magistratibus*, cum unus tantum magistratus esse præter consules, qui patricius esset. Nam, quomodo convenit, ceteros patricios magistratus dicere, cum unus modo sit magistratus reliquus, de quo loquaris? Deinde vero sua interpretatione Sigonius hunc morem majorem ad id usque tempus locum habuisse significat, quo prærogativæ suffragium pro unis comitiis subrogatum est: idemque paulo post hunc locum, quem modo transcripsi, dicit: tum demum hanc prærogativam institutam esse, quando expleta sunt xxxv. tribus. Atqui ex historia constat, xxxv. tribuum numerum non fuisse expletum ante finem primi belli Punici. Oportebat ergo, ut prima novissimis apte convenirent, sic locum Ciceronis interpretari, ut quod de binis comitiis magistratuum dicit, omnibus conveniret magistratibus, qui Romæ erant, usque ad illud tempus, quod dixi post finem primi belli Punici fuisse. At Sigonius non negabit, multo tempore ante primum bellum Punicum, omnes magistratus, qui quidem populi ac non plebis tantum essent, promiscue ex patribus & plebe creatos fuisse: ac præter consules & quætores multos alios fuisse magistratus. Quomodo ergo apte mos ille majorem de quo loquitur Cicero, verbo coarctabitur ad patricios, tam paucos magistratus, cum re vera conveniat omnibus, qui tum erant, magistratibus, qui æque ex plebe creabantur atque ex patribus. Cum enim auctore Sigonio verum sit, magistratus, qui comitiis centuriatis fiebant, binis centuriatis fuisse creatos, ad illud usque tempus, dum prærogativa pro unis comitiis substituta est: hæc vero prærogativæ suffragio non ante quingentimum ad urbem condita annum eodem ipso auctore instituta sit: quid causæ est, cur Cicero, de hoc majorem instituto loquens, id quod in prætoribus & censoribus & omnibus consulibus, tam patriciis quam plebeis, verum fuit, ad consules tantum, atque eos patricios, traduxerit? Et quod ad quingentimum, & eo amplius, annum urbis cond. L. usitatum fuit, id non usque ad quadringentimum retulerit? Constat enim ex historia, ante quadringentimum annum urbis conditæ consules etiam ex plebe factos, cum multo ante tempore tribuni militares consulari potestate promiscue ex plebe & patribus facti essent. Quod si illa absurda videantur, nec aliunde tamen efficiantur, quam ex illa Sigonii interpretatione: reliquum est, ut minime accommodatam ad Ciceronis sententiam ejus interpretationem dicamus. Jam vero cum non possit Sigonius hanc prærogativæ pro unis comitiis substitutionem transferre ad illos magistratus, quos vult comitiis curiatis creatos; vellem pro binis comitiis curiatis, quid postea subrogatum sit, docuisset. An vult tandem fuisse bina curiata minorum magistratuum comitia, quamdiu fuerant bina curiata majorem magistratuum? Atqui id falsum est. Nam multo ante quam prærogativam institutam fuisse dicit, minores magistratus tributis

comitiis creabantur. Id quod ego doceo ex ædilitate Cn. Flavii. Aedilem enim tributum factum esse, historia testatur: ut a me in secundo de comitiis aperte ostensum est. Atqui multo ante tempore, quam expletæ essent xxxv. tribus, ædilis fuit Cn. Flavius. Quod si tum temporis ædiles curules tributis comitiis creabantur, cui dubium est, quin & quæstores & reliqui minores magistratus iisdem comitiis crearentur? Hoc ergo constitutum sit, multo tempore, antequam expletæ essent xxxv. tribus, minores magistratus tributis comitiis creari solitos. An dicit bina curiata in folis quæstoribus in usu fuisse? atqui id tandiu, quandiu ex patriciis tantum creabantur: postea tributis creatos fuisse? Quid vero mos ille majorum? ita ne repente abrogatus est, ut pro binis comitiis curiatis nihil substitutum sit? Nam prærogativæ suffragatio in tributis comitiis locum non habuit, nec jure vocatæ in his comitiis tribus intelligi possunt: quandoquidem semper uno modo habitata sunt tributa comitia, nempe ut forte omnes tribus educerentur: nec ullæ unquam tribus pro suo jure prius vocandæ fuerunt quam aliæ: quod fuit in centuriis faciendum, pro jure ordinis, census, atque ætatis. Ergo, qui binis comitiis curiatis creabantur quæstores, postquam admissum est, ut non minus ex plebe quam ex patribus fierent, repente unis comitiis tributis creari cœperunt? An non hoc est animi causa fingere? Quid si Cornelio Tacito credamus, quæstores quidem jam inde ab regibus fuisse, sed eos populi suffragio non fuisse creatos, nisi sexagimo tertio anno post reges exactos, qui annus incidit in annum urbis cond. cccvii. Coss. Sp. Herminio & T. Virginio, ut quod de quæstoribus scribit Plutarchus, sic interpretemur, quali velit Publiolum legem tulisse, qua ii, qui erant quæstores jam ante a Bruto consule nominati, ærario præficerentur. Constat enim ex Tacito, Brutum legem curiatam retulisse de quæstoribus, hoc est, legem curiatis comitiis tulisse, non qua populus quæstores crearet, (alioqui Tacitus sibi ipse contradiceret) sed qua consulibus permittebatur quæstores designare, perinde ut ante regibus licebat. Quæstores vero, quos primos dicit Tacitus populi suffragio fuisse factos, tributis comitiis declaratos ego suspicor: ita tamen, ut auspiciorum causa lex curiata post de eorum magistratu lata sit, quemadmodum in minoribus magistratibus ultimum fuisse scribit apud Gellium Meisala. Cur vero illud ita esse existimem, eo adducor, quod jamdudum in usu esse cœperant tributa comitia, non modo in legibus, sed etiam in plebeis magistratibus, post perlatam Voletonis legem. At, si vera est Taciti historia, quis locus restabit interpretationi Sigonii? Sin eorum potius sequamur opinionem, qui jam inde a regibus volunt populi suffragio creatos quæstores, dicat mihi Sigonius, quid causæ est, cur illud de binis comitiis curiatis ad solos quæstores transferat? quando ex historia constat, alios multos magistratus, tametli extraordinarios, creatos fuisse toto illo tempore, dum quæstores ex patriciis fiebant. Nam populi suffragio reperimus creatos duumviros dicendis sacris ædibus, triumviros coloniarum deducendæ, præfectos annonæ, quæstores parricidii. Quid? quæstoresne binis, hi omnes singulis curiatis creabantur? At, si probabilius videretur Sigonio, omnes binis, cur ad solos quæstores sua interpretatione id revocat? Illud etiam rogo, cum perspicuum sit, usque ad legem Voletonis perlatam, tribunos ædilesque plebis curiatis comitiis fuisse creatos, rogo, inquam, nunquid binis tam probabile est creatos fuisse, quam quæstores? Cur ergo sua interpretatione ad patricios coarctabat, quod pariter verum fuit in plebeis? Jam vero sua interpretatione Sigonius in binis comitiis nullum locum relinquit tributis comitiis, sed tantum mentionem facit centuriarum & curiatarum: cum tamen Ci-

ceronis contextus plane in binis illis, quæ dixerat comitiis tributa numeret. Nam, quid aliud sibi volunt hæc verba, *nunc quia prima illa comitia tenentis centuriata & tributa*, quam ut significent, ex binis comitiis, quæ more majorum habebantur de singulis magistratibus, prima fuisse centuriata & tributa, quæ etiam tum perinde, ut apud majores, in usu essent? Non est igitur verbis Ciceronis accommodata illa interpretatio, qua tributa magistratuum comitia excluduntur. Verum, ut magis ac magis urgeam, ac propius cum Sigonio congregiar, illa ipsa tempora, ad quæ nos revocat, consideremus; ac videamus, verumne sit, primis illis Reip. temporibus binis comitiis centuriatis consules creatos fuisse. Nos ex Ciceronis verbis docuimus, ultimum fuisse, ut magistratus lege curiata daretur ei, cui aliis veris justique comitiis datus erat. Ex quo consequetur, de quo magistratu lex centuriata lata erat, ultitati moris fuisse, de eo ut lex etiam curiata ferretur. At, si quando lex curiata iustis comitiis lata est, primis temporibus maxime id ultimum fuisse, Sigonius fateatur, necesse est. Primis ergo illis temporibus de consulibus lex curiata iustis comitiis ferebatur. Atqui, Sigonio auctore, centuriata lex bis de iisdem ferebatur. Non igitur binis modo comitiis de consulibus, ut ait Cicero, sed ternis judicabant majores. Quia enim imperii consularis præcipua pars in belli gerendi potestate consistebat, adeo ut consules creare idem prope esset, quod imperatores creare: auctore autem Cicerone, consuli, si legem curiatam non haberet, attingere rem militarem non licebat; necessario efficitur, omnibus tum consulibus legem curiatam ferri necessarium fuisse: primis ergo illis temporibus cum erant iusta populi per xxx. curias comitia, lex curiata ita de imperio consulum ferebatur, ut, nisi negare velimus libera fuisse populi suffragia, potestas populo esset jubendi, quod vellet de consulum imperio: atque adeo (quemadmodum Cicero dicit) reprehendendi quod jam decreverat, si populum beneficii sui pœneret. Semel igitur de consulibus a populo judicabatur curiatis comitiis: quibus si cum Sigonio adjungamus bina centuriata, relinquitur, ut non bis tantum, (quemadmodum ait Cicero) sed ter judicaret populus more majorum de consulibus. Venio jam ad locum Asconii, quem citat Sigonius ex commentario in 2. Verrinam. Eum locum video varie legi. Nam in quibusdam codicibus legitur eo modo, quo legit Sigonius, *bina omnino de iisdem candidatis*, in aliis, *bina de uno de iisdem*, in aliis, atque adeo in veteribus, ut testatur Hotomannus, *bina domo*, in aliis, meo quidem iudicio optime, *bina quodam modo de iisdem*, ita ut totus locus sic legatur: *Prærogativæ tribus sunt, quæ primæ suffragium ferunt ante jure vocatæ. Mos enim fuerat, quo facilius in comitiis concordia populi firmaretur, bina quodammodo de iisdem candidatis comitia fieri: quorum tribus primæ prærogativæ dicebantur, quod primæ rogarentur, quos vellent consules fieri: secundæ jure vocatæ, quod in iis sequente populo, ut sæpe contingit, prærogativarum voluntatem, jure omnia compleverunt.* Ex his Asconii verbis colligit Sigonius, prærogativæ sententiam pro unis comitiis habitam fuisse: reliquarum, quæ jure vocatæ dicebantur, iudicium pro alteris: atque ita bina quodammodo fuisse comitia de singulis candidatis, qui comitiis centuriatis magistratum accipiebant. In quibus habet me quoque adimplutorem. Verum hæcenus tantum. Nam, quod adjungit, hæc verba ad id pertinere, quod Cicero in 2. agraria scribit de binis comitiis: quodque ante institutum prærogativæ suffragationem integra dicit fuisse bina centuriata; atque id ex hoc Asconii loco se posse colligere existimat: in iis vero omnibus longe ab illo dissentio: eaque ex Asconii, aut verbis, aut sententia recte induci posse perne-

go. Primum enim scimus, Afconium Neronis ætate scripſiſſe; quo tempore nulla fiebant populi comitia, deſiderantque fieri jam inde a principio imperii Tiberii. Itaque cum ad filios ſcribat omnis rationis comitorum ignaros, quid mirum eſt, ſi, ut de re jam longe ab eorum notiſſa remota, ita de prærogativis & jure vocatis tribubus ſcribat? Cum ergo dicat, morem olim fuiſſe, ut bina quodammodo comitia de ſingulis candidatis fierent, non eſt id ad veſtigioſiorem morem referendum, quam ad eum, qui obſervabatur toto illo tempore, ex quo prærogativæ tribus & jure vocatæ eſſe cœperunt. Quoniam enim majorum inſtituto prærogativa juſtorum comitorum omen erat, eo reſpiciens Aſconius recte dicit prærogativæ ſententiam pro unis comitiis quodammodo fuiſſe. Verum ut non poteſt ex eo, quod dicitur, prærogativa omen fuiſſe juſtorum comitorum, recte colligi, ante inſtitutam prærogativam fuiſſe pro illa juſta quadam comitia, ita nec ex Aſconii verbis id concludi poteſt. Nam, quod de populi concordia in comitiis firmanda ſcribit Aſconius, id non eo pertinet, ut ſignificet, ne populus ægre ferret tolli altera ex duobus comitiis, quibus de magiſtratus judicare ante ſolitus erat, ideo prærogativæ ſuffragationem inſtitutam: ſed potius contra ipſa, ut ſcripta ſunt, verba ſignificant, cum ante non eſſent bina comitia, ad firmandam populi concordiam factum eſſe, ut quodam modo bina eſſent. Et certe (ut meam de hac re obiter ſententiam aperiam) quod de firmanda populi concordia ſcribit Aſconius, id ego ſic eſſe accipiendum exiſtimo. Non dubium eſt, quandiu Servii regis inſtituto habita ſunt centuriata comitia, quin tota vis comitorum eſſet penes primores, hoc eſt, penes eos, qui maximi cenſus erant. Idque adeo verum fuit, ut, quoniam equitum ac primæ claſſis centuriæ numero plures erant, quam reliquarum claſſium omnes centuriæ, vix unquam requireretur in dicendis ſuffragiis reliquæ multitudinis populi, quæ illis claſſibus continebatur, ſententia. Cum ergo mutatum eſt Servii inſtitutum, quod Livius libro primo docet factum eſſe poſt expletas xxxv. tribus: cumque duplicatus eſt numerus centuriarum a Servio inſtitutus, perſpicuum eſt, tum multo magis vix omnem ſuffragiorum illa centuriarum duplicatione in primores inclinaffe. Unde efficebatur, ut reliqua multitudo vix in partem veniret ſuffragiorum. Quod perquam grave ac moleſtum plebi futurum haud dubie erat, niſi huic incommodo prudenter ſubventum eſſet. Id vero ſortitione prærogativæ effectum eſt. Nam, ex omni populo ſorte deligebatur una centuria, quæ prima ſuffragium diceret: nec jam equites primi pro ſuo antiquo jure ſententiam dicebant, niſi ita fors tuliſſet: ſed æque in infimæ claſſis centurias id cadere poterat. Quocirca recte Aſconius dicit, prærogativæ inſtitutione firmatam fuiſſe populi concordiam. Et ſane, cum in populi ſuffragiis inſtituta eſt prærogativa, tum nova quadam comitorum forma indicta eſt, ac novum propemodum genus comitorum in remp. invecum. Quod enim omnes tribus primum in ſortem conjiciebantur, deinde omnes ejusdem tribus centuriæ, ut nullo habito delectu cenſus aut ætatis ea prima rogaretur, quæ prima exierat; hæc, inquam, omnia nova fuerunt, & in comitiis centuriatis non ante uſitata. Quandoquidem ſine ulla ſortitione ſemper vocarentur primæ pro ſuo jure equitum centuriæ: deinde primæ claſſis ſeniorum prius, poſt juniorum centuriæ. Quare non immerito dicit Aſconius, cum prærogativa inſtituta eſt, bina quodammodo fuiſſe facta comitia de iſdem candidatis. Quod ſi propter prærogativæ ſuffragationem in rempubl. invecum bina quodammodo de ſingulis candidatis comitia fuerunt: idque eſt, quod verba Aſconii ſignificant: omnes proſecto, qui recte conjiciunt, non id colligent ex Aſconii loco, quod

A Sigonius colligit, ante prærogativæ ſuffragationem fuiſſe bina centuriata comitia integra: ſed contra potius, cum ante non fuiſſent bina de iſdem candidatis comitia centuriata, prærogativæ inſtitutione factum eſſe, ut quodam modo bina eſſent: idque ad firmandam (ut Aſconius ait) populi concordiam. Poſtremo, cum prærogativæ ſuffragatio non minus ad legum ac judiciorum centuriata comitia pertinet, quam ad magiſtratum comitia: rectumne videri poteſt, quod Sigonius hanc prærogativæ ſententiam pro unis comitiis, quæ de magiſtratus habebantur, ſubſtitutam fuiſſe affirmat? Neque enim putare eum exiſtimo, bina etiam centuriata legibus ferendis ante inſtitutam prærogativam fuiſſe habita. At, ſi ad omnia pariter centuriata comitia pertinuit prærogativa, cur in uno genere comitorum pro unis comitiis dicitur ſubſtituta, in alio genere minime? Et quomodo Ciceronis loco interpretando, in quo de binis magiſtratum comitiis loquitur, proprie convenire dicitur? Si ergo loco illo Aſconii magis reſatur Sigonii de binis comitiis ſententia, quam confirmatur: ſi nullo hiſtoriæ teſtimonio nititur: ſi nullo modo ad verba Ciceronis eſt accommodata: mea contra & hiſtoriæ teſtimoniis & veterum ſcriptorum auctoritate confirmatur, & apte illi Ciceronis loco, de quo agitur, convenit; meæ potius quam Sigonii ſtandum eſſe ſententiæ omnes, opinor, docti judicabunt.

Ad ſecundam Sigonii reprehensionem priuſquam veniam, totum illud caput de imperiis mihi ex ejus libro huc tranſcribendum eſſe videtur; ut melius appareat, quibus in rebus mihi cum illo convenit, & quibus ab illo diſſentio: *Nunc dicendum eſt de imperiis. Eſt enim hoc ex propoſitis honorum generibus tertium. Imperium autem non jam majorem quandam prehendendi & coercendi poteſtatem, ſed exercitum habendi & belli gerendi facultatem appello; quomodo intellexit in Antonium Cicero, cum dixit: (Demus igitur imperium Ceſari, ſine quo res militaris adminiſtrari non poteſt.) Quod imperium quantum ab illo diſſerat, inde intelligi poteſt, quod imperium illud in urbe, hoc niſi extra urbem non haberet, niſi forte ſenatusconſulto ſummo illo, quo dixi, muniti fuerint conſules, ut provideant, ne quid republicæ detrimenti accipiat. Et magiſtratus quidem, qui illud habet, nullo alio honoris titulo, niſi qui magiſtratus nomine continetur, ornatus eſt: hoc qui adeptus eſt, idem imperatoris nomen uſurpat. Et illud quidem cum magiſtratu, & cum ſacſibus ipſis mandatur. (eſt enim juſ magiſtratus) hoc alia ratione, atque aliis comitiis, quam ipſe magiſtratus, deſertur. Mandatur autem aut magiſtratus, aut privatis: illis, ordine, ut prætoribus, conſulibus & dictatoribus: hiſ, extra ordinem, ut qui conſulatu aut prætura abierint, aut alio modo privati fuerint. Eſt autem operæ precium intelligere, quemadmodum cum conſulatus & prætura centuriatis comitiis, dictatura vero conſulis appellatione deferatur, ipſorum tamen imperium curiata lege, non centuriata firmetur. Hoc docet Livius, qui libro 5. dixit, comitia curiata rem militarem continere: & Cicero, qui in 2. agraria: (Conſuli, ſi legem curiatam non haberet, rem militarem attingere non licere.) Item, conſulibus legem curiatam ferentibus, a tribunis plebis ſæpe interceſſum eſſe. Et iterum Livius libro nono, qui ſcriptum reliquit, dictatori Papyrio legem curiatam de imperio ferenti triſte omen diem diſſidiſſe, quod Fautia curia principium fuerit. Ex quo ſuſpicari facile poſſumus, idem in prætoribus etiam eveniſſe. An vero hoc perpetuum in conſulibus fuerit, ut imperium habere, id eſt, bellum gerere, niſi lata lege curiata, nequiverint, merito revocari in quaſtionem poſſit. Primum enim illud movet admirationem, quod ex infinita prope conſulum multitudine, quos ad bella quotannis miſſos produunt hiſtoriæ, neminem præcipua hac curiata de imperio le-*

ge ornatum videmus. Deinde extant verba Cicero-
nis, ex quibus apparet, legem curiatam consuli re-
bus aptam fuisse, necessariam non fuisse. Sunt autem
in epistola ad Lentulum: (Appius cons. dicitur, se-
se, si licitum esset legem curiatam ferre, sortitum
cum collega provinciam; si curiata lex non esset,
comparaturum cum collega, & tibi succedurum. Le-
gem curiatam consuli ferre opus esse, necesse non esse.
Se, quoniam ex S. C. provinciam haberet, lege Cor-
nelia imperium habiturum, quoad in urbem introi-
set. Sunt qui putent, te non posse decedere, quod
sine lege curiata tibi succedatur.) Et libr. 3. ad Fra-
trem: (Appius sine lege curiata confirmat se Len-
tulo nostro succedurum.) Et libr. 4. ad Att. (Appius
sine lege, suo sumptu, in Ciliciam cogitat.) Quibus
verbis significat, consuli fuisse utilem legem curiatam,
verum non necessariam. Nam etiam sine ea imperium
obtinuisse. Probe. Nam ante legem quidem Corne-
liam, qui provinciam habebat, si ultra annum eam
obtinuisset, prorogatione imperii eguit: lege autem Cor-
nelia, donec in urbem reversus esset, imperium (ut
ille innuit) tenuit. Præterea vero, qui legem curia-
tam non habebat, si ne senatus quidem consulto eo
ornatus fuit, quo sumptus de publico suppeditabatur:
qui autem habebat, viaticum a senatu obtinuit. Quo-
circa legem curiatam utilem quidam appellavit, quia
sine ea viaticum obtineri non poterat: non neces-
sariam vero, quia etiam sine ea haberi in provincia im-
perium poterat. Age vero, magistratus sine lege cu-
riata imperium habuerunt: nunc vero privati eam de-
siderarunt? multo (ut mea fert opinio) minus. Hoc
cum multa confirmant, tum maxime verba Ciceronis
in secunda agraria, cum ait: inauditum & plane
novo more esse, ut curiata lege magistratus detur,
cui nulli ante comitii sit datus: id est, ut imperium
privato lege curiata tribuatur. At, qua lege priva-
ti imperium a populo acceperunt? nempe tributa. Ut
de continuando P. Scipioni imperio Livius: (Con-
sules iussi cum tribuni plebis agere, ut, si in videret-
ur, populum rogarent, quem vellent in Africa bel-
lum gerere. Omnes tribus populi Scipionem iusserunt.)
Et de Lentulo ac Stertino: (Plebs Cornelio Lentu-
lo & L. Stertino procons. imperium esse in Hispania
iussit.) Sic Cn. Pompeio magno contra piratas lege
Gabina: adversus Mithridatem lege Manilia. Ani-
madverto etiam imperium privato sepe S. C. manda-
tum. Ut Cn. Pompeio proconsuli adversus Sertorium
in Hispaniam: Cn. Pisoni auctore Salustio propret. in
eandem: C. Octaviano propret. ex sententia Cicero-
nis adversus M. Antonium Mutinam coloniam oppu-
gnantem. Qui autem a senatu imperium acceperunt,
eos nomen imperii tantum, sine ullo viatici subsidio,
assecutos, nescio an ex Pompeii epistola conscribi possit,
quam ad Senatum ex Hispania Proconsul misit; &
stipendium petiit: que est apud Salustium: (Equi-
dem fateor, me ad hoc bellum maiore studio quam
consilio profectum: qui, nomine modo imperii a vobis
accepto, diebus quadraginta exercitum paravi.) Cur
autem privati lege curiata imperium accipere non po-
tuerunt? credo, quia curiata comitia auspiciata erant.
Proconsoles autem & Propretores, utpote qui, teste
Cicerone, privati & sine magistratu essent, auspicia
non habebant: tributis autem comitiis recte accipien-
bat, que erant, ut dixi, inauspicata. Nam P. Sci-
pionis, quem privatam cunctis centuriis cum imperio in
Hispaniam missum esse inquit Livius, novum plane ac
singulare exemplum est. Atque hæc quidem mea de
imperio sententia est. Neque enim satis probare pos-
sum eruditi homini in primis ac disertis Nicolai Gruchii
opinionem, qui bis duntaxat, quas proposui, au-
thoritatis fretus, neminem omnino censet sine cu-
riata lege imperium habuisse: cum tamen iisdem te-
stimoniis privatos homines tributa lege imperium ac-
cepisse facile revincatur. Neque vero in eo etiam illi
assensior, quod ait legem curiatam bis esse latam:

primum, magistratus mandandi causa; deinde, im-
perii transmittendi. Quod quoniam unus Ciceronis
ex 2. in Rullum testimonio nixus affirmat, an in ius-
sit in ea re Ciceronis sensus, paulo diligentius, quod
etiam supra, cum de suffragiis ageremus, fecimus
exquiramus. Sic loquitur Cicero: (Primum lege cu-
riata decemviro ornat. Jam hoc inauditum, & pla-
ne novo more, uti curiata lege magistratus detur,
cui nullis comitiis ante sit datus.) Dico igitur Cicero-
nem (ut sepe alias solet) captiose agere atque ar-
gute: aliamque, quam quæ erat, Rulli sententiam
demonstrare. Nullus enim decemviro agrario legi co-
mitiis tributis volebat, curiatis autem imperio deco-
rari. Sed quoniam non omnes tribus ille advocari ju-
bebat, propterea ea comitia pro nullis esse habenda
existimat: ac reprehendit, quod novo more imperium
detur lege curiata ei, cui magistratus nulli ante co-
mitiis datus sit. Inde alteram captionem adfert: pe-
rinde enim verba legis Serviliæ accipit, quasi Rullus
magistratum decemviris binis comitiis mandari jube-
ret, tributis & curiatis; non autem magistratum tri-
butis mandaret, imperium curiatis: & vitio dat,
quod tributa comitia imperfecta asserat, curiata ob-
soleta referat. Idque eo indignum esse ostendit, quod,
cum apud maiores bina essent comitia, centuriata,
quibus consules, & curiata, quibus reliqui magistra-
tus crearentur, eaque his haberentur, ut esset repre-
hendendi potestas, si populum beneficii sui peniteret,
hic tamen comitia bina adhiberit ille quidem, sed
aut manca, aut obsoleta. Ex quo intelligi potest,
Ciceronem aptius ad causæ, quam ad veritatis ratio-
nem ita disputasse: idque cum, cum apud imperitam
multitudinem ageret, facile efficere potuisse. Summa
nostræ controversiæ est de lege curiata, quæ ma-
gistratibus ferebatur. Ego eam ad omnes magistratus,
qui populi, ac non plebis modo essent, pertinuisse
asserō. Sigonius ad paucos, atque adeo ad eos mo-
do, qui rei bellicæ imperium habuerint, pertinui-
se existimat. Ac ne iis quidem magistratibus, qui
bus militare imperium erat, necessariam fuisse le-
gem curiatam dicit. Ego contra necessariam iis fuisse,
ad legitimum obtinendum imperium, confir-
mo. Sed quoniam tota hæc controversia nostra di-
rimenda est ex veterum auctorum lectione, ego a-
liquot locos, in quibus fit mentio legis curiatae,
subijciam, atque ita tractabo, ut meam opinionem
illis locis confirmari, Sigonii vero sententiam, aut
infirmari, aut non juvari doceam. Livius libr. 5.
ita loquentem inducit Camillum. Comitia curiata,
quæ rem militarem continent; comitia centuriata,
quibus consules tribunosque militares creati, ubi au-
spicatio, nisi ubi ad solent, fieri possunt? Vciosne hæc
transferemus? an comitorum causa populus tanto in-
commodo in desertam hanc ab aliis hominibusque ur-
bem conveniet? Ex hoc Livii loco hæc omnia vi-
deantur colligi posse. Primum, auspiciata comitia
hæc tantum duo fuisse, centuriata & curiata. Cum
enim vellent Camillus populo dissuadere, non esse
Veios Roma relicta migrandum, idque potissimum
vellet docere, non posse populum, quin se religio-
ne obstringeret, id facere: hanc de auspiciis ratio-
nem attulit; quæque erant auspiciata comitia, ea
negat posse auspicio haberi, nisi Romæ. Quæ cau-
sa est, ut tamen jam tum frequens usus esset tribu-
torum comitorum, eorum tamen nullam faciat
mentionem: quia scilicet non ab omnibus comitiis
argumentum duceret, sed ab iis modo, quæ auspici-
ata essent. Illud etiam ex eo loco intelligi potest,
Camillum, quo magis populum commoveret, co-
mitiorum centuriatorum & curiatorum usum illo
tempore & frequentem, & maxime necessarium po-
pulo proposuisse, cum dicit curiata comitia rem mi-
litarem continere; comitiis centuriatis conules tri-
bunosque militares creati. Attamen si quis ex eo
colligere vellet, nullum alium horum comitorum

usum tum fuisse, conclusionem & falsam & ineptam faceret. Certum est enim, ut tum temporis mutæ leges ferebantur centuriatis comitiis, ita curiatis comitiis tum in arrogationibus, tum in maximi Curionis ac Flaminum creatione, populum usum fuisse. Unde efficitur, alios etiam usum tum fuisse horum comitiorum, quam hi, quorum meminit Camillus. Illud quidem certe verum est, quod dicit Camillus, curiata comitia rem militarem continuisse: hoc est, magistratibus omnibus, qui rem militarem attingerent, adeo necessaria fuisse curiata comitia, ut non possent, nisi lege curiata de eorum imperio perlata, rem militarem attingere. Ex quo apparet, quam necessaria erat Reip. administratio rei militaris; tam fuisse necessarium usum curiatorum comitiorum. Idque, quod de lege curiata dixi, adeo verum fuit, ut non modo consulibus aut tribunis militaribus, quos solos majores magistratus adhuc populus creaverat, curiatis illis comitiis opus fuerit; sed etiam dictatori, qui absque populi suffragio fiebat. Ex quo perspicuum est, usum curiatorum comitiorum latius patuisse, quam centuriatorum: si quidem curiata de omnibus magistratibus, qui tum temporis ad bella gerenda mittebantur, haberi oportebat; non de omnibus centuriatis. Quod autem de dictatore dixi, ex illo etiam Livii loco doceri potest, qui scribitur lib. 9. 1. Decad. ubi de L. Papyrio dictatore ita loquitur: *Atque ei legem curiatam de imperio ferenti, tristic omen diem diffudit: quod Fautia curia principium fuit, duabus insignis cladibus, capte urbis, & Caudine pacis: quod utroque anno ejusdem fuerat principium. Macer Licinius tertia etiam clade, que ad Cremeram accepta est, abominandam emfacit. Dictator postero die auspicii repetitis legem pertulit. Quem locum si diligentius perpendere velimus, non modo id perspicimus verum esse, quod de dictatore dixi, sed etiam usitatum fuisse, ut de imperio consulum aut tribunorum militarium consulari potestate, qui ad illam usque ætatem creati erant, singulis annis lege curiata ferretur: nam, quo anno urbs capta est, tribuni militum consulari potestate erant tres Fabii Q. N. & Cæso, P. Sulpitius, Q. Servilius Fidenas, 4. P. Servilius Maluginensis. Cum facta est pax Caudina, consules erant T. Veturius & Sp. Posthumius. Et cum cæsi sunt ad Cremeram, Fabii coss. etiam erant, qui summum imperium habebant. Ex hoc igitur loco apparet & de illorum tribunorum militarium, & de horum consulum imperio latam fuisse legem curiatam, in qua Fautia curia fuit principium. Cum vero Livius ita loquitur, *quod utroque anno ejusdem fuerat principium*, nonne significat, usitatum fuisse, ut singulorum annorum consulibus aut tribunis lex curiata ferretur, in qua non Fautia, sed aliqua alia melioris ominis curia principium esset? Quo magis miror Sigonium, diligentissimum historiæ Romanæ observatorem, scribere, ex infinita consulum multitudine, quos ad bella quatuordecim annis produnt historiæ, neminem præcipua hac curiata de imperio lege ornatum videri. Est & alius locus Ciceronis in 2. Agraria, qui ita scribitur: *Consuli, si legem curiatam non habet, attingere rem militarem non licet: hic qui vetat intercedi potestatem, etiam si intercessum sit, tamen eandem constituit, quam si lata esset lex.* Hunc locum ego sic interpreto. Irrendendus est Rullus, inquit Cicero, in eo, quod suis vult decemviris licere, quod ne consulibus quidem licet. Ut sit argumentum a majori ad minus, quod ita tractari possit. Consularis imperii pars potissima est in rei militaris, quam pro jure sui magistratus habet, potestate: attamen consulibus non licet absque lege curiata rem militarem attingere: atque adeo non licet ea, quam habent, potestate uti, absque lege curiata: multo ergo minus id licere debet decemviris agrariis, ut sua, quanta*

Alia Rullo datur, potestate uti possint. Ex iis ergo locis quid possit elici, quo nostra controversia dirimatur, videamus. *Consuli* (inquit Cicero) *non licet rem militarem attingere absque lege curiata.* Hoc vero si consuli non licet, multo minus prætori licet; in quo etiam mecum Sigonius consentit. Atqui hoc ipsum licere rem militarem attingere, est imperium obtinere: quod etiam concedit Sigonius. Nulli ergo consuli aut prætori licuit militare imperium obtinere absque lege curiata. Adde nunc & primum illum Livii locum, *comitia curiata rem militarem continent.* Quid est, Sigoni, comitia curiata rem militarem continere, aliud, quam sine lege curiatis comitiis perlata, nemini licuisse rem militarem attingere? An non illis verbis Camillus necessarium usum comitiorum curiatorum populo subjecit? Quod si comitia curiata ad rem militarem necessaria fuisse locus ille convincit: illa vero necessitas non possit in alia re intelligi, quam ut de lege curiata intelligatur, quæ magistratibus militare imperium habentibus ferebatur: illud profecto necessario fatendum est, quod a me libro tertio de comitiis dictum est, omnibus magistratibus, qui cum imperio in provincias mittebantur, necessariam fuisse (ut nihil per vim, aut præter leges fieret) legem curiatam. Quod vero Sigonius de Appio consule ex Cicerone profert, meam magis confirmat sententiam quam suam: fatebatur enim Appius lege curiata sibi opus fuisse, hoc est, ut jure ac more majorum imperium obtineret, egressis lege curiata: cur enim tantopere contendisset, ut sibi curiatam legem ferre liceret? At, perverse & maligne interpretando legem Corneliam, non esse omnino necessariam sibi legem curiatam dicebat; lex enim Cornelia non de obtinendo, sed de prorogando imperio erat. At Appius ita in rem suam interpretabatur, quasi liceret ei imperium habere per legem Corneliam, etiam non observatis iis, quæ more ac instituta majorum ad obtinendum legitimum imperium erant necessaria. Quod autem dixi, si jus quidem quæretur, Appio necessariam fuisse legem curiatam, verba Ciceronis, quæ continuo sequuntur, significant: *Ego, quid ad te tuorum quisque necessarium scribat, nescio: varias esse opiniones intelligo. Sunt qui putant posse te non decedere, quod sine lege curiata tibi succedatur. Sunt etiam, qui, si decedas, a te relinquere posse, qui provincie præsit. Mihi non tam de jure certum est (quantum ne id quidem valde dubium est) quam illud ad tuam summam amplitudinem, dignitatem, libertatem, (qua te scio libentissime frui solere) pertinere, te sine ulla mora provinciam successoris concedere, nonne id non dubii juris fuisse Cicero significat, quia sine lege curiata Lentulo succedere volebat Appius, potuisse Lentulum imperium retinere, ac successorem non admittere? Attamen, ut de jure suo potius decedat, consulit Lentulo Cicero. Extra ordinem ergo & præter leges imperium obtinebant, qui sine lege curiata in provincias proficiscebantur; ut plane superiora illa cum his postremis collata convincunt. Quare, cum vel a populo, vel a senatu datum privato alicui imperium legimus, quia nihil aliud intelligere possumus, quam ex privato factum esse aliquem aut proconsulem aut proprætorem; id vero erat aut consulare, aut prætorium ei imperium dare: hoc porro imperium ut legitimum esset, accessione legis curiata opus habuit: necesse est, ut fateamur, eos omnes, qui privati in provincias cum imperio mittebantur, lege curiata ornari oportuisse. Nam si iis, qui in magistratu essent, lege tamen curiata opus fuit, multo profecto magis iis opus fuit, qui privati erant: postquam certe iustis quibusdam comitiis magistratum acceperant, præsertim post legem a C. Cornelio tribuno plebis perlatam, ut pluribus docui libro 2. de comitiis. Cum enim iis, qui*

cum imperio mittebantur in provincias, quas prætoris fenatus nominaverat, lex curiata ferebatur; nunquid probabilis est, unam simul omnibus latam fuisse, quam vel seorsum de unoquoque, vel de quibuscumque latam fuisse, de aliis minime? Atqui sæpe usqueveniebat, ut in hoc numero essent multi, qui non erant ex prætorum illius anni collegio, sed vel ex proximo, vel ex aliquo etiam superiore prætorum collegio: qui quidem tum privati erant. Quam ergo probabilem causam adferre poterit Sigonius, cur illius anni prætoribus, qui in provincias ire vellent, ferretur lex curiata, aliis prætoribus, qui simul cum iis in provincias ac pari imperio mittebantur, non ferretur? Quod idem in iis etiam queri potest, qui in eas, quas fenatus consulares decreverat, mittebantur. At proprætores & proconsules (inquit Sigonius) nec magistratus erant, nec auspicia habebant. Illud falsum, hoc verum. Nam, si magistratus non fuerunt, improprie, ne dicam inepte, locutus est Cicero, qui toties hoc eos nomine appellat, cum alias, tum vero sæpe in orationibus: ubi conqueritur, a nostris magistratibus diripi provincias, a magistratibus focios vexari. Ut omittam, plane id absurdum videri, non esse eum magistratum, qui fasces, qui summum imperium, ac potestatem habere passim apud Latinos auctores legatur. Et quætores scilicet, qui extra urbem provincias obtinebant, magistratus fuerunt: prætores provinciarum non fuerunt. Quod vero negat auspicia habuisse proconsules & proprætores, id facit auctor Cicero libro 2. de Divinatione: neque tamen in eo mihi satis causæ esse videtur, ut lege curiata eos ornatos fuisse negandum sit. Quibus enim consulibus provinciæ dabantur ætate Ciceronis, eas fere non administrabant, nisi peracto anno sui consulatus; unde apparet, proconsules illos suas provincias gessisse. Ad imperium tamen illud provinciale transmittendum, lege curiata iis opus fuisse demonstravi. Quamquam ergo illis provincialibus imperiis gerendis auspicia non adhiberent; iis tamen obtinendis auspiciata lege curiata opus habebant. Quod ergo proconsules auspicia non haberent, non potest ratio esse, cur lege curiata non ornarentur. Tamen enim posterioribus temporibus, nescio quo antiquæ religionis contemptu, neglecta ac plane omissa essent auspicia bellica, quæ in bellis gerendis majores fervari voluerant: quin tamen auspiciato crearentur iis magistratibus, quibus militate imperium dabatur, id vero non dubito: eoque adducor, tum illis, quas ante adduxi, rationibus, quæ hac una conclusione comprehendi possunt: Nullus magistratus imperium obtinere jure ac legibus potuit absque lege curiata: omnes proconsules & proprætores magistratus & fuerunt, & ab Latinis auctoribus appellati sunt. Nullus ergo horum absque lege curiata legitimè imperium obtinere potuit: tum vero T. Livii verbis ita initio libri 6. 3. Decad. quæ ita habent: *Principio ejus anni, cum de literis L. Martii referretur, res gestæ magnificæ visæ: titulus honoris, quod imperio non populi jussu, non ex auctoritate patrum dato, proprætor senatus scripsisset, magnam partem hominum offendebat. Rem mali exempli esse, imperatores legi ab exercitibus & solenne auspicatorum comitiarum in castra & provincias procul ab legibus magistratibusque ad militarem temeritatem transferri.* Verba enim illa, *solenne auspicatorum comitiarum*, non possunt de tributis comitiis intelligi, quibus tamen fere tum temporis proprætores & proconsules fiebant, ut etiam fatetur Sigonius: neque enim tributaria comitia auspiciata erant. At ne id quidem potest de centuriatis intelligi, quæ proconsulibus & proprætoribus creandis vix unquam leguntur habita, nisi in uno P. Scipione, cum procos. in Hispaniam missus est, idque novo more & extra ordinem, ut etiam recte Sigonius scribit. Restat igitur, ut de cu-

ariatis comitiis intelligatur. Quare præter illa inauspicata plebis comitia, quæ de proprætoribus a tributis plebis fere semper tum habebantur, alia etiam comitia auspiciata, atque illa curiata, habita fuisse oportet; aut verum non est, quod de proprætorum imperio loquens Livius dicit, *solenne auspicatorum comitiarum*. Sequitur nunc, ut ostendamus, non eos solum magistratus, quibus militare imperium erat, lege curiata ornatos fuisse; sed etiam alios magistratus, qui quidem populi ac non plebis tantum magistratus essent. Ac primum omnes, qui magistratum minorum nomine continentur, illis Messala verbis, quæ a me citata sunt, ex A. Gellii lib. 13. cap. 14. lege curiata ornatos fuisse, verba illa aperte demonstrant: *Reliquorum magistratum minorum sunt auspicia. Ideo illi minores, hi majores magistratus appellantur. Minoribus creandis magistratibus, tributis comitiis magistratus, sed justius curiata datur lege. Majores centuriatis comitiis sunt.* Nam, si eorum auspiciorum, quæ erant penes patricos, partem alteram habuerunt minores magistratus, necesse est, ut illa auspicia a populo accepta haberent, auspiciatis quibuscumque comitiis fuisse creatos. At tributa, quibus creabantur, auspiciata non erant: non ergo iustum magistratum tributis accipiebant. Quia ergo minoribus magistratibus centuriata non adhibebantur, relinquatur, ut curiata de iis haberentur. Illudque adeo est, quod ait Messala, justius iis dari magistratum curiata lege, quam tributis comitiis. Et quod innuit Cicero in 2. Agraria, cum scribit curiata comitia tantum auspiciorum causâ remanuisse. Ita enim omnino accipiendum est, ut significet, illa quidem comitia, quæ olim de magistratibus triginta curiarum suffragio habebantur, delisse fieri; eorum tamen speciem atque imaginem retentam esse propter auspicia. Ex quibus perspicuum est, omnibus quæstoribus, omnibus ædilibus curulibus, omnibus tribunis militaribus, ac reliquis minoribus magistratibus, iis exceptis, qui plebis tantum, non populi erant magistratus, lege curiata opus fuisse. Et quoniam non modo Messala, sed etiam Cicero hoc loquendi genere utitur, ut lege curiata magistratum dari dicat, falsa sunt illa Sigonii pronuntia-ta: Aliis comitiis magistratum, aliis imperium dari: lege curiata imperium, non magistratum accipi. Quin potius contra, qui tributis comitiis creabantur, justius curiata lege magistratum accipiebant, quam tributis comitiis. Cicero certe pro iisdem accipit has omnes dicendi formas, *decemviros lege curiata ornari, decemviros lege curiata magistratum dari, decemviros legem curiatam ferri, decemviros lege curiata potestatem habere.* Quod vero in decemviris Cicero dicit, cur non possit ad alios magistratus transferri nulla causa est. Triumviros ergo, quinquaviros, aut quotquot creari placebat, sive ad agros dividendos, sive ad colonias deducendas, cum dicemus lege curiata ornatos fuisse, hoc dicemus, quam habebant potestatem, atque adeo suum magistratum, lege curiata, quæ ad comitia tributa accedebat, accepisse. Neque enim verisimile est, quod dicit Sigonius, lege curiata huiusmodi magistratus imperium, hoc est, ut ipse interpretatur, belli gerendi facultatem accepisse. Nam, qui non coloniz deducende, sed agro tantum publico dividendo creati erant, ex urbana plebe maxime, iisque adeo civibus, qui erant e sexta classe, omni onere militiz immuni, eos desumebant, quibus agros assignabant. Et qui in colonias nomina dabant, tametsi ex iis magna ex parte essent, qui sub iis ducibus meruerant, quorum opera in populi Romani potestatem ea oppida venerant, in quæ coloniz deducebantur; omnes tamen in pacata iam oppida, non ad bellum gerendum se proficisci credebant. Quis vero unquam hanc nominis dationem in coloniam, aut in agrum, delectum milita-

litarem appellavit? Quis ductores coloniarum (de iis non loquor, quæ postremis temporibus coloniarum militares dictæ sunt) imperatores vocavit? Quod ergo imperium militare intelligi potest, ubi nullus hostis, nullum bellum decretum, nullus delectus, nullus imperator cernitur? Ad sub vexillo, inquit, deducebantur. Id quidem verum est. Attamen in eo ego umbram tantum ac speciem imperii militaris agnosco, verum imperium non agnosco. Atque, ut meam tandem opinionem proferam de imperio magistratuum, omnes ego magistratus potestatem habuisse existimo; quæ tam late pateret, quam jus sui magistratus: hoc est, reipublicæ procuratio, quatenus ei publice demandata erat. Verum in ea potestate alii imperium habebant, alii non habebant. Imperium habuisse dicuntur omnes, qui pro suo magistratu, hoc est, qua patebat sui magistratus potestas, jus habebant imperandi; ut quædam ut parendi necessitatem imponerent. Idque jus imperandi in quibusdam magistratibus tam in rebus bellicis quam in rebus urbanis valebat: ut in consulibus, quibus domi bellicæ suum imperium erat. Et quoniam prætores collegæ erant consulibus, illorum etiam imperium pariter ad res bellicas & urbanas valuisse reperitur: adeo ut verum sit, prætoribus jus fuisse imperandi domi & militariæ, prout ut consulibus; tamen majus esset consulibus imperium quam prætoribus. In aliis magistratibus jus imperandi ad res tantum urbanas pertinebat, ut in censoribus, quibus in omnes cives jus fuit imperandi eatenus, quatenus census agendi potestas pertinebat. Ac ne quis dubitet, censes imperium habuisse, citabo locum Livii ex i. Dec. lib. 4. ubi de censura loquens, nomen imperii ei attribuit: verba dictatoris Amylii, qui annum ac semestrem censuram ex quinquenniali facere volebat, hæc sunt: *Se, quod intra muros agendum esset, libertati populi Romani consultum. Maximam autem ejus custodiam esse, si maxima imperia diuturna non essent.* In aliis vero magistratibus jus imperandi in re tantum bellica valebat, ut in tribunis militaribus ad legiones. Nam, imperium eos habuisse, verba Livii ostendunt, cum de his ita scribit lib. 9. Dec. 1. *Et duo imperia eo anno duxerunt per populum, utraque ad rem militarem pertinentia. Unum, ut tribuni militum seniores in quatuor legiones a populo crearentur.* Hic vero libens obiter rogarem Sigonium, quomodo in his tribunis militum (quorum erat hujusmodi magistratus, ut totus consisteret in rei militaris administratione) magistratum ab imperio distinguit, & quomodo unis comitiis magistratum, aliis comitiis imperium dabit? Ut ergo multa essent ac diversa munera publica, in quibus magistratum imperium cerneretur; verbi tamen significatio una semper erat, ut imperium significaret majorem illam reipub. gerendæ potestatem, in qua inesset coercendi cogendique facultas, quæ parendi necessitatem imponeret. Quod si in omnibus, qui in provincias mittebantur, pariter & eodem modo verum fuit, eos fuisse cum imperio, ita ut illud cum imperio esse una verbi significatione in omnibus illis acciperetur; verum profecto non est illud cum imperio esse significare exercitui præesse, cuius quis imperator esset: permultos enim legimus provincias consulares aut prætorias obtinuisse cum imperio, quibus tamen nullus exercitus, cui præesset, decretus erat. Cur enim in pacatis provinciis, & in quibus nulla esset belli suspicio, mitteretur exercitus? At in pacatis provinciis quam multi prætores missi leguntur? Quintemque consulares provincias interdum tales decernebantur, in quibus exercitu nullo modo opus esset. Svetonius in Cæsare ita scribit: *Eandem ob causam opera optimatibus data est, ut provincie futuris consulibus minimi negotii, id est, sylvarum callesque decernerentur.* His, opinor, administrandis ignobilibus

provinciis, quæ sylvarum publicarum & saltuum publicorum, in quibus pascerentur pecora, unde scripturæ vectigal conficiebatur, procuratorem continebant, legionibus opus non fuit. Ex quibus efficitur, si illi modo imperium habuisse, aut cum imperio fuisse dicantur, qui exercitum habuerunt, cui præessent, quemadmodum videtur velle Sigonius, permultos fuisse consules ac prætores, qui in provinciis mittebantur, quos, non fuit verum dicere, cum imperio fuisse. Illud quidem certe verum fuit, potestatem eos habuisse exercitus comparandi, si quid accidisset in sua provincia, cur exercitu opus esse videretur: at verum non fuit, omnes exercitui præfuisse. Potius ergo illud, cum imperio esse, significabat talem magistratum obtinere, in cujus potestate inesset belli gerendi facultas, tamen nunquam bellum attingeret; quam ut significet, cuiusdam exercitus imperatorem esse. Jam vero cum legimus, magistratibus prorogatum fuisse imperium, si in eadem significatione verbum imperii accipiat in omnibus magistratibus, ita necesse est vim illius verbi interpretari, ut omnibus illis accommodari possit. At, si ita interpreteris, ut tantum significet, potestatem ducendi exercitus, cui quis præerat, ei prorogatum esse, non omnibus accommodabitur, quandoquidem multi exercitum nullum habuerunt, quibus prorogatum fuisse imperium legitur. Non ergo hoc significat imperium, quod dicit Sigonius. Et sane, cum prorogatum imperium legimus, aliud nihil intelligere possumus, quam magistratui continuatam esse eam, quam habebat jure sui magistratus, potestatem; sive jurisdictionem, sive rem bellicam spectes. Ac si prætoris potestas non modo cernitur in rei militaris administratione, sed etiam in jurisdictione, & omni reliqua reipub. administratione, quoad fines suæ provincie paterent: illud autem certum sit ex 5. Philippica, cum decretum est Cæsari Octaviano imperium a senatu, prætoris potestatem ei datam esse: sic enim scribitur: *Demus igitur imperium Cæsari, sine quo rei militaris administrari, teneri exercitus, bellum geri non potest: & ut sit prætor eo jure, quo qui optimo.* Datum ergo Cæsari imperium, non significat idem, quod belli gerendi potestatem ei datam esse, sed reipub. capeffendæ, ac muneris publici auctoritate publica gerendi datam ei potestatem: cuius pars esset rei bellicæ administratio, non tota ipsa potestas: omninoque illud, *Demus imperium Cæsari*, aliud nihil significat, quam ex privato faciamus eum magistratum, atque adeo prætorem, cuius magistratus jure prætorium imperium habeat, tam jure dicendo, quam in bello gerendo. Nam, si ita interpreteris, ut vult Sigonius, inepta repetitione utetur Cicero, cum dicit: *demus Cæsari potestatem belli administrandi, sine qua bellum administrari non potest.* Verum, omissa hac de significatione verbi imperii disputatione, ut ad legem curiatam redeam, ego sic rursus communem rationem concludam: *Omni magistratui, cui pro jure sui magistratus licuit rem militarem attingere, opus fuit lege curiata. Atqui omni dictatori, omni consuli, aut consulari potestatem habenti, omnique prætori, aut prætoriam potestatem habenti, licuit pro jure sui magistratus rem militarem attingere. Omni ergo dictatori, omni consuli, aut consulari potestatem habenti, omni denique prætori, aut prætoriam potestatem habenti, opus fuit lege curiata.* Nam omnium dictatorum par fuit atque eadem potestas; itemque consulum: tamen diversæ essent provincie, nunquam fuit potestas dispar, aut unius consulis majus imperium, quam alterius: quod item verum est in prætoribus. Si ergo horum quibusdam licuit pro jure sui magistratus rem militarem attingere, omnibus licuit. Quod si potestatem habere administrandi rem bellicam, tamen nun-

quam bellum attingas, satis causæ habet, ut imperium quis obtinuisse dicatur: illa vero potestas non adventitia fuit, sed in ipso magistratu inserta: certe in ipso magistratu tale imperium inerat, quale vult lege curiata datum fuisse Sigonius. Ex historiæ Livianæ lectione perspicuum est multos dictatores fuisse, qui nullum bellum externum gesserunt, ut qui ob tumultus suspensionem, qui tamen nullus fuit, creati sunt (sicuti Æmilius Mamercus, is, de quo supra mentionem feci) qui ad sedandas domesticas seditiones facti leguntur, qui ad magistratuum habenda comitia, qui clavi figendi, qui ludorum primum instituendorum causa creati produntur. Quin tamen in horum omnium dictatorum magistratu inesset belli administrandi facultas, qua, si res ita postularet, uti possent, negari non potest. Sed, quia exercitu nihil opus erat, non utebantur ea, quam habebant, potestate illa ex parte: sed quam ad rem potissimum dictatorio imperio opus esse senatus iudicasset, in ea suum imperium exercebant. Ut enim magister equitum (qui magistratus, ut ipsa appellatio docet, proprie rem militarem respiciebat, nempe, quod equitum dux esset) non semper hoc munere sui imperii in bello gerendo utebatur: ita dictator, cum in sui imperii prima ac potissima parte id haberet, ut peditum dux esset; non tamen ea semper parte imperii utebatur, sed ad necessitatem rei publ. imperium suum conferebat. Quin tamen uterque, quacunque de causa creatus esset, imperium haberet militare, id vero negari non potest. Sumamus, exempli causa, L. Quintum Cincinnatum dictatorem, & C. Servilium Ahalam magistrum equitum, qui ad opprimendum Sp. Melium, regnum affectantem, creati sunt. Quod ergo illi prædicia undique in urbe disposuisse leguntur, nonne pro imperio illo militari, quod habebant, id fecisse dicendi sunt? Id vero imperium militare, qua lege, nisi curiata obtinebatur? Non igitur verum est, quod scribit Sigonius, imperium, quod lege curiata obtinebatur, non, nisi extra urbem, obtentum fuisse. Ac, si quod lege curiata obtinebat imperium dictator, ad id imperium pertinuit, quod tam in urbe quam extra urbem habebat: id vero imperium erat illud ipsum imperium, quod in ipso magistratu dictatoris initium erat, idque adeo, quod cum ipso magistratu obtinebatur: necesse profecto est, cum legimus de dictatoris imperio legem curiatam latam fuisse, de universo dictatoris imperio, quod iure sui magistratus habebat, intelligi; ac non de illa tantum exercitus ducendi potestate adventitia, quam solam imperii nomine intelligit Sigonius. Quod idem certe dicendum est in aliis omnibus magistratibus, de quorum imperio legimus latam fuisse legem curiatam. Id vero apertissime doceri potest ex formula legis curiatæ, qua ornari volebat suos decemviros Rullus: quam scribit Cicero huiusmodi fuisse: *Eam legem ab eo prætor, qui sit primus factus, ferri iubet. At quomodo? Ut si decemviratum habeant, quos plebs designaverit.* Primum enim ex iis verbis intelligimus, legem curiatam ferre de imperio decemvirorum, aliud nihil fuisse, quam de ipso decemviratu legem

A ferre: ita ut ornari decemviros lege curiata idem esset, quod de ipso decemvirorum magistratu legem curiatam ferre. Deinde vero, si (ut licet) hanc formulam legis curiatæ velimus ad alios magistratus transferre, hoc plane verum esse comperiemus; legem curiatam de imperio magistratuum ferre, idem valuisse, quod de ipsis magistratibus imperium habentibus legem curiatam ferre: ut scilicet ii magistratum haberent, quos populus designasset. Atque, ut ego tandem hanc de lege curiata disputationem concludam, postrema ratio, quæ Sigonium maxime urgebit, hæc erit: *Quibus magistratibus exercitum imperare licuit, eis lege curiata, auctore etiam Sigonio, opus fuit. Atque omnibus dictatoribus, omnibus consulis, ac omnibus prætoribus, iis etiam, qui in urbe tantum imperium obtinuerunt, exercitum imperare licuit.* Cum enim centuriata comitia haberi non possent, nisi imperato exercitu, quemadmodum in lib. de comitiis ego docui ex A. Gellii lib. 15. cap. 27. & ex T. Livii lib. 9. Decad. 4. omnes profecto magistratus, quibus centuriata comitia habere licuit, imperandi exercitus ius habuerunt. At illis omnibus, quos modo nominavi, centuriata comitia habere licuit. Illis ergo omnibus lege curiata opus fuisse ad obtinendum etiam urbanum imperium, necessario fatendum est. Atque illa quidem ratio id plane confirmat, quod a me scriptum est lib. 3. de Comitiis, legem illam curiatam, quam legimus latam magistratibus in provincias profecturis, postquam sui magistratus annum in urbe peregerant, aliam fuisse videri ab illa ordinaria lege curiata, quæ singulorum annorum magistratibus ferebatur: illamque legem ad transmittendum potius imperium erat, quam ad obtinendum: quod tamen Sigonius non probat. Et quoniam, ut in omnibus magistratibus, qui universi populi essent, id verum esse, quod dixi de lege curiata, perfecta inductione demonstratum sit; soli restant censores, in quibus separatim non docui, curiata lege eos ornatos fuisse: pauca de illis, quæ mihi probabilia videntur, subiiciam. Censoribus ius fuit lustrandi, id vero, teste Livio lib. primo, quin ediceretur exercitus, ipseque exercitus instructus lustraretur, non potuit fieri. At illud imperium, quod in imperando lustrandoque exercitu erat, militare quoddam imperium erat. Censoribus ergo ad illud militare imperium obtinendum (vel Sigonio auctore) lege curiata opus fuit. Nam si imaginarium illud imperium, colonos sub vexillo tanquam exercitum deducendi, satis causæ habuit, cur lege curiata coloniarum ductoribus opus fuerit, quemadmodum Sigonius putat, multo profecto magis, aut non minus certe, censorum illud imperium edicendi ex omni populo exercitus, ejusque lustrandi, legem curiatam requiivisse dicendum est. Quæ si vera sunt, perfecta inductione a nobis conchilum erit, in omnibus magistratibus, tam majoribus quam minoribus, legem curiatam ferri solitam. Unde efficitur, non modo vera esse, quæ non probantur a Sigonio in secunda reprehensione; sed etiam verissima esse illa, quæ de binis comitiis a me ad primam sejus reprehensionem dicta sunt.

CAROLI SIGONII

De binis comitiis , & lege curiata posterior cum

NICOLAO GRUCHIO

DISPUTATIO.

ILLUSTRISSIMO JUVENI

NICOLAO FIERLEIO

de Dambrovicza , Joannis , Palatini Lublinensis

F. Casimiriensis Præfecto ,

CAROLUS SIGONIUS S.



UM multe sunt in tota antiquitate Romana difficiles quæstiones atque obscuræ , tum nulla meo judicio majoribus est tenebris ac difficultatibus involuta , quam quæ est de vetere binorum comitiarum & legis curiatae consuetudine . Hanc autem primus his , ut opinor , temporibus excitavit Nicolaus Gruchius Rotomagensis , doctus vir in primis , & Græcis Latinisque literis eruditus . Cujus ab auctoritate cum ego non levissimis , ut mihi videbatur , rationi-

bus discessissem in iis libris , quos de antiquo jure civium Rom. sexennio ante confeci , ferre hoc , ut video , gravissimus homo non potuit . Itaque librum ea de re adversus me , nescio quem , superioribus mensibus Lutetia divulgavit . In quo cum causam suam summa diligentia egit , tum mihi hac de re quasi litem apud homines eruditos , quorum ille judicium interdum appellat , intendit . Quare cum pristinae meae tuendæ sententiæ gratia , tum ne veritas præsidio patrociniisque nudata succumberet , universam hanc quæstionem revocata totius rei memoria retractare , eamque breviter literis mandare coactus sum , ne fortasse aut inertia crimen subirem , fieri dictum virum in me omnibus ingenii viribus irruentem perferrem , aut imprudentia , si falsam illius opinionem longiore oratione refellerem . Quares nunc fortasse , Nicolaë , juvenis clarissime , cur hæc ego potissimum ad te ? scilicet , ut præclarum judicium de te meum apud omnes homines hoc genere monumenti testificer . Tu enim cum majorum splendore ac virtute clarissimus es , tum propriis laudibus ex bonarum præsertim artium tractatione collectis ita abundas , ut ad summam nominis tui gloriam majorum commendationem haud multum desideraturus esse videaris : quamquam merito Nicolaus , proavus tuus , qui Castellanus Cracoviensis , id est , prima vir in senatu sententiæ fuit , & summus Polonicarum copiarum imperator ingentem ex domita Prutenorum novas res molientium gente gloriam reportavit , & Petrus avus , qui Palatinus Russiæ , ac senator , virtutem ac sapientiam ad remp. administrandam incredibilem attulit , & Joannes pater , Palatinus Lublinensis , ac summus regni Poloniae Marecallus , plurimum te accendere aut exemplo , aut lunde sua ad omnem cupiditatem excellentiæ possunt . Accedit , quod tu me Bononiensi in Academia hæc studia tractantem ita studiose audis , ut hujus unius rei causa in Italiam ex remotissimis regionibus accessisse videaris . Neque vero tu solum hoc facis , ut me pro tua humanitate plurimum diligas , verum amore etiam tuo totius Poloniæ juventutis ingenio atque nobilitate præstantis vetus erga me studium ac benevolentium

acuis : ut nisi me tibi , nisi vobis omnibus hoc nomine plurimum debere confitear , aut omnis prorsus expers humanitatis sim , aut certe honoris ejus , quo maximo , vestro omnium judicio , sum affectus , ignarus . Quare si te , si tuos omnes meo qualicunque hoc ingenii monumento , tanquam non ingrati animi testimonio , ornari volo , non injuria , mea quidem sententia , facio . Vale . Bononiæ , Kalend. Februar. M. D. LXVI.

DE USU

BINORUM COMITIORUM

IN MAGISTRATIBUS.



TSI, cum ab opinione Nicolai Gruchii de vetere comitiorum consuetudine recedebam, nunquam fore putabam, ut ipse, quo est ingenio atque judicio præditus, meam, si nosset, de binis comitiis, & lege curiata sententiam improbaret; facere tamen non potui, quin magnam paulo ante ex eleganti illius, atque erudita responsione voluptatem animo ceperim, qua suam sibi conjecturam defendendam, meam vero acrius oppugnandam suscepit. Quam ob rem, quoniam ille proprio hac de re libro, & quidem adversus me, ut ipse scripsit, inscripto, quodammodo me ad iustum hujus disputationis certamen contentioneque visus est provocasse, faciam equidem non invitus, ut simul & voluntati ejus obsequar, si me scripto laceffere cogitavit, & Romanarum literarum rationibus consulam, si quid eas meæ fortasse opinionis expositione cepisse detrimenti exitimavit; id est, explicabo, quid ille hoc de genere, quid ego sentiam, accuratius, ac quomodo ego illius, quomodo ille meam frangat abjiciatque sententiam, persequar studiosius, ut si non aliam honestis his asserere studiis opem possem, doctissimi saltem hominis, atque omnium sine dubio disertissimi opinione diligenter excutienda, reliquis fortasse rectius aliquid de re obcurissima itatuendi causam asseram. Brevi autem, ac moderato in primis genere orationis utar, ne forte optimum virum, optimorumque mihi studiorum societate conjunctum vexare videar velle, si eum uberiore dicendi copia, atque adeo etiam acriore impugnem.

Hic igitur in iis libris, quos superioribus annis de Comitiiis luculentissimos divulgavi, de antiqua binorum comitiorum ratione ita censet: ab exactis nempe regibus usque ad imperium Cæsaris per annos prope quingentos, omnes magistratus binis comitiis esse creatos; patricios quidem centuriatis & curiatis; plebeios vero tributis & curiatis, ita ut curiata sententiam confirmare, atque rescindere possent centuriatorum ac tributorum: atque hoc factum esse, sive cum iusta curiata adhibebantur, populo per triginta curias suffragante, ut primis temporibus; sive cum adumbrata, lictoribus ad usurpandam vetustatem suffragia curiarum nomine ineuntibus, ut postremis. Sententiam vero suam Ciceronis atque Messalæ confirmare conatur auctoritate. Ac Cicero quidem ex 2. agraria: Primum lege curiata decemviri ornatos. Jam hoc inauditum, & plane novum, uti curiata lege magistratus datur, cui nulli comitiis ante sit datus. Ex quibus verbis elicit, si inusitatum erat, ut magistratus daretur lege curiata, cui nullis ante comitiis esset datus, sane usitatum fuisse, ut lege curiata daretur, cui aliquibus ante comitiis esset concessus. Et paulo post: Atque hic perspicuum est, quid juris a majoribus acceperitis, quid

Ab hoc trib. plebis relinquatur. Majores de omnibus magistratibus bis vos sententiam ferre voluerunt: nam centuriata lex consulibus ferebatur, cum curiata cæteris patriciis magistratibus, tum iterum de eisdem judicabatur, ut esset reprehendendi potestas, si populum beneficii sui pæniteret; nunc, quia prima illa comitia tenetis centuriata & tributa, curiata auspicio tantum causa remanserunt; hic autem trib. plebis quia videbat, potestatem neminem injussu populi, aut plebis posse habere, curiatis eam comitiis, quæ vos non initiis, confirmavit: tributa quæ vestra erant, sustulit. Ita cum majores binis comitiis voluerint vos de singulis magistratibus judicare, hic homo popularis ne unam quidem populo comitiorum potestatem reliquit. Sed videte hominis diligentiam; vidit, & perspexit, sine curiata lege decemviri habere potestatem non posse, quoniam per novem tribus essent constituti, jubet ferri de his legem curiata. Ex his autem, quoniam nihil colligere suæ aptum accommodatumque sententiæ potest, depravata ea a librariis esse infirmulat, atque ita suo jure emendat: Nam centuriata lex consulibus ferebatur, & cæteris patriciis magistratibus, tributa plebeiis, tum curiata iterum de eisdem judicabatur. Qua lectione constante Ciceronem ita argumentari contendit: Qui potestatem populo comitiorum admittit, non est popularis; admittit autem Rullus, quia majores voluerunt, vos binis comitiis de singulis magistratibus judicare. Nam patricii magistratus creabantur centuriatis & curiatis, plebei vero tributis & curiatis. Addit autem, in hac propositione tributorum comitiorum mentionem esse supplendam, quia eam post in assumptione subiungit, inquit: Nunc, quia prima illa tenetis centuriata & tributa, curiata auspicio tantum causa remanserunt. Messalæ autem verba sunt apud Gellium lib. 13. cap. 14. Reliquorum magistratum minor sunt auspicia. Ideo illi majores, hi minores appellantur. Minoribus creandis magistratibus tributis comitiis magistratus, sed iustis curiata datur lege. Ex quibus in hunc ille modum concludit: Si minores magistratus tributis comitiis dantur, sed iustis curiatis, profecto binis comitiis dantur, tributis & curiatis. Quod si minores binis constituuntur, certe etiam majores

Atque hæc quidem illi usque adeo firma visa sunt, ut ea nulla auctoritate refelli, nullaque omnino ratione convinci posse sibi persuaserit. Mea vero longe alia mens est. Cum multa præclara ab eo in illo comitiorum commentario sint collecta, nihil tamen minus ad veritatem propensum, nihil magis a ratione alienum, nihil denique tam absonum inveniri, quam quæ de usu binorum comitiorum & præcepit idem, & sensit. Cujus meæ sententiæ rationem consequi licebit, occurram. Ego igitur fieri potuisse nego, ut omnes magistratus binis ita comitiis declarati sint, ut ad patricios quidem centuriata cum curiatis adhibita sint, ad plebeios vero tributa cum curiatis.

Primum, quia mirum mihi videtur, cum hæc a

liberata republica usque ad oppressam, annorum ferme quingentorum intervallo ita sunt factitata, nullam in rerum gestarum monumentis ejus temporis extare memoriam, quo curiata semel saltem sententiam centuriarum, tributorumve resciderint: præsertim vero, cum ad id advocarentur, ut populi reprehendendi potestatem haberet, si forte sui beneficii pœniteret. Deinde, quia si patricii magistratus omnes, ut ille censet, lecti essent centuriatis, & omnes plebei tributis, nemo est tam obtuso ingenio, qui non videat, futurum, ut qui tributis essent creati, omnes essent plebei. At ædiles curules & quæstores, vel ipso teste Gruchio, tributis constituebantur; & tamen erant patricii. Quare non omnes patricii centuriatis creati sunt neque soli plebei tributis. Præsertim vero cum patricii magistratus omnium confessione fuerint, qui prius patriciis patuerunt; plebei vero, qui tantum plebeis. Neque enim, quod ille opponit, plebeios magistratus accipiendos hic esse pro minoribus, est huic quaestioni satis. Quis enim Latine unquam tam corrupte loquutus est, ut plebeium magistratum pro minori, id est, pro eo, cujus auspicia sunt minora, posuerit? aut quis unquam veterum monumenta literarum adeo perverse corripuit, ut novam antiqui verbi significationem nulla præca fultus auctoritate induxerit? scilicet, quod amicus meus homo acutissimus in eo libro, in quo omnia corrigendæ antiquitatis adjumenta collegit, cum Additionem, Abactionem, Transpositionem, Extensionem, Contractionem, Distinctionem, Copulationem, Mutationemque attulerit, non vidit, id ab alio excogitatum, recipimus? Jam vero si magistratus vere plebei, ut tribuni, ædilesque plebis, ipsomet auctore Gruchio, singulis tantum comitiis sint declarati; quæstores autem ædilesque curules non plebei fuerunt, sed patricii, profecto plebei nulli binis comitiis illis sint constituti. Neque vero illud neglegendum esse opinor, si curiata comitia centuriatis attererentur, ita ut eorum sententiam ac judicium infirmarent, fore, ut populus non haberet reprehendendi potestatem, si sui beneficii pœniteret: quam ob rem? nempe, quia centuriata semper universum populum sunt complexa, curiata non semper: in centuriatis enim populus universus ex censu, & ordine, & ætate descriptus perpetuo suffragium tulit, in curiatis, ut quique triginta curias habitavit: at qui triginta curiæ in Palatio, aut certe in urbe tantum fuerunt, quomodo igitur, qui procedentibus temporibus agrum Romanum, qui municipia, qui denique Italiam totam jam civitate donatam incoluerunt, cum essent curiis exclusi, suffragium iniecerunt? Verum contemnamus hoc, ac prorsus pro nihilo habeamus; num vero illud etiam vanum atque inane putabimus, quod, si ita esset, efficere-tur, ut, quod alii scivissent, alii reprehenderent? quid enim? nonne accidere potuit, ut quem primæ centuriæ consulem dixissent, quæ locupletissimorum fuerunt, eundem sexdecim curiæ abrogarent, quæ quod ex civibus ultimarum forte classium centuriarumque constabant, tenuissimum hominum genus continuerunt? Age vero, quam verisimile illud videtur, qui consul propter excellentem fortasse virtutis opinionem certo judicio ab universo populo centuriatim lectus erat, aut, qui quæstor, & ædilis curulis ab universa plebe tributum, permittum esse, ut eum triginta, si diis placet, curiarum lictores suis suffragiis temere atque inconsulto repudiarent? Quæro præterea, si curiæ centuriarum decretum tollere irrimque facere potuerunt, cur tandem cum sepe alias, tum Punico bello prærogativam centuriarum, quod Otacilium, virum parum bello idoneum, consulem nominasset, principes civitatis revocarunt, atque eam precibus mutare sententiam coegerunt, cum tamen curiata centuriatis opponere liceret, &

A jure potius, quam precibus contendere, honestius, & triginta curiarum lictores de centuriarum reprehendenda sententia admonere, facilius esset? Hoc loco rationes, inquiet ille, probabiles istas non curo, auctoritates requiro, quibus nihil est ad constituendam antiquitatem accommodatius: assentior. Conquiramus auctoritates, testimonia veterum perscrutemur. Quid? Camillus cum dixit apud Livium: *Comitia curiata, quæ rem militarem continent; centuriata, quibus consules, tribunosque militum consulari potestate creatis, ubi auspiciato, nisi, ubi assolet, fieri possunt?* nonne diserte curiata rei militari, centuriata magistratuum creationi attribuit? Nam, si consules æque curiatis creabantur atque centuriatis, cur hæc ille jura distinxit & separavit? profecto, quia centuriatis magistratum, curiatis militare imperium mandari, ut postea demonstrabimus, intellexit. Jam vero cum inquit in agraria Cicero: *Majores de omnibus magistratibus vos binis comitiis judicare voluerunt.* Nam centuriata lex consulis ferebatur, cum curiata ceteris patriciis magistratibus. Tum iterum de iisdem judicabatur: nonne tacite ostendit, majorum illud institutum evanuisse, neque amplius observari? Ferebatur enim, inquit, lex centuriata apud majores, atque iterum de iisdem judicabatur; quasi amplius eo modo non ferretur, nec binis comitiis judicaretur, ut apud majores. At mutata est, inquit, ratio, quia majores triginta curias advocarunt, nunc triginta curiarum lictores adhibent. Orem pusillam! cur tanta constituatur superiorum & inferiorum temporum oppositio: major certe illa, ac gravior, quam ego post mea constituenda opinione aperiam. Verum leve sit hoc, ac prope commentitium: quid illud, quanti faciendum esse arbitramur? quod qui cum Gruchio sentiet, cum Cicerone dissentiat est necesse? Gruchius enim inquit, Rullum decemviros suos lege curiata ornasse, quia majorum erat institutum, ut omnes magistratus primis comitiis declarati, secundis curiatis confirmarentur: at Cicero inquit, Rullum id fecisse, quia vidit eos potestatem habere non posse, quoniam per novem tribus erant constituti, id est, non ab universa plebe, ut assolebat. Age vero, si more majorum, si ex ordine magistratus omnes comitiis curiatis, Gruchius vir doctissime, sancirentur, num Rullum ipsum in eam se necessitatem adducturum existimas, ut ad decemviros suos lege curiata ornandos prætores legem curiatam ferre compelleret? at compulsi: sic enim loquitur Cicero: *Jubet, qui primus prætor factus sit, eum legem curiatam ferre. Si is ferre non possit, qui postremus. Si lex curiata non erit, tum tunc decemviri eodem jure sint, quo qui optima lege.* Ex quibus quis est tam hebes, qui non intelligat, legem curiatam eum ad agrarios curatores extra ordinem adhibere? At Cicero scilicet, ac Messala id voluerunt. Videamus, an ita sit, atque una eorum utriusque verba liquidius (sunt enim obscuriora) interpretemur. Primum proferat hæc: *Jam hoc inauditum, ac plane novo more, uti curiata lege magistratus detur, cui nullis ante comitiis sit datus.* Atque ex his hanc conclusiunculam elicit: si inusitatum est, uti magistratus detur lege curiata, cui nullis ante comitiis sit datus, sane usitatum est, ut detur, cui aliquot comitiis ante est datus. Qua conclusione ut nihil potest esse festivius, sic nihil ad eludendum frangendumque facilius. Quis est enim in disserendi ratione tam rudis, qui non sentiat, si inusitatum sit, ut magistratus lege curiata privato detur, non magis consequi, usitatum esse, uti magistratus lege curiata magistratui detur, quam uti magistratus lege curiata non detur? Quod si hoc etiam subtilitatis fortasse causa non perspicit, illud certe, quod cæco etiam appareret, quemnam latiturum existimamus, quod, quam rationem ad suos creandos decemviros adhibet Rul-

Ius, ea in ejusmodi potestate ex omni parte, ut ipsa etiam potestas, extraordinaria est, propterea ex hac non esse reliquorum magistratum, qui ordine creentur, normam, exemplumque sumendum? Quæ si infirma fortasse videntur, consideremus porro, iis verbis oratorem infinitam illam a Rullo concessam decemviris potestatem, non eorum creationem exagitare. Nam creationem redarguerat supra, cum dixerat: *Jubet tribunum plebis creare decemviros per tribus decem & septem*. Deinde extraordinariam hanc potestatem agreditur, cum ait: *cognoscite nunc, quæ potestas, & quanta detur, primum lege curiata decemviros ornat*. Jam hoc inauditum, ac plane novo more, uti magistratus lege curiata detur, cui nulli comitiis ante sit datus. Post autem veniat, quæso, illud quoque in mentem, lege curiata decemviros ornare, non esse decemviros magistratu afficere, verum aliquot eis ornamenta adjungere. Quod ostendit ipse, cum inquit: *Videte nunc, eos, qui a nobis nihil potestatis acceperint, quanto majoribus ornamentis afficiat, quam omnes nos affecti sumus, quibus vos amplissimas potestates dedistis*: nimirum significans, ordinariam potestatem comitiis tributis esse decemviris datam, quam ipse nullam appellat, quia non omnes ille triginta quinque tribus adhibuit: extraordinariam vero, quam ornamenta vocat, curiatis. At Cicero dixit, lege curiata magistratum eis datum, non ordinatum magistratus. Recte admodum & scite: cur? quia ordinaria potestas est magistratus, extraordinaria est & magistratus & ornamentum magistratus, quippe quædam ordinariæ potestatis accessio. Exempli causa, curatores agrarii ex ordine omnes eo jure creantur, ut agros publicos pro arbitrio dividere possint, nunc si qui extra ordinem cum majori potestate creentur, ut decemviri a Rullo, tum major illa potestas & magistratus dici poterit, quia ad jus pertinebit, & ornamentum magistratus, quia majorem eis dignitatem, & jus amplius, quam alii ante habuerint, largietur. Magistratum autem ibi pro ornamento magistratus esse capiendum, quis non videt? Quæro enim, quod dat lex curiata, id non ne aut est magistratus, aut ornamentum ejus? negari non potest: non est autem magistratus, quia sequeretur, ut, cum dictator, aut consul ornatur lege curiata, magistratus ornaretur magistratu. Quod esse absurdum, ex eo apparet, quia dictator & consul ante legem curiatam de se latam dictatorio & consulari semper munere functi sunt. Quare lex curiata ornamentum dat magistratui, non magistratum magistratui. Quod ni ita sit, falsa hæc propositio erit: Inulitatum est, uti magistratus lege curiata detur, cui nullis ante comitiis sit datus: quia dictator, magister equitum, interrex, præfectus urbis cum nullis comitiis creantur, tamen te auctore lege curiata omnes ornabuntur. Quæres fortasse, cur magistratum dixit, non magistratus ornamentum? nempe, quia uberiores hæc vox, quam illa, ad insectandam actionem Rulli erat præbitura materiam: neque enim si magistratus ornamentum dixisset, illa suggerere potuisset, quæ hujus vocis occasionem nactus de magistratibus infert binis comitiis apud majores creatis. Quæ a Rullo neglecta profus esse ad constandam odium criminatur: in quo se gerit, ut solet, oratorie, ac prope veteratorie. At postea inquit, decemviros a Rullo curiatis comitiis confirmatos, non ornatos. Ne hoc quidem plane absurde. Nam cum lex curiata magistratui præcipue ferri solet, factum est, ut cum est lata decemviris, magistratum eis, de quo ambigi poterat, confirmaret. Quare si certus eorum erant magistratus, is est a curiata lege ornatus; sin autem controversus, sine dubio confirmatus. Hoc fundamento, quod tu causæ tuæ firmissimum esse putasti, concusso, jam facilius reliqua superadificata labefactabuntur. Etenim quod

tu ex conficta suppletaque illius loci lectione: *Nam centuriata lex consulis ferebatur, cæterisque patriciis magistratibus, tributa plebeiis, elicis, curiata centuriatis & tributis fuisse adnexa*, quis est tam parum in hoc literarum genere exercitatus, qui, si non velit, non facile possit illudere? Scilicet tu mihi novam opinionem Romanam in antiquitatem induces, eamque ut probes, verba ex veteri nobilissima oratione alia de tuo adjicies, alia demes, alia trahis: quæque summi tu vix beneficii loco conservanda putabis, ea contra auctoritatem omnium Latinorum ex propria significatione depelles, & quod in rebus etiam apertissimis periculosum ac lubricum est, id tu in obscurissima quæstione pro arbitrio facies, & me, si secus fensero, tacitum ferre, atque in re connivere non levissima coges? da hoc idem mihi, homini rudi, ut vides, ac plane hebeti, ut in scriptis veterum augustissimis quoties offendam, arbitrato meo addam, detraham, mutem, interpreter: nihil erit tam obscurum, nihil tantis difficultatibus impeditum, quod non planum atque explicatum me pollicear nullo negotio redditurum. At tributorum, inquis, mentio, librariorum culpa in prioribus verbis desideratur: quis te tandem hoc docuit? verba, inquis, quæ sequuntur: *Nunc quia prima illa comitia tenetis, centuriata, & tributa, curiata auspiciorum tanta causa remanserunt*: cum enim, inquis, tributa in assumptione argumentationis sint posita, sane perspicuum est, etiam in propositione collocari oportuisse: quia inquit, centuriata & tributa prima tenetis, curata vero auspiciorum causa retineri: probe sane, si prima comitia ita, ut tu putas, acciperentur. Verum prima comitia dici possunt, ordine & dignitate: tu de ordine intellexisti, ego de dignitate. Olim, inquit orator, antequam tributa comitia instituerentur, bina erant comitia, centuriata & curiata, quæ ad creandos magistratus advocabantur, nunc sunt

D trina, centuriata, curiata, & tributa: verum quia vos tributa pro curiatis introduxistis, fit, ut centuriata ac tributa prima, id est, præcipua sint, & a populo ac plebe ineanant, curiata vero nullius prope momenti sint, quippe quæ auspiciorum causa retenta per triginta lictores ad nonnullas res tantum, non autem amplius ad magistratus, ut ante, adhibeantur: ex quo apparet, non idcirco in propositione tributorum mentionem esse supplendam; quod in assumptione tributa posuerit. Neque vero quod curiata obsolevisse inquit, propterea usu quondam receptum fuisse, ut ea centuriatis adjicerentur, efficitur, sed ut loco tributorum, cum nondum essent tributa, faciliarentur, & ut iusta, non autem, veluti postremo, adumbrata celebrarentur. At Messalla scilicet idem vult: *Minoribus enim, inquit, magistratibus tributis comitiis magistratus, sed justius curiata lege datur*. Quid? an vero minores magistratus binis comitiis mandari solitos, ille inquit, eadem ætate, an diversa? priore quidem, cum curiatis mandabantur, antequam tributa instituta essent; posteriore vero, cum tributis mandari cæpi sunt? At inquit, *Curiatas justius datur*. Concedo: dico autem Messallam, non quod suo tempore fieret, sed quod aliquando factitatum esset, nec præsentem ætatis suæ morem, sed vetustum jus ipsum comitiarum spectasse: ita ut minores magistratus tributis intermisso potius usu curiatorum, quam profus abrogato declararentur. Quære alia, Gruchi, vir acutissime, si qua potes: nam nemo unquam prudens ei assentietur opinioni, quæ duabus tantum, iisque obscuris, aut mendæ, ut tu censēs, suspectis auctoritatibus fulciatur; plurimis autem, iisque non dubiis rationibus, ut aliena, ne omnino dicam falsa, redarguatur.

Quærer hoc loco aliquis: quænam igitur tua demum est hac de consuetudine conjectura? exponam

paucis: recte ne opiner, an secus, alii judicabant. Ego censeo, bina adhibita esse comitia primis liberata reip. annis, verum non admodum multis: ut consules quidem crearentur binis centuriatis, ceteri vero patricii magistratus, qui tum erant, ut quaestores, binis curiatis: sic enim video fore, ut iidem comitiis magistratus & creantur, & confirmantur, idemque populus potestatem habeat reprehendendi, si beneficii sui peniteat. Atque hanc mihi videntur haec verba continere sententiam: *Majores voluerunt, vos bis de omnibus magistratibus judicare: nam centuriata a lex consulis forebatur, cum curiata ceteris patriciis magistratibus: tum iterum de iisdem judicabatur, ut esset reprehendendi potestas, si populum beneficii sui peniteret.* Etenim nullo verbo addito, nullo dempto, nullo mutato, nullo aliter, quam antiqui omnes accepisse videantur, accepto, ex his colligo, centuriatam legem consulis latam eo tempore, quo curiata ceteris patriciis magistratibus ferebatur: tum iterum judicatum esse de consulis quidem centuriatis, de ceteris vero, curiatis. Quo fit, ut eadem centuriata, aut eadem curiata suam de singulis magistratibus sententiam aut confirmarint, aut reprehenderint. Addo praeterea, aliquot post liberatam temp. annos cum jam tributa pro curiatis in civitate essent inuenta, re pristinam consuetudinem esse mutatam, nomine vero retentam. Ex omnibus enim centuriis unam forte duxerunt, quae prima rogeretur, ac propterea praerogativa diceretur: ejus autem sententia pro unis comitiis habita est: qua pronuntiata tum deinde ipsa centuriata comitia sunt perfecta, ut assolebat: hoc autem factum est, vel propter suffragandi commoditatem, ne totus populus iterum in suffragia vocaretur, vel quaecumque alia excogitari causa possit. In hac autem ego sententiam veni, duce Afconio: cujus locum insignem mirabar admodum a Gruchio hujus rationis universae investigatore accuratissimo, cum de praerogativa praeciperet, in libris de comitiis esse praeteritum. Verba vero ejus in Verinas haec esse reperiebam: *Praerogativae tribus sunt, quae prima suffragium ferunt ante jure vocatas: mos enim fuerat, quo facilius in comitiis concordia populi firmaretur, bina omnino de iisdem candidatis comitia fieri: quorum tribus praerogativae dicebantur, quod prime rogarentur, quos vellent consules fieri; secunda jure vocata, quod in iis sequente populo, ut saepe contingit, praerogativarum voluntatem, jure omnia compleverunt. Quocirca fieri quoque videbam, ut in consulis creandis praerogativae apud Livium memoria tantopere celebraretur. Ac de duplici quidem binorum comitiorum consuetudine in hunc modum ego. Quid affert nunc contra Gruchius? Neutram illarum probat. Objicit autem primum, quo se priorem consuetudinem abjectionem existimat, si centuriata, & curiata bis ad eosdem creandos magistratus essent allata, de ea re scriptores aliquid fuisse literis traditoris: additque, quo argumento sua a me sententia oppugnatur, eodem meam a se posse labefactari. Quod ipsum quam dissimile sit, quis non videt? ego enim ab illo postremorum temporum memoriam requiro, ille a me primorum: ego eorum, quae notissima sunt, ille eorum, quae obcurissima: ego ab illo rationem posco annorum amplius quingentorum, ille a me ne quinquaginta quidem: ego eorum, quibus multa eveniunt, quae literarum monumentis consignarentur, ac consignata invenirentur, ille eorum, quibus pauca contigerunt, & si quae contigerunt, aut propter raras iis temporibus literas haudquaquam memoriae commendata sunt, aut incensa, ut inquit Livius, a Gallis urbe, & ipsa perierunt. Quod autem secundo loco criminari dat, id usque adeo infirmum effit, ut prorsus ne attingendum quidem esse videatur. Sic enim inquit: Displicet Sigonii opinio, quia vulgata verba Ciceronis nulla facta mutatione conservat. Neque*

enim mentionem comitiorum tributorum, & plebeiorum magistratuum desiderari, eamque ex sequenti assumptione supplendam esse, animadvertit. *Nunc quia vos prima illa tenetis centuriata & tributa, &c.* Equidem eo me stupore oppressum esse confiteor, ut vitium istud Gruchianum non sentiam: imo vero ea mente praeditus, eaque opinione imbutus sum, ut sententiam illam perfectam esse, & ex vulgata lectione eundem erui sensum, atque ex suppleta ab illo elicitur, putem. Quis enim conclusionem unquam jure hanc reprehenderit? Qui populo suffragiorum potestatem adimit, non est popularis: adimit autem Rullus, cum decemviro per dimidiam plebis partem creat, eosque lege curiata ornat, qui magistratum nullis comitiis habeant. Nam majores voluerunt, vos bis de omnibus magistratibus judicare. Quia apud eos bis centuriata lex consulis, & bis curiata ceteris patriciis magistratibus ferebatur: nunc vero vos centuriata, & pro curiatis tributa in primis celebratis, curiata prope dimissa sunt. Rullus autem ne una quidem comitia ad decemviro attulit. Nam tributa, quae frequentatis, ad creandos eos dimidiata adhibuit, curiata, quae non initis, ad confirmandos. An vero, si in secunda ratione parum est firmitatis, amplius aliquid est in tertia? multo minus. Cicero, inquit ille, curiatam legem ceteris patriciis magistratibus latam dixit, tu quaestores solos attulisti, cum tamen vox ceteri ad multos referatur, non ad unos. Festive sane, quasi vero ego solos quaestores curiatis tum comitiis scripserim constitutos. At quaestores praeter ceteros nominasti: confiteor. Hi enim soli tum ordine creabantur. Triumviro coloniae, & praefectos annonae omisi: sane omisi. Quid enim erat, cur afferrem, cum essent extraordinarii? Quod si hi quoque tum patricii magistratus fuerunt, satis argumenti est, propositionem illam tanto plus veritatis habere. At tribuni, aedilesque plebis usque ad tributorum institutionem creati sunt curiatis. Quare lex curiata non nisi solis patriciis lata: quid? ego ne solis patriciis dixi? an, ut Cicero, ceteris? Nam, quod ex mea opinione trina futura comitia, ex verbis agrariae secundae contendit, quid est, quod plura respondeam? cum mea ante adhibita eorum verborum interpretatio omnem hujus rationis auferat dubitationem. Atque haec quidem adversus priorem binorum comitiorum a me inductam consuetudinem ille. Quanquam non hoc omnino ordine, sed paulo, quod in tanto praesertim viro mirari solitus sum, perturbatiore. De secunda vero, quae praerogativam centuriam pro unis comitiis affert, ut exultare, dii boni, quasi victor, ac prope triumphare gaudio videtur? quanquam id, mea quidem sententia, jure: nam si, quod ille criminatur, ego scripserim, quinquam tanta orationis copia, aut tanta doctrinae facultate instructus inveniretur, qui hunc unum locum defendere posset? Etenim, posteaquam praerogativam centuriam, & comitia, quae illi consequentia sunt, bina quodammodo fuisse comitia est confessus, quod tamen ille, ut dixi, in sua illa copiosissima disputatione silentio praeterierat, vitio vertit, quod scripserim praerogativam institutam esse, postquam triginta quinque tribus expletae sunt, quae ultra annum ab ube condita quingentesimum sunt expletae. Quorum tale nihil apud me esse, verba mea testimonio erunt, quae nescio, cur ab eo significata potius sint, quam prolata. Primum enim docco, bina fuisse de consulis centuriata, binaque de ceteris patriciis magistratibus curiata comitia. Deinde addo, eam rationem perpetuo non esse servatam, sed effigiem tantum ejus, ac si militudinem retentam. Nam cum praerogativae, inquam, centuriae suffragationem instituissem, eam pro unis comitiis habuerunt, reliquarum autem, quae jure vocatae dictae sunt, pro alteris. Atque hoc

verbis Afconii supra commemoratis confirmo. *Prærogative tribus*, &c. Quæ verba interpretans, quoniam ille tribuum fecerat mentionem, subjungo: His verbis ille significat, bina quidem comitia esse habita, sed non integra, verum speciem tantum binorum comitorum esse usurpatam: forte enim tribum, & ex tribu sorte centuriam eduxerunt, quæ prima suffragium iniret, &c. Post autem reddens quasi rationem, cur Afconius prærogativas tribus dixisset, non autem, ut reliqui omnes, prærogativas centurias, ostendo factum id esse, quia tribus, postquam ad numerum triginta quinque pervenissent, ad centuriata tractæ comitia essent, idque his verbis: Est autem intelligendum, tribus ex Servii instituto nihil ad centuriata comitia pertinuisse, post expletas autem triginta quinque tribus, cum omnis populi honos in iis consisteret, mutatam esse Servii rationem, & tribus ad centuriarum divisionem esse traductas. Ut autem ante populus in sex classes, & centum tres ac nonaginta centurias divisus vocabatur, sic postea in triginta quinque tribus dispersitus citari cœptus est; ita tamen, ut singule tribus suas classes, suasque centurias haberent. Quocirca supra diximus, ex triginta quinque tribubus unam esse forte eductam; atque ex ea, cum uniuscujusque tribus quinque essent classes, omnium vero classium multæ centuriæ, unam ex omni centuriarum numero lectam centuriam, vel juniorum vel seniorum, quæ prima rogaretur, & prærogativa diceretur. Quæ cum scripsi, noli putare, me sensitse, tum cum primum introducta prærogativa est, eam ex triginta quinque tribuum aliqua esse eductam: verum, posteaquam tribus ad centuriata comitia sunt translata, prærogativam ex aliqua triginta quinque tribuum sumtam. Verum fac me scripsisse, prærogativam ex triginta quinque tribubus esse ductam, antequam triginta quinque numerus expleretur, num si id me Ciceronis exemplo fecisse dixerò, parum idoneam facti mei, quod a te tam valde reprehenditur, rationem attulero? non, opinor. At is in agraria dixit, quotiescunque curatores agrarii creati fuerunt, semper per triginta quinque tribus esse creatos, & tamen ante triginta quinque tribus expletas, cum sæpissime creati sint, nemo per triginta quinque tribus est constitutus, verum per omnes, quæ tum erant, cum creabantur. Age vero, si tu hoc tam grave esse crimen existimasti, cur rationibus potius, quæ aliqua eludi ratione possunt, id tibi refutandum, quam gravissima, quæ nullo modo frangi vitæ potest, Livii auctoritate, duxisti? qui mentionem multo ante id tempus prærogativæ fecit in tribunis militum consularibus, & consularibus: ut lib. 5. P. Licinum Calvum prærogativa tribunum militum non petentem creat. Et lib. 10. Q. Fabium & prærogativa, & primo vocatæ omnes centuriæ consulem cum L. Volumnio dicebant. Hoc igitur, ut dixi, quali de me triumpho relato, tum ille, nescio quo modo in hanc argumentationem erumpit. Quæstiones aut a populo primum creati sunt anno 60. post reges exactos, ut vult Tacitus, aut multo ante sub regibus, ut Junius Gracchanus. Si primum, profecto tribus creati sunt, non curiatis, quia tum curiata non erant in usu; si secundum, absurdum est, cum cæteris dicat Cicerone, intelligere de solis quæstionibus, cum etiam duumviri, triumviri, præfecti annonæ a populo sint creati, ut verisimile est, aut singulis, aut binis curiatis. Hic ego primum quæro, quorsum hæc hoc loco de quæstionibus, quæ ad priorem sc. pertinent quæstionem? deinde, si de me, quid de his potissimum sentiam, quærit, dico, me cum Junio Gracchano sentire, quem testem adhibet Ulpianus, quæstiones creatos esse a populo, & rerum potentibus regibus, & iisdem dominatu imperioque remotis, eoque vehementius, quod Plutarchus auctor est,

Poplicolam consulem primum ærarium instituisse, & quæstiones duos populo creandos permisisse. Quorum duorum auctoritatem, nescio, cur non antepnam Taciti testimonio, qui multos post annos floruit, quam Junius, qui quidem cum C. Graccho vixit, atque ab ejus amicitia Gracchani cognomen invenit, & commentarios de his rebus ex instituto conscripsit. Post autem illud ex ipso etiam scire cupio, cur, postquam de quæstionibus, & priore consuetudine, multa non suo loco repetens inculcavit, prærogativam iterum, de qua dicere instituerat, novis argumentis invadat? quid, quæso, spectet, quid in animo habeat? Neque enim illum differendi elegantiam odisse, confusionem, perturbationemque disputationis amare, nobilis ille comitorum commentarius indicat, in quo omnia distincte atque ordinate disposuit. Quid autem ait? Bina quidem ea quodammodo esse comitia, una prærogativæ, altera jure vocatarum: verum eam rem ad locum Ciceronis, & ad bina centuriata, quæ ante prærogativæ institutionem sunt celebrata, non pertinere. Primum, inquit, quia Afconius ejus rei auctor Neronis tempore vixit, cum jam nulla erant comitia populi, & propterea, quæ de binis scribit comitiis, non refert ad vetustiorum morem, de quo Cicero, sed ad posteriorem, postquam in comitia prærogativa erat inducta; deinde quia prærogativa instituta est, ut populi concordia firmaretur; postremo, quia prærogativa non minus ad leges, & judicia, quam ad magistratus adhibebatur. Quibus ego, ne me quidem bina prærogativa, & jurevocatarum comitia ad locum Ciceronis retulisse, ex eo perspicui posse, quod priorem consuetudinem ex Cicerone collegi, posteriorem ex Afconio, ac diversam esse utranque ostendi. Assentior autem & ipse, Afconium de posteriore more locutum, non de antiquissimo illo, ac seculorum prope multitudine obsoleto. Quod vero de populi concordia opponit, necessario non efficit, ut non alia etiam de causâ excitari prærogativa poterit, cum Feltus aliam longe ab Afconiana diversam prodiderit. Atque hoc idem etiam de judiciis, & legibus esse censo respondendum, si modo ad leges, & judicia prærogativa pertinuit. Quæ cum ita sint, neminem jam opinor esse tam hebetem, qui non intelligat, quam parum in illa de binis comitiis opinione insit roboris, atque nervorum.

DE USU LEGIS CURIATÆ DE IMPERIO.



ALTERA res est, de qua haudquaquam mihi cum Gruchio convenit, lex curiata de imperio. Nam legem curiatam multis de rebus ferri constat. Quid vero potissimum feratur, cum magistratui lex curiata de imperio fertur, illud in controversiam venit. Ego enim duplicem fuisse vim imperii dico, unam civilem quandam magistratus auctoritatem, alteram militarem ac bellicam. Sic autem statuo, omnes magistratus & urbanos & provinciales civilem potestatem habuisse, verum alios majorem, alios minorem. Quæ minor fuit, eam præcipue potestatem dictam; quæ major, non potestatem solum, sed interdum etiam imperium appellatam. Idque ex eo liquere, quod de tribunis quidem plebis, atque ædilibus nunquam, nisi potestatem dixerunt,

xerunt, in consulibus autem, ac prætoribus & potestatem & imperium usurparunt. Unde in 11. Ver-
 rina dixit Cicero: *Erit tum Consul Hortensius cum summo imperio ac potestate, ego autem adilis, hoc est, paulo amplius quam privatus.* Et Livius in secundo, tribunal plebis privatum esse sine imperio, ac sine magistratu prodidit. Addo autem, potestatem in auspicio & iudicio fuisse positam; unde sanxit noster ille idem in legibus: *Magistratus omnes iudicium, & auspiciū habent.* Cum dico autem auspiciū, potestatem intelligo omnibus magistratibus impertitam, servandi de cælo. Quod ostendit Varro in Rhetorici, teste Nonio: *Eo die cū Tiberim redeundum est, quod de cælo auspicari ius sit nemini præter magistratum.* Et Cicero in Antoniana secunda: *Augures nuntiationem solum habent, consules & reliqui magistratus etiam spæctionem.* Et Gell. lib. 13. cap. 14. *In edicto consulū, quo edicunt, quis dies comitiis centuriatis futurus sit, scriptum fuit: ne quis magistratus minor de cælo servasse vellet.* Nimirum ne minorum magistratuum obnuntiatione centuriata comitia impediatur. Cum dico autem iudicium, intelligo potestatem decretum interveniendi, ac iuris dicendi. Et quoniam magistratus alii prehensionem tantum habuerunt, alii & prehensionem & in ius vocationem, alii neutrum, ut ex Varrone prodit idem Gellius, quorum primi viatore uli sunt, alteri lictore, tertii servo publico, propterea horum etiam hoc modo potestatem distingui posse existimo. Neque vero dubito, quin his ita constitutis dictatores, consules, prætores & urbani & provinciales, ea fuerint potestate instructi, quæ maxima esset, atque verius imperium, quam potestas diceretur. Atque hoc imperium ego dico fuisse ejusmodi, ut totum ius magistratus amplexum sit. Quare neminem dictatorem, consulem, prætoremque fuisse, quin hanc potestatem, prætoremque hoc imperium obtinuerit: simul illud etiam adjungo, hoc imperium dictatores accepisse eum, cum a consulibus dicti sunt, consules, prætoresque cum comitiis centuriatis a populo declarati sunt. Alterum vero imperium, nempe rei militaris attingendæ potestatem, neminem horum sine senatus consulto, ac lege administrasse affirmo. Quæ lex, quia curiatis comitiis lata fit, curiata est appellata. Quod quidem placet in singulis indicare. De Dictatore testis Livius est lib. 9. *Papirio dictatori legem curiatam de imperio ferenti triste omen diem diffudit, quod Saucia curia fuit principium duabus insignis cladibus, captæ urbis, & Caudine pacis.* Macer tertia etiam clade, quæ ad Cremeram accepta est, abominandam eam facit. *Dictator posttridie auspiciis repetitis perculit legem.* Ex his enim verbis apparet, dictatorem sine lege curiata magistratum dictaturæ gestisse. Quomodo enim agere cum populo potuisset, si privatus quidem fuisset? ergo, si perculit legem de imperio, non de civili imperio perculit, sed de militari: apparet etiam legem curiatam de imperio pertinuisse ad rem militarem, propter clades bellicas, lege curiata de imperio lata, acceptas; cujus lationis semper Saucia curia principium fuerat. De consulibus & tribunis militum consularibus idem locus est testimonio potest: quia clades ad Cremeram, & ad furcas Caudinas consulibus ducibus est accepta, capta Romæ tribunis militum consulari potestate: & alter in quinto: *Centuriatis comitiis consules tribumque militum consulari potestate creantur, curiata rem militarem continent:* quasi vero velit dicere, magistratum iis dari centuriatis, imperium vero militare centuriatis; & Cicero in secunda Agraria: *Consuli, si legem curiatam non habet, attingere rem militarem non licet.* Item: *Consulibus legem curiatam ferentibus sepe intercessum est; & in epist. ad Lentulum:* *Appius consul dixit in senatu, sese, si licitum esset legem curiatam ferre, sortitum esse cum collega provinciam;*

A & lib. 4. ad Attic. *Consules flagrant infamia, quod C. Memmius candidatus pactionem in senatu recitavit, quam ipse, & suus competitor Domitius cum consulibus fecisset, uti ambo sesterterium quadringena consulibus darent, si essent ipsi consules facti, nisi tres augures dedissent, quise assuise dicerent, cum lex curiata ferretur, quæ lata non esset; & duos consulares, quise dicerent in ornandis provinciis consularibus assuise, cum omnino ne senatus quidem fuisset.* Ex quibus item percipitur, tum consules ante legem curiatam latam consulum gestisse, quippe qui legem eam ad populum tulerint, tum legem curiatam fuisse de imperio non civili, sed militari ac provinciali. Ut autem lex curiata consulibus in provincia militare dedit imperium; sic in urbe senatusconsultum illud: ut viderent ne quid detrimenti resp. acciperet: de quo Sallustius in Cat. *Senatus decrevit darent operam consules, ne quid resp. detrimenti caperet: ea potestas per senatum more majorum magistratui maxima permittitur, exercitum parare, bellum gerere, coercere omnibus modis civem, atque socios, domi, militæque summum imperium, ac iudicium summum habere: aliter sine populi jussu nullius earum rerum consuli ius est.* Quæ verba hanc nobis lucem afferunt, ut intelligamus, consules jure consularis exercitum parare, bellumque gerere non potuisse, neque domi militæque summum imperium habuisse, quod certe habuissent, si imperium unum tantum esset, idque centuriatis comitiis cum magistratu ipso delatum esset. At vero, cum, nisi in atroci negotio, mandatum non sit, sane intelligi potest, duo eorum fuisse imperia, unum civile, alterum militare. Jam vero prætores urbanum & peregrinum, quique publicas quæstiones exercuerunt, priore item tantum imperio fuisse affectos affirmo, posteriore nego: provinciales autem omnes utrumque habuisse contendendo, civile quidem, nempe jurisdictionis lege centuriata, militare vero ipsum sine dubio curiata: sic enim Cicero testatur in oratione de suppliciis, de Verre Siciliæ prætor loquens: *Cum tibi prætori forte obtigisset, ut ius diceres, quantum negotii, quid oneris haberes, nunquam cogitasti: sequuta provincia est: in qua tibi nunquam venit in mentem, non tibi circos, fasses, & securæ, & tantam imperii vim, tantamque ornamentorum omnium dignitatem datam, ut earum rerum vi, & auctoritate omnia repagula juris perfringeres: in qua te ita gessisti, ut, cum omnibus teneare rebus, ad bellum fugitivorum confugas.* Hic enim locus docet, non esse idem imperium prætoris urbani, ac provincialis: vocat enim curationem urbanam negotium & onus, provincialem vero imperium; quippe quia provincialis prætor non solum ius in provincia diceret, ut Romæ urbanus, sed etiam rem militarem administraret: & Cæsar lib. 1. belli civilis: *In reliquis provinciis prætores mittuntur, neque expectant, quod superioribus annis acciderat, ut de eorum imperio ad populum referatur, paludatque votis nuncupatis exeunt; quibus verbis nonne aperte admonemur, prætores provincias a senatu, imperium a populo accepisse? Præter hos autem fuerunt alii quidam consulares, atque prætorii, qui provincias quidem obtinuerunt post magistratum, verum non continuo ex ipso magistratu, ut Cic. & Bibulus aliquot post consulatum annos Ciliciam & Syriam, & Cato aliquot post præturam annos Siciliam. De his autem idem iudicium est; quanquam enim ex privatis in provincias missi sunt, tamen quia jure magistratus Romæ gesti provincias eas adepti sunt, eodem modo in provinciis & potestatem, & imperium habuisse censeo, potestatem in jure dicendo, imperium in re militari: quam ab omnibus iis, quos nominavi, administratam constat, ita ut Cicero & Bibulus de triumpho etiam cogitarent. Ut autem provinciam ex S. C. & forte obtinuerunt, sic eisdem provinciam lege curiata accepisse opi-
 H h h*

nor. Relinquuntur quidam, qui neque ex magistratu, neque post magistratum, sed ex privatis non in provincias, sed ad bella cum imperio mittebantur aut consulari aut pratorio, unde proconsules, aut praetores dicebantur: mittebantur autem aut S. C. aut lege, ut P. Scipio procos. in Hispaniam, C. Octavius pro praetore in Galliam, Hosigitur, atque ejusmodi alios magistratus fuisse nego, cum imperio fuisse dico; sed tamen non lege curiata accepto. Magistratus non fuerunt, quia neque auspiciis neque iudiciis habuerunt. Auspiciis non habebant, quia a populo non acceperant, ut testis est Cicero in libris de Divinatione: nam praeter Scipionem reliqui omnes tribus comitiis, quae erant inauspicata, imperium acceperunt. Iudiciis autem non habebant, quia provinciam, in qua jus dicebant, non habebant: nam cum Scipio in Hispaniam missus est, Hispania nondum erat provincia, cum Octavius in Galliam, Gallia a D. Bruto procos. tenebatur: praeterea in senatusconsulto, quo ille pro praetore esse iubetur, haec sunt verba apud Ciceronem: *Demus imperium C. Caesari, sine quo exercitus haberi, bellum geri, res militaris administrari non potest*, non autem sine quo jus in provincia dici non potest. Cum imperio ergo appello, cum potestate exercitus habendi, bellique gerendi: quod tum verbis his Ciceronis confirmo, tum iis quae sunt in oratione de suppliciis: *Cum paulo ante nuntiatum esset de Templano incommodo, atque inveniretur nemo, qui in illa loca cum imperio mitteretur*: nimirum enim imperium militare significat, non iurisdictionis potestatem: neque enim Templum illud incommodum cognitione praeoris eguit, sed exercitus auxilio. Adde quod qui civilem adeptus potestatem erat, quae magistratum ipsum attingebat, is in urbe manebat; qui cum imperio erat, quoniam exercitus habendi potestatem obtinebat, idque parum civili tutum libertati putabatur, is statim ex urbe egredi, & aut in provinciam, aut ad bellum delatum proficisci, aut ad urbem cum imperio manere jubebatur; ubi vero ex provincia, belloque reversus erat, aut statim urbem privatus ingredi, aut, si de triumpho cogitabat, ad urbem morari solebat. Quod si triumphum impetrasset, tum, quoniam triumphare sine exercitu non poterat, exercitum autem haberi sine imperio non licebat, imperium autem militare in urbe non concedebatur, propterea lex ad plebem de imperio ejus dici ferebatur. Ac de imperio quidem ipso ad urbem multi loquuntur, sed in primis Afconius: *Ad urbem esse dici solet de iis, qui cum potestate provinciali aut nuper e provincia revertissent, aut nondum in provinciam profecti essent*. Et Cicero pro Sextio: *Erat Pompeius ad portas, erat cum imperio*: recte, nam Hispanias procos. obtinebat: & Salust. in Catilina: *Metellus, & Marcus erant imperatores ad urbem, impediti paucorum invidia, ne triumpharent*. Et Cic. in 4. Verrina: *Verris, simul atque ei forte provincia Sicilia evenit, statim Roma, & ad urbem, antequam proficeretur, &c.* Iterum Afconius in orationem pro Scauro: *Horum magna pars per tabulas laudaverunt, quia aberant: inter quos Pompeius quoque: nam quod erat pro console, extra urbem morabatur*: & Dio: *Pompeius extra pomerium populum evocavit: nam imperium proconsulare habebat, nec poterat in urbem ingredi*. De imperio vero, quod uno die triumphantes habebant in urbe, sic Livius: *Paulo, Anicio, & Octavio decretum est ab senatu triumphus: mandatumque Q. Cassio praetori, cum tribuniis plebis ex auctoritate patrum ageret, rogationem ad populum ferrent, ut iis, quo die autem triumphantes inirent, imperium esset*: & alibi: *Tribuni plebis ex auctoritate patrum ad populum tulerunt, ut M. Marcello, quo die urbem ovans iniret, imperium esset*. Quibus omnibus ex locis neminem esse existimo, quin videat, duo elici posse, tum imperii nomine rei

A' militaris administrationem praecipue notari, tum idem imperium non semper lege curiata mandari. Etenim & iis, qui ex privatis ad bella cum imperio proficiscebantur, nullo modo necessaria lex curiata erat: iis, qui ex magistratu in provinciam ad iudicandum, bellumque, si res tulisset, gerendum mittebantur, non omnino: id quod Cicero significavit, cum dixit in epistola ad Lentulum: *Appius consul dixit in senatu, sese, si licitum esset legem curiatam ferre, sortitum cum collega provinciam, si curiata non esset, comparaturum cum collega, & tibi successurum, legem curiatam consuli ferre opus esse, necesse non esse: se, quoniam ex S. C. provinciam haberet, lege Cornelia imperium habiturum, quoad in urbem introisset: sunt qui putent, te non posse decedere, quod sine lege curiata tibi succedatur*: & libro tertio ad fratrem: *Appius sine lege curiata confirmat, se Lentulo nostro successurum*: & libro 4. ad Atticum: *Appius sine lege, suo sumptu, in Ciliciam cogitat*. Quibus ex verbis colligi mihi posse videtur, consulem, qui ex S. C. provinciam habebat, sine lege curiata imperium habere potuisse, quia legem curiatam de imperio ferre consuli opus fuerit, necesse non fuerit: usque adeo, ut qui legem curiatam haberet, publico sumptu in provinciam proficiceretur, qui non haberet, suo, ut Appius facere decreverat. Atque eodem etiam pertinere verba Cn. Pompeii ad Senatum, a quo missus adversus Sertorium erat, opinor, cum a senatu stipendium peteret: *Equidem fateor, me ad hoc bellum majore studio, quam consilio profectum, qui nomine modo imperii a vobis accepto diebus quadraginta exercitum paravi*. Quasi vero velit dicere, se accepto modo a senatu nomine imperii, quo jus adeptus est exercitum comparandi, & bellum gerendi, suo sumptu in Hispaniam esse profectum. Atque hoc quidem meum est de lege curiata, imperioque iudicium. Gruchius autem longe aliter opinatur. Legem enim curiatam duplicem esse censet; unam, quae omnibus lata sit magistratibus, alteram, quae iis praecipue, qui exierint in provincias: atque utraque idem imperium impertitum. Imperium autem ipse appellat summam cuiusque magistratus auctoritatem: quoniam autem ad summam dictatorem, consulum, praetorum, proconsulum, & propraetorum auctoritatem pertinet, ut praeter iurisdictionem bellum etiam gerere possint, id totum fuisse imperium arbitrat. Hoc autem imperium consules, & praetores accepisse comitiis centuriatis, & curiatis: fuit enim jus ipsum magistratus, quod binis hic comitiis transmissum existimat. Quod si iidem consules, praetoresque in provincias, quas ex S. C. obtinuerint, proficisci voluerunt, eos necessario nova curiata de imperio lege ornari oportuisse existimat. Eodemque modo privatos omnes idem imperium primum senatusconsulto, deinde lege curiata accepisse: eosdem etiam, quamvis sine provincia fuerint, magistratus habitos esse, quia imperium, id est, magistratus auctoritatem, obtinuerint. Ex quibus intelligi potest, quinque potissimum de rebus inter nos, & quidem maximis, discrepare; una, quod ille magistratibus omnibus in provincias profecturis necessariam utique fuisse legem curiatam existimat, nos non utique; altera, quod potestatem belli gerendi privatis concessam ille magistratibus, nos imperium appellamus; tertia, quod ille privatis etiam ad bellum, provinciaeque tendentibus omnino necessariam fuisse eandem curiatam de imperio legem putat, nos nullo modo; quarta, quod imperium ille iurisdictionis & rei militaris unum statuit, atque iidem comitiis delatum opinatur, nos alterum ab altero distinguere, atque diversis comitiis mandari dicimus; quinta, quod ille duplicem curiatam facit, unam, quae magistratibus omnibus de imperio cuique magistratui accommodatam; alteram, quae potissimum provincialibus: nos unam tantum statuimus, quae provincialibus. De quibus quaestionibus placet de-

inceps eodem hoc qualicumque, quo ille instituit, ordine differere, argumentis nostrum utriusque inter se conferendis. Primum ergo duas ille Livii profert auctoritates, cum mihi non incognitas, tum minime omnium me lædentes; nam, quæ ex iis eruit, ea meæ potius, quam illius opinioni convenientia sunt. Earum una illa est e lib.5. *Comitia curiata, quæ rem militarem continent*: altera e no-
mo: *Dictatori legem curiatam de imperio ferenti triste omen diem diffidit, quod Saucia curia principium fuit*: atque hanc quidem in me convertit, qui scripseram, mirari me, quod non curiatæ legis de imperio frequentior in veteribus annalium monumentis mentio inveniretur, si ea magistratibus omnibus esset utique necessaria: atque ex tribus cladibus ibi a Livio memoratis, ad Cremeram, captæ urbis, & Caudinæ pacis, quas omnes decretum curiarum præcesserit, hoc quotannis, atque in singulis magistratibus servatum esse contendit. Qui locus neque mihi fuerat ignotus, & singularis est, nec meam prorsus admirationem tollit, qui rem tantam non uno in loco, obiter, & obscure, sed in multis, ex insituto, atque aperte tradi cupiebam.

His autem rebus expolitis primam ille quæstionem aggreditur: An omnibus magistratibus in provincias profecturis lex curiata de imperio necessaria fuerit. Necessariam autem omnino fuisse duabus adductis auctoritatibus putat; una Ciceronis: *Consuli, si legem curiatam non habet, rem militarem attingere non licet*; altera Livii: *Curciata comitia rem militarem continent*: ex quibus elicit, legem curiatam omnino fuisse consulis necessariam, quod res militaris in primis ad eos pertineret. Ego autem dico, consulis, prætoribusque legem curiatam de imperio fuisse necessariam, non ut magistratum, quemadmodum ille inquit, gererent, sed ut rem bellicam, & provincias, quæ eis ordine commitebantur, administrarent, verum non ubique: atque hoc ex sententia Appii consulis, qui dixit: *Consuli legem curiatam ferre opus esse, necesse non esse*: quem locum in hunc modum interpretatur: Appium consulem legem curiatam postulasse, ut legitime imperium obtineret, maligne autem legem Corneliam interpretatum esse, quæ esset non de obtinendo, sed de prorogando imperio: quare dixisset, se non violaturum legem Corneliam, si, quæ ad legitimum imperium obtinendum necessaria essent, non observasset. Ego vero dico, Appium legem curiatam poposcisse, non tam ut legitimum haberet imperium, quam ut ornata viatico provinciam obtineret: atque hoc significare verba illa ejus: *Consuli legem curiatam ferre opus esse, necesse non esse*, id est, utilem quidem esse, verum non ita necessariam, ut omnino sine illa provincia cum imperio obtineri non queat. Sic enim locutus est etiam in libris de Oratore: *Tertium, genus etiam si opus est, tamen minus est necessarium*, cum de genere demonstrativo loqueretur utili potius civitati, quam necessario. Non esse autem utique necessariam, in hunc modum dico ab Appio confirmari. Qui provinciam ex S. C. obtinet, is imperium habet, habebitque ex lege Cornelia, donec in urbem reverteretur: atqui ego provinciam habeo ex S. C. ergo habeo etiam ex lege Cornelia imperium sine lege curiata: verum non ita commode: nam meo mihi sumptu, sine publico viatico erit proficiscendum: si quidem alio loco hoc ipsum declarat, cum inquit: *Appius sine lege, suo sumptu in Ciliciam cogitat*: atque hanc consuetudinem, nescio, an Dio quoque attigerit libro 52. cum de provincialium rectoribus scripsit: *Antiquitus qui munus publicum gerendum suscipiebant, si omnia, quæ ad imperium pertinerent, de suo suppeditabant. Augusto autem imperante illi certam accipere mercedem coeperunt*. At Cicerone, inquit Gruchius, paulo post subijcit: *Sunt,*

Alqui putent, te non posse docedere, quia sine lege curiata tibi succedatur: ex quo declaratur, legem curiatam non utilitatis gratia necessariam fuisse, sed juris. Quid? nonne Appius consul quoque jus novit: at hic & in sermonibus, & in senatu dixit, Consuli legem curiatam ferre opus esse, necesse non esse. Quod si, ut conficitur Gruchius, imperium interdum sine lege curiata haberi extra ordinem potuit, & si triumphaturi, ut supra declaravimus, unius diei imperium comitiis tributis non centuriatis obtinuerunt, & si lex curiata in provinciis executibus utilis potius, quam utique necessaria fuit, non tam ut haberent imperium, quam ut ornatus, atque etiam auspiciatus obtinerent, satis argumenti est, legem curiatam non semper fuisse habendo imperio necessariam. Altera quæstio sequebatur, An privati, cum imperio ornabantur, id ipsum ex lege curiata assequerentur. Affirmat hoc Gruchius, idque duobus argumentis; uno, Si magistratus egerunt curiata, multo magis privati; altero, cum lex curiata prætoribus provincialibus ferebatur, æque omnibus ferebatur: quare cum eorum multi multos ante annos præturam gessissent, privati quoque multis fuerit lata, necesse est. Quibus ego: Si magistratus, ut probavi, non utique egerunt curiata, neque privati: magistratus autem non egerunt, quia provinciam, & in ea imperium ex S. C. habuerunt; neque privati, quia ad bellum cum imperio, aut S. C. aut plebiscito missi sunt. Prætorii vero illi, quamquam privati, id est, sine magistratu erant, tamen quia jure magistratus, quem in urbe gesserant, provincias obtinuerant, eadem prope in causa fuerunt, atque ii, qui ex prætura statim in provincias abierunt.

Proconsoles præterea, & proprætores magistratus esse negaveram. Refellit hoc ille deinceps aliquot argumentis in tertia quæstione. Eorum autem omnium brevi hac allata distinctione facilis est dissolutio. Proconsoles, & proprætores alii in provincias ad iudicandum, & bellum, si res tulisset, gerendum missi sunt, qui magistratus fuerunt, ut Cn. Pompeius procos. in Asiam, M. Cicero in Ciliciam: alii vero ad bellum tantum, & hi magistratus non fuerunt, sed cum imperio fuisse dicti sunt, ut P. Scipio procos. in Hispaniam, & C. Octavius in Galliam. Non fuisse autem magistratus, auctor non contemnendus est Livius, qui de P. Scipione ita loquitur: *Ob res gestas magis est tentata triumphi spes, quam petita pervinaciter, quia neminem ad eam diem triumphasse, qui sine magistratu res gessisset, constabat*. De C. Octavio Cicero: *Demus imperium Casari, sine quo res militaris administrari non potest*: non enim dixit, sine quo jus dici non potest. Neque enim sola militaris jurisdictionis plenum attulisse imperatori magistratum videtur, quia Livius nunquam Scipionem procos. sine magistratu fuisse asseruisset, neque Svetonius scripserit in Tiberio: *Nemine cum imperio, aut magistratu tendente quoquam, quin Rhodum diverteret*: nec Livius iterum libro 42. *Locustarum tantæ nubes a mari vento repente in Apuliam illatae sunt, ut examini-
bus suis agros late operirent: ad quam pestem frugum tollendam Cn. Sicinius prætor designatus cum imperio in Apuliam missus, ingenti agmine hominum ad colligendas eas coactis aliquantum temporis absumpsit*. Neque enim illud Sicinii imperium, magistratus imperium dici potest, cum ille magistratum nondum inisset, sed adhuc designatus prætor esset. At proconsoles, & proprætores fasces habuerunt: non repugno: illud dico, non jus fascium, sed auspicium & iudicium magistratum asserre: siquidem multi magistratus fuerunt sine fascibus, & multi fasces habuerunt sine magistratu, sed tamen non sine imperio. At iidem proconsoles a Cicerone magistratus vocantur. Sit id sane, quod nullo modo esse contendit: quid? nonne idem Cicero tribunum

plebis magistratum appellat, quem tamen Livius ac Plutarchus certis rationibus magistratum non esse convincunt? certe: quid ita? nempe quia aliter loquitur in historia, cum artem quali veteris memoriam prodimus, aliter in orationibus, cum clientis causam vincendi causa defendimus: ibi enim propria vocabula usurpantur, hic translata fere, ac saepe homonyma conquiruntur. Quod si tribuni plebis non sunt magistratus, quia antiquitus, ut inquit lib. 13. Gellius, creati sunt non juri dicundo, neque causis, querelisque de absentibus noscendis, sed intercessionibus faciendis, quibus praesentes fuissent; profecto neque proconsules & pro praetores isti magistratus erunt, quia non juri dicundo, sed rei gerendae delecti sunt, quippe qui provinciam non habeant, cui jus dicant, sed in hostili fere agro, aut in aliena provincia bellum gerant. At proconsules, inquit, & propraetores auspicia habuerunt: proconsules, quia in provincias profecturi legem curiatam comitiis auspiciis latam habuerunt; propraetores, quia cum L. Martium in castris pro praetore milites delegissent, graviter id tulit Senatus, quod (teste Livio) diceret, rem mali exempli esse, imperatores legi ab exercitibus, & solenne auspicatorum comitorium in castra transferri. Acute Heracle, atque ingeniose, quis negat? at parum tamen ad vetulitatis veritatem accommodat. Primum enim, cum dicimus proconsules caruisse auspiciis, non loquimur de iis, qui provincias ex consulatu obtinuerunt, sed de iis, qui privati ad bellum cum imperio missi sunt: deinde cum dicimus proconsules, & propraetores auspicia non habuisse, utrosque non inauspicato creatos esse, sed rem inauspicato gessisse intelligimus: postremo addimus, quicunque auspicii usi non sunt, eos neque auspicia a populo accepisse: quoniam autem proconsules, & propraetores auspicia non adhibuerunt, propterea effici, ut neque ea a populo acceperint; quo posito sequitur, ut nemo proconsulum, ac propraetorum, qui ad bellum cum imperio missi sint, curiatis comitiis, quae auspiciata erant, imperium acceperit, sed tribus. Atque haec omnia, quae dicimus, ex Ciceronis sententia dicimus, qui in 2. de divinatione ita scriptum reliquit: *Dei otia auspiciis semper utebatur, nos nisi dum a populo auspicia habemus quam multum iis utimur? bellicam rem administrari majores nostri nisi auspiciato noluerunt: quam multi anni sunt, cum bella a propraetoribus, & proconsulibus administrantur, qui auspicia non habent? itaque nec annes transeunt auspiciato, nec tripudio auspicantur.* Ex quibus verbis quis est, qui non intelligat, proconsules, & propraetores, qui ad bella missi sunt, auspicia idcirco non habuisse, quia a populo non acceperant? At teste, inquit, Livio, accipiebant, quia de L. Martio propraetore in castris lecto quiescit Senatus, rem mali exempli esse, solenne auspicatorum comitorium in castra esse translatum. Egregie sane. Est tamen intelligendum, querelam illam Senatui ad ea, quae antea factitata essent, non quae postea fieri coepit, retulisse. Ante Martium enim, qui a populo imperium acceperant curiatis comitiis omnes acceperant, consules, praetores, ac dictatores. Nam de privatis ante P. Scipionem vix quengnam invenias, quem unico etiam exemplo centuriae proconf. in Hispaniam eodem anno, quo in castris L. Martium milites, delegerunt. Quare Senatus graviter ferebat, curiatorum comitorium auspicia prope in castra esse translata, quibus ante praetores, non privati homines consueissent ornari.

Deinceps quintam de lege curiata disputationem aggreditur, eamque statim, longo de imperio, nescio quo modo, sermone injecto, dimittit, haud ita post multo repetiturus. Nos autem ad omnia, quae ab eo de lege curiata dicuntur, post uno loco respondendi, latius nunc de imperio, quae quarta fuit

A quaestio differemus. Primum ergo unum ille tantummodo imperium statuit summam cuiusque magistratus auctoritatem. Atque hoc modo consules, itemque praetores duplici imperio praeditos fuisse: uno civili, altero militari: censores autem civili tribunos militum militari tantummodo asserit. Ego vero consules ipsos proprio sui magistratus officio civilium tantum rerum administrationem habuisse aio, nempe potestatem auspicandi, juris dicendi, in jus vocandi, prehendi, cum populo agendi, ad Senatum referendi, & si quid aliud fuit ejusmodi: militare vero imperium, id est, sacramento milites adigendi, exercitum habendi, bellumque gerendi jus in urbe quidem sine summo Senatusconsulto, extra urbem vero sine provincia, aut lege curiata nequaquam consequi potuisse. Ac de Senatusconsulto quidem auctorem esse, ut supra dixi, Salustium, de ceteris vero Ciceronem, & Livium. Quod si eorum omnis auctoritatibus ad rationem res revocetur, nego militare imperium eadem, qua consulatum, lege delatum, atque adeo cum ipso consulatu fuisse consulum. Primum, quia si consules jure magistratus rei militaris facultatem habuissent, magistratum autem aequae curiatis comitiis, atque centuriatis adepti essent, efficeretur, ut imperium ipsum militare non magis curiata legi, quam centuriata deberent: at curiata legi imperium acceptum reverterent, centuriata magistratum. Quis ergo dubitat, quin militare imperium a consulatu fuerit separatum? deinde, quia si lex curiata consulare imperium impertiret, sequeretur, ut consules consulare munus nullum obire ante legem curiatam de suo imperio latam possent. At legem ipsam curiatam de se cum tulerunt, opus consulare maximum peregerunt: ergo imperium lege curiata acceptum non consulare fuit, sed bellicum, atque ab illo longe sejunctum. Ad haec vero, si consulatus solus, non provincia adeptio, aut legis curiata de imperio latio, consules ipsos exercitu instruxisset; certe Caesar & Bibulus tum, cum in consulatu de rep. dissidebant, non edictis, & obnuntiationibus consularibus, sed exercitibus, & armis inter se contendissent: nullus autem consul ex omni memoria, aut adversus cives, aut contra hostes arma cepit, nisi aut summo S. C. armatus, aut provinciam, imperiumque ex consulatu adeptus. Quare, qui potestatem rei militaris cum ipso consulatu confudit, is se vetera reip. Rom. instituta parum cognita habere ostendit. Praetores porro imperium civile duntaxat habuisse assero, ut in urbe alii inter cives, alii inter cives & peregrinos jus dicerent, alii publicorum criminum quaestiones exercerent; militari vero imperio nullo fuisse praeditos, nisi extra ordinem fortasse dato confirmo.

Nam quin provinciales praetores juris dictionem, reique militaris potestatem habuerint, verum illam centuriatis comitiis, hanc curiatis acceptam, plane non dubito. Jam vero de censoribus quid dicam, cum id totum sit a me, nihil habeo. De militari vero tribunorum militum imperio respondeo, militare imperium duplex fuisse; unum ducis, qui suis auspiciis rem gessit, alterum ministri, qui mandato ducis obtemperavit. Non fuisse autem idem utrunque, quamquam utrunque rem militarem attigerit, ex eo apparere, quod bello Punico secundo Minucii magistri equitum cum suo dictatore Fabio nova lege aequatum imperium est. Quod profecto non esset factum, si par magistri equitum, ac dictatoris sui fuisset. Quod si magister equitum non eodem militari imperio ornatus fuit, atque dictator, profecto neque tribunus militum eodem, atque imperator. Hic enim belli gerendi potestatem habet, illum mandatis ejus obedire oportet, sed praefectis minoribus ac militibus im-

perare. Unde scivit Cic. in Legibus: *Militie, quibus jussi erunt, imperant, eorumque tribuni sunt.* In his autem tribunis militum idem est militare imperium, ac ius ipsum magistratus, quia remota militia nihil eis, in quo magistratum suum exercent, relinquunt. Atque hoc ipsum ius eis non lege curiata, sed tributa defertur. Esse autem imperatoris, & ministri ejus imperium longe diversum, ostendit quoque Cicero in oratione de provinciis: *Macedoniam tenui praesidio, etiam sine imperio per legatos nomine ipso populi Romanituebamur.* Quomodo enim sine imperio, si per legatos? nonne enim legati a praetore suo jurisdictionem, & rei gerendae ius acceperunt? sane. At aliud est suis auspiciis rem gerere, aliud alienis. Neque enim a populo Rom. provincia mandatur, imperiumve legato, sed proconsuli: quare absente proconsole provincia esse sine imperio dicebatur; nam imperium belli gerendi ius esse, idque soli duci convenire, contendimus.

Age vero, non placent haec Gruchio. Num vero probatur illud, cum imperio esse, significare, exercitui praesse, cuius quis sit imperator? multo minus. Cur tandem? quia multi, inquit, in provincias profecti sunt cum imperio, qui tamen exercitui non praeserunt, quod in loca pacata proficiscerentur. Hoc loco ex eo scire cupio, primum, quo modo aliquis possit esse imperator exercitus, qui non praesit exercitui? Deinde quomodo si, teste Cicerone, exercitus sine imperio haberi non potuit, imperium sine exercitu ullum esse militare potuerit? at pacata, inquit, fuit provincia, ut opus exercitu, imperioque non fuerit. Quid? si provincia fasces securaeque Rom. praetoris perosa, ut saepe, defecisset, aut a finitimis hostibus bello petita fuisset, an vero illius retinendae atque tuendae gratia praetori Romam redeundum ad accipiendum imperium fuit? minime vero. Ergo praetores omnes provinciales & imperium & exercitum aliquem pro ratione provinciae aut quietae, aut infestae habuerunt. Argumento est, quod omnes paludati exibant, id est, insigni imperii militaris ornati. Quis hoc testatur? omnes, sed maxime Caesar lib. 1. belli civilis: *In reliquis provincias praetores mittuntur, paludatique votis nuncupatis exeunt.* Quin etiam Theophilus in Institutionibus docet, praetores hyemem jurisdictioni, aestatem rei militari dicasse. At sylvae, inquit, & calles aliquando consulibus provincia dabatur, ergo sine imperio, id est, sine exercitu. Lubricus sane locus. Sed non deest, quid respondeam. Primum audi quaeso, quid scribat Tacitus lib. 4. *Erat in iisdem regionibus Curtius Lupus, cui provincia, vetere eo more, calles evenerat: is disposita classiariorum copia captantem tum maxime conjunctionem disiecit.* Num vero hic caruisse dici potest imperio, quamvis calles fortitus esset, qui classarios conscripsit, conjunctionemque compressit? Quid? Cn. Sicinius adversus locustas cum imperio extra ordinem missus est, consules in calles & sylvas provinciam ordine mittentur sine imperio? non equidem puto. Quid est enim tam absurdum, quam aut provinciam sine imperio aut imperium sine exercitu constituere? nisi vero ut senatori legatio aliquando sine mandato honoris causa concessa est, sic magistratui militare imperium sine militari munere sit transmissum, & ut senatores quidam fuerunt, qui ius dicendae sententiae non habuerunt, sic imperatores exiterunt, qui iure imperatorio caruerunt. Habuerunt quidem inquit, potestatem exercitus comparandi, si opus fuisset, verum exercitui non praeserunt. Habeo quod volo, si habuerunt potestatem exercitus constituendi, sane militare imperium habuerunt, si exercitui iusto non praeserunt, quod eo opus non fuit, at legatos, tribunosque militum, & praefectos in ufu rei militaris secum duxerunt, at cohorti saltem ipsi praetoriae praeserunt: neque enim sine his pra-

A tor aliquis provinciam ullam administravit. Verum haec fortasse ferenda. Quid quod imperium etiam potestatem esse exercitus habendi negat? negat? imo vero argumentis refutat. Quae sunt ista? Unum: Si imperium est potestas exercitus, cui praesit, non omnibus accommodabitur, quia multi nullum exercitum habuerunt, quibus prorogatum imperium dicitur. Cui ego: duos fuisse, quibus imperium prorogatum legamus, magistratus provinciales, ut proconsules ac praetores, & imperatores, ut proconsules ac propratores. Cum autem prorogatum his imperium legimus, intelligendum est, prorogatum id totum esse, quod habebant, ut provincialibus provinciae administrationem, quae in iuris dictione & re militari consumitur, imperatoribus rei militaris tantum.

Qui vero urbanum magistratum gerentes in alterum annum resciebantur, iis non prorogatum imperium dici, sed magistratum continuatum, ut scilicet Mario consulatum. Et si imperio militari fortasse praediti fuissent, post etiam imperium prorogatum. Quibus vero consulibus imperium prorogatum dicitur, iis non magistratum continuatum, ut consules in insequentem annum essent, sed rei bellicae administrationem prorogatum, ut pro consulibus rem gererent. Quod docet his verbis Livius lib. 8. *Altum cum tribunis plebis est, ad populum ferrent, ut cum Publius Philo consulatu abisset, pro consule rem gereret.* Et paulo post: *Duo singularia haec ei viro contingere, prorogatio imperii non ante in ullo facta, & actio honore triumphus.* Neque vero impedit, quin alicui prorogari imperium, id est, potestas habendi exercitus possit, quamvis exercitum non habeat. Nam conficere potest. Si modo imperium cuiquam unquam est prorogatum, qui exercitui omnino nulli praeset. Alterum argumentum ejus est: Si propratoris potestas in jurisdictione, & reliqua provinciae administratione versatur, & cum imperium datur, is proprator esse jubetur, profecto imperium non est belli facultas. Ain tandem? Propratorum omnium potestas in jurisdictione, & provinciae administratione est? At C. Octavius in Gallia, quam tenebat Brutus, invalerat Antonius, quam tandem jurisdictionem exerceuit? Nam qui provinciae administrationem, non rei militaris, in provincia obtinuerunt, eos jurisdictionem cum imperio affectum, cum provinciam Senatusconsulto, vel tributa lege adepti sunt, confitemur. De illis, qui ad bellum tantum sine provincia missi sunt, repugnamus. An vero illud consequens est, habet imperium, si neque res militaris administrari non potest, ergo jurisdictionem? nonne enim multi cum imperio subsidio consulibus missi sunt, qui jurisdictione tamen caruerunt, nisi aequo cum iis fortasse imperio fuerint, ut Pompeius cum Metello in Hispania contra Sertorium? An vero, cum inquit Cicero: *Demus imperium Caesari, sine quo exercitus haberi, bellum geri, res militaris administrari non potest, inepite, ut tu arguis, repetit idem? An potius, quae in voce imperii inclusa tenebantur, aperit, atque dilatat, eaque ad causam suam oratorum more accommodat, & quasi imperii definitionem per partes affert?*

F Reliquum est, ut ultimo loco ei respondeam quaestioni, quam ipse de lege curiata appellat. Ea vero est, an lex curiata magistratui sit necessaria, an imperium, quod lege curiata defertur, in ipso magistratu sit insitum. Necessarium ille esse arbitrat ex verbis Messalae supra recitatis. Ex quibus in hunc modum argumentatur: Majores & minores magistratus habuerunt auspicia, illi majora, hi minora. Majora dicta, quae magis rata; minora, quae minus: si ergo minores habent auspicia, profecto habent ex curiatis comitiis: nam tributa, quibus creantur, inauspicata sunt. Itera dum eadem ista mihi,

Gruchi. Quid enim ais? Magistratum habere auspicia, est ne comitiis auspiciis creati, an potius possent in comitiis auspiciari, id est, de caelo servare, & sua nuntiatione comitia impedire? hoc certe. Quia omnibus hoc magistratibus licuit. Cum tamen omnes auspicio non crearentur. Unde edictum consulum exiit in comitiis consularibus: Ne quis minor magistratus de caelo servasse vellet. Et majores magistratus majores, id est, magis rata auspicia habuisse dicuntur, quia ratum erat magis, quod nuntiabat major, quam quod minor. Quid ergo proficis aut assequeris, cum ita urges? Omnes magistratus habuerunt auspicia, ergo comitiis auspiciis creati sunt. Nihil, aut parum, opinor. Cur ita? quia alio modo accipimus auspicia, cum dicimus, *magistratus omnes habere auspicia*: alio cum dicimus, *auspiciis eisdem comitiis declarari*. Illo observationem de caelo intelligimus, qua magistratus in omnibus comitiis uti sunt, ut Jupiter ne fuisset, an tonuerit fulminarive, attenderint; hoc inspectionem avium, quam augures ad bina tantum comitia curiata & centuriata adhibuerunt. Quare dixit Cic. in epist. ad Att. lib. 4. *Nisi tres augures dedissent, qui se assuisse dicerent, cum lex curiata ferretur, quae lata non esset*. Ex quo fit, ut magistratus omnes auspicia quidem habuerint, id est observationem de caelo, at auspiciis comitiis non omnes tamen creati sint. Quia nonnulli tributis creati sunt. Quae quanquam non omnino inauspicato habita sunt, quia observationem de caelo habuerunt, unde illa de Caesare: *Ille autem, qui comitiis tributis auspiciatus erat, centuriata habuit*; attamen inauspicata dicuntur, quia augurum auspiciis caruerunt. At Cicero, inquit, in agraria dixit, magistratum lege curiata dari, & triumviri coloniae deducendae lege curiata fuerunt ornati; & tamen imperium militare non habuerunt. Quid me ista, Gruchi, laedunt? qui & verba Ciceronis, quo modo essent accipienda, ostendi; & triumviris lege curiata fuisse ornatos, nullo loco scripti. Nam quod eos sub vexillo deduxisse colonos in libris de jure Italiae prodidi, id longe est ab eo, de quo nunc agimus, alienum.

Eos vero, & lege curiata, & militari imperio caruisse, nisi quid extra ordinem latum sit, ut de decemviris suis tulit Rullus, affirmo.

Institutum porro in ipso magistratu fuisse imperium ille censet, qui lege curiata mandat, atque id his argumentis confirmat. Primum, inquit, omni dictatori, consuli, aut consularem potestatem habenti, praetori, aut praetoriam potestatem habenti, ut rem militarem pro jure sui magistratus attingeret, opus fuit lege curiata. At lex curiata dat imperium, id est, rei militaris attingendae potestatem, ergo legis curiatae imperium in ipso magistratu fuit inclusum. Repero id, quod jam saepe dixi, (sic enim me facere institutus ab illo hujus ordo disputationis cogit.) Magistratui nemini pro jure suo rem militarem tractare licuisse; si tractare voluerunt, novo eis Senatusconsulto, ac nova lege opus fuisse. Quare militare imperium in ipso magistratu haudquam fuisse institum. Quod si lex curiata jus magistratus expleret, non autem potius aliquid adventitii juris adjungeret, fore ut dictatores, consules, praetoresque cum populo agere, aut publicum obire munus ullum non ante possent, quam curiatam legem de suo imperio pertulissent.

Pergit inde & ait: *Dictatores multi fuerunt, qui nullum bellum gesserunt, ut seditionis sedandae, clavi figendi, senatus habendi, & alii; quibus tamen pro jure magistratus bellum gerere licuit, ut etiam magistris equitum*. Ex quo intelligi potest, imperium militare in ipso magistratu habuisse. Nullius argumenti tam expedita mihi videtur, ac tam facilis explicatio. Quis enim tam parum de his studiis cogitans, qui non legerit, aut certe non fando aliquando au-

diverit, dictatores ob id institutos fuisse; ut esset, qui, temporibus reipublicae postulantibus, reipublicam cum majori, quam qua consules essent, potestate, neque sine provocatione, administraret? atque hanc eos potestatem accepisse tum, cum a consulibus dicti sunt? Nam, si rem administrare bellum voluerunt, eos praeterea legem curiatam de suo imperio pertulisse, atque eandem tum potestatem in urbe habuisse, quam consules dicebantur habere, cum senatusconsulto illo summo armati erant, supra statuimus. Quis est item a veteri memoria cognoscenda tam alienus, qui non animadverterit, magistris equitum jus duplex fuisse, unum in urbe, ut pari jure esset cum eo, qui esset juris disceptator, idemque cum populo patribusque jus agendi haberet, id quod in Legibus suis Cicero scriptum reliquit; alterum, & magis proprium, in bello, ut equitatus imperaret? Quare quod adjicit: *Si quod lege curiata obtinebat imperium dictator, ad id imperium pertinuit, quod tam in urbe, quam extra urbem habebat, id vero imperium erat illud ipsum imperium, quod in ipso magistratu dictatoris habebat, & quod cum ipso magistratu obtinebatur*. Sane cum lex de dictatoris imperio lata esset, de toto imperio ejus, & non de militari tantum esset lata; hoc totum, inquam, quam leve atque infirmum sit, jam profecto nemo non videt. Neque enim imperium, quod per legem curiatam adpisceretur dictator, ad universum dictatorium imperium pertinebat, cum dictator ante legem curiatam perlatam dictatorio munere fungeretur, primum cum de rebus divinis in senatu refereret, deinde cum legem ipsam curiatam de imperio, aut de equo ascendendo rogabat, ut de M. Junio Livius: *Dictator rebus divinis perfectis, latoque ad populum, ut equum ascendere liceret, &c.*

Siquidem hanc quoque legem de equo ascendendo curiatam fuisse Gruchius in commentario comitiorum exilitum. Aliud: Cum Rullus, inquit, *ornavit decemviris lege curiata, ornavit eos magistratu, ergo curiatae legis imperium in ipso inclusum est magistratu*. Hic ego: Cum Rullus ornavit lege curiata decemviris, non ornavit eos magistratu, sed imperio, id est, adventicia quadam habendi exercitus potestate. Portenta mihi, inquit, mera narras. Atqui haec portenta loquitur auctor non contemnendus in Cicero Plutarchus, cum inquit, Rullum lege sua decemviris permisisse pecuniam ex aerario sumere, *εραρίωντας τρέφειν καὶ καταλεῖν ἐν πόλει διοίοντες*: id est, exercitum alere, & conscribere, quanto opus esset; cumque eos ἀνορχήτους constitutos inquit. Eadem portenta loquitur ipse Cicero, cum inquit: *Dat potestatem verbo praetoriam, re vera regiam. Definit in quinquennium, facit sempiternam. Tantis enim confirmat opibus & copiis, ut invitis eripi nullo modo possit*. Si enim Rullus praetoriam potestatem in provinciis Romanorum tribuit decemviris, certe non potestatem praetorum urbanorum tribuit, sed provincialium, quos per legem curiatam imperium militare diximus habuisse. Si confirmat opibus, certe pecunia. Nam *sumptum*, inquit, *haurit ex aerario*; si copiis, ergo exercitu. Urget postremo vehementius, sic enim ipse loquitur, & ait: *Consules, praetoresque comitia centuriata in urbe habuerunt, quibus imperabatur exercitus. Censores item lustrum faciendo exercitum imperarunt, neque id sine militari imperio; quomodo ergo militaro imperium servocabis a magistratu?* Quo argumento nullum ego imbecillius esse judico. Qui enim fieri tandem potest, ut qui comitia centuriata habuerunt, vere militare imperium habuerint, cum neque potestatem belli gerendi, neque exercitus habendi, sed populum in centurias dividum, quasi quandam exercitum convocandi, atque cum eo agendi habuerint? id quod ex eo perspicuum est, quia qui militare impe-

rium habuit, adegit sacramento militari exercitum, omnesque milites in sua verba jurare coegit. Qui vero comitia, non item. Ut omittam, si vera illa, non adumbrata, species quædam exercitus esset, ne illud quidem imperium in urbe, ut inquit ille, futurum, cum comitia centuriata non in urbe, sed in campo extra pomerium haberentur. Quid? an vero censorum imperium verum fuit, cum populum quasi exercitum in campo lustrant? multo minus. Cur? quia aliud fuit, censorio more populum lustrare, aliud imperatorio exercitum. Ad censum convenerunt patresfamilias, ut familiam fortunæque suas jurati profiterentur: ad delectum juniores, quorum plerique filiifamilias, ut nomina sua in militiam profecti, se solenni, & quidem longe ab illo diverso sacramento obstringerent. Addit, si triumviri, quia sub vexillo colonos deduxerunt, imperium militare habuerunt, multo magis censores: quorum utrunque nego. Ut enim non vexillum, sic neque lustratio causam attulit, ut aut triumviri, aut censores militari imperio fuerint insigniti. Nam vexillum imaginarium fuit, & lustratio illa tota non militaris fuit, verum censoria. Atque ex his quidem perspicuum est, nihil tam obscurum esse, quam id, quod ipse se perfecta inductione planum fecisse gloriatur, omnibus magistratibus, ut magistratus sui jus plenum haberent, opus lege curiata fuisse. Quas enim protulit auctoritates non magistratibus omnibus, sed tantum dictatoribus, consulibus, prætori-

busque, quibus res militaris esset reipublicæ causa tractanda, & provinciarum rectoribus necessariam fuisse convincunt. Quæ de re inter nos convenit. Rationes autem, quibus, remotis auctoritatibus, utitur, reprehensione antecedentis, aut consequentis, aut certe brevi & minime fucata distinctione franguntur omnes, & eluduntur. Hæc habui, quæ breviter de his quæstionibus scriberem. Quæ tantum abest, ut ad Gruchii, hominis de his literis optime meriti, imminuendam auctoritatem ediderim, ut ob id potissimum me ad scribendum adductum esse confitear, ne gravissimum hominem despiciere, præsertim acrius in me invehentem, si sine responso dimissem, viderer.

De Gruchio & Sigonio.

Antiquata jacent veteris quæ culmina Romæ,

Fractaque disjectis mœnia ruderibus,

Es lingue accusant & barbara prælia dextræ:

Sic ut vix sit pes quod fuit ante caput.

At nunc doctarum linguarum mite duellum,

Et cædes hosti non nocturna suo,

Instaurant Romam, quæ vos, Gruchi atque Sigoni,

Mavult quam pacem bella movere sibi.

Q. Septimius Florens Christianus.



NICOLAI GRUCHII
AD POSTERIOREM
CAROLI SIGONII

de binis magistratuum Romanorum comitiis, & de
lege curiata disputationem, refutatio.

VIRO CLARISSIMO,
FRANCIÆ CANCELLARIO
MICHAELI HOSPITALI
NICOLAUS GRUCHIUS S. P. D.



IN gravissimorum negotiorum infinita prope multitudo, quæ pro tui magistratus munere abs te, maximo reip. Gallicæ commodo, eximia cum laude geruntur, locum tamen aliquem humanarum literarum commentationi relinquere, omnes quibus tu probe notus es, & sciunt & prædicant. Quin etiam horas subcisvas, si quas potes arripere, te mansuetioribus musis dare, omnes testificantur, qui otii ac negotii tempora quam præclare sunt apud te dispersita, observarunt. Itaque si meam cum Carolo Sigonio, viro in primis erudito, disputationem, quæ tota versatur in antiquitatis Romana illustratione, quæ tu plurimum, pro tua singulari in hoc genere eruditione, oblectaris, ad te ultro misissem: mihi verendum non erat, ne aut ingratum tibi esset hoc literarium munusculum, aut indignum videretur cujus tu lectione aliquando delectarer. Est enim ut valde obscura, ita acerrimo limatissimoque tuo judicio baud indigna, quæ inter nos agitur, de binis magistratuum Romanorum comitiis, & de lege curiata, quæstio. At ego certe non modo iniquum, sed prope contumeliosum existimabam, patronum mutare, quem mihi in priorè responsione ad Caroli Sigonii reprehensiones asciveram: clarissimum præsertim ac doctissimum virum: mihiq; ob eam, quæ me complectitur, benevolentiam magnopere observandum: nisi suo jure sua sponte cessisset, ultroque mihi auctor fuisset, ut meam hanc refutationem ad posteriorem Sigonii disputationem ad te mitterem, & sub tuo nomine divulgarem. Is est Henricus Memmii, tibi ob singularem doctrinam egregiamque virtutem carissimus. Qui tamen in eo profecto non tam suo jure cessisse videtur, quam ad utilitatem ornamentorumque sui clientis procuratorem, potentiorum patronum sibi adjungere voluisse. Tu igitur, benignum ac liberalem in me omni, quæ potest, ratione juvando animum Henrici Memmii, pro summa illa, quæ tibi conjunctus est, amicitia complexus, posthac Nicolaum Gruchium in tuorum clientum numero habeto: primamque summe observantiae, quæ te prosecutus est, significationem, in hoc libello, qui ad te mittitur, accipito. Ac si suo auctorisque sui nomine, minus fortasse tibi satisfaciat, homini & gravissimo & eruditissimo: in Henrici Memmii, hominis tibi amicissimi, commendationem, ut animum intendas, te etiam atque etiam rogo. Vale. Lutetia Idibus Julii M.D.LXVII.

ΙΑΝΟΤ ΜΟΝΔΑΜΒΗΡΙΟΤ ΕΙΣ ΓΡΟΤΧΙΟΥ
τε & Σιγονίου διατριβῶν ἐπίγραμμα.

ΤΗμελίας ἀνδρας μενοεικέα ταῖτα ποιοῦντας
Δῶρα φρονισπαντων ἀξια πολλὰ βροτῶν.
Πίσια ζῆτιπτας κοινῷ πρισβεία λογισμῷ.
Ὡς σφίπων, ἀλλήλοισ τῷ δὲ λόγῳ πολυμῶν.
Πρῶτος ἀμφοτέροις χάρις ἐσεται, αἱ δ' ἀποδεκται,
Φρόντιδες ἀμφοτέροις ἕκαστος, ἀλλὰ βίος.

Ἦσαν ἀμφοτέροις μάλα τιμῆς χάρις ἔσται,
Ἀχρὶ βίῃ πολλὴς ὅς γ' ἀνέθηκε νόμος.
Ὅν ποτε σφισσιν ἐπὶ ευφροσύνησιν λεγοντες,
Οὐ μείζον ἔσθ' ὅτι δῶρον ἐφημερίοις.
Τὴ δ' αὖτ' αἱ Γερχίαν εὐδοκίαν ἐπὶ σφί.
Ἀχρὰ μερίμνησαν πολλοὶ πάμπολλα σοφισαί
Ἀθανασίον ἦν, ὅς δ' ἐπὶ τῆς θεῶν.
Τοῖον ἀρ' ἐν γὰρ σοφοῖς λέγεμεν μέγα κῶδος ἔχοντα,
Οὐτὶνος ἦν ἀπὸ τοῦ Ζεὺς ἐς δρυμῶν ἀγει.

Quod



UOD ego initio eorum librorum, quos de comitiis ante annos duodecim conscripseram, sum professus, maximam me doctis hominibus gratiam habiturum, qui non modo nostra refutassent, sed etiam de hoc genere veriora in vulgus edidissent: Id ego etiam nunc adeo mihi tenen-

dum existimavi, ut etiam iis, qui non sine meorum reprehensione veriora edere conati, dignum conatu exitum non sunt affecuti, maximas egerim ac nunc quoque agam gratias. Ut enim in omni, quæ rationum momentis nititur, disputatione, libera hominum judicia esse debent: ita in hoc erudendæ antiquitatis studio, quod totum in conjecturis potius, quam in certa argumentorum consecutione positum est, liberima esse non modo æquum est, sed etiam nolle in hoc genere reprehendi, aut a nostra sententia discedi, vel nimium præfidentis, vel nimium imperiosi ingenii esse judicandum est. Itaque ego posteriorem Caroli Sigonii disputationem tanta sum benevolentia complexus, ut, tametsi tota sit in accuratorem ac vehementiorem mei reprehensionem collata; tamen præclari ingenii, singularis modestiæ, exquisitæ eruditionis laudem ei tribuendam esse libenter prædicem. Ac, si ut veris, aut probabilioribus, quam meæ sunt, rationibus, mihi ejus disputatio niti videretur; non modo me ad ejus sententiam adductum palam professus essem, sed etiam, quam bene de me, omnibusque studiosis literarum meritis esset, literarum monumentis consignassem: tantum abest, ut me ab eo esse reprehensum moleste ferrem. Sed quoniam acutum hominem, & in antiquitatis Romanæ cognitione imprimis versatum, conquisitis magna & accurata diligentia rationibus, nihil video efficisse, cur mihi a pristina mea opinione discedendum esse videatur: eo magis persuasus sum mihi in mea sententia esse permanendum. Atque ut omnibus etiam auctor essem, quo meam potius, quam Sigonii in hac, quæ inter nos agitur, questione opinionem sequantur; propterea hanc mihi refutationem necessario suscipiendam esse putavi: præsertim cum Sigonii in hoc illustrandæ antiquitatis studio exercitissimæ auctoritas periculoso quodam præjudicio veritatem magis labefactaret. In quo ego solitam meam in scribendo modestiam retinebo: ne in hominis optimi, & ob studiorum societatem summa mihi benevolentia ac necessitudine conjuncti, offensibiles ullo modo incurram. Sic enim volo cogitet Sigonius, idem mihi in hac refutatione institutum fuisse, quod in sua disputatione suscipienda sibi fuisse propositum scribit: nolle me hominis, de literis optime meriti, auctoritatem imminuere; sed, dum studiosis literarum confusimus, præclara hujus ætatis hominum ingenia excitare, ad certius aliquid de hac nostra, haud facili, questione statuendum. Quod dum expectamus, disputationem illius ego ita excutiam, ut ὅτερον ἀπὸ τῶν ἑπικριτῶν (inquit ille) de posteriore disputationis parte prius agam, quæ est de lege curiata, quam ad priorem deveniam, quæ est de binis comitiis. Idque eo libentius facio, quod in responsione mea ordinem ac dispositionem non semel requirere videretur: quæ tamen & non fuit tam anxie in exili opusculo postulatam, & satis accurate pro instituta illius disputatione a me est observata. Atque illa quidem causa est, cur de lege curiata disputationem priore loco exagitem: quia & latius patet, & totam pene de binis comitiis questionem continet. Nam si omnibus, qui populi suffragio creabantur, Romanis magistratibus adhibitam fuisse legem curiatam post prima, quibus creabantur, comitia probatum sit, simul confectum erit, quod de binis comitiis a

A Cicerone scribitur, potius intelligendum esse de curiatis & curiatis, aut de tributis & curiatis, quam de ullis aliis, quæ fingi aut excogitari possunt, binis comitiis. Ego autem singulos disputationis locos, ad quos mihi conferenda potissimum mea refutatio visa est, numeris notavi, non modo ut perturbatæ orationis querelam Sigonio præciderem; sed etiam, ut facilius conferri possent, quæ a me dicerentur, cum iis, quæ a Sigonio scripta sunt, cum ea singulatim designata ac denotata conspicerentur.

C A P. I.

Idque ex eo liquere, quod de tribunis quidem plebis atque ædilibus nunquam, nisi potestatem dixerunt.

IMMO de tribunis plebis dixerunt Latini scriptores imperium. Florus de seditione Tiber. Gracchi loquens ita scribit: Sic triumvir creatus dividendis agris, cum ad perpetranda cæpta, die comitiorum prorogari sibi vellet imperium. Et Paternulus lib. 2. Octavioque collega pro bono publico stanti, imperium abrogavit. Multiplex sane verbum est imperium. Uno modo cum latissime patet ejus significatio, ad omnes pertinet, qui quoquo modo præsumunt, sive privatim, sive publice: privatim, ut paternum imperium, herile imperium: publice, ut Populus Romanus, cujus summum fuisse imperium semper legitur, omninoque cum passim Romanum imperium appellatur, & omnes cuiusque generis magistratus. Sunt enim magistratus, qui publice præsumunt. Cicero de leg. lib. 3. Videtis igitur, magistratus hanc esse vim, ut præstet, præscribatque res, & utilia, & conjuncta cum legibus: ut enim magistratibus leges, ita populo præsumunt magistratus. Omnes ergo, qui populo præsumunt cum quadam jubendi auctoritate, & magistratus sunt, & imperium habere dicuntur. Atque hæc jubendi auctoritas si est legitima, tum veri sunt ac legitimi magistratus; si præter leges, aut absque ullis legibus, tum nec veri, nec legitimi. Cicero eodem in loco paulo post: Nihil porro tam aptum est ad jus conditionemque naturæ (quod cum dico, legem a me dici intelligi volo) quam imperium: sine quo nec domus ulla, nec civitas, nec gens, nec hominum universum genus stare, nec rerum natura omnis, nec ipse mundus potest. Et paulo post: Magistratibus igitur opus est, sine quorum prudentia ac diligentia esse civitas non potest, quorumque descriptione omnis reip. moderatio continetur. Neque solum iis præscribendus est imperandi, sed etiam civibus obtemperandi modus. Nam, qui bene imperat, paruerit aliquando necesse est: & qui modeste parerit, videtur, qui aliquando imperet, dignus esse. Et paulo post cum primam legem statuit: Iusta imperia sunt: Quis non videt omnium magistratuum iusta, ea lege appellari? Fuit ergo communis quædam significatio imperii, quæ in magistratibus illam imperandi potestatem omnibus communem significabat. In qua significatione verum fuit, minimos etiam magistratus imperium habuisse. Et ut Græcis τὸ ἀρχὴν καὶ τὸ ἀρχέοντων nomine omnes comprehendebantur; ita Latinis magistratus, hoc est, qui imperandi jus potestatemque haberent, dicuntur: in eaque significatione cum accipitur imperium, non fuit a potestate diversum, sed idem plane fuit magistratus imperium, & magistratus potestas. Idque est, quod significat Paulus J.C. ff. de verborum significatione, cum scribit, potestatis verbo in persona magistratus imperium significari. Ex ea etiam imperii significatione ortum est illud genus loquendi, quo imperia sæpe pro magistratibus ipsis accipiuntur. Ut cum scribit Livius lib. 9. dec. 1. Et duo imperia eo anno dari coepit per populum. Et cum apud Cicer. lib. 9. ad Att. ea

scribantur, quæ apud Gellium lib. 13. c. 14. ex Mef-
fala citantur: *Majus imperium a minore rogari non
est jus*. Interdum imperii nomine ipsum jussum ma-
gistratus, ejusque adeo, qui imperandi jus habet,
significat: ita ut *imperium sit ἀποστῆναι* aut ἀποστῆναι.
In qua significatione tam frequenter occurrit, ut su-
pervacaneum sit exempla apponere. Interdum, ut
regnum locum significat, in quo regnatur; ita im-
perium sæpe magis locum significat, quantuscunque
est, cui imperatur, quam ipsum jus ac potestatem
imperandi: ut cum Romanum Imperium appella-
tur totus ille gentium, nationum, locorum ambi-
tus, qui sub populi Romani erat ditione: quod etiam
apud Latinos scriptores frequentissime reperitur. Est
vero & alia significatio imperii, qua major quædam
jubendi, coercendique potestas intelligitur:
in qua significatione cum accipitur, merito negan-
tur omnes magistratus imperium habuisse; tamen
si omnes jubendi potestatem habent. In ea signi-
ficatione accipitur apud Varronem cum scribit, Ma-
gistratus aut vocationem habere ut coss. ceterosque
qui imperium habent. hujus vocabuli ea vis passim
observatur apud Livium, Salustium, Cæsarem, Ci-
ceronem, ceterosque Latinos scriptores, ut in ma-
joribus magistratibus sæpissime imperium tantum,
nonnunquam imperium simul & potestatem usur-
pent, in minoribus potestatem. In hac significatio-
ne Paulus, l. 2. ff. de in jus vocando, accipit im-
perium, cum scribit: *In jus vocare non oportet neque
consulem, neque præfectum, neque prætorem, neque
procof. neque ceteros magistratus, qui imperium ha-
bent, qui & coercere aliquem possunt & jubere in
carcerem duci*. Nam, si imperii nomine omnes ma-
gistratus complecteretur, falsum diceret Paulus: quan-
doquidem multi minorum magistratuum in jus vo-
cari poterunt, ut omnes qui potestatem neque vo-
cationis populi viritum habebant, neque prehensio-
nis, teste Varrone apud Gell. lib. 13. cap. 13. Neque
vero ignoro, apud jurisconsultos potestatis nomen
interdum angustissime accipi, ut eos modo signifi-
caret, penes quos esset merum imperium: ut Ulpia-
nus scribit, ff. in l. imperium. Interdum latissime,
ut latius pateat potestatis nomen, quam magistra-
tus, quomodo accipitur in edicto prætoris, quod est
in l. 1. ff. Quod quisque juris: *Qui magistratum po-
testatemque habebit, si quid in aliquem novi juris sta-
verit, ipse quandoque adversario postulante, eodem
jure uti debet, si quis apud eum, qui magistratum
potestatemque habebit, aliquid novi juris obtinuerit*.
Quia enim ad legatos etiam proconsulium, qui ma-
gistratus non erant, edictum hoc pertinebat; pro-
pterea, postquam magistratum dixerat, subiunxit
potestatem. Cum enim proconsules, quique merum
imperium habebant, ipsi Ulp. magistratus essent,
quorum opus fuisset verbo *potestatis* uti, postquam
magistratum dixerat? Ceterum apud historiarum & ora-
tionum aliarumque rerum veteres scriptores Latinos,
qui ætate JC. illos præcesserunt, vix ac ne vix qui-
dem, unquam reperies, nomen *potestatis*, in iis qui-
dem, qui quoquo modo reip. præsent, appellari:
nisi ad significandam illam publicam jubendi aucto-
ritatem, quæ in magistratibus inesset, ita ut apud
eos non modo sacerdotes negentur potestatem ha-
buisse, (quia procuratio sacrorum in iis verius dice-
retur quam potestas) sed etiam legati, qui vel in
provincias cum magistratibus, vel alio mittebantur,
in nomine *potestatum* non comprehendantur. Ar-
gumento est lex illa Cicer. 3. de legibus: *Imperia,
potestates, legationes, cum senatus creverit, populus
jussit, ex urbe exeunto*. Nam, imperiorum no-
mine eos intelligit, qui cum imperio, in provincias
mittebantur: *potestatem*, alios magistratus, ut quæ-
stiores, aliosve extraordinarios magistratus, qui ad
aliquod negotium mittebantur: tum vero, quasi ali-
quid ab iis diversum, aut sub iis non compren-

sum, subjicit, *legationes*. Et libr. tertio in Verrem:
*Pertinere hoc ad commodum senatorium, pertinere ad
utilitatem eorum qui judicent, qui in provinciis cum
potestate, aut cum legatione se futuros aliquando ar-
bitrentur*. Et lib. 4. *Neminem, qui cum potestate aut
legatione in provinciam esset profectus*. Utrouque enim
loco prætores quæstioresque, qui magistratus erant,
nomine eorum, qui cum potestate essent, intelli-
git: adjungit vero illud *cum legatione*, ob legatos,
qui magistratus non erant: quod ea verba indicant,
quæ paulo post sequuntur: *Postremo etiam in collam ma-
gistratibus & legatis imperetur*. Porro autem illius im-
perii, quod in magistratuum maiore illa cogendi po-
testate cerni dixi, pars fuit illud imperium, ex quo
imperatores cognominabantur, quod in ducendi exerci-
tus, bellique gerendi potestate positum erat: quod
vel inde intelligi potest, quod nemo unquam illud
obtinuit, quin magistratus esset, (ut postea nos do-
cebimus.) Et si quando Cicero vult verbum impe-
rii coarctare ad significandam imperatoriam potesta-
tem, tum solet addungere, aut *exercitus*, aut *belli*,
aut *militaris* nomen, ut facile est cum multis ex lo-
cis, quos omnes citare nimis longum esset, tum vero
ex eo, quod scribit pro Balbo: *Quos igitur pruden-
tissimos interpretes fœderum, quos peritissimos bellici
juris, quos diligentissimos in exquirendis conditionibus
civitatum atque causis esse arbitramur? eos profecto
qui jam imperia ac bella gesserunt*. Et pro Sextio, &
pro domo: *Erat Cæsar ad portas cum imperio & exer-
citu*. Et pro lege Manil. *Et quoniam auctoritas mul-
tum in bellis quoque administrandis atque imperio mi-
litari valet*. Et paulo post: *Ego enim sic existimo,
Maximo, Marcello, Scipioni, Mario, & ceteris ma-
gnis imperatoribus, non solum propter virtutem, sed
etiam propter fortunam, sæpius imperia mandata at-
que exercitus esse*. Quod vero de imperio dixi, ex
quo imperatores appellabantur, in eo volo nomen
imperatoris accipi pro omni duce exercitus, non ad
eum modo coarctare, qui re demum bene gesta ab
exercitu honoris causa imperator esset appellatus.
Est enim ex Latinorum scriptorum lectione perspi-
cuum, duobus modis accipi nomen *imperatoris*, uno
modo, ut muneris nomen esset, alio, ut titulus ho-
noris. Illo modo, latissime patebat, omnibusque,
qui exercitus duces essent, conveniebat: hoc modo,
illi tantum *imperatoris* nomen sibi vendicabant, qui
re bene gesta ab exercitu ita appellati erant. Ita-
que, qui in provinciis cum exercitu missi erant,
cum vel publice, vel privatim scribebant, nomen
magistratus tantum adscribebant, ut se vel procof.
vel proprætor. appellarent, illi postquam ab exerci-
tu ob rem bene gestam imperatores appellati erant.
Tum enim in literis præter nomen magistratus ad-
scribebant, *Imperator*: hoc modo, Cicero procof.
imper. Hæc latius paulo de imperii ac *potestatis* vo-
cabulis ob id disputavi: primum, quia mihi magno
usui futura sunt ad ea, quæ post a me adversus Si-
gonium disputabuntur. Deinde quia antiquitatis qua-
dam illustratione præstat nostram disputationem esse
referent, quam nudis & ab omni lectorum utilita-
te vacuis disputationis aculeis scætere. Postremo, ne
ob verborum ambiguitatem in eorum forte incurrene-
mus reprehensionem, qui de horum verborum signi-
ficatione nos aliter sentire existimarent, quam a
probatissimis auctoribus scriptum sit.

C A P. II.

Et Livius in secundo, tribunum plebis privatum esse
sine imperio, ac sine magistratu, prodidit.

Quæ tu citas ex Livio, Sigoni, verba sunt Ap-
pii consulis adversus Lectorium tribunum ple-
bis in atroci inter eos contentione prolata.
Multa vero in hujusmodi altercationibus καὶ ὑπερβό-

ἀνθ' dicuntur, quæ aut plane falsa sunt, aut quadam ex parte vera esse satis est. Tribunus plebis, ut paulo ante hunc, quem citas, locum dixerat Appius, non populi, sed plebis tantum magistratus erat. Ac si primam tribunatus institutionem spectes, potius ad aliorum magistratuum imperia cohibenda institutus videbatur, quam ad imperandum, ut Dionysius, Gellius, & Plutarchus docent. Hac ergo ex parte satis est, vera esse, quæ dicit Appius, sine imperio, sine magistratu esse tribunum. At omni ex parte & simpliciter vera esse non necesse est. Sophisma est, Sigoni, ea, quæ καὶ ὡς βολῶν aut καὶ σύγκρισιν dicuntur, ita accipere, quali omnino vera esse oporteat. Est enim hoc ἐκ τῆ κατὰ τι τὸ ἀπλῶς συλλογίζεσθαι.

C A P. III.

Addo autem potestatem in auspicio & iudicio positam fuisse: unde sanxit noster ille idem in legibus: magistratus omnes iudicium & auspicium habento. Et paulo post: Cum dico iudicium, intelligo potestatem decretum interponendi & iuri dicendi.

MULTA hic sunt, in quibus mihi Sigonius falli videtur. Primum, quod potestatem in auspicio & iudicio positam fuisse dicit. Fuit enim magistratuum potestas in publica illa iubendi auctoritate potius posita, atque adeo in eo, quo publice imperare possent, quam in iis rebus, quæ accessiones potestatis fuerunt, atque ornamenta potius, quam quod magistratus essentia in iis consisteret. Deinde quod parum se memorem eorum, qui modo dixerat ostendit. Tribunal plebis modo dixerat magistratum non esse, nunc potestatem magistratus iudicio & auspicio definit, quorum utrumque etiam tribunis, illa, quam dat, interpretatione, convenit: obnunciandi enim atque adeo de cælo servandi, itemque decretum interponendi, ac iuris dicendi potestatem tribuni habuerunt. Sane, quia Cicero in numero magistratuum, in superioribus legibus, tribunos plebis posuerat, non dubium est, quin hanc legem ad eos etiam pertinere voluerit. Sed in hoc longe fallitur Sigonius, quod existimat, quas Cicero leges ponit, eas omni ex parte legibus Romanis esse accommodatas. Sæpe enim, quam sibi fingebat, reip. leges tradit, non Romanas leges recenset: ut facile est cum ex multis videre, tum ex eo, quod de censoribus jubet, cum eos toto quinquennio vult imperium habere. Postremo, in eo quoque mihi graviter peccare videtur, quod *iudicium* illo loco interpretatur, potestatem decreti interponendi ac iuris dicendi: ut enim doctissimo viro Jo. Bodino, cæterisque Jurisconsultis hanc tecum dirimendam controversiam relinquam, verumne fuerit omnes Romanos magistratus, decreti interponendi, iurisque dicendi potestatem habuisse: non est profecto eo loco ita accipiendum *iudicii* nomen: sed iudicium illo loco significat, potestatem exercendi apud populum iudicii, disceptatore ac iudice populo damnandi, pro ea, quam quisque magistratus habere, potestate. Habuerunt enim omnes Romani magistratus eam cum populo agendi, reumque apud populum faciendi, potestatem, quam nemo privatus habebat. Idcirco in historia quæsores, ædiles tam curules quam plebei frequenter reperiuntur, multos ad populum & vocasse & damnassee. Sed, quoniam multos etiam alios video ad hunc scopulum naufragium fecisse, magis mihi elaborandum est, ut me adhuc solum inde saluum evasisse demonstrem. Ego vero non aliunde, quam ex ipso Cicero, veram ac germanam huius loci interpretationem sumam. Cicero recitat iuris legibus, legum a se positam cum rationes causasque subjicit, ita de hac lege

scribit: *Deinceps igitur omnibus magistratibus auspicia & iudicia dantur. Iudicia, ut esset populi potestas, ad quam provocaretur.* Ex iis verbis dico, necessario colligi, nomine iudiciorum illo loco significari illas, quas dixi, ad populum vocationes. Dicit enim magistratibus data in lege ob id iudicia, ut per illa iudicia ostenderetur statuereturque summa illa populi potestas, quæ in provocatione posita erat. Hoc vero jus ad populum provocationis, omnes ac soli magistratus habebant. Postremo parum mihi sibi constare videtur Sigonius, quod cum tam provincialibus, quam urbanis magistratibus potestatem tribuerit, ex eoque necessario sequatur, provinciales etiam magistratus & auspicia & iudicium habuisse, per hanc Ciceronis legem, quam omni tribuit potestati: ipse tamen permultis provincialibus magistratibus auspicia, nonnullis etiam iudicium, hoc est, iuris dicendi potestatem adiunt. Sed hoc postea accuratius examinabimus.

C A P. IV.

Alterum vero imperium, nempe rei militaris attingende potestatem, neminem horum sine senatusconsulto, ac lege, administrare non solum in urbe, sed neque in provincia potuisse affirmo; quæ lex, quia curiatis comitiis lata sit, curiata est appellata.

MULTA sunt, quæ hic mihi videntur reprehensione digna. Primum, quod hanc rei militaris potestatem, alterum facit imperium, ab imperio magistratus diversum: cum fuerit aut imperii in quibusdam magistratibus pars, aut totus ipse magistratus in aliis: deinde, quod sine S. C. ac lege curiata nullum magistratum dicit hoc imperium militare habuisse, neque in urbe, neque in provincia. Nam si S. C. accipiat Sigonius pro nobili illo S. C. ut viderent magistratus, ne quid detrimenti resp. caperet, si pro alio quovis ordinario; effugere non potest, quin aut falsum dicat, aut sibi ipse repugnet. Nam nulli magistratui licuisse, rem militarem attingere, absque illo nobili S. C. aut lege curiata, plane falsum est: nulli autem omnino licuisse absque S. C. ac lege curiata rem militarem attingere, omnino repugnat ei, quod ipse sentit, consulem solo illo nobili S. C. armatum absque lege curiata rem militarem gerere potuisse. Sed dicet fortasse, in suis verbis conjunctionem pro disjunctione sumendam esse, ut intelligatur sine S. C. ac lege pro eo, quod est, sine S. C. aut lege. Itaque hac omissa reprehensione, ad prius illud amplius studiosiusque refutandum, meamque de ea re confirmandam sententiam venire præstat. Est enim id, in quo propemodum tota nostræ controversiæ summa consistit, ut rei militaris imperium doceatur pars fuisse imperii magistratus, aut vero in ipso magistratus imperio insitum, non autem accessionem ejus quandam, quasi aliquid ab eo diversum. In quo docendo si longior sim, meus haud facilis conatus inveteratæ & jam dudum multorum doctorum hominum consensu receptæ opinionis tollendæ, ac funditus evertendæ, aut culpam feret, aut veniam promerebitur. Ego igitur primum docebo, omnes, qui leguntur passim in historiis cum imperio fuisse, aut missi cum imperio, aut imperium in provincia obtinuisse, aut in imperio fuisse, non modo esse magistratus hoc ipso, quod cum imperio fuisse dicerentur, sed etiam ita appellatos fuisse. Deinde singulatim ostendam, consules, dictatores ac prætores in suo magistratu insitam habuisse illam rei militaris administrandæ potestatem. Ex quibus convincam, verbi imperii unam semper notionem, unamque significationem in omnibus huiusmodi locutionibus esse dicendam; cum imperio esse, vel missum esse, vel in

imperio esse, imperium datum, mandatum, prorogatum esse, imperii insignia, pro imperio aliquid agere: nempe, ut nihil intelligatur aliud, quam vehementior illa imperandi potestas, qua uti in gerendo publico negotio sibi publice commissio quique poterat. Ac primum magistratus definitio, quantumvis repugnantem convincere potest, omnes fuisse magistratus qui cum imperio fuisse leguntur. Cicero Aristotelem secutus in libr. 4. polit. magistratus definit eos, quibus data esset publice consulendi, iudicandi atque iubendi, imprimisque ac maxime iubendi, potestas. Atque dicere, quenquam unquam cum imperio missum, cui non esset potestas in negotio publico imperandi, summæ pervicaciz aut potius summæ impudentiz esset. Omnes ergo hi fuerunt magistratus. Sed, quoniam mavult in hac antiquitatis per investigatione auctoritatibus agi Sigonius, quam rationibus, agetum testes citemus. Esse inter se contraria hæc duo, privatum esse, & in magistratu esse, nemo negare audeat. Si ergo ex veterum scriptorum auctoritate docuero, hæc duo in imperio aut cum imperio esse ac privatum esse, pro contrariis usurpari, hoc profecto a me quoque demonstratum erit, aut idem fuisse in magistratu esse, & cum imperio esse, aut certe hoc in illo ita contineri, ut quicumque in imperio esset, magistratus esset; tamen non contra necesse esset, quicumque in magistratu esset, cum imperio fuisse. Livius statim initio libr. 2. dec. 1. *Penei Collatinum imperium esse. Nescire Tarquinius privatos vivere.* Et paulo post: *Regium genus, regum nomen, non solum in civitate, sed etiam in imperio esse.* In iis verbis quis non videt hæc inter se opposui, *privatum vivere & in imperio esse*? Idem Livius libr. 10. dec. 3. scribit: *Circumactum anni tempus & nullo prorogante imperium, privatus T. Claudius classem Romam reduxit.* Ex eo loco perspicuum est, cui prorogatum fuerat imperium, post circumactum annui magistratus tempus, non fuisse privatum. Hic enim T. Claudius, qui cos. superiore anno fuerat, propterea privatus dicitur reduxisse classem, quia non erat ei prorogatum imperium. Et libr. 2. dec. 4. *Sub idem tempus L. Manlius Acidinus, ex Hispania decedens, prohibitus a M. Porcio Laeca, tribuno plebis, ne ovans iniret, cum ab senatu impetrasset, privatus urbem ingrediens.* Quia hic Manlius obtinere non potuit, ut lex perferretur, ut ei, quo die ovans urbem iniret, in imperio esse liceret; propterea dicit Livius, eum privatum urbem ingressum. Quod si privatus dicatur, quia non licuit ei esse cum imperio, perspicuum est, hæc inter se esse contraria, cum imperio esse & privatum esse. Idem Livius libr. 4. dec. 4. loquens de duabus coloniis, quæ ductæ sunt in Brutios & in agrum Thurinum, ita scribit: *His deducendis triumviri creati, quibus in triennium imperium esset.* Quid quæso hic aliud significat in triennium imperium obtinere, quam quod ejusdem dec. libr. 2. dixerat, cum de aliis triumviris loqueretur: *Triumviri deducendis iis, qui per triennium magistratum haberent, creati.* Quod enim uno in loco dixerat, in triennium magistratum habere, dixit in alio, idem plane, ut perspicuum est, significare volens, in triennium imperium obtinere. Idem libr. 3. dec. 4. *Auctoritas seniorum valuit, negantium exemplum proditum memorie esse, ut imperator, qui per duellibus devictus, concessa provincia, exercitum reportasset, sine curru & laurea privatus innotatusque urbem iniret.* Quis non videt, privatum hic ei opponi, qui cum imperio esset, more omnium triumphantium? Idem Liv. 5. dec. 5. de Pauli Emili triumpbo ita inducit loquentem M. Servilium: *Servius, inquit, Sulpicius non triumphum impedire debuit, sed postero die quam triumphatum est, & cum privatum cum visurus esset, nomen deferret.* Paulo ante Livius dixerat, actum esse cum tribunis plebis de ferenda rogatione, ut iis, de quorum trium-

A pho agebatur, quo die urbem triumphantes ingrederentur, imperium esset. Unde perspicuum est, privatum esse & cum imperio esse contraria esse. In eadem illa oratione paulo post: *Lucius Paulus privatus, tanquam rure rediens, a porta domum ibi?* hic rursum privatum opponit ei qui cum imperio esset. Cicero in prima epistola ad Lentulum: *Craffus tres legatos decernit, nec excludit Pompeium: censet enim etiam ex iis, qui cum imperio sunt. Bibulus tres legatos ex iis, qui privati sunt.* Hoc fuit discriminis inter Bibuli & Craffi sententiam, quod ille tres quidem legatos, sed eos ex privatis tantum decernebat. Hic tres etiam legatos, sed eos, qui cum imperio essent, non excludebat. Ex quo efficitur, neminem, qui cum imperio esset, privatum fuisse. Idem libr. 3. in Verrem: *Non hoc nunc audit privatus de inimico, reus ab accusatore.* Jam antea in sella sedens prætor cum provinciam Siciliam obtineret, cum ab omnibus non solum id, quod commune est, propter imperium; sed etiam id, quod istius præcipuum est, propter crudelitatem metueretur, milles audit. Eo in loco non modo privatum opponit ei, qui in provincia imperium obtineret, sed etiam aperte negat, Verrem pro prætorem fuisse privatum. Et libr. 5. *Verum esto, sit tibi illud liberum omne tempus, quo cum imperio fuisti: etiam ne privatus? etiam ne reus? etiam pene damnatus, hostium duces privata in domo retinuisse?* Et pro lege Manilia: *Quod si Rome Cn. Pompeius privatus esset hoc tempore; tamen ad tantum bellum in erat deligendus atque mittendus.* Negat privatum esse Pompeium, qui tum proconsul bellum piraticum gerebat. Et pro Sextio: *Ex quibus unum habere exercitum in Italia maximum, duo qui privati tum essent.* De tribus loquitur, Cæsare, Pompeio & Craffo: hos duos dicit privatos: illum in privatis non numerat, quia procos. exercitum haberet, quem in Galliam ducturus erat. Eum vero paulo post cum imperio fuisse scribit. Idem pro Sextio: *De me uno patres conscripti decreverunt, ut qui provincias cum imperio obtinerent: qui quæstiones legatizque essent, salutem & vitam custodirent.* De eodem illo S. C. loquens in Pisonem ita scribit: *Me idem senatus exteris nationibus, me legatis magistratibusque nostris commendavit.* Quid, quæso, apertius est, quam magistratum nomine hic appellari, quos illic cum imperio provincias obtinere, aut quæstiones esse dixerat? Svetonius in Cæsare: *Sed cum edictis jam comitiis ratio ejus haberi non posset, nisi privatus introisset urbem.* Hic manifeste privatum opponit ei, qui ad urbem cum imperio erat, triumphum expectans. Idem Svetonius paulo post: *Cum M. Cato denunciaret delatorum se nomen ejus, simul ac primum exercitum dimisisset, cumque vulgo fore predicaret, ut, si privatus redisset, Milonius exemplo circumpositi armatis causam apud iudices diceret.* Hic rursum privatum opponit ei, qui exercitum haberet. Sed quoniam eos, qui in provinciis cum imperio fuerunt, non modo fuisse magistratus, me demonstraturum receperam, sed etiam ita fuisse appellatos a Latinis scriptoribus, citabo aliquot locos, ex quibus id erit apertissimum. Cicero libr. 2. in Verrem de iis loquens, qui cum imperio in Siciliam mitti solebant: *Magistratum autem nostrorum injurias ita multorum tulerunt.* In eodem libr. paulo post: *Quid est turpius ingenuo, quid minus libero dignum, quam in conventu maximo cogi a magistratu furtum reddere?* Quod a Verre pro prætore factum erat, id a magistratu factum fuisse dicit. Et paulo post de iis loquens, quæ a successore Verri Metello factæ erant contra Verris acta: *Si tibi magistratum abrogasset, minore ignominia te affectisset, quam cum ea, quæ in magistratu gessisti, sustulit.* Paulo post: *Nisi forte id agimus, non ut magistratibus nostris morem accipiendi, sed ut sociis causam dandi ar-*

ferre videamur. Continuo post hæc verba: *Rogant & orant Siculi patres conscriptos, ut nostri magistratus posthac decimas lege Hieronica vendant. Item: Taurominiani, qui maxime ab injuriis nostrorum remotissimi consueverant esse.* Et lib. 3. *Sunt homines Siculi non contemnendi, si per nostros magistratus liceat.* Et paulo post: *Antea, cum equester ordo judicaret, improbi & rapaces magistratus in provinciis inserviebant publicanis.* Et paulo post: *In hac tam misera & iniqua conditione vite, ne hoc quidem retinebimus, ut magistratibus nostris in obtinendo jure nostro ne contemptissimi esse videamur?* Et paulo post: *Si, quemadmodum socii populi Romani a magistratibus nostris trahebantur.* Paulo post: *Cum senatus publicanos usura sepe juvisset, magistratus a publicanis pecuniam pro usuris auderet auferre?* Paulo post de cerario a Verre primum inducto: *Quomodo hoc nomen ad rationes magistratus, quomodo ad pecuniam publicam allatum est?* Ex hujusmodi principio atque ex liberalitate, atque accommodatione magistratum, consuetudo estimationis introducta est. *Quod videtur concedendum magistratibus nostris esse, ut iis, quo loco velint, frumentum accipere liceat.* Hoc enim magistratus in provincia assequi potest, ut ibi accipiat, ubi est carissimum. Neque enim est fere quicquam, quod homines palam facere audeant in magistratu, quamvis improbi, quin ejus facti rationem asserere soleant. Placet ne vobis in cellam magistratibus nostris frumentum Siculos gratis dare? Ne posthac tantas pecunias magistratibus nostris decerneremus. Populo Romano ferat potius, quam nostris magistratibus: magistratibus tantundem detur in cellam, quantum semper datum est. Placet ita geri magistratus ut geruntur? Postremo etiam in cellam magistratibus & legatis imperetur. Et lib. 4. *Licuit posse domesticis copiis, cum magistratum aut aliquem superiorem invitasset, ornare & apparare convivium.* Et lib. 5. *Neque moleste ferebant, abesse a foro magistratum, non jus dici.* Ne morore parentum ac propinquorum magistratibus nostris quævis posset esse. Parumque multa mercatoribus necessario pericula subeunda fortune, nisi etiam hæc formidines a magistratibus nostris impendebunt? hac una tamen fiducia civitatis non modo apud nostros magistratibus. Et pro lege Manilia: *Difficile est dictu, Quirites, quanto in odio sumus apud exterarum nationes, propter eorum, quos ad eas hoc anno cum imperio missimus, injurias ac libidines: quod enim sanum putatis in illis terris, nostris magistratibus religiosum?* Eo in loco magistratus perspicue appellat eos, quos dixerat in provincias cum imperio missos fuisse; & pro Flacco: *Verum esto, negotiari libet: cur non Pergæ, Smyrne, Trallibus, ubi & multi cives Romani sunt, & jus a nostro magistratu dicitur?* Et paulo post: *Mitto etiam, quod a nostris magistratibus in integrum restituta.* Idem Cicero in illa ad Quint. fratrem longa & nobili epistola: *Et quoniam mihi casus urbanam in magistratibus administrationem resp. tibi provincialem dedit.* Quo in loco Cicero magistratum nomine appellat non minus eos, qui provincialem administrationem haberent, quam qui urbanam. Ac ne existimes, Ciceronem modo oratorie magis, quam ad veritatem, ut scribit Sigonius, nomine magistratum eos appellasse; citabo etiam historicos, imprimisque T. Livium. Is ita scribit lib. 3. Decad. 5. de S. C. loquens, quod in Græciam missum est, per legatos C. Popilium, & Cn. Octavium: *Nequis ullam rem in bellum magistratus Romanis conferret, præterquam quod Senatus consulisset.* Cui dubium est, quin nomine magistratum omnes comprehendat, qui cum imperio provincias obtinebant? Item Livius eodem in libro: *Ita præteritis silentio oblitteratis, in futurum consultum ab senatu Hispanis, quod impetrarunt, ne frumenti estimationem magistratus Romanos haberet.* Nonne planum est, hoc S. C. ad omnes, qui cum imperio Hispaniam obtinebant, pertinuisse?

Et paulo ante de Hispanorum legatis loquens: *Si de magistratum Romanorum avaritia conquesti.* Et initio lib. 2. Decad. 5. *Ideo magistratus multis, tabernaculisque, & omni alio instrumento militari ornabatur.* Et aliquanto post: *Aliam impensam socii in magistratus Romanos non faciebant.* Certe, ut ad omnes; qui cum imperio proficiscerentur, hæc pertinebant; ita non veretur Livius omnes appellare magistratus. Item Salustius in Jugurtha de iis loquens, qui in illa ætate in Africam cum imperio mittebantur: *Igitur bello Jugurthino pleraque ex Punicis oppida, & fines Carthaginiensium, quos novissime habuerant, populus Romanus per magistratus administrabat.* Ex iis est percipuum, non modo procofi. & prætores fuisse magistratus, ut etiam Ulpianus affirmat ff. de jurisdictione, in l. cum qui: *Magistratus autem is est, qui in potestate aliqua sit, ut puta proconsul, vel prætor, vel alii, qui provincias regant:* sed etiam neminem fuisse, qui cum imperio esse diceretur, quin magistratus esset. Sed quoniam horum imperium intramuranum (ut loquitur Aiconius) nullum erat, ita ut statim urbem ingressi privati essent; propterea sit, ut in proconsulum & prætorum triumphis lex de eorum imperio ferenda esset: erat autem de eorum imperio legem ferre aliud nihil, quam lege lata efficere, ut ne privati essent eo die, quo triumphantes urbem inirent: unde illud Ulpiani l. ultima, ff. de officio proconf. & legati: *Proconsul portam Romæ ingressus deponit imperium.* Hinc illud Livii lib. 26. de Q. Fulvio procofi. *Cui, ne minueretur imperium, si in urbem venisset, decrevit senatus, ut Q. Fulvio par cum coff. imperium esset.* Qui vero triumphabant in consulatu, aut prætura, de eorum imperio lex illa non ferebatur. Cum ergo apud Livium, Valerium Maximum, aliosque scriptores legimus, propterea negatum fuisse triumphum Scipioni procofi. quia sine magistratu res gessisset, ita fumen- dum est nomen magistratus, ut ad eos modo pertineat, qui in urbe imperium obtinebant, quique velut primarium magistratum gerebant: non etiam ad eos, qui primarii magistratus vices gerent, cujus generis hi erant: ideoque non consules, sed procofi. non prætores, sed prætores vocabantur, quasi qui consulum prætorumque vicem gerent. Nam quod Sigonius ex Ciceronis lib. 3. de legibus adfert: *Magistratus omnes judicium & auspicium habent:* id vero parum valet ad id probandum, quod instituerat. Primum, quod iis magistratibus, quorum urbana esset administratio, eam legem, non etiam provincialibus, ponit: ut causa legis ponenda, quam ipse adfert, satis indicat: propterea enim se dicit omnibus magistratibus dare auspicia, ut essent probabiles moræ impediendorum comitiorum, per auspiciorum obnuntiationem: deinde certum est, Ciceronem legibus instituisse eam, quam ipse ipse finxerat, rempubl. non autem leges tradere, quæ in repub. Romana observarentur. Longe ergo multumque errat, qui omnes leges Ciceronis ita ad Romanam rempubl. referre conatur, quasi omnia, quæ ab eo traduntur, in ea rep. recepta essent. Vult ergo Cicero, suæ repub. omnes magistratus auspicia habere: at non dicit, omnes Romanos magistratus auspicia habuisse.

Quod vero ex Ciceronis 2. de divinatione adfert, ubi scribit procofi. & prætores auspicia non habuisse, id vero non ad jus auspiciorum pertinet, sed ad usum tantum: hoc est, non negat Cicero his verbis procofi. & præterit. jus auspiciorum habuisse, sed neglectu religionis delisse auspicia observare. Nam si proconsulum & prætorum nomine etiam eos comprehendamus, quibus ex consulatu & prætura prorogatum erat imperium, non dubium est, quin, quo quidem tempore erant religionis auspiciorum observantes Romani imperatores, quos secum duxerant pullarios, tandiu secum reti-

nerent, quandiu in imperio erant: ex quo perspicuum est, aut id frustra fuisse, aut idem jus auspici-
um retinuisse. Sin proconsulum ac pratorum nomine dicamus eos modo Ciceronem intellexisse, quibus privatis datum erat imperium (quod tamen haud verisimile esse vel hinc intelligi potest, quod ita Cicero non, quod docere vult, magnum illic ostenderet religionis neglectum; siquidem huiusmodi procoff. & propraet. non nisi extra ordinem raroque fierent) eos profecto si demonstravero olim ut-
fuisse auspiciis; relinquatur, quod dicit Cicero, illos non habuisse auspicia, ad posterorum temp-
porum contemptum auspiciorum, quibus ne consules quidem in bellis administrandis tum utebantur, re-
ferendum esse. Titus Livius lib. 6. Decad. 3. in prima illa concione, quam habuit Scipio procoff. Hispaniae ad suos milites, ita loquentem ipsum inducit. Nunc dii immortales imperii Romani praesides, qui centurii omnibus, ut mihi imperium suberent dari, fuerunt auctores, iidem auguriis auspiciisque, & per nocturnos etiam visus laeta ac prospera portendunt. Quid? his verbis non satis significat Scipio, se deorum voluntatem auguriis auspiciisque captasse? Idem Liv. lib. 8. Dec. 3. sic suos milites, qui seditionem moverant, alloquentem inducit: An milites appellem? qui imperium auspiciisque abnuisti, sacramenti religionem rupisti. Et paulo post: Quin mihi ne hodie quidem scire videmini, quid in deo sacramenti testes, quid adversus auspicia, sub quibus militastis, ausi sitis. His certe verbis indicat, sua fuisse Scipioni procoff. auspicia. Atque inde profecto natum est illud apud Latinos scriptores vulgatissimum dicendi genus, cum de imperatoribus loquentes dicunt, ductu auspicio-
que alicujus gesta esse aliqua: quia scilicet primi illi duces exercitus, nihil nisi auspicio facerent: quod tamen per κατὰ πρόνοιαν postea cepit ad eos transferri etiam, qui auspicia negligerent.

C A P. V.

Quod in dictatorum, consulum & pratorum magistratu esset insita potestas administrandae rei militaris: ita ut hanc potestatem omnes haberent iure sui magistratus.

CONSULIBUS regiam fuisse potestatem, omnes historici fatentur; neque Valerius legibus aliud quicquam ademptum est ex regia potestate, quam quod demptis securibus falces praeferebantur, & ab iis provocatio esset ad populum, quandiu intra pomerium erant. Dico autem intra pomerium, quia etiam in campo Martio, qui suburbanus erat, summum illud jus vitae ac necis habebant. Id quod ex Livio doceri potest cum ita scribit lib. 4. Dec. 3. Cum T. Otacilius feroceiter eum continuare consulatum vel-
le vociferaretur, atque obfiteretur, licitores ad eum accedere consul iussit: & quia in urbem non ierat, protinus in campum ex itinere profectus, admonuit, cum securibus sibi falces praeferi. Ultimo supplicio animadvertendi sibi potestatem esse significat Fab. cos. cum admonet sibi cum securibus falces praeferi. Livius certe lib. 3. Decad. 1. scribit, non fuisse provocationi locum longius ab urbe mille passuum. Si ergo in regio imperio insita erat belli gerendi potestas, nec verum est huiusmodi imperium regibus adventitium fuisse, relinquatur, in omnium etiam consulum magistratu id adeo insitum fuisse, ut verum fuerit, consules hoc ipso, quod consules essent, hanc rei bellicae administrandae potestatem habuisse; hoc vero Cicero 3. de legibus aperte demonstrat, cum de cos. ita scribit: Regio imperio duo sunt ique praerendo, iudicando, consulendo, praetores, iudices, consules appellantur. Militiae summum jus habento. Quis consulum proprium munus illic a Cicerone

A describi non videt? quomodo ergo jus illud militiae adventitium consulis fuisse dici aut cogitari potest? Quid? nomen praetoris, quod his proprium fuisse scribunt & Livius & Cicero, nonne satis argumentum est, jus belli gerendi ad eos pro iure sui magistratus pertinuisse? liquidem ea erat apud veteres, auctoribus Aconio, Varrone, & Sex. Pompeio, propria praetoris significatio, ut cum significaret, cui pareret exercitus. Quid, quod Cicero pro L. Murana scribit, ob id suffragationem militarem plurimum valuisse in consule declarando, quod imperatores comitiis consularibus deligerentur? quod item frequens est apud Livium, tum belli duces deligi, cum cos. deligebantur: Et Salustius in conjuratione Catilinae de Cos. loquens: Post, ubi regium imperium, quod initio conservandae libertatis, atque augendae reipublicae fuerat, in superbiam dominationemque se converterit, immutato more, annua imperia binos imperatores sibi fecere. Quid, quod Polybius libro sexto cum describit cos. officium, toties eis tribuit χερσὶν αὐτοκρατορία ἐξουσίαν ἢ περὶ πόλεως κατισχύειν. Quid, quod idem ipse, cum rationem habendi delectus per consules, tribunorum militarium ministerio, describit, hac verba adiungit: Ἐπὶ δὲ μέλλουσι ποιεῖσθαι τὴν κατωρθώσασθαι τῇ κραταιότητι οἱ παῖς ὑπάρχοντες ἀρχάς, ἀπολεγομένη ἐν τῷ δήμῳ τῶν ἡμετέρων ἐν ᾧ δέονται παραγινέσθαι τὰς ἐν ταῖς ἡλικίαις Ῥωμαίων ἀπαιτήσεις. ποιεῖσθαι δὲ τὸ τοῦ κατὰ ἐκείνων ἐκαστοῦν. hoc, inquit, singulis annis faciunt, ut edicto omnes juniores evocent ad habendum delectum. Qui sane locus non modo ad id probandum valet, quod hic est propositum, propriam scilicet muneris consularis fuisse rei militaris administrationem: sed etiam legem curiatam, qua imperium militare magistratibus datum fuisse vult Sigonius, fuisse omnibus singulorum annorum consulis necessarium. Jam vero, si consulis adventitium fuit imperium militare, ac non in ipso magistratu insitum, quid, quælo, tum relictum est consulis, quod sui magistratus proprium esset, cum praetor creatus est? nam creato praetore iurisdicatio, quæ consulum fuerat, ad praetorem est translata; hac vero detracta, si etiam militare imperium non fuisse ὑποθέσει consularis muneris dicatur, nihil plane reliquum sit, quod proprie ac pro iure sui magistratus ei conveniret. Sed, quid rationibus opus est, quando diserte Livius scribit lib. 10. Dec. 1. de L. Posthumio cos. cum M. Attilio: Non ita, inquit, patres conscripti, vestra maiestatis meminero, ut me consulem esse ob-
viscar. Eodem iure imperii, quo bella gessi, bellis feliciter gessi triumphabo. Non hic diserte affirmat, consularis imperii iure se bella gessisse? Et libro quarto Decad. 3. in concione Fabii Maximi cos. his verbis munus consulum describit: Hodie consules creati, quibus sacramenta liberi nostri dicant, ad quorum edictum conveniant, sub quorum tutela atque cura militent. Quod si, uti demonstravimus, in consulum magistratu insitum fuit militare imperium, multo profecto magis id verum fuit in dictatoribus, ut qui domi bellicae summum imperium, pro iure sui magistratus, habuisse dicantur. Neque vero spectandum est, cujus rei causa creatus esset dictator, ut, quæ esset huius magistratus essentia, intelligatur; sed quacunque de causa creati essent dictatores, omnes pariter dictatores fuerunt: atque adeo, quod ad dictaturæ jus attinet, pari omnes potestate. Itaque qui rei gerendæ causa creatus erat, non magis erat dictator, quam qui vel clavi figendi, vel ludorum causa creatus erat. Nam, si in constituenda huius magistratus essentia, causæ essent spectandæ, primum tot magistratus eo modo constituerentur, quot causæ reperiuntur apud Romanos scriptores creandi dictatoris fuisse: nec verum erit, unam quandam magistratus speciem fuisse dictatorem. Deinde, qui rei gerendæ causa creatus erat,

iis tibi, Sigoni, dicendus erit non modo pro jure
 sui magistratus imperium militare obtinuisse, sed et-
 iam aliud nihil ejus magistratum fuisse, quam belli
 gerendi potestatem. Quomodo ergo hic tu impe-
 rium a magistratu separabis? quomodo verum erit,
 a consule, a quo dictus erat, magistratum accepisse,
 lege vero curiata imperium militare? Quid enim?
 qui rei gerendae causa dictus erat, nonne belli
 gerendi causa dictus erat? de eo ergo cum lex
 curiata lata erat, nihil, quod ad jus magistratus at-
 tinet, ei, quod non habuisset, per legem accede-
 bat. Postremo ex historiae lectione perspicimus,
 multos dictatores aliam publici negotii partem ges-
 sisse, quam cujus causa creati erant: ut apud Titum
 Livium libro 3. Decad. 1. L. Quinctius Cincinnatus,
 qui rei adversus Latinos gerendae causa creatus erat,
 iudicio praestitit M. Volcui falsi testis, quod seditione
 a tribunis plebis impediatur. Et lib. 4. Mamer-
 cius Aemilius, qui belli Hetrusci gerendi causa crea-
 tus erat, legibus ad rempublicam constituendam se-
 ditionis sedandae causa creatus, minatur, si perse-
 genti tribunus plebis non cedere collegarum interces-
 sioni, sacramento omnes juniores adacturum, exer-
 citum extemplo ex urbe deducturum: quibus haud
 dubie verbis aperte offendit, ei dictatori, qui seditionis
 sedandae causa dictus esset, jus fuisse exercitum
 extra urbem, quo vellet, ducendi. Ex quo con-
 sequens est, non eum tantum dictatorem, qui rei
 gerendae causa creatus esset, imperium militare ha-
 buisse; sed eos etiam, qui alia de causa dicti e-
 rant. Et libro 7. L. Manlius imperiosus clavi fi-
 gendi causa dictator dictus, bellum Hemicum af-
 fectans, delectu acerbo juventutem agitavit. Et lib.
 10. decad. 3. P. Sulpicius creatus dictator, ad revo-
 candum pro jure majoris imperii cos. Cn. Servilium
 in Italiam, reliquum anni, cum M. Servilio ma-
 gistro equitum, circumcundis in Italia urbibus, quae
 bellis alienatae fuerant, noscendique singularum
 causis, consumpsit. Si ergo dictatores pro jure sui
 magistratus aliam publici negotii partem adminis-
 trare poterunt, quam cujus causa creati reperiuntur,
 perspicuum est, causam creationis, non jus ma-
 gistratus facere; sed cum idem esset semper ejusdem
 magistratus jus, aliae atque aliae esse poterunt cau-
 sae, cur judicaretur reipubl. necessarius magistratus.
 Nam, si ex gesto in magistratu negotio jus ma-
 gistratus ita judicare velimus, ut hoc ei demum jus
 fuisse dicamus, quod reipla gessit; profecto multos
 consules negabimus jus habuisse vocandi senatus,
 leges ferendi, legatos exterarum gentium in sena-
 tum introducendi: quandoquidem multi reperiun-
 tur, qui nihil horum toto suo consulatu egerunt;
 ut qui aut bellis, aut aliis publicis negotiis impedi-
 ti essent. Verum, in consulibus fortasse ac dicta-
 toribus de eo multi cum Sigonio non dubitabant,
 quin pro jure sui magistratus militare imperium om-
 nes obtinerent: at in praetoribus haerebant. Ego
 vero, praetores omnes insitum in suo magistratu
 hanc rei militaris potestatem habuisse, multis ac
 variis rationibus confirmabo. Primum enim una
 fuit magistratus forma, una notio, quae praeturae
 intelligebatur. Quare, ut omnes pariter praetores
 fuerunt, sic omnes oportuit una quadam definitio-
 ne comprehendi. Si ergo verum fuit, quibusdam
 praetoribus hoc ipso, quod praetores essent, conve-
 nisse jus rei bellicae administrandae: id in omni-
 bus verum fuisse necesse est. At iis omnibus, qui-
 bus extra urbem provincia obtigisset, hoc jus fuisse,
 inter omnes constat: hoc vero jus non fors,
 non senatus provincias decernendo, tribuebat: sed
 tantum inter ejusdem juris magistratus negotia pu-
 blica dividebat: alioqui non verum fuisset, popu-
 lum magistratum dedisse: sed verius fuisset, sena-
 tum & sortem magistratum creasse. Cum vero

praetores creabat populus, an non aequo jure omnes
 creabat? Si ergo provinciarum diversitas speciem
 magistratus non variabat, necesse est, quod ad jus
 magistratus attinet, idem omnibus ejusdem generis
 magistratibus jus reipublicae administrandae fuisse.
 Quapropter, si praeturae ratione iis praetoribus,
 qui in provinciam proficiebantur, jus fuit rei mili-
 taris administrandae, omnibus certe praetoribus hoc
 idem fuisse fatendum est. Sed quoniam in omni
 antiquitatis controversia potius auctoritate pugnan-
 dum est, quam rationibus: quae vero in praetore
 urbano & peregrino est de hac re dubitandi causa,
 non tam bene adhibitis communibus rationibus tol-
 litur, quam si testes citemus Romanae historiae scri-
 ptores, qui illud ipsum praecipue in iis praetoribus
 verum fuisse doceant: ego aliquot T. Livii locos ad-
 feram, ex quibus perspicitur, praetores urbanos &
 peregrinos hoc administrandae rei militaris jure usos
 fuisse. Lib. 7. de M. Popilio consule cum L. Scipio-
 ne loquens ita scribit: *Quatuor expletiis legionibus,
 quod superstitum militum P. Valerio Poplicole tradit,
 auctor patribus scribendis alterius exercitus: quod ad
 incertos belli eventus subsidium reip. esset.* Eo tem-
 pore unus Romae praetor erat, cui & milites dan-
 tur, & delectus habendi negotium. Paulo post:
*Consul duabus legionibus urbi praepositis, octo cum L.
 Pinario praetore divisus, memor paternae virtutis,
 Gallicum sibi bellum extra sortem sumit: praetorem
 maritimam oram tutari, Graecoque arcere litoribus
 iussit.* Et lib. 10. postquam dixit, iussu senatus de-
 lectum omnis generis habitum fuisse, subiungit haec
 verba: *Summa rerum praetor Pub. Sempronius praer-
 rat.* Et Appius Claudius consul cum L. Volumnio
 praetor in sequentem annum factus eundem retinet
 praetor, quem habebat consul, exercitum: quod
 certe fieri non potuisset, nisi perinde licuisset pra-
 tori rem militarem gerere, atque consuli. Idemque
 Appius praetor, mortuo in praelio Pub. Decio con-
 sule, Decianum exercitum ducit, & cum Volu-
 mrio res gerit. Et 1. libro decad. 3. Caius Atilius
 praetor cum una legione mittitur ad ferendum L.
 Manlio praetori Galliae auxilium. Et lib. 2. decad.
 3. quo anno clades Cannensis est accepta, P. Furio
 Philus praetor peregrinus, classis dux, in Africam
 trajicit. Et lib. 3. dec. 3. M. Valerio Levino praetori
 peregrino legiones decernuntur, quae ex Sicilia
 rediissent. Et Quinto Fulvio Flacco praetori urbano
 classis datur ad tutanda littora suburbana. Et quin-
 to anno belli Punici secundi, Quinto Fulvio, pra-
 tori urbano, duae legiones ad urbis praesidium re-
 linquuntur. Et septimo anno hujus belli, P. Cor-
 nelio Syllae, qui utramque jurisdictionem sortitus
 erat, delectus militum mandatur. Est vero & alius
 insignis locus apud Livium lib. 6. dec. 3. *In
 Hetruriam C. Calpurnius post praeturam prorogato in
 annum imperio missus.* Urbanam jurisdictionem ha-
 bebat C. Calpurnius. Is prorogato imperio in He-
 truriam, ut eam cum duabus legionibus provinciam
 obtineret, mittitur. Quoniam ergo non ei impe-
 rium dari, aut cum imperio mitti dicitur, sed impe-
 rium prorogari; manifestum apparet, vim eandem
 imperii ei fuisse, cum urbanus esset praetor, & cum
 pro praetore in Hetruriam missus est. Nam si hoc
 imperium ab illo fuisset diversum, ita ut alterum in
 altero non inesset, non recte prorogatum imperium
 diceret Livius: neque enim cuiquam prorogari impe-
 rium illud potest, quod non habet; sed dixisset
 Livius datum ei imperium: praesertim cum nul-
 lam rei militaris partem attigisse legatur toto sua
 praeturae anno. Quod si hunc locum attentius con-
 siderasset Sigonius, non ita ab imperio consulum
 & praetorum, quod pro suo magistratu habebant,
 militare imperium distinxisset, quasi rem ab illo di-
 versam: sed hoc imperium militare, quasi partem
 illius imperii esse dixisset, necumque tenuisset (id

quod illud posthac facturum spero) in ipso magistratu ita fuisse initium illud imperium, ut nemo unquam illud obtinuisse reperitur, quin non modo magistratus esset, sed etiam minimum consularis aut prætoriae potestatis vim obtineret; tametsi alio quodam nomine suo eorum magistratus appellaretur: veluti, cum M. Antonio & Cneo Pompeio infinitum illud imperium datum legitur, eorum magistratus, praefectura annonae appellabatur: verum in eo magistratu proconsulare imperium habuerunt. Et Rullus, sub nomine decemvirorum agrariorum, praetorium imperium dabat, ut docet Cicero. Et dumviri navales apud Livium, sub hoc magistratus nomine, praetorium imperium habebant. Neque vero uno tantum illo in loco ita loquitur Livius, sed etiam lib. 7. decad. 3. *Prorogatum & C. Hostilio Tubulo est imperium, ut praetor in Hetruriam ad duas legiones succederet C. Calpurnio*. Hic autem Hostilius fuerat praetor urbanus: paulo post hunc locum, scribit Livius P. Licinio Varo praetori urbano quinquaginta navium classem datam, quae oram maris vicinam urbi tueretur. Et initio lib. 2. dec. 4. *Prorogata imperia* (sic enim est legendum) *praetoribus prioris anni: Cn. Sergio, ut militibus, qui in Hispania, Sicilia, Sardinia stipendia per multos annos fecissent, agrum assignandum curaret*. Fuerat hic Cn. Sergius Plancus prior anno praetor urbanus. In quo mihi obiter id notandum videtur, quod propter assignationem agrorum imperium ei prorogatum fuisse reperitur: unde videretur colligi posse, fuisse cum imperio agrarios magistratus. Eodem libro L. Cornelius Lentulus praetor urbanus, ad conjurationem Setinam quaerendam atque opprimendam missus, obvius in agris sacramento rogatus arma capere & sequi jubebat. Hic ego Sigonius rogo, an repens hujus conjurationis iudicium, aut subita per senatum praetoris ad eam opprimendam missio, aliquid dedit imperii praetori, quod non haberet? habuit ergo suae praeturae ratione potestatem hanc, sacramento rogandi milites ad eum numerum, quem iudicasset ad id negotium, quod gerebat, administrandum necessarium: verius ergo est, jam tum, cum praeturae urbanam iniit, latam de ejus imperio fuisse legem curiatam, quam cum forte temere hoc se obtulit negotium, repente occasione ejus legis ferendae data, eam tum demum perlatam: quid enim futurum fuit, si tum dies comitiales non essent? aut si die comitali auspicia non addixissent? Quod vero de hoc praetore urbano hic dictum est, idem lib. 3. decad. 4. dicitur de M. Atilio praetore peregrino, qui quidem in Hetruriam ad fervorū conjurationem opprimendam cum una legione ex duabus urbanis missus est. Et lib. 5. decad. 4. praetoribus Fulvio & Scribonio (quibus, ut jus dicerent Romae, provincia erat) negotium datum, ut centum quinqueremes pararent. Et lib. 6. M. Junio Bruto praetori urbano simul & peregrino negotium datum est, ut veteres naves, quae in navibus erant, reficeret & armaret, & in eam classem socios navales libertinos legeret. Et lib. 7. L. Aurunculeio praetori urbano negotium datum est, ut triginta quinqueremes, viginti triremes faceret. Et lib. 9. decad. 4. *Consules, dum ipsi quaestiones impediebantur, T. Manium delectus habendū praefecerunt*: erat enim T. Manius praetor urbanus. Quid? habendi delectus potestas nonne imperii est militaris? Item lib. 10. decad. 4. *Et praetoribus Q. Petilio & Q. Fabio imperatum est, ut Petilius duas legiones Romanorum tumultuarias scriberet, & omnes minores quinquaginta annis sacramento rogaret: Fabio, ut sociis Latini nominis quindecim milia peditum, octingentos equites imperaret*. Erant autem hi praetores: ille urbanus, hic peregrinus. Eas legiones paulo post sedato tumultu iussu

sunt dimittere. Et lib. 1. dec. 5. M. Titinius cum praetor urbanus esset, legionem primam Ariminum convenire jubet. Idemque Romae delectum habuit. Sed paulo post exercitus dimissus, & delectus omisus. Idemque M. Titinius anno sequenti missus est in Hispaniam prorogato imperio. Et lib. 2. decad. 5. *In praesentia tamen Cn. Sicinium praetorem, cujus inter cives & peregrinos jurisdictio erat, scribere milites placuit*. Huic eidem classem & exercitus cum provincia Macedonia, prorogato in annum imperio, datur. Et C. Licinius praetor urbanus reficit paratque classem navium quinquaginta, & socios navales cives Romanos libertini ordinis in viginti quinque naves scribere jubetur. Et paulo post: C. Sulpicio Galba praetori negotium datur, ut quatuor legiones scriberet urbanas, isque quatuor tribunos militares ex senatu legeret, qui praessent. Et lib. 3. dec. 5. *Duo milia militum in eas naves sunt imposita, quae Q. Menius praetor ex Senatusconsulto in ea parte Italiae, quae objecta Ilyrico est, conscripsit*. Erat autem, ut ex historia planum est, praetor peregrinus. Et paulo post delectus habendi negotium a consulis ad praetores transfertur. Et a C. Sulpicio praetore urbano quatuor legiones scriptae leguntur. Quod ergo hi praetores urbani ac peregrini delectum habent, quod classem instruunt, id ad imperium militare pertinuisse non negabit, opinor, Sigonius: sed id extra ordinem factum fuisse dicit. In quo illi ego assentior, modo illud *extra ordinem* ita accipiat ut significet, extra quam usitatum singulorum annorum praetoribus esset, extra quam fieri singulis annis solet: non autem ut id extra jus horum magistratum esset. Neque enim quotannis aliquid accidebat, cur urbanis praetoribus negotium daretur habendi delectus: ut nec provincialibus toto suae administrationis anno semper aliquid accidebat, cur eis conscribendus esset exercitus: sed tamen eis non minus jus fuit hujus rei; quo jure, cum opus esset, uterentur: alioqui senatum hoc jus dedisse dicendum erit, tum cum negotium illud decernebat. Quod in iis certe praetoribus non magis verum est, quam in cons. & aliis praetoribus. Nam consules suas quotannis provincias quasdam habere jus fuit: neque hoc jus provinciae habendae senatus dabat, sed quas habere eos e rep. esset, id modo decernebat. Idque ut ita fieret, non modo post legem Semproniam necesse fuit: sed etiam jam inde a prima consulum origine. Cum enim aure legem Semproniam designatis demum consulis, ac saepius post initum magistratum, provinciae decerni solet, lex Sempronia ante eos designatos iussit singulis annis decerni. Nunquam ergo jus provinciae obtinendae a senatu datum est cons. sed tantum, quas obtinerent, designabat; fors deinde suam cuique, aut passio, praefinebat: quod idem in praetoribus & quaestoribus verum fuisse, omnis testatur historia. Ex his, quae a nobis adhuc confirmata sunt, facile quisvis intelligere potest, vera esse ea, quae a nobis in nostra ad Sigonii reprehensiones responsione scripta sunt: Si verbi imperii significatio modo quaeratur, ac non singulatim partes exquirantur, in quibus imperium consisteret: si non quibus gerendis rebus occuparetur, qui imperium habebat, spectare velimus, sed quid ipsum verbum imperii significaret, semper uno modo in illis omnibus dicendi generibus accipi, ut significet imperandi ac dominandi potestatem, quacunque in re consisteret. Nam, quod hic majus imperium habet, ille minus: Itemque, quod in hac re sit hujus imperandi potestas posita, illius in altera: hoc vero non mutae vocabuli significationem, sed ejus manet semper eadem notio. Hanc vero imperandi potestatem quicunque ex jure suo habuit, ex eo ipso magistratus fuit. Dixi autem ex jure suo, quia consulum ac praetorum legati, quique a magistratu, ut pra-

essent provinciis, relinquebantur, fuerunt illi qui-
dem in ea, quam habebant, reipub. gerendæ potestatis privati; & ut id, quod gerabant, non suis, sed alienis auspiciis gerere dicebantur, non suo ac sibi proprio, sed delegato ac demandato (ut Jurisconsulti loquuntur) imperio: ita nec proprie dicuntur fuisse cum imperio, nec imperium habuisse, nec omnino magistratus fuisse: tamen interdum pro prætoribus esse dicantur. Sal. in Jugurth. *Albinus, Aulo fratre in castris pro prætore relicto*. Et Livius lib. 10. *Præposito castris L. Scipione pro prætore*. Atque illa quidem causa est, cur Cicero de provinc. conf. dicit, eam provinciam, quæ a legato administraretur, sine imperio fuisse: quia a nullo administraretur, qui suo jure imperium obtineret. Et Livius lib. 27. postquam dixit a consule Claudio restitutum fuisse Q. Tadium legatum, qui castris præfesset, paulo post dicit, sine imperio castra fuisse. Et lib. 5. dec. 4. *Cum verius esset, T. Sempronio imperium habentis tradidit exercitum, quam legato*. Planum enim est, a Livio negari M. Marcellum legatum, quem exercitui præfecerat Cos. L. Cornelius, imperium habuisse, cum T. Sempronius, quia procos. esset, imperium haberet. Idem Livius lib. 9. dec. 4. *Literis de morte proprætoris recitatis senatus consultum mittendum, qui ad Lunæ portum C. Calpurnium prætorem consequeretur, nuntiaretque, senatum æquum censere, ne sine imperio provincia esset, maturare eum proficisci*. Et libro 10. ejusdem decad. *Nam ulterior Hispania morte P. Sempronii proprætoris sine imperio fuerat*. Quod ergo ad omnem provinciam administrationem attinet, sive rem bellicam spectes, sive jurisdictionem, æqua erat legati potestas atque proconsulis aut proprætoris; unum ei hoc deerat, quod, cum magistratus non esset, imperium ei defuisse dicitur: hoc est, primaria illa in publico negotio imperandi potestas, quam quis suo jure, non autem alieno nomine ac velut precario obtineret. Sed hæc satis sunt, aut certe ad fastidium usque plus satis.

C A P. VI.

Ex iis verbis apparet, dictatorem sine lege curiata magistratum dictaturæ gessisse: quomodo enim agere cum populo potuisset, si privatus quidem fuisset? ergo si pertulit legem de imperio, non de civili imperio pertulit, sed de militari.

QUID ais Sigoni? Hic Papyrius nunquid ad rem gerendam dictus erat Dictator? hujus ergo dictatura in re gerenda potissimum consistebat: quomodo ergo magistratum dictaturæ gessisse sine lege curiata conclusis? quasi vero magistratus dictaturæ in eo consisteret, ut cum populo agere liceret. At si hujus dictaturæ maxime posita erat in rei gerendæ potestate, hanc vero potestatem consulis nominatione non haberet, sed per legem demum curiatam (ut tu vis) eam accepit: concludendum tibi fuit, tum demum pleno jure, atque optima lege, magistratum dictaturæ accepisse, cum lex curiata perlata est. Ego vero longe aliter sentio, quod imperium hic dictator nominatione consulis habuerat, illud ipsum ei lege curiata confirmari ita ut legem de imperio suo ferre, aliud nihil esset, quam populi judicio ei magistratum confirmari, quem nominatione consulis acceperat. Quid enim si populus hanc rogationem antiquasset, an tu hunc Papyrium dictaturæ magistratum, quo senatus opus esse judicaverat, nihilominus obtinuisset dicere audas? immo, nihil ei profuturum fuisse consulis nominationem existimo: sed omnino ei fuisse deponendam dictaturam, aut certe non potuisse optima lege dictaturam gerere. Meus sane sensus hic

semper fuit, verius magistratum lege curiata confirmari, quam dari: quia jampridem iisdem video attributam legem curiatam, qui aut iustis quibusdam aliis comitiis a populo creati essent, aut iusta quadam alterius magistratus nominatione inaugurati; ita ut, ob quandam auspiciorum, opinor, religionem, hæc legis curiata accessio creandis magistratibus necessaria judicaretur. Attamen, quia lego Messalam ac Ciceronem de hac re ita loqui, ut dicant, lege curiata magistratum dari: ego quoque non vereor ita loqui. Quin tamen ea verba illam interpretationem admittant, ut in hoc genere dari magistratum pro eo accipiat, quod est, confirmari magistratum, ego non repugno: quin potius ea in re quoque Ciceronem auctorem sequor: qui in agraria ita loquitur, curiatis comitiis potestatem decemviris confirmari. Verum, quia hoc ipsum, confirmari magistratum, eam habet vim, ut ad totum potius confirmandum ipsum magistratum pertineat, quam ad quandam partem magistratus, aut vero ad aliquam adventitiam magistratui accessionem: idcirco dico magistratui, ut optima lege ac pleno jure magistratus esset, legem curiatam fuisse necessariam. Quod vero rogas, quomodo agere cum populo potuisset, si privatus fuisset; respondeo, satis fuisse nominationem illam consulis, ut agendi cum populo potestatem haberet: id tamen non ostendere, pleno jure dictaturæ magistratum obtinuisset. Immo vero, Sigoni, arcanum antiquitatis Romanæ obiciam, (quod a me non est omisum in primo libro de Comitibus) nempe quosdam, qui tantum designati magistratus essent, hoc jus habuisse agendi cum populo. Comitibus enim consularibus si unus tantum designatus esset cos. quia ceteri competitorum centurias non explebant, qui designatus erat, collegam sibi rogabat: id quod me docuit Livius lib. 7. dec. 4. cum scribit C. Lælium consulem comitia habuisse, quibus M. Fulvius Nobilior consul unus creatus esset, cum ceteri, inquit, centurias non explebant: isque postero die Cn. Manlius Lepido dejecto (nam Messala tacuit) collegam dixit. Ut etiam alio loco lib. 3. legimus, Pontificem maximum habuisse comitia, quibus tribuni plebis creati sunt. Non est igitur in eo, quod quis cum populo egit, satis argumenti ad probandum magistratum esse: tantum adest, ut satis sit ad docendum, dictatorem potestatem quempiam habuisse. Ex iis apparet illud tuum: Ergo si pertulit legem de imperio, non de imperio civili pertulit, sed de re militari: ut ex falsis sumptionibus constructum est, ita haud verum esse. Quam enim legem de imperio tulit, eam de dictatoris imperio sibi confirmando tulit; non de militari imperio tantum, ut tu perperam soles verbum imperii interpretari. Nec veriora sunt, quæ tu continuo subicis: Apparet etiam legem curiatam de imperio pertinuisse ad rem militarem, propter clades bellicas lege curiata de imperio lata acceptas. Quid ais, Sigoni? estne hæc tuo ingenio digna conclusio? Clades, de quibus hic mentio est, acceptæ sunt in re bellica; sunt autem acceptæ, cum lata esset lex illa curiata de imperio eorum magistratum, sub quorum imperio acceptæ sunt: ergo lex illa curiata ad imperium tantum militare pertinuit? Potuisti tu quidem concludere, eos magistratus, sub quibus illæ clades acceptæ sunt, imperium militare habuisse, quia bellicæ fuerunt illæ clades: legemque curiatam, quæ de eorum imperio lata legitur, magistratibus latam fuisse, qui belli duces fuerunt: at non illud, quod tu vis, efficitur; tantum ad dandum imperium illud militare legem illam de imperio latam fuisse.

CAP. VII.

Centuriatis comitiis consules tribunique militares creantur, curiata rem militarem continent: quasi vero vellet dicere, magistratum iis dari comitiis, imperium vero militare curiatis.

IMO debuisti ex verbis Livii concludere, quoniam curiata comitia rem militarem continere dicantur, eos non potuisse pleno jure magistratum obtinere, tamen centuriatis comitiis creati essent; nisi etiam curiatis comitiis populus de iis iudicaret. Quis enim consulem optima lege fuisse credat, qui nullam haberet rei militaris potestatem? quasi non esset hoc primum consulum munus, quod in repub. administranda gereret, ut bellicam rem administrarent. Verum id ego supra satis multis docui: certe verba Camilli apud Livium, aliud nihil significant, quam comitia curiata tam fuisse reip. Romanæ necessaria, quam necesse erat, rem bellicam diligenter, nullaque omitta religionis parte, nulla veteris moris observatione neglecta, administrari. Quia scilicet majorum vetus institutum, auspiciorumque religio, id postulabat; ut omnibus magistratibus, qui rei militaris potestatem haberent, legem curiatam ferri oporteret; sive populi iustis suffragiis creati essent, sive alio modo. Hæc vero curiata comitia non poterant auspicio, nisi intra pomerium, haberi: ex quo Camillus efficere volebat, non posse eos sine magno ac pernicioso religionis ad rem militarem necessariæ contemptu, Roma relicta, alio migrare.

CAP. VIII.

Ex quibus item percipitur, tum consules ante legem curiatam latam consulatum gessisse: quippe qui legem eam ad populum tulerint.

FALLERIS in eo, Sigoni, quod semper existimas ipsos sibi consules, qui rem bellicam administrant, legem de suo imperio curiatam tulisse, postquam iam inissent magistratum: cum ex antiquitatis observatione verius esse videatur, eos ipsos, qui comitia habebant creandis magistratibus, legem curiatam tulisse. Primum enim multos reperimus consules, cum absentes consulatum inissent, rem gessisse, ut Marium in tertio consulatu: nonnullos cum præsentibus designati essent, ante tempus ineundi consulatus in provinciam profectos, ut inito statim consulatu bellum gererent, ut C. Flaminium in secundo consulatu. Hos vero omnes non potuisse de suo imperio legem ferre curiatam, quæ intra pomerium ferenda erat, perspicuum est. At rem gerere sine ea non potuisse etiam Sigonius fateatur. Quem ergo eam tulisse consulibus legem suspicari potes, præter ipsum consulem qui designasset? nisi curiatam legem, quæ quotannis de consulum imperio ferebatur, dicamus semel ab altero consulum, qui præfens esset, aut cui id obligisset, ita ferri solitam, ut ad totum collegium pertineret, haud secus, quam quæ prætoribus, ad totum simul prætorum collegium; quæ quæstoribus, ad totum quæstorum collegium. Verum parum ad id, quod agitur, interest, utro modo dicamus eos scilicet ipsos, qui magistratus creabant, etiam legem curiatam illis ipsis tulisse, quos creassent: (ut mihi vel ex eo verius videtur, quod consules legem fere omnes statim inito magistratu aliquid rei bellicæ gessisse, quod non potuissent, nisi hac lege perlata: eam vero nisi die comitali perferre non poterant: qui dies comitalis nullus fuisse reperitur interfectus inter initi

A magistratus diem, & illum quo rem bellicam gerere comperuntur: ex quo efficitur, eam fuisse perlata antequam inirent magistratus: ut omittam quod passim in historia leguntur diviti exercitus a Senatu consulibus ac prætoribus, primo statim die, quo magistratum inierant: quod frustra facere visus fuisset Senatus, si ii, quibus ea decernebat, jam tum non habuissent potestatem rei gerendæ: & consules Claudius Nero & Livius Salinator, antequam inirent magistratum, provincias fortiantur & exercitus) an vero ab altero consulum eam ipsam legem sibi ac suo collegæ communem primo quoque die comitali fuisse perlata; idem enim hic dicam, quod supra in dictatore: eam legem pertinuisse ad confirmandum consulibus magistratum, ita ut optima lege, pleno jure, consules non fuerint, nisi ea perlata. Nam, quos tu e Cicerone locos adders, si mihi potius videntur ad legem curiatam pertinere, quæ ad transmittendum auspicio imperium iis ferebatur, qui post gestum magistratum in provincias ituri erant, quam ad illam, qua initio iis consulare imperium confirmabatur. Nisi forte per intercessionem, aut obnuntiationem, hos consules, de quibus mentionem facit Cicero, dicamus fuisse impeditos, quominus ferrent eam legem, quam ordine ac more majorum, in designandis magistratibus, aut statim inito magistratu perlata fuisse oportebat: idque impedimentum a tribunis plebis aut aliis magistratibus, extra quam fieri soleret, ac præter ultimum in repub. morem, propterea fuisse oblatum, ut, quacunq; possent ratione, prohiberent eos jure sui magistratus uti. Quandoquidem eo modo efficebant, ut non possent more majorum, iisque adeo observatis, quæ per religionem auspiciorum erant observanda, provinciarum sibi decretarum administrationem suscipere. In quo efficebant, ut nec pleno jure sui magistratus uti possent, nec eo jure quod sibi datum erat a Senatu, cum consulibus designandis per legem Semproniam provincias decrevisset. Certe, si ita tenemus, Romanos postremis illis reip. temporibus, postquam legi curiatæ ferendæ adumbrata tantum per triginta lictores comitia usurpari cœperunt, in mandando primum consulibus magistratu centuriatis comitiis fuisse contentos: atque in eo interdum a veteri instituto deviasse, quod lege curiata post initum demum magistratum ad imperium iis per auspicia confirmandum, tantum dicis causa uterentur, unam nosquidem illo modo legem curiatam consulibus dabimus, quam semel iis latam fuisse satis esset: veruntamen illud semper verum manebit, curiatam legem ad magistratum jure optimo & optima lege obtinendum consulibus fuisse necessariam: non autem proprie pertinuisse ad obtinendum imperium militare, quasi rem a magistratu extrinsecam. Id quod mihi videtur posse his rationibus demonstrari: Dion lib. 41. scribit: *Anno insequenti Roma duplices magistratus, contra quam leges ferrent, habuit. Eodemque anno prælium ingens commissum est. Romæ duo consules & P. Servilius, prætores quoque & alii legitimi magistratus electi erant. Qui vero Thessalonice degabant, nihil horum constituerunt: quamvis, ut quidam auctores sunt, ibi cum consules, discenti senatores agerent, & ad præscriptum legis locum ad auspicia capiendum publicum fecissent: ut penes eos populus, atque ipsa civitas universa ibi esse censeretur, in causa tamen fuit, quominus novos magistratus crearent, quod lex curiata a consulibus lata non erat: itaque iisdem, quibus ante, uti sunt magistratibus: appellationibusque tantum mutatis, eos proconsules, prætores, proquæstores dixere: Morum enim patriorum magnam adhuc curam gerebant, quamvis correptis armis, patriæque relicta non omnia, quæ ad rem præsentem requirebantur, neque omnino secundum instituta patriæ perscrivere possent.* Dionis verba diserte hoc affirmant.

consules Lentulum & Marcellum ob id non creasse A
 novos magistratus Thessalonica, quia ab iis non erat
 lata lex curiata: cum tamen reliqua omnia iis sup-
 peterent, quæ ad iustam magistratum creationem
 viderentur necessaria. Habebant enim iustum nu-
 merum Senatorum ad Senatufconsultum faciendum,
 habebant locum consecratum & inauguratum, in
 quo auspicio creare possent: qui erant cum illis,
 iustus populus censetur, ita ut eorum suffragia
 populi Rom. suffragia merito censeferi possent: deni-
 que nihil deerat, quominus Romana civitas potius
 existimanda esset Thessalonica esse, quam Romæ:
 unum, inquit, hoc deerat, quod lex curiata a con-
 sultibus lata non erat. Jam vide Sigoni, quid ex
 eo loco concludam. Primum, legem curiatam om-
 nibus consulibus ferendam fuisse, idque non, ut
 imperium militare, quod iure sui magistratus non
 habebant, obtinerent: sed omnino, ut optima lege
 consules essent. Si enim hi consules non satis se
 juris habere ad subrogandos magistratus existi-
 marent, quia non habebant legem curiatam, hoc vero
 munus subrogandorum magistratum nihil ad rem
 militarem pertinet, quin potius civile imperium pla-
 ne respicit; necessario efficitur, non proprie ac so-
 lum ad militare imperium pertinuisse legem curia-
 tam, sed ad ipsum omnino consulatum pleno iure
 obtinendum. Hos enim consules ex historia intel-
 ligimus nobili illo S. C. armatos fuisse, ut viderent,
 ne quid Resp. detrimenti caperet, jam inde a se-
 ptimo Iduum Januarii, cum Calendis magistratum
 inissent: ex quo mirum videri non debet, si sta-
 tim rem bellicam gerunt, tamen legem curiatam
 non habebant. Sed id potius observandum est, ac
 diligenter excutiendum, quæ causa sit, cur hi con-
 sules non sibi ferrent legem curiatam Thessaloni-
 cæ, ut nihil eis deesset ad plenum ius sui magistra-
 tus obtinendum. Hæc haud dubie causa est, quod
 nusquam alibi auspicio ferri poterat lex curiata,
 quam intra pomerium: præsertim cum urbani
 populi, atque adeo ipsius urbis & agri Rom. par-
 tes essent curiæ, ideoque urbana proprie auspicia
 populi penes curias erant. Atque illa quidem certe
 mihi videtur causa fuisse, cur jam inde a prin-
 cipio annuorum magistratum non existimant Ro-
 mani fas esse intermittere ulum curiatorum comi-
 tiorum in iis creandis magistratibus, tamen in-
 stitutum esset, ut centuriatis comitiis fierent:
 nempe, ut urbanorum auspiciorum religio simul
 cum ipsa urbe nata retineretur: quæ quidem reli-
 gio in curiarum comitiis ex Romuli instituto cer-
 nebatur. Quinetiam, postquam populus contentus
 prioribus comitiis, quibus magistratus mandaverat,
 desit velle rursum ad rem eandem curiatam conve-
 nire, usque eo noluerunt horum curiatorum comi-
 tiorum ulum perire, ut adumbrata comitia retineri
 vulerint per triginta lictores, qui numerum xxx.
 curiarum referrent: idque, ut Cicero scribit, auspi-
 ciorum causa. Ac si locum illum Ciceronis ex 2.
 agraria attentius intueri velimus, nos profecto com-
 periemus, principale causam ferendam de magi-
 stratibus legis curiatae in auspiciorum religio fuisse.
 Cum enim illo in loco de nulla alia lege curi-
 ata agatur, quam de ea, quæ magistratibus fere-
 batur, quod dicit curiatorum comitiorum umbram
 retentam auspiciorum causam, aperte indicat, fuisse
 in iis curiatis comitiis quandam auspiciorum reli-
 gionem, quam usque eo negligere Romani nolue-
 rint, ut retinendam saltem eorum comitiorum spe-
 ciem quandam necessarium existimaverint. Quod
 si illorum adumbratorum comitiorum usus, qui
 mandandis magistratibus necessarius est iudicatus,
 in auspiciorum modo religione positus erat; profe-
 cto, si regredi velimus ad superiora tempora, quum
 adhuc iustis comitiis curiatis ferebatur lex curiata,
 hanc potissimum causam ferendam illius legis fuisse

judicabimus, ut religio auspiciorum, quæ proprie
 ac præcipue in curiarum suffragiis inerat, observare-
 tur: ac non eam solam, quam oratorie Cicero, &
 magis accommodate ad suam causam, quam ad
 veritatem affert, ut esset reprehendendi potestas, si
 populum beneficii sui pœniteret: non quod hæc
 non esset revera populo potestas reprehendendi; sed
 certe hæc non fuit sola, nec princeps causa horum
 curiatorum comitiorum. Deinde vero ex illo Dio-
 nis loco id præterea colligo, si his consulibus non
 fuit potestas subrogandi magistratus, quia non tu-
 lerunt legem curiatam: omnibus contra consulibus
 quibus licuit comitia subrogandis magistratibus ha-
 bere, fuisse perlatam legem curiatam. Atqui in
 omni historia Romana passim videmus, singulo-
 rum annorum consules simul cum provinciis fortiri
 aut comparare inter se, utri subrogandorum magi-
 stratum negotium obtingeret: ex quo intelligitur,
 jam tum eos eam potestatem habuisse: unde efficitur,
 legem curiatam jam tum iis fuisse perlatam.
 Quo magis confirmor in ea, quam supra attigi
 opinione; veterem illum ac ulatum morem fuisse,
 ut ipsis magistratibus lex curiata ferretur, sta-
 tim iis designatis, aut certe statim, postquam inie-
 rant magistratum. Postremo, Dionis ille locus fi-
 dem nobis facere potest, Dictatorem etiam, qui
 comitiorum causa creatus esset, lege curiata ornan-
 dum fuisse. Quid enim adferri potest, cur hac in
 re liceat Dictatori aliquid, quod consuli non lice-
 bat? non igitur verum est, iis modo Dictatoribus,
 qui rei gerendæ causa creati essent, legem curia-
 tam fuisse attributam. Est vero & alius apud Dio-
 nem locus lib. 39. ubi agitur de P. Clodio, qui
 Aedilis factus L. Philippo, Cn. Marcellino cons. sta-
 tim ubi ædilitatem iniit, Miloni diem dixit, eum-
 que de vi ad populum postulavit: non quod (in-
 quit Dion) speraret se posse Milonem damnare,
 sed ut, sub accusandi Milonis inimici sui prætextu,
 Pompeium etiam & Ciceronem Milonis defensores,
 suosque adversarios, conviciis agitare posset. Tum
 hæc verba subiicit: ὁ γὰρ Κλωδιος, ὅπως ἐπὶ πλείον
 ποιῇ, οὐκ εἰς τὴν πραετατικὴν ἐστὲν ἔθνηαι νόμον,
 οὐτὲ δίκην οὐδέμιν ἐσαχθῆναι ἔχον, hoc est, Clo-
 dius, ut diutius in hoc conviciandi proposito perse-
 ret, non sinebat legem curiatam perferri, neque
 ullum iudicium peragi licebat. Hic locus, Sigoni,
 tuam de lege curiata opinionem non modo labefa-
 ctat, sed funditus evertit. Ecce enim Clodius ædi-
 lis dicitur, cum accusationem Milonis diu ducere,
 ac non statim iudicium perfici velle, id quod vole-
 bat, impediendi legis curiatae latio, fuisse as-
 secutum. Quam legem curiatam hic fingere pos-
 sumus, quæ perferenda esset, priusquam liceret ul-
 lum iudicium peragere, nisi solennem illam le-
 gem curiatam, quæ singulorum annorum magi-
 stratibus ferri solebat, auspiciorum causa? Excui-
 tiamus, quæso, ex annalibus Romanorum omnia,
 quæ nobis lucem aliquam adferre possunt. Consu-
 les huius anni Martius Philippus, & Cn. Lenu-
 lus Marcellinus, & prætores a superioris anni con-
 sule Merello Nepote creati erant: sed propter ob-
 nunciationses perpetuas non potuerat ædiles creare,
 ut notum est ex epistola 4. libri 4. ad Atticum: sed
 mense Januario ad 11. Calend. Febr. ab huius anni
 consulibus ædiliū curulium comitia habita sunt:
 quod ex Cicer. 2. epistola libro 2. ad Q. fratrem in-
 telligitur: hæc vero conviciosa conciones Clodii
 adversus Pompeium cum Miloni reo ad populum
 adesse vellet, a Cicerone docentur initio mensis Fe-
 bruarii habitæ, in 3. epistola ejusdem libri, octa-
 vo scilicet Idus Febru. In eademque epistola docet
 Clodium diem iudicii produxisse ad Quirinalia,
 quæ erant 13. Calend. Martias; & in 6. ejusdem
 libri epistola, rursus reperitur dies iudicii producta
 ad Nonas Maias. Jam illud consideremus, de quibus

judiciis intelligendum videatur id, quod dicit Dion, non licuisse ea peragi, nisi perlata lege curiata. Certe hoc judicium, quod Miloni a Clodio intendebatur, populi judicium erat, ut ex Cicerone apparet, & Alconio in comment. Milonianæ: non autem ex iis, quæ apud prætores quæstionum perpetuarum exercebantur: id est, non apud eum prætorem, qui hoc anno de vi quærebat, reus factus erat Milo a Clodio; sed ad populum, pro jure sui magistratus, vocaverat. Si ergo de iis modo judiciis dicamus Dionis verba intelligi, quæ ad populum fiebant; illud tamen efficitur, curiatam legem fuisse perferendam, ut peragendi ad populum judicii potestatem haberent magistratus. Sin de omnibus judiciis, multo magis efficitur, ne prætoribus quidem fuisse exercendorum judiciorum potestatem, nisi lege illa perlata. Hanc vero quibus dices fuisse perferendam, nisi ipsis magistratibus, qui judiciorum exercendorum potestatem habebant? An de lege curiata, quia imperium militare daretur, hæc esse accipiendi dices? ut Dion velit, nisi perlata ante, de consulum imperio militari, lege curiata nullum judicium potuisse peragi? id vero plane falsum est. Cum enim certum sit, exercendorum judiciorum munus ordinarium adeo fuisse, ut in singulos annos incurreret, ac re ipsa exerceretur, nisi liquando ad aliquod tempus indictum iustitium fuisset: fatendum quoque tibi, Sigoni, esset, singulorum annorum consules necessario imperium militare extraurbanum obtinuisse, hoc est, ut tu interpretaris, exercitus imperatores in aliqua provincia extramurana fuisse: quod & falsum est, & tu quoque non verum esse affirmas. Plurimi enim consules reperiuntur, qui totum consulatum in urbe gesserunt, nec in provinciam ex consulatu profecti sunt. Quibus si perinde atque aliis, quin in provincias proficiscebantur, ferendam fuisse legem curiatam, ex hac judiciorum ratione ostenditur, verum esse non potest, quod affirmat Sigonius, non alium fuisse utrum legis curiatæ, quam ad dandum imperium provinciale. Certe ergo est id, quod a me de lege curiata scriptum est; omnibus omnium annorum consulibus ferendam fuisse legem curiatam, idque ad sui magistratus confirmationem potius, quam ad obtinendum aliud quoddam adventitium rei militaris imperium. Sed quoniam ex iis Ciceronis locis, quos citat Sigonius ex epistola ad Lentulum Spintherem, & ex libro 4. epistolarum ad Atticum, intelligimus, Appium consulem ad finem anni sui consulatus tantopere laborare de lege curiata sibi ferenda, ut etiam infamem illam pactionem, quam detexisse Memmius scribitur, ob id fecerit cum candidatis consulatus in annum insequentem, ut quam re ipsa ferre non poterat legem curiatam, trium augurum testimonio perlata fuisse eementiretur: & rursus, quoniam ex historia comperio, ante hoc tempus, quod nondum lata fuerat lex curiata ab Appio, multa judicia fuisse facta, ut C. Catonis, P. Vatinii, M. Scauri, A. Gabinii: Hæc, inquam, mihi argumento sunt, hanc legem curiatam, quam sibi ferri tam studiose contendeat Appius, aliam quandam fuisse ab ea, quæ magistratibus initio anni, vel tum cum designabantur, perlata erat: quæ scilicet ad transfundendum in provinciam proficiscenti imperium videretur necessaria.

C A P. IX.

De quo Salustius in Catilina: Senatus decrevit, darent operam consules, ne quid resp. detrimenti caperet. Ea potestas per senatum more majorum magistratui maxima permittitur, exercitum parare, bellum gerere, coercere omnibus modis cives

atque socios: domi militiæque summum imperium, ac iudicium summum habere. Aliter sine populi iussu nullius earum rerum consuli jus est. *Quæ verba nobis hanc lucem adferunt, ut intelligamus, consules jure consulatus exercitum parare, bellumque gerere non potuisse, neque domi militiæque summum imperium habuisse, quod certe habuissent, si imperium unum tantum esset.*

IN hoc uno Salustii loco tractando multipliciter peccat Sigonius. Id quod facilius apparebit, si veram interpretationem primum subjecerimus. Quia nobilis hujus senatus consulti, quo plerumque in atroci negotio senatus uti soleret, mentionem fecerat, idcirco, quam vim haberet illud senatusconsultum, continuo docere voluit. Itaque hujus eam vim fuisse dicit, ut legibus soluti consules dictatorium plane imperium sub nomine consulum obtinerent, quemadmodum ostendit Plutarchus in vita Gracchorum; ubi Opimium consulem dicit sub nomine consulis dictatorium potestatem obtinuisse. Et Livius lib. 6. cum scribit adversum Manlium non dictatorem dictum, ut adversus Sp. Melium factum erat, sed hoc senatusconsultum fuisse: *Decurritur ad leniorem verbis sententiam, vim tamen eandem habentem, ut videant magistratus, ne quid ex pernicioso M. Manlii consilio Resp. detrimenti caperet.* Hoc dicit Livius, vim eandem habuisse hanc sententiam decernendi illius nobilis S. C. quam si decretum esset, ut dictator diceretur. Obtinebant ergo per hoc S. C. consules extraordinarium quoddam imperium, quod a Salustio particulatim exponitur, exercitum parare, bellum gerere, coercere omnibus modis cives atque socios, domi militiæque imperium atque iudicium summum habere: quibus verbis indicat consules hoc S. C. armatos omnibus legibus solutos fuisse, quibus repressum moderatumque erat eorum imperium ordinarium: cuiusmodi leges erant de provocatione; leges Porcia & Sempronia, quibus vetabatur, ne omnimodam coercionem haberent. Cuiusmodi quæ hoc S. C. accipiebant: de non imperando intra pomerium exercitu; de junioribus tantum in delectu sacramento cogendis: denique de non habendo summo ac legibus soluto in iudicando imperio. Neque vero hoc imperium dictatorium consulibus dare fuit in sola senatus potestate: sed etiam interdum a populo extraordinarium hoc imperium acceperunt, ita ut solutum legibus imperium perinde per legem, quam populus iussisset, obtinerent, ac si nobili illo S. C. armati fuissent. Quod quia in historia Romanæ lectione non observavit Sigonius, propterea in multis ac varios errores se induit. Ac de eo quidem quod legibus solvere consulem posset populus ita, ut sub nomine consulis dictatorem potestatem obtineret, non ambigit, opinor, Sigonius: at id factum aliquando esse, exemplis doceri vult. Apud Livium lib. 4. dec. 1. ad vindicandam eadem M. Posthumii trib. mil. consulari potestate, per seditionem a suo exercitu occisi, consulibus A. Cornelio Cosso, & L. Furio Medullino, plebiscito negotium mandatur, quærendi animadvertendique ultimo supplicio in omnes cædis Posthumianæ confisos. Hac lege extraordinaria potestas consulibus data est in hoc gerendo negotio: populusque per hanc legem iudicium summum absque provocatione in consules transiit, (ut indicant verba Livii, cum de sanguine & supplicio plebis eam legem appellat) quod aliqui erat solius populi proprium: quin etiam, si vi armata opus esse iudicassent consules adversus hujus seditionis confisos, per hanc legem eis id licuisse haud dubium est: quod aliqui consules per ordinariam suam potestatem non potuissent. Idem autem imperium extraordinarium obtinuisse consules censendi sunt, quoties in decretam a populo quæstionem

in historia legimus. De vita enim civium, omninoque de ipsorum statu, in jussu populi agi non poterat: ex quo apparet, tum populum suo quodam jure cedere, cum eam ad alicui potestatem, quæ legibus moribusque Romanis ipsius propria esset: jussuque populi, quod hic intervenire solet, eo pertinet, ut legibus hac ex parte sit solutus is, cui ea potestas datur, quam aliqui jure sui magistratus non haberet. Apud Livium lib. 9. dec. 4. ambobus consulibus, Sp. Posthumio Albino, & Q. Martio Philippo, quæstio de clandestinis conjurationibus adversus bacchanalia decreta est. Ea potestate accepta, quam multos cives extremo supplicio affecerunt? Hoc vero fuit imperium majus dare consulibus, quam pro jure sui magistratus. Hos vero Coss. Cicero 2. de leg. scribit exercitu adhibito quæstionem hanc exercuisse. Post interfectum Tiberium Gracchum, consulibus ejus anni, qui proxime infestus est, Popilio, & Rupilio quæstio decreta est adversus Gracchanæ seditionis conficios. Cum Pompeius tertium cos. factus esset solus, ei a populo sub nomine consulis datum est imperium dictatorium, ut ex historia perspicui potest. Nam quod illo anno S. C. illud nobile decretum fuisse comperimus, id vero jam ante factum erat, quam cos. esset Pompeius. Sic enim docet Aconius, factum fuisse hoc S. C. ut interrex & tribuni pleb. & Cn. Pompeius, qui procos. ad urbem erat, viderent, ne quid detrimenti resp. caperet: delectum autem Pompeius tota Italia haberet. Hoc vero est, quod dicit Salustius, sine populi jussu, i. nisi lata nominatim ad eam rem lege, nulli consuli jus fuisse earum rerum, quas enumeraverat: quibusque summum quoddam ac legibus solum imperium extraordinarium descripsit; præter quam quod nobili illo S. C. idem jus accipiebat. ita ut duos omnino modos, quibus majus quoddam imperium, quam pro magistratu cos. acciperent, hic nobis significet; unum, a Senatu per hoc nobile S. C. alterum, a populo per legem specialiter (ut I. C. loquuntur) de ea re perlatam. Errat igitur primum in eo Sigonius, quod contra omnium exemplarium fidem verba Salustii corrumpit. Legit enim: *Aliter sine populi jussu nullius earum rerum consuli jus est*. Cum in omnibus impressis codicibus, etiam iis, qui a Paulo Manutio nuper ex manuscriptorum librorum fide summa diligentia editi sunt, legatur: *Aliter sine populi jussu nullius earum rerum consuli jus est*: ut Salustius suo ac sibi in verbis transponendis ultitatio more loquendi dicat, nulli consuli jus fuisse earum rerum sine populi jussu: sane, beneficio viri clariss. & doctiss. Henrici Memmii, facta est mihi copia videndi quatuor venerandæ antiquitatis manu scripta Salustii exemplaria, in quibus omnibus uno consensu legitur, *nullius earum rerum consuli jus est*; ad quæ accessit quintum, mihi a Dionys. Lambino, viro omni doctrinæ genere præstantissimo, utendum datum, plane cum illis congruens & concordans. Quantum vero interfit, hoc ne an illo modo legatur, hinc perspicui potest, quod, qui cum Sigonio leget, *nullius earum rerum*, mendacii aut ignorantis Salustium arguet, ut paulo post docebo. At, si ea relinquitur, quæ est in omnibus exemplaribus lectio, & verissima, & ad id, quod agit, maxime accommodata, Salustii sententia retinebitur, ut a me paulo ante explicatum est. Deinde vero, quis potest hanc Sigonii interpretationem ferre, ut *populi jussu* in hoc Salustii loco significet *legem curiatam*? ut verba Salustii cum sensum habeant, aliter sine lege curiata nullius earum rerum consuli jus est. Quid? an nesciebat Salustius, jamdudum nullis populi comitiis ferri legem curiatam? Et hoc scilicet appellavit jussu populi, ubi nullus fieret populi conventus ad aliquid jubendum? Verum fingamus cum Sigonio, Salustium, aut moris Romani, qui sua ætate obser-

varetur, ignarum fuisse, aut vero ita improprie locutum, ut jussu populi in ea re appellaret, in qua nullum populi judicium expectaretur; sed triginta tantum lictores, ad speciem quandam & usurpationem vetustatis, suffragium ferrent: id potius quæramus, verumne esse possit id, quod ex hac sua interpretatione colligit Sigonius: hoc est, verumne sit, nullius earum rerum, quas dixerat, consuli jus fuisse absque lege curiata. Nonne domi summum imperium habere ex numero est earum rerum, quas enumerat Salustius? Atqui nullius earum consuli jus fuit, inquit Sigonius, sine lege curiata. Ut ergo summum in urbe imperium consul obtineret, lege curiata opus ei fuit. At omnes consules, quæ consules essent, summum hoc in urbe imperium habuisse omnes Latini scriptores affirmant, & Sigonius fatetur. Fuit ergo omnibus consulibus necessaria lex curiata, ut consules essent: quod tamen ne fateri cogatur, tantopere laborat Sigonius. Ita, quam ex hoc loco confirmare se putat posse de lege curiata sententiam, eam plane sua interpretatione rescellit. Jam vero, si in verbis Salustii eam agnoscamus sententiam, quam dicit Sigonius, ut scilicet duos modos designet Salustius, quibus imperium militare consulibus daretur: unum, in urbe per S. C. illud nobile raro usitatum, & quod ultimæ semper necessitatis habitum est, (inquit Livius:) alterum, non in urbe, sed in provincia tantum, per legem curiatam: quo jure ergo dicemus, multos magistratus, quibus, ut in urbe manerent, provincia obtigerat, aut vero, quibus, ut urbi præessent, collegis ad bella externa profectis, negotium mandatum erat: quo, inquam, jure dicemus usos fuisse, cum sæpe eos reperimus delectum habuisse, per loca urbis plurima præsidia disposuisse? & maxime, si tumultus aliquis alicunde existeret. Nam illius extremæ necessitatis S. C. nullam tum mentionem faciunt historici: hoc vero imperium militare non fuit provinciale, sed plane urbanum, ideoque non per legem curiatam (ut quidem Sigonius existimat) obtentum. Nos ergo per Sigonii interpretationem mendacii arguamus Salustium, ut qui duos tantummodos obtinendi militaris imperii nobis induxerit, cum a magistratibus Romanis sæpe videamus fuisse gestum, absque eorum altero modo. Sed præstat, sumptis ex historia exemplis, velut in rem præsentem venire. Atque ut a principio liberata regio dominatu resp. exordiar, quamdiu populi urbis Romæ vicini fuerunt, tamdiu videmus per portas & muros, aliaque urbis munita loca, armatorum præsidia collocari; at vix, ac ne vix quidem, toto illo tempore reperies, illo nobili S. C. usum fuisse senatum. Dic mihi (amabo te) Sigoni, quo jure hoc intra urbem militare imperium obtinuerunt illi magistratus, qui horum militum duces erant? Nam curiata lex, inquis, ad extramuranum imperium pertinet. Jam vero profectis ab urbe consulibus quam sæpe legimus præfectos urbis delectum habere, & omnia imperii militaris munera intra pomerium obire? An dices præfecto urbis id licuisse pro jure sui magistratus; consulibus, quorum erat velut legatus tantum, non licuisse? Livius scribit lib. 3. consulem T. Quintium ab Alcido, quo cum exercitu adversus Equos profectus erat, in urbem reversum: cumque repente in fines Romanos Equi invalissent, magnusque in urbe tumultus fecissent, præsidia portis imposuisse. Rogo te, Sigoni, qui hoc T. Quintio licuit? nam curiata lex provinciale tantum imperium ei dederat, ut tu vis. At S. C. Livius hoc loco non facit mentionem: anno vero consequenti hoc S. C. usum fuisse senatum docet. Quid? P. Valerius consul eo anno, quo Herdonius Capitolio occupato servile bellum concitare voluit, quo jure id facit quod apud Livium scribitur: *Ultimum orationis fuit, se arma capere, vocare omnes Quirites ad*

arma? Idem enim Titus Livius docet, hæc Valerium apud populum dixisse, cum se ex curia prouissit, nullo adhuc facto Senatusconsulto. Quo iure id ei dicere licebat, aut potius id ipsum continuo facere quod dixerat, quo iure potuit? Nam delictum habuisse, & sacramento plebem, quam aduersus hostem statim duxit, addixisse illic scribitur. Anno insequenti Coss. Q. Fabio & L. Cornelio Maluginensi scribit Livius consules partitos fuisse provincias, Fabio, ut Antium legiones duceret, datum: Cornelio, ut Romæ præsidio esset, ne qua pars hostium, qui Æquis mos erat, ad populandum veniret. Dic mihi, Sigoni, potuitne urbis præsidium Cornelio aduersus armatum hostem committi absque militari imperio? At curiata lex (inquit) imperium extramuranum tantum dedit. Quid? quod idem Cornelius paulo post scribitur, postquam mœnibus Romanis jam pulso hoste periculum esse desierat, & ipse a Roma protectus? An ei repente natum est imperium militare, quod non habebat? An lex curiata tum demum ei lata, cum ante alteri modo consuli lata fuit? Quid est aliud animi causa fingere? Apud Livium lib. 4. Coss. C. Julio iterum, & L. Virginio, cum Fidenates adiunctis Ventibus Anicnem transissent, atque haud procul Collina porta signa haberent, scribitur Julius consul in aggere murique copias explicare, interim dum a Virginio senatus consultebatur. Dic mihi, Sigoni, quod agit Julius Cos. nonne imperii militaris est? At non fuerat armatus nobili illo S. C. sed ut dictator crearetur, senatus placuit. Et eodem libro paulo post Coss. C. Sempronio Attratino, Q. Fabio Vibulano, Q. Fabius, cum ei provincia obrigisset, ut in urbe maneret, profecto aduersus Volcos collega, scribitur ante portas stationem agere, cum terror urbi inuectus esset, ob famam aduersæ sui collegæ pugnae, castrorumque desertorum eo perlatam. Et paulo post: Trib. mil. consulari potestate cum essent L. Sergius Fidenas, M. Papyrius Mugillanus, & C. Servilius, ita sunt a senatu decretæ illis provinciae, ut duo ad bellum proficiscerentur, unus res Romæ curaret: quam provinciam extrarorem habuit C. Servilius. De eo ita scribit Livius: Cum allata esset duorum tribunorum, qui in castris erant, discordia, Q. Servilium, patrem huius C. Servilii, velut haud dubia clade imminente institisse filio, ut milites scriberet, & arma pararet. Rogo te, Sigoni, cum huius Servilii urbana esset provincia, iure ne id facit, ad quod patris tum privati consilio adductus est? certe, si curiata, ut tu vis, lex non aliud imperium dedit quam externæ provinciae, nullum autem S. C. factum esset, ut ex historia apparet, militare hoc imperium contra leges arripuit. At, si iure sui magistratus habuit, nihil sane dici aut fingi potest, cur non pariter omnes habuisse credantur, qui reperiuntur, cum foris tranquille res essent, toto anno sui magistratus in urbe fuisse. Idem Tit. Livius libro sexto, in quarto tribunatu Camilli, ita docet fuisse partitas provincias inter sex collegas, ut Camillus cum Valerio legiones duceret aduersus hostem Antiatem, Q. Servilius altero exercitu instructo paratoque ad urbem (sic enim legendum, non in urbe) castra haberet: tertius exercitus ex causariis senioribusque a L. Quintio scriberetur, qui urbi mœnibusque præsidio esset: L. Horatius arma, tela, frumentum, quæ bellica tempora poscunt, provideret: Sergius Cornelius præses esset consilii publici, cultosque religionum, comitorum, legum, rerum omnium urbanarum. Vide, Sigoni, quo modo ex hoc te loco expeditas. Ex his sex tribus militaribus tres sunt, quibus nulla est externa provincia. Tua igitur opinione hi tres curiata lege non fuerunt ornati, quo ergo iure rem militarem attingere licuit Quintio & Horatio? Et paulo post ita scribit Livius: In sequenti anno Sp. & L. Papy-

rii novi tribuni militum consulari potestate Velitras legiones duxere, quatuor collegis S. Cornelio Maluginensi 4. Q. Servilio, C. Sulpicio, L. Æmilio quartum tribunum ad præsidium urbis, & si qui ex Hetruria novi motus nunciarentur, relictis. Dic mihi, Sigoni, putessne his quatuor tribunis mandatam fuisse urbis præsidium, absque imperio militari, præsertim aduersus novos motus Hetruscorum? Et paulo post de tribunis militum cons. pot. L. Æmilio, P. Valerio 4. C. Veturio, Ser. Sulpicio, L. & C. Quintiis Cincinnatis, ita scribit Livius: Isdem opibus obtinere, ut aduersus Latinos Volcosque, qui conjunctis legionibus ad Satricum castra habebant, nullo impediende omnibus junioribus sacramento adactis, tres exercitus scriberent: unum, ad præsidium urbis: alterum, qui, si qui alibi motus exstitisset, ad subita belli mitti posset: tertium, longe validissimum P. Valerius & L. Æmilius ad Satricum duxere. Hic rursum quatuor tribuni milit. cons. potestate in urbe manent, & tamen duorum exercituum duces esse scribuntur. Ac, ne te nimium multis onerari exemplis dicas, hanc tibi adferam ex omni reliqua historia Livii rationem: in qua passim reperimus, urbanas relinquere legiones ad urbis præsidium, & ad omnes novos motus: easque modo a consulibus, qui in urbe mansissent, modo a prætoribus, urbano aut peregrino, scriptas legimus. Vide, quæso, Sigoni, quomodo tuam hic defendes sententiam de imperio militari, quod tu nullum in urbe agnoscis, nisi per nobile illud S. C. quodque in ipso magistratu non esse insitum putas, led extrinsecus advenire per legem curiatam, in iis tantum, qui externas provincias obtinerent. Ex his, quæ diximus, perspicuum est, nec veram esse Sigonii interpretationem, nec ullo modo ad locum illum Salustii accommodatam. Postremo, in huius nobilis S. C. ac legis curiatæ usu, pariter errat Sigonius. Tamen infallum est, per illud S. C. obtineri imperium in urbe tantum, non etiam in externa aliqua provincia: quam non verum, per legem curiatam externum tantum, non etiam urbanum imperium militare demandari. Apud Livium lib. 3. cum Posthumio alteri consulum negotium datur, videret, ne quid detrimenti Respublica caperet: aduersus Æquos hoc S. C. armatus est, aduersus quos paulo post legitur cum exercitu exisse. Et, quod S. C. factum est in conjuratione Catilinæ, nonne C. Antonio consuli imperium militare dedit, quo extra urbem usus est aduersus Catilinam & reliquos cives conjurationis socios? Certe hoc S. C. imperium extraordinarium obtinebatur, curiata lege ordinarium. Id vero est, in quo fallitur Sigonius, quod hæc duo extraordinarii facit imperii: unumque urbanum, alterum provinciale facit, quasi suas quasdam dari consulibus provincias ad imperium extraordinarium consulum pertineret, ac non potius per legem Semproniam necesse esset ipsis, antequam designati essent, provincias decerni: & ante legem Semproniam non esset id usitatum, ut singulorum annorum consulibus suæ decerneretur provincia. Neque vero dici potest, consules minus habuisse illud ius provincialis imperii, quod quidam reperiuntur in provinciis sibi decretas ire noluisse: aliqui consulum voluntas ius facere diceretur. At, si hoc ordinarium fuit, illud vero, quod S. C. demandabatur, plane extraordinarium, cui, præterquam Sigonius, probabile videtur, Salustium hic voluisse hæc duo inter se conferre? ac non potius duos modos obtinendi sub nomine consulum extraordinarii imperii, significare voluisse?

Jam vero prætores urbanum & peregrinum, quique publicas quæstiones exercerunt, priore item tantum imperio fuisse affectos affirmo, posteriore nego.

SUPRA satis demonstravi, in suo magistratu hos prætores institum habuisse militare imperium, quo uterentur, ubi reip. gerendæ necessitas postulat: idque perspicue apparebat, si profectis ab urbe consulibus, aliquis tumultus aut Gallicus, aut Italicus repente existeret: erant enim tum hi prætores, quibus rei bellicæ negotium incumberebat: idque pro jure sui magistratus: alioqui novum jus eis attulisse tumultus, repente ortus, diceretur.

C A P. XI.

Provinciales autem omnes utrumque habuisse contendit: civile quidem, nempe jurisdictionis, lege centuriata: militare vero ipsum sine dubio curiata.

VELIM mihi certum aliquid diceret Sigonius, quid prætorum provincialium nomine intelligat. Nam, si omnes, qui prætorio imperio in provinciis fuerunt, sive prætores essent, sive prætores tantum, hoc verbo intelligantur; hoc habeo, quod volo, (in quo tamen a me dissentit) omnes magistratus, qui cum imperio in provincias irent, lege curiata ornatos fuisse: neque tamen verum est, omnes istos lege centuriata imperium ulum accepisse: sed plurimi plebiscito scribuntur imperium obtinuisse. Sin eos modo intelligat, qui prætores cum essent, eo ipso anno quo prætores erant, in provinciis fuerunt; primum nihil ejus verba ad eos provinciales magistratus pertinebunt, qui toto illo tempore, quod fuit post quæstiones perpetuas in remp. inductas, provincias ex prætura obtinebant; quia verum non sit, centuriatam legem, quæ non poterat plusquam annum magistratum dare, imperium civile eis dedisse, in quo ipsum magistratum suum esse vult Sigonius: præsertim cum eos velit jam tum magistratus esse desuisse. Deinde verum non erit, omnes prætores illos jurisdictionem habuisse: siquidem verum sit, quod dicit Sigonius, eos modo jurisdictionem habuisse, qui in eas regiones mittebantur, quæ jam essent in provinciæ formam redactæ; quam multi enim missi reperiuntur in sua prætura in eas regiones, quæ totæ adhuc in hostium ditione erant? quam multi leguntur provinciam habuisse incertam, quo senatus vellet? quam multi provinciam habuerunt, ut classi præessent? An minus hi provinciales magistratus fuerunt, quam cæteri, qui in pacatas provincias mittebantur?

C A P. XII.

Hic enim locus docet, non esse idem imperium prætoris urbani ac provincialis: vocat enim curationem urbanam, negotium & onus; provinciale vero imperium.

NON possum satis mirari, quid Sigonio venerit in mentem, ita pervertere veterum scriptorum monumenta. Cicero (inquit) in prætura urbana appellanda negotii & oneris verbo utitur: in provinciali, imperii: ergo prætor urbanus imperium non habuit, sed negotium & onus: provincialis vero, imperium. Est ne hæc digna Sigonio conclusio? quasi vero omnes ejusdem magistratus collegæ non idem jus imperii haberent: aut quasi negotiorum, quæ magistratibus obtigissent, dissimilitudo, totidem magistratus species faceret, quot erant

A negotia, quæ iis demandata essent? quid? eum ne ferre quisquam possit, qui ita concludet, majoris negotii est hujus, quam illius provincia; ergo majus imperium hic habet, quam ille? consules in urbe fasces habebant sine securibus. Isdem statim urbe profectis secures cum fascibus præferebantur, non modo si cum exercitu urbe exirent, (inquit Dionysius lib. 10.) sed etiam si ob aliam quamvis causam: veluti ad res sociorum spectandas, quæstiones per Italiam exercendas, agros publicos a privatis determinandos. Tu ne ex eo, Sigoni, concludes, aliud imperium obtinuisse consules in urbe, aliud extra urbem? Certe securium accessio vim quandam imperii majorem indicabat; at ipsius imperii speciem nullo modo immutabat. Id vero fuit Sigonio in verbis Ciceronis observandum, quod prætori provinciali dati fasces cum securibus, vim imperii majorem, quam in urbe, habuisse indicabant. At non id fuit colligendum, quod male ipse concludit, aliud imperium unius prætoris fuisse, quam alterius: secures adjectæ fascibus, meri imperii, ac sublate provocationis insignia erant: sed ut idem magistratus specie manebat, ita necesse fuit idem specie imperium permanere: hoc tantum intererat, quod in urbe attrictum certa quadam lege erat, qua extra urbem solutum erat.

C A P. XIII.

Et Cæsar lib. 1. belli civilis: In reliquis provincias prætores mittuntur: neque expectant (quod superioribus annis acciderat) ut de eorum imperio ad populum feratur, paludatique votis nuncupatis exeunt: quibus verbis nonne aperte admonemur, prætoris provincias a senatu, imperium a populo accepisse?

Ex historiarum non satis accurata observatione fallitur hoc etiam loco Sigonius: verba Cæsarum continuo ante hunc locum, ista sunt: *De reliquis rebus S. C. perscribuntur, provinciæ privatis decernuntur, duæ consulares, reliquæ prætorie. Scipioni obvenit Syria, L. Domitio Gallia. Paulus & Marcellus (sic enim legendum est) privato consilio (nisi potius pravo consilio sit legendum) prætereuntur, neque eorum sortes decipiuntur. Mox ea sequuntur, quæ a Sigonio citantur: quod si cum superioribus hæc posteriora conjunxisset, statim intellexisset, quia hoc anno privatis tantum datæ sunt provinciæ, propterea oportuisse de eorum imperio ad populum ferri: quod aliud nihil est, quam ex privatis magistratus facere. Hoc sane est, quod Cæsar reprehendit: præcipitem scilicet senatus festinationem in mittendis proconsulibus & prætoribus: eorum, qui mittebantur, præproperam protectionem: ut qui, cum privati omnes essent, non tamen expectarunt dum ad populum ferri posset de dando illis imperio. In quo a legibus & more majorum discessisse significat Cæsar, cum scribit: *Quod superioribus annis acciderat.* Dion enim libr. 40. scribit Coss. Cn. Domitio Calvino, & M. Valerio Messala, qui erat quartus annus ante hunc, quo hæc gesta sunt, de quibus loquitur Cæsar, factum fuisse S. C. ut nemo consul aut prætor in provinciam mitti posset, nisi quinquennio post, quam magistratum gessissent. Ex quo S. C. apparet, nullos nisi privatis superioribus illis annis in provincias missos fuisse. Sed, cum omnes expectassent, dum ad populum de eorum imperio ferretur, hoc reprehendit Cæsar, quod non hi quoque id expectarunt, sicut superioribus annis factum erat. Quod vero ferendum fuisse significat de eorum imperio ad populum, id ad iusta populi centuriata comitia, aut potius tributa pertinet, non ad legem curiata, quæ tum tempo-*

ris absque populi suffragio ferebatur. Nam, si de lege tantum curiata intelligatur, quemadmodum velle videtur Sigonius, necesse erit, ut fateatur lege curiata magistratum dari potuisse iis, quibus nullis aliis comitiis ante datus esset magistratus: quod novum atque inauditum esse docet Cicero in 2. agraria, præsertim in iis magistratibus, quos a populo mandari jus esset. Deinde, quoniam imperium tantum militare, non etiam civile lege curiata dari existimat, necessario efficitur, omnibus hujus anni provincialibus magistratibus imperium tantum militare datum fuisse, nullum civile imperium, id est, nullam juris dicendi potestatem habuisse: quo quid absurdum est? postremo, quomodo audet, ubicunque de lege curiata scripsit, negare, iis, qui privati in provincias mittebantur, necessariam fuisse moribus Romanis legem curiatam? quando ita hunc Cæsaris locum interpretatur; ut dicat reprehensionem Cæsaris eo conferri, quod legem curiatam de his prætoribus provincialibus non tulerint, quam more majorum ferri oportebat: cum ex eodem ipso loco certum sit, omnes hos privatos fuisse missos in provincias.

C A P. XIV.

De his autem idem judicium est: quanquam enim ex privatis in provincias missi sunt, tamen, quia jure magistratus Romæ gesti provincias eas adepti sunt, eodem modo in provinciis & potestatem & imperium habuisse censco.

TE ne hoc censere, quod loqueris, existimem, Sigoni doctissime? Consulares & prætorii si vel decennio post gestum magistratum in provincias irent, id eos fuisse adeptos jure magistratus Romæ gesti? Quid? toto illo decennio, nonne tam privati fuerunt, quam alius quivis, qui nullum unquam magistratum gessisset? an auspicia & jus imperii in ullo privato permanerunt? an toto decennio intermortua, postea ob eam solum causam revixerunt, quia voluit tanto post intervallo in provinciam aliquis proficisci, qui ante noluerat? Quin melius ac tutius committerentur provinciæ iis, quibus per leges & ætatem licuisset temp. in magistratu administrare, quam iis, qui nullam adhuc publici imperii partem capefere aut noluissent aut non potuissent, id vero negari non potest. Sed quod ullam imperii partem illi potius quam hi retinerent, hoc plane est ab omni juris antiqui cognitione alienum.

C A P. XV.

Ut autem provinciam ex S.C. & sorte obtinuerunt, sic eosdem imperium lege curiata accepisse opinor.

ROGO te, Sigoni, nunquid provincias hi, quos tu dicis ex S.C. provinciam obtinuisse, sine imperio (ut tu vocas) civili obtinere potuerunt? si non potuit sine imperio duntaxat civili provincia obtineri, satis autem juris fuit in senatu ad dandam provinciam, potuit ergo suo jure senatus imperium civile dare. Hoc vero te auctore est, in quo proprie magistratus consistebat: fuit ergo in potestate senatus, magistratum creare. Quo quid magis est ab juris Romani scientia alienum? Sin provinciam absque ullo imperio nec civili nec militari obtinuerunt a senatu, totum ergo, quod habuerunt, imperium, legi curiatæ acceptum ferendum fuit. Itaque verum non erit, quod tu tam sæpe nobis inculcas, legem curiatam proprie pertinuisse ad dandum imperium militare, quod extra magistratum esset.

C A P. XVI.

Relinquantur quidam, qui neque ex magistratu, neque post magistratum: sed ex privatis, non in provincias, sed ad bella cum imperio mittebantur aut consulari aut prætorio: unde proconsules ac prætores dicebantur.

PERMULTA sunt in his paucis verbis, quæ reprehendam: primum, quod non videtur Sigonius intelligere significationem vocabuli provinciæ, quando hæc duo sumit quasi opposita, aut certe longe diversa, in provincias mitti, & ad bella mitti. Provinciæ nomine Latine intelligitur omne munus alteri delatum, omne negotium alteri mandatum, idque sive privatim, sive publice: in re privata sæpe Cicero hoc verbo usus est, ut pro Cælio: *Sed non dubito, quin sint pergraves, qui primum sunt talis famine familiares, deinde qui eam provinciam susceperint, ut in balneas contruderentur.* Et paulo post: *Hoc fuit totum consilium mulieris, hæc istorum provincia, qui rogati sunt.* Et lib. 6. in Verrem: *Ascendit in oppidum Artagathus homo nobilis, qui a suis & amari & diligere vellet: ferebat graviter illam sibi ab isto provinciam datam.* In publico vero negotio, quodcumque alicui mandatum esset, sive in urbe, sive extra urbem, provinciæ nomen usurpari, non est ad probandum ei difficile, qui apud Livium observare voluerit in singulorum annorum decernendis provinciis, perinde urbana negotia provinciarum nomine appellari, atque externa: & quibus jurisdictione tantum obregerat, non minus suam sortiti provinciam dici, quam quibus bellicum negotium obtigisset. Cicero eo ipso in loco, quem paulo ante citavi Sigonius ex 5. lib. in Verr. de prætura urbana loquens ita scribit: *Necque illud rationis habuisti, si forte experefacere te posses, eam provinciam, quam tueri singulari prudentia atque integritate difficile esset.* Et pro Muræna: *Egredia & ad consulatum apta provincia.* Contra vero, quibus bellicum tantum negotiorum datum erat, obtinuisse provinciam, ubique apud Historicos scribuntur: aliqui toto illo tempore, quo nulla adhuc regio fuerat in formam provinciæ redacta, non recte dicuntur consules singulis annis in provincias mitti, siquidem ad bella tantum mittebantur. Qui adversus Ligures tam multis annis missi leguntur, qui adversus reges Macedoniæ, Illyrii, Asiæ, Epiri, Ponti: qui adversus Carthagenenses, adversus piratas, aut gladiatores missi in historia scribuntur, nonne omnes verum fuit in provincias missos? & tamen ad bella tantum mittebantur. Quorsum igitur illa Sigonii verba pertinent, *Non in provincias, sed ad bella cum imperio mittebantur?* Quasi vero ad bellum cum imperio mitti, non sit in provinciæ mitti. Cum enim illi non magis haberent provinciam, in qua jus dicere possent, quam hi, pariter utrique negandi fuerunt provinciam obtinuisse, aut pariter utrique dicendi suam habuisse provinciam. Nisi forte jurisdictionem in prioribus illis agnoscat in eo, quod in suo exercitu jus dicerent. At si imperium, quod in jurisdictione fuit situm, in eo satis agnosci possit, quod illi suis militibus juris dicendi potestatem haberent, (ut certe habebant: ex quo recuperatores dare, julque, in castris præsertim, cum in hibernis essent, dicere sæpe in historia reperiuntur) nihil adferri potest, cur non eadem ratione hi, qui ex privatis ad bella missi sunt, jurisdictionem habuisse concedantur. Nullus enim imperator unquam exercitus fuit, qui non eam potestatem haberet, suis militibus juris dicendi. Ex quo efficitur, perinde his tribuendum esse civile (quod Sigonius vocat) imperium, atque illis. Deinde illud mihi probari non potest, quod scribit: *Unde proconsules ac prætores dicebantur.* Videtur enim præcipuam significationem proconsulis ac prætoris in his

his agnoscere, quæ non eadem sit in aliis: quasi alio modo proconsules aut pro prætores appellarentur, qui statim ex magistratu aut aliquo post magistratum tempore, in provinciis mittebantur, quam qui plane ex privatis. Et quasi alia verbi proconsulis notio sit, cum dico, Pompeium proconsulem fuisse in Hispania adversus Sertorium, & cum eundem dico adversus piratas proconsulem fuisse. Et quasi proconsularis significatio sit diversa in Scipione, cum dicitur in Hispania proconsul fuisse, & cum postea prorogato ex consulari imperio in Africa proconsul fuisse scribitur: aut quasi aliud genus imperii in primo proconsulatu hi obtinuerint, quam in secundo. At si proconsulis & prætoris una in his omnibus fuit ac simplex notio, non aliam debuit rationem constituere Sigonius in his, quam in aliis, frustra que contendit, hos ita diversos inter se facere, ut alios fuisse magistratus concedat, alios neget, alios imperium civile habuisse cum militari eximitur, alios militari tantum ornatos fuisse imperio censeat. Postremo, cum ejus provincialium imperiorum divisionem intueor, perspicere non possum, ad quod ex his tribus, quæ facit, generibus referendi sint hi, qui quætores missi sunt in provinciam cum imperio prætorio, ut de Cn. Pisonem scribit Salustius: itemque, qui ex quæstura & tribunatu prætores creati sunt, ut de M. Catone in Cyprum missa a Clodio legitur. Hi enim quia magistratus Romæ gesserant, non possunt dici ex plane privatis missi in provinciam: quare ad tertium genus non pertinebunt. At ne primum quidem genus, consulum ac prætorum proprium, ad hos pertinere potest: relinquitur ergo, ut in secundo genere sint: fatendum igitur erit, Sigoni, jure gesti in urbe magistratus, in provincia potestatem in jure dicendo habuisse. Quod quam ridiculum sit, nemo non videt. Quod enim quæsturam, aut tribunatum Romæ gesserant, id non potuit eis prætorium jurisdictionis imperium attribui: fuit ergo facienda quadripartita divisio Sigonio, ut omnia, quæ fingit, genera complecti posset.

C A P. XVII.

Judicium non habebant, quia provinciam, in qua jus dicerent, non habebant.

QUOD magistratus fuisse negat, satis superque a me supra haud verum esse demonstratum est. Itemque de illis Ciceronis locis ex lib. de legibus ac divinatione, multa a me disputata sunt, ut ea male a Sigonio esse intellecta docerem. Nunc pauca de juris dicendi potestate adiciam ad ea, quæ paulo ante a me de ea re dicta sunt. Magistratus non fuit, inquit Sigonius, qui judicium non habuit. Quicunque autem provinciam non habebant, in qua jus dicerent, judicium non habuerunt. Ex his non vides, Sigoni, quid necessario efficiatur? Quicunque ergo provinciam non habuerunt, in qua jus dicerent, magistratus non fuerunt? Atqui tu idem scribis in ea demum provincia jus dici, quæ in formam provincie redacta esset. Omnes ergo, qui in Macedonia, qui in Hispaniam aliasque provincias missi sunt, priusquam in provincie formam redactæ essent, magistratus non fuerunt: tamen consules aut prætores eas provincias obtinuerunt. Non vides, Sigoni, in qua tu te induas incommoda? Ego vero contra ex historia docere possum, eos jus dixisse, qui exercitum habebant in iis regionibus, quæ in formam provincie nondum erant redactæ. T. Flaminius cum jam quinto anno in Macedonia esset, quo adversus Philippum regem profectus erat, scribitur a T. Livio lib. 4. dec. 4. totum hyemis tempus jure dicendo consumplisse. Atqui Macedonia non facta est provincia, nisi post victum a Q. Metello Macedonio Pseudophilippum. Quid,

A si illum ipsum Scipionem, qui pro exemplo abs te sumitur, doceam jus in Hispania dixisse in illo suo primo proconsulatu? A. Gellius i. cap. lib. 7. de P. Scipione Africano priore, ex Oppii & Higinii historiis, ita scribit: *Assidebat oppugnabatque oppidum in Hispania situ mœnibusque ac defensoribus validum & munitum, re etiam cibaria copiosum: nullaque ejus potiundi spes erat. Et quodam die jus in castris sedens dicebat, atque ex eo loco id oppidum procul videbatur. Tum ex militibus, qui in jure apud eum stabant, interrogavit quispiam ex more, in quem diem locumque vadimonium promitti juberet. Et Scipio manum ad ipsam oppidi, quod obsidebatur, arcem protendens: Perendie, inquit, sese sistant illo in loco: atque ita factum. Die tertio, in quem vadari jussisset, oppidum captum est. Eadem die in arce ejus oppidi jus dixit. Hanc eandem historiam narrat Valer. Max. lib. 3. cap. 7. his verbis: *Nam, cum oppidum Badiam circumfoderet, tribunal suum adveniens, in eadem, quæ intra mœnia hostium erat, vadimonium in posterum diem facere jussit; continuoque urbe positus, & tempore & loco, quo prædixerat, sella posita jus eis dixit. Vadimonia promitti, jus dici tum in castris tum in oppido, nunquid videntur, Sigoni, ad jurisdictionem pertinere? Jam vero, Sigoni, cum erant Romani in fœderatis aut stipendiariis oppidis, (ut erant permulta illis in locis, in quibus bellum gerebatur, antequam tota regio provincia facta esset) non multas oriri potuisse controversias exilissimas inter fœderatos aut stipendiarios illos ac cives? itemque inter socios Latini nominis & cives? postremo, inter ipsos cives de castrensi peculio, de legatis a commilitonibus factis, & hujus generis aliis rebus? At, de iis rebus decernere, aut judices dare, quid erat aliud, quam jurisdictionis? Si ergo hujus juris dicendi potestatem habuerunt omnes imperatores Romani, necessario efficitur utriusque prætoris Romani, urbani inter cives, peregrini inter peregrinos & cives, potestatem jurisdictionis penes omnes Romanos imperatores fuisse: tantum abest, ut nullam jurisdictionem habuerint. Ac si velit Sigonius nominatim sibi probari, Octavianum ipsum, in quo suæ opinionis firmitatem niti videtur, jurisdictionem habuisse, cum in Galliam missus est, ita habeto. Verba S. C. erant, ut C. Cæsar esset prætor eo jure, quo qui optimo: nullus ergo unquam prætor plus juris habuit, quam C. Cæsar: ex quo efficitur, aut non optimo jure prætorem fuisse, aut nullam partem imperii prætorii ei defuisse. Quin autem jure dicendi potestas prætorii imperii pars esset, nemo ambigit. Relinquitur ergo, C. Cæsarem juris etiam dicendi potestatem habuisse.**

C A P. XVIII.

Cum imperio ergo appello, cum potestate exercitus habendi bellicque gerendi.

IMMO vero ego supra demonstravi, illud cum imperio esse, aut mitti, significare idem quod esse, aut mitti cum majore quadam coercendi imperandique potestate: quæ potestas vim, essentiamque magistratus constituit. Ita, ut imperium dare idem sit, quod ex privato magistratum facere, ut publicam imperandi potestatem habeat, qui ante non habebat. In hoc vero imperio quin inesset rei militaris potestas in quibusdam magistratibus, non nego: sed non esse hanc significationem verbi imperii contendo. Sed quia nemo potuit suis auspiciis bellum gerere, quin magistratus esset, propterea dari imperium, aut cum imperio mitti, hoc est, fieri magistratum prius oportuit, quam quisquam rei bellicæ potestatem haberet: neque aliud verba Ciceronis significant, cum dicit sine imperio exercitum haberi, bellum geri,

Quod si triumphum impetrasset, tum quoniam triumphare sine exercitu non poterat, exercitum autem haberi sine imperio non licebat, imperium autem militare in urbe non concedebatur, propterea lex ad plebem de imperio ejus dici ferebatur.

DEUS bone, quid audio? Sigonius antiquitatis Romanæ diligentissimus observator hæc scriptis mandare non erubuit? Triumphare sine exercitu nemo poterat? An quoties in Liviana historia legimus, quosdam triumphasse, qui non deportassent exercitum? quoties diserte scriptum reperimus, sine ullo militum comitatu triumphasse? ut lib. 1. dec. 4. L. Furius prætor de Gallis nullis sequentibus militibus triumphavit. Et libro 4. dec. 4. M. Helvius de Hispania ultior, in qua exercitum reliquerat, ovans urbem ingressus est, ejusque successor Q. Minutius de eadem paulo post triumphavit, cum consuli M. Catoni exercitum tradidisset. Item, libro 8. dec. 3. C. Cladius una cum M. Livio collega triumphavit sine militibus, cum ejus exercitus, Annibali ut esset oppositus, in provincia mansisset. Item libro 9. ejusdem decadis L. Manlius proconsul ex Hispania reversus sine exercitu, ovans urbem iniit. Eodemque illo in loco Livius aperte docet, quibusdam licuisse triumphare non deportato exercitu, modo perditam pacatamque provinciam successori tradidissent. Ejus hæc verba sunt: *Rerum gestarum magnitudo impetrandi faciebat triumphum, exemplum obstat; quod ita comparatum more majorum erat, ne quis, qui exercitum non deportasset, triumpharet: nisi perditam pacatamque provinciam tradidisset successori.* Quod vero eos, qui ovantes urbem ingrediebantur, sine exercitu omnes fere reperimus ovasse, satis argumentum est, eam legem, quæ de imperio eorum ferebatur, non eo pertinuisse, quod dicit Sigonius, ut exercitum habere liceret: ferri vero legem de imperio etiam ovantibus docet Livius cum de M. Marcello ita loquitur libro 6. dec. 3. *Triumvi plebis ex auctoritate senatus ad populum tulerunt, ut M. Marcello, quo die urbem ovans iniret, imperium esset.* Dixerat autem paulo ante eum iustum fuisse successori exercitum tradere. Quod si observasset diligentius Sigonius, in omni historia nunquam reperiri legem hanc de imperio, iis fuisse latam, qui sui magistratus anno triumphabant; sed iis modo, qui proconsules aut prætores essent: huius legis perferendæ eam causam esse agnovisset, quam ego supra demonstravi. nempe, ut quos legibus Romanis urbem ingressos oportebat esse privatos, ii, ut ne eo die, quo urbem triumphantes aut ovantes inirent, privati essent; sed magistratum eo die retinerent. Qui enim dictatores, consules aut prætores erant, imperium toto sui magistratus tempore retinebant, tam in urbe, quam extra urbem: ideoque ut eis imperium esset, non erat rogandus populus: sed tantum S. C. opus erat, quo triumphus eis decerneretur; aut, si quando impetrare a senatu non poterant, interdum ad populum confugiebant, non ut de eorum imperio juberet, sed de triumpho tantum. Atque ut post hæc credat Sigonius, legem illam de triumphantium imperio ferre, non significare id, quod dicit, de militaris rei gerendæ potestate, locum adducam ex Valerio Maximo, unde id perspicere poterit: locus est in 3. cap. lib. 2. *Moris erat, ab Imperatore triumphum ducturo COSS. invitari ad cenam: deinde rogari, ut venire superjederant: ne quis eo die, quo ille triumphaverit, majoris in eodem convivio sit imperii.* Si consules urbanum tantum imperium, ut vult Sigonius, habuerunt, qui vero triumphabat, tantum militare imperium, quid fuit verendum, ne si consules adessent, majus in convivio imperium

esse putaretur? neque enim majus imperium in tam diverso genere imperii intelligitur: sed unum genus imperii in utrisque intelligi necesse est, tu verum sit, hunc majoris imperii esse, quam illum. Significat ergo imperium, illam imperandi potestatem, quam quis, quia magistratus esset, habebat; quam potestatem, quia Coss. omnium maximam habebant, ne præsentia consilium vim imperii in triumphante imminuere videretur, idcirco, ne convivio adessent, rogabantur.

Et Cic. pro Sextio: Erat Pompeius ad portas, erat cum imperio. Recte. Nam Hispanias procos. obtinebat.

HOC est *μνημονικὸν ἀμάρτημα*, Sigoni. Nihil tale de Pompeio extat in illa oratione: sed nec esse potuit. Nam Hispanias ex secundo consulatu obtinuit, oratio vero pro Sextio habita est Marcellino & Philippo Coss. anno superiore, quam iterum consul esset Pompeius. Sed hæc quæ significas, de Cæsare scribuntur, qui Gallias provinciam habebat.

Atque eodem etiam pertinere verba Cn. Pompeii ad senatum, a quo missus adversus Sertorium erat, cum a senatu stipendium peteret: Equidem fateor me ad hoc bellum majore studio quam consilio profectum.

PRÆCIPITEM suam in provinciam profectionem accusat illa in epistola Pompeius: quod præmia parendi celeritate non providerat de suorum militum stipendio a senatu decernendo: tantum, ut exercitu repente comparato in provinciam primo quoque tempore veniret, maturasse; nec, cum attribueretur sibi ad exercitum retinendum pecunia, expectarat. Itaque locus ille debuit Sigonium admonere, dispensationem ararii plane in senatus potestate fuisse, ita ut ubicunque sumptus ex arario faciendus esset, senatus decreto indigerent, qui in hoc genere aliquid obtinere vellent; tamen imperium a populo obtinuissent, ac lege etiam curiata ornati essent. Neque enim lex curiata quicquam pertinuit ad ararii dispensationem, sed ad religionem quandam auspiciorum tantum. Itaque hæc metra sunt somnia, quæ scribit Sigonius, eum qui legem curiatam haberet, publico sumptu in provinciam profectum fuisse; qui non haberet, suo: quasi vero de sumptu aut stipendio lege curiata aliquid juberetur, ac non totum id pertineret ad S. C. de ornandis provinciis, de quo tam frequens est mentio apud Latinos scriptores. Sed hæc postea amplius disputabuntur. Nunc satis sit docuisse, ridiculam esse illam conclusionem, quam elicit ex illa Pompeii ad senatum epistola.

Quod si idem consules prætoresque in provincias, quas S. C. obtinuerint, proficisci voluerunt, eos necessario nova curiata de imperio lege ornari oportuisse existimat.

EGO vero, Sigoni, nego, me unquam existimasse id, quod dicis; sed iis modo, qui non in magistratu, sed post magistratum erant provincias administraturi, ad transmittendum imperium, aliam quandam legem curiatam fuisse perla-

tam: idque ita mihi probabile videri semper scripsi, non asseveranter affirmavi: cum alterum ego semper affirmaverim, ut ego nunc quoque magis ac magis confirmo: omnibus magistratibus, qui quidem populi essent, ac non plebis tantum, præter iusta comitia centuriata aut tributa, legem curiatam fuisse adhibitam propter quandam auspiciorum religionem. De illo altero rationes aliquot attuli, quæ in eam partem ut potius inclinem me adducunt; ego tamen ita semper assensionem sustinui, ut non pertinaciter asseverem, sed tantum mihi probabilius ita videri dixerim, ut in eo me amplius doceri facile passurus sim: maximamque habiturus ei gratiam, qui me ex illa dubitatione ad certam fidem revocaverit: tantum abest, ut mutare sententiam in ea re sim veriturus.

C A P. XXIV.

An omnibus magistratibus in provinciam profecturis lex curiata de imperio necessaria fuerit.

AD illas rationes, quas in prima responsione attuli, nihil addam; tantum, quam evidenter doceant, necessariam fuisse magistratibus, qui rem bellicam gererent, legem curiatam demonstrabo. Cum scribit Cic. consuli, si legem curiatam non habet, rem militarem attingere non licet: Dic mihi, Sigoni, quam vim habet illud *non licere* aliam, nisi ut significet, per jus, per mores, per instituta majorum non posse consulem attingere rem militarem sine lege curiata? Jam vide quid concludam: Consuli non licet rem militarem attingere sine lege curiata. Ergo si quis unquam obtinuit rei bellicæ gerendæ ordinariam potestatem sine lege curiata, id obtinuit quod non licebat. Et si quis unquam voluit absque lege curiata hanc potestatem se habere, voluit quod sibi jure non licebat. Locus etiam T. Livii, qui a me ex concione Camilli citatus est, idem hoc aperte demonstrat. Quomodo enim verum erit comitia curiata rem militarem continere, si jure potuit geri res militaris a magistratibus absque ullis comitiis curiatis? Aut si carere comitiis curiatis in re militari potuerunt Romani, si nullo juris auspiciorum incommodo potuerunt a magistratibus rem bellicam gerentibus omitti: quam vana ac stultis est ratio Camilli, qua ex eo conatur persuadere, non posse salva auspiciorum religione mœnia urbis Romæ relinquere, quia curiata comitia, quæ rem militarem continerent, non possent auspiciato alibi haberi, quam ubi assolerent? Neque vero satis mirari possum inconstantiam Sigonii: qui cum paulo ante Salustii locum, ubi dicit, nullius earum rerum consuli jus esse sine populi jussu, ita interpretatus sit, ut dicat præter illud S. C. nobile, nullam fuisse aliam imperii militaris obtinendi rationem, quam per legem curiatam, nunc repente mutata sententia, non fuisse ad illud imperium jure obtinendum necessariam consuli legem curiatam scribat. Age vero, Sigoni, num tibi hæc agentia & negantia videntur, nulli consuli jus fuit ullam partem rei bellicæ attingere extra urbem sine lege curiata, & alicui jus fuit sine lege curiata bellicum imperium obtinere in provincia? Debuisti ergo, ut tibi constaret, sic interpretari verba Salustii: consuli non fuit jus, id est, non fuit commodum, non fuit utile rei privatæ ipsius, propter sumpsum, qui ei ex privato faciendus erat, nisi curiatam legem pertulisset. Sic enim hæc posteriora cum prioribus convenissent. Sed illam interpretationem neminem fuisse laturum perspicis. Quapropter necesse est, ut te aut præfracte pertinacem esse fateare, qui contradicentia defendas, aut valde obliviosum, quia quod ante dixeris, paulo post te id dixisse non memineras.

C A P. XXV.

Ego vero dico Appium legem curiatam poposcisse, non tam ut legitimam haberet imperium, quam ut ornatum viatico provinciam obtineret.

SI vera sunt, quæ modo diximus, nulli consuli licuisse, nulli consuli jus fuisse rem militarem attingere sine lege curiata, id quoque verum sit, necesse est; Appio nec licuisse, nec jus fuisse, rem militarem attingere absque lege curiata: ut ergo legitimum imperium obtineret, opus ei fuit lege curiata. Quod si hoc jus fuit: præter jus erat, id quod dicitur Appius. Itaque quod adversus hoc jus, legis Cornelie obtentu utebatur, id aut verum hæc in re non fuit, quia jus legis Cornelie non tollebat jus legis curiatae: aut lege Cornelia dicendum est, abrogatum fuisse jus legis curiatae, quod falsum esse, vel hinc intelligi potest, quod si per legem Corneliam abrogata fuisset lex curiata, tanto studio non contendisset Appius, ut sibi legem curiatam perferre liceret: nec vera fuissent eo tempore, quo pronunciantur, verba Ciceronis in 2. agraria: *Consuli, si legem curiatam non habet, rem militarem attingere non licet*. Erat enim octodecim ante annis lata lex Cornelia, quam Cicerone consul esset. Non debuit ergo Sigonius, ex eo, quod reperitur Appius aliquid novum atque inusitatum contendisse, novum jus facere adversus perpetui juris tenorem; sed potius ita Appii factum interpretari, ut jus perpetuum conservaret, Appium vero accusaret in eo, quo falso obtenderet legem Corneliam ad jus novum sibi constituendum. Quod enim novum sibi sibi constituere vellet Appius, ea causa est, cur de eo videmus quasi de nova quadam re Ciceronem ad amicos scripsisse, Lentulum, fratrem & Atticum.

C A P. XXVI.

Sic enim locutus est etiam in libris de oratore: Tertium genus etiam si opus est, tamen minus est necessarium: cum de demonstrativo genere loqueretur utilis potius civitati, quam necessario.

HIC ego Grammaticos appello, Sigoni, an illud opus esse eam habeat in illo Ciceronis loco significationem quam dicis: num potius eandem, quam ubique apud Latinos scriptores, vim habeat: ut opus esse id dicatur, quo in re quaque requiritur ac desideratur, quod convenit, quo indigemus, quo carere non possumus. Verba sunt Antonii in 2. de Oratore, quæ citat Sigonius, quæ ita habent: *Nam illud tertium, quod & a Crasso tractatum est, & ut audio, ille ipse Arist. qui hæc maxime illustravit, adjunxit, etiam si opus est, tamen minus est necessarium.* Quid? quod genus laudativum opus esse dicit, utrum significat civitati utile esse? an potius ad perfectionem quidem artis oratoriae, eo genere carere nos non posse, sed tamen non esse necesse, ut in dividenda artis materia, unum per se genus constituat? idque ita esse, quæ ab eo paulo post dicuntur, cum rationem reddit hujus suæ rejectionis, contra Arist. Crassique sententiam, aperte indicant. In nullum certe ego unquam locum incidi, in quo illud opus esse, aliud significet, quam ut id, quod facere res postulat, facere opus esse dicatur: quodque mihi aliter facere non licet, id mihi facere opus esse: omninoque id, quo carere non possum, id mihi opus esse dicitur. Cicero lib. 2. epist. ad fam. ad Curionem scribens: *Dux nobis & auctor opus est*: id est, reliqua omnia cum nobis suppetant, duce & auctore egemus, nectantum utilem esse ducem & auctorem vult Cicero, sed plane hic requiri, ut carere non possit. Apud Salustium *mature factum opus*

est. Cicer. 2. de Orat. paulo post hunc locum : Si, ut Græci scripserunt, summi, inquit Catulus, oratoris, si ut nostri, nihil opus est oratore : satis est non esse mendacem. Cum Diogenem rex Alexander rogabat, ut diceret, si quid sibi opus esset : hoc scilicet rogabat, an aliqua re indigeret.

C A P. XXVII.

Ergo habeo etiam ex lege Cornelia imperium sine lege curiata. Verum non ita commode. Nam meo mihi sumptu sine publico viatico erit proficiscendum. Si quidem alio loco hoc ipsum declarat : cum inquit, Appius sine lege suo sumptu in Ciliciam cogitat.

PRÆTER legem curiatam magistratibus in provinciis profecturis, senatusconsulto opus fuit, quod S. C. de ornandis provinciis appellabatur : unde apud Livium libro 3. dec. 4. Disceptationem inter prætorem legatumque, consulum relatione interrupta : qui suas ornari provincias, priusquam de prætoris exercitui ageretur, æquum censebant. Hos vero consules, A. Posthumium Albinum, & C. Calpurnium Pisonem paulo ante dixerat, Ligures provinciam habere : idem Livius libro 2. decadas 5. Ante hunc consulem, nemo unquam sociis in ulla re oneratus sumptus fuit. ideo magistratus multis tabernaculisque, & omni alio instrumento ornabantur. Hinc etiam illud Suetonii de Cæsare : ex prætura, ulteriorem sortitus Hispaniam retinentes creditores intervntu sponforum removit. Ac neque more, neque jure, antequam provincia ornarentur (sic enim legendum : non, ut legitur, ordinarentur) profectus est. In quo Suetonii loco observandum est, Cæsarem, tametsi jam sortitus esset provinciam Hispaniam, ob id tamen dici neque more, neque jure profectum fuisse, quod sine S. C. de ornandis provinciis sit profectus. Apud Ciceronem vero huius S. C. frequens est mentio. Ut libro 4. ad Att. Consules flagrant in famia, quod C. Memmii candidatus pacem in senatu recitavit, quam ipse & suus competitor Domitius cum consulibus fecisset : uti ambo H. quadragesima consulibus darent si essent ipsi consules facti, nisi tres augures dedissent, qui se assuisse dicerent, cum lex curiata ferretur, quæ lata non esset : & duos consulares, qui se dicerent in ornandis provinciis consulibus scribendo assuisse, cum omnino ne senatus quidem fuisset. Qui sane locus admonere potuit Sigonium, vehementer Appium laborasse, non modo ut legem curiatam, sed etiam ut S. C. oblineret de ornandis provinciis : quando ob utrumque illud, ad infamem illam pacem deveniret. Ex quo etiam potuit Sigonius intelligere, verba Ciceronis, quæ ab eo ex alia epistola citantur, Appius sine lege, suo sumptu, in Ciliciam cogitat, sic esse accipienda : ut quod dicitur sine lege, ad curiatam legem referat ; quod vero suo sumptu, ad Senatufconsultum de ornandis provinciis. Huius Senatufconsulti meminit ad finem libri 3. ad Att. Cicero, in tota illa epistola, cujus initium est : Antea cum ad me scripsissetis, vestro consensu consulares provincias ornatas esse. In tertia etiam epistola lib. 2. ad Q. Frat. Interim res legationibus in idus, referebatur de provinciis questionum, & de ornandis prætorii. In Pisonem : Provincia exercitui & pecunia instructa & ornata. Quo etiam pertinet illud, quod apud Livium scriptum est libro 7. dec. 1. de C. Martio Rutilio primo dictatore de plebe dicto : Id vero patribus indignum videri, etiam dictatorem jam in promissu esse : omnique ope impediebant, ne quid dictatori ad id bellum decerneretur, parareturque. Et promptius cuncta, ferente dictatore, populus jussit. Quia enim ætarii dispensatio erat in senatus potestate, propterea inanem dictatorem Rutilii plebei ita se existimabant redditurum senatus, si nihil decerneret ad bellum Hetrur-

scum, cujus terrore ut dictator diceretur, decreverat. Quod vero id scribit Rutilium obtinuisse a populo, quod a Senatu non poterat ; id argumento est, extra ordinem id factum esse. Quo magis id verum esse confirmatur, quod dixi, ordinarium id fuisse, ut penes senatum esset omnis dispensatio ætarii : quemadmodum etiam diserte docet Polybius.

C A P. XXVIII.

Atque hanc consuetudinem nescio an Dio quoque attigerit libro 51. cum de provinciarum rectoribus scripsit : Antiquitus qui munus publicum gerendum suscipiebant, ii omnia, quæ ad imperium pertinerent, de suo suppeditasse omnia, quæ ad imperantem, illi certam accipere mercedem cœperunt.

NON te pudet, Sigoni, quæ tu animi causa finxeris, ea bonis scriptoribus attribuire ? an unquam tale aliquid scripsit Dion, quæ tu ei affingis ? ante Augusti tempora, qui in provinciis mittebantur, de suo suppeditasse omnia, quæ ad imperium pertinebant ? quo nihil falsius est. Quid enim ? pecunia attributa magistratibus in provinciis iuribus, de qua tam frequens mentio apud scriptores omnes, quo pertinebat ? Quid frumentum, quod magistratibus in cellam decernebatur, & huius frumenti nomine, præstitutum a senatu pretium ? Quid ? quod paulo ante ex Livio citavi, mulier tabernacula, quæ consulibus decerni ex publico mos erat ? Quid ? quod Cicero lib. 5. epist. ad fam. scribit ad Melcinium Ruffum, qui suus in Cilicia quaestor fuerat ; Tu de H. centum æquo animo ferre debes, & existimare, eo minus ad te vel de tuis cibariis, vel de mealiberalitate pervenisse. Numquid ille locus aperte indicat, cibariorum nomine magistratibus & eorum comitibus, pecuniam decerni solitam, qua ipsi pro arbitrio uterentur ? idem in frumentaria scribit, magistratibus & legatis frumentum in cellam imperari solitum. Dionis locus, quem significat Sigonius, ita habet : Λαμβάνοντες δὲ μισθὸν πάντες οἱ οὗτοι τὸν ἑαυτοῦ πόλεως ἀρχαῖς ἐπιτροπόμενοι, πλείον μὲν οἱ μέγας, ἐλάττω δὲ οἱ καταδεέστεροι, μισθὸν δὲ οἱ μίσοι, ἕτε δὲ ἀπὸ τῆς οἰκίας οἷον τὸ ἐστὶν αὐτὸς ἐκ τῆς ἀπορίας ἀπολῶν, ἢ ἀπορίας ἢ ἀπαθύνειν ἀναλογίαι ὡς περὶ τοῦ γῆδου. Quæ verba sunt Mecenatis consilium dantis Cæsari Augusto, ne imperium deponat : simulque rationem, qua optime Remp. Romanam administrare posset, præferentis : quibus verbis Mecnas suadet certam mercedem ex publico magistratibus provincialibus esse assignandam pro sui cuiusque Imperii ratione : idque ad immensam illam ætarii impensam minuendam, qua ad hunc diem usque erant magistratus, cum pro suo quisque arbitrio in rationibus referendis expensas ætario referret, quoscunque sumptus fecissent : ut enim attributæ omnis pecuniæ magistratibus rationes reddendæ essent ; in suos tamen sumptus quamlibet summam in suas rationes referre propemodum liberum erat : Quod vero de rescindendis immensis illis sumptibus consilium daret Mecnas, verba illata satis indicant, ἢ ἀπορίας ἢ ἀπαθύνειν ἀναλογίαι ὡς περὶ τοῦ γῆδου : illud enim ὡς περὶ τοῦ γῆδου, aperte demonstrat, immensa ac nullo modo definita impensa uti solitos fuisse magistratus : tantum abest, ut verum sit, quod scribit Sigonius, de suo omnia suppeditasse, quæ ad suum imperium pertinerent. Hoc ergo novi moris inducere volebat Mecnas, ut singulis magistratibus pro sui imperii modo decerneretur merces, ac velut certum stipendium : quod nunquam ante factum erat. Quod enim ante iis decernebatur, non mercedis stipendiive loco decernebatur, sed de omni, quam attingant, publicæ pecuniæ rationes his reddendæ erant, neque ullum caput rationum erat, quo in magistratus sti-

pendium expensum ferretur quippiam: neque enim merere stipendia ipsos magistratus ad illum diem auditum erat. Hac vero ratione Mecænas singulari prudentia & magistratibus confulebat, ne illis faciendus esset de privato ullus sumptus: & arario interim providebat, detracto immenso illo sumptu, qui a magistratibus fieri solitus erat. Hæc sunt longe diversa a tuis commentis, Sigoni: quæ tamen Dionis germanum sensum aperiunt.

C A P. XXIX.

At Cicero, inquit Gruchius, paulo post subicit: Sunt qui putent, te non posse decedere, quia sine lege curiata tibi succedatur. Ex quo declaratur, legem curiatam non utilitatis gratia necessariam fuisse, sed juris.

NON est in his verbis argumenti mei vis, quæ a Sigonio recitantur: sed in iis, quæ ab eo omissa sunt, cum scribit Cicero continuo post hæc verba: *Mibi non tam de jure certum est (quam ne id quidem valde dubium) quam illud ad tuam summam amplitudinem, dignitatem, liberalitatem, quæ te scio libentissime frui solere, pertinere; te sine ulla mora provinciam successoris concedere.* His verbis dico Ciceronem aperte indicare, si jus modo quaerendum esset, id non dubii juris fuisse, quin post Lentulus, si vellet, manere in provincia, aut ei aliquem præficere, quia sine lege curiata ei succederetur ab Appio. Unde efficitur, ad legitimum obtinendum imperium legem curiatam pertinuisse, ac non utilem modo rei privatæ ipsius magistratus fuisse.

C A P. XXX.

Quid? Nonne Appius consul quoque jus novit? At hic & in sermonibus, & in senatu dixit, consuli legem curiatam ferre opus esse, necesse non esse.

CERTE, Appius noverat jus, ob idque omni ratione contendebat, ut legem curiatam ferre posset. At sæpe præter jus nobis cognitum aliquid novi juris inducere contendimus. Appius ille, qui Cæcus est appellatus, nesciebat scilicet lege Æmilia octodecim mensibus censoriæ potestatis tempus finitum fuisse. Attamen quod ille novi juris inducebat, ex lege duodecim tabularum defendebat, quæ lege cautum erat, ut quod postremum populus jussisset, id jus ratumque esset. Quod vero a populo censor creatus esset, id populum jussisse multo post legem Æmiliam perlatam: ideoque se illa lege Æmilia teneri non posse. Idem tibi judicandum fuit, Sigoni, de hoc Appio consule, quod de illo Appio censore. Cum enim uterque nosset, quid juris ordinari esset, per calumniam & vitiosam alterius juris interpretationem, novum sibi jus facere volebant.

C A P. XXXI.

Proconsules, & pro prætores alii in provincias ad jus dicendum, & bellum, si res tulisset, gerendum missi sunt, qui magistratus fuerunt. Ut Cn. Pompeius proconsul in Asiam, M. Cicero in Ciliciam. Alii vero ad bellum tantum: & hi magistratus non fuerunt, sed cum imperio fuisse dicti sunt.

HÆC omnia satis superque sunt a me refutata. Unum hoc non potui hoc loco præterire, quod scribit, Cn. Pompeium proconsulem in Asiam missum, ad jus dicendum simul & ad bellum gerendum. Quis enim historicus scripsit legem Ma-

niliam de alia re fuisse, quam de bello Mithridatico Pompeio demandando: sed ita ut etiam in alienis provinciis imperium haberet? Quali vero in provinciis, quæ tum pacatæ erant, & a Mithridate non occupatæ, non essent alii proconsules, qui ibi jus dicerent eodem tempore, quo bellum Mithridaticum gerebat Pompeius: ut Glabrio in Bithynia, & Martius Rex in Cilicia. Illud vero cui persuadebis, Sigoni, magistratum fuisse Pompeium per L. Maniliam; non fuisse magistratum, quando lege Gabinia adversus piratas missus est? lege enim Gabinia ad bellum, non ad jus in provincia aliqua dicendum mittebatur. Et Q. Metellus, qui consul ad bellum Creticum missus est, non erat magistratus scilicet, quia provinciam, ubi jus diceret, non obtinebat.

C A P. XXXII.

Neque Svetonius scripsisset in Tiberio: Nemine cum imperio, aut magistratu tendente quoquam, quin Rhodum diverteret.

Hic Svetonii locus parum te juvat, Sigoni: omnes enim, qui in provincias ibant cum imperio, magistratus etiam fuerunt; sed non contra, qui cum magistratu in provincias ibant, omnes cum imperio fuisse, verum est: cujus generis erant quaestores, qui cum magistratu in provinciis erant; at cum imperio, id est, cum majore illa coercendi potestate, non fuerunt. Vult ergo Svetonius non modo eos, qui cum imperio in provincias ibant, Rhodum divertisse ad videndum Tiberium, sed etiam eos, qui cum magistratu, in quo imperium non esset.

C A P. XXXIII.

Nec Livius iterum lib. 42. Locustarum tantæ nubes a mari vento repente in Apuliam illatæ sunt, ut examiniibus suis agros late operirent: ad quam pestem frugum tollendam Cn. Sicinius prætor designatus, cum imperio missus ingenti agmine hominum, ad colligendas eas, coacto, aliquantum temporis absumpsit. Neque enim illud Sicinius imperium, magistratus imperium dici potest, cum ille magistratum nondum inisset, sed adhuc designatus prætor esset.

MISSUM esse Sicinium cum imperio, Sigoni, estne cum belli gerendi potestate missum esse? Dignum certe imperatore, dignum legionibus negotium. Erat scilicet ei cum locustis bellum gerendum grave & periculosum. Magno hic duce opus erat, & armato exercitu: ne scilicet inermes a locustis arderentur. At, si illud cum imperio mitti, quam vim habet, recte intelligeres, in hæc tam absurda non incideres. Aliud enim nihil significat mitti cum imperio, quam mitti cum quadam jubendi coercendique potestate: quæ profecto fuit ad hoc negotium necessaria: neque enim illa hominum omnis generis multitudo a privato cogi potuit, ut ad locustas colligendas conveniret: sed hic imperio, hoc est, publica jubendi auctoritate opus fuit: quam auctoritatem publicam imperandi habere, quia idem est, quod magistratum esse, ideo hunc Sicinium dico, cum huic negotio præfectus est, factum fuisse ex privato magistratum: sed qui certe magistratus nihil ad præturam, quam sequenti anno gessit, jure inter cives & peregrinos dicendo, pertinuit: sed hoc peracto negotio Romam rediit, non ad triumphum, Sigo-

ni, magnus imperator, re bene gesta: sed ad præturam in eundem, ad quam jam ante designatus erat. Ex quibus efficitur, tuam conclusivum captiofam esse: nondum Sicinius magistratum inierat, ergo quod datum est ei imperium, magistratus imperium non fuit: quali vero, nisi prætor esset, non potuit esse magistratus: ne extraordinarius quidem, qualis certe fuit hic Sicinii magistratus.

C A P. XXXIV.

At iidem proconsules a Cic. magistratus vocantur. Sit id sane: quod nullo modo esse contendo.

PERMULTOS ego supra locos citavi ex Cicerone, ex quibus verum esse intelligit Sigonius, quod contendit nullo modo esse.

C A P. XXXV.

Est tamen intelligendum, querelam illam senatum ad ea quæ antea factitata essent, non quæ postea fieri cæpta sunt, retulisse. Ante Martium enim, qui a populo imperium acceperant, curiatis comitiis omnes acceperant, consules, prætores, ac dictatores. Nam de privatis ante P. Scipionem vix quinquam invenias.

QUERELA fenatus erat, teste Livio, quod Martius prætorum re scripserat, cum hunc honoris titulum ab exercitu, a quo non licebat, accepisset, ac non a populo, cuius solius erat imperium dare: itaque subjicit: *Rem mali exempli esse, imperatores legi ab exercitibus, & solenne auspicatorum comitiis in castra & provincias procul ab legibus magistratibusque ad militarem temeritatem transferri.* Ex his verbis perspicuum est, iniquam esse querelam fenatus, si fieri potuit, ut aliter quis imperium fieret quam comitiis populi. Et quoniam non fuit satis Livio dixisse *comitia*, nisi epicheton *auspicatorum* adderet, ex eo colligitur, auspiciis quibusdam comitiis imperatores creari solenne fuisse. Hoc vero solenne fuisse, quid aliud significat, quam non fuisse fas per religionem, non fuisse ex legibus moribus Romanis æquum aliter imperatores creari quam auspiciis comitiis? Nam, si vel Martius, vel alius quivis prætoris imperium obtinere potuit sine auspiciis comitiis, injusta est querela fenatus, qui aliquid novi juris in causa Martii postulet. Quod vero scribit Sigonius, vix quinquam inveniri, qui ex privato imperium obtinuerit ante hunc annum, quo P. Scipio in Hispaniam missus est, id vero est insignis Romanæ historiæ ignorationis. Livius lib. 10. decadis primæ: *Alii duo exercitus haud procul urbe, Hetruriae oppositi: Unus in Falisco, alter in Vaticano agro. Cneus Fulvius & L. Posthumius Megillus prætores ambo stativa in iis locis habere iussi.* Et lib. 3. *Proconsulem T. Quinctium subsidio castris cum sociali exercitu mitti:* & lib. 3. dec. 3. *T. Octacilius 4. anno secundi belli Punici, postquam ex Sicilia, quam biennio, prætor quidem priore anno, posteriore prætor obtinuerat, Romam reversus est: ibique duumvir factus ædem Mentis dedicavit: post eam dedicationem rursus scribitur missus in Siciliam cum imperio, ut classi præficeret.* Ex quo apparet, ex privato cum hoc imperium obtinuisse. T. etiam Manlius Torquatus bis quidem consul censorque fuerat, sed tum certe privatus erat, quando missus est cum imperio in Sardiniam, ad rem gerendam, quoad Mutius, qui prætor illam provinciam obtinebat, convalesceret. Jam ego te rogo, Sigoni, hi omnes nonne ante hunc annum, quo Scipio in Hispaniam est missus, a populo illa imperia obtinuerunt, cum privati essent? At, si tributis tantum co-

mittis imperium obtinuerunt, verum non fuit, ante Martii prætoris tempus omnes imperatores auspiciis comitiis fuisse creatos: necesse ergo est, ut aut fuisse auspiciata comitia tributa, quibus a populo imperium obtinuisse comperiuntur, dicas; aut fateri, præter tributa, adjuncta etiam fuisse curiata. Nam, privato alicui solis curiatis comitiis tum datum fuisse imperium, ex eo verum non esse convincitur, quod passim in historia legimus, plebiscito & data & prorogata hujusmodi imperia fuisse. Porro autem privatorum duo genera fingere, ut alios dicas privatos esse, qui nullum adhuc magistratum gesserunt, alios qui gesserunt, & ridiculum est, & ad hanc rem nihil pertinet. Quam enim fingere causam possit Sigonius, cur, cum pariter ad bellum gerendum mitterentur, ac pari imperio utrique, aliis bina comitia adhiberentur tributa & curiata, alii unis tantum comitiis tributis crearentur?

C A P. XXXVI.

Militare vero imperium, id est, sacramento milites adigendi, exercitum habendi, bellumque gerendi jus, in urbe quidem sine summo senatusconsulto, extra urbem sine provincia aut lege curiata nequaquam consequi potuisse.

QUÆ est ista disjunctio, Sigoni, sine provincia aut lege curiata? fatise fuisse existimas, aliterum horum consules habere, ut militaris imperii jus obtinerent? Ergo, si provincia consuli decreta esset, ipsa datio provinciae jus militaris imperii conferebat, etiam absque lege curiata: aut vero si curiatam legem haberet, tamen nulla ei decreta provincia, tamen militare imperium obtinuit. Vide, quæso, Sigoni, quæ inde consequantur incommoda: primum enim tollitur funditus ex Rep. usus legis curiatae in consulibus, præsertim post legem Semporniam de consularibus provinciis perlatam: nulli enim post illam legem consules esse potuerunt, quibus non essent suæ decretae provinciae, antequam designarentur. Habuerunt ergo imperium militare consules antequam designati essent. Deinde, ut regrediamur ad illa tempora, quæ ante legem Semporniam fuerunt, paucissimos consules reperies, quibus non vel iis designatis, vel statim inito magistratu decerneretur provinciae: habuerunt ergo a fenato omnes imperium militare, nec populi iussu ullo modo ad id jus obtinendum eis opus fuit: planeque jus imperatorum creandorum in fenatus, non in populi aut plebis potestate fuit. Jam vero, si per legem curiatam absque provincia obtinuerunt imperium militare extra urbem, dic, quæso, Sigoni, quorsum illud imperium? aut quo profecturus erit cum imperio, qui nullam provinciam habet? An unquam fando auditum est, magistratum extra urbem bellicum imperium habuisse, nulla ei decreta provinciae? An infinitum imperium habuit belli extra urbem quocunque in loco, & adversus quoslibet gerendi? an potius meræ hæc nugæ sunt?

C A P. XXXVII.

Efficeretur, ut imperium ipsum militare non magis curiatae legi, quam centuriatae deberent: at curiatae legi imperium acceptum retulerunt, centuriatae magistratum.

QUOMODO hæc cum superioribus conveniunt, Sigoni? Paulo ante dixisti, dationem provinciae jus dare imperii militaris; legem vero curiatam non ad jus imperii pertinuisse, sed ad privatam magistratuum utilitatem; nempe, ut ne suo

sumptu in provincias irent: nunc dicis, magistratus imperium militare legi curiatæ acceptum retulisse.

C A P. XXXVIII.

Ad hæc vero, si conuatus solus, non provincie adeptio aut legis curiatæ de imperio Latio COSS. ipsos exercitu instruxisset; certe Cæsar & Bibulus tum, cum in consulatu de Republ. diffidebant, non edictis & obnuntiationibus consularibus, sed exercitibus & armis inter se contendissent.

HOC argumento nihil leuius est, Sigoni, nihil magis futile: neque enim qui potestatem rei militaris in provincia habuit, erat legibus solutus, ut intra pomerium posset instructum exercitum habere. Quod enim Cæsar fecisse legitur, ut armis obnuntiantem collegam fore expelleret, id nec iure, nec more fecit: tametsi jam ante a senatu ei decreta esset provincia sylvæ & calles, ut inquit Suetonius: nec dubium est, quin Bibulus, si armis vincere se posse Cæsarem sperasset, per vim repulsius fuisset vim a Cæsare factam. At cum vi superior esset Cæsar, propterea domi se continuit Bibulus, tantum (id quod jam solum ei restabat) per edicta obnuntiabat.

C A P. XXXIX.

Nam, quin provinciales prætores jurisdictionem reique militaris potestatem habuerint, verum illam centuriatis comitiis, hanc curiatis acceptam, plane non dubito.

QUID ais, Sigoni? qui non statim ex prætura in provincias ibant, si non aque erant prætores provinciales atque illi, qui in prætura profecti erant? An non simul & jurisdictionem, & rei bellicæ potestatem pariter atque illi habuerunt? hanc ergo jurisdictionem ut eos centuriatis comitiis obtinuisset? at nos plebiscito illos cum imperio missos apud Historicis legimus. An ius magistratus, quem vel decennio ante gesserant, in iis conservatum est, ut nullo populi iussu opus esset ad obtinendum nunc magistratum? At extraordinaria fuerunt hæc omnia imperia: ut de suo in Cilicia proconsulatu aperte indicat Cicero: ex quo efficitur, legibus solvi oportuisse, qui eos magistratus obtinebant. Atqui legibus solvi nullo a populo nemo poterat, & vetere iure, & iure a C. Cornelio tribuno plebis relato: non potuerunt ergo sine populi iussu hi magistratum iure obtinere. Sed quoniam contra ius vetus interdum senatus absque populi iussu legitur quosdam legibus solvisse, multo magis consentaneum erat Sigonium dicere, a senatu eos magistratum accepisse, quam centuriatis comitiis.

C A P. XL.

De militari vero tribunorum militum imperio respondeo.

QUÆ scribit Sigonius de imperio tribunorum militum, vera sunt; sed meam adversus illum objectionem magis impediunt quam dissolvunt. Quod enim de tribunis militum obiectum a me fuerat, eo pertinebat, ut docerem, militare imperium in magistratibus non semper rem esse diversam a magistratu, quemadmodum scripserat Sigonius. Siquidem tribuni militum imperium militare haberent, & in eo ipso magistratus eorum totus positus erat. At, non habebant, inquit, imperium ducis, sed ministri, qui ducis mandato obtem-

peraret. Hoc est imperii vim majorem in uno esse docere, quam in altero, Sigoni, non autem rationem reddere, cur, cum uterque magistratus esset, qui imperium habere diceretur, in uno tamen esset in ipso magistratu insitum imperium, in altero non esset; quæ erat mea questio: verum ne tibi hoc relinquantur effugium, quid de duumviris navalibus dicturus sis, cogita. Hi enim imperium militare habuerunt, quod ad rem militarem pertinebat, (inquit Livius eodem illo in loco, ubi tribunis militum tribuit imperium) neque vero illorum fuit ministri imperium, sed ducis. In his ergo quomodo militare imperium a magistratu sejunges? Quomodo hic unis comitiis magistratum dari, aliis comitiis imperium excogitabis? Hos enim & belli gerendi jus habuisse, & bellum vero auspiciis gessisse Livius tum alibi docet, tum vero apertissime statim initio libr. i. dec. 5. & libr. 10. dec. 4. cum ita scribit: *Duumviri navales creati Cn. Matienus & C. Lucretius, navisque iis ornate sunt: Matienoque, cujus ad Gallicum sinum provincia erat, imperatum, ut classem in Ligurum oram duceret. Et paulo post: Et a Matieno duumviro naves ejus generis in Ligustica ora triginta due capte sunt.*

C A P. XLI.

Hoc loco ex eo scire cupio, primum, quomodo aliquis possit esse imperator exercitus, qui non præsit exercitui.

QUI castris, aut provincie præficebantur a magistratu, hi exercitui præerant, cujus tamen imperatores dici proprie non poterant: quia penes eos, quorum auspiciis rem gerebant, imperium esset. Propterea ego non satis esse putaveram dixisse, exercitui præfisse, nisi adjunxissem, cujus quis esset imperator: ne scilicet quispiam cogitaret de iis, qui mandato imperio exercitui præerant, sed ad eos referret, qui suo ductu suiique auspiciis bellum gererent. At Sigonius ita mea verba invertit, quasi ego dixissem, aliquem potuisse esse imperatorem, qui non præsit exercitui. Quid, quæso, aliud est calumniari, si hoc non est?

C A P. XLII.

Lubricus sane locus: sed non deest quid respondeam: primum audi, quæso, quid scribat Tacitus libro 4. Erat in iisdem regionibus Curtius Lupus, cui provincia, vetere ex more, calles evenerat. Is disposita classiariorum copia, ceptantem tum maxime conjurationem disjecit. Num vero hic caruisse dici potest imperio, quamvis calles sortitus esset, qui classarios conscripsit conjurationemque compressit?

HIC toto, ut ajunt, cælo errat Sigonius. Taciti locus totus ita habet: *Eadem æstate mota per Italiam servilis belli semina fors oppressit. Auctor tumultus T. Curtius, quondam prætoris cohortis miles, primo cæcis clandestinis apud Brundisium, & circumjecta oppida; mox positis propalam libellis, ad libertatem vocabat agrestia per longinquos saltus & ferocia servitia: cum velut munere deum trebi vires adpulere ad usus commendantium illo mari. Et erat in iisdem regionibus Curtius Lupus quæstor, cui provincia, vetere ex more, calles evenerat. Is disposita classiariorum copia, ceptantem tum maxime conjurationem disjecit. Missisque a Cæsare prope Stadii tribunus, cum valida manu duces ipsam & proximos andaciæ in urbem traxit. Primum igitur in citando illo Taciti loco, cur aut negligenter, aut potius malitiose omisit Sigonius verbum illud, Quæstor? Hic Curtius Lupus quæstor*

flor erat, Sigoni: & quam hic provinciam habebat, quaestoria tantum provincia erat. Quid? habueruntne quaestores militare imperium? & quanquam ille classiarius est illis tribus hiremibus forte oblati usus est ad opprimendam servilem conjurationem, ex eone, quod extra ordinem, ac non jure sui imperii fecit, aequum est colligere, eum cum imperio, hoc est, cum potestate belli gerendi, fuisse? post occisum a Parthis M. Crassum ejus quaestor C. Cassius reliquum ex clade exercitum collegit, posteaque rem bene gessit adversus Parthos: quid? tunc ex eo quaestorem Cassium imperium militare habuisse colliges? Sed quoniam illum locum a paucis intellectum esse video, non pigebit meam de eo sententiam hic proferre. Ex saltibus & callibus id vesticigal a Romanis colligebatur, quod scripturae nomine continebatur. Erant autem hujusmodi saltus & calles publicorum pascuorum, in Apulia & extremis illis Italiae regionibus frequentes, ut & per se notum est, & docet Livius libro 9. decad. 4. cum ita scribit: *Magnus motus servilis eo anno in Apulia fuit: Tarentum provinciam L. Posthumus praetor habebat: si de pastorum conjuratione, qui vias latrocinii pascuaeque publica infesta habuerant, questionem severe exercuit.* Jam vero nemo nescit, quaestorum hoc fuisse munus, ut publicas pecunias a vesticigal redemptoribus publicanis acciperent, in aerariumque referrent. Ut ergo legitur, quaestoria quaedam fuisse aquaria provincia in Italia, quae in portoriis redigendis cernebatur: ita ad scripturam vesticigal est illis extremis Italiae regionibus exigendum, non dubium est, quin quaestor mitti solitus sit, cujus provincia calles dicebatur. Calles enim dicebantur loca illa, in quibus erant pascua publica: ab eo, ut inquit Varro, *quod pecudum callo calcarentur*: quemadmodum etiam admonuit doctissimus noster Turnebus lib. 3. Adverbariorum. Dicit ergo Tacitus, vetere ex more, Curio quaestori obtigisse provinciam calles, hoc est, publicorum in eo tractu saluum administrandorum munus, ex quibus redigebatur scripturae vesticigal, propter pecorum in publicis pascuis pastionem.

C A P. XLIII.

Quid Cn. Sicinius adversus locustas cum imperio extra ordinem missus est? consules in calles & sylvas provinciam ordine mittentur sine imperio.

NON dico, Sigoni, consules sine imperio missos, cum in provinciam sylvas & calles mittebantur: imo vero, quia mitti cum imperio una significatione, in omnibus, qui in provincias mittebantur, sumi oportet, si in his non potest significare cum exercitu ac belli gerendi potestate mitti, ex eo, concludo, nusquam id significare: sed mitti cum imperio communi significatione accipi pro eo, quod est, mitti cum quadam jubendi coercendique potestate, quae parendi necessitatem adferat. Certe, vel hi duo loci, quos adfers, potuerunt te de perversa tua opinione deducere, ut non existimares, cum imperio mitti, significare, cum exercitu ducendi ac belli gerendi potestate mitti. Nam Sicinius adversus locustas missus est cum imperio; & tamen, si ad eam rem ei exercitum datum cogitas, aut si de belli administratione in eo negotio tibi aliquid in mentem veniat, plane ridiculus sis. Idemque de consulibus, quibus provincia decreta erat sylvae & calles, haud dubie judicandum est. Aut, si cui Pontinae paludes succandae, provincia data erat. Ut Coss. M. Cornelio Cethego An. Urb. 593. auctore Floro in epir. 46. Hos enim cum imperio fuisse, ut omnes, qui in provincias mittebantur, certum est: & tamen, quia hujus generis erat provincia, in qua administranda nec exercitu, nec

belli duce opus esset: ideo illud cum imperio esse, in his non potest significare imperatorem esse exercitum. Neque enim imperator sine exercitu (ut tu ipse fateris) intelligi potest. Tu vero idem scribis, imperatoris nomen usurpasse omnem magistratum, cui illud, quod fingis, imperium accessisset. Illa sane verba Suetonii tibi ponderanda fuerunt, Sigoni, cum illas provincias minimi negotii provincias appellat: neque enim illud minimi negotii intelligi potest, in ea provincia, quae sine exercitu administrari non potest, sed in ea, quae otiosa, omnis laboris ac periculi experta esset. At paludati, inquit, hi omnes exibant, id est, insigni imperii militaris ornati. Quid? putasne omnes, qui paludati in provincias proficiscebantur, exercitus duces fuisse? Hoc vero est, quod tibi probandum fuit, solos imperatores paludamento fuisse ornatos, cum urbe exiebant. An nunquam legisti id, quod Livius scribit libro 5. dec. 5. in concione M. Servilii pro triumpho L. Emilii Pauli? *Consul proficiscens praetorae paludatis licitoribus in provinciam, & ad bellum, vota in Capitolio nuncupat.* Illo in loco dilerte asseverat, lictores etiam horum provincialium magistratuum paludatos fuisse. Illudque observandum est, Sigoni, quod utraque hic conjunxit, *in provinciam & ad bellum*, ne omnes fuisse belli duces existimares, qui paludati exiebant. De paludatis vero licitoribus mentio est etiam l. 1. dec. 5. ubi de C. Claudio consule ita scribit: *Claudius COS. veritus, ne forte ea rei provinciam exercitumque sibi adimeret: non votis nuncupatis, non paludatis licitoribus, praecipis in provinciam abiit.* Et paulo post: *Quod non more majorum secundum vota in Capitolio nuncupata, licitoribus paludatis profectus ab urbe esset.* Et paulo post: *Non ultra triduum moratus Roma paludatis licitoribus, votisque in Capitolio nuncupatis in provinciam abiit.* Jam vero, si hoc fuit paludamentum Latinis, quod Graecis chlamys, ut recte docet ex Plinio & Tacito Lazarus Baysius: erunt, Sigoni, omnes imperatores, qui chlamydati Roma exiebant. Varro certe l. 6. insignia & ornamenta militaria esse dicit: *Ideo ad bellum cum exit imperator, ac lictores mutant vestem, & signa incinuerunt, paludatus dicitur proficisci: quae propterea, quod conspiciuntur, quae ea habent, ac sunt palam, paludamenta dicta.* Attamen, si quis ex eo colligat, omnes fuisse imperatores, qui paludamento induti essent, perinde errabit, ac si omnes magistratus esse dicat, qui toga praetexta ornati erant, quia legitur toga praetexta magistratus ornamentum fuisse. Certum enim est, multos sacerdotes toga praetexta usos, & magistratos vicorum, ut docet Livius initio lib. 4. dec. 4. qui magistratus non fuerunt. Quinetiam Livius l. 1. paludamentum vocat vestem Curiatii ab Horatio oculi: *Cognitoque, super humero fratris, paludamento sponsi.* At nemo imperatores fuisse scribit aut Horatios aut Curiatios.

C A P. XLIV.

Habuerunt quidam, inquit, potestatem exercitus comparandi, si opus fuisset; exercitus non praesuerunt. Habeo, quod volo. Si habuerunt potestatem exercitus conficiendi; sane militare imperium habuerunt. Si exercitus iusto non praesuerunt, quod eo opus non fuit, legatos tribunosque militum, & praefectos in usum rei militaris secum duxerunt. At cohorti saltem ipsi praetoriae praesuerunt. Neque enim sine his praetor aliquis provinciam ullam administravit.

MULTUM interest, Sigoni, utrum dicamus magistratus, qui in provincias ibant, in eo summo, quod habebant, imperio simul habuisse insitam rei militaris potestatem: an vero reipsa eos omnes imperatores fuisse, propter accessionem cujus

dam imperii, quod non modo esset magistratui adventitium, sed quod non posset intelligi sine aliquo exercitu, cujus dux esset. Illud meum est, hoc tuum, Sigoni. Quantum autem intersit, ex eo perspicui potest, quod illud *in rei divitiis* consistit, ita in ipso imperii aut consulari aut pratorio est initium: hoc vero *in rei divitiis* positum est: eoque non semper necesse fuit, ipso actu imperatorem fuisse, qui consulare aut pratorium imperium habuit. Pompeius cum eo anno factus est annonæ præfectus, quo Cicero ab exilio est revocatus, hunc magistratum habuit cum imperio proconsulari, ut ex historia notum est. At, legiones ei decretas esse ad hanc curationem, nemo scripsit. Quid ergo, Pompeium cum imperio proconsulari præfectum annonæ fuisse, fuit aliud, quam ministerium hoc ei datum esse, cum insignibus imperii consularis, sive numerum fascium cum securibus, sive legatorum numerum, ceteraque imperii consularis ornamenta spectes? At, legiones ei decretas fuisse, aut vero in hoc ministerio imperatorem exercitus fuisse, nec verum est, nec a quoquam memorie proditum. Quin tamen, si vi armata alicui opus esset in hoc peragendo negotio, exercitum pro jure illius sui imperii parare posset, non dubito. Ergo cum imperio tum fuisse Pompeium recte scribit Cicero in prima ad Lentulum epistola: at, imperatorem exercitus tum fuisse Pompeium, est falsum: non igitur idem fuit *cum imperio esse*, quod *rei bellicæ cum exercitu præfectum esse*. Reliqua Sigonii verba insignem ejus in exquirenda antiquitate negligentiam ostendunt. Primum, quod omnes prætores provinciales dicit tribunos militum, & præfectos, ac legatos, ad usum rei militaris secum duxisse. Deinde, quod cohorti prætorie eos præficeret, quasi imperatores exercitus. De cohorte prætorie paulo post videro; nunc prius illud exagitemus. Qui in provinciis erant cum imperio, suos habuisse legatos verum est: sed ad usum tantum rei militaris eos habuisse, falsum est. Nam, ut omnino publici ministerii adjuutores essent magistratui, decernebantur legati. Ideoque a Cicerone in Vatinius ministerii muneris provincialis appellantur. Et in 1. ad Q. Fratrem epistola legatos Q. Fratri ministros sui imperii appellat. Et paulo post de legatis & de quaestore loquens, his verbis eos describit: *Quos tibi comites & adjuutores negotiorum publicarum dedit ipsa Respub. Ac, si prætores quidem cum exercitu missi erant, in hoc quoque negotio legati adjuutores fuerunt: at, si in pacatis provinciis sine exercitu mitterentur, jurisdictionis administrati fuerunt, quatenus ab ipso magistratu demandata erat, ut verba Ciceronis in eadem illa ad Fratrem epist. significant, cum scribit: Sed tamen parvi refert, abs te ipso jus dici æqualiter & diligenter, nisi idem ab iis fiet, quibus tu ejus muneris aliquam partem concesseris. Ut omittam, quæ a jurisconsultis de officio legati scribuntur, ea satis indicare multo magis horum legatorum munus in jurisdictione positum fuisse, quam in rei bellicæ administratione. Verum, quod de legatis dicit Sigonius, tolerabile est: quia verum fuit, omnes provinciales hujusmodi magistratus suos legatos habuisse: at illud, quod de tribunis militum & præfectis dicit, si de iis quidem præfectis intelligitur, qui aut equitum alios, aut cohortibus auxiliaribus præfecti erant, ac non de iis, qui ex domesticis a prætoribus alicui negotio in provinciali administratione præficerentur, quique ex cohorte prætorie erant) omnino ferri non potest, quibus enim datus erat exercitus, eos legimus hos tribunos militum præfectosque habuisse: ut Ciceroni Ciliciæ proconsuli datus erat exercitus duarum legionum, cum equitibus M. M. DC. si Plutarcho credimus. Hujus etiam trib. mil. legitur fuisse Q. Fuffidius, præfectus evocatorum Antonius, præfectus Fabrum Q. Lepta: & ut, qui fuerint, non legeretur, tamen satis sua sponte notum esset,*

illas legiones sine tribunis militum, sive centurionibus, ac cæteris militaribus officiis non fuisse. Itemque illos equites suos præfectos habuisse, qui singulas alas ducerent. At eos, qui in provinciis sine exercitu missi erant, tribunos militum duxisse, aut præfectos vel socialis exercitus, vel equitum, non modo ridiculum est, sed etiam ab omni ratione alienum. An nescis, Sigoni, *χιλάρχοι* fuisse Græcis cum, qui Latinis tribunos militum vocatus est? ex quo intelligitur, minimum mille militibus præfuisse. Ubi ergo sunt mille illi milites, quibus præfuit tribunus militum? Quorum, quæso, alarum præfecti, ubi nullus equitatus? Quorum præfecti cohortium auxiliarium, ubi nulla auxilia, nullus a sociis scriptus exercitus? Nunquamne observasti ex Romana antiquitate tribunos militum viginti quatuor a populo creati solitos, qui quatuor illis ordinariis legionibus consularibus provinciis destinatis præficerent? Quod si aliæ legiones scriberentur, illis a magistratibus ipsis præficerentur tribuni militum ii, qui Rufuli dicebantur. Itaque erant non populi, sed magistratuum beneficia. At certe neutrum genus tribunorum in usu fuit, nisi in legionibus. Ex quo apparet, qui exercitum non habent magistratus, nullos quoque tribunos militum habuisse. Præfecto, in actionibus in Verrem videmus, cohortis prætorie legatorum & quaestorum, qui cum Verre prætorie fuerunt, sæpe mentionem fieri: tribunorum militum, aut hujus generis præfectorum, nulla unquam mentio. Cumque Cicero ad Fratrem enumerat muneris provincialis comites, legatos, quaestorem, & cohortem prætoriam appellat; tribunos militum, aut præfectos, nunquam; quos præfecto non fuit omisurus, si quos secum in Asiæ administratione habuisset Q. Frater: nec immerito. Erat enim, ut scribit Cicero ad Fratrem, non magna varietas negotiorum in administranda Asia, sed ea tota maxime jurisdictione sustinebatur. Venio jam ad cohortem prætoriam: quam a cohorte militari longe diversam fuisse, quod nunquam animadvertisti, valde miror. Non fuit, Sigoni, hæc cohorte prætorie ex armatis militibus, qui sacramento adacti cum imperatore ad rem bellicam mitterentur: sed, ut Cicero ad Q. Fratrem scribit, ex domesticis convictoribus & necessariis apparitoribus constabat. Sic enim scribit: *Quos vero aut ex domesticis convictoribus, aut ex necessariis apparitoribus tecum esse voluisti, qui quasi ex cohorte prætorie appellari solent, eorum non modo facta, sed etiam dicta omnia præstanda nobis sunt. In hac erant lictores, scribæ, accensi, medici, aruspices, præcones, pictores, & hujus generis ministri, qui magistratibus provincialibus apparebant. Cujus rei testis est locupletissimus Cicero, cum in Verrem toties ei objicit, datos ex cohorte sua prætorie judices, lib. 2. Comites illi tui dilecti, manus erant tuæ, præfecti, scribæ, medici, accensi, aruspices, præcones, manus erant tuæ: quo quisque te maxime cognitione, affinitate, necessitudine aliqua attingebat, ita maxime manus tua putabatur. Cohors tota illa tua, quæ plus mali Siciliæ attulit, quam si centum cohortes fugitivorum fuissent, tua manus sine controversia fuit. Et paulo post: Cum tibi sibi questus constituisset magnos atque uberes, ex his causis, quas ipse instituerat in consilio, hoc est, cum sua cohorte, cognoscere. Et paulo post: Hæc copia, quam dico, iudicum, cohortis non Q. Scævole, qui tamen de cohorte sua dare non solebat, sed C. Verri. Et alibi: Quidquid ab eo peteretur, iudicem de sua cohorte daturum. Cumque in iudicio Sopatri Verrem solum cum sua cohorte nequissima relictum dixisset, paulo post subjicit: *Hominem innocentem a sacerdote absolutum, in dicta causa de sententia scribæ, medici, aruspicesque condemnavit. Et lib. 3. De cohorte mea rejicis, inquit. Quid? ista cohors quorum hominum est? Voluisti aruspici & Cornelii medici, & eorum canum, quos tribunal meum videri lam-**

dici, & horum canum, quos tribunal meum vides lambere. Item: Recuperatores se de coram sua daturum minabatur. Agrynenses viri fortissimi iudicium se passuros esse dicebant: ingerebat iste Artemidorum medicum, pietorem Tlepolemium, & huiusmodi recuperatores. Et paulo post: Hic tu medicum & aruspitem & preconem tuum recuperatores dabis, aut etiam illum ipsum, quem tu in cohorte tua Cassianum iudicem habebas, si qua res maior esset, Papyrium Potamonem. Ex his locis nonne vides, Sigoni, hanc cohortem prætoria non militum fuisse: sed in ea cohorte omnes prætoris ministros & apparitores ita numerari, ut non ad bellum ea uteretur, sed ad cetera pro suo quique munere, aut arbitrio prætoris, ministeria? Non igitur ex eo, quod magistratus habuerunt cohortem prætoria, ex suis ministris constanter, debuit Sigonius colligere eos fuisse imperatores. Alioqui omnes fuisse belli duces fatendum esset, qui stipatores corporis habuissent in magistratu leguntur. Sed alia certe multa fuerunt, in quibus potestas rei bellicæ administrandæ in his provincialibus magistratibus agnosci potuit. Veluti in eo, quod de Flacco Asiæ prætor scribit Cicero, cum classem civitatibus Asiæ ex formula fœderis imperasse, & præsidii causa habuisset. Idemque a cæteris Asiæ prætoribus facitum docet, præterquam a Q. Fratre, qui Flacco successit. Itemque in eo, quod classem imperatam a Verre in Sicilia scribit, Cleomenemque ei præfectum: quod prætorum Siciliæ hanc fuisse consuetudinem dicit, ut naves civitatibus certusque numerus nautarum militumque imperaretur: quod bellum maritimum prætori Siciliæ fuisse administrandum scribit: quod sub Verri imperio P. Cæcilius quæstor & P. Tadius legatus decem navium classem navigasse, navemque prædonum unam cepisse scribuntur: denique in eo, quod præsidiorum imperandorum, mutandorum, dimittendorum, prout fuit cuiusque provincie ratio postulabat, penes hos provinciales magistratus potestas erat. Ex his, inquam, omnibus multo melius, quam ex cohorte prætorie doceri potuit, hos provinciales magistratus imperium militare habuisse. Verum de ea re nulla mihi est cum Sigonio controversia, omnes enim per se iure sui magistratus hoc imperium habuisse confirmo: sed de eo tantum, quod una hac brevi argumentatione concludam. Imperatorem & ducem idem omnino significasse notum est. Ducem autem (inquit Livius l. 4. dec. 1.) non novimus, nisi cuius auspicio bellum geritur. Nec dux ergo nec imperator ullus intelligi potuit, ubi nullum bellum gereretur. Atqui in pacatis plane provinciis nullum bellum gerendum fuit, ideoque sine exercitu huiusmodi provinciis obtineri dicuntur a Livio l. 10. decad. 4. Quæro, inquit Tib. Sempronius, de te, L. Minuti, cum consecram provinciam nunties, existimæne Celtiberos perpetuo in fide mansuros, ita ut sine exercitu ea provincia obtineri possit? Qui ergo pacatis omnino provinciis præfuerunt, imperatores ducesve non fuerunt. Attamen, qui talibus provinciis præfuerunt, omnes cum imperio fuisse dicuntur. Non ergo illud, cum imperio esse, significat imperatorem ducemve exercitus esse, quemadmodum affirmat Sigonius.

CAP. XLV.

Qui vero urbanum magistratum gerentes in alterum annum reficiebantur, iis non prorogatum imperium dicitur, sed magistratum continuatum, ut scripsit Maro consulatum: & si imperio militari fortasse præditi fuissent, post etiam imperium prorogatum.

Ego supra demonstravi, in eo, qui prætor urbanus fuisset, Livium usurpasse non semel hoc genus loquendi, ut prorogatum ei imperium dicat, cum insequenti anno in provinciam mitteretur: eos-

que, qui in provincias mittebantur, Romanos fuisse magistratus, communi quidem illa & generali verbi significatione, docui. Sed, quoniam in urbe magistratum hi non habebant, propria autem ac primaria significatione, hi soli magistratus Romani dicerentur: quibus etiam in urbe Roma imperium esset, idcirco factum est, ut diverso loquendi genere uterentur, in urbanis & extramuranis magistratibus, ita ut in iis, qui magistratus in urbe essent, proprie continuari, reficique magistratum dicerent: in aliis, qui, nisi extra urbem, magistratus non essent, prorogari imperium proprie loquerentur. Hæc loquendi genera sic fuerunt Sigonio observanda, non ea, quæ hic scribit, præferenda. Nam, qui prætor in provinciam profectus erat, in qua vis diceret, ei cum prorogabatur imperium, potestas eadem continuabatur quam superiore anno habuerat. At Sigonio potestas juris dicendi magistratus est. Revera ergo magistratus continuabatur: neque secus de consulibus dicendum est, quibus in provincias profectis, in quibus jurisdictionem haberent, si anno proximo sequente eis prorogaretur imperium, certum est, non minorem hoc anno potestatem habuisse, quam superiore. Quod ergo prorogatum eis dicebatur imperium, id non ad militare tantum imperium pertinebat, sed etiam ad jurisdictionis imperium. Et eis ergo re vera magistratum fuisse continuatum Sigonio fatendum est. Cum igitur re non distinguerentur continuare magistratum, & prorogare imperium; verbo tamen ac loquendi genere sæuncta sunt: ut in iis modo, quibus imperium postero anno in urbe continuatum esset, continuatus magistratus diceretur: in aliis vero, quibus tantum extra urbem imperium, quod habebant, continuatum esset, prorogatum modo imperium diceretur. Tameñ L. Florus de Tib. Gracchi seditione loquens in tribuno plebis, qui refici voluit, scribat: *Die comitorum cum prorogari sibi vellet imperium*. Ciceronem profecto & Livium haud ita fuisse locuturos, opinor.

CAP. XLVI.

Si modo imperium cuiquam unquam est prorogatum, qui exercitui omnino nulli præfuit.

ETIAMNE ambigis in re apertissima, Sigoni? Q. Fratri nescis prorogatum fuisse imperium, quando triennium Asiæ præfuit? At tota ejus provincia in jurisdictione fuit, teste Cicerone: tantumque abest, ut exercitum habuerit, ut ne classem quidem imperari ab aliis præter solitam ipse imperare voluerit. Cic. ad Q. Fratrem: *Quod si tibi bellum administrandi prorogatum imperium viderem, intelligerem etiam fortune potestatem in nos prorogatam*. Nunc vero ea pars tibi resp. concessa est, in qua aut nullam, aut perexiguam partem fortunaret. Et quæ sequuntur, plane indicant, nullum exercitum habuisse. Quid? semperne iis, qui pacatam omni ex parte provinciam obtinuissent, successor missus est? Verum, quid ad rem pertinet, quod dicit Sigonius? Ut enim dicamus omnes exercitui præfuisse, quibus prorogatum sit imperium, an propterea prorogatum iis quod dicitur imperium, ad militare tantum pertinuit imperium? an propterea in hoc dicendi genere imperium significabit tantum belli gerendi potestatem? ac non potius omnem, quam habebant in provinciæ administratione, potestatem: cujus sane hoc imperium pars erat? At, si eadem fuit in eo, cui prorogatum dicitur imperium, potestas, quæ priori anno fuerat, (hoc dempto, quod in urbe nullum habebat imperium) nunquid verius est, imperii nomine omnem illam potestatem significari, quam partem tantum? Certe, si quid de ea,

Minim ij

quam habebat, potestate post annum sui magistratus exactum deperiisset, ita ut tantum rei bellicae potestas remaneret, non dubium esset, aliud nihil significare prorogare imperium, quam bellicae rei administrande potestatem proferre. At nihil deperisse etiam Sigonius fatetur. Cur ergo ad partem modo significandam verbi imperii appellationem in hoc loquendi genere coarctat?

CAP. XLVII.

Nam, qui provinciae administrationem, non rei militaris, in provincia obtinuerunt, eos jurisdictionem cum imperio affectos tum, cum provinciam senatus-consulto, vel tributa lege adepti sunt, confitemur. De illis, qui ad bellum tantum sine provincia missi sunt, repugnamus.

Hic Sigonius se immemorem esse indicat eorum, quae paulo ante scripserat, neminem in provinciam cum imperio missum fuisse, qui imperium militare non haberet: imo vero, qui non exercitum aliquem haberet. At exercitum semper habuisse falsum esse docui. Potestatem rei bellicae omnes habuisse verissimum est. Quod ergo hic dicit, falsissimum est. Reliqua, quae ab eo hic dicuntur de iis, qui ad bellum sine provincia mitterentur, sunt a me supra refutata: totumque ille ex 5. Phil. Ciceronis locus abunde excussus.

CAP. XLVIII.

Si ergo minores habent auspicia, profecto habent ex curiatis comitiis: nam tributa, quibus creabantur, inauspicata sunt.

Hic locus postulat, quoniam Sigonio rationes meae non satisfecerunt, ut amplius id confirmemus: minoribus creandis magistratibus adhibendam fuisse legem curiatam. Scribit Livius ad finem libri 6. in concione Appii: *Penes quos sunt auspicia more majorum? nempe penes patres.* Nam plebeius quidem magistratus nullus auspicio creatur: nobis adeo propria sunt auspicia, ut non solum, quos populus creat, patricios magistratus, non aliter quam auspicio creet, sed nos quoque ipsi sine suffragio populi auspicio interregem prodamus. & privatum auspicia habemus, quae ipsi ne in magistratibus quidem habent. Plebeios auspici non habere ostendit Appius, sed ea propria esse patriciorum, quia & privatum, & in magistratibus auspicia haberent patricii: plebei vero nec privatum, nec in magistratibus. Quod autem in magistratibus auspicia non haberent plebei, ex eo id concludit, quod nullus plebeius magistratus auspicio creatur: contra vero patricios habere auspicia in magistratibus, probat, quod omnes patricii magistratus auspicio creantur: haec vero conclusio ut id, quod vult, efficiat, necesse est, generale illud pronunciatum verum fuisse, nulla in iis magistratibus fuisse auspicia, qui auspicio non crearentur: ideoque quicumque magistratus auspicio non creabantur, eorum nulla fuisse auspicia. Ex quo consequens est, quorumcumque magistratum fuerunt auspicia, omnes auspicio creatos. Atqui minorum magistratum (qui quidem populi, ac non plebis tantum magistratus essent) sua fuerunt auspicia, ut aperte demonstrant verba Messalae, quae ab A. Gellio recitantur lib. 13. c. 14. Postquam enim dixit patriciorum auspicia in duas partes esse divisa, attribuitque maiora auspicia maioribus magistratibus, subiungit haec verba: *Reliquorum magistratum minora sunt auspicia, ideo hi minores, illi majores magistratus appellantur.* Necesse igitur est, auspicio creatos fuisse. Porro illud certum est, po-

Apuli comitiis creatos fuisse minores magistratus. Si ergo tributa comitia, quibus illi creabantur, non fuisse auspiciata demonstravero, efficitur, aliis quibuscumque comitiis auspiciatis opus fuisse: quae si non centuriata fuerunt, ut apertum est, relinquitur, ea curiata fuisse. Jam vero cum scribit Livius, quos populus creat magistratus patricios, non aliter, quam auspicio creari, certum est, patriciorum magistratum nomine contineri omnes reliquos magistratus, qui tum erant, praeter plebis proprios magistratus, atque adeo omnes magistratus, quos patriciis capere licebat: tamen ad eos etiam plebei illos quaestores, qui tum quorannis creabantur, auspicio fuisse creatos. Auspicata igitur iis creandis comitia fuisse adhibita, necesse est: non centuriata, ergo curiata: atque ea vel sola, si nondum tribus creabantur, vel una cum tribus, si jam tum in iis mandandis magistratibus locum habuisse dicamus; ut mihi magis verisimile ex eo videtur, quod jamdudum frequentari coeperant tributa comitia. Neque enim, quod per legem Publiliam factum est in plebeis magistratibus, ut non, sicut antea, auspiciatis comitiis crearentur, idem hic factum esse dici potest: nec vero ulla iusta causa adferri, cur post hoc tempus desierint quaestores auspicio creari: & quae tum servanda erant huic mandando magistratui auspicia, postea usque eo neglecti habitae fuisse, ut jam auspiciatis nullis comitiis daretur. Cum ergo certum sit, postea tribus comitiis, quae auspiciata non erant, datum fuisse hunc magistratum, necessario relinquitur, aut plane in hoc mandando magistratu neglecta fuisse auspicia, aut ad retinenda quae ante adhibita fuerant, auspicia, retenta etiam fuisse curiata comitia. Age vero locum Ciceronis ex 2. de divinatione consideremus, ubi scribit, Romanos non fere uti solitos auspiciis, nisi dum a populo ea accepta haberent. Id enim minime dubium est, minores magistratus auspiciis usos fuisse. Ergo ea a populo accepta habuerint, necesse est. Atqui nemo aliter a populo accipere poterat auspicia, nisi per comitia, atque ea auspiciata: & quorum patricii (penes quos erant omnia Romana auspicia) auctores fuerant. Porro autem nulla erant auspiciata comitia, & quorum patricii auctores essent, praeter centuriata & curiata, ut docet Cicero pro domo sua, & Livius in eadem illa Appii concione, quam paulo ante citavi: nemo igitur auspicia a populo accipiebat, nisi per centuriata aut curiata comitia. Si ergo minorum magistratum sua fuerunt auspicia, atque adeo ea auspicia, quae erant penes patricios, ut paulo ante docui, ex Messalae verbis, quae a Gellio citantur, necessario sequitur, altero horum comitorum accepta habuisse: non centuriatis, ergo curiatis. Ac nequis de eo dubitet, quod dixi, tributa comitia non fuisse auspiciata, Dionysius Halicarnassicus l. 9. id aperte demonstrat, cum de Voleronis Publilii lege agit, qua jubebatur, ut pro curiatis comitiis tributa comitia adhiberentur plebeis magistratibus creandis: hoc enim inter haec comitia docet interfuisse, quod tribus comitiis nec S. C. opus esset, nec augurum & sacerdotum interventu, quae utraque curiatis comitiis erant necessaria: atque eam fuisse causam docet, cur hi tribuni plebis Volero & Lectorius voluerint, plebeios magistratus dari tribus comitiis, non amplius curiatis. Idemque paulo post scribit, ad suam usque aetatem ita plebeios magistratus fuisse creatos tribus comitiis, abique auspiciis aut ulla religiosa ceremoniae observatione. Quod idem ex Messalae testimonio confirmari potest, cum scribit, iustius curiata lege magistratum dari minoribus magistratibus, quam tribus comitiis. Nam si suffragiorum rationem spectes, nunquam verum fuit, iustiora fuisse comitia curiata, quam tributa: in eoque non dubito quin adimplutor

mihi facturus sit Sigonius. Reflat igitur, ut propter solam auspicioꝝ rationem hæc illis iustiora esse dicantur. Nam, si etiam auspiciata fuisse tributa comitia dicamus, omni ex parte fuisse iustiora curiatis verum erit. Unde efficitur, nullo modo posse defendi, quod scribit Messala, iustius curiata lege magistratum dari, quam tributis comitiis. Illud quidem certe negari non potest, habendis tributis comitiis fuisse observandum illud commune augurum decretum, jam inde ab Romulo receptum, ut testis est Cic. in Vatinium, quo Jove fulgente aut tonante cum populo ageretur. Censebatur enim jam inde a Roma condita omnes cum populo actiones vitioſæ, si fulgur vitium, aut tonitru auditum esset. Neque id lege Ælia, quæ multis post Romam conditam seculis lata est, fanciebatur: sed ut omnino pareretur obnuntiationi: hoc est, si vere de cælo servatum esset, si per mendacium ita denunciatum esset, religioni auspicioꝝ parendum esset. Ac si quando apud Romanos scriptores reperiantur tribuni aut ædiles plebis abdicasse, quod vitio creati fuissent: de hoc contra commune verusque augurum decretum vitio intelligi debet. Livius ad finem libri 10. ita scribit: *Exatlo jam anno novi tribuni plebis magistratum intierant: isque ipsi, quia vitio creati erant, quinque post dies alii suffecti.* Et lib. 10. dec. 3. P. Ælius Tuberus & L. Lætorius, ædiles plebis vitio creati, magistratu se abdicarunt. Fuit enim hoc unum in auspicioꝝ religione vitium, quod comitiis plebeiorum magistratum intervenire potuit. Neque tamen ob hoc commune omnium cum populo actionum vitium, quod in iis etiam comitiis locum habuit, existimandum est, plebeiorum magistratum comitia fuisse auspiciata: alioqui falsum esset, quod dicit apud Livium Appius, plebeium nullum magistratum auspicio creati. Jam vero si docuero, ætate Ciceronis quætores, tamen si tributis comitiis crearentur, lege tamen curiata ornatos fuisse, nihil causæ erit, cur non idem in cæteris minoribus magistratibus utaturum fuisse credamus. Cicero Philip. 2. de quaestura Antonii ita scribit: *Quæstor es factus. Deinde continuo sine S. C. sine sorte, sine lege ad Cæsarem cucurristi.* His verbis Cicero Antonii factum reprehendit, quod aliquid præter utaturum morem fecerit: aliqui ineptus esset, qui id vitio verteret Antonio, quod a nullo alio quæstore postulandum esset. Cum ergo utaturum esset, ut quætoribus S. C. provinciarum decerneretur, deinde ut fortiterentur, postremo ut lex aliqua de eorum potestate ferretur; accusatur merito Antonius, qui hæc omnia neglexerit: hæc vero lex non potuit alia esse, quam curiata. Cum legem intelligere hic oporteat, quæ more & instituto majorum quætoribus ferri solet, non autem quæ extra ordinem: alioqui existimaretur Cicero falso & inique reprehendere Antonium, in eo quod sine lege ad Cæsarem profectus esset. Porro autem extra ordinem ferri legem quætoribus nunquam fando auditum, nunquam legendum cognitum est. Quætores quosdam legimus missos esse prætore in provincias, ut eas cum imperio obtinerent: in eoque populi rogatione opus fuisse, verum est: præsertim post legem a C. Cornelio tribuno plebis perlatam. At, ut quis non maiorem potestatem, quam quæstoriam obtineret, populum rogatum fuisse, nulla in omni historia extat memoria. Relinquitur ergo, utaturam hanc legem, ob cuius neglectum culpatur illo loco Antonius, fuisse curiatam illam, qua dicis causam, propter auspicioꝝ religionem, ornari magistratus solebant. Quoque minus dubitent de ea re cum Sigonio Romanæ antiquitatis studiosi, citabo alium Ciceronis locum, ex quo apertissime convincam, minores magistratus lege curiata ornatos fuisse. Locus est in 2. Agraria, in quo ita scribit Cic. *Nunc, quia prima illa comitia tenentis centuriata & tributa: curiata autem tantum au-*

Auspicioꝝ causa remanserunt. Quod dicit Cic. curiata auspicioꝝ causa remansisse, nonne ut in eo, de quo agitur, persistatur, & ut apte hæc posteriora cum prioribus conveniant, necesse est, de magistratu comitiis intelligi? Quod si rogem Sigonium, cum hic dicit Cic. teneri comitia centuriata & tributa, qua in re teneri ea intelligendum sit? respondit, opinor, ut hæc cum iis, quæ paulo ante præcedunt, consentanea sint, in magistratum creatione illa comitia teneri necessario intelligendum esse. Et illud ergo necesse est, cum dicit curiata auspicioꝝ causa remansisse, hoc velle Cic. in mandandis magistratibus (quia id est de quo agitur) curiata comitia remansisse. Illud ergo ex hoc Cic. loco fatendum est adumbrata illa per 30. lictores comitia, quæ in locum iustorum comitiorum curiatorum successerant, in magistratibus creandis adhuc illa ætate locum habuisse: idque propter auspicioꝝ religionem. Nam si plane sublata essent curiata in mandandis magistratibus comitia, falsum esset, quod dicit Cicero, saltem auspicioꝝ causa remansisse. Et, ut admittam Sigonii de binis comitiis interpretationem, quam adfert ad illa, quæ paulo ante præcedunt, verba, eaque ita legam, quemadmodum ipse legit: *Nam centuriata lex coll. ferebatur, cum curiata certis patriciis magistratibus: tum iterum de iisdem judicabatur.* Nempe, ut velit Cicero, consules binis centuriatis olim fuisse creatos: peripicuum est, saltem in quætoribus creandis curiata comitia oportuisse remanere. Quid enim illud tantum auspicioꝝ causa remansisse aliud significat, quam quibus in magistratibus olim iusti populi comitiis usurpabantur, in iisdem illis umbram quandam illorum comitiorum propter auspicia esse retentam? Atqui te auctore, Sigoni, quætoribus bina comitia olim data sunt, atque eam tu Ciceronis sententiam in illis verbis esse affirmas: adumbrata igitur illa per triginta lictores comitia, in quætoribus creandis remansisse fateare necesse est. At, si propter auspicioꝝ religionem in quætoribus locum habuerint, an non pari ratione, non modo probabile, sed propemodum necessarium est, cæteris minoribus populi magistratibus mandandis ea adhibita fuisse? Hos locos si attentius considerare voluisset Sigonius, necum profecto sensisset, Messalæ illa verba: *Minoribus creandis magistratibus, tributis comitiis magistratus, sed iustius curiata datur lege:* non aliam habere sententiam, quam quæ a me jam dudum in libris meis de comitiis allata est; ac nuper in eo libello, quo ad ejus reprehensiones respondi, confirmata: neque ad eludenda mea argumenta tam ineptam & parum convenientem, ne dicam ridiculam, interpretationem horum Messalæ verborum induxisset. Sic enim scribit Sigonius: Messalam, non quod suo tempore fieret, sed quod aliquando factitatum esset, nec præsentem suæ ætatis morem, sed vetustum jus ipsum comitiorum spectasse. Ex quibus apparet, Messalæ verbis hunc sensum a Sigonio tribui, minoribus magistratibus, nunc quidem tributis comitiis magistratus datur, sed iustius olim curiata lege dabatur, cum curiatis comitiis illi magistratus creabantur. Ego te, Sigoni, hoc primum rogo, quem tu grammaticum eam interpretationem laturum putas, ut verbum præsentis temporis ad præteritum transferatur, & datur, quod dixit Messala, tu dabatur interpretaris? datur lege curiata magistratus, id est, dabatur. Deinde, quos tu novi hujus generis interpretandi auctores habeas, ut cum aliquis scriptor uno communi verbo usus est, quod ad duo membra pertineat, ad unum tamen membrum præsens tempus significare dicatur, ad alterum vero præteritum? Messalæ hic uno verbo (datur) usus est: quod communiter ad utrumque id, de quo loquitur, refertur, perinde ac si repetito bis verbo diceret, magistratus tributis comitiis datur, sed iustius curiata lege datur:

fic tamen tu interpretaris, ut in illo priore membro præsens tempus significet, in posteriore præteritum. Postremo, cui verba Messalæ accuratius spectanti persuadere te posse existimes, si id, quod tu, dicere voluisset, eo modo fuisse loquuturum, quo loquutus est? ac non potius geminato ad duo tempora significanda verbo hoc modo? Minoribus magistratibus tributis comitiis magistratus datur: sed iustius olim curiata lege dabatur: præsertim cum lege curiata magistratum dari tot jam (ut tu existimas) seculis in usu esse desisset: & primis tantum illis reip. temporibus usurpatum. Nunc vero, cum verbum datur ad utrumque pertineat, id plane cum sensisse dicendum est, quod verbis elocutus est, minoribus magistratibus tributis comitiis magistratus datur, sed iustius curiata lege datur.

C A P. XLIX.

Et triumviros lege curiata fuisse ornatos, nullo loco scriptis.

HÆC tua sunt verba, Sigoni, ex libro 2. de antiquo jure Italiæ cap. 2. ubi tu accuratissime de coloniis disputas: *Creabantur autem comitiis tributis omnibus tribus advocatis. Quare Rullo vitio vertit Cicero, quod decemviros suos per septemdecim tribus sorte eductas crearet. Atque his quidem comitiis magistratus tantum, id est, potestatem ac jurisdictionem accipiebant: imperium vero, id est, belli gerendi facultatem curiatis. Quod enim imperio ornari soliti fuerint, docet Livius, cum ad deducendos in agrum Thurinum colonos, triumviros, quibus in triennium imperium esset, creatos prodit. Curiatibus autem comitiis eos fuisse affectos, cum vetus mandandi imperii consuetudo, tum Rullus ipse sua lege ostendit, cum decemviros suos agrarios per septemdecim tribus creatos curiata lege de imperio lata decoravit. Imperio autem opus fuit, quod sub vexillo colonos tamquam exercitum deducerent. Unde tibi tanta inconstantia, Sigoni? Quid tibi in mentem venit, cur sententiam nunc mutares? At ego profecto tibi auctor sum, de imperio quidem quod dicis, ut sententiam mutes: de lege curiata, quod scribis, in eo ut constantissime perferes. Quod enim his agrariis magistratibus imperium militare tribuis, in eo falleris: atque in eum te errorem induxit inveterata illa de significatione verbi imperii opinio: qua, ubicumque nomen imperii occurrit, statim de rei bellicæ potestate cogitas: ob idque apud Livium interpretaris, in triennium obtinere imperium, id est, belli gerendi facultatem. At triennium imperium obtinere idem valet (quemadmodum ego supra ex eodem Livio docui) quod triennium magistratum obtinere: fuisse autem iis legem curiatam necessariam, ipsa tibi auspiciorum ratio persuadere debuit. Cum enim (ut etiam recte doces ac probas) in coloniis deducendis omnia fuerint auspiciato peragenda, atque adeo pullariis in hoc negotio haud secus adhibitis, quam quomodo in actionibus bellicis ab imperatoribus eos adhibitos legimus: ex eo necessario efficitur, hanc auspiciandi primariam, ac maxime solennem potestatem, a populo fuisse accipiendam: quam certe tributis plebis comitiis accipere non potuerunt. Relinquitur ergo, ut curiatibus acceperint: siquidem hic de centuriatis aliquid cogitare omnino est alienum.*

C A P. L.

Aliud: cum Rullus, inquit, ornavit decemviros lege curiata, ornavit eos magistratu: ergo curiata legis imperium in ipso inclusum est magistratu.

Hic rursum aut non assequitur vim argumenti mei Sigonius, aut veteratorie dissimulat. Meum erat hoc argumentum. Ex nulla re melius in-

Atellegi potest, quid lege curiata ferretur, quam ex ipsa formula legis curiatæ: omninoque necesse est, de ea re fuisse legem curiatam, quæ ipsa legis percriptione contineretur. Atqui legis curiatæ, qua suos decemviros ornabat Rullus, ea fuisse formula a Cicerone scribitur, ut ii decemviratum haberent, quos plebs designasset. Horum autem verborum perscriptio non de accessione imperii militaris ad decemviratum, sed de ipso decemviratu, hanc legem fuisse indicat. Decemviratus vero torus fuit ipse magistratus; de ipso ergo toto magistratu, non de adventitia accessione, fuit lex curiata, quam Rullus ferri volebat. Atqui legis curiatæ, quæ fuit formula in his decemviris, eadem fuit in aliis magistratibus, qui lege curiata ornabantur. Quid enim causæ fingi potest, cur ejusdem legis percriptio alia atque alia esset, ac non, velut præscriptis verbis, in omnibus eadem permaneret? Relinquitur ergo, ad ipsum magistratus totum jus, solenni auspiciorum religione ornandum, legem curiatam potius pertinuisse, quam ad aliquod jus, quod extra magistratum esset obtinendum. Inter hanc rationem, & eam, quam nobis hic proponit Sigonius, multum interesse perspicuum est.

C A P. LI.

Hic ego. Cum Rullus ornavit lege curiata decemviros, non ornavit eos magistratu, sed imperio, id est, adventitia quadam habendi exercitus potestate.

DICAT hoc, quantum volet, Sigonius, certe Cicero aliud dicit: nempe legem curiatam fuisse a prætorie ferendam fuisse ex legis Serviliæ præscripto, ut ii decemviratum haberent, quos plebs designasset: ornari ergo decemviros lege curiata, fuit hoc, quod dicit Cicero de iis ferri a prætore, aut primo aut postremo: non quod dicit Sigonius, adventitia quadam exercitus habendi potestate ornari. Nam, si vel ante primam illam designationem a plebe, hoc ipsum imperium jam habituros fuisse eos docuero, id quoque conficere, non pertinuisse legem curiatam, quæ de his postea ferre jubebatur, ad dandum hoc imperium, quod adhuc non haberent. Attende ergo, Sigoni. Si legem suam pertulisset Rullus, jam ante decemviros designatos, omnis, quæ lege continebatur, potestas horum decemvirorum, jussu populi constituta ac confirmata, lege scienda fuisset. Cum ergo uno aut altero capite legis Serviliæ prætorium imperium cum iis omnibus ornamentis, quæ a Cicerone recitantur, decemviris daretur, necessario efficitur, ut decemviri, quicumque designati essent, ex eo, quod jam ante lex Servilia accepta fuisset, omnem haberent potestatem, quæ lege continebatur. At prætorium illud imperium, præsertim quod ad extramuranam provinciam pertineret, non fuit sine rei militaris potestate. Jam ergo ante designationem decemviri Rulliani populi jussu militare imperium habuissent. Quod vero ex Plutarcho adiit Sigonius, pertinet ad docendam immentiam illam potestatem extraordinariam, quam suis decemviris Rullus dare volebat: in qua potestas etiam conscribendi exercitus, si opus esset, inerat: in quo plane cum Cicerone congruit, cum eis sæpe summum imperium a Rullo iis datum scribit: verumtamen si Plutarchi verba ita interpretetur Sigonius, quasi velit hos decemviros decem exercituum imperatores fuisse, hoc profecto erit Plutarcho imponere, & a rei veritate longe lateque aberrare. Neque enim belli duces volebat creare Rullus, sed agrarios curatores: verum, cum imperii quadam majore vi, quam quæ hujus generis magistratibus dari solita esset: ita ut vi armata in munere suo fungendo, si qua opus esset, uti possent: eoque iis prætorii imperii ornamenta concedi volebat.

C A P. LII.

Si copius, ergo exercitus.

DEUS bone, quid audio ! copias illo Ciceronis loco significare exercitum, cum scribit : *Tanti confirmat opibus & copiis, ut invitis eripi nullo modo possit.* An tantis copiis significat tam magnis exercitibus ? hic scilicet immensus Xerxis exercitus nobis intelligendus est, cui nulla vi resisti posset. At ubi legionum in agrariis illis orationibus omnibus unquam sit mentio ? Quid ? cum ita scribit Cicero pro Cluentio : *Omnis testium copia, quæ futura est, a matre initio est adornanda, a matre nunc omnibus ejus opibus & copiis comparatur.* De exercitu scilicet, quem haberet mater Cluentii, intelligere oportet ? cum ad Att. ita scribit : *Moderatori resp. beata civium vita propolita est, ut opibus firma, copiis locuples, gloria ampla, virtute honesta sit.* Et de senectute. *Tibi propter opes & copias tolerabilis senectus videtur.* Et in officiis : *Id conducit ad facultates rerum atque copias, ad opes, ad potentiam.* His opinor, in locis omnibus Sigonius copias interpretabitur exercitus. Sane non minus ridiculum est in hoc agrarij loco ita copiarum nomen pro exercitu accipere, quam in illis omnibus aliisque innumeris, in quibus opes & copiae apud Latinos scriptores conjunguntur. Nisi forte magnos istos exercitus constituit in ducentis illis finitoribus ex equestri ordine, qui in annos singulos dabantur decemviris, ut corporis stipatores, ac potestatis ministri & satellites essent, ut paulo ante in cohorte prætorij belli duces agnoscebat.

C A P. LIII.

Qui enim fieri tandem potest, ut qui comitia centuriata habuerunt, vere imperium militare habuerint ; cum neque potestatem belli gerendis, neque exercitus habendi, sed populum in centurias divisum, quasi quandam exercitum convocandi.

CENTURIATORUM comitiorum habendorum potestas sine rei militaris potestate nec esse, nec intelligi potuit. Vexillo enim in arce posito, comitiorum causa exercitus edici qui potuit sine imperio militari ? At Livius lib. 9. dec. 4. in concione Sp. Posthumij Albinij cos. omnibus id comitiis centuriatis solemne fuisse docet. Deinde, quod Gellius lib. 15. cap. vigesimo septimo scribit, centuriatis comitiis omnibus exercitum imperari præsidij causa solitum, nonne aperte indicat, urbanos illos magistratus, quibus jus esset imperandi exercitus, præsidij causa, non fuisse sine imperio militari ? Quod enim præsidij causa fuisse scribitur, armatorum hominum hunc exercitum fuisse demonstrat. Quid ? hujus armati exercitus conscriptio factane est sine delectu ? sine sacramenti adactione ? denique sine rei militaris potestate ? his adde, quod Dion scribit libro trigesimo septimo idem hoc quod Gellius, comitiis centuriatis oportuisse in Janiculo armatorum hominum præsidium collocari, quod illic tantisper esset, dum peracta comitia essent ? Spectanda est etiam ratio, quam reddit Gellius ex Lælio Felice, cur centuriata comitia haberi intra pomerium nefas esset : nempe, quia exercitum extra urbem imperari oporteat, intra urbem imperari jus non sit. Rogo te, Sigoni, cujus fuit imperare exercitum, nisi ejus, qui militare imperium haberet ? Præterea verba Dionysij, quæ lib. 7. de centuriatis comitiis scribuntur, manifesto indicant, nisi ab eo, qui militare imperium haberet, hæc haberi comitia non potuisse. Verba ejus hæc sunt : *Εκκλησιῶν μὲν οἱ ὑπατοὶ πρὸς τοὺς ἑκαταρχαῖαν, ἡ δὲ πρότερον ἐπιτελέσαντες, ἃ νόμος αὐτοῖς ἐστὶ καὶ μέχρι τῆ καθ' ἡμῶν χρόνου.*

Aτινὰ δὲ αὐτῶν ἐστὶ γίνεται, συνήκει δὲ τὸ πλῆθος εἰς τὸ πρὸς τὸ πόλεως ἀρειον πεδίων ὑπὸ τοὺς λοχαγούς καὶ σημειοὺς τεταγμένον, ὥσπερ ἐν πολέμῳ : sub centurionibus ac signis, tamquam in bello, convenire centuriatis comitiis populum affirmat. Dic ergo, Sigoni, qui pro jure sui magistratus vocare sub centurionibus & signis populum potuit, militaris imperii expertus fuisse dici potest ? Postremo, auspiciorum militarum ratio, quæ in his comitiis observabatur, satis argumenti est, ut horum comitiorum habendorum potestatem in quodam militari imperio positam esse, credamus : capiendi tabernaculi auspicium quis non videt proprie militare fuisse ? perenne auspicium in amnibus transeundis Cicero de divinatione ostendit militare fuisse. At utroque genere auspiciorum usus fuisse magistratus ad habenda comitia facile doceri potest. De auspicio capiendi tabernaculi frequens est apud Ciceronem, & Livium & Valerium Maximum mentio : de perenni auspicio testis est Festus, cum ita scribit : *Perenne auspiciatur, qui amnem aut aquam, quæ ex sacro oritur, auspicio transit.* Sic magistratus in campum euntes, ut aliquid agerent, Petronium in Tiberim profluentem auspicio transibant, quod genus auspicii perenne vocabant. Quoniam ergo his argumentis convincimur, ut negare non possimus, eos magistratus, quibus centuriata comitia vocandi jus esset, non potuisse hoc jure uti, quin rem militarem attingerent : militarem autem rem attingere magistratui non licuit sine curiata lege, ut ex Ciceronis ac Livij verbis intelligitur : ex iis profecto necessario concluditur, curiata lege ornatos fuisse omnes magistratus, quibus centuriata comitia habendi jus esset : neque ulla sua cavillatione effugere potest Sigonius, quin ei sit concedenda hæc conclusio.

C A P. LIV.

DUt omitam, si vera illa, non adumbrata, species quædam exercitus esset, ne illud quidem imperium in urbe, ut inquit ille, futurum : cum comitia centuriata non in urbe sed in campo extra pomerium haberentur.

HÆ sunt argutiæ, indignæ Sigonio : hoc est, homine & literato & valde erudito. Quid ? magistratus comitia centuriata habiturus, in campo Martio accipiebat, ibidemque peractis comitiis deponere imperium ? Quid ? delectus & sacramenti adactio num intra pomerium, in Capitolio, aut in foro, fieri solebat ? hæc vero quis negat, propria militaris imperii fuisse ? Habito certe in urbe delectu sacramentoque dato, locus ad conveniendum exercitui armato extra pomerium edici debuit : sed in hoc tantum edicendi jure, non etiam in iis, quæ prius facta essent, imperium militare constitutere, tam est ab omni ratione alienum, quam si quis imperium militare non agnoscat nisi in hoste vincendo. Ego vero (quæ mea est de tua eruditione opinio) semper hæc a te cavillandi potius studio quodam scripta existimabo, quam quod ita plane sentires. Neque enim inducere animum possum, sedulo ista te serioque scripsisse.

C A P. LV.

Quid ? an vero censorum imperium verum fuit, cum populum quasi exercitum in campo lustrarent ? multo minus, &c.

NON satisfacit Sigonio mea ratio, quam in perfecta inductione colligenda de censoribus attuli ex lustris condendi ratione. Et tamen, ut non id quod volo, διαποδείξεως efficiat, ἐξ ἀποδείξεως tamen necessario concludit.

Ego enim eo accepto, quod tu de agrariis curatibus scripsisti, curiata lege ob id ordinandos fuisse hos magistratus, quia sub vexillo colonos deducerent, argumentatus sum, pariter ac multo etiam magis censores curiata lege fuisse ornandos: quandoquidem imperii militaris species multo magis in lustro condendo apparuit, quam in colonorum deductione. Sed quoniam tu mihi videris revocare illud, quod praeclaris literarum monumentis consignatum est, in libro abs te edito de antiquo jure Italiae, jam alia argumenta accipe. Primum, quod Varro de lingua Latina lib. 5. ubi de Inflicio vocando agit, scribit censoribus fuisse jus, in lustro condendo exercitum convocandi, & ad urbem sub vexillo ducendi. Deinde, quod centuriata comitia habendi censoribus jus fuisse ex eo Livii loco possum demonstrare, ubi lib. 9. dec. 1. ita loquentem inducit P. Sempronium tribunum plebis adversus Appium Claudium censorem: *Urbi eo lustro capta, quo de mortuo collega C. Julio, censor L. Papyrius censor, ne abiret magistratu, M. Cornelium Maluginensem collegam subrogavit*. Neque enim potuit Papyrius censor sibi collegam subrogare, nisi comitiis centuriatis. Quod vero juris habuit pro suo magistratu hic censor, pariter omnes censores habuerunt. Si ergo habendorum comitorum centuriatorum jus magistratus obtineret non potuit, qui lege curiata ornatus non fuisset, reliquum est, ut concedamus, censores lege curiata ornandos fuisse.

CAP. LVI.

Quas enim protulit auctoritates non magistratibus omnibus, sed tantum dictatoribus, consulibus, praetoribusque, quibus res militaris esset reip. causa tractanda, & provinciarum rectoribus, necessariam fuisse convincunt: qua de re inter nos convenit.

ROGO te, Sigoni, atque obtestor, ut in eo, quod hic dicis, perites: quando fateris meas rationes convincere, fuisse necessariam legem curiatam dictatoribus, consulibus ac praetoribus, quibus res militaris committeretur, atque omnibus provinciarum rectoribus. Nam & hoc pariter fateare necesse est, si rectores provinciarum etiam ii fuerint, qui plane privati in provincias missi interdum leguntur, fuisse etiam iis necessariam legem curiatam, ut P. Scipioni, cum in Hispaniam missus est, & iis, qui successores illi in eandem provinciam missi sunt, L. Lentulo & L. Manlio Acidino, & Gn. Pompeio, cum in Hispaniam adversus Sertorium missus est, & M. Catoni, cum in expeditionem Cypri est missus, & Gn. Pisoni, cum in Africam missus est; quod tu tamen paulo ante negabas: ut etiam Coss. non fuisse necessariam, ex Appii Coss. verbis in epistola ad Lentulum, ostendere conararis.

NICOLAI GRUCHII

AD POSTERIOREM

CAROLI SIGONII

disputationem, refutatio: De binis magistratuum comitiis.



VENIO jam ad disputationis Sigonii priorem partem: quae est de usu binorum comitiarum in magistratibus. In qua refutanda eadem ratione usus sum, qua in superiore: ut ad singulos locos numeris notatos meam refutationem accommodem. Sed priusquam id aggrediar, paucis mihi videtur subijcienda communis ratio, qua doceam meam de binis comitiis sententiam, ex iis, quae de curiata lege dicta sunt, ac multis argumentis confirmatam, plane stabiliri: Sigonii vero opinionem funditus everti. Quia enim ex veterum scriptorum Romanorum monumentis docuimus, magistratus, qui centuriatis comitiis aut tributis creati essent, lege praeterea curiata fuisse ornatos: in quo bina de singulis magistratibus comitia agnoscuntur: at quod unquam aut binis centuriatis, aut binis curiatis, ulli magistratus creati sint, nulla in omni historia extat memoria: ex eo manifeste apparet, meam sententiam certo antiquitatis testimonio esse obfirmatam: Sigonii contra opinionem nullo antiquitatis testimonio nixam, pro mero figmento habendam esse.

CAP. I.

Ab exactis nempe regibus usque ad imperium Caesaris, per annos prope quingentos, omnes magistra-

tus binis comitiis esse creatos, patricios quidem centuriatis, & curiatis, plebeios vero tributis & curiatis.

QUOD mihi numquam in mentem venit, mihi adscribit hoc loco Sigonius. Ego enim nunquam dixi, jam inde ab exactis regibus, omnes magistratus binis comitiis esse creatos: sed majores magistratus dixi, qui a populo quidem crearentur, jam inde ab exactis regibus lege curiata ita ornatos fuisse, ut postquam centuriatis creati essent, ad confirmandum illis quadam auspiciorum religionem magistratum, curiata etiam adhiberentur. Quod vero ad minores attinet, nunquam eos binis creatos comitiis existimaui, nisi postquam coeperunt tributis comitiis creari; idque propter eandem auspiciorum religionem. Postquam enim tribus latius patere coeperunt, quam curiae, propter municipia Italiae, colonias ac praefecturas, quae tribus adscripta erant, nec curiis continebantur: tum factum est, ut iustiora populi comitia haberentur, quae tribuum suffragio peragerentur, quam quae curiarum: ideoque ut magis ac magis populi beneficium magistratus esse censeretur, effectum est, ut tributis creari coeperint: sed quoniam inauspicata erant tributa comitia, ne plane intermissa aut neglecta auspiciorum religio in his magistratibus mandandis videretur, curiarum suffragio, ut post designationem ornarentur, ad speciem veteris moris ac religionis retinendam, constitutum erat. Haec mea sunt, Sigoni, longe ab iis diversa, quae tu mihi falso adscribis. Nam, de patriciorum magistratuum pro majoribus, & plebeiorum pro minoribus facta a me ulur-

usurpatione, paulo post, ut eam tibi probem, discipulo putabo.

C A P. II.

Primum, quia mirum mihi videtur, &c.

DIC mihi, Sigoni, an non fuit jure vocatis tribubus potestas rescindendi id, quod praerogativa jussisset? Cur ergo tibi mirum non videtur, nullam in rerum gestarum monumentis extare memoriam, ubi centuriatis comitiis reprehensa sit praerogativa sententia? Quin Cicero pro Muræna scribit, tantam comitiis centuriatis fuisse religionem, ut semper omen praerogativæ valuerit. Certe, si semper valuit omen praerogativæ, nunquam reprehensa est praerogativæ sententia. At, nisi aliquam extare memoriam reprehensæ praerogativæ a jurevocatis Sigonius videat, non credet reprehendendi potestatem jurevocatas habuisse. Quanquam in curiatis comitiis multo justior ratio reddi possit, cur nulla extet memoria reprehensorum priorum comitiorum a curiatis, quam in praerogativa: quia scilicet justa curiarum comitia jamdudum obsoleverant, ac pro his substitutus erat triginta liciorum conventus. At praerogativæ & jurevocatarum suffragium, quadringentorum minimum annorum spatio, observatum est. Desinat ergo mirari Sigonius, in curiata lege id exiguo tempore non accidisse, (quantum nos quidem ex historiarum lectione perspicere possumus) quod tam longo temporis spatio in praerogativa non legitur usulvenisse.

C A P. III.

Deinde, quia si patricii magistratus omnes, ut ille censet, lecti essent centuriatis, & omnes plebeiis tribuitis, &c.

FALLAX & captiosa est Sigonii conclusiuncula ex vocabuli ambiguitate. Patricii enim magistratus pro majoribus a me accipiuntur, idque me posse facere auditoribus gravissimis postea docebo. Sigonius ita argumentatur; quasi patriciorum nomine omnes comprehenderim magistratus, qui patriciis patuerunt: itaque Callipides multum sese movet, sed nihil promovet.

C A P. IV.

Presertim vero cum patricii magistratus omnium confessione fuerint, qui prius patriciis patuerunt; plebeiis vero, qui tantum plebi.

NE omnium confessione sibi persuadeat Sigonius, patricos magistratus eo modo semper sumi, ut omnes complectantur, in quibus patriciis locus fuit, docebo ex Cicerone, patricos magistratus interdum eos modo significare, qui majores magistratus essent. Cum apud Cic. scribitur in orat. pro domo: *Auspiciaque populi Romani, si magistratus patricii creati non sunt, intendant necesse est.* Et in 4. ad M. Brutum epistola: *Dum erit unus patricius magistratus, auspicia ad patres redire non possunt.* Illis, inquam, Ciceronis in locis concesso, necessario patricos magistratus pro majoribus tantum magistratibus esse accipiendos: idque ita doceo. Si patriciorum nomine etiam minores illi magistratus, qui hominibus patriciis patuerunt, illis in locis comprehenderentur, quamdiu vel quaestores tantum in rep. fuissent, non potuissent res ad interregnum redire. Atqui ex historiarum observatione ad

interregnum sæpe res dicitur rediisse, cum majores nulli essent magistratus, tamen essent quaestores, aliqui minores magistratus: patriciorum ergo magistratuum nomen ad majores magistratus tantum pertinuit; cum ita Romani loquebantur, non posse rem ad interregnum redire, quamdiu sic ullus in Rep. patricius magistratus. Livius lib. 3. mortuis Coss. P. Servilio & L. Ebutio scribit, rem ad interregnum rediisse. At tum in rep. quaestores fuisset, ne Sigonius quidem negare audeat.

Erat tum annus ab urbe cond. CCXC. Et lib. 4. Cum annus trecentessimus decimus ageretur, tribuni militares consulari potestate creati sunt: lique tertio, quam inierant, mense augurum decreto perinde ac vitio creati honore abiere, tumque res ad interregnum rediisse dicitur. Quis tum Romæ quaestores fuisse nescit? at quamdiu unus erat patricius magistratus, ad patres auspicia redire non poterunt. Non fuit ergo quaestura patricius magistratus, ea significatione, qua accipi debet, cum dicitur, non potuisse auspicia ad patres redire, quamdiu ullus esset patricius magistratus: aut cum apud Livium alio loco ejusdem lib. scribitur, *Remp. sine patricio magistratu esse, quia sine curuli magistratu esset: qui curulis magistratus nondum eo tempore nisi in majoribus magistratibus locum habuerat.* Et lib. 5. *Consulibus morbo implicitis placuit Senatui, ut Coss. magistratu se abdicarent, itaque per interregnum renovarentur auspicia.* Atqui jam tum quatuor Romæ quaestores fuisse ex iis, quæ Livius lib. 3. scripserat de duplicando quaestorum numero, facile intelligi potest. Hi loci aperte ostendunt, quaestores caterosque minores magistratus non fuisse impedimento, quo minus res ad interregnum rediret. Ex quo consequens est, cum dicimus, quamdiu sunt in rep. patricii magistratus, non posse rem ad interregnum redire, minores illos magistratus in numero patriciorum magistratuum non posse intelligi. Unde necessario efficitur, a Latinis scriptoribus patricos magistratus interdum pro majoribus magistratibus acceptos fuisse. Et plebeios ergo, qui illis patriciis opponerentur, pro minoribus omnibus magistratibus interdum sumptos fuisse, perspicuum est.

Ergo a Sigonio mihi obijciuntur de nova antiqui verbi significatione, a me nulla prisca auctoritate fulto usurpata, ejus negligentiam, ne dicam ignorationem coarguunt; meum peccatum nullum reprehendunt. Nam, quæ de homine acutissimo amico suo, qui omnia corrigendæ antiquitatis adimenta collegit, hic inferuit, ut ad rem nihil plane faciunt; tamen, quoniam Robortellum hominem literatissimum significari existimo, a quo ipse non modo acriter, sed sæpe contumeliose est multis in locis reprehensus, hominis bonitatem animique moderationem atque æquitatem libenter agnovi: quo magis spero, erga me longe placabiliorum futurum, a quo ne verbo quidem ullo graviore unquam læsus est: nisi se lædi putat, cum ejus non probatur sententia.

C A P. V.

F Neque vero illud negligendum esse opinor, si curiata comitia centuriatis attexerentur ita, ut eorum sententiam ac judicium infirmarent, &c.

QUO tempore curiatis comitiis populus suffragium dicebat, ac non adumbrata illa per triginta lictores comicia pro veris illis comitiis substituta erant, Pop. Romanum universon perinde comprehenderunt curiæ atque classes aut tribus. Unde apparet, non minus populi judicium fuisse, cum curiatim suffragium dixerat, quam si aut centuriatim aut tributim convenisset: ut omit-

am, quod ne imperium quidem militare dictatores aut consules a populo obtinuisse, ista Sigonii ratione dici posset. Atqui omnes magistratus & urbanos & militares, a populo datos fuisse, & Dionysius & Polybius scribunt: & omnis testatur historia. Ut ergo hos accepisse a populo imperium, cum curiata lege acceperunt, Sigonius fatetur, ita iudicium populi hac in re agnoscere debuit, cum comitiis curiatis de jam designato a se magistratu, velut dicis causa iudicabat.

CAP. VI.

Atqui triginta curie in palatio, aut certe in urbe, tantum fuerunt: quomodo igitur qui praecedentibus temporibus agrum Romanum? qui municipia?

SIGONIUS recte docuit in tertio cap. primi libri de antiquo jure Romanorum, triplicem fuisse curiarum significationem: ut locum, jus, & cœrum curialium significant: cum locus significatur, id verum est, quod dicit, triginta curias aut in palatio, aut in urbe tantum fuisse. Cum vero civium Romanorum cœtus significatur, falsum est, urbis tantum, non etiam agri Romani, habitatores curiis fuisse comprehensos: idque quia antiquitatis observator diligentissimus Sigonius nesciit, sic habeto. Dionysius lib. 4. de Tullii regis designatione loquens scribit: Προείπεν ἡμῖν ἀρχαῖοις, εἰς ἣν ἐκέλευσε καὶ πρὸς τῶν ἀγρῶν ἀπώτατος παρεῖναι, συνελθόντος δὲ τοῦ δήμου καὶ πᾶς φράτρας εἰδὶς καὶ μίαν πᾶς φύλιν. Hic ne locus satis aperte demonstrat, eos qui in agro Romano habitabant, curiarum divisione fuisse comprehensos, & curiatis comitiis suffragium dixisse? Et cum exacti sunt reges, undique ex agro Romano convenisse docet idem Dionysius, ferendis illis curiatis legibus, quas Brutus adversus reges ferebat, ac de tota Reipublicæ constitutione. Certe municipia, colonia, praefectura, quæ postea augescente civitate cives etiam Romanos complectebantur, ut neque urbem neque agrum Romanum incolebant, ita curiis non comprehendebantur; sed tribubus tantum, atque classibus: eamque ego docui causam fuisse, cur procedentibus curiatorum comitiorum usus sit prope totus intermissus; nisi quod propter auspicioium religionem adumbrata quædam illorum species retenta est: praesertim in magistratibus mandandis, quos alii creare iustis comitiis, centuriatis aut tributis, institutum erat: in aliis vero rebus, quæ urbis aut agri Romani habitatorum jus proprie respiciebant, ut in arrogationibus, Curionum Flaminumque inauguratione, ad ultima usque Reipub. tempora, populi curiatim convocati retenta esse suffragia existimo.

CAP. VII.

Num vero illud etiam vanum atque inane putabimus, quod si ita esset, efficeretur, ut quod alii scrivisent, alii reprehenderent?

FACILIS est ex superioribus responsio; quia enim primis illis temporibus omnes cives curiæ comprehenderent, haud secus quam classium centuriæ, nullus Sigonianæ objectioni locus relinquitur, verum, hoc silentio præterire non possum: quod mihi egregia Sigonii doctrina indignum plane videtur: cum enim Livius lib. 2. loquens de ea rogatione, quam Volero tribunus plebis promulgaverat, ut non amplius curiatis comitiis plebei magistratus sed tributis fierent, ita scribat: *Haud parva res sub titulo prima specie minime atroci ferebatur, sed quæ patriciis omnem potestatem per clientum suffragia cre-*

Alandi, quos vellent, tribunos, auferret: ex quibus verbis vim suffragiorum penes patricos fuisse in curiatis comitiis intelligitur: quomodo adversus Livii sententiam in tenuissimorum hominum potestate hæc comitia fuisse describere audeat? profecto, verum est, in patriciorum maxime potestate hæc comitia fuisse, non modo per suos clientes, ut scribit Livius, sed etiam ratione auspicioium: siquidem auctores horum comitiorum patricos esse oportuit; teste eodem Livio & Cic. pro domo.

CAP. VIII.

Age vero quam verisimile illud videtur, qui consul propter excellentem, &c.

ANDABATARUM more pugnat Sigonius: suum ipse commentum, ac non meum ullum dictum oppugnat. Neque enim ullo unquam loco dixi, nec mihi unquam in mentem venit, adumbrata per triginta lictores comitia liberam habuisse suffragandi potestatem: ut possent id quod rogabantur, pro suo arbitrio jubere, aut non jubere. Sed, ut tantum dicis causa adhibebantur, ita nulla hic suffragiorum libertas est agnoscenda. At, cum adhuc comitia illa inibat populus, ego cum Cicerone affirmo, reprehendendi potestatem fuisse, si populum beneficii sui pœniteret. Nam, ut ad imperii militaris jus legem curiatam, quæ consulibus olim ferebatur, tantum pertinuisse cum Sigonio dicamus; attamen vel populum libertate suffragiorum privatum fuisse, contra omnem juris populi cognitionem dicat, oportet, vel potuisse rogatione antiquanda ei non dare imperium, qui propter excellentem etiam virtutem cos. creatus, ad illud imperium obtinendum destinatus erat. Si ergo in hac suffragiorum libertate aliquid fuit incommodi, non potest effugere Sigonius, quin eadem in incommoda sit illi incurrendum, quæ mihi objicit.

CAP. IX.

Quæro præterea, si curiæ centuriarum decretum tollere, &c.

FACILE hoc argumentum dissolvit, qui ex falsa hypothese natum esse conspiciet. Nam, triginta curiarum lictores centuriarum sententiam potuisse reprehendere, quasi a me concessum accipit: quod verum non est.

CAP. X.

Nam, si consules æque curiatis creabantur atque centuriatis, cur hæc ille jura distinxit & separavit?

EX mea responsione, quam ad ejus reprehensiones scripseram, potuit intelligere Sigonius causam, cur hæc jura distinxit Camillus, non fuisse eam, quam adfert: sed eam, quæ a me posita est: nempe quia latius patebant curiata comitia, quam centuriata: ut quæ dictatoribus creandis necessaria essent: cum centuriatis nullis comitiis, sed sola consulis dictione designati essent. Hactenus ergo verum fuit, curiata comitia rem militarem continere, quatenus nullus magistratus rem militarem attingere potuit sine lege curiata: in quo summa horum comitiorum necessitas in Rep. Romana a Camillo demonstratur: sed quod unis comitiis magistratum acciperent, aliis imperium, hoc vero nec dixit Camillus, nec de ea re unquam cogitavit Livius.

Gruchius enim inquit, Rullum decemviros suos lege curiata ornasse, quia more majorum erat institutum.

HIC se acriter pungere me putat Sigonius, in eo-
que valde exultat: sed, ut suo gaudio modum
faciat, quid ad hæc dicturus sum, attendat.
Primum dico communem legis curiatae causam,
quæ in Ciceronis 2. agraria attingitur, cum eam au-
spiciorum causa remanuisse scribit, eam ipsam Rul-
lo etiam causam fuisse, cur suis creandis decemvi-
ris adhiberetur: nempe, ut auspicato creati a popu-
lo, auspicia ad gerendum suum magistratum neces-
saria haberent: quod auspiciorum jus ipse, ne si
integrus quidem tributis comitiis eos creasset, eis
plebis concilio designandis, dare non potuisset.
Nam, si auspiciorum religio legis curiatae retinendæ
communis causa fuit, ut Cicero docet: cui dubium
esse potest, Rullo hujus causæ habendam rationem
fuisse? Deinde hoc addo, perperam a Sigonio verba
Ciceronis accipi, quasi serio dicta essent, cum
per ironiam ab eo dicta esse minimo negotio doceri
possit: *Sed videte hominis religionem & diligentiam.*
vidit & perspexit sine curiata lege decemviros habere
potestatem non posse: quoniam per novem tribus esse
constituti. Religionem & diligentiam cum tri-
buit Rullo, serione, an iocose loquitur? Cum er-
go, quæ continuo subjicit, verba, propositam hanc
ironiam exponant, cui recte interpretanti dubium
esse potest, quin *si quisque* quoque accipienda sint?
inducit ergo Cicero quali consistentem Rullum, &
suam culpam agnoscentem, in eo, quod novem
tantum tribus adhibuerat: sed ut id peccatum suum
corrigat, eo scilicet curiatae legem induxisse. At
Cicero ita eum oppugnat, ut doceat, eum non id,
in quo peccaverat, emendare: sed altero vitio vi-
tium cumulasse: quandoquidem ita legem curiatae
ferri jubebat, ut tamen alio capite illam ipsam le-
gem curiatae tolleret: cum eodem jure esse, si fer-
ri lex curiata non posset, suos decemviros volebat,
ac si lata fuisset. Hic est totius illius loci germanus
sensus, Sigoni: vidit & perspexit sine lege curiata
decemviros habere potestatem non posse, quoniam
per novem tribus essent constituti: id est, Rullus
pro ea, qua præditus est, religione, jam peccasse
se agnoscit in eo quod novem tantum tribus adhi-
buit; verum pro sua diligenia scilicet, id per legem
curiatae emendabit: itaque jubet ferri de his legem
curiatae, qua refarciat, si quid offenderit in priore
designatione. Quod vero per jocum hæc Rullo at-
tribuat Cicero, non autem, quod hic revera sensus
esset Rulli, ex eo intelligi potest, quod haud dubie
Rullus nullum hic suum peccatum agnoscebat: quan-
doquidem suos decemviros perinde populi suffragiis
creabat, sicuti collegiorum sacerdotes creari solebant:
neque revera censebat Rullus suos decemviros pri-
mis illis tributis comitiis nullam potestatem accepisse:
sed, quam illis acceperant, lege curiata pro more
confirmari volebat, siquidem obtinere posset, ut
lex ferretur: sin minus obtinere id posset, ut primis
eos comitiis creasse satis esset, contendeat: tantum
abeat, ut nullam potestatem primis illis comitiis eos
accepisse agnoscat. Postremo, iniquum esse repre-
hensorem Sigonium confirmo. Ut enim non sint
per *si quisque* dicta hæc, quæ ex Cicerone citat Si-
gonius, sed reapse hæc fuerit Rullo causam ferendæ
legis curiatae; an propterea efficitur, eam fuisse so-
lam causam hujus legis ferendæ? propria hæc fue-
rit Rullo quædam causa, cur decemviros lege cu-
riata ornari veller: quia non per universam plebem
eos designasset: ideoque nullæ aliæ communes causæ,
cur id ei faciendum esset, potuerunt esse? Quis est
in ratione differendi tam rudis, ut non videat, ex
eo, quod aliquid causa sit, non effici, ut id solum
causa sit?

Ex quibus, quis est tam hebes, qui non intelligat, &c.

NON sunt hebetes, qui hoc non intelligunt,
quod dicis, Sigoni: sed tu nimium acutus,
qui id vides, quod nusquam est. Fuit qui-
dem decemvirorum magistratus, ut omnium agrari-
orum, extraordinarius: multaque suis decemviris
ornamenta Rullus tribuebat præter ordinem, id est,
extra quam aliis agrariis dari solitum esset, at ex
hac parte, qua eos lege curiata ornabat, nihil ex-
tra ordinem fecit: ut vel ex eo intelligi potest, quod
ei nunquam id objicit Cicero, cum caput legis Ser-
viliæ de lege curiata oppugnat: quo profecto nul-
lum gravius argumentum habere potuit: si id ob-
jicisset Cicero, cum toties agrarii magistratus creati
Romæ essent, nunquam factum esse, ut lege curia-
ta ornarentur, sicuti novo & inaudito more, suos
decemviros ornari volebat Rullus. Neque enim re-
prehendit Cicero, quod lege curiata eos ornabat,
sed quod, cum nullis iustis comitiis designari essent,
hac lege eos ornabat.

Jam hoc inauditum & plane novo more, ut curiata lege magistratus datur, cui nullis comitiis ante sit datus.

HIC ego omnes dialecticos appello, nunquid
semper sit necessaria conclusio in privantiis:
qua si vere enuncietur de aliquo privato:
concluditur de illius opposito, habitum oppositum
vere enunciari: exempli causa: Si non parere le-
gibus iniustum est: legibus ergo parere iustum: &
contra. Si nullis legibus Remp. regere est inaudi-
tum, ergo legibus quibusdam Rempub. regere est
audium, & contra. Si non creari in campo Mar-
tio magistratus novum est, eos ergo in campo Mar-
tio creari vetus est. Si nullis iactis fundamentis ædifi-
care est absonum; iactis ergo fundamentis ædifica-
re consentaneum est. Cum ergo *usitatum & inusi-
tatum* contraria sint ex genere privantium, idem
hoc concludendi genus hic valere necesse est. Si
igitur verum est, *dari magistratum lege curiata ei,*
qui nullis ante comitiis sit designatus, esse inusita-
tum; id quoque verum sit, necesse est, *dari magi-
stratum lege curiata ei, qui iustis quibusdam comi-
tiis ante sit designatus*, esse usitatum. Neque vero
ex hac tantum privantium consecutione conclusio-
nis meæ necessitas demonstrari potest: sed etiam ex
pronunciatorum reciprocatione. Ac primum ex
verbis Ciceronis omnes hæc enunciationes veræ sunt:
Moribus Romanis nulli non designato iustis quibusdam
comitiis lege curiata magistratus datur. Ex: *Cuius-
que datur magistratus lege curiata, eum oportet qui-
busdam iustis comitiis ante designatum esse.* Ex: *Soli*
designato iustis quibusdam comitiis moribus Romanis
datur magistratus lege curiata. Hæc, inquam, tria
essata vera sunt, si verum est, quod scribit Cicero,
quod profecto in magistratibus, qui populi suffragio
mandabantur, accipiendum est, ne quis de dictato-
re, magistro equitum, & interrege adversus Cice-
ro-
nem infurgat, & ut non verum esse doceat, quod
scribit, novum & inauditum esse lege curiata alicui
magistratum dari, qui nullis ante comitiis datus sit.
Cum enim de iis agat magistratibus Cicero, qui be-
neficio populi mandantur, id erit sophistice ejus ver-
ba captare, si in aliud genus magistratum transfe-
atur, ut in eo mendacii coarguatur. Sit ergo hoc con-
stitutum, in iis quidem magistratibus, qui toti erant
populi suffragiis commissi, novum atque inauditum
fuisse, ut lege curiata magistratum quis acciperet,
qui non ante iustis comitiis accepisset. Ex eo ef-

fitur, tria illa, quæ modo dixi, effata vera esse. At si verum est, soli designato iustis quibusdam comitiis usitato more dari magistratum lege curiata: consequens est, ut converlo verborum ordine vera quoque sit de toto genere affirmatio: *Cuiusque usitato more datur magistratus lege curiata, eum iustis quibusdam comitiis designatum fuisse*. Nam, si verum est, solum hominem ridere, verum quoque est, omnem ridentem esse hominem: eodemque modo in huius generis omnibus, semper exclusivam sequitur converlo verborum ordine universalis affirmatio: jam vero universalis affirmatio in partem recipitur: si ergo verum est, omnem ridentem esse hominem: & id quoque verum esse oportet, aliquem hominem ridere. Quod si nullus homo rideret, aut nihil plane esset quod rideret, tres illæ enunciationes veræ non essent: *Solus homo ridet, Omnis ridens homo est, Aliquis homo ridet*. Quoniam igitur eandem esse rationem omnium huius generis pronuntiatorum necesse est, illud quoque relinquatur, si nulli unquam magistratus lege curiata datus est, aut, si verum sit, nulli iustis comitiis ante designato lege curiata magistratum dari: tria illa pronunciata mentiri: *Soli designato iustis comitiis datur magistratus lege curiata*. Cuiusque datur magistratus lege curiata, iustis comitiis ante fuit designatus: *Aliqui iustis comitiis ante designato datur magistratus lege curiata*. Atqui illa tria sunt Ciceronis. Vera ergo cenienda. Hæc vero Sigonii sunt, nulli iustis comitiis ante designato dari magistratum lege curiata: imo lege curiata magistratum nunquam dari. Falsa ergo existimanda. Age vero, Sigonii conclusunculam, quam meæ opponit, quamque propter subtilitatem subdubitare videtur ne a me persipici non possit, excutiamus, & nos, quæ tandem ista sit tanta subtilitas, eruamus. *Quis est, inquit, in discernendi ratione tam rudis, qui non sentiat, si inusitatum sit, ut magistratus lege curiata privato detur, non magis consequi usitatum esse, uti magistratus lege curiata magistratui detur, quam uti magistratus privato lege curiata non detur?* Hic sunt quatuor contraria, Sigoni; usitatum, inusitatum, privatum, magistratus. Oportet ergo, siquidem subtilis tua dialectica cum rudi nostra eadem est, ex hac propositione, *Privato magistratum dari lege curiata inusitatum est*, hanc necessario consequi, *magistratui dari curiata lege magistratum usitatum est*. Quoniam autem magistratus est non privatus, hæc infiniti nominis affirmatio simul consequatur necesse est, *Non privato dari magistratum lege curiata usitatum est*. Et rursum, quoniam ex affirmatione nominis infiniti semper negatio simplex consequitur, vera sit hæc quoque negatio necesse est, *magistratum privato lege curiata non dari usitatum est*. Quæ subtili sua dialectica negat Sigonius inter se esse consequentia, ea summus rationis discernendi magister Aristoteles eo, quo dixi, modo inter se consequi affirmat. Videndum igitur est Sigonio, ne, dum subtilis videri vult, futilis appareat.

C A P. XIV.

Postea veniat, queso, illud quoque in mentem, lege curiata decemviros ornare, non esse, magistratu officere; verum aliquot eis ornamenta adungere. Quod ostendit ipse, cum inquit: Videte nunc eos, qui a vobis nihil potestatis acceperint, quanto maioribus ornamentis, & cætera.

VERBA, quæ proxime apud Ciceronem antecedunt, aperte docent, hanc legem curiatam ad ipsius magistratus constitutionem pertinuisse: *Sint igitur decemviri neque veris comitiis, hoc est, populi suffragiis, neque illis ad speciem atque ad usurpationem vetustatis per triginta lictores auspiorum causa adumbratis constituti*. Hæc transitio,

quæ sit per epilogum eorum; quæ ante disputaverat, nonne aperte ostendit, quæ hæcenus dixerat, ad constitutionem & creationem decemvirorum pertinuisse? cum ergo subiecit de eorum ornamentis nunc se velle dicere, in his verbis, *Videte nunc, quanto maioribus ornamentis afficiat, in iis ornamentis non contineri legem curiatam necesse est*. Jam enim erat absoluta omnis de lege curiata disputatio. Male ergo ex hoc Ciceronis loco Sigonius, non ad magistratus creationem, sed ad extraordinarium ornamentum, legem curiatam pertinuisse, colligit. Quid quod magnam prodit suam inconstantiam? Paulo enim ante ex illis Ciceronis verbis, *Vidit ac perspexit eos potestatem habere non posse, quoniam per novem tribus essent constituti, probare conabatur causam legis curiatae ferendæ Rullo fuisse, ut potestatem haberent decemviri, quam per novem tribus habere non potuissent: quod erat aliud nihil, quam decemviros ipsos facere, atque adeo eis magistratum dare*. Nunc, mutata repente sententia, ostendere conatur, ad magistratus constitutionem nihil pertinuisse legem curiatam: sed in adiunctis præter magistratum ornamentis esse reponendam. At verbum ornandi Cicero usus est, cum dixit: *Primum lege curiata decemviros ornat*. Elto: verum, quid significaret illud ornare decemviros lege curiata, imple interpretatus est: nempe, ut significet, magistratum eis dare lege curiata, potestatem eis lege curiata confirmare, lege curiata decemviros constituere. Quid ergo opus est, Sigoni, aliam interpretationem fingere, quando ipsum Ciceronem suæ sententiae interpretem habes? Sit ergo constitutum, priora Rulli comitia ad decemvirorum designationem pertinuisse, posteriora, quæ in lege curiata de eis ferenda posita erant, ad confirmationem ac veluti inaugurationem spectasse: ita ut tota hæc binorum comitiorum ratio, ipso Cicerone auctore, in constituendis decemviris posita esset: ut etiam verba ejus indicant, cum de utriusque Rulli comitiis ita loquitur: *Reges constituuntur, non decemviri, Quirites, iique ab his initiis fundamentisque nascuntur, ut non modo cum gerere cœperint, sed etiam cum constituantur, omne vestrum jus, potestas, libertasque tollatur*. Reliqua, quæ post exagitat, ornamenta magistratus sunt: in quibus reprehendendis, magis magnitudinem ornamentorum, quam ipsa ornamenta vitio vertit. Nam sumptum agrariis magistratibus ex ætario decernere ordinarium erat: sed immoderati, & prope immensi sumptus faciendi potestatem dare, ætariumque propemodum totum exhaurire, id vero erat extraordinarium, inusitatum ac minime ferendum; agros dividere, colonos deducere, proprium erat munus agrariorum magistratuum: at permittere, ut omnes, qui ubicunque sint, agri dividantur, ut quæcunque in loca vellent decemviri, colonos deducere possent, id erat plane extra ordinem. Sicut ergo in aliis omnibus provincialibus magistratibus lex curiata præter ornamenta erat, ita ut illa lex magis jus populi in magistratu dando respiceret, ornamenta ad S. C. de ornandis provinciis referrentur: sic sane in decemviris Rullianis lex curiata præter ea, quæ proprie magistratus ornamenta dicerentur, fuisse iudicanda est. Ex iis perspicuum est, omnia, quæ hic Sigonius adfert de magistratu, & ornamento magistratus, non modo vana atque inania esse, sed a Ciceronis sensu plane aliena.

C A P. XV.

Quod ni ita sit, falsa hæc propositio erit: Inusitatum est uti magistratus lege curiata detur, cui nulli ante comitiis sit datus: quia dictator, magister equitum.

PAULO ante dixi, non esse veteratorie verba captanda, sed, pro re subiecta, esse omnium semper scriptorum verba intelligenda. Itaque,

quoniam de magistratibus, qui populi beneficia essent, a Cicerone agi manifestum est, in iis verba ejus sunt intelligenda, non ad dictatorem ceterosque magistratus, qui raro admodum in usu tum erant, producenda.

C A P. XVI.

At tributorum, inquit, mentio librarium culpa in prioribus verbis desideratur.

ANIMI ingenuitatem in Sigonio hic ego requiro. Quod enim me dixi suspicari, id, quasi asseveranter dixerim ita, reprehendit. Quam enim attentius in verba Ciceronis intuens, necessario comperissem, faciendam ei fuisse tributorum comitorum mentionem in propositione, quandoquidem in assumptione eorum facta mentio inveniretur; causamque hujus omissionis, quæ locum plane corruptum coargueret, investigarem: meam dixi hanc esse conjecturam, hunc locum, ut multa alia, ab imperito librario fuisse corruptum, quod tributum legem non posse Latine dici existimaret: ideoque ad suum sensum ita inverissem ac perturbasse totum locum, ut legis centuriatæ & curiatæ tantum mentio fieret: tributa lex, quasi barbarum verbum, rejiceretur. Si in locis manifesto vitiatis suam conjecturam, ad eos restituendos, adferre omnibus licet, quid a me, Sigoni, peccatum est, ut in me tam acriter ac vehementer infurgas? At, vel dirumparis licet, ego tamen etiam atque etiam confirmo, quia necesse est, in ratione propositionis, a Cicerone centuriata & tributa comitia pro prioribus comitiis posita esse, curiata vero pro posterioribus, ad docendum, binis comitiis olim populum judicasse de omnibus magistratibus: (hæc enim sola binorum comitorum, de eodem magistratu habitorum, ratio reperitur apud Romanos in omni historia fuisse.) ideoque Ciceronis locum omnino ita legendum esse, ut a me legitur: *Nam centuriata lex COSS. ferebatur, & ceteris patriciis magistratibus; tributa plebeis: tum curiata iterum.* Aut vero, si displicet illud plebeis accipi pro minoribus magistratibus, legatur: *tributa, aliis.* Aut denique, si patriciorum magistratuum nomine nolimus hic solos intelligi maiores magistratus, ut interdum apud Ciceronem accipi a me demonstratum est: sed omnino eos, in quibus fuit patricius locus, ad excludendos eos, qui tantum plebi patuerunt: tum vero locum parva mutatione sic restituendum esse existimo: *Nam centuriata lex aut tributa consilibus ferebatur ac ceteris patriciis magistratibus, tum curiata iterum de iisdem judicabatur.* Quæ sane lectio multis fortasse haud temere magis ardebit.

C A P. XVII.

Probe sane, si prima comitia ita, ut putas, acciperentur: verum prima comitia dici possunt ordine & dignitate: tu de ordine intellexisti, ego de dignitate.

CUM scribit Cicero: *Nunc, quia prima illa comitiatensis centuriata & tributa,* interpretatur Sigonius: *prima illa, id est, præcipua & dignitate præstantia, comitia.* In quo argumentum meum eludit, non solvit. Ut enim primum interdum id significet, quod dignitate præstat, hic tamen non accommodata ita accipitur. Nam, quibus in rebus est locus excellentiæ virtutis, in iis verum est primum pro eo, quod virtute præstat, interdum accipi. At, in quibus nullus est virtuti locus, primum pro eo accipi, quod dignitate præstat, est inaudictum.

Aac plane ridiculum. Ubi enim dignitati nullus est locus, quomodo alterum alteri præstare dignitate potest? at, quæ dignitas, nisi in usu virtutis, intelligi potest? quomodo ergo dignitate excellere alia comitia aliis possunt, si in hac comitorum ratione nullus sit dignitati locus? Certe, si ordinem Cicero significare noluisset, non dixisset, *prima illa comitia,* sed vel *justa,* vel *vera* comitia, ut semper alibi, dixisset. At, quia de binis agebatur comitiis, quorum alia priora, alia posteriora essent, vocabulo usus est ordinem significante. Devenerat enim Cicero ad disputationem de binis comitiis, sumpta occasione ex binis illis comitiis, quibus decemviri creati volebant.

BRullus: quorum binorum comitorum priora erant tributa, posteriora curiata. Quia igitur jamdudum receptum erat, ut de omnibus magistratibus patriciis bis populus judicaret, semel centuriatis aut tributis; iterum lege curiata ferenda curiatis: (quemadmodum in superiori disputatione a me demonstratum est) ideoque verius est habita ejus ordinis ratione, quem in propositione designaverat, prima in assumptione appellari comitia: quam novam verbi significationem fingere, qua sequentium cum præcedentibus connexio tollitur. Dixerat enim initio hujus disputationis de lege curiata, fuisse inusitatum, ut curiata lege magistratus daretur, cui nullis ante comitiis datus esset: ex quo efficiebatur, jamdudum receptum fuisse, ut curiata comitia ad alia priora accessio essent. Quod si, quæ fuerint priora illa, quæ dicit, comitia, Sigonium roges, non poterit alia dare, quam centuriata & tributa. Relinquitur ergo, Ciceroni prima fuisse centuriata & tributa, secunda vero curiata.

C A P. XVIII.

Olim, inquit orator, antequam tributa comitia instituerentur, bina erant comitia, centuriata & curiata, &c.

PERMULTA hic Ciceroni adscribuntur, quæ sunt ab ejus sensu aliena. Primum, quod dicit: *Olim, antequam tributa comitia instituerentur.* Cicero enim dicit, hoc jus jam inde a majoribus acceptum, in creandis magistratibus populi fuisse, ut de omnibus bis sententiam ferret: quod jus tum demum cepit in omnibus populi magistratibus locum habere, quando minores patricii magistratus tributis comitiis creati sunt. Nam in majoribus patriciis jam inde ab eorum institutione id observatum erat, ut de iis bis judicaret populus. Tantum abest, ut illud, *antequam tributa comitia instituerentur,* pro suo agnoscat Cicero. Deinde illud est plane adscriptitium: *Curciata vero nullius prope momenti sint, quippe quæ auspiciorum causa retenta per triginta hactenus ad nonnullas res tantum, non autem amplius ad magistratus, ut ante, adhibeantur.* Verba enim Ciceronis sunt, curiata comitia auspiciorum causa remanuisse, in ipsa scilicet creatione magistratuum (est enim id de quo agitur) Sigonius dicit, ex magistratuum creatione plane sublata esse. At, quis illam ferre interpretationem potest, ut, quod Cicero dixit, remanuisse, tu interpreteris, nullum jam locum habere, plane in hac re sublata esse? non potuisse propter auspiciorum religionem omnino tolli, sed ob eam ipsam causam umbram eorum comitorum esse relictam, hoc est, quod dicit Cicero, ea, duntaxat auspiciorum causa, remanuisse. Quæ ergo Sigonius ex diametro cum his repugnantia loquitur, quomodo ad sensum Ciceronis explicandum esse accommodata credemus?

C A P. XIX.

At inquit, curiatis iustius datur: concedo: dico autem Messalam non quod suo tempore fieret, sed quod aliquando.

IN superiori, de lege curiata, disputatione satis est a me refutata hæc verborum Messalæ interpretatio, quam dat Sigonius. Unum hoc loco adjiciam, mihi videri, quæ a Sigonio hic dicuntur, contentionis potius studio dicta esse, quam quod revera ita existimet. Ut enim præfinire annum, quo primum patricii minores magistratus cœperunt creati tributis comitiis, non possumus: tempus tamen designare possumus, quo in Repub. Romana jam receptum esset, ut tributis comitiis crearentur. Nam, ex Livii verbis, quæ sunt ad finem lib. 9. ubi de Appii Cæci censura loquens, dicit, Appium humilibus per omnes tribus divisit forum & campum corruptisse, colligi potest, jam tum, cum Appius fuit censor, qui fuit annus urb. 442. tributa comitia multum in usu fuisse. Neque enim forum & campum hæc humiliorum per tribus divisione corrupta fuisse intelligere possumus: nisi, quod illa distributione effectum erat, ut comitia, quæ tribuum suffragio fiebant in campo aut foro, in humiliorum potestate essent: quemadmodum indicant etiam verba ejusdem Livii, cum scribit, hunc Appii errorem a Q. Fabio correctum ita fuisse, quia sua ad quatuor tribus urbanas humilium reductione effecerat, ut jam comitia humiliorum in manu non essent. Quod vero idem Livius scribit, Cn. Flavium ædilem curulem factum fuisse a forensi factione, Appii Claudii censura vires nacta; manifesto argumento est, in ædilibus curulibus creandis tributa comitia jam tum usurpari solita. Quod si in ædilibus curulibus id fuit, par aut certe major ratio est, ut in quæstoribus ac tribunis militum idem fuisse factitarum credamus. Cum ergo Sigonius non ignoret, si hoc tempus cum tempore, quo scripsit Messala, conferatur, intercedere plusquam trecentorum annorum spatium: haud verisimile est, cum serio existimare, Messalam ita fuisse locuturum, de re trecentis jam anno intermissa & plane sublata, ut diceret, *lege curiata magistratus datur*, id est, *ante annos ter centum dabatur*. Atque ut reapse ita sentiat; nullum tamen, opinor, cum sectatorem prudentem habiturum.

C A P. XX.

Addo præterea aliquot post liberatam Remp. annos, cum jam tributa pro curiatis in civitatem introducta essent, re pristinam consuetudinem esse mutatam, nomine vero retentam. Ex omnibus enim centuriis unam sorte duxerunt.

CUM omnia, nullo auctore, in hac sua dicenda sententia, Sigonius profert; tum plurima adfert plane ridicula. Nullus enim illi auctor est in eo, quod dicit, consules binis centuriatis comitiis aliquando esse creatos. Pariterque in eo, quod dicit, binis curiatis patricios minores magistratus aliquando esse creatos. In ridiculis vero, quis non reponat id, quod dicit, tributum pro curiatis inventionem, causam attulisse mutandæ pristinae consuetudinis binorum centuriatorum in mandando consulti habendorum? Quid quæso commune tributis cum centuriatis? & cum tributa pro curiatis inventa sunt, quid hoc ad consulum creationem attinuit? Quid par, quid simile habuit minoribus creandis magistratibus pro binis curiatis substituere unica tributa? & prærogativæ sortitionem in centuriatis instituire? Quid porro magis ridendum, quam ex eo,

A quod Afconius bina quodam modo agnoscit comitia in prærogativa & jure vocatis, colligere bina fuisse integra centuriata, priusquam prærogativa instituta esset? potius enim contra colligendum erat, nullam binorum comitorum speciem fuisse, antequam sortitio prærogativæ instituta esset.

C A P. XXI.

Cujus locum insignem mirabar admodum a Gruchio, hujus rationis universæ investigatore accuratissimo, cum de prærogativa præciperet in libris de Comitibus, esse præteritum.

TAM ET SI verba Afconii a me non sunt recitata in libro de comitiis; ego tamen non semel locum hunc indicavi, auctoremque Afconium laudavi, cum de prærogativa & jure vocatis disputarem. Nulla itaque causa est, cur toties scribat Sigonius, mirari se, quod locus ille sit a me præteritus. Mihi profecto justa admirationis causa est, quo modo tam male locus ille ab eo intellectus sit. Ut omitam, quod ex variis hujus loci lectionibus, quas in mea responsione indicavi, eam ille probavit, quæ omnium maxime suam illam de binis comitiis sententiam tollit: non modo illam, quam proximo numero dixi, ratione; sed etiam, quia eum sensum verba, ut leguntur, referunt, ut etiam post prærogativæ institutionem, bina integra comitia de iisdem candidatis habita fuisse significent. Quid enim verba hæc, *Mos fuerat bina omnino de iisdem candidatis comitia fieri*, aliud significant, quam vel semper ita in more fuisse, ut bina haberentur comitia: vel morem fuisse, ut bina omnino comitia, id est, tota atque integra bina comitia fierent? illud enim, *Omnino*, nullum hic locum habet, nisi ut vel torum tempus indicet, vel totam rem, de qua agitur, cum ergo subjicitur: *Quorum tribus prærogativæ: relativum illud quorum necesse est, ut referat comitorum*, quæ omnino bina fiebant. Quæ profecto absurda sunt. Unde efficitur, tollendum esse illud (*omnino*) ac legendum, ut a me legitur: *Bina quodam modo de iisdem candidatis comitia fieri*.

C A P. XXII.

Ille a me ne quinquaginta quidem.

QUINQUAGESIMUS, post primos consules, annus ex Sigonii fastis est annus ab urbe condita 284. Coss. A. Virginio, T. Numicio. Vult ergo Sigonius, jam ante hunc annum binorum comitorum usum fuisse sublatum. Certe Publilia lex, ut plebei magistratus tributis comitiis crearentur, biennio ante perlatæ erat, T. Quintio & Ap. Claudio Coss. Quare mihi sic videtur Sigonius sentire, eodem tempore desisse patricios minores magistratus curiatis comitiis fieri, quo plebei. Atqui, quo anno lex Publilia perlatæ est, nec ædiles curules erant, nec tribuni militum adhuc populi suffragio creati erant: nec ulli alii ordinarii magistratus minores, qui patricios paterent, fuisse comperiuntur præter quæstores. Relinquitur ergo, Sigonio auctore, nunquam ædiles curules, tribunosque militum lege curiata fuisse creatos. At, cum a Messala appellantur minores magistratus in iis verbis, *Minoribus magistratibus tributis comitiis magistratus, sed iustius curiata datur lege*: ædiles tribunisque militum contineri, nemo ambigit: ita ergo, necesse est, interpretetur verba Messalæ Sigon. *Iustius curiata datur lege*: id est, iustius dabant olim curiata lege iis, qui primis tantum Reip. temporibus curiatis comitiis

creati sunt. At, cui persuadebit Sigonius, primos illos aediles curules, qui patricii fuerunt, nihilo magis auspiciato fuisse creatos, quam plebeios magistratus? præsertim cum auspiciorum illo adhuc tempore religio inviolate sanctissimeque coleretur. Hic ergo necesse est, propter auspiciorum religionem, ut vel sola curiata iis creandis adhibita fuisse dicam, vel (quod mihi magis est verisimile) tributis eos fuisse designatos, sed propter auspicia curiatis comitiis fuisse confirmatos: id quod ego conjicio ex verbis Livii, cum scribit, omnium ejus anni comitiorum patricios auctores fuisse. Certum enim est, centuriatorum tantum & curiatorum patricios auctores fuisse. At comitia, quibus creati sunt a Camillo quintum dictatore aediles curules primi, fuerunt ex illius anni comitiis. Vel centuriata ergo, vel curiata fuisse oportet. Fuit autem hic annus in fastis Sigonii 387. Ab illo autem, quem designat, quinquagesimo post liberatam Remp. anno, usque ad hunc annum, centeni ac terni anni intercedunt. Ex quo efficitur, post centesimum ac quinquagesimum annum adhuc in usu fuisse curiata comitia creandis minoribus magistratibus: nec posse id defendi, quod scribit Sigonius, ne quinquaginta quidem annis, post liberatam regio dominatu Rempubliam, morem illum fuisse servatum. Cur vero mihi magis verisimile videatur, aediles illos non solis curiatis fuisse creatos, sed etiam tributis, hæc causa est. Illo tempore jam erant viginti septem tribus Romane, in quibus magnus civium numerus continebatur, curiarum divisione non comprehensus. Nisi igitur totum civium numerum in patriciorum magistratuum minorum creatione suffragandi potestate privatum fuisse dicamus, necesse est, ut altero genere eorum comitiorum, quæ omnes cives Romanos complectebantur, illos magistratus datos fuisse concedamus. At, centuriatis fuisse creatos, non est probabile. Restat igitur, ut tributis creati sint: verum ea conditione, ut lege curiata statim ob auspicia magistratus illis confirmaretur. Plane enim locus Livii indicat, aedilibus primis creandis adhibita fuisse quædam comitia, quorum patricii auctores essent: quæ alia, quam curiata, intelligi non possunt.

C A P. XXIII.

Neque enim mentionem comitiorum tributorum, &c.

QUOD necesse fuerit tributorum comitiorum facere mentionem in explicanda illa propositione, *Majores de omnibus magistratibus bis vos sententiam ferre voluerunt*, vel ex eo intelligi potest, quod, donec patricii minores magistratus tributis comitiis creati cæperunt, nunquam verum fuit populum de iis bis judicasse. In Coss. quidem jam inde ab initio verum fuit, populum de iis bis judicasse, primum, centuriata lege, deinde, curiata: in aliis minoribus magistratibus creandis secundum populi judicii, propter auspicia inducendi, nulla fuit iusta & prudentia Romanorum digna ratio, nisi postquam inauspicatis comitiis creati cæperunt. Ut ergo recte probaret, de omnibus magistratibus bis populum majorum instituto judicasse, propter accessionem legis curiatae ad priora quædam comitia, quibus designatus esset magistratus, necesse est, ut suam probationem contulerit ad illud tempus, quo in minoribus patriciis magistratibus tributa comitia priora fuerunt, posteriora curiata. Nam, si in consulis creandis, tamen iustissimis comitiis & auspiciatissimis creati essent, judicarent tamen, jam inde ab hujus magistratus institutione, lege curiatis comitiis lata, magistratum iis confirmandum esse, idque propter auspiciorum religionem, (ut in superiore disputatione docuimus) multo certe ma-

gis iis magistratibus, qui inauspicatis comitiis creati essent, legem curiatam fuisse necessariam, prudentissimos illos ac religionis observantissimos veteres Romanos judicasse, credendum est. Aut ergo in ratione propositionis reddenda mancam fuisse Ciceronis probationem dicendum est, quia non doceat, in omnibus magistratibus bis populum de iis judicasse: aut tributorum comitiorum in ea mentionem factam fuisse oportuit. At mancam ei probationem tribuere sine injuria non possumus. Relinquitur ergo, ut, quemadmodum in assumptione non solum centuriata comitia pro primis comitiis nominavit, sed etiam tributa: ita in ratione propositionis ab eo utraque appellata esse credamus. Quod vero dixi, nullam fuisse iustam causam, Romanorum prudentia dignam, cur de minoribus magistratibus bina haberent comitia curiata, hinc perspicui potest, quod legis curiatae, de iis magistratibus ferendæ, qui aliis comitiis creati essent, causam in omnibus unam fuisse verisimilius est, quam in aliis aliam. Atqui in consulis nullam possumus iustam causam reperire, cur de iis lex curiata ferretur, nisi auspiciorum quandam religionem, quæ in curiarum suffragio inesse judicabatur. Cur ergo in minoribus magistratibus, cum curiatis comitiis tantum deliguabantur, ob hæc curiarum auspicia lex curiata deideraretur, nulla causa erat. Hanc enim modo rationem adferre, bis curiatis eos fuisse creatos, ut populus bis de eodem magistratu judicaret, ut Romanorum prudentiæ non convenit, ita questioni causam iustissimam relinquit, si jus suffragiorum populi, bis de eodem magistratu judicandi, satis haberet causæ, cur binis comitiis curiatis eundem magistratum daret, cur cum tributis comitiis dari cæperunt, bina tributa comitia de eodem magistratu populus non habuit, sicut ante bina curiata habebat? Dic, Sigoni, si potes aliquam causam, cur tributorum comitiorum inductio suo jure populum privavit? Nam, in centuriatis tu aliquam fingis juris retenti umbram in prærogativa, quam pro binis centuriatis substitutam esse cogitas. At in tributis cum nullam retenti juris umbram possis invenire, ne interdicto *Unde vi* tecum contendat populus Romanus, non times? Sortitio prærogativæ centuriæ hic suam populo possessionem restituere non potest. Et, quia non minus sortito curiæ vocabantur, quam tribus: si fuit prærogativa in tributis comitiis, in curiatis pariter fuit. Non fuerunt ergo bina tota curiata comitia potius habenda, quam bina tributa: & si primo vocata sortito tribus pro unis comitiis haberi potuit, nihil causæ est, cur non eadem ratione primo vocata forte curia pro unis comitiis haberi deberit. Vide ergo, Sigoni, quomodo iusto sacramento cum populo Romano tibi contendere licebit, cum interdicto suam possessionem repetet. At Cicero scribit, iterum de iisdem magistratibus judicatum fuisse, ut esset reprehendendi potestas, si populum beneficii sui poeniteret. Hæc est popularis causa, Sigoni, & ad concitandum Rullo odium accommodata, ideoque huic loco satis apta: verum, aliam etiam veram ac multo iustioram causam legis curiatae ferendæ fuisse, facile est ex ipso Cicerone & aliis scriptoribus docere: ut a me in priore refutatione demonstratum est. Itaque non recte ex hoc loco, ubi oratorie ac prope veteratorie agit Cicero, hanc solam fuisse causam legis curiatae, colligitur. Quinetiam, ut illa sola fuerit binorum comitiorum causa, nempe, ut bis populus de eodem magistratu judicaret; mea tamen sententia, qua dico, bina illa comitia fuisse centuriata & curiata, aut tributa & curiata, cum eo, quod in Repub. Romana observatum est jam inde a prima fere post liberatam Rempubliam veritate magis convenit, quam id, quod dicit Sigonius nullo auctore, bina illa comitia fuisse bina centuriata, aut bina

curiata: quæ etiam non toto quinquagesimo, post liberam Rempublicam, anno in usu fuerint.

C A P. XXIV.

Cicero, inquit ille, curiatam legem ceteris patriciis magistratibus latam dixit.

TUA est, Sigoni, hæc sententia, ad annum prope quinquagesimum, post reges exactos, omnes magistratus ita binis comitiis fuisse creatos, ut qui centuriatis creabantur, binis centuriatis; qui curiatis, binis curiatis, factos fuisse affirmes: quam opinionem ut cum verbis Ciceronis haud convenire, atque adeo merum esse Sigonii figmentum, docerem, hac ego ratione utebar: certum est, quinquaginta illis annis nullum alium magistratum centuriatis comitiis creatum fuisse præter consules, ex quo efficitur, quod de binis centuriatis dicitur, ad solos consules referendum esse. Quod ergo de binis item curiatis dicitur, necesse est, reliquos omnes complectatur magistratus, qui illis quinquaginta annis fuisse comperiuntur præter Coss. Atqui præter multos extraordinarios magistratus, ut dedicandis ædibus sacris & annonæ præfectos, & coloniarum deducendæ magistratus, reperiuntur ordinarii fuisse magistratus tribuni ædileque plebis & quæstores: (si verum est, a populo fuisse creatos quæstores, ante annum urb. cond. 306. quo anno eos primum a populo creatos, Tacitus docet, cum ante consulum beneficium esse quæstura, sicut ante regum fuerat, haud secus quam in tribunis militum, qui ad annum usque 393. populi suffragiis creati non erant.) Hos ergo omnes opinione Sigonii binis curiatis fuisse creatos, fatendum est. Nam, præter id, quod generaliter loquitur, cum dicit omnes, qui tum temporis curiatis creati sunt, binis curiatis fuisse factos: tum vero, ne fingi quidem potest ulla probabilis causa, cur in quibusdam populis haberet jus binorum comitiorum, in aliis non haberet. Ex iis ego sic concludo: si id voluit Cicero, quod dicit Sigonius, non scripsisset: Cum curiata lex ceteris patriciis magistratibus: sed, ut omnes magistratus præter consules complecteretur, dixisset: Cum curiata lex ceteris omnibus magistratibus: absque illo verbo patriciis. Cum ergo addiderit illud patriciis, reliquum est, Ciceronem aliud dicere, Sigonium aliud. Rursus ego Sigonium ita aggredior: Quamvis Cicero in hoc secundo membro usus sit illo verbo patriciis; tamen, quia etiam ceterorum verbo usus est, dixitque ceteris patriciis magistratibus, non est verisimile, solos quæstores hoc secundo membro voluisse intelligere, sed alios quosdam patricios magistratus, qui præter consules fuerunt. Facito ergo etiam ædiles curules simul cum quæstoribus intelligi. At, si ad id usque tempus progrediare, quo fuerunt ædiles curules: jam non verum erit ceteris, præter consules, patriciis magistratibus latam fuisse legem curiatam; quandoquidem censores ac prætores jam tum essent, quos centuriata lege factos fuisse, est indubitatum. Ad extremum ego sic urgeo: Faciamus, ut intellexerit Cicero ceterorum patriciorum magistratum nomine solos quæstores, ita ut, quod dicit bis populum judicasse de omnibus magistratibus, coarctetur ad illud tempus, quo nulli adhuc fuerunt plebei magistratus, sed consules tantum, ac quæstores patricii. Quomodo ergo descendit Sigonius suum illud spatium circiter quinquaginta annorum? Asconius enim docet, idque ex fastis etiam apparet, sedecim annis post reges exactos plebis magistratus fuisse creatos. Vix ergo sedecim annorum spatium faciet Sigonius, verum fuisse illud, quod de binis comitiis loquitur Cicero, ut sit ad ejus verba Sigonii interpretatio accommodata.

Ata. At, quam excogitare potest rationem, cur tantulum temporis eo jure binorum comitiorum populus usus sit? Ex iis quisque intelligere poterit, meæ ne rationes, quas hic cavillis eludere conatur, sint a Sigonio dissolutæ, an potius magis ac magis tergiverlandi studium indicarit.

C A P. XXV.

Quod si bi quoque tum patricii magistratus fuerunt, &c.

NE postea dubites, Sigoni, etiam plebeis in his extraordinariis magistratibus locum habuisse, ego ex Livii lib. 2. docebo, M. Lectorium, qui ex gentibus patriciis non erat, iussu populi præfectum annonæ factum esse, ædique Mercurii dedicationem a populo accepisse. Hic ergo obiter quæro, curiatis comitiis cum datus sit ei hic magistratus (nondum enim erant tum visa tributa ulla comitia: eratque illud tempus ante secessionem plebis in sacrum montem) quæro, inquam, nunquid binis comitiis ei datus sit magistratus? At, si binis hic etiam plebeius accepit magistratum, non solum in patriciis magistratibus verum fuit, binis curiatis fuisse creatos. Cur ergo illud, patriciis, addit Cicero in jure populi explicando, quod pariter in plebeis & patriciis locum habuit? præsertim, cum enumeratio ei facienda esset in omnibus, qui olim (ut tu vis) binis facti sunt comitiis. At Cicero non dixit, solis patriciis magistratibus. esto: sed, quia non sine causa addidit illud, patriciis, qua causa non potest alia excogitari, quam ad plebeios excludendos, idem fecit appellandis hac in re patriciis, ac si exclusiva particula usus esset.

C A P. XXVI.

Nam, quod ex mea opinione trina futura comitia ex verbis agraria secunde contendit, &c.

RATIO mea erat hujusmodi, Sigoni: Certum est, ex historia jam inde a primis reipubl. temporibus, consulibus latam fuisse legem curiatam. Atqui non poterat iustis comitiis ferri lex curiata consulibus, quin de iis populi judicium esset. Si ergo binis tum comitiis centuriatis (ut tu vis) creabantur, necessario efficitur, ter populum judicasse de iisdem consulibus. Bis enim centuriata lex ferebatur, te auctore. At, teste omni antiquitate, etiam lex curiata de iis ferebatur. Ternis ergo comitiis de consulibus populus judicabat. Neque vero ad dissolvendam hanc argumentationem satis est dicere, legem curiatam ad dandum imperium militare pertinuisse. Faciamus hanc solam vim fuisse legis curiatæ. An propterea minus verum fuit, populi de consulibus judicium fuisse, quando rogationem legis curiatæ pro suo arbitrio jubere vel antiquare potuit? Proponamus nobis primum consulem Brutum. Inne videtur tibi pleno jure consul futurus, si belli gerendi potestatem non habuisset? in danda ergo illa potestate, quæ muneris consularis princeps fuit, de consulatu Bruti, quis non videt populi judicium fuisse? Ter ergo de eo populum judicasse, quæcumque legis curiatæ causa fuerit, tibi necessario fatendum est. At nos supra ex Dione demonstravimus, legem curiatam, quæ consulibus ferebatur, non præcipue ac singulariter ad imperium militare adventitium pertinuisse; sed omnino ad ipsum consulatum optima lege obtinendum, atque adeo ad ipsum consulatum auspiciorum religione confirmandum: docuimus etiam inlitum in consulatu fuisse militare imperium: non potuit ergo libera

libera esse populi potestas, in lege curiata de consulibus ferenda, quin de ipso consulum imperio, quales consules essent, populus iudicaret. Ex quo efficitur, toto illo tempore quo bina fuissent centuriata comitia Sigonius scribit, de omnibus consulibus ter populum iudicasse.

C A P. XXVII.

Vitio vertit, quod scripserim, prerogativam institutam esse postquam triginta quinque tribus expletæ sunt.

TANTUM abest, ut Sigonio id vitio vertam, quod scripserim prerogativam institutam esse post expletas triginta quinque tribus, ut meam profitear esse hanc sententiam. Sed, quoniam, quod recte scripsit in lib. de antiquo jure Romanorum, ipse nunc revocat, ne mihi adversus sua bina comitia rationibus cedere cogatur: conabor id, quod revocat, verum esse docere. Ex quo intelliget rursus sibi itatuendum esse hanc de prerogativa opinionem: illam vero de binis comitiis suam sententiam plane ei esse abiciendam. Ac mihi quidem ista de prerogativa disputatio tota maxime videtur hac una conclusione posse confici. Si nunquam fuit prerogativa centuria, quin esset tribus prerogativa: non fuit autem tribus prerogativa, nisi post expletas triginta quinque tribus: necessario relinquatur, prerogativam centuriam non fuisse nisi post expletas triginta quinque tribus. Non fuisse tribum prerogativam ante expletas triginta quinque tribus, sic confirmabitur. Tribus prerogativa nec fuit, nec intelligi potuit, nisi postquam classium centuriarum ad divisionem tribuum pertinuerunt. Etenim tribus, quæ prima forte exierat, non potuit centuriarum suffragium dicere, si nullæ essent in quaque tribu centuriarum. Atqui verba Livii ex lib. 7. aperte indicant, tum demum Servii mutata divisione, ad tribuum distributionem pertinuisse classium centurias, postquam expletæ sunt 35. tribus. Sic enim scribit: *nam mirari oportet, eum ordinem, qui nunc est post expletas quinque & triginta tribus, duplicato earum numero, centuriis juniorum seniorumque ad institutam ab Servio Tullio summam non convenire: quod distariam enim urbe divisa regionibus collibusque, quæ habitabantur partes, tribus eas appellavit: ut ego arbitror ab tributo. Nam ejus quoque æqualiter ex censu conferendi ab eodem initia ratio est: neque hæc tribus ad centuriarum distributionem numerumque quicquam pertinere. Quoque minus laborem in docendo id quod dixi, ex verbis Livii esse colligendum, Sigonium habeo ad stipulatorem, cum ita scribit lib. 1. de antiquo jure Romanorum: Est ergo intelligendum ex Servii instituto, tribus nihil ad centuriata comitia pertinuisse. Post expletas autem triginta quinque tribus, cum omnis populi bonos in his consisteret, mutatam esse Servii rationem: & tribus ad centuriarum divisionem esse tractas. Ac ne id quoque ut alia, posthac revocet Sigonius, etiam ratione confirmabo, non posse Livii verba conservari, si ante dicamus aliquid ex Servi instituto mutatum fuisse. Pone enim tum tribus classium centurias cepisse traduci, cum numerus tribuum primum autem reperit, videlicet, cum apud Livium lib. 2. legitur viginti unam tribus factas esse. Sane, ut quæque tribus binas tantum habeat secundæ classis centurias, unam seniorum, alteram juniorum, efficiantur quadraginta duæ centuriæ secundæ classis, qui numerus jam plus duplo major est numero a Servio instituto. Si ergo, prout numerus tribuum auctus est supra eum, qui a Servio factus fuit, ita dicas, centuriarum numerum, ut ad tribuum distributionem referretur, accrevisse: non debuit Livius dicere, post expletas 35. tribus, sed, post auctum tribuum numerum a Servio institutum: quia jam tum*

verum esset, duplicatum centuriarum, a Servio institutarum, numerum: ideoque non convenire ad summam, ab eo primum factam. Sit ergo hoc constitutum Livii testimonio, non prius pertinuisse classium centurias ad tribuum distributionem, quam Romæ triginta quinque tribus fuerunt. Ex quo consequens est, non potuisse prius prerogativam tribum esse, quam triginta quinque tribus Romæ fuerunt: quæ fuit meæ conclusionis propositio. Itaque superest, ut assumptionem confirmemus: nempe, centuriarum prerogativam simul cum tribu prerogativa fuisse institutam. Quod his rationibus suadeo: primum, quod video centuriarum prerogativam a Cicerone partem unius tribus appellari. Quod intelligi non potest, nisi in una tribu plures centuriæ esse ponantur. aut igitur non semper verum fuit, quod de prerogativa dicit Cicero, aut non fuit prius centuria prerogativa, quam tribus prerogativa. Deinde, si prius centuria prerogativa dicatur, quam centuria ad tribuum divisionem traducta sunt, necesse est, ut constituamus centum nonaginta tres sortes pro numero centuriarum, quæ ad unam ex omni illo numero educendam, in castellam conjicerentur: eamque postea sortitionem rursus fuisse mutatam postquam tribus prerogativa instituta est. Itaque a Servii instituto facta mutatio non ea sola dicitur, quam significat Livius, de duplicato centuriarum numero post expletas triginta quinque tribus: sed etiam illa, quæ fuit in sortitione prerogativæ centuriæ instituenda: cum sine forte equites primi, tum primæ classis centuriæ, atque ita deinceps ex Servii instituto vocandi essent. Quod sine ullo auctore asserere, non modo periculosum, sed etiam temerarium. Quæ enim iusta causa intervenire potuit, cur relicto centuriarum numero, a Servio primum instituto, ratio ferendi centuriarum suffragii ab eo item instituta, mutanda videretur? ut enim centuriarum comitiorum usus a Servio profectus est; ita institutum creandorum magistratuum illis comitiis, ex ejus commentariis sumptum fuisse, Livius scribit & Dionysius, & omnes historici. Probabilis igitur est, si verum fuit, binis comitiis centuriatis creatos magistratus, id quoque ab ejus commentariis desumptum fuisse, quam, ut præter ejus institutum novo quodam more a L. Bruto inductum fuisse, nullo auctore, dicamus. At, live a Servio, live a Bruto binorum comitiorum centuriarum usus est in remp. inductus, id sine aliqua iusta causa, & prudentiæ Romanæ digna, factum fuisse, haud consentaneum est. Quæ ergo nova paulo post extitit prudentia, quæ incommodum vidit binorum comitiorum, quod, aut Servius jam inde a prima horum comitiorum origine, aut Brutus, cum eum morem induxit, non præviderat? An nimis longum fore bina integra comitia eidem creando magistratui adhibere, non viderant aut Servius aut Brutus; alius, nescio quis, multo scilicet acutior, & prudentior perpexit? Hanc enim prerogativæ inducendæ causam comminiscitur Sigonius, præter omnes eas, quæ vel ab Alconio, vel a Varrone, vel a Verrio apud Festum datæ sunt; quia eo modo celerius suffragia a populo iniri posse iudicarunt: si eadem comitia partirentur, quam si eadem bis integra haberentur. Quid ais, Sigoni? ea ne fuit prerogativa inducendæ causæ, ut celerius suffragia inirentur? An tu in Rep. Romana homo peregrinus, tanto post tempore, in suffragiorum ratione vitium animadvertisti binorum comitiorum, in eo, quod nimis longum esset, tota habere bina ejusdem formæ comitia: hominibus Romanis ipsis auctoribus comitiorum, hoc vitium in mentem venire non potuit? Certe, ut binorum, ejusdem generis, comitiorum inventum, eorum est Sigonianum, ita quod vitium fuit, in illa odiosa comitiorum iteratione, totum est Sigonio attribuendum: ac non illa nota imprudentiæ veteribus illis Romanæ Reip. auctoribus inurenda: O o o

potiusque debuit Sigonius dicere, jam inde a prima consulum creatione, praerogativae sortitionem institutam fuisse, ad vitandam odiosam illam ac molestem comitiorum ejusdem generis iterationem, quam imprudenter illam iterationem fuisse inductam: quae paulo post, animadverso peccato, minime ante praevisto, tolleretur. Neque vero ex eo, quod apud Livium non reperit praerogativae factam mentionem ante annum 357. debuit Sigonius potius colligere, non fuisse jam inde ab initio praerogativam, quam eo demum anno fuisse institutam, quo primum in comitiis centuriatis, a Livio usurpata est. Nam, si non praecise dicat, eo circiter anno praerogativam fuisse institutam, cur, quove auctore fingit, eam in Rempub. fuisse inveciam octoginta circiter annis, ante hanc primam Livii mentionem, potius, quam alio quovis tempore, aut vero jam inde a primo consulatu? Quid est aliud in re seria joculari? Etenim, haud sine probabili ratione dixisset, videri institutam fuisse praerogativam circiter ea tempora, quibus describendis Livius primum ejus meminisse conspicitur. At, cum binorum comitiorum usum vix ad quinquagesimum annum a primis consulibus producit, ac pro unis comitiis praerogativam ex eo tempore inducit, necesse est, ut nullo plane auctore, octoginta prope annis praerogativam inveciat, antequam ulla in ejus memoria apud Livium, aut alium scriptorem. Quod si jam ad se redeat, ac dicat, circiter illud tempus, quo primum apud Livium fit mentio praerogativae, verisimile esse, eam institutam fuisse: videndum illi est, quomodo suam de binis comitiis sententiam defendet. ad illud enim usque tempus binis centuriatis comitiis omnes magistratus, qui centuriatis comitiis mandabantur, creatos fuisse, illi fatendum esset. Atqui censores quadragesimo, & eo amplius, anno, ante hoc tempus centuriatis comitiis fiebant: binis ergo centuriatis comitiis etiam censores fuisse creatos, dicat, oportet. Quomodo ergo verum erit, quod dicit Cicero, ut a Sigonio verbale-guntur, ceteris patriciis magistratibus latam fuisse legem curiatam; cum Coss. centuriata ferebatur? centura enim patricius fuit magistratus, nec de eo ambigit Sigonius. Sed quoniam ex uno atque altero loco T. Livii videtur probabili ratione ductus ad dicendum, praerogativae centuriae sortitionem multo ante fuisse institutam, quam expletæ essent triginta quinque tribus, locos illos accuratius perpendamus. Primus locus est lib. 5. *Haud invidis patribus P. Licinium Calvum praerogativae tribunum militum creant, moderationis expertæ in priore magistratu virum: ceterum jam tum exactæ ætatis omnesque deinceps ex collegio ejusdem anni resciti apparebat, L. Titinium, P. Menenium, Cn. Genutium, L. Attilium: qui priusquam renunciarentur jure vocatis tribubus, permissu interregis P. Licinii Calvi ita verba fecit.* Hoc primum dico, Sigoni, ut apud scriptores alios, sic apud Livium etiam, sæpe nomen praerogativæ ita usurpari, ut significet priorem quandam suæ voluntatis ac judicii significationem: ut lib. 3. dec. 1. *Isilius ubi audit, tribunos militum in Aventino creatos, ne comitiorum militarium praerogativam urbana comitia iisdem tribunis plebis creandis sequerentur:* & statim initio dec. 3. in *Asdrubalis locum haud dubia res fuit, quin praerogativam militarem favor etiam plebis sequeretur.* Et lib. 8. dec. 3. *equites L. Veturium, & Q. Cæcilium legatos magnis tulisse laudibus, bortatosque esse plebem, ut eos consules in proximum annum crearent: adjectis equitum praerogativæ auctoritatem consules.* Ex quo intelligitur, quoties apud Livium praerogativæ nomen reperitur, non semper de centuria praerogativæ, quæ forte educeretur, esse cogitandum: sed interdum etiam praerogativarum nomen appellari centurias equitum, ac primæ classis, quæ Servii instituto pro suo jure ac non forte, priores vocabantur: ita ut praerogativas dicere & primo vocatas idem sit:

quomodo accipiendum esse in hoc Livii loco affirmo: nec posse aliter accipi hoc modo confirmo. Primum, si voluisset specialiter Livius significare unicam illam sorte deductam centuriam, quæ alibi apud eundem praerogativæ nomine vocatur, non dixisset in plurali numero praerogativæ creant P. Licinium; sed, ut alias solet, praerogativa P. Licinium creat. Neque enim ferendus Sigonius, qui in hac sua contra me disputatione hunc locum corrumpit, & contra omnium exemplarium fidem legit: *P. Licinium Calvum praerogativa tribunum militum non petentem creat.* Quin etiam ipse Sigonius in T. Livio a se ex veterum exemplarium fide (ut ipse ait) restituto, legit, praerogativæ creant, atque in scholiis sic omnino legendum esse affirmat his verbis: ceterum praerogativæ non praerogativa legendum est. quoniam ergo Livius dixit, praerogativæ creant, omninoque ita legendum est, perspicuum est, noluisse hic Livium significare unam quandam, sorte deductam, centuriam, quæ ante reliquas omnes suffragium diceret, sed praerogativas omnino sumplit pro primæ classis centuriis primo loco vocatis. Quo etiam modo loquitur libro decimo: *Cum primo vocatæ Q. Fabium consulem omnes dicrent centurie.* Nec alio modo intelligendum est, quod scribit eodem libr. 10. *Nemi dubium erat, quin Q. Fabius omnium consensu destinaretur; eumque praerogativæ & primo vocatæ omnes centurie consulem dicebant.*

Sic enim ille locus in omnibus exemplaribus legitur, & ita ipse in suo Livio Sigonius legendum docet. Quo sane in loco Livius utroque verbo ideo usus est, ut posterius interpretatio prioris esset: ac si diceret, eumque praerogativæ, id est, primo vocatæ omnes centurie. Atque ut magis credas, Livium noluisse hoc loco proprie usurpare nomen praerogativæ, ad designandam unam sorte deductam centuriam, argumento tibi esse possunt verba ultima hujus loci, *qui priusquam renunciarentur jure vocatis tribubus.* in his enim verbis jure vocatæ tribus non possunt proprie accipi pro singularium trium centuriis, pro jure census, ætatis, atque ordinis ad suffragium vocandis. Nos enim paulo ante probavimus, ante expletas triginta quinque tribus, centuriatim non fuisse distributas tribus: sed, ut sæpe omnes scriptores multis verbis abutuntur *ἡ ἀρχαία*, ita Livius hoc loco, tamen si nondum essent jure vocatæ tribus, nec praerogativa tribus; abutitur tamen jure vocatarum trium nomine ad reliquas populi centurias significandas, quæ vocandæ erant post primo vocatas. Neque id novum est, apud Livium trium nomine significari populum ipsum non tributum, sed centuriatim suffragantem, ut ipse etiam Sigonius recte admonuit: ut libr. 6. omnes tribus bellum adversus Veliternos jussisse scribuntur, cum certum sit, centuriatis comitiis bellum decerni solitum. Certe, si proprie hic sumi dicantur jure vocatæ tribus, fatendum erit, in praerogativarum appellatione ipsas tribus praerogativas intelligi. quod absurdum est, non modo, quia in his centuriatis comitiis plures tribus suffragium non dixerunt, sed etiam, quia jam tum oportuisset distributionem centuriarum per tribus fuisse factam.

Quod nos paulo ante falsum esse docuimus. Quo enim anno hæc facta sunt, tantum erant viginti una tribus Romanæ, ut ex Livianæ historię progressu apparet. Quod vero Livium dixi interdum abuti vocabulis per anticipationem, ex ipso consulum nomine intelligi potest. Appellantur enim ab eo jam inde ab initio consules; cum tamen certum sit, prætores initio dictos, post judices, tandemque consules appellari solitos fuisse. Sic apud Gellium libr. 10. cap. 16. Higinus docet multa *ἡ ἀρχαία* historię dici. Neque vero ad nostram hanc disputationem quicquam refert, fuerintne primaria praerogativæ significatio, in appellanda illa sorte deducta centu-

ria unica, quæ ante jure vocatas suffragium diceret, ex qua nativa significatione per *κατάλογον* ad alia deinde hoc vocabulum translatum sit: an vero, cum prima & nativa ejus significatio esset, ut omnino priore loco data sui iudicii significatio hoc prærogativæ verbo intelligeretur, ex qua deinde significatione ad præcipuam quandam & specialem hujus sortitoeductæ centuriæ appellationem sit traductum: nihil, inquam, ad nostram disputationem interest. Semper enim verum illud manet, in his Livii locis, quos ex prima decade citat Sigonius, prærogativas non proprie ad sorteeductam centuriam pertinere: sed nihil aliud significare, quam priore loco vocatas centurias, in qua significatione semper verum fuit, in centuriatis comitiis fuisse quædam prærogativas centurias: quia semper prius alie vocatæ sint quam alie. Ex quo apparet, frustra Sigonium velle ex illis locis concludere, ante fuisse prærogativam centuriam illam, quæ unica sorteeducta, ante alias omnes centurias suffragium dicebat, quam expletæ essent triginta quinque tribus. Jam ergo paucis totam hanc disputationem colligamus. Probavimus initio, Livii aperto testimonio non prius fuisse prærogativam tribum, quam expletæ sunt triginta quinque tribus. Atqui non fuisse prærogativam centuriam abque prærogativa tribu, modo multis argumentis docuimus. Relinquitur ergo, non fuisse prærogativam centuriam ante id tempus, quo erant Romæ triginta quinque tribus. In sua autem de binis comitiis opinione, Sigonius ad illud usque tempus bina integra centuriata comitia creandis magistratibus fuisse dicit, donec prærogativæ centuriæ suffragatio pro unis comitiis in Rempublic. invecata est. Id igitur etiam necesse est, bina centuriata ad illud usque tempus in usu fuisse, quo triginta quinque tribus Romæ fuerunt. Cum ergo bina apud Ciceronem comitia, Sigonio interprete, de iis intelligantur binis integris comitiis, quæ habita sunt de singulis magistratibus, usque ad illud tempus, quo prærogativæ suffragio instituta est: necessario efficitur, verba Ciceronis vera esse oportere in omnibus magistratibus, quæ Romæ erant ad id usque tempus, quo Romæ expletus est numerus triginta quinque tribuum. Verba autem Ciceronis sunt: *Centuriata lex*

A consilibus ferebatur, cum curiata cæteris patriciis magistratibus: tum iterum de iisdem judicabatur. Oportuit ergo censores prætoresque lege curiata creati. Quandoquidem in cæteris, præter consules, patriciis magistratibus hi continentur. Tum vero binis curiatis & hos & omnes patricios minores magistratus creatos oportuit, ad illud usque tempus expletarum triginta quinque tribuum. Quæ omnia sunt absurdissima, & ab omni historiarum veritate alienissima.

C A P. XXVIII.

Quibus ego: ne me quidem bina prærogativæ & jure vocatarum comitia ad locum Ciceronis retulisse.

*N*UNQUID, Sigoni, tua interpretatio ad Ciceronis locum, tota nititur unico illo Asconii loco? nunquid bina tota comitia apud Ciceronem primis temporibus fuisse ex verbis Asconii colligis? in quibus binorum comitorum umbra retenta perhibetur, quando scilicet prærogativa instituta est pro unis comitiis? Quid? estne hoc referre locum Asconii ad locum Ciceronis? Quid? si unico hoc loco destitutus esses, (quemadmodum ego docui non pro te, sed plane contra te facere) nunquid tibi fatendum esset, quod tu de binis comitiis dicis, plane tuum commentum esse, nulla probabili ratione, nullo antiquitatis testimonio fultum? Atque illa quidem sunt, quæ mihi pluribus scribenda visa sunt ad posteriorem Sigonii contra me disputationem: non modo, ne se aut contemni putaret vir clarissimus & studiorum societate mihi conjunctissimus, aut nimium sibi veritatem a se stare persuaderet, si ad ea, quæ scripsit, nihil respondissem: sed etiam, quia, cum sit obscurissima quæstio de iis rebus, in quibus nostra controversia versatur, tum vero dignissima est, quæ a nobis, qui hanc primi quæstionem exagitavimus, accuratius pertractetur. Quæ omnia tali accipit animo ab eo rogo & obsecro, quali (vel ita me Deus bene amet) a me profecta sunt: candido scilicet, benevolo, minime contentioso, cæterum veritatis inveniendæ imprimis studio.

CAROLI SIGONII

de lege curiata magistratuum, & imperatorum,
& jure eorum, liber

A D

NICOLAUM GRUCHIUM.

CAROLUS SIGONIUS

ILLUSTRI JUVENI

JOANNI RICCIO

Politiano equiti Portugalliae S. P. D.



E omnibus quaestionibus, quae bis temporibus doctorum hominum ingenii excitata in aliqua politiorum litterarum tractatione versantur, haud scio, an ulla alia aut genere ipso nobilior, aut usu fructuosior sit, quam quae jamdiu inter me, & Nicolaum Gruchium agitur: quippe quae sit, ut te optime nosse puto, de re non solum in antiquitatis, sed etiam in philosophiae studio maxima. Nam verbo quidem de antiquo usu legis curiatae contendimus, at re vera de jure senatus, populi que R. de jure magistratuum, atque imperatorum, de obscurissimis probatissimorum scriptorum locis disputamus. Neque tritas jampridem in scholis quaestiones aliquot, cum eorum, qui audiant, fastidio retractamus, sed novus, atque huic saeculo inauditas controversias edimus: unde non Romanarum solum rerum, sed civilis etiam disciplinae studio dediti utilitatis, atque adeo etiam voluptatis capere non minimum possint. Hujus autem concertationis initium inductum est a me, qui cum breviter quid hac de tota ratione sentirem, non refellendi hominis gratia, sed indagandae veritatis causa annos abhinc decem exposuissem, eruditum hominem, atque acutum studio responsionis usque adeo incendi, ut ipse quasi legitimo aliquo hujus rei judicio constituto, ac reo comperendinato, una atque altera actione totam causam sibi sumpserit perorandam. Quarum actionum quando ego uni paucis ante annis respondi, putavi mihi faciendum, ut nunc quoque alteri responderem. Quamobrem te hortor adolescentem praesertim ut opibus, & fortuna, sic ingenio, studioque florentem, ut partem aliquam temporis de honestissimis tuis studiis demas, atque ad hujus quaestionis cognitionem traducas: nam eodem tempore cum vetustissima, eademque pulcherrima populi R. jura cognosces, tum difficillimos illustrium auctororum locos, eosque nostris adhuc parum hominibus notos intelliges. Qua notitia neque liberalius, atque honestius, neque etati, fortunae tuae quidquam esse convenientius potest. Atque ut hoc ipse acriore tibi studio faciendum existimares, cepi hoc tibi opus dicandi consilium. Quod ut facerem, primum praecipuo quodam meo erga te studio, deinde excellenti Jacobi Falconii juvenis eruditissimi praedicatione impulsus sum. Nam & ego te, cum Bononiae ad me audiendum accederes, ac non dubia praestantis tuae erga me voluntatis testimonia dares, ita jam tum amare institui, ut omnia officia me propterea tibi debere putem, & Falconius ipse, quia est humanitate praeditus, ea mihi de admirandis tuis ad omnem dignitatem, laudemque progressibus retulit, ut te hoc potissimum honoris genere, qui non nisi egregiis adhibetur hominibus,

decorandum existimen, scilicet ut nomen tuum domesticis multis apud nos laudibus, virtutibusque clarissimum latius mea quantulacunque commendatione propagem, ac bonis quasi auspiciis præclaram augeſcentis in te virtutis indolem apud homines non obscuro hoc monumento commendem. Vale. Bononiae ibid. Junii. M.D.LXIX.



UM legissem libros nuper a te de comitiis Romanorum in lucem editos, Nic. Gruchi, cum aliis rebus multum, tum illiſtri quadam eximie ac minime vulgaris ingenuitatis tuæ ſignificatione plurimum ſum affectus: qui cum multa præclare de antiquiſſima illa conſuetudine præcepiſſes, ea ta-

men haudquaquam ita te amplexari diceres, ut pro oraculis habenda cenſeres, immo vero maximam te habiturum eſſe doctis hominibus gratiam prædicareres, qui non modo tua reſutarent, ſed veriora etiam in vulgus ederent. Quibus ego vocibus, ut vere dicam, impulſus, cum ſorte eodem tempore de antiquo civium R. jure perſcriberem, atque a te in quaestione omnium, quæ in tuo tractantur libro, graviſſima ac diſciliſſima diſſentirem, eo facile me adduci ſum paſſus, ut tua expoſita ſententia meam & ipſe quali aliud agens aſcriberem; non ut tibi contradicerem, ſed, quemadmodum tum teſtatus ſum, ut litterarum ſtudia nobiliſſima explicanda quaestione & ipſe pro virili parte mea juvarem. Hunc tu locum cum legiſſes, ad eum tibi reſpondendum duxiſti, ac præcipuum ea de re librum adverſus me divulgaſti: in quo cum cauſam tuam accuratiſſime agis, tum me ad reſpondendum doctorem hominum quali judicio quodam conſtituto laceſſis. Quid quaeris? quanquam ut nec opinata, ſic non jucunda admodum illa mihi provocatio accidit, ut qui omnem curam jam meam alio, cogitationemque converteram; reſpondi tamen, ſed paucis, ne omnino eruditum hominem, & me honeſtiſſimo certamine provocantem, viderem contemnere. Verum qua me ratione moleſtia liberaſſe exiſtimavi, ea mihi magis fuit adverſaria: ecce enim poſt annum, non exiguum, ut ante, libellum, ſed juſtum prope volumen edis: in eoque cum multis verbis eadem omnia repetis, quæ ſuperiore diſputatione tractaras, tum præter rem multa alia inferis, ac ſophiſtica quadam ratione concludis, & quod magis mihi mirum accidit, ſævo adeo atque impotenti animo interdum adverſus me loqueris, ut quodam etiam in loco pro ſummo mihi beneficio tribuas, quod non me aſperius ac contumelioſius appellaris. Bone Deus, tu ne ille Gruchius es, qui paulo ante maximam te doctis hominibus gratiam habiturum eſſe, qui tua reſutaſſent ſcripta, ſcripiſti? Nam ſi ego opinionem tuam aliquando invito forteſſe improbavi, tua illa tota culpa eſt, qui me, ut id facerem, invitaſti; ſi ceteros omnes præter unum me ad hoc officium advocaſti, næ ego poſthac diligentius de iſta contumelia videro. Neque enim ea te res perturbare poteſt, quod ego in te aut in diſputando acrior, aut in ſcribendo contumelioſior fuerim, cum tertio quoque verbo tanta te cum laude appellem, ut tu ipſe ſcripſeris, *magnas te mihi eo nomine habere gratias, quod ea modeſtia uſus ſim in te reprebendo, ut cum honorifica laudis tue præſtatione nec glorie, nec contentioniſtudio ductus, ſed veritatis tantum amore ad hanc diſſenſionem verius, quam reprebendonem pertractus videar.* Cum autem hanc, quam tu vocas, modeſtiam non ſolum in libris de jure civium R. ſed etiam in reſponſione mea ſervarim, ita ut ſemper tibi pluſ, quam mihi tribuerim, & me tantum aliter, quam te de-

rebus iis, quæ tum agerentur, ſentire dixerim, ſatis mirari non poſſum, cur tu ab illa, quam tu in aliis tantopere laudas, animi moderatione diſceſſeris, atque in diſputando acerbiorum te interdum, quam acutiorem eſſe malueris; neque ſevera interea hominum judicia exhorrueris, qui te fictam ac ſimulatam illam moderati hominis perſonam opportune depoſuiſſe exiſtimaturi ſunt, ut ceteros ab ejuſmodi auctoritatis tuæ lædendæ cogitatione averteres: qua de re tu quodam in loco videris non mediocriter laborare. Sed his omiſſis, feci non invitum, ut tuæ voluntati obtemperarem, ac tibi iterum reſponderem. feci forteſſe brevius, quam voluminis magnitudo, cui reſpondeo, poſtulabat: neque enim quæ ab utroque noſtrum in ſuperiore diſputatione dicta ſunt, ea mihi niſi neceſſario repetenda duxi: & ſi qua res nova incidit, eam vero, quam potui, breviffime ſum complexus: inciderunt autem præclaræ nonnullæ, quod tu, credo, ut, quam valeres ingenio, demonſtrares, omnia prope decreta mea ſigillatim tibi aggredienda ſumiſti, quali opima quedam de me ſpolia relaturus, ſi te mihi inſultare copia ingenii tui perterritus permiſiſſem.

C A P. I.

De lege curiata magiſtratum Gruchii opinio.

VERUM, ut ad rem veniam, omnis noſtra in eo eſt poſita controverſia, quæ ſit lex curiata, cujus meminit Cicero in ſecunda agria. Ego enim exiſtimo, legem hanc duplicem fuiſſe; unam, quæ ferretur olim magiſtratribus patriciis jam deſignatis, quæ poſtea obſoleverit, neque, niſi extra ordinem plebiſcito aliquo revocata, in republica hæſerit: alteram, quæ magiſtratribus in provinciam & ad bellum cum imperio proſecturis ſit lata, ac poſtremis etiam temporibus obſervata: tu vero legem curiatam & magiſtratribus urbanis, & iis, qui in provinciam proſecturi erant, omni tempore latam putas, verum primis temporibus ad triginta curias, poſtremis ad triginta curiarum lictores duntaxat. Utra vero probabilior, atque ad veritatem propenſior opinio ſit, iterum, quoniam tu ita viſ, conſideremus; verum ſine pertinacia. Eſt enim in tua reſponſione illud mirabile, quod tu tanto contentioniſtudio ducris, ut mihi ne in tua quidem referenda aſſentiri ſententia velis. Etenim cum ego opinionem tuam recitans ſcripiſſem, te cenſere, ab exactis regibus uſque ad imperium Cæſaris per annos prope quingentos omnes magiſtratus binis comitiis eſſe creatos, patricios quidem centuriatis, plebeios vero tributis & curiatis, negalli, te ita ſcripiſſe, verum jam inde ab exactis regibus majores magiſtratus, qui a populo crearentur, lege curiata eſſe ornatos, ut poſtquam centuriatis creati eſſent, ad confirmandum illis quadam auſpicioꝝum religione magiſtratum curiatum etiam adhiberentur; minores vero nunquam binis comitiis creatos, niſi poſtquam ceperant tributis comitiis creari, idque propter eandem auſpicioꝝum religionem. In quo ſane non video, quid quaeris: an quod dixi, curiatis comitiis magiſtratus creatos, non autem lege curiata ornatos? at in prima reſponſione ita ſcripiſti: *Ego bina comitia affirmo fuiſſe, in majoribus*

magistratibus centuriata, & curiata; in minoribus tributa, & curiata. an quod scripti, magistratus patricios, & plebeios? quid? non ne tu ex Ciceronis auctoritate, ut postea demonstrabitur, has voces induxisti? ut patricii idem essent, ac majores, plebei iidem, ac minores? an quod dixi, *Ab exaltis regibus*, quod non sit verum in omnibus magistratibus, cum quo tempore exacti sunt reges, nondum omnes magistratus essent instituti? queri non debes. neque enim hoc ego tibi vitio verto. tum enim solemus negare, nos ita loquutos, cum graviore aliquo. ex eo dicto ad adversario urgemur incommodo. quid igitur? scilicet, ut necum singulis gradibus pugnes; nam hoc suscepisse in hac responsione videris. Itaque cum hoc doleo, tum illud miror, te interea dum hac alienato prope ad contentionem, ut mihi videris, animo effundis, scripsisse, *minores magistratus, ut quæstores, binis comitiis creari ceptos, postquam ceperunt tributis comitiis creari. id est, postquam (sic enim interpretaris) tribus latinis parere ceperunt, quam curiæ, propter municipia Italiae, colonias, & praefecturas, quæ tribus ascripta erant, nec curiis continebantur.* miror, quia municipia nulla nisi post annum fere quadringentesimum urbis in tribus coniecta sunt; colonias, & praefecturae non nisi post annum sexagesimum secundum supra sexcentiesimum, ut ego in libris de jure Italiae demonstravi: ex quo efficitur, minores magistratus binis comitiis non esse creatos, nisi paulo ante annum quadringentesimum, cum tamen tu alio loco scribas, creati ceptos paulo post reges exactos, tum cum tributa comitia ad magistratus creandos sunt advocata.

Deinde vero cum dicerem, verum non videri, patricios magistratus, & plebeios centuriatis, & tributa comitiis designatos, iterum curiatis confirmatos; si patricii omnes lecti essent centuriatis, & omnes plebei tributis, sequeretur, ut, qui tributis essent creati, omnes essent plebei. at adiles curules, & quæstores tributis constitutos esse, cum essent patricii. quare non omnes patricios centuriatis, neque solos plebeios tributis: siquidem patricii essent, qui prius patricios patuissent, plebei vero, qui tantum plebi. cum ita, inquam, agerem, respondi, te patricios magistratus cepisse pro majoribus, plebeios vero pro minoribus: nam Cicronem etiam in oratione pro domo, & in epist. ad Brutum patricium magistratum pro majori usurpasse: neque interea vidisti, te quaestioni meae haud cumulate satisfecisse. neque enim si patricii magistratus aliquando majores sunt magistratus, propterea efficitur, ut plebei sint minores. Patricii enim, ut ambo confitemur, alii majores sunt, alii minores: majores, quorum auspicia majora; minores, quorum minora: plebeiorum nulla est ejusmodi differentia, quia carent auspiciis. Quamobrem si patricius est magistratus, intelligo, quid sequatur: nempe, aut majorem esse, aut minorem; si plebeius, nihil tale. Quare multo minus efficitur, patricii magistratus sunt majores magistratus, ergo plebei sunt minores: neque enim quicquam unquam aut quaesturam, aut aedilitatem curulem magistratus patricios, quia minores essent magistratus, plebeios vocavit. Si ergo manet vetus illud, patricios magistratus esse, qui prius patuerunt patriciis, plebeios vero, qui solis plebeiis; nec quia patricii aliquot majores sunt, propterea plebeios minores esse cogimur constiteri, si tu hoc idem intelligens aliam, atque aliam, quam postea demonstrabo, Ciceroniani loci lectionem excogitasti, quid est, quod ex maledicto risum quaerens adversus me dicas, *Callipides multum se movet, sed nihil promouet*, cum hic meus Callipides usque adeo promouit, ut te de loco, id est, de sententia suscepta dimoverit?

At vero cum adderem, si curiata comitia centuriatis perpetuo attestata essent, ita ut eorum senten-

tiam infirmarent, futurum fuisse, ut populus non haberet reprehendendi, quemadmodum inquit Cicero, potestatem: quia centuriata universum populum continent, curiata non item, cum neque agrestes homines, neque municipes in triginta curiis, quæ erant in urbe, contingerentur; occurrunt, *antequam curiata comitia per triginta lictores haberentur, ita triginta curias comprehendisse populum universum, ut classes, & tribus ipsæ comprehendebant*; item, *curias hic non pro locis, sed pro cælibus esse accipiendas*. Quorum primum qui fieri possit, non video, cum municipia nunquam in curias, perinde atque in classes, & tribus descripta sint. id quod tu quoque in prima responsione confirmas, cum scribis, *tibi mirum non videri, si in historia non reperiamus, quod universus populus centuriatum, aut tributum judicasset, a parte populi, quæ curias continebatur, fuisse infirmatum*. Qui, etiam si tum, cum L. Papirius dictator legem tibi curiatam tulit anno urbis CDXLIV, ut scribit Livius libro nono, nondum curiata ad triginta lictores erant translata, te doctore in libris de comitiis, & ante id tempus municipia constituta erant cepta, quomodo verum futurum sit, non difficio, antequam comitia ad lictores triginta traducerentur, curias ita populum omnem comprehendisse, ut classes, & tribus comprehendebant, cum ipsæ nulla municipia continerent, quæ plurima eo tempore erant, ut a me in libris de jure Italiae demonstratum est. De altero vero, quin fieri potuerit, non repugnare, nimirum, ut curiæ cætus quidam fuerint, qui non solum urbanos, sed etiam agrestes comprehenderint: at tu secus tradidisti in libro tertio de comitiis capite primo. Curias, inquis, erant incolarum urbis partes non modo loco, sed sacris sibi familiaribus distinctæ: nam qui in colonis, & municipiis cives R. habitabant, sua quædam in suis urbibus sacra habebant, quæ deserere non poterant. curiata vero comitia, in quibus populus curiatim suffragium dicebat. & initio capitis tertii: *Comitiis curiatis jus habebant suffragii non omnes, qui cives R. erant, sed ii tantum, qui in curias descripti erant, quas supra ostendimus eorum tantum fuisse, qui urbem habitabant*.

Jam quod dixi: Qui cum Gruchio sentiet, cum Cicrone dissentit, necesse est. Gruchius enim inquit, Rullum decemviros lege curiata ornasse, ut decemviros confirmaret; at Cicero, quia vidit, eos potestatem habere non posse, quia per novem tribus erant constituti; respondens, *communem legis curiatae causam, quæ ferebatur auspiciorum causa*, Rullo etiam causam fuisse, cur eam sui decemviris adhiberet, nempe, *ut creati auspiciato a populo auspicia ad gerendum suum magistratum necessaria haberent*: quod auspiciorum jus ne integritas quidem comitiis dare potuisset. sed Cicronem in illa altera causa fuisse. Ego vero non repugno, quin in hac ludere orator potuerit; illud miror, quomodo auspicia causam afferre potuerint, ut curiata centuriatis adderentur, cum centuriata auspiciatissima sine: siquidem in oratione pro Milone dixit: *illa augusta centuriarum auspicia*. & pro domo: *Centuriata comitia maxime majores iusta dici, haberique voluerunt*. Adde, quod si erat ordinarius, ut curatores agrarii, & reliqui magistratus tributis comitiis constituti curiata lege auspiciorum causa ornarentur, ut ais, quid erat, cur Cicero hac de re populum admoneret, ut nova? & si Rullus, ut inquis, quod peccarat in tributis, id emendare voluit curiatis, cur legem curiatam pro remedio adhibuit, cum te auctore lex curiata tam ipsi ferenda esset, si non peccasset, quam si peccasset? Et si, ut inquis, Cicero luit, cum dixit: *Vidit, sine lege curiata decemviros habere potestatem non posse, quoniam per novem tribus essent constituti*, cur non luit potius in communi, & vera causa auspiciorum, cum locus æque in illa fuerit processurus?

Quod autem addidi, Si ex ordine magistratus omnes

Ciceronis ætate curiatis comitiis confirmati essent, Rullus nunquam ad decenviros suos lege curiata ornandos, prætores legem curiatam ferre iussisset: cum autem iusserit, satis ostendit, legem curiatam eum extra ordinem ad agrarios curatores adhibuisse, respondens, *Rullum lege curiata decenviros extra ordinem non ornasse, apparere ex eo, quia id ei Cicero nunquam obiecit*. Non est hoc satis: cur enim obiciat id, quod ille iure facere potest, ut legem roget de ferenda lege curiata? non enim Rullus confirmabat decenviros lege curiata, quæ obsoleverat, sed ad plebem ferebat, ut sibi id liceret; quo plebiscito accepto tam hoc ei licuisset, quam cum maxime. ut omittam, eum non fuisse dicturum, Rullum comitiis curiata intulisse, quæ non inirentur a plebe, si id quotidie in cæteris observaretur.

At Cicero, inquit, & Messalla hoc volunt. immo nihil minus. verba Ciceronis sunt hæc: *Majores de omnibus magistratibus bis vos iudicare voluerunt. nam centuriata lex censoribus ferebatur, cum curiata ceteris patriciis magistratibus. tum iterum de iisdem iudicabatur, ut esset reprehendendi potestas, si populum beneficii sui poneret. num tu ex his verbis id ipsum, quod asseris, plane elicias? minime. quid ergo? locum hunc sententiæ tuæ insigni facta mutatione accommodas, hoc modo: Nam centuriata lex censoribus ferebatur, ac ceteris patriciis magistratibus, tributa plebeiis; tum curiata iterum de iisdem iudicabatur. Quod cum facias contra fidem omnium librorum, nemini erudito probatum iri confido. mihi certe homini rudi non probas. immo ne me quidem argumentationibus tuis exterres, nedum verbis illis, quibus te præfracte nimis hanc tueri sententiam velle significas. Vel disrumparis, inquit, licet, ego tamen etiam atque etiam confirmo, locum Ciceronis omnino ita legendum esse, ut a me legitur: (Nam centuriata lex censoribus ferebatur, & ceteris patriciis magistratibus, tributa plebeiis, tum curiata iterum de iisdem iudicabatur.) aut si displices illud (plebeiis) accipi pro minoribus magistratibus, legatur, (tributa aliis:) aut denique si patriciorum magistratum nomine nolimus hic solos intelligi majores magistratus, sed omnino eos, in quibus fuit patricii locus, ita legatur: (Nam centuriata lex, aut tributa censoribus ferebatur, ac ceteris patriciis magistratibus, tum curiata iterum de iisdem iudicabatur.) Messallæ vero verba ab A. Gellio recitata sunt hæc: *Minoribus magistratibus creandis magistratus tribuitur comitiis, sed iustius curiata datur lege. majores centuriatis comitiis sunt. Oro te, quis tibi affirmavit, Messallam dicere, suo tempore magistratus majores & minores primum comitiis centuriatis, aut tribuitur creatos, deinde lege curiata necessario fuisse confirmatos? non ne enim fieri potest, ut significet, majores magistratus fieri centuriatis, quibus auspicia accipiunt, minores vero tribuitur, sed si ferretur eis lex curiata, iustius fieri lege curiata? An vero si quis dicat, Cæsaris tempore, magistratus dantur a Cæsare sed iustius a populo, significet, a Cæsare primum, deinde a populo eosdem eodem tempore dari, an potius qui dantur a Cæsare, si, ut mos erat, darentur a populo, iustius datum iri. Adde, quod cum Messalla inquit, *Majores sunt centuriatis comitiis, minores tribuitur, sed iustius curiata lege*, omnino unum tantum genus comitiarum in singulis observatum agnoscit, centuriata in majoribus, tributa in minoribus. nam si auspicia requiruntur, centuriata auspiciatissima sunt usque adeo, ut qui centuriatis creati sunt, auspicio ratione curiatis non egeant. tributa vero auspiciata illa quidem, sed curiata auspiciatoria. quare qui tribuitur creantur, iuste quidem creantur, sed iustius, si curiata lege confirmarentur. quomodo vero tributa auspiciata sint, tu docuisti, cum locum illum Ciceronis in libris de comitiis exposuisti: *Cæsar, qui comitiis tribuitur auspiciatus***

erat, centuriata habuit. Age vero, Cicero in agraria nullo modo ita scripsit, ut tu; Messalla vero aliter sentit, ac tu: an vero Cicero in secunda, quam profert, Philippica idem significavit, ac tu interpretaris? multo minus. *Quæstor, inquit, es factus: deinde continuo sine S. C. sine sorte, sine lege ad Cæsarem cucurristi. tu sine lege interpretaris sine lege curiata, ut Antonium dicat, postquam tribuitur comitiis factus est quæstor, antequam curiatis confirmaretur, sine S. C. sine sorte, sine curiata lege in provinciam esse profectum. Quo nihil esse potest alienius: est enim eadem ratio quæstoris, ac consulis, quod ad provinciam obtinendam pertinet, ut in libris de jure Provinciarum ostendi. Consul enim primum accipiebat magistratum centuriatis comitiis, deinde ex S. C. fortiebatur provincias, aut si neque S. C. neque fors intercedebat, lege obtinebat: ut Cæsar, qui neque S. C. neque sorte, sed lege Vatini tribuni plebis Galliam adeptus est: sic quæstoires primum tribuitur comitiis accipiebant magistratum, deinde ex S. C. fortiebantur provincias, aut si neque S. C. neque fors observaretur, extra ordinem lege aliqua, id est, plebiscito eas sibi parabant. obijcit ergo Antonio Cicero, quod quæstor factus neque S. C. neque sorte, quæ erant ordinaria, neque lege, quod fiebat extra ordinem, sed uno Cæsaris vocatu in Galliam ad Cæsarem proconsulem venerit. Atque hoc declaratur ex epistolis ad Atticum, ubi scribit: *Pompeius Q. Cassium quæstorem sine sorte delegit, Cæsar Antonium, ego Cælium sorte datum offenderem?* Quam enim legem nominat Cicero, ea pertinet ad provinciam quæstori mandandam, non ad auspicia quæstori danda, aut ad quæstorem confirmandum: tua vero interpretatio ne non dabitur Antonio quæstori provincia, sed privato quæstura. quali vero quæstura post S. C. & sortem provinciæ fuerit confirmanda: quod nihil ineptius.*

Age vero prior legis curiatæ a te excogitata consuetudo titubet, at posterior est & auctoritate, & ratione firmissima. neutrum. Consuetudo est hæc: Ciceronis ætate, non curiis triginta, ut olim, convocatis, sed licitoribus curiarum triginta tantum legem curiatam latam esse: auctoritas autem una est ipsius Ciceronis in eodem agrariæ loco: *Sint igitur decenviri neque veris comitiis, hoc est, populi suffragiis, neque illis ad speciem, atque usurpationem vetustatis per triginta lictores auspicioium causa adumbratis constituti*. Cum autem ego contra hanc consuetudinem sic egissem, non esse verisimile, qui consul propter excellentem virtutis opinionem certo iudicio ab universo populo centuriatum lectus erat, pernissum esse, ut eum triginta curiarum lictores suis suffragiis inconsulto repudiarent, tu ita respondisti, ut negares, te ullo loco dixisse, adumbrata per XXX. lictores comitia liberam habuisse suffragiorum potestatem, ut possent, id quod rogabantur, pro suo arbitratu jubere, aut non jubere, &, quod gravius est, addidisti, me non tuum dictum, sed meum commentum oppugnare, atque antabatarum more pugnare. Verum de isto antabatarum more alias: nunc, quod instat, videamus, lex ne curiata a licitoribus juberi, aut antiquari poterit. antiquari potuisse iudicat, ut supra dixi, Rullus, qui timens, ne antiquaretur, cavet in lege sua, si curiata lex lata non esset, ut decenviri optimo jure essent. At nulla erat ad XXX. lictores ferenda lex curiata: neque hæc fuit sententia Ciceronis, triginta lictores pro curiis triginta suffragium tulisse. quid enim futurum erat turpius, quam prætorem, consulem, dictatorem agere cum XXX. licitoribus, ut cum universo populo? aut quid absurdum, quam legem curiatam de adoptione a triginta curiis, etiam te teste, esse iustam, de imperio magistratuum a triginta licitoribus? & cum in his de imperio comitiis cætera servarentur, quæ in iustis servantur comitiis, obnuntiatio, intercessio, & reliqua, hoc unum excipi, quod non a populo inirentur? Quid autem vo-

luit Cicero? dicet aliquis. nimirum hoc. Nullus decemviro creat comitiis tribuit, sed imperfectis, quia per XVII. tribus creat: eosdem confirmat lege curiata, sed ita confirmat, ut si lex curiata lata non erit, etiam sine ea iustum decemviratum habeant. quo fit, ut neque vera tributa afferat, neque curiata etiam falsa. quibus reprehentis concludit permissione rhetorica, quæ tum adhibetur, cum ad aliud transire volumus, quod gravius esse putamus, quam id, quod permittimus, & ait: *Sint igitur decemviri constituti neque veris, neque saltem in speciem per xxx. lictores auspiciorum causa adumbratis comitiis*: id est, non adhiberit non modo tribus omnes, sed neque etiam curias ullas: neque solum non curias, sed neque lictores quidem curiarum ad speciem advocaverit auspiciorum causa, id est, ut auspicia obtineret, quæ initio comitorum captantur. nam ut cetera falsa essent, quæ sequuntur, & auspicia, ex quibus decemviri voluntate ipsa approbati comitia intelligitur, rite capta initio comitorum essent, satis iusta futura fuisset videbantur. quod ille prætermittit. Nullus enim nulla omnino adhiberi comitia curiata voluit, tum cum sine lege curiata decemviri magistratum habere voluit: quasi vero officio suo satisfactus fuerit, si saltem curiata comitia in speciem triginta curiarum licitoribus advocatis adumbrasset, ut postea Cæsar dictator in comitiis suis, de quibus Lucanus:

— *Fingit sollemnia campus,
Et non admittit dirimit suffragia plebis,
Decantatque tribus, & vana versat in urna.
Nec cælum servare licet, tonat augure furdo.
Et læta jurantur aures habuere sinistro.*

Nullus autem ne triginta quidem lictores, ne dum triginta curias advocabat. Quæ si ita sunt, jam satis intelligi posse arbitror, ut nostrum antabatarum a te commemorato more se gerat.

C A P. II.

De lege curiata magistratuum Sigonii opinio.

HACTENUS de tua opinione sit dictum, nunc de mea agamus. Sane cum locum Ciceronis obcurum haud temere immutandum existimarem, dedi operam, ut incolumi vulgata lectione aliquem inde sensum eruerem. itaque excogitavi illud, de quo dixi: antiquitus bina comitia esse habita centuriata de consulibus, & bina curiata de ceteris patriciis magistratibus. hæc autem curiata non ita multo post obsolevisse, neque ad ullos magistratus creatos, aut confirmandos adhibita esse. cum autem hanc sententiam more paraphrastæ (sic enim res admonet) exponerem multis verbis, in iis tu vicio vertisti, quod multa ascripserim Ciceroni, quæ non sint Ciceronis. quæ sunt ista tandem? olim, inquam, antequam tributa comitia instituerentur, bina erant comitia, centuriata, & curiata: non ne hoc verum? negare non potes. est enim a te traditum. si verum, quomodo repugnat Ciceroni? At Cicero, inquis, dicit, *jus a majoribus acceptum in creandis populi magistratibus, ut de omnibus his sententiam ferret. num ego aliter? quod jus in majoribus magistratibus observatum est jam inde ab eorum institutione, in minoribus, quando minores magistratus patricii tribuitis comitiis creati cepti sunt*. jam hæc tua sunt. quibus neque mea verba repugnant. Etenim si te interprete maiores magistratus, ut consules, a sua institutione creati sunt centuriatis, & curiatis comitiis, aliquot annis antequam tributa comitia instituerentur, atque adeo etiam antequam minoribus tribuitislegerentur. quo modo hoc non potest agnoscere pro suo Cicero, antequam tributa instituerentur, bina comitia fuisse, centuriata, & curiata? Jam vero cum dico ex persona Ciceronis: *Verum quia vos tributa pro curiatis introduxistis, sit*,

aut centuriata, ac tributa prima, id est, præcipua sint, & a populo, ac plebe magistratuum causa inestur, curiata vero nullis in mandandis magistratibus momentis sint, quippe quæ auspiciorum causa remanserunt, id est, hæserunt in rep. religionis causa non in magistratibus, sed in rei militaris imperio mandando. quid horum est, quod repugnet Ciceroni? an vero quia ab interpretatione tua discedo, me ab ipso Cicerone discedere argues? credo. siquidem jam tum te Ciceronem esse tibi persuasisti, ex quo quæ in oratione Ciceronis verba decissent, quæ superessent, quæque suo loco mota essent, mira felicitate ingenii divinasti. At remanserunt, inquis, sublata sunt interpretaris. immo vero retenta sunt. Quamobrem quod quæris, cujus auctoritate mea hæc opinio innitatur, respondeo, niti auctoritate non contentendam Ciceronis, & quidem expressa, non extorta, ut tua. Cum autem scripsissem, hanc consuetudinem ne per quinquaginta quidem annos usurpatam, occurrisset, ut ostendas, curiata comitia plus quam per ducentos annos usurpata, & ais, *quantum anno urbis CCLXXXII. lex Publicia lata est, ut plebei magistratus post bac tribuitis comitiis, non curiatis crearentur, ex quo tempore etiam quæstores creati ceptis ærariis est, tamen ædiles curules, qui post id tempus instituti sunt, curiatis creati videntur*. ex quo apparet, ab eo tempore curiata omnino non esse intermissa. Probe. Neque vero omnino ego intermissa scripsi, sed intermissa in magistratibus iis, qui tum erant, creandis, ita ut si qui postea magistratus patricii instituti sint, curiatis etiam comitiis creati potuerint, quousque tandem tribuitis creati sunt.

Infas inde varie, *Si Cicero, cum dixit legem curiatam ceteris patriciis magistratibus latam, intellexisset omnes alios præter consules, dixisset, ceteris omnibus magistratibus absque illo verbo Patriciis, ita ut etiam tribunos, & ædiles plebis comprehenderet*. præclare. quasi vero tribuni, & ædiles sint patricii, aut ego etiam tribunos, & ædiles significatos dixerim. Item, *Si Cicero dixit, ceteris, non intellexit solos quæstores*. immo solos quæstores ex ordinariis, non solos, si extraordinarios complectaris. Item: *Si vera hæc propositio sit, de omnibus magistratibus his a populo judicatum esse, id maxime tempus animo concipiendum est, quo nulli magistratus plebei in rep. fuerunt*. quod fuit sexdecim tantum annorum. Noli quæso illa in metela jacere, quæ ego in te metretorquere nullo negotio possim. non enim & tu hanc propositionem veram esse de patriciis solis five majoribus, five minoribus confiteris? Item, *Eodem tempore, inquis, M. Lætorius plebeius dedicationem ædis a populo accepit, ergo curiatis. si binis comitiis, ergo non soli patriciis*. Quid si curiatis, sed non binis? quid si sacerdos fuit Lætorius, & non magistratus? Item, *Si de primis consulibus his judicasset populus centuriatis comitiis, ter judicasset, non bis. nam præter hæc etiam lex curiata lata est de imperio militari, quod est in magistratu institutum*. nego esse institutum, atque hoc me refutaturum esse infra polliceor.

An igitur censēs, inquis, hanc Ciceronis esse sententiam? hanc omnino, si ita, ut vulgo legitur, locus ille legatur, at si ut in veteribus libris legitur, & ut mihi recte legi videtur, aliquanto secus. sic autem, ut nonnulli quoque literis prodiderant, in iis scriptum reperitur: *Nam cum centuriata lex censoribus forebatur, cum curiata ceteris patriciis magistratibus, tum iterum de iisdem judicabatur*. Mirum est autem, quantum una vox cum addita lucis veræ sententiæ excogitandæ afferat. quam spero, te, ubi cognoveris, pro judicii tui magnitudine arripiturum, ac pro æquitate animi probaturum. neque enim a tua sententia omnino recedat, & meam etiam aliqua ex parte attingit. neque tam multis, ut aliæ a nobis excogitata, meo quidem judicio laborat incommotis. Est autem hæc. De omnibus magistratibus

tibus maiores bis vos iudicare voluerunt. Nam cum centuriata lex censoribus jam designatis ferebatur, cum curiata item ceteris patriciis magistratibus pariter jam designatis ferebatur, eo tempore secundum iudicium faciebat populus, ut posset reprehendere, si beneficium sui prioribus comitiis delati pœniteret. Non erat autem idem designare magistratum, & legem ei centuriatam, aut curiatam jam designato ferre. nam prioribus comitiis si consules, exempli gratia, creandi essent, populus rogabatur his verbis, *Quos vultis consules fieri?* posterioribus, quibus lex eis curiata ferebatur, his, *Velitis iubeatis ne, ut ii consulatum habeant, quos populus designavit?* quod ostendit Afconius, cum scribit: *Prærogative tribus dicebantur, quod primæ rogarentur, quos vellet consules fieri, & Cicero in agraria: Curiatam legem ab eo prætor, qui sit primus factus, ferri iubet. at quo modo? ut ii decemvirates habeant, quos plebs designaverit.* Prioribus autem comitiis designabantur, posterioribus lege confirmabantur. Hoc autem ius primum senatus habuit, ut scripsit Dionysius, & significavit, ut tu quoque notasti, Livius in Numa, cum scripsit: *Quirites regem create. ita patribus visum. patres deinde, si dignum, qui secundus a Romulo numeretur, crearent, auctores fierent.* & post: *Regem populus iussit. patres auctores facti.* & libro vi: *Omnium comitiorum eo anno patres auctores facti sunt.* Significavit autem, patres eo anno magistratus omnes, quos populus plebeive designasset, id quod non quotannis accideret, comprobasse. Verum hoc ius senatus diu tenere non potuit, ut innuit Cicero pro Plancio: *Quod patres apud maiores nostros tenere non potuerunt, ut reprehensores essent comitiorum, id habent iudices. tum enim magistratum non gerebat is, qui ceperat, si patres auctores non erant facti.* Hac autem consuetudine sublata, deinde hanc inducant facile possumus suspicari, quam nunc Cicero, omnis antiquitatis periclitissimus, prodit, ut populus ipse magistratus a se designatos confirmare, aut infirmare vellet. Verum & hanc sua ætate obsolevisse idem hoc loco indicat. Itaque Rullus in decemviris suis creandis veterem consuetudinem renovavit. tulit enim, ut prætor legem curiatam ferret, ut ii decemviratum haberent, quos plebs designavisset, ita tamen, ut etiam sine lege curiata iure optimo decemviros esse vellet. siquidem verba legis Rulli hæc fuerunt: *Tribunus plebis, qui hanc legem tulit, comitia creandi decemviris habeto. tribus septemdecim sorte educto. per eas decemviros creato. ut quem novem tribus fecerint, is decemvir sit. item, eodemque modo, ut in comitiis pontificis maximus. Qui petet, præfens proficetor. Prætor, qui primus factus erit, legem curiatam ferat, ut ii decemviratum habeant, quos plebs designaverit. Sin is ferre non poterit, qui postremus erit. si lex curiata lata non erit, tum ii decemviri eodem iure sunt, quo qui optima lege. Tribuni plebis prætori legem curiatam ferenti ne intercedunt. si intercesserint, decemviri auspicii coloniarum deducendarum causa pullarios habento, quos habuerunt tresviri lege Sempronia, in quinquennium potestatem habento. apparitores, scribas, librarios, præcones, architectos habento. mulos, tabernacula, canterios, supellestem ab ærario sumunto. custodes corporis ex ærario ducentos in singulos annos habento. X. viros vestigalia populi R. alienare liceto. summum iudicium habento.* &c. Hanc autem legem reprehensus Cicero, quattuor sibi culpanda suscepit, designationem decemvirum, confirmationem, ornamenta, & potestatem. In designatione vitio in primis vertit, quod decemviros per tribus XVII. crearet, i. per partem populi. qua re absoluta finxit, se de potestate illorum infinita loqui velle. quod gravissimum omnium crimen erat, & ad plebem maxime pertinebat, & ut verissimè videtur, a plebe avide expectabatur. & propterea, ut ejus cupiditati in spe-

ciem satisfaceret, dixit, *Cognoscite nunc, quæ potestas, & quanta detur.* Quo dicto, in sermonem de lege curiata ingreditur, quæ ad confirmationem pertinet, non autem ad potestatem. atque ita plebem, & nos fessellit. Primum ergo reprehendit, quod lege curiata decemviros ornet, cum esset inutilitatem, ut magistratus daretur lege curiata ei, cui nullis comitiis ante esset datus, id est, privato. nulla enim comitia vocat, quæ per XVII. tribus tantum erant habita. & quoniam ferebat, ut prætor legem curiatam ferret, ut ii decemviratum haberent, quos plebs designavisset, utraque comitia ab eo adhibita reprehendit, tributa, quia imperfecta allata sint, curiata, quia, cum obsoleta essent, nec a plebe magistratum causa amplius inirentur, ab eo renovata sint. Itaque addit: *Videte, quid juris a maioribus acceperitis, quod ab hoc tribuno plebis vobis relinquatur. majores de omnibus magistratibus bis vos sententiam ferre voluerunt. nam cum centuriata lex censoribus ferebatur, cum curiata ceteris patriciis magistratibus, tum iterum de iisdem iudicabatur, ut esset reprehendendi potestas, si populum beneficii sui pœniteret. nunc quia prima illa tenetis comitia centuriata, & tributa, curiata auspiciorum causa remanserunt. hic autem tribunus plebis quia videbat, potestatem neminem in iussu populi, aut plebis posse habere, curiatis eam comitiis, quæ vos non iniit, confirmavit, tributa, quæ vestra erant, sustulit.* Ex quibus verbis apparet, Ciceronis ætate, populum R. magistratum causa sola comitia centuriata, & tributa tenuisse, curiata auspiciorum causa tantum in usu fuisse. id est, populum magistratus designatos curiata lege non amplius, ut olim, confirmasse. quod vero Rullus in decemviris fieri voluit, id ex veteri consuetudine a se revocata ipsum sumptisse, contra, atque tu putas. siquidem ait: *Curiatas eam comitiis, quæ vos non iniit, confirmavit.* nimirum significans, populum ad confirmandam decemvirum potestatem, ut ante, amplius non convenire. cuius rei argumento est, quod si curiata comitia magistratum causa in usu fuissent, non erat, cur Rullus, ut supra etiam dixi, juberet, prætores legem curiatam ferre, & si lex curiata lata non esset, ut etiam sine ea potestatem habere statueret. Est autem querendum, cum dicat orator, *curiata remansisse auspiciorum causa*, quid velit. ac video quidem te censere, remansisse auspiciorum causa significare, remansisse, ut magistratibus his comitiis auspicia darentur. quod non procedit. siquidem neque consulibus, neque prætoribus, neque censoribus ferenda esset lex curiata, cum centuriatis comitiis essent designati, quæ erant auspiciatissima, sed solis minoribus magistratibus. & si populus conveniret curiatum non ad confirmandos magistratus, ut ante, sed ad auspicia eis tribuenda, tamen magistratum causa curiata comitia iniret, contra quam Cicero dixit: *Quæ vos non iniit.* neque enim ferre possum responsum illam tuam, non convenisse populum, sed lictores. Lulbricus ergo locus. ego tamen, *curiata auspiciorum causa remansisse*, putarim esse, mandandorum militarium auspiciorum causa curiatam adhuc legem consuevisse ferri, quemadmodum a principio fuerat institutum. quemadmodum postea pluribus demonstrabitur, cum de imperatoribus disputabitur. ubi hujus loci quoque mentio necessaria renovabitur. Postquam autem explicavit, quæ ad legem curiatam reprehendendam pertinebant, tum de ornamentis agit, ab illo loco: *Videte nunc, eos, qui a vobis nihil potestatis acceperint, quanto maioribus ornamentis afficiat.* postremo de potestate, ab illo: *Perspicite, quanta potestas permittatur.* quod dicturus visus fuit jam tum, cum proposuit: *Cognoscite nunc, quæ potestas, & quanta detur.*

His expolitis, sequitur, ut agam de consuetudine binorum comitiorum, quæ a prærogativa centuria, & iure vocatis fiebant. Ego vero cum apud Afconium talium comitiorum mentionem reperissem,

quorum tu in libris de comitiis non meminisses, quamquam prerogativae memineras, addidi, cum prima illa comitia, quibus bis de iisdem magistratibus iudicatum scribit Cicero, satis constaret evanuisse, verisimile videri, in eorum locum invecam esse alteram consuetudinem binorum comitiorum, prerogativae, inquam, centuriarum iudicium, & iurevocatarum, cuius consuetudinis quamvis initium esset obscurum, usus tamen vel maxime pateret. Hanc autem consuetudinem his verbis in prioris responsione expono: *Aliquot post liberatam remp. annos cum jam tributa pro curiatis essent invecata, re pristina consuetudo est mutata, nomine vero retenta. ex omnibus enim centuriis unam sorte duxerunt, quae prima rogaretur, ac propterea prerogativa dicebatur. ejus autem sententia pro unis comitiis habita est. quae pronuntiata tum deinde ipsa centuriata comitia sunt perfecta, ut assolebat. hoc autem factum est vel propter suffragii ferendi commoditatem, ne totus populus iterum in suffragia mitteretur, vel quaecunque alia excogitari causa possit. in hanc autem ego sententiam veni dicere Asconio, cuius locum insignem mirabar admodum a Grucio, cum de prerogativa praeciperet, in libris de comitiis esse praeteritum. verba vero ejus in Verrius haec esse reperiebam: Prerogativae tribus sunt, quae primae suffragium ferunt ante iurevocatas. mos enim fuerat, quo facilius in comitiis concordia populi firmaretur, bina omnino de iisdem candidatis comitia fieri. quorum tribus prerogativae dicebantur, quod primae rogarentur, quos vellent consules fieri, secundae iurevocatae, quod in iis sequente populo, ut saepe contingit, prerogativarum voluntatem, iure omnia complerentur. Quocirca fieri quoque videbam, ut in consulis creandi prerogativae apud Livium memoria tantopere celebraretur. Quae verba mea tu tibi multis modis oppugnanda duxisti, & quidem, ut video, modeste admodum, & minime asperere. Primum enim, in ridiculis, inquis, quis non reponat, id quod dicit, tributorum pro curiatis invecationem causam attulisse mutandae pristinae consuetudinis binorum centuriarum in mandando consulatu habendum? Quod quam ridicule feceris, alii judicent. neque enim ego, quia tributa pro curiatis essent invecata, sed cum jam tributa pro curiatis essent invecata, mutata esse pristinae consuetudinem dixi. Deinde, quid magis ridendum, inquis, quam ex eo, quod Asconius bina quodammodo agnoscat comitia in prerogativa, & iure vocatis, colligere bina fuisse integra centuriata, priusquam prerogativa instituta esset? In quo tu etiam atque etiam ridiculus appares. neque enim apud me est, me ex loco Asconii colligere, ante prerogativam institutam bina fuisse centuriata, sed ex loco Ciceronis, si ita, ut vulgo legitur, legeretur. quod etiam in censoribus observatum lectio, quam protuli, vetusta convincit: secundam vero consuetudinem, quam dixi, invecam post tributa comitia instituta, me elicere ex Asconii loco. qui cum sit locus insignis, & in primis notandus, & in quo uno binorum comitiorum mentio aperte fiat, tamen a te est praetermissus in magno illo comitiorum commentario, ita ut neque iurevocatarum, quae fuerint, mentionem facias. tantum illud libro I. cap. IV. ascribas: *Apud Livium, & Asconium legi prerogativam tribum, & iurevocatas, ubi de comitiis centuriatis agitur.* quod tamen non in criminis loco pono: quid enim hoc me attingit? sed ut intelligas, me non sine causa locum hunc ad rationem, disquisitionemque revocasse. At locum illum non intellexisti, inquis. cur non? quia cum vulgo legatur, (Mos fuerat bina omnino de iisdem candidatis comitia fieri,) ego vero te admonuerim, in aliis libris legi (bina denique,) in aliis (bina domo,) in aliis (bina quodammodo,) tu vulgatam, inquis, omnium pessimam, (omnino) retinuisse. quod verbum vel totum tempus significat, vel totam rem: quorum utrumque falsum.*

Ego vero si retinero, omnino, (nam me repudiasse, quodammodo, mea verba non indicant) sed si retinero, dicam, hanc fuisse sententiam Asconii, norem fuisse, ut de iisdem candidatis bina comitia fierent omnino, id est, necessario. quod est, majores magistratus creari non potuisse, nisi prerogativae iudicium iurevocatarum suffragia subsequerentur: ni ita fierent, vitiosa fore comitia; neque, si ita dixerem, ridiculi aliquid me dicturum, sed ridiculum potius, qui refrageret, existimavero.

Quaeris inde, quando primum abrogata prior binorum comitiorum consuetudine posterior haec prerogativa, & iurevocatarum inducta sit? si dicam, quemadmodum tu scriptum reliquisti, & me in libris de iure civium R. vel invicem scripsisse vis, post expletas xxxv. tribus, quae fuerunt expletae post annum urbis quingentesimum, tum me in multis difficultates, atque angustias quasi quaedam disputationis impellis; si ante tribus xxxv. expletas, tum me quali reum stultitiae facis, qui a summa tua auctoritate recedam. itaque quo me veram nescio, cum ita te egisse videam, ut omnes mihi aditus evadendi occulceris. tentemus, an vi aliqua laqueos tuos frangere, si solvere non liceat, istos possimus. Prerogativam institutam esse post xxxv. tribus institutas & scriptas in libris de comitiis, & nunc etiam cum maxime asseris. argumentaris autem hoc modo: Prerogativa centuria non potest esse sine tribu prerogativa, tribus prerogativa non fuit, nisi postquam classium centuriae ad divisionem tribuum pertinuerunt: atqui verba Livii libro primo aperte indicant, tum demum Servii mutata divisione classium centurias ad tribuum distributionem pertinuisse, postquam expletae sunt xxxv. tribus. Nihil validius. quid tamen, si propositionem utranque negem, non me doctis probaturum existimas? quid si tibi ipsi, nisi percinax esse volueris, illud idem persuadeam? Nam quod prerogativa centuria non fuerit sine tribu prerogativa, unde educebatur, id quidem postremis temporibus convinci Ciceronis auctoritate video. quin autem primis sine tribu esse non poterit, ut omnes centuriae non aliter, quam omnes tribus in sortem conicerentur, ita ut quae prima forte exisset, prima sententiam rogaretur, ne tu ipse quidem, ut puro, verisimile esse negabis. Verum non fit in hoc controversia. sit, ut est, in eo, quod inquis, ex Livii auctoritate, prerogativam non fuisse, nisi post triginta quinque tribus expletas. Verba Livii sunt haec: *Nec mirari oportet, hunc ordinem, qui nunc est, post expletas quinque & triginta tribus, duplicato earum numero centuriis juniorum, seniorumque ad institutam ab Serv. Tullio summam non convenire. quadrifariam enim urbe divisa, regionibus, collibusque, quae habitabantur partes, tribus eas appellavit. neque haec tribus ad centuriarum distributionem, numerumque quicquam pertinere. Dico, te rectam horum verborum sententiam non assequi. primum enim inquis, centurias Servii regis tempore ad tribuum distributionem, numerumque non pertinuisse, atque hoc etiam in libro de comitiis repetis, cum Livius dicat, tribus ad centuriarum distributionem numerumque. & quod mirabilis est, inquis, te me huius rei adimplerem habere, cum in verbis, quae proferis, meis, ego tribus ad centurias, non centurias ad tribus tractas dicam. Interest autem plurimum, utro modo dicas. nam si dicas, centurias tractas ad tribuum distributionem & numerum, tribuum numerum autem conclusas, non centuriarum; si tribus ad centurias, centuriarum, non tribuum. Livius intelligit, numerum centuriarum majorem postea esse factum, quam qui a Servio fuerat institutus. Adde, quod, duplicato earum numero, interpretaris multiplicato centuriarum numero, atque in utroque, ut nunc demum sentio, habetis. neque enim de centuriis*

intelligit Livius, sed de tribubus, nec multiplicatum centuriarum numerum, sed vere duplicatum tribuum numerum. Nam cum Servius præter quattuor tribus urbanas, quarum hic meminit Livius, multas etiam rusticas constitueret, ut omnes essent XIX. quemadmodum ego Livii, & Dionysii opinioni convenienter factum probavi in primo de jure civium R. cumque post alia, atque alia deinceps addita sint, quarum nomina sunt apud Livium, ita ut factæ sint XXXV. vere dixit Livius, post expletas XXXV. tribus numerum tribuum esse duplicatum, cum a XIX. ad XXXV. pervenerint. Loquitur enim Livius de numero centuriarum, qui quoniam major erat ætate sua, quam fuerat ætate Servii, & hæc res poterat admirationem asserre, inquit: *Nolim arvi, ordinem centuriarum, qui nunc est post expletas XXXV. tribus, non convenire summæ centuriarum institutum a Servio: etenim cum duplicatus sit numerus tribuum, & tribus sint traductæ ad divisionem centuriarum, contra atque Servius instituerat, propterea auctus est numerus centuriarum.* Neque vero post XXXV. tribus expletas existimare debes, tribus præcipue traductas esse ad distributionem centuriarum, quia traduci etiam ante id temporis cœperant, sed maximum centuriarum numerum præcipue evasisse post expletas XXXV. tribus. Quamobrem noli quæso ad conclusionem uti, qua uteris, cum inquis: *Sit ergo constitutum Livio testimonio non prius pertinuisse classium centurias ad tribuum distributionem, quam Rome tribus XXXV. fuerunt. ex quo consequens est, non potuisse prius prærogativam tribuum esse, quam XXXV. tribus Rome fuerunt.* noli, inquam, ita concludere. immo quoniam Livius non centurias ad divisionem tribuum, sed tribus ad centuriarum pertinuisse dixit, collige, maximum centuriarum numerum, qui admirationem facere rem ignoranti poterat, potest expletas demum XXXV. tribus fuisse, non autem prærogativam tribuum post expletas XXXV. tribus institutam esse. præsertim vero cum Livius prærogativæ, & jurevocatarum multo ante expletas XXXV. tribus idem meminerit. ut libro v. anno CCCLVIII. *Haud invidis patribus P. Licinium Calvum prærogativa tribuum militum creat: omnesque deinceps ex collegio ejusdem anni resciri apparet. qui priusquam renunciarentur, jurevocatis tribubus permisso interregis P. Licinii ita verba fecit.* & libro decimo: *Cum primo vocatæ Q. Fabium consulem dicerent omnes centurie.* & post: *Nemini dubium erat, quin Q. Fabius omnium consensu destinaretur, eumque prærogativa, & primo vocatæ omnes centurie consulem dicebant.* Nam quod obijcis, ut hunc scopulum vites, prærogativæ nomen his in locis improprie usurpatum non pro centuria forte educta, sed pro priore quadam iudicii sui significatione, & jurevocatas per prolepsin dictas, in eo neminem, ut spero, habebis sectatorem. Cum enim opponat prærogativæ jure vocatas, ut fecit Alconius loco commemorato, & ipse post libro vigesimo septimo, cum dixit: *Galeria juniorum, quæ forte prærogativa erat, Q. Fulvius consulem dixerat, eodemque jurevocatæ inclinassent, satis ostendit, se eodem modo sumere, quo alias sumpsit.* præsertim vero cum P. Licinium interregis permisso prius, quam collegæ renunciarentur, quos resciri appareret, ad jurevocatas locutum inducat, ut eas ab eo consilio deterretet. quæ inania essent omnia, si jurevocatæ jam tum non essent institutæ, aut si jam tum mos non fuisset, ut jurevocatæ omni ipsius prærogativæ sequerentur, aut denique si prærogativam removeres, & jurevocatas improprie dictas defenderes. Neque vero est, quod ea te res moveat, quod in his locis vulgo legatur *prærogativa*, non *prærogativa*, eamque lectionem ego ante annos XIV. in quinto libro laudavi. nam utraque lectio est veterum librorum, & ut nunc sentio, rectius legitur, *prærogativa*, quam *prærogativa* utroque in loco. ut primo vocatas in decimo dixerit,

quæ primæ post prærogativam vocarentur, ut ibi dixi. Cum ergo conslet, prærogativam, & jurevocatas extitisse, tum cum P. Licinius ad eas locutus fertur, qui fuit annus CCCLVIII. verisimile, aut certe improbabile non est, per ea tempora, quæ annum illum præcesserunt, institutas esse, ut quanquam certum hujus institutionis annum, quem a me curiose nimis exquiris, tradere nequeamus, tamen obscuris temporum eorum limites assignare possimus. & si ea causa instituendi fuerit, quam Festus, si ea, quam Varro prodiderunt, nihil impeditur est, quin ad ceteras ea quoque adjungi poterit, quam ego tradidi, de qua tu plus, quam æquum est, laborare videris. quasi vero tu non aliam binorum comitorum causam tradideris, quam Cicero, atque eam probabilior em esse, non ausus sis affirmare. Plura in hanc sententiam dicerem, nisi vetus Ciceronianæ loci prolata lectio, quam ego germanam esse censeo, per se multas tuas reprehensiones etiam me tacente reselleret. Et his autem, quæ dicta sunt, illud statuo, genus unum binorum comitorum fuisse, cum curiata lex ferebatur, ut ii magistratum haberent, quos populus, aut plebs centuriatis aut tribus comitiis designasset, quod primis temporibus observatum post obsolevit; alterum, cum prærogativæ centuriæ iudicium jurevocatarum suffragia subsequuta sunt. quod a primis temporibus usque ad postrema permanavit. quorum alterum Cicero significavit in agraria, alterum Alconius, accedente Livii, & Ciceronis testimonio aperte prodidit. Ac de lege quidem curiata magistratum hæc tenus.

C A P. III.

De lege curiata imperatorum.

DEINCEPS sequitur, ut agam de lege curiata, quæ magistratibus ad bellum, aut in provincias profecturis est lata. qua de re integra adhuc mihi tecum remanet controversia. Est autem quæstio ejusmodi. Cum Cicero scribat, *curiata comitia auspicioium causa remansisse*, satis autem conslet, ipsius tempore, quo obsoletam priorem de magistratibus legem curiatam diximus, curiatam alteram de imperio usurpatam, quænam hujusce legis vis, ac sententia sit. Cum autem hæc lex nemini lata inveniat nisi dictatoribus, consulibus, & prætoribus, cum ad bella & in provincias ire vellent, cumque eadem *rem militarem continuisse*, eadem *militaris fuisse* dicatur, facile in eam opinionem jam pridem adductus sum, ut credam, hanc legem de imperio, ut dixi, militari auspicio mandando esse latam. siquidem qui auspicio rem gesserunt, auspicia illa a populo accepisse, auctor, ut postea ostendimus, est Cicero. Tu vero eandem esse putas, quæ magistratibus omnibus imperium primum in urbe dederit, deinde idem in provincia continuaverit. imperium autem militare ut in ipso magistratu in situm, sic cum ipso etiam magistratu mandatum censet. ego vero & a magistratu sejunctum, & alio modo, quam magistratum ipsum, delatum opinor. Quare haud levi de re instituitur disputatio, cum sit querendum, idem ne sit magistratus, atque imperium, idem ne consul & prætor, atque imperator. Quoniam autem hæc expediri quæstio non potest, nisi ante quid magistratus, & quid imperium sit, cognoscatur, primum de magistratu, deinde de imperio statuamus.

C A P. IV.

Quid sit magistratus.

MAGISTRATUS igitur voco potestates omnes eorum, qui res humanas, quæ quidem ad remp. pertinerent, publica auctoritate

curarunt. Horum autem quatuor ferme fuerunt iura, unum imperandi, alterum iurificandi, tertium agendi, quartum auspicandi. Imperium tribus in rebus fuit positum, in edicendo, in vocando, inprehendendo. Edictorum duo genera fuere, unum, quo iurisdictionis suae formulam initio magistratus proponebant, alterum, quo pro magistratus auctoritate, utres tulisset, quae videbantur, imperabant. Qui porro vocationem habuerunt, ii etiam jus prehensionis assecuti sunt, atque lictoribus, & viatoribus, & servis publicis usi sunt; qui prehensionem tantum, ii viatorem tantum cum servo publico adhibuerunt; qui neutrum, ii servis publicis duntaxat stipati incesseunt. Iurisdictione vero duas habuit partes, unam decretum, alteram iudicii dationem, nam cum jus dicere nihil aliud esset, quam jus, quod in legibus, aut in edictis contineretur, ei, qui id poposcisset, reddere, profecto tum jus reddebant, cum aut ipsi re sine consilio cognita decernebant, aut iudices, qui rem cognoscerent, dabant, atque eis iudicandi formulam praescribebant. Actio vero eam habuit vim, ut qui hoc jus habuerunt, ille & ad senatum referre, & ad populum ferre possent de iis, quae ad remp. pertinerent. Auspicio autem ratio triplex. una fuit observatio de caelo, quae ad comitia sive impedienda, sive vitanda pertinuit. altera avium inspectio, quam in omni ferme re publice aggreddi adhibuerunt. tertia pullorum tripudium, quae militiae inprimis est observata. Haec autem iura convenerunt ita magistratibus, ut non omnes tamen his praediti fuerint, verum imperii, ac iurisdictionis partem aliquam omnes consecuti sint. De edictis res nota est, & a me aliis in libris tractata. De vocatione, & prehensione, quia res flagitat, recitabo verba Varronis ex Gellio. *In magistratu habent, inquit, alii vocationem, alii prehensionem, alii neutrum; vocationem, ut consules, & ceteri, qui habent imperium; prehensionem, ut tribuni pl. & alii, qui habent viatorem; neque vocationem, neque prehensionem, ut quaestores, & ceteri, qui neque lictorem habent, neque viatorem. qui vocationem habent, iidem prehendere, tenere, abducere possunt. & haec omnia, sive adsint, quos vocant, sive acciri iusserunt, tribuni pl. vocationem habent nullam, quod, ut ibi inquit Gellius, antiquitus creati videntur non iurificando, nec causis, quorūque de absentibus noscendis, sed intercessionibus faciendis, quibus praesentes fuissent, ut iniuria, quae coram fieret, arceretur, ac propterea jus ad se vocandi adeptum, quoniam ut vim fieri velarent, assidue ite corum, & praesentium oculis opus erat. item alio loco ex eodem Varrone: Qui potestatem neque vocationis populi virum habent, neque prehensionis, eos magistratus a privato in jus quoque vocari est potestas. M. Lævinus edilis curulis a privato ad praetorem in jus est eductus. nunc stipati servis publicis non modo prehendi non possunt, sed etiam ultro summovent populum. Ex quibus intelligi potest, qui minorem coercionem habuerunt, eos potestatem habuisse, qui maiorem, imperium. Itaque dictatoris, consulum, ac praetorum non potestas solum, sed etiam imperium extitit; tribunorum vero pl. & aedilium curulium, & quaestorum, potestas tantum. quia aut prehensionem tantum, aut neque prehensionem, neque vocationem habuerunt. Haec autem, cum ita esse multo mecum ante constituissem, quoniam imperii vocem non solum ad magistratum sed etiam ad imperatorem pertinere videbam, propterea de imperio imperatoris acturus, ne vocis homonymia errorem parceret, prioris initio responsonis ita scripsi: *Quo duplicem imperii significationem dico, unam civilem quandam magistratus auctoritatem, alteram militarem, ac bellicam. sic autem statuo, omnes magistratus & urbanos, & provinciales civilem potestatem habuisse, ceterum alios maiorem, alios minorem,**

A quae minor fuit, eam praecipue potestatem dictam; quae maior, non potestatem solum, sed interdum etiam imperium appellatam. idque ex eo liquere, quod de tribunis quidem plebis, atque edilibus nunquam nisi potestatem dixerunt, in consulibus autem, & praetoribus & potestatem, & imperium usurparunt. unde Livius in secundo tribunum pl. privatum esse, sine imperio, ac sine magistratu prodidit. Tu vero quid ais? unum ex his reprehendis, quod dixi de tribunis nunquam imperium dictum, ac mihi Florum, & Paterculum objicis, quorum alter prorogatum, alter abrogatum tribunis imperium dixit. atque hoc primi, ejusque gravissimi criminis loco das. Quod ego miror in primis. neque enim intelligere videris, Florum, & Paterculum ibi imperium pro magistratu ipso cepisse, eisdemque improprie locutos esse, cum tamen ipse & ibi imperium saepe pro magistratu usurpatum, & Cicronem, aut Livium haudquaquam ita locuturos fuisse capite xiv. scribas. miror autem multo etiam magis, cum te eundem ita scribentem animadverto: *Est alia significatio imperii, quae major quaedam iubendi, coercendique potestas intelligitur, in qua significatione cum accipitur, merito negantur omnes magistratus imperium habuisse, tametsi omnes iubendi potestatem haberent. in ea significatione accipitur apud Varronem, cum scribit, magistratus aut vocationem habere, ut consules, ceterosque, qui imperium habent. huius vocabuli ea vim passim observatur apud Livium, Sallustium, Cicronem, ceterosque Latinos scriptores, ut in maioribus magistratibus sepiissime imperium, nunquam imperium simul ac potestatem usurpent, in minoribus potestatem. miror, inquam, quia ipse usque adeo caecus videris, ut non videas, te idem tradere, quod ego. tu enim minores magistratus potestatem habuisse scribis, non imperium, ego tribunos plebis, quos etiam sine magistratu esse dixit Livius, potestatem habuisse, non imperium. potestatem autem uterque nostrum intelligit minorem cogendi, & coercendi facultatem. Quod vero dixit Livius, tribunum pl. privatum esse, sine imperio, ac sine magistratu, ex ea parte reprehendis, quod a Livio non lit proditum, sed apud Livium ab Appio consule pronuntiatum, atque oratorie auctum. quod prorsus refutat Plutarchus in Problematis, qui historice, non oratorie quaerens, cur praeterea alii magistratus uterentur, tribunus pl. non uteretur, respondet, an quia tribunus pl. magistratus non est? neque enim ex sella tribunus jus dicunt, neque lictores praefertur, neque creato dictatore abdicant, sicut alii magistratus, quasi ipsi magistratus non sint, sed alium ordinem obtineant.*

Deinceps vero declarans, quid esset potestas magistratus, dixi, eam in auspicio, & iudicio fuisse positam, teste Cicrone in Legibus, qui scripsit: *Magistratus omnes iudicium, & auspiciū habent.* quod dictum cum tu tibi multis nominibus accusandum susceperis, videtur esse faciendum, ut omnes reprehensiones tuas, quam possim, brevissime planissimeque refellam. Primum autem crimen est, quod Cicronis testimonio in Legibus utar, quae omni ex parte non sint legibus Romanis accommodata. quod crimen puto esse tum levissimum, tum mihi tecum, & cum omnibus, qui in hoc genere disputationis versantur, commune. verum, age. cur non sunt accommodata? quia statuit, inquis, ut censores quinquenni magistratum gerant, cum per xviii. menses tantum gesserint. quid? non ne primis temporibus quinquennalis censura fuit? non ne ipse Cicero aperte scribit, se multas leges ponere, quae si non essent in legibus Romanis, tamen erant in more maiorum, qui tum, ut lex, valebat?

Alterum crimen est, praecipuum magistratus potestatem non in iudicando, & auspicando collocatam fuisse, sed in imperando. Quod quanti faciendum

fit, non est difficile intellectu. neque enim sola imperandi potestas magistratum constituit, quamquam sine ea magistratus non potest, nam etiam sacerdotes pro iure sacerdotii, & legati pro iure curationis suæ imperarunt aliquid, quos tu tamen magistratus non vocas. & qui magistratui iudicium, i. jurisdictionem attribuit, eidem etiam imperandi potestatem ascribit. nam si potestas imperandi, te interprete, est potestas coercendi, magistratus, qui jurisdictionem habet, idem etiam coercionem habuerit, necesse est. nam quomodo plene jus dicer, si quis in ius vocatus non paruerit, neque prehendi potuerit? Etenim ut scripsit Paulus D. de jurisdictione, *Jurisdictio sine modica coercionem nulla est.* Coercitione autem sola magistratum non constituit, inde apparet, quod multi magistratus neque vocationem, neque prehensionem habuerunt, in quibus coercitio est veritata, si auctoritati Varronis stamus. Jam quod addis, *me parum memorem esse, quodcum dixerim, tribunalum magistratum non esse, post dicam, potestatem esse in auspicio, & iudicio, quorum utrumque conveniat in tribunalum, non vereor illam culpam.* neque enim dixi, tribunalum non esse magistratum, sed imperium de tribuno non dici, cognosci ex Livio, qui dixit, *tribunum privatum esse, sine imperio, ac magistratu.* Verum fac, me dixisse, tribunalum pl. non esse magistratum, cumque iterum esse magistratum, inconstantiam culpam non extimecam. primis enim temporibus dicam non fuisse magistratum, quia auspicium non habuit, & jus non dixit, ut Plutarchus loco prolo, & Gellius libro xlii cap. xli. scribunt; postremis fuisse magistratum, quia & auspicium habuit, & jus dixit. nam auspiciorum jus quoddam accepit post decemvros abrogatos, auctore Zonara, & jus dixit in sublellis, ut testis est Asconius, & tu consiteris.

Tertii criminis loco deinde objicis, quod apud Ciceronem interpreter, *iudicium jurisdictionem, i. potestatem decreti interponendi, ac iudicis dandi.* atque hoc reprehendis bifariam, primum negans magistratus omnes habuisse potestatem decretum interponendi, & iudicis dandi, deinde negans, verba Ciceronis eam, quam dixi, sententiam continere. utrique reprehensioni occurram paucis, ac prius priori. Dico igitur, magistratus omnes aut statuisse aliquid pro auctoritate magistratus sui, aut iudicem, qui cognosceret, dedisse. audi eum, qui scripsit Rhetorica ad Herennium. *Judicatum est, inquit, de quo aut sententia lata est, aut decretum interpositum.* sententiam enim refert ad iudicem, decretum ad magistratum. & Appium decemvirum consularem apud Livium: *Ut jam sciret, non id petulantia sue, sed Virginio absenti datum, jus eo die se non dicturum, neque decretum interpositurum.* i. neque iudicem, qui cognoscat, datum, neque ipsum aliquid decreturum. Siquidem Ulpianus D. de jurisdictione scribit: *Jurisdictio est etiam iudicis dandi licentia.* audi denique Ciceronem in Verrem ita loquentem: *An dubitabit quisquam, quin is venalem in Sicilia jurisdictionem habuerit, qui Rome totum edictum, atque omnia decreta vendiderit, & quin ab Siculis ab decreta interponenda pecuniam acceperit, qui M. Octavium ob jus dicendum poposcit?* Atqui omnes magistratus si non iudicem dederunt, decretum saltem interposuerunt. cur enim ad eos privati confugerent, si ipsi pro auctoritate sua decernere nihil possent? mitto ceteros. fumo tribunos pl. quos sine magistratu aliquando fuisse innuit Livius, non ne hos & decretum interposuisse, & tutores æque, ac prætores dedisse lege Atilia constat? at Ulpianus D. de jurisdictione, *Jusdictio, inquit, officium latissimum est. nam & bonorum possessionem dare potest, & pupillis non habentibus tutores confirmare.* Ex quo sequitur, magistratus omnes potestatem decreti interponendi habuisse.

Quod vero negas, verba Ciceronis eam sententiam habere, quam ego dixi, ac novam ipse affers, puto utile esse, utranque expositionem inter se conferre, ut, utra verior sit, judicari facilius possit. Verba legis, quam de magistratibus in universum Cicero ponit, hæc sunt: *Iusta imperia sunt, iisque civis modeste, ac sine recusatione parento. magistratus nec obedientem, & noxium civem multa, vinculis, verberibusque coerceto, ni par, majorve potestas, populusve prohibebit, ad quos provocatio esto.* Sequuntur inde leges de singulis magistratibus, quibus expositis insert: *Omnes magistratus auspicium, iudiciumque habento. ex quibus senatus esto.* atque hæc verba inde ipse interpretans ita subjicit: *Omniibus magistratibus auspicia, & iudicia dantur. iudicia, ut esset populi potestas, ad quam provocaretur, auspicia, ut multos inutiles comitiatus probabiles impedirent moræ.* His verbis ego dico exprimi fere, quæ in universum ad magistratum iura pertineant, primum jus edicendi, deinde coercendi, tum ad populum accusandi, postremo auspicandi, & iudicandi. Edicta magistratum iusta esse statuit; coercitionem ejusmodi, ut si quem aut multaverint, aut prehendi, aut verberari jusserint, obediunt provocationi, si is, quem illi coercuerint, aut ad collegam, aut ad majorem potestatem, aut ad populum provocaverit. accusationem vero esse talem, ut si cui ad populum multam poenam irrogarint, de ea cognoscat populus; auspicia vero se eis concedere ait ob id, ut cum de cælo se auspicatos esse dixerint, ea obnunciatione comitia inutilia dirimantur; iudicia postremo, ut sit aliqua populi potestas, ad quam confugiant, qui jus suum persequuntur. nam populi potestatem interpreter magistratum populi, & provocare ad potestatem populi, a magistratu iudicium postulare, ut postea ostendam. Ob id ergo dat iudicia magistratibus, ut privati habeant populi potestatem, ad quam provocent, i. cuius auxilium quocunque modo læti implorent. auxilium autem dabit magistratus aut decretum interponendo, aut iudices dando. Atque hæc quidem mea est expositio. tua vero ista a te his verbis expressa: *Judicium illo loco significat potestatem exercendi ad populum iudicii, disceptatoreque, ac iudice populo damnandi, pro ea, quam quisque magistratus haberet, potestate. habuerunt enim omnes magistratus eam cum populo agendi, reumque ad populum faciendi potestatem, quam nemo privatus habebat. ego vero non aliunde veram, ac germanam huius loci interpretationem sumo.* Cicero recitatis suis legibus legum a se positarum cum rationes, causasque subjicit, ita de hac lege scribit: *(Deinceps omnibus magistratibus auspicia, & iudicia dantur, iudicia, ut esset populi potestas, ad quam provocaretur) ex his verbis dico, necessario colligi, nomine iudiciorum illo loco significari, illas, quas dixi, ad populum vocationes. dicit enim magistratibus data in lege ob id iudicia, ut per illa iudicia ostenderetur, statuereturque summa illa populi potestas, que in provocatione posita erat. hoc vero jus ad populum vocationis omnes, ac soli magistratus habebant.* Hæc tu. ex quibus apparet, te censere, Ciceronem velle, magistratus omnes potestatem habere accusandi ad populum, & multam irrogandi, ita tamen ut provocare liceat ad populum. Ego vero dico, hæc ex omni parte falsa esse, atque a sententia Ciceronis aliena. primum, quia si Cicero vellet, magistratus omnes habere potestatem accusandi ad populum, sequeretur, ut vellet, omnes jus habere agendi cum populo. at in eadem lege hoc jus concedit tantum consuli, prætori, dictatori, magistro equitum, interregi, & tribuno pl. ergo non omnibus accusandi ad populum dedit potestatem. Siquidem accusare ad populum est agere cum populo. Adde, quod si hoc vellet, quæ supra scripta sunt, in tam brevi lege sine causa repeteret.

supra vero scripsit de provocatione ad populum, & de irrogatione multæ. neque est verisimile eadem in eadem lege paucis interjectis verbis literaturum. Huc accedit, quod idem haud sibi constaret, si daret irrogationem magistratui, quo constitueretur provocatio ad populum. quia irrogatio valet ad perniciem, provocatio vero ad salutem. Etenim si supra dixit, *Si magistratus irrogasset, per populum multæ pœneratio esto*. item, *Magistratus civem multæ coërecto, ni populus prohibesset, ad quem provocatio esto*, præclare utrumque dixit. at hoc absurde. Do magistratibus multæ irrogationem, iccirco ut ad populum provocatio sit. quod est nihil aliud, quam fœcio, ut magistratus civibus vulnus inferre possint, quo a populo sanari queant. Jam vero cum judicia ad populum fiant duobus modis, uno, si quis a magistratu damnatus ad populum provocet appellando vel collegam ejus, vel majorem magistratum, a quo producat ad populum, (neque enim privatus, ut tu optime scis, agere ad populum, aut cum populo potest, nisi productus a magistratu) altero, cum magistratus iratus alicui ei diem dixit ad populum, ac multam irrogavit, de qua cognoscat populus. unde Livius libro xxi. *C. Julius decemviris Sextio diem dixit, & accusator ad populum exiit, cuius rei legitimus iudex erat*. Si secundum modum repetitum putas, temere putas, quia in secundo modo provocatio non incidit; si primum, ergo judicium ibi significabit, ut ego scripsi, potestatem discernendi. non enim necessaria est provocatio, nisi præcessit judicium magistratus, quod ego appello Decretum. neque enim provocabant ad populum, postquam magistratus eos accusarat ad populum, sed postquam eos suo decreto damnaverat. Adde præterea, magistratus omnes habere judicia eodem modo, quo habent auspicia. at habent auspicia ita ut auspiciando de cælo impediunt inutilia comitia, id est, profint reip. sic etiam habent judicia, ut suis judiciis sublevent eos, qui ad se provocarint, i. auxilium suum implorant. at tu magistratibus das judicium, i. accusationem ad populum, ut civibus nocere possint. Ut autem auspicia impediunt inutilia comitia, sic judicia defendere civium injurias debent. Quid plura? genus ipsum orationis aperte tuam, ut video, sententiam respuit. nam si de provocatione ad populum intelligeret, non scripsisset, *Ut esset populi potestas, ad quam provocaretur, sed ad quem*. neque enim dicunt Latini provocare ad potestatem populi, sed ad populum. potestas autem populi est idem ac magistratus. quin etiam potestas pro magistratu sæpissime ponitur. Asconius in xv. Verrinam: *Rome appellari tribuni possunt contra omnem potestatem*. Svetonius in Cæsare: *Quod compellari apud se majorem potestatem passus esset*. Cicero in hac lege: *Ni par, majorve potestas, populusve prohibesset, ad quos provocatio esto*. Dixit autem Cicero provocare ad magistratum pro eo quod veteres jurisconsulti dicunt provocare ad judicium magistratus. quod est nihil aliud, quam postulare judicium. Cælius D. de judiciis: *In tribus istis judiciis familia eriscunde, communi dividendo, & finium regundorum queritur quis actor intelligatur, quia par causa omnium videtur. sed magis placuit, eum videri actorem, qui ad judicium provocasset*. Ulpianus ibidem: *Sed cum ambo ad judicium provocant, sorte res discerni solet*. Et tamen cum hæc ita sint, adeo tibi in hoc places, ut eo modo scribas, quo ne Varronem quidem ipsum, si revivisceret, arbitraret esse scripturum. Quoniam multos, inquis, etiam alios video ad hunc scopulum naufragium fecisse, magis mihi elaborandum est, ut me adhuc solum inde saluum evasisse demonstrum. Quo quid magis potest esse ventosum? Gaude igitur, quod solus salvus emerferis ex hoc oceano, & me cum reliquis omnibus, quorum judicium tu præ tuo, ut video, pro nihilo ducis, perire æquo animo patere.

Nam quod postremo adjungis, me non mihi constare, qui urbanis, & provincialibus magistratibus auspicia, atque judicium adimam, falso objicis. nam eos cum imperio quidem, sed sine magistratu esse, Liviana nixus auctoritate, dico. Ac quod sit quidem magistratus, ex his intelligi posse, quantum ad nostram disputationem pertinet, arbitror.

C A P. V.

Quid sit imperium.

NUNC de imperio loquamur, quod militare dicimus, cujus causa hæc omnis est oratio instituta. Non est autem dubium, quin imperium præter ceteras significationes sit potestas, ac jus imperatoris. Cum autem imperator sit, teste Cicerone in primo de oratore, *adminisrator belli gerendi, sive dux*. Dux autem, ut scribit Livius libro quarto, sit qui bellum suis auspiciis gerit, sane imperium ius erit adminisrandi, ac suis auspiciis gerendi belli. unde illud est Ciceronis de Cæsare Octavio: *Demus imperium Cæsari, sine quo exercitus haberi, bellum geri, res militaris adminisrari non potest*. Hæc autem auspicia accipiebantur a populo curiatis comitiis, cum legebantur imperatores, & Capitolio, cum paludati exituri erant. A populo accepta ostendit Cicero in libris de divinatione, cum scripsit, *proconsules bella gerere, cum non haberent auspicia, que acciperentur a populo*. Curiatis comitiis accepta docet idem, cum in or. de lege agraria dixit, *curiata auspiciorum causa remansisse*, & Livius cum legem de imperio curiatam nominat, atque curiata comitia rem militarem continentia auspiciata fuisse ait. E Capitolio accepta, cum idem libro xxi. de Flaminio consule sic scribit: *Quod consuli justum imperium, quod auspicium esset, magistratus id domo publicis, privatisque penetibus, Latinis feriis actis, sacrificio in monte perfecto, votis rite in Capitolio nuncupatis secum ferri*. & libro xlv. Consul, prætorve proficiscens paludatis lictoribus in provinciam, & ad bellum vota in Capitolio nuncupat. & libro xli. *Quod non more majorum secundum vota in Capitolio nuncupata lictoribus paludatis profectus in provinciam*. Si ergo imperator est adminisrator belli gerendi, aut qui tales jus accepti, adminisrare vero est suis auspiciis gerere, auspicia vero a populo, & e Capitolio accipiebantur, profecto ad imperatorem lex curiata ad populum lata, sacrificium, vota, & paludamenta & Capitolio pertinent. & qui hæc non haberit, aut nullus imperator, aut certe justus non erit.

C A P. VI.

An imperium in magistratu fuerit institum.

NON idem autem fuisse imperium, ac magistratum, neque in ipso magistratu fuisse inclusum, ex eo apparere potest, quod ipsa eodem modo neque capiebantur, neque inibantur, neque gerebantur, neque prorogabantur, neque eodem in loco exercebantur.

Quod dixi de capiendi, satis constat, alio modo magistratus creatos, atque imperatores constitutos. nam magistratus mandabantur comitiis, imperium lege aliqua, aut senatusconsulto. inter quæ illud interstuit, quod in comitiis ex multis petentibus pauci legebantur, in rogatione legis uni nominatum imperium deferrebat. unde scripsit Festus: *Cum imperio esse dicebatur, cui a populo nominatum mandatum erat imperium*. Indicat utriusque actionis formula. in consulibus enim creandis rogabatur po-

pulus, Quos vellent consules fieri. tum deinceps respondere centuriæ, ex iis, qui petere professi erant, hunc, aut illum. unde Alconius, ut dixi: Prærogative tribus dictæ, quod primæ rogabantur, quos vellent consules fieri. in imperatoribus autem legendis rogabatur, Vellent, jubere ne, ut huic consuli, aut postquam consulatu abisset, in hoc bello, aut in illa provincia imperium esset, aut, Ut hic consul, aut proconsul rem gereret. respondebant plerumque curiæ, Uti rogas, unde Livius libro xxvi. Omnes centuriæ P. Scipioni imperium in Hispania esse jusserunt, & libro ix. Actum cum tribunis pl. est, ad populum ferrent, ut, cum Philo consulatu abisset, pro consule rem gereret.

In ineundo vero quanta diversitas fuerit, non est necesse pluribus demonstrare. Etenim magistratus inibat, ut satis constat, K. Jan. sacrificio in Capitolio facto, prætexta sumpta, lictoribus togatis prælatis: imperium vero alio, ut se obtulerat, die, altero in Capitolio sacrificio facto, votis nuncupatis, paludamento sumpto, & paludatis lictoribus prælatis. unde etiam togam prætextam mutare, ex privato magistratu fieri, paludamentum prætextam mutare, ex magistratu imperatorem fieri dicebant, ut ego in libris de Provinciis demonstravi. Itaque vix risum continere potui, cum te scribentem legi, ex paludamento imperium non posse concludi, quod etiam lictores paludati essent, qui tamen non essent imperatores. nisi vero, quod non videres, si lictores ante togam incederent, dum prætextato consuli apparuerunt, postquam autem consul imperium, & insigne imperii paludamentum accepit, & ipsi paludati præcesserunt, illud paludamentum lictoris ad consulem referri, non ad lictorem. Quare quod inquis, probare me debuisti, solos imperatores paludamento ornatos fuisse, nihil est. quia paludamentum lictorum, non lictorum erat insigne, sed magistratum, quatenus erant imperatores. quemadmodum fasces non erant lictorum fasces, sed eorum, quibus præferebantur. At dixit Livius, inquis: Consul proficiscens prætorque paludatis lictoribus in provinciam, & ad bellum, ne omnes fuisse belli duces existimemus, qui paludati exhibant. egregie. scilicet dubitavit prudens historicus, ne lictores pro imperatoribus fumeremus. hos enim unos tu prætor consules, & prætores, aut alio modo duces, paludamento ornatos attulisti. Quod si consul dimissis lictoribus pro privato esse habitus, certe antequam eos fumeret, pariter fuit privatus. Unde dixit Plutarchus in Fabio: Fabius dictator obviam prodeunte altero consule, viatore missis lictores dimittere eum jussit, atque insignibus magistratus abjectis privatum ad se venire. si hoc in consule, profecto etiam in imperatore. non enim imperator ante est, quam imperatoria accepisset insignia, quæ a consularibus diversa constat fuisse.

De dissimilitudine vero administrationis hæc habemus. Illud sane perspicuum est, imperium populi R. ex civibus R. & sociis provincialibus constituisse, atque utrique eorum varium jus esse concessum. Hoc autem jus qui reddiderunt, si jus dicere, & magistratus esse dicti sunt. jus autem dixerunt aut de privatis controversiis, quæ proprie jurisdictio nominatur, aut de publicis, quæ præcipue questio appellatur. Ac Romæ quidem separati fuerunt magistratus, qui de privatis, & de publicis causis cognoverunt. in provinciis autem idem utranque procuracionem obivit. quod si cives aut socii potestate magistratus propria coerceri non potuerunt, quæ potestas in lictoribus, & vocacione posita fuit, tum ad extremum auxilium vim armatam venerunt. quoniam autem exercitus haberi sine imperio non poterat, novum jus magistratui fuit addendum, quo exercitum habere, & qui non obedire armis cogere posset. & quia socii contineri procul ab domo

A armorum metu remoto non potuerunt, & multæ provinciæ hostibus vicinæ teneri sine exercitu nequiverunt, propterea omnibus præsidibus etiam in pacatas provincias euntibus militare imperium tribuerunt. Neque vero negatur, quin imperator aliquam & ipse jurisditionem habuerit, sed eandem habuisse refellitur. Jus enim & ipse dixit civibus, aut sociis, verum non ut cives, aut socii erant, sed ut milites a se sacramento adacti erant. neque lictes eorum cognovit, aut in eos animadvertit, ut prætor, sed ut imperator. Omnino autem cum tria magistratibus committerentur, jurisdictio, questio, & rei militaris administratio, intelligendum est, hæc ita inter se fuisse subiecta, ut nisi speciali lege in eodem conjungi non possent. Siquidem ut qui habebat jurisditionem, non habebat propterea etiam questionem; sic qui habebat jurisditionem, & questionem, non continuo habebat etiam militare imperium. itaque ut jurisdictio competebat provinciali magistratui jure magistratus, sic questio specialiter lege, aut senatusconsulto conveniebat. Quod vero dixi de jurisditione, & questione, id est apud Papinianum D. de officio ejus, cui mandata est jurisdictio. Quæcunque specialiter, inquit, lege, vel S. C. vel constitutione principum tribuuntur, mandata jurisditione non transferuntur. quæ vero jure magistratus competunt, mandari possunt. & ideo videntur errare, qui cum publici judicii habeant executionem lege vel S. C. delegatam veluti legi Julia de adulteriis, & si quæ aliæ sunt similes, jurisditionem suam mandant. Quid plura? non ne minus est habere questionem, quam rei militaris administrationem? certe. at neque consul, neque prætor urbanus, neque peregrinus injussu populi questionem habent, ergo multo minus rei militaris administrationem. nam primis temporibus ut quæque res capitalis commissa erat, ita ejus rei questio aut consuli, aut prætori lege mandabatur, postremis, cum prætores fortiri questiones cœperunt, tum ex legibus de iis latis eas exercuerunt. Quod si consul institutum in se militare imperium habuisset, certe multo potius Cæsar, & Bibulus armis inter se contendissent, quam edictis. Nemo autem consul cum inimico suo bello contendit, nisi aut summo S. C. ornatus, ut Q. Catulus cum Lepido, & C. Antonius cum Catilina, aut ex S. C. provinciam cum imperio adeptus, ut Sylla, & Cæsar cum inimicis suis. Itaque Octavius cum neque S. C. summum, nec provinciam haberet, imperio a senatu extraordinario est affectus. Cæsar autem, & Bibulus, quia nondum provincias habebant, in consulatu edictis concertaverunt. Quid? jurisconsulti, ubi de officio consulis, aut proconsulis agunt, num aliud, quam urbanam, aut provincialem jurisditionem attingunt, aut aliquid rei militaris tradunt? non certe.

Jam vero prorogatio procuracionis quam in utroque diversa fuerit, ex hoc cognosci potest, quod cum magistratum, ut consulatum prorogatur, dixerunt continuare magistratum, cum militare imperium continuarent, dixerunt prorogare imperium. cui vero ex urbano magistratu prorogatum erat imperium, is tantum rem militarem, quam in magistratu tractaverat, pro magistratu tractabat. Quod apparet ex formula ipsa prorogacionis imperii, quæ est apud Livium libro viii. Actum cum tribunis plebis est, ad populum ferrent, ut, cum Philo consulatu abisset, proconsule rem gereret. & post de eadem re: Singulare hoc ei accidit prorogatio imperii non ante in ullo facta. Tu vero intramuranos magistratus proprie magistratus, extramuranos imperia nominatos, atque hæc dicendi genera re eadem, verbo sejuncta esse contendis. quocunque enim modo dicatur, semper intelligi magistratus potestatem prorogatum. Quod ego concoquere non possum. urbanas enim provocaciones magistratus scio vocari,

quia jurisdictionem, quæ propria est magistratus, continent; extramuranas vero imperia nominari, quia ad jurisdictionem rei militaris imperium omnium maximum habent adjunctum. re autem distincta esse, ex eo apparet. hic enim consul. hic habet jurisdictionem, cum senatu, & cum populo actionem, quæ sunt propria consulas, & si legem curiam in imperio habeat, etiam militare imperium. reficitur in posterum idem consul, eadem erit auctoritate, eodemque jure, quo anno superiore, & consul iterum vocabitur, quippe continuato magistratu. in tertium inde annum prorogetur illi imperium, quæro a te num vocabis eum consulem tertium? minime vero, sed proconsulem. an dicis habere jurisdictionem eandem, actionem eandem? multo minus. an jus idem belli gerendi? idem omnino. si quidem latum est, ut proconsule possit rem gerere, quod est, non jus dicere, sed bellum administrare. quomodo ergo imperium prorogare est idem, atque magistratum continuare? & imperium non est a magistratu diversum? Nam quod dixisti, prætoribus aliquot urbanis imperium prorogatum a Livio, respondeo prorogatum esse militare imperium, quod in prætura urbana extra ordinem obtinuerunt, quamvis Livius de eo verbum nullum fecerit, sic enim assuevit.

Quod autem extremo proposui, diversa magistratum, & imperatorum in administrando loca, quam eorum diversa jura fuerint, demonstrare, id in priorum responsione multis verbis edocui: quæ necessario hic repetenda sunt, ut singulas tuas, quibus oppugnantur, rationes sigillatim hoc loco retellam. Qui civilem, dicebam, adeptus potestatem erat, quæ magistratum ipsum attingebat, is in urbe manebat; qui cum imperio erat, quoniam exercitus habendi potestatem obtinebat, id quod parum civili tutum libertati putabatur, is statim ex urbe egredi, & aut in provinciam, aut ad bellum delatum proficisci, aut ad urbem cum imperio manere jubebatur: ubi vero ex provincia, belloque reversus erat, aut statim urbem privatus ingredit, aut, si de triumpho cogitabat, ad urbem morari solebat. Quod si triumphum impetrasset, tum quoniam triumphare sine exercitu non poterat, exercitus autem haberi sine imperio non licebat, imperium autem militare in urbe non concedebatur, propterea lex ad plebem de imperio eius diei ferebatur. Adversus hæc tu quidem multa, sed illud in primis: Si sic esset, futurum, ut omnes consules, quoniam civilem potestatem habebant, in urbe manere oportuisset. Quod non est ita. Non enim omnes ego consules dixi oportuisse manere in urbe, sed mansisse; qui vero imperium adeptus esset, eum oportuisse ex urbe exire. his autem nihil aliud volui, quam magistratui in urbe esse licuisse, imperatori vero non licuisse. Addis, Non omnes consules, qui provinciam sortiti essent, in provincias profectos, sed liberum eis fuisse, manere ne in urbe, an in provinciam ire vellent. Concedo. verum aliud est, sortiti provinciam, aliud accipere imperium in provinciam: nam post sortitionem provincie sequebatur latio legis curiæ de imperio, inde acceptio imperii per insignia in Capitolio. ego vero dico, non post sortitionem provincie, sed post accepta imperii insignia urbe esse egressos. Quos porro consules profers in provinciam non profectos, eos provinciam post sortitionem, non post imperii acceptionem deposuisse dico. atque hæc ex eodem, quem tu profers, Livii loco, cognosci possunt: C. Claudius consul veritus, ne forte ea rei provinciam, exercitumque sibi adimeret, non votis nuncupatis, non paludatis licetoribus, nocte profectus præcepi in provinciam abiit. & post: Romam ex provincia rediit ad solemnia vota in Capitolio nuncupanda, paludatosque licetores accipiendos. Itaque, quorum illa tua pertineant, non video; nempe protectionis in provincias tempus in voluntate magistratum fuisse. an enim hoc agimus, accepisse

se imperii insignia, cum libuit, an urbe egredi iustos, postquam imperium acceperunt? quamquam ne illud quidem ipsum in potestate fuit. siquidem scribit Cælius: Consules, quia verentur, ne senatusconsultum illud fiat, ut paludati exeant, omnino S. C. fieri nolunt. Adjungis, si consules urbe egredi iussisset, quod ab eorum imperio periculum libertati fuisset, Romanam rem nunquam metu, qui a suis magistratibus immineret, liberam futuram fuisset. Quo loco ego quæro de te, cur periculosum putarint, cis Rubiconem, qui tum erat Italiae finis, exercitum adducere, atque, id ne fieret, decreto sanciendum putarint? cur denique exercitum in Gallia citeriore habere parum tutum existimarent, atque eam postremo hac de causa Triumviri libertate, teste Dione & Appiano, donarint, ne quis provincie nomine in Italia exercitum haberet? Quod si imperatorem esse cum exercitu in Gallia, atque cis Rubiconem exercitum adducere libertati Romanæ periculosum putarant, ergo in urbe exercitum habere, & cum imperio esse, tutum duxerunt? Non poterant, inquis, timere de imperatore, quia vetabatur lege, ne intra urbem exercitum imperare, classemque provinciam intra pomerium habere liceret. immo vero in eo vel maxime se timere valde significabant, cum imperatorem urbe exire volebant, eundemque in urbe exercitum imperare verabant. Sed quæcunque causa egrediendi fuerit, consul imperio accepto cum urbe exivit, satis demonstravit, non idem fuisse consulum, atque imperium. Quod autem præterea reprehendis, quod triumphare sine exercitu, qui triumphum impetrasset, non posse dixi, & uteris exclamatione, miror: tum enim exclamatio locum habet, cum res aut falsa aperte est, aut indigna. Bone deus, inquis, Sigonius mandare scriptis non erubuit, triumphare sine exercitu neminem potuisse. Falsum est enim, ne scripserit, triumphare sine exercitu nemini licuisse. Scripsi quidem, triumphare sine exercitu, qui triumphum impetrasset, non potuisse, quod autem scripsi, id ex veteri triumphi instituto sumpsi: sic enim observatum esse docet Zonaras, ubi omnem triumphi pompam exponit: sic Cicero in Pisonem, ubi agit de triumpho: Quid clamor militum, quid tota illa pompa? Sic Livius de Pauli triumpho: Militum propria est causa, qui & ipsi laureati triumphum nomine cient, suas & imperatoris laudes canentes per urbem incedunt. Quid quod multis negatus est triumphus, quod exercitum non deportassent? Exemplum, inquit Livius, obstabat, quod ita comparatum more majorum erat, ne quis, qui exercitum non deportasset, triumpharet. at aliquot, inquis, non deportato exercitu triumpharunt. quid si majorum instituta non servarunt? Addis, qui ovantes urbem ingrediebantur, sine exercitu omnes fere inisse. nolo nunc quærere, plures ne sine exercitu, an cum exercitu ovantes inierint: illud volo te scire, quod scribit Dionysius libro quinto: Differt, inquit, ovatio a triumpho, quod qui ovans ingreditur, urbem ingreditur pedibus, exercitu præcedente. Neque vero si ovatio semel, aut iterum est concessa, quod exercitus non esset deportatus, nos cogere debet, ut dicamus, qui ovantes inierint, sine exercitu id fecisse; immo vero si triumphus est negatus, quod exercitus non esset deportatus, concludi potest, exercitum ad triumphum more majorum necessarium fuisse, & qui hoc neget, ut in aperto mendacio erubescere debere. Adjicis, legem de proconsulum triumphantium imperio latam fuisse, ne privati triumpharent. non improbo. Illud tamen scire de te cupio, cur triumphare privati non poterint? nempe quia imperium non habebant, non civile, (neque enim eo opus erat) sed militare: verum cum in urbe militare imperium haberi non posset, relinquebatur, ut a lege in eam diem duntaxat petendum esset. Postremo concludis, legem de triumphantium imperio, non de

rei militaris potestate fuisse, apparere et verbis Valerii, qui inquit: *Moris erat, ab imperatore triumphum ducturo consules invitari ad cenam: deinde rogari, ut venire superedeant, ne quis eo die, quo ille triumphaverit, majoris in eo convivio sit imperii.* neque enim si imperium, inquis, militare ille habuisset, consulibus in convivio, qui civilem tantum auctoritatem haberent, concessisset. Non est hoc magni fieri enim potuit, ut triumphantes in convivio privati fuerint: siquidem verisimile est, ut uterque exituri sacrificio facto in Capitolio imperium suscipiebant, sic etiam reverbis sacrificio facto depopularentur. convivium autem, teste Zonara, post sacrificium fiebat. aut si in convivio imperium retinebant, tamen more majorum consulum majorem fuisse respectum, quam ejusmodi imperatoris, qui tribus post horis privatus esset futurus: siquidem Plutarchus in Problematis rationem hujus instituti reddit, quia triumphanti in cœna primus locus debebatur, quem præsentibus consulibus concedere jus non erat.

Quamquam autem hæc adeo firma sunt, ut refelli non possint, tu tamen his posthabitis imperium in magistratu initum, & cum ipso magistratu mandatum inquis. Quod ut efficias, in consulibus, dictatoribus, prætoribus & censoribus jus militare fuisse demonstrare aggredieris: ac de consulibus quidem in hunc modum. *Consulibus regia fuit potestas, maxime, quia scripsit Cicero in Legibus, regio imperio duo sunt: at reges belli administrandi jus habuerunt, ergo & consules.* Quam autem falsa hæc conclusio sit, declarat Q. Fabius apud Livium, cum inquit: *Ego P. Cornelium reip. vobisque, non sibi ipsi privatim creatum consulem existimo. exercitusque ad custodiam urbis, atque Italæ scriptos esse, non quo regio more per superbiam consules, quo terrarum velint, trajiciant.* at consules bella administrant. administrant, imperio lege curiata accepto. cum ab initio eo jure essent, ut ipsi bella gerenda decernerent, non autem ut jure consularis sine S. C. sine lege bellum regio more gerere possent. Quod autem Ciceronem in Legibus testem producis, inique certe facis. quasi enim oblitus videris, te tribus ante verbis Legibus Ciceronis auctoritatem abrogavisse, quia a legibus Romanis essent alienæ, neque earum testimonio severissime interdixisse. Addis, *Consules dicuntur prætores: at prætor significat eum, cui pareat exercitus, ergo consules ex jure consularis bellicum habent imperium.* Hoc, ut puto, sumpsisti a Varrone, qui libro quarto scribit: *Prætor dictus, qui præret jure, & exercitu.* Præclare utrunque. jure præfuit, populi scito centuriatis comitiis, exercitu lege curiata; aut præfuit, exercitui, quod ad annuos delectus habendos pertinuit, non quod ad rem pro suo jure gerendam. Ad reliqua; quæ adjungis: *Cicero scribit, imperatores comitiis consularibus delectos, Livius belli duces legi, cum consules legebantur, Sallustius loquens de consulibus, annua imperia, binos imperatores factos scribit:* ad hæc, inquam, ita respondeo, ut supra; cum consules deligebantur, eos esse delectos, quibus præcipue, si opus fuisset, imperium militare committeretur, non qui sine alia lege imperatores essent. Adjicis: *Consules delectum habuerunt quotannis, ut scribit Polybius, ergo militare jus habuerunt.* Dico jus militare duplex esse posse, imperfectum, & perfectum. imperfectum est magistratus, ut delectum annum habeat, quo copiam juniorum, qui stipendia faciant, incipiat. perfectum est imperatoris, ut exercitui præsit, & bellum gerat. illud habuerunt consules, ut consules, hoc vero ut imperatores. qui vero imperatores fuerint, supra demonstratum est. Jam verba L. Postumii consulis ita loquentis: *Non ita vestre auctoritatis P. C. memineram, ut me consulem esse obliviscar, eodem jure impe-*

rii, quo bella gessi, bellis feliciter gessi triumphabo: hæc, inquam, verba, nisi oratorie potius a Postumio, quam vere, ut tu de Appii verbis dicebas, prolata sint, ego in hunc modum interpreter, quoniam triumphus, qui a senatu concedi solet, ab eo mihi negatur, triumphabo jussu populi, qui me & consulem, & imperatorem fecit, consulem centuriatis comitiis, imperatorem lege curiata. Quare eodem imperii jure dixit, id est, accepto a populo, non a senatu. nam illud sequitur, *his dictis cum reliquisse senatum.* ita quoque ad reliqua. Negabis hæc fortasse, quia liquidior nulla auctoritate firmetur, immo vero firmantur. audi Servium in VIII. Æneidos: *Antonius Cleopatra prætoriam castra concessit, quorum qui poteratur imperio, ipse vocabatur exercitum. unde est de Cleopatra: Patrio vocat agmina sistro. nam Antonius consulare tantum sibi detinuit imperium, in quo sola est potestas jubendi. ille enim ducit exercitum, qui habet in potestate castra prætoriam.* Quod autem quæris, si imperium militare non sit initum in consulum magistratu, quid eis restitum sit, postquam prætorie instituto ad eum translata jurisdictio est, non est difficile respondere. nimirum hoc relictum est, ut, cum opus esset, accepto, ut dixi, imperio bella gererent, ut cum senatu, & cum populo agerent, ut Lavinii sacrum facerent, ut Latinas indicerent ac celebrarent, ut legatis senatum darent, ut perniciosos tribunorum actionibus obviam irent, ut magistratus crearent, ut multis de rebus, si res posceret, jus dicerent, ut demum reip. ipsi universæ præessent.

Transis inde ad dictatorem, & ais, imperium militare in ejus magistratu fuisse initum, quacunque de causa esset creatus, ita ut omnes dictatores pari potestate fuerint, nec magis imperium militare habuisse, qui rei gerendæ causa creatus esset, quam qui clavi figendi, aut ludorum causa. Ego vero dico, dictatores quacunque de causa creatos, ubi dictatores dicti sunt, ac magistratum iniunt, dictaturæ jus, quodcunque legibus contineretur, accepisse præter imperium militare, eo vero nunquam affectos nisi post legem curiatam. neque vero cum legimus dictatorem dictum rei gerendæ causa, intelligere debemus, ea nominatione imperium militare esse transmissum, verum causam, cur extraordinario hoc magistratu reip. opus esset, bellum fuisse, quod ei gerendum esset, ubi lege curiata imperium accepisset. nam si nominatione consulis imperium militare accepisset, quid nova amplius de imperio lege fuisset opus, quam tamen, ut supra dixi, latam invenimus? At multi, inquis, dictatores aliam publici negotii partem gesserunt, quam cujus causa creati erant, ut Cincinnatus, qui rei gerendæ causa creatus judicio præfuit M. Volscii, & Mamerus, qui in legibus ferendis occupatus est. sit ita. quid tum? ergo militare imperium in eorum magistratu fuit initum? quo modo hoc sequitur? At Camillus, inquis, seditionis sedandæ causa creatus minatus est sacramento omnes adacturum, & exercitum extemplo educturum. minatus est scilicet, aut lege curiata jam sibi lata, aut quia de ejus latione non dubitavit. sacramento vero adiecit cives dictator jure dictatorio, quacunque de causa esset creatus, bellum gessit jure legis curiata, quam ipse sibi tulit, ut ante diximus. Atque cum hoc idem dicam in ceteris, quos tu anxie prope cura quadam collegisti, satis doceo, causam creationis non jus facere magistratus. neque enim hoc ego ullo loco aut scripti, aut sensi, sed omnes æquo jure esse, & si bellum gerere vellent, lege curiata, si ordine res ageretur, eguisse.

Jam vero de prætoribus ita agis: *Prætorium omnium una fuit ratio, una forma. at prætores provinciales, eo quod prætores fuerunt, jus militare habuerunt. ergo & qui in urbe magistratum gesserunt.* Ego

vero: Prætorum omnium una fuit ratio, ita ut postquam a populo creati essent, & antequam provincias sortiti essent, æquo omnes jure essent ad negotia publica populi R. gerenda, quæ ipsis aut forte evenissent, aut senatusconsulto mandata essent. postquam autem sortiti provincias sunt, alii eam auctoritatem nacti sunt, ut jus inter cives dicerent, alii ut inter cives, & peregrinos, alii ut inter provinciales, aut, veluti postremis temporibus, ut questionibus publicas exercerent. nemo autem horum imperium militare accepit tum, cum creatus est, sed cum lex curiata ei est lata. Itaque Varro libro quinto de lingua Latina scripsit: Prætor, qui querit, nulla alia de causa, quam comitiorum causa, urbanum convocare exercitum potest. At multi prætores, inquit, ex his, qui urbanam, & peregrinam jurisdictionem sortiti erant, exercitum habuerunt, & in bello versati sunt. nam hoc etiam, quali magnum aliquid esset, plurimis Livii locis tibi confirmandum putasti. Quid? si re cogente privato imperium militare sepe plebiscito delatum est, cur non potuit dari etiam prætori, qui jurisdictionem sortitus erat, lege curiata? At hujus legis Livius non meminit. concedo. verum neque etiam ejus curiatae meminit, quam tu postremis etiam temporibus quotannis initio magistratibus omnibus ferri contendis. & si meminisset, nullam causam contentione reliquisset. At C. Calpurnius prætor urbanus, teste Livio libro xxvi. post præturam in Etruriam prorogato in annum imperio missus est, item Hostilius, & Sergius alio, ergo in prætura urbana militare imperium fuit inclusum. Non me hoc movet. fieri enim potuit, ut ardente Punico bello Italia, cum multis ducibus opus esset, prætores urbani militari imperio ornarentur ad omnia subita belli consilia expedienda. atque hoc item apud Livium sit omisissum. nam etiam legem Oppiam abrogatam scribit, nec tamen latam scripserat. & sæpe censores lustrum fecisse inquit, quos creatos non dixerat. atque alia ejusmodi multa. De Varo vero prætore urbano, cui S.C. ora marituenda data erat, itemque de ceteris, quos addis, multis sic respondeo, eodem S.C. quo extra ordinem provinciam illam acceperunt, etiam imperium militare potuisse accipere, ut Pompeius contra Sertorium eodem S.C. & missus, & cum imperio missus est. Jam illa, quod consules T. Manium prætorem urbanum delectum habendo præfecerint, aut Petellio, & Fabio prætoribus urbano, & peregrino, & si qui alii ejusmodi fuerint, imperatum sit, ut exercitum scriberent, plane levia sunt. Etenim si consules privatum præficere consulari negotio potuerunt, ut legatum, cur non etiam magistratum? Quod autem consules, & prætores, quia jus centuriatorum comitiorum habuerunt, conclusis jus imperii militaris habuisse, id jam quale sit, perspicere potest. Sic enim agis: Centuriatorum comitiorum habendorum potestas sine rei militaris potestate nec esse, nec intelligi potest: quia vexillum in arce ponebatur, quia exercitus præsidii causa imperabatur, quem exercitum sacramento adigi oportuit, quia centuriata comitia intra pomerium haberi nefas esset, quia populus sub signis, & centurionibus tanquam in bello conveniret, quia militaria auspicia observabantur. Hæc quin vera sint, non nego, ex his effici, perfectum imperium ipsos habuisse, illud vero nunquam assensero. Jus enim comitiorum centuriatorum habuerunt consules & prætores, tanquam magistratus, militare vero perfectum tanquam imperatores. Quod si quicumque centuriata comitia habuerunt, imperium etiam militare haberent, non solum interreges, sed etiam pontifices maximi ejusmodi imperio præditi essent, qui te potissimum auctore jus comitiorum habuerunt. & tamen imperium habuisse non legimus. speciem igitur aliquam hi omnes militaris habuerunt imperii, ut non exercitum, sed quasi exercitum ducerent, nec impera-

tores, sed quasi imperatores essent, cum omnia, quæ in comitiis fierent, simulacra essent rei militaris, non vere rem militarem attingerent. Neque vero qui vexillum habet, aut comitiorum causa exercitum urbanum imperat, est imperator, sed qui belli causa, eo modo, quo diximus: At præsidii causa, ut inquit Gellius, in comitiis exercitum imperant. concedo. ergo imperatores propterea fuerunt. ne tu quidem concedis in primo de comitiis capite tertio: Neque moveri oportet, inquit, quod exercitum imperare comitiis centuriatis oportuit, ut ait Gellius, pontificibus autem maximis exercitum imperandi jus non esset. neque enim ab eo, qui comitia habebat, dicit Gellius imperari exercitum oportuisse. Dico igitur talem imperationem exercitum imperium militare plenum non desiderasse, aut si ab alio, quam ab eo, qui comitia habebat, imperari exercitus potuit, ab eo imperatum, qui tale imperium habuit. Nam quod conscriptionem adhibitam, & sacramento adactionem putas, sane rem ut inauditam, sic operosam inducis, ut quotiescunque comitia centuriata habenda essent, quod vel magistratum, vel legum, vel judiciorum causa fiebat prope quotidie, toties universus populus esset conscribendus, & sacramento adigendus. nam belli causa juniores tantum citabantur, qui stipendia emerita non haberent. comitiorum causa & juniores, & qui stipendia emerita haberent, conscribendi erant, & sacramento adigendi. deinde vero quo sacramento? ne acie excederent, ne furtum facerent: hæc enim militari sacramento continebantur; plane ridiculum. At exercitus comitiorum causa in urbe imperari non poterat, perinde atque belli causa, idem sub signis, & sub centurionibus conveniebat, ut etiam belli causa. ergo imperium fuit idem? minime vero, sed simile. sic enim dixit Dionysius, multitudinem convenisse sub signis, & centurionibus tanquam in bello. At auspicia eadem adhibebantur. Dicit ita. non tamen actio illa propterea erat bellica. docet Festus: Perreme, inquit, auspiciatur, qui annem, aut aquam, quæ ex sacro oritur, auspiciato transiit, sic magistratus in campum euntes, ut aliquid agant, Petroniam in Tiberim profluentem auspiciato transibant. Ut aliquid agerent, inquit, non ut præcipue exercitum convocarent comitiorum causa. alioquin quicumque magistratus in campum profectus esset, is militari imperio ornatus fuisset; siquidem militare auspiciam captaisset. Quod vero queris, an magistratus comitia centuriata habiturus, in campo acceperit imperium, ibidemque peractis comitiis deposuerit, quorsum pertineat, non video, cum ego ne in campo quidem imperium tale habuisse constitutum.

Quod autem tertio loco offers de censoribus, ipsos lustrandi populi causa exercitum imperasse, sub vexillo duxisse, comitia centuriata habuisse, quare etiam imperio insignitos fuisse, id totum eadem ratione, qua de consulibus dixi, everti potest. siquidem, ut dixi, aliud est censorio more populum lustrare, aliud imperatorio exercitum. ad censum convenerunt patresfamilias, ut familiam, fortunamque suas jurati profiterentur, ad delectum juniores, ac nomina sua in militiam darent, ac longe diverso sacramento se obstringerent. Quod autem consuli, ac censori licuisse inquit, idem etiam prætori quætorique permisisse esse, Varro scribit libro quinto; quem tamen non ob hoc prætorem dixeris: Sed ad comitia, inquit, tum vocatur populus. ideo alia de causa hic magistratus non potest exercitum urbanum convocare. censor, consul, dictator, interrex potest. quod censor exercitum centuriato constituit quinquennalem cum lustraret, & in urbem ad vexillum ducere debet. dictator, & consul in singulos annos, quod hic exercitum imperare potest, quo eat, id quod per

centuriata comitia imperare solent. Quid plura? tantum abest, ut censor imperium militare habuerit, ut ne coercendi quidem potestatem habuisse videatur. siquidem lictores non habuit, sed servos publicos tantum. Unde Livius: Censores signatis tabellis publicis, clausoque tabulario, & dimissis servis publicis, negarunt, se quidquam publici negotii gesturos. Atque hos etiam servos publicos apparuisse aedilibus curulibus, qui coercionem non haberent, scripsit apud Gellium idem Varro.

De tribunis autem militum quod inquis, respondeo, aliud esse tribunorum imperium, atque id, de quo agimus. agimus autem de imperio ducis. tribunus autem non dux est, sed minister ducis. *At non differt, inquis, imperium ab imperio, nisi quod ducis majus est imperium, quam ministeri.* immo vero eo etiam, quod imperium tribunarius est imperium magistratus, imperium ducis est aliquid amplius. itaque tribuniciū imperium iis comitiis mandatur, quibus magistratus, & eo modo, quo magistratus, ducis imperium lege curiata, ut post aperi-
tius apparebit. Quare qui ab initio consul, aut prae-
tor tantum erat, antequam acciperet imperium, post
accepto imperio imperator, ut jam dixi, vocabatur.
tribunus ubi primum creatus erat, jus suum obtine-
bat, neque legem aliam de ierabat.

Quod postremo duumvros navales opponis, eos-
que ducis imperium in magistratu initum habuisse
scribis, plane absurdum est. Neque enim duumvi-
ri navales duces fuerunt, cum suis auspiciis bellum
non gesserint. neque enim satis est, eos in bello esse
veriatos, ut auspicia habuisse concludamus. quo-
niam quaestores etiam in bello versati sunt, & ta-
men auspiciis caruerunt. Et si duumviri duces fue-
runt, a populo cum ea potestate creati sunt, ut rei
navali praessent, & ea curarent, quae ad naves fa-
ciendas, aut reficiendas pertinerent, & de ea re jus
dicerent. at vero si imperium habituri erant, lege
curiata accepterunt, cum essent magistratus, nisi ex-
tra ordinem aliquid actum est. Atque haec qui-
dem de propria vi magistratus, atque imperii dicta
sunt.

C A P. VII.

*De imperio eorum, qui in magistratu, aut ex magi-
stratu bellum gesserunt, aut in provin-
cias profecti sunt.*

CUM ergo imperium esset a magistratu sejunctum,
institutum erat, ut id lege curiata magistratus
acciperent cum bellum geri senatus, aut popu-
lo placuisset. Hi vero fuerunt consul, & praetor, &
qui consulum loco creati extra ordinem solebat, di-
ctator. Quod si consuli, aut praetori post magistratu-
m prorogandum imperium fuisset, tum plebiscito
prorogabatur, sin autem peracto magistratu in pro-
vinciam eundum esset, imperium lege curiata daba-
tur, si prorogandum, plebiscito adhibebatur. Pro-
bemus autem de singulis. Ac de consulibus quidem,
ac dictatoribus locus unus Livii facis magno docu-
mento est. is est libro nono. *L. Papirio dictatori
legem curiatam de imperio ferenti triste omen diem
disfidi, quod Saucia curia fuit principum duabus in-
signis claudibus, capite urbis, & Caudinae pacis. Ma-
xer tertia etiam clade, quae ad Cremeram accepta est,
abominandam eam facit. dictator postridie auspiciis
reperitis pertulit legem. Ex hoc loco illud primum
elicitur, quod hanc maxime quaestionem continet,
legem curiatam de imperio alicui ferre, esse milita-
re imperium ei lege curiata tribuere. Id quod quia
controverfiam facit, hoc modo mihi probandum vi-
detur. Sane illud perspicuum est, imperium quat-*

*tuor modis esse mandatum, senatusconsulto, plebi-
scito, lege curiata, & lege curiata. quod si cum
primis tribus modis imperium est mandatum, mili-
tare imperium est mandatum, certe etiam quarto,
cum lege curiata transmissum est. Senatusconsulti
exemplum sit illud Ciceronis: Demus imperium Cae-
sari, sine quo exercitus haberi, bellum geri, rei mili-
tariis administrari non potest. Plebisciti illud Livii li-
bro xxxi. Plebs Cn. Cornelio, & L. Stertinio procos.
imperium esse in Hispania jussit. Legis curiatae il-
lud libro xxvi. Omnes centuriae P. Scipioni imperium
in Hispania esse jusserunt. De magistratu enim in-
telligi non posse, illud est argumento, quod magi-
stratus nominatim non mandaretur, sed imperium
tantum, ut supra docui. Quod si alicui cum proro-
gatur imperium, is rem gerere pro magistratu jube-
tur, certe etiam cum datur imperium magistratui,
is in magistratu rem gerere jubetur. Et si formula
legis curiatae de confirmandis magistratibus fuit, Ve-
litis, jubetis, ut ii magistratum habeant, quos po-
pulus, sive plebs designavit, sane formula legis cu-
riatae de imperatoribus constituendis erit, Velitis,
jubeatis, ut mihi in hoc bello, aut in illa provin-
cia, aut ut illi in hoc bello, aut in illa provincia
imperium sit? Itaque cum postremis temporibus lex
curiata ad imperia militaria mandanda maxime ad-
hiberetur, praecipuo nomine lex militaris appellata
est. siquidem Dio de adoptione Torquati agens li-
bro xxxix. legem curiatam legem militarem nomi-
navit, cum tamen de re militari minime loqueretur.
Quin etiam ex eodem Livii loco colligitur, anti-
quissimam hanc legis curiatae de imperio ferendae
consuetudinem extitisse. siquidem lata est non mul-
to post exactos reges Fabio consuli, qui male pugna-
vit ad Cremeram, & post anno cccclxiii. tribunus
consularibus, qui ad Aliam fusi sunt, & post aliis
consulibus, qui ad furcas Caudinas sub jugum missi
sunt. praeterea vero illud etiam elicitur, dictatorem
a lege curiata non dictaturam accepisse. Siquidem
Papirius ante dictator fuit, quam legem curiatam de
suo imperio tulit. nam si lex curiata Papirio dicta-
turam dedisset, certe legem ipsam ferre non potuisset,
quia agere cum populo, & legem rogare est una
res, quae maxime jus dictaturae continet. Hic tu re-
spondes, si modo verba tua intellexi, nam obscura
admodum mihi videntur, Papirium, cum dictator
rei gerendae causa creatus esset, non potuisse esse di-
ctatorem ante legem curiatam, verum tum demum
pleno jure fuisse dictatorem, cum lex curiata est la-
ta, neque magistratum dictaturae in eo constituisse,
ut cum populo ageret. Ego vero dico, cum dicta-
tor aut rei gerendae, aut seditionis sedandae, aut a-
lius rei praecipuae agendae causa creatus legitur, non
id solum, cujus causa creatus dicitur, agere potuisse,
sed etiam omnia alia. inter quae praecipuum il-
lud erat, ut cum populo ageret, ut tu multos fecis-
se multis sine causa collectis exemplis docuisti. tan-
tumque abesse, ut actio cum populo ad dictaturam
non pertineat, ut si id juris ei adimatur, non sit
futurus dictator. Siquidem Cicero in Legibus po-
suit, dictatorem jus cum patribus populoque agen-
di habere. tu vero optimus auctor censet, omnes ma-
gistratus habere jus accusandi ad populum, quare et-
iam agendi cum populo. quia qui accusat, popu-
lum rogat. quod non negas. Addis nominationem
consulis dedisse dictaturam, legem curiatam confir-
masse, ita ut ii populus eam rogationem antiquas-
set, una etiam magistratum dictaturae abrogatus
fuerit. Ego vero dico, ex tuis pulchris decretis po-
pulum (sic enim triginta lictorum conventum vo-
cemus) antiquare non potuisse. legem autem curia-
tam non confirmasse dictaturam, sed imperium ad
bellum, quod esset gerendum, attulisse, & antiqua-
ta lege curiata dictatorem dictaturam habiturum, sed
non imperium, id est, dictatorem quidem, sed non*

imperatorem futurum. Neque vero est, quod sententiam tuam tueri velis loco Ciceronis ex agraria, & Messallæ apud Gellium. nam satis demonstratum est, de alia ibi curiata agi, antiqua illa scilicet, & obsoleta. quæ ne dictatoribus quidem, & interregibus est lata quondam, quia neque ita populus bis de illis magistratibus iudicasset. cum eorum neuter a populo creatus sit, verum alter a consule dictus, alter a patriciis proditus. Adjungis, ut dictator agere posset cum populo, satis fuisse nominationem consulis, quamquam dictator magistratus nondum esset; nec meminisse videris, te in primo de comitiis constituisse, firmiterque sanxisse, neminem agere cum populo potuisse, nisi magistratum, & ex sacerdotibus pontificem maximum. nunc medium quendam statum excogitasti, hominis scilicet, qui neque privatus sit, neque in magistratu, qui & ipse agere cum populo possit. Quod ut confirmes, addis, consulem etiam designatum aliquando collegam dixisse. siquidem Livius libro xxxvii. scribit, C. Lælium consulem comitia habuisse, quibus M. Fulvius Nobilior consul unus creatus esset, cum ceteri, inquit, centurias non explerent. isque postero die Cn. Manlium Lepido dejecto, nam Messallat acuit, collegam dixit. atque hoc arcanum Romanæ antiquitatis appellas. Me miserum, qui nunc primum hæc augusta mysteria dicam. ego enim jam pridem legeram, Fulvium collegam dixisse, id est, nominasse sine comitiis, quomodo consules dictatorem dicunt. Si quidem hoc etiam in tribunis observatum est. Livius libro xv. Tribuni pl. facti quinque, aliis tribus non explentibus, sibi collegas alios quinque cooptarunt. Quid quod tu aliter in secundo de comitiis cap. xv. scripsisti? Cum ceteri candidati, inquis, centurias non explerent, tum ille, qui unus erat designatus postea alio die collegam sibi ut subrogaret, lege jubebatur. nam si lege jubebatur, ergo non vi designationis. Quare tuus iste nec privatus, nec magistratus a te nuper ex arcanis, ut ais, antiquitatis erutus, vanus prorsus est ac commenticius. Atque hæc quidem, quæ de lege curiata consulis ferenda dixi, ita esse, ut dixi, indicat præterea apertissime dictator Camillus apud Livium libro quinto, cum anno CCC. lxxiii. ita loquutus est: Comitia curiata, quæ rem militarem continent, centuriata, quibus consules, tribunosque militum consulari potestate creati. Ex his enim verbis quis est, qui non intelligat, consulis magistratum datum centuriatis comitiis; imperium militare, si bellum gerendum esset, curiatis: id est, consules a populo factos centuriatis, eisdemque imperatores lege curiata? Quæ verba etiam ita plana sunt, ut nihil possit esse planius, tu tamen, ut tuam defendas opinionem, ea torques, atque dilaceras. & ais debere concludi, quoniam comitia rem militarem continent, eos non potuisse pleno jure magistratum obtinere, tamen centuriatis comitiis creati essent, nisi etiam curiatis populus de iis iudicasset, quod consules non essent optima lege, qui rei militaris potestatem non haberent. Quæ responsio repugnat iis, quæ a te supra sunt constituta. Primum enim si imperium militare continetur, ut dixisti, in majore coercendi potestate, & ea comitiis centuriatis mandata est, certe etiam imperium militare mandatum est. quare consules sine lege curiata pleno jure fuerunt. Item si lex curiata confirmat consulatum, confirmat non magis jus rei militaris, quam reliqua jura consularia, ergo Camillus non plus debuit dicere, comitia curiata rem militarem continere, id est, confirmare, ut tu exponis, quam alia jura. Postremo cum inquis, Consules non esse, qui rei militaris potestatem non habent, sane ostendit, lege curiata non confirmari magistratum, sed dari imperium militare. atque ita in meam opinionem imprudens laberis. Quid ergo vult Camillus? Romanos, si Romani relinquerint, neque consules,

neque tribunos consulares, neque eosdem imperatores habituros, quia nisi auspicio creari non possent, illi centuriatis, hi curiatis, quæ auspicia nisi Romæ concipi non poterant. Quod idem Cicero sensisse videtur, cum in secunda agraria dixit: Consules si legem curiatam non haberent, rem militarem attingere non potuissent, quali vero alias omnes actiones obire consules sine lege curiata potuerint hæc una militari excepta.

Atque hæc quidem dicta eo pertinent, ut ostendatur, consulis in consulatu legem curiatam, si bellum gerere voluerint, opus fuisse. Jam vero ut ostenderem, eosdem, si post consulatum in provincias ire vellent, eandem legem curiatam delictasse, proferebam duos Ciceronis locos, unum in agraria: Consulibus legem curiatam ferentibus sepe intercessum est; alterum in epistola ad Lentulum: Appius consul dixit in senatu, sese, si licitum esset legem curiatam ferre, sortituro cum collega provinciam, se, quoniam ex S. C. provinciam haberet, lege Cornelia imperium habituro, quoad in urbem redisset. His autem probabam idem, quod antea, consules ante legem curiatam consulatum gessisse. atque ejus rei argumento esse, quod ipsi legem curiatam sibi tulissent, quæ rem militarem continet, & quod cum consulis legem curiatam ferentibus sepe intercessum esset, non tamen ipsi consules esse desissent. & quod Appius transacto maxima ex parte consulatu suo de lege curiata sibi ferenda loquutus sit, deque ejus perlatione dubitaverit. Quod si lex curiata eo tempore magistratum confirmasset, consules, quibus intercessum erat, non fuissent consules, & Appius in discrimen venisset, non de provinciali imperio, sed de consulatu. Tertium inde locum ex epistolis ad Atticum producebam. Consules flagrant infamia, quod C. Memmius candidatus pactionem in senatu recitavit, quam ipse & suis competitor Domitius cum consulibus fecisset, uti ambo se tertium quadringena consulibus darent, si essent ipsi consules facti, nisi tres augures dedissent, qui se affuisse dicerent, cum lex curiata ferretur, quæ lata non esset, & duos consules, qui se dicerent, in ordinandis provinciis consularibus affuisse, cum omnino ne senatus quidem fuisset. Ex quibus verbis dicebam percipi posse, tum consules ante legem curiatam latam consulatum gessisse, quippe qui post aliquot menses, quam inierant, legem eam ad populum tulissent, tum legem curiatam fuisse de imperio non urbano, sed provinciali, ac militari. His autem tu locis omnibus multas responsiones affers. quod est argumento, te in tota hac controversia titubare, nec certi, quod opineris, aliquid habere. Prima responsio est, falli me, qui existimem, consules, qui rem bellicam administrarunt, semper ipsos sibi legem curiatam tulisse de suo imperio, postquam jam inissent magistratum, quia C. Flaminius abiens secundum consulatum iniit, & Marius tertium, atque uterque bellum gessit, neque tibi legem curiatam pertulit. ex quo concludis, legem latam ab eo, qui eos designavit. Ego vero nego, me scripsisse, consules semper sibi legem curiatam tulisse, postquam inissent, sed cum in superioribus Ciceronis locis scriptum sit, consules legem sibi curiatam tulisse, satis argumento esse, legem eam non magistratum attulisse, sed militare imperium. De Flaminius vero quid scribat Livius, attende: Cum Cn. Servilius de rep. rettulisset, redintegrata in C. Flaminiū invidia est. duos se consules creasse, unum habere. quod enim illi iustum imperium, quod auspiciū esset magistratus, id a domo, publicis, privatisque penatibus, sacrificio in monte perfecto, votis rite in Capitolio nuncupatis secum ferre, nec privatum auspiciū sequi, nec sine auspiciis profectum in externo ea solo nova, atque integra concipere posse. Si ergo Flaminius, ut inquis, legem curiatam habebat ab eo, qui ipsum designarat, latam,

& lex curiata imperium attulit, ut tu alio loco dixisti, quomodo Livius scripsit, Flaminium iusto imperio, atque auspicio caruisse? De Mario item possum dicere, quemadmodum contra leges tertium consulatum cepit, sic contra leges inisse. Secunda tua responsio est, fieri potuisse, ut lex curiata a collega, qui praesens esset, ferretur, quemadmodum lata est tui collegio praetorum. Quod incultas de collegio praetorum, ut notum, nescio unde expiscatus sis. neque enim hoc probas: nec quae de praetoribus dixisti, hoc aliqua ex parte attingunt. Quod vero inquis de lege lata a collega praesente, id certe exemplo Flaminii reprobatur, quem nunquam quæsti essent Romani iustum imperium non habere, si iustum imperium tradi a collega Romæ praesente ipsi absenti potuisset. Nam quod adiciis, te invenire, *Consules aliquid rei bellicae gessisse statim initio magistratu, quod non potuissent, nisi per lata lege.* ex quo apparere, legem latam esse ab iis, qui ipsos designassent, concedam, dummodo & ipse concedas, consulem rem militarem attingere non potuisse sine lege curiata sive ab ipso, sive ab alio lata. Quod autem adjungis, *Neronem, & Salinatore, antequam inirent consulatum, provincias & exercitus esse sortitos, non est satis.* non enim qui sortitur provinciam & exercitum, statim habet imperium, quia provinciam imperat, cum accessit ad eam; exercitum imperat, ubi imperii inigne, atque adeo exercitum ipsum accepit. Tertiam responsionem affers, legem curiatam confirmasse consulatum, non dedisse, ita ut consules fuerint etiam ante eam legem, sed non optimo iure. quæ responsio quam infirma, atque inconstans ite, satis ex iis, quæ supra dicta sunt, puro liquere. Quarta est, duplicem esse legem curiatam de imperio, unam, quæ initio fertur magistratui ad confirmandum magistratum, alteram, quæ transmittit imperium auspicato, & in locis a me allatis, quibus consules pene confecto consulatu legem sibi curiatam ferunt de imperio, secundam esse intelligendam. Hic ego primum quaero, quid habeas dicere, cur si eadem curiæ primam, & secundam legem jubent, auspiciatum sit magis imperium, quod secunda lege transmittitur, quam quod prima. & si sola lex secunda transmittit auspiciatum imperium, cur non omnes ii, quibus lex lata est ab iis, qui ipsos designarunt, inauspicatum imperium sint habituri, contra quam tu supra constituisti. nisi eos eodem die, atque eadem horabinas leges curiatis tulisse dicas, alteram inauspicatam ad confirmandum magistratum, in quo etiam te auctore inest militare imperium, alteram auspiciatam ad transmittendum. quo nihil potest esse perverius. Ultima tandem est, fieri potuisse, ut consules illi, quos nominavi, initio magistratus non potuerint per intercessionem, & obnuntiationem eam legem ferre, quam in designandis magistratibus, aut postquam inissent, ferri oportebat. neque huius responsionis attendendis incommodum. nam si lex illa initio magistratus ferri non potuit, ergo magistratus eorum lege non est confirmatus. si ita, ergo consules illi per te pleno iure consules non fuerunt. immo vero ne consules quidem fuerunt: nam supra dixisti, sine lege curiata magistratum nullum fuisse, at consules hos magistratum gessisse sine lege illa constat, ergo lex illa non ad magistratum pertinuit, sed ad aliquid magistratui adventitium, id est, ad bellum, si opus fuit, imperium comitendum. Verum illud demor imprimis, te legem curiatam ferri non potuisse dicere, cum supra scripseris, triginta lictores, ad quos ferebatur, facere non potuisse, quin legem acceperint, neque in eorum potestate fuisse, ut antiquarent.

Postquam hæc responsa dedisti, quoniam ea infirma atque imbecilla esse intelligis, duobus ea tibi locis Dionis communienda suscipis. unus est hic:

Qui Thessalonice erant, novos magistratus non creaverunt, quamvis ad præscriptum legis locum ad captanda auspicia publicum fecissent: in causa fuit, quod legem curiatam consules non intulerant. itaque iidem, quibus ante, usi sunt magistratibus, appellationibusque tantum mutatis, eos proconsules, praetores, & proquaestores dixere. Hic ais, cum Dio scribat, Lentulum, & Marcellum consules novos magistratus non creasse Thessalonice, quia legem curiatam non intulerant, satis apparere, legem curiatam consulibus ferendam esse, ut optimo iure consules essent. Ego vero dico, Lentulum, & Marcellum consules, qui Thessalonice in castris erant, neque consules, neque praetores novos in annum sequentem creasse, quibus imperium traderent, quia intelligebant, si imperium militare, quo maxime opus erat, eis mandare ordine vellent, per legem curiatam dari oportere, quam ipsi non intulerant: itaque veteribus magistratibus imperia prorogasse, ut mos erat, plebiscito, non lege curiata, quamquam autem locum auspiciorum parant, tamen id tantum valuisse videtur ad centuriata comitia, quibus consules, & praetores creandi erant. Nam si dicas, novos magistratus non esse creatos, quia lex curiata a consulibus non esset lata, quaeri poterit, cur consules centuriata comitia parassent, quod erat operosius, curiatam vero non tulissent, quam tu censas ad triginta lictores latam antiquari non potuisse. Ergo probabilius videtur dictum, eos rationem centuriatorum comitiarum habendorum inisse, qua consules, & praetores crearent, non autem centuriatæ legis ferendæ, qua eisdem imperatores constituerent: nam lex curiata apud Dionem, ut dixi, lex militaris vocatur. Itaque prorogando veteribus magistratibus imperio assequutos esse quod voluerunt, ut imperatores haberent, quos proconsules, & praetores appellarent. Qua sententia constituta tolluntur omnia, quæ tu ad tuam opinionem accommodata ex hoc loco colligis. Alter locus est, ubi agitur de P. Clodio, qui ædilis curulis factus L. Philippo, Cn. Marcellino cons. ubi primum ædilitatem inivit, Milonem dixit, eumque de vi ad populum postulavit, non quod speraret, se Milonem posse damnare, sed ut sub accusandi Milonis inimici sui prætextu Pompeium etiam, ac Ciceronem Milonis defensores, suosque adversarios conviciis agitare posset. *Clodius enim, inquit ille, ut plus in hac re perferre non sinebat legem curiatam ferri, neque iudicium ullum fieri licebat.* Hunc autem locum tu ita interpretaris, Clodium ædilem legem curiatam non esse passum ferri magistratibus ad confirmandum eis magistratum. Cum autem te interprete Clodius hoc tentarit mense Februario, non vides, si per mensem Februarium lex curiata magistratibus, ut consulibus, & praetoribus non erat lata, futurum, ut eo mense nulli consules, nullique praetores essent: hoc autem falsum esse, colligitur ex epistolis primis Ciceronis ad Lentulum, quas hoc anno Januario, ac Februario mense scripsit, cum senatum sæpe habitum per consules dicat, & consules reliqua consularia munera obisse significet. Adde, quod ædilia comitia fuerunt XI. Kal. Feb. quibus Clodius ædilis est factus, & quidem, ut tu censas, comitiis tributis, & lege curiata: est autem absurdum in primis Clodio, qui medio Januario mense ædilis designatus est legem curiatam per consules esse latam, consulibus vero, & praetoribus superiore anno designatis eandem ne post multos quidem dies ferri per Clodium licuisse: simul etiam querendum, quinam legem curiatam Clodio ædili tulerint, qui non etiam consulibus, & praetoribus potuerint: & si consules, ac praetores nulli erant, aut non optimo iure erant, qui tandem legem curiatam hanc tulerint, quæ a plebejo magistratu ferri non poterat. Vide ergo, quando hoc tempore lex curia-

ta magistratuum obsoleverat, ne legem alteram curiamque intelligat, ut qua dabatur imperium Pompeio eo tempore ad rem frumentariam delecto, qui sine lege exire, quamvis cupiens, honeste non posset. Quae cum ita sint, laudo ingenium tuum, qui coactus, credo, superioribus auctoritatibus tandem confiteris, quod verum est, legem hanc diversam esse ab illa prima. illa enim confirmari magistratum, hac in provinciam proficiscenti transmitti imperium. cui & ipse assentior, quemadmodum demonstravi.

Ubi vero de iis, qui in consulatu, & qui ex consulatu ad bella, & in provincias profecti essent, dixi, agebam deinceps de praetoribus. & quoniam de iis, qui primis temporibus in praetura provincias, & bella sortiebantur, exempla non suppetebant, quibus legem curiatam eis latam demonstrarem, proferebam exempla eorum, qui continuo post praeturam, & quidem iure praeturae in eas exissent. si quidem ab initio institutum fuerat, ut provinciae mandarentur iis duntaxat, qui consulatum, & praeturam gessissent. quod Caesar significavit libro primo, cum quaesitus est, in se iura magistratuum commutari, ut non ex praetura, & ex consulatu, ut semper, sed per paucos probati, & electi in provincias mitterentur. Hos igitur, quicunque essent, provinciales praetores duplex imperium habuisse dixi, civile, nempe iurisdictionis, comitiis centuriatis, & militare ipsum lege curiata. De primis praetoribus ne tu quidem dubitas. eos autem, qui praetura Roma in iurisdictionibus, & quaestionibus exercendis transacta postero anno in provincias missi sunt, negas a centuriatis comitiis aliquid accepisse. Ego vero dico, vim centuriatorum comitiolorum non solum ad praeturam Romae actam, sed etiam ad eam, quam post in provincia gesserunt, pertinuisse. siquidem lege, ut videtur, sanctum erat, ut qui Romae praeturam administrassent, ii postea provinciam regerent. itaque ut primi in praetura, sic hi ex praetura obtinere provinciam dicebantur. Ut autem consules in consulatu legem curiatam belli causa sibi tulerint. itemque si in provinciam post consulatum proficisci vellent, sic etiam praetores fecisse, verisimile est. Res autem acta est in hunc modum. Praetores cum centuriatis comitiis creati sunt, potestatem jus dicendi in universum obtinuerunt. deinde cum ex S. C. urbana sortiti munera essent, alii ut civibus, alii ut peregrinis jus dicerent, alii ut de criminibus quaererent, obtinuerunt. quo munere perfuncti in alterum annum ex S. C. alii hanc, alii illam provinciam sortiti sunt. id est, ut iurisdictionem; quam centuriatis comitiis acceperant, in hac potius, quam in illa provincia exercerent. ut autem bellum, si opus esset, gererent, ejus rei jus acceperunt a lege curiata. ergo iurisdictionem quidem habuerunt a centuriatis comitiis, iurisdictionem vero in hac provincia a sorte ex S. C. profecta, imperium militare a lege curiata, ornamenta imperii ab altero S. C. quod legi conjunctum erat, ut post dicemus. Neque impedit, quod multi, ut inquis, praetores in provinciis populo R. non obediens missi sint, ita ut jus eis dicere non potuerint. praetores enim missi sunt duabus de causis in provincias, id est, si provinciae parerent populo R. iurisdictionis causa, si arma tenerent, belli gerendi. ut autem in pace jus militare habuerunt, sic etiam in bello juris dicendi potestatem habere potuerunt, non quod eo opus esset, sed quia cum haberent, non erat causa, cur spoliarentur. Ut autem probarem, praetores, qui praetura in urbe acta provincias sortiti essent, imperio militari ornatos fuisse, proferebam exemplum Verri Siciliae praetoris ex Cicerone: Cum tibi praetori sorte obtigisset, ut jus diceres, quantum negotii, quid oneris haberet, nunquam cogitasti. sequuta provincia est. in qua tibi nunquam venit in mentem, non tibi incircumfusus, & securus, & tantum imperii

vim, tantamque ornamentorum omnium dignitatem datam, ut earum rerum vi, & auctoritate omnia repagula juris perfringeres. in qua te ita gessisti, ut cum omnibus tenere rebus, ad fugitivorum bellum confugias. Ex quibus verbis dicebam intelligi posse, non esse idem imperium praetoris urbani, & provincialis. quod Cicero vocet curationem urbanam negotium & onus, provincialem vero imperium. quippe quia provincialis praetor non solum jus in provincia diceret, ut Romae urbanus, sed etiam rem militarem administraret. Cum autem hac adeo aperta & manifesta sint, tu tamen me dixisse arguis, praetorem urbanum imperium non habuisse, sed negotium & onus, provincialem vero habuisse, & praetorem provincialem majus imperium habuisse, quam urbanum. atque in has conclusiones ita inveheris, ut in eo non minus humanitas, quam acumen tuum desideretur. Non possum, inquis, mirari, quid Sigonio venerit in mentem ita pervertere vetera monumenta. Cicero, inquis, in praetura urbana appellanda negotii & oneris verbo utitur, in provinciali imperii, ergo praetor urbanus imperium non habet, provincialis habet. Item: Quid? eum ne ferre quicquam possit, qui ita concludit: majoris negotii est huius, quam illius provincia, ergo majus imperium habet, quam ille. Dii boni, quid dices Nicolae Gruchi? ubinam ego negavi praetorem urbanum habere imperium, ac rursus habere quidem dixi, sed minus, quam provincialem? Verum, fac me dixisse, provincialem majus habuisse imperium, quam urbanum, nam me usque adeo rudem harum litterarum existimas, ut hoc etiam tueri nesciam? Age enim. quae sunt imperii provincialis partes? nempe iurisdictionis, questio, & rei militaris administratio. quae urbani? iurisdictionis tantum. non tibi videtur, quae tria haec habet, majus habere imperium, quam qui horum unum respondet, majorem habet vim imperii, non majus imperium. at in quo haec differunt? neque enim credo, ipsa satis intelligis. inquis tamen, majorem vim imperii provincialis indicabant securus cum fascibus, quae sublate provocationis iniuria erant. probe. an vero dictator majus imperium ob unam, qua caret, provocationem habebit, quam consul, & praetor; provincialis vero ob eandem rationem non majus imperium, sed majorem vim imperii, quam urbanus, habere dicitur? aut magistratus unus majorem potestatem, quam alter, habebit, imperium vero majus non habebit. sic enim Cicero: Ni par, majoris potestas prohibeasset. Porro autem, ut probarem, praetores in provinciam exituros lege curiata imperium accepisse, testem adhibebam Caesarem, qui in primo Civilium scribit: De reliquis rebus senatus consulta scribuntur. provinciae privati decernuntur, duae consulares, reliquae praetoriae. Scipioni obvenit Syria, L. Domitio Gallia. Paullus, & Mircellus privato consilio praetereuntur. neque eorum sortes deiciuntur. in reliquis provincias praetorii mittuntur, neque expectant, quod superioribus annis acciderat, ut de eorum imperio ad populum referatur, paludatque votis nuncupatis exeunt. Ex quibus verbis hanc sententiam colligebam, praetores provincias a senatu, imperium a populo accepisse. Tu vero inquis, quia provinciae & consulares, & praetoriae privati date erant, propterea oportuisse de eorum imperio ad populum ferri, id est, ex privatis magistratus facere. Habet autem duas difficultates ista interpretatio, unam, quod eisdem & senatus consulto, & sorte, & plebiscito in provincias mittere, cum in magistratu satis semper fuerit ordine senatus consultum cum sorte, extra ordinem plebiscitum sine sorte; alteram, quod eos, quos Caesar in provincias missos queritur, omnino privatos facit. quia senatusconsultum quarto ante anno factum esset, ut nemo consul, aut praetor in provinciam mitteretur, nisi quinquennio postquam magi-

stratum gessisset. quod videtur esse alienum. quia si senatus consultum illud ex omni parte observabatur, cur queritur Cæsar, Paullum, & Marcellum consules in sortitione provinciarum præteriri, neque eorum sortes deici? Cur pravo (sic enim ipse corrigis) id consilio fieri? quomodo pravum illud esse consilium potest, quod senatus consulto per quattuor ante annos observato conveniens est? Quod si S. C. illud observatum in alio non est, ut in Scipione, qui tertio, non quinto post consulatum anno provinciam sortitus est, non ne merito poterimus dubitare, ne in prætoribus etiam observatum non sit? Sed fuerint omnes ut consules, sic prætori, qui mittebantur, dico habendam eam plebem rationem eorum, qui ex S. C. post quinquennium provincias sortirentur, quam magistratum Romæ gessissent, atque eorum, qui continuo ex magistratu: nam viginti magistratus sortiebantur, atque ire cogebantur. quare non minus eis feretur lex curiata de imperio, atque eis lata sit, qui nullo interposito spatio ex prætura sortiti sunt. Ut enim consules, qui creato dictatore abdicaverant, ac privati fuerant, depolita a dictatore dictatura, magistratum ex privatis resumebant sine novis comitiis, vi legis de dictatura a principio lata, ut scribit Dionysius, sic consules, & prætores vi senatus consulti, postquam privati fuerant, jurisdictionem in provincia continuabant. Quod vero negas, verba Cælaris, neque expectant, dum de imperio eorum ad populum referatur, de lege curiata accipi posse, quia lex curiata non ad populum, sed ad triginta lictores ferretur, plane, ut dixi, ridiculum est, & jam satis explosum. Eademque ratione quod addis, si de lege curiata intelligatur, fore, ut me repugnante lege curiata datus sit magistratus iis, quibus nullis comitiis ante erat datus, non procedit. neque enim ego imperium voco proprie magistratum. & hos ergo privatos constituo tantum ex ea parte, quod tum non gerent magistratum, cum sortiebantur, at quod ad jus provinciarum ex magistratu obtinendæ, non item. multoque minus id, quod adjungis, fore, ut omnes provinciarum ejus anni rectores habuerint tantum imperium militare, non civile. siquidem cum eos senatus sortiri provincias jussit, nihil aliud jussit, quam ut sortirentur, in qua provincia exercerent jurisdictionem, quam acceperant centuriatis comitiis ea lege, ut post præturam Romæ actam eam exercerent in provincia aliqua. Neque vero de plebiscito videtur posse intelligi. siquidem plebiscitum extra ordinem adhibetur, tum vero res ordine acta est, mutato tamen vetere instituto. & cum plebiscitum adhibetur, fors locum non habet. At vero si hi prætores ex S. C. sortiti sunt provinciam, & post sortem provinciarum de eorum imperio ad populum latum est, certe curiata lex lata est, ut solebat, non plebiscitum. quia cum plebiscito res agebatur, neque senatus consultum, neque fortis mentio incidebat. Quæ si vera sunt, facile genus omne reprehensionum tuarum refutare etiam me tacente possunt.

Atque hæc quidem cum disputassem de consuli- bus, & prætoribus, in magistratu, aut post magistratum in provincias, aut ad bella ordine proficiscentibus, quibus Regem curiatam necessariam fuisse demonstrabam, tum deinceps agebam de iis, qui & in urbe, & extra urbem sine lege curiata imperium, nec tamen plebiscito obtinuerunt. Eorum genus unum erat, qui summo S. C. ornati essent: Videant, ne resp. aliquid detrimenti capiat, alterum eorum, qui legem Corneliam inique interpretabantur. De quibus quoniam tu a me longe dissentis, videtur faciendum, ut pluribus disputetur. De iis, qui summo S. C. ornati erant, cum dicerem, utebar auctoritate Sallustii, qui ita scribit: *Senatus decrevit, darent operam consules, ne quid resp. detrimenti caperet. ea potestas per senatum more majorum magistra-*

tui maxima permittitur, exercitum parare, bellum gerere, coercere omnibus modis cives atque socios, domi militæque summum imperium ac judicium summum habere. aliter sine populi jussu nullius earum rerum consuli jus est. Quo loco prolato, ego sic addebam: *Hæc verba nobis hanc lucem afferunt, ut intelligamus, consules jure consulatus exercitum parare, bellumque gerere non potuisse, neque domi, militæque, summum imperium habuisse. quod certe habuissent, si imperium unum tantum esset, idque centuriatis comitiis cum magistratu ipso delatum esset. at vero cum nisi in atroci negotio mandatum non sit, sane intelligi potest, duo eorum fuisse imperia, unum civile, alterum militare.* Hæc autem verba tu ita reprehendis, ut in his multipliciter me peccasse dicas. Primum autem objicis, me Sallustii verba falsa retulisse: *Aliter sine populi jussu nullius earum rerum consuli jus est.* cum in omnibus libris legatur, nulli. Ego vero culpæ maximæ me affinem esse confiterer, si aliam sententiam ex voce, nullius, quam ex nulli ad te refutandum collegissem. Verum utro modo legas, non consuli, ut tu, eam vocem attribuo, sed rerum. atque hujus habeo opinionis socium Joannem Rivium, qui ita scribit: *Manuscripta duo: Nullius earum rerum. nisi quis nulli vetuste positum malit pro nullius. quomodo Comicus dixit: Tam iners, tam nulli consili. & in Truculento Plautus: Coloris ulli, pro ullius. nec tñ consuli addendum puto.* Habeo etiam Vincetium Castillioneum, apud quem ita scriptum est: *Diversæ hic sunt opiniones. alii enim Nulli cum substantivo conjungunt. ut sit, nulli consuli jus est. alii Nullius pro nulli legere malunt. nisi Nulli antiquo more pro Nullius positum sit. ego tamen dativum esse puto, Nulli earum rerum consuli jus est, pro in nullam rem earum rerum.* Hic animadvertere potes, horum neutri placere, quod tibi tantopere arridet: *Nulli consuli.* & certe, qui ita dixerit, nove admodum dixerit. Sed, ut dixi, siue nulli, siue nullius legatur, eandem semper elicio sententiam. Addis deinceps, si dicam, nullius earum rerum, quæ in hoc S. C. continentur, jus esse consuli sine lege curiata, Sallustium falsâ esse loquutum, & institutorum sui temporis rudem appariturum, quod sciret legem curiatam a licitoribus juberi, non autem a populo. In quo ego primum rideo. quis enim, quæ de licitoribus istis tam sepe repetis, audiens, risum contineat? deinde obstupesco. ubi enim hoc ego scripsi? ubi legis curiatae in hoc S. C. interpretando mentionem feci? ego enim ex hoc S. C. senatus potestatem collegi non populi. Non est hoc factis. Cum ego diserte scripserim, militare imperium extra urbem haberi per legem curiatam, apparere ex locis superioribus, in urbe per S. C. summum, ex hoc loco Sallustii, tu me dixisse crimineris, in urbe haberi tantum per summum S. C. extra urbem tantum per legem curiatam, ac multis exemplis & rationibus, more tuo, credo, ut multum sapere videaris, cum multa dicas, probare contendis, & in urbe lege curiata, & extra urbem senatus consulto imperium esse mandatum. ac perinde in hoc multus es, quali victoria in hoc posita sit. Ego vero illud, tantum, non addidi, & cum ita scripsi, quæ apertis nitebantur auctoritatibus, scripsi. neque ita locutus sum, ut in urbe per legem curiatam aut plebiscitum, extra urbem per summum S. C. haberi posse negaverim. Verum hoc ferendum addis, me putare, imperium legis curiatae esse extraordinarium, cum tamen ubique ordinarium esse clamarem, & Sallustium duos modos imperii transmittendi inter se contulisse, cum nihil tale animo quidem finxerim. Quamobrem toto hoc capite siue consulto, siue temere plus iusto in me iniquior extitisti. Consideremus autem quæso diligentius, quid Sallustius his verbis velit, & uter nostrum rectius

hoc S. C. intellexerit. Sane cum inquit, *Maximam potestatem hoc S. C. permitti magistratui*, extraordinariam intelligit potestatem, id est, maiorem, quam quæ ordine dabatur magistratibus. hæc vero verabatur in coercendo, in iudicando, in bello gerendo. cum ergo consul sine hoc S. C. in urbe coecere, iudicare sine provocatione, atque exercitum belli gerendi causa habere non posset, illud hoc S. C. adeptus est, ut ea etiam Romæ posset. Nam ordine si Romæ consul aut vinculis, aut verberibus, aut multa coecisset, ac civem damnaasset, erat provocatio ad collegam, aut ad populum, hoc vero senatus consulto accepto, nulla erat liquidem maximam earum rerum habebat potestatem. Hoc igitur posito, video, te vehementer peccasse, qui peccatum aliis obicis. Tu enim consules dicis dictatorem potestatem hoc S. C. assecutus, perinde ac si dictatores iure dictaturæ etiam sine S. C. in urbe exercitum belli gerendi causa imperarint, cum tantum comitiorum causa, ut etiam consules, imperarint, teste, ut supra demonstravi, Varrone. At Plutarchus, inquit, & Livius prodidere, consules hoc S. C. armatos eandem vim habuisse, ac si dictatores dicti essent. recte, respexerunt enim seditionem, motumque civilem, de quo tum loquebantur, ad quos compescendos opus erat magistratu, qui coecere, atque animadvertere sine provocatione posset, cuius causa dictatura erat illata. liquidem scribit Dionysius, causam dictatoris creandi primum fuisse legem Valerii, quam tulerat de provocatione & consulatus potestatem minuerat. at in bello maiorem fuisse dictatoris, quam consulis potestatem, cum uterque sine provocatione esset, nescio, ubinam inveneris. certe hoc S. C. nisi in vi tribunicia, in perniciosis legibus, in secessionem populi, templis locisque superioribus occupatis non factum, prodit Cæsar lib. 1. belli civilis. Addit Sallustius: *Aliter sine populi iussu nulli earum rerum consuli ius est*. Quid est populi iussus? nempe plebiscitum, aut lex. quæ sunt reser? coecere omnibus modis, parare exercitum, bellum gerere, domi militiaque summum iudicium, ac summum imperium habere. Ergo si populus iusserit, magistratibus domi, militiaque hæc facere licebit? sane, sed extra ordinem. quid est autem magistratum habere summum iudicium? nempe, ut Cicero dixit in agraria, habere cognitionem sine consilio, poenam sine provocatione, animadversionem sine auxilio. Itaque Livius recte scripsit, C. Julium decemvirum consularem, qui sine provocatione erat, cum Sextimus de cæde ad populum accusasset, cuius rei legitimus iudex erat, de suo iure decessisse. Si autem summum iudicium habere est posse sine consilio condemnare, ut cum Cincinnatus dictator Sp. Mælium jure cæsum pronunciavit, video te errare multo, quam antea, gravius, dum me antiquitatis ignorantia in multos incidisse errores arguis. inquis enim, summum hoc iudicandi imperium, quod ipse appellas dictatorem, consules non solum a fenatu, sed etiam a populo extraordinarium accepisse. & profers Livium qui scripsit, questionem cædis Postumianæ Cosio & Medullino consulibus a populo esse mandata, & questionem Bacchanalium Albino & Philippo consulibus a fenatu. erras autem trifariam (sic enim tuo exemplo jam libet loqui) primum, quod dictatorem iudicium, & id, quod his consulibus mandatum ais, idem esse putas, cum sit diversum. dictatores enim sine consilio cognoverunt, hi consules ex iudicium, quos coegerunt, sententia pronunciarunt. deinde, quod eodem S. C. utrumque iudicium commissum significas, cum sint diversa. nam dictatorem iudicium fenatus consulto extraordinario mandatum est, illud alterum ordinario, tum cum questiones certos non habebant quaestores, sed a fenatu, aut a populo, prout res inciderat, mandabantur. postremo, quod iudicium man-

datum plebiscito illis consulibus extraordinarium vocas, cum esset ius temporibus maxime ordinarium, quibus questiones certos, ut dixi, non habebant praetores, sed modo consulibus, modo praetoribus, modo dictatori committebantur. unde scripsit Pomponius D. de origine juris: *Quia de capite civis R. iussu populi non erat lege permittum consulibus ius dicere, propterea questiones constituiebantur a populo qui capitalibus rebus praessent*. Atque ita ordine factum est, quoad praetores hæc questiones fortiri coeperunt, ut scis, post L. Pisonem tr. pl. qui primus legem de pecuniis repetundis tulit, & questionem eam perpetuam fecit. *Summum ergo domi iudicium* significat, non ut cum consilio iudicium cognoscerent, sed ut pro suo arbitrio de re decernerent. Quocirca cum dixi, consulibus non fuisse ius belli gerendi in urbe sine summo S. C. extra urbem sine provincia, aut sine lege curiata, non incommode dixi. neque enim illud intellexi, quod obicis, extra urbem habitum duobus modis, aut cum provincia sine lege curiata, aut sine provincia per legem curiatam, verum illud, sine provincia non habitum, quia imperium ordine non debebatur nisi ei, qui provinciam ex s. c. sortitus esset, aut sine lege curiata, quia non erat satis, sortitum esse provinciam ex s. c. nisi imperium etiam ex lege curiata accederet. ex quo apparet inania omnia illa incommoda esse, quæ tu ex hac oratione deducis. Ac de iis quidem, qui summo s. c. ornati sunt, hæc tenus.

De iis autem, qui legem Corneliam male interpretati, sine lege curiata se in provinciis, quas ex s. c. obtinerent, imperium habere posse existimarent, res in hunc modum administrata est. Cum Cornelius Sylla dictator legem tulisset, ut qui ex s. c. provinciam obtinisset, in ea imperium haberet, quoad in urbem revertisset, atque hac ratione prorogationem imperii fulsulisset, dedit occasionem Appio consuli legem Corneliam perverse interpretanti, ut etiam sine lege curiata se imperium in provincia habere posse existimaret, ac legem curiatam utilem potius, quam necessariam diceret. credo, quod qui legem curiatam non haberet, a fenatu viaticum impetrare non posset. Locus hic est in epistolis ad Lentulum. *Appius consul dixit in senatu, sese, si licitum esset, legem curiatam ferre, sortitum cum collega provinciam, si curiata non esset, comparaturum cum collega, & tibi successurum. legem curiatam consuli ferre opus esse, necesse non esse, se, quoniam ex S. C. provinciam haberet, lege Cornelia imperium habiturum, quoad in urbem introisset, sunt qui putent, te non posse decedere, quod sine lege curiata tibi succedatur.* & libro 111. ad fratrem. *Appius sine lege curiata confirmat se Lentulo nostro successurum.* & ad Atticum. *Appius sine lege suo sumptu in Ciliciam cogitat.* Si ergo Appius sine lege curiata, suo sumptu, in provinciam ire voluit, quam ex s. c. obtinuerat, si dixit, legem curiatam consuli opus esse, necesse non esse, & se sine ea per legem Corneliam imperium habiturum, profecto legem curiatam utilem esse iudicavit, non necessariam, utilem autem, quod potestatem daret viatici a fenatu impetrandi. Tu vero cum hæc omnia negas, inconstantiam tuam duabus rationibus indicas; una quod cum quodam in loco scriperis, te dubitare, an lex curiata in provinciam exiturus fuerit necessaria, nunc dicis, eam sine ulla omnino exceptione necessariam esse; altera, quod cum 111. de comitiis ita scriptum reliqueris: *Necesse erat suo sumptu Appium proficisci, quando sine hoc de provinciis ornandis S. C. profecturus erat, cui locus esse non poterat, nisi post legem curiatam, nunc negas, legem curiatam ius dedisse viatici postulandi, nec sentis, si te interprete lex curiata ius obtinendi a fenatu sumptus dedit, atque sine ea Appius suo sumptu ire cogitavit, eam utilem ex Appii interpretatione fuisse,*

fuiffe, non necessariam. Quam sententiam ego se-
 quutus, verba illa, *Curiatam opus esse, necesse non*
esse, utilem, non necessariam esse sum interpreta-
 tus. quomodo Cicero idem locutus esset in oratore:
Aristoteles adiunxit tertium genus, quod si opus est,
tamen minus est necessarium. hoc sensu. Aristoteles
 adiunxit arti rhetoricae genus demonstrativum, quod
 etiam si utile est cognoscere civili oratori propter cop-
 iam, & facultatem orationis, quæ in eo sese ef-
 fundit, tamen sine eo esse civilis perfectus orator po-
 test. civilem autem oratorem dico, qui in consiliis,
 & iudiciis, quæ duo continent civitatem, versatur.
 aut si utile est civitati ad laudandos fortes viros, non
 tantam tamen habet necessitatem, ut civitatem con-
 tineat, quantam reliqua duo, quæ utili, & iusto
 continentur. quorum consociatio civitatem efficit,
 teste in Politicis Aristotele. Tu vero cum negas opus
 esse significare utile esse, sane ostendis, non memi-
 nisse Græcos quoque ἔργον, & ὁμιλίαν in hanc si-
 gnificationem accepisse, ac necessarium etiam ipsum
 aliquando pro utili posuisse. Quod autem opus esse
 interpretaris, carere non posse, videamus, an recte,
 sed grammaticis iisdem ante appellatis, quos tu in
 hac questione opportune appellas. Genus, inquis,
 laudativum, quod adiunxit Aristoteles, est ejus-
 modi, ut eo carere non possimus, tamen non est ne-
 cessarium. aut, quoniam necessarium, teste in Par-
 titionibus Cicero, est sine quo esse non possumus; ge-
 nus demonstrativum est, quo carere orator non potest,
 sed esse sine eo potest. an hæc si dixeris, auditum ad-
 missi rium teneatis amici? Quæ vero disputas, pos-
 legem curiatam opus fuisse s. c. quo ornamenta pro-
 vincia decernerentur, neque provincias lege curia-
 ta fuisse instructas, sed senatusconsulto, quamquam
 vere, tamen sine causa disputas. nam & ego idem
 in libris de provinciis tradidi, neque nunc legem
 curiatam sumptum dedisse, sed jus sumptus a sena-
 tu obtinendi scripsi. Quis autem hic sumptus fuerit,
 non video inter nos convenire. tu enim ornamen-
 ta omnia provinciae uno sumptus nomine comple-
 ctis, stipendium, cibaria, & reliqua, ego vero
 viaticum, id est sumptum, & apparatus itineris
 tantum. De quo viatico dixi videri Dionem loqui,
 cum scribit: *Antiquitus qui munus publicum geren-*
dem suscipiebant, ii omnia, quæ ad imperium per-
tinebant, de suo suppedabant. Augusto autem impe-
rantæ illi certam accipere mercedem cœperunt. Quæ
 verba miror te apud Dionem reperiri negare, &
 me affingere Dionis, quæ non sint Dionis, asserere,
 cum hæc apud Dionem inveniantur. Καὶ τὸ μισθό-
 ρον αὐτοῖς ἐκείνοις, καὶ τὰς ἀποδοτὰς διδοῦσαι τὸν ἐνομιαν.
 το μὲν δὲ πάλαι ἑρρολαβάντες παρὰ τὴν δημοσίαν πεί-
 ρα σφίσι τὰ ἀπὸς τοῦ ἀρχὴν φέροντα παρὶχον. ἐπὶ δὲ
 δὴ τὸ Καίσαρος ᾠκίσαν αὐτοὶ ἐκείνοις τεκνὸν λαμβάνειν
 ἱστῶντο. Quæ ita convertit Xilander: *Certum etiam*
stipendium & his, & aliis dari tum institutum est.
antiquitus enim qui aliquod a rep. munus suscepissent,
omnia suis ipsi stipendiis agebant. sub Cæsare primum
accipere stipendium cœperunt. Tantum autem abest,
 ut in hoc tecum sentiam, ut si a me discessero, ne
 tecum quidem esse velim. tu enim sumptum quen-
 cunque, quem prætore in provinciis facerent, si-
 gnificatum scribis. siquidem pecuniam attributam
 numeras, quæ teste Afronio militi in stipendium da-
 batur, frumentum, quod in cellam prætoris æstima-
 batur, cibaria, quæ questori data sunt. & apud Dio-
 nem, nescio quo alio in loco, quem tu ex tenebris
 eruiisti, interpretaris, Mæcenatem Augusto suasisse,
 certam mercedem ex publico magistratibus provin-
 cialibus esse assignandam pro sui cuiusque imperii
 ratione. idque ad immensam illam impensam æra-
 riî minuendam, qua ad eam diem usi erant magi-
 stratus, cum pro suo quisque arbitrio in rationibus
 referendis expensis ærario referrent, quoscunque sum-
 ptus fecissent: Ut enim, inquis, attributæ omnis pe-

culnia magistratibus rationes reddende essent, in suos
 tamen sumptus quamlibet summam in suas rationes
 referre propemodum liberum erat. Ego vero non quen-
 cunque sumptum, ut tu censēs, Appium intellexis-
 se arbitror, sed itineris. quod viaticum appellavit Ci-
 cero, cum ad Cassium scripsit: *Cetera, cuiusmodi*
sint, ex hoc iudica, quod legato tuo viaticum eripue-
runt. Erat autem viaticum sumptus in mulos, vehi-
 cula, & tabernacula, & cetera ejusmodi instrumen-
 ta. Livius bello Peritico: *Magistratus mulis, taberna-*
culisque, & omni alio instrumento militiæ ornaban-
tur, ne quid tale imperarent sociis. Hæc autem pu-
 blice, sumpta ex ærario pecunia, locabantur. indi-
 cat P. Ventidius, qui, ut scribit Gellius, victum qua-
 sivit comparandis mulis, & vehicula magistratibus,
 qui sortiti essent provincias, præbenda publice con-
 duxit. Itaque Augustum refert Suetonius instituisse,
 ut ad mulos, & tabernacula, quæ publice locari so-
 lebant, pecunia constitueretur. atque hoc sine dubio
 voluit Dio, Augusto imperante institutum, ut cer-
 ta pecunia magistratibus provincialibus constitueretur
 ad mulos, & tabernacula sibi paranda, non quen-
 cunque sumptum faciendum, quod antiquitus non-
 nulli ab ærario conducentes omnia, quæ ad impe-
 rium pertinerent, de suo præberent. ut sit ἑρρολα-
 βάντες ἀπὸ τῆς δημοσίας, ab ærario redimētes. siquid-
 em Plutarchus in censura Catonis ejusmodi redem-
 pturas ἑρρολαβίας vocavit. Ex quo intelligere potes,
 quæ tu de pecunia attributa, de frumento, deque
 cibariis, inculcas, huc non pertinere, ac multo mi-
 nus Mæcenatem suasisse, ut singulis magistratibus pro
 sui imperii modo decerneretur merces, ac veluti cer-
 tum stipendium; cum ad eam diem magistratum sti-
 pendia merere auditum non esset. Neque enim Mæ-
 cenas stipendium reddi magistratibus voluit, quasi
 militiæ præmium, sed certam pecuniam pro viati-
 co, quod publice locaretur, assignari.

C A P. VIII.

*De imperio eorum, qui ex privatis in provincias
 missi sunt.*

QUÆRIS postremo, quid sentiam de iis, qui
 non statim ex prætura in provincias ibant,
 quomodo jurisdictionem a populo habuerint
 centuriatis comitiis, cum plebiscito in provinciis
 missi sint. Ego vero cenfeo, non solum qui multis
 post magistratum annis, sed etiam, qui in magistra-
 tu plebiscito in provinciam missi sunt, ab ipso ple-
 biscito omnia adeptos, & provinciam & imperium,
 & ornamenta. Quod autem ipse iudicas, jurisdic-
 tionem a senatu potius, quam a populo esse tributam,
 id mihi non perluades. sic enim fieret, ut senatus
 mandaret magistratum, non populus. quod falsum
 esse, apparet ex eo, quod senatus neminem iussit
 sortiri provincias, nisi cui populus ante magistratum
 mandasset. quare aut a populo acceptum juris di-
 cendi potestatem, aut si a senatu, quatenus eos po-
 pulus idoneos reddiderat, quibus jurisdic-
 tio a senatu mandari posset. Quod autem tu hoc in loco incul-
 cas legem C. Cornelii, vix intelligo, quorsum. &
 nili ad secundum tuum de comitiis librum confu-
 gissem, nunquam intellexissem. scribis enim hoc
 loco sic. *Atqui legibus solvi nisi a populo nemo pote-*
rat, & vetere jure, & jure a C. Cornelio tr. pl. re-
lato. in libro autem de comitiis in hunc modum.
At si provinciæ decernerentur extra ordinem, tum
vero populi suffragiis opus erat ad creando magi-
stratus præsertim post legem Corneliam a C. Cornelio
tr. pl. perlatam. qua lege, ut scribit Dion. lib. XXXVI.
cavebatur, ut esset quidem in senatus potestate im-
peria extra ordinem dare, omninoque legibus solve-
re, sed ita ut post rogatio ad populum vetere more

de ea re ferretur, quam rogationem omnino a populo juberi necesse esset. hoc enim idem est cum eo, quod Alconius de hac lege Cornelia scribit, causam, inquam, fuisse, ne quis in senatu legibus solveretur, nisi ducenti affuissent, neve quis intercederet, cum de ea re ad populum ferretur. Ignosce mihi, quæso, Gruchi, si quæ tu verborum tela paullo ante injuste in me jaciebas, ea nunc ego in te juste rejecero. sic enim agebas. Non te pudet Sigoni, quæ tu animi causa finxeris, ea bonis scriptoribus attribueres? an unquam fando tale aliquid finxit Dion, quale tu ei affingis? injuste autem ita egisti. quia verba, quæ tu apud Dionem esse omnino negabas, erant tamen, sed ea tu diligentia tua reperire non potueras, cum consilium Mæcenatis Augusto datum me cepisse pro ipso Augusti instituto insimulares, ego vero iustissime dixero. Non te pudet, Gruchi, qui pudorem aliis sine pudore offers, quæ tu apud bonos scriptores non intelligis, ea bonis scriptoribus attribueres? an unquam fando tale aliquid scripsit Dion, quale tu ei ascribis? fumamus verba Dionis. Ο Κορνέλιος γραμὴν ἐποίησεν, μὴ ἐξείναι τῆς βουλευτῆς, μήτε ἀρχὴν τινὴ ἐξ αἰσίων αἰτῆσαι τι δίδοναι, μήτε ἄλλο μὲν ἐν τῷ δήμῳ ἀποσπῶντα φημιῶσαι. τὰ δὲ ἐνομοθεῖντο ἐν πᾶσι ἀρχαῖς, ἢ μὴ τοι εἰς τὴν ἑρμηνείαν. Nonne hac verba, si Latine reddantur, hoc valent? Cornelius rogationem tulit, ne liceret senatoribus neque magistratum alicui contra leges petenti dare, neque aliud ullum eorum, quæ ad populum pertinerent, vulgare. id enim antiquitus lege cautum erat, non tamen re observabatur. Quid est ergo, quod inquis Gruchi? an lex Cornelii fuit de imperiis provincialibus, (nam tu de his loqueris) an potius de urbanis magistratibus? nam ἀρχὴ & imperium, & magistratum significat. an ut senatus daret imperia provincialia extra ordinem, an potius ne permitteret, magistratus peti a populo contra leges? quæ erant, ut certa ætate, ut deinceps peterentur magistratus, ne nisi certis annis interpositis iterum peterentur. an vero provinciæ unquam ad populum pertinuerunt, magistratus vero ad senatum? si, ut inquit Alconius, Cornelius tulit, ne quis in senatu legibus solveretur, nisi ducenti adessent, propterea ne tulit, ut provinciæ extra ordinem a senatu dari possent, cum provinciæ semper in senatu potestate fuerint, ut magistratus semper in populi? Etenim magistratum senatus mandavit nunquam, at jus petendi contra leges dedit. & hoc est quod lex Cornelia vetuit, ne concedi posset, nisi ducenti adessent, & ne quis intercederet, cum de ea re ex auctoritate senatus ad populum ferretur. Quare quid tibi vis, cum inquis? At si provinciæ decernerentur extra ordinem, tum vero suffragiis populi opus erat ad creandos magistratus, præsertim post legem Corneliam. quis est enim, qui decernit provincias? nempe senatus. quando decernit extra ordinem? quoties eas neque consulibus, neque prætoribus decernit, sed privatis. quo tempore opus suffragiis populi fuisse ais ad creandos magistratus. at lege Cornelia cautum est, ut rogatio ferretur ad populum, ut, qui peteret, contra leges petere posset. Itaque non magis post legem Corneliam, quam ante eam, opus fuit suffragiis populi ad creandos magistratus, verum ad solvendo legibus, qui peterent ex senatus auctoritate, & populi iussu opus fuit post legem Corneliam. num quid ergo tua ista sententia potest esse absurdus?

C A P. IX.

De imperio eorum, qui ex privatis ad bella missi sunt.

DIXI de iis, qui ex privatis in provincias missi sunt. nunc dicam de iis, qui ad bella. de quibus tu non idem, atque ego, sentis. Quam-

obrem faciamus, ut rem totam collatis inter se opinionibus iterum diligentius ad communem omnium utilitatem excutiamus. Hæc igitur hæc de re in superiore responsione mea fuerunt verba. Relinquuntur quidam, qui neque ex magistratu, neque post magistratum, sed ex privatis non in provincias, sed ad bella cum imperio mittebantur, aut consulari, aut prætorio, unde proconsules, & prætores dicebantur. mittebantur autem aut lege, aut S. C. ut P. Scipio procos. in Hispaniam, C. Octavius prætor in Galliam. In quibus tu multa reprehendis, ac multis. ac primum illud, Non in provincias, sed ad bella. reprehendis autem, quia etiam qui bella fortiti sunt, provinciam fortiri dicti sunt. cum provincia dicatur omne munus alteri delatum sive privatum, sive publice. quod quia credis mihi esse ignotum, ut rem valde obcuram, multis more tuo tibi auctoritatibus suscipis comprobandum. Ego vero dico, provinciæ significationes esse multas, easque a me in libro de provinciis indicatas. verum unam illam esse propriam, regionem a populo R. ut inquit Festus, provictam, & jure provinciali donatam. unde illud emanavit, Redigere in formam provinciæ, atque ab hac reliquas omnes esse profectas, ita ut quibus bella quocumque modo essent mandata, iis provinciæ mandata, aut cum negotium publicum delatum esset, eadem quoque provinciæ delata diceretur. Quamobrem cum scripsi, Qui non in provincias, sed ad bella mittebantur, provinciam in propria significatione accepi. quomodo fecit Livius lib. XLV. Consul proficiscens, prætorve paludatis lictoribus in provinciam, & ad bellum. Ad bella enim cum dixi, tempus id intellexi, cum imperatores in regionem suo imperio non subiectam bellandi causa mittuntur, in provinciam vero, cum ad regionem populo R. obtemperantem administrandam proficiscuntur, in qua etiam, si res posceret, bellum gerere possent. Itaque mirarer, cur tu, quali magnum aliquid excogitasses, tam multa verba faceres, ut probares, qui ad bella mitterentur, in provincias missos, nisi te ambos omnino pro iisdem fallo accipere intelligerem. sic enim concludis: quasi vero ad bellum cum imperio mitti, non sit in provinciam mitti. cum enim illi non magis haberent provinciam, in qua jus dicere possent, quam bi, pariter utrique negandi fuerunt provinciam obtinisse, aut pariter utrique dicendi suam habuisse provinciam. Quibus verbis significas, qui in regionem hostium cum imperio mittitur, idem jus habere in ea, atque illum, qui in regionem a populo R. in provinciæ formam redactam. cum tamen longe aliter sit. nam qui provinciam populi R. obtinuit, in ea conventus agit, ac jus provinciæ dicit, qui hostilem, minime. Itaque Cæsar, cum citeriorem, & Narbonensem Galliam provinciam factus esset, in iis conventus egit, ut quæ jam pridem formam provinciæ acceperant, in comata, quam ipse bello primus aggressus est, nequaquam. nisi fortasse postquam eam in provinciæ formam rettulit. At ambo, inquis, pariter exercitui jus dixerunt. non nego. illud dico, militarem jurisdictionem pertinere ad proconsulem, quatenus exercitui, non quatenus provinciæ præest. si quidem ut jus imperatorium differt a consulari, sic etiam a proconsulari. consul ut consul jurisdictionem quandam habet in cives, quatenus cives sunt, ut autem imperator jurisdictionem habet in cives, quatenus milites sunt. itaque quod est prætor urbanus in urbe, id est in provincia proconsul. exercitui vero præest, non ut proconsul, sed ut imperator. Unde illud est Paterculi de Quintilio Varo: Germani in summam socordiam adduxere Quintiliumque eo ut se prætorum urbanum in foro jus dicere, non in mediis Germaniæ finibus exercitui præesse crederet. significat enim, Varum se gessisse pro prætore, cum tamen esset imperator tantum. neque enim Germania in provinciæ formam erat redacta, ut ei jus dicere posset, sed tantum ex-

exercitui in ea præerat, ut eam subigeret. Quod apertius etiam exprefcit Florus: *Aufus agere conventum, in castris jus dicebat.* cum enim aufum dicat agere conventum, profecto innuit, non confueviffe proconfules hoftibus jus dicere, niſi poſtquam pacati, & in provinciæ formam redacti eſſent. Quamobrem inanis proſus eſt illa tua conſuſio, Imperatores, qui ex privatis exercitus præpoſiti ſunt, exercitus juſ dicunt æque atque proconſules, qui ad regendas provincias ex magiſtratibus miſſi ſunt, ergo idem habent imperium. Habent enim idem imperium ex ea parte, qua exercitus præſunt, at quatenus provinciæ præſunt, non item. ut ſupra quoque eſt demonſtratum. Reprehendiſſecundo loco, quod ſcripſerim, Unde proconſules, ac præprotores dicebantur, atque interpretaris, me velle, ſolos, qui ex privatis imperium acceperint, non item qui ex magiſtratibus, proconſules, & præprotores eſſe nuncupatos. quod non eſt ita. Ego enim innuere volui, privatos ornatos eſſe imperio conſulari, ac prætorio, liquere ex eo, quod non minus proconſules, ac præprotores dicerentur, atque ii, qui ex magiſtratibus provincias obtinuiffent. neque enim mirabitur quiſquam, eum, qui ex conſulatu in provinciâ miſſus ſit, proconſulem dici, neque qui ex prætura, præproctorem, ſed qui ex privato ad bellum, aut in provinciam exeat, proconſulem, aut præproctorem vocari, id vero fortaſſe mirabitur. hoc autem factum dixi, quia cum imperio, aut conſulari aut prætorio miſſi eſſent. Poſtremo vero cum tria genera fecerim eorum, qui in provinciâ cum imperio miſſi ſunt, unum eorum, qui in magiſtrato, alterum, qui ex magiſtrato, tertium, qui ex privatis, quæſcuiſque horum trium ſcribam Cn. Piſonem, & M. Catonem, quorum ille ſ. c. in Hiſpaniam, hic plebiſcito in Cyprum, ex quæſtura ambo miſſi ſunt. Cui reſpondeo, in eorum numerum me referre, qui ex privatis miſſi ſunt. neque enim quæſtura vim ullam attulit, ut mitterentur. nam æque miſſi fuiſſent, ſi omnino quæſtores non fuiſſent. ſiquidem extra ordinem miſſi ſunt, alter ſenatuſconſulto, alter plebiſcito. nam Piſonem ſenatus, Catonem Clodius amandare a rep. per ſpeciem honoris voluerunt, ut Saluſtius, & Alconius prodidere. Senatuſconſultum autem, & plebiſcito omnia jura, nihil quæſtura debuerunt. Miror autem, cur non probaris, his lege curiata imperium eſſe tranſmiſſum, cum ego ſenatuſconſulto, aut plebiſcito tantum id ipſos obtinuiffe ſcripſerim, ac legem curiatam ab his omnino repulerim.

C A P. X.

An proconſules, & præprotores, qui ex privatis ad bella miſſi ſunt, ut cum imperio, ſic cum magiſtrato fuerint.

HOC autem loco quæſtio exiſtit, quæ principium huius diſputationis attingit, an, qui ex privatis ad bella mittebantur cum imperio, aut conſulari, aut prætorio, magiſtratus eſſent. qua de re in priore reſponſione meam ipſe opinionem his verbis expoſui. *Hos, atque ejuſmodi alios magiſtratus fuiſſe neque, cum imperio fuiſſe dico, ſed tamen non lege curiata accepto. magiſtratus non fuerunt, quia neque auſpicium, neque iudicium habuerunt. auſpicium non habebant, quia a populo non acceperant. ut teſtis eſt Cicero in libris de divinatione. nam præter Scipionem reliqui omnes tribus comitiis, quæ erant inauſpicata, imperium acceperunt. iudicium autem non habebant, quia provinciam, in qua juſ dicerent, non habebant. & poſt: Proconſules, & præprotores alii in provincias ad juſ dicendum, & bellum, ſi res tuliffet, gerendum miſſi ſunt, qui magiſtratus fuerunt, ut Cn. Pompeius procoſ. in Aſiam, alii vero ad bellum tantum, & hi magiſtratus non fuerunt, ſed cum imperio fuiſſe dicti ſunt, ut P. Scipio procoſ. in Hiſpaniam, de quo Livius. Magis eſt tentata triumphis ſper, quam petita pertinaciter, quia neminem ad eam diem triumphaſſe, qui ſine magiſtrato res geſſiſſet, conſtabat. Hæc autem incredibile dictum eſt, quibus modis oppugnes. Primum enim, quia Livio fidem abrogare non potes, conſugis ad diſtinctionem, & alios magiſtratus primarios fuiſſe ais, alios primariorum vicem gerentes. Scipionem autem rem geſſiſſe ſine primario magiſtrato. Verum heus tu. quis eſt iſte primarius magiſtratus? nempe iſ, qui iudicium, atque auſpicium habet. Scipio vero ſi auſpicium habuit, quia novo & ſingulari exemplo centuriata lege imperium in Hiſpaniam accepit, certe iudicium, id eſt, iuriſdictionem civilem non habuit, ſed tantum imperatoriam. itaque dempto jure imperatorio, quibus juſ diceret, non habebat. id quod, ſi magiſtratum habuiſſet, habiturus erat. Habuiſſet autem magiſtratum, ſi aut conſul in urbe, aut proconſul ſive prætor in provincia fuiſſet. at ille tantum erat imperator in bello, utque adeo ut ſolis militibus, & iis, qui cum militibus lites contractas haberent, juſ dicere poſſet. quod juſ a principio imperium proprie, non magiſtratum vocarunt. Agis inde contra auſpicia, & iudicia, quibus hos carere propoſui, ac locum Ciceronis de divinatione aliter, quam ego, exponis. eſt autem hic: *Deiſtarum auſpicium ſemper utebatur, nos, niſi dum a populo auſpicia habemus, quam multum iis utimur? bellicam rem adminiſtrari majores noſtri auſpicato voluerunt. quam multi anni ſunt, cum bella a prætoribus, & proconſulibus adminiſtrantur, qui auſpicia non habent. itaque nec amnes tranſeunt auſpicato, nec tripudio auſpicantur.* Cum autem dicat Cicero, proconſules, & præprotores bella geſſiſſe, quia auſpicia non habent, tu exponis, eos accepiſſe quidem juſ auſpiciorum, ſed uti noluiffe. o præclarum interpretem! Jamdudum proconſules bella gerunt, qui non habent auſpicia, quæ accipiuntur a populo. id eſt habent quidem auſpicia, ſed non utuntur. nam quod inquis, eos habuiſſe, quia Scipio habuit, plane infirmum eſt. Scipio enim ſolus centuriatis comitiis lectus eſt, reliqui omnes tribus. ergo reliqui non habuerunt, quia non acceperunt. neque enim aut centuriatis, aut curiatis, ſed tribus imperium acceperunt, quæ ſola erant inauſpicata. quare pervertiſti ſententiam Ciceronis, dum exponere voluiſti, cum *Habere* idem eſſe dixiſti, quod *Uti*, *Non habere* idem quod *habere*, ſed non *uti*. quo nihil ineptius. Mihi vero dubium non eſt, quin proconſules, & præprotores, qui ex privatis miſſi ſunt, auſpicia caruerint, quod tribus comitiis lecti ſint. nam ſi auſpicia habuerunt, qui ea acceperunt a populo, curiata vero lex remanſit auſpiciorum cauſa, certe, qui legem curiatam non habuerunt, auſpicia non habuerunt. habuerunt autem ſoli magiſtratus, & qui ex magiſtratibus miſſi ſunt. Itaque Cicero cum proconſules, & præprotores bella gerere, qui auſpicia non habent, dixit, certe, non qui ex magiſtratibus, ſed qui ex privatis profecti ſunt, accepto per plebiſcicum imperio, intellexit. Hic tu L. Martium oppoſuiſti, quem cum milites ex privato ducem legiſſent in caſtris, atque ipſe ſe præproctorem appellafſet, quæſtus apud Livium ſenatus erat, *rem mali exempli eſſe, imperatores legi ab exercitiis, & ſolemne auſpicatorum comitiarum in caſtra, in provincias transferri.* Quod ego ita interpretor, quæſtum ſenatum, quod cum præprotores legi ſolerent ex prætoribus, imperio auſpicato per legem curiatam accepto, Martius creatus eſſet ex privato imperio lege inauſpicata accepto, tu vero addis, quod Martius non a populo, ſed ab exercitu imperium accepiſſet. quod non improbo.*

sed id solum senatus querelam expressisse non puto. quoniam si ita esset, non erat, cur Livius diceret, *solenne auspicatorum comitiorum*, sed satis habuisset dicere, *solenne comitiorum*. Quod autem dixi, vix quemquam inveniri, qui ante Scipionem, qui Martio summisus est, ex privato imperium acceperit, noli putare, me omnino nullos intellexisse, verum admodum paucos. exemplum autem, quod ipse T. Quinctii affert, non est simile Martio, cum ipse sit non ex omnino privato, sed ex consule proconsul subsidio castris missus, ut inquit Livius, multoque minus me existimare, si qui ex privatis proconsules facti sint, auspiciis comitiis esse creatos. teneo enim illud Ciceronis, *proconsules bella gessisse, qui non haberent auspicia, non habuisse autem, quia a populo non accepissent*, non accepisse vero, quia tribus comitiis, id est, plebiscito lecti essent, verum utque adeo parum saepe ante Scipionem eam lectionem usurpatam, quae post eum frequentata est fere quorannis, cum opus fuit, ut senatus doloris, atque irae plenus rationem Martii habendam non esse censuerit, simulque imperatorem & ex privato legi, & inauspicatos legi, & a militibus in castris legi, conquisitus sit. Haec de auspiciis. de iudicio vero quod dixi, respondes, satis te ostendisse, quemadmodum locus Ciceronis de legibus, ubi de iudiciis magistratuum sancit, male a me sit intellectus. quod quam feliciter feceris, aliorum volo esse, non tui iudicium. Addebam, proconsules hoc iudicium non habuisse, quia provinciam, in qua jus dicerent, non habebant. contra tu T. Flaminium proferes, qui proconsule in Macedonia jus dixit, & P. Scipionem, qui in Hispania, antequam utraque provincia facta esset: neque vides, primum exempla esse dissimilia. quia Flaminius non ex privato, sed in consulatu missus est. & uterque ut imperator jus dixit, non ut proconsul, atque uterque militibus, & sociis, qui cum militibus litigarent, quod ad imperatorem attineret, jus dixit.

Tu vero hos & magistratus esse, & appellari vis. idque probas hoc pacto: *Magistratus est, cui data est facultas imperandi. at ii, qui cum imperio esse dicuntur, cum facultatem habuerint imperandi, magistratus quoque fuerint, necesse est*. Cui ego. Qui cum imperio esse dicitur, aut est cum potestate imperandi quocumque modo ad jus dicendum, aut cum potestate imperandi exercitui, ad bellum gerendum. illo modo magistratus vere esse, hoc vero imperatorem. fieri tamen posse, ut idem sit & magistratus, & imperator, verum magistratus comitiis centuriatis, aut tributis, imperator ordine lege curiata, extra ordinem plebiscito, aut senatus consulto. Adjungis in eandem sententiam, *Privatum esse, & in magistratu esse, contraria sunt. item, privatum esse, & in imperio esse contraria sunt, ergo idem est in magistratu esse, & in imperio esse*. Quo argumento nihil dico esse posse infirmius. sume enim alias voces. virum facilius videbis. acutum est contrarium obtuso, ut acutum ferrum obtuso. item acutum est contrarium gravi, ut vox acuta gravi. ergo acutum, & grave sunt idem. nihil minus. quid igitur? nempe, ut inquit Aristoteles in Topicis, ergo acutum duo significat, unum, quod opponitur obtuso, alterum, quod gravi. sic ex tua argumentatione; ergo privatum duos significat, unum, qui opponitur magistratui, alterum, qui imperatori. ex quo apparet, in magistratu esse, & in imperio esse, non aliter differre posse, quam obtusum, & grave. ecce enim. Legatus proconsulis non est privatus, quia est cum imperio, & tamen non est magistratus, ut tu ipse definis alio loco. an vero properea est imperator? nequaquam. quia non suis auspiciis rem gerit, sed imperatoris ejus, cujus est legatus. Ex quo intelligi potest, quae tu tam multa tuo more affers, ut probes, privatum esse opponi ipsi in imperio esse,

Vel cum magistratu, vel cum imperio militare significat, & properea idem esse magistratum, atque imperium militare concludis, inania prorsus esse, atque non necessaria. Adjungis inde auctoritates aliquot, quibus doces, qui cum imperio in provinciis fuerint, magistratus appellatos esse, ex eoque colligis, imperium idem esse, ac magistratum. ad quas sic respondeo. Ex Livii, & ceterorum, quos tu non necessario tam multos collegisti, auctoritate qui cum imperio erant, ut proconsules, & propratores, vocabantur magistratus, contra ex eisdem Livii, & aliorum, quod tu non negas, auctoritate, sine magistratu esse dicuntur, ergo aut magistratus, aut tempora distinguenda sunt. Nam si quicumque negotium publicum gessit, aut publice imperavit, aut quocumque modo jus dixit, est magistratus, certe proconsules, & propratores in bellis sunt magistratus. sin autem, qui non aut civibus Romanis, aut sociis jus dixit, quae jurisdictio vere magistratum constituit, non est magistratus, profecto magistratus non sunt. eademque ratione si prima tempora repereris, proconsules, & propratores magistratus esse negabimus, ut etiam tribunos plebis: si postrema, fortasse non recusabimus.

Quod autem exemplum eorum, qui ad bellum gerendum, & jus dicendum ex privatis in provincias missi essent, protuli Pompeium, cum Asiam obtinuit, & bellum Mithridaticum, qui vero ad bellum tantum, P. Scipionem, cum Hispaniam, utrumque reprehendis. primum enim inquis, *neminem historicum scripsisse, legem Manilianam de alia re fuisse, quam de bello Mithridatico Pompeio demandando*. quod mihi permixtum accidit. oblitus enim videris, Pompeium Lucullo successisse, cum ex consulatu Asiam obtinisset, deinde Plutarchum, & Dionem ostendis non legisse, qui produnt, legem Manilianam latam, ut Pompeius provinciam, cui Lucullus praefuisset, obtineret, & praeterea Bithyniam, quam Glabrio, & Ciliciam, quam Marcius obtinebat, haberet, ut Mithridati bellum faceret. ac lege primum repugnatum esse, quod Marcius, & Glabrio ante tempus imperium finiretur. Quare neque in Asia, neque in Bithynia, neque in Cilicia fuit Pompeius, ut in alienis provinciis, sed ut in suis, ita ut ibi jus dicere, & bellum gerere potuerit. Deinde vero Scipionem consiteris sine magistratu quidem fuisse, sed sine magistratu urbano. quod cum sit, ut opinor, idem atque sine magistratu primario, ut alio loco respondiisti, satis supra refutatum esse existimo.

Ut porro probarem cum imperio esse, & cum magistratu esse, inter se differre, proferebam verba Svetonii in Tiberio: *Nemine cum imperio, aut magistratu tendente quoquam, quin Roodum diverteret*. quibus verbis magistratus, qui imperatores essent, & qui non essent, intellexit. quos cum tu voces majores, & minores, haud longe a me recedis. praeterea vero interpretabar, *Cum imperio esse*, in his esse idem, atque esse cum potestate belli gerendi, & exercitus habendi, non autem juris dicendi. idque apparere dicebam ex verbis Ciceronis: *Demus imperium Caesari, sine quo res militaris administrari, teneri exercitus, bellum geri non potest. sit propterea eo jure, quo qui optimo, cum perpendere verba illa, Demus imperium, non sine quo jus dici, sed sine quo res militaris administrari non potest. tu vero arripis sequentia: Sit propterea eo jure, quo qui optimo, interpretaris, optimo jure esse, qui omnia jura praetoria consequutus sit. quod est longe aliter. est enim hoc loco optimo jure, quod est in orat. de lege agraria, optima lege, cum inquit: Si lex curiata non erit, tum ii decemviri sint, quo qui optima lege. item: Ut sine lege curiata idem juri haberent, quod haberent, si optima lege a populo creati essent; id est, legitime creati*

essent. Cum enim Octavius prator non fuisset, iuste non poterat mitti proprætor. at censet Cicero, ut etiam prator non fuerit, tamen optimo iure lectus fuisset dicatur, quod ostendunt verba senatusconsulti. *Senatus placere C. Cæsarem proprætorem, senatorem esse, sententiamque loco prætorio dicere, eiusque rationem, quæcunque appetet, si anno superiore quaestor fuisset.* Præterea vero sine imperio exercitum haberi non posse interpretaris, sine publica remp. gerendi potestate, ac sine maiore coercendi potestate. neque istam tuam expositionem aperte a Cicerone repudiari sentis, qui in iisdem libris dixit, *Decrevi Cæsari imperium, quod quanquam videbatur ei ætati honorificum, tamen erat exercitum habenti necessarium. quid est enim sine imperio exercitus? item Cæsari extraordinarium imperium non darem? aut exercitus adimeretur, aut imperium dandum fuit. qui enim fieri potest, ut sine imperio teneatur exercitus? Hic si dicas, sine imperio, id est, sine maiore coercitione, quæ in lictoribus præferendis posita fuit, rem certe novam atque admirabilem dicis, Octavio duodecim lictorum potestatem a senatu illo s. c. tantum esse permissam. si sine publica administrandi auctoritate dicis, ut Cæsarem eo s. c. ex privato magistratum fecerint, quomodo extraordinarium imperium illud fuit, cum omnes ex privatis magistratus fiant. Extraordinarium enim illud in hoc fuit, non quod privatus factus sit magistratus, sed quod privatus factus sit imperator: cum imperia magistratibus ordine mandarentur. neque enim si Cæsar ex prætore proprætor missus ad bellum esset, extraordinarium imperium fuisset. siquidem extraordinaria imperia eodem loco vocat, quæ privatis mandata sunt. sic enim ait: *De Cn. Pompeii imperiis tribuni plebis tulerunt. nam Sertorianum bellum a senatu privato datum est, quia consules recusabant, cum L. Philippus pro consulibus se eum mittere dixit, non pro consule.* Quod si tu hoc in loco imperia Cn. Pompeii magistratus Pompeii interpretaris, etiam tres consulatus comprehendas necesse est, de quibus consularibus tribuni non tulerunt, & si ibi imperia non sunt magistratus, quia magistratus nominatio non mandatur, sed imperium militare, profecto neque hoc etiam in loco. neque in illo in Verrem: *Cum nuntiatus esset de Templano incommodo, atque inveniretur nemo, qui cum imperio in illa loca mitteretur. neque enim Templanum illud incommodum refarciri coercitione potuit, quæ fiebat per lictores, sed exercitu eguit, cui præesset imperator.* Item in illo altero in orat. de provinciis: *Macedoniam tenui præsidio etiam sine imperio per legatos nomine ipso populi R. tuebamur.* Neque enim est verisimile, Cicero nem dicere, Macedoniam esse retentam per legatos sine imperio; id est, sine lictorum coercitione, sed sine duce, qui haberet imperium, & rem suis auspiciis gereret, non autem alienis, ut legati.*

Jam vero cum ego aliquando definissem, *Cum imperio esse, in his proconsulibus, & proprætoribus significare, exercitui præesse, cuius quis esset imperator, hoc tu improbasti in prima responsione, his verbis: Si in omnibus, qui in provinciis mittebantur, pariter, & eodem modo verum fuit, eos fuisse cum imperio, ita ut illud cum imperio esse, una verbi significatione in omnibus illis acciperetur, verum profecto non est, illud cum imperio esse, significare exercitui præesse, cuius quis sit imperator. permultos enim legimus provincias consulares, aut prætorias obtinuisse cum imperio, quibus tamen nullus exercitus, cui præesset, decretus erat. cur enim in pacatas provincias, & quibus nulla esset belli suspicio, mitteretur exercitus? post autem cum ego de te quaesivissem, quomodo posset aliquis esse imperator exercitus, qui non præesset exercitui, respondisti, quia multi exercitui præfuerunt, cuius tamen imperatores proprie*

*Adici non poterant, ut qui castris, aut provinciæ præficerentur a magistratu. & tamen cum tam distidentes inter se responsiones afferas, me tua pervertere, atque calumniari queris. Itaque cum in superiore persans responsione, opposuisses, consules eos qui Sylvas, & calles provinciam sortiti essent, atque eos cum imperio quidem, sed sine exercitu eam provinciam obtinuisse dixisses, ego vero Taciti locum objecissem, qui libro iv. scribit, *Curtium, cui provincia vetere ex more Calles evenerat, classiariorum copia conscripta, servilem conjurationem compressisse, respondisti, me errare toto cælo. quia Curtius ille quaestor fuerit, non prator, eamque rem extra ordinem peregrisse. neque intellexisti, li quaestor, atque extra ordinem hoc ille fecit, multo magis prætorem ordine facere potuisse. niti verum cum inquit Suetonius, *datam operam, ut Calles, & Sylvæ provincia futuris consulibus decerneretur, eos imperatores futuros non putas, quia exercitum secum Roma non eduxissent, aut in provincia non accepissent. Quod autem quaestorem, de quo loquitur Tacitus, ordinarium quaestorem fuisse consicis, qui vestigalia illa exigeret, nescio quam vere id facias. ac non potius quaestor fuerit prætoris ejus, qui eam provinciam haberet. ut enim quaestor dabatur eis, qui ceteras provincias sortiti essent, sic ei, qui Calles, & Sylvas. neque enim dixisset, *Erat in iis regionibus Curtius quaestor, cui provincia vetere ex more Calles evenerat, si de ordinario quaestore, qui quotannis in eas regiones mitteretur, intellexisset, sed significat, revocatum eo anno morem antiquum in calles mittendi prætores cum quaestore. Quare quod ille conscripsit classarios, & compressit conjurationem, scisse videtur ex imperio non magistratus sui, sed prætoris sui, ipso absente fortasse prætore, ut alii multi, quorum te exempla non fugiunt. Quod autem occurrit, consules, qui in Sylvas provinciam proficiscuntur, profecturos quidem cum imperio, sed non militari, verum cum potestate coercendi, quæ necessitatem afferat. & si in his imperium potestatem militarem non significet, neque etiam in ceteris significaturum, cum est absurdum, tum doctrinæ tuæ contrarium. siquidem libro iii. cap. ii. de comitiis ita scribis. *At enim neminem prætorio, aut consulari imperio in provincia fuisse, qui belli gerendi potestatem non habent, dubitari non potest.* Ex quibus intelligo, te non quidem cælo toto errare, quod proclive est, præsertim non contemplant, sed domi tuæ te errare, atque in ipsis doctrinæ tuæ sedibus hospitari. Ego vero eos cum imperio militari fuisse dico, exercitum actu habuisse non assero. idemque dico de iis, quibus paludes siccandæ date sunt, quod de Sicinio adversus locustas cum imperio misso dixi. nec tam provinciam, quam hominum habitam esse rationem, nec deteriore jure essent, quam ceteri proconsules forent. Etenim si consules jus militare habuerunt, ut tu censēs, injuria eis fieret, si cum proconsules mitterentur, id juris eis adimeretur, quod potius adaugendum esset. Quamobrem miror, cur tu Calles, Sylvas provinciam minimi negotii a Suetonio appellari, quæ sine exercitu possit obtineri. non enim eos julto exercitui actu præfuisse, sed jus exercitus habendi habuisse volo. Ceterum quod dixi de Sicinio prætore designato cum imperio adversus locustas misso, quam comice dii boni exagitas, quam lepidus in hoc, & non sine aculeo facetus videri cupis? de bello prætorio contra locustas, de triumpho de locustis. nostri locum. scilicet indignum esse concludis, adversus locustas missum esse imperatorem, decorum autem missum esse magistratum populi R. nam imperium ibi interpretaris majorem coercendi potestatem. quasi vero expeditio in locustas convenientior magistratui populi R. futura fuerit, quam imperatori. Ego vero, cum Sicinius præ-****

tor designatus missus sit extra urbem, cum maximo militum esse imperio arbitror. maximum autem est militare, quippe sine provocatione, non quidem ut locustas bello persequeretur, sed ut homines nec obediētes non solum coercere, sed etiam armorum terrore cogere posset.

Cum autem concessissem, qui in pacatas provincias missi essent, exercitum actum non habuisse, sed jus comparandi habuisse, atque iccirco legatos, tribunos militum, praefectos, & cohortem praetoriam aliquam secum duxisse, eique praefuisse, haec tu omnia verberare aggressus es, sed ita tamen, ut vix me attigeris. Nam quod Cn. Pompeium affers, qui cum praefectus esset annonae factus cum imperio proconsulari, exercitum non habuerit, sed iure tamen parare poterit, si opus esset, totum est a me. neque enim diversa facio, habere exercitum, & posse sine ulla nova lege habere. eadem enim est auctoritas, idem imperium. nam qui actu imperat exercitui, & qui, cum libet, imperare potest, idem est imperator. Quod autem legatos negas habuisse in usum rei militaris, quia legati publici ministerii adiutores fuerint, non me laedit, dummodo legatos habuerint, quorum opera, si usus foret, ut in iure dicendo, sic in re gerenda uti possent. Quod tribunos militum negas habuisse, quia exercitum non habuerint, respondeo, habere potuisse in eum usum, ut, si res armis gerenda esset, ne Roma evocare eos necesse haberent. Nam quod inquis, *tribunus militum est Graeco χιλιεππος. id est, qui mille militibus praefectus*, ergo ubi milites mille non fuerint, tribunus esse non poterit, perinde est, ac si dicas, praetor est, qui praefect exercitui. non est exercitus, ergo non est praetor. Quare ut in tota hac disputatione vacillas, sic de tribunis militum perverte sentis, ac praecipis. Inquis enim, *tribunos militum, qui quattuor legionibus praefecti, a populo creati soliti. si aliae legiones scriberentur, illis a magistratibus praepositos fuisse tribunos, qui dicerentur Rusuli*, cur autem perverte? quia qui ordinariis legionibus praefuerunt, non minus magistratum aliquando beneficio, quam populi suffragiis id affecti sunt. audi Livium anno urbis CCCXCI. Cum eo anno primum placuisset, *tribunos militum ad legiones suffragio fieri, (nam & antea sicut nunc, quos Rusulos vocant, imperatores faciebant.) Torquatus secundum locum in sex tenuit: & anno CCCXLII. Tulerunt tribuni plebis, ut tribuni militum seni deni in quattuor legiones a populo crearentur, quae ante perquam paucis suffragio populi relictis locis dictatorum, & consulum ferme fuerant beneficia.* At Cicero, inquis, in praetura Verres legatorum, & quaestorum ejus meminit, tribunorum militum non meminit. optime. cur non meminit? quia non habuit, inquis. O rem ridiculam. Verres bellum fugitivorum gessit, ut inquit in septima Cicero, ergo solus gessit, quomodo solus? quia non habuit exercitum quomodo non habuit exercitum? quia non habuit tribunos militum. Ecce tandem aliquando imperator sine exercitu, quem tu tanta cura exquiris, & inveniri posse negas. Sed hoc ferendum. Cum Verrem praetorem cohortem praetoriam habuisse inficiari non posses, co delapsus es, ut dicas, cohortem praetoriam non ex armatis militibus, sed ex domesticis convicto-

ribus, & necessariis apparitoribus constituisse. quorum utrumque falsum. audi Festum. *Praetoria cohortis est dicta, quod a praetore non discedebat. Scipio enim Africanus primus fortissimum quemque delegit, qui ab eo in bello non discederent, & cetero munere militiae vacarent, & sesquiplexis stipendium acciperent; & Ciceronem de quaestore Verre. Dedit stipendia cohorti praetoriae. Ex quo apparet, scribas, praecones, & alios ministros ejusmodi improprie ex cohorte praetoris dictos. quod ipse significavit in epistola ad fratrem. Quos vero aut ex domesticis convictoribus, aut ex necessariis apparitoribus esse voluisti, qui quasi ex cohorte praetoris appellari solent. nimirum eos appellans non ex cohorte praetoris, sed quasi ex cohorte praetoris. ex quo efficitur, cohortem praetoris proprie ex militibus constituisse, improprie ex ministris, & apparitoribus praetoris. Ciceronem vero ad contumeliam Verri cohortem ejus totam ex humilibus apparitoribus potius, quam ex militibus constitutam significasse. Quod autem addis, non cohortem praetoriam argumentum potestatis bellicae administrandae fuisse, sed quod praetores classem ex foederis formula imperarunt, & praesidium causam habuerunt, ut de Flacco Asiae praetore dixit Cicero, id totum alienissimum est. neque enim Flaccus, ut imperator ex foedere classem imperavit, sed ut praetor. Ut enim praetor urbanus Romae civilis juris erat custos, sic in provincia provincialis. quod si ille ex foedere imperavit, fecit id, quod erat in iure. quod idem de Verre judicandum est, qui naves Siculis imperavit.*

Addis postremo, *ubi non est bellum, non est imperator, in pacatis provinciis non est bellum, ergo neque imperator, & tamen est aliquis cum imperio. quare esse cum imperio non est esse imperatorem. O plumbeum pugionem. Ubi non est bellum, non est fortasse imperator, qui actu praesit exercitui, at est, qui, si opus sit, praeside potest. frustra enim imperium accepisset, ac paludatus exisset.* Tales autem alia ratione proconsules dicti sunt, alia imperatores; proconsules, ut jus dixerunt, imperatores, ut rem bellicam administrarent, aut judicandi habuerunt. Quid ergo tandem constituit? opere pretium est audire. *Qui cum imperio in provincias profecti sunt, magistratus fuerunt, non autem qui magistratus fuerunt, etiam cum imperio omnes fuerunt. siquidem quaestores, inquis, magistratus fuerunt, verum sine imperio. O praclarum decretum, & undequaque verissimum. at legati nonne cum imperio fuerunt, & quaestores ipsi non etiam cum imperio fuerunt, cum coercendi potestatem habuerint, quam tu vocas imperium? siquidem quaestores provinciales lictores cum fascibus praetulerunt, ut ostendit Cicero in Verrem: Quaestores utriusque provinciae, qui isti praetori fuerant, cum fascibus mihi praesto fuerunt.* Quae si ita sunt, profecto ad id nos rediisse sentis, quod ab initio tractare coepimus, & in quo hujus disputationis summa versatur, imperatorem longe esse a magistratu diversum, neque imperium in magistratu ipso esse inclusum. Qua de re quoniam jam bis ab utraque parte, quasi comperendinata causa satis est peroratum, reliquum est, ut aliquando tandem iudices in consilium mittamus, atque huius controversiae finem imponamus.

ANTIQUITATUM ROMANARUM PAULI MANUTII LIBER DE SENATU.

ILLUSTRISSIMO & EXCELLENTISSIMO
JACOBO BONCOMPAGNO,

Duci Soræ, Marchioni Viniolæ, &c.



UIS erga te parentis mei amor, dum viveret, quanta in te observantia, quodnam studium existerit, plerique omnes norunt; omnium illius viri similium amore, observantia, studio dignissime, JACOBE BONCOMPAGNE, Illustrissime; norunt, inquam, ex amicis utrique vestrum communibus fere omnes, itemque omnes ii, qui ejus epistolam ad Te, qua suum Commentarium in orationem Ciceronis pro Archia Tibi προσεφώνησε, legere minime gravati

sunt. Quamobrem hæc pluribus commemorare, probareque aliis haudquaquam necesse existimo. Tantum hoc loco illud, non Te ipsum, qui mei sensum de Te, propensionemque adversus Te animi mirificam minime ignoras, verum alios admonitos velim; Si ego patris ut fortunarum, sic quoque amicitiae, quæ ei cum pluribus fuit, hereditatem adii, quo jure non parva mihi Tecum conjunctio intercedat necesse est, sique hanc conjunctionem tanto mihi usui, atque ornamento esse voluisti, ut non mihi Mæcenas, (nam id nomen levius mihi Tuis singularibus, ac prope divinis in me esse meritis videatur) verum, ut Augustus Maroni, Deus aliquis appellandus sis, qui me ab inferis pæne revocaris, Tua quidem certe semper commemoranda liberalitate afflictum excitaris, nonne ingratissimus omnium, atque omnis expers humanitatis esse videar, si, cum Tibi prope quidquid sum secundum Deum Opt. Max. uni acceptum referre debeam, non me, fortunaſque meas, ingenique mei monumenta, vitamque ipsam dicare velim? Nam, ut ea, quæ mihi abs Te profecta sunt, quotidieque proficiſcuntur commoda, taceam, ex quibus maximam rei familiari, dignitati, ac laudi meæ accessionem fieri sentio, Tu mihi illius omnis auctor otii, quidquid illud est, quod ad litterarum studia confero, unde hauriam quæ studiosis grata, atque utilia futura sint, Tuque mihi facultatis illius largitor, qua non meas solum, sed etiam alienas lucubrationes typis mandare, & ad communem omnium utilitatem in lucem proferre possim. Quod si ego mea, cur non item patris mei monumenta nondum edita in Tuo nomine prodire, Tibique nuncupari velim? qui, mihi Tecum ante institutam amicitiam ut quoad possem officiis tuerer, eaque mihi nihil carius, nihil honestius, nihil ad omnia mea studia, atque ad omnem vitam præclarior esse ducerem, sapissime admonebat. Ego igitur, qui illas tantum non postremas voces, præcepta, inquam, illa postremæ ejus voluntatis, quæ ut pie, sancteque coli a nobis ac servari debeant, tam multa a sapientibus caventur, religiose ad hunc usque diem servarim, & coluerim, atque in amicitia, & unius Tui patrocinio omnia posuerim, in posterum a me ipso desiscam? Dii meliora. Quid igitur? Interpretatione usus sum, ut puto, fideli, ut ex verbis patris

mentem conjicerem, quanam esset. Cum enim inter quadam ejus scripta, quorum partim ab ipso inchoata, partim etiam affecta, relicta sunt, esset hic de Senatu Romano libellus; inii consilium ejus mandandi typis, justisque, ut dixi, de causis Tuo Illustrissimo nomini nuncupandi. Quod si rem gratam unquam patris manibus feci, me gratissimam nunc facturum certo scio, qui Te huic commentario, his ejus vigiliis, quarum partem maximam Tibi fuisset consecraturus si diutius vixisset, patronum adlegerem. Suscipe igitur munus hoc, quod non solum meo, sed patris ipsius nomine ad Te mitti velim existimes. Quod etsi longe serius alius ejusdem argumenti commentariis, a doctis viris conscriptis, editur, longe tamen prius ab ipso scriptum scias velim; ne putes, in quibus ipsi cum aliis convenit, ea surripuisse ab aliis. in quibus enim aliter sentit, ut nulli suspicioni locus est, sic ego doctorum relinquam judicio, cuinam standum sit; atque ipsis, qui patrem semper fecerunt maximi, & in antiquarum rerum Romanarum cognitione permultum ei detulerunt, causam integram deferro. Tu, quod reliquum est, me, ut facis, ames, ac foveas, deprecor: atque Sanctissimo, ac sine controversia Beatissimo Pontifici GREGORIO, ejus virtute, doctrina, ac sanctimonia si saeculum unquam ullum, hoc certe nostrum AUREUM vocari jure meretur, aliquando meam in eum singularem observantiam in memoriam redigere ne dedigneris. Fortunet Deus Opt. Max. consilia Tua. Venetiis, Kal. Jan. M. D. XXC.

Illustriss. atque Excellentiss. D. T.

Devotissimus,

ALDUS MANUTIUS.

PROOEMIUM.



In eoque videmus: deinde fit, ut, qui nostris consiliis propositus est finis, eum consequi sine ordine, hoc est, sine ratione, non liceat. qua in re philosophiam, omnium recte dictorum, recteque factorum parentem, satis pro ejus merito ac dignitate laudare nemo poterit. quæ nobis eas causas, unde ordinis origo fluxit, suo lumine patefecit. quod nisi ita esset, & nisi ea duce uteremur, magnis in tenebris, magnisque in erroribus versari necesse erat. Ego igitur, cum ad urbis Romæ instituta memoria prodenda, quo nullum esse argumentum illustrius intelligebam, animum adjunxissem, feci, quod ab iis, quibus ipsa philosophia magistra fuerat, esse factum animadverteram: cogitavi primum ad ipsam rem, de qua scripturus essem: tum ad ordinem, quem in explicanda re sequi conveniret. quod ad rem attinet, occurrebant illa, ei, qui aliquid ita literis mander, ut posteritati consultum optime velit, non satis esse, quid actum sit, explicare: sed operam simul esse dandam, ut, & a quibus, & ubi & quando quidque actum sit, studio atque industria perfectatur. erat igitur mihi accurate cogitandum, ut il-

lustria quæque de hominibus, de locis, de temporibus, de rebus exponerem. cumque in hanc sententiam ipsa me ratio perduxisset: tum multo sum vehementius incitatus, posteaquam M. Varroni, Romanorum omnium doctissimo, idem placuisse, apud Augustinum in eo libro animadverti, qui de civitate Dei inscriptus est. Cum enim ille vir, quo nemo unquam inter Latinos neque plura, neque meliora scripsit, rerum humanarum divinarumque notitiam literis consignare, posterisque tradere institisset, universi operis argumentum ab hominibus, a locis, a temporibus, a rebus derivavit. cur autem homines ante loca, & loca ante tempora & tempora ante res collocarit: hoc, quia pertinebat ad ordinem, de quo post inventam rem considerari a me oportere dixi, examinandum, & quam liceret accurate, investigandum constitui. sic igitur cogitavi: ubi pluribus in rebus, quæ nobis tractandæ sint, ordinem quaerimus, tum naturam spectari solere, tum dignitatem. quæ natura priora sunt, ea, quod ad naturam attinet, priorem quidem locum sibi jure vindicant: sed, quia nonnunquam ab iis, quæ posteriora sunt, dignitate vincuntur, dignitati natura cedit & ignobilioribus nobiliora in ordinis ratione præponuntur: quæ vero ejusmodi sunt, ut simul nata, simulve fuisse videantur, ea, quia, quod est naturæ, in eo paria sunt, dignitatis habita ratione disponuntur. Cum igitur M. Varro, homo peracutus, & quod illius scripta declarant, in Aristotele veritatis, hominem & locum consideraret, hominemque esse loco natura posteriorem intelligeret, quia omnis homo est in loco, & quod

aliqua re continetur, ipsa re, quæ continet, posterius est, omiſſa natura, dignitatem ſecutus eſt, hominemque loco, natura poſterior, quia tanquam locum continetur a loco, dignitate priorem, quia rebus inanimatis animata præſtant, antepoſuit. ſequatur poſt hominem & locum loci & temporis comparatio. in his, cum natura potius, quam dignitate, differant: non ad dignitatem, ſed ad eam, qua una differunt, naturam ſpectari neceſſe fuit. Patet enim, tempus eſſe non poſſe, niſi locus ſit: quia tempus eſt meſura motus, & omnis motus eſt in loco: locus autem ut cum tempore ſit, neceſſe non eſt: quia nihil ad definitionem loci tempus aſſert. quod ſi tempus a loco pender, locus autem a tempore non item, non tempus loco, ſed locum tempore natura priorem eſſe conſtat. verum, quia, ut ante tempus locus eſſet, non tamen neceſſario ſequatur, ut tempus ante rem, (poterat enim ita tempus eſſe poſt locum, ut non tamen proxime ſequeretur) in his quoque habita naturæ ratio eſt: & quia non eſſe ſine tempore, tempus autem ſine re eſſe poteſt, ex utriuſque natura patuit, ita ante rem conſtitui tempus oportere, quemadmodum ante tempus locum, & ante locum hominem eſſe collocandum, ipſa jam ante ratio demonſtraverat. Recte igitur Varro prius de hominibus, quam de locis, ex dignitate: & prius de locis, quam de temporibus; de temporibus, quam de rebus, ex natura, ſibi agendum putavit: recte igitur & ipſi fecimus, quod in noſtris Romanarum antiquitatum libris eundem, quem Varro probaverat, ordinem ſecuti ſumus, non tam hominis auctoritate & exemplo, quam, ut offendiſſimus, ipſa ratione & veritate commoti. Romana reſpublica, ut homo ex anima & corpore, ſic ipſa e ſenatu & populo conſtituta, cæteris reſpublicis tantum antecelluit, quantum homo cæteris animantibus. ſed, quia communis quaſi quædam lex eſt in omnibus rebus, ut ordinem diuturnitas, perturbationem interitus conſequatur: propterea, quamdiu veteres leges, & inſtituta majorum in urbe Roma vigerunt, tamdiu ſtetit imperii dignitas, neque reſpublicam aut externæ vires aſſligere, aut ulla debilitate domeſtica ſeditio potuit. ubi vero extraordinariis imperiis locus eſſe cœpit, & civium animos pecuniæ cupiditas inſuſa corripuit, aut gratia delenivit: tum, primo quidem de ſuo ſtatu moveri, ac leviter quaſi nutare reſpublica cœpit: deinde, cum ad eam confirmandam aliis animus, aliis conſilium deeſſet, vehementius labefactata, ad extremum tota corruit. qua in cogitatione cum & diu & peratente eſſem verſatus: ipſa mihi ratio facile perſuaſit, ordinis & conſervationis cauſam a ſenatu emanare, perturbationis & interitus cauſam a populo. quare, ut nos quoque ordinem tueamur, qui quanti ſit, exemplo magnarum rerum intelligimus, de ſenatu primum, mox de populo narrabimus: tum, quæ ad explicandam Romanarum rerum notiſſimam pertinet, reliqua, ſuo quidque loco, perſequemur.

C A P. I.

De origine Senatus.

ROMULUS, primus rex, & creator urbis, matre Rheæ Silvii, virgine Veſtaſi, incerto patre natus, cum Numitori, materno avo, regnum Albæ, cæſo ejus fratre Amulio, reſtituiſſet: magna quædam animo ſpectans, ſatis ducentibus ad urbem condendam cum tribus hominum millibus Alba proſectus, in Palatino colle, ubi a Fauſtulo paſtore, ejusque uxore Laurentia fuerat educatus, optimo augurio ſedem conſtituit. Ibi parvæ urbis, quæ domina gentium futura erat, jactis fundamentis, cum ſe ſuoſque muro circumducto munuiſſet;

universam multitudinem in tres partes, quas tribus appellavit, diſtribuit, & unamquamque partem in denas, quas curias nominavit: ut ex tribus tribus triginta omnino fierent curiæ, quæ ſuum ſingulæ ſacellum, ubi ſacra facerent, deoſque colerent, habuerunt: curiæque & ipſa ſacella ſunt appellata. poſt hanc diſtributionem in partes, aliam rurfus in hominum genera fecit. non enim, ut quædam nationes, viribus impetuque corporis fretæ, in armis omnia poſuit: ſed ita ſe ad incrementa regni optime conſulturum arbitrat, ſi conſilium viribus adjunderet, ex omni civium numero centum deligi voluit, qui ætate, atque prudentia cæteros anteerent. in quo ſapientiſſimi regis moderationem & ingenium licet animadvertere: qui neque forte in ſenatu inſtituendo, neque ſuo tantum judicio ſibi utendum cenſuerit: cum maximi momenti rem ſi forti committeret, imprudentiæ videret eſſe: ſi ſuo unius judicio, arrogantia, ſortem igitur excluſit omnino: judicium in ſummo honore mandando & ſuum eſſe noluit, & civitatis: ſed ita, ut civitas majorem, quam ipſe, qui rex erat, ipſe majorem, quam unus civis, poteſtatem haberet. ita, cum civium gratiæ tribueret plurimum, habuit tamen, quam debuit, ſuæ quoque rationem dignitatis. cum enim ipſe, qui pro regio jure ſenatores legere omnes poſſet, unum modo legiſſet, in quo præcipuo jure ſuit, quia reliquorum civium, ut unus aliquis unum ſenatorem legeret, nemini conceſſit: civitati, ut reliquos nonaginta novem legeret, largitus eſt. Nam, cum tres tribus, & ex tribus triginta curias, ut diximus, feciſſet, primum a ſingulis tribubus ſenatores, hoc eſt, novem omnino, creari juſſit: deinde a ſingulis curiis item trinos, qui nonaginta fuere. ita ad novem, quos tribus legerant, additis nonaginta, quos curiæ crearent, & eo, quem ipſe primum legerat, quaſi duce adjuncto, centum conſiliariorum numerum explevit. hos ad privatarum rerum conſultationem non adhibebat: ſed ita conſtituit, ut de privatis injuriis & ipſe ſine ſenatoribus, & ſenatores ſine ipſo judicarent, ipſe de maximis, ſenatores de minimis. at vero, quæ ad regnum ſpectarent, omnia per eos cognosci, ſtatuique voluit: quodque major pars cenſuiſſet, id vincere. Quod inſtitutum Dionyſius Halicarnaſſeus, vel veritatem ſecutus, vel ambitioſus in ſuos, Romulum a Laconibus tranſuſiſſe narrat: apud quos non pro ſuo jure, quidquid vellent, reges peragebant, ſed juris omnis publici penes ſenatum poteſtas erat. Hoc quidem aliquandiu Romulus fervavit: mox & diuturna conſuetudine regnandi, & multis magnique viſtoris elatus, cum ad ſuum arbitrium revocare omnia cœpiſſet, nihil ad ſenatores referret, non abſuit ſuſpicio, ab iratis ob eam cauſam ad Capræ paludem fuiſſe diſcerptum. Fuit vero ſenatus eximia dignitas & ante Reipublicæ tempora, & multo etiam magis poſt liberam civitatem: iſque ordo cæteris ordinibus, publicique conſiliis omni honore atque auctoritate ſemper antecelluit. *populo enim, quod ait Livius, magiſtratus præerant, magiſtratibus autem ſenatus.* quod ipſum & Cicero in oratione pro Sextio ſatis plane ſignificat his verbis: *Majores noſtri, cum regum poteſtatem non tuſiſſent, ita magiſtratus annuos creaverunt, ut conſilium ſenatus Reipublicæ præponerent ſempiternum. ſenatum Reipublicæ cuſtodem, præſidem, propugnatorem collocaverunt.* hujus ordinis auctoritate uti magiſtratus, & quaſi miniſtros ſummi conſilii eſſe voluerunt. Patres autem ſenatores appellati, tum ob honorem, tum ut civitatem patria quadam caritate, ſtudioque complexi, totam ſuis conſiliis, ſuæque prudentia fovrent. inde patriciæ familiæ, quæ ab his originem duxere, nomen acceperunt. Atque a principio, ſacra curare, magiſtratus gerere, juſ dicere, tantum ad patricios, ſed etiam ad ſenatores, pertinuit. plebei agros plerique

colebant: & ut homines rudes, civilibus negotiis abstinere, rustice re, aut quatuor artibus victum sibi comparantes, ab agris in urbem veniebant, vel ut magistratus crearent, vel ut leges fierent, vel ut bella, a rege rogati, suffragiis juberent. hæc enim tria, cum cætera per senatum omnia curarentur, a populo statuebantur: & hanc illi potestatem Romulus permittit, neque tamen absolutam, sed ita, ut, quod plebs iussisset, id tum demum ratum esset, si senatus idem approbasset. Post exactos reges video rationem esse commutatam. non enim de plebis senatus iudicavit: sed ea, quæ senatus decreverat, populi arbitrio subiecta, tamquam a domino pendebant, præsertim si aut ad magistratus, aut ad leges, aut ad bellicam rationem spectarent: ut confirmanda potius per populum, quæ senatus decreverat, viderentur, quam quæ populus iusserat, per senatum. quod magis in Republica motibus & contentioniibus causam præbuit. in quem fere morbum omnes civitates delabi necesse est, quæ, ne peregrinis militibus ad bella utantur, plebem urbanam armis assuescere patiuntur. inolevit enim facile plebs, & ubi fere, quod libeat, intelligi posse: quid licet, non attendit, vi contra consilium, armis contra leges utitur. ita fit, ut gubernacula Reipublice, exorta de manibus optimorum ac sapientissimorum civium, improbi & imperiti homines, nullo publico consilio, pro sua temeritate, libidineque tractent. quod cum evenit, tum libertas, quali recto cursu amissa, fluctuat, & iactatur, non quatenus conservari possit, sed usque eo, ut naufragium passa disperdatur. quæ quia in utramque partem facis accurate disputabuntur in eo libro, in quo tres trium ætatum florentissimas Reipublicas, Spartanam, Romanam, Venetam, inter se comparabimus, omisso, quod huius loci non est, argumento, id, quod instituiamus, persequamur.

Romulus, ut erat singulari consilio & alta quadam mente præditus, cum vereretur, ne quid injuriæ plebs, per inscitiam circumventa, a senatoribus ferret: indeque concordiam, sine qua diuturnum nihil est, exorta seditio dissolveret: universæ civitatis animos quali quodam necessitudinis vinculo conjunxit. constituit enim clientelas & patrocinia. quod erat huiusmodi, ut plebei patronum sibi deligerent & senatoribus, quem quisque vellet; senatores plebeis in clientelam receptis fidem suam ac studium benignissime præstarent. Erat autem hæc inter utroque officiorum vicissitudo, ut patricii plebeios, ab usu rerum urbanarum imperitos, consilio erudirent, accusatos defenderent, presentes, absentes, omni ope tuerentur: contra, clientes ad collocandas senatorum filias, si parentibus copiarum non suppetere, de suo conferrent: in aris alieni dissolutionem gratuitam pecuniam erogarent: ab hostibus in bello captos redimerent: in magistratibus & honoribus officiosa sedulitate deducere ac reducere. quod si clientem patronus, aut patronum cliens accusasset, contrave testimonium dixisset, aut suffragium tulisset, is proditoris lege tenebatur, eumque qui occidisset, pie fecisset, & inferno Jovi hostiam mactasse putabatur. atque huiusmodi clientelæ quamquam ab initio potissimum urbanæ plebis causa sunt institutæ, tamen per ea, quæ consecuta sunt, tempora, aucta jam urbis ditione, ita sunt amplificatæ, ut non coloniarum solum, sed gentes etiam, aut bello victæ, aut societate amicitiaque populo Romano conjunctæ, sese civium Romanorum in patrocinia contulerint. sic M. Marcellum Syracusanum, Q. Fabium Allobroges, alios alii, a quibus victi fuerant, eosdem post victoriam patronos habuerunt. cuius officii tanquam hereditas etiam ad posterum pervenit. nunquam enim neque Siculis Marcellorum, neque Allobrogibus Fabiorum fides officiaque defuerunt. Factum est autem, ut quam diu soli patricii

senatum tenuerunt, tam diu sub eorum tutela plebeie familiæ fuerint. ubi vero non patriciis modo, sed generatim omnibus civibus senatoria dignitas patuit: tum, ut cuique magis libuit, patronum sibi, sive patricium, sive plebeium, adoptavit. discrimen enim in deligendo nullum esse potuit: cum, honoribus inter omnes cives communicatis, æque plebei hominis ac patricii polleret auctoritas.

Sed, ut tanquam in viam, unde paululum divertit, oratio redeat, quæ fuerit in primis senatoribus creandis ratio, ea quæ jam exposuimus, declarant. reliquos senatores, qui deinde ante liberam civitatem aut in demortuorum locum suffecti, aut agendi senatus causa creati sunt, non populi suffragiis, sed voluntate judicioque regis in amplissimo ordine pervenisse existimamus. neque vero me in hanc opinionem inanem quædam conjectura ducit: sed Livii sequor auctoritatem, cujus hæc sunt verba libro 4. in concione C. Canuleii trib. pl. *Caveat, ne societur sanguis. quid, hoc si polluit nobilitatem istam vestram, quam perique oriundi ex Albanis & Sabinis, non genere, nec sanguine, sed per cooptationem in patres habetis, aut ab regibus lecti, aut post reges exactos jussu populi, sinceram servare privati consilii non poteratis, nec ducendo ex plebe, neque vestras filias forevireque enubere sinendo patribus?* Id & Festus confirmat his verbis: *Reges legebant, sublegebantque quos in consilio publico haberent.* Intelligit autem de aucto senatu, cum ait, *legebant*, cum vero, *sublegebant*, de suffectis in demortuorum locum. regno sublati, utrum a populo, an a censoribus creati senatores sint, abiudice nonnulli dubitant. nam, etiam utrumque legitur, non tamen alterum esse verum, alterum a veritate dissentire necesse est. omnem enim dubitationem tollit una distinctio. a regibus electis cooptandorum senatorum jus populus habuit in multis annos. i. donec censores creati sunt. censura non illa quidem ob eam causam est inducta, ut esset magistratus, a quo uno sine populi suffragiis senatores crearentur, sed, quod in populo per multos annos incenso neque differri census poterat, neque consulibus, cum tot populorum bella imminerent, temporis fore fati ad id negotium videbatur. deinde tanto incremento, ut ait Livius, *hic magistratus auctus est, ut morum disciplinæque Romane penes eum regimen, senatus equitumque centuriæ, decoris dedecorisque discrimen sub ejus ditione, publicorum jus privatorumque locorum, vestigia populi Romani sub nutu atque arbitrio essent.* Creavit igitur senatores populus ante censuram institutam, atque etiam post censuram per aliquot annos, ut ex Livianis verbis, quæ proxime recitavi, facile colligitur. Censuram deinde potestas fuit in legendo senatu. quod auctoritate veterum confirmare, puto esse supervacaneum. millies enim in historia scriptum est. at de populo senatores creante, quia non ita crebris exemplis declaratur, ea, quæ sunt in Canuleii concione, Livii verba hunc in locum transferre necessarium duximus. quod si quis uno exemplo contentus non est, illa Ciceronis in oratione pro Sextio, quæ sunt apertissima, ad Livii testimonium adjungat. *Majores, inquit, nostri, cum regum potestatem non tulissent, ita magistratus annos creaverunt, ut consilium senatus reip. præponerent sempiternum; deligerentur autem in id consilium ab universo populo, aditusque in illum summum ordinem omnium civium industria ac virtuti pateret.* quibus verbis non modo id, quo de agimus, patet, senatores universi populi suffragiis a principio creatos esse: verum etiam hoc significatur, honorem illum non solis patriciis fuisse mandatum, sed, contra quam reges instituerant, promiscue modo patriciis, modo plebeis, uti maxime consilio meritisque erga rempublicam præstarent. quo factum est, ut nunquam viris fortibus, ac sapientia

præditi, civitas egerit. *est enim, ut ille inquit, divinum bonum honor*: & ad præclare agendum nihil magis, quam honoris gloriæque cupiditas, impellit. quod si præmia tolluntur & debita virtuti merces denegatur, languescit in civibus industria, & extinguitur animorum illa vis atque alacritas, quam etiam in iis, qui obscuris parentibus nati sunt, proposita merces facile solet excitare. quocirca reipublicæ rationibus in eo consultum est egregie, quod bene merentibus, si peregrini essent, civitas: si cives, ordo in civitate amplissimus præmii loco datus est. sed, ut in re pergamus (paullulum enim extra rem egressa videtur oratio) queri potest a curiosis hominibus, quibus comitiis a populo senatores crearentur, curiatis ne, an centuriatis, an tributis. hijs si omnis nostra cognitio pendet ab exemplis, & nisi veterum testimonio comprobetur, inanis est: sane, quid dicam, non habeo, valdeque mihi, quod ajunt, aqua hæret. nomen enim comitiarum, quibus senatoria dignitas ante creatos censes tribuebatur, nulli proflus docent antiquorum libri. sin autem, ubi exemplorum inopia laboramus, aliqua tamen veritatis investiganda spes relinquitur: non deest, quod querentibus respondeam. puto enim, nec opinor absurdum esse, quod puto, cum senatorius ordo cæteris ordinibus dignitate præstaret, eos homines, qui in illum ordinem adscripti sunt, iis comitiis id muneris accepisse, quæ omnium comitiarum præstantissima, ac nobilissima, ducerentur. ea porro sine dubio centuriata fuerunt, quibus & majores magistratus creatos, & maxima bella esse iusta, & leges eas esse latas, quæ maxime e re publica viderentur, vetustatis monumenta declarant. Creatis vero censoribus, creatos esse curiatis comitiis senatores, legimus apud Festum: in quo scripta sunt hæc: *Tribunitia potestate sancitum est, ut censes ex omni ordine optimum quemque curiatum in senatu legerent*. Vetus illud Romuli institutum, qui primos senatores curiatis comitiis legi voluit, spectantur sine dubio tribuni pl. idque renovandum existimantur. Injicitur & in eo scrupulum, quod, exactis regibus, potestatem legendorum senatorum ad populum delatam esse diximus. hoc enim Livius, & Tacitus, & Festus refellere omnino videntur: qui senatum, quem Tarquinius Superbus cædibus exhaustaverat, novis senatoribus repletum ac restitutum a consule prodiderunt. etsi, cum in re consentiant, differunt in nomine. nam Livius, & Tacitus L. Brutum consulem nominant, Festus P. Valerium, cui Publicolæ cognomen fuit. ego, etsi, uter fuerit, ad rationem doctrinæ nihil attinet, Livium tamen, & Tacitum potius, quam Festum, sequi malim: primum, quia libentius & duobus, quam uni, & vetustioribus, quam recentioribus, assentior: deinde, quia, cum L. Brutus ad constituendam libertatem omnes curas, omniaque studia ita intendere, ut singularem in eo, maximeque propriam laudem ferret, qui etiam filios suos, de restituendo Tarquinio rege cogitantes, interfici jussit, inter primas illius actiones eam fuisse consentaneam est, quæ ad confirmandam custodiendamque libertatem momenti plurimum habere videretur. nam, si sapientium consilio, & consulentium auctoritate civitatibus consultur, consilium in senatu summum fuit, auctoritas vero, etiam regum ætate, maxima. quare, quod e publica re maxime fuit, id nulla interposita mora factum esse verumile est. ut tria L. Bruti præclara facinora pro inducenda statuendaque libertate numerentur: unum, quod & primum, & omnium maximum fuit, regi Tarquinium ejicere: alterum, consules creare, dignitate regia, potestate legibus definita: tertium, senatum constituere, cujus auctoritate consules uterentur. Hæc de consulis nomine. de re ita statuo, in eo, quod dixi, de populi potestate in se-

natibus legendis, Livii, & Taciti, & Festi sententiam ab opinione mea non discrepare. nam senatores illos, qui ad explendum trecentorum numerum creati sunt, lectos quidem primum judicio consulis existimo, deinde tamen, ipso, qui legerat, consule ferente, populi suffragiis esse comprobatos. quam in creandis senatoribus, ante censorum tempora, perpetuam fuisse consuetudinem duco: ut neque consul sine populi consensu senatorem illum fecerit: neque populus, nisi de quo rogaretur a consule, suffragia tulerit. quod si, quod factum deinde non est, uni L. Bruto licuisse velis, ut sine populi suffragiis centum & sexaginta quatuor homines (tot enim fuisse Festus ait) in curiam induxerit, detur hoc viri excellentis eximie virtuti: ut, quem vindicem, auctoremque libertatis populus habuerat, ejus in restituendo senatu liberum esse judicium voluerit. Reges igitur primum senatores crearent, sed Romulus, quod ex Dionysio liquet, curiatis comitiis, reliqui reges nullis, opinor, comitiis, ipsorum arbitratu: quod a Livio, ex Canuleii periona, traditum ostendimus. in republica, censoria potestate nondum inducta, creatos a consilibus, aut a tribunis consulari potestate, docet Festus: comitia nulla nominat. ego tamen, quæ non nominat, excludi non puto. sed videlicet id significat, judicio primum consulum, aut tribunorum delectos, qui senatoria dignitate honestarentur: deinde, quos illi delegerant, populi suffragiis mox esse comprobatos, etiam si non aperte narrat, licet tamen intelligere: neque dubitationi locum illum Livius relinquit, cum ait in eadem illa Canuleii concione: *Aut ab regibus lecti, aut, post reges exallos, jussu populi*. nec a Livio dissentire Ciceronem ostendimus, qui scripserit illa in oratione pro Sextio: *Deligerentur in senatum ab universo populo*. De numero autem senatorum, quos Romulus legit, aut quos alii reges adscripserunt, difficilis questio est: de qua nostram sententiam exponemus, ut moneri tamen, & corrigi, si minus recte senserim, facile patiar, atque adeo vehementer cupiam. Romulus, ut Dionysio teste jam probatum est, centum creavit, ex iis tantum, quos ipse fecum adduxerat. postea, civitate Sabinis communicata, totidem adscripsit. quod idem Dionysius, & præterea Plutarchus ostendit. a Romulo ad Hostilium, qui tertius Romæ regnavit, ducenti tantum fuere. nam Numa senatum non auxit, totus ad res divinas conversus. Hostilius, Alba everfa, non plures senatores, sed plures, paritatis familias fecit, quæ ordinis senatorii possent esse participes. ita quasi seminarium auxit. ita creandorum senatorum, septem patriciis familiis, quas Dionysius Liviusque nominant, adjectis, numerum tamen, qui antea fuerat, eundem reliquit. Securus est Ancus Marcius. hic neque ad senatum, neque, quod traditum sit, ad patricias familias addidit. Quinctus rex Tarquinius Priscus senatores centum allegit, ut omnino trecenti fuerint; de quo Livius. *Nec minus, inquit, regni sui firmandi, quam augenda reip. memor, centum in patres legit: qui deinde minorum gentium sunt appellati*. At Cornelius Tacitus lib. 11. familias majorum gentium a Romulo, minorum a L. Bruto dictas esse narrat. ego hoc nomen commune omnium fuisse crediderim, qui tam a Tarquinio quam a L. Bruto, ut ait Livius, aut, ut Festo Pompeio placet, a P. Valerio Bruti collega, suffecti sunt. sicuti & patres conscriptos senatores eos dictos esse, crediderim, quicumque ad veteres patres, quos Romulus scripserat, vel a Tarquinio, vel a consilibus post ejectos reges adscripti sunt. quod tamen haud sane diuturnum nomen fuit. nam reip. temporibus hac appellatione senatores non distinguebantur, sed omnes æque modo Patres, modo Patres conscripti dicebantur. Sed de recentis a Prisco factis magna inter Livium, & Dionysium, ac Plutarchum videtur esse controversia. nam Livius libro 1. centum

modo senatores fuisse, cum Romulus obiit, non dubie significat his verbis: *Timor deinde patres incessit, ne civitatem sine imperio, exercitum sine duce, multarum circa civitatum irritatis animis, ois aliqua externa adoriretur. & esse igitur aliquod caput placebat: & nemo alteri concedere in animum inducebat. itaque rem inter se centum patres, decem decuriis factis, singulisque in singulas decurias creatis, qui summe rerum praesent, consociant. decem imperitabant. unus cum insignibus imperii, & licitoribus erat. quinque dierum spatio sinebatur imperium, ac per omnes in orbem ibat: annuumque intervallum regni fuit. id ab re, quod nunc quoque tenet nomen, interregnum appellatum. fremere deinde plebs multiplicatam servitute: centum pro uno dominos factos centum nominat. de centum e Sabina gente a Romulo creatis nusquam meminit. At Dionysius libro Romanæ historiæ II. & Plutarchus in Romuli vita, ducentos fuisse post initium cum Sabinis societatem, plane narrat, ducentos fuisse Romæ senatores, cum Romulus interiret. nam si, ut ipse Livius ait, non modo commune, sed concors etiam Romulo & Tatius regnum fuit, quis credat, ejus ordinis, qui esset in civitate amplissimus, expertes Sabinos fuisse? quæ ista inter duos populos communio, quæ concordia fuisset? at homini in Italia nato Romanas res notiores fuisse quam Græcis, verisimile est. immo Græcis potius, qui Romæ viverent, quam Italo, qui Patavii. hoc mihi ita videtur. cupio tamen ab iis, qui mihi iudicio doctrinaque præstant, disjicari. ipse enim me, ut ingenuè fatear, non satis explicat. nam si de ducentis senatoribus contra Livium cum Dionysio, & Plutarcho sentimus, nos quidem, ut diximus, quod ad hanc partem attinet, verisimile sequimur: sed ex altera parte difficilem in nodum incidimus, quia trecentorum senatorum numerus a quo rege sit explicatus, non facile itaueamus. ab Hostilio ne dicemus? at post cum Tarquinius Priscus centum addidit. a Prisco? at Hostilius ante eum ex Albanis familiis, ut cum Livio Dionysius affirmat, ordinem senatorum auxit. plures igitur, quam trecenti, videbuntur. dixi equidem, nec nihil omnino dicerem, componi rem ita posse, ut Hostilius non senatum, sed earum familiarum, unde senatores legi solerent, numerum adauxerit. verum, quod dixi, vereor ut satis firmum sit: cum & Livius libro I. de senatu ab Hostilio rege aucto manifeste narret, ait enim: *Templum ordini ab se aucto curiam fecit, quæ Hostilia usque ad patrum nostrorum ætatem appellata est*: & Dionysius libro 3. familias Albanas ab Hostilio senatus participes esse factas, non obscure dicat. quare, ut in dubia causa, vetus illud, *Non liquet*, pronunciabimus. Oritur etiam alia dubitatio, cur Plutarchus in Numæ, cum de rege in Romuli locum sufficiendo ageretur, centum & quinquaginta senatores fuisse dicat, in quo neque cum Livio & Dionysio consentit, quorum alter, ut ostendi, centum significat fuisse, alter, ducentos Romanis & Sabinis factos esse, tradit: neque, quod miremur magis, ipse sibi satis constat, qui in Romuli vita, centum Romanis senatoribus, totidem & Sabino populo adjectos esse, dixit. nam si, a quo tempore ducenti facti sunt, ad interitum Romuli quinquaginta perisse credamus, ut ne plures, quam centum & quinquaginta, superfluerint: hanc opinionem facile ratio refelleret. quis enim, cum senator aliquis e vita discederet, neminem a Romulo successum exstimator? an deminui senatum quotidie magis, & ad nihilum redigi pateretur? non est ut credi possit. quare ne hic quidem mihi*

fatis liquet. Quod reliquum est, satis patet, neque negat quisquam, cum Tarquinius Superbus regnare cepit, trecentos omnino fuisse, cum ejectus est, multo pauciores. qui enim regnum non, ut ante ipsum alii, populi iussu, patribus auctoribus accepisset, sed, focero suo, Tullio rege caeso, per scelus occupasset, neglecta superiorum regum consuetudine, senatum de publica re nunquam consuluit, suam voluntatem pro senatu voluit esse, numerumque senatorum non modo non auxit, verum etiam, quo despectior, atque infirmior esset is ordo, quem foceri studiosum cognoverat, quotidianis cædibus imminuit. quo deinde Bruti virtute pulso, P. Valerius consul, ut ait Festus, ob inopiam patriciorum ex plebe allegit in numerum senatorum CLXIV. ut expleant numerum senatorum ccc. qua in re partim consentire cum cum Livio, partim dissentire video. consentit de plebeis tunc primum in senatum allecctis. nam id sine dubio significat Livius, cum ait lib. 2. *Mirum, quantum id profuit ad concordiam civitatis, jungendoque patribus plebis animos*, dissentit in eo, quod Livius non a P. Valerio, sed ab ipso Bruto expletum esse trecentorum numerum affirmat, his verbis: *Brutus prior, concedente collega, fasces habuit. is, omnium primum, avidum novæ libertatis populum, ne postmodum flecti precibus, aut donis regis posset, iurejurando adiecit, neminem Romæ passuros regnare: deinde, quo plus virium in senatu frequentia etiam ordinis faceret, cædibus regis diminutum patrum numerum, primoribus equestris gradus electis, ad trecentorum summam explevit*. Dionysius autem, ab utroque dissentiens, neque a Valerio, neque a Bruto, sed ab utroque simul expletum esse numerum senatorum, neque CLXIV. ut Festus, sed C. duntaxat esse adjectos, in historia sua scriptum reliquit. In hoc tamen omnes consentiunt, ex plebe novos senatores esse allecctos. nam, etsi non de plebe, sed de primoribus equestris ordinis Livius meminit: nihil tamen obstat, quin de plebe intelligatur: cum equestrer ordo patriciorum, & plebeiorum æque communis esset, in quo quasi suorum verborum interpretes ipse Livius videtur esse: subjungit enim, ad concordiam civitatis, jungendoque patribus plebis animos id maxime profuisse. & Festus duobus in locis modo plebem, modo equestrum ordinem nominat: nec tamen facit inconstanter. plebeios enim homines utrobique significat, sed eos, qui, equestrum ordinem adepti, reliquis plebeis tantum dignitate præstarent, quantum reliquis patriciis patricii senatores. quod si qua remanet dubitatio, tollitur Dionysii testimonio, qui de senatu plebi dato satis plane loquitur lib. 5. Ac potest fieri, ut ex adscriptis CLXIV. quos nominat Festus, plebei fuerint centum, patricii reliqui. ita inter Dionysium, qui de solis centum meminit, ejusque ait fuisse plebeios, & Festum, qui CLXIV. nominat, etiam de numero conveniat. Quemadmodum igitur in regno non omnes patricii senatores, & nemo tamen senator, quin idem patricius: sic in rep. non omnes senatores patricii, sed tum ex patriciis, tum ex plebeis familiis electi, ut quisque vel gratia valebat apud consules, tribunosve mil. consulari potestate, a quibus, ante creatos censores, lectos esse, sublectosque senatores Festus docet: vel, postquam creati censores sunt, meritis in rep. eminebat, neque Suetonium audio ita loquentem in Augusto: *Geni Octavia a Tarquinio Prisco rege inter Romanas gentes alleccta in senatum mox a Ser. Tullio in patricias traducta*. quibus verbis aperte significat, qui patricii nondum essent, ordine senatorio donatos. quod esse falsum ac mendosum, & jam ostendimus Livii Dionysiique testimonio, quo quidem, curiam plebi non nisi post expulso reges paucis, planum sit: & ex ipsis me hercule Suetonii verbis, si quis ea ponderet accurate, facile cognoscitur. quod enim est hoc loquendi genus? inter Romanas

gentes *allecta in senatum*. quasi vero, ante quam ellegeretur in senatum, una de Romanis gentibus esset Octavia: aut ita participem senatus, ut reliquas Romanas gentes, esse factam. quod utrumque absurdum, & inane est: cum neque ante id temporis inter gentes Romanas fuerit Octavia, neque Romanae gentes ordinis senatorii omnes participes. Puta igitur, (ut hic aliqua ratione solvatur nodus) Octavianam gentem primum civitate a Prisco rege donatam, deinde a Servio in patricias traditam. quod Suetonium quoque existimo sensisse, & reliquisse scriptum sic: *Ea gens a Tarquinio Prisco rege inter Romanas gentes allecta, mox a Servio Tullio in patricias tradita*: non, ut est in pervulgatis libris, *allecta in senatum*. corruptus enim, nisi fallor, ab iis locus est, qui verbum, *allegere*, usurpari tantum de senatoribus putant: nec sententiam, & ordinem attenderunt, sed praepostere senatoriorum ordinem ante gentis patricium statuerunt: cum eo tempore primum civitas peregrinis daretur, deinde patricii, postremo senatores fierent: nisi si quis apud regem tanti esset, ut patricius simul & senator fieret. Hoc idem duobus eruditissimis, optimisque viris, & sine dubio in antiquitatis doctrina primis, Carolo Sigonio, & Onuphrio Panvinio videbatur. Numerus trecentorum, a Prisco constitutus, mansit idem usque ad L. Sullae dictaturam. nam viginti supra trecentos, qui Machabaeorum lib. 1. nominantur, non puto fuisse senatores, qui a censoribus lecti essent, sed eos, quibus jure magistratus, quem gerebant, ingredi curiam, & cum reliquo senatu de publica re consulere liceret. Sulla, in ordinem senatoriorum propensus, inimicus plebi, sicuti potestatem tribunitiis imminuit, valdeque afflixit, ita senatum ut auxerit, veri simillimum videtur. auxit enim quaestorum quoque numerum, praetorum, augurum: pomerii etiam terminos, quartas a Romulo protulit: & alia multa in rep. novavit. quod eo magis existimo, quia non ita multis post annis mentionem a Cicerone lib. 1. epist. ad Atticum fieri video CDXV. in oratione autem post reditum in senatu CD. Caesare dictatore senatores CIO. fuisse, legitimus in Dione, cum ex libertorum quoque filiis, & de suis militibus multos, & haruspices etiam quosdam ordine senatorio donasset. Post Caesaris interitum, alii quoque, obscurae conditionis homines, nullo delecti, in tanta rerum omnium perturbatione, in curiam venerunt: ut, omnino supra mille fuisse, Suetonius tradat. qua indignitate permotus Augustus, victo jam Antonio, senatum ad pristinum modum, & splendorem redegit. Senatores igitur fuere, qui primo a regibus, deinde a consulibus, tribunisque mil. consulari potestate, postremo a censoribus in senatum lecti sunt. ac praeter hos tamen duo genera hominum in curiam aditum habuere, qui magistratum gerebant, etiam si curulis non esset, ut aediles pl. tribuni pl. quaestores, & qui jam gesserant, modo curulis fuisset, ut aediles cur. praetores, consules. quibus licebat omnibus ingredi senatum, & sententiam dicere: senatores autem neque erant, neque in edicto consulis senatum vocantis dicebantur. de quo Festi Pompeii verba recitare operae pretium existimo. *Cum senatus*, inquit, *vocatur, senatores adesse jubentur, quibusque in senatu sententiam dicere licet: quia ii, qui post lustrum conditum ex junioribus magistratum cepere, & in senatu sententiam dicunt, & non vocantur senatores ante, quam in senioribus sunt censi*. Satis igitur constat, qui senatores essent, quique in Senatu sententiam dicerent: cum senatores essent duntaxat ii, qui lecti a censore in senatum essent: sententiam autem dicerent, non ipsi modo senatores, sed etiam ii, qui jure magistratus in senatum introirent. Illud minime constat, utrum, cum dixit Festus, *qui post lustrum conditum ex junioribus magi-*

stratum cepere, de omnibus magistratibus, an de curulis tantum intellexerit. Ego, etiam si Festus omnes potius magistratus communi vocabulo videretur comprehendere, quia tamen huic sententiae monumenta veterum repugnant, de solis curulis accipio. quod ut auctoritate confirmetur, Livii verba libro 23. consideremus. *Recitato vetere senatu*, (loquitur de M. Fabio Buteone, qui dictator legendo senatui creatus erat) *inde primum in demortuorum locum legit, qui post L. Aemilium, C. Flaminius censores, curulem magistratum cepissent, necdum in senatu lecti essent, ut quisque eorum senator primus creatus erat. tum legit qui aediles, tribuni pl. quaestoresque fuerant, tum ex iis, qui magistratus non cepissent, qui spolia ex hoste fixa domi haberent, aut civitatem Romanam acceperissent*. Legit novum senatum Buteo ex triplici hominum genere, primum, ex iis, qui curulem magistratum ceperant: secundo loco, ex iis, qui magistratum, licet non curulem, gesserant: (curulis enim magistratus non erat neque aedilis pl. neque tribunatus pl. neque quaestura) postremo ex iis, qui, magistratum nondum adepti, meritis tamen in rempublicam insignes erant, e quibus omnibus eos tantum in senatum antea introiisse, qui curuli honore usi erant, Livius significat, cum ait: *Ut quisque eorum senator primus creatus erat*, ut enim quisque curulem magistratum affecutus in senatum primus venerat, & dicenda etiam post magistratum sententiae jus adeptus erat, ita cum Buteo primum legit, eundem ordinem in legendo secutus, quo illi magistratum ceperant; & ex magistratu curiam introierant. aediles vero, tribunos, quaestores, quia post magistratum non idem iis licebat, quod curuli honore functis, ut in senatum venient, & sententiam dicerent, hos non ait Livius senatores creatos esse. In quo & illud animadvertendum dignum est, senatorem creari, & in senatum legi, non idem fuisse: cum jure & beneficio magistratus crearentur & fierent senatores, in senatum autem a censore legerentur, quamquam, cum dixit Livius, senatores creatos, qui curulem magistratum administraverant, non videtur, si ad veterem consularis edicti formulam respicias, satis proprie locutus. non enim senatores hi nominabantur: sed ut a senatoribus distinguerentur, in edicto consulum his verbis in senatum citabantur: *Quibus in senatu sententiam dicere licet*. Perpendamus & alium Livi locum libro 36. Adeo, inquit, *in apparatus curamque ejus belli civitatis intentam fuit, ut P. Cornelius consul ediceret, qui senatores essent, quibusque in senatu sententiam dicere liceret, quique minores magistratus essent, ne qui eorum longius ab urbe Roma abiret, quam unde eo die redire posset*. Et hic minores magistratus distinxit ab iis, quibus in senatu sententiam dicere licebat. minores autem magistratus intellexit aediles pleb. tribunos pl. aediles curules, & alios, de quibus ageretur in libro de magistratibus. distinxit autem non ob eam causam, quia minoribus magistratibus in senatu sententiam dicere non liceret, sed quia potius multi sententiam dicerent, qui neque magistratum gererent, neque senatores essent. licebat enim omnibus magistratibus in senatum introire, post magistratum autem iis tantum, qui curuli honore usi erant. quo spectant illa quoque Ciceronis pro Cluentio: *Qui tribunus mil. legionibus quatuor primis, quique quaestor, tribunus pl. quique in senatu sententiam dixit, dixerit*. Satis aperte significat, iis, quos nominavit, non licuisse post magistratum sententiam in senatu dicere. Scripsit etiam M. Varro in *fatya Menippea*, quam *ὑπεροχὴν* inscripsit, equites quosdam *Pedarios* appellatos: eosque Gellius putat significari, qui nondum a censore in senatum lecti erant: quos ait senatores quidem non fuisse: sed, quia honoribus populi usi erant, in senatum venisse, & sententiae jus habuisse. deinde subiungit haec: *Nam & curulis ma-*

gistratibus functi, qui nondum in senatum a cen-
 tore lecti erant, senatores non erant: & quia in po-
 sitis scriptis erant, non rogabantur sententias, sed,
 quas principes dixerant, in eas discedebant. Hoc si-
 gnificabat edictum, quo nunc quoque consules,
 cum senatores in curiam vocant, servandæ consue-
 tudinis causa translatio utuntur: cujus hæc sunt
 verba: *Senatores, quibusque in senatu sententiam di-
 cere licet.* In eo tamen hæreo, quod eos, quibus
 in senatu sententiam licuisse dicere, jam tradidit,
 eosdem postea non rogatos esse sententias subiunxit.
 nam, si non rogabantur, quo modo dicebant? &
 si dicebant, cur non ante rogatos putemus? non
 facio libenter, ut ab antiquis dissentiam: quia hæc
 Romanæ urbis instituta, quæ nos interdum conje-
 cturam secuti investigamus, vel præsentem videre,
 vel ex eorum, qui viderant, libris facile cognoscere
 poterunt. quare, ne Gellium inciticia condemne-
 mus, quem Varronis libros diligenter evoluisse con-
 stat, concedamus, non dixisse sententiam verbis eos,
 qui beneficio magistratus administrati in senatum
 venirent, sed, cum alienam sententiam vel proba-
 re, vel improbare possent, quod discessione facien-
 da significabant, pro eo acceptum putemus, ac si
 sententiam dicerent: quia in hanc vel in illam par-
 tem discedentes, quodammodo suam sententiam di-
 cere viderentur. Licuit igitur iis, qui curulem ho-
 norem cepissent, in senatum venire: iis, qui non
 curulem, non licuit. atque hoc tum ea, quæ dixi-
 mus, tum historia de Q. Fabio Maximo tradita de-
 clarat. nam, cum senatu egressus in P. Craffum,
 hominem quæstorium, casu incidisset, quasi cum
 eo, qui in senatu fuisset, loqueretur, ita de rebus
 in senatu decretis sermonem habuit, memorie vi-
 tio deceptus. putavit enim Craffum, quem triennio
 ante quæstorem fuisse sciret, in senatu affuisse: cum
 iis, qui quæsturam gessissent, quæ curulis magistra-
 tus non erat, aditum in curiam non dari, nisi a
 cenfore legerentur, oblitus esset. quo errore virum
 gravissimum, summisque honoribus & in Rempu-
 blicam meritis insignem, objurgatum vehementer,
 esse a consulibus, Valerius prodidit. Quod autem
 in eo loco idem Valerius ait, etiam iis, qui hono-
 res gessissent, una ratione curiam patuisse, si a cen-
 foribus in ordinem senatorium legerentur: id vide-
 tur non satis vere dictum. siquidem iis, qui curu-
 les magistratus ceperant, etiam si a cenfore lecti in
 senatum non essent, ingredi curiam licuisse jam
 ostendimus. quare, si de omnibus magistratibus Va-
 lerius significavit, non est, ut vere dictum existi-
 mem: sin de solis non curulibus, assentior. Huc ad-
 datur: non hoc modo privilegium fuisse iis, qui cu-
 rulem honorem ceperant, ut in senatum conveni-
 rent: sed illud etiam, ut cum a cenfore senatus le-
 geretur, præteriri non possent. id mihi video ex
 eo, quod apud Livium libro 22. scriptum est, posse
 conjicere. ait enim sic: *XXC. præterea senatores cæ-
 si, aut qui eo magistratus gessissent, unde in senatum
 legi deberent.* Loquitur de parte senatorum. quod
 si de parte, certe de curulibus: quos eo legi in se-
 natum oporteret, quia veniendi in senatum potesta-
 tem jam haberent, & satis ordine senatorio digni
 viderentur, quibus curulis honor a populo manda-
 tus esset. hinc, ut opinor, satis patet illa Cicero-
 nis in oratione pro Cluentio: *Quis, inquit, hoc se-
 nator accusavit, ut cum altiore gradum dignitatis
 beneficio populi Rom. esset consecutus, eo se putaret
 durioribus legum condicionibus uti oportere?* Altio-
 rem gradum dignitatis vocat ordinem senatorium: nec
 tamen intelligit, quicumque senatores essent, eos a
 populo creatos: (quod enim jus populi fuit in iis,
 qui censoris arbitratu in senatum legebantur?) sed
 significat, omnes, qui curulem honorem populi suf-
 fragiis accepissent, beneficio populi senatores esse fa-
 ctos, quia in senatum a primis censoribus legeren-

tur: non enim, quicumque a cenfore legebantur,
 populi beneficio senatores erant: cum legerentur
 multi, nondum curuli honore functi: sed quicum-
 que curulem honorem ceperant, ii populi beneficio
 senatoriam dignitatem consequiebantur. Ad eandem
 sententiam illud refero, quod in eadem oratione
 paullo post ita scriptum est: *Cum hæc recussarent,
 & palam fortissime atque honestissime dicerent, se po-
 tuisse judicio populi Rom. in amplissimum locum per-
 venire, si sua studia ad honores petendos conferre vo-
 luissent.* Non obscure significat, eos in senatum per-
 venire, qui magistratus adipiscantur, idque populi
 beneficio: quia, si magistratus adeptis (de curuli
 loquor) aditus in curiam permittitur, & magistra-
 tus a populo datur: certe, qui jure magistratus in
 senatum eunt, hanc dignitatem populo acceptam
 referre debent. Quod autem multi, curulem magi-
 stratum non assecuti, in senatum legerentur, factum
 id non populi beneficio, sed ex eo potius,
 quod ea fuisset eorum vita, ea domi forisve in Rempu-
 blica, ut eo loco, qui esset in civitate amplissi-
 mus, dignissimi judicaretur. nam, cum per an-
 nos multos consules, quique consulari potestate tri-
 buni militum fuere, propinques quique suos legere
 in senatum consuevisset, eosque primo ex patriciis,
 deinde ex plebeis, tribunitia potestas intervenit,
 qua sancitum est, ut censores curiatum, hoc est, ex
 omni ordine, plebeio, equestri, senatorio, opti-
 mum quemque in senatum legerent. Licuit præterea
 flaminii Diali in senatum venire. idque primum
 C. Flaminio cum toga prætexta & sella curuli da-
 tum est. quam consuetudinem, inertia superiorum
 flaminum per multos annos intermissam repetiit,
 & renovavit C. Valerius Flaccus. reliquis sacerdoti-
 bus jus in senatum veniendi non fuit, nisi si aut in
 senatum lecti a cenfore essent, aut curulem magi-
 stratum accepissent. id videtur Cicero significare in
 epistola, *Si forte*, libro xv. ad Atticum. *Habetur,*
 inquit, *senatus frequens. adhibentur omnes pontifi-
 ces, qui erant senatores.* Et in oratione de haruspici-
 um responsis: *Cum omnes pontifices, qui erant huius
 ordinis, adessent.* Venit etiam interdum in mentem
 suspicari, ne ex condemnatione senatoris locum in
 senatu consequeretur is, qui accusasset, non ex omni
 tamen condemnatione, sed ex ea tantum, qui reus
 ordinem senatorium amitteret, ut furti, peculatus,
 captarum pecuniarum crimine. nam, si prætoriam
 sententiam, & prætextatam togam multi accusatores,
 reo condemnato, legum præmio sunt adepti, quod
 in oratione pro Balbo scriptum legimus: quanto magis,
 sententiæ, privato loco in senatu dicendæ, potestatem
 accusatoribus propositam fuisse, credibile
 est? hoc tamen ita suspicor, ut aliorum probata opi-
 nione, quam mea conjectura, stare malim.

Licuit etiam, ante Papirii Prætextati ætatem, præ-
 textatis senatorum liberis in curiam cum parentibus
 introire. qui mos senatusconsulto sublatus est, uni-
 que Papirio puero, qui matrem de re in senatu acta
 cupide rogantem lepidio commento fessellisset, con-
 cessum est, ut cum patre in senatum prætextatus
 ingrederetur: eique Prætextati cognomen ejusdem
 senatus decreto est inditum, ob tacendi, loquendi-
 que in prætextata ætate prudentiam, sed rursus veterem
 morem multis post annis Augustus renovavit,
 qui liberis senatorum permisit, ut, quo celerius Reipublicæ
 assuescerent, protinus virili togæ latum clavum
 inducerent, curiaque interessent. fuit autem
 latus clavus senatoria tunica. itaque sæpe veteres ita
 locuti sunt, ut dicerent: senatori latum clavum Im-
 perator ademit, aut, latum clavum dedit, cum se-
 natoriam dignitatem aut adeptam, aut datam si-
 gnificare vellent.

Diximus de iis, qui, a cenfore lecti, senatores
 essent, deque iis, qui non lecti, tamen in senatum
 venirent. Reliquum est, ut pauca quædam addantur

de iis, qui, licet ob eximiam prudentiam ac fortitudinem digni summo loco viderentur, aditum tamen in senatum non habuerunt. Placuit, neminem, qui patrem & avum liberos citare non posset, in senatum introire. nam, etsi Ap. Claudius Cæcus censor libertinorum filios in senatum legit, quod, ut ait Livius, primus fecit: statim tamen a proximo posteriore censore Q. Fabio ejectos esse a curia, ejusdem Livii verba significant. unum habemus exemplum, unum, inquam, & singulare, ut opinor, de Cn. Flavio, libertini hominis filio, ædili curuli creato: cui, vel si lectus in senatum a censore non sit, quod incertum habeo, jure tamen curulis magistratus ingredi senatum licuit. Cicero-
B nius quidem ætate L. Popillium a Cn. Lentulo censore in senatum ideo lectum non esse, quia libertini filius erat, legimus in oratione pro Cluentio, & ab Ap. Claudio censore, P. Clodii fratre, Appii Cæci, cujus mentionem proxime fecimus, pronepote, libertinorum filios, qui in curiam irreperunt, omnes ejectos esse, scripsit Dion libro 40. videlicet hoc dignitatis causâ factum est: ne locus ille, in civitate honorificentissimus, ab infimi ordinis hominibus, quibus paterna, aut avita servitus obijci posset, inquinaretur. Etiam illud ordini senatorio maxime fuit honorificum, neminem in senatum legi, nisi cui octingentis millibus, hoc est, scutorum aurorum XXIV. millibus, census esset. quod etiam fieri solum non existimo, cum aratro terram findentibus magistratus & imperia deferrebantur: quo tempore plus virtutis, quam divitiarum, Romæ fuit: postremis tamen Reipublicæ temporibus, cum privatorum opes una cum imperio crevisset, observatum esse, Suetonius in Augusto satis plane videtur ostendere, cum ait: *Senatorum censum amplavit, ac pro octingentorum millium summa duodecies H.S. taxavit, supplevitque non habentibus.* Fuit igitur senatorius census equestri censu duplo major: cum eques esse nemo posset, nisi cujus res quadringentis millibus æstimaretur. de quo Horatius:

*Si quadringentis sex septem millia desunt,
Plebs eris.*

Et Cicero epist. ad Dolabellam: *Res ei familiaris vix equestris est:* pro, vix eicensus est CD. vix tueretur ordinem equestrem: quia vix tantum habet, quantum equiti habere necesse est. quod si quis aut senator, aut eques, non fortunæ culpa, sed suo vitio, ita rem imminuisset, ut ad legitimum censum non perveniret, senator a summo loco dejectus in equestrem ordinem recidebat, si equestri familia, aut patricia, aut plebeia, natus esset: sin familia non equestri, in plebeium, hoc est, eum, qui infra senatorium, & equestrem erat. item eques, equestri censu deminuto, equestrem ordinem amittebat, & ad plebeium, hoc est, infimum, descendebat. ita & bonis moribus, & rei familiari cives Romani operam æque dare cogeantur: moribus, ut senatorio loco digni judicarentur: rei familiari, ne, quo virtus aditum aperiebat, inde ob inopiam excluderentur.

C A P. II.

De principe Senatûs.

QUIS in senatu dignitate præstaret, & quis inter senatores, queri potest. in senatu præstabat is, qui summum magistratum gerebat: inter senatores is, quem in recitando senatu censor primum legerat. ante secundum Punicum bellum, quod Hannibale duce in Italia gestum est, princeps legebatur is, qui primus censor ex iis, qui viverent, fuisset. quod cum censor M. Cornelius Cethe-

agus fieri censeret oportere, ne mos a patribus traditus defereretur, ideoque T. Manlius Torquatum principem legendum contenderet; alter censor P. Sempronius Tuditanus, cujus lectio erat, se, cui legendi fortem dii dedissent, acturum arbitrio suo dixit, lecturumque Q. Fabium Maximum, quem tum principem Rom. civitatis esse, vel Hannibale iudice victurus esset. ita Fabium, qui tum erat consul, principem in senatu legit. inde manavit consuetudo, ut in legendo principe, non, qui inter censors vetustissimus esset, observaretur: sed is de censoriis legeretur unus, qui sapientiæ laude, rerumque gestarum gloria maxime inter omnes emineret. itaque ubi res ferret, ut aliquem honoris causâ veteres nominarent; is, si principem in senatu locum iudicio censoris habuerat, non ab ullo potius magistratu, quam ab hoc titulo significabatur: quia magistratum obtinere multi possent, princeps senatus legi nemo posset, nisi qui & magistratum ita gessisset, & omnia, quæcunque summo cive digna sunt, ita in omni vita præstisset, ut in civitate non modo anteferri, sed nec jure comparari quicquam videretur. Non dixit Cicero in ea pro Rabirio, M. Æmilium, homo consularis, sed, M. Æmilium, princeps senatus: quia, cum defensionis suæ auctoritatem quæreret a personis, nominandum in Æmilio, quod in illo maxime fuerat honorificum, existimavit. sic in disputatione legis agrariæ secunda, & in 8. in Antonium: *Cum a majoribus vestris P. Lentulus, princeps senatus, in ea loca missus esset: P. Lentulum, principem senatus, complures alios summos viros, &c. Quintus etiam Fulvius Calenus apud Dionem libro 46. cum in Ciceronem invehitur, quo plus illi quærat invidiæ, illius, inquit, Lentuli nepotem, qui princeps senatus fuit, occidit in carcere iussisti.* Hunc honorem P. Scipio Africanus, is, qui Hannibalem pugnavit, ter consecutus est: M. Æmilius Lepidus, qui pontifex maximus fuit, sexies: quod nemini præterea contigerit. Erat autem non utriusque censoris lectio, sed alterius tantum, cui forte contigisset. Itaque & censorem ipsum a collega senatum legente principem in senatu lectum invenio, ut L. Valerium Flaccum a M. Porcio Catone, M. Æmilium Lepidum a M. Fulvio Nobiliore. Opinor etiam P. Scipionem Africanum a collega P. Æmilio Pæto principem esse lectum. nam, etsi Livius libro 32. ubi de utriusque censura mentionem facit, de principe lecto nihil addit: tamen conjectura ductus in hanc opinionem venio, Scipionem a collega primo loco lectum esse. assert autem ipse mihi Livius conjecturæ causam: scribit enim sic libro 34. *Creata censes Sext. Ælius Pætus, & C. Cornelius Cethegus principem senatus P. Scipionem consulem, quem & priores censes legerant, legerunt.* Priores enim censes fuisse video Africanum ipsum, & P. Æmilium Pætum. a quibus ad Sext. Ælium, & C. Cornelium censes integrum quadriennium interfuit. ut inter utramque censuram nullis censoribus locus esse potuerit: cum hic magistratus quarto quoque ineunte anno crearetur. atque hoc eo minus dubito, quod jam Livius libro 38. id ipsum, quod libro 34. scripserat, confirmat. ait enim P. Scipionem a censoribus T. Quintio Flaminio, M. Claudio Marcello principem in senatu tertium esse lectum. quorum locorum observatio cum edocuit me de Scipione a collega principis loci dignitate honestato, tum illud offendit, corruptum esse locum in ipso Livio, libro 39. nam, cum ait, *Censoribus M. Porcio, L. Valerio principem senatus ipsum L. Valerium lectum invenio, cum superioribus duobus lustris Africanus fuisset, dissentire videtur a se ipso, qui de Scipione principe tertium lecto jam scripserat. quomobrem aut scripsit Livius, 3. lustris, quod deinde librarii culpa corripuit, & pro 3. factum scit 2. aut, si, 2. lustris, ipse tradidit, *μικροτέρως**

ἀνδρογῆμα commisit. quod in antiquis novum non est: cum Cicero noster in libro de Divinatione 2. bis in hoc genere peccaverit. nam primum, quod erat Ulyxis, Agamemnoni tribuit, deinde, cum Ulyxem nominare debuerit, meminit Ajacis. legatur Homerus ἐν τῇ 7 Ἰλιάδος β, καὶ ἐν τῇ 1. quamquam, quod ad Ajacis mentionem attinet, vereor, ne indiligentia potius, quam oblivione peccaverit. nam, cum legisset illum versum, qui est ἐν τῇ 1. Νῆος Ἀίας Φοῖβιτι, νόσος δὲ θεός Ὀδυσσεύς, opinatus est ab Ajace potius, quam ab Ulyxe, apud Achillem pronunciarī ea, quæ sequuntur. qui si deinde legisset, usque ad eum locum, ubi Achilles responderet: Ulyxem, non Ajacem, queri de ferocitate Trojanorum cognovisset. respondet enim in eo libro Achilles his verbis: Διογενὲς Λαερτιάδην, πολὺ μῆχαν' Ὀδυσσεύ. Idemque in 2. libro de gloria oblivione lapsus est. quod Gellius notavit lib. 15. cap. 6.

C A P. III.

De causis amittendi ordinis senatorii.

QUINQUE de causis eiectionis e senatu senatoris invenimus: quas deinde omnes exponemus. quacunque ejicerentur, ignominiosum, & turpe fuit. tamen præteriti senatores, ait Festus Pompeius, quondam in opprobrio non erant: quod, ut reges sibi legebant sublegebantque, quos in consilio publico haberent, ita, regibus exaltri, consules quoque, & tribuni militum consulari potestate conjunctissimi sibi quosque patriciorum, & deinde plebeiorum legebant, donec tribunicia potestas intervenit: qua sancitum est, ut censores ex omni ordine optimum quemque curiam in senatu legerent. quo factum est, ut, qui præteriti essent, & loco moti, haberentur ignominiosi. itaque & M. Cato censor, is, qui censorius mox appellatus est ob censuram graviter ac severe administratam, hominem consularem e senatu ejecit L. Flaminium, quia, cum esset consul in Gallia, exoratus esset in convivio a scorto, ut securi feriret aliquem eorum, qui in vinculis essent damnati rei capitalis: & Cn. Lentulus, ac L. Gellius, item censores, C. Antonium, qui postea cum Cicerone consul fuit, de senatu moverunt, subscripta causa, quod socios diripisset, quod iudicium in sua civitate cum peregrino reculasset, quod propter æris alieni magnitudinem prædia mancipasset. quibus exemplis, ut omittam alia (sunt enim innumerabilia) eos, qui senatu eiectionis essent, ideo ignominiosos habitos esse constat, quod, cur ejicerentur, dignam causam turpiscorum vita præbuisset. omnino enim, si quid turpiter aut flagitiose senator aliquis commisisset, eum censor in recitando senatu præteribat: præteritus ordinem senatorium continuo amittebat: neque amissum jus recuperabat, nisi aut ab altero censore mox probaretur: quam ob causam libro 30. Livius ait: Tres eiectionis de senatu: retinuit quosdam Lepidus a collegæ præteritos. aut aliorum postea censorum iudicio in curiam revocaretur. aut iis criminibus, quæ censores in subscriptionem nominassent, juratorum iudicium sententiis abolveretur. aut populi Rom. suffragiis censorum iudicium rescinderetur. aut denique se ad eos, quos gesserat, honores item petendos retulisset, donec minores magistratus consecutus ad curules perveniret, quorum iure & in senatu sententiam posset dicere, & a primis censoribus legi deberet. hoc tamen servabatur, ut, qui curules nondum honores ceperant, ii eos ipsos, quos gesserant, denuo caperent, deinde ad curules pergerent: qui vero curules gesserant, iis ad omnes, quos gesserant, redeundum non erat, sed unum modo curulem iterum capere satis erat: ut, quod censoris animadversione amiserant, jure magistra-

tus recuperarent. utrumque probatur exemplo Sallustii, historiæ scriptoris & Lentuli, qui cum Catilina contra patriam consilia iniit. nam Sallustius post quaesturam e senatu ab App. Claudio & L. Pisonē censoribus eiectionis, iterum quaesturam petiit, & adeptus est: postquam in senatum rediit, non ipsius quaesturæ beneficio, (nam curulibus tantum magistratibus, ut dixi, privilegium hoc erat) sed quod, Cæsarem civili bello secutus, facile, quod legibus non licebat, a victore per gratiam impetravit. unde illud in oratione, quam scripsit in eum nescio quis (nam certe, quod ipsum dicendi genus, & qui Græce dicitur χαρακτήρ, facile declarat, eam Cicero non scripsit.) Sic igitur est in ea: Tu, C. Sallusti, tantidem putas esse, bis quaestorem, & bis senatorem fieri, quanti, bis consularem, & bis triumphalem? At Lentulus, gesto jam consulatu, cum ob molliem, ut ait Plutarchus, e senatu esset eiectionis, iterum præturam, qui curulis erat magistratus, petiit: quam consecutus, jure magistratus in senatum rediit. quod & in Dionis libro 37. legimus. & ob hanc causam Philistus objicit Ciceroni apud Dionem, quod Lentulum, hominem consularem prætorem, indicta causa consul occidisset. & Velleius cum ait libro 1. eum consularem, & prætorem iterum in carcere necatum, significat de secunda prætura post consulatum, quam ideo petiit, ut dignitatem senatoriam, censorum iudicio amissam, magistratus beneficio reciperet. Fuit etiam, præter censoriam notationem, amittendæ senatoriæ dignitatis alia causa. nam, si quis iudicio turpi, exempli gratia furti, peculatus, captarum pecuniarum, pro socio, esset condemnatus, hic statim post condemnationem, non ordine solum senatorio, sed omni prius honore privabatur, eoque gravior erat hæc poena, quod non ad tempus, sed in perpetuum irrogabatur: cum ii, qui a censoribus e senatu essent eiectionis, ea tamen spe præsentem dolorem lenirent, quod recuperare suum jus aliquando possent. præterea, locum senatoriorum adimere censores poterant, potestatem petendi magistratus minime poterant. at infami iudicio damnati, non curia magis, quam honoribus cunctis excluderentur. quod Cicero in oratione pro Cluentio Avito declarat his verbis: C. Ceta, cum a L. Metello, & Cn. Domitio censoribus e senatu eiectionis esset, censor ipse postea est factus: & cuius mores a censoribus erant reprehensibiles postea & populi Romani, & eorum, qui in ipsum animadverterant, moribus præfuit. quod si illud iudicium putaretur, ut ceteri, turpi iudicio damnati, in perpetuum omni honore, ac dignitate privantur, sic hominibus ignominia notatis neque ad honorem aditus, neque in curiam reditus esset. Dixit, omni honore, ac dignitate: pro, omni magistratu, ac ordine senatorio, quod ipse quoque exponit, cum insert, neque ad honorem aditus, neque in curiam reditus. Hæc studiosis hominibus cum ad intelligentiam, ut opinor, non injucunda esse possunt, quia Romanarum rerum explicata notitia delectat: tum hoc habent commodi, quod incurritibus in obscura loca, qualia veterum in libris multa scimus esse, lucem afferunt, efficiuntque, ut, quod a multis sine labore vix perciperetur, id ab omnibus facile cognoscatur. exempli causa, Suetonius ait in Tiberio: Ex juventute utriusque ordinis profligatissimus quisque, quo minus in opera scæne, arenaque edenda senatusconsulto tenerentur, famosi iudicii notam sponte subibant. Hæc satis illustantur a prædictis. multos enim, qui, quod senatores erant, operam in scæna, aut in arena præbere vetabantur, senatoriam dignitatem amittere maluisse Suetonius significat, quam in scæna non agere, & in arena non pugnare: quorum alterum erat hiltionum, alterum gladiatorum: hoc servile, illud minus honoratum, nec satis libero dignum, sed potius libertinis hominibus, quam ingenuis,

genus, concessum: cum etiam, si quis ingenuus operam in scæna præbuisse, nisi si Atellanam egisset, eum tribu motum, Valerius libro 2. scriptum reliquerit. Ergo, (ut ad Suetonium redeam) ut senatorio loco moverentur, accuratores inducebant, a quibus aliquo turpi crimine in iudicium vocati, volentes damnarentur: ut soluti quasi vinculo senatorio, agerent in scæna, pugnarent in arena. hoc autem, quod de senatorum damnatione dicimus, etiam ad equites pertinuisse, indicare videntur duo illa Suetonii verba, *utrisque ordinis*: quibus, & senatorem senatorio loco, & equitem equestri gradu dejectum, si turpi iudicio damnarentur, licet intelligere. nisi si, quod fortasse verius est, non de senatoribus & equitibus, sed tantum de senatoribus Suetonius significavit, & *utrisque ordinis*, dixit, pro, & patricii ordinis, & plebei: cum in senatum plebei pariter & patricii legerentur. atque huic opinioni (quid alii sentiant, liberum cuique sit) ego quidem magis acquiesco. Videtur etiam lege Servilia sancitum, ut, si quis de Latino populo senatorem Romanum accusasset, & damnasset, accusator civitate Romana donaretur, damnatus loco senatorio moveretur. hoc ego de Ciceronis verbis expressi, quæ sunt in oratione pro Balbo. sunt autem hæc: *Lege Servilia principes viri, ac gravissimi, & sapientissimi cives hanc Latinis viam ad civitatem populi iussu patere passi sunt: neque in his est hoc reprehensum Licinia, & Mucia lege: cum præsertim genus ipsum accusationis & nomen, & ejusmodi præmium, quod nemo assequi posset, nisi ex senatoris calamitate, neque senatori, neque bono cuiquam nimis jucundum esse posset.* Non dubito, quin, cum dixit, *ex senatoris calamitate*, ordinis amissionem significaverit. quibus autem ex criminibus lex Servilia Latinis hominibus hoc dederit, quia Cicero nominatim non exponit, obscurum videri potest. mihi tamen dubium non est, quin accipiendum sit de omnibus criminibus, quibus senator damnatus ordinem senatorium amitteret: ut, quem locum reus nocens vacuum reliquisset, eum accusator, quasi diligentia suæ præmium, beneficio legis occuparet. crimina vero, quibus senator condemnatus amplissimo loco excluderetur, cum ea fuerunt, de quibus jam meminimus, furti, peculatus, captarum pecuniarum, pro socio, tum multo magis ea, quibus, qui damnatus erat, ei aqua & igni interdiceretur. quibus de criminibus populus erat iudex. cum igitur, cui aqua & igni interdiceretur, ei simul & senatu, & omni prorsus re interdici constaret: nominatim tamen in ipsa condemnationis lege addebatur, ut, cui populus damnatus aqua & igni interdixisset, eum ne suo loco censor in senatum legeret. quod cum Clodius in ea lege, quæ Ciceronem urbe expulsi, omisisset, ac ne illud quidem tulisset, ut ei aqua & igni interdiceretur: ideo se, etiam cum aberat, senatorem fuisse. Cicero ait in oratione pro domo sua. *Cur, inquit, ego senator tum non fui, cum neque tuloris, ut mihi aqua & igni interdiceretur, neque caveris, ne mox me loco censor in senatum legeret? quæ, cum alterutrum satis sit, utraque tamen ad eripiendam senatori dignitatem in legibus conjunguntur, ut in tua lege neutrum fuit.* Hæc fere de Ciceronis verbis in Clodium elicitur argumentatio. Quatuor causas, cur senatores e senatu ejicerentur, enumeravimus, quintum genus fuit, cum populus imperium abrogabat. quibus enim abrogabat, ii senatu excluderentur: id lege Cassia sancitum Pedianus significat his verbis, *L. Cassius, L. F. Longinus trib. pl. C. Mario, L. Cassio cos. legem tulit, ut, quem populus damnaverit, cujus imperium abrogasset, in senatu non esset: ut scilicet inimicum suum, qui ante biennium consul fuerat, Q. Cæcilius Metellum senatu ejiceret, quod ei populus, propter rem adversus Cimbro male gestam, imperium abrogaverat.*

CAP. IV.

De loco habendi senatus.

MULTUM sane vidisse veteres Romani mihi videntur, qui, non ut profanis in locis, sed ut in sacris ædibus senatus haberetur, instituerint. nimirum sapientissimi homines id spectarunt, ut senatores, quasi præsentēs deos veriti, eadem religione consilium de republica caperent, qua divinam rem administrare sacerdotes consueverunt. Habebatur senatus loco per auguria constituto, id est, aut in curiis, aut in deorum templis: tum, aut in urbe, aut extra urbem. primus Romulus, senatu creato, ut in templo Vulcani extra urbem haberetur, instituit. Hostilius rex curiam Hostiliam, quæ erat in urbe, consultandi locum senatoribus esse voluit. post exactos reges, modo in Jovis, Apollinis, Martis, Bellonæ, Castoris, Concordiæ, Virtutis, Fidei, alia præterea templa, modo in curias, Hostiliam, Pompeiam, Juliam, senatum convenisse legimus. erat utrobique religio par: neque enim minus sacra curiæ, quam deorum ædes. ideoque & Hostiliam curiam templum Livius appellat: & ubicunque senatus haberetur, sive in curia, sive in templo, eum locum curiæ nomine indifferenter veteres significant. Illud attente considerandum, cur senatum in templo Virtutis habitum esse, Cicero dixerit in oratione pro Sextio: at in eadem, & pro domo sua, in templo Jovis: cum de ejusdem diei senatu manifeste loquatur. non enim puto de Virtutis aliqua cella significari posse, quæ in ipsius Jovis templo esset. non enim cella fuit, in quam eo die senatus convenit, sed templum illud Virtutis, quod C. Marius fecerat. itaque & in hac pro Sextio, & in de divinatione lib. i. Marii monumentum appellatur. Festus etiam, non fuisse cellam Virtutis in Jovis templo, sed templum separatam, & ipsius Virtutis propriam, declarat his verbis: *Summissorem aliis ædem Honoris, & Virtutis C. Marius fecit: ne, si officeret auspiciis publicis, augures eam demoliri cogerent.* In urbe senatus plerumque habebatur, extra urbem in æde Bellonæ non nisi duabus de causis, vel, quod ait Festus, & ex historia cognoscitur, ut legati exterarum gentium adesse possent, quibus in urbe senatum dari mos non fuit, præsertim, ut libro 42. Livius ostendit, si ab hostibus venirent: vel, quod ipsum ex historia patet, ut adesse liceret iis, qui cum imperio erant. esse autem cum imperio dicebantur ii, quibus senatus populusque Romanus exercitum dederat: qui, nisi prius imperium deposuissent, ingredi urbem legibus vetabantur. Olim tria tantum fœnacula, ubi senatus haberetur, fuisse Romæ, scripsit Nicotratrus in libro de senatu: unum, ubi posset ædes Concordiæ fuit, inter Capitolium, & forum: alterum ad portam Capenam: tertium in æde Bellonæ. Nicotratrus liber non exstat: sed, quæ nobis ex Nicotratro accepta Festus narravit, ea renunciamus.

CAP. V.

De tempore habendi senatus.

ERANT certi dies, quibus haberi senatus posset: item certi, quibus non posset: qui comitiales dicebantur, quasi popularibus comitiis dicati: per eos enim dies agi cum populo licebat. atque hoc, non equidem puto a regibus, cum nondum tot institutis civitas egeret, sed in republica video diligenter observatum: nisi si rei magnitudo ferret, ut sine mora referendum ad senatum esset. tunc enim dierum comitialium ratio non habebatur. quod

tamen semel factum esse legimus, ut in senatusconsulto, quod est in epistola M. Caelii, libro 8. Fam. epist. successionem enim provinciarum primo quoque tempore expediri, ut Cæsar de provincia Gallia revocaretur, ipsius Cæsaris inimici cupiebant. Kalendis Januarii, quo die magistratum consules inibant, post sacrificia rite peracta coacto senatu consules primum de divinis rebus, deinde de republica referebant, non utrique, sed alter, is inquam, qui priore loco consul creatus esset. servabatur autem non primo tantum anni die, sed quoties haberetur senatus, ut is, qui senatum habiturus esset, ante quam ingrederetur, sacra faceret, hostiis majoribus in foro ad præconem & ad tibicinem immolatis. reliquis sex, qui Kalendas consequuntur, Januarii diebus haberi senatum potuisse, biduo excepto comitali, ex Cæsare cognovimus, libro 1. de bello civili. qui tamen inter hos essent duos comitiales dies, quos Cæsar non nominat, non cuius internoscere facile est. quod nos, utpote qui Romanarum rerum tractatione ita oblectamur, ut nihil, quamvis humile, contemnamus, non gravabimur ostendere. Ad 7. idus Januarii senatum habitum esse Cæsar significat, cum ait: *Hæc senatusconsulta perscribuntur ad 7. idus Januarii.* & subiungit proxime: *Itaque quinque primis diebus, quibus haberi senatus potuit, biduo excepto comitali, & de imperio Cæsaris, & de amplissimis viris tribunis pl. gravissime, acerbissimeque decernitur.* His verbis a Kalendis Januarii ad 7. idus quinque senatus habendi dies esse demonstrat: ut tamen in his quinque diebus & Kalendæ ipsæ, & 7. idus includantur. cum igitur de quinque jam habeamus duos, Kalendas scilicet, & 7. Idus: reliqui tres qui esse possint, videamus. Nonarum dies, ut opinamur, unus erit: cum & inter nefastos, hoc est, festos dies, a Macrobio referatur, & eo die senatum esse habitum, illa Ciceronis verba pro Flacco significant: *O Nonæ illæ Decembres, quæ me consule fuistis.* reliquos duos, quibus haberi senatum licuit, crediderim esse 4. nonas, & 8. idus: 4. nonas, quia comitialis esse non potuit, ut Macrobius Saturnaliorum libro 1. significat: 8. idus, quia ne hic quidem comitalis fuit: sequitur enim post nonas: & post Kalendas, nonas, idus, religiosos dies fuisse, Verrius Flaccus, Livius, & Festus tradiderunt. quos autem religiosos dies Livius nominat, eos Verrius, Festus, & Macrobius atros appellant: atros autem Macrobius exponit, neque præliares, neque puros, neque comitiales. Jam igitur patet, qui fuerint quinque dies, per quos haberi senatum potuisse Cæsar scripsit. fuerunt enim, ut probavimus, Kalendæ Januarii, 4. nonas, nonæ, 8. idus, 7. idus. patet igitur simul, quod fuerit biduum comitale, de quo idem Cæsar meminit. sequitur enim necessario, ut fuerit 3. nonas, & 2. nonas. itaque in oratione in Pisonem, cum ait Cicerone, *Triduo post a P. Clodio lex Ælia & Fufia eversa est*, significat diem 2. nonas. nam cum triduo post Kalendas Januarii latam a Clodio eam legem dicat, quæ legem Æliam & Fufiam evertit, necesse est, ut intellexerit aut de 2. nonas, quo die triduum perficitur, aut de nonis, quæ perfectio & transactio jam triduo sequuntur. de nonis intelligere non potuit, quia Kalendæ, nonæ, idus habendo senatui legitimos dies fuisse, jam diximus. restat igitur, ut de 2. nonas intellexerit. diem autem 3. nonas, etiam, comitalem fuisse, satis patet: quia, cum de primis septem diebus, qui fuerint quinque senatorii, demonstraverim, relinquuntur, ut duo reliqui, 3. nonas, 2. nonas, comitiales fuerint: tamen exemplum etiam afferemus ex epistola Ciceronis ad Metellum l. 5. Fam. in qua hæc sunt verba: *Ad 3. nonas Januarii cum egere cœpisset, tertio quoque verbo orationis sue me appellabat.* Loquitur de Metello Nepote tribuno pl. qui ad populum acerbè contra Ciceronem agebat.

A Post 7. idus paucos habuit senatorios dies mensis Januarii. tantum enim ad usque 18. Kalendas Februarii senatus haberi potuit. nam post 18. Kalendas Pupia lex haberi senatum vetuit. quod ex duabus Ciceronis epistolis, altera ad P. Lentulum, altera ad Quintum Fratrem, cognoscitur. scribit enim ad fratrem his verbis: *Comitialibus diebus, qui Quirinalia sequuntur, Appius interpretatur non impediri se lege Pupia, quo minus habeat senatum.* Quod si post Quirinalia sequuntur comitiales: Quirinalium dies videtur fuisse 18. Kalendas Februarii: quia in epistola ad Lentulum, & fuisse senatum 18. Kalendas, nec deinde futurum ob legem Pupiam significatur. erant enim comitiales dies, quibus haberi senatum per legem Pupiam non potuisse Cicero ad Lentulum scribit. quod ipsum, eadem de Lentuli re, in alia ad fratrem epistola declarat his verbis: *Per obsecratos Lentuli res calumnia extrahita est, consecuti sunt dies comitiales.* Atque hos ipsos comitiales dies, quos Pupia lex in Januario sanxit, significat & in oratione pro Sextio, cum ait: *Consecuti dies pauci omnino Januario mense, per quos senatum haberi liceret: sed tamen actum nihil, nisi de me.* Paucos post Kalendas Januarii senatorios dies dicit fuisse, quia post 18. Kalendas Februarii omnes erant comitiales. Post 7. igitur idus usque ad 18. Kalendas haberi poterat senatus. utrum autem hoc toto intervallo omnes essent senatorii dies, nulli comitiales, affirmare difficile est. quod autem me docuit observatio, id ego item alios docere possum. Itaque primum illud dicam, 4. idus non fuisse comitalem diem: quia cum Cannensis illa funesta clades ad 4. nonas Sextilis accepta sit, atri dies, quod jam diximus, omnes quarti ante Kalendas, nonas, idus habiti sunt. Addam & illud, idus, 19. Kalendas, 18. Kalendas non fuisse comitales: quia per hos tres dies habitum senatum in Cicerone observavimus. quod, qui duarum ad Lentulum epistolarum loca contulerit, simulque consideraverit, facile cognoscet. Hæc sunt, quæ de Januario collegimus: nec dubitamus, quin de senatoriis & comitalibus diebus eadem in reliquis mensibus ratio fuerit: ut scilicet omnes Kalendæ, nonæ, idus, omnes postridie Kalendas, nonas, idus, omnes ante 4. Kalendas, 4. nonas, 4. idus non comitiales, sed senatorii dies fuerint: item, ut in Januario 3. nonas senatorii, 2. nonas comitiales, 8. idus comitiales, 7. idus senatorii, itidem in reliquis mensibus. hoc tamen in Januario diversum, quod propter Pupie legis interdictum pauciores habuit senatorios dies quam reliqui menses: sexdecim enim dies, id est omnes, qui post 18. Kalendas numerantur, lex auferebat. & quemadmodum Januarius pauciores senatorios, sic Februarius pauciores comitiales habuit, quam omnes reliqui menses. nam, ut ait Pedianus in commentario 3. orationis in Verrem, *hoc mense frequens senatus postulatus provinciarum, legationibus audiendus dabatur.* de quo sic in epistola ad Lentulum: *Senatus haberi ante Kalendas Februarias per legem Pupiam non potest. neque mense Februario toto, nisi perfectis, aut reiectis legationibus.* quo in loco non & de Januario simul, & de Februario lege Pupia sancitum, sed de Januario tantum intelligo. nam de Februario non Pupia, sed Gabinia lex sanxerat, ut ipso Cicerone interprete ostendimus. sic enim in epistola, *Risi*, libro 2. ad Quintum Fratrem: *Comitialibus diebus, qui Quirinalia sequuntur, Appius interpretatur, non impediri se lege Pupia, quo minus habeat senatum, & quod Gabinia sanctum sit, etiam cogi, ex Kalendis Februarii usque ad Kalendas Martias legatis senatum quotidie dari.* Cum igitur in mense, qui senatorii, quive comitiales dies fuerint, consideretur: rursus in die senatorio, (nam de comitali proprius erit locus in libro de Comitibus) qua hora in curiam senatores coiverint, qua discesserint, considerandum videtur. atque hoc quidem satis

apertum est. nam senatores neque ante solis ortum in curiam convenisse, neque post occasum permansisse, ideo verisimile est, quia senatusconsulta, aut ante solis ortum, aut post occasum facta, irrita fuisset, tum apud Gellium legimus, qui Varronis verba recitat, tum ex ipso Cicerone cognovimus, qui Philippica tertia consuli objicit Antonio de senatusconsulto vespertino. nam et si anno ab urbe condita CCXC. senatusconsultum nocturnum factum esse constat: tamen est hoc non consuetudinis, sed necessitatis exemplum: urgebat enim tum res, & procrastinandi locus non erat, cum Sp. Furium consulem cum exercitu ab Æquis & Volscis obsideri nuntiatum esset. Eadem nunc est in magno nostræ Reipublicæ consilio, quo magistratus creantur, consuetudo. nam & meridie fere in illud amplum excelsumque conclave, quod magni consilii atrium vocant, omnes patricii conveniunt, neque post primas tenebras permanent. preclare. ne nox, qua delicta teguntur, alicui suffragium ferrent ad fraudem occasio sit, præsertim in tam frequenti consilio, cum patricii mille ducenti, interdum etiam plures, de singulis magistratibus suffragium ferant. at in consilio Rogatorum, & in consilio Decemviri tum diversa ratio est. sæpe enim in multam noctem pro rei magnitudine consultatio producitur. neque tamen in suffragii vitium tinetur: non solum, quia minor est senatorum numerus, quam in magno consilio, & ubi minor numerus, ibi plus ordinis, & rationis: verum etiam, quia senatores ipsi, qui in his duobus consiliis de publica re disceptant, hi sunt fere præter cæteros a malis artibus alieni, ætate temperati, bonitate iusti, religione pii.

CAP. VI.

De potestate habendi senatus.

Jus habendi senatus non dubium est, quin ad eum magistratum spectaverit, qui summam in urbe potestatem gerebat. itaque vocari senatum quandoque a dictatore, plerumque a consule, interdum etiam a prætore legimus: a dictatore, quia summum erat dictaturæ jus, & libera potestas, nec nisi periculosis reipublice temporibus creabatur: a consule, quia neque superior magistratus, neque par consulibus erat: a prætore, duntaxat eo tempore, cum consules absentes: absentibus enim consulibus consulare munus sustinebat is, qui dignitate proximus erat: erat autem prætor. illud erat dissimilitudinis, quod consules, quacunque de re videretur, senatum convocabant; prætor autem nunquam, nisi ad rem novam. non enim vetera absentibus consulibus tractari, sed in eorum adventum reservari, honestius visum est. ad nova, quia moram non ferrent, sed præsentis consilio egerent, ei magistratus, qui absentibus consulibus senatum habebat, qui prætor urbanus erat, permittebantur. Enimvero & ab aliis, pro temporum conditione, senatum esse vocatum, ex Gellio cognovimus. is enim hæc Varro in libris de questis per epistolam, in epistola ad Oppianum scribit, qui fuerint, per quos more majorum senatus haberi deberet: eosque nominat, dictatorem, consules, prætores, tribunos plebis, interregem, præfectum urbi: neque alii, præter hos, jus fuisse dixit facere S. C. quotiesque usu venisset, ut omnes isti magistratus eodem tempore Romæ essent, tum, quo supra ordine scripti essent, qui eorum prior alius esset, ei potissimum senatus consulendi jus fuisse. addit deinde, extraordinario jure tribunos quoque militares, qui proconsules fuissent, item Decemviros, quibus imperium consulare tum esset, item Triumviros reipublicæ constituende causâ creatos, qui consulendi senatum habuisse. Postea scripsit de intercessionibus dixitque, intercedendi, ne S. C. fieret, jus fuisse iis solis, qui ea-

dem potestate, qua ii, qui S. C. facere vellent, majoreve essent. Tum de locis, in quibus S. C. fieri jure posset, docuit: confirmavitque, nisi in loco per auguria constituto, quod templum appellaretur, S. C. factum esset, justum id non fuisse: propterea & in curia Hostilia, & in Pompeia, & post in Julia, cum profana ea loca fuissent, templa esse per auguria constituta, ut in iis S. C. more majorum iusta fieri possent. inter quæ id quoque scriptum reliquit, non omnes aedes sacras templa esse, ac ne eadem quidem Vestæ templum esse. Post hæc deinceps dicit, S. C. ante exortum solem, aut post occasum factum ratum non fuisse: opus etiam censorum fecisse existimatos, per quos eo tempore S. C. factum esset. Docet deinde inibi multa, quibus diebus haberi senatum jus non sit: immolareque hostiam prius, auspiciarique debere, qui senatum habiturus esset. De rebus quoque divinis prius, quam humanis, ad senatum referendum esse. Tum porro referri oportere aut infinite de republica, aut de singulis rebus finite: S. q. C. fieri duobus modis, aut per discessionem, si consentirentur, aut, si res dubia esset, per singulorum sententias exquisitas: singulos autem debere consuli gradatim, incipique a consulari gradu. ex quo gradu semper quidem antea primum rogari solitum, qui principi in senatu lectus esset: tum autem, cum hæc scriberet, novum morem institutum referri per ambitionem gratiamque, ut si primus rogaretur, quem rogare vellet, qui haberet senatum, dum is tamen eo gradu consulari esset. Præter hæc de pigrore quoque capiendi discessit, deque multa dicenda senatori, qui cum in senatum venire deberet, non adesset. unde illud in L. Philippica: Quis unquam tanto damno senatorem coegit? aut quid est ultra pignus, aut multam? Atque autem Capito Tuberonem dicere scribit, nullum S. C. fieri posse non discessione facta, quia in omnibus S. C. etiam in iis, quæ per relationem fierent, discessio esset necessaria. idque ipse Capito verum esse affirmat. quod Varonis sententia videtur repugnare. Hæc Gellius. de cuius postremis verbis, utrum a Varone dissentiat Tubero, infra videbimus, ubi de senatusconsulto agetur. nunc, quo instituimus, ordine pergamus. Ex duobus consulibus, vocandi senatus potestatem is habebat, cujus eo mense fasces erant. quem morem & Decemviri secuti sunt. quod si vocari ab utriusque consulibus senatum interdum legimus: id non communem utriusque potestatem, sed consentientes utriusque animos significat. nam alterutrius quidem mentruium fuisse potestatem, ex Dionysio, Livio, Suetonio, Gellio cognovimus. Senatores primo in curiam a præcone e cenaculo citabantur: qui locus fuit, ubi senatus habebatur. idque aliquandiu servatum est, cum a Romulo esset institutum: nam & a Decemviris per præconem citatos in curiam patres invenio. postea, civitate aucta, & urbis pomerio prolato factum est, ut edicto accerferentur. neque hoc deinde est immutatum. quod si quis acceritus edicto parere recusaret, ad hunc, ut ab eo pignora caperent, apparitores esse missos, non solum Gellius ex Varro, sed Cicero etiam, Livius, Dion memoriam prodiderunt. quod & ipse Cicero Philippica I. significat. patet autem ex quadam libri 4. ad Atticum epistola, non nisi eos senatores, intra pomerium qui essent, edicto vocari solitos. extra urbem si qui erant, non cogebantur. neque vero senatores tantum edicto consul in curiam vocabat, sed eos etiam, quibus in senatu sententiam dicere liceret. nam re vera senatores & erant, & dicebantur ii, quos censor in senatu legerat. In curiam alii pedibus itabant, alii curru vehabantur. pedibus itabant, qui curulem magistratum nondum gesserant: (erant autem curules magistratus, Ædiles curulis, Prætura, Consulatus, Censura, Dictatura) qui senatores pedarii dicebantur. qui curulem magistratum gesserant, curru solitos in curiam vehi honoris gratia, C. Bassus in commentariis suis

scriptum reliquit, cum in eo curru sella esset, supra quam considerent: quæ ob eam causam curulis appellabatur. erant autem, ut jam dixi, ex his ipsis multi, qui nondum senatores erant: qui tamen ob eos honores sententiæ in senatu dicendæ jus habebant.

C A P. VII.

De iure referendi.

REFEREBATUR in senatu primum de divinis rebus, secundo loco de humanis. referebat autem is, qui senatum habebat, sive is esset consul, sive alius magistratus. habebat autem senatum primo magistratus mense, id est, Januario, e duobus consulibus is, qui priori loco creatus erat consul. ejus enim falces erant primo mense. itaque Livius libr. 9. Valerius, inquit, Corvinus interrex consules creavit Q. Publilius Philonem, & L. Papirium cursorem iterum. qui cum eo, quo creati sunt die, magistratum iniissent, solemnibusque sanctis perfectis, de pace Caudina retulissent: Publilius, penes quem falces erant, Die Spuri Postumi, inquit. Ergo & senatum habebat primo mense, & referebat, & sententias rogabat is consul, cujus eo mense falces erant. quod si, qui senatum habebat, is referre nollet: quod sæpe usu venit: tum tribunus pl. referebant: & cum retulissent, etiam sententias rogabant. hinc illud in oratione pro Sextio: Princeps P. Lentulus, consul designatus, auctoritate, ac sententia sua, consulibus Pisonem & Gabinio repugnantibus, causam suscepit, tribunisque pl. octo de me referentibus, præstantissimam de me sententiam dixit. Et in epistola ad Plancum: Flagitare, inquit, senatus institit Cornutum, ut referret statim de tuis literis. (erat autem hic prætor, & absentibus consulibus senatum convocaverat) ille se considerare ait velle. cum ei magnum convivium fieret cuncto a senatu, quinque tribunus pl. retulerunt. patet etiam hoc ex epistola prima libri 2. ad Q. Fratrem, & e secunda libri 1. ad Lentulum: in qua etiam illud cognoscitur: si quando de eadem re & consul & tribunus pl. retulissent, moris fuisse, ut ante tribunum pl. discessionem consul faceret, id est, de eo, quod retulisset, per discessionem senatorum judicium fieri juberet. non enim, etsi de eadem re, tamen idem referebant. satis enim unius relatio fuisset, si in utriusque relatione nihil esset, quod differret. sed referebant eadem de re non eodem modo: ut in ea, de qua dixi, epistola manifestum est, Lupum tribunum pl. retulisse, ut Pompeius Ptolomæum in regnum reduceret, cum consules retulissent, utrum reducendus esset, & si reducendus, a quo. Legimus etiam in 7. Philippica, diversis de rebus diversos magistratus eodem die retulisse. sic enim in ea scriptum est: De Appia via, & de Moneta consul, de Lupericis tribunus pl. refert. Notandum & illud: cum de utroque consule referente, aut de pluribus tribunis pl. aut prætoribus legitur, non re vera omnes retulisse, sed referendi partes unum sustinuisse, reliquos collegæ relationem comprobasse. itaque in 3. Philippica tribunus pl. ait de prælidio consulum & senatus retulisse: in 4. vero, de eadem relatione verba faciens, Hodierno, inquit, die primum referente Marco hoc Servilio, collegisque ejus, ad spem libertatis exarsimus. Unum Servilium populo nominat, principem relationis: cum in tertia, quam habuit in senatu, his de tribunis pl. referentibus communiter meminere. sic in oratione pro domo sua modo senatum ab utroque consule, modo ab uno Metello vocatum dicit: quia revera uterque consentiret in vocando senatu, sed propriæ Metelli partes essent, qui, ut opinor, eo mense falces haberet.

C A P. VIII.

De ordine rogandi sententias.

VETEREM fuisse rogandarum sententiarum morem, & ab ipsis etiam regibus observatum, Livius significat. inde ad rempublicam promanavit. Post relationem consul, aut magistratus ille, qui senatum convocaverat, ubi, quod e Republica videretur, id ut quisque diceret, hortatus erat, ordine sententias rogabat: rogabat autem, ut paullo ante significatum est, non omnes, qui aderant in senatu, sed eos tantum, qui senatores erant. nam ceteri ita sententias dicebant, ut senatoribus, qui dixerant, assentirentur. Sed ordinem rogandi non eundem fuisse omnibus temporibus animadverto. alias primus rogabatur, qui a censore causæ in senatu lectus erat: quod Varronis ætate fieri desisse, ex ipso Varrone Gellius ostendit. alias, qui designati consules erant, si modo post comitia senatus haberetur: sin ante, consules studio aut necessitudine adducti, quem iis visum erat, honoris causa extra ordinem sententiam primum rogabant. in quo etiam illud observatum est, ut ne quis quemquam ex alio, quam ex consularibus, sententiam primum rogaret. anno post urbem conditam 260. dignitatis habitam esse rationem in rogando, Dionysius significat: primum enim rogatum esse T. Largium Flavum; qui quia dictator primus creatus fuerat, honore omnibus antecire videbatur. & anno deinde proximo seniores consulares ordine rogatos esse, idem Dionysius testatur. ex quo pater, non hoc anno, item ut superiore, primum esse rogatum T. Largium: erant enim alii consulares in senatu, qui ante illum consulatum gesserant, ut M. Valerius Volesus, P. Postumius Tubertus, Menenius Agrippa Lana, Sp. Cassius Viscellinus: qui etiam eo die, præter Cassium, legati ad sedandos plebis animos missi sunt. Sed anno superiore ideo primum rogatum esse Flavium crediderim, tum, ut dixi, quia dictator primus fuerat, tum etiam, quia, cum a finitimis populis bellum parari nunciaretur, rei magnitudo referebat, ut is suam sententiam primus diceret, qui bellorum ulm præter ceteros excellerebat: qua ipsa de causa potissimum & dictator creatus erat. at in sequenti anno, cum non de bello gerendo, sed de domestica seditione dissolvenda consilium caperetur, jure consularium vetustissimi pro cuiusque ætate deinceps rogati sunt. observatum autem illud Suetonius tradit, ut, quem ordinem interrogandi sententias consul Kalendis Januarii instituisse, eum toto anno conservaret. quam consuetudinem Cæsar, qui ad gratiam, id est, ad potentiam suam, omnia referret, in suo consulatu neglexit. nam, cum Crassum primum rogare solitus esset, Cn. Pompeium post filiz nuptias rogare primum cepit. Hæc Suetonius. quæ si vera sunt, non video, qui sententias rogari primi potuerint consules designati. nam, si quem ordinem in rogando consul Kalendis Januarii instituisse, eum toto anno conservabat: occupato jam primo loco, designati consules non primi, sed post primos rogabantur. mendax igitur Suetonius? verior antiquitas: nec, ut illi detraham, adduci temere soleo. sed tamen, si quis argueret mendacium, defendendi ratio mihi quidem non suppetit: nisi si, quod in eo scriptum est, toto anno, accipias non plane pro toto anno, sed pro toto illo tempore, quod ad rogandas sententias liberum consuli daretur, id est, ad usque designationem consulum, qui fere designabantur Quinctili mense: ut post designationem ordine commutato primo rogati sint consules designati. nam, si ad illam conjecturam, tanquam ad arcem defensionis, confugeret, de consulibus designatis primo loco rogandis antiquum non fuisse, sed, ut primi rogarentur, post Cæsaris consu-

latum in consuetudinem venisse, ideoque non esse veritatis expertem Suetonii sententiam, quoniam quidem de ordine rogando, qui servatus est ante Cæsarem consulem, intellexerit, infirma ratio est: debilitatur enim, & frangitur exemplorum vi. nam consules designatos etiam ante Cæsarem consulem primo loco rogatos animadverto, ut D. Julium Silanum in Sallustii & Appiani historiis: quem, ante Cæsarem gessisse consulatum, nemo nescit. itaque hæret adhuc dubitatio, neque tollitur, opinor, (fortasse fallor: sed crudiri, & corrigi facile patior) nisi si interpretatio nem illam, de qua jam dixi, sequaris, ut accipias, *toto anno*, pro quam diu liceret, nimirum usque eo, dum consularibus comitiis designati consules essent: nam & P. Lentulus consul Kalendis Januarii, cum ageret de Cicerone restituendo, consularibus infrequentis anni nondum designatis, sententiam primum rogavit L. Aurelium Cottam, ut est in oratione pro Sextio. at idem Sextili mense, cum jam designati consules essent, principem rogavit de liberanda Ciceronis domo C. Cornelium Lentulum Marcellinum consulem designatum, ut est in oratione de haruspicum responsis. ac de consularibus designatis, primo loco sententiam rogatis, etsi satis apertum est, recitabam tamen ipsius Ciceronis testimonium, quod instar multorum exemplorum erit, is igitur sic in oratione 5, in Antonium: *Qui ordo in sententiis rogandis servari solet, eundem tenebo in viris fortibus honorandis. a Bruto igitur consule designato more majorum capiamus exordium.* Hunc morem usque ad Tiberii imperatoris ætatem viguisse, ex Taciti docemur historia. scribit enim lib. 3, sic: *Tiberius Drusum consulem designatum exemit dicenda primo loco sententiæ.* Sed omitтамus imperatores, qui civitatem nulla certa ratione, aut lege, sed pro voluntate, vel pro libidine potius administrarent: nam etiam ante Tiberium Augustus, ut supra jam diximus, veterem in rogando consuetudinem neglexit. itaque continebimus nos intra Reipublicæ tempora. & ea, quæ a liberis civibus in libera civitate sunt instituta, persequemur. posteriora ejusmodi fuerunt, si pauca quædam excipias, ut ea præster ignoretur, quam scire. non enim, unde libertas abest, ibi adesse potest virtus. neque vero sine virtute quidquam ita geritur, ut exemplo prodesse possit. porro, quæ legentibus non prosint, aut etiam quæ nocere possint, mandare litteris qui cogitat, is & otio abuti, & de litteris ipsis male mereri simul cogitat. quare, ut apes non, ubicunque confederint, decerpunt, sed pulcherrimos flosculos, & suave quiddam redolentes aucupantur: sic nos, non quæcumque occurrent ex antiquitate, sed illustria quæque maximeque laudabilia colligemus. Movit me aliquandiu, quod in 10. Philippica Q. Fufium Calenum, qui nondum consul fuisset, primo tamen loco rogatum sententiam videbam, contra Gellii testimonium, qui neminem, nisi consularem, primum sententiam rogatum esse tradit. postea ex duobus locis ejusdem Ciceronis conjecturam feci, Calenum Pantæ consulis docuisse fuisse: ut in rogando plus necessitudinis, quam dignitati, tribuisse consul videatur. prior locus hic est in 8. Philippica: *Satis multa cum Fufio, ac sine odio omnia, nihil sine dolore. credo autem, qui generi quærelam moderate ferat, æquo animo laturum amici.* Alter locus est in 10. *Loquere, inquit, cum sapientissimo homine genero tuo.* Alioqui nunquam certe primum Calenum sententiam consul rogasset, Cicerone ipso, aliisque consularibus omisiss.

C A P. IX.

De dicenda sententia.

CUM consules, alter ambove remississ, sententias rogati senatores dicebant. cum dixissent, consul eas pronunciabat, ut facta discessione

voluntas senatus appareret. erat autem in hoc, sicut in aliis rebus, maxima consulis potestas: vel, si cujus senatoris sententiam improbarer, quod aut amici hominis rationibus adversariam, aut inimico honorificam atque utilem duceret, veritus, ne in eam senatusconsultum fieret, non pronunciabat. itaque L. Lentulus consul, qui Pompeio studebat, Cæsaris honori acriter adversabatur, sententiam Calidii, qui neutram in partem propensus æqua fenerat, se omnino pronunciaturum negavit. Senatori jus erat, ante quam de re proposita suam sententiam definiret, alia de re, quidquid veller, & quoad veller, dicere. quo factum, ut senatores id, quo de agitur, perfici nolentes, diem dicendo eximerent. fecit hoc in bona causa sæpe P. Clodius, Ciceronis inimicus: in mala M. Cato, ille, qui postea Uticensis est dictus, cum uterque cuperet impedire. Cum aliquis in dicenda sententia duas pluresve res complectebatur: eæ si non omnes probabantur, postulabatur, ut divideret, id est, separatim de rebus singulis referret. neque erat, Pedianus ait, ei, qui hoc postulabat, oratione longa utendum, ac ne consurgendum quidem. multi enim sedentes hoc unum verbum pronunciabant, *Divide.* quo commento usus est in causa Milonis T. Munatius Plancus tribunus pl. nam, cum Q. Hortensius in sua sententia dixisset, ut de Milone, qui ob necem P. Clodii in iudicium vocabatur, veteribus legibus extra ordinem quaeretur, Plancus, qui quæri sane extra ordinem veller, veteribus autem legibus noller, sed novam ideo ferri cuperet, ut adversus Milonem plus invidiæ concitaretur, qui flagitium nova lege vindicandum patrafset: Q. Fufium senatorem, Clodianarum partium studiosum, induxit, ut divisionem ab Hortensio postularet. quod in concione, quam Pedianus recitat, ut a se excogitatum idem Plancus gloriatus est. futurum enim id, quod evenit, intelligebat, ut, divisa sententia, caput illud de veteribus legibus irritum fieret, nimirum cum ipse, qui tribunus pl. erat, intercessisset, & S. C. fieri vetuisset. nam, quatenus de extraordinaria quaestione Hortensius dixerat, assensus est. hoc illud est, quod in Miloniana Cicero significat his verbis: *Reliqua senatus auctoritas empti intercessione sublata est:* cum intelligat, senatus voluntatem fuisse, ut in Hortensii sententiam S. C. fieret, sed divisione sententiæ factum esse, ut, quod ad quaestionem extraordinariam attinebat, id quidem non mutaretur: quod autem de veteribus legibus reliquum erat, quam vocat *reliquam senatus auctoritatem*, quia senatus, ut in capite de extraordinaria quaestione, sic in hoc de veteribus legibus simul cum Hortensio sentiebat, id mercenaria Planci intercessione tolleretur. Dicebant sententias suo quisque loco. primi sedebant majores magistratus, consules, prætores: quod si censores essent in senatu, (non enim censura perpetuus magistratus fuit, sed quarto quoque anno ad censendam civitatem creabatur) eos infra prætores. proxime tamen sedisse crediderim: infra, quia Messalla in libro de auspiciis, cum majores magistratus nominat, consules primum, deinde prætores, tertio loco censores constituit: proxime, quia, cum inter majores magistratus censura fuerit, supra minores magistratus sedisse censores nemo dubitaverit. Sedebant deinde minores magistratus, ædiles curules, ædiles plebis, quaestores: tum, qui magistratus gesserant, ordinatim, consulares, prætorii, ædilitii, quaestorii: de his autem singulis ordinibus, ut quisque magistratum primus gesserat. invenio etiam, inter prætorios sedisse, non qui præturam gessisset, sed qui prætorium hominem accusasset eo crimine, quo damnatus ordinem senatorium amitteret. locum enim damnati consequebatur. de quo sic in oratione pro Balbo: *Obiectum est etiam, quod in tribum Crustumini pervenerit. quod hic affectus est legis de ambitu præmio, minus invidioso, quam qui*

legem præmii prætoriam sententiam, & prætextam togam consequuntur. Significat enim Cicero, loco prætorio sedisse, & sententiam dixisse, qui prætorium hominem in iudicio convicisset: neque hoc solum, sed, qui designatum magistratum iudicibus no-centem probasset, cum, eo magistratu damnato, prætextam togam, id est, magistratum illum, quem is, qui damnatus esset, initurus erat, præmii loco cepisset. posuit enim prætextam pro magistratu, quia prætexta toga magistratus utebantur. sic & pro Cluentio dixit, toga prætexta, sella curulis, cum per togam prætextam communiter omnes magistratus, per sellam curulem curules tantum, id est, nobilioris partem, significaret.

C A P. X.

De Senatusconsulto.

NON simplex est senatusconsulti, sed varia multiplexque cognitio. querendum enim, qua ratione fieret, qua impediretur, ne fieret, qua factum tolleretur, quo numero senatorum fieret, quam potestatem daret, utrum absolutam, an definitam: si absolutam, utrum pluribus, an uni: si definitam, utrum ita definitam, ut eam potestatem, quam lex sine S. C. dabat, adæquaret: an ita, ut aliquantro, quam lex, esset infirmior. querendum etiam, de publica re tantum, an etiam de privata, fieret: item, senatusconsultum, senatus decretum, senatus auctoritas, in quo differant: denique, quale esset id, quod tacitum senatusconsultum appellabatur. quæ & separatim singula, & suo quidque loco exponemus. Cum senatus a Romulo sit institutus, non dubium est, quin eo regnante senatusconsulta multa facta sint. sed exempla desideramus. unum ponit Dionysius, quod factum est in hanc sententiam, ut Sabine mulieres ad gentiles suos, urbem obidentes, reconciliationis causa proficiscerentur. post obitum Romuli, primum senatusconsultum fuit de creandis interregibus; alterum illud, quo patres decreverunt, ut, cum populus regem iussisset, id sic ratum esset, si patres auctores fierent. tertium, quo regnum Numæ Pompilio, populo acceptam potestatem ad senatum rejicerent, patres detulerunt. alia deinde, ut res tulit. fiebat autem senatusconsultum hoc modo. Consul, aut is, qui cum insignibus imperii, & lictoribus erat, convocato senatu, cum, qua de causa convocasset, retulisset, sententias rogabat. dictis sententiis, eam, quam ipse magis e Republica ducebat, primam pronuntiabat. tum, ut senatus iudicaret, his verbis utebatur: *Qui hoc sentitis, illuc transite, qui alia omnia, in hanc partem.* & cum dicebat, *Qui alia omnia*, omnis videlicet causa ita loquebatur, ne diceret, *Qui contrarium sentitis*. quod tamen ipsum significabat. sed, contrarium, ut mali ominis verbum, effugiebat. hinc sæpe illa in antiquorum scriptis usitata locutio: *Ite in alia omnia*, aut *Transfere*, aut *Discedere*, pro contrarium sentire. hanc apud Romanos consuetudinem cum etiam sub regibus fuisse videam; (indicat enim Livius libro i.) quis tamen eam primus induxerit, compertum non habeo: sed, quicumque ille fuit, videtur a Spartanistrantulisse. scribit enim Thucydides libro i. Stenelaidam Ephorum, cum adversus Athenienses tantam fœderis violatores bellum fatis acri oratione suavisset, ita pronuntiasset: *Quicumque violatum ab Atheniensibus fœdus existimant, surgant, in illam partem eant*; qui contra, in hanc. & ait idem Thucydides novum & apud Spartanos hoc fuisse, primumque a Stenelaida institutum, cum antea sententias elata voce dicere consuevissent. Ergo senato-

res Spartano more, cum ea verba consul pronuntiasset, & in alterutram partem primus discessionem fecisset, ipsi deinde, quam quisque partem probabat, in eam transibant: deinde numerabantur, & ex numero voluntas senatus apparebat. si frequentiores senatores sententiam a consule pronuntiatam comprobassent, in eam senatusconsultum scribebatur: sin minus, aut abjiciebatur omnino res, aut in aliud tempus rejiciebatur. sæpe enim accidit, ut, quod frequenti senatu rejectum fuerat atque improbatum, id interjecto tempore susceptum comprobaretur. Interdum etiam non rogatis, neque dictis sententiis, tantummodo per discessionem senatusconsultum fiebat: tumque senatores pedibus ferre sententiam dicebantur. quod, ut opinor, eo tempore fieri solitum est, cum de parvi ponderis negotio ageretur: nimium enim temporis in re leviori contendum non putabant, & appellabatur senatusconsultum per discessionem factum. illud autem, quod fiebat auditis disputatque senatorum sententiis, etiam & ipsum discessionem senatorum fiebat, tamen simpliciter senatusconsultum dicebatur. quod utinam Varronis, Tiberonis, Labeonis, Capitonis, Galli, Felicis, Bassi, Nicolatri libros haberemus, parentem multa, quæ nunc ex obscura, tenuique umbra vix cognoscimus. Bassi quidem verba Gellius recitat, quæ id, quo de nunc agimus, satis aperte declarant. *pedibus*, inquit, *senatores omnes sententiam ferebant, cum senatusconsultum per discessionem fiebat*: cum scilicet exquisitæ singulorum sententiæ non essent. quo spectat & illud Ciceronis oratione 3. in Antonium, cum ait: *Effugere festinans, senatusconsultum de supplicatione per discessionem fecit*. quibus verbis adscripta illa, *Cum id factum esset antea nunquam: ob eam causam, quia moris erat, ut in supplicatione decernenda sententiæ rogarentur a consule*. quod ex epistola M. Cælii, quæ legitur 8. Fam. libro, perspicuum est. Suetonius etiam de Tiberio sic: *Cum senatusconsultum per discessionem forte fieret, transcurrentem eum in alteram partem, in qua pauciores erant, secutus est nemo: dixit, per discessionem, ut distingueret a senatusconsulto, quod exquisitis singulorum sententiis fiebat: quod, ut diximus jam, senatusconsultum unico verbo dicebatur. quam loquendi formulam non videtur Gellius agnovisse, qui libro 14. cap. 7. putat Tiberonem a Varrone dissentire, quia scilicet Varro dixerat in epistola ad Oppianum, senatusconsultum duobus modis fieri, aut per discessionem, si consentiret: aut, si res dubia esset, per singulorum sententiis exquisitas: Tiberio autem, nullum senatusconsultum fieri posse discessionem facta, quia in omnibus senatusconsultis, etiam in iis, quæ per relationem fierent, discessio esset necessaria. in quo neuter aberravit a vero: neque, ut putat Gellius, sententiæ Varronis repugnat id, quod scripsit Tiberio. non enim dixit Varro, alia senatusconsulta per discessionem sine sententiis fieri solita, alia per sententiis sine discessionem: sed hoc significavit, alia per discessionem quidem omittis sententiis, alia vero sententiis exquisitis per discessionem tamen facta. & cum dixit, per singulorum sententiis exquisitas, ideo non addit per discessionem, quia nullum senatusconsultum sine discessionem fieri posse notissimum erat: itaque omisit ut supervacaneum, & obscurum nemini, nisi si quis Romanarum rerum plane rudis esset. Facta discessio, senatusconsultum scribebatur, & scribendo aderant non omnes plane, qui sententiam senatusconsulti probarent, sed ii potissimum, qui præter ceteros ita decerni concupierant: qui senatusconsulti auctoritates dicebantur: non tam, quod ii maxime auctores fuissent, ut ita statueretur, quam, quod in eo senatusconsulti posita esset auctoritas, si per claros viros scriptum videretur. video etiam M. Catonem, cum sua sententia supplicationem Cicero-*

ni non decrevisset, tamen, cum plures eam decrevisset, scribendo assuiffe. quod autem non omnes, qui pro senatusconsulto fenterant, scribendo assuiffe dixi, non est, cur in dubium vocari possit. extat enim in ea Caelii epistola, de qua iam meminimus, integra senatusconsulti formula: quæ perpauco assuiffe scribendo significat, cum tamen in decernendo plurimi consensissent. illud considerandum, cur in hoc ipso, quod Caelius recitat, senatusconsulto bis eorum nomina, qui scribendo affuerunt, posita sint. nam, si semel tantum in singulis senatusconsultis adscribebantur, cur in hoc bis? fin, quot erant in senatusconsulto capita, toties adscribi solebant: cur in hoc, in quo quattuor esse capita manifeste constat, non quater potius, quam bis? quod si quis, non quattuor esse senatusconsulti capita, sed quattuor senatusconsulta contenderit: hæcbit tamen nihilominus, magis etiam aliquantoro: nam ad quattuor senatusconsulta quater adscribi senatorum nomina debuiffe, multo etiam verilius est, quam ad quattuor senatusconsulti partes: verum de pluribus senatusconsultis credere absurdum est, cum ne suspicioni quidem Caelius ipse locum reliquerit, cujus hæc sunt verba: *Senatusconsultum, quod tibi misi, factum est.* non enim, cum dicit, *Hæc senatusconsulto intercessit C. Caelius*, & cum iterum tertioque idem subiungit, plura senatusconsulta significat, sed plures ejusdem senatusconsulti partes. quare hoc satis apertum. magis illa me torquet dubitatio, cur non aut quater adscriptæ sint auctoritates, ut ad quattuor senatusconsulti capita, aut semel tantum, ut ad unum senatusconsultum. equidem non expedit me: quiddam tamen, ut accipiamur, dicam. licet opinari, & ante senatusconsultum, & post senatorum nomina fuisse perscripta, cum quidem senatusconsultum erat: nam cum intercedebatur, non erat senatusconsultum, sed auctoritas senatus dicebatur. quod si ita est: verum hic ad eam senatusconsulti partem, cui intercessit nemo, quæque vere senatusconsultum fuit, auctoritates appositæ sunt, & in principio, & in extremo: ad illas autem partes, quæ senatusconsulti nomine caruerunt, propterea quod iis intercessum est, nullæ sunt adscriptæ auctoritates. hoc eruditi examinent: vel potius, quid probabile sit, ipsi comminiscantur. nam hoc nostrum ita diximus, ut in eo non plane conquelescat animus. Formulam senatusconsulti in ea Caelii epistola licet videre, & in s. Philippica, & in ro. Scripta senatusconsulta usque ad Consules L. Valerium, M. Horatium arbitrio consilium supprimebantur, & nunciabantur. ab his consulis, ut ad ædem Cereris deferrentur, institutum est. postea tamen ad ærarium video esse delata, ut ibi asservarentur, ubi & leges, & pecunie populi Romani, & pretiosa quæque custodiebantur. erat autem ærarium in æde Saturni: quali tutissimum esse videretur ejus dei numine, quo regnante, aureo illo sæculo, nulla vis illata, nullum furtum factum, nihil omnino facinoris esset commissum. Senatusconsulta ad ærarium non delata, rata non erant, & pro infectis habebantur. quod significatione quidem non expressa, nec tamen omnino dubia, Suetonius ostendit in Augusti vita. *Auctor*, inquit, *est Julius Maratibus, ante paucos, quam Augustus nasceretur, menses prodigium Romæ factum publice, quo denunciabatur, regem populi Rom. naturam parturire: senatum exterritum censuisse, ne quis illo anno genitus educeretur: eos, qui gravidas uxores haberent, quod ad se quisque spem traheret, curasse, ne senatusconsultum ad ærarium deferretur.* Hanc ipsam de senatusconsultis ad ærarium deferendis consuetudinem non Livius modo significat libro 39. cum ait: *Quid ab eo consule quemquam novi expectare, qui per infrequentiam furtim senatusconsultum factum ad ærarium detulerit?* & Cicero oratione 5. in Antonium:

verum etiam Cornelius Tacitus libro 3. nam cum C. Lutorius Priscus ægrotanti Druso Tiberii filio carmen composuisset, quod, si extinctus esset, magno præmio vulgareretur, adductus in eam spem, quia Germanici obitum celebri carmine desseverat, & ob id a Tiberio donatus erat: accusatus, & damnatus, in carcere est interfectus. tum Tiberius, (ipsa Taciti verba ponam) *solitis sibi ambagibus, id apud senatum incusavit, cum extolleret pietatem, quamvis modicas principis injurias acriter ulciscens, deprecaretur tam præcipientes reorum penas.* quo loco mendose, ut opinor, scriptum est, *verborum penas.* & paullo post: *Igitur*, inquit, *factum senatusconsultum, ne decreta patrum ante diem decimum ad ærarium deferrentur, idque vite spatium damnatis prorogaretur.* in quo veterem consuetudinem de senatusconsultis ad ærarium deferendis indicavit: quo leges quoque delatas esse, in libro de Populo, qui post hunc proximus sequetur, exemplis ostendimus. Nunc, quando satis de ratione faciendi senatusconsulti locuti sumus, ordo postulat, ut de impediendi ratione, quæ legendo notavimus, pauca subjungamus. Impedimento erat, quo minus senatusconsultum fieri posset, aut tribunus pl. aut senator aliquis, aut aliquis etiam non senator, aut consul ipse, alius alio modo. tribunus pl. intercedebat: eoque intercedente fiebat, ut id, quod senatus decreverat, senatusconsultum esse non posset, sed senatus auctoritas diceretur. hanc potestatem sacratæ leges jam ab illo tempore, quo plebem tribunicio præsidio muniri placuit, tribunis pl. non solum universis, sed etiam singulis dederant. itaque uno ex omnibus tribunis pl. intercedente, cæteris collegis cum senatu consentientibus, æque tamen senatusconsultum tollebatur, ac si tribuni omnes intercessissent. Impedimento senator erat, cum, *Numeras senatum*, consuli dicebat: nihil enim in senatu decerni poterat, nisi certus senatorum numerus legibus statutus adesset. Tertia ratio impediendi erat cum adesset in senatu aliquis, qui senator non erat: tunc enim decerni nihil poterat. & ob eam causam, ut est in Dionis historia, C. Cato tribunus pl. senatum ingressus est: quem vi extrudere, cum sacrosancta essent tribunorum corpora, non licebat. sed hic oritur dubitatio: si C. Cato, quia nondum esset in senatum lectus, curiam ingredi non poterat, cur & in epistolis ad Lentulum, & in iis, quæ sunt ad Quintum Fratrem, sæpe hunc ipsum Catonem tribunum pl. in senatu adesse legitur? distingue, & dubitationem solves. non poterat, quia senator non erat: poterat, quia tribunus: quis enim sacrosancto vim afferret? & certe de tribunis in senatu sententiam dicentibus sæpe legimus. qui si tantum erant tribuni, ideo adesse poterant, quia sacrosanctos pelli non licebat: sin etiam senatores, ideo aderant, quia ut senatoribus licebat. ut mirer, quod in Valerio scriptum animadverti, *tribunis non licuisse curiam intrare, sed eos ante valvas positos subsellii decreta patrum examinasse:* itaque veteribus senatusconsultis T. litteram subscribi solitam. qua nota significaretur, illa tribunos quoque censuisse. Hæc ego, ut dixi, miror, cum tribunos in senatu fuisse ita sæpe legerim, ut exempla recitare putidum prope existimem. num igitur antiquitatis Valerius imperitus? non est, ut credi possit: cum & proximus fuerit Reipublicæ temporibus, si quidem, ut ipse testatur, duce Sex. Pompeio Magni filio militavit: & in hac ipse re idem, quod Dion, sentire videatur. sed ita illius auctoritatem tuebimur, si non de tribunis omnibus generaliter, sed de iis dumtaxat, qui tribuni, non etiam senatores, fuerint, dictum accipiamus. nam, si de omnibus plane intelligamus, aperte veterum exemplis refellemur. Erant etiam consules ipsi senatusconsultis impedimento. Erant etiam Livius: cujus libro 30. hæc sunt verba:

Inclinatis omnium ad pacem animis, Cn. Lentulus consul, cui classis provincia erat, S. C. intercessit. quam intercessionem sublata mox esse constat, cum populus iussisset, ut senatus pacem cum Carthaginensibus faciendam decerneret, quod ita senatus decrevit. Idem & libro 42. C. Popillium ait præ se tulisse, si quid senatus diceret, intercessurum. Scribit etiam Pedianus, Q. Scævola consulem, cum animadverteret Crasso collegæ suo propter summam ejus in republica potentiam ac dignitatem senatum in decernendo triumpho gratificari: majorem reipublicæ, quam collegæ, rationem habuisse: ac, ne fieret senatusconsultum, intercessisse: non enim senatusconsulto tribunos pl. tantum intercedebat, sed omnes, qui eadem potestate, qua ii, qui senatusconsultum facere vellent, majoreve essent. quod in ea, cujus fere sententiam ex Gellio jam recitavimus, ad Oppianum epistola testatur Varro. itaque, si senatusconsultum fiebat a consule, jus intercedendi habebat alter consul: erat enim eadem potestate: ii a prætoribus, poterat non modo alius prætor, sed consul etiam intercedere: prætor, quia eadem potestate, consul quia etiam majore esset. sed hujusmodi intercessionibus admodum infrequentes invenimus. Tribunicia sunt creberrimæ, nam tribunorum pl. proprium erat intercedere: est enim tribunicia potestas non ad inferendam injuriam, sed ad prohibendam inducta. Hactenus de ratione, qua, ne fieret senatusconsultum, impediretur. at posteaquam factum esset, tollendi ratio quæ erat? eadem, quæ legis abrogandæ: nam, ut lege lex abrogabatur, sic senatusconsultum senatusconsulto tollebatur: ut, cum senatus decrevit, quas civitates L. Sulla pecunia accepta ex senatusconsulto liberavisset, eas rursus vestigales essent, neque iis pecunia, quam pro libertate dederat, restitueretur. quod imperio turpe fuit. *piratarum enim, inquit Cicero, melior fides, quam senatus: neque, si quid utile, propterea honestum: sed si honestum, propterea utile:* sic enim interpretantur boni viri. verum hæc de re. nos autem exemplum quærebat. quod inventum recitare satis fuit. sed me res ipsa commovit in exemplo. illud addo, senatusconsultum, nisi senatusconsulto aut lege tolleretur, perpetuo valuisse, nullo certo tempore definitum. tamen scriptum a Dionysio legimus, non perpetuam vim, sed annuam tantummodo habuisse ea, quæ senatus decerneret. quod me quidem eo minus perturbat, quia non ex Dionysii sententia prolatum est, sed ex persona consulum: qui adversus C. Genucium tribunum pl. querentem ex eo senatusconsulto, quod Cassio Virginioque consulibus factum erat, publicos agros plebi non distribui, responderunt, decretum id in suo magistratu non esse, sed consulibus Cassio, Virginio: itaque ad illos eam distributionem pertinuisse: se quidem eo senatusconsulto propterea non juberi, quia, quæ senatus decerneret, ultra anni spatium firma non essent. quod non ex animi sententia, sed, ut aliquid potius quam nihil responderent, calumniantes afferebant. subterfugere enim id muneris admodum cupiebant, a quo senatus, & patriciorum mentes etiam atque etiam abhorrebat intelligebant. Nunc agamus de numero senatorum, qui senatusconsulto necessarius esset. de quo nihil equidem affirmare possum: nec enim, quot plane senatores adesse oporteret, expresse significarum invenio: sed certum tamen numerum lege præstitum fuisse, Dio, & Festus memoriæ prodiderunt. equidem de ipso quoque numero, quandoquidem in obscuris rebus sæpe conjectura lucem attulit, nonnihil dicam. Pedianus in Cornelianæ, quæ non extat, commentario, C. Cornelium tribunum pl. quo anno C. Calpurnius Piso, M. Acilius Glabrio consules fuerunt, legem ait promulgasse, ne quis in senatu legibus solveretur, nisi cc. affuissent: neve quis, cum solutus es-

set, intercederet, cum de ea re ad populum ferretur. eamque legem, et si pro senatus auctoritate esset, tamen invitis optimatibus esse latam, qui vel pauci senatusconsulta facere solebant, idem Pedianus adscribit. quod si de aliquo legibus solvendo senatusconsulta fieri a paucis solebant, nimirum non ante id tempus legem fuisse latam de numero senatorum, qui senatusconsultis faciendis adesset, manifestum est. nam, si lata esset, non hoc senatusconsulti genus, quo quis legibus solveretur, exclusisset, cum in hoc maxime genere locus esset gratiæ, sed æque ad omnia senatusconsulta spectasset. ergo & tulit primus C. Cornelius: & ne pauciores quam cc. adessent, in ea, quam tulit, lege sanxit. nec tamen Cornelii lex ea fuit, de qua & Dio, & Festus tradiderunt. hæc enim ad ea tantum senatusconsulta, quibus aliquem solvi legibus placeret, cavero, quam illi significarunt, ad omnia pertinuit. nisi si, quod Cornelius de uno tantum genere tulit, id mox in omnibus senatusconsultis observatum velis, ut senatores non minus cc. adessent. legis quidem senatorum numerum communiter ad omnia senatusconsulta statuentis, siue Cornelia fuerit, siue alia, rationem esse habitam consulibus Marcellino, & Philippo, scribit Dion: ut latam esse necesse fit eo temporis intervallo, quod a Pifone, & Glabrio consulibus ad Marcellinum & Philippum consulibus, fuit. nam ante tribunum Cornelii, quem gessit consulibus Pifone, Glabrio, nullam ejusmodi fuisse legem, tantum abest ut invenerim, ut etiam, cur contra fuisse nullam putem, argumento, quod jam posui, facile persuadeat. Pergamus ad alia. Potestatem senatusconsultum dabat modo absolutam, modo definitam: absolutam, aut pluribus magistratibus, aut uni: pluribus sic: *Dent operam consules, prætores, tribuni pl. ne quid Respublica detrimenti capiat.* quibus verbis maximam potestatem magistratibus sine populo senatus dabat: licebat enim iis hoc senatusconsulto, exercitum parare, bellum gerere, coercere omnibus modis socios, atque cives. aliter sine populi jussu earum rerum jus consulibus non fuisse, Salustius tradit. quo loco de consulibus tantum loquitur, quia fere soli consules in ejusmodi senatusconsulto nominabantur, cum ita decernebat senatus: *Dent operam consules, ne quid Respublica detrimenti capiat:* idque, quia tuendæ Reipublicæ cura ad consules, qui cæteris magistratibus anteibant, maxime pertinebat. ubi vero majus aliquod instaret periculum videretur, tunc non consules modo, sed & prætores, & tribunos pleb. & eos etiam, qui pro consules ad urbem essent, nominatos invenio: ut in eo senatusconsulto, quod initio civilis belli a Pompeii studiosis contra Cæsarem factum est: de quo cum in epistola ad Tironem, & in oratione pro Deiotaro, & in 2. Philippica meminit hic noster, tum Cæsar ipse libro 1. de bello civili querit his verbis: quæ, non ut impressa sunt, sed, ut censeo esse corrigenda, recitabo. *Decurritur, inquit, ad illud extremum, atque ultimum senatusconsultum, quo nisi pene in ipso urbis incendio, atque desperatione omnium salutis, latorum audacia nunquam ante descensum esset: Dent operam consules, prætores, tribuni pl. quique pro consules ad urbem sunt, ne quid Respublica detrimenti capiat.* Curavit enim Pompeius ita decerni, quo gravior Cæsari, quasi domesticæ seditionis auctori, quæreretur invidia. legimus etiam, non utrique consuli, sed alteri tantum hanc potestatem fuisse delatam, ut in Gracchano tumultu, cum decrevit senatus, ut L. Oppimius consul videret, ne quid Respublica detrimenti caperet. quod non consuetudinis, sed temporis causa factum est: aberat enim alter consul Q. Fabius Maximus, ut quidem ego existimo: existimo autem propter eam causam: quia, quo anno C. Gracchus est interfectus, nullam Fabii consulis actionem urbanam

banam neque Plutarchus narrat, neque Appianus, neque Alconius, neque omnino quispiam. tantum de Opimio meminerunt. ut abfuisse magnam anni partem verisimile sit, eoque magis, quod Allobroges, & Bituitum & Avernorum regem ab eo consule devictum esse L. Florus ex Livio colligit. Unum etiam Pompeio summam potestatem senatusconsulto traditam, quo anno solus ipse consul tertium consulatum gessit, ex oratione Miloniana cognovimus. quamquam, cum senatusconsultum illud est factum, consulem nondum fuisse Pompeium, sed proconsulem ad urbem, Pedianus tradit; neque unum summum ius esse permissum, sed interregi etiam, & tribunis pl. & sane, cum creati nondum neque consules essent, neque prætores, interregem in eo senatusconsulto primum nominari, deinde tribunos pl. tertio loco ipsum Pompeium, qui proconsul ad urbem erat, æquum fuit: sicuti factum est. cum vero consul sine collega creatus Pompeius esset, ad eum potestas illa, ut ad magistratum, transferri tota visa est: itaque & leges tulit, & M. Cælio tribuno pl. obfistere conanti arma minatus est, & armatos homines in foro, atque in omnibus templis, quæ circa forum sunt, ad cohibendos Clodianæ factionis impetus, & omnino ad omnem vim repellendam collocavit. ipse, cum Milonis iudicium exerceretur, cuius causa præsidia in foro & ad omnes fori aditus disposuerat, armatis copiis circumfusus pro ærario sededit. ut summam potestatem senatusconsulto permittam unus administrare videretur, non solum sine interrege, qui jam nullus erat, sed etiam sine tribunis pl. tametsi in illo senatusconsulto nominatis. quod in ea oratione Cicero significat. Illud mihi videor animadvertisse, huiusmodi senatusconsulta præne semper civilium discordiarum & intestini dissidii causa esse facta: cum domestica mala, quæ fere haud paullo plus habent periculi, quam externa, hoc maxime remedio sanari posse senatus putaret, si unico senatusconsulto totam rempublicam consensibus commendaret: *uno enim versiculo*, ut ait Cicero, *sati armati consules erant, etiam nullis armis datis*. hoc Cicero confirmat in 2. Philippica, cum ait: *In te, M. Antoni, decrevit senatus, quod in hostem togatum decerni est solitum more majorum*. Et in eadem paullo post, omnes, contra quos id decretum est, interfectos significat his verbis: *Tum illud, multis ante tentatis, necessario tibi vulnus inflictum, quod paucis ante te, quorum incolumis fuit nemo*. Hanc autem potestatem Opimio consuli primum esse permissam, Plutarchus tradidit. quod, si generaliter dictum accipias, falsum est. nam multis ante annis, atque adeo æratibus, cum Hernici, Sp. Furium consulem a Veientibus, acie fufum, cum exercitu obfideri nunciafent, tantum terrorem incussere patribus, ut (quæ forma senatusconsulti ultimæ semper necessitatis habita est) Postumio alteri consuli negotium daretur, Videret, ne quid respublica detrimenti caperet. Hæc Livius. Plutarchus autem sic a mendacio tuehimur. primum fuisse Opimium dicemus, cui adversus cives potestas dictatoris data sit. quia ille ita est usus, ut non modo C. Sempronium Gracchum tribunum pl. & Q. Fulvium Flaccum consularem, seditionis auctores, sed omnino ad tria millia civium occiderit. Neque vero civiles discordiæ, præsertim quæ ad sanguinem cædemque pervenerint, ante dictatorem in republica sunt exortæ, sed ita multo post, ut a dictatura T. Largii Flavi (isenim primus dictator est dictus) ad Opimium consulem, cui primum in civili seditione senatus commisit, ut videret, ne quid respublica detrimenti caperet, anni numerentur CCLXXVII. quo minus periculi ab externis hostibus esse cepit, eo plus inter cives discordiæ, quæ fere humanarum rerum ratio, & natura est, ut consistere nunquam possint. bella dum geruntur, non facile seditiones in urbibus existunt: ubi sublata sunt,

otium & copia discordiam parit. propterea quamdiu gerendis bellis occupata Roma fuit, non magno opere seditionibus laboravit. eversa Carthagine, & omni prorsus hostili metu sublato, seditiones illico sunt exortæ, & ejusmodi quidem, ut ad sanguinem, & ad cædes eruperint, anno denum ab urbe condita 621. itaque huiusmodi senatusconsultis sero admodum Respublica indiguit, tum scilicet, cum civitatis aliquam quali corrupti corporis partem ferro amputandam judicaret. ut in homine ex ignavia & nimia cibi copia, sic in Republica ex otio & nimia rerum abundantia gignuntur morbi: quod malum cum multo ante tanquam sagax & peritus medicus Scipio Nafica prospiceret, auctor in primis fuit, ne Carthago tolleretur, affirmans ea, quæ mox eventus comprobavit: Romanis nihil esse timendum magis, quam ne hostes non haberent: cum primum ab externis bellis quiescere cœpissent, futurum ut domesticis discordiis affligerentur: itaque non esse delendam eam urbem, quæ et si sæpe foedus frangeret, sæpe bella renovaret, id ipsum tamen esse saluberri-
mum: quando, ne per otium Romana virtus hebesceret, exerceri eam assidue, & tanquam ad cotem acui necesse esset. O te nimium sapientem, nimium vera prædicentem, Scipio Nafica. tu tuis civibus, ut Cassandra suis olim, fata concinebas: nec tibi tamen magis, quam illi, fides habita est. hinc Gracchorum illæ contra senatum acerbissimæ contentiones, quæ iustam extremi senatusconsulti causam attulerunt: hinc Sullana bella: hinc ad extremum Cæsaris & Pompeii perniciofa Reipublicæ discordia: sed longius fortasse provectus sum, quam res ipsa patitur. quamquam cur non patitur? an eventa simul cum causis intelligere inutile est? modice tamen digrediar, nec nisi in ea, quæ connexa ex aliqua parte cum argumento cohærebunt. quod cum faciam, non omnino mihi videbor aberrare. Sed reliqua persequamur. Senatusconsulto potestas uni permittebatur absoluta, cum dictatorem dici senatus jubebat. nam, et si dictatorem non senatus ipse creabat, sed is, qui summus erat in urbe magistratus: tamen, quia dictatorem, qui dicebat, dicendi potestatem a senatu accipiebat, senatusconsulto dictatorem fuisse dictum, possumus intelligere. Summum autem & liberum imperium penes dictatorem fuisse, ignorare opinor neminem: neque tamen est hic narrandi locus, petat hæc, qui cupit, a libro de magistratibus inscripto. Videtur etiam, in illis senatusconsultis, quibus leges tollebantur, potestas fuisse, non absoluta quidem ad omnia, ut in illis senatusconsultis, quibus cavere magistratus, ne quid Respublica detrimenti caperet, jubebantur, sed absoluta tamen, quod ad eam rem attinebat, cuius rei causa facta erant. itaque multas leges uno senatusconsulto, atque uno versiculo, ut inquit Cicero de legibus, puncto temporis sublatae esse legimus, ut L. Marcio, Sex. Julio consensibus eas, quas M. Livius Drusus tribunus pl. tulerat: decretum est enim, contra auspicia esse latas, neque ius populum teneri: & Q. Cæcilio, M. Junio consensibus eas omnes, quæ militiæ stipendia minuebant, ideo abrogari placere, quia rem militarem impedirent. Cujus fere generis videntur fuisse & illa senatusconsulta, quæ legibus aliquem solvebant; quodam enim modo tolli leges videntur, cum aliquod alicui præter leges conceditur: ut, cum senatus P. Scipionem, aut cum Cn. Pompeium legibus solvit, quo maturius, quam per leges licebat, consules fieri possent, quamquam & sine senatusconsulto lege ad populum lata solvi legibus licebat. qua de re in libro de Legibus agetur. At, quibus senatusconsultis hostis aliquis judicabatur, non in illis absoluta potestas erat? erat sane: non enim ii, qui ejusmodi senatusconsulto essent condemnati, provocationem ad ullum magistratum, aut ad

populum habebant: nec erat, ut senatus iudicium infirmare possent, de refectione tamen eorundem magistratum senatusconsulta huius generis levia & irrita fuisse video, ut, cum consulibus App. Claudio & L. Quinctio Cincinnato, in reliquum magistratus continuari, & eosdem tribunos plebis refici senatus veruit: idque si fieret, contra rempublicam esse iudicavit. quod a tribunis neglectum est: qui reclamantibus consulibus refectioni sunt, neque tamen propterea senatus ulla gravior actio aut animadversio fuit: puto, ne plebs irritata perniciosam seditionem excitaret. Quatuor omnino senatusconsulta posuimus: id, quo respublica magistratibus committeretur: id, quo dictator dici jubebatur: id, quo leges tollerantur: id, quo quis ob scelerate facta hostis iudicabatur. primis duobus absolutam potestatem non ipse sibi senatus assumebat, sed alteri dabat. duobus extremis non dabat, sed assumebat, vel assumptus utebatur. Hæc de absoluta senatusconsulti potestate: reliquum est, ut deinceps de definita differamus. Senatusconsultum definitæ potestatis si cum lege iungebatur, suas quasi vires augebat: & quod in eo fuerat definitum, absolutum fiebat: si legis auxilio carebat, (ut sæpe accidit, cum voluntas plebis a senatus iudicio discreparet) non solum minus habebat ponderis, quam si cum lege conjungeretur, sed minus etiam, quam lex. itaque C. Flaminius tribunus plebis legem agrariam aliquot annis ante secundum Punicum bellum tulit invito senatu, neque solum tribuni plebis, sed consules etiam, qui patroni senatus habebantur, contra senatus voluntatem sine senatusconsulto sæpe leges tulerunt: cuiusmodi fuisse illas conitat, quas diversis temporibus a tribus Valeriis latas, Publio, Lucio, Marco, ex Cicerone, Livio, Dionysio, Plutarcho didicimus. Caius etiam Cæsar omisso senatusconsulto, lege Vatinia cisalpinam Galliam cum Illyrico administrandam accepit: cum in lege tantum esse positum intelligeret, ut senatusconsulto non egeret. quod & senatus iudicio, ita esse declaratum est: qui mox & comatam illi Galliam attribuit, veritus, ne, si ipse negasset, populus & hanc daret. Quod si, cur in accipienda provincia cum Cæsar, tum alii multi legem anteposuerint senatusconsulto, querit quispiam: respondetur, quia excurrentibus in provincias imperium tantum senatusconsulto dabatur, lege autem simul cum imperio sumptus. quis porro esset aut ita stultus, ut exercitum alere de suo vellet, aut ita opulentus, ut posset? hinc evenit, ut D. Bruns, Gallie cisalpinæ a senatu præfectus, supra H. S. quadringenties in stipendia militum de suo erogarit: quod ipse in quadam epistola ad Ciceronem queritur. provinciam enim habebat non lege curiata, quæ præfectis provinciarum ad alendos milites stipendia de publico dabat, sed senatusconsulto, quo imperium quidem, sed sine stipendio dabatur, nam, cum senatus Cæsaris interfectores faveret, populus ab Antonio concitatus infensus esset, Brutus, iram populi timens, desperata lege curiata, cum eo tantum imperio, quod a senatu accepterat, in provinciam propere abiit. lege autem eandem provinciam non multo post Antonio Cæsaris mortem persequenti populus tradidit. ut eodem tempore eandem provinciam & Decimus, & Antonius, alter senatusconsulto, alter lege haberet. Omnino provinciam lege habere nemo potuit, qui noluerit. militarem enim rem attingere sine lege, id est, sine pecunia, quam lex dabat, qui liceret? nam et si App. Claudius, Publii frater, eui liceret? nam et si Cicerone gravissimas inimicitias gessit, iturum se in provinciam sine lege suo sumptu confirmabat: (sic enim tribus epistolis, ad Lentulum, ad Atticum, ad fratrem, scripsit Cicero) tamen id, non quia legem contemneret, cogitabat: sed quia vereretur, ne perferri non posset, aliquo sibi inimico tribuno pl. intercedente. nam legis cupidum fuisse, indicant

illa verba in epistola ad Lentulum: *Sese, si licitum esset legem curiatam ferre, sortitum esse cum collega provinciam.* eoque clarius id constat, quia, licet Appius iturum se in provinciam sine lege suo sumptu didicisset, non ivit tamen, sed lege perlata imperium a Populo & pecuniam accepit. unde consilis hoc, inquit aliquis? quia reverfus et provincia triumphum petiit: licet, accusatus a Dolabella, ita tim triumphi postulationem ad vitandam invidiam abjecerit. in provinciam autem sine lege profectis, triumphum sperare non licebat. qui probas hoc, inquit idem? nimirum testis locupletis auctoritate, huius, inquam, nostri: sic enim ad Atticum scribit: *Pontinus vult ad IV. Non. Nov. triumphare. huic obviam Cato, & Servilius prætores aperte, & Q. Mucius tribunus. negant enim latum de imperio: & est latum bercule insulse.* Omnes fere, in provincias exiituri, ad senatusconsultum legem adijungebant: ut esset, unde stipendia legionibus perolverent, quibus non modo focos ab injuria finitimarum gentium tuerentur, sed ipsas etiam ultro interdum bello peterent. occasiones enim pugnandi, ut triumphi materiam, multi quærebant. Senatusconsulto, præter datum imperium, etiam regendæ provincie tempus video definitum: idemque lege, cum ex senatusconsulto ferretur, confirmatum. spatium autem illud erat annuum: de quo vetus lex Sempronia sanxerat. sed Cæsar contra legem Gracchi in quinquennium decreta primum Gallia est, mox & in alterum quinquennium senatusconsulto ac lege prorogata. & ut in stipendia militum ærarii pecuniam senatus e largiri injussu populi non poterat: sic neque de agris, neque de urbibus legitimum jus habebat. ideo Thermitanis populis in Sicilia, quod semper in amicitia fideque mansissent, non senatus sine populo urbes, agros, legeque reddidit, sed senatus quidem censuit, populus autem iussit. Vectigal etiam victis bello gentibus, non sine populo senatus imponebat: scriptum est enim, Mamertinos pecuniam ex senatusconsulto & lege dissolvit: & omnes Siciliæ civitates, frumentum populo Romano singulis annis certo pretio vendere, ex senatusconsulto, itemque ex lege Terentia, & Cassia esse iussas: & L. Octavio, C. Cottæ consulibus senatum legum dicendarum potestatem in locandis vini Siculi, oleique vectigalibus ita permisit, ut populus idem iussit. quibus locis, & aliis præterea eodem spectantibus, adductus sum, in Verrem lib. III. act. 2. corruptum locum, ut opinor, emendare. legebatur: *Cum ex Sicilia, & ex legibus frumentum ei in cellam sumere liceret.* offensus sum & imprimi iussi, cum ex S. C. & ex legibus. quod mendum ab impericia librariorum originem duxit. veterem enim scribendi morem ignorantes, pro S. C. scribendum putarunt, Sic, dictione contracta, quæ apposito puncto significaret Sicilia. & cum ipsi reposuissent Sic, alii producta dictione scripserunt Sicilia. idem in Pediani libros mendum irrepererat: quod nos impressione nostra sustulimus. legebatur enim in Miloniana commentario, sic esse factum, pro S. C. esse factum. Redeo unde diverti. Largiri de publico senatus sine populo non poterat: quod contra sine senatu populus poterat. itaque Cæsar in consulatu suo campum Stellatæ, & Campanum sine senatusconsulto plebi divisit. lege contentus: idemque publicanos, in conducendis vectigalibus cupiditate prolapios, tercia debita pecuniæ parte non senatusconsulto, sed lege relevavit. fecisset enim, si licuisset, per senatum Cæsar, quod per populum fecit: hæc enim fere verba sunt in ea pro Plancio. nec vero huius generis exempla desideramus. nam & P. Clodius, Ciceronis inimicus, etiam regna latæ legibus vendidit verius, quam donavit: & multis jam annis ante Ti. Sempronius Gracchus de dividendis agris legem tulit senatu non consulto,

item frater ejus C. Gracchus de coloniis deducendis, de vestibus publice militibus præbendis, de frumento plebi distribuendo, senatu non solum non decernente, sed etiam invito & adversante, leges tulit. Illud, quod Plutarchus tradit, primo miratus sum, Tiberio ad divisionem agrorum profecturo senatum novenos nummos in singulos dies pro sumptu decrevisse: quasi & senatus distribuendæ publicæ pecuniæ potestatem haberet. sed deinde meam admirationem res ipsa sustulit. nam hoc illi per populum in levi re licuisse, quis miretur? sicuti etiam, cum exterarum gentium legatis munera dabantur: quod senatus arbitrio fiebat. non enim, ubi quid pecuniæ promi ex arario oporteret, continuo propter eam causam legem ferri ex dignitate populi Romani videbatur. In judiciis etiam constituendis, aut mutandis, & omnino in hoc genere, jacebat senatus voluntas sine populi consensu, id est, senatusconsultum sine lege. lex autem, non solum si senatusconsulto comprobaretur, verum et si contra senatus voluntatem lata esset, rata tamen habebatur. itaque quoddam senatusconsultum adversus eos, quorum opera factum esset, ut iudicium publicum corrumpere, in oratione pro Cluentio Cicero repudiat, & infirmum significat, ob eam causam, quia postea legem ex eo consules non tulissent. at vero legem, qua L. Aurelius Cotta iudicia inter tres ordines communicavit, senatum, equites, tribunos ærarios, cum antea penes unum ordinem senatorium lege Cornelia fuissent: hanc, inquam, legem; quæ senatus potentiam admodum imminuebat, latam sine senatusconsulto, latam invito senatu, firmam tamen fuisse, & observatam diligenter non solum reipublicæ temporibus, sed aliquandiu etiam ab ipsis imperatoribus, intelligit qui scripta veterum evolvit. nec minus invito, aut certe non favente senatu, biennio post C. Cornelius legem tulit, ut prætores ex edictis suis perpetuis jura dicerent: cum antea varie jura dicere solerent. potuit igitur etiam in hoc genere populus sine senatu, atque etiam contra senatum, leges enim contra senatusconsultum latæ eandem vim habuerunt, quam, si nullum senatusconsultum ante factum esset, habuissent. itaque legimus in Plinio: cum *senatusconsultum vetus fuisset, ne liceret pantheras Africanas in Italiam advehere, Cn. Aufidium tribunum pl. contra ad populum tulisse, & in Circensium ludorum gratiam ut liceret Africanas importare, lege lata permississe*. Quia vero sæpe contigit, ut cum senatus populum consentiret, ideo, non quia populus sine senatu non posset, sed quia senatus & populus idem vellent, leges ex senatusconsulto latas plerumque licet invenire. quod si, quod sæpe contigit, minus inter senatum & populum conveniret, aut etiam si senatusconsultum obstatet, ut in tribus legibus, Aurelia, Cornelia, Aufidia, proxime docuimus. nihilo tamen erat imbecillior lex, sed eadem vires habebat, quas habuisset, si ex senatusconsulto perlata esset, aut nullum contra senatusconsultum fuisset. anno quidem post urbem conditam CCLXIII. nondum ullam legem nisi ex senatusconsulto fuisse latam, M. Minucius consul in eo sermone, quem de Coriolani iudicio cum tribunis pl. habuit, affirmat: neque plebem de aliqua re judicasse, aut suffragia tulisse, nisi senatus eadem re jam consulta auctor fuisset: idque a regibus institutum, ad eam usque diem ait constantissime servatum. quod tamen in Coriolani causa est omisium, senatu universam ejus iudicandi potestatem plebi concedente: ne quam seditionem irata suscitaret. sed triennio post cum tribunus pl. iudicium de Coriolano factum rescindere, & damnationem abrogare lege vellent: senatu contradicente, sine senatusconsulto legem ferre noluerunt. & anno ab urbis initio CCXCVII. cum augeri tribunorum numerum, & plebs, & tribuni vehementer cuperent: tamen

eam legem non prius ferre sunt aggressi, quam ut eam ferri liceret, senatus decrevit. sed post quotidie magis senatus auctoritas est imminuta: legesque multæ sine senatusconsulto perlatæ, senatu etiam ægre ferente, vim tamen habuerunt, & servatæ sunt. Atque hæc a me dicta sint pro eo, quatenus dici opus fuit de infirmitate senatusconsulti. nunc, ubi valeret, etiam si lege non confirmaretur, exponemus. Multa erant, in quibus ad senatusconsultum lex non adjuungebatur: ut cum de cura factorum testorum alicui demandanda senatus decernebat, cum de vestitu ob calamitatem aliquam aut morore in mutando, cum de supplicationis honore, aut etiam de triumpho concedendo: cum de fide aut ei danda, qui alicujus indicium maleficii deferret, aut ei, qui hostis esset: cum de magistratu ante diem deponendo: de comitiis producendis: de annonæ procuranda: de regibus appellandis, de consulibus ad bellum mittendis, de supplendo exercitu: de aris, quæ dedicatæ essent injus populi, tollendis, de religionibus tuendis: de salute bene meriti civis exteris gentibus commendanda: de jure legationis liberæ tribuendo, aut de legatis legendis: de itinere ab iis, qui in provinciam reipublicæ causa irent, mutando: de laudandis iis, aut ornandis, qui aliquid pro reipublica fecissent; aut, qui contra, puniendis: de feriis Latinis: de legatis exterarum nationum donandis: de curatione viarum, de usurarum modo: & si quæ præterea sunt. sunt enim multa. neque tamen in hujusmodi rebus propriam fuisse, & singularem dico senatus potentiam, populum nihil juris habuisse: sed hoc dico, volente, & permittente populo institutum, atque observatum, ut per senatum ea transigerentur. quod tamen quali legitimum jus, diuturna consuetudine confirmatum, aliquando populus, per improbum tribunal inductus, arripuit. de quo Vatinius Cicero asperè & acerbe in oratione exagitat. sed hoc non magnopere usitatum, & tanquam extra ordinem fuit. Accidit etiam interdum, ut aliquid ex eo genere, quo de genere multa enumeravimus, neque a solo senatu censeretur, neque a solo populo juberetur: credo, quod momenti res esset paulo majoris, quam soleret, ut extraordinaria potestate curanda videretur: sicuti P. Lentulo, Q. Merello coss. cum ex senatusconsulto perlata lex est, ut Pompeio per quinquennium potestas omnium rei frumentariæ toto orbe terrarum traderetur. & ut hoc extraordinarium fuit: sic illud, quod in epistola ad Q. Ciceronem legimus, pecuniam Pompeio in rem frumentariam senatus consulto decretam: cum erogare publicam pecuniam, ut jam diximus, non senatus, sed populus soleret. quod tamen permisso populi factum esse non dubitamus. jam enim ex senatusconsulto perlata lex erat de Pompeio rei frumentariæ præficiendo: in qua ita scriptum licet opinari, ut ad eam curationem tantum ei daretur pecuniæ, quantum senatus decrevisset. ut in hac re duo senatusconsulta facta fuerint, alterum ante legem de Pompeio deligendo, ex quo perlata lex est: alterum post legem de pecunia tribuenda, quod ex ipsa lege factum est. Fiebat etiam de privata re senatusconsulta, raro, sed fiebant tamen: quale illud, quod in heredes C. Vennonii factum fuisse Cicero docet libro XIII. epist. quæ familiares dicuntur: & illud, quo libera legatio decernebatur: hoc enim genus legationum non nisi private rei causa a civibus petebatur. & cum senatus decrevit, ut L. Verrius, quod confessus esset se cum telo fuisse, in vincula conjiceretur. Senatusconsultum differre a senatus decreto, & decretum consulti esse particulam quandam, putabat Aelius Gallus: sic enim scribit Festus. ego autem existimo equidem in uno senatusconsulto multa interdum fuisse capita, & unumquodque caput decreti nomine appellatum, neque solum decreti, sed etiam consulti: ut in illo

senatusconsulto satis manifeste patet, de quo in epistola M. Caelii descripto supra meminimus: sed hanc tamen distinctionem in historiis, aut omnino in illo libro nondum observavi. neminem enim video ita locutum, ut diceret, *in illo senatusconsulti decreto*: quin pro ipso senatusconsulto decretum fuisse usurpatum invenio. neque ratio repugnat. nihil est enim aliud senatusconsultum, nisi id, quod senatus decernit. itaque & decretum, & senatusconsultum de eadem re Cicero vocat. nam in oratione pro Sextio, *Quis*, inquit, *unquam consul senatum ipsius decretis parere prohibuit?* at in Pisonem: *Omitto illud, consulem edicere, ut senatus senatusconsulto ne obtemperet.* Est tamen hæc differentia: quod, etsi pro senatusconsulto, non tamen pro quovis senatusconsulto ponitur decretum, sed pro eo tantum, quod aut unius hominis causa factum sit, aut, si ad plures pertineat, minime tamen ad universam rempublicam spectet. & ut senatusconsultum sapius de communi, quam de privata re dicitur: sic decretum sapius de privata, quam de communi, vel potius de communi nunquam, semper de privata. nunquam enim invenias, senatus decretum de ambitu factum esse, aut de iudiciis, aut de creditis pecuniis, quæ generatim ad omnes pertinent, sed senatusconsultum: decretum autem vel de uno tantum dici videas, ut in oratione post reditum in senatu: *immensum quiddam est, atque infinitum, quod huic ordini debemus, a quo sæpe magnificentissimi decretis sumus beneficiati.* vel de duobus, ut in Suetonio: *senatus decreto tribunus plebis Metellus Nepos, & prætor Cæsar administratione reipublice summoventur*: vel ita de pluribus, ut particulare sit, ut de Buthrotia civitate libro ad Atticum xvi. *Decreta consulum de Cæsaris actis.* erant enim acta Cæsaris, beneficia aut in hunc & illum hominem collata, aut in hanc & illam civitatem. Et ibidem paulo post *Decretum consules secundum Buthrotios fecerunt.* itaque decretum nunquam de publica re dici, sed aliquanto contractius esse, quam senatusconsultum, vere diximus: cum tamen senatusconsultum & de privata re nonnunquam dici supra docuerim. fiebat autem utrumque per discessionem senatorum: & quod pluribus visum erat, id aut senatusconsultum, aut decretum dicebatur, diverso nomine, non quod diversè fieret, sed quod diversa res esset, cuius causa fieret: cum senatusconsultum modo de publica, modo etiam de privata, decretum autem de publica nunquam, sed de privata semper fieret. Differunt etiam in hoc, quod, quemadmodum senatusconsultum, si res, de qua sit, spectatur, latius est, quam decretum; (sit enim, ut sæpe jam dixi, tum de publica, tum de privata: cum decretum de privata tantum fiat) sic, si a quibus fiat, consideratur, angustius quodammodo videtur, quam decretum. sit enim a senatu tantum senatusconsultum: at decretum & a senatu, & ab alio ordine, neque solum a paucis, sed etiam ab uno: a senatu, ut ex eo loco patet, quem ex oratione post reditum proxime recitavimus: neque plura congerenda sunt exempla. nam in hoc cum senatusconsulto consentit; nos autem id, in quo dissentit, querimus. ab alio ordine, ut in oratione pro domo sua, cuius sententiæ verba jam posuimus: & ad Atticum lib. ix. *Voleo*, inquit, *Augurum decretum*: & pro Sex. Roscio: *Decurionum decretum sit, ut decem primi ad Sullam profisciscantur.* & *Pontificum decreta*, sæpe legimus, ab uno, ut exemplum declarat, ex oratione pro Milone, de Cn. Pompeii decreto: & Philippica I. *Ne qua tabula post Idus Martias ullius decreti Cæsaris, aut beneficii figeretur.* decretum autem prætoris, milites invenimus. & apud iuriconsultos: *Imperatoris decretum, Principis decretum, Iudicis decretum.* Reliquum est, ut, in quo senatus auctoritas a senatus-

consulto differat, ostendamus. Differt autem, ut jam significavimus, in hoc, quia senatusconsultum id erat, cui cum nemo intercessisset, perforcebatur ea res, qua de scriptum erat. at senatus auctoritas erat illa quidem voluntas, & sententia senatus, sed aliquo intercedente debilitata vim senatusconsulti non habebat: neque enim parebat ei quicquam: neque ei, qui non paruisset, poena erat. perforcebatur tamen in publicis tabulis: ut, quid eo die senatus censuisset, appareret. nam illud in epistola ad Lentulum, *His de rebus senatus auctoritas gravissima intercesserat*: cui cum Cato, & Caninius intercessissent, tamen est perscripta, sic est accipiendum, non Catonem & Caninium tribunos plebis intercessisse, ne fieret senatusconsultum: (non enim senatusconsultum fieri solebat de eo, quod propositum frequens senatus improbarerat, sed de eo, quod frequens probaverat: hic autem, cum dicit, *Senatus auctoritas gravissima*, intelligit sententiam illam Bibuli de tribus legatis, quam frequens senatus improbarerat) sed intercessisse, ne senatus auctoritas perforcebatur: quod cum ipsa verba declarant, tum in alia ad eundem epistola est quadam quasi consentiens significatio, his verbis: *Senatusconsultum nullum exstat, quo reductio regis Alexandrini tibi adempta sit: eaque, quæ de ea scripta est, auctoritas, cuius intercessum esse, tantum vim habet, ut magis iratorum hominum studium, quam constantis senatus consilium esse videatur.* dupliciter enim Cicero liberam esse Lentulo reducendi regis potestatem ostendit, uno modo, cum reductionem illi nullo senatusconsulto esse ademptam dicit: altero, cum eam ipsam senatus auctoritatem, quæ de ea scripta est, ut ne quis omnino regi reduceret, infirmam significat. infirmam, inquam, non ob eam causam, quia non senatusconsultum sit, sed senatus auctoritas, (neque enim hæc una senatus auctoritas, cuius hic mentio fit, hoc habebat proprium, ut senatusconsulti vi careret: sed erat omnibus senatus auctoritatibus communis & æqua conditio, ut ad rem perficiendam ponderis nihil haberent, tantum ad testificandam senatus sententiam valerent) verum ideo infirmam, tum quia intercessionem passa sit, tum quia magis iratorum hominum studium, quam constantis senatus consilium, præferat. apparet enim ita senatum censuisse, non consilio adductum, sed iratum regi, quia nonnullorum animos largitione corrumpere. in quo illud est notandum, intercessionis non eam rationem esse habitam in senatus auctoritate, quæ habebatur in senatusconsulto: siquidem, cum tribunus plebis intercedebat, ne fieret senatusconsultum, non fiebat: cum intercedebat idem, ne perforcebatur senatus auctoritas, perforcebatur tamen. Et dicebatur senatus auctoritas, quia voluisset quidem, & auctor fuisset senatus, ut senatusconsultum fieret, sed, intercedente tribuno, non potuisset. neque tamen senatus auctoritas ea sola dicebatur, quæ, cum frequens senatus aliquid probaverat, ob intercessionem senatusconsultum esse non potuerat: sed ea quoque, quæ, frequenti senatu aliquid improbane omnino, etiam nemine intercedente, senatusconsultum esse non poterat. non enim, cum proposita sententia improbarerat, sed cum probaretur, senatusconsulta fieri solebant. in hac autem ad Lentulum epistola, de improba Bibuli sententia, quam de tribus legatis dixerat, nisi me fallit opinio, sermo est.

Ex libro de legibus Romanis vide illa verba: Quoniam spectandi locum senatores, &c.

Item: Item illa C. Cassii, &c.

Item ab his verbis, Ac primum, quod, &c. usque ad illa, Postea ne causam diceret, tribunos pl. appellati?

EX COMM. IN EP. CIC.

LIB. I. EP. I.

EX ARGUMENTO.

SENATUM haberi per dies comitiales non licuit.

Ibidem:

Senatus voluntas perscripta, quod impedito S. C. fieri solitum est, ut memorie tradere, atque exaret in publicis tabulis, quid senatus, nisi obstitisset intercessio, fieri voluisset. Hac de re sic in ep. 7. Nullum exstat S. C. quo reduci regis Alexandrini tibi adempta sit, eaque, quæ de ea scripta est, auctoritas, cui scilicet intercessum esse, ut ne quis omnino regem reduceret, tantam vim habet, ut magis iratum hominum studium, quam constantis senatus consilium esse videatur.

EX NOTIS Lib. 1. ep. 2.

Cum senatus legitimus, id est, quo loco, quo die, quo numero, a quo magistratu oportere, habitus, aliquid vel de publica, vel de privata re decreverat, tum si ex collegio tribunorum pl. nemo intercedebat, rata senatus voluntas erat, & S. C. dicebatur, eoque nomine inscriptum publicis tabulis consignabatur: sin autem vel senatus non legitimus aliquid decreverat, vel tribunus plebis intercesserat, infirmum, ac prorsus irritum decretum illud erat, nec S. C. sed senatus auctoritas vocabatur: propterea quod auctoritatem quandam publicis tabulis testata senatus voluntas habere videbatur: testis Livius lib. 4. Si quis, inquit, intercedat, S. C. auctoritate se fore contentum. Testis Dionisii historia. nam cum Q. Cassius Longinus, & M. Antonius, tribuni pl. intercederent, quo minus fieret S. C. de Cæsare ex Gallia revocando, cumque senatus, Pompeio deditus, a Cæsare alienus, propterea vestem, ut in adversa erisset, re, mutasset: tamen ne sic quidem factum esse S. C. sed perscriptam sententiam esse, Dio libro 41. significat. Idemque libro 42. cum S. C. intercederet tribuni plebis, senatus tamen auctoritas perscripta est. Planissime autem libro 55. his fere verbis: Si quando aliquid senatus decrevisset, nec legitimus senatorum numerus affuisset: non inerat in eo vis S. C. sed auctoritas senatus dicebatur, qua tantum constantis eorum, qui tunc affuissent, voluntas, & sententia observatum idem est, cum vel senatus alieno loco, aut tempore, aut non legitimo edicto habitus esset, vel tribuni pl. intercessissent: impedito enim S. C. extare tamen senatus voluit sententiam suam. Accedit Ciceronis testimonium in ep. 7. S. C. nullum exstat, quo reduci regis Alexandrini tibi adempta sit: eaque, quæ de ea scripta est, auctoritas, cui scilicet intercessum esse, ut ne quis omnino regem reduceret, tantam vim habet, ut magis iratum hominum studium, quam constantis senatus consilium, esse videatur. Et ibidem paulo post: Offensum esse periculum propter interpositam auctoritatem, religionemque video. Et epist. 2. lib. 4. ad Attic. Nondum satis erat allatum, quomodo Cæsar ferret de auctoritate perscripta. Loquitur ibi Cicero de S. C. ab intercedentibus Cassio & Antonio, tribuni pl. impedito. quod ex Dione jam ostendimus. Nec dubito, quin de auctoritate perscripta, cum senatus decreto intercessum esset, Cicero significet libro 3. de leg. in eo loco: Senatus decreta rata sunt. est nisi potestas par, majorve prohiberet, perscripta servanto. Quæ licet exempla fati hunc morem ostendunt: ut dubitatio tamen omnis auferatur, adhibemus verba S. C. quod Cælius inculcum epistole ad Ciceronem misit: Si quis huic S. C. intercesserit, senatus placere auctoritatem perscribi, & de ea re ad senatum, populumque referri. Et in alio ejusdem S. C. capite: Si quis huic S. C. intercesserit, auctoritas perscriberetur. Huic opinioni locum adversari Ciceronis oratione pro Deiotaro, aliquis fortasse dixerit. Cum audisset Deiotarum, inquit, senatus consentiens auctoritate arma sumpta, consiliis, prætoribus, tribunis pleb. nobis imperatoribus remp. defendendam datam. Senatus auctoritatem vocat in ea re, de qua S. C. esse factum, Cæsar ostendit libro 1. de bel. civil. Decurritur, inquit, ad illud extremum, atque ultimum S. C. quo, nisi pæne in ipso urbis incendio, atque desperatione omnium salutis, nunquam ante descensum est: Denique operam consul, prætor, tribuni pleb. quique preconfuli sunt ad urbem, ne quid respub. detrimenti capiat. Hec S. C. perscribuntur ad 7. Id. januar. Hoc argumentum duplici ratione refellitur: vel quod cum S. C. illud contra Cæsarem belli civilis initio factum esset, nec auderet Cicero, ad Cæsarem paratis locum esset, non auderet Cicero, ad Cæsarem, jam omnia tenentem, per Deiotaro reo suppliciter agens, S. C. appellare: præsertim cum sciat, si tribuni pl. Antonio & Cassio intercedere licuisset, quod Pompeianorum factioni non licuit, S. C. esse non potuisse. itaque sapienter, temporis, causæque serviens, odiosum Cæsari vocabulum Cicero vitavit, a quo salutem Deiotari regis impetrare cupiebat. Altera est ratio, mihi quidem valde probata, quod senatus auctoritas non semper decretum illud signifi-

cat, quod ne senatusconsulti vim & nomen haberet, intercessione fiebat: sed, ubi nulla intercessionis mentio fit, pro ipso accipitur S. C. ut in oratione in Pisonem: Quam provinciam P. Lentulus cum & senatus auctoritate, & sorte haberet, deposuisset. Significat enim a Lentulo depositam Ptolemæi regis reductionem, quam ei senatusconsulto esse mandatum, & supra demonstratum est. Et in ea pro domo: Ex senatus auctoritate & senatum, & omnes bonos mutata veste vidi. Senatus auctoritatem appellat, cum tamen S. C. de mutanda veste factum esset: quod ex oratione pro Sextio cognoscitur. In Vatinius: Nec hoc quidem senatus relinquebat, ut legati ex ejus ordinis auctoritate legarentur? Quis non intelligit, ex ejus ordinis auctoritate, pro, ex S. C. dictum esse? cum paulo post sequatur: Quis legatos unquam audivit sine S. C.? ante te nemo. Ergo senatus consentiens auctoritate arma sumpta, idem valet, quod, univervo approbante senatu, decreto senatus universi. Vel duæ senatus auctoritates intercesserunt, hæc, quæ probat reductionem regis, altera, quæ improbat: cujus mentio fit ep. 7.

Ibidem:

Intercedere, modo est impedire, ut infra: Cui cum Cato, & Caninius intercessissent, tamen est perscripta: modo intervenire, ut hic, & epist. 2. lib. 15. Cum vestra auctoritas intercessisset, ut ego regem Ariobarzanem tuerer. Eodem sensu dixit Cælius ep. 6. lib. 8. Significatio ulla si intercesserit, clarius, quam debeat, aut expediat, fit. Et in Verrem lib. 2. Cum imperatoris populi Romani auctoritas, legatorum decem dignitas S. C. intercederet. Intercessissent impeditissent, ne S. C. fieret. ideo senatus auctoritas, S. C. impedito, perscripta est. Intercedere enim, proprie tribunorum pl. iur. quoniam participes ejus fuisse potestatis omnes, qui eadem potestate, qua ii, qui S. C. facere vellent, majoreve essent, docet Gellius ex Varrone lib. 14. cap. 7.

Lib. 1. ep. 4.

Senatores plures quadringentis in senatu affuisse, bis omnino, ut mea memoria est; legi: 410. in oratione post reditum in senatu, 415. ep. 10. lib. 1. ad Attic.

Lib. 1. ep. 7.

Et stipendium, & legatorum numerum, & supplicationes senatus decreverat sine populi suffragio. quæ Cicero significat in ep. 9. cum ait, singularibus, & novis honoribus, ac iudiciis senatus ornatum esse Cæsarem. idque exponit aperte in oratione de provinciis, his verbis: Relatum est ad nos nuper de stipendio exercitus: non decrevi solum, sed etiam, ut vos decreveretis, laboravi: multa dissentientibus respondi: scribendo assui. stipendium autem a senatu impetrare, in tantis angustiis aerarii, non facillimum fuit. quod ex eadem oratione coneci. dixit enim: In his angustiis aerarii, publicanis tamen subveniatis, necesse est. credulitate Gabinii pæne afflicti jam, atque eversis. Hac de re sic in ea pro Balbo: C. Cæsarem senatus & genere supplicationum amplissimo ornavit, & numero dierum novo. idem in angustiis aerarii, virescentem exercitum stipendio affecit: imperatori decem legatos decrevit: lege Semproniam succedendum non consuit. harum ego sententiarum & principis, & auctor fui.

Lib. 1. ep. 9.

Certus erat Senatorum numerus, qui si non adesset, S. C. fieri leges vetabant. Unde illud M. Fulvii contra M. Æmilius, libro 39. apud Livium: Qui per infrequentiam S. C. factum ad aerarium detulerit. Festus: Numerus senatorum, ait quovis senator consuli, cum impedimento vult esse, quo minus faciat S. C. postulatque, ut aut res, quæ afferuntur, dividendur, aut singuli consulantur: aut si tot non sint senatores, quo numero liceat præscribi S. C. Legimus etiam apud Pedianum, C. Cornelium trib. pl. legem tulisse, ne quis in senatu legibus solveretur, nisi ducenti affuissent. Quod si quis necessarium S. C. conficiendo senatorum numerum scire velt, Dionem consulat, cujus hæc sunt verba lib. 54. Augustus, cum videret, frequentes non semper convenire senatores, decrevit, ut a paucioribus, quam quadringentis, S. C. fieri possent. cum antea, nisi quadringenti affuissent, rata non essent.

Lib. 3. ep. 9.

Discedebat senatus Aprilis mense, cujus fere dies omnes vel ludis dabantur, vel festis erant, vel comitiales, quibus haberi senatum non licebat. id quod ex antiquis dierum Fastis, quos a nobis explanatos edidimus, licet intelligere.

Lib. 4. ep. 1.

Senatus appellari non debet, in quo nec senatores multi, nec eorum libera, metueque soluta voluntas est.

Lib. 4. ep. 4.

Scriptis Varro, teste Gellio, lib. 4. Epistolicæ quaestionum, S. C. duobus modis fieri solitum, aut per discessionem, si consentiretur: aut, si res dubia esset, per singulorum sententias exquisitas.

Lib. 5. ep. 2.

Quid præscriptione significetur, communis intelligentia fortasse non assequitur: quod exponere conabimur. Duplex erat in S. C. præscriptio, necessitatis una, honoris altera: necessitatis, quod infirmum erat S. C. cum in decernendo

Vuu ij

certus, ac lege definitus senatorum numerus non affuisset, itaque singulis S. C. ut valeret, præscribatur, quot senatores affuissent. de quo Festi verba recitabo: *Numerus senatus, aut quousque senatorum consilii, cum impedimento vult esse, quo minus faciat S. C. postulatque, ut aut res, quæ afferantur, dividantur, aut singuli consulantur, aut si tot non sint senatores, quo numero liceat præscribi S. C.* Tullius etiam legem C. Cornelius tribunus pl. quem Cicero defendit, non ille quidem de omnibus S. C. sed de iis, quibus aliquem solvi legibus placeret, ut ita rata essent, si ducenti senatores affuissent. Quod Festi locus, etsi non plane, tamen quodam modo confirmat. Altera, quæ auctoritatem S. C. adderet, perscriptio erat, cum nobilissimi senatores scribendo aderant, qui certus numerus non erat, sed pro ejus dignitate, & gratia, cujus de honore in S. C. ageretur. quo de genere præscriptionis hic puto significari: & illud infra, *Obsecrum esse non posse*, sic interpretor, ob eorum claritatem, qui scribendo affuerunt. Et in eo S. C. quod Cælius Ciceroni misit, ep. 10. lib. 8. legendum opinor, *S. C. quod tibi misi, factum est, auctoritateque præscripta*: non, *perscripta*. nam senatorum nomina, qui affuissent scribendo, S. C. auctoritates dicebantur, & ante S. C. scribebantur. de quibus etiam more loquitur in ep. ad Catonem 6. lib. 15. cum inquit: *Hæc S. C. non ignoro ab amicis tuis, de cuius honore agitur, scribi solere*. non quod si scriberent, sed quod scribendo adessent, & fortasse etiam didicerent. Sic in *Agraria*: *Colligas suas, adscriptores legis Agrariae, non repudiabit, a quibus et locus primus invidie in præfatione concessus est.* Et lib. 3. de Or. legitur in antiquo Borromæi libro: *In auctoritatibus præscriptis extant*. non, ut est in perpulatis, *perscriptis*.

Lib. 6. ep. 18.

Senatores vel coloniarum, vel municipiorum, decuriones vocabantur. & ut Romam ad senatum consules, item in municipiis ad decuriones quattuor viri, in coloniis duumviri reerebant.

Lib. 8. ep. 8.

Senatus habebatur vel in sacris ædibus, vel in templis non sanctis, ut in curia Hostilia, & ep. 13. lib. 10. Senatus in templis habebatur.

Ibidem:

Adesse scribendo soliti sunt, qui senatusconsultum fieri vellent.

Ibidem:

Cum plura simul ad senatum referebantur, non facile omnia senatus major pars comprobabat. ita sæpe fiebat, ut una res repudiata reliquis, quæ omnino placerent, impediret. nam, cum dixisset senator, *Divide sententiam*, ut de singulis rebus referretur, orta contentione dies consumebatur, lege permittente senatoribus, quævisque de re vellent, quamque diu vellent, dicere. itaque Festus inter impedimenta senatusconsulti numerat hoc in verbo, *Numerus*, cum senator divisionem postulabat earum rerum, quæ referebantur.

Ibidem:

Per dies comitiales haberi senatum leges vetabant. ep. 2. lib. 2. ad Quintum Fratrem: *Consecuti sunt dies comitiales, per quos senatus haberi non poterat.* Et eodem libro, epistola Ruffi: *Comitiis diebus, qui Quirinalia sequuntur, Appius interpretatur, non impediri se lege Pupia, quo minus habeat senatum.* Ad Lentulum autem ep. 4. lib. 1. iidem dies significantur iis verbis: *Senatus haberi ante Kal. Febr. per legem Pupiam, id quod scis, non potest.*

Ibidem:

Dixi jam, tres ordines lege Aurelia, senatum, equites, tribunos ærarios iudicasse. Sed omnes senatores, qui iudicabant, a iudiciis in senatum convenire, ideo senatus noluit, ne per infrequentiam, quod sæpe accidit, fieri S. C. non posset. certum enim senatorum numerum faciundo S. C. lex designabat. Festus, & Dio: quorum testimonio hac ipsa de re iam est sumus. Iudiciis autem implicati tenebantur senatores multi: itaque ille, qui scripsit ad C. Cæsarem de rep. ordinanda, cujus exstat epistola, cum Sallustii fragmentis edita: *Duodum*, inquit, *rebus confirmari posse senatum puto: si numero auctus per tabellam sententiam ferat: tabella obtinenda erit, quo magis animo libero facere audeat: in multitudine, & præfatis plus, & usus amplior est. nam fere, his temporibus, alii iudiciis publicis, alii privatis suis, atque amicorum negotiis implicati, haud sane resp. consilii assuerunt: neque eos magis occupatis, quam superba imperia, dissiuere. Trecentos autem ordinis senatorii iudices Plutarchus nominat in Græcho: sed hoc tempore trecenti sexaginta, electi a Pompeio tertium consule, iudicabant. docet hoc Velleius lib. 2. & Plutarchus in Pompeio. itaque miror trecentos duntaxat nominatos. nisi si perfecti numeri potius, quam imperfecti, placuit appellari: ut in Pisonem dixit Cicero. *quadragesima annis, pro triginta sex.* quo loco Aiconius usitatum ait fuisse Ciceroni, ut, omnia subtiliter annorum computatione, summam tempus comprehenderet: recitaturque illa in Catilinam: *Viginti jam diem patitur bebesce-**

re aciem horum auctoritatis: cum octavus decimus dies esset. Aut igitur saltem iudicum numerum hac ratione tuamur: aut deesse Lx. censuimus: ut omnino sint, qui a Velleio, & Plutarcho nominantur.

Ibidem:

Si habetur eorum ratio, qui provincias obtineant, Cilicia consularis est, cum a viro consulari Cicerone administratur: ideoque non in hoc S. C. sed in eo, quod de provinciis consularibus factum est, nominari debuit. verum, quia fit prætoria, cum decernat senatus, ut in eam proficiscatur, qui prætor, non qui consul fuerit, propterea in hoc S. C. rejecta, & reliquis provinciis, quas prætorii obtinebant, aggregatur. erat enim potestas senatus, quos vellent, in provincias mittendi, siue consulares, siue prætorios: & in quas prætorii mittebantur, prætoriae: in quas consulatum functi, consulares provinciæ vocabantur. id ex hoc ipso primum cognoscitur S. C. quo prætorius, non consularis in Ciliciam, cui prætor hoc anno Cicero consularis mittitur: deinde confirmatur oratione de provinciis. potuit tamen tribunus pl. hanc potestatem eripere senatus, & consulare provinciam, lata rogatione, ab homine consulari ad prætorium transferre. quod objicit Clodio Tullius, factumque extra ordinem queritur in oratione pro domo. Sed, ut redeam ad Ciliciam, cogitanti mihi, cur prætor nunc fiat, quæ consularis antea fuerat, administrata per annos aliquot a tribus consularibus, Lentulo, Appio, Cicerone, visum est hoc a Pompeianis altuto consilio factum, ut consularium provinciarum numerus, una exempta, fieret angustior, eoque certior spes esset adimendi Gallias Cæsari: cum duas tantum consulares provincias lege Sempronia decerni per senatum oporteret. quod orationes pro domo, & de provinciis, & Cæsar lib. 1. de bel. civ. docet: Consulares autem, id est, a consularibus hoc anno administratæ, quattuor essent, Hispania, Cilicia, Gallia, Syria: (nam Macedonia, a quo tempore L. Pisoni consulari Q. Ancharius prætorius successit, prætoria fuit) nec in Hispanias mitti quicquam posset, cum eas lege Trebonia consul iterum Pompeius in quinquennium, posteaque tertium consul, altera lege in quadriennium accepisset. reliquæ tres erant: et quibus duas tantum decerni oportuit lege Sempronia. inventa ratio est, ut ex tribus una tolleretur: prætoriamque senatus Ciliciam facere conatus est. Sed tribuni pl. Pompeianorum arte cognita, intercesserunt. Post alterum tamen annum, Lentulo, & Marcello cois. hoc arbitror senatusconsultum, preta tribunorum pl. intercessione, renovatur, Ciliciamque prætoriam esse factam, cum apud Cæsarem lib. 1. de bel. civ. mentionem fieri videam de provinciis duabus consularibus, Gallia, & Syria, in sortem coniectis, quarum Gallia L. Domitio, Syria Scipioni obvenit. quamquam in eo loco de una tantum Gallia ulteriore intelligendum: nam ceteriorem senatus prætoriam fecit. id ex ep. 11. ad Tironem lib. 16. cognovi, scribente Cicerone, ulteriorem Domitio Galliam, Considio autem, quem scimus consulem non fuisse, ceteriorem obtigisse.

Lib. 9. ep. 21.

Erant regum ætate senatores omnes, siue majorum, siue minorum gentium, patricii: & qui allegebatur in senatum, statim patricius erat.

Ibidem:

Patres dicti centum illi, ex quibus senatum Romulus constituit: qui ingenui fuerunt. nam reliquos, qui ab initio urbis Romæ cum Romulo fuerunt, patrem, & avum liberos ceteros non potuisse, Livii verba lib. 10. significant. quod Cincius quoque sensisse videtur in libro de Comitibus, qui nunc ingenui vocentur. Et, quia per annos multos patriciis tantum gentibus curia patuit, propterea patres appellat hic Cicero, cum de patriciis loquitur: licet ejus ætate, atque adeo multis ante sæculis, plebeis etiam familiis senatoria dignitas impertiretur, & ideo patres plebeis quoque familiis orti dicebantur. respexit igitur ad prisca tempora, cum adius in curiam solis patriciis daretur. Suetonius quoque in Julio, *Clodium*, inquit, *a patribus ad plebem transire conantem, eadem die, boraque nona traduxit, a patribus, dixit, pro, a patriciis.*

Lib. 10. ep. 28.

Antonii fœdissimus discessus explanatur Philip. 3. his verbis: *Cum de rep. relaxatus fuisset, allato nuncio de legione quarta, mente concidit, & fugere festinans, S. C. de supplicatione per discessionem fecit, cum id factum esset antea nunquam. Quæ vero profectio postea? quod iter paludatus? quæ vitatio eulorum, lucis, urbis, fori? quam misera fuga, quam fœda, quam turpis?* Et Philip. 5. *Neque sacrificiis solemnibus factis, neque votis nuncupatis, non profectus est, sed profugus paludatus.* Item Philip. 13.

Ibidem:

Senatum vocare poterant dictator, consules, prætor, tribuni pl. interrex, præfectus urbi. Varro apud Gellium.

Lib. 17. ep. 7.

Legationes liberæ privatarum rerum causâ senatoribus dabantur: tum quod iis, non permittente senatu, abesse non licebat: tum etiam, ut essent honoratioris apud exterarum nationes, addito legationis nomine. ep. 18. ad Att. lib. 2. & ep. 11. lib. 15. ad eundem, & in orationibus in Rullum, pro Flacco.

Lib. 13. ep. 5.

Nemo senator esse poterat, nisi cccc. millia possideret. Suetonius in Augusto.

EX COMM. IN EP. CIC.

AD ATT. LIB. I. EP. I.

SENATORI ab urbe diutius abesse, nisi iure liberæ legationis impetrato, non licebat.

Lib. 1. ep. 17.

Senatores, qui curules magistratus gessissent, curru in curiam honoris gratia vehébantur: ceteri pedibus itabant: unde *Pedariorum* nomen. Gellius libro tertio, cap. 18.

Ibidem:

In S. C. adscribebantur eorum nomina, qui, dum scriberentur, affuissent, eæque dicebantur *Senatusconsulti auctoritates*, in ep. famil. ep. 7. lib. 8. & in præmio lib. 3. de Oratore.

Lib. 2. ep. 24.

In senatum ire cum telo lex vetabat, itaque P. Cornificus in senatu, ut invidiam Miloni faceret, ferrum dixerat eum habere intra tunicam ad femur alligatum. Pedianus.

Lib. 4. ep. 2.

Iis, qui senatores non erant, ingredi senatum non licebat. & pontificum collegium appareat non fuisse totum ordinis senatorii: cum pontificum dignitatem, etiam qui senator non esset, consequi posset: ut in oratione de harusp. resp.

Lib. 4. ep. 12.

Cum senatus vocabatur, senatores, qui erant in urbe, adesse iubebantur in senatu: qui non erant, iuberi non poterant: senatoribus autem, qui in urbe erant, in senatum non venientibus pignora auferébantur. oratione 1. in Antonium.

Lib. 5. ep. 2.

Senatus auctoritas quid sit, paucis aperiendum est. Cum aliquid senatorum major pars decreverat, S. C. scribebatur, nisi tribunus pl. aliquis intercederet. intercedente, S. C. non erat, sed scribebatur tamen, quod senatus eo die statuisset. eaque *perscripta auctoritas* dicebatur.

Lib. 11. ep. 5.

Mos erat, ut senatus Kalendis haberetur. quod indicat locus ille ep. 26. *Circiter Kalendis assuturus videatur. vellem, tardius.* & illud ep. 46. lib. 13. *Rogat magnopere, ut fin Kalendis, in senatu.* Item ep. 6. lib. 16. *Maxime dolebat me Kalendis Sentibus in senatu non fuisse.* & ep. 23. lib. 14. alique non apud ipsum modum, sed & apud alios.

Lib. 12. ep. 32.

Post 16. Kalend. Februarii, senatores plerique Româ discedebant: quod senatus reliquis Januarii diebus per legem Pupiam haberi non poterat, ac ne Februarius quidem toto, nisi perfectis, aut reiectis legationibus. Ad Appium lib. 3. Famil. *In ipsum discessum senatus incidisse crede meas litteras.*

Lib. 14. ep. 9.

S. C. fuerat, ut, quæ Cæsar egisset, rata manerent, ipso maxime suadente Cicerone. quod & Dio libro 44. & ipse in epist. ad Cassium his verbis: *Ultra resp. suas injurias est per vos interitui tyranni, nihil amplius: ornamenta vero sua quæ recuperavit? an, quod ei mortui pareat, quem vivum ferre non poterat? cuius ara resistere debebamus, ejus etiam chirographa defendimus? at enim ita decrevimus, fecimus id quidem temporibus cedentes, quæ valent in rep. plurimum: sed immoderate quidam, & ingrate nostra facilitate abutuntur.*

EX COMM. IN ORAT. CIC.

IN Orat. pro P. Quintio:

Senatores cum binis lictoribus liberarum legationes obibant.

Ibidem:

Senatoriis census erat DCCC. millia.

Ibidem:

Senatorum filii senatores non erant, nisi a censoribus lecti essent in senatum. ibidem.

Ibidem:

Senatorum tunica lato clavo purpureo erat intexta.

Pro Sex. Roscio Amerino:

Senatoria ætas 30. annorum fuit.

A Ibidem:

Senatores soli, cum Cicero Sex. Roscium defendit, judicabant, lege Sullæ.

Ibidem:

Senator esse non poterat, qui abavum suum civem Romanum nominare non posset.

Ibidem:

Senatorium ordinem tribui solitum a veteribus ostendit Suetonius, non civium R. pronepotibus, verum abnepotibus.

Lib. 1. act. 2. in C. Verrem.

Senatorio censu amisso, nemo eum ordinem retinere poterat, ut nec eques Romanus esse quisquam sine equestri censu.

Lib. 2. act. 2. in eundem:

B Senatori licebat, quamdiu vellet, dicere. Lib. 3. de Legib. *Nec est inquam longa oratione utendum, nisi aut expectante senatu, quod sit ambitiose sepiissime, cum, nullo magistratu adjuvante, tolli diem utile est, aut, &c.*

Ibidem:

Docet hic locus, quo ætatis anno Romæ senatores legi possent. cum enim Halesini de senatu cooptando leges ab senatu Romano petiverint, non est dubitandum, quin eæ leges imaginem quandam Romani senatus expresserint. itaque cum Pompeio, in Africam contra Domitium profectum, & Hiarbam regem proficiscenti, consulare imperium cum exercitu, adhuc equiti Romano, datum esset, dicente L. Philippo in senatu contra nescio quem, objicerent, non oportere mitti hominem privatum pro consule, non se illum sua sententia pro consule, sed pro consulibus mittere, laudavit eum Cicero his verbis in suasionem Maniliæ legis: *Quid tam præter consuetudinem, quam homini peradolescenti, cujus a senatorio gradu ætas longe abesset, imperium, atque exercitum dari?*

Lib. 2. act. 2. in eundem:

Proprie splendor equitibus, dignitas senatoribus tribuitur.

Lib. 4. act. 2.

Negotiari licebat equitibus Romanis, senatoribus per leges non licebat. unde in Parad. *Propter aviditatem pecuniæ nullum quæstum turpem putas: cum isti ordini ne honestus quidem esse possit ullus.*

Ibidem:

Senatoria tunica a latis purpureis clavis latus clavos dicebatur.

Lib. 5. act. 2.

D Senatori nec habere, nec mercari quidquam trans mare licuit.

Ibidem:

Senatus sociorum querelas audit, crimina vero iudicibus committit.

Pro lege Maniliæ:

Senatoribus negotiari non licebat.

Pro A. Cluentio Habito:

Toga prætexta, sella curulis, fasces magistratum, non senatorum, insignia sunt: insignia vero senatorum omnium fuere latus clavus, calcei lunati.

Ibidem:

Senatores dicuntur, quos censor in senatum legit.

I. in Catilinam:

E Senatus in Capitolio, in templo Jovis Statoris habebatur: de quo sic infra: *Magna diis immortalibus habenda gratia est, atque huic ipsi Jovi Statori, antiquissimo custodi hujus urbis:*

Pro domo sua:

In Capitolio senatus habebatur.

Pro P. Sextio:

Senatum diversis nominibus appellat, *publicum consilium, summum ordinem, amplissimum ordinem, principem ordinem.*

Ibidem:

A senatu, non a populo, reges appellabantur. primum igitur in eo peccat Clodius, quod reges per populum, non per senatum appellat: deinde quod eos appellat, qui id nunquam, non modo a populo, sed ne a senatu quidem postularint.

Ibidem:

F Pecunia, & legationes S. C. dabantur, provincia verum primum S. C. deinde lege Curiata: nisi si quis, cum per terræ legem Curiatam non liceret, eo imperio, quod senatus lege Cornelia dabat, contentus, suo sumptu in provinciam vellet ire. quod paucissimi fecerunt.

Ibidem:

Senatus auctoritas dicitur ea, quæ, ne senatusconsultum esset tribunorum pl. intercessionem factum erat: de quo diximus in libro de Senatu. hic *senatus auctoritas* est summa voluntas: cum senatusconsultum de Ciceronis reductu factum cunctus senatus magnopere veller.

Ibidem:

Non omnium ordinum hominibus in senatum aditus est, sed iis tantum, qui neque libertini sint, & cccc. millia

possident. municipibus autem; & rusticis, & negotia gerentibus, de quibus proxime loquitur, patere curiam non dicit: quia municipales in municipiis vivunt, suisque legibus utuntur. rustici senatorium censum non habent. negotia gerentes, quia quantum aperte curant, non valde honorati.

Ibidem:

Non a populo, sed a censoribus, senatores lecti sunt. a populo autem deligebantur consule nominante.

Pro M. Caelio:

Multi senatores ex municipiis erant.

Pro C. Rabirio Postumo:

Ordo senatorius summus erat civitatis.

Pro Deiotaro:

S. C. nunquam, nisi extremis reip. temporibus, decerni solebat. de quo queritur Cæsar lib. 1. belli. *Decurritur, inquit, ad illud extremum atque ultimum S. C. quo nisi pene in ipso urbis incendio, atque desperatione omnium salutis, latronum audacia, nequaquam ante descensum est. Dent operam consules, prætores, tribuni pl. quique procules sunt ad urbem, ne quid resp. detrimenti capiat.* Idem in ep. ad Tironem: *Postquam senatus consultis, prætoribus, tribunis pl. & nobis, qui procules sumus, negotium dederat, ut curarem, ne quid resp. detrimenti caperet: nunquam maiore in periculo civitas fuit: nunquam improbi cives habuerunt paratorem ducem.*

Philippica 1.

Sollemnes, & legitimi senatus habendi dies fuerunt, Kalendæ, idus, quod quidem in antiquorum scriptis observaverim, sed, interfecto idibus Mart. Cæsare, senatum eo die in posterum haberi non licuit. Suetonius & Dio.

Ibidem:

Senatoribus, qui in senatum vocati non venissent, pignora auferri solebant. infra: *Quid est ultra pignus, aut multum?*

Philipp. 3.

S. C. si vespertina, non præclara, sed turpia, & irrita. non enim post horam decimam referri ulla de re licuit. autor Seneca lib. 1. de tranquillitate vitæ, c. 14. Et S. C. vel ante ortum solis, vel post occasum facta, irrita fuisse, docet.

Ibidem:

Patebant valvæ templi, in quo senatus habebatur.

Philipp. 5.

Nunquam senatus hoc, *Ne quid resp. detrimenti accipiat*, nisi difficillimis reip. temporibus decernere solitus est: & cum decernebat, summum imperium consulibus dabat. neque decretum hoc unquam video, quin statim ad arma, ut in presenti reip. discrimine, ventum sit. Decretum Optimio consule: quumprimus C. Gracchus tribunus pl. est interfectus. Decretum Cicerone consule: comprehensi illico, & in carcere necati, qui contra patriam cum Catilina conjuraverant. qua re exponenda vim ejus S. C. Sallustius ostendit his verbis: *Cicero rem ad senatum refert. itaque, quod plerumque in atroci negotio solet, senatus decrevit, ut darent operam consules, ne quid resp. detrimenti caperet.* Ea potestas per senatum more Romano magistratui maxima permittitur, exercitum parare, bellum gerere, coercere omnibus modis socios atque cives, domi militique imperium, atque iudicium summum habere. aliter sine populi iussu nulli earum rerum consilijus est. Decretum idem est L. Lentulo, C. Marcello cons. anno primo belli civilis Pompeiani, quod queritur Cæsar lib. 1. belli. *Decurritur, inquit, ad illud extremum, atque ultimum S. C. quo nisi pene in ipso urbis incendio, atque desperatione omnium salutis, latronum audacia, nunquam antea descensum est. Dent operam consules, prætores, tribuni pl. quique procules sunt ad urbem, ut quid resp. detrimenti capiat.*

PRIMI sententias in senatu a consule rogabantur consules designati, si modo post consularia comitia senatus haberetur: sin autem, rogabat consul arbitratu suo, non quem vellet ex omni senatorum frequentia, sed quem vellet ex numero consularium. & antiquæ consuetudini dabatur, ut, quem ordinem interrogandi sententias consul Kalendis Januariis institueret, eum toto anno conservaret. quo ordine, Cæsar, neglecto, primum Pompeium post affinitatem consul rogare sententiam cepit, cum antea Crassum solitus esset. Quoniam autem, cum designati consules fuissent, ii sententiam primi rogabantur, venit in mentem, quæri posset. ut ex ipsis designatis prior rogaretur. nec difficile est querenti respondere. nam me quoque olim ex ipsa re in eandem dubitationem adductum, & aliquandiu hærentem, observatio vetusti moris expedit. Sciendum igitur, sive patricius & plebeius, sive duo plebei designati consules essent, qui priore loco de laratus esset consul, cum in magistratu quoque sententiam rogasse. ideoque rogavit in re Catilinaria non C. Antonius, sed M. Cicero, quia consul priore loco declaratus: nam genere pares erant, uterque plebeius. & lib. 1. ep. ad Att. rogat sententiam M. Pupius Piso, consul, ex iam illa plebeia; M. Valerius Mess-

A fallæ, est patricius, tamen non rogat. plebeius igitur anteponitur patricio. cur? quia priore loco declaratus consul. Uter in magistratu prior rogaret, ostendi ex quo conicitur & uter rogaretur, cum designati essent. Ex nostro commentario in ep. ad Att.

Legitimi habendo senatus dies erant, Kalendæ, nonæ, idus: reliquis diebus, modo comitiales non essent, haberi quidem senatus poterat, sed certus neque lege, neque more statutus erat dies. positum id erat in voluntate magistratum. Ex nostro commentario ad Q. Fr.

Animadvertione dignum est, quod legendo observavimus, qui ex equestri ordine, senatoriæ dignitatis ad gradum ascendissent, eos inter senatores quidem esse censos, ut, si quid ordine senatorio minus dignum admisissent, senatu moverentur; verum eosdem, cum deinde equitum centuriæ recognoscerentur, inter equites, quandoquidem ipsi quoque equum publicum haberent, citatos esse, ut flagitium ullum, quod in eque Romæ dedecet, fecissent, equum publicum amitterent. patet hoc apud Livium duorum censorum exemplo, Neronis, & Salinatoris, quorum alter alteri, cum census equitum ageretur, equum admittit: quos tamen ante, cum senatorum census ageretur, in recitandis senatorum nominibus esse lectos, dubitari non potest. Atque ego huius generis ordines, minime crediderim, sua manu, ut ceteros equestris ordinis, equum per forum traduxisse. propriis enim eorum centuriis non in equestri, sed in senatorio er ordine, nec equestri ordinis, sed senatorio dicebantur: nec ideo, quod equestris essent ordinis, quem adepti senatorium amiserant, sed quia equum publicum habebant, inter equites citabantur, qui vero in senatum, est nondum a censoribus lecti, iure tamen magistratus, quem ante gessissent, aditum habebant, eos video, si equites essent, equum publicum inter ceteros equestris ordinis dies ante censes per forum traduxisse, nec inter senatores, cum tamen irent in senatum, esse lectos: quod de Pompeio, qui postea cognomen Magni est adeptus, a Plutarcho traditum observavimus. is enim eques adhuc nondum in senatum lectus, consul ob virtutem ac singularia in temp. merita ante legitimam ætatem creatus (solvebantur enim legibus boni viri) equum publicum ipse ad censes adduxit. præclarumque fuit populo Rom. spēs aculeum, consilium sua manu equum publicum ducentem intuenti. Atque hæc, quæ diximus de civibus Romanis & ex equestri ordine & ex plebe in senatum lectis, ita tradimus, ut ad reipub. tempora spectemus. nam regum ætate solis patricius curia patuit: cum tamen, quod Dionysius Halicarnassensis docet, non omnes patricii senatores essent, sed alii senatores equites, alii de plebe; ut vere diceret, senator est, ergo patricius: non contra, patricius est, ergo senator. & quoniam ex familiaribus patriciis, tum plebeis senatus constaret, veteres tamen ita locutos animadverti, ut de universo plane senatu nobilitatis nomen usurparent: quia scilicet summus ordo senatoris esset, eumque adepti præter ceteros nobiles esse viderentur: quandoquidem ob virtutem, quæ nos sola nobiles, sola patricios, sola reges vere facit, dignitas illa mandaretur. Ex nostris observationibus.

Ex Plutarcho in Pompeio.

LIBERTINOS homines & senatu Fabius Rullus amovit, qui ex eo Maximus cognomen accepit.

Ex Velleio. lib. 1.

Vide colonias iussu senatus ductas. & ibidem de militibus colonis.

Ex eodem, lib. 2.

C. Marius vl. consul, Glauciam, & Saturninum in Hostilia curia morte multavit.

Ex Valerio Maximo, lib. 2.

Aditus in curiam iis dabatur, quos in ordinem senatorum censes elegissent. reliqui, etiam si honores gessissent, excluduntur.

Ex Eodem, eodem lib.

Ante senatus a senatu citatus in curiam veniebat, non edicto iussu, ut postea servatum est. Senaculus autem locus fuit, quo primo senatus haberi solitus est.

Ex Sallustio, in Catilin.

Maximam potestatem senatus sine populo magistratui permittit, cum ita decernit, *Dent operam consules, ne quid resp. detrimenti capiat: quo S. C. licebit iis exercitum parare, bellum gerere, coercere omnibus modis socios atque cives. aliter sine populi iussu earum rerum ius consuli nullum est.*

Ex eodem:

D. Junius Silanus primus sententiam rogatus, quod consul designatus erat.

Ex Appiano Alexandrino, lib. 2.

Senatus habitus mos erat, antequam ingrederentur, suæ facere.

Ex Polybio, lib. 6.

Senatus erat dominus est, atque administrator. nam & ratiis omnes in ejus potestate sunt, & ejus in arbitratu impense fiant. Quætores enim sine senatus auctoritate, præter ea quæ consules jusserint, ne minimum quidem, cum opus fuerit,

rit, in rem ullam sumptum facere possunt, gravissima autem illi, ac maxima impense, quam censoris in quinquennales lustri apparatus faciunt, senatus præstet: ab eoque auctoritas illa, & facultas his permittitur, jam vero de maleficiis per Italiam commissis, de quibus iudicium publice fieri debet, de legationibus mittendis, fœdere faciendis, rebus repetendis, bello indicendo, senatus cognitio est: atque hæc minime sunt ei cum populo communia.

Ex Eodem, ibidem.

Sine S. C. neque frumentum, neque vestimenta, nec obsonia legionibus administrari possunt.

Ex Eodem, ibidem.

Postquam illi, qui provincias obtinent, annum tempus præterierit, senatus potestatem habet aut successores mittendi, aut imperium prorogandi, atque etiam triumphos neque ducere, neque, uti decre, apparare cuiquam licet, nisi senatus assensus fuerit, & in sumptum, quod opus sit, erogaverit.

Ex Eodem, ibidem.

Si quis ex provincia decedere velit, populi assensus opus est, nam, ut iam dictum est, quidquid decidendum, componendum est, id per populum ratum, irritumque fieri debet: Et omnes, qui cum imperio fuerint, cum id deponunt, populi rerum gestarum rationem reddere oportet. in maximis autem questionibus eorum malefactorum, quæ contra temp. commissæ capite plectuntur, nihil senatus exsequi potest, nisi prius ejus auctoritatem populus approbaverit.

Ex Eodem, ibidem.

Si quis ex tribunis pl. intercesserit, necdum senatus nihil eorum, quæ decrevit, perficere, sed ne sedere quidem, aut omnino in curiam venire potest.

Ex Eodem, ibidem.

Senatus vestigalibus præstet, idemque potestatem habet diem publicanis proferendi, si quam calamitatem acceperint, eos relevandi, aut etiam locutionem inducendi.

Digest. lib. 1. tit. 2. de orig. juris.

Pomponius lib. 1. singulari Enchiridii.

Eodem parte tempore tria hæc jura nata sunt, leges 12. tabularum, ex his fuerit caput juri civile. ex istidem legis actiones composite sunt. omnium tamen harum, & interpretandi scientia, & actiones apud collegium Pontificum erat: (Cicero 1. de Orat. & 2. de Leg.) ex quibus constituebatur, quis quoque anno præstet privatis. & fere populus annis prope 100. hoc consuetudine usus est. Postea, cum App. Claudius proposuisset, & ad formam redegit hæc actiones, Cn. Flavius, scriba ejus, libertini filius, subreptum librum populo tradidit: & adeo gratum fuit id munus populo, ut tribunus plebis fieret, & senator, & editi curulis. Hic liber, qui actiones continet, appellatur Jus civile Flavianum, sicut ille, Jus civile Papirianum. nam nec Cn. Flavius (Valer. lib. 2. cap. 1. Gellius lib. 6. cap. 9. Cic. pro Mur. Plinius lib. 33. cap. 1.) de suo quidquam adiecit libro. Deinde, cum esset in civitate lex 12. tabularum, & Jus civile, essent et legis actiones, evenit, ut plebs in discordiam cum patribus perveniret, & secederet, sibique jura constitueret, quæ jura Plebiscita vocantur. mox, cum revocata est plebs, quia multis discordiæ nascebatur de his plebiscitis, pro legibus placuit & ea observari, lege Horrentia: (Gell. lib. 15. cap. 27.) & ita factum est, ut inter plebiscita & legem, Species constituendi interiret, potestas autem eadem esset.

Digest. Lib. 1. tit. 9. de senatoribus. Marcellus. lib. 3. Dig.

Cassius Longinus non putat ei permittendum, qui propter turpitudinem senatus motus, nec resisti ut est, judicare, vel testimonium dicere: quia lex Julia repetundarum hoc fieri vetat.

Ibidem. Modestinus lib. 6. Regularum:

Senatorem, remotum senatu, capite non minui, sed Romæ morari, D. Severus & Antoninus permisissent.

Ibidem. Ulpianus lib. 2. de censibus:

Senatores accipiendum est eos, qui a patriciis, & consules usque ad omnes illustres viros descendunt: quia & hi soli in senatu sententiam dicere possunt.

Digest. lib. 23. tit. 2. de ritu nuptiarum.

Celsus lib. 30. Digestorum:

Lege Papia cavetur, omnibus ingenuis, præter senatores, eorumque liberos, libertinam uxorem habere licere.

Ibidem. Ulpianus lib. 3. ad 1. Juliam & Papiam:

Si quis in senatorio ordine agens, libertinam habuerit uxorem, quamvis interim uxor non sit, atamen in ea conditione est, ut, si univertis dignitatem, uxore esse incipiat.

Ibidem. Paulus lib. 1. ad 1. Juliam & Papiam:

Lege Julia ita cavetur: Qui senator est, quævis filius, neposve ex filio, proneposve ex filio nato, cujus eorum est, erit ne quis eorum sponsam, uxoremve scienti dolo malo habeto libertinam, aut eam, quæ ipsa, cujusque pater, materve item iudicem facit, fecerit, nec senatoris filius, neposve ex filio, proneposve ex filio nato, natus, libertinus, citre, qui ip-

se, cujusque pater, materve artem ludicram facit, fecerit, sponsa, nuptiæ scienti dolo malo esto, neve quis eorum dolo malo scienti sponsam uxoremve eam habeto.

Digest. lib. 48. tit. 7. ad 1. Jul. de vi privata:

Martianus lib. 14. Institutionum:

De vi privata divinati pars tertia sanctorum ex lege Julia publicatur: & cautum est, ne senator sit, aut decurio, aut ullum honorem capiat, neve in eum ordinem sedeat, neve judex sit, &c.

Digest. lib. 50. Scævola:

Senatores navem habere, ex lege Julia non licet.

Ex Dione lib. 43.

Cæsar adscripsit complures in senatum, nullo in discrimine ponens, sive quis miles esset, sive libertinus, adeo ut summa senatorum cetero fuerit.

Lib. 48.

In senatum etiam adscripti permulti non modo e sociis, militibusve, & libertinis, sed servi etiam.

Eodem libro:

Edicto cautum est, ne quis senator dimicaret ludis gladiatoris, neve quis servus licitor esset, ac ne mortui intra duo milia passuum ab urbe cremarentur.

Lib. 52.

Omnes senatores ex æquo de plerisque rebus sententiam ferre: sed, ubi quis senator reus agitur, non omnes, nisi reus, aut senator nondum sit factus, aut questorius adhibet sit. Est enim a ratione alienum, cum, qui nondum tribunus plebis, aut edilis, de eo, qui hoc magistratus obierit, suffragium dicere, aut hoc de prætoris, vel rursum hoc de consularibus.

Eodem libro:

Edixit Augustus, ne quis senator iniussa suo, permittique extra Italiam abiret, idque etiam hodie observatur, cum nulli senatori, alto, quam in Siciliam, Galliamque Narbonensem, licet peregre proficisci: eo autem propter propinquitatem, ac quia patentes sunt regiones, armisque vacant, etiam sine venia impetrata licet quoties velint senatoribus proficisci, illi, qui aliquam ibi locorum habent possessionem.

Lib. 54.

Senatorum electum instituit, quorum ut magis ei esse numerus videbatur, ita plerique nullius erant ejus existimatione pretii: quippe qui non multo alio modo, sed adulatoribus etiam aperti insensu esset. Et, quoniam neque ultra quisquam (quod antea factum fuerat) dignitate senatoria cedebat: neque ipse solus omnem culpam, si qui ea essent dejecti, sustinere volebat, triginta viros optimos (hos enim se delecturum iurejurando affirmavit) ex omnibus elegit. eos iuramento eodem adfectis iussit in tabellâ quinque virorum nominâ conferbere, ita tamen, ut ne ii cognatos suos inter hos referrent: deinde ex hoc quinario unus forte delegit, qui senator esset. post alios quinque eadem ratione iterumque alios conscribi, ac deligi curavit, donec numerus triginta senatorum hoc modo conficeretur: qui vero peregre aberant, in eorum locum alii forte suffecti sunt. Hoc primum aliquot ita diebus actum est. Post, cum mala fide quedam acta essent, non amplius questoribus tabulas credidit, neque sorti quinariorum istas classes commisit: sed ipse reliquos, qui ad expellendam senatorum jumentum deessent, elegit, donec numerus sexcentorum senatorum completeretur. statuerat quidem recentior tantum secundum antiquam consuetudinem constituere, abunde contentum esse debere se censeri, si tot dignos senatoria maiestate reperisset: sed omnibus hoc ægre ferentibus (futurum enim erat hac ratione, ut plures senatu moverentur, quam in eo remanerent, majorque cicero apud unumquemque metus amittendæ dignitatis, quam ipsi ejus retinendæ erat) DC. senatores collegit.

Eodem libro:

Absente adhuc ab urbe Augusto, senatusconsultum fuerat factum, ut 20. viri (magistratus hoc nomen est) ex equitibus constituerentur, quorum deinde nullus in senatu esse allecius, nisi quem etiam alium magistratum, cujus ratione senator posset fieri, gessisset. Porro hi viginti viri in locum viginti & sex virorum successerunt. eorum tres ad capitalia iudicia sunt ordinati, alii tres eundem numismati præfunt, quatuor vias urbanas curant, decem iudicant, quæ ad centumviros forte deferuntur, præfuntur: duo enim ii, qui vias extra urbem curabant, & quatuor qui in Campaniam mittebantur, tunc abrogati erant.

Eodem libro:

Augustus senatum legi: & cum videret non semper frequentes convenire senatores, S. C. etiam a paucioribus, quam C. D. senatoribus, ut fieri possent, statuit, cum antea hunc numerum, ut rata essent, ea requirerent.

Lib. 55.

Si quando casu fieret, ut non tot, quot opus erat, convenirent, (nam præterquam quod imperatore præseente numerus senatorum, qui adessent, accurate inibat, idem hoc etiam ferme omnibus aliis, quibus senatus habebatur diebus, fiebat) consilium quidam ii capiebant, & quod statuerent, id

Xxx

perferrebat: non tamen vim Senatufconsulti obinebat, sed Auditoris fatus dicebatur, que videlicet offenderet, que fuisset sententia eorum, qui consilio interfuerant, senatorum. Idemque hoc etiam tum observatum est, cum aut loco aut tempore alieno, aut nullo legitimo edicto vocati festinato coisissent, aut tribuni aliqui plebis intercessissent. nam hic quoque cum Senatufconsultum fieri nequiret, tamen sententiam senatus nolebat esse occultam, que deinde more Romano rata foret, ac nomen Senatufconsulti acciperet. Idque ab antiquis multo tempore studiofissime retentum, nostro tempore fere exolevit.

Eodem libro.

Prætoribus, cum indigne ferrent, se, cum honore tamen tribunos plebis anteirent, in senatu sententiam dicens, jus non habere, Augustus id juris concessit, quod tamen tempus eis postmodum abtulit.

Lib. 59.

Tunc enim primum senatoribus, ne nudis asseribus infiderent, pulvinaria subdita.

Eodem libro.

Tiberius quibusdam eorum, quas in ordinem equestrum aliegerat, usum vestis senatorie, antequam magistratum ullum gessissent, quo in senatu aditus paratur, concessit, ut spem senatorie dignitatis haberent adipiscende. antea id soli patriciis permixtum.

Dio scribit, jus secundæ relationis Augusto concessum a senatu. Ex quo patet, non licuisse ei, qui semel ad senatum retulisset, iterum eadem de eodem die referre. Hinc illud, quod sæpe animadvertimus, concessum imperatori jus tertie vel quartæ relationis.

Vide de consule, priore creato, bellum indicente. Ergo & is prior senatum vocabat, cuique potestatis primus mentis, & fasses erant. Servius ad illud Virg. lib. 7.

— Refertur stidentia limina consul.

Ipsæ vocat pugnas.

Regnante Romulo, senatus in Curiam Calabram a rege sacrilego vocabatur: ut, quoniam adhuc fasti non erant ludorum, & sacrificiorum prænoscerent dies. Servius ad illud lib. 8.

Romulologue recent horrebat regia culmo.

Ex Macrobio, Saturn. lib. 1. cap. 16.

Mos antea senatoribus fuit, in curiam cum preextatis si illi introire, qui S. C. sublati est: concessumque uni Capito pueri, qui matrem, cupide rogantem de re in senatu acta, lepido commento fefellit: eique & Prætextati cognomen, ejusdem senatus decreto, inditum, ob iucundis, loquendique in prætextata etate prudentiam.

Ex A. Gellio, lib. 3. cap. 18.

Senatores Pedarii dicebantur, qui, magistratu curuli nondum capto, pedibus itabant in curiam, nam, qui curulem magistratum gesserant, curra solito honoris gratia in curiam veli. C. Bossius in Commentariis suis scriptum reliquit: cum in eo curru sella esset, supra quam confideret, que ob eam causam curulis appellabatur. Senatores autem erant, qui, censore in senatu lecti erant: cum senatores multi non essent curulibus magistratibus functi, qui tamen ob eos honores sententie dicenda jus habebant. Sententiam tamen hi, scripti in postremis, non rogabantur, sed, qui principes dixerant, in eas discidebant. itaque in edicto, quo senatores in curiam a consilibus vocabantur, hoc erat: Senatores, quibusque in senatu sententiam dicere licet. pedibus autem senatores omnes sententiam ferebant, cum S. C. per discessionem ferebat.

Lib. 4. cap. 10.

Ordo rogandi sententias in senatu varius fuit. alias primus rogabatur, qui a censore princeps in senatum lectus fuerat. alias qui assignati consules erant. quidam & consilibus, studio, aut necessitudine aliqua adducti, quem iis visum erat, honoris gratia extra ordinem sententiam primum rogabant. observatum tamen est, cum extra ordinem fieret, ne quis quemquam ex alio, quam ex consulari loco sententiam primum rogaret. Et senatori jus erat, ut, sententiam rogatus, diceret ante, quidquid vellet alius rei, & quoad vellet, quo factum est, ut multi senatores rem, qua de ageretur, perfici nolentes, diem dicendo eximerent.

Lib. 14. cap. 7.

Varro in libro de Quæstis per epistolam, in epistola ad Oppianum, scribit, qui fuerint, per quos more majorum senatus haberi deberet, eosque nominat dictatorem, consules, prætores, tribunos pleb. interregem, præfectum urbi: neque alii præter hos jus fuisse dixit facere S. C. quotiesque usure nisset, ut omnes isti magistratus eodem tempore Romæ essent, qui eorum prior alius esset, ei possimum senatus consulendi jus fuisse. Addit deinde, extraordinario jure tribunos quoque militares, qui proconsules fuissent, item decemvires, quibus imperium consulare tum esset, item triumvires reip. constituende causa creatos, jus consulendi senatum habuisse. Postea scripti de intercessionibus, dixitque intercedendi, ne S. C. ferret, jus fuisse iis soli, qui eadem potestate, qua ii, qui S. C. facere vellent, majores essent. Tum de locis, in quibus S.

A^C fieri jure posset, docuit, confirmavitque nisi in loco per augurum constituto, quod templum appellatur. S. C. factum esset, iustum id non fuisse: propterea & in curia hostilia, & in Pompeia, & post in Julia, cum profana ex loca fuissent, templi esse per augures constituta, ut in iis S. C. more majorum iusta fieri posset. inter que id quoque scriptum reliquit, non omnes eodem sacra templa esse, ac ne eadem quidem Velle templum esse. Post hæc, deinceps dicit, S. C. ante exortum, aut post occasum solem factum, ratum non fuisse: opus etiam censorium fecisse existimatos, per quos eo tempore S. C. factum esset. Docet deinde inibi multa, quibus diebus haberi senatum ius non sit: immolareque hostiam prius, auspiciarique debere, qui senatum habituri esset. De rebus quoque divinis prius, quam humanis, ad senatum referendum esse. Tum porro referri oportere, aut infinite de republic. ante de singulis rebus finite: S. que C. fieri duobus modis, aut per discessionem, si consentiretur, aut, si res dubia esset, per singulorum sententias exquisitas: singulis autem debere consuli gradatim, incipiente a consulari gradu: ex quo gradu semper quidem antea primum rogari solitum, qui princeps in senatum lectus esset. tum autem, cum hæc scriberet, novum morem institutum refert per ambitionem, gratiamque, ut ii prius rogaretur, quem rogare vellet, qui haberet senatum, dum ii tamen e gradu consulari esset. Præter hæc de pignore quoque captivando discessit, deque multa dicenda senatori, qui, cum in senatum venire deberet, non adesset. Atque autem Capito Tabernonem dicere scribit, nullum S. C. fieri posse, non discessione facta, quia in omnibus S. C. etiam in iis, que per relationem fierent, discesso esset necessaria. idque ipse Capito verum esse affirmat. quod Varronis sententia videtur recipiatur.

Ex Epitome Livii, lib. 60.

C. Gracchus tribunos pl. perniciosius aliqui leges tulit, inter quas frumentariam, ut senissis, & triente frumentum plebi daretur: alteram agrariam, quam frater ejus tulerat: tertiam, qua equestrum ordinem cum senatu consentientem corrumperat: (trecenti senatores erant, sexcenti equites) ut trecentis senatoribus admitteretur, id est, ut equestris ordo bis tantum virum in senatu haberet: & continuato in alterum annum tribunatus, &c.

Lib. 67.

Marius, triumpho de Jugurtha peracto, triumphali veste in senatum venit: quod nemo ante cum fecerat.

Ire in alia omnia, & discedere, & transire, pro dissentiente, veteres dicebant. De quo Festus sic: Qui hoc censitis, illud transiit, qui alia omnia, in hanc partem. His verbis præter, omnis videlicet causa, ne dicat, Qui non censitis. Sic locus Cælius lib. 8. Fam. Cum prima M. Marcelli sententia pronunciata esset, qui agendum cum trib. pleb. censebat, frequens senatus in alia omnia it. Et lib. 10. Cum gratia videretur, ut ius sententia prima pronunciaretur, frequens cum senatus reliquit, & in alia omnia discessit. Et lib. 1. ad Q. R. Ibiatur in eam sententiam. Hirtius autem libro 8. de bello Gall. Discessionem faciente Marcello, senatus frequens in alia omnia transiit.

DE VETERUM DIERUM RATIONE.

S I duo dierum in genera distribui Annum oporteat, multifariam recte dividitur, ut sic: Annus constat ex Diebus vel Fastis, vel Nefastis: aut sic, ex Diebus vel Senatoriis, vel non Senatoriis: aut sic, ex Diebus vel Comitilibus, vel non Comitilibus. harum enim quarumvis divisionum, si separatim singule considerentur totum Annum quælibet complectitur. Nos autem, cum de Diebus ea, que scitu digna censuimus, quæque ad Romanæ histærie notitiam valde pertinent, breviter offendere instituerimus, ex his divisionibus utemur ea, in qua major pars est. (duas enim partes habent singule) ea, cum ea parte, que in aliis divisionibus item major est, comparata, uberior aliquanto esse cognoscitur. incipimus igitur a nominatis in prima divisione, Fastis, & Nefastis: quandoquidem Fasti, quo dierum primæ divisionis partium plenior est, plures in Anno sunt, quam quæcumque pars in tribus reliquis divisionibus latus patet, hoc est, quam vel Profecti, vel non Senatorii, vel non Comitiales. quod si quis opponat, in Calendario plures notatos esse dies litteræ C, quam litteræ F, unde plures significantur Dies Comitiales, quam Fasti: itaque non recte me a Fastis, ut a pleniori parte, exordiri: sciat, non a me Fastos modo vocari, quos notatos litteræ F videmus, sed omnes plane, quibus fasti tria verba, Do, Dico, Addico, Prætori licebat: quorum & numero Comitiales erant, & ii, quos in Calendario hæ litteræ demonstrant, EN. NP. Q. REX. C. Q. ST. DF. P. quibus o-

mnibus cum fari liceret, etiam si non semper fieret, quae de causis notari sunt alius licet potius, quam F, ut indicetur, praeter fari, aliquid etiam fieri licuisse: non absurde mihi facere videor, si ad Fastos, littera F. notatos, qui quidem vere Fasti dici possunt, quod is alius prolius nihil fiebat, quo Praetor a iure dicendo impeditur, eos quoque dies aggrego, quibus, fari semper quidem licebat, non tamen, quod liceret, fieri semper solebat. ut omnino tria essent genera, quibus de singulis agatur suo loco: primum Fasti ii, quibus fari semper & liceret, & soleret, qui notantur littera F, suntque omnes 38. hi & proprie erant Fasti, & toti, proprie, quod per eos, nisi cum aliquis casus extra ordinem interveniret, nunquam Praetor ius non dicebat: toti, quod Fari, horis omnibus liceret. Alterum genus fuit Fasti ii, qui & ipsi proprie Fasti erant, sed non toti, quod is quidem omnibus fari, non tamen horis omnibus, liceret. erant autem hi, EN. NP. F. P. EN. Q. REX. C. Q. ST. D. quas litteras infra explanabimus. atque hi erant omnes 65. Tertium genus Comitiales fuisse, casu Fasti, non proprie, quia, cum Comitiam haberentur, tunc fari solum Praetor solebat. hi modo toti erant Fasti, cum nulla scilicet Comitiam haberentur; modo ex parte, cum haberentur illa quidem, sed minime per totum diem. hi 184. erant. Nos igitur Fastos omnes vocamus, quibuscunque fari liceret, five Fasti proprie, five non proprie essent. itaque, ab his profecti, paulatim progrediemur dividendo, ut, qui nobis propositus est huius narrationis finis, eo perveniamus. Omnes Dies aut Fasti sunt, aut Nefasti: & Fasti, partim Festi, partim Profecti. Festos plerisque partim Fastos, partim Nefastos fuisse, ut Quirinalia, Lupercalia, Terminalia, ex Calendario cognoscitur, quibus enim Fasti diebus adscriptum est NP. ii sunt Nefasti simul, & Fasti: Nefasti, priore parte, Fasti, posteriori. Dies Ferialia adscriptam habet F, qui festus proprie non fuit, sed geltandae ad mortuos conae dictus dies quod quia non hora flata fiebat, sed ut cuique commodum erat, ideo totus dies potuit esse Fastus: propterea, ut opinor, littera F. notabatur. Festis porro diebus, non dubito, quin omnibus haberi Senatui liceret. cuius rei exempla sunt in Antiquorum libris admodum multa. quanquam sollemne hoc non erat, ut semper diebus fests Senatui haberetur, sed legitimum, ut haberi posset. sollemne autem illud, ac statum, ex more maiorum, ut Kalendis, Nonis, Idibus, haberetur. itaque in Calendario neque Kalendis, neque Nonis, neque Idibus littera C. quae Comitiales dies significabat, per quos haberi Senatus non poterat, neque diebus omnino illis Fests adhaere. Profecti dies aut Fasti erant, aut Nefasti, & omnibus profectis nefastis haberi Senatui licebat, profectis autem fastis non plane omnibus, sed is tantum, qui comitiales non essent. quibus autem profectis haberi Senatus poterat, is omnino agi cum populo non poterat. contra, quibus profectis haberi Senatui non licebat, is agi quidem cum populo licebat, nec tamen semper agebatur: cum ea res ex eorum voluntate penderet, penes quos populi cogendi potestas esset. non enim, quod licet, id etiam necesse est. Quod autem dixi, Comitiales haberi Senatui non licuisse, declarant illa verba, in epistola Ciceronis ad fratrem, quae tertia est lib. 2. *Consecuti sunt dies Comitiales, per quos Senatus haberi non poterat.* & illa in S. C. quod Coelius ad Ciceronem misit, *Epist. famill. lib. 8. Uique ejus rei causa per dies Comitiales Senatui haberent.* S. Q. C. facerent. Quibus verbis, quod extra ordinem a Senatu eo S. C. decretum esset, id omnino fieri solum non esse, dilucide constat. ita Senatus fastis quibuscumque haberi poterat, quibuscumque non poterat: siquidem comitiales inter Fastos jam regulimus. Nefasti autem haberi omnibus potuisse jam diximus. Sane, qui me torquet, nodus est, mihi quidem perdifficilis, in epistola ad Atticum lib. 1. in qua, cum dixisset jam, *Nam, cum dies venisset rogationis ex S. C. ferenda,* paucis post versibus subiunxit, *Senatus vocatur.* quod certe mos maiorum minus fere videbatur. nam, si rogationis ferenda dies esset, certe comitiales esset: quod si comitiales, haberi Senatui non licet: cuius rei testimonio sunt ea, quae paulo ante recitavimus, & ex epistola ad fratrem verba Ciceronis, & e S. C. nisi si factum id extra ordinem dicamus, ut Pisonis consulis inquisitis conatibus obviam iretur: qui cum esset iator rogationis, & ejus rogationis, quam ex S. C. & de religione ferebat, idem tamen erat diffusor. Comitium magis erant numerus: eoque fuisse dies fastos, quod supra dixi, illa existimo, ut mihi videat affirmare posse. non enim inani quadam conjectura, sed certa in primis, ut puto, ratione commoveor. nam in Oratoribus Ciceronis, in Pisonem, de Provinciis consularibus, pro Sextio, mentionem video fieri ea de lege, qua P. Clodius tribunus pl. sanxit, ut omnibus diebus fastis agi cum populo liceret. quo fit appertum, fastis quibuscumque non id licuisse, quod ut omnibus liceret, lege Clodia sanctum est. quam tamen legem non fuisse observatam, demonstratum est a nobis in libro de Legibus Romanis. Nec vero mirari satis possum, cum fa-

stos aliquot fuisse comitiales pateat, qui venerit in mentem Macrobio, fastis, dicere, lege agi licuisse, cum populo non licuisse; comitiales autem utrunque licuisse. quorum alterum vere dictum constat, comitiales, inquam, & lege agi, & cum populo licuisse: quia scilicet comitiales erant de numero fastorum, itaque & illud omnium fastorum commune habebant, ut lege agi posset, & hoc praeterea proprium, ut etiam cum populo posset: Alterum autem de fastis diebus, quibus ait lege agi licuisse, cum populo non licuisse, in prima parte verum esse video; in secunda, qui possit non esse falsum, haud facile reperio. qui enim fastis agi cum populo non licet, cum comitiales omnes fasti sint, & comitiales agi licuisse cum populo, jam ostenderim? dixisset hoc modo: Fastis omnibus lege agi licet, cum populo non omnibus licet: nihil erat, quod reprehenderes, siquidem quod docuimus, quibuscumque fastis agi cum populo poterat, quibuscumque non poterat: quibus poterat, eos fuisse fastos, aut fastos comitiales diceret, non erraret. cum dies fuerit nullus comitalis, quin idem & fastus: fed comitiales potius, quam fasti, ut a reliquis fastis proprio nomine distinguerentur, & comitiales item potius, quam fasti comitiales, brevitas causa, vocabantur. Verum, quia libenter, quantum in me est, antiquitatem soleo tueri, Macrobius, a quo multa didici, quasi gratias referenda loco, ita conor excusare: ut, cum fastos nominavit, de his tantum intellexerit, qui fasti vulgo dicebantur, non etiam de his, qui, esset fasti ipsi quoque erant, comitiales tamen appellabantur. spectavit igitur non verbi vim, quae dies omnes, quibus praetor tria verba fari posset, five comitiales essent, five non, complectitur, sed confutandae loquendi, quod fastos nominabant eos, quibus tantum lege agi posset, cum eos, quibus cum populo posset, comitiales praecipuo vocabulo mallent appellare. Quamvis hic forsitan: cum comitiales omnes essent fasti, itaque & cum populo, & lege agi posset; cum populo, quia comitiales; lege, quia fasti: fieret ne simul utrumque. Negatur. nam, esset licebat utrumque eodem die, non tamen utrumque poterat eodem tempore. cum enim populus in forum convenisset, quid iudicibus, aut litigantibus loci relinqueretur? porro, si vacaret locus, qui tamen posset praetor, aut iudices, in tanto strepitu, quantus coactae in unum locum multitudinis solet esse, eorum, qui causas agerent, orationes attentis auribus, animisque, ut par est, excipere. sedata mente diligenter aliquid considerantibus opus est. itaque absurdum est, credere, potuisse eodem tempore & cum populo agi, & iudicis operam dari: sicuti fastis iis, qui comitiales non erant, eodem quidem die, non tamen eodem tempore, & lege actum, & senatum esse habitum invenio, sic, ut lege ageretur primum, deinde senatus haberetur, quod cum ex aliis locis, tum ex 3. & 12. epistola lib. 2. ad Quintum fratrem intelligitur. Ergo, cum omnes comitiales essent fasti, non quia semper lege ageretur, sed quia semper liceret, si modo cum populo non ageretur, (nec enim utrumque simul fieri, jam diximus) ita concludemus: Fastos, littera F. in Calendario notatos, jurisdictionem omnes habuisse: Fastis, littera C. notatis, & ius dici & agi cum populo, non eodem tamen tempore, potuisse: ideoque fastos eos quoque fuisse dico, non ex eo quod fieret, sed ex eo, quod liceret. Haec de fastis: supersunt nefasti. His omnino neque lege agi, neque cum populo licebat. cum enim opponantur fastis, quorum e numero sunt comitiales, eo iure, quod omnes fasti, five comitiales, five non comitiales, habent, proliis careant, necesse est. Festus etiam sic: *Die nefasto apud praetorem lege agere, religiosum erat.* Causas tamen agi, & concionem haberi, & legem promulgari, licebat. nam neque causas agi, est lege agi: neque concionem haberi, aut, legem promulgari, est cum populo agi. quae probare singula, magni negotii non est. Agitur lege, cum praetor tria verba fatur, *Do, Dico, Addico:* qui est ultimus iudicii dies: cum vero causis audiendis praetor operam dat, lege tunc non agitur. quare fastos esse necesse non est omnes dies, quibus aut pro reo, aut contra reum dicitur: sed fastum cum quidem esse, necesse est, quo praetor, aut qui iudicio praestit, cum consilio iudicum sententiam ferre debet. itaque in epistola 3. libri 2. ad Quintum fratrem, *Ad 3. Idus,* inquit, *dixi pro Bestia, de Ambitu, apud praetorem Cn. Domitium.* Quem tamen diem (est autem 3. Idus Februarii) fastum non fuisse, Calendarium indicat, notatur jam, ut nefastus, littera N. nec omnino de octo diebus, qui ad Idibus appellantur, mense Februario fastus ullus fuit, ultimo tantum die, hoc est, Idibus ipsis, excepto, qui nefastus priore, fastus posteriore parte fuit: notatur enim sic, NP. Conciones licet ad populum haberentur, non tamen comitiales tantum die, sed & fasto, qui comitialis non esset, & nefasto pariter haberi poterant. nolo enim quenquam in eo falli, quia forsasse, agi ad populum, & agi cum populo, idem esse videatur: quae diversa sunt. nam agebatur ad populum cum ad populum concionem aliquis habebat, ut Gellius docet lib. 13. cap. 5. Agebatur autem cum populo, ut ait Festus, cum magistratus

ad consilium, aut comitia, vocabat. quod fieri comitiali duntaxat die licebat. Concionari enim omnibus æque diebus licuit, exempla demonstrant. itaque, quoties aliquod S. C. erat factum, dimisso Senatu, & S. C. ad populum recitato, magistratus aliquis, aut etiam privatus Senator, concione ei a magistratu data, ad populum verba faciebat. nec tamen is erat dies comitalis. nam comitalibus fieri S. C. aut omnino senatum haberi non potuisse, demonstratum est. & Festus hæc aperte distinguit, cum ait: *Forum est, in quo iudicia fieri, cum populo agi, conciones haberi solent.* Quo die igitur, *agi cum populo*, eodem, *agi apud populum*, licet: quo autem, *agi apud populum*, eodem, *agi cum populo*, non semper licebat. Exempla sibi quisque notet in legendo: quod facillimum est: sunt enim innumera itaque puto me facere non inepte, quod his recitandis, quæ passim exstant, contendendum mihi tempus esse non existimem. Illud addendum unum videtur: Cum advocatur, concio, ut populus aliquid suffragis, rogante magistratu, sciret, tunc adum esse cum populo, non ad populum: cum vero magistratus, aut etiam privatus aliquis, magistratu ei concionem dante, ad populum verba faciebat, non ut suffragia deinde ferrentur, sed ut aliquid exponeretur, tunc non cum populo, sed ad populum adum esse. Aliud est igitur, *habere concionem*: aliud, *advocare concionem*. *Habere concionem*, est *agere ad populum*: *advocare concionem*, si advocatur, ut suffragia ferantur, est, *agere cum populo* ideo scripta sunt hæc apud Macrobiū lib. 1. Sat. *Iulius Cæsar Auspiciū lib. 16. negat, Nundinis concionem advocari posse, id est, cum populo agi: id est, Nundinis Romanorum haberi comitia non posse.* Addita enim sunt illa verba, *id est, cum populo agi*, quia non semper, concione advocata, cum populo agebatur, sed interdum ad populum duntaxat. Nundinis autem, cum populo quidem agere, non licuit, ex quo sequebatur, ut comitia haberi non possent. ad populum autem agere, hoc est, concionem habere, certe licuit. non enim adversari illud, quod a Cicerone scriptum est, lib. 4. ad Atticum: *Ante diem 10. Kalen. Nundinæ: Concio biduo nulla.* Quibus verbis, id, quod factum non est, non id, quod non licuit, ostenditur. nam, cum haberi Nundinis comitia non possent, quod non ex Macrobio tantum, verum etiam ex Plinio libro octavo, cap. 3. cognoscitur, propterea nec concionandum quidem P. Clodius, Appius, Metellus puraverant, qui proximis diebus, Comitiorum causa, conciones habuerant. Superest de lege promulganda: id enim de tribus, quæ propoluit, erat tertium. Ferendæ Legis, & promulgandæ non eadem ratio fuit. Ferrebat die tantum comitali, promulgabatur etiam non comitali, siue factus, siue nefastus esset. itaque C. Cato Tribunus pl. rogationem de abrogando Lentulo imperio, die non comitali, promulgavit. cum enim & post 4. Nonas Februarii, & ante 8. Idus eisdem mensis promulgaverit, quod ex epistola 3. libri 2. ad fratrem colligitur, comitali die promulgare non potuit, ac ne festo quidem. primi enim duodecim Februarii dies nefasti omnes fuerunt. Haberi autem Senatū per nefastos omnes licebat: nec per omnes tamen, fed tantum, cum res postularet, habebatur, eorum Magistratū, quibus id iuris erat, arbitratu. ita Senatus in hoc præfate populo videbatur: quod agi cum populo per unum modo dierum genus, hoc est, per comitiales, quæ fastorum pars erat: haberi autem Senatū per duo genera, hoc est, & per fastos eos, qui comitiales non essent, & per nefastos omnes, licebat. Erant præterea dies aliquot promiscui, quibus totis lege agi, neque omnino non licebat, sed partim facti erant, partim nefasti. horum tria erant genera: alii, prima & postrema diei parte nefasti, media facti, qui dicebantur *interfusi*, & in Calendario his duabus literis notantur, EN. quod est, *enditerfusi*, pro *interfusi*. Veteres enim *endo*, pro *in*, usurabant itaque dixit Cicero lib. 2. de Legibus. *Quos endo calum nactus coarverint.* Et Festus nescit, *indolum*, pro *initium*. Varro autem, lib. III. de re Rur. *Indo suam domum.* Alii priore parte nefasti, posteriore facti: qui notantur ipsi quoque duabus literis NP. sed conjunctis, hoc modo NP. quod valet, *nefastus primo*. cuiusmodi fuisse dies fere omnes festos, inspecto Calendario, cognoscitur. Nonnulli, priore parte facti, posteriore nefasti: qui notantur sic, F. P. quod *factus primo*, significat. quo ex genere videmus in Calendario Vinalia fuisse. Dies eos, qui priore parte aut facti erant, aut nefasti de veteribus, quod meminimus, nemo nominat. de factis autem media diei parte, hoc est, de interfusis, Varro sic lib. V. de Lingua Lat. *Interfusi dies sunt, per quos mane & vespere est nefas: medio tempore inter hostiam castrum, & extra portella fas: a quo, quod fas tum intercedit, Interfusi dies: aut, quod interfusum nefas.* Patet autem, his literis, quæ sunt in Calendario, F. N. C. F. P. NP. EN. sex dierum genera significari, *Fastos, Nefastos, Comitiales, Fastos primo, Nefastos primo, Interfusi*. Quod si eis veniat in mentem, hæc duarum literarum connexio, non significari, quod nos diximus, *Nefastus primo*, sed potius, *Nefas Pretorii*: huius opinionem argumentum

A primo e conjectura, vel ex ipsa potius, ut ego sentio, ratione ductum, deinde etiam Historiæ veteris innumera auctoritas. argumentum hoc est. Nemo qui pauciora sufficiunt, pluribus utitur. quid opus erat, ut ii dies, quibus adscriptum videmus NP. nefasti esse indicarentur, duas potius literas, quam unam, apponeret? cur NP. inquam, non N? præsertim cum nefasti dies omnes hac una littera, non N, notentur: sicut & facti, eorum quasi adversarii, una littera, F, demonstrantur. Age, dicat aliquis, leve hoc esse, planeque nugatorium argumentum. quod sane mihi videtur contra. quod Ciceroni respondebitur? mendacii ne, & falsitatis, quasi teipsum corruptum, aut insipientem, arguamus? non ita, ut opinor, quiquam desipiat. Sunt igitur hæc in Epistola, Risi, Ciceronis verba, lib. 11. ad fratrem: *Cognosce nunc Idus. Decimus erat Cælio dies. Domitius adnumerum iudices non habuit.* Quibus verbis, cum Idus Februarii, de quibus Cicero loquitur, factum ex parte diem fuisse, satis constat: quodquidem eo die Prætor Domitius, ut de re cognosceret, sententiam ferret, in forum descendit: sequitur, ut NP. quod Idibus omnium mensium exceptis Iunius, in Calendario adscriptum videmus, Nefastus dies omnino significari non possit. Eodem in libro altera est Epistola, quæ sic incipit, *Sextius noster absolutus est ad 11. Idus Marti*, qui dies, si eo die Sextius absolutus est, certe nefastus plane non fuit. fuit autem, cum ei sit adjunctum NP. priore quidem parte nefastus, posteriore autem factus: sicut & Idus Februarii, de quibus proxime diximus, & omnes dies, quibus in Calendario NP. appositum animadvertimus. Aggrediamur nunc (quando & de Dierum ratione, & de literis, eos significantibus, satis multa, atque etiam, ut arbitramur, satis vera dicta) alias, quæ a Calendario sunt, literas: aut concisiss, eoque obscurioribus ditiones interpretari: ut, quos Antiquitas capit, eorum commodo pro nostra virili parte consulamus.

CALENDARIJ ROMANI EXPLANATIO.

F. Fastus dies.
C. Comitialis.
N. Nefastus. NP.

J A N.

NON. None.

AGON. Agonia. Ovidius.

EN. Enditerfusi: pro, Interfusi. Varro, & Macrobius.

CAR. Carmentalis: quod sacra tum, & ferie Carmentis.

VARO.

EID. Idus.

F E B R.

LUPER. Lupercalia: quod in Lupercali Luperi sacra faciunt. Varro.

QUIR. Quirinalia: a Quirino, quod hinc deo ferie. Varro. ad Quint. fr. 2. Ovid. fast. 11.

FERAL. Feralia, ab inferis, & ferendo, quod ferunt tum epulas ad sepulchrum, quibus ibi parentare. Varro.

TER. Terminalia: quod it dies anni extremus constituitur. duodecimus enim mensis fuit Februarius. Varro.

REGIF. Regifugium. Ovidius. quamquam est inter Ovidium, & Calendarium, de die Regifugii controversia. ille enim assignat ei Februarii diem xxiii. in Calendario autem video ad xxiv. esse appositum. nec sane, si modo Regifugii dies N. fuit, videtur esse potuisse die xxiii. hoc est, Terminalibus: qui NP. dies fuit. alioqui dies idem & NP. & N. fuisset.

EQ. Equiria. Varro, Festus, Ovidius.

M A R T.

LIB. Liberalia. Varro.

QUIN. Quinquatrus. Varro.

TUBIL. Tubilistrum: quod eo die in atrio sutorio sacrum tubæ iustantur. Varro lib. 5. Ovidius lib. 3. Fast. & 11. & Festus.

Q. REX. C. F. Quando Rex Comitiorum, Fas. Varro, Festus. Scilicet in Festi calligationibus.

In Fastis marmoreis, qui exstant Romæ, invenio hisnotatum hunc diem, IX. Kal. April. item IX. Kal. Junii. Nemo, quod sciam, explicavit, quis esset mos huius diei, qui ritus, quæ antiquitas. Sciendum, Regi sacrum neque magistratum gerere, neque verba ad populum habere las fuisse. propterea in comitium ire illi non licebat, nisi hoc die, qui notatus est in Fastis. Ibat enim in comitium sacrificii causa, quo properante parato proinus fuga se e comitio propiebat. Plutarchus: *Εν τῇ αὐτῇ ἡμέρᾳ ἡ πόλις τῶν ἀρχαίων καὶ τῶν νεωτέρων, ἢ ὅταν ὁ βασιλεὺς κατὰ τὰς ἐξ ἀρχαίων ἀρχὰς ἐξέρχεται.* Est in foro, in comitio, quod dicitur, sacrificium secundum morem patrum, quod cum fecit Rex celeriter aufugit ex foro. Varro: Dies, qui vocatur sic, Quando Rex comitiorum, fas, dictus ab eo, quod eo die Rex sacrificulus dicat ad comitium. Si a docto viro queram,

quid sit, dicere ad comitium, sane non agnosceret Latinum. A
hoc genus loquendi. & profecto ineptum est. Legendum
enim, *Ita ad comitium*. Ita loquitur alibi; *Milites appel-*
lant, quod itent, ut milites, cum ferro. Quare ob id ali-
ter notas, quæ legebantur in Fastis, interpretabantur: Q.
R. C. F. *Quando Rex Comitio Fugit*. Quod Ovidius ma-
nifesto nos docet:

*Quatuor inde notis locus est: quibus ordine lectis,
Vel mos sacrorum, vel fuga Regis inest.*

Utrumque enim complexus est: *Quando Rex Comitavit*,
hic enim est mos sacri, quod faciebat in Comitio. &
Quando Rex Comitio Fugit. Tangit enim fugam Regis & Co-
mitio. Plutarchus: *ἀναγοι ἐλθοντες ἀγορεύειν*. Quid certius hoc
testimonio? At Paulus. *Quando rex sacrificulus divinis perfe-*
ctis in comitium venit. Immo, quando rebus divinis perfe-
ctis abet e comitio. quare ejus commenticiæ causæ in ru-
deribus Festi ne vestigium quidem apparet. At, quid ajunt
docti viri? Ovidium ignorasse, quid sibi vellent illæ li-
teræ singulares. quasi fas sit doctissimum poetam ignorare,
quod formularios, legulejos, litigantes, ac minimos quo-
que de face Numæ scire oportuit. Nam, de Regifugio
ipsum non intellexisse, testis erit iplemet, qui de eo in
mense Februario ante tractaverat.

A P R.

CIRC. Circenses.

FORD. Fordicidia: a Fordis bubus. Bos forda, quæ fert
in ventre, quod ea die publice immolantur boves prægnantes
in Curiis complures, a Fordis cadendis Fordicidia dicta. Var-
ro lib. 5. Ovid. lib. 4.

CER. Ceritalia. Varro.

PAR. Parilia, a pariendo, ut ait Victorinus Afer. Alii
Palilia, a Pale: quod eo die Ferae ei deæ sunt. Varro lib.
5. Ovid. lib. 15. Festus in verbo, *Pales*; & *Parilibus*.
Tibullus, el. 6. lib. 2. Propertius in 4.

VIN. Vinalia: a Vino. Varro.

ROB. Robigalia: dicta ab Robigo. secundum segetes huius
dieo sacrificatur, ne robigo occupet segetes. Varro.

FLOR. Floralia. Ovidius, Plinius.

M A J.

COMP. Compitalia.

LEM. Lemuria. Varro, Ovidius.

LUD. MART. IN. CIRC. Lud. Marti in Circo. Ovi-
dus.

J U N.

MART. CAR. MONET. Marti, Carnæ Deæ, Moneta

Junoni. Macrobius, Ovidius.

IN. CAPIT. In Capitolio.

VEST. NF. Vestæ, Nefas Prætori.

MATR. Marti Matutæ. Ovidius.

Q. ST. DE. Quando Stercus Defertur. Varro, Festus,
Ovidius.

J U L.

POPLIF. Poplifugium: pro, Populifudium.

APOLLIN. Apollinares.

MERK. Mercurus.

VICT. CÆSAR. Victoriæ Cæsaris.

NEPT. Neptunalia.

FURR. Furinalia.

A U G.

FER. Feralia.

HISP. VIC. Hispaniam vicit.

PORT. Portunalia.

VIN. F. P. Vinalia, Fas Prætori. Varro, Plinius.

CONS. Consualia. Plutarchus.

VOLC. Volcanalia. Varro.

OPIC. Opiconfva. Varro.

VOLT. Volturnalia. Varro.

H. D. ARA. VICTORIÆ. IN. CURIA. DEDIC.

EST. Hoc die ara Victoriæ in Curia dedicata est.

S E P T.

FER. NEP. Ferie Neptuno.

F. EQUOR. PROB. Ferie Equorum probandorum. Va-

lerius Max. lib. 11.

LUD. CIR. Lud. Circenses. in Augusti die natali. Sue-

tonius, Dio.

O C T.

MEDITR. Meditrinalia, a Meditrina Dea. Varro.

AUGUST. Augustalia.

FONT. Fontinalia. Varro.

ARM. Armilustrum. Varro.

N O V.

EPUL. INDICT. Epulum Indictum.

LUD. PLEB. IN. CIRC. Lud. Plebei in Circo. Sue-

tonius.

D E C.

AGON. Agonalia.

SAT. Saturnalia. Macrobius.

OPAL. Opalia. Varro, Macrobius.

DIV. Divalia. Divæ Angerone dies festus. Is dies a Var-

rone lib. v. de ling. Lat. appellatur Angeronalia, ab Ange-

rona, cui sacrificium fit in curia. Macrobius. Saturn. 1. xii.

Kal. Jan. ferie sunt, divæ Angerone, cui Pontifices in sa-

cello Voluptas sacrum faciunt.

LAR. Larentinalia. Varro, Ovidius, Plutarchus.



JOHANNIS Sarii Zamoscii
DE
SENATU ROMANO
LIBER I.

AD AMPLISSIMUM
REGNI POLONIÆ PROCANCELLARIUM
PETRUM MISCOVIUM

P R Æ F A T I O.



Uod te minime fugit, PETRE MISCOVI, rerum etiam maximarum, atque adeo partibus omnibus expletarum, ut nihil descriptius, perfectiusque esse possit, non ita facile excellentia, præstantiaque cognoscitur, nisi temporum momenta, & necessitates declarent. Atque hoc non solum is, qui artes, & opera ad usum nostrum excogitata, quotidianamque vitæ consuetudinem considerare, verum & ille, qui in Imperia ac Respublicas intueri, & summorum virorum atque altissimis mentibus prædorum memoriam animo repetere velit, longe verissimum esse fatebitur. Celebrantur annalibus, & litteris multi sapientissimi, & fortissimi homines, quorum opera, atque consilio florentissimorum populorum nutantibus adversa fortuna rebus subventum, libertasque, & dignitas conservata est. At eorum omnium virtuti, & sapientiæ, nisi formidolosissimæ tempestates se obtulissent, baud profecto ulli essent memoriæ posteritatis commendati. Quæ cum ita sint, PETRE MISCOVI, si tempore isto non omnino optabili regni Polonia Procancellarius factus es, amplissimi magistratus, in patria domesticis malis laborante, gravissimum onus, ingentem laudis tuæ segetem, ac materiam debes existimare. Mihi quidem cum de munere tanto, summa Regis optimi & sapientissimi voluntate, summoque studio ad te delato, jucundissimum nuncium accepissem, fati ipsius incredibilem in universa regnorum & imperiorum ratione ordinem venit in mentem admirari. Cum enim vitæ tuæ cursum cogito, serius te, non dico honorem hunc adeptum, quem nunquam concupisti, nisi ut patriæ prodesse posses, sed negotio huic difficillimo præpositum reperio, quam præstans tua virtus, prudentia admirabilis, & exquisita doctrina postulabat. Neque vero lumen animi ingenique tui, cujus splendor exterarum nationum quoque oculos perstrinxerat, apud nos obscurum esse, neque probitas, cujus fama alienioribus ita te commendarat, ut tue laudi mirum in modum faverent, non conciliare tibi singularem apud Regem nostrum amorem potuit. Quamobrem ita statuo, ut neminem propter se a Deo optimo maximo, verum ad sublevandum mortale genus instrui, & ornari plurimis & gravissimis artibus atque virtutibus; sic non tam hominum dignitate, aut gratia, quam illius supremi principis, & creatoris regnorum omnium providentia, ad magistratus mandandos Regum mentes allici & impelli. Quo quidem divino nutu, ac consilio, sapientiæ, & opera tua in tempus magis necessarium reservata est patriæ; non autem bonos is, qui tibi semper debebatur, humano judicio, & voluntate dilatus. Etenim molesto, & negotioso isto Reipublicæ perfunctus munere, Ecclesiæ alicujus, te tanto Pontifice dignæ, gubernacula prebendere jampri-

dem neceſſe habuiſſes. Ac in illo faſtigio collocatus gregi tibi a Deo commiſſo ater-
nae utilitatis fruſtus præberes innumerabiles; & ex rerum divinarum aſſidua tra-
ctatione, non fluxam, & commutabilem, verum certam, ac conſtantem caperes vo-
luptatem. Sed nunc in tanta perturbatione veteris diſciplinæ patria legum & inſti-
tutorum cuſtode vigilantiffimo, SIGISMUNDUS vero AUGUSTUS Rex ad eas dif-
ficultates, & aſperitates rerum communium depellendas, quas, qui de imperio no-
ſtro ſapienter cogitant, animo provident, adminiſtro, adjutoreque fidiffimo, & in
maximis negotiis gerendis, & ſuſtinendis exercitatiſſimo careret. Ac illa quidem
oblectatione ſalutari brevi, ampliffima dignitate collecta, gloriaque divina nomini
tuo conſtituta, in firmo jam, & ſempiterno Reip. domicilio perfrui. Tuendæ au-
tem religionis amplior occaſio nunc tibi oblata eſſe videtur. Etenim non ſolum ju-
ra, judicia, dignitatem imperii noſtri confirmari, verum etiam labentem, & pro-
pe cadentem ſummæ Dei cultum, ſublatis in perpetuum exitioſi diſſidii cauſis, au-
ctoritatis, & doctrinæ tuæ pondere fulciri, & ſtabiliri hoc tempore oportet. Nam-
que tanta eſt expectatio magiſtratus tui, ut nihil tam perturbatum, ac permuta-
tum in Republica homines eſſe credant, quod nunc componi, & in antiquum ſta-
tum reſtitui nequeat; talis de innocentia, & voluntate tua in patriam inſita in o-
mnium mentibus opinio, ut nullus ſolicitudines, nullos labores, juvandæ te illius
cauſſa recuſaturum, nulla cupiditate, nullis voluptatum illecebris, nulla commo-
dorum ſpe animum tuum non modo ſecti, ſed ne tentari quidem ullo modo poſ-
ſe conſidant. Facile enim perſpiciunt quid de eo ſperare debeant, qui ita ſemper
vixerit, ut omnia conſilia, atque facta ad ſolam honeſtatem referret; atque ita ab
incunte ætate imbutus ſit, & inſtitutus, ut ſe non ſibi, ſed patriæ natum, nec
ulla in poteſtate avaritiæ prædam, aut libidinum fruſtus, ſed inſtrumenta, adju-
mentoque moris majorum, diſciplinæ, ac æquitatis tuendæ, & conſervandæ quæren-
dæ eſſe arbitretur. Quare quemadmodum te antea, tanquam ex annalium memoria
divinum quendam hominem, univerſi admirabantur; ſic, divulgato nunc de tua di-
gnitate hoc nuncio, cuncti incredibili afficiuntur lætitiâ; pro tua ſalute vota ſuſci-
piunt; Regis optimi, ac præſtantiſſimi in hominum ingeniis, ac moribus æſtiman-
dis judicium laudibus in cælum ferunt. Quo in omnium eximio gaudio, ne ſolus
Reip. noſtræ bonum non videar agnoſcere, hos duos de Senatu Rom. libros gratu-
latores ad te mitto. Neque me latet quem mihi compellandum propoſuerim. Verum
altera ex parte novi tuam ſingularem humanitatem, novi præſtans erga litteras ſtu-
dium. Itaque daturum tibi hanc veniam meam in patriam pietati, tibi que debita ob-
ſervantiæ; atque etſi fortasſe non deſideres, tamen te id genus officii, quamvis a
tenui & uno de multis homine proſectum, minime aſpernaturum, non modo mihi
facile perſuadeo, ſed etiam pro re certa ſtatuo, planeque conſido. Vale Patavii.
IV. Kal. Jul. M. D. LXIII.

C A P. I.

De operis cum obſcuritate, tum utilitate ac nobilitate.



QUI ita verſantur in litteris, ut non ſibi ſolum, ſed aliis quo-
que velint prodeſſe, vigilas
ſuas, eaſque prodeſſe cupiant
poſteris, ad commendationem
virtutis, & nominis ſui fa-
mam, non niſi timide, &
cum deprecatione ad obſcuriſ-
ſimas res quaſque, ac difficil-
iſſimas aggredi ſolent.

Hanc vero putant dari ſibi potiſſimum veniam
exculcationis, ſi ad eam, quam ingrediuntur, diſpu-
tationem ſe acceſſiſſe oſtendant, vel maxima addu-

ctos utilitate, vel rei, in qua verſantur, præſtantia,
& nobilitate commotos. Etenim pondus oneris non
æſtimare, ſed maximum quodque appetere, arro-
gantis hominis, & temerarii eſſe videtur. At vero
delirantis certe eſt incredibiliter, extremeque infa-
nientis, ad eam rem incumbere, nec aliis utilitatis fru-
ctum aliquem, nec inventori ſuo ullam adferat lau-
dem. Qui autem ad ſuam, & communem omnium
utilitatem, in pulcherrimis, licet non facilis
queſtionibus elaborant, tanto majorem confequun-
tur gloriam, quanto graviore perfuncti ſunt labore.
Nemo igitur mirari debet, me Senatus Romani hi-
ſtoriam exponere conari, rem quidem fateor perob-
ſcuram, & arduam inprimis. Nam cum eſſet anti-
quis illis temporibus a M. Varrone, & Atejo Capi-

tone, itemque Nicoltrato litteris explicata, eorum monumenta exquisitissima, & immortalitate dignissima, consumptrix omnium rerum verustas exedit & confecit. Nunc vero ob auctorum penuriam, & eorum, qui ad nos pervenerunt, negligentiam, vix restitui potest: Verum tamen, quod facile concedent omnes, non indigna est, in qua nervos ingenii & industriae, si qua est in me, contendam. Quis enim locus in tota antiquitate Romana, aut ad intelligendos libros Latinorum scriptorum magis necessarius, quam hic de Senatu Rom. reperitur? aut iis, qui ad gubernacula Reip. accessuri sunt, utilior? aut ipso munere senatorum, & amplitudine gravior? Quod si expressam illius, & germanam effigiem, in tam obsoleta priscorum institutorum memoria, assequi non possumus, saltem nos umbrae & imagine oblectemus. Ac, quantum ingenio con- niti, & praestare diligentia nobis licebit, ad eam curam incumbemus, ut hominum in hoc genere auidorum, non dico omnino depulsi se & explevisse famem, sed tamen levasse, & aliqua ex parte sedasse videamus.

Et primum quædam, quæ adhuc in obscuritate latent, e veteribus litteris eruere conabimur; deinde ea, quæ in doctissimorum virorum commentariis passim dispersa sunt, colligemus; ac postremo operam dabimus, ut doctrinam hanc relinquamus, etsi non compolitissimam fortasse, & rotundissimam, at certe non omnino temere extructam, & conscriptam; nec tantum non temere extructam, sed etiam priscorum annalium verbis accurate confirmatam, & optime fundatam.

Nam, ut concedam referant auctoritatibus orationem non ita gratam & jucundam esse; genus tamen hoc tale est institutæ scriptiois, ut nisi obli- gnatis quasi tabulis agatur, nullam habeat per se si- dem simplex & nuda narratio. Quo fit, ut, in aliud tempus reservato, qui ex continenti & perpetua percipit oratione, luavatis fructu, ne quis si- dem diligentiamque nostram in dubium possit vocare, laborandum nobis nunc, & omni cura provi- dendum esse existimem. Verum jam ad hoc, quod suscepimus, munus, conficiendum, credito atque alacri animo, pergamus.

C A P. II.

De vocabuli Senatus significatione, & Senatoris definitione.

DUOBUS modis, ex antiqua Romanorum lo- quendi consuetudine, senatum appellari invenio: uno, cum nomine hoc universos complectimur Senatores; altero, cum significamus Senatum, & eorum, qui jus sententiæ haberent, conventum coactum, ab illo, qui ei muneri præfuit, ad consilium de Republica loco, tempore, atque modo instituto & introducto legibus, moreque majorum. Unde dicimus legere in senatum, & movere senatu; itemque habere senatum, & dimittere senatum. Quibus in loquendi formulis non parum discriminis est, quanquam in utraque signifi- catione idem senatorum subest veluti corpus. Itaque ad duas hujus vocabuli significationes omnem ac- commodabo, quæ sequitur, de senatu Rom. dispu- tationem. Et primum de Senatoribus; deinde vero de Senatu dicam, ejusque antiquum morem, & of- ficiū explicabo.

Si quis igitur definire, atque paucis verbis, quid esset senator, complecti velit, quem quidem constat introitum quæstionis cujuslibet aptissimum esse, ne- scio an non pessime ita patefieri & describi possit, ut dicamus, *Senatorem, civem Rom. fuisse per legi- timam magistratus ejus lectionem, cui munus istud incumberebat, in summo ordine constitutum.* Cujus de-

finitionis partes singule, summa cum diligentia, expendendæ, ac stabiliendæ nobis sunt. Ac pri- mum vereor, ne nimium lectorum ingeniis, dili- gentiæ diffidere videar, si genus, quod consti- tui, senatoris probabo. An enim quicumque tam a- lienus erit a litteris, ut ignoret, tres ordines Romæ, Senatorium maximum, Equestrem huic dignitate proximum, & Plebeium infimum, nihil aliud quam distinctionem in tres gradus civium Rom. fuisse. Sed quoniam ita me scripturæ de Senatu Romano recepi, ut nihil mihi non testatum proferendum sit, dabunt mihi hoc, credo, concedentque omnes, si etiam qua de re nemo dubitare possit, argumenta- bor. Itaque veterum auctorum verba, quibus hoc confirmari potest, audiamus. Cicero primo oratorio dialogo sic scribit: *C. Mancinum, inquit, nobilissi- mum, atque optimum virum, ac consularem, cum eum, propter invidiam Numantini fœderis, pater pa- tratus ex S. C. Numantinis dedidisset, cumque illi non receperit, posteaque Mancinus domum revenisset, neque in senatum introire dubitasset, P. Rutilius M. filius, tribunus pl. de senatu jussit educi, quod eum civem negaret esse, quia memoria sic esset proditum, quem pater suus, aut populus vendidisset, aut pater patrus dedidisset, ei nullum esse postliminium.* Si igitur amissa civitate amittitur senatorius ordo, clarum & perspicuum est, civitatis expertem nullum senatorem fingi posse. Et in causâ Sex Roscii, de judicibus, qui fure dati ex senatoribus, per legem Corneliam, idem Cicero loquitur hoc modo: *Qui ex civitate in senatum propter dignitatem, ex senatu in hoc consilium delecti essent propter severitatem.* Atque hanc sententiam nostram sustinet etiam Li- vii historia, in qua hoc fere est: *Cum ob solitudinem curiæ, & infrequentiam convenientium ad publicum consilium, M. Emilius Pr. dictatore, post Castilium amissum, profecto jam ad exercitum, exposcentibus cunctis retulisset, tum Sp. Carvilius, cum longa ora- tione, non solum inopiam, sed paucitatem etiam ci- vium, ex quibus in patres legerentur, conquestus es- set, explendi senatus causâ, & jungendi arctius La- tini nominis, pro magna re, se suadere dixit, ut ex singulis populis Latinorum, binis senatoribus, si patres Romani censuissent, civitas daretur, ique in demor- tuorum locum in senatum legerentur. Eam senten- tiam baud equioribus animi, quam ipsorum quon- dam postulatam Latinorum, patres audierunt, & cum fremitus indignantium tota curia esset, præcipue Manlius esse nunc quoque stirpis ejus virum dicebat, ex qua quondam in Capitolio consul minatus esset, quem Latinum in curia vidisset, eum sua manu se interfeciturum.* Omitto Ciceronis aliud testimonium, in oratione pro domo, in qua morem quandam ex- plicat, ut de quibus civibus ferebatur lex, qua iis aqua & igni interdiceretur, in eadem lege adscri- beretur, ne eos in senatum legerent censores, aut, si essent ante lecti, praterirent. Hæc enim est hu- jus loci sententia: *Me ne tum quidem cum aberam negare poterat esse tua lege senatorem. ubi enim tu- leras, ut mihi aqua & igni interdiceretur? quod Græceus de Popillio, Saturninus de Metello tulit, homines seditiosissimi, de optimis, ac fortissimis civi- bus, non ut esset interdictum, quod fieri non poterat, tulerunt, sed ut interdiceretur. ubi cavisti, ne meo loco censor in senatum legeret, quod de omnibus, etiam quibus damnatis interdictum est, scriptum est in legibus? Quibus ex omnibus locis efficitur, civi- tatem senatorii ordinis quasi fundamentum esse. Ci- vem vero intelligo, qui optimo jure sit civis. Et ci- vium nomine municipales, qui habuerunt hoc jus ple- num, comprehendendo. Quos, quam primum Romam venissent, ibique sedem rerum suarum collocassent, & conditione eadem, qua cives natos in urbe, vi- xisse constat, & plurimos eorum magistratus sum- mos gestisse, amplissimisque honoribus perfunctos es- se,*

se, ac supremi consilii fuisse participes. Unde ille A
 noster in Syllana: *At hic etiam, id quod tibi ne-
 cesse minime fuit, facetus esse voluisti, cum Tarqui-
 nium, & Numam, & me tertium, peregrinum re-
 gem esse dixisti. mitto jam de rege querere, illud que-
 ro peregrinum cur me esse dixeris? nam, si ita sum,
 non tam est admirandum, regem esse me, quia, ut
 tu vis, etiam peregrini reges Romæ fuerunt, quam
 consulem Romæ fuisse peregrinum. hoc dico, inquit,
 te esse ex municipio. fateor, & addo ex eo munici-
 pio, unde iterum jam salus huic urbi imperioque mis-
 sa est. sed scire ex te pervelim, quamobrem, qui ex
 municipiis veniant, peregrini tibi esse videantur. ne-
 mo enim istuc M. illi Catoni seni, cum plurimos ha-
 beret inimicos, nemo Ti. Coruncanio, nemo N. Curio,
 nemo huic ipsi nostro C. Mario, cum ei multi inuide-
 rent, obiecit unquam. Ex illa porro historia (huc enim
 ut venire paulo fortasse longius superior fluxit o-
 ratio) intelligi potest, Latinos ante civitatem accep-
 ptam in senatum nunquam admissos. Ergo nec Ita-
 licos, nec provinciales, quorum jus incommodius,
 & minus honestum quam Latinis extitit.*

Et hic mos ad DCLXII. annum urbis duravit, ut
 nemo jure originis in senatum venerit, nisi Romæ
 natus, aut in eo municipio, quod non modo mune-
 re honorario, ut Cærites, cum populo R. uteretur, C
 sed & civitate & suffragii latione frueretur. Mutata
 demum est hæc ratio sociali bello, cum Italicis pro-
 pter civitatem denegatam, cujus summa cupiditate
 fragebant, gesto, ob quod bellum civitatem maxi-
 mæ datam parti Italix, jam a Carolo Sigonio de-
 monstratum est in extremo libro eorum, in quibus
 antiqua jura Italix rotundissime, & literis explica-
 vit illustrissimis. Quo in statu & in iis, quæ veteri
 nomine colonix, præfecturæ, fœderatæ civitates, for-
 ra, & conciliabula dicebantur, oppidis orti, Romæ
 magistratus gerebant. Demonstrabimus autem paul-
 lo post, magistratus fuisse patrum conscriptorum quasi
 seminarium. Nihil vero de privilegiis loquor. Aucto-
 ritate enim, & exemplo Romuli principis, & crea-
 toris urbis, nunquam a Romanis intermissa est lar-
 gitio & communicatio civitatis, præsertim vero bene
 meritis. Principio quidem, in magna paucitate
 civium, Sabinos, & Albanos, qui in partem civi-
 tatis venerant, & pulsis regibus Actium Clausum
 Regillensem, non solum in patres, sed & in sena-
 tum, Plutarcho in Poplicola teste, lectum scimus.
 Verum occupata Republica innumerabiles peregrini
 senatores Romana curia vidit. C. enim Cæsar,
 & quosdam e semibarbaris Gallorum recepit in curi-
 am. Unde lepidissimus ille libellus propositus est,
 cujus meminit Suetonius: *Bonum factum ne quis se-
 natori novo curiam monstrare velit.* Et illa vulgo ca-
 nebantur: *Gallus Cæsar in triumphum ducit: Idem
 in curia Galli braccas deposuerunt, latum clavum
 sumperunt.* Ac deinceps tantæ possessio dignitatis
 omnibus gentibus patebat, multique urbi Romæ consi-
 liarii fuere, qui eam, ut D. Augustinus loquitur,
 ne de facie quidem norant. Ita autem brachati il-
 li patres lecti sunt, ut primum in civitatem, dein-
 de in curiam, auctore Suetonio, venient: idemque
 ordo ab aliis omnibus Imperatoribus in honorandis
 peregrinis observabatur. Sed hac de re satis, ac for-
 tasse etiam nimium multa. Quare progrediamur longi-
 us, & quorum hominum hœci atque potestati le-
 gitio erat senatus commissæ, videamus.

C A P. III.

De Senatus institutione, & qui magistratus Senato-
 res legunt.

PRO variis Reipub. temporibus, diversos etiam sena-
 tum legisse Romæ, in historiis videmus.
 Nam, quoniam urbs Roma sub imperio re-

gum ineuntem illam quasi ætatem exegit, initio quo-
 que arbitrium legendorum senatorum penes reges
 erat. Ac primum omnium senatum instituisse Ro-
 mulum constat. Qua de re sic Dionysius lib. 11. Ro-
 mulus autem, his constitutis, statuit continui sibi con-
 siliarios cooptare, virosque centum ex patriciis legi,
 quibuscum Remp. administraret. Livius autem hoc
 modo: Cum jam virum baud poneret, consilium
 deinde viribus parat, centum creat senatores. Postea
 vero & Romulus, & cæteri reges, auctore Sex. Pom-
 peio, sibi legebant, sublegebantque senatum, & pul-
 sis regibus consules, & tribuni militum consulares.
 Sed verba Festi adscribam: Præteriti senatores quon-
 dam in opprobrio non erant. ut enim reges sibi lege-
 bant sublegebantque quos in consilio publico haberent,
 ita post exactos eos consules, & tribuni militum con-
 sulari potestate conjunctissimos sibi quosque patricio-
 rum, & deinde plebejorum legebant. Illud tamen ve-
 nit in mentem, quæri posse, cum tribuni militares
 primi anno CCCX. ut est apud Livium, iniissent,
 annusque sequens, qui consules habuit M. Geganium
 Macerinum & T. Quinctium Capitolinum, initium
 censuræ fuerit, quomodo tribuni militares præteriti
 senatores, vel legere potuerint? Præsertim cum Li-
 vius dicat, ortum inde censuræ principium, quod
 in populo per multos annos incenso, neque differ-
 ri census poterat, neque consulibus, cum tot popu-
 lorum bella imminerent, operæ erat id negotium
 agere. Additque Dionysius intra XVII. annos, post
 Q. Fabium L. Cornelium cos. Romæ censum nul-
 lum actum. Illud autem constat iis, quæ subsecuta
 sunt, temporibus, & quando Republica florebat
 maxime, hoc jus lectionis habuisse censores. Teles
 requiris? quemcumque appellabo, nemo negabit.
 Livius lib. IX. *Ob infamem atque invidiosam senatus
 lectionem verecundia victus collega C. Plautius ma-
 gistratus se abdicaverat. Appius jam inde instans per-
 tinaciam familiæ gerendo solus censuram obtinuit.*
 D. Epitoma lib. XVII. P. Sempronius Sospus, & Va-
 lerius Maximus censores, cum senatum legerent,
 XIII. senatu moverunt. Idem lib. XI. Metellum hoc
 modo facit adhortantem ad concordiam, in campo
 sedentes, sellis curulibus, ad aram Martis, Lepidum
 & Fulvium Nobiliorem censores: *Quos conjunxit
 suffragiis suis populus R. hac etiam reconciliatione
 gratiæ a nobis conjungi sinatis, uno consilio legatis se-
 natum, equites recenseatis, agatis censum, lustrum
 condatis.* Et Cicero pro domo: *Ubi cavisti ne meo
 me loco censor in senatum legeret?* Quid dicam de
 Valerio? qui lib. VIII. ait, M. Perpernam septem
 tantummodo, quos censor legerat, e patribus con-
 scriptis reliquos vidisse. Denique plena est Romana
 historia innumerabilium testimoniorum. Nominat
 Festus Oviniam quandam legem, qua lectionem le-
 gnatus censoribus commissam esse ait. Illis enim,
 quæ nunc recitavimus, ejus verbis hæc continentia
 sunt & adjuncta: *Donec Ovinia tribunicia interve-
 nit, qua sanctum est, ut censores ex omni ordine o-
 ptimum quæque curiatiua legerent.* Quæ lex quan-
 do lata sit incertum est, neque ejus alibi in veterum
 libris, quos legerim, fit mentio. A Varrone quidem
 accepi Romæ fuisse gentem Oviniam. nam in lib.
 de re rustica 11. inter ea nomina Romanorum, quæ
 tracta sunt a pecore, & Caprilium, & Ovinium
 numerat. Atque Lampridius in vita Severi, memi-
 nit Ovinii Camilli, ex antiqua, ut ait, stirpe, se-
 natoris delicatissimi. crederem tamen pro OVI-
 NIUS, in eo libro, FURIUS reponendum esse.
 Paullus ille, a quo libri Festi, invita Minerva, &
 infelici quodam posteritatis fato, in breviorum sunt
 redacti formam, ita hunc locum edidit: *Donec po-
 testas tribunicia intervenit, nulla scilicet mentione
 nominis a legislatore tracti.* Sed cur ego meam sen-
 tentiam non omnibus libere aperio? Quis enim, & si
 erratum sit, studium tamen & laborem, qui in vero
 Yyy

exquirendo ponitur, non laudet? Suspectus igitur est mihi hoc loco Sex. Pompeius, & ut credo, non falso suspectus. Etenim est apud Livium, secundos censores Mamercum, quam primum abiit dictatura, tribu movisse, & octuplicato censu ærarium fecisse. Itaque exilimo ego, non ariolans, sed vera & firma nixus conjectura, non alia lege, quam qua creati cœpti sunt, ordinum omnium regimen censores usurpasse. Neque hoc dico, quod Festum, vel potius Verrium Flaccum, quem fere sequitur Festus, non fuisse in rebus Rom. peregrinum atque hospitem ignorem, cujus mihi potius nutus, quam aliorum quorundam iururandum faceret fidem: verum in ætate superiore omnem confere culpam; nam ejus inertia, & iniquitate, lacerata, & corrupta hujus auctoris præstantis scripta, vix aliquam sanguinis puri guttam hoc tempore retinent. Quod si non liber ab his, quæ in commentariis linguæ Latinæ leguntur, Festi verbis recedere; dicendum est non lustris, verum singulis annis senatum ante legi solitum, illudque certum esse, ante annum GCGXIX & hujus ordinis, & totius civitatis Romanæ disciplinam censoribus commissam. Nam, & Cicero, ne qua hujus antiquitatis dubitatio in animo meo relideat, effecit, cum censorum judicium notionemque quadringentis ante illam annis, quam Piso, Gabinusque consules essent, ait. Animadverti autem extra ordinem dictatorem senatus legendi causa dictum a consule Terentio N. Fabium Butonem. Nec solum Buteo senatum legit, sed & illi, qui Rempublicam invaserant, Sylla, & Cæsar dictatores. Et post necem Cæsaris Antonius, & III. viri, & post hos Octavianus. Ac ne quid prætermisise videar, de Gracchi, & Drusi lectione infra meam sententiam, ubi de numero senatorum agam, explicabo. Cæterum illud hujus loci, & temporis est, quod Appianus scribit L. Cornelium Syllam, & Q. Pompeium Rufum consules, propter solitudinem curiæ, senatores adlegisse. Doctissimus vir, & antiquitatis veterumque scriptorum peritissimus, putat hoc ita accipiendum, ut hanc lectionem factam a L. Cæsare & P. Crasso censoribus intelligamus. Ego mallet suspicari id extra ordinem factum, turbulentissimo illo præsertim anno, quo a Mario, & consulibus in urbe ipsa ad Elquilias dimicatum est, victisq; Marianis jam tum quoque Sylla dominationem sibi quæsliverat. Qua dominatione moderata & minime crudeli, prodignitate & auctoritate tantum senatus, usus est. Nam cum collega & comitia tributa sustulit, ut suffragiis pauperes, atque in his audacissimos quosque spoliaret, & jus vi prius ademptum patribus restituit, ut nulla ad plebem rogatio ferretur sine senatusconsulto, & ut diximus, adlegit in senatum CCC. ut non modo, accisa tribunorum pl. potentia, senatus plus virium haberet, sed quoniam tum valde diminutus erat ordinis quoque frequentia. Ac de institutione senatus, & quinam magistratus senatum Romæ legere solebant, vel aliquando extra ordinem legunt, exposui breviter.

C A P. IV.

De modo legendi Senatores.

DEINCEPS de legendi modo dicendum nobis esse videtur. Dionysius lib. II. hac ratione, & modo senatum lectum a Romulo tradit. *Cen-
tum, inquit, viros ex patriciis ita secrevit; unum
ex omnibus præstantissimum ipse declaravit, quem vo-
luit præesse rebus urbanis, si quando ad bellum pro-
ficisceretur. Deinde jussit singulas tribus tres viros
etate, prudentia, & genere præcipuos seligere. Post*

*Abos novem singulas curias jussit denuo tres viros e pa-
triciis maxime idoneos deligere. Adjectis ad illos no-
vem bis XC. quos curiæ crearent, & illo præfecto,
quem ipse antea decreverat, centum senatorum nu-
merum explevit. Ita & illos ex Sabinis a curiis se-
lectos idem Dionysius ait. De aliis regibus, & con-
sulibus, tradit Festus, eos legisse, sublegisque si-
bi, quos maxime dignos ceniebant, vel amabant,
senatores. Id patet ex ejus verbis, quæ paulo ante
attulimus. Sed hæc iterum mihi negotium facessunt.
Nam huic toti rationi videtur adversari Cicero in
Sextianainquit: *Maiores nostri, cum regum
potestatem non tulissent, ita magistratus annuos crea-
verunt, ut consilium Reipub. præpberent sempiternum.
deligerentur autem in id consilium ab universo
populo, aditusque in illum summum ordinem omnium
civium industrie pateret. Quod incommodum cupienti
mihi vitare, nulla occurrit vitatio, nisi, aut
idem a Cicerone bis dictum interpretemur, nempe
liberata dominatu regio Rep. ex toto corpore civi-
tatis, nullo ordinum discrimine senatores lectos;
aut habuisse jus consules credamus eos, quos vel-
lent, nominandi, qui quidem senatores essent, si
eos populus suis suffragiis approbasset. Et hoc vide-
tur postremum defendendi Sex. Pompeii genus placere
eloquentiæ, omnique elegantioris doctrinæ
principi Paulo Manucio. Quarum autem rerum reges,
& consules in legendo rationem habuerint, referam
infra, ubi pauca de censoribus dixerim; neque res natura
conjunctissimas a se separabo. Censores igitur singulis
lustris totum senatorum ordinem diligenter examinabant,
& in demortuorum locum, vel eorum, quos moverant, novos suble-
gebant. Livius certe ait lib. XL. senatum a Fulvio
& Emilio biduo lectum. Expleto autem senatorum
legitimo numero, & omnium nominibus in tabulis
relatis, suo quenque loco jubebant recitare. Unde inquit
Livius lib. XXIX. *Dum hæc consules diversis regionibus
agunt, censores interim Romæ M. Livius & C. Claudius
senatum recitabant. Et lib. XXIII. dixit se transcribi
tantum, recitarique eosjussurum. Video autem Butonis
dictatoris senatum in foro recitatum. Nam sic scribit
Livius: Ita CLXXVII. cum ingenti approbatione
omnium in senatum lectis extemplo se magistratu
abdicaavit, privatusque de vestris descendit. Unde
quis suspicari possit, hoc semper eo loco fieri solitum.
Sed inter cætera vetustate incognita, hoc quoque in
incerto pono. Qui vero primus legebatur, senatus
princeps erat, post principem vero senatus, discrimine
graduum & ætatis servato, cæteri senatores & scribe-
bantur, & recitabantur. Quod de principe senatus dixi,
clarum ac perspicuum est ex his Livii verbis: *Lectus a
Sempronio princeps in senatu Q. Fabius Maximus consul.
Inde alius lectus senatus. De reliquis senatoribus ex
Ciceronis oratione pro domo sua colligo. in qua L. Cottam
hominem censorium in senatu juratum dixisse refert se,
se censor tum esset cum ego, inquit, aberam, me meo loco
(id est inter consulares) senatorem recitaturum fuisse. Item ex Gellio, cum ait hoc
modo: *Quia in postremis scripti erant, non rogabantur
sententias. Atque hinc perspicui potest, quem annales
populi Rom. & monumenta vetustatis principem
senatus appellent; verissimumque illud esse, honoris
hoc genus iis tantum deferri solitum, qui auctoritate,
& amplitudine rerum gestarum maxime excellebant.
Nam dignitate princeps senatus omnes magistratus
anteibat, etsi nec imperium, nec potestatem haberet.
Cujus rei auctorem & præceptorem habeo Zonaram.
Cæterum Livius eo, de quo paulo ante loquebar,
loco narrat eum, qui ex censoris vetustissimus
esset, senatus principem legi solitum. Cornelius,
inquit, morem tradidit a patribus sequendum age-
bat, ut qui primus censor ex iis, qui viverent, fuisset,
eum principem legerent. It. T. Manlius Torquatus erat.*****

Neque tamen hanc consuetudinem secutus est Sempronius, sed, cum dis certatum esset verbis, suo arbitrio fecit principem in senatu Q. Fabium Maximum consulem. Addit Livius l. XLIX. nisi senatu motus esset, uno viro, alium in locum ejus nunquam lectum. Itaque videmus eundem pluribus lustris senatus principem fuisse. Nam, ut alios præteream, memorat in Bruto Cicero M. Lepidum a sextis censoribus principem senatus recitatum. Facit quoque mentionem fortitionis inter censores verissimus index antiquorum institutorum Livius: Sempronius, inquit, cui dii sortem legendi dedissent, ei jus liberum eosdem dedisse deos agebat. Atque, ut alia omnia, ita senatus electionem poterant impedire tribuni pl. Dat hujus rei luculentam significationem haud levis, & incertus testis Dio XXXVII. libro, ubi censores quosdam nihil egisse narrat, quod tribuni pl. ne senatum legerent, intercessissent, ne forte ipsi præterirentur. Atque etiam consules Bubulum & Barbulam, Appii & Plautii lectionem sine recti pravique discrimine ad gratiam & libidinem factam rescississe, & senatores citasse eo ordine, qui ante fuerat, invenio. Nunc dicam, qui more majorum poterant in senatum adscribi.

CAP. V.

Qui potuerint in senatum adscribi, ac primum de fama adscribendorum.

DE senatu cooptando non dubito leges fuisse conscriptas, quarum tamen nullum omnino extat vestigium. Sed qui in monumentis populi Rom. versantur, facile concedent, spectata fuisse genera hominum, ex quibus in eum ordinem cooptari liceret. Ac quod haud levissimis & infirmis coargui potest conjecturis, cautum fuisse dico de Fama, Genere, ordine, Ætate, Magistratu, Censu, & Quæstu. Quare ordine, quæ de iis rebus observavi, quam brevissime & planissime potero, explicabo.

Primum autem, quod attinet ad incorruptam famam, scio, ut improbum senatorem civitas habeat neminem, magis optari & expeti, quam aut effici, aut sperari posse. Neque aulim affirmare multos senatores Romæ, ac ne Scaurum quidem, aut Carulum, aut Nasicam, quos miris in cælum fert laudibus Cicero, tales fuisse, qualem, ac quantum, in eo libro, quem ad illustrissimum Comitem, & senatorem sapientissimum ac constantissimum, Stanislaum Tarnovium, Sandomiriensem Palatinum brevi mittam, informavi, & expressi. Quapropter optimos senatores, & præstantissimos non habuit populus Rom. improbos vero ne haberet, etiam sanxerat, non paucos tamen passus atque expertus est. Sanctionis autem istius, quam dico, hæc sententia fuit, ut est in Cluentiana: *Ut hominibus turpi judicio damnatis, in perpetuum, neque ullum ad honorem, neque in curiam aditus esset.* Turpi judicio nominat condemnatos, ut qui de alic, de falso convicti sunt, aut furti, vel alterius hujusmodi facinoræ macula famam suam contaminarunt & violarunt. Item illa summæ existimationis judicia habita Cicero pro Q. Roscio docet, fiducia, tutelæ, societatis. Cætera petenda sunt ex Jurisconsultorum commentariis, capite de his, qui notantur infamia. Huc denique referenda erunt & illa, quæ infra de criminibus, ob quæ senatorium nomen perderetur, dicemus.

Quo genere lecti.

GENUS autem tribus modis spectatum invenio. Uno, ut solum patricii. Altero, ut, quando jam patebat curia plebeis, ingenio saltem, non libertino sanguine, procreati legerentur. Tercio, quod a Syllæ dominatione ad Cæsaris dictaturam custoditum est, ne proscriptorum filii cooptarentur. Atque ab initio quidem patricos tantum in senatum lectos significat Sex. Pompeius his verbis: *Reges, consules, & tribuni militum consulares legebant sibi conjunctissimos quosque patriciorum, ac deinde plebiciorum.* Item Dionysius l. VII. cum ait: *Ab eo tempore operi plebis creverunt. Patres vero multas partes prisce amplitudinis amiserunt, cum, & in senatum, & ad magistratus, & ad sacerdotia plebeis admixissent, & reliquorum ornamentorum illos fecissent participes, quæ propria patriciorum fuerant.* Propterea illi Romuli, Prisci, & Bruti Valerique consulum primum in patricios relati, post in senatum cooptati sunt, eodem Dionysio teste. Qui autem plebeis ad publicum consilium aperuerit viam, adhuc omnes quaerunt. Legimus quidem & notavimus apud Livium, P. Licinium Calvum, qui primus de plebe honorem tribunatus militaris consulari potestate delibavit, veterem senatorem fuisse. Quin immo & ante, eo tempore, quo Sp. Mælius, post tribunatum pl. gestum, ob affectatam dominationem cæsus est, plebeis legi potuisse, argumento sunt illa Quinctii apud Livium verba: *Ut quem senatorem viro concopere posset civitas, regem ferret.* Nam ipse Mælius, Livio auctore, non ex senatorio, sed ex equestri erat ordine. Zonaras tamen jam inde a Servio Tullio plebeios lectos tradit: *Ut gratiam, inquit, plebi referret, cum aliis muneribus illam affectis, tum nonnullos ex plebis corpore in senatum legit.* Ac plurimis quidem rebus deteriore quam patricii conditione plebei tum erant, procedente vero tempore interregno, & sacerdotiis quibusdam exceptis, par cum illis jus obtinuerunt. Hæc ille. Nam quod, in lib. de Verborum significatione, Festus refert plebeios a Valerio consule adlectos, id ita factum esse, ut docuimus auctorem secuti Dionysium, & ipse Festus alio ejusdem libri loco aperte indicat: *Conscripti, inquit, dicebantur, qui patribus adscribebantur, ut numerus senatorum expleretur.* Suetonius vero de gente Octavia loquens mire omnia turbare videtur. Primum enim dicit eam a Tarquinio Prisco rege inter Romanas gentes adlectam in senatum, mox a Ser. Tullo in patricios traditam. Quare illud in Senatum abundare libenter existimaverim, additum ab aliquo, qui dictionem adlectam exponeret. Ut autem erratum hoc librariis potius, quam Suetonio viro eruditissimo adscribo, ita Suidam hominem Græcum de interregno quædam quasi in strepitu audisse, cum patricos decem ex centum senatoribus a Romulo lectos scriberet, sine ulla dubitatione affirmo. Senatorio autem ordine communicato cum familiis plebeis, alterum institutum inductum observavi, ne servili & libertino sanguini aditus in curiam esset. Cicero in defensionem Cluentii: *Gellius censor Popillium, quod erat libertini filius, in senatum non legit.* Sic & Appius censor Pisonis collega, ut est apud Dionem, libertinos eiecit senatu. Alter vero Appius, qui cum Plautio censor xxvi. lustro fuit, primum in supremum ordinem libertinorum filios legit. De hac lectione sic Livius extrema pagina l. ix. Ceterum Flavianum dixerat edilem forensis factio Ap. Claudii censura viros nata, qui senatum primus, libertinorum filius lectus, inquinaverat; & posteaquam eam electionem nemo ratam habuit, nec in curia adeptus erat, quas petierat, spes urbanas, humilibus per omnes tribus divisis forum

& campum corripit. Usurpat ejus rei memoriam & Suetonius in Claudio. Nam inquit: *Latum clavum libertini filio tribuit, sed sub conditione si prius ab e- quite Rom. adoptatus esset. Ac sic quoque reprehen- sionem verens, etiam Appium Cæcum censorem, ge- neris sui proavertorem, libertinorum filios in senatum adlegisse docuit; ignarus temporibus Appii, & deinceps aliquandiu libertinos dictos non ipsos, qui manu- mitterentur, sed ingenuos ex his procreatos. Neque vero hanc Appii lectionem, ut vocat Livius, infa- mem secuti sunt alii censores. Sæpe tamen plerof- que libertinos in curiam irepisse, nemini dubium est. Ac maxime in illa confusione rerum omnium bello civili Pompeiano, & sub triumviris. Caterum proscriptionum liberi, ab initio urbis ad bellum Mar- ticum, altissimi civitatis gradus poterant esse parti- cipes. Dionysius enim narrat lib. VIII. supplicio sum- pro de Cassio mentionem quoque ejus filiorum illa- tam, sed iniquum visum scire in prolem innocentem. Inde, ait, consuetudo a Romanis ad nostram us- que ætatem est servata, ne liberi pleberentur, quo- rum patres damnati essent etiam ob gravissimum cri- men, ut ob affectatam dominationem, aut parvici- dum, aut prodicionem. Sed nostra memoria fuisse, qui post Maricum bellum, contra morem ab antiquis tra- ditum, proscriptionum a Sylla filios, quoad rerum po- tiebantur, magistratum petendorum jure privarent, usque aditum ad senatorium ordinem intercluderent. Quod exemplo sane apud homines invidioso fecerunt, vindictæque deorum immortalium digno. Ac certe pro- cedente tempore pœnas justas divino numini scelorum vindicti dederunt. Extanto enim fastigio honorum in maximas dejecti sunt calamitates, atque ex illis fami- liis sole supersunt femine. Consuetudo vero illa an- tiquarevocata est, & retenta.*

C A P. VII.

Ex quo ordine legendi.

FUISSE autem hoc moris Isidorus nescio de quo ve- tere auctore accepit, ut quamvis senatoria ori- gine esset aliquis, tamen ad legitimis annos e- ques esset; deinde vero senatorium ordinem iniret. Equestris enim ordo quasi gradus ad senatorium erat. Idcirco Perseus Macedoniæ rex apud Livium I. XLII. equites appellat Rom. principes juventutis, & semi- narium senatus. Inde, inquit, lectos in patrum nu- merum consules imperatores creant. Ælius vero Lam- pridius multis post annis eversâ Rep. idem Alexan- drum Severum Imp. dixisse narrat. Ejus hæc sunt verba: Nunquam libertinos in equestrem locum rede- git, asserens senatorum seminarium equestrem locum esse. Ita, quod omnes sciunt, Brutus, primoribus e- questris gradus lectis, senatum explevit. Hinc & Fe- litus: Adlecti dicebantur, qui ob inopiam ex equestri ordine in senatorum numerum sunt assumpti. Hoc autem modo rationem equitum habitam intelligere oportet, ut qui erant ex infimo ordine & plebe, non omnino excluderentur. Sed rarius, & ægrius ad- mitterentur. Nam, etsi non parum momenti in publico equo positum fuit, industria tamen omnium civium ac virtuti, auctore M. Tullio in Sextiana, in summum ordinem, ac gravissimum consilium, aditus patebat. Atque loco jam sæpe a nobis citato, sanctione veteri institutoque censores ex omni ordi- ne optimum quemque legisse, Festus tradit.

C A P. VIII.

Ætas senatoria.

SEQUITUR ille, quem deinceps proposui, ætatis se- natoriz locus. Non quavis ætate in senatum Romanum cooptari licuisse, satis demonstrant

Alia Ciceronis verba, in suasionem legis Maniliz: *Quid tam præter consuetudinem, quam homini peradolescenti, cujus a senatorio gradu ætas longe abesset, imperium atque exercitum dari? Et hæc in Plutarchi Pompeio: Sylla triumphum petenti Pompeio obstitit. Etenim invidiosum ei honorem hunc fore dicebat, si triumpharet pene imberbis, & cui propter ætatem aditus in senatum non pateret. Apud Dionysium quoque I. VI. annalis hujus legis extat vestigium. Nam hoc modo Cassium Postumumque consules facit lo- quentes: *Lege, quam feremus de ætate senatoria, coercemus istam juvenem intemperiem. Quæ autem hæc ætas fuerit, video ab omnibus, qui hanc atti- gerunt quæstionem, dubitari. Mihi vero intentis, ut ajunt, oculis hanc rem intuenti, & quam diligen- tissime perpendenti, non eodem modo ad tam ambi- guam interrogationem visum est respondere. nam multi tradunt, senatores primos illos senes, & ætate grandes fuisse. Quod indicat in Catilina Sallustius: *Delecti, quibus corpus annis infirmum, ingenium sa- pientia validum erat, Reip. consultabant. Et Cicero in Catone: In agris erant tunc senatores, id est, se- nes. Item in Fastis Ovidius:***

Nec nisi post annos patuit tunc curia seros.

Et post hos Lactantius Firmianus in I. de origine erroris: *Romulus legit in senatum eos, qui ætate ante- bant. Ac, quoniam verborum explicatio gravissi- mis auctoribus probatur, si exquiramus unde verbum senatus, id dictum, senatum multi nominatum a senio credunt. In ea sententia fuisse invenio Cice- ronem in Catone majore, Ovidium in Fastis, Quin- tilianum cap. VI. lib. I. Florum initio suæ historiæ, Plutarchum in eo commentario, in quo disputat, utrum seni sit administranda Respublica, & Eutro- pium lib. I. A quibus etsi non dissentit Dionysius, tamen & aliam adfert causam: *Is confessus, inquit, verbo pro verbo Græce expresso, παρρησιᾶς, hoc est, senatum significat, & nunc quoque eodem nomine a Romanis vocatur. An vero propter senectutem eor- um, qui lecti erant, an propter virtutem, hoc no- men invenerit, nihil affirmare aulam. Ab antiquis enim, & qui natu grandes, & qui boni viri essent, παρρησιᾶς, id est, senes nominabantur. Ego, quia de senatu scribo, morem sequor antiquum, & in quam sententiam plures scriptores quasi discessionem fece- re, in ea sum & ipse. Nam & patres profecto ab ætate nominatos senatores accepimus a Probo in lib. de viris illustribus: *Centum senatores, inquit, ab ætate patres appellavit. Et a Sallustio in Catilina, qui sic scribit: *Hæ, vel ætate, vel curæ similitudine, patres appellabantur. Idem Sex. Pompeius tradit de utro- que vocabulo: *Senatores, ait, a senectute dici, sa- tis constat, quos initio Romulus legit centum, quorum consilio Remp. administrabat. Itaque etiam patres ap- pellati sunt. Quæ de nominibus istis dixi copiosius hoc loco, quod in ætatis cognitionem pertineret eor- um ratio & interpretatio. Neque enim vereor, ne mihi quis invidet, quod eadem opera duplicem quod- dam modo assequor mercedem. Videmus ergo pri- scos illos Romanorum senatores senes fuisse. Cum autem res Romanorum gestas confidero, facile ad- ducor, ut non multo post immutatum hoc institutum credam. Quamquam annus ætatis senatoriz ab antiquis, quos habemus, auctoribus non est pro- ditus litteris. Onuphrius Panvinus, scriptor dili- gens sane, narrat in commentario primo Fastorum, quando cautum est, uti senatorum filii cum pa- tribus in curiam, quod illis ante licuit, ne introi- rent, nisi unus Papirius, qui Prætextatus appellatus est, eodem quoque tempore S. C. factum, ne cui minori xxv. annis in curiam aditus pateret. Hic ego testem aliquem gravem & locupletem exci- tari volo ex monumentis annalium. Producit non alienum ab religione Plutarchum, in vita Pom- peii Magni. Neque tamen ego, in eo, quo di-*****

Ex quibus magistratibus lecti senatores.

cit, libro id scriptum reperire potui, cum totum diligenter perlegissem. Nisi hoc sit, quod dicit Plutarchus, potuisse ea ætate, qua triumphum ex Africa petebat, Pompeium legi in senatum; verum majori sibi honori futurum credidisse, si primus eques Rom. triumphasset. Sed, si sibi constare Plutarchum volumus, non aliter, quam extra ordinem, & legibus solum ait cooptari potuisse. Quod nonnunquam tribum magni animi, industriaeque adolefcentibus, demonstrant multa clarissima & illustrissima exempla, ut Octaviani, & aliorum. Atque notum est Pompeium xxiv. ætatis anno, non xxv. expleto, ut ille scripsit, triumphum egisse. Itaque libentius assentior Carolo Sigonio, viro acumine ingenii summo, & in consicienda antiquitate prope divino, qui annum senatorium eum, qui sequeretur quaesturam, fuisse fulpicatur. Quam conjecturam suam tueretur auctoritate Valerii, cum ait; *P. Crasso Q. Fabius narravit, quod in curia erat actum, memor eum triennio ante quaestorem factum, ignarusque nondum a censoribus in ordinem senatorum lectum.* Neque hoc unum solum, sed multa alia ejus rei in veterum libris vestigia sunt impressa. Et ne alios quæram, apud eundem Valerium ita est lib. VI. *C. Marius Arpinatibus honoribus judicatus inferior, quaesturam Romæ petere ausus est, patientia deinde repulsarum, irrupit magis in curiam, quam venit. In tribunatus quoque, & ædilitatis petitione consensilem campi notam expertus.* Haud difficile id etiam est confirmare exemplis. Non pauca enim in veterum libris notavi, ut Ciceronis. Hic enim, antequam ædilitatem obtinuisset, senatorem se multis indicat in locis. Ut in accusatione Verrina, quando inquit: *Declarat hoc meum pudorem, ac religionem, quod cum venissem senator ad socios populi Rom. qui in ea provincia quaestor fuisset, ad hospites ac necessarios, causæ communis defensor, diverti potius, quam ad eos, qui a me auxilium petiverunt.* Eodem modo, Dione teste lib. LIV. Augustus quaestorios, qui censum habent senatorium, in senatum legit omnes. Qui tamen metorqueat scrupulus est, quod verba Sex. Pompeii offendere videntur neminem, nisi census esset in senioribus, senatorem fuisse. Ait enim: *Senatores a senectute dici satis constat, quo initio Romulus legit centum, quorum consilio Rempublicam administrabat. Itaque etiam patres appellati sunt. & nunc, cum senatores adesse jubentur, additur, Quibusque in senatu sententiam dicere licet. quia ii, qui post lustrum conditum ex junioribus magistratum ceperunt, in senatu sententiam dicunt, sed non vocantur senatores dedit, quam in senioribus sunt censi.* Nescio an intelligat juniores annis sex & quadraginta, quæ ætas in delectu spectata est, auctore Tiberone I. & Livio XLIII. libro. Quod falsum esse multis exemplis convincitur. Nondum vero aliud quidquam, de senioribus, aut junioribus, apud bonum scriptorem aliquem reperi. Ita fit, ut, quid velit Festus, non intelligam. Neque hoc me sententia movebit, quo minus credam ex quaestura statim aditum potuisse in senatum. Sed quanquam xxxvii. anno quaestura geri potuit, vix tamen eam quicquam hac ætate habuit; vel si habuisset, raro in sequentem annum lustrum incidebat, propterea que nescio an quicquam ante xxx. annum lectus sit. Ex quo apparet id quo me conjectura perduxit, non multum discrepare a lege, quam de senatu cooptando Halesinus C. Claudius, & Bithynius Cn. Pompeius dedit; ne quis xxx. annis minor in senatu esset. Nam hoc sancitum ad exemplum Rom. Reipublicæ facile crediderim. Et licet credere, cum intelligamus ex Plinii ad Trajanum Epistolis, cæteris in rebus omnibus, quod ad senatum, magistratusque attinet, a Pompeio disciplinam Bithyniorum Romanis strictam legibus.

ATQUE hæc, quæ de ætate diximus, veriora videbuntur, si jus magistratus demonstraverimus. Dico igitur per magistratum gradus ad amplissimum & altissimum civitatis ordinem omnes fere pervenisse. Cujus præcepti principem, & auctorem habeo Livium, qui narrat, in pugna Cannensis cælos LXX. senatores, aut, qui eos magistratus gessissent, unde in senatum legi deberent. Et Dionem lib. LIV. in quo ait, S. C. fuisse quoddam factum, ut xx. viri ex equitibus crearentur. Quorum deinde, inquit, nullus in senatum est adlectus, nisi quem etiam alium magistratum gessisset, ex quo in senatum legi jus esset. Cui non dissimilis videtur consuetudo, quæ in Rep. nostra observatur. Nam, qui ceperunt Pontificatum, aut majorem magistratum, ut qui Palatini, aut Castellani facti sunt, in maximo & gravissimo totius Regni Polonici concilio locum habent, & quoniam hi honores perpetui sunt, sine alia lectione ordinem acquirunt senatorium. Sed cum Romanæ Reipublicæ annui magistratus præessent, qui jure magistratus in curiam ingressi erant, postquam eo abierant, non excluderantur quidem, & sententiam dicere poterant: sed neque fruebantur, neque tenebantur jure supremi ordinis, nisi post essent a censoribus lecti. Quamobrem ait Festus: *Qui magistratum ceperunt, non vocantur senatores ante, quam sunt in senioribus censi.* & Gellius lib. 3. *M. Varro in Satyra Menippeæ, quæ innoxia inscripta est, equites quosdam dicit peditarios appellatos. Videturque eos significare, qui nondum a censoribus in senatum lecti, senatores quidem non erant, sed quia honoribus populi usi erant, in senatum veniebant, & sententia jus habebant.* Nam & curilibus magistratibus functi, qui nondum a censoribus in senatum lecti erant, senatores non erant, & quia in postremis scripti erant, non rogabantur sententias: sed quas principes dixerant, in eas discedebant. Quibus ex verbis apparet, qui fuerint peditarii senatores. Qui videlicet in alienam pedibus sepe irent, raro, & nisi postulata a consule potestate, quia nunquam rogabantur, stantes sententiam dicerent, nec jure tenerentur, aut fruenter senatorio. De quibus Cicero ad Atticum: *Et raptim in eam sententiam peditarii concurrerunt.* Item: *Est illud S. C. summa peditariorum voluntate, nullus nostrum auctoritate factum.* Atqui, ut Gellius refert, alia etiam vocabuli istius ratio esse dicitur, quam C. Bassus in commentariis suis scriptam reliquerat. De qua aptiore, & commodiore loco. Videtur autem ad hoc tempus, hujusque libri institutum pertinere, ut de Atinio plebiscito aliquid dicam, ante quod tribunos plebis senatores non fuisse, idem Gellius lib. XIV. narrat. Si enim jure, ut quidam ajunt, magistratus sine cooptatione censoria senatores erant, falsa est definitio senatoris, quam ab initio proposuimus. Sed certum est ejus rogationis fuisse hanc sententiam, *ut tribuni pl. ex iis, quibus ab aliorum honorum functione, aditus in senatum datus erat, & qui jam senatores erant, crearentur.* Etenim gerebatur tribunatus pl. post quaesturam. Hinc Cicero Curioni: *Petivi sæpius per litteras, sed tum quasi a senatore nobilissimo, & adolescente gratiosissimo, nunc a tribuno pl. & a Curione tribuno.* Et Suetonius in Augusto: *Comitiis tribunicis, si deessent candidati senatores, ex equitibus Romanis creavit, ita ut, potestate transacta, in utro vellent ordine manerent.* Tribunos autem pl. in senatum lectos a censoribus indicat Livius lib. XLV. *Censoribus, inquit, petentibus, ut ex instituto, ad sortitella exigenda, & ad opera, quæ locassent, probanda, anni & bimestris tempus prorogaretur, Cn. Trebellius tribunus, quia lectus*

non erat in senatum, intercesse. Verum enim vero a postea C. Atinius Labeo tribunus pl. cum timeret, ne a sequentibus censoribus in senatu legendo praeiretur, quod Q. Metellum Macedonicum censorem de saxo Tarpejo deici jussisset, eam rogationem tulit. Probabile id quidem est. nam & causa legis ferendae aptissima conjicitur, & latoris nomen congruit. Sed vel hoc nos docere potest, quam sint infirmæ omnes in antiquitate concipiendi conjecturæ. Extreme enim insanit Piso, qui teste Dione lib. XL. vult movere Curionem illum tribunum pl. qui bellum civile Pompeianum concitavit, si diis ac hominibus invitis jure tribunatus, quem gerebat, senator fuit; non solum timidus, sed ridiculus est Curio, atque etiam illi tribuni Cæsare & Bibulo consulibus, de quibus idem lib. XXXVII. qui propter censuram minas trepidant, & irati magistratus voces sine potestate, tanquam strepitum inanem, percontantur.

C A P. X.

Census Senatorum.

DE censu porro conjicio ex Afconii verbis in explicatione Verrinarum: *Moris, inquit, erat, cum aliquis civis Rom. ostendendus esset, ut significaretur, aut a prænominis suo, aut a nomine, aut a cognomine, aut a tribu, in qua conseretur, aut a curia, aut a censu, ut si esset senator, equestris Rom. Item ex Seneca, tum in declamationibus, tum in lib. de beneficiis. Etenim in lib. de beneficiis ita scribit: Video istic mensas, & æstimatum lignum senatoris censu. In declamationibus autem hoc modo: Senatorium gradum censu ascendere facit. censu Rom. equitem a plebe discernit. Unde Arnobius scite & pie adversus gentes lib. V. Quis ad extremum deam pecuniam esse credat? quam, velut maximum numen, vestre indicant littere donare annulorum aureos, loca in ludis atque spectaculis priora, bonorum suggestus summos, amplitudinemque magistratus. Multi tamen negant censuram rationem habitam stante Rep. quod ita scriptum legerint a Plinio lib. XIV. Postior laxitas mundi & rerum amplitudo damno fuit. Postquam senator censu legi ceptus, judex fieri censu, magistratum dicemque nihil magis exornare quam censu, pessum iere vite pretia. Sed certe Afconius respexit illud tempus, quo accusabat Cicero Verrem. Atque audiamus etiam Livium lib. XXII. Cum deessent nautæ, consules ex S. C. edixerunt, ut qui L. Emilio C. Flamini censoribus millibus æris quinquaginta ipse, aut pater ejus census fuisset, usque ad centum millia, aut cui postea res tanta esset facta, aut autem unum cum sex mensum stipendio daret. qui supra centum millia, usque ad trecenta millia, tres nautas, cum stipendio annuo. qui supra trecenta millia, usque ad decies æris, quinque nautas. qui supra decies, septem. senatores, octo nautas, cum annuo stipendio darent. Qui autem ita edixerunt consules Q. Fabius Maximus IV. & M. Marcellus III. fuere. Non est igitur recens hoc institutum. Nam quia videmus servos ex censu numero constituto, datos ad remum, illique dederint septem, qui supra decies æris censum haberent, census senatorum profecto, quia dederant octo nautas, major erat. Stat & illa pro me ratio, quod cum certus equitum census semper fuerit, nulla potest reddi causa, cur non etiam idem in senatoribus sit observatus. Scio multos esse contentiones cupidores quam veritatis, qui delicato quodam fastidio inventa aliorum rejiciant. Quamobrem ut illis præcludatur occasio calumniandi, ad has conjecturas, quæ sane sunt probabiles, perspicuum Livii testimonium adjiciam, quod ejusmodi est: Cum Sp. Carvilius longa oratione non solum inopiam, sed etiam paucitatem civium, ex quibus in pa-*

tres legerentur, conquestus esset. Diserte, ut existimo, non testis verbis, id, quod dicimus, probat. Reperi autem eam auctoritatem ex XXIII. lib. Quare constat, si non ab initio Reipublicæ, ac certe jam ante bellum Hannibalis, censum in amplissimo ordine legendo custoditum, eumque non modo eorum, qui classis quintæ erant, quod non vult fateri Græchius, sed illorum quoque, qui supra decies æris possiderent, censu majorem fuisse ac nescio an minorem quam C. Cæsaris ætate. Hannibalis deinde bello, infinitis exhausto ærario sumptibus, illa voluntaria collatio, post aliquot annos, nihil reliquum fecerat senatoribus, præter annulos sibi, & conjugii, & liberis, & filio bullam, & quibus uxor filiaque erant, singulas uncias auri pondo; argenti, qui curuli sella sedebant, equi ornamenta, & libras pondo, ut salinum patellamque deorum causa habere possent; cæteris senatoribus libram argenti tantum, æris signati quinque millia. Cæterum omne aurum, argentum, æs signatum ad III. viros mensarios, ne Reipublica stipendio egeret, collatum est, summo certamine injecto, ut prima inter primos nomina sua vellent in publicis tabulis esse. Hæc ad verbum ex XXVI. historiæ Livianæ libro. Ita Republica convoluta & aucta, privatæ res postea civium Romanorum facile creverunt. Nam doctissimi colligunt viri, ante Augustum censum senatorium fuisse octingenta millia HS. & post Augustum duodecies. Ejus rei testes citant Suetonium & Dionem. Suetonium in vita Augusti, cum scribit: *Senatorium censum ampliavit, ac pro octingentorum millium summa duodecies HS. taxavit, supplevitque non habentibus.* Dionem vero LIV. lib. quando ait: *Inde senatus iterum lectus est. Cum enim census, qui initio senatoribus, amissis pro bella a multis patrimoniis, centum millium erat præfinitus, procedente tempore, magnis partibus opibus, ad CCL. millia perductus esset, nemo inveniebatur, qui legi vellent. quin etiam filii senatorum, & nepotes, aut propter angustias rei familiaris, aut propter parentum & avorum calamitates animis fracti, non modo non appetebant senatoriam dignitatem, sed eas quoque abdicabant.* Centum millia drachmarum procul omni dubio intelligit, quæ non octingenta, ut Suetonium vult, sunt, sed quadringenta HS. Romanorum. Itaque sciendum est Augustum exinanita urbe diminuisse primum censum, & minorem, quam fuisset antea, constituisse; deinde, post continua bella, & proscriptiones recreata civitate, & aucta divitiis, alio decreto, non solum explevisse superiorem, quem diminuerat, census numerum, sed & ampliassse. Quod ex Dionis verbis perspicuum est; nam, cum dicit censum fuisse præfinitum centum millium, causam hanc subiicit: *Quod multi, ait, bellis patrimonia amisissent.* Hunc autem censum centum millium non vererem, sed ab Augusto institutum constare, ex eodem Dionis libro. In quo paullo ante scriptum ita reliquit: *Quæ centum millia census haberent, eis magistratum petendorum potestatem dedit.* Hunc enim primum constituerat senatorium censum, quem deinde usque ad CCL. protulit. Ac de censu ab Augusto aucto, suo loco exquiremus; decies autem æris aureorum sunt, quos vocamus scutatos XV. millia. Verum priusquam auctum esset æris pretium Hannibalis bello, totidem erant, quot X. millia. Octingenta vero HS. millia, & CC. drachmarum cum XXIV. aureorum nostrorum millibus comparo. Neque hic omnia ad vivum refecimus, sed sumimus, ut hominum voluntati morem gereremus, qui cum nostri sæculi opibus antiquas illas divitias conferre studebunt. Itaque si me poenitebit, id mihi licere velim, quod in XII. scriptis concedebatur, ut calculum reducam, quo me errasse, repetito lusus totius ordine, recordabor.

C A P. XI.

Quæstus Senatorum.

Nec solum de censu cautum fuit, verum etiam de quæstu turpi & fordido. Etenim Cicero in Verrinis dixit Claudium Pulchrum prætorem ex S. C. leges Hælinis de senatu cooptando conscripsisse, in quibus tum alia multa, tum de quæstu sanxisse, quem qui fecisset ne legeretur. Quod Romæ observatum non dubito, ne fordibus illiberalis quæstus majestas ordinis amplissimi pollueretur. Ut si quis egestatem lenocinio sustentasset, aut vocem in lucrum contulisset, aut haruspiciam fecisset, aut ludicram artem exercuisset. De histronibus patet ex illo D. Augustini loco libr. i. de civitate Dei cap. XIII. *Romani vero hominibus scenicis, nec plebejam tribum, quanto minus senatoriam curiam, debonestari sinunt.* De præconibus, & haruspiciis indicat Cicero in epistola ad Leptam, in qua in principio ita est: *Simul accepi a Seleuco tuas litteras. statim quæsi e Balbo per codicillos, quid esset in lege. rescipsisti, eos, qui facerent præconium, vetari esse in decurionibus; qui fecissent, non vetari. quare bono animo sint & tui, & mei familiares: neque enim erat ferendum, cum, qui hodie haruspiciam facerent, in senatum Romæ legerentur, eos, qui aliquando præconium fecissent, in municipiis decuriones esse non licere.* Quod ad lenones attinet, non est ita res obscura, ut testimonium desideret.

C A P. XII.

Buteonis lectio.

Sequitur lectio Buteonis dictatoris, quam Livius libr. xxiii. & Plutarchus in Fabio, sub bellum ii. Punicum ponunt. Narrat uterque, cum dictator M. Junius Pera in castris esset, alterum quoque eodem tempore in urbe N. Fabium Buteonem, legendi senatus causa dictum, cum non solum convenientium ad publicum consilium post tot gravissimas clades magna infrequentia, verum etiam, ut Livius addit, civium, qui in patres legerentur, summa paucitas & inopia esset. Dictus autem est nocte, ut mos erat, auctore Livio, ex S. C. cujus a me, referendæ antiquitatis causa, talis est informata perscriptio.

****.** Quod M. Æmilius pretor V. F. de senatu suppleto D. E. R. I. C. dictatorem, qui censuram ante gessisset, vetustissimusque ex iis, qui viverent, censoris esset, senatus legendi causa, in sex menses, sine magistro equitum, oportere creari, adque cum dicendum consulem Terentium ex Apulia acciri. Qua vero animi moderatione Buteo in dictatura fuerit, quos, & quot numero senatores legerit, pluribus verbis describit Livius. Ego tamen hoc solum, quod ad institutum scriptionem pertinere videbatur, infra apposui: *Dixit se neminem senatu moturum ex iis, quos C. Flaminius, L. Æmilius censes in senatum legissent. transcribi tantum dicaturque eos iussurum, ne penes unum hominem judicium arbitriumque de fama ac moribus senatoris fuerit, & ita in demortuorum locum sublekturum, ut ordo ordini, non homo homini, prelatos esse videretur. Recitato votere senatu, inde primum in demortuorum locum legit, qui post L. Æmilium & C. Flaminiu censes curule magistratum cepissent, necdum in senatum lecti essent, ut quisque eorum senator primus creatus erat. tum legit, qui ediles, tribuni, prætores, quæstoresve fuerant. tum ex iis, qui spolia ex Romano hoste fixa domi haberent, aut civicam coronam accepissent. Ita CLXXVII. cum ingenti approbatione omnium, in senatum lectus, exemplo se magistratu abdicavit, pri-*

Avatusque de rostris descendit. Quod autem narrat eos lectos, qui spolia hostium domi fixa haberent, id ita observatum scribit Plinius libr. xxxv. ab antiquis, ut foris, & circum limina majorum fuorum, fortissimorum virorum, imagines disponent, affixis hostium spoliis. Neque miror eorum quoque, qui civem conservassent, habitam rationem, cum, ut idem auctor tradit libr. xvi. ineuntibus ludos a senatu assurgi in more esset, sedendique jus in proximo senatui haberent.

C A P. XIII.

Syllæ, Cæsaris, Antonii, & Triumvirorum lectio.

DIXI de N. Buteonis dictatura. Lectionis vero consularis Syllæ, & Rufi, præter id, quod supra attuli ex Appiano, in veterum libris nullum aliud vestigium agnovi.

At in dictatura Syllæ senatum ex equitibus supplevit, Livio teste, libr. LXXXI. Quanquam Dionysius, sub finem libr. v. cum Syllæ crudelitatem, & impotentiam in dictatura commemorat, id ei, inter cætera, vitio vertit, quod nullo discrimine, quovis in senatum legerit. Et Sallustius multos ex gregariis militibus senatores post Syllæ victoriam factos prodit. Quomodo vero id fecerit, dubitari non potest, cum scribat Appianus ab eo concessa fuisse tribus de singulis suffragia. Tacitus in Annali XI. refert, cum ante essent quæstores octo, lege Syllæ viginti creatos, suppleto senatui, cui judicia tradidat.

Julio Cæsari Africa subacta a senatu decretos, tum alios singulares honores, tum ut moribus præfectus esset in triennium, ex Dione constat. Itaque Cæsarem significat Cicero, cum sic ad Papirium Pætum scribit: *Quandiu hic erit, noster hic profectus moribus, parebo auctoritati tue.* Præfectum autem moribus appellavit senatus, Dione teste, quod censoris nomen parum ei decorum esse putaret. Cæsarem tamen senatum legisse, antequam in Africam trajecisset, reperio apud eundem historicum XLIII. libr. *Hic peregrinos, milites, libertinos, tonsores, haruspices in senatum legit.* De peregrinis patet ex iis, quæ ab initio sunt a nobis disputata. De militibus vero narrat libr. XLII. Dio, in hanc ferme sententiam: *Equitibus, centurionibus, & qui his minora in exercitu obibant munera, cum alia premia tribuit, tum quosdam ex iis, in locum demortuorum senatorum sublegit.* Et de libertinis libr. XLIII. hoc modo: *Adscripsit in senatum plurimos, nullo discrimine sive quis miles, sive libertinus esset. Lucium vero Licinium, tonsorem opulentissimum, senatorem Cæsar fœcit, quia dicebatur nimium odisse Pompeium.* Hoc Acro in explicatione Poeticæ. alium enim auctorem habeo neminem. Quod attinet ad haruspices, indicio est Ciceronis, quam supra citavi, epistola ad Leptam data. Macrobius scribit, hanc facilitatem Cæsaris in eligendo senatu Ciceronem palam irrisisse. Nam cum ab hospite suo, P. Mallio, rogaretur, ut ejus privigno, qui decurionatum ambiebat, auxilio esset, assilente frequentia dixit: *Romæ si jus habebit Pompejus, difficile est.* Sed quid mirum est Ciceronem joco pertrinxisse Cæsarem, cum, ut refert Dio, etiam milites ei in probis, senatus lectionem obijcerent? Antonianæ lectionis mentio fit apud Plutarchum, & Appianum. Hic libr. III. refert ab Antonio ex actis Cæsaris, ut fingeat, infinita civitatibus, regibus, & amicis, beneficia tributa; & non paucos in senatum adlectos. Ille libro quinto Antonium Cæsaris commentariis multa suo arbitratu adscripsit.

se tradit, nonnullis magistratus, multis senatorum ordinem dedisse, quosdam etiam ab exilio reduxisse, & publicis vinculis exemisse, hosque universos per jocum a Romanis *χαρσιντας* appellatos, quod se defuncti Caesaris commentariis tuerentur. Quae cum sic prodita, & litterarum monumentis confirmata sint a Plutarcho, Suetonioque scribat illos indignissimos senatores, qui post necem Caesaris per gratiam & praemium erant adlecti, *abortivos* vocatos, non dubito eo loco reponendum *orcinos*. Quod venit jam ante nos in mentem Petro Victorio, homini summa doctrina praedito. Sic enim & liberti quidam *orcini* dicuntur, ut in jure civili didicimus, qui directam ex testamento accipere libertatem, nec unquam patronum vivum habuere.

Subsequuta est deinde III. virum R. C. lectio, multo magis infamis. Nam ab his, L. Marcio, & C. Sabino cons. socios, milites, libertinos, atque etiam servos in senatum cooptatos ex XLIX. lib. Dionis intelligi potest.

C A P. XIV.

Augusti lectio.

RESTAT ut de temporibus Augusti dicamus. Cum anno DCCXXVI. Augustus imperium Caesaris, quod devicto Antonio ad Actium ipse sibi vendicavit, confirmasset, post aliquot annos censoriam potestatem in perpetuum populus ei mandare cupiebat, quam ille repudiavit, ac statim creavit alios censores Paullum, Plancumque. Hos ultimos privatos censuram obtinuisse tradunt. Qui censores utrum senatum legerint, nec ne, compertum non habeo. Verum illae quinque non sunt praetermittende Augusti lectiones, quas Dio memoriae & litteris prodidit. Primum igitur in Appuleii, & suo quinto consulatu Augustus cum in Agrippa censor, annos fere octo ante illos, quos modo nominavi, senatum legit; & quoniam Republica laborante plurimi, ut disserui, indignissimi, & faedissimi homines in senatum irrepserant, & propterea ad M. usque senatorum numerum excreverat; eum ordinem perpurgavit, & pristino nitore restituit. qua lectione multos, qui sibi libertini generis, vel alicujus criminis conscii essent, adhortatione sua levissima, permovit, ut in quod patrimonium quali dignitatis invaserant, de ejus possessione sponte decederent. Deinde P. & Cn. Lentulis cons. praefectus morum in quinquennium, cum senatum legere instituit, ne movendis senatoribus in odium incurreret, juratus se eos, quibus plurimum confideret, delecturum, XXX. creavit viros; quorum singulos, jurejurando eodem adactos, iussit quinque civium nomina edere, quos maxime idoneos ad senatoria munera obeunda ducerent, & ex his quinque forte unus in senatum cooptabatur. Si vero nomen alicujus, qui non adesset, primum exiret, res iterum revocabatur ad fortem. Sed cum ita aliquot diebus res acta esset, reliquos, ad explendum numerum DC. senatorum, ipse arbitrato suo legit, propter fraudem, & XXX. virum quorundam, & Quæstorum, quibus tabellas crediderat, quas nominibus inscriptis quinque illorum civium in urnam conjicerent, ut deinde manibus pueri ducerentur. Mox Licinium Regulum narrat Dio, graviter conquestum esse de sortis injustitia, quæ se dignitate senatoria spoliavit, eamque filio suo, & quibusdam aliis, nullo modo secum comparandis, detulerit; & enumeratis stipendiis, velate lacerata in curia, ut cicatrices ostenderet, corpus denudasse: atque etiam alium quendam, cui Articuleio Pato nomen erat, ut sibi

A patri loco cedere liceret, omnibus precibus obsecrasse; hujusque pietate, & illius querimonia adductum Octavianum, & quod non paucos indignos illa lectione cooptatos videret, totum ab initio senatum recitasse ait, & nonnullis senatu motis, alios sublegisse. Tercio senatum legit Augustus Tiberio, & Quintilio cons. quo tempore aucto censu, cum nemo senator esse vellet, & ideo ne tribunatum quidem quisquam peteret, ex quæstorii, & nondum XL. annos natis tribuni pl. ut fierent aliqui, omnes ipse perquirit, ac eos quidem, qui XXXV. annum (necio an. LXV. dicere velit) exceperant, præterit: qui vero infra eam ætatem erant, & censum senatorium habebant, nisi qui membris capti essent, senatores esse coegit. Quinto Augustus praefectus item morum Julio & Fabio cons. senatum legit. Sexto Sabino, & Rufo, ut arbitror, cons. Legit autem per III. viros, quos ex decem senatoribus, quorum maxime habebat prohibitum, & fidem perspectam, forte creavit. Ad hos Suetonius spectavit, cum in vita Augusti illa scripsit: *Quo plures partem administrandae Reipublice caperent, nova officia excogitavit, curam operum publicorum, viarum, aquarum, alvei Tyberis, frumenti populo dividendi, praefecturam urbis, III. viratum legendi senatus, & alterum recognoscendi turmas equitum.* Lectiones vero illas, nunc a nobis ope historiarum Dionis pluribus verbis commemoratas, vix attingit Suetonius. Namque hoc solum de iis reperi in ejus commentario: *Senatorum affluenter numerum deformi & incondita turba (erant enim super mille, & quidam indignissimi, post necem Caesaris, per gratiam & praemium adlecti, quos *orcinos* vulgus vocabat) ad modum pristinum & splendorem redegit duab. lectionibus, prima ipsorum arbitrato, quo vir virum legit, secunda suo & Agrippæ, quo tempore estimatur lorica sub veste munitis, ferroque cinctis praesedit, decem valentissimis senatorii ordinis amicis sellam suam circumstantibus.* Cordus Cremutius scribit, ne admissum quidem quenquam senatorum, nisi solum, & pretentato sinu. Quosdam ad excusandis se reverendum compulsi, servavitque, etiam excusantibus, insigne vestis, & spectandi in orchestra, epulandiue publice jus. Suspicio autem ab Augusto multa ad perpetuitatem de senatu cooptrando lancita, duo tamen illius tantum instituta ad eam rem pertinentia, veterum annalium auxilio, tanquam duæ tabulae e naufragio quodam, servatae sint. Primum enim intulit Dione auctore lib. LV. ut quotannis senatorum nomina perscripta in albo proponerentur. Deinde, quod ante diximus, censum auxit. Illud Marcio & Alinio consulibus ceptum Dio aperte dicit; hoc vero ante lectionem tertiam factum ex eo loco ejusdem historici conjicio, ubi ait, *censu prolato ad ducenta & quinquaginta millia, qui senator esse vellet, reperiri potuisse neminem.* Cæterum ducenta & quinquaginta millia drachmarum, decies sunt HS. non duodecies, quod scribit Suetonius. Duodecies autem HS. trecentis millibus drachmarum respondent. Quem octoginta senatorum tantum, non omnium, censum prodit Dio lib. XLV. Quoniam, inquit, multi senatores, & equites citra suam culpam redigebantur ad paupertatem, plerisque constitutum censum eorum ordini supplevit, octoginta autem quibusdam usque ad trecenta millia amplavit. CCL. millia drachmarum & decies HS. fere sunt XXX. aureorum nostri temporis millia; & duodecies HS. itemque CCC. millia drachmarum circiter XXXVI. millia. Verum & alium ab initio intulerat, ut disserui, Augustus senatorum censum. Is centum drachmarum, hoc est, HS. fere CCC. millia erat, quibus XII. millia aureorum opponunt rerum nummorumque antiquorum periti.

De senatus lectione satis a nobis est disputatum. Dein.

Deinceps ad eam curam toto pectore incumbemus, ut senatoris Rom. statum exprimamus, & quasi ante oculos lectorum constituamus. Queramus igitur primum, quid muneri sustinerent senatores; deinde quibus in rebus durior illis vitæ conditio quam reliquis civibus esset constituta; tum postremo quæ præmia & ornamenta haberent.

C A P. XV.

Munus senatorum.

MAXIMUM ac potissimum senatorum munus erat de Rep. cum magistratibus consulare. Neque hoc in senatu solum, verum etiam in ducum potestativum, ut Plinius vocat, consiliis. In quibus præcipuas partes senatorum fuisse, non obscure significare videtur Sallustius, cum ait: *Mentellus prope cunctos senatorii ordinis ex bibernis accersiri jubet. eorum & aliorum, quos idoneos ducebat, consilium habet. Ita more majorum ex consilii decreto per legatos Jugurthe imperat argenti pondo ducenta milia.*

Cætera vero senatoria munera investiganti mihi accuratius, primo loco judicia occurrunt. Principio Romulus, Dionysio lib. II. teste, ita iudicandi munus partitus erat cum senatoribus, ut illis tantum rerum leviorum cognitionem permitteret; sibi autem non solum criminum, quibus Resp. læderetur, vindicationem, sed & privatæ cujusque causæ maximi momenti iudicium omne reservaret. Idem historicus infra Ser. Tullium, velut operis maximi auctorem, laudat, quod privatos iudices omnium privatarum controversiarum constituisset. Verum regiorum iudiciorum omnis fere memoria vetustate obliterata evanuit. Illud autem æternis litterarum notis testatur ab historicis omnibus est, senatorium ordinem solum iudicasse, a primis libertatis temporibus, ad annum DCXXX. ad urbe condita. tot enim numerantur ad tribunatum C. Gracchi, qui sua lege judicia senatui eripuit, & ad equites transtulit. Quod cum alii sexcenti, tum M. Varro apud Nonium aperte demonstrat his verbis: *C. Gracchus senatori iniquus, equestri ordini judicia tradidit, ac bicipitem civitatem fecit discordiarum civilium fontem.* Prudenter sane, quoniam hac quasi materia præbita occultis odiorum scintillis, gravissima dissensionum inter ordines incendia, brevi tempore, exarserunt: & cum judicia modo huc, modo illic transferrentur, & ab altera parte semper maxima animorum contentione repereretur, inde ad exitum usque Reip. nullus finis certaminum fuit. Itaque cum XVI. annos tantum essent penes equites, mox consulari Servilii Cæpionis lege, ut refert Obsequens, utrique ordini communicata sunt. Neque hic cogitationum suarum aculeos doctissimi viri dissimularunt. Etenim quærent quid causæ fuerit, cur de eadem lege Drusus tribunus pl. anno DCLXII. referret. Atque huius difficultatis explicandæ duplex adhuc reperta est ratio. Alii minorem fuisse lege Servilia numerum senatorum dicunt, & opinantur hoc esse, quod in epitomis Livii de sexcentis equitibus, trecentis senatoribus admixtis, ad C. Gracchi rogationem refertur: idcircoque postea Drusum lege commisisse judicia trecentis equitibus, totidemque senatoribus, ut amplissimus ordo, cujus dignitati mirum in modum favebat, multitudinem alterius assequeretur, & exæquaret. Quidam vero ex eo concludunt, rogationem Serviliam, aut Q. Cæpionis latore damnata abrogatam, aut certe nunquam servatam. Id quod magis placet: scriptum est enim apud Ciceronem in oratione pro C. Cornelio, primum lege Ploria senatores cum equitibus iudicasse. Legibus enim Livii quoque S. C. fublatis, ad pri-

stinum statum res judiciaria redierat. Plotiæ autem tribunitiæ hæc fuit sententia, ut singulæ tribus suffragiis quinos denos per annum iudicatos crearent, ex eoque factum esse ait Alconius, ut senatores quoque in eo numero essent, & quidam etiam de plebe. Tandem iterum soli senatores iudicantur lege Syllæ dictatoris. Hic enim rerum potitus equites, quod partes Cinnæ fovissent, iudiciorum regno spoliavit. Sylla autem mortuo Aurelius Cotta prætor judicia divisit, inter senatores, equites, & tribunos ærarios. Omitto legem Pompeiam consularem, nihil enim de ordinibus mutavit. Senatorum porro, qui ea tempestate iudicarent, numerus notatur in veteri senatusconsulto, Cælii epistolis interposito, cuius caput quoddam tale est: *Et cum de ea re ad senatum referretur a consulibus, qui eorum in CCC. iudiciis essent, sex abducere liceret.* Plutarchus vero in Pompeio, & Paternus lib. II. CCLX. edunt. Proptereaque vereor ne lacuna sit in libro Cælii. Mendosum certe esse argumento est dictio *sex*, non opportuno loco collocata. Iudicium autem senatorii tantum ordinis hanc fuisse summam, etsi neque in S. C. neque in Plutarchi, Velleiique historia id expressum sit, ex eo licet existimare, quod universos iudices DCCCL. Cicero lib. VIII. ad Atticum numerat. Indæ Cæsar dictator ad equites, & senatores judicia redegit, tribunos ærarios sustulit. Post M. Antonium ad duas decurias senatorum & equitum, tertiam centuriorum ac manipulariorum legionis Alaudæ; & mox Augustus quartam ducentiarum adiunxit. Verum quidem hæc hæcenus. Plura qui volet, librum de Legibus Paulli Manutii diligenter legat, a quo omnis huius loci quæstio plene cumulateque est perfecta.

Vetus etiam institutum fuit, ut publici populi R. nuntii, cum mandatis ad exteras nationes, ex folo ordine senatorio mitterentur. Ac huius quidem rei testem habemus Livium libro IV. *Solitudinem*, ait, *in civitate ægra experti consules sunt, cum in legationes non plus binis senatoribus invenientes, coacti sunt binos equites adicere.* De ultimis Reipub. temporibus nulla, quod sciam, extat veterum auctoritas; neque aliquo exemplo hoc obeundarum legationum munus communicatum cum aliis ordinibus probari potest. Nam Servium Honoratum ego non arbitror esse antiquitatis auctorem satis idoneum, qui cum lib. IX. Virg. Æneam ex omni ordine ad Latinum oratores delegisse fingit, expressim ab eo veterem dimittendarum legationum rationem, quæ ad suam usque ætatem permanarit, interpretatur. Fætiales certe constat non fuisse senatores. Livius lib. XXXI. *Consuli a patrib. commissum est, ut quem videretur, ex iis, qui extra senatum essent, legatum mitteret ad bellum regi indicendum.* Atque etiam imperatores nonnunquam sibi legasse in equestri adhuc ordine constitutos, certum est. Scribit enim Cornelius Nepos, Atticum equitem Rom. nec cum Q. quidem Cicerone voluisse ire in Asiam, cum apud eum legati locum obtinere posset.

Jam vero cum senatorio ordine magistratus colligati, atque vinculo quodam contracti erant. Docet hoc Cicero in Cluentiana his verbis: *Senatorem hoc queri non posse, quod ea conditione honores petere coepisset, quodque permulta essent ornamenta, quibus eam mitigare molestiam posset, locus, auctoritas, domi splendor, apud exteras nationes nomen & gratia, toga prætexta, sella curulis, insignia, fasces, exercitus, imperia, provincie.* Et in defensione Postumi, cum de equitibus loquitur: *Quoniam modo se defendunt posthac qui vestri ordinis, cum magistratibus nostris, his erunt causis implicati.* Et supra in eadem oratione: *Delectat amplissimus civitatis gradus, sella curulis, fasces, imperia, provincie, sacerdotia, triumphus.* De provinciis autem, sunt hæc apud Florum: *Quid ad jus libertatis magis efficax, quam ut, senatu*

regente provincias, ordinis equestris auctoritas saltem A
judiciorum regno niteretur. Fere enim provinciae,
& imperia senatoribus mandabantur, vel iis, qui
jure magistratum in senatu venerant. Raro equi-
tibus, ac nescio an alicui stante Rep. prae-
ter Pompeium, quem cum XX. & III. annum vix ex-
cessisset, a Sylla adversus Carbonem & Perpernam
cum imperio missum constat. Hinc M. Tullius in
Pompeiana: Quid tam praeter consuetudinem, quod
homini peradolescens, cujus a senatorio gradu aeta-
longe abesset, imperium, atque exercitum dari? S-
ciliam permitti, atque Africam, bellumque in ea ad-
ministrandum? Ceterum narrat Dio lib. LIII. Augu-
stum aliis provinciis senatores praefecisse, Aegyptum
autem equites, quod eam gentem haberet suspen-
sam, ne novis reb. studeret. Quoniam vero idem
tradit infra lib. LIV. ampliato censu, in magna pau-
citate senatorum XX. viros ex equitibus constitutos;
quorum sunt III. viri capitales, III. viri auro, ar-
gento, aere, stando feriendo, III. viri viarum in ur-
be muniendarum, & X. viri iusticiis judicandis;
II. viros autem viarum extra urbem subfructuandarum
marginandarumque, & IV. viros, qui in Campa-
niam mittebantur, abrogatos; inde fit ut ista quo-
que in hunc numerum referenda existimem. X. viri
quidem iusticiis judicandis, praerant iis iudiciis,
quae ad centumviros forte deferbantur. At hoc mun-
us quaestorii ante obibat. Est enim ex Suetonio
minime dubium hac de re argumentum: Auctor,
inquit, fuit, ut centumviralem hastam, quam quaes-
tura functi cogere consueverant, X. viri cogerent.
Ad ejus rei illustrationem facit quoque monumentum,
patrum nostrorum memoria repertum, cum
indice tali: SC. A. V. A. QU. A. E. S. T. O. R. X. V. I. R. S. T. L. I. T. I. B. U. S. J. U. D. I. C. A. N. D. I. S. S. C. P. O. S. T. Q. U. A. E. S. T. U. R. A. M. E. T. X. V. I. R. A. T. U. M. S. T. L. I. T. I. B. U. S. T. R. I. B. P. L. &c. Eodem
modo ex Plutarcho reperi Caesarem Appiae viae ster-
nendae, muniendaeque post quaesturam praefectum.

Utrum autem in rebus divinis aliquid operae, &
cura a senatoribus poneretur, nec ne, nihil certi-
ficio. Nisi forte lectum sternerent, quoties pacem
Deorum, gravissimis pressa calamitatibus, civitas ex-
poneret. Sic enim Livius narrat lib. XXII. Postremo
ex libris Decembri jam mense immolatum est, lecti-
sternumque imperatum, & eum lectum senatores
straverunt. Sed non aulim affirmare, hoc perpetuo
in Republica Romana custoditum, cum nullum ha-
beam scriptorem, quo satis certo auctore stari pos-
sit. Illud testimonio Ciceronis in causa Rabirii Po-
stumi, & Dionysii Halicarnassae lib. VIII. firmum
ratumque est, sacerdotia ad cives nobilissimos, &
fere senatorii ordinis deferri solita.

C A P. XVI.

Senatorum onera.

HIS ita constitutis, quae onera legum, ac judi-
ciorum senatoribus imposita essent, videamus.
Ac primum haec tot fuisse, & adeo
gravia, ut optime cum iis agi videretur, qui in in-
feriore civitatis gradu constitissent, nemo veterum
scriptorum non omni asseveratione affirmat. Sed
unus mihi pro cunctis est Cicero. Quid igitur hic
scribit? Multa sunt, ait, imposita huic ordini on-
era, multi labores, multa pericula, non solum legum,
ac judiciorum, sed etiam rumorum, ac temporum.
sic in frumentaria in Cluentiana vero hoc modo:
Iniquum tibi videtur, Acci, esse, non iisdem legibus
omnes teneri. Primum, ut id iniquissimum esse con-
fitear, huiusmodi est, ut commutatis eis opus sit le-
gibus, non ut iis, quae sunt, legum conditionibus non
pareamus: deinde quis unquam hoc senator accusa-
vit, ut cum altiore gradum dignitatis beneficio po-

Apuli R. esset consecutus, eo se putaret divioribus uti
non oportere? quam multa sunt commoda quibus ca-
temus, quam multa molesta ac difficilia, quae subi-
mus? atque haec omnia tantum honoris & amplitu-
dinis commodis compensantur. Quorum quidem om-
nium rerum utinam nobis monumenta litterae
prodidissent. Verum nostrae est diligentiae has per-
quirere, quae in locis reconditis additae latent.

Ordinamur autem ab illa lege de indicio, cujus
etiam annus tanto temporis (quod ne sibi quidem
ipsi parcat) intervallo exoleverit, vetustissimam ta-
men esse haud invitus crediderim. His, qui proditi-
onis, majestatis, vel alterius id genus facinoris la-
rebras detexissent, si ejus consilii reperirentur, im-
punitas dabatur. Solis senatoribus indicium profite-
ri, salvis legibus, numquam licuit. Auctor est,
quem verissimum & certissimum omnes appellant,
Asconius in commentario divinationis in Caelcium
Nigrum.

Ignoratur etiam quando illud inductum sit in
Rempublicam institutum, ne senatoribus Italia egre-
di liceret, nisi jus haberent legationis liberae. Non
licuisse vero ut credam, eo ducor, quem subscibi-
bam, Ciceronis loco lib. VIII. ad Atticum. Quod
videris non dubitare, si consules transeant, quid nos
facere oporteat, certe transeunt, vel, quomodo nunc
est, transferunt. Sed memento praeter Appium nemi-
nem esse fere, qui jus non habeat transeundi. Nam
aut cum imperio sunt, ut Pompeius, ut Scipio, Fan-
nius, Voconius, Sextius, ipsi consules; quibus more
majorum concessum est vel omnes adire provincias, aut
legati sunt eorum. Ergo hi tantum transeundi ma-
re potestatem habebant, & praeter hos nemo. Quae
etiam recte scribuntur a Cicerone, ita tamen, ut facili-
possumus imaginem antiqui moris cognoscere.
Quod si quis repugnat, nec manus dare vult, ap-
pellabo Dionem, qui hoc non innuit, sed dicit
nominatim: Iussit, inquit, ut senatores omnes, o-
mnisque se magistratus sequerentur, propositum S. C.
quo impunitatem ejus demigrationis ostendebat. Post
hoc S. C. cum multa alia, gravissimis illis motibus
concitata civitate, perperam & temere fierent; tum
etiam contra morem majorum senatores per gen-
tes, per omnes provincias volitabant, donec inter-
cessit Augusti decretum, cujus apud Dionem lib.
LII. extat memoria; ne quis senator, nisi id ipse per-
misset, Italia fines excederet. Ante occulum autem
Reipublicae liberae legationes a senatu dabantur; de-
mum homines populares, cum eas a senatu impe-
trare non possent, ad populum confugere ceperant.
Scriptum enim est in quadam Epistola ad Q.
Fratrem: Illud, quod cupit Clodius, est legatio al-
qua, si minus per senatum, per populum libera. Da-
batur vero libera legatio, vel negotii privati procu-
randi, vel pecuniae exigendae, vel hereditatis obeun-
dae, vel voti solvendi causa. Negotii privati, Ci-
cero in II. Rulliana: Legatos nostros, qui rerum pri-
vatarum causa legationes obeunt. Exigendae pecu-
niae, idem pro Flacco: Legationes sumere liberae
exigendi causa iustum est. Hereditatis obeundae, ut
de lege Agraria K. Jan. Hereditatum obeundarum
causa, quibus vos legationes dedistis. Voti solvendi,
ad Atticum epistola, Post tuum, libri XV. Scripsi ad
Eutrapelum, ut is meas litteras redderet, legatione
mibi opus esse. Honestior est votiva, sed licet utraque.

Quidam vero praeter rationem scripserunt, con-
cedi quoque solitas, otiosae cessationis, suffragatorum
conciliandorum, periculi vitandi gratia. Quorum
primum ex lib. I. Legum, alterum ex tertia ad Te-
rentiam, postremum ex prima ad Atticum epistola,
posse inveniri putant. Sed eorum locorum expositio-
nes, quas illi litteris tradiderunt, a vera sententia
longe aberrant. Quoniam enim senatores ea, quae
dicunt, proposita haberent, alias tamen causas peten-
di honestiores praetendebant. Harum legationum

nullum tempus definitum fuit, ante Ciceronis consularum. Unde *III.* de legibus hoc modo loquitur: *Sed quero quid reipsa turpius, quam sine procuratore senator, legatus sine mandatis, sine ullo Reipublice munere? quod quidem legationis genus ego consul, quamquam ad commodum senatus pertinere videatur, tamen approbante senatu frequentissimo, nisi mihi levissimus tribunus pl. intercessisset, sustulisset; tamen minus tempus, & quod erat infinitum, annum feci. ita turpitudine manet, diuturnitate sublata.* Fuit item lex Julia consularis, de legationum tempore. De qua epistola ad Atticum *II.* lib. *xv.* Dolabella me sibi legavit ad *IV.* non. Apr. id mihi veri vesperti nunciatum est. votiva ne tibi quidem placebat. etenim erat absurdum, quæ, si sterisset Respublica, vovissem, ea me, everfa illa, vota dissolvere. & habent, opinor, liberæ legationes definitum tempus lege Julia, nec facile addi potest. idque adeo genus legationis, ut cum velis introire, exire liceat, quod nunc mihi additum est. bella est autem huius juris quinquennii licentia. Observavi vero, lib. *2.* ad Quintum fratrem, ita fuisse comparatum, ut in *S. C.* quo jus hoc liberæ legationis concedebatur, quo ituri essent senatores, exprimeretur. Unde concludo eos proficisci alio nequivisse. Sed propositum persequamur.

Referendum in hunc numerum exitimavi & institutum de censu. Non enim tantum ad consequendum senatorium gradum census requirebatur, verum etiam ad tuendum. Et ne absque pignore, ut ajunt, nobis credatur, dico me id hausisse ex illo eloquentiæ & morum antiquorum fonte *M. Cicerone*. Nam hæc ejus verba, in litteris ad *Q. Orcam* datis, nihil aliud significant: *C. Curtius habet in Volaterrano possessionem. hoc autem tempore Caesar eum in senatum legit, quem ordinem ille, ista possessione amissa, vix tueri potest.* Cum Ciceronis epistola congruit *Annalis* secundus *Taciti*. In eo libro sic est: *Ceterum, ut honestam innocentium paupertatem levavit, ita prodigos, & ob flagitia egenes, Vibidium Varro nem, Marium Nepotem, Appium Appianum, Cornelium Syllam, Q. Vitellium, movit senatu, aut sponte cedere passus est.*

Adversus senatum quoque fuit lex de redemptionibus, ne quid senatori, præter illa, quæ erant nominatim excepta, redimere ab ærario liceret. *Pedrianus* in posteriorem earum, quæ integræ non extant, pro *Cornelio*: *Antonius* redemptionis habebat ab ærario vestigiales quadrigas, quam redemptionem senatori habere licet per legem.

Nunc eas leges, eaque instituta, quorum auctores annalium litteris celebrantur, ordine temporum servato referamus. Antiquissima in his est *Claudia* tribunicia, *P. Cornelio* & *T. Sempronio* cos., ut *Livius* prodit, lata: *Ne quis senator, quive senatoris pater fuisset, maritimam navem, quæ plus quam trecentarum amphorarum esset, haberet.* Id satis habitum ad fructus ex agris vectandis, quæstus omnis patrib. indecorus visus est. Utitur ea lege *Cicero* in oratione de supplicis.

Post *Claudiam* venit in mentem *Sulpicia*, & ipsa tribunicia, de qua *Plutarchus* in *Sylla*: *Cum legem tulisset, ne quis senator supra duo millia denarium deberet, repertum est eum, cum moreretur, ære alieno obstrictum fuisse ad centum & vicies HS.*

Ac ne illud quidem alienum est facere mentionem hoc loco legis a *Sylla* dictatore late, ut de nummariis iudiciis, de corruptoribus iudiciorum, deque fictis & mercenariis testibus quaereretur, quæ crimina, cum aliis quibusdam, uno nomine falsi continebantur. Ante fuit etiam nescio quid ejusrei a *C. Graccho* rogatum, placuit tamen eam potius tribuere *Syllæ*, cum ab omnibus *Cornelia*, non *Sempronia* nominetur. Ratio vero cur hanc legem non putarim silentio prætereundam, hæc me impulsit, quod viderem, a *Cicerone* in *Cluentiana* non semel

A dictum, hoc genere quæstionis senatores tantum, & eos, qui magistratum habuerunt, alligatos esse. Etenim caput de falsis testibus ita tractat: *Quis de plebe Romana testimonium dixit unquam, cui non hoc periculum T. Accio auctore paratum esse videretur? nam dicturum quidem certe, si hoc iudicium plebi Romanæ propositum sit, neminem unquam esse confirmo.* De iis vero, qui convenerunt, quo quis iudicio condemnaretur, sic agit: *Ut hæc ad me causæ delata est, qui leges eas, ad quas addibemur, & in quibus versamur, nosse deberem, dixi Habito statim, de eo, qui coisset, quo quis condemnaretur, illum esse liberum, teneri autem nostrum ordinem.*

B Et infra: *Illi non hoc recusabant, ea ne lege accusarentur, qua nunc Habitus accusatur, quæ tunc erat Sempronia, nunc est Cornelia: intelligebant enim ea lege equestrem ordinem non teneri.* Et cum senatores, equites, & tribuni ærarii, per legem *Aureliam*, judicarent, illo capite, quo constituitur quæstio in eos, qui corrupti pecunia, innocentem damnarunt, aut nocentem absolverunt, solos senatores ait teneri: *Fiducianius quid fecisse dicebatur? accepisse a Cluentio HS CCCC. cujus erat ordinis? senatorii. qua lege in eo genere a senatore ratio repeti solet de pecuniis repetundis, ea lege accusatus, honestissime est absolutus.* Idem in *Postumiana* dicit: *Potentissimo, & nobilissimo tribuno pl. M. Druso, unam in equestrem ordinem quæstionem ferenti, si qui ob rem judicatam pecuniam cepisset, aperte equites Rom. resistunt.* Notavimus quidem lib. *I.* ad *Atticum* epistola, *Magna mihi, cum post absolutum Clodium promulgatum ex S. C. esset, ut de iis, qui ob judicandum pecuniam accepissent, quaereretur, equites hoc valde graviter tulisse.* & ex jurisconsultorum, qui eam legem interpretati sunt, commentariis intelligimus, de omnibus, qui hæc crimina admittunt, tanquam *Cornelia* lege teneantur, pronuntiandum esse. Itaque hoc magnopere

D considerare oportet, utrum *Cicero* in *Cluentiana* vere serioque loquatur, an temporis causæque feriat.

Ad hæc scripserunt quidam se legisse in *Suetonio* lege *Cornelia* de fictis testamentis, neminem præter senatores fuisse alligatum. Non satis intelligenter meo quidem iudicio. Non enim id colligi potest ex *Suetonii* verbis, quæ ejusmodi sunt: *Cum de falso testamento ageretur, omnesque senatores lege Cornelia tenerentur.*

Noster vero *Cicero* gravissimam ambitus penam senatoribus irrogavit. Tulit enim in consulari, ut senatoribus ambitus damnatis aqua & igni ad annos decem interdiceretur. Ejus legis multa vestigia jampridem doctissimi viri ostenderunt. Nos unum tantum testimonium institui nostri tuendi causâ apponemus. *Cicero* pro *Murena*: *Legem ambitus flagitasti, quæ tibi non deerat: erat enim severissime scripta Calpurnia. gestus est mos & voluntati & dignitati tuæ. Sed tota illa lex accusationem tuam, si haberes nocentem reum, fortasse armasset; petitioni vero refragata est. pena gravior in plebem tua voce efflagitata est: commoti animi tenuiorum. exitium in nostrum ordinem: concessit senatus postulationi tuæ, sed non libenter duriorum fortunæ communi conditionem te auctore constituit.*

F Neque excluditur ab hoc genere *III.* virum *R. C.* institutum, quod tamen paullo post *Augusto* imperante mutatum est. Sanxisse videntur *III.* viri, ut senatores vias suis munirent sumptibus. *Dio* lib. *XLVII.* senatores scribit, vias suis sumptibus munire coactos. Libro vero *LIII.* cetera deinde, inquit, viæ munitæ, sive publicæ, (neque enim senatores libenter impensas faciebant) sive ipsius *Augusti* sumptu.

Ab iisdem decretum est, ut, qui senatores, aut senatorum filii, natalem *Cæsaris* diem lauro coræ

nati non celebrassent, ii multam decies HS. penderent. Dio lib. XLVII.

Fuit item lex, cum Augustus omnia teneret, lata, ne senator libertinam uxorem ducere posset. Ab initio libertinis, non modo cum senatoribus connubia non erant, sed ne cum ingenuis quidem etiam de plebe. Nam apud Livium lib. XXIX. legimus, ex S. C. legem latam, ut Feceniae Hispanae libertinae, quod ab ea detecta Bacchanalia essent, nubere ingenuo liceret, neve ei, qui eam duxisset, ob id fraudi ignominiae esset. Inde Cicero objicit ut probum, in Philippicis Antonio, & in Sextii causa Gellio, quod libertinas in matrimonio haberent. Quo fit, ut non tam novam legem Octaviani attate latam, quam vetustissimam illi derogatum existimem. Nec idem traditur ab omnibus de latore. Celsus legem hanc Papiam vocat, Paulus Julianam. Dio assentitur in parte Paulo. Quia id narrat ad augendam prole urbem, in paucitate summa ingenuarum feminarum, ab Augusto decretum P. & Cn. Lentulis consulibus, annis circiter XXX. ante Papium & Poppaeum ex K. Jul. coff. decretum tamen non latum. Quae me varietas priscorum scriptorum nihil omnino movet. Namque fieri potest, ut hoc, quod principis indulgentia ante concessum fuerat, consul ille multo post in rogationem suam transtulerit.

Cum lege de matrimonio libertinarum conjungit Paullus & aliam, ne jus connubii esset senatori, vel ejus liberis, ad eum usque, qui ex pronepotis filio est natus, cum illa, quae ipsa, cujusve parentes ludicram artem fecerint.

Nec omitendum fortasse est Augusti edictum, ne quis senator, vel senatoris filius gladiatorio munere depugnaret. Devicto enim Pompeio, senatores ad gladiatorias operas, quae semper habitae sunt turpissimae & inhonestissimae, faciles se praebere coeperant, quemadmodum Suetonius & Dio, locupletissimi illorum temporum testes, historiarii monumentis prodiderunt. Retinendae igitur prae cae consuetudinis causa, Claudio & Norbano coff. Augustus ita edixit. Tandem etiam cavit, Marcello & Aruntio coff. ne & illi, qui nepotes senatorum aut equites essent, scenicum, gladiatoriumque artificium attingere auderent. Atque haec fere sunt, quae aliquo vestigio odorari poterimus, tum quod viderentur pertinere ad tuendam dignitatem ordinis amplissimi, tum libidine quoque magistratuum adversus senatores, ab initio urbis ad Tiberium Caesarem, constituta.

Jam ergo quod doctrinae ordo, quem proposuimus, postulat a nobis, ad tantorum onerum, tantorumque laborum fructus animum & cogitationem transferamus. Cujus loci partes erunt duae: Quoniam enim non omnes eodem jure, eademque conditione erant, primum de honoribus & praemiis, quae senatorio ordini universo; deinde vero de ornamentis & commodis, quae senatoribus quidem, sed non omnibus propolita erant, agemus.

C A P. XVII.

Senatorum honores & premia.

SENATORII ordinis utilitates non tam in potestate nocendi aliis, & peccandi licentia, quam in honoris & amplitudinis fructu positae erant. Namque omnibus in rebus si non deteriore, at certe eodem jure cum reliquis civibus utebantur. Excipio jus adversus conviciatores; de quo nulum omnino verbum fecissem, nisi me gravissima Arnobii, hominis eruditissimi, auctoritas commovisset. Ejus verba haec sunt: *Majestatis sunt apud*

vos rei, qui de vestris secus obmurmaverint aliquid legibus, magistratum in ordinem redigere, senatorem autem convicio prosequi, suis esse decretis periculosissimum panis, carmen malum conscribere, quo fama alterius coinquinetur & vita, decemviralibus scitis evadere noluisse impune. Praeterea fecerno & illud institutum, ut, qui in provincia senatori litem infert, is Romam rejici, Cicerone ad Sulpicium teste, posset. Item Corneliae legis beneficium: Sylla enim, quod est in oratione de signis, plebeiis & equitibus iudicum non amplius quam trium, senatoribus vero etiam plurium rejiciendorum potestatem dedit. Nam illud, ne quis senator in jus de latrocinio vocaretur, sero, & in illo misero Reipublicae statu paullo ante Actiacam Octaviani victoriam, decretum Dio lib. XLIX. aperte narrat.

Ornamenta vero & commoda amplitudinis, haec monumentis & litteris potissimum celebrantur. In urbe, locus ludis honestissimus, epulandarum publicae jus, & lati clavi, calceorumque insignia. In provinciis autem, praeter haec insignia, licitorum quoque & apparitorum pompa.

Ac quod attinet ad senatorium in confessu theatri locum, ex Plutarcho suspicor in vita Flaminii: *Rome*, inquit, *ludis cum senatus*, ut erat moris, *honestissimo loco confedisset*. Nec aliud intelligit Cicero in oratione pro Cluentio, cum ait: *Lentulus Popillius, quod erat libertini filius, in senatum non legit, locum quidem senatorium ludis, & cetera ornamenta reliquit*. Spectabant autem senatores in cavea, qui locus scenae proximus, & ideo commodissimus erat. Atque haec quidem causa fecit, ut Juvenalis caneret:

*Aequales illic habitus, similesque videbis
Orchestra, & populum*

Secreta vero sunt in theatro senatorum loca anno DLIX. P. Africano II. & Ti. Longo coff. sic enim Cicero in causa Cornelia: *P. Africanus, cum consul esset, passus est tum primum a populari consensu senatoria sublevis separari*. Factum id esse Antias, apud Pedianum, tradidit, ludis Romanis, quos fecerunt Aediles curules Atilius Serranus, T. Scribonius Libo. idque eos fecisse iussu censorum, Sex. Elii Paeti, C. Corneliae Cethegi. In circo autem jam inde a Tarquinio Prisco rege, loca divisa sunt patribus, equitibusque, ut Livius narrat, vel ut Dionysius, curiis, ubi spectacula sibi quisque facerent, quos foros appellarunt. Unde Varro libro IV. de Lingua Latina. Circus maximus dictus, quasi circum spectaculis aedificatus.

Solos senatores inisse epulas convivorum publicorum, concedit non invitatus ille, qui ea, quae Dio & Suetonius historici scribunt, diligenter attendet. Suetonius quidem in Augusto: *Quosdam ad excusandi vecundiam compulsi, servavitque etiam excusantibus insigne vestis, & spectandi in orchestra, epulandique publicae jus*. Dio vero lib. LV. *Sacerdotium deinde Cajo dedit, utque illi in senatum venire, & ludos inter senatores spectare, publicasque inter epulas liceret, decrevit*.

Vestitu senatores a plebe & equitibus fuisse distinctos, documento est illud, quod Dio Ciceronem, cum de ejus exilio legem ferret Clodius, senatoria veste abjecta, equitis habitum assumpsisse scribit. Hoc autem insigne erat tunica lati clavi. Cujus rei testem habeo Suetonium, antiquorum institutorum auctorem valde idoneum. Hic enim de Gallis in senatum a Caesare lectis ait illa vulgo decantata: *Galli incuria brachias deposuerunt, latum clavum sumpservunt*. Et alio loco narrat, cum Augusto, summenti virilem togam, tunica lati clavi relictua ex utraque parte ad pedes decidisset, fuisse qui interpretarentur, non aliud significare, quam quod is ordo, cujus insigne id esset, aliquando ei subiceretur. nempe ordo senatorius. Postremis vero temporibus Augustus in-

tulit, ut senatorum quoque filii hanc tunicam proptinus induerent. Quæro tamen a Suetonio, qui id prodidit literis, quomodo ipsi Augustus sumenti virilem togam, cum adhuc in senatum lectus non esset, ad pedes deciderit. An quod ea pueri, ut & prætexa, ornarentur? Falsa autem opinio illorum mentes occupavit, qui genus hoc tunica nomen invenisse credunt, vel a retinaculis, ut ita dicam, quibus pars vestis alteri conjuncta retinetur; vel quod hæc tunica forma latior cæteris esset. Clavata enim vestimenta vocabantur, auctore Festo, clavis, & tanquam floribus intertexta & distincta. Hoc modo & sacerdotum vestes, & mappas variari solitas, ex Martiale, Silioque Poetis intelligitur. Hi autem clavi in tunicis senatorum purpurei erant. Plinius lib. xxxiii. *Anuli distinguere alterum ordinem a plebe, ut semel coeperunt esse celebres: sicut tunica ab anulis senatum tantum, quamquam & hoc seculo, vulgoque purpura latiore tunica usque invenimus etiam præcones, sicut patrem L. Aelii Stilonis.* Unde etiam, si quis quærat, quando hoc inductum sit institutum, haud difficile erit respondere. Latius autem angustis opponitur. Varro lib. viii. de lingua Latina: *Si quis tunicam ita confuit, ut altera plagula sit angustius clavis, altera latius, utraque pari in suo genere caret analogia.* Sed ne cui mirum videatur Propertium, elegiarum scriptorem eruditissimum, senatum appellare prætexatum. magna enim supremi consilii pars magistratibus constabat. Eodem modo, cum, ut mea fert opinio, statuz fere iis senatoribus, qui magistratus habuerunt, ponerentur; vel etiam cum ipsi se vestitu cultusque pingi vellent lautissimo, in Nerva refert Dio, senatores in tunica, & prætexa purpurea, cum corona aurea pingi solitos.

Calceos senatores habuisse diversos a reliquorum civium calceis, non est quod dubitetur, cum habeamus Ciceronis testimonium. Teltatur autem id xiii. Philippica: *Est etiam Asinius quidam senator voluntarius lectus ipse a se, apertam curiam vidit post Caesaris mortem, mutavit calceos, pater conscriptus repente est factus.* Quales autem senatorum fuerint calcei, ingenue me nescire fateor. Neque ut sciam valde laboro. Omnes ajunt hos fuisse lunatos. Id fecus est, si Zonaram historicum audias: *Plebei, inquit, cum olim pluribus rebus deteriore conditione essent quam patricii, procedente tempore, interregno, & sacerdotiis quibusdam exceptis, par cum illis jus obtinuerunt, neque præter calceos quidquam diversum ab illis habuerunt. Nam patricii in urbe gestabant calceos adornatos corrigiarum inflexione, & forma litteræ C, ut a centum Romuli senatoribus originem trahere viderentur.* Et Iliodorus, auctor non contemnendus, calceos lunatos, patricios nominat. Sex autem Pompejus ita scribit: *Mulleos genus calceorum ajunt esse, quibus reges Albanorum primi, deinde patricii usi sunt.* M. Cato originum lib. vii. *Qui magistratum curulem cepisset, calceos mulleos alutatos, cæteri perones.* Legendæ sunt eadem de re Quæstiones Plutarchi, & Sætury vii. Juvenalis, itemque vi. Horatii, libri primi, sermo. Servius Honoratus nugatur de calcamentis Thufcis, hoc est, crepidis nescio quid, quibus ait usos primum senatores, post equites Rom. & demum illa ætate, qua vixit, milites.

Cæterum lictores (id enim postremum erat) senatoribus, & si non lege, veteri tamen consuetudine, & instituto majorum in provincia datos, colligo ex ea Ciceronis epistola, qua Anicium, legatum in Africam legatione libera, Q. Cornificio commendat.

Superest, ut præmia & ornamenta illa referamus, quæ senatorum quidem, sed non omnium erant. Senatores in honoribus petendis versatos esse, supra ostendimus. Nunc vero, quanta ex gradibus magi-

stratum extiterit inter eos dissimilitudo, considerare oportet. A magistratibus, quos ultimo loco gessissent, qui ex supremo ordine erant, alii quæstorii, quidam tribunicii, multi ædilitii, nonnulli prætorii, consulares, & censorii nominabantur; ac ut quisque maximo perfunctus erat magistratu, ita dignitate supremus habebatur. Servavit eos gradus Cicero in recensendis illis, qui a Pompeii partibus steterant xiii. in Antonium Philippica: *Hoc igitur fretus senatu, Pompeianum senatum despiciat, in quo decem fuimus consulares.* Quos ubi enumeravit, subiungit hæc deinceps: *Qui vero prætorii? Et paullo post: Qui ædilitii? qui tribunicii? qui quæstorii?* Notat item hoc discrimen Mæcenas, cujus oratio expolita est in Dionis annalibus, in qua cum alia multa, tum ut senatui cognitionem de senatorum criminibus permitteret suadens Augustus, addit non esse ferendum, ut sententiam dicant inferiores dignitate, de iis, qui majore perfuncti essent magistratu, verbi gratia de ædilitiis quæstorii, aut de prætoriiis ædilitii. Ac censorius quidem gradus hoc juris antiquitus habuit, quod ex eo tantum princeps senatus legebatur. Consulares vero soli in luctu civitatis togis induebantur. Cicero viii. Philippica: *Equidem P. C. quamquam hoc honore usi togati solent esse, cum est in sagis civitas: statui tamen a vobis, cæterisque civibus in tanta atrocitate temporis, tantæque perturbatione populi R. non differre vestitu.* Non enim ita gerimus nos hoc bello consulares, ut æquo animo populus R. visurus sit nostri honoris insignia. Et quamquam post consulatum censura gerebatur, principes tamen sententiarum consulares Livius vocat. Credo quod censorii raro venient in senatum, cum ætatis fere omnes haberent vacationem. Prætorii autem licebat uti prætexa toga festis diebus, quod patet ex hoc loco Seneca lib. i. Declamatorium: *Prætorio uti licet prætexa toga, festis & solemnibus diebus, nunquid necesse est?* Et ex hoc Plutarchi in Catone minore: *Senatus frequenter, præter alios honores, Catoni præturam extraordinariam decrevit, utque ludos toga purpurea prætexa spectaret.* Cæterum quod ad ædilitios pertinere videtur, Gellius refert C. Bassum in commentariis suis scripsisse, *senatores veterum ætate, qui curulem magistratum gessissent, curru solitis honoris gratia in curiam vesti, in quo curru sella esset, supra quam considerent: quæ, ob eam causam, curulis appellaretur.* Sed eos, qui magistratum curulem nondum ceperant, pedibus itavisse in curiam, proptereaque pedarios nominatos. Quo loco mihi non satisfacit Bassus. Nam primum ostendimus, non ob eam causam pedarios senatores dictos. Deinde videtur Bassus fuisse consuetudinis senatoriæ morumque veterum oblitus. An enim credemus Q. Metellum id, inter cætera summa, cum patrem suum in funere laudaret, relatum fuisse, quod mediocres homines, mediocribus honoribus uti, omnes sunt consecuti? vulgatumque ac tritum hoc fuisse, quod admiratione populi R. perspicua declaratum, & in lapidem ad posteritatis memoriam, senatus decreto, populique jussu, incisum videmus. Nam hæc verba traduntur inscripta in monumento quodam, quod se vidisse in Capitolio Dionysius testatur.

S. P. Q. R.

L. METELLUS. PONT. II. COS. DICT. MAG. EQ. XV VIR. AG. DAND. QUI PRIMUS ELEPHANTOS PRIMO PUNICO BELLO DUXIT IN TRIUMPHO. PRIMARIUS BELLATOR. OPTUMUS ORATOR. FORTISSIMUS IMP. AUSPICIO SUO MAXIMAS RES G. MAXIMO USUS HONORE. SUMMA SAPIENTIA. MAX. SEN. PART. AMEX. ÆQUO PECUNIAM MAG. SING. L. RELIQUIT. CLA.

Zzz. ii]

RISSIMUS INCIVITATE FUIT. TRIBUIT
EI P. R. UT QUOTIES IN SENATUM
IRET. CURRU VEHERETUR AD CU-
RIAM. QUOD A CONDITO ÆVO NULLI
ALII CONTIGIT.

Et tanto magis credemus hoc soli tributum Me-
tello, si caussam, cur hoc magnifico munere affe-
ctus sit, cognoverimus. Eam reddit Plinius cap. iiii.
lib. vii. his verbis: *Magnum hoc & sublime, sed pro
oculis datum, quos amisit incendio, cum Palladium
ex æde Vestæ raperet.* Senatorios vero tribunicii gra-
dus honores, præter antiquiorem, quam esset quæ-
storius, sententiæ dicendæ locum, nullos reperio.
Intelligendum est autem, quæ tribuimus ornamen-
ta inferioribus senatoribus pro magistratuum gesto-
rum amplitudine, ea omnia obtinuisse illos, qui ma-
jorem habuissent magistratum. Hæc res, etsi non ita
est obscura, cum constet neminem, nisi per mino-
res magistratus, ad majores potuisse pervenire, ta-
men exemplo uno proposito declaranda videtur.
Demonstravimus prætorios prætexta diebus festis us-
tos, quo honore carebant tribunicii, & quæstorii.
Consulares tamen ejus erant participes, ut in ii.
Antoniana licet animadvertere. Nescis, ait, *heri
in circo quartum diem ludorum Romanorum fuisse?*
*te autem ipsum ad populum tulisse, ut quintus præ-
textæ dies Casari tribueretur? cur non sumus prætex-
tati?* Prætexta invenio rationem quandam, etiam
non capto magistratu majore, consequendorum ali-
cujus honestioris gradus ornamentorum, si quis se-
natorem, qui non esset designatus, & alium magi-
stratum ante cepisset, de ambitu damnaasset. Quod
Cicero pro Balbo hoc modo dixit: *Obiectum est et-
iam, quod in tribum Crustumina pervenerit: quod
hic affectus est legis de ambitu præmio, minus in-
vidioso, quam qui legum præmiis prætoriam sententiam,
& prætextam togam consequuntur.* Potuit item su-
perior gradus S. C. extra ordinem dari.

Illis vero solis (si ne hoc quidem silentio præter-
eundum esset) qui in legationibus operam suam Reip.
navabant, antiquis temporibus dabatur anuli au-
rei. Admonuit me hujus rei Plinius lib. xxxix. Lon-
go, inquit, tempore ne senatum quidem Romanum ha-
buisset anulos aureos, manifestum est. Si quidem his
tantum, qui legati ad externas gentes ituri essent, a-
nuli publice dabantur, credo, quoniam ita extero-
rum honoratissimi intelligebantur. Sed hi post, equi-
tes a plebe distinguere cœperunt. Illa quoque æta-
te quosdam legatos, qui Athenas propter leges ie-
rant, x. viros creatos a Livio didicimus, ut pro le-
gatione tam longinqua præmio esset honos. Qui au-
tem ferro in legatione esset intersectus, mors ejus,
statua ex S. C. posita, honorabatur. Jus vero istud tra-
ctatur a Cicerone integra ix. in Antonium Philippica.

Ecce quoniam hunc sermonem semel sum ingressus,
uno verbo dico, iudices suppellectili, rebusque neces-
sariis quibusdam instrui publice solitos. Neque aliud
quidquam ex monumentis annalium de præmiis eo-
rum, qui iudiciis operam darent, suspicari potui. Et
hoc ipsum vetulas, ut alia fortasse non pauca, obli-
vione obruisset, nisi unius Lampridii testimonio co-
gnitum esset. Historicus autem hic ita narrat in vita
Severi: *Judices cum promoveret, exemplo veterum, ut
& Cicero docet, & argento & necessariis instruebat.*

C A P. XVIII.

De numero senatorum.

HIS igitur ex rebus breviter a nobis disputatis,
quale fuerit jus supremi ordinis, facile, meo
quidem iudicio, quilibet conjectura assequi
poterit. Quibus si ea adjecto, quæ de numero se-
natorum observavi, & quomodo senatorius ordo a-

mitteretur exposuero, huic parti primæ muneris,
in qua mihi de senatoribus dicendum proposui, a-
bunde me satisfecisse arbitrabor.

Ad numerum senatorum cognoscendum tempo-
rum ratio & discrimen permagni momenti est. Ita-
que ordiamur a primo urbis ortu, unde, tanquam
per gradus, ad ultimum libertatis tempus, & unius
Augusti imperium descendemus. Romulus ex Al-
banis, qui cum eo urbem condiderant, centum crea-
vit senatores; deinde, ut quidam tradunt, centum,
vel, ut alii, quinquaginta ex Sabinis. Hæc sere
Dionysius. Plutarchus autem in Romulo refert post
Sabinum fœdus, regem utrumque cum centum suis
senatoribus, primum scorum, postea uno eodem-
que in loco consultasse. Verum Livius longe secus
hac de re sensisse videtur. Etenim regnante Tarqui-
nio Prisco, ducentos tantum fuisse innuit; centum
ab illo lectos, & priores Romuli centum. Libera-
ta certe Republica trecentos lectos inter omnes con-
venit. Livius quidem testatur, cum crudelitate &
scelere Superbi senatus esset diminutus, Brutum ex
equestri gradu patrum numerum ad trecentorum
summam explevisse. Atque etiam Sex. Pompeius,
& Plutarchus adlectorum numerum adnotant; neque
tamen hujus facti auctorem Brutum, sed col-
legam ejus Valerium laudant. In Festi libro ita est:

*Quo tempore, regibus urbe pulsus, P. Valerius con-
sul, propter inopiam patriciorum, ex plebe adlegit in
numerum senatorum centum sexaginta & quatuor,
ut explet numerum senatorum trecentorum.* In Plu-
tarchi autem Romulo in hanc sententiam: *Cæso
Bruto, Valerius patrum numerum explevit.* Multi
enim a Tarquinio rege trucidati erant, multi nuper
in pugna adversus Ventes & Tarquinienfes cecide-
rant. qui vero adscripti ab ipso sunt, CLXIV. fuisse
traduntur. Dionysius vero lib. v. laudem hanc utri-
que communicat: & eandem summam senatorum,
quod caput est hujus loci disputationis & orationis
meæ, prodit. Ac tum duo genera senatorum exti-
terunt, auctore Festo, veteres illi patres, novi ve-
ro conscripti. Id Livio quoque probatur. *Traditum-
que, ait, inde fertur, ut in senatum vocarentur,
qui patres, quique conscripti essent: conscriptos vide-
licet, in novum senatum appellabant lectos.* Sed post-
ea universos hîc duobus nominibus solitos vocari,
Plutarchus aperte docet his pene verbis: *Hoc no-
stro sæculo senatores a Romanis patres conscripti, ab
exterioribus principes vocantur.* Ad hæc videmus, in om-
nibus orationibus in senatu habitis, conjunctim
patres conscriptos compelliari. Porro eundem nume-
rum senatorum edit, post Asiam Eumeni attribu-
tam, Judæus ille scriptor, qui res Machabæorum
gestas litterarum monumentis mandavit, dicitque
trecentos viros de Republica illis temporibus Romæ
consultasse. Neque lego de immutando hoc nume-
ro actum ad C. Gracchum usque tribunum plebis.
Hic enim, ut reperio in epitoma Livii lib. LX. le-
gem tulit, qua equestrem ordinem, tum cum sena-
tu consentientem, corrumpere, ut sexcenti equi-
tes trecentis senatoribus admiscerentur. Verum lo-
cus ille mendosus est. Et ex iisdem epitomis con-
stat Gracchum legem tulisse de iudiciis a senatu a-
movendis, non autem de equitibus in supremum
ordinem adlegendis. Itaque nunquam adductus sum
ut crederem Semproniam legem senatum auctum. Mul-
to vero minus assentior iis, qui lege Livia ad tre-
centos senatores veteres, totidem numero novos ex
equitibus adscriptos ajunt. Etsi enim rogavit ejus rei
nescio quid Drusus, historia Græca Appiani teste,
tamen nemo, qui Ciceronis libros vel extremis di-
gitis attigerit, ignorat, referente Philippo consule,
eodem anno, uno versiculo senatus, omnes Livias
leges sublatas. Carolus Sigonius concludit argumen-
tis haud levissimis & infirmis, senatus nume-
rum a Sylla fuisse amplificatum. Quod videlicet &

consul, & dictator trecentos ex equitibus legerit. Cum eo igitur non contendo, sed dico paulo post inamuratum etiam esse senatorum numerum a censoribus lustri LXXVII. Pifone, & Messala cossi. Hoc autem, cum apud Dionem legerim, non divinas affumo: *Iisdem*, inquit, *consulibus omnes eos, qui magistratus gesserant, censores supra legitimum numerum in senatum legerunt.* Numeri autem hujus notavi apud Ciceronem & Appianum vestigia quædam. Cicero enim in Epistola ad Atticum, hoc ipso anno data, sic scribit: *Homines ad XV. Curioni nullum S. C. facienti assenserunt, facile ex altera parte C.D. affuerunt.* Et in senatu, postquam ab exilio reversus est, dixit: *Quo quidem die cum C.DX. senatores essetis.* Appianus vero lib. II. cum retulisset Curio, eequid conferentne patres, & Cæsarem, & Pompeium imperium deponere, XXI. in alia omnia; trecentos autem & septuaginta in Curionis sententiam pedibus iussit narrat. Paucos post annos Cæsar Dictator IV. quemadmodum Dio lib. XLIII. refert, DCCC. legit; & post mortem Cæsaris Antonius & III. viri mille, auctore Suetonio. Quem numerum senatorum, affluentem incondita turba, diminuit Augustus, & ad DC. tantum redegit. Expedita mihi erunt omnia, si testem protulerò. Dio lib. LV. *Statuerat quidem exemplo, institutioque majorem, CCC. tantum senatores legere, & præclare agi cum civitate existimabat, si tot in ea dignos ordine amplissimo reperiret. DC. tamen recitavit, quod invidiam, & offensionem timeret, si plures, quam legisset, senatu moveret.* Satis de numero.

C A P. XIX.

Quibus de causis senatu moti.

AMITTEBATUR autem ordinis amplissimi dignitas ab illis, quos aut senatus removendos censuisset, aut qui turpi de crimine aliquo, aut de ambitu convicti, aut a populo damnati, aut censoria animadversione notari essent. A senatu quidem L. Sulpicium consulari familia summoque ingenio virum, ob libidinose suspitionis notam, loco motum, L. Porcius Latro literis tradidit. De turpi vero judicio colligo ex oratione pro Flacco, cum ait: *Lysanias adeptus est ordinem senatorium; sed cum Republicam nimium complecteretur, peculatus damnatus, & bona, & nomen senatorium amisit.* At de Tennigensi fenatore, non de Romano loquitur? Certe. Non tamen est cur valde hoc incommodum pertimescam. Etenim patet jam, ut opinor, ex iis, quæ de lectione diximus, Romæ idem cautum fuisse. Qua de re & Zonaras: *Post constitutum est, ut qui semel in senatum lectus esset, per omnem ætatem in eo ordine permaneret, nisi aut turpi judicio damnaretur, aut ob vitæ dedecora pelleretur.* Cæterum C. Piso cum M. Glabione consul tulit, ut qui ambitione magistratum a populo contendissent, omni honorum petitione & senatorio gradu prohiberentur, & insuper certa pecunia multarentur. Hæc Dio lib. xxxvi. Antiquior hac consulari Calpurnia, Cassia tribunicia fuit. Nam ejus annum ponit Afconius, interpretes Ciceronis optimus, & in demonstranda antiquitate accuratissimus, C. Mario C. Flavio cossi. Tulit autem Cassius Longinus his consulis, ut quem populus damnasset, cuive imperium abrogasset, in senatu ne esset: Tranibo deinceps, ut institui, ad judicia & notationes censorum, si prius admonuero illud, ut de vi privata convicti, neque senatores essent, neque ullum honorem caperent, non in lege Julia scriptum, quod fortasse videri possit, Martianum jurisperitum significare, sed ex S. C. (Voluntiam credo, cujus in Pandectis eodem loco fit mentio) additum, Perdebant

demum senatorium ordinem illi, quorum nomen in recitando senatu censores præterissent. Namque ut censores jus legendi in senatum, ita etiam movendi, quos vellent, habebant. *Sub ditionem enimque magistratus, ut Livii verbis utar, senatus, equitum centuriæ, decoris dedecorisque discrimen erat.* Idem Plutarchus in Paulo tradit: *Habent censores potestatem movendi senatu, qui impure ac flagitiose vivunt, senatus principem legendi, juvenes immoderatos & intemperantes, adempto equo, notandi.* Explicandum hoc loco est, quæ notæ censoriæ dicerentur. Patrum memoria, teste Livio lib. xxxix. institutum erat, ut censores motis e senatu adscriberent notas. Unde Catonis, & aliorum orationes feruntur editæ, in eos, quos aut senatorio loco moverant, aut quibus equos ademrant: Itaque notam adscribere, nihil aliud fuit, quam causam infamem & ignominiosam in præteritum aliquid edere. Hanc vero in Appii & Pisonis censura editam in senatu observo, apud Dionem lib. XL. Jam ergo perspicuum est, notare, & ordine movere, quantum inter se distent. Ob leviores siquidem causas movebant tantum censores; gravioribus autem pollutos sceleribus notabant. Verbi gratia Lentulus, ut est in Cluentiana, Popillium, quod erat libertini filius, in senatum non legit, & cum ignominia omni liberavit. Notatos autem quosdam, tribu etiam motos, & ærarios factos, Livius lib. XLII. memorat. Festus significat hoc institutum notarum adscribendarum inductum, postquam censores creati cepti sunt. Etiã vero, ut idem scribit, turpe ducebatur ejci senatu, & loco moti ignominiosi habebantur, non ita tamen, ut iis a civibus incorruptæ famæ convictus interderetur. Et quod Jurisconsulti capite de judiciis tradunt, lege impediri ne iudex sit, qui senatu motus est, id Reipublicæ temporibus non servatum, satis aperte Ciceronis hæc verba pro Cluentio demonstrant: *Prætores urbis qui jurati debent optimum quæque in selectos iudices referre, nunquam sibi ad eam rem censoriam ignominiam impedimento esse duxerunt.* Comperiat autem adversus censoris vim eos, qui pellerentur, sæpe auxilio usos collegæ. Cicero in eadem oratione: *Atque etiam ipsi inter se censores judicium tanti esse arbitrantur, ut alter alterius judicium, non modo reprehendat, sed etiam rescindat, ut alter de senatu moveri velit, alter retineat, & ordine amplissimo dignum existimet.* Exemplum ex antiquitate vis ut proferam? Haud magni negotii est id invenire. Livius lib. XL. *Tres ejciti de senatu, retinuit quosdam Lepidus a collega præteritos, Cæterum Curionem tribunum pl. cum moveretur senatu ab Ap. Claudio censore, sententiis patrum eam labem repulisse Dio auctor est.* Commemoratur vero Pedianus legem a Claudio tribuno pl. latam, Gabinio & Pifone cossi. ne quem censores in senatu legendo præterirent, neve qua ignominia afficerent, nisi qui apud eos accusatus, & utriusque censoris sententia damnatus esset. Itaque cum vix accusatores reperirentur, neque censoris conscientia ad animadversionem in homines indignos sufficeret, clamat ille noster ubique censoriam notationem, gravissimum judicium sanctissimi magistratus, omnem denique virtutis disciplinam de civitate sublatam. Hoc tamen plebiscitum non multo post, Q. Scipio consul, Cn. Pompeii collega, abrogavit. Non fuisse autem ita firma & fixa censorum judicia, ut ab aliis censoribus convelli non possent, facile est veterum testimoniis convincere. Pedianus in Divinationem in Nigrum: *Eorum, inquit, notam successores plerumque solvebant.* Recuperandi ergo ordinis causa loco moti, petebant denuo magistratus. Sic in illa asperissima & acerbissima declamatione Sallustius dicitur in senatum post quaesturam reductus. Dio vero lib. xxxviii. hoc modo scribit: *Catilina negotium agebat, per administratos consules inprimis C. Antonium & P. Lentulum, qui post con-*

fulatum senatu ejectus erat, atque eorum præturam ceperat, ut jus ordinis recuperaret. Quantum igitur conjectura auguror, recipi in senatum, notati post quaesturam poterant. Verum & majores magistratus gerebant, propter ornamenta ea, quæ diximus, & quod non prius se delecturos hanc infamiam, putarent, quam ad illud dignitatis fastigium, de quo dejecti erant, revenissent. Excipio infami judicio, & de ambitu damnatos, quibus neque ad honores, neque in curiam reditus dabatur. Quorum illud Cic. pro Cluentio; hoc vero lib. xxxvi. & xxxvii. Dio testatur. De his, qui lege Cassia ordinem amiserunt, certum nescio, nec libenter progredior longius, quam mihi annalium monumenta concedunt.

C A P. XX.

Exempla eorum, qui senatu moti & ob quas causas.

QUONIAM autem hæc scribimus, ut inde vitæ documenta sumi possint, breviter ob quas causas, qui loco moti aliquando fuerint, exponamus. Primum lustro ordine xii. anno octavo postquam hic magistratus creari coeptus est, Mamerum, quam primum deposuit dictaturam, quo in magistratu legem pertulerat, ne plus quam annua ac semestris censura esset, quæ antea quinquennalis erat, C. Furius Pacilus, & M. Geganius Macerinus tribu moverunt, & octuplicato censu ærarium fecerunt, causam hanc ignominie, ut ait Livius lib. iv. adscripserunt, quod magistratum populi R. minuisset. Nec ullam deinceps causam edunt annales ignominie senatorie ad M. Valerium Maximum, & C. Junium Bubulcum Brutum, qui Antonium senatu moverent, quemadmodum Valerius lib. ii. refert, quod, quam virginem in matrimonium duxerat, repudiasset, nullo amicorum in consilium adhibito. Hos autem censores comparant lapides Capitolini, & lustrum condidisse testantur xxvii. in Claudii Cæci & Volumnii Flammæ consulatu. Sequenti lustro Fabius Rullianus libertinos ejecit. Tertius est Plutarchus in Pompeio. Trigesimo vero tertio Fabricius censor P. Rufinum consularem senatu movit, quod decem pondo argenti facti haberet. Ita scribit Livius lib. xiv. meminit item lib. xvi. epistolarum Seneca, & Plinius xxxiii. naturalis historie. Anno dxliv. Fabio v. Fulvio i. v. coss. a Cornelio Cethego, & Sempronio Tuditano censoribus, qui xliv. lustrum condiderunt, octo sunt præteriti, auctore Livio lib. xxxv. i. fenatores, inter quos L. Cæcilius Metellus erat, infamis deferendæ Italie post Cannensem cladem auctor; aliis quæ notæ fuerint adscriptæ, neque a Livio, nec ab alio quoquam, est proditum. Anno deinde dlxix. P. Claudio Pulchro & L. Porcio Licino coss. M. Cato cum L. Flacco xlvi. lustri censor L. Quinctium Flaminium, & Manilium inter alios notavit. Flaminium, quod, cum consul præficeret Gallie provincie, transugam Bojum, fidei populi R. implorantem, manu sua transfodisset, oblectandi gratia chari sortis Philippi Pæni. Causam hanc prodiderat ipsemet Cato, teste Livio, in ea, quam composuit in L. Quinctium, oratione. Ita etiam Cicero in lib. de Senectute, & Plutarchus in vita Catonis. Valerius Antias fabulose scripserat, tempus tantum spectaculi ad arbitrium, securi percussum, quod dicta & facta quedam memorabilia collegit. Manilius vero propterea movit, quod is interdiu, præsentem filia, uxorem esset osculatus, nunquam mulierem in suum amplexum venisse addens, nisi cum vehemens tonitru exitisset, seque joco fo-

litum dicere, Jove tonante, se felicem esse. Plutarchus in Præceptis connubialibus, & in vita Catonis. Violentissimum item par censorum fuit, Q. Fulvius Flaccus, & A. Postumius Albinus, lustro li. Sp. Postumio, & Q. Mucio coss. Asperior tamen Flaccus. Nam L. Fulvium fratrem germanum, & etiam consortem, ausum injussu consulis, ut tradit Valerius de disciplina militari, domum dimittere coortem, in qua tribunus militum erat, senatu movit. Persequamur notam severitatem Cassii Longini & Cæpionis, qui Emilius Lepidum Augurem ob sumptum habitationis adesse jusserunt, quod sex millibus habitaret. Sic Velleius Paternulus libro priore. Fuerunt autem hi censores Plautio & Fulvio coss. lx. lustro. Plutarchus scribit Cassii Sabaconis, qui Marium præ cæteris in præturæ petitione juvit, servum comitis intra septa conspectum, cumque Marius de ambitu causam diceret, Cassium, a iudicibus interrogatum, respondisse se, contracta ob ælitum siti, frigidam poposcisse, servumque cum poculo septa intrasse, & aqua allata, e vestigio abiisse. Er quoniam Marius absolutus sit, Cassium tamen a censoribus notatum refert, siue quod falsum testimonium dixisset; siue quod in publico bibere, aut aliquantisper sitim pati non posse, intemperantis hominis esse videretur. Notatus hic procul dubio est a Scauro & Druso censoribus, vela Fabio & Geta. Hæc vero me in eam sententiam ratio potissimum ducit, quod me Cicero iii. de officiis docuerit, C. Marium, cum a spe consulatus abesset, septimum annum post præturam jaciisse. Itaque, annorum conjectura utens, Marium prætorem fuisse Balbo & Catone coss. reor. Post hos vero consules tertio anno Scaurus & Drusus censores fuerunt, & cum Drusus in magistratu mortuus esset, Fabius Allobrogicus & Licinius Geta, in eorum locum, insequenti anno creati, lustrum lxiii. condiderunt, ut demonstratur est a doctissimo viro, qui falsos Capitolinos temporum injuria fractos & mutilos, aliquot ante annos, consolidavit, & perfecit. M. autem Antonius & L. Flaccus censores lustro lxv. dyronium senatu moverunt, quia legem de coercendis conviviorum sumptibus latam tribunus plebis abrogaverat. Eam rem iidem verbis commemorat Valerius de censoria nota. Lustro etiam sequenti Lentulus & Gellius diligentem & severam censuram gesserunt, quatuor & sexaginta senatu motis. Causæ non extant præter hæc, apud Pedianum in Antonium, quod focios diripuerit, iudicium recusarit, propter æris alieni magnitudinem prædia manciparit, bonaque sua in potestate non haberet. Et illas, quas Cicero commemorat in Cluentiana, in M. Aquillium & T. Guttam, de captis ob rem judicandam pecuniis, & in alios quosdam, de furto, & in L. Popillium, quod erat libertini filius. Appius autem Claudius anno dcciii. Paulo & Marcello coss. cum L. Pisone censor, libertinos ejecit, Dione auctore. Ex his Tullius quidam ab Horatio sermone sexto nominatur. reliquorum memoria abiit. Idem vero censor, ut ex historia Dionis, & ex declamatione, quæ Ciceroni tribuitur, intelligi potest, Salustium, ob adulteria, perditosque mores notavit. Et Augustus homo sapientissimus multos, ut exposui, ad verecundiam excusandi compulsi, cum de genere & vita, ipsorum conscientia se contentum esse dixisset. Plutarchus in Cicerone refert, Lentulum Catilinariæ conjurationis participem, ob effusam intemperantiam & petulantiam ejectum. De tempore nullum omnino verbum. neque nobis etiam, hanc rem animo rationeque lustrantibus, certi quidquam licuit suspicari. Ac de senatoribus quidem hæcenus. Quare, cum novæ quasi disputationis inchoandæ capiendum sit exordium, jam hic primi libri finem faciamus.

JOHANNIS Sarii ZAMOSCHII

D E

SENATU ROMANO

LIBER II.

CAP. I.

Operis continuatio & ordo libri secundi.

MAGNA suscepti muneris parte, & ut ego quidem arbitror, gravissima perfunctus sum. Sed hæc, in qua antiquum senatus habendi morem exquiro, jucundior certe lectori disputationi futura est; & quamquam ex illa fortasse superiore homines non stupidi plura, quæ ad Rempubli-

cam bene administrandam spectant, præcepta haurire possunt, non minus tamen ex hac posteriore ad eos, qui in libris Latinorum scriptorum versantur, utilitatis, & fructus perveniet. Quo mihi magis laborandum video, ne quid præmittam, quod ad eam rem demonstrandam, & illustrandam spectet. Definitionem quidem senatus ab initio proposui hanc: *Senatus fuit senatorum, & eorum, qui jus sententiæ haberent conventus, coacti ab eo, cujus hoc potestati commissum erat, ad consilium capiendum de Republica more & instituto majorum.* Neque enim conventus quilibet senatorum, senatus dicebatur. Unde Cicero Sulpicio: *Atque ipse antea scripsissem te frustra in senatum, sive potius in conventum senatorum esse venturum.* Item Livius lib. xv. *Consules, cum per senatum intercedentibus tribuni nihil agi posset, consilia principum domi habebant.* Et infra libro eodem: *Nec tribuni militum nunc in senatu, nunc in consiliis privatis principum cogendis, viam consilii inveniebant.* Dicendum igitur est, ex quo genere hominum hic conventus constaret, quique ejus cogendi jus haberent, & qui convocandi modus fuerit: tum quem numerum consilium istud conficere deberet, quibus locis, quo tempore iniretur, quæ ratio esset consulendorum patrum, & rogandorum sententias, quæ sententiarum dicendarum forma. Quibus pertractatis, dabimus operam, ut quædam, quæ pertinent ad S. C. exponamus; inde vero ad summum consilii potestatem, & cognitionem, veniemus.

CAP. II.

Quibus in senatum venire licuerit.

NUMEREMUS igitur, si placet, eos, quibus in senatum venire licuit. Primum omnium senatoribus, atque etiam sexagenariis. De senatoribus aliis constat, de sexagenariis dubitare quispiam possit. Testibus igitur hoc convincendum est. Qui multi sunt quidem, verum Seneca præcæteris id apertissime dicit. Nam apud eum ita est lib. xi. *Declamationum: Senator post sexagesimum quintum annum in curiam venire non cogitur, nec vocatur. quidquid honoris nomine datur, in utramque partem licet; alioquin desinit premium esse, cui necessitas imponitur.* Deinde magistratibus omni-

bus ad quæstorem usque. Plutarchus in Catone minore: *Cato quæstor in senatum, quoties haberetur, semper venit, veritus ne quid per gratiam is, qui avario aliquid deberent, remitteretur, aut ex veltigalibus erogaretur.* Quod si jam obtinui, quæstores consilii illius maximi fuisse participes, si id de censoribus, prætoribus, ædilibus, qui majores erant magistratus, probare deinceps vellem, cui non inanissimus & non stultissimus noster hic labor fore videretur? Illud autem Valerius, de institutis antiquis, litteris prodidit, tribunis pl. priscis temporibus curiam ingredi non licuisse, sed eos, ante valvas positos subfelliis, decreta patrum attentissima cura examinasse, ut, si qua ex iis impro-

bassent, rata esse non sinerent. Addit Zonaras, in sua Græca historia, post & in curiam, & ad athenasiam dignitatem admissos esse. Urbi præfectum sententiæ jus non habuisse Mucius apud Gellium ait, cum ea ætate fieret, quæ non esset senatoria. Nobilissimus enim quisque, Strabone auctore, adulescens sub feriis Latinarum temporis urbi præferebatur. Principio vero generis ac imperii Romani, non solum senatorum, sed & principem senatus, Romulus urbi præfectum esse voluit. Præter hos, quos diximus, omnibus, qui honores gesserant, aditus in curiam dabatur. Qua de re nihil necesse est iterum argumentari, cum jam supra demonstrata sit, ubi de magistratibus, qui in senatore legendo spectarentur, disputavimus. Flaminium jus difficilem habuit quætionem, de eoque magnus est contentioibus actum, Fabio v. Flacco xv. *coff. Consensu fame, inquit Livius, elatus ad justam sui fiduciam C. Flaccus flamen dialis rem intermissam per multos annos, ob indignitatem flaminum priorum, repetivit, ut in senatum introiret. Ingressum cum curiam cum L. Licinius prætor inde eduxisset, tribunos plebis appellavit flamem. Vetustum jus sacerdotii repetebat, datum id cum toga prætexta & sella curuli C. Flaminio esse. Prætor non exoletis vestustate annalium exemplis stare jus, sed recentissimæ*

cujusque consuetudinis usu volebat, nec patrum, nec avorum memoria dialem quemquam id jus usurpasse. Tribuni rem inertia flaminum obliteratam, ipsi, non sacerdotio, damno fuisse, cum æquum censuissent, ne ipso quidem contra tendente prætor, magno assensu patrum plebisque flaminem in senatum introduxerunt. Verum Pontifices, Augures, & alii quovis sacerdotio publico præditi cives, nisi quem habuissent magistratum, aut a censoribus lecti essent, non veniebant in senatum. Quod Cicero demonstrat ad Atticum lib. xv. his verbis: Kal. Oct. habetur senatus frequens. adhibentur omnes pontifices, qui erant senatores. Historia porro de Papirio Prætextato scripta a Catone, in illa invectiva ad milites contra Galbam, quam Gellius a clade totius orationis, & cæterorum auctoris ejusdem librorum eripuit, satis indicat morem antea senatoribus Romæ fuisse in curiam, cum prætextatis filiis, introeundi, & ob interperiem matris Papirii, & aliarum mulierum factum esse, ut senatus decerneret, ne ingrederentur in posterum. Annus autem, quo id senatus decrevit, oblivione sepultus, in hominum ignoratione versatur. Verumtamen sero eum morem solum

A a a

ex Polybio possumus conicere. Nam lib. III. in explicatione rerum bello Hannibalis gestarum, sic aduersus quosdam historicos disputat: *Ex altera parte haud credibile est pueros omnes, qui ducenta et duodecim annis transgressi essent, in senatum a parentibus perductos, & consiliorum omnium non ignaros, nihil unquam cuiquam secretum aperuisse.* Cum vero studiose tempus istius S. C. quaererem, incidi in Plinii Junioris epistolam, in qua refert Romanos adolescentes, quod fortasse Panvinius dicere voluit, decem peractis stipendiis, ad honores petendos in urbem reuersos, muneris senatorii cognoscendi, & perficiendi causa ad fores curiae itare solitos. Ad extremum Augustus institutum illud priscum revocavit, & liberis senatorum, ut celerius Reipublicae adiuuarent, protinus virilem togam, latumque clavum induere, & curiae interesse, Suetonio teste, permisit. Omittenda putavi scribarum, & id genus summi consilii ministeria. Quis enim est, cui istud non pateat? Illud potius observandum esse arbitror, Flaminem, de quo modo memini, pelli a praetore senatum habente, hunc auxilium petere a Tribuno. Mancinum autem apud Ciceronem primo dialogo oratorio Rutilius tribunus plebis e curia educi iubet.

CAP. III.

Qui senatum convocandi jus habuerint.

CONVOCARE vero senatum nemo privatus potuit. Docet hoc Livius lib. III. cum ait: *Senatum in diem posterum indicunt, qui aliquando spe ipsorum frequentior convenit, quo facto proditam a patribus plebi libertatem rata, quod iis, qui jam magistratu abissent, privatisque jus abisset, tanquam jure cogentibus, senatus paruisset.* Et Lucanus cum de senatu a Caesare, quem privatum facit, coacto canit:

— Phœbea palatia complet
Turba patrum, nullo cogensi jure senatus,
E latebris educta suis —

Sequitur ergo ut magistratus tantum convocandi potestatem haberent. Qui autem hi fuerint videndum est. Primum CGXLIV. annis illis ante libertatem præter reges & interreges senatum invenio habuisse neminem. Nota enim est illa Servii apud Livium querela: *Quid hoc, inquit, Tarquini, rei est? quia tu audacia me viro vocare ausus es patres?* Nisi quis suspicetur licuisse convocare senatum Præfectis urbi, penes quos summum imperium, cum reges abissent, diximus Romæ fuisse; aut tribunis Celerum, quod ex IV. Dionysii lib. colligi posse videtur. Pullis deinceps regibus, ut memorie prodidit M. Varro, lib. Epistolarum quaestionum IV. more majorum habebant senatum Dictator, Consules, Praetores, Tribuni pl. Interrex, Præfectus urbi; neque alii præter hos, nisi extra ordinem tribuni militum, & X. viri consulari potestate, itemque III. viri Reip. constituendæ causa creati, & amissa libertate Cæsares. Quod si etiam aliorum auctoritate confirmandum est, testatur id de Dictatore Livius: *Q. Fabius Maximus dictator, quo die magistratum inivit, vocato senatu, pervenit, ut X. viri libros Sibyllinos adire juberentur.* De Consulibus Sallustius in conjuratione Catilinæ: *Consul convocato senatu refert, quid de iis fieri placeat, qui in custodias traditi erant.* Et Livius lib. VIII. Cum repentino tumultu coacti consules senatum vocarent, introeuntibus in curiam patribus lacertatum juvenis tergum ad singulorum pedes ostendebant. Demum quis est locus, in quo non sit fixum in veterum monumentis testimonium hujus rei? De Prætoribus Livius XXII. P. Furius Phi-

lus, M. Pomponius prætores in curiam Hostilium senatum vocaverunt. Sequuntur Tribuni pl. de quibus dubitari non potest. Etenim Cicero in epistola ad Trebonium sic scribit: *Cum senatum ad XIII. K. Jan. tribuni pl. vocavissent, deque alia re referrent, totam Rem. sum complexus.* Interregem autem Ap. Claudium video habere senatum apud Sallustium historiarum lib. I. cui Remp. committendam Philippus censet, cum Q. Catulo procos. uti videant ne quid Reip. detrimenti capiat; & Papirium Mugillanum, & alios quosdam apud Livium lib. IV. At præfectum urbi Latinarum gratia relictum, senatum habere posse Mucius negat, teste Gellio, quoniam ne senator quidem sit. Ateius vero Capito, in Conjectaneorum CCXLII. libro, assentitur Varroni. namque & tribunis, inquit, senatus habendi jus erat, quanquam senatores non essent ante Atinium plebiscitum. Ego autem, cum memoriam vetustatis, resque populi R. gestas inrueor, Tricipitino & Gemino, item Minucio & Nautio cons. Romæ, & Q. Fabio præfecto urbi senatum habitum reperio. Quanquam tunc, non dum prætoribus illatis in Rempublicam, major imperii vis, atque auctoritas fuit in præfectis. Idem observavi de Magistro Equitum, quod a Varrone prætermisum esse miror. Livius quidem id de Q. Fabio litteris restatum reliquit lib. VIII. & de M. Antonio lib. XLII. Dio. Apud Dionem hæc prope sunt: *Quoniam Antonius magister equitum senatum convocavit, popularis Reipublicæ status quasi umbra quedam & species cernebatur.* Apud Livium autem illa: *Magister equitum clam e castris Romam profugit, & patre auctore M. Fabio, qui tunc jam consul, dictatorque fuerat, vocato extemplo senatu, cum maxime conquereretur apud patres vim atque injuriam dictatoris, repente strepitus ante curiam licitorum submoventium auditur.*

Queres deinde, cum omnes isti magistratus Romæ essent, quid fiebat? Respondeo, quo supra recitati a nobis sunt ordine, qui eorum prior aliis esset, ei potissimum, ut scriptum est, a M. Varrone senatus cogendi jus fuisse. Itaque non nisi absente consule prætor senatum habebat. Cic. ad Planc. *Placuit nobis, ut statim ad Cornutum prætorem urbanum litteras deferremus, qui, quod consules aberant, consulare munus sustinebat more majorum. Senatus est continuo convocatus.* Eleganter imprimis, & verè. Nam jurisdictio urbana honorificentissima fuit, ac L. Cæsar, apud Festum, prætorem majorem urbanum dici putat, minores cæteros. Quanquam aliquando videamus duos vocasse, ut post cladem ad Thracymenum illos, quos nominavi, Philum, cui inter cives & peregrinos, & Mathonem, cui juris dicendi urbana fors evenerat. Tribuni porro pl. M. Valerio & P. Virginio cons. senatus cogendi jus sibi usurpare coeperunt, ut memorie prodidit Dionysius lib. X. Antea enim concilii populi tantum indicendi potestatem habebant. Patres autem convocare, aut ad senatum referre, iis non licebat: sed erat consulum hic honor. Quorum verborum manifestus est vis, atque perspicua, cogere senatum potuisse. Idem observavi apertius, in proœmio tertii oratorii lib. a Cicerone scriptum. Narrat eo loco Druli tribuni pl. vocatu, non solum senatum, sed etiam Philippum consulem in curiam venisse. Quod circa Varro dixit, consules cum Romæ essent, non solos, sed potissimum jus senatus cogendi habuisse. Etenim raro tribuni pl. nec nisi in re nova, aut in novo aliquo tumultu, ipsi sua auctoritate senatum indicabant. Adeo vero consulare munus hoc erat, ut absentibus quoque iis non ita sæpe supremum consilium, Cicerone auctore lib. XII. epistolarum, iniureretur. Quoniam autem consulum æqualis erat, & par plane

Potestas, facileque alter intercedere poterat, si eo invito collega aliquid ageret, effici concludique posse ex eo videtur, senatum nunquam nili utriusque consensu habitum. Quod si quis nondum assentitur, saltem Appiani testimonio fidem habeat, ex quo ego locum toridem verbis transuli, & infra apposui: *Patres vero, cum in domum Bibuli convenirent sepius, ibique inter se consultarent, (neque enim senatus haberi poterat sine voluntate & auctoritate utriusque consulis) nihil adversus Caesaris vim proficiebant.* Collega vero non intercedente, & ab uno senatum cogi potuisse non uno loco in annalibus & veterum monumentis notavi. Atque ut etiam de illis, supra a me commemoratis, magistratibus extraordinariis aliquid dicam, Dionysius auctor est, translato ad x. viros imperio, unum ex iis praefinito dierum spatio cum fascibus & insignibus fuisse, quoties res postulerent senatum convocasse, & regimen totius magistratus obtinuisse. Tribunos autem militares, si omnes adessent, eodemque modo & xiii. viros, credibile est communi edicto patres citare solitos. De tribunis quoque militaris legi, ceteris ad varia bella profectis, tres in urbe relictos; unum, ut urbem, incensaque custodiret; alterum, ut arma, tela, frumentum, quaeque belli tempora requirerent, provideret; tertium, ut publici consilii praeses, & rerum omnium urbanarum custos esset.

Caesar primo in urbem adventu senatum per Curionem & Antonium tribunos pl. ut ait Dio, convocavit. Post dictatura decennalis, tribunicia potestas perpetua illi est tributa, & ad extremum usque vitae magistratus prope continuos gessit, eorumque jure, quod me tacente quoque ipsa ratio indicat, senatum convocabat. Augustus vero, eodem Dione teste, honos hic, in Marcelli & Aruntii consulatione, decretus est novo modo, hoc est, ut, etiam si nullum magistratum haberet, senatum cogere posset. Quo exemplo insequentibus Imperatoris id juris sibi usurparunt, ut ex fragmento veteris cujusdam legis de imperio Vespasiani, cujus verba, ex tabula Lateranensi descripta, in libro Epigrammatum antiquorum referuntur, intelligitur. Erit jam finis hujus loci, si admonero minores magistratus, & privatos, quoties opus esset, consules, aut aliquem eorum, quos enumeravi, adire solitos, & ab eo cognitionem senatus petere, ut Q. Fabium aedilem curulem apud Livium libro octavo, & Mucium apud Dionysium libro quinto. Haec de magistratibus, qui jus cogendi senatum habebant, haecenus.

C A P. IV.

De ratione & modo senatum convocandi.

NUNC videamus quae fuerit convocandi ratio. Convocabatur senatus, aut edicto a consulis vel alio magistratu proposito, aut praekonis voce. Nam proponebatur nonnunquam edictum multis ante dies, cum de re graviore deliberandum esset, & quae frequentem senatum desideraret. Per praekonem vero, cum aliquid incidisset, de quo prope & sine mora consulendi essent dantes, neque operae videretur id in aliud tempus pisse negotium. Hunc morem describit Livius. *Postquam, ait, audita vox in foro est praekonis, patres in curiam ad x. viros vocantis, velut nova res mirandam plebem convertit.* Sic & Appianus libro primo: *Opimius armatos in Capitolio prima luce collocat, senatum per praekonem convocat.* Illius vero meminit consuetudinis Cicero in sexta ad D. Brutum epistola: *Cum tribuni pl. edixissent, senatus adesset ad xiii. K. Jan. haberentque in animo*

de praesidio consulum des. referre: quanquam statueram in senatum ante K. Jan. non venire, tamen cum eo die ipso edictum tuum propositum esset, nefas esse duxi ita haberi senatum, ut de tuis divinis meritis siletur. Cui loco similis est ille libri ix. epistoliarum ad Atticum: *Senatum K. velle se frequentem adesse, etiam Formis proscribi jussit.* Et tertie in Antonium Philippicæ: *Cum tot edicta proposisset Antonius, edixit, ut adesset senatus frequens ad xix. K. Dec. eo die ipso non affuit.* At quo modo edixit? hæc sunt, opinor, verba in extremo: *Si quis non affuerit, hunc omnes existimare poterunt, & interitus mei, & perditissimorum consiliorum auctorem fuisse.* Erat autem edicti formula quaedam solemnibus quasi verbis concepta, cujus illa est apud Livium, Festum, & Gellium clausula: **SENATORES, QUIBUSQ. IN SENATU SENTENTIAM DICERE LICET.** At ab initio statim post magistratus annuos institutos, teste Livio, citabantur hoc modo: **QUI PATRES, QUIQ. CONSCRIPTI ESSENT.** Bello vero Punico secundo ita consules edixerunt, ut docet Livius lib. xxxiii. *quoties senatus vocassent, uti senatores, quibusque in senatu sententiam dicere liceret, ad portam Capenam convenirent.* Alii vero, cum Hannibal tria millia passuum ab urbe castra admovisset, frequentem senatum continebant in foro, si quid in tam subitis rebus consulto opus esset, ut idem tradit lib. xxvi. Item, in apparatus Macedonici belli conversa civitate, P. Cornelius consul edixit, *qui senatores essent, quibusque sententiam dicere liceret, quique minores magistratus essent, ne quis eorum longius ab urbe Roma abiret, quam unde eo die redire posset, neve uno tempore quinque senatores ab urbe Roma abessent.* Suggestit postremo Livius simile quiddam an. dxxiv. Mancino & Serrano consulibus: *Interim, ait, Marcio praetori mandatum, ut edicto senatores omnes ex tota Italia, nisi qui Reip. causa abessent, Romam revocaret: qui Romae abessent, ne quis ultra mille passuum ab urbe abesset. Ea, uti senatus censuit, facta sunt.* Antiquitus vero cum in agris habitarent senatores, ad eos accerendos viatores mittebantur. quod significat Cicero in Catone majore, Plinius lib. xix. & Columella lib. i. Fuit & illa quondam ratio praeterea, quam Valerius commemorat lib. 2. *Antea, inquit, senatus assiduam stationem eo loco peragebat, qui hodie quoque senaculum appellatur, nec expectabat ut edicto contraberetur, sed inde citatus protinus in curiam veniebat: ambigue laudis civem existimant, qui debitis Reip. officiis non sua sponte, sed jussu fungeretur. quia quidquid imperio cogitur, exigenti magis, quam praestanti acceptum refertur.* Etate porro Augusti signum conveniendi suffimento dari coeptum est. Dio lib. liv. Praeter hæc autem, quæ de modo senatus cogendi diximus, M. Varro, ut apparet ex lib. xiv. Gellii, de pignore capiendo, deque multa dicenda senatori, qui, cum in senatum venire deberet, non adesset, disputavit. Cicero lib. lxi. ea de re hanc legem rogat: *Senatori, qui nec adierit, aut causa, aut culpa esto. causam vocat excusationem iustam, & legitimam, ut ætatis, ut judiciorum, ut funeris familiaris, ut morbi. Sexagenarii enim habent vacationem, auctore Seneca illo, quem recitavimus, loco, & libro de brevitate vitae.* Datur etiam excusationis venia illis, qui iudiciis operam navant; propterea Augustus, cum certos dies, quib. senatus haberetur, constituisset, cavet, ne iis dieb. jus dicere, vel aliud id genus publicum negotium, quod senatores impedire posset, quo minus in senatum venirent, attingere fas esset. Hæc Dio lib. lv. Et in S. G. illo in epistola Cælii additum est, ut eos, qui in ccc. iudiciis essent, quando coss. de provinciis referrent, abducere liceret. Idem & Sallustius in libro de Rep.

ad Caesarem ait: *Hic tempestatibus alii iudicii publici, alii privati suis atque amicorum negotiis implicati, baud sane Reip. consiliis adfuerunt. Illos, qui familiaris funeris procuratore impediti abessent, non potuisse mulclari dixi, quod in defensione C. Rabirii animadvertem, hanc causam, etiam ad prolationem iudicii, satis gravem & idoneam habitam. Morbi excusatione utitur Cicero in Philippicis: An ea res agebatur, ut etiam agrotos deferri oporteret? Hannibal, credo, erat ad portas; aut de Pyrrhi pace agebatur: ad quam causam etiam Appium illum & cecum & senem delatum esse, memoriae proditum est. De supplicationibus referebatur; quo in genere senatores deesse non solent: coguntur enim non pignoribus, sed eorum, quorum de honore agitur, gratia. quod idem sit, cum de triumpho refertur. ita sine cura consules sunt, ut pene liberum sit senatori non adesse. qui cum mihi mos notus esset, cumque de via languerem, & mihi displicerem, misi, pro amicitia, qui hoc ei diceret, de quo fonte & illud manavit: Nec erit iustus P. C. in senatum non veniendi morbi causa, quam mortis. Ex illo autem superiore loco intelligitur etiam, quae poena senatores, qui erant in culpa, afficerentur. Multa enim iis dicebatur, & antequam haec solveretur, pignora capiebantur. Rem ita se habere paulo post in eadem oratione Cicero clarius significat: Qui unquam tanto damno senatorem coegit? aut quid esset ultra pignus, aut multa? Et Livius lib. III. Postquam citati non conveniebant, dimissi circa domos apparitores simul ad pignora capiendam, sciscitandumque num consilio desisterent. Vendi autem solita innotuit Cicero in proemio tertii de Oratore, cum ita Crassum facit loquentem: An tu, cum omnem auctoritatem universi ordinis pro pignore putaris, eamque in conspectu populi R. concideris, me his pignoribus existimas posse terreri? non tibi illa sunt cedenda, si Crassum vis coercere: haec tibi est excidenda lingua, qua vel evulsa, spiritu ipso libidinem tuam libertas mea refutabit. Cedere antiquo verbo dixit, pro eo quod est auctione distrahere. Namque cadere significabat consumere, ut est a Nonio in commentariis linguae Latinae verissime traditum. Et homo eloquentissimus, ac senator constantissimus, luit in verbi ambiguitate, ut hoc ipso ostenderet se consulis furiosi amentiam & acerbiterem contemnere, & pro nihilo ducere. Leviculum autem est quod putavit Franciscus Gonnarus, vir cetero qui juris, antiquitatis, & litterarum peritissimus, pignora ablata consules concidere & frangere consuevisse. Indeque ait Antonium se disturbatum aedes Ciceronis minari. Sed utrum talia tanta civitatis instituta & cogitata, siccorum, an vero aliorum hominum cepta, & temulentorum somnia iudicabimus? Eodem modo consules minores magistratus, pontifex maximus sacerdotes, & imperatores in castris legatos, & senatores coercerant. Quare unde hoc praeceptum haulerim? unde, nisi ex historiae fonte. Plutarchus in Catone: Narrat dixisse Munacium, se, re comperta, neque ad cenam & prandia venisse, neque si ad consilium vocaretur paruisse, cumque minaretur se cum pignore (ita enim agi solet cum illis, qui non obtemperant magistratibus) coacturum, nihil istos terrores curasse. Livius lib. XXXVII. Priusquam in provincias praetores irent, certamen inter P. Licinium pontificem maximum fuit & Q. Fabium Piclorem flammem Quirinalem, qualem patrum memoria inter L. Metellum & Postumium Albinum fuerat. conf. illum, cum C. Lutatius collega in Siciliam ad classem proficiscentem, ad sacra retinuerat Metellum pont. max. praetorem hunc, ne in Sardiniam proficisceretur, P. Licinius tenuit. & in senatu, & ad populum magni contentione. certatum est: & imperia inhibita ulro citroque, & pignora capta, & multa*

A) dicta, & tribuni appellati, & provocatum ad populum est. religio ad postremum vicit, & dicto audiens esse flamen pontifici iussus, & multa ex iussu populi remissa. Ceterum summam, quam penderent senatores, si Reip. consiliis nolent adesse, legibus credito fuisse praefinitam. Etenim Dio prodidit Augustum, cum unus omnia teneret, has multas ampliasse. Multabantur vero non solum si abessent, verum etiam si venissent tardius, ut eidem placet libro LIV. Ac de modo cogendi senatus diximus.

C A P. V.

De numero senatorum in senatusconsultis faciendis.

INTELLIGENDUM autem est, nisi legitimum esset coactus senatorum numerus, nullum S. C. fieri potuisse. Livius lib. XXXVIII. Neque his contentus Aemilius consul fuit, sed postea per infrequentiam adiecit S. C. Ambraciam non videri vi captam esse. Et apud eundem lib. XXXIX. Fulvius querit, quid ab eo quisquam possit equi expectare, qui per infrequentiam tam furtim S. C. factum in aerarium detulerit. Item Dio XXXIX. sic scribit: Cum non conveniret is numerus, quem ad S. C. faciendum leges praescribunt. Itaque, Sex. Pompeio teste, cum impedimento esse vult senator, numera senatum, ait consuli. Ac certum numerum ad S. C. faciendum necessarium fuisse, inter omnes constat, qui vero hic fuerit, variae sunt & discrepantes virorum doctorum opiniones. Me vero haud paenitet eorum sententiae, quibus de senatus consilio, quem numerum conficere debet, non eodem modo, sed pro magnitudine rerum, de quibus ageretur, definitum placet; & cum, ut differui superiore libro, non eadem semper Romae senatorum esset summa, ratione & proportionem totius ordinis numerum S. C. faciendis legitimum modo auctum, modo diminutum. Livius lib. XXXIX. narrat, S. C. cautum, ne qua Bacchanalia Romae, neve in Italia essent. si quis tale sacrum solenne, & necessarium duceret, nec sine religione & periculo se id omittere posset, apud praetorem urbanum profiteretur, praetor senatum consulere, si ei permissum esset, cum in senatu centum non minus essent. De re igitur adeo gravem centum senatorum consilium satis habuit ponderis illa aetate, qua trecenti in altissimum ordinem legabantur. Hoc enim S. C. factum est anno DLVII. Sp. Albino, Q. Philippo coss. Anno autem post id a senatu decretum CXX. in M. Glabronis & C. Pisonis consulatu, tulit legem C. Cornelius tribunus pl. ne quis in senatu legibus solveretur, nisi CC. affuissent. A paucioribus tamen alia S. C. facta, praeter id, quod nominatim in lege scriptum erat de iis, qui legibus solverentur, Cicero etiam in Epistolis ad Q. Fratrem palam ostendit: Sane, inquit, frequenter fuimus in senatu, omnino ad ducentos. Unde & aliud argumentum urget pro me, si Lentulo & Metello coss. pauciores quam ducenti sufficiebant, multo magis ante legem Corneliam, & post eam latam quinque circiter annis, antequam Pisonem & Messalam coss. tot in summum gradum civitatis essent cooptati. Ac quaecunque haec fuerit lex, eam saepe violatam ab optimatum factionibus ex Asconii in Cornelianum commentario clarum & perspicuum est. Propterea hanc nobilitatem hominum licentiam numero senatus multiplicato reprimendam esse Caesari suadet Sallustius, in libro de Republica ordinanda. Si quis vero antiquorum temporum memoriam recordari velit, C. Caesarem, in illa senatorum multitudine, numerum senatusconsultis faciendis majorem intulisse non negabit. Quod si quibuscumque hominibus, qui tibi

nimum acuti videntur, in mentem venisset, non adeo temere Dionem mendacii accusassent, cum lib. LIV. in hanc ferme sententiam scribit: *Videns Augustus senatum non semper frequentem convenire, decrevit, ut S. C. etiam a paucioribus quam quadringentis fierent. Namque prius usque eo vota non erant, quoad is numerus effectus esset.* Non enim hæc verba, ut illi inepte censent, referenda sunt ad illud sub libertate populi R. & gubernatione magistratuum, sed ad hoc sub dominatione Cæsaris positum tempus. Ab eodem historico proditum est Augustum, cum C. Mario & C. Asinio cons. denuo ea, quæ vitii & violentia superiorum temporum invecita erant, mutaret, & legibus universam alligaret senatus disciplinam, numerum S. C. faciendis alium atque alium, ut res, de quibus senatus consultabat, diversæ erant, consistuisse.

C A P. VI.

De loco habendi Senatus.

NUNC de loco senatus habendi ordiri pergam. Ac primum scire omnes velim, solum Festum senaculum curiam appellare: Livius autem lib. XLV. & Varro lib. IV. itemque Valerius lib. II. senaculum dicunt fuisse locum quandam ante curiam, in quo senatus aut seniores consistenter, dictum ut *senatus* apud Græcos. Ita vero more majorum comparatum erat, ne S. C. nisi loco legitimo factum, iustum haberetur, cuius rei multos habemus præceptores, sed neminem aut doctrina præstantiorem, aut auctoritate graviorem Varrone, qui hoc lib. IV. Epistolicam questionem, ut memorat Gellius, prodidit. Si quis autem in altiore memoriam diligenter acciem quasi mentis intendant, primum statuet, nullum privatum locum senatui habendo fuisse legitimum. deinde non omnes publicos, sed templum tantum. Quorum unum Zonaras, & si non aperte dicit, significatione tamen quadam ostendit. Quoniam Vullinienium legatos clam missos Romam ægre impetrasse narrat, ut in ædibus privatis, ne eorum legatio vulgaretur, senatus conveniret. Alterum M. Varro lib. IV. ad Oppianum perspicue demonstrat. In eam vero intuenti rem doctissimo viro multa occurrebant, inde factum esse, ut in curia Hostilia, inde ut in Pompeia, & post in Julia templa constituerentur, cum ante profana ea loca fuissent. Idem etiam affirmat Cicero, quando, in defensione Milonis, curiam templum sanctitatis, amplitudinis, mentis, consilii publici appellat. Et Lampridius haudquaquam spernendus rerum scriptor, in libro de vita Severi, quando ait senatum frequentem in curiam, hoc est, in ædem Concordiæ templum inauguratum convenisse. credo autem dispositionis illius epistolicæ Varronis sententias periculum esse Servium Honoratum in explicatione lib. VII. *Æneidos*. Nec enim apud similes est apud, quam id quod in septimum Virgilio librum adnotavit, doctrinæ illi Varronis, paulo ante a nobis ex Gellii lib. XIV. allatæ. *Augusta*, inquit, *magna vocat augurio consecrata. Hinc non multo post: Templum augustum ingens. Et nisi in augusto loco senatus consilium habere non poterat.* Subjicit deinceps Gellius, Varronem scriptum reliquisse non omnes ædes sacras templa esse, ac ne ædem quidem Vestæ templum videri. Quod idem Servius non solum tradit, sed aliud etiam præceptum ex Varrone prætermisissum a Gellio proferit, atrium Vestæ ab æde non ita procul remotum templum fuisse, & senatus consi-

lium eo loco habitum. Ac potissimum quidem habebatur senatus in deorum immortalium templis, ut veneratione quoque loci senatores a pravis cogitationibus abducerentur. Sic enim Tullius pro domo: *Censor*, inquit, *penes quem majores nostri (id quod tu sustulisti) iudicium senatus de dignitate esse voluerunt, Concordiæ signum volebat in curia, curiamque ei deæ dedicare.* Præclara voluntas, atque omni laude digna. Præscribere enim se arbitrabatur, ut sine studiis dissensionis sententiæ dicerentur, si sedem ipsam, ac templum publici consilii religione Concordiæ devinxisset. Quare maxime illæ celebrantur annalium monumentis propter senatus consilia ædes; Jovis Statoris, Jovis in Capitolio, Jovis Mariana, Concordiæ, Fidei, Telluris, Vulcani, Virtutis, Apollinis, & Bellonæ. Illud tamen addo, si quis templi vim definiendo explicans, genus ejus universum ædem alicujus Dei esse diceret, næ ille in Latinorum consuetudine observanda haud plurimum fuisse videretur. Jam id patet ex eo, quod de atrio Vestæ diximus. Et hoc amplius quod campus etiam, modo sit per augures constitutus, templum est. Propterea bello Hannibalis Flaccus castra inter portam Esquilinam Colalinamque cum posuisset, consules eo, ut inquit Livius, senatusque conveniunt, & ibi de Republica consularunt. Idem intelligere licet, ex illis Propertii nobilissimi & doctissimi Elegiarum scriptoris de antiqua Roma, & Romulo veribus:

*Buccina coquebat priscos ad verba Quirites,
Centum illi in prato sæpe senatus erat.*

Et ex VIII. Plinii libro, in quo narrat Romæ custoditum, ne, cum bovem locutum nuntiatum esset, Senatus consilium sub tecto iniretur.

Præterea fuerunt quædam nullius dici religionis obstricta templa, sed tanquam sedes ab universo populo uni senatorio concessæ ordini; ut curia Calabra, curia Hostilia, & alia ad portam Capenam, item Pompeia, Julia, Octavia. De quibus, quæ observavi non alienum videtur ab instituti sermonis officio deinceps subtexere. Curiam Calabram Romulus condidit, ad quam senatus mandato regis, & populus jussu pontificis, ut rationem dierum, sacrificiorum, ludorumque cognosceret, calabatur, hoc est, vocabatur. Auctor Servius, homo non summa præditus doctrina, sed tamen non nihil scit. Curiam autem Hostiliam, ut nomen ipsum declarat, & Varro lib. IV. de lingua Latina Liviusque extruxit. Ejus situm indicat Varro his verbis: *Ante hanc sunt rostra.* Et Festus, cum narrat antiquissimam fuisse curiam illo loco ubi, Nicostri atrate, (cujus libro de senatu habendo usus est, in componendis de verborum prisorum significatione libris) ædes Concordiæ fuit, inter Capitolium, & forum. Cæterum & ante Cæsarem imperium cogitavit Cassius censor signo Concordiæ, quod a Q. Marcio in publico collocatum erat, translatum in curiam, templum illud ei deæ dedicare, sed ex commentariis pontificum M. Æmilii pontifex pro collegio respondit, nisi cum nominatim populus R. præcisset, atque ejus jussu faceret, non videri recte posse dedicari. Cum autem Milo interfecisset Clodium, corpus illius a plebe vanissimo & levissimo hominum genere in curiam perlatum, ibique rogo ex sublellis constructo, cum ipsa curia combustum omnes tradunt. Verum statim a Fauto Syllæ F. Dione teste, ex S. C. resecta est, & de secundi conditoris nomine aliam traxit appellationem. Nam & prius, inquit, Sylla pater curiam eandem Hostiliam novo ædificii genere exornaverat. Quo fit, ut ita Pisonem verba facientem quincto de finibus dialogo Cicero induxerit: *Equidem curiam nostram, Hostiliam dico, non hanc novam, quæ mihi minor esse videtur.*

posita quam est major. solebam intuens Scipionem, Catonem, Lelium, nostrum vero imprimis avum cogitare. Rursum in tertia, ut opinor, aut quarta Caesaris dictatura ad eam hanc demolitum esse Lepidum Dio refert, verbo quidem propterea, quod Felicitati sanum in ea area inaedificandum visum esset, re autem, ut ne hoc monumentum Syllani nominis extaret: tum ut altera, quam extruxisset Caesar, senatorii ordinis sedes, curia Julia vocaretur. Deinde vero Hirtio & Panfa cooff. multorum, & metuehdorum prodigiorum nunciis percussa urbe, S. C. factum fertur de antiqua illa rescicienda. Ad portam autem Capenam aliam fuisse curiam dixi, haud infirmo testimonio Festi, & Livii libro xxiii. nixus. Verum Pompeiæ multo crebrior in rebus R. gestis sit mentio, ejusque origo, & situs certis literarum notis ita sunt expressa, ut de iis nihil sit, cur magnopere laboremus. Nam Plutarchus eam a Pompeio dedicatam, & ornamentis causa theatrum adjectam, in Cesare & Bruto scribit. Quo fundamento iacto etiam jam satis patet curiam Pompeiam fuisse extra pomerium, tamen instituti tuendi causa Dionis etiam testimonium proferam. Hic lib. XL. *Ad theatrum*, inquit, *extra pomerium senatus habitus est*. Atque hoc quidem in templo senatum ludorum diebus haberi solitum Appianus lib. II. docet. curia autem Julia, quæ erat prope comitium, in locum Hostiliæ successit. Quam ut Caesar construeret senatus decreverat, sed a III. viris demum condita est, & post ab Augusto, qui sibi unus imperium Caesaris vendicaverat, dedicata. Dio lib. XLVII. & LI. Restat Octavia extra pomerium, ut testatur idem lib. LV. sita. Itaque cum acrius aliquanto, & attentius hanc rem considerarem, in ea mente, & cogitatione versabar, curiam hanc in locum Pompeiæ, quæ post eadem Caesaris est obstruam, Augustum consecrasse.

Reliqua post commodius cognoscuntur. Hæc vero de senatus loco in præsentia generatim dixisse satis sit.

C A P. VII.

De tempore convocandi Senatuum.

DE tempore autem quo senatus aut convocaretur, aut haberetur, illud constat apud me non ut certum diem sacrificii, sic huius summi consilii expectari, sed, quotiescunque res postularent, subito cogi solitum. Præcipiunt quidam lege fuisse cautum, ne diebus comitialibus haberetur. A quibus ego dissentire nec debeo, nec, cum suam conjecturam gravissimis locupletissimorum auctorum testimoniis confirmem, possum. Producent autem Ciceronem, qui ad Q. Fratrem scribit secutos esse comitiales dies, per quos senatus haberi non poterat. Citant etiam Cælium, quando ait in S. C. illo, cujus jam aliquoties mentionem fecimus, additum, ut de provinciis consularibus per dies comitiales consules senatum haberent. Adjungo his & ipse Cæsarem commentario primo de bellis civilibus, ita narrantem: *Quæ ex die consulatum inivit Lentulus, biduo excepto comitali, de imperio Caesaris, & de amplissimis viris tribunis pl. gravissime in senatu acerbissimeque decernitur*. Et M. Ciceronem infra scribentem ad Quintum hoc modo: *Comitialibus diebus, qui sequuntur Quirinalia, Appius interpretatur non impediri se lege Pupia, quo minus habeat senatum*. Sed quos hi auctores comitiales dies nominant, quæ? Respondent eos, ut Livius Macrobiusque docent, quibus cum populo agere licuit, quique in Fastis die-

bus ex vetusto marmore descriptis littera C. notantur. Ego, cumlibere esse debeant omnium in re literaria sententiæ, verecunde tamen, mihi id non placere dico. Et ut non placeat, adducit me senatoriæ consuetudinis diligens in veterum libris observatio. Notavi in Ciceronis orationibus in Antonium dies, quibus est senatus habitus, XIII. K. Oct. IV. & VIII. K. Dec. XIII. K. Jan. & I. in Cælinam XII. K. Novemb. tum in litteris ad Lentulum Ciceronis XVI. K. Feb. & in Cæli ad Ciceronem XI. K. Sext. & apud Cæsarem VII. Id Jan. & alios sexcentos, qui littera C. in antiquo marmore signantur. Deinde moveor dierum, quibus magistratus cum populo agendi potestatem habebant, multitudine. In illo enim lapide numero ad ducentos. Quemadmodum homines doctissimi id accepturi sint horreo. Sed humanum est labi. Itaque proficere me existimare comitiales dies a Cicerone illis locis, & a Cælio, Cæsareque appellari, non quibus comitia haberi possent, sed quibus haberentur. Ita definit Festus dies comitiales, cum in comitio conveniebant. Ergo, verbi gratia, si indicata essent comitia ad III. Non. Mar. quo die legem ferre, aut magistratus creare licuit, non potuit ad eam diem ut senatus adesset consul edicere, ne senatores vel a petitione, vel a suffragiis avocarentur. Ferebant enim suffragia etiam tribus comitiis. De quo non est cur magnopere dubitetur, cum id Varro lib. II. de re Rustica doceat: *Comitiis, ait, ædiliis cum, sole calido, ego, & Q. Axius senator tribulis, suffragium tulissimus*. Verum si non essent comitia, die illo, quo haberi poterant, nihil verabatur, quo minus cives amplissimi senatorio munere fungerentur. Itaque legimus, & notavimus, si res incidisset gravior, quæ senatus desideraret cognitionem, comitia ex S. C. sæpe delata. Cicero pro Murena: *Hic rebus auditis, meministis fieri S. C. referente me, ne postero die comitia haberentur, ut de his rebus in senatu agere possimus*. Neque hoc tam comitialibus diebus, quam comitiis ipsis triburum, multa sunt quæ declarant, in antiquorum libris exempla. Eodem enim die statim post comitia vocatos sæpe in curiam patres videmus. Nam ita narrat lib. xxxviii. Livius: *Senatus deinde concilio plebis dimisso haberi est capitis*. Et XLVIII. *Consul dimissis comitiis senatum vocavit. consensuerunt frequentes ad populum cum Flacco agendum*. Omitto Ciceronem lib. II. ad Q. Fratrem, prætere Dionem lib. xxxvii. & alios. Considerandum vero est, utrum illi, quos recitavimus, loci possint hanc admittere interpretationem. Et primum de illis verbis ex epistola *Non occupatione*, lib. II. ad Q. Fratrem non ambigo. Nam et si comitia habita, aut concilium aliquod plebis statim post XVI. K. Feb. quo illa acta esse in senatu Cicero, de rege Alexandrino ad Lentulum scribens, narrat, nullibi reperio: tamen ne id credam, nihil omnino intercedit. Ut vero in Cælii epistolis legimus, senatus decrevit Reip. tempora flagitare, ut ex K. Mar. posthabitis aliis omnibus rebus, de provinciis consularibus referretur. Sed cum lex esset, ut diebus comitialibus, si agere vellet magistratus cum populo, supersederetur a publico consilio, ne hoc modo mora ab aliquo afferretur, quo minus de provinciis consularibus patres consuli possent, adjectum est in S. C. extra ordinem comitalibus diebus senatus potius & publici consilii, quam comitorum rationem oportere haberi. Diebus porro duobus, quorum meminit Caesar, cum populo agere nemo negabit; cum sic reperitur in eodem libro scriptum: *Compleatur urbs ad ius comitorium*. Ultimus, & difficilissimus est locus in lib. epistolarum II. ad Q. Fratrem. Causa autem difficultatis hæc est, quod sententiam legis Pupiæ, & tempus adhuc invenire non potui. Ex-

plicatur ita a nonnullis: Tulit... Pupius... ne senatus a XVI. K. Feb. ad usque K. Feb. haberetur, ne nisi perfectus, aut rejectus legationibus, aliis de rebus senatus haberetur. Verum hoc de legationibus non lege Pupia, sed Gabinia sanctum fuit, ut intelligitur ex verbis Ciceronis: Comitialibus diebus, qui Quirinalia sequuntur, Appius interpretatur, non impediri se lege Pupia, quo minus habeat senatum. Hæc de lege Pupia. Sequitur de Gabinia. Et quod, inquit, Gabinia sanctum sit, etiam cogi usque ad K. Mar. legatis senatum quotidie dari. Et quamquam ad Lentulum non nominat legem Gabiniam, distincte tamen dixit: Senatus haberi ante K. Feb. per legem Pupiam, id quod scis, non potest. Neque mense Feb. toto, nisi perfectus, aut rejectus legationibus, per legem Gabiniam scilicet. Cum vero, ut superius commemoratum a nobis est, dixerit, Appium interpretari se non facturum contra legem Pupiam, si diebus comitialibus, qui sequuntur Quirinalia, senatum haberet, manifestum est decipi eos, qui de extremo tantum Januario mense Pupium sanxisse credunt. Quirinalia enim sacra, Sex. Pompeio & marmore antiquo testibus, Februario mense, non Januario fiebant. Crederem lege hac cautum fuisse; ut diebus comitialibus ratio haberetur comitorum potius, quam patrum consilii, ac maxime si aliquibus magistratibus civitas careret. Nam scribit Q. Fatri, Appium consulem ex interregno creatum, detrudere comitia pratoria in mensem Martium conari. At Philippo & Marcellino consilii quo anno illa ad Lentulum epistola est missa, comitia turbulenta Clodii ædilis mense Januario fuisse constat. Scivit autem post ædiles Lentulus, & quaestores, & alios non paucos magistratus minores, more institutoque veterum, creati debere. Expulsi de re obfcurissima opinionem meam. Quamquam hic nihil valde, ut ajunt, aqua hæret. Itaque non ero pertinax, & si quid probabilius audiero, non gravate in aliorum sententiam pedibus ibo. Sed certe aut ita sentiendum, aut fastis dierum marmoreis, quod licet mallet, tamen hæcenus, veneratione, qua omnem prosequor antiquitatem adductus, eloqui non sum ausus, fides est abroganda. Queritur secundo loco, atris & religiosis diebus utrum consulerentur patres. Negat Dio, ut quidam ajunt, lib. XLV. his verbis. A. Hirio C. Pansa consilii K. Jan. senatu convocato per dies perpetuos tres deliberatum est. Nam eo, quod impendebat, bello, prodigiisque plurimis & admirabilibus perterriti, ne religiosi quidem diebus de iis rebus, quæ ad salutem & incolumitatem pertinerent, consilia intermitterebant. Diem vero religiosum verbo Græco ἀπορροία vocat, quo nomine & Plutarchus in Camillo utitur, cum narrat de XV. die K. Sext. quo ad Aliam cum exitio urbis fœde pugnatum est. Quæ religio non solum erat XV. K. Sext. verum pottridie & Idus, & Nonas, & Kalendas omnes. Jam igitur nescio, an id verum esse possit. Cicero lib. I. ad Atticum: Perfectum a nobis est, ut frequentissimo senatu, & libentissimo uteretur, multaque a me de ordinum dignitate, & concordia dicta sunt K. Dec. & posttridie. Et lib. IV. cum scripisset senatum K. Oct. fuisse frequentem, paucis interjectis adjicit hæc: Posttridie S. C. factum est, quod ad te misi. Quinto demum Fratri nunciat lib. II. quod Idibus Maii, & posttridie fuerat dictum, de agro Campano in senatu actum iri, non esse actum. Possent & alia multa proferre testimonia; verum aut hoc testimoniorum satis est, ut ille dicere solitus erat, aut ego quid satis sit omnino ignore. Festi vero dies licet senatui habendo essent legitimi, tamen non ita sæpe iis supremum consilium initium Cicero lib. II. ad Q. Fratrem significat. Nam in prima ejus libri episto-

la ait: Senatus fuit frequentior, quam putabamus esse posse mense Decembri, sub dies festos. Idus vero, Nonas, Kalendas solemnes senatus dies fuisse puto, quod sæpe in annalibus nominatur; maxime autem insignes K. Jan. & antea Id. Mar. atque alios quosvis, quibus consules ex instituto majorum inibant. Itaque Livius lib. XXVI. refert M. Marcellum, cum Id. Mar. consulatum inisset, senatum eo die moris tantum causâ habuisse, profectum nihil se absente collega, neque de Rep. neque de provinciis acturum. Et Ovidius lib. IV. de Ponto, nobilem illam K. Jan. pompam pulcherrimis describens verbis, canit:

Curia te excipiet, patresque ex more vocati

Intendent aures ad tua verba suas.

Ceterum non videtur antiqua illa senatus distinctio quam multis placere video, ut alius legitimus esset, alius indictus. Primus enim Augustus instituit, Dione teste lib. LV. cum antea nihil esset hac de re sanctum, certos singulis mensibus senatus habendi dies, quibus necessario senatores, quibusque jus erat sententiæ, in senatum venirent. De quo Augusti decreto Suetonius: Sanxit ne plus quam bis in mense legitimus senatus cogeretur, scilicet K. & Id. neve Septembri, Octobri mense ullos adesse alios necesse esset, quam sorte ductos, per quorum numerum decreta confici possent, sibi que institutis consilia sortiri semestria, cum quibus de negotiis ad frequentem senatum referendis ante tractaret. Quo loco legitimus senatus admonere opponi non indicto, sed Octobris, Septembrique mensis senatui, & semestri senatulo. Hæc enim consilia nova erant, nullis legibus, nullo exemplo majorum introducta. Ad tempus quoque spectat, quamquam sæpe ad solis occasum senatus retineretur, post horam tamen decimam nihil novi referri potuisse. Docet hoc Seneca cap. XIV. lib. I. de Tranquillitate vitæ. Majores, inquit, nostri novam relationem post horam decimam fieri vetabant. Et quod Varro præcepit S. C. ante exortum, aut post occasum solis factum ratum non fuisse; opus etiam censorium fecisse existimatos, per quos eo tempore S. C. factum esset. Postremo scribit Suetonius & Dio, intersecto Cæsare Id. Mar. solemnem senatus diem, parricidium a III. viris nominatas, ac ne unquam senatus eo die haberetur decretum.

C A P. VIII.

Ritus & solemnia Curiae.

JAM vero ritus, & solemnia curiæ describenda, ac depingenda nobis sunt. Primum omnium magistratus, qui senatum habiturus esset, immolabat hostiam, auspicabaturque teste Varrone. Quod est etiam ab Appiano lib. II. in hanc ferme sententiam scriptum: Est autem mos, inquit, magistratibus in curiam ingressuris prius uti haruspici-na, ac rursum in Cæsaris víctima cor, vel, ut alii dicunt, caput extorum non est inventum. Ul-timis temporibus, cum in Rempublicam invalisset, Octavianus decrevit, ut senatores ture ac me-ro supplicarent illi Deo, in cuius templo senatus habebatur. Est id apud Dionem lib. LIV. Posthæc Augustus, in aliud quinquennium præfectus morum factus, sanxit, ut senatores, quoties in curiam convenire, aut ad se accedere vellent, suffimentum adolerent; eo & religionis studium inculcabatur, & signum conveniendi facilius dabatur. Et apud Suetonium in vita Augusti: Quo autem lecti probati-que & religiosus, & minori molestia senatorio munere fungerentur, sanxit, ut priusquam consideret quisquam, ture ac me-ro supplicaret, apud aram

eius Dei, in cuius templo coiretur. Nec prætermittam C. Marium, in secundo consulatu, primum triumphali veste in senatum venisse. Non enim vilius est hoc indignum Livio homini summo, quod historiarum monumentis proderet. etsi Dio, alios secutus auctores, coactum eum deponere ornamenta triumphi, & togatum consilium patrum convocasse lib. XLVIII. dicit. Cicero autem in gratiarum actione pro Marcello concessum appellat senatum. Et in epistolis ad Ap. Pulchrum, longum subsellium. propterea quod iudicium subsellia breviora essent. Consules vero in senatu sellis curulibus sedebant, quem Cicero morem aperte expressit in ea, quam Non. Dec. in senatu contra Catilinam habuit: Non denique, inquit, hæc sedes bonori s. sella curulis, unquam vacua mortis periculo atque insidiis fuit. Cæsari etiam victori inter maxima ornamenta tributum legimus, apud Dionem, ut in senatu propter consules, & ipse sella curuli sederet. Eundemque locum honoris & Augustus tenuit.

C A P. IX.

De ratione referendi ad Senatum.

ATQUE hæc, etsi ad intelligendos libros Latinorum non inutilia sunt, tamen fortasse prudentibus hominibus possunt leviora videri. Quare non immorabimur in iis diutius, & jam antiquam ad senatum referendi consuetudinem investigare ordiemur. Consulebant igitur patres non solum ii, qui habebant senatum, verum & alii magistratus. Quod quoniam pauci sciunt, nemo certe docuit, pluribus argumentis demonstrandum puto. Primum Cicero quandam in senatu orationem orsus est hoc modo: *Parvis de rebus, sed fortasse necessariis consulimur P. C. de Appia via, & de Moneta consul, de Lupercis tribunus pl. refert.* Deinde in epistolis, cum Lentulo scripsisset quæ quis patrum ex relatione conf. cerneret, Volcatium quoque nuntiat referente Lupo tribuno pl. Pompeium, quod ad Ptolemæum reducat, decernere. Tum in Sextiana L. Mumium tribunum pl. consule Gabini nolente, tempore suo gravissimo, ad senatum retulisse, cumque senatus frequens pro salute ipsius mutandam vestem censuisset, Gabinium exanimatum, evolasse ex senatu dicit. Postremo Plutarchus ita narrat de Antonio tribuno pl. *Cum Cæsaris litteras recitari in senatu Pompeiani non sinerent, ipse, (nam magistratus iure poterat) eas recitavit.* Quoniam enim litteras privatim missas, si id ad Reip. commodum pertineret, privatis licuit in senatu recitare; illas tamen, quæ publice mittebantur, nemo, nisi qui referendi potestatem habebat, potuit. Obtinimus ergo senatum habentibus consilibus, tribunis pl. concessum fuisse ad illorum relationem aliquid addere, & de eo, quod in rem videretur patres consulere. Quid vero prætores? an referebant ad senatum? Dio lib. LV. præcise ante Augusti imperium negat. At Livius & Cicero, quibus credidisse malis, ajunt; sed tum solum, quando major potestas non vetabat. Livius quidem lib. XLIX. refert S. C. cautum, ut si quis sacrum Bacchi necessarium sibi duceret, apud prætorem urbanum profiteretur, prætor senatum consuleret, si ei permissum esset. Et libro XLII. *Cajus, inquit, Licinius prætor consuluit senatum, quem quærere ex rogatione vellent. Patres ipsum cum quærere jusserunt. Tum demum in provinciam conf. profecti sunt.* Ciceronis autem hæc sunt verba in oratione pro lege Manilia, quam suavit prætor: *De quo legando spero consules ad se-*

natum relatores: qui si dubitabant, aut gravabantur, ego me profiteor relatores. Unde & in III. de Legibus iure sanxit: *Cum populo patribusque agendi ius esto prætori.* Idem, ut ibi sciscit, magistro equitum. *Censores vero Flaminius & Marcellus, teste Livio, Campani ubi censerentur senatum consuluerunt, decretumque uti Romæ censerentur.* Qua de re & infra: *Campani, cum eos ex Senatus Consulto quod priore anno factum erat, censores Romæ censeri coegissent, petierunt, ut sibi cives Romanas uxores ducere liceret.* At si quid alii magistratus invitis consilibus referrent, vetare poterant? Fateor, & addo honorem hunc consulum præcipue fuisse. Sed non ex eo concluditur, prætores, & ceteros jus consulendi patres non habuisse. Nam & consulis relationi intercedit tribunus pl. Tacitus Annali 1. *Scavrus dixerat, spem esse ex eo non irritas fore senatus preces, quod relationi consulum iure tribunicie potestatis non intercessisset:* tamen consules potestatem referendi maximam habuisse nemo ignorat. Et quoniam ille, penes quem fasces erant, hoc iure collega superior erat, Dionysio lib. IX. auctore, uterque tamen eos. referebat. Exempla passim occurrunt in analium monumentis. Itaque de re minime dubia plura non loquar. Referebant tamen ambo plerumque. Livius lib. XXVI. *Consulium de provinciis communis relatio fuit.* Ita & de tribunis, & aliis, quos enumeravi, magistratibus, observo, aliquando totius collegii unam fuisse relationem, aliquando vero simul aliquot, sæpe separatim suo quemque nomine retulisse. Augusto XI. cum Pisonem consuli, quo tempore L. Sestium in suum locum subrogavit, referendi potestatem, etiam si consulum non haberet, Senatus Consulto tributam Dio prodit. Inde honos is, ut & cogendi jus, ad alios Imperatores permanavit. Nemo vero, ut in veterum libris scriptum est, magistratus nisi stans in senatu verba faciebat. Cicero lib. II. ad Q. Fratrem: *Racilius surrexit, & de iudiciis referre cepit.* Dionysius lib. V. *Hæc cum legati dixissent, surrexit Brutus consul, & huiusmodi verba locutus est.* Lego apud Dionem, Augustum, cum ægrotaret, quæstoris in senatu ministerio usum. eundemque absentem de flagitiis filiae libellum per quæstorem recitasse. Quod quasi honoris & amplitudinis, non necessitatis & pudoris causa factum, successores illius imitatos tum ex aliorum monumentis, tum ex Taciti XI. Annali colligo. In quo hæc sunt: *Et oratio principis per quæstorem ejus audita est.* Duo etiam genera relationum Varro edit: Unum, cum infinite de Rep. alterum, quando singulis de rebus finite patres consulebantur. Sæpe vero aliquot magistratus priusquam sententiæ rogarentur, referre ordine quenque, si quid haberent, consuevisse, etsi nemo tradit aperte, tamen ex Ciceronis VII. Philippica, epistolique ad Lentulum exstimare licet. Sæpe item uno Senatus Consulto unaque re perfecta, aliam relatam Seneca lib. de Tranquillitate vitæ innuit. Anno CDXXII. Plautium eos. accepi hoc modo retulisse, hancque fere relationis formulam esse: *Quoniam auctores defectionis meritis penas, & ab diis immortalibus, & a vobis habent, Patres Conscripti quid placeat de innoxia multitudine fieri? Equidem, etsi mea partes exquirere magis sententiæ, quam dicende sunt; tamen cum videam Privernates vicinos Samnitibus esse, unde nunc nobis incertissima pax est, quam minimum irarum inter nos illosque relinquere velim.* Postremo, qui jus referendi habebant, iis cum vellent relationem remittere concessum erat. De quo significat, ut opinor, legis de imperio Vespasiani, quæ in res incisa, & perscripta adhuc Romæ extare dicitur, caput istud: **UTIQUE EI SENATUM HABE-**

HABERE, RELATIONEM FACERE, RE-
MITTERE LICEAT, ITA UTI LIGUIT DI-
VO AUGUSTO.

C A P. X.

De sententiarum rogandarum modo.

SEQUITUR ut doceam, qui fuerit sententiarum rogandarum modus. Si separatim consules retulissent, vel cum his tribuni quoque, aut alii quivis magistratus, credibile est non omnes, sed cum tantum consulem, qui cum fascibus erat, rogasse. hanc ego facio conjecturam ex his Livii verbis: *Consules de pace Caudina retulerunt, & pones quem fasces erant, dic Sp. Postumi, inquit.* At si consules absentes, qui rogaret quares? Mihi quoque hac de re dubitanti nullum, quo stari possit, indicium in antiquorum libris occurrit. Sed si dicerem urbanum prætorum, prætoribusque absentibus tribunum, quem universum collegium delegisset, nescio an iudicaret homines morum disciplinaque Romanæ periti, non omnino inceptam hanc meam responsionem esse. Memini tamen apud Ciceronem lib. II. ad Q. Fratrem me legisse, cum Lupus tribunus pl. causam agri Campani perorasset, & senatum se dixisset non morari, Racilius de iudiciis retulisse, & sententias rogasse. Atque antea quidem, ut docet Gellius ex lib. IV. Varronis de quæstis per epistolam, in exquirendis sententiis consul incipiebat ab eo, quem principem in senatu censes legissent: tum autem, cum illa Varro ad Oppianum scriberet, novum morem inductum ait, ut is primus rogaretur, quem rogare vellet, qui haberet senatum, dum is tamen ex gradu consulari esset. Etenim, ut supra dixi, Livius consulares principes sententiarum fuisse refert. Itaque concedebatur hoc benevolentia & amor; tribuebatur sanguinis conjunctioni; pietati in parentes dabatur; hominum sapientissimorum amplitudini & dignitati deferabatur. Invenio in antiquum monumentis jam ante multis annis tribunum militum consulem P. Licinium Calvum a patre suo orsum. quod princeps senatus vivo, qui facere potuerit non video, si statim soluta regia potestatem illud, quod dicit Varro, institutum erat. Addit Suetonius & Gellius, observatum esse, ne consuli liceret modo hunc, modo illum ante alios rogare, sed ut, a K. Jan. ad comitia usque, eundem ordinem in consulendis patribus custodiret. Quocirca C. Cæsar consul, cum quatuor solos extra ordinem, in iisque principem Crassum, rogasset, & deinde Pompeium desponsa illi filia cæpisset, rationem ejus rei in senatu reddidit, Tirone Ciceronis liberti teste. Id ipsum Capito Ateius, in libro de officio senatorio, quem injuria temporum amisimus, litteris prodiderat. Post comitia vero, consules des. primi in consulari gradu erant. Multa sunt hujus consuetudinis expressa, & omni luce clariora signa. Quorum potissima referre non gravabor. Primum Cicero, cujus quot intueor verba, tot pulcherrimorum institutorum vestigia agnosco, quinta in Antonium ita dicit: *Qui ordo in sententiis rogandis servari solet, eundem tenebo in viris fortissimis honorandis.* a Bruto igitur consule des. more majorum capiamus exordium. Deinde Sallustius in conjuratione Catilinæ hujuscemodi verba facit: *D. Junius Silanus, primus sententiam rogatus, quod eo tempore consul des. erat.* Causam istius instituti, ut a consulis des. principium rogandi fumeretur, hanc reperi ex Appiano, lib. II. *ut cautius & circumspicius conferrent, cum illis exequenda essent omnia, quæ senatus decrevisset.* Ambos au-

tem ante ceteros senatores dicere consuevisse sententiam, indicat Seneca in lepidissimo quodam libello, qui *diogenæ laertii* inscribitur, quando ait: *Proximus interrogatur sententiam Diespiter, Nicopola F. & ipse des. consul.* Cum igitur locus hic nihil habeat dubitationis, consules novos antequam inirent primos rogatos, deinceps uter ex illis prior rogaretur, merito ambigi potest. Sed mea quidem sententia facilis est deliberatio, & jam ab aliis plane explicata. Nam si quis in historiarum monumentis evolvendis paulo attentius versetur, eum, qui prius renunciatus esset, priore quoque loco in senatu sententiam dixisse inveniet. Post consulares vero prætorii, post prætorios ædilicii, ac demum tribunicii, ac quæstorii censebant, ut gradus gradui semper præferretur. Sic enim quod Cicero in Verrem dicit per ædilitatem se affectum antiquiorum sententiæ locum, rationem habet. Et in lib. XII. ejusdem ad Atticum ita est: *Catonem primum sententiam putat de animadversione dixisse, quam omnes ante dixerant, præter Cæsarem: & cum ipsius Cæsaris tam severa fuerit, qui tum prætorio loco dixerit, consularium putat seniores fuisse.* Ergo hic prætorii ante ædilicios dicunt. Nam Cato post Cæsarem rogatur; quorum ille tribunus pl. ut inquit Velleius, hic prætor creatus in sequentem annum, auctore Dione, fuit. Quo cognito supervacaneum est in singulorum graduum jure demonstrando hære. Ac si prætor des. inter prætorios censebat, ut ex hoc loco patet, non dubito, & eum, & omnes designatos magistratus sui quemlibet gradus principatum tenuisse. Cæterum qui dicebantur pedarii senatores, ut supra meminimus, non rogabantur, sed tamen consulis permisso dicere poterant. Qua de re Gellius: *Quia in postremis erant scripti, non rogabantur sententias.* Et diligentissimus rerum Romanarum scriptor Dionysius lib. VII. *Ubi seniores dixerunt, ex junioribus Coriolanus, postulata, & impetrata dicens potestatem, adversus plebem hujusmodi orationem habuit.* Et infra lib. eodem: *Solebant consulares, ac potissimum seniores, primi rogari. Juniores vero non rogabantur, aut rogati non dicebant, sed discerebant in seniorum sententias.* Quo spectavit Laberius Pœta antiquissimus, cum in Mimis caput sine lingua pedariam sententiam nominavit: causam cur non dicerent, reddit Dionysius: *Quoniam, inquit, veterum senatorum sententiis addere aliquid juvenes, & rerum imperitos, aut detrabere velle, impudentia summæ videretur.* Necessitate quidem pressis exculatio erat. Hinc ille agipes Lucilii vocem mittere cæpit. Utrum autem magistratus rogarentur, nihil habeo quod sequar, etsi in eo quærendo non parum sane operæ & studii posuerim. certum est illos habuisse jus sententiæ. Sed, cum privatis omnibus præstarent, non exilium rationi consentaneum, eos posteriore loco rogatos. Itaque considerare oportet, an majorum magistratuum referendi potius, quam censendi, partes fuerint; minorum vero partes admonendi, si quid per gratiam contra leges de rebus, quas illorum fidei populus credidisset, homines potentes in senatu molirentur. Itaque Cato quæstor semper in senatum venit, non aliam ob causam, Plutarcho teste, quam ut, si quid ex vestigalibus detraheretur, aut ex ærario erogaretur, impediret. Quanquam nihil affirmo. rem tantum noto, iudicium autem ejus doctissimis viris relinquo. Manifestum porro est ex Ciceronis ad Atticum epistola II. lib. IV. in senatu nullam pontificum, vel aliorum sacerdotum rationem habitam in rogandis sententiis, perinde ac si senatores solum essent. Intelligendum est etiam, quod eo ordine senatores censerent, tamen cuilibet liberum fuisse petere a consule, ut interfari aut præfari posset. Livius lib. III. *Proditum memoriæ est, Potitum post relationem Ap-*

Claudii, priusquam sententiae rogarentur, postulando ut de Rep. liceret dicere, prohibentibus minaciter x. viris, proditurum se ad plebem denunciantem, tumultum excitasse. Ita igitur stante rep. Confecto vero Africano bello decretum Dio tradit, ut Caesar primus omnium sententiam suam exponeret. Et Augustus, Suetonio teste, de majoribus negotiis, non more pristino curiae, nec vetere consuetudine senatus, sed prout libuisset patres rogabat, ut perinde quisque animum intenderet, ac si censendum magis, quam assentiendum esset: Imperatoribus aliis referentibus consules illi ficti, commentiticique principes sententiarum erant. Tacitus lib. xi. *Primus sententiam rogatus Aurelius Cotta consul: nam referente Caesare magistratus eo etiam munere fungebantur.*

C A P. XI.

Forma sententiarum dicendarum, & modus decernendi in Senatu.

HIS ita constitutis, rationem, & formam sententiarum dicendarum investigemus. Senatores rogati longis utebantur orationibus, quas aliquando ex scripto recitabant. Erat enim senatori jus, ut Capito testatum reliquit apud Gellium, vi sententiam rogatus diceret ante quidquid vellet alterius rei, & quoad vellet. Tacitus Annali xiii. *De bello, & pace, de vestigalibus, & legibus, quibusque aliis Resp. continetur, suadere, dissuadere patribus licebat, quoties dicenda sententiae jus accepissent, & quae vellent expromere, relationemque in eo postulare.* Scite hercules. Etenim egressus senator relationem & si rem suasisset, qua vel sola niteretur salus civitatis, tamen de ea S. C. sine relatione nova, fieri non potuit. Unde Livius lib. xi. cum mentio facta esset de pace Carthaginensi, conclamatum ex omni parte curiae prodit, ut referret P. Aelius praetor. Item docet Tacitus, cujus locum infra scripsi: *Magno assensu celebrata sententia, non tamen S. C. perfici potuit, absentibus consulibus ea de re relatum.* Ubi dixisset quoad vellet, rationemque sui consilii explicasset, sententiam orationi fere epilogi vice paucis verbis addebat. Exemplis librum infercire nolo, cum omnibus pateant orationes Ciceronis in senatu habitae, Sallustique, & aliorum historiae. Ut autem uno verbo dicam, id quod relatum erat, aut suadebat, aut dissuadebat, aut, si post alios rogaretur, alteri verbo assentiebat, aut dividi relationem postulabat. Explicandum hoc loco est, quid esset petere ut relatio divideretur. Saepè, ut apparet ex Varronis apud Gellium testimonio, infinite de Rep. referebatur. Si igitur relatione illa generali res continebatur ita diversae, ut non idem de omnibus statuendum Senatoribus videretur, postulabant, ut separatim de singulis consulerentur. Exemplum hujus rei suppeditat nobis Liviana historia: Camillus consul de Latinis omnibus populis ad senatum retulit; principes relationem illius laudabant, sed cum aliorum alia causa esset, ita expediri posse consilium dicebant, ut pro merito cuiusque statueretur, si de singulis nominatim referretur populus.

Atque sicut magistratus, ita & senatores dicebant stantes. Quare, cum historici faciunt aliquem in senatu suadentem, eum surrexisse ajunt: Gellius lib. vii. *Sententiae rogari caute, tum M. Cato exiit.* Sic, cum assedisset senatorem narrant, significat eum finem fecisse dicendi. Sallustius in Conjuratore Catilinæ: *Postquam Cato*

assedit, consulares omnes, itemque senatus magna pars sententiam ejus laudat. Et quemadmodum stantes censere, sic assentiri sedentes Latini loquuntur. Cicero Metello: *Nulla est a me unquam sententia dicta in fratrem tuum. quotiescunque aliquid est actum, sedens in assensu, qui mihi lenissime sentire visi sunt.* Animadverti autem aliquando sententias juratos dixisse senatores; ut Lentulo & Prato coss. *Patres, inquit Livius, jurati (ita convenerat) consueverunt, uti consules provincias inter se compararent, sortirenturque, uter Italiam, uter classem L. navium haberet.* Addo etiam illud; senatori, cum esset a consule rogatus, non dicere sententiam suam, aut non probare alterius haud licuisse. Quod indicant haec ejusdem Livii: *Q. Fulvius postulavit a consule, ut palam in senatu diceret, permitteretne patribus ut de provinciis decernerent, staturusque eo esset, quod consuisset, an ad populum laturus. Cum Scipio respondisset, se quod e Republica esset, facturum, tum Fulvius, Non ego ignarus quid responsurus, facturussve esses, quaevis: quippe cum praeter te feras, tentare magis quam consulere senatum: & ni provinciam tibi quam volueris, exemplo decernamus, paratam rogationem habebas. Itaque a vobis tribuni pl. postulo, inquit, ut sententiam mihi ideo non dicenti, quod si in meam sententiam discedatur, non sit ratum habiturus consul, auxilio sitis. Inde altercatio orta. consul negabat aequum esse tribunos intercedere, quo minus suo quisque loco senator rogatus sententiam diceret.* Haec Livius. Nec praetermittendum puto, quod in lib. xii. Ciceronis de Oratore notavi, asperitatem, & acrimoniam in dicendo Crassi, pignoratis a Philippo consule coerceri; & quod tradit Gellius, Catonem, praefracte obliissent relationi, & diem eximentem dicendo, a Caesare consule in carcerem ductum. Ac de antiquo more sententiarum diximus.

Perrogatis omnibus sententiis, vel si non adesset quisquam, qui aliud dicere vellet, cum tres, aut quatuor, ut semper accidere videmus, controuerse invenirentur, oportuit in aliquam earum S. C. fieri. Fiebat vero in eam, quam plures laudassent. Nam Cornelius Nepos lib. v. exemplorum, auctore Gellio, & Livius xxxvii. memoriae & litteris tradiderunt, multis placuisse, ut ii, qui de permutandis captivis, post Cannensem cladem, jurati ab Hannibale missi redire nollent, datis custodibus ad eum reducerentur; sed eam sententiam numero plurimum, quibus id non videretur, superatam. Diverse igitur sententiae ordine pronuntiabantur a magistratibus, cujus praecipri fundamentum & sedem, non magni negotii est ostendere. Caesar commentario primo de bello civili: *Lentulus consul sententiam Calpidii pronuntiaturum se omnino negavit.* Cicero Lentulo: *Sententia prima Bibuli pronunciata est, ut tres legati regem reducerent; secunda Hortensii, ut tu sine exercitu reduceres; tertia Volcatii, ut Pompeius reduceret.* In persequendis porro sententiis non tam qui primus suasisset, quam qui verbis luculentioribus & pluribus rem comprehendisset, consules spectare solitos notavi in Ciceronis xii. libro ad Atticum. Tribuebatur hoc quoque gratiae, eodem lib. x. epistolarum teste. Pronunciatis differentibus opinionibus senatorum in singulas discedebatur, ut quam plures probarent cognosceretur. Neque vero augur cum id dico, sed rem claram ac testatam assero. Primum hoc intelligitur ex iisdem litteris ad Lentulum. Deinde ex illis Hirtii verbis: *Sententia dicta, discessionem faciente Marcello, qui sibi omnem dignitatem ex Caesaris invidia, querebat senatus frequentem in alia omnia transiit.* Postremo ex his sextae in Antonium Philippica: *Itaque haec sententia sic per triduum valuit, ut, quanquam discesso facta non*

esset, tamen, præter paucos, omnes mihi assensuri viderentur. Manifeste hanc consuetudinem redactis omnibus in potestatem Cæsarem Lampridius in Severo innuit: Nullam, ait, constitutionem sacravit sine viginti iurisperitis, & doctissimis, ac sapientibus viris; iis denique disertissimis, non minus quinquaginta; ut non minus in consilio essent sententia, quam si S. C. conficeret; & id quidem ita ut iretur per sententias singulorum. ac scriberetur quid quisque dixisset. Neque me valde angit, quod apud Dionysium nulla discessio facta Appius xvii Cornelii sententiam sibi obnoxiam vicisse pronuntiavit. Nam, ut alia multa, quæ mos majorum minus ferebat, ita & hoc nullo exemplo veterum imminente bello periculoso, cupidissimus imperandi homo fecit, cum perrogatis sententiis denuo quidam senatores referri vellent rem integram ad senatum; & tempus extrahendo, aut dominationem xvirorum infringere, aut hostium potius vim, quam tyrannorum impotentes animos & superba imperia perperci. Quæ quidem consuetudo, & ratio a sapientissimis hominibus introducta fuit, & excogitata, ut qui ante dixerant, si post ab alio melius quidpiam censei animadvertissent, in ejus sententiam possent pedibus ire. Ita in historia Sallustii Silanus consul des. cum primus suum exposuisset consilium, postea permotus oratione Cæsaris, pedibus in sententiam Ti. Neronis iturum se dixerat. Et xi. Philipp. Q. Fulvius pollicitus est, si quis eorum, qui post se rogati essent, graviores sententiam dixisset, in eam se iturum. Dicebatur ergo primum in eorum sententias, quæ de illo, quod consules retulissent, erant. Itaque cum Lupus tribunus pl. exemplo novo contendere cepisset, ante se oportere discessionem facere, quam consules, ejus orationi vehementer reclamatum Cicero scribit. Interdum autem, si sententia res contineret duas, quarum una placeret, altera displiceret, antequam inciperent pedibus ire, patrum aliquis postulabat dividi sententiam, ut tradit Pedianus in commentario Milonianæ. Idem indicat & Seneca lib. Epistolarum xii. cum ait: Quod fieri in senatu solet, faciendum ego in Philoſophia quoque existimo. cum censuit aliquis, quod ex parte mihi placeat, jubeo illum dividere sententiam, & sequor. Dices exemplo opus esse? Non longe abiero. Nam est in ea, cujus jam sæpe mentionem feci, ad Lentulum epistola: Postulatum, inquit, est, ut Bibuli sententia divideretur, quatenus de religione dicebat: ei rei quia jam obſisti non poterat, Bibulo assensum est. de tribus legatis frequentes ierunt in alia omnia. Permittendæ autem discessionis formula in commentariis linguæ Latinæ Festi talis extat: Qui hoc censetis, huc transite; qui alia omnia, in illam partem. Atque alia omnia dicebat consul, non qui non censetis, omnis vitandi causa. Præire vero solum his verbis magistratum Plinius junior significat. Nam sic scribit lib. viii. Non consul etiam ubi quisque remanere, quo transgredi debeat, non modo solemnibus verbis, sed manu, gestuque demonstrat? Neque enim ambigo, hoc, quod dicit Plinius, ex antiqua senatus disciplina tractum. Eodem autem modo de discedendi ratione & Festus: Pedarius senator, inquit, appellabatur, quod nunquam diceret; sed cum discederetur transiendo tantum ad eum, cujus sententiam probabat, quid videretur indicaret.

Sæpenumero autem nullis sententiis dictis, relatione facta statim fiebat discessio, quod Varro nominat S. C. per discessionem, illud autem per relationem. Atque ita duæ opiniones, quas putat Gellius discrepantes, una Varronis de duobus generibus S. C. altera Atei, vel potius Tuberonis, qui putat in omnibus S. C. faciendis requiri discessionem, inter se convenientes, & quasi geminæ reperiuntur. Faciebant autem S. C. per discessionem magi-

stratus, vel ne quod similitatis onus senatoribus imponerent, neve quis metu, aut verecundia compulſus, secus quam sentiret diceret, ut arbitratu Dio lib. xli. vel celeritatis causa; ut Cicero narrat, Antonium allato nuncio de legione quarta effugere festinantem, de supplicatione S. C. per discessionem fecisse. Ac tum maxime discedebatur tantum, inquit Varro, quum res minime dubia esset. Nam quid necesse erat, verbi gratia, de solemnī religione, de qua K. Jan. vel prout qua ætate anni principium agebatur, consules priusquam rerum humanarum aliquid attingerent, more majorum referabant, singulorum sententias perquirere? Itaque dicis solum causa ea de re S. C. fieri solita per discessionem facile crediderim.

Antea quam vero exeamus e curia, quibus rebus summa voluntas senatus, quo minus S. C. fieret, impediretur, exponamus. Horum ergo impedimentorum genera non pauca invenio. Primum genus est intercessio. De qua legem hanc rogat lib. xii. Cicero: Ni potestas par, majorve prohibeſſet. S. C. perſcripta ſervoanto. Qua ex rogatione, non tam ad effugiem moderati civitatis status, quam ad hitoria fidem lata, patet, rationem impediendi edita voce, Veto, non ut alias qualdam senatorum quoque, sed magistratum solum fuisset; nec quorumvis magistratum, verum majorum tantum. Hoc vero nomine & tribunos pl. nunc comprehendendo, quos etſi minores vocent, maximam tamen potestatem habuerunt, & intercedendi jus summum. Ac ob eam causam, & ut sacrosancti essent, Dione auctore, Cæsares tribuniciam potestatem assumebant. Alterum invenio, cum magistratus non vetabant, sed moram afferbant; veluti cum Serranus noctem sibi ad deliberandum postulavit, quando de revocando Cicerone ab exilio agebatur. Tertium genus est, cum, nullo magistratu intercedente, longa oratione senator tollit diem. Etenim quod post solis occasum senatus decernit, irritum est. Quo in genere magnus fuit Cato. Quartum est, cum offertur religio magistratui senatum habenti, non satis cum auspiciis operam dedisse. Nam, si hoc collegium augurum comprobasset, differebatur res in posterum. Quintum impedimentum fuit, si senatus esset nullo edicto legitimo coactus. Sextum, cum loco non auspicio habebatur. Septimum, cum dies erat non senatorius. Neque vero subſiſcendis auctoritatibus singulis generibus mihi & aliis molestus esse volui. Quod si qui nolint nobis sine pignore, ut dicitur, credere, Dionis hitoria librum lv. & Ciceronis xii. de Legibus, orationem pro Sextio, atque epistolam Eſſi ad Plancum, legant. Illis autem, quos Festus commemorat, modis, cum numerum senatum dicebat consuli senator; aut, cum postulabat, ut res quæ adferebantur dividerentur; aut, ut singuli consulerentur, non tam senatus consilium tardabatur, quam magistratum artes eludebantur. Si quis autem S. C. interceſſiſſet, aut moram attuliſſet, id quod patres decreverant senatoris auctoritas, ut docet Dio lib. lv. vocabatur. Unde Servilius Hala apud Livium lib. xv. si quis intercedat senatusconsulto, auctoritate se fore contentum dixit. Cicero tamen nonnunquam senatusconsulti, & auctoritatis nomine pro eodem utitur, ut xii. legum, cum sic loquitur: Quo in genere ſeveritatem majorum noſtrorum ſenatus vetus auctoritas de Bacchanalibus, & conſulum exercitus adhibito quaſſio, animadverſoque declarat. Nam Livius S. C. mandatam hanc quaſſionem Albino Philippoque coſſ. aperte narrat. At enim pro libidine magistratibus voluntati ſenatus adverſari licitum erat? Minime vero. Nam referebatur ſtatim de eorum interceſſione, eſſet a Republica, nec ne, atque cum non eſſet ſtatuebatur, ſi interceſſionem remittere nolſent

puniebantur. Cicero lib. 11. ad Atticum, Cæsar lib. 1. & alii.

Ubi S. C. effectum, jussu magistratus recitabatur. Dionysius lib. 11. *Quibus dictis mandavit scribere, ut recitaret S. C.* Dimittebatur autem senatus in hæc verba: *P. C. nemo vos tenet.* aut in hæc: *Nihil vos moror P. C.* Cicero lib. 11. ad Q. Fratrem: *Tum ille se negavit senatum tenere.* Capitolinus in Antonino: *Nunquam discessit e curia, nisi consul dixisset, nihil vos moramur P. C.* At par potestas, aut major potuit retinere senatum. Nam, & cum dixisset Lupus tribunus pl. se non tenere senatum, furexit, ut narrat Cicero, Racilius collega ejus, & de judiciis retulit. Quod qua ratione factum esset non video, nisi Racilio retinere senatum pro potestate tribunicia, dimittente Lupo, liquisset. Dimisso senatu si S. C. factum, & perscriptum esset, recitabatur ad populum a magistratu, aut senatores concione impetrata verba faciebant. In recitando autem S. C. fere nominis ejus, in cuius sententiam itum erat, interponebatur honorifica commemoratio. Hinc ille noster lib. 14. ad Atticum: *Factum est S. C. in meam sententiam, ut cum Pompeio ageretur, ut eam rem susciperet, lexque ferretur.* quo S. C. recitato, cum concio, more hoc insulso & novo, plausum meo nomine recitando dedisset, habui concionem.

C A P. XII.

A quibus scripta, & quomodo concepta S. C.

HACTENUS senatoriam decernendi consuetudinem, quæ diu terris exterminata omnibus prope in tenebris jacuit, in lucem revocare, & pristino splendori restituere conati sumus. Deinceps de senatusconsultis triplex mihi exoritur dubitatio. Nam & a quo scriberentur, quomodoque conciperentur; & a quibus magistratibus asservarentur, & quo loco; tum quam vim haberent, quamque diu magistratus alligarent, ambigo.

Dicamus autem primum de prima. Scribebant igitur S. C. scribæ, quem ordinem non adeo gravem, atque honestum fuisse Romæ alii ostendunt. ut vero in cæteris monumentis publicis, sic & in S. C. tabulis mandandis versatum hoc genus hominum Dionysius significat lib. 11. in quo scribarum, qui senatui apparebant, mentionem facit. Legi etiam, qui intelligerent Ciceronem scribæ aliqujus possuisse nomen, cum in 111. epistolarum ad Atticum lib. ita ait: *Tantum rogat ut S. C. corrigas.* Hoc quidem fecisset etiam Rano, si admonitus esset. At in magnis difficultatibus, & perturbationibus, si interesset Reipublicæ, ne senatus decretum evulgaretur, vel ut summa prudentia, & fide omnia literarum notis ad posterum temporis memoriam consignarentur, senatores quique consuetudine scribendi, integritate, memoria, scientia præstantissimi, scribarum officio & munereungebantur. Ita indicia conjurationis facinororum, & perditorum civium, cuius dux & auctor erat Catilina, non solum, ut est in oratione pro Sylla, perscribunt in senatu ex inferioribus gradibus tres sapientissimi, & acerrimi mentibus præditi senatores, verum etiam prætor populi R. Sic, ut dixi, S. C. quæ a nonnullis tacita appellantur, scribi solita in senatoribus observavi. Qua de re Capitolinus in hanc sententiam: *Hunc morem apud veteres necessitate publica repererunt, ut si forte aliqua vis ab hostibus immineret, quæ vel cogeret humilia capere consilia, vel aliqua constituere, quæ non prius oporteret dici, quam effici, S. C. tacitum fieret, ita ut neque scribæ, neque servi publici senatus consilio interessent, verum senatores omnia exciperent, ipsique scribarum*

A officio fungerentur. Atque etiam cum hujusmodi S. C. fierent, non solum scribæ senatus consilio non apparebant, verum etiam pedarii senatores in curiam non admittebantur. Quo factum est, ut quemadmodum legimus apud Valerium, consules objurgarunt Q. Fabium, quod P. Craffo, qui, etiam ante triennio gesserat quaesturam, nondum tamen a censoribus in senatum lectus erat, narrant, quod secreto in senatu erat actum, de tertio bello Punico indicendo. At cætera S. C. adeo non occulta erant, ut omnes prope cives senatusconsultorum libros domi suæ quisque haberent, donec intercessit Augusti decretum, quo, Suetonio auctore, vetuit, ne senatus acta in posterum publicarentur. In S. C. autem scribendo tempus primum ponebant, & locum, in quo senatus decrevisset: deinde nomina eorum, qui scribendo assissent, recitabant; tum relationem, cum nomine magistratus, paucis verbis perstringebant; atque his omnibus ultimo loco senatusconsultum subijciabant. Quod autem diximus de iis, qui scribendo assissent, illud ita intelligendum est, solita adscribi nomina testium senatusconsulti faciendi. Qua ratione in libro constitutionum nostrarum, legibus a quolibet rege, senatu censente, & legatorum equestris ordinis collegio consicente, perlati, nomina eorum, qui præcipui ei concilio interfuere, apposita videmus. Si quis autem auctoritatis momenta desiderat, ita interpretatur genus hoc loquendi Lampridius, de Heliogabalo impurissimo, & foedissimo monstro loquens: *Ubi primum, inquit, senatus diem habuit, matrem suam rogari jussit. quæ cum venisset vocata, ad consilium subcella scribendo assuit, id est, S. C. consicendi testis.* Horum vero testium nomina senatusconsulti auctoritates a Cælio & Cicerone lib. 111. de Oratore nominantur. Nec illud ignorari velim, et si non paucos senatores videamus sæpe adfuisse, tamen quædam a duobus tantum senatusconsulta esse scripta. Id quod ex 14. ni fallor, Josephi antiquitatum Judaicarum libro poterit reperiri. Exempla senatusconsultorum non pauca extant in veterum monumentis; sed cum omnium eadem fuerit, ut sollemnibus verbis concepta formula, unum solum, quo jam sæpe usus sum, ut quaerendi vitæ molestiam, recitabo. Missum id S. C. est a Cælio M. Ciceroni. *S. C. Auctoritates. Prædix K. Ost. in æde Apollinis. scribendo assuerunt L. Domitius Cn. F. Ahenobarbus, Q. Cæcilius Q. F. Metellus Pius Scipio, L. Villius L. F. Pom. Annalis. C. Septimius T. F. Quirina, C. Lucceius C. F. Pup. Hirrus. C. Scribonius C. F. Pop. Curio, L. Ateius L. F. An. Capito, M. Oppius M. F. Terentina. Quod M. Marcellus cos. V. F. de provinciis consularibus. D. E. R. I. C. uti L. Paullus, C. Marcellus cos. cum magistratum inissent, ad ex K. Mart. quæ in suo magistratu futurae essent, de consularibus provinciis ad senatum referrent, neque quid prius ex K. Mart. neque quid conjunctum de ea re referretur a consulis: utique ejus rei causa per dies comitiales senatum haberent, S. Q. C. facerent: & cum de ea re ad senatum referretur a consulis, qui eorum in CCC. iudiciis essent, abducere liceret: si quid de ea re ad populum, plebemve lato opus esset, ut Ser. Sulpicius, M. Marcellus. cos. prætor. trib. pl. quibus eorum videtur, ad populum, plebemve ferrent. Ac illæ notæ celeritatis gratia adhibebantur, Q. V. F. C. hoc est, quod verba fecit consul. Et hæc: Q. D. E. R. F. P. D. E. R. I. C. Quid de ea re fieri placeret, de ea re ita censuerunt. Item S. C. istius clausula, ut docet Probus, hac brevi scriptura signabatur. S. Q. D. E. R. A. P. P. V. L. O. E. COS. PR. TR. PL. Q. E. V. A. P. P. V. F. Illa autem verba, si eis viaceretur, honoris causa addebantur in S. C. si quid mandabatur magistratibus, ut facerent, quod observavit Donatus in commentario in Adelpheos Terentii.*

Pro Donato stant sexcenta apud Ciceronem, & alios exempla, quæ putidum esset colligere. Adhæc Valerius tradit veteribus senatusconsultis L. litteram subscribi solitam, eamque notam significasse tribunos pl. S. C. assensos esse. In auctoritatibus vero, percripto senatus consensu, adiciebatur, qui S. C. intercessisset. Id animadverti ex iis auctoritatibus, quæ Cælii epistolis interpositæ sunt.

C A P. XIII.

Quo loco & a quibus senatusconsulta asservata.

ANTIQUITAS autem S. C. (jam enim ad alteram dubitationem oratio mea delabitur) in Cæris sanum deferrebantur ad ædiles. Livius lib. III. *Institutum est a Valerio & Horatio cons. ut S. C. in ædem Cæris ad ædiles pl. deferrentur, quæ ante arbitrio consulum supprimebantur, vitabanturque.* verum Dio extrema pagina lib. LIV. munus hoc inter tribunos pl. & ædiles communicat, ab hisque, imperante Augusto, translatum ad quæstores ait. Penes quos manit demum perpetuo ætate Cæsarum, quemadmodum ex Tacito colligo, senatusconsultorum custodiendorum cura. Ac jam pridem mutata & illa prisca consuetudine deferendorum ad Cæris S. C. in intimo ærario reponerentur. Quod si quis rerum antiquarum imperitus arbitretur, Cæris sanum ærarium populi Romani fuisse, cum ego, non tam conjecturis, quæ non semper sunt efficaces ad concipiendam antiquitatem, quam manifestissimis veterum testimoniis, utens, hoc errore gravi levabo. Sed quid, alios querendo, frustra opus est consumere tempus, cum mihi subito in mentem venerit Macrobius? Nul- lum enim esse puto, qui huic omnibus, quæ apud scriptores æquales illis temporibus legit, vere referendis fidem deesse existimet. Quid igitur Macrobius scribit? *Ædem, inquit, Saturni Romani ærarium esse voluerunt; quod tempore, quo incoluit Italiam, fertur in ejus finibus nullum esse furtum commissum.* Probandum nunc est S. C. in ærario Romanos reponere solitos. Cicero quinta Philippica, cum in Antonium acerbissime invehitur, id ei maxime crimini dat, quod S. C. tanquam facta ad ærarium detulisset. Item Livius lib. XLIX. Fulvium consulem S. C. per frequentiam factum in ærario repofuisse narrat. Et Julius Maratbus, apud Suetonium, auctor est, ante paucos quam Augustus nasceretur menses, prodigium Romæ factum publice, quo denunciabatur regem populi R. naturam parturire; senatum exterritum censuisse, ne quis illo natus anno educeretur; eos qui gravidas uxores haberent, quod ad se quisque sperem traheret, curasse ne S. C. ad ærarium deferretur. Quibus etiam ex verbis Suetonii efficitur, summi ordinis mandatum, & præceptum magistratus exequi nequiverit, antequam esset ad ædem Saturni delatum.

C A P. XIV.

Quæ vis senatusconsultorum, quamque diuturna fuerit.

RESTAT tertium dubitandi genus, quanta vis senatusconsultorum, quamque diuturna esset. Video in historia Livii lib. IV. cum nolent cons. ex S. C. dictatorem dicere, tribunos pl. pro collegio pronunciasse, si adversus consensum amplissimi ordinis ultra tenderent, in vincula se eos duci iussuros. Ita quod semel senatui visum esset probabile, eo standum erat neque a quoquam magistratu S. C. immutari potuit, sed ab ipso senatu

inducebatur, quoties converfis rebus, ac commutata tempestate, ulus eum, quem laudasset, cursum, evidenter arguebat. Cicero pro domo: *Cæptum est referri de inducendo S. C. ab universo senatu reclamatum est.* Idem Attico: *Inducendi S. C. maturitas nondum est; quod neque sunt, qui querantur; & multi partim malevolentia, partim opinione aequitatis delectantur.* Cæsarum autem ætate, comitiorum jure, Tacito lib. I. teste, ad senatum translato a Tiberio, senatusconsulta perpetuarum & æternarum legum vim habebant, ut ex Pomponio Jurisconsulto constat. Verum ante jubendarum legum populo vi ademptum, uno tantum anno magistratus ea, quæ censuerat senatus, alligabant. Sic enim Dionysius optimus antiquitatis auditor scriptum reliquit lib. IX. *Consules negabant S. C. de divisione agrorum in suo magistratu factum, sed in Cassi, Virginique; neque ut leges senatus decreta æterna, sed annua tantum esse dicebant.* In provinciis tamen senatusconsultis diutius obtemperatum ex ultima epistola lib. V. ad Atticum, & aliis multis locis colligo.

C A P. XV.

De senatus potestate, & primo quam varia illa varis temporibus fuerit.

AT ecce jam in manibus est de senatus potestate, & cognitione, perobscura multisque partibus impedita quaestio. Experiri tamen libet, utrum opera & diligentia mea aliquid illi possit adferri lucis. Quod totius disputationis de senatu, non solum difficillimum, verum etiam gravissimum caput, ingredienti mihi necessario repetendum videtur; id quod ante nos a multis doctissimis viris traditum, & demonstratum est; non unam perpetuo, sed varias, ac multum inter se diversas Reip. Rom. formas extitisse. Unde si eodem modo de senatus Rom. potestate statuendum existimem esse, quæ modo aucta & ad summum fastigium perducta, modo diminuta & prope confusa erat, haud optime hercle de Rom. antiquitate mererer. Tum autem demum meo me persudatum munere arbitror, cum inde a primo urbis ortu initio sumpti, omnes mutationes, omniaque senatus tempora renovavero, & quam potero, in hac annalium paucitate, & rerum veterum obscuritate, planissime ac verissime demonstravero.

Romulus igitur, auctor & conditor Reip. illius maximæ ac nobilissimæ, senatu hoc juris & honoris tribuit, quemadmodum Dionysius lib. II. litteris prodidit, ut quibus de rebus ipse, vel cæteri retulissent reges, de iis senatores cognoscerent, & sententias dicerent, ac quod videretur pluribus id ratum esset. Hinc de Tarquinio Superbo Livius: *Hic enim regum primus traditum a prioribus morem, de omnibus senatum consulendi, solvit: domesticis consiliis Remp. administravit: bellum, pacem, fœdera, societates, per se ipse, cum quibus voluit, iussu populi ac senatus fecit.* Ac etiam populo legum jubendarum, magistratuum creandorum, & belli pacisque decernendæ a Romulo permissa potestas esset, necessarium tamen fuit, ut populi iustum senatus iudicium & auctoritas confirmaret. Qua de re Dionysius in hanc scripsit sententiam: *Cæterum plebi hæc tria concessit, magistratuum conferendum potestatem, legum jubendarum jus, & belli decernendi arbitrium, si quando de eo suscipiendo rex cogitaret.* Neque tamen de iis rebus iudicium populi satis per se ponderis habuit, nisi illud senatus auctoritas confirmasset. Eodem modo & Livius: *Decreverunt, inquit, patres, ut cum populus regem iussisset, id sic ratum esset, si patres auctores fie-*

rent. Liberata etiam Republica regio dominatu prope idem erat status, eademque temperatio civitatis. Illa tria populus obtinebat; senatus cetera omnia suo consilio moderabatur; magistratus vero, quibus jurisdictio, & hoc genus alia quædam concessa erant, summa cura & diligentia patrum exquebantur voluntatem. Sed postquam patricii, ex quibus senatus constabat, in plebem sævire cœperunt, Aventinum sacrum montem multitudo armata infedit, tribunos sibi creavit, qui, ob paucorum vitia universo ordine invidia flagrante, turbulentis concionibus levem plebem quovis incitabant; auctoritatem senatus oppugnabant; eamque diminuendo potentiam suam augebant. Exinde comitiis tributis institutis, legeque ut omnes Quirites plebicitis tenerentur perlata, summam licentiam tribunorum pl. nacta temeritas, procedente tempore non solum omne jus senatus fregit, ac debilitavit; sed demum etiam universam Rempublicam evertit. Ab eo igitur tempore, quo senatus non omnia solus potuit, sed multa etiam per populum agebantur, illius cognitio diligentius & accuratius nobis est consideranda.

C A P. XVI.

De senatus auctoritate & potestate in cognitionibus.

POLYBIUS historicus, qui Africani minoris doctor fuit, & perpetuus in militia comes, de disciplina & temperatione illorum temporum Romanæ civitatis disputans, hæc senatui tribuit: Ait primum senatum ærarii totius dominum, & administratorem fuisse; quod & vectigalia omnia in ejus potestate fuissent, & ejusdem arbitratu impensæ omnes fierent; nec quæstiones sine auctoritate senatus, præter ea, quæ consules jussissent, vel minimum, cum opus esset, in rem ullam sumptum facere possent. Gravissimæ etiam illi impensæ, quam censores in quinquennales lustris apparatus faciebant, præfuisse; a senatuque auctoritatem illam & facultatem censoribus concedi, & permitti solitam. Maleficia item ac crimina per Italiam commissa, de quibus publicum judicium constitui oportebat, ut proditiōis, conjurationis, veneficii, cædis, atque infidiarum, ad senatum relata, ejusque de his cognitionem fuisse. Quod si qua in Italia controversia dirimenda, si publice, vel privatim quispiam, vel civitas objurganda, si cui auxilium ferendum erat, de his omnibus senatum statuisse: eodemque modo, si qua extra Italiam ad aliquos legatio erat mittenda, aut ad aliquid decidendum, aut ad fœdus faciendum, aut ad cohortandum, aut ad imperandum, aut postremo ad res repetendas, & ad bellum indicendum, hæc senatum curasse. præterea quid de legatis exterarum gentium agendum, quid eis respondendum esset, decrevisse. Ad id autem, quod de ærario dixit, referendum & illud est de publicanis, quibus præfuisse senatum eodem libro narrat; senatumque diem proferendi, si quam calamitatem accepissent, eos relevandi, si quæ difficultas, aut publica calamitas, quo minus solvendo essent, obstitisset, locationemque prorsus inducendi jus ac potestatem habuisse. Addit idem auctor parvam rei militatis partem in arbitrio summi consilii positam fuisse. *Etenim frumentum, inquit, vestimenta, obsonia non nisi ex S. C. exercitui suppeditabantur, adeo ut imperatorum expeditiones, & consilia omnia, quoties illorum gloriæ obflare, & inique cum eis agere senatus velle, irrita redderentur.* Atque etiam prorogandi imperii, aut successorem mittendi, annuo elapso spatio jus penes senatum narrat fuisse, ita ut non difficile ei

Asseret, belli confecti laudem cui veller præripere. Denique potuisse res imperatorum gestas aut extollere & exornare, aut elevare ac deprimere; cum triumphum, in ejusque apparatus ex publico sumptum, nemo nisi beneficio senatus consequi posset.

Hæc fere Polybius libro sexto, cujus est auctoritatis neminem posset pœnitere, tamen, ut sit planior hic de senatus cognitione locus, quæ de iis rebus apud alios scriptores observavi in medium proferam. Ut autem ab ærario ordiar, & ordinem servem Polybii, sic dixit Cicero in interrogatione in Vatinius, *ærarii dispensationem penes senatum semper ita fuisse, ut nunquam a populo sit appetita.* Quamobrem non miror ante M. Æmiliū Lepidum & C. Flaminium cons. senatum de pecunia in publicum non relata quævisse, ut me xxxviii. lib. Livius docuit. Quod vero scripti publicanos calamitate infortunioque pressos ad senatum semper confugisse, ejus rei vestigium invenio in Cic. epist. ad Att. quando ait, *Asianos, qui de censoribus conduxerant, quæstos esse in senatu, se cupiditate prolapso nimium magno conduxisse, ac ut induceretur locatio postulasse.*

De cognitione criminum Italix publicorum non admodum facilis est judicatio, quoniam ex nullo alio scriptore istud potui reperire. Hoc solum mihi ab Appiano historiarum monumentis proditum, lege judiciaria accepta C. Gracchum dixisse, *se penitus nervos senatorii ordinis incidisse*; idque vere ab eo usurpatum rem ipsam postea comprobasse. Nam cum equitibus potestatem permisisset, ut de civibus Romanis, atque Italicis, & senatoribus ipsis judicarent, ac multam, exilium, ignominiam irrogarent; eos quasi constituisse dominos, senatum vero illis subjecisse visus est. Quare videndum est, utrum hoc potius ad ordinem amplissimum, qui solus fortasse cum hæc scriberet Polybius judicabat, quam ad senatum consilium sit referendum. Missos quidem sæpe lego a senatu magistratus, in quasdam Italix urbes, ut de iis quærent, qui proditiōis, aut defectionis consilia agitaissent. Idem ad civitates objurgandas. Neque vero de cæteris quæ sequuntur, opus est tanquam de re dubia argumentari. An enim quiquam reperitur, qui ambigat auxilia Italicis ex S. C. cum bello urgerentur lata? quorum fere in fœderibus erat, ne ipsi pro se inficio senatu Romano arma caperent; aut componendarum inter populos Italix controversiarum arbitros, qui in re præsentē cognoscerent, a senatu datos; cum tabula anea superioribus annis inventa in Liguria declararet, *missos a senatu arbitros finium regundorum inter Genuates & Viturios esse, reque cognita, eos Romam venire jussisse, & Romæ coram ex S. C. sententiam dixisse.*

C A P. XVII.

Legati ex auctoritate senatus delecti.

LEGATOS autem, qui cum mandatis ad exterarum nationes, & cum imperatoribus in exercitum, aut cum magistratibus in provincias irent, ex auctoritate senatus semper delectos, indicat oratio Ciceronis, in qua Vatinius, qui sibi lege sua derulerat legationem, hoc modo interrogat: *Volo audire de te, quo tandem S. C. legatus sis? de gestu intelligo, quid respondeas: tua lege dicis, es ne igitur patriæ certissimus parricida? Speras ne id, ut patres conscripti ex Republica funditus tollerentur? ne hoc quidem senatus relinquebas, quod nemo unquam ademit, ut legati ex ejus ordinis auctoritate legarentur? adeo ne tibi sordidum*

consilium publicum visum est, adeo afflitus senatus, adeo misera & prostrata Resp. ut non nuncios pacis ac belli, non curatores, non interpretes, non bellici consilii auctores, non ministros muneris provincialis senatus more majorum deligere possent. Unde & in Sextiana sic in Pisone invenitur: Pro te ipso, Piso, nemo ne vestem mutavit? ne isti quidem, quos legatos, non modo nullo S. C. sed etiam repugnante senatu, tute tibi legasti. Non videtur tamen silentio prætereundum legatos a magistratibus jussu senatus nominari solitos. Livius XLIII. Decernunt frequentes, ut C. Sulpicius prætor tres ex senatu nominet legatos. Tacitus autem legationibus, ne ambitioni aut inimicitis locus foret, exempla veterum sortem posuisse narrat;

C A P. XVIII.

Responsa exterarum gentium legatis a senatu data.

ILLUD supervacaneum puto exemplis, aut testimoniis probare, responsa omnibus omnium gentium postulatibus, ex publici consilii sententia semper data. Quin potius antiquum morem excipiendum, & audiendum legationum breviter perstringamus, remque a nemine hædenus explicatam in pauca conferamus. Nam & ad exitum operis festinat oratio, & singula copiose tractare fortasse hujus loci non est. Romana consuetudine, si quando reges, aut legati, vestire nunciarentur, primo quid vellent, ab exploratoribus cognoscebatur, postea ad eos egrediebantur magistratus minores, Nominatum istud munus Livius quæstoribus. defert. Egresso, inquit, nave Masgaba Masnissæ filio præsto fuit L. Manlius quæstor. Quod si essent legati hospitium, in urbem non admittebantur, sed iis & hospitium, & senatus extra urbem dabatur. Livius lib. xxx. de Carthaginiensium legatis loquens: Quibus vetitis in urbem ingredi, hospitium in villa publica, senatus ad ædem Bellonæ datus est. Idem lib. XLV. Per idem tempus legati ab rege Persæ venerunt. Eos in oppidum intromitti non placuit, cum jam bellum regi eorum & Macedonibus, & senatus decrevisset, & populus jussisset. Et Nicoftratus in libro, quem inscripsit de senatu habendo, tertium senaculum citra ædem Bellonæ fuisse memoriæ prodidit, in quo exterarum nationum legatis, quos in urbem admittere nolebant, senatus dabatur. Legationes autem sociorum, & amicorum regum, aut populorum non excludebantur urbe. Unde Livius narrat, pace decreta a senatu, permissum Carthaginiensibus urbem introire, & cum captivis civibus suis colloqui. Varro etiam prodictum locum prope curiam Hostiliam substructum, ubi nationum subsisterent legati, qui ad senatum essent missi, eumque Græcossalin a parte, ut multa, appellatum. Quæ vero dabatur legatis hospitii gratia lautitia dicebantur, auctore Sex. Pompeio. Livius lib. xxiii. Loca inde, lautique Saguntinorum legatis dari jussa, & muneris ergo in singulos dari ne minus dena millia æris. Et lib. xlii. Quæstium equeid ita non adissent magistratum, ut ex instructo loca, lautitia acciperent. Huc pertinet lex Gabinia, de qua jam differui, ut ex K. Febr. usque ad K. Mar. legatis senatus quotidie daretur. Quo fit ut in epistola quadam ad Q. Fratrem, lepidissime Cicero scripserit: De Commageno rege, quod rem discusseram, mirifice mihi & per se, & per Pomponium blanditur. Ap. p. videt enim hoc dicendi genere si utar in cæteris, Februarium sterilem futurum. Cognitionem porro patrum conscriptorum poscebant a maximo qui in urbe esset magistratu, hicque, cum patribus vi-

sum esset, eos in senatum introducebat. Unde in explicatione rerum a Rom. bello Hannibalis gestarum ferunt, legatis Carthaginiensium, & Philippi regis petentibus, ut senatus sibi daretur, responsum jussu amplissimi ordinis a dictatore, consules novos eis senatum daturus esse. Introduci autem solitos more majorum ab eo, in quo summa esset tum in urbe imperii vis atque auctoritas, testantur annales omnes. Ita Polybius libro sexto tradit, consulis cæteros magistratus, præter tribunos pl. subiectos esse, hos legationes in senatum introducere, de reb. quæ nullam admittunt moram, statuere, quando res tempusque postulat ad senatum referre. Ita consulis absentibus Livius lib. x. legationes sociorum a M. Attilio prætore in senatum introductas narrat. Introducti mandata exponebant per interpretem, etiam qui nationis sermonisque essent Græci, quem nemo non modo senatorum, sed ne elegantium quorumvis hominum Romæ ignorabat. Primum observat Valerius Molonem Rethorem, qui studia M. Ciceronis acuit, & sine interprete auditum esse, & volubilitati linguæ gentis illius aures curiæ in posterum patefecisse. Hi autem interpretes cives erant nobiles, senatorique gradus. conjecturam meam tuetur Gellius lib. vii. ubi agit de legatione Atheniensium, quam tres Philosophi nobilissimi, Oratores eloquentissimi, Critolaus Peripatericus, Carneades Academicus, Diogenesque Stoicus obire, quos in senatu interprete usos esse Cæcilio senatore refert. Magna vero laus senatorum fuit legatos bene interrogare, & efficere ut aliquid, quod nollent fortasse, responderent, percontandi arte & calliditate irretiti. Hoc ejus, qui senatum habebat, jussu concessuque postquam illi dixissent, fieri solitum ex hitoria Livianæ xxx. libro clarum, ac manifestum est. Cum more, ait, tradito a patribus, potestatem interrogandi, si quis quid vellet, legatos prætor fecisset: senioresque, qui fœderibus interfuerant, alii alii interrogarent, nec meminisse se per ætatem dicere legatis, conclamatum ex omni parte curiæ est, Punica fraude electos, qui veterem pacem repeterent, cuius ipsi non meminissent. Responsa vero non subito & temere, verum jussis excedere e templo legatis, re diu multumque agitata & deliberata, dabant. Sic enim apud Livium sequitur: Emotis deinde curia legatis, sententia interrogari coactæ. Libro etiam xxxvii. apud eundem ita scriptum est: Cæterum & præsentis interrogationibus undique senatorum concessionem magis noxæ quam responsa exprimentium fatigati sunt; & excedere curia jussi magnum certamen præbuerunt. Postremo, quod placuisset senatui, ejus nomine magistratus respondebat. Livius lib. iix. Cum de postulati Samnitum Ti. Æmilii prætor senatum consulisset, reddendumque his fœdus patres censuissent, prætor Samnitibus respondit. Hostibus autem dies præstiniebantur, citra quos urbe, post responsum acceptum, Italiaque excederent. Ita Etoli, Livio teste, lib. xxxvii. Italia intra xv. dies excedere, urbe eodem die jussi. Socios autem quæstores sæpe profecutos notavi, & omnem sumpsum, quoad in Italia essent, iis præbuisse. Quam vero pie studioseque jus gentium, quod legatorum corpora sancta & inviolata esse jubet, Romani coluerint, notius esse puto, quam ut a me præcipi hoc loco debeat. Sed de antiqua legationum ratione, & consuetudine hæc a nobis breviter dicta sunt.

Potestas senatoria in provinciis decernendis.

UT autem illud, quod de stipendiis exercitus, & de successione provinciarum sequitur, cuiusmodi fuerit intelligatur, paulo longius exordium ejus rei demonstrandæ repetendum est. Senatus, Cicerone auctore in Vatiniâ, provinciæ decernendæ potestatem habebat. Ex quo fonte illud ad Atticum manavit: *Senatum bonum putas, per quem sine imperio provinciæ sunt.* Hoc autem ita fiebat, ut quas vellent consulares, prætoriales provincias nominaret, & eas, quas constitueret, consules, prætoresque, fortiterentur. Quandoque etiam consules comparabant inter se. Sic enim Livius: *Consulibus alteri Pisæ cum Liguriis, alteri Gallia provincia decreta est.* Comparare inter se, aut fortiri iusti. Idem lib. XLVII. cum Scipio Læliumque permisissent, ut ex provinciis duabus decretis nominaret utramque vellet senatus suo arbitrio conferret, scribit rem hanc relatam ut novam, aut vestigat exemplorum memorie jam exoletæ expectatione certaminis senatum erexisse. Ac nescio an post aliud par adeo elegans consilium sit repertum, quod senatus iudicium potius, quam temeritatem fortis & fortunæ, experiri mallet. Itaque si vellet senatus alicui succedi, provinciam ejus in fortem coniciebat. Quam potestatem Ti. Gracchus, qui senatum oppugnabat, etsi a summi consilii gubernatione non abstinuit, eam tamen nova lege astrinxit, qua tulit, ne quem plus anno provinciam consularem tenere senatus pateretur, ut ex oratione pro domo, & de provinciis consularibus, animadvertere licet. Postea Cæsar victo Pompeio, cum ipse per novem annos Gallias contra Sempronium plebiscitum, obtrinuisset, petulit, Dione lib. LXIII. teste, ut prætoris provinciæ annuæ tantum essent, neve consulares ultra quam in alterum annum a senatu prorogarentur. Non solum autem decernebantur a senatu provinciæ, sed etiam, post legem curiatam, ornabantur, hoc est, summum consilium statuebat, quo viatico, quo comitatu de publico instructi magistratus in provincias proficisci, & si provinciæ tuendæ armis essent, quot legionibus rem gerere deberent. Livius lib. XI. Disceptationem inter prætorum legatumque consulum relatio interrupta, qui suas ornari provincias priusquam de prætorio exercitu ageretur, æquum censebant. Novus exercitus omnis consulibus decretus est; hinc legiones Romæ cum suo equitatu, & socium Latini nominis, quantus semper numerus, XV. millia peditum, & DCCC. equites. Postremo senatus de alimentis, vestibus, & stipendio exercitus providebat. Argumento nobis est epistola Cn. Pompeii lib. III. historiarum Sallustii, qua suis legionibus frumentum, stipendiumque a Senatu poscit, & flagitat. Extat item insignis huius antiquitatis memoria cum aliis locis, tum in epistolis Cælii, quando inquit; *Cum referretur de stipendio Cn. Pompeii, mentio facta est de legione ea, quam expensam tulit C. Cæsari.*

De potestate senatus in supplicatione, imperatoris appellatione & triumpho decernendo.

DEINCEPS de triumpho dicendum est, quo pertinet imperatoris appellatio, atque supplicationis honos. Ordiamur autem a supplicatione. hæc enim prærogativam triumphus creditam Caro ad Ciceronem scribit. Ac certe plurimum in ea momenti ad augendas & exornandas victorias positum fuit, gloriosissimique dies illi imperatoribus

Aerant, quibus ad omnes aras ab universa civitate, pro re bene gesta, diis immortalibus gratiæ agebantur. Quod gratulationis publicæ genus ex senatus decreto semper indicabatur. Auctoritates, quibus adductus ita iudicaverim, passim legentibus occurrent. Supplicationum autem hanc fuisse rationem video. Re bene gesta ductor exercitus, a militibus imperator appellatus, nuncium victoriæ ad senatum mittebat: allatis litteris, recitatisque a consule, vel, si is abesset, a prætore, referebatur ad senatum, ac demum ejus auctoritate in dies aliquot a magistratu edicebatur supplicatio, & ad pulvinaria constituebatur. Nihil necesse in his rebus sigillatim confirmandis immorari: uno loco indicantur a Livio omnes, quem idcirco subscribam. Livius lib. XXVIII. Cum ægre in curiam perventum esset, multo ægrius summo turba, ne patribus misceretur: litteræ (quas prætor redditas paulo ante dixit) in senatu recitate sunt, inde traducti in concionem legati. L. Veturius, litteris recitatis, omnia que acta erant exposuit, cum ingenti assensu, postremo etiam clamore universæ concionis, cum vix gaudium animis caperent. Discursum inde ab aliis circum templa deum, ut grates agerent, ab aliis domos, ut conjugibus liberisque tam letum nuncium imperarent. Senatus, quod M. Livius & C. Claudius cons. incolumi exercitu, duces hostium, legionesque occidissent, supplicationem in triduum decrevit. eam supplicationem C. Hostilius prætor pro concione edixit. Numerus autem dierum, quibus supplicabatur, aliis aliis temporibus, ac pro rerum, & victoriarum conditione fuit. Livius lib. V. ait, Veis captis, Camilli nomine senatum in quadriduum, quot dierum nullo ante bello, supplicationes decrevisse. Tempus certe consularis supplicationis diu non ultra dies sex progressum, Cicero demonstrat, cum de se ipso inquit: *Quo consule referente primum decem dierum supplicatio decreta Cn. Pompeio Mithridate interfecto, confecto*

que Mithridatico bello, & cujus sententia primum duplicata est supplicatio consularis. mihi enim estis assensu, cum ejusdem Pompeii litteris recitatis, confectis omnibus maritimis terrestribusque bellis, supplicationem duodecim dierum decrevissetis. Quibus ex verbis illud quoque apparet, in eam ambitionis consuetudinem ultimis temporibus ventum fuisse, ut & ad numerum dierum assidue adderetur, & novorum honorum in S. C. concipiendi, quo ducum laudi senatus deorum templa patefaciebat, quotidie excogitarentur. Ac ob eam quoque causam, ut senatoribus differendi de virtute imperatorum locus daretur, S. C. de supplicatione nunquam per discessionem, Cicerone auctore, sed per relationem semper, fieri solitum suspicor.

Appellabantur item, qui vicissent, honoris causa imperatores a senatu. Ei præcepto firmat fidem Ciceronis in Pisonem oratio, in qua dixit, *Torquatum, se referente, absentem imperatorem appellatum.* Et XIV. ejusdem Philippica, in qua hæc leguntur: *Augebo omnino numerum dierum, præsertim cum communiter tribus ducibus sint decernenda. Sed hoc primum faciam, ut imperatores appellem eos, quorum virtute, consilio, felicitate maximis periculis servitutis atque interitus liberati sumus. etenim cui viginti bis annis supplicatio decreta est, ut non imperator appellaretur, aut minimis rebus gestis, aut plerumque nullis? quamobrem aut supplicatio ab eo, qui ante dixit, decernenda non fuit, aut usitatus bonos, perculgatusque tribuendus illi, quibus etiam novi & singulares debentur.*

Quod vero ad triumphum attinet, certius nihil esse potest in scientia memoriaque rerum veterum. Hoc enim institutum, præter Polybium, nobilissimum par historicorum Livius Dionysiusque commemorant. Dionysii quidem hæc pene sunt verba libro sexto: *Claudius collegæ, triumphum, qui ob*

insignem

insignem aliquam victoriam a senatu more majorum dabatur, petenti, impedimento fuit. Apud Livium vero lib. III. quidam senator loquitur nunquam ante de triumpho per populum actum, semper æstimationem, arbitriumque ejus honoris penes senatum fuisse, ne res quidem majestatem summi ordinis imminuisset. De ratione autem petendorum, & discernendorum triumphorum hæc habeo, quæ dicam. Fuis hostium copias, rediens in urbem imperator, edictum senatus ut conveniret, præmittebat. qui mos clarissimus est Livii testatus & consignatus monumentis, veluti cum lib. XXVIII. de Nerone & Salinatore ait: *Forte evenit, ut eodem die ambo consules venissent. Inde præmissis edicto, ut triduo post frequens senatus ad ædem Bellonæ adesset, omni multitudine obviam effusa ad urbem accessere.* Quod quidem ita accipi volo, si imperator qui ex bello rediret, nemini eorum, qui in urbe adessent, imperio & potestate cederet. Nam minoribus a magistratu urbano senatus dabatur. Moris autem erat senatum dari honorem hunc postulantibus imperatoribus ad ædem Bellonæ, aut Apollinis, quam fuisse extra portam Carmentalem, inter forum Olitorium & circum Flaminium, in orationis in toga candida commentario Pedianus refert. Illius templi meminit Livius eo quem modo attuli loco. Hujus autem lib. XII. his verbis: *Consules ex composito eodem biduo ad urbem accessere senatumque in campum Martium evocaverunt. ubi cum de rebus ab se gestis agerent, quæstus primores patrum, senatum inter militis dedita opera terroris causa haberi. Itaque inde consules, ne criminationi locus esset, in prætia Flaminia, ubi nunc ædes Apollinis est, (circum jantum Apollinarem appellabant) advocaverunt senatum.* Atque propterea rerum gestarum audiendum causa senatus extra urbem ut haberetur custoditum est, quod, ut Appianus lib. II. & Plutarchus in Cæsare scribunt, lege cautum esset, ne quis urbem ingressus, iterum triumphans iniret. Quamquam ego notaverim apud Livium videtur Volscis A. Cornelium Consulem in urbem venisse, & conjuncto demum M. Manlio in carcerem triumphasse. Proconsulibus autem, & propretoribus hanc ob causam quoque senatus in urbe non dabatur, quod nemini sine magistratu cum imperio intra pomerium nisi eo die, quo inibat triumphans, & hoc lege prius lata, esse liceret. Potuit tamen in urbe de triumpho agi, si non ipse imperator, sed magistratus urbanus referret. Sic enim Q. Fabius præfectus urbi absentis Quintio Cincinnato dictatori triumphum decrevit. Formula petendi quæ fuerit, ex his Livii verbis lib. XLIX. intelligitur: *Priusquam consules redirent Romam, M. Fulvius procos. ex Aetolia redit, isque ad ædem Apollinis, cum de rebus in Aetolia Cephallenique ab se gestis disseruisset, petiit a patribus, ut æquum censerent, ob Rempublicam bene ac feliciter gestam, & diis immortalibus honorem haberi jubere, & sibi triumphum decernere.* In triumpho porro decernendo magistratum, auspicia, res gestas, numerum amissionum civium, hostium devictorum conditionem a senatu observatam reperio. Quæ singula si hoc tempore persequi vellem, merito me viri eruditi ad nullum genus doctrinæ idoneum censerent.

C A P. XXI.

Alia quedam præclara senatus jura, nec non & operis epilogus.

HACTENUS Polybii locus sit a nobis illustratus. Fuere autem & alia præclara, & ad memorie æternitatem illustrata summi consilii jura. Nam Publilia lege centuriatarum legum, ante suffragium initum, patres auctores fiebant. quam le-

gem Philo dictator tulit, ut diminueret, non ut augetet supremi ordinis potestatem. Livius libro VIII. *Philonis dictatura popularis, & orationibus in patres criminosis fuit, & quod tres leges secundissimas plebi, adversas nobilitati tulit; unam, ut plebscitæ omnes tenerent Quirites; alteram, ut legum, quæ comitiis centuriatis ferrentur, ante initum suffragium patres auctores fierent; tertiam, ut alter utique ex plebe, cum eo ventum sit, ut utrumque plebejam fieri liceret, censor crearetur.* Quo loco indicare videtur Livius, tum primum antiquum jus senatus, de quo supra scripti, confirmandarum, vel repudiandarum legum solutum. Quamquam si verba Dionysii tum lib. IX. ubi de comitiis tributis loquitur, tum aliis locis plurimis attendas, hunc morem ante Philonis dictaturam commutatum statues. Nihil, inquit, centuriatis comitiis ferebatur, nisi prius senatus auctor esset; tributis vero institutis, inter alia extorserunt tribuni pl. ut deinceps cum populo sine senatus auctoritate, (quod ille *προβήδευμα* vocat) agere possent. Jam vero, cum Dionysium testem locupletem habeamus, constat in legibus tributis senatus cognitionem, & auctoritatem haud fuisse necessariam. Habuit quidem civitas Romana quosdam tribunos viros moderatos, qui ex S. C. tulerint, neque potestate tuendæ libertatis causa data ad licentiam pestilentem abuti sint. Livius lib. IV. *Tentatum a L. Sextio tribuno pl. ut rogationem ferret, qua Volas coloni mitterentur; per intercessionem collegarum, qui nullum plebscitum, nisi ex auctoritate senatus, passuros se perferri ostenderunt, discussum est.* In curiatis autem legibus senatus auctoritas requirebatur. Livius lib. VI. *Nec centuriatis, nec curiatis comitiis patres auctores fiant.* Invenio autem in Appiani Græcis annalibus Publiliam hanc legem, temporibus illis, quibus sibi tantum licentiæ furens plebejorum magistratum petulantia sumperat, non observatam. Appiani verba totidem Latinis expressa infra appolui.

D Loquitur de Sylla & Pompejo consulibus: *Primum vetus institutum Reipublicæ, sed quod jam dudum in desuetudinem abierat, renovabant, atque censebant, nihil posthac ad populum oportere ferri, quod ante a senatu decretum non esset. Deinde postulabant, ut comitia centuriata, ex commentariis Servii, non tributa haberentur; arbitrabantur enim his duabus rationibus, & si patres ante auctores fierent, & suffragia pauperibus, atque in iis audacissimo cuique admitterentur, rebus a vi ad consilium revolutis, desore seditionum materiam.*

E Omitto jus illud senatus clarum, & testimoniis omnium notum, quod totam Rempublicam gravi tempore posset consulibus permittere, ut delectum haberent, bellum gererent, de sociorum, civiumque vita sine populi jussu statuerent.

F Venio ad religionem. Tertullianus docet nullum Deum Romæ cultum, nisi qui S. C. ascitus esset. Et Dio lib. XXXIX. nunquam carmen Sibyllinum nisi senatus decrevisset, evulgatum. Ad hæc maxima pars juris divini amplissimi ordinis fidei, potestati, voluntati permessa erat. Hinc in senatus disciplina cautum fuisse ex Varronis scriptis, & multis exemplis antiquis cognovimus, ne prius de rebus humanis, quam de religione, ad senatum referretur.

Hæc fuerunt, quæ diligentia erui potuerim, potissima, & quæ diu solus tenuit sine controversia, senatus jura. Nam & si jam ante anno urbis CCCIV. triumphatum est ex populi jussu, tamen hoc raro factum in annalibus reperietur; & alia nonnulla vulgata quidem sunt cum populo, sed in illo demum statu maxime populari annis aliquot antequam Respublica concidisset. Si vero quæ Senatus cognosceret animo complecti voluerimus omnia, curiam interpretem legum, religionum & caerimoniarum præsidem, magistratum custodem, civitatis magi-

fram, gentium aram atque perfugium fuisse invenimus; ab hac socii ornamenta expectabant, hujus vigilantia & providentia urbem, imperium, populumque vacuum metu & periculo reddebat. denique summum consilium omnia statuebat; præter illud, quod populi judicium, ut Livius lib. IV. docet, & eas rogationes, quas populus acceperat, nunquam rescinderet, nisi illis quatuor modis jam ab aliis ante nos explicatis; & quod de civibus injussu populi nihil agere posset, Livio lib. XXVI. auctore. Præterea antiquo jure nemo legibus, nisi per populum, solvebatur. Sed postea etiam senatus id sibi usurparat, quemadmodum Asconius & Dio testantur. Non repeto, quod ab initio dixi, senatum ne-

Alque magistratus creasse, neque leges jussisse, nec de bello, aut pace statuisse; etiam iis de rebus sæpe consultaret. Excipio item a senatus cognitione jurisdictionem, & illa, quibus magistratus, sacerdotesque publici præerant. Quorum explicatio in aliud tempus est differenda. Atque his ex rebus breviter a nobis pertractatis omnia tempora, universamque summi consilii cognitionem ab hominibus non stupidis perspicere posse arbitror. Itaque hic jam depono, quam susceperam, de senatu Romano disputationem, & vehementissime gaudeo me tandem ad operis, utinam ita mihi gloriosi ad posteritatis memoriam, quam difficilis & laboriosus, exitum & finem pervenisse.



I N D E X

R E R U M E T V E R B O R U M.

A

A *Bavum* suum civem Romanum qui non posset nominare, senator esse non poterat. 1054. A.

Abnepotibus non pronepotibus civium Romanorum ordo senatorius tribui solitus. *ibid.*

Aborigines unde orti. 6. B.

— Siculis in Italia bellum inferunt. *ibid.* D.

— & Trojani sub Aenea nomen mutant & Latini appellantur. 8. D.

Aboriginibus Pelasgi Thessalia pulsi se jungunt. 6. D. 7. A.

— Epæi & Pheneatæ ac nonnulli Trojani, qui cum Hercule in Italiam venerant, sociantur. 8. B.

Aboriginum rex Faunus excipit Evandrum & Arcades. 7. C.

— terra Cutilia dicta. 6. E.

Absentes an censerentur. 63. B. C. 65. A.

— senatores, cum culpa sua in senatum non venissent, qua poena coerciti. 1110. D. 1111. B.

— iidem quas excusationum causas legitimas habuerint. 1110. D.

Accensi qui. 203. B. 412. D.

— libertini. 68. F. 203. D.

Accusator aliquis de Latino populo, senatore Romano condemnato, civitate Romana donabatur. 1125. A.

Accusatores an ex omni condemnatione senatoris locum in senatu consequerentur. 1120. D.

— multi reo condemnato prætoriam sententiam & togam prætextam sunt adepti. *ibid.*

Acerrani nomen tantum & honorem Romanæ civitatis habebant. 62. A.

Acerræ præfectura. 53. C.

Achajæ & Græciæ quando provinciæ factæ. 494. B. 524. A.

Addicti qui. 110. A.

Addictus quid diff. a servo. *ibid.* C.

Adoptati & arrogati aliqui. 127. D.

— nomina adoptantium consequerentur. 128. E.

Adoptio quid sit. 127. D.

— quomodo fiat. *ibid.*

— pro arrogatione. 128. B.

Adoptionis comitia ab aliquo potius magistratu quam a pontificibus habita. 808. F. iis intervenire tamen pontifices debebant, & ratio. 809. B.

— trinundino promulgari opus erat, & quare. 809. B.

Adoptionis iura. 127. E.

— lex curiata quæ 805. E. an lata comitiis iustis an adambatis. 807. E.

Adoptivorum iura. 128. E.

Advocatus filii. 411. A.

Aedes sacræ non omnes templa. 1030. A. 1060. A.

Ædiles curules cur creati. 162. E.

— plures cur creati. 162. D.

— inter minores magistratus. 741. F.

— tributis comitiis creati, non centuriatis. 743. D. 745. C.

Ædilium curulium jus auctum. 162. E.

Ædilitas a libertinis gesta. 69. B.

Ægyptiis non nisi Alexandrinis civitas patebat. 49. E.

Ægyptus quando provincia facta. 504. D.

Æmilii tribus. 42. E.

— in ea Formiani censebantur. 58. C.

Æmilii rustici, tribules. 45. A.

Æqui quando subacti. 443. C.

Æquitas & ordo quid possent, non prius civitates intellexere, quam multarum rerum eventus adversus monuit. 33. C.

Ærarii præfectus, quæstor, & octoviri. 408. E.

Ærarii utrum fierent senatores senatu moti. 61. D.

— etiam tunc relictæ, cum tributum non conferebant. 155. D.

— suffragio carebant. 156. F. 157. D.

Ærarium facere quid. 208. D. 586. B.

— facere an idem quod tribu movere. 60. D. 61. A. 587. C.

— fieri & in ærarios referri quid. 60. A. B. 61. A.

— fieri & in Caritum tabulas referri idemne sit. 61. A. B. 586. C.

Ærarium a Cæsare refractum bello civili. 153. A.

— a Pompejo eodem bello apertum. *ibid.*

— cum post annum V. C. DLXXXVI. uberius effectum annuis vectigalibus & victoriis, finis tributorum conferendorum est factus. 152. C.

— exhaustum fuit Sylla mortuo. *ibid.* F.

— nullum tam opulentum esse potuit, ut Cinnæ aut Marii aut Syllæ avaritiæ sufficeret. *ibid.*

— quantopere exinanitum bello Maritico. *ibid.* D.

— ubi fuerit. 137. E.

Ære diruti milites qui. 147. E. F.

— & libra testamentum & fiebat & solvebatur. 135. D.

de Ære alieno & sœnore leges. 192. F. & c.

Æs circumforaneum quod. 190. F.

— & libra. 129. E.

Æsculapius sero cultus. 117. F.

Ætas consularis. 673. C.

— iudicum. 212.

— militaris. 145. C. D.

— petendi sacerdotia non perinde legibus definita, utin magistratibus petendis factum fuerat. 777. B.

— senatoria. 174. A. 1079. F.

Ætatis senatoriæ annus quis fuerit, non proditum ab auctoribus. 1080. F.

Ætatis ante trigelimum annum, an ulli lecti senatorum. 1082. A.

Ætolia quando & quomodo provincia facta. 491. A.

Africa quibus bellis subacta & in provinciæ formam tandem redacta. 483.

— a Vandalis occupata. 563. D.

— sub Justiniano recuperata. *ibid.* F.

— sub Leontio imperatore ab Arabibus Saracenis imperio Romano crepta adhuc possidetur. *ibid.*

Agendis potestatem dabant censores, si quis aliquem qui censebatur, accusare vellet. 67. C.

Ager Albanus ubi cum Romano jungatur. 81. E.

— Antemnas Romano affinis. 81. B.

— Ardeas ubi 82. A.

— Ardeas Romano affinis. 81. B.

— Cæres Romano affinis. 82. B.

— Campanus divinus. 154. F.

— Capenas. 82. C.

— Collatinus Romano affinis. 81. B.

— Falernus. 89. B.

— Fidenas Romano affinis. 82. A.

— Gabinus 56. C. Romano affinis. 81. C.

— Gallicus Romanus vocatur. 82. E.

— hosticus. 56. C. 81. D.

— incertus quis dictus & qua de causa. 81. D.

— Italicorum divinus civibus. 82. C.

— Lanuvinus Romano affinis. 81. B.

— Ostiensis 82. A. Romano affinis. 81. B.

Cccc ij

- peregrinus quis. 56. C. 81. D.
 — Pistoriensis 56. D.
 — Pupinus 42. F.
 — Reatinus 56. D.
 — Romanus a mari plurimus. 81. C. arcus formam præbuit. 80. E. a Romulo in tres partes divisus 269. C. & trans Tiberim proventus ab eodem 80. E. a Servio quindecim, an septendecim tribus rusticis distributus. 55. A. B. 352. A. 356. B. ab Etrusca parte non integrum miliarium protendebatur. 55. A. B. a Latio minimo intervallo seungebatur. 82. A. etiam dictus qui in Latio vel in Italia publicus vel privatus a civibus Romanis colebatur. 82. B. Italia terminabatur. 82. F. large & stricte sumptus. 55. A. B. principio angustissimus. 80. E. quis fuerit. *ibid.* Romuli tempore quam latus 81. 35. B. Servii terminatione non late paruit. 81. B. ultra Tiberim olim nullus. 56. B. 80. E. unde dictus. 81. D.
 — scriptuarius. 180. E.
 — Septempagi dictus Vejentibus ademptus. 80. E.
 — Solonius ubi. 82. A.
 — Tiburtinus Romano affinis. 81. B.
 — Tusculanus Albano affinis & Romano. 81. E.
 — trans Anienem Appio Appique clientibus datus. 44. B.
 — Veiens a Romulo Vejentibus ademptus. 82. Romano affinis. 81. C.
Agri partitio. 34. C.
 — Romani fines qui protulerint. 80. F. termini ab omni parte. 80. F.
Agere lege quid. 1062. E.
Agri ad populum & agri cum populo qua re diff. 1062. F.
 — cum populo quibus diebus posset. 1062. D.
Agri quomodo aut divisi plebi Romanæ aut fruendi dati. 154. B. 184. E.
Agricolæ & aratores qui. 179. F.
in Agro Romano pagi quid. 356. B.
Agrorum genera quinque juxta Varionem. 56. C. 81. D.
Agros colere plebeiis mandatum a Romulo. 34. D.
 — possidentes, cuiuscunque essent ordinis, tribus rusticis adscribebantur. 46. E.
Agnationum jura alia atque gentilitatum. 112. F.
Ala equitum quæ & unde sic dicta. 508. A.
Alarum, quarum in inscriptionibus præcipua mentio, nomina. 531. A.
Alba solo æquata Albani a Tullo Romam transfuditi. 39. D.
Albani Cælium habitarunt. 40. C.
Albanorum, qui patriciorum nobilitatem sunt assecuti, septem familiae nominantur. 39. E.
Alexandrinam civitatem ante impetrare debebat, quicunque Ægyptius obtinere civitatem Romanam cupiebat. 49. E.
Alexandrinis folis Ægyptiorum omnium civitas Romana patebat. 49. E.
Alia omnia sentire quid. 1035. E.
Alia in omnia ire, transire, discedere, pro contrarium sentire, vitandi ominis mali causa dicebatur. *ibid.* & 1125.
Aliam in partem eundi mos a Spartanis. 1035. E.
Alice præfectura. 53. C.
Allecti senatores. 179. D.
Allegere quid. 1017. B.
Alpes Cottiae provincia quando facta. 513. E.
Amburvale sacrificium in fine agri Romani factum. 81. B.
Anagnia præfectura. 53. C.
Ancus Marcius bellica virtute excelluit. 39. E.
 — civibus e captis urbibus Romam frequentavit. *ibid.*
 — cum quibus populis bella gesserit. *ibid.*
 — quæ nova in civitate Romana instituerit. 349. E.
 — quomodo imperium Romanum ampliaverit. 440. B.
Anienfis tribus 43. D. 56. F. 58. D.
 — ab Aniene fl. dicta. 55. A. 56. A. F.
Anio fluvius in Sabinis. 44. B.
Animadversiones militares quæ. &c. 147. D.
Annales, historiæ, ac æphemerides ut diff. ac quomodo conscribenda. 20. A.
Annalis lex. 672. E.
Anni divisio in quæ genera dierum. 1060. E.
Antiquarum rerum investigatio & scientia difficilis. 63. C.
Anulo aureo qui senator de plebe factus erat, utebatur, equo publico non item. 35. E.
Anulorum aureorum usus. 177. E.
Anulus aureus a magistratibus donatus, quid beneficii ingenuis & libertinis dederit. 178. D.
 — & equus publicus Romani equitis insignia. 35. E. 178. A.
Apex pilcus seu galerus flaminum qua forma fuerit. 289. F.
Apparitores magistratuum qui. 202. F. 414. B.
 — ad auferendum pignus a senatoribus edicto citatis in curiam & non parentibus missi. 1030. E.
Appiæ a Prisco deletæ. 80. F.
Appius Claudius ab Regillo magna clientium manu comitatus Romam transfugit. 42. E.
 — civitate agroque trans Anienem donatus & clientes. *ibid.*
 — Censor forum & campum corrumpit. 46. C.
 — multos libertinorum filios in senatum legit. 68. E.
 — primus senatum inquinavit. 46. C.
 — Publii frater in provinciam lege curiata perlata ivit, licet dixerit se sine lege iterum. 1043. F. 1044. A.
Aprilis mensis dies quibus rebus darentur. 1050. F.
Arabia quando provincia facta. 524. B.
Aratores & agricolæ qui. 1050. C.
Arbitrium de libertate. 104. C.
Arcades Peucetio & Oenotro ducibus veniunt in Italiam antiquam. 4. D.
 — alii duce Evandro. 7. C.
 — Pallantium ubi condiderint. 8. D.
Argentariam facere. 191. B.
Argentariæ in foro constructæ. *ibid.* C.
 — tabernæ veteres & novæ. *ibid.* B.
Argentarii qui. 191. B.
 — diversi a mensariis. 190. D.
 — intererant auctionibus. 192. B.
 — iidem ac nummularii. 190. C.
 — parum honesti. 192. D.
 — quæstum faciebant aut permutandis pecuniis aut scenerandis. 191. C.
Argentum concavum ap. Plutarch. quid. 68. A.
 — factum ap. Gellium quid. 67. F.
Armenie duæ quando provincie factæ. 522. C.
Armille dona militaria. 146. E.
Arnienses populi. 58. D.
Arniensis tribus. 43. C. 55. F. 58. E.
 — ab Arno fluvio dicta. 55. B.
 — ultima Etruriæ a Livio nominatur. 57. A.
Arpinates in Cornelia tribu censabantur. 45. D. 58. C.
Arpinatibus quando civitas data. 53. D.
Arpinum præfectura. *ibid.* C.
Arrogarentur qui. 127. D.
 — qui non. *ibid.* E.
Arrogatio quid. 127. D.
 — quomodo fiat. *ibid.*
Arrogationis formula. *ibid.*
 — jura. *ibid.*
Arrogationes comitiis curiatis. 127. E.
Ars cauponaria aut operosa interdita civi Romano. 169. E.
Artes quæstuaras exercere plebejorum erat. 3. A.
Artes scellularie, fordidae, & turpium voluptatum mi-

RERUM ET VERBORUM.

- nistræ servis & peregrinis a Romulo commissæ , fueruntque diu infames . 196. D.
- Artifices* . vide *Opifices* .
- Arvales* fratres . 158. C. 283. F. vide *Fratres arvales* .
- Aruspices* . 158. C.
- Asia* . quando & quibus bellis provincia facta . 489. E.
- Assedisse* senatores cum narrantur , significatur eos finem fecisse dicendi . 134.
- Assentiri* sedentes senatores , stantes vero censere loquantur Latini . *ibid* .
- Assyria* quando provincia facta . 522.
- Astrologorum* secta duplex . 10. F.
- Asylum* Romuli . 34. E.
- ubi fuerit . *ibid* . & 39. A.
- Atella* præfectura . 53. C.
- Atinum* plebiscitum & quomodo tribuni pl. per illud senatores facti . 1082. E.
- Atrium* libertatis . 51. D.
- Auctiones* fiebant ad argentariorum tabernas . 192. A.
- Auctionum* jus 132. A.
- Auctor* pro venditore . *ibid* . B.
- Auctores* patres ante suffragium latum qua lege & in quibus comitiis . 1137. F. 1129. A.
- Auctoritas* : jus auctione quaesitum . 132. A.
- pro iusto dominii jure . *ibid* .
- Auctoritas* senatus dictum , cum intercederetur , non senatusconsultum . 1049. B. 1126. E.
- ubi nulla intercessionis fit mentio , pro ipso senatusconsulto accipitur . 1050. A.
- quando perferberetur . 1049. A. *ibid* . E. 743. F. 1053. D.
- nisi populi iudicium confirmaret , hoc per se non habebat satis ponderis 1130. E. F. &c.
- in impensis ex ærario faciendis . 1131. C.
- in cognitionibus criminum & in aliis multis iis que gravissimis reip. negotiis . *ibid* . &c.
- Auctoritates* Scti quæ dicerentur . 1036. F. 1128. C.
- Aventinus* . 40. D.
- adiectus quatuor collibus ab Anco , & muro fossaque munitus . 39. E. 80. A.
- civibus & capris urbibus ab eodem frequentatus . *ibid* .
- extra pomerium cur relictus . 40. B. 80. A.
- vetere religione neglecta intra pomerium receptus a Claudio . *ibid* .
- Augur* unde dicitur . 285. A.
- summus Romulus . 284. E.
- unus collegio augurum quando additus . 285. F.
- Augurandi* ars a Chaldeis ad Græcos , ab his ad Etruscos , ab Etruscis ad Latinos pervenit . 284. E.
- modus & ratio . 285. B.
- Augures* agrorum terminos spectabant . 56. E.
- aucti a Sylla , ut essent xv. 286. A.
- etiam damnati in iudicio , tamen non ut ceteri sacerdotes sacerdotio privabantur & quare . 138. D.
- non veniebant in senatum , nisi quem habuissent magistratum . 1106. E.
- periti nonnulli enumerantur . 284. E.
- post legem Domitiam suffragiis populi creabantur . 767. B.
- qui . 688. A.
- quinque e plebe , ut novem essent , quando additi . 285. F.
- quomodo diff. ab Etruscis . 690. A. C.
- sub Augusto collegiorum primo , deinde Romanorum principum arbitrio cooptati . 286. F.
- Auguri* quæ signa læva & felicia , quæ dextra & infelicia , 285. E.
- Auguria* ex quatuor generibus constant , ex avibus , ex cælo , ex terrenis quibusdam animalibus , & ex diris . 395. B. 688. C.
- quomodo caperent augures ex pullorum pastu . 341. A. B. 688. D.
- Augurii* locus templum appellatus . 285. vide *Templum* .
- Augurum* collegium quamdiu duraverit . 287. A.
- creandorum jus initio penes collegium , sed deinde modo penes populum , modo penes collegium , idque variis temporibus & legibus . 286. B. &c.
- trium collegium singulis ex singulis tribubus lectis constituit Romulus . 284. F.
- veneratio summa sub Romulo . *ibid* .
- veneratio & honos sub Tarquinio Prisco post Attii Navii miraculum ita auctus , ut nihil belli domique dein nisi auspiciato gereretur . 285. E.
- Augusti* testamentum . 59. B.
- virtutis & moderationis fama pellexit Indos & Scythas in amicitiam . 505. C.
- Augusto* Armeniam vindicanti Parthi concedunt eam , signa reddunt , & obsides offerunt . 505. C.
- jus referendi , etiamsi consulatum non haberet , quando tributum . 1120. B.
- jus vocandi senatum quando datum . 1109. E.
- ab *Augusto* quinque lectiones senatus factæ . 1087. C.
- Augustus* accusatoribus equites , dum transvehabantur , detrahendi libertatem ademit . 67. C.
- auxit censum senatorum & in quantum . 968. 1084. D. E. 1088. D. E.
- diminuit primo censum senatorum . 1084. A.
- instituit , ut quotannis senatorum nomina per scripta in albo proponerentur . 1088. D.
- laborem militiæ Italicis omnibus ademit & arma detraxit . 507. C.
- legiones multas easque mercenarias legit . *ibid* .
- legiones xxv. quomodo per orbem Romanum collocaverit . 511. D. &c.
- novæ reipub. formæ auctor post Romulum . 540. B.
- provinciam facit Ægyptum . 504. D. & Africam 505. A.
- provincias facit Hispanias & Alpes . 505. item Pannoniam & Mæliam . &c. 504. A.
- provincias quas in Oriente fecerit . 505. D.
- provincias ita divisit , ut aliæ senatus populi que Romani , aliæ Cæsaris essent , & cur id fecerit . 506. A. &c.
- provincias duodecim senatui administrandas tradidit , & quas . 506. D.
- provincias xiv. sibi retinuit , in easque rectores misit , qui vel legati dicebantur vel procuratores Cæsaris . 506. E.
- provincias validissimis legionibus permunivit . 507. A.
- quare reip. constituendæ & provinciarum ordinandarum potestatem identidem ad certum tempus tantum assumeret . *ibid* .
- quos reges socios & foederatos habuerit . 506. F. 507. A.
- sedebat in senatu sella curuli . 1119. B.
- triumvir reip. constituendæ colonias multas deduxit . 54. A.
- veterem rogandarum in senatu sententiarum consuetudinem neglexit . 1033. C.
- Aurunci* & Fidenates quando domiti . 441. D.
- Aurelia* & Aufidia leges quomodo lævæ . 1045. C.
- Auspiciato* omnia & militiæ & domi gerebant Romani . 285. E.
- tantum haberi poterant comitia centuriata . 688. F.
- Auspices* in nuptiis . 121. F.
- Auspicia* a Romulo instituta publicis in rebus dein perpetuo mansere . 33. 285. E.
- alia domi ab urbanis magistratibus , alia militiæ a magistratibus militaribus usurpata . 161. C.
- adhibebantur ad comitia impedienda . *ibid* .
- captabantur duobus modis aut per exta hostiarum , aut ex avibus . 395. A. 687. F.

INDEX

- cur habeant magistratus & quæ. 161. C. 919. D.
- 694. A.
- etiam habuere minores magistratus, sed in centuriatis comitiis cavebatur, ne de cælo ferverent. 161. C.
- ex passu pullorum quale. 341. A. B.
- ex passu qui deriserint magno reip. malo. 341. C.
- facientes volatu alites quæ. 285. E.
- in tributis comitiis observata & quatenus. 780. F.
- majora & minora quæ. 695. A.
- quare penes magistratus. 694. A.
- primum patriciorum tantum. 114. B.
- proprie sunt auspicia, complectuntur tamen & signa alia ad augurum disciplinam pertinentia. 688. B.
- quatenus servanda in comitiis tributis. 422. E.
- quomodo captaverit is qui comitia centuriata habiturus esset. 695. A.
- redibant ad patricos ad interregem auspicato prodendum, cum nulli essent in republica patricii magistratus. 115. B.
- translata tum etiam ad plebeios, cum plebs in partem patriciorum magistratum venit. 114. D.
- tria. 114. E.
- turbare, vitare, quid & quibus magistratibus turbandi vitandive jus. 695. B.
- Auspicii* ante captatis cur tantum crearentur magistratus Romæ. 209. B.
- Auspicii* duobus, observatione de cælo in comitiis & tripudio militiæ, plebei initio caruerunt. 114. D.
- in *Auspiciis* silentium quid. 341. B.
- Auspicio*rum causa comitia curiata retenta. 156. F.
- potestas etiam tribunis pl. concessa. 161. E.
- Auspicium* quale magistratus, & quale augures habebant. 161. F.
- quale tripudium. 161. F. 341. B.
- quale tripudium solistimum. *ibid.*

B

- Babylon* an condita a Semiramide. 21. E.
- Babylon* Medi filius Babylonem quando condiderit ex aliquorum sententia. 22. A.
- in *Babylonia* regione vicus ad habitandum assignatus philosophis ejusdem gentis, qui Chaldaei, ut ipsa gens, dicebantur. 10. D.
- Babylonii*, Chaldaei, & Assyrii iidem populi. 10. C.
- Babyloni*orum dies festi, quibus servi dominis imperabant. 21. A. & c.
- Baleares* insule quando & quomodo devictæ. 495. F.
- Belli* an præfectura. 53. E.
- Bella* decerni curiatis comitiis initio solebant. 33. E.
- Bellica* multa a sex regibus, Servio excepto, instituta. 39. D.
- in *Beneficiis* deferri quid. 145. D.
- Bellum* jubebatur centuriatis comitiis. 164. E.
- Bero*si filia an Cumana Sibylla. 17. F.
- de *Bero*si utriusque, & Chaldaei & Viterbiensis, genere dicendi. 15. D.
- de argumento librorum ex inscriptione eorumdem.
- Bero*si Viterbiensis inscriptio an vera & genuina. 18. C.
- in *Bero*si Viterbiensis an numerus librorum conveniat cum numero librorum quos scripserat antiquior *Bero*sius. 19. A.
- Bero*sius Chaldaus fuit Babylonius. 10. B.
- Chaldaei honorem ac dignitatem gessisse an recte dicatur. *ibid.*
- potius fuit genere Chaldaeus idemque in astrologia facile princeps, & cui astrologorum sectæ addidit *ibid.* F.
- primus Chaldaicas disciplinas Græcos docuit. 11. A.
- sacerdos *Beli* an fuerit. 11. C.

- an notarius. 12. C.
- an scriba. 14. D.
- quando natus sit & quamdiu vixerit. 16. F.
- an scripserit potuerit quæ in Annii *Bero*so memorantur de Lugdo Celtis imperante, a quo provincia Lugdunensis & homines Lugdovici seu Ludovici nomen traxerint. 22. B.
- multa exponit quæ non habet *Bero*sius Annii. 19. F.
- Bero*sius Annii Viterbiensis multa habet, quæ non leguntur in *Bero*so vetere. 21. D.
- an vera prodiderit de Italo, ejusque fratre *Hespero*, *Sicoro*, Italia, Romæ ortu. 24.
- ridiculus est in tradendis nominum *Sicori*, *Sicani*, *Siculi* originationibus. 26.
- Bithynia* quomodo a Romanis in provinciam formam redacta. 497. E.
- Bona Dea*, aliis *Fauna*, aliis *Fatua*, Terra credita. 330. D.
- cur bona *Dea* & *Fauna* vocata. *ibid.*
- etiam *Ops* dicta & *Damia*, & quare. *ibid.*
- Bone Deæ* pudicitia. 330. E.
- templum in *Aventino*. *ibid.*
- mulieres in operto sacrificabant, nec nisi mulieres ad ejus sacra admittebantur, & quare 330. E.
- Boni* multis oppoliti. 220. F.
- pro optimatibus. 219. E.
- Bonis* plebs opposita. 220. E.
- Boville*. 81. F.
- Britannia* quando provincia Romanorum facta. 513. B.
- quando amissa. 564. A.
- Bruttiani* qui. 204. D.
- Bruttii* quando a Romanis subacti. 444. E.
- Bruttiorum* regio. 3. C.
- Italia nomen prima invenit & Italia olim fuit vocata. *ibid.* & 3. E. 6. B. 27.
- D. Brutus* stipendia de suo militibus erogavit. 1043. E.
- L. Brutus* primus eos quas leges tulerit quæque gesserit & egerit pro libertate tuenda post exactum *Superbum*. 416. E.

C

- Cedere* pignora ap. *Cic.* quid sit 1111. C. D.
- Cære* præfectura. 53. C.
- Cerites*. qui 62. B. 67. A. 391. F.
- primi municipes sine suffragii latione. 451. B. 480. E. 585. C.
- Cerites* tabulæ quæ. 60. B. 67. A.
- Ceritum* conditio. 62. B. 67. A. 391. F.
- in tabulas referri & ærarium fieri an idem 60. B. 62. B. 67. A. 208. B.
- Calabra* curia. 1058.
- Calata* comitia quæ & unde dicta. 389. B.
- Calatia* præfectura. 53. C.
- Calatores* sacerdotiorum. 338. C. 339. A.
- Calcei* senatorum diversi a reliquis civium calceis. 1097. C.
- lunati dicuntur fuisse *ibid.* E.
- Calles* provinciarum. 912. F. 1002. A.
- quid fuerint & unde dicti. 913. B.
- Camilli* & *Camillæ* ex sacerdotum ministris instituti qui. 337. E.
- Camillus* Veientini agri partem vestigalem fecit populi Romani. 57. A.
- Campani* quando & quomodo a Romanis in deditio-nem accepti. 442. B.
- Candidati* qui & unde dicti 392. F. 668. A.
- candida toga deposita petendi voluntatem deposuisse censebantur. 393. B. 671. B.
- qua ratione peterent magistratum. 394. A. 621. A. 668. B. C.
- nomenclatores & diviso-res cur haberent. 394. B.

RERUM ET VERBORUM.

- cur sine tunica venirent ad supplicandum, & tantum in toga candida, eaque recincta, populo. 668. C.
- quando petitionem inciperent. 668. F.
- quando & togam candidam primum gesserant, & profiteri deberent se petere. 669. C.
- dividebant & ipsi per se & per divisores pecuniam populo, idque lege permittente. 621. C. 679. A. 680. B.
- quia per divisores plus dividebant quam lege licebat, hinc leges de ambitu. 622. A.
- omnes erant, qui petebant; non omnes, qui creabantur. 622. B.
- improprie dicti qui quocunque tempore magistratum ambiunt, proprie tales sunt post edita comitia. 670. A.
- sæpe contra populi studia iudicio magistratus & senatus decreto excluderentur suffragiis populi. 671. C.
- Candidatorum* ratio non semper habebatur; idque ob quas causas. 393. B. E. 672. D. E.
- an nomen ante recipere deberet consul, an vero nominatio fieri solita apud populum. 393. C. 670. C. 672. A.
- magistratus aut sacerdotia ambientium in comitiis tribus quæ condito esse deberit. 774. F. 775. A.
- Candidatus* qui plura puncta per centurias tulisset, singulatim per præconem nunciabatur; qui vero plura centuriarum suffragia, magistratus a præcone populo referrebat. 396. B.
- Capena* porta. 42. F.
- Capenates* in quatuor Etruriæ populis. 299. A.
- post Etruscum bellum civitate donati. *ibid.*
- Capite* censi qui. 69. D. 94. D.
- an iidem atque proletarii. 94. F. 704. F.
- non militabant nisi extra ordinem. 141. B. 386. D.
- armati a Mario bello Jugurthino, sed a nemine ante eum. 69. E. 386. E.
- in sextam classem omnes coniecti. 386. D.
- quanquam longe plures quam ceteri erant, tamen unum cum tantum suffragium omnes faciebant, quia una eorum erat centuria. 387. F. 388. A.
- Capite* censorum census quis. 386. D.
- de Capite* civis Romani iniussu populi ne agatur, lex. 107. F.
- a Romulo ad Servium Tul. non agebatur nisi curiatis comitiis. 620. F.
- a Servio ad Coriolani damnationem centuriatis. 106. B. C. 620. F.
- a Coriolano ad X. viros & XII. tabb. tributis. 620. F.
- post id tempus modo centuriatis, modo tributis. *ibid.*
- Capitolini* qui. 189. C.
- Capitolini* Jovis templum a Tarq. Prisco institutum, a Superbo perfectum. 40. A.
- Capitolium*. 38. E. 40. C.
- cum Cælio & Quirinali urbi adjectum a Romulo. 40. E.
- quinam primi habitaverint. 40. C.
- Capua* colonia a Cæsare facta. 52. C.
- præfectura. *ibid.*
- Carnifex* qui. 415. E. 207. B.
- non erat in urbe. 207. B.
- Carthago* prima extra Italiam provincia dicta. 54. E.
- Castrum* præfectura. 53. C.
- Catonis* rustici tribules. 45. A.
- Causaria* missio quæ. 144. D.
- equites ad custodiam corporis a Romulo lecti quare sic appellati. 271. A.
- Celeres*. 173. B.
- Celerum* tribuni exactis regibus locum tenuit magister equitum. 288. A.
- tribunus quis. 287. E.
- tribunus sacrificia quædam statuta peragebat. *ibid.*
- Censebantur* præsentibus & aliquando etiam absentes. 138. F.
- interdum non in agri sui tribubus, nunquam tamen in alienæ regionis tribubus, sed in iis quæ essent in agro Romano & haberent nomen patriæ gentis. 58. C.
- qui Censebantur*, in XXXV. tribubus suffragium ferebant. 59. B.
- ex diversis generibus constabant. 59. B.
- non orbi & orbæ seu viduæ. 64. A.
- Censebatur* locus ubi quis habitabat. 64. D.
- extra tribum nemo. 66. D.
- Censendi* causa an ex tota Italia, data ei beneficio legis Julii civitate, omnis civium multitudo Romanam conflueret. 59. C.
- jus qui habuerint. 137. D.
- locus mutatus a Cæsare. 139. E.
- ordo a censoribus quis observatus. 66. B. C. D. &c.
- sui ratio. 137. D. 137. B.
- Censerentur* ne tantum ingenui, an vero etiam libertini. 63. B. 64. D. E. 385. D.
- an mares tantum, an mares & feminæ simul. 63. B. E.
- an ii tantum qui in urbe domicilium habebant, an etiam qui extra urbem. 63. B. 64. E. F.
- an absentes. 63. B. C. 65. A.
- qua ætate cives Romani. 63. B. D. 385. D.
- Censeri* Romæ oportebat civem Romanum qui extra urbem & agrum esset. 138. E.
- Censetur* nemo qui non idem jus suffragii habeat. 49. A.
- Censi* puberes. 137. C.
- rustici Ro. item municipes & coloni. *ibid.* 785. D.
- in prima classe decuriones, equites, senatores, & quare. 386. F.
- Censorem* facere quid. 66. F.
- non omnes æque munerum publicorum participes. 586. B.
- Censor* qui. 139. D. 162. D.
- quod unus statuerat, id alter sæpe mutabat. 67. C.
- unus adversus vim collegæ iis, qui senatu pellerentur, sæpe auxilio fuit. 1102. D.
- a Censore* præteritus senator quibus modis amissum jus recuperare potuerit. 1023. E.
- Censores* adiegebant iurjurando. 137. C.
- agendi potestatem, si quis accusare vellet, dabant. 67. C.
- censum poterant augere & multiplicare. 139. D.
- cur creati. 162. D.
- equum publicum habentes. 36. C. 65. F.
- jus habebant in senatum legendi. 1102. A. 1023. C.
- privati ultimi ab Augusto creati. 1087. C.
- quibus de causis cives Romanos notarent. 67. E. &c.
- quinto quoque anno creari soliti ad mores civitatis corrigendos. 60. A.
- quos præteribant in recitando senatu, illi ordinem senatorium continuo amittebant. 1023. E.
- referebant ad senatum. 1122. B.
- senatu movebant. 67. F. 1102. A.
- ne quem ignominia afficerent, neve quem in senatu legendo præterirent, nisi qui apud eos accusatus & utriusque censoris sententia convictus esset, lex fuit a Clodio lata. 1102. E.
- subscribebant causam seu crimen, cum aliquem senatu movebant. 1023. E.
- Censoria* nota qualis. 1102. B. 60. A. 63. C.
- ob quas causas facta. 67. E. 1123. B.
- ab iis, qui succedebant, censoribus plerumque demebatur. 67. C. 1102. F.
- in incensis qualis. 67. E.
- potestas in perpetuum a populo Augusto oblata, sed ab ipso repudiata. 1087. C.
- Censorie* tabulæ Larini corruptæ. 64. E.
- in municipiis quæ. *ibid.*

INDEX

- Censorias* notas in senatoribus, equitibus & plebejjs maxime insignes persequitur Peditanus. 61. D.
- Censorius* cur M. Cato Censor appellatus. 102. D.
- Censorum* alter equum publicum alteri ademit. 36. C. 65. F.
- animadversio non erat ejusdem generis. 66. F. 67. A.
- in potestate erat senatorem quempiam primum recitare. 66. B. 1102. B.
- & tribum mutare. 58. E.
- in tabulas nomina eorum qui censabantur, relata. 59. E.
- Censorum* civium tabulae duplices, altera Romae, altera in civium urbibus, uti habitabant, aservatae. 59. E.
- civium in numero qui habeantur. 138. C.
- civium numerus quomodo intelligendus. 138. A.
- civium numerus minimus & maximus. 63. C.
- civium non eadem ratio ac conditio. 68. D.
- Censos* esse cives in centuriis post XXXV. centurias expletas indicat Festus. 65. F.
- Censu* libertini quando excluderentur. 50. F.
- labelactato senatores esse desierunt. 169. F.
- exclusa a Servio Tullio nulla hominum conditio, nisi quod aliquando orbi & orbae itemque viduae exclusi legantur. 385. F.
- maximo qui erant, ex iis Servius XII. scripsit equitum centurias. 386. E.
- maximo qui erant, fere continenter ferebant onus militiae & quare. 387. B. pro eo onere domini erant reip. praepauperioribus & quomodo. 387. C.
- multi clam fiebant cives Romani. 137. E.
- peractio lustrum condebatur. 388. B.
- de Censu* quae querenda videantur, ordine, & breviter recensita. 63. B. C.
- ex Censu* cives Romani in classes sex & in centum nonaginta tres centurias distributi, militaeque & tributa per centurias imperati. 387. B.
- in Censu* quanam praeter bonorum aestimationem a civibus Ro. deferrentur. 385. C.
- Censualis* forma. 137. E.
- Censum* & annos edere debebat, qui civitate volebat donari. 49. E.
- Censura* morum magistra a veteribus appellata. 67. C.
- non perpetuus erat magistratus, sed qui quinto quoque anno creabatur. 1034. E.
- quare in temp. inducta. 1012. D.
- res a parva origine quanto deinde incremento aucta fuerit. 426. C. D.
- Census* a Servio institutus. 35. A. 137. B. 385. C.
- a quo magistratu peractus. 63. C. 65. C.
- civium ut erat varius, ita etiam ex censu in sex diversas classes sunt descripti. 386.
- classis primae. 386. 591. E.
- classis secundae. 386.
- classis tertiae. 386.
- classis quartae. 386.
- classis quintae. 386.
- classis sextae. 386.
- capite censorum. 302. E.
- proletariorum. *ibid.*
- duo, unus civium Romanorum quibus vel in urbe vel in agro Ro. domicilium; alter municipum, qui priore numero non comprehendebantur. 70. B.
- equestris. 35. B. 540. F.
- faciebat liberum. 138. A.
- fortunatum qualis. 139. A.
- ingenuorum. 69. D.
- ingenuorum oblidis & pignoris vice apud remp. visus *ibid.*
- institutus & peractus in foro primum, deinde in villa publica. 63. C. 65. C. 388. D.
- in centuriis an in tribubus fieret. 63. C. 65. D.
- jus. 137. C.
- libertinorum neque possessionibus neque inopia mutabatur. 50. E.
- libertinorum nisi pluris HS. XXX. millium in praediis esset, illi censu excluderentur. *ibid.* F.
- maximi cives & centuriae primo suffragium ferebant. 387. D.
- minimus & maximus. 69. E.
- mutatio a classibus ad tribus. 66. E.
- necessarius ad tuendum ordinem senatorium.
- non dabat, ut civis Ro. esset senator aut eques, sed ut esse posset 35. B.
- opportunitates duae. 137. E.
- quot millium fuerit tempore Servii. 63. F.
- quoto anno fieret. 63. C. 388. C.
- quomodo perageretur. 137. B.
- Romae actus usque ad Augusti singulare imperium. 69. E.
- senatorius. 35. B. 213. B.
- senatorius duplo major equestri. 36. F.
- senatorum seorsum ab equitibus, & equitum seorsum, a plebeis. 66. C.
- Centeni* equites centurias singulas efficiebant. 42. A.
- Centesima* usura, quas, unde reliquae minores usurae tanquam particulae fluxerunt. 193. A.
- usura maxima fuit & quae. *ibid.* A.
- Centum* senatores a Romulo unde & quomodo lecti. 38. A. 1010. A. B. 1075. F.
- Centumviri* qui. 408. C.
- ad eos quando remitteret causam praetor. 407. D.
- non erant magistratus, unde nec suffragiis populi in comitiis creati. 742. B.
- Centuria* Negusivrit quae. 66. A.
- praerogativa. vide *Praerogativa*.
- una proletariorum & capite censorum constituens totam classem sextam. 386. D. 387.
- quot sub Romulo. 40. F. 41. 84. A.
- Centuriae* equitum quomodo sub singulis regibus auctae. 41. C. 386. E.
- sub Servio in universum XVIII. & conjunctae cum LXXX. primae classis centuriis peditum. 386.
- unde dictae. 41. F.
- Centuriae* militum in legione, vel triariorum, vel principum, vel hastatorum, & quibus singulae nominibus appellatae. 509. D.
- eorum duces ut appellati *ibid.*
- erant plures vel pauciores pro numero militum in legione. 509. D.
- in Centurias* velites non erant ipsi divisi, sed pro rata parte in centurias reliquorum generum distribuebantur. 509. D.
- Centuriae* & classis a quo institutae. 94. B.
- pertinebant ad pedestrem exercitum. 386. E.
- Centuriae* accensorum, tubicinum, cornicinum in qua classe. 385. D.
- aliae plures, aliae pauciores cives continebant, unum tamen unius suffragium erat & quae causa. 591. A.
- duplices, aliae Romuli & Tarquinii, aliae Servii Tullii, & discrimen inter utraque. 588. F.
- ejusdem classis an simul ad suffragia vocarentur, an vero subinde aliae atque aliae. 715. F.
- fabrum duae cui classi additae. 386. B.
- maximi census & primae classis ferebant onus reip. 387. B. aedem quomodo efficerentur dominarum reip. & suffragiorum praepauperioribus. *ibid.* quomodo suffragium ferrent. *ibid.* D.
- omnes an omnibus comitiis suffragium dicerent, & quando non necesse esset omnes vocari. 719. A.
- plures quod jubebant, id ratum erat & iudicium populi habebatur. 591. B.
- quare *introvocari* dicantur. 711. F.
- quot in singulis classibus. 386. A. 590. A. &c.
- quot in universum in omnibus. 387. A. 590. C.
- quot in unaquaque tribu. 701. B.
- quot in omnibus tribubus. 703. A.
- quomodo per pontes suffragia tulerint. 714. A.
- Servii nihil pertinuerunt ad tribus, postea deum

RERUM ET VERBORUM.

numi per xxxv. tribus descriptæ, & quo modo . 700. C.

— sextæ classis cur non æque ac reliquarum quinque classium per singulas tribus distributæ. 714. D. — suæ in albo civis quisque nomen suum adscribebat. 66. A.

— ut quæque in comitiis a cos. vocabantur, ita ex suo loco migrabant singulæ & ovile ingrediebantur. 713. C.

— unius unum tantum suffragium, sive plurimos sive paucos cives complecteretur. 387. F.

in *Centuriam* quemque suam ad suffragia ferenda discedere jubebat magistratus comitia habens. 396. A.

Centuriarum & classium ordine constituto centuriatis comitiis summa omnium rerum potestas a Servio est permissa. 43. F.

— legitimus numerus in suffragiis ferendis quomodo conficeretur. 718. F. 727. F. 728. C.

— major pars quod scivisset, rite habita comitia dicebantur. 396. C.

— non classium numerus in comitiis vincebat. 716. C.

— numerus in classibus est auctus aucto tribuum numero. 700. B.

— omnium summa CXCIII. aut CXCIV. 347. A.

per *Centurias* tributa & milites imperabantur. 387. B.

Centuriis singulis in comitiis & suffragiorum latione præerat civis unus dignitate præstans & quod ejus officium. 590. A.

Centuriata comitia a Servio instituta & eorum potestas. 133. E. 43. F. 38. A.

— ante expletas xxxv. tribus quomodo haberentur, quomodo post eas, utque tum differrent a comitiis tributis. 705. E.

— a quibus magistratibus haberi potuerint, a quibus non. 391. B.

— consularia quo tempore habita. 396. E. item prætorica ac censoria. 733. D. 396. F.

— habebantur tribus de causis, magistratuum creandorum, legum ferendarum, & judicii exercendi gratia. 389. C. 641. A.

— habebantur in Campo Martio. 396. C. & in loco augurato. *ibid.* nec nisi diebus comitalibus. 396. C.

730. A. 793. E. & imperato exercitu, & quare. 729. D.

— haberi non poterant intra pomerium. 396. C.

— haberi non poterant nisi auspiciis. 395. A. 687. F.

— haberi tantum poterant a majoribus magistratibus, non a minoribus, & quare. 657. F. 391. B.

— habita a consulis ea quibus majores magistratus crearentur. 658. A. & ab utro duorum, consulum. 608. C.

— habita a prætore an censoria. 639. A.

— habita a consulis, nisi a dictatore aut interrege extra ordinem subrogati essent magistratus. 659. B.

— habita a dictatore & quando. 658. A. 653. C. 660. E.

— habiturus quomodo auspicaretur. 691. F.

— inchoata quomodo impedita. 396. A.

— judiciorum trinundino ante prodita quam haberentur. 686. F.

— legum & judiciorum a quibus magistratibus habita. 683. C.

— legum jam edita antequam haberentur, primum is qui legem ferre vellet, eam publice propositam habebat. 680. A. postea trinundino eam promulgabat. 684. C.

— omnia requirebant senatus auctoritatem. 394. F. 686. D.

— omnino sublata a Tiberio nec postea unquam restituta. 397. A.

— quæ fuerint. 389. C. 647. B. &c.

— qualia fuerint sub Julio Cæsare & Augusto. 396. E.

— quomodo edici solerent. 682. A. postquam edita, trinundino interjici solebat ante diem comitiorum, etiam in magistratuum comitiis, & quando non. 682. B.

— quo loco haberentur. 128. C. 396. C.

— quibus diebus habita, quibus vero non. 396. C. 230. A. 731. A. 733. A.

— quibus magistratus creabantur, in alia atque alia tempora incidebant. 733. A.

— quibus prætores creabantur, cur diutius duraverint. 721. E.

ad *Centuriata comitia* cum populus convenisset, antequam in centurias distribueretur, magistratus concionem habere solebat ad populum, ut id, quo de ageretur, aut jubere aut vetare vellet. 395. E. 696. C.

ante *centuriata comitia* edictum præmittebatur de die, quo populus convenire deberet. 394. C.

— sacra quadam legitima a magistratibus peragi solita. 395. E. 696. D.

Centuriatis comitiis omnes interesse poterant qui pleno jure cives Ro. essent, & quinam hi fuerint tum ante legem Juliam, tum post eandem. 391. E. &c.

— judiciorum causa quæ personæ intervenire deberent. 681. B.

— magistratuum tantum conveniunt candidati & qui illi. 668. A.

in *Centuriatis comitiis* an omnes cives qui in singulis centuriis continebantur, jus suffragii habuerint. 661. E.

— an omnes centuriæ suffragium dicerent, & quando non necesse esset omnes vocari. 719. A.

— an eadem tabellæ, renuntiata jam unius centuriæ sententia, rursus a diribitoribus sequenti centuriæ distribuerentur, an vero novæ. 716. D.

— centuriarum, non classium numerus vincebat. 820. D.

— creabantur magistratus majores & patricii. 390. C. &c. 641. B. non dictator, magister equitum, & interrex. 642. A. interdum procoff. 644. D. an pontifex maximus. 645. A. etiam iis rex lacrorum. 646. E. F.

— custodes, diribitores, præcones, & rogatores, quot & quales adhibiti, quodque eorum munus. 392. C. D. E. 664. C. 717. B.

— designati coiff. & prætores, non statim inibant magistratus, censes vero contra. 734. A.

— judicia populi exercita, quæ intelligenda de uno perduellionis crimine. 106. F. 390. C. 649. B.

— legum ferendarum adhibebantur scribæ & quare. 681. B.

— non licitum erat aliis magistratibus servare de Cælo, & quare. 694. F.

— populus omnibus aliis ordinibus neglectis, illa tantum distinctione utebatur, ut aliæ essent centuriæ equitum, aliæ peditum. 707.

— postquam xxxv. tribus Romæ fuerunt, centuriæ continebantur in tribubus & quidem centuriæ quinque classium in unaquaque tribu. 700. C.

— prærogativa centuriæ quæ. vide in *Prærogativa*.

— qualia loca ovile & septa. 713. & quomodo ovile ingredientes centuriæ suffragia tulerint. 714. C. &c.

— quæ leges latæ. 390. A. 647. E.

— quæ judicia exercita. 390. C. 649. B.

— quando & quibus legibus tabellarum usus introductus. 709.

— qui magistratus creati. 156. D. 390. C. &c. 641. B. 642. A. 645. A. 646. E. F.

— quibus verbis suffragia in tabellis notata. 392. F.

— quibus modis centuriæ inter se distinguntur. 708. E.

— quid fieret post suffragia dicta. 729. C.

— quid sint gradus in renuntiatione magistratuum. 722. E. 723. A.

I N D E X

- quis locus fuerit , quo vocabantur centuriæ ad suffragia ferenda . 712. E.
- quis usus pontium ad suffragia ferenda . 1021. C. 714. E. &c.
- quomodo candidati magistratus peterent . 393. A.
- quomodo iudicia populi exercerentur . 394. B.
- quomodo leges ferrentur . *ibid.*
- quomodo & quo ordine suffragia ferrent centuriæ . 387. D. 305. E. 700. A. 705. B.
- quomodo suffragia tabellis ferrentur . 710. C. quomodo eadem colligerentur . 714. E. & renuntiarentur . *ibid.* F.
- quomodo suffragia voce fuerint lata . 708. F. &c.
- quomodo suffragiorum legitimus numerus conficeretur . 728. F. 729. E. &c.
- suffragio mutua competitorum non prohibita & quomodo illa fieret . 725. A.
- suffragia aliquando etiam post usum tabellarum non occultata . 726. E.
- suffragiorum duplex descriptio . 728. A.
- tabernaculum vitio captum quando diceretur . 692. A. &c.
- Centuriarum* comitorum ante diem trinundinum interjici solebat & quare . 394. D.
- Centurio* primi pili , primi principis , primi hastati quis . 509. C.
- Centurionis* diurnum stipendium quantum . 146. B.
- Cereris* Græca sacerdos . 283. A.
- Ceres* fero culta . 117. F.
- Cessio* in jure quid . 139. E.
- Chaldeorum* genus duplex . C. 10. C.
- duplex hinc secta . *ibid.* D.
- Chaldeus* an nomen honoris . 10. E. &c.
- omnis an sacerdos . 11. C.
- Xapaviras* senatores qui dicti . 1087. A.
- Cicero* cum equite Romano natus esset , nunquam tamen posteaquam in senatum venit , eques est appellatus . 37. A.
- Ciceronis* memoriæ errata . 1012. E.
- Cilicia* quando provincia facta . 497. C.
- Trachea provincia facta a Vespasiano . 521. B.
- Cingulum* virgineum . 122. F. 123. A.
- Cinxia* Juno . *ibid.* A.
- Cinna* tentavit , ut decem tribus ex Italicis populis adjectæ in xxxv. tribus distribuerentur . 59. A.
- remp. cum Mario oppressit . *ibid.*
- Cinna* avaritiæ nullum ærarium tam refertum fuit , ut sufficere potuerit . 152. F.
- Circensium* ludorum gratia pantheræ Africanæ in Italiam advectæ . 1045. D.
- Circumforaneum* æs . 192. A.
- Circus* maximus ubi & a quo structus . 40. A.
- Civem* Romanum esse & jus civitatis habere differunt . 54. B. C.
- Romanum ne magistratus cædat aut necet , lex . 108. A.
- in Civem* Romanum qui magistratus animadvertisset , de eo populi quaestio constitueretur , lex . 107. C.
- Cives Romani* alii aliqua ex parte , alio omnino cives . 137. E.
- agrum coluerunt , etiam patricii . 90. 91. 283. E.
- in urbe & in agro , tum etiam extra agrum Ro. censabantur . 82. B. C. &c.
- divisi initio in tres tribus . 269. C.
- fiebant clam per censum . 181. C.
- multis privilegiis gaudebant , & quodnam inter illa supremum . 448. F.
- libertini quomodo ab ingenuis , tum etiam quomodo ipsi libertini inter se distinguerentur . 50. F. &c.
- opifices etiam erant . 196. D.
- optimo & perfecto jure qui & quomodo a ceteris civibus differrent . 77. E. F. 396. B. C. 448. D. 662. B. C. 663. D.
- optimo jure in una xxxv. tribuum erant . 376. F.
- optimo jure poterant interesse comitiis centuriatis ad suffragium ferendum . 454. B.
- patricia & consulari familia in rustica potius quam in urbana tribu censabantur . 57. F.
- quot generum fuerint . 61. E. &c. 448. F. &c. 662. B. &c.
- qui non ex municipiis erant , a colonis magis quam a municipibus differebant & in quibus differrent a præfecturis . *ibid.* C.
- quomodo censentur . 137. B.
- quomodo facti a Romanis . 78. C.
- quacunque fortuna essent intra pomerium habitantes , in quatuor urbanis tribubus suffragia ferebant . 44. E. F.
- censabantur tamen non omnes in tribu sui nominis . 58. E.
- censabantur quisque in sua tribu . 66. E.
- immunes erant vectigalium Italicorum & sociorum . 155. B.
- non omnes qui in singulis centuriis continebantur , habuerunt jus suffragii . 661. E.
- soli heredes esse alterius civis poterant . 129. A. C.
- suffragii jus habentes etiam cetera jura habuerunt . 448. F.
- Civiles* Romanis jura quædam erant propria , quædam cum Latinis & municipibus communia . 449. E. 450. C.
- operosam artem aut cauponaria tractare non licebat . 196. D.
- solis patuerunt honores . 158. A.
- Civica* coronæ honor . 1085. F.
- Civis* quibus rebus ab Aristotele circumscriptus . 78. C. 157. F.
- pars civitatis . 76. A.
- & civitatis disputatio e rep. cujus civis & civitas deducenda . *ibid.*
- Civis* Romanus quicunque vel senator , vel eques , vel de plebe dictus . 35. D.
- qui de plebe , pedestre munus in militia habebat . 48. E.
- qui censum equestrem aut senatorium possidebat , non necessario senator aut eques erat , sed esse poterat . 35. E.
- genere patricio natus , quando vel senatorii vel equestris ordinis vel de populo diceretur . 271. B.
- plebejo genere natus , quando vel de populo vel eques vel senator esse diceretur . *ibid.* C.
- cujus pater eques fuit , senator factus , definit appellari eques . 37. A.
- in aliam adscitus civitatem , Romanam immittebat . 83. A.
- nemo erat suffragio exclusus . 156. A.
- non census in numero civium non esse judicabatur . 83. A.
- pleno jure quomodo quis fieret . 376. F.
- solus testamentum jure civili facere potuit . 133. C.
- urbe & agro abesse potuit , dummodo Romæ censentur . 83. A.
- Civis* Romani absoluta definitio quibus partibus constet . 48. E. 77. E.
- definitiones refutantur . 77. E.
- nomen a tormentis & morte liberantur . 108. D.
- proprium jus tutoris dandi . 126. A.
- de Civis Romani* capite injussu populi ne agatur , lex . 107. F.
- Civitas* data quondam aut universis , aut singulis oppidanis . 78. C.
- postquam data lege Julia toti Italiæ , Italia facta fuit plebis rusticæ pars & in tribus rusticis suffragia tulit . 48. A.

RERUM ET VERBORUM.

- peregrinis libertis dabatur, non autem jus Quiritium. 50. B.
- peregrinis reliquis quocunque loco essent, non autem Aegyptiis, nisi Alexandrini essent, patebat. 49. D.
- quibus lege Julia data, quibus vero non. 53. A.
- Romana quomodo aucta peregrinorum multitudinem. 34. F.
- Civitate* lege Julia toti Italiae impertita omnium, intra Italiae modo terminis, municipiorum, coloniarum, praefecturae, & sociorum sive Latini sive Italici nominis conditio quatenus eadem facta. 54. B.
- cum suffragio qui donabantur, cives Romani dicebantur, nec tamen sociorum nomen amittebant. 62. A. B.
- Civitatem* cum libertate accipiebant, qui manumittebantur. 49. C.
- nemo invitatus amittebat, sed jure suffragii privati & in Caritum tabulas referri aut aerarius fieri poterat. 102. D. 661. F.
- peregrini non habebant. 49. C.
- peregrinis sive libertis sive ingenuis, aut jus Quiritium Romanis libertis perire non licebat, nisi patronis aut concedentibus aut mortuis. 49. E.
- Romanam qui habent, an iidem omnes etiam jure Quiritium fruerentur. 49. B.
- Romanam adepti quot generum essent. 448. C.
- sine suffragio consecuti non cives Ro. neque municipes, sed tantum Romani, & cives, & socii vocabantur. 62. A. B. C.
- socii & Latini datum quomodo apud Cicero nem intelligatur. 70. C.
- ante Civitatem* lege Julia datam praefecturae ac provinciae non constabant e civibus Ro. sed omnes erant & dicebantur socii. 53. D.
- Civitates* & populi a Romanis devicti alii vestigales, alii immunes; alii servitute, alii libertate affecti. 628. D.
- foederatae quae. 455. D.
- foederatae quot generum fuerint. *ibid.*
- Civitatis* descriptio respública. 76. A. B.
- Civitatis Romanae* principia quam minimum fortunae debent, sed omnia in ea sapientissime a Romulo sunt constituta & qua ratione. &c. 33. D.
- Civitatis Romanae* jus non in aliqua re consistebat, sed in multis ac diversis praerogativis, nec omnia jura omnibus concedebantur. D. 66. F.
- participes erant coloniae ac municipia civium Romanorum, non item coloniae Latinae Italicae. 48. B.
- jus una cum jure suffragii municipia alia habuerunt, alia non item. 48. C.
- jus habere & civem Romanum esse ut diff. 54. B.
- jus neque coloniae Lat. neque ipsum Latium aut quibus jus Latii datum erat, ante legem Juliam habebant. 53. A.
- jus optimum & gradus summus erat jus Quiritium, & illius definitio quot partibus constet. 48. E. 662. F. & ut diff. a jure municipiorum ac coloniarum. 53. A. itemque a praefecturae & jure Latii. 49. A.
- Civitatis* jus datum civibus ingenuis quomodo differat a civitatis jure dato libertinis civibus, tum etiam ut ipsi libertini cives ratione hujus juris inter se diff. &c. 50. D.
- ad Civitatis* jus optimum pertinet domicilium. 78. C.
- Civitatum* principia aut a casu aut a consilio; incrementa tum a fortuna, tum a virtute, ratione tamen diversa. &c. 33. B.
- Civium* Romanorum divisio duplex vel in patricos & plebejos, vel in senatores, equites, & de plebe. 35. A.
- divisio ex ordinibus, ex factionibus, & ex imaginibus. 165. A.
- jura varia recensita. D. 662. F.
- & municipum quae fuerit differentia. 62. B.
- de Civium* Romanorum jure quoad censum quatenus quari possint, ordine enumerata. &c. 63. B.
- Classes* in centurias dividebantur. 65. D.
- a quo institutae. 94. B. 385. F.
- cur quinque nominatae, cum sex essent. 94. D.
- factae tribuum partes. 95. A.
- factae sex a Servio ex censu. 386. A.
- & centuriae pertinebant ad pedestrem exercitum. 386. F.
- omnes continebant centurias CXCIII. vel CXCIV. 386. F.
- quomodo suffragium ferrent in comitiis. 387. C.
- Classis* prima cives habuit ditissimos, sexta tenuissimos. 385. F.
- prima continebat decuriones, equites & senatores. 386. F.
- prima habuit in potestate sua suffragia & quomodo. 387. B. 703. B.
- prima quo censu & quot centuriis fuerit. 386. B. 708. B. 94. B.
- item secunda. 94. B. 386. C. tertia. *ibid.* quarta. *ibid.* quinta. *ibid.* D.
- sexta censum habuit minimum & comprehendebat una centuria tantum proletarios & capite censos. *ibid.*
- consula erat ex infima plebe omnium tribuum. 704. E.
- nullius poene momenti erat. *ibid.* C.
- unam an duas habuerit centurias. *ibid.* E.
- Classis* cuiusque centuriae quando & quomodo in singulis tribubus contineri inceperint. 706. B.
- primae centuriis an fors praerogativae tantum competierit, an vero etiam reliquarum classium centuriis. 702. B.
- Classium* & centuriarum ordine constituto centuriatis comitiis summa omnium rerum potestas data est. 43. F.
- Claudia* tribus. 42. E.
- in agro Ro. an extra eundem sit constituenda. 44. B.
- quando hoc nomen acceperit. *ibid.*
- vetus. 42. E.
- Claudia* tribus nomen vetus novo indito sublatum est. 44. E.
- Claudii* Neronis, & Pulchri patricii erant. 35. F.
- non omnes in Claudia tribu. 58. E.
- Claudius* imp. Aventinum intra pomerium recepit. 40. C.
- C. Claudius* Nero non in sua tribu, sed in Arnienſi cenſeri solitus. 58. E.
- equum vendere censor a collega Livio Salinatore coactus. 65. F.
- Claudius* censor Ti. Graccho collegae obstitit, ne libertinorum ordini suffragiorum latio adimeretur. 51. B.
- Clavi lati* tunica & clavata vestimenta unde appellata. 1097. A.
- Clavi lati* opponuntur angustis. *ibid.* C.
- Clientum* jura. 113. F.
- in Clientela* patriciorum plebs Romana. 194. C. 1011. D.
- Cloacas* Tarquinius Priscus duxit. 40. A.
- Cloedianae* operae quae sint & in qua tribu suffragium tulerint. 57. F.
- Cloelia* tribus 39. E.
- Cloeliae* foſſae. 81. F.
- Cnæus* Flavius scriba, libertinorum primus, magistratum curulem gessit. 68. E.
- Coactores* qui. 1922. B.
- Caelius* mons unde dictus. 38. E.

I N D E X

- a quo intra pomerium receptus. 384. 80. A.
- ab Albanis, iussu Tulli Hostilii habitari iussus. 38. F. 39. D. 40. C.
- Cælius Vibennus Tuscorum dux Cælio monti nomen dedit.* 38. E.
- Coemptio* in nuptiis quæ. 123. C. D.
- Cohors* in quinquaginta manipulos dividebatur. 510. C.
- *milliaria* quæ dicta & quare. *ibid.* B.
- prætoria magistratuum provincialium an militaris fuerit, & ex quo genere hominum confiterit. 916. B.
- quæ & unde dicta. 509. F.
- prætoria non nisi civi Rom. patuit. 145. D.
- Cohortes* multæ præter legiones ab imp. ex variis gentibus institutæ, & quæ præcipue earum fuerint, ex inscriptionibus collectæ. 530. E. &c.
- quot militu n singule & quo modo ac ordine in acie dispositæ. 510. A.
- urbanæ, vigilum, & prætoriarum Romæ sub Augusto. 512. A. sub imp. Galba. 520. F. sub M. Aurelio Alexandro. 528. A.
- in *Cohortes* decem legio divisa videtur primum a Mario. 510. A.
- Cohorti* qui præerat tribunus dictus. *ibid.* D.
- Cohortium* signa. *ibid.*
- Collatia* & quicquid aeri circa Collatiam ademptum Sabinis. 81. A.
- Collegia* opificum a quo instituta. 195. D.
- pagorum. 186. B.
- iustitabantur. 697. B.
- perniciosa sublata. 196. F.
- de *Collegiis* opificum in xlii. tabulis *ibid.*
- Collegiorum* jura. *ibid.* A.
- magistris. *ibid.* D.
- Collegium* Corneliarum. 202. E.
- Colles* tres præter Palatinum Romulus prolato urbis pomerio fuit complexus. 38. E.
- duos adiecit Servius, & collem Aventinum muro & fossa munivit, sed pomerio non inclusit. 39. E.
- septem sub Servio habitati, sed non omnes pomerio inclusi. 40. B.
- Collina* tribus unde dicta. 42. C. D.
- Collibus* quid. 191. B.
- Coloni* Ro. id est, plebs rustica locum in rusticis tribubus habere potuerunt. 46. E.
- alia sacra habuerunt ac cives Rom. 118. E.
- Coloniæ* Populi Romani in Italia.
- Abella. 478. A.
- Abellinum. 410. C.
- Acerræ. 475. F.
- Æsernia. 464. B.
- Ælis. 478. A.
- Æsulum. 464. C.
- Alatrium. 476. A.
- Alba Latina. 461. E.
- Alba Pompeia. 470. F.
- Alinum. 464. C.
- Ancon, al. Ancona. 478. B.
- Antemnæ Aboriginum. 456. E.
- Antium civium Romanorum. 458. D.
- Anxur Tarracinæ. 460. B.
- Apulegium. 478. C.
- Aquileja Latina. 468. A.
- Aquinum. 474. E.
- Ardea Latina. 459. A.
- Aufidena. 473. F.
- Ariminum. 463. C.
- Arretium. 472. D.
- Aſculum. 478. D.
- Alſta. *ibid.*
- Ateste Venetorum. 472. A.
- Atella. 476. B.
- Atina. 477. E.
- Augusta prætoria Salafforum. 476. C.
- Augusta Taurinorum. 476. B.
- Augusta Verona. 471. A.
- Auximum. 468. E.
- Bononia L. 467. B.
- Bovianum vetus. 473. D.
- Bovianum Undecumanorum. 476. C.
- Bovilla. 472. E.
- Brixia Cenomanorum. 472. B.
- Brixillum. 478. E.
- Brundisium L. 464. D.
- Buxentum C. Ro. 466. D.
- Cædicia. 478. E.
- Cænina Aboriginum. 456. D.
- Calatia. 474. A.
- Calagna. 477. F.
- Cales Aufonum. L. 460. A.
- Cameria Albanorum. 456. F.
- Capis. 478. F.
- Capua Julia felix. 473. A.
- Cartoli L. 461. F.
- Castilinum. 473. F.
- Cassinum. 461. C.
- Castrum novum. 464. A.
- Circæi L. 458. A.
- Comum, al. Novum Comum. 472. B.
- Concordia. 478. F.
- Concordia Beneventum. 463. D.
- Copiæ, al. Thurii. 476. D.
- Cortona. *ibid.* D.
- Cossa, al. Conſa. 462. F.
- Cremona. L. 465. D.
- Croton. C. Ro. 467. A.
- Crustumerium Albanorum. 456. E.
- Cumæ. 476. E.
- Ecetræ. 458. A.
- Eporædia. 470. E.
- Fabratia. 468. F.
- Fanum Fortunæ, al. Julia Fanestris. 476. E.
- Ferentium. 470. D.
- Fesulæ. 472. E.
- Fidenæ Albanorum. 457. A.
- Firmum. 463. F.
- Florentia. 475. A.
- Fœderaturæ. 475. A.
- Formiæ. *ibid.* B.
- Forum Julii. 474. C.
- Fregellæ. 464. D.
- Gabii. 478. F.
- Gravisçæ. 468. B.
- Hadria. 462. F.
- Interamna. 461. B.
- Iſtonium. 479. A.
- Julia Dertona. 469. C.
- Julia felix Capua. 474. A.
- Julia Hispella. 474. C.
- Julia Sutrina. 459. D.
- Junonia Falisca Etruscorum. 474. F.
- Lanuvium. 474. B.
- Lavici. 459. C.
- Lavinium. 470. B.
- Laurolavinium. 479. A.
- Laus Pompeia. 472. C.
- Linternum C. Ro. 466. E.
- Luca C. Ro. 468. D.
- Luceria Samnitium. 460. D.
- Lucus Feroniæ. 479. B.
- Lupia. 479. B.
- Medullia Latinorum. 456. F.
- Minervium. 469. A.
- Mutina C. Ro. 467. E.
- Narnia Nequinum. 462. A.
- Neapolis. 479. B.
- Nepet L. 559. F.
- Neptunia. 469. C.
- Nola. 469. D.

RERUM ET VERBORUM.

— Norba. 458. C.
 — Nuceria. 477. A.
 — Orientum. *ibid.* B.
 — Ostia. 457. B.
 — Pæstus. al. Poffidonia. 463. B.
 — Pampia. 479. C.
 — Parma. 467. F.
 — Pisæ. 468. C.
 — Pisaurum. 467. D.
 — Placentia L. 465. A.
 — Pola, al. Pietas Julia. 474. D.
 — Pompeii. 472. F.
 — Pontia. 461. A.
 — Potentia, al. Pollentia. 467. E.
 — Præneste. 479. D.
 — Privernum. 477. B.
 — Puteoli. C. Ro. 465. F.
 — Pyrgi. 467. A.
 — Ravenna. 477. C.
 — Regium Lepidi. 479. E.
 — Rhegium. 475. E.
 — Rufellana. 479. E.
 — Sæpinum. *ibid.* F.
 — Salernum. C. Ro. 466. C.
 — Salpis. 479. F.
 — Satricula. 460. F.
 — Satricum. C. Ro. 459. D.
 — Saturnia C. Ro. 467. F.
 — Scylatium. 469. A.
 — Sena Etruriæ. 479. F.
 — Sena Gallica. 462. E.
 — Senuia. 480. A.
 — Seria, al. Serina L. 459. F.
 — Signia L. 457. D.
 — Sinuessa. 462. A.
 — Sipontium. 466. F.
 — Sora. L. 461. D.
 — Spoletium. L. 464. E.
 — Sueffa Aurunca L. 460. E.
 — Sutrium, al. Julia Sutrina, L. 459. D.
 — Tarentum. 469. B.
 — Telefia. 475. B.
 — Tempia. 466. F.
 — Tergeste. 477. C.
 — Theanum Sidicinum. 477. D.
 — Thurii, al. Copiæ. 476. D.
 — Tolentinum. 480. B.
 — Tuder fida. 475. B.
 — Veii. 473. E.
 — Velitræ. 458. B.
 — Venafrum. 475. C.
 — Venulia. 162. D.
 — Verulæ. 480. B.
 — Vibo Valentia. 464. F.
 — Vitellia. 458. F.
 — Ulubra 475. E.
 — Volaterræ. *ibid.* D.
 — Vulturum. 466. D.
Coloniæ populi Ro. extra Italiam & quidem
 — in Achaja. III. 534. A.
 — in Africa LVII. 535. A.
 — in Africa nova VIII. 536. A.
 — in Africa veteri v. *ibid.* E.
 — in Aquitania. II. 532. B.
 — in Asia XI. 534. A.
 — in Britannia. v. 531. C.
 — in Cæsariensi Mauritania XI. 535. B.
 — in Cæsariensi provincia XIX. 535. A.
 — in Corfica 532. F.
 — in Dacia IV. 533. D.
 — in Epeiro II. 533. E.
 — in Gallia Belgica VII. 532. C.
 — in Gallia Lugdunensi II. *ibid.* D.
 — in Gallia Narbonensi XIV. *ibid.*
 — in Græcia II. 533. F.

— in Hispania Batia VIII. 531. E.
 — in Hispania Luitanica v. *ibid.* D.
 — In Hispania Tarraconensi XII. *ibid.* F.
 — præterea in Hispania IV. *ibid.* 532. B.
 — in Illyrico I. 533. E.
 — in Liburnis. IV. *ibid.*
 — in Macedonia VI. *ibid.* F.
 — in Norico. VI. *ibid.* 533. B.
 — in Numidia VII. 535. E.
 — in Rhætica V. 533. A.
 — in Sardinia. II. 532. F.
 — in Sicilia V. 533. A.
 — in Syria XX. 534. C.
 — in Valeria Byzacena prov. IV. 535. F.
Coloniæ omnes æque constabant ex iis qui fuerant cives
 Ro. antequam deducerentur, non omnes tamen
 erant participes civitatis Ro. 48. B. C.
 — regebantur a suis magistratibus, duumviris sc.
ibid.
 — decuriorum ordinem habebant qui idem erat at-
 que Romæ senatores. *ibid.*
 — Romana jura, legesque & instituta servare de-
 bebant. 52. B.
 — triginta, & ex iis quædam civium Ro. vocan-
 tur, XII. vero Latinæ inobedientes. 450. A.
 — civium Romanorum seu Romanæ quæ, & ut
 diff. a coloniis Latinis & Italicis. 48. C. 52. C. ut
 eædem diff. a civibus Ro. & municipibus. 48. E.
 F. item a præfecturis 49. A. & a focis Latinis.
ibid.
 — suffragii lationem habebant, & civitatis non fe-
 cus ac ii qui Romæ vivebant, erant participes.
 52. B. C. censabantur & ubi 59. C. D.
 — Latinæ & Italicæ ut diff. a coloniis civium Ro.
 & ut diff. inter sese. 48. C. 52. B. participes non
 erant civitatis, sed tantum habebant jus Latii vel
 Italiæ. 48. B. non censabantur, nec suffragii la-
 tionem habebant, nec ex civibus Ro. constabant.
 62. D. 64. F. semel tantum censæ. *ibid.* in quibus
 rebus similes essent civibus Ro. & in quibus differ-
 rent. 64. F.
 — Latinæ extra Italiam sitæ excluderentur a bene-
 ficio civitatis Ro. lege Julia datæ. 53. A.
Coloniæ conditio minus præstabilis quam munici-
 piorum & quare. 52. B. D. 62. F.
 — jus atque respublica qualis. 451. E.
 — in Italia, itemque municipiorum, præfectura-
 rum, fociorum five Latini five Italici nominis post le-
 gem Juliam quatenus eadem conditio. 54. B.
 — tria genera, Romanæ, Latinæ, Italicæ. 52. C. 48. C.
 — an detur quartum genus, militares. *ibid.*
ex Coloniis Romanis censu cives in tabula refereban-
 tur, eæque duplices erant, unum exemplum Ro-
 mæ asservabatur, alterum ad ipsas colonias mitte-
 batur. 59. F.
Comagene sub Tyberio provincia facta. 512. E.
 — regi suo reddita iterum provincia facta a Vespasi-
 ano. 521. B.
Comitia a quibus habita. 593. A.
 — quibus locis habita. 594. C.
 — quibus temporibus, sc. non nisi comicialibus die-
 bus. 594. D.
 — an ipsis comicialibus semper haberi liceret. 598. A.
 — comicialibus ne haberentur, aliquando obstitit
 religio. 598. A. & aliæ causæ. *ibid.* F.
 — quibus de causis habita. 601. C.
 — quando rescinderentur aut differrentur. 608. C.
 — omnia tempestatis intervntu dirimebantur. 396.
 C. 722. B.
 — calata quæ. 389. B.
 — calata pro collegio pontificum quomodo haberi
 intelligantur. 644. F. 646. B. E.
Comitiis iisdem non solita pax juberi, quibus bellum
 esset indicam. 649. A.
 — perfectis res tamen sæpe producta, antequam

INDEX

- renunciatus esset is magistratus cui populus demississet. 608. B.
- in omnibus cum patres auctores fieri dicuntur, de quibus comitiis id sit intelligendum. 601. D. &c.
- Comitiorum* tria genera, a quibus instituta & eorum ratio. 155. F. 156. B. 389. A.
- Comitia* bina habita de singulis magistratibus & de iisdem candidatis, in minore magistratu creando utraque tributa; in maiore, priora tributa, posteriora centuriata. 605. A. F. 607. B. 802. E.
- an intelligenda etiam de tributis, an vero de folis centuriatis & curiatis. 823. F.
- an primum centuriata aut tributa, tum curiata. 802. F.
- bina centuriata & bina curiata primis reip. libertatē temporibus. 845.
- bina centuriata qualia fuerint, cum jam tributa pro curiatis essent inuenta. 845. B.
- bina centuriata cum locum non habuerint in comitiis legum & iudiciorum, an ideo locum quoque habere non potuerint in comitiis magistratuum. 826. A.
- bina centuriata non semper integra habita, ut initio, sed tandem effigies eorum tantum retenta prerogative centuriarū iussu ratione pro unis comitiis, iure vocatarum autem pro alteris habita. 818. C. 846. F. 962. A. & quando ac qua de causa id factum. 847. A. 942. C. 964. A.
- bina magistratuum an olim diversa, patriciorum sc. centuriata & curiata. 817. B. 819. D. 820. B. 841. A.
- bina magistratuum plebeiorum an tributa & curiata. 817. C. 818. C. 841. A.
- bina magistratuum qui centuriatis creari solent, an eadem, centuriata sc. bis habita. 818. A. 959. D.
- bina magistratuum qui curiatis creantur, an eadem, curiata sc. bis habita. *ibid.*
- bina magistratuum omnium, an postea, curiatis comitiis jam obsoletis, fuerint centuriata, & tributa. 817. C.
- bina magistratuum omnium ab initio non habita, sed quando demum haberi coeperunt. 941. E.
- bina quæ habita quinquaginta post reges exactos annis. 943. A.
- bina cum essent, cur tamen posteriora priorum sententiam infirmasse nusquam legantur. 817. C. 820. E. 845. E. 929. A.
- pro Comitibus* binis curiatis integris an tandem aliquid etiam ut pro binis integris centuriatis substitutum. 822. F.
- si Comitibus* binis centuriatis creati consules primis temporibus, an inde sequatur, eos ternis comitiis creatos propter accedentem necessario legem curiatam. 824. A. 846. D. 944. D.
- in Comitibus* binis quando & quare curiata annexa tributis minorum magistratuum. 806. F.
- Comitiorum* binorum habendorum quæ causæ. 941. E.
- Comitia* prima centuriata & tributa apud Cic. in Agraria an intelligenda prima ordine, an dignitate. 937. F.
- Comitiales* dies qui. 1026. F. 1061. A.
- dies nonnulli fasti. 1061. F.
- dies ita dicti non quibus comitia haberi possent, sed quibus haberentur. 1116. A.
- Comitiale* biduum post Kal. Jan. quo senatum haberi non licuit. 1027. E.
- Comitiales* diesbus senatum haberi non licuit. 1051. D.
- Comitium* unde dictum & quid significet. 388. E.
- concilium quid diff. *ibid.* F.
- quis locus Romæ. 795. C. E. 796. B.
- Commeatus* militares. 145. A.
- Commercium* quid. 450. B.
- olim tantum inter cives Ro. dein cum Latinis quoque communicatum. 450. C.
- Comptitalia*. 117. D.
- Concilium* plebis. 156. B.
- Concionari* ad populum quibus diebus licuerit. 1063. A.
- Concionem habere & concionem advocare* ut diff. 1063. B.
- Confarreatio* quæ. 123. F.
- Conjuratio* genus militiæ. 144. B.
- ex Connubio* non iusto nati non liberi. 121. B.
- Connubiorum* ratio. 20. C.
- Connubium* an cum Romanis mulieribus tantum. *ibid.*
- Conscripti* patres. vide *Patres conscripti*.
- Constantini Magni* divisio imperii Romani, variatis paucis sub sequentibus principibus stetit usque ad imperii excidium. 550. D.
- sub Constantino* alter consulum designari solitus Constantinopoli. 649. A.
- Constantinopolis* urbis & xiv. regionum in ea descriptio. 431.
- litus. *ibid.*
- Constantinus M.* totum orbem Romanum novissime omnium divisit primo in imperium orientale & occidentale. 544. A.
- totum orbem alio modo in quatuor dioceses, singulas sub præfecto prætorio distribuit.
- Constantinopolim condidit eamque in omnibus Romæ æqualem reddidit. 544. A. B.
- quos magistratus in Occidentis imperio & in provinciis ejus instituerit. 544. E.
- quas provincias imperio Occidentali sub præfecto prætorio Italiæ. 546. C.
- quas præfecto prætorio Galliarum attribuerit. *ibid.* F.
- quos magistratus in imperio Orientali instituerit. 547. E.
- quas provincias imperio Orientali attribuerit tum sub præfecto prætorio Orientis. 549. C. tum sub præfecto prætorio Illyrici. 455. B.
- Consul* alter sub Constantino designari solitus Constantinopoli. 544. C.
- in rogandis sententiis senatorum plus interdum necessitudini quam dignitati tribuebat. 1033. F.
- poterat senatoris alicujus sententiam non pronuciare, ne in eam senatusconsultum fieret. *ibid.* B.
- prior creatus bellum indicabat. 1059. C.
- quomodo dictator diceret. 642. C.
- unus nisi alter intercederet, senatum habere poterat. 1109. A.
- Consularis* ætas. 673. E.
- Consulares* inter provinciarum rectores sub Hadriano. 542. D.
- Consularia* comitia quo tempore habita. 733. B. D.
- Consulatus* quomodo & quando communicatus cum plebe. 426. F.
- Consules* ætate Cæsarem primi rogabantur sententias
- Appii censoris lectionem resciderunt. 1077. B.
- an ante legem curiatam consulatum gesserint, eo quod eam legem ad populum tulisse legantur. 883. E.
- an non habuerint iure sui consulatus sine ullo senatusconsulto in atroci negotio potestatem exercitum parandi & bellum gerendi, siquidem vere diceretur imperium tantum unum esse. 887. F. 888. A. &c.
- bella gesserunt & jus dixerunt. 162. C.
- censui præfuerunt ejectionis regibus. 65. C.
- coacto senatu de quibus rebus referrent. 1026. F.
- & prætores designati non statim inibant magistratus, censores contra. 734. A.
- designati an primi sententias rogarentur. 1031. C. 1032. E.
- licet patroni senatus, leges nonnullas tamen invito senatu tulerunt. 1043. C.
- pari cum regibus potestate atque imperio erant, in quibus tamen a regibus differrent. 162. B. C.
- primi Brutus & Collatinus. 398. A.
- primi regiam omnem potestatem exercuerunt. 398. B.

RERUM ET VERBORUM.

- quando inierint magistratus. 733. B.
- quando creati & ita appellati. 398. A.
- quare duo creati. 398. B.
- senatum convocabant. 1029. D. 1107. E.
- senatum legebant primis temporibus. 1074. A.
- senatusconsultis intercedebant. 1041. A.
- tribuni que militares quomodo dicantur centuriatis comitiis creari, curiata vero comitia rem militarem continere. 883. A.
- sella curuli sedebant in senatu. 1119. F.
- uno vericulo, ut viderent nequid resp. detrimenti caperet, fatis armati erant. 1081. E.
- in* Consules designatos medio tempore, antequam magistratum inirent, de ambitu inquirebatur. 734. C.
- Consulibus summum jus & regia potestas aliquando ad tempus concessa per senatum, & quibus verbis ac calibus. 398. D.
- fere solis absolutam potestatem injussu populi dabat senatus, sed si majus instabat periculum, etiam aliis magistratibus. 1040. E.
- ex* Consulibus uter senatum convocaret. 1030. C. 1059. F. 1109.
- uter rogaret sententias. 1121. D.
- Consulis relationi intercedere poterat tribunus pl. 1126. B.
- alterius mensura potestas. 1030. D.
- Consulum imperium quare annuum. 398. B.
- imperium quibus modis imminutum. 162. C.
- potestas, jura & insignia. 398. A.
- potestas in ipso primo libertatis partæ anno quibus legibus a Publicola cos. fuerit imminuta. *ibidem*. C.
- Contrarii vocabulum, ut mali ominis, in rogandis sententiis refugiebatur. 1035. E.
- Coriolani causa a plebe judicata senatu concedente. 1045. F.
- de* Coriolano factum iudicium tribuni pl. rescindere senatu repugnante noluerunt. *ibid.*
- Cornelia lex de numero senatorum ad faciendam senatus consulta. 1040. B.
- de jure a prætoribus dicendo. 1045. D.
- sine senatusconsulto lata nihilominus firma fuit. *ibid.* C.
- Cornelia tribus. 42. E. Arpinatum erat. 45. D. 58. C.
- Cornelii non omnes in Cornelia tribu censi. 58. E.
- erant, cum in urbe viverent, rustici tribules. 44. F.
- Cornicula dona militaria. 146. E.
- Corniculum a Prisco deletum. 80. F.
- Coronarum militarium genera. 146. E.
- sub* Corona emptio. 131. E.
- venibant, & quare. *ibid.*
- Correctores inter provinciarum rectores sub Hadriano. 542. D.
- Creditorum libido. 109. D.
- Creditorum prætorum jus secundum debitorem dicentem interfecerunt. 104. A.
- Creditorum pecuniarum jus quale. 109. D.
- Creta quando, & quibus bellis devicta ac provincia facta. 498. A.
- Crustumini. 82. A.
- Crustumina tribus. 42. F.
- Crux militaris animadversio. 149. A. B.
- Ctesias Cnidius historicus quis & de quibus rebus scripserit. 21. B.
- Cumæ præfectura. 53. C.
- Curator ædibus sacris dedicandis quis magistratus. 749. A.
- ædibus reficiendis quis. *ibid.* B.
- Curatores pecuniæ publicæ. 409. B.
- pecuniæ sacræ. *ibid.*
- tribuum. 404. F.
- Curia ad portam Capenam. 1115. B.
- Calabra. 1059. B. 1114. C.
- Cornelia. *ibid.* D.
- Julia in locum Hostiliæ successit. 1115. C.
- Octavia in locum Pompejæ successit. *ibid.* D.
- Curie vox unde dicta ac varæ ejus significationes. 33. E. 34. B. C. 39. C. 43. F. 92. F. 275. 588. C. D. 931. 1011. A.
- Curie Hostiliæ situs & origo. 114. D.
- Pompejæ situs & origo. 115. B.
- Curie cuique ex agro sua pars assignata. 39. C.
- Curie a quo institutæ. 92. F.
- an ex Sabinarum nominibus appellatæ. 38. A. B. 92. F. 93. A. 275. C. 588. E.
- denæ ex singulis tribubus factæ, & in decurias tributæ. 588. B. 1010. A.
- denæ cujusque ordinis civium videntur fuisse & quare. 603. E.
- multiplicatæ non sunt pro numero tribuum de in aucto. 588. B.
- novæ quatuor. 93. B.
- novæ aliæ tres. 93. C.
- omnes in Palatio. 93. B.
- omnes in Junonis mensalis templum ad sacra conveniebant. 39. C.
- partes tribuum. 92. F.
- partes incolarum urbis erant sacris distinctæ, quibus præerant curiones. 380. D.
- plures quod statuisent in comitiis cur. id iussum populi dicebatur. 277. A.
- potremis temporibus nihil ad tribus pertinebant. 93. F.
- pro parte civium unde dictæ, & singulæ quot peditibus equitibusque constarent. 33. D. 34. A.
- pro locis, ubi singulæ curiæ cum suis sacerdotibus epulabantur. 34. B.
- pro templis & facellis ad rem divinam faciendam in Palatio. 39. C.
- pro locis in quibus senatus de publicis rebus consilium capiebat. 34. B. 44. A.
- quid qualisque essent. 799. A.
- quo ordine & quo modo suffragium dicerent in comitiis. 277. B. 603. C.
- singulæ habuerunt suum sacellum & ipsa sacella curiæ appellatæ. 1010. A.
- singulæ partem agri, quæ privatis sub Romulo obtigerat, sortitæ sunt divisam in triginta partes pro curiarum numero. 269. D.
- triginta 588. B. 1010. A.
- triginta ex novis tribubus iterum a Romulo constitutæ. 39. B.
- triginta a principio, postea neque plures neque pauciores. 43. F. 93. D.
- veteres quatuor semper in Palatio. 276. A. & novæ. *ibidem*. B.
- unde nomina traxerint. 38. A. 92. F. 93. A. 275. D. 588. E.
- Curiales cum suis curionibus sacra faciebant in suis curiis. 93. E.
- Curiarum significatio triplex. 931. B. vide supra in Curie vox unde dicta, &c.
- aliquot nomina. 93. C.
- duces Curiones. 34. A.
- post centurias constitutas nulla habita ratio. 43. F.
- sacra quo instituta. 93. E.
- in* Curias omnes qui civitate donati in urbem migrabant, dividebantur. 276. F.
- Romanæ non erant distributi cives Ro. qui in coloniis & municipiis erant. 277. A.
- in* Curias triginta an quatuor urbanas & quindecim rusticas tribus a se institutas etiam Servius rex divisit. 43. D. &c.
- Curii singulis sua loca in quibus cum suis sacerdotibus epularentur & in quibus immolarent, attributa. 34. A. B. C. 44. A.
- loca ubi spectarent in circo maximo assignavit Priscus. 40. A.
- quomodo fuerint comprehensi etiam ii, qui

INDEX

- agrum Romanum habitabant. 931. B.
- non comprehensi cives in municipiis, coloniis & praefecturis augeſcente jam civitate, ſed in tribubus & claſſibus. *ibid.* C.
- Curiata comitia* an in poteſtate tenuiſſimorum hominum. 931. F.
- adumbrata per xxx. liſtores non habuerunt liberam ſuffragandi aut reprehendendi, ut ante, poteſtatem. 932. B.
 - a Servio debilitata. 34. A.
 - ad ſpeciem veritatis tantum retenta. 34. A. 43. F.
 - an annexa centuriatis & tributis comitiis quæ magiſtratuum creandorum cauſa habebantur, ut populus de iis bis judicare poſſet. 792. C. 819. B. C. 841. C. D. &c.
 - an etiam adumbrata quæ Ciceronis ætate adoptione & ſacerdotum cauſa haberentur. 807. C.
 - adumbrata tabellis non habebant opus. 813. B.
 - auſpicato habebantur & non niſi patribus auctoribus, intra pomerium atque in foro. 277. B. 809. B.
 - de adoptione trinundino promulgabantur. 810. D. & deſiderabant pontificum præſentiam & quare. *ibid.*
 - & centuriata quibus in rebus adhiberentur. 156. C. D.
 - de adoptione a quibus habita. 809. A.
 - habita poſterioribus temporibus tantum legum & ſacerdotum creandorum cauſa. 277. F. 801. F. 806. A.
 - initio fuerunt juſta de magiſtratuum imperio, & ratio. 806. F. poſtea tantum adumbrata per xxx. liſtores. 807. B.
 - legis de imperio magiſtratuum an trinundino opus habuerint. 501.
 - omnia uſque ad Servium bis peracta. 277. C. 603. C.
 - primis temporibus tantum habita & uſurpata. 156. F.
 - principio omnibus minoribus magiſtratibus creandis adhibita. 806. D.
 - poſtea cum minores magiſtratus tributim crearentur, nihilominus adhibita & qua de cauſa. *ibid.* E.
 - quando minus frequentari cepta. 156. D. 277. E. 278. C. 603. E. 801. F. 806. D.
 - quibus de cauſis habita a Rom. uſque ad Servium. 801. A. B.
 - quibus de cauſis habita a Servio uſque ad judicium Coriolani & inſtituta comitia tributa. *ibid.* C.
 - quid eſſent. 799. C.
 - quo in loco haberentur. 814. A.
 - quo tempore. 814. D.
 - quando haberentur adoptionis aut ſacerdotum creandorum cauſa, non xxx. liſtores, ſed populus curiatim convocabatur. 279. B.
 - quatenus rem militarem continuerint & latius paſuerint quam centuriata. 932. D. E.
 - ſacerdotum quomodo habita. 812. A.
 - unde dicta. 277. A.
 - ut xxx. liſtoribus committerentur, qui factum. 813. C.
 - ut diſſerant a centuriatis & tributis. 277. D.
- ad Curiata comitia* an pertineret etiam lex tabellaria. 813. A.
- Curiatis comitiis* excluderentur municipes & quare. 450. D.
- in Curiatis comitiis* arrogationes fiebant. 127. D.
- interceſſioni locus erat. 280. B.
 - pauperum multitudo prævaluit. 156. A.
 - pro xxx. curiis tandem xxx. liſtores adhibiti. 278. E.
 - prærogativa curia boni ominis eſſe debebat. 810. A.
 - qui juſ ſuffragii habuerint. 806. D.
- quid populi juſſum haberetur. 277. A. 602. C.
 - quid juberetur. 156. D.
 - quo modo quoque ordine populus per curias diſtributus ſuffragia diceret. 812. D. E. 277. A. 602. C.
 - quomodo legitimus ſuffragiorum numerus conſideretur. *ibid.*
 - quomodo ex generibus omnium civium ſuffragia ferri dicantur. *ibid.*
- Curiata lex* de imperio an utilis tantum, an vero neceſſaria. 827. C. 904. A. 904. D. E. 906. B. 907. D.
- an neceſſaria omnibus magiſtratibus in provinciis proſecturis. 826. E. 828. D.
 - an neceſſaria etiam privatis ad bellum inque provincias tendentibus. 851. A. 858. A. 827. C. 830. F.
 - an neceſſaria etiam conſularibus & prætoribus qui non continuo ex magiſtrato, ſed poſt magiſtratum geſtum provincias obtinuerunt. 850. E.
 - an duplex, an vero una tantum. 852. D. F. 966. D.
 - adhibita minoribus magiſtratibus creandis. 919. D.
 - an etiam Ciceronis ætate ut de magiſtratuum imperio, ſic de adoptionibus & ſacerdotibus per xxx. tantum liſtores lata. 807. C.
 - an alia ab ordinaria lege curiata, quæ ſingulorum annorum magiſtratibus ferebatur. 836. C.
 - an pertinuerit ad ipſius magiſtratus totum juſ ſoleni auſpiciorum religione confirmandum potius quam ad juſ extra magiſtratum obtinendum. 924. B. an contra. *ibid.* C.
 - an a xxx. liſtoribus antiquari aut juberi poterit. 958. F.
 - cum lata eſſet magiſtratibus provincialibus jam deſignatis, tum ſortitio provinciarum fiebat. 804. D.
 - cur adhibita etiam minoribus magiſtratibus, cum hi tributim & non amplius curiatim crearentur. 806. F.
 - communis omnium magiſtratuum quæ lata erat priuſquam magiſtratum in urbe inirent, proconſulibus proprætoribus cum imperio provincias mittendis non ſufficiebat, ſed ferenda erat alia ad continuandum iis in prov. imperium. 804. C. 902. F.
 - dictatori nominatim ferebatur, ut ei equum aſcendere liceret. 803. D.
 - etiam ad quaſtores provinciales pertinuit. 804. D. 921. C.
 - ornamentum dabat magiſtrato, non magiſtratum magiſtrato. 843. D.
 - principio juſtis comitiis curiatis ferebatur & quare. 807. A. poſtea tantum adumbratis per xxx. liſtores. *ibid.*
 - quæ ferebatur magiſtratibus in provincias ituris potius ad tranſmittendum quam ad obtinendum imperium faciebat. 836. C. 902. F.
 - quibus neceſſaria magiſtratibus, quibus non. 928. A.
 - ſtipendia de publico provinciarum rectoribus dabat. 1043. E.
- Curiata lege* an ornatu triumviri. 923. B.
- an extra ordinem ſuos decemviroſ ornaverit Rul. 934. A.
 - an ornatu non ii tantum, quibus imperium militare erat, ſed etiam omnes alii, qui quidem populi ac non plebiſtantum magiſtratus eſſent. 832. C. 802. C. 803. B. 827. E.
 - cur privati imperium accipere non potuerint. 827. E.
 - niſi lata an unquam magiſtratus imperium habere poterint. 826. E. 849. D.
 - opus an omnibus magiſtratibus eſſet. 802. C. &c.
 - opus minime erat plebeiis magiſtratibus. *ibid.*
 - opus erat ita cæteris magiſtratibus, ſi ante centuriatis aut tributis comitiis creati eſſent. 803. B.
- opus

R E R U M E T V E R B O R U M .

— opus erat dictatori , etſi nullis comitiis designaretur . 803. C.
 — opus erat etiam extraordinariis magiſtratribus , ut decemviris . *ibid.* D.
 — opus cur fuerit etiam conſulibus , tamenſi auſpicatiſſimis comitiis creati eſſent . 941. F.
 — ornare decemvros an ſit magiſtratu afficere , an vero aliquot iis ornamenta adjungere . 935. D.
Curiatam legem qui non habebat , etiam ſenatus conſulto eo non fuit ornatus , quo ſumptus de publico ſuppeditabatur . 827. B.
præter Curiatam l. opus erat magiſtratribus provincialibus ſenatus conſulto quo provinciæ ornarentur . 804. D. 905. B.
Curiatæ legis cauſa communis & cur eam decemviris ſuis adhiberi neceſſarium duxerit Rullus . 299. A. 956. D.
Curiatæ leges fuerunt omnes leges ante Servium . 801. A.
 — Brutus . *ibid.* B.
 — poſt Coriolani iudicium & inſtituta comitia tributa variæ adhuc in uſu , ut prima illa de imperio militari magiſtratribus dando . 277. F. 802. A. ſecunda qua revocatus Camillus ab exilio . 278. B. 805. B. tertia qua adoptiones fiebant . 278. B. 805. C. quarta quæ de teſtamentiſ confirmandiſ ferebatur . *ibid.* quinta qua ſacrorum deſecrationes fiebant . 378. B. 805. E.
Curiatia tribus unde . 39. E.
Curio maximus quis . 288. B.
 — creabatur comitiis curiatis . *ibid.* & 806. D.
Curiones curiarum duces . 34. A.
 — xxx. qui . 288. B.
 — immolabant hoſtias publicas in curiis . *ibid.*
 — ſuffragio curiarum creati . 806. B.
Curionis maximi comitia an a pontificibus , an vero ab aliquo magiſtratu haberentur . 808. F. 809. A.
Curri ſolus Metellus in curiam vehebatur . 1098. F.
Curruſ quo ſenatores in ſenatum veſti , & ſella in eo . *ibid.*
Curules magiſtratus qui . *ibid.*
Curulis ſella eburnea inter inſignia regum Romanorum uſurpata a Tarq. Priſco eſt accepta ab Etruriſ . 39. F.
Cuſtodes in comitiis qui . 396. E. 425. A. 664. C.
 — in comitiis tribuitis . 785. B.
Cuſtodum in comitiis numerus . 717. B.
Cuſtos prærogativæ centuriæ alius datus , alii centuriis iure vocatiſ . *ibid.* C.
Cutilia Aboriginum ſedes . 6. E.
Cybele , mater idææ , mater magna , dea Peſſinuntia , 331. A.
 — ſacer lapis erat Peſſinunte . *ibid.*
 — ſacerdotes habuit omnes caſtratos & quare . 331. A. B.
 — etiam dea Berecynthia dicta . 331. D.
 — ſero a Romanis culta ,
Cybeles ſacra Orgia dicta & ſacerdotes Galli . 331. A.
 — orgia ubi celebrata . 332. A.
 — in honorem ludi Megaleſia dicti . 331. B.
 — in honorem feſta Hilaria appellata quibus ſolemnibus & ceremoniis celebrata . 331. C.
 — ſimulacrum celitus delapſum ex qua materia fuerit & a quo artifice fabricatum , ignoratur . 332. A.
Cyprus quando in provinciæ formam redacta . 499. C.
Cyrene antea libera cum Creta provincia ab Auguſto eſt conjuncta . 505. D.
Cyrenica quando provincia facta . 497. B.

D

Dacia Tranſdanubiana provincia facta . 521. E.
 — occupata ab Scythiſ ſub Gallieno dein recuperari non poſuit . 557. B.
 — prima & ſecunda ab Aureliano factæ quæ . *ibid.* B.
Dalmatia quando provincia facta . 492. F.

Damatris ſacerdos bonæ deæ & Damium huius ſacrificium . 330. D.
Damia nomen bonæ deæ & ratio nominis . *ibid.*
Damnati iudicio infami , & ſenatu & honoribus cunctis excluderantur . 1024. C.
 — ſenatores ob quæ crimina ſenatu moverentur . 1025. C.
 — a populo non poterant in ſenatu eſſe . 1101. F.
Damnatos de vi privata quæ pœna ſequeretur . 173. B.
Debitorum conditio . 109. D.
 — corpora ſecari poterant . 110. A.
Decemviri legibus ſcribendiſ conſulari poteſtate . 400. C.
 — ſtitiſ iudicandiſ . 407. F.
 — non erant magiſtratus . 742. B.
 — ex centumviriſ forte , non ſuffragiis populi legabantur . *ibid.*
 — quomodo ſenatum vocarent . 1030. D.
 — quibus iudiciis præſent . 1091. B.
 — eorum munus quæſtores ante obibant . *ibid.*
Decima frumenti . 154. A.
Decimatio quæ . 148. E.
Decretum pro ſenatuſconſulto . 1047. A.
 — ſenatus quid . 1046. F.
 — ſenatus quomodo fieret . 1047. D.
 — & a ſenatu & ab alio ordine fit . *ibid.* E.
 — imperatoris , principis , iudicis apud lictos . *ibid.* F.
Decumæ quæ . 154. A. 179. F.
Decumani qui . 180. A.
Decurie iudicium . 210. A.
 — decem e ſinguliſ curiis a Romulo inſtitutæ .
Decuriones decuriarum duces . 34. A.
 — in coloniis idem ac ſenatores Romæ & ex eorum ordine lecti duumviri . 48. C.
 — qui . 1050. A.
Deditus hoſtibus an remaneat civis . 103. E.
Denarii dimidium , quinarium . 836. F.
Denarius nummus qua nota percuſſus & quo valore fuerit . 536. E.
 — an idem valeat quod drachma Attica . 538. D.
 — cur bigatus & quadrigatus appellatus . 536. F.
 — quomodo æſtimatus . 146. C.
Deorum colendorum ratio . 118. A.
Designatores in funeribus qui . 343. B.
Deſecrationes ſacrorum quæ ſint . 805. E.
Dictator non creabatur comitiis centuriatis , ſed dicebatur ab interrege aut a conſule ordine . 163. A. 642. C. 1042. D.
 — cur creatus & quando . 162. E.
 — an lege curiata de imperio opus haberet . 503. C. 881. D.
 — ſenatus legendi cauſa dictus . 1085. D.
 — primus Q. Opimius . 1041. E.
 — ſummum & liberum imperium habuit . 1042. D.
Dictatores ſenatum vocabant . 1107. E.
Dictatori nominatim lege curiata ferebatur , uti equum ei aſcendere liceret & quare . 503. D.
Dictatorum , conſulum & prætorum in magiſtratu an ſit iure magiſtratus inſita poteſtas adminiſtrandæ rei militariſ . 875. D. & c.
Diebus atris & religioſis an poſſet haberi ſenatus . 1117. D.
 — feſtiſ ſenatus raro habebatur . *ibid.*
Diebus comitialibus tantum comitia poterant haberi . 730. B. 733. A.
 — ſenatus haberi non poterat . 732. C. 1116. niſi ſenatuſconſulto permetteretur . 732. F.
Dies comitiales , feſti , profeſti , faſti , neſaſti , comperendini , ſtati , præliares , qui , & eorum inter ſe diſcrimen . 594. D. 730. B. & c. 1026. F. & c.
 — dicti non quibus comitia haberi poſſent , ſed quibus haberentur . 1116. B.
 — non ita multi erant toto anno . 731. C.
 — in faſtiſ erant deſcripti . *ibid.*
Dies ſenatorii in omnibus menſibus qui fuerint . 1027. B. 1028. D.

INDEX

- Dies* nonnulli promiscui, partim fasti, partim nefasti. 1063. F.
- Diffarreatio*. 124. A.
- Dii* iidem culti Romæ atque in Græcia. 117. E.
- non nisi alicui senatusconsulto Romæ colebantur. 1138. E.
- Romanorum vernaculi qui. 117. E.
- Diribitores* qui in comitiis. 392. C. 420. A. 664. C.
- an iidem atque divifores. 680. C.
- tabellas dabant, cum populus veniebat ad pontes. 714. E.
- tabellas junctas dabant, ex quibus dein suffragatores scindebant eam quam volebant in cistam conjicere. 717. D.
- a quo & quales eligerentur. 717. E.
- in comitiis tributis. 785. B.
- Diribitorum* numerus. 717. C.
- Difcedere* in aliorum sententiam in senatu quid fit & a quibus fieret. 1019. A.
- in alia omnia. 1035. E. 1060. C.
- Difcessio* in senatusconsulto faciendo quid. 1030. C.
- in omnibus senatusconsultis necessaria. 1125. D.
- cur introducta. *ibid.*
- Difcordiæ* civiles quando exortæ, qua de causa excitatæ & a Scipione Nafica prædictæ. 1042. A. B.
- Divalia* dies festus. 1066. C.
- Divide* dicebant fenatores, qui de fingulis rebus ut referretur, postulabant. 1034. B.
- Dividere* sententiam quid. *ibid.*
- Divifio* sententiæ in fenatu qualis & quomodo fieret. 1051. D.
- Divifores* in comitiis. 679. B.
- non iidem atque diribitores. *ibid.* D.
- Divortii* formula. 125. D.
- Divortium* primum. *ibid.* E.
- quid differat a repudio. *ibid.* D.
- Divos* inter qui Imperatores & Auguftæ relatæ fuerint ordine recententur. 300. E. F. 301. A.
- Do, dico, addico* verba prætoris. 1060. F.
- Domicilii* largitio civitatis fundamentum. 79. B.
- Domicilium* legitimum Romanorum proprium & in sex rebus positum. 129. F. & c.
- Drachma Attica* an idem valeat quod denarius Ro. 538. D.
- Drachmarum* majores summæ cum pecunia Veneta & Ro. collatæ quid valeant. 538. F.
- Duumviri* ædis locandæ, faciundæ, dedicandæ. 334. B.
- Duumviri* ex decurionibus lecti colonias regebant. 48. C.
- Duumviri* navales. 401. E. 405. E. 748. C.
- non fuit ordinarius magistratus. 748. C.
- creati tributis comitiis. *ibid.* F.
- Duumviri* Sybillini. 158. C.
- E
- Edicta* quæ. 98. B.
- Edictorum* duo genera. 160. C.
- Edictum* Augufti contra fenatores. 1095. C.
- Edictum* convocandi fenatus qua formula fcriptum. 1110. B.
- Educebantur* e curia a magistratibus qui non habebant jus veniendi in fenatum. 1106. C.
- Emancipatio* quomodo fieret. 127. A.
- Emeritis* fipendiis qui dicantur. 142. A.
- homines ad arma revocati. *ibid.*
- Emptio* pro quocumque dominii acquirendi modo. 129. B.
- fub corona quæ. 131. E.
- Endotercifi* dies. 1063. E.
- Ephemerides*, annales, ac hiftoria ut diff. & quoftyli genere debeant fcribi. 20. A.
- Epulandi* publice jus fenatorum. 1090. E.
- Epulones*. 158. C.
- fuffragiis populi poft legem Domitiam creati. 765. A. F.
- Eques* Ro. fenator factus an amittat equeftris ordinis infignia. 35. D. F. 37. B.
- Eques, equeftris ordinis & equeftri loco natus* ut diff. 36. F.
- Eques & equeftris ordinis* qui. 166. C.
- non *Eques*, fed de plebe civis, fenator factus an utatur infignibus fenatorii ordinis & equeftris fimul. 35. D.
- Equefter ordo* a fenatu alienatus per publicanos. 182. B.
- ex patriciis & plebeiis. 1016. C.
- medius. 166. C. 1072. A.
- feminarium erat fenatus. 1079. E.
- unde ortus. 271. A.
- ex Equeftri ordine* non omnes fenatores lecti, fed alii ex equeftri ordine, alii de plebe. 36. A.
- fenatores facti inter fenatores non tantum cenfebantur, fed etiam inter equites, & quare. 36. B.
- non tamen fua manu ut ceteri equites equum per forum traduxerunt. *ibid.* C.
- qui in fenatum jure magistratus aditum habebant, non inter fenatores, fed inter equites cenfi, debebantque equum fua manu ante cenfores transducere. *ibid.*
- Equeftris ordinis* cenfus. 35. E. 36. F. 175. E. 1021. D.
- non dat ut eques aliquis fit, fed ut effe poffit. 36. E.
- infignia. 35. D. F. 36. B.
- Equites* ab acculatore, dum transvehantur, de equo detrahi poterant. 67. C.
- a plebe difcreti in fpectaculis. 178. E.
- a quo inftituti. 173. D.
- a cenforibus legebantur ex cenfu. 175. C. 176. A.
- a cenforibus ignominia notati equum publicum, anulum aureum, imo & arma amittebant. 61. D. 67. A.
- capto magistratu non erant equites, fed equum tamen retinebant. 176. A. C.
- erant ufque ad certam ætatem fenatorum filii. 177. C.
- iidem atque celeres, flexumines, troffuli. 143. B.
- non omnes qui equo mererent. *ibid.* F.
- omnes in prima claffe & quare. 386. F.
- pedarii. 1018. F.
- publicani. 178. F. non tamen omnes publicani. 181. E.
- publico equo militantes. 174. A.
- quando judicant. 210. D.
- quot fub Romulo cum in univerfum, tum in fingulis tribubus & curiis. 34. B. F. 41. B.
- quo numero dein a Romulo & fequentibus regibus aucti. 41. B. 508. A.
- quot in fingulis legionibus. 508. C.
- quot in fingulis cohortibus. 510. B.
- quot legioni fub Romulo additi. 508. A.
- fimul omnes cenfebantur & quare. 66. C.
- trabeati equum manu fua ante cenfores per forum transducebant. 65. C.
- trecenti cuftodes corporis lecti a Romulo. 270. E.
- unde celeres dicti. *ibid.*
- Equiti* quando ftipendium dari cæptum. 143. E.
- Equitibus* dena millia æris ad equos emendos data ex publico. 386. E.
- attributæ præterea viduæ quæ bina millia æris in annos fingulos penderent ad equos alendos. *ibid.*
- in cenfu fecundus locus datus. 66. B.
- qui equo publico militabant, folis anuli aurei jus, folis cenfus equeftris neceffarius, non quibufvis aliis fuo equo militantibus, qui quocumque cenfu effe poterant. 37. E.
- negotiari licuit non fenatoribus. 1053. B.
- Equiti* diurnum ftipendium quantum. 146. C.
- Equitum* ala quæ. 508. A.

RERUM ET VERBORUM.

—census. 35. C. F. 175. E. 1021. D.
—census scortum a plebejorum censu fiebat & quo modo. 66. C.
—centuriæ quot a Servio factæ. 386. E.
—centuriæ cum primæ classis LXXX. centuriis perditum conjunctæ. *ibid.*
—duo genera. 37. E. 173. A. B.
—insignia. 25. D. F. 36. B. 177.
—mentio quam antiqua. 173. E.
—notæ censoriæ. 207. D.
—turmæ & centuriæ. 140. C. 508. A.
Equi possessio & usus non addit ornamentum fenatori, ut quidem anuli aurei insigne. 35. E.
Equo publico & anulo aureo una cum tunica purpurea an utatur is qui ex plebe fenator factus est. 35. E.
—suo & equo publico militare ut diff. 35. E.
Equum publicum quinam sua manu ante censores traducerent, qui vero non. 36. B.
—censores quoque habere poterant. 35. F. 65. E.
—amittebant notati a censoribus equites. 66. F.
—& anulum an amittat qui ex equite fenator factus est. 35. D.
—adimere quid. 207. E.
Equus publicus a censore assignatus. 175. A.
—anulus aureus equitis Romani insignia. 35. D.
—idem ac militaris. 174. E.
—mille aslarum. 175. C.
Esquilina tribus urbana unde dicta. 42. B.
Esquilinam inter urbanas quartam numerat Dionysius, secundam Varro. 57. E.
in Esquilinam unam forte conjecti a Graccho censore libertini antea in quatuor urbanas descripti. 51. B.
Esquilino in monte Servii Tullii domicilium. 42. C.
Esquilinus cur Urbi additus per Servium dicatur a Dionysio, a Livio vero auctus. 40. A. C.
—a Servio mœnibus comprehensus. 80. A.
ex Etrusca, Romana, & Sabina gente unum corpus equitum pedumque factum. 41. C.
Etruscorum regnum insignia Romani reges sibi vindicarent. 39. F.
Etrusci a Tarquinio Prisco superati. *ibid.*
Evocati qui. 142. B.
Evocatio genus militiæ. 144. B.
Eximere diem dicendo quid. 1034. B.

F.

Fabia tribus. 42. D.
Fabii in patricios relati. 113. C.
Fabius humiles in quatuor urbanas tribus conjecit. 92. D.
Faces quinque in nuptiis. 122. C.
Fæstio forensis quæ. 46. C.
Falerina tribus. 43. D.
—dicta ab agro Falerno. 55. A.
—cum Ostentina eodem anno tribus facta. *ibid.*
Falernus ager. 89. C.
Falisci in quatuor Etruriæ tribubus. 55. B.
—post bellum Etruscum civitate donati. *ibid.*
Falsi judicium turpe. 1077. E.
Familia quid a gente differat. 112. E.
Familiarum duo genera, aliæ patriciæ, aliæ plebejæ. 34. C.
Familie multæ eadem patriciæ, & plebejæ. 116. C.
—plebejæ in patricios relatæ. 113. B.
—quæ ex Albanis patriciæ factæ. 39. D.
Familie emptor quis. 135. C.
—heredi tanquam legatario hereditatem emptam restituebat. *ibid.*
Far in nuptiis. 123. F.
Farracia. *ibid.*
Fasces & *securus* quis primus regum Romanorum habuerit. 39. F.

—non ambo consules habebant & quare. 398. A.
Fasces XII. securibus alligatas alter consulum habebat, alter virgarum fasces tantum cum lictoribus, idque alternis mensibus. *ibid.* B.
—XII. habebant consulares qui in provincias extremis libertatis temporibus ibant, & VI. tantum prætorii. *ibid.* C.
Fasti dies. Vide in *Dies*.
Fauna, *Fatua*, nomina bonæ deæ. 330. D.
Fax spinea in nuptiis. 322. B.
—rapiebatur in nuptiis. *ibid.*
Februario frequens senatus dabatur postulatibus provinciarum & legationibus audiendis. 1028. E.
Februarius mensis pauciores dies comitiales habuit quam menses reliqui. 1028. E.
Feciale jus ab *Æquicolis* mutuatum. 321. E.
Feciales. 80. F. 158. C.
—a quibus creati & quomodo. 764. E. F. 322. D.
—a Numaquando instituti & ad quem finem. 321. E.
—antequam solennia juris fecialis peregrisse se nuntiassent, neque senatus neque populum decernere poterat. 322. C.
—non erant fenatores. 1090. D.
—qui fuerint, ex quibus lecti, & unde ita appellati, quodque eorum munus. 321. B. C.
Fecialium etiam collegium fuit. 323. B.
—munera præcipua recensita. 321. F.
—unus antequam bellum decerneretur, quomodo ad eorum urbem qui læserant, ad repetendas pœnas pro urbe Ro. proficisceretur, quæque solennia ibi perageret. 322. A.
—unus dictus pater patratus & ejus munus. 322. D.
Feralia cujus generis dies fuerit. 1061. B. 1064. D.
Ferie aut conceptivæ aut imperativæ. 598. C.
Festi dies. vide in *Dies*.
Festi, loci nomen in fine agri Romani. 81. B.
Ficana via Ostiensis ad XII. ab Urbe lapidem delata ab Anco. 80. F.
Fidenæ. 81. F. 82. A.
Fidenas ager. 81. B.
Fidenates quando domiti. 39. E. 441. D.
Fiducie judicium summæ existimationis. 1077. F.
Fiduciarus pater. 127. B.
Filii senatorum ad legitimos usque annos equites erant. 1079. D. 177. C.
—senatorum cum patribus veniebant in senatum. 1106. E.
—quomodo ter vendantur a patribus. 126. F.
Filiorum emancipatio quo modo fiat. 127. A. B.
Flamæ dicebantur insulæ quas in capite flamines gestabant. 280. D.
Flameum tegmen capitis mulierum potius quam virorum. *ibid.*
Flamen Carmentalis. 293. F.
—Dialis maximæ dignationis inter omnes. 291. C.
—Dialis a quo institutus. *ibid.*
—Dialis multas observabat ceremonias, eæque ordine recensitæ. 291. F. 292. A.
—Dialis pileo seu apice utebatur, *Allogalero* appellato. 289. E. 292. D.
—Dialis unde dictus. 291. F.
—Divi Augusti. 297. B.
—Divi Claudii. 298. A.
—Divi Julii Cæsaris. 296. D.
—Divi Vespasiani. 298. B.
—Falacer. 294. C.
—Floralis. 294. C.
—Furinalis. *ibid.* D.
—Hadrianalis. 299. F. 300. A.
—Laurentinalis. 295. D.
—Martialis a quo institutus. 293. B.
—Martialis patricius & major flamen erat. *ibid.* C.
—Platualis sive Palatilis. 294. C.
—Pomonalis. 295. D.
—Quirinalis. 293. E.

I N D E X

- Trajanalis. 299. A.
- Virbialis. 294. F.
- Volcanalis. 293. F.
- Volturalis. 294. E.
- Flamines*. 158. C. & nominis ratio. 289. C.
- a gestatione pileorum & infularum vocati. 289. A.
- attributi collegio pontificum. 645. B.
- distincti quando in majores & minores seu in patricios & plebejos. 290. A.
- dicebantur proprie *flaminio abire*. 291. A. & *capi*, *ibid.* C.
- Diales perpetua serie fuerunt a Numa usque ad Corn. Merulam. 293. A.
- Diales post Merulam per centum annos nulli creati usque ad Augusti finem. *ibid.*
- Diales quando sublari & aboliti. *ibid.* B.
- etsi pontifices non erant, tamen una cum pontificibus sedebant ut iudices. 290. C. 645. B.
- erant perpetui, ita ut tamen ob certas causas sacerdotio privari possent. 291. A.
- imperatorum inter divos relatorum. 296. D.
- municipales in inscriptionibus. 295. E. &c.
- pontificis maximi dicto suberant. 290. D. 646. B.
- quibus comitiis creati. 645. B. 646. C.
- quinam fuerint. 289. B.
- collegæ non erant neque eorum collegium quoddam dicebatur. 290. B.
- quot numero fuerint. 290. A. B.
- quomodo creati. 290. D.
- quomodo a pontifice maximo inaugurati. 291. C.
- utebantur pileo seu galero qui apex dicebatur, quique describitur. 289. E.
- Flamini* diali in senatum venire licuit. 1020. C.
- Flaminum* institutio. 289. A.
- aliqui cognomina obscura habent. 294. D.
- uxores vocabantur *flaminicæ*, nec iis divortium facere permittum. 291. C.
- ministri, & ministræ *flaminicæ*. 291. C. 337. F. 338. A.
- Flaminii* & *flaminicæ*. 291. C. 337. F.
- Flaminicæ*, flaminum uxores. 291. C.
- quas ceremonias observarent. 292. E.
- Flexumines* qui. 173. B.
- Flora* meretrix. 294. A.
- dein dea habita. *ibid.* B.
- Floralia* seu florales ludi. 294. B.
- quomodo celebrarentur. *ibid.*
- Fluentini* populi. 88. E.
- Fœnæbres* leges. 192. E.
- Fœnerari* pravum. 195. A. 192. B.
- Fœneratorum* pœna quadrupli. 193. C.
- libido. 193. B.
- Fœnus* grave.
- unciarum quod. 192. E.
- Fordicidia* dies. 1065. B.
- Forensis* factio. 198. E. 46. C.
- turba. *ibid.*
- Formicæ* præfectura. 53. C.
- Formiani* in Æmilia censcebantur. 58. C.
- Formianis* quando civitas data. 53. D.
- Forma* relationis ad senatum. 1119. C.
- Forma* dicendæ sententiæ. 1123. C.
- Formula* edicti quo senatus vocabatur. 1110. B.
- permittendæ discessionis. 1125. E.
- dimittendi senatus. 1127. B.
- senatus consulti. 1128. D. E. &c.
- Fossæ Clæliæ*, finis agri Albani, principium agri Romanum. 81. F.
- Franci* & eorum sedes. 558. F.
- & Burgundiones Gallias quæ versus Rhenum invadunt. 562. F.
- Gothos ex Gallia exigunt. *ibid.*
- Galliam interiorem, Burgundiones vero Rheno proximam facta divisione tenent, & easdem adhuc possident. 563. A.
- Italiam adversus Longobardos implorati, sub Carolo Magno rege ingressi, deleti Longobardorum regno, suæ ditionis faciunt. 565. C.
- Francorum* & Visigothorum auxilio Actius Hunnos sub Attila in campis Catalaunicis vincit & ex Gallia expulit. 562. E.
- Fratres* arvalis. 158. C.
- erant numero duodecim, 284. A.
- quando instituti & a quo. *ibid.*
- Fratrum* arvalium insigne. *ibid.*
- Frumenti* decumæ. 154. A.
- Frusino* præfectura. 53. C.
- Fundani* in Æmilia censcebantur. 58. C.
- Fundanis* quando civitas data. 53. D.
- Fundi* populi qui. 455. D.
- Fustibus* quomodo milites cæderentur. 148. E.
- G.
- Gabii*. 81. C.
- Gabinus* ager. 56. C. 81. C.
- Galatia* quando & quomodo provincia facta. 491. C. & sub Augusto. 505. C.
- Galtria* tribus rustica. 42. F.
- Galli* a Cæsare in curiam & senatum induci
- qua regiminis forma suas respublicas, antequam a Cæsare subigerentur, domi militiæque gubernaverint. 25.
- qui per Alpes transierint. 444. A.
- Senones ubi sedem habuerint. 444. B.
- Senones Roman captam incenderunt. *ibid.*
- Senones quando devicti a Romanis. *ibid.*
- Galli* sacerdotes Cybeles castrati & quare. 331. B. C.
- unde ita dicti. *ibid.* & 332. B.
- Gallia* Narbone quando & quibus bellis provincia facta. 495. B.
- Transalpina quando provincia facta. 499. F.
- Cisalpina quibus devicta & quo tempore in provinciam formulam redacta. 445. F. &c.
- in Gallia* an unquam regnaverit Lugdus. 22. A.
- Lugdunum quando & a quo condita. 22. C.
- in Gallia* cisalpina rusticæ plebis pars. 486.
- in Gallico* bello vocationes non valebant. 144. F.
- Galliæ* duplex divisio apud antiquos. 23. A.
- Galliæ* Julio Cæsari contra legem Semproniam bis in quinquennium mandata. 1044. C.
- quando & quomodo amissæ. 562. A.
- Gallorum* sacerdotum munus Hilaribus festis. 331. C.
- Gallus* fluvius & vis mira aquarum ejus, si gustata essent. *ibid.* B.
- a Gallo* fl. nominati Galli sacerdotes Cybeles. *ibid.* 331. B. 332. B.
- ad Gallum* fl. orgia seu sacra Cybeles colebant Phryges. *ibid.*
- Gegania* tribus unde. 39. E.
- Geganii* patricii facti. 113. C.
- Genialis* lectus. 122. F.
- Gentem* primum patricii habuerunt, dein etiam plebei. 112. E.
- Gentiles* qui. *ibid.*
- Gentilitatis* jus. 112. B.
- Gentilitatum* jura alia atque agnationum. 112. F.
- Gentium* patriciarum jura alia atque plebejarum. *ibid.*
- Genus* spectatum in senatore legendo. 1078. A.
- Getæ* & Scythæ qui antiquis temporibus appellabantur, recentiori nomine sunt Gothi. 559. D.
- Gothi* erant qui olim Scythæ & Getæ. *ibid.*
- primi omnium barbarorum flumina quibus includebantur, transire ausi, multis cladibus afficiuntur a Constantino, Juliano, Valentiniano. *ibid.* E.
- in partes divisi duas sub Fritigerno & Atharico duobus bello civili constiterunt. *ibid.* E.
- pacem inter se ineunt. 559. E.
- sedes habent trans Istrum. *ibid.*

RERUM ET VERBORUM.

— divisi in Ostrogotos & Visigothos & origo horum nominum. *ibid.* D. E.
 — patiuntur bellum ab Hunnis. 560. A.
Gotthorum pars Visigothi ab Hunnis sedibus pulsi a Valente in Thraciam recepti. *ibid.* vide in *Visigothi*.
Gracchus censor duo constituit de libertinorum suffragiis & quæ illa. 51. F.
Gracchi Ti. & C. quas leges consulto senatu, quas eodem invito tulerint. 1045. A.
Gratus senatorum varii. 1098. A.
Gratus censorii ornamenta. *ibid.* B.
 — consularis ornamenta. *ibid.*
 — prætorii honores. *ibid.*
 — ædiliticii honores. *ibid.*
 — tribunicii honores. 1099. B.
Gratus superior ex senatusconsulto datus quibusdam extra ordinem 1099. D.
 — superior legis de ambitu præmio. *ibid.* C.
 — sanguinis habita ratio in ducenda uxore. 121. E.
Græci in Italiam veniunt Oenotro & Peucetio ducibus. 4. D.
 — Pelagii dicti quando & quare in Italiam navigaverint. 6. D.
 — sub Evandro. 7. C.
 — sub Hercule. *ibid.* F.
a Græcis orti Aborigines. 6. B.
 — an Romani procreati. 8. F.
Græcorum in Italia reges & varia nomina. 5. A. &c.
Grecia quando & quomodo provincia facta. 494. B.

H

Hadrianus imp. novæ formæ in imperio Romano auctor. 540.
 — provincias in plures dioceses atque Augustus fecerat, divisit, & longe alia ratione. 542. D. &c.
Hæmuspices a quo instituti, unde ita appellati, quodque eorum munus. 287. C.
 — non legebantur in senatu. 1085. B.
Hæmuspicum ministri adiutores dicti. 338. C. D.
Hæsta in auctione. 132. A.
Hæstati ex quibus civibus legerentur. 488. C.
 — quot numero in legione. *ibid.*
 — in centurias divisi. *ibid.* D.
Hæstatis primus, secundus, tertius, & hæstati primi, secundi, tertii centurio qui. *ibid.*
Hæstæ puræ dona militaria. 146. E.
Hæculi sacerdotes positæ & pinarii. 283. B.
Hæreditarium jus quod. 129. C.
Hæreditas iusta quæ. *ibid.*
Hærnici quando a Romanis devicti. 443. C.
Hæspæria quare dicta Hispania. 24. F. 25. F.
Hæspærius an frater Itali fuerit. 24. F. 25. C.
ab Hæspæro an Hæspæria dicta Hispania. 25. F.
Hætrusci aliter atque augures partes cæli seu templi dividebant. 690. B.
 — quomodo ab auguribus diff. *ibid.* C.
Hæpponates sinus quis. 3. C.
Hæspani an urbem Romam condiderint. 25. B. 26. C. 27. C.
Hæspania an Hæspæria ab Hæspæro Itali fratre dicta. 24. F. 25. F.
Hæspaniæ duæ citior & ulterior quibus bellis subactæ & provinciæ factæ. 488. C.
 — & Alpes quibus bellis sub Augusto dictatore provinciæ redditæ. 504. F.
Hæstoria, annales, & ephemerides ut differant, ac qua ratione ac styli genere sint conscribenda. 1. F.
Hæstriones non militaverunt. 141. B. præter Atellanos. 198. E.
Hæstrionia probro. 208. C.
Hænesta missio. 144. D.
Hænor divinum bonum. 1013. A.
 — pro magistratu. 1024. E.
Hæonorarium jus. 98. B.

Hænores & magistratus, qui civibus Romanis dabantur, duorum generum vel militares vel urbani. 71. B.
 — furtim adepti lege Papia multabantur. 157. F. 158. A.
 — non nisi civibus patuerunt. *ibid.*
 — qui. 157. E.
Hæonorum iure jus optimum civitatis continetur. 157. A.
 — genera. 158. B. 157. F.
Hæora decima nihil novi referri poterat ad senatum. 1118. C.
 — qua in senatum senatores ingrediebantur & qua inde discedebant. 1028. F.
Hæordeum dabatur ignominia causa militi. 148. C.
Hæofes ex senatusconsulto iudicati ad nullum magistratum provocationem habebant. 1043. A.
Hæofiam immolabat, qui senatum esset habiturus. 1118. E.
Hæunni Visigothos sedibus suis pellunt & Transdanubianas regiones sibi vindicant. 560. A.
 — & Ostrogothi & Alani trajecto Istro Romanas provincias vastant. 560. C.
 — a Theodosio trans Istrum fugantur. *ibid.*
 — iterum trajiciunt Istrum & finitimas regiones occupant. *ibid.* D.
 — post Theodosii mortem pelluntur a Gothis Alarico duce intra fines Pannoniæ sub Imperatore Honorio. *ibid.* E.
 — sub rege Attila quas calamitates imperio Romano intulerint. 561. C.
 — Pannonia & vicinis regionibus ejecti ab Ostrogothis in Scythiam fugantur. *ibid.* E.
Hæunorum propriæ sedes. 559. F.
 — reges. 561. C.
 — imperium post Attilæ mortem labefactari cœpit. *ibid.* E.
 — regiones qui populi tenuerint usque ad Carolum Magnum & postea. *ibid.* F.
Hæymen carmen in nuptiis. 122. C.

I

Ianiculum non inclusum pomerio. 80. A.
Ianuarii dies senatorii. 1027. A.
Ianuario mense uter coff. senatum haberet. 1031. B.
Idus Februarii dies fastus ex parte. 1064. B.
 — Martiæ *parricidium* nominatæ a triumviris. 1118. D.
Ignobiles qui. 214. F. 215. F.
Illyricum & Dalmatia. 492. F.
Imagines qui posuerint. 215. D.
 — tertiam civium distinctionem intulerunt. 165. B.
Imaginis jus. 214. F.
Imaginum usus domi & in funeribus. 215. D.
Imago quid. 214. F.
 — causa nobilitatis. *ibid.*
Imperatores a senatu appellabantur. 1136. D.
 — Romanos duos esse voluit Constantinus, alterum in Occidente, alterum in Oriente. 544. B.
 — Romani inde a Julio Cæsare & ante divisionem imperii usque ad Jovianum qui fuerint. 568. D. &c.
 — Romani post divisionem, iique Occidentales a Valentiniano usque ad Momyllum Augustulum ultimum in Occidente imperatorem recensiti. 569. D. &c.
 — Romani Orientales a Valente usque ad Constantinum Porphyrogenitum enumerati. 570. B. &c.
Imperatores civitatem nulla certa lege, sed pro libidine administrant. 912.
 — an fuerint qui cohorti prætoris tantum præfuerunt. 946. B. 1003.
 — an fuerint qui pacatas provincias sine exercitu obtinebant. 917. D. 1001. E. 104. C.
Imperatoris nomen duobus modis accipitur. 868. D.
 Ecce iij

I N D E X

- Imperator* an quis esse potuerit, qui non præsit exercitui. 857. C. 912. C.
- quis. 972. B.
- Imperii* vox varie accipitur. 866. C.
- Romani divisio a Constantino facta mansit usque ad obitum Theodosii & imperii excidium. 550. C.
- Romani termini longissime sub Traiano propagati, sub Hadriano mutati, a sequentibus imperatoribus restituti recuperatis identidem provinciis vel vi vel sponte amissis. 557. A.
- Romani provinciæ amissæ sub Gallieno non amplius receptæ nec termini restituti. *ibid.*
- Romani provinciæ amissæ Dacia Transdanubiana, item provinciæ quinque Transfigritanæ, Nisibis & Singara urbes & pars Mesopotamiæ. 557. B. D. &c.
- Romani occidentalis excidium & ejus causæ. 558. D. &c.
- Imperio* militari mandando tantum retenta comitia curiata. 164. C. & causa. *ibid.*
- inſitam rei militaris poteſtatem habere & revera imperatorem eſſe ut diff. 915. A.
- an caruerint quibus ſylvæ & calles provincia datur. 857. D. 912. E. 913. E.
- cum Imperio* eſſe quid ſit. 833. E. 857. C. 870. F. 871. A. 913. E. 915. C. 923. D.
- cum Imperio* eſſe & *cum* magiſtrato eſſe ut diff. 1000. E.
- quis diceretur. 1026. D.
- cum Imperio* in provinciis qui erant an ſuos legatos tantum habuerint ad uſum rei militaris. 915. 1003. B.
- an omnes eſſent qui ſecum duxerint tribunos & præfectos militares. 915. E. 1003. B.
- qui ſunt, cohortem cum habuiſſe dicuntur, an hæc militaris intelligenda ſit. 916. C. 1003. E.
- qui ex privatis ad bella mittebantur procoſſi. aut proprætorum nomine, an magiſtratus fuerint. 997. E.
- de Imperio* lege lata triumphaturi opus habebant. 163. D.
- ab exercitu Martio delato quare fuerit queſtus ſenatus. 855. E. 909. C.
- in Imperio* ſummo poteſtatem rei militaris inſitam habere aliud eſt, aliud re ipſa imperatorem eſſe. 914. F.
- Imperium*, an vero magiſtratus debeat appellari poteſtas belli gerendi privatis conceſſa. 858. A.
- an deferatur una lege curiata tantum provincialibus magiſtratibus. 852. F. 856. A.
- an privati aſſequerentur lege curiata. 858. A. 851. A. 896. A.
- an privati acceperint lege tributa & ſenatusconſulto. 827. C. D.
- an magiſtratus in provincias ituri omnino acciperent lege curiata. 857. C. 849. D. 826. E.
- an de tribunis pl. dicatur, an vero is poteſtas tantum tribuatur. 848. F. 866. B. 868. F.
- an unquam prorogatum cuiquam qui exercitui omnino nulli præſeſſet. 918. D.
- an nemo de privatis ante Scipionem acceperit. 855. F. 909. D.
- an extra urbem ſine provincia aut lege curiata quiſquam ullo modo conſequi potuerit. 910. E. &c.
- an per ſe tanquam ſuo magiſtrato inſtitum habuerint conſules. 977. an dictatores. 978. an prætores. *ibid.* an cenſores. 980. E. militum. 981. an duumviri navales. *ibid.*
- an dictatores & conſules in conſulatu lege curiata acceperint. 981. E. & poſt conſulatum in provincias ituri. 984. B. & poſt præturam prætores provinciales. 987. B.
- an non niſi extra urbem habeatur, niſi forte ſenatusconſulto illo ſummo. 163. C. 826. D.
- acceptam duobus modis. 163. B. E.
- civile unum & hoc quoduplex, alterum militare. 163. E.
- civile a magiſtratibus & militare ab imperatoribus quomodo initum. *ibid.* F. quibus comitiis prorogatum. 164. C.
- civile ſeu poteſtatem civilem tantum qui habebat magiſtratus, an is in urbe manſerit; qui vero militare, an is urbe egredi, aut ad urbem cum imperio manere juberetur. 899. D.
- civile comitiis centuriatis una cum magiſtrato mandatum; militare magiſtratibus mandatum in comitiis curiatis, privatis autem in tributis. 163. E. F. 164. A.
- committere belli gerendi cauſa aliud eſt, aliud bellum jubere, ideoque diverſis comitiis & hoc & illud peractum. 164.
- conſulares & prætorii qui provincias poſt magiſtratum obtulerunt, quo modo acceperint. 850. E. 855. C. E.
- decemviroſum, quos Rullus creare volebat, quale. 924. D. F. & cenſorum. 926. F.
- deferretur alia ratione & aliis comitiis ac magiſtratus ipſe. 162. E. F. 826. D. 849. D.
- etiam plebei magiſtratus geſſiſſe leguntur. 802. E.
- juridiſctionis & rei militaris an idem atque iſſdem comitiis delatum, an alterum ab altero diſtinguatur, ac diverſis ſit comitiis mandatum. *ibid.* 826. C. 833. B. 855. F. 870. C. 875. F. 972. A. &c.
- & juridiſctionem an prætores provinciales habuerint, ſed hanc centuriatis, illud vero curiatis comitiis acceperint. 911. E.
- in urbe ſine lege curiata & plebiſcito, ſed ſenatusconſulto ſummo illo quomodo acceptum. 989. E.
- in provinciis ſine lege curiata an haberi potuerit. 992. B.
- qui ex privatis in provincias miſſi quomodo acceperint. 994. D. & illi qui ex privatis ad bella mittebantur. 996. A.
- lege datum quando dicatur. 163. A.
- militare an habuerint qui habuerunt poteſtatem exercitus conſciendi, ſi opus fuiſſet. 914. F.
- militare in magiſtratibus provincialibus in quibus rebus agnoſcitur. 916. B.
- militare illius diei quo triumpharent, an triumphantes lege lata impetrare debuerint. 162. E. 861. B. 902. A.
- vere militare an habuerint magiſtratus qui centuriata comitia habebant. 925. D. an illud imperium in urbe fuerit. 926. D. E.
- militare tribunorum quale fuerit. 856. E. 911. F. &c.
- mandatur cum magiſtrato ipſo & eſt jus magiſtratus. 826. D. 849. D.
- magiſtratum quale. 826. C. 833. A. 855. F. 866. C.
- magiſtratus & imperatoris ut diff. 162. B.
- non idem ac magiſtratus, neque eodem modo capiebantur. 972. E. neque inibantur. 973. B. neque prorogabantur. 976. E. neque adminiſtrabantur. 975. E.
- prorogare & continuare magiſtratum, de quibus dictum & ut diff. 917. F.
- prorogatum eſſe cum dicitur, quid intelligatur. 917. F. 918. F. 834. B. 858. A.
- pro majori quadam prehendiſſe & coercendi poteſtate. 826. C. 849. A. 96. B.
- pro facultate exercitum habendi & belli gerendi. 826. C. & an hæc facultas ſit in ipſo magiſtrato inſita, an vero lege curiata deferatur. 834. F. 858. F. 972. E.
- quare privati lege curiata accipere non potuerint. 827. E.
- quamdiu magiſtratus provinciales habuerint ante

R E R U M E T V E R B O R U M .

- legem Corneliam, & quamdiu post eandem latam. 827. B.
- quatuor modis mandatum. 981. F.
- quomodo mandatum 1043. C.
- quibus abrogatum, ii senatu moti. 1025. E.
- seu rem militarem attingere nisi lege curiata id nominatim datum sit, nulli magistratui fas erat. 803. F.
- Sicinii in locustas an imperium magistratus dici possit. 908. D.
- si consulatus solus, non provinciae adeptio aut lex curiata consulibus dedisset, an hinc sequatur Caesarem & Bibulum non edictis, sed exercitibus inter se contenturos fuisse. 911. C.
- ut continuaretur in provinciis procoff. & praetoribus opus erat iis alia lege curiata praeter eam quae communis erat omnium magistratuum, iis latam priusquam magistratum in urbe inirent. 827. F. 852. C.
- Imperium Romanum* quomodo ab exilibus principis ortum omnium maximum evaserit. 437. A. &c.
- sub septem regibus quale fuerit & quomodo ampliatum. 439. B.
- quomodo post exactos reges sub coff. auctum fuerit Italia continuis per trecentos annos bellis subacta. 441. B.
- ante Caesaris dictaturam complectebatur aut liberos populos suis legibus vivere permisos, aut regna amicis & federatis regibus concessa, aut provincias in quas quotannis procoff. aut praetores mittebantur. 500. C.
- quas provincias consulares habuerit ante Caesaris dictaturam. 501. C.
- quas provincias praetorias. *ibid.* D.
- quos focios aut federatos reges. *ibid.*
- quos liberos populos. *ibid.* F.
- ab Augusto divisum in xxvi. dioeceses. 506.
- quas provincias sub Augusto habuerit tam qui populi Romani dicerentur, quam qui Caesaris. *ibidem.*
- quos reges focios & federatos sub eodem. 506. F.
- quatuor mutaverunt nova forma introducta, Romulus, Augustus, Hadrianus, Constantinus. 540. B.
- quodmadmodum mutatum ab Hadriano, describitur ex Appiano. *ibid.* C. &c.
- ab imperatore Hadriano ratione longe diversa ab ea quam Augustus constituerat, divisum. 542. B.
- & provincias in eo Constantinus alio modo divisit sc. primo in Orientale & Occidentale & quae provinciae tum huic, tum illi attributae. &c. 544.
- praeterea ab eodem divisum in quatuor dioeceses, id est, in Italiam, Galliam, Illyricum & Orientem, hisque dati Rectores, qui praefecti praetorio dicti. *ibid.*
- Occidentale quos magistratus tam civiles quam militares, quaque item provincias habuerit. 544. E. &c.
- Orientale quos magistratus & provincias habuerit. 547. E. 50.
- Inaugurari* quando dicerentur sacerdotes. 793. E.
- Incentis* quae poena. 259. F. 388. A.
- Indicium* non licuit proferri senatoribus. 1092. A.
- Indictus* senator 1118. A. B.
- Insule* quas in capite flamines gestabant, flammæ dictae. 289. D.
- Ingenii* in legione meruerunt. 388. D.
- inter se ut differunt. 69. D.
- libertinam ducere non poterant. 121. C.
- nullum jus civitatis habuerunt. 78. A.
- vel Ingenii* vel libertini erant cives & quae differentia in assignandis iis vel rusticis vel urbanis tribus observata. 45. A. 46. F.
- Ingeniis* peregrinis & libertis peregrinis ab eodem iure civitas data. 50. B. &c.
- Infignia* equitum. 35. D. 36. E.
- senatorum. &c. 1096. 1054. C.
- veterum regum Etruscorum a Tarquinio Prisco assumpta. 39. F.
- Institutores* mercium qui. 190. B.
- Instituta* quae. 98. C.
- Institutum* quid a more differat. *ibid.* D.
- Intercedente* senatusconsulto temere ac intercessionem non remittentes puniebantur. 1126. F.
- Intercedere* quid. 698. D. 1050. A.
- senatusconsulto non tantum tribuni pl. poterant, sed omnes qui eadem potestate essent majoreve ac illi, qui senatusconsultum facere vellent. *ibid.* B.
- Intercessio* in senatusconsultis proprie tribunorum plebis. 1039. A. 1051. A.
- in comitiis a quibus magistratibus fieret. 698. A.
- an locum habuerit in comitiis centuriatis primum & quando interponi solet. 698. E.
- Interpretes* qui. 203. E.
- Interregem* prodere quid. 644. C.
- Interrex* cur creatus. 162. B. 659. C.
- senatum habebat. 1107. E.
- a patriciis prodebat. 644. C.
- quinque dierum magistratus. 659. C.
- non creabatur comitiis centuriatis. 644. B.
- Jovis* Capitolini templum. 40. A.
- Ire* in alia omnia. 1035. E. F. 1060. C.
- Italia* ab Italo rege appellata. 5. B. C. 27. F.
- a barbaris Ostrogothis quomodo occupata. 564. F. &c.
- unde & quando Saturnia dicta. 4. D.
- post acceptam lege Julia civitatem plebis rusticae pars fuit & in tribus rusticis suffragia ferebat. 48. A.
- in lege Julia quae intellecta. 392. C. 69. F.
- primo annibus Arno & Rubicone terminata, postea Alpibus quos populos complecteretur, quomodo a Romanis & quot annorum bellis devicta. 441. B.
- quae prius Aelin amnem non excedebat, quando ab Rubiconem usque fuerit extensa. 444.
- quando usque ad Arnum. *ibid.* D.
- quando a Rubicone usque ad Polam Istriae urbem, & ab Arno fl. usque ad Varum amnem. 445. E.
- ad Alpes producta & in xi. regiones divisa quando fuerit, & quos terminos tunc habuerit. 447. F.
- ratione diversis juris ut divisa fuerit ante legem Juliam. 455. D.
- Italicae* fines. 3. B. 48. B.
- antiquae nomen ubi ortum & regio quibus terminis conclusa. 3. D. 27. D.
- primi incolae fuerunt indigenae. 4. B.
- omnes incolae civitate legis Juliae beneficio data pari jure fuerunt. 455.
- veteris extra terminos olim & Tiberis, & Roma, & Latium. 28. A.
- Italiam* qui primi incoluerunt Graeci, quatuor nomina habuerunt. 6. A. postea dicti Aborigines. *ibid.* B.
- in Italiam* prima classis Graeca appulsi sub Oenotro & Peucetio. 4. D.
- veniunt Pelasgi. 6. D. & Arcades sub Evandro. 7. C. Epaei & Pheneatae qui Graeci, itemque nonnulli Trojani sub Hercule. *ibid.* F.
- sub Aenea navigant Trojani. 8. C.
- per Italiam* crimina commissa an a senatu cognita. &c. 1131. D. 1132. C. &c.
- Italicenses* cum municipes essent, in jus coloniarum mutari stulte cupierunt. 63. A.
- Italici* focii & eorum duo genera. 53. B. extra Italiam qui focii dicti omnes, sed parum proprie. 54. D.

I N D E X

- Italus* quis. 5. A. ab eo Itali & Italia dicuntur. *ibid.* B.
 — an fratrem habuerit Hesperum nomine. 25. C.
 — an ex Italia in Hispaniam fuerit profectus, fratremque Hesperum inde expulerit. 26. B.
 — an una cum Siculis ex Hispania in Siciliam, & inde in Italiam reuēctis Romam primus ante Romulum condiderit. 27. C.
 — an Sidorus ejus filius. 26. D.
Judex quæstionis, judicum princeps. vide in *Quæstionis judex*.
 — censu legebatur. 212. C.
Judices & judicium quid. 200. F.
 — quid differant a magistratibus. *ibid.*
 — rerum publicarum & privatarum qui. *ibid.* C.
 — a quibus dari. *ibid.*
 — in decuriis distributi. *ibid.*
 — selecti qui. *ibid.*
 — senatorii quot & quo tempore fuerint. 1051. E.
Judicia sub Romulo patriciis commissa. 34. D.
 — lege Plotia vel Aurelia tres ordines administrant, & tum etiam ipsi libertini utpote qui de plebe erant. 68. F.
 — privata & publica quæ. 210. A.
 — ordinum sunt ornamenta. *ibid.*
 — penes quos ordines fuerint. 210. B.
 — penes senatores primum. *ibid.*
 — penes equites. *ibid.*
 — ad jus civitatis pertinuerunt. 213.
 — populi in comitiis centuriatis spectabant tantum ad unum crimen perduellionis 390. B.
 — in comitiis tributis quæ exercitia. 421. F.
 — Ciceronis ætate observata. 649. C.
 — triumvirorum capitulum quæ. *ibid.*
 — ædilium quæ. *ibid.*
 — imperatorum & tribunorum militarium pertinent ad jurisdictionem militarem. *ibid.*
 — aut privata sunt aut publica. *ibid.* aut populi. 655. B.
 — privata quomodo exercuerint prætores urbanus & peregrini. 649. C.
 — publica primum quæstores a populo creati exercere. *ibid.* D. post constitutas quæstiones perpetuas quomodo exercita. *ibid.* E. quomodo post Syllam. 650. & a quibus. 644. tam ordine. *ibid.* quam extra ordinem. *ibid.*
 — populi vel de certatione in tributis comitiis, vel de crimine perduellionis in centuriatis. 655. B. 769. E. &c. modo erant quæ fiebant de reis quibus dies dicta erat ad populum. 771. A. minus frequentari cœperunt post quæstiones publicas institutas, & quare. *ibid.* in comitiis tributis quo modo haberentur. 791. E.
 — inter munera senatorum. 1089. C.
 — quatenus senatoribus a regibus mandata. *ibid.*
 — penes solos senatores usque ad tribunatum Gracchi. *ibid.*
 — erepta a Graccho senatui & ad equites translata. *ibid.*
 — XVI. annos penes equites fuerunt. *ibid.* D.
 — communicata quibus modis & legibus utrique ordini. *ibid.* E.
 — iterum penes solos senatores leges Syllæ dictatoris. 1090.
 — divisa inter senatores, equites & tribunos ætarios a Cotta. 1090. A.
 — ad equites & senatores a Cæsare dictatore redacta sublati tribuni ætarii. *ibid.* C.
 — commissa duabus decuriis senatorum & equitum adjuncta tertia centurionum & manipulariorum legionis Alaudæ ab Antonio, quarta autem ducentariorum ab Augusto. *ibid.*
 — turpia quæ. 1077. E.
 in *Judiciis* constituendis aut mutandis sine populi voluntas senatus jacebat. 1045. B. contra in iisdem populi lex non solum sine senatusconsulto, sed & contra senatus voluntatem rata habebatur. *ibidem.*
Judiciorum comitia tributa non tantum in comitio, sed etiam in Capitolio haberi solita. 797.
 — forma sub regibus. 1089. C.
Judicium quid. 210. C.
 — an potestas decreti interpretandi & juris dicendi. 869. E.
Judicum ætas quæ. 213. B.
 — decuriaz legebantur a prætore urbano ex ordinibus. 210. A.
 — præmia. 1099. E.
Judei nunquam Romanorum hostes primi ex orientalibus eorum amicitiam appetiere. 54. E.
Julia familia. 39. E.
Julia lege accepta civitate Italia plebis rusticæ pars fuit & in rusticis tribubus suffragium tulit. 48. A.
 — lege omnibus æquata suffragia. 454. D.
 — lege non Latio solum, sed universæ Italiæ civitas concessa, exceptis coloniis Latinis extra Italiam. 53. A.
 — lege lata omnium, intra Italiæ modo terminos, municipiorum, coloniarum, præfecturarum, fociorum sive Latini sive Italici nominis conditio quatenus eadem fuerit. 54. B.
 — lege lata Italiæ civitate jura municipiorum, coloniarum & præfecturarum obliterata sunt & hæc nomina exinde cœperunt confundi. 485. F.
 — lege lata an universa multitudo civium ex tota Italia Romam confluerit, ut censeretur. 59. C.
ante Juliam legem quomodo Italia fuerit divisa ratione diversæ juris. 455.
 — neque præfecturæ, neque provinciæ civibus Romanis constabant, sed omnes & erant & dicebantur focii. 53. E.
 — oppida Italiæ, quæ coloniæ, municipia, aut præfecturæ non erant, civitates fœderatæ dicebantur. 486. A.
post Juliam legem omnes civitates municipia poterant appellari. 486. B.
Julii tribules rustici. 45. A.
Juniores qui. 138. D.
 — militarunt. 141. B.
Juno Cinxia. 123. A.
 — Curis. 34. A.
 — Mensalis. 39. C.
Jura quæ libertinis tributa. 68. F.
 — civium Romanorum, qui ex municipiis non essent, qualia. 62. C. 448. D.
 — municipum. 62. C. 450. D.
 — coloniarum. 62. D. 451. E.
 — præfecturarum. 62. E. 454. F.
 — adoptionis & arrogationis. 127. C.
 — gentilitatibus & agnationum. 112. F.
 — patronorum & clientum. 113. F.
 — plebejarum gentium & patriciarum ut pararentur. 113. B. C.
 — sacrorum. 117. C. &c.
 — sepulchrorum. 119. F.
Jure civili nihil nisi inter cives Romanos agi potest. 130. A.
 — Quiritium non potest esse liber, qui non est in numero Quiritium. 50. D.
in Jure cessio quid. 131. A.
Juris privati quæ sint, quæ juris publici. 99. C.
 — civium Romanorum partes. 95. D.
 — periti jus civile constituerunt. 97. B. C.
Jus civile est jus Quiritium. 132. C.
 — quid præstet. *ibid.*
 — civile Papyrianum. 95. F.
 — civile non nisi inter cives Romanos esse poterat. 132. C.
Jus civium Romanorum quid. 95. D. &c.

RERUM ET VERBORUM.

— scriptum & non scriptum quot partes habeat & a quibus constitutum. *ibid.*
 — civitatis amicti ab invito non potest. 104. B.
 — civitatis Romanæ perfectum & plenum quale & quibus datum fuerit. 448. D.
 — non in una aliqua re consistebat, sed in multis diversis prærogativis, nec omnes omnibus concedebantur, unde cives Romani diversæ conditionis efficiebantur. *ibid.*
 — dicere magistratum quid. 160. C.
 — hereditarium quid. 129. C.
 — honorarium quid. 98. B.
 — honorum. 157. E. F.
 — imaginis. 214. F.
 — Latii. 452. C.
 — Latii qui habent, in tria genera diducuntur. 52. E.
 — legionis. 140. B.
 — legitimi domini in sex rebus positum. 129. A.
 — magistratum. 160. B. & C.
 — mancipi. 129. F.
 — militiæ. 140. A. & C.
 — nexi. 129. F.
 — nexi proprium civis Romani. 130. F.
 — patrium. 126. D.
 — Quiritium quale. 136. F. 137. A. 133. B.
 — Quiritium summus quasi nobilitatis gradus & ejus definitio. 48. E.
 — Quiritium perebatur & dabatur libertis Romanis. 49. B. 50. D. & peregrinis ingenuis, cum civitatem peterent. 50. C. non peregrinis libertis. 50. B.
 — Quiritium libertis Romanis, & civitatem peregrinis petere non licebat, nisi patronis consentibus aut mortuis, & quare. 49. E.
 — Quiritium dare an idem sit quod civitatem Romanam largiri, & an civitatem Romanam habentes jure Quiritium omnes fruuntur. 50. B.
 — Quiritium inter & civitatem Romanam differentia quo tempore nata. 454. E.
 — Romanum vel publicum vel privatum. 99. C.
 — scriptum & non scriptum. 95. D.
 — senatorum adversus convitatores. 1095. F.
 — suffragiorum. vide in *Suffragia*
 — testamentorum. 133. C.
 — tributorum & vestigialium. 158. & C.
 — tutoris dandi proprium civis Romani. 135. E.
 — varie primo dixerunt prætores, sed postea lege Cornelia ex edictis suis perpetuis tantum. 1045. C.
 — virgarum quid. 107. F.
Iusta vacatio quæ. 144. D.
 — hereditas quæ. vide in *Hereditas*.

K.

Kalendis haberi fenatum mos erat. 1053. D.

L.

Labarum quid. 560. D.
Lacus Velinus. 89. D.
 — Sabate. 88. E.
Lameticus sinus idem qui Napetinus, & unde hæc nomina. 28. B.
Larinates Martiales. 56. E.
Larini censoriæ tabulæ corruptæ. 64. E.
Latii fines incolum republica. 52. E.
 — imperatorum ætate. *ibid.*
Latine coloniæ. 48. C. 52. B. & C.
Latini Aventinum habitant. 40. B.
 — victi ab Anco Martio. 39. E.
 — victi a Tarquinio Prisco. *ibid.* F.
 — qui jus Latii habuerunt, sociorum nobilissimi. 52. C.
 — qui Latium incolebant, quatuor modis nominabantur. 52. F.

— quibus bellis a Romanis subacti. 442. B. & C.
 — non consulto populo servili supplicio affici poterant. 449. B.
 — jus ex testamento capiendi quatenus cum civibus Romanis commune haberent. 449. E.
 — etiam commune cum civibus Rom. habebant jus alienandi per nexum. *ibid.*
 — & jus connubii. 450. C.
 — an jus suffragii ferendi habuerint. 452. D. 777. E.
 — viritim cives fieri poterant & quibus modis. 453. D. 778. A.
 — cum Romanis quale foedus habuerint. 779. E.
 — tribum non habebant, sed forte tribus illis assignabatur, in qua suffragium ferrent. 778. E.
 — an permissu magistratum qui comitia haberent, an vero suo jure & per legem foederis ad suffragia admitterentur. 779. E.
 — quinque millia passuum ab Urbe abesse iussi. 82. A.
Latini Juniani qui. 454. C.
Latinorum prima religio. 280. E.
 — jura maxime ad jus civitatis Romanæ accedebant. 449. A.
Lati clavi jus & insigne. 1096. B.
Latus clavus. 36. E. 171. B. 1054. B.
Latum dare aut adimere quid. 1020. F.
 — tunica senatoria. 1053. F. 1096. F. 1020. F.
 — quæ vestis fuerit & unde sic dicta. 170. 1054. C. 1097. A.
Lavici. 81. F.
Lautia. 1134. A.
Lectiones fenatus extraordinariæ. 1095. C.
Leitos deorum sternebant senatores. 1091. D.
Leitus genialis. 122. F.
Legati imperatorum ex equestri ordine poterant esse. 1090. D.
 — ex fenatus auctoritate mittebantur. 1131. D. 1132. F.
Legati exterarum gentium responsa accipiebant a fenatu. 1133. C.
Legatio libera quæ & cujus rei causa. 1051. E.
Legationis liberæ jus nisi haberent, senatoribus Italia egredi non licebat. 1092. B.
Legationes primum a fenatu, post & a populo dabantur. 1092. B.
 — omnes liberas senatores obibant cum binis lictoribus. 1053. F.
 — omnes fenatusconsulto dabantur. 1054. F.
 — soli senatores obibant. 1090. C.
 — dabantur a fenatu ante occasum reipublicæ & quarum rerum causa. 1092. B. C.
Legationibus fors posita fuit. 1133. C.
Legationum liberarum tempus nullum definitum ante Ciceronis consulatum, sed a Cicerone cos. minutum. 1093. A. & definitum lege Julia consulari. *ibid.* B.
 — excipiendarum ratio. 1133.
 — audiendarum ratio. 1134. A.
Legatorum interrogandorum mos. *ibid.* B. C.
 — nominandorum mos. 1133. C.
 — præmia. 1099. E.
Legare pro testari. 133. F.
Lege agi quibus diebus licuerit. 1061. F. & C.
 — Julia. vide in *Julia lege*.
 — prodictionis quando tenerentur patronus aut cliens. 1011. D.
Legem promulgare & ferre quibus diebus licuerit. 1063. C.
Legendi fenatum jus qui haberent. 1074. A. & C.
Legere & sublegere senatores quid. 1012. B.
Leges quæ. 98. A.
 — cum fenatusconsultis ad ærarium delatæ. 1038. B.
 — latæ invito fenatu. 1043. C.
 — de agris dividendis, & C. fenatu non consulto latæ. 1044. F. & C.

Ffff

- omnes ex senatusconsulto latae usque ad annum ab v. c. CCLXIII. 1045. E.
- contra senatusconsultum latae quam vim habuerint. *ibid.* D.
- quando ferri coepit sine senatusconsulto & senatu aegre ferente. *ibid.*
- senatusconsultis sublatæ. 1042. E.
- duodecim tabularum obscuræ. 97. C.
- duodecim tabb. de potestate patrum. 126. F.
- curiatae quæ. 95. E. vide in *Lex curiata*.
- Cassia, Gabinia, Papyria, Cœlia, tabellariae. 111. F.
- scænebres. 192. D. E. &c.
- opponuntur moribus. 99. A.
- quæ in comitiis rogabantur, de quibus rebus ferrentur. 601. C. 613. C.
- regiae abrogatae quomodo. 95. F.
- regiae quæ & curiatae. 95. E.
- Semproniae. 107. F.
- Semproniae a Sylla abrogatae. 108. E.
- sacratae quæ. 105. B. 113. A. 417. F. 418. A.
- tabellariae. 111. E.
- de provocatione. 105. B.
- quibus soli senatores tenebantur. 1091. F. &c.
- an posset abrogare magistratus. 1138. F.
- quæ & quomodo in comitiis centuriatis ferrentur. 390. A. 394. B. 647. E.
- quæ in tribuitis comitiis ferrentur. 421. D. 613. C. 768. F.
- Legibus* solvi nemo potuit, nisi ducenti senatores ad senatusconsultum ea de re faciendum adessent. 1040.
- soluti tali senatusconsulto vi legis invictis optimatibus latae. *ibid.*
- solvere senatus haud potuit antiquo jure. 1139. A.
- solvendi jus senatus sibi usurparat. *ibid.*
- Legio* quid & unde dicta. 140. B. 507. F.
- quot contineat milites. 140. C. &c.
- quadrata. 140. C. 508. B.
- Romuli quot millium peditum & quot equitum. 507. F. 508. A.
- an duplicata a Romulo. 508. B.
- Marii. *ibid.*
- una a Vespasiano facta. 519. C.
- in Legione* qui meruerint, qui non. 508. E.
- sex tribuni suffragiis populi creati, & quando hoc acciderit. *ibid.* D.
- non nisi cives ætate militari. 509. B.
- quatuor genera militum. *ibid.*
- quot triarii, principes, hastati, pilani, velitesque. *ibid.*
- singula militum genera in centurias divisa exceptis velitibus, tum quibus nominibus centuriae earumque duces appellati. *ibid.*
- qui duces fuerint sub Augusto. 510. C.
- etiam tum erant tubicines, evocatores, medici, alique ministri. *ibid.* D.
- Legionis* jus. 140. B.
- scribendæ ratio. 142. &c.
- numerus variatus. 140. C. &c.
- Legionem* sex millium primus conscripsit Marius. 141. B.
- expleverunt ingenui juniores quinque classium & ludicrae artis expertes. 141. C.
- Legiones* plures legit Augustus, easque ad limites imperii adversus barbaros tuendos locavit. 507. C. 507. C. 511. C.
- quot in singulis provinciis sub Augusto. 507. C.
- instituendi, exauclorandi, locandi, mutandique jus penes principem Romanum. 510. E.
- nomina & cognomina qualia & unde habuerint. *ibid.* F.
- XXV. quomodo per orbem Romanum ab Augusto dispositæ. 511. D.
- ut loca in quibus constitutæ fuerant, mutaverint ab accessu Augusti usque ad initium Vespasiani. 513. F. &c.
- IV. additæ a Claudio imperatore, & quæ. 518. F.
- III. additæ a Nerone. 519. C.
- II. factæ a Galba &c.
- una a Vespasiano. *ibid.* C. E. vel duæ. 521. A.
- XXXIII. quomodo per imperium Romanum Sergius Galba locaverit. 520. B.
- inter Vespasiani & Alexandri AA. imperia additæ. 525. B.
- XXXIII. quomodo sub M. Aur. Alexandro per XII. limites imperii fuerint dispositæ. 527. C.
- Legionibus* pluribus qui præerat, quomodo sub Augusto appellatus. 510. C. D.
- Legionum* numerus varius, posterioribus tamen temporibus non nisi quatuor fieri solebant, numero militum etiam in iisdem vario. 508. C. 140. C. &c.
- signa. 509. E.
- nova divisio in cohortes. *ibid.*
- quarum in inscriptionibus tantum fit mentio, nomina. 528. F. &c.
- Legitima* hereditas cum dicitur, quæ intelligatur. 97. B.
- stipendia quæ. 142. A.
- tutela quæ. 97. B. 136. C.
- Legitimi* domini jus in sex rebus positum. 129. A.
- Legitimus* senatus. 1118. B.
- tutor. 136. C.
- Lemonia* tribus, Lemonius pagus. 42. F. 44. C.
- Lex* de augendo tribunorum numero non prius lata quam id senatus decrevisset. 1046. A.
- contra senatus voluntatem lata rata. 1045. B.
- de senore femunciariorum. 193. A.
- alia lege abrogabatur. 1039. C.
- annalis. 672. E.
- de provocatione. 106. F.
- duodecim tabb. de nunciario senore. 193. A.
- duodecim tabb. de sacris privatis. 120. C.
- duodecim tabb. divortia non prohibuit. 125. D.
- pro scapulis, & tergo. 107. D. E.
- cum dicitur XII. tabb. intelligitur. 97. B.
- ut ager divisus venderetur. 154. E.
- agraria Philippi & C. Gracchi consulis. 198. F. 199. A.
- Atinia de ordine tribunorum plebis. 1082. E.
- Antonia de judiciis. 212. E.
- annalis. 672. E.
- Atilia de tutelis. 136. D.
- Augusti de judiciis. 213. A.
- Augusti de uxoribus senatorum. 1095. A.
- Aurelia de judiciis. 212. B.
- Calpurnia de ambitu. 1101. E.
- Cassia de parricidis. 113. D.
- Cassia de senatoribus. 1101. E.
- Claudia de senatu Hæfinorum. 1081. F.
- Claudia de navibus senatorum. 1093. E.
- Cornelia de judiciis. 212. A.
- Cornelia de refectione judicum. 1096. A.
- Cornelia de falso. 1093. F.
- Cornelia de testamentis. 1094. D.
- Cornelia de jure a prætoribus dicundo. 1045. D.
- Cottæ de judiciis inter tres ordines communicatis, etsi invito senatu lata, firma tamen mansit. *ibid.* C.
- Duilia de senore unciario. 193. B.
- Falcidia de testamentis. 134. B.
- Fusia Caninia de manumissionibus. 134. C.
- Furia de testamentis. 134. A.
- Gabinia ne fœnerare liceret. 194. E.
- C. Gracchi de 500. jugeribus. 154. D.
- Julia de civitate toti Italiæ danda. vide in *Julia lege*.
- Julia de creditis pecuniis. 194. E.
- Julia de judiciis. 1090. B.
- Julia de liberis legationibus. 1093. A.

RERUM ET VERBORUM.

- Julia de provinciis. 1135. C.
- Julia theatralis. 214. D.
- Licinia de 597. iugeribus. 154. C.
- Licinia Sextia de fœnore. 193. B.
- Livia de judiciis. 211. C.
- Neronis theatralis. 214. E.
- Numæ de potestate patrum. 126. E.
- Ovinia de senatus lectione. 1074. E.
- Papia Poppæa. 121. C.
- Papia de civitate. 158. A.
- Plautia de judiciis. 211. F. 1089. F.
- Pompeja de senatu Bithynorum. 1081. F.
- Pompeja de judiciis. 1090. A.
- Porcia. 107. B.
- Porcia non servabatur in castris. 147. C.
- Pupia de comitialibus diebus. 1028. A. 1117. A.
- Rofcia theatralis. 214. B.
- sacra militaris. 144. C.
- sacra de tribunis plebis. 417. F.
- Sænia. 113. D.
- Sempronia de fraudibus fœneratorum. 194. F.
- Sempronia de judiciis. 210. C. 1089. C.
- Sempronia de provinciis. 1135. C.
- Sempronia de re militari. 141. E.
- Sempronia de vestibus militum. 146. D.
- Sempronia retenta a Sylla quæ. 108. E.
- Servilia de judiciis. 210. F. 211. B.
- Sulpicia de ære alieno. 195. C.
- Thoria de vectigalibus agrorum. 154. E.
- Tiberii imperatoris de annulis aureis. 214. B.
- Trebonia. 105. E.
- Valeria de ulura quadrante. 194. D.
- Voconia. 134. A.
- Liberi* a patre necati ac ter vendi poterant. 126. E.
- in potestate patrum & eorum bona. *ibid.* C.
- Liberi* homines torqueri non poterant. 104. C.
- qui. 99. D.
- Libertas* Romanorum per quos labefactata. 104. D.
- est immunis privatorum verberibus. *ibid.* B.
- adversus magistratus. 105. A. & c.
- per censum a Servio. 101. F. 102. C.
- tabellis confirmata. 111. E.
- per vindictam a Valerio. 102. C.
- pro Libertate* quam accerrime a Romanis pugnatum. 104. D.
- Libertatem* nemo invitus amittere poterat. 102. E.
- 103. A.
- Libertatis* Romanorum quinque genera. 99. E.
- Libertinam* uxorem habere quibus licuerit.
- Libertini* & ingenui ut differant. 45. F. 50. C.
- inter se ipsos ut diff. 50. E.
- licet agros haberent, urbanis tamen tribus adscribebantur. 45. F. 201. C. 585. F.
- quibus filius quinquenni major, censebantur in rusticis tribus. 46. A.
- ab Ap. Claudio censore in omnes tribus dispersi, postea in quatuor urbanas a Fabio reiecti. 46. D.
- civitatis participes sunt, non tamen jus Quiritium habent. 49. B.
- quando censu excluderentur. 50. F.
- partim in urbanis, partim in rusticis tribus suffragium ferentes in unam urbanam, Esquilinam sc. coniecti sunt. 51. B. 200. F.
- et si censu, tamen neque senatores, neque equites esse poterant, nec magistratum curulem capere. 68. D. 78. A. 200. C. 793. B.
- e senatu moti. 1056. D. 1078. E.
- lecti ab Appio in senatum. 1078. E.
- lecti etiam a Cæsare. 1086. D.
- sæpe irreperunt in curiam. 1079. B.
- a quo cives fieri cepti. 102. C.
- annulo aureo donati ingenuitatis jura adipisciebantur. 178. B. & c.
- an adoptari poterint ab ingenuis. 127. E.
- carebant tribus rusticis, stipendiis, & honoribus. 45. F. 68. D. 200. C. 185. F.
- Cornelii. 202. E.
- e plebe. 185. D.
- extra ordinem tantum meruerunt. 201. E.
- non optimum jus civitatis habuere. 78. A.
- 49. B.
- qui. 100. B. 101. A.
- quibus permisum in rusticis tribus cenferi. 46. A. 200. F.
- quoties tentarint exire ex tribus urbanis. 200. D.
- Libertini* filius Cn. Flavius, solus senatum ingressus. 1022. A.
- Libertinis* quæ jura tributa. 68. F.
- suffragii lationem adimere voluit Gracchus censor. 51. B.
- fere apparitiones dabantur. 202. F. 203. A.
- honores non patuerunt. 202. B. 68. D. 201. C.
- tribus urbanæ, non honores patuerunt. 78. A.
- 583. F.
- Libertinorum* filii multi ab Ap. Claudio censore in senatum lecti. 68. E. 1022. A. 1078. E. postea etiam bis in senatum irreperunt. *ibid.* 1022. B. 1079. B.
- quando eiekti senatu. 1022. C.
- primus Flavius magistratum curulem gessit. 69. B.
- filii vix senatus & honores patuerunt. 202. B.
- 1022. E.
- jura. 200. B.
- numerus coercitus. 202. D.
- numerus magnus quando. *ibid.* C.
- Libertinus* ingenuam ducere non poterat. 121. C.
- Libertis* Romanis dabatur jus Quiritium. 49. B.
- non licuit jus Quiritium petere nisi patronis aut concedentibus aut mortuis. *ibid.* F.
- Librarii* qui. 14. F.
- Libripendes* qui. 130. B.
- Lictores* qui. 204. A.
- ex plebe Romana. 205. B.
- triginta curias referebant in comitiis curiatis adumbratis. 44. A.
- paludati. 914. B. C.
- triginta an legem curiatam jubere aut antiquare potuerint. 958. E.
- virginum vestalium sex. 341. F.
- flaminum. 341. F.
- quorum ministri. 413. E.
- bini cum senatoribus legationes liberas obeuntibus. 1053. F.
- Lictoris* officium in jurisdictione.
- Lictorum* habendorum senatori in provincia jus. 1097.
- munus & unde dicti. 413. E.
- Ligures* quo tempore subacti. 447. C.
- Litem* qui senatori in provincia inferret, Romam rejici poterat. 1096. A.
- T. Livius* historicus distinguendus a L. Livio Andronico poeta. 15. F. & c.
- Locus* senatorio & equestri qui. 167. D.
- Locus* senatufconsultis faciendis legitimus quis esset. 1113. C.
- Locus* senatorum in theatro. 1096. B.
- Longobardi* & eorum prima sedes. 558. E.
- Pannoniam & Hunnorum regiones aliquando tenere. 561. F.
- a Narsere in Italiam evocantur. 565. B.
- Italiam omnem præter Romam præsidii Justinianus imperatoris Græci pulsis occupant. 565. C.
- Romam obsident. 565. C.
- vincuntur a Carolo Magno rege eorum Desiderio capto, regnumque excinditur. *ibid.*
- Lusitani* quando a Romanis subacti. 444. E.
- Luceres* unde dicti. 39. B. 78. E. 84. F.
- Ludovici* nominis origo. 22. B. 23. F.
- Lugdunum* ad Rhodanum an suum nomen accepit a Lugdo. 22. B. & c.
- a quibus & quando conditum. 22. D.

INDEX

— *Lugdunum* primo nominatum. *ibid.*
 — & *Lugdunensem* provinciam an noverit, aut nosse potuerit *Berosus Chaldaeus*. 23. E.
Lugdunensis provincia quæ, a quo, & quando facta. 23. C.
Lugdus Celtarum rex an unquam in Gallia imperaverit. 24. B.
 — an ab ejus nomine provincia *Lugdunensis*, urbs *Lugdunum* & homines *Lugdunici* seu *Ludovici* nomen traxerint. 22. A.
Lunati calcei senatorum.
Lupercalia qualia festa. 284. C. &c.
 — quomodo celebrata. 282. A.
 — quamdiu duraverint & quando abolita. 282. E. F.
Lustris singulis senatus legebatur.
Lustro confecto in campo *Martio* census fiebat in foro. 65. B. 388. B.
Lustrum quid. 65. D.
 — primum quot millium civium fuerit. 388. B.
 — pro quinquennali spatium. *ibid.* C.
 — sæpe ultra quinquennium productum. *ibid.* C.
 — semper in campo *Martio* conditum. *ibid.* D.
Lycæonia provincia facta. 505. D.
Lycia provincia facta. 521. A.

M

Macedonia quando, a quibus, & quomodo provincia facta. 54. F. 56. E. 491. D.
Mecia tribus. 43. D.
Mecium caltrum. 88. E.
Magistratus servare de cælo & obnuntiare in comitiis licuit, auguri servare de cælo servare tantum. 599. F. 693. D.
 a *Magistratibus* quibus comitia centuriata haberi poterint. 391. B.
Magistratum curulem qui ceperat, a censore in senatu legendo non poterat præteriri. 1019. D.
 — designatum qui nocentem probasset, magistratum illum assequeretur. 1034. F.
 — qui petebant, candidati dicebantur, & unde. 392. F.
 — quibus temporibus inierint consules. 733. B.
 — non statim inibant consules & prætores simul ac designati erant, censores contra. 734. A.
 — urbanum non licuit cuiquam gerere qui non decem annos militasset. 672. F.
 — magistratum continuare & prorogare imperium, ut diff. 918. A.
Magistratus minores qui. 1018. E.
 — omnes in senatum introibant, & post magistratum omnes qui curuli honore erant uli. 1019. B. C.
 — curules. 1030. F.
 — majores & minores quo loco in senatuederent. 1034. E.
 — an non crearentur nisi captatis ante auspiciis. 269. C.
 — qui crearentur comitiis centuriatis. 389. C.
 — quomodo candidati in comitiis petierint. 392. F. &c.
 — habebant auspicia. 395. E. 693. E.
 — quomodo in comitiis centuriatis crearentur. 395. F. 396. E.
 — minores an auspicia habuerint. 782. A.
 — vel patricii vel plebei, item vel majores vel minores. 606. B. 741. F.
 — plebei & patricii varie accepti. 743. D.
 — omnes an binis comitiis creati. 605. A. & quibus. 607. B.
 — majores an parere debuerint obnuntiationi minorum. 695. E.
 — urbani majores ordinarii qui fuerint. 299. B.
 — urbani minores ordinarii qui. 400. E. 405. A.
 — urbani extra ordinem qui. 401. D. 405. A. B. &c.

— extra urbem seu provinciales. 402. A. 411. B. 749. F. 750. B.
 — minores tam urbani quam provinciales, tam ordinarii quam extra ordinem & qui nominatim comitiis tributus crearentur. 420. C. &c. 750. B. &c.
 — provinciales sub libera rep. qui fuerint & mutationes in illis variæ quæ factæ. 500. C. 502. A.
 — provinciales imperium militare quibus legibus acceperint. 502. F.
 — provinciales sub *Augusto* qui & quibus nominibus appellati. 505. F.
 — provinciales sub *Hadriano* qui & quomodo nominati. 542. C.
 — provinciales sub *Constantino* in imperio Occidentis qui fuerint. 544. E. &c. qui in imperio Orientali. 547. E.
 — quis. 160. A.
 — qui vocationem, qui prehensionem habuerint. *ibid.* E.
 — non omnes sed urbani auspicia habebant, sed non omnia se observationem de cælo tantum. 161. B. id est, speculationem & nuntiationem. *ibid.* E.
 — minores etiam auspicia habuerunt, sed in comitiis centuriatis cavebatur, nequis eorum de cælo fervaret. 161. C.
 — qui gesserant, in senatum legebantur. 170. B.
 — urbanus primus quaestura. 170. B.
 — singuli quomodo in temp. illati, & eorum recensio. 162. A.
 — cum ordine senatorio erant colligati. 1090. E.
 — minores senatus cognitionem a cos. petebant. 1109. D.
 — omnes usque ad quaestorem veniebant in senatum. 1082. B. &c. 1105. E.
 — spectatus in legendo senatu. 1082. A.
 in *Magistratus* designatos toto illo tempore antequam inirent, de ambitu inquirebatur. 734. B.
Magistratus plebei an iidem ac minores, exclusi tamen tribunis & ædilibus pl. 802. F.
 — minores qui. *ibid.*
 — omnes, præter tribunos & ædiles pl. ita creati solebant, ut imperium iis comitiis curiatis non daretur, nisi ante aliis centuriatis aut tributis creati essent. 803. B.
 — etiam extraordinarii ut dictator licet suffragiis populi non creati solitus, itemque decemviri, curiata lege tamen opus habebant. *ibid.*
 — omnes a principio curiatis comitiis creati, postea quare tributum retentis tamen curiatis sive iustis sive adumbratis, & in quem finem. 806. F. &c. 817. C.
 — patricii minores an aliquando creati binis comitiis iidem, non diversis, curiatis sc. bis habitis. 818. A.
 — patricii an recte intelligantur de solis quaestoribus. 822. A.
 — patricii majores an primo creati comitiis centuriatis iisque bis habitis, non autem comitiis diversis. 817. F. 818. A.
 — patricii an quondam binis diversis comitiis creati centuriatis & curiatis. 806. E. 819. F. 841. A.
 — plebei seu minores an binis comitiis diversis creati, tributis & curiatis. 806. F. 819. F. 822. C. 841. A. 919. D. 928. C. D.
 — majores ab exactis regibus binis comitiis creati centuriatis & curiatis, & quare hæc adhibita. 928. C.
 — minores creati adhibita lege curiata. 919. D.
 — patricii qui, & plebei qui. 841. A.
 — an patricii tantum qui patriciis prius patuerint, plebei vero qui tantum plebi. 826. B.
 — plebei an unquam pro minoribus accipiantur. 841. B.
 — patricii an unquam pro majoribus. 862. 929. D. 955. A. C.

RERUM ET VERBORUM.

— pro ornamento magistratus. 843. C.
 — auctoritas seu potestas alia civilis, alia bellica;
 civilis alia major, alia minor. 848. F. 969. A.
 — potestas major aliquando imperium appellatur.
ibid.
 — potestas maior in auspicio & iudicio posita & quæ
 utraque *ibid.* & 869. B. C. &c.
 — alii prehensionem tantum habuerunt, alii pre-
 hensionem & vocationem, alii neutrum. *ibid.* F.
 — qui potestate maxima seu verius imperio instru-
 ti. *ibid.*
 — quibus comitiis eam potestatem acceperint.
 870. A.
 — imperium militare non nisi lege curiata, aut fe-
 natusconsulto accipere. *ibid.*
 — provinciales opus habebant alia lege curiata ad
 continuandum iis in provinciis imperium, nec suf-
 ficiebat communis omnium magistratum curiata
 lata iis antequam magistratum in urbe inirent.
 804. C.
 — provinciales omnes an utrumque imperium ha-
 buerint, civile jurisdictionis lege centuriata, mili-
 tare vero lege curiata. 893. B.
 — provinciales an legatos suos habuerint tantum ad
 usum militarem. 915. C.
 — provinciales an omnes secum duxerint tribunos
 & præfectos militares. 915. E.
 — provinciales cohortem prætorum habuerunt, sed
 ex quo genere hominum constantem. *ibid.* E.
 — & ejus jura. 967. A.
 — vocatio. 160. E.
 — potestas in quibus posita. 969. A.
 — iudicium apud Ciceronem de legibus quid sit.
 969. C. D.
 — an imperium militare suæ potestati insitum ha-
 buerit. 972. E. vide *Imperium*.
 — an fuerint proconsules & pro prætores. 831. B.
 858. C. 997. E.
 — qui fuerint proprie, qui vero generali vocis signi-
 ficatione. 917. F.
 — qui & quomodo tributis comitiis creati. 750. B.
Magistratum insignia. 1054. D.
 — jura quatuor, in imperando, jure dicendo, re-
 ferendo & auspiciando. 160. A.
 — imperium in tribus positum, in edicendo, vo-
 cando, prehendendo. *ibid.* B.
 — edicta duum generum. *ibid.*
 — vocatio & prehensio qualis. *ibid.*
 — jurisdictio duabus partibus constans, decreto &
 iudicis datione. *ibid.*
 — relatio duplex vel ad senatum vel ad populum.
ibid. F.
 — auspicia duo, unum in urbe a magistratibus ur-
 banis usurpatum, alterum militiæ a magistratibus
 militariis. 161. B.
 — ministri qui. 402. D. 412. B. &c.
 — comitia & creatio ordinaria in alia atque alia
 tempora incidebant. 732. A.
Magistri equitum qui. 162. E.
 — senatum habere poterant. 1108. B.
Manipuli qui præerat, manipularius dictus. 510. D.
Manipulorum signum vexillum. *ibid.*
 in *Manipulis* quinquaginta cohors divisa. *ibid.* C.
Manipulus viginti quinque milites Augusti tempore
 continebat. 510. C.
Manumissus a Romano Romano simul cum liber-
 tate civitatem accipiebat. 49. C.
 — a peregrino aut peregrina civitatem non accipie-
 bat, & ratio. *ibid.*
Marcelli. 35. F. 37. C.
Medirinalis dies. 1066. B.
Menenia tribus. 42. E. rustica. 44. D.
Mensalis Juno. 39. C.
Mense curiales. 34. A.
Mensarii qui. 190. D. &c.

— Græce *τραπεζίται*. *ibid.*
 — non a populo creati. *ibid.* A.
 — modo v. viri, modo duumviri. *ibid.* C.
 — diversi ab argentariis. *ibid.* B.
Mercatores duum generum, mercatores proprie di-
 cti & negotiatores, atque ut illi inter se diff.
 189. A.
 — cenforum civium in numero non sunt habiti.
 138. C.
 — minus noti in provinciis quam negotiatores.
 190. A.
Mercatorum deus Mercurius. 189. B.
 — collegium Romæ institutum. 189. A.
 — dies festus. 189. B.
Mercaturam laudat Cicero. *ibid.* D.
Mercenariam operam qui in agris præbebant, etiam
 in rusticis tribubus erant. 46. E.
Mercuriales mercatores. 189. B.
Mesopotamia provincia facta. 522. D.
Mesopotamie pars amissa, a Joviano tradita Satori re-
 gi Perfarum. 557. F.
Miles qui citatus non respondebat, quomodo multare-
 tur. 143. C. D.
 — ære dirutus qui. 147. E. F.
Militare sacramentum quale. 143. C.
 — stipendium. 145. E. F. &c.
Militares animadversiones quæ. 147. C.
Militaria dona. 146. E.
 — præmia. 145. C.
Militaris ætas quæ. 138. D.
 — decimatio. 147. D. 148. E. &c.
Militarium coronarum genera. 146. E.
 — missium genera. 144. C.
Militer lecti in senatum a Cæsare. 1086. D. E.
 — primi citabantur boni ominis. 143. D.
 — quando stipendio legitimo spoliarentur. 147. E.
 — quando fustibus cæderentur. 148. D. E.
 — hordeo pascebantur. 148. B.
 — sæpe ultra sacramentum novo jurejurando adige-
 bantur. 143. F.
Militi præda divisa. 146. E.
Militie jus. 140. B.
 — tria genera. 144. B.
Militibus indicebatur ad conveniendum dies. 144. C.
 — pecuniæ ab imp. triumphaturis dividebantur.
 147. A.
 — vestes, arma, frumentum sæpe missum detracta
 diurnæ mercedis rata parte. 146. D.
Missium militarium duo genera. 144. C.
Morbus major in comitiis impediendis. 600. E.
Morgetes rex Arcadium in Italia, a quo Morgetes qui an-
 te Itali. 5. F.
sub Morgete quinam Italiæ fines. 29. C.
Morgetis & Itali temporibus an Roma extiterit.
 30. C.
Moribus opp. leges. 99. A.
Mos majorum qui. 98. C.
Mos quid ab instituto differat. *ibid.* D.
Moti senatu non omnes notabantur. 1102. B. C.
 — senatu ærarii facti. *ibid.*
 — poterant esse iudices. *ibid.*
Motus ordine a senatu. 1101. D.
Movere senatu censores. 1102. A.
Moveri tribu quid. 67. B.
Mulier quæ se capite non dimittit, testamentum fa-
 cere non potest. 133. F.
Mulieres ex civium cenforum numero exemptæ.
 138. C.
 — in perpetua erant tutela. 136. E.
Mulieribus bibere vinum non licebat & quare. 123. E.
 — tutores dantur ex lege Atilia. 136. E.
Multa senatoriæ. 1110. E.
Multa bonis opponuntur. 220. F.
Munera senatoria. 1089. B.
Municipalia sacra. 118. D.

INDEX

- Municipes* in senatum legebantur. 1072. F. &c.
 — habebant tribus, carebant curiis. 93. F. 94. A.
 — instituti post Romam captam. 78. F.
 — non habebant eadem sacra atque cives Rom.
 120. A.
 — quando non iidem accives Rom. 93. F.
 — non optimo iure cives erant. 77. E. 118. E.
 — quando optimo iure cives facti. 77. E.
 — Romam migrantes municipalia sacra non defe-
 ruerunt. 119. F.
 — qui & eorum iura. 52. B. 62. C.
 — censebantur, licet neque partes tribuum neque
 proprie cives Ro. essent, in tribubus tamen suffra-
 gium ferentes. 59. C.
 — alii intra, alii extra tribuum terminos. *ibid.*
 — quarum rerum causa potissimum Romam con-
 fluerent. *ibid.* D.
 — civitate cum suffragio donati, & sine suffragio,
 quibus appellationibus apud Romanos distincti.
 61. D.
 — ut diff. a civibus Romanis qui non ex municipiis.
 62. C. 584.
 — ut diff. a coloniis. 62. B.
 — ut diff. a praefecturis. *ibid.* E. F.
 — censebantur cum civibus Romanis civitate lege
 Julia Italica data, non tamen comprehendebantur
 eo numero, quo censorum civium capita recense-
 tur. 70. A.
 — excludebantur comitiis curiatis, & ratio. 450. D.
Municipia apud Festum. 484. F.
 — ap. Ciceronem. 485. A.
 — apud Tacitum. *ibid.*
 — in vetustis inscriptionibus, *ibid.* B.
Municipiis quibusdam civitas cum suffragio, quibus-
 dam sine suffragio data. 48. C. 450. D. 451. B.
 585. C.
a Municipiis adscriptis appellatae tribus. 44. D.
Municipiorum, coloniarum, praefecturae, socio-
 rum tam Latini quam Italici nominis post legem
 Juliam conditio quatenus eadem, quatenus diversa.
 54. B.
Municipium Aricia. 481. F.
 — Acerrae. 483. B.
 — Anagnina. *ibid.* E.
 — Arpinum. 484. A.
 — Atella. *ibid.* C.
 — Cære. 480. C.
 — Cumæ. 483. B.
 — Equites Campani. 484. D.
 — Formiae. 482. F.
 — Fundi. *ibid.*
 — Lanuvium. 481. D.
 — Nomentum. 482. C.
 — Pedum. 482. C.
 — Privernum. 482. E.
 — Sueffula. 484. D.
 — Trebia. *ibid.* E.
 — Tusciculum. 481. A.
- N
- Nabucodonosor* ab suis Assyriis dictus est Abobassa-
 rus. 21. C. ejus geita & posterius usque ad Cyrum.
ibid. D.
Narniensis tribus nusquam legitur. 58. E.
Natalis dies Caesaris. 1094. F.
Neapolis. 52. E.
Nefasti dies. vide in *Dies*.
Nefasti diebus omnibus senatus haberi potuit. 1063. C.
 — neque lege agi neque cum populo licuit. 1062. F.
Negotiatores ad censum redibant Romam. 216. C.
 — in provinciis notiores quam mercatores. 220. C.
 — live negotia gerentes qui & ut diff. a mercatori-
 bus. 189. A.
- ex Negotiatorum* conventu legebantur iudices in pro-
 vincias. 190. A.
Nexi liberatio. 130. E.
 — obligatio quomodo fieret. *ibid.*
 — jus & mancipii jus diversum. 129. F.
 — jus proprium civium Ro. 130. F. 450. E.
Nexum quid. 129. E. 135. C.
Nexu se auctor, id est, venditor obligabat, & cur.
 130. D.
Nexus quæ solemnitas. 130. B.
Nequisivit centuria quæ. 66. A.
Nobiles primum patricii & quare. 215. D.
 — etiam plebei. *ibid.* E.
 — qui. 214. F.
Nobilitas ab imagine. *ibid.*
 — pro patriciorum factione. 215. D.
 — quæ ex patriciis & plebeiis nobilibus familiis con-
 stabat, oppositorum plebi obscuræ & nullarum imagi-
 num. 217. D.
Nota in senatu edita. 1102. A.
Nota in scribendo quæ. 22. E.
Notarius & ejus munus. 12. F.
Notariorum origo & usus. 13. D.
Notæ censoriae, notare, & notam adscribere quid.
 1102. A. B.
 — ordinum. 207. C.
 — quarum extat memoria. 1103. B. &c.
Notis, per notam, per notas scribere, notare, oppo-
 nitur perscribere & literis perscribere. 13. A.
Notis in scribendo quinam usi. 14. A.
Notæ tabulæ. 110. F.
Novi dii culci Romæ. 117. E.
 — damnati. *ibid.*
Novi homines qui. 215. F.
Novitas quæ. *ibid.*
Nuces a marito spargebantur. 122. F.
Numa quæ instituerit. 39. E.
 — inter cetera præclara sacerdotum ordinem & dis-
 tinctionem in octo partes instituit. 280. C.
Numæ lex de potestate patrum. 126. E.
Numerabantur in senatu senatores qui in hanc & in il-
 lam partem transiissent & ex numero senatus volun-
 tas apparebat. 1036. A.
Numeræ senatum, vox senatoris qui impediēbat, ne
 senatusconsultum fieret ob paucitatem senatorum;
 aut potius cum magistratuum artes cludere veller.
 1038. C. 741. B. 1126. E.
Numeri integri apud scriptores antiquos magis usitati,
 quam cum exigui numeri additione. 1051. F.
Numerus senatorum Romuli. 1100. A.
 — senatorum Targ. Prisci. *ibid.*
 — senatorum Bruti. *ibid.* B.
 — senatorum a Sylla auctus. *ibid.* F.
 — senatorum auctus a censoribus lustris LXXVII,
 1001. A.
 — senatorum Caesaris. *ibid.*
 — senatus triumviralis. *ibid.*
 — senatorum Augusti. *ibid.*
 — senatorum senatusconsultis faciendis necessarius
 stante rep. 1112. C.
 — legitimus quis imperante Augusto. 1113. A. B.
 — senatorum qui judicabant per legem Aureliam.
 1095. B.
Numidia quando & quomodo provincia facta. 496. D.
Nundinæ quæ & an iis comitia haberi poterint. 595.
 A. 731. B. D.
 — inter ferias numeratae. 731. B.
Nundinarum interventus duos dies de numero comitia-
 lium demebat. 732. D.
Nundinis poterat concio ad populum haberi & apud
 prætorem lege agi. *ibid.* A.
Nupta dicebat marito, Ubi Cajus, ego Caja. 122. D.
 — nova aquam & ignem attingebat. *ibid.* A.
 — caput flammeo obnubebat. *ibid.* B.
 — collocabatur a pronubis in lecto, *ibid.* E.

RERUM ET VERBORUM.

— deducebatur a pretextatis. *ibid.* B. E.
 — limen mariti non attingebat. *ibid.* C.
 — oleo mariti limen perungebat. *ibid.*
 — rapi folita. *ibid.* A.
Nuptæ cingulum solvebat maritus. 123.
 — novæ comam maritus hasta poliebat. 122. E.
Nuptiis auspices. 121. F.
 — canebatur hymen. 122. E.
 — faces quinque & quare. *ibid.* B.
 — fax rapiebatur. *ibid.* D.
 — fax spinea. *ibid.* B.
 — nuce a marito spargebantur. *ibid.* F.
 — Talaffio canebatur. 122. D.
Nursia præfectura. 53. C.

O

Obnuntiare & fervare de cælo ut diff. 599. D.
 — auguri non licuit, fervare de cælo licuit. *ibid.* E.
 — & fervare de cælo magistratui licuit. *ibid.*
 — quid in comitiis. 395. C. 693. C.
Obnuntiare debebat ante comitia peracta. 694. C.
Obnuntians si mentitus fuisset, auspicio nihilominus
 parendum. *ibid.*
Obnuntiationi ut pareretur, lege cautum. 693. C.
Obnuntiationis solemnia verba quæ. 694.
Oenotrus quis, Oenotria quæ regio, & Oenotrii qui
 populi. 4. D. &c. 27. D.
Opici quando a Romanis subacti. 443. B.
Opifices etiam cives Romani. 195. B.
 — & fellularii in paucorum rep. Romæ honoribus
 exclusi. 77. D.
 — non cives ex sententia Dionysii. 196. D. &c.
 — cur a censoribus præteriti. 196. F. 197. C.
 — etiam magistratus adepti. 77. D. 197. 198. C.
 — e plebe. 185. E.
 — cenforum civium e numero exempti. 138. C.
Opificibus & fellularii in populari rep. Romæ honores
 patuerunt. 77. D.
Opificum & artificum genera. 195. B. &c.
 — collegia a quo instituta. 195. E.
 — collegia in tribubus erant & suffragabantur. 147.
 D. E.
Opis est Bona Dea & nominis etymon. 330. D.
Optimates qui. 217. E. &c.
 — quod genus reip. 77. C.
 — opp. plebi & qui fuerint.
Optimatus quid propositum. 218. C.
Optimatum genera, partes, formæ. *ibid.*
 — & popularium factio quando cæperit. 217. F.
 — potestas unde dicta. 218. C.
 — & populi factio remp. perdidit. 219. F.
Opus esse & tamen non necesse esse aliquid quomodo sit
 intelligendum. 873. D. E.
Orcini liberti. 1087. A.
 — senatores. *ibid.*
Ordinis originem Philosophia magistra patefecit.
 1007. A.
 — ratio ubi pluribus de rebus tractamus, tum a na-
 tura, tum a dignitate petitur. 1008. B.
Ordines tres, senatorius, equester, plebis. 165. C.
 1072. A.
 — non sunt honores. 209. E.
Ordinum censoriarum notarum. 207. C.
 — jus. 209. A. &c.
 — judicia. 209. C. D.
 — spectacula. 213. C. &c.
 — trium qualis ratio. 3. B. &c.
Ordo quantum venustatis, quantumque adjumenti
 vel ad agendum vel ad eloquendum afferat.
 1007.
 — quem in explicanda re sequi conveniat, post rem
 ipsam inventam considerandus. 1008.
 — quem in tradenda divinarum humanarumque re-

rum noticia Varro secutus est, & quibus de causis.
 1007.
 — rogandarum sententiarum in senatu. 1121. C.
 &c.
 — spectatus in legendo fenatore. 1079. D.
Orientalis scriptores Asiatici ac Syri quo genere dicendi
 fuerint usi. 19. D.
Ornamenta fenatorum. 1095. F. &c.
Ornari provincia quando diceretur & quid eo contine-
 retur. 804. E. 1135. D. &c.
Ostrogothi qui, & nominis origo gentisque sedes.
 559. F.
 — ab Hunnis vestigales redditi. *ibid.*
 — vastant cum Hunnis & Alanis Romanorum
 provincias. 560. C.
 — deficient post mortem Attilæ ab Hunnis & eo-
 rum regionem occupant. 561. E. F.
 — incolunt Imperatoris permisso. 564. E.
 — Italiam petunt consilio Zenonis imperatoris &
 Odoacrem tyrannum Theodorico duce vincunt.
ibid. F.
 — exiguntur omni Italia. 564. A.
Ostrogothorum reges usque ad Justinianum imp. *ibid.*
Officæ portus ab Anco Martio extructus. 39. F.
Oufentina tribus. 43. C.
 — in Campania. 54. F.
Ovile quis locus in comitio. 713. C.
Ovinia lex de senatus lectione censoribus commissa.
 1074. E.

P

Paganalia in agris, compitalitia in urbe curiarum sa-
 cra a Romulo instituta. 117. D. 356. D.
Pagi in agro Romano a Servio Tullo facti quid.
 356. C.
Pagis singulis certus colonorum numerus attributus.
ibid.
in Pagis aræ & sacra paganalia dicta. 356. C.
Pagorum collegia. 186. C.
 — magistris qui & eorum munus. 356. C.
Palati Petusculum. 81. C.
Palatina tribus. 45. E. 42. B. 350. D.
 — egestate & ignominia laboravit. 57. F.
 — in ultimum locum rejecta. *ibid.*
Palatii radices primæ Urbis pomerium. 36. B. 78. F.
in Palatio primæ curiæ seu immolandi epulandique lo-
 ca. 34. C. 39. C.
 — curiæ omnes. 93. A.
Palatium. 38. E. 40. B.
 — a Romanis veteribus habitatum. 40. C.
 — Romuli domicilium. 33. D. 57. E.
 — sedes trium primarum tribuum. 57. E.
Palladium quid fuerit. 317. E. 318. C.
 — in templo Palladis quod erat in arce Trojana, col-
 locatum. 318. A.
 — quamdiu intra mœnia Trojana conservaretur,
 tamdiu mansuram esse urbem, oracula cecinerant.
ibid.
 — subreptum ab Ulyxe & Diomede quomodo.
 318. B.
 — verum an imaginarium abstulerint Græci. *ibid.*
 — in Italiam ab Ænea adductum & in urbe Lavi-
 nio collocatum. *ibid.* C.
 — ab Ascanio Albam longam translatus, & inde
 Romam sub Tullo, positumque in æde Vestæ.
ibid.
 — an Romæ remanserit, an vero ab Ænea in Phry-
 giam sit reductum. *ibid.* D.
 — ex incendio ædis Vestæ raptum a Pontifice Me-
 tello. *ibid.* & tum primo visum fuit. *ibid.* E.
 — iterum visum sub Commodio Marci filio imp. Ve-
 stæ templo conflagrante. *ibid.*
 — ab Alagabalo in templum dei sui Alagabali transi-
 tum & quare. *ibid.* F.

- restitutum post Alagabali eadem propriis sedibus. 319. A.
- a Constantino ex urbe Constantinopolim deportatum & in medio foro supra columnam marmoream, ut ab omnibus conficeretur, positum, fuitque statua aenea Palladis. 319. A.
- Paludamentum* quid. 914. C.
- Paludati* qui in provinciis proficiscebantur, an omnes exercitus duces fuerint. *ibid.* D.
- lictores. *ibid.* D.
- Pamphylia* provincia facta. 505. E.
- Pannonia*, *Moesia*, &c. quando provinciae factae. 504.
- Pantberae* Africanæ ut in Italiam advehi possent, quando decretum. 1045. D.
- Papyria* tribus. 42. E. 365. E.
- Tusculanorum. 45. D.
- Papyrius* prætextatus. 1020. E.
- Parthia* dies. 1065. C.
- Parthi* Romanos sæpe fregerunt, imperiumque diu integrum ab illorum subjectione conservarunt. 550. E.
- aliquando a Romanis reges accepisse leguntur. *ibid.*
- aliquando domesticis seditionibus attriti pæne a Romanis debellati fuere. *ibid.*
- Persarum mancipia facti & quando. 553. B.
- Orientis imperium tenebant, cum Romani Occidente toto potirentur, & cum his de summa rerum decertabant. 550. F.
- Parthis* successerunt Persæ. *ibid.* E.
- Partiborum* origo. *ibid.* F.
- quæ conditio sub Assyriis, Medis, Persis & Alexandro M. 551. A.
- quæ conditio sub Alexandri M. successoribus. *ibid.*
- imperium quomodo invaserit Arsaces. *ibid.* B.
- reges post Arfacem eorumque cum Romanis bella. *ibid.* B. &c.
- rex postremus Artabanus victus ab Artaxerxe Persa, atque ita Parthi Persarum, ut paulo ante Persæ Parthorum mancipia fuere. 553. B.
- Pastores* & pascua publica. 154. A. 179. F.
- Paterfamilias* quis. 133. E.
- Paterfamilias* quis. 133. E.
- patratus inter feciales quis & ejus munus. 322. D.
- in filium vitæ necisque habebat potestatem. 126. C. 127. A.
- vendere non poterat filium, qui uxorem suo consensu duxisset. 126. E.
- Patres* qui, qualesque a Romulo ita appellati & appellationis causa. 39. D. 112. C. 167. A. 1010. E. 1052. E.
- conscripti cur dicti senatores. 1014. F. 279. D. E. 167. A.
- ad concionem nominati per præconem vocati addito patris prænomine. 270. A.
- in Patres* & plebem divisi Romani. 269. F.
- Patribus* quarum rerum administratio commissa. *ibid.* C.
- ex Patribus* lecti centum senatores. 270. D. 1014. D. 1075. F.
- Patricie* Pudicitiae sacellum, Plebejæ Pudicitiae ara. 119. D.
- familiae aliquot etiam plebejæ. 116. B.
- familiae quæ a patribus, id est, senatoribus nomen acceperunt. 1010. F. 1011. A.
- familiae quæ majorum, quæ minorum gentium dictæ. 270. C.
- Patricii* qui. 112. C.
- soli sub Romulo senatorii ordinis participes. 35. A.
- ex equestri ordine in senatum lecti non amittebant equitum ornamenta, licet equestri ordinis esse desiderarent. 35. F.
- nobiles. 215. D.
- soli auspicia habuerunt. 114. A.
- quanta potestas post reges exactos. *ibid.* C.
- majorum gentium & minorum qui. 116. A. 279. E. 280. A.
- ad plebem transierunt. *ibid.* D.
- quondam iidem atque ingenui. 112. C.
- a Romulo & sequentibus regibus, itemque a Bruto, denique a Cæsare, Augusto & Claudio lecti. 113. C. D.
- quando non ducerent plebejas. 121. C.
- a quibus legerentur. 113. C.
- patrones plebejorum. 113. E. 270. C. &c. 1011. C.
- & plebs sub Romulo. 269. F.
- sunt progenies patrum. *ibid.*
- & plebei magistratus varie accepti. 743. C.
- ex Patriciis* tantum sub regibus lecti sacerdotes & magistratus. 34. D. 272. B.
- a Patriciis* ad plebem reditus. 116. D.
- Patricio* & plebejo genere constabant cives Romani, sed tribus ordinibus. 35. A. 271. A.
- Patriciorum* alia ratio sub regibus, alia post reges exactos. 35. A. B.
- tres ordines facti, sicut & plebejorum. 211. D.
- paucorum in potestate universa resp. initio post reges expulsos plebe ab omni munere exclusa. 417. A.
- munera. 1010. F. &c.
- & plebejorum primæ seditiones. 116. F.
- & plebejorum sacra an eadem. 119. D.
- ad Patricios* auspicia redibant. 115. B.
- Patricium* jus. 126. C. &c.
- Patronorum* iura. 113. E.
- siue patriciorum siue plebejorum discrimen unde ortum. 1012. A.
- Patrocinia* a Romulo instituta. 113. E. 272. C. 1011. C.
- Paucorum* factio quod genus reip. 76. B.
- Pauli* in ærarium illatam pecuniam ante Hirtium & Pansam coelli videri consumtam. 153. A.
- victoria tributum exigi delictum. 152. C.
- Pauperes* tributo levati. 150. B.
- in plebe forenti. 198. E.
- Pecuarii* qui. 154. B. 180. A.
- Pecunia* ex senatusconsulto dabatur 1051. A.
- Romanorum argentea præcipue fuerunt denarius, quinarius & sestertius, quæque horum nummorum notæ ac valor. 536. D. &c.
- Romanorum redacta ad rationem Venetæ & Romanæ pecuniæ, quæ hodie in usu. 537. A.
- quomodo divideretur populo in comitiis a candidatis. 621. A.
- Pedarum* equites. vide in *Equites*
- senatores. 1082. D.
- unde dicti. *ibid.*
- non nisi impetrata potestate sententias dicebant. 1122. C.
- Pedibus* ferre sententiam quid. 1036. A.
- Pediti* quando stipendium dari ceptum. 144. D.
- Peditum* diurnum stipendium quantum. 146. B.
- Pelagi* & eorum patria antiqua. 6. D.
- Italiam occupant & inde ejiciuntur. *ibid.*
- veniunt in Italiam & quidam eorum urbem Spiniam condunt. 6. E.
- Pelagorum* pars jugunt se Aboriginibus. 7. A.
- res florentes quomodo perditæ. *ibid.* B.
- Penates* ubi culti. 117. D.
- Perduellionis* crimen judicium populi in comitiis centuriatis exercitum. 390. B. 655. B. 656. E.
- ut diff. a crimine majestatis. 390. C. 655. C.
- capitale erat. 390. F. 657. C.
- de Perduellionis* crimine ut quærent, duumviri aliquando creati. 390. F. 656. E.
- Peregrini* virtute & meritis in remp. ferendi suffragii locum in tribu consequebantur. 60. A.

RERUM ET VERBORUM.

— civitatem non habebant, unde nec qui ab iis manumissi. 49. C.
Peregrinis quibusdam prius civitas data, deinde ordo senatorius. 1073. E.
 — libertis civitas dabatur, non jus Quiritium; peregrinis vero ingenuis cum civitas impertita dicitur, jus Quiritium datum intelligitur. 50. B. C. 49. B. C.
Perse primum sub suis, dein sub Macedonicis, tum sub Parthorum regibus. 553. C.
 — postremo ab Artabano Parthorum rege, duce Artaxerxe Persa, deficiunt, eumque regno & vita exiunt. *ibid.* D.
 — vicinos Orientis populos, qui sub imperio Parthico fuerant, subigunt. *ibid.* E.
 — Romani imperii fines invadunt & Persarum vetus imperium armis recuperare student. *ibid.* E. & c.
Persarum reges post Artaxerxem & eorum cum Romanis bella. *ibid.* E. & c.
 — rex novissimus Ormida pulsus a Saracenis & quo tempore. 554. D.
 — imperio potiuntur Saraceni & illud adhuc possident sub regibus nomine Sophi appellatis. *ibid.* E.
Petuscum Palati. 81. C.
Phalaræ dona militaria. 146. E.
Picentes quando a Romanis domiti. 445. B.
Picenum a Romanis in dedicationem acceptum. 444. A.
Pignus quando senatori auferretur. 1030. B.
Pignora cadere quid. 1111. D.
Pignora, priusquam multam solverent senatores, capta. 1110. F.
Pilani velites quot in legione. 509. C.
 — ex quo genere civium lecti. *ibid.*
Pilum primum, secundum, tertium in triarii quid, & centurio primi pili quis. *ibid.* D.
a Plebe ad patricios aditus. 116. D.
cum Plebe communicata connubia patriciorum. 425. E. 426. C.
de Plebe vel de populo tertius ordo. 271. A.
 — Romana homo. 166. A.
Plebeja Pudicitia. 119. E.
Plebejarum & patriciarum gentium jura ut pararentur. 113. B. C.
Plebei a Romulo exclusi senatorio ordine. 34. D.
 — pulsus regibus etiam erant senatores & equites. 35. A.
 — qui. 34. B. 112. C.
 — dicti progenies plebis. 269. F.
 — etiam nobiles. 205. D.
 — tantum ceperunt tribunatum plebis. 106. A. 115. E.
 — auspicia obtinuerunt. 114. E.
 — clientes patriciorum. 113. E.
 — non ducebant patricias. 121. C.
 — nec interregem, nec flamines majores, nec regem sacrificulum, nec saliorum collegium habuerunt. 115. D.
 — magistratus & sacerdotia adepti. *ibid.* E.
 — quando legi cepti in senatum. 1078. D.
Plebei quæ munera commissa a Romulo, quæ patriciis. 34. E.
Plebejorum duplex ignominia. 61. C.
 — locus postremus in censu. 66. B.
 — tres ordines, sicut patriciorum, plebei senatores, plebei equites & plebei de populo. 271. D. & patriciorum sacra an eadem. 119. D.
Plebej esse & esse de plebe ut diff. 37. C. 166. B.
ad Plebem quando summa rerum reciderit. 77. C.
in Plebem & patres populus Ro. divisus a Romulo. 269. F.
Plebi opponitur nobilitas. 113. C.
Plebis & populi nomina confunduntur apud Cic. &

Liv. 271. A.
 — vox quatuor habet significationes in divisione populi Ro. 271. A.
 — sub regibus potestas. 272. B.
 — prima seditio unde orta & quomodo sedata. 417. C.
 — seditio iterum repressa & quomodo. *ibid.* D.
 — libertas firmata legibus Valerii & Horatii cons. 425. B.
 — iniquus dominatus & furiosi ejus tribuni. 428. F.
 — dominatus a Sylla dictatore tollitur. 429. C.
 — status & potentia quæ in consulatu Pompeii. *ibid.* D.
 — urbanae partes. 185. D.
 — notæ censoriæ. 208. B. & c.
 — opibus fretus Cæsar dominatum unius invasit. 77. C.
Plebscitis quæ. 98. A.
 — unde dicta. 65. D.
 — quibus ante sola plebs tenebatur, quando cæperint obstringere omnes Quirites. 418. D. 425. B. 428. B.
Plebscitis Sempron. de fraudibus feneratorum. 194. A.
 — Atinium de tribunis plebis senatoribus. 172. E.
Plebs quæ. 112. C. 269. E.
 — pro pauperibus. 150. B.
 — sub regibus patriciis dominantibus honoribus caruit. 77. D.
 — pulsus regibus diu non modo de suo ordine nullos cons. sed neque tribunos pl. aut ædiles, aut sacerdotes aut ullum magistratum habuit. 55. E. 416. F.
 — consideratur tribus modis. 46. D.
 — populo dominante honores habuit. 77. D.
 — quibus muneribus exclusa, quæ obierit. 269. C.
 — quod genus reip. 76. B.
 — bonis opp. 221. A.
 — tributis exsoluta. 150. B.
 — discreta ab equitibus in theatro. 214. A.
 — Romana quæ. 182. D.
 — Romana agros colebat aut divisos aut locatos. 184. F.
 — in partem reip. quomodo vocata. 77. C.
 — in patriciorum clientelam distributa. 270. C.
 — opp. optimatibus. 271. D. E.
 — opp. senatui & ordini equestri distributa in collegia & libertinos. 271. F.
 — quomodo suffragia ferret. 272. C.
 — rustica quæ. 183. C.
 — rustica extra & intra Romani agri terminos in quot tribus distributa. 47. F. 48. A.
 — ejus pars post legem Juliam fuit Italia. 48. A.
 — urbana quæ. 185. C. & c. 198. E. & ejus partes. *ibid.* D.
 — urbana in pagos divisa. 186. B.
 — urbana in omnibus tribubus. 199. E.
 — urbana in colonias mittebatur. 199. C.
 — urbana fentina civitatis. *ibid.* E.
 — urbana nunquam non male audiit. 46. B.
 — urbana forensis factio & forensis turba appellata. *ibid.* C. item *pedissequi* & concionalis *birudo æarii*. 47. D.
 — urbana & rustica tribu, domicilio, & vitæ instituto differabant. 46. B.
 — urbana in quinque genera divisa a Sallustio & vitia ejus enumerata. 47. E. F.
 — quando secesserit in montem Sacrum. 417. F.
 — reducta a monte Sacro. *ibid.*
 — tribunos plebis duos vel ut alii quinque sacrata lege creat sibi. 418. A.
 — tribunorum auctoritate quæ obtinuerit propria ante patriciorum. 471. A. B. 428. A.
 — in Janiculum secedit. 471. B.
 Ggg

I N D E X

- ob legem agrariam seditiones excitat & quando 65. E.
- quando legem tulit, ut plebei magistratus tributis comitiis crearentur, qui hactenus curiatis. *ibid.*
- potestatem duplicandorum tribunorum quando sit adepta. *ibid.*
- eo senatum adigit, ut legum latores crearentur qui jura plebi patribusque praescriberent, utque tres legati mitterentur ad jura Graecorum noscenda. *ibid.*
- & ut decemviri legibus scribendis fierent. *ibid.* F.
- iterum crearentur. 424. D. imo sequenti anno magistratum continuarent. *ibid.* E.
- nomen consulum non secus quam regum exola erat. *ibid.* D.
- per seditionem ob libidinem Ap. Claudii decemviri secedit in Aventinum, post in montem Sacrum. *ibid.* F.
- tribunos plebis restitui sibi postulat ac decem accipit. 425. A.
- ut tribuni militum consulari potestate sex crearentur, tres ex patriciis, tres ex plebe. 426. A.
- obtinuit tandem ut quatuor quaestores promiscue suffragio populi crearentur. *ibid.* E.
- consulatum quando & quomodo sit adepta. 426. F.
- post consulatum dictaturam, censuram, proconsulatum, praeturam, sacra, sacerdotia obtinet. 428. A.
- secessione in Janiculum lege Hortensia lata consequitur, ut plebscita omnes Quirites adtingerent. *ibid.* B.
- efficit tandem ut jure omnium rerum inter patres plebemque aequato temperata prorsus esset reip. forma. *ibid.*
- iniquum dominatum exercet. 428. F. qui tollitur a Sylla dictatore. 429. C.
- furiosos habet tribunos. 428. F.
- qua potentia in consulatu Pompeii fuerit. 429. D.
- ubi quod liber potest, facile inolescit & interitus reip. causam praebet.
- de nulla re judicavit, neque suffragia tulit, nisi ex auctoritate senatus ulque ad annum CGLXIV.
- Poetæ** olim scribæ dicti. 15. D.
- servi erant Romæ initio. 16. A.
- Pæna** incensorum civium. 68. C. 139. E.
- Pomærium** urbis Palatii radicibus terminatum. 6. E.
- a Romulo prolatum. *ibid.* F.
- non prolatum ab Hostilio. *ibid.* F. & 7. A.
- nec ab Anco Marcio. *ibid.* F.
- nec a Tarq. Prisco. 8. A.
- prolatum a Servio. *ibid.* B.
- quid. 79. D.
- qui protulerint. 79. D. &c.
- proferendi jus cui datum. *ibid.*
- Pompeius** consul ante legitimam ætatem virtutis ergo creatus. 1056. C.
- Pomptinæ** paludes siccandæ provincia. 913. F.
- Pontes** & quis eorum usus in comitiis. 157. B. 711. B. 921. D.
- erant in ingressu septorum. 714. A.
- videntur multi fuisse & quare. *ibid.* E.
- fuerunt xxxv. in tributis com. quot erant tribus. *ibid.* F.
- quomodo structi & an via tantum fuerit qua introvocarentur suffragatores. 796. C.
- ad Pontes** quomodo & unde centuriæ in com. centur. accederent & qua per illos abscederent. 711. C.
- de Pontibus** angustis lex. 711. B. 921. D.
- Pontifex** maximus quis, a quo institutus, quodque ejus munus. 326. A.
- a quibus & quomodo crearetur. 159. F. 326. C. 644. F. 645. A. 767. F.
- initio tantum ex patribus creatus, post etiam ex plebe. 326. D.
- Pontifices** unde dicti. 323. E.
- pontem publicum fecerunt & sæpe restituerunt. *ibid.*
- ex quibus lecti. 324. C.
- a quibus lecti. 325. E. &c.
- IV. cum Pontifice maximo a Numa instituti. 159. B. 324. C.
- IV. additi, ut essent octo. 159. C.
- ampliati a Sylla, ut essent xv. 324. F. 159. E.
- vel majores vel minores post Syllam ampliationem. 324. F.
- soli omnia sacra promiscue commendata habuerunt. 158. D.
- pontificum jus & actiones legis intulerunt. 97. F.
- soli quamvis magistratus non essent, potestatem cum populo agendi in comitiis sacrorum causa habuerunt. 663. E.
- potuerunt comitia curiata sacrorum causa habere & comitia creandis flaminibus. 808. E. F. non vero curionis maximi. 809. A.
- an habere potuerint etiam curiata com. de adoptione. *ibid.*
- adesse debebant in comitiis legis curiatæ de adoptione aut arrogatione. 811. D.
- non veniebant in senatum nisi senatores essent. 1106. E.
- singulorum deorum, quorum memoria tantum in inscriptionibus. 334. C. D.
- quamdiu Romæ fuerint & a quo aboliti. 325. F.
- Pontifices** maximi tandem post Cæsarem & Augustum fuerunt ipsi Principes Romani. 326. D. E. etiam qui Christianæ religioni addicti. *ibid.*
- defecerunt imperatore Gratiano hoc nomine se appellari vetante. *ibid.*
- cæteros pontifices, flamines, regem sacrorum, xv. viros sacris faciundis, reliquosque omnes sacerdotes sub potestate habebant. *ibid.* F.
- Pontificum** potestas. 158. F. 159. A.
- munus quodnam. 323. F. 324. A.
- cœrus collegium vocatum. 325. E.
- scribæ in inscriptionibus. 338. C.
- nulla ratio habita in rogandis sententiis senatorum. 1122. F.
- maximorum series quorum memoria extat. 326. F.
- Pontus** quando provincia facta. 498. C.
- Popæ** qui & eorum munus. 341. D.
- Popillia** tribus. 42. F. 44. E.
- unde sit, ignoratur. 55. B.
- Poplicola** in suo consulatu temperatæ reip. fundamenta jecit. 417. A. B.
- quas leges rulerit. 417. B.
- id nominis unde acceperit. *ibid.*
- Populares** qui. 220. E.
- Populi** fundi qui. 455. E.
- Populi** seu plebscita primum rata non erant nisi senatus approbaret, postea senatus decreta arbitrio populi fuisse subiecta.
- & plebis nomina confunduntur apud Cic. & Liv. 271. A. B.
- seu plebis prout senatui opp. potestas sub. regibus. 272. B. C.
- potestas supra omnes magistratus & senatum post reges exactos. *ibid.* D.
- Populi Romani** sacerdotia omnia recensita. 281. A.
- judicia comitiis centuriatis habita ad crimen perduellionis tantum spectabant. 390. B.
- judicia quomodo exercita. 394. B.
- judicia in comitiis tributis quæ exercita. 421. F.
- tribus tam urbanæ quam rusticæ & earum nomina. 352. F. &c.
- census primus & lustrum. 385. B. &c.
- comitia centuriata quomodo instituta & habita, & de quibus rebus. 388. F. &c.
- injussu in caput Romani civis non poterat ani-

RERUM ET VERBORUM.

madverti. 501. B.
 libertas post exactos reges. 397. F.
 magistratus omnes ab Urbe condita usque ad
 Constantinum Imperatorem. 399. A. &c.
 quæ conditio parva libertate. 416. D.
 mutationes quas tribunatus plebis invexit. 486. C.
 quæ conditio communicato plebi altero consula-
 tu. 427. E.
 status æquato inter patres plebemque omnium re-
 rum jure plane temperatus & florens, quando cœ-
 perit esse. 428. A.
 status ille præclarus & temperatus a quibus labefa-
 ctus & everfus. 428. E. F.
 in illo statu virtutes, gloria militaris, principa-
 tus, vitia. 491. A. &c.
 status sub Sylla dictatore. 429. C.
 status in consulatu Pompeii. *ibid.* D.
 status sub Jul. Cæsare. 429. E.
 status sub triumviris Reip. const. *ibid.* F.
 status sub Augusto. 430. A.
 status sub sequentibus imperatoribus. 430.
 E. F.
 status sub Constantino. 431. A.
 imperium quomodo ab exilibus principis ortum
 omnium maximum evaserit. 438. A. &c.
 imperium quale fuerit sub VII. regibus & quomo-
 do ab iis ampliatum. 439. C.
 coloniae intra Italiam quæ. 456. D.
 municipia. 480. D.
 præfecturæ. 454. D.
 provinciae extra Italiam. 486. B.
 provinciae a Cæsare factæ. 503. B.
 legiones. 507. B.
 provinciae sub Tiberio. 512. C.
 legiones ut mutatae ab excessu Augusti ad initium
 Vespasiani. 514. A.
 provinciae sub Vespasiano. 521. A.
 provinciae sub Trajano. 521. D.
 legiones inter Vespasiani & Alexandri imperia
 additæ. 525. B.
 coloniae extra Italiam. 531. B.
 vestigalia & quantum pecuniae summam ex iis ce-
 perit. 536. C.
 pecunia ad Venetæ & Romanæ pecuniae hodiernæ
 rationem exacta. 537. A.
 imperium ut divifum ab Hadriano. 540. B.
 imperium ut divifum a Constantino. 543. F.
 bella & fœdera cum Parthorum regibus. 550. E.
 bella & fœdera cum Persarum regibus. 553. D.
 potentia usque ad Trajanum semper aucta.
 557. A.
 provincia Dacia quando amissa. *ibid.*
 provinciae trans Tigrim, Nilius & Mesopotamia
 quando amissæ. 557. D.
 imperium in Occidente quomodo excisum.
 558. D.
 item in Oriente. 565. E.
 imperatores inde a Julio Cæsare omnes recensiti.
 568. D.
 in comitiis summa potestas jam inde ab initio ur-
 bis. 575. A.
 suffragiis initio opus in imperio provinciarum
 prorogando. 750. D. & in provincia alicui nomina-
 tum mandanda. 751. A.
 suffragiis non fuit opus in imperio prorogando
 post legem Corneliam latam. 753. B.
 suffragiis maxime opus fuit, cum provincia extra
 ordinem decerneretur. *ibid.* E.
 iidem nec aliter post legem Corneliam aliquis a
 senatu legibus solvi poterat. *ibid.*
 Populo Romano magistratus præerant. 1016. B.
 permittente multa per senatum peragebantur &
 quæ illa. 1046. C.
 Populus interitus reip. causam præbuit, senatus con-
 servationis. 1009. D.

tria statuebat, magistratus creabat, leges scisce-
 bat, bella jubebat. 1011. A.
 senatu censente largiri de publico poterat. 1044. D.
 sine senatu & contra senatum in jure dicendo sta-
 tuere potuit. 1045. D.
 legitimum jus arripuit. 1046. C.
 a tribus regibus in tres partes divisus. 577. D.
 a Romulo primum in tres tribus divisus. 1046. D.
 a Romulo divisus in patres & plebem. *ibid.* F.
 divisus post reges exactos in tres ordines. 271. A.
 appellati omnes non senatores & non equites.
 271. B. 270. E.
 jus habebat belli jubendi. 1139. A.
 jus habebat legum jubendarum. *ibid.*
 jus habebat magistratuum creandorum. *ibid.*
 post exactos reges sub coff. per trecentos annos Ita-
 liam intra Arnun & Rubiconem quomodo subege-
 rit. 441. B.
 quo tempore Galliam Cisalpinam provinciam fe-
 cerit. 445. F. & Ligures domuerit. 447. C.
 jus civitatis Ro. quibus dederit & quotuplex illud.
 448. B. & jus municipum. 450. D. itemque jus colo-
 niarum. 451. E. & jus Latii. 452. C. denique jus
 præfecturæ. 454. F.
 tunicatus. 200. A.
 Portitores qui. 180. A.
 Portoria quæ. 153. D.
 etiam a regibus exacta. *ibid.*
 plebi remissa. *ibid.*
 Postliminium non est dedito. 103. F.
 Potestas seu jura magistratus in quatuor rebus posita.
 159. B.
 magistratuum major & minor. 848. F.
 an tribunis pl. tribuatur, non vero imperium aut
 magistratus. 849. A. 866. B. 868. E.
 Potestatis vox varia significat. 866. F.
 Potitii & Pinarii Herculis sacerdotes. 158. C.
 Praeones in comitiis qui & eorum munus. 392. E.
 396. C.
 in comitiis tributis. 422. F. 667. D. 785. B.
 senatum vocabant. 1109. F.
 Praefari senatori licebat. 1122. F.
 Praefecti urbis senatum vocandi jus habebant. 1013. A.
 Praefecti, alias præclamitores flaminum qui. 341. F.
 Praeones qui & eorum in civitate varius usus. 203. E.
 libertini. 202. F.
 Praeonomum decuriae a quibus lectæ. 204. A.
 qui magistratuum ministri, quale munus. 413. D.
 Prædam militi divisa. 146. E.
 Prædia in censu deferebantur. 138. F.
 Praefecti aerarii qui. 408. E.
 prætorio qui. 410. B.
 eorum munus ab Augusto excogitatum & quale
 illud. *ibid.*
 ex quibus legerentur. *ibid.* C.
 eorum magistratus perduravit usque ad Constanti-
 num, a quo abolitus & quare. *ibid.* D.
 prætorio quatuor sub Constantino. 410. D.
 544. C.
 Aegypti. 411. D.
 præfecturarum. *ibid.* F.
 Praefecturarum, coloniarum & municipiorum data
 civitate omni Italiae lege Julia jura obliterata nomi-
 naque hæc cœpta confundi. 485. E.
 Praefecturæ quæ & earum jus. 454. F. 53. B.
 duorum generum. 485. C. 53. B.
 duæ & viginti. *ibid.*
 decem in quas præfecti populi suffragiis creati
 mittebantur & quæ illæ. *ibid.*
 duodecim in quas urbanus prætor præfectos mit-
 tebat & quæ illæ. *ibid.*
 fiebant sæpe ex coloniis aut ex municipiis & con-
 tra. *ibid.* E.
 coloniæ veteres & municipia iterum coloniæ fa-
 ctæ & quando. *ibid.* F.

INDEX

- coloniae & municipia quæ non erant ante legem Juliam vocabantur civitates foederatae. 54. A.
- extra Italiam nullæ, sed omnes extra Latium. 53. B.
- ut diff. a municipiis & coloniis. 49. A. 62. E.
- nullæ ante legem Juliam e civibus Ro. constabant, sed omnes dicebantur socii. 53. E.
- Prefectus* urbis extraordinarius magistratus a Romulo institutus. 403. A.
- cur creatus. 162. B.
- a quibus crearetur & quando. 403. C.
- non creabatur a populo in comitiis. 742. B. C.
- quam potestatem habuerit, quodque ejus munus fuerit in libera rep. ante præturam institutam. *ibidem* C. &c.
- quam potestatem habuerit is qui post prætores institutos Latinarum causa constituebatur. 403. C. &c. 743. A.
- sub imperatoribus inde ab Augusto fuit ordinarius & continuus magistratus. 404. B. 743. E.
- Latinarum causa sub imperatoribus creatus præter ordinarium. 404. B. 743. E.
- ut Romæ, sic & Constantinopoli factus. 541. A.
- Prefectus* annonæ. 405. B.
- fuit magistratus urbanus extraordinarius 748. B.
- quibus comitiis creatus. *ibid.* C.
- Prefectus* castrorum quis. 510. D.
- Prefectus* dendrophorum & fabrum in legione. *ibid.*
- Prefectus* prætorio Italiæ quas provincias sub se habuerit. 546. C.
- Galliarum quas provincias habuerit. *ibid.* F.
- Orientis quas provincias. 549. C.
- Illyrici quas provincias. 550. B.
- Prefectus* vigilum & III. viri nocturni qui. 406. D.
- qui sub Augusto. *ibid.* E.
- Prefectus* quæ in luneribus. 341. F.
- Premia* quantopere animos ad bene agendum inflammant. 1013. A.
- militaria. 145. C.
- senatorum. 1095. F.
- Præneste*. 53. D. F.
- Prænestini*. 63. A.
- Prærogativa* centuria & tribus quando esse inceperit. 945. B. 964. A.
- an eadem inducta, ut suffragia celerius inirentur. 946. E.
- pro voluntatis & judicii sui priori quadam significatione. 947. E. 965. D.
- Prærogative* sortitio quare instituta. 1029. E. 946. E.
- quando instituta. 847. B. 848. C.
- suffragatio an pro unis comitiis centuriatis habita, & jure vocata pro alteris. 818. C. 824. E.
- substitutio hæc pro integris comitiis quoniam in comitiis legum & judiciorum locum non habuit, an ideo quoque non potuerit locum habere in comitiis magistratuum. 826. A. 848. C.
- Prærogative* tribus cur dicantur ab Asconio. 847. A.
- Prærogative* & primo vocata seu primæ classis centuriæ aliquando idem. 947. F. 965. D.
- Prescriptionis* ratio duplex, necessitatis altera, altera honoris. 1062. E.
- Prætexta* pro magistratu apud Cic. 1035. A.
- Prætextati* cognomen Papyrio tributum. 1020. E. 1059. C.
- Prætextati* prohibiti ingredi in senatum. 1106. F.
- Prætor* ad jus in Urbe loco consulum dicendum creatus. 162. E.
- Prætores* in provinciis. 163. A.
- judices dabant. 209. C.
- duo erant in judiciis privatis. 649. C.
- quomodo privata judicia exercuerint. *ibid.* D.
- judicia quatuor publica exercuerunt post constitutas quæstiones perpetuas, de quibus non videbatur extra ordinem quærendum. *ibidem* E.
- sex quando creati cepti. *ibid.* 502. C. D.
- quot a Sylla additi aucto ab ipso quæstionum perpetuarum numero. 545. B. 502. D. E.
- singuli an singulis quæstionibus assignandi. 653. F.
- quando de criminibus, quorum erat lege constituta quæstio perpetua, non cognoverint. 654. D.
- non etiam cognoscebant de crimine novo aut gravitate insigni. *ibid.* E.
- urbani jurati judicum decurias conficiebant. *ibidem* E.
- urbani non ex omni populo sed ex certis ordinibus legebant decurias judicum. *ibid.* F.
- administratione in Urbe finita pro prætoribus in provincias prætorias mittebantur. 502. E.
- modo secundum creditores, modo secundum debitores jus dicebant. 194. A.
- senatum quando vocarent. 1029. D. 1108. C.
- ex edictis suis perpetuis jus dicere coacti lege Cornelia. 1045. D.
- urbanus & peregrinus & qui publicas quæstiones exercuerunt, imperio civili tantum, an vero etiam militari fuerint affecti. 893. A.
- provincias a senatu, imperium a populo accepisse quo modo Cæsar dicat. 894. C.
- Prætoribus* sententiæ in senatu dicendæ jus Augustus tribuit, quod iis postea tempus abtulit. 1059. A.
- primis temporibus quomodo provinciarum administratio decerneretur. 750. B. 756. A.
- suæ in Urbe provinciæ in jure dicendo erant. 756. A.
- quomodo provinciæ prætoris decernerentur. 756. F.
- quibus de causis eadem decerni dicerentur. *ibid.* 757. A.
- Prætoris* urbani & provincialis an imperium sit diversum, quia curatio urbana dicatur negotium & onus, provincialis vero curatio, imperium. 803. E.
- Prætoris* cohors cui patuerit. 145. C.
- Prætorum* munus in publicis judiciis. 654. B.
- Prætorium* Romæ a Constantino excisum & prætoriani milites exauctorati. 544. C.
- Prebentio* magistratus & vocatio ut diff. 160. B.
- Princeps* senatus vivo alter non legebatur. 1077. A.
- Principes* in senatum qui legerentur. 1076. F.
- primi sententiam dicebant. 1121. C.
- Principes* in legione ex quibus civibus legerentur. 509. C.
- quot numero fuerint. *ibid.*
- in centurias divisi. *ibid.* D.
- Principis* senatus dignitas. 176. D.
- Princeps* senatus. 80. A. 1021. F. 1076. D.
- quis apud Cic. dicatur. 1022. A. B.
- uter censor eum legeret. 1022. C.
- Princeps* equestris ordinis. *ibid.*
- Princeps* judicum. vide *Quæstionis judex*.
- Princeps* primus, secundus, tertius in principibus legionis quis, & quis primi principis, &c. centurio. 509. D.
- Privata* sacra. 118. F.
- Privernates* Ufentinæ tribui adscripti. 89. C.
- Proconsul* quando primum creatus. 750. D.
- ut diff. a præpatore. 751. F.
- Proconsules* post legem Corneliæ populi rogatione in prorogando imperio non opus habuerunt, cum senatusconsulto illud obtinerent, donec successor mitteretur. 753. A.
- & præpatores an magistratus fuerint & an imperium militare tantum habuerint, sed sine lege curiata acceptum. 851. B. 898. E.
- cur judicium non habuerint. 851. B. 897. D.
- an aliqui magistratus fuerint, aliqui cum imperio. 897. D.
- & præpatores qui ex privatis ad bella mittebantur, an ut cum imperio, sic etiam cum magistratu fuerint. 915. F.

RERUM ET VERBORUM.

- Proconsulibus* imperium primo a populo prorogabatur. 750. D.
- ordine provinciarum a senatu decretæ. 751. E.
- extra ordinem sæpe a senatu ante legem Corneliam imperia data. 754. A.
- post legem Corneliam extraordinaria populi rogatione decernebantur. *ibid.* E. F.
- Prociñcti* qui. 134. F. 1061. D.
- in Prociñctu* testamentum. *ibid.* E.
- in Prociñctu* quid. *ibid.* F.
- Procurator* non quæstuariorum negotiationis præfectus, institutor quæstuariorum. 190. B.
- Profecti* dies qui. 1061. D.
- Proletarii* & capite censi ut diff. 704. F.
- Proletariorum* & capite censorum una classis, sexta sc. sed ejus nulla ratio habita. 386. C.
- census eorundem. 386. D.
- Promulgare* legem quid. 683. D.
- trinuindino quid. 684. D.
- Pronubæ* collocabant in lecto sponfam. 122. E.
- Pronunciare* sententias in senatu quid esset. 1124. E.
- Proquæstores* varii in provinciis, & ut distinguendi. 762. F.
- Prorogare* imperium & continuare magistratum de quibus dictum & ut diff. 917. F.
- Prorogatum* imperium esse cum dicitur, quid intelligatur. 858. A. B. 917. F. 918. F.
- Prorogatum* an unquam cuiquam imperium, qui exercitui omnino nulli præficeret. 918. D.
- Proscriptorum* a Sylla filiis aditus in curiam non erat. 1079. C.
- filii poterant esse senatores. 1079. B.
- Provincia* amissa Dacia Transdanubiana nec unquam recepta. 557. B.
- ornari quando diceretur, & quid eo contineretur. 804. E. 1135. D.
- Provinciam* eandem D. Brutus ex senatusconsulto & M. Antonius lege habuerunt. 1043. F.
- lege nemo invitus habuit. *ibid.*
- extra ordinem dare quid sit. 753. F.
- Provinciarum* rectores occasione pugnandi & triumphii materiam quærebant. 1044. B.
- in administratione & magistratibus quid mutatum a C. Graccho post constitutas quæstiones perpetuas. 502. C. a Sylla dictatore. *ibid.* D. a Cæsare dictatore. 502. F.
- novissima divisio a Constantino facta, in provincias imperii Occidentalis & provincias imperii Orientalis & quæ cuique attributæ. 544. A.
- magistratus tam militares quam civiles in imperio Occidentali qui sub Constantino. *ibid.* E.
- magistratus in imperio Orientali qui. 547. E.
- rectoribus duæ leges quæ imperium dabant, ferebantur. 502. F. 1011. E.
- Provinciæ* exterique populi Romanorum patrocinio utebantur. 1011. E.
- lege sine senatusconsulto mandatæ. 1043. C.
- regendæ tempus lege definitum. 1044. B.
- regendæ tempus erat annum. *ibid.*
- consulares & prætoriarum quæ, & qui ad eas administrandas mittebantur. 1052. A.
- primo senatusconsulto, dein lege curiata datæ. 1054. F.
- primis temporibus a quibus magistratibus administratæ, quo modo datæ & quamdiu. 500. C. 1054. F.
- a quibus magistratibus extremo libertatis tempore administratæ. 500. E. 502. A.
- & imperia senatoribus tantum mandabantur. 1090. E.
- *Ægypto* equites ab Augusto præpositi. 1091. B.
- decernendæ jus habebat senatus. 1135. A. &c.
- primis temporibus ordine & sine comitiis quomodo decretæ. 750. B.
- extra ordinem & in comitiis quomodo decretæ. *ibid.* C.
- postremis temporibus & ætate Ciceronis quædam consulares, quædam prætoriarum. 751. E.
- utraque incertæ nec tales omni anno, sed pro arbitrio senatus. 752. F.
- consulares quomodo ordine decernerentur. 756. D. 751. F. & in eas quando proficerentur consules. 753. A.
- a senatu ante legem Corneliam fere semper extra ordinem decretæ, raro a populo. 754. A.
- post legem Corneliam extra ordinem quomodo decretæ. *ibid.* B.
- prætoriarum decretæ ordine quomodo. 755. F.
- prætoriarum quomodo extra ordinem. 756. F.
- quæstoriæ quomodo decretæ proquæstoriis. 759. A.
- quæstoriæ non solebant extra ordinem dari. 763. B.
- prætorum urbanarum quæ in iure dicundo. 756. A.
- prætorum urbanarum diversæ ab illis quæ extra urbem. *ibid.* B.
- extra Italiam quæ fuerint factæ & quo tempore quibusque bellis, & quidem sub libertate
- prima Sicilia. 486. B.
- Sardinia & Corsica. 487. D.
- Hispaniæ duæ, citerior & ulterior. 488. C.
- Asia. 489. E.
- Ætolia. 491. A.
- Galatia. *ibid.* C.
- Macedonia. *ibid.* E.
- Illyricum & Dalmatia. 492. F.
- Africa. 493. C.
- Achaja & Græcia. 494. B.
- Gallia Narbonensis. 495. B.
- Insulæ Balearæ. 495. F.
- Thracia. 496. B.
- Numidia. *ibid.* E.
- Cyrenaica. 497. B.
- Cilicia. *ibid.* C.
- Bithynia. *ibid.* E.
- Creta. 498. A.
- Pontus. *ibid.* C.
- Syria. *ibid.* E.
- Cyprus. 499. C.
- Gallia Transalpina. *ibid.* F.
- sub libera rep. quædam consulares, quædam prætoriarum. 500. C.
- novissimis libertatis temporibus in xv. dioceses distributæ, septem consulares sc. & octo prætorias & quæ illæ nominatim. *ibid.* E.
- a Cæsare dictatore & ab Augusto factæ. sc.
- Mauritania. 503. E.
- Pannonia, Mœsia. &c. *ibid.* F.
- Ægyptus. 504. D.
- Hispaniæ & Alpes. *ibid.* E.
- Africa. 505. A.
- in Oriente quænam factæ. *ibid.* B.
- aliæ ab Augusto senatui populoque Ro. sunt datæ administrandæ, aliæ ab ipso retentæ, & quare. *ibid.* F.
- senatus populi que Ro. sunt in xii. dioceses distinctæ & quæ illæ. 506. B.
- senatus populi que Ro. a senatu populoque Rom. accipiebant rectores & quibus nominibus distinctos. *ibid.* D.
- Cæsaris accipiebant rectores a Cæsare. *ibid.*
- Cæsaris in xiv. dioceses distinctæ & quæ illæ. *ibid.*
- factæ sub Tiberio Cæsare, sc.
- Cappadocia. 512. B.
- Comagene. *ibid.* F.
- factæ sub Caligula Mauritaniarum duæ, Tingitana & Cæsariensis. 513. A.
- factæ sub Claudio Britannia. *ibid.* B.

- facta sub Nerone.
- Pontus. *ibid.* E.
- Alpes Cottiae. *ibid.*
- factae sub Vespasiano.
- Achaja. 522. A.
- Lycia. *ibid.*
- Rhodus insula. *ibid.*
- Byzantium. *ibid.*
- Trachea Cilicia. *ibid.*
- Comagene. *ibid.*
- factae a Trajano.
- Dacia Transdanubiana. *ibid.* E.
- Armeniae duae. 522. D.
- Mesopotamia. *ibid.*
- Assyria. *ibid.*
- Arabia. 524. A.
- tam in Italia quam extra illam ab Hadriano longe aliter atque ab Augusto, inque plures dioeceses divisae, & in quas. 542. D.
- sub Hadriano a quibus magistratibus administratae. *ibid.*
- aliter a Constantino divisae, sc. in quatuor dioeceses sub quatuor praefectis praetorio. 544. C.
- quae sub praefecto praetorio Italiae. 546. C.
- quae sub praefecto praetorio Galliarum. *ibid.* F.
- quae sub praefecto praetorio Orientis. 549. C.
- quae sub praefecto praetorio Illyrici. 550. B.
- amissae in Orientali imperio Transfigritanae quinque, & Niliis ac Mesopotamia. 557. D.
- amissae in Occidentali imperio Pannonia, Noricum, Rhætia, Mœsia, Thraciarum & Illyrici pars. 561. B.
- Galliae amissae. 562. A.
- Hispaniae amissae. 563. A.
- Africa amissa. 563. D.
- Britania amissa. 564. A.
- Italia amissa, a Gothis occupata. *ibid.* B.
- in Orientali imperio amissae:
- Mesopotamia, Armenia, Syria & Aegyptus. 565. E.
- Cyprus, Rhodus & Creta insulae a Saracenis occupatae. 566. E.
- Asia minor amissa. *ibid.* D.
- reliquae in Europa amissae. 567. D.
- Puberes* qui. 138. D.
- centi. 138. B.
- Publicani* qui. 178. F.
- equites Romani erant ex illisque alii mancipes, alii praedes, alii focii. 179. B.
- etiam quidam non equites. 181. E.
- equestrem ordinem a senatu abalienarunt. 182. B.
- redimebant tributa & vectigalia a censoribus in foro. 179. C. D.
- redimebant imprimis vectigalia provinciarum, quae perinde ac Italicae agris & pascuis & portibus publicis exigebantur. 179. F.
- praeter vectigalia conducebant etiam ultro tributa. 180. F.
- trium generum socios habebant. 181. B.
- habebant unum magistrum societatis, cujus officium quale fuerit. *ibid.* C.
- avaritia sua & urbem & provincias turbarunt. 182. B.
- Publicani*, decumani, portitores, pecuarii. 180. A.
- Publicanorum* ordo senatui quasi subiectus erat. 1131. F.
- Pudicitia* patricia. 119. E.
- Pudicitia* plebeja. *ibid.*
- Pudicitiae* violatae crimen. 119. D.
- Pueri* qui. 156. F.
- in tribu suffragium non ferebant. *ibid.*
- ex censorum civium numero exempti. 138. C.
- non militarunt nisi extra ordinem. 141. B.
- Pullarius* quis. 341. A.
- unde ita appellatus. 341. D.
- Pulvinaria* senatoribus sedentibus quando subdita. 1059. B.

Pupia lex. 1028. A. 1116. F.
Pupilli qui. 135. F.

Q

- Quadrata* legio. 140. C.
- Questor* a praetore in iudiciis publicis creatus. vide in *Questionis* iudex.
- Questores* ante constitutas quaestiones publicas a populo creati ut praessent iudiciis publicis. 649. C.
- Questores* sine senatus auctoritate praeter ea quae consules jubent, nullum sumtum faciunt. 1057. A.
- sub Romulo. 162. B. F.
- viginti creati supplendo senatui. 1086. C.
- post aediles pl. Seta asservabant. 1129. C.
- parricidii ante constitutas quaestiones publicas iudiciis publicis praerant. 649. C.
- extra ordinem etiam iidem praerant post constitutas quaestiones publicas & post praetores eas exercentes. 649. F. 650. A.
- quibus comitiis creati. 748. F. 747. A.
- quando & a quibus primum instituti. 746. B. 162. B.
- provinciales quomodo & quibus comitiis creati. 758.
- provinciales quales creati deberent. 775. C.
- provinciales appellabantur in provinciis proquaestores & magistratus erant. 763. B.
- aetarii. 186. F.
- Questoribus* quomodo provinciae decernerentur. 759. B. nunquam extra ordinem provinciae decretae a populo, & quare. *ibid.* C.
- Questoria* aetas. 170. B.
- Questiones perpetuae* quot usque ad Syllae tempora & a quibus exercitae ordine. 649. D.
- a quibus exercitae extra ordinem. 649. F. & c.
- quae & quare ita dictae. *ibid.*
- quae prioribus a Sylla additae & a quibus exercitae. 650. B. & quomodo ordine. 654. C. ut & extra ordinem. *ibid.* E.
- Questionis* iudex qui & quaestor & princeps iudicum quis & ejus officium. 654. B. D.
- iudex diversus a praetore. *ibid.* B.
- Questura* primus urbanus magistratus. 170. B.
- gradus erat ad senatorium ordinem. 1081. B.
- Questus* in senatore legendo spectatus. 1085. A.
- omnis senatori turpis. 1093. E.
- Quatuorviri* qui in Campaniam mittebantur, ex senatoribus erant. 1091. B.
- Qui* venirent in senatum. 1105. E.
- Quinarius* quis nummus. 336. B.
- Quindecim viri* sacris faciendis primum non hoc numero, sed tantum duumviri custodes Sibyllinorum carminum ab Tarq. Superbo instituti. 328. D.
- dein ex duumviris facti decemviri partim ex plebe, partim ex patribus. 329. A.
- tandem a Sylla facti. *ibid.*
- manserunt usque ad Theodosii tempora, a quibus abrogati. 329. C.
- a quibus & quomodo lecti. *ibid.* C. D.
- Quindecim virorum* munus quale fuerit. *ibid.* C.
- virorum minister dictus a *Commentariis* XV. virorum. 338. E.
- Quinqueviri* mensarii. 405. E. 1059. F.
- muris turribusque reficiendis. 406. C. 750. D.
- Quinta* frugum. 154. C.
- Quirina* tribus. 43. D. 58. B. 55. A.
- Quirinalia*. 1028. A. 1064. B.
- Quirinalis*. 38. E. 40. B.
- ex parte a Sabinis habitatus sub Romulo. 40. C.
- universus sub Hostilio cultoribus frequentatus. *ibid.* D.
- a Romulo pomerio comprehensus. *ibid.*

RERUM ET VERBORUM.

Quiritium jus quot partibus confitet, & qui eo gavi-
li fuerint, qui non. 48. E.
— numero exempti, videntur interdicti eorum in-
terdictione munerum, quæ capere civibus Roma-
nis licet. 50.
Quomodo senatus legebatur. 1075. F.

R.

Ramenses unde appellati eorumque sedes. 37. F. 39.
A. 41. B. 78. D. 84. E.
Recitandi senatum mos. 1076. C.
Recitatur pro rostris Buteonis senatus. *ibid.*
Recitandum senatusconsultorum mos. 1126. F.
Recuperandi ordinis ratio. 1102. F.
Recuperare ordinem qui non possent. 1103. B.
Redemptionem ab ærario senatori facere non licebat.
1093. D.
Referebant ad senatum diversi magistratus diversis de
rebus eodem die. 1031. E. F.
Referebatur prius de rebus divinis quam humanis.
1138. E.
Referendi ad senatum jus & modus, tum quibus de
rebus referretur. 1031. B. &c.
Referentibus de eadem re consule & tribuno pl. uter di-
scensionem faceret & sententiam rogaret. *ibid.* D.
— pluribus unus referendi partes sustinuit, reliqui
relationem collegiarum comprobantur. 1031. F.
Referre ad senatum qui potuerint. 1031. B. 1059. F.
Regem populi Romani natura parturit paulo ante
natum Augustum. 1037. F.
Reges instituerunt ne plebs iudicaret aut suffragia fer-
ret nisi ex auctoritate senatus, idque usque ad an-
num CCLXIII. observatum. 1045. E. F.
— a senatu, non a populo appellabantur. 1054. F.
— jurisdictionem exercuerunt. 162. A.
— ab initio Romam habuere. 269. A.
— sacerdotes fuerunt. 282. E.
— focii vel federati populi Romani sub extrema
libertatis tempora qui. 501. E.
— focii sub Augusto qui. 506. F.
— Parthorum qui, eorumque cum Romanis bella.
551. A. B. &c.
— senatum legebant. 1074. A.
— senatum vocabant. 1107. D.
post Reges exactos quæ potestas & auctoritas sena-
tus, quæ populi. 272. C. &c.
Regisugium, dies quis. 1064. E.
sub Regibus quæ munera senatus. 272. B.
— quæ munera reliqui populi. *ibid.*
Regnum quod genus reip. 76. B.
Regum imperium tantæ reip. necessarium & quare.
269. A.
— munera quæ. 272. A.
Reip. Romanæ non unum genus perpetuo. 77. B.
— Romanæ temperatio quando inducta. 77. C.
— Romanæ temperatio per quos labefactata. *ibid.*
Relationis ad senatum secundæ, tertię, quartæ jus.
1059. B.
— formula. 1120. E.
Relationem remittere. 1120. E.
— dividere. 1123. D.
Repudiū formula. 125. D.
Repudium quid diff. a divortio. *ibid.*
Rerumpubl. genera recta & vitiosa. 76. B.
Reipublica paucorum Romæ qualis, quando & qua-
re. 77. B.
— regnum Romæ qualis. *ibid.*
— regum & patriciorum in civis Romani ratione
investiganda negligitur, popularis consideratur.
77. D.
— Romana temperata consideranda. *ibid.*
— Romana temperata duas tantum formas habuit.
77. C.
— Romana temperata optima. 77. A.

— Romana temperata unde initium habuerit.
77. C.
— ne quid detrimendi caperet, ut viderent confu-
les, &c. formula erat senatusconsulti quod pote-
statem absolutam dabat vel pluribus magistratibus
vel uni. 1041. D.
Reipublica bonæ quæ. 76. B.
— pravæ. 77. A.
Rex sacrificulus. 283. E.
— quando institutus quodque ejus munus. 158. D.
330. A.
— uxorem habebat *reginam* dictam quæ aliquot
sacra curare solebat. 330. B.
— quomodo & ex quibus creatus. 330. B.
— creatus a populo comitiis centuriatis. 159. F.
645. A. 646. E. &c.
— & flamines una sedebant ut iudices ejus rei,
de qua ad collegium pontificum esset relatum.
645. B.
— erat subiectus pontifici. *ibid.* D.
— inaugurabatur a pontifice. *ibid.* E.
— abrogatus Theodosii temporibus. 330. B.
Rhodus in provinciæ formam redacta. 521. A.
Robigalia dies. 1065. C.
Rogandarum sententiarum modus & ordo in senatu.
vide in *Sententia*.
Rogatio pro lege. 624. E.
— an a lege diff. 626. F.
Rogatores in comitiis qui & eorum munus quale.
392. D. 422. F. 664. C. F.
— colligebant populi per pontes transeuntis tabel-
las, non autem ipsas tribus circumibant. 714. F.
— non erant suffragatores. 718. A.
— nulli erant in comitiis tributis præter rogato-
rem comitiarum, & hic quomodo suffragia collig-
eret. 785. C. &c.
Rogatorum numerus in comitiis. 718. A.
Roma quo modo aucta. 41. A.
— quot cives ac domos, cum conderetur, habue-
rit. 269. B.
— finitimas nationes duas habuit, Sabinos & Etru-
scos. 56. E.
— quo in loco condita sit. 7. D.
— an in Tiberis ripa multo ante Romulum ab Ita-
lo & Hispanis sit condita. 25. B. 27. C. &c.
— non fuit una modo, sed una atque item alte-
ra. 29. F.
— imo tertia fuit, antiquior utraque illa priore,
30. D. & an hæc ad Tiberis ripam. *ibid.* F.
— a Gothis primum capta. 561. A.
— a Longobardis obfessa. 565. C.
Romana plebs. vide in *Plebi Romana*.
Romana resp. tamdiu viguit, quamdiu veteres leges
& instituta majorum viguerunt. 1009. C.
— nutare cœpit, ubi extraordinaria imperia & pec-
cuniarum cupiditas eam invadere. *ibid.*
— tota corruit, cum ad eam confirmandam consi-
lium defuit. *ibid.*
— e senatu & populo constituta, ut homo ex ani-
ma & corpore. 1009. C.
— causam & auctorem boni ordinis & conserva-
tionis suæ habuit senatum, sui vero interitus po-
pulum. *ibid.* D.
— quas formas diversis temporibus habuerit. vide
in *Populi Romani status*.
Romani an a Græcis orti. 8. F.
— an orti ab Hispanis. 25. B.
— an a Trojanis sint & Ænea. 31. B.
— sunt a Lycaone & Oenotro diu ante Æneam.
32. B.
Romani cives. vide in *Cives Romani*.
Romanis nihil magis fuit timendum quam ne hostes
non haberent. 61. E.
Romanum imperium. vide in *Imperium Romanum*.
Romilia tribus. 42. B. 57.

- erat in agro Romano. 44. B.
 — quinta. 42. D.
 — prima rustica vocabatur ad suffragia ferenda. 57. C.
Romuli præstantissimum institutum, quod victas gentes in populi Romani amicitiam & civitatem ipsam adsciverit. 448. B.
 — primæ tribus & curiæ. 263. D.
Romulus, fuit prænomen, nomen *Sylvius*. 576. C.
Romulus regnum accepit omnium consensu. 33. D.
 — palatium sibi suisque sedem elegit. 39. A. 57. D.
 — auspiciato rex creatur. 269. C.
 — populum initio in tres partes dividit. 33. D. 37. F. 269. F. 1010. A.
 — uti etiam agrum in tres partes. *ibid.*
 — cives divisit in patres & plebem. 269. E.
 — quæ negotia a patribus & patriciis, quæ a plebe & plebeis curari voluerit. 34. D.
 — centum fenatores ex quibus & quomodo legitur. 270. D. 1010. A. 1075. F.
 — quam moderationem in legendis centum senatoribus tenuerit. 1010. A. &c.
 — plebem in patriciorum clientelas distribuit, & quo consilio. 270. C. 1011. D.
 — plebejos senatorio ordine exclusit. 34. D.
 — asylum aperuit. 34. E. 273. B.
 — pomerium protulit. 38. E.
 — fasces & secures habuit. 39. F.
 — trecentos custodes *celeris* dictos legit. 270. E.
 — quot millia equitum peditumque initio cum Romanam conderet, habuerit. 269. C.
 — peditum & equitum numerum eo regnante quantum auctus. 41. B. C.
 — rem militarem, cum exercitum adducturus esset, quomodo constituerit. 272. E.
 — tria ad augendam urbis frequentiam excogitavit. 273. A.
 — deorum sacra & ceremonias quomodo formaverit. *ibid.* D.
 — quæ instituta de civium rebus privatis ordinaverit. 274. A.
 — Sabinas quomodo & quare rapuerit. *ibid.* C.
 — bellum cum finitimis, quorum filias rapuerat, imprimis cum Sabinis, gerit. *ibid.* D.
 — Sabinos pace Sabinarum interventu conciliata in urbem recipit. *ibid.* E.
 — multos quoque recipit ex Etruria & Latio. *ibid.* F.
 — fratres Arvales quos appellaverit. 284. A.
 — summus augur fuit. *ibid.* F.
 — quomodo imperium Romanum ampliaverit. 439. C.
 — ad arbitrium suum cum omnia revocaret, a senatoribus est disceptus. 1010. D.
sub Romulo trium & curiarum nomina, tum etiam comitia curiata. 275. A. &c.
 — qui patricii & plebs; senatus, equites & populus seu plebs. 269. E. &c.
Romus *Æneæ* filius, frater *Afcantii* Romanam condidit, quam *Romulus* post redintegraverit desertam. 29. F.
Rostra quis locus & ejus usus quis. 795. C.
Rustica tribus ut diff. ab urbana. 46. D. 89. F.
in Rustica tribu qui censebatur, an is potuerit regionem urbanis tribulibus assignatam, & an urbano tribuli liceret rusticam tribum incolere. 43. E. &c.
 — tribu quæ in ipsorum agro esset, an conferrentur finitimi populi, an vero in qua quisque volebat. 58. B.
Rustica res & militaris liberis hominibus & civibus commissa. 90. F.
 — vita honestior urbana habita. 91. D.
Rustica tribus quot a Servio institutæ. 42. C. &c.
 — an omnes in agro Romano, an quædam extra illum. 43. E.
Rusticas tribus primum obtinebant, qui rus; urbanas, qui urbem incolebant: dein relictis urbanis optimus quisque in rusticis censeri voluit, & quæ hujus mutationis causa. 91. A.
in Rusticas tribus novi cives honoris causa translati. 92. A. translati etiam veteres. *ibid.*
Rustici tribubus adscribebantur qui agros possidebant, cujuscumque essent ordinis, etiam infimi. 46. E.
in Rustici tribubus quæ genera hominum, quæ in urbanis. 92. E.
Rustici tribules plures in urbe habitaverunt, quam ruræ urbani. 45. E.

S

Sabate lacus. 88. E.
Sabini ab Anco & Tarq. Prisco devicti. 39. E. F.
 — Capitolium & Quirinalis partem habitabant. 55. A.
 — populi quatuordecim. 58. D.
 — in qua tribu suffragium ferent. *ibid.*
 — quando a Romanis debellati. 443. D.
Sabinorum oppidorum Tibur Romanæ proximum. 56. F.
Sabinus ager. 56. A.
Sacer homo. 106. C.
Sacerdotes publici fere de senatu erant. 1091. D.
 — in senatum non veniebant nisi lecti a censore aut curuli magistratu gesto. 1020. C.
 — in octo partes a Numa Pompilio distributi. 280. C.
 — sexaginta publici. 398. C. 282. F.
 — non flamines vocabantur, qui Augustarum consecratarum sacra curabant. 297. E.
 — divarum, Plotinæ, Marcianæ & Faustinæ. 299. D.
 — feminæ Bonæ Deæ. 330. E.
 — Cybeles Galli. vide in *Galli*.
 — singulorum deorum quorum memoria tantum in inscriptionibus. 336. E. F. &c.
 — qui tum ante tum post legem Domitiam creati comitiis tributis. 421. B. &c.
 — qui tributis comitiis creati, qui non. 763. D. E. &c.
 — quomodo isdem comitiis creati. 159. F. 792. F.
 — quales creati deberent. 776. A. &c.
 — quando inaugurari dicebantur. 793. E.
 — habebant vacationem nisi bello Gallico. 159. D.
Sacerdota ante Numam instituta. 280. F.
 — quid. 158. B.
Sacerdotiorum genera. 158. B.
Sacerdotum ministri & ministræ. 337. E. &c.
 — quæ propria. 159. D.
Sacra an eadem patriciorum & plebejorum. 119. D.
 — curiarum. 117. D.
 — municipalia. 120. A.
 — privata quæ. 118. F.
 — privata adoptionem sequebantur. 119. B.
 — privata onus hereditatis. *ibid.* D.
 — privata relinquebantur cum hereditate. *ibid.* C.
 — privata a patribus iam constituiebantur. *ibid.* B.
 — privata familiarum eadem gentilitia. 118. F.
 — publica quæ. 117. C.
 — publica ad civis Romani definitionem pertinent. 118. D.
Sacra quo ritu peragerentur. 118. A.
Sacramentum genus militiæ. 144. B.
Sacramenti militaris vis. 143. E.
 — militaris formula. 143. B. C.
Sacrata lex militaris. 144. B.
 — lex de tribunis pl. 418. A.
Sacratae leges omnes pro civium Romanorum libertate. 105. B.
 — leges intercedendi potestatem tribunis pleb. tribuerunt. 1038.
Sacrorum jura. 117. C. &c.
Sacrofancta corpora tribunorum pl. 1038.
Sacrofanctum quid. 105. E.

RERUM ET VERBORUM.

Salie virgines. 321.

Salii. 158. C.

— agones seu collina a quo instituti, quodque eorum munus. 327. F.

— palatini qui, quot, a quo instituti, quodque eorum ministerium. 319. C.

— unde dicti. *ibid.* D.

— canebant carmina salaria, quæ qualia fuerint. 320. B.

— a quibus & quales lecti. *ibid.*

— custodes XII. ancilium erant. *ibid.* F.

— nomina Mamurii Veturii inter carmina maxime celebrabant, & quare. *ibid.* F.

Salus qui præerat, magister, & eorum cætus collegium vocabatur. 320. B.

Salus vestigal institutum & sublatum. 154. F. 155. A.

Sallentini domiti. 445. E.

Salvius boni ominis nomen militis. 143. B.

Sammiter quando a Romanis domiti. 444. E.

Sanguinis missio militaris ignominia. 148. C.

Saraceni Africam Romanis eripiunt eamque ad hæc usque tempora in plures regulos distinctam occupant. 563. F.

— Hispaniam invadunt Gothi in montes se recipientibus. *ibid.* C.

— pelluntur iterum Hispania. *ibid.* C.

— Sardiniam, Siciliam, Corsicam occupant, & iterum amittunt. 565. D.

Saracenorum reges qui fuerint, ordine recensiti. 556. B.

— regnum in IV. tetrarchias divisum post Abdallam III. *ibid.* F.

Sardinia & Corsica quando & quomodo provinciæ factæ. 487. D.

— occupant a Saracenis & eripiuntur his ab Hispanis. *ibid.*

Saturnia primo Italia dicta. 49. ejus incolæ Siculi indigenæ. *ibid.* C. & 6. E.

Saturnus mons. 8. A.

Scaptia oppidum. 89. A.

Scenam & arenam exercentes senatu moti. 1024. F.

Scenici nec plebeja tribus, nec curia patuit. 1025. A. 1085. A.

Scriba navalis omnium minimæ dignitatis. 187. E.

Scribæ qui & quot eorum genera. 14. D. 187. A.

— a quæstore Catone cohibiti. *ibid.* C.

— a quæstoribus apparitionis mercedem accipiebant. *ibid.* D.

— ad majores honores pervenerunt. 188. C.

— e plebe. 187. A.

— leges in manibus habuerunt & magistratibus jus suggererunt. 187. A.

— inter magistratum ministros. 14. E. 187. B. 412. C.

— privati etiam servi. 15. C.

— etiam poetæ dicti. 15. D. & ipsi olim servi Romæ. 16. A.

— pontificum. 16. C. 338. C.

— sacerdotum Ægyptiorum. 16. D.

Scribæ, nisi abdicasset scripto, non habebatur ratio in petitione. 188. B.

— officio quiungebatur, dicebatur *scriptum facere*. 15. C.

Scribarum decuriæ aliquot pretio emtæ. 188. A.

— ordo non admodum honestus. 188. A.

Scribas legendi jus penes magistratus. 187. F.

— an Chaldaei quoque habuerint. 16. D.

Scribendo adesse in senatusconsulto quid. 1035. F.

— non aderant omnes qui pro senatusconsulto fesserant. 1036. A.

— qui adessent, cum senatusconsultum perscribatur, & quare. 1051. B.

Scriptuarius ager. 1180. E.

Scriptura vestigal quid. 180. A. 154. A.

Scriptura proprie pecuinariorum ratio. 180. E.

Secessio in montem Sacrum & Aventinum. 117. A.

Sedendi ordo in senatu. 1043. E.

Sedit inter prætorios in senatu, qui prætorium hominem in judicio convicisset. *ibid.* F.

Selecti iudices qui. 210. A.

Sella curulis pro curuli magistratu ap. Cic. *ibid.* 209. E.

— erat in curru quo honoris causa in curiam vehantur qui curulem magistratum gessissent. 1098. D.

Semestre consilium Augusti. 1118. C.

de Semiramidis scientia in re militari, bellis, victoriis, divitiis, operibus, imprimis de Babylonis conditu quæ opinantur Græci, ea ut falsa redarguit Berosus Chaldaus. 21. F. 22. A.

Sempronia lex de tempore provinciarum regendarum annuo. 1044. C.

— lege præta Gallia Cæsari bis in quinquennium commissæ. *ibid.*

Senacula quot. 1026. E.

Senaculum locus quis. 1056. E. 1113. B.

Senator qui non erat, aut eques aut de plebe erat. 35. B.

— egens indecorus. 35. C.

— quisquis erat, idem & patricius dicebatur, non contra. 36. E.

— ignominia notatus e senatu movebatur. 60. A.

— vel senatoris filius edicto Augusti gladiatorio munere depugnare prohibebatur. 1095. C.

— uxorem libertinam ducere non poterat. 1095. A.

— post LXV. annum in senatum & curiam venire non cogitur nec vetatur. 1105. E.

— antequam sententiam diceret, de quacunque re & quamdiu veller, dicere poterat. 1034. B.

— qui non erat, cum adesset, scum impediabatur. 1038. B.

— esse non poterat, qui abavum civem Romanum nominare non poterat. 1054. A.

Senatori, aut qui senatoris pater fuisset, maritimam navem quæ plus quam trecentarum amphorarum esset, habere non licebat, & quare. 1093. E.

— non licebat supra duo millia denarium debere. 1093. F.

— jus connubii non fuit nec liberis ejus usque ad pronepotis filium, cum ea quæ ipsa cujusve parentes ludicram artem fecissent. 1095. B.

— navem adificare non licuit. 1057. F.

Senatori equus publicus non addebat ornamentum, sicuti annuli aurei insigne. 35. E.

Senatoria dignitas cum plebe communicata. 34. D. 35. A.

— ætas 170. A. 1079. F. 1080. A. 1043. F.

Senatoriam dignitatem qui consequerentur, populi beneficio. 1020. B.

Senatoribus quæ poena a censoribus illata. 67. A. 146. A.

— senatu motis Romæ morari permissum. 1057. E.

— negotiari non licuit. 954. C.

— sedentibus pulvinaria subdita. 1059. B.

— questus turpis & sordidus interdictus. 1085. A.

— solis judicare primum licuit. 210. C. & c.

— judicia a Graccho tribuno pl. erepta & ad equites translata. 1089. D.

— & equitibus judicia XVI. annos postquam a Graccho erant erepta, simul communicata. *ibid.* E.

— iterum judicia a Sylla dictatore restituta. 1090. A.

— equitibus, & tribunis ærariis ab Aurelio Cotta judicia divisa. *ibid.* B.

— magistratus mandati. 1090. D.

— provinciæ & imperia mandata, raro equitibus. 1091. A.

— indicium profiteri salvis legibus nunquam licuit. 1092. A.

— non licuit Italia egredi nisi jus haberent liberæ legationis. *ibid.*

— non licuit quicquam ab ærario redimere præter ea quæ nominatim excepta erant. 1093. D.

— ambitus damnatis aqua & igni interdicebatur lege a Cicerone in consulatu lata. 1094. E.

— cum non venirent in senatum, multa dicta, & pignus ab iis captum. 1110. E.

H h h h

INDEX

- annuli aurei permitti. 177. F.
- in *Senatoribus* legendis census, ordinis, ætatis & magistratus habita ratio. 1077. C.
- a *Senatoribus* pignora capta vendi solita. 1111. C.
- Senatores* a Romulo instituti. 167.
- a Romulo qua moderatione, quo numero, unde & quomodo lecti. 1010. A. B. 270. E.
- qui & unde ita dicti. 167. 270. E. 1080. B.
- etiam patres appellati. *ibid.* 1010. F. 1080. D.
- & dein appellati patres conscripti. 167. 168.
- lecti a regibus, consulibus, & censoribus. 167.
- lecti a Livio, Graccho & Sylla fuerunt. 1086. B.
- non eodem semper numero, sed vario variis temporibus. 167.
- non eodem numero requisiti ad senatusconsultum faciendum. 168. C.
- lecti habita ratione generis, primum patricii, post etiam plebei. *ibid.* E.
- lecti ex quo ordine. 169. C. 270. F.
- lecti quo censu. *ibid.* B. vide *Senatum censum*.
- censu labfactato ordinem amittebant. *ibid.* D.
- lecti qua ætate. 170. A. 1080. A. 1093. E.
- lecti non nisi ex illo ordine qui magistratus gessissent. 170. C.
- non erant, quamvis omnia quæ requirebantur, in iis essent, nisi lecti essent a censoribus. 170. E.
- præteriri & moveri senatu a censoribus poterant. *ibid.*
- extra ordinem quales & a quibus lecti. *ibid.* F.
- insignia quæ haberent. 171. B. & 1054. C.
- questum facere non decebat. 171. D.
- honoribus perendis erant occupati. *ibid.* E.
- non omnes erant qui in senatum veniebant & sententiam dicebant. 170. F.
- a reliquis ordinibus discreti in spectaculis. 214. A.
- & quibus in senatu sententiam dicere licet. 1110. B.
- ex equestri ordine lecti. 270. F.
- erant tribuni pl. Atinio plebiscito. 172. D. 1082. E.
- pedarii qui. 1030. F. 172. C. 1082. D.
- quando judicant. 210. B. C.
- quando ex plebeis legi cæpti. 271. A.
- senatu moti ætarii facti. 61. D.
- simul omnes & primo loco censabantur. 56. B.
- censabantur seorlum ab equitibus. *ibid.*
- non omnes equum publicum habuerunt. 36. A.
- quomodo illi creati qui curulem magistratum afsecuti non essent. 1019. F.
- ut ex omni ordine legerentur, per tribunium rogationem sancitum. 1019. F.
- quibus de causis senatu moverentur & qui movebantur ignominia fuerint affecti. 1023. C.
- quomodo senatu moti jus suum recuperaverint. 1023. F.
- qua ratione in curiam citarentur. 1030. D.
- edicto in curiam quando arcessiti. 1030. E.
- non solum arcessiti, sed etiam illi qui in senatu sententiam dicebant. 1030. E.
- quo loco sententias dicerent. 1034. D.
- numerando senatu senatusconsultum impediabant. 1038. B.
- omnes regum ætate patricii. 1052. C.
- dein patricii & plebei. 171. D.
- qui in curiam curra, quippe pedibus irent. 1059. C.
- qui erant in urbe, jubebantur adesse in senatu: non venientibus pignora auferebantur. 1053. C. 1055. C.
- plerique Roma discedebant post XVI. Kal. Febr. quia senatus haberi non poterat reliquis diebus Januarii, neque etiam Februario toto. 1053. E.
- multi ex municipiis fuerunt. 1055. A.
- quando & quibus de causis non equites censentur. 1056. B.
- non omnes patricii, sed alii equites, alii de plebe. 1056. C.
- quibus de rebus sententiam ferrent. 1056. B.
- quomodo legerit Augustus. *ibid.* C.
- fuere cives Romani. 1072. A.
- fuere cives optimo jure. *ibid.* F.
- aut fuere municipes qui plenum jus haberent. *ibid.*
- non fuerunt Latini, antequam hi civitatem acciperent, nec Italici, nec provinciales nisi post bellum sociale. 1073. B. & c.
- occupata rep. fuere peregrini & sub Julio Cæsare semibarbari Galli. 1073. C.
- fuerunt deinceps ex omnibus gentibus. *ibid.* D.
- lecti primo a regibus. 1074. A.
- quomodo tribuni militares consulari potestate præterire aut legere potuerint. *ibid.* B.
- lecti dein a censoribus. *ibid.* & qua lege. *ibid.* E.
- lecti extra ordinem a dictatore. 1075. C.
- lecti etiam ab aliis. *ibid.*
- quomodo a Romulo frequentibusque regibus & consulibus lecti. *ibid.* F.
- quomodo singulis lustris a censoribus lecti. 1076. C.
- qua fama & eximiatione legendi. 1077. D.
- ex patriciis tantum initio lecti. 1078. B.
- ex plebeis quomodo lecti, & quis plebeis primus consilium publicum aperuerit. *ibid.* B. C.
- non legendi ex servili aut libertino sanguine. 1079. A.
- lectio a censore Appio ex libertinorum filiis. *ibid.*
- postea lecti libertini plerique. *ibid.*
- lecti etiam proscriptorum filii. *ibid.*
- lecti ex ordine equestri tanquam gradu ad senatorium, non exclusis tamen omnino qui erant ex infimo ordine. 1079. E.
- adlecti qui dicerentur. *ibid.*
- quo anno ætatis lecti non proditum ab auctoribus. 1080. D.
- an fuerint nulli nisi censu essent in senioribus. 181. D.
- legi statim ex questura potuerunt. *ibid.* E.
- an ulli ante XXX. ætatis annum lecti. *ibid.*
- non vocabantur qui magistratus gesserant, ante quam a censoribus essent lecti. 1082. C.
- *capituli* qui appellati. 1087. A.
- abortivi, vel rectius orcini qui. *ibid.*
- soli nuntii publici populi Romani cum mandatis ad externas nationes mitti soliti. 1090. C.
- non fuerunt feciales. *ibid.* D.
- ab Augusto aliis provinciis præfecti, Ægypto vero equites. 1091. A.
- an etiam rem divinam sibi commissam curarent. *ibid.* D.
- & iis qui magistratum gesserant, tantum alligati legibus de nummariis iudiciis, de corruptoribus iudiciorum, deque fictis & mercenariis testibus. 1093. F.
- an soli etiam tenerentur lege Cornelia de fictis testamentis. 1094. D.
- vias suis sumptibus munire coacti ex instituto III. virum. *ibid.* F.
- ni natalem Cæsaris celebrarent lauro coronati, multam decies HS. pendebant. *ibid.*
- eodem jure quo ceteri cives utebantur exceptis quibusdam, & quæ hæc fuerint. 1095. F.
- soli inerunt epulas publicorum conviviorum. 1096. E.
- vestitu, nempe tunica lati clavi, a plebe & equitibus distinguebantur. *ibid.*
- calceis utebantur diversis a reliquorum civium, calceis sc. lunatis. 1097. C.
- in provincia lictores habebant. *ibid.* F.
- a magistratibus quos ultimo loco gessissent, vel questorii, vel tribunicii, vel ædilitii, vel prætorii, vel consulares, aut censorii nominabantur, & hinc eorum dignitas major aut minor habebatur. 1098. A.
- censorii quid juris præ ceteris habuerint. *ibid.* C.
- quid juris consulares. *ibid.*
- quid juris prætorii. *ibid.*

R E R U M E T V E R B O R U M .

- quid juris ædilitii & an curru in curiam vecti. *ibid.* D.
- quid juris habuerint tribunitii. 1099. B.
- qui antiquis temporibus operam legationibus dabant, accipiebant annulos aureos. *ibid.* D.
- qui in legatione ferro erant interfecti, post mortem statua ex senatusconsulto posita honorabantur. 1099. E.
- qui iudiciis operam dabant, quibus præmiis affecti. *ibid.*
- loco moti illi quos senatus removendos censuisset. 1101. D.
- loco moti qui turpi crimine convicti erant. *ibid.*
- loco moti qui de ambitu convicti. *ibid.* E.
- loco moti qui a populo damnati. *ibid.*
- loco moti qui de vi privata convicti. *ibid.* F.
- loco moti qui a censoribus in recitando senatu præteriti essent. *ibid.*
- loco moti etiam ignominiosi habebantur, non tamen iis a civibus incorruptæ famæ convictus interdiceretur. 1102. B.
- loco moti non prohibebantur reip. temporibus iudices esse. *ibid.* C.
- qui senatu pellerentur, sæpe adversus censoris vim auxilio collegæ ejus utebantur. *ibid.*
- ne ulli a censoribus præterirentur, neve ignominia afficerentur, nisi qui apud eos accusati & utriusque sententia damnati essent, cautum lege a Clodio tribuno pl. lata, a Q. Scipione cos. post abrogata. *ibid.* E.
- moti successores priorum censorum notam solventibus denuo magistratum petebant, & post quaesturam ordinem recuperabant. *ibid.* F.
- infami iudicio & de ambitu damnati neque ad honores neque in curiam unquam dein admittebantur. 1103. B.
- edicto vocati & quæ hujus formula. 1110. B.
- antiquitus quia in agris habitabant, arcescebantur missis viatoribus. *ibid.* D.
- ætate Augusti cum convenirent, suffragio signum dari solitum. *ibid.* E.
- si abessent, causas excusationum legitimas habuerunt ætatis, iudiciorum, funeris familiaris, morbi. *ibid.*
- qua summa multarentur, legibus erat præfinitum. 1112. A.
- non absentes tantum, sed & serius venientes multati. *ibid.*
- ut jure & mero supplicarent illi deo, in cujus templo senatus habebatur, decrevit Octavianus. 1129. D.
- tunica purpurea ab equestri ordine distinguebantur. 35. D.
- ex equestri ordine facti ordinis equestris esse definebant, retentis tamen ornamentis. 35. F. 36. F.
- regum tempore quomodo suffecti. 1012. B.
- populus aliquando creavit. 1012. C. & qua ratione ac quibus comitiis. 1013. C.
- delecti modo patricii, modo plebei. 1021. A.
- ad explendum 300. numerum quomodo creati. 1014. A.
- ducenti, an centum fuerint Romæ, cum Romulus interiret. 1014. F.
- trecenti quo tempore Romæ fuerint. 1016. A.
- a P. Valerio cos. lecti. 1016. A.
- a plebe allectos fuisse quomodo intelligendum. *ibid.* C.
- trecenti Romæ a Prisci tempore usque ad Syllæ dictaturam. 1017. B.
- supra mille fuerunt post Cæsaris necem. *ibid.* D.
- ad Senatores & equites judicia a Cæsare dictatore redacta sublati tribunis ærarii. 1090. C.
- Senatorii iudices quot & quo tempore fuerint. 1051. E. 210. B.
- Senatorii ordinis utilitates non tam in potestate nocendi aliis & peccandi licentia quam in honoris & amplitudinis fructu positæ erant. 1095. F.
- Senatorium ordinem Cicero appellat altiore gradum dignitatis. 1019. F.
- jus & auctoritatem a Laconum exemplo transulit Romulus. 1010. D.
- Senatorii ordo amittebatur, amissa civitate. 1071. C.
- Senatorum filii usque ad certam ætatem erant equites. 1177. C.
- munus initio. 1010. D.
- liberis prætextatis in curiam ingrediendi jus fuit. 1020. E.
- liberis quando jus ingrediendi in curiam ademptum. *ibid.*
- liberos Augustus post sumtam virilem rogam in curiam admisit. *ibid.* F.
- nomina cur in senatusconsulto in epistolis Cælii repetita. 1037. A.
- certus numerus nisi affuisset, senatusconsultum fieri non poterat. 1051. E. 1112. B.
- certus numerus ad actum faciendum lege præfinitus. 1050. E.
- census. 35. C. 1022. C. 1053. A. 1083. F.
- census an habita ratio stante rep. 1083. D.
- census supra decies æris. *ibid.* E.
- census qualis ante bellum Hannibalis. 1084. A.
- census qualis ante & post Augustum. *ibid.* G.
- census auctus ab Augusto, & in quantum. 1088. E.
- census inter onera eorum. 1093. C.
- filii senatores non erant, nisi a censoribus legerentur in senatum. 1053. F.
- insignia quæ. 1054. C.
- delectum Augustus habuit. 1058. C. D.
- lectorum nomina quo ordine recitata. 1076. C.
- lectionem fortiebantur inter se censores. 1077. A.
- lectionem poterant impedire tribuni pl. *ibid.*
- lectionem resciderunt aliquando consules. *ibid.*
- lectio a Buteone dictatore facta. 1085. C. & c.
- lectio a Sylla dictatore facta. 1086. B.
- lectio facta a Julio Cæsare, qui peregrinos, milites, libertinos, tonsores, haruspices adscripsit. 1086. D. & c.
- lectio facta ab Antonio. 1086. F.
- lectio facta a triumviris. 1087. B.
- lectiones quinque ab Augusto factæ. 1087. C. & c.
- nomina ex instituto Augusti in albo præscripta proponi solebant. 1088. D.
- maximum & potissimum munus consultare de rep. cum magistratibus. 1089. B.
- etiam erat judicare & hoc quomodo factum ab iis sub regibus, *ibid.* C.
- judicia primis libertatis temporibus usque ad annum. V. C. DCXXX. *ibid.*
- equitum judicia. *ibid.*
- iterum solum judicia facta. *ibid.* F. 1090. A.
- equitum, & tribunorum ærariorum judicia. *ibid.*
- qui judicabant post legem Cottæ numerus. *ibid.*
- onera multa & gravia. 1091. E.
- honores & præmia. 1095. F.
- locus in ludis honestissimus. 1096. B.
- locus in cavea quæ scenæ proxima & commodissima. *ibid.* C.
- loca in theatro discreta. 1096. C. & in circo. *ibid.*
- numerus sub regibus quis. 1100. B.
- numerus liberata rep. usque ad tempora Gracchi. *ibid.* D.
- numerus an immutatus a Graccho. *ibid.* E.
- numerus an a Sylla amplificatus. *ibid.* F.
- numerus quomodo auctus iterum a Cæsare dictatore & ab Antonio post mortem Cæsaris. 1101. B.
- numerus ab Augusto quomodo imminutus. *ibid.*
- senatu motorum exempla varia & movendi causæ. 1103. B.

INDEX

- numerus in senatusconsultis faciendis certus . 1112. B.
- numerus in Scis faciendis varius pro magnitudine rerum, & pro numero senatorum in rep. vel maiore vel minore modo auctus modo diminutus . *ibid.* C.
- magna laus legatos exterarum gentium bene interrogare & efficere, ut aliquid quod forte nolent, responderent. 1134. C. D.
- ad Senatorum* & equitum decurias duas, tertiam centurionum & manipulariorum legionis Alaudæ Antonius, & quartam mox ducenariorum adiunxit Augustus. 1090. B. C.
- Senatu* moveri. 67. F.
- Senatu* moti unam tantum viam in senatum redeundi habebant & quam. 67. D.
- non excluderentur, sed sententiam in eo dicere poterant etiam ii qui magistratu abierant finito anno. 1082. B.
- non etiam omnino exclusi qui erant ex infimo ordine & a plebe. 1079. E.
- in Senatu* sententiæ quomodo rogatæ. 1121. B.
- nemo magistratus nisi itans verba faciebat. 1120. C.
- in Senatu* quis prætare. 1021. F.
- Senatu* iudicia quando commissa, crepta & restituta. 1089. C.
- Senatum* Augustus ad pristinum splendorem & modum redegit. 1017. D.
- qui ingrederentur præter senatores. *ibid.* E.
- M. Fabius Buteo dictator ex quo hominum genere legerit. 1018. A.
- magistratus omnes ingrediebantur, & post depositum magistratum omnes qui curuli honore usi erant. 1018. E.
- ingredi quibus non licuerit, etsi prudentia & fortitudine præditis. 1020. F.
- qua hora senatores ingrederentur. 1028. F.
- ingredi cum telo nemo potuit. 1053. B.
- quibus ingredi non licuerit. 1055. A.
- habituri de more prius sacra faciebant. 1056. E.
- convocandi jus qui habuerint. 1107. C.
- convocare nemo privatus, sed soli magistratus potuere. *ibid.*
- convocabant primo reges & interreges soli annis CXXIV. ante libertatem. *ibid.* D.
- an præfectus urbis sub regibus & tribunus celorum convocare potuerit. *ibid.*
- sub libertate dictator convocare potuit. *ibid.* E.
- & consules. *ibid.* item prætores. *ibid.* F. & tribuni pl. *ibid.* & interrex. 1108. A.
- an convocare potuerit præfectus urbi Latinarum causa relictus. *ibid.* & magister equitum. *ibid.* B.
- ex magistratibus qui eorum prior esset, convocare potuit præ ceteris. *ibid.* C.
- aliquando duo convocarunt. *ibid.* D.
- convocarunt tribuni pl. etiam cum coff. adessent. *ibid.*
- consules potissimum cogeant cum Romæ essent, licet non soli, & quidem utriusque consensu. *ibid.* E.
- convocabant etiam extraordinarii magistratus, x. viri, tribuni militares & iii. viri. 1109. A.
- Jul. Cæsar, Augustus & seqq. imperatores quo jure vocaverint. *ibid.* B.
- habiturus magistratus immolabat hostiam & aspiciabatur. 1118. E.
- consulebant non solum ii qui senatum habebant, sed etiam alii magistratus. 1119. C.
- in Senatu* veniendi institutum restituit senatorum liberis Augustus, eosque protinus virilem togam & latum clavum induere voluit. 1107. B.
- non venientibus multa dicebatur, & antequam hæc solveretur, pignora capiebantur, nisi excusationum iustas causas haberent. 1110. E. 1111. C.
- tardius venientes etiam multabantur. 1112. A.
- venire post LXV. annum senator nec cogeatur nec verabatur. 1105. A.
- venire licuit omnibus magistratibus ad quaestorem usque 1106. A.
- venire tribunis olim non licuit, sed subfelliis ante valvas curiæ positis decreta patrum examinabant. *ibid.*
- venire nec præfecto urbi licuit & quare. *ibid.* B.
- veniendi jus an habuerit, de eo magnis contentionibus actum. *ibid.* C.
- venire non licuit pontificibus, auguribus aut aliis quovis sacerdotio præditis civibus. *ibid.* D.
- venire licuit prætextatis senatorum filiis ante Papyrium. *ibid.* D.
- non legi eos quibus aqua & igni interdictum, aut si lecti essent ante, ut a censoribus præterirentur, lege sancitum. 1072.
- admissi cives optimo jure. *ibid.*
- admissi municipes qui plenum jus civitatis habebant. *ibid.*
- initio non admissi Latini aut Italici. *ibid.*
- quo tempore Latini & Italici admissi. *ibid.*
- non adscripti homines turpi iudicio damnati. 1077. E.
- admissi initio tantum patricii. 1078. A.
- postea etiam admissi plebei. *ibid.*
- non admissi fervili aut libertino genere orti. 1078. E.
- lecti tamen libertinorum filii a censore Appio Claudio. *ibid.*
- irreperunt plerique libertini sæpe & quando potissimum. 1079. A. B.
- etiam admissi proscriptionum liberi. *ibid.*
- lecti ex equestri ordine quasi gradu ad senatorium. *ibid.* D.
- qui pedibus irent, qui curru veherentur. 1030. F.
- ad Senatum* referebant non solum ii qui senatum habebant, sed & alii magistratus. 1119. C.
- si quid alii magistratus referrent invitis consulis, consules poterant vetare. 1120. A.
- referendi maximam potestatem habebant consules. *ibid.*
- referebatur vel infinite de rep. vel finite de singulis rebus. *ibid.* E.
- referendi jus qui habebant, etiam cum vellet relationem remittere poterant. *ibid.* F.
- per magistratum gradus perveniebatur. 1082. A.
- pene Senatum* juris omnis publici potestas. 1010. D.
- Senatus* ordinis & conservationis causa in rep. Ro. 1009. E.
- quomodo lectus a Romulo & ex quibus. 1010. A. & 170. F.
- magistratibus præfuit. 1010. E.
- nisi primis temporibus plebiscita approbaret, non erant rata, sed postea decreta senatus arbitrio populi subiecta. 1011. A.
- qua ratione auctus. 1012. A.
- ex plebe lectus ex Dionysii testimonio, quomodo intelligendum. 1016. B.
- ubi haberetur. 1026. A.
- extra urbem dabatur legatis exterarum gentium & iis qui cum imperio erant. 1026. D. & c.
- quibus diebus habitus & non habitus. 1026. F.
- neque de pecunia neque de agris aut urbibus jus sine lege habuit. 1044. C.
- sine populo largiri de publico non poterat. *ibid.*
- victis sine populo vestigal non imponebat. *ibid.* D.
- pecuniam pro sumtu Tib. Graccho decrevit. 1045. A. numera legatis dedit. *ibid.* B.
- de iudiciis sine populo non decernebat. *ibid.*
- stipendium, numerum legatorum & supplicationes sine populi suffragio decernebat. 1050. C.
- quibus diebus solenni & stato more haberetur. 1053. D. 1063. C.
- a Cicerone multis nominibus appellatus. 1054. C.

RERUM ET VERBORUM.

— quando habebatur, valvæ templi patebant. 1055. C.
 — ærarii dominus erat. 1132. A.
 — qua ratione consulerebatur, ex Varrone. 1029. E. &c.
 — non omnia solus potuit, sed multa etiam per populum agebantur. 1131. C.
 — an etiam cognitionem criminum Italiæ publicorum habuerit. 1132. C.
 — potestatem habuit legatos, qui cum mandatis ad exterarum nationes, & cum imperatoribus ad exercitum, & cum magistratibus ad provincias irent, legendi. 1132. F.
 — responsa etiam exterarum gentium legatis dabat. 1133. B.
 — provinciæ decernendæ potestatem habebat & quas vellet provincias aut consulares aut prætorias faciebat. 1135. A. 751. E. 752. F.
 — si vellet alicui succedi, provinciam ejus in sortem conjiciebat. *ibid.* D.
 — hac potestate non est privatus a Graccho, sed hic illam nova lege adstrinxit. *ibid.*
 — etiam post legem curiatam provincias ornabat. *ibid.* F.
 — providebat de alimentis, vestibus & stipendio exercitus. *ibid.*
 — supplicationis honorem imperatoribus decernebat. 1136. A.
 — imperatoris appellationem tribuebat. *ibid.* D.
 — triumphum decernebat & quomodo. *ibid.* F. 1137. A.
 — honorem triumphi postulantibus ad ædem Bellonæ aut Apollinis extra urbem dabatur. 1137. B.
 — in urbe quare illis non daretur. *ibid.*
 — aliquando tamen dabatur in urbe. *ibid.* D.
 — totam remp. gravi tempore consulibus permittere poterat. 1138. D.
 — nisi decrevisset, nullus deus Romæ cultus, nunquam carmen Sibyllinum evulgatum. *ibid.*
 — omnia statuebat, præterquam quod populi iudicium easque rogationes quas populus acceperat, nunquam rescinderet. 1138. F.
 — jus legibus solvendi, quod antiquitus non nisi per populum fiebat, sibi usurpavit. 1139. A. 753. E.
 — neque magistratum creavit, neque leges jussit, nec de bello aut pace statuit, etsi iis de rebus sæpe consularet. *ibid.*
 — convocabatur aut edicto aut præconis voce. 1109. E. F. &c.
 — in foro & aliis locis quam in curia aliquando coit. 1110. C.
 — olim in senaculo assiduam stationem peragebat & quare. *ibid.* D.
 — non poterat haberi in ullo loco privato. 1113. D.
 — non poterat haberi in omnibus locis publicis, sed in templis tantum, quæ propterea in curiis Hostilia, Pompeja, Julia, &c. constituta. *ibid.* C.
 — potissimum habebatur in deorum immortalium templis. 1114. A.
 — quare in templis haberetur, & in quibus nominatim. *ibid.* B.
 — etiam in templis nullius dei religione obstrictis quæ curiæ dictæ. 1114. C.
 — diebus comitalibus haberi non poterat. 1115. E. & quare. 1116. C.
 — an potuerit haberi diebus atris & religiosis. 1117. D.
 — præcipue habebatur kalendis, nonis, & idibus. 1117. F.
 — non ita sæpe fastis diebus. *ibid.*
 — ne idibus Martiis post Cæsarem illis interfectum haberetur, decretum. 1118. D.
 — habebatur a regibus. 272. A.

— alius legitimus, alius indictus, non antiqua distinctio. 1117. F.
 — quanquam ad solis occasum sæpe retineretur, tamen post horam decimam nihil referri potuit. 1118. C.
 — a Cicerone *confessus* appellatus & *longum subsellium* quare. 1119. A.
 — quibus verbis dimittebatur. 1127. A.
 — Romanus divisus a Constantino, ut pars ejus Romæ esset, pars Constantinopoli. 544. B.
 — quomodo a Constantino legeretur. *ibid.*
 — *Senatus* princeps quis. 1021. F. 1076. D.
 — princeps qualis lectus potissimum. 1076. E.
 — princeps omnes magistratus dignitate antebat, etsi nec imperium nec potestatem haberet. *ibid.*
 — principem uter censor legeret. 1022. C. &c.
 — vocandi quibus jus. 1029. C. 1060. B.
 — auctoritas quando imminuta. 1045. F.
 — auctoritas quomodo a senatusconsulto diff. 1048. A.
 — potestas quibus de rebus fuerit, copiose ostenditur ex Polybio.
 — quale minus sub regibus fuerit. 272. B.
 — & populi Romani potestas sub Augusto, itemque provinciæ. 506. A.
 — vocabulum duobus modis acceptum. 1071. E.
 — vocabulum unde derivandum. 1080. C.
 — lectionem fortiebantur inter se censores. 1077. A.
 — lectionem impedire poterant tribuni pl. *ibid.*
 — lectionem resciderunt aliquando consules. *ibid.*
 — lectio Butconis. 1085. C. &c.
 — lectio Syllæ. 1086. B.
 — lectio Julii Cæsaris. 1086. B. &c.
 — lectio Antonii. 1086. F.
 — lectio triumvirorum. 1087. B.
 — lectiones Augusti quinque. *ibid.* C. &c.
 — jure non fruebantur, nec senatores vocabantur, nisi a senatoribus in senatum essent lecti. 1082. C.
 — cognitionem petebant minores magistratus & privati ad eundem consules aut aliquem eorum qui jus vocandi senatus habebant. 1009. C.
 — quæ potestas, quæ populi sub Romulo reliquitque regibus. 1130. E.
 — potestas sub libera rep. initio quæ fuerit. 1131. A.
 — valde diminuta creatis tribunis pl. *ibid.* B.
 — jus confirmandarum aut repudiandarum legum quando solutum. 1137. F. 1138. A.
 — fidei & arbitrio maxima pars divini juris permixta. 1138. D.
 — a cognitione jurisdictionis & illa quibus magistratus & sacerdotes præerant, excipienda. 1139. B.
 — convocandi edictum qua formula scriptum. 1110. B.
 — cognitio atque auctoritas quæ fuerit. 172. F.
 — ordine provincias primis temporibus consulibus & prætoribus nominabat. 750. B.
 — extra ordinem imperium in iis non poterat prorogare. *ibid.* D.
 — nec extra sortem alicui nominatim provinciam decernere poterat. 730. A.
 — ante legem Semproniam provincias decernebat consulibus designatis, postea vero non nisi designandis. 752. C.
 — donec successorem mitteret, provinciam obtinebant magistratus non rogato populo de imperio prorogando, idque fiebat per legem Corneliam. 753. A.
 — *Senatusconsulta* quibus modis impediabantur. 1126. B.
 — scribebantur a scribis. 1038. B. 1127. C.
 — scribebantur etiam a senatoribus, si reip. interesset, ne decretum vulgaretur. 1127. E.
 H h h h iij

INDEX

- tacita quæ . *ibid.*
- quomodo conciperentur . 1128. A.
- quo loco asserta & a quibus . 1037. 1129. B.
- quam vim habuerint & quam diuturna fuerint . 1129. F.
- de supplicatione ducibus decernenda ultimis temporibus novis verborum honoribus excogitatis concipiebantur . 1136. D.
- de supplicatione nunquam facta per discessionem, semper per relationem . *ibid.*
- ante solis ortum aut post ejus occasum facta omnia irrita . 1029. A. 1055. C. 1118. C.
- usque ad L. Valerium & M. Horatium cos. omnia arbitrio consulum suppressa & postea promulgata . 1137. D.
- pro infectis habita ad ærarium deferbantur . *ibid.* E.
- de reficiendis magistratibus inania . 1043. A.
- quæ legibus aliquem solvebant . 1042. F.
- quibus aliquis hostis judicabatur . 1043. A.
- definitæ potestatis, si cum lege juncta firmissima; si sine lege, infirmiora quam lex . *ibid.* B.
- quatuor quibus absoluta potestas continebatur . *ibid.*
- de absoluta potestate valuerunt, etsi lege non confirmarentur . 1046. A.
- de re privata . *ibid.* E.
- tempore Romuli facta . 135. C.
- facta post obitum Romuli . *ibid.* D.
- Senatusconsulti* auctoritates adscriptæ . 1037. C. 1128. A. B.
- solemnibus verbis concepti formula . 1128. D.
- Senatusconsultis* littera T subscripta quid significaverit . 1129. A. 1038. E.
- multæ leges puncto temporis sublatae . 1042. E.
- quis numerus senatorum necessarius . 1112. B.
- Senatusconsulto* scribendo qui adfuerint, eorum tantquam senatusconsulti testium nomina adscribebantur . 1128. A. B.
- provinciarum rectoribus imperium, sed sine stipendio dabatur . 1043. E.
- provinciæ regendæ tempus definitum . 1044. C.
- Senatusconsultum* nobile, ut consules viderent ne quid resp. detrimenti caperet, quam vim habuerit . 888. B.
- an consulibus eo opus fuisset, si imperium militare magistratui insum esset . *ibid.*
- nobile illud civilis discordiæ gratia factum, & extremis resp. temporibus . 1041. D. 1055. B. C. 1056. D.
- semel factum noctu urgente necessitate . 1129. A.
- quid vocaretur simpliciter . 1036. B.
- per discessionem factum quod diceretur . *ibid.*
- quando scriberetur . 1037. A.
- alio senatusconsulto tollebatur . 1039. C.
- nisi alio senatusconsulto tolleretur, perpetuo valebat . *ibid.* D.
- potestatem absolutam & definitam quomodo daret . 1040. C.
- a Cicerone repudiatur, quia lex ex eo non erat lata . 1045. B.
- differt a senatus decreto . 1046. F. 1047. B.
- nisi loco legitimo factum, iustum non habebatur . 1113. C.
- perrogatis omnibus sententiis quomodo fieret . 1124. D.
- si tres aut quatuor controversiæ inciderent, quomodo in aliquam earum fieret . *ibid.*
- per discessionem & senatusconsultum per relationem quæ fuerint . 1125. F.
- præfactum jussu magistratus recitabatur . 1126. F.
- perscriptum recitabatur ad populum facta honorifica mentione nominis ejus, in cujus sententiam itum erat . *ibid.* 1127. B.
- Senes* Sexagenarii . Vide in *Sexagenarii senes*.
- Senes* vacationem habebant militiæ præterquam bello Gallico . 145. A.
- Seniores* qui . 138. D. 157. A.
- non militarint nisi extra ordinem . 141. B.
- Sententiæ* in senatu quomodo rogarentur . 1055. D. 1121. A.
- a quibus rogatae . 1121. B.
- qua forma dicerentur . 1123. C.
- dicebantur a magistratibus & senatoribus stantibus . 1123. F.
- dicebantur aliquando a juratis senatoribus . *ibid.* C.
- Sententiam* dicere in senatu quibus liceret . 1017. E. 1018. E.
- quis primus rogaretur . 1032. B. 1121. C.
- dividere quid . 1034. B.
- senatores soli rogabantur . 1032. A.
- nemo non consularis primus rogatus . *ibid.* B.
- post primum quo ordine ceteri rogarentur . 1122. A.
- pedarii senatores non rogabantur, sed tamen permisso consulis dicere poterant . *ibid.* C. & quare . *ibid.* D.
- an pontifices aut alii sacerdotes rogarentur . *ibid.* F.
- si rogaretur a consule senator, non licebat ei non dicere sententiam suam aut alterius non probare . 1124. B.
- vel relationem dividere quid . 1123. D. 1125. C.
- Sententiarum* rogandarum ordo . 1032. A.
- Sententias* Augustinus quomodo rogaverit . 1123. A.
- cum sub aliis imperatoribus rogaretur senatus, consules illi ficti principes sententiarum erant . *ibid.*
- Sententiam* modo dictator primus rogabatur, modo etiam consulares . 1032. C.
- Sententiis* dictis consul pronuntiabat eam primam quam magis e rep. ducebat, & tum discessio fiebat . 1035. E.
- Septa* etiam Ovilia dicta quæ loca . 622. D. 713. C. E. 786. B.
- in quem finem adhibita in comitiis . 623. A.
- an plura necessaria centuriis quam tribubus . *ibid.* D.
- in comitiis tributis ubi . 796. C.
- Septis* pontes superimpositi & in quem usum . 623. E.
- Septem* pagi Veientibus adempti . 80. E.
- Septemviri* epulones posterioribus temporibus facti, cum antea epulones vario numero essent . 332. F.
- instituti a Sylla . 333. B.
- a quibus crearentur . *ibid.* D. E.
- eorum munus & collegium . *ibid.* D.
- Sepulchra* ad sacra pertinent . 119. F.
- alia familiaria, alia hereditaria . *ibid.*
- Sepulchrorum* jura . 120. A.
- Servabant* de cælo omnes magistratus . 161. B.
- Servare* de cælo quid sit . 161. D. 395. B. 693. B. 689. D.
- de cælo ut diff. ab obnuntiatione . 599. A.
- Servi* non cives . 196. D. &c.
- non militarunt nisi extra ordinem . 141. B.
- per censum fiebant liberi . 137. F.
- cum libertate civitatem assequerentur . 102. D.
- Servius* Tullius centuriatis comitiis institutis curiata debilitavit . 33. E.
- præclara multa instituit . 34. E.
- instituit imprimis tria, censum tribus & comitia centuriata . 350. A.
- instituit quatuor urbanas tribus . 353. A.
- quot rusticæ fecerit, non convenit inter auctores . 355. D. E.

RERUM ET VERBORUM.

— instituit pagos in agris & pagorum magistros
aralesque & sacra paganalia. 356. B. &c.
— de Etrusca gente ter triumphavit. 40. B.
— pomerium protulit. *ibid.*
— nomina centuriarum non mutavit, sed nume-
rum. 41. D.
— in Esquilis habitavit. 42. C.
— quot rusticas, & quot urbanas tribus fecerit.
ibid. D. E. 356. B.
— quomodo imperium ampliaverit. 440. D.
— ejus tempore census quot millium. 63. F.
Seferius & ejus valor, nota, vocis etymion. 536.
F.
Seferius masc. genere seferium n. g. sefertia pl. n.
& decies sefertium ut diff. 537. A.
Seferius valor collatus cum pecunia Veneta & Ro-
mana hodierna. *ibid.*
Sibylla Cumana seu Babylonia an filia Beroi Chal-
dæi Historici. 17. F.
Sibyllini sacerdotes post legem Domitiam suffragii po-
puli creati. 766. B.
Sicania insula initio dicta, quæ postea Sicilia. 7. B.
Sican vocem unde derivet Annii Viterbiensis. 27.
A. &c.
Sicilia quando & quibus bellis pacata & provincia
facta. 486. C.
Sicorius an Itali regis filius & successor. 26. E.
— ejus nominis origo ex sententia Amici Viter-
biensis. *ibid.* F.
Siculi primi indigenæ disjunctis locis tenere Ita-
liam. 4. B.
— urgentur bello a vicinis Aboriginibus. 7. A.
— trajuncti relictis sedibus in Sicaniam Insulam
eamque Siciliam de suo nomine dixerunt. *ibid.*
B.
Siculorum terram Saturniam quærere oraculo Jovis
Dodonæi jussu Pelasgi. 6. E.
Siculum nomen ex quibus compositum sit vocibus.
27. A.
Signa auguralis disciplinæ quatuor. 688. C.
— cohortium. 510. D.
— legionum. 509. E.
— manipulorum. 510. D.
Signum totius exercitus. *ibid.*
Silentium in auspiciis quid. 341. B.
Sinus Scyllæus & Hipponiates. 3. B.
Societates publicanorum. 181. B.
Societatis qui pro magistro. *ibid.* D.
— Magister. *ibid.* C.
Socii Latini neque municipiis neque coloniis neque
præfecturis jure erant pares. 41. A.
— qui & fœderati alii stipendiarii, alii immunes.
52. D.
— Italici & eorum duo genera. 53. B.
— erant & dicebantur ante legem Juliam qui in
præfecturis & provinciis erant, non cives Roma-
ni. 53. E.
— extra Italiam. 54. D.
Socii Latini, focii ac Latini, focii Latini nominis,
focii ac Latini nominis, Latium incolentes po-
puli dicebantur. 52. F.
Socios inter nobilissimi qui. *ibid.* D.
Sodales Flaviales qui. 298. D.
Sodates Titii, seu Titienſes, unde dicti. 288. C.
— Titii forte dicebantur e primoribus civitatis nu-
mero unus & viginti. *ibid.*
— Titii extra urbem habitabant & in tuguriis cer-
ta auguria observabant. *ibid.* D.
Solitaria & Suovetaurilia. 65. C. 388. C.
Soror germana duci non poterat. 121. F.
Spei acula quando & quomodo ordinibus divisa.
215. D.
Spina urbs a quibus & quando condita. 6. F.
Splendor equestris Romanis tributis, dignitas fena-
toribus. 1054. B.

Statorius bonum nomen militare. 143. B.
Stellatina tribus. 43. C.
— prima Etruriæ Livio. 57. A.
Stipendia legitima quæ. 142. A.
Stipendii emeritis qui. *ibid.*
Stipendii fraudatio poena militaris. 147. E.
Stipendium militare quantum. 146. B.
— quando militi dari coeptum. 145. E. &c.
Sublegere quid. 1012. C.
Suburana tribus. 45. E. 51. E. 42. B.
— tribus urbanarum prima. 57. C. E.
Suburbana ædificia cum muris continentia urbis no-
mine appellata. 80. B. C.
Suessula præfectura. 53. C.
Suffragia ferentes tribus sorte ducebantur. 57. B.
— adimere libertinorum ordini voluit Gracchus.
51.
— in quibus comitiis a quibus lata & quibus de
rebus. 70. C. D.
— in centuriatis comitiis in potestate divitum.
490. E.
— quomodo & quo ordine inierint centuriæ in
comitiis. 490. F. 491. A. &c.
— primæ classis. id est, ditiorum & prima & plu-
ria, quia plures complectebatur centurias quam re-
liquæ classes omnes. *ibid.*
— tabellis quomodo ferrentur. 396. C. 710. E.
— plura quod scivissent, id ratum habebatur. 396.
C.
— in tributis comitiis per tribus & quomodo lata.
419. F.
— in tributis comitiis cives Romani pleno jure
tantum habuerint. 419. D.
— in tributis comitiis an etiam Latini habuerint.
ibid.
— plura in quam sententiam inclinaverant, ea
centuriæ sententia habita. 710. E.
— dicturi quem locum ingrederentur. 713. C.
— quomodo colligerentur. 714. E.
— quomodo renunciarentur. *ibid.* F.
— ferendi quæ ratio & ordo in comitiis tributis.
784. B. &
— ferendi quæ ratio & ordo in comitiis curiatis.
812. D.
— circa suffragia duo nova instituit Gracchus. 51.
F.
post *Suffragia* lata numerus tabellarum punctis nota-
batur. 626. A. 715. A.
post *Suffragia* dicta quid fieret in comitiis centuria-
tis. 729. A.
Suffragatio mutua competitorum in rem renuncia-
tione gradus non prohibita & quomodo fieret.
725. A.
Suffragii latio in iussu populi nulli homini adimeba-
tur. 51. C.
— jus nemo habebat, qui non censebatur. 49. A.
— ademptio & suffragii translatio genera ignomi-
niæ. 61. C.
— amissionem sequebatur amissio omnium mune-
rum publicorum. 67. A.
— jure concessio pars honorum omnium quoque
data. 67. A.
— ferendi potestas adempta plebeiis in Cæritum ta-
bulas relatis. 66. F.
— potestatem conſequebantur peregrini meritis suis
in remp. 60. A.
— jus habentia municipia quæ, & quæ sine suf-
fragio. 48. C. 450. D. 451. B.
— & civitatis donati ut dicerentur, & ut ii qui
civitate sine suffragio. 62. A.
— suffragii ferendi modus. 71.
— jus qui habuerint in comitiis tributis. 777. A.
Suffragii pauperes in comitiis centuriatis inferiores
ditioribus, sed in tributis omnes ex æquo ierebant.
420. A.

— populi in mandandis extra ordinem provinciis opus, aliter non. 750. C. 753. D.
in Suffragiis ferendis quis usus pontium. 711. A. B. 714. A.
Suffragio nemo erat exclusus. 156. A.
 — caruerunt qui. *ibid.* F.
 — praestabant cives Romani colonis, municipibus non item. 70. C.
cum Suffragio cives quidam erant, quidam sine suffragio. 448. D.
Suffragiorum jus populo inminuit Cæsar, restituit Augustus, fustulit Tiberius. 157. D.
 — jus. 155. F.
 — in tabellis quid exaratum. 392. C. 396. B. 710. C.
 — numerus legitimus conficeretur in comitiis centuriatis. 718. A. 727. D. &c.
Sulla quos magistratus auxerit quæque in rep. novaverit. 1117. C.
Sumptus cum imperio quomodo daretur magistratibus. 1044. D.
Supplicatio cum decernebatur, sententiæ rogabantur a cos. 1036. C.
 — descriptio duplex. 728. A.
Suffragium ferebant in xxxv. tribubus, quicunque censiebantur. 59. B.
 — quique ferebat in ea tribu, in qua census esset. 58. B.
 — unius centuriæ unum, sive multos sive paucos cives continerent. 491. C.
 — unicum tantum faciebant capite censi omnes, ac postremi vocabantur licet ceteris numerosiores. *ibid.*
 — primo voce latum, post lege tabellaria per tabellas. 396. B. 708. F.
 — latum etiam calculis. 624. B.
 — qui habebant, cetera omnia civitatis jura quoque habebant & qualia. 448. F.
ad Suffragium ferendum per præcones centuriæ & classes vocabantur. 392. E.
 — ferendum discedere cives in suam quemque centuriam jubebat magistratus. 396. A.
Sylva Scantia. 180. D. 154. A.
Syria quando & quibus bellis devicta & provincia facta. 498. E.

T

T literam quibus Scitis subscribi solitam tradat Valerius. 1038. E.
Tabella suffragii libertatem populi confirmavit. 111. D.
 — & ejus usus in suffragiis ferendis in comitiis centur. post legem tabellariam. 396. B. 709. D.
 — accepta quomodo cives suffragia tulerint. 396. C.
 — non afferbantur a populo, sed a diribitoribus ministrabantur. 710. D.
 — quot dari solitæ in comitiis. 716. D.
 — scribebantur a scribis publicis. 717. B.
 — tot in cistam conjiciebantur a suffragatoribus singulis, quot erant candidati, & quidem simul. 723. B.
 — non una, sed pluribus cistis continebantur. 625. D.
 — an eadem, renuntiata jam alicujus centuriæ sententia, diribitoribus redderentur & ab his sequenti centuriæ distribuerentur, an vero novæ. 716. D.
 — populo datæ ad occultanda suffragia. 726. E.
 — & earum usus in comitiis tributis. 423. A.
 — quot darentur in com. tributis magistratum. 789. F.
 — quales darentur in com. tributis judiciorum. 792. C.
Tabellarum numerus punctis notabatur post lata suffragia. 626. A.
Tabellis quid inscriptum esset. 396. B. 624. D. 710. E.
 — & voce simul interdum uli sunt, quo magisa-

pertum esset suffragium. 726. F.
Tabelliones qui. 14. E.
Tabernaculum in com. centuriatis adhibitum, & quid sit tabernaculum vicio captum. 166. C. &c.
Tabule duplices censoriæ quorum. 59. E.
 — Caritum. 66. F.
 — novæ. 111. A.
Talasso nuptiis canebatur. 122. D.
Talentum Ægyptium & ejus valor redactus ad æstimationem hodiernæ monetæ Romanæ & Vene-tæ. 539. E.
Tarentini quando a Romanis debellati. 444. D.
Tarpejus mons non inclusus pomerio a Romulo, sed a Tatius. 80. A.
Tarquinius Priscus & ejus opera belli ac pacis. 39. F. 40. A. 41. C.
 — quæ nova in civitate Romana instituerit. 349. F.
 — quomodo imperium auxerit. 543. A.
Tarquinius Superbus Capitolini Jovis templum perfecit. 40. A.
 — quomodo imperium Ro. ampliaverit. 440. E.
 — quæ gesserit & quomodo ex urbe expulsus sit. 397. C. D.
 — frustra restitui tentavit. *ibid.*
Tatienfes. 37. F. 39. A. 41. B. 84. B.
Temetum. 124. F.
Templa destinata tantum habendo senatui. 1113. C.
 — non ædes alicujus dei tantum. 1114. B.
 — non tantum in urbe, sed etiam in agris. 690. A.
 — etiam loca nullius dei religione obstricta, sed sedes ordini senatorio concessæ, ut curiæ variæ. 1114. C.
Templum vocatus locus augurii. 285. C. 690. A.
 — in cælo. 285. C.
 — a tuendo dictum. *ibid.*
 — ejus partes. 285. C. 690. B.
 — in terris. 285. D.
 — sub terra. 285. C.
 — etiam campus, modo per augures sit constitutus. 1114. C.
Terentina tribus. 43. D. 55. F. 58. D.
Terentum locus. 89. D.
Terminalia dies. 1064. D.
Testamentarius tutor. 136. B.
Testamentarium jus e. xii. tabb. 133. E.
Testamenti nuncupandi formula. 135. D.
Testamentorum genera tria. 134. E.
Testamentum juris publici est. *ibid.* D.
 — est iusta sententia. *ibid.*
 — facere potuit paterfamilias. 133. E.
 — facere jure civili nisi civis Romanus non potuit, neque testamento accipere nisi civis a cive. 133. C.
 — calatis comitiis. 134. E.
 — per æs & libram. 135. C.
 — quod per æs & libram factum erat, per æs & libram quoque solvebatur. 135. C.
 — in procinctu quid. 134. F.
 — in procinctu antiquius xxi. tabulis. *ibid.*
Tibracia quando & quomodo provincia facta & amissa. 496. B.
Tiberis a Palatii radicibus quot passibus distet. 56. B.
 — Etruscorum agrum a Romano discludebat. 81. C.
Tibicines in sacris. 339. B. 340. E.
Tibur. 53. D. F. 56. F.
Tirones qui. 141. E.
Titii sodales. 158. C.
Toga picta seu trabea. 39. F.
Torques donum militare. 146. E.
Trabea. 39. F.
Transducere, transvehere quid. 65. D.
Transire in alia omnia. 1035. E. 1060. D.
Tresviri ædibus sacris incendio consumptis rescien-dis ac sacris conquirendis. 334. B.
Triarii ex natu maximis civibus legebantur. 509. C.
 — quot in legione. *ibid.*

RERUM ET VERBORUM.

— semper eodem numero erant. *ibid.* D.
 — in centurias erant divisi. *ibid.*
in Triariis quid primum pilum & primi pili centurio, quid secundum pilum, & tertium pilum. &c. *ibid.* D.
Tribu movere quid. 586. A. 208. B.
 — moveri & ærarium fieri ut diff. 60. F.
 — una conjuncti a Servio, qui ante per tres tribus divisi. 42. D.
in Tribu rustica qui censabatur, an ei aliquam urbis regionem urbanis tribulibus assignatum, itemque an urbano tribuli rusticam tribum incolere licuerit. 43. E. 44. F. 45. A.
 — urbana, non rustica adscribebantur libertini, licet agros haberent, nisi filium haberent, quinquenni majorem. 45. F.
 — nec rustica nec urbana nonnulli libertini adscribebantur & qui illi. 50. F.
 — hac aut illa censi sapius reperitur, quam in hac vel illa classe, & cur. 703. D.
 — eadem quot centuriæ & an centuriæ cujusque classis. 701. B.
ex Tribubus XXXV. aliquam necesse erat, ut obtineret civis Ro. cujusunque esset ordinis. 48. E. 586. A.
in Tribubus numerus equitum peditumque quomodo auctus sub Romulo. 41. B. sub Tullo *ibid.* sub Tarquinio Prisco *ibid.* E. sub Servio *ibid.* F.
in Tribubus rustici erant etiam coloni Ro. licet infimi ordinis essent, item ii qui mercenariam operam in agris præbebant. 46. E.
 — rustici numeratæ non tantum XV. Servii tribus quæ in agro Ro. fed & XVI. quæ extra agrum Rom. imo tota Italia in iis post legem Juliam suffragium tulit. 47. F. 48. A.
 — iis rustici quæ in ipsorum agro essent, an censi sint populi finitimi, an vero in qua quisque tribu voluerit. 58. A.
Tribules urbani & rustici. qui. 44. F.
 — urbani & rustici promiscue habitabant. 45. C.
 — urbani & rustici in quibus rebus convenirent, in quibus differrent. 46. D.
 — rustici an urbis regionem urbanis tribulibus assignatam incolere potuerint, & urbani an regionem tribus rusticæ. 43. E.
Tribulis an in sua quisque tribu perpetuum domicilium habuerit. 45. A.
Tribunatus pl. a libertinis gestus. 69. A.
 — pl. gerebatur post quaesturam. 1082. E.
Tribuni erant tribuum duces. 34. A.
Tribuni ærarii qui. 186. E.
 — erant e plebe. *ibid.*
 — non magistratus erant, sed ordinis nomen. *ibid.* F. 742. A.
Tribunis ærariis communicata judicia. 186. F.
Tribunorum ærariorum in ordinem quomodo perveneretur. 742. A.
 — munus quodnam. *ibid.* B.
Tribuni militares quando primum creati cum consulari potestate & qua occasione. 426. A. 747. C.
 — quando creati desierint. 426. C.
 — militum quot in singulis legionibus & a quibus creati. 508. D.
 — militum & legatus non erant magistratus. 71.
 — erant duum generum, rufuli & comitiati. *ibid.* & 72. 747. C.
 — quot militibus præessent singuli. 509. B.
 — quot stipendia fecisse debebant antequam legarentur. *ibid.*
 — a quibus creati. 747. D. 775. D. E.
 — quibus comitiis creati. 748. A.
Tribuni plebis creati ad minuendum consulum imperium. 172. C.
 — erant senatores Atinio plebiscito. *ibid.* 1082. E.

— creati sacra lege & quando. 417. F.
 — creati ex corpore plebis adversus patriciorum niam potentiam. 418. A. 419. A.
 — in senatum lecti a censoribus. 1082. F.
 — erant sacrosanctus magistratus. 418. B.
 — turbas sæpe magnas excitantur & potestate concessa insolenter abuli sunt. *ibid.* C. &c.
 — lege Sicinii multo audaciores facti. 419. D.
 — tributa comitia quando primum instituerint & quare. *ibid.* E.
 — quot & quales in rep. mutationes sua violentia introduxerint. 423. D.
 — quomodo remp. Ro. labefactaverint & funditus everterint. 428. F.
 — creati comitiis tributis. 745. C.
 — an & quatenus auspicia habuerint. 781. F.
 — qua ratione renunciarentur. 780. B. C.
 — quo tempore inirent magistratus. 798. B.
 — quando ad senatum referrent & sententias rogarent. 1031. C.
 — magistratus aliquando refici jusserunt spreto Scto. 1043. A. B.
 — leges invito senatu tulerunt. *ibid.* C.
 — ut augerentur, lex non prius lata, quam id senatus decrevisset. 1046. A.
 — senatum ingredi non poterant prohiberi & quare. 1038.
de Tribunis pl. Syllæ lex. 108. E. 429. C.
Tribunitia potestas a quibus fundata ac stabilita una cum libertate plebis & quibus legibus. 426. B. &c.
 — potestas non ad inferendam, sed ad prohibendam injuriam inducta. 1039. C.
Tribuno pl. Pompeius consul arma minatus. 1041. C.
Tribunorum pl. iura a quibus imminuta, a quibus restituta. 108. E. 429. C.
 — corpora sacrosancta. 1038.
Tribunus celerum cur creatus. 162. B.
Tribunus etiam dictus qui cohorti præesset in legione. 510. D.
Tribus sub Romulo tres. 33. E. 84. B. 269. 350. D. 575. C.
 — tres fecit Romulus a gentibus. 85. C.
 — quot equites, pedites, curias, decurias, præfectos singulas habuerint. 34. A.
 — tres fuerunt usque ad Servium. 42. B. 85. A.
 — novæ a Romulo factæ. 275. B. 37. F. 39. A. 41. A.
 — unde nomina Ramnensium Titienfium, & Lucorum acceperint, & quo tempore. 575. C. &c. 37. F. 575. C. 577. A. 83. D.
 — ubi a Romulo constitutæ. 38. D. 581. C.
 — quot a Tarquinio Prisco factæ & quibus nominibus. 751. E. 577. D.
 — quot factæ a Servio. 42. B. &c. 86. E. F. &c. 737. F. 578. C. &c.
 — quot post Servium additæ. 87. F. 88. A. 578. E. 580. F. 43. C. 59. A. 737. F. &c.
 — XXI. quando factæ. 86. D.
 — Servii an quoque in curias divisæ. 43. E. 83. E.
 — omnes numero sunt XXXV. & semper dispari numero fuerunt auctæ. 43. D.
 — partes urbis agrique Romani. 83. C. 86. A.
 — Servii urbanæ quatuor. 578. C. 352. A. 86. F.
 — urbanæ unde appellatæ. 581. E. 583. C. 352. B.
 — urbanæ quo ordine fuerint. 583. C.
 — urbanæ quando ignominiosæ cepereit esse. 92. C.
 — urbanæ primo ex nobilibus fere constabant, sed dein hi in rusticis transire, & quæ causa hujus mutationis. 584. A. 355. B. 90. F.
 — urbanæ libertinorum. 92. E. 200. C.
 — rusticæ a Servio initio quot factæ. 42. B. 737. F. &c.

I N D E X

- rusticæ initio nomina a locis in quibus collocata fuerant, acceperunt. 356. E.
- rusticæ novem a familiis nomina habentes, antea etiam a locis appellata. 361. B.
- rusticæ adjectæ tribubus a Servio factis, unde xxxv. extirere. 367. B. &c. 578. E. &c.
- rusticæ an omnes in agro Romano, an quædam extra illum. 43. E. 44. B.
- rusticæ & urbanæ ut differant, quæque conditio eorum qui & his & illis adscripti & in iisdem suffragium ferrent & censerentur. 583. F. &c.
- rusticæ nobiliores urbanis & quare. 355. B. 584. A.
- rusticæ aliæ aliis nobiliores. 586. D.
- quædam an extra numerum xxxv. 376. F. 580. B.
- quor bello sociali additæ & Italicis attributæ. 59. A. 379. B. 380. A.
- quædam ex novis recensitæ. 381. A. &c.
- novæ dissolutæ & Italici omnes in xxxv. tribus distributi. 380. E.
- fuerunt partes tres populi Rom. in quas universa multitudo distributa. 1010. A.
- semper a curiis diversæ fuerunt. 735. B.
- quæ fuerint. *ibid.*
- mutabatur duabus de causis. 586. D.
- quæque etiam divisa in centurias & quando. 700. B. &c.
- tria significat. 37. E.
- in Tribus divisio populi Ro. duplex a Romulo facta diversis temporibus. 37. F. 39. A. 41. A.
- inter Tribus quomodo sortitio facta, ut prærogativa centuria haberetur. 701. A.
- Tribus Ælia. 384. A.
- Æmilia. 42. E. 86. F. 88. A. 362. A.
- Anienis. 43. D. 56. A. 58. D. 88. A. 89. A. 369. B.
- Arniensis. 43. D. 65. F. 88. A. 89. A. 369. B.
- Camilla incerta. 89. E. 378. F. 381. A.
- Cestia. 378. F. 381. D.
- Claudia. 42. E. 43. C. 88. A. 361. C.
- Collina. 45. E. 43. C. 85. F. 352. F.
- Cornelia. 43. E. 88. A. 363. A.
- Cluentia. 378. F. 381. E.
- Cluvia. 378. F.
- Crustumina vel Clustumina. 357. B. 43. A. 88. A.
- Dumia. 378. F. 582. B.
- Esquilina. 45. E. 51. F. 42. C.
- Esquilina libertinorum erat. 200. F.
- Fabia. 42. E. 88. A. 363. C. 86. F. 353. E.
- Fabia & Scaptia Augusti. 92. A.
- Falerina. 43. D. 88. B. 89. B. 382. D.
- Flavia. 384. D.
- Galeria. 43. A. 87. E. 359. C.
- Horatia. 42. E. 88. A. 92. B. 362. F.
- Julia. 384. C.
- Julia, Flavia, Ulpia a quibus additæ. 89. E.
- Lemonia. 43. A. 87. E. 358. A.
- Mæcia. 43. D. 89. B. 371. E.
- Menenia. 42. E. 88. A. 364. E.
- Minucia. 388. F. 382. D.
- Oufentina vide in *Ufentina*.
- Ocriculana. 377. C.
- Palatina. 42. C. 45. E. 51. F. 87. A. 354. D.
- Papia incerta. 89. E. 388. F. 582. F.
- Papiria. 45. D. 88. A. 365. E.
- Pollia. 43. A. 88. A.
- Pomptina. 43. D. 55. E. 89. A. 369. E.
- Popillia vel Publilia. 43. B. 88. A. 370. D.
- Publilia. 43. B.
- Pupinia. 43. A. 87. E. 358. C.
- Quirina. 43. D. 58. B. 89. D. 375. E.
- Romilia. 42. D. 57. C. 44. B. 356. E. 87. D.
- Sabatina. 43. C. 88. F. 368. F.
- Sappinia. 378. E.
- Scaptia. 43. D. 89. B. 372. D.
- Sergia. 42. E. 88. A. 92. B. 366. A.
- Stellatina. 43. C. 88. D. 367. C.
- Suburana. 42. C. 45. E. 51. E. 85. C. F. 86. F.
- Suburana prima. 87. D. 352. F.
- Succufana. 87. B.
- Taura. 383. D.
- Terentina. 43. D. 58. B. 89. D. 88. B. 374. F.
- Tromentina. 43. C. 55. A. 88. F. 368. C.
- Vejentina. 42. F. 57. A. 88. B. 359. B.
- Velina. 43. D. 58. B. 88. B. 89. D. 375. B.
- Veturia. 88. A. 366. D.
- Ufentina vel Oufentina. 43. D. 88. B. 89. C. 373. D.
- Ulpia. 384. E.
- Voltinia. 42. F. 87. F. 360. D. &c.
- Vot. 383. D.
- Tributa comitia a quibus habita. 604. B.
- bina habita in minore magistratu creando. 607. B.
- priora, posteriora centuriata habita in majore magistratu creando. *ibid.*
- an a prætore haberentur. 609. C.
- quibus locis habita. 427. A. 610. D. 794. E.
- quomodo haberentur. 422. F.
- quo tempore haberentur. 423. B. 610. E. 779. C.
- quibus de causis haberentur. 612. E.
- nulla ante Coriolani iudicium & ante tribunos pl. creatos. 419. D. 614. C.
- an habita de capite civis Rom. ante Servium. 615. A.
- habita de capite civis Ro. ab eo anno quo Coriolanus damnatus est usque ad decemviros. 617. D.
- an de capite civis Ro. habita post decemviros & XII. tabb. *ibid.* E.
- quæ fuerint. 735. A.
- an diversa a curiatis. *ibid.* D.
- unde dicta. 420. A. B.
- post legem Publiliam præsertim frequentari coëpta. 420. C.
- quatenus auspicio haberi debuerint. 422. E.
- trinundino ante diem comitorum interjecto opus habebant. 422. F.
- habendi quibus magistratibus jus esset. 421. F.
- quando fieri desierint. 423. C.
- in duo genera dividi possunt. 423. B. 741. C. D.
- habita magistratuum creandorum causa. 421. B. 741. F.
- habebantur ad sacerdotes creandos. 421. B.
- sacerdotum non omnium tribuum erant, sicut illa magistratuum, verum septemdecim tantum, quibus id forte obtigisset. 422. F. 768. D.
- magistratuum a quibus habita. 773. A.
- magistratuum quatenus auspicio habenda. 780. F. 921. A.
- sacerdotum a quibus habita. 774. D.
- sacerdotum quatenus auspicio habenda. 782. F. 783. A.
- legum & iudiciorum a quibus habita. *ibid.* B.
- quæ a tribunis pl. habebantur, ut differrent ab iis, quæ a patriciis magistratibus. 783. E.
- omnia fere peracta ab humilibus, ut vix primores populi adefsent. *ibid.* F.
- quatenus populi & quatenus plebis tantum dicebantur esse. 783. F.
- legum ferendarum causa habebantur & quomodo. 421. D. 791. F.
- iudiciorum exercendorum causa habebantur & quomodo. *ibid.*
- sacerdotum quomodo haberentur. 792. F.
- magistratuum quibus temporibus & quo ordine habita. 797. &c.
- ante Tributa comitia nulla sacra peragebantur. 783. C.
- edictum præmittatur. *ibid.*
- post Tributa comitia peracta quid fieri solet. 794. C.

RERUM ET VERBORUM.

Tributi temerarii vis. 152. B.

Tributis comitiis qui magistratus creati. 420. C. 612. E. &c.

- non creati tribuni æriarii. 742. A.
- non creati centumviri aut decemviri. *ibid.* B.
- non creatus præfectus urbis. *ibid.*
- creati magistratus ordinarii minores, ut ædiles curules. 743. D.
- tribuni ædilesque plebis. 745. C.
- triumviri capitales. *ibid.* D.
- triumviri nocturni. *ibid.* F.
- triumviri monetales. 746. B.
- quæstores qui ante curiatibus comitiis creabantur. *ibid.*

- tribuni militares. 747. C.
- creati ex magistratibus extraordinariis.
- præfecti annonæ. 748. B.
- duumviri navales. *ibid.* C.
- quæstores parricidii. *ibid.* F.
- curatores ædibus sacris dedicandis. 749. A.
- curatores ædibus reficiendis. *ibid.* G.
- quinqueviri muris, turribus reficiendis. *ibid.* D.
- quinqueviri & triumviri mensarii. *ibid.*
- triumviri sacris conquirendis. *ibid.* E.
- quomodo ex provincialibus extra ordinem profusiles crearentur primis temporibus. 750. D.
- quomodo imperium prorogatum ante legem Corneliam, post vero non item. 753. A.
- aut centuriatis nihil opus erat, si nihil extra ordinem contigisset in decernendis provinciis. 753. D. E.

- imperium in prætoriiis provinciis prorogatum ante legem Corneliam. 756. C.
- prætorie provincie quomodo extra ordinem decretæ, post legem Corn. *ibid.*
- provincie quæstoria extra ordinem a populo non decretæ, & ratio. 763. C.
- qui sacerdotes non crearentur. 763. E.
- non creabatur rex sacrorum. 764. C.
- an curiones & curio maximus crearentur. *ibid.* E.
- faciales creabantur. *ibid.*
- epulones creati. 765. B.
- sacerdotes Sibyllini creati. 766. A. 766. F.
- augures creati. 767. A.
- pontifices creati. *ibid.*
- pontifex maximus creatus. 767. E. &c.
- quæ leges latæ. 421. D. 613. C.
- an leges xxi. tabb. 613. D.
- an lex de bello indicendo. *ibid.*
- lex de mandanda provincia non semper lata. *ibid.*

- lege latæ de pace faciendæ, de fœdere percutiendo, & de imperio abrogando. *ibid.* 769. B.
- quæ legum ferendarum causa habita, fiebant plebiscita. 769. A.
- aliquis legibus solvebatur. *ibid.* D.
- triumphus decretus, publicæ quæstiones decretæ, civitas data. *ibid.*
- iudicium fieri solebat de multa indicenda, non de capite. *ibid.*
- exilium solebat decerni. 771. D.
- prius concilio habebatur, tum in tribus quisque suas discedebat. 784. A.
- fortiones diversi generis fiebant. *ibid.* 422. F.
- quæ tribus prærogativa dicta. 784. E.
- custodes, diribitores, & præcones adhibiti, & eorum quod munus fuerit. 785. A.
- rogatores tribuum nulli adhibiti præter rogatorem comitorum, qui per singulas tribus tabellas colligebat, & quomodo. *ibid.* C.
- suffragia quomodo rogata, ac sententiæ numeratæ ac renunciatæ. *ibid.* E.
- quibus vis fuerit suffragii. 422. D. 777. A.
- quando & quomodo suffragiorum ratio mutata fuerit introducta distinctione civium in genera,

causas & quæstus. 786. F.

— magistratum quot tabellæ distribuerentur & qua ratione legitimus suffragiorum numerus conficeretur. 423. A. 789. F. 790. A. &c.

— quæ conditio singulorum candidatorum magistratus vel sacerdotia ambientium esse debuerit. 774. F. &c.

Tributo plebs exoluta. 150. B.

— pauperes liberati. *ibid.*

— conferendo quousque vacaverit populus Rom. 152. D.

Tributorum jus. 149. D.

— genera tria. *ibid.* E.

Tributum quid. 149. D.

— annuum quando exigi desitum. 152. C.

— annuum factum. 150. F.

— collatum post Hirtium & Pansam coff. 153. A.

— ex censu a quo institutum. 149. E. 150. D.

— impeditum. 150. F.

— in tribu & centuria conferebatur. 155. D.

— in capita. 149. E.

— iusto gravius imperatum. 151. B.

— remissum. *ibid.*

— temerarium quid. *ibid.* D.

— per capita singula in paganalibus sacris a rusticis exigebat Servius Tullius. 356. C. D.

Tribuum sub Romulo domicilium. 38. D. 41. A.

— nomina. 38. A. 39. A. B. 41. A.

— numerus, auctores, locus. 40. F.

— loca vel in urbe vel extra urbem, vel in agro Romano vel extra agrum Ro. & in quibus locis singulæ. 54. F. &c.

— ordo in ferendis suffragiis. 57. B. &c. 352. D. &c.

583. C. &c.

— curatores qui. 404. F.

— & curiarum sub Servio diversa ratio. 352. E.

in Tribuum xxxv. aliqua civis Romanis censebatur

& suffragium ferebat, & municipia, itemque colonia Romanæ. 48. E. F. non præfecturæ, nec

socii Latini. 49. A. nec colonie Latinæ aut Italicæ. 62. D.

Tripudium. 161. F. 688. D.

— quid & unde dictum. 341. B.

— solistimum quando nunciaretur auspicianti. *ibid.* C.

Triumphantes an omnes opus habuerint lege lata ad

populum de imperio in urbe illius diei quo triumpharent. 501. A.

Triumphare sine exercitu an nemo potuerit. *ibid.*

Triumviratus nocturnus a libertinis gestus. 69. A.

Triumviri capitales. 400. F. 407. C.

— eorum munus. 745. E.

— capitales suffragio populi creati. 745. D.

— capitales erant inter minores magistratus. *ibid.* E.

— juvenibus ad arma idoneis conquirendis. 401. E. 406. B.

— legendi senatus. 401. F. 406. C.

— mensarii. 401. E.

— monetales. 401. A. 407. C. 746. B.

— nocturni populi suffragiis creati. 745. F.

— nocturni potestatem habuerunt annuam, non continuam. *ibid.*

— nocturni inter minores magistratus erant, ideoque

tributis comitiis creati, *ibid.*

— nocturni diversi a triumviris capitalibus. *ibid.*

— rei publicæ constituendæ quis magistratus. 400. D.

— sacris conquirendis. 749. E.

— valetudinis. 401. A. 407. B.

Trojani nonnulli cum Hercule & Græcis veniunt in

Italiam. 8. A.

— alii sub Ænea. *ibid.* C.

— an gens Græca. *ibid.* F.

Tubicines in sacris Ro. 340. F.

Tubilustrum dies. 1064. E.

Tullus Hostilius quæ nova in civitate Ro. instituerit. 38. E. 36. D. 40. C. 41. B. C. D. 349. D.

IIII ij

I N D E X

—quomodo imperium Ro. ampliaverit. 441. A.
 &c.
Tunica purpurea senatorum etiam latus clavus dicta. 36. E.
Tunicatus populus quis. 200. A.
Turba forensis quæ. 198. F.
Turma equitum quæ & unde dicta. 508. A.
Tusci quando debellati a Romanis. 444. C.
Tuscorum prisca habitatio in urbe. 38. F.
Tusculus vicus. *ibid.*
Tutelarum jus. 135. E. &c.
Tutela quæ. *ibid.*
in Tutela perpetua mulieres apud Ro. 136. D.
Tutores dabantur etiam ante XII. tabb. 136. A.
Tutores qui. 135. F.
Tutoris dandi jus ex testamento & a patre. 136. C.
Tutor legitimus. *ibid.* D.
 —quando detur a magistratu. *ibid.*
 —testamentarius. 136. A. B.
Tyrannus quod genus reip. 76. B.

V

Vacatio vel iusta vel necessaria. 144. D.
 —data a senatu. *ibid.* F.
 —data ab imperatore. *ibid.*
Vacationem perpetuam militiæ habuerunt senes & sacerdotes excepto bello Gallico. *ibid.* 145. A.
Vacationes militares a censoribus cognoscebantur. *ibid.* B.
Valerius bonum nomen militis. 142. B.
Vandali clam evocantur a Stilicone in Romanas provincias. 562. B.
 —Gallias cum aliis barbaris invadunt. 561.
 —ejiciuntur a Gothis ex Gallia. *ibid.*
 —migrant in Hispaniam. *ibid.*
 —a Gothis Hispania pelluntur. *ibid.*
 —transeunt in Africam invitati a Bonifacio. 563. D.
 —sub Justiniano ad interuentionem cæsi & Africa iisdem crepta. *ibid.*
Vandalorum sedes. 558. E.
Varro quem ordinem in explicanda rerum divinarum humanarumque notitia secutus sit, & quibus de caulis. 1008. A.
 —homo peracutus & in Aristotele versatus. *ibid.* C.
Varronem secutus est Manutius quod ad ordinem attinget in Romanarum antiquitatum libris. 1009. C.
Vestigal victis sine populo senatus non imponebat. 1044. C.
 —quid. 149. D.
 —quotuplex. 153. C.
 —salis institutum & sublatum. 155. A.
Vestigalia ex agro publico, decumæ & scriptura. 154. A.
 —sublata aut imminuta. *ibid.* B.
 —a censoribus locabantur publicanis. 179. D. 145. C.
ex Vestigalibus & tributis quantum pecuniæ tum ante tum post Mithridaticum bellum ceperint Romani. 536. C. &c.
 —quantum pecuniæ ceperint post bella civilia. *ibid.*
Vestigalium jus. 149. D.
 —redimendorum ratio. 179. C.
Veientis ager. 42. F. 57. A. 81. B.
Veientes post diuturnum bellum quando devicti a Romanis. 441. E.
Velii. 42. F. 57. A.
Velites ex cujus generis militibus legerentur. 509. C.
 —quo fuerint numero in legione. *ibid.*
 —in centurias non erant divisi. *ibid.* D.
 —in centurias reliquorum generum pro rata di-

stribuebantur. *ibid.*
Venafrum præfectura. 53. C.
Veneri Veneris ministri. 61. F.
Venetæ reip. magistratus. 1029. B.
Versura vetita. 193. D.
Vespillones qui & quare ita appellati. 342. C.
 —etiam *vespie* dicti. *ibid.*
Vesta a quo consecrata. 117. D.
 —aliis credita terra, alii ignis purus, aliis mater deum. 303. D.
 —injuriæ sibi a vestalibus nubentibus nec usque ad mortem in ministerio caste manentibus illatam quemadmodum ulta fuerit. 305. C.
Vestæ sacra, vigil ignis sc. cum vestalibus ab Ænea ex Troja in Latium illata. 303. D.
 —templum in urbe Lavinio. *ibid.*
 —templum in Alba longa & monte Albano, cui suberat lucus, in quo Romuli mater compressa. *ibid.*
 —templum Romæ a Romulo excitatum. 304. E.
 —templum Romæ a Numa conditum, & ubi quaque forma. *ibid.* F.
 —ministrae virgines vestales. vide in *Vestales*.
 —ignis quare virginibus custodiendus datus. 304. A.
 —ignis extinctus maximorum malorum præfigium. *ibid.* B.
 —ignis non ex alio igne, sed ex radiis solis fumendus & quomodo. *ibid.*
in Vestæ templo multa arcana, duo dolia & Palladium. 304. A. B.
Vestales. 159. C. 160. D.
 —a quo institutæ. 303. C.
 —custodiebant ignem perpetuum Vestæ dedicatum. 303. D.
 —ignem quæ custodirent. 304. A.
 —perpetuam virginitatem servabant. 303. D.
 —ante ipsum Romulum fuerint, sed ab hoc sunt neglectæ & qua de causa. *ibid.*
 —quatuor legit Numa nobilissimas ex patriciis & quæ illarum nomina. 304. C.
 —duas addidit Tullus, ut sex factæ sint, atque hic numerus postea semper mansit. *ibid.*
 —quales capi seu legi deberent. *ibid.* F.
 —captæ continuo a patris potestate sine emancipatione exhibant & jus testamenti faciendi adipisciebantur. 305. A.
 —XXX. annis virgines manere debebant, idque tempus in tres partes quomodo partitum a Numa. *ibid.* B.
 —trigesimo anno exacto nubere poterant deposito sacerdotio. *ibid.*
 —paucissimæ post exactos XXX. annos nupsere & quare. 305. B.
 —publicis sumptibus alebantur. 306. D.
de Vestali virgine capienda lex Papia. 306. B.
Vestalibus qui honores habiti. 305. D.
cum Vestalibus interdiu commorari omnibus licebat, noctu autem ingressus viris interdictus. 305. C.
Vestalis quare capi diceretur. 306. C.
 —quibus verbis a pontifice caperetur. 306. A. B.
 —alia in demortuæ locum ante XXX. annos subrogabatur. 305. C.
 —cum supplicio afficiebatur, eo die iustitium erat in urbe & mæror pavorque magnus, & quare. 305. F. 306. A.
Vestalium omnes ceremonias ordinavit Numa. 303. E. F.
 —præfecta Virgo vestalis maxima appellata. 304. C.
 —delinquentium pœna. 305. D.
 —sacerdotium Romæ duravit usque ad Theodosium seniore a quo sublatum est. 305. D.

RERUM ET VERBORUM.

pro *Vestalium* sacerdotio restituendo legionem ad Imp. Theodosium & Valentinianum suscepit Symmachus, sed nihil obtinuit. 306. F. 307. A.
Veste triumphali Marius in senatu venit, quod nemo ante eum fecerat. 1060. C.
Vestis senatoris usus a Tiberio concussus nonnullis in equestrem ordinem allectis, antequam magistratum ullum gessissent. 1059. B.
Veterani qui. 193. D.
Via *Æmilia*. 447. E.
— *Prænestina*. 81. C.
Viatores alii a lictoribus. 413. F. 204. D.
— unde dicantur. 204. D.
— quibus apparerent. 204. D. 413. F. 414. A.
Viatorum decuriæ. 204. E.
Vicesima vestigal quale. 155. B.
Vicinitas quid Aristoteli. 83. D.
Villicarii qui. 341. E.
Viginti viri in magna paucitate senatorum ex equitibus constituti & multis magni momenti rebus præfecti. 1058. E. 1091. B.
Viminalis & *Esquilinus* in urbem recepit Tullius. 40. B. 78. A.
Viminalis & *Quirinalis* colles tribui collinæ nomen dedere. 42. D.
Vinum bibere prohibitum mulieribus. 124. E.
Virbius deus quis. 294. F.
Virgarum jus. 107. E.
Virgines *Saliaræ*. vide in *Saliaræ*.
Virgines *vestales*. vide in *Vestales*.
Viri *placa* dea. 125. B.
Visigothi pars Gothorum ab Hünis sedibus pulsæ a Valente in Thraciam recepti sunt. 560. A.
— unde ita appellati. 559. D. F.
— rebellant & Valentem cum exercitu delent. 560. B. C.
— Thraciam iterum vastant & Constantinopolim obsident, sed a Theodosio Imp. vincuntur & Thracia ejiciuntur. *ibid.*
— Theodosio sese dedunt. *ibid.* D.
— contra fœdus regem sibi eligunt Alaricum. *ibid.*
— pacem cum Theodosio faciunt. *ibid.* E.
— Hunnos sub Alarico intra Pannoniæ fines compellunt. *ibid.*
— Gallias ab Honorio accipiunt in præmium laborum. *ibid.*
— prohibentur a Stilichone in Gallias ire. *ibid.*
— iter cœptum in Gallias deferentes revertuntur

in Italiam, Romam capiunt, incendunt, populantur. 561. A.
— varias Italiæ regiones misere vexant. *ibid.*
— Vandalos & Suevos ex Galliis sub Ataulpho ejiciunt. 562. D.
— Galliam Romanis restituant Aquitania excepta. *ibid.*
— a Francis Gallia exacti Hispanias occupant Vandalis inde ejectis. *ibid.* E.
— Hispaniam diu sub suis regibus tenent. 563. C.
— a Saracenis, qui Africam occupaverant, Hispania fere omni pelluntur. *ibid.*
— Hispaniam omnem recuperaverunt. *ibid.*
Umbri quando domiti a Romanis. 445. C.
Umbriorum prima sedes ubi. 444. B.
Unciaria usura. 193. A.
Volaterranus ager. 56. D.
Volsi. 39. E.
Urbana plebs. vide in *Plebs urbana* & *Tribus urbana*. ubi. 444. B.
Urbani tribules Tullio regnante qui fuerint dicti, & qui post illa tempora. 44. F. & C.
Urbem Romanam qui dilataverint. 79. F. & C.
Usu matrimonium quando contrahi diceretur. 123. C.
Usucapio quid. 131. A.
Usucapio rerum furtivarum prohibita XII. tabulis. 131. C.
de Usucapio lex sumta & XII. tabb. 131. B.
ad Usucapionem duo necessaria, possessio & tempus. *ibid.* E.
Usura centesima, semis, triens, quadrans, uncia-
ria, femunciarum quæ. 193. A. B.
Usurarium as est centesima. 193. B.
Usurpatio quid. 131. E.
Vulturum præfectura. 53. C.
Uxor cur ita dicta. 122. C.
— quomodo usucaperetur. 123. C.
— confarreatione facta. *ibid.* E.
— coemptione facta. 124. A.
Uxores etiam levi de causa dimissæ. 126. A.
— quæ deliquerant, a maritis puniebantur. *ibid.* F.
Uxoræ rei cautiones quando institutæ. 125. F.
Uxorum delicta duo. 124. E.
— ducendarum ritus. 121. F. & C.
— genera duo. 125. B. 124. C.

Z.

Zona virginea. 123. A.

F I N I S.

JOANNES ANTONIUS MOZZATUS VENETUS,


ET

FRANCISCUS BENALIUS TARVISINUS

omni studio , ac diligentia emendarunt .









A2589



SPECIAL 82-B
OVERSIZE 1305
N
5610
9871
V.1

